

11

H. Leo: Romanus Rex.

M A R T I N I

A B A Z P I L C V E T A

D O C T O R I S N A V A R R I

C O N S I L I O R V M

S I V E R E S P O N S O R V M

L I B R I Q V I N Q V E

Iuxta ordinem Decretalium dispositi,

N V N C T E R T I O T Y P I S M A N D A T I,

diligenterq. recogniti, ac multis denuo locupletati

Consilijs, annotationibus, & Indicibus commo-

dissimis in gratiam studiosorum.

*formis per
Scholarum*



basilicis Romanis

Piarum



R O M A E,

Ex Typographia Vaticana. M. DCII.

S V P E R I O R V M P E R M I S S V.

EXEMPLVM EPISTOLAE

*Qua post primam huius operis editionem in Docto-
ris Nauarri scrinijs est reperta, & for-
tasse non penitus absoluta, vel
saltem emendata.*



PLVRIMIS rogatus, & à nonnullis etiam Cardinalitia dignitate eisdemq. Reuerendissimis iussus, vt ederem saltem aliqua de plurimis, quæ priuatim super quæstionibus de animis lucrands multo tempore in variis Academijs & Regnis respondi, præsertim ab anno, à quo cœpi seruire in sacro sacrae Pœnitentiariæ prætorio felicis recordationis Pio V. & post eum occupando me, respondendo quæstionibus, quas de pane lucrando appellant, decreui hoc anno ætatis meæ nonagesimoprimo tam pium opus incipere, etiam canicula regnante, & non satis liber à catarrho, qui me circiter vnum mensem vexauit: ne, dum aptius tempus speratur, impediatur etiam facultas id præstandi, & doleam habuisse me vires, vel voluntatem parem ad hæc, licet facultas id perficiendi casu aut fortuna (quæ nil aliud nisi summa illa prudentia est) non concedatur. Quorum consiliorum multa, gratia breuitatis, abbreviabo; nonnulla, gratia confirmationis, augebo; & in omnibus aliqua emendabo, declarabo, & vtiliora tam theoriæ, quam praxi (superfluis allegationibus resecatis) efficere conabor: sperans fore, vt ad id opem diuinam à Deo, & Domino nostro Iesu Christo optimo maximo, mihi impetret illa potentissima cælorum Regina Parthenomitor, eademq. gloriosissima Theotocos, quæ non solum inuocata, sed etiam sua sponte fauorem donat, & ad miseros maternas explicat vlnas: quod vt de more dignetur facere, etiam atque etiam supplicissime & obnixissime oro atque flagito.

INDEX TITVLORVM

QVI IN HIS QVINQVE LIBRIS CONSILIORVM CONTINENTVR,

Iuxta Titulos & quinque libros Decretalium.



A

ACCVSATIONIBVS,
& inquisitionibus, & denun-
ciationibus. lib. 5. par. 2. pag.
154

Adulterijs, & stupro. lib. 5. par. 2.
pag. 459

Aetate, & qualitate, & ordine prae-
ficiendorum. lib. 1. par. 1. pag. 181

Apostatis, & reiterantibus baptisma.
lib. 5. par. 2. pag. 404

Appellationibus, recusationibus, & re-
lationibus. lib. 2. par. 1. pag. 403

Arbitris. lib. 1. par. 1. pag. 321

B

Baptismo, & eius effectu. lib. 3. par.
1. pag. 1095

Bigamis non ordinandis. lib. 1. par. 1.
pag. 222

C

Causa possessionis, & proprietatis.
lib. 2. par. 1. pag. 350

Celebratione Missarum, & sacramen-
to Eucharistiae, & diuinis officijs.
lib. 3. par. 1. pag. 1067

Censibus, exactionibus, & procuratio-
nibus. lib. 3. par. 1. pag. 1054

Clandestina desponsatione. lib. 4. par.
2. pag. 143

Clerico agrotante, vel debilitato. lib. 3.
par. 1. pag. 490

Clerico excommunicato, deposito, vel
interdicto ministrante. lib. 5. par.
2. pag. 563

Clerico non ordinato ministrante. lib.
5. par. 2. pag. 578

Clericis non residentibus. lib. 3. par. 1.
pag. 433

Clericis peregrinis. lib. 1. par. 1. pag. 227.

Cognitione spiritali. lib. 4. par. 2. pag.
75

Cohabitatione clericorum, & mulie-
rum. lib. 3. par. 1. pag. 421

Conditionibus apposis in dispensa-
tione, vel in alijs contractibus. lib. 4.
par. 2. pag. 60

Confessis. lib. 2. par. 1. pag. 364

Consanguinitate, & affinitate. lib. 4.
par. 2. pag. 89

Consecratione ecclesiae, vel altaris. lib.
3. par. 1. pag. 1065

Constitutionibus. lib. 1. par. 1. pag. 2

Consuetudine. lib. 1. par. 1. pag. 92

Conuersione coniugatorum. lib. 3. par.
1. pag. 846

Conuersione infidelium. lib. 3. par. 1.
pag. 868

Corpore vitiatis ordinandis, vel non.
lib. 1. par. 1. pag. 216

Crimine falsi. lib. 5. par. 2. pag. 554

D

Decimis, primitijs, & oblationi-
bus. lib. 3. par. 1. pag. 701

Depo-

I N D E X

Deposito. lib. 3. par. 1. pag. 520
Desponsatione impuberum. lib. 4. par. 2. pag. 31
Diuortijs. lib. 4. par. 2. pag. 137
Dolo, & contumacia. lib. 2. par. 1. pag. 361
Donationibus. lib. 3. par. 1. pag. 619
Donationibus inter virum, & uxore. lib. 4. par. 2. pag. 148

E

Ecclesijs edificandis, vel reparandis. lib. 3. par. 1. pag. 1108
Electiōe, & electi potestate. lib. 1. par. 1. pag. 95
Emptione, & venditione. lib. 3. par. 1. pag. 533
Eo, qui cognouit consanguineam uxoris suae. lib. 4. par. 2. pag. 87
Eo, qui duxit in matrimonium quam polluit per adulterium. lib. 4. par. 2. pag. 70
Eo, qui furtiue ordines suscepit. lib. 5. par. 2. pag. 584

F

Ferijs. lib. 2. par. 1. pag. 346
Feudis. lib. 3. par. 1. pag. 594
Fide instrumentorum. lib. 2. par. 1. pag. 368
Filijs presbyterorum ordinandis, vel non. lib. 1. par. 1. pag. 198
Foro competentis. lib. 2. par. 1. pag. 330
Frigidis, & maleficiatis, & impotentia coeundi. lib. 4. par. 2. pag. 114
Furtis. lib. 5. par. 2. pag. 468

H

Haereticis. lib. 5. par. 2. pag. 351
Homicidio voluntario, vel casuali. lib. 5. par. 2. pag. 409

I

Is, quae fiunt à maiori parte Capituli. lib. 3. par. 1. pag. 497
Iis, quae fiunt à praelato sine consensu Capituli. lib. 3. par. 1. pag. 496
Iis, quae vi, metu, & causa fiunt. lib. 1. par. 1. pag. 294

Immunitate ecclesiarum, cœmeterijs, & rerum ad eas pertinentium. lib. 3. par. 1. pag. 1109

In integrum restitutione. lib. 1. par. 1. pag. 320

Iniurijs, & damno dato. lib. 5. par. 2. pag. 633

Iudais, & Sarracenis, & eorum seruis. lib. 5. par. 2. pag. 336

Iudicijs. lib. 2. par. 1. pag. 323

Iureiurando. lib. 2. par. 1. pag. 375

Iure patronatus. lib. 3. par. 1. pag. 1026

L

Locato, & conducto. lib. 3. par. 1. pag. 589

M

Magistris, & ne aliquid exigatur pro licentia docendi. lib. 5. par. 2. pag. 334

Maioritate, & obedientia. lib. 1. par. 1. pag. 262

Matrimonio contracto contra interdictū Ecclesiae. lib. 4. par. 2. pag. 127

N

Ne clerici, vel monachi secularibus negotijs se immisceant. lib. 3. par. 1. pag. 1116

Ne praelati vices suas, vel ecclesias sub annuo censu concedant. lib. 5. par. 2. pag. 332

Ne sede vacante aliquid innouetur. lib. 3. par. 1. pag. 495

O

Observatione ieiuniorum. lib. 3. par. 1. pag. 1104

Officio & potestate iudicis delegati. lib. 1. par. 1. pag. 229

Officio iudicis. lib. 1. par. 1. pag. 260

Officio iudicis ordinarij. lib. 1. par. 1. pag. 242

Officio Vicarij. lib. 1. par. 1. pag. 228

P

Pactis. lib. 1. par. 1. pag. 279

Parochijs, & alienis parochianis. lib. 3. par. 1. pag. 698

Pecu-

TITVLORVM.

Neculio clericorum . lib. 3. par. 1. pag.
638
Pœnis . lib. 5. par. 2. pag. 650
Pœnitentijs , & remissionibus . lib. 5.
par. 2. pag. 651
Postulando . lib. 1. par. 1. pag. 290
Præbendis , & dignitatibus . lib. 3. par.
1. pag. 450
Præscriptionibus . lib. 2. par. 1. pag. 388
Præsumptionibus . lib. 1. par. 1. pag. 371
Priuilegijs , & excessibus priuilegia-
torum . lib. 5. par. 2. pag. 589
Procuratoribus . lib. 1. par. 1. pag. 291
Purgatione canonica . lib. 5. par. 2. pag.
628
Purgatione vulgari . lib. 5. par. 2. pag.
629

Q

Qui clerici , vel vouētes . lib. 4. par.
2. pag. 66
Qui filij sint legitimi . lib. 4. par. 2. pag.
129

R

Raptoribus , incendiarijs , & viola-
toribus ecclesiarum . lib. 5. par. 2.
pag. 460
Rebus ecclesie alienandis , vel non . lib.
3. par. 1. pag. 499
Regularibus , & transeuntibus ad re-
ligionem . lib. 3. par. 1. pag. 707
Religiosis domibus , vt Episcopo sint
subiectæ . lib. 3. par. 1. pag. 1023
Reliquijs , & veneratione Sanctorum .
lib. 3. par. 1. pag. 1102
Renunciatione . lib. 1. par. 1. pag. 116
Rescriptis . lib. 1. par. 1. pag. 63
Restitutione spoliatorum . lib. 2. par. 1.
pag. 351

S

Sacramentis non iterandis . lib. 1.
par. 1. pag. 191
Sacra vnctione . lib. 1. par. 1. pag. 188

Secundis nuptijs . lib. 4. par. 2. pag. 150
Sententia excommunicationis . lib. 5.
par. 2. p. 718
Sententia , & re iudicata . lib. 1. par. 1.
pag. 401
Sepulturis . lib. 3. par. 1. pag. 685
Sequestratione possessionis , & fructu.
lib. 2. par. 1. pag. 363
Simonia . lib. 5. par. 2. pag. 166
Solutionibus . lib. 3. par. 1. pag. 599
Sortilegijs . lib. 5. par. 2. pag. 559
Sponsalibus , & matrimonio . lib. 4. par.
2. pag. 3
Statu monachorum , & canonicorum
regularium . lib. 3. par. 1. pag. 955
Successionibus ab intestato . lib. 3. par.
1. pag. 677
Summa Trinitate , & fide Catholica .
lib. 1. par. 1. pag. 1

T

Temporibus ordinationū , & qua-
litate ordinandorum . lib. 1. par.
1. pag. 134

Testamentis , & ultimis voluntati-
bus . lib. 3. par. 1. pag. 643
Testibus cogendis , vel non . lib. 2. par. 1.
pag. 367
Testibus , & attestationibus . lib. 2. par.
1. pag. 366
Torneamentis . lib. 5. par. 2. pag. 459
Transactionibus . lib. 1. par. 1. pag. 289

V

Verborum significatione . lib. 5.
par. 2. pag. 821
Vita , & honestate clericorum . lib. 3.
par. 1. pag. 476
Voto , & voti redemptione . lib. 3. par. 1.
pag. 895
Vsuris . lib. 5. par. 2. pag. 472
Vt ecclesiastica beneficia sine diminu-
tionē conferantur . lib. 3. par. 1. pag.
498.

F I N I S .

INDEX CONSILIORVM OMNIVM

ET TITVLORVM, IN QVIBVS CONTINENTVR;

Iuxta ordinem V. librorum Decretalium.

Tituli Libri primi Consiliorum.



DE Summa Trinitate, & fide
Cath. lib. 1. par. 1. pag. 1
De constitutionibus. lib. 1.
par. 1. pag. 2
De rescriptis. lib. 1. par. 1. pag. 63
De consuetudine. lib. 1. par. 1. pag. 92
De electione. lib. 1. par. 1. pag. 95
De renunciatione. lib. 1. par. 1. pagina
116
De temporibus ordin. & qual. ordin.
lib. 1. par. 1. pag. 134
De etate, & qualitate. lib. 1. par. 1.
pag. 181
De sacra vnctione. lib. 1. par. 1. pag.
188
De sacramentis non iterandis. lib. 1.
par. 1. pag. 191
De filiis presbyterorum ordinan. vel
non. lib. 1. par. 1. pag. 198
De corpore vitiatis ord. vel non. lib.
1. par. 1. pag. 216
De bigamis non ord. lib. 1. par. 1. pag.
222
De clericis peregrinis. lib. 1. par. 1.
pag. 227
De officio Vicarii. lib. 1. par. 1. pagina
228
De officio & potest. iud. delegati. lib.
1. par. 1. pag. 229
De officio iudicis ordinarii. lib. 1. par.
1. pag. 242

De officio iudicis. lib. 1. par. 1. pag.
260
De maiestate, & obedientia. lib. 1.
par. 1. pag. 262
De pactis. lib. 1. par. 1. pag. 279
De transactionibus. lib. 1. par. 1. pag.
289
De postulando. lib. 1. par. 1. pag. 290
De procuratoribus. lib. 1. par. 1. pag.
291
De iis quæ vi metusve caus. fi. lib. 1.
par. 1. pag. 294
De in integrum restitutione. lib. 1.
par. 1. pag. 320
De arbitris. lib. 1. par. 1. pag. 321

INDEX CONSILIORVM Primi Libri.

*De Summa Trinitate, & fide
Catholica.*

Cum multi. consil. 1. de Sum. Trin.
& fide Cath. lib. 1. par. 1. pag. 1
De Constitutionibus.
Responsurus. consil. 1. de const. lib. 1.
par. 1. pag. 2
Quibus signis. consil. 2. de const. lib. 1.
par. 1. pag. 39
An lex. consil. 3. de const. lib. 1. par. 1.
pag. 40.

Spole-

I N D E X

Spoleti. consil. 4. de const. lib. 1. par. 1.
pag. 43
Quidam. consil. 5. de const. lib. 1. par.
1. pag. 46
An liceat. consil. 6. de const. lib. 1. par.
1. pag. 46
Capitulum generale consil. 7. de con-
stit. lib. 1. par. 1. pag. 48
Quæritur primo. consil. 8. de constit.
lib. 1. par. 1. pag. 49
Excellentissime domine. consil. 9. de
constit. lib. 1. par. 1. pag. 50
Quæritur an. consil. 10. de const. lib. 1.
par. 1. pag. 58
An bullæ. consil. 11. de const. lib. 1. par.
1. pag. 59

De Rescriptis.

An gratia. consil. 1. de rescript. lib. 1.
par. 1. pag. 63
An dispensatio. consil. 2. de rescript.
lib. 1. par. 1. pag. 63
Quæritur an. consil. 3. de rescript. lib.
1. par. 1. pag. 65
Regularis. consil. 4. de rescript. lib. 1.
par. 1. pag. 66
N. obtinuit. consil. 5. de rescrip. lib. 1.
par. 1. pag. 68
Subdiaconus. consil. 6. de rescrip. lib.
1. par. 1. pag. 68
Vtrum dispensatio. consil. 7. de re-
scrip. lib. 1. par. 1. pag. 69
An gratia. consil. 8. de rescript. lib. 1.
par. 1. pag. 70
An impetrans. consil. 9. de rescrip. lib.
1. par. 1. pag. 71
An impetratio. consil. 10. de rescr. lib.
1. par. 1. pag. 72
Ecclesia parochialis. consil. 11. de re-
scrip. lib. 1. par. 1. pag. 73
Quidam adeptus. consil. 12. de rescr.
lib. 1. par. 1. pag. 75
Quidam habens. consil. 13. de rescrip.
lib. 1. par. 1. pag. 80

Quidam homicida. consil. 14. de re-
script. lib. 1. par. 1. pag. 81
Quidam professus. consil. 15. de rescr.
lib. 1. par. 1. pag. 83
Quidam tribus. consil. 16. de rescript.
lib. 1. par. 1. pag. 84
Quidam irregularis. consil. 17. de re-
scrip. lib. 1. par. 1. pag. 86
Qui occidit. consil. 18. de rescrip. lib.
1. par. 1. pag. 86
Impetrata. consil. 19. de rescrip. lib. 1.
par. 1. pag. 87
N. valde deformis. consil. 20. de rescr.
lib. 1. par. 1. pag. 88
Consuevit. consil. 21. de rescrip. lib. 1.
par. 1. pag. 91

De Consuetudine.

Vtrum stante statuto. consil. 1. de con-
suetud. lib. 1. par. 1. pag. 92
In quadam religione. consil. 2. de con-
suet. lib. 1. par. 1. pag. 93

De Electione.

An electio. consil. 1. de elect. lib. 1. par.
1. pag. 95
Capitulum ecclesie. consil. 2. de elect.
lib. 1. par. 1. pag. 95
Ordo Eremitarum. consil. 3. de elect.
lib. 1. par. 1. pag. 98
Quid dicendum. consil. 4. de elect. lib.
1. par. 1. pag. 99
Ex sexdecim. consil. 5. de elect. lib. 1.
par. 1. pag. 100
In quodam conuentu. consil. 6. de ele-
ctione. lib. 1. par. 1. pag. 101
In quodam monasterio. consil. 7. de
elect. lib. 1. par. 1. pag. 102
Definitorium. consil. 8. de elect. lib. 1.
par. 1. pag. 104
Congregatis. consil. 9. de elect. lib. 1.
par. 1. pag. 105
Quæsitum fuit. consil. 10. de electione.
lib. 1.

CONSILIORVM:

lib. 1. par. 1. pag. 106
 Quoniam D. consil. 11. de elect. lib. 1.
 par. 1. pag. 109
 Cum mortuus esset. consil. 12. de elect.
 lib. 1. par. 1. pag. 111
 Quidam habens. consil. 13. de elect.
 lib. 1. par. 1. pag. 113
 An collatio. consil. 14. de elect. lib. 1.
 par. 1. pag. 114
 Quæsitum est. consil. 15. de elect. lib. 1.
 par. 1. pag. 116

De renunciat.

Vtrum deceat. consil. 1. de renunciat.
 lib. 1. par. 1. pag. 117
 Ad primam quæstionem. consil. 2. de
 renunciat. lib. 1. par. 1. pag. 119
 A. inquisitus. consil. 3. de renunciat.
 lib. 1. par. 1. pag. 121
 De eo qui. consil. 4. de renunciat. lib.
 1. par. 1. pag. 122
 De illo qui. consil. 5. de renunciat. lib.
 1. par. 1. pag. 123
 Laicus. consil. 6. de renunciat. lib. 1.
 par. 1. pag. 123
 A. sanus. consil. 7. de renunciat. lib. 1.
 par. 1. pag. 126
 N. obtinuit. consil. 8. de renunciat.
 lib. 1. par. 1. pag. 127
 Quidam Reuerendiss. consil. 9. de re-
 nunciat. lib. 1. par. 1. pag. 129
 Quidam rector. consil. 10. de renun-
 ciat. lib. 1. par. 1. pag. 130
 Titius. consil. 11. de renunciat. lib. 1.
 par. 1. pag. 132
 Dedit quis. consil. 12. de renunciat.
 lib. 1. par. 1. pag. 133

De temp. ord.

Quæritur primo, an Francus. consil. 1.
 de temp. ord. lib. 1. par. 1. pag. 134
 An Hispanus. consil. 2. de temp. ord.
 lib. 1. par. 1. pag. 135

Ordinatus an sit. consil. 3. de temp.
 ord. lib. 1. par. 1. pag. 136
 An qui. consil. 4. de temp. ord. lib. 1.
 par. 1. pag. 138
 An is qui. consil. 5. de temp. ord. lib. 1.
 par. 1. pag. 138
 Quidam cum legitimis. consil. 6. de
 temp. ord. lib. 1. par. 1. pag. 139
 Quæritur quid faciet. consil. 7. de
 temp. ord. lib. 1. par. 1. pag. 140
 Quæsitum est an N. consil. 8. de temp.
 ord. lib. 1. par. 1. pag. 141
 Quidam monachus. consil. 9. de temp.
 ord. lib. 1. par. 1. pag. 141
 An promotus. consil. 10. de temp. ord.
 lib. 1. par. 1. pag. 142
 N. familiaris. consil. 11. de temp. ord.
 lib. 1. par. 1. pag. 142
 Quæsitum est an præsupposito. consil.
 12. de temp. ord. lib. 1. par. 1. pag.
 144
 In Conc. Triden. consil. 13. de temp.
 ord. lib. 1. par. 1. pag. 145
 Quæsitum est quam pœnam. consil.
 14. de temp. ord. lib. 1. par. 1. pag.
 146
 N. 30. annos. consil. 15. de temp. ord.
 lib. 1. par. 1. pag. 148
 Ordinatus est. consil. 16. de temp. ord.
 lib. 1. par. 1. pag. 149
 Quidam A. consil. 17. de temp. ord.
 lib. 1. par. 1. pag. 150
 De eo qui accepit. consil. 18. de temp.
 ord. lib. 1. par. 1. pag. 151
 N. filius familias. consil. 19. de temp.
 ord. lib. 1. par. 1. pag. 153
 Quæritur primo an capellanus. consil.
 20. de temp. ord. lib. 1. par. 1. pag.
 154
 Quidam ordinatus. consil. 21. de temp.
 ord. lib. 1. par. 1. pag. 155
 Vtrum sacerdos. consil. 22. de temp.
 ord. lib. 1. par. 1. pag. 156
 N. obtinuit. consil. 23. de temp. ord.
 lib. 1. par. 1. pag. 157

b

An qui

An qui ante. consil. 24. de temp. ord.
lib. 1. par. 1. pag. 158
Episcopus dedit. consil. 25. de temp.
ord. lib. 1. par. 1. pag. 159
Quidam clericus. consil. 26. de tem-
por. ord. lib. 1. par. 1. pag. 161
Ecclesia Burgenfi. consil. 27. de tem-
por. ord. lib. 1. par. 1. pag. 162
Concil. Trid. consil. 28. de temp. or-
din. lib. 1. par. 1. pag. 164
An ordinatus minoribus. consil. 29.
de temp. ord. lib. 1. par. 1. pag. 164
An ordinatus ad minores. consil. 30.
de temp. ord. par. 1. pag. 166
Hispanus Hispalen. consil. 31. de temp.
ord. lib. 1. par. 1. pag. 167
An ordinatus per falsas. consil. 32. de
temp. ord. lib. 1. par. 1. pag. 168
Residens. consil. 33. de temp. ord. lib. 1.
par. 1. pag. 169
Excellentissime domine. consil. 34. de
temp. ord. lib. 1. par. 1. pag. 170
Quidam monachus. consil. 35. de temp.
ord. lib. 1. par. 1. pag. 171
Quis fit ordinarius. consil. 36. de temp.
ord. lib. 1. par. 1. pag. 171
An Abbas. consil. 37. de temp. ord. lib.
1. par. 1. pag. 173
An Episcopus possit habere. consil.
38. de temp. ord. lib. 1. par. 1. pag.
173
An Episcopus possit iuste. consil. 39.
de temp. ord. lib. 1. par. 1. pag. 173
An Episcopus ignoranter. consil. 40.
de temp. ord. lib. 1. par. 1. pag. 174
An Episcopus iuste. consil. 41. de temp.
ordin. lib. 1. par. 1. pag. 174
An cap. 1. sess. 14. consil. 42. de temp.
ord. lib. 1. par. 1. pag. 176
Quæritur primo an quod. consil. 43. de
temp. ord. lib. 1. par. 1. pag. 177
Episcopus Vsselen. sede vacante.
consil. 44. de temp. ord. lib. 1. par. 1.
pag. 178
Quidam prælatus regularis. consil.

45. de temp. ord. lib. 1. par. 1. pag.
179
An promotus. consil. 46. de temp. or-
din. lib. 1. par. 1. pag. 180

De etate, & qualitate.

Quidam patroni. consil. 1. de etat. &
qualit. lib. 1. par. 1. pag. 182
Patronus laicus. consil. 2. de etat. &
qualit. lib. 1. par. 1. pag. 182
E. agens. consil. 3. & de etat. & qual.
lib. 1. par. 1. pag. 184
An qui est. consil. 4. de etat. & qualit.
lib. 1. par. 1. pag. 184
Quæritur quando. consil. 5. de etat.
& qualit. lib. 1. par. 1. pag. 185
Sacerdos. consil. 6. de etat. & qualit.
lib. 1. par. 1. pag. 186
In quadam religione. consil. 7. de etat.
& qual. lib. 1. par. 1. pag. 186

De sacra unctione.

An expediat. consil. 1. de sacr. vnct.
lib. 1. par. 1. pag. 188

De Sacramentis non iteran.

Quidam suscepit. consil. 1. de sacram.
non iter. lib. 1. par. 1. pag. 191
Benedicitur. consil. 2. de sacram. non
iter. lib. 1. par. 1. pag. 191
Respondetur. consil. 3. de sacram. non
iter. lib. 1. par. 1. pag. 193
Ad quæstionem. consil. 4. de sacram.
non iter. lib. 1. par. 1. pag. 194
Dubitat A. consil. 5. de sacram. non
iter. lib. 1. par. 1. pag. 194
Religiosus. consil. 6. de sacram. non
iter. lib. 1. par. 1. pag. 195
Quæsitum est. consil. 7. de sacram.
non iter. lib. 1. par. 1. pag. 196.
De quibusdam. consil. 8. de sacram.
non iter. lib. 1. par. 1. pag. 196

De filiis

CONSILIORVM.

De filiis presbyt.

- Quid debeat facere.** consil. 1. de filiis presbyt. lib. 1. par. 1. pag. 199
Illegitimus à Comite. consil. 2. de filiis presbyt. lib. 1. par. 1. pag. 200
Illegitimus obtinuit. consil. 3. de filiis presbyt. lib. 1. par. 1. pag. 202
Multarum questionum. consil. 4. de filiis presbyt. lib. 1. par. 1. pag. 203
N. Illegitimus. consil. 5. de filiis presbyt. lib. 1. par. 1. pag. 204
An illegitimus. consil. 6. de filiis presbyt. lib. 1. par. 1. pag. 206
An capitulum. consil. 7. de filiis presbyt. lib. 1. par. 1. pag. 209
An cap. 15. consil. 8. de filiis presbyt. lib. 1. par. 1. pag. 209
An nepotes. consil. 9. de filiis presbyt. lib. 1. par. 1. pag. 211
Cum Illustrissimi. consil. 10. de filiis presbyt. lib. 1. par. 1. pag. 214

De corpore vitiat.

- Ad hanc questionem.** consil. 1. de corpor. vit. lib. 1. par. 1. pag. 217
Titio clerico. consil. 2. de corpor. vit. lib. 1. par. 1. pag. 217
An contrahens. consil. 3. de corpor. vit. lib. 1. par. 1. pag. 218
An clericus. consil. 4. de corpor. vit. lib. 1. par. 1. pag. 218
Quæritur an carens. consil. 5. de corpor. vit. lib. 1. par. 1. pag. 219
Quidam omnino. consil. 6. de corpor. vit. lib. 1. par. 1. pag. 219
Clericus quatuor minoru. consil. 7. de corpor. vit. lib. 1. par. 1. pag. 220

De bigamis.

- Quidam laicus.** consil. 1. de big. lib. 1. par. 1. pag. 222

- Quæritur an laicus.** consil. 2. de big. lib. 1. par. 1. pag. 224
Episcopus quidam. consil. 3. de big. lib. 1. par. 1. pag. 225
Iussus respondere. consil. 4. de big. lib. 1. par. 1. pag. 226

De Cler. peregrin.

- An ordinatus.** consil. 1. de cler. peregr. lib. 1. par. 1. pag. 227

De officio vicarij.

- An ille qui.** consil. 1. de offic. vic. lib. 1. par. 1. pag. 229

De offic. & potest. iud. deleg.

- Respondeo primo.** consil. 1. de offic. & potest. iud. deleg. lib. 1. par. 1. pag. 230
Papa. consil. 2. de offic. & potest. iud. deleg. lib. 1. par. 1. pag. 231
Quæritum fuit. consil. 3. de offic. & potest. iud. deleg. lib. 1. par. 1. pag. 232
Vicarius Episcopi. consil. 4. de offic. & potest. iud. deleg. lib. 1. par. 1. pag. 233
An commissa. consil. 5. de offic. & potest. iud. deleg. lib. 1. par. 1. pag. 234
An Episcopus possit. consil. 6. de offic. & potest. iud. deleg. lib. 1. par. 1. pag. 235
An prædicare. consil. 7. de offic. & potest. iud. deleg. lib. 1. par. 1. pag. 235
An postquam pœnitens. consil. 8. de offic. & potest. iud. deleg. lib. 1. par. 1. pag. 236
Consideratur. consil. 9. de offic. & potest. iud. deleg. lib. 1. par. 1. pag. 237
An Episcopus tamquam. consil. 10. de

de offic. & potest. iud. deleg. lib. 1.
par. 1. pag. 241

De officio iud. ord.

Vtrum gesta. consil. 1. de offic. iud.
ord. lib. 1. par. 1. pag. 242

Cum in Polonia. consil. 2. de offic. iud.
ord. lib. 1. par. 1. pag. 243

An cap. 6. consil. 3. de offic. iud. ord.
lib. 1. par. 1. pag. 245

Quæsitum est. consil. 4. de offic. iud.
ord. lib. 1. par. 1. pag. 247

Ad quæstionem. consil. 5. de offic. iud.
ord. lib. 1. par. 1. pag. 250

An sacerdoti. consil. 6. de offic. iud. ord.
lib. 1. par. 1. pag. 251

An Episcopus possit ex officio. consil.
7. de offic. iud. ord. lib. 1. par. 1.
pag. 253

An contra concubenarios. consil. 8.
de offic. iud. ord. lib. 1. par. 1. pag.
253

An Episcopus possit reddere. consil.
9. de offic. iud. ord. lib. 1. par. 1. pag.
254

Conqueritur. consil. 10. de offic. iud.
ord. lib. 1. par. 1. pag. 257

Summa edicti. consil. 11. de offic. iud.
ord. lib. 1. par. 1. pag. 258

De officio iud.

Quidam A. consil. 1. de offic. iud. lib.
1. par. 1. pag. 260

De maior. & obed.

An vicario. consil. 1. de maior. & obed.
lib. 1. par. 1. pag. 262

An Episcopi. consil. 2. de maior. &
obed. lib. 1. par. 1. pag. 263

An abbas. consil. 3. de maior. & obed.
lib. 1. par. 1. pag. 263

Quæritur an prior. consil. 4. de maior.

& obed. lib. 1. par. 1. pag. 264

Præsupponitur. consil. 5. de maior. &
obed. lib. 1. par. 1. pag. 266

An in Concilio. consil. 6. de maior. &
obed. lib. 1. par. 1. pag. 271

Quod Episcopus. consil. 7. de maior.
& obed. lib. 1. par. 1. pag. 272

An procurator. consil. 8. de maior. &
obed. lib. 1. par. 1. pag. 273

Congregatio. consil. 9. de maior. &
obed. lib. 1. par. 1. pag. 273

An in capitulis faciendis. consil. 10.
de maior. & obed. lib. 1. par. 1. pag.
275

An regularis. consil. 11. de maior. &
obed. lib. 1. par. 1. pag. 278

An rectores. consil. 12. de maior. &
obed. lib. 1. par. 1. pag. 279

De pactis.

An debitor. consil. 1. de pact. lib. 1.
par. 1. pag. 280

B. pensionarius. consil. 2. de pact. lib.
1. par. 1. pag. 281

Quæritur an. consil. 3. de pact. lib. 1.
par. 1. pag. 281

Quidam qui. consil. 4. de pact. lib. 1.
par. 1. pag. 282

Quidam dux. consil. 5. de pact. lib. 1.
par. 1. pag. 283

R. vir. consil. 6. de pact. lib. 1. par. 1.
pag. 285

Quidam frater. consil. 7. de pact. lib.
1. par. 1. pag. 287

De transactionib.

Quidam abbas. consil. 1. de transact.
lib. 1. par. 1. pag. 290

De postulando.

Clericus. consil. 1. de postul. lib. 1. par.
1. pag. 291

De

CONSILIORVM.

De procuratorib.

Quidam Illustrissimus. consil. 1. de
procurat. lib. 1. par. 1. pag. 292

De ijs que vi met. caus. fiunt.

Quidam nobilis. consil. 1. de ijs que
vi. met. cau. fi. lib. 1. par. 1. pag.
394

Quidam Gaspar. consil. 2. de ijs que
vi. met. cau. fi. lib. 1. par. 1. pag.
495

Quidam ex Illustrissimo. consil. 3. de
ijs que vi met. cau. fi. lib. 1. par. 1.
pag. 297

Quidam 17. annos. consil. 4. de ijs que
vi met. cau. fi. lib. 1. par. 1. pag.
305

N. 16. etatis. consil. 5. de ijs que vi met.
cau. fi. lib. 1. par. 1. pag. 308

Ante Conc. Trid. consil. 6. de ijs que

vi met. cau. fi. lib. 1. par. 1. pag.
310

Pro resolutione. consil. 7. de ijs que
vi. met. cau. fi. lib. 1. par. 1. pag.
311

Vtrum professio. consil. 8. de ijs que
vi met. cau. fi. lib. 1. par. 1. pag.
311

N. nobilis. consil. 9. de ijs que vi
met. cau. fiunt. lib. 1. par. 1. pag.
312

Quidam puella. consil. 10. de ijs que
vi met. cau. fi. lib. 1. par. 1. pag.
317

De in integrum restit.

An commendatario. consil. 1. de in
integ. restit. lib. 1. par. 1. pag. 320

De arbitris.

Titius. consil. 1. de arbit. lib. 1. par. 1.
pag. 321

FINIS PRIMI LIBRI.

TITVL I LIBRI SECVNDI CONSILIORVM D. NAVARRI.



E Indicijs. lib. 2. par. 1. pag.
323

De foro competenti. lib. 2.
par. 1. pag. 330

De serjis. lib. 2. par. 1. pag. 346

De causa possessionis & proprietatis.
lib. 2. par. 1. pag. 350

De restitutione spoliatorum. lib. 2.
par. 1. pag. 351

De dolo & contumacia. lib. 2. par. 1.
pag. 361

De sequest. poss. & fructuum. lib. 2.
par. 1. pag. 363

De confessis. lib. 2. par. 1. pag. 364

b 3

De te-

De testibus & attestationibus. lib. 2.
par. 1. pag. 366
De testibus cogendis, vel non. lib. 2.
par. 1. pag. 367
De fide instrumentorum. lib. 2. par. 1.
pag. 368
De præsumptionibus. lib. 2. par. 1.
pag. 371
De iureiurando. lib. 2. par. 1. pag. 375
De præscriptionibus. lib. 2. par. 1.
pag. 388
De sententia & re iudicata. lib. 2. par.
1. pag. 401
De appellationib. recus. & relat. lib. 2.
par. 1. pag. 403

INDEX CONSILIORVM

Secundi libri.

De Iudicijs.

AN Vicarius. consil. 1. de iudi-
cijs. lib. 2. par. 1. pag. 323
Resolutio. consil. 2. de iudicijs. lib. 2.
par. 1. pag. 324
Quod Episcopus. consil. 3. de iudicijs.
lib. 2. par. 1. pag. 324
Facultas. consil. 4. de iudicijs. lib. 2.
par. 1. pag. 325

De foro compet.

Summum auditorium. consil. 1. de foro
compet. lib. 2. par. 1. pag. 331
Quæsitum est. consil. 2. de foro com-
pet. lib. 2. par. 1. pag. 339
Fuit erecta. consil. 3. de foro compet.
lib. 2. par. 1. pag. 341
An Episcopi. consil. 4. de foro com-
pet. lib. 2. par. 1. pag. 343
Quidam nonitius. consil. 5. de foro
competen. lib. 2. par. 1. pag. 343
Quid debet facere. consil. 6. de foro
compet. lib. 2. par. 1. pag. 345

De ferijs.

Figuli. consil. 1. de ferijs. lib. 2. par. 1.
pag. 346
An famuli. consil. 2. de ferijs. lib. 2. par.
1. pag. 347
Agricolæ. consil. 3. de ferijs. lib. 2. par.
1. pag. 348
Agasones. consil. 4. de ferijs. lib. 2. par.
1. pag. 348
Pastores. consil. 5. de ferijs. lib. 2. par. 1.
pag. 349
Quæritur primo. consil. 6. de ferijs. lib.
2. par. 1. pag. 350

De caus. possess. & propr.

Papa creavit. consil. 1. de caus. possess.
& propr. lib. 2. par. 1. pag. 351

De rest. spoliat.

Præsuppono. consil. 1. de rest. spoliat.
lib. 2. par. 1. pag. 353
Quidam seruus. consil. 2. de rest. spo-
liat. lib. 2. par. 1. pag. 358
In bello. consil. 3. de rest. spoliat. lib. 2.
par. 1. pag. 359

De dolo & contumacia.

Fuit relaxatum. consil. 1. de dolo &
contum. lib. 2. par. 1. pag. 361

De seq. poss. & fruct.

An sequestrum. consil. 1. de seq. poss.
& fruct. lib. 2. par. 1. pag. 363

De confessis.

Quædam puella. consil. 1. de confes-
sis. lib. 2. par. 1. pag. 364

De testib. & attestat.

Quidam N. consil. 1. de testib. & at-
testat.

CONSILIORVM:

testat.lib.2.par.1.pag.366

Ad quaestionem.conf.2.de test.& at-
testat.lib.2.pars 1.pag.367

De testibus cogen.

Respondetur.confil.1.de test.cogen.
lib.2.par.1.pag.367

Respondeo.confil.2.de test.cogen.
lib.2.par.1.pag.367

De fide instrum.

An sufficiat.confil.1.de fide instrum.
lib.2.par.1.pag.368

Putans me.confil.2.de fide instrum.
lib.2.par.1.pag.368

An absoluto.confil.3.de fide instrum.
lib.2.par.1.pag.369

Quotidie.confil.4.de fide instrum.
lib.2.par.1.pag.370

De praesumpt.

Puer quidam.confil.1.de praesumpt.
lib.2.par.1.pag.371

Prior regularis.conf.2.de praesumpt.
lib.2.par.1.pag.372

An prohibitus.conf.3.de praesumpt.
lib.2.par.1.pag.374

An probato.confil.4.de praesumpt.
lib.2.par.1.pag.374

De iureiur.

Titius.confil.1.de iureiur.lib.2.pars
1.pag.375

Quaeritum est.confil.2.de iureiur.lib.
2.par.1.pag.377

Quidam accepto mandato.confil.3.
de iureiur.lib.2.par.1.pag.378

Mater.conf.4.de iureiur.lib.2.par.
1.pag.379

Procurator.confil.5.de iureiur.lib.
2.par.1.pag.379

An conuentio.confil.6.de iureiur.lib.
2.par.1.pag.381

Quia infra.confil.7.de iureiur.lib.2.
par.1.pag.383

An illa verba.conf.8.de iureiur.lib.2.

par.1.pag.385

Quaeritur an.conf.9.de iureiur.lib.
2.par.1.pag.386

Quaeritum fuit.confil.10.de iureiur.
lib.2.par.1.pag.386

Quia adeptus.confil.11.de iureiur.
lib.2.par.1.pag.387

Ad quaerita.confil.12.de iureiur.lib.
2.par.1.pag.388

De praescript.

Anno 1401.confil.1.de praescript.lib.
2.par.1.pag.389

Quidam possedit.conf.2.de praescr.
lib.2.par.1.pag.391

An qui.confil.3.de praescript.lib.2.
par.1.pag.393

Cum ex facto.confil.4.de praescript.
lib.2.par.1.pag.394

Respondetur.confil.5.de praescript.
lib.2.par.1.pag.400

De sent.& re iudic.

Quidam Vbertinus.conf.1.de sent.&
re iudic.lib.2.par.1.pag.401

Deliquerunt duo.confil.2.de sent.&
re iudic.lib.2.par.1.pag.401

De appellat.recus.& relat.

Quaeritur quibus casibus.confil.1.de
appellat.recus.& relat.lib.2.par.
1.pag.403

Ad quaestionem.confil.2.de appellat.
recus.& rel.lib.2.par.1.pag.404

Ad dubium.confil.3.de appellat.re-
cus.& relat.lib.2.par.1.pag.405

Fratribus.conf.4.de appellat.recus.
& relat.lib.2.par.1.pag.406

Quidam provincialis.confil.5.de ap-
pellat.recus.& relat.lib.2.par.1.
pag.409

Quaeritum est.conf.6.de appel.recus.
& relat.lib.2.par.1.pag.411

Quidam N.confil.7.de appell.recu-
sat.& relat.lib.2.par.1.pag.413

FINIS SECVNDI LIBRI.

b 4 LIBRI

TITVL I

LIBRI TERTII

CONSILIORVM

D. NAVARRI.



DE vita & honestate clericorum. lib. 3. par. 1. pag. 416
 De cohabitatione clericorū & mulierum. lib. 3. par. 1. pag. 421
 De clericis non residentibus. lib. 3. par. 1. pag. 433
 De præbendis & dignit. lib. 3. par. 1. pag. 450
 De clerico ægrotante; vel debilitato. lib. 3. par. 1. pag. 490
 Ne sede vacante aliquid innou. lib. 3. par. 1. pag. 495
 De ijs quæ fiunt à prælat. sin. cons. Capit. lib. 3. par. 1. pag. 496
 De ijs quæ fiunt à ma. par. Cap. lib. 3. par. 1. pag. 497
 Vt eccles. benef. sine dimin. confer. lib. 3. par. 1. pag. 498
 De rebus eccles. alien. vel non. lib. 3. par. 1. pag. 499
 De deposito. lib. 3. par. 1. pag. 520
 De emptione & venditione. lib. 3. par. 1. pag. 533
 De locato & conducto. lib. 3. par. 1. pag. 589
 De feudis. lib. 3. par. 1. pag. 594
 De solutionibus. lib. 3. par. 1. pag. 599
 De donationibus. lib. 3. par. 1. pag. 619
 De peculio clericorum. lib. 3. par. 1. pag. 638
 De testamentis & vltimis voluntati-

bus. lib. 3. par. 1. pag. 643
 De successione ab intestato. lib. 3. par. 1. pag. 677
 De sepulturis. lib. 3. par. 1. pag. 685
 De parochijs & alien. paroch. lib. 3. par. 1. pag. 698
 De decimis, primitijs, & oblationibus. lib. 3. par. 1. pag. 701
 De regularibus & transeun. ad relig. lib. 3. par. 1. pag. 707
 De conuersione coniugatorum. lib. 3. par. 1. pag. 846
 De conuersione infidelium. lib. 3. par. 1. pag. 868
 De voto, & vot. redemp. lib. 3. par. 1. pag. 895
 De statu monachorū & canonic. reg. lib. 3. par. 1. pag. 955
 De religiosis domibus, vt Episc. sint subiectæ. lib. 3. par. 1. pag. 1023
 De iure patronatus. lib. 3. par. 1. pag. 1026
 De censibus, exact. & procurat. lib. 3. par. 1. pag. 1054
 De consecratione ecclesiar, vel altar. lib. 3. par. 1. pag. 1065
 De celebratione missarū & sacram. Euchar. & diu. off. lib. 3. par. 1. pag. 1067
 De baptismo. lib. 3. par. 1. pag. 1095
 De reliquijs & vener. Sanct. lib. 3. par. 1. pag. 1101
 De obseruatione ieiuniorum. lib. 3. par. 1.

CONSILIORVM.

par. 1. pag. 1104
De ecclesijs edificandis, vel reparandis. lib. 3. par. 1. pag. 1108
De immunitate ecclesiar. cœmit. & rer. ad eas pertin. lib. 3. par. 1. pag. 1109
Ne clerici vel monachi sac. neg. lib. 3. par. 1. pag. 1116

INDEX CONSILIORVM

Tertij libri.

De vita & honest. cler.

An clericus. consil. 1. de vit. & honest. cler. lib. 3. par. 1. pag. 416
Quæsitum fuit. consil. 2. de vit. & honest. cler. lib. 3. par. 1. pag. 419
Clericus. consil. 3. de vit. & honest. cler. lib. 3. par. 1. pag. 420

De cohabit. cleric. & mul.

An cap. 14. consil. 1. de cohabit. cleric. & mul. lib. 3. par. 1. pag. 421
Cum in Manual. consil. 2. de cohabit. cleric. & mul. lib. 3. par. 1. pag. 423

De clericis non residen.

Concilium Trid. consil. 1. de cler. non resid. lib. 3. par. 1. pag. 423
A. canonicus collegiatz. consil. 2. de cler. non resid. lib. 3. par. 1. pag. 424
Fructus quibus. consil. 3. de cler. non resid. lib. 3. par. 1. pag. 425
Quæritur ytrum. consil. 4. de cler. non resid. lib. 3. par. 1. pag. 426
Primiceriatus. consil. 5. de cler. non resid. lib. 3. par. 1. pag. 428

N. habet. consil. 6. de cler. non resid. lib. 3. par. 1. pag. 428
An canonici. consil. 7. de cler. non resid. lib. 3. par. 1. pag. 429
An canonicus. consil. 8. de cler. non resid. lib. 3. par. 1. pag. 430
An consuetudo. consil. 9. de cler. non resid. lib. 3. par. 1. pag. 432
Canonicus. consil. 10. de cler. non resid. lib. 3. par. 1. pag. 433
Quidam præpositus. consil. 11. de cler. non resid. lib. 3. par. 1. pag. 434
An iure communi. consil. 12. de cler. non resid. lib. 3. par. 1. pag. 437
Præsupposita. consil. 13. de cler. non resid. lib. 3. par. 1. pag. 437
Quidam cantor. consil. 14. de cler. non resid. lib. 3. par. 1. pag. 438
An parochus qui. consil. 15. de cler. non resid. lib. 3. par. 1. pag. 439
An possit quis. consil. 16. de cler. non resid. lib. 3. par. 1. pag. 440
Obtinuit quis. consil. 17. de cler. non resid. lib. 3. par. 1. pag. 440
Nobilis quidam. consil. 18. de cler. non resid. lib. 3. par. 1. pag. 441
Quæstio est. consil. 19. de cler. non resid. lib. 3. par. 1. pag. 442
Quidam habet. consil. 20. de cler. non resid. lib. 3. par. 1. pag. 445
Ecclesiæ parochialis. consil. 21. de cleric. non resid. lib. 3. par. 1. pag. 446
Præsupposito. consil. 22. de cler. non resid. lib. 3. par. 1. pag. 447

De præbendis.

Quidam clericus. consil. 1. de præb. lib. 3. par. 1. pag. 450
An præcedente examine. consil. 2. de præb. lib. 3. par. 1. pag. 451
Ecclesia N. consil. 3. de præb. lib. 3. par. 1. pag. 451

Quæ-

Quæritur an vacante. consil. 4. de
præb. lib. 3. par. 1. pag. 453
Quidam testator. consil. 6. de præb.
lib. 3. par. 1. pag. 453
Reliquit testator. consil. 6. de præb.
lib. 3. par. 1. pag. 454
De capellania. consil. 7. de præb. lib.
3. par. 1. pag. 455
Ecclesia collegiata. consil. 8. de præb.
lib. 3. par. 1. pag. 456
An dispensatio. consil. 9. de præb. lib.
3. par. 1. pag. 458
Quæritur an quis. consil. 10. de præb.
lib. 3. par. 1. pag. 459
Quidam habens. consil. 11. de præb.
lib. 3. par. 1. pag. 460
Quidam A. consil. 12. de præb. lib. 3.
par. 1. pag. 460
An qui habens. consil. 13. de præb. lib.
3. par. 1. pag. 464
Quidam N. consil. 14. de præb. lib. 3.
par. 1. pag. 464
N. habens. consil. 15. de præb. lib. 3.
par. 1. pag. 466
An si duo. consil. 16. de præb. lib. 3. par.
1. pag. 468
An per adoptionem. consil. 17. de præb.
lib. 3. par. 1. pag. 470
An beneficium. consil. 18. de præb. lib.
3. par. 1. pag. 471
Quæsitum fuit. consil. 19. de præb. lib.
3. par. 1. pag. 472
An parochus. consil. 20. de præb. lib.
3. par. 1. pag. 473
An absque dispensatione. consil. 21. de
præb. lib. 3. par. 1. pag. 473
Thesaurario. consil. 22. de præb. lib.
3. par. 1. pag. 473
Habens beneficiū. consil. 23. de præb.
lib. 3. par. 1. pag. 474
An quis possit. consil. 24. de præb. lib.
3. par. 1. pag. 476
An habens. consil. 25. de præb. lib. 3.
par. 1. pag. 478
Quæritur quid operetur. consil. 26.

de præb. lib. 3. par. 1. pag. 480
Capellaniā. consil. 27. de præb. lib.
3. par. 1. pag. 481
Beneficium. consil. 28. de præb. lib. 3.
par. 1. pag. 483
Canonicus. consil. 29. de præb. lib. 3.
par. 1. pag. 483
Quæsitum est. consil. 30. de præb. lib.
3. par. 1. pag. 484
Quæsitum fuit. consil. 31. de præb. lib.
3. par. 1. pag. 485
Præsupposita. consil. 32. de præb. lib. 3.
par. 1. pag. 488
An peccauerit. consil. 33. de præb. lib.
3. par. 1. pag. 489
Vtrum Magnus magister. consil. 34. de
præb. lib. 3. par. 1. pag. 490

De cleric. ægrotan.

Vnus archidiaconus. consil. 1. de cle-
ric. ægrotan. lib. 3. par. 1. pag.
491
Præsupposito. consil. 2. de cleric. ægrot.
lib. 3. par. 1. pag. 492
An coadiutor. consil. 3. de cler. ægrot.
lib. 3. par. 1. pag. 493

Ne sede vacante.

An prouisio. consil. 1. ne sed. vacan.
lib. 3. par. 1. pag. 495

De ijs quæ fiunt à praelatis.

Visis & perpensis. consil. 1. de ijs quæ
fiunt à praelat. lib. 3. par. 1. pag.
496

De ijs quæ fiunt à ma. par. cap.

An in consilio. consil. 1. de ijs quæ
fiunt à ma. par. cap. lib. 3. par. 1.
pag. 497

CONSILIORVM.

102. 257. 1. 285. 2. lib. 1. 1000. 2

De ecclesiast. benefici.

An ordinarius. consil. 1. vt ecclesiast. benefici. lib. 3. par. 1. pag. 498.

De rebus eccles. alien. vel non.

Quæritur an qui. consil. 1. de reb. eccles. alien. vel non. lib. 3. par. 1. pag. 499

Ad priorem quæstionem. consil. 2. de reb. eccles. alien. vel non. lib. 3. par. 1. pag. 499

Quidam Archiepiscopus. consil. 3. de reb. eccles. alien. vel non. lib. 3. par. 1. pag. 500

Quidam alienauit. consil. 4. de reb. eccles. alien. vel non. lib. 3. par. 1. pag. 502

Abbas quidam. consil. 5. de reb. eccles. alien. vel non. lib. 3. par. 1. pag. 503

An abbas sine consensu. consil. 6. de reb. eccles. alien. vel non. lib. 3. par. 1. pag. 503

Quidam abbas. consil. 7. de reb. eccles. alien. vel non. lib. 3. par. 1. pag. 505

Quidam legauit. consil. 8. de reb. eccles. alien. vel non. lib. 3. par. 1. pag. 505

An abbas & conuentus. consil. 9. de reb. eccles. alien. vel non. lib. 3. par. 1. pag. 507

Cum duo sint. consil. 10. de reb. eccles. alien. vel non. lib. 3. par. 1. pag. 507

N. pressus. consil. 11. de reb. eccles. alien. vel non. lib. 3. par. 1. pag. 508

Episcopus perpetuo. consil. 12. de reb. eccles. alien. vel non. lib. 3. par. 1. pag. 509

Primiceriatus. consil. 13. de reb. ec-

cles. alien. vel non. lib. 3. par. 1. pag. 509

An poenitentiarius. consil. 14. de reb. eccles. alien. vel non. lib. 3. par. 1. pag. 511

An visitator. consil. 15. de reb. eccles. alien. vel non. lib. 3. par. 1. pag. 512

Monasterium. consil. 16. de reb. eccles. alien. vel non. lib. 3. par. 1. pag. 514

Duas domos. consil. 17. de reb. eccles. alien. vel non. lib. 3. par. 1. pag. 516

Respondeo primo. consil. 18. de reb. eccles. alien. vel non. lib. 3. par. 1. pag. 517

Quidam præceptor. consil. 19. de reb. eccles. alien. vel non. lib. 3. par. 1. pag. 519

De deposito.

Reuerenda pater. consil. 1. de deposito. lib. 3. par. 1. pag. 520

An domino. consil. 2. de deposito. lib. 3. par. 1. pag. 526

Sempronius. consil. 3. de deposito. lib. 3. par. 1. pag. 527

Multi deponunt. consil. 4. de deposito. lib. 3. par. 1. pag. 530

An liceat. consil. 5. de deposito. lib. 3. par. 1. pag. 531

De emptione & venditione.

Primum dubium. consil. 1. de empt. & ven. lib. 3. par. 1. pag. 533

Quæstiones duæ. consil. 2. de empt. & ven. lib. 3. par. 1. pag. 536

Is ad quem. consil. 3. de empt. & ven. lib. 3. par. 1. pag. 539

Mercatores. consil. 4. de empt. & ven. lib. 3. par. 1. pag. 543

Excellentissime domine. consil. 5. de

de empt. & ven. lib. 3. par. 1. pag.
544
Syluester. consil. 6. de empt. & ven. lib.
3. par. 1. pag. 547
Vtrum emens. consil. 7. de empt. &
ven. lib. 3. par. 1. pag. 547
Magnificus. consil. 8. de empt. & ven.
lib. 3. par. 1. pag. 549
Obnixerogatus. consil. 9. de empt. &
ven. lib. 3. par. 1. pag. 556
Petrus cui. consil. 10. de empt. & ven.
lib. 3. par. 1. pag. 564
In ciuitate. consil. 11. de empt. & ven.
lib. 3. par. 1. pag. 565
Stante extrauagante. consil. 12. de
empt. & ven. lib. 3. par. 1. pag.
566
An constitutio. consil. 13. de empt. &
ven. lib. 3. par. 1. pag. 568
Quidam vendidit. consil. 14. de empt.
& ven. lib. 3. par. 1. pag. 569
Primum dubium. consil. 15. de empt.
& ven. lib. 3. par. 1. pag. 571.
D. Gaspar. consil. 16. de empt. & ven.
lib. 3. par. 1. pag. 575
An qui emit. consil. 17. de empt. & ven.
lib. 3. par. 1. pag. 577
Queritur an emptioni. consil. 18.
de empt. & ven. lib. 3. par. 1. pag.
578
An census. consil. 19. de empt. & ven.
lib. 3. par. 1. pag. 580
Dedit Maria. consil. 20. de empt. &
ven. lib. 3. par. 1. pag. 580
Quidam de anno. consil. 21. de empt.
& ven. lib. 3. par. 1. pag. 584
Quidam quæsiuit. consil. 22. de empt.
& vend. lib. 3. par. 1. pag. 587

De locato & conducto.

Romæ est consuetudo. consil. 1. de lo-
cat. & cond. lib. 3. par. 1. pag.
589
Quidam locauit. consil. 2. de locat.

& cond. lib. 3. par. 1. pag. 591
Declaratū. consil. 3. de locat. & cond.
lib. 3. par. 1. pag. 592
Quoddam monasterium. consil. 4.
de locat. & cond. lib. 3. par. 1. pag.
593

De feudis.

In causa quæ. consil. 1. de feudis. lib. 3.
par. 1. pag. 594

De solutionibus.

Queritur primo. consil. 1. de solut.
lib. 3. par. 1. pag. 600
Certum est. consil. 2. de solut. lib. 3.
par. 1. pag. 603
Rogatus. consil. 3. de solut. lib. 3. par. 1.
pag. 605
Tullius. consil. 4. de solut. lib. 3. par. 1.
pag. 606
Confessarius religiosus. consil. 5. de
solut. lib. 3. par. 1. pag. 608
Titius. consil. 6. de solut. lib. 3. par. 1.
pag. 609
Quidam Archiepiscopus. consil. 7.
de solut. lib. 3. par. 1. pag. 611

De donationibus.

Quidam donauit. consil. 1. de donat.
lib. 3. par. 1. pag. 619
Canonicus donauit. consil. 2. de do-
nat. lib. 3. par. 1. pag. 620
Episcopus Imolensis. consil. 3. de do-
nat. lib. 3. par. 1. pag. 621
Ludouicus Baldouinus. consil. 4. de
donat. lib. 3. par. 1. pag. 622
Prælati quidam. consil. 5. de donat.
lib. 3. par. 1. pag. 627
N. frater. consil. 6. de donat. lib. 3. par.
1. pag. 629
Viso tenore. consil. 7. de donat. lib. 3.
par. 1. pag. 634

Maritus.

C O N S I L I O R U M.

Maritus. consil. 8. de donat. lib. 3. par. 1. pag. 635
Quæritur in utroque. consil. 9. de donat. lib. 3. par. 1. pag. 636
An donatio. consil. 10. de donat. lib. 3. par. 1. pag. 637

De peculio clericorum.

Caius pater familias. consil. 1. de pecul. clericor. lib. 3. par. 1. pag. 638
An pensionarius. consil. 2. de pecul. cleric. lib. 3. par. 1. pag. 638
Præsupposito privilegio. consil. 3. de pecul. lib. 3. par. 1. pag. 640
Quod de bonis. consil. 4. de pecul. cleric. lib. 3. par. 1. pag. 641

De testamentis.

Franciscus disposuit. consil. 1. de testam. lib. 3. par. 1. pag. 643
Respondeo primo. consil. 2. de testam. lib. 3. par. 1. pag. 643
Ad quæstionem. consil. 3. de testam. lib. 3. par. 1. pag. 644
Respondeo quod. consil. 4. de testam. lib. 3. par. 1. pag. 649
Quæritur an hodie. consil. 5. de testam. lib. 3. par. 1. pag. 650
Frater Thomas. consil. 6. de testam. lib. 3. par. 1. pag. 653
Statuto ciuitatis. consil. 7. de testam. lib. 3. par. 1. pag. 657
Quædam testatrices. consil. 8. de testam. lib. 3. par. 1. pag. 659
Utrum annus. consil. 9. de testam. lib. 3. par. 1. pag. 663
An Petrus. consil. 10. de testam. lib. 3. par. 1. pag. 664
Quidam testator. consil. 11. de testam. lib. 3. par. 1. pag. 665
Circa testamentum. consil. 12. de testam. lib. 3. par. 1. pag. 667

Antonius. consil. 13. de testam. lib. 3. par. 1. pag. 668
Præsupponitur in facto. consil. 14. de testam. lib. 3. par. 1. pag. 669
Maiores. consil. 15. de testam. lib. 3. par. 1. pag. 672
Clericus quidam. consil. 16. de testam. lib. 3. par. 1. pag. 675
Deliberauit quidam. consil. 17. de testam. lib. 3. par. 1. pag. 676

De successione ab intestato.

Quæritur an quando. consil. 1. de success. ab intest. lib. 3. par. 1. pag. 677
Ad sequentes quæstiones. consil. 2. de success. ab intest. lib. 3. par. 1. pag. 777
Quidam clericus. consil. 3. de success. ab intest. lib. 3. par. 1. pag. 678
Beneficiarius quidam. consil. 4. de success. ab intest. lib. 3. par. 1. pag. 679
N. prætensus. consil. 5. de success. ab intestato. lib. 3. par. 1. pag. 680
An succedat. consil. 6. de success. ab intest. lib. 3. par. 1. pag. 681
Anno Domini. consil. 7. de success. ab intest. lib. 3. par. 1. pag. 682
Ad quæstionem. consil. 8. de success. ab intest. lib. 3. par. 1. pag. 684
An decretum Concilij. consil. 9. de success. ab intest. lib. 3. par. 1. pag. 684

De sepulturis.

Quæritur an constitutio. consil. 1. de sepult. lib. 3. par. 1. pag. 685
Quæsitum est. consil. 2. de sepult. lib. 3. par. 1. pag. 686

An

I N D E X

An infans. confil. 3. de sepul. lib. 3.
par. 1. pag. 687

An excommunicatus. confil. 4. de sepul.
lib. 3. par. 1. pag. 688

An qui sepelierunt. confil. 5. de sepul.
lib. 3. par. 1. pag. 689

An priuari. confil. 6. de sepult. lib. 3.
par. 1. pag. 690

Quidam monachus. confil. 7. de se-
pul. lib. 3. par. 1. pag. 691

Quoniam cadaver. confil. 8. de sepul.
lib. 3. par. 1. pag. 692

An illa verba. confil. 9. de sepult. lib.
3. par. 1. pag. 693

Quidam nobilis. confil. 10. de sepult.
lib. 3. par. 1. pag. 694

De parochijs.

Quid requiratur. confil. 1. de paroch.
lib. 3. par. 1. pag. 698

Mulier habens. confil. 2. de paroch.
lib. 3. par. 1. pag. 699

Queritur quæ pena. confil. 3. de pa-
roch. lib. 3. par. 1. pag. 700

De decimis.

Ad quæstionem Illustriss. confil. 1. de
decimis. lib. 3. par. 1. pag. 701

An parochus. confil. 2. de decimis.
lib. 3. par. 1. pag. 705

N. fuit per patronos. confil. 3. de de-
cimis. lib. 3. par. 1. pag. 707

De regularibus.

An sit melius. confil. 1. de regular. lib.
3. par. 1. pag. 707

Ad quæsitæ respondeo. confil. 2. de re-
gular. lib. 3. par. 1. pag. 708

An parentibus. confil. 3. de regul. lib.
3. par. 1. pag. 709

Ramæ. confil. 4. de regul. lib. 3. par. 1.
pag. 710

Cum sacrum Conc. confil. 5. de regul.
lar. lib. 3. par. 1. pag. 714

An cogens aliquā. confil. 6. de regul.
lib. 3. par. 1. pag. 715

Religiosus quidam. confil. 7. de regul.
lib. 3. par. 1. pag. 716

Visa bulla. confil. 8. de regular. lib. 3.
par. 1. pag. 716

Incuria. confil. 9. de regul. lib. 3. par.
1. pag. 717

Cum Vincentius. confil. 10. de regul.
lib. 3. par. 1. pag. 719

Quidam eruditissimus. confil. 11. de
regular. lib. 3. par. 1. pag. 722

An milites. confil. 12. de regular. lib.
3. par. 1. pag. 724

Titio. confil. 13. de regular. lib. 3. par.
1. pag. 724

De quodam. confil. 14. de regular. lib.
3. par. 1. pag. 729

In religione. confil. 15. de regul. lib.
3. par. 1. pag. 731

Præsupposito. confil. 16. de regular. lib.
3. par. 1. pag. 734

M. ingressus. confil. 17. de regular. lib.
3. par. 1. pag. 736

Quidam ante. confil. 18. de regular.
lib. 3. par. 1. pag. 736

Quidam in 12. etatis. confil. 19. de re-
gular. lib. 3. par. 1. pag. 738

De eo qui mansit. confil. 20. de regu-
lar. lib. 3. par. 1. pag. 740

Religionem S. Francisci. confil. 21. de
regul. lib. 3. par. 1. pag. 741

Quidam monachus. confil. 22. de re-
gular. lib. 3. par. 1. pag. 742

Petrutius ante. confil. 23. de regular.
lib. 3. par. 1. pag. 743

Quinque quæstiones. confil. 24. de re-
gular. lib. 3. par. 1. pag. 745

In ordine Minimorum. confil. 25. de
regular. lib. 3. par. 1. pag. 746

Orta sunt gravia. confil. 26. de regul.
lib. 3. par. 1. pag. 748

Vtrum professio. confil. 27. de re-
gular.

CONSILIORUM.

gular. lib. 3. par. 1. pag. 755
 Ad multas quæstiones. consil. 28. de
 regul. lib. 3. par. 1. pag. 756
 N. ingressus. consil. 29. de regul. lib.
 3. par. 1. pag. 758
 Queritur an liceat. consil. 30. de re-
 gular. lib. 3. par. 1. pag. 760
 An professio regularis. consil. 31. de
 regular. lib. 3. par. 1. pag. 761
 N. fuit electus. consil. 32. de regular.
 lib. 3. par. 1. pag. 763
 Puer quidam. consil. 33. de regular.
 lib. 3. par. 1. pag. 765
 N. ante 16. consil. 34. de regul. lib. 3.
 par. 1. pag. 766
 Quidam desiderans. consil. 35. de re-
 gular. lib. 3. par. 1. pag. 768
 Præsupposito quod. consil. 36. de re-
 gular. lib. 3. par. 1. pag. 769
 B. professus. consil. 37. de regular. lib.
 3. par. 1. pag. 770
 Respondeo præfatos. consil. 38. de re-
 gular. lib. 3. par. 1. pag. 771
 Quidam Ludouicus. consil. 39. de re-
 gular. lib. 3. par. 1. pag. 772
 Matthæus professus. consil. 40. de regul.
 lib. 3. par. 1. pag. 773
 Per delationem. consil. 41. de regular.
 lib. 3. par. 1. pag. 776
 Portia. consil. 42. de regular. lib. 3. par.
 1. pag. 777
 Quidam ingressus. consil. 43. de regul.
 lib. 3. par. 1. pag. 781
 M. religionis habitu. consil. 44. de re-
 gular. lib. 3. par. 1. pag. 783
 De eo qui. consil. 45. de regular. lib.
 3. par. 1. pag. 784
 Herus & famulus. consil. 46. de regul.
 lib. 3. par. 1. pag. 785
 Quidam hermaphroditus. consil. 47.
 de regular. lib. 3. par. 1. pag. 787
 Primo queritur. consil. 48. de regular.
 lib. 3. par. 1. pag. 788
 An sit vere. consil. 49. de regular. lib.
 3. par. 1. pag. 789

Bernardina. consil. 50. de regul. lib. 3.
 par. 1. pag. 791
 Carthusianorum religio. consil. 51. de
 regular. lib. 3. par. 1. pag. 793
 Monachus Casinensis. consil. 52. de re-
 gular. lib. 3. par. 1. pag. 794
 Vtrum frater. consil. 53. de regular.
 lib. 3. par. 1. pag. 795
 An religiosus. consil. 54. de regular.
 lib. 3. par. 1. pag. 796
 Religiosus vouit. consil. 55. de regul.
 lib. 3. par. 1. pag. 797
 An generalis. consil. 56. de regul. lib.
 3. par. 1. pag. 800
 Verum licentia. consil. 57. de regul.
 lib. 3. par. 1. pag. 801
 Quidam regularis. consil. 58. de regul.
 lib. 3. par. 1. pag. 801
 Quidam translatus. consil. 59. de re-
 gular. lib. 3. par. 1. pag. 801
 An monachus. consil. 60. de regular.
 lib. 3. par. 1. pag. 803
 Quidam abbas. consil. 61. de regular.
 lib. 3. par. 1. pag. 804
 An Franciscanus. consil. 62. de regul.
 lib. 3. par. 1. pag. 806
 Regularis. consil. 63. de regular. lib. 3.
 par. 1. pag. 809
 An regularis. consil. 64. de regular.
 lib. 3. par. 1. pag. 810
 An N. translatus. consil. 65. de regul.
 lib. 3. par. 1. pag. 810
 An religiosus. consil. 66. de regular.
 lib. 3. par. 1. pag. 812
 N. olim. consil. 67. de regular. lib. 3.
 par. 1. pag. 813
 N. translatus. consil. 68. de regular.
 lib. 3. par. 1. pag. 814
 An superior. consil. 69. de regular. lib.
 3. par. 1. pag. 815
 Præfectus. consil. 70. de regularib. lib.
 3. par. 1. pag. 816
 Quidam religiosus. consil. 71. de regul.
 lib. 3. par. 1. pag. 818
 N. regularis. consil. 72. de regular.
 lib.

lib. 3. par. 1. pag. 819
 Quæritur utrum. consil. 73. de regular. lib. 3. par. 1. pag. 821
 Frater quidam. consil. 74. de regul. lib. 3. par. 1. pag. 821
 Nemo negare. consil. 75. de regular. lib. 3. par. 1. pag. 824
 Volens Pontifex. consil. 76. de regul. lib. 3. par. 1. pag. 826
 Quæritur primo. consil. 77. de regul. lib. 3. par. 1. pag. 827
 Generalis N. consil. 78. de regul. lib. 3. par. 1. pag. 830
 An expulsus. consil. 79. de regul. lib. 3. par. 1. pag. 831
 N. professus. consil. 80. de regul. lib. 3. par. 1. pag. 833
 Nobilis. consil. 81. de regular. lib. 3. par. 1. pag. 833
 An donatio. consil. 82. de regul. lib. 3. par. 1. pag. 834
 An liberatio. consil. 83. de regul. lib. 3. par. 1. pag. 836
 Quidam N. consil. 84. de regular. lib. 3. par. 1. pag. 837
 Quidam frater. consil. 85. de regular. lib. 3. par. 1. pag. 838
 An Minores fratres. consil. 86. de regular. lib. 3. par. 1. pag. 839
 An qui. consil. 87. de regul. lib. 3. par. 1. pag. 840
 An frater. consil. 88. de regular. lib. 3. par. 1. pag. 841
 Cum de iure. consil. 89. de regularib. lib. 3. par. 1. pag. 842
 Dubitatur. consil. 90. de regular. lib. 3. par. 1. pag. 845
 An monialis. consil. 91. de regular. lib. 3. par. 1. pag. 846

De conuersione coniugatorum.

An sponsa. consil. 1. de conuers. coniug. lib. 3. par. 1. pag. 846
 Quidam nobilis. consil. 2. de conuers.

coniug. lib. 3. par. 1. pag. 848
 Contraxerunt duo. consil. 3. de conuers. coniug. lib. 3. par. 1. pag. 849
 Ante Concil. consil. 4. de conuers. coniug. lib. 3. par. 1. pag. 851
 Quidam inuita. consil. 5. de conuers. coniug. lib. 3. par. 1. pag. 852
 Pompilius coniugatus. consil. 6. de conuers. coniug. lib. 3. par. 1. pag. 855
 An valeat professio. consil. 7. de conuers. coniug. lib. 3. par. 1. pag. 856
 Quæsitum est. consil. 8. de conuers. coniug. lib. 3. par. 1. pag. 856
 Cum certum sit. consil. 9. de conuers. coniug. lib. 3. par. 1. pag. 858
 Vtrum vxoratus. consil. 10. de conuers. coniug. lib. 3. par. 1. pag. 858
 Franciscus duxit. consil. 11. de conuers. coniug. lib. 3. par. 1. pag. 859
 Socrates contraxit. consil. 12. de conuers. coniug. lib. 3. par. 1. pag. 861
 An coniugatus. consil. 13. de conuers. coniug. lib. 3. par. 1. pag. 862
 Quidam coniugatus. consil. 14. de conuers. coniug. lib. 3. par. 1. pag. 864
 Quidam contraxit. consil. 15. de conuers. coniug. lib. 3. par. 1. pag. 866

De conuersione infidelium.

An infidelis. consil. 1. de conuers. infid. lib. 3. par. 1. pag. 868
 Iudæus & Iudæa. consil. 2. de conuers. infid. lib. 3. par. 1. pag. 870
 Lazarus Hebræus. consil. 3. de conuers. infid. lib. 3. par. 1. pag. 873
 Quidam Hebræus. consil. 4. de conuers. infid. lib. 3. par. 1. pag. 879

De

CONSILIORVM.

De voto.

Quia vt Plin. consil. 1. de voto. lib. 3.
par. 1. pag. 895
Votum factum. consil. 2. de vot. lib. 3.
par. 1. pag. 896
Primo quæritur. consil. 3. de vot. lib.
3. par. 1. pag. 897
Doctor quidam. consil. 4. de vot. lib. 3.
par. 1. pag. 898
Quæritur an qui. consil. 5. de vot. lib.
3. par. 1. pag. 900
Scrupulis quidam. consil. 6. de vot. lib.
3. par. 1. pag. 901
De eo qui. consil. 7. de vot. lib. 3. par.
1. pag. 902
Puella quæ deliberate. consil. 8. de vot.
lib. 3. par. 1. pag. 903
Virgilius. consil. 9. de vot. lib. 3. par.
1. pag. 904
Iurans, vel vouens. consil. 10. de vot.
lib. 3. par. 1. pag. 905
Cato. consil. 11. de vot. lib. 3. par. 1.
pag. 906
An putans. consil. 12. de vot. lib. 3. par.
1. pag. 907
Franciscus litterarum. consil. 13. de
vot. lib. 3. par. 1. pag. 907
An qui vouit. consil. 14. de vot. lib. 3.
par. 1. pag. 909
Quidam N. consil. 15. de vot. lib. 3. par.
1. pag. 909
Quædam illustriſſ. consil. 16. de vot.
lib. 3. par. 1. pag. 910
Maria vouit. consil. 17. de vot. lib. 3.
par. 1. pag. 913
Brunellus vouit. consil. 18. de vot. lib.
3. par. 1. pag. 916
Quidam vouit. consil. 19. de vot. lib.
3. par. 1. pag. 918
Sempronius tenetur. consil. 20. de
vot. lib. 3. par. 1. pag. 919
Præſuppoſito. consil. 21. de vot. lib. 3.
par. 1. pag. 920
Lucius facerdos. consil. 22. de vot.

lib. 3. par. 1. pag. 922
An qui tenetur. consil. 23. de vot.
lib. 3. par. 1. pag. 923
Vouens ingredi. consil. 24. de vot. lib.
3. par. 1. pag. 925
Salustius vouit. consil. 25. de vot. lib.
3. par. 1. pag. 925
N. desiderio. consil. 26. de vot. lib. 3.
par. 1. pag. 926
Horatius vouit. consil. 27. de vot. lib.
3. par. 1. pag. 927
Quidam ægrotus. consil. 28. de vot.
lib. 3. par. 1. pag. 929
Pascasius qui vouit. consil. 29. de
vot. lib. 3. par. 1. pag. 930
An scholaſticus. consil. 30. de vot. lib.
3. par. 1. pag. 930
Vtrum habens. consil. 31. de vot. lib.
3. par. 1. pag. 931
Annibal vouit. consil. 32. de vot. lib.
3. par. 1. pag. 931
An Papa. consil. 33. de vot. lib. 3. par.
1. pag. 932
Quidam nobilis. consil. 34. de vot. lib.
3. par. 1. pag. 933
Vir quidam. consil. 35. de vot. lib. 3.
par. 1. pag. 934
Vouens non ludere. consil. 36. de vot.
lib. 3. par. 1. pag. 936
Peto primo an ordo. consil. 37. de
vot. lib. 3. par. 1. pag. 938
Quæritur primo. consil. 38. de vot.
lib. 3. par. 1. pag. 942
An adoleſcens. consil. 39. de vot. lib.
3. par. 1. pag. 951
Quæritur ex facto. consil. 40. de vot.
lib. 3. par. 1. pag. 952
An cum vouente. consil. 41. de vot.
lib. 3. par. 1. pag. 953
An votum de. consil. 42. de vot. lib. 3.
par. 1. pag. 953
Burleus vouit. consil. 43. de vot. lib.
3. par. 1. pag. 954
Collatio beneficij. consil. 44. de vot.
lib. 3. par. 1. pag. 954

I N D E X

De statu monachorum.

- An excommunicatus. consil. 1. de stat. monach. lib. 3. par. 1. pag. 955
 An abbatissa. consil. 2. de stat. monac. lib. 3. par. 1. pag. 955
 Agnosco in primis. consil. 3. de stat. monach. lib. 3. par. 1. pag. 960
 Beatissime Pater. consil. 4. de stat. monach. lib. 3. par. 1. pag. 987
 An generalis. consil. 5. de stat. monac. lib. 3. par. 1. pag. 988
 Dubitatum fuit. consil. 6. de stat. monach. lib. 3. par. 1. pag. 992
 Excellentissime domine. consil. 7. de stat. monach. lib. 3. par. 1. pag. 998
 Ad primum dubium. consil. 8. de stat. monach. lib. 3. par. 1. pag. 1001
 An Episcopis. consil. 9. de stat. monach. lib. 3. par. 1. pag. 1002
 An canonicus regularis. consil. 10. de stat. monach. lib. 3. par. 1. pag. 1005
 Queritur primo. consil. 11. de stat. monach. lib. 3. par. 1. pag. 1005
 Petitur an canonici. consil. 12. de stat. monach. lib. 3. par. 1. pag. 1007
 Quæsitum est an. consil. 13. de stat. monach. lib. 3. par. 1. pag. 1008
 Generalis ordinis. consil. 14. de stat. monach. lib. 3. par. 1. pag. 1012
 N. nobilis. consil. 15. de stat. monach. lib. 3. par. 1. pag. 1017
 Canonicus regularis. consil. 16. de stat. monach. lib. 3. par. 1. pag. 1018
 Regularis apostata. consil. 17. de stat. monach. lib. 3. par. 1. pag. 1020
 Conuocatio canonicorum. consil. 18. de stat. monach. lib. 3. par. 1. pag. 1020

De religiosis domibus.

- An rector. consil. 1. de religios. domib. lib. 3. par. 1. pag. 1023

- An hospitale. consil. 2. de religios. domib. lib. 3. par. 1. pag. 1024
 Quidam N. consil. 3. de religios. domib. lib. 3. par. 1. pag. 1025

De iure patronatus.

- An præsentatio. consil. 1. de iur. patr. lib. 3. par. 1. pag. 1026
 An beneficiarius. consil. 2. de iur. patro. lib. 3. par. 1. pag. 1027
 N. habens. consil. 3. de iur. patro. lib. 3. par. 1. pag. 1028
 Quidam clericus. consil. 4. de iur. patro. lib. 3. par. 2. pag. 1028
 An concurrentibus. consil. 5. de iur. patro. lib. 3. par. 1. pag. 1029
 Quæstio prima. consil. 6. de iur. patr. lib. 3. par. 1. pag. 1031
 Sanctus Franciscus. consil. 7. de iur. patro. lib. 3. par. 1. pag. 1034
 In prouincia. consil. 8. de iur. patro. lib. 3. par. 1. pag. 1043

De censibus.

- An notarius. consil. 1. de censib. lib. 3. par. 1. pag. 1054
 Vtrum pœna. consil. 2. de censib. lib. 3. par. 1. pag. 1055
 Pro presbyteris. consil. 3. de censib. lib. 3. par. 1. pag. 1056
 An liceat Archiepiscopo. consil. 4. de censib. lib. 3. par. 1. pag. 1057
 Queritur an. consil. 5. de censib. lib. 3. par. 1. pag. 1058
 Primo queritur. consil. 6. de censib. lib. 3. par. 1. pag. 1059
 Interrogatus an. consil. 7. de censib. lib. 3. par. 1. pag. 1062
 An qui dominus. consil. 8. de censib. lib. 3. par. 1. pag. 1063
 An communitas. consil. 9. de censib. lib. 3. par. 1. pag. 1064

CONSILIORVM:

De consecratione ecclesie, vel altaris.

An reconciliatio. consil. 1. de consecrat. eccles. vel altar. lib. 3. par. 1. pag. 1065

An vestium. consil. 2. de consecrat. eccles. vel altar. lib. 3. par. 1. pag. 1066

De celebratione missarum.

Quæsitum est primo. consil. 1. de celebrat. miss. lib. 3. par. 1. pag. 1067

An liceat sacerdoti. consil. 2. de celebrat. miss. lib. 3. par. 1. pag. 1068

An orationes. consil. 3. de celebrat. miss. lib. 3. par. 1. pag. 1069

Vtrum in vltima. consil. 4. de celebrat. miss. lib. 3. par. 1. pag. 1070

An Italus. consil. 5. de celebrat. miss. lib. 3. par. 1. pag. 1071

Viuenti an liceat. consil. 6. de celebrat. miss. lib. 3. par. 1. pag. 1073

N. sacerdos. consil. 7. de celebrat. miss. lib. 3. par. 1. pag. 1074

Sacerdos regularis. consil. 8. de celebrat. miss. lib. 3. par. 1. pag. 1076

Ex Concil. Trid. consil. 9. de celebrat. miss. lib. 3. par. 1. pag. 1077

Ad septem quæstiones. consil. 10. de celebrat. miss. lib. 3. par. 1. pag. 1078

In quadam ecclesia. consil. 11. de celebrat. missar. lib. 3. par. 1. pag. 1083

Quæritur primo. consil. 12. de celebrat. miss. lib. 3. par. 1. pag. 1084

An canonicis. consil. 13. de celebrat. miss. lib. 3. par. 1. pag. 1084

Quidam clericus. consil. 14. de celebrat. miss. lib. 3. par. 1. pag. 1085

Quidam abbas. consil. 15. de ce-

lebrat. miss. lib. 3. par. 1. pag. 1086

An qui non. consil. 16. de celebrat. miss. lib. 3. par. 1. pag. 1087

N. petijt. consil. 17. de celebrat. miss. lib. 3. par. 1. pag. 1088

An beneficiarius. consil. 18. de celebrat. miss. lib. 3. par. 1. pag. 1089

De beneficiario, qui emit. consil. 19. de celebrat. miss. lib. 3. par. 1. pag. 1090

Canonicus cathedralis. consil. 20. de celebrat. miss. lib. 3. par. 1. pag. 1091

An subdiaconus. consil. 21. de celebrat. miss. lib. 3. par. 1. pag. 1092

Inlius. consil. 22. de celebrat. miss. lib. 3. par. 1. pag. 1093

An indulgentia. consil. 23. de celebrat. miss. lib. 3. par. 1. pag. 1094

De baptismo.

Vtrum catechizandus. consil. 1. de baptis. lib. 3. par. 1. pag. 1095

De quodam N. consil. 2. de baptis. lib. 3. par. 1. pag. 1097

An monstrum. consil. 3. de baptis. lib. 3. par. 1. pag. 1097

Cum Græci. consil. 4. de baptis. lib. 3. par. 1. pag. 1098

Quia interdum. consil. 5. de baptis. lib. 3. par. 1. pag. 1100

Vtrum sicut. consil. 6. de baptis. lib. 3. par. 1. pag. 1101

De reliquijs & vener. sanct.

An liceat tenere. consil. 1. de reliq. & vener. sanct. lib. 3. par. 1. pag. 1102

Abbas ex cœmeterio. consil. 2. de reliq.

I N D E X

& vener. sanct. lib. 3. par. 1. pag.
1103
• Vtrum Synodus. consil. 3. de reliq.
& vener. sanct. lib. 3. par. 1. pag.
1104

De observatione ieiuniorum.

Respondeo quod. consil. 1. de obser-
uat. ieiun. lib. 3. par. 1. pag. 1104
An qui. consil. 2. de obseruat. ieiun.
lib. 3. par. 1. pag. 1105
Dominus. consil. 3. de obseru. ieiun.
lib. 3. par. 1. pag. 1105
An dispensatus. consil. 4. de obseruat.
ieiun. lib. 3. par. 1. pag. 1106
Gregorius. consil. 5. de obseruat. ie-
iun. lib. 3. par. 1. pag. 1106
Papa fecit. consil. 6. de obseruat. ieiun-
ior. lib. 3. par. 1. pag. 1107

De ecclesiis edificandis.

Quæritur an pensionarius. consil. 1.
de eccles. ædificand. lib. 3. par. 1.
pag. 1108

De immunitate ecclesiarum.

Ex ecclesia. consil. 1. de immunit. ec-
cles. lib. 3. par. 1. pag. 1109
Prætor & magistratus. consil. 2. de im-

munit. eccles. lib. 3. par. 1. pag.
1110
Quæsitum fuit. consil. 3. de immunit.
eccles. lib. 3. par. 1. pag. 1111
Resp. N. consil. 4. de immunit. eccles.
lib. 3. par. 1. pag. 1112
N. sacerdos. consil. 5. de immunit. ec-
cles. lib. 3. par. 1. pag. 1114
Quædam confratria. consil. 6. de im-
munit. eccles. lib. 3. par. 1. pag.
1115

De cleric. vel monach. sæc. neg.

An presbyter. consil. 1. ne cleric. vel
monach. sæc. neg. lib. 3. par. 1. pag.
1116
Quæstio est. consil. 2. ne cler. vel mo-
nach. sæc. neg. lib. 3. par. 1. pag.
1117
De medico. consil. 3. ne cler. vel mo-
nach. sæc. neg. lib. 3. par. 1. pag.
1118
Super contentis. consil. 4. ne cler. vel
monach. sæc. neg. lib. 3. par. 1. pag.
1119
N. lector. consil. 5. ne cler. vel mo-
nach. sæc. neg. lib. 3. par. 1. pag.
1120
Clericus. consil. 6. ne cler. vel mo-
nach. sæc. neg. lib. 3. par. 1. pag.
1121

FINIS TERTII LIBRI.

TITV-

TITVLVS

LIBRI QVARTI

CONSILIORVM

D. NAVARRI.



DE sponsalibus & matrim.
lib. 4. par. 2. pag. 3
De dispensatione impube-
rum. lib. 4. par. 2. pag. 31
De clandestina desponsatione. lib. 4.
par. 2. pag. 43
De conditionibus appositis. lib. 4.
par. 1. pag. 60
Qui clerici vel vouentes. lib. 4. par.
2. pag. 66
De eo qui duxit in matrimonium
quam pollui. per adult. lib. 4. par.
2. pag. 70
De cognatione spirituali. lib. 4. par.
2. pag. 75
De eo qui cognouit consang. vxoris
suz. lib. 4. par. 2. pag. 87
De consanguinit. & affinit. lib. 4. par.
2. pag. 89
De frigidis, & maleficiatis, & impot.
coeun. lib. 4. par. 2. pag. 114
De matrim. contracto cont. interd.
Ecclesie. lib. 4. par. 2. pag. 127
Qui filij sint legitimi. lib. 4. par. 2.
pag. 129
De diuortijs. lib. 4. par. 2. pag. 137
De donationibus inter virum & vxo-
rem. lib. 4. par. 2. pag. 148
De secundis nuptijs. lib. 4. par. 2. pag.
150

INDEX CONSILIORVM

Quarti libri.

De sponsalibus.

Queritur quis. consil. 1. de sponsal.
lib. 4. par. 2. pag. 3
N. dedit mandatum. consil. 2. de spon-
salib. lib. 4. par. 2. pag. 4
A. plebeius. consil. 3. de sponsalib.
lib. 4. par. 2. pag. 4
Iacobus, & Latitia. consil. 4. de spon-
sal. lib. 4. par. 2. pag. 6
Questio hæc. consil. 5. de sponsal. lib.
4. par. 2. pag. 7
Distuli dicere. consil. 6. de sponsalib.
lib. 4. par. 2. pag. 10
Sempronius. consil. 7. de sponsal. lib.
4. par. 2. pag. 11
Parentes sponsalia. consil. 8. de spon-
sal. lib. 4. par. 2. pag. 12
Francisca contraxit. consil. 9. de spon-
sal. lib. 4. par. 2. pag. 13
Conuenerunt parentes. consil. 10. de
sponsal. lib. 4. par. 2. pag. 14
Petrus contraxit. consil. 11. de spon-
sal. lib. 4. par. 2. pag. 14
An habita dispensatione. consil. 12.
de sponsal. lib. 4. par. 2. pag. 16
An coniux. consil. 13. de sponsal. lib.
4. par. 2. pag. 18

I N D E X

Ad interrogata. consil. 14. de sponsal.
lib. 4. par. 2. pag. 19
Inueniuntur homines. consil. 15. de
sponsal. lib. 4. par. 2. pag. 26
Parochus. consil. 16. de sponsal. lib. 4.
par. 2. pag. 27
An quis possit. consil. 17. de sponsal.
lib. 4. par. 2. pag. 28
Petrus contractis. consil. 18. de spon-
sal. lib. 4. par. 2. pag. 29
Promisit quis. consil. 19. de sponsal.
lib. 4. par. 2. pag. 30
Virginem quidam. consil. 20. de spon-
sal. lib. 4. par. 2. pag. 30

De desponsatione impuberum.

Vir vigesimum. consil. 1. de desponsat.
impub. lib. 4. par. 2. pag. 31
N. & M. consil. 2. de despons. impub.
lib. 4. par. 2. pag. 32
Rogatus quid. consil. 3. de desponsat.
impub. lib. 4. par. 2. pag. 32
Tractatum est. consil. 4. de desponsat.
impub. lib. 4. par. 2. pag. 34
Beatissime Pater. consil. 5. de despon-
sat. impub. lib. 4. par. 2. pag. 41

De clandestina desponsatione.

Quidam volentes. consil. 1. de clan-
dest. desponsat. lib. 4. par. 2. pag.
42
An commendatarius. consil. 2. de
clandest. desponsat. lib. 4. par. 2.
pag. 44
Quæsitum fuit. consil. 3. de clandest.
desponsat. lib. 4. par. 2. pag. 45
Vtrum ad matrimonij. consil. 4. de
clandest. desponsat. lib. 4. par. 2.
pag. 47
N. & M. contraxerunt. consil. 5. de
clandest. desponsat. lib. 4. par. 2.
pag. 48
An valeat matrimonium. consil. 6.

de clandest. desponsat. lib. 4. par.
2. pag. 49
Ciuitatis incolæ. consil. 7. de clan-
dest. desponsat. lib. 4. par. 2. pag.
49
An teneat matrimonium. consil. 8. de
clandest. desponsat. lib. 4. par. 2.
pag. 50
Vtrum in contrahendo. consil. 9. de
clandest. desponsat. lib. 4. par. 2. pag.
51
An vicarius. consil. 10. de clandest. de-
sponsat. lib. 4. par. 2. pag. 53
Quidam contrahere. consil. 11. de
clandest. desponsat. lib. 4. par. 2. pag.
53
Vtrum licentia. consil. 12. de clan-
dest. desponsat. lib. 4. par. 2. pag.
54
An sacerdos. consil. 13. de clandest.
desponsat. lib. 4. par. 2. pag. 55
Quidam volentes. consil. 14. de clan-
dest. desponsat. lib. 4. par. 2. pag.
56
Duo ante Concilij. consil. 15. de clan-
dest. desponsat. lib. 4. par. 2. pag.
59

De condit. apposit.

An qui contraxerunt. consil. 1. de
condit. apposit. lib. 4. par. 2. pag.
60
An mulier. consil. 2. de condit. appo-
sit. lib. 4. par. 2. pag. 63
Quæritur an. consil. 3. de condit. ap-
posit. lib. 4. par. 2. pag. 65

Qui clerici vel vouentes.

Quæsitum est. consil. 1. qui cler. vel vo-
uen. lib. 4. par. 2. pag. 66
N. prouisus. consil. 2. qui cleric. vel
vouen. lib. 4. par. 2. pag. 67

De

CONSILIORVM.

*De eo qui duxit in matrim. quam
poll. per adult.*

Maritus. consil. 1. de eo qui duxit in
matrim. quam poll. per adult. lib.
4. par. 2. pag. 70

Quidam qui. consil. 2. de eo qui duxit
in matrim. quam poll. per adult.
lib. 4. par. 2. pag. 72

A. viuentis priore. consil. 3. de eo qui
duxit in matrim. quam poll. per adul.
lib. 4. par. 2. pag. 72

Contraxit M. consil. 4. de eo qui duxit
in matrim. quam poll. per adult.
lib. 4. par. 2. pag. 74

Ad questionem. consil. 5. de eo qui du-
xit in matrim. quam poll. per adult.
lib. 4. par. 2. pag. 74

De cognatione spiritali.

An non baptizatus baptizando. consil.
1. de cognat. spirit. lib. 4. par.
2. pag. 75

Queritur an infans. consil. 2. de co-
gnat. spirit. lib. 4. par. 2. pag. 76

T. annorum. consil. 3. de cognat. spi-
rit. lib. 4. par. 2. pag. 78

An patrinus. consil. 4. de cognat. spi-
rit. lib. 4. par. 2. pag. 78

Sponsi. consil. 5. de cognat. spirit. lib.
4. par. 2. pag. 79

An cognatio. consil. 6. de cognat. spi-
rit. lib. 4. par. 2. pag. 80

Parentes. consil. 7. de cognat. spirit.
lib. 4. par. 2. pag. 84

I. & A. consil. 8. de cognat. spirit. lib.
4. par. 2. pag. 85

De eo qui cognouit consang. vxoris sue.

An incestus. consil. 1. de eo qui cogn.
consang. vxor. suæ. lib. 4. par. 2.
pag. 87

An qui cum. consil. 2. de eo qui cogn.
consang. vxor. suæ. lib. 4. par. 2.
pag. 88

De consanguinit. & affinit.

Antonius vellet. consil. 1. de consang.
& affinit. lib. 4. par. 2. pag. 89

Volentibus duobus. consil. 2. de con-
sang. & affinit. lib. 4. par. 2. pag. 90

Iulius duxit. consil. 3. de consang. &
affinit. lib. 4. par. 2. pag. 91

Contra id. consil. 4. de consang. & af-
finit. lib. 4. par. 2. pag. 92

Cum quidam. consil. 5. de consang. &
affinit. lib. 4. par. 2. pag. 95

Dubium est. consil. 6. de consang. &
affinit. lib. 4. par. 2. pag. 98

Queritur an. consil. 7. de consang. &
affinit. lib. 4. par. 2. pag. 99

An consanguinei. consil. 8. de con-
sang. & affinit. lib. 4. par. 2. pag.
101

An valeat dispensatio. consil. 9. de
consang. & affinit. lib. 4. par. 2. pag.
103

N. tractabat. consil. 10. de consang.
& affinit. lib. 4. par. 2. pag. 105

Quidam quarto. consil. 11. de con-
sang. & affinit. lib. 4. par. 2. pag.
107

An qui. consil. 12. de consang. & affi-
nit. lib. 4. par. 2. pag. 107

An infrascriptæ. consil. 13. de con-
sang. & affinit. lib. 4. par. 2. pag.
111

An Episcopus. consil. 14. de consang.
& affinit. lib. 4. par. 2. pag. 112

Instante. consil. 15. de consang. & affi-
nit. lib. 4. par. 2. pag. 112

An dispensatio. consil. 16. de con-
sang. & affinit. lib. 4. par. 2. pag.
114

De frigidis & maleficiatis.

Carolus, & Anna. consil. 1. de frig. & malefic. lib. 4. par. 2. pag. 114
 Postquam B. consil. 2. de frig. & malef. lib. 4. par. 2. pag. 117
 Quidam spado. consil. 3. de frigid. & malefic. lib. 4. par. 2. pag. 126

De matrimonio contracto contra interd. Eccles.

Quidam iuuenis. consil. 1. de matr. contracto contra interd. Eccles. lib. 4. par. 2. pag. 127
 Vtrum Papa. consil. 2. de matr. contracto contra interd. Eccles. lib. 4. par. 2. pag. 128

Qui filij sint legitimi.

Regularis quidam. consil. 1. qui filij sint legitimi. lib. 4. par. 2. pag. 129
 An Papa. consil. 2. qui filij sint legit. lib. 4. par. 2. pag. 132
 Episcopus accepta. consil. 3. qui filij sint legitimi. lib. 4. par. 2. pag. 137

De diuortijs.

Vir propter notorium. consil. 1. de

diuortijs. lib. 4. par. 2. pag. 138
 N. postquam. consil. 2. de diuortijs. lib. 4. par. 2. pag. 140
 Excellentissime domine. consil. 3. de diuortijs. lib. 4. par. 2. pag. 141
 Vxor saepius. consil. 4. de diuortijs. lib. 4. par. 2. pag. 143
 Existente discordia. consil. 5. de diuortijs. lib. 4. par. 2. pag. 145
 Queritur quid si haeretica. consil. 6. de diuortijs. lib. 4. par. 2. pag. 146
 Pro resolutione. consil. 7. de diuortijs. lib. 4. par. 2. pag. 147

De donationibus inter virum & uxorem.

In contractu. consil. 1. de donat. inter vir. & vxor. lib. 4. par. 2. pag. 148
 Paulus donauit. consil. 2. de donat. inter vir. & vxor. lib. 4. par. 2. pag. 149

De secundis nuptijs.

Vxor eo quod. consil. 1. de secundis nupt. lib. 4. par. 2. pag. 150
 Quae nupsit. consil. 2. de secund. nupt. lib. 4. par. 2. pag. 151
 Octavius vir. consil. 3. de secund. nupt. lib. 4. par. 2. pag. 151

FINIS QVARTI LIBRI.

QVIN

LIBRI QVINTI CONSILIORVM D. NAVARRI.



DE accusationibus. lib. 5.
par. 2. pag. 154
De simonia. lib. 5. par. 2. pag.
166
Ne praelati vices suas vel eccl. sub
ann. cens. conced. lib. 5. par. 2. pag.
332
De magistris, & ne aliqui exig. pro
licen. docendi. lib. 5. par. 2. pag.
334
De ludæis & Sar. & eor. seru. lib. 5.
par. 2. pag. 336
De hæreticis. lib. 5. par. 2. pag.
351
De apostatis. lib. 5. par. 2. pag. 404
De homicidio voluntario, vel casua-
li. lib. 5. par. 2. pag. 409
De torneamentis. lib. 5. par. 2. pag.
459
De adulterijs, & stupro. lib. 5. par. 2.
pag. 459
De raptoribus, incend. & violat. ec-
cles. lib. 5. par. 2. pag. 460
De furtis. lib. 5. par. 2. pag. 468
De vsuris. lib. 5. par. 2. pag. 472
De crimine falsi. lib. 5. par. 2. pag.
554
De sortilegijs. lib. 5. par. 2. pag.
559
De clerico excommunic. depof. vel

interd. minist. lib. 5. par. 2. pag.
563
De clerico non ordin. minist. lib. 5.
par. 2. pag. 578
De eo qui furtive ordin. suscep. lib.
5. par. 2. pag. 584
De priuilegijs, & excessib. priuileg.
lib. 5. par. 2. pag. 589
De purgatione canonica. lib. 5. par.
2. pag. 618
De purgatione vulgari. lib. 5. par. 2.
pag. 629
De iniurijs, & damno dato. lib. 5. par.
2. pag. 633
De pœnis. lib. 5. par. 2. pag. 650
De pœnitentijs & remissionibus.
lib. 5. par. 2. pag. 651
De sententia excommunicationis.
lib. 5. par. 2. pag. 718
De verborum significatione. lib. 5.
par. 2. pag. 821

INDEX CONSILIORVM Quinti libri.

De accusationibus.

Quædam mulier. consil. 1. de accus.
lib. 5. par. 2. pag. 154

An

I N D E X

An possit fieri. consil. 2. de accusat.
lib. 5. par. 2. pag. 155
Vir nequam regularis. consil. 3. de ac-
cusat. lib. 5. par. 2. pag. 158
Dux mulierculz. consil. 4. de accusat.
lib. 5. par. 2. pag. 158
Quidam sacerdos. consil. 5. de ac-
cusat. lib. 5. par. 2. pag. 160
An accusatus. consil. 6. de accusat.
lib. 5. par. 2. pag. 161
Super antinomia. consil. 7. de accusat.
lib. 5. par. 2. pag. 162
Sacerdos quidam. consil. 8. de ac-
cusat. lib. 5. par. 2. pag. 165

De simonia.

De Episcopo. consil. 1. de simon. lib.
5. par. 2. pag. 167
Quaritur utrum. consil. 2. de simon.
lib. 5. par. 2. pag. 169
Canonici cathedralis. consil. 3. de si-
mon. lib. 5. par. 2. pag. 169
An committatur simonia. consil. 4.
de simon. lib. 5. par. 2. pag. 171
Is ad quem. consil. 5. de simon. lib. 5.
par. 2. pag. 172
Cardinalis quidam. consil. 6. de si-
mon. lib. 5. par. 2. pag. 174
Quidam Episcopus. consil. 7. de simon.
lib. 5. par. 2. pag. 175
Cum ad triginta. consil. 8. de simonia.
lib. 5. par. 2. pag. 176
Mandato de simoniace. consil. 9. de
simon. lib. 5. par. 2. pag. 178
Patronus cathedralis. consil. 10. de si-
mon. lib. 5. par. 2. pag. 179
Quidam A. consil. 11. de simon. lib. 5.
par. 2. pag. 182
Abbas & conuentus. consil. 12. de si-
mon. lib. 5. par. 2. pag. 184
Inter F. & P. consil. 13. de simon. lib. 5.
par. 2. pag. 186
Sempronius. consil. 14. de simon. lib. 5.
par. 2. pag. 186

Multris renunciant. consil. 15. de sim.
lib. 5. par. 2. pag. 190
Simonia an sit. consil. 16. de simon.
lib. 5. par. 2. pag. 192
Quod renuntiare beneficium. consil.
17. de simon. lib. 5. par. 2. pag. 194
Franciscus & M. consil. 18. de simon.
lib. 5. par. 2. pag. 195
Renuntiavit quis. consil. 19. de simon.
lib. 5. par. 2. pag. 199
Theopompus renuntiavit. consil. 20.
de simon. lib. 5. par. 2. pag. 196
An simoniacus. consil. 21. de simon.
lib. 5. par. 2. pag. 198
Franciscus, & Petrus. consil. 22. de si-
mon. lib. 5. par. 2. pag. 199
Antonius dicit Petro. consil. 23. de
simon. lib. 5. par. 2. pag. 201
A. nullum beneficium. consil. 24. de
simon. lib. 5. par. 2. pag. 202
Sunt duo sacerdotes. consil. 25. de sim.
lib. 5. par. 2. pag. 203
Ioannes. consil. 26. de simon. lib. 5. par.
2. pag. 204
Quidam renuntiavit. consil. 27. de si-
mon. lib. 5. par. 2. pag. 205
An expressio valoris. consil. 28. de si-
mon. lib. 5. par. 2. pag. 206
An committant simoniam. consil. 29.
de simon. lib. 5. par. 2. pag. 208
Tres videntur questiones. consil. 30.
de simon. lib. 5. par. 2. pag. 210
T. & S. consil. 31. de simon. lib. 5. par.
2. pag. 211
Habet quidam regressum. consil. 32.
de simon. lib. 5. par. 2. pag. 212
Quidam rogavit. consil. 33. de simon.
lib. 5. par. 2. pag. 214
Duo connexerunt. consil. 34. de simon.
lib. 5. par. 2. pag. 215
Mediantibus. consil. 35. de simon. lib. 5.
par. 2. pag. 216
A. & B. consil. 36. de simon. lib. 5. par.
2. pag. 217
Iulius, & Octavius. consil. 37. de
simon.

C O N S I L I O R V M.

simon. lib. 5. par. 2. pag. 219
 N. presbyter. consil. 38. de simon. lib.
 5. par. 2. pag. 228
 Vacante simplici beneficio. consil.
 39. de simon. lib. 5. par. 2. pag.
 229
 Ioannes, & Petrus. consil. 40. de simon.
 lib. 5. par. 2. pag. 230
 Quidam petens ecclesiam. consil. 41.
 de simon. lib. 5. par. 2. pag. 231
 Beneficio vacante iuris patronatus.
 consil. 42. de simon. lib. 5. par. 2. pag.
 232
 Caius, & Titius. consil. 43. de simon.
 lib. 5. par. 2. pag. 233
 Litigantibus N. & P. consil. 44. de si-
 mon. lib. 5. par. 2. pag. 236
 Duo litigantes. consil. 45. de simon.
 lib. 5. par. 2. pag. 237
 Hieronymus, & Alexander. consil.
 46. de simon. lib. 5. par. 2. pag.
 238
 B. & G. litigantes super. consil.
 47. de simon. lib. 5. par. 2. pag.
 240
 Exponitur. consil. 48. de simon. lib. 5.
 par. 2. pag. 242
 Quidam habens. consil. 49. de simon.
 lib. 5. par. 2. pag. 247
 Dico primo. consil. 50. de sim. lib. 5.
 par. 2. pag. 248
 Volentes duo. consil. 51. de simon. lib.
 5. par. 2. pag. 250
 Rex Sicilie. consil. 52. de simon. lib. 5.
 par. 2. pag. 251
 Vacante parochiali. consil. 53. de si-
 mon. lib. 5. par. 2. pag. 253
 Volens Titius. consil. 54. de simon.
 lib. 5. par. 2. pag. 254
 An prouisus à Papa. consil. 55. de sim.
 lib. 5. par. 2. pag. 254
 An sit peccatum. consil. 56. de simon.
 lib. 5. par. 2. pag. 255
 Quidam cum non speret. consil. 57. de
 simon. lib. 5. par. 2. pag. 256

Resignauit A. consil. 58. de simon.
 lib. 5. par. 2. pag. 258
 Quidam canonicus. consil. 59. de si-
 mon. lib. 5. par. 2. pag. 259
 Vtrum Paulus. consil. 60. de sim. lib. 5.
 par. 2. pag. 260
 Status propositus. consil. 61. de simon.
 lib. 5. par. 2. pag. 261
 Queritur in effectu. consil. 62. de si-
 mon. lib. 5. par. 2. pag. 263
 Queritur an pensio. consil. 63. de si-
 mon. lib. 5. par. 2. pag. 264
 Responderetur quod. consil. 64. de si-
 mon. lib. 5. par. 2. pag. 266
 Fuit reseruata pensio. consil. 65. de si-
 mon. lib. 5. par. 2. pag. 266
 Quidam pensionarius. consil. 66. de
 simon. lib. 5. par. 2. pag. 268
 An quidam pecunias. consil. 67. de si-
 mon. lib. 5. par. 2. pag. 272
 Realis simoniacus in beneficio. con-
 sil. 68. de simon. lib. 5. par. 2. pag.
 276
 Simoniacus in ordine. consil. 69. de si-
 mon. lib. 5. par. 2. pag. 276
 N. nobilis procurator. consil. 70. de
 simon. lib. 5. par. 2. pag. 277
 Canonicus procuratorem. consil.
 71. de simon. lib. 5. par. 2. pag.
 279
 Laicus. consil. 72. de simon. lib. 5. par.
 2. pag. 280
 Titius instante Caio. consil. 73. de si-
 mon. lib. 5. par. 2. pag. 281
 Balthasar resignauit. consil. 74. de si-
 mon. lib. 5. par. 2. pag. 283
 I. resignatarius. consil. 75. de simon.
 lib. 5. par. 2. pag. 284
 Excellentissime domine. consil. 76.
 de simon. lib. 5. par. 2. pag. 286
 Facta permutatione. consil. 77. de si-
 mon. lib. 5. par. 2. pag. 292
 Supplicatur D. V. consil. 78. de simon.
 lib. 5. par. 2. pag. 293
 Habens beneficium. consil. 79. de
 simon.

I N D E X

Simon. lib. 5. par. 2. pag. 294
 Quidam residens Romę. consil. 80. de
 simon. lib. 5. par. 2. pag. 294
 Cardinalis quidam. consil. 81. de si-
 mon. lib. 5. par. 2. pag. 297
 Quæritur quid dicendum. consil. 82.
 de simon. lib. 5. par. 2. pag. 298
 Resignatarius. consil. 83. de simon.
 lib. 5. par. 2. pag. 300
 In ecclesia Palentina. consil. 84. de
 simon. lib. 5. par. 2. pag. 301
 Parochus quidam. consil. 85. de si-
 mon. lib. 5. par. 2. pag. 305
 Banniti. consil. 86. de simon. lib. 5. par.
 2. pag. 306
 An Episcopus. consil. 87. de simon.
 lib. 5. par. 2. pag. 307
 An ordinarius Episcopus. consil. 88.
 de simon. lib. 5. par. 2. pag. 308
 Tolosa, & Auenioni. consil. 89. de si-
 mon. lib. 5. par. 2. pag. 309
 R. simoniacus in beneficio. consil. 90.
 de simon. lib. 5. par. 2. pag. 310
 Irregularis. consil. 91. de simon. lib. 5.
 par. 2. pag. 311
 An committens simoniam. consil. 92.
 de simon. lib. 5. par. 2. pag. 313
 Parmensis. consil. 93. de simon. lib. 5.
 par. 2. pag. 314
 Adolescens. consil. 94. de simon. lib. 5.
 par. 2. pag. 315
 An collatio. consil. 95. de simon. lib.
 5. par. 2. pag. 316
 Clericus. consil. 96. de simon. lib. 5.
 par. 2. pag. 839
 Si quæstionibus propositis. consil. 97.
 de simon. lib. 5. par. 2. pag. 319
 Quis dicatur. consil. 98. de simon. lib.
 5. par. 2. pag. 325
 Quæstio proposita. consil. 99. de si-
 mon. lib. 5. par. 2. pag. 326
 Circa dubium. consil. 100. de simon.
 lib. 5. par. 2. pag. 328
 An ei. consil. 101. de simon. lib. 5. par.
 2. pag. 330

Ne prelati vices suas.

Ad quæsitum. consil. 1. ne prelat. vic.
 suas. lib. 5. par. 2. pag. 332
 Canonici sede vacante. consil. 2. ne
 prelat. vic. suas. lib. 5. par. 2. pag.
 333

De magistris.

Ad inquirendam. consil. 1. de magi-
 stris. lib. 5. par. 2. pag. 334

De Iudæis.

In agro. consil. 1. de Iudæis. lib. 5. par.
 2. pag. 337
 An clausula. consil. 2. de Iudæis. lib. 5.
 par. 2. pag. 341
 Primo quæritur. consil. 3. de Iudæis.
 lib. 5. par. 2. pag. 343
 Ad primam quæstionem. consil. 4. de
 Iudæis. lib. 5. par. 2. pag. 345
 Captivus coactus. consil. 5. de Iudæis.
 lib. 5. par. 2. pag. 346
 Ad insulam. consil. 6. de Iudæis. lib. 5.
 par. 2. pag. 349

De hæreticis.

Ad determinandum. consil. 1. de hæ-
 reticis. lib. 5. par. 2. pag. 351
 Vtrum inquisitores. consil. 2. de hæ-
 reticis. lib. 5. par. 2. pag. 354
 Dubito aliquem. consil. 3. de hæreti-
 cis. lib. 5. par. 2. pag. 357
 Quidam hæreticus. consil. 4. de hære-
 tics. lib. 5. par. 2. pag. 358
 Est pœnitens. consil. 5. de hæreticis.
 lib. 5. par. 2. pag. 359
 Hypotheses. consil. 6. de hæreticis.
 lib. 5. par. 2. pag. 363
 Mansit quidam. consil. 7. de hæretic.
 lib. 5. par. 2. pag. 370

Hispa-

CONSILIORVM.

Hispanus. consil. 8. de hæret. lib. 5. par. 2. pag. 372

Queritur primo. consil. 9. de hæret. lib. 5. par. 2. pag. 374

Primo queritur. consil. 10. de hæret. lib. 5. par. 2. pag. 376

An sepeliens. consil. 11. de hæreticis. lib. 5. par. 2. pag. 379

Quæsitum est. consil. 12. de hæreticis. lib. 5. par. 2. pag. 381

Iuris peritus. consil. 13. de hæret. lib. 5. par. 2. pag. 385

Quidam gubernator. consil. 14. de hæret. lib. 5. par. 2. pag. 386

Vtrum testis. consil. 15. de hæret. lib. 5. par. 2. pag. 387

Abiuravit quidam. consil. 16. de hæret. lib. 5. par. 2. pag. 388

Confessus est. consil. 17. de hæret. lib. 5. par. 2. pag. 389

Titius religiosus. consil. 18. de hæret. lib. 5. par. 2. pag. 390

An bulla Pij V. consil. 19. de hæret. lib. 5. par. 2. pag. 392

Ad propositas quæstiones. consil. 20. de hæret. lib. 5. par. 2. pag. 393

Quid viris. consil. 21. de hæret. lib. 5. par. 2. pag. 396

Vtrum bona hæreticorum. consil. 22. de hæret. lib. 5. par. 2. pag. 397

Ad primam multarum quæstionum. consil. 23. de hæret. lib. 5. par. 2. pag. 397

N. inquisitus. consil. 24. de hæret. lib. 5. par. 2. pag. 400

An laici. consil. 25. de hæret. lib. 5. par. 2. pag. 403

De apostatis.

An dici possint. consil. 1. de apostat. lib. 5. par. 2. pag. 405

De homicidio.

Ad dubium respondeo. consil. 1. de homicid. lib. 5. par. 2. pag. 410

Quidam percussit. consil. 2. de homicid. lib. 5. par. 2. pag. 410

Certabant aliquot pueri. consil. 3. de homicid. lib. 5. par. 2. pag. 411

Quæsitum est. consil. 4. de homicid. lib. 5. par. 2. pag. 412

Vnus Lutheranus. consil. 5. de homicid. lib. 5. par. 2. pag. 413

Præfectus vigilum. consil. 6. de homicid. lib. 5. par. 2. pag. 414

Horatius an sit irregularis. consil. 7. de homicid. lib. 5. par. 2. pag. 415

Multi officiales. consil. 8. de homicid. lib. 5. par. 2. pag. 416

Irregularis an sit. consil. 9. de homicid. lib. 5. par. 2. pag. 417

An clericus. consil. 10. de homicid. lib. 5. par. 2. pag. 418

R. sacerdos. consil. 11. de homicid. lib. 5. par. 2. pag. 419

Queritur primo. consil. 12. de homicid. lib. 5. par. 2. pag. 423

Quidam clericus. consil. 13. de homicid. lib. 5. par. 2. pag. 424

Duo sacerdotes. consil. 14. de homicid. lib. 5. par. 2. pag. 425

An regularis. consil. 15. de homicid. lib. 5. par. 2. pag. 425

Vicelegatus. consil. 16. de homicid. lib. 5. par. 2. pag. 427

Cum à Prætoribus. consil. 17. de homicid. lib. 5. par. 2. pag. 428

Postquam R. consil. 18. de homicid. lib. 5. par. 2. pag. 430

Sacerdos quidam. consil. 19. de homicid. lib. 5. par. 2. pag. 431

Quidam religiosus. consil. 20. de homicid. lib. 5. par. 2. pag. 432

Briantus clericus. consil. 21. de homicid. lib. 5. par. 2. pag. 433

In

In regno. consil. 22. de homicid. lib.
5. par. 2. pag. 435
N. dixit. consil. 23. de homicid. lib.
5. par. 2. pag. 435
An sit irregularis. consil. 24. de homicid.
lib. 5. par. 2. pag. 436
Titius audiuit. consil. 25. de homicid.
lib. 5. par. 2. pag. 437
Quodam disceptante. consil. 26. de
homicid. lib. 5. par. 2. pag. 438
Qui mandauit. consil. 27. de homicid.
lib. 5. par. 2. pag. 438
An A. consil. 28. de homicid. lib. 5. par.
2. pag. 438
Habet dominatio tua. consil. 29. de
homicid. lib. 5. par. 2. pag. 439
Dominatio tua. consil. 30. de homicid.
lib. 5. par. 2. pag. 439
In Manual. cap. 15. num. 2. in fin. cōs.
31. de homicid. lib. 5. par. 2. pag.
440
Quidam intulit. consil. 32. de homicid.
lib. 5. par. 2. pag. 440
Donatus. consil. 33. de homicid. lib. 5.
par. 2. pag. 441
Anton. sacerdos. consil. 34. de homicid.
lib. 5. par. 2. pag. 441
An Gaspar. consil. 35. de homicid.
lib. 5. par. 2. pag. 443
An occidens. consil. 36. de homicid.
lib. 5. par. 2. pag. 443
Desiderio desideravi. consil. 37. de homicid.
lib. 5. par. 2. pag. 444
An per bullam Pauli iij. consil. 38. de
homicid. lib. 5. par. 2. pag. 444
An habens potestatem. consil. 39. de
homicid. lib. 5. par. 2. pag. 446
N. cum multis alijs. consil. 40. de homicid.
lib. 5. par. 2. pag. 446
Ioannes presbyter. consil. 41. de homicid.
lib. 5. par. 2. pag. 448
Vtrum homicida. consil. 42. de homicid.
lib. 5. par. 2. pag. 449
Henricus homicida. consil. 43. de homicid.
lib. 5. par. 2. pag. 450

De iudice. consil. 44. de homicid. lib.
5. par. 2. pag. 452
An Episcopus. consil. 45. de homicid.
lib. 5. par. 2. pag. 453
Quidam sacerdos. consil. 46. de homicid.
lib. 5. par. 2. pag. 454
An qui consuluit. consil. 47. de homicid.
lib. 5. par. 2. pag. 455
Clericus primæ tonsuræ. consil. 48. de
homicid. lib. 5. par. 2. pag. 456
Religiosus quidam. consil. 49. de homicid.
lib. 5. par. 2. pag. 457
Theod. clericus. consil. 50. de homicid.
lib. 5. par. 2. pag. 458

De torneamentis.

Prouocatus N. ad torneamenta.
consil. 1. de torneamen. lib. 5. par.
2. pag. 459

De adulterijs.

Vir & vxor adulterabant. consil. 1. de
adulter. lib. 5. par. 2. pag. 460

De raptoribus.

Quædam virgo. consil. 1. de raptor.
lib. 5. par. 2. pag. 460
Ioannes rapuit. consil. 2. de raptor.
lib. 5. par. 2. pag. 461
Responsurus. consil. 3. de raptor. lib.
5. par. 2. pag. 462
An quemadmodum. consil. 4. de raptor.
lib. 5. par. 2. pag. 465

De furtis.

Pauperes mulieres. consil. 1. de furt.
lib. 5. par. 2. pag. 468
Ancillæ. consil. 2. de furt. lib. 5. par.
2. pag. 468
Præfectus coquinæ. consil. 3. de furt.
lib. 5. par. 2. pag. 469

Mulio

CONSILIORVM.

Mulio bona fide. consil. 4. de fur. lib. 5. par. 2. pag. 470
Quidam animo seminandi. consil. 5. de furt. lib. 5. par. 2. pag. 470
Regularis quidam. consil. 6. de furt. lib. 5. par. 2. pag. 472

De vsuris.

Quæritur quomodo. consil. 1. de vsur. lib. 5. par. 2. pag. 472
Licitum an sit. consil. 2. de vsur. lib. 5. par. 2. pag. 473
Quædam Respublic. consil. 3. de vsur. lib. 5. par. 2. pag. 475
Primo quæritur, an qui bona fide facit. consil. 4. de vsur. lib. 5. par. 2. pag. 478
Berta vidua. consil. 5. de vsur. lib. 5. par. 2. pag. 482
Mercator quidam. consil. 6. de vsur. lib. 5. par. 2. pag. 483
Vsurarius an sit. consil. 7. de vsur. lib. 5. par. 2. pag. 486
Quidam miles. consil. 8. de vsur. lib. 5. par. 2. pag. 486
Franciscus. consil. 9. de vsur. lib. 5. par. 2. pag. 487
Siluius petijt à iudice. consil. 10. de vsur. lib. 5. par. 2. pag. 489
Sempronius. consil. 11. de vsur. lib. 5. par. 2. pag. 491
A. B. C. fratres. consil. 12. de vsur. lib. 5. par. 2. pag. 492
Quidam vir recepit in solutum. consil. 13. de vsur. lib. 5. par. 2. pag. 493
Quidam vendidit. consil. 14. de vsur. lib. 5. par. 2. pag. 495
Cum quidam eques. consil. 15. de vsur. lib. 5. par. 2. pag. 495
Contrahere an liceat. consil. 16. de vsur. lib. 5. par. 2. pag. 497
N. mercator lanarum. consil. 17. de vsur. lib. 5. par. 2. pag. 498

An sit tenenda. consil. 18. de vsur. lib. 5. par. 2. pag. 500
An ille qui. consil. 19. de vsur. lib. 5. par. 2. pag. 503
N. vendidit. consil. 20. de vsur. lib. 5. par. 2. pag. 504
Vendidit. consil. 21. de vsur. lib. 5. par. 2. pag. 507
Emptor. consil. 22. de vsur. lib. 5. par. 2. pag. 512
Respondimus. consil. 23. de vsur. lib. 5. par. 2. pag. 513
Quidam contulit. consil. 24. de vsur. lib. 5. par. 2. pag. 514
Horatius, & Dominicus. consil. 25. de vsur. lib. 5. par. 2. pag. 515
Contulit quidam mille. consil. 26. de vsur. lib. 5. par. 2. pag. 516
P. dedit Q. consil. 27. de vsur. lib. 5. par. 2. pag. 518
Quidam tradidit. consil. 28. de vsur. lib. 5. par. 2. pag. 519
Excellentissime domine. consil. 29. de vsur. lib. 5. par. 2. pag. 520
Cambia an fieri. consil. 30. de vsur. lib. 5. par. 2. pag. 526
Reuerendiss. dñe, campsores. consil. 31. de vsur. lib. 5. par. 2. pag. 528
Quidam sollicitator. consil. 32. de vsur. lib. 5. par. 2. pag. 544
Quæritur an ludæis. consil. 33. de vsur. lib. 5. par. 2. pag. 547
An ludæi. consil. 34. de vsur. lib. 5. par. 2. pag. 550
Ante reformationem. consil. 35. de vsur. lib. 5. par. 2. pag. 551

De crimine falsi.

In Manuali. consil. 1. de crimin. falsi. lib. 5. par. 2. pag. 555
Confessarius. consil. 2. de crimin. falsi. lib. 5. par. 2. pag. 556
Vicarius foraneus. consil. 3. de crimin. falsi. lib. 5. par. 2. pag. 557
Aliqua

I N D E X

Aliquæ pauperes. consil. 4. de crimin.
fals. lib. 5. par. 2. pag. 557
N. quædam falsa. consil. 5. de crimin.
fals. lib. 5. par. 2. pag. 558
Quæsitum est. consil. 6. de crimin. fals.
lib. 5. par. 2. pag. 559

De sortilegijs.

Quidam sacerdos. consil. 1. de sortil.
lib. 5. par. 2. pag. 560
An liceat efficere puluerem. consil. 2.
de sortileg. lib. 5. par. 2. pag. 562

De clerico excommunicato.

Certum est excommunicatum. consil.
1. de cler. excommunic. lib. 5. par.
2. pag. 563
Cum certum sit eum qui. consil. 2. de
cleric. excommunic. lib. 5. par. 2.
pag. 564
Quæritur an clericus. consil. 3. de cler.
excommunic. lib. 5. par. 2. pag. 564
An Episcopus. consil. 4. de cler. excom-
munic. lib. 5. par. 2. pag. 565
Quidam laicus. consil. 5. de cleric. ex-
communic. lib. 5. par. 2. pag. 565
Illegitimus. consil. 6. de cleric. excom-
munic. lib. 5. par. 2. pag. 566
Aliàs fuit dubitatum. consil. 7. de cler.
excommunic. lib. 5. par. 2. pag. 567
Vtrum accipiens. consil. 8. de cleric.
excommunic. lib. 5. par. 2. pag. 569
Regularis. consil. 9. de cleric. excom-
munic. lib. 5. par. 2. pag. 570
Quidam presbyter. consil. 10. de cler.
excommunic. lib. 5. par. 2. pag. 572
An celebrans. consil. 11. de cleric. ex-
communic. lib. 5. par. 2. pag. 572
Quidam Episcopus. consil. 12. de cler.
excommunic. lib. 5. par. 2. pag. 572
Cuidam presbytero. consil. 13. de cler.
excommunic. lib. 5. par. 2. pag.
573

Quidam excommunicatus. consil. 14.
de cleric. excommunic. lib. 5. par.
2. pag. 575
An qui est excommunicatus. consil.
15. de cleric. excommunic. lib. 5.
par. 2. pag. 575
Quidam incidit. consil. 16. de cleric.
excommunic. lib. 5. par. 2. pag.
576
De eo qui. consil. 17. de cler. excom-
munic. lib. 5. par. 2. pag. 577
Absolvere, & dispensare. consil. 18.
de cleric. excommunic. lib. 5. par.
2. pag. 577

De clerico non ordin. ministr.

Respondeo primo. consil. 1. de cleric.
non ord. ministr. lib. 5. par. 2. pag.
378
N. diaconus. consil. 1. de cleric. non
ord. ministr. lib. 5. par. 2. pag. 579
Diaconus ad firmandam. consil. 3. de
cleric. non ord. ministr. lib. 5. par.
2. pag. 579
Quæsitum est. consil. 4. de cleric. non
ord. ministr. lib. 5. par. 2. pag. 583
An qui inseruit. consil. 5. de cler. non
ord. ministr. lib. 5. par. 2. pag. 583

De eo qui furt. ordin. suscepit.

An ordinatus. consil. 1. de eo qui furt.
ord. suscep. lib. 5. par. 2. pag. 585
Episcopus. consil. 2. de eo qui furt. ord.
suscep. lib. 5. par. 2. pag. 588

De priuilegijs.

An gratia. consil. 1. de priuileg. lib. 5.
par. 2. pag. 590
Prælatatus. consil. 2. de priuileg. lib. 5.
par. 2. pag. 590
Decanus. consil. 3. de priuileg. lib. 5.
par. 2. pag. 591

Exem-

CONSILIORVM.

Exemptus. consil. 4. de priuileg. lib. 5.
par. 2. pag. 591
An post Concil. Trid. consil. 5. de pri-
uileg. lib. 5. par. 2. pag. 592
An habens indultum. consil. 6. de pri-
uileg. lib. 5. par. 2. pag. 593
Priuilegia. consil. 7. de priuileg. lib. 5.
par. 2. pag. 594
Capitulum. consil. 8. de priuileg. lib. 5.
par. 2. pag. 598
Per Concil. Trid. consil. 9. de priuileg.
lib. 5. par. 2. pag. 601
An Episcopus. consil. 10. de priuileg-
lib. 5. par. 2. pag. 604
Primo queritur verum facultas. con-
sil. 11. de priuileg. lib. 5. par. 2. pag.
605
Supposito. consil. 12. de priuileg. lib.
5. par. 2. pag. 608
An regulares. consil. 13. de priuileg.
lib. 5. par. 2. pag. 609
Abbas. consil. 14. de priuileg. lib. 5. par.
2. pag. 611
An per bullam cruciatz. consil. 15. de
priuileg. lib. 5. par. 2. pag. 612
Queritur primo. consil. 16. de priui-
leg. lib. 5. par. 2. pag. 614
Suscipientes. consil. 17. de priuileg.
lib. 5. par. 2. pag. 615
Clerico Hispaniz. consil. 18. de priui-
leg. lib. 5. par. 2. pag. 616
Domini. consil. 19. de priuileg. lib. 5.
par. 2. pag. 617
Vniuersis. consil. 20. de priuileg. lib. 5.
par. 2. pag. 618
Quidam ingeniosus. consil. 21. de pri-
uileg. lib. 5. par. 2. pag. 622
Concessit Sanctissimus. consil. 22. de
priuileg. lib. 5. par. 2. pag. 624
An praelatus. consil. 23. de priuileg.
lib. 5. par. 2. pag. 624
An clerici. consil. 24. de priuileg. lib.
5. par. 2. pag. 625
An conuersus. consil. 25. de priuileg.
lib. 5. par. 2. pag. 626

De purgatione canonica.

Primo queritur. consil. 1. de purgat.
canonic. lib. 5. par. 2. pag. 628

De purgatione vulgari.

Quidam de crimine. consil. 1. de pur-
gat. vulg. lib. 5. par. 2. pag. 629
Pius IV. consil. 2. de purgat. vulg. lib. 5.
par. 2. pag. 631

De iniurijs & damno dato.

Cum statuendum esset. consil. 1. de in-
iur. & damn. dat. lib. 5. par. 2. pag.
634
Officialis. consil. 2. de iniur. & damn.
dat. lib. 5. par. 2. pag. 637
An pater. consil. 3. de iniur. & damn.
dat. lib. 5. par. 2. pag. 638
Pœna. consil. 4. de iniur. & damn. dat.
lib. 5. par. 2. pag. 639
Stante statuto. consil. 5. de iniur. &
damn. dat. lib. 5. par. 2. pag. 640
Notarius. consil. 6. de iniur. & damn.
dat. lib. 5. par. 2. pag. 642
In domibus. consil. 7. de iniur. & damn.
dat. lib. 5. par. 2. pag. 643
Procurator. consil. 8. de iniur. & damn.
dat. lib. 5. par. 2. pag. 644
Omisit quidam. consil. 9. de iniur. &
damn. dat. lib. 5. par. 2. pag. 645
Curialis, & sollicitator. consil. 10.
de iniur. & damn. dat. lib. 5. par. 2.
pag. 646
Quidam facultatem habens. consil. 11.
de iniur. & damn. dat. lib. 5. par. 2.
pag. 648

De pœnis.

An condemnatio. consil. 1. de pœnis.
lib. 5. par. 2. pag. 650

d

De

De pœnit. & remiss.

A. sacerdos. consil. 1. de pœnit. & remiss. lib. 5. par. 2. pag. 652
 Quidam scrupulosus. consil. 2. de pœnit. & remiss. lib. 5. par. 2. pag. 653
 Antonius noctu. consil. 3. de pœnit. & remiss. lib. 5. par. 2. pag. 657
 Famulus. consil. 4. de pœnit. & remiss. lib. 5. par. 2. pag. 659
 Ancilla quæ. consil. 5. de pœnit. & remiss. lib. 5. par. 2. pag. 660
 Rogare. consil. 6. de pœnit. & remiss. lib. 5. par. 2. pag. 662
 Queritur primo, magister balnei. cōs. 7. de pœnit. & remiss. lib. 5. par. 2. pag. 664
 An confessarius. consil. 8. de pœnit. & remiss. lib. 5. par. 2. pag. 665
 Ad quid teneatur. consil. 9. de pœnit. & remiss. lib. 5. par. 2. pag. 666
 Primo queritur. consil. 10. de pœnit. & remiss. lib. 5. par. 2. pag. 669
 Confessarij. consil. 11. de pœnit. & remiss. lib. 5. par. 2. pag. 672
 Rusticus. consil. 12. de pœnit. & remiss. lib. 5. par. 2. pag. 673
 Quæsitum fuit. consil. 13. de pœnit. & remiss. lib. 5. par. 2. pag. 673
 Ad soluendas quæstiones. consil. 14. de pœnit. & remiss. lib. 5. par. 2. pag. 675
 An pœnitens. consil. 15. de pœnit. & remiss. lib. 5. par. 2. pag. 677
 Excommunicatus. consil. 16. de pœnit. & remiss. lib. 5. par. 2. pag. 678
 Leo X. consil. 17. de pœnit. & remiss. lib. 5. par. 2. pag. 680
 Circa bullas. consil. 18. de pœnit. & remiss. lib. 5. par. 2. pag. 683
 An volens indulgentiam. consil. 19. de pœnit. & remiss. lib. 5. par. 1. pag. 689
 An pœnitentiarius. consil. 20. de pœnit. & remiss. lib. 5. par. 2. pag. 690

An mendicantes. consil. 21. de pœnit. & remiss. lib. 5. par. 2. pag. 691
 Episcopus dedit. consil. 22. de pœnit. & remiss. lib. 5. par. 2. pag. 691
 An possit quis. consil. 23. de pœnit. & remiss. lib. 5. par. 2. pag. 692
 Parochus. consil. 24. de pœnit. & remiss. lib. 5. par. 2. pag. 694
 Glos. solemn. consil. 25. de pœnit. & remiss. lib. 5. par. 2. pag. 695
 An secundus confessarius. consil. 26. de pœnit. & remiss. lib. 5. par. 2. pag. 695
 Mulier. consil. 27. de pœnit. & remiss. lib. 5. par. 2. pag. 696
 An clausula. consil. 28. de pœnit. & remiss. lib. 5. par. 2. pag. 697
 An quando gratia. consil. 29. de pœnit. & remiss. lib. 5. par. 2. pag. 698
 An Papa. consil. 30. de pœnit. & remiss. lib. 5. par. 2. pag. 700
 An liceat Episcopo. consil. 31. de pœnit. & remiss. lib. 5. par. 2. pag. 702
 Quæstio est. consil. 32. de pœnit. & remiss. lib. 5. par. 2. pag. 703
 An verba. cōs. 33. de pœnit. & remiss. lib. 5. par. 2. pag. 705
 Papæ an liceat. consil. 34. de pœnit. & remiss. lib. 5. par. 2. pag. 707
 Concessa fuit. consil. 35. de pœnit. & remiss. lib. 5. par. 2. pag. 708
 Queritur an statim. consil. 36. de pœnit. & remiss. lib. 5. par. 2. pag. 709
 Sanctissimus. consil. 37. de pœnit. & remiss. lib. 5. par. 2. pag. 710
 Indulgentiam concessam. consil. 38. de pœnit. & remiss. lib. 5. par. 2. pag. 711
 An indulgentia. consil. 39. de pœnit. & remiss. lib. 5. par. 2. pag. 712
 Peto primo. consil. 40. de pœnit. & remiss. lib. 5. par. 2. pag. 713
 Vtrum liceat. consil. 41. de pœnit. & remiss. lib. 5. par. 2. pag. 717

CONSILIORVM.

De sententia excommunic.

An fœmina. consil. 1. de senten. excō-
munic. lib. 5. par. 2. pag. 718
Regulares. consil. 2. de sent. excom-
munic. lib. 5. par. 2. pag. 719
Iudices. consil. 3. de sentent. excom.
lib. 5. par. 2. pag. 720
Vicarius generalis. consil. 4. de sen-
ten. excom. lib. 5. par. 2. pag. 721
Excōmunicatio. consil. 5. de senten.
excommunic. lib. 5. par. 2. pag. 722
Episcopus. consil. 6. de senten. excom-
munic. lib. 5. par. 2. pag. 723
An collegio. consil. 7. de senten. excō-
munic. lib. 5. par. 2. pag. 724
Quæsitum est. consil. 8. de senten. excō-
munic. lib. 5. par. 2. pag. 725
N. habens dignitatem. consil. 9. de
senten. excōic. lib. 5. par. 2. pag. 727
Pro gratia. consil. 10. de senten. excō-
munic. lib. 5. par. 2. pag. 723
Titius dixit Sempronio. consil. 11. de
senten. excōic. lib. 5. par. 2. pag. 734
An promissio. consil. 12. de senten. ex-
communic. lib. 5. par. 2. pag. 736
Quidam N. consil. 13. de senten. excō-
munic. lib. 5. par. 2. pag. 736
Germanus. consil. 14. de senten. excom-
munic. lib. 5. par. 2. pag. 737
Hispanus quidam. consil. 15. de sent.
excom. lib. 5. par. 2. pag. 739
M. promisit. consil. 16. de senten. ex-
communic. lib. 5. par. 2. pag. 739
Promisit quidam. consil. 17. de sent.
excom. lib. 5. par. 2. pag. 741
Sanctissimus. consil. 18. de senten. ex-
com. lib. 5. par. 2. pag. 744
Prohibuit. consil. 19. de senten. excom.
lib. 5. par. 2. pag. 746
Extrauagans. consil. 20. de senten. ex-
communic. lib. 5. par. 2. pag. 747
An excōicatio. consil. 21. de senten.
excōic. lib. 5. par. 2. pag. 750

Iuuenis quidam. consil. 22. de senten.
excom. lib. 5. par. 2. pag. 752
Quidam ob homicidium. consil. 23.
de senten. excommunic. lib. 5. par.
2. pag. 751
Ad multa. consil. 24. de senten. excō-
munic. lib. 5. par. 2. pag. 754
An monachus. consil. 25. de senten. ex-
communic. lib. 5. par. 2. pag. 755
An cap. si vero. consil. 26. de senten. ex-
communic. lib. 5. par. 2. pag. 756
An canonicus. consil. 27. de senten. ex-
communic. lib. 5. par. 2. pag. 756
Præfectus vigilū. consil. 28. de senten.
excommunic. lib. 5. par. 2. pag. 757
Prælati quidam. consil. 29. de sent.
excommunic. lib. 5. par. 2. pag. 760
Miles quidam. consil. 30. de senten. ex-
communic. lib. 5. par. 2. pag. 763
Quidam Episcopus. consil. 31. de sen-
ten. excom. lib. 5. par. 2. pag. 764
Homines quidam. consil. 32. de sent.
excom. lib. 5. par. 2. pag. 765
Prætor. consil. 33. de senten. excom-
munic. lib. 5. par. 2. pag. 767
Rodericus habens licentiam. consil. 34.
de senten. excommunic. lib. 3.
par. 2. pag. 767
Respondeo ad hanc quæstionē. consil.
35. de senten. excommunic. lib. 5.
par. 2. pag. 768
Petrus. consil. 36. de senten. excom-
munic. lib. 5. par. 2. pag. 769
Primo quæritur. consil. 37. de senten.
excommunic. lib. 5. par. 2. pag. 770
Inter Seium. consil. 38. de senten. ex-
communic. lib. 5. par. 2. pag. 773
Cum in plebe. consil. 39. de sentent.
excommunic. lib. 5. par. 2. pag. 778
Dico ad quæstionem. consil. 40. de sent.
excommunic. lib. 5. par. 2. pag. 780
Fuerunt relaxatæ. consil. 41. de sent.
excommunic. lib. 5. par. 2. pag. 781
An incidat. consil. 42. de sent. excom.
lib. 5. par. 2. pag. 782

- Supplicabat Episcopus. conf. 43. de sent. excom. lib. 5. par. 2. pag. 783
- Vir quidam. confil. 44. de sent. excom. lib. 5. par. 2. pag. 784
- Quædam mulier. confil. 45. de senten. excom. lib. 5. par. 2. pag. 787
- Vtrum Episcopus. confil. 46. de sent. excomm. lib. 5. par. 2. pag. 788
- Sub patria potestate. cōf. 47. de sent. excom. lib. 5. par. 2. pag. 789
- N. dum Romę moraretur. conf. 48. de sent. excom. lib. 5. par. 2. pag. 791
- Quidam ab auditore Rotę. confil. 49. de sēt. excom. lib. 5. par. 2. pag. 797
- Iussus absolui. confil. 50. de senten. excommunic. lib. 5. par. 2. pag. 798
- An mendicantes. confil. 51. de senten. excommunic. lib. 5. par. 2. pag. 780
- Lata sententia. conf. 52. de sent. excommunic. lib. 5. par. 2. pag. 802
- Quidā in loco longissimo. conf. 53. de sent. excom. lib. 5. par. 2. pag. 804
- Ad quæstionem propositam respondeo. confil. 54. de sent. excommun. lib. 5. par. 2. pag. 805
- Mandato D. mei. confil. 55. de senten. excom. lib. 5. par. 2. pag. 806
- An laici. confil. 56. de sent. excomm. lib. 5. par. 2. pag. 807
- Quid iure fieri potest. confil. 57. de sent. excom. lib. 5. par. 2. pag. 810
- Cum teneamur. conf. 58. de sent. excom. lib. 5. par. 2. pag. 815
- An peccet. confil. 59. de sent. excom. lib. 5. par. 2. pag. 816
- Dubitatum est. confil. 60. de senten. excom. lib. 5. par. 2. pag. 816
- In quodam ordine. confil. 61. de sent. excom. lib. 5. par. 2. pag. 817
- An stante. confil. 62. de sent. excom. lib. 5. par. 2. pag. 819
- An suspensio. conf. 63. de sent. excom. lib. 5. par. 2. pag. 820
- Circa cap. confil. 64. de sent. excom. lib. 5. par. 2. pag. 820
- An sit irregularis. confil. 65. de sent. excom. lib. 5. par. 2. pag. 820
- Quid iuris. confil. 66. de sent. excom. lib. 5. par. 2. pag. 821
- De verborum significatione.*
- Vtrum Foseca. confil. 1. de verbor. signif. lib. 5. par. 2. pag. 821
- Papa. confil. 2. de verbor. signif. lib. 5. par. 2. pag. 822
- Dominatio tua. conf. 3. de verbor. signif. lib. 5. par. 2. pag. 823
- An sub illis verbis. conf. 4. de verbor. signif. lib. 5. par. 2. pag. 824
- Constituta. confil. 5. de verbor. signif. lib. 5. par. 2. pag. 825
- Primo an gratia. confil. 6. de verbor. signif. lib. 5. par. 2. pag. 825
- Capitulum, & canonici. confil. 7. de verbor. signif. lib. 5. par. 2. pag. 827
- Priuatus voce actiua. conf. 8. de verbor. signif. lib. 5. par. 2. pag. 828
- Respondeo primo. conf. 9. de verbor. signif. lib. 5. par. 2. pag. 829
- Titius. confil. 10. de verb. signif. lib. 5. par. 2. pag. 830
- An conuentus. conf. 11. de verbor. signif. lib. 5. par. 2. pag. 831
- An casus. confil. 12. de verbor. signif. lib. 5. par. 2. pag. 831
- An Episcopus. confil. 13. de verbor. signif. lib. 5. par. 2. pag. 832
- Quæritur in quo accessus. confil. 14. de verbor. signif. lib. 5. par. 2. pag. 834
- Prohibitus alienare. conf. 15. de verbor. signif. lib. 5. par. 2. pag. 835
- Quidam iam pridem conuersi. conf. 16. de verbor. signif. lib. 5. par. 2. pag. 835

I N D E X.

CONSILIORVM OMNIVM

D. NAVARRI

PRIMAE, ET SECVNDAE PARTIS

Per ordinem alphabeticum digestus.

A



*B.C. fratres. consil. 12. de
usur. lib. 5. par. 2. pag.
492*

*A. & B. consil. 36. de si-
mon. lib. 5. par. 2. pag.
217*

*A. canonicus collegiata. cons. 2. de cler.
non resid. lib. 3. par. 1. pag. 424*

*A. inquisitus. consil. 3. de renuntiat. lib.
1. par. 1. pag. 121*

*A. plebeius. consil. 3. de sponsalib. lib. 4.
par. 2. pag. 4*

*A. Sacerdos. cons. 1. de pœnit. & remiss.
lib. 5. par. 2. pag. 652*

*A. sanus. cons. 7. de renunt. lib. 1. par. 1.
pag. 126*

*A. viuento priore. cons. 3. de eo qui du-
xit in matrim. quam poll. per adult.
lib. 4. par. 2. pag. 72*

*Abbas. cons. 14. de priuileg. lib. 5. par. 2.
pag. 611*

*Abbas & conuentus. consil. 12. de simo.
lib. 5. par. 2. pag. 184*

*Abbas ex cœmeterio. consil. 2. de re-
liq. & ven. sanct. lib. 3. par. 1. pag.
1103*

*Abbas quidam. consil. 3. de reb. eccles.
alienand. vel non. lib. 3. par. 1. pag.
503*

*Abiurauit quidam. consil. 16. de bare-
ticis. lib. 5. par. 2. pag. 388*

*Absoluere & dispensare. consil. 18. de
cler. excomm. lib. 5. par. 2. pag. 577*

*Adolescens. cons. 94. de simon. lib. 5. par.
2. pag. 315*

*Ad decretum Concilij. consil. 9. de sue-
cess. ab intest. lib. 3. par. 1. pag. 684*

*Ad determinandum. consil. 1. de baret.
lib. 5. par. 2. pag. 351*

*Ad dubium respondeo. consil. 1. de ho-
mucid. lib. 5. par. 2. pag. 409*

*Ad dubium. cons. 3. de appellat. recus.
& relat. lib. 2. par. 1. pag. 405*

*Ad hanc questionem. consil. 1. de corp.
vit. lib. 1. par. 1. pag. 217*

*Ad inquirendam. consil. 1. de magistr.
lib. 5. par. 2. pag. 334*

*Ad interrogata. consil. 14. de sponsalib.
lib. 4. par. 1. pag. 19*

*Ad multas questiones. consil. 28. de re-
gul. lib. 3. par. 1. pag. 756*

*Ad multa. consil. 24. de sentent. excom-
mun. lib. 5. par. 2. pag. 754*

*Ad priorem questionem. cons. 2. de reb.
eccles. alienan. vel non. lib. 3. par. 1.
pag. 499*

*Ad primam multarum questionum. consil.
23. de baretic. lib. 5. par. 2. pag. 400*

*Ad primam questionem. consil. 2. de
renunt. lib. 1. par. 1. pag. 119*

*Ad primam questionem. cons. 4. de Iu-
daïs. lib. 5. par. 2. pag. 345*

*Ad primum dubium. consil. 8. de statu
monach. lib. 3. par. 2. pag. 1001*

*Ad quesita respondeo. cons. 2. de regul.
lib. 3. par. 1. pag. 708*

*Ad quesita. consil. 12. de iureiur. lib. 2.
par. 1. pag. 388*

A 3 Ad

- Ad questum. consil. 1. ne prelat. vic. suas. lib. 5. par. 2. pag. 332*
- Ad questionem Illustrissimi. consil. 1. de decimis. lib. 3. par. 1. pag. 501*
- Ad questionem propositam respondeo. consil. 54. de sentent. excommunic. lib. 5. par. 2. pag. 805*
- Ad questionem. consil. 4. de sacram. non iter. lib. 1. par. 1. pag. 194*
- Ad questionem. consil. 5. de eo qui duxit in matrim. quam poll. per adult. lib. 4. par. 2. pag. 74*
- Ad questionem. consil. 2. de appellat. recus. & relat. lib. 2. par. 1. pag. 404*
- Ad questionem. consil. 3. de success. ab intest. lib. 3. par. 1. pag. 684*
- Ad questionem. consil. 5. de offic. iud. ord. lib. 1. par. 1. pag. 250*
- Ad questionem. consil. 3. de testam. lib. 3. par. 1. pag. 644*
- Ad questionem. consil. 2. de test. & attestat. lib. 2. par. 1. pag. 367*
- Ad quid teneatur. consil. 9. de poenit. & remiss. lib. 5. par. 2. pag. 666*
- Ad septem questiones. consil. 10. de celebrat. miss. lib. 3. par. 1. pag. 1081*
- Ad sequentes questiones. consil. 2. de success. ab intest. lib. 3. par. 1. pag. 677*
- Ad soluendas questiones. consil. 14. de poen. & remiss. lib. 5. par. 2. pag. 675*
- Agasones. consil. 4. de feriis. lib. 2. par. 1. pag. 348*
- Agnosco in primis. consil. 3. de stat. monach. lib. 3. par. 1. pag. 960*
- Agricola. consil. 3. de feriis. lib. 2. par. 1. pag. 348*
- Alias fuit dubitatum. consil. 7. de cleric. excommunic. lib. 5. par. 2. pag. 567*
- Alique pauperes. consil. 4. de crimin. fals. lib. 5. par. 2. pag. 557*
- An A. consil. 28. de homicid. lib. 5. par. 2. pag. 438*
- An Abbas. consil. 6. de reb. eccl'es. alien. vel non. lib. 3. par. 1. pag. 503*
- An Abbas. consil. 37. de tempor. ord. lib. 1. par. 1. pag. 172*
- An Abbas. consil. 3. de maior. & obed. lib. 1. par. 1. pag. 263*
- An Abbas. consil. 9. de reb. eccl'es. alien. vel non. lib. 3. par. 1. pag. 506*
- An Abbatissa. consil. 2. de statu monach. lib. 3. par. 1. pag. 955*
- An absolutq. consil. 3. de fide instrum. lib. 2. par. 1. pag. 369*
- An absque dispensatione. consil. 21. de preben. lib. 3. par. 1. pag. 473*
- An accusatus. consil. 6. de accusat. lib. 5. par. 2. pag. 161*
- An adolescens. consil. 39. de voto. lib. 3. par. 1. pag. 951*
- An beneficiarius. consil. 2. de iur. patr. lib. 3. par. 1. pag. 1027*
- An beneficiarius. consil. 18. de celebr. miss. lib. 3. par. 1. pag. 1089*
- An beneficium. consil. 18. de preben. lib. 3. par. 1. pag. 471*
- An bulla Pij V. consil. 19. de hereticis. lib. 5. par. 2. pag. 392*
- An bulla. consil. 11. de const. lib. 1. par. 1. pag. 59*
- An canonici. consil. 7. de cler. non resid. lib. 3. par. 1. pag. 429*
- An canonicis. consil. 13. de celebrat. miss. lib. 3. par. 1. pag. 1084*
- An canonicus. consil. 27. de sentent. excommunic. lib. 5. par. 2. pag. 756*
- An canonicus. consil. 8. de cler. non resid. lib. 3. par. 1. pag. 430*
- An canonicus regularis. consil. 10. de stat. monach. lib. 3. par. 1. pag. 1005*
- An cap. 1. sess. 14. consil. 42. de tempor. ord. lib. 1. par. 1. pag. 176*
- An cap. 6. consil. 3. de offic. iud. ord. lib. 1. par. 1. pag. 245*
- An cap. 14. consil. 1. de cohabit. cleric. & mul. lib. 3. par. 1. pag. 421*
- An cap. 15. consil. 8. de filiis presb. lib. 1. par. 1. pag. 209*
- An cap. si vero. consil. 26. de sentent. excommunic. lib. 5. par. 2. pag. 756*

An

An capitulum. conf. 7. de filiis presbyt.
lib. 1. par. 1. pag. 209
An casus. conf. 12. de verbor. signif. lib.
5. par. 2. pag. 831
An celebrans. consil. 11. de cler. excom-
munic. lib. 5. par. 2. pag. 572
An census. consil. 19. de empt. & vend.
lib. 3. par. 1. pag. 580
An clausula. consil. 28. de poenit. & re-
miss. lib. 5. par. 2. pag. 697
An clausula. consil. 2. de Iudaïs. lib. 5.
par. 2. pag. 341
An clerici. consil. 24. de priuileg. lib. 5.
par. 2. pag. 625
An clericus. conf. 10. de homicid. lib. 5.
par. 2. pag. 433
An clericus. conf. 4. de corpor. vit. lib. 1.
par. 1. pag. 218
An clericus. consil. 1. de vita & honest.
cler. lib. 3. par. 1. pag. 416
An coadiutor. consil. 3. de cler. egrotan.
lib. 3. par. 1. pag. 493
An cogens aliquam. consil. 6. de regul.
lib. 3. par. 1. pag. 715
An cognatio. consil. 6. de cognat. spirit.
lib. 4. par. 2. pag. 80
An collatio, presentatio. consil. 95. de si-
mon. lib. 5. par. 2. pag. 316
An collatio. consil. 14. de elect. lib. 1. par.
1. pag. 114
An collegio. consil. 7. de sentent. excom-
mun. lib. 5. par. 2. pag. 724
An commendatario. consil. 1. de in in-
tegr. restit. lib. 1. par. 1. pag. 320
An commendatarius. consil. 2. de clan-
dest. desponsat. lib. 4. par. 2. pag. 44
An commissa. consil. 5. de offic. & potest.
iud. deleg. lib. 1. par. 1. pag. 234
An committant simoniam. consil. 29. de
simon. lib. 5. par. 2. pag. 208
An committatur simonia. consil. 4. de
simon. lib. 5. par. 2. pag. 171
An committens simoniam. consil. 92. de
simon. lib. 5. par. 2. pag. 313
An communitas. consil. 9. de censib. lib.

3. par. 1. pag. 1084
An concurrentibus. consil. 5. de iur. pa-
tron. lib. 3. par. 1. pag. 1029
An condemnatio. consil. 1. de poenis. lib.
5. par. 2. pag. 650
An confessarius. consil. 8. de poenit. &
remiss. lib. 5. par. 2. pag. 665
An coniugatus. consil. 13. de conuers.
coniug. lib. 3. par. 1. pag. 862
An coniux. consil. 13. de sponsalib. lib.
4. par. 2. pag. 18
An consanguineis. consil. 8. de consang.
& affinit. lib. 4. par. 2. pag. 101
An constitutio. consil. 13. de empt. &
vend. lib. 3. par. 1. pag. 568
An consuetudo. consil. 9. de cler. non re-
siden. lib. 3. par. 1. pag. 432
An contra concubenarios. consil. 8. de
offic. iud. ord. lib. 1. par. 1. pag. 253
An contrahens. consil. 3. de corpor. vit.
lib. 1. par. 1. pag. 218
An conuentio. consil. 6. de iureiur. lib.
2. par. 1. pag. 381
An conuentus. consil. 11. de verbor. si-
gnif. lib. 5. par. 2. pag. 831
An conuersus. conf. 25. de priuileg. lib.
5. par. 2. pag. 626
An cum vouente. consil. 41. de voto. lib.
3. par. 1. pag. 953
An debitor. consil. 1. de pact. lib. 1. par.
1. pag. 280
An dici possint. conf. 1. de apostatis. lib.
5. par. 2. pag. 405
An dispensatio. consil. 9. de preben. lib.
3. par. 1. pag. 458
An dispensatus. consil. 4. de obseru. ie-
iun. lib. 3. par. 1. pag. 1106
An dispensatio. consil. 2. de rescript. lib.
1. par. 1. pag. 63
An domino. consil. 2. de deposito. lib. 3.
par. 1. pag. 526
An donatio. consil. 82. de regular. lib. 3.
par. 1. pag. 834
An donatio. consil. 10. de donat. lib. 3.
par. 1. pag. 637

An ei. consil. 101. de simon. lib. 5. par. 2.
pag. 330
An electio. consil. 1. de elect. lib. 1. par. 1.
pag. 95
An Episcopus. consil. 10. de priuileg. lib.
5. par. 2. pag. 604
An Episcopus. consil. 13. de verbor. sign.
lib. 5. par. 2. pag. 832
An Episcopi. consil. 4. de foro comp. lib.
2. par. 1. pag. 343
An Episcopus possit ex officio. consil. 7. de
offic. iud. ord. lib. 1. par. 1. pag. 253
An Episcopi. consil. 1. de maior. & obed.
lib. 1. par. 1. pag. 263
An Episcopus possit reddere. consil. 9. de
offic. iud. ord. lib. 1. par. 1. pag. 254
An Episcopus. consil. 45. de homicid. lib.
5. par. 2. pag. 453
An Episcopus possit iuste. consil. 39. de
tempor. ord. lib. 1. par. 1. pag. 174
An Episcopus. consil. 4. de cler. excom-
munic. lib. 5. par. 2. pag. 565
An Episcopus. consil. 14. de consang. &
affinit. lib. 4. par. 2. pag. 112
An Episcopus. consil. 87. de simon. lib.
5. par. 2. pag. 307
An Episcopus possit. consil. 6. de offic. &
potest. iud. deleg. lib. 1. par. 1. pag.
235
An Episcopus tamquam. consil. 10. de
offic. & potest. iud. deleg. lib. 1. par.
1. pag. 241
An Episcopus iuste. consil. 41. de temp.
ord. lib. 1. par. 1. pag. 174
An Episcopus possit habere. consil. 38.
de tempor. ordin. lib. 1. par. 1. pag.
173
An Episcopus ignoranter. consil. 40. de
tempor. ord. lib. 1. par. 1. pag. 173
An Episcopus. consil. 9. de stat. monach.
lib. 3. par. 1. pag. 1002
An excommunicatio. consil. 21. de sen-
tent. excommunic. lib. 5. par. 2. pag.
750
An excommunicatus. consil. 4. de sepult.

lib. 3. par. 1. pag. 688
An excommunicatus. consil. 1. de stat.
monach. lib. 3. par. 1. pag. 955
An expediat. consil. 1. de sacr. vnct. lib.
1. par. 1. pag. 188
An expressio valoris. consil. 28. de sim.
lib. 5. par. 2. pag. 206
An expulsus. consil. 79. de regular. lib. 3.
par. 1. pag. 831
An famuli. consil. 2. de ferijs. lib. 2. par.
1. pag. 347
An femina. consil. 1. de sent. excomm.
lib. 5. par. 2. pag. 718
An Franciscanus. consil. 62. de regul.
lib. 3. par. 1. pag. 806
An frater. consil. 88. de regul. lib. 3. par.
1. pag. 841
An gratia. consil. 8. de rescript. lib. 1. par.
1. pag. 70
An gratia. consil. 1. de rescript. lib. 1.
par. 1. pag. 63
An gratia. consil. 1. de priuileg. lib. 5.
par. 2. pag. 590
An Generalis. consil. 56. de regular. lib.
3. par. 1. pag. 800
An Generalis. consil. 5. de statu monac.
lib. 3. par. 1. pag. 988
An habens. consil. 25. de prabend. lib. 3.
par. 1. pag. 478
An habens indultum. consil. 6. de priui-
leg. lib. 5. par. 2. pag. 593
An habens potestatem. consil. 39. de ho-
mucid. lib. 5. par. 2. pag. 446
An habita dispensatione. consil. 12. de
sponsalib. lib. 4. par. 2. pag. 16
An Hispanus. consil. 2. de temp. ordin.
lib. 1. par. 1. pag. 135
An hospitale. consil. 2. de religios. do-
mib. lib. 3. par. 1. pag. 1024
An illa verba. consil. 8. de iureiur. lib.
2. par. 1. pag. 385
An illa verba. consil. 9. de sepult. lib. 3.
par. 1. pag. 693
An illegitimus. consil. 6. de filijs presb.
lib. 1. par. 1. pag. 206

I N D E X:

- An ille qui. conf. 1. de offic. Vicar. lib. 1. par. 1. pag. 229*
An ille qui. consil. 19. de usur. lib. 5. par. 2. pag. 503
An impetratio. conf. 10. de rescrip. lib. 1. par. 1. pag. 72
An impetrans. consil. 9. de rescrip. lib. 1. par. 1. pag. 71
An in Capitulis faciendis. consil. 10. de maior. & obed. lib. 1. par. 1. p. 275
An incestus. conf. 1. de eo qui cogn. consang. uxoris sue. lib. 4. par. 2. p. 87
An incidat. consil. 42. de sentent. excommun. lib. 5. par. 2. pag. 782
An in Concilio. consil. 6. de maior. & obed. lib. 1. par. 1. pag. 271
An in Concilio. conf. 1. de ijs qua fiunt a maiori par. cap. lib. 3. par. 1. p. 497
An indulgentia. conf. 39. de pœnit. & remiss. lib. 5. par. 2. pag. 712
An indulgentia. conf. 23. de celebrat. miss. lib. 3. par. 1. pag. 1094
An infans. conf. 3. de sepult. lib. 3. par. 1. pag. 687
An infidelis. conf. 1. de conuers. infid. lib. 3. par. 1. pag. 868
An infrascripta. conf. 13. de consang. & affinit. lib. 4. par. 2. pag. 111
An is qui. consil. 5. de temp. ord. lib. 1. par. 1. pag. 138
An Italus. conf. 5. de celebr. miss. lib. 3. par. 1. pag. 1072
An Iudæi. conf. 34. de usur. lib. 5. par. 2. pag. 550
An iure communi. conf. 12. de cler. non resid. lib. 3. par. 1. pag. 437
An laici. consil. 56. de sentent. excom. lib. 5. par. 2. pag. 807
An laici. consil. 25. de heret. lib. 5. par. 2. pag. 403
An lex. conf. 3. de constit. lib. 1. par. 1. pag. 40
An liberatio. consil. 83. de regul. lib. 3. par. 1. pag. 836
An liceat. consil. 6. de constit. lib. 1. par. 1. pag. 46
An liceat. conf. 5. de deposito. lib. 3. par. 1. pag. 531
An liceat Archiepiscopo. consil. 4. de censib. lib. 3. par. 1. pag. 1058
An liceat efficere puluerem. conf. 2. de sortileg. lib. 5. par. 2. pag. 562
An liceat Episcopo. conf. 31. de pœnit. & remiss. lib. 5. par. 2. pag. 702
An liceat sacerdoti. conf. 2. de celebrat. miss. lib. 3. par. 1. pag. 1068
An liceat tenere. conf. 1. de reliq. & venerat. sanct. lib. 3. par. 1. pag. 1102
An mendicantes. consil. 21. de pœnit. & remiss. lib. 5. par. 2. pag. 691
An mendicantes. consil. 51. de sentent. excommun. lib. 5. par. 2. pag. 780
An milites. consil. 12. de regular. lib. 3. par. 1. pag. 724
An Minores fratres. conf. 86. de regu. lib. 3. par. 1. pag. 839
An monachus. consil. 25. de sentent. excommun. lib. 5. par. 2. pag. 755
An monachus. consil. 60. de regul. lib. 3. par. 1. pag. 803
An monialis. consil. 91. de regul. lib. 3. par. 1. pag. 846
An monstrum. consil. 3. de baptis. lib. 3. par. 1. pag. 1097
An mulier. consil. 2. de condit. apposit. lib. 4. par. 2. pag. 63
An N. translatus. consil. 65. de regul. lib. 3. par. 1. pag. 810
An nepotes. consil. 9. de filiis presb. lib. 1. par. 1. pag. 211
An notarius. consil. 1. de censib. lib. 3. par. 1. pag. 1054
An non baptizatus baptizando. consil. 1. de cognat. spirit. lib. 4. par. 2. p. 75
An occidens. consil. 36. de homicid. lib. 5. par. 2. pag. 443
An ordinarius. consil. 1. ut eccles. benef. lib. 3. par. 1. pag. 498
An ordinarius Episcopus. consil. 88. de simon. lib. 5. par. 2. pag. 308

An

I N D E X:

- An ordinatus. consil. 1. de eo qui furt.*
ord. suscep. lib. 3. par. 2. pag. 385
An ordinatus. consil. 1. de cler. peregr.
lib. 1. par. 1. pag. 227
An ordinatus ad minores. conf. 30. de
temp. ord. lib. 1. par. 1. pag. 166
An ordinatus minoribus. consil. 29. de
temp. ord. lib. 1. par. 1. pag. 164
An ordinatus per falsas. consil. 32. de
temp. ord. lib. 1. par. 1. pag. 168
An Papa. consil. 33. de voto. lib. 3. par.
1. pag. 932
An Papa. conf. 2. qui filij sint legit. lib.
4. par. 2. pag. 132
An Papa. consil. 30. de pœnit. & remiss.
lib. 5. par. 2. pag. 100
An parentibus. consil. 3. de regul. lib. 3.
par. 1. pag. 709
An parochus. conf. 2. de decimis. lib. 3.
par. 1. pag. 705
An parochus qui. consil. 15. de cler. non
residen. lib. 3. par. 1. pag. 439
An parochus. consil. 20. de præbend. lib.
3. par. 1. pag. 473
An pater. consil. 3. de iniur. & damn.
dat. lib. 5. par. 2. pag. 638
An patrinus. consil. 4. de cognat. spirit.
lib. 4. par. 2. pag. 78
An pœnitens. consil. 15. de pœnit. & re-
miss. lib. 5. par. 2. pag. 677
An pœnitentiarius. consil. 20. de pœn.
& remiss. lib. 5. par. 2. pag. 690
An pœnitentiarius. conf. 14. de reb. ec-
cles. alien. vel non. lib. 3. par. 1. p. 511
An peccauerit. consil. 33. de præben. lib.
3. par. 1. pag. 489
An peccet. consil. 59. de sentent. excom-
munic. lib. 5. par. 2. pag. 816
An pensionarius. consil. 2. de pecul. cler.
lib. 3. par. 1. pag. 638
An per adeptionem. consil. 17. de præb.
lib. 3. par. 1. pag. 470
An per bullam cruciatæ. consil. 15. de
priuileg. lib. 5. par. 2. pag. 612
An per bullam Pauli III. consil. 38. de
bomicid. lib. 5. par. 2. pag. 444
An Petrus. consil. 10. de testam. lib. 3.
par. 1. pag. 664
An possit fieri. consil. 2. de accusat. lib. 5.
par. 2. pag. 155
An possit quis. consil. 23. de pœnitent. &
remiss. lib. 5. par. 2. pag. 692
An possit quis. consil. 16. de cler. non re-
siden. lib. 3. par. 1. pag. 440
An post Concil. Trid. consil. 5. de pri-
uileg. lib. 5. par. 2. pag. 592
An post quâ pœnitens. consil. 8. de offic.
& pot. iud. deleg. lib. 1. par. 1. pa. 236
An præcedente examine. consil. 2. de
præben. lib. 3. par. 1. pag. 451
An prædicare. conf. 1. de offic. & potest.
iud. deleg. lib. 1. par. 1. pag. 235
An prælatus. consil. 23. de priuileg. lib. 5.
par. 2. pag. 624
An præpositas quæstiones. consil. 20. de
hereticis. lib. 5. par. 2. pag. 393
An presbyter. consil. 1. ne cleric. vel mo-
nach. lib. 3. par. 1. pag. 116
An præsentatio. consil. 1. de iur. patron.
lib. 3. par. 1. pag. 1026
An priuari. conf. 6. de sepult. lib. 3. par.
1. pag. 690
An probato. consil. 4. de præsumpt. lib.
2. par. 1. pag. 374
An procurator. consil. 8. de maiorit. &
obed. lib. 1. par. 1. pag. 273
An professio regularis. consil. 31. de re-
gular. lib. 3. par. 1. pag. 761
An prohibitus. conf. 3. de præsumpt. lib.
2. par. 1. pag. 374
An promissio. consil. 12. de sent. excom-
munic. lib. 5. par. 2. pag. 736
An promotus. conf. 10. de tempor. ordin.
lib. 1. par. 1. pag. 142
An promotus. consil. 46. de tempo. ord.
lib. 1. par. 1. pag. 180
An prouisio. conf. 1. ne sede vacante. lib.
3. par. 1. pag. 495
An prouisus a Papa. consil. 55. de simo.
lib. 5. par. 2. pag. 254

An pu-

I N D E X.

- An putans. consil. 12. de vot. lib. 3. par. 1. pag. 907*
An quando gratia. consil. 29. de pœnit. & remiss. lib. 5. par. 2. pag. 698
An quemadmodum. consil. 4. de napt. lib. 5. par. 2. pag. 465
An qui ante. consil. 24. de temp. ord. lib. 1. par. 1. pag. 158
An qui contraxerunt. consil. 1. de condit. apposit. lib. 4. par. 2. pag. 60
An qui dat pecunias. consil. 67. de simo. lib. 5. par. 2. pag. 272
An qui dominus. consil. 8. de censib. lib. 3. par. 1. pag. 1063
An qui. consil. 12. de consang. & affin. lib. 4. par. 2. pag. 107
An qui. consil. 2. de obseruat. ieiun. lib. 3. par. 1. pag. 1105
An qui. consil. 87. de regular. lib. 3. par. 1. pag. 840
An qui. consil. 4. de tempor. ord. lib. 1. par. 1. pag. 138
An qui. consil. 3. de præscript. lib. 3. par. 1. pag. 393
An qui consuluit. consil. 47. de homicid. lib. 5. par. 2. pag. 455
An qui cum. consil. 2. de eo qui cogn. consang. uxoris sue. lib. 4. par. 2. pag. 88
An qui emit. consil. 17. de empt. & vendit. lib. 3. par. 1. pag. 577
An qui est. consil. 4. de etate & qualitat. lib. 1. par. 1. pag. 184
An qui est excommunicatus. consil. 15. de cleric. excommunic. lib. 5. par. 2. pag. 575
An qui habens. consil. 13. de præbend. lib. 3. par. 1. pag. 461
An qui inseruit. consil. 5. de cleric. non ord. ministr. lib. 5. par. 2. pag. 583
An qui non. consil. 16. de celebrat. miss. lib. 3. par. 1. pag. 1087
An qui sepelierunt. consil. 5. de sepult. lib. 3. par. 1. pag. 689
An quis possit. consil. 24. de præben. lib. 3. par. 1. pag. 476
An quis possit. consil. 17. de sponsalib. lib. 4. par. 2. pag. 28
An qui tenetur. consil. 23. de vot. lib. 3. par. 1. pag. 943
An qui vouit. consil. 14. de voto. lib. 3. par. 1. pag. 909
An rationes. consil. 3. de celebrat. miss. lib. 3. par. 1. pag. 1069
An reconciliatio. consil. 1. de consecrat. eccles. vel altaris. lib. 3. par. 1. pag. 1065
An rector. consil. 1. de religios. domib. lib. 3. par. 1. pag. 1023
An rectores. consil. 12. de maior. & obed. lib. 1. par. 1. pag. 279
An regulares. consil. 13. de priuileg. lib. 5. par. 2. pag. 609
An regularis. consil. 64. de regular. lib. 3. par. 1. pag. 810
An regularis. consil. 15. de homicid. lib. 5. par. 2. pag. 425
An regularis. consil. 11. de maiorit. & obed. lib. 1. par. 1. pag. 278
An religiosus. consil. 66. de regul. lib. 3. par. 1. pag. 812
An religiosus. consil. 54. de regul. lib. 3. par. 1. pag. 796
An sacerdoti. consil. 6. de offic. iud. ord. lib. 1. par. 1. pag. 251
An sacerdos. consil. 13. de cland. despons. lib. 4. par. 2. pag. 55
An scholasticus. consil. 30. de voto. lib. 3. par. 1. pag. 930
An secundus confessarius. consil. 26. de pœn. & remiss. lib. 5. par. 2. pag. 695
An sequester. consil. 1. de seq. poss. & fruct. lib. 2. par. 1. pag. 363
An sepeliens. consil. 11. de hæreticis. lib. 5. par. 2. pag. 379
An si duo. consil. 16. de præbend. lib. 3. par. 1. pag. 468
An simoniacus. consil. 21. de simon. lib. 5. par. 2. pag. 198
An sit irregularis. consil. 24. de homie. lib. 5. par. 2. pag. 436

An sit

I N D E X.

An sit irregularis. conf. 65. de sentent. excommun. lib. 5. par. 2. pag. 264
An sit melius. consil. 1. de regular. lib. 3. par. 1. pag. 707
An sit peccatum. conf. 56. de simon. lib. 5. par. 2. pag. 255
An sit tenenda. consil. 18. de usur. lib. 5. par. 2. pag. 500
An sit vere. consil. 49. de regular. lib. 3. par. 1. pag. 789
An sponsa. consil. 1. de conuers. coniug. lib. 3. par. 1. pag. 846
An stante. consil. 62. de sentent. excom. lib. 5. par. 2. pag. 819
An subdiaconus. consil. 21. de celebrat. miss. lib. 3. par. 1. pag. 1092
An sub illis verbis. consil. 4. de verbor. signif. lib. 5. par. 2. pag. 824
An succedat. consil. 6. de success. ab intest. lib. 3. par. 1. pag. 681
An sufficiat. consil. 1. de fide instrum. lib. 2. par. 1. pag. 368
An suspensio. conf. 63. de senten. excommun. lib. 5. par. 2. pag. 820
An superior. conf. 69. de regular. lib. 3. par. 1. pag. 815
An teneat matrimonium. consil. 8. de cland. despons. lib. 4. par. 1. pag. 50
An valeat dispensatio. consil. 9. de consang. & affinit. lib. 4. par. 2. pag. 103
An valeat matrimonium. consil. 6. de clandest. despons. lib. 4. par. 2. pag. 49
An valeat professio. conf. 7. de conuers. coniug. lib. 3. par. 1. pag. 856
An verba. conf. 33. de pœnit. & remiss. lib. 5. par. 2. pag. 705
An vestium. conf. 2. de consecrat. eccles. vel. altar. lib. 3. par. 1. pag. 1066
An Vicario. consil. 1. de maior. & obed. lib. 1. par. 1. pag. 262
An Vicarius. consil. 1. de iudicijs. lib. 2. par. 1. pag. 323
An Vicarius. conf. 10. de cland. despons. lib. 4. par. 2. pag. 53
An visitator. consil. 15. de reb. eccles.

alien. vel non. lib. 3. par. 1. pag. 512
An volens indulgentiam. consil. 19. de pœnit. & remiss. lib. 5. par. 2. pag. 689
An votum. conf. 42. de voto. lib. 3. par. 1. pag. 953
Ancilla qua. conf. 5. de pœnit. & remiss. lib. 5. par. 2. pag. 660
Ancilla. conf. 2. de fur. lib. 5. par. 2. pag. 468
Annibal vouit. consil. 32. de voto. lib. 3. par. 1. pag. 931
Anno Domini. conf. 7. de success. ab intest. lib. 3. par. 1. pag. 682
Anno 1401. consil. 1. de præscript. lib. 2. par. 1. pag. 389
Ante Concil. consil. 4. de conuers. coniug. lib. 3. par. 1. pag. 851
Ante reformationem. conf. 35. de usur. lib. 5. par. 2. pag. 551
Ante Concil. Trident. conf. 6. de ijs qua vi met. caus. lib. 1. par. 1. pag. 310
Antonius dixit Petro. conf. 23. de simo. lib. 5. par. 2. pag. 201
Antonius. consil. 13. de testamen. lib. 3. par. 1. pag. 668
Antonius sacerdos. consil. 34. de homic. lib. 5. par. 2. pag. 441
Antonius noctu. consil. 3. de pœnit. & remiss. lib. 5. par. 2. pag. 657
Antonius vellet. conf. 1. de consang. & affinit. lib. 4. par. 2. pag. 89

B

B & G. litigantes super. consil. 47. de simon. lib. 5. par. 2. pag. 240
B. pensionarius. consil. 2. de pactis. lib. 1. par. 1. pag. 281
B. professus. conf. 37. de regul. lib. 3. par. 1. pag. 770
Balthassar resignauit. consil. 74. de simon. lib. 5. par. 2. pag. 283
Banniti. conf. 86. de simon. lib. 5. par. 2. pag. 306
Beatissime Pater. consil. 5. de desponsat. impub. lib. 4. par. 2. pag. 41

Bea-

INDEX

Beatissime Pater. consil. 4. de stat. monach. lib. 3. par. 1. pag. 987.
Benedicitur. consil. 2. de sacramen. non iter. lib. 1. par. 1. pag. 192.
Beneficiarius quidam. consil. 4. de success. ab intest. lib. 3. par. 1. pag. 679.
Beneficium. consil. 28. de prabend. lib. 3. par. 1. pag. 483.
Beneficio vacante iuris patronatus. consil. 42. de simon. lib. 5. par. 2. pag. 232.
Bernardina. consil. 50. de regul. lib. 3. par. 1. pag. 791.
Berta vidua. consil. 5. de usur. lib. 5. par. 2. pag. 482.
Briantus clericus. consil. 21. de homic. lib. 5. par. 2. pag. 433.
Brunellus vouit. consil. 18. de vot. lib. 3. par. 1. pag. 916.
Burleus vouit. consil. 43. de vot. lib. 3. par. 1. pag. 954.

C*Aius, & Titius. consil. 43. de simon. lib. 5. par. 2. pag. 233.*
Caius pater familias. consil. 1. de pecul. cler. lib. 3. par. 1. pag. 638.
Cambia an fieri. consil. 30. de usur. lib. 5. par. 2. pag. 526.
Canonicus regularis. consil. 16. de stat. monach. lib. 3. par. 1. pag. 1018.
Canonicus. consil. 29. de prabend. lib. 3. par. 1. pag. 483.
Canonici cathedralis. consil. 3. de simon. lib. 5. par. 2. pag. 169.
Canonici sede vacante. consil. 2. de praelat. vic. suas. lib. 5. par. 2. pag. 333.
Canonicus donauit. consil. 2. de donat. lib. 3. par. 1. pag. 620.
Canonicus procuratorem. consil. 71. de simon. lib. 5. par. 2. pag. 279.
Canonicus Cathedralis. consil. 20. de celebrat. miss. lib. 3. par. 1. pag. 1091.
Canonicus. consil. 10. de cler. non resid. lib. 3. par. 1. pag. 433.

Capellani. consil. 27. de prabend. lib. 3. par. 1. pag. 481.
Capitulum. consil. 8. de priuileg. lib. 5. par. 2. pag. 598.
Capitulum & canonici. consil. 7. de verbor. sign. lib. 5. par. 2. pag. 827.
Capitulum ecclesie. consil. 2. de elect. lib. 1. par. 1. pag. 95.
Capitulum generale. consil. 7. de constit. lib. 1. par. 1. pag. 48.
Captiuus coactus. consil. 5. de Iudaic. lib. 5. par. 2. pag. 346.
Cardinalis quidam. consil. 6. de simon. lib. 5. par. 2. pag. 174.
Cardinalis quidam. consil. 81. de simon. lib. 5. par. 2. pag. 297.
Carolus, & Anna. consil. 1. de frig. & malef. lib. 4. par. 2. pag. 114.
Carthusianorum religio. consil. 51. de regul. lib. 3. par. 1. pag. 793.
Cato. consil. 11. de vot. lib. 3. par. 1. pag. 906.
Certabant aliquot pueri. consil. 3. de homicid. lib. 5. par. 2. pag. 411.
Certum est excommunicatum. consil. 1. de cleric. excommunic. lib. 5. par. 2. pag. 563.
Certum est. consil. 2. de solut. lib. 3. par. 1. pag. 603.
Circa bullas. consil. 18. de poenit. & remiss. lib. 5. par. 2. pag. 683.
Circa cap. consil. 64. de sentent. excommunic. lib. 5. par. 2. pag. 820.
Circa dubium. consil. 100. de simon. lib. 5. par. 2. pag. 328.
Circa testamentum. consil. 12. de testamen. lib. 3. par. 1. pag. 667.
Ciuitatis incola. consil. 7. de clandest. desponsat. lib. 4. par. 2. pag. 49.
Clericus. consil. 6. de cler. vel monach. sac. neg. lib. 3. par. 1. pag. 1121.
Clericus. consil. 1. de postul. lib. 1. par. 1. pag. 291.
Clericus. consil. 3. de vita & honest. cleric. lib. 3. par. 1. pag. 420.

Clericus

- Clericus. consil. 96. de simon. lib. 5. par. 2. pag. 839
- Clericus Hispania. consil. 18. de priuileg. lib. 5. par. 2. pag. 616
- Clericus prima tonsura. consil. 48. de homicid. lib. 5. par. 2. pag. 456
- Clericus quatuor minorum ordinum. consil. 7. de corp. vit. lib. 1. par. 1. p. 220
- Clericus quidam. consil. 16. de testam. lib. 3. par. 1. pag. 675
- Concessa fuit. consil. 35. de pœnit. & remiss. lib. 5. par. 2. pag. 708
- Concessit Sanctissimus. consil. 22. de priuileg. lib. 5. par. 2. pag. 624
- Concil. Trid. consil. 28. de temp. ord. lib. 1. par. 1. pag. 164
- Concil. Trid. consil. 1. de cler. non resid. lib. 3. par. 1. pag. 423
- Confessarius. consil. 2. de crim. fals. lib. 5. par. 2. pag. 556
- Confessarij. consil. 11. de pœnit. & remiss. lib. 5. par. 2. pag. 672
- Confessarius religiosus. consil. 5. de solut. lib. 3. par. 1. pag. 608
- Confessus est. consil. 17. de hæreticis. lib. 5. par. 2. pag. 389
- Collatio beneficij. consil. 44. de voto. lib. 3. par. 1. pag. 954
- Congregatis. consil. 9. de elect. lib. 1. par. 1. pag. 105
- Congregatio. consil. 9. de maior. & obed. lib. 1. par. 1. pag. 273
- Conqueritur. consil. 10. de offic. iud. ord. lib. 1. par. 1. pag. 237
- Consideratur. consil. 9. de offic. & potest. iud. deleg. lib. 1. par. 1. pag. 237
- Constituta. consil. 5. de verb. sign. lib. 5. par. 2. pag. 825
- Contra id. consil. 4. de consang. & affinit. lib. 4. par. 2. pag. 92
- Contrahere an liceat. consil. 16. de usur. lib. 5. par. 2. pag. 497
- Contraxerunt duo. consil. 3. de conuers. coniug. lib. 3. par. 1. pag. 849
- Contraxit M. consil. 4. de eo qui duxit in matrim. quam poll. per adult. lib. 4. par. 2. pag. 74
- Consuevit. consil. 21. de rescript. lib. 1. par. 1. pag. 91
- Contulit quidam mille. consil. 26. de usu ris. lib. 5. par. 2. pag. 516
- Conuenerunt parentes. consil. 10. de sponsalib. lib. 4. par. 2. pag. 149
- Conuocatio canonicorum. consil. 18. de stat. monach. lib. 3. par. 1. pag. 1020
- Quidam presbytero. consil. 13. de cler. excomun. lib. 5. par. 2. pag. 573
- Cum ad triginta. consil. 8. de simon. lib. 5. par. 2. pag. 176
- Cum à pratore. consil. 17. de homicid. lib. 5. par. 2. pag. 428
- Cum certum sit. consil. 9. de conuers. coniug. lib. 3. par. 1. pag. 858
- Cum certum sit eum qui. consil. 2. de cleric. excommunic. lib. 5. par. 2. pag. 564
- Cum de iure. consil. 89. de regular. lib. 3. par. 1. pag. 842
- Cum duo sint. consil. 10. de reb. eccles. alien. vel non. lib. 3. par. 1. pag. 506
- Cum ex facto. consil. 4. de prescript. lib. 2. par. 1. pag. 394
- Cum Græci. consil. 4. de baptis. lib. 3. par. 1. pag. 1098
- Cum Illustrissimi. consil. 10. de filijs presbyt. lib. 1. par. 1. pag. 214
- Cum in Manual. consil. 2. de cohabit. cler. & mul. lib. 3. par. 1. pag. 423
- Cum in plebe. consil. 39. de sent. excom. lib. 5. par. 2. pag. 778
- Cum in Polonia. consil. 2. de offic. iud. ord. lib. 1. par. 1. pag. 243
- Cum mortuus esset. consil. 12. de elect. lib. 1. par. 1. pag. 111
- Cum multi. consil. 1. de sum. Trin. & fide Cath. lib. 1. par. 1. pag. 1
- Cum quidam. consil. 5. de consang. & affinit. lib. 4. par. 2. pag. 95
- Cum quidam eques. consil. 1. de usur. lib. 5. par. 2. pag. 497

Cum

I N D E X.

Cum sacrum Concil. consil. 5. de regul.
lib. 3. par. 1. pag. 714

Cum statuendum esset. consil. 1. de iniur. & damn. dat. lib. 5. par. 2. p. 634

Cum teneamur. consil. 58. de sent. excommun. lib. 5. par. 2. pag. 815

Cum Vincentius. consil. 20. de regul. lib. 3. par. 1. pag. 719

Curialis, & sollicitator impetrarunt. consil. 10. de iniur. & damn. dat. lib. 5. par. 2. pag. 646

D

De beneficiario qui emit. consil. 19. de celeb. miss. lib. 3. par. 1. p. 1090

De capellania. consil. 7. de preben. lib. 3. par. 1. pag. 55

De eo qui. consil. 4. de renunt. lib. 1. par. 1. pag. 122

De eo qui mansit. consil. 20. de regul. lib. 3. par. 1. pag. 740

De eo qui. consil. 17. de cler. excommun. lib. 5. par. 2. pag. 577

De eo qui. consil. 7. de voto. lib. 3. par. 1. pag. 902

De eo qui. consil. 45. de regul. lib. 3. par. 1. pag. 784

De eo qui accepit. consil. 18. de tempor. ord. lib. 1. par. 1. pag. 151

De Episcopo. consil. 1. de simon. lib. 5. par. 2. pag. 167

De illo qui. consil. 5. de renuntiat. lib. 1. par. 1. pag. 123

De iudice. consil. 44. de homicid. lib. 5. par. 2. pag. 432

De medico. consil. 3. de cler. vel monach. sac. neg. lib. 3. par. 1. pag. 1118

De quibusdam. consil. 8. de sacram. non iterand. lib. 1. par. 1. pag. 197

De quodam. consil. 14. de regular. lib. 3. par. 1. pag. 729

De quodam N. consil. 2. de baptis. lib. 3. par. 1. pag. 1097

Decanus. consil. 3. de priuil. lib. 5. par. 2. pag. 591

Declaratum. consil. 3. de locat. & cond.

lib. 3. par. 1. pag. 592

Dedit Maria. consil. 20. de empt. & vendit. lib. 3. par. 1. pag. 580.

Dedit quis. consil. 12. de renunt. lib. 1. par. 1. pag. 133

Deliberavit quidam. consil. 17. de testam. lib. 3. par. 1. pag. 676

Deliquerunt duo. consil. 2. de sent. & re iudic. lib. 2. par. 1. pag. 403

Desiderio desideravi. consil. 37. de homicid. lib. 5. par. 2. pag. 444

Diaconus ad firmandam. consil. 3. de cler. non ord. minist. lib. 5. par. 2. pag. 579

Dico ad questionem. consil. 40. de sent. excommun. lib. 5. par. 1. pag. 780

Dico primo. consil. 50. de simon. lib. 5. par. 2. pag. 248

Diffinitorium. consil. 8. de elect. lib. 1. par. 1. pag. 104

Distuli dicere. consil. 6. de sponsalib. lib. 4. par. 2. pag. 10

Doctor quidam. consil. 4. de voto. lib. 3. par. 1. pag. 898

Dominatio tua. consil. 30. de homicid. lib. 5. par. 2. pag. 439

Dominatio tua. consil. 3. de verbor. sign. lib. 5. par. 1. pag. 823

Domini. consil. 19. de priuileg. lib. 5. par. 2. pag. 617

Dominus. consil. 3. de obseruat. ieiun. lib. 3. par. 1. pag. 1105

D. Gaspar. consil. 16. de empt. & vendit. lib. 3. par. 1. pag. 575

Donatus. consil. 33. de homicid. lib. 5. par. 2. pag. 441

Duas domos. consil. 17. de reb. eccles. alienand. vel non. lib. 3. par. 1. pag. 516

Dubitatur. consil. 90. de regular. lib. 3. par. 1. pag. 845

Dubitatur A. consil. 5. de sacram. non iterand. lib. 1. par. 1. pag. 194

Dubito aliquem. consil. 3. de hereticis. lib. 5. par. 2. pag. 357

Dubitatum fuit. consil. 6. de stat. monac. lib. 3. par. 1. pag. 992

Dubi-

I N D E X.

Dubitatum est. cons. 60. de sentent. ex-
commun. lib. 5. par. 2. pag. 816
Dubium est. cons. 6. de consang. & af-
finit. lib. 4. par. 2. pag. 98
Due muliercula. cons. 4. de accusat. lib.
5. par. 2. pag. 138
Duo ante Concilium. cons. 15. de clan-
dest. desponsat. lib. 4. par. 2. pag. 59
Duo conuenerunt. consil. 34. de simon.
lib. 5. par. 2. pag. 215
Duo litigantes. consil. 45. de simon. lib.
5. par. 2. pag. 237
Duo sacerdotes. cons. 14. de homicid. lib.
5. par. 2. pag. 423

E

E agens. consil. 3. de etat. & qualitat.
lib. 1. par. 1. pag. 184
Ecclesia Burgenſi. consil. 27. de tempor.
ord. lib. 1. par. 1. pag. 162
Ecclesia collegiata. cons. 8. de prabend.
lib. 3. par. 1. pag. 456
Ecclesia N. consil. 3. de prabend. lib. 3.
par. 1. pag. 451
Ecclesia parochialis. consil. 11. de rescr.
lib. 1. par. 1. pag. 73
Ecclesia parochiali. consil. 21. de cleric.
non resid. lib. 3. par. 1. pag. 446
Emptor. consil. 22. de usur. lib. 5. par. 2.
pag. 512
Episcopus accepta. consil. 3. qui filij sint
legit. lib. 4. par. 2. pag. 137
Episcopus. cons. 2. de eo qui furt. ord. su-
ſcep. lib. 5. par. 2. pag. 588
Episcopus. consil. 6. de sent. excommun.
lib. 5. par. 2. pag. 713
Episcopus dedit. consil. 25. de temp. ord.
lib. 1. par. 1. pag. 159
Episcopus dedit. cons. 22. de pœnit. &
remiss. lib. 5. par. 2. pag. 691
Episcopus Imolenſis. consil. 3. de donat.
lib. 3. par. 1. pag. 621
Episcopus perpetuo. cons. 12. de reb. ec-
cles. alien. vel non. lib. 3. par. 1. p. 509

Episcopus quidam. consil. 3. de big. lib.
1. par. 1. pag. 225
Episcopus Vſſelen. ſede vacante. consil.
44. de temp. ord. lib. 1. par. 1. pag. 178
Eſt pœnitens. cons. 5. de heretic. lib. 5.
par. 2. pag. 359
Ex Concil. Trid. cons. 9. de celebr. miſſ.
lib. 3. par. 1. pag. 1077
Ex ecclesia. cons. 1. de immunit. eccles.
lib. 3. par. 1. pag. 1109
Exemptus. consil. 4. de priuileg. lib. 5.
par. 2. pag. 591
Ex ſexdecim. cons. 5. de elect. lib. 1. par.
1. pag. 100
Excellentiſſ. domine. consil. 3. de diuor-
tijs. lib. 4. par. 2. pag. 141
Excellentiſſ. domine. cons. 7. de ſtat. mo-
nach. lib. 3. par. 1. pag. 998
Excellentiſſ. domine. cons. 76. de ſimon.
lib. 5. par. 2. pag. 286
Excellentiſſ. domine. consil. 9. de conſtit.
lib. 1. par. 1. pag. 50
Excellentiſſ. domine. consil. 29. de uſur.
lib. 5. par. 2. pag. 520
Excellentiſſ. domine. consil. 34. de temp.
ord. lib. 1. par. 1. pag. 170
Excellentiſſ. domine. cons. 5. de empt. &
vend. lib. 3. par. 1. pag. 544
Excommunication. consil. 5. de ſentent.
excommunic. lib. 5. par. 2. pag. 722
Excommunicatus. consil. 16. de pœnit.
& remiss. lib. 5. par. 2. pag. 678
Exiſtente diſcordia. consil. 5. de diuor-
tijs. lib. 4. par. 2. pag. 145
Exponitur. cons. 48. de ſimon. lib. 5. par.
2. pag. 242
Extrauagans. cons. 20. de ſentent. ex-
communic. lib. 5. par. 2. pag. 747

F

F Acta permutatione. consil. 77. de ſi-
mon. lib. 5. par. 2. pag. 292
Facultas. consil. 4. de iudicijs. lib. 2. par.
1. pag. 325

Famili-

CONSILIORVM:

Famulus. consil. 4. de pœnit. & remiss. lib. 5. par. 2. pag. 659
Figuli. consil. 1. de ferijs. lib. 2. par. 1. pag. 346
Francisca contraxit. consil. 9. de sponsalib. lib. 4. par. 2. pag. 13
Franciscus. consil. 9. de usur. lib. 5. par. 2. pag. 487
Franciscus disposuit. consil. 1. de testament. lib. 3. par. 1. pag. 643
Franciscus duxit. consil. 11. de conuers. coniug. lib. 3. par. 1. pag. 859
Franciscus & M. consil. 17. de simon. lib. 5. par. 2. pag. 195
Franciscus & Petrus. consil. 22. de simon. lib. 5. par. 2. pag. 199
Franciscus litterarum. consil. 13. de voto. lib. 3. par. 1. pag. 907
Frater quidam. consil. 74. de regul. lib. 3. par. 1. pag. 821
Frater Thomas. consil. 6. de testam. lib. 3. par. 1. pag. 653
Fratribus. consil. 4. de appellat. recus. & relat. lib. 2. par. 1. pag. 406
Fructus quibus. consil. 3. de cler. non resid. lib. 3. par. 1. pag. 425
Fuerunt relaxata. consil. 41. de sentent. excomm. lib. 5. par. 2. pag. 781
Fuit erecta. consil. 3. de foro compet. lib. 2. par. 1. pag. 341
Fuit relaxatum. consil. 1. de dolo & contumac. lib. 2. par. 1. pag. 361
Fuit reseruata pensio. consil. 65. de simon. lib. 5. par. 2. pag. 266

G

G *Aspar. consil. 35. de homicid. lib. 5. par. 2. pag. 443*
Generalis N. consil. 78. de regul. lib. 3. par. 1. pag. 830
Generalis ordinis. consil. 14. de statu monach. lib. 3. par. 1. pag. 1012
Germanus. consil. 14. de sent. excomm. lib. 5. par. 2. pag. 737

Gloss. solemn. consil. 25. de pœnit. & remiss. lib. 5. par. 2. pag. 695
Gregorius. consil. 5. de obseruat. ieiun. lib. 3. par. 1. pag. 1106

H

H *Abebat quidam regressum. consil. 32. de sim. lib. 5. par. 2. pag. 212*
Habens beneficium. consil. 23. de præb. lib. 3. par. 1. pag. 474
Habens beneficium. consil. 79. de simon. lib. 5. par. 2. pag. 294
Habet dominatio tua. consil. 29. de homicid. lib. 5. par. 2. pag. 439
Henricus homicida. consil. 43. de homicid. lib. 5. par. 2. pag. 450
Herus & famulus. consil. 46. de regul. lib. 3. par. 1. pag. 785
Hieronymus & Alexander. consil. 46. de simon. lib. 5. par. 2. pag. 238
Hispanus. consil. 8. de hereticis. lib. 5. par. 2. pag. 372
Hispanus Hispalensis. consil. 31. de temp. ord. lib. 1. par. 1. pag. 167
Hispanus quidam. consil. 15. de sentent. excom. lib. 5. par. 2. pag. 739
Homines quidam. consil. 32. de sentent. excom. lib. 5. par. 2. pag. 765
Horatius an sit irregularis. consil. 7. de homicid. lib. 5. par. 2. pag. 415
Horatius & Dominicus. consil. 25. de usur. lib. 5. par. 2. pag. 515
Horatius vouit. consil. 27. de voto. lib. 3. par. 1. pag. 927
Hypothesis. consil. 6. de hereticis. lib. 5. par. 2. pag. 363

I

I *resignatarius. consil. 75. de simon. lib. 5. par. 2. pag. 284*
I. & A. consil. 8. de cognat. spirit. lib. 4. par. 2. pag. 85
Iacobus & Latitia. consil. 4. de sponsa. lib. 4. par. 2. pag. 6

c

Ille-

Illegitimus. conf. 6. de cler. excommun.
 lib. par. 2. pag. 566
Illegitimus a Comite. consil. 2. de filijs
presb. lib. 1. par. 1. pag. 200
Illegitimus obtinuit. consil. 3. de filijs
presb. lib. 1. par. 1. pag. 202
Impetrata. consil. 19. de rescrip. lib. 1.
par. 1. pag. 87
In agro. consil. 1. de Iudais. lib. 5. par.
2. pag. 33
In bello. consil. 3. de rest. Spoliat. lib. 2.
par. 1. pag. 359
In causa qua. consil. 1. de feudis. lib. 3.
par. 1. pag. 594
In ciuitate. consil. 11. de empt. & ven.
lib. 3. par. 1. pag. 565
In Conc. Trid. consil. 13. de temp. ord. lib.
1. par. 1. pag. 145
In contractu. consil. 1. de donat. inter
vir. & vxor. lib. 4. par. 2. pag. 148
In curia. consil. 9. de regular. lib. 3. par.
1. pag. 717
In domibus. consil. 7. de iniur. & damn.
dat. lib. 5. par. 2. pag. 643
Indulgentia concessam. consil. 38. de pœ-
nit. & remiss. lib. 5. par. 2. pag. 711
In ecclesia Palentina. consil. 84. de sim.
lib. 5. par. 2. pag. 301
In Manuali. consil. 1. de crim. fals. lib. 5.
par. 2. pag. 555
In Manuali cap. 15. nu. 2. in fin. consil.
31. de homicid. lib. 5. par. 2. pag. 440
In ordine Minorum. consil. 25. de regu-
lar. lib. 3. par. 1. pag. 746
In prouincia. consil. 8. de iur. patron. lib.
3. par. 1. pag. 1043
In quadam ecclesia. consil. 11. de celebr.
miss. lib. 3. par. 1. pag. 1083
In quadam religione. consil. 7. de atat. &
qualit. lib. 1. par. 1. pag. 186
In quadam religione. consil. 2. de con-
suet. lib. 1. par. 1. pag. 93
In quodam conuentu. consil. 6. de elect.
lib. 1. par. 1. pag. 101
In quodam monasterio. consil. 7. de elect.

lib. 1. par. 1. pag. 102
In quodam ordine. consil. 61. de senten.
excommunic. lib. 5. par. 2. pag. 817
In regno. consil. 22. de homicid. lib. 5.
par. 2. pag. 435
In religione. consil. 15. de regular. lib. 3.
par. 1. pag. 731
Instante. consil. 15. de consang. & affin.
lib. 4. par. 2. pag. 112
Inter F. & P. consil. 13. de simon. lib. 5.
par. 2. pag. 186
Inter Seium. consil. 38. de senten. excom-
munic. lib. 5. par. 2. pag. 773
Interrogatus an. consil. 7. de censib. lib. 3.
par. 1. pag. 1062
Inueniuntur homines. consil. 15. de Spon-
salib. lib. 4. par. 2. pag. 26
Ioannes. consil. 26. de simon. lib. 5. par.
2. pag. 204
Ioannes & Petrus. consil. 40. de simon.
lib. 5. par. 2. pag. 230
Ioannes presb. consil. 41. de homic. lib.
5. par. 2. pag. 448
Ioannes rapuit. consil. 2. de raptor. lib. 5.
par. 2. pag. 461
Irregularis. consil. 91. de simon. lib. 5.
par. 2. pag. 311
Irregularis an sit. consil. 9. de homicid.
lib. 5. par. 2. pag. 417
Is, ad quem. consil. 3. de empt. & ven. lib.
3. par. 1. pag. 539
Is, ad quem. consil. 5. de simon. lib. 5. par.
2. pag. 172
Indeus & Iudæa. consil. 2. de conuers.
infid. lib. 3. par. 1. pag. 870
Iudices. consil. 3. de senten. excommunic.
lib. 5. par. 2. pag. 720
Iulius. consil. 22. de celebrat. miss. lib. 3.
par. 1. pag. 1093
Iulius duxit. consil. 3. de consang. & af-
finit. lib. 4. par. 2. pag. 91
Iulius & Octauius. consil. 37. de sim. lib.
5. par. 2. pag. 219
Iurans vel vouens. consil. 10. de vot. lib.
3. par. 1. pag. 905

CONSILIORVM.

Iuris peritus. consil. 13. de haretic. lib. 5. par. 2. pag. 385
Iussus absolutus. consil. 50. de sentent. excomm. lib. 5. par. 2. pag. 798
Iussus respondere. consil. 4. de big. lib. 1. par. 1. pag. 226
Iuuenis quidam. consil. 22. de sentent. excomm. lib. 5. par. 2. pag. 752

L

L *Ata sententia. consil. 52. de sentent. excom. lib. 5. par. 2. pag. 802*
Laicus. consil. 6. de renunt. lib. 1. par. 1. pag. 123
Laicus. consil. 72. de simon. lib. 5. par. 2. pag. 280
Lazarus Hebraeus. consil. 3. de conuers. infid. lib. 3. par. 1. pag. 873
Leo X. consil. 17. de pœnit. & remiss. lib. 5. par. 2. pag. 680
Licitum an sit. consil. 2. de vsur. lib. 5. par. 2. pag. 473
Litigantibus. M. & P. consil. 44. de simon. lib. 5. par. 2. pag. 236
Lucius sacerdos. consil. 22. de vot. lib. 3. par. 1. pag. 922
Ludouicus Baldouinus. consil. 4. de donat. lib. 3. par. 1. pag. 622

M

M *ingressus. consil. 17. de regul. lib. 3. par. 1. pag. 736*
M. promisit. consil. 16. de sent. excom. lib. 5. par. 2. pag. 739
M. religionis habitu. consil. 44. de regul. lib. 3. par. 1. pag. 783
Magnificus. consil. 8. de empt. & vend. lib. 3. par. 1. pag. 549
Maioratum. consil. 15. de testam. lib. 3. par. 1. pag. 672
Mandato de simoniace. consil. 9. de simon. lib. 5. par. 2. pag. 178
Mandato D. mei. consil. 55. de sentent.

excomm. lib. 5. par. 2. pag. 806
Mansit quidam. consil. 7. de hareticis. lib. 5. par. 2. pag. 370
Maria vouit. consil. 17. de voto. lib. 3. par. 1. pag. 913
Maritus. consil. 8. de donat. lib. 3. par. 1. pag. 635
Maritus. consil. 1. de eo qui duxit in mat. quā poll. per adult. lib. 4. p. 2. p. 70
Mater. consil. 4. de iureiur. lib. 2. par. 1. pag. 379
Matthæus professus. consil. 40. de regular. lib. 3. par. 1. pag. 773
Mediantibus. consil. 35. de simon. lib. 5. par. 2. pag. 216
Mercator quidam. consil. 6. de vsur. lib. 5. par. 2. pag. 483
Mercatores. consil. 4. de empt. & vend. lib. 3. par. 1. pag. 543
Miles quidam. consil. 30. de sentent. excom. lib. 5. par. 2. pag. 763
Monachus Casinensis. consil. 52. de regul. lib. 3. par. 1. pag. 794
Monasterium. consil. 16. de reb. eccles. alien. vel non. lib. 3. par. 1. pag. 514
Mulier. consil. 27. de pœnit. & remiss. lib. 5. par. 2. pag. 696
Mulier habens. consil. 2. de paroch. lib. 3. par. 1. pag. 699
Mulio bona fide. consil. 4. de fur. lib. 5. par. 2. pag. 470
Multarum questionum. consil. 4. de filiis presb. lib. 1. par. 1. pag. 203
Multi deponunt. consil. 4. de deposito. lib. 3. par. 1. pag. 530
Multi officiales. consil. 8. de homicid. lib. 5. par. 2. pag. 416
Multi renuntiant. consil. 14. de simon. lib. 5. par. 2. pag. 190

N

N *Ante 16. consil. 34. de regul. lib. 3. par. 1. pag. 766*
N. cum multis alijs. consil. 40. de homicid. lib. 5. par. 2. pag. 446

N. dedit mandatum. consil. 2. de spon-
salib. lib. 4. par. 2. pag. 4
N. desiderio. consil. 26. de vot. lib. 3. par.
1. pag. 926
N. diaconus. consil. 2. de cler. non ord.
minist. lib. 5. par. 2. pag. 579
N. dixit. consil. 23. de homicid. lib. 5. par.
2. pag. 435
N. dum Roma moraretur. consil. 48. de
sent. excom. lib. 5. par. 2. pag. 791
N. & M. consil. 2. de desponsat. impub.
lib. 4. par. 2. pag. 32
N. & M. consil. 5. de clandest. desponsat.
lib. 4. par. 2. pag. 48
N. familiaris. consil. 11. de tempor. ord.
lib. 1. par. 1. pag. 142
N. filius familias. consil. 19. de tempor.
ord. lib. 1. par. 1. pag. 153
N. fuit electus. consil. 32. de regul. lib. 3.
par. 1. pag. 763
N. frater. consil. 6. de donat. lib. 3. par.
1. pag. 629
N. fuit per patronos. consil. 3. de decim.
lib. 3. par. 1. pag. 707
N. habens. consil. 5. de iur. patron. lib. 3.
par. 1. pag. 1028
N. habens dignitatem. consil. 9. de sent.
excomm. lib. 5. par. 2. pag. 727
N. habens. consil. 15. de præb. lib. 3. par.
1. pag. 466
N. habet. consil. 6. de cler. non resid. lib.
3. par. 1. pag. 428
N. illegitimus. consil. 5. de filiis presbyt.
lib. 1. par. 1. pag. 204
N. ingressus. consil. 29. de regul. lib. 3.
par. 1. pag. 758
N. inquisitus. consil. 24. de hereticis.
lib. 5. par. 2. pag. 400
N. lector. consil. 5. de cler. vel monach.
sec. neg. lib. 3. par. 1. pag. 1120
N. mercator lanarum. consil. 17. de usur.
lib. 5. par. 2. pag. 498
N. nobilis. consil. 15. de statu monach.
lib. 3. par. 1. pag. 1017
N. nobilis. consil. 9. de ijs quæ vi met.

caus. fiunt. lib. 1. par. 1. pag. 313
N. nobilis procurauit. consil. 70. de si-
mon. lib. 5. par. 2. pag. 277
N. obtinuit. consil. 5. de rescript. lib. 1.
par. 1. pag. 68
N. obtinuit. consil. 8. de renunt. lib. 1.
par. 1. pag. 127
N. obtinuit. consil. 23. de tempor. ordin.
lib. 1. par. 1. pag. 157
N. olim. consil. 67. de regul. lib. 3. par. 1.
pag. 813
N. petijt. consil. 17. de celebr. miss. lib. 3.
par. 1. pag. 1088
N. postquam. consil. 2. de diuortijs. lib.
4. par. 2. pag. 140
N. presbyter. consil. 38. de simon. lib. 5.
par. 2. pag. 228
N. pressus. consil. 11. de reb. eccles. alien.
vel non. lib. 3. par. 1. pag. 508
N. prætensus. consil. 5. de success. ab in-
test. lib. 3. par. 1. pag. 680.
N. professus. consil. 80. de regular. lib. 3.
par. 1. pag. 832.
N. prouisus. consil. 2. qui cleric. vel vo-
uen. lib. 4. par. 2. pag. 67
N. quædam falsa. consil. 5. de crim. fals.
lib. 5. par. 2. pag. 558
N. regularis. consil. 72. de regul. lib. 3.
par. 1. pag. 819
N. sacerdos. consil. 7. de celebr. miss. lib.
3. par. 1. pag. 1074
N. sacerdos. consil. 5. de immunit. eccles.
lib. 3. par. 1. pag. 1114
N. 16. etatis. consil. 5. de ijs quæ vi met.
caus. fi. lib. 1. par. 1. pag. 308
N. tractabat. consil. 10. de consang. &
affinit. lib. 4. par. 2. pag. 105
N. translatus. consil. 68. de regul. lib. 3.
par. 1. pag. 814
N. 30. annos. consil. 15. de tempor. ord.
lib. 1. par. 1. pag. 148
N. valde deformis. consil. 20. de rescrip.
lib. 1. par. 1. pag. 88
N. vendidit. consil. 20. de usur. lib. 5.
par. 2. pag. 504

CONSILIORVM.

*Nemo negare. confil. 75. de regul. lib. 3.
par. 1. pag. 824*
*Nobilis. confil. 81. de regul. lib. 3. par.
1. pag. 833*
*Nobilis quidam. confil. 18. de cler. non
resid. lib. 3. par. 1. pag. 441*
*Notarius. confil. 6. de iniur. & damn.
dat. lib. 5. par. 2. pag. 642*

O

O *Bnixe rogatus. confil. 9. de empt.
& vend. lib. 3. par. 1. pag. 556*
*Obtinuit quis. confil. 17. de cler. non re-
sid. lib. 3. par. 1. pag. 440*
*Octavius vir. confil. 3. de secund. nupt.
lib. 4. par. 2. pag. 151*
*Officialis. conf. 2. de iniur. & dam. dat.
lib. 5. par. 2. pag. 637*
*Omisit quidam. confil. 9. de iniurijs &
damn. dat. lib. 5. par. 2. pag. 645*
*Ordinatus an sit. confil. 3. de temp. ord.
lib. 1. par. 1. pag. 136*
*Ordinatus est. confil. 16. de temp. ord.
lib. 1. par. 1. pag. 149*
*Ordo Eremitarum. conf. 3. de elect. lib.
1. par. 1. pag. 98*
*Orta sunt graua. confil. 26. de regula.
lib. 3. par. 1. pag. 748*

P

P *dedit 2. confil. 27. de usur. lib. 5.
par. 2. pag. 518*
*P. Sacerdos. confil. 11. de homicid. lib. 5.
par. 2. pag. 419*
*Pamphilius coniugatus. conf. 6. de con-
uers. coniug. lib. 3. par. 1. pag. 855*
*Papa. confil. 2. de offic. & potest. iud. de-
leg. lib. 1. par. 1. pag. 231*
*Papa. conf. 2. de verbor. sign. lib. 5. par.
2. pag. 822*
*Papa an liceat. confil. 34. de poenit. &
miss. lib. 5. par. 2. pag. 707*
Papa creauit. confil. 1. de caus. possess. &

prop. lib. 2. par. 1. pag. 351
*Papa fecit. confil. 6. de obseruat. ieiun.
lib. 3. par. 1. pag. 1107*
*Parentes sponsalia. confil. 8. de spons.
lib. 4. par. 2. pag. 12*
*Parentes. confil. 7. de cognat. spirit. lib.
4. par. 2. pag. 84*
*Parmensis. confil. 93. de simon. lib. 5.
par. 2. pag. 314*
*Parochus. conf. 24. de poenit. & remiss.
lib. 5. par. 2. pag. 694*
*Parochus. confil. 16. de sponsalib. lib. 4.
par. 2. pag. 27*
*Parochus quidam. confil. 85. de simon.
lib. 5. par. 2. pag. 305*
*Paschasius qui vouit. confil. 29. de vot.
lib. 3. par. 1. pag. 930*
*Pastores. confil. 5. de ferijs. lib. 2. par. 1.
pag. 349*
*Patronus cathedralis. confil. 10. de sim.
lib. 5. par. 2. pag. 179*
*Patronus laicus. confil. 2. de etat. &
qualit. lib. 1. par. 1. pag. 182*
*Paulus donauit. confil. 2. de donat. in-
ter vir. & uxor. lib. 4. par. 2. pag. 149*
*Pauperes mulieres. confil. 1. de furt. lib.
5. par. 2. pag. 468*
*Per Conc. Trid. confil. 9. de priuil. lib.
5. par. 2. pag. 601*
*Per delationem. confil. 41. de regular.
lib. 3. par. 1. pag. 776*
*Petitur an canonici. conf. 12. de statu
monach. lib. 3. par. 1. pag. 1007*
*Peto primo an ordo. confil. 37. de voto.
lib. 3. par. 1. pag. 938*
*Peto primo. confil. 40. de poenit. & re-
miss. lib. 5. par. 2. pag. 713*
*Petrutius ante. confil. 23. de regul. lib.
3. par. 1. pag. 743*
*Petrus cui. confil. 10. de empt. & vend.
lib. 3. par. 1. pag. 564*
*Petrus contraxit. confil. 11. de sponsal.
lib. 4. par. 1. pag. 14*
*Petrus contraxit. confil. 18. de sponsal.
lib. 4. par. 2. pag. 29*

- Petrus notam fecit. consil. 36. de sent. excomm. lib. 5. par. 2. pag. 769*
Pius IIII. conf. 2. de purgat. vulg. lib. 5. par. 2. pag. 631
Pœna. consil. 4. de iniur. & damn. dat. lib. 5. par. 2. pag. 639
Portia. consil. 42. de regular. lib. 3. par. 1. pag. 777
Postquam B. consil. 2. de frig. & malef. lib. 4. par. 2. pag. 117
Postquam R. consil. 18. de homicid. lib. 5. par. 2. pag. 430
Præfetus. conf. 70. de regul. lib. 3. par. 1. pag. 816
Præfetus coquina. consil. 3. de fur. lib. 5. par. 2. pag. 469
Præfetus vigilum. consil. 28. de sent. excomm. lib. 5. par. 2. pag. 757
Præfetus vigilum. consil. 6. de homic. lib. 5. par. 2. pag. 414
Prelatus. consil. 2. de priuil. lib. 5. par. 2. pag. 590
Prelatus quidam. conf. 19. de sentent. excomm. lib. 5. par. 2. pag. 760
Prelatus quidam. consil. 5. de donat. lib. 3. par. 1. pag. 627
Præsident. consil. 33. de tempor. ord. lib. 1. par. 1. pag. 169
Præsupponitur. consil. 5. de maior. & obed. lib. 1. par. 1. pag. 266
Præsupponitur in factio. consil. 14. de testam. lib. 3. par. 1. pag. 669
Præsuppono. consil. 1. de rest. spoliat. lib. 2. par. 1. pag. 353
Præsupposita. conf. 13. de cler. nō resid. lib. 3. par. 1. pag. 437
Præsupposita. consil. 22. de cler. non resid. lib. 3. par. 1. pag. 447
Præsupposita. consil. 32. de præben. lib. 3. par. 1. pag. 488
Præsupposito. consil. 2. de cler. egrotan. lib. 3. par. 1. pag. 492
Præsupposito quod. consil. 36. de regul. lib. 3. par. 1. pag. 769
Præsupposito. consil. 21. de voto. lib. 3. par. 1. pag. 920
Præsupposito. consil. 16. de regular. lib. 3. par. 1. pag. 734
Præsupposito priuilegio. consil. 3. de peccul. cler. lib. 3. par. 1. pag. 640
Prætor. conf. 33. de sentent. excomm. lib. 5. par. 2. pag. 767
Prætor & magistratus. consil. 2. de immunit. eccles. lib. 3. par. 1. pag. 1110
Primiceriatus. consil. 3. de reb. eccles. alien. vel non. lib. 3. par. 1. pag. 509
Primiceriatus. consil. 5. de cler. non resid. lib. 3. par. 1. pag. 428
Primo, an gratia. consil. 6. de verbor. signif. lib. 5. par. 2. pag. 825
Primo queritur. consil. 10. de pœnit. & remiss. lib. 5. par. 2. pag. 669
Primo queritur utrum facultas. conf. 11. de priuileg. lib. 5. par. 2. pag. 605
Primo queritur. consil. 37. de sentent. excomm. lib. 5. par. 2. pag. 770
Primo queritur. conf. 1. de purgat. canonic. lib. 5. par. 2. pag. 628
Primo queritur. consil. 48. de regular. lib. 3. par. 1. pag. 788
Primo queritur an qui bona fide facit. consil. 4. de usur. lib. 5. par. 2. pag. 478
Primo queritur. consil. 3. de Iudæis. lib. 5. par. 2. pag. 343
Primo queritur. consil. 3. de voto. lib. 3. par. 1. pag. 897
Primo queritur. conf. 6. de censib. lib. 3. par. 1. pag. 1059
Primum dubium. consil. 1. de empt. & vend. lib. 3. par. 1. pag. 533
Primum dubium. consil. 15. de empt. & vend. lib. 3. par. 1. pag. 571
Prior regularis. conf. 2. de præsumpt. lib. 2. par. 1. pag. 372
Priuatus voce actiua. conf. 8. de verbo. signif. lib. 5. par. 2. pag. 828
Priuilegia. conf. 7. de priuil. lib. 5. par. 2. pag. 594
Pro gratia. consil. 10. de sent. excomm. lib. 5.

CONSILIORVM.

lib. 5. par. 2. pag. 732
 Pro presbyteris. consil. 3. de censib. lib. 3.
 par. 1. pag. 1056
 Pro resolutione. consil. 7. de diuortijs. lib.
 4. par. 2. pag. 147
 Pro resolutione. consil. 7. de ijs qua vi
 met. caus. fiunt. lib. 1. par. 1. pag. 311
 Procurator. consil. 8. de iniur. & dam.
 dat. lib. 5. par. 2. pag. 644
 Procurator. consil. 5. de iureiur. lib. 2.
 par. 1. pag. 379
 Prohibitus alienare. consil. 15. de verb.
 sign. lib. 5. par. 2. pag. 835
 Prohibuit. consil. 19. de sentent. excom-
 mun. lib. 5. par. 2. pag. 746
 Promisit quidam. consil. 17. de sent. ex-
 comm. lib. 5. par. 2. pag. 741
 Promisit quis. consil. 19. de sponsalib.
 lib. 4. par. 2. pag. 30
 Prouocatus N. ad torneamenta. consil.
 1. de torneamentis. lib. 5. par. 2. pag.
 459
 Puella qua deliberate. consil. 8. de vot.
 lib. 3. par. 1. pag. 903
 Puer quidam. consil. 33. de regular. lib.
 3. par. 1. pag. 765
 Puer quidam. consil. 1. de presumpt. lib.
 2. par. 1. pag. 371
 Putans me. consil. 2. de fide instrum. lib.
 2. par. 1. pag. 368

Q

Qua nupsit. consil. 2. de secund. nu-
 pt. lib. 4. par. 2. pag. 151
 Quadam confratria. consil. 6. de immu-
 nit. eccles. lib. 3. par. 1. pag. 1115
 Quadam Illustriss. consil. 16. de voto.
 lib. 3. par. 1. pag. 910
 Quadam mulier. consil. 1. de accusat.
 lib. 5. par. 2. pag. 154
 Quadam mulier. consil. 45. de senten. ex-
 comm. lib. 5. par. 2. pag. 787
 Quadam puella. consil. 10. de ijs qua vi
 met. caus. fiunt. lib. 1. par. 1. pag. 317

Quadam puella. consil. 1. de confessis. lib.
 2. par. 1. pag. 364
 Quadam Respublica. consil. 3. de usur.
 lib. 5. par. 2. pag. 475
 Quadam testatrices. consil. 8. de testa-
 men. lib. 3. par. 1. pag. 659
 Quadam virgo. consil. 1. de raptor. lib.
 5. par. 2. pag. 460
 Queritur an. consil. 5. de censib. lib. 3. par.
 1. pag. 1058
 Queritur an. consil. 3. de rescript. lib. 1.
 par. 1. pag. 65
 Queritur an. consil. 3. de pact. lib. 1. par.
 1. pag. 281
 Queritur an. consil. 7. de consang. & af-
 finit. lib. 4. par. 2. pag. 99
 Queritur an. consil. 3. de condit. appo-
 sit. lib. 4. par. 2. pag. 65
 Queritur an. consil. 9. de iureiur. lib. 2.
 par. 1. pag. 386
 Queritur an. consil. 10. de const. lib. 1.
 par. 1. pag. 58
 Queritur an carens. consil. 5. de corpor.
 vit. lib. 1. par. 1. pag. 219
 Queritur an clericus. consil. 3. de cleric.
 excomm. lib. 5. par. 2. pag. 564
 Queritur an constitutio. consil. 1. de se-
 pult. lib. 3. par. 1. pag. 685
 Queritur an dispensatio. consil. 16. de
 consang. & affinit. lib. 4. par. 2. pag.
 114
 Queritur an emptioni. consil. 18. de em-
 pt. & vend. lib. 3. par. 1. pag. 578
 Queritur an hodie. consil. 5. de testam.
 lib. 3. par. 1. pag. 650
 Queritur an infans. consil. 2. de cognat.
 spirit. lib. 4. par. 2. pag. 76
 Queritur an Iudeis. consil. 33. de usur.
 lib. 5. par. 2. pag. 547
 Queritur an laicus. consil. 2. de big. lib.
 1. par. 1. pag. 224
 Queritur an liceat. consil. 30. de regul.
 lib. 3. par. 1. pag. 760
 Queritur an pensio. consil. 63. de simon.
 lib. 5. par. 2. pag. 264

C 4 Que-

I N D E X

Queritur an pensionarius. consil. 1. de eccles. edifice. lib. 3. par. 1. pag. 1108
Queritur an prior. cons. 4. de maior. & obed. lib. 1. par. 1. pag. 264
Queritur an quando. consil. 1. de success. ab intest. lib. 3. par. 1. pag. 677
Queritur an qui. cons. 5. de voto. lib. 3. par. 1. pag. 900
Queritur an qui. cons. 1. de reb. eccles. alien. vel non. lib. 3. par. 1. pag. 499
Queritur an quis. cons. 10. de prabend. lib. 3. par. 1. pag. 459
Queritur an statim. cons. 36. de pœnit. & remiss. lib. 5. par. 2. pag. 709
Queritur an vacante. cons. 4. de prab. lib. 3. par. 1. pag. 453
Queritur ex facto. consil. 40. de vot. lib. 3. par. 1. pag. 952
Queritur in effectu. cons. 62. de simon. lib. 5. par. 2. pag. 263
Queritur in quo accessus. consil. 14. de verb. sign. lib. 5. par. 2. pag. 834
Queritur in utroque. cons. 9. de donat. lib. 3. par. 1. pag. 636
Queritur primo. consil. 6. de ferijs. lib. 2. par. 1. pag. 350
Queritur primo. cons. 8. de constit. lib. 1. par. 1. pag. 49
Queritur primo. consil. 12. de homicid. lib. 5. par. 2. pag. 422
Queritur primo. cons. 9. de heretic. lib. 5. par. 2. pag. 374
Queritur primo. cons. 10. de hereticis. lib. 5. par. 2. pag. 376
Queritur primo. cons. 16. de priuileg. lib. 5. par. 2. pag. 614
Queritur primo. cons. 1. de solut. lib. 3. par. 1. pag. 600
Queritur primo. consil. 12. de celebrat. miss. lib. 3. par. 1. pag. 1084
Queritur primo. cons. 11. de stat. monach. lib. 3. par. 1. pag. 1005
Queritur primo. consil. 38. de voto. lib. 3. par. 1. pag. 942
Queritur primo. consil. 77. de regular.

lib. 3. par. 1. pag. 827
Queritur primo, an capellanus. consil. 20. de temp. ord. lib. 1. par. 1. pag. 154
Queritur primo, an Franciscus. consil. 1. de temp. ord. lib. 1. par. 1. pag. 134
Queritur primo, an quod. consil. 43. de temp. ord. lib. 1. par. 1. pag. 177
Queritur primo magister balnei. cons. 7. de pœn. & remiss. lib. 5. p. 2. p. 664
Queritur quando. consil. 5. de atat. & qual. lib. 1. par. 1. pag. 185
Queritur qua pœna. consil. 3. de paroe. lib. 3. par. 1. pag. 700
Queritur quibus casibus. cons. 1. de appel. recus. & relat. lib. 2. par. 1. p. 403
Queritur quid dicendum. consil. 82. de simon. lib. 5. par. 2. pag. 298
Queritur quid faciet. consil. 7. de temp. ord. lib. 1. par. 1. pag. 140
Queritur quid operetur. consil. 26. de praben. lib. 3. par. 1. pag. 480
Queritur quis. consil. 1. de sponsal. lib. 4. par. 2. pag. 3
Queritur quid si heretica. consil. 6. de diuortijs. lib. 4. par. 2. pag. 146
Queritur quomodo. consil. 1. de usur. lib. 5. par. 2. pag. 472
Queritur utrum. consil. 2. de simo. lib. 5. par. 1. pag. 169
Queritur utrum. consil. 4. de cler. non resid. lib. 3. par. 1. pag. 426
Queritur utrum. consil. 37. de regul. lib. 3. par. 1. pag. 821
Quæsitum est. consil. 1. qui cler. vel uent. lib. 4. par. 2. pag. 66
Quæsitum est. consil. 6. de crimin. fals. lib. 5. par. 2. pag. 559
Quæsitum est. consil. 2. de iureiur. lib. 2. par. 1. pag. 377
Quæsitum est. consil. 8. de sent. excom. lib. 5. par. 2. pag. 725
Quæsitum est. consil. 4. de cler. non ord. minist. lib. 5. par. 2. pag. 583
Quæsitum est. consil. 8. de conuers. coniug. lib. 3. par. 1. pag. 856

Quæsi-

CONSILIORVM.

*Quæsitum est. consil. 2. de sepult. lib. 3.
 par. 1. pag. 686*
*Quæsitum est. consil. 4. de offic. iud. ord.
 lib. 1. par. 1. pag. 247*
*Quæsitum est. consil. 2. de foro compet.
 lib. 2. par. 1. pag. 339*
*Quæsitum est. consil. 7. de sacram. non
 iter. lib. 1. par. 1. pag. 196*
*Quæsitum est. consil. 30. de præb. lib. 3.
 par. 1. pag. 484*
*Quæsitum est. consil. 6. de appellat. re-
 cus. & relat. lib. 2. par. 1. pag. 411*
*Quæsitum est. consil. 15. de elect. lib. 1.
 par. 1. pag. 116*
*Quæsitum est. consil. 4. de homicid. lib.
 5. par. 2. pag. 412*
*Quæsitum est. consil. 12. de hereticis.
 lib. 5. par. 2. pag. 381*
*Quæsitum est, an N. cons. 8. de tempor.
 ord. lib. 1. par. 1. pag. 141*
*Quæsitum est, an. consil. 13. de statu
 monach. lib. 3. par. 1. pag. 1008*
*Quæsitum est, an præsupposito. cons. 12.
 de temp. ord. lib. 1. par. 1. pag. 144*
*Quæsitum est primo. cons. 1. de celebrat.
 miss. lib. 3. par. 1. pag. 1067*
*Quæsitum est quam pœnam. cons. 14. de
 temp. ord. lib. 1. par. 1. pag. 146*
*Quæsitum fuit. cons. 3. de offic. & potest.
 iud. deleg. lib. 1. par. 1. pag. 232*
*Quæsitum fuit. cons. 3. de immunit. ec-
 cles. lib. 3. par. 1. pag. 1111*
*Quæsitum fuit. cons. 10. de iureiur. lib.
 2. par. 1. pag. 386*
*Quæsitum fuit. consil. 19. de præb. lib. 3.
 par. 1. pag. 472*
*Quæsitum fuit. cons. 2. de vita & bone-
 state cleric. lib. 3. par. 1. pag. 419*
*Quæsitum fuit. consil. 13. de pœnit. &
 remiss. lib. 5. par. 2. pag. 673*
*Quæsitum fuit. consil. 3. de clandest. de-
 sponsat. lib. 4. par. 2. pag. 45*
*Quæsitum fuit. consil. 10. de elect. lib.
 1. par. 1. pag. 106*
Quæsitum fuit. consil. 31. de præb. lib.

3. par. 1. pag. 485
*Quæstio est. cons. 2. ne cler. vel monach.
 sec. neg. lib. 3. par. 1. pag. 1117*
*Quæstio hac. consil. 5. de sponsal. lib. 4.
 par. 2. pag. 7*
*Quæstio est. consil. 32. de pœnit. & re-
 miss. lib. 5. par. 2. pag. 703*
*Quæstio est. consil. 19. de cler. non resid.
 lib. 3. par. 1. pag. 442*
*Quæstio prima. consil. 6. de iur. patron.
 lib. 3. par. 1. pag. 1031*
*Quæstio proposita. consil. 99. de simon.
 lib. 5. par. 2. pag. 326*
*Quæstiones duæ. consil. 2. de empt. &
 vend. lib. 3. par. 1. pag. 536*
*Quia interdum. consil. 5. de baptism.
 lib. 3. par. 1. pag. 1100*
*Quia ut Plin. consil. 1. de voto. lib. 3.
 par. 1. pag. 895*
*Quia infra. consil. 7. de iureiur. lib. 2.
 par. 1. pag. 383*
*Qui adeptus. cons. 11. de iureiur. lib. 2.
 par. 1. pag. 387*
*Qui occidit. consil. 18. de rescript. lib. 1.
 par. 1. pag. 86*
*Qui mandauit. cons. 27. de homicid. lib.
 5. par. 2. pag. 438*
*Quibus signis. consil. 7. de constit. lib. 1.
 par. 1. pag. 39*
*Quid debeat facere. cons. 1. de filiis pre-
 sbyt. lib. 1. par. 1. pag. 199*
*Quid debet facere. cons. 6. de foro comp.
 lib. 2. par. 1. pag. 345*
*Quid dicendum. consil. 4. de elect. lib.
 1. par. 1. pag. 99*
*Quid iure fieri potest. consil. 57. de sen-
 tent. excomm. lib. 5. par. 2. pag. 810*
*Quid iuris. cons. 21. de hereticis. lib. 5.
 par. 2. pag. 396*
*Quid requiratur. consil. 1. de paroch.
 lib. 3. par. 1. pag. 698*
*Quidam. cons. 5. de const. lib. 1. par. 1.
 pag. 46*
*Quidam A. cons. 12. de præbend. lib. 3.
 par. 1. pag. 460*

Qui-

- Quidam A. consil. 1. de offic. iud. lib. 1. par. 1. pag. 260*
Quidam A. consil. 17. de temp. ord. lib. 1. par. 1. pag. 150
Quidam A. consil. 11. de simon. lib. 5. par. 2. pag. 182
Quidam ab Auditore Rota. consil. 49. de sent. excom. lib. 5. par. 2. pag. 797
Quidam abbas. consil. 15. de celebr. miss. lib. 3. par. 1. pag. 1086
Quidam abbas. consil. 1. de transact. lib. 1. par. 1. pag. 290
Quidam abbas. consil. 7. de reb. eccles. alien. vel non. lib. 3. par. 1. pag. 505
Quidam abbas. consil. 61. de regul. lib. 3. par. 1. pag. 804
Quidam accepto mandato. consil. 3. de iur. reiur. lib. 2. par. 1. pag. 378.
Quidam adeptus. consil. 12. de rescrip. lib. 1. par. 1. pag. 75
Quidam agrotus. consil. 28. de voto. lib. 3. par. 1. pag. 929
Quidam alienauit. consil. 4. de reb. eccl. alien. vel non. lib. 3. par. 1. pag. 502
Quidam animo seminandi. consil. 5. de fur. lib. 5. par. 2. pag. 470
Quidam ante Concil. consil. 18. de regul. lib. 3. par. 1. pag. 736
Quidam Archiepiscopus. consil. 3. de reb. eccles. alien. vel non. lib. 3. par. 1. pag. 500
Quidam Archiepiscopus. consil. 7. de solut. lib. 3. par. 1. pag. 611
Quidam canonicus. consil. 59. de simo. lib. 5. par. 2. pag. 259
Quidam cantor. consil. 14. de cler. non resid. lib. 3. par. 1. pag. 438
Quidam clericus. consil. 3. de success. ab intest. lib. 3. par. 1. pag. 678
Quidam clericus. consil. 1. de praben. lib. 3. par. 1. pag. 450
Quidam clericus. consil. 14. de celebrat. miss. lib. 3. par. 1. pag. 1085
Quidam clericus. consil. 26. de temp. ord. lib. 1. par. 1. pag. 161
Quidam clericus. consil. 4. de iur. patr. lib. 3. par. 1. pag. 1028
Quidam clericus. consil. 13. de homici. lib. 5. par. 2. pag. 424
Quidam coniugatus. consil. 14. de conuers. coniug. lib. 3. par. 1. pag. 864
Quidam contrahere. consil. 11. de cland. desponsat. lib. 4. par. 2. pag. 53
Quidam contraxit. consil. 15. de conuers. coniug. lib. 3. par. 1. pag. 866
Quidam contulit. consil. 24. de usur. lib. 5. par. 2. pag. 514
Quidam cum legitimis. consil. 6. de temp. ord. lib. 1. par. 1. pag. 139
Quidam cum non speret. consil. 57. de simon. lib. 5. par. 2. pag. 256
Quidam de anno. consil. 21. de empt. & vend. lib. 3. par. 1. pag. 584
Quidam 17. annos. consil. 4. de iis qua vi met. caus. fiunt. lib. 1. par. 1. pag. 305
Quidam de crimine. consil. 1. de purgat. vulg. lib. 5. par. 2. pag. 629
Quidam desiderans. consil. 35. de regul. lib. 3. par. 1. pag. 768
Quidam disceptante. consil. 26. de homicid. lib. 5. par. 2. pag. 488
Quidam donauit. consil. 1. de donat. lib. 3. par. 1. pag. 619
Quidam dux. consil. 5. de pact. lib. 1. par. 1. pag. 283
Quidam Episcopus. consil. 12. de cler. excomm. lib. 5. par. 2. pag. 572
Quidam Episcopus. consil. 7. de simon. lib. 5. par. 2. pag. 175
Quidam Episcopus. consil. 31. de senten. excomm. lib. 5. par. 2. pag. 764
Quidam eruditiss. consil. 11. de regular. lib. 3. par. 1. pag. 722
Quidam excommunicatus. consil. 14. de cler. excomm. lib. 5. par. 2. pag. 57
Quidam ex Illustriss. consil. 3. de iis qua vi met. caus. fi. lib. 1. par. 1. pag. 297
Quidam facultatem habens. consil. 11. de iniur. & damn. dat. lib. 5. par. 2. pag. 648

Quidam

CONSILIORVM

Quidam frater. consil. 85. de regul. lib. 3. par. 1. pag. 838
Quidam frater. consil. 7. de pact. lib. 1. par. 1. pag. 287
Quidam Gaspar. consil. 2. de ijs que vi met. caus. fiunt. lib. 1. par. 1. pag. 295
Quidam gubernator. consil. 14. de hereticis. lib. 5. par. 2. pag. 386
Quidam habens. consil. 13. de rescrip. lib. 1. par. 1. pag. 80
Quidam habens. consil. 13. de elect. lib. 1. par. 1. pag. 113
Quidam habens. consil. 11. de prab. lib. 3. par. 1. pag. 460
Quidam habens. consil. 49. de simon. lib. 5. par. 2. pag. 247
Quidam habet. consil. 20. de cler. non re siden. lib. 3. par. 1. pag. 445
Quidam Hebraeus. consil. 4. de conuers. infid. lib. 3. par. 1. pag. 879
Quidam hereticus. consil. 4. de heretic. lib. 5. par. 2. pag. 358
Quidam hermaphroditus. consil. 47. de gul. lib. 3. par. 1. pag. 787
Quidam homicida. consil. 14. de rescript. lib. 1. par. 1. pag. 81
Quidam iam pridem conuersi. consil. 16. de verbor. sign. lib. 5. par. 2. pag. 835
Quidam Illustrissimus. consil. 1. de pro cur. lib. 1. par. 1. pag. 292
Quidam incidit. consil. 16. de cler. excom. lib. 5. par. 2. pag. 576
Quidam in 12. atatis. consil. 19. de regul. lib. 3. par. 1. pag. 738
Quidam ingeniosus. consil. 21. de pri uileg. lib. 5. par. 2. pag. 576
Quidam ingressus. consil. 43. de regul. lib. 3. par. 1. pag. 782
Quidam in loco longissimo. consil. 53. de sent. excom. lib. 5. par. 2. pag. 804
Quidam intulit. consil. 32. de homicid. lib. 5. par. 2. pag. 440
Quidam inuita. consil. 5. de conuers. coniug. lib. 3. par. 1. pag. 852
Quidam irregularis. consil. 17. de rescrip.

lib. 1. par. 1. pag. 86
Quidam iuuenis. consil. 1. de matr. con tract. contr. interd. eccles. lib. 4. par. 2. pag. 127
Quidam laicus. consil. 5. de cler. excom mun. lib. 5. par. 2. pag. 565
Quidam laicus. consil. 1. de big. lib. 1. par. 1. pag. 222
Quidam legauit. consil. 8. de reb. eccles. alien. vel non. lib. 3. par. 1. pag. 503
Quidam locauit. consil. 2. de locat. & cond. lib. 3. par. 1. pag. 591
Quidam Ludouicus. consil. 39. de regu. lib. 3. par. 1. pag. 772
Quidam miles. consil. 8. de usur. lib. 5. par. 2. pag. 486
Quidam monachus. consil. 35. de temp. ord. lib. 1. par. 1. pag. 171
Quidam monachus. consil. 22. de regul. lib. 3. par. 1. pag. 742
Quidam monachus. consil. 7. de sepult. lib. 3. par. 1. pag. 691
Quidam monachus. consil. 9. de temp. ord. lib. 1. par. 1. pag. 141
Quidam N. consil. 15. de voto. lib. 3. par. 1. pag. 909
Quidam N. consil. 1. de test. & attest. lib. 2. par. 1. pag. 366
Quidam N. consil. 3. de religios. domib. lib. 3. par. 1. pag. 1025
Quidam N. consil. 14. de praben. lib. 3. par. 1. pag. 464
Quidam N. consil. 7. de appellat. recus. & relat. lib. 2. par. 1. pag. 413
Quidam N. consil. 13. de senten. excom. lib. 5. par. 2. pag. 736
Quidam N. consil. 84. de regular. lib. 3. par. 1. pag. 837
Quidam nobilis. consil. 2. de conuers. coniug. lib. 3. par. 1. pag. 848
Quidam nobilis. consil. 10. de sepult. lib. 3. par. 1. pag. 694
Quidam nobilis. consil. 34. de vot. lib. 3. par. 1. pag. 933
Quidam nobilis. consil. 1. de ijs que vi met. caus.

I N D E X

caus. sunt. lib. 1. par. 1. pag. 294
Quidam nouitius. conf. 5. de foro comp.
lib. 2. par. 1. pag. 343
Quidam ob homicidium. conf. 23. de sen
tent. excom. lib. 5. par. 2. pag. 753
Quidam omnino. conf. 6. de corpor. vit.
lib. 1. par. 1. pag. 219
Quidam ordinatus. consil. 21. de temp.
ord. lib. 1. par. 1. pag. 155
Quidam patroni. consil. 1. de atat. &
qualit. lib. 1. par. 1. pag. 182
Quidam pensionarius. consil. 66. de si
mon. lib. 5. par. 2. pag. 268
Quidam percussit. consil. 2. de homicid.
lib. 5. par. 2. pag. 268
Quidam percussit. consil. 2. de homicid.
lib. 5. par. 2. pag. 410
Quidam petens ecclesiam. consil. 41. de
simon. lib. 5. par. 2. pag. 231
Quidam praeceptor. consil. 19. de reb. ec
cles. alien. vel non. lib. 3. par. 1. p. 519
Quidam praelatus regularis. consil. 45.
temp. ord. lib. 1. par. 1. pag. 179
Quidam praepositus. consil. 11. de cler.
non resid. lib. 3. par. 1. pag. 434
Quidam presbyter. consil. 10. de cleric.
excomm. lib. 5. par. 2. pag. 572
Quidam professus. consil. 15. de rescrip.
lib. 1. par. 1. pag. 83
Quidam prouincialis. conf. 5. de appell.
recus. & relat. lib. 2. par. 1. pag. 409
Quidam possedit. consil. 2. de praescript.
lib. 2. par. 1. pag. 391
Quidam quarto. consil. 11. de consang.
& affinit. lib. 4. par. 2. pag. 107
Quidam quesuit. consil. 22. de empt.
& vend. lib. 3. par. 1. pag. 587
Quidam qui. conf. 2. de eo qui duxit in
matrim. quam poll. per adult. lib. 4.
par. 2. pag. 72
Quidam qui. conf. 4. de pact. lib. 1. par.
1. pag. 282
Quidam rector. consil. 10. de renunt.
lib. 1. par. 1. pag. 130
Quidam regularis. consil. 58. de regul.

lib. 3. par. 1. pag. 801
Quidam religiosus. consil. 26. de homi
cid. lib. 5. par. 2. pag. 432
Quidam religiosus. conf. 71. de regul.
lib. 3. par. 1. pag. 818
Quidam renuntiavit. conf. 27. de sumo.
lib. 5. par. 2. pag. 205
Quidam residens Roma. consil. 80. de
simon. lib. 5. par. 2. pag. 294
Quidam Reuerendiss. consil. 6. de re
nunt. lib. 1. par. 1. pag. 129
Quidam rogauit. consil. 33. de simo. lib.
5. par. 2. pag. 214
Quidam sacerdos. consil. 1. de sortil. lib.
5. par. 2. pag. 560
Quidam sacerdos. consil. 5. de accus. lib.
5. par. 2. pag. 160
Quidam sacerdos. consil. 46. de homic.
lib. 5. par. 2. pag. 454
Quidam scrupulosus. consil. 2. de pœn.
& remiss. lib. 5. par. 2. pag. 653
Quidam seruus. consil. 2. de restit. spo
liat. lib. 2. par. 1. pag. 358
Quidam sollicitator. consil. 32. de usur.
lib. 5. par. 2. pag. 544
Quidam spado. consil. 3. de frig. & ma
lesic. lib. 4. par. 2. pag. 126
Quidam suscepit. consil. 1. de sacramen.
non iter. lib. 1. par. 1. pag. 191
Quidam testator. conf. 5. de praben. lib.
3. par. 1. pag. 453
Quidam testator. consil. 11. de testam.
lib. 3. par. 1. pag. 665
Quidam tradidit. consil. 28. de usuris.
lib. 5. par. 2. pag. 519
Quidam translatus. consil. 59. de regu.
lib. 3. par. 1. pag. 802
Quidam tribus. consil. 16. de rescript.
lib. 1. par. 1. pag. 84
Quidam Vbertinus. consil. 1. de senten.
& re. iudic. lib. 2. par. 1. pag. 401
Quidam vendidit. consil. 14. de empt.
& vend. lib. 3. par. 1. pag. 569
Quidam vendidit. consil. 14. de usuris.
lib. 5. par. 2. pag. 495

Qui-

CONSILIORVM.

Quidam vir recepit in solutum. consil.
13. de usur. lib. 3. par. 2. pag. 493.
Quidam volentes. consil. 1. de clandest.
desponsat. lib. 4. par. 2. pag. 43
Quidam volentes. consil. 14. de cland.
despons. lib. 4. par. 2. pag. 56
Quidam vouit. consil. 19. de voto. lib. 3.
par. 1. pag. 918
Quinque quæstiones. consil. 24. de re-
gul. lib. 3. par. 1. pag. 745.
Qui dicatur. consil. 98. de simon. lib. 5.
par. 2. pag. 325
Quis sit ordinarius. consil. 36. de temp.
ordin. lib. 1. par. 1. pag. 171
Quod de bonis. consil. 4. de pecul. cler.
lib. 3. par. 1. pag. 642
Quoddam monasterium. consil. 4. de lo-
cat. & cond. lib. 3. par. 1. pag. 593
Quod Episcopus. consil. 7. de maior. &
obed. lib. 1. par. 1. pag. 272
Quod Episcopus. consil. 3. de iudic. lib.
2. par. 1. pag. 324
Quoniam cadauer. consil. 8. de sepult.
lib. 3. par. 1. pag. 692
Quoniam D. consil. 11. de elect. lib. 1.
par. 1. pag. 109
Quod renunciare beneficium. cons. 16.
de simon. lib. 5. par. 2. pag. 194
Quotidie. consil. 4. de fide instrum. lib.
2. par. 1. pag. 370

R

R *Simoniacus in beneficio. cons. 90.*
de simon. lib. 5. par. 2. pag. 310
R. vir. consil. 6. de pact. lib. 1. par. 1. pag.
285
Realis simoniacus in beneficio. consil.
68. de simon. lib. 5. par. 2. pag. 276
Regularis. consil. 9. de cler. excom. lib. 5.
par. 2. pag. 570
Regularis. consil. 63. de regul. lib. 3. par.
1. pag. 809
Regularis. cons. 4. de rescript. lib. 1. par.
1. pag. 66
Regulares. cons. 2. de sent. excomm. lib.
5. par. 2. pag. 719
Regularis apostata. consil. 17. de statu

monach. lib. 3. par. 1. pag. 1020
Regularis quidam. consil. 6. de fur. lib.
5. par. 2. pag. 472
Regularis quidam. cons. 1. qui filij sint
legitimi. lib. 4. par. 2. pag. 129
Religionem S. Francisci. cons. 21. de re-
gul. lib. 3. par. 1. pag. 741
Religiosus. consil. 6. de sacram. non iter.
lib. 1. par. 1. pag. 195
Religiosus vouit. consil. 55. de regul. lib.
3. par. 1. pag. 797
Religiosus quidam. cons. 49. de homic.
lib. 5. par. 2. pag. 457
Religiosus quidam. cons. 7. de regul. lib.
3. par. 1. pag. 716
Reliquit testator. cons. 6. de præb. lib. 3.
par. 1. pag. 454
Renuntiauit quis. cons. 18. de simo. lib.
5. par. 2. pag. 196
Resignatarius. cons. 83. de simon. lib. 5.
par. 2. pag. 300
Resignauerat A. cons. 58. de simon. lib.
5. par. 2. pag. 158
Resolutio. cons. 2. de iudicijs. lib. 2. par.
1. pag. 324
Respondeo. cons. 2. de testib. cogen. lib. 2.
par. 1. pag. 367
Respondeo prefatos. cons. 38. de regul.
lib. 3. par. 1. pag. 771
Respondeo primo. consil. 18. de reb. eccl.
alien. lib. 3. par. 1. pag. 517
Respondeo primo. cons. 9. de verb. sign.
lib. 5. par. 2. pag. 829
Respondeo primo. cons. 1. de cleric. non
ord. minist. lib. 5. par. 2. pag. 578
Respondeo primo. cons. 1. de offic. & po-
test. iud. deleg. lib. 1. par. 1. pag. 230
Respondeo primo. cons. 2. de testam. lib.
3. par. 1. pag. 643
Respondeo quod. consil. 4. de testam. lib.
3. par. 1. pag. 649
Respondeo quod. cons. 1. de obseruat. ie-
iun. lib. 3. par. 1. pag. 1104
Respondetur. cons. 1. de testib. cogen. lib.
2. par. 1. pag. 367
Respondetur. cons. 5. de præscrip. lib. 2.
par. 1.

par. 1. pag. 400
Respondeo ad hanc questionem. consil.
 35. de sent. excom. lib. 5. par. 2. p. 768
Respondetur primo. conf. 3. de sacram.
non iter. lib. 1. par. 1. pag. 193
Respondetur quod. consil. 64. de simon.
lib. 5. par. 2. pag. 266
Respondimus. consil. 23. de usur. lib. 5.
par. 2. pag. 513
Responsurus. conf. 1. de const. lib. 1. par.
1. pag. 2.
Responsurus. consil. 3. de raptor. lib. 5.
par. 2. pag. 462
Resp. N. consil. 4. de immunit. eccles. lib.
3. par. 1. pag. 1112
Reuerendiss. domine campsores. consil.
 31. de usur. lib. 5. par. 2. pag. 528
Reuerende pater. consil. 1. de deposito.
lib. 3. par. 1. pag. 520
Rex Sicilia. consil. 52. de simon. lib. 5.
par. 2. pag. 251
Rodericus habens licentiam. consil. 34.
de sent. excom. lib. 5. par. 2. pag. 767
Rogare. conf. 6. de poenit. & remiss. lib.
5. par. 2. pag. 662
Rogatus. consil. 3. de solut. lib. 3. par. 1.
pag. 605
Rogatus quid. consil. 3. de despons. im-
pub. lib. 4. par. 2. pag. 32
Roma. consil. 4. de regular. lib. 3. par. 1.
pag. 710
Roma est consuetudo. conf. 1. de locat.
& conduct. lib. 3. par. 1. pag. 589
Rusticus. conf. 12. de poenit. & remiss.
lib. 5. par. 2. pag. 672

S

Sacerdos. consil. 6. de etat. & qualitat.
 lib. 1. par. 1. pag. 186
Sacerdos quidam. consil. 8. de accusat.
lib. 5. par. 2. pag. 165
Sacerdos quidam. consil. 9. de homicid.
lib. 5. par. 2. pag. 431
Sacerdos regularis. conf. 8. de celebrat.
miss. lib. 3. par. 1. pag. 1076
Salustius vouit. conf. 25. de voto. lib. 3.

par. 1. pag. 925
Sanctissimus. consil. 37. de poenit. & re-
miss. lib. 5. par. 2. pag. 710
Sanctissimus. consil. 18. de sent. excom.
lib. 5. par. 2. pag. 744
Sanctus Franciscus. consil. 7. de iur. pa-
tron. lib. 3. par. 1. pag. 1034
Scrupulis quidam. conf. 6. de vot. lib. 3.
par. 1. pag. 901
Sempronius. consil. 7. de sponsal. lib. 4.
par. 2. pag. 111
Sempronius tenetur. consil. 20. de vot.
lib. 3. par. 1. pag. 919
Sempronius. consil. 13. de simon. lib. 5.
par. 2. pag. 186
Sempronius. conf. 11. de usur. lib. 5. par.
2. pag. 491
Sempronius. consil. 3. de deposit. lib. 3.
par. 1. pag. 527
Syluester. conf. 6. de empt. & vend. lib.
3. par. 1. pag. 547
Sylvius petijt a iudice. conf. 10. de usur.
lib. 5. par. 2. pag. 489
Simoniam an sit. conf. 15. de simon. lib. 5.
par. 2. pag. 192
Simoniacus in ordine. consil. 69. de si-
mon. lib. 5. par. 2. pag. 276
Si questionibus propositis. consil. 97. de
simon. lib. 5. par. 2. pag. 319
Socrates contraxit. conf. 12. de conuers.
coniug. lib. 3. par. 1. pag. 861
Spoleti. consil. 4. de constit. lib. 1. par. 1.
pag. 43
Sponsi. consil. 5. de cognat. spirit. lib. 4.
par. 2. pag. 79
Stante extrauagante. consil. 12. de em-
pt. & vend. lib. 3. par. 1. pag. 566
Stante statuto. conf. 5. de iniur. & dam-
nat. lib. 5. par. 2. pag. 640
Statuto ciuitatis. conf. 7. de testam. lib.
3. par. 1. pag. 657
Status proposita. consil. 61. de simon. lib.
5. par. 2. pag. 261
Subdiaconus. consil. 6. de rescrip. lib. 1.
par. 1. pag. 68
Sub patria potestate. cōf. 47. de sent. ex-
com.

CONSILIORVM.

com. lib. 5. par. 2. pag. 799
Summa edicti. conf. 11. de offic. iud. ord.
 lib. 1. par. 1. pag. 258
Summum auditorium. confil. 1. de foro
compet. lib. 2. par. 1. pag. 331
Sunt duo sacerdotes. conf. 25. de simon.
 lib. 5. par. 2. pag. 203
Super antinomia. conf. 7. de accusat. lib.
 5. par. 2. pag. 162
Super contentis. conf. 4. ne cler. vel mo-
nach. fac. neg. lib. 3. par. 1. pag. 1119
Supplicabat Episcopus. conf. 43. de sen-
ten. excom. lib. 5. par. 2. pag. 783
Supplicatur D.V. conf. 78. de simon. lib.
 5. par. 2. pag. 293
Supposito. confil. 12. de priuileg. lib. 5.
 par. 2. pag. 608
Suscipientes. conf. 17. de priuileg. lib. 5.
 par. 2. pag. 615

T

Tannorum. conf. 3. de cognat. spir.
 lib. 4. par. 2. pag. 78
T. & S. conf. 31. de simon. lib. 5. par. 2.
 pag. 211
Theod. clericus. conf. 50. de homicid. lib.
 5. par. 2. pag. 458
Theopompus renuntiavit. conf. 20. de si-
mon. lib. 5. par. 2. pag. 196
Thesaurario. conf. 22. de praben. lib. 3.
 par. 1. pag. 473
Titio. cōf. 13. de reg. li. 3. par. 1. pag. 727
Titio clerico. conf. 2. de corpor. vit. lib. 1.
 par. 1. pag. 217
Titius. cōf. 1. de arbit. lib. 1. par. 1. p. 321
Titius. confil. 6. de solut. lib. 3. par. 1.
 pag. 609
Titius. conf. 11. de renuntiat. lib. 1. par.
 1. pag. 132
Titius. confil. 10. de verbor. signif. lib. 5.
 par. 2. pag. 830
Titius. confil. 1. de iureiur. lib. 2. par. 1.
 pag. 375
Titius audiuit. conf. 25. de homicid. lib.
 5. par. 2. pag. 437
Titius dixit Sēpronio. conf. 11. de sent.
excom. lib. 5. par. 2. pag. 734

Titius instante Caio. conf. 73. de simon.
 lib. 5. par. 2. pag. 281
Titius religiosus. conf. 18. de hereticis.
 lib. 5. par. 2. pag. 390
Tolosa & Auenioni. conf. 89. de simon.
 lib. 5. par. 2. pag. 309
Tractatum est. confil. 4. de despons. im-
pub. lib. 4. par. 2. pag. 34
Tres videntur quæstiones. confil. 30. de
simon. lib. 5. par. 2. pag. 210
Tullius. confil. 4. de solut. lib. 3. par. 1.
 pag. 606

V

Vacante parochiali. confil. 53. de
simon. lib. 5. par. 2. pag. 253
Vacante simplici beneficio. confil. 39. de
simon. lib. 5. par. 2. pag. 229
Vendidit. confil. 21. de usur. lib. 5. par.
 2. pag. 507
Vicarius Episcopi. confil. 4. de offic. &
potest. iud. deleg. lib. 1. par. 1. p. 233
Vicarius foraneus. confil. 3. de crimin.
fals. lib. 5. par. 2. pag. 557
Vicarius generalis. confil. 4. de sentent.
excomm. lib. 5. par. 2. pag. 721
Vicelegatus. confil. 16. de homicid. lib.
 5. par. 2. pag. 427
Vir & uxor adulterabant. confil. 1. de
adulterijs. lib. 5. par. 2. pag. 460
Virgilius. cōf. 9. de vot. lib. 3. p. 1. p. 904
Virginem quidam. confil. 20. de spon-
salib. lib. 4. par. 2. pag. 30
Vir nequam regularis. confil. 3. de ac-
cus. lib. 5. par. 2. pag. 156
Vir propter notorium. confil. 1. de di-
uort. lib. 4. par. 2. pag. 138
Vir quidam. conf. 35. de vot. lib. 3. par.
 1. pag. 934
Vir quidam. confil. 44. de sentent. ex-
comm. lib. 5. par. 2. pag. 784
Vir vigesimum. confil. 1. de desponsat.
impub. lib. 4. par. 2. pag. 31
Visa bulla. confil. 8. de regul. lib. 3. par.
 1. pag. 716
Visis & perpenfis. confil. 1. de ijs qua
fiunt a pralatis. lib. 3. par. 1. pag. 496
 Viso

Uiso tenore. cōf. 7. de don. li. 3. p. 1. p. 634
Viuenti an liceat. cōf. 6. de celebr. miss. lib. 3. par. 1. p. 1073
Vniuersis. cōf. 20. de priuil. lib. 5. par. 2. pag. 618
Vnus Archidiaconus. cōf. 1. de cleric. agrotan. lib. 3. par. 1. pag. 491
Vnus Lutheranus. cōf. 5. de homicid. lib. 5. par. 2. pag. 413
Volens Pontifex. cōf. 76. de regul. lib. 3. par. 1. pag. 826
Volentes duo. cōf. 51. de simon. lib. 5. par. 2. pag. 250
Volentibus duobus. cōf. 2. de consang. & affinit. lib. 4. par. 2. pag. 90
Votum factum. cōf. 2. de vot. lib. 3. par. 1. pag. 896
Vouens ingredi. cōf. 24. de voto. lib. 3. par. 1. pag. 925
Vouens non ludere. cōf. 36. de voto. lib. 3. par. 1. pag. 936
Vsurarius an sit. cōf. 7. de usur. lib. 5. par. 2. pag. 486
Vtrum accipiens. cōf. 8. de cleric. excommun. lib. 5. par. 2. pag. 569
Vtrum ad matrimonij. cōf. 4. de clandest. despons. lib. 4. par. 2. pag. 47
Vtrum annus. cōf. 9. de testam. lib. 3. par. 1. pag. 663
Vtrū bona hereticorū. cōf. 22. de hereticis. lib. 5. par. 2. pag. Vide in fi. Cōss.
Vtrum catechizandus. cōf. 1. de bapt. lib. 3. par. 1. pag. 1095
Vtrum deceat. cōf. 1. de renunciat. lib. 1. par. 1. pag. 117
Vtrum dispensatio. cōf. 7. de rescrip. lib. 1. par. 1. pag. 69
Vtrum emens. cōf. 7. de empt. & vendit. lib. 3. par. 1. pag. 547
Vtrum Episcopus. cōf. 48. de senten. excommun. lib. 5. par. 2. pag. 788
Vtrum Fofseca. cōf. 1. de verbor. signis. lib. 5. par. 2. pag. 821
Vtrum frater. cōf. 53. de regul. lib. 3. par. 1. pag. 795
Vtram gesta. cōf. 1. de offic. iud. ord.

lib. 1. par. 1. pag. 342
Vtrum habens. cōf. 31. de voto. lib. 3. par. 1. pag. 931
Vtrum homicida. cōf. 42. de homicid. lib. 5. par. 2. pag. 449
Vtrum in contrahendo. cōf. 9. de clandest. despons. lib. 4. par. 2. pag. 51
Vtrum inquisitores. cōf. 2. de hereticis. lib. 5. par. 2. pag. 354
Vtrum in ultima. cōf. 4. de celebr. miss. lib. 3. par. 1. pag. 1070
Vtrum liceat. cōf. 41. de poenit. & remiss. lib. 5. par. 2. pag. 717
Vtrum licentia. cōf. 57. de regul. lib. 3. par. 1. pag. 801
Vtrum licentia. cōf. 12. de clandest. desponsat. lib. 4. par. 2. pag. 54
Vtrum magnus magister. cōf. 34. de praben. lib. 3. par. 1. pag. 490
Vtrum Papa. cōf. 2. de matri. cōtract. contr. interd. eccl. lib. 4. par. 2. p. 128
Vtrum Paulus. cōf. 60. de simon. lib. 5. par. 2. pag. 260
Vtrum poena. cōf. 2. de censib. lib. 3. par. 1. pag. 1055
Vtrum professio. cōf. 8. de ijs que vi met. caus. fiunt. lib. 1. par. 1. pag. 311
Vtrum professio. cōf. 27. de regul. lib. 3. par. 1. pag. 755
Vtrum sacerdos. cōf. 22. de tempor. ord. lib. 1. par. 1. pag. 156
Vtrum sicut. cōf. 6. de baptis. lib. 3. par. 1. pag. 1101
Vtrum Synodus. cōf. 3. de reliq. & ven. sanct. lib. 3. par. 1. pag. 1104
Vtrum stante statuto. cōf. 1. de consuet. lib. 1. par. 1. pag. 92
Vtrum testis. cōf. 15. de hereticis. lib. 5. par. 2. pag. 287
Vtrum uxoratus. cōf. 10. de conuers. coniug. lib. 3. par. 1. pag. 858
Vxor eo quod. cōf. 1. de secund. nupt. lib. 4. par. 2. pag. 150
Vxor sepius. cōf. 4. de diuortijs. lib. 4. par. 2. pag. 145



CONSILIORVM, SIVE RESPONSORVM MARTINI AB AZPILCVETA DOCTORIS NAVARRI

Liber Primus.

DE SVMMMA TRINITATE

ET FIDE CATHOLICA.

SVMMMA RIVM.

- 1 *Fidem confiteri occultus Christianus habitans inter infideles non semper tenetur, secus quando per omissionem subtraheretur honor Deo debitus, vel utilitas proximo impendenda.*

CONSILIVM PRIMVM.



VM multi infideles adulti baptizentur, & credant in Christum firmiter, tamē minime publice audent id publicare formidine pœnæ: quæritur, an possint saluari, quia non habent commoditatem relinquendi patrimonium, & patriam ob multos respectus.

1 Respondeo primo, quod omnis Christianus de præcepto tenetur confiteri fidē, iuxta illud ad Rom. 10. *Corde creditur ad iustitiam, ore autem, &c.* per quod id affirmat D. Thom. recept. 2. 2. q. 3. art. 2. Secundo, quod præceptum de confitendo fidem est affirmativum; & ideo licet obliget semper, non tamen obligat, ut aiunt, ad semper, sicut obligant negativæ secundū D. Thom. recept. a Theologis 2. 2. q. 33. art. 2. & d. q. 3. art. 2. & Archidiac. in cap. si peccauerit. 2. q. 1. & in summa de pœnitentia, dist. 5.

Nauar. Conf. Pars I.

A

rece-

CONSIL. LIB. I.

receptus à nostris vbique. Tertio, q̄ ex his sequitur, illos, de quibus quaeritur, non obligari semper, & in quolibet loco ad confitendum fidem, sed sic in aliquo loco, & tempore, quando scilicet per dimissionem huius confessionis subtraheretur honor debitus Deo, & etiā vtilitas proximo impēdēda: puta si aliquis interrogatus de fide taceret, & ex hoc crederetur, vel quod non haberet fidē, vel quod fides non esset vera, vel alij per eius taciturnitatem auerterentur à fide. quæ sunt verba D. Thomæ d. 3. q. art. 2. & consequenter non possunt saluari, nisi proponant firmiter confiteri fidem in omnibus prædictis casibus, & confiteantur in illis occurrentibus, nec eos timor pœnæ excusat, arg. c. presbyteros. 50. dist.

DE CONSTITUTIONIBVS.

SUMMARIVM.

- 1 Ignorantia tunc demum à peccato excusat in totum, si sit & ita iusta, quod non omisit facere aliquid eorum quæ homines suæ conditionis vt sciant facere debent, & nu. 2. 5. & ita causa peccati, quod si sciret, non faceret. & nu. 3.
- 2 Ignorantia affectata, qua quis ideo vult laborare, vt liberius peccet, non minuit, sed auget peccatum: at crassa, qua quis ignorat quod homines suæ conditionis communiter sciunt, excusat à tanto, sed non à toto.
- 3 Ignorantia comes, & non causa peccati est, quando quis, etiamsi sciret, non abstineret, & hæc numquam à culpa excusat.
- 3 Ignorans probabiliter legem promulgatam, etiamsi sciat latam, excusatur.
- 3 Promulgatio est de legis essentia, etiamsi sit facta in Concilio, etiam cum Papæ confirmatione, nec antea ligat. 4.
- 4 Concilij etiam auctoritate Apostolica Papa absente congregati lex lata, & promulgata non ligat, nisi etiam ab ipso Papa fuerit confirmata.
- 5 Creditur in conscientie foro asserenti se ignorasse, & iuste ignorasse.
- 6 Ignorantia præsumptiue in foro exteriori probatur eo ipso, quod non probatur scientia: item probatur iuramento, & alijs verisimilibus præsumptionibus. 7.
- 7 Iuramento nostro etsi staretur regulariter in ijs quæ dependent ab animo nostro; hoc tamen fallit, quando contrarium per probabiles probatur coniecturas, vel iuris præsumptio contraria adducitur, seu alia qualitas aliqua.
- 8 Sciuisse legem, ad effectum vt ea ligetur, non dicitur is, qui de ea aliquid audiuit, nu. 11. sed nec requiritur vera per sensum corporis scientia, nu. 10. sufficit tamen talis auditio, vel relatio, quæ in audiente fidem & credulitatem inducit, vel inducere debet, nu. 11.
- 9 Iobeleorum dies incipit post eorum in diocesi publicationem.
- 9 Credere non tenemur quod à quouis quomodolibet audimus, nec etiam chartæ impressæ, vel aduenis referentibus. 32. sed ijs quæ inducere debent fidem & credulitatem. 11.
- 11 Lex Pontificis Romæ publicata ex stylo non definit ligare pronunciales, etiam antequam in eorum publicetur pronuncijs: requiritur tamen nu. 12. & 23. quod sit recepta à maiori parte populi, in quo quis tunc reperitur. nu. 13.

- 13 Romæ cum fueris, Romano viuito more.
- 14 Lex certum tempus à conditore præfixum habens non ligat ante, post vero omnes etiam ignorantes quo ad solam actus irritationem; quod si certum non habet præfixum tempus, & sit inferioris principis, statim scientes, nu. 16. si principis, habet de iure tacito menses duos à die publicationis, 17. ex stylo tamen Romano statim ligat omnes, nisi probetur ignorantia. 18.
- 18 Promulgatio legis facta in aula principis de iure communi non habet vim in prouincijs, in quibus nõ publicatur; secus de stylo quo ad leges Põtificis. 19. 20.
- 19 Regule Cancellariæ ligant etiam prouinciales, nisi probet earũ iustam ignorantiam.
- 20 Legum Ecclesiasticarum scientiam habere magis satagere tenentur homines, quam secularium; cum à spiritualibus, quæ nota sunt, non admodum diuersa sint.
- 21 Promulgatio legis in prouincia etsi non requiratur ad effectum obligandi, requiritur tamen quandoque ad effectum vt incurratur pœna.
- 21 Intellectus cap. cum infirmis. de pœnit. & remiss.
- 22 Ignorantia promulgationis legis si sit probabilis, iure naturæ excusat, alias nõ. & 21.
- 23 Lex quæ non est recepta per maiorem partem ciuitatis, cuius quis est, non ligat; cum sub ea conditione censeatur promulgata, si recipiatur. num. 24. quod & de extrauagantibus & bullis etiam tenendum. num. 33.
- 24 Lex quæ decennio non fuit recepta, non ligat; sed qui primi non recipiunt, peccant; nisi probabilis ignorantia, aut principis potentis cogere dissimulatio excuset; at reliqui legitimam non seruandi causam habent, si ab alijs nequaquam seruari cœptam non seruant.
- 25 Lex quæ etiam ob ignorantiam non fuit decennio recepta, seu obseruata, modo acciderit casus de quo lex statuebat, enervatur. 26. 27.
- 25 Desuetudo illa tollit legem, quæ actum contra legem continet, & hoc etiam si dictus actus fiat ab ignorantibus legem. 26. 27.
- 28 Recepta quæ non fuit à principio lex, si vt potest postea ab vniuersitate recipiatur, vim legis quo ad futura obtinebit; at à principe reuocata, non potest nisi ab eodem viuificari. 29.
- 30 Concilij Tridentini decreta omnia in singulis prouincijs publicari debere nullibi præcipitur: degentes tamen in prouincijs, in quibus non fuit receptum, etiam si de illo scientiam habeant, ibi non tenentur seruare. num. 32. illorumq. si sint dubia, interpretatio Papæ seruatur.
- 31 Ieiuniorum & festorum obseruantiam possunt Concilia prouincialia & Episcopi collaudante populo indicare.
- 32 Promulgare omittentes Prælati bullas Papæ ad ipsos transmissas peccant.
- 34 Monere non tenetur confessorius pœnitentem probabiliter ignorantem ius commune, cui contrahent; potestq. eum absolvere, ac dicere, quod sit in bono statu; immo & tenetur, quando scandalum ex contrario timetur. idem dic de superiore. 35.
- 36 Doctor legens aliquam materiam in aliqua prouincia non tenetur monere auditores de extrauagantibus, quæ prouinciales non ligant, sed nec tenetur tacere, modo moneat qua ratione illæ ipsos non ligent.
- 37 Confessorius potest absolvere pœnitentē probabili ratione tenentē sententiam, cuius contrariam ipse credit veram; secus si sine probabili ratione illam teneat. 34.

- 3 Plura beneficia habentes, vel conferētes debet monere confessarius habenti vñ sufficiens non licere habere aliud sine iusta consuetudine, vel dispensatione, & causa tollente deformitatem, quæ ex pluralitate oritur. 39. 40.
- 38 Commendatarius perpetuus equiparatur titulari, excepto eo quod per eius mortem non vacat beneficium per obitum, sed vt vacabat quando primo fuit commendatum. 39.
- 41 Canones prohibentes Episcopis, ne hæreticos, vel schismaticos abiurare volentes absoluant, vel dispensent, sunt seruandi, nisi prout sunt vel consuetudine derogati, vel vsu non recepti. 42.
- 43 Residentiam ne faciat in parochiali, cum sit iuris diuini, nemo potest excusari sine causa legitima; quæ & quousque sufficiat, iudex recta ratione ductus arbitritur. 44.
- 45 Ordinans sacris ordinibus aliquem sine titulo, ex quo viuere possit, subijcitur pænæ cap. cum secundum. de præb. nisi ab ordinato sit deceptus: ordinatus autem absolute sine titulo, est suspensus.
- 46 Illegitimus clerici filius non potest in ecclesia, in qua pater habet, vel habuit beneficium, nedum vt minister in aliquo etiam sacristæ vel cantoris officio ministrare, sed nec vt peregrinus celebrare.
- 47 Sacerdotis illegitimus filius per Concilium est factus inhabilis ad obtinendum de cætero beneficia in ecclesia, in qua pater fuit beneficiatus: ante autem Concilium obtenta, post trimestre, nisi illa resignauerit, si pater adhuc erat beneficiatus, vacauerunt.
- 47 Incestus taciturnitas non vitiat dispensationem impetratam super impedimento consanguinitatis. 49.
- 48 Taciturnitas eius quod expressum redderet principem difficiliore, vitiat gratiam; sed hoc tunc demum, quando iura exigunt illius expressiōem. nu. 50. & 53.
- 48 Remissionem secundi delicti obtinens, tacita remissione alterius similis prius obtentæ, est subreptitiuus; quia tacet id, quod iura saltem tacite iubēt exprimi. nu. 53.
- 48 Obligatum quæ ipso iure ad aliquid esse non est dicendum sine iure ad id obligare.
- 49 Falsi expressio, qua princeps mouetur ad facilius concedendum, vitiat gratiam.
- 49 Duo patiens essentialia impedimenta matrimonij, super vno validam impetrat dispensationem, altera tacita, sicut & absolutionem ab vna ex duabus excommunicationibus.
- 50 Beneficium secundum impetrans, de primo quod obtinet, tenetur mentionem facere, sed non de cura primo annexa.
- 51 Criminoso tacenti crimen facta collatio tenet, modo ex eo non inducatur irregularitas, uel inhabilitas.
- 54 Confessarius putans pœnitentem non se accusare de aliquo, non ob obliuionem, uerecundiam, uel aliam iniustam causam, sed quia credit se ob iustam dispensationem, uel rationem, uel probabilem opinionem non esse in peccato, potest eundem de hoc non interrogando absolvere.
- 54 Eucharistiam cum denegat sacerdos ei qui est in statu peccati, quem non potuit absolvere, caueat ne dicat se ideo denegare, quia eum non absoluit.
- 55 Pontificis bullas ac diplomata supprimentes, vel ne publicentur prohibentes, nisi causam iustam excusantem ostendant, non videntur absoluedi.

- 56 Exigentes gabellas à religiosis, etiam ex mandato dominorum, & sub pretextu probabilis vel necessariæ causæ, aut ex inueterata consuetudine, sunt excommunicati, nisi probabilis eos excuset ignorantia, vel Pontificis concessio.
- 57 Cum Paganis ac etiam Iudæis, locando gabellas, modo eas per se non exigant, nec non & cum schismaticis & hæreticis etiam publicis non denunciatis, tamen licite contrahitur. 58. & nu. 60. nimia tamen familiaritas cum infidelibus vetatur. 59.
- 61 Abiuratio hæresis præmittenda est, antequam quis ab ea per habentem potestatem absoluitur: idem de schismate, si includat hæresin, alias non.
- 62 Schisma opponitur unitati Ecclesiasticæ charitatis, hæresis fidei: & omnis hæreticus est etiam schismaticus, & non e contra.
- 63 Hæreticam si ducat Catholicus, peccat, nec tenet pactum ut aliqui ex filiis hæretice nutriantur, quamuis matrimonium contractum teneat. & nu. 66.
- 64 Hæreticos schismaticos non denunciatos ad scholas Catholici admittere possunt, itemque vota ab eisdem, dum sacra quibus intersunt, celebrantur, oblata recipere. 65.
- 66 Compaternitatem etsi contrahat hæreticus, & schismaticus, modo sit baptizatus, non tamen potest Catholicus horum infantes ritu ab Ecclesia non permissio baptizandos de sacro fonte leuare, nec eosdem admittere, ut ipsius Catholici filium ritu Catholico baptizandum leuent.
- 68 Græcos, & Armenos numerandos inter hæreticos non satis constat.
- 69 Moschouitis, ac Ruthenis ab hæresibus recedentibus, licite, dum apud nos sunt, in nostris ecclesiis ritu nostro conferuntur sacramenta, licet reuersi apud suos sint ritu Græcorum priuilegio vel consuetudine permissio vsuri.
- 69 Græcus in sua terra ritu Latino, sicut nec Latinus in Latinorum locis potest Græco ritu consecrare.
- 70 Hæreses omnes, etiam in mortis articulo constitutus, nisi saltem in genere detestetur, non potest absolui, nec ad alia sacramenta, nec ad sepulturam admitti.
- 71 Fructus ex prædio quotannis nascituri, etiam cum pacto ut post singula quinquennia tantum redimi possint, si emantur, licite fieri potest: secus esset, si prædicti fructus ex mutuo, vel locato percipiantur, ita ut etiam capitale restituatur.
- 72 Vsuras, in quibus quis, dum esset pupillus & ignorans, ex contractibus per tutores secundum consuetudinem regionis initis reperitur locupletior, tenetur restituere, nec aliter est absoluendus. 73.
- 74 Bulla Cænæ ubi non est recepta, non ligat.
- 74 Libros per Bullam, sciens, aut scire debens, prohibitos legens etiam ob bonum finem, ligatur censura Papæ reservata. 75.
- 75 Hæreticorum libros prohibitos, etiam ex causa, legendi licentiam non dat inferior Papa.
- 76 Missa ut dicatur priuatis in domibus etiam ob infirmos non potest concedere Episcopus in locis in quibus sacrum Concilium est receptum.
- 76 Consuetudo interpretatiua Concilij est attendenda.
- 77 Peste infectis tenetur parochus sacramenta ministrare, item & sanis petentibus, monitis tamen prius de periculo: nec potest recedere, nisi saltem dimisso vicario: non parochus autem potest & ipse, si uelit, eisdem magno cum merito,

- et si cum periculo vitæ, ministrare.*
- 79 *Eucharistia debet omissa processione occulte ad infirmos deferri, vbi de debonatione arbitrio boni viri probabiliter timetur.*
- 80 *Decimarum iudicium potest in possessorio Ecclesiastica persona introducere coram laico, in petitorio non, etiam vt reus, nisi inuitus trahatur. 81.*
- 81 *Trahi se ad iudicem sæcularem super decimis, & alijs spiritualibus causis cum patitur clericus, ligatur bulla Cænæ, vt dicta actioni fauorem præstans. 82.*
- 83 *Ascriptitij coloni possunt quocumque iuerint ad similitudinem seruorum fugitiuorum vendicari à dominis etiam Ecclesiasticis. 84.*
- 83 *Oblati, & donati, licet non sint vere religiosi, tamen non possunt à monasterijs recedere.*
- 83 *Clerici sæcularem iurisdictionem obtinentes, si illam per se in causa sanguinis exerceant, peccant, & ob id sequuta morte, vel mutilatione fiunt irregulares; secus si illam exerceant per generales vicarios, vel delegatos particulares, etiam si sequatur iniustæ sententiæ exequutio. nu. 86.*
- 87 *Hæretico notorio, sicut nec Iudæo, immo multo minus est concedenda in alios præminetia.*
- 88 *Hæreticos occultos in foro conscientie absoluendi potestas ita ex decreto sacri Concilij competit Episcopis, vt non possint alteri illam generaliter delegare: licet cum occurrit aliquis casus possint illius absolutionem particulariter alteri demandare. num. 89.*
- 88 *Absoluendi potestatem ordinariam qui ex officio habet, potest illam alteri generaliter delegare, secus si in certis casibus ex priuilegio competat. 89.*
- 90 *Pœnitens, qui Episcopum habentem potestatem absoluendi non potest, vel erubescit adire, adeat per alium, vt sic ex eius absolui possit mandato.*

CONSILIVM PRIMVM

Continens quæstionum fere quotidianarum, seu casuum pro Ultramontanis decisiones 48. tum ad titulum de constitutionibus, tum ad alios spectantes.

RESPONSVRVS ad propositas mihi quæstiones, quæ sunt 41. præmitto septem alias, ex quibus, & ex illis constituuntur 48.

- I **PRIMA QVÆSTIO.** An, & quæ ignorantia legis excuset à peccato transgressionis illius? Respondeo primo, quod duo requiruntur, vt ignorantia excuset omnino, siue quod aiunt à toto; nempe quod sit causa illius; & quod sit iusta, siue vt Theologi vocant, inuincibilis, siue vt nos vocamus, probabilis, vt resoluit S. Tho. 1.2. q. 76. art. 8.

Secundo, quod illa ignorantia dicitur causa peccati, quæ tollit scientiam, qua existente non fieret illud, vt resoluit idem S. Thom. d. quæst. 76. art. 1. & q. 6. art. 8.

Tertio, quod illa ignorantia dicitur iusta, siue inuincibilis, vel probabilis, quæ est de eo, quod quis non tenetur scire, vel non potest, adhibita diligentia,

līgētia, quæ ab alijs suæ conditionis arbitrio viri prudentis adhiberi debet, iuxta mentem S. Thom. in d. q. 76. ar. 2. & probatur in §. notandum. 1. q. 4. & in c. 2. de constit. Cui consequens est, ignorantiam quam quis habet, quia non vult scire, quo liberius peccet, quæ appellatur affectata, vel ob negligentiam laborandi, & efficiendi quod ad sciendum homines suæ conditionis arbitrio prudentis viri efficere debent, quæ appellatur crassa, non excusare, vt idē S. Tho. tradit in d. ar. 8. & probatur per illud Apost. 1. Corinth. 14. *Ignorans ignorabitur*. quod intelligitur de eo qui noluit intelligere, vt bene ageret, psal. 68. c. ideo. 37. dist. noluit inquam, aut optando non intelligere, aut non faciendo id, quod debet, ad intelligendum. argu. l. magna negligentia. ff. de verb. sign.

2. Quarto, quod in Manuali confessoriorum cap. 23. num. 45 hoc resol- uimus in hæc verba. Triplex est ignorantia, affectata, crassa, siue supina, & iusta. Affectata siue optata est, qua quis ignorat id quod scire tenetur: quia non vult scire, quo liberius absque suæ conscientie contradictione, vel alia de causa peccet, iuxta illud Psal. 68. relat. in c. ideo. 37. dist. *Noluit intelligere, ut bene ageret*. quæ adeo non excusat, aut minuit peccatū, vt etiā augeat ob circumstantiam mali desiderij. Crassa vero siue supina est, qua quis ignorat id quod communiter omnes sui ordinis sciunt, quod contin- git per culpam latam, de qua supra cap. 17. num. 177. quæ excusat à tanto, sed non à toto. Iusta vero, quæ à Theologis inuincibilis, & à nostris proba- bilis appellatur, est, qua quis ignorat quod non oportet eum scire, 1. q. 4. §. notandum est. & qua communiter homines eiusdem ordinis adhibi- ta debita diligentia laborant, iuxta S. Tho. vbi supra q. 76. ar. 3. qualis est eius, qui petit cōsiliū à viris habitis pro præditis scientia, & conscientia in id sufficienti, qui falsè illi consulunt. arg. c. capellanis. iuncta gloss. 3. de feri. & eorum quæ tradit. Alex. conf. 1. col. 4. vol. 2. & S. Anton. 1. par. tit. 3. q. 10. §. 10. & hæc omnino excusat, quando est causa actus. Ignoran- tia enim interdum est peccati causa, interdum non, sed eius comes. est cau- sa, quando actus non fieret, nisi ignoraretur: est solum comes, quando pec- caretur, etiam si sciretur: & hæc numquam à culpa excusat, illa vero inter- dum omnino, interdum ex parte, vt prædictum est. Hæc ibi.

Quinto dico, quod ad hoc, vt quis dicatur legis transgressor, & ob id peccare, non sufficit vt sciat legem esse faciendam vel fieri, nec esse fa- ctam, etiam in Concilio publico, vt recte tenet Dec. contra Panor. in c. 1. de postul. præl. nu. 19. si nondum est promulgata: quia lex non ligat an- tequam promulgetur, §. leges. 4. distin. De essentia enim legis est pro- mulgatio, vt S. Tho. receptus definit in 1. 2. quæst. 90. art. 4. neque si iam est promulgata, si probabiliter ignoret eam esse promulgatam, per prædicta.

4. Sexto, vltra omnes, quod non sufficit legem esse factam in Concilio œcumenico, & promulgatā in eo, antequam confirmetur à Papa speciali- ter, & generaliter confirmando totum Concilium: quia quicquid alij di- cant, leges Concilij quamlibet legitime congregati non obligāt ante con- firmationem Papæ subsequitā; vt satis probatur in vltimo decreto Con-

cilij Tridentini, & confirmatione ipsius à Pio III. petita & facta, & ex stylo omnium Conciliorum œcumenicorum absente Papa, & præsenti- bus eius Legatis actorum & concludorum. Nec obstat, quod in Hispanijs aliquot constitutiones Concilij Tridentini nondum perfecti, nec confir- mati visæ fuerint obseruari: quoniam id factum est per errorem opinan- tium leges Cōcilij generalis vim habere ligandi ab eo tempore, quo in ip- so Concilio promulgātur, aut quia fuerūt acceptæ in leges obligatorias à Prælatiis, qui poterant eas suo iure ferre, & eis vim obligatoriam quo ad sua territoria indere.

5 **SECUNDA QVAESTIO.** Quomodo potest constare de igno- rantia? Respondeo primo, quod in foro Dei & conscientiae statur dicto Rei. arg. c. humanæ aures. 22. q. 5. & glos. putatæ singularis in clem. 1. in verbo non habita. de priuileg. cui similis in verbo electio. cap. penult. de sentent. & re iudic. lib. 6.

Secundo, quod non sufficit etiam in foro conscientiae, quod reus dicat se ignorasse; nisi dicat iuste, siue probabiliter, siue inuincibiliter ignoras- se. Tunc autem sic ignorat, quando non oportebat eum id scire, vel si oportebat eum scire, non optauit id ignorare, neque neglexit adhibere ad id sciendum eam diligentiam, quam communiter alij suæ qualitati pru- dentis viri arbitrio adhibere debent, per responsum ad præcedentem quæstionem.

6 **Tertio**, quod ignorantia probatur quo ad forū exterius. Primo per præsumptionem iuris, quæ regulariter præsumitur donec scientia probe- tur, cap. præsumitur. de reg. iur. lib. 6. cuius glos. ponit alios tres modos probandi, puta per iuramentum, cap. pastoralis. de excep. cap. si vero. 2. de sent. excomm. Secundo, probando aliquid, quod necessario consequitur ignorantiam, vt quod erat infans, vel furiosus, cap. indutus. 3. q. 9. cap. cum dilectus. de success. ab intest. Tertio, probando aliquid, quod verifimi- lis ignorantia consequitur, vt probando absentiam, cap. fin. qui matrimo. 7 accus. non pos. Probatio autē iuramenti ideo admittitur, quia regulari- ter ea quæ sunt in animo aliter probari non possunt, iuxta gl. putatam sin- gularem in §. aliam. qui alias incipit, sed istæ. Instit. de actio. cui similis est in c. significasti. el. 1. de homicid. & ignorantia in animo consistit, vt pa- lam est. Quo fit, vt si contrarium probaretur, non crederetur iuramento. gloss. notab. & recepta in cap. proposuisti. 82. dist. verb. non probatur. in cap. eos. verb. affectata. de tempor. ordina. lib. 6. quæ addunt posse pro- bari contrarium per cōiecturas probabiles: nam per probationem quod erat publice notum, tollitur probatio per iuramentum, vt ait glo. d. cap. proposuisti. Tollitur item per præsumptionem iuris, si qua est contra iu- rantem, per regulam Bart. in l. inter omnes. §. recte. ff. de furt. s. iuramen- to eius, contra quem est præsumptio legis, non esse standum. Tollitur etiā, quando qualitas personæ, vel alia indicia in contrarium mouent, secun- dum Bald. in l. 1. C. de collus. deteg. quem inter alios sequitur Decius in d. cap. 2. In lect. 2. num. 48. & seq.

TERTIA QVAESTIO. Quæ scientia legis sufficiat, vt quis ligitur

- tur ab ea? Respondetur, q̄ hinc videtur, q̄ quolibet sufficiat; eo quod nec canon, nec vlla lex videtur distinguere, nec restringere; & ita nec nos distinguere nec restringere debemus. l. de pretio. ff. de pub. in rem act. c. si Romanorum. 19. distinct. Illinc autem videtur contrarium. Primo quidem, quod aliàs sequeretur, quemlibet morantem Romæ teneri ad seruandam legem, cum quoquo modo audiuiſſet eam à Papa in ea eſſe promulgatam. Secundo, quod etiã sequeretur, quod quicumque Italus, Hispanus, Gallus, vel Germanus audiuiſſet in ſua patria legem aliquam promulgatam Romæ, teneretur ad eam ſeruandam: & conſequenter peccaſſe mortifere omnes prædictos, qui ſciuerunt, vel audiuerunt, & non ſtatim, vel ſaltem poſt duos meſes ſeruauit formam pronunciandi horas Canonicas iuxta formam Breuiarij noui auctoritate Pij V. compoſiti; in cuius prologo iuſit, & præcepit vt omnes, paucis exceptis, qui ad pronunciandas horas Canonicas tenerentur, ſecundum formam in eo præſcriptam eas pronunciarent, ſub pœnis contra negligentes eas pronunciare conſtitutis: & quod prædicti omnes tenebantur ſtatim quæ-
8 re, & emere, & quantocitiuſ poſſent facere deferri ab Vrbe ad ſuam patriã illa Breuiaria, quanticunq̄ conſtituiſſent; quod nullibi extra Vrbem ſeruatum eſſe credimus: nec vllus, vel paucos illius omiſſionis pœnituiſſe putamus. Tertio facit & id, quod ſcripſimus in cap. inter verba. 11. q. 3. conſul. 6. coroll. 65. nempe nō dici quem ſcire, vel noſſe aliquid, eo quod id quomodolibet, vel à quolibet audierit, iuxta illud Eccleſ. 19. *Qui cito credit, lenis eſt corde*, quod ſatis probatur per cap. non ſolum. 11. q. 3. & cap. ſi quid vero. 86. diſtin. Quarto facit & illud, quod ſæpe reſpondimus circa indulgentias iobelzæ, quæ ob varias cauſas ſolēt mitti à Sede Apoſtolica in prouincias, quærendas ab eis, qui prima hebdomada poſtquam eas ſcierint conceſſas, vel fuerint publicatæ, illa & illa pietatis opera fecerint; nempe quod nō intelliguntur de prima hebdomada, quæ ſequitur quamlibet primâ ſcientiam illius cōceſſionis & publicationis; ſed de illa que eſt prima poſtquam ſciuit eam per publicationem factam iuſſu Epiſcopi ſui in ea ciuitate, vel oppido, in quo moratur ſeu inuenitur.
10 Quapropter dicendum eſt primo, quod non requiritur vera ſcientia, quæ naſcitur ex notitia intuitiua alicuius quinque ſenſuum; de quibus in dicto coroll. 65. & in prælu. 2. Manual. confeſſ. nu. 1. quæ requiritur in teſte deponente, cap. teſtes. 3. q. 9. quamq̄ definiuimus in cap. ſi quis autem.
11 de pœnit. diſt. 7. nu. 10. & in rub. de iudic. nu. 43. Secūdo, q̄ non ſufficit quælibet auditio, & relatio, ſed requiritur talis, quæ inducat, vel inducere debeat fidem, & credulitatem in audiente, per argumentum pro poſteriore parte formatum. Tertio, quod non videtur requiri, vt per Præſules, vel alios prælatos in ſuis territorijs publicetur: quoniam in quæſt. ſequenti concludetur (attento ſtylo, & conſuetudine Curia) ſufficere publicationem, & promulgationem in Curia factam. Quarto, quod ex capite ignorantia non poteſt excuſari à peccato transgreſſionis, qui iuſta ratione firmiter credit legem eſſe in Curia publicatã, per reſpōſa ſupra ad primam
12 quæſtionem, & infra ad quintam. Quinto, quod excuſari forte poſſet ex

eo capite, quod non sic recepta, nec scita à maiore parte populi, cuius ipse est pars: eo quod lex etiam iuste promulgata non videtur ligare, si maior pars eam non recipiat, per respondenda ad q. 5. & q. 6. Sexto, quod ex his inferitur, vnam eandemque scientiam vnius eiusdemque legis, quæ sufficit, quo habens illam in vno territorio ea ligetur, non sufficere vt idem in alio territorio similiter ligetur. Quod confirmatur per cap. illo adiuncta glos. 12. dist. quatenus Ambrosius consuluit Diuæ Monicæ matri patris nostri Augustini, quod ipsa sciens legem de Sabbato ieiunando tenebatur seruare illam Romæ, non Mediolani.

14 **QVARTA QVÆSTIO.** A quo tempore incipiat ligare constitutio? Respondeo primo, quod lex non ligat ante lapsum temporis, ante quod legislator noluit vt ligare inciperet; quia ad illius vsque lapsum non habet virtutem ligandi, vt palam est: cum lex non habeat maiorem virtutem illa, quam legislator indit ei, arg. c. fin. de reg. iur. lib. 6. l. contra s. fraud. ff. de legib.

15 Secundo, quod non est dubium à quo tempore vult legislator vt sua lex incipiat ligare, quando illud exprimit, vt in cap. cum singula. de præbend. lib. 6. adeo quod si lex dicat vt liget ex nunc, ab ipso tempore promulgationis ligabit scientes, per glos. in clem. 2. verb. ex tunc. de hæreti. etiam iuste ignorantes quo ad irritationem actus, licet non quo ad peccatum, per responsionem ad primam quæstionem, & adnot. per Panorm. communiter receptum in dicto cap. 2. de const. nu. 7. licet quo ad aliquid discedat ab eo Decius potius verbis, quam mente, si satis res perpendatur.

16 Tertio, quod est grãde dubium, an lex incipiat ligare ante lapsum duorum mensium post promulgationem eius, an solum post lapsum illorum. Et respondendum est, quod si est lex inferioris Principe, statim incipit ligare subditos à tempore scientiæ illius, secundum Panorm. vbi supra. pro quo multa citantur ibi à Fel. & Dec. sed plus mouet hæc ratio, quod nullo iure cauetur, vt legis inferioris Principe vinculum differatur; & ita nõ est dicendum, cap. consului. 2. q. 4. & 6. consideremus. authent. de trient. & semiss. colla. 3. Ad præsumendum autem scientiam quo ad forum exterius, tempus videtur esse arbitrarium, vt Panorm. receptus concludit vbi supra nu. 8. quia viciniore videntur citius scire, arg. cap. quosdam. & cap. quanto. de præsumpt.

17 Quarto, quod solo iure scripto attento, Princeps non videtur ligare ante lapsum duorum mensium, etiam scientes eam factam & promulgatam, vt videtur tenere glos. vlt. in data Sexti, & Anton. in d. c. 2. quem cõtra Panorm. Imol. & Feli. sequuti sumus cum Decio ibidem in prima & secunda lect. qui idem tenet in cap. 1. de postul. pralat. nu. 19. & merito. Tum quia authent. vt factæ nouæ constit. coll. 5. tam in rubro, quam in nigro expresse habet, illam post duos menses, & non antea valituram, & consequenter ante illos duos menses eam non ligaturam. Tum quia etsi bona pars causæ, quare datur dilatio duorũ mensium, sit, ne ignorantes obligentur: tamen non est sola; quia etiã datur, ne alios liget, antequã alios, & vt omnes incipiat eo dem tempore ligare, & vt tollatur confusio, rixa, & imparitas subdito-

subditorum, dum alij ante alios non ligantur. per quod tolluntur argumenta Bonifacij à Vitalinis, quibus reprobatur Paulum de Leaza. tenentem idē quod nos in proēm. clem. in 9. nunc igitur. à nu. 41. argumēta item Philip. Franc. super data Sexti. sub finem. Tum quia ut scientia legis, donec promulgetur, nō ligat; ita pari fere ratione scientia legis promulgatę, do-
 18 nec labatur tempus tacite constitutum ad ligandum, non debet ligare. Et quamuis hæc pars solo iure scripto attento verior videatur; de consuetudine tamen & stylo videtur in Vrbe seruari, ut transgredientes legem Papę publicatam etiam ante duos menses, puniantur, non solum qui confitentur, vel probantur sciuisse illius promulgationem, sed etiam qui non probauit iuste illam ignorasse: præsupponendo, quod præsumitur scire. Quę consuetudo & stylus restringi forte posset ad forum tantum exterius, & Urbicolas.

Quinto, quod vna opinio, quę pauciorum est, tenet legem promulgatā in Curia Principis non ligare prouinciales, hoc est subditos extra prouinciam, vbi est Curia, degentes, etiam post duos menses à publicatione facta in Curia, donec per Gubernatores prouinciarum in earum Metropolitibus promulgetur. Primo quidem, quod expresse habetur in prædict. auth. ut factę nouę constitutiones. quod lex noua non obligat prouinciales, nisi post duos menses à publicatione in eorum prouincijs facta; & iure Canonico non est expressum contrarium: ergo illi standum est, arg. cap. 1. de oper. nou. nunciat. & cap. si in adiutorium. 10. dist. Secundo, quod Io. And. super glos. datę Sexti recept. communiter tenet id quod dicimus esse verum de lege Imperatoris; & eadem ratio vel maior videtur de lege Papę: quia hæc extenditur ad omnes Christianos, & consequenter ad multo plures prouincias, quam lex Imperatoris: & ita durius esset, quod hæc ligaret antequam publicaretur in prouincijs, quam illa. Tertio, quod cap. cum infirmitas. de pœnitent. & remiss. significat, illam constitutionem etiam factam in Concilio generali non ligasse ante publicationem eius à Prælati factam. Quarto, quod durum videtur dicere, omnes leges, quę passim motu proprio Pont. Max. fiunt Romę, ligare post duos menses à publicatione in Curia facta, vltimos quosque cultores Septentrionis & Occidentis, Aethiopes item, & Indos. Quinto, quod Caietanus versatus in Curia sic scripsit in 1. 2. q. 90. ar. 4. *Quod si Roma noua lex promulgatur; et nec Curia ipsa curat ut promulgatio ad ecclesias Cathedrales deueniat; nec Prælati, qui ibi sunt, insinuant suis ecclesijs; accusari nec apud Deū, nec apud homines ignorantie possunt absentes nescij.* Sexto, quod lex naturę, & diuina dictat, ut iuste ignorantes legem non ligentur illa, cap. 2. de constit. & cap. proposuisti. 82. dist. & negari non potest Indos, Aethiopes Occiduos, & Hyperboreos iuste ignorare legem humanam nouam in sola Roma publicatam etiam post duos menses.

19 Altera vero opinio, quę frequentior est, tenet contrarium, videlicet, quod lex ligat omnes etiam prouinciales post duos menses à publicatione legis in Curia facta. Pro qua facit primo ratio prædictę gloss. vltimę in data Sexti, videlicet, quod alioquin sequeretur, quod liber sextus solum ligaret in

ret in prouinciis, in quarum Academijs prælegitur: quia non est publicatus in alijs. Secundo, quod consuetudo, & stylus Curia, quæ vim legis habet, cap. quam graui. de crim. falsi. seruat, vt iudices Urbis iudicent contra omnes totius orbis Christianos secundum leges Papæ promulgatas in ea in locis ad id præstitutis; nisi iustam illam ignorantiam probent. Immo & multi Episcopi residentes in suis ecclesijs deferri faciunt ad se extrauagantes nouas, quæ promulgantur in Vrbe, & secundum eas decidunt causas suæ diœcesis. Tertio, quod regulæ Cancellariæ, quæ non publicantur extra Curiam, ligant omnes degētes extra eam, & in Francia, testāte Bart. Cass. conf. 10. viso processu, colum. 5. & antea fuit decisum in Capell. Tholos. decis. 444. incip. item fuit quæsitum an regulæ Cancellariæ &c. Quarto, quod alioqui sequeretur, quod bulla Cœnæ Domini in sola Roma publicata non ligaret extra Curiam & Romanam prouinciam existētes, nec multæ aliæ extrauagantes magni momēti in sola Curia Romana publicatæ ligarent alios, quam Romanos; & quod si publicarentur Toleti, ligarent tantum prouinciales, & non Hispalenses, nec Legionenses, si nec Legionem nec Hispali publicarentur: & si publicarentur Parisijs, non ligarent Tholosates, nec Lugdunenses, si nec Tholosæ nec Lugduni publicarentur: & ita magna disparitas & confusio seminaretur in prouinciis. Sequeretur item, quod non solum liber sextus non ligaret vniuersos, vt ait prædicta gloss. sed quod nec liber Decretalium, nec Clementinarum, ligarent prouinciales: quia nulla vel pauca eorum sunt hætenus publicata in prouincijs. Quæ omnia videntur absurda, & ita non asserenda, l. nam quod absurdum. ff. de bon. libert. c. dudum il 2. de elect. lib. 6. Quinto, quod Tho. in d. 1. 2. q. 90. art. 4. ait, quod subditi absentes à legis promulgatione obligantur ab ea, illa ratione, quod illa deuenit, vel deuenire potest in eorū notitiam, nulla facta mentione de facienda promulgatione, siue publicatione in prouincia, vel capite prouinciæ. Per quæ omnia videtur resoluendū, quod attento solo iure scripto prior opinio videtur verior. Attento vero stylo & consuetudine Ecclesiæ, Curiaq. Romanæ, posterior debet seruari quo ad leges Papæ; nempe quod requiratur quidem promulgatio earum; sufficere autem quod fiat Romæ in locis ad id præstitutis, vt ligent etiam prouinciales post duos menses, vel aliud tempus expressum in eis.

- 20 Non obstant argumēta pro priore parte adducta. Ad primū enim & secundum respondetur ea procedere iure scripto tantum attento: hanc vero partem, quam defendimus, procedere consuetudine, & stylo Curia attentis; eo quod licet vno respectu maior ratio suadeat, ne lex Papæ ad omnes terras sibi subditas extendatur per solam publicationem Romæ factam, quam lex Cæsaris per publicationem in eius Curia factam, vt secundum argumentum probat; alia tamen maior suadet contrarium, puta quod Papa minus discurrit: & ideo, vt ait Io. Mona. in reg. in gen. de reg. iur. lib. 6. dicatur habere pedes plumbeos, & non plumeos: & quod vnus est totius orbis Christi Vicarius in spiritualibus, de quibus noscendis maiorem curam debent habere subditi eius, quam subditi Cæsaris de temporalibus, quibus ille præest: & quod statuta eius vt plurimū non sunt

tot,

tot, neque adeo diuersa à spiritualibus, quæ nota sunt Christianis, ac Cæsaris.

- 21 Ad tertium, quod à nemine video solutum, respondeo, quod prædictum cap. cum infirmitas. probat quidem, quod medici non debent arceri ab ingressu ecclesiæ propter violationem illius canonis; nisi in terris, in quibus ille fuerit publicatus; non tamen probat, quod canon ille non debeat seruari in alijs terris, donec in eis publicatio fiat. Nam canon ille duo continet: Alterum absolute, quod medicus corporalis ante omnia moneat infirmum, vt spiritualement accersat: & quo ad hoc non requirit publicationem: Alterum sub conditione, quod medicus si frangat illam legem, arceatur ab ingressu ecclesiæ in terris, in quibus facta fuit publicatio illius à prælatis: & ita solum quo ad incurrendum hanc penam requirit publicationem, quam non requisuisset, nisi specialiter id cautum fuisset. Vnde illud cap. argumento ab speciali retorqueri potest pro parte posteriori, adeo non obstat illi.

Ad quartum respondeo, concedendo durum quidem, & durissimum esse dicere, quod omnes existētes extra prouinciam Romanam non seruando legem publicatam Romæ tantum statim post duos menses peccant: sed negando esse durum dicere, quod obligātur post tempus quod vir bonus siue iudex arbitrabitur esse sufficiens, vt illi, de quibus quæritur, sciant; attenta distantia prouinciæ, & qualitate legis, & frequentia hominum illius prouinciæ habitantium Romæ, & venientium ad eam, & redeuntium ab ea: quod est aptissimum temperamentum dictorum in d. cap. 2. de constit.

Ad quintum respondeo primo, quod Caiet. à contrario sensu idē quod nos sentit quo ad scientes legem Romæ publicatam, dum solos nescios excusat; & consequenter idem dicitur sentire quo ad debentes scire: quia scire, & debere scire in hoc æquantur, l. quod te. ff. de reb. credit. & ita clare sentit, quod prouinciales ligantur lege Romæ tantum publicata, si id sciāt etiā antequam in prouincia publicetur. Quo ad ignorantes autem probabiliter idem sentimus, quod ille, quod non sunt rei, si iuste ignorant, vt supra in quæstione prima diximus, & postea in quinta & sexta dicemus.

- 22 Ad sextum concedimus lege naturæ excusari iuste legem ignorantem, etiam in sua prouincia publicatam; negamus tamen, omnes prouinciales, vbicumque degant, iuste ignorare legem Romæ tantum publicatam. Tum quia sunt qui illam scire debent quo ad vtrumque forum, vel alterum tantum: & etiam secundum Caiet. scientes legem esse latam & promulgatam peccant, si eam non observant, vt prædictum est: & consequenter peccant, qui scire debent, cum illi cōsequantur scientibus, d. l. quod te. ff. de reb. cred. & ita prouinciales scientes, vel scire debentes non excusantur eis ex capite defectus promulgationis in sua prouincia, licet forsan excusari possent ex capite defectus receptionis in illa, vt infra q. 5. & 6. tangetur.

- 23 QUINTA QVAESTIO. An lex non recepta liget? Respondeo primo quod non. s. leges. 4. dist. ibi, *leges confirmantur, cum moribus vtentium approbantur.* & l. de quibus. ff. de legib. ibi, *nam cum ipsæ leges nulla alia ex causa*

causa nos teneant, quam quod iudicio populi recepta sunt. quod & tradimus in Manu. c. 23. nu. 41. in hæc verba, Lex antequam recipiatur, saltem per maiorem partem ciuitatis, cuius pars est transgressor, non ligat: quoniam promulgata videtur cum conditione, si recipiatur, saltem per maiorem partem, vt singulariter dixit Domin. in d. 9. leges per recentiores receptus ibi, & in cap. 2. de constit. & profundius Fel. in c. 1. de treug. & pace. 2. nu. 12. versicu. intellige quarto. & in nu. 13. confid. 2.

- 2 4 Secundo, quod ultra rationem positam in Manu. num. 40. quare lex non recepta non obliget, videlicet quod præsumitur legislator ferre illam sub cōditione, si fuerit recepta, potest reddi alia, videlicet quod iusta causa excusat à peccato violationis legis humanæ, vt tradimus in d. c. 23. nu. 43. post S. Thom. 1. 2. q. 96. ar. 6. & 2. 2. q. 147. ar. 3. Archid. in c. vtinam. 76. dist. & iustam causam videtur quis habere non seruandi legem, quod ab alijs non seruatur, nec cœpit seruari: cum enim lex respiciat vtilitatem communem, c. erit autem lex. 4. dist. non videtur eius lator velle vnum vel alterum ligare ad seruandum, quod alij consubditi non seruant, nec seruare incipiunt.

Tertio, quod qui dicunt peccare illos, qui non seruant à principio legem iuste promulgatam; asserunt tamen, quod si sciente id superiore, & potente cogere, & non cogente seruare, non seruant, non videntur peccare, eo quod videatur superior eam suspendere, vel tollere, iux. glos. sing. & celeb. d. c. 1. de treug. & pace. quam Panor. & communis ibi, & alij alibi approbant, quos refert Felin. ibid. nu. 7. asserunt item, non ligare illam quæ decennio non est recepta, vt post Cald. Card. & Imol. tradit Felin. in d. c. 1. de treug. & pace. num. 13.

Et addo omnibus, quod primi non recipientes possunt excusari à peccato ex capite ignorantie probabilis, qua legem probabiliter ignorauerunt, per resolutionem primæ quæstionis.

- 2 5 **SEXTA QVÆSTIO.** An lex non recepta ab eam ignorantibus ita enervetur, sicut non recepta ab eam scientibus: quæ quotidiana & noua quæstio est. Et pro parte quidem negante facit primo, quod desuetudo legis, quæ non implicat transgressionem eius, vt quia casus eius non occurrat, non tollit illam, secundum Ioan. And. in c. Ioannes. de cleric. coniug. quod late confirmat Felin. in c. 1. nu. 10. de treug. & pace. & quod cum ignoratur lex, non videtur occurrere casus, in quo ea sit vtendum. Facit, quod actus agentium non operantur ultra intentionem eorum, l. non omnis. ff. de rebus cred. & cap. fin. de præben. & quod non obseruantes legem, eo quod ignorant, non intendunt eam tollere, eo quod non vtantur ea: voluntas enim, cuius actus est intentio, secundum S. Thom. recept. 1. 2. q. 12. art. 1. non fertur in incognitum, vt ait August. lib. 3. de Trinit.

- 2 6 Pro affirmatiua vero, quæ videtur verior, facit quod iustior est causa non obseruantium legem, eo quod ignorant eam, quam eorum, qui scientes eam nolunt recipere, nec vti ea: & ratio quare lex non recepta non ligat, est, quia non est firmata vsu, vt sentit l. de quibus. ff. de legib. & hæc ratio 2que

tio ~~aque militat~~ cum definit seruari per ignorantiam, ac si defineret seruari per renutum, siue voluntatem, siue, vt ita dixerim, nolentiam seruandi.

Nec obstat primum argumentum in oppositum: cui responderi potest concedendo quod desuetudo, quæ non implicat vsum contrarium legi, non tollit eam, vt non tolleretur dispositio l. quæritur. ff. de statu hominum. disponens, vt hermaphroditus habeatur pro viro, vel fœmina iuxta sexum, qui in eo præualet, licet per mille annos nullus hermaphroditus nascere-
27 tur in aliqua prouincia. Concedendo item consequenter, quod desuetudo, siue non vsum ignoratæ legis sine contrauentione ipsius non tolleretur legem ignoratam. At negando, quod omnis vsum legis ignoratæ sit absque contrauentione ipsius: & ita negando, quod non tollatur per desuetudinem ignorantium, & vtentium contra illam in occurrentibus casibus. Ex quo sequitur, quod lex Papæ ignorata per omnes homines alicuius prouinciæ, vel per maiorem partem eorū, qui ea nō sunt vsum tempore in id sufficienti, contraueniendo ei in casibus occurrentibus, censetur eneruata quo ad illā.

Non obstat etiam secundum argumentum: quia ad enervandam legem per non vsum eius, non requiritur, quod subditi noluerint eam recipere per actus positivos voluntatis; sed sufficit quod non recipiāt illam, & vsum eorum non firmetur, per illa duo tam celebria iura, §. leges. 4. dist. & l. de quibus. ff. de legibus.

28 SEPTIMA QVAESTIO. An paria sint legem reuocari à legislatore, & eam à subditis non recipi? Respondeo nouam esse quæstionem, & satis quotidianam, & videri resoluendam esse negatiue. Tum quia legem esse latam, & promulgatam ea conditione, vt non liget nisi recipiatur, & non esse latam nec promulgatam, non sunt paria: casu enim priore extat lex, licet non liget donec recipiatur: posteriore vero non extat lex, nec recipi potest. sicut in simili non sunt paria rescriptum esse ipso iure nullum, vt in cap. 1. de rescript. lib. 6. & esse validum, sed elidibile per exceptionem, vt in cap. cæterum. de rescript. illud enim etiam aduersario non opponente, & consentiente est inutile, iuxta glos. communiter receptam in d. cap. 1. hoc vero parte non opponente valet, iuxta communem in d. cap. cæterum. & cap. ex tenore. cum ei adnot. eod. tit. Tum quod lex iam lata, & promulgata nondum reuocata, licet à principio non recipiatur à subditis, potest tamen postea mutata voluntate recipi, quia substantia eius durat: reuocata vero minime, nisi denuo feratur à legislatore: quia iam
29 substantia eius perijt: & quod extinctum est, non potest reuiuiscere, nisi auctor potens illud denuo produceret, l. qui res. §. aream. ff. de solut. & cap. quam periculosum. adiuncta glos. 7. q. 1. Ex quo sequitur primo, quod leges nouum ius inducentes Conc. Trid. licet nondum sint receptæ in aliquot terris, quibus notum est eas esse constitutas, non censentur perisse, nec reuocatæ quo ad illas, sed quadamtenus suspensæ, simulac vniuersitates illarum eas receperint vim ligandi habituræ. Secundo, legem, quæ nō est recepta in aliqua terra ob ignorantiam eius, simulac, habita eius scientia, recepta fuerit, perinde ligaturam eos qui terram illam incolunt, ac si
à prin-

à principio fuisset recepta, quo ad actus prædictam scientiam & receptionem consecuturos.

OCTAVA QVAESTIO, siue prima propositarum, Sint ne omnes obligandi in foro cōscientiæ ad obseruanda decreta Conc. Triden. quæ ad mores & reformationem spectant, cum apud eos non sint promulgata ab ordinarijs, nec synodaliter in vniuersa prouincia recepta? Non quæritur autem hic de ijs, quæ particularem promulgationem requirunt, vt decretum primum sess. 24. de reformat. de matrimonio, &c. sed de alijs. Ratio dubitandi est. Tum quia par omniū videtur ratio, cum omnia promulgari iubeat Conc. Tum quia si lex etiam promulgata, non tamen obseruatione firmata, non obligat secundum doctorum sententiam; minus videtur obligare, quæ ab ordinario prælato neque est recepta, neque promulgata, neque obseruata. Tum quia videmus vniuersales leges diuersimode à diuersis prouincijs obseruari, alias etiam non omnino obseruari, vt est in ieiunijs, festis diebus, &c.

30 Respondeo primo, non videre me vllum canonem in Conc. Triden. quo iubeantur omnia in eo constituta in omnibus prouincijs publicari, vt in propositione quæstionis dicitur; tametsi Pius III. in confirmatione tam simplici verbo facta, quam bullata, præcepisset vt ab omnibus Christifidelibus, tam præsulibus, quam alijs, recipiantur & obseruentur; & per alias literas declarasset ea incepisse obligare à Kal. Maij 1564. & sub finem præfatæ confirmationis bullatæ iussisset, vt literæ eæ, & quædam alia publicarentur in quatuor locis Urbis. Sed aliud est iubere vt recipiantur, & obseruentur; aliud vt publicentur in dictis quatuor locis, quod illico factum fuit; & aliud vt constituta in Conc. publicarentur in illis, quod numquam factum est, nec iussum vt fieret.

31 Secundo dico, quod diuersa festorum & ieiuniorum obseruantia in diuersis prouincijs parum facit ad hoc. Tum quia illa cōtingere potest, quod diuersi prælati, & diuersa Concilia prouincialia diuersa festa & ieiunia indixerunt, vt possunt, cap. pronunciandum. de consecr. dist. 3. ibi, *& illa festiuitates, quas Episcopi in suis episcopatibus cum suo populo collaudauerint.* & arg. cap. concilium. de obseruat. ieiun. Tum quia fieri potest, vt per contrariam consuetudinem seruata sint in alijs prouincijs, & in alijs non, cap. illa. 12. dist. & cap. vtinam. 76. distinct.

32 Tertio, quod huius quæstionis determinatio satis desiderat summam summi Pontificis sententiam. Tum quia interpretationem dubij contingentis Concil. Trident. requirit, & illa per prædictas litteras confirmatorias illi reservatur. Tum quia glos. vltima in data Sext. dixit declarationem summi Pontificis requirere quæstionem illam de tempore, à quo incipit ligare noua constitutio.

Quarto, quod salua eius interpretatione, videtur respondendū id quod colligitur ex decisione quæstionum præmissarum, nempe q̄ constitutiones Concil. Trid. nouæ, siue quæ ius nouum induxerunt, non ligant Polonos in Polonia degentes, qui eas ignorāt probabiliter, per primæ quæstionis resolutionem; neque eos, qui eas sciunt; non quidem ea ratione, quod illæ
non

non sunt promulgatę; sed ea, quod non sunt receptę a principio, neque per decennium postea, per decisionem quęstionis quartę, & quintę.

NONA QVÆSTIO, siue secunda. Idem quęritur de bullis Pontificum, v.g. de pœnis in non recitantes officium, de confidentijs, de non habendo officio B. Virginis lingua vernacula, de censibus, de cambijs. Item de bulla Cœnæ Domini, & de alijs, utrū obligēt omnes, etsi ab ordinario vel ignorentur, vel non promulgentur. Non obligare probatur primo, quia vt plurimum illi nesciunt ea authentica scientia, sed tantum vel ex auditu ab aduenis, vel quia chartam impressam viderunt. Secundo, quia Caiet. dicit & alij approbant, quod si Papa illas non mittit Metropolitana &c. & illi vt subditi excusantur: si mittit, & ipsi non promulgant, ipsi quidem rei sunt, subditi tamen excusantur.

- 33 Respondeo, quod bullę Papę publicatę Romę, ligant Polonos scientes eas esse Romę publicatas. Quod etiam ipse Caiet. citatus in propositione quęstionis pręsupponit, dum solos nescios excusat, vt dictū est in tertiā & quartā quęstione. Itaque ex defectu promulgationis non excusarentur, licet ex defectu receptionis excusari forte possent, iuxta dicta in quęstione quinta, & sexta.

Aduerte quia dum responsio restringitur ad dicta supra quęst. 3. raro erit locus excusationi quo ad bullam Cœnæ, quę quotannis fertur.

DECIMA QVÆSTIO. An peccantem contra bullam ex ignorantia, confessarius, qui eam scit, teneatur admonere, & instruere, cum nō sit confessarij bullas promulgare, sed ordinarii: videtur enim melius non instruere, sed relinquere ignaros, cum idem in matrimonio prohibito, & in similibus casibus suadeant doctores, maxime quod confitentes etiam docti ex eo vix emendentur.

- 34 Respondeo non teneri confessarium ad admonendum bullam, quā ille probabiliter ignorat: quia neque peccat ignorando, neque transgrediendo, iuxta responsa ad primam quęstionem: pro qua responsione est textus in cap. quia circa. de consang. secundum intellectum Adriani in 4. de confess. dub. 7. post 5. quęstionem, quem late defendimus, & explicamus in c. si quis antem. de pœnit. dist. 7. num. 73. vbi adiicimus hæc verba: Est igitur in illo cap. quia circa. casus, in quo, qui credit matrimonium inter aliquos non valere, cum eis dissimulare potest, etiamsi sit superior, & eis dicere in bono statu viuere: immo & debet, quando scandalū ex contrario facto nasci speraretur. Cui consequens est etiam confessarium posse absolvere cōfitemtem, quē videt ignorātia iuris humani probabiliter a peccato excusari, & pręsertim si suspicaretur eum veritatem monitū illam nō amplexurū.

VNDECIMA QVÆSTIO. An teneatur quis de ijs alios docere, si illi docendi munus, siue sponte, siue ex officio incubit. verbi gratia lector de censibus, an teneatur bullę Pij V. facere mentionem, & secundum illam determinare, vbi non est promulgata, nec recepta, & sic de alijs siue in præsenti, siue in futuro?

- 36 Colligi potest responsio ex responsis ad quintam, quod non tenetur docere legem quę non ligat illos incolentes prouinciā, in qua legit, sed si

vult, potest, simul docendo rationem, qua eos ibi non ligat; quia nulla lege tenetur ad primum, nec prohibetur à secundo; & consequenter ita dicendum est, arg. cap. consulisti. 2. q. 4. cap. 2. de translat. prælatis. & eorum, quæ ad quæstionem præcedentem respondimus.

DVODECIMA QVAESTIO. Vtrum possint absolui, qui nolunt obedire his bullis, cum illis à confessario dicitur? Videntur enim non esse obligati confessario credere, sed suis prælatis, à quibus nihil horum audiunt. Et an sit salubre consilium tunc ad alium remittere pœnitentem, qui scilicet casum ignoret. Quod si alius confessarius non sit, an hic possit deponere conscientiam, & absolvere, cum pœnitens non videatur esse obligatus ad credendum; vel si probabiliter credit quod illa sua admonitione nihil aliud efficiet, quam quod illi odiosam apud monitos confessionem reddet, confitens autem non emendabitur. Tunc etenim omnino videtur abstinendum, cum & in matrimonio prohibito, & in alijs similibus casibus id suadeant doctores.

- 37** Respondetur, quod confessarius potest absolvere confitentem tenentem opinionem, de qua dubitat ipse, si videt cōfessum niti auctoritate, vel ratione probabili, ut late probamus in d. cap. si quis autem. à nu. 54. immo & si confessarius credat contrariam opinionem, cui ipse adhæret, esse veram, ut etiam late probamus ibidem à nu. 66. & consequenter confessarius, de quo in quæstione, poterit confessum, de quo in eadem, cum ratione probabili nitatur, absolvere: etiam si ipse contrariā credat esse veram.

DECIMATERTIA QVAESTIO. Huc pertinent nominatim decreta Concilij, & bullæ de residentia, de pluralitate beneficiorum, & multis alijs similibus, quibus passim in illo regno & quidem valde cōmuniter contrauenitur, partim ex ignorantia; cum permultorum annorum usus, & consuetudo obfirmata hoc permiserit, & hucusque tenere videntur; partim ex eo, quod multi, quamvis non ignorent prohiberi renouatis decretis, putant tamen eatenus se in conscientia liberos, ac securos esse, quatenus in foro exteriori id ipsum illis permittitur: cum non modo illa superiorum suorum siue admonitione, siue mādato, siue iurium antiquorum, & decretorum recentium executione cohibeantur, verum etiam vltro ab ipsis ordinarijs scientibus, & volentibus talia præmiorum, immo mercedis loco consequi soleant, ut in illis confirmantur, ac conseruentur. Proinde quæritur, num qui hæc vident, & norunt, teneantur in conscientia, quamvis ad officium illorum non pertineat (puta quod sint simplices sacerdotes, siue etiam doctores, aut concionatores, non tamen dignitates, officia, personatusque gerentes) tam publice, quam priuatim prælatos, & subditos commonefacere, conscientias conferentium, & acceptantium perstringendo, & obligando, atque pœnas in decretis & bullis contentas irrogando. Quorum in altero periculum inest animarum, quæ ob negligentiam pereunt: in altero periculum publici scandali, quod inde diuersimode exoriri possit commotis, turbatisque superioribus, & subditis; cum utrique non nisi synodaliter receptis promulgatisque decretis reformari maxime circa inueteratas consuetudines debeant.

- 38** Respondeo, nil me posse respondere appositius, quam quod scripsi breuiter, sed accurate comprehendendo multa paucis in Manu. conf. cap. 25. à nu. 125. in hæc verba; Mortifere peccat, qui habet multa beneficia diuifa in titulum, quorum vnum suo statui decenti sufficit, vel sine dispensatione, vel iusta consuetudine, iuxta glos. sing. in cap. dudum. 2. de electi. recept. à Panor. & communi ibidem, & ab alijs, quos cito in cap. adhuc. de præben. & probatur per cap. conquerente. de cleric. non residen. & sentit S. Tho. quolibet. 8. art. 19. & quolibet. 9. art. 19. Dixi, diuifa: quia secus si legitime vnita, aut annexa, cap. vnio. 10. q. 3. cap. cum venissent. de restitut. spolia. cap. eam te. de ætate & qualitate, & cap. extirpandæ. §. qui vero. de præben. Dixi, in titulum: quia licet habere vnum in titulum, & aliud ad tempus commendatum ad sex menses tantum, si est ecclesia parochialis, cap. nemo. de elect. lib. 6. Dixi, ad tempus: nam de commendato in perpetuum idem est dicendum, quod de dato in titulum, iuxta Card. Alex. in cap. cum autem. 44. dist. Gomes. in reg. de infirmis resig. quæst. 13. & citatos per eum. & Maior. in 4. dist. 24. q. 13. quod probauimus in
- 39** cap. de multa. de præben. excepto quod vacans per mortem commendatarij, censetur vacare eo modo quo vacabat tempore, quo fuit commendatum, vt stylus Romanæ Curia hodiernus palam seruat. Dixi, quorum vnum sufficit, alioqui secus: nam quamuis Concil. Trid. sess. 24. cap. 17. de reformat. quod approbat tacite prædictam glos. statuerit, vt vnum tantum conferatur vni, quale & quantumcumque sit illud; adiicit tamen, quod si illud ei non sufficeret, liceat sibi aliud simplex sufficiens, dummodo vtrumque personalem residentiam non requirat, habere. Ex quo duo colligi possunt; scilicet, quem iuste tenere duo beneficia non requirentia residentiam personalem, quorum alterum non sufficiat, absque vlla dispensatione: quæ ante hoc Concil. fuit communis opinio in cap. cum
- 40** iam dudum, & cap. extirpandæ. §. qui vero. de præben. & quod Conciliū non prohibet retentionem plurium etiam requirentium residentiam personalem, per iustam dispensationem. Dixi, absque dispensatione: quia non sufficit habere iustam causam ea obtinendi, attento solo iure naturæ, & diuino, sine dispensatione iuris positiui id prohibentis, iuxta S. Tho. in d. quolibet. 9. ar. 15. Dixi, aut consuetudine iusta: quia tantum (licet non plus) valeret illa, quantum dispensatio, iuxta eundem ibidem: vtraque enim posset iuri humano derogare, & neutra naturali, vel diuino, cap. fin. cum ibi late not. de consuet. Porro iusta causa tenendi plura attento iure naturali, & consequenter dispensandi, & consuetudinem circa id inducendi, est secundum eundem circumstantia eiusmodi, quæ sufficiat ad tollendum deformitatem, quam multitudo beneficiorum præfert. Plura siquidem beneficia tenere, vt ait ille, nec adeo suapte natura est malum, vt per nullam circumstantiam iustificari possit, vt fornicatio, & alia id genus vitia; neque adeo indifferens, vt sine aliqua circumstantia iustificari liceat, vt habere duo prædia, vel domos, vt supra cap. 23. nu. 1. diximus. Talis autem est circumstantia eius, cui attenda suæ personæ qualitate non sufficit vnum beneficium ad honeste decenterque viuendum. talis item, tanta prudētia,

lagacitas, & industria alicuius, ut speretur plus eis, quibus præest, profuturus etiam absens, quam cõmuniter alius præsens, & potius accipit propter vtilitatem beneficiorum, aut subditorum, quam propriam, iuxta Innoc. cap. cum iam dudum. num. 4. de præben. recept. Talis est etiam defectus aliorum idoneorum, iuxta Host. cap. graue. col. 2. eo. tit. talis insuper notabilis animi virtus, nobilitas, & sciẽtia, d. c. de multa. quamuis hæc causa videatur includi in prima. quoniam ideo cum nobili & graduato dispensari posse videtur per d. cap. de multa. quia eius honesta sustentatio pluribus, quam alterius indiget, ut ibi diximus. Talis etiã visa fuit Card. in clemen. gratiæ. de rescript. intentio tenentis plura beneficia non ad splendidiorum victum, vestitum, & famulatum, & alia eiusmodi, sed ad largius erogandum in pauperes, & opera pia, retento sibi tantum ad vitam decentem necessario, & adhibita vera intentionis executione.

DECIMA QVARTA QV AESTIO. Quomodo procedendum sit cum ijs, qui post abrenunciatam hæresim reconciliationemque cum Ecclesia factam, ad beneficia ecclesiastica & ordines admittuntur, immo vero etiam inuitantur ab ipsis Episcopis, cum in talibus tam in admissione, quam consequenter in executione officij sacerdotalis, subsit, & multiplicetur irregularitas, interdum vero etiam incurratur excommunicatio. Illi enim excusari videntur, quod irregularitatem nesciant, & omnia ab Episcopis legitime fieri præsumant; tantoque magis, cum ab illis ipsis inuitantur. Quod si qui irregularitatem sciunt, vel ob metum, & verecundiam, vel ob inopiam, vel ob itinerum longitudinem, vel difficultatem ad rehabilitationem, vel ad absolutionem ab irregularitate petendam à Sede Apostolica venire non possunt; Episcopi vero altera ex parte in ea hucusque plerique sunt opinione, ut existiment reconciliationem publicam illis ad vtrumque sufficere; quod ipsum non rationibus, & auctoritate canonum, sed consuetudine recepta, euidẽtque fidei Catholicæ vtilitate, quæ exinde speratur, metiuntur: Quid igitur sit faciendum cum istiusmodi tam promotoribus, quam promotis, siue antequam admittantur, siue postquam multo iam tempore admissi in officio sacerdotali fuerint. Et vtrum necessaria sit omnino rehabilitatio Pontificis. Item an commissio generalis pro rehabilitandis, à Pontifice dari ordinarijs in illis partibus, aut obtineri possit, tanto diligentius resolutio petitur, quanto illic hoc accidit frequenter; quinimmo tanti ea res est momenti, ut, qui ex nobilitate, doctrina, vel singularibus dotibus animi in clero & præsentantur, & ad dignitates etiam maximas vocantur, ex eorum ut plurimum numero esse soleant.

- 41 Respondeo primo, certum esse lapsum in hæresim, vel schisma, posse reconciliari Ecclesiæ, cap. ut constitueretur. cum aliquot præced. & sequen. 50. dist. & glos. in summa eius. Secundo, quod iura, quæ vetant Episcopis restituere aliquos lapsos, in aliquot calibus videntur esse leges humanæ, ut satis colligitur ex cap. si lapsis. & cap. miror. cum suis gloss. ead. dist. & cap. de lapsis. 16. quæst. 6. Cum ergo iura humana tolli possint consuetudine contraria præscripta, cap. fin. de consuetud. & l. 2. C. quæ sit long. consue-

consuetu. consequitur quod in terris, in quibus habetur consuetudo præscripta, vt lapsi etiam ob hæresim, vel schisma, reconcilientur per Episcopos, poterunt reconciliari per eos, non obstantibus iuribus antiquioribus illa consuetudine. Pro quo facit, quod licet excommunicatio ob hæresim videatur omnium ipso iure latorum antiquissima, iuxta cap. Achatius. 24. q. 1. fuit tamen tempus, in quo hæreticus non erat excommunicatus ipso iure: & excommunicatio ob hæresim lata olim non erat reseruata Papæ, vt diximus in Man. cap. 27. nu. 52. & in rep. cap. ita quorundam. de Iudæis. notab. 11. nu. 4. Tertio, quod non obstat his innouatio canonum præcedentium facta in Concilijs, si ea non fuit recepta, per responsa
 42 ad quintam quæstionem. Quarto, quod si in illis terris, in quibus proposita in quæstione fiunt, canones noui vel bullæ denegantes facultatem reconciliandi Episcopis fuerunt recepti, & non sunt legitime per consuetudinem abrogati, necessario seruandi sunt; & qui incurrerunt in excommunicationes, & irregularitates reseruatas Papæ, ab eo, vel eius Legato, vel in id delegato absoluendi sunt, non obstante difficultate, & itineris longitudine; quamuis ob impedimentum veniendi absolui possunt ab excommunicatione iuxta not. in Man. cap. 27. num. 46. Quinto, quod an prædictis canonibus, & bullis in illis terris sit derogatum, & an sint recepti, nec ne, legitime definiri non potest, nisi narratis illis, quæ ad id sunt necessaria: sed applicando responsa ad quæstionem 5. 6. & 7. poterit responderi eis ab eo, cui necessaria facti narrata fuerint.

DECIMA QUINTA QVÆSTIO. Possit ne dare aliquis parœciam absenti, aliquoties tamen eam in anno, puta ad principalia festa visitanti, & vicarium idoneum habenti, quem certo scit plus profuturum propter auctoritatem, quam alium præsentem carentem hac auctoritate, præsertim ob generis nobilitatem, & amicorum frequentiam, quorum aspectu prouentus ecclesiastici, & libertates securius, citiusque conseruantur, & ab hereticorum violentijs vel deceptionibus defenduntur; cum in cōtrarium videatur esse Conciliū Trid. ex altera vero parte est vtilitas ecclesiæ; maxime si nemo inueniatur, qui parœciā acceptet, & inter rusticos quasi in perpetuo exilio habitet, nisi vel ipse vicarius, vel illi similis, qui facile à potentioribus opprimetur, & perdet fructus & decimas. Et
 vtrum in hoc possit Episcopus, vel saltem Metropolitanus dispensare, præsertim cum vrget vel paucitas sacerdotum, vel periculum, ne ab hæreticis, aut quibuscumque alijs occupetur, & desoletur. Videtur enim posse secundum Concil. Trid. sess. 23. de refor. cap. 1.

43 Respondeo primo, quod prædictum Concil. Trid. videtur declarasse in cap. 1. de reform. sess. 23. beneficiarium beneficij curam animarum habentis iure diuino residere debere in illo; cui cōsequens est, neminem excusari à residentia, nisi iusta de causa, & eo modo quo dicitur in d. cap. 1. & in cap. 1. de reform. sess. 6. Secundo, quod hoc non est inuentum Concil. Trid. idem enim iuris fuisse ante illud, cōmunis sententia habet: vnde Fel. in cap. cum omnes. de const. nu. 33. dixit post alios, non posse induci consuetudine, vt quis nō resideat in beneficio curato: quod nulla ratione alia defendi

Nauar. Conf. Pars I.

B 3

potest,



potest, quam quia iure naturali, vel diuino residendum est in illo. Tertio, quod huic est consequens, seruandum esse hoc etiam in terris, in quibus Conc. Trid. non seruatur, nec debet seruari, arg. princip. 5. dist. & 9. sed ius naturale. Instit. de iur. natu. gent. & civil. Quarto, quod cum quæ causa sit iusta non residendi, arbitrio iudicis definiendum sit, arg. l. 1. ff. de iure delib. & cap. de causis. de offi. deleg. poterit huiusmodi beneficiarius abesse à beneficio ea de causa, & tanto tempore, qua, & quanto videbitur Episcopo rectam rationem in arbitrando secuto, visis circumstantijs personæ, loci, temporis, & alijs; nec erit opus scripta licentia in eis regnis, in quibus nondum seruatur Concil. Trid. quia nec iure diuino, nec aliquo humano anteriori ea requiritur.

DECIMASEXTA. An in Concilio Trid. sess. 21. cap. 2. de reform. ipso iure sit suspensus is, qui absque patrimonio ordinatur, vel habens quidem beneficium, sed insufficiens; & quas pœnas innouet Cōcilium, quando in prædicto cap. dicit, *Antiquorum pœnas super his innouando?*

Ad hanc quæstionem, quæ satis difficilis est, & fuit aliquando controversa in sacro Pœnitentiariæ prætorio, respondeo primo, quod ordinatus ordine sacro absolute, idest sine titulo beneficij, vel patrimonij, est suspensus, secundum canones antiquos, cap. neminem. & cap. sanctorum. 70. dist. Secundo, quod illa pœna mutata fuit ab Innocen. III. cap. cum secundum. de præben. in pœnam ordinantis, qua cogitur alere ordinatum. Tertio, quod illi mutatio videtur restringenda ad ordinatum, qui bona fide, ab Episcopo sciante, vel debente scire eum non habere quo se aleret, fecit se ordinari; non autem videtur comprehendere illum, qui per mendacia & fraudem, fingendo titulum, decepit Episcopum. Tum quia dolus & fraus nemini patrocinari debent, cap. sedes. de rescrip. l. itaque fullo. ff. de furt. Tum quia alioqui ordinans sine culpa puniretur, & ordinatus cum culpa à pœna esset immunis, contra cap. 2. de cōstit. & l. sancimus. C. de pœnis. Tum per cap. per tuas. 3. de simon. quatenus habet, eum qui ordinatur ad titulum patrimonij quæsitum cum pacto de restituendo illud post ordinationem, esse suspensum, donec dispensetur cum eo. Quarto, quod renouatio pœnarum in absolute ordinatum, quam inducit cap. 2. sess. 21. Concil. Trid. intelligi videtur de pœna præd. canonum neminem, & sanctorum. quæ sublata fuit per mutationem prædictam in d. cap. cum secundum. de præb.

Aduerte quod sacra Congreg. censuit innouatam tantum pœnam d. c. cum secundum. ut dictum est in cons. 14. de temp. ord. & etiam cons. 47.

DECIMASEPTIMA QVÆSTIO. Cum Concil. Trid. sess. 25. cap. 15. de reform. prohibeat illegitimos filios clericorum in ecclesijs, in quibus illorum parentes beneficium aliquod habuerint, vel habent, etiam quoquo modo ministrare; an prohibeat huiusmodi illegitimos in prædictis ecclesijs etiam sacrum facere, vel per accidens epistolam, aut euangelium, vel etiam sacrum cantare solemni ritu, denique sacristæ, vel cantoris officio fungi?

46 Respondeo, quod huiusmodi filius illegitimus non potest subdiaconatus, vel diaconatus officio fungi, neque sacristam, vel cantorem agere in tali

tali ecclesia: quia negari non potest, eum, faciendo illa, ministrare aliquo modo in illa, arg. rubr. de cler. non ord. ministr. & glos. in verbo officia. clemen. 1. de regular. & cap. perlectis. 25. dist. ibi, *ministeria*. Maioris autem questionis videtur, an liceat ei priuatim interdum, tamquam extero, & peregrino, ministrare; ita quod non videatur ecclesie inferuire. Arbitror autem negatiuam partem esse veriore; quia licet non videatur tam ministrare Ecclesie, quam suae consolationi consulere; negari tamen non potest eum ministrare aliquo modo in illa ecclesia in altaris ministerio. Et constat rationem fugandi memoriam incontinentiae paternae attingere aliqua ex parte celebrationem illam priuatam; & ratio legis est anima legis, ut ait Dyn. in cap. fin. de regu. iur. lib. 6. pro quo est cap. Marchion. 1. quest. 1.

DECIMA OCTAVA QVAESTIO. Si de facto sacerdotis filius beneficium habeat ecclesiasticum in ecclesia, in qua eius pater quondam aliud beneficium habuerit; an sit ipso iure priuatus, vel priuandus?

47 Respondeo, quod beneficium quod filius habebat ante Concilium, non vacauit ipso iure, donec laberetur trimestre, datum ad permutandum pro altero alterius ecclesiae. Si autem illud post Concilium quaesuit, nil consecutus fuit in illo, quia est factus inhabilis ad illud per praefatum cap. 15. sess. 25. in illis verbis, *non liceat, &c.* & adiunctis illis alijs, *quod si in praesenti, &c.* & collatio beneficii facta inhabili non valet, cap. cum in cunctis. 6. fin. de elect. & cap. inter ceteras. de rescript.

DECIMA NONA QVAESTIO. Cum aliquis duo habet impedimenta essentialia, quorum alterum sit publicum, alterum secretum, ut si contraxerit cum consanguinea in quarto gradu, cuius sororem carnaliter prius cognouerat; an satis sit impetrare gratiam a Pontifice impedi-
menti publici consanguinitatis, non narrando alterum impedimentum occultum; & postea impetrare gratiam ab aliquo, qui eam concedere possit pro occulto, etiam non narrando publicum impedimentum?

48 Respondeo, de questione hac vel alia similis difficultatis controuersiam fuisse in sacro Poenitentiariae Praetorio, neque adhuc omnino sopitam; quamuis mea sententia pars affirmatiua sit vera: & in summa continet, an valeat impetratio dispensationis super vno impedimento matrimonij publico, non facta mentione de alio, praesertim occulto. Et quod pro parte negatiua facit in primis, quod taciturnitas eius, quod expressum redderet principem difficiliorem ad gratiam concedendam, reddit eam nullam, c. postulasti. de rescrip. & videtur quod Papa difficiliter concessisset dispensationem, si nouisset aliud impedimentum. Secundo, quod incestus impedit matrimonium contrahendum, c. 1. 2. & cap. transmissa de eo qui cog. consan. vxor. suae. Tertio, quod remissio poenae homicidij est nulla, mentione non facta remissionis alterius similis, secundum Guliel. de Cugn. in l. 3. C. de Episco. aud. a Baldo, & alijs communiter ibi, & alibi receptum. Propter quod dixit Andr. Sicul. in c. super literis. de rescrip. relat. a Felin. ubi supra, vidisse decapitari vnum homicidam, non obstante remissione secundi homicidij impetrata, non facta mentione de priori; & non alia

ratione, quam quia difficilius princeps remisisset secundum, si meminisset remissionem prioris.

- 49 Non obstantibus tamen his, pars affirmatiua est verior. Primo quidem, quod nullo iure canonico vel Cæsareo cauetur, quod in impetratione dispensationis super vno impedimento matrimonij debeat fieri mentio de alijs, ad hoc vt valeat dispensatio quo ad impedimentum, ad quod illa impetratur: & non est inducenda obligatio iuris sine iure ad id obligante, arg. cap. consulisti. 2. q. 4. & cap. 2. de transl. prælat. Secundo, quod licet omnis expressio falsi, qua mouetur princeps ad facilius concedendam gratiam, faciat eam subreptitiam, & ipso iure nullam, cap. super literis. de rescript. l. etsi legibus. C. si contra ius, vel vtil. publicam. quæ est §. sub cap. dicenti. 50 ti. 25. q. 2. non tamen omnis taciturnitas veri, cuius expressio retraxisset principem ad non tam facile concedendum, reddit gratiam nullam; sed solum illa, qua tacetur verum, quod iura iubent exprimi in tali impetratione: quæ est resolutio Rotæ de rescript. 31. in nouis, & Egid. decis. 698. & Felin. in cap. postulasti. de rescript. col. 4. relata à nobis in Manu. conf. cap. 22. num. 86. pro qua facit gloss. recept. in clem. 1. de præbend. in verb. vel alteri. quatenus habet, in impetratione beneficij, faciendam quidem esse mentionem de beneficio habito, sed non de cura, vel ordine primo illi beneficio annexo; licet mentio illorum difficiliorem redderet principem ad cōcedendum: quia id nullo iure præcipitur. Facit etiam, quod valet collatio beneficij facta criminoso, crimine non inducente irregularitatem & inhabilitatem ad beneficium, non facta mentione de illo crimine, licet expressio illius difficiliorem redderet principem ad conferendum, vt sentit Innoc. in cap. proposuit. de concess. præbend. in verb. executore, 51 & resoluit Felin. post alios in c. 2. nu. 4. de rescript. Tertio, quod valet impetratio absolutionis ab vna excommunicatione, non facta mentione de alia, secundum gloss. 1. communiter receptam in cap. ex parte. de officio ordina. Quarto, quod passim contingit in Curia impetrari dispensationē super vno impedimento matrimonij, non facta mentione de alio, & postea impetratur dispensatio super alio, quorum vtraque iudicatur valida. Quinto, quod incestus magna ex parte sunt occulti, cognatio autem magna ex parte publica; & si in impetratione impedimenti cognationis exprimendus esset incestus, cogeretur impetrans infamare se, & frequenter alium prodere contra ius naturale, quo vetamur nos, & alios prodere, cap. quis aliquando. §. non tibi dico vt te prodas. de pœnit. dist. 1.

Ad primum autem oppositorum respondet secundum fundamentum. Ad secundum vero respondetur concedendo, quod omnis incestus secundum aliquos impedit quidem matrimonium contrahendum, non tamen dirimit contractum inter ipsosmet incestum committentes, & minus quo ad alios, quo ad quos non gignitur ex eo affinitas. concedendo item, quod expressio eius aliquando difficiliorem redderet principem ad concedendum: sed negando, quod ex eo sequatur dispensationem esse nullam: quia non tacetur verum, quod iubeatur exprimi, & quod sit necessario exprimendum, per fundamentum secundum. Ad tertium vero respondeo nouissime,

uissime, & verissime, licet à nemine quod sciam fuerit satis ei responsum; concedendo quidem illud dictum Guliel. negando tamen, quod id eueniat ex eo solo, quod tacetur verum, quo expresso difficilior remississet princeps secundum, sed etiam eo quod tacetur verum, quod per illam l. 3. deberet exprimi in secunda impetratione veniæ. Nam prædict. l. 3. statuens ne crimina iterata remissionem habeant; significat necessariam esse expressionem remissionis criminis semel admissi, vt valeat remissio iterum admissi; quod à nemine, quem viderim, vidi animaduersum. In quaestione autem proposita non agitur de remissione criminis, & minus de remissione criminis iterati, immo nec de relaxatione impedi-menti iterati. Quæ solutio confirmatur euidenter, eo quod nemo negat impetrationem veniæ homicidij valere non facta mentione de impetra-tione veniæ incestus, adulterij, furti, rapinæ, aut alterius criminis separa-tim, & dissimilis prius obtentæ.

VIGESIMA QVAESTIO, Quomodo procedendum sit confes-sarijs circa absolutionem Episcoporum, vel aliorum dignitates & perso-natus gerentium, in ijs casibus, qui expresse in decretis Concilij Trident. & bullis continentur; siue ad eorum propriam spectent personam, quod contraria committant, & debita omittant; siue ad reformationem alio-rum; quod scientes, & valentes corrigere errantes, eos reformare res-pectibus humanis negligant; de quibus illi non confitentur; & confes-sor inquirere tenetur, maxime si publice obaudiunt apud vulgus; vel si confitentur, ob non publicationem ad pœnas se putant non obligari; cum si confessarius pro conscientia sua illum vel non absoluat, vel de suspensio-ne, aut alia pœna admoneat, publicum scandalum, & multa inconuenien-tia exoriri possent.

- 54 Respondeo, quod confessarius non potest negare confessio absolutionem, ob peccata, quæ sibi non est confessus; neque tenetur interrogare confitentem, nisi quando probabiliter credit eum per obliuionem, verecundiam, vel aliam iniustam causam taciturnum aliquid, quod de necessi-tate est confitendum, vt dicimus in cap. 1. 6. diligens. de pœnitent. dist. 6. & ita confessarius non tenetur interrogare Episcopos, vel alios habentes dignitates, si putat eos ideo non se accusare de retentione illorum bene-ficiorum, quia credunt se iusta dispensatione, vel ratione, aut auctoritate probabili à peccato excusari: quoniam per responsionem ad quaestionem 12. potest confessarius absolvere confessum nitentem opinione contraria ei, quam ipse habet. Si autem se accusarent de tali retentione, vel pete-rent consilium, teneretur eis dicere quod sentit: & si absque vlla ratione vel opinione contraria nolunt ei obedire, potest denegare absolutionem; sed non debet dicere, se illam denegasse, etiam si peterent ab eo tamquam à suo parrocho communionem; nisi illud, à quo noluit desistere, esset no-torie peccatum mortiferum: tunc enim posset illam denegare; non qui-dem dicendo, quod denegauit absolutionem; sed quia est necesse disce-dere à statu peccati notorii; etiam post confessionem, & absolutionem, quo possint communicare, iuxta ea quæ diximus in Manu. confes. cap. 21.

num. 55. post Bonavent. Palud. & alios ibi citatos.

VIGESIMA PRIMA. Similiter queritur, an sint absoluedi, aut quibus conditionibus regij consiliarij, & iudices, qui Romani Pontificis diplomata, seu bullas supprimunt, aut prohibent publicandas, vt bullam Cœnz Domini, vel alias quascumque tam generales, quam particulares, aut speciales?

- 55 Respondeo questionem esse generaliter propositam, non facta mentione de privilegio, quod prætendunt habere; nec de modo, vel causa, & fine, quo, vel ob quem id faciunt: & indigere videtur decisione Papali, & vtinam illa sufficeret. Memini me aliquando denegasse absolutionem cui-dam mihi confesso, donec proposuisset firmiter, se numquam id amplius facturum; consuluisse item aliquibus confessarijs, vt idem in similibus casibus facerent, iuxta ea, quæ magis insinuo, quam explico in Manu. confes. cap. 27. nu. 69.

VIGESIMA SECUNDA. An gabellarum & pedagiorum exactores, qui indifferenter prædicta exigunt à clericis & religiosis commissione suorum dominorum, vel propria auctoritate, quocumque prætextu probabili, vel necessario, non habendo ad eam rem privilegium à Sede Apostolica, vel principe proprio, nisi deprauatam consuetudinem, scientes excommunicationes, vel non scientes; sint excommunicati, necne?

- 56 Respondeo esse excommunicatos, nisi probabilis ignorantia eos excusaret, iuxta responsa ad primam questionem, per cap. quamquam. de censib. lib. 6. & clem. penult. eo. tit. & eis adnot.

VIGESIMA TERTIA. An qui gabellas, & alios redditus Iudæis, Paganis, vel schismaticis exigendas committunt, item locant, aut cum iisdem societates mercimoniorum, & aliorum commodorum contrahunt, pro excommunicatis censi debeant: & quomodo absoluedi, si confiteantur, & mutare consuetudinem inueteratam non proponant; & si nunc confiteantur, quomodo cum illis agendum sit in locis, vbi municipalia statuta id permittunt, vel saltem non prohibent in foro ciuili, & ecclesiastica iurisdictione suspensa est?

- 57 Respondeo primo, quod iure communi non prohibentur Christiani locare Iudæis redditus & gabellas, immo permittitur in cap. ex speciali. de Iudæis. modo Rex, vel dominus terræ deputet aliquem fidum Christianum ad exigendum illas, & non permittat vt ipse Iudæus per se, vel alium deputatum à se, exigat; vt ibidem exprimitur, & Panor. & Anania declarant.

Secundo, quod nec Christiani vetantur exercere regulariter mercimonia cum Iudæis, vt expresse dicit Panorm. in cap. post miserabilem. de Iudæis. per illum textum, argumen. à speciali sumpto ex eo, quod prohibet id eis in certo casu: quod ipsum probat in cap. cum sit nimis. eod. tit. & idem dicendum est de Paganis, & etiam de Sarracenis, exceptis armis, & alijs quæ prohibentur deferri ad eos in cap. ita quorundam. de Iudæis.

- 58 Tertio, quod de schismaticis idem est dicendum, quod de hæreticis, de quibus in questione sequenti agitur; videlicet quod si sunt denunciati excommunicati, non potest Catholicus commercium habere cum illis, neque

neque contrahere licite, cap. cum excommunicato. & alijs multis, i. q. 3. adiuncta extrauag. ad euitanda. relata, & declarata à nobis in Manu. conf. cap. 27. nu. 35.

Quarto, quod videtur posse dici, licere Christianis contrahere, & commercium habere cum schismaticis, & hæreticis, qui non sunt denunciati excommunicati; licet sint notorie hæretici, & consequenter notorie excommunicati, per dicenda ad quæstionem sequentem.

59 Quinto, quod vetatur Christianis nimia familiaritas cum infidelibus, de quibus in cap. nullus. & in cap. omnes. 28. q. 1. & in cap. cum sit nimis. & in cap. fin. de Iudæis. & in l. nemo. & in l. fi. C. eod. tit.

Sexto, quod ex his infertur modus, quo Catholicus se debeat habere cum prædictis infidelibus, & in absoluendo communicantes cum eis.

VIGESIMA QUARTA. Idem quæritur de hæreticis, quorū plena sunt omnia, cum quibus tam ecclesiasticis, quam sæcularibus personis quotidiana intercedunt cōmercia & conuersationes, coniunguntur matrimonia, & omnis generis interueniunt contractus; atque Catholicos multis in locis cōtingit illis esse subiectos: quo modo Catholicorum piorum conscientia hac parte asscuranda sint, maxime vbi nulla alia de hæreticis accessit declaratio, nullum nominatim per Episcopos decretum, sed saltem illi nomine hæreticorum censentur, qui sua sponte ab Ecclesia se separant, & cum Catholicis in rebus spiritualibus, & in communione sacramentorum non communicant. Videntur enim antiquorum canones, & Conciliorum decreta etiam hac parte multos in bonis cōscientijs scrupulos iniicere, & excommunicationis metum incutere.

Respōdeo, nullam mihi occurrere rationem defendendi cōmunicationem Catholicorum cum hæreticis, & schismaticis notorijs ætatis nostræ quia omnes sunt excommunicati per cap. excommunicamus. de hæret. & per bullam Cænæ Domini, de qua in dicto Manuali cap. 27. nu. 52. præter illam, quam noue posui in d. cap. 27. nu. 35. in hæc verba.

60 Nota tertio, quod hæc extrauagans nihil prodest quo ad excommunicatos manifestos, qui nullo modo possunt occultari: quod consequi videtur, peccare omnes Catholicos Gallia, & Germaniæ, qui Lutheranis manifestis, immo & palam cōfiteentibus se tales, communicant. Tum quia sunt manifesti excommunicati propter hæresim notoriam per bullam Cænæ, de qua infra. Tum quia non videtur prodesse dicere, quod finis prædictæ extrauagantis ad euitanda, restringendus est ad excommunicationem ob percussione clericis notorie iniustam, vt habet tenor relat. à Felin. & Anton. & à nobis in dicto cap. 27. quia vel illa restrictio non fuit posita, vel postea fuit sublata in dicto Concilio Lateranen. & in dictis concordatis. Sed quia durum est damnare gentem, in qua sunt tot viri eruditissimi, pientissimi, & Academia celeberrimæ Parisien. Tholosana, & Louanien. probabiliter dici potest prædictam extrauagantem esse vsu receptam cum sola illa limitatione de excommunicatione manifesta percussione clericis, iuxta tenorem antiquæ; vel quod multitudo hæreticorum, & necessitas communicandi & negotiandi facit licitum, quod alias non esset, iuxta regulam, quod non est licitum. de reg. iuris.

VIGESIMA QUINTA. Item quæritur de schismaticis, quomodo sint

sint à Catholica Ecclesia recipiendi?

61. Respondeo, vt respondi ad præcedentem, scilicet idem esse dicendum de schismaticis, quod de hæreticis, quorum vtrique sunt excommunicati per prædictam bullam Cœnz Domini: & ita non possunt reconciliari, nisi per habentem auctoritatem absoluendi eos à censura; neque ab illo, antequam abiurent suum schisma, si est tale quod implicat hæresim; vel nisi pœniteat, si est tale quod non implicat hæresim. quale autem sit tale, & quod non, declarauimus in d. cap. 27. num. 57. in hæc verba.

62. Hic significatur hæresim differre à schismate, & hæreticum à schismatico, & recte quidem, vt colligitur ex cap. schisma. 24. q. 1. & Tho. 2. 2. q. 39. art. 1. ad 3. loquente in hæc verba, Hæresis & schisma distinguuntur secundum ea, quibus vtrumque per se & directe opponitur. Nam hæresis per se opponitur fidei; schisma autem per se opponitur unitati Ecclesiasticæ charitatis: & ideo sicut fides & charitas sunt diuersæ virtutes, quamuis quicumque caret fide, careat charitate; ita etiam schisma & hæresis sunt diuersa vitia; quamuis quicumque est hæreticus, sit etiam schismaticus; sed non conuertitur; & hoc est, quod Hieronym. dicit in epist. ad Galat. Inter schisma & hæresim hoc interesse arbitror, quod hæresis peruersum dogma habet, schisma ab Ecclesia separat. Hæc ille, ex quibus colligas quod schisma generatim sumptum est peccatum, quo quis se separat ab unitate Ecclesiæ nolendo subesse ei, vel membri eius, quatenus sunt eius, licet credat esse vnā Ecclesiam, & vnum Vicarium supremum.

VIGESIMASEXTA. An fœminæ Catholicæ liceat nubere viro schismatico, qui illam permittit viuere secundum cærimonias & ritus Romanæ Ecclesiæ; filios tamen ex illa susceptos, vel omnes, vel aliquot, prout inter illos, quod ante contractum matrimonij facere mutuo solent, conuenerit, vel sibi masculam, illi fœmineam prolem educandam suo ritu, aut è contra deputando, baptizat in templo Græcorum, vel Armeniorum, educandosq. tradit præceptoribus schismaticis? & contra viro Catholico num liceat ducere vxorem schismaticam fœminam, & permittere baptizari filios in ecclesijs Græcorum? Communiter enim inter se faciunt pacta, vt si masculus nascatur, baptizetur in ea fide, cuius est suus pater; si fœmella, in matris fide.

63. Respondeo, quod non licet Catholico contrahere matrimonium cum schmatica vel hæretica, neque Catholicæ cum schismatico, vel hæretico, cap. caue. & seq. 28. q. 1. quamuis matrimonium contractum valeat, vt post alios diximus in dicto Manua. cap. 21. à num. 48. Pacta vero illa in quaestione proposita non valent: quia sunt turpia, quæ non valent. l. iuris gentium. §. prætor ait. ff. de pact. & l. generaliter. ff. de verbor. obligat. & cap. fin. de condit. apposit.

VIGESIMASEPTIMA. An filij schismaticorum possint admitti ad scholas Catholicorum, & conuersari cum pueris Catholicis, de quibus dubitatur, aut parua admodum spes est conuersionis?

64. Respondeo, quod tenendo considerationem prædictam, per quam diximus posse Catholicos conuersari cum hæreticis non denunciatis pro excommunicatis in mercimonijs, in quibus non agitur de vlla conuersione illorum,

Illorum, à fortiori dicendum est licere communicare cum scholasticis sponte venientibus ad scholas Catholicorum, quod est via & gradus aptus ad eorum conversionem, arg. authen. multo magis. C. de sacros. eccles. & cap. cum in cunctis. de elect. Quamvis contra non liceat Christianis scholasticis adire scholas hæreticorum.

- VIGESIMA OCTAVA. Rudis plebecula, & vulgus schismaticorum offerens sua vota secundum antiquas patriæ consuetudines, dum apud Catholicos celebrantur festa principalia Domini Salvatoris N. Beatissime Virginis Mariæ, & aliorum Sanctorum, & quando fiunt dedicationes; an illud vulgus, interdum vero etiam & magnæ dignitatis viri (qui ite non minori zelo lubenter templa, ac festiuitates Catholicorum frequentant) arcendi sint à Catholicis templis, cum oblati largissimis muneribus pro sua & suorum salute audiunt sacra, conciones, cæterisque cum deuotione interfunt cærimonijs; nulla tamen ratione à schismate se abduci permittunt, aut ad sanam Catholicæ fidei doctrinam reduci possunt?
- 65 Respondeo eius decisionem pendere à responsione decisionis quæstionis 24. & tenendo, quod non tenemur vitare hæreticos notorios nondum pro excommunicatis denunciatos, respondendum est licere prædictas oblationes accipere, & offerentes ad sacras conciones, & alia officia sacra, quibus voluerint interesse, admittere; & maiori ratione quàm ad cærimonia; cum admissio illa ad sacra, gradus quidam sit & medium ad persuadendum eis conversionem, & fidem Catholicam, vt dictum est ad quæstionem præcedentem: & in his quæ pertinent ad salutem animæ, etiam cum excommunicatis denunciatis possumus colloqui, cap. cum voluntate. de sentent. excomm.

- VIGESIMA NONA. Item quæritur, an viro Catholico liceat leuare de fonte sacro eum, qui ritu Græcorum baptizatur, vel schismaticum admittere in patrinum, quando nostri infantes ritu Romano sacrum suscipiunt baptisma?
- 66 Respondeo primo, licere Catholico leuare de sacro fonte baptizatum more Græcorum in eis terris, in quibus licitum est illo modo baptizare; in alijs autem non: quia illud esset peccanti opem ferre, & consentire, quod est peccatum, ad Rom. 1. & cap. 1. de offic. deleg. Secundo, q̄ licet non baptizatus non possit esse patrinus, neque contrahere cognationem spirituales, vt probat S. Tho. in 4. dist. 42. q. 1. art. 3. hæreticus tamen vel schismaticus baptizatus contrahit illam, si fuerit patrinus, secundum Syluest. verb. matrimonium 8. q. 7. ver. 12. & Sot. in eod. 4. dist. ead. Tertio,
- 67 quod licet teneamus Catholicos posse communicare hæreticis, & schismaticis notorijs, si non fuerint denunciati excommunicati, & vitandi per responsum ad 24. siue 7. quæst. non tamen videtur licere admittere eos in patrinos: quia id esset cooperari eis ad peccatum contra d. cap. 1. ad Rom. 1. & cap. 1. de offic. delegat. non enim licet eis esse patrinos, quamuis cōtrahant cognationem spirituales, si admissi fuerint: sicut etiam, quamuis valeat matrimonium cōtractum inter hæreticum & Catholicam, peccant tamen contrahendo illud, secundum S. Tho. communiter receptum in 4. dist.

dist. 39. q. 1. art. 1. ad 5. quod ipsum etiam nos diximus in Manuali cap. 19. & numero 48.

TRIGESIMA QVAESTIO. An Catholici sacerdotes in locis, ubi non promulgantur bullæ (scientes tamen, vel opinantes de pœna excommunicationis) possint ingredi templa Græcorum, vel Armenorum, & interesse Missis illorum, & reliquis cærimonijs; non quidem ut eas approbent, aut sequantur, sed aut ex necessitate, cum alia templa desunt, aut quando studiose, ut deprehensis eorum erroribus, ac superstitionibus, verius, ac liberius eos reprehendere, & ad sanum dogma Catholicum reducere valeant. Idem queritur de conuersatione cum eisdem Ruthenis, Armenis, &c. quid sentiendum? de qua & paulo superius facta est mentio.

68 Respondeo primo, q̄ hæc quæstio præsupponit vnum, & querit aliud. Præsupponit enim, Armenos, & Græcos esse annumerandos hæreticis: quod tamen non videtur constare, cum appareat ex decreto Eugenij Papæ in Concilio Florentino dictato, eos dedisse obedientiam Romano Pontifici, & fidem Catholicam de Spiritu sancto suscepisse; & in Concilio generali, cui præfuit Innoc. III. dicatur Græcos rediisse ad obedientiam Ecclesiæ Romanæ, ut habetur in cap. licet de baptismo. Secundo, quod præsupposito, quod aliqui eorum sint hæretici, cauendum est ab eis, sicut ab alijs hæreticis. Quatenus autem cauendum sit ab illis, dictum est supra ad q. 23. & 24. siue 16. & 17.

TRIGESIMA PRIMA. An Rutheni, & Moscouitæ recedentes ab omnibus hæresibus Græcorum, perseverantes in illorum consuetudinibus, puta in obseruatione ieiuniorum, non his temporibus quibus Ecclesia præcipit, item in sumptione Eucharistiæ in fermentato, aut sub vtraque specie, secundum quod illis est concessum in Concilio Florentino, possint tuto, ac sine scandalo Catholicorum admitti ad sacramenta pœnitentiæ & sanctissimæ Communionis ritu Romano; qui postmodum reuertentes ad suos viuunt more Græcorum, utunturque suis cærimonijs ut prius?

69 Respondeo primo, quod etiam hæc vnum videtur præsupponere, & aliud querere. Præsupponit enim Moscouitas esse mundos ab omnibus erroribus Græcorum; quod mihi non constat, licet vel audisse gaudeam. Secundo, quod hoc præsupposito, quod non habent alios errores aliorum hæreticorum, admitti possunt ad pœnitentiam, & alia sacra in terris Catholicorum, licet utantur in terris suis alijs ieiunijs, & alio modo communicandi, & conficiendi sacramenti concessis eis per antiquissimam consuetudinem, vel privilegium Apostolicum contra iura humana, quibus introducta sunt multa ieiunia quo ad modum & tempus præsertim, ut diximus in Manuali c. 1. nu. 12. & etiam ritus communicandi sub vna tantum specie, & consecrandi in azymo, ut satis colligitur ex citatis in eodem Manuali cap. 21. nu. 37. nam Græcus peccaret consecrando in sua terra in azymo, & Latinus consecrando in sua in fermentato, ut declarat Thom. recept. in 3. par. q. 74. ar. 4. & sentit, licet non ita aperte, Panorm. in cap. literas. de celebrat. Missarum.

TRIGESIMA SECUNDA. Vtrum in articulo mortis, etiam si
plene

plene errores suos non reuocent, aut aliquid de schismate retineant, si tamen Catholicos accersant sacerdotes, & illis confiteantur, & sacramentis instrui petant, sepulturamque Christianorum Catholicorum postulent; & quibus sacerdotibus absolui, sacro oleo vngi, sepulturæque inter fideles ritu Catholico tradi possint: & maxime si cōtingat eos citius mori, quam vt instrui de his, quæ ad Christianam fidem pertinent, possint, aut animi sui intentionem tum voluntatem promptam declarare?

- 70 Respondeo primo, quod non possunt absolui, neque ad sepulturam sacram admitti, neque aliorum sacramentorum participes fieri, qui explicitè in specie, vel saltem implicite in genere non recedunt ab omnibus erroribus suis, licet recedant à bona eorum parte, & fere ab omnibus: quia impium est dimidiā à Deo quem sperare salutem, c. sunt plures. de peni. dist. 3. & cap. defleat. cum glo. de regul. iur. Secundo, quod si morbus, vel periculum mortis adeo vrget, vt non possit specialiter omnes errores detestari, nec de veritate contraria speciatim instrui, sufficit detestatio generalis, cum proposito speciatim detestandi, postquam fuerit instructus: quia licet teneamur aliqua explicitè credere; non tamen omnia, vt post Tho. 2. 2. q. 2. ar. 8. & alios diximus in Manu. præl. 4. nu. 19. & cap. 1 i. n. 18.

TRIGESIMA TERTIA. Sint ne cogendi ad restitutionem, qui data aliqua summa pecuniæ accipiunt fructus alicuius possessionis, vel in parte, vel in toto ad certum tempus, verbi gratia ad quinque annos? His enim elapsis summa reddi debet. Teneri ad restitutionem ex eo videntur, quia videntur facere apertam vsuram præfigentes tempus restituendæ pecuniæ. Non teneri autem, ex eo, quod illi qui sic pecunias collocant, essent vt plurimum contenti, vt illis numquam restituatur. Tempus autem potius est affixum propter vendentem seu census seu fructus, vt se possit post tot annos redimere. & ideo vt plurimum addunt in contractibus, quod si non soluunt, post quinquennium, non possint soluere ante aliud quinquennium, & sic deinceps. Quare quæritur, an ipse saltem, qui habuit animum numquam repetendi summam principalem, possit excusari ab obligatione restitutionis.

- 71 Respondeo hanc quæstionem obscure proponi, eo quod non exprimitur in ea quo titulo datur illa pecunia, an emptionis, an conductionis, an mutui. Si enim datur in mutuum, clara vsura est, c. consuluit. de vsur. & etiam si titulo conductionis; quia illa non patitur vt pretium reddatur conducenti, post conductionem perfectam. Si autem detur titulo emptionis, ita quod periculum huius rei pertineat ad dantem pecuniā intra illud quinquennium, & ipse fiat dominus eius, licet reuocabiliter, licite posset dari, seruando ea, quæ post alios seruanda diximus in d. Manual. c. 7. nu. 148. in hæc verba, *Peccat mortaliter, qui emit aliquid cum pacto de retrouendendo simulate, animo magis mutuandi, quam emendi, & vsuram committit. Qui autem minoris iusto pretio, etiam dempta parte, qua illud pactum præfatum diminuit, peccat quidem peccatum iniustitiæ, sed non vsuræ coram Deo; licet aliquando coram hominibus præsumatur vsura, secundum omnes: & alia quæ paulo inferius scribentur, memoranda, & quotidiana.*

TRIGESIMAQUARTA. Simili ratione quæritur de pecunijs pupillorum, quæ dantur pro censu annuo, qui vulgo interesse dicitur, præstituto certo tempore restitutioni principalis summae, ut ex eo censu interim, dum ad ætatem perueniunt, educari, ac sustentari possint, absque diminutione capitalis, vel saltem patrimonium eorum accrescere. Num igitur pro usuris huiusmodi census reputandi sint, & utrum ad restitutionem teneantur, & utrum tutores, an pupilli. Hi enim excusari videntur, quod non modo non consentiant, sed nec quid agatur, sciant: illi vero ex officio tutelæ, quo commodis pupillorum prospicere obligantur; præsertim quod vix alius securior & accommodatior modus augendis, conservandisque pupillorum bonis absque illorum præiudicio reperiri posse videatur: qui si alias licitus non sit, hoc tamen casu absque peccato admitti posse existimatur ob pupillos, quibus diuinæ humanæque leges fauent. Quæritur itaque, si quis hoc casu, vel alio quouis sibi, aut alijs commodis procurando, pecuniam dederit, & censum acceperit, ubi & leges publicæ, & inueterata consuetudo hæc admittunt, utrum usuræ scrupulo conscientia illius sit perstringenda, quæ satisfactio imponenda, & utrum absolvendus sit, si restituere nolit, aut non possit; aut quæ moderatio adhibenda cum iis, qui multo tempore huiusmodi censibus vsi sunt, & utuntur?

72. Respondeo, nihil mihi occurrere aptius, quod respondere possim, quam quod in d. scripsi Manuali cap. 17. à nu. 254. in hæc verba. *Notandum autem, quod periculum pecuniæ collatæ vitare potest eam conferens, facta cum socio conventionione, ut se faciat securum, siue (ut aiunt) assuret, suscipiendo in se periculum eius, constituto ei pretio illo securitatis, quo cum tertius assuret, aut ut tanto minus de lucro communi accipiat. Nam qua ratione tertius potest eum assurerare, eadem potest & socius, ut recte Sylvest. verb. societas 1. q. 2. dixit. Quæ confirmantur ex eis quæ pridem respondimus Vlisiponæ contra quamdam maximi ponderis societatem iniquam oblata alia iusta, quæ colligi poterat ex Maiori in 4. lib. sent. dist. 15. q. 49. Caiet. in tom. 1. opusc. tract. 31. respon. 11. & Sylvest. verb. societas, q. 1. videlicet quod fierent tres contractus: primus societatis, in quam alius pecuniam, alius operam & industriam conferat: secundus, quo qui operam confert, assuret alterius sortem iusto pretio accepto, aut altero tanto ex lucro remisso: tertius, ut ad tollendas suspiciones, & molestias rationum, qui operam præstat lucrum incertum lucro aliquo certo redimat, aut ut lucro verisimili, sed incerto tantundem certi retineat. Pro quo facit efficaciter, quod nemo negat, eum qui confert aliquam pecuniam in societatem, posse assureari de sorte, & de aliqua certa parte lucri ineundo suos contractus assecurationis sortis, & lucri cum tertio; & qua ratione potest inire cum tertio, eadem etiam potest cum socio, cessante omni fraude, & simulatione. Adde, quod possunt fieri eodem tempore, ut monstrat Maior. in 4. dist. 15. q. 40. & non solum formaliter, & explicate, sed etiam æquipollenter, & implicite. ut si quis negotiatur, publice protestetur se paratum ad accipiendam pecuniam à quocumque velente illi conferre illam in societatem cum pacto de assecuratione sortis ad rationem 4. pro centum, & lucri certi 4. pro duodecim incerti lucri. Itaque ex lucro incerto verisimili duodecim ex centum accipiat quatuor pro assecuratione sortis, & quatuor pro certificando lucro duodecim, & consequenter non teneatur*

teneatur reddere nisi quatuor. Et postea alius sciens hanc protestationem confert ei centum, dicens, Ego confero tibi centum in societatem negotiationis cum securitate sortis, & redemptione lucri incerti, iuxta protestationem tuam. Pro qua præter prædicta vrget cap. per vestras. de donat. inter virum & uxorem. sic noue inductum: Ibi Papa iubet vt marito vergente ad inopiam deponatur apud aliquem mercatorem, quo ex pacto lucri honesti onera matrimonij sustentet: & ita intentio eius fuit, vt dos salua seruaretur; siquidem ob hoc iubebat illam à marito auferri: & ita videtur noluisse, vt ad lucrum & damnum mercatori traderetur, quod erat eam periculo obijcere: voluit item certum aliquod lucrum inde prouenire ad matrimonij onera sustinenda. At hæc duo fieri non possunt sine assecuratione capitalis, & lucri incerti pro certa redemptione. Ergo Papa tacite voluit illa fieri. Facit etiam, quod in multis Gallie locis, quando in ea prælegebamus, audimus, & nunc audimus in aliquot Italiae partibus & montibus idem seruari, quod ecclesiæ, & viduæ, & pupilli more antiquo conferebant suas pecunias, vt quatuor securæ pro centum sibi lucrarentur. Quæ consuetudo defendi nullo modo potest per intellectum, quem Io. Andr. & nonnulli alij d. cap. per vestras. assignant, scilicet quod in fauorem ecclesiarum, viduarum, & pupillorum cum illo lucro mutuari poterat; quæ esset usura, quæ neque etiam ad redimendos captiuos admitti potest cap. super eo. de usur. nec vlllo alio modo defendi potest, quam dicendo quod exordium cepit ab hoc societatis modo, quo fit cum securitate, & redemptione prædictis, & continuata fuit vsque ad illud tempus. Ad quod coniiciendum facit, quod vix tertiam partem lucri verisimilis sibi pro sua rata regulariter contingentem accipiebant. Nam verisimile lucrum centum ad minus erat 12. uel 15. & non recipiebant nisi quatuor per centum: quod significat illas reliquas duas partes pro securitate eiusmodi & redemptione dubij pro certo relinquere. Pro quo etiam facit, quod Caiet. in lib. 17. resp. 11. respon. scripsit. Intelligimus tamen hoc, cessante omni fraude, & simulatione, & ut coram Deo formaliter, aut æquiuallenter prædicti tres contractus ueri fiant. De quibus omnibus copiosius scripsimus in prædict. comment. cap. 1. 14. quæst. 3. respondendo ad quædam Soti argumenta. Equidem optarem, vt Episcopi, uel saltem Pontifices max. declarent prædictam consuetudinem esse iustam, eo quod præsumendum sit quod in terris, in quibus à tempore immemoriali illa inoleuit, habuit originem eiusmodi lucrum, & ita bona conscientia seruari posse: monitis præsertim pecuniam deponentibus & depositarijs, ut tres prædictos contractus faciant, uel habeant pro factis. Pro quo est, quod consuetudo immemorialis facit præsumi titulum requisitum ad eius ualorem, cap. super quibusdam. de uerbor. signif. & l. hoc iure. §. ductus aquæ. ff. de aqua quotid. & æsti.

73 Hæc ibi: ex quibus colligi potest id quod respondendum est prædictæ quæstioni. Si enim usura fuerit commissæ in casibus propositis, necessario restituendum est etiam à pupillis, qui non peccauerunt, postquam sciuerint per eum modum iniquum sua bona creuisse: nec absoluendus est qui noluerit sic quæsitæ restituere. Si autem non est admissa usura propter huiusmodi tres contractus expresse vel tacite initos, vel probabiliter præsumptos, vt credatur verus intellectus ille, quem noue dedimus prædicto cap. per vestras. nihil erit restituendum, & absoluendus est etiam qui noluerit restituere.

TRIGESIMAQVINTA. Vtrum omnes vniuersaliter incur-
rant excommunicationem propter lectos libros prohibitos, etiam illos
qui ex professo nihil de religione tractant, cum iis de prohibitione non
constiterit: & vtrum à simplici confessario absolui possint; etiam si li-
bros illos tamquam minime periculosos, & sibi ad aliquam artem ne-
cessarios retineant?

74. Respondeo primo, eos, de quibus proponitur quæstio, non incurrere ex-
communicationem, si probabiliter ignorant prædictam prohibitionem
retinendi illos libros, per responsum ad primam quæstionem: eos autem,
qui eam sciunt, vel scire debent, incurrere illam, nec excusari eo quod ex-
pediant eis ad aliquam artem exercendam: quia oportet obedire supe-
rioribus, cap. 2. de maio. iuxta bullam Indicis Pij III. licet forte possent
excusari ea ratione, quod non sit recepta, per responsa ad 5. quæstionem.
Secundo, quod non possunt à simplici sacerdote absolui, etiam si eos com-
bussent, vel tradiderint officio Inquisitionis: quia absolutio eiusmodi
excommunicationis est reservata Papæ per bullam Cænæ Domini, quam
præsuppono ibi esse in hoc receptam.

*Aduertendum, quia modo bulla Cænæ non comprehendit nisi hæreticorum libros
hæresim continentes, vel de religione tractantes.*

- TRIGESIMASEXTA.** Simili modo quæritur de ijs, qui absque
licentia legunt libros hæreticorum, inter quos versantur studio cogno-
scendi illorum errores, vt eos lucidius populo explicare, ac refellere va-
leant: & maxime si illis obtruduntur siue à Catholicis, siue ab hæreticis
ipsis: & vtrum loci ordinarij possint dare facultatem legendorum libro-
rum prohibitorum, quibus cum euidenti vtilitate Ecclesiæ id absque peri-
culo concedi possit; an vero pro ea ad Sedem Apostolicam recurrendum.
Videtur enim Concilium Tridentinum hanc auctoritatem, quāuis obscu-
rius, Episcopis concedere inter alias facultates generaliter illis cōcessas.
75. Idem quod ad præcedentem respondeo: quamquam sunt aliqui qui
contra sentiant; sed mihi semper visum est hoc verius, & nullos ordinarios
posse facere facultatem in quæstione contentam, nisi ex speciali delega-
tione Papæ: quia inferior non potest legem superioris tollere, c. cum infe-
rior. de maior. & clemen. ne Romani. de elect. neque absolueret à reserua-
tis Papæ, c. ad eminentiam. de senten. excom.

TRIGESIMASEPTIMA. Vtrum Episcopus possit dare licentiam
celebrandi sacrum apud infirmum, non obstante Concilij Triden. sess. 22.
decreto adiuncto canonibus. Videtur enim posse; præsertim si ante Concil.
habuit hanc potestatem siue ex canone, siue ex consuetudine, quæ olim
certa fuit. nam ibi Concilium videtur tantum iubere, vt non fiat id sine vel
ordinarij, vel absque Episcopi licentia.

76. Respondeo non posse, si Concil. Trid. in hoc est ibi scitum, & receptum.
Tum quia in decretis de obseruandis sess. 22. habetur, quod sancta Syno-
dus decreuit, vt ordinarij locorum curarent, & tenerentur seruare ibi sub-
iecta; quorum vnum est, ne patiantur in domibus priuatis, vel extra ec-
clesiam, aut oratorium in id dedicatum, celebrari Missam. per quæ verba
obliga-

obligant Episcopos ad seruandum illud; quod frustraneum esset, si Episcopi id permittere possent. Tum quia ante Conciliū poterant Episcopi hanc licentiam dare in suis episcopatibus, vt notant Io. Andr. Panorm. & communis in c. in his. de priuileg. Francus in c. fin. eod. tit. lib. 6. & si id possent etiam post Concilium facere, frustratoria fere esset prouisio supradicta Concilij, qualis esse nō debet, c. commissa. §. porro. de elect. lib. 6. & l. vltra. §. vbi autem puerilis. C. de bon. quæ liber. Tum quia consuetudo ita est interpretata prædictum Concil. & consequenter ita seruandum, c. cum dilectus. de consuetud. l. minime. ff. de legibus.

TRIGESIMA OCTAUA. Quid facere debeant, qui peste infectis debent sacramenta administrare, vt possint sanis idem præstare, ne vel hos inficiant, vel illis viaticum desit.

- 77 Respondeo, quod debet infirmis, qui sunt in maiori periculo, subuenire, sanis autem dare licentiam sumendi sacramenta ab alijs, arg. c. vbi periculum maius. de elect. lib. 6. cum suis concord. & cap. duo mala. 13. dist. & si ipsi voluerint accipere ab eis, qui ministrant infectis, & hoc suo iure petierint, poterunt etiam ministrare illis; præmonitis tamē se nescire, an sint ita infecti, vt possint alios inficere, & quod eligant vtrum maluerint.

TRIGESIMA NONA. Idem quæritur de sacerdotibus, qui ad infectos morbis contagiosis vocantur, quibus absque suo periculo ministrare non possint.

- 78 Respondeo posse iuste, immo cū magno merito manere, immo & ingredi ciuitatem infectam ad iuuandos spiritualiter, vel corporaliter peste infectos; licet ad id non teneantur, vt expresse determinat Caiet. 2. 2. q. 26. art. 5. vbi etiam tacite determinat alteram partem quæstionis, videlicet quod non possunt fugere illi qui tenentur infectis sacramenta ministrare, saltem nō dimissis idoneis vicarijs: quod satis videtur colligi ex ipso S. Tho. ibidem, & ex cap. aduersitas. 7. q. 1.

QVADRAGESIMA QVAESTIO. Si contingat sacramentum Eucharistiæ ad ægros portare per loca, vbi inhonestatis periculum propter hæreticos vel alios timetur, an præstet non portare, an portando dissimulare, ne inde Catholicis scandalum, hæreticis gaudium exoriat; quorum vtrumque sepe comprobatur est. Idem & de processionibus cum sacramento quæritur, num intermitteri possint, etiam contra instituta Ecclesiæ, ob easdem causas.

- 79 Respondeo, quod si viri boni & prudētis arbitrio probabiliter timetur dehonestatio sacramenti, & quod non poterit ei à Catholicis resisti, iuste poterunt omitti processiones, & sacramenti ad infirmos deportationes publicæ: quia licet ex iusta causa contrauenire legi humanæ, vt supradictum est in responsione ad quæstionem 8. præmissam: & processiones & deportationes publicæ prædictæ iure humano sunt institutæ, vt palam est.

QVADRAGESIMA PRIMA. Vtrum incidant in bullam Cœnæ Domini iudices seculares, qui citatos ad se pro decimis iudicant; cum in hoc beneficium præstent ecclesijs: nam si illi recusauerint iudicare, ecclesiasticus decimis priuabitur; cum postquam iudicium ecclesiasticis sit

ablatum; rei ut plurimum parum excommunicationes curant; & iudex secularis timoratus iudicare non audet; ne in bullam incidat: unde videntur etiam hortandi, ut iudicent. Nec videntur obstare bullæ, cum ipsi non trahant, sed tractos iudicent.

- 80 Respondeo primo, quod ecclesiasticus potest super decimis adire secularem per viam possessorij, seu interdicti retinendæ vel restituendæ possessionis, iuxta usum receptum, & ea quæ scripsi in d. Manu. c. 27. num. 69. vel per viam innouationis, ut significauit Io. Faber in §. retinendæ. Instit. de interdic. Secundo, quod non audeo dicere, posse ecclesiasticos directa via petitori iudicare iudices seculares super decimis, & alijs spiritualibus, quatenus spiritualia sunt, arg. c. bene quidem. 96. dist. & cap. decernimus. cap. quanto. de iudic. & bullam Cœnæ Domini.

QVADRAGESIMA SECVNDA. Quid de illis, qui se trahi ad iudices laicos pro decimis patiuntur, incurrunt ne in bullam Cœnæ Domini? Videntur enim non incurrere, cum non illi potestatem ecclesijs abstulerint, sed legem factam à republica, forte etiam spiritualibus consentientibus, vel saltem ob euidentem commodum suum & ecclesiasticum non repugnantibus, sequantur. In bullis vero non videntur excommunicari, nisi qui aliquam habeant iurisdictionem.

- 81 Respondeo non incidere illos in excommunicationem prædictæ bullæ Cœnæ, si trahantur inuiti; incidere autem, si trahantur de suo consensu, consilio, vel fauore: quoniam non solum trahentes, sed etiam consilium, vel fauorem in id adhibentes excommunicat prædicta bulla Cœnæ in excommunicatione 14. quæ ponitur in §. excommunicamus omnes, & singulos cancellarios.

QVADRAGESIMA TERTIA. Idem quaritur & de alijs, qui mere ad forum spirituale spectant, & tamen malitia hominum ad seculare extrahuntur: quod ipsimet ecclesiastici, ac sacerdotes sequi, ac comprobare coguntur, superiores vero permittere ob sublatam iurisdictionem ecclesiasticam.

- 82 Respondeo idem esse dicendum de his, qui trahuntur in alijs spiritualibus causis, quod in causis decimarum: quia præfata excommunicatio 14. expresse fertur in trahentes in alijs causis spiritualibus, & eis annexis, ac in causis decimalibus, & beneficialibus, ut palam est ex litera.

QVADRAGESIMA QVARTA. Sint ne cogendi domini, ne suos subditos persequantur, cum ex eorum pagis alio habitandi gratia transmigrant; cum hoc illis lex, & consuetudo communis permittat: quæ etiam lege & consuetudine cogunt filios subditorum ad idem, vel ut libertatem pecunia emanent. Origo autem huius quasi seruitutis esse potuit, vel quia olim bello forte capti fuerant, vel quia in principio cum ad eos migrant, non pauca illis donant, ut domum, boues, vaccas, &c. quod etiam nunc obseruatur: ratione quorum sciunt se, suosque successores ad mansionem obligari; volenti autem non fit iniuria.

- 83 Respondeo primo, multiplices esse colonos, ut glo. magistrat. declarat in rubr. C. de agricol. & cens. lib. 1. quorum quidam sunt adscriptitij, qui

qui licet verè sint liberi, sunt tamen fere serui: quia sunt addicti, & adscripti glebæ terræ, quam ipsi, vel eorum maiores acceperunt colendâ, quam non licet eis, inuitis dominis, relinquere, de quibus in l. cû satis. & in l. cum scimus. eod. tit. de agricol. & cens. Quales nulli dicuntur esse in Francia & in Hispanijs; cum tamen sint multi (vt aiunt) in Sabaudia, & alijs prouincijs. Secundo, quod domini terrarum, quibus sunt aliqui coloni adscripti, possunt iuste vendicare illos, quocumque iuerint, ad similitudinem seruorum fugitiuorum, per prædictas leges, & alia multa.

QVADRAGESIMA QVINTA. Quod cum à secularibus strictissime obseruetur, de quibus quæsitum est; quæritur etiam, num ecclesiastici in bonis suis, quæ plurima habent ijsdem iuribus, & consuetudinibus subiecta, possint bona conscientia eodem rigore vti, aut similiter se gerere circa subditos, nec ijsdem emigrandi alio, vel alterius vitæ suscipiendæ facultatem concedere?

84 Respondeo nihil obstare, quo minus ecclesiæ, & ecclesiastici viri eodem iure, quo seculares, in hac re vti possint; præsertim quod etiam monasteria, & religiosi vbique gentium habeant donatos, & oblatos, qui non sunt vere religiosi, & tamen nequeunt iuste recedere à monasterijs, iuxta ea, quæ leguntur, & notantur in cap. vt priuilegia. de priuil. & cap. in præsentia. de probat. cum vtrobique & alibi sæpe notatis.

QVADRAGESIMA SEXTA. Cum omnes tam ecclesiastici, quam seculares in regno Polonia vno eodemque iure vtantur; & quemadmodum seculares, ita & ecclesiastici iuxta iuris municipalis, & consuetudinum dispositionem in oppidis, villis, cæterisque possessionibus, quas amplissimas habent, supremam in subditorum suorum vitas, bona, & omnia potestatem habeant absque vlla ad seculares magistratus appellatione; quæritur, quomodo instruendæ sint hac in parte ecclesiasticæ personæ, ne ob rigorosiorē, siue per se, siue per alios administrationem, iustitiæque, quæ saltem illis inscijs fieri non potest, executionem, in pœnas canonum, & irregularitates, siue scienter, siue inscienter incurrât, aut quod sæpe fit, absque vlla superiorum animaduersione sustineant.

85 Respondeo primo, quod peccarent huiusmodi ecclesiasticæ personæ, quæ per semetipsos cognoscerent de criminibus, ob quæ sit imponenda pœna mortis, vel mutilationis; & fierent irregulares, si per eorum sententiam mors, vel mutilatio membri consequeretur, iuxta c. clericus. & cap. sententiam. ne clerici vel monachi.

Secundo, quod non peccant, immo bene merentur de Deo, & de Repub. huiusmodi ecclesiastici, qui per alios suos vicarios generales, vel speciales delegatos cognoscunt de huiusmodi criminibus, & dicendo eis, vt faciant iustitiam; nec vllam ob hoc irregularitatem incurrunt; licet vicarius generalis, vel delegatus particularis sententiam mortis, vel mutilationis ferat, & ex illius executione consequatur mors, vel mutilatio, vt context. vtilis cap. Episcopus. eod. tit. lib. 6. habet in hæc verba: *Episcopus, siue quicumque alius prælatus, vel clericus iurisdictionem obtinens temporalem, si homicidio, aut alio maleficio ab aliquibus in iurisdictione sua perpetrato, balneo*

fuor, aut alij cuiusque iniungat, ut super hoc veritatem inquirens iustitiæ debitum exequatur, irregularis censeretur non debet: quamvis ipse balius, vel alius contra malefactores ad pœnam sanguinis processerit, iustitia mediante. Nam licet clericis causam sanguinis agitare non liceat; eas tamen, cum iurisdictionem obtinent temporalem, debent, & possunt metu irregularitatis cessante, alijs delegare.

- 86 Tertio, quod quamvis contextus prædictus habeat non incurrere ipsos irregularitatem, eo quod delegatus ab eis iustitia mediante mortem intulerit; idem tamen est dicendum, etiam si contra iustitiam eam pati fecerint, ut adnotavit ibi glo. memorab. & recepta per omnes in verbo iustitia. mediante ratione à se ibi reddita.

QUADRAGESIMA SEPTIMA. Quid dicendū de illis, qui in perpetuū vendunt, vel ad tempus sumpta pecunia cōcedunt possessiones suas hæreticis, à quibus periculū imminet subditis venditis, vel oppignoratatis, tum vero ecclesiæ in illis possessionibus existenti, quæ plerūque spoliatur, ac deuastatur: interdum vero ab illis, qui ad tempus vsum fructum habēt, & sunt hæretici, coloni ad operas diebus festis, negligendasque deuotiones sacrorumque celebrationes coguntur. Vtrum, & quomodo tales sint absoluedi; præsertim si necessitate se adductos extrema id fecisse asseuerent; nec alteri, puta Catholico, siue venditionem siue oppignorationem huiusmodi, aut locationem facere posse ostendant?

- Respondeo, quod, ut respondi ad 24. siue 17. quæstionem, satis defendi potest licere Catholico contrahere cum hæretico non denunciato pro excommunicato, per considerationem nouam ibidem relatam. Secundo, quod sicut non licet concedere, vel dare Iudæis officium, cui aliqua præeminentia sit annexa, per responsa ad quæst. 23. siue 16. ita immo minus est danda, vel concedenda hæretico notorio: quia longe peior est infidelitas hæresis, quam Iudaismus vel Paganismus, ut tradit S. Thom. recep. 2. 2. quæst. 10. artic. 6.

QUADRAGESIMA OCTAUA. Cum Concil. Triden. sess. 24. c. 6. absoluedi ab hæresi solis Episcopis, non eorum vicarijs concedat auctoritatem: quæritur, quando est raritas Episcoporum, & amplissime patent diœceses; ita ut ad Episcopos reconciliationis causa plerique saltem commode venire nequeant, multi etiam verecundia ob Episcoporum senatoriam dignitatem deterreantur; vtrum Episcopi possint pro vna, vel pluribus vicibus absoluedi alicui personæ sibi gratæ concedere facultatem ex legitima causa, vel non. Item si illos vel egrotare, vel abesse contingat, ita ut per se absolueri non possint; num subdelegatio illorum valeat, necne. An vero huiusmodi facultas à solo Summo Pontifice obtineri debeat pro personis aliquot in diœcesi idoneis.

- 88 Respondeo primo, quod prædictum c. 6. sess. 24. Concil. Trid. de reform. solum dat Episcopis facultatem absoluedi à contentis in eo, quo ad forum conscientie tantum; & consequenter si absoluedus indiget absolutione in utroque foro, recurrendum est ad Papam, vel Legatum eius, qui habeat eiusmodi facultatem absoluedi in utroque foro. Secundo, quod Episcopus potest absolueri per se, vel per alium suum subditum: quia omnis qui

nis qui habet potestatem ordinariam absoluendi aliquem ex officio, potest absolutionem delegare per c. fin. de off. ord. quod licet specialiter disponat de absolutione ab excommunicatione canonis si quis suadente, ratio tamen huius habet locum in alijs, vt declarat Panorm. & consequenter idem ius esse debet de illis, c. cum dilecto. de confirm. vtil. & l. illud. ff. ad l. Aquil. nec obstat cap. fin. §. ceterum. de off. deleg. quia disponit de habente potestatem ordinariam ex priuilegio, vt glo. sing. declarant in d. c. fin. de offic. ordi. quam vtroque doctores approbant.

89. Tertio, quod non videtur posse Episcopus constituere vicarium, vel delegatum generalem ad absoluendum hæreticos: tum quia Concilium noluit dare illam facultatem vicario generali: tum quia prædictum c. vlt. (quo nitimur) de offic. ord. non habet eum, cui competit ordinaria potestas absoluendi aliquos in certis casibus, ex priuilegio posse illam generaliter alicui delegare, ita vt habeat potestatem absoluendi pro suo arbitrio eos, qui videbuntur ei absoluendi; sed tantum quod potest delegare absolutionem in illis casibus, cum illi occurrerint, & possint exercere illum actum absoluendi de mandato ipsius. inter quæ est magna differentia, vt declarat Feli. ibidem.

90. Quarto, quod qui ob verecundiam, vel alia impedimenta, non possunt adire Episcopum personaliter, possunt adire per confessarios, vel alios, vt de mandato eius absoluantur per alios.

In his vero quæ S. Inquisitionis officium vel decretorum sacri Concilij declarationem concernunt, tutius erit suprema Romæ tribunalia consulere; quorum censuræ quæ dicta sunt subiiciuntur.

S V M M A R I V M .

1. *Papæ responsio, data vt à doctore, aliorum non præiudicat opinioni.*
2. *Papa an responderit vt doctor, an vt legislator, primo ex uerbis est diiudicandum: quæ si non sufficiunt, recurratur ad alias coniecturas, & ad qualitatem sub qua fuit interrogatus.*

C O N S I L I V M I I.

QUIBUS signis cognoscitur, an Papa loquatur vt Papa & legislator, an vt doctor?

1. Respondeo primo, Iurisconsultos ad hoc, vt certius respondeant, specialius esse interrogandos: quia vt ait S. Tho. in prin. 2. 2. sermones in moralibus eo sunt veriores, quo specialiores; licet in speculatiuis generaliores sint veriores specialioribus. & hæc quæstio adeo generaliter proponitur, vt vix ei satisfieri possit, nisi bona parte iuris perspecta.

Secundo, quod glossa solemnis in c. vt circa. in verbo perpetuo. de elect. lib. 6. ponit aliqua signa, per quæ cognoscitur, quis canon dicatur generalis constitutionis vim habere: cui parum vel nihil addunt doctores commentantes illud: & multa, quæ ad hoc aliquid faciunt, citat Feli. in c. 1. de constit. & in c. per tuas, il 2. de simon. vbi Innocen. III. in suo commento

ad finem ait, quod opinio Papæ, quam ponit ut commentator, non præiudicat opinioni alterius doctoris.

- 2 Tertio, quod forte clarius, & breuius, quam alius aliquis dixerit, dici posset, quod tunc dicitur statuere ut Papa, cum id expresse ait; & tunc ut doctor, quando id exprimit: & quod cum respondet interrogatus ut Papa, videtur respondere ut Papa; & cum interrogatus ut doctor, videtur respondere ut doctor, etiam si id non exprimat; per illam conclusionem, quæ colligitur ex cap. pastoralis. de exceptio. & ornatur ibidem à Fel. Similiter id quod respondet Papa de iure, respondendo alicui querenti vel interroganti eum super aliquo dubio iuris, censetur velle ut in similibus casibus idem respondeatur; & quod ex circumstantiis temporis, loci, modi, & causa respondendi, & interrogandi, & scribendi, & dictandi, facile colligi potest in dubio in qua persona loquitur, vel scribit, & melius ex particularibus verbis: nisi cum per illa expresse declaratur mens & intentio Papæ. Quare arbitror, quod cum quis super casu occurrenti consuleretur, vel interrogaretur, an illa vel illa dispositio cēfenda sit facta à Papa, tamquam Papa, vel tamquam doctore, ante omnia circumspicere debet, an per verba dispositionis declaretur expresse, in qua persona id disponit: & si per illa id non declaratur, consideret, an de iure interrogatus ut Papa id fecerit, an interrogatus ut doctor, & vir in illa materia eruditus: ponderatis etiam aliis circumstantiis facile cognoscet quid sit ei probabiliter respondendum. Salua, &c.

SUMMARY.

- 1 Extrahi equos lex secularis prohibens, laicos ligat, prout est recepta. num. 2. clericos autem non, num. 4. & 5.
- 2 Recepta an sit lex in foro conscientie, ab usu doctorum confessoriorum, & penitentium dignoscitur, ligatque conscientiam, prout in eo foro est recepta.
- 2 Lex secularis sub pœna prohibens, aut iubens aliquid ante a sub peccato nec iussum, nec prohibitum, non videtur obligare ad peccatum; sed & non recepta, vel solum in parte, non obligat, nisi prout est recepta.
- 3 Lex secularis generaliter loquens, si sit rationalis & favorabilis, canonibusque non contraria, includit clericos, modo non sit concepta per verba præceptiva, vel prohibitiva, num. 5. nec habeat admixtam pœnam, vel aliter sit eis præiudicialis. num. 5.
- 4 Statutum seculare prohibens alienare in non subditum, non includit clericum.

CONSILIVM III.

AN LEX principis secularis, quæ prohibet equos extra regnum fuisse asportari, obliget in foro conscientie clericos extrahentes equos suos in suis equitijs genitos?

- 1 Ad hanc questionem respondeo, quod illa semper mihi visa est magna, & quotidiana. Primum quidem ea ratione, quod viderim in regnis Castellæ, ubi est lex huiusmodi ab antiquo instituta, perinde procedi contra cle-

clericos extrahentes huiusmodi equos, ac contra laicos.

Secundo, quod præsupponit, laicos, qui eos extraxerint, peccare mortaliter: quod numquam mihi fuit satis certum propter ea, quæ post multas interrogationes huic similes multo tempore factas, & post responsum ad eas multo tempore dilatum, tandem in nostro Man. conf. cap. 23. num. 48. ieci quædam seminaria, ex quibus diligens lector satis potest colligere huiusmodi quæstionum decisionem, licet ipse iusta de causa expresse eas non deciderim. E quibus est illud num. 54. quod lex principis secularis prohibens, vel iubens aliquid sub pœna temporali, nō videtur ad pœnam æternam obligare, nec consequenter ad peccatum mortiferum; nisi cum id quod prohibet, vel iubet, per aliam legem naturalem, diuinam, vel humanam esset sub pœna peccati mortiferi prohibitum, vel iussum. illud item quod ponitur num. 57. scilicet, quod dictum præcedens habet locum etiam cum adiicitur pœna valde grauis, scilicet amissionis magnorum bonorum, famæ, vel vitæ. & illud quod ponitur num. 59. scilicet quod consuetudo est optima legum interpretis; & quod illa videtur sic interpretata huiusmodi leges. & illud positum num. 40. & melius repetitum num. 62. nempe, quod lex humana etiam iusta, si non est recepta, non obligat; nec etiam si est recepta, quo ad illud, quo ad quod non est recepta: & consequenter quod licet lex sit recepta quo ad pœnam temporalem, non tamen obligat quo ad pœnam æternam, si non est recepta quo ad illam: & quod præfata lex, & huiusmodi licet sint receptæ quo ad pœnam temporalem & exterioriorem fori exterioris, non tamen videntur receptæ quo ad pœnam interiorem interioris fori, quæ est æterna; quia nec confessarii, nec confitentes eruditi consueuerunt huiusmodi legum obseruantiam iniungere, nec accipere in foro interiori, reputantes satisfieri legi soluendo pœnam temporariam, cum deprehendetur eorum transgressio.

3 Tercio, quod præsupponit difficultatem illam grandem in multis locis vtriusque iuris tactam, & tractatam; an & quando leges, seculares generaliter iubentes, vel prohibentes aliquid, includant clericos? vt colligitur ex Panor. in repet. cap. ecclesiæ sanctæ Mariæ. de const. & ex plurimis, quæ adiecit Felin. ibidem à num. 37. per 20. quæst. & Decius à nu. 24. in qua communis resolutio habet, quod lex Imperialis generaliter loquens rationabilis, & fauorabilis, cui non contradicunt canones, etiam habet locum in clericis; secus si est præiudicialis; arg. cap. 1. de noui operis nunciat. & cap. si in adiutorium. 10. distinct. & aliorum multorum, quæ prædicti vbi sup. citant.

Quarto, quod non est facile definire quæ lex dicatur fauorabilis, & quæ præiudicialis: quia varii varie id asserunt.

His præmissis, ad quæstionem responderi potest primo quidem, quod qui tenuerit laicos præfata legem transgredientes non peccare mortaliter in foro conscientie iuxta supradicta, cogitur dicere partem negatiuam quæstionis, scilicet præfatos clericos non peccare in foro conscientie, per illam regulam topicam, *Si quod magis videtur inesse, & non inest, ergo nec id*

quod

quod minus. ex authentica multo magis. C. de sacrosanct. Eccles. & cap. cum in cunctis. de elect.

- 4 Secundo, quod qui tenuerit prædictam legem esse præiudicialem, etiam tenebitur eandem partem asserere iuxta præfatam communem resolutionem, quæ habet legem Imperatoriam etiam generaliter loquentem, & nullam de clericis specialem mentionem facientem, non includere clericos, si est præiudicialis.

Tertio, quod etiam si esset fauorabilis, non obligaret eos, attento quod loquitur per verba præceptiua, vel prohibitiua; quoniam etiam secundum receptiorem sententiam lex sæcularis, etiam fauorabilis, & generaliter loquens, non includit clericos, si prohibendo vel præcipiendo loquitur; ut post alios tradit Decius in præfato nu. 27. inducens subtiliter ad id præfatum cap. ecclesia sanctæ Mariæ.

- 5 Quarto, quod præfata lex videtur præiudicialis; partim quia est pœnalis, & non statuit de contractibus, nec de vltimis voluntatibus, nec de iudicijs: partim quia statuit de delictis, & non de antiquis, sed de nouis, quæ ipsa noue inducit: partim quod nemo (quod sciam) vocauit legem huiusmodi fauorabilem: & merito; quia est odiosa, & in odium delicti inducta, & ideo restringenda, cap. pœnæ. de pœnit. dist. 1. & l. interpretatione. ff. de pœnis, cum alijs multis: partim quod doctores asserentes leges de contractibus disputantes satis posse dici fauorabiles, cum aliqua difficultate id asserunt, signando contrarium dicendum esse de legibus disponentibus de delictis & pœnis eorum.

Quinto, quod statutum prohibens alienare in non subditum, non includit clericum, secundum Ioannem And. in cap. fin. de immun. eccles. lib. 6. quem communiter esse receptum probat Fel. vbi supr. num. 9. referendo plurimos ei concordantes. Salua, &c.

S V M M A R I V M.

- 1 Donatio inter coniuges cōtracto matrimonio facta non ualet, nisi sit iurata. nu. 10. at constitutio dotis & illius augmentum tenet; quia cum fiat ob onera matrimonij, non est proprie donatio. nu. 9.
- 2 Domicilium originis non perditur per domicilium habitationis alibi translatum.
- 3 Statutum ciuitatis ligat omnes illius ciues, hoc est habentes in ea domicilium; at inibi natos, alibi habentes domicilium, non ligat. nu. 7. 8. & 11.
- 4 Domicilium habitationis in loco potest habere filiusfamil. nupta ex triplici capite, primo ex domicilio patris, item & mariti, cum quo uiuente decreuit uiuere, ac etiam ex propria persona constituendo in eo uelle degere; quod acquiritur, simulac quis etiam filiusfamilias incipit in loco habitare eo animo, ut uitam inibi peragat; hicque animus ad cautelam potest explicari coram iudice, vel notario, nu. 8. & est principalis, & magis attenditur, quam domicilium originis. num. 5.
- 5 Diœcesis appellatione in dubio venit illa, quæ est domicilij. Vnde Florentinus est proprie

proprie is qui habet Florentiae domicilium : hacque dicecesis , & non originis exprimitur ex stylo Curiae in supplicationibus , quae Papae porriguntur . licet improprie quo ad aliquos effectus etiam Florentini dicantur , qui sola origine Florentini sunt . num. 6. 7. & 12.

13 *Domicilium viri praeualeat , & attenditur quo ad effectum repetitionis dotis.*

CONSILIUM IV.

SPOLETI est statutum iam pridem receptum, quod pro nulla muliere ciuitatis Spoleti, vel eam habitante possit dari neque recipi dos maioris summae mille florenorum , siue quingentorum ducatorum : quod confirmatum est à Papa , & munitum poena excommunicationis latae sententiae. Quo statuto stante, quidam Spoletanus origine venit Romam, vbi moratus est decem & amplius annis, & conuenit cum alio etiam origine Spoletano, qui venit ad Urbem ante triennium cum proposito eam inhabitandi & constituendi domicilium, vt duceret in matrimonium filiam ipsius, quae manebat Spoleti : quam fecit deduci ad Urbem, vt in ea contraheret matrimonium iam conuentum : & abhinc triennio contraxere per verba de praesenti, nulla dote constituta expresse, sed nondum consummauerunt; quia pater dicebat videri sibi quod non poterat constituere suae filiae dotem ultra praefatos mille florenos; gener autem dicebat impensas faciendas uxori inhabitaturae Romae esse longe maiores, quam sint faciendae Spoleti : & quia ipse intendebat degere Romae, non poterat onera praefati matrimonij ex dote tam parua sustentare. Interim praefatus sponsus emit officium quoddam valoris 4000. ducatorum, vt honeste degere posset in Vrbe; & consequenter mortuus est pater sponsae, & legauit filiae pro dote scuta 500. quae mille florenis aequantur. Gener non est ea dote contentus; & sponsa cognatique eius vellent, si liceret, augere dictam dotem ultra summam in praedicto statuto contentam. Quaeitur an liceat eis eam augere, & sponso illud auctarium recipere?

- 1 Pro parte negante facit primo, quod non valet donatio facta ab uxore marito, neque econtra facta uxori à marito, constante matrimonio, l. 1. 2. & 3. & l. si sponsus. ff. de donatio. inter virum & vxor. & auctio dotis videtur quaedam donatio; ergo ea non licet. Secundo, quod Spoletanus origine habitans Romae, etiam si constituat in ea domicilium, non desinit esse Spoletanus origine, nec desinit habere domicilium originis Spoleti, quia illud est immutabile, l. 1. l. municeps. & l. fina. ad municip. Tertio,
- 3 quod statutum alicuius ciuitatis ligat omnes ciues eius, secundum omnes: at ciues origine sunt vere ciues, l. ciues facit. C. de incolis. lib. 10. ergo praefatum statutum ligat praefatos contrahentes; quia sunt ciues Spoletani origine.
- 4 Pro parte autem affirmante facit primo, quod vterque tam sponsus quam sponsa sunt Romani domicilio habitationis: maritus quidem, quia transtulit domicilium, quod habebat habitationis Spoleti, Romam, quia venit ad eam animo vitam peragendi in ea, & habet habitationem in ipsa eo animo, & emit officium quatuor mille ducatorum ad peragendam vitam in ea, vt in casu praesupponitur: sponsa vero, eo quod sponte ad man-

datum

datum patris venit ad Urbem nuptura prefato spōso, prout etiam nupsit, animo vitam peragēdi cum illo in Vrbe; & ita est Romana domicilio tam patris, qui erat domicilio Romanus per decennalem & longiorem habitationem, quæ ad hoc sufficit iuxta l. 2. & 3. C. de incolis, lib. 10. quam domicilio mariti, qui iam à triennio habet illud Romæ: tum ex persona sua, quæ sponte iam à triennio cœpit habitare Romæ, & ad contrahēdum domicilium habitationis in aliquo loco, sufficit quod in eo incipiat habitare animo vitam in eo peragendi, l. 3. adiunct. glos. recep. C. de incol. lib. 10. etiam si sit filiusfam. l. placet. ff. ad municip. & consequenter facti sunt iam exteri & forenses, quos non ligant statuta municipalia, iuxta legem finali. ff. de iurisd. om. iud. & cap. 2. de const. lib. 6.

- 5 Secundo, quod licet domicilium originis sit firmitus & immutabilius domicilium, tamen habitationis est principalius, iuxta glos. celebrem in c. statutum. in verb. vnam dietam. de rescript. lib. 6. quæ habet magis attendendum esse domicilium habitationis, quam originis.

Tertio, quod glos. prefata cum Compostel. & Speculatore tenet, per diœcesanum, in dubio intelligendum esse diœcesanum domicilij habitationis. Vnde Philippus Franc. colligit illam diœcesim dici proprie diœcesim alicuius, in qua ille habet domicilium habitationis: & Bart. in tract. represa. in 7. q. tenet, represa alias concessas contra Florentinos, non posse exequi contra illos qui sunt origine Florentini, sed non habitant Florentiæ, nec munera subeunt ibi, & sunt incolæ & municipes alterius ciuitatis. & stylus Curia habet, vt orator exprimens diœcesim, cuius est, exprimat diœcesim vbi habet domicilium, & non diœcesim vbi natus est.

- 6 Quarto, quod contextus expressus l. prouinciales. ff. de verb. signif. habet, prouinciales dici, qui sunt incolæ prouinciæ, & non qui ex prouincia sunt oriundi: ergo non dicentur Spoletani, qui extra Spoletum habent domicilium, & sunt municipes; quod plane verum est secundum communem vsu loquendi, vt dicebat Iacob. de Aren. relatus vbi supra per Bartolum: quæ significatio est attendēda, l. librorum. 4. quod tamen Cassius. ff. de leg. 3. & regulariter sic sumitur. & quamuis illa lex habeat multos intellectus, vt per glos. Bar. & Alci. ibidem habetur; genuinus tamen videtur esse, quod regulariter, & vt plurimum illi tantum dicuntur prouinciales, vel Florentini, vel Romani, qui habent domicilium habitationis in prouincia, Florentiæ, vel Romæ; licet quo ad aliquos effectus dicantur esse ciues locorum, vnde originem trahunt.

Quinto, quod ex parte contraria negante sequeretur, quod si vir & mulier Spoleti nati haberent domicilium habitationis in Hispania ante 20. annos contractum, & vellent contrahere matrimonium ibi, ad viuendum ibidem, subijcerentur prefato statuto; quod est ridiculum.

- 7 Sexto, & peremptorie, quod statutum Spoleti non potest obligare, nisi subiectos iurisdictioni Spoleti: quia cum statuere sit iurisdictionis, solum obligat eos qui ei subiaccēt, l. fin. ff. de iurisd. om. iud. & cap. 2. de const. lib. 6. At qui nati sunt Spoleti, & habent domicilium habitationis in Hispania, Gallia, vel alia parte Italiz extra territorium Spoleti, non subiacent iurisdictioni

rifdictioni Spoletanæ: ergo statutum Spoletanum non ligat eos. Cum ergo præfati, de quibus quæritur, habeant domicilium Romæ, & sint proprie diœcesis Romanæ, & subiecti iurisdictioni Romanæ, & non sint proprie diœcesis Spoletanæ, nec subijciantur iurisdictioni Spoletanæ; consequens profecto est, eos non ligari statuto Spoletano quo ad ea quæ extra Spoletanum territorium faciunt, vel facere prætendunt.

- Septimo, quod non est quæstio de dote antehac constituta, sed de dote posthac constituenda, & de auctario eius constituendo. & possunt præfari domini consulentes ad maiorem cautelam protestari se constituisse domicilium suum Romæ, & habere illud Romæ, & si & quatenus opus est novè constituere illud, volentes in præsentia in ea vivere, & mo. i: qua protestatione coram notario publico vel iudice facta, postea sine vlllo metu præfati statuti & excommunicationis ei adiectæ potest per aliud instrumentum ipsa mulier augere dotem, & ipse vir recipere illud auctarium, tamquam incolæ & municipales Romani, & subiecti legibus & statutis Romanis, quibus non veratur præfatum auctarium, nec constitutio dotis maioris, quam mille florenum.
- 9 Non obstant adducta in oppositum. Ad primum enim respondetur primo, concedendo quod regulariter donatio inter virum & vxorem non valet; sed negando quod constitutio dotis vel auctarium eius sit donatio proprie; quoniam fit ob causam dotis, & datur ad sustentanda onera matrimonij: & donatio ob causam, non est proprie donatio, l. i. ff. de donat. quod post alios ab eo citatos tenet & probat Ioan. Lup. in repet. c. per vestras. de donat. inter virum & vxor. limit. 2. nu. 50. Secundo respondetur, quod licet regulariter non valeat donatio inter virum & vxorem, fallit tamen in constitutione dotis: quia illa potest post contractum matrimonij constitui. argumēto l. si quis pro. §. si vxor. ff. de donat. inter vir. & vxor. per quam & alia id tenet præfatus Ioan. Lup. vbi supra, limit. 5. num. 53.
- 10 Tertio respondetur, quod ad maiorem cautelam iurari potest constitutio dotis vel auctarij eius; per quod iuramentum firmatur & fit valida donatio inter virum & vxorem, argum. cap. si vero. & cap. cum contingat. de iureiur. & cap. quamvis pactum. de pactis, lib. 6. & per alia plurima, quæ cumulat præfat. Ioan. Lup. vbi supra, limit. 3. num. 51.
- 11 Ad secundum concedimus Spoletanum origine, licet habeat alibi domicilium, dici quidem Spoletanum quo ad aliquos effectus particulares, sed non communiter, præsertim quo ad hoc vt subiaceat iurisdictioni Spoletanæ, & consequenter statuto per illam iurisdictionem facto, de quo effectui in præsentia quæst. agitur.
- 12 Ad tertium respondetur eo modo quo ad secundum, scilicet quod origo facit quidem ciues quo ad aliquos effectus, sed non quo ad hoc vt sint subiecti iurisdictioni ciuitatis, vbi nati sunt, si habent domicilium habitationis in alijs regnis, vel alia ciuitate, vt domini consulentes habent.
- 13 Ad quartum respondeo primo, concedendo quod attendendum est domicilium mariti quo ad sciendū vbi mulier debet exigere dotem; sed negando quod in proposita quæstione agatur de exactione dotis: quia immo agitur

agitur de cōstitutione vel auctione eius. Secundo negando quod domicilium principale dicti consulentis mariti sit Spoleti: quia immo est Romæ, per supradicta. Et ita proculdubio nihil obstat præfatum statutum præfatis dominis consulentibus, quos D.O.M. faciat sibi gratiosos in hoc sæculo, & gloriosos in altero. Amen.

S V M M A R I V M.

1. *Constitutio noua non extenditur ad præterita, nisi cum agitur de effectu futuro, qui potest stare sine effectu præterito.*
2. *Indulta de promouendo, à quocumque ante Concilium obtenta, per illud censentur reuocata.*

CONSILIVM V.

QUIDAM ante Concilium Trident. impetrauit rescriptum à Papa assumendi primam tonsuram, & quatuor minores, à quo mallet Antistite; & postquam assumpsit primam tonsuram, superuenit Conciliū, quod in sess. 23. c. 8. de reform. statuit, ne quis ordinaretur nisi à proprio Episcopo, vel de cōsensu eius, etiā virtute rescripti generalis, vel specialis. Quæritur an liceat huic accipere quatuor minores absque licentia Episcopi?

- Quidam responderunt, quod sic, per dicta Dominici, & relatorum ab eo in cap. 2. nu. 9. de concess. præben. lib. 6. sed nobis, salua eorum pace, videtur contrariū verius; scilicet quod non potest ordinari virtute prædicti rescripti sine licentia, vel consensu, vel literis commendatitijs sui Episcopi de probitate & moribus: quia licet constitutio noua non extendatur ad præterita regulariter, cap. fin. de constitut. fallit tamen quando agit de effectu futuro, qui stare potest sine effectu præterito, iuxta glossam solemn. & à multis putatam singul. in clemen. vt hi qui. verb. in posterum. de ætate & qualitat. & aliam æque solemn. & à multis putatam singul. & recep. in clem. 2. verbo vtetur. de vita & honest. cler. & alia multa, quæ nos adduximus in relect. cap. si quando. de rescript. excep. 21. à num. 40. vbi etiam multa pro contraria parte adducta legi possunt.

S V M M A R I V M.

1. *Utilitas publica iuuanda, & priuata præferenda.*
2. *Lex, qua solutio cambij sex menses differtur, est iniqua, & per illam datur occasio usuræ exercendi. num. 4.*
3. *Delinquendi, seu decipiendi materia non danda.*
4. *Lex prohibens præsentem pecuniam vendi, iuri naturæ contraria.*

CONSILIVM VI.

AN LICEAT ciuitati Barchinonen. cū consensu Cæsaraugustæ, & Valentia, statuere, quod omnia cambia, quæ fiunt in ea ad ciuitates Cæsaraugustæ, & Valentia, vel ab illis ad Barchinonensem, censeantur facta cum terminis soluendi infra sex menses à die præsentationis literarū currētes?

1. Re-

- 1 Respondeo primo, quod pro parte affirmante facit, quod dicitur à re-
rum peritis hoc esse valde utile futurum præfatæ Barchinonæ, & toti prin-
cipatui Cathalonix; & utilitas publica reip. iuuanda est, immo & præfe-
renda priuatæ. cap. 3. de postulat. præla. & cap. licet. de regular.
- 2 Pro parte tamen negante facit primo, quod est iniquum, vt ei, qui de-
dit pecunias Cæsaraugustæ campfori pro literis cambij Barchinonam, nō
possit in ea petere pecunias in eis contentas vsque ad sex menses: & quod
peregrinum venientem Romam, vel ad alias terras, qui Cæsaraugustæ
dedit pecunias pro literis cambij, oportet manere sex mensibus Barchi-
nonæ ad recuperandum suum viaticum, & perdere opportunitatem suo-
rum negotiorum Romæ, vel alibi gerendorum, contra cap. 1. de emptio.
quatenus probat peregrinos, & iter facientes iuuandos esse, & non mole-
standos.
- 3 Secundo, quod non est danda materia delinquendi, & decipien-
di alium, l. conueniri. ff. de pact. dota. cap. ex parte. de consuet. & per hu-
iusmodi statutum datur campforibus materia delinquendi, & decipiendi
eos, qui tradunt pecunias suas in aliqua prædictarum trium ciuitatum
pro literis cambij ad aliquam earundem ciuitatum directis, accipiendo
pecunias, & dando literas, per quas is, cui dantur, putat, statim intra pau-
cos dies eas soluendas, & differtur ei solutio per sex menses.
- 4 Tertio, quod
per viam indirectam datur occasio vsuram exercendi, vendendo merces
carius propter solutionem dilatam, & emendo vilius propter eam anti-
cipatam. Cæsaraugustanus enim, vel Valentinus importat merces Bar-
chinonam, & sciens quod pretium earum non potest extrahere à princi-
patu Cathalonix, nisi per literas cambij, & quod per huiusmodi literas
non poterit Cæsaraugustæ, vel Valētiæ habere pecunias, nisi post sex men-
ses à præsentatione literarum, longe carius vendit, quam si intra octo dies
à præsentatione literarum solueretur ei pretium in sua ciuitate; & con-
tra Barchinonensis, si vilius poterit emere soluendo statim venditori, vel
dando literas de statim, vel intra octo dies ei soluendo in sua ciuitate.
- 5 Quarto, quod videtur contra ius naturale & gentium prohibere, ne quid
Barchinonæ præsentī pecunia vendi possit, arg. totius tit. de contrahen.
emp. & vend. ff. & C. & per prædictum statutum videtur indirecte qua-
damtenus id fieri, cum non possit, vt dixi, habere literas cambij, per quas
differtur solutio ad sex menses. Per quæ non auderem affirmare partem
affirmatiuam, neque dicere, quod præfatum statutum sit utile Barchino-
næ, & principatui prædicto Cathalonix: quoniam inducit maiorem vi-
ctus & vestitus caritatem, & omnium mercium particulariter pauperi-
bus & tenuibus vendēdarum: & arbitror magis me Deo, & præfato prin-
cipatui obsequi respondendo hoc, quam contrarium, quod magis voluif-
set D. consulens, qui magis videtur id desiderare.

S V M M A R I V M.

- 1 Statutum ne in Priores eligantur plusquam tres de una natione, tenet, sicut &
illud, quod certum genus personarum solum habilitat, vel inhabilitat ad di-
gnitates & beneficia obtinenda.

- 2 Indigni, vel minus idonei si sint vocati à statuto, vel testatore, loco horum alij possunt eligi.
- 3 Libertatem plenam non tollit omnis restitutio.
- 3 Plena libertas & sufficiens adhuc esse potest, etiam si in aliquo restringatur.

CONSILIVM VII.

CAPITVLVM Generale cuiusdam ordinis multarum nationū constituit, ne in Priores monasteriorum eligerentur plures, quam tres de vna natione. Quæritur, an constitutio sit valida.

- 1 Respondeo, quod sic: tum quia multis de causis potest esse rationabilis, scilicet ne alijs detur causa superbiendi, alijs murmurandi, alijs tribuendi nimium suæ genti, vel nationi: tum quia statutis collegij Bononiæ, & aliorum multorum in Hispania illorum instar factis cauetur, ne ex eadem ciuitate eligantur plures collegæ, & ne ex eadem diœcesi plures, quam duo, &c. Tum quod valet consuetudo, vt Abbas certi monasterij eligatur solum de certo monasterio, c. cum dilectus. de consuetud. Tum quia institui potest, vt beneficium conferatur alicui propinquo patroni illius, iuxta Domin. recep. c. cum in eccles. tua. de præb. lib. 6. num. 5. Tum quod in ecclesia Toletana statutum est, ne fiat beneficiarius eius descendens ex Iudæo, Sarraceno, vel hæretico. Tum denique quod non censetur tolli eligendi libertas, eo quod electio restringatur ad certum genus hominum, vt tradit Panorm. communiter recep. in c. cum terra. num. 4. de elect. & in cap. licet. num. 12. eod. tit. Vnde & Papa de collegio tantum Cardinalium eligitur, & in Hispania non fiunt beneficiarij nisi Hispani, & in Gallia nisi Galli. Tum ob alia, quæ breuitatis causa omitto.

Non obstat, quod prædicta constitutio videtur aliquibus contra bonum publicum; quia immo multis respectibus promouet illud, vt prædictum est.

- 2 Non obstat, quod prædicta lex videtur cogere ad eligendos indignos; negatur enim illud: quia quando non possent eligi omnes Priores digni de omnibus nationibus, nisi plures quam tres eligerentur de vna, tunc possent eligi plures de illa; quia numquam est eligendus indignus, vt post S. Tho. 2. 2. q. 63. art. 2. diximus in Miscellaneis de oratione Miscella 34. nu. 3. & Sot. lib. 3. q. 6. art. 2. col. 3. de iust. & iure. vbi dixit, quod stante statuto foundationis beneficij, vt conferatur vni ex cognatis suis; si nullus inueniretur idoneus, posset conferri alteri.
- 3 Non obstat, quod in electionibus debet esse plena libertas eligendi, argumen. cap. 6. de reformatione, sessione 25. Concilij Triden. quia multis modis potest restringi libertas electionis, ita quod maneat tanta, quanta est necessaria ad hoc, vt electio valeat: sicut & in matrimonio carnali contrahendo debet esse plena libertas, potest tamen aliquo modo restringi, remanente ad id necessaria, vt tradit Panorm. vbi supra, & alij alibi. Salua, &c.

- 1 Statuta Papalia sunt, quae Capitulum generale auctoritate Apostolica condidit; unde nec ipsum, nec illud representans potest ea tollere.
- 2 Sententiam definitivam non potest reuocare iudex, qui illam tulit, etiam quod sit Capitulum generale, sicut nec alia irrevocabilia tollere potest.
- 3 Capitulum non generale, representans Capitulum generale, habet eandem potestatem, quam habet ipsum Capitulum generale; à quo, si quid iniuste faciat, ad Pontificem, cui immediate subijcitur, recurrendum.
- 4 Capitulum, si is, ad quem spectat, convocare negligit, ad iuris remedia recurrendum.
- 5 Suspicionis allegatae causa, non coram ipso iudice allegato suspecto, sed coram electis arbitris est tractanda.

CONSILIVM VIII.

QVAERITVR primo, an Capitulum representativum Capituli generalis possit tollere facta in Capitulo generali auctoritate Papae; & si hec non potest tollere, quae possit?

Secundo, an Praepositus Capituli representativi debeat proponere ea quae iuste reuocari possunt?

Tertio, quid remedij adhiberi possit, quando is, ad quem spectat convocare Capitulum, non vult illud convocare?

Quarto, coram quo iudice sit tractanda causa suspicionis?

- 1 AD PRIMAM QVAESTIONEM respondeo primo breviter, quia non vacat pro dignitate quaestionis eam tractare, quod iuri propius videtur, quod Capitulum representativum Capituli generalis non potest tollere facta in Capitulo generali auctoritate Papae: quia facta illa sunt facta Papae; & inferior non potest tollere facta superioris: & consequenter statuta facta in Capitulis generalibus auctoritate Apostolica, quae potest facere ordo virtute privilegij, quod ad id habet, non potest tollere Capitulum representativum; quia non posset illa tollere etiam Capitulum ipsum generale. is enim, qui facit aliquid auctoritate Papae, non potest tollere illud auctoritate sua inferiori, per iura, quae in hoc citat Felin. in c. cum accessissent. de consti. nu. 9. Secundo, quod neque facta irrevocabilia per Capitulum generale potest reuocare Capitulum representativum: qualis est sententia definitiva prolata à Capitulo generali: quia sententia definitiva est irrevocabilis etiam ab eo qui eam tulit, c. in literis. de off. deleg. & l. iudex. ff. de re iud. cū adnot. eis. Tertio, quod alia reuocabilia, quae possent reuocari per aliud Capitulum generale, possunt reuocari per Capitulum representativum: quia eandem potestatem habet, quam habet generale. et, si male reuocaverit, potest appellari ad Papam, sicut & posset appellari ad eum, si Capitulum generale iniuste reuocaret: quia ambo subijciuntur immediate Papae.
- 2
- 3

SECVNDAE quaestionis solutio colligitur ex solutione ad primam; nempe quod Praepositus praefati Capituli representativi, vel totum Capitulum debet proponere ea, quae iuste reuocari possunt, licet sint tractata in Capitulis generalibus, non autem alia.

- 4 AD TERTIAM respondetur, quod possunt & debent fieri ea, quae possunt & debent fieri iure communi, quando is, qui debet vocare Capitulum,

non vult illud vocare: de quo Abb. Panor. in c. nobis. de elect. Feli. in c. cum omnes. de consti. nu. 34. & 35. & in alijs locis per eum allegatis.

- 5 AD QVARTAM, quod causa suspicionis nō est tractanda coram iudice recusato, sed coram arbitris electis à partibus, iuxta formam cap. suspicionis. de off. deleg. & cap. ab arbitris. eod. tit. lib. 6.

SVMMARIVM.

- 1 Declaratio privilegij concessi monasterio Urbis in Cap. Minimorum Avinionensi facta, ita intelligenda, vt dicto privilegio non contradicat. nu. 2.
- 2 Iura iuribus concordanda sunt.
- 2 Lex generalis per specialem illam limitantem limitanda.
- 3 Voluntas disponentis in omni dispositione attendenda.
- 4 Legis verba contra auctoris mentem non sunt interpretanda.
- 5 Nulla sunt, quæ lite pendente, vel parte cuius interest non audita, sunt. & nu. 9.
- 7 Monasterium S. Trinitatis Minimorum contra suum privilegium Generali obedire non tenetur.
- 7 Obedire oportet magis Deo, quam hominibus.
- 7 Regularis contra maioris præcepta prælato obedire non debet.
- 7 Monachus prælato secundum suam regulam præcipienti pareat.
- 8 Regularis à superiore grauatus appellare potest.
- 10 Professus in vno monasterio non potest iure communi à superiore ad aliud inuitus sine culpa & causæ cognitione transferri, volens autem ita demum, si adsit legitimi superioris auctoritas. fallit apud Dominicanos, & alios, quorum religiosi omnes faciunt vnum corpus: quia tunc etiam sine culpa, subsistente causa, potest quis à superiore inuitus, etiam contradicente conuentui, transferri. nu. 11.
- 12 Monachorum & monialium creatio ad prælatum immediatum monasterij cum maiori parte cōuentus iure cōmuni spectat. Vnde solus mediatius superior alibi professum facere filium alterius monasterij contradicente immediato superiore, & alijs eiusdem monasterij, non potest. nu. 15.
- 12 Episcopus, etiam vt superior, monialem creare non potest.
- 13 Consilium alicuius sequi debet, qui illud requirit vt collega.
- 14 Statutū cācedens immediato superiori creationē monachorū ita debet intelligi, vt non excludat mediatum superiorem, ac conueniū, sed vt simul cum illis creet.
- 14 Statuta & consuetudines iuxta commune ius intelligenda, vel ita vt in quantum minus potest ab eo recedatur.

CONSILIVM IX.

EXCELLENTISSIME Domine Doctor, in comitijs generalis Capituli Avinionensi celebrati 1578. à fratribus Minimis trium nationum, Italiae, Hispaniae, & Galliae, quæ sequuntur fuerunt ordinata hac forma.

Memores patres, pace & vnione, minima maxima fieri, maxima vera odio & seditione decrescere; placuit tam Italis, quā Hispanis, quo ad officiū correctoriatum iura prætensa cedere, cum ex Illustriss. & Reuerendiss. Protectore coram patribus declaratum extitit, voluntatem D. Francisci fuisse, quod conuentus Romanus quo ad correctoriatum regatur à fratribus Gallicæ nationis: quod fuit confirmatum eo præsentente, totaque Cardinalium Senatu; volunt tamen, quod ad alia omnia sit communis, &

is, & fratres mixtim ex omnibus nationibus sint in illo conuentu, induantur nouitij indifferenter, quarumcumque regionum fuerint.

Priuilegium conuentus S. Trinitatis sequitur, quod perpetuo vſu fuit receptum à tota Religione, quæ etiam postulauit ipsius confirmationem, quæ fuit facta à Iulio III. ad instantiam Regis Christianissimi Henrici.

Vniuersis præſentes has literas inſpecturis frater Franciscus de Paula ordinis fratrum Minimorum humilis inſtitutor, ac S. Sedis Apostolicæ gratia, & conſeſſione, omnium eremitoriorum, & locorum, oratoriorum, & ſororum eiusdem ordinis ubicumque conſtitutorum, necnon congregationum fratrum religioſorum, & perſonarum aliarum ſub regulari obſeruantia in eiſdem degentium ſuperior, licet immeritus, ac generalis corrector ſalutem in Domino: Nos pie conſiderantes regiæ maiestatem Franciæ nobis, & ordini noſtro præſato comparaffe locum Conuentus noſtri S. Trinitatis in monte Pincio in vrbe Romana; & ea propter ad ipsius beneficii per nos accepti memoriam, & ut fratres noſtri ordinis in dicto Conuentu reſidentes in diuini cultus perſolutione reddantur in futurum ſalutis animarum dictorum benefactorum memoriores; uolumus, & ordinamus, quod à modo, & in poſterum d. Conuentus in monte Pincio in vrbe Romana regatur per fratres Gallicæ nationis, quoadiu inueniantur, qui inibi reſidere, & cultui diuino inſiſtere voluerint; ſin autem nulli reperiantur qui inibi reſidere voluerint, quia omnes in Chriſto unanimis eſſe debemus, illud per alios regi, & inhabitari uolumus; pariterque ſi locus ſupportare poterit, ultra quàm reperiatur habitantium Gallicæ nationis, alios ſecum aliarum nationum mixtim reſidere uolumus. Datum. &c.

Queritur primo, vtrum pèdente lite, quàm nobis mouerant patres Zelofi Hiſpaniæ, & Italiæ ad annullandũ priuilegiũ coràm Sanctiſſ. Domino 1576. nec dũ lite decisa potuerint talia ſtatuerè in illo Cap. Auinion. quod videtur cõtra priuilegiũ; præſertim cũ cõuētus Romanus per procuratorem nõ cõparuerit, nec vocatus nec auditus fuerit in re tam graui, & ad illũ ſpectante; in qua ſtatutũ & volũtas S. patris noſtri Franciſci de Paula læditur, maiestati regiæ iniuria grauis fit, & toti nationi, immo & toti religioni, quæ cõfirmationẽ priuilegij poſtulauit à S. S. & obtinuit, graue dānum inferitur.

Secundo, vtrum fratres huius conuentus teneantur Generali obedire præcipienti, & facienti ad formam ſtatuti Auinionenſis, præſertim cum à Bercinonenſi Capitulo ſequenti fuerit concludum nulla ſtatuta ante nouem annos non probata ſortiri vim ſtatuti permanentis; præterea cum ſemper fuerit ab hoc conuentu reclamatum pro grauamine.

Tertio, vtrum non relinqueretur huic conuentui ſua actio in caſu, quod probaretur huiusmodi conſtitutio in ſequenti Capitulo, vel per appellationem, vel oppoſitionem.

Quarto, vtrum iuxta formam priuilegij, ſi aliqui noſtræ nationis voluerint hic Romæ morari, & compatiatur locus, petita licentia, & non obtenta à Generali, poſſint à correctore recipi pro conuentualibus.

Quinto, vtrum nouitij etiam poſſint indui eiſdem nationis, modo habeantur ſufficientes, petita licentia, & non obtenta ab ipſo Generali.

Sexto, vtrum fratres extranei, qui obtruduntur ab ipſo Generali, vt occupent noſtrorum ſedes, poſſint reſuſari ad inhabitandũ, & uotandũ in electionib.

Septimo, vtrum ipſe Generalis poſſit fratres Gallicæ nationis amouere, vt alios extraneos inducat,

Octauo, vtrum ipsi Galli teneantur obedire præcipienti cōtra formam priuilegij, quod habent, quamdiu voluerint inhabitare, non accersitis alijs ad petitionem conuentus.

- 1 AD PRIMAM quæstionem respōdeo primo, quod declaratio facta Auinioni, præfente Illustrissimo protectore, non est contraria priuilegio, nec intentioni Gallicæ gentis, quatenus cōtineat Italos, & Hispanos cessisse iura prætenfa contra priuilegium S. Francisci; immo est eis consona, & commodissima, vt palam est. Secundo, quod non est etiam contraria, quatenus statutū fuit, vt illud per correctores gentis Gallicæ regatur, per ea multa, quæ nos pridē pro illo allegauimus in lite cōtra prædictum monasteriū & monachos Gallos mota. Tertio, quod etiā dici potest, prædictā declarationē nō esse cōtrariā prædicto priuilegio, & intētioni Gallicæ gentis, quatenus cōtinet, quod ex qualibet alia gēte possint in prædicto monasterio indifferēter recipi fratres, si intelligatur eo modo, quo debet intelligi secūdū limitationē, & modificationē ipsiusmet priuilegij S. Fāncisci; scilicet, quādo locus supportare potest, & nō reperiātur alij Gallicæ nationis. Nō enim sunt cōtraria dicere: homines cuiuslibet gētis habitare possunt in hoc oppido, & homines cuiuslibet alterius gētis possūt habitare in hoc oppido, quādo defuerint homines Galli: vtrūq. enim pōt esse simul verū, quando. s. defuerint Galli, qui possint, & velint habitare in eo, vt palā est.
- 2 Secundo principaliter dico, quod prædicta declaratio est intelligenda modo prædicto, ita vt non contradicat priuilegio. Tum quia expedit iura iuribus concordare, c. cum expediat. de elect. lib. 6. cum ei concord. Tum quia lex generaliter loquens, siue præcedat, siue sequatur, debet limitari per aliam legē illam specialiter limitantē. l. in toto. ff. de reg. iur. & cap. generi per speciem derogatur. eo. tit. lib. 6. & late tradit Decius post alios in d. reg. in toto. & probatur efficacissime per duas glossas solēnes receptas, quarum altera est in l. sciendum. ff. qui satisfd. cog. & altera in authen. offeratur. C. de litis contest. quæ receptæ ab omnibus aiunt, prædictam authen. quæ generaliter disponit debere actorem præstare fideiussores reo, licet sit posterior, debere limitari per d. l. sciendum. quæ habet eum, qui bona immobilia habet, non teneri ad dandum fideiussores. Cum ergo prædicta declaratio generaliter dicat, posse in prædicto monasterio assumi indifferenter personas ex omni natione, limitanda est per prædictum priuilegium disponens, tum id fieri debere, cum locus supportare possit, & desint Galli, qui possint, & velint ad seruiendum prædicto monasterio assumi.
- 3 Tertio principaliter dico, quod prædicta declaratio limitanda esset, vt modo dixi, etiam si prædictum priuilegium non sic limitasset. Tum quia in omni dispositione recte intelligenda mens & voluntas disponentis debet habere primum locum, & illa eam regere debet. l. in conditionibus. ff. de cond. & demon. cum ei concor. Cum ergo palam sit, mentē, & voluntatem S. Francisci viri gratissimi concedentis illud priuilegium prædicto monasterio fuisse ad significandam, & demonstrandā gratiam, quā ipse, & ordo, suus debebant Regi Galliarum, & toti eius regno ob magna beneficia in eo recepta, & ob emptionē amicissime & gratiosissime factā à Rege ipso loci ad edificandū monasteriū prædictū in prædicto Monte Pincio; & acceptatio

ptatio priuilegij ab eodem Rege, & toto suo regno facta, & executā tēpore longissimo, & confirmata à fel. recor. Iulio III. & adeo solemniter declarata per prædictū Capitulum generale, præfidente principe illo præcellenti, & Illustrissimo Cardinali Armeniaco primariæ, ac Regum regiæ nobilitatis ornamento, & protectore. Cum ergo inquam palam sit, mentem, & voluntatem omniū prædictorum fuisse, vt prædictū monasterium regeretur, & gubernaretur semper, quatenus fieri posset, per Gallicæ nationis rectores, & correctores; cōsequens est, eorum mentē, & voluntatem fuisse, vt Gallicæ gentis monachi, & personæ fauorabiliter, & amore præcipuo assumerentur, & tractarentur in eo; vt numquam, quoad fieri posset, deessent, qui possent, & vellent recte regere illud ad gloriā Dei, & sui ordinis, & gentis Gallicæ; & consequenter, vt in eo inuenirentur tales, qui libentissime eligerēt correctores, & superiores prudentissimos gentis Gallicæ; cum verisimile sit (id quod experientia clare postea docuit) fore, vt alienarum gentium monachi agre, & fere coacte eligerēt correctores Gallicos; cum ob peccata fragilitatis humanæ etiā in societatibus eorum, qui religioni addicti sunt, non desint aliquot seminantes odia, & inuidiam inter diuersarum, immo & earūdem gentium personas. Tum quia prædicta declaratio, quatenus habet assumi posse monachos in prædicto monasterio ex alijs gentibus, intelligenda est, quando cōmode, & salua dignitate fieri potest. l. nepos Proculo. ff. de verb. sign. & cap. vt faciat. 12. q. 2. cum ei concord. At non post cōmode, & salua dignitate monasterij prædicti, & priuilegij, & omnium prædictorum, qui confirmauerunt, & declarauerūt illud fieri, vt omni tempore possint assumi in eo monasterio alienarū gentium personæ: quoniam alioquin paruo tempore contingeret quod nulli Galli essent ibi; quod est contra mentem, & voluntatem sancti Francisci, & aliorum prædictorum omnium, qui concesserunt, fouerunt, & declarauerunt prædictum priuilegium. Ergo dicendum est id fieri posse, nisi quando locus supportauerit, & non inuenientur Galli, qui velint, & possint ibi seruire Deo. Tum quia puerile profecto, & paræ prudentiæ virosum fuisset, velle vt aliquod monasterium per vnus solius gentis & nationis viros gubernaretur; & non præuidere, quod concessa facultate assumendi monachos ex omni gente, omni tempore non posset obseruari, quod ipsi volunt. Quare aut dicendum est prædictum sanctum Franciscum, omnium consensu prudentissimum virum, & omnes, qui prædicto priuilegio fauerunt, fuisse paræ prudentiæ, & puerilis iudicij; quod est absurdum, & ita non dicendum, l. nam quod absurdum. ff. de bonis libert. Aut certe dicendum est prædictam declarationem, quatenus habet, ex omni gente indifferenter assumi posse monachos in prædicto monasterio, intelligendam esse, quando locus supportaret, & deessent ex gente Gallica, qui assumi vellent, & possent. Tum quia ita debent interpretari verba legis, & dispositio illius, vt eorum interpretatio non nitatur contra mentem eius, & auctoris ipsius, iuxta illam regulam penult. de regul. iur. lib. 6. Certum est, quod is committit in legem, qui verba legis complectens, contra legis nuntur voluntatem. que regula decepta fuit ex non dubium, C. de legib. &

palam est, quod qui declarationem prædictam Capituli Auinionen. ita intelligeret, vt omni tempore possent indifferenter assumi de omni natione monachi, interpretaretur verba declarationis contra mentem & voluntatem prædicti priuilegij, & auctoris eius, & omnium, qui illud confirmauerunt, approbauerunt, & fouerunt. Quod etiam esset contra c. Marchion. 1. quæst. 1. in illis verbis: *Nec putemus in verbis solum scripturarum esse Euangelium, sed in sensu, non in superficie, sed in medulla, non in sermonum folijs, sed in radice rationis.*

- 5 Quarto principaliter dico, quod prædicta declaratio Auinionis sic, vt dicitur ab aliquibus, sed prauè, intellecta, vt omni casu, & tempore possint, & debeant ex omni natione assumi monachi, sicut ex natione Gallica, & eos qui assumpti sunt in illud, posse dimitti ad alios conuentus, & loco illorum assumi ex alijs nationibus, perinde ac in alijs conuentibus eiusdem ordinis, est contrarijssima priuilegio S. Francisci, & omnibus præcatis, immo & ipsi Capitulo Auinionen. quatenus Itali, & Hispani in eo cesserunt iuribus ab eis male antea prætensis contra prædicta: quoniam palam est eos eadem ipsa iura, quæ nunc intendunt, tunc prætendisse: & ita iudicandum est illa iam cessa esse, & sublata in prædicto Capit. & eos ab eis iam discessisse ibidem, & verè debere ea iterum nunc non sine pudore replicare. cui consequens est, prædictam declarationem, in hoc reprobo sensu acceptam, esse ipso iure nullam. Tum quia lite pendente, facta esset, contra rubricam, vt lite pendente nihil innouetur. Tum quia esset facta contra partem inauditam, cum ad id non fuisset vocatum monasterium; quod fieri non potuit. c. 1. de causa possess. & propri. ibi, *contra partem inauditam nihil possumus definire.* Tum quia Regis Franciæ, & totius regni, & maiestatis eorum plurimum interest, vt prædictum priuilegium, & prædicta declaratio intelligantur recte, & sancte eo modo, quo intelligenda esse supra diximus; & consequenter non posset prædicta declaratio prauè intellecta eis præiudicare: quia res inter alios acta alijs non præiudicat. l. 2. C. quibus res iud. non nocet.

- 6 Quinto, quod, vt nos in præcedenti eademque lata informatione diximus, non solum ordini prædicto, sed etiam sanctæ Sedi Apost. Romanæ, & Regi, & toti regno Franciæ, & gloriosæ ciuitati Romanæ, & deuotioni omnium Christi fidelium magnum refugium, & asylum est, vt prædictum monasterium in dies magis ac magis augeatur, & decoretur Gallicanis muneribus, & fauoribus, vt quotidie decoratur; quæ religio Christiana Italorum, & Gallorum Romæ coniunctiore, & fortiore fœdere vnita totum orbem Christianum inuitet, & contineat, ac quadamtenus cogat ad perseuerandum in eadem verissima, eademque firmissima fide Catholica.

- 7 AD SECVNDAM colligitur respõsio ex responsione ad primam, scilicet prædictum monasterium, & correctorem, ac conuentum eius non teneri ad obediendum Generali, qui aliquid contra prædicta præceperit. Tum quia oportet magis obedire Deo, quam hominibus. Act. 5. & cap. Iulianus. & cap. resistit. 11. q. 3. Tum quia S. Thom. recept. ab omnibus concludit in 2. 2. q. 104. ar. 5. non esse à monachis obediendum Prælato in omnibus,

nibus, sed solum in ijs, quorum contrarium non præcipit qui maior est eo, scilicet Deus, & iustitia eius, & in eis, in quibus habet potestatem præcipiendi secundum suam regulam. at Generalis præcipiens cōtra prædicta, præcipit contra ea, quæ præcipit Deus, & iustitia eius, & extra ea quæ sibi sunt subiecta; & ideo non est obediendum ei, sed modeste appellandum, & eo modo, quo religiosi grauati possunt, & debent appellare, & adire superiorem, vt ab eo degrauentur; per quam appellationem, & per iuridicam superioris aditionem suspendentur sententiæ, & censuræ Generalis, quas ausus fuerit cōtra ius proferre, vt nos tradimus in comm. de reg. cap. non dicatis. nū. 62. & latius in cap. nullum. nū. 51. vbi efficaciter probamus religiosos appellare posse ab omni sententia iniusta superioris, etiam à lata super correctione, si modum excedat; & superiorem, qui non admittit appellationem, esse castigandum; & alia id genus multa de appellatione religiosorum.

9 AD TERTIAM respondetur id, quod responsum est ad secundam, scilicet, quod per prædictam declarationem bene intellectam nihil detrahitur priuilegio: & quatenus per eam male intellectam detraheretur aliquid, posset annihilari, & annullari per vias nullitatum supradictarum resultantium ex eo, quod facta fuit lite pendente, & monasterio inaudito, & Rege, ac regno, quorum multum interest, nullatenus vocatis.

10 AD QVARTAM respondeo, quod hoc monasterium non potest recipere monachos eiusdem ordinis in alijs monasterijs professos, & filios eorum factos pro conuentualibus filijs huius monasterij sine auctoritate legitimi superioris. Tum per notata in c. fi. de regular. Tum quia, sicut iure communi antiquo monachus professus in vno monasterio, & filius eius per professionem factus non potest cogi, vt contra voluntatem suā transeat ad aliud monasterium etiam eiusdem ordinis sine culpa, & causæ cognitione, vt tradimus late in comm. de regul. super c. statuimus. nū. 22. ita eadem ratione non poterit recipi etiam volens pro filio, & conuentuali alterius monasterij eiusdem ordinis sine auctoritate legitima: quia correlatorum eadem est ratio. c. sciendum. 6. q. 1. Dixi, solo iure communi at-

11 tento: quia iure speciali Dominicanorum, vt puto, recepto ab alijs religiosis, potest Generalis, vel Prouincialis religiosorum facientium vnum corpus, transferre suum subditum ad aliud monasterium eiusdem corporis sine culpa, subsistente tamen rationabili causa, vt late tradimus nos in prædicto comm. de reg. super c. statuimus. num. 22. & consequenter in hoc ordine Minimorum, qui omnes, vt aiunt, faciūt vnum corpus, posset Generalis sine culpa ex aliqua magna iusta causa transferre vnū monachum sibi subditum ad aliud monasterium eiusdem ordinis, etiam cōtra voluntatem suā, & sui monasterij, sicut Generalis Dominicanorum; sed si absque rationabili causa id faceret, posset appellari. Ex quo infertur, quod si Generalis huius ordinis Minimorum vellet aliquos Ciallos trāsferre ex hoc monasterio in aliud etiam eiusdē ordinis sine iusta culpa, & legitima causæ cognitione, possent contradicere, & etiā corrector, & cōuentus eorum, ac id faceret; & si ad faciendū pergeret, appellare, adiecta causa appellan-

di, quod id faceret ad minuendam auctoritatem correctoris, & cōuentus, & ad hoc, vt non inuenirentur idonei correctores, & fratres ex natione Gallicana ad defendēdum priuilegium prædictū, & vnitatem, & honorem huius monasterij, & Regis, ac regni Galliarum, & totius Gallicæ nationis.

- 12 AD QUINTAM respondeo, quod cōmunis obseruantia omnium religionum, quas ego ætate mea tractaui, habet, vt prælati immediati conuentuum particularium cū maiore parte eorum recipiāt monachos nouitios, & induant eos habitum religionis, iuxta glos. c. fina. de regul. lib. 6. verbo pertineat. quam ibi sequuntur Arch. & Io. And. Lap. Anch. Domi. & Phil. Franc. ante quos omnes dicit ibi Ioan. Mona. quod iure communi creatio monachorū pertinet ad Abbatem, & conuentum: quem etiam ibi sequitur Phil. Prob. & etiam prædictus Lap. alleg. 32. dicens per hoc, quod creatio monialium pertinet ad Abbatissam, & conuentū monialium: adeo quod Episcopus, etiam si sit superior earū, non potest creare, neque præcipere Abbatissæ, & conuentui, vt recipiant aliquam monialem: in tantum quod possent appellare ab illo iuste, si id eis præciperet. & idē tenet Cald. conf. 16. titu. de regul. allegando in id prædictum Ioan. Monach. & etiam in conf. 3. de sent. excom. Idem tenet Arch. Card. à Tur. crem. in c. fin. 16. q. 7. Pro qua conclusione optime facit c. cum ecclesia Vulterana. de elect. quatenus ibi Papa declarat nullam iniuriam fecisse canonicos Episcopo, eo quod noluerunt recipere canonicos ab eo solo creatos; ea ratione, quod, qui iure suo utitur, nulli facit iniuriam. Facit etiam c. 1. de elect. quatenus probat, in ecclesia collegiata electionē prælati ad solum Capitulum pertinere, & cap. 1. de his quæ fiunt à prælatis. quatenus habet, alienationem rei ecclesiæ sine collaudatione Capituli esse irritam; immo & cap. ea noscitur. eod. tit. quatenus habet, præsentationem beneficiorū ad monasteriū pertinentem faciendam esse à prælato, & conuentu ipsius. Omnium tamen firmamentorum neruosisimum est prædictū c. vlt. 16. q. 7. quod expresse habet non posse Abbatem creare fratres monachos, sine consensu fratrum. Non obstat quod Panor. in d. c. cum ecclesia Vulterana. sentiat contrariū. Tum quia, ait consuetudinem, & priuilegium, si qua sunt, esse in primis obseruanda: & prædictum monasteriū Romanum est in possessione seruandi communem opinionem. Tum quia ipsemet Panor. tenet, quod hanc creationem debet facere cum cōsilio conuentus: & quando datur alicui potestas à lege limitando eam à principio, eam exercere debet cū illa limitatione, vt tenet ipsemet Panor. quæ sequitur ibi Feli. in c. ex parte. de cōstit. nu. 5. Tum quia Bar. cōmuniter recep. tenet in l. 1. §. si plures. nu. 7. de exercit. actio. quod non solum est requirendum consilium, sed etiam sequendum illud, quando est requirendum ab alio tamquam à collega, & à partecipe officij: vt in casu proposito lex dat potestatem creandi prælato cum consilio conuentus, tamquam cū collega, & partecipe officij, qualis est in expediendis omnibus præcipuis secundum omnes. & consequenter etiam Panor. tenetur confiteri creationē monachorum iure cōmuni spectare ad prælatū, & conuentū, & quod non potest alter sine alterius consensu creare, saltē ad effectum obligandi monasteriū ad illum retinendum, & alendū.

Non

14 Non obstat etiam constitutio quedam predicti ordinis Minimorum, quæ videtur predictam creationem cōcedere Vigili, Prouinciali, vel Generali. Tum quia est contraria iuri communi, intelligendo quod soli prefati sine consensu & consilio conuentuum possint eligere: & non potuit collector capitulorum regulæ constituere aliquid contra ius cōmune, iuxta c. quod super his. de maior. & obed. Tum quia potest intelligi, & verificari in conuentibus alijs ab hoc Romano, ea ratione, quod hoc non subest vlli Prouinciali, vt in facto proponitur. Tum quia statuta etiam confirmata à Papā, & consuetudines etiam prescriptæ, sunt intelligenda, vt sint cōformia iuri communi, vel quam minime distent ab eo. c. cum dilectus. de consuetud. & predicta cōstitutio potest recte ac plane intelligi, & seruari sine vlla violatione iuris communis, intelligendo quod predicti Vigil, Prouincialis, & Generalis possint interesse creationi monachorum cum correctore, & conuentu; hoc enim modo intellecta parū contrariatur iuri communi, vt palam est. Tum quia absurdum est, & ideo non dicendum, l. nam quod absurdum. ff. de bonis libert. immo & indecorum ordini adeo Illustrissimo, vt soli Vigiles, vel soli Prouinciales forte iuuenes, & nō adeo fortioribus, & prudentia probati, creent quos, & quot volent monachos in monasterijs, refragantibus correctoribus, & cōuentibus eorum, in quibus multi senes, & graues, & multi eruditi, sapientes, prudētes, & experti inueniuntur, qui longe melius nouerunt quid conueniat suis cōuentibus augendis, honorandis, decorandis, & Deo & populo placidiora faciendis.

15 AD SEXTAM respondetur, quod non potest Generalis solus recipere pro conuentualibus & filijs huius monasterij alios monachos etiam eiusdem ordinis in alijs monasterijs professos, nolentibus correctore, & maiore parte conuentus huius monasterij, vt ex responsione ad quintam quæstionem colligitur; quia nec iure communi, nec speciali prefata constitutionis recte intellectu id facere potest, vt ibidem dictum est.

AD SEPTIMAM colligitur responsio ex responsis ad duas præcedētes, scilicet, quod nō potest Generalis amouere, nec trāsferre monachos Gallicę nationis in alia monasteria sine iusta culpa, vel maxima causa, contra volūtate eorū, vel correctoris, & cōuentus; & volenti id facere contradicere possent, & appellare, vt diximus supra in respōso ad quartā quæstionē.

AD OCTAVAM etiam colligitur responsio ex responsione ad quartam quæstionem.

S V M M A R I V M

- 1 Regulares exēpti solemnizātes matrimonia sine licētia parochi, non solum incidunt in excommunicationē cōtra ipsos per clementinā de priuileg. sed etiā in suspensionem generaliter contra omnes sacerdotes per sacrum Conc. Trid. latā. c. n. 3.
- 1 Lex vetus stat. nisi in quātū per nouā ab ea receditur, vel tollitur, vel ei cōtrariatur.
- 2 Pœna uni facto imposita per legem antiquam, non tollitur per aliam pœnam eidem facto impositam per legem nouam; nisi aliter appareat mentem legis nouę fuisse eam tollere, ut præsumitur, quando statuentes per statutum aliam imponunt pœnā, & præsertim dū exigunt à potestate ut imponantur pœnæ statutarie. n. 4.

- 3 *Pœna plures si reperiantur contra eundem statuta delictum; utique si sint imponende, una tantum, quam iudex elegerit, est subeunda: at si sint impositæ ipso iure incurrendæ, utraque incurritur: adeo ut pro eodem facto secundum gloss. duplex incuratur excommunicatio, num. 1.*

CONSILIUM X.

QVAERITVR, an pœna excommunicationis ipso iure imposita religioso matrimonium solemnizanti sine licentia parochi per clem. 1. de privilegiis sit sublata per pœnam suspensionis introductam per Concil. Trident. cap. 1. de reformat. matr. sess. 24. contra sacerdotem regularem, vel secularem, qui alterius parochi sponso sine illorum parochi licentia matrimonio coniungere, aut benedicere ausus sit.

- Quæstio hæc materiam habet in multis locis tactam, & in raris vel forte nullis satis resolutam; videtur tamen negative resolvenda. Primo quidem, quod à lege antiqua non est recedendum, nisi quatenus per novam reperitur recessum, l. præcipimus. C. de appell. cum suis concord. & prædictum Concil. nullatenus recedit à d. clem. 1. Secundo, quod posteriores leges non tollunt priores, nisi eas expresse tollant, vel eis sint contrariæ, c. 1. de const. lib. 6. & præd. cap. 1. non est contra præd. clem. Tertio, quod novæ actionis inductio non tollit veterem, l. quoties. ff. de action. & oblig. per quam dixit Imol. relat. à Domin. in c. eos. de tempor. ordin. lib. 6. quod pœna à veteri lege imposita non tollitur regulariter per alteram pœnam à nova lege impositam. Quarto, quod sententia excommunicationis lata per Alex. in c. ita quorumdam. de Iudæ. non censetur fuisse sublata, sed potius duplicata per Clementem in c. quod olim. de Iudæ. ut sensit gloss. ipsius in verb. supponimus. quatenus ait, eiusmodi deferentes arma Sarracenis duplici excommunicatione esse excommunicatos, illa videlicet, quam tulit olim Alex. in d. c. ita quorumdam. & Clemens per d. c. quod olim. ex qua gloss. infert Ioan. ab Ana. esse verum, quod ait Bart. in l. 1. ff. de vi bono. rap. videlicet, quod lex nova inducens unam pœnam, non tollit alteram per veterem impositam. quod etiam Felin. non citato Anania ibidem tenet, & affirmat, limitans hoc non procedere quando de mente legem novam ferentis apparet, quod voluit eam tollere, iux. Dom. in d. c. eos.
- 3 Quinto, quod nulla verba præd. c. 1. significant expresse, nec tacite voluisse Concilium tollere pœnam impositam à d. clem. immo sunt complura, quæ significant contrarium. In primis quidem, quod præd. clem. contra solos religiosos hoc statuit, illud autem c. 1. etiam contra sacerdotes seculares, contra quos non debuit imponi tanta pœna, quanta contra religiosos. Tum quia maior inconuenientia consequi posset excommunicationem parochorum, & aliquorum magnorum plebanorum, quam excommunicationem religiosorum, præsertim simplicium, ut palam est. Tum quia ut plurimum religiosi sunt exempti, & canones gravius puniunt eos in eiusmodi rebus excedentes, quam non exemptos, iux. Ioan. Monach. & communem in cap. 1. cum gloss. verb. ingressum. de privilegiis lib. 6. quæ habet pœnam suspensionis illius cap. contra celebrantem coram excom-
- muni-

municato non habere locum, si celebrans non est exemptus.

- 4 Non obstant illa multa, quæ post alios adducit Dec. in cap. de causis. de officio deleg. quibus concludit, per statutum ciuitatis, quo imponitur pro aliquo delicto noua pœna, videri tolli pœnam à iure cōmuni impositam: quod etsi multi non satis aduertant, ratio est, quia videtur de mente statuentium esse illud. Tum quia ciuitates, quæ possunt recedere per particularia statuta à iure communi quo ad se, iuxt. l. omnes populi. ff. de iustit. & iur. facientes talia, videntur limitare ius commune quo ad se. Tum quia communiter faciunt quod potestates iurent seruare sua statuta, & communiter quod imponant pœnas ab eis statutas: quia cum possint imponere duas diuersas, censentur tollere pœnam iuris communis. Non obstat etiam dicere, quod tam Bart. quam Panor. & alii fere omnes tenent, quod licet duæ pœnæ sint statutz ab vna, vel à duabus legibus, iudex, qui vna earum reum punierit, non potest eum alia punire: quia hoc verum est in pœnis, quæ sunt imponendæ à iudice, non autem in his, quæ imponuntur à iure: quia vtraque punitur, vt præd. Anan. quem nos iam pridem retulimus, & secuti fuimus in repet. d. c. ita quorundam. de Iudæis. singulariter colligit ex prædicta glos. d. c. quod olim. in hæc fere verba, Illud Bart. in l. 1. ff. de vi bono. raptō. scilicet punitum à iudice pœna vnius legis prioris vel posterioris, non posse puniri pœna alterius, limitandum est quo ad pœnas per sententiam iudicis infligendas, non quo ad alias ipso iure impositas. Cum ergo tam suspensio prædicti cap. Concil. Trident. quam prædicta excommunicatio præd. clem. ipso iure incurrantur, nihil inconuenit, vt idem regularis incurrat eas ambas. &c.

S V M M A R I V M.

- 1 Confidentiarum Pij IV. & V. constitutiones odiosæ sunt pœnales, & restringendæ, nec ad pensiones extendendæ. num. 7. modo non dentur in titulum. num. 8.
- 2 Lex omnis censi debet odiosa, & restringenda, quæ in odium aliquorum, vel alicuius rei facta est principaliter, item & facta ad arcendum dolum. num. 3. sicut & pœnalis vel exorbitans à communibus iuris regulis, num. 4. & 6. nec desinit esse talis, licet minus principaliter respiciat fauorem alicuius, num. 1. & publicam utilitatem, num. 5. secus si immediate vel principaliter respiciat publicam utilitatem; quia tunc esset fauorabilis, num. 6.
- 3 Exorbitantes sunt constitutiones per Pium IV. & V. contra confidentiarios late, cum multa à communibus iuris regulis tam circa pœnas, quam modum probandi, inducant, & num. 6.
- 7 Pensio quedam res temporalis est, & quæ in odiosis non venit appellatione beneficii, nisi agatur de illis quæ dantur in titulum uacabilem, & impetrabilem. nu. 8.

C O N S I L I V M X I.

AN B VLLAE Pij IIII. & V. super confidentijs censeantur odiosæ, an fauorabiles?

1 Respondeo, quod debent censi odiosæ, & restringendæ. Primo quidem, quod

quod lex facta in odium aliquorum, vel alicuius rei, censenda est odiosa, & restringenda, l. qui exceptionem. ff. de cond. indeb. quæ probat, quod Senatusconsult. ad Maced. quod inducit exceptionem pro filiisfam. ad arcendum dolum fœneratorum, & votum captandæ mortis alienæ, vt habet l. i. ff. ad Maced. est odiosum, & ideo restringendum; adeo vt tutus eius exceptione, si soluat, non repetat; licet regulariter tutus exceptione perpetua repetat solutum, toto tit. de condiçt. indeb. & præfatæ constitutiones fuerunt latæ ad excludendum & arcendum dolos, & fraudes, & vota captandæ mortis alienæ, quæ inducebantur per confidentias beneficiales illicitas: & constat præfatas constitutiones fuisse factas principaliter in odium simoniæ, & simoniacorum, & ad exterminandum illam & illos ab Ecclesia, vt colligitur ex bulla Pij III. in multis locis, vt ibi: *passiones illicitæ, &c.* quæ verba significant Pium III. motum fuisse ad edendam præfata constitutionem contra confidentiam beneficalem ob odium, quo erat in illâ; eo quod esset delictum & crimen dignû, quod odio haberetur, & expelleretur ab Ecclesia tamquam pestis, quæ suo contagio multos inficiebat: quod ipsum etiam colligitur ex constitutione Pij V. ex illis verbis præmij, quibus clare ait Pium III. tulisse constitutionem contra confidentiam beneficalem, ad tollendam fiduciariæ mancipationis beneficiorum ecclesiasticorum corruptelam. Per quæ verba clare significatur, causam finalem, ob quam Pius III. fecit illam cõstitutionem, fuisse sublationem illius pestilentis confidentiæ; cum sint verba præmij, ex quo solet colligi causa principalis dispositionis, l. final. ff. de hered. instit. cap. quia propter. de elect. Idipsum colligitur ex eadem constit. Pij V. ibi: *multorum peruersitas, &c.* Per quæ omnia coniuncta colligitur, & probatur, causam principalem, ob quam motus fuit Pius V. ad muniendam constitutionem Pij III. & ad augendum pœnas eius, fuisse odium intensum, quo erat in crimen præfatæ pestilentialis confidentiæ: & cõsequenter vtraque constitutio fuit facta in odium præfati criminis: cui cõsequens est illas esse de numero exosarum.

- 2 Secundo, quod etiam constitutio, quæ partim est fauorabilis, & partim odiosa, debet reputari odiosa, si principaliter est facta in odium, licet minus principaliter respiciat fauorem alicuius. argumento l. queritur. ff. de statu hom. & notat Dom. & Franc. in d. c. sciât cuncti. de elect. lib. 6. At negari non potest præfatas constit. saltem principaliter factas esse propter odium, per deducta in præcedenti argumento; ergo odiosæ censende sunt.
- 3 Tertio, quod lex disponens aliquid ad arcendum & euitandum dolum, & malitiam, censetur odiosa, vt ait Bald. communiter recep. in l. penult. num. 5. C. de pactis. dicens, quod si ratio legis consistit in præsumptione doli, censetur odiosa.
- 4 Quarto, quod iura penalia sunt odiosa & restringenda, cap. pœnæ. de pœnit. dist. 1. l. interpretatiõe. ff. de pœnis. cap. in pœnis. de regul. iuris. lib. 6. At prædictæ constitutiones non solum sunt penales, sed etiam penaliissime: ergo odiosæ, & restringende.

Quinto, quod iura, quæ exorbitant à iure communi & regulari, odiosa sunt,

sunt, & restringenda, cap. quæ à iure. de reg. iur. lib. 6. cum concordant. 1. glos. cit. At prædictæ constitutiones exorbitant à iure communi inducendo pœnas irregulares, & nouas probationes, & præsumptiones contra regulas iuris communis, puta per testes singulares, & alijs inhabiles; & quod intentio etiam vnius intendentis confidentiam sufficiat, & alia multa adeo dura, quod vix vnumquam omnia vsu recipientur: ergo odiosæ, & restringendæ censi debent.

- 5 Sexto, quod non obstat dicere, quod prædictæ constitutiones respiciunt utilitatem publicam animarum, ne scilicet peccatis inficiantur. Tum quia non sufficit ad hoc vt lex sit fauorabilis, quod quomodocumque respiciat utilitatem publicam: nam si hoc sufficeret, omnis lex, etiam Macedoniana, esset fauorabilis; quia omnis lex aliquo modo respicit utilitatem publicam, quod colligitur ex definitione eius in c. erit autem. 4. distinct. dum ait vnā conditionem legis iustæ esse, quod nullo priuato commodo, sed communi ciuium utilitate fiat. quod tamen secundum omnes est falsum. Tum quia secundum Fortunium in lib. de vlt. fine in princ. omnes leges etiam ciuiles sunt ad quærendum felicitatem æternam, quæ est omnium utilitatum publicarum & priuatarum maxima, & suprema: & ita nulla lex etiam secularis dici posset odiosa, quod est falsum secundum omnes. Et si replicetur, quod nos cum communi recedimus à sententia Fortunij in comment. cap. inter verba. 11. q. 3. concl. 5. & in cap. cum minister. 23. q. 5. num. 29. Respondeo quod nos cum communi sequimur glos. solemnem in cap. cum contingat. de iureiuran. quæ habet leges canonicas factas esse ad finem quærendi felicitatem æternam: & ita sequeretur saltem, quod nulla lex canonica esset odiosa, si sufficeret ad hoc vt esset fauorabilis, quod fieret quomodocumque propter utilitatem publicam: quod est falsum secundum omnes. Tum quia nulla lex iusta est adeo pœnalis, & exorbitans à iure communi, quæ non sit facta aliquo modo ob utilitatem publicam: & si hoc sufficeret ad hoc vt esset fauorabilis, & extenderetur, vane & inutiliter omnes Iurisconsulti dicerent in mille locis esse aliquam legem saltem canonicam odiosam, & restringendam. Tum denique quod tunc demum lex dicitur fauorabilis, eo respectu quo respicit utilitatem publicā, quando respicit illam immediate vel principaliter, & non quando secundo, & per quamdam consecutionem: eo quod plus respici debet id quod principaliter agitur, quam quod secundo, l. si quis nec causam. ff. de reb. credit. & quod dispositio potentius influit in immediata & propinqua, quam in remota, iuxta illud; *Quæ in incōtinenti sunt, inesse videntur.* l. lecta. ff. si certum petatur. & quod non fit quis irregularis, propterea quod det causam remotam homicidij, iuxta glos. sing. in c. de cætero. de homic. & alia multa. Quibus est consequens, prædictas constitutiones, & alias multas pœnales non ideo debere dici fauorabiles, quod secundo, & minus principaliter inducant utilitatem publicam, vel priuatam, sed quando sunt immediate & principaliter ad illam inducendam. Cum ergo prædictæ constitutiones immediate & principaliter sint factæ ad tollendas fraudes, dolos, & crimen odio dignissimum, & inducant pœnas grauissimas, & multa exorbi-

tantia

tantia & iure communi regulari propter odium confidentiæ pestilentis beneficialis, censeretur debent odiosa & restringende: quamuis per quamdam consequentiam & secundo respiciant utilitatem publicam, & priuatam, quæ consistit in obseruandis legibus diuinis & humanis.

- 7 An autem casus de eo, qui per confidentiam transtulit pensionem in alium, comprehendatur in prohibitione pœnali, & odiosa; dicitur quod non. Tum quia nullum verbum illarum loquitur de translatione pensionis: & dispositio non conuenit ei, cui verba non conueniunt, l. 4. §. quoties. ff. de damno infec. & ibi Bart. communiter recep. id adnotauit, & cap. indemnitatibus. §. penul. de elect. lib. 6. quod ad hoc multi graues auctores cõmendauerunt. Tum quia constitutio odiosa non debet extendi, sed sestringi, cap. odia. de regul. iuris, lib. 6. & prædictæ bullæ continent odiosam, & pœnalem dispositionem, vt supra probatum est. Tum quia non est tanta ratio puniendi transferentem cum confidentia pensionem, quæ est quoddam res temporalis, vt dixi in alio cons. quanta est puniendi conferentem, vel accipientem cum eadem confidentia beneficium, quod est spirituale, cap. dilecto. de præben. vt palam est: & ita licet essent constitutiones fauorabiles, non possent ad hunc casum extendi. Tum quia, qui de duobus propositis dicit aliquid de vno, videtur illud negare de altero, cap. nõne. de præsump. l. cum prætor. ff. de iudic. & prædictæ constitutiones puniunt expresse confidentiam beneficalem, & non translationem confidentialem pensionis. Nec prodest aduersanti, dicere, quod auctoribus earum nõ venit in mentem pensio: quia immo expresse meminerunt de illa, dicentes, quod eius constitutio nõ valet, quando fundatur in renunciatione, vel collatione confidentiali beneficii. Tum denique quod pensio non est beneficium. vnde regula de infirmo resignante beneficium, non habet locum in transferente pensionem, vt late tradit Gomes. in d. reg. q. 16. neque regula de annali possessore, vt ipsemet tradit in reg. de anna. q. 22. & merito, quia illa non est spiritualis, neque obligat ad dicendas horas canonicas, neque habet perpetuam durationem, neque requirit residentiam, quam beneficia omnia requirunt de iure communi, cap. conquerente. & cap. fin. de cleric. non resident. & potest renunciari & remitti gratuito sine vlla superioris auctoritate, iuxta Card. Alexan. communiter recep. in cap. Agatho. 63. distinct. immo & consuevit redimi pecunia cum Papæ auctoritate, cum qua tamen numquam audiui redimi pecunia vllum beneficium nec magnum, nec paruum: & propter alia, per quæ plerique omnes tenent hoc pro indubitato, quamuis pauci parum libantes essentias beneficii & pensionis in contrarium leuissime hallucinati sint; & potest eorum dictum procedere in pensione, quæ datur in titulum vacabilem, & impetrabilem, qualis non est hæc de qua loquimur. Salua, &c.

DE RESCRIPTIS.

S V M M A R I V M.

- 1 Rescriptis ad lites & beneficia simplex sine dolo facta subreptio non obstat quo ad ea qua etiam sine ea concessa fuissent, privilegijs autem sic obtentis obstat.
- 2 Indulgentiarum concessio est restringenda.
- 3 Indulgentia indefinite concessa ut liberetur anima à pœnis purgatorij, non statim sequitur ut sit concessa plena, plenaria, vel plenissima, per quam anima ab omnibus pœnis purgatorij liberatur.

C O N S I L I V M I.

AN GRATIA de altari privilegiato à Papa facta ecclesie N. ad petitionem eius dicentis, quod erant in ea 20. sacerdotes, valeat, si non sint plures, quam 16. sacerdotes?

- 1 Respondeo videri mihi prædictam gratiam reformandam. Tum propter eorum opinionem, qui referente Felin. in. c. super literis. nu. 3. de rescript. tenent differentiam esse magnam inter literas ad lites & beneficia, & inter literas puri privilegiij: eo quod in illis non obstat subreptio simplex sine dolo facta quo ad ea, quæ fuissent concessa, etiam si subreptio nõ fuisset cõmissa; in literis autem privilegiij sic. Tum quia concessio indulgentiarum est restringenda, iuxta gloss. regul. Cancellariæ. Tum quia etiam si prædicta gratia nõ esset reformanda ob prædicta, videtur reformanda, eo quod non exprimitur in ea quantitas indulgentiæ, nec quantitas pœnarum, à quibus liberabit illa indulgentia ob Missam in prædicto altari dicendam; solum enim conceditur in ea indefinite indulgentia, ut liberetur anima, pro qua dicetur, indefinite à pœnis purgatorij, & non ab omnibus: et non omnis indulgentia liberat ab omnibus pœnis purgatorij, ut palam est, sed tantum plena, plenaria, vel plenissima: & multe indulgentiæ non plenariæ cõceduntur pro liberatione animarum à pœnis purgatorij indefinite. Quare reformanda videtur, ita ut dicat, plene liberetur, vel quod ab omnibus pœnis, quas patitur, liberetur. Nulla. n. Missa, etiam non privilegiata, est, per quam ex opere operato non minuatur aliquo modo pœna purgatorij, &c.

S V M M A R I V M.

- 1 Rescriptum restitutionis in integrum sine mandato impetrari non potest, nec ad lites; at gratiosum, ut dispensationis, potest, num. 2. impetrationis beneficii, immunitatis, & privilegiij, restitutio relegati, num. 3. & 4.
- 2 Beneficium alieno nomine acceptari non potest sine speciali mandato, impetrari vero alteri, etiam sine omni mandato, ac ignorant, & absenti, potest, num. 3.
- 3 Concessum in materia permixta censetur, quod non prohibetur.
- 4 Mandatum nec ad privilegia, nec ad restitutionem impetranda requiritur.

C O N S I L I V M I I.

AN dispensatio possit impetrari sine speciali mandato?

Pro parte negante videtur casus in cap. innotuit. de elect. sub fin. quem in hoc commendat Panor. ibidem. & Corf. in sing. verbo mandatum,

tum, appellat illud ad hoc esse vnicum, & solitarium in iure: & antea idem tenuit Hostiensis, quem ibi sequitur Abbas in cap. suscitata. de restit. in integrum. & facit l. illud. §. si talis. ff. de minorib. quatenus habet necessarium esse speciale mandatum ad restitutionem in integr. petendā. Facit etiam cap. nonnulli §. sunt & alij. de rescript. quatenus habet, non posse impetrari rescriptum sine speciali mandato. & Rota in tit. de rescript. decis. 60. in antiquis habet, quod procurator generalis, vel coniuncta persona non potest acceptare beneficium sine speciali mandato.

- 2 Sed contrarium est tenendum. Tum quia nulla lege id cauetur, & ita non est dicendum, cap. legatur. 24. quæst. 2. §. consideremus. authent. de trien. & semis. collat. 3. præsertim ad inducendam prohibitionem, & obligationem in materia permissiua, in qua videtur concessum, quod non inuenitur prohibitum, cap. consulisti. 2. q. 5. & resoluit gloss. cap. 2. verbo inuenitur. de translatione prælat. Tum quia prædictum cap. innotuit. de elect. non probat id quod Abbas & communis aiunt, quia non loquitur de speciali mandato eius, pro quo erat impetranda dispensatio, sed de mandato Capituli. Immo neruose vrget pro hac parte, quatenus significat, sufficere speciale mandatum Capituli ad impetrandam dispensationem pro eo qui fuerat electus. Tum quia sunt duæ gloss. receptissimæ, altera in cap. ad aures. quam Abbas, Decius, & communis laudant; & altera in dicto cap. nulli. §. sunt & alii. prope finem glossæ magnæ laudatæ per Abb. Felin. & omnes ibidem, de rescript. quatenus habent non requiri vllum mandatum ad impetrandum beneficium ecclesiasticum alij; quas Imol. & Felin. ibidem colum. 9. dicunt facto seruari, quod & omnes curiales seruant. Tum quia collatio beneficij facta à superiore absenti, & ignoranti sine vlla eius vel alterius petitione valet, cap. accedens. de præbend. & cap. si tibi absenti. eodem tit. lib. 6. Tum quia præfatæ glossæ procedunt in impetratione priuilegiorum, & immunitatum, vt Felin. ibi post Roman. asserit, reddens rationem quare aliud
- 3 seruetur in impetrando rescripto ad lites, & aliud in impetrando rescripto gratioso. Faciunt etiam ea, quæ tradunt Bart. & alij in l. fin. ff. de constitut. princip. & in l. qui absenti. ff. de acquirend. possess. Doctor. in cap. 2. de constitut. & in dicto cap. si tibi absenti. de præbend. lib. 6. dum tractant, an beneficium, dispensatio, seu priuilegium à principe alicui ignoranti concessum, à tempore concessionis, vel scientiæ sortiri debeat effectum: non enim hoc in dubium doctores verterent, nisi dispensationem, beneficium, seu priuilegium ab amico, vel quocumque alio impetrari posse pro certo tenerent. facit, quia ad impetrandam à principe delegati restitutionem nulla specialis exigitur commissio: textus est valde singul. in l. quidam relegatus. ff. de rebns dubijs. quem extollit Baldus in dicto cap. ad aures. & ibi Sicul. in 4. col. de rescrip. per quem text. Soccin. ibi. 4. notab. dixit, quod beneficium, quo nihil de nouo confertur, sed tantum impedimentum tollitur, & in pristinum statum reducitur, nullum acquiritur ignoranti.

SUMMARIUM.

- 1 *Dispensatio licet sit stricti iuris, ad annexum & inseparabile extenditur,*
- 2 *Dispensatio ab vno coniugum alio ignorante impetrata vtrique prodest.*
- 3 *Dispensatio absque mandato impetrari potest.*

CONSILIUM III.

QVAERITVR, an dispensatio impetrata ab vno coniugum super impedimento matrimonij, quod est inter ipsum, & aliam certam personam, prosit vtrique.

- 1 Pro parte negante facit, quod dispensatio strictè interpretanda est secundum omnes, & consequenter non est extendenda de vna persona ad aliam, argum. c. 1. & ibi gloss. de offic. deleg. Secundo, quod non potest impetrari dispensatio sine mandato, vt videtur probare c. innotuit. de elect. ad quod illum textum tenendum esse mente, dicit ibi Panorm. & commendat multum Corset. in singularibus verbo mandatum.
- 2 Sed pars affirmatiua tenenda est. Tum quia qui vult vnum, videtur velle id quod necessario sequitur ex illo. l. 2. ff. de iurisd. om. iudic. c. praterea. de offic. deleg. At dispensatio concessa vni personæ ad contrahendum cum alia nihil valeret, nisi extenderetur ad illam, vt palam est. Tum quia dispensatio extenditur ad id quod est necessario annexum illi, iuxta gloss. notab. in c. si quis in clero. 7. q. 1. & cap. quia in tantu de præb. At dispensatio vnius ad contrahendum cum alia est annexa dispensationi illius ad contrahendum cum eo; ergo, &c. Tum quia passim contingit, vt altera persona contrahentium sciat ante contractum, vel resciat postea altera ignorante impedimentum: & sæpe multis de causis conuenit, vt non reueletur dispensatio, neque impedimentum, super quo illa sit parti ignoranti, per ea quæ scribimus in c. 22. num. 70. Manu. confessor. Tum denique quia cum Papa dispensat cum altera persona cōtrahentium, intendit dispensare cum vtraque, argumento c. translato. de constit. cap. si quis abiecerit. 2. q. 3. quia illæ dispensationes sunt inseparabiles.
- 3 Ad primū oppositū respondetur per argumenta pro secunda parte alata. Ad secundum respondetur negando, quod dispensationis impetratio requirat mandatū, vt tenet glo. in c. ad aures. & cap. nulli. 6. sunt & alij. de rescript. nec contrarium probat cap. innotuit. si satis ponderetur. Salua, &c.

SUMMARIUM.

- 1 *Agere in iudicio contra alium sine mandato nemo potest, nisi saltem præstet cautionem. num. 8.*
- 2 *Rescriptum pro alio sine mandato impetrari non potest, & hoc procedit in rescripto ad lites, num. 9. modo non sit coniunctus coniunctione carnali, num. 2. nec ex certa scientia Papæ, num. 6. nec eius motu proprio concessum. Immo hoc die in Curia non admittitur hæc exceptio. num. 9.*

Nauar. Conf. Pars I.

E Rescri-

- 4 Rescriptum gratiosum potest sine mandato impetrari, ut beneficiorum, priuilegi-
giorum, immunitatum impetratio, & super restitutione ad samam, num. 6.
item & dispensatio, ut attestatur etiam stylus, num. 7. licet Panorm. & Cor-
setus videantur contrarium sensissimum. 3. & 7.

CONSILIUM IV.

REGULARIS, cum pro sua religione procuratoris in Curia offi-
cium ageret, & suum monasterium inquietaretur frequentius pro
certa impositione, seu talea, absque monasterij mandato immunitatem
seu priuilegium cum certa moderatione à Summo Pontifice impetrauit.
Dubitatur an gratia sic sine speciali mandato concessa teneat.

- 1 Pro parte negante facit primo, quod regulariter nemo agit pro
alio sine mandato eius legitimo, toto titulo ff. & C. de procurator.
Secundo, quod rescriptum impetratum pro alio sine ipsius mandato
non valet, cap. nonnulli. §. sunt & alii, & cap. ex parte decani. de
rescript. vel saltem est elidibile per exceptionem, dict. cap. nonnulli.
- 2 §. sunt & alii. Tertio, quod prædictus §. sunt & alii. quatenus ha-
bet coniunctam personam posse impetrare pro alia persona sibi con-
iuncta, solum procedit in persona coniuncta carnali coniunctione, &
non coniuncta spirituali tantum, iuxta gloss. notab. in cap. cum M.
de constit. verbo socijs. quam Panormitanus, & communiter om-
nes sequuntur ibi, & multi alii alibi, quos congerit Felin. num. 11.
& ita licet prædictus religiosus esset coniuncta persona spiritualiter
aliorum religiosorum eiusdem ordinis, non tamen videtur potuisse
impetrare ea, quæ obtinuit pro illis. Quarto, quod non potest quis
impetrare pro alio dispensationem sine ipsius mandato speciali, ut
videtur expressum in cap. innotuit. de elect. quod ad hoc putat esse
singulare Panormitan. ibi, & in cap. substituta. de restitut. in integ. &
Antonius Corsetus in sing. verbo mandatum. 1.

- Quibus non obstantibus, pars affirmatiua tenenda est, nempe quod
est valida, & firma. Tum per l. vniuersis. C. de precibus Imper. of-
ferend. quatenus habet non referre à quo sit impetratum, modo à
principe sit concessum, secundum Baldum ibi communiter receptum.
Tum quia per prædictam l. vniuersis. determinat Bart. in ea, quod
quando reformatio fit in Concilio, non refert, an ille, qui fecit pro-
positam, esset infamis, necne, postquam apparet de consensu popu-
li: quem referunt, & sequuntur Paul. à Castr. & D. Alex. in l. 1. in princ.
ff. ad legem falcid. quod rursus probat Iason in dict. l. vniuersis. Tum
4 quia impetratio beneficiorum potest fieri pro aliquo sine mandato eius,
ut est casus in cap. ex ore. ubi Panormit. communiter receptus, de his
quæ fiunt à maiori parte capituli, & dux gloss. putat singulares in
cap. ad anres. & in cap. nonnulli. §. sunt & alii. de rescript. quod ip-
sum est dicendum de impetratore priuilegiarum, & immunitatum se-
cundum Lodouicum Rom. quem refert, & sequitur Felin. dict. §. sunt
5 & alij. num. 95. quinimmo idem dicendum est de omnibus literis gra-
tiæ

- tæ, quæ non dantur ad lites, vt definit Rebuffus in prax. benefic. in tit. de differentiis inter rescript. gratiæ, & iustitiæ. Tum quia coniunctus pro coniuncta persona potest impetrare etiam rescriptum ad lites, vt habetur in dicto §. sunt & alii. & prædictus religiosus est coniuncta persona spirituali coniunctione prædicto monasterio, ordini, & fratribus eorum. Et quamuis ad hoc responderi possit, quod supra allatum est in tertio argumento pro contraria parte; attamen in nostro casu ultra coniunctionem spirituales interuenit mandatū monasterii, & multæ literæ multorum fratrum eiusdem ordinis; & quod agebatur de interesse eiusdem religiosi impetrantis, & de utilitate publica religionis, quæ omnia coniuncta possent multum in hoc operari. Tum quia literæ ad restituendum aliquem ad famam possunt impetrari sine mandato, secundum Baldum recept. in l. 1. C. de prec. Imper. offer. quem refert, & sequitur Felin. in dict. §. sunt & alii. num. 50. Tum quia rescriptum etiam ad lites ex certa scientia Papæ datum ad petitionem eius, quem nouit non habere mandatum, est validum, & firmum, l. idem Vlpianus. ff. de excus. tutorum, & l. quidam consulebat. §. 1. ff. de re iud. & aliorum, quæ tradit post alios Felin. in cap. cum inter. de except. & in specie de rescripto impetrato sine mandato determinat idem Felin. in d. §. sunt & alii. num. 51. Et in casu nostro Sanctissimus D. N. nouit prædictum religiosum non habuisse aliud mandatum totius ordinis, quam illud, quod tacite colligi posset ex scripturis plurimis, quas ante suam Sanctitatem ipse præsentauit. Tum quia iam parum curatur de exceptione defectus mandati ad impetrandum rescripta etiam ad lites, de quo in dicto §. sunt & alij. adeo quidem, quod prædictus Petrus Rebuffus, vbi supra, dixit se numquam vidisse illum in regno opponi, nec nos vidimus vnumquam in Vrbe obijci post impetrationem factam. Tum quia etiam dispensatio potest ab alio pro alio sine mandato impetrari per textum in hoc mihi sing. in c. innotuit. de elect. quatenus irrefragabiliter probat potuisse Capitulum Vigorien. petere legitimatorem pro illo, quem elegerat: qua ratione iure quis miretur Panorm. commendantem ibi illum textum pro contraria parte, & magis Antonium Corsetum comendantem ob hoc Panorm. in sing. verbo mandatum 1. præsertim cum quotidie videamus in Curia innumeras dispensationes impetrari pro absentibus sine vllis illorum mandatis. Tum denique quod Sanctiss. D. N. omnia ea, quæ fecit, ordinauit, & concessit in utilitatem & decorem sui ordinis, concessit proprio motu, & de certa scientia, vt suis literis testatur: & palam est suam Sanctitatem potuisse omnia illa facere, & concedere sine vllius instantia, & petitione. arg. cap. cuncta. per mundum. 9. quest. 3. & cap. 1. de constitut. & cap. proposuit. de concess. præbend.
- 8 Ad prius oppositum respondeo primo, concedendo neminem regulariter posse litigare in iudicio contra alium, non præstando saltem cautionem de rato; negando tamen, quod non possit quis agere alterius negotia sine mandato eius, vt palam probant toti tituli de negot. gest. ff. & C. Respondeo secundo, negando etiam, quod in casu proposito agatur de admittendo, vel non admittendo aliquo ad impetrandum aliquid ad litigandum

gandum pro alio sine mandato; quia solum agitur de impetratione gratiarum reformationis, & id generis aliorum. Tertio respondeo, quod non tantum agitur de valore impetratorum, quantum de valore factorum, & concessorum à principe motu proprio, & ex certa scientia, ac de plenitudine potestatis, ut patet ex ipsis literis, quæ per supradicta valent, non obstante defectu personæ impetrantis.

Ad posterius oppositum respondeo primo, quod ille §. sunt & alii. facit primum pro nostra parte per locum à speciali, quatenus per eum ob aliquas rationes speciales statuitur, ne alius pro alio rescripta ad lites impetret. ergo regulariter potest quis alia pro alio impetrare, cap. præsent. §. loca. adiuncta gloss. verbo specialiter, de præb. lib. 6. Secundo, quod ille §. non habet locum in rescriptis motu proprio, & ex certa scientia concessis, ut prædictum est; & de his quaritur in casu proposito. Tertio, quod tantum loquitur de rescripto ad lites exercendas, de quo non agimus. Quarto, quod ille §. non procedit in Curia, quæ regulariter non admittit huiusmodi exceptionem, præsertim in rescriptis Rotæ Auditoribus directis, ut Felin. qui fuit Auditor Rotæ, ibidem adnotat: & in casu agitur de actis in Curia. quare proculdubio hæc pars est tenenda, & fouenda in gloriam Dei, qui nos omnes seruet, & foueat. Amen. Salua, &c.

S V M M A R I V M.

1. *Licentia assumendi ordines nec morte, nec translatione concedentis expirat.*

CONSILIVM V.

NOBTINUIT à suo Episcopo dimissorias, ut posset à quocumque Catholico antistite ad quoscumque etiā sacros, & presbyterij ordines promoueri. Deinde, antequam ordinaretur, prædictus suus Episcopus vita functus est. Queritur an virtute illarū dimissoriarū ordinari possit.

1. Ad hanc quæstionem respondeo affirmatiue, quod sic; quia huiusmodi dimissoria concessa ab Episcopo non moritur, nec desinit valere, mortuo, vel semoto siue translato Episcopo eam concedente, ut tradit Cardin. in clem. fin. de elect. q. 3. cuius dictū multis fundamentis confirmauimus nos in cap. placuit. de pœnit. dist. 6. secundū quod etiā alias sæpe respondimus.

S V M M A R I V M.

1. *Dispensatus ut non obstante occulto diaconatu possit in genere uxorem ducere, impetrando postea ut possit ducere affinem, non tenetur de prima dispensatione mentionem facere.*

2. *Plures qui patitur defectus, potest super singulis, nisi aliud reperiatur in iure cautum, separatas impetrare dispensationes, absque eo quod in una de altera mentionem faciat; nisi dicti defectus se contingerent, & alterū ex altero augeatur.*

CONSILIVM VI.

SVBDIACONVS occultus, & male ordinatus impetrauit à Papa dispensationem, ut posset uxorem ducere; deinde, nulla de huiusmodi dispensatione mentione facta, impetrauit, ut affinem ducere posset. Dubitatum fuit, an posterior dispensatio valeret, tacita priore.

Respon-

Respondetur, quod quamuis indulgentia secundi homicidij non valeat, non facta mentione de indulgentia prioris, secundum Guil. de Cuno l. 2. C. de episc. audien. relatum per Bald. ibidem; & quamuis dispensatio super pluralitate concessa illegitimo non valeat, non facta mentione de priore dispensatione, qua factus est habilis ad vnum, cap. 2. de filiis presb. lib. 6. attamen cum id ideo procedat, quia lex illa 2. requirit expressionem iterationis, siue geminationis delicti, & illud cap. 2. de filiis presb. requirit illo casu illam mentionem ex ratione specialitatis, quod illarum dispensationes se contingunt, & sunt quasi circa idem: & tacitum auget delictum, vel defectum expressum, super quo dispensatur; sequitur ut si secunda dispensatio non sit circa idem, videatur non esse necessaria mentio prioris. & ita gratia facta de poena adulterij non requirit mentionem de gratia poenae periurij, lusus, vel homicidij; nec gratia pluralitatis beneficiorum facta illegitimo requirit mentionem gratiae factae ei de non ieiunando certis diebus, vel non soluendo poenam periurij. Ex quo fit, ut similiter gratia ducendi uxorem facta subdiacono occulto, & male ordinato, non vitietur eo quod tacuit, praesertim sine dolo, quod erat affinis uxoris; nec secunda gratia postea impetrata super affinitate, non facta mentione de dispensatione super ordine; quia sunt res separatae, nec vna auget alteram; ideo nullo iure videtur requiri mentio alterius in altera.

S V M M A R I V M.

- 1 *Facultas edendi carnes in diebus ieiuniorum dicenti se nobilem, & infirmum, valet, licet non sit nobilis.*
- 1 *Copulatiue etsi narrentur multae causae in libello, commissione, vel priuilegio, quae omnes ad effectum qui queritur non sunt de iure necessariae, satis est ut una verificetur sufficiens ad dictum effectum producendum.*

C O N S I L I V M V I I.

V T R V M dispensatio de comedendo carnes diebus ieiuniorum, cum adiectione, extra Quadragesimam, & de consilio vtriusque medici, dicenti se nobilem, & infirmum, valeat, esto quod non sit nobilis?

- 1 Respondetur primo, quod facile quis posset defendere non valere, arg. c. super literis. de rescrip. & l. etsi legib. C. si contra ius, vel vtilit. publi. Secundo, quod defendi potest quod valeat, saltem de aequitate. Tum quod S. Sanctitas omnibus petentibus, cuiuscumque conditionis sint, videtur concedere illam cum praedictis conditionibus. Tum quod clausula illa, de consilio vtriusque medici, non potest verificari per nobilitatem, sed tantum per solam infirmitatem. Tum quod quando in aliquo libello, commissione, vel priuilegio ponuntur multae causae, etiam copulatiue, quae omnes non sunt de iure necessariae ad operandum aliquem effectum, sufficit ut vna illarum, quae illum operari potest, sit vera, iuxta glossam, & ea quae latissime adducit Felinus super ea in cap. 2. de rescript. a num. 22. At constat, quod sola causa infirmitatis in casu proposito sufficiebat ad obtinendum hoc priuilegium. ergo, &c.

- 1 Subreptio per falsi expressionem gratiam annullat quo ad illam partem, cuius fuit causa, & num. 3.
- 2 Exemptio per quasi possessionem 40. annorum præscribitur.
- 4 Religiosi ac eorum Abbates iure communi Episcopo subiacebant; licet postea acciderit, quod religiones fuerunt exemptæ. num. 5.
- 3 Religionis alicuius approbatio, seu erectio non debet censeri subreptitia ob leuem aliquam falsitatem sine dolo expressam.

CONSILIUM VIII.

AN GRATIA Pij V. qua congregationem sæcularem clericorum, & laicorum, ad educandos & regēdos orphanos institutam, fecit regularem sub regula sancti Augustini, sit subreptitia, & nulla; ita quod professiones factæ sint nullæ, propterea quod in bulla dictæ gratiæ narratur prædictam congregationem exemptam fuisse à Paulo I I I. à iurisdictione ordinariorum; quod tamen non inuenitur in eius bulla.

- 1 Et pro parte quidem affirmante facit, quod subreptio, præsertim illa quæ fit per expressionem falsi, vitiat gratiam in totum, cap. super literis. de re script. quia mendax precator debet carere impetratione, immo & puniri. c. etsi legib. 25. q. 2. At Pius V. in sua bulla, quæ non motu proprio, sed ad supplicationem præfatæ congregationis concessit, habet Paulum I I I. exemisse eam à iurisdictione, & auctoritate ordinarij; quod tamen videtur falsum; quoniam Paulus I I I. non exemit eam à tali iurisdictione, ut patet ex contextu bullæ ipsius.
- 2 Pro parte autem negante facit primo, quod non concluditur prædictam congregationem non fuisse exemptam à Paulo I I I. eo quod in prædicta bulla eius non contineatur; quia potuisset exemisse per aliam: & non probatur non esse, quod contingit abesse. l. neque natales. C. de probat. & cap. in præsentia. eodem tit. Secundo, quod prædicta congregatio videtur mansisse in quasi possessione exemptionis per quadraginta, & amplius annos, & sic eam quæsiuisse, cap. de quarta. cum ei annotatis, de præscription. Tertio, quod subreptio non vitiat gratiam, nisi quo ad illud, cuius causa fuit: & gratia potest esse subreptitia quo ad aliquid, & valida quo ad aliud. cap. si eo tempore. & cap. susceptum. de re script. lib. 6. tradit Nicolaus Millis in ver. gratia. sub finem, Panormit. & omnes in cap. super literis. de re script. At prædicta expressio falsa exemptionis non videtur fuisse causa ut Pius V. faceret eam de sæculari regularem; quoniam communi iure antiquo, & ordinario tam monachi religiosi, quàm Abbates eorum subiacebāt Episcopis, cap. 1. 18. q. 2. & per totam quæstionem; licet non possent ab ordinariis inquietari super quibusdam, de quibus ibi late, præsertim cap. quam sit necessarium. & ita posset dici, quod prædicta congregatio est quidem religiosa, & regularis sub regula sancti Augustini, quæ à Sede Apostolica approbata est; & clerici, & aliæ personæ professæ in ea, religiosi, & regulares ipsius congregationis religiosæ, siue illa, vel illi.

illi sint exempti, siue non. Quarto durum videtur concedere prædictos presbyteros, qui expresse etiam tria substantialia vota religionis emisserunt sub regula tam approbata, in congregatione adeo graui, magna, vtili, & sancta, posse ad statum sæcularem redire absque Sedis Apostolicæ facultate, ea sola occasione, quod non sint exempti: & dictum fuerat in bulla Pii, quod erant exempti sine dolo, & malitia ipsius, quibus non est credendus vsus esse Pius ille, neque congregatio prædicta ab huiusmodi vitijs aliena; maxime cum, vt prædixi, exemptio per accidens conueniat religioni: immo à principio, quando illa magis nitebat, non erat exempta. Quinto, quod omnes rationes, quibus prædictus Pius motus fuit ad faciendam prædictam congregationem regularem, & ad constituendum vt eius personæ profiterentur expresse, & non esset locus professioni tacitæ, ita persuadent illa sine exemptione, ac cum exemptione: ergo exemptio non fuit causa, vt prædicta institueret; cum ex zelo, & moribus eius, & rationibus ab eo expressis satis colligatur, quod æque facile instituisset, & constituisset eadem in vno casu, ac altero. Per quæ omnia credo non facile persuasum iri S. D. N. vt prædictis presbyteris, quam prætendunt, libertatem permittat; cuius tamen summæ auctoritati cum summa eruditione, summaque iustitia, & religione coniunctæ prædicta, & alia omnia, meque ipsum humillime submitto.

S V M M A R I V M.

1. *Subreptitius est, qui impetrans à Papa secundum beneficium, bona fide, & per simplicitatem tacuit primum, ex eo quod intendebat illud statim relinquere.*
2. *Ignorantia facti excusat, sed non iuris, præsertim clari; & quamuis excusaret à peccato, non tamen sufficit ad sanandam subreptionem. num. 3.*

C O N S I L I V M I X.

AN IMPETRANS beneficium à Papa, tacito alio, quod obtinebat, eo quod volebat statim illud relinquere, credens bona fide, quod non tenebatur ad illud exprimendum, excusetur in foro conscientiæ, ita quod sine tituli reformatione possit illud licite retinere?

1. Respondeo, quod D. consulenti videntur fauere ignorantia, bona fides, & simplicitas; & quod si dixisset Papæ se habere quidem canonicatum, sed velle statim renunciare illi, habito secundo; perinde concessisset secundum, ac si non habuisset alium: & quod ignorantia rei exprimendæ excusare videtur subreptionem, cap. gratia. de rescript. lib. 6.

Sed contra eum neruosissime facit, quod gratia beneficalis est ipso iure nulla, si taceatur beneficium prius obtentum, etiam sine dolo, & per simplicitatem, vt late scribit Felin. in cap. super literis. 1. & 2. concl. & etiam in cap. ad audientiā. il. 2. de rescript. & est textus irrefragabilis in

2. cap. si motu proprio. de præbend. lib. 6. Facit etiam, quod ignorantia prædicti Domini non fuit facti, sed iuris, non solum regularum Cancellariz;

lariæ, sed etiam antiquissimi decretalium cap. cum adeo. & cap. si propo-
nente. de rescript. lib. 6. & d. cap. si motu. & clemen. 1. de prædend. & quod
prædictum cap. gratia. loquitur de ignorantia facti, & non iuris, quæ non
excusat; præsertim adeo clari, atque est hoc, de quo loquimur, c. ignoran-
tia. de reg. iur. lib. 6. Facit etiam contra eum, quod cum impetratio sit ipso
iure nulla, videtur tenere canonicatum sine titulo, sine quo non potest li-
cite teneri. cap. 1. de reg. iur. lib. 6. Quare non auderem dicere, quod non
teneatur reformare prædictam gratiam, & obtinere aliquod perinde va-
lere. quamvis etiam ipsum non peccasse in sic impetrando, per ea quæ
dixi supra ei faue re. Salua, &c.

S V M M A R I V M.

- 1 Subreptitius non est qui vnica supplicatione quatuor beneficia, quorum nullum ex-
cedit valorem scutorum vigintiquatuor, impetrando, asseruit eorundem va-
lorem simul iunctum scutorum vigintiquatuor non excedere summam.

CONSILIVM X.

AN IMPETRATIO plurium beneficiorum, quorum nullius va-
lor ascendit ad summam vigintiquatuor ducatorum auri de came-
ra, sit nulla, eo quod in supplicatione, in qua petuntur quatuor talia, non
exprimatur vera valoris summa coniunctim; ita quod omnium simul va-
lor ascenderet ad triginta scuta, & nullius valor per se ad decem?

- 1 Respondi nõ videri nullã; quia valor beneficij non ascendentis ad sum-
mam vigintiquatuor ducatorum non est necessario exprimendus, vt te-
statur Gomezius in reg. de valore beneficiorum. pag. 3. Salua, &c.

S V M M A R I V M.

- 1 Nominatus tamquam magis idoneus repertus in concursu ad parochialem in men-
se Papæ vacantem, & differens obtinere prouisionem, vt alius eandem
tamquam ad eandem Sedem per Concilium Lateranense deuolutam im-
petret; si impetratio tenet, ad nullam monitionem faciendam tenetur; at
si dicta impetratio sit subreptitia, vt putat auctor, num. 2. & sequen.
tenetur monere vel Papam, vel Datarium, vel Episcopum, num. 5.
- 2 Subreptitius est, qui beneficium tamquam deuolutum impetrat, tacendo specialem
modum deuolutionis, qui Pontificem à concedendo retraxisset.
- 3 Nominatus in concursu parochialis tamquam dignior, si morte, vel re-
nunciatione, vel aliter ius suum, antequam instituat, amittat, ad Episco-
pum redit integrum ius nouum concursum, & reliqua omnia vt prius fa-
ciendi.

- 4 *Deuolutio beneficiorum ad sedem Apostolicam inducta per Concilium Lateranense contra ordinarios intra sex menses non conferentes, non habet locum in materia institutionis, nec nominationis ad parochiales, pro quibus factus fuit concursus, in mensibus Papæ vacantes.*

CONSILIVM XI.

ECCLÉSIA parochiali vacante in mense Papæ Episcopus iuxta formam Concilij Triden. admissio concursu nominavit digniorem, & iussit ei, vt adiret S.D.N. ad habendum titulum: qui licet à principio curasset aliqua ex parte illum habere, neglexit tamen per triennium: postea curauit illam tamquam tanto tempore vacantem, & sic ad Sedem Apostolicam per Concil. Lateranense deuolutam impetrari cuidam tertio ea digno. Quæritur an nominatus per concursum teneatur declarare Papæ, se fuisse nominatum ad illam per concursum, præsupposito quod valuit prouisio Papæ facta dicto tertio.

- 1 Respondetur primo, quod præsupposito valore prouisionis Papæ non tenetur D. consulens ad monendum Papam, nec Datarium, neque Episcopum, nec prouisum, quo suis conscientijs medeantur, per rationem in casu tactam.

Secundo, quod non esset dubitandum de valore prouisionis, si cum impetraretur à Papa tamquam deuoluta, fuisset Sanctitati suæ narratus modus deuolutionis, scilicet, quod fuit decretus ab Episcopo concursus, & facta examinatio concurrentium, & nominatus dignior; & quod ipse erat contentus vt conferretur alteri, Episcopo tamen id nesciente, nec consentiente: quia visus esset Papa derogare Concilio. argu. l. idem Vlpianus. ff. de excus. tut. & l. quidam consulebat. ff. de re iud.

- 2 Tertio, quod si prædictus modus deuolutionis non fuit Papæ narratus, sed solum fuit ei dictum, quod prouisio eius erat ad eum deuoluta, dubitari potest de valore prouisionis. Et mea quidem sententia, salua saniori, censenda est subreptitia, cap. postulasti. de rescript. Tum quia difficilius contulisset eam Papa, si præfata sciuiisset. Tum quia Episcopus non fuit negligens in prouidendo ecclesiæ præfate; quia fecit omnia, quæ ad ipsum spectabant. Tum quia negligentia nominati non debet ei nocere.
- 3 Tum quia, sicut electo ad aliquam dignitatem nolente consentire electioni de se factæ, vel renunciante iuri sibi quæsito, vel moriente, antequam electio confirmetur, ius eligendi redit ad primos electores, qui habebunt tantum tempus ad eligendum denno, quantum habuerunt ante primam electionem, cap. si electio. de electio. libro 6. ita etiam ad ecclesiam parochialem per concursum iuxta formam Concilij Tridentini nominato renunciantem, moriente, vel alias ius quod habebat antequam instituatur perdente, potestas prouidendi per nouum concursum redit ad Episcopum, cuius iuri noluit Papa derogare ignorando illud ei competere, vt ignorabat tempore, quo præfatam ecclesiam contulit; cum nihil ei de præfato concursu, neque de nominatione virtute illius

illius facta sibi fuisset narratum. Tum quia gratia principis intelligenda est sine præiudicio tertij, l. 2. §. si quis à principe. ff. ne quid in loco publico fiat. cap. superior. de off. deleg. & gratia præfata Papæ intelligenda est sine præiudicio Episcopi, & nominati, de quibus nulla fuit ei mentio facta.

- 4 Tum quia licet statutum sit certum tempus ad conferendum, c. 2. de concess. præb. non est tamen institutum tale ad instituendum, vt Panor. communiter recep. docet in eodem cap. & ita præfatus D. consulens non perdidit ipso iure ius sibi per nominationem quæsitum per lapsum sex mensium: neque Episcopus poterat præfigere terminum Papæ ad instituendum: neque tenebatur scire causas ob quas S. Sanctitas non instituit D. consulentem. Tum per alia quæ non vacat scribere.

- 5 Quarto respondetur, quod D. consulens potest suæ conscientie satisfacere renunciando iuri sibi quæsito per præfatam nominationem in manibus præfati Episcopi per se, vel per procuratorem, allegando in specie, vel in genere causas, ob quas non conuenit ipsi præfatam institutionem à Sede Apostolica quærere; idque poterit facere, Papa & Datario inscijs: vel Episcopus per nouum concursum, & nouam nominationem prouideat ecclesiæ suæ, perinde ac si antea minime nominasset. Salua, &c.

S V M M A R I V M.

- 1 Parochialem adeptus, si per negligentiam etiam à superiore non monitus, nu. 9. cum iusto non detineretur impedimento, intra annum non accipit ordines, eam ipso iure dicto anno elapso perdit, fructusque postea perceptos suos non facit, sed & illos etiam in foro conscientie tenetur restituere, nu. 2. & 10. immo nec perceptos in primo anno, si parochialem eo accepit & possedit animo, vt non promoueretur. nu. 10.
- 2 Fructus male percepti triplici modo restitui possunt remissive.
- 3 Expressio defectus sufficienter sit per verbum forte, vel forsan, & hoc ex stylo Curie.
- 4 Pensio reseruata resignanti beneficium, in quo titulum canonicum non habebat, tacito dicto defectu, non tenet, nu. 5. nisi ex clausulis in supplicatione apposis talis sanetur defectus. 6. 7. & 8.
- 5 Taciturnitas eius quod expressum retraxisset principem à concedendo, vel tam facile concedendo gratiam, etsi non semper causet subreptionem, num. 6. illam tamen causat expressio talis falsitatis. nu. 5.
- 6 Mandatum de conferendo beneficium ab aliquo resignandum non se extendit ad illud, si talis prius moriatur, quam resignet.
- 6 Pensiones quando collitiganti cedenti reseruantur, non inspicitur an ius habeat in beneficio, vel non, immo absolute habentur pro validis. nu. 10.
- 9 Ignorantia iuris admodum noti non excusat illum, qui illud tenebatur scire.
- 10 Pensio reseruata resignanti, qui beneficii titulo erat priuatus, sustinetur ex mente Pontificis, si quæ colligi possit ex verbis supplicationis. & 10.
- 10 Clausula illa, siue prædicto, siue alio modo vacet, facit, vt collatio facta resignatario, de beneficio resignato ab eo qui eodem prius erat priuatus, teneat.

- 11 *Fructus ecclesie vacantis de iure in illius utilitatem conuerti debent, vel primo legitimo successori tradi.*
- 12 *Execrabilis etsi sit is qui plures parochiales sine dispensatione obtinet, secus tamen est in eo qui easdem post priuationem ipso iure incursum retinuit. C. num. 14.*
- 13 *Execrabilis ad beneficia obtinenda, non autem ad pensiones inhabilis fit. num. 15.*
- 14 *Execrabilis beneficia vacantia, non omnia, sed ultimo loco obtenta, sunt reseruata collationi Sedis Apostolicæ.*
- 15 *Intrusus in aliquo beneficio, ad illud tunc inhabilis fit, quando in eo sine titulo se intrusit; secus si illius possessionem à principio iusto titulo acceptam post amissum titulum continuauit. m. 14.*
- 16 *Possessionem beneficij legitimo cum titulo acceptam post illum amissum continuans non fit intrusus, ubi ab initio sine titulo illam apprehendit. 14.*

CONSILIUM XII.

QUIDAM adeptus ecclesias aliquot parochiales intra annum non fecit se promoueri ad ordinem presbyteratus; & aliquot annos percepit fructus; & postea, ut satisfaceret Concilio Tridentino de refor. cap. 2. sess. 7. resignauit eas in alios, reseruatis sibi pensionibus. Quæritur quid agendum.

- 1 Respondeo primo, conari eum debere reminisci, an per negligentiam suscipiendi ordines ipso iure perdidisset illas ecclesias per lapsum anni iuxta cap. licet canon. & cap. commissæ. de elect. lib. 6. nam si quod impedimentum iustum habuisset, non perdidisset eas per dictum cap. commissæ. & alioquin sic.
- Secundo, quod etiam debet conari meminisse an sciret, & aduerteret, quod per huiusmodi negligentiam perditurus esset illas ecclesias, an ignoraret, vel non aduerteret.
- 2 Tertio, quod secundum communem opinionem is, qui per huiusmodi negligentiam perdit ecclesiam parochialem, non facit fructus suos receptos post perditionem iuris, & tenetur restituere eos etiam quo ad forum conscientie, quamuis regulariter poena non debeat in illo foro iuxta gloss. sing. in c. fraternitatis. 12. q. 2. ut nos tradimus in comment. cap. non liceat. 12. q. 2. §. 12. num. 4.
- 3 Quarto, quod prædictus D. consulens in restituendo uti potest vno de tribus remedijs, quæ nos ponimus latius, & profundius, quàm aliquis alius, in dicto §. 12. à nu. 2. quæ ibi videri possunt; & quod ad propositum casum est valde aptum illud, scilicet restituendi illos illismet familiaribus, in quorum fauorem renunciauit prædictas ecclesias; & quod illi ratione gratitudinis possunt intuitu pietatis, vel paupertatis suæ, vel aliorum cognatorum suorum, remittere illos.
- 4 Quinto, quod magnæ questionis videtur esse, an reseruatio pensionum facta à Papa ei, qui renunciat beneficium, in quo non habet titulum canonicum, alicui, valeat non facta mentione quod non haberet titulum canonicum: si enim faceret eam, vel saltè diceret se dubitare, vel habere scrupulum.

pulum, valeret; quia satis fieret mentio de illo defectu; stylus enim Curiae habet, ut defectus per verbum forte, vel forsitan, expresse habeatur pro expresse. Quare consulendum videtur D. consulenti, ut quærat in registro supplicationem registratam super hac reservatione pensionum, ut videantur omnes clausulae eius, si quæ sint, quæ directe, vel indirecte, tacite, vel expresse de hoc defectu tituli canonici mentionem facit.

- 5 Sexto contra reservationem pensionum huiusmodi sine vlla expressione defectus facta facit primo, quod difficilius concessisset Papa pensiones, si sciisset non competere sibi ius in illis ecclesijs; & gratia principis facta tacito illo, quod expressum retraxisset à concedendo, vel tam facile concedendo, est subreptitia, cap. postulasti. & cap. super literis. de rescrip. Secundo, quod licet taciturnitas veri, quod retraxisset principem à concedendo, non semper annihilat gratiam; expressio tamen falsi, quod faciliorem reddit principem ad concedendum, semper annihilat gratiam iuxta illud, *Mendax precator careat impetratis*. l. etsi. C. si contra ius vel util. pub. & cap. super literis. de rescript. & tradimus nos in Manu. c. 22. num. 86. post Rotam decis. 32. de rescript. in nouis, & Felin. c. postulasti. col. 4. de rescrip. At prædictus D. consulens renunciando illas ecclesias asseruit se habere ius in illis; quia priuatio præsupponit habitum, l. decem. ff. de verb. oblig. c. ad dissoluendum. de desponsa. impub. ergo debet carere gratia pensionum impetrata. Tertio, quod sub mandato conferendi beneficium ab aliquo resignandum non includitur beneficium eius, si per mortem ipsius resignatione non facta vacet, c. susceptum. de rescrip. lib. 6. Ergo nec pensio imposita beneficio propter resignationem valebit quidquam, si resignatio eius non valuit: at resignatio eius quod non est, non valet, quia non entis nullæ sunt qualitates, l. si seruum. §. i. ff. de act. empt. ergo, & c.

- Pro valore autem gratiæ pensionum facit primo, quod prædictus D. consulens ignorabat, vel saltem non aduertebat se perdidisse titulum canonicum, quem habebat, propter negligentiam accipiendi ordinem; & taciturnitas facta per ignorantiam non videtur nocere, cap. gratia. de rescrip. lib. 6. Secundo, quod passim in Curia fiunt, & recipiuntur resignationes litigantium, & cedentibus assignantur pensiones; nec curant partes, neque Cancellaria, an cedentes habeant ius, nec ne: & stylus Curiae facit ius, cap. quam graui. de crimine falsi. Tertio, quod communiter resignantes dicunt se resignare ex quibusdam causis animum suum ad id mouentibus: sub quibus verbis videtur posse comprehendi defectus boni tituli: & ita videri potest expresse defectus illius saltem in genere, quod videtur sufficere. Sed quia expedire videtur, ut videatur copia supplicationis registratæ, suspendo super hoc articulo meam sententiam, donec illa mostretur. Salua & c.

Visa post hæc supplicatione prædicta, addo, quod ex illius tenore colligitur sufficienter esse factam mentionem Papæ de defectu tituli generaliter, vel specialiter. Primo quidem per illa verba, *Ex certis causis animum suum mouentibus*. Secundo per illa, *Reseruatis valide infra scriptis, & non aliàs & c.* Tertio per illa, *Præmissis siue alio quouis modo vacet per resignationem*

nem coram notario, &c. qui per constitutionem execrabilis, vel affecutionem, unionē, uel aliā nacet, etiam si deuoluti affecti specialiter, uel aliā, ex quavis causa in literis etiam dispositiue, uel conditionaliter exprimenda generaliter reseruata litigiosa, cuius litis statum, &c. existat. & per illa, Quomodolibet se intromittendo, molestando, perturbando. & per illa, Illaque ex quavis causa nulla, & inualida. Per quę omnia colligitur Papam voluisse reseruare prædicto D. consulenti prædictas pensiones, etiam si ecclesiæ vacassent, & collatio fuisset reseruata Papæ, uel deuoluta ad ipsum, &c.

8 Ad argumenta in oppositum facta responderi potest illorum vim procedere, quando ex verbis ipsiusmet Papæ, vel literarum eius non constat expresse vel virtualiter de ipsius intentione. argum. l. idem Vlpianus. ff. de excus. tut. & l. quidam consulebant. ff. de re iudicata.

POST HANC nostrā responsionem proponuntur nobis aliæ tres, quæ videntur esse virorum egregie doctorū, quæ continent quædam contraria eis, quæ nos supra diximus: & interrogamur, quid de illis nobis videatur, & an propter allegata in eis discedamus à nostra sententia, an vero perstemus in illa.

9 Ad quod respondemus primo, quod nunc pro comperto habemus D. consulentem ipso iure perdidisse ecclesias parochiales in eius fauorem resignatas, etiam ei à Papa collatas, per negligentiam suscipiendi presbyterium: licet in responsione prima aliqua ex parte dubitasset, an habuisset aliquod iustum impedimentum, quo minus promoueri se faceret: nunc autem præsupponitur non fuisse illi vllum impedimentum, & quando tunc & nunc pro certo habebamus, & habemus, quod ad constituendum in mora & negligentia suscipiendi presbyterium non requiritur monitio vlla superioris, vltra illam quæ iure communi fit per cap. licet canon. & cap. commissa. de election. libro 6. atque ita ignorantia iuris, quod ipse tenebatur scire, fuit improbabilis, & crassa, quæ non liberauit à pœna iuris tam noti, quodque tam clare obligantur scire omnes qui quærunt, vel accipiunt, & conferunt ecclesias parochiales; & quod in talibus paria iudicantur scire, & scire debere, l. quod. te. ff. si certum petatur. Secundo, quod ex hoc sequitur prædictum consulentem non potuisse iuste capere fructus, qui post annum primum ei obuenerunt; & interim teneri ad restitutionem eorum, & etiam ad restituendum fructus primi anni, si recepit & possedit ecclesias intendendo se non promoueri facere intra illum per prædictum cap. commissa. §. cæterum. vt in vna responsionum præfatarum recte respondetur. Tercio, quod collationes ecclesiarum factæ familiaribus D. consulentis per resignationem iustam in fauorem illorum fuerunt validæ, & legitimæ; quoniam ex literis Papæ constat, quod fuit ei animus conferendi eas illis, quomodocumque & ex quacumque causa vacassent, etiam si reseruata, litigiosa, & deuoluta fuissent, vt recte tangitur in vna prædictarum responsionum. Quarto, quod reseruatio pensionum facta prædicto D. consulenti fuit valida; eo quod ex tenore supplicationis à Papa signatæ, & prouisionis factæ colligitur, Papam voluisse illam sibi reseruare, etiam si nul-

si nullum ius in beneficijs habuisset, quæ renuntiavit, vt supra respondi-
mus post copiam supplicationis visam. Nec obstant considerationes in-
contrarium adductæ: quia solum procedunt quando ex literis Papæ non
colligitur mens vlla eius contraria, vt in nostro casu clare colligitur ex li-
teris prædictis, & ex stylo Curia, secundum quem quotidie fiunt concor-
diæ, per quas litigantes resignant in fauorem collitigantium reseruatæ
pensionibus; de quibus numquam dubitatum est, an desinant valere co-
solo, quod resignantes non haberent ius in beneficijs resignatis. Quinto,
quod prædictus D. consulens potest, & debet restituere prædictos fru-
ctus male perceptos post annum primum, & etiam quos percepit intra
illum, si recepit, & possedit ecclesias intendens non assumere presbyterat-
um, præfatis familiaribus, in quorum fauorem resignauit eas, & quibus
11 Papa eas contulit: eo quod fructus ecclesiæ vacantis debent conuerti in
utilitatem eius, illa vacante, vel tradi primo successori, c. cum vos. de offi.
ord. & cap. quia sæpe. de elect. lib. 6. quod profundius alijs (secundum quod
dictum est) tradimus in comment. c. non liceat. 12. q. 2. §. 12. nu. 2.

Post hæc omnia iterum mihi propositus fuit idem casus in hac quæ se-
quitur forma. Ex tribus parochijs, quas dictum est D. consulentem per
decennium habuisse absque ordine presbyteratus, vnā (parendo decre-
tis Concilij Tridentini) resignauit in manibus Papæ ad fauorem Ioannis
cum reservatione omnium fructuum, demptis 50. ducatis pro dicto Ioan-
ne; reliquas vero libere & simpliciter in manibus ordinarij, qui eas con-
tulit duobus familiaribus ipsius consulentis. Qui postquam de illis fue-
runt prouisi, & habuerunt possessionem, cōsenserunt auctoritate Aposto-
lica reservationi duarum pensionum super fructibus suarum parochia-
lium ad fauorem dicti consulentis cum accessu & regressu in euentū quod
pensiones prædictæ ex quauis causa nullæ & inualidæ existerent, prout
in supplicatione, cuius copia datur, supplicatur videri in iure an prædi-
ctus consulens non promotus, per retentionem vltra annum dictarum pa-
rochialium fuerit factus inhabilis, & incapax beneficiorū obtentorum &
obtinendorum: ita vt sine dispensatione non potuerit tuta conscientia ea
retinere, & similiter reservationes pensionum, quas ex causa resignationis
in manibus ordinarij factæ fuerunt concessæ. Præterea videndum est in
iure an ordinarius potuerit conferre illas duas parochiales, quæ vacau-
rant ob non promotionem consulentis; & si erant deuolutæ ad Papam,
prouisi indigeant noua prouisione.

Respondeo, quod hæc duæ quæstiones sunt graues; quarum decisio re-
quirit hominem maiori otio, quam quod est mihi, fruentem; præterquam
quod votis meis ex parte repugnat earum digna tractatio. Pro reueren-
tia tamen, qua sum in eum, qui mihi eas imperat, respondeo hæc pauca.

12 ET AD PRIOREM quidem quæstionem primo, esse distinguendū, an
prædictus consulens obtinisset eas cum Papæ dispensatione, an vero sine
illa. Secundo, quod si absque dispensatione obtinuit eas, fuit factus inhabi-
lis ad illas, & alia quæque beneficia obtinenda per extrauag. execrabilis.
Ioannis XXII. §. porro. de præbend. & quod illa tantum postremo loco
adepta

adepta fuit reſeruata collationi Papæ, ſecundum glo. celeb. quam habet dicta extrauag. quam nos ſequimur in repet. c. accepta. oppoſit. 10. num. 3. de reſtit. ſpol. licet glo. Guliel. quam habet inter extrauag. communes, putet etiam alias eſſe reſeruatas; & conſequenter ſolus Papa potuit de illa prouidere. Tertio, quod magna quæſtio eſt, an idem ſit dicendum ſi prædictus conſulens obtinuit prædictas eccleſias cum diſpenſatione ſufficienti ad eas obtinendas.

Nam pro affirmatiua facit primo, quod videtur æque malum, aut maius, retinere parochiales eccleſias, quarum titulos ipſo iure perdidit, & in quibus nullum ius habuit, quam retinere illas canonicè collatas abſque diſpenſatione, arg. cap. 1. de reg. iur. lib. 6. cum ei concord. Secundo, quod intruſus in aliquo beneficio eſt inhabilis ad illud, ſecundum Panorm. c. cum iam dudum. de præbend. & ipſummet, & alios multos alibi citatos à Felin. in cap. noſtra. coroll. 2. de reſcript. & quod qui retinet poſſeſſionem beneficii iure ipſo perditæ acceptam virtute canonici tituli cenſetur intruſus ſecundum Felin. in dicto cap. in noſtra. corolla. 2. de reſcript.

Pro negante vero facit primo, quod prædicta extrauagans execrabilis, facit magnam differentiam inter eum qui male poſſidet beneficium cum diſpenſatione ſufficienti; & inter illum qui poſſidet ſine vlla diſpenſatione: & quod poenæ de vno ad alium caſum non ſunt extendendæ, c. poenæ. de poenit. diſt. 1. & præd. extrauag. loquitur de poſſidente ſine diſpenſatione. ergo non eſt extendenda ad poſſidentem cum illa. Secundo, quod multum intereſt inter eum qui accepit poſſeſſionem ſine aliquo titulo, & eum qui eam accepit cum titulo, & continuat eam poſt titulum ipſo iure perditum, per ea quæ in dicta repetit. oppoſit. 7. num. 16. diximus, per quæ videtur quod licet accipiens poſſeſſionem beneficii abſque titulo ſit intruſus, & fiat inhabilis ad illud, non tamen ſit talis qui continuat poſſeſſionem quæſitam cum titulo perdito ipſo iure. Tertio, quod nullibi videtur probari dictum Barthol. Brixien. in repertorio, verbo intruſus, quod ſolo nititur Fel. vbi ſupra ad dicendum, quod poſſidens beneficium cum titulo ipſo iure perdito eſt intruſus ad effectum inhabilitandi eum ad dictum beneficium: immo Gomez. in regul. de trien. poſſeſ. quæſt. 47. dicit de ſtylo Rotæ illum ſolum dicendum intruſum quo ad illam regulam, qui eſt talis vno trium modorum, quorum nullo eſt poſſidens cum titulo ipſo iure perdito.

Et hæc pars in præſentia mihi videtur verior, per præfata & alia multa, quæ in prædicta oppoſitione 7. & 10. ſcripſimus, quæ ibi videri poſſunt, & nunc nec vacat nec pro voto licet hic ea reſcribere, nec adducere multa quæ pro dignitate quæſtionum adduci poſſent.

Quarto principaliter dico, me arbitrari prædictum conſulentem non eſſe intruſum proprie, ita vt per intruſionem ſit factus inhabilis ad prædictas eccleſias obtinendas: & quod ſi eas obtinuit cum ſufficienti diſpenſatione, vt puto obtinuiſſe, non eſt factus inhabilis ad eas eo ſolo, quod eas retinuerit poſt titulos ipſarum ipſo iure perditos: & quod ſola eccleſia ultimo loco recepta fuit reſeruata Papæ: & quod ordinarij potuerunt alias

1. alias conferre: & quod licet incurrisset inhabilitationem ad prædictas ecclesias obtinendas, eo quod sine dispensatione eas accepisset; non tamen propter hoc factus fuisset inhabilis ad obtinendas pensiones sibi à Papa reservatas: quia pensiones non sunt beneficia; & ideo inhabilitatus ad illa per constitutionem pœnalem, non videtur inhabilitatus ad pensiones. Salva quæ iustior, &c.

S V M M A R I V M.

1. Pensionarius, cui bona fide narranti beneficii fructus esse scutorum 300. reservata fuit pensio scutorum 200. cum clausula, modo resignatario remaneant scuta 100. si postea reperiet tunc fructus vere fuisse minores, recte fecit remittendo pro rata; nec eum excluderet quod postea fructus sint aucti: modica tamen lesio, puta si eidem solam remansissent 90. non noceret. nu. 3.
2. Valor beneficii verus per locationis instrumentum non probatur, estque difficilis probationis.

CONSILIVM XIII.

QUIDAM habens beneficium valoris, ut ipse bona fide putabat, 300. scutorum renunciavit illud in favorem alterius, & ei dicenti illud esse valoris 300. reservata fuerunt 200. pro pensione, cum clausula modo remanerent 100. resignatario, qui locavit illud 275. Queritur an resignans possit accipere 200. pensionem à resignatario illa sibi sponte solvente, auctis postea eius redditibus ad 300. & amplius.

1. Respondeo primo, quod pro parte negante facit, quod omnis gratia, quæ fit exprimenti falsum, quod movit principem ad eam concedendam, est ipso iure nulla, cap. postulasti. cap. super literis. de rescript. Secundo respondeo, quod pro parte affirmante facit, quod consulens bona fide per ignorantiam expressit illum valorem, ut præsupponitur in facto: & ignorantia excusat à subreptione. c. gratia. de rescript. lib. 6. de quo
2. late Fel. in c. super literis. à nu. 1. eo. tit. Facit etiam, quod verus valor fructuum beneficii non probatur per instrumentum locationis fructuum, ut late tradunt Cassadorus decis. 20. super reg. 9. Cancell. & Gomez. in q. 11. super reg. Cancell. de valore exprimendo: quamvis credulitas inde nata excuset à pœna expressionis falsi valoris, eo modo quo ipsi tradunt; & ita eo solo quod renunciatarius locaverit fructus beneficii 275. scutis, non sequitur quod non valerent 300. quoniam fructus beneficiorum locantur, seu arrendantur aliquando pluris, aliquando minoris, quam vere valeant; & modica pars excessus, vel defectus non videtur nocere, ut prædictus Cassadorus in d. decis. 20. tradit.

Tertio dico resoluendo, quod si prædictus pensionarius bona fide, ut ponitur in facto, credebat, tempore renunciationis, prædictos fructus valuisse 300. scutis, non tenetur ab illa fide & credulitate discedere, eo solo quod fuerint locati, seu arrendati semel solum 275. quoniam multis de causis quis locat seu arrendat minoris uni, quam alteri, & vno tempore, quam

quam altero, ratione cognationis, amicitiae, vel certioris solutionis, vel anticipationis pretij, vel quia putat quod melius conseruabit vel meliorabit, seu reddet vtilius id, cuius fructus locat: necessitatis item, & fertilitatis, vel sterilitatis anni, & alijs rationibus: difficulter enim probatur verus valor, vt praedicti testantur, & alij multi, in quibus sunt Panorm. & Felin. in cap. cum causa. de testib. & omnes in cap. cum dilecti. de empt. & vend. & in l. 2. C. de rescind. vendi. neque debet formare scrupulum eo solo, quod modicus fuerit defectus, ob illa, quae praedicti Cassad. & Gomez. tradunt.

- 3 Quarto, quod si vere coram Deo putaret praedictus pensionarius, quod secundum communem aestimationem non valerent pluribus, quam 275. & quod si locarentur, vel arrendarentur 300. vel 290. locatio esset iudicanda iniusta notabiliter, recte faceret remittendo renunciatario tantam partem suae pensionis, quanta deesset ad hoc, vt deberet putari iusta acceptio residui 100. scutorum.

Quinto, quod multum faceret ad certius respondendum, scire quibus de causis pensionarius consulens credebatur, cum renunciaret, esse beneficium praedictum valoris 30. ducatorum; & an locari, vel arrendari potuisset, vel fuisset antea arrendatum pluribus quam 300. vel 290. vel circiter: quoniam multum iuuarent haec ad indicandum, quid debeat credere coram Deo, quibus perspectis forte paulo aliter responderemus, ad gloriam Dei. Salua, &c.

S V M M A R I V M.

- 1 Beneficium per superueniens homicidium irregularitatem inducens non vacat.
- 2 Gratia habilitationis in genere ad beneficia victui necessaria querenda & obtinenda, tacito quaesito, non vitatur.
- 3 Expressio falsa eius, quod faciliorem principem ad concedendum reddit, vitiat quidem gratiam; secus de taciturnitate, quae non vitiat, nisi in casibus, in quibus contrarium in iure cautum est.
- 4 Irregularis in choro canere, & alia officia facere, quae laicus, potest.

C O N S I L I V M X I I I I.

QUIDAM homicida iam diaconatu legitime insignitus, habens & possidens vnam canoniam ecclesiae cuiusdam collegiatae, impetrauit a Papa dispensationem obtinendi beneficia simplicia non requirentia ordinem, quae suo victui sufficerent, quaeque sine altaris ministerio posset tenere, non facta mentione quod haberet praedictam canoniam. Queritur primo, an praedicta dispensatio valuerit.

Secundo, an esto valuerit, vel non valuerit, possit deseruire praedictae canoniae.

- 1 Pro parte affirmatiua primae quaestionis facit primo, quod praefatus consulens non perdidit ipso iure illum canonicatum, quem ante homicidium legitime quaesivit, c. clericis. verbo priuatur. ne cler. vel monach. Innoc. &

- communis cap. cum nostris . de concess. præbend. Felin. cap. inquisitioni. de accusa. & alij alibi sæpe: & ita non indigebat dispensatione ad retinendum, sed tantum sublatione irregularitatis ad se ordinandum, & ad alia beneficia obtinenda. Secundo, quod non obstat, quod in impetratione beneficij quærendi sit facienda mentio de beneficio iam quæsito, cap. si proponente. de rescrip. c. si motu. de præben. lib. 6. quia in casu proposito non loquimur de impetratione beneficij, sed de rehabilitatione ad illud, vt palam est. Tertio, quod etiam non obstat, quod in impetranda dispensatione ad beneficia debet fieri mentio de beneficio quæsito, c. non potest. de præb. lib. 6. quia illud cap. non agit de impetratione habilitatis, vel rehabilitationis ad beneficia, sed de impetranda dispensatione ad secundam pluralitatem beneficiorum, & ita de alio genere dispensationis, ex quo non potest inferri ad aliud, l. Papinianus. ff. de mino. Quarto, quod non obstat dicere, quod Papa difficiliter concessisset prædictam dispensationem, si expressisset quod habebat canoniam. Tum quia non videtur id esse verum: quoniam verisimilius est, quod potius concessisset retentionem illius, quam obtentionem nouam aliorum, arg. c. quemadmodum. de iureiurando. Nec obstat quod non concessisset habilitatem ad noua quærenda: quia id negari potest, eo quod solum concessit ad quærenda vnum vel plura simplicia, quæ sufficerent ei ad honeste viuendum; quod cōcessisset, etiam si expressisset quod habebat canoniam: quia si illa ei sufficiebat, nihil concedebat; & si illa non sufficiebat, tanto minus concedebat, quanto minus egebat habendo illam canoniam. Tum quia licet omnis expressio falsa, quæ mouet principem ad facilius concedendam gratiam, efficiat eam ipso iure nullam, l. & si legibus. C. si cōtra ius, vel vtil. pub. c. super literis. de rescri. non tamen omnis taciturnitas veri, de quo iure cautum non est, vt non expresso illo gratia sit nulla, vt resoluit Rota in nouis decis. 31. de rescrip. & Felin. cap. postulasti. col. 4. eo. titu. quos sequimur in Manu. confess. num. 86.

- AD SECVNDAM respondetur, quod, vt prædictum est, per homicidium, & irregularitatem superuenientem non vacauit canoniam; & quod irregularitas per se sola separata ab excommunicatione, interdicto, & suspensione, non videtur impedire actum canendi, & psallendi, nec alios qui non sunt peculiare, & appropriati actui ordinum, secundum mentem Innoc. cap. fin. de excess. præla. nullo enim iure videtur probari, quod irregulari non liceat canere, & psallere in choro, & pronunciare per se, & cum alijs officia diuina; modo absteineat se ab actibus proprijs ipsorum ordinum. Tum quia per definitionem eius à nobis traditam in d. Man. confess. cap. 27. num. 191. constat, irregularitatem esse idem impedimentum ad accipiendum ordines, & ad vtendum vsu acceptorum, quatenus sunt ordines; non tamen ab vsu eorum officiorum, quo laici vti possunt: at laici licite possunt canere, & psallere in choro, & extra illum officia diuina: ergo & irregularis idem facere posset. Tum quod nemo dicet illegitimum, cæcum, monoculum, manu, pede, aut aliquo alio membro mutilatum peccare canendo, vel psallendo in choro, vel extra illum: nec vsus communis Vrbs & orbis contrarium seruat, &c.

SUMMARIVM.

- 1 *Mendax precator impetratis carere debet, si dolose, ut facilius moueret concedentem, falsum expressit. nu. 3. nam si per simplicitatem, vel ignorantiam, non vitiat, nisi quatenus fuit causa concessionis. nu. 2. & 3.*
- 2 *Subreptionem non inducit expressio qualitatis, quæ concedentem reddit difficiliorem, nec taciturnitas illius, quo expresso æque facilius princeps concessisset. nu. 2.*
- 3 *Mendacium dictum per procuratorem minus nocet, quam dictum per ipsum principalem.*

CONSILIVM XV.

QUIDAM professus ordinem Minorum Conuentualium cum omisso habitu sui ordinis in apostasiam incidisset aliquibus de causis, quæ visæ fuerunt Papæ rationabiles, causa cognita per quemdam Cardinalem Illustrissimum, cui causa commissa fuit, fuit absolutus ab ordine cum facultate viuendi in aliquo eremitorio, vel aliquo loco pio sub obedientia ordinarij: qua facultate multis annis vsus est. Nunc autem iniecerunt ei quidam scrupulum de subreptione brevis Apostolici, quo ei fuit facta prædicta facultas, eo quod in eo per inaduertentiam vel sollicitatoris ignorantiam nominauit se esse fratrem ordinis Minorum de Obseruātia, cum tamen esset frater ordinis Minorum Conuentualium. Quæritur an expressio falsa prædicta reddiderit gratiam subreptitiam.

- 1 Pro parte affirmatiua facit, quod mendax precator debet carere impetratis, l. etsi legibus. C. si contra ius vel vtil. pub. & cap. super literis. de rescrip. Sed pars negatiua videtur verior. Primo, quod expressio falsa qualitatis, quæ principem reddit ad gratiam cōcedendam difficiliorem, non vitiat: ut cum quis impetrat beneficium, quod vere est simplex, dicendo quod est curatum, valet impetratio, ut sentit Rot. decis. 73. de rescrip. in antiq. quam sequitur inter alios Felin. in d. cap. super literis. nu. 2. Secundo, quod taciturnitas eius, quo expresso æque princeps fecisset gratiam, non nocet, cap. dudum. de præben. lib. 6. At expressio, quod consulens erat ordinis Conuentualium, non mouisset ad difficilius concedendum: ergo à simili idem dicendum. Tertio, quod expressio falsi per ignorantiam vel simplicitatem non reddit gratiam nullam, nisi quatenus est causa concessionis, d. cap. super literis. vbi omnes id annotarunt. & expressio, de qua in prædicto breui, est huiusmodi: nam Papa non cōsensisset difficilius, immo tanto facilius concessisset, si dictum fuisset ei prædictū professum esse fratrem ordinis Conuentualium, quanto altior est modus viuendi Minorum de Obseruantia, quam modus viuendi fratrum Minorum Conuentualium. Quarto, quod narratio falsi per sollicitatorem vel negotiorum gestorem facta non videtur tanti momenti, quanti facta per ipsammet partem, ut sentit Rot. tit. de rescrip. decis. 74. in antiq. & in hoc casu dicitur impetratio facta fuisse per sollicitatorem, vel procuratorem. Quinto, quod non obstat illud pro parte negatiua citatum, *Mendax precator*

careat impetratis ; quia illud intelligitur de impetrante dolose & malitiose exprimente aliquid falsum , quo facilius & lubentius illi gratiam, quam petit, princeps concedat: nos autem loquimur de tacente per inadvertentiam vel ignorantiam aliquid , & non de exprimente aliquid verum , quod expressum tantum abest vt redderet principem difficiliorem ad concedendum, vt potius redderet faciliorem, & non de eo quod redderet principem difficiliorem ad concedendum . Salua, &c.

S V M M A R I V M.

- 1 *Excommunicatus ex multis causis, absolutus ex vna, non est ex alijs.*
- 1 *Condonatio ex vna causa non extenditur ad alias. & 3.*
- 1 *Beneficiarius, qui ex tribus causis fructus restituere debet, ex vna condonationem impetrans, nihil agit. & num. 3.*
- 2 *Dominium quæri, & amitti ex pluribus causis non potest.*
- 3 *Subreptitius est, qui cum ex tribus causis fructus suos non fecisset, illorum condonationem vno tantum defectu expresso obtinuit : si tamen beneficium ipsi postea immediate iuste conferatur, sibi ipsi tanquam legitimo in illis successori restituere potest, & sic retinere. & nu. 4.*
- 3 *Condonatio fructuum ad causam expressam videtur restricta.*
- 3 *Voluntas non fertur in incognitum.*
- 4 *Fructus, qui ex pluribus causis restituere debet, sic sibi caueat.*

C O N S I L I V M X V I.

QUIDAM tribus de causis male percepit fructus cuiusdam beneficii, nempe quod accepit illos post irregularitatem contractam, & quod vno anno horas non recitavit, & altero abfuit à beneficio, quod erat ecclesia parochialis, & obtinuit à Papa revalidationem tituli, quem nulliter acceperat existens irregularis, cum condonatione fructuum, nulla facta mentione de prædicta omissione horarum, & absentia. Quæritur an possit absque aliqua condonatione fructus illorum duorum annorum retinere.

- 1 Pro parte negante facit primo, quod excommunicatus ex pluribus causis licet absolvatur ab excommunicatione contracta ex vna causa, non censetur absolutus à contractis ex alijs causis, cap. ex parte. de offic. ordin. & cap. cum pro causa. de senten. excommu. & vtroque glos. quæ alia multa pro hac parte citat. Secundo facit, quod gratia subreptitia non valet, cap. super literis. de rescrip. & in præsentī casu gratia condonationis fuit subreptitia, quia non tam facile concessisset illam condonationem Papa, si sciisset quod ex tribus causis perdidit fructus, ac concessit sciens quod ex vna tantum, cap. postulasti. de rescrip. cum concordantijs : nam qui debet aliquid ex pluribus causis, & liberatur ab eo, quatenus debet illud ex vna illarum, non videtur liberatus ab eodem, quatenus debet ex alia : vnde sententia liberans aliquem super vna re petita
ex vna

ex vna causa, non liberat eundem, si petatur ex alia causa, l. cum quaeritur. cum duabus seq. ff. de exceptio. rei iudi.

2. Pro contraria vero parte facit, quod dominium quaesitum ex vna causa, non potest dari ex alia, l. 3. §. ex pluribus. ff. de acq. poss. ergo nec perditum ex vna causa potest dari ex alia: quia quod operatur propositum in proposito, operatur oppositum in opposito, cap. sciendum. 8. q. 1. & l. et si contra tabulas. ff. de vulg. ergo fructus perditum ex vna causa non possunt dari ex alia: & cum praedicti fructus essent perditum ex defectu tituli, non videntur potuisse dari ex omissione horarum, & absentia. Secundo, quod aliud est debere aliquid ex duabus causis, quod passim contingit; aliud perdere dominium alicuius rei multis de causis, quod contingere nequit; cum qui iam perdidit illud ex vna causa, non potest perdere illud, quod iam non habet, ex alia; quia priuatio praesupponit habitum, l. decem. ff. de verb. oblig. cap. ad dissoluendum. de despons. impub. Tertio, quod Papa condonando ei fructus generaliter, videtur ei condonare illos, quoquo modo fuerint perditum; quia generalis dispositio ad omnia contenta sub genere extenditur, argumen. cap. si Romanorum. 19. dist. 1. de pretio. ff. de publi. in rem actio.

3. Resoluendo dico primo, quod praefatus consulens non liberatur ex praefata condonatione Papae, per argumenta pro priori parte adducta. Non obstant adducta pro secunda: quia illa probant quidem, quod consulens fuisset securus, si condonatio valuisset; sed illa non valuit. Tum quia gratia illam continens fuit subreptitia, vt praedictum est. Tum quia condonatio illa restringebatur ad causam perditionis ex defectu tituli expresso in petitione, & non ad alias non expressas: quia voluntas non fertur in incognitum, secundum August. lib. 13. de Trini. l. Rutilia pollea. ff. de contrah. emptio. Secundo dico, quod alia ratione est securus, videlicet quod qui possidet beneficium sine vilo titulo canonico, si ille ei canonizetur, videtur noue succedere sibi ipsi, vel alij, qui postremo loco habuit titulum canonicum: & cum fructus illo tempore, quo de iure vacabat beneficium, obuenientes debeantur futuro primo successori, per cap. cum vos. de offi. ordin. & cap. praesenti. de elect. lib. 6. cumque fructus praefati obuenerint tempore vacationis, quia collatio prius ei facta ob irregularitatem non valuit; ipse tamquam primus successor eius, qui habuit postremum titulum canonicum, potest retinere illos tamquam nouus successor ratione reualidationis sui tituli, per ea quae ipse clarius, altius, & neruosius quam aliquis alius scripsi in commentario cap. non liceat. 12. q. 1. §. 12. num. 4. Salua, &c.

S V M M A R I V M.

1. *Dispensatio ad beneficium retinendum, expressa vna irregularitate, alia tacita, est subreptitia.*

QUIDAM irregularis vna de causa obtinuit beneficium; & postea iterum factus irregularis alia de causa impetrauit commissionem à Papa ad quemdam, vt dispensaret super prima irregularitate, cum retentione beneficij: & commissarius habens potestatem dispensandi super secunda, dispensauit cum eo super illa, auctoritate quam habet sine illa commissione, & à prima virtute commissionis, cum retentione beneficij. Quæritur, an præfato dispensato liceat retinere præfatum beneficium.

- 1 Respondeo quod non; quia commissio Papæ de dispensando super retentione beneficij fuit subreptitia: quia fuit tacita alia irregularitas, qua expressa non fuisset tam facile facta commissio de retinendo beneficio: & ita quo ad id fuit nulla, & consequenter commissarius non potuit virtute illius concedere illi retentionem, arg. cap. postulasti. de rescript. & not. per Guliel. de Cu. & Bal. in l. 2. C. de epis. aud. & Felin. in d. c. postulasti. col. 4. de rescript. cum nihil ex nihilo fiat, cap. non præstat. de regul. iur. lib. 6. cum alijs similib. Salua, &c.

S V M M A R I V M.

- 1 *Dispensatio presbytericidæ, dicentis simpliciter se hominem occidisse, est nulla.*

CONSILIUM XVIII.

QVI occidit voluntarie vnum presbyterum, absolutus postea à peccato per Iobelaum, impetrauit dispensationem super irregularitate, dicens se occidisse quemdam hominem, non facta mentione, quod occisus esset presbyter. Quæritur, an dispensatio sit valida.

- 1 Respondeo quod non: quia tacuit non exprimendo id quod de iure exprimendum erat, & quod expressum retraxisset principem à concedenda dispensatione, quod facit gratiam subreptitiam, cap. postulasti. & cap. super literis. de rescript. Tacuit enim verum, non exprimendo satis specialiter Papæ delictum, quod commiserat; quia expressit, quod occidit hominem, & ipse occidit hominem presbyterum, quod est longe grauius. Non obstat, quod ipse dixi super extrauag. de dat. & recept. num. 48. & in Manu. cap. 22. num. 86. quod non omnis taciturnitas veri, quod expressum difficiliorem redderet principem ad concedendum, reddit gratiam subreptitiam, sed solum taciturnitas veri, quod iure mandatur exprimi: non inquam hoc obstat, quia iura iubent exprimi delictum, ex quo nascitur irregularitas, super qua petitur dispensatio: quod non fuit factum hoc casu, cum solum fuerit expressum homicidium in genere, quod verificari potest etiam in homicidio laici, & in casu erat presbytericidium, & ita homicidium specialiter, & grauissime qualificatum: & consequenter fuit admissa taciturnitas veri, quod iure debebat exprimi: & ita non solum non est contra hoc, quod ipse vt supra dixi, immo pro eo. Salua, &c.

S V M-

SUMMARIVM.

1. *Subreptitia non est petitio puellæ, quæ, ut obtineret dispensationem contrahendi cum affine, narrauit se incompetenter dotatam, quæ vere tunc erat talis; licet ipsa & sponsus haberent spem certam quod à matre ultra partem debitam esset titulo donationis, uel alio uoluntario acceptura magnum patrimonium.*
2. *Dotem tantam habere dicitur puella, quantum ualet id quod nunc habet, & reliquit pater, ac quod à matre seu alijs etiam inuitis potest iure extorquere: illud autem, quod certo sperat titulo uoluntario habere, non augeat eius patrimonium, nec facit ut desinat esse pauper.*

CONSILIUM XIX.

IMPESTRATA fuit dispensatio à Summo Pontifice pro quadā puellā sub nomine paupertatis, ad contrahendum cum consanguineo in tertio gradu: cui puellæ pater testamento reliquerat 100. florenos in auro huius monetæ, ita tamen, ut mater ipsius puellæ, quam maritus hæredem constituerat, & executores testamenti, nacti occasionem eam locandi, possent pro qualitate matrimonij augere, aut minuere dotem. Dicta dispensatio commissa fuit officiali diœcesis, in qua habitant dispensati; qui, accepta debita informatione, dispensauit cum illis; & sponsus puellæ dotauit eam in quatuor mille solidis huius ciuitatis, præter dotem quam habuerat. Hæc puella, etsi non habebat nisi tantum prædictos centum florenos, sperabat tamen se habituram bona matris, & patris, cuius mater erat hæres constituta, quæ multo pluris valebant: & eandem spem conceperat maritus puellæ; quoniam hoc ab ipsa puella, & ab alijs sæpe audiuerat: itaque erant quasi certi de hac hæreditate obtinenda, quoniam mater & executores testamenti erant male affecti erga alios fratres dictæ puellæ. vnde consummato matrimonio, mater cum vno ex executoribus testamenti donauit omnia bona sua & bona patris dictæ puellæ. Dubitatur modo, an quia puella habebat hanc confidentiam, quod mater & executores essent illi donaturi prædicta bona (quamuis esset hoc in libertate matris) dispensati sint tuti in conscientia, cum in dispensatione dictum fuerit Pontifici, hanc puellam esse inopem: & si non sunt tuti, quid remedij?

DECLARET D. consulens, an in regno præfatorum dispensatorum seruetur ius cōmune, vel Castellenum, quo certa legitima debeatur filijs, & quot fratres habebat prædicta puella, & quāta legitima cuique fratrum debebatur ex bonis patris iam mortui; & si haberi potest, habeatur copia dispensationis: & libenter respondebitur id quod iuri propius videbitur.

1. *Visa copia præfatæ dispensationis, & testamenti patris præfatæ puellæ dispensatæ, & intellecto quod mater eius viuebat, & quod nondum ei præfata filia successerat quo ad bona sua, quinimmo ipsa poterat, si voluisset, relinquere alijs bona sua, relictis præfatæ filiæ dispensatæ quinque florenis, & vno terræ arabilis modio tantum, & quod prædicta mater, & executores testamenti patris non obligantur per clausulam ipsiusmet testa-*

menti dare in dotem præfatæ filia dispensatæ plusquam centum florenos, & vno cacabo, & vestibus consuetis, licet possent, si voluissent; iuste iudicata fuit dispensata præfata inops, ad hoc, vt dispensatio esset valida: quia spes successione, præsertim in terris, in quibus certa legitima non debetur necessario filijs, nec spes donationis, vel applicationis bonorum, antequam donatio & applicatio fiant, non censentur esse bona illius qui habet spem præfatam successione, donationis, vel applicationis præfatarum. Et ita præfati DD. consulentes sine scrupulo possunt vti præfato matrimonio, & præfatis bonis, & alijs inter illos recte gestis, in gloriam & obsequium Domini nostri Iesu Christi, qui nos omnes saluet. Amen.

S V M M A R I V M.

1. Mandatum Papæ, ac illius delegati tenetur exequi ordinarius, nisi quando adest iusta causa supplicandi ab eis; & si continet Dei offensam, peccat exequendo. num. 2. & 3.
1. Ordinarius sententiam delegati Papæ reuocare non potest.
3. Exequutor merus non potest non exequi mandatum Papæ, & eius delegati; nisi quod præcipitur, sit in offensam Dei.
4. Indignum qui præficit ecclesiæ, peccat quidem; sed qui non tolerandum diutius tolerat, magis peccat.
5. Contranenire factio proprio licet nemo possit regulariter, nec allegare turpitudinem suam; fallit tamen quando agitur de salute animæ necessaria, num. 7. vel nomine ecclesiæ siue Reipublicæ id facit. nu. 8. & 9.
7. Malam à se factam alienationem bonorum ecclesiæ reuocant clerici alienantes, & prælatus male à se factam confirmationem electionis.
8. Communem ob vtilitatem sæpe auditur is, qui ob suam repelleretur, vt excommunicatus, vel qui in eadem versatur turpitudine. num. 7.
9. Episcopus est iudex in causa suæ ecclesiæ, etiam ad instante procuratore fiscali retractandum quæ ipse fecit.

CONSILIVM XX.

N. VALDE deformis corpore impetrauit à Papa commissionē dispensandi cum eo ad Episcopum originis ad ordines & beneficia, & ab eo dispensatus impetrauit ecclesiam parochialem alterius diœcesis à Papa in forma dignum; scilicet vt ordinarius ecclesiæ si reperiret eum idoneum, conferret eam illi; qui ordinarius licet à principio renuisset eam illi conferre propter magnam corporis deformitatem, tandem rogatus contulit, & iussit ei tradi possessionem, quæ tradita fuit.

Quæritur primo, an ordinarius ecclesiæ præfatæ peccauerit eam illi conferendo.

Secundo, an peccet permittendo illum possidere.

Tertio, quo remedio possit eum iure ab ecclesia expellere.

1. AD PRIMAM QVAESTIONEM respondeo pro parte negante vrgere primo, quod ordinarius tenetur exequi mandatum non solum Papæ, sed

sed etiam eius delegati, etiam si sit iniustum. cap. pastoralis. 9. quia vero. de offic. deleg. Secundo, quod ordinarius non potest renocare sententiam delegati à Papa, cap. cum inferior. de maiorit. & obedientia. At delegatus Papæ dispensauit super præfati curati deformitate. ergo. &c.

- Sed contrarium est tenendum. Tum quia oportet obedire magis Deo, quam hominibus, Act. 4. & cap non semper. & cap. qui resistit. 11. quæst. 3.
- 2 At Deus iubet indignos sacerdotio arcere ab eo, cap. graue. de præben. cū multis alijs. ergo, &c. Tū quia placet Papæ, vt sua mandata nō exequantur, quando adest iusta causa supplicandi ab eis, cap. si quando. de rescript. Tum quia irrefragabiliter Innoc. ab omnibus vtrouque receptus dicit in cap. inquisitioni. in fin. de sent. excom. quod is cui præcipitur aliquid à Papa, ex quo scit consecutura mala, peccat id exequendo: ita quod non solum non peccat cessando ab executione, sed etiam peccat exequendo, quando ex eo quod præcipitur exequuto sequeretur peccatum; quod post And. Siculum & Felin. grauiter confirmat Decius in dicto cap. si quando. num. 3. & ex ministratōe præfati adeo de formis sequeretur scandalum & peccatum, vt præsupponitur in propositione quæstionis. ergo ordinarius non solum poterat se abstinere ab exequendo mandato: sed etiam tenebatur non exequi.
- 3 Non obstant opposita in contrarium: quia procedunt in exequutore meram exequutionem habente circa ea quæ fieri possunt absque legis diuinæ offensione: nos autem loquimur de exequutore mixto, & de re, quæ non potest fieri absque scandalo, & offensione Dei, qui vetat illud Matth. 18. & cap. nihil cum scandalo. de præscript.
- 4 AD SECVNDAM respondetur, quod sic: quia licet non sit tantum peccatum non eijcere, quantum admittere cæteris paribus, arg. cap. quemadmodum. de iureiurando: non tamen excusat omnino à peccato. Tum quia in hoc casu non solum prohibetur admissio, sed etiam tolerantia. Tum quia peior est continuatio scandali per totam vitam duratura, quam admissio momentanea. arg. cap. fin. de consuet.
- AD TERTIAM respondetur, quod pro parte eius negante facit
- 5 primo, quod tempus appellandi, & supplicandi à mandato suprascripto factō ordinario est iam pridem lapsus, & illa sunt remedia ordinaria, quibus rescinduntur, vel impediuntur sententiæ, vel alia mandata per subreptionem impetrata, l. 1. ff. de app. auth. quæ supplicatio. C. de precibus Imp. offeren. cap. si quando. de rescript. cap. cum teneamur. de præbendis. Secundo, quod non licet regulariter cuiquam contra sua facta venire, cap. quod semel placuit. & cap. mutare. de reg. iur. lib. 6. & quod præfatus ordinarius iam pridem admisit & sustinuit præfatum prouisum. Tertio, quod nemo allegans turpitudinem suam audiri debet, cap. cum super. de concess. præbend. l. itaque fullo. ff. de furtis. & ita ordinarius præfatus non videtur posse allegare, quod male præfatum prouisum admisit.
- 6 Quibus tamen non obstantibus, contrarium est tenendum, tum per cap. si quis presbyt. de rebus eccl. quatenus habet, ipsummet prælatū qui male rem ecclesiæ alienauit, posse illam repetere: & cap. nosti. de elect. quatenus habet

- habet, electum qui male contulit beneficium ante suæ electionis confirmationem, post eam posse suam collationem reuocare. Tum quia qui male contraxit matrimonium cum consanguinea, potest petere ut separetur ab ea. cap. lator. & cap. consanguinei. de re iudic. Tum quia licet regulariter non possit quis venire contra proprium factum, nec allegare turpitudinem suam: fallit tamen quando agitur de salute animarum necessaria, ut in cap. venientes. & cap. ferrum. 30. dist. & in iuribus proxime allegatis, ut resoluit Panormit. communiter recep. in d. cap. cum super. & in d. cap. nosti. Tum quia canonici, qui sunt plurales in beneficijs, & possident plura beneficia, non possunt nomine proprio, seu pro priuata utilitate opponere prouiso, quod est pluralis in eis, quia *Turpe est doctori, cum culpa redarguit ipsum.* arg. l. 2. ff. de orig. iur. cap. cum ecclesiasticæ. de excep. possunt tamen opponere nomine ecclesiæ, & pro eius utilitate, ut gloss. ibi communiter recepta concludit post Vincent. ante Panorm. Fel. & Dec. ibidem. Tum quia licet excommunicatus non audiatur in iudicijs, cap. intelleximus. de iudic. fallit tamen cum excipit pro utilitate ecclesiæ, cap. dilecti. & cap. dilectæ. de excep. cum eis annotatis: & ita licet præfatus ordinarius non deberet admitti contra præfatum prouisum pro sua utilitate, audiri tamen debet pro ecclesiæ utilitate. Tum quia agit etiam pro utilitate publica, qui alioquin est inhabilis, l. si longius. §. 1. ff. de iud. cum alijs quæ in hoc citat Decius in d. cap. dilecti.
- 9 Per quæ omnia resoluendum est præfatum Episcopum posse agere contra præfatum prouisum, primo nomine proprio pro salute animarum, tam suæ, quam prouisi, & populi, qui ex ipsius administratione sacramentorum scandalizaretur. Secundo nomine ecclesiæ, de cuius utilitate, ac reuerentia & honore agitur. Tertio pro iure publico, & utilitate publica, quæ in sacris & sacerdotijs versatur, l. 1. §. huius studij. ff. de iustitia & iure. & quod probabiliter dici potest procuratorem fiscales sui episcopatus posse petere hoc coram ipsomet Episcopo, qui potest esse iudex in causa ecclesiæ suæ, cap. si quis erga. adiun. glo. vltima communiter recepta 2. quæst. 7. quod cap. in hoc propositum citauit Panor. communiter recep. in d. cap. nosti. sub fine. Salua, &c.

S V M M A R I V M.

- 1 Delegatus ecclesiasticus nec pro labore potest quicquam, ne vnum quidem denarium extra esculentum, & poculentum, licite accipere.
- 2 Munerum acceptio, quæ etiam iure diuino naturali videtur indicibus prohibita, etsi possit restringi ad magna, quæ obsecrare possunt, num. 3. attamen quando in individuo prohibetur in aliqua causa, nihil potest accipi. num. 4.
- 3 Propinas ideo capiunt Rotæ Auditores, quia videntur assignari loco stipendij.
- 4 Delegati, ut sunt Episcopus, & Vicarius, quibus committuntur dispensationes matrimoniales cum clausula, ut deposita omni spe cuiuscumque, &c. nihil nec pro labore, nec pro processu informatiuo possunt etiam sponte oblatum accipere.

CON-

CONSILIVM XXI.

CONSVENIT in quodam episcopatu accipere Vicarius generalis eius vnum scutum pro labore & occupatione accipiendi informationem testium presentatorum à partibus ad verificanda narrata in commissione de dispensando: et cum dubitaretur an id ei liceret, responsum fuit ab aliquot eruditis affirmatiue; de quo Episcopus noue creatus videtur habere scrupulum, eo quod commissioni adiicitur hæc clausula: *Per Apostolica scripta mandamus, quatenus tu frater Episcopo, seu fili Vicari, deposita per te omni spe cuiuscumque muneris, aut præmij, etiam sponte oblati, à quo te omnino abstinere debere volumus, de præmissis diligenter te informes.*

- Ad hanc questionem videtur respondendum, quod non licet Episcopo, neque Vicario, accipere præfatum scutum. Tum quia non licet vlli iudicum vendere iudicium, cap. non licet. 11. q. 3. & cap. non satis. 14. q. 5. cap. cum ab omni. de vit. & hon. cler. Tum quia in specie statutum est, ne vllus iudex delegatus capiat aliquid aliud, quam esculentum & poculentum, pro labore quem suscipit in expeditione causæ sibi delegatæ, cap. statutum. §. insuper. de rescript. lib. 6. cuius gloss. recepta per omnes in verbo esculentum. dixit, quod nec vnum denarium potest licite accipere extræ esculentum & poculentum. Tum denique quod clausula præfata commissionis declarat quod in commissione, de qua quæritur, in indiuiduo nullum munus etiam sponte oblatum accipere debeat: cui non video quid satis apte responderi possit. Tum quia munerum acceptio videtur esse vetita iudicibus iure diuino naturali, vt nos probauimus in comment. de datis & promissis. quem nuper edidimus super extrauaganti S. D. N. Gregorij XIII. cuius caput est, Ab ipso. num. 5. not. 3.
- 3 Non obstat, quod responderi posset, hoc ius solum procedere in muneribus magnis, quæ verisimiliter possunt obcæcare iudices, non autem de paruis, & illis quæ verisimiliter non nimis afficiunt eos parti ea offerenti, & quod etiam non procedit in illis iudicibus ecclesiasticis, quibus pro quodam salario extraordinario permittuntur: qua ratione propinas, quæ RR. De minimis Auditoribus Rotæ dantur, saluaremus. Non inquam hoc obstat: quoniam in casu proposito in indiuiduo Papa ipse committens gratiam prouidet speciatim & in indiuiduo, ne commissarius, siue delegatus quicquam etiam sponte datum accipiat, & quod gratis negotium expediat: cuius mandatum in hac forma expresse factum videtur diligenter seruandum, l. diligenter. §. mandati. cap. cui de non sacerdotali. de præb. lib. 6. & alia plurima, quæ afferri possunt. Per quæ videtur nobis hoc iuri propius: quamuis lubentius, si per conscientiam li-
- 4 casset, contrarium respondissemus.

DE CONSVETV DINE.

SUMMARIVM.

- 1 Legi eidem potest etiam per desuetudinem ita in vna parte derogari, vt maneat firma in altera. & 2.
- 3 Lex tunc tollitur per non vsum, quando talis non vsus includit saltem equipotenter actum legis dispositioni contrarium.

CONSILIUM I.

VTRVM stante statuto capellæ S.D.N. vt qui seruierit in illa vigintiquinque annis solum teneatur adire illam ad primum Chyrie Missæ, nisi certis diebus, quibus si non adierit ad Primam, & Tertiam, mulctatur, obligentur moderni capellani, qui prædictis annis seruierunt, ad eundem prædictis diebus ad Primam, & Tertiam sub pœna prædictæ mulctæ: attento quod numquam prædecessores illorum à quadraginta annis ad illas iuerunt.

- 1 Respondeo, quod pro parte affirmatiua videtur irrefragabiliter facere hoc dilemma, quod est validum argumentum; quod aut per non vsum est sublatum prædictum statutum, aut non; si non est sublatum, per ipsum obligantur; si est sublatum, obligantur per ius commune contentum in cap. 1. de cler. non residen. lib. 6. quod innouauit Concil. Trid. sess. 24. cap. 12. de reformat. scilicet vt qui non interest choris non lucretur distributiones illis constitutas.

Pro astruenda vero parte negante dico primo, quod vna eademque lex potest tolli quo ad vnam partem, & manere valida & viua quo ad alteram, l. derogatur. ff. de verb. signif. quæ habet tunc derogari legi, cum tollitur quo ad partem: sicut iurisdictio Episcopi potest tolli quo ad quædam, & quo ad alia manere, cap. auditis. de præscript. tunc vero abrogari, cum tota tollitur.

Secundo, quod statutum prædictum videtur habere duas partes: altera est, quod capellani, qui seruierunt vigintiquinque annis, nullis diebus regulariter tenentur ad capellam, nisi ad Missam ante primum Chyrie: altera, quod certis diebus in ea expressis teneantur ire ad Primam, & Tertiam, sub pœna mulctæ: & ita altera pars eius tolli potest, altera manente; & consequenter posse tolli posteriorem, priore manente.

- 2 Tertio, quod lex potest tolli per desuetudinem, seu per non vsum eius, l. de quibus. ff. de legib. §. leges. 4. dist. & glo. sing. in cap. 1. de treug. & pace. & sic potuit præfatum statutum tolli quo ad vnam sui partem, & manere quo ad alteram. Nec obstat, quod per solum non vsum non tollitur lex, secundum Ioan. And. communiter à Panor. & aliis receptum in cap. Ioannes. de cler. coniug. & ab aliis, quos refert, & sequitur Rocch. in cap. fin. de consuetud. sectione 4. num. 76. quia id verum de non vsu pure negatiuo non implicante actum contrarium legi formaliter, vel æquipollenter, non autem de vsu implicante actum contrarium legi, vt in facto præsupponitur,

nitur, & omnes declarant & limitant: & in casu proposito agitur de non usu legis implicante actum contrariū illi; lex enim, de qua loquimur, disponebat, vt cantores, qui seruierunt viginti annis, tenerētur adire certis diebus ad Primam & Tertiā sub pœna mulctę: & a tēpore, quo illa fuit lata, prædicti cantores desierunt adire ad illas duas horas sine vlla pœna mulctę; quod implicat actum contrarium legi mulctanti.

Quarto, quod cum prior pars sit seruata semper à tempore, quo illud factum fuit, ante quadraginta annos, & posterior nūquam; sequitur quod prior pars manet, & posterior sublata est.

Quinto, ex his infertur, quod cum prior pars absoluat eos ab eundo ad officia, præterquam ad Missam ante primum Chyrie; & posterior obligaret eos ad eundem ad alia officia certis diebus, & hæc est sublata, & illa durat; absoluti sunt ab aliis officijs, præterquam Missæ ante primum Chyrie, & non erunt obligati ad eundem ad alia officia diebus præceptis per posteriorem partem.

Ad dilēma pro contraria parte oppositum, scilicet aut statutum prædictum est sublatum per non usum, aut non est sublātū, respōdetur, quod nec est in totū sublatum, neque in nulla parte nō sublatum, sed ex parte sublātū, & ex parte non sublatum; sublatum quidem quo ad partem posteriorem, quæ exonerat eos: quod concludit propositum nostrum. Salua, &c.

S V M M A R I V M.

- 1 Consuetudo in ecclesiasticis rebus, ad hoc vt liget subditos, si sit præter ius, decem; si contra ius, quadraginta annorum debet esse præscripta, & rationabilis.
- 1 Vocem in electionibus actiuam de iure cōmuni omnes professi, si sint saltem subdiaconi, habent in monasterijs in quibus professi sunt. 3.
- 2 Plurimum suffragio magis expedit vt fiant leges & electiones, quam vt hæc facultas ad pauciores, etsi prudentiores, restringatur.
- 3 Vocem actiuam in eligendo non potest non habenti concedere Capitulum, nisi omnibus nullo discrepante consentientibus.

C O N S I L I V M I I.

IN QVADAM religione est consuetudo à septem vel octo annis inducta, vt tantum prudentiores re & ætate habeant vocem in Capitulo, & admittantur in electionibus superiorum. Quæritur primo, an sit iuridica, & toleranda. Secundo, an maior pars Capituli possit communicare vocem, quæ illi competit in eligendo, his qui illam non habent.

- 1 **A**D P R I O R E M quæstionem respōdetur primo, quod præfata consuetudo non est bona, idest, quod est inualida ad hunc effectum, vt tãquam lex iusta liget subditos præfate congregationis. Aut enim est contra ius canonicum, aut præter illud. Si est contra illud, oportet quod sit rationabilis, & præscripta spatio quadraginta annorum, cap. fin. de consuet. cum citate adnotatis per Rochem: consuetudo autem præfata, esto sit rationabilis,

nabilis, non est continuata per quadraginta annos, sed tantum per septem, vel octo annos; ergo non est valida ad præfatum effectum. Neque etiam si est præter ius; quia ut consuetudo etiam præter ius valeat in rebus ecclesiasticis, & iure Pontificio, requiritur ut sit continuata per decem annos, ut concludit Panormit. communiter receptus in dicto cap. fin. de consuetud. num. 11. Ego autem in præsentia inclino in eam partem, quæ habet, illam esse contra ius commune canonicum: quandoquidem iure communi canonico omnis religiosus professus tria vota substantialia in religione per Sedem Apostolicam approbata, simulac est professus, & subdiaconatu insignitus, videtur habere vocem in Capitulo, etiam in electionibus prælatorum. cap. ex eo. §. 1. de elect. lib. 6. & clem. ut ij qui. de ætate & qualitate. cum multis, quæ in eis & alibi sæpe notantur. Est etiam contra consuetudinem omnium religionum antiquarum ab antiquis Patriarchis inuentarum, & à sancta Sede Apostolica approbatarum, ut colligitur ex canonibus citatis à Petro Biaxio in Directorio electionum, 1. par. cap. 2. & consuetudo habet vim legis, cap. consuetudo. 1. distinct.

Secundo, quod si dicamus eam esse contra ius, qualem ego in præsentia esse iudico, non est bona, neque seruanda: quia est contraria iuri canonico. Tertio, quod licet videatur bona illa ratione, quod docet, ut prudentiorum, & eruditorum, ac maturiorum suffragia pluris estimantur, quam aliorum: alia tamen ratione non videtur esse talis, illa scilicet, quod pauciores facilius subornabuntur, quam plures: & quod utile est, ut multi sint consultores, & habentes vocem in Capitulis. Vnde & leges, & plebiscita Romanorum, in quibus condendis maiores cum minoribus occurrebant, quadamtenus videbantur firmiora, iuxta illa, quæ habentur in cap. plebiscita. & cap. lex. 2. distinct. & vnde sumuntur. Et experientia docuit in omnibus per orbem dispersis Academijs electiones gymnastarum, & prælectorum factas ab omnibus auditoribus meliores esse, quam factas à paucis. Quarto, quod mea sententia securius esset, quod omnes professi & subdiaconatu insigniti haberent vocem in Capitulo, quam solum quidam maiores; quo alijs superbiendi, & alijs inuidendi, & omnibus dissidendi occasio non parua datur.

3 AD SECVNDAM iam alias respondi, non posse à maiore parte Capituli communicari vocem, quæ competit ei in eligendo, alijs, quibus ea non competit, per gloss. communiter receptam in cap. quia propter. in verbo vice omnium. de elect. Et consequenter, si præsupponamus eos, qui non sunt assignati, non habere vocem in Capitulo, respondendum esset, non posse illis communicari à Capitulo, nisi concors fuerit, & nemo discrepauerit. Sed videtur per prædicta omnes professos esse assignatos Capitulis monasteriorum, in quibus professi sunt, non obstante consuetudine prædicta, quæ nondum est satis præscripta. Salua, &c.

DE ELECTIONE, ET ELECTI POTESTATE.

S V M M A R I V M.

- 1 Electio facta præsente excommunicato non valet, si sit denunciatus, & constabat, eratque legitima excommunicatio, nec lata post præcedentem legitimam appellationem.

C O N S I L I V M I.

AN ELECTIO propter concursum excommunicati fiat irrita, & nulla, cum aliàs legitime sustineri posset?

- 1 Respondeo, quod electio est nulla eo solo casu, si excommunicatus erat denunciatus, & constabat illis, qui simul eligebant, & erat notoria & legitima excommunicatio, & non fuit appellatum legitime ante excommunicationem, per cap. fin. de procurat. vbi Innoc. Card. Panorm. & communis, & in cap. illa. de elect. & conditiones adiectæ huic decisioni probantur per cap. solet. de senten. excom. lib. 6. Salua, &c.

S V M M A R I V M.

- 1 Electionem confirmandi, vel infirmandi qui ius habet, potest, & qui spectat ad publicam utilitatem debet ex officio, etiam supplendo quæ sunt facti, inquirere de meritis electi, eligentium, & forma electionis. & 2.
- 2 Index in concernentibus publicam utilitatem potest ex officio, ne dum quæ sunt iuris, sed etiam quæ sunt facti, supplere: unde cogit compromissarios ad edenda acta electionis, num. 3. & reum ad edendum propria instrumenta fisco, ac vbi vertitur animarum periculum, num. 4. & notarium ad edenda acta, & hoc etiam quando intercessisset conventio, ut seruentur sub secreto, num. 5. & quod intercesserit iuramentum, num. 7.
- 3 Acta omnia coram notario, item & coram iudice facta, dicuntur publica.
- 3 Occultum ut remaneat id quod ratione publici interesse debet pendi, privatorum facto fieri non potest.
- 6 Probari quod ex sui natura non potest nisi per paucas & certas personas, hoc habet privilegij, ut aliàs privilegiati cogantur, & inhabiles admittantur ad testificandum.
- 7 Occultum tenere aliquid qui iuravit, non obest quin iudex possit compellere ad testificandum.

C O N S I L I V M I I.

CAPITVLVM Ecclesiæ N. per suos compromissarios A. in suum Episcopum elegit, quam electionem confirmare noluit is, ad quem spectat: propterea pro parte Capituli appellatum fuit ad Sedem Apostolicam. Quæritur an debeant constitui iudices commissarij, qui de causa electionis huiusmodi in partibus cognoscant.

- 1 Respondeo primo, quod si verbum debeant in questione positum significat

fiat necessitatem, resoluendum est dubium negative, scilicet quod non debent necessario constitui iudices commissarii, siue delegati, qui de contentis in questione in partibus cognoscant. Tum quia nullo iure id cauetur. Tum quia per cap. nihil. cap. constitutis. cap. post petitam. & alia multa de elect. & cap. ult. eod. tit. lib. 6. constat quod confirmator electionis non tenetur constituere commissarios, & delegatos ad decidendam electionis causam, sed quod potest per se illam decidere, agendo acta necessaria per se vel per alium ad partium instantiam, vel ex officio suo.

Secundo, quod si verbum, debeant, positum in questione accipiatur pro iuste possint, resoluendum est dubium affirmative, quod sic; quia omnis iurisdictio, & omne imperium iure Pontificio sunt delegabilia, iuxta gloss. solemn. & recep. cap. peruenit. 9. dist.

3 Tertio respondeo, quod iudex habens ius, & potestatem confirmandi vel infirmandi electionem, potest & debet cognoscere de contentis in dubio per se vel per alium ad instantiam partium, vel ex officio suo. Tum quia potest & debet ex officio procedere & inquirere de ijs, quę pertinent ad utilitatem publicam, l. congruit. ff. de offic. presid. l. si quis in hoc genus. C. de Episco. & cleric. quas citat in hoc Bart. l. 4. §. hoc autem iudicium. ff. de damno infecto in 2. oppositione, quem Ripa & alii sequuntur. & constat hanc de qua loquimur electionis confirmationem ad utilitatem publicam spectare. Tum quia expresse hoc determinat Innoc. III. cap. cum nobis. de elect. cuius gloss. in verbo ex offic. recep. a Paormit. & aliis ait ibi probari iudicem confirmationis electionis posse ex officio etiam ea, quę sunt facti, supplere: & paulo inferius ait, quod etiam si nihil obiiciatur electo, ille qui confirmat electionem debet inquirere de modo electionis, an sit canonicè facta, de persona etiam electi, an sit idonea, per cap. venerabilem. eod. tit. & cap. priusquam. 28. dist. & idem Innocentius III. in causa postulationis supplevit, cap. bonę memorię. de postula. vbi gloss. in verbo curauimus allegare, ait quod iudex potest supplere non solum ea quę iuris sunt, sed etiam ea quę sunt facti in spectantibus ad publicam utilitatem: & ita in hac causa electionis tam insignis ecclesię, in qua de tam publica utilitate agitur, merito S. D. N. poterit, & debet ad instantiam partium, vel ex officio suo per se vel commissarios suos facere omnia quę opportuna fuerint ad sciendam veritatem de persona electi, & electorum, ac de forma eligendi habita, & seruata per Capitulum & compromissarios eius. Vnde idem Innocentius III. in quadam causa confirmationis electionis, de qua cap. oblatę. de appell. dixit quod iudex superior, ad quem appellatum est super electionis confirmatione, potest, immo debet facere quę conueniunt, ne gregi dominico diu desit cura pastoris.

3 Quarto respondeo, quod potest S. D. N. & debet propter publicam utilitatem, quę in hac causa versatur, compellere Capitulum, & compromissarios eius, & notarios ad edenda sibi omnia coram eis acta, quę ad huius causę iustam & breuem expeditionem pertinent: tum per citata in 2. dicto. Tum quia etiam reus cogitur edere instrumenta sua fisco actori, ratione publicę utilitatis, l. nec quisquam. ff. de edendo. vbi Bart. & omnes hoc

hoc tenent, & tradunt Panorm. & communis cap. 1. de proba. & alii in alijs multis locis citati per Felin. ibidem. Tum quia eadem, immo fir-
miori ratione potest iudex cogere reum ad edenda sua instrumenta in
causis publicis, & spiritualibus, in quibus tātum & plus exuberat officium
iudicis, quantum & plus vtilitatis publicæ, ac salutis, ac periculi anima-
rum vertitur, quam in fisco, iuxta præfatum cap. oblata. de appell. & cap.
nihil. & cap. ne pro defectu. de elect. & cap. exceptionem. de excep. cap. 1.
eodem tit. lib. 6. tenet Panor. receptus ab omnibus in d. cap. 1. de proba.
num. 21. Tum quia superior iudex potest cogere notarios publicos ad
edenda instrumenta, & acta publica coram eis gesta ei, cuius interest, &
magis ex officio suo ratione publicæ vtilitatis, præsertim spiritualis, l. 2. C.
de edend. cum ei adnotatis, & cap. quoniam contra. de probat. & cap.
perpetuus. adiuncta sua gloss. de fide instru.

5 Quinto, quod nō possūt excusari ab editione præfatū Capitulū, & præ-
fati cōpromissarij, & notarii eorum, eo quod conuenerint, vt vota eorum
manerent secreta. Tum quia omnia acta corā notarijs dicuntur publica,
vt in prædicta l. 2. & l. orphanotrophos. C. de Episcopis, & cleri. cap. quo-
niam contra. de proba. cum notarius ipse sit persona publica, vt per præ-
fata iura tradit Decius post alios d. cap. quoniam. notab. 7. sicut & acta co-
ram iudice dicuntur publica, l. 2. ff. ad exhiben. adiuncta glo. verbo in pu-
blico. Tum quia non licet canonicis conuenire, vt electio maneat secre-
ta, vt notat Panormit. cap. quia propter. §. fin. de elect. citans ad id Com-
postel. Tum quia pacto priuatorum iuri publico derogari non potest,
cap. si diligenti. de foro comp. & l. ius publicum. ff. de pact. Ergo nec pacto
canonicorum fieri potuit, vt maneat secretum quod Reipublicæ inter-
est vt pandatur. Tum quia quoties natura rei probandæ est talis, quod
non potest probari, nisi per paucas & certas personas, illæ tenentur testi-
ficari, etiam si fuerint priuilegiatæ ad non testificandum, secundum Ho-
stien. communiter recept. cap. 1. de test. cogend. & etiam si essent inhabi-
les, secundum Ant. Butr. & Imolensem cap. tertio loco. de proba. quos se-
quitur Decius cap. 1. eodem tit. num. 31. & probatur per l. consensu. C.
de repud. & cap. veniens. 2. de testibus. cum ergo vota secreto præsti-
ta coram compromissarijs & notario suapte natura sint talia, quæ non
possunt probari aliter, quam per acta coram ipsis, poterunt compelli
ad edenda illa. Tum quia impossibile est scire, an compromissarij
præfati seruauerint formam eligendi sibi à Capitulo commissam, nisi ha-
bita notitia de suffragijs, siue votis, quæ canonici singulatim alij alijs de-
derunt; quoniam ipsi tenebantur eligere illum, in quem maior pars Ca-
pituli consentiret; quod an seruauerint, sciri non potest, nisi facta fide de
numero votorum, quæ fuerunt data illis, qui habuerunt aliqua suffragia,
& vota. Cum ergo superior possit, & debeat inquirere an forma electio-
nis debita seruari fuerit seruata, & non possit hoc scire nisi compellendo
notarios, vt acta coram eis gesta edant; necessario consequitur, posse &
debere illos ad hoc compelli, arg. cap. præterea. de offic. deleg. d. l. 2. ff. de
iurisdic. omni. ind. Tum denique quod iudex superior potest compellere

ad testificandum eos, qui sciunt aliqua secreta (extra sacram confessionem) etiam si conuenerint inter se, ut teneantur secreta, & iurauerint non reuelare illa, etiam iudici iubenti, secundum S. Thomam 2. 2. q. 70. art. 1. ac 2. & Innocen. cap. qualiter. 1. de accusa. Panormit. cap. dilectus. de excess. prælatus sub fine, & d. cap. qualiter, & cap. omnis. de pœnit. communiter recep. quem nos quoque sequuti fuimus pridem iure firmo, & ratione probauimus cap. inter verba. conclus. 6. nu. 218. & in Manu. cap. 25. nu. 41. ergo à fortiori notarium ad exhibenda, & edenda acta, & gesta coram ipso, tamquam coram persona publica, coram iudice, vel arbitro; cum arbitria sint redacta ad similitudinem & instar iudiciorum, l. 1. ff. de recep. arbi. & in actis coram eo debet seruari dispositio cap. quoniam contra. de proba. ut in eo Panorm. communiter receptus annotauit, & in alia informatione probauimus. Salua quæ iustior fuerit sententia.

S V M M A R I V M.

- 1 Religio non potest condere statutum contrarium dispositioni iuris communis etiam quo ad electionem superiorum faciendam, nisi hoc eis speciali sit concessum privilegio.
- 2 Mutatio antiquæ legis, seu vitæ in religiosis solet esse ingrata, unde eandem inducere volenti facile contradicatur.
- 3 Electio prælati cuiuslibet monasterij de iure spectat ad eiusdem monasterij conuentum, expedit autem magis ut eligatur perpetuus, quam triennalis.

CONSILIVM I I I.

ORDO Eremitarum sancti Augustini in 35. prouincias diuisus est, quarum omnes, quæ in Italia sunt (sunt autem vigintidue) eam ab antiquo consuetudine obseruant, ut Præsidens, Prouincialis, & Definitoribus in Capitulo facultatē habeant ad cōdēdas, & reformādas sui ordinis leges.

Dubitatur primo, an in toto seu parte modum eligendi conformem iuri communi tollere absque expressa Papæ facultate valeant.

Secundo, an eligendi prælatos modus aptior Hispanorū sit, quo à monasterio prælatus triennalis eligitur; an Italicorum, quo à Capitulo generali perpetuus.

- 1 AD PRIMAM QVAESTIONEM respondeo primo, quod certum est prædictū Reuerend. Generalem cum prædictis Definitoribus non posse cum maiori parte sui ordinis tollere toti ordini, nec parti eius modum eligendi, quem iuri communi conformem habent, sine facultate expressa in id à Pontifice Maximo facta; quia nulli ei inferiori licet edere legem contrariam iuri communi, cap. quod super his. de maio. & obediens. c. inferior. 21. dist. clem. ne Romani. de elect. Secundo, quod Celsus iurecōsultus ait in l. inciuile. ff. de ll. inciuile esse, de lege, nisi ea tota perspecta, iudicare; ideoque oportere ad recte respondendum huic quæstioni, videre facultatem, quam Pont. Maximus fecit prædicto ordini ad condendas, & reformandas leges sui ordinis; & etiam scire si aliquæ prædictarum prouinciarum habeant aliqua privilegia particularia super suo modo eligendi.

Tertio,

2 Tertio, quod etiam si facultas à Pont. Maximo concessa Generali, & Definitoribus prædictis de rigore iuris se extenderet ad faciendam prædictam legem, qua omnes in vno modo eligendi conuenirent; vtile tamen multum esset, vt ab eius Sanctitate, quando tam propinqua est, impetrarent gratiam specialem eam condendi; quia, vt ait Imperator in authen. de monachis. coll. 1. §. 1. difficilis & ingrata est vitæ mutatio: & qui iam habent sua retia de more tensa in conuentibus particularibus, quo fiant Priores, vel alius generis officarij, nihil non agent, vt contra talem legem appelletur, supplicetur, vel aliquo alio remedio iuris, vel non iuris iuuetur.

3 AD SECVNDAM quæstionem respondeo primo, quod iuri communi conformior est modus eligendi prædictus Hispaniæ, quam modus eligendi prædictus Italiæ; quia iure communi ad quemcumque conuentum cuiuslibet monasterij pertinet electio prælati illius, cap. 1. cap. quia propter. & toto tit. de elect. Secundo, quod, vt res humanæ nunc se habet, crescente nimium honoris appetitu, & decrecente humilitatis amore, refrigerante charitate, longe aptior, & commodior est ambitioni reprimendæ, factionibus sedandis, extirpandis odiis, detractionibus minuendis, & paci Christianæ conseruandæ, & augendæ, Deoque gratior est modus prædictus, quem prudentissima, eademque modestissima Italia seruat, quam ille, quem Hispania seruare dicitur, per ea multa, quæ ipse nuper scripsi in comment. 3. de regula. super cap. nulla. 18. q. 2. à num. 3. ad probandum quod nemo debet procurare, vt de Abbatibus perpetuis fiant triennales, si à suis monasterijs fuerint eligendi. Salua, &c.

S V M M A R I V M.

1 Scrutatores suffragia vni data alteri falso referentes, magna pœna arbitraria sunt puniendi, & præterea electio non tenet.

C O N S I L I V M I V.

Q V I D dicendum de Generali cuiusdam ordinis, & scrutatoribus electis ad faciendam electionem Prouincialis, qui machinati sunt ne scrutatores dicerent vere, quot suffragia habuit is, in quem maior pars consensit, sed tribuerent maiorem partem alteri; qua fraude electus fuit?

1 Respondetur, quod grauissime peccauerunt tam scrutatores, quam Generalis; & quod electio coram Deo nihil valuit, & digni sunt prædicti fraudatores magna pœna: tum quia rei grauissime falsarij fuerunt. Tum quia Concilium generale in cap. quia propter. de elect. statuit vt potestate priuarentur electores, qui contra formam illius cap. celebrarent electionem, etiam sine vlla fraude. Quanto magis debent puniri, qui tam graui fraude id fecerunt? Et quia pœna huius magni delicti non est determinata iure communi, arbitrio iudicis competentis (nisi in constitutionibus ordinis, quas nos nescimus, fuerit determinatum) relinquitur. arg. l. 1. ff. de iure deliberan. & cap. de causis. de offic. deleg. Salua, &c.

S V M M A R I V M.

1 Electionem à maiori parte factam non admittens peccat.

G 2 2 Ele-

- 2 *Electio metu facta est ipso iure nulla, sicut & matrimonium, & professio.*
- 3 *Metus minor iusto in foro interiori, si fuit principalis causa actus, vitiat.*
- 4 *Metus ut annullet actum in foro exteriori, requiritur quod sit iustus.*

CONSILIVM V.

EX SEXDECIM monialibus habentibus votum in electione Abbatissæ, nouem suffragatæ fuerunt vni, & septem alteri; & superior, qui aderat, volebat, vt duæ partes suffragantium conuenirent in vna, & fecit eas octies facere electionem, sperans, quod aliquæ ex suffragantibus vni, accederent alteri, quo duas partes haberet: & cum nolissent vllæ mutare sua suffragia, minatus est superior eis, quod nisi duæ partes cõsentirent in vnâ, ille esset vocaturus vnâ aliâ monialē alterius monasterij: quo metu cõpulsæ oēs conuenerunt in vnâ tertiâ, quæ nullū antea suffragium habuerat, quæ confirmata à superiore rexit monasterium multo tēpore, sed nondum triennio completo. Quæritur, an electæ à nouem, quæ maiorem partem Capituli constituiebant, sit aliquod ius repetendi abbatiam.

- 1 Respondeo primo, præfatam superiorem peccasse, ac male fecisse, nolendo acceptare electam à maiori parte, præsertim cum toties eligeretur ab illa, iuxta cap. indemnitatibus. §. 1. de electio. lib. 6. immo & cogēdo eas ad toties eligendum, & magis adiungendo minas de vocando aliam, nisi conuenirent duæ partes, contra prædictum textum expressum.
- 2 Secundo, quod facile teneri posset præfatam electionem postremam fuisse inualidam, & nullam: quia omnis electio metu facta est ipso iure nulla, per textum putatum ab aliquibus singularem in cap. vbi periculum. §. ceterū. de electio. lib. 6. quatenus requirit etiam in electione Papæ voluntatem liberam eligendi sic, quod alias non sit futura valida; quæ cõmunis est doctorum sententia, & confirmatur primo, eo quod etiâ matrimonium carnale est ipso iure nullum, si metu contrahatur, cap. cum locum. de sponsal. & matrimonium spirituale quo ad hæc æquiparatur matrimonio carnali, iuxta glo. notab. & recep. in cap. bonæ. de electio. Secundo confirmatur, quod etiam metus reuerentialis patris efficit professionē religionis filij nullā, per tex. adiuncta glo. verbo patrem, in cap. præsens. 20. q. 3.
- 3 Tertio, quod omnis metus etiam non iustus reddit actum nullum, & inualidum quo ad forum conscientie, si principaliter fiat ob illum metum, vt nos efficaciter probamus in Man. confess. cap. 17. num. 29. & efficacius cap. 22. num. 51. & consequenter si prædicta monialis, in quam consenserunt nouem propter prædictum metum, quo superior minatus fuit se vocaturum aliam de alio monasterio, cessit iuri suo iam quæsito per electionem, iudicandum est inualide cessisse.
- 4 Quarto, quod in foro exteriori opponetur ei, quod metus ille non fuit iustus, & quod ipsa non appellauit à mandato superioris, & quod rogata fuit vt desisteret à iure suo, & quod potius fecit rogata, quam metu territa; & quod altera est, & magno tempore mansit in possessione pacifica, & habita pro bona, & iuridica ab ipsamet, & id genus alia, per quæ difficile obtinebit pro se sententiam in foro, vt aiunt, fori; quamuis certe in foro, quod.

quod aiunt poli, prædictus superior, & prædicta loco eius electa merito magnis scrupuulis cruciari possent.

S M M M A R I M.

- 1 Electio secundum honestatem debet fieri de gremio collegij; facta tamen de extraneo tenet, debetque fieri à maiori parte: adeo ut, si solum sint vnus vel duo, non possint nisi exterum eligere. num. 4.
- 2 Collegium in sui erectione secundum ius ciuile ad minus tres, secundum canones duas requirit personas; at erectum sustinetur in vna persona, quæ sola posset eligere prælatum, eumque Pontificem.
- 3 Eligere seipsum nemo potest, sed nec pro se cum alijs suffragari, nisi esset vnus ex compromissarijs. num. 5.
- 4 Electores, etiamsi totum collegium sit redactum ad duos, non possunt cogi, ut alios accipiant coelectores, sed possunt ipsi soli eligere.

C O N S I L I V M V I.

IN QVODAM conuentu deficientibus fratribus, qui votum & vocem haberent pro electione Prioris dicti conuentus, Prouincialis misit illuc duos fratres, à quibus fieret electio alicuius extra conuentum existentis; qui schedulis secretis vnum elegerunt absentem, & non pertinentem ad illum conuentum. Dubitatur an sit legitima electio.

- 1 Ad respondendum breuiter, clare, & apte, præsuppono primo quod electio prælati iure communi non est necessario facienda de aliquo qui sit de collegio electorum, ad hoc ut valeat: quoniam licet honestius & sanctius sit eligere aliquem de collegio, quam extraneum, iuxta cap. nullus inuitis. & cap. obitum. 61. distin. & alia similia; electio tamen facta de extraneo idoneo à toto collegio, vel à maiori eius parte, valet, ut satis efficaciter probat cap. cum inter canonicos. de electio. & etiam cap. quia propter. eod. tit. & ita tenuit gloss. Barthol. Brixien. in d. cap. nullus. & gloss. Bernard. in d. cap. cum inter canonicos. quorum opinionem sequuntur Innoc. Hostien. Panormit. & communis ibidem, eamque vsus Ecclesiæ seruat secundum eosdem.
- 2 Secundo præsupponendum est, quod licet nullum collegium ecclesiasticum possit constitui in vno, quia de iure ciuili requiruntur saltem tres, l. Neratius. ff. de verb. sign. & de iure canonico saltè duo, cap. 1. de elect. constitutum tamen semel in multis potest totum ius collegij venire ad vnum, & conseruari in illo: casus est in l. sicut. §. final. ff. quod cuiusque vniuersit. nomin. & glos. solemn. in cap. gratum. verb. maiorem partem. de postulat. prælat. communiter recept. & declarat. ibidem & in d. c. 1. de elect. per Panorm. cōmuniter recept. adeo quidem, quod si omnes Cardinales exirent e conclaui, posteaquam ad eligendum Papam in eo conuenerunt, excepto vno, ille solus posset eligere Papam, ut asseruit glo. memorab. in clem. ne Romani. §. porro. verb. omnes. de electio. quam cōmuniter ibi receptam magnificauit Mart. Laud. in tract. de Cardinalib. concl. 22. quem sequitur

- 3 Petrus à Biaxio in directorio de electio. 1. parte, cap. 2. num. 4. quamvis is vnus, in quem resideret ius collegij, non posset eligere seipsum, per cap. per nostras. de iure patronat. & per rationes tã ab auctore ipsius in context. eius, quam ab aliis commentatoribus adductas ibi, & in cap. Cumana. de elect. & aliis locis supra citatis.
- 4 Tertio, quod ex hoc secundo præsupposito sequitur tertium, scilicet, quod præfati duo fratres, in quos resedit totum ius collegij, poterant eligere in prælatum aliquem extraneum, alioquin idoneum: quia poterant ambo ei suffragari, licet nõ potuissent eligere alterum de seipsis: quia maior pars, cum non essent nisi duo, non poterat suffragari alteri eorũ; quod
- 5 requiritur ad valorem electionis, iuxta præfatum cap. quia propter. Nec obstat cap. cũ in iure peritus. de elect. quod videtur probare quod electus consentiendo electioni suæ videtur augere numerum suffragiorum, quod ipsum videtur probare cap. si cõpromissarius. de electione, lib. 6. quia illud est verũ, quando electio fit per viam cõpromissi, idest, cũ habentes ius eligendi cõpromittunt accipere in prælatum eum, quem maior pars cõpromissariorum nominauerit; non aut cum habentes ius eligendi, eligunt vt collegium per viam scrutinij, vt irrefragabiliter probat cap. Cumana. de elect. & Panor. cõmuniter recep. declarat ibi, & in d. c. cum in iure peritus.
- 6 Quarto, quod cõsequitur prædicta, est quod præfati duo fratres non poterant cogi iure communi ad suscipiendos socios, siue consortes suffragiorum, siue votorum ad eligendum suum prælatum. Tum argumento cap. cum ecclesia Sutrina. de causa possess. & proprietat. & eorum, quæ ibi adnotantur, præsertim per Ripam, & in cap. obeuntibus. 63. dist. Tum quia suo iure vtens nemini facit iniuriam, cap. cum ecclesia Vulterana. de electio. & liniuriam. §. 1. de iniurijs.

S V M M A R I V M.

1. Eligentium de numero non censetur, qui schedulam albam in urnam ponit, sicut & nec qui recedit de loco in quo ad eligendũ conuenerunt, aut voto renunciauit.
2. Electio nisi statim post collationem suffragiorũ fiat, est nulla; et hoc, si ex ignoratĩa, vel negligentia eligentium, vel electi malitia, secus si ex malitia eligentium procedat. num. 3.
4. Scrutinio publicato non possunt variare electores, immo compellendi sunt ad eligendum illum, qui iuxta vota publicata debet eligi.

CONSILIVM VII.

IN QVODAM monasterio canonice electus fuit Titius in Priorem: verum quia mox decretum non est firmatum, ita volente eo, ad quem pertinebat firmare, inuenta in urna schedula alba, quam existimabat connumerandam inter voces eligentium; cum tamen mos sit in ordine huiusmodi schedulas connumerare inter renunciatiuas, sicque nihil ponere in numero: ideoque post aliquot dies iussu & auctoritate superioris firmatum fuit decretũ ab alio scrutatore; cum præsumeretur ille, qui firmare debebat, malitiosẽ distulisse. Quæritur quid iuris?

1. Respon-

1 Respondeo primo, quod qui præfatā schedulam albā immisit in urnam, non videtur cōputandus esse in numero electorum. Tum quia præsupponitur in facto moris esse præfati ordinis, vt computetur inter illos, qui sue voci videntur renunciassē. Tum quia quando electores cōueniunt ad eligendū, & aliqui eorū exeunt ex loco electionis, nō cōputantur in numero electorū, cap. quod nobis. de elect. qđ ibi Panor. multū cōmendat. Tū quod glo. notab. clem. quod circa. de elect. determinat eū q renūciat suo voto, non esse magis de numero electorū, quam sit absens non vocādus, vel vōcādus, sed nolēs venire vocatus; qđ in hoc expresse approbat Bonif. n. 29.

2 Secundo respondeo Hostien. Ioan. Andr. Panorm. & cōmunem tenere, quod electio debeat fieri mox, vel in continenti post collationem suffragiorum; eo quod de forma substantiali electionis sit, quod statim post collationem suffragiorum fiat secundum eosdem, & receptiorem intellectū cap. quia propter. de elect. vt tradit communis ibi. & aliās facta declaranda est cassā, & nulla secundum Io. Andr. Panor. & communem in cap. cum post petitam. de elect. per illum tex. licet Hostien. putet esse cassandam.

3 Tertio, quod præfata conclusio limitanda est necessario, vt tunc solum procedat, quādo fit ex ignorantia, vel ignauia quadā eligentiū, vel fraude electi, non aut quando differretur per malitiā electorum, vel propter aliquam causam iustā. Tum quia non debet alteri per alterū iniqua cōditio inferri, l. non debet. ff. de reg. iur. & cap. denique. 14. q. 5. neque sine culpa priuari iure suo, cap. sine culpa. de reg. iur. lib. 6. & ita ei, in quē maior pars Capituli cōsentit, nō debet afferri cōditio iniqua ab eligētibus differēdo electionē, neque sine culpa debet priuari iure sibi iā quæsito saltem ad implorādum officiū superioris, vt cōpellat electores ad eligendū. Tum quia Gregorius IX. declarauit in cap. publicato. de elect. quod publicato scrutinio nō possunt variare, qui suffragati sunt; & quod cōpelli possunt ad eligendum eū, qui debet eligi secundum suffragia publicata; & certū est quod nō potest sine magno interuallo tēporis fieri, vt petatur à superiore compulsio eligentiū ad eligendū, & detur illa ab eo, & fiat eius intimatio. ergo necessario est tenendū, quod electio facta post morā interpositā per malitiam, vel dolū eligentiū, vel aliam iustā causam sine fraude electi valet, & ita limitationē hanc pulchre tenet Panorm. in d. c. publicato. & in cap. cū post petitam. de elect. & Petrus à Biaxio in tract. de elect. par. 3. cap. 34. n. 2. & necessario elicitur ex præfato cap. publicato. inducō modo præfato.

Quarto, quod ex præfatis sequitur, prudentissimē, iustissimēque fecisse superiorem iubendo vt eligeretur Titius. Salua, &c.

S V M M A R I V M.

- 1 Nocte fieri potest, quicquid eo tempore fieri non reperitur specialiter prohibitum: unde contractus, testamenta, & collatio beneficij eo tempore facta valent; fallit in electione, in qua seruanda est forma cap. quia propter. num. 2. & in omnibus actibus iudicialibus, qui fiunt sine consensu partium. num. 2. & 3.
- 2 Electio facta de nocte tenet, modo non requirat formam cap. quia propter. num. 2. nec obseruantiam decreti Concilij Tridentini, num. 4.

- 2 *Electio, in qua, omisis requisitis iure humano, seruantur requisita iure naturali & diuino, tenet.*
- 3 *Diem artificialem non finiri occidente Sole, sed durare vsque ad tenebras verius est: & an factum in crepusculo dicatur factum in die, ex iudicis pendet arbitrio.*

CONSILIVM VIII.

DEFINITORIUM alicuius Capituli seruatis alijs seruandis fecit electionem superioris sui nocte. Quaritur an illa valeat.

- 1 Respondeo, quod pro electione facit, quod omnia quæ specialiter non prohibentur fieri nocte, possunt quocumque tempore fieri: & quod omnis contractus, & omnis vltima voluntas potest fieri nocte, vt post alios tradunt Feli. & Dec. in cap. consuluit. de offic. deleg. & quod collatio beneficij nocte facta valet, vt tradit Panor. in c. 1. vt ecclesiast. benefic. immo & electio, in qua non est seruanda forma cap. quia propter. de elect. vt ipsemet ibidem dicit: & quod non videtur in iure communi textus qui prohibeat electionem per definidores faciendā noctu fieri; & quod tanta, vel maior potestas dari potest, & quotidie cōfertur per collationem, vel prouisionem alicuius abbatiz, diaconatus, vel archidiaconatus, quam per electionem definitorum huiusmodi.

- Contra tamen præfatam electionem facit primo, quod licet responderi possit quod electio definitorum non est magis actus iudicialis, quam collatio beneficiorum, & quam electio beneficiariorum, in qua nō est seruanda forma dicti cap. quia propter. replicari tamen potest, quod electio
- 2 in qua est seruanda forma cap. quia propter. de elect. non potest fieri nocte, vt determinat Panor. in d. cap. 1. vt eccles. benef. quem sequitur Feli. in d. cap. consuluit. vbi communis opinio videtur idem tenere de omnibus actibus iudicialibus: & dies videtur solum durare Sole lucente super terram secundum Decium, & per eum allegari d. cap. consuluit.

- Quibus pro vtraque parte consideratis, resoluendo dico primo, præfatam electionē valuisse, si absque alia fraude facta fuit ante tenebras: tum per citata pro hac parte: tum per illud singulare dictum Innoc. in c. quod sicut. de elect. citato in præcedente consil. scilicet, quod valet electio facta non seruata forma iure humano introducta, si concurrunt iure naturali & diuino requisita.
- 3 Tum quod etiam sententia iudicum, & alij actus iudiciales noctu facta valent, si de consensu partium fiant, secundum Io. Andr. relat. per Feli. in d. cap. consuluit. num. 18. versic. tertio fallit. & probatur ratione valida per Sali. in l. non minorem. C. de transact. & quod electio præfata fuit de consensu eligentium facta. Tum quod licet aliqui dicant diem artificialem Sole occidente finiri, verius tamen videtur illum durare vsque ad tenebras, iuxta determinationem Card. quam facit post disputationem in cap. si perfodiens. quæst. 2. de homicid. concludens fere in effectum, arbitrarium esse, an factum in crepusculo sit factum in die: nam, vt ait, etiam ante ortum Solis dicitur dies, quando iam albescit. At statim post signata præfata Ave Maria communiter absque candela ex alio lumine cernunt se homines, & discernuntur ab alijs, ita quod sine lumine

lumine videri possit: tunc enim Sol bene est ortus, licet nobis non appareat: quia radij sui iam operantur effectum quo ad nos; & de sero, donec fiant tenebræ, durant radij Solis quo ad nos: & Sol tunc proprie ex toto non occidit. hæc ille. Card. sequitur Feli. vbi supra nu. 18. & muniri potest eius dictum ea ratione, quod hoc habet communis vsus loquendi, qui seruandus est, l. Labeo. ff. de supel. leg.

- 4 Secundo dicto, quod si fuit facta post tenebras, & quando iam sine candela non posset cerni, nec discerni, valeret quidem quo ad forum conscientie per prædicta, & etiam quo ad forum exterius secundum antiqua iura, quæ non requirebant præfatam formam eligendi secrete; sed non secundum Concil. Triden. & constitutionem ordinis super eius executione facta, secundum quam requiritur forma secrete suffragandi per schedulas, quæ commode seruari non potest sine lumine artificiali, plusquam olim electio, in qua seruanda erat forma cap. quia propter. de elect. quam nocte fieri non posse supra dictum est.

S V M M A R I V M.

- 1 Electionem non vitiat defectus occultus vnus de electoribus.
- 2 Electio si habeat eligentium consensum, qui solus iure nature requiritur, sustinetur.
- 3 Publicatio suffragij tunc vitiat, quando publice facta est, vel fuit vera, vel præsumptiua causa electionis.
- 4 Secretis suffragijs electus, vt requirit Concilium, dicitur is, cui alij secrete suffragati sunt, licet ipse suum alteri datum sine fraude manifestauerit,

C O N S I L I V M I X.

CONGREGATIS quibusdam ad electionem secreto faciendam, scriba, qui scribebat nomina eligendorum in schedulis dandis electoribus, monstrauit alteri sine vlla fraude & malitia schedulam continentem nomen, pro quo suffragabatur: alijque omnes suffragati fuerunt secreto ipsi scribæ, qui suum suffragium publicauit. Quæritur an electio valeat, stante cap. 6. de regul. sess. 25. Concilij Trid.

- 1 Respondeo, quod valet electio. Primo, quod defectus clandestinus vnus de Capitulo non debet nocere Capitulo id ignoranti, neque actui ab eo alias legitime facto, cap. fin. cum ei adnotat. de procur.

Secundo, quod alioquin sequeretur, quod vnusquisque electorum posset pro suo arbitrio electionem reddere nullam, si conueniret illud eidem; posset enim dicere socio suo clam, pro quo suffragaretur; & electione facta dicere, quod non fuit secreto suffragatus, si conueniret ei iudicare electionem nullam, & tacere id, si placeret ei electio.

Tertio, quod ostensio præfata præsupponitur non fuisse facta fraudulenter, vt esset causa vt alij suffragarentur pro eo, sed solum vt sciret socius, quod ipse scriba non suffragabatur sibi, sed alij; & ita non potest cassari ratione fraudis.

Quarto,

- 2 Quarto, quod electio, ad cuius valorem concurrunt requisita iure naturali, valet, licet forma iure humano inducta non seruetur, secundum singulare dictum Innoc. in cap. quod sicut. num. 8. de elect. & in casu proposito concurrat consensus eligentium iure naturali requisitus: quia omnes consenserunt in scribam præter ipsummet, qui alteri suffragatus fuit.
- 3 Tum quod intentio, & mens Concilij fuit statuere, vt Capitula facerent electiones secrete in hunc sensum, quod non permittant fieri aliquid, ex quo publicari possint nomina eligentium: & si tale quid permiserint, & factum fuerit, electio non valeat. fuit item intentio eius, vt nullus capitularium manifestet suum suffragium alij publice, nec secrete: & quod si manifestaret publice, & Capitulum id permetteret, non valeret electio: si autem secreto alicui manifestaretur, castigaretur ille: & si illa manifestatio esset vel præsumeretur fuisse causa cur talis electio facta fuisset, cassaretur illa, & alia non: ne in sua potestate esset cassare publicando se manifestasse suum suffragium, vel ratificare id tacendo: quia nihil iure naturæ requisitum ob id deforet electioni.
- 4 Quinto, quod Concil. Trid. solum requirit, quod omnes prælati eligantur per vota secreta: & D. consulens electus fuit per vota secreta: quia omnes, qui ei suffragati fuerunt, secrete id fecerunt; & suffragium publicatum nihil profuit ei vel alteri: & consequenter videtur satisfactum verbis Concilij, & nõ itum obuiam menti & rationi illius, cum nihil sit actum in fraudem legis, nec in iniuriam & præiudicium alterius. Salua, &c.

S V M M A R I V M.

- 1 Vicariatus generalis dignitas impatibilis non est alij beneficio impatibili; immo licet sit officium, ratione cuius præest, non tamen est beneficium. nu. 5. 6.
- 2 Vicarius potest tolli, & mutari ad libitum constituentis, quando ab eo solo habet potestatem.
- 3 Prælati Minimorum tanto tempore subsunt, quanto præfuerunt. & 4.
- 3 Vicarij generalis iurisdictio eadem est, quæ ipsius Generalis.
- 4 Vicarius generalis præest superiori locali, habetque superioritatem, & prælationem. 5. 6.
- 5 Generalis Minimorum quare immediate fieri non potest vicarius, vel procurator generalis. & nu. 9.
- 6 Delegatum etiam re incepta reuocari posse, similiter & vicarium.
- 7 Rationem diuersam diuersum ius suadere.
- 8 Stultus non debet esse melioris conditionis, quam sapiens.
- 8 Iniuste qui detinet officium, seu beneficium, non est melioris conditionis, quam se iuste possedisset.

CONSILIVM X.

QVAESITVM fuit primo, an Generalis Minimorum finito triennio sui officij possit constitui Vicarius generalis durante sequente triennio. Secundo, an finito eodem triennio possit idem Generalis fieri Zelosus,

Zelosus, siue Procurator generalis, attento tenore cuiusdam capituli regulæ, quod habet in summa, Prælatos ordinis Minimorum tanto tempore debere subijci, quanto tempore fuerunt præfecti, nisi assumant gradum superiorem: & attento tenore additionis Turonensis, quæ habet in summa, Correctorem præsentem posse constituere Correctorem anni præcedentis Vicarium suum ad 15. dies, vel vnum mensem: & attento tenore cap. correctorij, quod habet in summa, Generales & Prouinciales ordinis Minimorum posse delegare ad loca sibi subdita aliquas personas idoneas, cum plenaria, vel limitata potestate: attenta item ordinatione Tolosæ facta, quæ habet in summa, socios Generalis præcedentis posse deligi in socios sequentis, & etiam in officium Zelosi; Prouinciales autem non posse eligi in socios Generalis, sed sic in officium Zelosi.

1 AD PRIOREM quæstionem respondeo, pro parte affirmante facere primo, quod vicariatus generalis non est incompatibilis alij beneficio incompatibili: quia Decanus & Archidiaconus possunt esse Vicarij generales, immo & Episcopus potest esse Vicarius Papæ, Archiepiscopi, & etiam Episcopi, iuxta clem. 2. de rescrip. Secundo, quod Vicarius potest tolli, & mutari ad libitum eius, cuius est Vicarius; modo solum habeat potestatem ab illo, argum. cap. 1. de offic. Vicar. lib. 6. & cap. si delegatus. & cap. quamuis. de offic. deleg. eod. lib. Tertio, quod Corrector, finito suæ correctionis anno, potest fieri Vicarius. noui Correctoris ad quindecim dies, vel vnum mensem, vt habet supradicta additio Turonensis: ergo eadem ratione poterit esse Generalis, finito suo triennio, Vicarius sui successoris saltem ad quindecim dies, vel mensem, immo etiam ad maius tempus, saltem interpollatum; sicut Corrector præcessor posset esse Vicarius successoris ad maius tempus interpollatum ob absentias successoris interpollatas, puta vno mense ob primam absentiam, & alio ob aliam, & alio ob aliam, & ita posset esse saltem maiore parte anni. Quarto, quod in Capitulo Turonensi videtur approbatum fuisse, quod vnus Hispanus Corrector finito suo anno potuit esse anno sequenti toto Vicarius Correctoris noui: ergo eadem, vel maiori ratione tolerari potest, quod Generalis suo triennio finito, sequenti triennio toto sit Vicarius generalis.

2 Pro parte autem negante facit primo præfatum cap. regulæ, quatenus significat, quod Corrector anno suæ correctionis expleto non potest anno sequenti deligi Corrector, nec ad aliam præfecturam, quæ sit inferior correctoria. Ergo nec generalis suo triennio finito poterit eligi triennio sequenti, nisi ad præfecturam superiorem. At vicariatus generalis est minor præfectura, quam vt ita dixerim generalatus, vt palam est. Ergo non potest deligi in Vicarium generalem. Secundo facit illud idem cap. regulæ, quatenus probat, quod quilibet prælatus huius ordinis tanto tempore debet subijci, quanto fuit prælatus. At Vicarius generalis, quatenus est Vicarius, nulli est subiectus; quoniam iurisdictio eius est eadem, quæ ipsius Generalis: vtriusque enim auditorium siue tribunal est idem, cap. non putamus. de consuet. lib. 6. Tertio facit idem cap. per locum ab identitate rationis, quatenus probat. Generalem finito triennio non posse fieri Generalem.

neralem ea ratione, qua vetatur recipere denuo eandem iurisdictionem, quam habebat, cum esset Generalis. At Vicarius habet eandem iurisdictionem, quam habet Generalis; quia eadem est utriusque, ut dictum est: ergo non potest illam illo triennio habere. Quarto facit idem cap. regulæ, quatenus probat quemlibet prælatum præfati ordinis tanto tempore, quo fuit prælatus, debere subijci Correctori locali: cui tamen non subijcitur, immo præest Vicarius generalis. Quinto, quod ex contrario sequeretur absurdum, scilicet, quod idem posset esse per totam suam vitam Generalis, vel Vicarius generalis: finito enim triennio generalatus posset esse Vicarius generalis triennio sequenti, & illo finito posset esse Generalis alio triennio, & eo finito Vicarius alio triennio sequenti: & sic consequenter, dum vita ei maneret: quod est absurdum, & ita non dicendum, l. nam quod absurdum. ff. de bonis liber. Sexto facit, quod in Capitulo Turonensi, ut supra præsupponitur, fuit cōclusum, quod qui fuit Corrector vno anno, & Vicarius ob penuriam fratrum anno sequenti, non potuit eligi Corrector anno tertio: quod nulla ratione alia potuit fundari, quam quia idem iudicandum est quo ad hoc propositum de vicariatu & de ipsa præfectura, cuius est ille Vicarius: & consequenter sicut Generalis finito triennio non potest deligi Generalis, sic non poterit etiam deligi Vicarius generalis.

5 Per hæc posteriora fundamenta pars hæc posterior negatiua videtur verior, & æquior. Nec obstant opposita. Ad primum enim respondetur concedendo quidem, vicariatum Episcopi, vel alterius dignitatis non esse incompatibile beneficium alij beneficio incompatibili: negando tamen ex hoc sequi, prohibitum præesse, siue superiorem esse, fieri posse Vicarium generalem: quia ratio, quare vicariatus non est incompatibilis alij beneficio incompatibili, est, quia non est beneficium nec patibile, nec incompatibile: ratio vero, quare Generalis finito triennio non potest esse Vicarius generalis, est, quia nō potest esse superior, sed debet esse subiectus alio triennio: & vicariatus licet non sit beneficium, est tamen officium, quod facit habentem illud præesse, & esse superiorem alijs.

6 Ad secundum respondetur concedendo Vicarium posse reuocari à suo principali, sicut & delegatus, etiam post inceptam causam, ut determinat Bar. in l. vbi cēptum. ff. de iudi. negando tamen, quod ex hoc sequatur, eum qui prohibitus est, ne fiat superior gradus inferioris eo, quem præcedenti anno habuit, posse eligi in Vicarium in eodem officio, quod præcedenti anno gessit ut principalis; cum non desinat quis esse superior, eo quod reuocari, vel priuari possit officio suo, arg. cap. cum non liceat. de præscrip. cum allegatis ibi per glo. Et quæstio nostra non est de Vicario, an reuocari vel mutari possit; sed an prohibitus esse superior, sit prohibitus esse Vicarius generalis, qui habet eandem superioritatem iurisdictionis, quam habet Generalis.

7 Ad tertium respondeo primo, negari posse illationem de Correctore ad Generalem ratione diuersitatis; quod frequentius accidit in particularibus monasterijs, vbi sunt paucae personæ, ut non inueniatur idoneus ad hoc,

hoc, ut sit Vicarius Correctoris, quam in Capitulis generalibus, in quibus sunt Generales, & Vicarij Generalium, cum in illis conueniat flos totius ordinis. Secundo responderi posset, quod illud argumentum solum probaret, posse Generalem finito triennio constitui ad aliquod paruum tempus Vicarium, sed non simpliciter, quod nostra responsio habet, & quaestio quaerit.

Ad quartum respondetur, negando fuisse approbatum in Capitulo Turonensi, quod ille Hispanus legitime fuerit institutus Vicarius toto secundo anno; sed solum quod ille vicariatus annalis fecit eum inhabilem ad correctoriam sequentis anni: non quidem ea ratione, quod fuit legitimus Vicarius, sed ea quod stultus non debet esse melioris conditionis, quam sapiens, cap. eum qui de præben. lib. 6. quod habet, eum qui violenter accipit possessionem beneficii curati, perdere prius simile habitum, æque ac si iuste accepisset secundum: ita etiam præfatum reuerendissimum Capitulum iuste decreuit, ut is, qui tenuit iniuste vicariatum anno secundo, esset inhabilis ad tenendam correctoriam anno tertio, sicut fuisset si vicariatum tenuisset legitime; quia non mansit subiectus vno anno, sicut fuit prælatus, vel superior altero, ne per stultitiam lucraretur plus, quam per sapientiam.

AD POSTERIOREM quaestionem respondetur, Generale triennio suo finito non posse fieri Zelosum, siue Procuratorem generalem. Tum quia officium Procuratoris generalis est minus generalatu, & durante triennio sequenti non potest deligi ad minora officia generalatu per præfatum cap. regulæ. Tum quia illo triennio durante debet esse subiectus Correctori: & præsupponitur in propositione quaestionis, Zelosum, seu Procuratorem generalem, nulli alij, quam Generali esse subditum. Tum ob alia quæ colligi possunt ex supra posita erudita quaestionum propositione.

S V M M A R I V M.

1. Procurator generalis siue Zelosus Minimorum licet non habeat nec præfecturam, nec prælaturam, eximitur tamen à subiectione Provincialium, & aliorum Correctorum.
1. Iudex ut quis sui iudicis sit, iuri exosum.
2. Elationis & superbia motus deprimitur, dum quis alteri se & in vilioribus subdit officijs.

C O N S I L I V M X I.

Q V O N I A M D. qui dignatus est consulere nos super prædictis, & D. qui ante paucos dies consuluit nos super fere eisdem, sunt eiusdem ordinis ordinatissimi, & reformatissimi, quos iure optimo præsumo quaerere veritatem circa dubia occurrentia, ut eam seruent, & exequantur, cum sint fere vnus ordine & conditione, & in sui ordinis conseruatione vnico fere affectu; ideo respondebo D. in præsentia interroganti ea fere quæ in summa

summa latius respondi præfato D. consulenti, & proponenti mihi alia quedam capitula, & ordinationes tam suæ regulæ, quam generalium Capitulorum sui ordinis, cum aliquantulo auctario, quod etiam protestor me illi, si petierit, exhibiturum, ut utrique paria reddam.

Dico igitur respondisse me primo illi D. Generalem sui ordinis non posse fieri Vicarium generalem Generalis sequentis intra tantum tempus immediate sequens, intra quantum fuit Generalis, per illud capitulum regulæ, quod tunc cōsulens monstravit, quod habet in summa, superiores præfati ordinis sanctissimi tanto tempore debere subesse, quanto præfuerunt. Secundo respondimus eidem, Prouincialem posse fieri Zelosum & Procuratorem generalem, attenta ordinatione quadam Tolosani Capituli, quæ habet socios Generalis præcedentis posse deligi in socios sequentis, & etiam in officium Zelosi, Prouinciales autem non posse eligi in socios Generalis, sed sic in officium Zelosi. Tertio, Generalem suo triennio finito non posse sequenti triennio esse Zelosum, siue Procuratorem generalem. Tum quia per præfatum cap. regulæ debet tanto tempore subesse, quanto præfuit, nisi assumat gradum superiorem: & Zelosus non habet locum superiorem generalatu, & nulli alij, quam Generali subest, ut uterque proponit. Tum quia licet non sit prælatura siue præfectura, est tamen officium, ratione cuius eximitur ab omnibus Correctoribus & Prouincialibus: & ita non videtur subesse ulli eo modo, quo regula iubet superiores tanto tempore debere subesse, quanto præfuerunt, nisi assumpti fuerint ad munera superiora. Quarto, Generalem finito triennio non posse constitui Vicarium in aliqua prouincia: ita ut subsit alicui Correctori alicuius monasterij; sic tamen ut in casibus occurrentibus sit superior ipsi Correctori. Tum quia exosum est iuri, ut iudex sit iudex sui iudicis. Tum quia ratione hac statutum est, ut Abbas non subsit monachis, cap. nullam. 18. quæst. 2. Tum quia Ioan. Papa serio scribendo ait in cap. iustis. 16. quæst. 2. *humani moris est illum vereri, cuius iudicio nunc erigitur, nunc deprimitur.* Tum quia licet apud Deum, cui omnia nuda sunt, aperta veritas præualeat, & ita licet coram ipso bona fide, & sincera mente, tam constituentis, quam constituti, fieri posset, ut Generalis constituere posset aliquem subiectum Correctori, cum potestate, ut vicissim ipse corrigat Correctorem: tamen apud homines, & summa prætoria Ecclesiastica & secularia præsumetur hoc fieri in fraudem regulæ, & mentis S. Francisci de Paula, qui ad deprimendum motum elationis & superbiæ, qui nasci potest ex regimine loci superioris, statuit, ut tanto tempore quis subsit, quanto præfuit. Tum quia regula penul. de reg. iur. lib. 6. habet, certum esse eum committere in legem, qui verba legis amplexus contra legis nititur voluntatem: & Aug. ait in cap. Marchion. 1. q. 1. Euangelium non esse in verbis tantum scripturarum, sed in sensu, non in superficie, sed in medulla, non in folijs, sed in radice rationis: præfatum autem sanctissimum Franciscum potuit mouere S. Synodus, quæ relata in cap. 1. de pœnit. dist. 2. habet exercitium humilitatis esse subdere se vilioribus officijs, quia contraria contrarijs curantur, ut habet glos. cap. affectum. 26. q. 7.

S V M M A R I V M.

- 1 Electio facta, non vocatis habentibus ius suffragandi, non valet.
- 1 Conuentus in ijs quæ ad eum separatim à prælato pertinent, immo & qualibet pars conuentus in ijs quæ ipsam solam attingunt, sine consensu prælati procuratorem constituere potest.
- 2 Prælati, & conuentus diuersa, adeo quod proprie prælatus non est de conuentu.
- 2 Conuentus cum Vicario seu Priore claustrali non à solo prælato, sed per electionem electorum creato, potest mortuo prælato constituere procuratorem in his quæ spectant ad conuentum, cum facultate obligandi monasterium, & eius bona. num. 3.
- 3 Claustralis Prior, siue Vicarius non à solo prælato deputatus, sed per electionem electus, habet potestatem non à prælato, sed à iure; nec eius officium cessat per mortem, vel excommunicationem prælati.
- 3 Concesso vno, & illud conceditur, sine quo concessum, vel nullo modo, vel commode nequit fieri.
- 4 Prouincialis procuratorem à conuentu legitime constitutum reuocare nequit.
- 5 Reuocatio ad eum pertinet, ad quem constitutio, & contrarium est iuribus exosum.
- 6 Procurator à conuentu constitutus agere causas potest, sicut & ipse constituens.

C O N S I L I V M X I I.

CV M mortuus esset Prior conuentus, & electio ad conuentum spectaret, conuentus ad electionem promouendam cum facultate suffragandi procuratores N. & M. dicti conuentus professos constituit; & quemdam Petrum ad lites & alia negotia conuentus cum facultate obligandi res, seu redditus monasterij, quatenus opus esset, procuratorem creauit, & constituit: Prouincialis vero electionem non vocatis constitutis procuratoribus fecit, & procuratorem ad lites, seu res monasterij procurandas & defendendas reuocauit.

Queritur primo, an electio, procuratoribus prædictis non vocatis, teneat?

Secundo, an conuentus sine prælato pro conseruatione rerum monasterij procuratorem ad obligandum monasterij redditus constitutere valeat?

Tertio, an prælatus constitutionem procuratoris à conuentu factam possit reuocare?

Quarto, an prælatus, reuocando procuratorem à conuentu creatum, peccet?

Quinto, an procurator à solo conuentu creatus agere valeat?

- 1 AD QVINQVE quæstiones ex ordine respondeo. Ad primam, videlicet, quod non est electio canonica: quia veri procuratores conuentuum, quibus erat ius vocis dandæ, siue suffragandi, non interfuerunt, peccata quæ infra dicentur.

AD SECVNDAM respondeo primo, quod conuentus in his, quæ separatim pertinent ad illum, potest constituere procuratorem sine consensu prælati, vt determinat Innocen. in cap. edoceri. num. 6. de rescrip. receptus ab omnibus: quin & qualibet pars Capituli in his, quæ ipsam solam

Iam attingunt, potest constituere procuratorem, secundum Inno. ibidem num. 3. immo & quilibet monachus in his quæ pertinent ad se solum, ut quia est spoliatus, vel alimēta sibi denegantur, potest agere per se, & constituere procuratorem, secundum Innoc. & omnes alios in cap. cum I. & A. de re iudic. & tradimus in commen. cap. non dicatis. 12. quest. 2.

- 2 Secundo, quod conuentus est aliud à prælato, adeo quod prælatus non est proprie de Capitulo, neque de conuentu, secundum glos. communiter receptam in clem. ut ij qui. de ætat. & qualit. ver. in eisd. per textus, quos ipsa in hoc citat aptissimos.

Tertio, quod conuentus cum Vicario, qui solet appellari superior in monasterijs quæ reguntur per Priores, & Prior claustralis in monasterijs quæ reguntur per Abbates, cap. cum ad monasterium. §. prior. de statu monach. cuius officium non vacat per mortem Abbatis, vel Prioris, iuxta clem. ne in agro. §. si quis autem. verb. Abbate. de statu monach. legitime potest constituere procuratorem in his quæ pertinent ad ipsum conuentum, ut probatur in d. §. ver. Abbate. Nec obstat, quod mortuo, vel excommunicato principali prælato, Vicarius eius etiam quo ad officium moritur, vel suspenditur, cap. 1. de offi. vicar. lib. 6. quia illud est verum de Vicario generali prælati, qui à solo eo recipit iurisdictionem, non autem de prædicto Priore superiore, vel Vicario claustrali, qui non à prælato, sed à iure recipit suam potestatem.

- 3 Quarto, quod illi, cui conceditur aliquid, concessum videtur id, quod sine illo fieri nequit, l. 2. ff. de iurisd. omn. iud. & cap. præterea. de offi. deleg. immo & quod fieri potest sine illo, sed non commode, l. penult. ff. de usufr. & l. quicumque. §. si ei quem ad vendendum. ff. de instit. act. per quos hoc tenet Aret. in cap. de testibus. colum. 3. de testib. cog. & d. cap. præterea. quicquid gloss. senserit in cap. solet. de sent. excomm. ver. per superiorem. Cum ergo conuentui, in his quæ pertinent ad eum, concedatur facultas constituendi procuratorem siue sindicum, & hoc non possit facere saltem commode, quia non admitteretur à iudicibus sine obligatione bonorum suorum; consequitur posse obligare se & sua bona, vel quatenus pertinent ad illum in constitutione sui procuratoris.

- 4 AD TERTIAM respondetur non posse Prouincialem reuocare procuratorem à conuentu aliquo legitime constitutum, arg. cap. 1. de reg. iur. *Omnis res per quascumque causas nascitur, per easdem etiam dissoluitur.* Et ad omnem actum faciendum est necessarium, ut potestas concurret cum voluntate, cap. cum super. de offi. deleg. & nullo iure nec communi, neque particulari regulæ habetur, quod Prouincialis potestatem habeat cōstituendi, neque renocandi procuratorem conuentuum: & sicut lege cautum est, ut quilibet regulariter possit cōstituere, & reuocare procuratorem suum, l. 1. ff. de procuratorib. ita nulla lege conceditur regulariter vni potestas reuocandi procuratorem constitutum ab alio. & cum regulæ sit standum, donec monstratur & probetur exceptio, iuxta glo. solemn. in l. omnis definitio. ff. de reg. iur. & in rubr. eod. titu. lib. 6. & non monstratur prædictam regulam limitari in hoc casu, standum est illi in eo.

- 5 AD QVARTAM respondetur, prædictam reuocationem esse tyrannicam, & omni iure respuendam multis nominibus iuri naturali, diuino, & humano nitentibus: quandoquidem tollitur libertas à iure communi & particulari regulæ concessa, incutitur timor contra omnes leges contra metum iniustum incutientes latas, vsurpatur & auferitur ius proximo competens, contra iura vetantia ius suum tolli vlli sine suo consensu: quin & sine culpa puniuntur infontes, immo & sine causæ cognitione, contra omnia iura vetantia iudicibus ne sine illa procedant, & cum magno scandalo ordinis, & cleri vel populi totius regni, in quo talia fiunt, contra Euangelium & iura statuentia ne quicquam cum scandalo fiat.
- 6 AD QVINTAM respondetur affirmatiue: quia nihil iuridicum potest contra id afferri, cum regula iuris sit omnem procuratorem legitime constitutum posse agere illa, ad quæ est constitutus: regula, inquam, super qua fundantur, & quam præsupponunt omnes tituli de procuratoribus ff. C. decretal. sexti, & clem. & tota praxis iudiciorum, & negotiorum.

S V M M A R I V M.

- 1 Curatum beneficium non in actu, sed in habitu, quale est illud, cuius cura per vicarium ad vitam, vel amouibiliter necessario ponendum exerceri debet, non subijcitur pænæ cap. licet canon. de elect. in 6.
- 2 Prioratum regularem curatum, etiam si cura per alium exerceatur, habens monachus tenetur se promoueri facere intra annum, secus est de non monacho obtinente similem prioratum, secularem tamen: immo secundum Federicum nec canonicus regularis ad id tenetur, etiam si teneat regularem sui ordinis.
- 3 Beneficia regularia si gubernentur per clericos seculares, vt secularia, efficiuntur secularia, & econtra secularia efficiuntur regularia.

C O N S I L I V M X I I I.

QVIDAM habens prioratum, qui olim fuerat regularis, & conuen-
tualis, & à centum annis redactus in simplicem ecclesiam parochia-
lem, cuius cura animarum regitur per capellanum perpetuum, certa par-
te reddituum ipsius prioratus ad eius sustentationem applicata: Querit-
tur, an inciderit in pœnam cap. licet canon. de elect. lib. 6. qua priuatur
ecclesia parochiali, qui se non fecit promoueri ad sacerdotiû infra annû.

- 1 Respondetur, quod non. Tum quia præfatum cap. licet canon. solum
habet locum in eo, qui tenet ecclesiam parochialem cum cura in actu,
idest qualem ipsemet tenetur exercere, & non in eo, qui habet curam tan-
tum in habitu, idest exercendam per vicarium perpetuum, vel per tem-
poralem necessario apponendum. huiusmodi enim beneficium, quod ha-
bet curam in habitu, non cadit sub cap. de multa. de præben. nec sub ex-
trauagan. execrabilis. Ioan. XXII. quæ hoc probat in §. quia vero.
& pulchre tradit Felin. qui alios citat in cap. postulasti. colum. 2. de
rescrip. Tum quia prioratus, cui est annexa cura exercenda per alium,
& prioratus cui annexa cura exercenda per eundem, valde differunt, vt

- 2 probat clem. ne in agro. §. ceterum. de statu monachorum. Nec obstat ille §. quatenus habet, vtrumque esse promouendum intra annum sub pœna priuationis ipso iure incurrenda: quia loquitur tantum de regularibus prioratibus, qui monachis conferuntur, non autem de sœcularibus conferendis clericis sœcularibus; qualis est prioratus iste, qui, vt præsupponitur, à centum annis fuit gubernatus per clericos sœculares; & constat per gubernationem quadraginta annorum regularia fieri sœcularia, & conuerso, cap. cum de beneficio. de prœb. lib. 6. Tum quia non est mirandum, quod ille §. ceterum. sic restringatur: quoniam id fit argum. cap. statutum. de elect. in 6. ne procedat in ecclesijs sœcularibus; nam & Federicus consil. 25. consuluit non esse locum ei etiam in prioratibus canonicorum regularium, sed solum in prioratibus monachorum nigrorum. Tum quia ex suppositis constat huic prioratui non inesse curam in actu, idest exercendam per eius Priorem, sed in habitu, idest exercendam per capellanum, qui in effectui est vicarius perpetuus. Salua, &c.

SUMMARIVM.

- 1 Episcopi beneficia per consecrationem vel lapsum temporis ad id statuti vacant; & hoc modo episcopatus possessionem cum facultate percipiendi fructus apprehenderit, nu. 3. licet ex stylo statim ac Papa ei de illo prouidit, vacent, num. 1. Item fallit in Episcopo titulari, cuius beneficia non vacant, nisi adepti episcopatus possessione. nu. 3.
- 2 Episcopo beneficia conferri non posse, nullo iure cautum reperitur; immo ex causa legitima posse, verius est, nu. 4. & 6. & hoc modo non sint episcopatus incompatibilia, vt est præpositura. nu. 5. & 6.
- 3 Episcopus per ademptionem beneficiorum, de quibus in cap. de multis. non perdit episcopatum, immo nec potest illum relinquere, etiam vt accipiat aliud beneficium, sine Papæ consensu. nu. 7.

CONSILIUM XIV.

- A**N COLLATIO beneficij simplicis facta Episcopo titulari valeat? Respondetur primo, quod pro parte negante facit primo cap. cū in cūctis. §. cum vero. de elect. quatenus habet Episcopum perdere beneficia priora ipso iure per consecrationē, vel lapsum tempus cōsecrandi, immo & per stylum Curia statim per prouisionem Papæ, vt ibidem tradit Dec. Secundo facit cap. cum nostris. de concess. præben. quatenus videtur probare electionem de Episcopo ad quamdam præposituram factam non valuisse. Tertio, quod Panorm. num. 4. & communis ibi videntur significare, quod per solam indulgentiam dispensationis Papæ poterat Episcopus tenere prædictam præposituram. Quarto, quod non licet quem à maiori dignitate ad minorem descendere, vt notatur in cap. fin. de transla. prælatus. vnde nec ab archiepiscopatu licet descendere ad episcopatum, vt notatur in d. cap. cum nostris.

His tamen non obstantibus contrarium est verius. Tum quia nullo iure in-

- re inuenitur hoc prohibitum, & quod patrum decretis statutum non est, superstitiosa inuentione non est præsumendum, cap. consulisti. 2. quæst. 4. Tum quia contrarium videtur probari per cap. ad supplicationem. de renunciat. quatenus habet fuisse concessum beneficium Archiepiscopo, qui auctoritate Papæ suo archiepiscopatu renunciauerat. Tum quia Panorm. & communis tenent in d. cap. cum nostris, ibi probari non esse locum poenæ cap. de multa. in Episcopo, cui confertur beneficium aliquod de incompatilibus illius cap. de multa. Tum quia etiam ante quæsitum non perdit, nisi adepta possessione, & facultate percipiendi fructus, ut colligitur ex textu, & declarat ibi Dec. pro quo est glo. in cap. si tibi concessio. de præben. lib. 6. per quam dicit Staphil. in tract. de litteris apostolicis sub titul. de qualita. & stat. benef. num. 53. tenuisse in Rota, quod Episcopus titularis non perdit ipso iure beneficia prius habita, donec adipiscatur possessionem sui episcopatus: quæ glossa licet nō dicat illud in specie, elicitur tamen ex ea, quatenus habet, ut dictum est, per prædictum cap. si tibi. limitari prædictum §. cum vero. Tum quia communis opinio habet in d. cap. cum nostris. & in d. cap. ad supplicationem. posse conferri beneficium Episcopo ex causa legitima, puta ob necessitatem, quia non habet fructus sufficientes ad se sustentandum.

Ad opposita vero, & quidem ad §. cum vero. respondetur primo, quod loquitur de beneficijs quæsitis ante episcopatum, & de Episcopo, qui quæsiuit possessionem, & fructus sui episcopatus: nos autem loquimur de quæsitio post illum habitum, & de Episcopo, qui neque possessionem, nec fructus episcopatus quæsiuit. Secundo, quod non est bona consequentia: Episcopus perdit beneficia ante promotionem habita: ergo à fortiori est inhabilis ad habenda: nam accipiens vnum beneficium contentorum in d. cap. de multa. perdit omnia similia, quæ prius habebat, non tamen fit inhabilis ad habenda alia etiam similia: & per renunciationem perdit, quis sua beneficia, cap. quam periculosum. 7. q. 1. & tamen potest alia noue adipisci, secundum omnes.

- Ad secundum respondetur negando, quod prædictum cap. cum nostris. probet quicquam contra hoc. Tum quia non loquitur de beneficio simplici, sed de præpositura, quæ est de numero beneficiorum incompatibilium comprehensorum in d. cap. de multa. nos autem loquimur de beneficio simplici. Tum quia non dicit electionem de Episcopo ad præposituram non valuisse, eo quod erat Episcopus, sed alia ratione, ut ibi omnes declarant, significantes præposituram esse magis incompatibilem alteri beneficio curato vel dignitati, quam episcopatu, quatenus aiunt per illius ademptionem non vacare episcopatum, at aliud curatum, vel dignitatem sic.

- Ad tertium respondetur primo, concedendo, quod Panorm. & communis aiunt, per dispensationem Papæ potuisse Episcopum, de quo in illo cap. retinere prædictam præposituram cum suo episcopatu: sed negando quod ea ratione ad id moueantur, quod non liceat Episcopo accipere aliud beneficium, sed quia præpositura erat incompatibilis episco-

patui. Secundo, quod non dicunt id Episcopo licuisse per solam dispensationem Papæ: immo Panor. nu. 7. solum requirit superioris auctoritatem cum causa legitima, & postea num. 15. ait causam legitimam, ob quam Episcopus potest accipere aliud beneficium, esse, quod fructus sui episcopatus alij debentur, vel non possunt percipi ab ipso, quia exulat, vel est absens, quod in nostro casu contingit.

- 7 Ad quartum respondetur concedendo, quod Episcopus non potest relinquere episcopatum, & accipere aliud beneficium sine auctoritate Papæ: quia illud esset descendere: sed nos loquimur de illo, qui retinendo episcopatum, accipit aliud beneficium ad se sustentandum, quod non est descendere, neque exuere, sed vestire & munire se ad honorandum episcopatum, quem habebat: quod licitum & sanctum esse, prædicta probant: & quod est decus ecclesiæ honesta eius sustentatio, sicut esset dedecus eius mendicatio cap. diaconi. il primo. 93. dist.

S V M M A R I V M.

- 1 Episcopus quidem per consecrationem perdit beneficia habita, non tamen iure cautum legitur quod sit inhabilis ad alia habenda, præcipue titularis, licet aliqui contrarium putent.
- 1 Cardinalis non est inhabilis ad beneficia saltem simplicia.

C O N S I L I V M X V.

Q V A E S I T V M est, an Episcopo consecrato possit conferri beneficium etiam simplex.

- 1 Respondeo, quod partem negatiuam tenet Panorm. in cap. ecclesia vestra. num. 2. de elect. eo quod per consecrationem perdit beneficia quæ habebat; ergo minus poterit in futurum habere. argumen. cap. quemadmodum. de iureiur. & Card. in cap. ad supplicationem. de renunciat. nu. 1. ait ei qui renunciavit episcopatum, non posse sine causa & dispensatione conferri beneficium. Sed non videtur inueniri ius satis expressum, quo Episcopus, præsertim titularis tantum, fiat inhabilis ad habenda beneficia futura, etiam si debeat perdere præterita, argu. cap. licet canon. & cap. commissa. de elect. lib. 6. & notatorum in cap. de multa. de præben. & quod Cardinalis non est inhabilis ad beneficia saltem simplicia, vt tenet Panor. in d. cap. ecclesia vestra. num. 2.

D E R E N V N C I A T I O N E.

S V M M A R I V M.

- 1 Episcopatus an deceat renunciare.
- 1 Episcopatus non renunciatur, qui uegetus est, & usui esse potest.
- 2 Renunciat qui episcopatus, occasionem peccandi tacite querit.
- 2 Voluptas & otium arma diaboli.

- 3 Gloria & bonum nomen ut conseruantur, & perduntur.
- 4 Famam quisque suam maxime publica persona seruare debet.
- 5 Scandalo ne simus, omnis lex uetat.
- 6 Pacta, & conuentiones seruari debere omnia iura clamant.
- 7 Insolita qui facit, dolo agere uidetur.
- 7 Ingratus omnis malus; sed qui malum pro bono reddit, peior.

CONSILIVM I.

VTRVM deceat, vel liceat Episcopo renunciare Episcopatu, & dignitati, qui adhuc est corporis, & animi viribus satis vegetus, & magno cum fructu concionando, prælegendo, consulendo, & sacramenta administrando semper præfuit?

- 1 Colligitur quod non, primo ex illo dicto Alexand. III. cap. i. de renunciat. *Indecens omnino probatur prius soluere militiæ cingulum, quam cedat uictori aduersitas præliorum.* hæc ibi. per quod sanctissimus ille Papa noluit facere facultatem renunciandi cuidam illam obnixè roganti, etiam senectutem ad hoc inculpanti.

Secundo, quod non decet Episcopum, qui tota vita magno cum fructu studuit, prælegit, concionatus est, consuluit, & sacramenta præsertim pœnitentiæ ministravit, viribus adhuc animi & corporis gratia Deo vegetum dare se otio, etiam contemplationis, ut Innoc. III. significauit in cap. nisi cum pridem. eod. titu.

- 2 Tertio, quod ei qui vere ex animo Christianus est, non licet, nec decet quærere peccandi tentationes; & qui renunciat præfultauit, etiam in finem quietius contemplandi, videtur tacite & per quamdam consequentiã quærere eiusmodi tentationes, ut doctissimus ille iurium vexillum sanctissimus Innocen. III. in d. cap. nisi. s. verum. clare docuit, definiens ea ratione negandam esse facultatem cedendi episcopatu, ne in otiositatem, & voluptatem, quæ arma sunt diaboli ad miserandas animas captandas, incidat.

- 3 Quarto, quod lege naturali & diuina tenemur conseruare gloriam strenuitatis, & existimationis, quæ ad faciendum fructum in animas fidelium auget actionem, iuxta illud Apostol. i. ad Corinth. 9. *Bonum est enim mihi magis mori, quam ut gloriam meam quis euacuet.* ubi ait S. Thom. gloriam septemplex amitti, & gloriam strenuitatis per accidiam, & pusillanimitatem quasi exploratores terræ promissionis laborarunt. Num. 13. & 14.

- 4 Quinto, quod lege naturali & diuina tenetur quis, saltem si est publica persona, conseruare famam suam, iuxta illud Ecclesiast. 41. *Curam habe de bono nomine, &c.* immo est crudelis qui eam negligit, iuxta illud Aug. reprehendentis tales in cap. non sunt audiendi. 11. q. 3. *Dicimus coram Deo sufficere sibi conscientiam, existimationem hominum non solum impudenter, uerum etiam crudeliter contemnentes.* At si Episcopus renunciaret episcopatu, plerique dicerent illum illi renunciaſſe, quia non poterat bona conscientia illud retinere ob aliquam irregularitatem, & inhabilitatem

non qualem qualem, sed grauissimam, iuxta d. cap. nisi. §. personar. de renunciat. & illud Gregorij super Ezech. homil. 9. relatum à S. Thom. 2. 2. quæst. 72. artic. 3. *Hi quorum vita in exemplo imitationis est posita, debent, si possunt, detrahentium verba compefcere, ne eorum prædicationem non audiant, qui audire poterant.*

- 5 Sexto, quod omni iure naturali, diuino, & humano tenemur abstinere ab scandalo dando, Matth. 18. & cap. nihil cum scandalo. de præscript. at fieri potest vt in tali statu rerum Episcopus renunciaret Episcopatum, in quo scandalum præberet, & male sentiretur de ipso.

Septimo, quod quamuis liceat vnicuique re sua quatenus est sua prohibito vti, l. in re mandata. C. mandati. l. sed si. §. consuluit. ff. de petit. hæred. omni tamen iure naturali, diuino, vel humano tenemur non diminuer publicam, vel alienam. cap. si diligenti. de foro compet. cap. licet. de regul. sed per renunciationem esse potest, vt lædatur populus amittendo, vel mutando pastorem. ergo.

- 6 Octauo, quod lege naturæ, diuina, & humana tenemur pacta, conuentiones, & contractus seruare, l. 1. ff. de pactis. cap. Antigonus. eod. titu. præsertim cōtractum matrimonij, qui est indissolubilis, iuxta illud Matth. 19. *Quos Deus coniunxit, homo non separet.* relatum in c. 2. de transla. Episcop. & in cap. quos Deus. 32. q. 2. At Episcopus cōtrahit matrimonium spirituale cum Ecclesia, iux. d. cap. nisi. §. verum. ibi: *Non debes deferere sponsam tuam.*

- 7 Nono, quod insolita, quæ recte dici possunt insolita, vetamur facere; adeo quod qui illa facit, videtur fraudulenter & dolose facere, vt sentit glos. quam ad hoc inducit ibi Bald. in l. si quis sub conditione. ff. de condit. instit. at non solent homines, &c.

Decimo, quod omni lege naturali, diuina, & humana ingratitude est peccatum, præsertim qua malum pro bono redditur, vt probat S. Tho. 2. 2. q. 107. art. 1. & illud Poetæ, *Nihil magis auertit cælum à telluris amore, Quam scelus ingrata mentis.* Sed per renunciationem multis esset ingratus, &c. Salua, &c.

S V M M A R I V M.

- 1 Episcopatus sine licentia Papæ etiam petita, sed non obtenta, renunciatio non tenet, etiam si fiat in manibus Capituli, ad quod spectat electio; nec causat vacationem, nec aperit viam vt possit procedi ad electionem. nu. 2. at si Capitulum admittat, & etiam procedat ad electionem, ob id non priuatur ipso facto potestate eligendi. num. 3. & §. potest tamen priuari. nu. 8. etiam sine citatione, cum delictum sit notorium, nu. 10. notorietate iuris. nu. 9.
- 4 Patronus nulliter & de facto conferens, ob id amittit ius præsentandi.
- 5 Priuationis pœna numquam ipso iure incurritur, nisi in casibus in iure expressis.
- 6 Eligentes indignum scienter, priuantur illa vice potestate eligendi; secus si nulliter eligant, etiam ex eo quod non vacabat beneficium viuentis.
- 7 Renunciatio sine auctoritate superioris facta etsi non teneat, eam tamen potest superior ratam habere, & sic valebit.

9. Notorie cum est electio nulla, potest ea non cassata ad aliam procedi.
 10. Citatio potest omitti in notorijs, quando constat aduersario nullam competere defensionem.

CONSILIUM II.

AD PRIMAM questionem, quod renunciatio episcopatus ab Episcopo facta in manibus sui Capituli, etiam si ad illud pertineat ius eligendi, non valet, si fiat absque licentia Papæ, per cap. licet. de regul. quatenus habet inuiolabiliter esse seruandam illam regulam, quæ habet, ne quis episcopatus suo cedat sine licentia Papæ, in cuius not. 8. Panorm. recept. dicit non sufficere petitionem licentiæ, sed eius obtentionem esse necessariam.

AD SECUNDAM respondetur, quod electio facta à Capitulo ad episcopatum renunciatum per suum Episcopum sine licentia Papæ nihil valet; quia electio facta de episcopatu non vacante nihil valet. argum. cap. 1. de concessione præb. & per responsionem ad questionem primam constat episcopatum renunciatum sine licentia Papæ non valere: & consequenter electio facta de tali episcopatu, est facta ad episcopatum non vacantem, & ita ad episcopatum viuentis, quæ non potest valere, arg. præfati cap. 1. de concess. præben.

AD TERTIAM respondetur, quod Capitulum non perdit ipso iure ius eligendi, eo solo, quod admittit renunciationem episcopatus à suo Episcopo sine licentia Papæ factam. Tum quia nihil valet illa renunctio, nec admissio: & regulariter actus nulliter & inualide factus nullum producit effectum, iuxta illud Persij, *Ex nihilo nihil, in nihilum nihil posse reuerti*: & iuxta illam regulam lib. 6. *Non præstat impedimentum, quod de iure non sortitur effectum*: & gloss. recept. cap. ex tenore. de rescript. verbo negotio. Tum quia cap. vltimum de iure patro. probat quod Capitulum habens ius præsentandi ad aliquod beneficium non perdit illud etiam pro prima vice, propterea quod male cõferat illud: ergo nec Capitulum perdet ius eligendi Episcopum etiam pro prima vice, eo quod male eligat illum. argumento à simili, quod valet de iure, cap. inter cæteras. de rescript. Tum quia in cap. fin. de concess. præben. est casus, quod patronus, qui promittit præsentare ad beneficium viuentis, male facit, sed potest præsentare postea post mortem illius viuentis. Tum quia nunquam est dicendum pœnam priuationis esse ipso iure impositam, nisi cum aliquo iure id exprimitur, iuxta gloss. recept. & à multis reputatam fingi in d. cap. vlt. de iure pat. At non memini legere aliquem tex. authenticum, qui exprimat Capitulum perdere ipso iure ius eligendi Episcopum, eo quod admittat cessionem episcopatus à suo Episcopo factam: ergo non est dicendum ipsum ipso iure perdere ius eligendi etiam prima vice. Tum quia non obstat cap. cum in cunctis. 6. fin. de elect. quatenus habet canonicos priuari eligendi potestate, si contra formam illius cap. elegerint: quia loquitur in longe diuerso casu; nam loquitur de eligetibus indignum ad episcopatum vacantem, nos autem de Capitulo male acceptante &

admittente renunciationem episcopatus: & lex pœnalis non debet extendi extra proprium casum. 6. pœna. dist. 1.

- 7 AD QVARTAM respondetur, quod Papa potest ratam habere illam renunciationem, quam Episcopus fecit in manibus Capituli, sicut & renunciationes aliorum beneficiorum factas coram notario & testibus sine superioris auctoritate, licet sine illis factæ non valeant, cap. quod in dubijs. & cap. admonet. de renunc. cum eis adnot. & derogare iuri eligendi, quod Capitulum posset prætere, propter delictum quod commisit in admittendo & acceptando renunciationem, quam non poterat iure admittere, & propter irreuerentiam, quam fecit Papæ, & episcopatu, admittendo illam renunciationem: quia licet ipso iure non perdidit ius eligendi, ut dictum est, tamen deliquit ita, ut posset eo iuste priuari per Papam: sicut simoniacus conventionalis tantum, & non realis, non perdidit quidem ipso iure ius sibi quæsitum per collationem, potest tamen priuari eo propter delictum, ut nos probamus in Manu. confess. cap. 23. num. 101. vel 102.
- 9 AD QVINTAM respondetur, quod non est necesse cassare electionem, ad hoc ut Papa conferat præfatum episcopatum cui volet; quia notorie est ipso iure nulla: quia notorium iuris est Capitulum præfatum nulliter admisisse renunciationem, & nulliter elegisse, si elegit ad episcopatum non vacantem, & hominis viventis, contra cap. 1. de concess. præb. & iura notissima omnibus etiam lippis & tonsoribus.
- 10 AD SEXTAM tacite ex prædictis resultantem, quod Papa iuste potest prædictum Capitulum priuare iure eligendi præfato, etiam illo non citato: quia non solum Papa, sed etiam alius iudex inferior potest procedere sine citatione, quando notorie constat ei non competere defensionem, iuxta cap. cum olim. de re iudic. cum ei adiectis per Panorm. & Felin. & in cap. causam quæ. de rescript. cum adiectis à Decio. Salua, &c.

S V M M A R I V M.

- 1 Abiuratio proprie sumpta, per quam quis ab hæresi recedit, probat ipsum aliàs fuisse hæreticum; secus de improprie, quando quis de hæresi etiam vehementer suspectus illam se purgando abiurat. nu. 2.
- 2 Fautor hæreticorum regulariter solum est suspectus de hæresi; at qui fauet credendo hæreticis, est vere hæreticus.
- 3 Resignatio beneficii in alicuius fauorem ab inquisito de hæresi, antequam tamen condemnaretur, facta, non vitatur, licet resignans priuatur beneficijs: at si declararetur ipsum beneficijs fuisse & esse priuatum, vitaretur, si regula illa, res inter alios acta, &c. ei non posset suffragari.
- 4 Bulla Pij V. pœnam à iure contra fauentes hæreticis, eis credendo latam, ad fauentes hæreticis, officium inquisitionis, etiam mediate, vel illius executiones impediendo, extendit.

CON-

CONSILIVM III.

A INQUISITVS beneficium suum in fauorem certæ personæ renuncianit, & postea tamquam fautor hæreticorum per sententiam condemnatus abiurauit, & inquisitores eum declararunt priuatum honoribus, dignitatibus, & beneficijs, & de illis insuper eum priuarunt. Quæritur, an renunciatio beneficij sit valida?

- 1 Quæ sit in hac re mea sententia, dico primo, quod abiuratio proprie dicta, per quam quis recedit ab heresi, & accedit ad sanctam fidem Catholicam, à qua recesserat, probat abiurantem verum fuisse hereticum, & est maioris virtutis, quam abiuratio improprie dicta, qua negat quis se fuisse hereticum, sed purgat se suspitione qua laborauit, de qua in cap. accusatus. in prin. de heret. lib. 6.
- 2 Secundo, quod magna differentia est inter fautorem credendo, & inter fautorem alio modo cibando, potando, & alijs modis, qui fieri possunt & quotidie sunt hereticis nunc in Gallijs, Flandria, & alibi. Ille enim est vere hereticus, hic autem regulariter solum suspectus, ita vt purgatione munderetur, & licet alius sit leuiter suspectus, & alius vehementer suspectus, quauis enim sit vehementer, & vehementissime suspectus, non tamen est iudicandus hereticus, iuxta cap. literas. de presumptione. & d. c. accusatus.
- 3 Tertio, quod nunc ostenditur sententia iudicum, qua fuit prædictus A. condemnatus, cum abiuratione quam fecit ipse, quæ dant magnam lucem decisioni huius causæ, siquidem constat per eas non fuisse declaratum hereticum, neque credentem hereticis, neque fautorem eorum credendo: adeo quod in forma sue purgationis acceptatæ ab Inquisitoribus negat se vnumquam credidisse contraria fidei Catholicæ, neque credere, & promittit nunquam se crediturum. Tenor autem sententiæ habet, quod per eam declarauerunt Inquisitores prædictum A. esse priuatum honoribus, gradibus, dignitatibus, officijs, & beneficijs, insuper & de illis eum priuatæ quæ clausula potest habere duos intellectus. Alter est, quod declaratur, ob prædicta, per quæ in vehementem suspensionem hæreseos incidit, fuisse priuatum ipso iure ante suam sententiam, quia declaratio nihil noui inducit, sed solum palam facit quod erat obscurum, l. hæreses palam. post prin. ff. de testamen. & secundum hunc intellectum prædicta sententia multum læderet prædictum resignatarium, nisi opponatur exceptio rei inter alios actæ. Alter intellectus est, quod per illam sententiam priuatur beneficijs, & declaratur priuatus: & secundum hunc intellectum parum nocet ei: quia renunciatio beneficij præcessit illam sententiam, à qua incepit prædicta priuatio. sed quia non satis noni stylum suspiciendissimum Inquisitionis vniuersalis, eiusdemq. Illustrissimorum Cardinalium, & præsectorum, eorum Dominationibus interpretationem remitto, iuxta illud l. fin. C. de legibus, *Eius est interpretari, cuius est condere.* Admonco tamen quod bulla Pij V. de re hac edita videtur extēdere iura punientia fautores credendo, ad aliquos fautores expressos in ea impediētes directe, vel indirecte officiū Inquisitionis, vel eius exequutionē: prædicta tamen sentētia Illustriss. Cardinalium

non

non videtur exprimi saltem clare aliquis modus in illa bulla cōtentorum: & ita sententia prædicta, licet aliquibus videri possit extendi ad aliquos fautores aliter quam credendo, alijs tamen videri posset non extendi. Quare interpretationem illorum sententiæ remitto etiam quo ad hoc, vt antea remisi quo ad alia, eorum emunctissimæ & canissimæ intelligentiæ, eo quod non sim in eorum stylo discernendo satis versatus.

SUMMARIVM.

- 1 Copulatiua dispositio ad sui subsistentiam requirit verificationem vtriusque copulati: fallit, quando vtrumque per se sufficit ad causandam ipsam dispositionem.
- 2 Renunciatio beneficii, tacito quod ad illius titulum fuerit ordinatus, si renuncians vere habet vnde aliunde uiuat, in conscientia, & in tribunali iudicante secundum æquitatem tenet, aliàs contrarium iudicabitur.

CONSILIUM IV.

DE EO, qui ad titulum cuiusdam beneficii ad sacros ordines promotus post multos annos nihil aliud vnde viuere posset habēs illud renunciauit, reseruata sibi pensione centū ducatorū, nulla tamen facta mentione, quod ad titulum illius beneficii ordinatus esset. Quæsitum fuit, an stante cap. 2. de reform. sess. 21. Concilij, talis resignatio valeret.

- 1 Pro parte negante, scilicet quod non valet, facit, quod dispositio copulatiua ad sui veritatem requirit vt vtraque pars sit vera, l. si hæredes plures. ff. de hered. instit. & cap. inter ceteras. de rescript.

Pro parte vero affirmante, quod valet, facit, quod ad veritatem dispositionis copulatiuæ sufficit verificari alterum copulatiuum, quando vtrumque per se ad eam verificandam sufficit, iuxta gloss. cap. ex parte. de rescrip. quam Felin. exornat late ibi à numero 23. & ad hoc vt satisfiat menti Concilij disponentis quod, vt renunciatio valeat, fiat mentio de ordinatione ad titulum beneficii renunciandi, & quod remanet renuncianti id, quod ad victum eius sufficit, videtur sufficere, quod remaneat ei victus honestus: quoniam ideo fecit illud cap. Cōcil. ne sacris initiatus indecore mendicet; & in casu proposito ordinatus renuncians reseruauit sibi pensionem centum scutorum, quæ sufficit ad eius victum.

- 2 Quibus præmissis, respondeo primo, credere me valere renunciationē quo ad forum conscientię propter rationem pro posteriori parte adductam, & alia multa, quæ posset adducere, cui vacaret id facere.

Secundo, credere me, Papam, & eius suprema prætoria ex bono & æquo iudicantia, & à quibus non appellatur, etiam censura eam validam quo ad forum etiam exterius: quamuis suspicer multos ordinarios, & delegatos particulares iudicatueros eam non valere, quia resignans de neutro fecit mentionem expressam, licet sic tacitam de secundo, per argumentum pro priori parte factum, & alia iura, quæ aliquid de necessitate exprimendi statuunt. Salua, &c.

SUMMARIUM.

- 1 *Confidentia presumitur, si quid renuncians post collationem ex beneficio percipit.*
- 2 *Renunciatio facta coram tabellione sine auctoritate superioris non valet.*

CONSILIUM V.

DE ILLO, qui renunciavit beneficium coram ordinario, nulla facta confidentia expressa, sed renunciarius soluit renuncianti post contractum coniugium certis annis fructus eius ob pietatem, & misericordiam, quia pauper erat. Et de illo, qui renunciavit beneficium coram notario & testibus sine auctoritate superioris, an valeat.

- 1 **AD PRIOREM** questionē respōdeo, quod in foro exteriori iudicabitur interuenisse confidentiam; quia Pius V. in sua extrauag. de confiden. determinauit censendum esse interuenisse illam, quoties post collationem beneficii renunciati percipit renuncians aliquos fructus beneficii renunciati, vt patet in eius copia à nobis relata in Manu. nostro cap. 23. nu. 110. quamuis credam eam coram Deo, & quo ad forum interius non interuenisse, vt ipse adnotaui in 1. not. super præfata extrauag. Pij V.
- 2 **AD ALTERAM**, quod non valuit renunciatio eius facta coram tabellione sine auctoritate superioris, iuxta cap. quod in dubijs. & cap. admonet. de renunciat.

SUMMARIUM.

- 1 *Possessionem beneficii à Sede Apostolica obtenti post expeditas literas, etiam si nondum ad eius manus peruenerint, capere iure potest, prouisus, modo tenor literarum non obstet. & num. 5.*
- 2 *Pensio reservata alicui potest iure communi attentio solui, etiam antequam literæ prouisionis expediantur, nisi literarum forma obstet.*
- 2 *Resignans valide beneficium post admissam resignationem, etiam si alteri non conferatur, non potest illud retinere: quia vacauit, nec est amplius suum, nisi ei denuo conferatur: teneturque restituere fructus perceptos, deducto tamen stipendio quod vicario seruienti deberetur. num. 6.*
- 3 *Consentiens facienti non peccat, quando nec qui facit peccat.*
- 4 *Fructus beneficii mei, quorum ego debeo esse administrator, redditurus rationē Deo, si consentio laico, vt eos sine iusta causa sibi, vel propria auctoritate usurpet, inido eum ipso in excommunicationem per sacrum Concil. sess. 22. cap. 11. latam. & num. 5. & 6.*

CONSILIUM VI.

LAICVS, qui pro scutis octuaginta conductionis titulo solebat tenere bona cuiusdam parochialis, & ea sublocare maiori pensione, curauit illam conferri cuidam sacerdoti, pro quo etiam sua pecunia expedituit literas, quas penes se retinuit; vnde sacerdos sine illis possessionem accepit, permisitque, & permittit dictum dominum frui dictis bonis, à quo accipit dicta scuta octuaginta. demū resignauit beneficium: sed quia alteri

alteri non conferebatur, perseveravit, & perseverat, vt supra. Quæritur quid agendum?

- 1 Respondeo sequentia. Primum, quod præfatus rector, attento solo iure communi, satis defendi posset quo ad forum conscientie a culpa accipiendi possessionem post præfatas literas expeditas, nondum ei traditas, arg. cap. si tibi absenti. de præben. lib. 6. & cap. 1. §. ex parte. de concess. præben. non obstante quod communis opinio in cap. super eo. il. 2. de appell. post & ante Rotam in decis. 19. de concess. præb. in nouis teneat, quod ante præsentationem rescripti non quæritur iurisdictio iudici, vel executori. quia dici posset, illud procedere in foro exteriori, & cum non apparet de mente concedentis, vt profit ei, cui conceditur, sicut in hoc casu satis videtur apparere, attento solo iure communi. Facit, quod in practica Cancellarie, siue prouinciali habetur, quod potest solui pensio reseruata per signaturam, ab eo qui certus est illam esse concessam, ante literarum præsentationem, immo & ante illarum expeditionem, in foro conscientie: quam sequitur Gigas de pensio. quæst. 34. num. 4. Faciunt & alia plura, quæ nos adduximus in repet. cap. accepta. oppos. 8. num. 24. de rest. spol.

Secundum, quod contrarium forte dicendum est, attenta forma literarum, & modi, ac conditionis in eis positorum; quam quia non vidi, non possum aliquid certi determinare, iuxta l. vt responsum. C. de transact. & l. precibus. C. de impub.

- 2 Tertium, quod præfatus rector non potest excusari à culpa retinendi præfatam ecclesiam post renunciationem, quæ in facto proponitur, si fuit facta in manibus superioris potentis illam admittere; ita quod per eam vacauit illa, licet nõ fuerit effectus alios sortita: quia graue peccatum est retinere rem alienam, cap. si res. 14. q. 6. & beneficium, quod quis renunciauit, non est renunciantis, nisi denuo ei collatum fuerit, cap. quam periculosum. 7. q. 1. & toto tit. de renunciat. et quia beneficium sine titulo canonico non potest obtineri, cap. 1. de reg. iur. lib. 6. & cap. 1. de eo qui mit. in possess. cau. rei seruau. eod. lib.
- 3 Quartum, quod si præfatus dominus potest excusari à culpa & pœna præfati cap. 11. sess. 22. Concil. Trid. ipse quoque rector excusari poterit ab eis: quia si principalis non peccat, nec fautor eius peccauit, l. cum principalis. ff. de reg. iur. & cap. accessorium. eod. tit. lib. 6.
- 4 Quintum, quod ad iudicandum præfatum dominum incurrisse prædictam culpam, & pœnam, faciunt hæc coniecturæ, scilicet quod videtur capere fructus præfate ecclesie sine legitimo titulo, & non qualitercumque, sed auctoritate propria, immo & laica; & quod non videtur permittere rectori eos capere; & pro suo arbitrio videtur disponere, & procurare, vt præfata ecclesia detur & teneatur in quamdam confidentiam; et quod ipse expedit bullas, & retinet eas; quæ omnia arguunt, cum auctoritate propria & laica usurpare fructus, & res ecclesiasticas, & consequenter incidere in culpam & pœnam præfati cap. 11. Quamuis pro contraria parte faciat, quod ipse fecit sumptus expeditionis bullarum, & quod soluit 80. aureos rectori seruienti, & emit ornamenta ecclesie, & eius bona accepta in affectum,

factum per sublocationem facit maiorum reddituum.

Sextum, quod præfatus rector per se, vel suum Episcopum, vel confessorium eius, deberet eum monere, ut consideret qua mente, quo titulo, qua auctoritate, & qua de causa accipit, & dispendit præfatos fructus, & quod veritate facti narrata consulat aliquem virum sufficientis ad id scientiæ, & conscientiæ, qui ei libere dicat an incidat in præfatum canonem; & interim idem rector debet etiam considerare, qua de causa permittit præfato domino administrare præfatos fructus, & definit petere rationem recepti, & impensi tanto tempore, an aliquo pacto confidentiæ, vel donatione à se illi facta, vel de mandato procuratorio à se illi facto, &c. quoniam ipse est administrator illorum fructuum, & tenetur reddere Deo rationem de illis: & si scit præfatum dominum facere, quæ facit, animo convertendi fructus in suos usus, vel usurpandi eos, vel ius accipiendi, & administrandi, vel impediendi ne eos accipiat rector, ad quæ spectant, per ea quæ colliguntur ex cap. cum vos. de offic. ordin. & cap. præfati. eod. tit. lib. 6. & cap. quia propter. de elect. eod. lib. & ex bulla Cœnæ Domini, & præfato cap. 11. sess. 22. Concil. Trid. et si inquam scit, & consentit eiusmodi usurpationi, incidit in culpam & pœnas præfati cap. 11. & ita est excommunicatus, & quia talis existens celebravit, est irregularis, cap. si celebrat. à contrario sensu, & communis in cap. 2. de cler. excom. minist.

5 Septimum, quod ex primo & secundo dicto colligitur decisio primæ quæstionis, videlicet quod ob solam possessionis apprehensionem post expeditionem literarum non incurrit ullam censuram, attento solo iure communi; et quod an incurreret ex transgressione formæ illarum, videntur illæ. Quod autem allegatur in ea pro ipso; scilicet quod dominus auctoritate propria capit præfatos fructus, contra ipsum facit, eo quod consentit, per dictum cap. 11. relatum in 6. dicto.

6 Octauum, quod ex tertio dicto colligitur decisio secundæ quæstionis, scilicet, quod si renunciatio ecclesiæ valuit quo ad hoc ut illa vacaret, & non fuit ei denuo collata, tenetur restituere quicquid ratione tituli relictæ siue renunciati accepit, excepto eo quod fuisset dandum in salarium cuiusque vicario mercenario; & quod si renunciatio non fuit talis, non tenetur restituere præfatos 80. aureos, sed tenetur reddere rationem Deo de omnibus fructibus, quos dominus recepit, deductis quæ ille impendit in literarum expeditione, & in paramentis & ornamentis ecclesiæ, & etiam deducto auctario reddituum, eo quod sublocatio fiebat à domino; quia tenebatur impendere, quatenus essent sibi superflua, in usus pios, & non dando dominum diutem, per ea multa, quæ nos diximus in Apolog. lib. de red. eccles. q. 1. mon. 27. & 37. & seq. nisi iustus timor, vel aliqua alia causa excuset eum à petenda ratione: nam consensio, qua forte consensit præfate usurpationi, magis grauat, per prædicta.

Nonum, quod ex quarto, quinto, & sexto dictis colligitur decisio tertiæ & quartæ quæstionis.

Decimum, quod ægro profecto animo his quæstionibus respondi; nec id fecissem, nisi magna auctoritas iubentis & rogantis in id me impulisset; quia

quia factum est intricatum & implicitum, & quo responsio esset clara, maiori explicatione indigebat, ut ipsa prefata dicta satis significant. Salua, &c.

SUMMARIVM.

- 1 Regula de infirmis resig. non habet locum in resignante sano, licet intra 20. dies a prestito consensu moriatur.
- 2 Beneficium in manibus Papae resignatum per eius provisionem subsequutam fit resignatarii.

CONSILIVM VII.

A. SANVS misit Romam mandatum ad renunciandum beneficium suum in fauorem B. & mandatarius statim renunciavit beneficium illud, & signata fuit supplicatio a Papa in fauorem d. B. sed non prestitit consensum ad expediendum literas. Elapsis 20. & pluribus diebus a die resignationis Romae factae, & supplicationis signatae, mortuus fuit prefatus A. quod cum sciuiisset mandatarius, prestitit consensum de more praestari solitum apud notarium, qui scripsit datam praestationis illius anteriore die mortis resignantis per plures quam 20. dies, & expediuit literas cum data supplicationis signatae: & quia resignans mortuus fuit in mense ordinarii, collatum fuit beneficium ab eo cuidam C. qui post possessionem acceptam, cum vidisset literas Papae datas 20. & amplius diebus ante mortem praed. resignantis, celsit possessioni, quam resignatarius ignarus praefatae antedatae accepit, & possidet pacifice. Quaeritur an prefata provisio Papae possit defendi quo ad forum conscientiae.

- 1 Respondeo pro parte negante facere regul. Cancell. de infir. resig. quae est 18. quatenus requirit, qd resignans beneficiu viuat dies 20. a die consensu prestiti, & in casu proposito obijt resignans ante consensum prestitum.
- Pro parte autem affirmante facit primo, quod regula praefata loquitur de resignante constituto in infirmitate; & in nostro casu sanus erat tempore resignationis. Secundo faciunt omnia illa, quae Cassador. adducit in decis. 1. de renunciat. & approbat Gomez. in dict. reg. de infir. resig. q. 12. & 31. & merito; quia per resignationem in manibus Papae factam, & provisionem subsequutam vere vacauit beneficium, & vere fuit collatum resignatario: & nihil obstat praedicta regula. Tum quia, ut diximus, resignans non erat infirmus tempore resignationis; & illa loquitur de infirmo resignante, nos aut de sano resignante. Quare resoluendo dico, quod nec mandatarius, nec notarius tenentur ad ullam restitutionem faciendam provisio per ordinarium: quia nihil iuris ei ademerunt, cum ante mortem resignantis totum ius in d. beneficio fuisset resignatario quesitum. Salua, &c.

SUMMARIVM.

- 1 Beneficia contrahentis matrimonium vacant ipso iure.
- 2 Publicationis omissio resignationem annihilat, nisi iusto impedimento detentus omiserit. num. 3. & seq.
- 3 Possessor triennalis beneficii dominium illius quaerit, vel saltem ius illud retinendi.

3 Impe-

- 3 *Impedito legitime non currit tempus.*
- 4 *Impedimentum iustum est patris obedientia filio.*
- 5 *Legem qui humanam ex causa quā iustam putat transgreditur, non peccat.*
- 6 *Ritus reuerētiā facit professione nullā, & excusat à transgressionē legis humanā.*

CONSILIVM VIII.

N. OBTINUIT à Papa per resignationem vnum beneficium : & expeditis literis noluit pater eius vt acciperet possessionem statim, ad euitandam quādam discordiam inter cognatos eius, & resignantis. Inter ea lapsum fuit tempus publicandi resignationem, & capiendi possessionem, ob quod petita fuit restitutio temporis lapsi : & post eam petitam, nondum tamen impetratā, resignans duxit vxorem, per quod vacat ipso iure beneficium, & N. statim accepit possessionem per literas antea expeditas, & p quinque annos circiter accepit fructus mille aureorū. Queritur, an egeat noua collatione, & oporteat eum restituere fructus, & cui.

- 1 Pro parte affirmante facit primo, quod beneficium præfatum non vacauit per resignationem, sed per matrimonium, per quod ipso iure vacāt beneficia cōtrahentis, iuxta textum adiuncta glo. recep. in cap. 1. de cler. coniug. quam roborat ibi Panorm. quæ cōmunis opinio est, & recepta. Et prouisio illius facta fuit tamquam vacantis per renunciationem. Nec obstat dicere, quod vacauerit per renunciationem in manibus Papæ factam: quia illa renunciatio, & eius effectus sublati fuisse videntur per negligentiam, & per omissionem publicationis renunciationis, & apprehensionis possessionis, quæ fieri debebant intra sex menses per reg. Cancell. de public. & extrauag. Pij V. eam ampliantem.

- 2 Sed his non obstantibus contrarium est respōdendum. Primo quidem, quod videtur vera opinio illa gloss. antiquæ regu. de triennali possess. col. 5. quæ habet triennalem possessorem pacificum fieri dominum beneficij, vel saltem habere ius legitimum quo ad Deum, & homines, percipiendi, & retinendi fructus beneficij triennio possessi : quod nobis videtur certissimum de illo, qui bona fide possedit, vt in casu proposito, in quo possedit N. credens beneficium esse suum ; quemadmodum visum fuit Ludo. Gomez. & allegatis per eum in d. reg. de triennali, q. 42. esse certum etiam de possidente mala fide, & attestatur, quod post multas propositiones, & disputationes Rota suo tempore per rationes ibi per eum late relatas definiuit regulam illam non requirere bonam fidem.

Secundo, quod iuste credi potest non vacasse prædictum beneficium per lapsum sex mensium præstimatorū ad publicandas resignationes, & apprehensionem possessionis beneficiorum resignatorum, per regulam, & extrauag. prædictas: quia huiusmodi tempora præstituuntur saluo iusto impedimento: nam agente impedito non currit tempus, l. 1. §. fi. C. de annali excep. cap. quia diuersitatem. de concessio. præben. cap. ex transmissa. de præscript. & tradit latius Fel. ibidem num. 8. At præfatus N. fuit impeditus ad publicandam renunciationem, & apprehendendam prædicti beneficij possessionem. Tum quia pater id ei iussit ad euitandam discordiam inter

inter

inter cognatos suos, & resignantis; & patri iubenti parere debet filius, per quartū preceptū Decalogi, & iuxta illud; *Parētibus et patrie pareamus.* l. v. luti. de iust. & iu. Tum quia pater detinebat literas, & nolebat eas tradere adeas publicandas, & apprehendendam possessionem, ob finem iustum, & sanctum; & non decebat filium mouere litem contra patrem iusta de causa negantem illas tradere; & quod lapsus prefatorum sex mensium nō noceat impedito iusta de causa, non solum generaliter leges vtriusque iuris statuunt, sed etiam in specie de predicta regula & extrauag. probat Felin. vbi supra, & Gomezius in q. 13. de publica. resignatio. Nec obstat, quod ipse ait, quod si impedimentum est quo ad locum, vel ad tempus, debet fieri in alio loco, vel tempore; quoniam predictum impedimentū, quo consulens impeditus fuit à patre, tam impedit quo ad vna loca, & tempora, quam quo ad alia, vt palam est. Non obstat etiam, quod Gomezius nō posuit hoc exemplum; quia ratio suadet idem esse de similibus dicendum. & quod cum aliquid generaliter & non in specie determinatur, relinquitur determinatio eius specialis arbitrio boni & prudētis iudicis, l. 2. ff. de iur. delib. & cap. de causis. de offic. deleg. & arbitrio boni & prudentis iudicis iudicabitur prefata iussio, & reuerentia paterna, & euitatio discordie prefate cū retentione literarum fuisse iusta causa ad differendum aliquo tempore predictam publicationem, cum sine vllius prejudicio illa dilatio fieri posset, prefertim quo ad forum conscientie.

3 Tertio, quod res, quę culpa caret, in damnum vacari non debet, cap. 2. de constit. & qui legem humanam positiuam transgreditur iusta de causa, vel quam putat esse iustam, non peccat saltem mortaliter, vt tradit Caiet. in 2. 2. q. 157. art. 3. & in sum. ver. ieiunium. 9. quo ad 3. vers. de rationabili autem causa. quod satis colligi potest ex S. Tho. in 5. art. & nos tradimus in Man. confess. prel. 9. num. 16. & latius in comment. super gloss. sum. de alien. rer. eccles. 12. q. 2. num. 10. & 15. & prefatus N. credens se sancte agere differendo prefatam publicationem ob predictum iussum, reuerentiā, & detentionem prefatam literarum, non peccauit, nec lēsit aliquem notabiliter, nec dedit scandalum notabile: ergo non debet ob illam dimissionem priuationis pœnam incurrere, prefertim quo ad forum conscientie.

6 Quarto, quod metus reuerentialis parentum excusat à valore professionis, & matrimonij, licet non sit alioquin iustus, iuxta glossam celebrem in cap. prefens. 20. q. 3. per quam aliqua alia diximus in Man. confess. cap. 22. num. 51. & cap. 17. num. 20. scilicet quod ad excusandum coram Deo à peccato transgressionis legis humane, sufficit metus, vel timor etiam non iustus, si fuit ille causa transgressionis: & in casu proposito predictus N. omisit prefatam publicationem timore reuerentiali sui patris, immo in sua potestate non erat publicare literas à patre retentas: ergo non peccauit coram Deo, & in foro conscientie: & consequenter non meretur pœnā coram sua diuina maiestate, & foro conscientie, in quo ipsa sola est iudex, cap. humane aures. 22. q. 5.

Quinto, quod prefatus N. non omisit publicationem renunciationis, & apprehensionem possessionis ad legendum alium aduersarium, nec de fa-
 & q

non læsit etiam Cameram Apostolicam: quia expediuit literas, nec dedit ullum scandalum, damnificans alium; & ideo non tenetur restituere quicquam, per supradictas doctrinas S. Thom. Caiet. & aliorum: præsertim si teneremus antiquorum doctorum Gallorum opinionem, quæ habet regulas Cancellariæ pœnales non ligare conscientiam, & quod præfata regula de publican. resign. est pœnalis. quod tamen non requiritur in casu proposito, in quo aliæ rationes sufficienter probant verum esse quod dicimus, scilicet, nec inuvalidam esse collationem, nec præfatum N. teneri ad restitutionem fructuum in foro conscientie. Salua, quæ iustior fuerit, sententia.

S V M M A R I V M.

1. *Resignatum beneficium conferens ordinarius propinquo resignantis suspenditur à collatione beneficiorum; & si sic ligatus conferat, excommunicatur ipso iure; & si sic ligatus ministret in pontificalibus, vel ordinibus, efficitur irregularis, absolutioque, & dispensatio est à Papa petenda. num. 3.*
2. *Ignorantia extrauagantis publice in Curia publicata ægre in foro exteriori admittitur; quæ tamen si vere adsuit, ita quod si eam quis sciuisset, non contrahens, excusaret à pœna in foro conscientie, num. 3. ac etiam ab obligatione restituendi fructus ex beneficio nulliter collato bona fide perceptos, & in bonos usus consumptos. num. 4.*
3. *Pœna ipso iure ob malam collationem imposita incurfa non euitatur, etiam si prouisus beneficium post acceptam possessionem resignet.*

C O N S I L I V M I X.

QUIDAM Reuerendissimus Episcopus ignorans extrauag. Pij V. quæ incipit, quantæ, contulit cantoriam resignatam à cantore filio eiusdem cantoris.

Quæritur primo, an dictus Episcopus incurreret pœnas præd. extrauag. Secundo quæritur, quid de prouiso à dicto Episcopo de dicta cantoria, si ipse etiam ignorabat prædictam extrauag.

A D P R I O R E M quæstionem respondeo primo, dolere me in primis de huiusmodi casu, in quem facile etiam optimus Episcopus incidere potuit per ignorantiam vel inaduertentiam.

1. Secundo, quod nescio qua via excusari possit præfatus Reuerendissimus Episcopus in foro exteriori, præsertim si res contigit in Italia. Tum quod in ea ægre admittetur ignorantia præfate constitutionis Pij Quinti, quantæ, legitime in Curia publicata. Tum quia nihil prodest Reuerendissimo renunciatio prouisi ab eo post collationem factam & possessionem acceptam: quia propter collationem beneficii imponitur pœna suspensionis, & non propter retentionem eius. Tum quod excommunicatio imponitur propter secundam collationem, quam non excusat renunciatio primi prouisi.

2. Tertio, quod excusari posset in foro conscientie præfatus Episcopus, si vere ignorabat præfatam constitutionem Papæ Pij Quinti; sic quod,
Nauar. Conf. Pars I. I si eam

si eam sciuisset, non contulisset præfatam cantoriam filio cantoris: argumento cuiusdam dicti Innocentij in cap. per tuas. il 2. de simon. & aliorum quæ congerit Felin. in cap. 1. fall. 7. de re iudicata.

- 3 Quarta, quod oportet præfatum Episcopum providere sibi de absolutione Papæ tam à suspensione, quam ab excommunicatione, immo & ab irregularitate, si censuris astrictus celebrauit, vel egit Pontificalia.

AD POSTERIOREM quæstionem respondeo primo, quod si res contigit in Vrbe, vel in alio loco, ubi non admittatur excusatio ignorantie, non posset excusari secundo prout in foro exteriori, prætextu ignorantie præfatæ constitutionis, neque à peccato mortifero suscipiendi beneficium, neque à peccato retentionis illius, vel perceptionis fructuum eiusdem, neque à restitutione fructuum: quia præsumetur in eo foro scientia eiusdem constitutionis, arg. cap. ignorantia. de regul. iur. lib. 6. cum similibus.

- 4 Secundo, quod excusari potest ab omnibus præfatis peccatis in foro conscientie, si vere ignoravit eam, taliter quod non suscepisset illud, nec retinisset, nec fructus esset eo, si eam sciuisset; & etiam à restitutione, si bona fide fructus suscepit, & in bonos usus impendit. arg. præfati dicti Innocentij, & aliorum à Felino ubi supra pro illo allegatorum.

S V M M A R I V M.

- 1 Reciproca renunciatio & illicita tunc est, quando adest saltem tacita conventio. num. 2. Idem dicitur de reciproca collatione. num. 3.
- 3 Iure naturæ obligamur beneficienti benefacere.
- 4 Temporis diuersitas & distantia tollit præsumptionem corresponsivitatis actuum, sicut identitas & proximitas illam inducit.

CONSILIVM X.

QUIDAM rector resignavit sine vlla reservatione rectoriam suam in fauorem cuiusdam, qui erat filius alterius rectoris, qui post sex annos renunciavit aliam suam rectoriam in fauorem filij primi rectoris, reseruata pensione medietatis fructuum. Quæritur an secunda renunciatio dicenda sit reciproca, & damnata in cap. 15. de reform. sess. 25. Concil. Tridentini.

- 1 Respondeo primo, quod non censetur quo ad forum conscientie reciproca; quia in narratione casus proponitur, nullum pactum, neque conventionem interuenisse, ut vterque rectorum alter in alterius filij fauorem suam rectoriam renunciaret: & in illo foro sola rei veritas attenditur, & non præsumptio veritati contraria, cap. tua. adiuncto cap. is qui. de sponsalib. cum eis adnotatis.

Secundo, quod neque potest censeretur etiam quo ad forum exterius illicita reciproca. Primo quidem, quod non est reciproca: quia, ut prædictum est, reciproca renunciatio est, quando plures conveniunt, ut alter in gratiam alterius reciprocè renunciaret. argum. cap. ubi periculum. 9. ceterum.

rerum. ibi : *non in se reciprocent considerationis intuitu, uel in suos.* de elect. lib. 6. & satis significat prædictum cap. 17. de reform. sess. 25. at in casu proposito nulla fuit talis conuentio. Secundo, quod licet rector prior renunciatus habuisset aliquam intentionem mouendi patrem eius ad faciendum aliquando aliud simile in fauorẽ filij sui benemeriti ratione gratitudinis; de quo tamen nullatenus constat; nõ ex eo sequitur, quod pater renunciatarij habuit similem intentionem & propositum, argumento l. neque naturales. C. de proba. & cap. in præsentia. eod. tit. Tertio, esto quod esset aliqua reciprocatio mentalis: nõ tamen esset illicita, neque reprobata per prædictum cap. 17. Tum quia sicut non omnis confidentia, sed tantũ inordinata est illicita, vt nos probamus in Man. confess. cap. 23. nu. 100. ita non omnis reciprocatio, sed tantũ inordinata est iudicanda illicita. Tum quia renunciatio illicita est, quando conueniunt duo, vt alter renunciaret beneficiũ in fauorem alicuius, quem alter designat, & ille alter renunciaret in fauorem eius, quem alter designauerit: quia simonia est, vt nos tradimus in Manua. confess. cap. 23. nu. 107. At in hoc casu nulla talis cõuentio interuenit. Nec obstat, quod intentio prædicta interuenisset: nam quando non interuenit conuentio tacita, vel expressa, etiam si interueniat intentio mentalis, non propterea renunciatio fit illicita, vt post glo. sing. cap. ordinationes.

3 1. q. 2. & S. Anto. & alios tradidimus in d. Man. vbi supra. Quarto, quod quia ratione licitũ est vni Episcopo conferre beneficium cuiuspiam amico benemerito alterius Episcopi, cũ intentione mentali tantum sine pacto, quod aliquando ille conferet aliud alicui amico suo benemerito, ob quamdam ordinatam & studiosam gratitudinẽ, & alteri Episcopo etiam licet cõferre postea propter prædictã gratitudinem ordinatã aliud amico illius benemerito; ita licitum est vni beneficiario renunciare beneficium in fauorem amici benemeriti alterius beneficiarij, cum intentione mentali tantum sine pacto, quod ob gratitudinẽ naturali iure debitam ipse renunciabit aliquando aliud alicui amico suo benemerito, nullo pacto in his tacito, neque expresso interueniẽte, arg. l. illud. ff. ad leg. aquil. & cap. dudum. il. 2. de elect. Immo tanto maiori ratione licebit beneficiario ita renunciare, quam Episcopo ita cõferre, quanto collatio maius ius tribuit, quã renunciatio, argum. authen. multo magis. C. de sacrosan. eccles. cap. cum in cunctis. de elect. Quod autẽ liceat Episcopis ita conferre, ea firma ratione constat, quod nullo iure id prohibetur; immo iure naturali gratitudinem suadente, & obligationẽ antidoralem inducente, quadamtenus præcipitur per iura, quę iubent vt beneficienti beneficiamus, l. si non sortem. §. libertus. ff. de cond. indeb. & l. sed etsi. §. consuluit. ff. de peti. hæretic. cap. cum in officijs. de testa. Quinto, quod spatium sex annorũ, quod interiacuit inter prædictas duas renunciaciones, & quod vna fuit facta simpliciter sine vlla reservatione, & altera cum reservatione medietatis fructuũ, cum valoris æqualis essent ambæ rectoriæ, tollit omnem ansam censendi vllã reciprocationem illicitã, argumento differentię quę ponitur inter ea, quę incontinenti fiunt, & ea quę ex interuallo, præsertim magno, & tot annorum, iuxta l. lecta. ff. si certum petat. & l. legem. C. de pact. & alibi sæpe. Salua, &c.

- 1 *Renunciatio beneficij virtute mandati reuocati, sed non intimati nec procuratori, nec ei in cuius manibus erat facienda resignatio, facta, valida est, etiam si resignatarius sciens tacuerit.*

CONSILIVM XI.

TITIVS resignauit in fauorem Sempronij suum beneficium: Sempronius discessit, vt veniret Romam cum literis procurationis dicti Titij, & in via accepit epistolam à suo patre, in qua ei commendabat diligentiam: quia Titius iam reuocauerat literas prædictas procurationis, & quod reuocationem istam Romam iam miserat ad suum procuratorem, & simul epistolam aliam dicti Titij, in qua constabat ipsum dictas procurationis literas reuocasse. Sempronius Romam accessit, & quæsiuit diligenter à procuratore dicti Titij, an literas quasdam ipsius Titij recepisset; cui procurator respondit nondum accepisse. Quapropter dictus Sempronius nihil dixit dicto procuratori, sed præsentauit suas literas procurationis, & supplica signata fuit à Papa, & procurator præstitit cōsensum. Postea vero, sex, vel octo diebus transactis, literæ reuocatorie procurationis dicti Titij ad manus sui prædicti procuratoris peruenierant, & procurator dixit intempestiue venisse, cum iam cōsensum præstitisset virtute priorum literarum. Titius habuit notitiam huius facti, & scripsit Sempronio, quod tuto poterit prædicti beneficij possessionem accipere, & facti sunt amici. Queritur quid iuris?

- 1 *Respondeo, quod renunciatio illa satis iuridice fuit facta, & valuit; quia reuocatio procuratoris ad renunciandum non fuit intimata illi, neque ei, in cuius manibus erat facienda renunciatio; quod requirebatur ad hoc, vt illa fuisset nulla: nec sufficiebat illius notitiam venisse ad eum, in cuius fauorem renunciatio erat facienda, per clem. i. de renunciat. iuncta gloss. ibidem recepta. Salua, &c.*

SUMMARIVM.

- 1 *Resignatio facta in manibus Papæ de beneficio prius resignato in manibus ordinarij admittentis, nihil valet: & successiue nec pensionis super illius fructibus reservatio subsistit, adeo vt soluta possit repeti. num. 6.*
- 2 *Resignatio beneficij per procuratorem absentis facta in manibus Papæ admittentis operatur vt beneficium apud Sedem Apostolicam, attento iure communi, ita vacet, vt ordinarius de eo prouidendo non dederit nec titulum coloratum. n. 3. sed attento stylo dicta resignatio habetur pro non facta, donec præstetur cōsensus expeditioni literarum: adeo vt resignans possit denuo resignare nedum in manibus Papæ, num. 4. sed etiam ordinarij, qui illud poterit valide conferre. num. 5. & 6.*
- 3 *Literæ Apostolicæ prouisionis seu collationis beneficiorum debent per bullam Iulij Tertij intra sex menses expediri; alioqui beneficium vacat.*

DEDIT quis mandatum ad resignandum beneficium in manibus Papæ in fauorem tertij, reseruatis sibi fructibus loco pensionis; & præterea illud, antequam coram Pontifice præstaretur consensus, resignauit simpliciter in manibus ordinarij, qui illud contulit eidem tertio, qui etiam literis Apostolicis non expeditis partem fructuum resignanti soluit. Quæritur quid iuris.

Respondeo primo, tot à D. consulente quæri, & tot me aliis occupationibus necessariis angi, quod vix in animum induxi, vt eis quicquam responderem: sed in obsequium Dei, qui nos omnes pascit, respondebo paucis.

1 Secundo, quod resignatio præfata in manibus Papæ, & reseruatio fructuum à sua Sanctitate concessa, nihil omnino valuerunt, si fuerunt factæ posteaquam resignauit in partibus, qui dedit mandatum ad resignandum in Curia, quod narratio casus significat: quia resignans nihil resignauit, neque pensioni consentire potuit; quippe qui iam per priorem resignationem in manibus ordinarij factam beneficium suum, & ius omne quod in eo habebat, amiserat.

2 Tertio, quod si resignatio fuit facta prius in manibus Papæ Romæ, & ab eo admissa, quam in manibus ordinarij, nihil valuit iure communi attento renunciatio facta in manibus ordinarij: quia beneficia vacantia in Curia, sunt reseruata Papæ per cap. 3. de præbend. lib. 6. & beneficia quæ renunciantur in Curia per procuratores, etiam existentium extra eam etiam mille milliaribus, dicuntur vacare in Curia secundum omnes in dicto cap. 2. post gloss. in clement. 1. vt lite penden. Et ordinarius non potest conferre beneficia reseruata Papæ.

3 Quarto, quod ex hoc sequeretur, eum, cui facta fuit collatio ab ordinario, nihil iuris habuisse in illo, & nullos fructus sibi quæsisse, sed fuisse & esse intrusum semper: quia titulus ordinarij sibi nihil profuit, neque prodest, nec titulus Papæ: quia non fuit expeditus, nec datus consensus à procuratore, vt expediri posset: quia etiam vacasset, si quod ei quæsitum fuit, per cessationem semestrem ab expeditione literarum, per extrauag. Iulij Secundi.

4 Quinto, quod attento stylo Curie, per quem videmus seruari quod renunciatio facta, donec consensus præstetur, nullum parit effectum, etiam si sequatur admissio & collatio beneficij renunciati: & ita non censetur vacare: adeo quod qui renunciauit suum beneficium in fauorem vnus, potest renunciare illud in fauorem alterius, antequam præstet consensum renunciationi, quam fecit in fauorem primi.

5 Sexto, quod retento eo quod in hoc quinto dicto dicitur, renunciatio facta in manibus ordinarij absque vilo pacto simoniacò, & collatio facta ab eo, valuerunt, siue fuissent factæ ante renunciationem in manibus Papæ factam, siue post eam: quia cum numquam fuerit præstitus

consensus renunciationi, nec admissioni, neque literarum expeditioni, nullum effectum habuit renunciatio facta in manibus Papæ: & ita perinde iudicandum est, ac si numquam fuisset renunciatum coram sua Sanctitate.

- 6 Septimo, quod hæc consequitur, eum, cui beneficium collatum fuit ab ordinario per renunciationem in manibus eius factam, habuisse, & habere bonum titulum, & fecisse fructus suos, & iuste potuisse ac posse dispendere illos in suos & alios pios usus; reservationem autem factam N. à Papa virtute renunciationis in manibus eius factæ, & ab eo admixtæ, nihil valuisse, nec valere: & ita quicquid solutum est ei virtute reservationis præfatæ, indebitum fuisse, & tamquam indebite solutum repeti potuisse per conditionem indebiti; nisi scientia, vel aliquid aliud, quod impedire solet conditionem indebiti, interuenisset.

Octauo, quod de concordia & de iustitia & iniustitia illius non possum ego iudicare, nisi eius tenore perspecto, l. inciuiile. ff. de legib.

DE TEMPORIBVS ORDINATIONVM

Et qualitate ordinandorum.

S V M M A R I V M.

- 1 Constitutio Romæ promulgata, licet secundum magis receptam liget prouincias, antequam in eis promulgetur, & recipiatur: at quo ad Francos in Francia degentes aliquid specialius videtur obseruandum.
- 2 Ordinatus sacris ordinibus ante ætatem legitimam Gallus in Gallia non est suspensus, nec ministrando fit irregularis, si bulla Pij II. ibi numquam fuit publicata, nec recepta: nec eget dispensatione, sed solum ut legitime pœniteat de peccato. num. 3. & 4.
- 3 Excommunicationem minorem æquari peccato mortali, seu per illud incurri, non est verum, nec Panorm. hoc dicit.

CONSILIVM I.

QVAERITVR primo, an Francus, qui ordinatur in Francia ante legitimam ætatem, incurrat irregularitatem, si ibi non est publicata extrauagans Pij Secundi.

Secundo, an esto quod iste non incurrat irregularitatem, an peccet.

Tertio, an iste, si celebret, incurrat irregularitatem.

Quarto, an iste, celebrando post pœnitentiã iustã, cõmittat aliquod peccatum.

Quinto, an indigeat dispensatione Papæ, aut Episcopi.

Sexto, an excõmunicatio minor, & peccatũ mortale æquentur inter se.

- Ad quæstiones grauissimas dico, quod longe aliter respondendum est illis in Francia Francis in ea morantibus, quam in Man. nostro scripsimus respondendum esse aliis secundũ receptiorem sententiam, quæ habet, legẽ vel canonem in Curia Romana promulgatum ligare omnes prouincias, etiam antequam specialiter promulgetur in metropolibus earum, & recipiatur ab eis.

AD PRI-

2 AD PRIMAM igitur quæstionem respondendum est, secundum opinionem quam veriore putamus (vt aliàs dixi) Francum, qui ordinatur in Francia ante legitimam ætatem, non incurrere pœnam extrauag. Pij II. si non fuit vmquam promulgata in metropolibus Galliæ, nec ab ea recepta; & consequenter non esse ipso iure suspensum, nec celebrando incurrere irregularitatem.

3 AD SECUNDAM autem respondendum esse, eum, qui sic ordinatur, indigere quidem pœnitentia iusta peccati, sed non absolutione irregularitatis, neque habilitatione Episcopi.

AD TERTIAM etiam respondendum esse, retenta prædicta opinione, præfatum sic ordinatum non incurrere, celebrando, irregularitatem.

4 AD QUARTAM etiam respondendum esse, sic ordinatum, celebrando post pœnitentiam iustam, non magis peccare mortaliter, quam alius qui admittit aliquod aliud peccatum mortale, & post factam de illo iustam pœnitentiam, & legitimam confessionem, celebrat.

AD QUINTAM, quod non indiget dispensatione Pape, nec Episcopi habilitatione.

5 AD SEXTAM aut, quæ non pendet ex veritate præfatæ opinionis, sed aliunde, respondetur, falsum esse quod Panorm. ab aliquibus receptus insinuat in cap. si celebrat. nu. 6. & 7. de cler. excom. ministr. quatenus videtur æquare quo ad hoc minorem excommunicationem, & peccatum mortale; quod certe falsum est, vt nos asserimus in nostro Man. confess. cap. 27. n. 25. & clarius in eod. cap. n. 152. & multis probari potest cōtrariū, immo etiā ex verbis ipsiusmet Panorm. iuste ponderatis. nō enim æquantur excommunicatio minor, & peccatum mortale, cum sese mutuo excellent, vt dicimus in d. Man. confess. cap. 27. nu. 25. est enim certum, esse falsum, quod omnis, qui peccat mortaliter, incurrit excommunicationem minorem; adeo quidem, vt plurimi peccent mortifere, & paucissimi incurrant excommunicationem minorem, vt colligitur ex prædicto Man. vbi supra.

SUMMARIVM.

1 Ordinari potest quis in loco domicilij.

2 Domicilium acquiritur per quamcumque modicam mansionem in loco animo ibi perpetuo manendi factam, adeo vt possit ab ordinario loci, vel ab alio de eius licentia ordinari.

CONSILIVM II.

AN HISPANVS ortus Compluti, & ibi ordinatus rite ad minores, qui postea mansit Tiburi tribus annis, & seruiuit Episcopo eius, possit ordinari ad ordines superiores per Episcopum Tiburtinum?

1 Respondeo, quod D. consulēs potest ordinari legitime ab Episcopo Tiburtino, vel ab alio virtute dimissoriarum ab eo illi concessarum, si mansit Tiburi, vel in eius diœcesi annis prædictis tribus, maiore vel minore tempore, dummodo manserit in ea cum intentione & voluntate permanendi ibi perpetuo: quia per huiusmodi mansionem videtur quæsisse do-

micilium, per l. ciues. adiuncta gloss. magna, & gloss. in verbo *laicum*, C. de incolis. lib. 10. per quæ probatur contrahere quem *domicilium* in loco ubi constituit habitare animo perpetuo habitandi, vel manendi ibi, etiam si paruo tempore manserit: quia per mansionem talem quæritur *domicilium* etiam momento tēporis, vt post alios tradit etiam Philip. Franc. in cap. cum nulla. de temporibus ordin. lib. 6. ubi loquitur de *domicilio*, quod sufficit per illum textum ad effectum faciendi se subditum Episcopo, ad hoc, vt ordinari possit ab ipso ratione *domicilij*, quod per illum textum est vnus modus, per quem quis sortitur forum, & subiectionem Episcopi ad ordines recipiendos. Salua, &c.

S V M M A R I V M.

- 1 *Domicilium originis patris etsi transeat in filium, secus de domicilio habitationis.*
- 2 *Domicilium habitationis animo proprio & facto contrahitur.*
- 2 *Filiusfam. potest sibi constituere domicilium, si sit pubes, num. 6. & conuiuendo cum patre, animo vt ibi perpetuo viuat, videtur ibi habere domiciliū, n. 3. & 8. vnde & ibi mortuus, non electa sepultura, sepeliendus vbi pater, sicut & vxor simili modo vbi maritus. 4.*
- 6 *Impubes sibi domicilium non eligit: quod si conuiuit cum patre, patris habet domicilium; quod si habitet cum matre, secus; ibi tamen potest conueniri. num. 5.*
- 6 *Ordinari quis legitime potest ab Episcopo loci, vbi habet domicilium.*
- 8 *Domicilium semel electum, etiam modico tēpore continuatum non amittitur, quamuis alibi longo tempore moretur, animo tamen ad dictum electum domicilium reuertendi.*
- 8 *Domicilium pro libito, etiam quo ad spiritualia, sine licentia Episcopi, saltem si sit laicus, mutat quisque.*

CONSILIVM III.

ORDNATVS an sit legitime filius, qui natus, & educatus in vna diœcesi, ad diœcesim vbi pater habitabat, & domicilium habebat, venit animo perpetuo cum eo habitandi, & post annum missus fuit causa studendi ad ciuitatem, vbi natus fuerat, & mox reuersus ab Episcopo, vbi pater habitabat, fuit ad ordines promotus?

- 1 Respondeo, quod pro parte negante facit primo, quod licet *domicilium originis patris transeat in filium*, l. 1. & l. assumptio. §. 1. ff. ad municipal. *domicilium tamen habitationis non transit in illum*, dicta l. assumptio. §. filius. licet transeat in libertum, dicta l. assumptio. §. finali.
- 2 Secundo, quod *domicilium habitationis ex animo & facto contrahentis contrahitur*, l. *domicilium*. eod. tit. ergo animus & factum patris non sufficit ad constituendum *domicilium filio*.
Tertio, quod etiam *filius familias potest constituere sibi domicilium*, l. placet. ff. ad municip.
- 3 Pro parte vero contraria facit, quod qui filius viuit cum patre animo tam suo, quam patris, vt ibi perpetuo viuat, videtur habere ibi *domiciliū*: quia alicubi habet, cū non sit vagabundus, & non alibi quam ibi, ergo ibi. Secundo, quod alioquin sequeretur, quod filij qui fuerunt nati in aliquo loco

loco

- loco, & postea viuunt cum suis patribus in domicilijs eorum multo tempore vsque ad triginta annos, nullibi haberent domicilium habitationis, quod videtur absurdum. Tertio, quod filius natus alibi, & mortuus in domo patris, vbi habet domicilium, est sepeliendus in ecclesia, in qua sepeliri deberet de iure ipse pater, si factus pubes non elegit sibi sepulturam, vt colligitur ex cap. licet. de sepult. lib. 6. Mulier etiam alibi nata, si nō elegit sepulturam, debet sepeliri in ecclesia, in qua est sepeliendus maritus, vt colligitur ex cap. is qui. sub fine de sepult. lib. 6. & nō alia ratione, quam quia habent domicilium habitationis; ergo ibi habent illud. Quarto, quod gloss. l. i. C. vbi petant. tuto. in verbo, *vbi mirantur*, expresse habet pupillum posse habere domicilium habitationis extra locum originis, & extra locum vbi habet facultates, & Azo in sum. eiusdem tituli idem habet, dicens, quod pupillus conueniri potest extra locum originis, & extra locum vbi habet facultates, ratione domicilij habitationis.
- 6 Quibus perpensis resoluo primum, quod filius impubes conuiuens patri suo habet idem domicilium, quod pater suus, & est incola eiusdem loci cuius pater: quia impubes non potest eligere domicilium habitationis etiam patre mortuo; quia, vt dictum est, constitutio domicilij animum requirit perpetuo ibi viuendi: & ita si D. consulens transisset ad domum patris intra pubertatem, & post eam non elegisset sibi domicilium, censendus esset bene ordinatus: sed quia verbo additur casui proposito, quod prædictus consulens fuit educatus cum sua matre, quæ illum ex coitu illicito genuit illic, vel alibi vsque ad pubertatem, non habet in eo locum hæc resolutio prima.
- 8 Secundo resoluo, quod alia ratione D. consulens fuit sortitus domicilium in illa tertia diœcesi, vbi pater habebat suum, ea scilicet, quod, vt verbo additur prædicto casui scripto, prædictus consulens iam pubes factus adiuit domum patris sui animo perpetuo viuendi ibi, & mansit circa annum vnum: & quamuis postea adisset scholam, semper tamen habuit animum redeundi ad domum, & ciuitatem vbi habebat pater suus domicilium. Præsupposito etiam hoc, est dicendum, quod prædictus consulens constituit sibi domicilium ibidem: quia, vt prædictum est, filius etiam familias potest eligere sibi domicilium post pubertatem, per dictam l. placet. cum l. seq. ff. ad municipal. quod hic fecit constituendo viuere ibidem cum patre suo perpetuo, & incipiendo viuere ibidem: nam quilibet potest sibi constituere domicilium, vbi voluerit, l. nihil. ff. de municipal. & transferre illud de vno episcopatu ad alium, etiam sine licentia Episcopi, saltem si est laicus, non solum quo ad temporalia, iuxta dictam l. nihil. adiuncta l. incola 1. & 2. ff. ad municipal. sed etiam quo ad spiritualia, cap. fin. vbi hoc notat Panorm. ab alijs receptus. de paroch.
- Tertio, quod non obstat his quod ponitur in facto, quod prædictus consulens non erat domiciliatus Barbastri: quia debet intelligi, quod non erat domiciliatus alio modo, quam quo exprimitur in facto, videlicet transeundo ad viuendum ibi perpetuo; alioqui poneretur in casu repugnantia. Non obstat etiam, quod præfatus consulens non remansit Barbastri.

baſtri, niſi circiter annum, & quod poſt illum degit alibi in ſcholis: quia eundo ad ſcholas, & degendo ibi etiam multis annis, cum animo tamen redeundi Barbaſtrum, non amiſit domicilium; quod ibi prædicto modo contraxit, vt eſt textus in l. 1. & 2. C. de incolis, lib. 10. & ibi Ioan. de Platea. Salua, &c.

S V M M A R I V M.

- ¶ *Ordinatus interſtitij non ſeruatis, nec ſuſpenſus, nec irregularis; nec iure communi, nec per ſacrum Concilium eſt.*

CONSILIVM IV.

AN qui alias canonice eſt ordinatus, non ſeruatis tamen interſtitij temporum, quæ Concil. Triden. ſtatuit ſeruari ſeſſ. 23. cap. 11. ſit ipſo iure ſuſpenſus, vel irregularis?

- ¶ Reſpondetur negatiue, non eſſe ob hoc ita ordinatum ſuſpenſum, nec minus irregularem: quia nec à Concilio Trid. nec canone vlllo in corpore iuris clauſo imponitur aliqua pœna ipſo iure ei, qui non ſeruatis interſtitij temporum, ordine inſignitur: & non eſt dicendum vllam pœnam ipſo iure incurri, niſi à lege id exprimatur, iuxta gloſ. celebrem in cap. fin. de iure patrona. verb. ex vi. & textus authen. de non eligend. ſecundo nubentes. §. cum igitur. colla. 1. An autem alia pœna poſſit puniri, & ſuſpendi ab Epifcopo, aliud eſt: & puto poſſe; quia tranſgreſſor eſt canonis.

Aduertendum tamen, quod poſt hæc ſcripta lata ſuit extrauag. à S. D. N. Sixto V. per quam ſic ordinatus ſuſpenſus ſit.

S V M M A R I V M.

- ¶ *Irregularis ob aſſumptionem duorum ordinum ſacrorum, vel quia furtiue ordinatus eſt, poteſt etiam dici ſuſpenſus, accipiendo ſuſpenſionem non in ſua ſpeciali ſignificatione, prout eſt cenſura, ſed in genere.*

CONSILIVM V.

AN IS, qui eodem die duos ſacros ordines ſuſcipit, ſit ſuſpenſus à poſteriori dicendus, vt habet cap. 25. num. 71. Manu. confeſſ. an potius cenſendus irregularis, vt habet cap. 27. num. 241.

- Ad hanc Antinomiam, quæ videtur in noſtro Manu. cap. 25. num. 71. vbi aſſumens duos ordines ſacros eodem die, appellatur ſuſpenſus, & in c. 27. num. 241. appellatur irregularis: Reſpondetur primo, quod ibi nulla eſt Antinomia. Tum quia in d. cap. 25. nu. 72. non negatur, quod non ſit irregularis, ſed ſolum dicitur quod eſt ſuſpenſus: quod eſt verum intelligendo de ſuſpenſione generaliter ſumpta, vt accipitur in cap. literas. & cap. dilectus. de tempo. ordi. ibi allegatis: & frequenter ſic in iure canonico accipitur: quia verbum, irregularitas, non eſt antiquum Latinum, vt dicitur in d. Manu. cap. 27. num. 191. & ideo raro inuenitur in antiquis canonibus vſque ad Innocentium III. in cap. niſi. de renunciat. Propterea licet contextus aliquis dicat aliquem eſſe ſuſpenſum, non eſt intelligendus de ſuſpenſione ſtriſte dicta, ſed de generaliter accepta, vt in d. cap. literas. & in d. cap. dilectus. ſi aliunde apparet quod eſt irregularis: & ſatis apparet

apparet ex eodem loco Manualis, quod est irregularis: quia ibidem dicitur plus peccare eum, qui capit duos ordines sacros eodem die, quam qui assumit quatuor minores, & vnum sacrum; & quod is sit irregularis, dicitur in d. Manu. cap. 27. num. 241. Tum quia ideo Manuale appellat suspensum, quia sic appellauit eum Papa in prædictis capp. & nō sine causa: quia irregularitas nata ex susceptione duplicis ordinis eodem die assumpti est duplex. Altera, quæ accipitur contra excommunicationem latam ne furtim acciperetur: & altera ex eo, quod accipitur furtim tantum, quæ est longe minor priore, vt colligitur ex tribus capp. & suis glossis, & Panor. in d. cap. literas. Et ita potuit Papa vti verbo suspensionis ad significandum, debiliorem esse irregularitatem, quæ oritur ex sola furtim acceptione, de qua loquebatur, quam irregularitatem, quæ nascitur ex furtim assumptione, & contra excommunicationem simul: & affectata breuitas effecit, vt in re rarissime contingente non se magis extenderet.

S V M M A R I V M.

- 1 Ordines minores extra tempora suscipiens non est suspensus, neque olim suscipiens etiam maiores.
- 2 Ordines suscipere interstitijs non seruatis de licentia Episcopi licet.

C O N S I L I V M VI.

QUIDAM cum legitimis dimissorijs sui Episcopi suscepit ab alieno Episcopo duos minores in quadam die Veneris vnus hebdomadæ, & die Sabbati quatuor temporum alterius immediate sequentis ordinem subdiaconatus. Queritur an sit suspensus.

- 1 Ad quæstionem prædictam respondeo primo, quod prædictus D. consulens non incurrit suspensionem ipso iure, propterea quod assumpsit prædictos duos ordines minores in prædicto die Veneris; neque consequenter incurrit irregularitatem, eo quod vsus fuerit illis, antequam à iudice suspenderetur: quia extrauagans Pij II. quæ incipit, *cum ex sacrorum*, non habet locum in minoribus ordinibus, & secundum antiqua iura non incurrebatur suspensio ipso iure propter ordinationem, & assumptionem ordinum etiam sacrorum extra iuris tempora, & ante legitimam ætatem, per cap. vel non est compos. de temp. ordi. vt latius traditur in Manu. nostro confess. cap. 25. nu. 79. & cap. 27. nu. 155.
- 2 Secundo, quod si in literis dimissorijs, quas habebat ordinarij, derogabatur necessitati seruandi interstitia temporum in accipiendis ordinibus minoribus & maioribus, potuit sine prædictæ extrauag. pœna suspensionis accipere die Sabbati ordinem subdiaconatus; quia non tenebatur seruare illa interstitia, à quibus seruandis potuit Episcopus eum liberare per ipsummet Concil. Trident. quod reduxit obligationem antiquam illam ad seruandum per cap. 11. de refor. sess. 23.

Tertio, quod ex his duobus dictis colligitur decisio quæstionis prædictæ. Quid aut dicendum sit, si in prædictis dimissorijs non fuit derogatū prædictis interstitijs, maioris dubij est. Quia pro vna parte facit, q̄ in prædicto Conci-

Concilio nulla pœna specialis imponitur: & pro altera, quod certum est illum peccasse, & non fuisse rite ordinatum, neque habuisse legitimam facultatem ordinem assumendi; quia non derogabatur in ea prædictis interstitijs, quod erat necessarium ad hoc, ut rite ordinaretur. sed quia nō quæritur de hoc in præsentia, non respondeo ad illud. Salua, &c.

S V M M A R I V M.

- 1 Ordinatus sacris ante legitimam ætatem est suspensus, & ministrans efficitur irregularis.
- 2 Cruciata, & alia iobelæa non tribuunt facultatem liberandi ab irregularitate.
- 2 Beneficij collatio post irregularitatem facta est nulla, non obstante quod bona fide putaret secum sufficienter dispensatum.

CONSILIVM VII.

QVAERITVR quid faciet ordinatus ante legitimam ætatem ad subdiaconatum, diaconatum, & presbyterium, & vsus duobus prioribus ante vllam dispensationem, & postea absolutus per cruciatam, & assecutus beneficium.

- 1 Respondetur primo, quod D. consulens patiens se ordinari ter ante legitimam ætatem, fuit ter suspensus ab officio, & vtendo bis ante vllam absolutionem & dispensationem duobus ordinibus sacris incurrit bis irregularitatem, & tertio vtendo presbyteratu, per extrauag. Pij II. quam referimus nos in Man. nostro confess. cap. 27. nu. 241. & cap. 25. num. 70.
- 2 Secundo, quod Pœnitentiarius non habuit potestatem absoluendi, seu liberandi eum à prædictis irregularitatibus: quia nec cruciata, nec alia iobelæa regulariter conferunt illam potestatem, ut tradidimus nos vbi supra, cap. 27. num. 254.

Tertio, quod obtentio prædicta beneficij ante sublationem irregularitatis nil valuit propter irregularitatem præcedentem, iuxta annotata per omnes post Innoc. in cap. cum nostris. de concess. præb.

Quarto, quod consulens debet sibi providere de dispensatione, & absolutione à prædicta irregularitate secreto per Pœnitentiarium secretam cum retentione beneficij accepti post irregularitatem, exprimendo valorem eius.

Quinto, quod licet bona fides, quam concepit D. consulens per auctoritatem prædicti Pœnitentiarij potuit excusare à peccato, non potuit tamen excusare à necessitate & obligatione impetrandi dispensationem legitimam, & tituli renouationem, seu retentionem, quæ obtineri potest per Pœnitentiarium secretam, qua in re nos eum iuuabimus in obsequium D.N. Iesu Christi, qui nos omnes saluet. Amen. Salua, &c.

S V M M A R I V M.

- 1 Suspensus non est, qui ante iustam ætatem iuste credens se maiorem bona fide ordinatus est.
- 1 Lex puniēs præsumētē, nō includit eū qui iusta credulitate ductus bona fide id facit.
- 2 Cre-

2 *Credere iuste potest quis parentibus de ipsius ætate attestantibus.*

CONSILIVM VIII.

QVAESITVM est, an N. ante legitimam ætatem sacris bona fide ordinatus, parentum testimonio credendo eam habere, pœnam suspensionis incurrerit.

- 1 Respondeo, quod taliter ordinatus nullam incurrit suspensionem, & sancte ac recte celebrare potest, & celebravit, per ea quæ nos in hac specie diximus in commentario cap. accepta. de restit. spoliat. opposit. 8. ea ratione firma, quod lex, quæ imponit pœnam præsumenti facere aliquid, non videtur imponere illam ei, qui bona fide credens probabiliter se bene agere, facit illud, iuxta doctrinam Cardinalis receptam in clem. 1. de privileg. q. 38. Et constit. Pij Secundi, quæ imponit pœnam suspensionis ei, qui ordinatur ante legitimam ætatem, loquitur per verbum, præsumpserit, ponendo pœnam ei, qui præsumpserit assumere ordines sacros ante legitimam ætatem. Cum ergo consulens animo simplici & bona fide credens illis, quibus iustum erat credere, id fecerit, non incurrit ullam pœnam, neque est cur scrupulis ob id angatur.

SUMMARIVM.

- 1 *Prælati mandatum non excusat ordinatum ante tempus, nec à suspensione, nec ab irregularitate.*
 1 *Dies cæpius, & non annus habetur pro completo regulariter.*
 2 *Presbyterium ut quis accipere possit, non sufficit quod annum xxiii. compleuerit, sed quod excesserit annum xxiii.*
 3 *Complevisse dicitur annum xxiii. qui ultimum attingit diem, sed non excessisse.*

CONSILIVM IX.

QUIDAM monachus cum nondum haberet vigintiquatuor annos completos, & deessent ei quadraginta dies, iussus à Prælato dicente paruum pro nihilo habendum, assumpsit presbyterium. Queritur an per susceptionem illius fuerit suspensus, & celebrando contra suspensionem factus irregularis.

- 1 Respondeo, quod sic: quia licet dies cæptus habeatur pro completo regulariter, iuxta l. qua ætate. & alias per gloss. eius allegat. ff. de testam. annus tamen cæptus non habetur regulariter pro completo, ut ibidem adnotatur, & probatur per tex. adiuncta gloss. clem. generalem. de æta. & qualitat. & ordo presbyteratus requirit vigintiquatuor annos completos: quia oportet ut attingat vigesimum quintum, iuxta d. clem. quæ requirit ut ordinandus ad presbyteriū sit constitutus in xxv. anno, in quo non esset, etiamsi esset constitutus in ultimo die xxiv. anni: quāvis diceretur esse 24. annorum: & ita differunt inter se dicere habet 24. annos completos, & dicere excessit xxiv. annum, per tex. adiuncta gloss. in d. l. qua ætate. Salus, & c.

SUMMARIUM.

- 1 *Suspensus vel irregularis inhabilis est ad beneficia obtinenda, sed prius obtenta non perdit. num. 2.*
- 2 *Beneficia per censuram vel irregularitatem superuenientem non perduntur, sed fructibus non potest uti nisi certo modo.*

CONSILIUM X.

AN PROMOTVS ad sacros ordines ante ætatem legitimam, & post ad beneficium, possit retinere beneficium post vel ante ordinationem obtentum?

- 1 Respondeo primo, quod si prædictus consulens ante legitimam ætatem fuit promotus ad aliquem ordinem sacrum, fuit ipso iure suspensus per extranag. Pij II. quam nos referimus in Manu. confess. cap. 27. nu. 155. & consequenter factus inhabilis ad habendum beneficium, arg. cap. si celebrat. de cler. excomm. ministr. & arg. gloss. in cap. cum Vintoniensis. in verb. admiserunt. de elect. ex qua Panorm. colligit suspensum ab officio non posse eligi, nec consequenter accipere beneficium ex collatione, quod est maius, quam eligi; & consequenter beneficium ei collatum post prædictam suspensionem, non fuit effectum suum, nec potuit fructus eius suos facere. Addo, quod si durante illa suspensione effecit aliquem actum peculiariter deputatum ordini, effectus fuit irregularis, cap. 1. de re iud. lib. 6. & ibi Innoc. recep. & ita magis inhabilis ad obtinendum beneficium.
- 2 Secundo, quod beneficium legitime adeptum non perditur per suspensionem, nec irregularitatem superuenientem ipso iure, iuxta dictum Innoc. in cap. cum nostris. de concess. præben. receptum & declaratum per Felin. in cap. inquisitionis. de accusat. quamvis fructibus eius non videtur posse uti, nisi eo modo quo modificat gloss. d. cap. cum Vintoniensis. quam ibi commendat Panormitanus. Salua, &c.

SUMMARIUM.

- 1 *Episcopus familiarem ordinans, ei beneficium conferat.*
- 2 *Ordo in genere primam tonsuram comprehendit. & 3.*
- 3 *Beneficij qui est incapax, est etiam pensionis.*
- 3 *Usus loquendi communis seruandus.*
- 3 *Ordo à non suo acceptus non iterandus, sed approbandus.*
- 4 *Beneficij collatio facta tonsurato à non suo valida.*
- 5 *Ordines minores à non suo sumens peccat, sed non est suspensus.*

CONSILIUM XI.

N. FAMILIARIS cuiusdam Episcopi triennalis ab eodem fuit prima tonsura insignitus, deinde beneficium ab ordinario suo obtinuit. A quo quæsitæ fuerunt sequentia.

Primo, an bene fuerit ordinatus.

Secundo, an sit beneficij, vel pensionis capax.

Tertio,

Tertio, an tonsura sit ordo.

Quarto, an prima tonsura à non suo accepta, sit iteranda.

Quinto, an beneficij collatio sibi sic ordinato facta valeat.

Occupatus multis, quæ necessario subeunda sunt, respondeo breuiter, & non pro dignitate quæstionibus prædictis.

1 AD PRIMAM, quod prædicta prima tonsura male fuit accepta: quia Episcopus alienus nō potest eam licite conferre familiari suo etiam continuo triennali, nisi statim ei beneficium conferat. cap. 9. sess. 23. Concil. Trid. Neque obstat, quod nō sit ordo sacer: quia verbum, ordo, generaliter prolatum comprehendit etiam primam tonsuram, secundum communem vsū canonum. arg. cap. cum contingat. de æta. & qualit. licet quæstionis sit an sit proprie ordo, vel non. Et cum canon ille Concil. Trid. prohibeat Episcopis ordinare alium familiarem, quam prædictum; censetur prohibere omnem clericum alienum, nisi cum moderatione ibi adiecta: quod etiam satis colligitur ex cap. Lugdunensis. & tota q. 2. caus. 9.

2 AD SECVNDAM, quod si præfatus ordinatus non esset capax beneficij, non esset etiam pensionis, saltem secundum stylum Curie, qui est seruandus, cap. quam graui. de crim. falsi. An autem sit capax beneficij, dicetur infra.

3 AD TERTIAM respondeo, quod tonsura est ordo secundum communem vsū loquendi, secundum quem dicitur ordo clericalis, qui seruandus est in vsu verborum, l. Labeo. ff. de supellest. leg. l. quod Labeo. 6. quod tamen Cassius. ff. de leg. 3. licet, vt dixi, quæstionis sit, an proprie dicatur secundum originem verbi ordo.

AD QVARTAM, quod ordo clericalis acceptus à non suo Episcopo, nō debet iterari, sed approbari, siue ratificari per Papam, vel suum proprium Episcopum, iuxta præfatum cap. Lugdunensis.

AD QVINTAM, quæ tacite includitur sub prima & secūda, scilicet, an collatio beneficij facta, prima tonsura, siue quocumque ordine clericali à non suo ordinato, sit valida: quæstionis est, quam à nemine memini pro dignitate fuisse tractatam. Multa enim pro parte negante possent citari. Sed rigori iuris propiorem duco affirmantem. Tum quia licet sic ordinatus sine veris literis dimissorijs ab alieno Episcopo, & eum ordinans peccent, & possint puniri; non tamen sunt ipso iure excommunicati, neque suspensi, sed suspendēdi: nam iure antiquo Decretalium etiam diaconus ante legitimam ætatem & pubertatem ordinatus non est ipso iure excommunicatus, nec suspensus, sed suspendendus, vt est casus in cap. vel non est compos. de temp. ord. & est opinio communis etiam S. Anton. 3. par. tit. 4. cap. 16. Ioan. Maioris in 4. sent. dist. 24. q. 1. & aliorum Theologorum, quos allegamus in cap. accepta. de rest. spol. opposit. 3. num. 34. ergo eadem vel fortiori ratione ordinatus in ætate legitima ab Episcopo non suo. Tum quia nullo iure videtur id probari: & nulla censura, nec irregularitas ipso iure videtur infligi, nisi exprimatur id aliquo iure, iuxta cap. is. cui. 5. fin. de sent. excomm. lib. 6. Tum quia extrauag. cum ex sacrorum. Pij II. non suspendit ipso iure ordinatos ordinibus minoribus ante legiti-

mam

mam ætatem, vel sine literis dimissorijs, vel extra tempora iuris: nam neque ordinati sacris ordinibus communiter putabantur ipso iure excommunicati, nec suspensi in Hispania, neque in Italia, nec Gallia, vt colligitur ex prædicto S. Anton. Italo, & Ioanne Maiore Gallo, donec nos eam fecimus publicari Salmanticæ abhinc circiter 60. annis. Rota tamen censuit collationem beneficij & pensionis huic factam non subsistere.

S V M M A R I V M.

1. Episcopus ordinando familiarem triennalem aliàs sibi non subditum, dispensare nequit super interstitijs maiorum, item minorum ordinum. num. 2.
2. Verbum, videbitur, intelligitur de visu, seu iudicio ratione regulato.
3. Pars vna Concilij per aliam eiusdem Concilij, sicut & vna pars dicti vnus per aliam eiusdem, declaratur.

CONSILIUM XII.

QVÆSITVM est, an præsupposito, quod Episcopus potest ordinare familiarem suum triennalem aliàs sibi non subditum, conferendo ei statim aliquod beneficium, & dare illi dimissorias ad ordinandum à quocumque, cap. 9. sess. 23. de reform. Concil. Triden. possit etiam dispensare super interstitijs temporum, de quibus cap. 11. 13. & 14. eiusdem sess. vt non seruatis illis possit ordinari.

1. Respondetur primo, quod non potest dispensare super interstitio seruando inter diaconatum, & presbyteratum: quoniam id non potest facere Episcopus etiam suus superior, & ordinarius, nisi pro vtilitate, ac necessitate ecclesie suæ, d. cap. 14. Ergo minus huiusmodi Episcopus extraneus, cui non est subditus familiaris triennalis, videtur posse iudicare de vtilitate & necessitate ecclesie non suæ.
2. Secundo, quod maius dubium est de alijs interstitijs: quia in cap. 11. & 13. in quibus agitur de illis, solum dicitur posse dispensari per Episcopum, si ei videatur expedire, de vtilitate & necessitate ecclesie suæ nulla facta mentione. Tum quia eadem ratio videtur comprehendere omnia. Tum quia illa verba, si videatur, intelligenda sunt de visu, & iudicio ratione regulato, vt late tradit Bartol. in gloss. verbo, videbitur. super extrauag. ad reprimendum. & quod vna pars dicti declaratur per aliam eiusdem, l. 1. ff. de reb. dub. & in vna parte eiusdē Concilij & sess. cap. 14. exprimitur causam vtilitatis & necessitatis ecclesie suæ concurrere debere in huiusmodi dispensatione. Tum neruosius quia potestas ordinandi familiarem suum triennalem non subditum est exorbitans à iure communi, quæ non debet extendi, cap. quæ à iure. de reg. iuris lib. 6. & constat potestatem ordinandi, & dandi literas dimissorias differre à potestate dispensandi super interstitijs: ergo non est extendenda ad illam. Salua, &c.

S V M M A R I V M.

1. Episcopus licet possit ordinare suum familiarem triennalem, non tamen potest cum eo illegitimo dispensare.

- 1 *Impedimento vno de duobus sublato, non censetur sublato alterum.*
- 2 *Priuilegia non extenduntur extra personam vel casum expressum.*
- 3 *Intellectus regulæ concessio vno, &c.*
- 4 *Priuilegium aliquid contra ius operans in alijs restringendum.*

CONSILIVM XIII.

IN CONCILIO Tridentino sess. 23. cap. 9. de reform. cautum est, quemlibet Episcopum posse ordinare familiarem suum triennalem. Queritur, an possit etiam dispensare cum eo, si est illegitimus, vt possit promoueri ad ordines minores.

- 1 Visis fundamentis partis negantis, & affirmantis, videtur nobis tenenda pars negatiua, quod Episcopus licet possit recte ordinare familiarem suum triennalem, si aliàs sit habilis; non tamen potest eum facere habitalem ad minores, nec ad beneficium etiam simplex legitimando eum super defectu natalium. Tum quia sublato vno de duobus impedimentis distinctis, non censetur alterum sublato. l. si domus. ff. de seruitu. verba. prædio. cap. ex tuarum. de auct. & vsu pal. & duo impediunt cur illegitimus non possit ordinari ab alieno Episcopo, puta defectus natalium, & quia non est subditus; familiaritas autem triennalis aufert impedimentum subiectionis, non autem defectum natalium. Tum quia priuilegia non extenduntur extra personam, vel casum expressum. argum. cap. porro. de priuileg. & cap. priuilegia. 3. dist. At cap. prædictum 9. est priuilegiatium concedens Episcopis priuilegium ordinandi non subditos; ergo non extendetur ad potestatem efficiendi habitalem ad ordines eum, qui est inhabilis ad illos. Tum quia à separatis non fit illatio, l. Papianus. ff. de minoribus. cap. ad audientiam. de decimis. & potestas ordinandi, & potestas dispensandi, seu habilitandi ad ordines, sunt diuersa, & separata; ergo de vna ad aliam non infertur. Tum quia Episcopus alienus potest ordinare non sibi subditum, mediantibus literis dimissorijs; non tamen potest legitimare illū, nisi facultatem expressam ad id faciendū haberet secundum mentem omnium. Tum quia prædictum cap. 9. non facit familiarem triennalem subditum Episcopi, cui seruit, nisi quo ad collationem ordinum; nullam enim aliam iurisdictionem dat ei super illum, vt ex tenore ipsius
- 3 constat. Tum quia illa regula l. 2. ff. de iurisdic. omnium iudic. concessio aliquo, &c. tunc demum habet locum, cum concessum non potest sine illo consistere, per resolutionem doctorum in cap. quia in tantum. de præben. At potestas ordinandi familiarem potest consistere sine potestate legitimandi illum. Tum quia alioquin sequeretur quod posset habilitare familiarem homicidam, simoniacum, immo & hæreticum; quod tamen est absurdum. Tum quia satis est, quod priuilegium operetur aliquid contra ius commune, vt quo ad reliqua restringatur, vt resoluit post alios Decius in cap. 1. col. 5. de rescript. At priuilegium ordinandi familiarem multum operatur, etiamsi non extendatur ad potestatem habilitandi eum inhabilem; ergo non est extendendum ad illam. Salua, &c.

- 1 *Ordinatus maioribus siue minoribus ordinibus sine titulo, iure primo antiquissimo, licet quo ad minores non seruaretur, erat suspensus; sufficiebat autem quilibet titulus patrimonialis, aut benefitialis, etiam vnius scuti. num. 2. at sacrum Concilium agens solum de maioribus ordinibus requirit vt titulus sit benefitialis & sufficiens ad victum; patrimonij autem, & sufficientis pensionis titulum tunc admittit, si concurrat Ecclesie necessitas, vel vtilitas, quodque perspectum sit ordinandum hos habere titulos. num. 2.*
- 2 *Titulum, ad quem quis accepit sacros ordines, non potest alienare, nec renunciare, nisi habeat alium, unde honeste alii possit.*
- 3 *Pauca suspensionis inflicta per primos antiquos canones contra sine titulo promotos, post decretalem Innoc. III. Cum secundum, durat solum contra predictos, qui in culpa fuerunt; qua cessante Episcopi ordinantes tenentur sic ordinatis providere: quod si vterque fuit in culpa, post Concilium vterque ligatur predictis panis respectu ne. num. 4. & 5.*

CONSILIVM XIII.

QVAESITVM est, quam poenam incurrat, qui sine titulo iusto benefitiali vel patrimoniali ordinem sacrum assumit.

- 1 *Ad quod respondetur primo, iure antiquissimo statutum fuisse ordinatum sine titulo benefitiali, vel patrimoniali, incurrere suspensionem ipso iure, cap. neminem. & cap. sanctorum. dist. 70. immo predictum cap. neminem. adiuncta gloss. in verb. neminem, idem probat esse dicendum de ordinato ad minores ordines; cuius tamen contrarium seruatur vbique, idque seruandum videtur sensisse Concil. Trid. sess. 21. cap. 2. de reform. quatenus solum prohibet ordinari sine titulo ad ordines sacros.*
- 2 *Secundo, quod sicut predictum Concilium strinxit predictos canones ad ordinatos sacris ordinibus, vt dictum est; ita auxit titulos necessarios ad eos assumendos: quoniam secundum predictos antiquos canones sufficiebat quilibet titulus benefitialis ecclesiasticus, vel patrimonialis etiam secularis: nunc autem post predictum Concil. Trid. oportet quod titulus sit benefitialis ecclesiasticus, & sufficiens ad sustentandum ordinatum: & quod non sufficiat titulus pensionis, vel patrimonij secularis: adeo quod vidimus Pintia episcopatus Palentini negatam fuisse ordinationem ad primum sacrum ob defectum tituli cuiusdam, licet haberet patrimonium seculare trium millium scutorum; & quidem recte. Tum quia Concilium predictum vbi supra requirit titulum benefitialium ecclesiasticum, & declarat non sufficere pensionem ecclesiasticam, neque titulum patrimoniale seculare, nisi Episcopus iudicet ordinandum esse necessarium, vel commodum vtilitati ecclesiarum suarum. Tum quia secundum antiqua iura sufficiebat quilibet titulus benefitialis ecclesiasticus; hodie tamen post praefatum Concilium requiritur, vt sufficiat ordinando ad suum victum honestum per predictum cap. Tum quia oportet, vt post predictum Concilium predicta pensio, vel predictum patrimonium persipe-*

perspecte vel clare sit suum; & ideo non potest illam vel illud donare, vel illis renunciare, antequam assequatur beneficium, vel alia, vnde honeste ali possit; inualidaq. ac nulla sit renunciatio illius antea facta: quod prudenter statuit prædictum Concilium: quoniam multi antea ordinabantur virtute beneficiorum vix valentium singulis scutis, quæ ordinatio perinde reputari debebat, ac facta sine vlllo titulo, cum non excusaret à mendicando, & opprobrio illo relato in cap. diaconi. 5. 93. dist. *Mendicat infelix in plateis clericus, & seruli operi mancipatus publicam ab omnibus poscit eleemosynam.*

- 3 Tertio, quod postea Innoc. III. in cap. cum secundum. de præben. mutauit pœnam suspensionis præfatorum canonum impositam ordinato in pœnam impositam ordinanti, qua cogatur alere ordinatum.

Quarto, quod illa mutatio videtur restringenda ad ordinatum, qui bona fide, ab Episcopo sciente vel debente scire eum non habere quo se aleret, fecit se ordinari: non autem videtur comprehendere illum, qui per mendacia & fraudem, fingendo titulum, decepit Episcopum. Tum quia dolus & fraus nemini patrocinari debent, cap. Sedes Apostolica. de rescr. l. itaque fullo. ff. de furtis. Tum quia alioquin aliquando ordinans sine culpa puniretur, contra cap. 2. de constitut. & ordinatus cum culpa esset à pœna immunis, contra l. sancimus. C. de pœnis. Tum per cap. per tuas. il 3. de simon. quatenus habet, eum, qui ordinatur ad titulum patrimonij quæsitum cum pacto Episcopo ignorante facto de restituendo illud post ordinationem, suspensum esse, donec dispensetur cum eo. Pro quo facit, quod ait Decius in cap. Episcopus. num. 13. de præben. scilicet ordinatorem non teneri ad alendum ordinatum, qui se diuitem esse dixit.

- 4 Quinto, quod dubium videtur de quorum canonum antiquorum inno-uatione intelligatur præd. cap. 2. Concil. Trid. an de pœna prædictorum canonum neminem. & sanctorum. an de pœna prædicti cap. cum secundum. an de vtraque: quia omnes illi canones sunt antiquiores Cõcil. Trid. Et quicquid aliàs visum fuerit, arbitror respondendum, intelligi debere de vtraque: de pœna quidem canonum meminem. & sanctorum. quando solus ordinandus est in culpa decipiendo ordinaturum, dicendo quod habet titulum beneficiarium, vel sæcularem sufficientem. de pœna vero cap. cum secundum. quando solus ordinans est in culpa, ordinando illum, quem scit non habere vllum titulum, & ignorat illum habere necessario requisita ad ordinem sacrum assumendum. & de pœna vtraque, quando vterque tam ordinans quam ordinatus sunt in culpa. Ita quod in primo casu, quando solus ordinatus est in culpa, ipse maneat suspensus, iuxta canones illos neminem. & sanctorum. & ordinans maneat impunitus. In secundo vero casu, quando solus ordinans est in culpa, solus ipse teneatur victum præbere ordinato, qui absque vlla suspensione ordine accepto vtatur. In tertio vero, cum vterque est in culpa, vterque puniatur; ita vt ordinatus maneat suspensus per prædictos duos canones neminem. & sanctorum. ordinans autem teneatur ei victum præbere iuxta d. cap. cum secundum. Pro qua noua & vera resolutione facit, quod correctio iurium est vitanda, cum

rationabiliter possunt conciliari, cap. cum expediat. de elect. lib. 6. & l. 1. C. de inoff. dotib. & quod non est præsumendum velle legislatorem vnico verbo destruere antiqua iura, cap. ecclesia vestra. 2. de elect. & l. si quando. C. de inoff. testa. & ita non est præsumendum prædictum Concil. voluisse delere præd. canones, quatenus conciliari possunt: & quod ob solam culpam ordinandi non est puniendus ordinans, nec contra ob solam culpam ordinantis ordinatus, neque alter eorum debet esse impunitus, eo quod alter puniatur, iuxta l. Gracchus. C. ad legē Iuliam de adult. & l. sancimus. C. de pœnis. & quod Cælestinus dixit in cap. quæsiuit. de his quæ fiunt à maiori parte. peccata suos auctores tenere debere, nec pœnam vltius protrahendam, quam delictum fuerit in excedente reperiunt. Salua, &c.

S V M M A R I V M.

- 1 Suspensionis pœnam inductam per extrauag. Pij II. non incurrit, qui ex dispositione Apostolica extra tempora ad titulum proprii beneficij fuit promotus, licet illud iniuste impeditus adhuc non possideret: sicut nec per canones 70. dist. inductam, num. 2. immo nec ob decretum sacri Concilij sess. 21. c. 2. quod licet vltra antiquos canones requirat tituli possessionem, non tamen huic transgressioni adijcit nouam pœnam. num. 3.
- 4 Irregularitas sine contemptu non incurritur.

CONSILIVM XV.

N. TRIGINTA annos natus fuit legitime prouisus de quodā ecclesiastico beneficio, ad cuius titulum, antequam illius possessionē adipisci posset impeditus à seculari potestate, bona fide, & cum legitimis literis dimissorijs ad omnes, etiam sacros, & presbyteratus ordines extra tempora cum Papæ dispensatione à quodā Catholico Antistite se promoueri fecit. Quæritur an aliquam pœnam incurrerit.

- 1 Respondeo primo, præfatum D. consulentem non incurrisse quo ad forum conscientie suspensionem per extrauag. Pij II. cum ex sacrorum. quæ ipso iure suspenditur, qui ante legitimam ætatem, vel sine literis dimissorijs, vel extra tempora iuris ordinem sacrum suscipit; vel irregularitatem, quæ inducitur contra illum qui vtitur eo ante absolutionem à suspensione; quia ipse fuit ordinatus post ætatem legitimā, & cum literis dimissorijs, & cum dispensatione Papæ extra tempora iuris.
- 2 Secundo, idem videri quo ad alia iura antiquiora illā extrauaganti: quoniam cap. sanctorum. & cap. neminem. 70. dist. & cap. eius. & cap. cum secundum. de præbend. & cap. per tuas. il. 3. de simon. & alia eis similia si quæ sunt, per quæ posset videri præfatum consulentem incurrisse irregularitatem, loquuntur solum de ordinato absolute, hoc est sine titulo & patrimonio, vel subreptitie per simoniam vel mendacium quæsitum. At D. consulens & titulum habet & beneficium, cuius possessio erat ei debita, & per secularem potestatem iniuste impedita ne eam obtineret, neque stetit per ipsum quo minus eam obtineret; immo erat paratus animo, ita vt & nunc est; quærendi eam non obstantibus periculis.

Tertio, quod nō obstat his etiā Cōc. Trid. cap. 2. de refor. sess. 21. quæ illud nullam

nullam nouā penam imponit ordinato sine titulo, vel patrimonio; sed solū innouat penas statutas à iure antiquo: & nullo iure antiquo fuit pena suspensionis & irregularitatis per fractionem eius incurrēda ipso iure imposita ordinato cū titulo, & iure vere in eo quæsito, & possessione nondum consequuta, si saltem nō stetit per ipsum quo minus cōsequeretur: aliud enim est nō habere titulum & ius in eo vere quæsitum, & aliud habere titulū, & ius in eo quæsitum sine possessione ab alio iniuste detenta, vt palam est.

3 Quarto, quod magis dubitari potest, an præfatus consulens dici debeat incurrisse præfatam penam quo ad forū exterius; eo quod præfatū Concil. Trid. requirit, vt ordināndus ordine sacro non solū teneat beneficium, vel patrimoniū sufficiens quo ad ius proprietatis, sed etiam quo ad ius possessionis pacificæ. sed de rigore iuris videri potest, q̄ idem sit dicendū, attento tertio dicto, scilicet quod præfatū Concil. inducit ius nouū quo ad requisitionē possessionis, ob cuius defectū antiqua iura nō imponunt talem penam; & præfatū Concil. solū innouat penas antiquis iuribus impositas.

4 Quinto, quod irregularitas non contrahitur, nisi adsit contemptus, vt ait Panorm. in cap. pastoralis. 9. verum. de appellat. & Domin. in cap. solet. de sent. excom. lib. 6. à nemine reprehensi: & præfatus consulens nec verum, nec præsumptum contemptum habuit, sed bona fide putans sufficere habere verum ius in beneficio fuit ordinatus; & quod transgrediēs legem humanam bona fide, male intelligendo illam, non peccat saltem mortaliter, vt dixit Innoc. in cap. per tuas. il 2. de simon. communiter receptus, per ea quæ tradit Felin. in cap. 1. fallentia 7. de re iudic. Salua, &c.

S U M M A R I V M.

- 1 *Suspensus est ordinatus sacris sine legitimis dimissorijs: & irregularis efficitur, qui suspensus presbyteratus ordinem suscipit.*
- 2 *Ordinatus absque dimissorijs quare egeat publica dispensatione, & Datus dispensat longa suspensione posita, à qua Episcopus absolueret non valet.*
- 3 *Absolueret à suspensione, seu approbare ordinationem prædictam potest Episcopus, & Capitulum sede vacante per annum.*

C O N S I L I V M X V I.

OR D I N A T V S est quis sine literis dimissorijs sui Episcopi cum illegitimis & falsis literis, & ad omnes sacros etiam presbyteratus ordines ab alieno promotus, sed non ministravit. Quæritur in quas censuras seu pœnas inciderit, & quo remedio egeat.

- 1 Ad satisfactionem quæstionis propositæ dico primo, consulentem incidisse in irregularitatem: quia fuit semel suspensus recipiendo primum ordinem sacrum sine legitimis literis dimissorijs, per exrauag. Pij II. cum ex sacrorum. & postea iterum assumendo ordinem diaconatus, & sic suspensus accepit ordinem presbyteratus, in cuius assumptione celebravit Missam, consecrando cum Episcopo; & ita videtur factus irregularis. arg. c. 1. de re iudic. & cap. 2. de sent. excom. lib. 6. & ab hac irregularitate solus Papa potest dispensare.

2 Secundo respondeo, quod consulens eget dispensatione in utroque foro, si constiterit in foro exteriori eum fuisse ordine insignitum sine legitimis dimissorijs; quod facile potest constare per registrum secretarij Episcopi, seu notarij curiæ episcopalis; & difficile concedet D. Datarius, nisi magna suspensione ab ordinum exercitio per se noue imposita, à qua non poterit postea Episcopus absolueret.

3 Tertio, quod Episcopus, vel Capitulum sede vacante post annum posset illum absolueret à præfata suspensione, & approbare prædictam ordinationem. arg. c. Lugdunensis. 9. q. 2. Et ideo consulens, acta prius pœnitentia de tam graui crimine, deberet petere in sacra Pœnitentiaria absolutionem, & dispensationem prædictorum quo ad forum conscientie tantum, & postea procurare approbationem ordinum prædictorum ab Episcopo, vel Capitulo sede vacante post annum.

S V M M A R I V M.

- 1 *Ordinatus ad præsentationem beneficii cum pacto de non molestando præsentatore, non potest ascendere ad superiores ordines, nec in suscepto ministrare.*
- 2 *Renunciatio tituli ab ordinato facta, nulla. & num. 4.*
- 3 *Dictio, nullatenus, nullitatem inducit ipso iure.*
- 4 *Pœnæ non extendendæ, licet sit eadem ratio, nisi &c.*
- 5 *Actio realis personali faciliorem habet exitum.*

CONSILIVM XVII.

QUIDAM A. fuit ad titulum patrimonij donati sibi à fratre ordinatus usque ad diaconatum inclusiue, & ad preces cuiusdam renunciavit illudmet eidem fratri suo, & postea sine alia donatione fratris assumpsit presbyteratum virtute prioris donationis. Quæritur an incurreret censuram aliquam, vel irregularitatem.

- 1 Respondeo pro parte affirmante facere cap. per tuas. il 3. de simonia. quod habet, eum qui ordinatus est subdiaconus ad præsentationem alicuius beneficii, conuentione prius clam facta, quod nihil unquam peteret à præsentante ratione præsentationis, non posse ascendere ad ordines superiores, neque in suscepto ministrare.
- 2 Pro parte vero negante facit, quod non præstat impedimentum, quod iure non sortitur effectum, reg. non præstat. de reg. iur. lib. 6. & quod renunciatio tituli ab ordinato ad diaconatum est ipso iure nulla, per cap. 2. Concil. Trid. sess. 22. quod statuit, ut eiusmodi ordinatus nullatenus renunciare possit eiusmodi patrimonium; & consequenter videtur ipso iure annihilare illam renunciationem, vel remissionem propter verbum nullatenus, quod inducit nullitatem ipso iure, iuxta gloss. solemn. in clem. 1. in verbo nullatenus. de sequest. possess. & fruct. & in clem. 2. in verb. nullo modo. de ætat. & quæsit.

Non obstat prædictum cap. 2. quatenus innouat pœnas super his statutas ab antiquis canonibus; & quod prædictum cap. per tuas il 3. est canon antiquior Concil. Trid. qui videtur statuere pœnam suspensionis contra ordi-

ordinantem se ad subdiaconatum cum pacto de non petendo aliquid ab eo qui donauit titulum. Non, inquam, hoc obstat. Tum quia illud cap. loquitur in alio casu, scilicet in ordinato ad præsentationem beneficii: in proposito autem loquimur de ordinato ratione tituli patrimonij donati: & quod pœnæ non sunt extendendæ ad alium casum, cap. pœnæ. de pœnit. dist. 1. etiam si eadem ratio id suadeat, nisi aliud de vigintiduobus à nobis ibi relatis concurrat. Tum quia non militat eadem ratio. Tum quod donatio prima patrimonij durat, & non est extincta per remissionem eius, & in d. cap. per tuas. renunciatio facta ab ordinando fuit valida, quia nondum prodierat Concil. Trid. quod annihilat remissionem donationis.

Non obstat etiam, quod prædictum Cōcil. innouat pœnas ab antiquioribus canonibus super his constitutas. Tum quia, vt prædictum est, prædictum cap. per tuas. quod est antiquius Concilio, non loquitur in casu, in quo loquitur Concilium; quod quia est pœnale, non est extendendum ad illud, per prædicta. Tum quia non est intelligendum de innouatione pœnæ illius cap. per tuas. quia non loquitur de illa, & cum sit pœnale, non est extendendum ad illam per prædicta. Tum quia Concil. posuit aliud remedium contra huiusmodi remissionem donationis, scilicet quod esset nulla, & nihil valeret: & quod alioqui nihil proderet hoc remedium annulationis. Tum quia si satis ponderetur, mens Concilij fuit fauere ordinato per hanc clausulam annullandi renunciationem: & si intelligeretur de eiusmodi pœna, in nihilo ei fauisset. Tum quia visum fuit Concilio competentius & præsentius antidotum, & remedium annulationis remissionis donationis, quam illaqueare ordinatum, & inuoluere illum multis laqueis. Tum denique, quod per annihilationem promissionis de non petendo aliquid à præsentante, non prouidetur tantum ordinato, quantum prouidetur per annihilationem remissionis donationis: quia per hanc remanet ordinatus cū dominio & possessione patrimonij; per illam autem, etiam si promissio de non petendo fuisset annullata, nihil iuris realis manebat sic ordinato, sed tantum actio personalis, quæ non tam facilem habet exitum, ac reale dominium, & possessio, vt palam est, iuxta illud: *Magnum est commodum possessionis. §. retinendæ. Instit. de interd. Salua, &c.*

S V M M A R I V M.

- 2 Ordinatus ad titulum sibi ad hoc vt ad illū ordinetur donatum, licet tantumdem debeat, non est suspensus. & seq.
- 3 Bona non habere, & debere quantum illa valent, vt paria.
- 3 Titulus donatus, ad quem quis ordinatus est, alienari nequit, etiam ob debita contracta ante.

C O N S I L I V M X V I I I.

DE EO, qui accepit iustum patrimonium à patre, vt ordines sacros acciperet, & possedit illud multo tempore, & adiuit bellum, in quo diu militauit: & pater putans illum esse mortuum, donauit præfatum patrimonium suæ sorori, si mortuus esset in bello: & reuerso à militia sororius eius donauit ei prædium quasi æquipollens ad se ordinandum; sed ante-

quam se ordinaret, obligavit se ad solvendam certam pecuniam sorori suæ nuptæ; & postea cum dimissorijs ordinarij ad titulum donationis præfati prædij dati suscepit omnes ordines. Quæritur, an suspensionis pœnam incurrerit, & celebrando sit factus irregularis.

- 1 Ad quæstiones propositas respondeo primo, quod D. consulens non fuit ordinatus ante legitimam ætatē, nec sine dimissorijs ordinarij sui, nec extra tempora iuris; & ideo non est suspensus propter extrauag. Pij II. quæ incipit, Cum ex sacrorum. quam nos referimus in nostro Man. confess. cap. 27. num. 241. & num. 145. & in cap. 25. num. 70. nec fuit ordinatus sine titulo absolute contra cap. sanctorum. & cap. neminem. 70. dist. Tum quia ordinatus fuit ad titulum, quem ei dedit suus sororius, immo & cum actione, quam habebat ad patrimonium iam sibi quæsitum per patris donationem; quia non renunciavit, nec refutavit illud, quamvis propositum habuerit non petendi illud, si ordinaretur ad titulum datū à suo sororio. Tum quia suspensio illa prædictorum canonum videtur esse sublata per cap. cum secundum. de præben.

Secundo, quod non videtur etiam incurrisse suspensionem cap. per tuas. 3. de simon. quia illud agit de illo, qui remisit promissionē ei, qui promissit dare sibi sustentationem, quod non fecit D. consulens: quia nihil remisit suo sororio, sed sine vlla conditione accepit ab eo præfatum prædium.

Tertio, quod non decepit etiam Episcopum: quia verum titulum ostendit; & quia satis est ordinādo, quod habeat illud, nec requiritur quod non debeat aliquid creditoribus, ut apparet ex cap. 2. sess. 21. de reform. Concil. Tridentini.

- 2 Quarto, quod nō obstat paria videri nō habere bona, vel debere tantū, quantū valent illa; eo quod bona illa dicuntur alicuius, quæ supersunt ære alieno deducto, l. subsignatū. §. bona. ff. de verb. sign. & l. cogi. ff. ad Trebel. non inquam id obstat. Tum quia illud est verū, quando æs alienū est cōtractū ante bona quæsitā, & potest & debet solui de illis; ut quādo debetur pure, & statim peti potest, & nulla iusta exceptione impediri. At in casu proposito pecunia præfata cœpit deberi post prædium quæsitū, de quo nō debebat, nec poterat solui per præfatū Conc. Trid. & ita tacite fuit promissa sub conditione tacita, si post ordinationē habuerit unde soluat: nā nō poterat peti prædium ante ordinationem; quia donatum fuit consulenti ob causam ordinationis faciendæ, per l. 1. & 2. C. de donat. quæ sub modo fiunt. nec post ordinationem, si non fuerit adeptus beneficium, vel aliud æquipollens: quia non poterit alienare, renunciare, nec vendere prædium illud ad ordinandum sibi donatum, per præfatam prohibitionem Concilij Tridentini. Tum quia præfatus consulens poterat repellere sororem, vel sororium suum à petitione præfate pecuniæ, vel reconuenire eos super patrimonio à patre ei donato sub conditione, si consulens mortuus fuisset in bello; cum illa iam defecisset: & ita multiplici de capite præfatum æs alienum non est iudicandum esse subducendum à bonis suis, cum fuerit contractum post bona ita quæsitā, & obligata ad sustentandum ordinatum, ut non possint alienari; & quod in eis bonis contineantur etiam actiones,

actiones, & persecutiones, & alia iura, quæ ipsi competeabant ex l. bonorum. 1. ff. de verb. sign. & consequenter actiones, quas habebat ad vindicandum patrimonium sibi donatum à patre ad ordinandum.

Quinto, quod ex his infertur, præfatū D. cōsulentē nullam per præfata, quæ proponitur, incurrisse irregularitatē, nec suspensionem; & cōsequenter non indigere vlla illarum absolutione, & dispensatione. Salua, &c.

S V M M A R I V M.

- 1 Paternæ originis Episcopus etiam & ipse est proprius Episcopus filij, quo ad effectum vt ordines ei conferat, vel dimissorias pro illis assumendis det.
- 2 Concil. Trid. sess. 21. cap. 2. nullam imponit suspensionis pœnam, solumq. innouat cap. cum secundum. de præb.
- 3 Maior Penitentiarius absoluit, & dispensat in foro conscientie tantum etiam extra sacramentum confessionis filium familias ordinatum de licentia sui Episcopi, qui diuitias paternas reputauit pro sufficienti patrimonio. num. 1.

C O N S I L I V M X I X.

N. FILIVS familias nihil possidens, habiturus tamen post mortem patris vnde viuat, extra patriam studiorum causa in loco paternæ originis existens, de licentia ordinarij dicti loci ab alieno Episcopo omnes ordines sacros suscepit, & ministravit. Quæritur an factus sit irregularis, & indigeat dispensatione.

- Ad hanc quæstionem respondeo, quod is orator non indiget dispensatione ex eo quod debeat censerī ordinatus ab alieno Episcopo:
- 1 quia Episcopus originis paternæ potest filium ordinare: quia text. in cap. cum nullus. de tempor. ordinat. lib. 6. non requirit quod ordinandus natus fuerit in episcopatu ordinantis, sed solum quod sit oriundus ex illo. Et Panormitan. in cap. fin. de paroch. diffinit, eum cuius pater alicubi natus est, filium eius esse oriundum ex illo quo ad fortiendum forum ordinandi. Ioan. item Andr. quem Domin. & Perus. sequuntur, in dicto cap. cum nullus. dicit consilium quidem esse ante ordinationem, vt propria origo inspiceretur, sed post factam excusandam esse. Propter autem defectum patrimonij nullam censuram incurrere potuit: quia extrauag. Pij Secundi, cum ex sacrorum. solum loquitur de defectu ætatis, & literarum dimissoriarum, & tempore statuti a iure; & nulla fraus fuit facta in patrimonio, quia paternas diuitias habuerunt pro sufficienti alimonia eius: & Concil. Tridentin. sess. 21. cap. 2. de reform. nullam pœnam specificè ponit; & quatenus innouat pœnas antiquorum canonum, videtur restringendum ad canonem positum in cap. cum secundum Apostolum. de præb. quod correxit cap. neminem, & cap. sanctorum. 70. dist. quibus suspendebatur ordinatus sine titulo; ita quod tempore Concilij solum puniebatur ordinans pœna alendi ordinatum, quæ mitior est, quam pœna suspensionis ordinati: & leges pœnales, & innouantes pœnas videntur restringendæ ad mitiores.

Quamuis

- 3 Quamvis autem hæc probabilia videantur iure stricto: quia tamen facile potest ad cautelam Illustrissimus Penitentiarius maior liberare N. ab scrupulo, potest ei verbo mederi, dicens: Ego te absolvo ad cautelam à suspensione, si quam ob præfata incurristi, & dispense tecum super irregularitate, si quam celebrando ob eadem contraxisti. In nomine Patris, &c. aut certe potest Illustrissimus Penitentiarius maior mittere illum absolvendum & habilem faciendum ad aliquem Penitentiarium minorem, qui visis his eundem consulentem quietum reddat. Salva, &c.

S V M M A R I V M.

- 1 Capellaniam in capella Papæ obtinens, ad illius titulum, qui morte concedentis extinguere non solet, ordinari potest, maxime si Pontifex ad illam eum præsentet: licet dubitari possit, an quis valeat ordinari ad titulum rectoriæ, ad illum rectore ipsum præsentante. num. 1.
- 3 Titulus, ad quem quis ordinatus fuit, non potest sine licentia Episcopi, antequam unde aliunde viuat obtinuerit, resignari valide.
- 4 Capellaniam Papæ, ad cuius titulum quis fuit promotus, cessante impedimento, tenetur inseruire, & ad illam ut serviatur reverti.

CONSILIVM XX.

QVÆRITVR primo, an capellanus Papæ ordinatus ad sacros ordines ad titulum capellaniam, quam habebat in capella Papæ, sit legitime ordinatus

Secundo quæritur, an prædictus capellanus, qui ob impedimentum discessit ab eo loco, in quo serviabat, eo cessante debeat redire ad serviendum in illo.

- 1 Duæ quæstiones videntur in casu proposito proponi. Ad quarum priorem videtur dicendum prædictum dominum consulentem legitime fuisse ordinatum ad ordines sacros ad titulum capellaniam, quam habebat in capella Papæ: quia licet in cap. penult. de simon. & in cap. postulasti. de iure patron. dubitetur inter doctores de ordinato ad ordines sacros ad titulum præsentationis, qua rector aliquis præsentat aliquem ad titulum suæ rectoriæ, & consentit ut accipiat alimenta de fructibus suæ rectoriæ in suum victum, an possit ordinari iuste ob illam præsentationem iure nouo, vel antiquo; in casu tamen proposito non videtur dubitandum. Tum quia id fecit Papa, qui est supra omne ius humanum positum, cap. proposuit. de concess. præben. Tum quia capellaniam præfatam capellam sunt perpetuam, & non vacant per mortem Papæ, ut constat ipsa experientia, quæ est rerum magistra, cap. quam sit. de elect. lib. 6. & multum differt præsentatio rectoris ad rectoriam suam, vel fructus eius, & præsentatio Papæ ad capellam perpetuam per se stantem, & differentem ab alio beneficio, ut palam est.
- 3 Secundo, quod per Concil. Trid. sess. 21. cap. 2. de reform. statutum est, ne quis ordinatus ad ordines sacros ad titulū alicuius beneficii, vel patrimonij, possit renunciare illud beneficium vel patrimonium sine licentia Episcopi, antequam cōsecutus fuerit aliud beneficium, vel patrimonium; unde

unde se alere possit. ex quibus infertur, quod dominus consulens non perdidit suam capellaniam, quia non renunciavit illam, nec potuisset renunciare, etiam si voluisset, sine licentia superioris, per præfatum Concilium.

- 4 AD QVAESTIONEM POSTERIOREM respondetur, quod prædictus D. consulens videtur debere redire ad seruiendum in eodem loco & ordine, quo seruiebat, antequam impedimentum prædictum seruiendi successisset ei: quia pacifice adeptus fuit titulum, & possessionem tam civilem, quam naturalem prædictæ capellanix, & ita retinuit saltem civilem possessionem, ratione cuius redire potest ad suum locum, immo & agere de spolio, si quis eum spoliaret, l. clam possidere. §. qui ad nundinas. ff. de acquiren. vel amit. posses.

S V M M A R I V M.

- 1 Titulum non habere, & illi renunciasse, paria sunt: & hoc, si renunciatio sit valida. num. 4.
- 2 Alienans titulum, ad quem quis ordinatus est, non habens aliquid aliud unde viuat, peccat contra decretum sacri Concilij, sed tamen ob hoc non perdit illud, nec est suspensus, licet ab ordinario possit puniri. num. 3. & 4.
- 3 Conatus delinquendi, etiam non secuto effectu, punibilis quidem est, sed tamen non subijcitur pænæ ipso iure inflictæ ipsi delicto. num. 4.
- 4 Nullatenus, verbum inducit nullitatem actus ipso iure.

C O N S I L I V M X X I.

QVIDAM ordinatus sine beneficio ad titulū patrimonij ad gradum subdiaconatus, renunciavit illud in fauorem parentum, & postea fecit se ad superiores ordines ordinari ab ordinario, cui facta fuerat fides de titulo patrimonij, cum ordinaretur ad subdiaconatum, ignoranti prædictam renunciationem, & postea celebrauit. Quæritur an inciderit in vllas censuras, & irregularitatem.

- 1 Pro parte affirmante facit primo, quod paria sunt non habuisse titulum patrimonij, vel illud renunciasse, arg. cap. quam periculosum. 7. q. 1. quia vt ait glossa, remittentibus suas actiones non est dandus regressus, l. quæritur. §. venditori. ff. de adilit. edict. at qui absque beneficio & titulo patrimonij ordinatur ad sacros ordines, est ipso iure suspensus, per c. sanctorū. 70. d. & celebrando fit irregularis. Secundo, quod Concil. Trid. in cap. 2. de reform. sess. 21. vetat alienationē patrimonij ante habitam aliam sustentationē, & ita cōtrauenit illi renūciatio. Tertio, quod regulariter conatus delinquendi, etiā nō secuto delicto, punitur, l. si quis non dicam. C. de Episcopis & cleric. & cap. si cui. de pœnit. dist. 1. & cōsulens conatus fuit assumere ordinem absque titulo, cum illi renunciasset.
- 3 Pro parte vero negante facit primo, quod potest quis iuste ad titulum patrimonij ordinari, cap. Episcopus. & cap. tuis. de præben. etiā post Concil. Trid. si Episcopo id beneuifum fuerit, cap. 2. de reform. sess. 21. Secundo, quod non præstat impedimentum quod iure non sortitur effectum, cap. non præstat. de regul. iur. lib. 6. At renunciatio præfata non valuit per præfa-

- præfatum Concil. & si ea non fuisset facta, ordinatio fuisset iusta: ergo etiam
 4 facta illa erit talis, ut insinuamus in nostro Man. confess. cap. 27. num. 58.
 Tertio, quod qui habet actionem, videtur rem habere, l. qui actionem. ff. de reg. iur. præsertim si actio est realis, & rei vendicationis, per multa quæ congerit ibi Decius. At consulens habet actionem rei vendicationis ex donatione parentum, cum illi non potuerit renunciare: Concilium enim habet titulum huiusmodi sine licentia Episcopi nullatenus renunciari posse: & verbum, nullatenus, inducit actus nullitatem ipso iure, iuxta gloss. celebrem in verb. nullatenus. clem. 2. de sequestr. possess. Quarto denique, quod lex pœnalis non est extendenda ultra casum in quo loquitur, l. præses. ff. de pœnis. cap. pœnæ. de pœnit. dist. 1. & lex puniens ordinatum sine titulo est pœnalis: ergo non est extendenda ad eum, qui vere habuit illud, & vere non perdidit, licet fecerit id quo data est occasio rixandi cum eo super illo. Et per hæc videtur pars negatiua tenenda: quamvis negari non potest consulentem peccasse, & male fecisse, & ab ordinario pœna extraordinaria puniri posse.

Ad primum oppositorum respondetur assumptum in eo esse verum de renunciatione valida, qualis non fuit hæc de qua est sermo.

Ad secundum concedimus consulentem peccasse, negando quod per illud peccatum perdidit titulum.

Ad tertium concedimus conatum solum non secuto effectu regulariter puniendum, sed fallere id in multis casibus, quos adduximus nos in cap. si quis non dicam. de pœnit. dist. 1. post Felin. in tract. quando conatus. quorum quartus est, cum pœna imponitur ipso iure, per cap. cum in cunctis. §. fin. de elect. adiuncto cap. perpetuo. eodem tit. lib. 6. At in casu proposito agitur de pœna suspensionis ipso iure incurrenda; & ideo præfata regula non habet locum in eo. Salua, &c.

S V M M A R I V M.

- I *Alienans, etsi nulliter, patrimonium ad cuius titulum fuit promotus ad sacros ordines, peccat quidem mortaliter, sed non incidit in censuram, si ante ordinationem illud retrocedere non promisit.*

CONSILIVM XXII.

VTRVM sacerdos promotus ad presbyterium titulo sui patrimonij, si postea renunciat ei, peccet, & incidat in aliquam excommunicationem, irregularitatem, aut suspensionem?

- I Respondeo, quod si consulens, antequam ordinaretur ad præfatum titulum patrimonij, non promisit remittere, vel renunciare patrimonium, vel ius repetendi alimenta promissa, in nullam censuram nec irregularitatem ipso iure incidit: licet renunciando, vel remittendo sine licentia Episcopi peccet, & mea sententia mortaliter, transgrediendo cap. 2. de reform. sess. 21. Concil. Trid. quia nullo iure hætenus talis pœna imposita est, licet castigari posset per Episcopum; licet etiã renuntiatio non esset valida, ut diximus in nostro Man. confess. cap. 27. à num. 158. Salua, &c.

S V M-

SUMMARIVM.

- 1 Ordinatus ad titulum patrimonij minus sufficientis, quod mentitus est sufficiens esse, dicitur male ordinatus, si defectus est notabilis. num. 5.
- 1 Ordinandus sacris, bona, vnde commode ali possit, habere debet.
- 2 Qualificatum cum quid requiritur, non sufficit præstari simplex.
- 3 Notabilis pars sunt quinque ad vigintiquinque.
- 4 Restituere tenetur decipiens alium, etiam citra dimidium, notabiliter tamen.
- 5 Ordinatus ad titulum sibi promissum cum pacto de non petendo eo, est subreptitè ordinatus.
- 5 Titulus parum insufficiens non facit quem male ordinatum.

CONSILIVM XXIII.

N. OBTINUIT literas dimissorias ad quoscumque ordines assumendos sub titulo patrimonij, quod mentitus fuit habere sufficiens; quarum testimonio ordinatus fuit. Quæritur quid iuris?

Quod debeat censerì ordinatus cum titulo, facit, quod vere habebat titulum, quamvis non sufficientem; & iura videntur requirere simpliciter titulum sine qualitate sufficientiæ, vt videre est in cap. sanctorum. 70. dist. ibi, *absque titulo.* & in cap. neminem. ibi, *absolute.* ead. distinct.

- 1 Pro contraria parte facit cap. Episcopus. de præben. quod requirit, vt ordinandus ad sacros habeat bona, ex quibus necessaria percipere possit: & cap. tuis. eod. tit. quod requirit bona, vnde commode sustentari possit. & in cap. cum secundum. eod. tit. statuitur, vt Episcopus alat à se ordinatū, si non habet quo se sustentet. Secundo facit, quod cum requiritur aliquid qualificatum, non sufficit illud, si est simplex, & non qualificatum, iuxta cap. notificasti. 33. q. 3. adiuncta gloss. solenni, & cōmendata à Panor. & alijs in cap. cum locum. de spons. quatenus habet non sufficere ad essentiam matrimonij consensum simplicem partium, nisi sit spontaneus, & liber: quia ad matrimoniū requiritur consensus qualificatus, liber, & spontaneus. Tertio, quod allegans contra electum defectum sciētia notorium, non satisfacit probando defectum simpliciter, cap. ab eo. iuncta gloss. & communi sententia, de elect. lib. 6. Et qui tenetur probare testes corruptos falsum dixisse, non satisfacit probando eos fuisse corruptos, vel falsum dixisse: quia oportet eum probare vtrumque. cap. licet causam. de probat. vbi per omnes, præsertim per Felin. à num. 41. Quarto facit lex tutor. 6. Lucius. de vsur. cum omnibus alijs, quæ probant debitorem non liberari, propterea quod partem debiti soluat.
- 3

Per quæ, & alia multa, quæ possunt in hoc afferri, videtur primo non esse iuste ordinatum ad titulum patrimonij eum, qui dixit se habere titulum patrimonij sufficientem ad viuendum honeste, si notabiliter ad illud erat insufficiens. Secundo, quod defectus quinque respectu vigintiquinque videtur esse notabilis, argumento eorum, quæ notantur in l. 2. C. de rescinden. vend. & in cap. cum dilecti. de empt. adiunctis eis, quæ S. Thomas dixit in 2.2. quæst. 77. art. 1. & alij Theologi in 4. dist. 15. &

nos.

nos tradidimus in Man. confess. cap. 23. num. 84. quod decipiens alium in contractu emptionis, etiam citra dimidium iusti pretij, tenetur ad restitutionem, si decipit eum notabiliter, seu in parte notabili. Tertio, quod dubitari posset, an qui ordinatur cum dimissorijs sui Episcopi habitis cum huiusmodi falsa informatione, videatur incurrere suspensionem inductam per Pium II. contra eos, qui se faciunt ordinare sine literis dimissorijs. Nam pro parte negante facit, quod is habet veras literas dimissorias, licet subreptitie impetratas. Pro parte aut affirmante facit, quod mendax precator debet carere impetratis, l. et si legibus. C. si contra ius vel vtilit. & omni commodo literarum, cap. super literis. de rescript. Pro hac eadem parte facit cap. per tuas. il 3. de simo. quatenus probat quod is, qui ordinatus fuit cum titulo promisso ei ab aliquo, facto clam pacto de non petendo illo, iudicatur male ordinatus: cuius rationem ait esse gloss. eius in verb. ministrare; quia subreptitie ordinem accepit. Quarto, quod si non deficeret titulo ad sufficientiam, nisi parum, siue quantitas quæ non esset notabilis, arbitrio boni viri iudicari posset bene ordinatus, arg. cap. re vera. de consecra. dist. 2. & l. Seio. ff. de restit. in integ. & aliorum iurium, quæ probant de modico non esse curandum. Salua, &c.

S V M M A R I V M.

- 1 Ordinator ad titulum parochialis ante ætatem obtentæ suspensus non est.
- 1 Subreptio non omnis, sicut Papæ, ita & ordinarij gratias vitiat.
- 2 Beneficium curatum male adeptus, eo dimisso, aliud sibi querere potest, sed tenetur fructus perceptos restituere.

CONSILIVM XXIV.

AN QVI ante legitimam ætatem obtinuit ecclesiam parochialem, & post eam adeptam fuit ordinatus ad ordines sacros ad titulum eius, incurrat suspensionem extrauag. cum ex sacrorum. Pij II. quam referimus in Man. confess. cap. 27. num. 155.

Respondeo primo, quod acceptatio præfatæ ecclesiæ, & fructuum ex ea perceptio inducit quidem peccatum, cap. cum in cunctis. §. fin. de elect. sed non suspensionem, neque irregularitatem: quia id nullo iure cauetur, & ita non est dicendum, cap. legatur. 24. q. 2. & l. si donatione. C. de collat.

- 1 Secundo, quod nec per ordinum assumptionem in legitima ætate videtur incurrere suspensionem, nec consequenter irregularitatem per eius violationem. Tum quia non suscepit ante legitimam ætatem, nec extra tempora iuris, nec sine literis dimissorijs: quia suscepit eos à suo ordinario, vel cum literis dimissorijs ab eo datis: esto quod forte non dedisset eas ille, si sciisset ecclesiam præfatam fuisse sibi collatam ante legitimam ætatem: quia gratias ordinarij non facit nullas omnis subreptio, sicut gratias Papæ. clem. 2. de offic. ordin.

- 2 Tertio, quod iure communi potest consulens accipere aliam ecclesiam, omitta ea, quam habet; sed tenebitur restituere fructus male perceptos, nisi prius à Papa sibi condonentur ob paupertatem vel aliam iustam causam;

fam; quod faciat quo ad forum conscientie tantum, si petierit à summo Pœnitentiario, vt quo ad illud forum absoluat eum à censuris, & irregularitate, si quas ob prædicta incurrit, cum retentione beneficij.

S V M M A R I V M.

- 1 Verba in proprio significato accipienda.
- 1 Diction taxatiua quid operetur. & num. 6.
- 2 Diction taxatiua similia non excludit.
- 3 Verborum intelligentia à causis dicendi sumenda.
- 4 Causa dispositionis finalis etiam alio tempore impleta, impletur dispositio.
- 5 Dispositio exorbitans ab vno ad alia eidem à iure equiparata extenditur.
- 6 Diction taxatiua pro subiecta materia interpretationem sumit.

C O N S I L I V M X X V.

EPISCOPVS dedit literas dimissorias cuidam Nicolao, vt à quocumque mallet Episcopo ordines assumeret, etiam extra tempora iuris, si Papa id sibi concederet, etiam si totum negotium sibi Papa remitteret. Papa vero concessit, vt possit ordinari extra tempora ab ordinario tantum. Quæritur an possit ordinari ab alio, quam ab ordinario.

- 1 Respondeo primo, pro parte negante facere, quod à propria significatione verborum non est discedendum regulariter, l. non aliter. ff. de leg. 3. cap. ad audientiam. de decim. & quod verba illa, *tantum ab ordinario*, significant, quod non ordinetur ab alio; diction enim exclusiua exponitur per affirmatiuam, cui adijcitur, & negatiuam aliorum: nam vt omnes Logici docent, illa propositio, *Petrus tantum currit*, exponitur per illa duo *Petrus currit*, & *Nullus alius, quam Petrus currit*, cap. cum ecclesia Sutrina. de caus. pos. & propriet. & l. Ciallus. §. & quid si tantum. ff. de liber. & posthum.

- 2 Hoc tamen non obstante contrarium est verius. Primo, quod diction taxatiua non excludit similia, in quibus est eadem ratio, vt est casus in l. fin. C. de reuoc. dona. adiuncta glo. verb. voluerit. quæ expresse habet, donationem tantummodo posse reuocari ex quinque casibus ibidem expositis: & tamen gloss. addit vnum alium ex similitudine rationis. & auth. vt cum de appell. cog. §. aliud quoque cap. habet ob solas 14. causas posse filium exheredari à patre: attamen Guliel. & communis sententia, quam late tractat, & affirmat Iason in auth. non licet. C. de liber. præter. vel exhered. tenent, quod filius potest exheredari ob causam æque grauem, aut grauiorem, quam sunt illæ 14. expressæ in d. §. aliud. & relatæ per gloss. in cap. quinquauallis. de iureiur.

- 3 Secundo, quod, vt Hilarius ait, *Intelligentia dictorum ex causis est assumenda dicendi*. cap. intelligentia. de verb. sign. At causa quare Papa limitauit suam gratiam vt impetrans ab ordinario tantum ordinaretur, fuit ne ordinario præiudicaret, & sic derogaret Concilio Trid. quod in cap. 2. sess. 23. de reform. statuit, vt ordines à proprijs Episcopis assumerentur. At nihil præiudicatur Episcopo consentienti, vt ab alio ordinetur. arg. cap. scienti

scienti & consentienti non fit iniuria, neque dolus. de reg. iur. lib. 6. neque Cōcilio, cum expresse permittat, vt per rescriptum possit quis promoueri ab altero Episcopo, dummodo probitas & mores eius à suo Episcopo commendentur.

- 4 Tertio, quod si post præfatam licentiam impetratam à Papa assumendi ordines à suo ordinario tantum, ipse consensisset, & dedisset præfatas literas dimissorias, nemo negaret posse ipsum ab alio Episcopo promoueri. at non refert an ordinarius prius dederit dimissorias cum conditione, si Papa dederit licentiam, vel post eam datam; cum in vtroque casu impleatur causa finalis, propter quam Papa posuit illam limitationem, vt dictū est in arg. antecedenti. Ergo D. consulens perinde potest ordinari cum dimissoria concessa ante præfatam licentiam, ac cum cōcessa post eam; præsertim quod expresse in id consenserit, dicendo, quod placet ei, vt ordinetur à quo maluerit Episcopo extra tempora, habita licentia à Papa, etiam si sua sanctitas totum negotium remiserit ad eum. Et de æquipollentibus idem est iudicandum, nec refert quod illorum fiat, l. fin. ff. mand. cap. licet ex quadam. de testibus.
- 5 Quarto, quod dispositio etiam exorbitans loquens in vno casu, habet locum in alio sibi iure æquiparato, iuxta gloss. solemnem, quæ habet multas similes recep. in cap. si postquam. de elect. lib. 6. At ordinari quem ab ordinario suo, vel ab alio cum dimissorijs, vel de licentia eius, æquiparatur in iure, cap. Lugdunensis. 9. q. 2. & cap. 1. & 2. de temp. ord. lib. 6. cum sibi concord. & ab ipsomet Concil. Trid. in d. cap. 8. de reform. sess. 23. ergo licentia Papæ, vt quis possit extra tempora ordinari à suo tantum ordinario, intelligenda est, vel ab alio de licentia, & cum dimissorijs eius.
- 6 Ad oppositum respondetur, assumptum in eo esse verum de rigore verborum logico, quando aliunde non apparet de intentione. & mente vrentis taxatiua. At nos loquimur de significatione verborum accipienda secundum iustitiam, & æquitatem & canonum, & legum, secundū quam frequenter subaudimus, *tantum*, & frequenter limitamus illud: subaudimus enim in illo, *Scindite corda vestra, & non vestimenta vestra*, dictionem, *tantum*, super dictione, *vestra*, secundo loco posita secundum communem intellectum in cap. scindite. & in cap. conuertimini. de poenit. dist. 1. & glo. in cap. cantantes. 92. dist. in illo dicto S. Hieronymi: *Non ore, sed corde cantandum*: addit dictionem, *tantum*, verbo, *ore*. & è contra l. cum in testamento. de verb. sign. habet, heredem iussum à testatore, vt centum dumtaxat impendat eius sepulturæ, nō peccare, nec male facere, si plus impēdat, absque alterius præiudicio, sed solum si minus impendat. & l. cum prætor. ff. de iud. & cap. qualis. 25. dist. quæ habent, *eum qui de vno dicit, de alio negare*, intelligenda sunt de alio non dissimili, vt singulariter dicit Domi. in d. cap. qualis. 25. dist. pro quo est glo. notab. in cap. si tibi absenti. de præben. lib. 6. in verb. absenti. Et ita in casu proposito verba illa, *tantū ab ordinario*, intelligenda sunt, vel ab alio de cōsensu & approbatione eius: quia illa duo sunt omnimodo quo ad propositū similia, & æquipollētia, & iure cōmuni æquiparata, per præfata capp. 1. & 2. de tēp. ord. lib. 6. & multa similia. Salua, &c.

SUMMARIVM.

- 1 Dimissorias ad ordines det vicarius Episcopi, seu Episcopus originis, beneficij, vel domicilij, religiosi autem eorum praelati.
- 1 Suspendus est, qui sine legitimis dimissorijs ordinem sacrum ab alieno suscipit: & si illo utatur, prout facit qui ascendit ad altiores sacros, efficitur irregularis. n. 2.
- 2 Ministrat in susceptis, qui ab vno ordine sacro ascendit ad alium: immo & accipiendo presbyteratum, in eodem ministrat, dum cum Episcopo simul consecrat.
- 3 Episcopus dispensat super irregularitatibus incurfis ex mala ordinum assumptione, & ministratione, si ex occultis delictis processerunt.
- 3 Occulta vix dici potest irregularitas procedens ex dimissorijs nulliter concessis ab eo qui non potest dare; eo quod defectus pateat ex lectura ipsarum: vnde non à Pœnitentiario, sed à Datario in vtroque foro querere debet dispensationem.

CONSILIUM XXVI.

QUIDAM clericus dimissorias, vt à quocumque Antistite ad omnes sacros ordines promoueri posset, à quodam pro Legato constituto Vicario obtinuit: & postea à diuersis Episcopis sacros ordines cum dictis dimissorijs accepit. Dubitatur, an pœnas incurrerit, & an per Episcopum, seu Pœnitentiariam, dispensationem sufficiat impetrare.

- 1 Magis est, vt D. consulens incurrerit suspensionem, eo quod suscepit ordines sacros absque literis dimissorijs legitimis per extranag. Pij II, quæ incipit, cum ex sacrorum. nō enim fuerunt legitimæ literæ illæ dimissoriæ, quas dedit ei Vicarius præfatus Anconitanus, cum nō esset Episcopus, nec Vicarius Episcopi originis, nec beneficij, nec domicilij, nec prælati, in cuius manibus consulens regularem fecit professionem, prout requiritur cap. cum nullus. de temp. ord. lib. 6.
- 2 Secundo respondeo, quod etiam est irregularis: quoniā vsus est ordinibus sacris, durante suspensione, per eandem extranag. & cap. 1. de re iud. lib. 6. cap. 1. de sent. excom. eod. lib. cum eis adnotatis.

Tertio, quod etiam est irregularis, ex eo quod, posteaquam fuit suspensus ex assumptione mala primi ordinis sacri, siue subdiaconatus, ante absolutionem assumpsit alios duos ordines sacros, diaconatum scilicet, & presbyteratum; præsertim quod in susceptione presbyteratus etiam cum Episcopo consecrauit.

- 3 Quarto, quod Episcopus bene posset super his irregularitatibus dispensare, si ex occulto delicto essent natæ, per Concil. Trid. cap. 6. quod incipit, liceat. de reform. sess. 25.

Quinto, quod difficile est asserere præfatas irregularitates ex occulto delicto esse natas. Tum quia ordinationes fuerunt publice in publicam formam relatæ. Tum quia vsus ille, quo vsus fuit ordine subdiaconatus, videtur fuisse publicus. Tum quia per literas ipsas trium ordinum, quæ sunt tria publica instrumenta, coniungendo cum literis dimissorijs illegitimis, probatur consulentem suscepisse duos ordines sacros posteriores posteaquam fuit suspensus per assumptionem primi sacri.

Sexto, hæc consequi quod D. cōsulens debet impetrare dispensationem Romæ, antequam redeat in patriam; & quod non videtur sufficere sibi dispensatio sacræ Pœnitentiariæ, quæ non prodest nisi quo ad forum conscientia; sed oportet eū impetrare per Datarium, vt profit quo ad vtrumque forum, porrecta idonea petitione, quam ego polliceor dictare, si non fuerit præsto alius, qui eam aptius agat. Salua, &c.

S V M M A R I V M.

- 1 Cōmendatitias literas dans de vita & moribus, non dicitur dare dimissorias ad ordines. & num. 3.
- 1 Capitulum sede vacante infra annum reuerendas non dat.
- 2 Legatus reuerendas quidem dare potest etiam sede vacante, sed non derogare sacro Concilio. num. 2.
- 2 Ordinari potest nemo ab alieno sine ordinarij testimonio, qualis non est Capitulum intra annum sede vacante.
- 3 Capitulum testimonium idoneitatis dans ordinando intra annum sede vacante non suspenditur.
- 3 Error iuris obscure excusat à mortifero, durante errore. num. 4.
- 4 Iurisconsultum iurisconsulti errore excusari posse, dixit Iason.
- 5 Ordinatus male sibi consulit accipiendo ratificationem ordinis.
- 5 Ordinatus minoribus ab alieno sine dimissorijs, licet sit male ordinatus, censuram non incurrit.
- 5 Pensio collata ei qui male ab alieno accipit primam tonsuram, tenet, secundum auctorem.

CONSILIVM XXVII.

ECCLÉSIA Burgenſi vacante, & durante anno quo prohibetur Capitulo dare dimissorias ad ordines, Legatus Hispaniæ dedit illas N. adhuc puero, vt posset ordinari ab aliquo Antistite, cum testimonio idoneitatis à prouifore Burgenſi accepto; & d. N. accepit à quodam Episcopo celebrante ordines in eadem ecclesia vacante primam tonsuram, & postea fuit illi assignata quædam pensio. Quæritur quid iuris?

- 1 Respondeo primo, quod pro Capitulo & prouisoribus facit, quod ipsi non dederunt literas dimissorias, quas reuerendas vocant, quasque prohibebatur Capitulum dare per cap. 10. sess. 23. Concil. Trid. sed solum literas testimoniales idoneitatis ipsius N. qui volebat ordinari, quæ non sufficiebant ad hoc, vt ordinari posset ab Episcopo alieno; etiamſi Capitulum & prouisores habuissent potestatem dandi dimissorias, vt palam est; non enim dederunt licentiam & facultatem ordinem accipiendi ab alieno Episcopo.
- 2 Secundo, quod pro ordinato & ordinante facit, quod Legatus potuit dare reuerendas, & dedit eas accedente testimonio idoneitatis ordinarij, vel prouisoris N. quod testimoniū accessit, seu datū fuit, vt requirebatur.

Tertio, quod contra ordinatum & ordinantem facit, quod in Concil. Trid. cap. 8. de reform. sess. 23. statuitur, non posse quem iuste ordinari vir-

tute

tute alicuius rescripti, nisi eius probitas & mores ordinarij sui testimonio commendentur. At in casu proposito non interuenit testimonium ordinarij. Nec prodest ei dicere, quod illud testimonium erat testimonium ordinarij: quia non erat testimonium ordinarij quo ad id, ad quod requirebat Legatus, cuius mens fuit seruare mentem Concilij, quæ fuit ne quis absque consensu ordinarij ordinaretur, vt clare colligitur ex d. cap. 8. sed & expresse in d. cap. 10. statuitur, ne Capitulum sede vacante det dimissorias, ne reputaretur quo ad hoc intra annum ordinarius. Neque etiam iuuat dicere, quod forte Legatus sciebat ecclesiam Burgensem vacare: quia Legatus non potuit derogare Concilio Trid. iuxta gloss. sing. & recep. in cap. dilectus. cum similib. de præbend.

- 3 Quarto, quod ex his infertur Capitulum & prouisoires nullas incurrisse censuras, eo quod non dederunt literas dimissorias, neque aliud quicquam fecerunt, quod eis fuerit prohibitum per præfatum Concilium, neque per alia iura.

Quinto, quod neque ordinatus videtur peccasse: quia error iuris obsecuti excusat à peccato mortifero, iuxta singulare dictum Innoc. in cap. per tuas. 2. de simon. quem cum alijs multis refert, & sequitur Felin. alia multa ad hoc adducendo in cap. 1. col. penult. de re iudic. præsertim pueri. argum. notatorum in cap. ignorantia. de reg. iur. lib. 6. & eorum quæ gloss. illius citat.

- 4 Sexto, quod maius dubium est de ordinante, qui est vir doctissimus, & rerum Curie peritissimus: quamuis Iason alicubi dicat Iurisconsultum egregium Iurisconsulti errore excusari posse.

Septimo, quod licet puer ille non peccasset, donec in eo iuris errore mansit saltem quo ad forum conscientie; posteaquam rescituit, videtur teneri ad non perseuerandum in illo, vel ratificandum id quod per illum errorem non fuit recte factum, per multa quæ possent in hoc adduci.

- 5 Octauo, quod satisfaceret, si ab Episcopo vel Archiepiscopo nouo, vel à Papa obtineret ratificationem illius ordinationis, arg. cap. Lugdunensis. 9. q. 2.

Nono, quod collatio pensionis facta illi post clericatum sic susceptum valuit: quia etiam si peccasset in sic suscipiendo tonsuram, nullam tamen iuris censuram ipso iure videtur incurrisse, arg. cap. quod translationem. & cap. vel non est compos. de temp. ord. & quod extrauag. Pij I I. quæ suspendit ordinatos sine dimissorijs, solum includit ordinatos ad sacros ordines, & non ordinatos ad minores, qui licet suspendi possint per iudicem, non tamen sunt ipso iure suspensi, per præfata cap. quod translationem. & cap. vel non est compos. Salua, &c.

Aduertatur, referri in praxi obtentum contrarium eius quod habetur sub nu. 5.

S V M M A R I V M.

- 1 Ordinatus minoribus ordinibus de licentia Capituli sede vacante intra annum potest habere beneficium, antequam priuilegium clericali priuilegio.

L 2 1 Verba

- 1 Verba futuri temporis pœnam ipso iure non infligunt.

CONSILIVM XXVIII.

CONCIL. Trid. cap. 10. sess. 7. de reform. habet, ordinatum ad minores ordines de licentia Capituli sede vacante, nullo priuilegio gaudere debere. Quæritur an possit habere beneficium.

- 1 Respondeo, quod primo aspectu videtur quod non, per cap. ex literis. de transact. cap. 2. de instit. quæ probant, priuilegium clerici esse, ut sit capax beneficij Ecclesiastici: quamuis videtur quod non perdit ipso iure hoc priuilegium, sed debeat perdere illud per sententiam, vel per exceptionem: quia verbum *gaudeat* est futuri temporis, per cuius verba non infligitur ipso iure pœna, iuxta glo. so. emn. & recep. in regula in pœnis. de reg. iuris lib. 6. Salua, &c.

SUMMARIUM.

- 1 Ordines minores ab alieno sine dimissorijs accipiens, peccat peccatum, quod sola contritione deletur: & licet mereatur suspendi, tamen hanc pœnam potest Episcopus remittere; & si imponat, ei non nocēbit quo ad præterita. nu. 5. at suspensionem ipso iure non incurrit. nu. 1. unde si ei conferatur beneficium, tenet collatio, nu. 2. nisi sit Ultramontanus ab Italo ordinatus. nu. 1. & 2.
- 3 Gratia sola signaturæ Gallis quo ad utrumque forum prouidet, alijs quo ad solum forum conscientie; nisi agatur de collatione beneficij obtenta à Papa. nu. 4.
- 4 Beneficia à sede Apostolica collata amittuntur, nisi intra certum tempus literæ expediantur: & Gallis sola supplicatio signata sufficit. nu. 3.

CONSILIVM XXIX.

AN ORDINATVS minoribus ab Episcopo alieno sine literis dimissorijs sui, & post assecutus beneficium, qui postea obtinuerit à Papa absolutionem malæ ordinationis, & nouam prouisionem beneficij per solam signaturam, possit ascendere ad superiores ordines ante literarum expeditionem?

Respondeo primo, quod hæc petitio non pertinet ad Illustrissimū Dominum Pœnitentiarium, neque ad eius prætorium: quia nec absolutio, neque dispensationem, neque vllam habilitationem petit, sed tantum quæstionem extrinsecam.

- 2 Secundo, quod consulens si non est Ultramontanus, & ordinatus in Italia, non habuit necessitatem absolutionis à censuris, neque ab irregularitate: quia licet ordinatus ab alieno ordine sacro ipso iure incurrat suspensionem; & si durante illa celebrat, irregularitatem, per extrauagan. Pij II. quæ incipit, cum ex sacrorum. ordinatus tamen minoribus non incurrit ipso iure talem suspensionem, licet mereatur suspendi, cap. quod translationem. & cap. vel non est compos. de temp. ord. & tradit Archid. cap. Lugdunensis. 9. q. 2. & Anton. post Hostien. & Ioan. And. & ante illum glo.

gloss. communiter recep. cap. eos. cod. tit. lib. 6. & ante illam Archid. d. cap. Lugdunensis. 9. q. 2. vbi ipse & prædictus Anto. vbi supra & Philip. Franc. d. cap. eos. respōdent cap. 1. & 2. 9. q. 2. & alijs, quæ contrarium significant; sed non, vt ipsi declarant in d. cap. quod translationem & gloss. cum comuni cap. eos. de temp. ord. lib. 6. probant talem esse suspensionem, si non est Ultramontanus, & ordinatus in Italia: quia si esset talis, esset suspensus etiam quo ad alios, & suspensione inducente irregularitatem per cap. 1. de temp. ord. lib. 6. cuius tamen dispositio non esset extendēda ad alios casus, quod affirmat eius gloss. communiter recep. per iura in ea citata, & rationes efficaces.

- 2 Tertio, quod si non fuit ipso iure suspensus quo ad alios, & suspensione inducēte irregularitatē, vt non indiguit absolutione, ita non indiguit noua collatione beneficiorū à Papa sibi postea facta: quæ valuit collatio prior, & ita cessaret alia quæstio grauior, quæ in propositione quæst. implicatur.

- 3 Quarto, quod si erat suspēsus prædicta suspensione Ultramontani in Italia ordinati, & consequenter suspensus prædicta suspensione quo ad alios, indiguit absolutione & noua collatione. Et quo ad quæstionem implicatā an sufficiat signatura ad ascendendū ad ordines superiores, respondetur, quod si consulens est Gallus, sufficit ei signatura: quia in Gallia sufficit signatura: quoniam seruat ius antiquum, secundum quod gratia sine literarum expeditione valet, iuxta clem. dudum. 9. fin. adiuncta gloss. in verb. verbo. de sepultur. & alia citata per Felin. & Dec. in rub. de constit.

Quinto, quod absolutio præfata valebit obtenta à Papa ei sine literarū expeditione quo ad forum conscientie, etiam si nō sit Gallus, vt satis sentit glo. regul. cancell. 25. & 53. quamuis non quo ad forum exterius, in quo requiritur probatio, quæ sine literis expeditis non fit, per ea multa quæ adducit Gomezius in reg. de non iudicando literis non expeditis.

- 4 Sexto, quod idem posset dici de noua collatione beneficiorum, nisi obstat quædam extraneus Iulij II. per quam perditur ius quæsitum per supplicationem, nisi literæ intra certum tempus expediantur: ad quam, quia non est nota omnibus, nec vidi eam typis excusam, me remitto.

- 5 Non obstat prædictis, quod prædictus orator potest suspendi suspensione prædicta quo ad alios, quæ est vera cēsuræ per prædicta cap. post translationem, & cap. vel non compos. Tum quia suspensio, quæ nunc fieret, non nocet quo ad præterita, nec retrahitur, arg. cap. 2. & fin. de cōst. Tū quia Episcopus potest dispensare super illa pœna per sententiā imponendā, vt habetur in d. cap. Lugdunensis. & ibi Archid. cōmuniter recep. id annotauit: & consequenter obtenta illa venia siue dispensatione super pœna merita, sed nō ipso iure incurfa, saluus manebit ab omnibus malis, quæ consequantur illam iniustā ordinationem etiam quo ad forum exterius: sicut & quo ad forū interius mansit liber à peccato, quod admisit in sumendo minores ordines inordinate, per primam contritionem & confessionē, qua se illius accusauit.

Rota tamen reputat huiusmodi ordinatum primæ censure, siue minoribus, inhabilem ad obtinenda beneficia, ac pensiones, provisionesq. eis factas non subsistere.

- 1 *Suspensus non est ex hoc quis, quod minoribus à non suo initiatus fuerit, nisi eos acceperit in excommunicatione. & num. 3.*
- 2 *Peccat utens minoribus male susceptis ante dispensationem.*
- 3 *Pœnitentiarius maior potest in foro conscientie tantum ratum habere ordinem ab alieno acceptum cum falsis dimissorijs, si falsitas creditur adeo occulta, ut non sit simenda controuersia in foro exteriori.*

CONSILIVM XXX.

AN ORDINATVS ad minores per dimissorias falsas, sit ipso iure suspensus?

- 1 Respondeo primo, quod huiusmodi ordinatus grauiter & mortifere peccauit, nec absque peccato uti potest ordinibus minoribus sic susceptis, donec ratificetur ordinatio per proprium Episcopum: quia eos suscepit ab Episcopo non suo sine literis iustis dimissorijs, per c. 1. & cap. nullus. de temp. ord. lib. 6. & cap. Lugdunensis. 9. quæst. 2.
- 2 Secundo, quod licet utendo illis ordinibus peccet, non tamen fit irregularis, ut tenet gloss. recep. cap. eos. de temp. ord. lib. 6. verbo statuant. quia non videtur ipso iure suspensus illa saltem suspensione, cuius transgressio inducit irregularitatem, arg. cap. 2. & cap. quod translationem. & cap. vel non est compos. de temp. ord. in quod optime facit extrauag. cum ex sacrorū. Pij II. relata & declarata à nobis in repetitione cap. accepta. de rest. spol. opposit. 8. num. 34. quatenus habet ordinatos ad sacros ordines sine literis dimissorijs incurrere suspensionem illam, cuius transgressio inducit irregularitatem, significando à contrario sensu ordinatos minoribus non incurrere illam.
- 3 Tertio respondeo, quod prædicta intelligenda sunt, nisi alia maior culpa interceperit, puta quod ob falsitatem prædictam incurrerit excommunicationem ipso iure per aliquam constitutionem synodalem: nam iure communi non incurrit illam: vel quod ordinator tulerit excommunicationem ipso iure incurrendam contra eos, qui peterent à se ordinari sine licentia legitima, vel sine iusta ætate, quod aliquando factum esse audiui-mus. Nam tunc respondendum esset de illo id, quod responderi deberet de ordinato cum licentia legitima, sed aliàs excommunicato, qualis incurrat irregularitatem, iuxta cap. 1. de cler. excommu. & cap. si quis Episcopus. 11. quæst. 3.

Quarto respondeo, quod D. consulens posset petere à summo Pœnitentiarario, ut habeat ratam quo ad forum cōscientie tantum prædictam suam ordinationem, si falsitatem credit adeo esse secretam, quod non timet vllam de illa quæstionem sibi futuram in foro exteriori, ut exoneretur onere petendi ratificationem à suo ordinario. Salua, &c.

SUMMARIVM.

- 1 *Ordinatus sine licentia minoribus, etiam Vltramontanus ab Italo, non est suspensus,*

nec priuatus beneficijs postea nec antea obtentis, licet possit suspendi. num. 5.

- 2 *Dispositio exorbitans & pœnalis restringenda. & 4.*
- 3 *Causa dispositionis, quæ ponitur in proœmio, censetur finalis.*
- 4 *Ordinatos male sacris suspendit extrauag. Pij Secundi, secus si solum minoribus.*
- 5 *Ratihabitio ordinarij in male ordinatis operatur vt beneficium male obtentum possit de nouo conferri. num. 6.*

CONSILIVM XXXI.

HISPANVS Hispalen. laicus ordinatus sine dimissorijs in Italia ab Episcopo Italo, obtinuit beneficium vnum. Quæritur an sit suspensus ipso iure, & priuatus illo beneficio.

- Respondeo primo, glossam cap. 1. verb. clericum. de temp. ord. lib. 6. tenere, quod sic, duplici ratione. Altera, quod eadem ratio videtur esse in laico ordinato à non suo Episcopo, & in clerico ordinato etiam à non suo Episcopo. Altera, quod præfatum cap. 1. faciendo punctum post verbum *Ultramontanum*, videtur soluere argumentum ex illo desumptum contra eam: quam sequuntur etiam ibi Ioan. Andr. Domi. & Franc.

- Sed profecto contrarium videtur verius, quod grauissime tenuit ibidem Archid. & etiam Io. Monach. & satis sentit Ancharan. & firmat etiam Petrus Rebuff. in Praxi benef. tit. de cler. ad sacros ord. mal. promot. nu. 3. quod esset tenendum, etiam si nemo id tenuisset. Tum quia est casus expressus in cap. quod translationem. de temp. ord. quod ordinatus ab alieno Episcopo non caret ipso iure executione ordinis, sed est interdicenda ei. Tum quia cap. vel non est compos. de temp. ord. idem statuit de ordinato ante legitimam ætatem. Tum quia cap. 1. eod. tit. lib. 6. cui innititur gloss. præfata, probat contrarium, quatenus loquitur de ordinante clericum ad sacros ordines, & de clerico ordinato ad illos, significando aliud de ordinante laicum, & de laico ordinato ad clericatum, arg. cap. nonne. de præsump. & l. cum prætor. ff. de iud. Tum quia est exorbitans à iure regulari in d. cap. quod translationem, & ita debet restringi ad terminos, quibus vtitur cap. quæ à iure. de reg. iur. lib. 6. Tum quia est pœnalis, & ita restringenda. §. pœnæ. de pœnit. dist. 1. & cum loquitur de ordinante clericum, & de ordinato clerico ad sacrum, non debet extendi ad ordinantem laicum, & ad laicum ordinatum ad clericatum: immo probat contrarium, eo quod *qui de vno dicit, de alio negare videtur.* d. cap. nonne. vt supra tactum est. Tum
- 3 quia causa illius constitutionis fuit, quia clerici extra suas terras in Italia ordinabantur ad sacros, vt habet proœmium illius, & non fuit causa impulsua, vt significat Ioan. Andr. sed finalis: quia causa dispositionis, quæ ponitur in proœmio eius, censetur finalis, l. fin. ff. de hæred. instit. & ita solum habet locum in ordinante clericum ad sacros ordines. Tum quia ridicula est ratio, qua mouentur Ioan. & Domi. scilicet, quod verbum, *ordo*, late sumptum significat etiam ordines minores: quia illa efficaciter tollitur per ipsum & Archid. & retorqueri potest contra eos, cum regulariter lex exorbitans & pœnalis non extendatur ad significata improprie & late per eius verba. Tum quia non est eadē ratio de ordinato laico ad clericatum,

4 & de clerico ad sacros; cum crimen hoc sit longe grauius illo, vt palam est; cumque extrauag. Pij Secundi, cum ex sacrorum. clare significet hoc, statuendo, quod ordinati ad sacros sine dimissorijs, & ante ætatem, & extra tempora, suspenduntur ipso iure, & si celebrāt, sunt irregulares: quæ tamen secundum omnes non habet locum in ordinato ad primam tonsuram, vel minores. Tum quia præfatum cap. 1. non potest sine violentia diuidi per appositionem puncti, quam gloss. præten- dit, vt palam est perpendenti. Tum denique quod ridiculosum est etiam id, quod notant ex illa gloss. Domin. & Franc. scilicet, quod quando per puncti appositionem in vno vel alio loco potest extendi prohibitio pœnalis, debeat in dubio poni in eo loco, in quo positum ampliat dispositionem; cum contrarium sit verum & receptum post gloss. in cap. in pœnis. de reg. iur. lib. 6. per quod, & per rationem diuersitatis supra tactam soluuntur fundamenta glossæ.

5 Secundo, quod non est priuatus, neque priuandus ob hoc solum beneficijs ante vel post habitis, sed solum potest suspendi, & post illam suspensionem fieret inhabilis ad beneficia, & non antea, per ea quæ habentur in d. cap. quod translationem. & cap. vel non est compos.

Tertio, quod is dominus consulens debet procurare per suos amicos, vt eius Episcopus ordinarius habeat ratam præfata ordinationem: quo habito remanebit habilis tam quo ad ordines alios suscipiendos, quam quo ad alia beneficia, cap. Lugdunensis. 9. q. 2.

6 Quarto, quod absolutio, de qua in signatura, non videtur esse data per illam, sed iussum vt committatur ordinario, quod faciat illam: & ita non videretur illa quicquam operari, donec ordinarius virtute commissionis sibi præsentatæ absolueret.

Quinto, quod ad maiorem cautelam potest consulens, habita ratificatione sui ordinarij, adire Episcopum, qui contulit illi beneficium, vt illud conferret ei denuo, si, & quatenus opus est. Salua, &c.

S V M M A R I V M.

- 1 Ordines minores ab alieno cum falsis dimissorijs accipiens peccat quidem grauiter, sed nullam incurrit censuram, nullaue eget dispensatione, vt possit maiores cum iustis dimissorijs accipere. num. 2. sufficitque ei coram Deo contritio, & absolutio sacramentalis. num. 3.

CONSILIVM XXXII.

AN ORDINATVS per falsas dimissorias ad quatuor ordines minores, & postea per veras ad subdiaconatū, incurrat censuras, vel irregularitatem?

- 1 Per ea quæ nuper alio domino consulenti respondimus, arbitramur primo hunc dominum consulentem ob præfata promotionem ad minores ordines in nullam censuram nec irregularitatem incidisse ipso iure,

re, sed grauitate peccasse, ipsumque suspendi & puniri posse in foro exteriori, iuxta cap. vel non est compos. de temp. ordin.

Secundo, quod etiam arbitramur eum non incurrisse ipso iure ullam censuram per secundam promotionem, quia per legitimas dimissorias videtur fuisse ordinatus quo ad forum conscientiae.

- 2 Tertio, quod sine dispensatione quo ad forum interius per easdem dimissorias potest iuste promoueri ad alios sacros, si ad eos capiendos extenduntur; & etiam quo ad forum exterius, si bono modo celari possit prior error sine mendacio & periurio. An autem id sic celari possit, nec ne, quaestio facta est, super quam non consulitur iurisconsultus.

- 3 Quarto credimus, eisdem rationibus, quibus supradicta fundari possunt, praedictum dominum consulentem non indigere dispensatione primi, nec secundi Episcopi, sed solo secreto primi erroris, ne ob eam puniatur in foro exteriori; & ideo per canonicatus adeptionem, & nouam mutationem domicilij, faciliorem viam illi parari ad celandum primum errorem, qui iam (vt opinor) celatus est quo ad Deum & forum conscientiae per contritionem, confessionem, & absolutionem sacramentalem.

S V M M A R I V M.

- 1 Dimissorias falsas is, cui ignorantia vera iam concessae erant, praesentans, dicitur quidem per falsas dimissorias, & cum peccato, sed non sine dimissorijs, maioribus ordinibus initiatus. Vnde licet peccauerit, non tamen incidit in excommunicationem, nec suspensionem latam per extrauagantem Pij Secundi. nu. 3. quae nec in suscipiente sine illis minores habet locum. num. 2.

C O N S I L I V M X X X I I I.

P. RESIDENS Romae, petijt per epistolas ab Episcopo suo in Hispania moranti literas dimissorias, quae fuerunt datae mense Augusto; & P. ignorans eas fuisse datas, antequam ad se peruenirent, fabricauit alias falsas, & virtute illarum ordinatus fuit ad quatuor minores mense Septembri. Quaeritur, an sit male ordinatus.

- 1 Respondetur primo, dominum consulentem peccasse mortaliter, primum in fabricando literas dimissorias falsas, animo vtendi eis ad decipiendum Episcopum, qui cum erat ordinibus insigniturus; deinde praesentando eas Episcopo, & accipiendo eas ab eo.
- 2 Secundo respondetur, quod praefatus consulens non incurrit ipso iure excommunicationem, neque suspensionem, attento solo iure communi. Tum quia extrauag. Pij Secundi, quae suspenduntur ipso iure qui absque literis dimissorijs ordinantur ab alienis Episcopis, solum loquitur de ordinibus sacris, vt nos tradimus in Mann. confess. cap. 25. num. 70. & cap. 27. num. 155. & 241. quamuis etiam iure communi mereatur suspendi a iudice, per cap. vel non est compos. de temp. ord. sed donec suspendatur per iudicem, non est suspensus.

Tertio,

Tertio, quod etiam potest defendi quod non esset suspensus, etiam si extrauag. haberet locum in minoribus ordinibus: quia prefatus consulens non est absque literis dimissorijs veris ordinatus, quamuis non sit ordinatus virtute verarum dimissoriarum: quia aliud est ordinari quem virtute dimissoriarum, & aliud absque dimissorijs; & lex pœnalis loquens de altero eorum non debet ad alterum extendi. Tum quia à diuersis non fit illatio, l. Papinianus. ff. de minorib. Tum quia lex pœnalis non habet locum extra suum casum, cap. pœnæ. de pœnit. dist. i. vbi late tradidimus procedere id, etiam si eadem ratio idem in altero suaderet.

S V M M A R I V M.

1. *Reuocasse dimissorias concessas non censetur Episcopus ex eo quod postea dixerit ordinando ne ab alio ordinaretur, quia ipse volebat ordines tenere, & eum ordinare. & num. 3.*
2. *Patrimonium, ad cuius titulum quis ordinatur, licet debeat esse in immobilibus, & non in mobilibus, non tamen ob id incurritur pœna. & num. 3.*

CONSILIVM XXXIV.

EXCELLENTISSIME Domine, obtinuit p̄sens orator à suo ordinario dimissorias, vt à quocumque Episcopo communionem Sedis Apostolicæ habente ad subdiaconatus ordinem se promoueri facere posset; verum, quoniam in dictis dimissorijs nulla fiebat mentio tituli ad quem esset ordinandus, ob id pro supplemento eundem ordinarium adiit, qui oratori iussit responderi ne ordines ab alio Episcopo acciperet, quia ipse in secundis proximis ordinationum temporibus eas volebat tenere, & sic ipsemet oratorem ordinasset. Orator autem impatiens dilationis, quamprimum cū dictis dimissorijs adiit quemdam ordinarium, qui edoctus extraiudicialiter sicuti orator erat filius personæ diuitis, & qui habebat patrimonium, prout vere habebat, à patre in mobilibus, vtpote qui nulla immobilia possideret, constitutum, successiue, alias tamen rite, oratori subdiaconatus ordinem simpliciter cōtulit. Demū orator, tamquam subdiaconus, à p̄dicto suo ordinario obtinuit alias dimissorias, vt à quocumque Antistite communionem Sedis Apostolicæ habente ad reliquos alios sacros ordines posset se facere promoueri; nescit autem, an quando ordinarius concessit secundo dictas dimissorias, meminerit per ipsum, vt p̄mittitur, responsionis antea datæ, & credit quod non: & successiue in vim secundarum dimissoriarum alios omnes sacros ordines accepit, & ministravit. Et quia ab aliquibus oratori iniectus fuit scrupulus quod inciderit in pœnas extrauag. Pij I l. quia sine legitima licentia sui ordinarij videtur ordinatus; quia licentia ipsa, vt p̄mittitur, fuit reuocata, ex doctrina D. V. in suo Man. cap. 27. num. 158. & ex textu in cap. ad aures. de temp. ord. item quia per subreptionem videtur ordinatus, gloss. fin. gloss. cap. ex tuz. verbo secreto. de simon. item quia ordinatus contra formam in cap. 2. sess. 21. Concil. Trid. quo statuitur patrimonium debere constitui in rebus non alienabilibus, qualia non erant p̄dicta, ad quorum titulum fuit

fuit promotus; supplicat igitur, ut excellentia vestra vnico verbo dignetur respondere, an orator egeat aliqua dispensatione.

- 3 Respondeo, nobis videri prædictum D. consulentem non egere aliqua dispensatione; curare autem debet, ut quamprimum dictus titulus bonorum mobilium conuertatur in bona immobilia ad mentem Concil. Trid.

S V M M A R I V M.

- 1 Obsessus à demone, post liberationem accipere potest minores, maiores vero non, at antea acceptus potest vti. num. 3.
1 Regularis contradicente prælato non promouendus.

C O N S I L I V M X X X V.

QUIDAM Monachus de licentia iusta minoribus initiatus, & à Capitulo nominatus fuerat cum alijs, ut posset ad sacros ordines ascendere: superior dictam nominationem cassauit, deinde subreptitie de licentia prælati ad subdiaconatum fuit promotus, postmodum à demone fuit obsessus: sed sunt iam tres anni elapsi, quod est liberatus. Quæritur an valeat ad maiores ascendere, & in susceptis de licentia superioris ministrare.

- 1 Respondeo primo, præfatum consulentem bene fuisse promotum ad quatuor minores, per gloss. cap. clerici. 33. distinct. Secundo, quod videtur male fuisse promotus ad subdiaconatum. Tum per illud cap. clerici. & cap. maritum. ead. distinct. Tum per Concil. Triden. cap. 1. de reform. sess. 14. quatenus habet, religiosum non debere promoueri contradicente prælato; & prædictus consulens videtur fuisse promotus contra voluntatem sui prælati, qui primo cassauit denominationem eius, & postea inaduertenter & subreptitie admisit. Tum per cap. communiter. d. 33. distinct. cuius gloss. per illum text. & alios concludit inter omnes doctores conuenire, quod arreptus vel obsessus à demone antequam ordinetur ad sacros ordines, non debet promoueri ad illos, etiam si conualesceret: licet super obesso post ordinationem sint varij, & opinio mitior teneat posse vti post conualescentiam ordine ante illam arreptionem suscepto: & ita videtur præfatus consulens posse vti præfatis ordinibus minoribus, & etiam subdiaconatu, habita saltem absolutione à suspensione; sed ad ordines superiores non potest ascendere sine dispensatione Papæ. Salua, &c.

S V M M A R I V M.

- 1 Ordinarius religiosorum est prælatus, seu superior eorum, & ad ordines suscipiendos dimissorias dat.
1 Prælatus exemptus iurisdictionem habet quasi episcopalem.

C O N S I L I V M X X X V I.

QUIS sit ordinarius religiosorum ad dandas dimissorias literas ad ordines; de quo loquitur cap. 8. de reform. sess. 23. Concil. Tridentini?

- 1 Respondetur, quod prælatus superior huiusmodi regularis est quo ad hoc eius ordinarius. Tum quia vere est superior eius ordinarius, habens in cum

eum iurisdictionem ordinariam, cap. cum ab ecclesiarum praelatis. de officio. ord. l. fin. C. de iurisdic. omn. ind. Tum quia cum sit exemptus à iurisdictione episcopali, dicitur habere iurisdictionem quasi episcopalem, iuxta gloss. solemn. & receptam clem. 1. verbo proprii. de reb. eccles. non alienand. Tum denique quod cap. 10. de reformatione praeferat sess. 23. probat à contrario sensu, quod Abbates exempti possunt dare literas dimissoriales ad ordines suscipiendos regularibus suis.

Hoc tamen est intelligendum, si praedicti religiosi habeant ad hoc privilegium: alias enim ad Episcopum pertinet.

S V M M A R I V M.

- 1 Ordinarius etsi non sit presbyter, non tamen ob id prohibetur dare dimissorias.
- 1 Abbas dans dimissorias saeculari etiam suo subdito est suspensus per annum ab officio, & beneficio.
- 2 Suspensus ab officio ministrans sit irregularis.
- 2 Suspensus à beneficio non facit fructus suos; perceptosque, qui suam excedunt sustentationem, ecclesiae restituat.

CONSILIVM XXXVII.

AN ABBAS, qui cum non esset presbyter, dedit literas dimissorias famulo suo saeculari ad assumendum ab alieno Episcopo ordines sacros, teneatur restituere fructus perceptos illo anno, etiam si famulus erat subditus iurisdictioni eius temporali, & ecclesiasticae, non tamen erat religiosus subditus eius.

- 1 Respondetur, quod ipse incidit in poenam suspensionis ab officio unius anni positam sess. 7. de reform. cap. 10. & à beneficio, sess. 23. cap. 10. Concil. Trid. non quia non erat presbyter; sed quia, etiam si presbyter fuisset, non poterat dare literas dimissorias ad maiores ordines, ut definit d. cap. 10. de reform. sess. 23. eiusdem Concil. quia is, cui dedit dimissorias, non erat regularis, sed saecularis; licet esset sibi subiectus quo ad iurisdictionem etiam ecclesiasticam, ut in casu proponitur.
- 2 Et quia nunc quaeritur an teneatur restituere fructus, & cui; respondeo, quod dominus consulens maiorem curam debuisset habere de alia quaestione, an scilicet incurreret irregularitatem. Et respondeo ad has tres quaestiones. Primo ad hanc superadditam, quod ipse fuit factus irregularis, si durante illo anno suspensionis non abstinuit à divinis; quia erat suspensus ab officio: & suspensus ab officio immiscens se divinis fit regularis, cap. 1. de re iudic. lib. 6. & cap. 1. de sent. excommun.

A D S E C V N D A M respondeo, quod tenetur restituere fructus praedicti anni, saltem illos, qui non fuerunt sibi necessarij ad vitam sustentandam, per ea quae gloss. Panorm. & communis asserunt in cap. pastoralis. 9. verum. de appell.

A D T E R T I A M, quod restitutio illa fieri debuit ecclesiae, ut ibidem Panormit. & Dec. determinant. Salva, &c.

S V M M A R I V M.

- 1 *Episcopus absolvere potest ab omni suspensione à iure lata, & Papæ non reservata.*
- 2 *Episcopus approbando suum subditum ab alio ordinatum, non ratificat quod nomine suo non est actum, sed approbat quod in suam est factum iniuriam.*

C O N S I L I V M XXXVIII.

AN EPISCOPVS possit habere ratum, quod aliquis suorum clericorum citra illius licentiam, hoc est sine literis dimissorijs, fuerit ordinatus?

Respondeo, quòd licet Petrus Rebuffus in praxi benef. tit. de formula literarum dimissorialium, nu. 9. tennet partem negantem; nobis tamen magis arridet contraria. Tum quia est conformis communi resolutioni

- 1 Innoc. & aliorum in cap. si quorundam. de solutio. quæ habet, Episcopum posse absolvere ab omni suspensione à iure lata, & Papæ non reservata, qualis est illa, de qua loquimur. Tum quia proprius Episcopus non ratificat ordinem male assumptum ab alieno, illa ratificatione, qua quis potest habere ratum nomine suo gestum, & non gestum nomine alieno, iuxta regulam ratum. de reg. iuris lib. 6. vt parum caute putavit Rebuff. sed de approbatione, qua quis potest approbare factum ab alio in iniuriam suam, & qua auctoritate iuris potest absolvere ab aliqua censura, vel pœna, quam alius incurrit: de quali approbatione loquuntur cap. Lugdunensis. 9. q. 2. & Concil. Triden. cap. 8. de refor. sess. 23. & alia iura, quæ suspendunt aliquos male ordinatos, vsque ad arbitrium proprii Episcopi, vel vsque ad voluntatem eius, de qua etiam loquimur in casu proposito.

S V M M A R I V M.

- 1 *Episcopus laicum alienum ordinare non potest.*
- 2 *Ordinis collatio ab alieno facta tenet, nec est repetenda.*
- 2 *Character Episcopo, vel psalmiste non imprimitur secundum Theologos, licet secus secundum Canonistas tenentes hos etiam esse ordines.*
- 3 *Ordinatus prima tonsura ab alieno non incidit in censuram suspensionis, licet sit suspensus quo ad effectum ne licite possit eo vi.*
- 3 *Ordinatus ab alieno ad sacros, vel ante aetatem, hodie suspensus.*

C O N S I L I V M XXXIX.

AN EPISCOPVS possit iuste ordinare laicum alterius diocesis?

Secundo, an esto quod non possit iuste id facere; si fecerit, ordinatus sit suspensus?

- 1 **AD PRIMAM QVAESTIONEM** respondeo quod non, per cap. 1. & 2. de temporibus ordin. lib. 6. nam quicquid dicat Guidus Papæ in decis. 449. Delphinat. prædicta duo cap. probant, quòd Episcopus non debet ordinare aliquem, qui sibi non subest ratione ordinis, beneficii, vel domicilij. cuius decisionis ratio est illa, quod Episcopus non habet iurisdictionem spiritualem, nisi in illis: quod etiam aliter confirmat Franc. Marc. in decis. 107. Et resolvendo illa, quæ ipsi inuoluunt, addo primo, quod collatio ordinis

ordinis, etiam ab alieno Episcopo facta, tenet: ita quod non debet repeti: quia tenendo cum Canonistis, quod sunt nouem ordines, per illam imprimatur character: & tenendo cum Theologis, quod non sunt nisi septem; & quod in prima tonsura, & episcopatu nō imprimatur character; fit tamen saltem benedictio, & deputatio consecratiua, quæ non debet repeti, nec potest tolli, nisi modis à iure expressis, iuxta ea, quæ de benedictione constitutiua rei sacræ diximus in cap. non liceat Papæ. 12. q. 2. §. 18. nu. 9.

- 3 AD SECVNDAM respondeo, quod est suspensus ad effectum, quod non licet ei vti eo ordine, donec Papa, vel Episcopus suus ratificet: sed nō est suspensus ad hoc, quod si vtatur eo, incurrat irregularitatem, vt Ioan. And. cum glo. & communi videtur resolueri in d. c. 2. quia quo ad hoc non est suspensus ipso iure, sed suspendendus, cap. quod translationē. de temp. ord. sicut ordinatus ante ætatem, cap. vel non est. eod. tit. quod est verum iure antiquo, etiam quo ad ordines sacros: nouo tamen prodito per extrauag. cum ex sacrorum. Pij II. sic ordinatus ad sacros est suspensus ipso iure; ita vt celebrans ante absolutionem fiat irregularis. Salua, &c.

S V M M A R I V M.

- 1 Ignorantia probabilis excusat à suspensione Episcopum ordinantem alienum subditum.

CONSILIVM XXXX.

AN EPISCOPVS ignoranter ordinans alienum parochianum sine licentia sui ordinarij sit suspensus?

- 1 Respondeo, quod nō est suspensus, si probabiliter id ignorabat. tum per §. notandū. 1. q. 4. & alia citata per eius glo. tum quia cap. eos. de temp. ordin. lib. 6. quod imponit pœnam suspensionis ordinanti alienum parochianum, sine licentia superioris, requirit vt id faciat scienter, vel affectata ignorantia.

S V M M A R I V M.

- 1 Iurisdictionem suam nemo extra territorium suum exercere potest, nisi sit voluntaria, vel de ordinarij & partium consensu. nu. 2. & 3.
1 Ordinare non potest Episcopus sibi non subditos sine licentia Episcopi ordinandorum, & loci in quo ordinantur. nu. 3.
2 Intellectus cap. 5. sess. 6. Concilij Trid. & nu. 4.

CONSILIVM XXXXI.

AN EPISCOPVS iuste possit in diœcesi alterius de licentia diœcesani ordinare alios clericos, quam ei subditos, habentes literas dimissorias suorum Episcoporum.

- 1 Pro parte negante facit primo, quod nemo potest extra suum territorium iurisdictionem suam exercere, l. fin. de iurisd. omn. iud. cap. 2. de cōstit. lib. 6. Secundo facit, quod Episcopus non valet ordinare sibi non subditos, cap. eos. de temp. ordin. lib. 6. Tertio, quod Concil. Trid. sess. 6. cap. 5. de reform. videtur hāc partem probare. Primo quidem, quatenus statuit, quod

quod nullus Episcopus possit in aliena diœcesi ordinare aliquem, nisi de licentia Episcopi proprii. Secundo, quatenus habet, quod neque de licentia sua alios, quam ei subditos.

Pro parte tamen affirmante, quæ tenenda est, facit primo, q̄ potest quis iurisdictionem suam extra suū territorium exercere, vt beneficiū conferre, iuxta glo. in cap. nouit. de off. leg. & audire confessiones penitentium, & eos absolueret, Hostien. in tit. de pœnit. §. cui confitendum. Secundo, quod Episcopus rogatus ab alio Episcopo, vel à Cap. sede vacante, potest ordinare in diœcesi rogantis, & inuitantis, cap. pontifices. 7. q. 1. quod & præfatum Concil. exprimit. Tertio, quod omnis iurisdictione etiam contentiosa potest exerceri in alieno territorio de consensu iudicis illius, & partiū quas tangit, vt tenet Alex. Iason, & melius Dec. nu. 9. in d. l. fin. ff. de iurisd. omnium iudic. & in questione proposita præsupponitur, quod Episcopus diœcesis, & clerici ordinandi, dando literas dimissorias, cōsenserunt. ergo licet. Quarto, quod præfatus canon Concil. Trid. non loquitur de Episcopis ordinantibus in aliena diœcesi de licentia diœcesani, sed solum de ordinare volentibus ratione priuilegiorum, quæ habent à sede Apostolica ordinandi extra suas diœceses: quales erant ante Concil. Trident. multi Episcopi titulares, & ordinabant vbicumque volebāt, sine Episcopi illius loci consensu: & ita non debet extendi ad eum, qui ordinat de consensu Episcopi diœcesis, & ordinandi. Tum quia exorbitat à iure communi. Tum quia non est eadem ratio, sed longe diuersa: cum in altero casu nulli fiat præiudicium, in altero vero sic, & non solum Episcopo loci ordinationis, sed Reipub. per ordinationes indiscrete factas. Quarto, quod hoc iure communi obseruabatur ante Concil. Trid. & videmus idem obseruari post illud: nam in omnibus ecclesijs cathedralibus Hispaniæ vacantibus, post anni lapsum Cap. inuitat aliquem Episcopum titulare, vel vicinum, vt celebret ordines generales in sua ecclesia vacante; & ille ordinat omnes quos posset ordinare Episcopus proprius, id est subditos eius, & alios qui afferunt literas dimissorias suorum Episcoporum. idem etiam seruatur, quando Episcopus proprius ob ægritudinem, absentiam, vel aliam causam non celebrat per se ordines generales, sed rogat alium Episcopum vicinum, vel titulare, vt eos pro eo celebret: ipse autem substitutus ordinat omnes, quos substituens poterat ordinare, nempe suos subditos, & alios iustis literis dimissorijs munitos.

- 3 Non obstat opposita. Ad primum enim respondetur per primū & secundum fundamenta pro hac nostra parte facta, scilicet concedendo quod regulariter nemo potest exercere iurisdictionem suam extra territorium; sed quod fallit in iurisdictione voluntaria, & etiam in contentiosa, quando tam iudex territorij, quam partes quas tangit consentiunt, vt dictum est in tertio fundamento. Ad secundum, concedendo, quod nemo debet regulariter ordinare alium, saltem non sibi subditum, in aliena diœcesi; sed quod fallit, quando Episcopus proprius loci, & clericus ordinandus, & eius Episcopus consentiunt, vt in casu proposito. Ad tertium respondetur
- 4 primo, quo ad primam inductionem, quod canon Concilij non loquitur de or-

de ordinante de consensu Episcopi territorij, in quo ordinat, sed de alio, ut in 4. fundamento dictum est. Secundo, quo ad secundam inductionem, respondetur quod non vetat ordinari alios, qui non subsunt Episcopo loci concedenti licentiam, si etiam adsit licentia Episcopi illius, qui vult ordinari. Tertio respondetur, quod loquitur de volente ordinare ratione priuilegij, & non de volente ordinare de consensu ordinariorum, ut prædictum est. Quarto, quod mens & sensus eius est dicere, quod non sufficiat licentia Episcopi loci: quod & nos fatemur: palam enim est, quod non potest ipse dare licentiam ordinandi subditos aliorum Episcoporum in sua diœcesi sine illorum consensu & licentia; non tamen negat, quod substitutus ab eo non possit ordinare alios venientes cum licentia suorum superiorum; sicut & ipsemet posset ordinare: & ita si concedit licentiam ordinandi generaliter in suo territorio, poterit etiam ordinare alios rite dimissos à suis Episcopis: & si dederit licentiam particulariter ordinandi hunc vel illum, hos vel illos habentes litteras dimissorias, poterit ordinare illos: quia nulli fit præiudiciū, ut dicitur in quarto fundamento. Salua, &c.

S V M M A R I V M.

1. Intellectus cap. 1. sess. 14. de reformatione Concil. Trid.
2. Occultum ob crimen clericus secularis non potest ab Episcopo impediri ab ordinum susceptione, secus in clerico regulari.
2. Occultum ob crimen etiam enorme non incurritur irregularitas, nisi ob homicidium, & alia in iure expressa crimina.

CONSILIVM XLII.

- A**N CAP. 1. sess. 14. de refor. Conc. comprehendat clericum sacularem?
1. Nos semper credimus præfatum cap. 1. Concil. Trid. sess. 14. de refor. intelligendum esse de religiosis, de quibus speciatim loquitur, & non generaliter de omnibus clericis etiam secularibus. Tum per ea quæ supra diligenter scribuntur. Tum quod nullatenus videtur dicendum prædictum cap. ex tenore, corrigi per cap. ad aures. sed potius declarari per cap. ult. de temporibus ordin. per quod & alia dicimus in Manu. confess.
2. cap. 27. nu. 249. per nullam enormitatem criminis occulti irregularitatē contrahi, nisi homicidij, vel aliorum, de quibus exprimitur in iure; neque posse impediri ab ordinum susceptione per Episcopum, si est clericus secularis, per d. c. ult. & per cap. si tantum. 6. q. 2. vbi est casus optimus. Salua emunctissima D. M. iubentis respondere censura mihi valde suspicienda.
- Forte tamen sacra Congreg. censuit contrarium.

S V M M A R I V M.

1. Notorius talis in vno loco, puta excommunicatus, concubinariis, est vbique talis, & sine peccato potest ut talis alijs ignoratibus revelari: nec Episcopus, etiā vbi hæc ignoratur, potest cum tali vti facultate cap. 6. sess. 24. sacri Conc. nu. 4.
2. Infamis est in foro exteriori, qui iniuste tamquam fur fuit per sententiam iudicis sustigatus, seu ictibus sustium cæsus; at in foro conscientie sequi, si sententia,

tia, & per consequens etiam fustigatio fuit iniusta: unde ubi prædicta omnino ignorantur, potest ordines postea susceptos exercere. num. 5. licet in foro exteriori posset puniri. num. 3.

CONSILIVM XLIII.

QV A E R I T V R primo, an quod est notorium in aliquo loco, sit censendum notorium ubique.

Secundo, an Ioannes, qui fuit cæsus virgis per sententiam iudicis, sit infamis, cum tamen sententia fuerit iniusta.

Tertio, an prædictus Ioannes, suscipiendo ordines, incurrerit aliquam censuram, aut irregularitatem.

Quarto, an ordinarius possit cum illo dispensare virtute cap. 6. Concil. Trid. sess. 14. ubi conceditur facultas Episcopis dispensandi cum suis subditis in omni irregularitate proveniente ex delicto occulto, excepta ea quæ provenit ex homicidio voluntario.

Quinto, an cum prædictus Ioannes sit modo in loco distantissimo à sua patria, ubi nullus scit ipsum fuisse ictum fustibus, possit ipse tacere & ministrare in suis ordinibus.

1 AD PRIMAM QVAESTIONEM respondeo, id quod est notorium alicubi, censendum esse notorium ubilibet; adeo quod de illo qui notorie est excommunicatus, concubinarius, vel condemnatus alicubi, potest dici sine peccato alibi etiam longissime ab eo loco, quod est excommunicatus, concubinarius, vel condemnatus.

2 AD SECUNDAM, quod difficile potest negari præfatū D. Ioannē non esse infamem quo ad forū exterius: quia passus fuit ictus fustium per sententiā iudicis latā in causā criminali mota super furto, cuius tenorem voluissē vidisse, antequā respondissem. Quāvis videatur posse defendi nō esse infamem quo ad forū conscientiarū: quia crimen impositum ei nō fuit probatum, & crimen confessum erat aliud à crimine, cuius accusabatur; & quod metu tormentorum fuit falsē confessus illud: & consequenter sententia erat coram Deo iniusta, & etiam fustigatio.

3 Ad TERTIAM respondeo, quod per præfatam ordinationem nullam censuram nec irregularitatem cōtraxit; licet censendus sit deliquisse male ordinem suscipiendo quo ad forum in quo censetur infamiam incurrisse facientem eum indignum ad ordines, quos suscepit; & posset ob hoc castigari, & deponi, vel suspendi ab omnibus susceptis.

4 AD QVARTAM, quod ordinarius non potest virtute præfati cap. quicquam super hoc facere: quia nec infamia nec causa eius sunt occulta quo ad forum exterius.

5 AD QUINTAM respōdeo, quod si patria prædicti D. Ioannis est, ut ipse ait, distātissima à loco in quo ei hoc infortuniū cōtigit, & probabiliter creditur quod nemo scit, nec sciet illud ibi, nisi ipsemet reuelet illud, qđ ego credo; optimū remediū fuerit ei tacere hoc perpetuo, & inservire Deo ibidem; attento quod non videtur incurrisse prædictam infamiam quo ad forum conscientiarū, & quod in foro exteriori non incusabitur ibi.

- 1 Capitulum sede vacante succedit in omnem iurisdictionem episcopalem per se, vel per alium ad id idoneum exercendam, & successiue inuitandi Episcopum alienum ut celebret ordinationes in sua ecclesia, & dandi licentiam suis clericis, ut ordinentur ab eo. num. 2. & 3.
- 2 Ad legem seu potestatem iurisdictionis spectat cōcedere alicui Episcopo, ut in concedentis diœcesi possit ordinationes tenere, & alia pontificalia exercere, ac licentiantis subditos ordinare.
- 3 Capitulum intra annum à die vacationis sedis episcopalis non potest dare literas dimissorias, seu reuerendas, sed bene post illum.
- 4 Intellectus cap. 5. sess. 6. Concil. Trid.
- 5 Episcopus ex priuilegio non potest ordinare in aliena diœcesi sine licentia ordinarij, & nisi clericos illi ordinario subiectos.
- 6 Episcopus vicinus, vel alius cōmunionem Sedis Apost. habens inuitatus ab ordinario potest supplere vices suas, & celebrare ordinationes generales. 6.
- 7 Canon exorbitans à iure communi non est extendendus ad ea, quæ non comprehenduntur sub eius verbis.

CONSILIUM XXXXIV.

EPISCOPVS Vssellen. sede vacante ecclesiæ Turritan. rogatus à Capitulo post lapsum anni, ut celebraret ordines in ea, ordinauit clericos eiusdem approbatos per Capitulum, & clericos suæ diœcesis approbatos per semetipsum, & alios aliarum diœcesum cum literis dimissorijs. Consecrauit item aliqua de licentia eiusdem Capituli, & exercuit pontificalia. Queritur an hæc iuste facere potuerit?

- 1 Respondeo affirmatiue, potuisse illa iuste & sancte facere. Primo quidē, quia cum agitur de potestate Capituli sede vacante, faciēda est regula affirmatiua, videlicet quod Capitulum succedit in omnem iurisdictionem episcopalem per se, vel per alium ad id idoneum exercendam, cap. his quæ. & cap. cum olim. de maior. & obed. cap. si Episcopus. de suppl. negl. prælat. lib. 6. vbi bona glo. verbo spiritualium. & etiam in d. cap. his quæ. verb. pacis. & per aliquot alia, quæ Franc. Pauin. ad hoc adducit in tract. de potest. capit. sede vac. 1. par. q. 1. à n. 3. At præfatus Episcopus Vssellen. potuisset rogatus ab Archiepiscopo Turritano viuentem præfata omnia facere, ergo etiam potuit de licentia Capituli sede vacante.
- 2 Secundo, quod etiam alia regula specialior habet, quod Capitulum succedit sede vacante in facultate rogandi & inuitandi Episcopum alienum ad celebrandum ordines in sua ecclesia vacante, & dandi licentiā clericis suæ diœcesis, ut ordinentur ab eo, per cap. pontifices. 7. q. 1. & d. cap. si Episcopus. & gloss. in d. cap. & per cap. cum nullus. de temp. ord. lib. 6. & alia, quæ adducit idem Pauinus in prima parte præfati tractatus. q. 3. quamuis quibusdam parum necessarijs se idem occupet.
- 3 Tertio, quod hæc omnia, quæ fecit præfatus Episcopus, ptinēt ad legē iurisdictionis, ut glo. recep. docet in cap. dilectus. de off. ord. & ut prædictū est, Capitulum sede vac. succedit regulariter in omnē iurisdictionē episcopalem.

4 Quar-

4. Quarto, quod non obstat cap. 10. sess. 7. Conc. Trid. quatenus adimit Capitulo facultatem dandi literas dimissorias, siue reuerendas intra annum à die vacationis, nō autem de ijs quæ potest facere post annum à die dictæ vacationis; vt sunt quæ proponuntur, quæ post illum contigerunt.
5. Quinto, quod nō obstat etiā cap. vlt. de refor. sess. 6. eiusdē Cōcil. quatenus habet, quod Episcopus respectu priuilegij dati sibi ad cōferendū ordines in aliena diœcesi, nō debet ordinare sine licētia ordinarij, nec cū ea, nisi clericos illi ordinario subiectos: quia ille canon loquitur de Episcopo ordināteratione priuilegij sibi ad id cōcessi; in casu autem proposito agitur de Episcopo rogato, & inuitato, vt ordines generales celebraret ratione iuris cōmunis, quod habet, vt vicinus Episcopus, vel alius cōmunionem sedis Apost. habēs rogatus & inuitatus ab ordinario possit in sua diœcesi vices suas supplere, & celebrare ordines, iuxt. cap. pontifices. 7. q. 1. & alia supra citata. Quē canonē sic esse intelligendū, probatur primo, quia exorbitat à iure cōmuni: & ideo nō est extēdendus ad ea, quæ nō cōprehenduntur sub eius verbis. cap. quæ à iure. de regul. lib. 6. & cōstat eū, qui huiusmodi rogatu, sine vllō alio priuilegio prætēso ordinet, nō ordinare prætextu priuilegij. Secundo, quod ratio, quæ mouit Cōcilium ad id statuendū, fuit, vt arceret abusus, quos multi Episcopi titulares ratione priuilegiorū Apostolicorū admittebant ordinādo tū tēporibus à iure statutis, tū alijs: quod cessat in nostro casu; & ita cessare deberet canon, etiam si verba illū cōprehenderēt, l. adigere. 6. quāuis. ff. de iur. patron. quæ tamen nullatenus eū cōprehendūt. Tertio, quod sequeretur præfatū Vssellen. Episcopū nō potuisse ordinare etiā clericos sui episcopatus; qđ nemini videbitur verisimile.
6. Sexto, quod nō solū cōsuetudo antiqua, sed etiā recēs, etiā post Cōciliū seruata, etiā per ipsosmet Episcopos, qui interfuerūt ei, habet, vt omnes Episcopi rogati ab eis ad supplendū vices suas, & ad celebrandos ordines generales statutis à iure temporibus, ordinent omnes illos, quos ipsimet ordinare possent, si per se ordines celebrarent.
7. Septimo, quod alioqui post præfatū Conciliū nullus potuisset, nec posset ordinari ab vllō Episcopo generales ordines pro alio celebrāte cū clericis illius Episcopi, pro quo celebrat; qđ cōsequeretur plurimas presbyterorū centurias male ordinatas, & quotidie male ordinari; quod videtur absurdū, & ideo nō dicēdū. l. nā quod absurdū. ff. de bonis libert. Salua, &c.

S V M M A R I V M.

1. *Dispensandi commissionem habens cum aliquo ad omnes ordines, in dubio in primo actu censetur ad omnes dispensasse, & non ad primos solum.*
2. *Dispensatus ad sacros ordines suscipiendos creditur is pro quo superior Papam supplicauit, & ad minores ordines suscipiendum misit.*
3. *Credenda sunt quæ communiter accidunt, non autem insolita, regulariter.*

C O N S I L I V M X X X V.

QVIDAM prælatus regularis petijt à Papa verbo, vt posset habilitare N. suum religiosum ad omnes ordines: qui prælatus, ordinationis tem
M 2 pore

pore adueniēte, dicto N. dedit reuerētiales ad quatuor minores, & subdiaconatum: quibus susceptis prælatus mortuus est; & ipse N. de licētia successoris alios maiores ordines accepit. Dubitatur an sit recte ordinatus.

- 1 Respōdi, mea sentētia, credere posse prædictū religiosum se esse rite ordinatum: quia probabiliter credere potest, quod prælatus suus fecit eū habilem ad omnes illos simul, si Papa ei cōmisit potestātē id faciendi: quoniā nō est verisimile, quod prælatus particulatim eū habilitabat nunc ad hūc ordinē, nunc ad aliū: nō enim erat boni & prudētis prælati id facere cum periculo, quod ipso mortuo, oporteret iterū refugere ad Papam; & communis stylus cōmissariorum ad habilitādum quem ad omnes ordines est, ut vnico actu id faciāt: & nō est præsumendum quid stultū & malū de bono prælato, cap. 1. de scrutinio ab ord. fac. & quæ cōmuniter accidūt, sunt regulariter credenda, l. si possidetis. C. de probationibus. & glo. l. neque natales. eod. tit. & insolita non sunt credenda, cap. quia non est verisimile. de præsumpt. Quāuis ad redūdātē cautelā posset peti à sūmo Pœnitētiario, ut prædictā ordinationē haberet ratā, & dispensaret super irregularitate, si & quatenus opus esset, quamuis mihi videatur non esse opus. Salua, &c.

S V M M A R I V M.

- 1 *Ordinatus sacris sine titulo olim erat suspensus.*
- 1 *Pœna ordinati sine titulo in pœnam ordinantis mutata quando habeat locum. nu. 4.*
- 2 *Fraus & dolus nemini debent patrocinari.*
- 2 *Ordinatus cum titulo quasito cum pacto restituendi, suspensus.*
- 3 *Ordinans alere non tenetur ordinatum, qui se patrimonium habere mentitus est.*
- 3 *Ordinatus sine titulo quando post Concil. Trid. est suspensus, si decepit ordinatorem.*

CONSILIVM XXXXV.

AN PROMOTVS proprio motu Episcopi sui ad titulum patrimonij, quod reuera habebat, sed erat & est subiectum restitutioni dotis matris suæ, quæ iam erat monialis, & est nunc septuagenaria; & ipsa bona à promotō possidentur, & ita ratione illius sunt immunia ab onere gabelarum: verum tamen est, quod ipsum patrimonium forsā non est sufficiens ad iustam ipsius promoti sustentationē: an sic ordinatus post Concil. Trid. sit suspensus; & cum celebrauerit, irregularis?

Respondeo, quod in hoc argumento duæ quæstiones videntur proponi. Prima, an patrimonium illud dicatur sufficiens, ita ut ordinatus excusetur à peccato, & pœna peccati. Secunda, an præsupposito, quod non fuit sufficiens, incurrerit suspensionem assumendo ordines ad illud.

AD PRIMAM QVÆSTIONEM non videtur posse responderi sine ampliori informatione.

- 1 **AD SECVNDAM** respondeo, eam esse fatis difficilis resolutionis. Pro qua faciēda & fundanda, præsuppono, quod ordinatus ordine sacro absolute, id est sine titulo patrimonij, vel beneficij, est suspensus secundum canones antiquos, cap. neminem. & cap. sanctorum. 70. dist. Secundo dico, quod illa pœna fuit commutata ab Innocentio III. cap. cum
- secun-

secundum. de præben. in pœnam ordinantis, qua cogitur alere ordinatum. Tertio dico, quod illa mutatio videtur restringenda ad ordinatum, qui bona fide ab Episcopo sciens, vel debente scire eum non habere quod aleretur, ordinatur; non autem videtur comprehendere illum, qui per mendacia & fraudem fingendo titulum decepit Episcopum. Tum quia dolus & fraus alicui non debet patrocinari, cap. sedes. de rescript. l. itaque fullo. ff. de furt. Tum quia alioquin ordinans sine culpa puniretur, contra cap. 2. de constitu. & ordinatus cum culpa esset à pœna immunis, contra legem sancimus. C. de pœnis. Tum per cap. per tuas. il 3. de simon. quatenus habet, eum qui ordinatur ad titulum patrimonij quasi cum pacto de restituendo illud post ordinationem, esse suspensum, donec dispensetur cum eo. Facit quod Decius cap. Episcopus. num. 13. de præben. dicit ordinatorem non teneri ad alendum ordinatum, qui se diuitem esse dixit. Quarto quod innouatio pœnarum contra absolute ordinatum, quam facit Concil. Trid. cap. 3. sess. 21. videtur intelligenda de pœna præfatorum canonum neminem. & sanctorum. quæ fuit sublata per d. cap. cum secundum. & consequenter tantum de pœna illorum, qui ordinantur decipientes ordinatores, affirmando se habere beneficium, vel patrimonium, & monstrando vel probando aliqua, per quæ ordinator probabiliter credit ordinato, ut in casu d. cap. per tuas. Tum quia non fuit, nec debuit esse intentio Concilij Tridentini, destruere præfatam decretalem, cum sit providentissime facta, argum. cap. ecclesia vestra. il 1. de elect. & l. si quando. C. de inofficio. testam. Tum quia innouatio præfata satis utilis est, intellecta de pœnis quas merentur decipientes ordinatorem; & cum sit pœnalis, non est extendenda ad alium casum, cap. pœna. de pœnit. dist. 1. præsertim in quo non est eadem ratio.

Ex his infertur resolutio casus nostri, nempe, quod si præfatus ordinatus decepit suum ordinatorem, dicendo quod habebat titulum patrimoniale sufficientem, ita quod probabiliter ordinator credidit, & debuit credere, incurrit suspensionem, & celebrando irregularitatem, & ordinator non tenetur eum alere: & contra si ordinatus non decepit ordinatorem, ipse est immunis à suspensione, ordinator autem est obligatus ad eum alendum per d. cap. cum secundum. Salua, &c.

D E A E T A T E , E T Q V A L I T A T E , ET ORDINE PRÆFICIENDORVM.

S V M M A R I V M.

1 *Infantis ad beneficiū præsentatio & institutio est inualida: & pueri ante quartum-decimum annum beneficij habentis administrationem de iure, & per Conciliū Tridentinum etiam aliorum sunt incapaces.*

2 *Beneficium simplex per adeptionem curati non vacat.*

Nauar. Conf. Pars I.

M 3

CON-

QUIDAM patroni præsentauerunt ad simplex beneficium N. adhuc minorem septennio, qui statim institutus ad titulum illius fuit ad minores ordinatus, & factus legitimæ ætatis obtinuit parochialem. Quæritur, an præsentatio & institutio prædictæ valuerint, & an per assencionem parochialis vacauerit illud simplex beneficium.

- 1 In præsentati casu non valuit præsentatio, neque institutio facta, non quidem ea ratione quod infans incurrat suspensionem per promotionem ad ordines minores ante septimum annum completum, sicut promoti ad maiores eam incurrunt, si ante legitimam ætatem promoueantur, per extrauag. cum ex sacrorum Pij II. quia illa tantum disponit de promoti ad ordines sacros: sed alia ratione irrefragabili est nulla, quia infans est incapax beneficii ecclesiastici, vt dicit Innoc. in cap. cum nostris. de concess. præben. ab omnibus receptus, vel saltem à nemine reiectus. pro quo facit cap. fin. de temp. ordin. lib. 6. quatenus habet infantem ordinari non debere, & gloss. recep. in cap. si eo tempore. de rescript. eod. lib. quatenus in verb. ætatem. habet infantem indignum esse omni beneficio etiam simplici. Alia item ratione videtur idem concludi, videlicet quod pueri ante quatuordecim annos non sunt idonei ad obtinendum beneficium etiam simplex per se stans, & requirens regimen, quale est hoc de quo agitur, vt Hostien. quem sequitur prædicta gloss. & Panor. cum communi in cap. super inordinata. de præben. affirmat, & Concil. Trid. cap. 6. de reform. sess. 24. statuit. Cæterum prædictum beneficium simplex non vacasset per ademptionem curati ipso iure, si collatio tenuisset, cap. præterea. de præben. & cap. de multa. per locum ab speciali eod. tit. Salua, & c.

S V M M A R I V M.

- 1 Præsentatio ad beneficium curatum, & collatio facta minori 25. annorum est nulla, & debet à Papa cū consensu patroni adhuc durantis peti noua promissio. & n. 3.
- 1 Intrusus cõfendus minor 25. annis, qui præsentatus & institutus ab ordinario, fructus de beneficio curato capit.
- 2 Intrusionis & fructuum perceptorum mentionem facere tenetur male promissus petens à Papa confirmationem.
- 4 Parochus nulliter institutus debet abstinere nedum à fructuum perceptione, sed etiam ab omnibus, quæ spectant ad rectorem.

CONSILIVM II.

PATRONVS laicus ad beneficium curatum tunc vacans clericum primæ tonsuræ, & ætatis suæ 23. annum agentem præsentauit, qui fuit ab ordinario de dicto beneficio curato institutus; & per annum & ultra virtute præsentationis, & institutionis per vicarium in dicto beneficio seruiuit, & fructus ex eo percepit: & modo cum in proximo mense impleat 24. ætatis annum, & 25. incipiat; Quæritur vtrum perceptos fructus suos absque dispensatione faciat, & an præsentatio & collatio prædicta sit nulla,

nulla; & vtrum completa ætate, noua egeat promissione; & casu quo egeat, petit remedium, vt licite valeat dictum beneficium retinere.

- 1 Pro resolutione omnium quæ supra quæruntur, dico primum, præsentationem præfatam fuisse inuvalidam, & ipso iure nullam, quippe quod fuit per eam præsentatus indignus ætate, quam beneficium curatum, ad quod fuit facta, requirit necessario. Illa enim requirit ætatem 25. annorum saltem cœptorum, cap. cum in cunctis. 6. inferiora. de electione.

Dico secundum, quod institutio, qua ordinarius præfatum præsentatum instituit, est etiam ipso iure nulla per eundem 6. & consequenter tam patronus præsentando, quam ordinarius instituendo, grauiter peccauerunt, arg. cap. graue. de præbend.

- 2 Tertium, quod prædictus præsentatus capiendõ possessionem virtute prælatæ præsentationis, & institutionis, videtur vitium intrusionis contraxisse, iuxta ea quæ tradit Felin. in cap. in nostra. corollario 2. de re scriptis. Itaque collatio, & impetratio de illo facta non expresse vitio intrusionis esset nulla per opinionem magis receptam: et si quos fructus ceperit præfatus præsentatus & institutus, debet facere mentionem de illorum perceptione in impetratione, per ea quæ citat Felin. vbi supra.

- 3 Quartum remedium præfatorum optimum est, primum pœnitere multum præsentantem, præsentatum, & institutum sui peccati in dando & accipiendo titulum; & insuper præsentatum peccati, quod admisit accipiendo possessionem, ponendo vicarium, & agendo aliquos actus, quos licite nõ poterat agere, nisi canonice institutus. Deinde supplicare Sanctissimo D.N. vt dignetur præfatam institutionem ab ordinario factam confirmare; & si, & quatenus opus est, nouam collationem de consensu patroni, qui adhuc perdurat, facere cum dispensatione, vt prædictus cõsulens possit iuste accipere, & retinere ante 25. annum præfatum beneficium, narratis in petitione omnibus præfatis: essetque vtile, exprimere præsentationem pertinere ad personam illustrem, & petere, quod etiam dispenseret, vt intra annum à data literarum possit omnibus sacris etiam presbyteratus ordinari, attento quod beneficium est curatum.

- 4 Quintum, quod conuenit, vt scribatur præfato præsentato, ne vllos fructus capiat, antequam præfata impetratio obtineatur: immo quod abstineat ab omnibus, quæ ad iustum rectorem illius beneficii iure pertinent. Salua, &c.

S V M M A R I V M.

- 1 Prouisus de curato, sed nulliter ob defectum ætatis, ac non promotus, horas non recitans, plura committit peccata; primum admittendo collationem; secundum accipiendo possessionem; tertium & quartum propter erroneam conscientiam, dum falso putans se ad horas & ad promouendum teneri, iã non præstitit.
- 2 Horas canonicas recitare non tenetur, qui possidet beneficium, de quo nulliter est prouisus.
- 3 Compositio pro fructibus male perceptis tunc liberat, si illi ad eos, cum quibus se composuit, vere pertinebant.

CONSILIVM III.

E. AGENS ætatis suæ annum xvj. fuit de quodam archipresbyteratu in quadam cathedrali, auctoritate ordinaria, nulla super defectu ætatis dispensatione obtenta, prouisus, & illum per annos xj. possedit, & in lite quæ per annos nouē durauit, ex capite quod aduersario ius nō cōpetebat, obtinuit: & quia Capitulum prætendebat fructus beneficiorum litigiosorum ad ipsum spectare, cum illo soluta quarta parte circiter se cōposuit, & multas præterea in lite expensas fecit: verū quoniam vltra præfata, nec habitū gestauit, nec horas recitauit; dubitat adhuc, an ad aliquam restitutionem teneatur, vel pro dictis fructibus se componere debeat.

I Respondeo primo, præfatum E. debere multum pœnitere. Primo quidem, quod acceptauit collationem archipresbyteratus factam à Capitulo sibi non habenti legitimam ætatem. Deinde, quod accepit possessionem cum titulo minime canonico. Tertio, quod non vixerit clericaliter, nec recitauerit horas canonicas, putans se teneri ad recitandas eas, & ita peccauit omittendo eas contra conscientiam: quamuis vere non tenebatur ad dicendas eas, quia vere non habebat beneficium, cum præfatus archipresbyteratus non esset illius. Quinto, quod non fuit promotus ad presbyterium, cum tamen crederet, vel credere deberet se teneri ad illud, quamuis vere non teneretur: quia, vt dixi, illo archipresbyteratus non erat suus.

2 Secundo respondeo, quod non tenetur ad restitutionem fructuum illorum annorum, pro quibus se composuit cum Capitulo; si verum est, vt narratur, quod fructus beneficiorū, super quibus litigatur, &c. pertineant ad Capitulum.

Tertio, quod consulendum videtur ei, vt partim pro pœnitentia tot peccatorum, partim pro tranquillitate suæ conscientie; partim quia non omnis sententia, quæ tuetur in foro exteriori, tuetur & tranquillat in interiori; restitueret, aut certe componeret se super fructibus perceptis à tempore, quo desiuerunt illi pertinere ad Capitulum, per multa quæ non vacat scribere. Salua, &c.

SUMMARIUM.

- 1** Beneficium habens curam iurisdictionalem spiritualement, dicitur curatum.
- 2** Dignitas iurisdictionem spiritualement habens minori 25. ann. non confertur; in quo & ad causandum vitium execrabilis, equiparatur parochiali. num. 3.

CONSILIVM IIII.

AN QVI est minor 25. annorum possit obtinere dignitatem curam iurisdictionalem habentem, & an idem tempus requiratur ad huiusmodi dignitatem, & ad habentem curam animarum?

- 1** Respondetur primo, quod propositio quæstionis videtur secum pugnare, quatenus præsupponit esse aliquod beneficium non habens curam animarum, & habens curam iurisdictionalem. quia omne beneficium habens

habens curam iurisdictionalem spirituales visitandi, excommunicandi, interdicendi, & alia huiusmodi spiritualia faciendi, censetur habere curam animarum, iuxta text. in hoc celeberrimum in cap. dudum. il. 2. vers. tandem. de electio. ubi hoc adnotavit Panor. num. 7. & 8. & in cap. de multa. nu. 24. de præben. Quoniam duplex est cura animarum. Altera fori conscientiarum, de qua in cap. omnis. de pœnit. & remiss. Altera fori contentiosorum, de qua in dict. cap. & in extrauag. execrabilis. Ioannis xxij. §. fin. in quo tam Zenzelin. in glo. quam habet inter extrauag. Ioannis xxij. quam Guliel. in glo. quam habet inter communes id adnotauerunt ante Panor. licet ipse non alleget illas.

- 2 Secundo, quod dignitas habens iurisdictionem spirituales prædictam fori contentiosorum non potest conferri ei qui xxv. annum non attigerit, per cap. cum in cunctis. §. inferiora. de electio. Nec obstat cap. 1. de ætate & qualitate. lib. 6. quod permittit Episcopis conferre dignitates non curatas habentibus 20. annos completos: neque Concil. Trid. quod sess. 24. cap. 12. de refor. permittit easdem conferri non minoribus 22. annis: quia loquuntur de dignitatibus non habentibus curam animarum; quæstio autem proponitur de dignitate habente curam iurisdictionalem, & consequenter de habente curam animarum per supradicta.
- 3 Tertio, quod idem est dicendum de huiusmodi dignitate, quod de ecclesia parochiali, quo ad ætatem, immo etiam quo ad modificationem extrauag. execrabilis. Ioan. xxij. de præben. adiunctis glossis supradictis Zenzel. & Guliel. per §. fin. ipsius. Salua, &c.

S V M M A R I V M.

- 1 Prælati collegiati nullo iure præscriptum est certum tempus, intra quod teneantur ordinari; at monitus ordinari tenentur proximis temporibus.
- 2 Prælati collegiati suo inseruiendo Episcopo non excusantur à residentiâ, nisi magna urgeat causa.

C O N S I L I V M V.

QVAERITVR, quando teneatur promoueri prælati alicuius ecclesie collegiati curati?

- 1 Respondetur, quod non est statutum iure communi, etiam Tridentino, intra quod tempus teneatur huiusmodi prælati fieri presbyter, sub pœna priuationis ipso iure incurrenda: debet tamen promoueri proximis à iure statutis temporibus, si monitus à superiore fuerit, ut id faciat, cap. cum in cunctis. §. inferiora. de elect. & ibi Panor. Franc. in cap. statutum. de elect. lib. 6.
- AN PRODERIT eidem absenti, quo ad forum conscientiarum, percipiendo fructus, quod inseruiat Episcopo suo iuxta cap. ad audientiam. de clericis non residen.?
- 2 Respondetur, quod non; nisi magna causa vrgeret Episcopum ad retinendum eum in suo seruitio: quæ est opinio Panor. in d. cap. ad audientiam. Salua, &c.

SUMMARIUM.

- 1 Irregularis post assumptos ordines sine sui culpa, puta ex mutilatione, factus, omnia ut prius exercere potest, quibus dictus defectus non contrariatur: at qui ob defectum ætatis ex sua culpa incidit in suspensionem, & successive ministrando in irregularitatem, nihil de omnibus, quæ sunt specialiter actui cuiusvis ordinis deputata, nu. 3. ita ut nec in officijs defunctorum possit dicere, Dominus vobiscum, nec collectam quam soli presbyteri in illis solent dicere. nu. 4. celebrando tamen, novam non incurrit irregularitatem. nu. 2.

CONSILIUM VI.

SACERDOS ante legitimam ætatem creatus, an licet non possit sacrificare, alia tamen valeat exercere munera, quæ alius sacerdos non irregularis potest?

- 1 Respondeo sequentia. Primum, eum, qui factus est irregularis sine culpa sua, ut cui abscissum est aliquod membrum violenter ab alio sine culpa sua, posse gerere omnia munera, quorum exercitio non repugnat abscissio illa, per cap. 2. de cleric. ægrot. ubi Panorm. communiter receptus;
- 2 id adnotavit. Secundum, quod nullus irregularis, celebrando contra iura, incurrit novam irregularitatem: quæ est doctrina Innoc. recep. in c. si celebrat. de clerico excommunicato ministr. quem post alios etiam nos sequimur in Manual. confess. cap. 27. num. 194. Tertium, quod irregularis, de quo in casu proposito, ex culpa sua est irregularis; & ideo non solum arcetur à missa facienda, sed etiam ab omnibus illis actibus, qui sunt ordinibus specialiter deputati, à quibus etiam est alienus, sicut interdictus, secundum theoricam Imol. in cap. fin. de excess. prælat. Quartum, quod prædictus consulens non potest absque peccato dicere in officijs defunctorum illa verba, Dominus vobiscum, neque dicere orationem, quam soli presbyteri in talibus officijs solent dicere tamquam sacerdotes: quia illi actus peculiare sunt presbyterorum. Salva, &c.

SUMMARIUM.

- 1 Legi bona fide auctoritate sui prælati contraveniens non peccat.
- 2 Dispositio generalis, cum militat diversa ratio, minimum non includit.
- 3 Parvitas rei furto subtrahæ excusat à mortali.
- 4 Legem humanam male intellectam, si subsit aliqua occasio sic male intelligendi, frangens, non peccat.

CONSILIUM VII.

IN QVADAM religione statuto cauetur, ne aliquis ad dignitates promoveatur, nisi qui litteris duodecim annos operam dederit scilicet octo ante ingressum, & quatuor post ingressum religionis studijs & alijs operibus, quæ studia concernunt, concionando scilicet, & alijs huiusmodi institerit. Quidam antequam dictam religionem ingrederetur, septem circiter annis interpollatis studuit, & post illius ingressum quinque præfatis

fatis negotijs, siue operibus instando, cum nondum per 25. dies duodecimum annum compleuisset, bona fide collationem abbatiæ à suo Generali factam sibi acceptauit. Quæritur an sit tutus in conscientia.

- 1 Respondeo putare me præfatum D. consulentem non peccasse saltem mortaliter quo ad forum conscientie acceptando præfatam abbatiæ bona fide auctoritate sui Generalis. Tum quia constitutio præfata non requirit simpliciter studium continuum duodecim annorum, sed quod studuerit octo annos, & alijs quatuor in religione manserit, & studijs, & alijs negotijs, quæ studium discendi, vel concionandi, & alia huiusmodi requirunt, institerit: & is de quo agitur instetit quinque annis pro quatuor, quibus instare tenebatur. Tum quia potuit tam ipse, quam præfatus Reuerendiss. Generalis probabiliter credere, quod præfata constitutio non haberet locum in defectu paruo & minimo: quoniam licet regulariter dispositio loquens generaliter etiam minimum includere videatur, iuxta cap. 2. de appel. & cap. si proponente. de rescrip. fallit tamen, quando ratio, quæ militat in magno, non militat in minimo, vt in dicto cap. 2. de appel. adnotauit Panormit. & est text. in cap. etsi quæstiones. de simon. & in cap. terrulas. 12. q. 2. nam isto casu parum & nihil æquiparantur, vt notat Bal. in auth. præterea. C. vnde vir & vxor. Et ideo statutum, quod imponit poenam pro vulnere, non habet locum in leui vulnuscule, vt notat Bart. in l. prædium. C. de ædilit. edict. cum similibus. Et ita præfatus consulens, & Reuerendiss. Generalis probabiliter credere potuerunt, quod in casu proposito defectus ille minimus viginti circiter dierum non erat attendendus respectu temporis magni duodecim annorum. Tum quia S. Thom. communiter receptus in 2. 2. q. 59. art. 4. tenet, quod etiam lex de non furando, quæ de se obligat ad mortale, non obligat furem paruæ rei ad peccatum mortale: pro quo solet allegari cap. vnum. 6. si. 25. dist. Tum quia de æquipollentibus nõ refert quod fiat. l. fin. ff. manda. cap. licet ex quadam. de testibus. At studiũ quod fecit ante ingressum ordinis, & quintus annus, quo post studium Theologiæ incubuit in conciones, & in alia studia requirentia, æquipollet, immo superat defectum præfatorum circiter viginti dierum præsertim coram Deo: ergo illud supplebit prædictum defectum paruum.
- 2 Tum quia Innoc. in cap. per tuas. 2. de simon. tenet, eum qui contrauenit legi positivæ humanæ, eo quod male illam intellexisset, excusari à peccato: & D. consulens male intellexit præfatam constitutionem, putando quod defectus studij tam parui temporis non noceret ei, & quod studium plurium annorum præcedens ingressum religionis iuaret eum; & ita quia potuit ob præfatas rationes occasionem aliquam habere credendi illud, excusatur à peccato mortali coram Deo: quamuis in foro exteriori posset à maleuolis inquietari, à quibus per præfata satis defendi posset in prætorio iudicum eruditorum.
- 3
- 4

CONSIL. LIB. I. DE SACRA VUNCTIONE:

SUMMARIUM.

- 1 Balsamum Indicum verum est balsamum, & ex eo potest confici chrisma.
- 2 Chriftatis de essentia non est balsamum. num. 4. & seq.
- 3 Confirmationis materia est chrisma ex oleo & balsamo.
- 3 Confirmatus per vunctionem olei tantum, iterum vngi debet chrismate. & 5.
- 4 Balsamum non est de substantia sacramenti, sed de præcepto. num. 7.
- 5 Chrisma idem quod vñctio significat.
- 6 Confirmatio male ministrata tenet, sed supplendum quod defuit.
- 8 Chrisma faciendum ex oleo & balsamo, sed oleum tantum est de essentia sacramenti.
- 9 Confirmatio solo oleo facta secundum communem non est iteranda, sed supplenda, & quomodo. num. 10.
- 10 Sacramenti ad reiterationem non sufficiunt materia, & verba sine intentione.

CONSILIUM I.

AN EXPEDIAT, & quomodo, concedere Episcopis Hiberniæ, ut liceat eis uti balsamo Indiarum Occidentalium, quia deest Orientale balsamum?

- 1 Respondeo, quod hæc quæstio videtur pendere ex solutione vnius quæstionis facti, & alterius iuris. Quæstio facti est, an balsamum Indicum sit verum balsamum: quæstio vero iuris, an balsamum sit de essentia vel substantia chriftatis, quo Sancta mater Ecclesia utitur in sacramentis; an solū de necessitate præcepti, quo illa statuit balsamum misceri oleo, quo fiat chrisma. Si enim balsamum Indicum est verum balsamum, frustra est quæstio: & si balsamum non est de substantia, sed tantum de præcepto iuris humani, facile S.D.N. omnium desiderio providere potest, arg. cap. cuncta per mundum. 9. q. 3.

AD PRIOREM QVAESTIONEM facti videtur respondere Plinius lib. 12. cap. 25. balsamum esse arbusculam vni terrarum Iudææ (pro quo apud Scotum vitio impressio est Indiæ) concessam, viti similiore, quam myrto; per quod significat in sola Iudæa illud reperiri; cui consequens est, Indicum non esse verum balsamum. sed eius auctoritas non cogit nos id credere. Tum quia multa ille asserit, quæ alij negant. Tum quia multæ orbis partes, tum terræ continentis, tum insularum, nostra ætate repertæ sunt, quas etiā Arist. August. Lactant. & alij eruditione illustres viri ignoraverunt, in quibus multæ arbores, multæ radices, & herbæ antea incognitæ Europæ innotuerunt. Tum denique quod ipso Plinio auctore arboris balsami tria sunt genera: & fieri potest, quod licet in Iudæa non sint nisi tria, in alia tamen orbis parte tunc ignota essent plura: fieri etiam potest, quod balsamum sit genus subalternum, quod multas habeat species specialissimas alias ab illis tribus quas ille tradit, & consequenter quod Indicum balsamum sit verum balsamum, licet non sit eiusdem speciei specialissimæ, cuius sunt illæ tres Iudaicæ: sicut etiam pyrus est genus subalternum

eternum ad multas species pyrorum, vt & vitis est genus ad multas species vitium. Equidem ipse facile crediderim etiam apud Indos esse varias species balsami, quorum alia pretiosiore & odoratiore succum, quam alia, manant. Quo factum arbitror, vt Episcopi orbis noui sine vilo scrupulo conficiant chrisma ex oleo & balsamo Indico, immo & multi orbis Hispani, quod satis exprimit etiam Sotus.

- 2 AD SECVNDAM respondeo, quod pro parte asserente illud esse de substantia & essentia chrismatis, ita quod sine illo non potest consistere chrisma, facit primo cap. 1. de sacr. vnct. ibi, *Chrisma, quod ex oleo fit & balsamo mystica ratione*, & paulo post ibi, *Hoc vnguento caput & manus Episcopi consecrentur*. vnguentum enim aliquid aliud vltra oleum requirere videtur. Facit etiam ratio, quam contextus appellat ibi mysticam, videlicet quod chrisma, quatenus constat ex balsamo, significat odorem famæ bonum, quem debet habere vnctus, iuxta illud Apostoli 2. ad Cor. 2. *Christi bonus odor sumus*. Facit item illud cap. 1. in §. quia vero. ibi, *Vt omnes concurrant in odorem illius vnguenti, cuius nomen oleum est effusum*. Secundo, quod
- 3 Concilium Florentinum in decreto vnctionis Iacobinorum & Armeniorum habet, materiam cōfirmationis esse chrisma ex oleo & balsamo confectum. Tertio, quod Sotus in 4. sent. dist. 7. art. 2. dicit pro hac parte esse vniuersalem fere omnium sententiā. Quarto, quod cap. 1. de sacram. non iterand. adiunctis ijs quæ adnotant Innoc. Hostien & alij, probat quod cōfirmatus per vnctionem olei tantum, debet iterum vngi chrismate ex oleo & balsamo confecto, & non sufficit vngere balsamo, & debet repeti formā confirmationis, *consignate, &c.* per quod significant, non esse tam supplendum omissum, quod defuit confirmationi, quam eam de nouo iterandam.
- 4 His tamen non obstantibus, contrarium affirmat Caiet. in annotat. ad 3. Thom. super 3. par. q. 72. art. 1. & 2. quem nos olim secuti fuimus in Manua. confess. cap. 22. num. 8. & postea secutus fuit etiam Domi. à Soto in 4. sent. dist. 7. art. 2. Pro qua parte videtur esse fundamentum firmum cap. 1. de sacra. non iteran. in quo Innocen. III. rogatus de confirmato linitione olei tantum, respondit non esse iterandum sacramētum, sed quod defuit supplendum; cum tamen necessario debuisset respondere illud esse iterandum, si admixtio balsami fuisset de substantia, quod est materia sacramenti confirmationis, secundum omnes, cum nullum fuisset sacramētum, quod sine materia substantiali & essentiali consistere non possit etiā
- 5 secundum omnes. Secundo facit, quod nullo iure videtur expressum contrarium. Tertio, quod verbum chrisma secundum propriam significationem, idem significat quod vnctio, deducitur enim à verbo *χρίω*, quod est vngo, sicut vnctio à verbo vngo. Ad hoc autem, vt aliqua linitio dicatur vere vnctio olei, non requiritur vt balsamum admisceatur ei, vt probat prædictum cap. 1. de sacr. vnct. quod multas vnctiones olei Regum, & Prophetarum, quæ sine mixtione balsami fiunt, appellat vnctiones, quod ipsum fit 1. Reg. 10. 15. & 16. & alibi sæpe.
- 6 Quarto, quod glo. cap. 1. de sacram. non iteran. non dicit id quod ei Sotus imponit, appellando eam ridiculam, scilicet quod dicit, ideo in casu illius

illius cap. non esse iterandā confirmationem, quia nulla fuit. Quinimmo expresse glo. ait ideo non esse iterandam, ne fiat sacramento iniuria, allegando in id cap. quod quidam. 1. q. 1. & cap. ostenditur. de consecrat. dist. 4. per quorum allegationem, quia loquuntur de baptismo valido, licet male ministrato, præsupponit confirmationem, licet male ministrata esset, valuisse; & idem sentit Ber. in figuratione casus illius cap. & Ioā. Andr. Ant. & alij pro summario secundæ partis ipsius ponunt hoc, *In confirmato non chrismatis, sed olei vñctione, non fiet iteratio, sed supplebitur prætermisum.* sed nec Andr. qui in 4. de sacram. confir. licet teneat priorem partem, imposuit eam prædictæ glossæ; neque Caiet. qui hanc partem tenet, reprehendit illam glo. nec memini alios ibi contra tenere: & ita communis, immo omnium mens in illud cap. comminiscendum est dicere, quod confirmatio tenuit, sed erat supplendum quod defuit.

- 7 Quinto, quod hoc ipsum videtur sentire S. Thom. in d. art. 2. quamuis nec Caiet. neque Sotus id ponderent in illis verbis, *Ideo oleum competit materiæ huius sacramenti: admiscetur autem balsamum propter fragrantiam odoris, quæ redundat ad alios.* per illam enim aduersatiuam, *autem*, insinuat oleum quidem esse materiam substantialem, institutam à Christo, admixtionem autem balsami non item, sed de præcepto tantū: vt in simili idem S. Tho. recep. dixit in 3. p. q. 74. ar. 7. vinum quidem esse materiam substantialem Eucharistiæ sub specie vini, sed misceri ei aquam ad maiorem cōuenientiam, vt colligitur ex cap. 3. adiun. 1. & 2. de consecra. dist. 2.

Sexto, quod non videtur verisimile D. N. Iesum Christum paupertatis cultorem Apostolos suos pauperes in vniuersum orbem dimissos, innumeros baptizatuos, & confirmatuos, voluisse onerare onere emendi balsamum, rem tanti pretij, quod sciebat in paucis terris inueniri, & nō posse ad tot alias adeo longe ab illis separatas commode aduehi; quo tamen in dies & horas tam ipsi, quam eorū successores ad ministranda sacramenta esset opus habituri, si illud pro parte substantiali chrismatis instituisset.

- 8 Ad primum argumentorum oppositorum respondetur concedendo Innoc. iij. in cap. 1. de sacr. vñct. dicere chrisma, de quo loquimur, fieri, immo & debere fieri ex oleo & balsamo: sed negando quod dicat vtrumque esse de substantia sacramenti: sicut & Alex. Papa relatus in cap. 1. de consecr. dist. 2. dixit aquam esse miscendam vino in consecratione calicis; & adeo quidem vt Cyprianus relatus in cap. 2. eiusdem dist. dicat adeo solum vinum non esse consecrandum, quod si contra fieret, inciperet sanguis Christi esse sine Christo. Attamen neuter eorum voluit dicere, quod aqua sit de substantia consecrationis vini, vt dicit S. Thom. receptus vbi supra, & probatur per cap. scriptura. quod est tertium eiusdem distin. 2. desumptum ex eodem Cypriano.

- 9 Ad secundum respondetur concedendo Concilium Triden. probare chrisma debere confici ex oleo & balsamo; adeo quidem, quod mortifere peccaret Episcopus, qui ex oleo solo id conficeret: sed negando, quod probet vtrumque esse de substantia chrismatis, & materiæ confirmationis: sicut Alex. & Cypr. supra relati dicētes vinum aqua mixtum esse materiam sacra-

sacramenti calicis, nolunt dicere vtrumque esse de substantia Eucharistiae, vt prædictum est in responsione ad secundum.

- 10 Ad tertium respondetur negando quod vniuersa fere omnium sententia teneat confirmationem factam vnctione solius olei benedicti esse nullam, & iterandam; quia contrarium patet per supradicta.

Ad quartum respondetur, concedendo quidem Hostien. & posteriores dixisse, quod suppletio defectus balsami, quæ in confirmatione contingit, non potest fieri per solam linitionem balsami, & quod debet fieri illis verbis, quibus fit ipsa confirmatio; non quia confirmatio facta sine balsamo est nulla, sed quia nõ potest fieri suppletio per alium actum, nec per aliam orationem: quod declarat ibidem Ant. de Butr. Nec obstat quod suppletio per linitionem chrismatis facta cum eadem oratione, qua fit chrismatio siue confirmatio, est reiteratio sacramenti; quia ad reiterationem sacramenti non sufficiunt materia & verba sine intentione id faciendi; cum sine intentione debita conficiendi sacramentum, non conficiatur illud, secundum Thom. recep. per omnes 3. p. q. 64. art. 8. & ita cum secunda linitio non fiat intentione ministrandi sacramentum, sed solum supplendi defectum eius, quod illi iam ministrato defuit, non potest dici iteratio, sed suppletio. Salua, &c.

DE SACRAMENTIS NON ITERANDIS.

S V M M A R I V M.

- 1 *Ordinatus per saltum peccat, & est suspensus, sed non est irregularis.*
- 2 *Ordinis sacri iteratio irregularitatem inducit.*
- 3 *Bis ordinem sacrum sumens est irregularis.*
- 3 *Irregularis incapax beneficij.*

C O N S I L I V M I.

QUIDAM suscepit ordines sacros antequam suscepisset minores, & postea suscepit minores, & iterum maiores, & tandem beneficium. Queritur an sit irregularis.

- 1 Respondeo primo, quod consulens bis grauissime peccauit: primo quidem, quod per saltum fuit promotus ad maiores ordines, omisis minoribus: secundo, quod bis suscepit ordines eosdem sacros.
Secundo respondeo, quod propter promotionem per saltum non est irregularis, sed solum suspensus, vt diximus in Manuali confess. cap. 25. nu. 71. & cap. 27. num. 242.
- 2 Tertio, quod propter iteratam susceptionem sacri ordinis incurrit irregularitatem secundum opinionem D. Antonini, quam secuti fuimus in d. cap. 27. nu. 246. secundum quod non solum bis baptizatus saltem scienter est irregularis, sed etiam bis scienter suscipiens sacramentum imprimens characterem indelebilem, quod non est iterabile per cap. 1. 68. dist. quod agit de bis ordinatis, & per cap. dictum de consecr. dist. 5. quod agit.

agit de his confirmatis: licet Scotus, vt ibi dixi, contra teneat non absque valido fundamēto: sed prædicta duo capitula cum consuetudine recepta, & ratione satis munita, visa fuerunt nobis satis probare casum hunc esse de expressis, in quibus irregularitas contrahitur; per quod respondetur fundamento Scoti.

- 3 Quarto, quod cum in hoc casu agi videatur de retētiōe beneficii post ordines sic susceptos accepti, videtur referendus ad Sanctissimum, cum probabilius videatur incurrisse irregularitatem, quæ facit consulentem eius incapacem. Salua, &c.

S V M M A R I V M.

- 1 *Benedictio Abbatissecundum aliquos est iterabilis, & secundum communem non. Abbatem autem non posse secundo benedici, verius est: quod si de prima fidem facere non possit, poterit tamquam dubitans iterum sub conditione benedici, intelligendo in mente sua se dubitare respectu fori exterioris. nu. 2.*

CONSILIVM II.

BENEDICITVR aliquis in Abbatem, qui suæ benedictionis fidem facere nequit per authenticas literas, propterea quod interuenerit mors benedicentis. Interim ipse Abbas benedictus vocatur ad digniorem Abbatiam eiusdem sui ordinis. Quæritur an secundo ipse D. Abbas possit benedici.

- 1 Ad hanc quæstionem responsurus, præmittenda est decisio alterius, an scilicet benedictio Abbatis sit iterabilis: & licet glo. solemnis dubitare videatur de hoc in clem. attendentes. §. statuimus. verbo benedici. de statu monach. communis tamen sententia doctorum, quos sequitur ibidem Bonifacius, tenet quod non. Et sic ad quæstionem propositam respondetur ex præcedenti decis. quod præfatus Abbas promotus ad secundam abbatiam non debet rebenedici; quia benedictio eius non est iterabilis, vt dictum est: nam nec benedictio Abbatissecundæ (quæ longe est minor & simplicior benedictione Abbatis) est iterabilis, vt ipsemet Bonifacius, qui fuit Auditor Rotæ, concludit ibidem nu. 20. Sed quicquid sit de benedictione Abbatissecundæ, quam tenuit esse iterabilem Felin. in cap. meminimus. nu. 3. de accusatio. benedictionem tamē Abbatis credo non esse iterabilem. Tum quia longe plus accedit ad ordinem imprimētem characterem, quam benedictio Abbatissecundæ. Tum quia multa sacramentalia, quæ non imprimunt characterem, non sunt iterabilia, vt benedictio nuptialis, cap. 1. & 3. de secundis nupt. & pœnitentia solemnis, cap. quamuis. & cap. in capite. 50. dist.
- 2 Ad aliam quæstionem implicite propositam, scilicet quid oporteat facere præfatum Abbatem assumptum ad secundam abbatiam, cum nō possit habere literas primæ benedictionis mortuo iam primo benedicente literis non expeditis: Respondeo, quod potest à competente superiori accipere testimonium testium, qui fuerunt præsentēs benedictioni primæ; quod legitime assumptum seruiet pro literis non expeditis, iuxta cap. significauit. & cap. Albericus. de testibus. quod si nulli testes inueniri possent,

sent, qui de prima benedictione deponerent, nec aliter posset probari benedictio prima, & eius probatio esset necessaria quo ad forum exterius; non deberet dicere se benedictum, sed dubitare de benedictione, & ita assumere secundam benedictionem cum illa conditione, quæ solet apponi, quando baptizatur aliquis, de quo dubitatur an sit baptizatus, scilicet, *Si es benedictus, non te benedico; si autem non es benedictus, benedico te, &c.* cap. 2. de baptis. Et ei qui opponeret, quod ipsemet, qui fuit benedictus, scit se esse benedictum, & non potest dubitare an sit benedictus, nisi mentiat: potest excusari à mendacio per illa quæ nos nuper edidimus in cap. humanæ aures. 22, q. 5. subintelligendo intra mentem suam, quod dubitat quo ad faciendam fidem in foro exteriori. Salua, &c.

S V M M A R I V M.

- 1 Diaconatus ordinem sumens, si non accipit nec tangit librum euangeliorum, in cuius traditione imprimitur character, ordinem non accipit.
- 2 Intentio conditionalis, quam gero, non recipiendi sacerdotium, si non sum diaconus, operatur, ut si delegatur me non fuisse diaconum, ut etiam non sim sacerdos.
- 3 Ordinum characteres qui dum ordinatur non recipit, potest sine dispensatione iterum illos accipere, modo in eis non ministraverit; quia tunc esset petenda dispensatio à Papa, num. 4.

C O N S I L I V M. III.

- 1 **R**ESPONDETUR primo, D. consulente non accepisse ordinem, siue characterem ordinis diaconatus; quia non accepit, nec tetigit librum euangeliorum, in cuius traditione imprimitur magnus ille character diaconatus, ita quod illius traditio est de essentia & substantia ordinis diaconatus.
- 2 Secundo, quod præfatus consulens non accepit etiam ordinem presbyteratus, siue sacerdotium: quia non habuit intentionem actualem nec virtuale accipiendi eum, immo habuit intentionem actualem non accipiendi illum, si non erat diaconus: & per supradicta constat non fuisse ipsum tunc diaconum.
- 3 Tertio, quod oportet ipsum iterum accipere ordines prædictos duos, diaconatum scilicet, & presbyterium, perinde ac si numquam accepisset eos.
- 4 Quarto, quod magna cum prudentia debet se gerere in accipiendis illis: debet enim curare, ut accipiat eos denuo in aliquo loco ita remoto, vel secreto, & à tali Episcopo, ut non possit probari eum suscepisse illos bis in foro exteriori; ne per probationem quod bis accepit eos in foro exteriori, præsumatur etiam bis accepisse in interiori; & consequenter puniretur poena, quæ est dignus qui bis accepit duos tam grandes ordines in magnam eorum irreuerentiam. Quæ omnia quatuor dicta possent, si vacaret, & otium id ferret, per multa confirmari; quod tamen non est necesse facere, cum communiter ab omnibus sint recepta.
- 5 Et quia post hæc responsa additur à consulente, quod usus est ordinibus prædictis; addo etiam ipse quinto, quod ipse est irregularis, & indiget dispensatione Papali ad hoc ut possit ordinari iuste præfatis duobus ordinibus diaconatus, & presbyterij, cap. 1. de cler. non ord. ministr. per quod hoc diximus in Man. confess. cap. 27. nu. 242. Salua, &c.

- S V M M A R I V M.*
1. Prima tonsura non est ordo proprie.
 2. Prima tonsura insignitus est quoddam medium inter laicum, & ordinibus insignitū.
 3. Catechumenus est quid medium inter baptizatum, & nolentem baptizari.
 2. Prima tonsura de essentia non est, ut verba aliqua dicantur.
 2. Baptizatur cum adultus, requiritur quidem patrinus, sed non est de essentia.

CONSILIVM III.

- A**D QVAESTIONEM de illo qui accepit primam tonsuram, & non dixit saltem attente, *Dominus pars hereditatis meae*. Respondetur, quod dominus consulens nullo debet scrupulo angere de sui ordinis defectu. Tum quia secundum S. Thom. & omnes Theologos in 4. lib. sent. dist. 24. immo neque secundum nos, qui mediam inter Theologos & Canonistas opinionem sequimur in Manu. nostro confess. cap. 22. nu. 18. prima tonsura non est ordo proprie, nec ad suam essentiam & substantiam requirit, ut illam assumens dicat verba praedicta, aut alia; sed satis est, quod Episcopus faciat ea, quae sufficiunt ad hoc ut segregetur a populo laico, & aggregetur clero, & fiat quidam medius inter utrumque, ut est catechumenus inter baptizatum & nolentem baptizari, & novitius inter omnino saecularem, & religiosum professum, ut notabiliter dicit Sor. in lib. 4. dist. 24. q. 1. art. 1. circa finem. Tum quia nullo iure, nec libro pontificali probatur dictionem illorum verborum, *Dominus pars, &c.* esse de substantia & essentia primae tonsurae: nam non sunt materia, nec forma. & licet liber pontificalis dicat Episcopum debere facere quaedam, quo illa faciente dicat ordinandus, *Dominus pars, &c.* non tamen ita dicit illud, ut significet illa esse de substantia ordinationis; sicut & cum baptizatur aliquis adultus, satis est ad baptismi substantiam, quod consentiat ille, quamvis requiratur patrinus, sed non quo ad substantiam baptismi. Tum quia rari sunt, qui meminerint dixisse illa verba, cum tonsurarentur: & ita timere praefatum defectum, est timere ubi non est timor, seu timendum. Salva, &c.

S V M M A R I V M.

1. Explicitam habet intentionem ordines suscipiendi, qui scrupulos patiens, ad ordinantem, parendo eis quae ille mandat, ita accedit, ut velit recipere id quod Ecclesia intendit dare; unde & veros ordines recipit. & num. 4.
2. Vestes non sunt nec de substantia, nec de essentia ordinum: unde illarum defectus, vel mutatio, seu subrogatio nihil nocet.
3. Fides quidem, & scientia non potest in eodem simul esse cum ignorantia, ne scientia, & dubitatione; potest tamen esse cum scrupulo.
3. Scrupulos qui patitur in fide, non ideo desinit esse fidelis, nec peccat, licet eos non possit expellere.
4. Libidinis aculeos qui in sensualitate patitur, licet eos, ut vellet & nititur, expellere nequit, non tamen peccat.

CONSILIVM V.

DUBITAT A. presbyter an vere ordines susceperit, quia cum ordinaretur, dubitabat an per illas actiones & verba Episcopi conferrentur ordines,

ordinem, cum sit aliàs valde scrupulosus, licet conaretur resistere, & expellere tentationem, & quia aliquæ ex solitis sacris vestibus ex incuria in illa ordinatione ei defuerunt.

- 1 Respondeo debere A. certo putare se esse ordinatum. Tum quod illi viri docti, quorum iudicia nō erant scrupulis impugnata & turbata, id ei responderunt. Tum quod non solum implicite & virtualiter, sed etiā explicitè ac formaliter voluit ordinari, & facere, & recipere quod S. Mater Ecclesiæ indicat in tali ordinatione dari, & recipi: & palam est totam Ecclesiā iudicare in ordinationibus talibus, ob defectum illarū sacrarum vestium cum alijs eis similibus, eos ab ordinantibus veros accipere ordines; immo quod etiam qui sine illis talibus vestiti ordinarentur, acciperent eos; quia vestis nō est de substantia, neque essentia ordinationis. Tum
- 3 quod nihil obstat illa imaginatio scrupulosa contraria iudicio vero, cum quo consistere potest, licet non penitus pacifice. Nā vt nos late tradimus in cap. si quis autem de pœnit. dist. 7. licet scientiæ ac fidei repugnēt ignorantia, nescientia, & dubitatio, scrupulus tamen non repugnat: vnde non peccant, nec desinunt habere fidem, qui scrupulis anguntur, etiam si eos
- 4 omnino expellere nequeant: sicut neque qui libidine aliqua sensualitatis impugnantur, peccant, licet eam omnino sedare nequeāt; immo pugnando merentur. & ita A. credebatur quidem implicite & virtualiter, immo & explicitè id quod credit Ecclesiā, exequendo illā credulitatem accedendo ad Episcopū, & faciendo, & patiēdo quæ ille iubebat, & resistendo tentationi contrariæ, licet non posset omnino expellere illā, & desiderādū eius expulsionē, & resistendū ei adeo, vt nō sequeretur scrupulum, sed fidē Ecclesiæ, & iudiciū eius. Quare ipsum hortor vt sit fortis, & pugnet cū antiquo serpēte; & accipiet regnū Dei, qui nos sua benignitate seruet. Amē.

S V M M A R I V M.

- 1 Ordines accipiens intentione illos accipiendi, licet cum scrupulo non accipiendi, verum ordinem accipit. & seq.
- 2 Ordinatus censeri debet, qui voluit bene vel male ordinari, etiam metu mortis coactus. & num. 2.

C O N S I L I V M VI.

- R**ELIGIOSVS accessit ad ordines accipiendos, & antequā eos acciperet, insurrexit dubiū nolēdi & volēdi accipere illos, licet in partē affirmatiuā potius inclinaret; & cœpit tentari, quamuis à principio restitit illi tēptationi, de doctrina & opinione falsa significationis mittere; & tūc fortius dubitauit, utrū acciperet ordines; & deinde quietus nihil recordatus p̄teritē tēptationis accessit, & ordines accepit. Quæritur an sit vere ordinatus.
- 3 Ad propositam quæstionem respondeo, quod meo iudicio p̄fatus religiosus censendus est habuisse sufficientem intentionem recipiendi ordines. Tum quia ipse magis inclinauit in partem affirmatiuam, quam negatiuam. Tum quia ad habendam sufficientem intentionem ordinem suscipiendi non requiritur, quod absolute sine vilo scrupulo, & sine inclinatione in contrarium velit accipere ordines; quia suf-

ficat ut velit accipere illos bene vel male, immo quod velit accipere etiam metu mortis coactus, ut singulariter determinat Innocentius. iii. Papa in cap. maiores. §. item queritur. de baptis. Tum quia certum est, quod praefatus religiosus voluntarie iuit ad accipiendum ordines, & recepit eos: voluntarie sine metu mortis; ergo propterea quod habuisset scrupulos volendi, & nolendi, & quasdam trepidationes scrupulosas, & de more scrupulorum, non est censendus non accepisse ordines, immo iudicandus quod accepit eos caleatis scrupulis iniectis a damone transformante se in Angelum lucis. Tum denique quod restitit a principio tentationi de doctrina & opinione falsa significationis mitrae: & ideo, quod ait postea se dubitasse, non est intelligendum de vero dubio, sed de scrupulo, quod longe diuersum est a vero dubio, ut nos tradimus post alios in Man. confess. cap. 27. nu. 273. & huiusmodi scrupulus nihil obstat praefato religioso, nisi quo ad inquietandum; quae inquietatio cessabit, cessante caleato scrupulo, ut nos diximus ibi; & latius in cap. si quis autem. de poenit. dist. 7. a nu. 8. quod confirmatur eo quod quietus accessit nihil recordatus praeteritae tentationis; ita quod vir hic bonus vexatur scrupulis, qui sunt argumenta contra recta iudicia, & non vera dubia, ut ibidem latius dicitur. Salua, &c.

S V M M A R I V M.

1. Characterem alicuius ordinis qui ob defectum intentionis suscipientis, vel ministri, non suscipit, de licentia sui Episcopi, vel Papae, potest illos etiam suscipere ab alieno Episcopo, ubi sit incognitus.

C O N S I L I V M VII.

- Q**VAESITVM est, quo remedio succurreretur eis, qui nullatenus sunt ordinati ob defectum sui consensu, & intentionis ministri; ad hoc ut iuste reputetur ordinati ad utendum suis ordinibus, qui eis deficiunt; ne accusentur bis ordines suscepisse, & irregularitatem contraxisse; sicut contrahit is, qui bis baptizatur, p. cap. eos. & cap. qui bis. de consec. dist. 4. & notata p. nos in nostro Man. conf. cap. 27. nu. 247. ubi sequimur S. Ant. qui tenet, eum qui bis confirmatur, & ordinatur, incurrere irregularitatem p. cap. dictum. de consec. dist. 5. qd. agit de bis confirmatis, & p. cap. 1. 68. dist. quod agit de bis ordinatis.
1. Ad hanc quaestionem respondimus visum fuisse nobis in quodam casu occurrenti aptum remedium, ut adirent suos ordinarios, & confiterentur eis sacramentaliter, ne reuelare possent; & peterent ab eis licentiam suscipiendi ordines illos a quibuscumque mallerent Episcopis; & post adirent aliquos Episcopos longissime absentes in aliqua terra, ubi essent incogniti; & virtute dimissorias, ob quas fuerunt antea ordinati, reciperent praefatos ordines, quibus deficiunt: quod tamen remedium non esset aptum eis, qui essent prius ordinati a proprijs Episcopis sine literis dimissorijs; quia non possent impetrare alias, quae praecederent ordinationes priores; pro quibus videtur remedium, impetrare a S. S. dimissorias ad quoscumque Episcopos, & adire aliquos longissime absentes, ut praedictum est. Sed obstat, quod Sedes Apostolica non concedit post Concil. Trid. huiusmodi dimissorias, nisi cum clausula, de consensu sui ordinarij, de quo non potest constare

stare sine literis eius, nec illæ possunt haberi sine detectione malæ ordinationis: & ita curandum esset, vt consideretur sine illa clausula.

S V M M A R I V M.

- 1 Episcopus tolerare potest male ordinatos existentes in probabili ignorantia.
- 2 Ordines minores male sumens suspendendus est, sed non est suspensus.
- 3 Ignorantia probabilis male ordinatum maioribus excusat à suspensionis pœna.
- 3 Præsumentem cum punit lex, facientem bona fide non ligat.
- 4 Ordines illos resumere debet sub cōdōne is, qui probabiliter dubitat an eos receperit.
- 5 Error communis tunc facit vt gesta ratione publici officij valeant, quando latet defectus, & constat officialem (et si male) à superiore officium habuisse.
- 5 Presbytero ordines minores conferendi potestas à Pontifice data non præsuntur, etiam accedente longissima quadraginta annorum possessione. nu. 1.
- 6 Promotis per saltum ignoranter beneficiorum facta collatio tenet.
- 6 Laici beneficiorum incapaces sunt.
- 7 Beneficij collatio nulla tacite reuoluitur, cum cessante impedimento, is ad quem prouisio spectat, sciens patitur prouisum illud retinere.

C O N S I L I V M VIII.

DE QVIBVSDAM ordinatis ad quatuor minores à quodam Protonotario presbytero, dicente se habere facultatem id faciendi à Papa, credente id populo 40. circiter annis, quibus id publice faciebat, quos Episcopus præsens cogit impetrare dispensationem à Sede Apostolica infra sex menses, alioqui habiturus eos pro suspensis. Quæritur primo, an dispensatione indigeant, stante eorum probabili ignorantia. Secundo, an si est necessaria dispensatio, teneantur resumere ordines minores. Tercio, de beneficijs postea obtentis quid agendum.

- 1 **AD PRIMAM QVAESTIONEM** respondetur primo, quod potuit Episcopus dissimulare cum ijs, per cap. quia circa. de consang. & affi. secundum intellectum Goffredi, quem nos monstramus esse verum in cap. si quis autem. de pœn. dist. 7. à num. 68. contra Hostien. communiter ibi receptum, quatenus probat dissimulare posse iuste superiorem cum subdito bona fide credente suam dispensationem circa ius humanum esse legitimam, licet de iuris rigore non sit talis.
- 2 Secundo, quod mero iure non indigent dispensatione. Tum quia per malam assumptionem ordinum minorum non incurrit quis ipso iure suspensionem, licet mereatur suspendi, cap. vel non est compos. ibi, suspendendos. de temporibus ordin. Nec obstat extrauag. Pij II. quæ incipit cum ex sacrorum. quia solum loquitur de sumentibus ordines sacros.
- 3 Tum quia etiam sumentes ordines sacros bona fide, & ignorantia probabili, qualis videtur hæc, nō incurrunt ipso iure suspensionem, vt nos declaramus in repetit. cap. accepta. de restit. spol. oppositione 8. eo quia præfata extrauagans imponit pœnam præsumentem sumere, & ita dolose id agenti, & sic non incurrit bona fide sumens, iuxta theoriã Card. cle. 1. de priuil. q. 38.
- 4 **AD SECVNDAM** respondetur, quòd etiam si non sit necessaria dispensatio; debent tamen resumere ordines minores cum cōditione: quia cum

dubitatur an vere quis sit baptizatus, an ecclesia sit consecrata, vel an susceptum sit aliud sacramentum, vel sacramentale, quod est suscipiendum vel faciendum, debet illud resummi sub conditione si & quatenus non est susceptum, vel factum, cap. 2. de bapt. & cap. solemnitates. de consecr. dist. 1. cum eis adnotatis. Nec obstant l. Barbarius. ff. de offic. prætor. & cap. nonne. 8. q. 4. & alia iura eis concordantia, quibus videtur probari, quod gestatione publici officij valent propter errorem communem; quia illud est verum, cum constat, quod auctoritate superioris fuit illud officium sibi commissum bene, vel male sine notorio defectu, & toleratur in eo, ut resoluit Panor. post alios in cap. dudum. ff. de elect. & latius cap. nihil. eod. tit. & in casu proposito non constat, quod præfatus presbyter habuerit potestatem ordinandi, immo graniter præsumitur contrarium, argu. cap. quanto. de consue. & eorum quæ ibi notantur, soluendo oppositionem quæ illi fit ex cap. peruenit. 95. distin. adiuncto præsertim can. 7. sess. 23. Concilij Triden. qui habet hæreticum esse illum, qui dixerit, Episcopis, & presbyteris eandem potestatem ordinandi & confirmandi esse.

6 AD TERTIAM respondetur primo, quod collationes beneficiorum factæ illis, postquam fuerunt sacris ordinibus initiati, valuerunt, nec indigent renouatione; aliæ vero quæ factæ fuerunt antequam ordinibus sacris ordinarentur, non valuerunt à principio; quia collatarij erant laici, & laici sunt incapaces beneficij ecclesiastici, cap. 2. de instit. & cap. ex literis. de transact. & colligitur ex cap. cum adeo. de rescrip.

7 Secundo, quod si præfati possederunt illa beneficia videntibus, & tolerantibus collatoribus eorum, videntur tacite resecta per ea, quæ nos diximus in prælectione cap. si quando. de rescrip. excep. 17. arg. eorum quæ Felin. post Panor. & alios scripsit cap. cum ex officij. de præscrip. de collatione beneficij pertinentis ad ius Papæ, facta intra tempus præsentandi, & patrono postea non præsentante, & deuoluta potestate libere conferendi ad Episcopum. Salua, &c.

DE FILIIS PRESBYT. ORD. VEL NON.

S V M M A R I V M.

1. Matris etiam morientis dicto filius natus in figura matrimonij, & pro legitimo tractatus, non tenetur credere quod sit adulterinus, immo potest credere se legitimum, num. 5. quod si credat, non potest ordinari, nisi iterum credat se legitimum, num. 1.
2. Fidem ad generandam seu credulitatem affectio pia, & motium etiam paruum sufficiunt, modo illud sit iustum, nu. 5.
3. Intellectus non nisi principijs, & ex eis per demonstrationem deductis assentitur necessario.
3. Voluntas beatitudinem solum, & ea quæ ei per intellectum necessario demonstrantur consequentia, vult necessario.
4. Credere potest quis vnum, & eius contrarium diuerso respectu, etiam stantibus eisdem motibus.

CON-

CONSILIUM I.

QUID debeat facere filius natus in figura matrimonij, qui 12. annis credidit se filium mariti matris suæ, & postea 14. credidit se filium adulteri, dicto matris viuentis & morientis persuasus, ad hoc vt possit ordinari sine dispensatione?

1 Respondeo primo, quod fidem, siue credulitatem, quam postremo loco habuit, deponere debet: quia qui contra conscientiam agit, ædificat ad gehennam, cap. fin. de præscrip.

Secundo, quod non sufficit deponere illam, & ponere se in statu dubij: quia etiam qui contrauenit conscientie dubie peccat, cap. ad audientiam. de homic. & per multa alia, quæ præ alijs adducimus in cap. si quis autem. de pœnit. distin. 7.

2 Tertio, quod ex his sequitur oportere eum credere firmiter coram Deo se esse legitimum. Tum quia ad generandam fidem siue credulitatem vt duo requiruntur, ita duo sufficiunt, videlicet motiuum, & pia affectio, vt in lib. posteriorum docetur: nam sicut nullo motiuo quamlibet magno cogi potest quis ad credendum si nolit, ita volenti credere paruum motiuum sufficit. Vnde licet multi habentes maximum motiuum credendi Christo non crediderint ei, ita multi habentes longe minus crediderunt & hodie credunt eidem. Tum quia qui vno tempore credidit vnum per vnum motiuum, alio tempore potest credere contrarium propter aliud, vt multi, qui vno tempore crediderunt Christo, alio tempore negauerunt eum, & è contrario. Tum quia hoc procedit etiam durantibus eisdem motiuis, sicut in casu proposito durant. eisdem enim argumentis durantibus multi infideles efficiuntur fideles, & è contrario: quia voluntas pro libertate, quam habet, vult credere nunc vnũ, & postea aliud: nam vt colligitur ex

3 S. Thom. 1. par. quæst. 82. art. 2. sicut intellectus non assentitur necessario nisi primis principijs, & conclusionibus ex eis per demonstrationem deductis, ita voluntas non vult necessario nisi beatitudinem, & quæ monstrantur ei per intellectum necessario illam consequentia, quorum de numero in hac vita sunt pauca, à quibus longe abest quod in nostro casu proponitur: & ita consulens potest velle credere vtram partem voluerit.

4 Tum quia nos per multa argumenta probauimus in d. cap. si quis autem. de pœnit. distin. 7. quod potest quis credere aliquid ad vnum effectum, & credere contrarium ad aliud, non quidem vno & eodem momento, quia id implicaret contradictionem, sed diuersis etiam durate eodem penitus motiuo. pro quo ponderauimus textum sing. in cap. inquisitioni. de senten. excommu. quatenus probat posse dari alicui uxori aliqua talia motiua credendi maritum priorem esse & non esse mortuum, quibus potest immo debet credere illum esse mortuum quo ad reddendum debitum, & credere non esse mortuum quo ad exigendum, nulla ratione alia, quam quod vnus & idem potest credere nunc vnum propter vnum motiuum, & postea contrarium propter aliud, non obstante priore.

5 Quarto, quod consulens potest, si vult, iuste firmiter credere se esse vere

legitimum, si habet iustum motium ad illud, & quod habet tale. Tum quia lex iusta præsument illud, l. filium. ff. de statu hominū. Tum quia quidquid mater adultera ei affirmauerit, numquam tamē adulter, nec viuens, nec moriens id ei dixit, & populus, vbi natus & educatus fuit in sua infantia & pueritia, credit eum esse legitimum. Tum quia matres saepe in similibus casibus decipiuntur, & saepe mentiuntur ob multos respectus. & denique quod satis superque motium habet ad iuste credendum id cuius contrarium nec scit, nec scire potest, per auctoritatem illam grandem legislatoris, & legis id præsumentium. Quare mea sententia ipse adhereret prædictæ legi, & firmiter præsumeret, & crederet, quod illa præsument: & si ego essem ipse, ita facerem. Salua, &c.

S V M M A R I V M.

1. *Dispensatio Comitis Palatini ad ordines non extenditur, nec ad beneficia ecclesiastica.*
2. *Illegitimus ordinatus minoribus non est suspensus.*
3. *Illegitimus beneficii ecclesiastici incapax.*
4. *Taciturnitas non dolosa simplicis beneficii male antea obtenti non vitiat dispensationem ad obtinendum curatum impetratum.*
5. *Restitutione à fructuum hæc duo excusant, videlicet paupertas, & seruitium ecclesie, pro quo tantum vicario datum fuisset, ac fructus præcepti valent.*
5. *Seruens beneficio non valide impetrato excusatur à restitutione pro rata mercedis, quæ data fuisset vicario seruienti.*

CONSILIVM II.

ILLEGITIMVS à Comite Palatino legitimatus ordines minores & beneficium simplex accepit: deinde super his, & ad omnes alios ordines, & beneficia etiam curata à summo Pœnitentiario, nulla facta mentione beneficii obtenti, dispensatus, aliud curatum impetrauit, quod ei inseruendo vna cum suprascripto simplici possedit 12. annis, & 130. ducatos toto illo tempore percepit. Quæritur quid iuris.

1. *Respondeo primo, quod D. consulens fuit male ordinatus: quia, ut ipse fatetur verbo extra ea quæ dicit in scripto, suscepit ordines etiam sacros virtute legitimationis factæ à Comite Palatino: & huiusmodi Comites communiter non habent facultatem legitimandi quo ad ordines, neque quo ad beneficia ecclesiastica.*
2. *Secundo, quod licet defendi posset collationem primi beneficii simplicis ei factam nō fuisse nullam propter malam ordinationē, quia per illam non fuit incurta suspensio ipso iure, quamuis potuit suspendi, cap. vel non est compos. de temp. ordin. quia per malam ordinationem non suspenditur ordinatus ipso iure, nisi quando ordinatur ad sacros sine dimissorijs, vel ante legitimam ætatem, vel extra tempora iuris, per extranag. Pij II.*
3. *Item ex sacrarum. tamen ex alio capite fuit mala & nulla: quia erat illegitimus, qui est incapax beneficii ecclesiastici ante legitimationem, vel dispensationem, toto titulo de filijs presbyterorum. & clarius cod. tit. lib. 6.*

Tertio,

Tertio, quod D. consulens videtur sufficienter factus habilis ad suscipiendos ordines, & exequendos eos per dispensationem summi Pœnitentiarij, per quam sublatus fuit defectus natalium, & etiam malitia male ordinationis. Nec obstat quod tacuit beneficium: quia quo ad tollendam malitiam ordinationis non fuit necessaria eius expressio.

- 4 Quarto, quod quamvis saltem quo ad forum conscientie defendi possit, taciturnitatem præfatam D. consulētis, qua tacuit bona fide per ignorantiam iuris primum beneficium, quod vere non erat suum, sed habuit grandem causam credendi quod erat suum, non nocuisse impetrationi dispensationis ad beneficium curatum; securius tamen videtur, præsertim quo ad forum exterius, dicere contrarium, iuxta gloss. 2. cap. eum qui de præbend. lib. 6.

Quinto, quod certum est collationem beneficij simplicis fuisse nullam; & tenendo quod in 4. dicto dictum est, securius esse dicere, quod etiam collatio beneficij curati fuit nulla; restat omnium prædictorum beneficiorum fructus fuisse male perceptos, & consequenter restituendos esse, nisi aliquid aliud excusauerit.

- 5 Sexto, quod præfatus D. consulens videtur excusari à restitutione, duplici capite: alterum est inopia & paupertas, quæ excusat, saltem donec ad pinguiorem fortunam veniat, iuxta ea quæ nos latius tradimus in Man. confess. cap. 17. ann. 75. alterum est quod servivit prædicto beneficio curato, cui necessario serviendum erat per aliquem vicarium idoneum, cui dandum erat tantum vel maius salarium, quam valebant fructus illorum beneficiorum, cum in duodecim annis nō perceperit ex eis nisi valorem centum triginta scutorum: & ita pro servitio facto potest eos retinere, iuxta ea quæ nos dicimus in d. Man. confess. cap. 23. num. 4.

Septimo, quod iuxta ea quæ prædicta sunt in 4. & 5. dicto, eget D. consulens quo ad forum præsertim exterius dispensatione ad beneficium simplex, & etiam ad retinendum illud curatum, quod habuit, cum revalidatione tituli, quæ habuit ab ordinario, vel concessione novi, si & quatenus opus est. Missam autem videtur posse dicere: quia quo ad ordines & executionem eorum satis videtur dispensatus, per posita in tertio dicto super defectu natalium. Salva, &c.

S V M M A R I V M.

- 1 Dispensatus censetur aliàs inhabilis, eo ipso, quod à Papa scienter, etiam sine alia causa cognitione, promouetur; secus in Episcopo, nisi expresse dispenset, vel saltem præmissa causæ cognitione promoveat.
- 2 Subreptitius est, qui habens mandatum ut secum dispensetur, asserit se dispensatum.
- 3 Commissio Papa facta ordinario, ut cum aliquo illegitimo dispenset, expirat, Papa re integra moriente.
- 4 Suspensionem incurrit, secundum Sylvestrum, qui male ordines accipit; et si ministrat, fit irregularis.

CCN-

ILLEGITIMVS obtinuit commissionem à Papa ad Episcopum suū, vt secum dispēsaret: & antequam dictus Episcopus commissionem exqueretur, prima tonsura initiatus canonicatum à Papa impetrauit: deum alterius commissionis virtute, quæ post committētis mortem executioni demandata fuit, alios ordines suscepit. propter quod petijt à sacra Pœnitentiaria super præmissis remedium opportunum.

- 1 Pro informatione Pœnitentiariæ ponuntur sequentia. Primo, quod hic consulens videtur indigere remedio tam quo ad forum exterius, quam quo ad interius. Secundo, quod consulens male fuit ordinatus ab Episcopo ad primam tonsuram; quia inter Papam & inferiores in hac materia hoc differt, quod Papa faciens gratiam alicui, quem scit pati aliquem defectum, quo fit inhabilis ad illam, videtur dispensare, etiam si non dicat se dispensare, neque causæ cognitionem præmiserit: ordinarius autem non, etiam in casu quo posset, nisi expresse dispenses, vel saltem causæ cognitionem præmittat, iuxta resolutionem Panorm. in cap. diuersis fallacijs. de cler. coniug. & in cap. quisquis. de elect. hoc modo conciliando dicta Innocentij, quorum alterum ponit in cap. veniens. de filiis presbyt. & alterum in dict. cap. diuersis fallacijs. quæ communis sententia est, quam
- 2 etiam tenet Anto. post Hostien. in d. cap. veniens. & Episcopus prædictus ordinauit consulentem sine vlla causæ cognitione, & non dicendo quod dispensabat. Tertio, quod prouisio canonicatus facta à Papa huic consulenti non videtur valuisse; quia in eius impetratione falso fuit expressum cum eo fuisse super defectu natalium dispensatum, cum solum fuisset mandatum dispensari, & non fuisset dispensatum, vt prædictum est. Quarto, quod prædictus cōsulens male fuit etiam promotus ad quatuor minores, & duos primos sacros, per prædicta: & quia commissio de ordinando iam expirauit per mortem committentis, iuxta cap. relatum. & cap. gratum. de officio delegati. Quinto, quod prædictus consulens iudicabitur irregularis, secundū mentē Syl. verb. irregularitas. q. 11. eo quod ordine sacro male suscepto est vsus: & secundum eum videtur suspensus accipiens male ordinem, per cap. sollicitudo. 52. dist. & suspensus ab ordine eo vtens fit irregularis, cap. 1. de sent. excom. lib. 6. Salua, &c.

S V M M A R I V M.

- 1 Illegitimus bona fide credens secum dispensatum, ordinatus sacris, non incurrit pœnam extrauagantis Pij Secundi.
- 2 Episcopus dispensare potest in omni suspēsiōe à iure lata pro delicto minore adulterio, qualis est illegitima ordinis assumptio.
- 3 Illegitimus, si antequam cum eo virtute mandati Apostolici dispensatum esset, subdiaconatum accipiat, potest ab Episcopo suo absolui; ita vt possit ad alios ascendere, scilicet postquam iuxta dictum mandatum cum eo fuerit dispensatum, vt eos accipiat.
- 3 Iobela ab irregularitate nullo modo, à suspensione autem in foro conscientie tantum,

- rum, nisi aliud exprimat, absolendi dant potestatem.*
- 4 *Illegitimus ab Episcopo simpliciter dispensatus ut vnum possit habere beneficium, non censetur dispensatus ad canonicatum in cathedrali, nisi hoc exprimat.*

CONSILIUM IIII.

MULTARVM quæstionum incidentium prima est, vtrum illegitimus, qui putans se habere dispensationem Papæ ad ordines sacros, cum tamen non haberet nisi commissionem de dispensando ordinario missam, bona fide accepit subdiaconatum ab alio Episcopo cum literis dimissorijs, incidat in suspensionem & irregularitatem extrauagantis Pij. I. cum ex sacrorum. relatæ à nobis in Man. confess. cap. 25. num. 70. & cap. 27. num. 241.

- 1 Ad hanc primam quæstionem respondeo quod non. Tum quia illa extrauag. solum punit eum, qui suscipit ordinem sacrum ante legitimam ætatem, vel sine dimissorijs, vel extra tempora; & ita non tangit hunc casum. Tum quia punit præsumentes suscipere, non autem bona fide sine dolo id facientem, vt in d. cap. 25. nu. 70. diximus, & latius antea in repetitione cap. accepta. oppos. 8. de restit. spol.

QVÆSTIO SECVNDA, vtrum Episcopus originis possit dispensare cum illegitimo promoti ad ordinem subdiaconatus sine dispensatione Papæ.

- 2 Ad hanc secundam quæstionem respondeo quod sic. Tum quia ita decidit ipse magister Gratianus in 9. his auctoritatibus. sub cap. non inuitati. 9. q. 2. qui allegat & subiicit textum ad hoc solemniissimum in cap. Lugdunensis. eadem cau. & quæstione. Tum quia Episcopus potest regulariter absolvere ab omni suspensione lata à iure, vt post alios resoluit Syluester in verb. suspensio. q. 8. arg. cap. nuper. de sent. excom. à cuius resolutione licet discedamus nos in Man. confess. cap. 27. num. 162. quo ad alias suspensiones, conuenimus tamen quo ad illas, quæ imponuntur pro adultério, & alijs minoribus criminibus, de quorum numero est præfata ordinatio, præsertim facta bona fide, & sine dolo, vt in casu proposito.

QVÆSTIO TERTIA, an præfatus consulens fuerit satis iuste absolutus à suspensione quam incurrerat male (sine dispensatione) suscipiendo subdiaconatum: ita quod etiam iuste potuisset ascendere ad superiores.

Hoc corollarie soluitur ex responsione ad quæstionem secundam, cum Episcopus originis iuste potuisset illum absolvere ab ea, & absoluit, vt habetur in facto & casu.

QVÆSTIO QVARTA, an absolutio virtute Iobelæi accepta potuisset consulentem liberare à præfata suspensione & irregularitate, si quam contraxisset celebrando suspensus.

- 3 Ad quam respondetur primo, quod potuisset liberare illum à suspensione quo ad forum conscientie tantum: quia per Iobelæa non fit absolutio quo ad forum exterius, nisi id in eis exprimat, quod tamen rarissime fit, vt colligitur ex Man. cap. 27. num. 272. sub finem. Secundo, quod non

non potuisset liberare ab irregularitate, si quam contraxisset; quia nec Iobela, nec alia bulla praestant facultatem absoluendi siue dispensandi ab irregularitate etiam quo ad forum conscientiae, ut nos monuimus in dicto Man. cap. 27. num. 194. & 150.

4 QVAESTIO QUINTA, an collatio canonici facta consulenti fuerit valida.

Ad quam respondetur quod non, si Episcopus originis solum dispensauit cum eo ad ordines minores tantum, & non ad beneficium, ut significatur in casu: quia collatio beneficii facta illegitimo ante legitimam dispensationem non valet, ut probatur in cap. fin. de fil. presbyt. & ibi latius tractat Anto. Si autem praefatus Episcopus dispensauit quo ad ordines minores, & beneficium simplex, iuxta cap. 1. & 2. de filiis presbyt. lib. 6. ita quod extenderetur ad canonicatum ecclesiae cathedralis, ad quam potest Episcopus dispensare cum illegitimo, secundum opinionem Archidiaconi communiter receptam in dict. cap. 1. & 2. de filiis presbyt. lib. 6. tenuit praefata collatio.

Aduertendum tamen, quod licet Episcopus possit dispensare cum illegitimo ad omne beneficium simplex, & ita etiam ad canonicatum ecclesiae cathedralis secundum praefatam opinionem Archidiaconi; non tamen videtur dispensare ad talem canonicatum, nisi id exprimat, secundum Franc. in d. cap. 1. num. 6. per quamdam rationem coloratam. Salua, &c.

S V M M A R I V M.

- 1 Dispensare etsi censeatur Pontifex, quando facit aliquid contra ius super quo dispensare potest, secus tamen est in Episcopo.
- 2 Ordines non bene accipiuntur ab Episcopo, nisi sit illius subditus ratione originis, vel beneficii, vel domicilii, vel saltem triennalis familiaritatis.
- 2 Domicilium non praesumitur ante decennium, nisi probetur.
- 3 Consensus nouus praesentatis vel consentientis pensionis reservationi non requiritur, quando Papa institutionem de beneficio & reservationem pensionis nulliter factam ratam habet.
- 4 Dispensatio super beneficio, & pensione male obtenta obtinet vires à die eius conuallationis, nisi Papa iubeat eam retrahi.

CONSILIVM V.

N. ILLEGITIMVS ab Episcopo ecclesiae A. eius auunculo, licet non esset eius subditus, sine alia expressa dispensatione accepit minores ordines, & postea à Papa ad nominationem Regis obtinuit beneficiū ac pensionem. Queritur quid iuris; & dato quod egeat dispensatione ab illegitimitate, an sit necessarium quod Papa ratam habeat collationem beneficii, & constitutionem pensionis.

Pro resolutione dubiorum, quae ex proposito facto oriuntur, respondeo primo praefatum N. certo & indubitate dicendum esse male ordinatum.

- 1 Primo quidem ex defectu natalium, quia non erat legitimus; & qui non est legitimus, non potest sine dispensatione saltem Episcopi ad ordines etiam

etiam minores promoueri, per cap. 1. de fil. presbyt. lib. 6. Et non prodest ei dicere quod Episcopus ecclesie A. ordinando eum visus fuit dispensare cum illo, ut posset ordinari; quia superior cum facit aliquid contra illud, super quo dispensare potest, videtur tacite dispensare, iuxta l. quidam consulebat. ff. de re iud. Quoniam illud verum est, cum superior est Papa; non autem est verum, cum superior est Episcopus, ut tradit eleganter Panormit. receptus ab alijs in cap. diuersis fallacijs. de cler. coniug. concordando duo dicta Innocentij num. 3. & assignando pulchram concordie rationem.

2. Secundo, quod etiam videtur male ordinatus ex eo quod Episcopus ecclesie A. auunculus eius non potuit eum iure ordinare, quia non erat subditus eius ratione originis, nec ratione beneficij, neque ratione domicilij, quorum trium saltem vnum requiritur ad hoc ut Episcopus possit aliquem ordinare: & constat prefatum N. nullo illorum modorum subditum fuisse illi, quia non fuit natus in diocesi ecclesie A. nec habebat beneficium in illa, ut colligitur ex facto narrato, neque etiam habebat domiciliu: quia licet inferuaret Episcopo suo auunculo, & aleretur ab eo, non tamen acquisiuit domiciliu: quia illud non quaritur nisi habenti animum viuendi perpetuo in aliquo loco, & ipse non videtur transisse ad auunculum suum animo transferendi vel acquirendi domiciliu per habitationem perpetuam, sed ut esset eius familiaris; per quod in dubio non presumitur talis animus, saltem ante decem annos, l. 2. & per totum lib. 10. C. de incolis. & l. domiciliu. cum ei adnot. ff. ad municipal. Nec prodest illi, quod per Concil. Trid. permittatur Episcopis ordinare familiares suos triennales, conferendo eis statim beneficia, sess. 23. cap. 9. de reform. quia non narratur in facto, quod & in dubio non presumitur factum, nisi probetur, cap. cum in iure. de offic. deleg. & l. 1. C. de mandat. princip.

3. Tertio respondeo, quod non videtur necessarius nouus consensus Regis, neque Episcopi. Tum quia videtur consensus antiquus durare, arg. cap. ad id. cum ei adnotatis, de spons. & cap. quod semel. de regul. iur. lib. 6. non quidem quoad hoc, ut presentatio regia, vel consensio ut pensio constitueretur, valeret a principio, & a tempore quo fuit facta, vel prestitus consensus; sed sic quoad hoc ut non possit dici quod Papa concessit pensionem sine consensu regio & Episcopi: si enim Papa narratis prefatis defectibus supplenerit ea quae defuerunt, valida censentur omnia a tempore quo sua sanctitas illa supplenerit, & voluerit omnia esse rite & recte facta, arg. cap. proposuit. de concess. preben. & cap. cuncta per mundum. 9. q. 3.

4. Quarto, quod expediet dicto N. ut Papa in concessione huius gratie dispenset primo super defectu natalium, & secundo ratam habeat collationem beneficij, quam habuit; tertio quod habeat ratam constitutionem pensionis, si fieri potest, a tempore constitutionis eius, attento consensu tum regio, tum eius qui soluit pensionem, propter supradicta. Salua, &c.

- 1 Illegitimus nullus sine dispensatione Papa vel Episcopi potest habere vllum beneficium ecclesiasticum: fallit in religioso professo, qui habet sui ordinis beneficia & officia, modo non sit dignitas, num. 2. nec habeat curam animarum ex fundatione, privilegio, vel usurpatione. num. 6. & 7.
- 2 Beneficium obtinens ecclesiasticum, ceteris paribus, praefertur non habenti.
- 4 Communis vsus loquentium, praesertim legislatorum, attendendus.
- 3 Praelatorum, seu praefectorum appellatione secundum communem vsum loquendi, solum veniunt Episcopi, & eis superiores, praefectique ecclesiarum collegiatarum secularium, & regularium, quales non sunt rectores parochialium.
- 5 Et, coniunctio, proprie diuersa coniungit.
- 7 Dispensatus illegitimus ad omnes etiam presbyteratus ordines, non est dispensatus ad beneficia.

CONSILIVM VI.

AN ILLEGITIMVS factus canonicus regularis ecclesiae cathedralis, possit esse archidiaconus eiusdem sine dispensatione Papae?

- 1 Pro parte negante facit primo, quod nullus illegitimus potest sine dispensatione Papae, vel Episcopi, habere vllum beneficium ecclesiasticum, iuxta gloss. comm. recept. in cap. fin. de fil. presb. & arg. cap. 1. & 2. eod. tit. lib. 6. & negari non potest hunc archidiaconatum esse beneficium ecclesiasticum per definitionem beneficii, quam tradit Cald. in cap. postulati. & ibi Felin. num. 4. & 5. de rescript. & Ancharan. in cap. 1. de regul. iur. lib. 6.
 - 2 Secundo, quod non videtur esse vllus textus, qui probet religiosum illegitimum posse habere vlla beneficia absque dispensatione. quia cap. 1. de filiis presb. quod maxime in hoc citatur, solum probat posse assumere ordines sacros: sed nihil dicit de beneficiis; immo expresse prohibet sibi praelationes: & constat omnia beneficia esse quasdam praelationes: quia qui illa habent, praefertur ceteris paribus ijs, qui non habent illa, arg. cap. sanctorum. & cap. neminem. 70. dist. & cap. cum secundum. & cap. tuis. de praebend.
- Pro parte autem affirmante facit primo praefatum cap. 1. de fil. presb. quatenus probat, illegitimum factum monachum, vel canonicum regularem, posse absque dispensatione assumere ordines sacros, sed non praelationem: per quam exceptionem significat à contrario sensu, posse habere alia beneficia, vel officia regularia, quae qui habent, non dicuntur praelati.
- 3 Secundo, quod etiam in monasterijs regularibus inveniuntur beneficia ecclesiastica praeter abbatias, & alias praefecturas, siue praelaturas conventuales, vt prioratus claustrales, officia, & administrationes, cap. cum singula. in princ. & 9. prohibemus. & cap. cum de beneficio. de praeb. lib. 6. & clem. 1. de supp. negli. praelato. ad quae omnis monachus professus etiam illegitimus videtur habilis, arg. d. iurium.

- 4 Tertio, quod communis vsus loquendi praesertim legislatorum est attendendus quo ad intelligendum leges ab eis conditas, l. librorum. 9. quod tamen Cassins. ff. de leg. 3. At communis vsus loquendi habet appellare praelatos

- atos solos Episcopos, & superiores eorum, & præfectos ecclesijs collegiatis secularibus vel regularibus, & non alios, etiam si copiosos redditus habeant: quin & legislatores ipsi in eadem significatione vtuntur illo nomine, vt in cap. cum ab ecclesiarum prælati. de offic. ordina. & in rubrica de his quæ fiunt à prælat. & in rubr. ne prælati vices suas, & in rubrica de excess. prælat. & in cap. cum illis. §. illis vero. ibi, *prælaturas*, &c. de præb. lib. 6. clem. dudum. §. ab olim. de sepult. ibi, *prælatos*, & *rectores*. significando per illam coniunctionem, et, quæ proprie coniungit diuersa, iuxta glo. in rub. ff. de iuris & facti ignor. & cap. quærela. de simon. quod etiam rectores ecclesiarum parochialium non dicantur prælati. & in eadem clem. §. nos autem. per illa verba, *Prælati locorum*, solum intelliguntur Episcopi, & alij iurisdictione quasi episcopale habentes, secundum Card. & eos quos ipse refert in d. clem. §. statuimus. quæst. 9. quamuis Bonifac. in d. clem. §. ad honorē. num. 37. solos Episcopos putat ibi appellandos esse prælatos.

Quarto, quod etiam Antonin. & Card. in d. cap. 1. de fil. presb. asserūt, illegitimos per professionem regularem legitimatos posse habere sine alia dispensatione administrationem, quæ tamen est beneficium regulare, vt probat clem. 1. de supplen. negl. prælat. & consequenter possunt habere prioratus, & officia sui ordinis & monasterij, iuxta cap. cum singula. in princ. & fine de præben. lib. 6, & consequenter præfatum archidiaconatum mensæ, quem qui tenet, non est prælatus, sed potius cellerarius, qui mensæ necessaria præbet. Nec obstat, quod illi loquuntur de administratione manuali: quoniam omnia beneficia regularia præter prælaturas conuentuales iure communi sunt manualia, cap. 2. & cap. cum ad monasterium. §. tales. de statu monach. & ita eadem ratione potest habere vnam, sicut aliam, & consequenter præfatum archidiaconatum, sicuti quemcumque prioratum suæ ecclesiæ alium à conuentuali.

Ex his pro vtraque parte consideratis apparet primo quæstionem hanc esse magnam, & parum à doctoribus tractatam.

Secundo colligitur, quod duplex ratio videtur urgere ad dicendum quod requiratur dispensatio. Altera est, quod hic archidiaconatus videtur prælatura. Altera, quod est beneficium, & quod dispensatus ad omnes ordines, non videtur dispensatus ad beneficium, si nihil dicatur de beneficio in dispensatione ad ordines.

Tertio, quod prior ratio prælationis non concludit: quia efficaciter probatur per adducta pro parte affirmante præfatum archidiaconatum non esse prælaturam, siue præfecturam.

Quarto, quod nec ratio secunda videtur concludere dispensationem esse necessariam in hoc casu, attento solo iure communi, & attenta natura, quam habet solo iure communi beneficia regularia: quia efficaciter probatur illegitimum factum religiosum posse absque dispensatione habere beneficia manualia sui ordinis, & monasterij, si cura animarum careant; & quod solo iure communi attento omnia beneficia regularia, quæ non sunt capita cō-ētū, sunt manualia; & quod is archidiaconatus solo iure communi attento, cum non sit abbatia, nec prioratus conuentualis, esset officium

cium manuale, quod qui habet, vocatur cellerarius, cap. cū ad monasterium. vers. quod si quidquam. de stat. monach. & non potest conferri alicui ad tenendum illud perpetuo durante vita, sed solum ita vt ad nutum reuocari possit, iuxta d. cap. cum ad monasterium, s. tales.

Quinto, quod quia ex fundatione, priuilegio, vel immemoriali possessione vsucaptum est quod præfatus archidiaconatus sit beneficium perpetuū, & non ad nutum reuocabile, & beneficium non quale quale, sed dignitas, personatus, vel officium incompatible cum alio simili, vel ecclesiæ parochiali, iuxt. cap. de multa. de præben. non sine colore videri posset, quod illegitimus dispensatus ad ordines per religionis ingressum, nō censetur dispensatus ad beneficium perpetuum, quod est dignitas, officium, vel personatus perpetuus longe distans à natura officiorum religionis canonicorum regularium, quæ iure communi sunt manualia. Tum per adducta pro parte negante. Tum quia secundum Anto. & Card. q. 8, & 9. communiter recep. in d. cap. 1. de fil. presb. non posset huiusmodi illegitimus dispensatus ad omnes ordines per religionis ingressum habere sine dispensatione beneficium etiam manuale, si curam habeat animarum, sicut secundum eosdem ibidem, & Domin. & Perus. & Frac. in cap. 1. in glo. maiores. de fil. presb. lib. 6. illegitimus etiam dispensatus ad ordines omnes, etiam presbyterium, non censetur dispensatus ad beneficium curatum; licet presbyter videatur ad id esse habilis. Tum quia stylus Curia, qui haberet, vt illegitimus dispensatus per professionem, non indigeret dispensatione ad officia sui monasterij & ordinis, videtur posse restringi ad illa quæ seruant naturam officiorum sui ordinis; & quod non extenderetur ad alia quæ exuerunt illam naturam, & induerunt aliam longe diuersam, arg. cap. statutum. de elect. lib. 6. quo declaratum est dispositionem cap. licet canon. eod. tit. & lib. de ecclesia parochiali non includere ecclesiam parochialem collegiatam; quia accidens additum generi, videtur eximere id, cui additum est, à suo genere. Tum quia, vt puto, difficile probari posset in Rota, si questio verteretur in illa, quod stylus Curia extenderetur ad hunc casum: quamuis pro aduersa parte dici posset, quod originaria & naturalis conditio, quam iure communi deberent habere hæc officia, potius sit attendenda, quam accidentaria, quæ quodam vsu antiquo, & forte magis ex ambitione, quam charitate est inducta, arg. l. 3. ff. de tut. quæ probat naturalem causam præferri accidentariæ, quando ambæ concurrunt. Quare vltimam resolutionem referuo S. D. N. & cuius melius sentienti.

Ad hæc adde constitutionem S. D. N. Sixti Quinti, & eius declarationem contra illegitimos promulgatam tam in his quæ in hoc casu dicta sunt, quam quæ in alijs dicentur.

S V M M A R I V M.

1. Capitulum sede vacante succedit Episcopo in ijs, quæ sunt iurisdictionis ordinaria etiam voluntaria, præterquam in casibus expresse exceptis.
1. Dispensare potest Capitulum sede vacante cum illegitimo ad minores ordines, & ut possit simplex beneficium obtinere.

CON-

CONSILIUM VII.

AN CAPITVLVM Sede vacante possit dispensare cum illegitimo ad ordines minores, & beneficium simplex, sicut potest Episcopus, iuxta cap. 1. de fil. presb. lib. 6.

- 1 Respondetur, quod licet Ioan. And. quem ad verbum sequitur Domin. & Frâc. dicat in d. cap. 1. de filiis presb. lib. 6. eam Papali decisione indigere propter varias opiniones, quæ versantur super potestate Capituli sede vacante ad dispensandum; licet inquam hoc dixerint illi, & glos. in clem. 1. §. 1. verb. capituli. de hæret. videatur resolvere, quod Capitulum nō succedit Episcopo in his quæ sunt iurisdictionis volūtariæ, qualis est dispensatio: contrarium tamen videtur verius, quod tenet Panor. in cap. cum olim. de maiori. & obed. cui satis accedit Franc. Pauinus in tracta. de officio Capit. sede vacan. cap. 7. par. prima, & melius 2. part. cap. 1. num. 3. sed longe altius & resolutius Federi. Senen. cons. 40. & melius cons. 30. cuius multis rationibus addo illam firmam, quod circa potestatem Capituli sede vacante debet fieri regula affirmatiua, videlicet, quod succedit Episcopo regulariter in omnibus quæ sunt iurisdictionis ordinariæ, præterquam in casibus expresse exceptis, vt recte resoluit prædictus Franc. Pauinus in d. tract. par. 1. cap. 1. num. 3. & constat dispensationem illegitimorum pertinere ad iurisdictionem ordinariam Episcopi, & quod in nulla parte iuris ille casus excipitur ab illa regula: ergo standum est ei, arg. glos. solemn. in l. omnis definitio. ff. de reg. iuris, & rub. eodem tit. lib. 6. Salua, &c.

S V M M A R I V M.

- 1 *Vt, dictio posita in proœmio, immo & verba proœmij denotant causam finalem, quæ cessante, cessat dispositio: & hoc, modo dicta ratio ex toto deficiat, quia sufficit quod minus in vno, quam in aliis, militet. num. 3.*
- 2 *Dispensatio tollit impedimentum, quod ex facto oriebatur.*
- 3 *Intellectus Concilij sess. 25. cap. 15. est, vt filius qui ex dispensatione Apostolica ante Concilium obtinuit beneficium in ecclesia in qua pater mortuus fuerat beneficiatus, non possit modo aliud in illa obtinere.*
- 4 *Dispositio non odiosa, sed fauorabilis est censenda, quæ principaliter intendit inducere aliquid fauore dignum, licet minus principaliter id cedat in pœnam & odium aliquorum.*

CONSILIUM VIII.

AN CAP. 15. sess. 25. Concilij Triden. habeat locum in eo, qui ante illud legitima cum dispensatione obtinebat iam vnum beneficium in ecclesia in qua pater obtinebat aliud, ita quod & patre mortuo non possit in ea querere de nouo aliud?

- 1 Et pro parte quidē negatiua facit primo, quia vera & finalis ratio dicti cap. est in eius princip. ibi, *Vt paterna incontinētia memoria. quæ sumpta est ex*
Nauar. Cens. Pars. I. O cap.

cap. proposuisti. 82. dist. & ex cap. literas. de fil. presb. & ratio principalis secundum communem opinionem satis trita sumitur ex proemio, l. fin. ff. de hered. instit. Aym. cōf. 192. nu. 21. late Sarnen. in regula de annali, quæst. 1. n. 1. & 2. ubi dicit quod illa dictio, *ut*, significat causam finalem canonis, quæ solum debeat inspicere, sed hæc ratio cessat in proposito: quia iam ante Concil. dispensatus à Sede Apost. est N. ut possit obtinere canonicatum, & dignitates in ecclesia, in qua pater obtinuit abbatiam, & canonicatum: & d. cap. 15. in iis qui obtinebant ante Concil. patre iam mortuo, nihil innouavit, ut ibi in vers. *quod si in presenti, &c.* & merito, cum ex prouisione archidiaconatus in personam dicti N. qui iam ex plena dispensatione à sede Apost. est, lege permittente, in dicta ecclesia graduatus, cum cesset ratio inducenda memoria paternæ incontinentiæ, & sic cesset finalis ratio d. cap. 15. nihil ob stare debet eius dispositio. Sarnen. in regula de verisim. quæst. 3. numero 6. latissime omnes adducit Tiraquel. in tract. cessante causa, par. 1. num. 25. vers. legis ratione cessante, per vulg. l. adigere. §. quamuis. ff. de iure patron.

- 2 Secundo res redditur clara: nam ex dispensatione Apostolica sublatum est impedimentum beneficii iam obtenti per eius patrem, ut est textus in cap. dilectus. cum ibi not. per Doct. Abb. & alios de fil. presbyt. & cap. 15. in similibus casibus de dispensatis, & ante Concil. obtentis, patre iam mortuo, nihil disponit. Vnde sequitur communis, & approbata conclusio, quod dictum cap. ita disponens in casibus obuenturis post Concil. recipit interpretationem passiuam à decretis antiquis disponētibus in casibus quando quis est dispensatus, & iam obtinet dignitates in ecclesia, in qua eius pater obtinuit. Dec. cons. 445. num. 49. Din. cons. 135. num. 7. vol. 3. Alex. in l. fin. §. in computatione. col. pen. circa fin. C. de iur. delib. Iason in l. sciendum. num. 4. ff. qui satisfacere cogant. & in l. præterea. num. 14. vnde vir & vxor. & doct. Alexan. qui semper allegatur, in l. 1. §. lex Falcidia. num. 7. ff. ad leg. Falcid.

- 3 Sed pro parte affirmatiua faciunt Concilij verba, quæ sunt clara: quia palam est, verba Concilij comprehendere eum de quo quæritur. Et ad præcipuum oppositorum responderi potest, negando quod cesset ratio, & causa finalis illius cap. quia etsi non sit tanta ratio, quare is, de quo quæritur, arceatur à beneficio ibi nonne quærendo, quanta in eo qui nullum habuit ante Concilium in ea; negari tamen non potest, subesse aliquantam rationem, etsi non tantam: & lex generaliter loquens habet locum in omnibus contentis sub genere, etsi non militet tanta ratio in aliis, sicut in aliis, l. 1. §. qui autem. ff. de al. luf. & tradimus nos in Commēt. de paupert. in cap. statuimus. 9. q. 3. num. 73. post Decium cons. 669. num. 3. quod ipsum multi alij tradunt. Quod autem ratio illius canonis non cesset omnino, constat ei qui considerat quod cum is, de quo quæritur, quæret archidiaconatum præfatum, in toto populo refricabitur memoria incontinentiæ paternæ: eo quod ut minimum dicetur, N. filius N. quærit nunc & accipit archidiaconatum, eo quod cum dispensatione legitima habuit ante Concilium

cano-

canonicatum in ecclesia vbi pater suus habuit beneficium. & adeo quidem refricabitur, quod multi dicent id esse male factum, licet etiam multi dicerent contrarium; qua contrarietate plurimum renouatur memoria incontinentiæ paternæ, vt palam est. Nec obstat, quod dispositio illius canonis videtur aliqua ex parte odiosa, & ideo restringenda, cap. odia, de reg. iur. lib. 6. Tum quia finis, in quem conditus est, fauorem meretur, vt pote munditia, & decentia castitatis clericalis, & sublatio infamiæ contrarij vitij, quæ principalius intendit, quam pœnam, & inhabilitatem; quo casu fauorabilis iudicatur, cap. non dubium. cum annot. ei per Panor. & latius Fel. de sent. excom. Tum quia lex etiam odiosa includit omnia sub verbis eius proprie contenta, l. cum lege. iunct. glos. & doctrina Aret. ff. de testam. recep. à plerisque omnibus, & in his à Decio in l. factum. §. in pœnalibus. ff. de reg. iur. in cap. cum ordinem. de rescrip. & alibi sæpe, Alciatus in princ. tit. de verb. signif. Salua, &c.

SUMMARIUM.

1. *Nepotes presbyterorum nequaquam prohibiti leguntur habere beneficia. cuius: & hoc siue attendatur ius commune, siue constitutio Clement. VII. siue Conc. Trid. quæ iura cum loquantur de filiis, ad nepotes secundum magis veram & magis communem opinionem non sunt extendenda, & num. 2. & 3. & hoc tanto magis quando filius supervixit patri, num. 4. & 5. vel constitutio fuit facta in odium filiorum, vel non militat eadem ratio, num. 7. & prædicta citra omnem controuersiam procedunt, si qualitas, sub qua de filio facta est mentio, non militat in nepote, vt est in terminis sacri Concil. Trid. & dictæ constitutionis, quæ cum loquantur de filiis illegitimis, nequaquam extendi debent ad nepotes legitimos. num. 9.*
3. *Opinio Doctorum fundata pluribus & melioribus rationibus, est magis tenenda, quam contraria, licet sit communis.*
7. *Extensio facienda non est à casu in quo vertitur maior ratio, ad casum in quo vertitur minor.*
7. *Filij presbyterorum in ecclesiis, vbi eorum patres beneficium obtinuerunt, nequeunt etiam dissimile obtinere, nec pensiones super fructibus eius habere, nec quoquo modo ministrare.*
8. *Ortus à radice infecta, si non admittitur is à quo originem habet, nec ipse admittitur, si consequitur ius eius, vel in eius locum sit ponendus.*
8. *Natus ex illegitimo non admittitur ad suecessionem, cum non sit cognatus, nec agnatus, & iura agnationis & cognationis per illegitimum acquirere nequeat.*

CONSILIUM IX.

AN NEPOTES presbyterorum excludantur ab eorum beneficiis, si-
cut filij?

- 1 Siue attendamus ad dispositionem iuris communis, siue ad dispositionem clemen. siue etiam ad dispositionem Concilij Tridentini, nullibi reperitur facta mentio de nepotibus, sed tantum de filiis; & propterea videndum est, an istae dispositiones loquentes de filiis habeant etiam locum in nepotibus. Et licet Ant. Butr. & Abb. in cap. ad extirpandas. de fil. presbyt. dixerint, communem opinionem esse, quod idem sit in nepotibus; tamen, pace eorum sit dictum, contrarium est verius; quinimmo communis opinio se habet in contrarium, vt apparebit ex infra dicendis.
- 2 Nam quod ista prohibitio non extendatur ad nepotes voluit gloss. in cap. presbyterorum. 56. dist. & ibi post Gosfred. Rayner. per eum alleg. bene declarat, & voluit Gemin. circa med. vers. glossa 2. quaerit. vbi etiam Praepos. colum. 2. vers. glo. 2. quaerit. & idem voluit Abb. antiquus in d. cap. ad extirpandas. ibi, *Adde quod in hoc contradicit. de fil. presbyt. vbi etiam Ioan. Andr. paulo post princ. vers. in gloss. 1. ibi, nepotes. vbi etiam adducit Barthol. Brix. & ibi etiam late Egid. Bellam. num. 3. vbi etiam adducit Fratrem Ioannem in sum. confess. & Martin. Pampilonen. & hoc etiam ibidem voluit Card. paulo post princ. vers. quæro an quod hic dicitur de filiis. & Ancha. paulo post princip. vers. quaerit glossa, dicitur in rubrica. & Ant. de Butr. videtur residere in hac opinione, cum illam ultimo loco referat, gloss. in l. qui filium. §. Sabinus. ff. ad Trebel. Bart. in l. bona fides. ff. de pos. Et hac ratione dici potest quod idem teneat Abb. in d. cap. ad extirpandas. num. 8.*
- 3 Et ex his apparet, quod ista est magis communis opinio; quia Doctores tenentes hanc opinionem, longe excedunt numero tenentes contrariam opinionem. Item cum, vt ex lectura dictorum Doctorum apparet, isti moueantur longe pluribus & melioribus rationibus, quibus non respondent tenentes contrariam opinionem; ista opinio esset tenenda, etiam quod appareret quod contraria opinio esset magis communis, cap. capellanus. vbi Abb. de fer. & post alios Doct. in cap. 1. in 1. lectura, num. 29. de constitut.
- 4 Præterea etiam dato quod contraria opinio esset magis communis, & de iure verior, tamen non potest applicari casui nostro: quia in casu nostro filius superuixit patri, ita quod nepos non subintravit in locum filij: & in hoc casu omnes Doct. qui tenent contrariam opinionem, & qui fuerunt post Hostien. fatentur dictam opinionem non habere locum in isto casu, vt per Hostien. in cap. ex transmissa. de fil. presbyt. & per Ioan. Andr. in d. cap. ad extirpandas. vbi etiam Henric. Boic. Ant. de Butr. Abb. & omnes alij trad.
- 5 Nec obstant ea quæ habentur per Rebuff. in tit. de dispens. & defect. natal. in nu. 26. Quia responderetur, quod quicquid ipse dicat, ista declaratio tenetur per omnes Doct. qui tenent contrariam opinionem; & propterea ab ea non est recedendum; & est fundata in bona gl. in d. cap. ad extirpandas. quæ tenet contrariam opinionem. & Innocentius etiam, & omnes qui illam sequuntur, mouentur hac ratione, quia nepos subintrat in locum filij, §.

lij. 6. fut. inst. de hered. qual. & differen. quæ ratio cessat, quotiescumque filius superuixit patri. authen. successione. C. de legit. hered. & ita declarat Io. And. in d. cap. ad extirpandas. & Gemin. & Præpos. in d. cap. presbyter. 56. dist.

6 Nec præmissis obstat, quod nec clem. nec Concil. Trid. fuerint fundata propter tollendam successione, sed propter tollendam memoriã incontinentiæ paternæ; & quod propterea ista, quæ dicuntur de successione, nõ possunt applicari casui nostro. Quia respondetur, quod ista, quæ pro parte nostra adducuntur de successione, non adducuntur ad fundandam intentionem partis nostræ, sed ad tollendum motium glossæ, & Doct. tenentium contrarium, qui pro eorũ opinione hoc principali motiuo vtuntur, quod nepos in successione subintret in locum sui patris. & propterea si in terminis clem. & Concil. Trid. non fuit considerata successio, ergo tanto magis dicta per gloss. & alios illam sequen. non possunt applicari casui nostro.

7 Minus obstat, si dicatur, quod ratio reddita per Concil. & clem. habet locũ etiam in nepotibus; cum hoc videatur reducere in fauorem ecclesiarum, & præsertim quia dispositio Concilij vtitur illis verbis, *Quam longissime arceatur*. Quia respondetur, quod postea dispositio Concil. & clem. restringit se ad filios; quo casu, cum tractetur de odio principaliter ipsorum filiorum, eorum dispositio non porrigitur ad nepotes, l. pater. ff. de adulter. l. lege Iulia. 6. hoc capite. ff. de rit. nupt. & in terminis nostris tradunt omnes Doct. in princ. informationis allegati: & propterea cum dispositio Concilij se restringat ad filios, verba quantumuis generalia, respectu filiorum sunt intelligenda. tradunt communiter Doct. in l. si de certa. C. de transact. & præsertim quia non est tanta ratio in nepote legitimo ex filio, quemadmodum est in filio ipso illegitimo; & non debet fieri extensio de casu, in quo vertitur maior ratio, ad casum in quo vertitur minor ratio, gloss. in cap. in fidei fauorem. de heret. lib. 6. Paris. in conf. 110. num. 22. vol. 3. Et dum Concilium dixit, quod longissime memoria arceatur, verificatur in filiis, in quantum prohibet eis, quod in ecclesiis, ubi patres beneficium aliquod obtinuerunt, non possint etiam dissimile beneficium obtinere, nec in dictis ecclesiis quoquo modo ministrare, nec pensiones super fructibus beneficiorum, quæ parentes eorum obtinere, habere.

8 Sicut etiam non obstat illud, quod dici solet, quod quando quis venit ex radice infecta, tunc si non admittitur ille à quo ipse causam habet, nec etiam ipse admitti potest. Quia respondetur, quod ista non possunt applicari casui nostro; nam procedunt, quotiescumque iste consequitur ius, vel ponitur in aliquem locum, media persona incapaci: quo casu si medium est incapax, nec ipse admitti potest. Exempli gratia: natus ex illegitimo regulariter non admittitur ad successione; quia ad hoc, ut quis admittatur ad successione, oportet ut sit agnatus, vel cognatus; non potest eius filius, media eius persona, nancisci iura agnationis, & cognationis.

- 9 Præterea est diligenter animaduertendum, quod Clem. loquitur non simpliciter de filiis, sed cum hac qualitate, ex fornicatione nati: & similiter Concilium loquitur de filiis cum hac qualitate, qui non ex legitimo nati sunt matrimonio. quæ qualitates cum non cōueniant nepotibus ex legitimo matrimonio natis, idcirco in hoc casu sumus extra omnē controuersiā, quod non comprehenduntur nepotes, vt in terminis nostris, & est tex. & ibi declarat Bart. in l. fin. C. de natur. lib. & etiam in terminis nostris tradit Alciat. in l. liberorum. sub num. 10. vers. tertius casus est. ff. de verb. signif. Alex. in cons. 4. col. 2. vers. similiter confirmantur prædicta alias. num. 7. lib. 4. Salua, &c.

SUMMARIVM.

- 1 Nepos legitimus ex filio illegitimo nec per sacrum Concilium Trid. nec per constitutionem Clementis VII. comprehenditur, & num. 6. potestque hæres ab aho institui, num. 2. nec venit appellatione filiorum, nisi vt infra num. 4.
- 2 Qualitas, sub cuius consideratione constitutio aliquid disponit, si cesset, cessabit & dispositio.
- 3 Verba dispositionis vbi non conueniunt, vtiq; nec dispositio.
- 4 Dispositio prohibens filium obtinere beneficia patris, cum sit exorbitans & odiosa, non comprehendit nepotem; & hoc nedum ad terminos sacri Concilij, seu constitutionis Clem. VII. sed etiam ad terminos iuris, secundum magis veram & magis communem: licet aliqui hallucinantes scripserint contrarium. num. 5. nec interest an pater adhuc viuat, vel non; licet aliqui distinguant num. 4. & 5.
- 4 Filiorum appellatione veniunt nepotes, si tanta est ratio in vno, sicut in altero, & dispositio respectu filiorum fauorabilis est, alias non: vnde dispositio loquens de filio illegitimo non procedit in nepote legitimo, in quo non subest timor paternæ incontinentiæ. num. 3. & 6.

CONSILIUM X.

- C**VM Illustrissimi & Reuerendissimi Cardinales congregationis sacri Concil. Trid. quæsiuissent an clem. facta à Clemente VII. ne filij illegitimi possint beneficium paternum obtinere, eam acciperet interpretationem, vt & comprehenderet nepotem legitimum ex filio illegitimo, respectu beneficij auiti; nullaq. in his terminis Rotæ decisio reperta fuisset; visum fuit eisdem ampliss. Patribus etiam ex ordine S. D. N. Gregorij XIII. intelligere, quid in hac facti specie Rota sentiret, addito maxime decreto eiusdem sacri Concilij, de quo in cap. 15. sess. 25. Quapropter proposita per me eiusmodi difficultate sub die Veneris 12. Febr. 1574. fuit per Dominos conciusum non comprehendere nepotem legitimum ex filio illegitimo, neque sub clem. neque sub Concil. tam inspectis verbis, quam etiā inspecta mente seu ratione, tam clem. quam canonis præfati. Nam quo ad verba clem. certum est illa non conuenire nepoti legitimo, vt patet ibi. In ipsorum resignantium filios ex fornicatione genitos, & ibi super defectu natalium, quem ex dictis sacerdotibus resignantibus geniti patiebantur. & ibi: Ob inordinatum spurio-

puriorum filiorum amore. & ibi: Quod de cetero filij presbyterorum ex fornicatione nati, &c.

1. Similiter verba Concilij non conueniunt, vt patet ibi. *Qui non ex legitimo matrimonio nati sunt.* Vnde subintrat vulgaris regula, quod vbi verba dispositionis non conueniunt, dispositio etiam non conuenit. Bart. in l. 4. §. preter ait. in fin. de dam. inf. & ibi per Alex. Dec. in cap. 1. num. 21. de elect. & satis in proposito facit doct. Bart. in l. liberorum. num. 6. de verb. sig. & ibi Alciat. in vers. tertius casus est. Alex. conf. 4. col. 2. num. 7. vol. 4. per tex. in l. fin. C. de nat. lib. cū alijs, de quibus per Gabr. de verb. sign. cōcl. 1. num. 58. Cum enim præfatæ constitutiones loquantur de filio, non ea solū ratione, quia sit filius, sed quia natus ex fornicatione; non vendicant sibi locum in nepote legitimo, d. l. fin. per quem tex. Bart. & alij communiter in l. Gallus. §. & quid si is. de lib. & posth. concludunt nepotem legitimum ex filio illegitimo hæredem ab auo institui posse: quia in eo vitium paternum, & per consequens qualitas patrem excludens cessat, vt etiam cōcludit Card. Paleot. de noth. & spur. cap. 53. Couar. in epit. in 2. par. cap. 8. §. 5. num. 13. Pinell. in l. 1. num. 69. in 1. par. & in l. 3. num. 20. C. de bon. mut. Ant. de Rozel. de success. ab intest. num. 63.
3. Quo vero ad rationem, seu mentem Clem. & sacri Concilij, responsum fuit, non esse similem seu parem rationem in nepote legitimo, qui refert paternam continentiam, non incontinentiam, quæ est in filio illegitimo; militatque pro eo illa præsumptio, quod filius præsumitur esse similis patri, vt per Gig. de crim. læsæ maiest. in 3. par. q. 13. num. 14. & seq. Et quod non sit similis vel tanta ratio in nepote, quanta est in filio illegitimo, vltra prædicta tradunt Domin. & Alex. in cap. presbyterorum. 56. dist. Egidius in cap. ad extirpandas. de fil. presb. cum alijs, quæ inferius adducentur.
4. Et licet appellatione filiorum quandoque nepotes contineantur, vt in l. iusta. de verb. sig. in l. filium habeo. ad Maced. id procedit vbi est tanta ratio in nepote, quanta est in filio, & vbi dispositio est mere fauorabilis respectu filiorum, vt per hoc in l. Gallus. §. instituens. num. 4. de lib. & posth. & per Alciat. in d. l. iusta. præsertim super verbo patris. quæ omnia cessant in terminis nostris, in quibus non est par ratio, & dispositio non est mere fauorabilis, vt ex infra dicendis apparebit. Nam si volumus circumscripto etiam canone Concilij & clem. considerare quid de iure communi dicendum sit, vtique dispositio prohibens filium obtinere beneficium paternum, non habebit locum in nepote, tamquam dispositio exorbitans, & odiosa. Et licet in hoc tres principales reperiātur opiniones; vna videlicet, quæ distinguit an pater viuat, an non; secunda quod immo nepos nō excludatur; tertia (vt dixi) quod non comprehendatur: nihilominus Rota sequuta est tertiam opinionem, tamquam melioribus rationibus fultam, magis cōmunē, magisq. ad plenum per Doctores tractatam, & defensam. Istam enim opinionem tenent glos. in d. cap. presbyterorum. 56. dist. & in cap. Apostolica. 8. q. 1. & Io. de Fan. qui non est impressus, & Archid. ibidē, Goffr. in sum. num. 5. ad finem, Io. And. in d. cap. ad extirpandas. & in cap. ex transmissa. de fil. presb. & ibi Collecta. dum vltimo refert Arch. Io.

de Anan. & Abb. Antiq. & late per Egidium nu. 3. referentem etiam Martinum Pampilonen. Episcopum, Anchar. d. cap. ad extirpandas. Card. Anz. de Butr. & Abb. dum ultimo loco referunt istam opinionem: idem tenet disputando articulum communem in d. c. presbyterorum. & ibid. Alexandrin. & in d. cap. Apostolica. 8. q. 1. hoc idem tenet sum. confess. q. 8. sum. Pifanel. in verb. illegitimus. & sum. Ant. in cap. accedens. num. 2. & 22. de accus. Butr. conf. 24. Barbat. in cap. 2. de arb. & in cap. ex parte. 1. de offic. deleg. & ibi Bart. nu. 17. Bald. in cap. 1. 5. & quia. nu. 3. vers. quandoque ut terminus pena. de ijs qui fend. dar. poss. & opinionem Io. And. in d. cap. ad extirpandas. refert & sequitur Alex. conf. 32. num. 20. in 6. vol. Dec. conf. 99. col. 4. in princ. vers. ad hoc facit.

5. Ex quibus patet non esse standum attestationi Ant. de Butr. & Abb. in d. cap. ad extirpandas. qui simpliciter referunt Pet. de Rauen. in comp. iur. can. in tit. de fil. presb. quod communis opinio sit in contrarium, cum potius precedens opinio sit magis communis. Et quod inanimaduenter loquuti fuerint, patet etiam, quia distinctionem Host. adscribunt Innoc. qui simpliciter loquitur, & tenet contra nepotem: quæ tamen distinctio Host. in cap. ex transmissa. de fil. presb. & in sum. quam multi sequuntur, deseruit etiam in proposito nostro, in quo præsupponitur patrem illegitimum mortuum tunc esse. unde possunt addi omnes alij qui tenent cum distinct. Hostiensis, ut deseruiunt pro opinione precedenti, prout Collect. in d. cap. ex transmissa. Henric. Boic. in d. cap. ad extirpandas. summistæ fere omnes, Asten. Sylu. Ang. Rosel. Armil. in verbo beneficium.

Nec opus est euacuare fundamenta alterius opinionis; quia bene euacuantur per Domin. & Alexandrin. in locis allegatis, & per Egid. in d. cap. ad extirpandas.

6. Siue igitur inspiciamus verba, nepos non includitur; siue inspiciamus mentem & rationem, idem est dicendum; cum non militet eadem ratio, & materia sit odiosa, ut tenet oēs Doct. de quibus in prima opinione post Io. And. in d. cap. ad extirpandas. Et facile fuisset sacro Concilio, si nepotem legitimum voluisset excludere in illis verbis, *ut paterna incontinētia, &c.* addere, siue *anita*, ad tex. in l. vn. §. fin. autem ad deficientis. C. de cad. toll. cap. ad audientia. de decim. Et ita fuit conclusum, nepotem legitimum non excludi.

Aduerte quod hoc consilium non ponitur ut consilium Nanarri, sed ut resolutio eidem in principali puncto concordans.

DE CORPORE VITIATIS ORDIN. VEL NON.

S Y M M A R I U M.

1. Pollex non est membrum; cuius parte qui priuatus est, modo per indignationem sibi non abstulerit, non efficitur irregularis, si inde non inducatur impotentia, nec magna deformitas, seu scandalum in celebrando, num. 2. de qua si probabiliter dubitatur, Episcopi declaratio, sed non alterius inferioris sufficit. num. 3. qui si declaret magnum induci scandalum, esset irregularis, & a Papa esset petenda dispensatio. num. 4.

CON-

CONSILIUM I.

- A**D HANC Quæstionē respondeo primo, D. consulentem non esse irregularem simpliciter, quia non est mutilatus membro aliquo principali, neque est priuatus à se per indignationem parte aliqua alicuius membri, ut tradimus in nostro Manua. confess. cap. 27. num. 198. quia solum est mutilatus parte membri, scilicet pollice manus, qui non est membrum, ut nos post alios in dicto Manua. vbi supra num. 206. & 261. late probamus pro communi contra Caietanum & Sotum.
- 2 Secundo, quod si præfata mutilatio pollicis non inducit impotentiam celebrandi, nec magnam deformitatem in celebrante, poterit ipse celebrare sine vlla dispensatione, quia non est irregularis, ut dictum est.
- 3 Tercio, quod si dubitatur an possit absque scandalo celebrare, & an inducat magnam deformitatem, quæ id impediat; recurrendum est ad Episcopum, ad quem dicimus hanc determinationem spectare vbi supra num. 200. ita quod non sufficit arbitrium confessarii, vel alius prælati inferioris, ut ibidem subiicimus. Sed neque requiritur dispensatio Papalis, neque episcopalis, sed solum prædicta determinatio: quia non est irregularis, qualis si esset, deberet recurri ad Papam per ea quæ nos dicimus in d. Manu. vbi supra num. 239.

SUMMARIUM.

- 1 *Castratus ob ægritudinem de consilio medicorum, potest sine alia dispensatione omnes sacros ordines accipere.*

CONSILIUM II.

- T**ITIO Clerico fuerunt propter ægritudinem virilia à medicis abscissa; qui nunc desiderat ad omnes, etiam presbyteratus, ordines promoveri. Queritur, an possit sine sanctæ Sedis Apostolicæ dispensatione ad maiores ordines promoveri à suo Episcopo.
- 1 Respondeo, quod proculdubio potest, cap. si quis à medicis. & cap. eunuchus. & cap. si quis pro ægritudine. & cap. si quis pro infirmitate. 55. dist. & per regulam, quam nos quoque post alios posuimus in Man. confess. cap. 27. num. 199.

SUMMARIUM.

- 1 *Matrimonio, quod impotens cum virgine contraxerat, nullo declarato, potest talis sine dispensatione ordines & beneficia suscipere.*
- 2 *Bigamus nullo modo dici potest, qui cum unica & virgine ob impotentiam nulliter contraxit.*
- 3 *Impotens ad matrimonium licet quis sit, non tamen inde efficitur ut non possit ordines suscipere.*
- 3 *Castratus, siue eunuchus, modo se ipsum non castrauerit, est capax ordinum, & beneficiorum.*

- 4 *Corpore vitiatum potest ordinari, nisi sit mutilatus membro, vel taliter vitiatum, ut non possit ordines sine scandalo exercere.*

CONSILIVM III.

- A**N CONTRAHENS cū vnica & virgine matrimonium per verba de præsenti, possit legitime ordinari etiā sacris ordinibus, si matrimonium fuit inualidum propter suam impotentiam coeundi, ob quam declaratum fuit matrimonium fuisse & esse nullum, & data licentia contrahendi cum alio feminae quæ contraxit cum illo; & an ipse possit iuste sine dispensatione simpliciter ordinari sacerdos, & habere beneficia?
1. Respondeo, prædictum D. consulentem posse sine vlla dispensatione iuste ordinari sacerdotem, & quærere & retinere beneficia ecclesiastica. Tū quia nullo impedimēto iuris naturalis, diuini, neque humani canonici ab eo prohibetur. Tum quia, si quo prohiberetur, maxime esset impedimentum bigamiz, iuxta totum titulum de bigamis. Sed hoc est falsum, quia bigamiz impedimentum non inuenitur nisi in eo qui bis vere, putatiue, interpretatiue, vel similitudinarie antea matrimonium cōtraxit. At D. cōsulens nullo illorum modorum contraxit bis matrimonium, immo nec semel; quia id quod voluit contrahere, & de facto contraxit, non fuit verum matrimonium ob impedimentum legitimum frigiditytis naturæ, vel maleficiij legitime probatum, & per sententiam definitum, vt in facto proponitur. Tum quia impedimentum impotentiz contrahendi matrimonium non impedit habilitatem assumendi ordines, & beneficia, nisi impotentiam illam concomitentur aliqua irregularitas, vel inhabilitas alia; & etiam si sit eunuchus, siue castratus, non impedit ordinationem, nisi se ipsum iniuste absciderit, & castrauerit, cap. si quis abscidit. cap. eunuchus. & cap. si quis in infirmitate. & aliis multis. 55. dist. Tum quia nullus corpore vitiatum excluditur ab ordinatione, nisi sit mutilatus membro, vel tali vitio vitiatum, vt sit inhabilis ad exercendum ordines sine scandalo, vt probatur per prædictam fere totam dist. & totum tit. de corp. vitiatis.

SUMMARIVM.

1. *Irregularitatem impediētem promotionem ad ordines & beneficia non inducit defectus partis membri, vt sunt omnes quatuor digiti pedum, nisi inde oriatur magna deformitas, aut impedimentum vsus ordinum.*
2. *Virilia licet sint integrum membrum, tamen si sint abscissa à medicis, non inducunt irregularitatem.*

CONSILIVM IV.

- A**N CLERICVS minorum ordinum, qui per infirmitatem & ægritudinem perdidit omnes digitos vtriusque pedis, exceptis pollicibus, sit irregularis, & possit ordinari maioribus?
1. Respondeo, quod non est irregularis, & potest ascendere ad maiores ordines, & beneficium assecutum retinere. Tum per cap. qui partem. & cap. si quis

quis à medicis. & cap. si quis in ægitudine. 75. dist. quatenus probant, eum, qui partem alicuius membri perdidit per lāguorem, vel cui à medicis pro ægitudine secta est pars membri, immo & virilia, quæ constituunt membrum, non esse irregularem. Tum per cap. 2. de corpo. vitiat. quatenus probat, ut ibi annotat Panor. ab omnibus receptus, quod defectus partis membri non facit quem irregularem, nisi induceret magnam deformitatem, aut redderet impotentem ad vtendum ordinibus: & prædictus defectus nec inducit talem deformitatem, nec impotentiam, ut passim est. Tum per ea quæ latius tradimus in Man. cap. 27. num. 198. & sequenti adiunctis eis quæ tradimus in eodem cap. num. 206. probando efficaciter, quod digitus non est membrum, sed pars membri. Salua meliori, &c.

S V M M A R I V M.

- 1 *Auris cartilagine in tam modica carens quantitate, quæ potest ita tegi, ut possit sine scandalo ministrare, non eget aliqua dispensatione.*

C O N S I L I V M V.

QVAERITVR, an carens particula cartilaginis auris sit irregularis, ita ut ad celebrandum indigeat dispensatione.

- 1 Respondetur, D. consulentem posse iuste celebrare, per ea quæ tradimus in nostro Manu. cōfess. cap. 27. num. 199. Nec obstat id quod dicimus ibidem num. 223. de carente cartilagine: quia D. consulens non caret tota, nec dimidiata, nec tota tertia parte, sed tantula, quæ potest tegi, vel ita dissimulari, quod non inducat scandalum, vtendo capillo coronæ demissiore, saltem in illa parte.

S V M M A R I V M.

- 1 *Missæ sine ministro respondente celebrari potest.*
- 2 *Surdus vix sine peccato presbyterio insignitur.*
- 2 *Surdo ad Missam celebrandam utilis dispensatio Papæ, sed non necessaria, ut possit sine ministro saltem in loco secreto celebrare.*
- 2 *Missæ celebranda videtur ex decreto Ecclesiæ coram duobus: at ex generali consuetudine satis ut unus sit præsens.*

C O N S I L I V M VI.

QVIDAM omnino surdus ad omnes, etiam presbyteratus, ordines se promoueri fecit. Queritur an mortifere peccauerit.

- 1 Respondeo primo, quod vix defendi potest eum non peccasse mortaliter, quando suscepit ordinem presbyteratus, etiam eo solo, quod cum esset omnino surdus, suscepit presbyteratum: quia licet surdaster, siue difficulter audiens ordinari possit presbyteratu, non videtur tamen posse ordinari, qui omnino est surdus, ut dicit R. D. Simon Maiolus Episcopus Vultur. lib. 1. cap. 25. de irregular. Dixi, vix: quoniam etsi cum difficultate, videtur posse iure defendi. Tum quod licet prohibeantur omnibus ordinari, presbyteratu cæcus, claudus, & alij, qui non possunt facere illa, quæ requi-

run-

runtur in celebratione Missæ per cap. 1.49. distin. & per totum titulum de corp. vitia. nullibi tamen videntur prohiberi surdi, etiam qui penitus non audiunt: quoniam possunt dicere Missam soli, & sine ministro respondente, & consequenter non audiendo illum, vt tenuit glo. sing. in cap. hoc quoque. de consecr. dist. 1. loquendo de inclusis.

- 2 Secundo, quod utilis esset ei licentia Papæ ad celebrandum aliquoties Missam, saltem in aliquo loco secreto, etiam vt sine ministro respondente eam dicere possit. Dixi, utilis: quia statutum Ecclesiæ videtur habere, vt dicatur coram duobus, prædicto cap. hoc quoque. & consuetudo generalis, quod saltem vnus sit præsens per gloss. eius. Non dixi, necessaria: quia excusaretur à peccato & culpa dicendo eam sine ministro propter impedimentum tantæ surditatis.

S V M M A R I V M.

- 1 Suspendus ter est, qui sine dimissorijs ordinarij tres accipit ordines sacros. num. 1.
- 2 Surdaster etsi presbyterio possit insigniri, id tamen de omnino surdo vix potest defendi.
- 3 Surdo, qui presbyteralem suscepit ordinem, etsi non necessaria, utilis saltem est dispensatio Papæ, qua ei permittatur vt in occulto sine socio aliquando celebret. num. 6.
- 4 Falsans literas sui Episcopi grauiter peccat, itemque & qui falsis vtitur literis in iudicio, ac per illas absolutionem obtinet, ne priuaretur beneficio alijs legitime obtento. num. 5. non tamen ob id tenetur petere reualidationem tituli, sicut nec qui post illum obtentum in irregularitatem incidit. num. 7.

CONSILIVM VII.

CLERICVS quatuor minorum, cum esset factus surdus, & sciret quod propterea non initiaretur sacris à suo ordinario, cum falsis literis dimissorijs à se confectis suscepit ab alieno duos ordines sacros, subdiaconatum, & diaconatum; & inde cum falsis testimonialibus, quod esset rite initiatus dictis sacris ordinibus, ab alio Episcopo ad presbyteratus ordinem se fecit promoueri; & præterea falsis literis ab eo fabricatis obtinuit à suo ordinario absolutionem ab accusatione, quod non esset ordinatus presbyteratu, quem suum beneficiū requirebat. Quæritur, quas censuras, seu pœnas incurrerit, & quo remedio indigeat, vt possit in susceptis ministrare.

- 1 Respondeo primo, præfatum consulentem esse suspendum per extrauag. Pij II. quam nos citamus in Man. confess. cap. 27. num. 241. & cap. 25. num. 7. quia sine literis dimissorijs ordinarij sui suscepit ab alieno Episcopo duos ordines sacros, scilicet subdiaconatum, & diaconatum.
- 2 Secundo, quod etiam est suspensus, eo quod ordinem presbyteratus suscepit ab alieno Episcopo sine dimissorijs sui ordinarij, per præfata extrauag.
- 3 Tertio, quod vix iure defendi potest eum non peccasse mortaliter, quando suscepit ordinem presbyteratus, etiam eo solo, quod cum esset omnino surdus, suscepit presbyteratum: quia licet surdaster siue difficulter audiens

diens ordinari possit presbyteratu, non videtur tamen posse ordinari qui omnino est surdus, vt dixit Reuerendissimus D. Simon Maiol. lib. 1. cap. 25. de irreg. Dixi, vix: quoniam cū difficultate videtur posse iure defendi. Tum quia licet prohibeantur canonibus ordinari presbyteratu cæci, claudi, & alij qui non possunt facere illa quæ requiruntur in celebratione Missæ, per cap. 1. 49. dist. & per totū titulum de corp. viti. nullibi tamen videntur prohiberi surdi, etiam qui penitus non audiunt; quoniā possunt dicere Missam soli, etiam sine ministro respondente, & consequenter non audiendo illum, vt tenuit gl. sing. in cap. hoc quoque. de consecr. dist. 1. loquendo de inclusis, quam nos defendimus in enchirid. de orat. cap. 22. nu. 86. & Miscel. 67. num. 5.

4 Quarto, quod etiam præfatus consulens grauiter peccauit fingendo literas falsas, quibus fiebat fides quod quidam Episcopus alius, quam suus ordinarius, affirmabat se ordinasse præfatum consulentem, visis literis, quæ attestabantur eum fuisse ordinatum subdiaconatu, & diaconatu antea legitime ab alio Episcopo.

5 Quinto, quod etiam peccauit graniter procurando & obtinendo absolutionem à suo Episcopo ordinario ab accusatione, qua accusabatur non esse ordinatum presbyteratu, quem suū beneficium, etiam si esset simplex, requirebat; quia fuit fabricator falsarum literarum, licet non apostolicarum, & vsus fuit illis in iudicio, & obtinuit absolutionem ab accusatione, qua coram ordinario accusabatur.

6 Sexto, quod præfatus consulens indiget primo vera pœnitentia cordis & oris præfatorum erratorū. Secundo, quod indiget absolutione à tribus suspensionibus per trium ordinum sacrorum susceptionem incurfis. Tercio, quod utilis esset ei licentia Papæ ad celebrandum aliquoties Missam saltem in aliquo loco secreto, vt eā sine ministro respondente dicere possit. Dixi, utilis, & non necessaria: quia excusaretur à peccato & culpa non dicendi eam propter impedimentum, tantæ surditatis, & quia statutum Ecclesiæ videtur habere vt dicatur corā duobus, prædicto cap. hoc quoque. & consuetudo generalis quod saltem vnus sit præsens, per glo. eius.

7 Septimo, quod nō indiget noua collatione beneficij, neque noua facultate retinendi illud; quia per prædicta delicta non perdidit ipso iure beneficium, quod habuit priusquam surdesceret, & peccata prædicta perpetraret; quia beneficium legitime collatum non perditur ipso iure etiam per irregularitatem regulariter, vt determinat Innoc. recept. in cap. cum nostris. de concessione præben.

Aequi bonique consulat lector, si hoc responsum videatur aliquantulum differre ab alio posito sub num. 6. quod super eodem facto videtur datum. Nam diuersitas copiarum ita suadet faciendum.

DE BIGAMIS NON ORDINANDIS.

S V M M A R I V M.

1 Irregularitas in casibus tantum à iure expressis contrahitur.

1 Bigamus non est laicus nulliter cum corrupta contrahens, contra Butrium, nu. 5. nec cleri-

clericus minorum ordinum, nu. 2. quia nulla ex omnibus tribus speciebus irregularitatis eis competit.

1. Bigamus est, bigamia videlicet similitudinaria, contrahens matrimonium, etiam inualide, post votum solemne religionis, vel sacri ordinis, quo quis contrahit matrimonium spirituale cum Christo.
2. Pœna de vno casu ad alium non extenduntur.
3. Matrimonium spirituale cum Christo non contrahitur per ordines minores, nec incurritur inhabilitas ad contrahendum matrimonium carnale.
4. Dicitio, huiusmodi, in iure est restrictiua.

CONSILIVM I.

QUIDAM laicus contraxit matrimonium cū corrupta inualide ob aliquod impedimētum. Quæritur an contraxerit bigamiæ irregularitatē.

1. Respondetur quod non. Primo quidem, quod irregularitas non contrahitur nisi in casibus à iure expressis, cap. is qui. de sent. excom. lib. 6. & nullibi reperitur expressum quod in hoc casu contrahatur.

Secundo, quod omnis bigamia vel est vera, vel interpretatiua, siue similitudinaria, vt habetur in rubrica de bigamis. post gl. in cap. 2. eo. tit. & Specul. de dispensatio. 6. iuxta. nu. 6. at in hoc casu non est vera, quia non contraxit valide cum duabus successine, quæ dicitur vera bigamia: nec interpretatiua, quia non contraxit cum duabus inualide, vel cum vna valide, & cum alia inualide, nec cum corrupta valide; quæ dicuntur tres species bigamiæ interpretatiuæ, vt diximus in Man. nostro confess. cap. 27. nu. 195. neque similitudinaria, quia non contraxit cum vna valide, neque inualide post votū solemne religionis, vel sacri ordinis, quo dicitur quis cōtrahere spirituale matrimonium cum Christo per cap. 1. & multa seqq. præsertim cap. quotquot. 27. q. 1. cuius verba sunt: *Quotquot virginitatem pollicitam præuaricati sunt, professione contempta, inter bigamos, id est qui ad secundas nuptias transierunt, haberi debebunt.*

2. Nec obstat primo cap. 1. de bigam. quia loquitur de presbytero, qui post votum solemne, quod cōtrahitur per susceptionem ordinis, cap. 1. de voto lib. 6. & ita post contractas nuptias spirituales cum Christo, contrahit alias carnales, licet inualide cum alia.

Secundo non obstat cap. fin. de bigam. quia non loquitur de clerico minorum ordinum, sed de subdiacono, qui per subdiaconatus susceptionem obligatur voto solemni, quo cōtraxit matrimonium spirituale, sicut presbyter, per cap. à multis. de ætate & qualitat. adiuncta d. cap. 1. de voto lib. 6.

Tertio non obstat Rotæ decisio 1. de bigam. quæ habet clericum in minoribus ordinibus constitutum incurrere bigamiæ irregularitatem contrahendo matrimonium inualide cum corrupta: & cum pares videantur esse quo ad hoc propositū laicus, & clericus in minoribus constitutus, cui licet ducere uxorem, sequitur idē dicendum esse de utroque: non inquam hoc obstat. Tum quia prædictum cap. ult. non agit de clerico in minoribus constituto, sed tantum de subdiacono. Tum quia non potest extendi per identitatem rationis: quia lōge alia ratio est de subdiacono, quam de clerico

rico

rico in minoribus constituto: quoniam ratio quare subdiaconus, contrahendo matrimonium etiam inualidum, incurrit irregularitatem bigamie similitudinariae, est illa, quod iam antea contraxerat aliud matrimonium spirituale per votum solenne cum Christo, ut praedictum est: quae ratio penitus cessat in clerico in minoribus tantum constituto, ut palam est. Tum quia illa constitutio est poenalis; inducit enim poenam irregularitatis bigamiae, ut etiam expressit Egidius in d. cap. nuper. & poenae de vno casu ad alium non extenduntur, l. interpretatione. ff. de poenis. & cap. poenae. de poenit. dist. 1. Tum quia Rota non consideravit rationem praedictam, videlicet quare subdiaconus contrahendo matrimonium incurrit praedictam irregularitatem: quam rationem si inuenisset, contrarium utique decidisset.

- 3 Quarto non obstat, quia significat aliud esse in laico, & aliud in clerico in minoribus constituto: quod tamen nulla ratione defendi potest, cum per ordinem minorum assumptionem nullum matrimonium spirituale contrahatur cum Christo, per quod incurratur inhabilitas ad matrimonium carnale contrahendum. & hanc partem significauit Innoc. in d. cap. nuper. dum verbo clericis in textu posito addit haec verba, *in sacris constitutis*. & recte quidem: quia textus addit verbum *huiusmodi*, quod est restrictiuum restringens ad clericos, de quibus meminerat ante, l. huiusmodi. ff. de leg. 1. meminerat autem de constitutis in sacris: quia egit de clericis non potentibus uxores ducere. Idem etiam significat ibidem ipsemet Innoc. per illa verba, *Idem dicerem de monacho*. & quidem recte: quia ille etiam tenetur voto solenni, quo contraxit matrimonium spirituale per praedictum cap. 1. & multa alia 27. quaest. 1. praesertim cap. quotquot. quo cauetur expresse fieri bigamum eum, qui post solemne votum contrahit. & quidem vir eruditissimus, si idem sensisset de laico & clerico in minoribus constituto, quod de monacho, exerte dixisset, *de omni alio siue laico, siue clerico*. sed ideo non dixit, quia non nouit, & meminit praedictam rationem diuersitatis.

- 5 Quinto non obstant etiam verba Antonij de Butrio, quatenus ait in d. cap. nuper. bigamiam incurri contrahendo matrimonium inualide in omnibus casibus, in quibus incurritur contrahendo valide: quia loquitur de contrahente secunda vice, & sic de bigamia interpretatiua, non autem de contrahente vna tantum vice, & sic de bigamia similitudinaria. Facit pro hac parte, quod nullus commentantium ibi, nec alibi, nec S. Thomas, Palud. nec alij in 4. lib. senten. dist. 27. ubi de bigamia tractant, faciunt praedictam extensionem.

Ex quibus palam colligitur idem esse dicendum de clerico in minoribus constituto, quod de laico: & quod Syluester verbo bigamia. in principio post alios summistas ait octauo modo contrahi bigamiam, quando quis post votum solemne religionis vel ordinis sacri contrahit cum aliqua, siue sit virgo, siue corrupta. Salua, &c.

S V M M A R I V M.

- 1 Bigamia, & non trigamia ius meminit.
- 2 Inhabilis ad ordines tam est qui bis, quam qui pluries nuptias contrahit.

3 Biga-

- 3 Bigamus, & non trigamus est, qui cum virgine, & cū corrupta successine contrahit.
- 3 Improproprietates, etiam quibus iura quandoque vtuntur, non sunt extendendæ.
- 3 Bigamus est quidem etiam semel cum corrupta contrahens, sed interpretatiue & improprie.
- 4 Dispensatur facilius cum bigamo laico, quam clerico, & hoc à Pontifice, non autem ab Episcopo, contra Henricum.

CONSILIVM II.

QVAERITVR, an laicus coniugatus cum virgine, qua mortua contraxit cum vidua, sit trigamus, ad hoc vt sit ei neganda dispensatio, quæ concederetur bigamo.

- 1 Respondeo quod non. Primo quidem, quod licet multi Canonistæ meminere bigamiæ, & deciderint quæstiones super bigamia propositas, vt in cap. 2. & per tot. 26. dist. & tot. tit. de bigam. & alibi sæpe, & Magister in 4. sent. dist. 27. & ibi S. Thom. & omnes alij, nullus tamē Canonistarum, neque Theologorum vllam facit mentionem de trigamia, nec vllam quæstionem super illa proponit, sed solum de bigamia, & de quæstionibus super ea propositis. Quare cum nouitates sint vt plurimum vitandæ, cap. cum consuetudinis. de consuetud. vbi gloss. recepta citat illud: *In rebus nouis constituendis maximam esse debere vtilitatem.* l. in rebus. ff. de legib. non videtur curandum de trigamia, de qua numquam habita est cura, sed tantum de bigamia.
- 2 Secundo, quod ratio quare nulla de trigamia facta est mentio à Theologis, & Iureperitis, videtur esse, quod tam inhabilis est ad sacramentum ordinis, qui bis cōtraxit nuptias, quam qui pluries; quoniam ratio potissima, qua bigamus est irregularis, & iudicatur inhabilis ad sacramentum ordinis, est ineptitudo ad significandam coniunctionem Christi cum Ecclesia vnica sua sponsa, vt declarat S. Thom. recep. lib. 4. senten. dist. 27. q. 3. art. 1. & ante illum glo. celeb. & recep. in cap. debitum. de bigamis. At tam inhabilis est ad significandam coniunctionem Christi cum Ecclesia vnica sua sponsa, qui contraxit cum duabus, sicut qui contraxit cum tribus, vt palam est, quia iam diuisit carnem suam cum duabus. ergo tam inhabilis est qui contraxit cum duabus, quam qui cum tribus.
- 3 Tertio, quod D. consulens nulla ratione iuris, nec recti sermonis potest dici trigamus: non quidem iuris per prædictas rationes: nec ratione recti sermonis: quia trigamus ex propria verborum significatione est qui ter nuptias contraxit, *γὰρ τρίς* enim nuptias significat: & D. consulens non contraxit ter, sed solum bis. Nec obstat, quod dicitur quis bigamus, licet vnica nuptias contraxerit, si eas cum vidua vel corrupta cōtraxit; quoniam iura Pontificia iustis de causis improprie, & interpretatiue, & non secundum propriam significationem illam extensionem fecerunt, vt constat ex glo. cap. super eo. de bigam. & improprietates non sunt extendendæ; quia non est recedendum à propria verborum significatione, nisi quatenus reperitur recessum. l. non aliter. ff. de leg. 3. & ideo non est extendenda illa improprietas ad trigamiam, ad quam non reperitur à iure extensum.

Quarto

Quarto, quod meo iudicio nullus iurisperitus auderet dicere, quod si statuto aliquo caneretur vt trigamus, siue tres vxores ducens, illud aut illud quæreret, vel amitteret, comprehenderet eum qui cōtraxisset bis tantum, semel cum virgine, & iterum cum vidua; quoniam verba statuti eum non comprehenderent. ergo licet esset aliquis canon, quem tamen certum est nusquam esse, quo caueretur vt difficilius cum trigamo, quā cum bigamo dispensaretur; non comprehenderet D. consulens, qui ex propria verborum significatione nullatenus dicitur trigamus, hoc est, qui tres vxores duxit; sed tantum bigamus, qui solas duas duxit.

- 4 Quinto facit, quod D. consulens non erat clericus etiam minorum ordinum, sed purus laicus, cum duxit præfatas duas vxores: & ita non tantum videtur despexisse ordinem clericalem, quantum si existens clericus minorum ordinum eas duxisset: adeo quidem vt Hen. Boic. in cap. 1. de bigam. num. 25. censuerit Episcopum posse cum tali bigamo dispensare; cui tamen nō assentimur, licet credamus multum id facere ad hoc, vt S. D. N. inclinetur ad facilius cum eo dispensandum, non curando de trigamia opposita. Tum quia nullus vnquam Max. Pont. videtur de illa curasse. Tum quia nulla ratione recti sermonis, nec per vllam iuridicam extensionem potest D. consulens trigamus dici. Salua, &c.

S V M M A R I V M.

- 1 Beneficij collatio facta bigamo, cum sit irregularis, non valet.
- 2 Episcopus ordinando bigamum, ab eo ordine conferendo, & a celebranda Missa per annum est suspensus, & videtur deponi posse.

C O N S I L I V M III.

EPISCOPVS quidam insigniuit prima tonsura bigamum, & contulit ei beneficium simplex. Quæritur quam pœnam incurrant ordinans, & ordinatus, & conferens, & collatarius.

- 1 Respōdeo primo, grauiter illos peccasse per totum titulum de bigam. in volumine Greg. & in cap. 1. eod. tit. lib. 6. & colligitur in dist. 26. Secundo, quod præfati Episcopi collatio facta bigamo non valuit; quia collatio facta irregulari non valet secundum Innocentium receptum in cap. cum nostris. de concess. præb. Tertio, quod præfatus Episcopus videtur suspensus à collatione ordinis, quem contulit bigamo, ipso iure per vnū annum. arg. cap. eos. & cap. vlt. de temp. ordin. lib. 6. & cap. nullus pœnitentem, nullus bigamum. dist. 55. per quod potest dici etiam suspensus ipso iure vno anno à missando, & potest deponi ab ordine, vt sensit glo. in d. cap. nullus pœnitentem. 55. distin. in verbo successores. pro qua ibi Archidiacon. citat cap. vlt. 62. dist. & cap. 1. dist. 55.

Refertur, Congregationem censuisse Episcopum non potuisse dictas collationes facere, sed quod non incurrat ob hoc ipso iure in aliquam certam pœnam.

S V M M A R I V M.

- 1 Bigamo male & nulliter confertur beneficium: & qui illum ordinat, peccat, & posset infirmitate
- Nauar. Cens. Pars. I. P

set iuste priuari omni potestate ordinandi, ac etiam perpetuo deponi. num. 4. sed ipso iure non est nec priuatus, nec perpetuo, num. 2. immo secundum rigorem nec ad annum: licet æquius videatur, ut ad annum sit suspensus a collatione ordinis quem contulit. num. 1. & 3. extendendo alios canones ad hunc casum. nu. 5. Statutum comprehendit non solum quod expresse statuitur, sed etiã omne illud, quod princeps, si fuisset interrogatus, statuisset, etiam si finis in penalibus.

CONSILIVM IV.

IVSSVS respondere quibusdam iuribus, quæ dicuntur citari contra supradicta responsa mea, respondeo nulla videri allegari talia. Nã ego respondeo, præfatum Episcopum, qui ordinavit scienter bigamum minoribus ordinibus, peccasse quidẽ, per totum titulum de bigam. & in cap. 1. eod. tit. lib. 6. & colligitur in dist. 26. & male contulisse beneficium illi qui erat irregularis, & eius collationem non valuisse secundum Innoc. recept. in cap. cum nostris. de concess. præb. & prædictum Episcopum videri suspensum a collatione ordinis, quem contulit bigamo, ipso iure usque ad vnum annum: contra quæ responsa nihil allegatur quod vere sit eis contrarium; immo per eadem iura, quæ ego citaui, confirmantur. Nec etiam obstat cap. literas. de temp. ordin. Tum quia non loquitur de ordinante bigamum, de quo ego respondi. Tum quia disponit, Episcopum ordinantem aliquem duobus ordinibus sacris eodem die vero, vel ficto, esse suspensum ipso iure a collatione illorũ, donec aliud censeat Papa: quod nihil obstat nostris responsis, immo ea confirmat. Tum quia dictum Hostien. super eo allegatum non probatur per cap. dilectus. ab eodem citatum, quatenus suspendit ordinatorem, & non ait suspensum esse. Tum quia non loquitur de ordinatore bigami, de quo fui interrogatus. Tum quia secundum Innocen. & omnes Papa gratiam fecit ei ob quosdam respectus. Tum quia multa iura vtuntur verbis præsentis temporis, quibus dicuntur irritare aliqua quæ per iura priora sunt irritata. Non obstat etiam cap. 2. de biga. & cap. ex pœnitentibus. 50. distin. quatenus habet ordinatorem bigami esse priuandum potestate ordinandi, & non ait esse ipso iure priuatum: quia non loquuntur de suspensione ad annum ab ordine quem contulit, sed de priuatione perpetua potestatis conferendi ordines; quæ est multo maior pœna, quã suspensio tēporalis ad annũ a collatione ordinis, de qua nos respondimus. Non obstat etiã distinctio Archidiaconi & aliorũ posita in c. qui ecclesiasticis. 36. dist. Tũ quia est generalis de ordinatore digni, vel minus digni, vel indigni, & non de ordinatore bigami. Tũ quia non loquuntur de pœna suspensionis tēporalis, de qua nos agimus, sed de priuatione perpetua ordinatis indignũ. Tũ denique q̃ nō respondi ego penitus asserendũ prædictũ Episcopũ esse ipso iure suspensũ ad annũ, sed videri posse dici: disputando enim posset teneri non incurrisse illã pœnã, ab eo qui niteretur solo illo rigore iuris, qui ait pœnã non esse ad aliũ casum extendendã. 6. pœnæ. de pœnitentia dist. 1. & quæ ibi scripsimus. Nec nos dānaremus illũ, sed æquius videtur consulendũ cōtrarium: eo q̃ quilibet ordinator infantis, coniugati, & illiterati, etiã sui subditi, immo

immo & quilibet ordinator cuiuslibet extranei quatumlibet digni & sancti, incurrit illā pœnā ipso iure: & inde inferri potest q̄ ordinator bigami ipso iure incurrit suspensionē à missando per vnū annū, immo & q̄ iuste potest priuari omni potestate ordinādi, immo & perpetuo deponi, vt probant iura per me allegata: & q̄ Pōtifices Maximi, qui statuerunt pœnā illā paruā contra ordinatores extraneorū etiā dignissimorū, si fuissent interrogati an tantā pœnā statuissent contra ordinatōrē bigami, qui omni iure etiā diuino secundū aliquos est indignus, & secundū aliquos est indispensabilis; respondissent profecto, mea sententia, non solū illā, sed maiore imponendā illi: & ita succedit illa conclusio glossę l. tale pactū. §. fin. ff. de pactis; non solū includi sub lege quę exprimuntur in ea, sed etiā quę legislator expressisset, si fuisset interrogatus de illis. Salua in primis eius, qui iussit me secundo respondere, graui sententia, & cuiuslibet alterius vero propiori.

DE CLERICIS PEREGRINIS.

SUMMARIUM.

4 Peregrinus sacerdos etsi male faciat alibi celebrando sine sui Episcopi dimissoria speciali celebrandi, non tamē incurrit aliquā censurā: admitti autē potest, vt secreto celebret; at vt celebret in publico, non debet admitti, nisi habeat fidem de ordinibus, nu. 1. & recens à suo ordinario testimoniū de moribus, & quod non sit censuratus, num. 5. & 6. sciatque carimoniā missandi, nu. 3. antiquū autē testimoniū non sufficeret, nisi aliter iustificaretur. n. 6. in fin. licentia autem sui ordinarij sicut non sufficit, num. 1. ita nec videtur necessaria, num. 5.

CONSILIUM I.

AN ORDINATVS diaconatu à suo Episcopo, & postea per literas dimissorias ipsius ordinatus presbyterio ab alio Episcopo, egeat licentia sui prioris Episcopi ad celebrandū in episcopatu ordinantis, vel alio? Pro parte negante, quod non egeat, facit primo, quod illa non potest ei ad id prodesse; quia nullus Episcopus potest dare alicui licentiam celebrandi in alieno episcopatu, argum. l. fin. ff. de iurisdic. omn. iud. cap. 2. de constit. lib. 6. quod etiam vsus seruat. Non enim Romę permittitur alicui celebrare propter licentiam celebrandi, quam habebat in partibus. Secundo, quia peregrinus clericus faciens fidem iustam de sua ordinatione potest admitti ad celebrandum, vt videtur probare cap. 1. de cler. pereg. Tertio, quod qui potest iuste ordinari ab aliquo Episcopo, potest de licentia eius celebrare in suo episcopatu, cum nullum ius nec vlla ratio firma videatur contrarium suadere. Illa enim, quę sufficiunt ad hoc, vt quis ordinetur ad presbyterium, videntur sufficere ad celebrandum, si adsit modus celebrandi. ergo sufficet ei, quod inueniatur doctus modum & artem missandi sine vlla licentia prioris Episcopi.

3 Pro contraria parte affirmante facit, quod ad hoc, vt cuiuspiam permittatur dicere Missam, oportet primo, quod sit ordinatus presbyter.

Secundo, quod sciat artem vel modum missandi. Tercio, quod non sit suspensus, excommunicatus, irregularis, vel alias prohibitus, cap. si celebrat. cum ei adnot. de cleric. excommu. ministr. At clericus alienus post impetratas literas dimissorias ad presbyterium assumendum potest incurrere excommunicationem, suspensionem, & irregularitatem à iure, vel ab homine in suo episcopatu, antequam ordinetur, & post ordinationem antequam dicat Missam: ergo debet habere literas certificatorias, quod non est impeditus vlllo tali impedimento. Secundo, quod etiam literæ dimissoriae sui Episcopi non videntur sufficere; quia fieri potest, ut ipso & etiam Curia sua ignorantibus ipse sit impeditus impedimento aliquo huiusmodi: ergo saltem requiritur dimissoria certificatoria proprii Episcopi. Quarto, quod à diuersis nō fit illato: & esse quem presbyterum, est aliud ab esse quem habilem ad celebrandum: ergo dimissoria ad ordinem suscipiendum, non sufficit ad eo suscepto vtendum.

- 4 Pro resolutione dico primo, quod præfatus D. consulens iure communi non eget dimissoria particulari ad celebrandum, ad effectum quod celebrando sine illa incurrat irregularitatem, nisi iure particulari esset indicta suspensio clericis præregnis, donec licentiam assequerentur: quia licet male faceret, iuxta cap. extranei, & cap. primatus. 71. dist. nullo tamē iure irregularitatem contraheret, & illa non contrahitur, nisi in casibus à iure expressis, cap. is qui. de senten. excomm. lib. 6. Secundo, quod non eget etiam ad hoc, ut secreto admitti possit ad missandum, per cap. tuz. de cler. pereg. Tercio, quod non eget etiam quo ad effectum dandi ei licentiam publice missandi, si literæ dimissoriae ad presbyterium suscipiendum fuerint paulo antea datæ; quia qui Episcopus approbat aliquem ad presbyterium suscipiendum, satis videtur approbare, & testari eum non haberi pro excommunicato, suspensio, neque irregulari, cum isti non possint
- 6 ad presbyterium ordinari. Quarto, quod si magnum intervallum interfuit inter dimissorias ad presbyteriū, & inter illius assumptionē, satis videretur egere noua dimissoria, quo ad hoc ut iuste possit & debeat reputari non impeditus ad celebrandū; non quidem eo quod dignus ad presbyterium, non sit dignus ad celebrandum, si sciat artem & modum celebrandi: sed quod testimonium tacite datum de moribus eius per licentiā accipiendi presbyterium longe ante, quam illud acciperet, non videtur satis probare mores præfentes. Vnde nec dimissoria, qua Episcopus proprius significaret dimissū esse probatis moribus, videtur sufficere, si multo tempore antea fuisset cōcessa. Dimissoria enim ante decem annos data, non videretur satis probare mores præfentes, nisi probaretur iustum impedimentum, ob quod ea non fuerit vsus. Salua, &c.

DE OFFICIO VICARII.

SUMMARIUM.

- 1 Vicarius generalis sede vacante a Capitulo deputandus, debet esse doctor, vel licentiatus

status iuris Canonici, vel alias quantum potest idoneus: Episcopus autem si deputet linguam Latinam ignarum, tenet deputatio, sed peccat cum sic deputato, deputando minus idoneum.

CONSILIUM I.

AN ILLE, qui non solū non est doctor, sed nec linguam Latinā intelligit, possit esse vicarius generalis Episcopi, ad quod facit cap. fin. de etate & qualitat. cum ibi notat.

Quoniam is dominus consulens, qui quærit ista, ait ea esse definienda ab Illustrissima Cōgregatione interpretationi Concilij Trid. deputata; & quia nō vacat tractare latius illa, remitto me simul, & submitto determinationi eius. Quamvis forte responderi possit primo, vicarium generalem constituendum à Capitulo sede vacante debere esse doctorem, vel licentiatum iuris canonici, vel alias quantum fieri poterit idoneum, per cap. 16. de reform. Conc. Trid. sess. 24. Secundo, quod non videtur satisfacere suo muneri Episcopus, qui constituit sibi vicarium generalem aliquem, qui non calleat Latine apud Latinos, vel Græce apud Græcos. Tum quia vicarius Episcopi debet esse idoneus ad id, in quo vices eius est gesturus, cap. quoniam in plerisque. & cap. inter cetera. de officio ordin. Et quia vicarius generalis constituitur fere ad omnia quæ gesturus est Episcopus, oportet profecto eum esse valde idoneum. Facit etiam ratio, quæ Panorm. per aptos in hoc canones concludit Episcopum quemlibet teneri ad constituendum sibi vicarium idoneum, d. cap. quoniam in plerisque. Tertio, quod forte teneri posset, quod licet vicarius idoneus debeat cōstitui, & quod licet peccet constituens vicarium indignum tali munere, & etiam qui illum suscipit, nisi sit idoneus, arg. l. idē iuris. ff. ad l. Aquil. cap. non est putanda. 1. q. 1. constitutio tamen vicarii teneret ipso iure, modo esset clericus saltem in minoribus constitutus; & quod facta ab eo, vel coram eo, tamquam coram vero vicario, valerent per multa, quæ possunt, sed non expedit nunc congerere.

DE OFFIC. ET POTEST. IUDICIS DELEGATI.

SUMMARIUM.

- 1 Pontifex causam alicui delegando non censetur illam ad se auocasse. unde si re integra expirat dicta commissio, primus iudex, siue ordinarius, siue delegatus, potest sine noua delegatione procedere.
- 2 Delegationem causæ a Papa impetrans potest re integra ei renunciare, & agere causam coram primo iudice.
- 3 Metu ordines recipiens an teneatur seruare illa, ad quæ alij ordinati tenentur, non potest firmiter dignosci, nisi sciatur an metu præciso illos acceperit, vel non, & an metus fuerit iustus, vel non.

CONSILIVM I.

RESPONDEO primo, quod duo videntur hic implicite queri. Alterum est, an prædictus Illustrissimus Cardinalis dominus meus possit cognoscere de hac causa, non obstante commissione prædicta, si-
ne noua commissione facta. Alterum est, an orator debeat censi obligatus ad seruanda illa, quæ ordini sacro sunt annexa, an non.

Secundo, quod ad horum prius respondendum est affirmatiue. Tum quia non præstat impedimentum, quod de iure non sortitur effectum, quæ regula est in lib. 6. tit. de regu. iur. cap. ex tenore. cum gloss. de rescript. & commissio præfata expirauit re integra, vt in facto proponitur. Tum quia est casus in cap. vt debitus honor. de appell. in quo probatur quod ordinarius potest procedere ad instantiam vnius partis in causa, etiam postquam altera pars misit ad impetrandas literas à Sede Apostolica super eadem causa, & etiam postquam eas impetravit. Illud enim cap. vt debitus. secundum gloss. & communem, vt tradidit Philip. Decius, procedit tam in ordinario, quam in delegato. Tum quia non obstant cap. vt nostrum. de appell. & collecta ibi à Decio: quia illud agit de auocatione causæ pendens ad se per Papam facta, noster autem casus agit de rescripto, quo causa fuit commissa cuidam delegato. Item illud loquitur de auocatione quæ non expirauit, noster autem casus de delegatione & commissione, quæ expirauit. Item illud agit de auocatione, contra quam altera pars opponebat commissionem, vel litem motam; in nostro autem casu agitur de eo, in cuius fauorem fuit facta commissio, & in cuius fauorem petitur
2. auxilium ordinarii, quod posset facere renunciando extraordinario delegationis in fauorem suum factæ, etiam si non expirasset, iuxta regulam quod ob gratiam. lib. 6. & l. quod fauore. C. de legib. quæ etiam procedit in rescriptis: nam qui impetrauit prius, potest, si vult, renunciare illud, immo renunciat tacite, si non excipiat contra posterius, cap. ceterum. cap. si autem. & cap. plerumque. de rescrip.

3. **A**D POSTERIVS autem dubium non potest responderi sufficenter, donec sciatur qualis metus intercessit in ordinatione oratoris, an iustus, an iniustus; & donec sciatur qualis mens fuerit illi, an scilicet omnino renitens, & nullatenus volens, an vero nolens quidem libere & sponte, sed conditionaliter sic, iuxta cap. maiores. 4. item queritur de bapt.

SVMMA RIVM.

1. Gratia per mortem concedentis non expirat, licet mandatum de ea facienda expiret.
1. Licentia concessa Episcopo dispensandi cum aliquibus, eorum nominibus non expressis est gratia quæ non expirat morte concedentis: at si ei committatur vt dispense cum N. est mandatum, & expirat.
2. Ignorantia probabilis iuris positiui excusat, quousque scientia superveniat.
2. Credens dispensationem sibi à suo superiore impartitam validam esse, cum non sit, in probabiliter versatur ignorantia.
1. Dispensatio seruata forma faciendæ.

CON-

CONSILIUM I.

PA P A quibusdam Episcopis facultatem dispensandi cum quibusdam personis, qui matrimonia in gradibus prohibitis contraxerant, concessit, sub forma, ut Episcopus primum declaret matrimonia esse, fuisseque irrita, & postea absoluat, confiteantur peccata sua, communicent, dispensentur, & de nouo contrahant.

Queritur primo, an facultas predicta per obitum concedentis expirauerit.

Secundo, casu quo facultas esset inualida; & Episcopus validam credens, dispensauerit, & bona fide sic dispensati contraxerint; an tuta conscientia possint perseuerare in contracto matrimonio.

Tertio, quomodo Episcopus absolvere & dispensare valeat, quando altera persona est implicata peccatis, & restitutioni obnoxia, & an publice seu occulte matrimonium debeant contrahere.

1 AD PRIMAM respondeo, quod per solam mortem concedentis non expirasset. Quia gratia facta non expirat per mortem eam facientis, c. si super gratia. de offic. deleg. lib. 6. licet mandatum de facienda ea expirat, cap. relatum. de offic. legat. & quamuis commissio de dispensando cum aliquo expirat per mortem committentis, quia est mandatum de gratia facienda; concessio tamen facultatis ad dispensandum, nomine nominato, est gratia facta illi, cui datur facultas; & ita non expirat morte concedentis, sicut commissio morte committentis.

2 AD SECUNDAM respondeo, quod excusantur quo ad forum conscientiae per illam ignorantiam, donec superueniat scientia contraria; quia ignorantia probabilis iuris positiui excusat, cap. 2. de constit. & notat. in cap. ignorantia. de reg. iuris lib. 6. qualis est haec, de qua questio proponitur: cum in dubio credendum sit, & obediendum superiori, cap. quid culpatur. 13. q. 1. sub finem cum allegatis ibi a gloss. in verbo iniquitas.

3 AD TERTIAM respondeo, quod debent prius absolui ab excommunicatione incurfa, per Episcopum, qui potest absolvere ab ea, cum non sit reservata Papae, ut patet per contextum clem. 1. de consang. & glo. penult. ipsius; deinde debent confiteri, & communicare. Nec obstat, quod sunt peccatis irretiti: quia ad irritanda, & absoluenda ea, instituta est confessio, c. omnis. de poen. & remiss. Nec obstat obligatio ad restituendum: quia illa de necessitate est facienda eo modo, quo debet fieri a confitentibus in Quadragesima, vel aliis temporibus, per cap. peccatum. de reg. iuris lib. 6. Tertio debent contrahere de nouo publice, si prius matrimonium fuit clandestine contractum; alioqui sufficit contrahere de secreto, ut nos declaramus in Manual. confess. cap. 22. num. 701 & 86.

SUMMARIUM.

- 1** Conservatores, & Inquisitores sunt delegati.
- 2** Intellectus cap. 20. de refor. sess. 24. Concilii Trid. c. nu. 4.
- 3** Conservatores in prima instantia possunt, ut asseritur, cognoscere de causis.

- 3 *Conseruatores esse ordinarios probabile, quo ad effectum ut comprehendantur sub dispositione cap. 20. de reform. sess. 24. in se tamen eorum iurisdictio est extraordinaria, & restringibilis.*
- 3 *Iurisdictio ordinaria fauorabilior delegata.*
- 3 *Iurisdictio in matrimonialibus & criminalibus potest ab inferiori Episcopo prescribi, & consuetudine ac privilegio acquiri. nu. 6.*
- 6 *Lex generalis statuto particulari, vel consuetudini non derogat, nisi de potentis derogare contraria constet mente.*

CONSILIUM III.

QVÆSITVM fuit primo, an principium cap. 20. de refor. sess. 24. Conc. Trid. habeat locum in iudicibus conseruatoribus.

Secundo, an illud ipsum cap. 20. §. ad hæc. tollat facultatem cognoscendi de causis matrimonialibus, & criminalibus inferiori Episcopo, qui prescriptione, consuetudine, vel privilegio eam sibi quæsiuit.

- 1 **AD PRIOREM QVÆSTIONEM** respondeo primo, certum esse conseruatores esse iudices delegatos: quia ideo de illis tractatur in cap. 1. & vlti. de offic. deleg. lib. 6. quia etiam Inquisitores hæreticæ prauitatis etiã dati à Sede Apostolica secundum receptiorem sententiã dicuntur delegati, vt inter alios notat Francus in cap. ne aliqui. de hæret. lib. 6. arg. cap. vlt. officium. & cap. per hoc. eod. tit. & lib. quidquid Archid. dissentiat ibidem.
- 2 Secundo, quod ex hoc videtur argui posse pro parte negatiua quæstionis propositæ, scilicet quod principium præfati cap. 20. sess. 24. non habeat locum in conseruatoribus, cum solum loquatur de ordinarijs iudicibus.
- Tertio, quod pro parte contraria facit, quod hæc quæstio præsupponit conseruatores posse cognoscere de causis ecclesiasticis in prima instãtia, in qua non possunt cognoscere nisi iudices ordinarij; quod puto audiuisse me ita definitum fuisse ab Illustriss. DD. meis Cardinalibus ad dubia Concilij Trid. declaranda deputatis; & consequenter reputari eos quo ad hoc ordinarios: & si res ita se habeat, quæstio hæc videtur digna declaratione Papali, cui me humiliter subdo.
- 3 Quarto, quod antequam illa fiat à sua Sanctitate, aut ab Illustrissimis Dominis meis Card. in id deputatis, Concilij menti cõsonantius arbitrarer, vt præfati conseruatores quo ad vtrumque articulum haberentur pro ordinarijs. Quo ad priorem quidem, ne gratia principis cõseruatoria eis pereat, iuxta reg. lib. 6. decre. & iuxta alia per glo. & doct. ibi citata. Quo ad secundum autem, ne iurisdictio extraordinaria sit fauorabilior ordinaria, contra gloss. sing. in clem. 2. de offic. ordina. & alia ei adnotata; & quia iurisdictio conseruatoria, & omnis alia delegata, est odiosa, quatenus præiudicat ordinario, & restringenda, iuxta regulam odia. disputando vtraque pars quæstionis iure defendi posset.
- 4 **AD SECVNDAM** respondeo primo, audisse me magnas cõtrouersias motas fuisse in Hispania inter Episcopos ex vna parte, & Abbates, & alios inferiores prælatos ex altera super his, quæ Cõcilium Tridentinũ adimere videtur voluisse inferioribus prælatis possessoribus, & reseruare solis

Episco-

Episcopis: & deductis illis in prætoria regia, ratione violentiæ, quam sibi fieri prætendebāt inferiores possessores, obtinuisse aliquos eorum manutentionem in sua possessione aduersus Episcopos.

- 5 Secundo, quod re hac satis introspecta, videtur dicendum in casu proposito, præfatum §. ad hæc. cap. 20. sess. 24. non tollere facultatem præfatā cognoscendi de causis matrimonialibus & criminalibus illi prælato inferiori, de quo loquitur. argumento cap. 1. de constit. lib. 6. & l. 3. §. diuus Hadrianus. ff. de sepul. viola. & eorum quæ notantur in cap. 1. de consangu. per Præpo. & per Panor. & alios in cap. auditis. de præscrip. & in cap. accedentibus. de excess. prælat. & alibi sepe, vbi & post alios Couar. in epit. 4. 2. parte cap. 8. §. 12. cōcludunt, inferiores posse per præscriptionem, cōsuetudinem, & priuilegium quærere facultatem cognoscendi de causis matrimonialibus; & constat legem generalem non derogare consuetudini, & statutis particularibus, nisi de mente legislatoris potentis derogare illis constet; quod tamen non constat de tali mente Concilij Trid. cum in præfato §. nullam de huiusmodi mente derogandi faciat mentionē; & per iura superius allegata, & per adnotata eis cōstat cōsuetudines huiusmodi per præscriptionem, & sentētiam, quæ fortior est statuto, esse rationabiles; ideoque per præfatum §. ad hæc, generaliter loquentem non derogari eis. Salua &c.

Congregatio, vt refertur, censuit Concilium non sustulisse consuetudinem in qua sunt inferiores prælati, si sit immemorabilis.

S V M M A R I V M.

- 1 Vicarius generalis Episcopi deputati conseruatoris priuilegiorum a Sede Apostolica alicui concessorum, hac vtens iurisdictione, videtur posse excusari, & tanto magis si ea præsentē Episcopo vteretur. num. 4.
- 2 Extraneus etiam in corpore iuris posita, si sit talis quæ etiam a doctis vt plurimū solet ignorari, iuste potest ignorari.
- 3 Iurisdictionem duplicem habens, in dubio ea videtur vti, quæ magis processus firmatur.
- 4 Delegatio Episcopo etiam perpetuo facta, vt sunt conseruatoriæ, non transit in eius vicarium generalem, licet possit specialiter subdelegari.

C O N S I L I V M I V.

VICARIVS Episcopi Vrbeuetanensis, tamquam executor & defensor immunitatis Abbati & subditis concessæ, monuit prætorem, & homines de magistratu sub excōmunicationis pœna, vt deberent innouata reponere, & ne dictum Abbatem in sua iurisdictione inquietarēt. Dubitatur, an vicarius iuste sub dicta censura potuit prætorem, quem ibi constituere solet Sedes Apostolica, monere.

- 1 Pro exoneratione prædicti vicarij, quæ tangitur in arg. facit multum, qd Episcopus Vrbeuetanus est executor, & defensor immunitatis, excēptionis, & libertatis concessæ prædictis Abbati, & subditis suis, vt patet per litteras Innoc. viij. & ita sine culpa, saltē graui, potuit credere sibi esse iurisdictionē ad faciendam illam, quam dicitur fecisse, monitionē prædicto gubernatori.

- bernatori. Tum quia potius fuit vrbana, & quedā fraterna, Christianaque, quam iudiciaria fundata in opinione, qua eum vere excommunicatū putabat. Tum quia extrauagās cum Matthæus. de hæret. quæ sola videtur ei
 2 ob stare in hoc, est posita extra corpus iuris, & quamplurimis etiā doctis ignorata: & ignorantia iuris humani dubij excusat à peccato mortali, secundū Innoc. in cap. per tuas. 2. nu. 4. de simonia. relatum à Bal. in l. ab eo. C. quomodo & quando iud. & probatur à Fel. in cap. nam. de constit. & à nobis in comment. cap. nullam. 18. q. 2. nu. 32. Nec obstat, q̄ forsan nō fuit
 3 protestatus se procedere auctoritate delegata. Tū quia habēs iurisdictionem delegatā, & ordinariā, videtur in dubio procedere delegata, aut certe illa qua magis firmatur processus, per resolutionē Innoc. in cap. cū ex officij. de præscr. quo cum alijs multis relato sic resoluit Fel. ibi nu. 31. &
 4 quia licet delegatio facta Episcopo non transit in omnē vicariū eius à se constitutū, secundum communē, quā alias defendit Dec. in cap. quoniā Abbas. de officio deleg. nu. 15. sunt tamē qui cōtra putent: & poterat procedere saltem vt delegatus Episcopi, qualē se tacite datū ab eo forte præsentē credere corā Deo poterat; & consequenter per bonā fidem in prædictis fundatā excusari pōt, & si nō à tota culpa, certe à maxima eius parte.

S V M M A R I V M.

- 1 Delegatio, seu commissio de conferendo beneficium facta vicario ordinarij, non transit in ipsum ordinarium, etiam si vicarius sit remotus ab officio.
- 2 Episcopus vicario commissā expedire nequit, & contra.
- 3 Possessor beneficij triennalis, bona fide illud cū titulo colorato possidēs, fit dominus eius.

CONSILIVM V.

AN COMMISSA per Papam officiali, vel vicario generali, possit expedire Episcopus; & an collatio sic facta à tali Episcopo valeat?

- 1 Respondeo primo, quod delegatio facta officiali, vel vicario Episcopi non censetur facta Episcopo, nec transit in Episcopum, ipso delegato remoto, vt determinat Paulus, quē sequitur Car. q. 9. & Bonif. n. 52. in clem. 2. de rescrip. quod ipsum tenet Dec. & citat alios in cap. quoniā abbas nu. 9. col. 7. de offic. deleg. & Rebuff. in praxi, de forma vicariatus, nu. 159. & 161. sicut nec vicarius potest expedire commissā Episcopo. Et consequenter, quod non valuit collatio ab Archiepiscopo facta.

- 2 Secundo, quod dici potest beneficium præfatum factum esse suum per triennem possessionem cum titulo bona fide pro bono habito cōtinuatam, per glo. antiquam regulæ Cancellariæ, quā antehac respondendo in Vrbe secuti fuimus, licet antea multo tempore dubitassetus.

Tertio, q̄ ad maiorem cautelā posset peti, & impetrari quoddā Perinde valere, quo ad forū cōscientiæ, per aliquē Penitentiariū ab ipsomet Papa, quod facile concedet verbo, & sufficiet; quoniā quo ad forum exterius securus est per præfatam regulam Cancellariæ de triennali possessore.

S V M M A R I V M.

- 1 Clausula rescripti, Conscientiam tuam onerantes, non tollit potestatem quin possit

possit alteri committi, etiā si sit examē, maxime si competeat ei prius iure ordinario

CONSILIUM VI.

AN EPISCOPVS possit cōmittere examen sibi à Papa cōmissum per hæc verba, scilicet, *In quo oneramus conscientiam tuam, &c.* sed non exprimitur nomen proprium.

- I** Super hac quæstione multi multa varia scripserunt, & contraria, vt videre est per citata à Fel. in cap. fi. 9. is autem. de offic. deleg. qui nusus fuit conciliare opinionēs contrarias; secundum cuius cōcordiā videntur prædicta verba posita in vim monitionis potius, quam in vim formæ delegationis; & consequenter poterit per aliū expediri negotiū commissum. & si in casu proposito, iure ordinario cōueniret prædicto Episcopo prædicta examinatio, magis aptaretur hæc decisio, per ea quæ tradit Rota in decis. 14. de offic. deleg. in nouis, quæ in ordine decisionum est 368. Salua, &c.

SUMMARIVM.

1. Prædicare non est actus sacri ordinis; vnde potest etiam ei, qui non est in sacris, ab habente iurisdictionem mandari. num. 4.
 2. Prædicare ratione officij solis curatis competit, etiam si non sint sacerdotes. num. 3.
 3. Prædicare de licentia sacerdotis etiam laicus potest.
 3. Prædicandi actus non est diaconatui peculiaris.
 4. Consuetudo Ecclesiæ habet, vt etiam qui non est in sacris, rogatus ab eo qui potest demandare, prædicet.
- Delegabilia sunt iure canonico omnia quæ sunt iurisdictionis.

CONSILIUM VII.

AN PRAEDICARE sit actus ordinis sacri, ita vt non possit per Episcopum alicui, qui non sit in sacris constitutus, demandari?

- I** Videtur dicendum quod non. Tum quia nullo iure naturæ, neque diuino, neque humano canonico, saltem scripto reperitur vetita huiusmodi commissio: ergo non est dicendum, cap. consulisti. 4. q. 5. & 9. consideremus. authen. de trien. & semiss. colum. 3. Tum quia licet statutum sit, ne quis prædicet, nisi mittatur, iuxta Apost. ad Rom. 10. relatū in cap. cum ex iniuncto. de hæreti. non tamen est statutum quod mittendus debeat esse ordine sacro initiatus. Tum quia cap. adiicimus. 16. q. 1. quod sic habet, *Nullus præter sacerdotes Domini audeat prædicare*, intelligitur de prædicatione facienda auctoritate propria, & ratione sui officij, quale habet sacerdos curatus. Vnde monachus, etiam si sit diaconus, vel sacerdos simplex non habens ecclesiam curatam, non potest prædicare, nisi de licentia Episcopi, vel sacerdotis curati, vt prædictum cap. adiicimus. adiuncto 6. ecce. quem Gratianus ei subiicit, efficaciter probat: per licentiā autem sacerdotis sic, vt habet gloss. recep. eiusdē cap. verb. sacerdos.
- 3** Tum quia etiam laicus potest prædicare de licentia sacerdotis, & clericorum, cap. mulier. 23. distinct. Tum quia cap. perlectis, 25. distinct. & cap. in san-

in sancta: 92. dist. quæ habent, ad diaconum pertinere prædicationem; recte possunt intelligi de cantione, vel lectione euangelii ad Missam, ut glossa utrobique dicit: nam certum est per ordinem diaconatus non dari cuiquam potestatem concionandi populo more usitato, sine licentia parochi, Episcopi, vel Papæ, nisi ipsemet habeat ecclesiam parochialem, & velit in ea prædicare, ut habet communis resolutio Panorm. & aliorum in cap. inter cætera. de off. ord. & aliis locis citatis in nostro Manua. confess. cap. 25. num. 141. Tum quia communis usus totius orbis Christiani videtur habere, ut parochi frequentissime rogent clericos Theologos doctos nondum sacris ordinibus, vel solum subdiaconatu initiatos, ut prædicent in suis paræciis, & solemniter prædicant. Tum quod omnia, quæ pertinent ad iurisdictionem, sunt delegabilia iure canonico, iuxta gloss. sing. & recep. in cap. peruenit. 95. distinct. Tum denique quod per prædicta probatur omni iuri propius esse, quod actus concionandi populo more vulgato nostro, non sit peculiarior diaconatui, quàm subdiaconatui: nam Clemens, qui tot & tanta tradit de pertinentibus ad diaconum in lib. 2. & aliis de constitut. Euangel. nihil tale scripsit: & ut prædictum est, iura significantia illud possunt recte intelligi de lectione, vel cantione solemnii euangelii ad Missam; tametsi multum circa hoc videtur sudasse Caietanus in locis ubi supra per nos citatis, & ita etiam illi contradicit Dominicus Sot. in 4. distinct. 1. quæst. 5. artic. 6. Salua, &c.

SUMMARIUM.

- 1. *Delegata iurisdictio non potest prorogari de persona ad personam, etiam indice in id consentiente. num. 2.*
- 2. *Pœnitens postquam elegit unum confessarium, cui acceptanti literas sacre Pœnitentiariæ præsentavit, non potest, eo dimisso, alterum eligere, etiamsi primo electus consentiat.*

CONSILIVM VII.

AN POSTQVAM pœnitens, cui officiũ sacre Pœnitentiariæ dedit literas sigillatas directas discreto viro confessario per latorem præsentium ad introscripta specialiter eligendo, elegit unum confessarium, possit saltem de voluntate dicti confessarii, eo dimisso, alterum eligere? Quod non possit, facit primo, quod iurisdictio delegata nõ potest prorogari de persona ad personam, cap. P. & G. de off. deleg. at bullæ prædictæ diriguntur ad eos quos in eis contenti elegerint; & consequenter eo ipso quod nominati fuerint electi, videntur expressi ab ipso Illustrissimo summoque Pœnitentiario; & si à principio ab ipso essent expressi, nullatenus possent alii eligi; ergo neque posteaquam fuerint à partibus nominati electi, & expressi. Secundo facit illa firma ratio, quod iurisdictio delegata est iurisdictio delegantis, l. 1. §. qui mandatum. ff. de off. eius cui mand. est iurisd. & ita ad ipsum delegantem, cuius illa est, pertinet eam exten-

extendere, & non ad partes, nec ad iudicem, quorum illa non est arg. l. id quod nostrum est, sine facto nostro ad alium transferri non potest. ff. de reg. iur.

SUMMARIUM.

- 1 Intimatio alicuius rescripti, ad hoc ut obliget ad credendum ei, requiritur quod fiat per porroctam scripturam authenticam, & per habentem interesse, scilicet procuratorem. num. 2. & 12. accedentibus tamen alijs adimiculis obligat maxime inter regulares ad credendum. num. 6.
- 3 Cardinalis dicto in praedictum meum deponenti credere non teneor, nisi quo ad ea quae asserit sibi vine vocis oracula à Papa mandata. mon. 7.
- 4 Transumpto alicuius instrumenti non teneor credere, nisi citata parte cuius interest de mandato iudicis sit sumptum.
- 5 Appellatio ex causa probabili interposita annullat omnes censuras postea contra appellentem latis. & num. 9. & 13. nec taliter excommunicatus est vitandus in extrajudicialibus, num. 15. & hoc etiam quod postea causa appellandi declaratur iniusta.
- 6 Commissarius generalis ordinis dicitur habere auctoritatem ordinariam: unde in sumptis eius auctoritate per notarium sumptus religiosi tenentur credere: itemque potest delegare suas vices. num. 10.
- 8 Subexequutor processus subminati non potest per clausulam, Ceterum, habere iurisdictionem, nisi sit in ecclesiastica dignitate, vel canonicus cathedralis: & successive eius excommunicationes & declarationes sunt nullius momenti.
- 9 Delegatus principis etsi possit iurisdictionem subdelegare, subdelegatus tamen non potest illam alteri demandare.
- 10 Potestatem duplicem habens, delegatam, & ordinariam, si ex utraque procedat, sustinetur actus ex illa, secundum quam potuit id facere.
- 14 Eligere praelatum possunt capitulares legitime congregati, etiam cum absit is, qui si adesset, Capitulo deberet praesidere.
- 15 Electio est de actibus extrajudicialibus: factaque ab ijs qui vere non habent in eligendi, nec sunt in eligendi possessione constituti, non tenet, etiam si crederetur probabiliter potestatem adesse, sicut dicitur de presentante. num. 16.
- 16 Suspendio facultatis concessae, etiam si ignoretur, tamen vere suspendit.
- 17 Electio & presentatio facta à possessore, si sit male fidei, non tenet.
- 18 Errans circa ius humanum dubium excusatur à peccato mortali, & successive ab excommunicatione fulminata contra contumaciter non obediens, qua ligarentur inobedientes in mala existentes fide.

CONSILIUM IX.

CONSIDERATUR primo, quod utraque pars confitetur S. D. N. concessisse se mense Februario anni 1581. breue, de quo agitur, & cui nituntur admodum reuerendi PP. recollecti, quibus fuit concessum: nec dubitatur de fulminatione, & legitima intimatione ipsius, & minus de summa concedentis potestate, qua potuit ordinare & iubere quae in eo continebantur. arg. cap. cuncta per mundum. 9. q. 3. cap. ei similibus.

Secundo

1. Secundo consideramus, quod, ut credo certo S. D. N. illud suspendisse, ita puto aliquos ex recollectis in quorum fauorem præfatum breue concessum fuit, à principio non fuisse obligatos credere quod suspensio eius legitime fuit præfatis recollectis intimata. Tum quia clemen. causam. de elect. requirit ut intimatio fiat per porrectam scripturam authenticam, qualis non videtur porrecta in intimatione præfate suspensionis. Tum quia etiam requirit ut intimatio fiat per partem aduersam, vel procuratorem eius; quia non sufficit ut fiat per negotiorum gestoré, ut post Bart. & alios in l. non solum. §. morte. ff. de noui ope. nunciat. tradit Felin. in cap. cum M. de constitut. num. 43. Quamuis huic rationi respõderi posset, quod sufficit ut intersit intimantis, esto nõ habeat mandatum ab alio ad intimandum, ut post Bart. & alios tradit idem Fel. vbi supra nu. 40. & cõstat præfata intimationem factam fuisse per fratres eiusdem ordinis, quorum intererat illam fieri. Tũ quia possunt dubitare de assertione præfati domini protectoris Illustrissimi, dicentes non credi vni soli, etiam Cardinali, deponenti in præiudiciũ tertij, iuxta gloss. singul. & receptã in cap. sicut nobis. de sent. excom. At in præfati casu solo dicto Illustrissimi Cardinalis protectoris probatur præfata suspensio. Tum quod nullæ literæ originales præfati Cardinalis Illustrissimi fuerunt prædictis recollectis intimata, sed solum quadam copia exemplata à commissario generali Vlyssipone residẽte, cui non tenebantur credere: quoniam transumpto etiam instrumenti authentici non tenetur quis credere; etiã si tenor instrumenti inferatur, authen. si quis in aliquo. C. de edend. nisi transumptio fiat auctoritate iudicis, & parte, cuius interest, citata, ut omnes communiter concludunt in cap. fin. de fide instrum. & in dict. authen. si quis in aliquo. & constat præfata transumptionem non fuisse factam citata parte. Tum quia appellatum fuit à mandato & præcepto præfati cõmissarii generalis, qui faciebat fidem de præfata domini Cardinalis & protectoris assertione suspensionis brevis. Appellatio enim ex causa probabili interposita annihilat censuras omnes post eam latas, cap. per tuas. de sent. excom. etiã si postea declararetur causam appellandi non fuisse iustam, ut declarat gloss. penult. cap. solet. de sent. excom. lib. 6.
6. Tertio cõsideramus, quod licet præfati patres recollecti ab initio potuissent de rigore iuris in foro exteriori dubitare de præfata suspensione ob rationes præfatas: nunc autem, posteaquam per multas, ut credo, epistolas, nouerunt præfatum D. Illustrissimum protectorem præstare in assertione sua; vix possent in foro conscientie excusari ob ignoratiam prædictæ suspensionis, attenta persenerantia præfati Illustrissimi protectoris in affirmando id quod per epistolam scripsit, & attenta generalis cõmissarii asseueratione quod recepit fidem præfati Illustrissimi protectoris, & eã fideliter fecit à notario fidei scribi auctoritate sua ordinaria; & quod fundando se super illa fide pronunciauit grauissima mandata grauissimis censuris munita in omnes recollectos, qui præfato Illustrissimo domino Cardinali & sibi non crederent, neque parerent: Attentò item, quod rigor iurium humanorum, quæ apices eorum respiciunt, non est adeo se-

7 **uere** obseruandus apud regulares, iuxta cap. qualiter & quando: il 2. sub finem de accusa. & quod ignorantia eorum magis quam scientia est tanta religionis viris laudabilis: quandoquidem opprobrio est illis, se disceptationum forensium peritos ostendere, l. repetita. C. de episcop. & cler. Attento item, quod siue iure communi, vel consuetudine, siue obseruantia Curiae, creditur Cardinali asserenti aliquid sibi esse commissum à Papa viue vocis oraculo, vt colligitur ex Cardin. in clem. ne Romani. vers. eo ipso. de electio. & Panorm. in cap. quod super his. de fide instru. & Felin. in cap. cum in iure peritus. de offic. deleg. & aliis ab eo citatis; praesertim Cardinali adeo maximo, ac est praefatus Illustrissimus: & attento quod est protector ordinis, & adeo alienus à suspitione; & quod suspensio, de qua deponunt, non videtur suapte natura praesudicialis tertii, immo utilis toti ordini, & eius tranquillitati.

8 **Quarto** consideramus, quod subexequutor processus fulminati ab Illustrissimo Archiepiscopo Tarraconen. non erat canonicus ecclesiae cathedralis, nec constitutus in ecclesiastica dignitate; & ita non potuit esse iudex, nec habere iurisdictionem per virtutem clausulae *ceterum*, positam in processu fulminato, secundum verum intelligendi modum eius, quem nos tradimus & irrefragabiliter probamus in cap. cum contingat. de rescript. à num. 7. & ita omnia quaecumque ille fecit tamquam iudex executor, excommunicando, & declarando excommunicatos, & id genus alia, quae non potest facere merus executor, fuerunt nulla, & nulliter facta, & non prostant quicquam praefatis relictis, nec nocent eorum aduersariis; quamuis ipsi, vt puto, bona fide crediderunt ea fuisse valida, quia non satis intellexerunt praedictam clausulam *ceterum*, vti parum in litigandi arte exercitati; cum etiam in ea exercitatissimi ignorarent intellectum eius in tota fere Hispania, donec nos Coimbricæ illum latissime tradidimus, & probauimus, & nuper in vrbe noue edidimus.

9 **Quinto** etiam consideramus, quod etiam executor subdelegatus domini commissarii generalis deputatus ad intimandas literas praefati Cardinalis Illustrissimi non satis iuridice fecit ea quae fulminauit contra praefatos relictos. Tum quia fecit ea post appellationem interpositam. Tum quia non potuit ea facere vt subdelegatus praefati domini protectoris: quia licet delegatus Papae possit subdelegare, delegatus tamen delegati ab eo non potest id facere: & intentio praefati generalis commissarii videtur fuisse subdelegare potestatem, quam praetendebat habere virtute literarum domini Cardinalis protectoris. Quamuis huic rationi responderi posset praefatum commissarium generalem habuisse potestatem ordinariam ratione sui officij, licet praetenderet habere talem tacite etiam potestatem delegatam ab ipso domino protectore: & quod habens duplicem potestatem procedendi, potest per vtramque procedere, & valebit actus, per cap. nisi essent viri prouidi. de praeben. & alia singularia quae tradit Fel. in cap. cum ex officio. num. 21. de praescriptio. & consequenter quod facta per subdelegatum, vel subexecutorem generalis commissarii, valebunt tamquam facta à delegato ipsius virtute ordinariae iurisdictionis;

nis; quamvis non valeant tamquam facta à subexecutore præfati domini protectoris.

- Sexto consideramus, quod præfatus commissarius generalis iuste potuit prohibere præfatis recollectis, ne facerent Capitulum, quod prætendebant, absque ipso; & intimare quod volebat interessere illi; quia præfatum breue faciebat ei præfatum facultatem: & ita præfatos recollectos, qui prætendebant præfatum breue non esse suspensum, teneri ad admittendum ipsum in præfato Capitulo iuxta illius tenorem. Nec obstat dicere, quod cum præfatus commissarius præcederet breue præfatum esse suspensum, non poterat uti eo, arg. regulæ, *ex eo non debet quis fructum consequi, quod visus exitus impugnare.* lib. 6. Quia responderi potest noluisse præfatum commissarium uti facultate præfata interessendi Capitulo, ex eo solo quod eam præbebat ei breue, sed potius eo quod non tollebat eam ei breue præfatum, sed iure officii sui habebat eam.
- Septimo consideramus, quod rationibus quæ insinuantur ad probandum electionem præfata esse nullam, responderi posse videtur. Primo quidem ad primam, quod suspensio brevis non erat legitime intimata, ut supra dictum est; & quod de non apparentibus & non existentibus idem est iudicandum, l. duo sunt Titij. ff. de testamen. tutel. Ad secundam, quod à mandato commissarii fuit appellatum ex probabili causa, & ideo prohibitio eius non nocebat recollectis, nec proderat aduersa parti, arg. tituli. nihil innouari appell. pend. ff. & cap. non solum. de appell. Ad tertiam, quod nullo iure cauetur quod Capitulum legitime congregatum non possit eligere prælatum, absente illo, quisi esset præsens, deberet præsidere Capitulo, dummodo maior pars conveniat in aliquem idoneum eligendum.
- Ad quartam, quod excommunicatus post appellationem ex probabili causa interpositam non est vitandus in extrajudicialibus, quales sunt electiones, cap. solet. de sent. excom. lib. 6. & quod non est asserendum quod iure non est cautum, cap. consulisti. 2. q. 5. 6. consideremus. in authen. de triente & semis. col. 3.
- Alia tamen duplici ratione videtur electio præfata inualida. Prima est, quod Capitulum præfatum congregatum contra præceptum commissarii, nullo iure habebat verum ius eligendi, neque erat in possessione illius; non enim habebat iure communi & suæ regulæ, neque iure speciali præfati brevis, quia vere erat suspensum, quamvis vere nesciretur à Capitulo suspensio: sicut præsentatio facta à patrono, qui vere non est patronus, nec est in possessione iuris præsentandi, licet crederetur talis, non valet, & est declaranda nulla, simulac constiterit præsentantem non esse patronum, neque esse in quasi possessione iuris præsentandi, ut docetur communiter in cap. consultationibus de iure patro. & in cap. cum ecclesia
- Sutrina. de cau. possesi. Secunda ratio est, propter malam fidem, si capitulares & vocales fuerunt in ea constituti per præceptum & censuras præfati domini commissarii: quoniam electio & præsentatio à mala fidei possessore facta non valet, iuxta notata in dicto cap. consultationibus, & d. cap. cum ecclesia. Sed quia recollecti negare possunt se fuisse in mala fide constituti, dicentes

dicentes non credidisse breue præfatum fuisse suspensum, efficacior est ratio præcedens.

18 Octauo consideramus, neutros præfatorum fratrum, nec obseruantes, neque reollectos peccasse mortaliter, faciendo quæ fecerunt, nisi mala fide fecerint illa, credendo, vel debentes credere præfatum breue fuisse vel non fuisse à S.D.N. suspensum, antequam congregarent Capitulum, & eligerent ministrum. Tum quia qui bona fide facit aliquid, quod non licet iure humano positum, errando circa intellectum eius dubium, non peccat mortaliter, iuxta celebre Innocentij dictum in cap. per tuas. il 2. de simon. à plerisque omnibus recept. vt utiliter de more scripsit Felin. in cap. 1. colum. penult. de re iudic. & præfati omnes fratres, qui bona fide credebant esse iusta quæ faciebant, alioquin non facturi, fecerunt ea, errando circa intellectum iurium humanorum adeo dubiorum, quod multi etiam Iurisperiti eruditissimi habiti errauerunt, & errant.

19 Nono ex præmissis considerationibus inferimus, præfati Illustrissimi Domini Protectoris, & aliorum superiorum ordinis præfati Illustrissimi eiusdemque altissimi partes esse, declarare primum præfatas electiones tam ministri, quam aliorum custodis & guardianorum in præfato Capitulo factas, fuisse ac esse inualidas & nullas: deinde declarare, nullos eorum qui præfato Capitulo interfuerunt, neque illos qui contra eos protestati vel alloquuti fuerunt, exceptis qui mala fide id fecerunt, peccasse mortaliter, & subinde non incidisse in vllas censuras, nec vllam irregularitatem contraxisse ob id, quod eis ligati diuina celebrarunt, saltem usque ad tempus in quo constitit, vel debuit constare ipsis de prædicta suspensione.

S V M M A R I V M.

1. Episcopus delegatus non habet maiorem coniunctionem cum Capitulo, quam Legatus, nec Capitulum est magis suum, quam Legati.

1. Vniat si Episcopus tamquam Sedis Apost. delegatus beneficia ex Concil. Trid. sess. 21. cap. 5. consensus Capituli non videtur necessarius.

2. Delegatus in causa sibi delegata est maior quam Legatus.

C O N S I L I V M X.

AN EPISCOPVS tamquam delegatus possit vnire beneficia sine consensu Capituli per cap. 1. de reform. sess. 21. Concil. Trid.

1. Respondeo ad hanc quæstionem, quod videtur posse. Tum quia Legatus potest id facere, vt determinat Petr. à Perus. in tract. de vnione cap. 5. nu. 18. & cap. sicut vnire. de excessib. prælat. clem. 2. de reb. eccl. alien. Tū quia omnes rationes, quibus potest id facere Legatus, probāt idem facere posse Episcopum tamquam delegatum; cū Episcopus, vt delegatus, non habeat maiorem cōiunctionem cū Capitulo, quam Legatus, nec Capitulum sit magis suum, quā Legati. Tum quia delegatus in causa sibi delegata est maior quam Legatus, cap. studuisti. de off. legat. cap. sane. de off. delegat.

Aduertendum, reserri sacram Congregationem censuisse contrarium.

DE OFFICIO IUDICIS ORDINARI.

S V M M A R I V M.

1. Possessionem beneficij taliter non amittit etiam sponte resignans, quin spoliatus possit agere de spolio.
2. Gesta ab eo qui titulum beneficij, seu officij, etiam per spontaneam renunciationem perdidit, si non perdidit possessionem, cum retineat administrationem, etiam si sint absolutiones sacramentales, tenent: & idem si titulum habuit a superiore quidem, sed inualide.

CONSILIVM I.

VTRVM gesta à beneficiario priuato beneficio ipso iure per promotionem, vel aliam causam, antequam expellatur à possessione, vel relinquat illam, valeant.

1. Et pro parte quidem affirmante facit primo cap. licet. il 2. de præb. lib. 6. quatenus probat non perdere quem possessionem, & administrationem beneficij, eo quod perdat illud, & eius titulum ipso iure. Secundo faciunt multa, quæ nos scripsimus in repet. cap. accepta. oppo. 7. de restit. spolia. per quæ probamus possessionem beneficij non perdi ipso iure per renunciationem etiam spontaneam; adeo quod, si spoliaretur, posset agere de spolio contra spoliantem, iuxta dictum Innoc. in cap. super hoc. de re iunc. & consequenter non potest ei tolli administratio beneficij renunciati, donec relinquat possessionem, vel expellatur ab ea legitime, & gesta interim per eum valent. Tertio facit l. Barbarius. ff. de offic. prætoris. quatenus probat gesta ratione publici officij possessi ab eo, qui caret vero titulo eius, valere. Quarto, quod per illum textum, & alia concludit Panor. communiter receptus in cap. nihil. à num. 11. de elect. quod gesta à prælato, qui habuit titulum à superiore, & adeptus possessionem, valent; etiam si titulus sit inualidus, vel perditus ipso iure, & nihil iuris habeat in suo beneficio, episcopatu, vel dignitate. Quinto, quod ipsemet Panor. communiter receptus affirmat in cap. dudum. il 2. de elect. à num. 20. quod absolutio à peccatis facta à prælato tolerato, & possidente beneficium, vel dignitatem, ratione cuius audit confessionem, valet; etiam si ipso iure perdidit titulum, & nihil iuris habeat in eo. ergo etiam ea, quæ facit aliquis Episcopus manens in possessione sui episcopatus, & ante quam derelinquat eam, vel priuetur ea, valent, etiam si ipso iure perdidisset episcopatum, vel ita ille vacasset, vt nihil iuris haberet in eo præter possessionem, & administrationem, quam habebat ratione tituli prius à Summo Pontifice habiti. Salua, &c.
2. Ita interim per eum valent.

S V M M A R I V M.

1. Episcopus in quolibet loco suæ diocesis non exempto, etiam in sua camera pro tribunali sedere, & ius dicere, tam per se, quam per alium potest; modo locus sit honestus, & illum partes possint sine magno incommodo adire. num. 2. sic & Archi-

Archiepiscopus in sua diœcesi archiepiscopali. num. 1.

- 1 Legatus plurimum prouinciarum potest negotia vnius prouinciæ in alia expedire.
- 1 Limitatio legis penult. ff. de iust. & iure.
- 2 Arbitrarius in quolibet honesto loco sententiam ferre potest.
- 3 Episcopus constituere debet vicarios statarios, nu. 3. item & archipresbyteros. nu. 7.
- 4 Præscriptio immemorialis, item & 40. annorum liberat ab obligatione iuris, sed non contra id quod dicitur ius naturale, quia esset irrationabilis. num. 7.
- 5 Consuetudo fere totius orbis ab omnibus seruanda est.
- 5 Episcopi ad vicarios generales constituendos cogi possunt ab Archiepiscopo, quia aliter non possunt bene regere sibi commissos. num. 7.
- 6 Concesso vno, conceditur & id sine quo concessum commodè fieri non potest: sed & qui tenetur & debet aliquid facere, tenetur etiam ad id sine quo debitum commodè præstare non potest.

CONSILIUM II.

CVM IN Polonia diœcesis vnius Episcopi per dietas circiter 10. vel plures extendatur, & Episcopi tribunalia stataria nullibi habeant, & modo in vno, modo in alio oppido habitent: Queritur primo, an citati ab Episcopo, seu coram eo litem habentes teneantur in quolibet loco, vbi sit Episcopus, comparere, & ius suum prosequi. Secundo, an dicti Episcopi cogi possint ad tenendum in aliquo certo loco vicarium statarium.

- 1 AD PRIMAM QVAESTIONEM dico, quod quærela hæc cleri Poloniæ videtur esse contra ius expressum à Bonifacio Papa scriptum in cap. cum Episcopus. de offic. ordin. lib. 6. cuius verba sunt, Cum Episcopus in tota sua diœcesi iurisdictionem ordinariam noscatur habere; dubium non existit, quin in quolibet loco ipsius diœcesis non exempto per se, vel per alium possit pro tribunali sedere, causas ad ecclesiasticum forum spectantes audire; personas ecclesiasticas, cum earum excessus exegerint, capere ac carceri deputare, necnon & cetera quæ ad ipsam spectant officium libere exercere. sic etiam Legatus in qualibet parte suæ legationis potest expedire, quæ ad illam spectant, etiamque negotia vnius prouinciæ in alia suæ legationis, si ad multas est missus, cap. nouit. de offic. deleg. sic Archiepiscopus in quolibet loco suæ diœcesis archiepiscopalis, cap. vt litigantes. de offic. ordin. lib. 6. vnde Bald. Angelus, & Iason limitauerunt legem penult. ff. de iustit. & iure, quatenus habet ius esse dicendum in loco maiorum, vt non procedat in Episcopo per prædictum cap. cum Episcopus. de offic. ordin. lib. 6. Facit quod etiam arbitrarius potest iudicare vbi voluerit, modo locus sit honestus, l. si non dies. §. si arbitrarius. ff. de recept. arbit. poterunt ergo Episcopi Poloniæ in quacunque parte suarum diœcesum audire & definire causas spirituales, criminales, & civiles, inter sibi subditos, & in sua camera, vt dicit Francus in d. cap. cum Episcopus. modo locus sit honestus, vt dicit glo. ibi, & modo partes sine magno incommodo litigare possint, quod solus Francus dicit ibi, & potest pro eo allegari præd. §. si arbitrarius. in illis verbis, si litigatores facile eo loci venire possunt. quamuis illum §. ad hoc ipse non ponderet, & alium textum idoneum ad id allegarit.

- 3 AD SECVNDAM dico primo, quod non videtur vllis canon id præcipere; & quod sanctorum patrum documento sancitum non est, & superstitiosa adinventione non est præsumendum, 2. quæst. 4. cap. consue-
luti. Secundo, quod Panorm. in cap. quoniam in plerisque. de officio or-
din. dicit non meminisse textum, qui clare probet teneri Episcopum
ad constituendum vicarium generalem, etiam non statarium: quam-
uis id efficaciter probetur in cap. in nona actione. 16. quæst. 7. & in cap. fin.
de offic. archipresbyt. Tertio, quod primitiua Ecclesia non videtur ha-
buisse talia tribunaia ad cognoscendum de causis clericorum, cum Paul.
1. ad Corinthios 6. relatus in summa. 14. quæst. 1. dicat Christianos etiam
4 laicos non debere litigare. Quarto, quod Episcopi Polonia possunt di-
cere se non habuisse antehac huiusmodi tribunaia stataria, & ideo
etiam si iure debuissent ea habere, præsumptione tamen tum ordina-
ria quadraginta annorum, tum immemoriali, de cuius initio non est
memoria, essent à tali iure liberati, argum. cap. de quarta. de præscript. &
cap. super quibusdam. de verb. sign. & l. hoc iure. §. ductus aquæ. ff. de aqua
quotid. & æstiuæ.
- 5 Pro parte autem affirmante facit primo, quod consuetudo totius fere
orbis Christiani habet, vt Episcopi teneant huiusmodi tribunaia statar-
ia in ciuitatibus primarijs suarum diocesium: & huiusmodi consuetu-
do generalis ab omnibus seruanda videtur, cap. contra morem. 100. dist.
Secundo, quod omnes Episcopi tenentur constituere vicarios genera-
les, & possunt cogi ad eos constituendos per suos Archiepiscopos: immo
Archiepiscopi videntur posse ipsos constituere, si ipsi noluerint illud fa-
cere, cap. cum simus. 9. quæst. 3. & dict. cap. in nona actione. 16. quæst. 7. &
tradit Panorm. receptus in dict. cap. quoniam in plerisque. At vicario-
rum constitutio parum satisfaceret clero, & populo eorum, nisi habe-
rent tribunal statarium: ergo debent illud habere. Tertio, quod non
possunt excusari dicendo quod ipsi soli sufficiant toti clero, & populo re-
gendo; quoniam hæc allegatio confutatur in cap. fin. de offic. archipresb.
6 Quarto neruose facit, quod sicut chi conceditur aliquid, non solum vi-
detur concedi illud sine quo concessum fieri nequit, l. 2. ff. de iurisdic. om-
nium iudic. cap. præterea. de offic. deleg. sed etiam illud sine quo id com-
mode fieri non potest, vt eleganter de more asseruit Aretinus in cap. de
testibus. colum. 3. de testib. quem sequitur Decius in cap. vt debitus ho-
nor. colum. 8. de appellat. & in d. cap. præterea. & alibi sæpe contra gloss.
in cap. solet. de senten. excom. lib. 6. quod irrefragabiliter probatur per
l. penult. ff. de usufruct. & in l. quicumque §. si ei quem. ff. de instit. act. ita
quicumque tenetur facere aliquid, tenetur ad faciendum illud, sine quo
id vere fieri nequit. At Episcopi Polonia tenentur reddere ius clero sua-
rum diocesium, immo & populo quo ad negotia ecclesiastica, & nequeunt
id satis & bene facere sine huiusmodi tribunalibus statarijs: ergo debent
7 ea designare. Quinto facit, quod ratio canonica, qua Episcopi tenentur
constituere vicarios, & habere archipresbyteros, est, quia non possunt
satis bene regere per solos semetipsos, etiam si plurimum valeant, vt pro-
batur

batur cap. fin. de offic. archipresb. & eadem ratio suadet, vt teneant prædicta tribunalia stataria: ergo debent ea tenere, arg. l. illud. ff. ad l. Aquil. cap. dudum. 2. de elect. Sexto, quia non obstant opposita: quoniam illa procedunt, quando ius naturale non obuiaret eis: at ius naturale, & ratio naturalis ex eo fluens, quæ dicant, eum qui tenetur ad aliquid, teneri ad ea, sine quibus id satis bene fieri nequit, obuiant eis: vnde nec vlla præscriptio & consuetudo possunt eis prodesse, quippe quæ essent irrationabiles, & contra ius naturale, contra quod illæ non valent, cap. fin. de consuet. cap. quæ contra. 8. dist. Salua, &c.

S V M M A R I V M.

- 1 *Episcopus iure antiquo communi non potest quidem cognoscere, neque conferre, neque confirmare, neque statuere, neque corrigere sine consilio Capituli; nunc vero utitur iure quod ei competit ex statuto, priuilegio, consuetudine, concordia, vel quouis alio quasito titulo; & ulterius ex sacro Concilio procedit contra Capitula exempta tamquam sedis Apostolicæ delegatus, tam in visitatione, quam extralimitate tamen secundum formam cap. 4. sess. 6. & cap. 6. sess. 25. eiusdem Concilij. num. 3. 4. & 5. quæ duo capita secundum Auctorem videntur etiam seruanda in cathedralibus & collegiatis non exemptis, in quibus Episcopi ante Concilium aliter non præscripserunt. num. 5.*
- 1 *Prælati collegiatarum, quibus scilicet competit ius præsentandi collegiatis, præsentant quidem, sed cum consensu Capituli.*
- 2 *Prælati contra ius Capituli, & e contra, multa & valide præscripserunt.*

C O N S I L I V M III.

AN CAP. 6. de refor. sess. 25. Concilij Tridentini declarans cap. 4. de reform. sess. 6. habeat locum in ecclesijs etiam non exemptis quo ad moderationem de eligendis in principio anni duobus canonicis ex Capitulo, cum quibus teneatur procedere Episcopus, cum extra visitationem ex officio, vel ad instantiam partis procedit contra aliquem capitularem?

- 1 *Respondeo primo, quod iure antiquo communi Episcopus non potest conferre, neque confirmare, neque statuere, neque corrigere sine consilio Capituli, cap. quāto. de his quæ fiūt à præl. sine consil. Cap. immo requiritur consensus Capituli in præsentationibus faciendis à prælatis ecclesiarum collegiatarum, cap. ea noscitur. eod. tit.*
- 2 *Secundo præsuppono, quod multa circa hoc inueniuntur vsucapta, siue præscripta à prælatis contra ius commune, & declaratum est præscriptionem illam valere, cap. 3. de consuetud. lib. 6. & dict. cap. ea noscitur. & contra à Capitulis contra prælatos, cap. irrefragabili. §. excessus. de offic. ord.*
- 3 *Tertio, quod in multis ecclesijs tam collegiatis, quam cathedralibus erant multæ contentiones ante Concil. Trid. super correctione & punitione canonicorum, & aliorum Capitulorum, eo quod multi prælati po-*

eius arbitrio, & libito suo, quam sacrorum canonum, puniebant, & corrigebant eos; & ita in multis ecclesijs erant statuta, ut prælati adiungerent sibi aliquos de Capitulo, de quorum non solum consilio, sed etiam cōsensu debebant prælati procedere: & ideo sacrum Concilium videtur statuisset duo prædicta capitula ad sedandas discordias.

4. Quarto, quod cum sacro Concilio non interessent Capitula, & soli Episcopi sine Capitulis illa statuissent, visum est nonnullis inclinasse magis in fauorem Episcoporum, quam Capit. & quod in fine prædicti cap. 6. reservatur Episcopis salua omnis potestas, quæ ultra illam, quæ ibi statuitur, competeret eis statuto, privilegio, consuetudine, concordia, vel quocumque alio iure; cum tamē Capitulis nihil tale videatur reservatum: nam in d. cap. 4. tolluntur eis iura sibi quæsitæ per exemptionem, consuetudinem, privilegium, vel alium modum, adeo quod Episcopi possunt tamquam delegati auctoritate Apostolica procedere contra illa: & in d. cap. 6. ampliatur, vel declaratur, quod facultas in eo data Episcopis competat eis, etiam cum procedunt extra visitationem, cum moderatione de qua ibi, scilicet quod adiungat sibi duos canonicos electos per Capitulum, & de consensu tantum illorum procedat, nisi quo ad apprehensionem.

5. Quinto, quod videtur posse probabiliter dici, quod prædicta duo capitula vendicant sibi locum in omnibus ecclesijs cathedralibus & collegiatis exemptis, & non exemptis, in quibus Episcopi non quæsierunt ante prædictum Concilium ius pacificum ultra potestatem quæ ipsis datur per ius commune aliquo titulo legitimo. Tum quia generaliter loquuntur, & ita generaliter sunt intelligenda, cap. si Romanorum. 19. distin. 1. de prelio. ff. de public. in rem actio. Tum quia ratio pacis & concordie, quam desideravit Concilium inter prælatos & sua Capitula, videtur id suadere: & lex extenditur ad limites suæ rationis, cap. suggestum. & cap. meminimus. de appel. in quibus id notat Panor. Tum quia experientia constat cōvenire reipub. ut aliquorum prælatorum plus volentium dominari, quam pascere gregem, & prælibito amore vel odio absolvere & condemnare hos & illos capitulares sibi resistentes vel obsequentes, potentiz obvietur per adiunctionem duorum canonicorum, ut prædictum statuit Concilium.

Congregatio tamen, ut refertur, censuit, cap. 4. sess. 6. & cap. 6. sess. 25. procedere in Capitulis exemptis tantum.

S V M M A R I V M.

1. Episcopus ex officio cogere potest beneficiarium ad exhibendum titulum.
1. Possessio decennalis non sufficit sine titulo ad beneficium petitorie repetendum, sed sic ad titulum præsumendum. nu. 4. 5. 6. & 10. nisi quando in matrimoniali cum possessione concurrat fama tituli, quia tunc repetit. num. 3.
2. Beneficium sine institutione canonica non potest obtineri.
2. Animarum salus omni alij commodo præferenda.
2. Beneficium sine titulo retinens, etiam post longum tempus peccare videtur.
3. Argumentum de matrimonio carnali ad spirituale validum.

4 Posses

4. Possessio triennalis querit titulum possidenti, secundum opinionem glossæ regularum Cancellariæ.
4. Titulus ex antiqua beneficij possessione præsumitur. num. 6. & 10.
5. Solemnitas extrinseca præsumitur ob lapsum longi temporis.
5. Subdiaconus præsumitur, qui diu vsus est subdiaconatu.
7. Possessio antiqua defendit beneficiarium etiam contra prælatum, ne ab eo exigat probationem tituli, aliter quam per iuramentum: immo nec hoc exigit, si alias hñc approbavit etiam tacite, puta accipiendo ab eo procurationem in visita tamquam à titulari.
7. Procuracionem, visitans Episcopus, accipiens ab aliquo tamquam beneficiato, censetur eius approbare titulum.
8. Insolita fraudem quamdam præferre videntur.
9. Regula de triennali iuvat execrabilem contra tertium; & si sit decennalis, etiam contra Episcopum, modo alleget dispensationem.
10. Argumentum à contrario desumptum ex dictis non dispensatis, sed narratis parum valet.
11. Cap. ordinarij. de off. ordin. lib. 6. habet locum nedum in beneficijs quæ possidentur in titulum seu commendam, sed etiam quæ possidentur vt vnita.
12. Episcopus cogere potest decennalem execrabilem ad iurandum credere se canonicè obtinuisse dicta beneficia.

CONSILIUM IV.

QVAESITVM est primo, an Episcopus noue creatus cogere possit beneficiarium suum subditum ad ostendendum titulum sui beneficij, quod pacifice vltra 20. & 30. annos possedit.

Secundo, an cogere possit possidentem incompatibilia beneficia pacifice vltra prædictos 20. vel 30. annos ad exhibendum dispensationem, quæ ea iuste retinere potuit.

- AD PRIOREM QVAESTIONEM** respondeo, quod pro parte affirmatiua facere videtur primo gl. vlt. cap. 1. de reg. iur. lib. 6. quatenus asserit posse Episcopum ex officio cogere subditum ad exhibendum titulum sui beneficij. Secundo gl. vlt. in cap. contingit. de dol. & cont. quatenus habet, petentem beneficium in titulum nõ se posse iuuare præscriptione. Tertio iura multa, quibus prædictæ glossæ nituntur. Quarto, q̃ Innoc. licet aliqua ex parte variare videatur, tandem tamen cõcludit saltem per relationem ad tex. in cap. illud. de præsump. quod volenti repetere beneficiũ, non sufficit quod possederit illud pacifice etiam per decem annos, etiam cum fama tituli canonici. Quinto, quod est regula firma tam in cap. 1. de reg. iur. lib. 6. quam in cap. 1. de eo qui mit. in poss. eo. lib. quã etiam in cap. ex frequentibus. de instit. quod beneficium à nemine potest sine canonica institutione licite obtineri. Sexto, quod animarum salus præferenda est omni alij commodo. 1. q. 7. cap. sancimus. & cap. ille. 2. q. 5. cap. si habes. 24. q. 3. At beneficiarius tenens beneficium sine canonica institutione, etiam post decem annos, & quodcumque aliud tempus, peccare videtur per d. cap. 1. de reg. iur. lib. 6. quia licet contra alium quærat exceptionem, sibi tamen

- non quærit dominium beneficij, vt late affirmat Panor. communiter receptus in cap. contingit. à num. 10. de dol. & cont. & communiter videtur Episcopus habere potestatem eum ex officio suo expellendi à beneficio, quod tenendo peccat, arg. cap. 1. de off. ord. & l. congruit. ff. de off. præsid.
- 3 Pro parte autem negatiua facit primo cap. illud. de præsump. quatenus habet, eum, qui fuit in possessione matrimonij cum fama de matrimonio per 10. annos, posse repetere illam, quam pro coniuge per tantum tempus possedit: & cum argumentum à matrimonio carnali ad spirituale valeat, iuxta glo. celeb. cap. bonæ. il 2. de elect. pro qua est cap. licet. de translat. prælat. consequens est, quod etiã beneficiarius, qui possedit beneficiũ pacifice per 10. annos, saltem cum fama tituli, debet præsumi beneficiarius.
- 4 Secundo facit regula Cancellariæ 33. siue de trien. poss. quæ statuit ne possessor huiusmodi triennalis molestetur. & glo. illius antiqua pag. 4. tenuit per huiusmodi triennalẽ possessionẽ quæri titulũ possidẽti. Tertio, quod quamplurimi citati à Felino in cap. licet Heli. nu. 10. de simon. & in d. cap. illud. de præsump. & cap. Albericus. de test. & in cap. sicut. à num. 26. de re iud. & quos sequitur ipse, tenent ex antiqua possessione pacifica beneficij præsumi titulũ beneficij, ea ratione, quia licet solemnitas extrinseca non præsumatur regulariter interuenisse, l. quicumque. §. fin. de publ. in re act. fallit tamẽ ob lapsum longi temporis, iuxta gl. & omnes in cap. peruenit. de empt. & vend. vnde & Innoc. in cap. super his. sub fine de accusat. dicit, eum qui subdiaconatu vsus est longo tẽpore sine literis, esse præsumẽdum subdiaconum. & ita non videtur esse mirandum, quod præsumatur titulus beneficij in longi tẽporis possessore: pro quo apte facit l. si filius. iunct. glo. C. de petit. hæred. & l. q̃ in aliena. §. 1. de acquir. hæred. & illa quæ eis adiunguntur ibi, & alibi sæpe. Quarto, quod Rota ætate nostra pro hac parte sententiã dixit, vt testatur Cassad. in decis. 8. super reg. Canc. ibi. *Voluerunt Domini in vna causa Bonon. de mense Maij 1519. coram D. Petro de Capizucbis inter Æmilium de Blanchis & quemdam alium, quod regula Canc. de trien. etiam locũ haberet in eo qui decennio possederat, & nullum titulum producebat; ex eo quod ius præsumit titulum ex sola possessione antiqua: nam si quis vt rector beneficium tanto tẽpore possidet, in eo ius habet, & præsumitur titulus, vt dicunt Innoc. & Host. in cap. illud. de præsump. & in cap. licet Heli. de simon. & Dom. conf. 87. apparet. 3. col. Ratio, quia cum Episcopi visitando inquirant de titulo, cap. ordinarij. de off. ordin. in 6. non est præsumendũ, quod ipsinet subditi quo ad curata permisissent tali cursu tẽporis retineri ecclesiã absque canonico titulo. hæc ille. Et ne cui videatur, Cassiodorum sentire huiusmodi triennalem possessorem posse defendi quo ad aduersariũ petentẽ beneficium, non autem quo ad Episcopum volẽtem ex officio cogere ad ostendendum titulum, perpendat hæc verba, quæ subdit: *Verum est, quod prælatus, licet ex quo tolleravit diu in possessione subditum, non possit eũ compellere ad ostendendum titulum beneficij, tamen potest in se suscipere onus probandi defectũ tituli, vt cap. dilecto. & ibi Abb. de præb. & in d. cap. licet Heli. & Dom. in d. conf. & in d. cap. ordinarij.* Quinto, quod communis opinio secuta Hostien. in d. cap. licet Heli. tenet non posse Episcopum cogere huiusmodi beneficia-rium ad aliud, quam ad iurandũ se habere titulum, neque ad hoc, si expresse,*

preſſe, vel tacite conſenſerit in illo, ſecundum Coſmam in tit. de paciſ. poſſ. 6. ordinarij. in verb. inquirant. pag. pen. ea ratione. quod prælatus, qui tacite vel expreſſe approbavit beneficiarij titulum, non poteſt cogere ipſum ad oſtendendum illum. arg. cap. dilecto. de probat. & cap. ex ore. de hiſ que ſunt à maior. part. Capitu. cum eis adnot. & addit quod accipiens à beneficiato procuracionem illum viſitādo, videtur tacite approbare eum eſſe talem, quamvis Innoc. quem ad hoc citat in cap. veniens. de ſil. preſb. id non videatur aſſerere. Sexto facit, quod inſucta videntur præſeferre aliquid fraudis, iuxta l. ſi quis ſub conditione. adiuncta gloſſ. quam ad hoc ponderat Bald. ibi, ff. de cōd. inſtit. & inſuetum & inſolitum videtur, quod aliquis poſt poſſeſſionem 20. aut 30. vel 40. annorum pacificam compellatur edere titulum ſui beneficij. Et ita, quamvis forte incomparabilis prædicti Episcopij virtus ſplendore ſuo omnem dolum & fraudem auertat apud eos qui eum nouerunt; apud tamen iudices, qui non adeo reſpiciunt perſonam, forte non omnino dilueret. Per quæ arbitror Reuerendiſſimos ſummi Auditorij Rotæ Patres in hanc partem negatiuam inclinatuſ, & reſponſuros ad contraria quod procedant in beneficiario, qui non oſtendit titulum verum, nec longi temporis poſſeſſione præſumptum.

AD SECUNDAM respondeo, quod pro parte affirmante videtur canon expreſſus in cap. ordinarij. de offic. ord. lib. 6. in nouatis per Concil. Trid. ſeſſ. 7. cap. 5. Secundo faciunt illa multa, quæ tradit Gomez. in reg. de trien. q. 10. in fauorem opinionis eorum, qui tenuerunt in Rota, quod regula de trien. poſſeſſore non iuuat execrabilem, ſiue illum qui tenet duo incompatibilia contra extrauag. execrabilis. Ioan. XXII. ſi non monſtretur diſpenſatio legitima.

Pro parte vero negante faciunt alia plura, quæ citat ibidem pro opinione contraria, quam tenuiſſe Rotam in tribus vel quatuor cauſis aſſerit, videlicet quod triennalis poſſeſſio pacifica defendit etiam execrabilem, etiam non monſtrata diſpenſatione, modo allegetur. At idem, quod facit triennalis poſſeſſio contra aduerſarium agentem, videtur facere decennalis ſiue longi temporis poſſeſſio contra Episcopum volentem cogere beneficiarium ex officio ad oſtendendum titulum, vel diſpenſationem, per citata in reſponſione præcedentis dubij. Secundo, quod non obſtat id, quod ait ibidem Gomez. alium, quam ordinariū, non poſſe cogere triennalem poſſeſſorem ad oſtendendum diſpenſationem incompatibilium: innuendo à contrario ſenſu, quod ordinarius poteſt cogere. Non, inquam, hoc obſtat. Tum quia argumentum à contrario in verbis narratiuis eius, qui nō diſponit, parum virtutis habet, vt poſt. Ant. in cap. cū Apoſtolica. de hiſ que ſunt à maiori parte Capite, tradit Felia. in cap. ſignificasti. de for. compet. nu. 13. Tum quia loquitur tantum de triennali poſſeſſore, & non de decennali, vel antiquiore, quem titulus præſumptus defendit etiam aduerſus ſuperiorem inquirentem, vt dictum eſt. Tum quia Domin. & Franc. ſuper eod. cap. ordinarij. communiter recep. dicunt illum textum non habere locum contra antiquum decennalem, vel longioris temporis poſſeſſorem. Tum quia eadem ratio videtur ſuadere, ne te-
neatur

neatur ostendere dispensationem, quæ suadet vt non teneatur ostendere titulum: quia tam contra ius est tenere beneficium sine titulo, quam tenere duo beneficia cum titulis alijs canonicis, sine dispensatione: immo forte magis, si res satis expendatur. Tum denique quod ratio illa præsumendi interuentum solemnitatis extrinsecæ, quæ supra diximus niti Fel. post alios in suprædictis locis, & ratio præsumptionis, quod tanto tempore non sustinisset ordinarius possidentem sine titulo, quæ nititur Cosmas vbi supra, immo & ratio Innoc. quam tangit in d. cap. illud. de præsumpt. videlicet quod tanto tempore non est facile seruare titulos, & scripturas, videntur ita excusare ab ostendenda dispensatione, sicut ab ostendendo titulo. Omitto, quod posset alicui videri satis probabiliter prædicto cap. ordinarij. esse quidem locum in beneficijs quæ tenentur in titulum, vel commendam, non autem in ijs quæ obtinentur per vnionem & annexionem ad aliud beneficium, vel religionem, & ordinem. arg. cap. super eo. de præb. lib. 6. Omitto, inquam, hoc: quia licet in recuperanda quadam commenda Roncæuallis, quam quidam Commendator sancti Iacobi per viam vnionis detinebat, multum negotij mihi olim fecerit, non tamen arbitror satis firmum ad hoc, vt censeatur prædicta ecclesia ista ratione exclusæ à prædicto cap. ordinarij. sicut etiam prædicta vnio, quæ non est perpetua, sed solum ad vitam eius, cuius commendæ vel ordini annexa est, non potest cadere sub cap. 6. sess. 7. de reform. nec sub cap. 13. sess. 24. Concil. Trid.

Itaque arbitror D. D. Rotæ, si de hac causa iudicauerint, iudicaturos ad summum, quod Episcopus poterit prædictum beneficiarium execrabilem cogere ad iurandum quod credit bona fide se obtinuisse canonice prædicta beneficia; & quod si Episcopus voluerit probare defectum tituli, siue quod beneficiarius non habuit illa canonice, modis, quibus id legitime probare poterit, est admittendus. Salua, &c.

SUMMARIVM.

- 1 Vicario parochiali vacanti simpliciter dato, non omnes fructus, sed congrua portio debetur: sed nec Episcopus vsque à principio posset omnes eidem assignare, nisi omnes essent necessarij. num. 2.
- 2 Intellectus cap. 18. sess. 24. Concil. Trid. de reform.

CONSILIVM V.

- 1 AD QVAESTIONEM respondetur primo, D. ordinarium fuisse aliqua ex parte negligentem, eo quod non præstituit D. consulenti certam partem fructuum congruam in suum stipendium.
- 2 Secundo; quod non potuit à principio statuere pro congrua portione omnes fructus ecclesiæ prædictæ. Tum quia facultas concedendi stipendium concessa ordinario à Concil. Trid. in cap. 18. de reform. sess. 24. restringitur ad certam partem fructuum. Et quamuis posset dicere ordinarius quod omnes fructus posset concedere, si omnes coniuncti non excederent congruam portionem annuam; tamen in casu proposito, attenta ecclesiæ qualitate, non sunt omnes ad id necessarij: quia præsupponitur
eos

eos ascendere ad centum aureos. Et ideo videtur quod oconomus debet esse contentus ea parte illorum, qui sufficiunt ad congruam portionem arbitrio ordinarij iuste determinandam.

S V M M A R I V M.

- 1 Exorcismus in genere sumptus, est omnis adiuratio & increpatio quæ contra dæmonem exercetur: & sic acceptum nec Episcopus, immo forte nec Papa potest Christianis, cum eam à Christo accipiant, prohibere, num. 2. illum autem qui præmittitur baptismo; & à solis sacerdotibus baptizantibus de consuetudine exhibetur, non potest Episcopus restringere, nec decet vt Papa in faciat. num. 3. sed nec illum qui sine alia cerimonia super obsessos exercetur, potest quis saltem Papa inferior, nisi quo ad indecentiam prohibere. nu. 4. & 5. illum autem qui super dictos obsessos cum certis solemnitatibus ab Ecclesia introductis per deputatos solet exerceri, potest Episcopus modeste restringere. 5.
- 6 Parochus clericos intra fines suæ parochiæ morantes potest quidem urbane, sed non vt ad id obligatos, hortari vt ipsum in exercitio doctrinæ Christianæ inuent.

C O N S I L I V M V I.

A N S A C E R D O T I vel clerico seculari, aut regulari interdici possit exorcismum energumenis adhibere possit, nisi is exorcizandi facultatem scripto exaratum ab Episcopo impetrarit? Et an recte prohibeatur, ne in ædibus laicalibus, locisve priuatis, sed in ecclesiæ loco aperto, & conspicuo, neque in omni & quauis ecclesiæ, sed in ijs solum, quas certas Episcopus statuerit, fiat exorcismus? Item ne ante ortum, nec post occasum Solis quisquam exorcizetur? Et an recte statuatur, vt si qui exorcizat, sacerdos sit, antequam exorcismum inchoet, Missæ sacrum faciat?

Secundo, an clericos, qui Dominicis, festisque diebus, qua hora in choro diuinis officijs celebrandis astricti non sunt, parochus, intra cuius parochiæ fines habitant, in doctrinæ Christianæ scholis vbicumque loci intra fines parochiæ constitutis, vt sibi in hoc munere opem ferant, cohortari debeat?

- 1 **A D Q V A T V O R** in priori quæstione proposita respondetur primo, quod cum omnis adiuratio & increpatio dæmonis possit dici exorcismus energumenorum, vt significat cap. clericos. §. exorcistæ. 21. dist. & S. Tho. in 4. dist. 6. q. 2. art. 3. dum ait exorcismum catechumenorum, qui præponitur baptismo, recte dici posse exorcismum energumenorum: cumque omnis Christianus habeat potestatem exorcizandi, & adiurandi dæmones increpando, iuxta illud Marc. ult. *In nomine meo dæmonia eijcient*, vt tradit S. Tho. 2. 2. q. 90. art. 2. titulus huius quæstionis videtur generalis ad omnem exorcismum & adiurationem increpatoriam dæmonum.

- 2 Secundo, quod accipiendo verbum illud tam late, vt dixi, respondendum videtur quod non potest id facere inferior Papa, immo nec forte ipse Papa: quoniam Christiani omnes accipimus potestatem adiurandi dæmonem increpatorie nocte, dieque; idque frequenter facimus aspergentes nos aqua benedicta, & dicentes: *Ecce crucem Domini, fugite partes aduersæ, &c.* signan-

punitionis clericorum fornicariorum late resoluit Panormit. in cap. at si clerici. num. 36. de iudic. & cap. si autem. de cohabi. cleric. & mulie. quod variaz pœnz sunt institutz contra huiusmodi clericos fornicarios; & ideo potest iudex arbitrari super pœna imponenda, declinando præsertim ad imponendam mitiorem.

S V M M A R I V M.

- 1 Beneficium simplex perpetuum potest ordinarius ex iusta causa de consensu patroni facere manuale amouibile ad nutum laicorum patronorum, ita vt desinat esse beneficium ab Episcopo conferendum.
- 2 Beneficia inferiora sui episcopatus, ordinarius potest vnire, diuidere, de nouo creare, & extinguere.
- 3 Amouibile ad nutum patroni laici beneficium, beneficium non est, sed seruitium quoddam manuale temporarium, quod a patronis laicis datur, & accipitur sine periculo incurrendi pœnas, quas incurrunt qui de manu laici capiunt beneficium. num. 7.
- 4 Fructus veri beneficii, quos sacerdos ad illud a solo patrono laico, tamquam esset manuale seruitium, & non beneficium, bona fide deputatus, percepit, non restituat.
- 5 Error iuris licet non profit ad acquirendam rem ipsam, prodest tamen ad acquirendos fructus; & hoc (omissa opinione Bartoli, & aliorum distinguendum) etiam si esset error iuris resistentis. Ratio est, quia in acquisitione fructuum sufficit quod absit mala fides. num. 6.
- 6 Errorem facti & non iuris habet, qui putat se habere titulum, cum non habeat, sicut & qui possidet rem Ecclesie ex sola concessione Episcopi, putans interuenisse consensum Capituli; prodestque ad acquirendum nedum fructus, sed & rem.
- 7 Error iuris dubij ad vsucapiendum prodest, sicut & error facti.

CONSILIUM IX.

AN EPISCOPVS possit reddere beneficium aliquod simplex, siue capellaniam de perpetua manualementem?

- 1 Respondetur, quod facile defendi potest, ordinarium, præsertim Legatum, posse iusta de causa cum consensu patroni facere, vt aliqua capella perpetua, in qua ad præsentationem eius instituitur capellanus, & rector perpetuus, fiat temporaria, & ad nutum amouibilis: quoniam certum est ordinarium posse vnire, & diuidere, & de nouo creare, & extinguere beneficia inferiora sui episcopatus, cap. sicut vnire. de excessibus prælatorum. & cap. præcipimus. & cap. pluries. 16. quæst. 1. & cap. 1. de reb. eccles. non alienand. lib. 6. & clem. 1. eod. tit. & cap. cum accessissent. & cap. ex parte. de constitut. Nec obstat, quod collatio beneficii, & institutio præsentati in eo sunt res spirituales, & non cadunt in laicum, qui est incapax iuris non solum conferendi, & instituendi, sed etiam eligendi, quod est minus. cap. sacrosancta. & cap. Messana. de elect. cap. inuentum. & cap. memini. 16. quæst. 7. nisi privilegio Papæ, iuxta gloss. celeb. in cap. imperium. 10. dist. & in summa. 16. quæst. 7. Non inquam hoc obstat,

obstat: quoniam per ordinationem, qua capella perpetua fit temporaria, & ad nutum amouibilis, non datur ius conferendi, vel instituendi patrono laico, sed extinguitur capella perpetua, & loco illius erigitur manualis, quod patronus potuisset ab initio ordinare etiam sine consensu Episcopi, ut scilicet darentur certa scuta annua alicui clerico ad seruendum capellæ; ita ut possit ad nutum amoueri, & poni sine aliquo titulo perpetuo Episcopi; ita quod extinguitur beneficium, quod debet esse perpetuum, cap. inuentum. 16. quæst. 7. & cap. presbyt. 56. dist. & consequenter definit ordinarius habere ius instituendi, sed non quæritur illud patrono, qui etiã perdit ius præsentandi ad beneficium: quia iam non est tale, sed libertatem quærit ponendi, & tollendi, quem, & quoties voluerit, quod est grande & vtile frenum ad continendum capellanum in officio virtutis, ne patronus rescians illius vitium amoto eo ponat alium; quæ posset esse magna causa faciendi capellam, siue beneficium de perpetuo manuale.

SED DATO, quod fuerit declaratum ordinarium non potuisse hoc fecisse, Quæritur, an qui bona fide possedit huiusmodi beneficium, siue capellaniam per multos annos, ut manualement & tantum auctoritate patroni, teneatur ad restitutionem fructuum?

- 3 Responderi potest, quod non tenetur restituere, per l. bonæ fidei. ff. de acqui. rerum domi. & §. si quis à non domino. Instit. de rerum diuis. Patronum. & alios in cap. graui. de restitu. spolia. post Bart. in l. ex diuersis. ff. de rei vendicat. & omnes in l. si me & Titium. ff. si certum petat. Couar. lib. 1. var. cap. 3. quia licet error iuris non profit ad vsucapiendam rem ipsam, l. numquam. ff. de vsucapion. prodest tamen ad acquisitionem fructuum, per l. sed etsi. §. scire. ff. de petition. hæredit. & gloss. in l. si fur. ff. de vsucapion. & Dinus in regula possessor. de reg. iuris. lib. 6. quod ponitur pro regula à multis, quos refert Felin. in cap. de quarta. de præscrip. quamuis trepide hanc rem tractet num. 24. & Franciscus Balbus in l. Celsus. not. 4. de vsucapion. & alij ab eis citati. Primo quidem ea ratione, quod iusta credulitas tituli, quæ ex errore facti descendit, prodest ad vsucapiendum, & præscribendum etiam ipsam rem, de qua quærentur fructus. l. 1. in prin. ff. his qui pro empt. quod affirmant, & confirmant auctoritate multorum præfati Felin. & Bald. At præfatus consulens videtur errasse errore facti, credendo quod in præfata ordinarij dispositione interuenit iusta causa cum alijs necessarijs ad sic disponendum; qui error facti est. Tum quia, qui possidet aliquid ecclesiæ per concessionem Episcopi dicentis se illam de consensu Capituli facere, si vere Capitulum non consentit, dicitur duei errore facti, & præscribit, ut determinat Rota in tit. de præscript. in decisio. 3. in nouis, quam etiam Felin. & Bald. sequuntur. Tum quia credere quod Episcopus potuit illam facere iusta de causa cum consensu partium, & alijs necessarijs, non est profecto error iuris, sed vera illius scientia, per ea quæ nos allegauimus, per quæ irrefragabiliter probatur ordinario fuisse potestatem etiam extinguendi penitus illud beneficium iusta causa, & alijs necessarijs interuenien-
- 4

uenientibus; quanto magis mutandi illud in aliam formam in mille mundi partibus vſitatam?

- 5 Secundo, quod error iuris dubij perinde prodest ad hoc, ſicut error facti, vt eſt textus, quem ad hoc multum commendat Panormit. in cap. cum dilectus. num. 12. de conſuetu. & alij alibi, gloſſ. memorab. in cap. 1. verbo de cætero. de poſtul. prælat. lib. 6. quod etiam confirmant præſati & alij citati ab eis, & in his Felin. in cap. 1. column. penul. de re iudic. & eſt celebre dictum Innoc. in cap. per tuas. il 2. de ſimon. in multis locis à Bald. commendatum, quod contraueniens iuri humano dubio per errorem non peccat: & ſententia lata contra ius dubium vel obſcurum non cenſetur nulla, vt late tradit Felin. in d. column. penult. licet ſententia lata contra ius regulariter ſit talis, cap. 1. de re iudic. At error, quo dominus conſulens credidit præſatam diſpoſitionem ordinarii valuiſſe, eſt error facti, vt dixi, aut ſaltem error iuris dubij & obſcuri: ergo ille excuſat, & ad hoc prodeſt. Nō eſt vero curandū de illa diſtinctione Bartol. an ſit contra ius aſſiſtens, vel contra ius non reſiſtens, quamquam eam multi ſint ſecuti. Tum quia præſatus §. ſcire. ſine vlla diſtinctione determinat bonæ fidei poſſeſſorem quærere fructus, dummodo non ſit prædo, id eſt malæ fidei poſſeſſor, quem non debuit Bart. & qui eum ſequuntur ex ſuo capite ſimitare. Tum quia non eſt vllus textus, nec vlla ratio efficax, quæ illam limitationem probet. Tum quia error iuris, ſiue ſit contra ius non aſſiſtens, ſiue contra ius reſiſtens, eſt error contrarius; & ita vel neuter deberet prodeſſe, aut vterque. Tum quia ad quærendos fructus ſufficit, vt mala fides abſit, licet bona fides poſitiue non adſit, etiam ſecundum eandem Bartol. & Felin. ac alios ſequaces eius. Tum denique, quod credulitas iuſtitia tituli, quam habuit præſatus, plus fuit error facti, quam iuris, vt ſupra dictum eſt: & ſi fuit error iuris, non fuit plus contra ius reſiſtens, quam illa, de qua loquuntur §. ſcire. & Bart. qui loquuntur de credulitate, qua hæres credebat teſtamentum valere: quia credebat fuiſſe factum ſolemniter.

Per quæ nullius inhabilitatis timor eſt habendus, eo quod videatur accepſiſſe beneficium eccleſiaſticum de manu laici cōtra multa capp. 16. q. 7. quia non accepit vt beneficium perpetuum, ſed vt ſeruitium manuale temporarium, quod poteſt, & quotidie dat laicus; & quod illa iura loquuntur de capiente beneficium ſine colorato titulo. Salua, &c.

S U M M A R I V M.

- 1 Monitoria generalia præcipientia teſtificationem, reuelationem, ac reſtitutionem ſub varijs formis concedi ſolent, & poſſunt; modo non tranſgrediantur diſpoſitionem canonum de re ſuper qua ſeruntur ſtatuentium, num. 2. Vnde licet Episcopii de iuris rigore poſſent mandare vt blaſphemantes denunciarentur, non tamen poſſunt mandare vt id fiat omiſſa fraternali correptione, nec vt denunciaretur ea quæ non poſſunt probari: immo dicti caſus cenſentur excepti, etiam quod monitoria illos in ſpecie non excipiant. num. 5. Subditi item cauere debent, ne cadant in peccatum detractiōis. num. 2. & 4. ſed & forte expediat magis,

magis, si Episcopus omiffa hac via, quæ populum perturbare, ac rixarum fomes, ac aliorum peccatorum occasio esse solet, nu. 3. & 4. in visitatione a generali ad specialem contra blasphemos procedendo inquisitionem, blasphemix extirpare delictum curabit. nnn. 6.

3 Excommunicatio etsi pro futuro peccato, vel contumacia non satisfaciendi possit ferri, at quod pro præterito peccato ferri possit, non videtur, nisi sit notorium.

4 Duobus procedendi modis sese offerentibus, illū elizat index, qui plenior & placidior sit.

CONSILIUM X.

CONQVERITVR ciuitas quædā, eiusq. diœcesis, quod Episcopus publicare vult monitoriū quoddā, ad finem reuelationis sub pœna excommunicationis contra eos, qui blasphemāt nomen Dei, aut sanctos eius, vel qui præsentēs fuerint. Quæritur, itaque an huiusmodi monitoriū possit licite publicare Episcopus; &, si liceat, an generaliter expediat propter similitudines, & alia, quæ inde possunt oriri inter virū & vxorē, patrem & filium, aliosque vinculo societatis coniunctos: deinde, quia, cū videatur esse crimen mixti fori, hac via daretur occasio declinandi à foro sæculari.

Ad hanc quæstionem respondeo primo, non posse aliquē illi satisfacere non facta copia monitorii, quod dicitur esse publicatum; quoniam, ut ipse in repetitione cap. inter verba. 1. i. q. 3. concl. 6. coroll. 66. n. 331. demonstravi, multiplicis formæ possunt esse huiusmodi monitoria; aliquando enim monent subditos, ut denuncient, aliquando ut testificentur, aliquando ut denuncient notoria vel famosa, vel testificentur super illis, denuncient etiam secreta; aliquando ut restituant, aliquando ut dicant monenti tamquam iudici; aliquando ut dicant ei tamquam bono viro, qui prodesse possit, & nō obesse, &c. ut colligitur ex cap. inquisitionis. 9. tertia. & cap. qualiter & quando. 2. de accusat. l. Dimis. 2. ff. de custodia reorum. cap. presbyter. c. mala. 2. q. 5. c. vestra. de cohabita. cler. & mulierum. cap. manifesta. 2. q. 1. c. si sacerdos. de offi. ordi.

2 Secundo respōdeo, quod Episcopus potest ferre huiusmodi monitoria, non transgrediendo dispositionem canonum disponentium super materia, in qua ea vult ferre, iuxta gloss. solemnem c. ex parte. de verb. sig. & text. cap. qui cum fure. & ibi annotata per Panor. de exces. prælat. c. consanguineos. de repudiis. & in d. c. si sacerdos. & ab aliis alibi.

Tertio, quod huiusmodi monitoria varie pro varietate formarū illorū magna cum prudentia & discretione sunt à subditis obseruanda, ne incendant, & incurrant vitium detractōis, & infamationis, & ne grauitē & mortifere peccent, ut ipsi in dicto coroll. 66. admonemur.

3 Quarto, quod pro parte negatiua quæstionis propositæ facit primo, quod Episcopus nō videtur posse excommunicare aliquē pro peccato præterito, nisi sit notoriū, vel fuerit cōdēnatus de illo, & noluerit parere, c. nemo. il. 2. 1. q. 3. & cap. sed illud. 45. dist. sed solū pro futuro, vel pro cōtumacia nolēdi satisfacere pro præterito, per ea multa quæ glo. memorabilis c. ex parte. 1. de verb. sign. adducit. At Episcopus præfatus pœnā excommunicationis infligit, vel intentat subditis innocētibus: ergo illud ei nō licet. Secūdo, quod nō est danda vlli occasio peccādi, c. fin. de iniuriis. & præfatum monitorium videtur dare occasionē peccādi per rixas, & odia, quæ ex

- huiusmodi denunciationibus concipiuntur à denūciatis contra denunciātes, vt palā est. Tertio, quod de duabus viis perueniēdi ad aliquem finē
- 4 eligenda est plenior, & placidior. At dominus Episcopus posset per visitationem, & inquisitionē generalē informare se de huiusmodi blasphemijs, & blasphemis, iuxta c. 1. de off. ordi. & l. congruit. ff. de offi. præsidi. & postea sine turbatione populi per inquisitionē specialem procedere contra eos, quos inuenerit culpabiles, iuxta c. inquisitionis. de accusa. præsertim quod nō est periculum in mora breuis temporis, l. si debitore. ff. de iudic.
 - Quarto, q̄ per ea, quæ ipse late vbi supra scribo, credibile est multos peccaturos multum in hac re; alios quidem denunciādo secreta, & ante correctionem fraternam; alios denunciando ea, quæ non debent denunciare, & quando, & alio modo quam oportet, præsertim si non detur iusta dilatio ad consulendum peritiores, & prudentiores; alios autem aliis modis, quos ipse vbi supra tracto.
 - 5 His tamen non obstantibus, credo, quod de rigore iuris posset Episcopus ferre eiusmodi monitorium tēperatum, & modificatū, ne includeret secreta, & quæ non possent probari, nec personas, quæ ad id non tenentur, nec excluderet correctionem fraternam, quam ipse non potest excludere, nec iuberet, vt statim antequā illa congruo tempore, modo, & ordine fieri possit, huiusmodi blasphemix sibi statim denunciarentur, per ea quæ D. Thomas scribit 2. 2. q. 33. art. 7. & alia quæ nos addimus vbi supra: immo etiam, si hic Episcopus non temperaret suum edictum, ita temperandum esset per supradicta; dolentes, quod plurimi plurimum errant in respondendo, non solum huiusmodi edictis durissimis, sed etiam chartis, & monitionibus, quas super rebus perditis & furto sublati passim solent dare ordinarij, & solemnius Curia, appellando illas significauit.
 - 6 Ad opposita respōderi posset eo fere modo, quo respōdendū esset ad defendendas prædictas chartas. Mea tamē sententia prudētius, & Deo gratius ageret Episcopus, si procederet primū per viā visitationis, & inquisitionis generalis, & postea per inquisitionem specialem, vt supra dictum est.

S V M M A R I V M.

- 1 Edicta Episcoporum procedere quidem debent à puritate conscientie & zelo iustitiæ, sed discretionis ratione carere non debent: unde poterit ab eis appellari, si nimis breuem dilationem pro qualitate rei agenda necessariam, nu. 2. vel obscuritatem siue repugnantiam contineant. nu. 3.
- 4 Edicta quæ obligant ad denunciandū, non obligant eos qui non possunt probare; nec quæ fiunt ad reuelandum, obligant vbi non præcessit fama, nec ante præcedentem correptionem fraternam; quam si omitti iuberet prælatus, peccaret simul cum ei parentibus: aliud vero est quando fiunt ad testificandum.
- 5 Blasphemia peccatum, optimum quidem est, extirpare; sed omissa via edictorū præcipientium reuelationem, satius videtur à via inquisitionis generalis ad inquisitionem particularem contra culpabiles repertos descendere. num. 1.

CONSILIVM XI.

SVMM A edicti Episcopi hæc est; Præcipimus tam maribus, quam feminis
in foli

In solidum prædictas blasphemias sentientibus, audientibus, vel aliquam de ijs notitiam seu scientiam habentibus, ut eodem vel sequenti die, quo id nouerint, reuelent coram nobis, vel vicario nostro, & notario rogato in forma debita, personam quæ blasphemauerit, aut ignominiose nominauerit Deum, Virginem matrem, vel aliquem sanctum; sub pœna excommunicationis, & decem ducatorum: & quod ab huiusmodi excommunicatione nullus confessarius absoluat, nisi prius mādato vel præcepto præfato satisfaciatur.

- 1 Interrogatus, an ciuitas, in qua præfatum edictum publicatum est à suo reuerendissimo Episcopo, iuste de illo conqueri possit; Respondeo primo laudandum esse plurimum zelum eius erga Deum, Virginem matrem, & alios sanctos, quo motus est contra vitiū blasphemiae, quod iure quis miretur adeo apud aliquos vsitari, cum nullā vtilitatem, nec voluptatē habeat sibi coniunctā, neque vllum honorē, sed potius magnā infamiā. Secundo, quod forte in casu proposito locus est illi elogio Alex. iij. in cap. non solū. de regul. lib. 6. *Puritati conscientiae non debet deesse discretio rationis.* cū in proferendo edicto adeo duro in ciuitate, quæ numquā simile audierat, maior moderatio desiderari potuisset. Tertio, quod ciuitas appellare potuisset ab eiusmodi edicto ob nimiam breuitatē tēporis, quod præfixit subditis ad denūciandū, iuxta dictū Innoc. cap. 1. de dilation. per illū tex. nimis enim breue tēpus præfigitur denūciaturis, ut eodē die vel sequenti id faciant; cū ut nos late probamus in repet. cap. inter verba. ii. q. 3. cōcl. 6. corol. 66. n. 280. magna prudētia & discretionē uti oporteat in respōdendo huiusmodi edictis, ne quis reuelādo qd nō debet, vel alio modo, quā debeat, peccet mortifere, infamādo proximū. Quarto, qd etiā poterat appellari ab eo ob obscuritatē & repugnantiam, qua secū videtur pugnare, cū præfatus Reuerendissimus nō ferat, sed tantū cōminetur excommunicationē, & postea iubeat ne cōfessarij absoluant ab ea, donec satisfaciāt præcepto. cōperti enim iuris est, quod per sola illa verba, *sub pœna excommunicationis*, non fertur excōmunicatio, nisi addantur illa, *Lata sententia*, vel alia eiusmodi, iuxta glos. recept. c. 1. de sagit. & quod nō est, nō potest solui, c. ad dissoluendū. de despons. impub. & ita vel debuerūt addi illa verba, *Lata sententia*, vel alia ijs equipollētia, vel nō debuit reseruare absolutionē vinculi, qd non præmiserit.
- 4 Quinto, quod debuisset animaduertere qd verba huius edicti obligāt subditos ad denūciandū, & nō tantū ad testificandū, per ea quæ nos tradimus in d. 66. corol. n. 286. & qd nemo debet denūciare, nisi qd pbari potest, & peccat si aliud faciat, c. placuit. 6. q. 2. & notatur in c. qualiter & quādo. i. de accus. Animaduertere item potuit qd non debet quis reuelare prælato etiā visitanti generaliter peccatū occultū, de quo nō est fama, ut nos probamus in d. corol. 66. n. 301. & latius superius in corol. 46. & sequen. Animaduertere itē potuit, quod nō poterat præcipere reuelationē prædictarū blasphemiarum, nisi saluo ordine correptionis fraternæ, iuxta illud S. Tho. recepti in 2. 2. q. 33. ar. 7. ad 5. *Quādo prælatus præcipit quod sibi dicatur quod quis sciuerit corrigendū; intelligendum est præceptum sane saluo ordine fraternæ correptionis, siue præceptum fiat communiter ad omnes, siue ad aliquem specialiter. Sed si Prælatus expresse præciperet contra hūc ordinē à Domino institutū; & ipse peccaret præcipiēs, & ei obediēs, quasi contra præceptū Domini agens; unde non*

esset ei obediendum. Hæc ille, & traditur etiam à nobis d. corol. 66. nn. 283. Considerare item potuisset, quod lenius, & minus amare potuisset procedere ad puniendum has blasphemias, primū inquirendo generaliter iuxta cap. 1. de off. ord. & l. congruit. ff. de off. præsid. & postea procedendo per inquisitionē speciālē cōtra eos quos inuenisset blasphemasse, iuxta c. inquisitionis. de accusationib. Hæc respondimus interrogationi generali, responsuri, si opus fuerit, interrogationibus specialibus, in gratiam eius qui me interrogauit, & in gloriam Dei, qui nos omnes seruet. Amen.

DE OFFICIO IUDICIS.

SUMMARIUM.

1. Iudex rogatus, instrumentum, quo centum mutuo data, & quinque pro interesse taxata petuntur, exequi debet; nec ex officio potest, reo non opponente, actorem, nisi ei tamquam iudici constet de usuraria prauitate, tamquam usurarium repellere; cum in dubio delictum non sit præsumendum.
1. Interesse verisimile a principio pacisci potest.
2. Iudex secundum allegata & probata iudicare debet, & non ex priuata scientia.
3. Iudex de crimine generaliter, nulla persona expressa, inquirere potest, at contra certam personam non potest, nisi præcedente fama probata per acta publica. n. 5. & 6.
4. Usurarios notorios tantum iudex ex officio declarare potest.
5. Iudex ut actorem repellat, non sufficit reum non audere quidquam opponere.
5. Inquirere ut possit iudex contra certam personam, requiritur quod præcedat fama iudicialiter probata, vel saltem semiplena probatio iudicialis delicti. num. 5. nec admittenda praxis inquirentium ex suspicionibus leuiter & extraiudicialiter conceptis. num. 6.

CONSILIUM I.

QUIDAM A. petit à iudice executionē instrumenti, quo se quidam B. obligauit ad restituendū præfato A. 100. mutuo accepta, & quinque pro interesse pro tempore, in quod illa accepit. Quæritur, quæ sint partes iudicis in admittendo, vel repellendo præfatum A. à iudicio.

Respondeo primo, quod si debitor opponat, cōtractum esse usurarium, audiendus est, iuxta formā legum, & statutorum circa hoc disponentiū.

1. Secundo, quod si debitor nihil opponit, & iudex nihil nouit tamquam iudex, & tamquā publica persona contra illud instrumentū, neque contra in illo contenta, quia neque notorie, neque per confessionē actoris, neque per sententiam contra eum latā, neque per probationes corā ipso factas constat ei cōtractum illum esse usurarium; debet exequi instrumentū. Primo, quod iudex non debet in dubio præsumere actorem delinquere, maleque agere, l. merito. ff. pro socio. cap. fin. de præsumpt. At non est certum actorem præfatum male petere, præsupposita opinione, quæ habet posse mutuantem & mutuatarium conuenire super interesse probabile, ut nobis visum fuit cap. 17. num. 211. vers. & quod inter. & cap. 25. n. 9.
2. Manua. Secundo, quod debet iudicare secundum allegata & probata, & non

& non secundum suam priuatam suspicionem, immo nec secundum suam scientiam priuatam, l. illicitas. §. veritas. ff. de offic. præsid. cap. pastoralis. §. quia vero. de offic. deleg. & est determinatio S. Thom. à plerisque omnibus Theologis & Iurisperitis recepta in 2. 2. q. 67. art. 2. At præfatus iudex, vt iudex, nescit quicquam contra præfatum instrumentum, neque præfatum actorem: quia præfatum instrumentum in sua forma nihil continet usurarium, neque reus quicquam tale obijcit coram ipso. ergo male faceret, si per suam suspensionem priuatam negaret ei iustitiam, contra illud Ambrosij, *Bonus iudex nihil ex arbitrio suo facit, & proposito domesticæ voluntatis: sed iuxta leges, & iura pronunciat, statutis iuris obtemperat, non indulget propriæ voluntati, &c.* cap. iudicet. 3. quæst. 7.

- 3 Tertio, quod licet iudex possit ex officio inquirere generaliter de criminibus sui territorij nulla expressa persona, iuxta l. congruit. ff. de officio præsid. & cap. 1. de off. ordina. non tamen potest inquirere contra aliquam particularem, nisi per talē generalem inquisitionē fuerit notatus, vel nisi præcedente saltem fama iudicialiter contra illum probata coram ipso, vt nos late probamus in rubrica de iudicijs à num. 53. & est casus in cap. qualiter & quando. il. 2. de accusatio. suntque ad id multæ rationes iuris naturalis ibidem à nobis adductæ: nec sufficit fama extraiudicialis, de qua profundius aliis tractamus nos in eadē rubrica num. 52. Ergo iudex neque debet, neque potest inquirere contra actorem de usura in contractu commissæ, ex officio, ob id solum, quod petat pecuniam à se mutuatam cum interesse à principio cōuento; cum per præsentationem præfati instrumenti non constet ei notorie, neque per famam de tali usura: quandoquidē licet partibus à principio conuenire de illo interesse probabili, vt prædictum est, præter quam de interesse cambiorum propter nouā Pii V. prohibitionem, de qua nos in nostro Man. confess. bis fecimus mentionem.
- 4 Quarto, quod nihil obstat cap. cum in diœcesi. de usuris. quia solū probat iudicem posse, vel debere declarare ex officio esse usurarios eos qui sunt notorie tales, vel saltem contra eos fama vel alia sunt sufficiens argumenta, quæ iudex, tamquam iudex & publica persona nouit, secundum mentem omnium doctorum ibidem: cum, vt prædiximus, informatio iudicialis de fama ad id requiratur.
- 5 Quinto, quod vt iudex repellat actorem à sua petitione, quæ secundum suam formam est iusta, non sufficit quod reus ob aliquos respectus in mente retentos non audet opponere exceptiones sibi conuenientes. Tum quia non constat illi iudici iudicialiter, & vt iudex ignorat omnia, quæ vt talis non cognoscit, per supradicta. Tum quia iudex non requisitus non tenetur, nec iuste potest impartiri officium suum in damnum saltem tertii ad utilitatem priuatam, l. 4. §. hoc autem iudicium. ff. de damno infect. neque ad utilitatem publicam inquirendo particulariter contra aliquem non præcedente fama iudicialiter probata, vel saltem semiplena probatione iudicialiter facta, per ea quæ in d. num. 53. & seq. dicimus.
- 6 Sexto, quod iudex satisfacit suæ conscientie, quam debet habere vt iudex, inquirendo ex officio generaliter in suo territorio, si quid habet, an sint

aliquot vſurarii, nulla particulari persona nominata; & ſi per illam generalem inquisitionem inuenerit eſſe aliquem, vel aliquos particulares, poterit procedere contra illos particulariter texendo nouam telam iudicii, ſecundum mentem omnium recte loquentium, & leges naturales, diuinas, & humanas canonicas recte loquentium, omiſſa peſſima praxi quorundam iudicum infamantium multos procedendo contra eos ex ſuſpicionibus leuiter & extra iudicialiter conceptis, ducentes ſe per ſcientiam priuatam, quam habent aliunde, quam ex actis coram ſe, & aliquando nimis audentes, aliquando nimis timentes omittunt viam regiam, quam iura naturalia, diuina, & humana ſtraucrunt, & eunt per ſemitas nouas, & ſuo capite & ſenſu inuentas contra præſatum Ambroſii dictum, & alia multa, quæ non expedit referre apud virum, & iudicem doctiſſimum: cuius & alius cuiuſuis melius quam nos ſentientis cenſuræ omnia prædicta ſubiicimus. Salua, &c.

DE MAIORITATE ET OBEDIENTIA.

SUMMARIVM.

- 1 Vicarius Episcopi de iure omnes præter Episcopum præcedit, ſed contraria conſuetudo valet.
- 2 Præſidens Capituli præcedit ſuum Episcopum, cum ei vt vnus de Capitulo intereſt.
- 3 Conſuetudo rationabilis præſcripta omni humano iuri derogat.
- 3 Conſuetudo, vel lex rationabilis vt ſit, ſufficit aliquo reſpectu eſſe talem.

CONSILIVM I.

AN VICARIO Episcopi, ſi ſit vnus de Capitulo, debeat præcipuus locus in choro, necdum abſente Episcopo, ſed etiam præſente, cuius eſt vicarius?

- 1 Reſpondeo primo, quod Panor. per multa argumenta nititur probare in conſilio 21. primæ partis, quod vicarius Episcopi debet præcedere omnes clericos poſt Episcopum, immo & archidiaconum ipſum: & in conſilio 22. eiſdem partis vehementi animo tenet etiam quod conſuetudo contraria non valet, immo eſt corruptela, & eum ſequitur Felinus in cap. ſta- tuimus. col. 1. de maior. & obed. & eos videtur ſatis probare Barth. Caſſan. in ſuo libro de gloria mundi, parte 4. conſid. 44. & 45.

Secundo dico, primum dictum Panor. ſatis defendi poſſe iure communi attento per illius argumenta, & etiam diſputando.

- Tertiò, quod ego ſemper tenui contrarium ſecundi dicti. Tum quod vidi ſeruari contrariũ in aliquot eccleſijs Hiſpaniæ, & quod etiã ſeruari in eccleſia Hednensi dicit præſatus Caſſan. vbi ſupra, addendo quod oēs antiquiores in promotione præcedunt vicarium Episcopi. Tum q̃ archidiaconus, ſiue decanus, & præſidens præcedit etiã ipſum Episcopũ ſuum, cũ intereſt Capitulo vt canonicus; quod etiã gloſ. recep. ab omnibus tenet in cap. de collatione. de appellat. lib. 6. & illam tenet communis in cap. in eccleſia. de præben. lib. 6. & certum eſt magis irrationabile videri, q̃ archi-

- archidiaconus præcedat Episcopū suum, quā vicarium eius: quod nescio quomodo non aduertit noster auriga Panor. in d. conf. 22. neque Fel. nec
- 3 Cassan. in prædict. locis. Tum quod omnis consuetudo rationabilis præscripta valet contra quodcūque ius humanum, cap. fin. cum similibus de consuet. Tum quod cōsuetudo ut archidiaconus præcedat vicarium generalem, potest esse rationabilis aliquo respectu, licet altero videatur parū rationabilis, ut recte considerauit Fel. ad aliud propositū in d. cap. statuimus. Tum quod non requiritur ad hoc ut consuetudo vel lex sit rationabilis, quod omni respectu sit talis; sed sufficit quod aliquo respectu sit rationabilis; alioquin nulla consuetudo tolleretur legē humanam contrariā rationabilem, ut potest mōstrari per mille exēpla, in quibus potest esse l. maximum virium. C. de liberis præteri. & in legibus, quas illa corrigit, & in statutis & primogeniis, in quibus statuitur rationabiliter, ut familiæ cōseruentur, ne extantibus masculis feminæ succedant. Tum quia tres rationes, quas ipse Panor. proponit contra se in d. conf. 1. sufficiunt ad faciendam consuetudinem prædictam rationabilē. Tum denique quod falsum est, quod præfata consuetudo sit contra ius naturale, vel diuinū: & rationes, quibus id asserunt Panor. & Cassan. sunt crassæ, siue grossæ, & fundatæ in intellectu parum dolato legis naturalis, & diuinæ. Salua, &c.

S V M M A R I V M.

- 1 Vicarius generalis Episcopi simul & canonicus, debet & in choro, & Capitulo, sedere in loco qui ei debetur ut canonico, si consuetudo non sit contraria.

C O N S I L I V M II.

- A**N EPISCOPI vicarius, cum etiam sit canonicus in eadem ecclesia, in choro, & in Capitulo debeat sedere in loco canonici: de quo Gemini. cap. cum à collatione. de appellat. in 6. ait quod sic.
- 1 Ad quæstionem respondeo, semper mihi placuisse opinionē Geminiani supra citatam, scilicet vicarium, qui est canonicus, in choro & Capitulo debere tenere locum canonici, nisi consuetudine contrarium esset inductum: qua ratione in quadam ecclesia audiuius contrarium esse seruatum, & seruari. Salua, &c.

S V M M A R I V M.

- 1 Abbas priuilegiatus mitra, & baculo, carens collegio, dignitates Episcopo inferiores præcedit, non autem Capitulum cathedralis collegialiter sedens vel incedens.
- 1 Rector parochialis destitutus non videtur habere beneficium curatū, sed simplex.

C O N S I L I V M III.

- A**N ABBAS priuilegiatus, ut possit uti mitra, baculo, & aliis insignibus episcopalibus, carens autem collegio monachorū, debeat præcedere omnes alios beneficiarios, & habentes dignitates inferiores episcopatu?

Respondeo primo quæstionē hanc videri magnam, pro cuius vtraque

- parte multa possunt adduci. Nā pro parte affirmāte facit, q̄ receptum esse videtur per ea multa, quæ adducit Philipp. Decius in cap. 2. de iudic.
1. Abbatem huiusmodi priuilegio insignitum habere dignitatē, debereq̄. præcedere Archidiacono ecclesię cathedralis, & aliis dignitatibus episcopo inferioribus, excepto Capitulo ecclesię cathed. collegialiter sedente, vel incedente. Et pro parte negante facit primo, q̄ rector ecclesię parochialis destituta nō videtur habere ecclesiā parochialē; & q̄ rector parochialis habitu, & non actu, non videtur habere beneficiū curatū, sed tantū simplex iuxta gloss. celeb. & cōmuniter recept. in cap. licet canon. verbo parochialis. de electio. lib. 6. & in cap. statutum. eod. tit. & lib. & Panor. cōmuniter recept. in cap. de multa. de præb. quod praxis vbique seruat.
 - Secundo, quod quamuis non liceat mihi nunc occupato satis perpendere, & librare textus, & rationes, quæ pro vtraque parte inueniuntur; magis tamen in presentia inclino in partem affirmantē, attentis eis quæ post Antonium à Butrio tradit Domini in d. cap. licet. super prædicta glossa, distinguendo, an disponatur de aliqua re, habita consideratione ad habitum tantum, aut ad exercitium tantum, aut ad vtrumque, aut simpliciter: & quod in casu proposito agitur de honore, ac præminētia ipsius abbatię, & priuilegiorum eius, in quo videtur potius considerari dignitas ipsius, & reuerentia, quę debetur ei propter se, ac sua insignia, quam exercitium regendi suum collegium. Salua, &c.

S V M M A R I V M.

1. Collegiata ecclesię Prior titularis, habens in cathedrali canonicatus & dignitatem, tunc præcedit alios, quando vt singuli incedunt; secus si collegialiter stent, vel incedant: sicut & vnus monasterij Abbas, num. 2. cui hic Prior equiparatur, num. 3. & si sit etiam ipse canonicus, manebit in loco qui ei competit vt canonico, etiā si esset I. V. D. & protonotarius, & aliā etiam maiore haberet dignitatē. m. 4.
2. Abbas vnus monasterij præcedit singulos de Capitulo cathedrali, sed non ipsum Capitulum capitulariter congregatum.
3. Collegiata ecclesię caput habens illam in titulum beneficii, appellatur & est praelatus habens iure communi iurisdictionem fori exterioris in eos qui sūt de collegio.

CONSILIVM IV.

- Q**VAERITVR an Prior ecclesię collegiatę, qui est etiam protonotarius, & D. V. I. quiq̄. est canonicus ecclesię cathedralis eiusdem ciuitatis, in qua est illa ecclesia collegiata, debeat præcedere canonicos, & dignitates ecclesię cathedralis, quę non habent eiusmodi qualitates.
1. Respondeo primo, q̄ multa super hoc dubio afferri possent: sed paucis meā sententiā sic resoluo, Primo, q̄ præcedit prædictos canonicos, & præfatas dignitates habentes tēporibus, & locis, in quibus prædicti canonici & dignitates non sedent, nec incedunt collegialiter, sed singulariter tantū, non autem cū manent, vel incedunt collegialiter, vel capitulariter. Tū quia secundū veriorē sententiā, Abbas vnus monasterij nō præcedit Capitulū ecclesię cathedralis manens, vel sedēs collegialiter; præcedit tamē eos qui sunt Capituli, siue sint canonici, siue dignitates, cū manēt, vel incedūt

cedūt singulariter, vt per longam disputationē concludit Bar. Cass. in catalogo gloriæ mundi, 4. par. consid. 32. vt colligitur ex cap. decernimus. de iud. & adnotat ei per Panor. And. Sicu. & Dec. nu. 3. 4. & 5. & ex cap. si. de off. deleg. lib. 6. & ca. quamuis. 9. quamquā. de præb. lib. 6. quæ cum alijs multis citat Phil. Dec. vbi supra. Tū quia prælatus ecclesiæ collegiatae secularis, per cuius mortē sic vacat ecclesia, ac per mortem Abbatis monasteriū, æquiparatur Abbati, vt colligitur ex glo. & Pan. nu. 3. in c. cum illorū. de sent. excomm. & fundatur ea ratione, q̄ omnis qui est caput ecclesiæ collegiatae, siue regularis, siue secularis, habet iurisdictionē in foro cōtentioso super eos qui sunt de suo collegio iure cōmuni, & nō solū habet dignitatem, sed etiā prælatus ecclesiæ dicitur, ut ait gloss. & latus ibi Panor. receptus ab alijs in c. cum ab ecclesiarū prælatis. de offic. ord. & facit c. statutum. de elect. lib. 6. & cap. iis quæ. de maiorit. & obed. & tradit Barthol. Cassaneus in catalogo gloriæ mundi. 4. par. consider. 38.

4 Secundo, quod cum prædictus Prior interfuerit canonicis cathedralis ecclesiæ collegialiter manentibus, vel incedentibus, debet sedere, stare, vel incedere in eo loco in quo deberet, si nō esset prælatus, neque Prior ecclesiæ prædictæ collegiatae, neque protonotarius, neq. doctor quia canonicus habens maiore dignitatem, vel qualitatem, quam alii canonici, cū manet inter eos collegialiter cōgregatus vt canonicus, debet manere in loco, qui competit ei vt canonico, vt determinant expresse Dominic. & Phil. Francus in cap. a collatione. in fi. de appel. lib. 6. & fundari potest etiam per cap. postulasti. de concess. præb. & per alia multa. Salua, &c.

SVM MARIVM.

- 1 Præcedentia præpositi collegiatae sanctæ Mariæ de Scala.
- 2 Præcedentia prælatorum eiusdem dignitatis & nominis, quando conuentualiter cum conuentibus suis interfunt actibus, attenditur secundū antiquitatem ecclesiæ seu conuentus: quod si interfunt singulariter; qui prius fuit promotus, præcedit, vt fuit resolutū in causa præcedentia inter canonicos regulares & sancti Benedicti monachos, nu. 13. seruatq. consuetudo vt primo tractatus Episcopus primū habeat locum, nu. 3. & hoc vltimū procedit etiam si posteriori loco promotus haberet plures alios gradus, quorū nullus per se sufficeret ad causandam prælationē, nu. 4. quandoquidē prioritas tēporis præualet illis, nu. 8. & 14. licet hoc vltimū sit dubiū: nū qui est doctor vtriusq. iuris præcedit Canonistā, nu. 15. fallit autē quando posterioris dignitas haberet qualitatem ob quā iura saltē implicite determinaret eandē alijs antecelle re, n. 14. vt est vsus mitræ vni ex duabus præposituris concessus, quia posterior præcederet nedū in locis in quibus mitra gestatur, n. 7. & 8. sed etiā alibi. n. 5. 9. 10. & 12.
- 3 Consuetudo optimæ legum interpret.
- 4 Plures gradus habens, quorum nullus per se sufficit vt alium præcedat, nec virtute omnium simul iunctorum præcedet, contra nu. 15.
- 4 Præcedentia concurrentium in tempore, habentiumque dignitatem eiusdem nominis & honoris attenditur ex additamento aliarum qualitatum etiā de se alijs non causantium prælationem contra concurrentem: vnde qualitas doctoratus & protonotariatus attenderetur. & nu. 8.

- 1 Vincula duo vno fortiora.
- 5 Abbas mitra & baculo vtiens alios precedit.
- 6 Dignitas maioris loci alias eiusdem ordinis precedit, & doctor duarum facultatum doctorem vnius.
- 8 Promotionis prioritas praeualet qualitati doctoratus & protonotariatus extraordinarij. & num. 5.
- 9 Dignitatis maioritas prioritati promotionis praeualet.
- 10 Dignitas episcopalibus insignibus decorata alijs eiusdem nominis maior.
- 11 Clausula per se posita trahitur ad antecedentia & sequentia; at posita accessorie, restringitur ad id cui accedit.
- 13 Canonici regulares quando Benedictinos praecedunt.
- 13 Praecedentia praescriptione & privilegio nili potest.
- 15 Praecedentiam non faciunt plures gradus inferiores in vno existentes contra habentem vnum singulis his superiorem: vnde magister artium & licentiatus in iure non praefertur doctori canonum.

CONSILIVM V.

PRAESUPPONITVR in facto, quod praepositura collegiatæ ecclesie sanctæ Mariæ de Scala ciuitatis Mediolani vltimo loco post omnes alias collegiatas dictæ ciuitatis fuerit crecta in collegiatam; & quod in processionibus consueuerint praepositus & Capitulum dictæ ecclesie simul incedentes vltimum locum inter alios praepositos & Capitula obtinere: quamquam deinde eidem R. D. praeposito sanctæ Mariæ de Scala summi Pontifices contulerint insignia pontificalia, ac facultatem conferendi primam tonsuram, benedicendi, & multa alia ad pontificiam dignitatem spectantia.

Queritur modo, an ipse praepositus, licet incedens cum suo Capitulo habeat locum vltimum in processionibus, stantibus dictis praerogatiuis, & quod est Protonotarius Apostolicus, ac doctor I. V. ratione personæ, ac praeposituræ, debeat alios praepositos praecedere in actibus extra processiones & separatis à Capitulo; an secus, & quem locum obtinere debeat.

- 1 Quæstio hæc satis difficilis est explicatu, eo quod varii doctores varie locuti sunt in varijs locis, nempe in l. cum quid. ff. de reb. cred. in cap. clerici. de iudi. cap. placuit. §. Isidorus. 16. dist. & cap. Episcopo. 17. dist. & in rub. & cap. 1. & cap. per ruas. de maiorit. & obed. & in multis alijs locis citatis à Nicolao Boerio in tract. de ord. & praeced. grad. & Barthol. Cassan. in catalog. gloriæ mundi: quorum aliqui dum plus tribuunt copiae dictorum variorum auctorum, quam radici, per quam illa resolui debent, plus satis rem confundunt. Quare breuiter proponemus aliqua, quæ in vtramque partem faciunt, & postea resoluemus dubium in eam partem, quæ nobis vero propior videbitur.

Contra praepositum facit primo, quod eius praepositura fuit creata post alias praepositoras, cum clausula sine prauiudicio alicuius, vt habet eius auctarium. Secundo, quod in processionibus ipse cum sua ecclesia postponitur

- mitur alijs, vt in facto præsupponitur, neq; de illa prælatione dubitatur.
- 2 Tertio, quod habentium dignitates eiusdem ordinis, & nominis, ille præfertur alteri in honoribus, qui prior ad eam est assumptus, l. i. C. de consul. lib. 12. & l. 1. ff. de alb. scrib. & præpositus sanctæ Mariæ de Scala Mediolanen. & alij præpositi aliarum ecclesiarum collegiatarum eiusdem ciuitatis habent dignitates eiusdem ordinis, & nominis, videlicet præpositus: ergo inter eos debet præcedere is, qui prius præposituram obtinuit.
 - 3 Quarto, quod consuetudo, quæ est optima legum interpres, cap. cum dilectus. de consuetud. Conciliorum æcumenicorum, & aliarum congregationum, item quæ in capella Papæ vel coram eo, vel de mandato illius sæpe fiunt, habet, vt Episcopi sedeant, & suas sententias dicant prius, vel posterius iuxta priorem, vel posteriorem promotionem illorum, non habito respectu nobilitatis, vel magisterij.
 - 4 Quinto, quod habens plures gradus, quorum nullus per se sufficit ad præcedendum alium, non præcedit virtute omnium illorum, l. spadonem. §. qui iura. ff. de excu. tutor. per quæ id affirmat Ludonic. Rom. recep. cons. 333. & ait Felin. in d. rub. de maior. & obed. col. 1. At præfatus præpositus sanctæ Mariæ non videtur habere plures qualitates, quarum aliqua per se sufficeret ad præcedendum alios præpositos: non enim videtur talis qualitas doctoratus, vt palam est, neque protonotariatus; quia protonotarius, qui nõ est de ordinariis & participantibus, non habet tantam qualitatem, vt constat ex cõsuetudine Urbis & orbis, & ex traditis per Barthol. Cassan. in catalag. gloriæ mundi 4. par. consider. 2. Nec obstat dictum Fel. in dicta rubrica asserentis Episcopum doctorem præcedere non doctorem etiam prius promotum: quia illud procedit, quando eodem die fuerunt ordinati, non autem quando diuersis, vt significat glo. in cap. sacrosancta. verbo præsent. de auctor. gener. concil. in pragmat. & exprimit Nicolaus Boerius in tract. de ord. grad. 1. part. num. 19.
 - 5 Sed pro domino præposito facit primo, quod duo vincula sunt fortiora vno, cap. 1. de treug. & pace. & Auth. itaque. C. communia de success. & ipse est præpositus, sicut cæteri, & præter id insignibus episcopalibus insignitus, quibus carent alij. Secundo, quod cap. vt Apostolicę. de priuil. lib. 6. expresse habet maiore gloria & honore dignos esse Abbates prædictis insignibus insignitos alijs eis non insignitis. Tertio, quod idem cap. probat partim directe, partim à contrario, Abbates insignitos eiusmodi insignibus in Concilijs episcopalibus & synodalibus exemptos quidem prætorioribus, non exemptos autem vilioribus, & alios hoc priuilegio carentes non posse vti eis: & quod consequenter, si præpositus dictæ ecclesiæ sanctæ Mariæ inueniretur in eiusmodi Concilio, deberet præcedere alios non habentes simile priuilegium: quandoquidem nullatenus deceret vt post Episcopos, vt ita dixerim, mitratos federent prius præpositi non mitrati, quam mitratus. Quarto, quod cæteris paribus & Cardinalis Vicecancellarius præcedit alios Cardinales, secundum eundem Cassan. vbi supra 4. par. consid. 13. & Cardinalis presbyter Cardinalem diaconum de iure secundum Præpositum in cap. Episcopos. 17. dist. & inter dignitates eiusdem
 - 6

eiusdem ordinis precepit qui est maioris loci, ex mente Innoc. in cap. sedes Apostolica. verbo maiores. de rescript. & inter doctores precedit actu legens, iuxta l. 2. C. vt digni. ord. ser. lib. 12. vbi hoc notat Ioānes de Blal. num. 1. sub. fin. & doctor duarum facultatum de iure precedit doctorem vnius tantum, iuxta communem resolutionem Panor. & aliorum in cap. 2. de iudic. & communem in l. cum quid. ff. de rebus cred. Quinto denique quod omnis, qui habet dignitatem æqualem habenti aliam, & qualitatem aliam notabiliter considerabilem ad precedendum de iure, precedit aliū habentem aliam similem sine tali qualitate, vt videtur probare text. in d. l. 2. C. vt dig. ord. ser. lib. 12. & certum est prædictum præpositum sanctæ Mariæ habere præposituram similem alijs, & præterea habet qualitatem doctoratus & protonotariatus, & facultatem vtendi insignibus episcopalibus. ergo, & c.

- His pro vtraque parte expensis, videtur dicendum primo, quod prædictus præpositus sanctæ Mariæ præcedere deberet alios præpositos etiam prius ordinatos ratione doctoratus, & protonotariatus, & ratione insigniū episcopalium præcedere in illis cōgregationibus, in quibus ille debet illis vti: quia nihil debet esse inordinatum, s. inordinate. Auth. de hæredit. & falcid. coll. 1. & extrauagan. vnā sanctā. de maior. & res inordinata videretur, vt colligitur in 3. argumento pro ipso adducto, vt post Episcopos mitris insignitos immediate sederent præpositi eis non insigniti, ac post illos præpositi eis insigniti, vt palam est: quod iuri propius videtur.

- Quod autem etiam extra illa loca, in quibus vtitur insignibus episcopalibus, debeat præcedere alios etiam prius institutos, facit primo, quod quatenus est præpositus & ordinatus eodem die, quo illi, est vt minimum æqualis eis, & qualitate doctoratus & protonotariatus excedit illos: & duorū parium alterū cumulatū est maius altero, vt habet primū argumentum pro parte præpositi adductum: ratione tamen doctoratus & protonotariatus non debet præcedere alios præpositos prius promotos: quia
- 9 prioritas promotionis est maior qualitas, quam doctoratus, & protonotariatus, vt satis probat d. cap. Episcopus. 17. dist. iuncta expositione Gratiani & gloss. in verb. tempus, quæ dictum Gratiani corroborat. Secundo, quod qualitates & insignia suæ præposituræ alijs antecellūt; quia cæteris paribus maior & maiori honore digna videtur dignitas insignibus episcopalibus decorata, quam alia similis eis destituta, vt efficaciter probat prædictum cap. Apostolicæ. in argumento 2. & 3. pro ipso formatis: & maioritas dignitatis præponderat prioritati promotionis, vt probat d. 9. Isidorus. iuncta gloss. verbo præponimus. quo fit vt Episcopus factus Archiepiscopus præcedat Episcopum ante ipsum factum Episcopum; & canonicus factus archidiaconus, vel alia dignitate præditus præcedit aliū prius factum canonicum, secundum omnes, pro quibus est casus irrefragabilis in l. 1. C. de cōsul. lib. 12. quatenus vir consularis ornatus patriciatu, qui est maior consulatu, l. nemini. eod. tit. præfertur ei, qui prius fuit consul, vt ibi gloss. communiter recept. per Ioannem de Pla. & alios id an-
- notat.

notat. Tertiò, quod difficultas huius questionis est sita in eo, an inter dignitates eiusdem nominis & ordinis censenda sit maior aliis illa, quæ est decorata insignibus episcopalibus: nam si maior censeatur, eam habens debet præferri etiã antiquius promotò, alias secus: & meo iudicio efficaciter videtur probare prædictum c. ut Apostolica. q. sit maior & honore maiore digna in illis verbis, *In ecclesiarum suarum gloriã & honorem, quod mitra & alijs pontificalibus uti possint.* & hæc præpositura non solũ fuit decorata insignibus episcopalibus, sed etiã facultate conferendi ordines minores, benedicendi vestes sacras, reconciliandi ecclesias, & alijs multis, per quæ ex æquata fere fuit episcopatibus, ut ex bulla, qua fuit aucta, colligitur.

Non obstat argumentũ primũ contra ipsum præpositũ, q. eius præpositura videatur aucta honore cũ clausula, *sine alterius præiudicio.* Tũ quia illa clausula non refertur ad facultatẽ habendi prædicta insignia, sed solum ad facultatẽ ordinandi inferuientes ecclesijs, & dandi licentiã eisdẽ ut ab alijs ordinari possint, ut ex contextu bullæ apparet: nec valet dicere q. clausula in aliqua dispositione posita ad omnia capitula illius refertur, ea secundo requiris. de appellat. cum concordant. à gloss. ibidem citat. quia illud fallit, quando non ponitur per se, sed accessorie ad aliquod capitulũ: nam tunc ad illud tantum refertur, ut post Panor. & alios tradidit Deci. ibi num. 2. & in prædicta bulla ponitur accessorie ad clausulam, qua fiebat ei facultas ordinandi, reconciliandi, & alia faciendi. Tum quia illa conclusio, *Gratia principis*, est intelligenda sine præiudicio tertii, l. 2. §. si quis à principe. ff. ne quid in loco publico fiat. & cap. super eo. de offi. iudi. deleg. debet intelligi in dubio, & quando non constat de mente principis, in nostro autem casu constat de hac mente: quia Papa, cui omnia iura sunt nota, cap. 1. de const. lib. 6. & consequenter c. ut Apostolica. de privileg. eod. lib. per quod declaratur maiori honore esse dignum Abbatem qui episcopalibus insignibus uti potest, quam alium, qui non potest uti, animum habuit præiudicandi similibus præpositis quo ad hoc honoris auctarium, quod ei ex illa concessione resultabat, arg. l. 1. ff. de re iud. & h. idẽ Vlpianus ff. de excus. tutor. & eorum quæ tradit Fel. in cap. fin. de constitu. Non obstat etiã quod in processionibus ipse cum sua ecclesia postponitur alijs. Tum quia circa honorem exhibendum prælatis alia ratio habenda est, cũ conuentualiter cum suis Capitulis concurrunt, & alia cum sine illis: unde se. recor. Pius III. in sent. quam protulit pro canonicis regularib. contra monachos Benedictinos, cuius tenorẽ cum aliquot scholijs retulimus in comment. 4. de regularib. sub cap. statuimus. 19. q. 3. nu. 6. diffiniuit, q. cum prælati cõcurrerent incedentes cõuentualiter cum suis Capitulis siue cõuentibus in processionibus & alijs locis, prælati canonicorum regularium cum suis Capitulis præcederent prælatos monachorum Benedictinorũ incedentes cum suis Capitulis: quando tamẽ prælati singulariter concurrerẽt sine suis conuentibus, illi præcederent qui prius inuenirẽtur promoti: & ita cum à diuersis nõ fiat illatio, l. Papinian. ff. de minorib. cap. ad audiẽtiam. de decim. à prælatione vel postpositione prælatorum concurrentium conuentualiter non potest efficaciter argui ad prælationem vel post

vel post positionem eorumdem concurrētium singulariter. Tum quia fieri potest ut prelatio illa vel postpositio concurrentiū conuentualiter nitatur priuilegio, vel prescriptione aliqua, quæ non debent extendi extra casum priuilegiatum, vel præscriptum, iuxta cap. auditis. adiuncta gloss. verb. interruptione. de præscrip. & alia plurima adducta ibi per Feliam nu. 10. vers. cæterum.

14. Non obstat tertium: quia regula in eo assumpta procedit regulariter, sed fallit quando vna illarum habet aliquam adeo insignem qualitatem, ut ob eam iura determinant illam esse magis honorabilem, quam alia sui ordinis & nominis; & talis est præpositura prædicta, quæ habet prædictam qualitatem vtendi insignibus episcopalibus: nam ius expresse in d. cap. vt Apostolica. determinat, quod qualitas illa facit vt illa dignitas, quæ habet eam, sit maiori honore digna.

Non obstat quartum: quia licet prioritas promotionis debeat magis attendi regulariter, quam alia qualitates; fallit tamen in qualitate illa, quam iura expresse vel implicite statuunt esse potius attendendam, quàm prioritatem: & ita diximus supra in primo dicto prioritatem institutionis præponderare doctoratui, nobilitati, ac protonotariatui: quia nullo iure determinatur, nec significatur ea esse præferenda prioritati promotionis in dignitatibus quæ de se præcellūt habentes illa sine talibus dignitatibus.

15. Non obstat quintum. Primo quidē, quia nec Ludouicus Rom. in eo citatus dicit id quod imponit ei Fel. nec lex spadonē. s. qui iura. ff. de excusat. tutor. probat illud, nempe quod habens plures gradus, quorū vnus per se non sufficit ad præcedendum alium, non præcedit virtute omniū illorum; sed quod habens plures gradus inferiores gradu vno, quem alius habet, non præcedet illum; puta magister artium, & licentiatus iuris, qui habet duos gradus, non præcedit doctorem decretorum, qui habet vnicum superiorem illis duobus: & non solum Ludouic. non dicit illud, neque illa lex probat, sed est falsum: nam doctor vtriusque iuris præcedit doctorem iuris canonici, secundum communiter receptā sententiam in d. c. clerici. & in d. l. cū quid. & tamen nullus illorum duorum graduum sufficit ad præcedendum eum: & ita sufficit ad præcedendum alium quod habeat vnum gradum æqualem gradui alterius, & alium quem ille non habet. Nec animus Felii fuit aliud dicere, licet verba eius aliud sonent. Secundo respondeo, negando quod prædictus præpositus non habeat aliquam qualitatem & gradum, per quem solum debeat præcedere alios præpositos: habet enim præposituram insignitam facultate vtendi insignibus episcopalibus, & aliis multis prærogatiuis, ob quas fere exæquatur Episcopis, qua ratione sua præpositura per se sola est longe maior, & dignior aliorum præposituris. Salua &c.

S Y M M A R I U M.

1. Archiepiscopus in Concilio provinciali præest ut caput, non eo modo quo Episcopus præest synodo diocesana: sed ut decanus Capituli vt conuocet, congreget, primūq. habeat sedem, nu. 5. immo tamquam vnus de Concilio ei subest, nu. 3. & potest ab eodem

excom-

- excommunicari, nu. 2. & ab Archiepiscopo ad Concilium appellatur nu. 4.*
1. *Par in parem nec in se ipsum habet iurisdictionem.*
 2. *Vniuersitas, collegium, & Conciliū differt à singulis ea constituentibus, super ipsosque potestatem habet, etiam eos mulctandi, & excommunicandi. nu. 3.*
 3. *Capitulum, ad quod ex consuetudine spectat potestas corrigendi canonicos, illam, & sede vacante iurisdictionem, in qua succedit Episcopo, contra singulos, etiamque contra Decanum Capituli exercet.*

CONSILIUM VI.

1. **A**N IN Concilio prouinciali Archiepiscopus excommunicari possit? Respondeo quæstionē esse dubiam. Nam pro parte negante facit primo, q̃ Archiepiscopus videtur esse caput Concilij, & ita non subesse Episcopis Concilij; cum suis membris non debeat subesse caput, cap. cum nō liceat à capite membra recedere. de præscrip. Deinde quod idem super se ipsum non potest habere iurisdictionem, l. ille à quo. §. tempestiuum. ff. ad Treb. & in l. penul. ff. de recept. arb. nec par in parem, cap. innotuit. de elect. & iurisdicō Concilij prouincialis pertinet ad Archiepiscopum tamquam parem & caput eius. Tertio, quod Archiepiscopus ad suum Concilium ita videtur se habere, vt Episcopus ad suum Capitulum. At nullo casu potest Capitulum excommunicare suum Episcopum: ergo nec Concilium Archiepiscopum.
2. Pars tamē affirmatiua videtur de rigore iuris verior. Tum quia aliud est Conciliū, vel collegium, & aliud sunt singuli de collegio, & Concilio: & manumissus à collegio, vel vniuersitate aliqua, non est libertus singulorum illius; & ideo posset eos in ius vocare sine venia, licet non collegium, vel vniuersitatem ipsam, quæ eum manumisit. Tum quia Conciliū est superius singulis omnibus qui constituunt illud, quorum vnus est ipse Archiepiscopus, & poterit ab ipso mulctari, & excommunicari, argu. tot. tit. ff. si quis ius dicen. non obtempe. Tū quia vacante ecclesia cathedrali iurisdicō deouoluitur ad Capitulū, cap. his quæ. & cap. cum olim. de maior. & Capitulum habens illam iurisdictionem potest eam exercere contra singulos de Capitulo, & etiam decanum, vel præpositum ipsius Capituli secundum omnes. Tum quia Capitulum, ad quod de consuetudine pertinet correctio canonicorum, potest corrigere singulos eorum: & eadem ratione Concilium prouinciale poterit singulos Episcopos, qui constituunt Concilium, corrigere, & si opus fuerit, excommunicare, &
4. pari ratione Archiepiscopum, cum sit vnus de singulis constituentibus Concilium. Tum denique quod Concilium adeo maius est Archiepiscopo, quod ab eo appelletur ad illud, vt dixit Paulus de Eleazeris, recep. à Cardinali, & ab aliis in clemen. 1. §. quod etiam in interdictis. de sent. excommu.
5. Non obstant opposita. Ad primum enim respondetur concedendo quod Archiepiscopus est caput Concilij ad hunc effectum, quod ad eum pertinet vocatio, & congregatio eius, & vt debeat habere primam sedem, vt habet decanus, vel canonicus senior in Capitulo ecclesiæ cathedralis,

cathedralis, sed non quo ad hoc, ut sit superior eius, vel maior eo iam congregato, neque quod habeat eandem iurisdictionem, quam habet illud, immo est tantum cōiudex, & collega aliorum Episcoporum, ut prædictum est. Ad secundum respondetur concedendo, quod nemo habet imperium & iurisdictionem super se, & super sibi pari: negando tamen quod Archiepiscopus sit idem, quod Concilium provinciale, vel par ei, & qui quatenus est Archiepiscopus & prælatus particularis, habeat illam iurisdictionem quam habet ipsum Concilium, ut prædictum est. Ad tertium negamus, quod Archiepiscopus se habeat ad Concilium ut Episcopus ad suum Capitulum, sed potius ut decanus, aut canonicus senior Capituli ecclesie cathedralis ad ipsum Capitulum, in quem Capitulum potest exercere iurisdictionem competentem ei, ut Capitulum, iuxta prædicta. Salva &c.

SUMMARY.

1. Episcopus impeditus adire Concilium potest se per procuratorem excusare.
2. Concilium provinciale potest absentis Episcopi procuratorem habentem speciale mandatum ad decidendum admittere, sed non cogitur, nisi saltem sit unus ex suffraganeis.
3. Vices gerens honorari debet tanquam representans suum principalem, sed non quantum ille.
4. Abbates in Concilio provinciali præcedunt procuratores Episcoporum absentium.

CONSILIUM VII.

1. QVOD Episcopus legitime impeditus vocatus ad Concilium provinciale possit se excusare per procuratorem, certum est; & quod etiam habens speciale mandatum ad decidendum possit admitti a Concilio, si ei placuerit, etiam est certum per cap. cum ecclesia Sutrina. de causa possess. & proprietate. cum ei adno. quatenus habet canonicos habentes potestatem eligendi posse admittere alios non habentes illam ad colligendum secum. Quod autem non teneatur Concilium ad id admittere illum, saltem si non est unus ex Episcopis suffraganeis interessentibus Concilio cum aliis Episcopis, videtur verius; argum. cap. si quis iusto. 9. porro. de electio. lib. 6. quod videtur satis sensisse Petrus de Monte in sua monarchia Conciliorum quest. 3. num. 2. Sed queritur an ille procurator debeat Abbates præcedere. Et videtur dici posse procuratorem huiusmodi debere postponi Abbatibus per sese præsentibus: quia licet vices gerens alterius debeat honorari tanquam representans eum, cap. sane. il. 2. de offic. deleg. & cap. fin. 93. distinct. non tamen quantum ille, ut pulchre resoluit Decius in d. cap. sane. num. 2. dicens merito regiam maiestatem Christianissimam præposuisse Ducem Sabaudie Legato Venetiarum: quia Dux personaliter aderat, & Legatus non erat Dux, sed Ducem Venetiarum representans, ubi multa huic sententiae specialiter accommodat. Salva &c.

SUMMARIUM.

1. *Præponendus est Dux, Abbasve inferioris dignitatis Legato procuratori repræsentanti Ducem, vel Abbatem excelsioris gradus.*

CONSILIUM VIII.

- A**N PROCURATOR Abbatis in synodo debeat habere eundem locum inter Abbates, quæ habiturus foret Abbas constituens, si esset præsens?
- Ad huiusmodi questionem videtur dici posse, huiusmodi procuratorem postponendum esse Abbatibus per sese præsentibus: quia licet vicegerens alterius debeat honorari tãquam repræsentans eum, cap. sane. il 2. de offic. deleg. & cap. fin. 93. dist. non tamen quantum ille, ut pulchre resoluit Decius in d. cap. sane. not. 2. dicens, merito regiam maiestatem Christianissimam præposuisse Ducem Sabaudia Legato Venetiarum: quia Dux personaliter aderat, & Legatus non erat Dux, sed Ducem Venetiarum repræsentans; ubi multa huic sententiæ spectatim accommodata citat, quæ hic non refero, quia ibi videri possunt, & quia debilitate visus, & auditus, & pluribus, quam fere dicere liceat, obruto, vix ad prædicta dicenda vacavit.

SUMMARIUM.

1. *Primatus locorum congregationis clericorum regularium debetur monasterio sancti Silvestri Urbis, quia ibi dicta congregatio fuit primum instituta & confirmata, & dictus locus primum ab ea inhabitari cœpit, & sic dictæ congregationis primogenitus fuit dictus Urbis conuentus. num. 2. illiusque personæ cœperunt primum esse cives Urbis, quam aliarum ciuitatum, ad quas postea migraverunt, num. 3. cum per dictam migrationem prædictum locum Urbis minime amiserint. num. 4.*
2. *Capitulum & singuli eius cives fiunt ciuitatis ubi est ecclesia.*
3. *Migrent licet omnes alicuius congregationis religiosorum de vna ciuitate ad aliam, non tamen ob hoc perdit loca quæ habebat in prima ciuitate, nisi sint ad minus lapsi quadraginta anni necessarij ad hoc ut res ecclesiæ præscribantur.*

CONSILIUM IX.

CONGREGATIO Clericorum regularium instituta fuit Romæ, & approbata à Clemente Septimo, & in eadem Vrbe cœpit habitare in ecclesia Sancti Silvestri, & ob inuasionem Urbis duce Borbonio fugit Venetias anno 1532. & habitauit in ecclesia sancti Nicolai de Tolentino, quæ per aliquos religiosos fratres suos missos Neapolim cœpit per eosdem habitare in ecclesia sancti Pauli: redierunt postea Romam Paulo Quarto institutore suo Papa facto anno 1560.

Quæritur quis locus harum trium urbium debeat dici primus locus huius congregationis & religionis.

Cons. Nauar. Pars I.

S 1 Respon.

Responsum mihi ostensum ad hanc questionem, à viro erudito, quem tamen de facie minime noui, datum, videtur mihi iuridicum, scilicet Urbem Romam debere censi primum locum præfati ordinis Illustrissimi. Tum ob fundamenta per eundem dominum consultorem aducta, quamuis aliqua eorum videri possint è longinquo petita. Tum quia in facto proponitur eum esse primum Romæ institutum, & Romæ primum à Clemente Septimo confirmatum, & eius professores Romam primum multo tempore incoluisse, & iusta de causa inuasionis Urbis Venetias abiisse, ibique secundo loco habitasse, & tertio loco Neapolim quamdam veluti coloniam misisse. Non ergo negari potest Romam fuisse primum

- 2 locum sui ortus, & natiuitatis, & educationis. Tum quia primogenitus dicitur, qui primo natus est, siue postea alius nascatur, siue non, cap. Ioseph. de verb. signif. & proximus est is, quem nemo antecedit, l. proximus est. ff. de verb. signif. & sicut supremus est, post quem nemo est; ita primus est, quem nemo antecedit, l. ex duobus. ff. de vulg. Cum ergo Roma sit locus in quo priusquam in alio præfatus ordo educatus est, & creuit: ergo primus locus eius est Roma. Tum quia ciues facit origo, l. ciues quidem. C. de incolis lib. 10. & l. 1. & l. assumptio. ff. ad municipal. & ita congregatio præfata, & conuentus eius, qui cæpit esse in dicta ecclesia sancti Siluestri, primum fuit ciuis Romanus, quam Venetus, vel Neapolitanus:
- 3 Capitulum enim, seu conuentus alicuius ecclesiæ vniuersalis, & singuli eius fiunt ciues ciuitatis, in qua illa sunt, vt eleganter & late tradit Bart. communiter receptus in dicta l. 1. ad municipal. à num. 10. vbi concludit idem dicendum de quolibet alio prælato, & abbate, seu rectore ecclesiæ: & ita negari non potest præfata congregationem primum locum, & primam ciuitatem habuisse Romæ, immo & primum incolatum.
- 4 Tum quia, si ecclesia præfata sancti Siluestri, & aliqua pars eius, vel aliquid aliud pertinens ad illam, vel ad aliquem alium, fuit prædictæ congregationi legitime donatum, vel per alium iustum contractum & iustam vltimam voluntatem quæsitum, semper remansit suum; licet alio migrasset; quia solum vigintiocto annis ad summum remansit absens à præfata ecclesia sancti Siluestri: & res ecclesiasticæ non perduntur per præscriptionem minorem quadraginta annorum, cap. de quarta. cum ei adnotat. de præscript. Tum quia præfata congregatio habet plurima & grandissima priuilegia summorum Pontificum, per quæ non solum conseruantur eis iura, quæ ab initio cæperunt ad eos pertinere, sed etiam adduntur multa alia, quæ vix credidissem, nisi ea legissem, quod certe magna cum voluptate feci; & consequenter non solum non perdiderunt vllam præminentiam alicuius iuris, vel loci primi, sed etiam acquisiuerunt multo plura, quam habebant, in gloriam Dei, & Domini nostri Iesu Christi, qui suo sanctissimo eodemque maximo fauore ita sua exuberanti gratia faueat eis, vt quod obsequium eius feliciter facere cæperunt, & felicius & amplius nunc prosequuntur, felicissime in finem vltique sæculi, quod speramus, perficiant. Amen.

SUMMARIUM.

- 1 Præcedentia ex antiquitate gradus & promotionis metitur.
- 2 Vnicum beneficium non augit dignitatem illius cui vnitur, nec facit illud curatum, aut dignitatem, si non erat: immo sequitur naturam illius cui vnitur, perditque propriam prærogatiuam. num. 3.
- 3 Præcedentiam qui non habet, eam alij dare nequit.
- 4 Ius semel extinctum non reuiuiscit, nisi per principem.
- 5 Iura omnia ecclesiastica spatio 40. annorum præscribuntur.
- 6 Præcedentia Prouincialium ex antiquitate prouinciarum attenditur, ex statuto Minimorum, & non ex antiquitate professionis.
- 7 Prior tempore, potior iure, si cætera sint paria, & iure contrarium non sit expressum.

CONSILIUM X.

AN IN CAPITVLIS faciendis in ordinibus Illustrissimi ordinis Minimorum debeat assignari locus honoratior Prouinciali Lugdunensi; quam Prouinciali Aquitanie, cuius caput est Tholosanus conuentus ratione vnionis illi factæ de antiquiori conuentu, nempe de Gratianopolitano vnito Lugdunensi prouincie, licet prouincia Aquitanica fuerit prius erecta.

- 1 Pro parte quidem affirmante facit, quod qui prior est tempore, potior est iure, reg. qui prior. de reg. iur. lib. 6. & prius ordinatus præfertur ordinato posterius, cap. fin. 17. dist. & cap. 1. de maiorit. & obedien. quia ille gradus cæteros antecedit, quem labor prolixior & stipendia longiora fecerunt anteriorem, l. nemo. C. de offic. magistr. offic. & habens prius mandatum de prouidendo præfertur habenti posterius, cap. cum cui. de præben. lib. 6. & prior emptor vel prior donatarius præfertur secundo, l. 1. & 2. C. de rei vend. & l. 1. ff. de albo scribendo. quæ probat, inter decemuirales antiquissimum esse præferendum. & gloss. in cap. quorundam. de elect. in verb. predicatorum. arguit Predicatores ideo prius quam Minores nominari, quia sunt antiquiores. & gloss. in cap. bene quidem. distinct. 96. in verb. Mediolanenses. arguit Mediolanensem Ecclesiam digniorem esse Rauennatensi: quia prius nominatur. At in casu quæstionis proponitur conuentum Gratianopolitanum præfati ordinis fuisse prius erectum, quam Tholosanum, & Aquitanicum, & quod vnitus est Lugdunensi prouincie: ergo ratione illius annexionis debet Lugdunensis Prouincialis præcedere Tholosanum in sessionibus, & votis reddendis, & aliis in Capitulo generali faciendis.

- 2 Pro parte autem negante facit primo, quod prouincia Aquitanica prius fuit constituta, & erecta, quam prouincia Lugdunensis: ergo per ipsamet iura pro parte affirmante allegata Prouincialis eius debet præcedere Prouincialem Lugdunensem; quia prius tempore fuit Prouincialis Aquitanie, quam Lugdunensis.

Secundo, quod nihil obstat, quod conuentus Gratianopolitanus sit vnitus conuentui Lugdunensi ad faciendam prouincialem Lugdunensem;

S 2 quoniam

- quoniam vna dignitas, vel beneficium non crescit in magnitudine dignitatis, eo quod vniatur ei alia dignitas, vel beneficium, quod sit maioris qualitatis, vel dignitatis, vt habet cap. super eo. de præbend. lib. 6. quod probat posse quem habere personatum incompatibilem ecclesiæ parochiali, & simul habere sine dispensatione præbendam, cui esset annexa vel vnita ecclesia parochialis, licet non posset obtinere illum personatum, &
- 3 illam ecclesiam parochialem separatam: quia per illam annexionem præbenda illa, quæ per se est simplex beneficium, non crescit, nec fit curata per ecclesiam parochialem ei annexam: immo potius parochialis ipsa quâdamtenus recipit simplicitatem præbende, cui vnitur, eo quod vnitur & annectitur beneficio simplici. & ita licet conuentus Gratianopolitanus habeat prædictam prerogatiuam sedendi, quam tamen negamus habere, vt mox dicemus, eo quod fuerit aliquando vnitus prouinciæ Aquitanix, ipsam tamen prerogatiuam nõ posset infundere in prouinciã Lugdunensem, cui fuit noue annexus, immo potius eam perderet, propterea quod vnitus & annexus fuerit prouincialatui Lugdunensi, qui non habebat illam prerogatiuam sedendi.
- 4 Tertio, quod quis non potest dare quod non habet, cap. quod autem. de iure patron. l. si vniuersa. ff. de leg. 1. At præfatus conuentus Gratianopolitanus non habebat præfatam prerogatiuam sedendi, antequam vniretur prouincialatui Lugdunensi: ergo non potuit illam infundere, & tradere illi. Nec obstat responsio eius, qui diceret posse aliquos dare id quod nõ habent, ratione officiorum suorum, vt tutores, curatores, & procuratores, qui dant multa eorum, quorum tutelam, curam, vel procuracionem, aut mandatum habent. Non inquam hoc obstat: quia prædictus conuentus Gratianopolitanus non habebat prædictam prerogatiuam sedendi, nec officium, ratione cuius competeret ei ius dandi eam, vt palam est; quia quando fuit vnitus prouincialatui Lugdunensi, erat conuentus simplex prouincialatus Aquitanix, & non pertinebat ad eum facere quod alius conuentus simplex esset prouincialatus, neque ambo conuentus poterant seipsos facere prouincialatum, argum. l. pen. ff. de arbitris. & l. ille à quo. §. tempestiuum. ff. ad Trebellian. quæ habet non posse quem imperare sibi, nec habere in se iurisdictionem. Tum quia ius faciendi illud non pertinebat ad illos, sed ad Papam, vel ad Capitulum generale ordinis prædicti.
- 5 Quarto, quod id quod semel est nullum, & extinctum, tractu temporis non potest reconvalescere, l. inter stipulantem. §. sacram. ff. de verb. oblig. qui habet, illum qui stipulatus est sibi dari rem sacram, non posse illam petere, licet fiat profana, vbi alia multa exempla post alios refert Iason: in quibus est etiam illud quod ponitur in l. qui res. §. aream. ff. de solutio. de obligatione dandi nauem, quæ semel conuersa per dissolutionem ad alium usum amplius non reuiuiscit, licet postea mutato animo illa refecta fuerit ad eundem. At quicquid prædictus conuentus Gratianopolitanus habebat in iure prouincialatus Aquitanix, perdidit per separationem, & diuisionem, qua separatus fuit à prouincia Aquitanix
- ergo

ergo non potuit illud reuiuiscere propter hoc, quod fuerit vnitus prouincie Lugdunensi, cum iam illud fuerit semel extinctum.

Quinto, quod licet aliquando ius semel peremptum redeat ad pristinum statum per aliquam innouationem factam ab eo, qui poterat producere illam resurrectionem, vt v. g. Papa, vel Princeps, qui non recognoscit superiorem, vel alius potestatem habens ad id faciendum, vt in casu cap. eos qui. de sent. excomm. lib. 6. in nostro tamen casu non interuenit Papa, nec alius potestatem ad id faciendum habens. Nec obstat dicere quod interuenit Capitulum generale: quia Capitulum generale non reduxit predictum conuentum Gratianopolitanum in pristinum statum, sed in longum alium: quia non reuiuuit prouincie Aquitanie, cui erat vnitum antea; sed conuentui Lugdunensi, vel prouincialatui eius, qui longe diuersus est à prouincialatu Aquitanie.

6 Sexto, quod prouincie Aquitanie fuit assignatus sextus locus in Capitulo Romę celebrato anno Dñi 1517. à quo tēpore possedit illū pacifice cū illo titulo vsque ad annum 1571. & ita per 54. annos, vt constat ex Capitulis celebratis ab ordine predicto, & consequēter prescripsit siue vsuccepit illum locū; cum iura etiam ecclesiastica prescribantur 40. annis, cap. de quarta. de prescriptio. vbi gloss. approbata dicit omnia iura ecclesiastica tam ecclesiarum quam monasteriorum prescribi seu vsucapi iure pontificio per 40. annos: & sic in proposito casu redundant 14. anni.

Septimo, quod conuentus Gratianopolitanus numquam fuit prouincia per se; quia vnus solus conuentus non facit prouinciā; neque fuit vmquam caput prouincie: nam toto tempore, quo fuit pars prouincie Aquitanie, caput eius erat conuentus Tholosanus; & quādo fuit pars prouincialatus Prouincie, conuentus Foroiulienfis erat caput eius; & hoc tēpore, quando est factus pars prouincie Lugdunensis, conuentus Lugdunensis est caput eius. Itaque nullo vmquam tempore predictus conuentus Gratianopolitanus fuit, nec est prouincia, neque caput prouincie; & ita numquam habuit ius prouincialatus, neque capitis eius.

7 Octauo denique, quod in Concilio quarto Romę habito anno 1517. & in Concilio decimo habito N. anno 1535. & in Cōcilio vigesimoquinto habito Barchinonę 1581. tit. de anterioritate & antiquitate prouinciarum inuenitur declaratum, sessionem & præminentiam dandam esse prouincialibus secundum antiquitatem institutionum suarum prouinciarum, & non secundum antiquitatem ingressus eorum in ordinem, vel religionem. ex quo clare colligitur, quod antiquas, vel prioritas erectionis monasteriorum, neque antiquitas ingressus in religionem est attendenda in distribuendis locis & præminentijs prouincialium, sed tantum antiquitas institutionum prouinciarum; & consequenter quod antiquitas erectionis monasterij Gratianopolitani nihil facit ad hoc, vt locus vel præmentia detur prouincie, cui est annexus: quia aliud est antiquitas erectionis monasterij, & aliud antiquitas institutionum, vel erectionis prouincie, & à separatis non fit illatio, l. Papinianus. ff. de minoribus. & cap. ad audientiam. de decimis.

6. Non obstat argumentum in oppositum formatum. Tum quia regula illa, *qui prior est tempore, prior est iure*, habet locum, quando cetera omnia sunt paria, ut ait glo. eius. At in casu proposito non sunt cetera paria: Tum quia provincia Aquitanie est nunc & fuit semper saltem post Concilium 4. Romae celebratum anno 1517. provincia, & conuentus Tholosanus caput illius provincie, & conuentus Gratianopolitanus numquam fuit provincia per se, neque caput provincie, ut predictum est, licet fuerit pars provincie: & in casu proposito non agitur de correctore Tholosani conuentus, & de rectore conuentus Gratianopolitani, sed de provinciali Aquitanie, cuius caput est conuentus Tholosanus ex vna parte, & de correctore Gratianopolitano ex altera, qui non est nec fuit in quantum corrector provincialis, neque caput provincie: & ita non sunt cetera paria. Tum quia per adnotata in argumento 8. locus preeminentie provincialis non debet dari secundum prioritatem erectionum conuentuum, sed secundum prioritatem institutionum provinciarum, & ita non sunt cetera paria: quia pro provinciali Aquitanie allegatur prioritas institutionis provincie, & pro aduersa parte tantum prioritas erectionis monasterij, quae ad propositum nihil prodest. Tum quod pars aduersa, quae arguit pro se ex prioritatem erectionis, nititur argumento contra declarationem trium capitulorum in predicto argum. 8. adductorum. Tum denique quod predicta regula, *qui prior*, non habet locum quando est expressum in iure contrarium; quia in casibus à iure expressis, in quibus exprimitur ut posterior precedat priorem, qui sunt multi, quorum aliquos refert predicta gloss. predicti cap. qui prior. palam est quod posterior praefertur; & ita cum in capitulis predictis exprimat, quod prioritas institutionis provinciarum debeat magis attendi, quam prioritas erectionis monasterij, vel ingressus in illud, clarum est provinciam Lugdunensem arguere contra declarationem ipsorum nec capitulorum ordinis: & ideo non est audienda. Per quae omnia palam fit, iudicandum esse predictum locum sextum competere provinciali Aquitanie absque ulla dubitatione. Salua, &c.

S P M M A R I V M.

1. Translatus ad aliam religionem sedere debet iuxta professionem ibi emissam.
2. Translatus, ut praefecti, dimissa praelatura, secundus post praelatum sedere debet, nisi ad sit qui maiorem gesserit honorem.

CONSILIVM XI.

AN REGVLARIS translatus in alteram religionem debeat sedere in Capitulo ad suam vocem dandam, iuxta tempus, in quo emisit professionem in priori monasterio, à quo fuit translatus, vel in quo fuit professus in secunda?

1. Respondetur, quod debet sedere secundum tempus, quo professus fuit in secunda, per ea quae alias dicta sunt. Tum quia eo tempore incipit esse

regularis illius religionis, & secundum illud tempus debet scribi, & sedere, iuxta l. 1. ff. de albo scriben. argum. cap. 1. & cap. statuimus. de maiorit. & obedientia. quod est verum in eo, qui transtertur, & fit in eo subditus, & filius; si autem est translatus in præfectum, & renunciauit præfecturam, sedebit in primo loco post præfectum, in memoriam honoris quem gessit; nisi concurrant alij, qui maiorem honorem gesserunt, argum. dictæ l. 1. de albo scriben. & aliorum, quæ recte adducit Felin. vbi supra. num. 5. Salua, &c.

S V M M A R I V M.

- 1. Rectores parochialium nullius diœcesis ad Synodum compelli non possunt: licet possint à proximiori Episcopo visitari.
- 2. Lex superioris, quatenus commode potest, interpretanda ut tertio non præiudicet.
- 3. Dispositio eos non includit, quibus verba eius non aptantur.

C O N S I L I V M X I I.

AN RECTORES parochialium, quæ in nullius diœcesi sunt, teneantur accedere ad Synodum diœcesanam illius Episcopi, qui tamquam proximior potest eas ecclesias visitare ex decreto Concil. Trident. sess. 24. cap. 9. de reform.

- 1. Videtur dicendum quod non. Tum quia lex superioris, quatenus id commode fieri potest, intelligenda est sine præiudicio tertij, cap. super eo. de offic. deleg. l. 2. §. si quis à principe. ff. ne quid in loco publ. Tum quia non fit à separatis illatio. l. Papinianus. ff. de minorib. cap. ad audientiam. de decim. At aliud est ius visitandi, & aliud ius vocandi ad Synodum: ergo ex concessione huius non inferitur concessio illius. Tum quia licet Archiepiscopus possit visitare ecclesias sui suffraganeæ post visitationem suæ propriæ diœcesis, cap. 1. §. 1. de censib. lib. 6. non tamen potest vocare rectores earum ad Synodum suam particularem, secundum mentem omnium. Tum denique, quod dispositio non includit eos, quibus sua verba non aptantur, cap. indemnitatibus. §. præfata. de elect. lib. 6. & verba prædicti cap. 9. non aptantur vocationi ad Synodum. Salua, &c.

DE PACTIS.

S V M M A R I V M.

- 1. Creditorum maior pars debita in præiudicium minoris remittere valet debitori non valenti totum soluere.
- 2. Debitor, si perveniat ad pinguorem fortunam, minori parti, quæ recusavit debita sua remittere, restituere non tenetur.
- 3. Remissio partis debiti facta à creditore ob timorem ne aliter faciendo nihil exigeret, non ideo minus in utroque foro liberat debitorem, qui citra dolum ob inopiam illam impetruit.

AN DEBITOR, qui decoxit, cui ut cognati eius soluerent aliquam partem debitorum, maior pars creditorum remisit duas partes sibi debitorum, & fecit pactum de non petendo remissa; si per postea quaesita veniret ad pinguiorem fortunam, teneatur in foro conscientiae restituere creditoribus suis, saltem minori parti, quae noluit consentire remissioni, illa quae sibi fuerunt remissa?

- 1 Respondeo, multa posse pro utraque parte adduci, & quod pars affirmatiua videtur elici ex Syluestro, verbo restitutio 6. §. 3. dum ponit differentiam inter concessionem dilationis quinquennalis, iuxta l. final. C. qui bon. ced. pos. & inter remissionem partis, iuxta l. & suum. & l. maiorem. ff. de pactis. Sed pars negatiua videtur iure verior. Primo quidem, quia non concludit ratio, quam insinuat Syluest. videlicet quod in ijs quae sunt communia pluribus ut singulis, maior pars non potest minori praedjudicare, l. per fundum. ff. de seruit. rust. praed. quia illa regula fallit in multis casibus, & in ijs fauore liberationis partis debitorum faciendae illi, qui non est soluendo, l. iuris gentium. §. fin. & l. & suum. & l. maiorem. & l. rescriptum. ff. de pact. ut annotatur per Ias. num. 3. post alios, & gloss. mag. & Soc. in d. l. rescriptum. Secundo, quod non obstat dicere, quod illae leges procedunt quo ad forum exterius tantum. Tum quia id necunde constat. Tum quia leges illae non fundantur super praesumptione, sed super veritate, & aequitate, quam suadet charitas, & misericordia subueniendi indigentibus cum utilitate omnium creditorum, ut sentit glossa praedicta recepta per omnes. Tertio, quod non obstat dicere, quod remissio partis debiti facta debitori ob timorem perdendi totum, eo quod deliberauit nihil soluere, nisi pars illa ei remitteretur, non liberat eum in foro conscientiae ab obligatione soluendi quod sibi remissum est, ut post Caiet. & Syluestr. diximus in Manual. confess. cap. 17. num. 75. & quod creditores, qui remiserunt in casu proposito, videntur remisisse ob timorem perdendi totum. Tum quia illud procedit, quando debitor habet unde soluat, vel de sua malitia nascitur ille timor, non autem cum nascitur ex aliis causis, ut ex vera inopia, ut ibidem insinuauimus; & in casu proposito timor nihil recuperandi nascebatur ex inopia. Tum quia illud procedit, quando sine iusta causa & utilitate creditorum fit remissio; in nostro autem casu ex iusta causa, scilicet inopia, & pro utilitate creditorum omnium facta fuit, ut dictum est.
- 2

S V M M A R I V M.

- 1 *Pensio integra transit contra successorem in beneficio, licet inter pensionarium & praedecessorem conuentum fuerit, ut recepta certa pecunia per sedem Apostolicam ad minorem summam reduceretur.*
- 2 *Pensio potest quidem sine auctoritate sedis Apostolica gratis remitti, non tamen recepto pretio.*

CON-

B. PENSIONARIVS conuenit cum I. beneficiario absente, & pensionem 80. ducatorum sibi debente, vt pensio illa reduceretur ad 30. ducatos, & quod solueret pro pensionibus decursis 300. ducat. & pro impensis factis in lite, & reductione dictæ pensionis alios 100. & I. soluta maiore parte horum 500. ducat. antequam reduceretur per Papam pensio ad 30. ducat. & solueret omnes quingentos, obiit mortem. Queritur primo an B. exigere possit pensionem 80. ducat. à successore I.

- 1 Respondeo primo, multa posse in hoc casu pro vtraque parte adduci; sed videri pro parte affirmatiua resoluendum. Primo quidem, quod actus agentium non operantur vltra intentionem eorum, cap. fin. de præb. cum simil. & intentio B. fuit quod reductio prædictæ pensionis 80. ducat. in pensionem 30. fieret auctoritate Papæ, quæ tamen non fuit facta.
- 2 Secundo, quod licet pensio possit gratis remitti absque auctoritate Papæ, non tamen potest sine illa pretio redimi, vt alibi dictum est. Salua, &c.

SVMMARIVM.

- 1 Contrahere quæ ex statuto sine consensu viri non potest vxorata, si contrahat, potest sine peccato promissa non obseruare; quia stante dicta prohibitione, promissio fuit facta cum peccato, num. 4. seu de re non licita, num. 7.
- 2 Promissio facta ob causam honestam, ea sequuta, obligat in conscientia, & num. 3. & hoc dummodo promittens habeat personam legitimam se obligandi, num. 5. & si facta de re licita, num. 7.
- 3 Damni càm qui dat non seruando promissa, tenetur in conscientia illud resarcire; qualis tamē non dat qui promittit scienti, vel scire debenti promissionē non tenere, nu. 6.
- 4 Conuentio facta ab eo qui non potest se obligare, etsi non liget, attamen si sit de re honesta, & potest sine peccato seruari, congruit vt obseruetur.

CONSILIVM III.

QVAERITVR, an promissio coniugata in regno Castellæ relinquendi bona sua Petro, si duxerit neptem suam in vxorem, conditio-
ne impleta ita valeat, vt reuocari nequeat.

- 1 Respondeo primo, promissionem prædictæ mulieris non valere via contractus, neque quasi contractus; quia mulier nupta in regno Castellæ non potest contrahere, neque distractum, neque quasi contractum facere sine licentia mariti, l. 55. Tauri.

Secundo, quod non potest valere via donationis causa mortis, adeo vt non possit reuocari; quia omnis donatio causa mortis reuocari potest, l. senatus. §. 1. ff. de donat. causa mortis. Et si apponatur clausula ne reuocari possit, definit esse donatio causa mortis, & incipit esse donatio vera inter viuos, l. vbi ita donat. ff. de donat. causa mortis. Et hæc non potest fieri à muliere sine licentia mariti, vt prædictum est.

- 2 Tertio, quod magis dubitari potest, an prædicta mulier peccet reuocando, & non adimplendo promissionem prædictam in foro conscientia. Nā pro parte affirmante facit, quod qui promittit aliquid ob honestam causam, peccat non præstando illud causa consecuta, l. 1. & toto tit. ff. de condit.

- condit. causa data causa non. Et prædicta promissit ob causam honestam, scilicet nuptiarum. Deinde facit, quod qui dat causam damni, tenetur in conscientia refarcire illud, l. qui occidit. ff. ad l. Aquil. cap. fin. de iniur. At prædicta sua promissione dedit causam, ut duceret suam neptem alias pauperem. Tertio, quod peccatum est non præstare promissum, cap. 1. de pactis, iuxta resolutionem positam in Man. confess. cap. 18. nu. 6. præfertim quando sine peccato præstari potest; ut in casu proposito, in quo prædicta mulier potest abstinere se à reuocanda promissione prædicta, sine dicatur facta inter viuos, siue causa mortis, ut palam est.
4. Pro parte vero negante, scilicet, non peccaturam illam, facit, quod iuste potest reuocare eam, quatenus est donatio inter viuos, cum faciendo illam peccauerit per prædictam l. 55. Tauri. Nec peccat si reuocauerit eam tamquam continentem donationem causa mortis; quia id faciet lege approbante, & factum lege approbante non est peccatum, cap. qui peccat. 23. quest. 4.
5. Ad primum pro parte affirmante adductum respondetur, illud esse verum in persona potente legitime promittere ob causam, qualis non est prædicta donatio sine licentia mariti.
6. Secundo responderi potest negando, quod dederit causam sufficientem damni: quia is cui promittebat, sciebat, aut certe scire debebat, non posse ipsam facere illam promissionem sine licentia mariti; & scienti, & consentienti non sit iniuria, neque dolus, cap. scienti. de reg. iur. lib. 6.
7. Tertio respondetur assumptum in eo procedere tantum in promissione rei licite facta, qualis non videtur prædicta, per prædicta. Ob quæ omnia hæc pars negatiua videtur iuri consonantior.
8. Quarto principaliter dico prædictam non obligari magis ad reuocandam & infirmandam prædictam promissionem, sed posse eam iuste implere clam, vel palam disponendo, vel via institutionis, vel donationis causa mortis; idque ut faciat omnino est consulendum, uti rem fœminæ nobili decoram, & Christiana charitate dignissimam. Salua, &c.

S V M M A R I V M.

1. Promissio facta dandi aliquid pro palmario litis valida est, si sit moderata quantitatis, alias non. § num. 4.
1. Prodigalitas regulariter peccatum veniale.
2. Pactum de quota litis vel certa quantitate danda in casu victoriæ reprobatum à iure.
3. Occasionis cuiuslibet ad peccandum datio licet non semper sit peccatum; dare tamen illam quam ius dare specialiter prohibet, semper est peccatum.

CONSILIVM IV.

QUIDAM, qui super domus caducitate valoris 1500. ducatorum agebat cæpta lite, cum aduocato conuenit, si eam vinceret, ei pro palmario & mercede 500. ducatos daturum. Dubitatur an cõuentio prædicta seu pactum licitum sit & validum.

1. Pro parte affirmante facit primo quod pacta regulariter valent, l. 1. ff. de pact.

pa^{ct}.cum concordantijs. Secundo, quod in specie pactum de dando aliquid pro palmario litis valet, l. 1. §. & si nomine. ff. de var. & extraord. cognitio. Tertio, quod de rebus suis quilibet pro libito disponit, l. in re mandata. C. de mādato. adeo quod potest eis etiam abuti, l. sed etsi. §. consuluit. ff. de petit. hared. & S. Thomas, quem omnes sequuntur in 2. 2. q. 119. artic. 3. asserit prodigalitem bonorum suorum regulariter esse peccatum veniale.

- 2 Pro parte vero negante facit primo, quod pactum de quota litis dando aduocato, casu quo vincat, reprobatur à iure, l. si quis. C. de postul. & cap. arceantur. 3. q. 7. & etiam de pacto dandi certam quantitatem, secundum glo. in l. sumptus. ff. de pa^{ct}. communiter recep. quia est eadem ratio. Secundo, quod idem est dicendum secundum omnes de pacto dandi facto procuratori, l. item. C. de procuratoribus. Tertio, quod peccatum est iure naturali, diuino, & humano prohibitum, dare occasionem peccandi alteri, l. conueniri. ff. de pa^{ct}. dotal. & l. fin. C. de pa^{ct}. & cap. 2. de concess. præben. tam in decretalibus, quam in sexto: at promittere patrono seu aduocato causæ magnum palmarium in solo casu victoriæ, est dare magnam occasionem tractandi causam illicite, vt per fas & nefas vincat; eo quod dabitur ei palmarium, si vincat, & non si vincatur. argum. cap. quia radix. de pœnit. dist. 1. Quarto, quod licet non cuiuslibet occasionis ad peccandum datio sit peccatum, vt late tradimus in nostro Man. confess. cap. 3. num. 16. & cap. 14. nu. 15. datio tamen occasionis prohibita à lege secundum omnes est peccatum; & promissio præfati palmarij magni speciatim videtur per præfatas leges prohibita.
- 4 His pro vtraque parte consideratis, & multis quæ in præfatis locis tum distincte tum confuse traduntur, quæ non vacat satis discutere, arbitror tutiorem esse opinionem, quæ ex Alexan. & Saliceti mente in d. l. item, & Syluest. verb. aduocatus. q. 4. colligi potest, scilicet quod promissio præfata quingentorum ducatorum pro palmario in casu proposito est illicita, eo quod præfatus aduocatus debet esse contentus sumptibus, & salario moderato, cum aliquo palmario pro personarum qualitate temperato. Et ita est intelligendum quod asserimus in Man. confess. cap. 25. num. 30. in fine, cum dicimus licere accipere aliquid pro palmario.

S V M M A R I V M.

- 1 Dux certum numerum militum ex ordine principis in oppidum introducendorum, recepta ab oppidanis pecuniis, minuens, ita demum quod sic peccando turpiter accepit dantibus restituet, si ipsi immunes à peccato reputantur.
- 2 Restitutio male accepti non est facienda sponte turpiter danti, sed ei à quo iniuste fuit extortum, vel qui sine peccato dedit. & num. 3.

C O N S I L I V M V.

QUIDAM Dux militum potens auctoritate regia inducere 64 milites, & dare illis stipendia impensis alicuius oppidi, seu pagi, conuenit cum oppidanis, vt non induceret in oppidum plures quam 60, & non induxit.

duxit nisi 30. sed cepit ab oppidanis stipendia omnium sexaginta.

Quæritur primo, an iniuste acceperit stipendia absentium.

Secundo, an teneatur cuiquam restituere ea, quæ accepit pro 30. quos non induxit.

Tertio, cui, an Regi, an communitati restituendum sit.

1 AD PRIMAM quæst. respódeo, q̄ pro parte negatiua eius, scilicet q̄ non ceperit iniuste, facit regula scienti & consentienti. cum suis concordantijs lib. 6. & quod ipse iuste poterat inducere, & alere 64. & quod commodauit oppidanis obligando se ad non inducendum plures quam 60. & quod longe vtilius fuit oppidanis non induxisse plures quam 30. quia absentibus nihil aliud soluerunt, quam stipendium regium, præsentibus autem etiam victum præstiterunt, quem etiam absentibus, si præsentibus fuissent, præstitissent; & in effectu multum profuit eis. At nemo debet reportare damnum ex opere bono quod facit, sicut nec bonum ex malo, 1. q. 4. cap. quanto. cap. 1. de postul. prælat. l. itaque fullo. ff. de furt.

Pro parte vero affirmante, scilicet quod iniuste accepit, facit, quod illa conuentio non fuit iusta; quippe quæ erat damnosa rei militari; eo quod minuebat numerum militum. Deinde quod sine vlllo iusto titulo cepit stipendia absentium; & quod Rex vel princeps militiæ iuste posset eum punire ob eiusmodi conuentionem, & stipendiorum absentium perceptiorem. Per quæ necessario videtur dicendum, quod prædictus dux iniuste accepit stipendia absentium.

2 AD SECVNDAM respondeo, quod huius decisio videtur pendere ab his quæ nos cum magna cura resoluiimus in Man. cap. 17. à num. 29. vbi conclusimus, quod iniuste acceptum contra voluntatem alicuius, vel de voluntate eius sine turpitudine & peccato ipsius, est illi restituendum: acceptum vero iniuste de voluntate alterius, si ab vtraque parte versatur turpitudine & peccatum, non est de præcepto restituendum, licet de consilio & honestate pauperibus esset erogandum. Et cum in proposito casu iniuste acceptum fuerit acceptum de voluntate damnum passi; sequitur quod si ex vtraque parte fuit commissa turpitudine, & peccatum, non teneatur restituere dux de præcepto; sic autem, si ex sola ipsius parte, & non communitatis versata fuit turpitudine, & peccatum. Quare videndum est an communitas peccasset, & in turpitudine versata fuisset. Quod autem peccasse videatur, facit, quod consensit diminutioni militum, quatenus sexagintaquatuor reduxit ad 60. quatenus item consensit vt triginta manerent absentes, ita quod cum duce & vexillo non remaneret dimidium militum, quod potuit cadere in graue damnum belli & Reip. siue Regis bellantis; & quod in hoc consensit propter suum commodum priuatū, quod erat postponendum publico, cap. licet. de regul. Quod autē non peccasset, facit, quod sperabatur pax, & quod probabiliter putabatur absentiam illorum 30. nihil nocituram, & quod verisimile est rectores communitatis non esse confessos hoc peccatum. Equidem arbitror eos sic contrahendo peccasse post intimatum regium sibi præceptum ad soluendum stipendia 64. præsentium; quia pacis priuatorum ius publicum non est di-

minuen-

minuendum, l. ius publ. ff. de pact. cap. si diligenti. de foro compet. non autem si non obligantur ad illa soluenda: & quia iuxta leges illius terræ particulares, & iuxta consuetudinem regni & rei militaris in ea prouincia seruari solitam debet iudicari an eommunitas eius, & rectores eius ex sua parte peccauerint ita conueniendo, an non, & quia ego non satis eas noui, huius articuli resolutionem remitto ad eos, qui eas nouerint; resoluendo, quod, si non peccauerunt, dux tenetur ad restituendū de præcepto; si autem peccauerunt, solum de consilio, & honestate, vt prædixi.

- 3 AD TERTIAM respondeo, quod si nil est restituendum, nulli est facienda restitutio: si quid autem est restituendum, restitutio est facienda damnum passo: & cum ex illa stipendiorum absentium solutione nulli alij, quam communitati soluenti euenierit damnum, illi soli, & non alij est facienda restitutio. Salua, &c.

S V M M A R I V M.

- 1 Actio ex pacto nudo non oritur iure ciuili, canonico autem obligat, immo & quandoque etiam obligat de iure ciuili, vt si sit iurata geminata. nu. 4.
- 2 Consilium, nisi sit fraudulentum, neminem obligat ad resarciendum damnum ex eo sequutum: & idem videtur de adhortante. nu. 5.
- 3 Promissio legitima deliberate sine dolo & metu facta seruanda.
- 4 Actiones actiuas, & passiuas in heredes transire.
- 4 Obligatio naturalis ex pacto nudo oritur, obligatque sub pœna pec. mort. ad seruandum promissa.
- 5 Probationis defectus iuris defectum non inducit.
- 6 Literæ monitoriales ad renelandum occulta impetrari possunt, item & vt qui habet restituat.

CONSILIVM VI.

R. VIR VALDE nobilis & coniugatus cuidam ex fratre nepoti G. tractanti magnam litem per appellationem ad Curiam Apostolicam deductam, venientiq. ad eam ex Hispania promissit 100. scuta aurea pro impensis in illius prosecutione faciendis: qui perueniens ad eā, & aliquot annos persecutus, lite pēdente, fuit mortuus, antequā eā finiret, relicto multo aere alieno, & nihil bonorū; cuius bonam partem soluerūt quatuor fideiussores eius iussu Rotæ post magnam defensionem ab eisdem præstitam.

Quæsitum est an hæredes R. pridem mortui teneantur soluere aliquam partem arii alieni à fideiussoribus soluti.

- 3 Pro parte negante facit primo, quod promissio præfata nulla scriptura probari potest, & ignoti sunt testes, coram quibus facta fuit; & quod de non existentibus & non apparentibus idem est iudicandum, l. duo sunt Titij. ff. de testamen. tutel. & cap. si sacerdos. adiuncta glo. de offic. ordin. Secundo, quod ex nudo pacto non oritur actio, nec ius agendi, l. iurisdictionum. §. igitur nuda. ff. de pact. cum ei concord. Tertio, quod nemo tenetur resarcire damnum alteri ex consilio eius proueniens, nisi fuerit fraudulentum, l. consilij. ff. de regul. iuris, & cap. nullus ex consilio. eodem titulo, lib. 6. & præd. R. prædicto G. solum videtur dedisse consilium;

lium; quia consuluit ei prosecutionem suæ propriæ litis, prædictum R. nullatenus tangentis, nisi qua parte sibi coniunctus erat.

- 3 Pro parte autem affirmante, quæ tenenda est, facit primo, quod omnis promissio legitima, & deliberate absque dolo & metu facta, est seruanda, cap. 1. ibi; *Pacta seruentur.* & cap. 3. ibi, *Studiosè agendum est, ut ea quæ promittuntur, opere compleantur.* de pactis. in quo ponderandum est verbum *promittuntur*, quod includit etiam promissionem nudam, & pactum nudum iuxta l. 1. ff. de pollicitat. & præfata promissio R. fuit legitima, & actus virtutis liberalitatis, ut colligitur ex toto tit. de donat. ff. & C. præsertim ex l. si quis argentum. maxime §. ult. & tradimus nos post alios in 4 Manu. confess. cap. 18. num. 6. Secundo, quod actiones actiuæ, & passiuæ transeunt in hæredes, l. 1. ut actio. ab hered. & cōtra hered. & cap. 1. de successione. ab intest. & cap. in literis. de raptoribus. Tertio, quod sola obligatio naturalis, quæ ex pacto nudo nascitur, obligat paciscentem ad implendam pactionem, vel promissionem sub pœna peccati mortalis, secundum Panor. communiter receptum post Hostien. & Ioan. And. in d. cap. 1. de pactis. & in casu præmissio interuenit obligatio, saltem naturalis, nata ex promissione, etiam ut creditur, iurata, & pluries geminata; quarum vtraque circumstantia efficit, ut non solum iure canonico, sed etiam Cæsareo sit efficax, & pariat actionem, & ius agendi, iuxta cap. iuramentum. 5 22. quæst. 5. & l. 1. ff. de constit. pec. Quarto, quod non obstant opposita.

Ad primū enim respondetur primo, quod defectus probationis non inducit defectum iuris, saltem quo ad forum conscientiæ, & Dei, cui omnia nuda sunt, & aperta secundum Apost. ad Hebræos 4. relatum in cap. Deus omnipotens. 2. quæst. 1.

Ad secundum respondetur negando, quod ex nudo pacto non oritur actio, nec ius agendi: quia immo oritur etiam obligatio obligans paciscentem ad implendum quod promisit sub pœna peccati mortalis, ut prædictum est.

Ad tertium respondetur, quod in casu proposito non solum prædictus R. consuluit præfato G. prosecutionem prædictæ litis, sed etiam adhortatus fuit ad eam; immo & promisit adiutorium non solum in genere, sed etiam in specie centum ducatorum: & non solum intererat prædicti G. prosequi præfatam litem, sed etiam eius patruus R. qui erat ciuis ciuitatis, & parochianus ecclesiæ parochialis, super qua litigabatur, cui satis infestus erat aduersarius G. & quamuis hæ circumstantiæ non adessent, satis superque erat quo ad hoc promissio prædictæ pecuniæ legitima, & deliberata prædicti R. cuius valor non requirit illas, præsertim quod erat valde nobilis & diues & patruus cuiusdam M. qui obnixissime non solum consuluit, sed etiam rogauit, iussit, & mandauit, uti frater primogenitus, præfato G. ut eam prosequeretur, promittendo ad id multa, immo & graues minas adiiciendo, si concordaret, & non prosequeretur.

Per quæ omnia satis superque probatur primo, præfatum R. obligatum fuisse, cum viueret, ad soluenda centum scuta creditoribus G. defuncti nullis bonis relictis, & per consecutionem fideiussores, qui pro eo soluerunt

uerunt prædictis creditoribus, & consequenter hæredē eius per adnotata in l. Vranus. ff. de fideiuss. & l. i. C. vt actiones ab hæredibus, & con. hæred. Secundo, impetrari posse à S. D. N. immo ab ordinario Episcopo iuxta cap. 3. de reform. sess. 21. Concil. Triden. & cap. ad nostram. de iureiur. & cap. si sacerdos. de offic. ordin. & cap. constitutus. de testibus. & alia quæ citat Philipp. Probus in addit. ad Ioan. Mona. in cap. 2. de constit. lib. 6. num. 29. monitionem sub pœna excommunicationis latæ sententiæ, vt quisque manifestet ea quæ nouit, vel audiuit de prædicta promissione centum scutorum ad probandum eam factam fuisse, si opus fuerit, in foro exteriori; & vt quisque possidet bona præfati R. soluat prædicta centum scuta prædictis fideiussoribus.

S V M M A R I V M.

- 1 Pacta legitima iure naturali, diuino, & humano seruanda. num. 5.
- 1 Fides etiam hosti seruari debet. scilicet similiter seruanti. num. 5.
- 2 Procurator pro vtilitate & gratia mandantis accipiens matuum non obligatur.
- 3 Fidem frangenti fides etiam iurata frangi potest.
- 4 Regularis simplex nisi de licentia superioris obligari nequit, nec eius obligatio iuramento firmatur.
- 5 Religiosus sine licentia nec vonere, nec iurare potest.
- 6 Iuramentum in præiudicium superioris sine eius consensu est illicitum.

C O N S I L I V M VII.

QUIDAM frater N. procurator generalis cuiusdam ordinis, & specialis monasterij A. non solum ad negotia, & lites, verum etiam ad mutuandum 400. scuta in res & negotia eiusdem monasterij, expendenda, accepit ad cambium nomine etiam proprio, & principaliter 100. à B. ad expediendas quasdam bullas dicti monasterij, pacto expresso conuento inter ipsos, vt B. non daret bullas prædicto monasterio, nisi prius sibi solutæ fuissent pecuniæ: quod non impleuit B. & sic pecuniæ non fuerunt ei die constituta solutæ à monasterio. Quæritur quid iuris.

- 1 Respondetur multa posse pro vtraque parte adduci. Et quidem pro B. facit primo, quod iure naturali, diuino, & humano pacta sunt seruanda, cap. 1. & 2. de pact. cum suis concordantibus. Secundo, quod fides etiam hosti seruanda est, cap. noli existimare. 23. q. 1. & cap. innocēs. 22. q. 4. quod multis ornari & confirmari potest. Tertio, quod prædictus N. non solum accepit prædicta 100. à B. nomine prædicti monasterij A. sed etiam nomine proprio. Ergo licet accipiendo illa vt procurator, solum obligauerit monasterium: accipiendo tamen nomine proprio, videtur obligasse seipsum: quia mandatarius potest obligare seipsum accipiendo proprio nomine, & mandantem eius nomine accipiendo. arg. l. 1. & 2. ff. mandati.
- 2 Pro fratre autem prædicto N. facit primo, quod accipiens ab aliquo mutuo aliquid mandato & nomine alterius pro vtilitate & gratia mandantis, non obligatur ipse ad soluendum mutuo acceptum, sed obligat ad id tertium, cuius mandato illud accepit. l. 1. & 2. & l. cum mandatum. & l. manda-

mandatum. ff. mandat. adiun. §. 1. Inst. eod. & prædictus N. accepit mutuum nomine & mandato prædicti monasterij A. ergo non ipse, sed ipsum obligatur ad soluendum.

3 Secundo, quod frangenti fidem, potest fides frangi eidem, l. cum proponas. C. de pact. etiam iurata, cap. peruenit. de iureiur. & prædictus N. & B. conuenerunt inter se, & fidem sibi mutuo dederunt, quod B. non traderet literas Apostolicas, nisi accepta pecunia expensa in illarum expeditione, & B. non seruauit illam fidem, ergo nec N. tenetur illi seruare suam.

4 Tertio, & irrefragabiliter, quod religiosus simplex non habens prælationem, nec administrationem, non potest obligare se ad aliquid, nisi de mandato & licentia superioris sui, per ea multa quæ nos tradimus in Cōment. 2. de reg. super cap. non dicatis. nu. 30. & seq. ubi probamus religiosum non habere voluntatem propriam, sed solum pendentem à voluntate superioris, cap. quorundam. cap. si religiosus. de elec. lib. 6. & ita non posse agere, nec posse vllum contractum suo nomine facere, iuxta doctrinam Innocentij communiter recep. in cap. olim. 2. de priuil. & prædictus N. est religiosus simplex non habens prælationem, neque administrationem, neque habebat mandatum, neque licentiam sui superioris ad accipiendum mutuo prædictos ducatos 100. suo nomine. Tum quia non est monachus prædicti monasterij A. nec Prior eius est superior ipsius: & ita mandatum prædicti monasterij, non erat mādatum, neque licentia superioris ipsius. Tum quia monasterium prædictum dedit quidem mandatum ad obligandum se, & bona eius, sed nullum dedit mandatum ipsi N. vt obligaret se ipsum. Tum quia certum est prædictum B. non mutuaturum esse prædictos 100. ipsi N. nisi innotuisset ei mādatum, quod habebat ad eos mutuo accipiendos, quod significat notarius, qui in instrumento obligationis mutui testatur prædictum N. accepisse mutuo prædictos 100. ducatos virtute illius mandati. Tum denique quod prædictus N. nullatenus intendebat, neque poterat obligare aliud monasterium, quam illud A. vt palam est: & si obligatio suæ personæ valuisset, obligasset aliud monasterium, illud scilicet, cuius filius erat ipse, vel in quo professus fuit: cum obligationes religiosi actiux, & passiux cedant monasterio suo, cuius est filius, & non alij extraneo, per adducta à nobis ubi supra: & absurdū esset dicere, quod virtute mandati obligauit monasterium A. & virtute suæ personæ illud, cuius erat filius, & cuius nihil intererat: ergo nullatenus hoc est dicendum, l. nam quod absurdum. ff. de bon. lib.

5 Quarto, quod nihil obstant citata pro prædicto B. Non primum, cui respondetur concedendo quidem pacta legitima esse seruanda; negando tamen, quod pactum, & contractus quo suam personam obligauit N. fuerit legitimus: quia non habuit ipse legitimam personam contrahendi per adducta in tertio arg. pro eo formato.

Ad secundum cōcedendo quidem fidem esse seruandam seruanti eam, negando tamen quod prædictus B. seruauerit eam, vt dictum est in 5. arg.

Ad tertium respondetur quod prædictus N. non potuit suam personam obligare per prædicta in tertio argumento, etiam si maxime voluisset;

quod

quod tamen noluisse iuramento suo affirmat. sed & quod prædictus N. non potuerit per suum iuramentum validam facere obligationem, qua se obligavit sine superioris consensu, constat: nam votum secundum receptiorem magis obligat, quam iuramentum, S. Tho. 1. 2. q. 89. art. 8. quem cum quadam limitatione sequimur in Manua. confess. cap. 12. nu. 32. At votum religiosi factum sine superioris licentia, non est firmum, ut post S. Tho. 2. 2. quæst. 88. art. 8. tradimus ubi supra num. 64. ergo neque iuramentum prædicti N. factum sine superioris consensu valebit. Tum quod nullum iuramentum illicitum est validum, cap. non est obligatorium. de reg. iur. lib. 6. cap. in malis. 22. quæst. 4. At omne iuramentum factum in præiudicium superioris quo ad ea in quibus est superior, sine illius consensu est illicitum, ut tradit S. Thom. in d. art. 8. & omne iuramentum, quo se religiosus obligat extraneo sine superioris consensu, est in præiudicium eius, quia in omnibus ei subditur: ergo est illicitum. Tum quia est casus expressus de iuramento religiosi præstito contra stabilitatem in monasterio in cap. sicut ex literis. de iureiuran. Tum quod iuramentum, quo quis promittit aliis ea quæ sunt aliorum, est peccatum, & in eo promittens facit quoddam furtum, cap. si res aliena. 14. quæst. 6. At religiosus N. obligans se extraneo sine superioris consensu promittit alii id quod est alterius; promittit enim se, & sua, quæ sunt monasterii siue religionis, quam est professus, auth. ingressu. C. de sacrosan. eccl. cap. in præsentia. de probat. ergo peccat, & facit quoddam furtum. Tum denique quod illa obligatio non posset impleri, nisi de bonis religionis vel monasterii, cum ipse nihil penitus habeat, nec habere possit, cap. cum ad monasterium. §. si. de statu monach. & ita dicendum est per tale iuramentum non validari obligationem, vel contractum, vel quod esset adimplendus de bonis monasterii cuius ipse est filius, quod est absurdum, & ita non dicendum, l. nam quod absurdum. ff. de bonis liber. Salva, &c.

DE TRANSACTIONIBUS.

SUMMARIVM.

- Conuenire non possumus ut tu mihi super beneficio moueas litem, ad hoc ut postea per transactionem auctoritate Apostolica tibi super eodem constituatur pensio; immo esset simoniaca conuentio, nec eam sanaret dicta Apostolica auctoritas, nisi prima dicta conuentio etiam ei esset narrata. tractare autem prædicta cum spe quod utrinque præstabuntur, sine tamen aliqua obligatione, possumus, quando tu habes iustam causam credendi quod super meo beneficio tibi aliquod competit ius: & successine mota lite, libere, si tunc placebit, transigere poterimus ut supra, auctoritate Apostolica intercedente, & num. 2.
- Transactionem super beneficio tractare possumus inter nos: quod si procedatur ad conclusionem illius, seu ad promittendum quod illam seruabimus, non licet, nisi adiecta clausula saluo beneplacito Sedis Apostolicæ, & quod ea nisi post habitum beneplacitum non utamur.

CONSILIUM I.

QUIDAM Abbas conuenit cū N.amico suo, vt impetraret à Sede Apostolica tamquam deuolutū beneficiū quoddam suo monasterio vni-
tum, & postquam illud impetrasset, pateretur sibi moueri litem, ad hoc, vt
pro bono pacis fieret concordia, & ipse N. teneretur præstare quēdā ipsi
Abbati. Quare fuit expedita supplicatio. Quæritur quid iuris.

- 1 Respondeo primo, id quod præfati DD. consulentes cupiunt, non pos-
se iuste fieri interueniente aliqua pactione, vel promissione sine benepla-
cito S.D.N. cap. quam pio. i. q. 2. cap. fin. de pactis. Secundo, quod cessante
omni pacto, & promissione, iuste potest D. consulens prouisus expedire
bullas super supplicatione iam signata sine alio beneplacito Papæ, & eas
notificare præfato D. Abbati: & ille si probabiliter credit prouisionem
sux Sanctitatis continere aliquam iniustitiam, supplicare vere sine vlla fi-
ctione à præfata bulla, vel eius executore, & facere committi causam ali-
cui DD. Rotæ, vel alii. Tertio, quod postea, si videbitur ambobus, poterūt
facere concordiam aliquam honestam saluo beneplacito Papæ, antequā
tamen vllatenus vtantur ea, & curare vt probetur & cōfirmetur ab eodē,
narrata veritate ad hoc necessaria. Quarto, quod quamuis non possint ip-
si per se, neque per alios pacisci, aut promittere de faciendo, vel dādo ali-
quid horum, nisi reseruando beneplacitum Papæ, neque reseruato illo ad-
implere conuenta, antequam obtineatur illud, quod est maxime memorā-
dum; possunt tamen confidere alter alteri, q̄ adimplebunt cōcordiam, im-
mo & promittere se seruaturos illā, si Papæ illa placuerit. Quinto, q̄ de-
bent cauere, ne vllatenus cōueniant inter se q̄ alter expediat bullas, & al-
ter supplicet ab eis, & q̄ postea facient concordia: quia si postea Papa cō-
firmaret eam non facta mentione de huiusmodi conuentione, vt audiui
frequenter male fieri, nihil valeret confirmatio suæ Sanctitatis, neque pos-
sent vti huiusmodi concordia. Sexto, quod satis iuste possent tractare per
se, vel per alios, per hanc viam vel illam posse inter ipsos fieri concordia,
per quam cessaret lis, modo à neutra parte fieret promissio de vtendo il-
la via; sed quod ante & post bullarum expeditionem, & intimationem re-
maneret integra libertas discedendi ab illa via concordandi, antequam
à Papa confirmaretur. Salua &c.

DE POSTVLANDO.

SUMMARIVM.

- 1 Patrocinari in causis, etiā criminalibus, clerico licet sine peccato, nisi sit in sacris, vel
beneficium habeat. num. 1.
2 Irregularitatē incurrit quicumque patrocinatur, si ex suo patrocinio sequatur mors,
vel mutilatio membri, alias non, nec incurrit aliquā censurā, etiam si sit in sacris.
3 Precibus frustra impetratur, quicquid iure communi conceditur. num. 4.
4 Indultū concessū clerico minorē ordinē non beneficiato, ut possit tā in ciuilibus quā cri-
minalib. patrocinari, est frustratoriū: vnde si initietur sacris, non ei proderit. et n. 5.
5 Ordinatus sacris non potest postulare nisi in casibus a iure permissis. nu. 5.

CON-

CONSILIVM I.

CLERICVS in 4. minoribus ordinib. cōstitutus patrocিনatus est in quibusdam causis: de quo dubitans an ei liceret, fecit se absolui, & indultum obtinuit, vt liceret ei sine peccato patrocinari. Nunc iterum dubitat, & querit an fuerit bene absolutus, vel noua absolutione indigeat, & an patrocinando virtute dicti indulti peccet.

- 1 Respondeo primo, quod nullus clericus, siue tantum quatuor minoribus siue etiam sacris initiatus, incurrit excommunicationem, vel aliam censuram patrocinando in causis, siue sint ecclesiasticæ, siue seculares, & siue criminales, siue ciuiles: quia nullo iure id cauetur: quamuis peccaret etiam mortifere id faciēdo, si haberet beneficium ecclesiasticū, vel si cōstitutus esset in sacris, licet non haberet beneficium, cap. 1. de postul. vbi doct. incurreret tamen irregularitatem, si ex suo patrocinio sequeretur mors, vel mutilatio membri, per ea quæ habentur in cap. sententiam sanguinis. ne cler. vel mon.
- 2 Secundo, ex hoc inferri, non posse satis facile intelligi à quo fuit absolutus D. consulens, eo quod in quatuor minoribus cōstitutus patrocিনatus fuerit, cum non dicat se tunc habuisse beneficiū, neque proponat se incurrisse irregularitatem, nec petiisse dispensationem super illa.
- 3 Tertio, quod etiam ex præfato dicto sequitur non indigere ipsum absolutione aliqua noua, neque dispensatione, si non fuit patrocিনatus in causis criminalibus, ita vt ex eius patrocinio mors vel mutilatio sequuta fuerit.
- 4 Quarto, quod indultū præfatum vt possit patrocinari in statu quatuor minorū, & carens beneficio, non fuit indultū, nec priuilegium, sed ius cōmune; quandoquidē cōstitutus in quatuor minoribus tantū, & omni beneficio carēs, nullo iure prohibetur patrocinari, p præfatū c. 1. de postul. & resolutionē Panor. cōiter recept. & perinde debet iudicari de ipso, ac si non habuisset illud indultū: quia frustra precibus impetratur quod iure communi conceditur. l. 1. ff. ad municip. & gloss. cap. 1. de rescript.
- 5 Quinto, quod posteaquam fuerit aliquo sacro ordine insignitus, non poterit patrocinari virtute illius indulti, nec iure communi, nisi in casibus permissis in d. cap. 1. de postul.

DE PROCVRATORIBVS.

SUMMARIVM.

- 1 Mandatum datum alicui personæ, ratione qualitatis, seu dignitatis cognita, magis dignitatem, quam personam respicere videtur.
- 2 Appellatiuū nomen dignitatis vel officij sit ne magis attendendū, quā nomen personæ seu persona, ex notitia disponentis diiudicandū venit, itemq. Ex alijs coniecturis.
- 3 Relictum Episcopo ab extraneo, censetur relictum ratione dignitatis, qua est notior.
- 2 Viam tutiorem quilibet in dubio videtur eligere.
- 2 Procurator contemplatione societatis cōstitutus societatem obligat.
- 2 Conueruisse in militiam, societatem, mercaturā, studiū, præsumitur miles, socius, mercator.

tor, scholaris, qui pecuniam in dictas causas vel illarum sequelas accepit. Idem est, si illas accepit ut talis. num. 3.

- 3 Mercatorum libris saltem contra illos creditur.
- 4 Debita contracta durante societate sunt ab ipsa soluenda.
- 4 Præpositus alicui officio obligat præponentem etiam accipiendo pecunias ad commodius illud exercendum: quales sunt etiam plures socij eidem societati præpositi.
- 5 Societate inita ad mercaturam, seu artem campforiam, quicquid vnus tamquã socius facit, alium obligat.
- 6 Finis recipiendi aliquid in dubio ex effectu coniicitur.

CONSILIVM I.

QUIDAM Illustrissimus Cardinalis constituit in his partibus tres procuratores, Iacobum, Petrum, & Ioannẽ mercatores, & socios vnus officij campforii, & eorum quemlibet in solidum ad per eos recipiendũ quasdam pensiones prædicto Cardinali debitas. virtute illius cõstitutionis Iacobus vnus dictorum sociorum pensiones recepit, & pro summa pecuniaria recepta Cardinalem in libro societatis creditorẽ scripsit; fuerunt autem sex semestrium pensiones ad Urbem nomine societatis transmissæ, sed nunc remanet pensio vnus anni nõ soluta; tandem societas defecit. Petit Cardinalis restantem pensionem sibi solui de pecuniis dictę societatis, attento q̃ Iacobus erat socius. Ex aduerso Petrus & Ioannes prætendunt societatem nõ teneri pro facto dicti Iacobi socij; quia ipse dictas pensiones exegit iure proprio tamquam procurator in solidum prædicti Cardinalis, non autem nomine societatis; attento quod ipsi non acceptauerunt mandatum, neque se immiscuerunt in exigendo dictas pensiones.

- DE SOLA SVBSCRIPTIONE rogatus respõdeo iuridicã mihi videri conclusionẽ à viro doctissimo fundatã, considerando primo, q̃ prædictus Illustriss. in dãdo mandatũ prædictis tribus socijs potius respexit societate, quã personas eorum. Tũ quia solis ijs tribus, ijsdemq. socijs dedit illud. Tum quia nulla ratione alia, quã illorum societate, cognoscebat eos, & q̃ quidã bancarius eorũ responsalis in Vrbe degens eorũ societate fidã esse ei persuasit. & qui mandat, & relinquit aliquid alicui personæ qualitatẽ, quã cognoscit ratione qualitatis, & nõ personæ, videtur magis respicere illã ratione qualitatis, & dignitatis, quã personæ, l. penul. ff. de reb. dubiis. per quã definit ibi Bart. q̃ an nomen appellatiuum, vel propriũ sit magis consideratũ, ex qualitate notitiæ est considerandũ: facit c. requisisti. de testam. quatenus probat, relictũ Episcopo ab extraneo, cẽseri relictũ ratione dignitatis, qua est notior: vbi multis cõprobat Couar. non esse curandũ an primũ exprimatur nomẽ appellatiuũ, vel propriũ, vel è cõtra, quando ex aliis coniecturis apparet, an persona, siue qualitas, siue dignitas sit magis cõsiderata: qđ etiã ante illũ tradit Decius post alios citatos ab eo in c. qui abbas. de offic. deleg. Cũ ergo prædictus Cardinalis cõstituerit prædictos tres procuratores nominando personas, & societate eorũ, & cũ nõ cognoscat ratione psonarũ, sed tantũ ratione societatis, & persuasionis de fide habenda eis factæ per relationẽ responsalis societatis eorũ, & cũ nullis aliis dedisset mandatũ; consequens est dedisse illis principaliter, eo q̃
- erant

erant socii illius societatis. Cōfirmatur, eo quod Cardinalis erat vir prudētissimus, & ideo pręsumendus est in dubio pręuidisse tutius fuisse credere plus eis, & singulis eorum, tamquam sociis, quam tamquam singulis, & diuisis personis: & in dubio quilibet viam sibi tutiorem videtur eligere, l. 3. ff. de milit. testam. cum simil. & ita cum tutius esset prędicto Cardinali dare mandatum eis tamquam sociis, quam tamquam diuisis, interpretandum est dedisse tamquam sociis: & ita Iacobus pręsumitur constitutus procurator ea ratione, qua constitutus erat socius aliorū, & non tamquam diuisus, & separatus ab eis. Secundo reputo prędictā cōclusionem iuridicam, considerando, quod prędictus Iacobus recuperauit pensionem prędictam tamquam procurator constitutus contemplatione societatis, & quod obligauit eam. Primo quidem, quia pręsumitur eā vertisse, & posuisse in rem & vtilitatē societatis: quia, qui fungitur officio vel exercitio aliquo, & accipit aliquid pro exequendo eo, vel sequelis eius, pręsumitur vertere illud in rem & vtilitatē eius. casus est in l. fi. s. fi. ff. ad Maced. quatenus habet, quod miles, qui accipit aliquid ad exercitiū militię, pręsumitur vertisse id in illud, per quem definit ibi Bart. scholasticum cui mutuatur aliquid ad suum studium exercendum; pręsumi vertisse in illud: per quem s. & prędictū dictum Bart. definit Bal. in l. antepenul. eod tit. mercatorem, qui accipit aliqua ad mercaturam exercendā, pręsumi vertisse in eam. Cum ergo prędictus Iacobus acceperit prędictā pensionē vt socius, pręsumitur vertisse in rem & vtilitatē societatis. Deinde, q̄ nō solum pręsumitur, sed cōstat ex libris eius, quod verterit eam in rē & vtilitatem suę societatis, siquidē fecit prędictum Illustrissimum creditore societatis quo ad illā. Quod autem credatur libris mercatorum, saltē cōtra illos, cōmunis conclusio est Bart. Iason. & aliorum in l. 1. C. de eden. & l. admonendi. ff. de iureiur. Tertiō, quod omne as alienum, quod manente societate contractum est, de communi soluendum est, quę sunt verba l. omne as. ff. pro socio. cuius gloss. verb. contractum. declarat eam dicens procedere, etiam si ab vno sociorum contractum est. Quarto, q̄ accipies pecuniam ratione officii, cui pręponitur, obligat eum, qui pręposuit illū, l. fin. ff. de instit. act. ex qua hoc ibi colligit Bart. Et prędictus Iacobus, & quilibet aliorum sociorum erat prępositus negotiationi societatis ab ipsa societate; ergo, &c. Quinto, quod prępositus alicui officio non solū obligat eos a quibus pręponitur accipiendo ea, sine quibus id exerceri non potest, sed etiā accipiendo ea, cum quibus cōmodius potest, vt irrefragabiliter probant l. quicūque. s. si ei quem. ff. de instit. act. & l. penul. ff. de usufruct. per quas hoc affirmat Aret. in c. de testib. col. 3. de testib. & Dec. in c. pręterea. col. 5. de offic. deleg. in cap. vt debitus honor. de appell. col. 8. vt vtroque alias docuimus. At prędictus Iacobus, & quilibet aliorū sociorum habebat officium exercendi societatem, inita, vt proxime dictū est: ergo quilibet eorum poterat recipiendo pensionē prędictā obligare societate, cum aliqua ex parte eius receptio cōmodaret officii exercitio. Sexto, q̄ societas prędicta fuit inita ad negotiandū arte mercatoria, & cāpsoria; & quicquid vnus socius capit pertinet ad societate, obligat illā, ca.

sus est in l. quicumque. §. non tamen omne. ff. de instit. act. At receptio pensionis pecuniarie suapte natura pertinet ad exercitium negotiationis artis campforie, & mercaturæ; ergo recipiendo illam ad reponendam in societatem, ut reposuit, obligavit societatem. Septimo, quod qualis fuerit finis recipiendi aliquid, in dubio conijcitur ex effectu subsequuto, l. sed Iulianus. §. proinde. ff. ad Maced. quatenus habet, filiumfam. qui accipit mutuam pecuniam, præsumi accipere animo vertendi eam in rem patris, si in illam postea verterit; per quem DD. dicunt ibi de scholastico mutuam pecuniam, & postea vertente illam in exercitium studij, quod præsumitur eo fine mutuatus fuisse. Ultimo, quod ratihabitio retrotrahitur, & mandato comparatur, cap. ratihabitionem. de reg. iur. lib. 6. cum concord. etiam in ijs, quæ à principio male capiuntur. At receptiones prædictæ pensionis factas à Iacobo societas ratas habuit: quia multas earum remisit soluendas ad Urbem per literas nomine societatis confectas; ergo proculdubio vel hoc solo argumento vera est conclusio. Saluo saniori iudicio.

DE IIS QUAE VI METVSVE CAUSA FIUNT.

S V M M A R I V M.

- 1 Ordinatus metu conditionali recipit characterem.
- 2 Facta ob metum sunt voluntaria simpliciter, & inuoluntaria secundum quid.
- 3 Infans, & amens baptismi & ordinis characterem recipiunt.
- 4 Characterem non recipit, qui potens consentire absolute sacramenti receptioni dissentit.

CONSILIUM I.

QUIDAM nobilis initiari se consensit ordine sacro fide ob reuerentiam patris, vel magni cuiusdam principis, alias non consensurus. Queritur an vere sit ordinatus.

- 1 Respondeo quod sic, si vere consensit, etiam si per metum etiam iustum id fecit, quia saltem conditionaliter consensit, arg. cap. maiores. §. item queritur. de baptism. quod habet, eum qui baptizatur inuitus & renitens, non recipere characterem baptismi, sed sic illum, qui consensit & vult baptizari, saltem conditionaliter ob metum: quia coacta voluntas, voluntas est, c. merito. 15. q. 1. & tradit S. Tho. 1. 2. q. 6. ar. 6. affirmans facta per metum esse simpliciter voluntaria, & secundum quid inuoluntaria; quamuis quidam magni nominis Theologus parum recte dixit contrarium, scilicet coactam esse quidem secundum quid voluntariam, sed simpliciter inuoluntariam, ut in Manua. conf. præl. 6. nu. 4. diximus referendo etiam Decium, qui non lecto S. Tho. ubi supra idem dicit.

- 2 Non obstat, quod etiam infans in cunabulis existens, & amens suscipiunt ordinis characterem sine ullo suo consensu, ut diximus nos alias: quoniam aliud est consentire, & aliud dissentire, sicut aliud est non velle, & aliud est nolle iuxta doctrinam Innoc. in cap. prudentiam. §. sexta. de offic. deleg.

deleg. cum similibus receptam cōmuniter ibi, & Decium in regul. eius est nolle, cuius est velle. & melius sequenti. ff. de reg. iur.

Ex his sequitur, quod consensus absolutus vel conditionalis illius, qui potest consentire, requiritur ad hoc vt ordinetur: & quod dissensus absolutus impedit omnino assumptionē ordinis: & quod hoc ipsū est dicendū de charactere baptismi, quem non accipit absolute dissentiens, immo requiritur consensus saltem conditionalis in eo qui potest consentire, licet non in eo qui non potest consentire, quales sunt infantuli, & omnino à sua natiuitate amentes, vt probatur in d. cap. maiores. §. item quæritur. quem non videtur satis intellexisse Decius in d. reg. velle non creditur. ff. de reg. iur. Salua &c.

SUMMARIVM.

- 1 Ordinatus metu iusto characterem quidem suscipit, sed non tenetur continere. & num. 2.
- 2 Expressa sunt regulariter eiusdem valoris, ac tacita, immo frequenter maioris.
- 3 Ordinatus metu, si contrahat, verum contrahit matrimonium, & hoc declarare potest nedum Papa, sed & Episcopus.
- 3 Declaratio validitatis matrimonij quid operatur quo ad forum exterius.
- 4 Subdiaconus matrimonium contrahens est excommunicatus.
- 4 Dispensare potest Papa vt diaconus perseveret in matrimonio contracto.

CONSILIVM II.

QUIDAM Gaspar metu iusto & cadente in cōstantem virum fuit ordine subdiaconatus ordinatus; deinde sine dispensatione vlla vxorem duxit, cum qua viuendo liberos procreauit. Dubitatur, an tuta conscientia possit in dicto statu perseverare.

- 1 Respondeo primo, quod prædictus Gaspar verum characterem ordinis subdiaconatus suscepit: quoniam sacramenta imprimunt characterem indelebilem, quorum de numero est ordo, imprimunt illum in eo qui suscipit illa etiam iusto metu adactus, cap. maiores. §. item quæritur. de baptismo. & cap. vbi ista. 74. distinct. iuncta gloss. & cap. de Iudæis. 45. distinct. & argumen. cap. quod quidam. 1. quæst. 1. & vbiq; communis opinio.

- Secundo, quod per prædictam ordinationem metu factam non fuit prædictus consulens obligatus voto solemni ad continentiam seruandam. Tum quia votum metu factum est ipso iure nullum, & ad nihil obligat, cap. 1. de iis quæ vi metusve causâ fiunt. per quod Panorm. & communis id tenent in eo, & melius in cap. abbas. cum gloss. ibidem num. 11. eodem titul. & alii alibi, quos nos citamus, & sequimur in Manuali confess. cap. 22. num. 51. Tum quia non obstat quod illud cap. 1. loquitur de voto expresse emisso, & in casu proposito agitur de voto tacite emisso: quia regulariter eiusdem valoris, & virtutis sunt expressa & tacita, l. cum quid. ff. de reb. cred. & cap. cum olim. de censibus.

bus. immo frequenter maioris virtutis sunt expressa, quam tacita, iuxta l. expressa. ff. de reg. iur. & l. 1. §. in nouissimo. C. de cad. tollend. & gloss. solemnis in clem. saepe. verbo partibus. de verbo. signi. & consequenter si votum expresse factum non obligat, minus obligabit tacite emissum. Tū quia expresse affirmant Angelus à Clauasio in summa verbo ord. 3. sub fin. nu. 25. & 26. & Dominicus Sotus in 4. lib. sent. distin. 25. quæst. 1. art. 3. col. 1. quod ordinatus ordine sacro iusto metu non obligatur voto continentia solemnī.

- 3 Tertiō principaliter respondeo ex prædictis inferri primo, prædictum Gasparem nulla indigere absolutione, nec dispensatione quo ad forum conscientia, & ut cum animæ suæ salute possit coram Deo iuste conuiuere prædictæ vxori suæ: cum quo ad illud forum sit vere eius maritus, & sola veritas in eo sit seruanda, argum. ad Hebræos 4. & cap. nemo Episcopus. 2. q. 1. & gloss. clem. 1. de priuileg. & notat. in cap. is qui fidē. & cap. tua. de sponsal. Secundo, quod tam Episcopus sua ordinaria potestate, quā ipse Papa, vel alius per eius commissionem potest declarare prædictum matrimonium esse validum, & liberos ex eo susceptos esse legitimos: quoniam ad prædictam declarationem faciendam nō est opus vlla extraordinaria potestate, cum declarare non sit aliquid de nouo addere, l. hæredes palam. §. sed si notam. cum adnotat. ei ff. de testamen. Tertiō, quod declaratio prædicta nihil prodest quo ad forum conscientia, sed quo ad forum exterius multum prodesse posset ad obturanda ora eorum qui in foro exteriori latrant contra prædictum matrimonium, vel contra liberos ex eo susceptos, quod non essent legitimi, cum palam sit ordine sacro insignitum non posse ducere vxorem, & si ducat, non valere matrimoniū, & incurrere excommunicationem, cap. ante triennium. cum suis concordantiis 3. dist. & clem. 1. de consang.
- 4

Quarto, quod etiam Papa posset, si dignaretur, dispensare si & quatenus opus esset, ut prædictus Gaspar perseveraret in prædicto matrimonio, per ea quæ nos latius afferimus in Manuali confessa. cap. 22. num. 47.

Quinto, quod si non fiat prompta declaratio, nec impetretur prædicta dispensatio, vtile esset examinare aliquos testes, & facere probationem ad perpetuam rei memoriam super metu & timore illato Gaspari à patre suo, ut ordinem sacrum subdiaconatus susciperet, iuxta casum cap. Albericus. de testib. cum solemnitate cap. significauit. eod. tit.

S V M M A R I V M.

- 1 Papa legem diuinam seruare tenetur.
- 2 Sacerdos ab effusione humani sanguinis abstinere debet.
- 3 Horas canonicas recitare tenetur sacris initiatus. & hoc ex illo humano post Evangelium edito. num. 5.
- 3 Princeps veniendo contra suam legem cur peccat.

4 Papa

- 4 Papa iusta de causa dispensare potest super omni iure humano inducto, & sic ut diaconus fiat miles S. Ioannis.
- 5 Irregularitas iure tantum humano inducta, quo etiam delatio armorum clericis & bellare prohibita. nu. 16.
- 6 Diaconus religionem S. Ioannis profitendo non descendit, sed ascendit, dum sit verus religiosus.
- 6 Diaconus ut ducat uxorem dispensare potest Papa, prout etiam in multis dispensavit, n. 8. qua ducta, & matrimonio consummato, efficitur fori laicalis, potest bellare, & sententiam sanguinis ferre. nu. 6.
- 6 Monachus ut ducat uxorem, secundum magis communem contra D. Thom. dispensat Papa: qua ducta, & matrimonio consummato, exemptus est à potestate Ecclesiastica, ut quilibet laicus, unde potest bellare, sententiam sanguinis dicere, &c.
- 7 Singula quae quandoque ad iustam dispensationem non sufficiunt, simul iuncta sufficere possunt. & nu. 8.
- 7 Dispensandi causa iusta quae sit, cum iure non sit determinatum, iudicis arbitrio relicta est.
- 8 Ordinis susceptio iusto metu facta valet quo ad characterem, non quo ad continentiae votum, nec alia voto annexa, unde sine dispensatione potest uxorem ducere, bellare, horas omittere.
- 8 Votum iusto metu factum est nullum.
- 8 Metus iustus quis sit, ex circumstantiis loci, temporis, personae iudicatur; quia qui uni non est, alteri erit iustus.
- 9 Promissio metu etiam non iusto facta, si fuerit causa principalis id faciendi, non obligat quo ad Deum.
- 10 Causam ob iustam retrócedens non retrocedit.
- 11 Clerici arma ferre, & bellare iure humano tantum vetantur. & num. 18.
- 12 Repugnantia non est idem diuerso tempore diuersa operari.
- 13 Bellare, & occidere licuit olim sacerdotibus, & Leuitis.
- 14 Intellectus dicti Pauli de Episcopo percussore, & quod contineat ius humanum ab Ecclesia receptum.
- 15 Prælati subditos torquere & verberare licet.
- 15 Bigamia iuris tantum humani inuentum.
- 16 Clericis & Episcopis ad bellum iustum, & in eo milites ad fortiter pugnandum hortari licet.
- 17 Clericis sententiam iustam sanguinis ferre, & manibus propriis iuste occidere, æque, & solo iure humano est prohibitum.

CONSILIUM III.

QUIDAM ex illustrissimo genere ortus, licet militiæ ab infantia deditus esset, & maiorum suorum desideraret sequi vestigia (qui contra Christiani nominis hostes sapissime pugnantes varia trophæa reportarunt) 17. ætatis suæ anno ob reuerentiam & metum paternum, ad titulum certi beneficii, subdiaconatus & diaconatus ordines suscepit: postmodum sperans, quod si sibi licitum esset iusta bella bellare, & in eis tamquam militum ductor manibus etiam propriis pugnare, Deo melius in eiusmodi exercitio, in quod

in quod à natura erat valde propensus, quā in ecclesiastico munere, quod coacte suscepit, deferuire posset; Sanctiss. supplicauit, quatenus dignaretur cum eo dispensare, vt retento beneficio nō teneretur fieri presbyter; sed translatus ad religionem Sancti Ioannis Hierosolymitani posset iusta bella, & tamquam ductor militum propriis etiam manibus bellare, & vt preces tamquam miles recitare valeat, ita vt ad horas canonicas non teneatur.

1. Queritur à tenuitate nostra, an Sanctiss. D. N. præfata petitioni iuste annuere possit? Et pro parte quidem negatiua facit primo, quod etiam Pont. Max. tenetur seruare legem naturalem, & euangelicam, cap. sunt quidam. 25. q. 1. & 5. dist. in princ. At lex euangelica Luc. 9. reprobatur eū, qui mittit manum ad aratrum, & respicit retro: & orator posuit manum ad aratrum suscipiēdo ordinem subdiaconatus, & diaconatus, quo fieret sacerdos, & nunc non vult procedere ad sacerdotium, sed retrogrediendo petit absolui in effectu à susceptis ordinibus: & consequenter annuere petitioni eius, esset approbare retrocessionem, quam reprobatur Euangelium, quod Papa non debet facere. Secundo, quod adscriptus militiæ Christi ad ministrandum in sacerdotio, maxime debet à sanguinis humani effusione abstinere: nā & 2. Reg. cap. 7. prohibitus fuit David ædificare templum, quia multum sanguinem humanum effuderat, vt ait Gratian. de consec. dist. 1. in princ. & probatur in cap. miror. & multis aliis 50. distinct. & multis capp. de homicid. & tit. ne cler. vel mon. Et prædictus orator petit facultatem pugnandi, & præliandi etiam manu propria,
3. cui diaconatus, quo initiatus est, repugnat. Tertio, quod sacris ordinibus initiatus tenetur ad preces canonicas horarias, iuxta cap. 1. & ibi not. de celebratione miss. & is orator petit se ab eadem recitatione absolui; ergo, &c. Quarto, quod summus Pontifex licet nulla humana lege obligetur, ita quod factum ab eo contra illam sit ipso iure nullum, & invalidum, arg. l. princeps. ff. de ll. peccat tamen contraueniendo ei, eo quod contrauenit legi nature iubenti *patere legem, quam tuleris*, cap. cum omnes. de const. Qua ratione dixit Imperator in l. digna vox. C. de ll. *dignam vocem esse maiestate regnantis, legibus alligatum se Principem profiteri.* & Iñd. in cap. iustum. 9. dist. dixit, *Iustum esse Principem legibus obtemperare suis.* Et D. Thom. receptus 1. 2. q. 96. art. 85. *Principem quidem solutum esse legibus quo ad vim coactiuam, non autem quo ad directiuam, cui contraueniens peccat.*
4. His tamen nō obstantibus pars affirmatiua videtur verior. Primo quidē, quod apud omnes in confesso est Pontificem Max. eundemque summum Christi vicarium posse iusta de causa iuste dispensare super omnibus lege humana inductis, cap. cuncta per mundum. 9. quæst. 3. cap. proposuit. de concess. præben. quia summus Princeps solutus est legibus humanis, l. Princeps. ff. de ll. Et si præfata oratoris petitio satis expendatur, nihil petitur in ea, quod sit lege naturali vel diuina prohibitum. Tria enim in summa videtur petere. Primū, quod translatus in ordinē militū Sancti Ioannis non teneatur fieri presbyter. Secundum, quod non obstantibus subdiaconatu & diaconatu, quibus iam initiatus est, liceat ei iusta bella bellare,

- bellare, & in iis esse militum ductore, & etiam manibus propriis pugnare sine irregularitatis incurfione. Tertium, quod retento præfato beneficio non teneatur ad horas canonicas dicendas, sed tantum ad orationes militum sancti Ioannis Hierosolymitani: quorum nullum iure naturali vel diuino est prohibitum. Non primum: quia nulla lege diuina vel naturali præcipitur quis fieri presbyter, vel sacerdos. Non etiam secundum: quia solo iure humano prohibetur, quo solo est inducta irregularitas: licet aliquam originem habuerit à iure diuino veteris testamenti secundum Inno. in cap. ad audientiam. de homicid. & in cap. nisi cum pridem. de renunc. à plerisque omnibus receptum. Tertium item clarum est esse inuentum humanum, cum longe post Euangelium publicatum sint inductæ horæ canonicæ, seu preces horariæ in breuiariis contentæ, vt palā est.
- 6 Secundo, quod orator vult ascendere, & non descendere: vult enim fieri verus religiosus prædicti ordinis sancti Ioannis, in quo sunt tria substantialia vota, quod est ascendere, cap. gesta. iuncta gloss. recepta 72. dist. vult enim fieri de clerico sæculari religiosus.

Tertio, quod omnium fere sententia habet posse Papam iuste dispensare iusta de causa, vt constitutus in subdiaconatu & diaconatu ducat vxorem: immo & communis contra S. Thom. & sequaces tenet posse idem facere cum monacho, vt late deducit Felin. in cap. si quando. de rescrip. nu. 5. At longe maius est hoc facere, quam concedere præfata. Tum quia qui concedit hoc, concedit illa, & aliquid aliud: dispensatus enim vt contrahat matrimoniū, eo contracto & consummato (præsertim cum vidua) potest iusta bella gerere, milites ducere, sententiā sanguinis pro iurisdictione quā habuerit ferre: quod quotidie facere videmus aliquos duces sub Rege Catholico cohortes & exercitus ducentes tam in Italia, quam in Hispania, & orbe nouo, & præterea habent vxorem, & liberos: & perinde est ab ecclesiastica potestate exemptus, ac quilibet alius laicus coniugatus, iure ipso communi id statuente in cap. 1. de bigam. lib. 6. & cap. contingit. cap. in audientia. de senten. excomm. Tum quia dispensare, vt constitutus in sacris ducat vxorem, est dispensare in voto solemnī, quod iure naturali, diuino, & humano ligat: dispensare autem ad hæc de quibus agitur, est dispensare contra legem tantum humanam per supradicta.

- 7 Quarto, quod causæ dispensandi ab oratore propositæ, saltem simul iunctæ faciunt vnā iustissimā causam dispensandi ad ea, quæ petit: sunt enim hæc. Prima quidem, quod prædictos ordines suscepit adhuc adolescens & ante legitimam ætatem in 17. anno. Secunda, quod non suscepit eos sponte voluntate absoluta, sed coacta metu inclusionis perpetuæ indicendæ sibi à patre, & metu reuerentiali tanti patris obnixè rogantis, & prospera promittentis, si id faceret; contraria vero tacite minantis, si secus ageret. Tertia, quod vult fieri religiosus præfate religionis hac tempestate Christi populo valde utilis, & necessaria. Quarta, quod neque ante, nec post illos susceptos habuit animum vtendi sacerdotio, neque vllō ordine sacro, & ita numquam prædictis ordinibus susceptis vsus est: Et nil est inuita Minerva tentandum. Quinta, quod non sperat se digne

Deo

Deo in sacerdotio obsequuturum. Sexta, quod agnoscit se à Deo donatū spiritu & viribus bellandi contra infideles ; idque experimento comperuisse, & comperire, notissimum est. Quas causas iustissimam causam ad concedendum petitam dispensationem constituere inde colligitur efficaciter, quod arbitrio boni viri determinandum est, quæ sit in hoc iusta causa, cum iure speciatim non sit determinatum argum. l. 1. ff. de iur. delib. & cap. de causis. de off. deleg. Et quilibet vir bonus & prudens arbitrabitur prædictas causas constituere iustissimam causam ad prædicta concedenda: quoniam arbitrabitur eas sufficere etiam ad concedendum, ut posset ducere uxorem, antequam prædictam religionem profiteretur: quod colligitur ex eo, quod minoribus de causis S. Sedes Apostolica concessit multis in Italia, & Hispania facultatem ducendi uxores post susceptum subdiaconatum, immo & aliquibus post susceptū diaconatum: & nemo negare potest multo grauius esse dispensare quo ad hoc, quam quo ad petita per oratorem; cum, ut prædictum est, hoc sit dispensare contra votum, & consequenter contra ius naturale diuinum, cap. non est. iuncta gloss. de vot. dispensare autem quo ad petita sit dispensare contra iura humana per prædicta.

- 8 Quinto, quod licet susceptio ordinis iusto metu valeat quo ad impressionem characteris, arg. cap. maiores. 9. item quaritur. de bapti. non tamen valet quo ad votum continentiae eis annexum: quia votum iusto metu factum est nullum, cap. 1. de his quæ vi. quæ communis sententia est. Doctorum in d. cap. 1. & in 4. dist. 3. quam nos quoque affirmauimus in nostro Man. confess. cap. 1. num. 52. & cap. 22. num. 52. & in specie de ordinato per iustum metum, quod non teneatur ad continentiam determinat Angel. in verb. ordo. 3. sub fin. num. 25. & 26. & Sotus in 4. dist. 25. quæst. 1. art. 2. & melius dist. 29. q. 1. art. 3. post Richard. in ead. q. 2. art. 3. Et satis defendi posset, quod prædictus orator, attenta ætate, loco, tempore, precibus, & minis tanti patris expressis, vel tacitis, iusto timore suscepit prædictos ordines. Tum quia metus carceris, metus iustus est, secundum omnes, argum. l. qui in carcerem. ff. quod metus cau. & prædictus orator metu inclusionis perpetuæ in monasterio, quæ nolenti esse monacho quidam carcer est, suscepit prædictos ordines. Tum quia ut minor metus est iustus respectu mulieris, quam viri, iuxta gloss. sing. in cap. cum locum. de sponsal. ita eadem ratione minor erit iustus respectu pueri, vel adulescere incipientis, quam respectu viri perfecti, quod nos in d. Manua. cap. 22. num. 51. efficaciter probamus. Et quidem si metus prædictæ inclusionis iudicaretur iustus, sine vlla dispensatione posset prædictus orator ducere uxorem, & a fortiori facere licite prædicta ad quæ facienda petit facultatem.

Sexto, quod licet supponatur aliquod dubium super iustitia timoris; non tamen potest negari multum per eum iuuari causas prædictas, ut una cum eo efficiant iustissimam causam dispensandi super petitis, si & quatenus opus est: & adeo quidem, ut suspicer non defuturum aliquem iurisperitum, qui arbitretur oratorem intus habere quod petit, maxime quod

- 9 quod licet metus minor iusto communiter non sufficiat ad annullanda vel rescindenda facta per illum in foro exteriori, sufficit tamen ad annullanda & rescindenda in foro interiori: adeo quidem, ut nō obligetur quis ad præstandum in illo foro ea quæ facit, vel dicit ob talem metum, qui fuit causa principalis ad ea facienda, vel dicenda, quod senserunt Host. & Ioan. Andr. in cap. verum. de iureiur. & expressit Adrian. in 4. de restitu. cap. aggredior. vers. ex quibus omnibus. & Sotus lib. 4. q. 7. de iust. & iur. & nos paulo latius tradimus in prædicto nostro Man. cap. 17. nu. 29. & Syluest. in verbo metus. §. fi. & ita cum prædictus orator quo ad forum conscientie etiam sine dispensatione excusari possit à prædictis obligationibus, iuste profecto Sanctissimus D. N. ob causas etiam longe leuiiores posset facere oratori, quas petit, facultates.
- 10 Septimo facit, quod prædictus orator volens uti prædictis non male retrocedit, sed bene ultra procedit. Tum quia religionem sanctissimam & Christiano populo maxime necessariam, quæ ad longe plura obligat, quam præfati ordines suscepti, in magnum decus eius vult profiteri. Tum quia is dicitur male retrocedere, qui viam bene ceptam deserit. At orator non bene, sed male cepit viam sacerdotii ambulare: quia non sponte, sed metu, & ante legitimam ætatem suscepit prædictos ordines: & ita dato quod rediret, nō rediret à via bene cepta, sed male incepta, in qua Dominus non requirit perseuerantiam, cap. in malis. 22. quæst. 4. Tum quia qui retrocedit à bene cepto iusta de causa, & ad maius obsequium Deo præstandum, non male retrocedit contra mentem Domini euangelicam, secundum quam etiam coniux à præstita fide solemniter retrocedit ob suæ coniugis fornicationem, cap. dixit Dominus. 23. quæst. 7. & quiuis discedit iuste ab implemento voti, vel iuramenti, per dispensationem ob iustas causas obtentam, cap. magnæ. de vot. & cap. quemadmodum. de iureiur. Et prædictus orator etiam si diceretur retrocedere, non retrocedit sine iusta causa, sed cum iustissima, ut prædictum est. Per quæ omnia concluditur prædictas causas non solum sufficere ut sanctiss. D. N. concedat prædicto oratori absolutionem, & dispensationem quam petit, sed etiam ut declaret illum non teneri ad ea saltem in foro conscientie.
- 11 Quod autem clerici iure tantum humano prohibeantur ab armis propriis manibus in bello iusto exercendis, constat primo, ex eo quod non prohibentur iure naturali. Tum quod illud ius tantum est naturale, quod est per se notum, aut in bona consequentia ex per se notis deducitur, ut colligitur ex cap. ius naturale. 1. dist. & ex l. 1. §. ius naturale. ff. de iust. & iur. adiunctis eis, quæ tradunt subtilissimus Scotus q. 1. & alii, præsertim contrerraneus eius Maior in 3. sent. dist. 37. & ante illos S. Thom. in 2. 2. q. 57. art. 2. & 3. At non est per se notum, clericis prædicta non licere, peccareque ea exercendo, neque deducitur in bona consequentia ex aliquo per se noto; ergo non est ius naturale. Tum quia non obstat argumentum, quod audio, ob aliquibus magnificari, à sibi mutuo repugnantibus. l. vbi repugnantia. ff. de reg. iur. & cap. sollicitudinem. de appell.
- 12

appell. & quod vsus armorum corporalium, & vsus armorum spiritualium, quæ sunt lacrymæ, & orationes, quibusque sunt deputati clerici secundum D. Ambrosium in cap. conueniet. 13. quæst. 8. videntur sibi repugnare. Non inquam hoc obstat. Tum quia maior propositio argumenti solum procedit de vsu facultatum contrariarum eodem tempore & respectu: nam vnum & idem diuerso tempore & respectu potest contraria operari: eadem enim aqua dum calet, calefacit; & dum friget, frigefacit: & idem Sol lutum condensat, & ceram rarefacit: & idem homo vt Papa absoluit spiritualiter vnum & eundem à peccatis, & vt Rex corporaliter & pœna sanguinis punit pro eisdem. & sic ex prædicta maiori ad summum solum potest inferri esse contra ius naturale, vt prædictus orator eodem tempore & respectu pugnaret, & in altari ministraret, vel quod eodem respectu quo est diaconus cantaret in Missa Euangelium, & hortaretur ad prælium, quod ipse non petit. Solum enim petit quod liceant ei prædicta, quatenus, & eo respectu, quo est vir robustus & illustrissimo sanguine creatus, & ad bella propensus, & idoneus, tollendo ab eo impedimentum iuris humani, quo solo obligatur ad prædicta; quod non repugnat: quemadmodum etiã potest eodẽ tempore & respectu eadẽ persona appellari iudex à quo, vt pars Capituli, & iudex ad quẽ, vt Episcopus, c. à collatione. de appell. lib. 6. & vt canonicus sedere in vno loco in Capitulo, & vt Episcopus in alio, iuxta glo. recep. ibidẽ, & idẽ potest ab aliqua sententia appellare, & eandem approbare, confiteri, & negare eodem tempore, & respectu. Tum quod ideo non obstat, quia aliud est habere facultates diuersas ad operandum contraria diuerso respectu & tempore: aliud vti illis simul eodem respectu & tempore, quorum prius non est vetitum iure naturæ, nec in naturalibus, nec in moralibus: cum regulariter quilibet habeat facultatem seruandi continentiam, & ducendi uxorem, cap. integritas. 31. quæst. 2. quamuis non possit simul eodem tempore vtrumque seruare: & ita cui negatur hoc, non negatur illud. vnde certum est quod ipsemet Papa habet facultatem bellandi, & pacandi, occidendi, & paritendi, pugnandi, & orandi, licet eodem tempore & eodem respectu circa idem non possit simul vtrumque facere. Et quilibet alius potest vno tempore bellare & pugnare, & altero tranquillus esse, & orare, & misereri, immo & diuerso respectu eodem temporis momento feriendo hostem Christi cum orare, & orando eum eius hostem ferire, licet non tantum petat orator.

- 13 Secundo idem probatur, quod si hoc iure naturali prohiberetur, non licuisset vmquã sacerdotibus & Leuitis propriis manibus pugnare, neque occidere iuste aliquem: quia ius naturale ab exordio mundi ligat, 5. dist. in princ. At licuit olim non solum infidelibus, sed etiam fidelibus Iudæis sacerdotibus & Leuitis pugnare, & occidere etiam manibus propriis: nã Exod. 32. hortatu S. Moysis Leuitæ occiderunt 33000. fratrum suorum, & Phinees sacerdos occidit rem habentem cum Madianita, Num. 25. & Samuel summus sacerdos suis manibus Agab Regem concidit. 1. Reg. 15. & Matathias sacerdos occidit hasta quemdam idolis sacrificantem. 1. Machab. 2.

chab. 2. immo & Petrus Pont. Max. Ananiam & Sapphiram verbo suo peremit, Act. 5. quâuis id aliqui aliter exponant. Ergo prædicta non prohibentur iure naturali, sed humano tantum.

- 14 Tertio non prohibentur etiâ iure diuino positiuo: quia in nullo veteris, vel noui testamenti loco inueniuntur prohibita; si quis enim esset maxime, esset aliquis ex citatis à Gratian. 45. dist. in prin. & 23. quæst. 8. in prin. quorum nullus tamen concludit: nam si concluderet, maxime esset illud Pauli ad Timoth. 3. & ad Tit. 1. in d. dist. 4. citatum. Tum quia primo intelligi potest de percussore iniusto, & non de iusto, de quo agimus, vt intelligit Gratian. in principio prædictæ dist. cû allegato cap. cû beatus. in cuius fine ait licuisse Abbati Benedicto corrigere verberare, quem non potuit corrigere verbis. Tum quia non loquitur de omnibus clericis, sed solum de Episcopo, in quo maior ratio militat. Tum quia Prælati Ecclesiæ licet etiâ iure humano torquere, & verberare publice, cap. vniuersitati. de sent. excomm. cap. 1. de adult. & probatur in cap. in archiepiscopatu. de rapt. & alibi sæpe. Tum denique quod ordinationes illæ Pauli non sunt diuinæ, sed humanæ ipsius ab Ecclesia receptæ. ibi enim ordinat, quod sit vnius vxoris vir, & ita non bigamus: per quæ verba tenetur bigamiam inductam fuisse: at secundum S. Thom. ab omnibus receptum in quodlib. 4. art. 13. non censetur illa iure diuino inducta, sed tantum humano. Sed neque locus ille Matth. 16. à Grat. in d. q. 8. citatus, *Conuerte gladium tuum in vaginam*, id concludit: nam per illud nō prohibuit iustam educationem, sed iniustam, saltem secundum sensum literalem: sequitur enim ratio prohibendi: *Quia omnis qui gladium accipit, gladio peribit.* & ita exponit August. in cap. ille gladium accipit. 23. q. 4.

- Quarto, quod eodem iure, quo inducta est irregularitas, prohibita est & clericis delatio armorum, & pugna proprijs manibus exercenda à clericis in bello iusto secundum omnium mētem. At in confesso est quod irregularitas non est inducta iure diuino secundū Inno. in cap. nisi cū priorem. de renuncia. & in cap. ad audientiam. de homicid. Ergo ius humanum est illud, quo clericis iustum armorum exercitium proprijs manibus vetatur.

Quinto, quod licet clericis etiâ Episcopis hortari milites ad bellandum, cap. hortatu. & cap. igitur. 23. quæst. 8. & in ipso prælio ad fortiter pugnandum, arg. cap. Maximianus. 23. quæst. 3. nam cap. quod in dubijs. de pœnis. quod contrarium significat in verb. *incitant*, intelligendum est de incitantibus in bello iniusto, vt gloss. & Inno. communiter ibi recepti intelligunt. At si iure diuino prohiberentur clerici à bellando in iusto bello, non liceret eis hortari ad illud, nec interesse præliantibus, & incitare eos ad fortiter pugnandum. Ergo prohibitio prædicta iure humano inducta est, eo quod decentius & conuenientius est ne pugnent etiam in bello iusto: & non quia sit res de se mala, & iure naturali vel diuino prohibita.

- 17 Sexto, quod tam prohibitum est clericis condemnare iuste nocentem sententia sanguinis, & patrocinari, testificari, facere acta, & alia quibus perue-

peruenitur ad sententiam sanguinis etiam iustam, ac occidere iuste & præliari in bello iusto, vt colligitur ex cap. sententiam sanguinis. ne cler. vel mon. & cap. prælatis. de homi. lib. 6. & tanta irregularitas contrahitur ex illis, quanta ex hoc. At illa nemo dixerit esse naturali vel diuino iure prohibita: ergo neque hoc. Facit, quod Pōtiffices Max. siue Papæ con-
 suenerunt iubere occidi, comburi, vel mutilari aliquos maleficos, quos tamen nemo vñquam dixit incurrere irregularitatem, vel vllam aliam pœnam: & non alia ratione, quam quia hoc non est clericis vetitum iure naturali, vel diuino, sed tantum humano, quo ipsi non ligantur; & pro re indubia præsupposuit hoc Caiet. in 2. 2. quæst. 40. art. 2. in illis verbis:

18 *In primo casu clerici non peccant pugnando manu propria: quia lex positiua, qua clerici arcentur ne pugnent manu propria, venit ad casum, in quo si legislator adesset, dispensaret, &c. Per quæ in specie & expresse determinat prædictam prohibitionem esse iuris positiui, & circa eam posse legislatorem, qui nostro in casu Papa est, dispensare.*

Septimo, quod præceptum quintum de non occidendo, Exod. 20. solum iniustam occisionem prohibet, & tam pertinet ad laicos, quam ad clericos. Et quod multa sunt testimonia, quorum aliqua supra citata fuerunt, quibus probatur, sacerdotibus, Leuitis, & aliis ad sacra & orationes deputatis licuisse iuste pugnare, & ad mortem condēnare, immo & propriis manibus occidere.

Cum igitur probatum sit nec iure naturali, nec iure diuino noui Testamenti, vel veteris esse prohibitam præfatam facultatem clericis, consequitur iure tantum humano eis esse prohibitam: cui rursus adeo consequens est Papam posse iuste & sancte dispensare super ea iusta de causa, qualis in nostro casu occurrit; quod si absque vlla causa dispensaret, valeret dispēsatio, licet peccaret saltem venialiter per ea quæ scripsimus in Comment. cap. non liceat. 12. q. 2. §. 3. nu. 8. Salua, &c.

S V M M A R I V M.

- 1 Metu conditionali ordinato character imprimitur.
- 2 Metu inualida conualescunt ratificatione etiam tacita, modo absit error, & adsit voluntas ratificandi. num. 8. & 9.
- 3 Metu cessante reclamationem, qui se eo iuuare vult.
- 3 Accessorium sequitur suum principale, nisi sit diuersa ratio. nu. 5. & 12.
- 4 Ordinatio non omnis, nec characteris impressio matrimonium impedit.
- 4 Ordinis character infanti vnius diei baptizato imprimitur, & hoc quia non requirit actum suscipientis. num. 5.
- 6 Metu facta ipso iure regulariter valent: fallit in matrimonio, & voto.
- 7 Metu ordinatus non tenetur continere, secundum communem. nu. 9.
- 8 Ratificatio matrimonij nulliter ob errorem personæ contracti non sequitur; licet errans, cognito dicto errore personæ, consenserit talem personam habere in uxorem perseverando in primo consensu, quem validum putabat.
- 9 Metu facta expresse & tacite ratificantur.
- 9 Metu gesta, eo cessante, qui sciens illa esse nulla exercet, ratificare videtur, alias non.

¶ 6 Ratificatio non praesumitur ex illo facto, quod ob aliam causam, quam ratificandi actum, nullum fieri potuit.

¶ 7 Ignorantia iuris obscuri, quale etiam praesumitur id quod est de apicibus iuris, excusat, ut ignorantia facti.

CONSILIVM IV.

QUIDAM 17. annos natus metu iusto, & cadente in constantem virum a patre illato sacros subdiaconatus & diaconatus ordines suscepit: sed numquam postea id vero animo ratificauit, licet longo tempore tacuerit, & non reclamauerit, putans se non posse id iuste facere: licet etiam per metum & errorem praedictos nouies viuente patre, & semel post mortem eius epistolam in ecclesia solemniter cantauerit.

Quaeritur primo, an liceat ei ducere uxorem. Secundo, an saltem adsit iusta causa dispensandi, ut id facere possit.

1 Respondeo, quod pro parte negante facit primo, quod metus condicionalis, qualis fuit supradictus, cum non fuerit vis absoluta, non impedit impressionem characteris ordinis, nec alterius sacramenti cum imprimementis, cap. quod quidam. cum multis alijs. 1. quæst. 1. & cap. vbi ista. 74. dist. & cap. maiores. 9. item quaeritur. de baptis. & consequenter D. consulens veros & indelebiles characteres praedictorum ordinum suscepit, & vere coram Deo & hominibus est subdiaconus, & diaconus: & constat initiatis iis ordinibus non licere uxorem ducere, cap. ante triennium. cum multis alijs. 31. dist.

2 Secundo, quod gesta per metum, etiam si ab initio sint inualida, & nulla, per ratificationem tamen subsequentem conualescunt, cap. ad id. de spôs. & cap. de illis. il. 2. de despons. impub. & l. 1. C. quod metus causa. quod procedit non solum in ratificatione expressa, sed etiam tacita, ut est casus in d. cap. ad id. & ibi not. glo. recepta per omnes: & D. consulens per exercitium praedictum ordinis subdiaconatus etiam post mortem patris, per quam cessauit metus, videtur ratificasse saltem tacite praedictorum ordinum susceptionem: ergo eorum vinculis tenetur.

3 Tertio, quod qui vult se liberare ratione metus ab aliquo vinculo, debet illo cessante statim reclamare, iuxta illud distichon celebratum a praedicta gloss. dicti cap. ad id.

Effuge cum poteris, ne consensisse puteris:

Nam si perfliteris, illius vxor eris.

At D. consulens diu etiam postquam cessauit metus, desinit reclamare: ergo non potest nunc id facere.

4 Quarto, quod accessorium sequitur naturam sui principalis, cap. accessorium. de regul. iuris lib. 6. cum concordantijs ibi a gloss. citatis. At observantia castitatis est annexa ordini sacro, ut supra dictum est: ergo sequitur naturam eius. At ordo sacer est indelebilis, & non obstante metu nascitur, & conseruatur, ut etiam praedictum est: ergo etiam observantia castitatis erit indelebilis.

5 Pro parte autem affirmante, quæ videtur tenenda, facit primo, quod non omnis ordinatio, & characteris sacri ordinis impressio facit quem

inhabilem ad matrimonium: nam etiam infanti vnius diei, modo sit baptizatus, imprimitur character cuiuslibet ordinis sacri, vt dixit Guilielmus de Monte Lauduno in clem. 1. de etate & qual. communiter receptus ibi à Card. & alijs, & à Bonifacio, licet ipse in clem. generalē. subdubitauerit: cuius conclusionis pulchram rationem tradit S. Thomas communiter recept. in 4. lib. Senten. distin. 25. quæst. 2. artic. 1. At ordinatus antequam vsum rationis assequatur, non obligatur ad seruandam continentiam: quia continentia est voti, & non præcepti, cap. integritas. 32. q. 1. & tradit Innoc. communiter recep. in cap. vel non est compos. de temporibus ordin. & S. Thomas in 4. dist. 25. q. 3. quem sequuntur alij, & Sotus ibidem quæst. 1. art. 2. concl. 3.

5 : Secundo facit, quod prædicta regula, *accessorium sequitur naturam sui principalis*, fallit, cum ratio diuersa diuersum in eo concludit, vt est casus in cap. debitores. de iure iur. quatenus probat promissionem de soluēda vsura non valere, iuramentum autem sic, licet sit accessoriū eius, propter diuersitatem rationis, quæ ibi à doctoribus redditur. At ratio, qua valet ordo sacer iusto metu acceptus quo ad characteris impressionem, nō habet locum quo ad obligationē voti castitatis: ratio enim, quare ordinatio carentis vsu rationis, & metu facta valeat quo ad characterem, est, vt eleganter de more ait D. Thomas in d. q. 2. art. 1. quia sacramenta imprimētia characterem nō requirunt de necessitate sacramenti vltimū actū ea suscipientis. At obligatio ad continendum, & votum continentie, requirunt actū, & consensum ipsius qui est obligandus, iuxta d. cap. integritas. 32. q. 1.

6 : Tertio facit, quod licet regulariter omnia metu facta ipso iure valeant, vt resoluit gl. sollemnis in c. abbas. de iis quæ vi. fere ab omnibus iurisperitis recepta, excepto Fortunio bene fortunato ingenio viro in lib. de vlt. fine iuris illatione 11. fallit tamen in matrimonio, & voto, secundum eandem glossam ab omnibus fere recep. per cap. veniens. & cap. cum locum. de spons. & cap. 1. de iis quæ vi. metusve causa. & ideo merito ordinatio metu facta valet quo ad characterē, quia nullo iure declaratur nulla: non autem valet quo ad votum castitatis, cuius metu emissi nullitas iure declaratur.

7 : Quarto, quod hanc partem tenēt plerique omnes tam Theologi, quam Iurisperiti, qui hanc quæstionem mouerunt, in quibus sunt glo. in cap. vbi ista. 74. dist. Card. in d. 9. item quæritur. Ang. in summa verb. ordo. 3. 5. vlt. & Sotus in 4. dist. 25. q. 1. art. 3. concl. 3. Rosella in summa verb. ordo. nos quoque idem tenuimus in Man. confess. cap. 22. nu. 51.

8 : Quinto, quod ad hoc, vt ratificatio actus, qui est nullus ipso iure, teneat, non sufficit quod vsus fuerit eo, vel exercuerit illum is, qui putat per errorem se ad id obligatum; nisi etiam nouerit illum esse nullum, & non obligari per eum; ita quod exerceat illum, vt tribuens illi nouum valorem per suum nouū consensum. Tum quia qui errat non consentit, l. si per errorem. ff. de iurisdic. omnium iudic. Tum quia mulier quæ nupsit alicui, qui intendebat contrahere cum eius sorore, & non cum illa; licet postea consensisset vir eius habere illam in uxorem, etiam durante consen-

si mulieris, non videtur ratificare matrimonium perdurando in suo consensu, putans per errorem, quod ipse consensit in illam ab initio, & quod matrimonium esset iam inde ab initio validum, vt erudite & subtiliter determinat Antonius à Butrio in quodam consilio, quod est inter consilia Petri ab Ancharano consil. 229. quod ipsum affirmat idem Petrus ab Anchar. in cons. seq. 230. Tum quia qui fecit professionem nullam, & perseverauit in illa etiam ultra annum, putans illam valere, & per eam obligari ad perseverandum, non censetur ratificare illam, vt pulchre determinat Caiet. in 2. 2. quæst. 189. art. 3. & consequenter qui metu iusto ordinatur ordine sacro putans ordinationem illam ita validam, vt eius vinculis teneretur, & perinde ac si sponte fuisset ordinatus exercet illam, non censetur suam ordinationem ratificare. Per quæ omnia videtur tenenda pars hæc affirmatiua.

Non obstant opposita. Quorum prius diluitur concedendo, quod per ordinationem iusto metu factam imprimatur character indelebilis: negando tamen, quod sola characteris impressio sine ordinati consensu sufficiat ad ligandum eum ad continentiam perpetuam.

9. Ad secundum responderetur concedendo, quod regulariter metum passus potest ratificare actum per metum gestum expresse, & tacite: & quod exercendo illum postquam metus cessauerit, videtur ratificare, si sciat illum esse nullum, & exercet eum animo roborandi, & faciendi de inualido validum, non tamen si ignorat esse inualidum, & exercet eum putans per errorem esse validum, vt in casu proposito contingit, in quo dicitur quod D. consulens cantauit epistolam post mortem patris, qui vim intulit, putans per errorem, quod per ordinationem meticulousam erat obligatus ad ordinum obseruantiam, & non patebat ei remedium discedendi ab illa per adducta in 5. argumento pro parte affirmante formato, & per id quod
10. eleganter ait Bart. in l. 2. C. quod metus causa. num. 7. quod non videtur quis ratificare actum metu factum, quoties alia causa, quam ratificandi actum, occurrit. Vnde licet soluens sponte, quod metu simpliciter promisit, videatur metum purgare, si sciens soluit, non tamen si promisit, & iurauit soluere: quia videtur potius soluere, vt vitet periurium, quam vt ratificet promissionem, & purget metum: & consequenter cum d. consulens potuerit exercere actum subdiaconatus duplici de causa, altera, vt satisfaceret ordinationi, quam putabat esse validam; altera, vt ratificaret actum metu gestum; censendus est exercuisse illum, vt satisfaceret ordinis obseruantia, & non vt ratificaret ordinationem meticulousam.

11. Neque obstat replicatio, quod error & ignorantia iuris non excusat, cap. ignorantia. de regul. iuris lib. 6. cum concord. à glossa eius ibi adductis: & quod error & ignorantia consulentis fuerunt iuris, & non facti. Non inquam obstat ista replicatio: quia illa procedit in errore & ignorantia iuris clari, non tamen in errore & ignorantia iuris obscuri: quia illa excusat vt ignorantia facti, iuxta gloss. solemn. in cap. 1. in verbo de cetero de postul. prælat. lib. 6. quæ multa iura in his citat, & est recepta per Dominicū & alios ibi, & p. Feli. & citatos ab eo in cap. de quar-

ta. num. 27. de præscriptio. in cap. 1. limit. 7. de re iudic. & est textus memorabilis in cap. dilectus. de consuetud. vbi Panor. communiter receptus illud ad hoc commendauit. & ius, quod habet, posse quem iuste recedere ab obseruatione ordinum sacrorum metu conditionali receptorum, & ducere vxorem, est obscurum, & dubium. Tum quod glo. in cap. 1. de clerico per saltum promo. de hoc dubitauit, & Panor. in dict. cap. maiores. 5. item quaeritur. tenet contrarium, immo & communiter teneri illud asserit, quamuis in vtroque dicto erret. Tum quod etiam hodie D. consulens, licet doctorum grauium auctoritatem pro se habeat, non tamen audet ducere vxorem inconsulta Sede Apostolica. Tum quod ius tractans de apicibus iuris censetur obscurum, secundum Bald. in l. venditione. C. de vñcap. pro empt. & l. 3. C. si quis ignor. rem minoris esse. & constat hanc quaestionem esse in iure subtilissimam, vt cuique docto est palam.

Ad tertium respondetur, assumptum in eo esse verum, quando metum passus nouit actum, quæ metu gessit, esse omnino nullum. At in casu proposito consulens ignorabat ordinationem suam esse inuvalidam; immo vero erat valida quo ad characteris impressionem, licet fuisset inuvalida quo ad inducendam obligationem seruandi eam, & vincula ei annexa, vt supra dictum est.

Ad quartum respondetur; illam regulam, *accessorium, fallere*, quando non est eadem ratio de accessorio, & principali, vt dictum est in secundo argumento pro parte affirmante formato.

AD POSTERIOREM quaestionem respondetur, quæ ex adductis supra in responsione ad priorē, infertur pars eius affirmans, scilicet quod præfatus metus cum bonis, quæ ex matrimonio consequerentur, est iusta causa dispensandi. Tum quod per eadem potest declarari (quod est maius) consulentem non teneri ad continentiam. Tum quia nos alias respondimus metum grandem reuerentialem sufficere ad illud, vt scripsimus in Man. confess. cap. 22. num. 51. Salua quæ iustior fuerit sententia.

S P M M A R I U M.

1. Metu iusto ordinatus aut intendebat ordines non accipere, & non recipit characterem; aut absuit hæc intentionis contradicção, & recipit characterem, sed non obligatur ad continentiam. nu. 2. Idem est in foro conscientie, si metus non fuit quidem iustus, sed talis sine quo ordines non recepisset, num. 4. Vnde & matrimonium potest contrahere. num. 1.
2. Metu iusto facta, aut sunt nulla, aut annullanda.
3. Causa iusta super voto continentie dispensandi adest, vbi quis iusto metu est ad ordines sacros promotus.

CONSIL. LIB. V.

N. XVI. AETATIS. suæ annum vix agens post Conc. Trid. iusto metu, & cadente in constantem virum sacris subdiaconatus & diaconatus ordinibus fuit insignitus, & ante cuiusque ordinis assumptionem protestatus se malle mortem oppetere, quam ducere vitam ecclesiasticam, & quod vi & metu patiebatur ordinari: semelque postea durante eodem metu,

metu, citra tamen approbationem ordinationis, solemniter euangelium cantauit. Quæritur an possit sine dispensatione uxorem ducere, vel saltem adsit iusta causa secum, vt id facere possit, dispensandi?

- 1 Ad hanc quæstionem breuiter respondeo affirmatiue. Primo quidem, quod prædictus N. nullatenus videtur ordinatus: quia sicut ad substantiam & essentiam sacramenti requiritur intentio ministri illud conficientis; iuxta S. Thom. receptum par. 3. q. 64. art. 8. ita requiritur intentio suscipientis illud ad hunc saltem sensum, vt absit intentio non suscipiendi illud, iuxta eundem vbi supra q. 67. art. 8. vbi hoc late tradit Caiet. & probatur in cap. maiores. 6. item quæritur. de baptis. At in casu proposito D. consulens videtur non solum non habuisse intentionem suscipiendi ordinem, sed contrariam non suscipiendi: ergo vere & essentialiter non suscepit illum, & ita etiam sine dispensatione poterit uxorem ducere.
- 2 Secundo, quod licet ordinatio tenuisset quo ad characteris impressionem, eo quod sufficiat quo ad id consensus metu extortus, per d. cap. maiores. 6. item quæritur. de baptismo: non tamen tenuit quo ad votum continentie, seu obligationem ad continendum ordini sacro annexam: quia votum iusto metu factum, est ipso iure nullum, cap. 1. de ijs quæ vi. quæ communis est sententia doctorum ibi, & in 4. lib. Senten. distin. 38. quam affirmamus in nostro Man. cap. 12. num. 52. & in specie de ordinato per iustum metum, quod non teneatur ad continentiam determinat Angel. verb. ordo. 3. 6. vlt. & Sotus in 4. distin. 25. quæst. 1. art. 2. concl. 9. vers. hinc autem. & dist. 29. q. 1. art. 3. concl. 11. & de iust. & iur. lib. 7. q. 2. art. 1. & ita prædictus N. licet consensisset suæ ordinationi; quia tamen iusto metu id fecit, vt in casu proponitur, non remansit obligatus voto solemnī ad continendum, & multo minus si nullatenus consensit: sed solum metu iusto finxit se consentire.
- 3 Tertio, quod licet alicui videretur, quod aliqua obligatio ad continendum adsit, præsupposito quod saltem iusto metu consensit ordinationi, & exercuit illam: iusta tamen causa dispensandi inest, eo quod metu facta aut ipso iure sunt nulla, aut certe rescindenda, cap. abbas. cum gl. solemn. & communi omnium doctrina de ijs quæ vi. quam ad propositum allegamus in d. Man. præl. 6. num. 4.
- 4 Quarto, quod omnia præfertim spiritualia facta metu, etiam non iusto, modo sit talis, quod si non intercessisset, ille actus non fuisset factus, nullam inducunt obligationem in foro conscientie, quod senserunt Hostiens. & Ioan. And. in cap. verum. de iureiur. & expressit Adrian. in 4. de restitutione cap. aggredior. vers. ex quibus omnibus. & Sotus lib. 4. q. 7. de iust. & iur. Syluester verb. metus. 6. fin. & latius nos dicimus in d. Man. cap. 22. num. 51. & cap. 17. num. 5. & 30. per quæ omnia Sanctissimus D. N. poterat declarare prædictum D. consulentem non ligari voto continentie, quia iusto metu coactus suscepit ordines: vel si, & quatenus opus est, dispensare ad prædicta quo ad forum exterius, eo quod nullatenus obligatur quo ad interius, eo quod metu tali accepit prædictos ordines, quos nullatenus illo non interueniente accepisset vmquam.

1. Professio ab initio nulla, non conualescit solo tractu temporis.
2. Impedito iuste iuris impedimento non currit tempus, restituitur autem impeditus impedimento facti.
3. Professio, quæ ob metum est nulla, per actus professorum vel assumptionem ordinum, durante metus causa, non validatur.

CONSILIUM VI.

ANTE Conc. Trid. N. per vim & metum patris & fratrum, qui illum occidere minati sunt, religionem ingressus, eadē vi & metu durantibus, expleto probationis anno in manibus sui prælati professionem emisit, & in eadem per tres annos persistendo ordines sacros & gradum baccalaureatus suscepit. Post Concilium vero reclamare volens, tribulationibus oppressus nō potuit; à quibus tandem liberatus reclamare intendit. Quæritur an id facere possit, & an per susceptionem ordinis præsumatur consensus suæ inualidæ professioni.

1. Respōdeo primo, q̄ votū, quod ab initio ob metum aliquem est nullum, siue inualidum, solo tractu temporis vere nō conualescit coram Deo, nec præsumptiue corā hominibus, cap. non firmatur. de reg. iur. lib. 6. & l. quod ab initio. ff. eod. neque concurrente gestatione habitus, & permanfione in monasterio, durante illo metu, cap. 1. cum ei adnot. de ijs quæ vi. Secūdo,
2. quod si post cessationem metus fuit iuste impeditus à reclamando, poterit cessante impedimento reclamare, si fuit impedimētum iuris: quia taliter impedito non currit tempus, l. 1. C. de ann. excep. neque præscriptio: & si erat impedimentū facti, debet audiri per restitutionem, l. & Attilicinus. ff. de seruit. rustic. præd. vt tradit Panor. in cap. ex transmissa. nu. 13. de præscrip. Tertio, quod per susceptionem ordinum durante causa iusti metus non præsumitur satis ratificare professionem. Tū quia hoc nullo iure speciali cauetur. Tum quia à separatis nō fit illatio, l. Papinianus. ff. de minor. Tū quia, si quod magis videtur inesse nō inest, nec quod minus videtur inesse inerit, arg. cap. cū in cūctis. de elec. & auth. multo magis. C. de sacros. eccl. & nec per gestationē habitus professorū, nec per præstationē suffragij in Capitulo, nec faciendo alia, q̄ solis professis competūt, professio valida fieri præsumitur, iuxta not. in d. cap. 1. de ijs quæ vi. & tamen maior ratio suadet, vt per talia præsumeretur profiteri, quam per susceptionem ordinis, quæ est res separata à professione: ergo per susceptionem ordinis non præsumetur consensus ad professionē. Quarto, q̄ eisdē rationibus videtur idem dicendū de susceptione ordinū facta post cessationem metus, durantibus tamen impedimentis iuris, vel facti ad agendū, vt hoc perpēdenti facile patet. Quinto, quod hæc videtur cōsequi, cōsulentem peccasse suscipiendo ordines sacros, & male ordinatum fuisse: quia sciēter absque beneficio, & iusto patrimonio, & etiam absque iusto titulo religionis eos suscepit, contra cap. Episcopus. & cap. tuis. & cap. cum secundum, de præb. & cap. neminem. 72. dist. cum enim crederet se non esse vere religiosum, contra conscientiā suscepit illos ordines ad titulum religionis. Salua, &c.

SUMMARIUM.

- 1 Metus iustus coram Deo vitiat professionem, etiam si culpa sua metum passus in illam inciderit.

CONSILIUM VII.

PRO RESOLUTIONE questionis rogatarum, Respondeo primo, quod consulens iuste potuit ingredi monasterium, non obstante quod duxisset uxorem, quia nondum cum illa rem habuit, cap. cōmissa. de spons.

- 1 Secundo, quod ingerit se illud dubiū, an valeat actus alicuius factus iusto metu, in quem sua culpa incidit, de quo in l. si mulier. ff. quod met. caus. cap. veniens. 2. de spons. quod libenter tractassem, si per ægritudinē licuisset: sed quia id non licet, remitto me ad ea quæ scripsi in Man. confess. cap. 17. nu. 19. & cap. 22. nu. 51. vnde hauriri possunt huc pertinentia, scilicet quod præfata professio quo ad forum conscientiae non valuit, ex quo videntur pendere omnia quæ quærentur.

SUMMARIUM.

- 1 Professio liberatæ à carcere perpetuo, modo fiat monacha, valet. nu. 2. & 3. in fi.
1 Professio, & matrimonium metu facta sunt ipso iure nulla, si metus sit iniuste illatus. num. 2. 3.
2 Metus iniuste illatus nec actionem parit, nec ad actum annullandum sufficit.
2 Promissio metu iuste illato facta non rescinditur.
3 Regularis ob delictū ad arctiorē regulam profitendam cogi potest, & tenet professio.
3 Matrimonium contractum ab eo, cui poena mortis ea lege remissa est, ut contrahat, tenet.

CONSILIUM VIII.

VTRVM professio mulieris damnatæ ad carcerem perpetuum, quæ liberatur à Papa, ea conditione, modo fiat monacha, valeat?

- 1 Subtilis est, ac vere Christiana dubitatio hæc, pro cuius parte negante urget, quod professio metu facta est ipso iure nulla, cap. 1. de ijs quæ vi. sicut & matrimonium carnale est ipso iure nullum, si metu contrahatur, cap. cū locum. & cap. ad id. de sponsalib. matrimonium enim carnale, & spirituale in hoc æquiparatur, iuxta gl. sing. in cap. bonz. il 1. de electione. ver. metuebant. pro qua facit cap. vbi periculum. §. ceterum. de elect. lib. 6.

- Quo tamen non obstante, contrarium est tenendum. Tum quia metus, qui iuste infertur alicui, non parit actionem, nec sufficit ad annihilandum, vel rescindendum actum, l. si mulier. ff. de eo quod metus causa. quæ habet promissionem, vel dationem alicuius rei factam patrono à liberta, ne propter ingratitudinem à se admissam in pristinam servitutem reducatur, non debere rescindi, eo quod sit facta metu perdendi libertatem: quia iuste infertur metus ille à patrono. Ex quo Bart. & alij colligunt, quod promissio facta metu iuste illato non rescinditur. Tum quia monachus, vel canonicus regularis propter simoniam, vel aliud delictum, potest cogi ut ad strictiorem regulam transeat, cap. de regularib. de simonia. attamen certum est, eum debere novam professionem facere

re in regula strictiori: & ita professio per iustam coactionem valet. Tum quia interdum Princeps indulget pœnam mortis iuste damnato, ea lege, ut ducat in uxorem aliquam piam pauperem; quam si ducat, valet matrimonium: quia ratio, quare vota metu mortis in ægritudine, vel naufragio emissa valent, est quod metus ille mortis nō infertur iniuste, sed casu, fortuna, vel potius providentia diuina, cap. porrectum. & cap. sicut. de regular. vbi glo. recep. id tenet. Tum quia frequenter dispensat Papa cum homicida voluntario, ut celebret in altaris ministerio, ea conditione, ut religionem aliquam approbatam profiteatur, qui eam non profiteretur, si absolute cum eo dispensaretur. Cum igitur prædictæ mulieri nulla vis, neque ullus metus iniuste intentetur, immo fiat ei gratia liberationis à grauissimo malo, si voluerit vitam religiosam eligere, merito eius professio debet satis libera censerī, quo dicatur valere. Salua, &c.

S V M M A R I V M.

- 1 Professio ante 16. vel nouitiatus annum emissā post sacrum Concil. Trid. non valet.
- 2 Professio & omne votum metu facta sunt nulla in conscientia, licet metus sit minor iusto, modo sit tale sine quo non fuissent facta.
- 3 Metus ad hoc ut annullet votum in foro exteriori, requiritur quod cadat in constantem virum, professionem tamen annullat reuerentialis, in foro autem conscientie minor iusto omnis annullat votum, sine quo non vouisset.
- 4 Metu facta non ligant agentem, saltem in foro conscientie.
- 5 Cap. 15. de reg. sess. 25. Concil. Trid. etiam in religionibus militaribus vim obtinet.
- 6 Vniuersalis extendit generalem indefinite prolatam ad multa.
- 7 Iura loquentia de aliquibus religiosis, ut talibus, ad alios extenduntur.
- 8 Religio S. Ioannis, & ceteræ militares sunt veræ religiones.
- 9 Professum non facit emissio trium votorum substantialium religionis etiam in congregatione à Sede Apostolica approbatā pro bono modo viuendi, nisi emittatur in approbatā religione.
- 10 Professio nulla non censetur ratificata ab eo, qui eius nullitatem ignorat.
- 11 Habitus delatio post professionem expressam, non inducit tacitam.
- 12 Tacita professio etsi præsumatur ex aliquibus actibus; hoc tamen fallit, quando illam præcessit expressa.
- 13 Nouitius actibus professorum se immiscens tunc censetur profiteri tacite, si prius expresse non sit professus.
- 14 Matrimonium contrahere potest, religionem ante 16. ætatis vel nouitiatus annum professus.
- 15 Professio in genere, quæ inducebatur per professionem ante annum nouitiatus emissam apud mendicantes, hodie post sacrum Concilium cessat.
- 16 Scandalum pusillorum, & non Phariseorum cauendum.
- 17 Bona nemo sua tenetur relinquere ob scandalum Phariseorum.

CONSILIUM IX.

N. NOBILIS metu reuerentiali religionem S. Ioannis Hierosolymitani ingressus, minor quindecim annis, durante eodem metu, eam professus est, & multos annos in eadem perseueravit, arbitratus huiusmodi

modi professionem esse validam. Tandem cessavit metus, & aliqua de causa expulsus fuit à superioribus. Dubitatur an sit liber à præfata religione, & an possit ducere uxorem?

- 1 Ad PRIOREM quæstionē, nempe an prædictus nobilis in conscientia sit liber à præfata religionis professione facta, vt in ea proponitur, respondeo affirmatiue quod sic. Primo quidem, quod nulla professio religionis, siue virorum, siue mulierum ante decimum sextum annum facta valet post Concil. Trid. disponēs hoc clare in sess. 25. cap. 15. de regularib. & professio præfati nobilis fuit ab eo emissa, priusquā 15. annū attigerit.

Secundo, quod omnis professio religionis ante finem anni nonitatus à suscepto habitu currentis facta, est ipso iure nulla post præfatum Concilium, quod id clare vbi supra statuit: & professio præfati nobilis fuit facta statim habitu suscepto.

- 2 Tertio, quod omnis professio religionis metu facta est ipso iure nulla, cap. 1. de ijs quæ vi. sicut & omne votum metu factum est ipso iure nullū, iuxta gloss. solemnem, & receptam in cap. abbas. cod. tit. quam & alias nos quoque citamus in Manual. confess. cap. 22. num. 5. & quamuis quo ad forum exterius regulariter oporteat metum esse iustum, & talem, qui etiā in constantem virum cadat, iuxta l. metum. 1. & 2. ff. de eo quod metus causa. tamen quo ad annullandam professionem religionis, etiam quo ad forum exterius, sufficit metus etiam reuerentialis minor iusto timore, iuxta gloss. sing. cap. præsens. 20. quæst. 3. quam nos quoque in id citamus in dicto Man. cap. 22. num. 50. intelligendo tamen de tali metu minore, sine quo non fieret professio, vt præ alijs nos declarauimus ibidem, & in cap. 17. num. 29. & 30.

- 3 Quarto, quod nullus actus metu factus ligat agentem quo ad forum conscientie ex mente Hostien. & Ioan. And. in cap. verum. de iureiurand. & Adrian. in 4. de reslit. cap. aggredior. vers. ex quibus omnibus. quos etiā nos sequimur in præfato Manual. cap. 17. num. 29. & 30. & confirmari posset per ea quæ diximus in prædicto cap. 22. nu. 51. & hoc argumentum solum sufficit ad fundandam responsionem affirmatiuam, quam respondemus pro libertate prædicti nobilis à ligamine voti religionis, quia solum quærit an sit liber ab eo quo ad forum conscientie: quamuis tria argumenta præcedentia probent eius libertatem etiam quo ad forum exterius.

- 4 Non obstat primum, quod dicitur tenere aliquos non esse locum præfato cap. 15. in religionibus militaribus, eo quod Sotus in lib. 7. de iust. & iur. q. 5. art. 3. asseruit religiones militares non esse veras religiones. Tum quia illud cap. generaliter loquitur de quacumque religione virorum & mulierum: & ita generaliter intelligendum est, cap. solitæ. 9. fin. de maior. & obed. & l. de pretio. ff. de publ. in rem actio. etiam si non militet tanta ratio in vna specie, quanta in alia, l. 1. §. quod autem. ff. de aleæ lusu & aleat. & tradit Decius consil. 669. num. 3. quem ad hoc citamus in comment. de regularib. super cap. statuimus. 19. q. 3. num. 73.

- 5 Tum quia prædictum cap. 15. non solum generaliter loquitur de religione

- gione, sed etiam vniuersaliter de quacumque religione: & dictio vniuersalis extendit generalem ad multa, quæ non comprehenderet generalis indefinite pronunciata, iuxta gloss. singul. in clem. 1. verb. quauis. de re iudic. & iuxta gloss. solemn. in cap. vt circa. de elect. lib. 6. quatenus ponit differentiam inter lego marmor, & lego omne marmor, & inter lego lanam, & lego omnem lanam. Tum quia eadem ratio idem ius suadet in omnibus, iuxta l. illud. ff. ad legem Aquil. & cap. dudum. il. 2. de elect. & iura loquentia de aliquibus religiosis, quatenus sunt religiosi, habet locum in omnibus aliis religiosis, quamuis nomina sint diuersa, cap. 2. de postul. vbi Panorm. recep. hoc pulchre adnotauit in 1. notab. Tum quia licet quidam tentauerint, vt Sotus, dicere religiones militares non esse veras religiones, nemo tamen id affirmavit de religione sancti Ioannis; nam & ipse Sotus excludit eam quo ad hoc ab alijs militaribus; quia in ea seruatur votum castitatis, cum professores eius nullatenus queant contrahere matrimonium. Tum quia non est verum, quod alix religiones militares, in quibus per dispensationem, vel formam profitendi contrahi potest matrimonium, non sint veræ religiones, vt nos efficaciter decem argumentis neruosissimis probamus in tract. de reit. eccles. q. 1. monito 55. per totum, & q. 3. mon. 27. 28. & 29. Per quæ nostra scripta hinc in Hispaniam missa Consilium regium liberauit quemdam nobilissimum ordinis sancti Iacobi à morte, quæ iam imminabat ei ob cõtrariam Soti opinionem.
- 7 Tum quia si religiones militares non sunt veræ religiones, nec cõsequenter hæc de qua loquimur sancti Ioannis Hierosolymitani, clarum est prædictum D. consulentem nec potuisse fieri religiosum per professionem illius, etiam si effectus maior 16. annis, & post finem anni probationis illam fecisset; cum per nulla vota, etiam tria substantialia religionis, facta extra veram & approbatam religionem, fiat vere professus, & religiosus iuxta gloss. notab. & recep. in clem. eos. verbo religione. de regular. etiam si modus viuendi, quem professus est, sit approbatus à sancta sede Apostolica pro bono modo viuendi, modo nõ sit approbatus pro vera religione, iuxta gloss. celeb. & recep. clem. cum ex eo. verbo, tertio. de sent. excomm. Tum quia hac eadem ratione iudicandus est liber D. consulens à religione, secundum illos qui dicerent præfat. cap. 15. ideo non habere locum in religionibus militaribus, quod non sunt veræ religiones; & quod sua religio est militaris; quia impossibile est aliquem fieri verum religiosum per professionem religionis, quæ non sit vera religio, & approbata pro tali à sede Apostolica secundum prædictas gloss. & sententiam Panor. & omnium receptissimam in rub. de regular. & in cap. ecclesia S. Mariæ. de constit.
- 8 Non obstat secundo, quod præfatus D. consulens videtur approbasse præfatam suam professionem persistendo tanto tempore in præfata religione: quia huiusmodi professio nulla non ratificatur, nec fit valida ex eo, quod professus maneat in religione, quam est professus: sed oportet, vt sciat illam esse nullam, & animo approbandi & ratificandi eam persistat, vt singulariter declarauit Caiet. sup. 2. 2. S. Thom. quæst. 189. art. 5. quem piget non allegasse in Man. confess. hætenus edito cap. 12. num. 32. vbi tamen

tamen citabitur Deo annuente in proxima editione.

- 9 Non obstat tertio, quod D. consulens gestauit habitum indistinctum ab habitu nouitiorum per annum, & ultra; & quod per gestationem habitus indistincti annalem inducitur professio tacita, cap. ex parte. de regularib. & cap. 1. eodem tit. lib. 6. quæ in hoc etiam nos citamus in d. comment. de regularib. super cap. statuimus. num. 73. non inquam hoc obstat quia illud est verum, quando gestatio illa fit ante professionem expressam, non autem quando gestatur post illam expresse factam, ut gestauit D. consulens, qui statim post habitum susceptum emisit professionem expressam; is vero non potest dici tacite professus. Tum quod nemo concedit, eos qui post professionem expresse factam gestant habitum per annum, tacite profiteri, & ita esse bis professos, expresse, & tacite, quod nemo unquam dixit. Tum quod ratio quare per gestationem habitus annalem præsumitur tacite fieri professio, est, quia gestans habitum præsumitur habere animum profiteri tempore debito, finito anno nouitiatus. At qui gestat habitum post professionem expresse factam non præsumitur habere animum profiteri in fine anni nouitiatus; quia iam expresse fecit eam, & gestat habitum tamquam professus, & non tamquam professurus. Tum quia si quis fecit vnum actum expresse, frustra facit iterum illum expresse, quanto magis si faceret tacite? Vnde qui aliquid stipulatur semel, frustra iterum idem stipulatur, l. qui bis idem. ff. de verb. oblig. etiam si ex intervallo secunda vice stipuletur, ut communis ibi concludit: & qui semel legat aliquid, frustra iterum idem legat, l. cum quæstio. §. fin. C. de leg. & qui semel mandat aliquid, frustra iterum idem mandat, l. licet. §. ea obligatio. ff. de procurat. adiuncta gloss. faciunt etiam alia, quæ Iason, & alij congerunt in d. l. qui bis idem. & ita qui dicit appello, appello, appello, semel tantum appellat, gloss. in cap. Lotharius. §. 1. quæst. 2. & in cap. sua nobis. de appellat. à Panormit. & ab alijs recepta.

- 10 Non obstat quarto, quod nouitius faciens actum ad professum tantum pertinentem, videtur profiteri, cap. vidua. de regularib. Tum quia illud est verum, quando prius non fecit professionem expresse, per proxime ad obstatulum tertium dicta; & D. consulens statim post habitum susceptum professionem emisit, ut prædictum est. Tum quia illud est verum in eo, qui accipit habitum professorum distinctum ab habitu nouitiorum, qualis non erat in dicto monasterio, ut declarat Panorm. in d. cap. vidua. & nos in d. Commen de regularibus vbi supra. Tum quod illud non procedit in eo qui nescit per huiusmodi exercitium actus professionem induci, ut Innoc. receptus dicit in d. cap. vidua. At D. consulens nesciebat illud, ut in facto proponitur. Tum quod illud non est verum post præfatum Concil. Triden. quod annihilat professionem ante finem anni nouitiatus factam. Circa hanc primam quæstionem vide Conf. 34. de reg.

- 11 AD SECVNDAM, nempe an tuta conscientia possit ducere uxorem, respondeo quod sic, nisi aliud canonicum impedimentum obstat. Tum quia professio facta eo modo, quo hæc, nullum inducit effectum, neque ullam obligationem, ut habet prædictum Concil. Trid. in d. cap. 15. adeo quod

quod neque professum facit religiosum in genere, idest obligatum ad intrandum aliquam religionem, sicut ante præfatum Concil. obligabat, iuxta cap. non solum. de regul. lib. 6. Tum quia scandalum quod daretur aliquibus pro huiusmodi coniugio non esset pusillorum scandalum, à quo Matth. 18. dicitur esse cauendum, sed Phariseorum, à quo Matth. 15. dicitur non esse cauendum, quia *caci sunt, & duces cecorum*, vt ibidem dicitur, & est doctrina S. Thom. ab omnibus recepta 2.2. q. 43. art. 2. penult. & vlt. Tum quia licet à principio quo ad aliquos esset scandalum pusillorum, eo quod bona fide crederent prædictum D. consulentem esse verum professum aliqua ratione, quæ sibi appareret bona: potest tamen facile fieri, vt desinat esse scādalum pusillorum, & incipiat esse scandalum Phariseorum, monendo illos falli, reddendo rationem veram & iustam, qua sua ostendatur esse tantum apparens & falsa: & qui post huiusmodi rationem sibi mōstratam noluerit acquiescere, scandalum patietur Phariseorum, non pusillorum, vt eleganter S. Thom. ab omnibus receptus definit vbi supra 12 art. penult. & vlt. concludens neminem teneri ad relinquenda bona spiritalia, neque temporalia propter scandalum proximi, quod patitur, eo quod non acquiescit rationi & monitioni probabili sibi redditæ pro quo est illud venerabilis Bedæ: *Vtilius est scandalum nasci, quam quod veritas relinquitur*. cap. qui scandalizauerit. de reg. iur. cuius gloss. & Panormit. & aliorum dicta in prædicta sunt resoluenda. Ex quibus etiam colligitur verus intellectus cap. 2. de nou. oper. nunc. quatenus habet, pro vitādo scandalo relinquenda esse illa, quæ sine peccato mortali relinqui possunt; intelligendum enim est de scandalo pusillorum & infirmorum, non autem de scandalo Phariseorum & malignorum; non enim tenetur quis pati rapinam, furtum, & vsurpationē iniustam suorum bonorū, eo quod raptor, fur, & vsurpator scandalizetur per repetitionem à se coram iudice competente petitam, & vsque ad sententiam exercitam: quia id esset præbere occasionem rapinis, furtis, & vsurpationibus, vt ex S. Gregorio allegato à S. Thoma in dicto art. vlt. colligitur, & ex praxi totius ecclesiæ Christianæ, quæ sancte permittit dominos & creditores sua bona & debita à suis detentoribus & occupatoribus repetere. & sic D. consulens licet posset absque peccato vitam cælibem ducere, non tamen tenetur id agere propter scandalum eorum, qui probabili ratione sibi reddita in sua pertinacia persistunt. Salua quæ iustior fuerit sententia.

Circa tamen conclusionem positam sub num. 4. contrarium censuit sacra Congregatio, vt refertur, quo ad annum nouitiatus.

S V M M A R I V M.

- 1 Matrimonium consensum liberum requirit, & metu etiam reuerentiali fit nullum, num. 4. si sit nimius, num. 7. & causa sine qua non. num. 9.
- 2 Papa defectum consensus iure nature requisiti supplere nequit.
- 3 Metus in fœmina minor, quam in viro, sufficit: & quis sit iustus, arbitratur in foro exteriori iudex. & num. 8.
- 4 Metus, qui professionem annullat, annullat & matrimonium.

S. Curator

- 8 Curator vt pater honorari debet: unde & metus ab ipso illatus vitiat, vt illatus a patre. num. 3. & 4.
- 6 Metus verecundiae proficiscens ex sola praesentia patris, matrimonium non annullat; nimis autem reuerentiae, quae fuit causa vt alias non consensura consenseris, annullat. num. 7. 9. & 10.
- 10 Metus, qui facit alios actus rescissibiles, annullat matrimonium.
- 20 Reuerentia patris, causa consensus filiae alias non consensura, ideo annullat matrimonium, & alios contractus rescindit, quia tollit necessariam libertatem consensuendi. & num. 11.

CONSILIUM X.

- Q**VAEDAM puella diues sub curatoris potestate constituta, metu & reuerentia ipsius curatoris per se & alios illa incurientis, sponsalia cum quodam iuvene, & successiue matrimonium contraxit; sed antequam contraheret, lacrymans matri suae dixit se coacte illa contrahere, & post contracta sponsalia, antequam contraheret matrimonium, frequenter coram familiaribus suis idem repetijt, nimirum se nullatenus velle contrahere cum illo: immo & expresse protestata fuit coram notario & testibus, quod si contingeret illam dicere aliqua verba, quibus significasset se consentire; dicturam illa contra mentem & voluntatem suam ob metum & reuerentiam sui curatoris, & aliorum eiusdem curatoris amicorum. Queritur an valeat matrimonium.
- 1 Respondeo primo, sententiam quorundam virorum mihi offensam procubio esse verissimam, scilicet matrimonium praefatum esse nullum. Tum quia matrimonium non potest consistere sine consensu, cap. sufficiat. 27. q. 2. & l. nuptias. ff. de reg. iur. & in facto quaestioni proponitur praefatam D. puellam consulentem numquam praefato matrimonio consensisse. Tum quia non omnis consensus sufficit ad conficiendum matrimonium; sed requiritur vt sit liber, & nullatenus coactus, cap. cum locum. de sponsalibus. & gloss. solemn. ab omnibus recepta in cap. notificasti. 33. q. 5. & in facto narratur consensum illum qualem qualem, qui exterius fuit praestitus, fuisse praestitum per metum & violentiam. Tum quia etiam Papa, sua, quae summa est, potestate absoluta non potest supplere defectum consensus requisiti iure naturali & diuino, vt tradit Panormit. in cap. per venerabilem. nu. 21. qui filij sint legit. & probatur, quia non potest ipse iuri naturali & diuino derogare, cap. sunt quidam. 25. q. 1.
- 3 Quibus addo primo, quod ad iudicandum matrimonium praefatum esse nullum in foro exteriori, non requiritur vt interueniat metus tam iniustus, quam requiritur in viris: quia minor sufficit in femina, iuxta gloss. memorabilem in d. cap. cum locum. Addo secundo, quod nos altius quam vllus alius in Man. confessi. cap. 21. nu. 50. & 51. reiecta definitione iusti timoris comuniter recepta, quo ad forum exterius diximus hoc arbitrio iudicis relinquendum esse, iuxta glo. notab. & comm. recep. cap. cum dilectus de ijs quae vi. Tercio, quod ad arbitrandum in hoc casu interuenisse tale, facit multum, quod praefata D. consulens est puella & orphana sub curatore constituta.

- stituta, & quod ipse curator illum timorem incutiebat, & mediatores addebantur ad incutiendum illum, ut volens nolens consentiret. Adde quarto, quod ad idem facit multum glossa sing. cap. præsens. 20. q. 3. quatenus habet solum metum reuerentiale, quem habet filia in patrem, sufficere ad iudicandam professionem religionis ab ea factam non valere: & cum idem timor, qui sufficit ad inuolidandam professionem religionis, sufficiat ad inuolidandum matrimonium, arg. gloss. notab. recep. in cap. 2. de elect. consequens est suffecturum in hoc casu probare metum reuerentialem interuenisse. Quem arbitror facile probatum iri, cum is, qui urgebat eam ad præfatam matrimonium, esset, ut dictum est, curator ipsius, quem tenebatur illi ut patrem reuereri, per ea quæ post alios nos tradimus in præfato Man. cap. 14. nu. 3. Adde quinto, quod ad idem faciunt alia quedam, quæ in præfato cap. 22. num. 50. & 51. in hoc citauimus.
6. Hæc de re bis consultus, bis idem respondi; nempe præfatam puellam non esse uxorem præfati adolescentis in foro conscientie, nec in exteriori; & iudicem eruditum, & rectum, coram quo causa hæc tractata fuerit, iudicaturum, illam non esse censendam uxorem eius, si omnia, quæ proponuntur in facto, probata fuerint, per ea quæ nos in altero responso iam citauimus.
- Nunc tertio super eadem re interrogatus respondeo idem. Nec obstat, quod quidam dicunt. Prætorium istud celeberrimum, & eruditissimum, iuxta ac æquissimum Reuerendiss. Dominorum Rotæ iudicasse metum & paternam reuerentiam non sufficere: ad annullandum matrimonium. Tum quia id verum est de metu & verecundia paternali, quam sola presentia patris inducit, ut clare probat text. in cap. 1. §. porro. de despons. impub. lib. 6. & præter alios adnotauit Panorm. in cap. nonne, de præsump. quod commendauit Felin. ibidem num. 22. & in cap. cum omnes, de constit. nos autem loquimur de tali reuerentia paternali, quæ inducit metum, & quæ causa fuit ut consentiret filia, vel filius, aliis non consensura, vel consensurus: quandoquidem præsupponitur præfatam puellam noluisse contrahere cum præfato adolescente sponsalia, & cum lacrymis id dixisse matri suæ, & post contracta sponsalia antequam contraheret matrimonium frequenter id dixisse ante familiares suos, se nulloatenus velle contrahere cum illo; immo & expresse protestatam fuisse coram notario, & testibus, quod si contingeret illam dicere aliqua verba, quibus significaret talem consensum, dicturam ea contra mentem & voluntatem suam propter metum & reuerentiam sui curatoris, & aliorum illius amicorum vel familiarium. Tum quia hæc significant verba legis primæ, s. quæ oneranda, si quarum rerum actio non datur tibi: in hoc causa cognita, si liquido appareat libentem metu solo, vel nimia patris reuerentia ita se subiicisse, ut vel potius quadam stipulatione se subiicere. Per quæ significatur, quod non solum annullatur actus factus coram eo, cui debetur reuerentia, ut patri, vel patrono, eo tempore quod dat libertatem: sed etiam si fiat postea, dummodo causa cognita appareat, quod propter metum, vel nimiam reuerentiam non consenti, pondo tanta est, cum illa diffinitio, metum,

tum, vel nimiam reuerentiam: cum ad veritatem alternatiue altera pars sufficiat, cap. in alternatiuis. de reg. iur. lib. 6.

8 Primo quidem, quod cum, vt nos confutata irrefragabiliter definitio-
ne iusti metus communiter recepta in Manua. conseli. cap. 22. animi. y. in
concludimus, arbitrio iudicis relinquendum sit, quis metus dicatur in-
stus, iuxta gloss. memorabilem, & communiter receptam in cap. eam di-
lectus. quod metus causa, videtur nobis, salua iustiore sententia, quod
vir bonus, prudens, & doctus, coram quo omnia predicta probata fuerint,
debet arbitrari prefatum matrimonium fuisse factum metu & reueren-
tia iustis ad annullandum matrimonium.

9 Secundo, quod quicquid dicant aliqui, sufficit ad annullandum matri-
monium sola nimia reuerentia paterna, ob quam contractum fuit ab ea
quae non erat alias contractura, per l. i. §. quae oneranda. ff. quarum re-
rum actio non datur: quatenus probat, id quod promissit libertus causa
oneranda libertatis propter nimiam reuerentiam, esse rescindendum.
Non obstat, quod textus habet, propter metum, vel nimiam reuerentiam: quia
non habet copulatiue propter metum, & nimiam reuerentiam, sed propter me-
tum, vel nimiam reuerentiam, alternatiue: ad cuius veritatem sufficit alte-
ram partem esse veram, vt supra dictum est. Nec obstat item, quod
text. loquitur de promissione liberti propter nimiam reuerentiam pa-
trono factam. Quoniam hic textus extenditur ad mulierem contrahen-
tem matrimonium ob nimiam reuerentiam patris, & ad clericum renun-
ciantem beneficium ob nimiam reuerentiam Episcopi, vt ait gloss. in di-

10 cto §. quae oneranda. verbo metu. Nec obstat etiam, quod non ait promissi-
onem liberti esse nullam, sed rescindendam; quia regulariter actus me-
ticulosi, & ob reuerentiam facti, non sunt ipso iure nulli, sed actione quod
metus causa rescindendi, iuxta gloss. magnam & celebrem in cap. abbas.
de ijs quae vi. receptam fere per omnes, excepto Fortunio, & alijs paucis
de vlti. in illat. 27. qui dixerunt ipsos ipso iure nullos. Non inquam hoc
obstat: quia omnis metus, qui facit contractus alios rescissione dignos,
facit matrimonium ipso iure nullum, secundum sententiam receptam in
dicta gloss. & vbique. Non obstat etiam, quod ait, causa cognita. quia non
omnis reuerentia rescindit actum, videlicet rescissione dignum facit; sed
illa ob quam fit actus, qui alioqui non fieret, & ita hoc est probandum, per
ea quae adducit Felin. in cap. nonne. de praesump. nu. 22. Non enim, vt ibi
notabiliter ait Panormit. omnis praesentia patris, quam constat aliquam
reuerentiam inducere in filium, sufficit ad rescindendum vel annullan-
dum actum, sed illa, ob quam fit, qui alioqui nullatenus fieret: quod ip-
sum ait etiam Felin. licet non ita late in cap. cum omnes. num. 12. de con-
stitut. & alij alibi, quos ille citat vtroque, & additio Bartoli in dicto §.
quae oneranda & probat optime cap. i. §. porro. de despons. impub. lib. 6.

11 Tertio probatur, quod ratio tota, quare metus & reuerentia annullant
actum matrimonij, & alios actus faciunt rescissibiles, est, quod tollunt
consensum, videlicet libertatem consentiendi necessariam ad actus va-
lorem, videlicet firmitatem: & omnis reuerentia quae operatur tantum,
quod

quod illa non interueniente non fieret actus, tollit consensum, videlicet efficit illum adeo coactum & inefficacem, quod non valet, vel est inuandus: ergo sola illa si probetur sufficit ad rescindendum, videlicet annihilandum actum, argum. l. abigere. §. quamuis. ff. de iur. patr. & cap. meminimus. & cap. suggestum. & eorum quæ ibi adnotauit Panormit. de lege extendente se, vel astringente catenus, quatenus ratio eius se extendit vel astringit. de appellat.

DE IN INTEGRVM RESTITVTIONE.

S V M M A R I V M.

- *Impedito, cum restituitur aduersus lapsum temporis, datur tempus à lege statutum, alioquin illud solum in quo fuit impeditus.*
- *Parochus ad sumendos ordines in fine anni impeditus restituitur non ad alterum annum, ut appellans, sed ad tempus in quo fuit impeditus.*

C O N S I L I V M I.

AN COMMENDATARIO ecclesiæ regularis curatæ in quadrimestri ultimo anni, intra quem tenebatur promoueri, legitime impedito, detur quo ad vtrumque forum alius integer annus ad promouendum, cessante præfato impedimento, vel tantum complementum partis anni, in qua legitime impeditus fuit?

- Respondetur, quod multa possent induci ad suadendum quod detur annus integer legitime impedito, ex his quæ habentur per omnes in cap. ex ratione, de appellat. & in cap. si electio. & in cap. si ex eo. de electio. lib. 6. & ex alijs locis per doctores citatis in eis. Sed verius videtur dandum esse ipsi tantum temporis, quanto fuit impeditus, argumento cap. i. de restit. in integr. cum ei adnota. & quia iura, quæ contra hoc possunt allegari, loquuntur, quando per legem statuitur, & determinatur tempus, ad quod quis restituendus est propter impedimentum, nos autem loquimur de restitutione impediti ad tempus non determinatum à lege, sed determinandum ab homine, quod videtur esse metiendum per tempus impedimenti, ratione cuius illud restituitur. Salua maturiore sententiâ, quam nunc non vacat latius discutere.

DE ARBITRIS.

S V M M A R I V M.

- *Arbiter electus, ut iudicet in conscientia inter actorem & reum, debet probationibus illam fidem adhibere, quam adhibuisset index fori exterioris: unde actori, etiam aliqui fide digno, non desert iuramentum, nisi pro illa parte, quam semperlene probauerit.*

CON-

CONSILIUM I.

TITIVS dicit, se olim sexdecim in circa annis præteritis mutuo dedisse Sempronio vigintiquinque aureos, nulla interveniente scriptura; id quod tamen Socrates Sempronij affinis scire potuit. Sempronius negat se hanc pecuniam accepisse; ductus tamen quibusdam persuasionibus vna cum Titio, arbitrum sacerdotem constituunt ambo, qui in conscientia tantum iudicet (quicquid sit de foro exteriori) an Titius possit tuta conscientia hanc pecuniam petere, & Sempronius etiam in conscientia teneatur restituere. Arbitr Socratem medio iuramento ad instantiam Titij interrogat; qui respondit se optime recordari olim nomine Sempronij in quadam necessitate constituti accessisse Titium in propriam Socratis domum, vbi Sempronius erat; quo in loco postquam in quodam camerino in sero multa verba inter se habuerunt, proprijs oculis vidit Titium exbursare quamdam pecuniæ summam, sed sibi incertam aureorum Sempronio: cui Titio discedenti, & domum revertenti dixit Sempronius: *Così vogliono esser, come Titio, gli amici, quando a i bisogni sono aiutati.* cui Titius urbane respondit. Huic attestationi proprium iusiurandum addit Titius, quo iurat se olim mutuo dedisse prædictam summam prædicto Sempronio, & numquam sibi restitutam fuisse. Nunc quaerit arbiter, an ductus prædictis, & bona Titij fama, qui & nullius eget (est enim dives) debeat in conscientia Sempronium restringere ad solutionem.

Respondeo primo, quod quaestio hæc difficilis est: leges enim, & canones, vnde haurienda est eius decisio, valde torquent eorum interpretum ingenia, vt videre est in comment. l. in bonæ fidei. C. de reb. cred. & in cap. fin. de iureiur. & in l. admonendi. ff. eod. & in cap. fin. lib. 6. Nam præter ea, quæ iura disponunt, oportet scire qualitates bonas, & malas Titij, & Sempronij, ad sciendum, vtri eorum debeat iuramentum deferre. Secundo tantam difficultatem habet in foro conscientiae, quantum in exteriori: quia tota difficultas consistit in arbitrando, an Titio, an vero Sempronio sit deferendum iuramentum. Tertio, secundum opinionem mihi veriore, & receptiorem Bart. Panorm. & aliorum multorum, iuramentum hoc casu non debet deferri Titio quo ad omnes vigintiquinque aureos: quia Titius est actor, & Sempronius reus; & Titius non probat simpliciter quo ad vigintiquinque: & ad actorem numquam est deferendum iuramentum in supplementum probationis, nisi post semiplenam probationem, quæ requirit vnum testem integrum, qualem non habet Titius quo ad vigintiquinque, licet habeat quo ad aliquos. Quarto, quod potest arbiter condemnare Sempronium ad soluendos illos, siue tot aureos, quos, vel quot Socrates iurauerit vidisse mutuari, quia quo ad illos habet semiplenam probationem, & est æque bonæ, aut melioris qualitatatis, quam Sempronius. Quinto, quod posset prædictus arbiter cogere Sempronium ad soluendum tot, quot Socrates iurauerit

se vidisse mutuari ei, & cogere ad iurandum quod non recepit plures: quia licet actori non posset deferre iuramentum in supplementum probationis, nisi quo ad semiplenam probationem, posset tamen reo deferre iuramentum purgationis, data præsumptione aliqua notabili contra eum, qualis potest satis iudicari quod in casu proposito inuenitur. Salua, &c.

Finis Libri Primi.



CON-



CONSILIORVM,

SIVE RESPONSORVM

MARTINI AB AZPILCVETA

DOCTORIS NAVARRI

Liber Secundus.

DE IVDICIIS.

SVMMARIVM.

- 1 Sodomia cum propria vxore minus delictum est, quam cum alia persona commissas
estque mixti fori.
- 2 Mixti fori crimine laicum ab ecclesiastico canonica pœna punitum potest secularis
faculari pœna punire: vnde ecclesiasticus nec debet reum curia seculari
tradere, nec inbibere ne puniat.

CONSILIUM I.



AN VICARIVS Episc. possit tradere curiæ sæculari laicū
confessum tantū per tormenta crimen sodomie cum sua
propria vxore admissum, absque timore irregularitatis
contrahendę per mortem à seculari iudice inferendam?

- 1 Respondeo, quod putarem, si vicarius essem, id mihi
non fore licitum, neque decens. Tum quia crimen præ-
fatum cum vxore propria admissum paulo minus vide-
tur, quam cōmissum cum alia persona. Tum quia non probatur alio mo-
do, quam confessione per tormenta exacta: quæ probatio est minus legiti-
ma. Tum quia, vt arbitror, proceditur via inquisitionis, per quā iure Pon-
tificio regulariter non punitur inquisitus pœna ordinaria rigorosa. Tum
- 2 quia non est necessaria traditio facienda curiæ sæculari, cum ille sit laicus,
& crimen est mixti fori, & iudex laicus potest eum punire laice, quāuis pu-
niatur à vicario canonice, arg. cap. felicitis. 6. præmissis. de pœnis lib. 6. per
quem Panor. in cap. tuę. de procuratorib. col. penul. & Fel. cum alijs citatis

X 2

ab eo

ab eo in cap. de ijs. fal. i. de accusat. tradunt, punitū ab ecclesiastico iudice pœna canonica pœnitētiāli, posse iterum puniri per iudicē sēcularem pœna sēculari, si crimen est mixti fori. Tum quia vicarius facit officio suo satis, castigando eum canonicè exilio aliquo iusto, & alijs pœnis pœnitentialibus, & soluendo illū à vinculis sine aliqua traditione processus probationum coram se factarum, non inhibito, neque requisito iudice sēculari, qui suo arbitrio faciat quod ei iustius videtur. Salua, &c.

S V M M A R I V M.

- 1 *Episcopus cum verbaliter a se depositis dispensare valet, modo non fuerit facta ob crimen maius adulterio.*

CONSILIVM II.

- 1 **R**ESOLVTIO est, Episcopū posse dispensare cum verbaliter à se deposito, vt tenent Panor. Felin. Decius, & cōmunis in cap. at si clerici. §. de adulterijs. de iudic. maxime si in sententia sua, vel vicarij sui hoc faciendi potestas fuerit sibi reseruata: quod certissimum est, cum depositio facta fuit ob adulteriū, vel alia crimina eo minora, vel saltē non maiora: si autē depositio fuisset facta ob hāresim vel alia crimina, videtur non posse.

S V M M A R I V M.

- 1 *Dispensare potest Episcopus cum deposito à se per sententiam verbaliter ob crimen, super quo potest dispensare.*
- 2 *Episcopus dispensat in criminibus adulterio minoribus.*
- 2 *Incestus cum matre, & filia carnali, crimen maius adulterio, secus si sit perpetratus in gradu remotiori, vel cum cognata spiritali.*
- 3 *Dispensare potest Episcopus super incestu etiam maiore adulterio, quia hoc expresso iure ei conceditur.*
- 3 *Incestus spiritalis non est proprie incestus.*

CONSILIVM III.

- Q**UOD Episcopus possit dispensare super sententia sua, & restituere depositum per illam ob incestum spiritualem, ad suos ordines, facit primo, quod Episcopus potest dispēfare cum deposito à se verbaliter tantum ob crimina, in quibus licet ei dispensare, cap. at si clerici. §. de adulterijs. de iudic. secundum Specu. tit. de accusat. nu. 4. & Panorm. in d. §. de adulterijs. quem Fel. & Decius ibi sequuntur per iura ab eis citata, respondentes Aretino contra tenenti.
- 2 Secundo, quod Episcopus potest dispensare in minoribus criminibus adulterio; & licet incestus verus cū matre, & filia carnali, sit maius crimē, quam adulteriū, cap. adulterij malū. 32. q. 1. alius tamen incestus in remotiori gradu, vel cum cognata spiritali non videtur esse tam grandis, sicut adulterium, argu. l. si adulterium. §. 1. ff. ad l. Iuliam de adult. & eorum, quæ subtiliter dicit vterque Tho. in 2.2. q. 154. art. 9. ad 3. quicquid gloss. dixerit in d. §. de adulterijs. & doctores ibi parum differentiam aduertentes.

Tertio

3 Tertio, quod est sententia Ioan. And. quam sequitur Panorm. in d. 9. de adulterijs. num. 10. & Fel. Dec. & communis habet, posse Episcopum in incestu etiam maiori adulterio dispensare. Tum per cap. virginem. & cap. si quæ virgo. & cap. si quis sacro. 27. q. 1. Tum quod licet Episcopus non possit regulariter dispensare in criminibus maioribus adulterio, potest tamen, quando expresse id ei iure conceditur, ut conceditur in incestu per prædicta iura.

Quarto id probatur, eo quod incestus spiritualis non est proprie incestus, quia sola consanguineorum & affinium coniunctio est proprie talis. 36. q. 1. cap. 1. & tradit pulchre Caiet. in d. ar. 9. in respon. ad 2. dicens, copulā cum cognata spirituali, non proprie, sed metaphoricis dici incestū. & ita esto incestus carnalis sit crimen maius adulterio, metaphoricus tamen nō est talis. Quare sine dubio poterit Episcopus in eo dispensare. Salua, &c.

S V M M A R I V M.

- 1 Dispensatio matrimonialis obtenta in foro conscientie tantum, etiam si de ea fiat fides, tamen non prodest quo ad effectus fori exterioris, in quo constat de impedimento. num. 7.
- 1 Iudex iudicare debet secundum veritatem illam quam nouerit ut iudex illius fori in quo iudicat. num. 10.
- 1 Actus valor à potestate & voluntate facientis pendet.
- 2 Contradictoria nec esse, nec iudicari possunt simul vera; at quod aliqua sint valida quo ad quid, & inualida quo ad aliud, contradictorium non est. num. 11.
- 3 Sacramentum etsi à futura approbatione vel reprobatione Papæ, nec aliter à futuro euentu potest pendere, sed statim valet, vel non valet, & num. 11. potest tamen ab eo statui, ut idem iudicetur validum in vno foro, & non in alio, nu. 9. vel quod iudicetur tale in vno foro, & non in alio. num. 11.
- 3 Matrimonium, sicut & alia sacramenta, non potest pendere, sed statim valet, vel non; & si non valuit, non potest à futuro euentu incipere valere: sicut & si valuit, non potest ob futurum euentum effici ne valuerit.
- 4 Iudex secundum eandem conscientiam contraria iudicare nequit. nu. 12.
- 5 Literæ Pœnitentiariæ quo ad forum contentiosum non suffragantur. nu. 12. & 13.
- 7 Dispensatio limitata quo ad forum interius & illius effectus, ad exterius & illius effectus non extenditur.
- 8 Absolutus quo ad forum interius tantum, non est quo ad exterius, siue illius effectus, absolutus.
- 9 Contradictoria ut aliqua dicantur, oportet ut respectu eiusdem rei & qualitatis sint opposita.
- 13 Papa potest statuere, immo iam per iura statutum est, ut iudex per quamdam probationem credere, & iudicare possit aliquid quo ad vnum effectum, & non quo ad alium, seu in vno foro, & non in alio.

C O N S I L I V M I V.

FACULTAS dispensandi cum ijs, qui publice, & bona fide in tertio, & ulteriore gradu matrimonium contraxerunt, in foro tantum conscientie.

tiz, cum sit per bullam cruciatæ commissario concessa, & in eo foro commissarius dispensauerit. Quæritur, si de impedimento in foro exteriori constet, & de prædicta dispensatione, an iudex fori externi debeat secundum conscientiam & veritatem iudicare matrimonium validum.

- 1 Respondeo, quod pro parte affirmatiua huius dubij facit primo, quod iudex debet iudicare secundum rei veritatem, & non secundum falsitatem fucatā, iuxta illud Esaia 11. *secundum iustitiam*, supple verā, idest non fucatam, *iudicabit*, at vere prædictum matrimoniū valuit coram Deo, ergo debet iudicari validum. Secundo, quod potestas & voluntas concurrētes in aliquē actum, faciunt illum validum, cap. cum super. cum ei adnot. de off. deleg. & in casu illæ videntur concurrisse in dispensatione: quippe qui habebat facultatem Papæ ad id faciendum concessam, voluit dispensare, &
- 2 actu dispensauit; ergo &c. Tercio, q̄ duo cōtradictoria nō possunt esse, nec iudicari simul vera, l. vbi repugnantia. ff. de reg. iur. & cap. si enim. de pœnit. distin. 2. & consequenter matrimonium prædictum non potest dici, nec iudicari validum, & non validum; at dicendum est esse, & vere iudicari validum; quia est validum in foro conscientie secundum vtramque partem; ergo validum est, argum. à toto ad partem, quod valet secundum dialecticos, & Bald. in l. conuenticula. C. de episcopis & cler. Quarto, quod sacramentum non potest pendere à futuro euentu, nec futura ratificatione, vel reprobatione etiam Papæ, vt tradit Paludanus, quem nos munimus, & sequimur in cap. placuit. de pœnit. dist. 6. à num. 102. nam licet Papa possit efficere, vt facta virtute suæ legis habeantur pro infectis etiam ex tunc, iuxta clem. 1. adiuncta gloss. sing. verbo infectis. de immuni. eccles. non tamen potest efficere, vt id quod vere est, vel fuit sacramentum, habeatur pro non tali, & infecto, arg. cap. degradatio, cum gloss. & eis adnot. de pœnis lib. 6. cum iure diuino subsistat, & Papa illud annihilare nequeat, cap. sunt quidam. 25. q. 1. & consequenter hoc prædictum matrimonium, quod à primo valuit, non potuit desinere valere ob futurum euentum mortis mariti, nec contradictionis vxoris, nec Papa potuit
- 4 efficere ne valuerit, vel ne valeat. Quinto, quod licet iudex posset iudicare vnum secundū conscientiam, quam habet vt priuata persona, & cōtrarium secundum conscientiam quam habet vt publica, non tamen potest secundum eandem conscientiam iudicare contraria, secundum omnes. At iudex huius causæ, visis eius actis, debet iudicare hoc matrimonium esse validum quo ad forum cōscientiæ, etiam secundū conscientiam quam habet vt iudex & publica persona: ergo non potest iudicare illud esse inualidum, tamquam iudex, secundum eandem conscientiam; nam qua ratione conscientia priuata non potest dictare duo contraria, eadem non poterit etiam publica, arg. l. vbi repugnantia. ff. de reg. iur. Sexto, quod
- 5 cum sequēti vnum est maximum argumentum, quod pro hac parte afferri potest, quod licet remitti possit pœna, & dari absolutio, & fieri dispensatio quo ad forum cōscientiæ tantum, ita quod non prosint, nec noceant quo ad cōtētiōsum, donec sciantur in illo; videtur tamen, quod non possint illæ dari, vel fieri quo ad hoc, vt non operētur effectum in foro cōtētiōso,

- cioso, posteaquam scitæ fuerint in eo. Pro quo facit antiquus stylus Penitentiariæ, de quo Sarnensis in regula de non iudicando iuxta formam supplicationis, q. 14. litera B. testatur; secundum quem stylum, literæ, in quibus committebatur absolutio, vel dispensatio quo ad forum conscientie tantum, dirigebantur confessarijs clausæ, & sigillo munitæ, sicut & nunc diriguntur; & præterea in eis apponebatur clausula, ut id fieret sine testibus, & confecto actu laniarentur, siue rumperentur literæ: quod non alia ratione videtur fieri solitum, quam ne probatione postea facta per illas operarentur etiam effectum in foro exteriori, & contentioso. & cum in casu proposito constet iudici, quatenus iudex est, de dispensatione prædicta in foro conscientie, debet iudicare prædictum matrimonium valuisse.
- 6 Septimo, quod videtur non posse fieri etiam à Papa, ut matrimonium, de quo in utroque foro constat esse legitimū iudici tamquā iudici, non debeat iudicari verum, & legitimū quo ad utrumque forū: quia una & eadē conscientia, quæ per unam & eandem scientiā publicam ducitur, nō videtur posse contraria dictare, cum una & eadē res uno & eodem iure censenda sit, cap. cognouimus. 12. q. 2. & l. eū qui. ff. de usucap. At in casu proposito constat iudici ut iudici de prædicto matrimonio quo ad utrūq. forū; ergo.
- 7 Non obstantibus tamen ijs, videtur dubium positum negative esse resolvendum, scilicet, quod non adsit talis dispensatio, quæ ad effectum, de quo agitur, suffragetur ad validitatem matrimonij: quia effectus, de quo agitur, pertinet ad forum exterius, & contentiosum, ut palam est, & dispensatio prædicta nullatenus validavit matrimonium, de quo agitur, quo ad forū exterius, & contentiosum. Primo, quia limitata causa limitatū producit effectū, l. in agris. ff. de acquir. rer. domi. & tam facultas dispensandi commissarijs concessa cruciatæ, quam dispensatio facta per illos super impedimēto prædicti matrimonij, fuit limitata quo ad effectus fori conscientie dumtaxat; ergo non valet quo ad forum contentiosum. Secundo, quia actus agentium non operantur ultra intentionē eorum, l. non omnis. ff. de reb. cred. At tam Papa faciens facultatem dispensandi, quam commissarij eius dispensantes per facultatem prædictam cruciatæ expresse restrinxerunt eam quo ad effectus fori interioris, & conscientie tantum; ergo actus eorum non possunt operari, neque prodesse quo ad alios. Tertio, ea quæ sunt iudicanda valida quo ad alterum forum dumtaxat, non debent iudicari valida quo ad utrumque. Tum per cap. de his. iuncta gloss. recept. de accusat. quatenus habet, absolutum quo ad forum conscientie tantum, non esse absolutum quo ad forum exterius: quam communiter receptam sequitur Io. ab Anania cap. dicto de his. col. 1. Tum quod iudex, qui scit reum coram se accusatum fecisse delictum, de quo accusatur, si de illo coram eo legitime probetur innocens, debet eum absolvere quo ad forum contentiosum, & non quo ad forū conscientie; & e contrario, si scit eum non fecisse, & probetur nocens, debet condemnare, l. illicitas. 9. veritas. ff. de off. præsid. cap. iudicet. 1. q. 7. & tradit D. Tho. communiter recep. 2. 2. q. 60. art. 6. & clarius q. 67. art. 2. ubi profunde probat Caiet. sequutus alios multos DD. classicos. Tum quod sponsi de futuro, secuta copula

carnali, erāt iudicandi coniuges quo ad forum exterius ante Conc. Trid. per cap. is qui fidem. de sponsal. non tamen quo ad forū conscientię, nisi vxorio affectu eam habuissent. Tum quod contrahentes matrimoniū per verba de præsenti sine intentione contrahendi, iudicandi sunt in foro exteriori coniuges, non autē in interiori, cap. tua. cum ei annot. de spōsalib. Cum ergo constet dispensationem, de qua agitur, esse limitatam quo ad forum cōscientię tantum, non est iudicandū per eam matrimoniū esse validum in foro contentioso. Postremo, quod Papa potest statuere, concedere, vel dispensando efficere, quod aliquod matrimonium valeat quo ad forum conscientię, & non quo ad forum contentiosum: quia efficere quod aliquid valeat quo ad vnum forum, & non quo ad alterū, non est efficere quod vnum & idem vere valeat, & non vere valeat, sed quod sit iudicandum vere valere quo ad vnum forum, & non esse iudicandum vere valere quo ad alterum; quæ nullatenus sunt contradictoria; quia, vt aliqua sint talia, oportet vt sint opposita respectu eiusdē rei, vel qualitatis, secundum veram dialecticam, qualia non sunt hæc, vt palam est: sicuti non sunt contradictoria, Hic est idoneus ad vnum munus, & non ad aliud: nec illa, Hic est successor patris quo ad vnum, & non est quo ad aliud: nec illa, Papa absoluit hunc ad hunc effectum, & non absoluit eum ad alium: nec illa, Hic iudicat reum condemnandum secundum allegata & probata, & non iudicat eum condemnandum secundum conscientiam priuatam.

- 10 Non obstant opposita. Ad primū enim respōdetur ex mēte D. Tho. 2. 2. q. 67. art. 2. concedēdo quod iudex debet iudicare secundū veritatē, sed nō qualemcumque, sed tantum secundū illam quę sufficit ad iudicandū quod iudicare intendit, quā nouerit vt iudex. & in casu proposito iudex non nouit simpliciter veritatē prædicti matrimonij, sicut dicitur in responsione ad vltimum, & minus ad iudicandum illud esse verum quo ad fori contentiosi effectus; quia cōtrarium significat limitatio tam in facultate dispensandi, quam in ipsa dispensatione expressa.

Ad secundū concedimus actus valorē pendere à potestate & voluntate agētis, & Papam quidē habuisse & habere potestatē concedendi facultatē dispēfandi quo ad vtrumque forū; sed negamus voluisse eam facere commissarijs cruciatæ, item habuisse commissarios potestatem, & voluntatem id faciēdi; quia immo neutra eis fuit, vt ex facultate sibi cōcessa limitate, & ex dispensatione facta ab eisdem cum eadem limitatione palā constat.

- 11 Ad tertium concedimus non posse duo cōtradictoria simul esse, nec iudicari vera, & consequenter non posse dici, nec iudicari simpliciter matrimoniū prædictum esse validum, & non validum. Sed negamus primo prædictum matrimoniū posse iuste iudicari à iudice fori contentiosi validum etiam quo ad forum conscientię: quia in dicta responsione ad vltimum monstrabimus illud ei non probari; & ita cessat argumentum de toto ad partem. Negamus secundo illum iudicare contradictoria; quia iudicat aliquid esse validum quo ad quid, & quo ad quid non, vt probatum est in vltimo argumento pro parte negante formato: & consequēter iudicē posse iudicare sine vlla cōtradictione hoc matrimoniū non esse validū

quo

quod ad effectus fori contentiosi; licet esset validum quo ad effectus fori conscientiarum.

Ad quartum concedimus in eo assumpta, & consequenter quod matrimonium prædictum statim ab initio ita valuit, aut non valuit, ut Papa non potuerit efficere ne valeat, aut ne valuerit: sed negamus quod Papa non possit statuere, vel dispensando efficere, ut aliquod matrimonium, vel aliquod sacramentum, quod vere debet iudicari tale in vno foro, non debeat iudicari esse tale in alio foro; quia hoc nulli legi diuinæ repugnat, arg. cap. cuncta per mundum. 4. q. 3. cap. proposuit. de concess. præb. licet enim Papa non possit efficere ut confessio & absolutio sacramentalis iam legitime factæ non valeant; potest tamen efficere, ne in foro contentioso iudicentur validæ; immo iam effecit, per eadem iura iudicandum esse, quod illæ iam legitimæ à pœnitente, & parocho factæ, & mortuo parocho, iudicari debeant validæ in foro conscientiarum, non tamen iudicari debent tales in foro contentioso; quia non potest probari in illo eas fuisse factas, prout nec posset mortuo confessario, per quem solum poterant probari, iuxta glo. & ei annot. in cap. testimonium. de testib. Per eius item iura iudicandum est, quod excommunicatus absolutus in foro conscientiarum tantum à Papa, licet statim à principio sit vere absolutus in illo foro, non iudicetur absolutus in foro contentioso.

12. Ad quintum concedimus in eo assumptum, videlicet, non posse iudicem iudicare duo contraria secundum eandem conscientiam, siue ea sit privata, siue publica. Negamus tamen primo, iudicem fori contentiosi in hoc casu posse iudicare matrimonium prædictum esse validum quo ad aliquod forum: quia non constat ei, tamquam tali iudici, valere illud quo ad illud forum, ut statim probabitur in d. responsione ad ultimum. Negamus secundo esse contraria iudicare hoc matrimonium non esse validum quo ad effectus fori contentiosi, ut supra probatum est, & esse validum quo ad effectus fori conscientiarum.

Ad sextum negamus in eo assumptum, per adducta in postremo argumento pro nostra parte adducto; concedimus autem, quod prædictæ litteræ dabantur clausæ, & sigillatæ, & quod in multis earum ponebatur clausula de laniandis litteris post absolutionem, vel dispensationem per eas factam: sed negamus, quod id fiebat ad finem, ne contenta in eis, posteaquam scirentur, & probarentur, prodesse in foro contentioso. Tum quia hoc nemo umquam dixit. Tum quia etiam Sarnen. qui de hoc ubi supra testatur, ideo defuit hoc fieri solitum, ut evitaretur necessitas componendi, quæ fuisset necessaria ad hoc, ut in foro contentioso iuuaret. Tum quia verius videtur id fuisse usitatum, ne secreta peccata, & delicta, de quibus occultandis gravissimum iuramentum in Pœnitentiariæ prætorio præstatur, in infamiam eorum, quibus gratiæ fiebant, panderentur: sed quia ex illa literarum laniatione eveniebant aliqua inconuenientia absolutis & dispensatis per eas, nuper inductum est, ut rarissime ponatur illa clausula, habito pro comperto, quod per illas literas, quibus fit vel committitur absolutio, vel dispensatio in foro conscientiarum tantum, non probetur quid-

tur quidquam quo ad forum contentiosum, ad hoc ut iudex illius fori teneatur ad aliquid faciendum, vel omittendum in illo foro, ad quod litteris illis non visis non teneretur, quod mox fusius probabitur.

13. Ad septimum respondeo primo, negando assumptum in eo, siue maiorem. Potest enim statuere Papa, immo iam statutum est, quod iudex per quādam probationem possit credere, & iudicare aliquid quo ad aliquem effectum in aliquo foro, & non quo ad alium, & in eodem foro: cuius rei septem exempla quotidiana adduximus pridem in cap. si quis autem. de pœnitent. dist. 7. à num. 102. quæ ibi videri possunt. Secundo respondeo, negando etiam assumptum, siue minorem, scilicet, quod in casu proposito cōstet iudici, ut iudici, de hoc matrimonio quo ad utrumque forum. Tum quia non est propositum Papæ, ut literæ prædictæ, quibus dispensatio prædicta facta fuit quo ad forum conscientie tantum, probent illam quo ad forum contentiosum magis, quam literæ pœnitentiariæ, quibus eiusmodi dispensationes fiunt secreto quo ad forum cōscientie tantum, per quas palam est non probari res in eis contentas, ut per literas Cancellariæ. Tum quia non est etiam propositum Papæ, ut per illas litteras probetur quo ad forum contentiosum magis, quam per solam signaturam gratiæ, vel dispensationis, per quam illæ non probantur quo ad forum contentiosum, iuxta regulam de non iudicando iuxta formam supplicationis, & regulam 53. iuxta quam dispensatio non suffragatur, nisi literis expeditis. Tum denique quod stylus Curie, qui facit ius, c. quam graui. de crim. fals. omnium consensu habet, intentionem & mētem Papæ esse, ne illa, quæ per suam sacram Pœnitentiariam quo ad forum conscientie tantum conceduntur, probari possint quo ad forum contentiosum, & effectus illius per literas secretas, quæ ab ea manant: & à fortiori credendum est, nolle suam sanctitatem, ut literæ commissariorum suorum cōcedentium aliqua quo ad forum conscientie tantum, probent quo ad forum contentiosum plusquam illæ; cum eiusmodi commissarij videantur esse quidam subrogati loco sui pœnitentarij maioris; & subrogatus debet sapere naturam eius, cui subrogatur, l. cum qui. §. qui iniuriarum. ff. si quis cautio. & cap. ecclesia. ut lite pendente. Salua, &c.

DE FORO COMPETENTI.

SUMMARIVM.

- 1. Francorum regnum tamdiu posse durare dixit Franciscus Primus, quam diu in eo fides Catholica Romana toleretur.
- 2. Bullam Cænz Domini ne publicetur in suo regno Rex Gallie, eiusve parlamentum prohibere iure non potest, quia hoc esset ecclesiasticis sibi non subditis sine iniurisdictione præcipere, num. 2. & de re spirituali, ad quam non se extendit laica potestas, iudicare. num. 9. ad fin. & num. 10. & licet dicta bulla feratur contra laicos Regi subditos, num. 11. tamen cum respiciat spiritualia, seu eis annexa, ac materiam

materiam peccati, quo ad ea prædicti simul cum Rege ecclesiasticæ subsunt potestati. num. 15.

- 3 Potestas laica ab ecclesiastica distincta est, à Deo humano generi communicata ab exordio mundi, ad se circa naturalia secundum naturalem rationem bene gubernandum, beateque viuendum data, & inde ad Reges & Principes translata, ad ecclesiasticam nequaquam, num. 2. & 4. neque contra ecclesiasticas personas, nu. 2. seu res spirituales, nu. 5. spiritualibus ve annexis, nu. 6. se extendens, immo ea minor est. num. 4.
- 3 Potestas ecclesiastica à Christo instituta ad gubernandum per supernaturales leges, & rationem, & per supernaturalia dirigentia homines in hac vita ad gratiam diuinam, & in altera ad gloriam sempiternam obtinendam, nequaquam ad sola naturalia seu laicalia, num. 2. nisi prout ad dictum finem supernaturalem opus est, se extendit, num. 3. & eius Vicario, qui est Pontifex, num. 2. super omnes, etiam quod sint Reges, tradita, nu. 4.
- 6 Spiritualis potestas est donum supernaturale immediate à Deo datum, vt sunt sacramenta institutum, seu ab Ecclesia supernaturali sibi tradita potestate in animarum salutem etiam per annexionem decreta, vt sunt consecratio, benedictio ecclesiæ, & similia, censura ecclesiasticæ, beneficia, & eis annexa, num. 7. ac spiritualia statuta, num. 6. & 13. ad quæ laica potestas nequaquam se extendit, nu. 8. & 9. nisi prout ex privilegio eidem in aliquibus ab Ecclesia concessio licet, num. 10.
- 15 Bulla Cœne in laicos ratione peccati, cuius censura ad Papam pertinet, pro bono publico fertur. num. 17.
- 16 Citatio iure naturæ necessaria est regulariter: fallit tamen, quando citandus actui qui fit, nullo modo, etiam si præsens esset, posset contradicere, vel quando certum est ei nullam competere defensionem, itemque & in generalibus edictis, & censuris quæ ad vitanda futura peccata proferuntur.
- 17 Papa, sicut Imperator, potest esse iudex in causa propria.

CONSILIUM I.

S VMMVM Auditorium Regis Christianissimi edixit, ne bulla Cœnæ in Francia publicaretur, statutis poenis contrarium facientibus. Quæritur quid iuris?

- 1 Viso, & intellecto pro tenuitate mea hoc edicto Auditorij Regis Christianissimi, primum demiratus dolui, & fleui, perpendens eius tenorem adeo à Christiana erga summum totius Christianæ Ecclesiæ Principem habenda obseruantia & obedientia alienum. Deinde orauit, quamuis indignus, Iesum Christum totius Ecclesiæ caput vnicum, vt suum Vicarium summum, Ecclesiamque sanctam, cui præest, aduersus portas inferi protegeret, & Angeli, atque Archangeli Regis Christianissimi, eiusque iudicij, præsertim Prætorij Parlamenti præsectorum tutelares eis persuaderent id, quod aliquando legimus Franciscum illum fortissimum, atque gloriosissimum Regum Francorum huius nominis primum dixisse, Regnum Francorum Christianissimum tamdiu posse durare, quamdiu in eo Christianissimus Catholice, iuxta formam à Pont. Max. Ecclesiæ Sanctæ Romanæ summo

summo praeside datam coleretur; ideoque Lutheranos, & omnes alios hæreticos, qui suis hæresibus illud inficere conarentur, censendos esse perduelles, & suæ, suique Regni Maiestatis violatores, eo quod Regno suo machinarentur interitum. Tertio, quod non solum Sanctissimi D.N. sed etiam totius populi Christiani, & maxime Regis, qui nunc regnat, Christianissimi Henrici III. quamplurimum interest prædictum edictum nullius roboris esse iudicari, & ne umquam aliud simile edicatur gravissime constitui: quod studio quidem tumultuario breviter, sed efficaciter monstrabitur per hæc quæ sequuntur fundamenta.

- 2 Primum est, quod iuris naturalis per se noti est, non posse quem iuste sine iurisdictione ius dicere, l. ult. ff. de iurisd. omnium iudi. cum similibus: & prædictum Auditorium nullam habet iurisdictionem in Episcopos, & alios Prælatos, & ecclesiasticos, in quos per illud ius dictum est, per illud Ioannis Papæ in cap. numquam. 96. dist. ibi. *Numquam de Pontificibus, nisi Ecclesiam, iudicare debere, non esse humanarum legum de talibus ferre sententiam.* & illud eiusdem in cap. si Imperator. eadem dist. *Si Imperator Christianus est, quod pace illius dicimus, filius est, non præsul Ecclesiæ: quod ad religionem competit, discere ei convenit, non docere.* & illud Nicolai, c. cum ad verum. ead. dist. *Cum ad verum ventum est, vltro sibi nec Imperator iura pontificatus arripuit, nec Pontifex nomen Imperatorum usurpavit: quoniam idem mediator Dei & hominum homo Christus Iesus adibus proprijs, & dignitatibus distinctis officia potestatis utriusque discrevit.* cum alijs sexcentis, quæ id ipsum probant: at prædictum Auditorium non est maius suo Rege, qui in suo Regno Imperator est; ergo non potuit Episcopos, Archiepiscopos, & alios ecclesiasticos in eo contentos iuste iudicare.

- 3 Secundum fundamentum sit, quod efficaci ratione probatur id, quod prædicti Summi Pontifices & alij multi dixerunt, præsupponendo ea, quæ post longam de hac re disputationem efficaciter concludimus in repetitio. cap. novit. de iud. notab. 3. præsertim num. 81. & 86. nempe quod potestas laica fuit immediate data à Deo mortalium communitati iam inde ab exordio eius ad sese gubernandum in rebus naturalibus, ut bene beateque vivat secundum naturalem rationem; potestas autem ecclesiastica est potestas instituta à Christo immediate, & supernaturaliter ad gubernandum fideles secundum legem Evangelicam in supernaturalibus, & quatenus ad id est opus, etiam in naturalibus: & quod hæc duæ potestates à se mutuo differunt penes causam materiale, formalem, finalem, & etiam quodammodo efficientem: Penes efficientem quidem, quia potestas laica data fuit humano generi à Deo puro nondum homine facto ab exordio mundi, potestas vero ecclesiastica à Deo facta homine: Penes autem materiale, quia laica data est ad gubernandum naturalia, ecclesiastica vero directe ad gubernandum supernaturalia: Penes autem finalem, quia ecclesiasticæ finis est status supernaturalis in hoc sæculo per gratiam, in altero per gloriam; finis autem laicæ, naturalis vita, nempe bona, seu virtuosa, quam faciunt virtutes morales secundum naturalem rationem, etiam sine gratia gratum faciente quælibet: Penes formalem, quia

- quia ecclesiastica principaliter dirigit secundum legem supernaturalem in sacris literis contentam, laica vero secundum legem & rationem naturalem, & leges per eam conditas. Præsupponendo, quod ubi supra efficaciter probamus ex his colligi, quod omnes Reges nostri sæculi, quæ parte sunt solum tales, habent eandem, & non maiorem, nec minorem potestatem, & iurisdictionem, quam habuerunt Reges prædecessores eorum, qui etiam ante Christum passum regnarunt: quia potestas, siue iurisdictione laica ad humani generis gubernationem necessaria naturaliter æqualis fuit data populis ab eorum exordio, & per eos translata, aut certe in usum concessa Regibus, & Principibus, qui genus humanum gubernarent, & regerent circa res naturales, ad bene seu virtuose viuendum per virtutes morales etiam per solam rectam rationem naturalem quæsi- biles: & quod ex his sequitur, quod cum Reges, qui ante passum Christum fuerunt, non habuerint ecclesiasticam iurisdictionem, quam nunc habent Papa, & Ecclesia, quia illa (vt supra dictum est) à passio Christo cœpit; neque Reges, qui modo sunt, habent illam. & consequenter concluditur necessario (frement licet Lutherani) verum esse id, quod Ioannes, & Nicolaus Pontifices Max. supra relati, & alij sexcenti Pontifices, & doctores Orthodoxi dixerunt, nempe Reges subesse Pontif. Max. quo ad ea quæ attinent ad veram religionem, & suarum suorumque subditorum animarum salutem, nec quicquam posse absque ipsorum privilegio iudicare, neque statuere de illis: esto quod eorum regia potestas sit antiquior pontificia. Tum quia lex Mosaica fuit antiquior Christiana, sed hæc dignior illa. Tum quia antiquitas tum demum adiicit dignitatem, quando cætera sunt paria; qualia non sunt inter potestatem ecclesiasticam cælesti tractatam, & regiam tantum terrena respicientem.
- 5 Tertium fundamentum sit, quod prædictum edictum non solum est iniustum ea ratione, quod per illud est dictum ius in personas, in quas qui decreuerunt illud, non habebant iurisdictionem; sed etiam illa, quod decreuerunt super rebus à iurisdictione laica omnino exemptis. Quod monstratur, præsupponendo primo, quod circa rerum spiritualium definitionem, de quibus loquimur, errauerunt multi Catholici eam nimium ampliando, & multi hæretici eam nimium angustando: quod provenit ex eo, quod, vt quidam recentiores aiunt in 4. lib. senten. distinct. 25. non est facile definire quid sit spirituale in hac materia: cuius dicti rationem licet ipsi non reddiderint, nos tamen pridem reddidimus in rub. de iudic. num. 23. & in Manua. confess. cap. 23. num. 99. nempe quod spirituale, sine spiritale dicitur omne, quod pertinet ad spiritum: spiritus autem dicitur proprie halitus, iuxta illud Iob 17. *Spiritus meus attenuabitur*: & per translationem, metonymiam, vel metaphoram, nunc anima, Ioan. 19. *Tradidit spiritum*: nunc ventus, Act. 1. *Tamquam aduenientis spiritus vehementis*: nunc omne incorporeū, iuxta illud Ioan. 4. *Spiritus est Deus*: nunc alia, vt ait D. Tho. 1. par. q. 41. art. 8. ad 4. quare necesse est, vt spirituale quoque multipliciter dicatur. & ita hæretici appellarunt spiritualia sola illa dona supernaturalia supernaturaliter data generi humano à

- Deo Opt. Max.** ad suam salutem æternam, quæ Spiritui sancto attribuitur; quamvis æque à Patre & Filio darentur, cum omnia opera Trinitatis ab extra sint indiuisa. Panor. autem, Cardin. & multi alij nostri appellauerunt spiritualia omnia ad spiritum, quatenus sonat animam, pertinentia, & consequenter omnem sapientiam, scientiam, doctrinam, & id genus alia. Quorum vtraque via, quæ profecto inuia est, relicta, sequuti viam regiam sacrae scripturæ, sacrorumque canonum, & doctorum, præsertim S. Thomæ in 4. distinct. 75. clarius alijs definiuimus, spirituale esse, ut huc pertinet, donum supernaturale à Deo immediate datum ad animarum salutem, vel institutum supernaturaliter ab eodem ad eam efficiendam, vel ab Ecclesia, potestate supernaturali sibi data ad conficiendum, vel conseruandum illud, quod dicitur annexum ei. Quæ satis colliguntur ex cap. gratia, & cap. qui studet. 1. q. 1. & cap. quam pio. 1. q. 2. & ex doctor. præsertim Durando in 4. distinct. 25. q. 1. & S. Thom. 2. 2. q. 100. artic. 1. 2. & 3. & Ioan. Andr. & Panorm. in cap. consulere. de simon. Dixi, donum supernaturale: ad includendum spiritualia per essentiam, & excludendum dona naturalia. Dixi, ad salutem animarum: ad excludenda insignia, seu arma, dotes, & victorias Regibus & principibus aliquot, vel alijs in alium finem, quam salutem animarum, supernaturaliter concessa. Dixi, vel aliquid institutum supernaturaliter ab eodem ad eam efficiendam: ad includendum spirituale per causam; qualia sunt sacramenta, quæ ipse solus instituit, & sola efficiunt instrumentaliter gratiam, ut diximus, & probauimus in d. Manua. cap. 22. num. 1. & 2. Dixi, vel ab Ecclesia, potestate supernaturali sibi data: ad includenda spiritualia, quæ quidam appellant spiritualia statuta, ut Ioan. Andr. & Panorm. in d. cap. consulere. & communiter appellantur spiritualibus annexa, non quidem eo quod non sint spiritualia, sed quia non sunt tam spiritualia, quam instituta & data supernaturaliter & immediate ab ipsomet Deo: & quod sunt instituta ob illa paranda, conficienda, conseruanda, & ministranda per potestatem supernaturalem supernaturaliter Ecclesiæ traditam, ut vbi supra declaramus. Nec recte infertur hæc non esse spiritualia, eo quod dicantur eis annexa, ut infra monstrabitur.
- 7** Præsupponendo secundo, esse consequens prædictis, quod sunt spiritualia omnia sacramentalia, & alia sacramentis annexa ab Ecclesia per prædictam potestatem supernaturalem supernaturaliter sibi collatam ad paranda, conficienda, conseruanda, & administranda sacramenta; nempe consecratio, & benedictio ecclesiæ, vel altaris, vasorum, ornamentorum, aquæ baptismalis, vel benedictæ, exorcismus, catechismus, excommunicatio, suspensio, & interdictum, ius patronatus, beneficia, & eorū electiones, collationes, præsentationes, renūciationes, & id genus alia: & consequenter quædam esse spiritualia à solo Deo immediate creata, vel instituta, ut sunt gratia gratum faciens, septem dona Spiritus sancti, virtutes infusæ, & gratiæ, quas gratis datas appellant, & iurisdictio ecclesiastica supernaturaliter primum à Christo data, ut diximus in d. cap. nouit. de iudic. notab. 3. alia vero ab Ecclesia instituta, qualia sunt reliqua prædicta.

8 Præsup-

- 8 Præsupponendo tertio, quod prædicta omnia sacramentalia, & quæcumque sunt statuta ab Ecclesia ad paranda, conficienda, conseruanda, & administranda sacramenta, per quæ virtus passionis Christi ad salutem æternam nobis communicatur, sunt & dici debent spiritualia. Tum quia vt habetur Ioan. 9. *Quod natum est ex spiritu, spiritus est*: & hæc omnia nata sunt & effecta ab Ecclesia spiritualissima, & à summo ministro eius spiritualissimo per potestatem spiritualissimam, & supernaturaliter datam. Tum quia de annexis idem est iudiciū, iuxta illud Pauli ad Heb. 7. *Translato sacerdotio, necesse est vt translatio legis fiat*, relatum in cap. translato. de constitu. & alia sexcenta, quæ probant accessorium sequi naturam sui principalis. Tum quia omnia iura vel sunt spiritualia summæ potestati spirituali subdita, vel laica, siue temporalia, summæ potestati laicæ subiecta: & non potest dici illa esse laica & temporalia; ergo dicendum est esse spiritualia, argum. à disiunctiua duarum partium ad alteram altera negata, cap. si enim. de pœniten. distinct. 2. Tum quia omnia iura, quæ subijciuntur potestati summæ laicæ, possunt per eam construi & destrui, argum. cap. 1. de regul. iuris. At prædicta sacramentalia, & ad sacramenta pertinentia non possunt construi, nec destrui per potestatem laicam, vt omnes Catholici fatentur; ergo non subijciuntur ei, nec sunt laica; & consequenter sunt spiritualia. Tum quia nullus vmquam Catholicus dixit, nec somniauit, vllum Regem, qua parte solum est Rex temporarius, & laicus, posse ordines conferre, excommunicare, ecclesias & altaria consecrare, aquam benedicere, catechizare, exorcizare: & non alia ratione, quam quia sunt instituta per potestatem supernaturalem supernaturaliter B. Petro, & Ecclesiæ datā; ergo nec potuit instituere, destruere, nec disponere beneficia ecclesiastica, nec electiones, nec collationes, nec renunciationes eorum, neque alia ab Ecclesia per eandem potestatem supernaturalem instituta, argum. l. illud. ff. ad l. Aquil. Tum quia regia potestas, vt dictum est, non extenditur vltra ea, quæ cognitio & ratio naturalis attingit, & dictat. At nulla cognitio & ratio naturalis, etiam tanta, quanta fuit Platoni, & Aristoteli, potuit, nec potest cognoscere potestatem illam mirabilem supernaturalem, & omnem rationem naturalem excedentem, datam ab omnipotenti Deo, eodemque summo Redemptore Iesu Christo B. Petro, & Ecclesiæ ad salutem æternam populi Christiani, neque officia, & effecta illius potestatis; ergo neque Reges, quatenus solum sunt tales, neque eorum potestas, quæ rationem naturalem non excedit, potest illa constituere, nec destruere, nec de illis iuridice cognoscere, nec iudicare, nec statuere. Tum quia simonia tantum committitur circa venditionem & emptionem spiritualium, iuxta gloss. recep. 1. q. 1. in summa. At in emptione & venditione omnium prædictorum committitur simonia, secundum omnes, & probatur in cap. de iure. de iurepat. & per totum titulum de simonia. ergo omnia prædicta sunt spiritualia. Nec obstat, quod simonia committitur etiam in annexis spiritualibus: quia vt infra monstrabitur, non dixi ea spiritualibus annexa, eo quod non sint spiritualia, sed quia non sunt tam spiritualia, quam alia, ob quæ sunt instituta.

tuta. Tum denique, quod laica potestas non potest cognoscere, neque iudicare de iurepatron. cap. quanto. de iudic. nec eadem ratione de alijs prædictis, nec alia de causa, quam spiritualitatis: ergo sunt spiritualia à laica iurisdictione exempta.

Tertium igitur fundamentum in prædictis tribus præsuppositis fundamentum insolubiliter concludit prædictum edictum iniustum & nullius roboris esse, hoc modo: Nulla potestas laica potest iudicare, vel statuere super vlla spiritualia; at prædicta bulla Cœnæ Domini, & omnia contenta in ea sunt spiritualia; ergo prædictum Auditorium, quod solum laicam potestatem habuit, non potuit prædictum edictum contra ea edere. Quod autem prædicta bulla, & omnia contenta in ea sint spiritualia primi vel secundi generis, infra in solutione argumentorum pro edicto formandorum monstrabitur.

- 10 Quartum fundamentum sit, quod à mille circiter quingentis annis sola ecclesiastica potestas hæc instituit, & destituit, construxit, & destruxit, auxit, diminuit, & mutavit, nulla laica & Catholica potestate reclamante, immo consentiente, assistente, &, ut iustum erat, protegente illam, & favente; ergo ad eandem pertinet etiam nunc ea facere: nisi quis adeo desipiens responderet, possessionem, quæ tot nominibus est immemorabilis, non debere prodesse summo Pontifici, & Principi; cum qualibet simplex immemoralis cuius infirmati profit, iuxta l. hoc iure. §. ductus aquæ. ff. de aqua quotid. & æsti. & cap. super quibusdam. §. præterea. de verb. signific. Tum quia, quicquid voluant, reuoluant, & inuoluant aliquot iurisperiti Latine & Græce callētissimi, & in humanis literis præsertim Ethnicis versatissimi, qui forsitan huiusmodi edicta procurant, plus intenti laicæ potentis armis, quam piæ obedientis mentis, non solum non probabunt iustitiam talium edictorum, sed nec satis defendere poterunt, quod absque privilegio sacrosanctæ Sedis Apostolicæ possit vlla potestas laica cognoscere, & iudicare de iure & iustitia colorandi titulos possidendi prædicta spiritualia; cum illa, & iustitia colorandi eos sint eis annexa, & ita spiritualia, de quibus laica potestas absque Sedis Apostolicæ privilegio nec iudicare, nec cognoscere potest. Quare prædicti Auditorij potius erat gratias Sacrosanctæ Sedi Apostolicæ agere, quod patiatur Regiam Francicam uti possessione privilegiorum Sedis Apostolicæ, quæ illa ei concessit, quam illam expellere à possessione ferendi prædictam bullam tam iure diuino, quam humano fundata, & usu longissimo confirmata.

Quintum fundamentum sit, quod rationes, quibus prædictum edictum colorari potest, facile tolluntur: maxima enim illarum, & prima videtur esse, quod sicut summa potestas ecclesiastica immediate à Deo Ecclesiæ est data, & Pontificibus Maximis, ita summa potestas laica est data immediate Regibus ab eodem Deo optimo maximo, & longe prius, & antiquius, quam ecclesiastica Papæ; quoniam hæc, ut supra dictum est, multis & insolubilibus argumentis probatur in prædicta repetitione cap. novit. notab. 3. de iudi. data fuisse à Deo Christo homine facto, illa vero iam inde ab exordio populorum cœpit.

Secunda, quæ quadamtenus Lutheranismum sapit, quod contenta in prædicta bulla nō sūt circa supernaturalia diuinitus & supernaturaliter à Deo Opt. Max. data, neque instituta, & consequenter nec spiritualia, quoad quæ solum laici, præsertim Reges Pontifici Maximo subiiciuntur.

71 Tertia, quod contenta in prædicta bulla, contra cuius executionē prædictum edictum est latum, feruntur in laicos regni quo ad temporalia Papæ minime subiectos.

Quarta, quod continet processum factum non præmissa partium citatione, quæ est pars defensionis, quam iure naturali deberi declarat clem. pastoralis. §. cæterum. de re iudic.

Quinta, quod S. D. N. videtur in ea in propria causa ius dicere, contra legem naturalem, quæ id videtur vetare, l. i. C. ne quis in sua causa iudicet.

12 Ad quas rationes per dicta fundamenta facile responderi potest. Ad primam quidem concedendo summam potestatem laicam siue regiam datam esse generi humano regendo longe prius, quam summa potestas ecclesiastica Ecclesiæ Christianæ; sed negando ex hoc inferri, quod spirituales habebant Reges, immo contrarium, scilicet quod alia est potestas Regum laica, alia potestas pontificia spiritualis; & consequenter ex facultate vtendi illa non inferri facultatem vtendi hac, cum à diuersis non fiat illatio, l. Papinianus. ff. de minorib.

13 Ad secundam respondeo, negando solum illa dici & esse spiritualia, quæ à solo Deo immediate induntur vel instituuntur, vt late probatum est in tertio fundamento pro nostra parte adducto; quo irrefragabiliter probatur omnia sacramentalia, & instituta ad sacramenta paranda, conficienda, conseruanda, & administranda, esse spiritualia, & spiritualibus annexa: de quibus idem est dicendum, quod de maxime spiritualibus, idest à solo Deo inditis & collatis. quod quia non satis perpendunt aliqui hæretici, grauissime circa Ecclesiæ potestatem & maiestatem errauerunt, nec vñquam resipient, donec hanc, quæ verissima, & de sacris Christi fontibus hausta est, doctrinam receperint. Nec obstat, quod nullum an-

14 nexū est idem cum eo, cui annexum est, sicut nihil simile est idem, l. quod Nerua. iuncta gloss. ff. depositi. quia, vt pridem diximus in dicta rubrica, illud verum est de identitate numerali & indiuidua, vt Theologi loquuntur, siue specifica, vt Iurisperiti dicunt, non autem de generica, aut specifica specie specialissima, vt Theologi, quam Iurisperiti genus appellant. Nam Petrus potest esse similis Ioanni, & est idem genere, siue specie specialissima, quia est homo; licet non sit idem numero, & indiuiduo. & virtutes infusæ à Deo sunt similes in genere donis Spiritus sancti, & sunt spiritualia à Deo immediate collata, sicut illa; non tamen sunt eadem numero & indiuiduo secundum doctrinam S. Thom. 1. 2. q. 68 art. 1. ab omnibus Catholicis recep. Et ita omnia instituta ab Ecclesia per potestatem supernaturalem à Deo sibi supernaturaliter & immediate tradita, sunt spiritualia, & in genere eadē cū his, quæ sunt spiritualia, propter quæ sunt instituta, & quibus connectuntur; licet non sint eadem numero, nec sint tam spiritualia, quam illa, quibus annectuntur: quia illa sunt data,

vel instituta immediate à solo Deo, hæc autem ab Ecclesia per potestatem supernaturalem ab eodem immediate illi traditam.

15 Ad tertiam respondeo concedendo, nec Regem Franciæ, nec subditos eius esse quo ad temporalia subditos Papæ; negando tamen, quod non sint subiecti quo ad contenta in prædicta bulla, cuius executio impeditur: quoniam omnes Christiani, cuiuscumque ordinis sint, subijciuntur potestati & iurisdictioni Pontificis Maximi, cap. nouit. de iudic. in cuius not. ponderamus illud ad hoc, primo ibi, *Intendimus decernere de peccato, cuius ad nos pertinet sine dubitatione censura, quam in quemlibet exercere possumus & debemus.* secundo ibi, *nullus, qui sit sana mentis, ignorat, quin ad officium nostrum spectet de quocumque peccato mortali corripere quemlibet Christianum, & si correptionem contempserit, per distractionem ecclesiasticam coercere.* Per quæ palam fit posse Papam corripere de peccato mortali quoscumque Christianos, etiam Reges, de quibus illud cap. agit, & si non se correxerint, censura ecclesiastica ad id cogere. At omnia contenta in prædicta bulla sunt edicta ad vitanda, impedienda, & corrigenda peccata mortalia grauissima per fulminationem excommunicationis, quæ est medicinalis, cap. 1. de sent. excomm. lib. 6. qua tamquam pius pater intendit conseruare salutem subditorum, & perditam restaurare: ergo quo ad illa subditi sunt ei laici, esto non sint subditi quo ad temporalia.

16 Ad quartam respondeo concedendo citationem partis regulariter in processu esse necessariam; fallere tamen, quando certum est nullam competere defensionem citando, vel cum certum est talem esse actum, quem non posset impedire citandus, si præsens esset, vt latissime per innumera probat Felin. post Panormit. in cap. cum olim. num. 1 r. de senten. & re iudic. & cap. causam quæ. de rescript. pro quibus omnibus facit, licet ipse non alleget, quod frustra expectatur euentus, cuius nullus sequitur effectus, cap. cum cōtingat. de offic. deleg. & omnia contenta in prædicta bulla sunt talia, contra quæ nulli vlla defensio competit; & talia, quæ nemo iure posset impedire, etiam si inueniretur præsens. fallit etiam in sententijs excommunicationis, quæ generaliter pro culpis futuris impediendis, & præteritis emendandis, vel occultis indicandis, vel alia de causa rationabili contra eos qui ignorantur, feruntur, cap. 2. de constit. lib. 6. vbi Ioan. Monach. id annotat, allegando stylum Curie, & cap. ad nostram. il 3. de iureiuran. & cap. si sacerdos. de offic. ordin. & vtroque Panormit. & communis. & omnes sententiæ contentæ in bulla generaliter feruntur in eos qui ignorantur, ad impediendas futuras culpas, vel emendandas præteritas: ergo sine vlla citatione poterunt illæ edici.

17 Ad quintam respondeo primo, negando quod Sanctissimus D. N. in prædicta bulla tulerit sententias pro se: quia immo eas tulit pro salute animarum, pro Republica Christiana, pro libertate ecclesiastica, & pro conseruatione auctoritatis Apostolicæ, & vnitatis à Deo sibi cōmendatæ, quæ sunt bona sedis Apostolicæ; & ita de illis potest iudicare, sicut Episcopus de causa ecclesiæ suæ, iuxta glo. iuncto textu in cap. si erga. 2. q. 7. & glo. iuncto text. in cap. cum venissent. de iudic. Secundo, quod Papa potest esse iudex

iudex in causa propria, secundum prædictas glossas recep. sicut Imperator in causa sui filii, l. proxime. ff. de his quæ in testam. delen. Salua, &c.

SYMARIUM.

1. Episcopum potest Metropolitanus iure communi deponendum pronunciare, deponere autem non: sed & Concilium prouinciale contra eos processum informatiuium formare potest, sed non condemnare: hodie autem per Concilium Tridentinum nullus Papa inferior potest de hæresis vel alio crimine Episcopi depositione digno cognoscere, nec informationem iudicialiter capere, num. 5. & 6. licet extraiudicalem informationem capere possit, & quandoque teneatur & ad Pontificem referre, num. 3. & 7.
2. Legatus à latere potest de iure non solum de appellatione ad Pontificem interposita ad hunc effectum iudicialiter cognoscere, ut causam magis instructam transmittat, sed & idem facere de crimine Episcopi depositione digno, num. 4. hoc tamen ultimum modo est correctum per Concilium Tridentinum, num. 5. & 6.
3. Iudex à quo cognoscere potest de attentatis post appellationem, ut iudex appellationis aptius causam expediat.

CONSILIUM II.

QVÆSITVM est, an Concilium prouinciale possit capere informationem, aut formare processum contra aliquem Episcopum suspectum, aut accusatum ibi de causis grauioribus, ad effectum transmittendi probationes, & processum ad Romanum Pontificem.

1. Respondeo, quod pro parte affirmante huius quæstionis facit primo cap. quamuis. 3. q. 6. quatenus habet Concilium prouinciale habere potestatem cognoscendi de causis criminalibus Episcoporum, & faciendi processus criminales, licet non habeat potestatem definiendi, cui cōcordant cap. multum. & aliquot alia eiusdem cause, & quæst. quin & gloss. in cap. biduum. 2. q. 6. verbo adnotauerit, dixit Metropolitanū posse cōdemnare Episcopū, non quidem deponendo, sed pronunciando deponendum.
2. Secundo facit cap. constitutus. adiuncta doctrina Panorm. communiter recepta, de appella. quatenus habet, Legatum à latere, siue Cardinalem Legatum posse cognoscere de causa appellationis interpositæ ab ordinario inferiore ad Papam, ut causam instructiorem ad eum mittat. Tercio, quod iudex à quo appellatur, potest cognoscere de attentatis post appellationem, ut aptius expediat causa principalis à iudice appellationis, per cap. cum teneamur. de appellat.
3. Quarto, quod omnis grauatus à iudice inferiore potest appellare etiam omisso medio ad Papam, cap. omnis oppressus. & cap. ad Romanum. 1. & 2. 2. quæst. 6. cui videtur consequens, cuiusque iudici licere quamlibet causam instruere, ut instructiorem, & informatiorem reddat Papam. Quinto, quod Episcopi & alij prelati inferiores possunt nunciare Papæ hæreses & hæreticos, qui habentur in territorijs suis, cap. excommunicamus. §. adijcimus. de hæreticis, & cap. inquisitores. sub fin. eod. tit. lib. 6. & non possent id facere, nisi accepta prius in-

Y 2 forma

formatione, & quando iudex refert causam Principi, debet eam instructam mittere, l. 1. C. de relatio. Sexto, quod causæ maiores sunt referenda ad Papam, cap. maiores. de baptis. & causa dandi coadiutorem Episcopis ægrotis, & non valentibus ecclesias suas regere, est de maioribus Ecclesiæ causis, & reseruata Papæ, attamen Capitula possunt informationes facere de illis, & de statibus ecclesiarum suarum, & eas mittere ad Papam, cap. 1. de cleric. ægrot. lib. 6. Septimo, quod Ioan. Monachus in d. cap. inquisitores. de hæretic. lib. 6. in specie determinat, Metropolitanum & Legatum de latere, licet Episcopum deponere non possint, causam tamen depositione dignam instruere, & instructam ad Papam remittere posse, quod ait se vidisse factum.

5 Quibus tamen non obstantibus contrarium videtur verius. Tum quia certum est, quod nulli inferiores Papa possunt cognoscere de hæresi contra Episcopos, nec processum aliquem facere contra illos, etiam si sint inquisitores hæreticæ prauitatis à sede Apostolica deputati, dict. cap. inquisitores. de hæret. lib. 6. Tum quia non solum depositio Episcoporum est hodie reseruata Papæ, sed etiam cognitio & examinatio causæ dignæ depositione, per Concilium Tridentinum cap. 5. de reformat. sess. 24. Tum quia per prædictum cap. 5. crimen hæreseos, & alia crimina maiora digna depositione & priuatione exequantur quo ad hoc, & pro certo habetur apud plerosque omnes, non posse vllum inferiorem Papa inquirere, & aliquem processum facere contra Episcopos super crimine hæreseos sine mandato expresso Papæ, per prædictum cap. inquisitores. quod & nos nuper vidimus obseruatum in causa Primatis Hispaniæ: ergo neque in alijs criminibus depositione dignis id facere poterit. Tum quia non videntur obstare opposita.

6 Ad primum enim respondetur, iura in eo contenta habuisse quidem locum, quando cognitio causæ depositionis contra Episcopos concedebatur Concilio prouinciali vel Metropolitano; licet depositio eis negaretur: nunc autem per iura nouiora non solum denegatur eis depositio, sed etiam omninoda cognitio eius.

Ad secundum respondetur, quod vt præfatus Ioan. Monach. vbi supra dixit, instructio, quam in dict. cap. constitutus. fecit Legatus ille de latere, fuit facta de facto, & non de iure, vel de consensu partium. Nec obstat Panormit. frequentius receptum contrarium tenuisse. Tum quia etiam Decius ibidem tenuit non debuisse illud iure fieri, nisi consuetudine fuisset introductum. Tum quia licet tempore Innocentij Tertij, cuius est illud cap. constitutus. Legato de latere licuisset iure vel consuetudine cognoscere de appellatione ad Papam interposita, & eam instruere & remittere ad eum; non tamen ex eo inferretur, idem posse fieri in causa depositionis Episcoporum; quia hoc est aliud ab illo, & à separatis non fit illatio, l. Papinianus. ff. de minoribus. Tum quod prædicto iure nouo contrarium est inductum, vt dictum est.

Ad tertium & quartum respondetur eodem fere modo, scilicet, quod capitula in eis citata loquuntur de alijs rebus, quam nostra questio, & sunt

Et sunt iura antiqua, quæ quatenus obuiare possunt nostro proposito, sunt sublata per noua.

- 7 Ad quintum, concedendo quidem posse prælatos inferiores nunciare Papæ, & admonere ipsum hæresim, & alia crimina depositione digna Episcoporum; immo & aliquando ad id faciendum teneri verbo vel scripto extraiudicialiter, vel ita, ut non faciant processum aliquem iudiciale firmum, ut iura in eo citata probant; at iudiciale, ut quæstio prædicta proponit, non.

Ad sextum respondetur eo modo quo ad tertium, & quartum.

Ad septimum, scilicet dictum Ioann. Monachi, qui videri potest contrarium parti determinatæ dixisse, respondetur intelligendum esse illud pro tempore, quo iure concedebatur cognitio huiusmodi criminum Metropolitano, licet negaretur definitio; non autem pro tempore, quo negatur ei etiam cognitio. Nec obstat quod ipse vidit contrarium seruari in d. cap. inquisitores. quia illud solum agit de crimine hæreseos: sed non vidit Concil. Trid. quo illud, & alia crimina depositione priuationeque digna quo ad hoc exequantur; neque animaduertit, quod illud cap. poterat ad alia crimina Episcoporum depositione digna extendi per identitatem vel similitudinem rationis, sicut cap. quam periculosum. de sent. excomm. lib. 6. & cap. qualiter & quando. il. 2. de accusat. & alia multa, quæ merito specialiter eis fauent. Salua, &c.

S V M M A R I V M.

- 1 Confratria, an corpus, an collegiū dici debeat, vel virūq. quod verius videtur. n. 2.
- 1 Collegium est simul, societas vero separatim habitantium.
- 2 Congregatio ad aliquem finem unita, & corpus, & collegium, & societas, dici potest.
- 2 Et, dictio non semper coniungit diuersa, sed quādoque exponitur pro vel, siue id est.
- 3 Collegium sine superioris auctoritate, nisi religionis causa initum, seu coactum, est illicitum.
- 4 Collegium etsi pium sit, tamen laicum est, si maior illius pars sint laici.
- 5 Collegium laicum in temporalibus subicitur iudici laico, in spiritualibus vero Episcopo; à quo etiam circa spiritualia visitatur. num. 6.
- 6 Iure diuerso, diuersa subsistente ratione, eadem res censetur.

CONSILIUM III.

FVIT crecta quædam confratria sub nomine Corporis Christi, cuius confratres habitum distinctum gerunt, separatimque à laicis cum cruce in publicis processionibus incedunt. Quæritur, num laicalis mere, an mixta dici possit.

- 1 Videtur dicendum primo, quod hæc congregatio proprius dicitur corpus, quam collegium: quia sola congregatio simul habitantium proprie videtur collegium; cum tamen etiam seorsum habitantes efficiant corpus, secundum Bart. in rub. ff. de colleg. illicit. sed ibi gloss. dicit è contrario congregationes huiusmodi appellari corpora, cum simul habitant, & alias non nisi collegia: & Albericus in diction. verb. collegium, dicit corpus esse genus ad collegium, quod ait tantum esse simul habitantium,

- 2 rium; & societatem, quam ait esse vñum seorsum habitantium in nos autem arbitramur satis proprie dici posse collegium, corpus, & societatem, omnem congregationem personarum ob aliquem finem vnitarum, siue simul, siue seorsum habitent; & quod illa copula, *et*, in rub. de colleg. & corp. non proprie ponitur, vt cum coniungit diuersa, iuxta gloss. in rub. ff. de iur. & fact. ignor. & cap. quærelam. de simon. sed improprie, pro *idest*, vel *siue*, vt in l. 1. ff. de pact. & not. in cap. ex parte. de rescript. & ibi pulchre per Felin. num. 6.
- 3 Secundo, quod licet omnia collegia, & corpora sine auctoritate legitimi superioris coacta, sint regulariter illicita, l. collegia. §. in summa. ff. de colleg. illic. & Innoc. tradit in cap. dilecta. de excessib. prælat. & Bart. in l. 1. & vlt. ff. de collegijs illicitis. hoc tamen collegium, siue corpus est licitum, licet absque auctoritate superioris sit coactum: quia causa religionis est coactum, cuius causa potest cogi & erigi siue auctoritate superioris secundum eos in l. 1. ff. de colleg. illicit.
- 4 Tertio, quod hoc collegium siue corpus est voluntarium, & nõ necessarium ex eorundem mente, & licet sit pium, est tamen laicũ, & non ecclesiasticum: quia omnes, vel maior pars cõgregatorum sunt laici, quo casu dicendum est laicum, & non ecclesiasticum, arg. l. quod maior pars. ff. ad municip. & cap. cum omnes. de constit. quod tenent præfati cõmuniter recept. cui consequens esse dicunt debere illud corã laico iudice conueniri.
- 5 Quarto, quod licet hæc congregatio dicatur laica, & ideo, vt prædictũ est, subijciatur iudici laico, & debeat conueniri coram eo, & non subfit Episcopo regulariter quo ad temporalia, & bona, quæ ipsi habent in sua congregatione; arbitror tamen eos subijci Episcopo quo ad actus ecclesiasticos. Tum quia expresse Bart. in dicta l. fin. num. 14. hoc ait. Tum quia iudex laicus nullam potestatem habet super rebus & actibus spiritualibus & ecclesiasticis, cap. 2. de iud. & cap. bene quidem. 96. dist. Tum quia iudex ecclesiasticus est superior iudice laicorum quo ad actus spirituales & ecclesiasticos, quales sunt actus confitendi peccata, communicandi Eucharistiam, audiendi Missas, sepeliendi mortuum in sacro loco, vel cum illis aut illis carimonijs.
- 6 Quinto, quod ex his infertur Episcopum posse congregationem prædictam iudicare quo ad modum & ordinem incedendi in processionibus, & comitandi sacramentum Eucharistiz, cum desertur ad infirmos, & in deferendo habitum, cum ea faciunt; & consequenter visitare illam quo ad hæc, licet non possit iudicare, nec visitare illam quo ad alia delicta, vel contractus, quo ad quæ subijcitur potestati laicæ, & est iudicanda visitandaque ab illa. Nec obstat, quod eadem res non debet diuerso iure censi, cap. cognouimus. 17. quæst. 2. quia illud verum est, quando eadem ratio, & idem respectus suadent idem in casu proposito: secus autem, quando alia ratio, & alius respectus suadet alia, vt est casus in cap. quia. de relig. domib. in l. eum qui & des. ff. de vfucap. & in casu proposito alia ratio & alius respectus suadet, vt congregatio prædicta subfit potestati laicæ quo ad personas congregationis, & bona temporalia tam earum

singul-

singularum, quam congregationis; & alia ratio & alius respectus suadet, ut eadem congregatio, & eius personæ subsint, & iudicentur, & visitentur ab Episcopo quo ad actus religiosos, quos faciunt in locis sacris, & alijs actibus processionum, & alijs similibus ad religiosos & ad ecclesiasticum ordinem pertinentibus, ut palam est: & praxis quotidiana totius orbis habet, quod licet vnus & idem sit Christianus laicus habens temporalia, & indigens spiritualibus, & exercens illa; alteri tamen subijcitur, quatenus habet temporalia, & exercet illa; & alteri, quatenus indiget spiritualibus, & exercet illa. Itaque potest appellari præfatum collegium simpliciter laicum, & secundum quid ecclesiasticum. Salua, &c.

S V M M A R I V M.

1. *Episcopi an visitare possint capellanos triremium.*
2. *Capellani triremium visitari possunt, ut alij viatores, seruato cuicumque suo tam exemptionis, quam alio iure competente.*

C O N S I L I V M I I I I.

AN EPISCOPI possint visitare capellanos triremium, quæ aduersis ventis in portibus suarum ciuitatum commorantur?

1. Respondeo primo, quod videtur distinguendum inter triremes vnā classē constituentes, quibus communiter præficitur vnus generalis iudex, vel inquisitor contra delinquentes vel debitores; & inter alias triremes singulares, quibus nullus iudex talis præficitur. Distinguendum etiam videtur inter capellanos, quos triremes vel duces earum accipiunt auctoritate Apostolica, & alia legitima ad celebrandum & ad ministrandum sacramenta euntibus in illis; & alios capellanos, qui tantum sunt vectores & viatores transeuntes ex vna patria in aliam. Tertio videtur distinguendum inter exemptos & non exemptos: & ita hoc dubium debet restringi, & non proponi adeo generaliter & indefinite.

Secundo, quod Episcopi possunt iudicare & cognoscere de illis, perinde ac de alijs viatoribus & transeuntibus, seruando vnicuique sua priuilegia, & ius, quod habent iure communi vel particulari, domum suam reuocandi, ut not. in cap. fin. de foro comp. & cap. i. de priuilegiis. l. 2. §. legatis. ff. de iud. & l. hæres absens. & alijs ibi citatis eod. tit. Salua, &c.

S V M M A R I V M.

1. *Nouitius censetur ecclesiastica persona nedum quo ad beneficium canonis, sed etiā fori, pro tempore quo perseuerat in nouitiatu, subiaceatque suis prælatis, sicut & professi, num. 2. ita ut possit prælatus contra talem pro homicidio tunc perpetrato procedendo, etiam eum torquere. num. 3. sed hoc per clericum vel religiosum, & non per laicum, nisi ibi adsit talis consuetudo. num. 4.*

C O N S I L I V M V.

QUIDAM nouitius conuersus occidit iniuste religiosum professum. Quaritur primo, an possit de iure à suo prælato regulari iudicari, an

Y 4 potius

potius tale iudicium ad sæcularem pertineat iudicem.

Secundo, an huiusmodi homicida possit torqueri à prælato regulari.

- 1 Ad has quæstiones respondeo primo; quod cognitio & punitio præfati delicti & homicidij pertinet ad iudicem ecclesiasticum, argum. cap. religiosi. §. 1. de sent. excomm. lib. 6. quatenus probat nouitium religionis approbata gaudere priuilegio cap. si quis suadente. 17. quæst. 4. & censeri ecclesiasticam personam, & gaudere priuilegio ecclesiasticæ personæ, argum. cap. duo sunt genera. 12. quæst. 1. & expresse determinant Ioan. Andr. Dominicus & Francus in cap. beneficium. de regular. quod cognitio de delicto nouitij pertinet ad ecclesiasticum iudicem: quod ipsum tenent Dominicus & communis in d. cap. religioso. §. 1. & probatur ea ratione, quod nouitij post habitum susceptum subiaceant prælatis quoad iurisdictionem & superioritatem, saltem commutabiliter & renocabiliter, licet non irreuocabiler, pro tempore quo sunt nouitij, sicut professi: & cognitio & punitio delictorum religiosorum professorum pertinet ad iudices ecclesiasticos & prælatos eorum, vt tradit latissime Panormit. post Ioan. de Lign. in cap. cum contingat. num. 21. & quatuor seq. vbi probat quod delicta eorum pertinent ad cognitionem & castigationem prælatorum, etiam si sint homicidia, & alia grauia delicta.

- 3 Secundo, quod præfatum delinquentem poterit iudex ecclesiasticus & prælatus torquere, si meruerint torturam indicia delicti, seruatis seruandis in quæstionibus siue torturis, iuxta notata in cap. cum in contemplatione. de reg. iur. & in cap. 1. de deposito. & in l. 1. & toto titulo ff. de quæstionibus.

Tertio, quod prælatus poterit torquere præfatum delinquentem, si opus fuerit, per aliquem clericum vel religiosum, & non per laicum, nisi in terris in quibus consuetudo id fecit licitum, iuxta notata in cap. vniuersitatis. de sententia excommunicationis, & in alijs locis ordinarijs. Salua, &c.

S V M M A R I V M.

- 1 Prælatus regularium suorum iudex iure communi in ijs quæ spectant ad regulam & regularia statuta tantum est: at consuetudine & priuilegio cognoscunt etiam de alijs criminibus non requirentibus depositionem ab ordine, num. 2. quale est homicidium, num. 3. & quandoque ex speciali consuetudine, vel priuilegio de ijs etiam cognoscunt. num. 7.
- 2 Nouitiorum iudex est regularis prælatus, sicut & professorum.
- 3 Inquisitionis via non potest prælatus contra suum subditum regularem, etiam si adsint violenta indicia, procedere, nisi adsit fama, per quam maior saltem pars collegij ex præcedentibus indicijs credat eum dicti delicti reum. num. 6. & de hac infamia debet primo per informationes coram notario, secrete tamen assumptas constare, antequam ad capturam procedat. num. 8.

CONSILIVM VI.

QUID debet facere prælatus canonicorum regularium contra novitium, contra quem sunt indicia violenta, per quæ quasi vehementer creditur occidisse vnum collegam professum?

Respondeo primo, quæstionem hanc prægnantiorē esse, quam primo aspectu præfert; quia multarum quæstionum decisiones requirit, ut ei pro dignitate satisfaciat, quas expresse hæc vna proposita non tangit.

1 Secundo, quod prædicta quæstio præsupponit, an cognitio huius delicti pertineat ad prælatum. Cui nos breuiter resolute respondimus in secundo comment. de regularib. super cap. non dicatis. num. 63. in hæc verba: *Iure communi iudex immediatus regularium est Abbas, vel alius prælatus eorum in pertinentibus ad regulam suam, & regularia statuta. quod efficaciter probatur in l. fi. C. de iurisd. omn. iud. & in cap. cum ab ecclesiarum prælatis. de off. ord. quod illius legis ratione nititur quo ad collegium, cui præest, non tamē quo ad plebem, quo ad quam extendit illud gl. in verbo sententia. sed non recte, nec est verum; nisi consuetudo augeat iurisdictionem, quam d. l. fi. dat. Immo nec iure communi, ut ibi alias dixi, prælatus inferior habet iurisdictionē in eos, qui sui sunt collegij, quo ad extranea, quæ non tangunt regulam, nec regularia statuta, siue sunt civilia, siue criminalia. Sed nullum monasterium vidi, in quo priuilegio vel consuetudine non sit obtentum, ut prælatus cognoscat etiam de illis, saltem cum crimina non requirunt depositionem.*

2 Tertio, quod ex prædictis infertur, prælatum prædicti novitij iure communi non habere iurisdictionem, & potestatem cognoscendi de prædicto delicto; quia illud non tangit regulam, nec regularia statuta, ad quæ sola extenditur iure communi.

Quarto, credere me, prælato prædicti novitij competere consuetudine, statuto, vel priuilegio Sedis Apostolicæ iurisdictionem ad cognoscendum de causis civilibus, & criminalibus suorum canonicorum expresse, vel tacite professorum, saltem cum crimen non requirit depositionem ab ordine. Tum quia, ut dixi, nullum monasterium celebre vidi, in quo prælatus super suos canonicos regulares vel monachos non habeat iurisdictionem prædictam actiue, & passiuē. Tum quia Philippus Franc. tam in cap. religioso. §. 1. de senten. excom. lib. 6. quam in cap. beneficium. de regular. eodem lib. videtur hoc affirmare. Tum quia video id observari in Italia, Gallia, & Hispania.

3 Quinto, quod in casu proposito agitur de crimine requirente depositionem, immo & degradationem realem, secundum Panorm. in cap. 1. de homicid. quia agitur de homicidio qualificato, quo dicitur novitius occidisse professum expresse religionem sacratissimam canonicorum regularium: quamvis communis opinio teneat contra Panor. quo ad degradationem, ut resoluit Decius post multa in cap. at si clerici. num. 39. de iudicijs. & ita, cum prædictus prælatus iure communi non habeat iurisdictionem cognoscendi de prædicto casu, si neque de consuetudine, vel alio iure speciali habeat illam, non competit illi iurdictio super hoc crimine, quod requirit depositionem.

4 Sexto,

- 4 Sexto, quod, quamuis videri possit alicui, quod prædicto prælato non competit talis iurisdicção in nouitium laicum, arbitror tamen, quod attento prædicto cap. religioso. §. 1. de senten. excom. lib. 6. per quod declaratum est, nouitios gaudere priuilegio cap. si quis suadete. 17. q. 4. verius videtur, q̃ potest cognoscere, perinde ac posset, si esset clericus & professus.
- 5 Septimo, præsupposito etiam, quod prædicto D. prælato competat iurisdicção cognoscendi de delicto proposito, non tamen potest procedere per viam inquisitionis, nisi fama prædicti delicti sit contra prædictum nouitium; quia licet iudex possit procedere contra delinquentem per viam accusationis, vel denunciationis sine fama præcedente, non tamen potest iuste procedere per viam inquisitionis, per ea, quæ notantur in cap. super ijs. & cap. inquisitionis. & cap. qualiter & quando. il 2. de accusatio. Credo autem sufficere famam, quam haberet collegium, inductam per indicia: ita quod saltem maior pars eorum, qui sunt in collegio, credat illum nouitium occidisse prædictum professum, etiamsi fama illa non esset fama quo ad ciuitatem, neque quo ad plebem parochiæ, per aliqua, quæ adducti possent, si vacaret.
- 7 Octauo, quod mea sententia prædictus prælatus cognoscere potest in casu proposito de delicto prædicto, si competit ei iurisdicção cognoscendi de crimine, requirente depositionem iure aliquo speciali, (quæ tamen iure communi non competit) etiamsi fama prædicta præcedit, quam etiam credo præcedere.
- 8 Nono, quod, si sua Paternitas vult procedere per viam inquisitionis, debet ante omnia accipere secreto informationem contra prædictum nouitium de fama iam orta in collegio coram notario publico, antequam apprehendat eum, & postea apprehendere illum, & opponere illi delictum prædictum, quod ei fama imponit. Salua, &c.

DE FERIIS.

SUMMARIVM.

- 1 Consuetudo ab obseruatione diei festi tunc excusat, si sit præscripta: quam præscriptionem interrumpit superioris contradicção.
- 2 Damnum quod paterentur famuli, discipuli, & locantes operas, qui nisi diebus festis aliqua opera facerent, eijcerentur, non excusat, nisi sit tanta eorum necessitas quæ excusaret a sanctificatione festi, vel excusentur ob modicitatem operis; & hoc modo sacrum audiant.

CONSILIVM I.

FIGVLI dicuntur hic Romæ hanc habere consuetudinem, vt diebus festis præparent materiam, ex qua postea die sequenti non feriato conficiant lateres, & regulas: licetque dicta materia posset præparari eodemmet die non feriato, attamen, vt lucrentur duas, tres, vel etiam quatuor horas temporis, prædictâ materiâ præparant die festo, & hoc fere ab omnibus

nibus

nibus obseruatur; licet deprehēsi à ministris iustitiæ puniantur in notabili quātitate pecuniarum, tamquam violatores festorum. Vnde occurrit dubitari, quid agendum sit cum pueris eorundem, quorum aliqui locauerunt magistris operas suas ad aliquot annos, vt artem addiscerent; aliqui artem scientes ad aliquot menses, & aliqui ad hebdomadas: qui cum nesciant aliam artem exercere, cum notabili dispendio eandem defererent, & nisi diebus festis velint vt supra operari, non valerent vt plurimum reperire qui eos conducere vellent.

Sutores etiam diebus festis resident in eorum tabernis, vt calceos vendant tam rusticis venientibus, quam & habitantibus Romæ, & dictis diebus plures calcei venduntur, quam alijs diebus: & si cæteris vendentibus vnus vellet tabernam claudere, maximum damnum pateretur. Tempus, quod infumitur in præparando vno pare calceorum, dum venduntur calcei, est modicum. Magistratus ecclesiasticus, ad quem spectat curare vt festa seruentur, publico & pœnali edicto mandat, ne hæc fiant: at tamen in executione edicti remissius proceditur; & si aliquis aliquando deprehēditur transgressus esse, soluta aliqua minima quātitate exequutori liber dimittitur, & sæpissime etiam huiusmodi transgressiones dissimulantur.

AD PRIMAM QVAESTIONEM respondeo primo, huiusmodi figulos non excusari sua consuetudine, cum non sit præscripta ob contradictionem superiorum, quæ interruptit illam, argum. notatorum in cap. fin. de consuetud.

Secundo, nec famulos esse excusandos; cum hero, & Ecclesia vel Deo contraria præcipientibus, iis potius quam illi sit obediendum, cap. Dominus. cap. non semper. cap. qui resistit. 1. 1. q. 3. nisi tanta eos vrgeret necessitas, quæ excusaret à festo colendo, iuxta ea quæ nos tradidimus in Manual. cap. 13. num. 6.

AD SECVNDAM respondeo non peccare saltem mortaliter huiusmodi sutores propter causas in propositione quæstionis factas, per ea quæ in d. num. 6. diximus.

S V M M A R I V M.

1. *Famuli artificum in festis laborantes etiam causa discendi artem, peccant mortaliter, nisi necessitas artificum vel propria sit tanta, quod aliter non possent habere vnde honeste viuant.*
2. *Necessitas quæ excusat operantem die festo, excusat etiam illum, qui vt ei succurrat operatur.*

C O N S I L I V M I I.

AN FAMVLI artificum seruiētes eis aliquot annis, vt eorum artes discant, possint absolui à confessorijs, si coacti à suis magistris seruilia opera faciunt, & non proponunt discedere ab eis nolentibus eos aliter docere; eo quod non possunt inuenire alios, à quibus discant, nisi laborando diebus festis?

Respondeo primo, quod non, si ob id defināt audire sacrum contra cap. missas.

missas. de consecrat. dist. 1. Secundo, quod si magister vel herus tanta necessitate opprimeretur, quod liceret sibi per se illud, quod facturum est discipulus, facere; posset ipsum iuuare, non ea principaliter ratione, qua est magister, vel herus, & ut ab eo discat, sed ut tam graui necessitati eius succurrat, per ea quæ diximus in Man. confess. cap. 13. nu. 10. & 11. Tertio, quod videtur licere ipsi famulo, audito sacro laborare, si non inueniret à quo posset discere illam artem non parendo suo hero, & magistro in faciendo illud opus, & esset ei tanta necessitas discendi artem illam, quod, nisi disceret eam, iuxta circumstantias personæ, loci, vel alias, non posset honeste viuere; quod tamen raro videtur contingere. Quarto, quod cessante necessitate huiusmodi, tam ex parte discipuli, quam ex parte magistri, non posset meo iudicio absolui huiusmodi puer, nisi proponeret desistere, ob ea quæ vbi supra diximus. Salua, &c.

S V M M A R I V M.

1. Missa ab audienda, quæ ab ecclesia distantia excuset, ex circumstantia personarum, viarum, temporis, & similium arbitrabitur bonus vir.

CONSILIVM III.

AGRICOLAE locant operas suas menstruas pro certis locis remotis ab ecclesijs: vnde raro diebus festis audiunt sacrum, excusantes se non debere cogi ex dictis locis, quæ distant ab ecclesia ultra tria miliaria Italica, accedere ad ecclesias diebus festis, ut audiant sacrum. Dubitatur, quanta distantia excusare possit hos rusticos ne cogantur pro sacro audiendo adire ecclesiam.

1. Respondeo primo, scire me terras, in quibus eunt viri, & aliquot mulieres robustæ ad audiendam Missam diebus festis ad loca plusquam tribus miliaribus distantia, immo & senes mares, & fœminas in diebus solemnioribus.

Secundo, quod mea sententia, viri, de quibus in quæstione, qui præsupponuntur esse robusti, & operarij, nullatenus sunt excusandi, eo quod tribus miliaribus à loco, vbi audienda est Missa, distent.

Tertio, quod non est determinatū iure quanta distantia excuset ab audienda Missa, & ita determinandū est arbitrio boni viri, iuxta l. 1. ff. de iure delib. qui ex circumstātijs personarum excusandarum, pluuiarum, fluminum, lutorum, & alijs huiusmodi suum animum informabit. Salua, &c.

S V M M A R I V M.

1. Excusantur agasones, qui diuersoria, in quibus minus impenditur, eligunt, licet secundario inde sequatur ut non possint sacro interesse.

CONSILIVM IV.

AGASONES, seu agentes equos, ac muliones, cum sint pauperes, student nocte hospitari extra vrbes & castra vel in via, vel in paruis hospitij, in quibus minoris emuntur necessaria: & quia dicta loca, ut plurimum, multum distant ab ecclesijs, idcirco diebus festiuis non possunt Missam audire.

- 1 Respondeo, satis excusationis habere muliones, & vectores equorum, si principaliter adeunt prædicta loca, & diuersoria, ut minus impendant, & non ut excusentur ab auditione Missæ, arg. eorum quæ dicuntur in Man. confess. cap. 13. & cap. 22. num. 3.

S V M M A R I V M.

- 1 Missæ ut non omnibus, sed aliquibus tantum festis intersint aliquot ouium custodes, & personarum genera, iuxta consuetudinem introduci potuit; & tunc sufficit, ut tales ipsi intersint, & eorum domini eis tantam faciant commoditatem, ut illis interesse possint.
- 2 Cultus diei festi efficiet, ne oves, quas ideo custodes tardius aliquantulum educunt, ut sacro intersint, minus bene valeant.

C O N S I L I V M V.

PASTORES ouium tam paucos conducunt ouium custodes, ut eis non liceat, nec tertio quoque mense, dimissa ouium custodia alijs concustodibus, sacrum audire. Dubitatur quid agendum tam cum pastoribus principalibus, quam cum dictis custodibus.

- 1 Respondeo primo, quod pastoribus dominis ouium præcipiendum videtur, ut tot custodes ouium conducant, quot sufficiant, quo liceat eis satisfacere præcepto de audienda Missa diebus festis, cum cap. Missas. de consecr. dist. 1. omnibus Christianis id præcipiatur.

Secundo, quod fieri potest, ut consuetudine aliqua rationabili inductum sit, ut custodes ouium aliquarum regionum non teneantur audire Missam omnibus festis, sed tantum quibusdam, alibi pluribus, & alibi paucioribus pro regionum variarum varia consuetudine: quia cum illud præceptum sit humanum, potest humana consuetudine moderari, arg. cap. fin. de consuet. & ita sufficit quod domini ouium ponant tot custodes, quot sufficiant ad custodiendas oves, & audiendas Missas debitas.

- Tertio, quod custodibus ouium præcipiendum est, ut ita inter sese conueniant, quod possint audire Missas à se necessario audiendas, & quod non seruiant dominis qui noluerint ponere custodes ad id necessarios: quamuis arbitrer, custodes ipsos posse ita ordinare horas audiendi Missas, ut qui sufficerent ad custodiendas oves sine Missarum auditione, sufficerent etiam ad custodiendas eas audiendo necessarias aliquantulum accelerando,
- 2 vel tardando exitum, vel ingressum, & regressum ouium propter hanc causam, quæ ipsa faciet ne minus valeant.

S V M M A R I V M.

- 1 Scribendi actio, prout est opus per animi prudentiam, non est opus seruile; secus si fiat ut ex uno scripto sumatur copia.
- 2 Opus seruile non fit ex eo solum, quod fiat ob lucrum: sed & modicitas materia excusat à peccato mortali.
- 3 Indeterminata à iure relinquuntur arbitrio prudentis, qui ex causa & circumstantiis iudicabit, illud spatium horæ, quod agricola die festo sodiendi est peccatum mortale, non esse tale suenti, seu barbitonsori.

CON,

QVAERITVR primo, an scribere sit opus seruile.

Secundo, an opus, quod aliàs non erat seruile, fiat seruile, si fiat propter lucrum.

Tertio, cum conceditur facultas laborandi die festo, ad quæ opera seruilia potest concedi plus temporis.

1 AD PRIMAM QVAESTIONEM respondeo primo, quod verbum, *scribere*, varias habet significationes, & quod quatenus significat concedere legem, componere librum, seu aliquod opus per animi sapientiam & prudentiam, non significat opus seruile, neque quatenus significat manu propria literas pingere. Quoniã seruile opus definitur esse opus manuarium proprius cõueniens seruis, quã ijs quibus seruitur, vt post D. Thom. ibi citatum tradimus in Man. nostro cap. 13. num. 3. Et scribere, quatenus prædicta significat, proprius, vel saltem æque conuenit his quibus seruitur, ac seruientibus. Secundo, quod ex vna scriptura aliam similem facere, describere, & transcribere, videtur esse seruile: quia proprius conuenit seruientibus, quam his quibus seruitur: quod & nos satis insinuauimus in dicto cap. 13. num. 14. & latius tradit Caiet. in 2.2. quæst. 122. art. 4. coll. 20. vers. ad secundum.

2 AD SECVNDAM respondeo, quod varij varie sentiunt circa hoc dubium, vt ego iamdudum late tractaui in cap. ieiunia. de cõsecr. dist. 3. quod habet id qd in quæstione proponitur, scilicet in die Dominica nihil aliud esse agendum, quam Deo vacandum: & postea in d. Man. cap. 13. num. 5. & 12. breuiter resoluendo diximus, nullum opus fieri seruile ex eo solo, quod fiat ob lucrum vel mercedem, vt efficaciter probat Caiet. in d. quæst. 122. artic. 4. col. 14. vers. dubium vnum non dissimulandum. ibique respondet oppositis: cuius rationes, quia ibi facile videri possunt, hic non rescribo.

3 AD TERTIAM respondetur, quod omnia quæcumque iubentur, aut permittuntur facienda sine determinatione quantitatis, vel temporis, debent determinari arbitrio boni vel prudentis viri, vel iudicis. l. 1. ff. de iur. delib. cap. de causis. de off. deleg. & consequenter vir bonus & prudens arbitrabitur, inspectis circumstantijs personarum, causarum, siue occasionum, generis operum, & alijs. ita quod maius tempus potest concedi ad consuendum aliqua, vel ad barbas radendas, & capillos circumcidendos, quam ad fodiendum in agro, vel putandam vineam.

DE CAUSA POSSESSIONIS, ET PROPRIETATIS.

S Y M M A R I V M.

- 1 Possessorium suspensio petitorio prius terminari debet.
- 2 Regularium regimen perpetuum melius, quam triennale.
- 3 Institutio prælatorum, & beneficiariorum communi iure perpetua.

3 Insuper

3 *Inspatronatus per prescriptionem 40. annorum queri, augeri, modificari, & tolli potest.*

4 *Ius ad antiquum reuersio fauorabilis.*

CONSILIVM I.

PAPA creauit inspatronatus super quodam monialium monasterio in fauorem N. qui per 70. annos presentauit Abbatissam, & institutio fuit perpetua; nunc vero iterum presentante patrono, & tam ipso, quam monasterio institutionem perpetuam desiderante, insurgunt institutor, & alij, dicentes institutionem esse debere triennalem, quia sic apud religionem receptum esse videtur. Quæritur, quid iuris.

Respondeo primo, patrono & monasterio volentibus, ut Abbatissa prefata presentata per patronum confirmetur pro perpetua sine triennalis temporis predefinitione, clarum & manifestum ius eis in possessorio competere; quia ab annis 70. sunt in hac possessione cum titulo colorato, quod sufficit, iuxta glossam celebrem in clem. 1. de causa possessorij. & ita nullatenus permittere debent, ut agatur, & litigetur super petitorio, & proprietate iuris, donec possessorium finiatur, & reponantur in pacifica & tranquilla possessione iuris presentandi, & petendi confirmationem perpetuam. Tum quia magnum est commodum possessionis, s. retinendæ. vers. & quia commodius. Instit. de interdict. Vnde & iure concessum est, quod si causa proprietatis seu petitorij prius incipiatur, possit possessorium incipi ab eo, cuius interest, & suspendi petitorium, donec possessorium finiatur, cap. pastoralis. de causa possessorij. quæ receptissima sententia est. Tum quia victo aduersario in possessorio, attenuantur multum vires eius ad obtinendum in petitorio, ut prefata iura declarant, & non solum attenuantur ei vires iuris, sed etiam facti; ita ut frequenter abstineat a petitorio, propterea quod se videt victum in possessorio, ut quotidie palam fit.

Secundo, quod licet ambitio, & dulcedo sensualitatis suaserint multis regularibus, melius esse regimen triennale inuentum a recentibus regularibus, ut per frequentes mutationes ambitiosi & auari aliquando fiant prælati, vel prælatæ; multo profecto coram Deo & sanctis eius melius & sincerus est regimen illud antiquum, quod antiqui, iidemque sanctissimi Patres, Basilii, Augustinus, Benedictus, Bernardus, & Ecclesia vniuersa seruarunt, quando regulares longe erant meliores, quàm nunc sunt; idque nos multis & efficacibus rationibus probauimus in consil. 81. de regul. & latius in tractatu de paupert. quem nunc recognitum iterum edere curamus mutato titulo in titulum de regul. super cap. nullam. r8. q. 2. a num. 3. quas rationes qui præsul serena mente pensauerit, facile cognoscet, quo spiritu hoc regimen temporale substitutum fuerit illi regimini antiquo perpetuo; censebitque conandum esse aliquam inuenire viam, qua rediremus in illud antiquum.

Tertio, quod etiam in causa proprietatis, & petitorio ius est prefato patrono, & monasterio, iure communi attento. Tum quia pars aduersa cognoscit iure speciali Pontificis Max. competere prædicto patrono ius presentandi prædictam Abbatissam: & constat iure communi Abbatum,

- batum, & Abbatissarum, & aliorum praelatorum, & praelatarum, & omnium aliorum beneficiariorum institutiones presentatorum ad dignitates & beneficia esse debere perpetuas; ita quod sine culpa graui non possint ab eis deponi, iuxta cap. satis peruersum. 56. dist. & cap. inuentum. 16. q. 7. Tum quia secundum receptam sententiam ius patronatus per prescriptionem queri, tolli, & modificari potest, per ea quae habentur in cap. consultationibus. & in cap. cura. de iurepatr. & late tradita post alios per Albertinum lib. 2. par. 10. q. 1. prin. art. 5. & multis alijs locis de iurepatr. praesertim dum constat ius patronatus iam esse quaesitum, & formatum, ut est in casu proposito, in quo Pontifex Max. illud creauit, nec pars aduersa hoc negat. Ergo praefatum monasterium, & praedictus patronus potuerunt acquirere per prescriptionem legitimam, quod ius praesentandi, quod Papa concesserat, intelligeretur ita, ut institutio perpetua deberetur Abbatissae praesentatae: ergo etiam si iure communi institutio debuisset esse temporalis, cuius contrarium supra probatum est; iure tamen speciali praescriptionis debet esse perpetua, & tenetur ordinarius ad faciendam illam perpetuam. Tum quia praescriptio 40. annorum sufficit, ut sit legitima in hac materia per glo. recep. in d. cap. cura. & per textum & ei adnotata cap. de quarta. de praescrip. & in nostro casu est 70. & ita fere duplo maior, quam necessaria. Tum quia reductio ad ius pristinum & antiquum est fauorabilis, cap. ab exordio. 35. dist. & l. si vnus. 6. pactus ne peteret. ff. de pact. ubi hoc dilatat Iason, & ante illum Fel. in cap. cum omnes. de constit. At antiquo iure optimo, ut diximus, institutio vel confirmatio debebat esse perpetua: ergo praetensio, quod in casu proposito debet esse talis; digna est fauore, & ut iudex omni ex parte, qua id facere potest, ei faueat. Tum quia etiam si solus patronus hoc peteret, erat audiendus, & iuuandus: & in casu proposito non solum ipse, sed & monasterium, & moniales eius id ipsum petunt: ergo fauendum est eis, & credo fauebit totum Illustrissimum Rotae Praetorium, si ad ipsum res deferatur. Salua, &c.

DE RESTITVTIONE SPOLIATORVM.

S V M M A R I V M.

1. Officiarium principis non decet sine ipsius licentia causam, qua ipsum tangit, tractare.
2. Interdicta unde vi, & vii possidetis pro mobilibus non dantur.
3. Interdictum vi rubei pro retinenda re mobili datur.
4. Possessorium iudicium recuperandae possessionis rei mobilis datur iure canonico sed non iure civili.
5. Officij iudicis remedium extraordinarium locum habet vbi equitas suadet, & aliud non est proditum.
6. Praelati agere possunt pro iuribus suorum regularium.
7. Officium sigillatoris Penitentiariae membrum officij maioris Penitentiarij, & ita huius interest regesta illius fideliter custodire. (rat.)
8. Petitio iudicialis legitima continere debet, quis, coram quo, quo iure, & a quo quid petatur.
9. Priuandus non est re sua non auditus, vel non citatus.

- 5. Executor mixtus sine cognitione quem possessione sua non priuat.
- 8. Consuetudo immemorialis sine causa mutari non debet. num. 13.
- 9. Iudicandum de lege cum sit, secundum eam cum facta est.
- 9. Dispositio omnis principis contra legem humanam valet; quamuis peccaret, si sine causa id faceret. num. 13.
- 10. Beneficiorum diuisio iure prohibita ex causa fieri potest.
- 10. Beneficium vacans sine diminutione conferendum, sed potest onerari, & postea conferri.
- 11. Beneficium non vacans vniri potest, etiam non vocato possessore.
- 12. Beneficia, & officia ecclesie liberae Papae potestati subsumunt.
- 14. Legis humanae mutatio vitanda, etiam si occurrat aliquid melius, nisi eius utilitas praeponderet damno quod ex mutatione sequeretur.
- 13. Firmitas id est, quod a pluribus approbatur.
- 16. Nobilitas hanc sibi legem imponit, ut nisi in beneficijs creuerit, nihil se praestitisse putet.

CONSILIVM I.

PRAESVPPONO primo, quaestionem esse, an Illustrissimus summus Penitentiarius bene petat libros officij sui sigillatoris, quos Reuerendissimus Datarius de mandato Sanctiss. iussit post mortem ipsius sigillatoris penes quemdam custodiri, & deponi.

Secundo, protestor me nihil hac de re respondere ausum fuisse, nisi me praedictus Illustrissimus, cuius sacrae Penitentiariae Praetorio assistere teneor, certiore fecisset, quod sua Sanctitas volebat, ut qui sumus eiusdem Praetorii tractaremus quid de illa nobis videretur: quoniam non decet, nec forte licet his, qui sumus officarij suae Sanctitatis adeo addicti, de causa, quae suam Sanctitatem ex propinquo tangit, sine ipsius facultate tractare, arg. cap. ult. de postul. & aliorum iurium citat. a gloss. ipsius in verbo contra ecclesiam.

Tertio, quod primo videndum est, an esto, quod ablatio praedicta librorum sit male facta, petitio restitutionis ipsorum per viam alicuius remedij possessorij pertineat ad Illustrissimum eundemque maiorem Penitentiarium. Et pro parte quidem negante facit primo, quod praedictus Reuerendissimus Datarius nec vi, nec clam, nec precario abstulit illos; & ita cessant remedia possessoria interdictorum, quae ob facta vi, clam, vel precario, competunt. Interdictum item vnde vi, & vti possidetis cessant; quia non dantur pro rebus mobilibus. l. i. §. illud. ff. de vi & vi arma. & l. i. ff. vti possidetis. Non competit etiam interdictum vtrubi, quod datur pro retinenda possessione rei mobilis. l. i. ff. vtrubi. quia constat praedictos libros non possideri a sigillatore, neque a praedicto Illustrissimo: & quod nullum remedium possessorium est proditum a iure Caesareo pro restitutione rei mobilis, quales sunt libri praedicti, iuxta gloss. recep. in l. rem quae nobis. ff. de acquir. possess. pro rebus enim mobilibus competit actio furti, vel vi bonorum raptorum, ut patet. Sed ad

Papæ sibi facti, vt alius mittatur in posse sensionem eiusdem rei, iuxta celebre dictum Innoc. in cap. 1. de concess. præb. nu. 4. in theoria & praxi. Ergo licet Papa mandasset D. Datario, vt reciperet prædictos libros, non potuisset illos auferre sine vocatione partis.

8 Quarto infra scriptæ rationes, quibus iniustitiam prædictæ absolutionis aliquibus posse probari visum fuit, non subsistunt: & quidem, dum dicitur quod consuetudo immemorialis non potest mutari, est contra cap. non debet. de consang. quod legem & consuetudinem seruaturam à tempore immemoriali de non contrahendo matrimonium intra septimum gradum, abstulit, restringendo illam vsque ad quartum; & contra Concil. Trident. quod in cap. 1. de reformatione matrimonii. sess. 24. abstulit consuetudinem ante multa sæcula seruaturam de valore matrimoniorum clandestinorum; & contra innumera alia iura, quæ consuetudines immemorales abstulerunt, & contraria illis statuerunt. Illa item, quæ præsupponunt, quod consuetudo, quæ habet vim legis, non potest mutari; cum palam sit ipsam legem etiam Conciliarem, & seruaturam à tempore immemoriali, mutari posse, iuxta doctrinam S. Thom. recep. 1. 2. quæst. 97. arti. 1. quin & sapit hæresim contra doctrinam Catholicam, quæ colligitur ex cap. cuncta per mundum. 9. quæst. 3. & cap. 1. de constitu. & ibi notatis de potestate Papæ legem condendi. Illa item, quæ præsupponunt mutationem legis eo ipso esse inuolidam, quod non debeat fieri. Tum quod secundum Aug. in cap. in istis. 4. dist. licet de lege iudicandum sit, cum sit; secundum tamen illam iudicandum est, cum facta fuerit. Tum quia recepta conclusio est, quod omnis lex & dispositio Papæ contra legem humanam facta, tenet, licet fieri non deberet, secundum omnes in cap. quæ in ecclesiarum. de constitu. Illa item, quæ texuntur ex pluribus particularibus contra regulam dialecticam, arguendo per indefinitas, quæ particularibus æquipollent in effectu sic: Traditio antiqua est immutabilis regula, & debet semper durare: ergo consuetudo, de qua agitur, cum sit traditio antiqua, & regula, est immutabilis. ac si argueretur, Equus habet aures, & homo habet aures, ergo equus est homo. Non enim ex eo quod aliqua traditio, vel regula, vel consuetudo sit immutabilis, consequitur quod hæc vel illa alia sit immutabilis. Quare, iudicio meo, non est tradenda illa informatio S. D. N. viro eruditissimo, qui merito ægre feret contenta in ea sibi tamquam firma offerri.

10 Quinto, quod difficultas probandi illam ablationem esse iniustam, augetur ex eo, quod licet sectio & partitiō beneficiorum sit prohibita in Concil. Turonen. cap. maioribus. de præben. potest tamen fieri ex iusta causa. vt ibidem adnotauit gloss. recep. & tradunt omnes in cap. vacante. eodem tit. & quod licet beneficium vacans sine diminutione debeat conferri, cap. 1. vt benef. sine dimin. confer. potest tamen beneficium vacanti imponi aliquod onus, & postea ipsum onustum alteri conferri, cap. significatum. de præben. potest etiam beneficium non vacans iuste vniri alteri, etiam per ordinarium, etiam non vocato beneficiario, vt noue decisum fuit contra aliquorum opinionem in clem. si vna. de reb. eccles. non alien.

vbi gloss. & omnes id adnotant, & etiam adnotatur ad decis. 1. de off. leg. in nouis nouissime impressis; & quod nemo negabit S. D. N. posse addimere & addere officio sigillatoris, quod sibi placuerit, iuxta illud, *Quod principi placuit, legis habet vigorem.* l. 2. ff. de constitu. princip. §. sed & quod
 12 principi. Instit. de iur. nat. gent. & ciui. præsertim in his quæ suæ liberæ potestati subiiciuntur, iuxta l. princeps. ff. de legib. & cap. proposuit. de concess. præbend. qualia sunt beneficia, & officia ecclesiastica, iuxta cap. 2. de præbend. lib. 6. & clem. 1. vt lit. penden. & glo. solemn. cap. si gratiole. de rescript. lib. 6.

Sexto, quod etiam hæc enadi possunt, non eo quod Sanctissimus D. N. non possit, si voluerit, prædictam consuetudinem, secundum quam sigillator eius custodiebat prædictos libros, mutare: neque quod mutatio
 13 etiam non debite facta ipso iure non valeret: sed quod multis de causis sua Sanctitas non debet eam mutare. Quarum prima est, quod est vetustissima, & immemorialis; & quod in noua reformatione sui officij Pœnitentiariæ, licet alia quamplura mutata fuissent, ipsa tamen immutata mansit, & immutata seruata est tempore trium maiorum Pœnitentiariarum vsque ad mortem proximi præteriti sigillatoris. Secunda causa, quod licet Sanctissimus D. N. omnia quæ sunt iuris humani, qualis est hæc consuetudo, mutare possit, & mutatio valeret, licet fieri non deberet; non tamen excusaretur coram Deo à culpa, si absque iusta causa eam faceret: quia licet consuetudo, & lex humana iuste mutari possint iusta de causa;
 14 non tamen absque illa. Vnde S. Thomas pulchre concludit in d. quæst. 97. artic. 2. legem humanam non esse mutandam, etiam cum occurrit aliquid melius, nisi illud præponderaret, siue maioris ponderis esset Reip. quam malum, quod ex immutatione sequeretur iuxta cap. ridiculum. 12. distin. Tertia causa cur sua Sanctitas debeat relinquere consuetudinem prædictam vetustam immutatam, est ne præbeat occasionem detrahendi contra prædictum Illustrissimum, vel quod deliquerit, vel negligens fuerit in corripiendo suum sigillatorem male custodientem libros: vel quod suam Sanctitatem pœnituerit magnificentie illius, qua Cardinalem Vltramontanum non petentem, neque opinantem tanta dignitate gratis donare dignatus fuerit, donare inquam, & cogere renitentem, vt eaungeretur, contra l. conueniri. ff. de pact. dot. & cap. ex parte. de consuet. Quarta causa, ne videatur arguere cuiusdam imprudentie & incogitantie prædecessorem suum Pium V. cum primis omnium, qui multis sæculis Ecclesiæ Christianæ præfuerunt, imitandum, quod suam Sanctitatem contra morem aliorum summorum Pontificum magno studio, & raro exēplo facere palam est. Quinta, quod multis de causis prædictus Pius prædictam consuetudinem reliquit immutatam in prædicta reformatione. Primo quidem, quod iudicauit eam prudenter & salubriter à maioribus fuisse institutam. Secundo, quod nulli tutius cōmitti posse videbat matrimonialium dispensationum expediendarum, & registrandarum negotium, quam illi, cui expeditionū in foro conscientie sigillandarum curā crediderat, intelligens nihil ab eo in fori exterioris negotijs vel imprudēter vel indecēter
 commif-

commissum iri, qui in fori interioris negotijs tum suis priuatis, tum alienis fidem, studium, & diligentiam suam probasset, iuxta cap. præcipimus. 12. q. 1. & l. 2. C. ne fideiuss. dot. dentur. Tertio, quod æquum etiam erat, & consentaneum rationi, vt idem sigillator vtriusque fori casibus manum extremam imponeret, tam ijs, quæ cum illicita fuerint, commissa tamen sunt, & remittuntur, quam ijs, quæ cum illicita sint, dispensatione tamen Apostolica licita redduntur: & sicut illa, ne vlli nisi confessori approbato pateant, sigillo obsignat; sic ista, vt numquam pereant, fideliter in libros referat, & relata ad posteritatis memoriam custodiat. Quarto, quod prudentiæ fuit statuere, vt quas facultates Sanctissimus D. N. maiori pœnitentiaro ad forum exterius pertinentes assignauit, & ex earum concessione aliqua emolumenta percipienda concessit, earum gratiarum & concessionum memoriam non alius asseruaret, quam eiusdem maioris pœnitentiarj officarius; sicut & patres familias reddituum & emolumentorum suorum procuratores, & dispensatores, & rerum custodes & conseruatores non eos eligunt, qui alieno imperio pareant, sed domesticos & familiares carissimos & fidelissimos. Quinto, quod diligenter tempore reformationis officij fuit examinatum, quid magis deceret & expediret super asseruatione præfatorum librorum, & emolumentorum perceptione, eorumque distributione; & iudicatum fuit magis conuenire id, quod semper vsus habuit: ideoque præferri debet ei, quod vnus vel alter sine tanta discussione suadet, argum. cap. prudentiam. de offic. deleg. & cap. de quibus. 20. dist. quatenus habent id esse firmitus, quod à pluribus approbatur. Sexto, quod cum de his gratijs, & concessionibus, quas in registrum inscribere consuevit sigillator, emolumenta sua, suorumque officialium percipit maior pœnitentarius; inconueniens videtur, vt alius quispiam taxas ad illum pertinentes exigat, & inter Cardinalem & officiales eius diuidat, quam ab eo constitutus, eiusque proprius, & iuramenti sacramento obligatus minister, & officialis, qualis est sigillator. Alia, gratia breuitatis, quibus prædicta consuetudo iusta, utilis, & aptissima redditur, omitto. Sexta causa cur sua Sanctitas non debeat prædictam consuetudinem mutare, est quod prædictus Illustrissimus humiliter & vehementer supplicat Sanctitati suæ, vt serio perpendens prædictas æquissimas rationique consentaneas causas dignetur auctoritatem prædecessorum suorum vetustissimique temporis consuetudinem, quasi traditionem quamdam, etiam decretis Pontificum corroboratam defendere. Et cum iuxta alium prædecessorem suum Gregorium suo de nomine dictum in cap. 1. de donat. hanc legem sibi nobilitas imponat, vt nisi in beneficijs creuerit, nil se præstitisse putet; Sanctitas sua nobilissima sicut prædictum Illustriss. nihil tale cogitantem per summam suam & incredibilem gratiam ad hoc munus vocare dignata est, ita eum hoc munere fungentem ab omni molestia, & ab omni siue auctoritatis, siue iurisdictionis diminutione sincerum, integrumque tueatur & seruet. In gloriam Dei, qui sua infinita bonitate Sanctitatē suam quam diutissime seruet incolumem, & gloriosissimam. Amen.

SUMMARIUM.

- 1 *Trirremium pœnæ, vel necis etiam iuste inferendæ timor excusat seruum fugitiuum ne ad dominum redeat.*
- 1 *Seruus fugitiuus tenetur redire ad dominum, nisi probabilis timor perdendi vitam excuset, & tunc semper tenetur habere intentionem domino satisfaciendi; & quicquid lucratur, domino lucratur.*
- 2 *Bonorum tres gradus sunt, vitæ, famæ, & fortunæ, quorum priorum non tenemur iacturam facere, vt restituantur posteriora.*

CONSILIVM II.

QUIDAM seruus fugitiuus perpetravit graua delicta, ob quæ iure occidi deberet, vel ad triremes perpetuo damnari; & confessus peccata sua paratum se præstat ad parendum confessario: qui interrogat, an teneatur ei iubere, vt se restituat domino, qui iam bis conatus est eum capere per lictores, quo iudex eum puniat.

- 1 Respondeo primo, quod tenetur in foro conscientia redire ad dominum suum, aut eum contentum facere, quod non redeat, nisi aliqua iusta causa eum excuset à reditu. Secundo, quod probabilis timor perdendi vitam, si ad dominum redeat, videtur iusta causa non redeundi, nec se illi restituendi per vnum præsuppositum, & vnâ regulam, quæ nos posuimus in Manu. cap. 17. num. 87. Præsuppositum est, quod bona subiacentia restitutioni sint trium ordinum, videlicet, famæ, vitæ, & fortunarum, & quod bona vitæ sunt maioris ordinis, quam bona famæ, & famæ, quâ fortunarum. Regula vero est, quod nemo tenetur ad restituendum bona minoris ordinis, cum iactura bonorum maioris, arg. cap. officia. de pœnit. & remiss. & aliorum quæ ibi citantur. Cum ergo hic seruus fugitiuus sit de bonis fortunæ dicti domini, & in illius hæreditate, & non potest se illi restituere sine iactura bonorû altioris ordinis, scilicet vitæ, excusatur profecto à redeundo, & se illi restituendo. Tertio, quod tenetur tamen habere propositum satisfaciendi illi, seu faciendi illum contentum quam optimo modo, & quam citissime poterit, soluendo ei per se, vel per alium iustum pretium, vel precibus aliquorum piorum amicorum, magnatum, religiosorum, vel alijs modis honestis, & agnoscere se seruum eius coram Deo, donec sibi sit satisfactum; & quod quicquid quærit, & lucratur, quærit suo domino, & cum poterit, se, & illa restituet ei ad salutem animæ suæ, & gloriam Christi, qui nos sua gratia donet, ac perseuerantia ad mortem inclusiue confirmet. Amen.

SUMMARIUM.

- 1 *Bello capta mobilia acquiruntur capienti, requiritur autem quod sit publicum, indictum à potente indicere, num. 2. item & quod sit iustum ex parte capientium. num. 7. consuetudo tamen Regum omnium bellantium videtur solum requirere quod sit publicum. num. 3. & 6. & consuetudo Lusitanorum solum requirit vt bona triduo a Mauris inimicis fuerint possessa. num. 3. & 7.*

- 3 Naufragio bona amissa, vel iactata animo non recuperandi, seu si habeantur pro derelictis, capienti acquiruntur.
- 4 Postliminij ius non habet locum in armis, nec in vestibus perditis in bello, immo nec in alijs rebus quæ non causa belli feruntur. num. 5. unde etiam si ab inimicis recuperentur, tamen prioribus dominis non restituantur. nu. 5.
- 6 Conuentio tacita videtur introduci ex eo quod personæ ita consueuerunt seruare.
- 7 Res aliena in bello iniusto etiam publice indicto capta domino erit restituenda ab ijs in quos etiam titulo emptionis peruenerunt; nisi ubi lex & consuetudo, quæ potest esse rationalis, nu. 3. dicat contrarium. nu. 2. 5. & ult.

CONSILIUM III.

IN BELLO & prælio Regis Sebastiani contra Mauros in Africa, cum Christiani victi fuissent, Mauri ceperunt eorum spolia, & in his lapillos, & gemmas, & alia magni pretij, quæ postea vendiderunt parui alijs Christianis captis; qui redeuntes ad suos, sua pecunia retulerunt illa in Lusitaniam.

Quæritur, an teneantur reddere illa dominis antiquis, quorum fuerant ante illud prælium, in quo illi obierunt, vel victi spoliati fuerunt.

- Ad quæstionem propositam respondeo primo, quod pro parte negante, scilicet quod non teneantur reddere illa antiquis dominis, etiam soluto pretio, quod pro eis soluerunt, facit primo, quod bona mobilia capta in bello ab hostibus, sunt capientium, vt tradit Innocen. in cap. sicut. 3. de iureiur. quem sequuntur omnes, & merito: quia pro eius dicto est tex. in §. item quæ. Insti. de rerum diu. & in cap. ius gentium. 1. dist. & in l. si quid in bello. & l. hostes. de capt. & postlim. reuers. & ita Mauri, qui ea ceperunt, videntur facti fuisse domini eorum, & consequenter potuerunt donare, & vendere.

- Secundo, quod dominium rerum habitarum pro derelictis quæritur eas capienti, l. 1. & 2. ff. pro derelicto. & prædicta capta in prælio præfato videntur fuisse derelicta ab his, quorum erant ante prælium: ergo Mauri, qui ceperunt ea, videntur fuisse facti eorum domini. Vnde etiam dominium rerum perditarum per naufragium, vel iactarum è naui pro eius salute, animo eas non recuperandi, acquiruntur capienti eas, iuxta d. in Man. confess. cap. 17. num. 98. & 99. & qui adiuuerunt prælium illud, eo animo portabant ea, vt crederent futura illa Maurorum, si ab eis victi forent, sine spe recuperandi ea.

Tertio, quod prædictæ leges, & aliæ illis concordantes, quibus statutum est, vt mobilia capta in bello fiant capientium, non requirunt iustitiam belli, sed solum quod sit publicum, indictum à populo Romano, vel alio libero non agnoscente superiorem; & bellum præfatum etiam à parte Maurorum erat publicum, & susceptum à Rege libero: ergo, licet forte diceretur iniustum, eo quod defendebant terras, quæ fuerunt, & etiam nunc sunt Christianorum, non videtur impedire acquisitionem captorum in eo.

3 Quarto, quod consuetudo omnium Regum Christianorum bellantium habet, ut bona mobilia fiant capientium, non habita ratione, & discretionem, an bellum iusta de causa fuerit illatum, vel acceptum, sed solum an fuerit publicum, auctoritate Principis vel Regis. liberi indictum: ergo pari ratione id videtur seruandum in bello à Christianis Principibus contra infideles gesto.

Quinto, quod consuetudo iampridem seruata dicitur habere, quod mobilia Lusitanorum capta in prælijs à Mauris suis finitimis, si tribus diebus continuis ea possideantur ab eis, non redeant ad pristinos dominos Lusitanos; etiam si emptæ, vel redemptæ, vel aliàs ablata reportentur in ditionem Lusitanam: quæ consuetudo potest esse rationabilis; tum ad animandum Christianos ad fortius pugnandum, ne sua perdant: sicut & Romani non habebant ius postliminij in armis, & vestibus perditis, l. 2. §. fin. cum l. seq. ff. de capt. & postlimin. Tum ad tollendas innumeras lites, quæ ex contrario usu nascerentur.

5 Sexto, quod mobilia perdita semel in bello, & ab hostibus capta, licet postea recuperentur ab exercitu, non debent restitui primis dominis, sed sunt recuperantium, nisi sint res, in quibus habet locum ius postliminij, ut pulchre decidit Sali. in l. ab hostibus. la 2. C. de capt. & postlim. num. 3. & in rebus pretiosis, de quibus loquimur, non est locus iuri postliminij: quia illi solum est locus in his quæ causa belli & prælij feruntur, ut sunt naues onerariæ, & currus, & boues portantes & trahentes frumēta, & commeatum, ut colligitur ex l. 2. & 3. ff. de capt. ubi dicitur scaphas piscatorias, & ad voluptatem comparatas, immo nec vestes pertinere ad postlim. & ita multo maior ratio est, cur res præfatæ pretiosæ non debeant restitui, quam aliæ, quæ causa belli portabantur.

6 Septimo denique, quod videtur esse quædam conuentio communis tacite per consuetudinem antiquissimam inducta inter Principes Christianos, & Principes Turcarum, & Saracenorum occupantes terras ad Principes Christianos vel Ecclesiam Christianam pertinentes, quod res mobiles captae in bello censeantur esse capientium, attenta illa iustitia belli, quam habet ex indictione auctoritate suprema temporali facta, quamuis alia requisita ad hoc ut sit iustum non concurrant. Quæ conuētio tacita colligi posse videtur tum ex eo, quod Romani, barbari, & alij Pagani iure gentium usque ad tempus, à quo cœperunt Imperatores, & Reges Christiani rerum summas tenere, id seruauerunt: tum ex eo, quod supremi Monarchæ Christiani etiam nunc id seruant: non enim iam tam longa ætate memini videre, audire, nec legere, quod, facta simpliciter inter aliquos Reges pace, nulla conuentione alia inserta, subditi vnius Regis liberi adeant Regem contrarium, & petant coram eo mobilia capta tempore belli publici à subditis eius, & fuerint iussa eis restitui: quæ consuetudo eisdem rationibus colorari potest, quibus colorata fuit illa particularis tacta in quinto argumento.

7 Pro parte vero affirmante facit primo, quod res aliena est restituenda domino suo, cap. si res aliena. 24. q. 6. cap. peccatum. de reg. iur. lib. 6. & latius

latius tradimus in Manu. confess. cap. 17. num. 24. & 25. At capta in præd. bello videntur mansisse in dominio eorum, quorū antea fuerunt; quia non fuerunt facta Maurorum, qui ea ceperunt, cum bellum illud à Maurorum parte fuisset iniustum, quia susceptum erat pro defensione terrarum, quæ non erant suæ, sed Christianorum, qui volebant eas recuperare: & D. Tho. in 2.2. q. 66. ar. 8. recep. ab omnibus Theologis expresse ait, quod ad hoc, vt capta in bello fiant capientium, requiritur quod bellum sit iustum.

Secundo, quod ad effectū, vt capta fiant capientium, non videtur sufficere, vt bellum sit publicum auctoritate temporali suprema indictū: quia alioquin consequeretur, bella Turcarum, & Saracenorū contra Christianos esse iusta, & capta in eis fieri eorū, & consequēter Christianos captos ab eis fieri seruos eorum; quod videtur durū. Sed ad hæc duo argumenta pro parte affirmante adducta responderi potest, quod procederēt, nisi lex & consuetudo obstarēt, per tacta in 3. & 4. pro parte negante formatis. Per quæ omnia ego non auderem in præsentia affirmare partem posteriorem: sed magis inclino in partem priorem, quam certe disputando defendi posse non dubito; nec contra eam consulam, donec inueniā aliquid firmitus, quam nunc inuenire potuerim; eo quod hæc quæstio, etsi grandis & quotidiana, nondum est, vt arbitror, pro dignitate tractata. Salua, &c.

DE DOLO ET CONTVMACIA.

S V M M A R I V M.

1. *Capitulo cum aliquid est intimandum, canonicis in Capitulo capitulariter congregatis, & non aliter, ad hoc vt sit legitima, est intimatio facienda: & hoc, quando agitur de ijs, quæ capitulariter sunt, etiam si concernerent actum facti, valide expedienda. nu. 5. quod si respiceret actum facti quod valide per singulos posset expediri, singulis posset intimari. num. 4. & 6.*
2. *Citari in alio loco, quam de iure requisito, nemo potest, nisi quando executori data est talis potestas ob non tutum accessum.*
3. *Personaliter, vel procuratori ad id sufficienter constituto intimandum est cuilibet id quod ei præiudicium potest inferre.*
4. *Possessio sessionis in choro & Capitulo, ac iurium canonicalium canonico non potest valide & utiliter a Capitulo dari nisi capitulariter.*

C O N S I L I V M I.

FVIT relaxatum monitorium ab A. C. contra Capitulum ecclesiæ N. vt sub censuris & alijs pœnis deberet immittere A. in possessionem archidiaconatus eiusdem ecclesiæ. Quod monitorium fuit intimatum Priori, & aliquibus canonicis, non capitulariter tamen repertis. Quæritur an intimatio huiusmodi valeat.

1. *Respondeo primo præfatam intimationē non videri vere legitime factā Capitulo: quia vere Prior, & canonici, quibus facta fuit intimatio, non erant cōgregati in Capitulo, neque in alio loco legitime vocati, vt requiritur ad hoc, vt faciāt Capitulum; quia nō erant vocati absentes, nec erāt ibi*
dux

duar partes vocādorū, neque erat locus, ad quem solent vocari ad agenda negotia Capituli, licet sic ad officia diuina faciēda, & ad reficiēda corpora, & ad eundum à choro in refectōrium, quod non est satis ad constituēdum Capitulum legitime congregatū, vt colligitur ex multis, quæ adducit Fel. in cap. eā te. de rescrip. & in cap. cum omnes. de cōstit. & Franc. Pauin. in tract. de offic. Capituli sede vac. & alij in alijs locis ab eis alleg.

2 Secundo, quod nec potest dici quod habenda sit fīctē pro legitima pręfata intimatio, eo quod ad Capitulum non esset tutus accessus, vel quod ipsum impediēbat intimationem. Tum quia in sententia declaratoria dicitur breue, virtute cuius fuit declaratio facta, fuisse legitime intimatum Capitulo, canonicis, & aduersario. Tum quia pręfatū monitoriū non continebat clausulā, vt haberetur pro satis intimata, si non esset tutus accessus, vel si Capitulum & canonici impedirēt intimationem, quod requiritur iux. clem. 1. de iudic. & iuxta multa alia, quæ scripsit Fel. in cap. quoniam frequenter. §. porro. col. 3. & sequen. vt lite non contest. Tum quia nec notarius ipse, qui notificauit in loco incompetēti, dicit non fuisse tutum ei accessum ad Capitulū, neque quod illud impediēbat intimationē. Tum quia Prior, & hi qui eum comitabātur, nihil dure respōderunt: quia solum in summa dixerunt, eos non constituere ibi Capitulum ad negotia faciēda, & quod responderent cum in loco competenti eis intimaretur.

3 Tertio, quod certum est etiam non esse factam legitime intimationem ceteris, qui nō aderant cum Priore, cum ei intimatio facta fuit: quia intimatio, quæ fit alicui ad inferēdum ei pręiudiciū aliquod, si non obediat contentis in insinuatione, faciēda est personæ propriæ, vel procuratori eius ad id sufficienti mandato munito, clem. causam quæ. de electio. & ipsi non erant præsentes, nec qui erant præsentes erāt procuratores eorum.

4 Quarto, quod magis potest dubitari de ipso Priore, & alijs canonicis præsētibz, qui eum comitabantur. Pro parte enim affirmāte facit, quod actus consistens circa merum factū, & pertinens ad Capitulum, potest expediri per canonicos singulariter sine Capituli congregatione: quæ cōmunis est sententia Innocen. Compost. Ioan. And. Butr. & Imol. quos refert Fel. in cap. eam te. nu. 13. de rescrip. & tādē sequitur eos, dicens, non esse tutū ab ea recedere: & in proposito agitur de actu cōtinente merū factū, scilicet receptionem A. cui iam est quæsitum ius per prouisionem Papæ.

5 Pro parte autem negante faciunt quædam Dominici dicta, quæ ipse ibi citat, & alia fortiora, quæ possunt eam confirmare, si adeo expediret nostro proposito, & sententiæ, in qua fuit olim in illo cap. scilicet limitādā esse illam communem sentētiā, vt tantum procedat in actu facti, quem canonici possint singulariter sine Capitulo facere, vt si iuberētur soluere aliquam summā pecuniæ, ad quam soluendā quilibet pro rata esset condemnatus; nō autē in actu, qui nequiret fieri vtiliter ab aliquo, vel aliquibus eorum, nisi maiorem partem Capituli constituerent. & in casu proposito, in quo agitur de tradēda possessione sessionis in Capitulo, & choro, & iurium ad archidiaconatum pertinētium, occurrit actus, qui vtiliter à singularibus canonicis fieri non potest, nisi saltem conueniret maior pars eorum:

eorum:

eorum: & quia non constat, quod intimatio fuerit facta nisi Priori, & paucis canonicis; arbitror eos excusatum iri à censuris, saltem si non contradixerunt, quos non constat contradixisse. Salua, &c.

DE SEQUESTRATIONE POSSESSIONIS ET FRVCTVVM.

SVMMARIVM.

1. Sequestrum positum iuxta clem. 1. de sequest. poss. sola concordia iudiciali etiam cum extinctione litium a iudice facta non tollitur.
2. Suspensio facta vsque ad tempus, eo adueniente tunc spirat, quando tempus est certum: at si possit dubitari an aduenerit, vel sit præstitum quod iubebatur, requiritur iudicis declaratoria.

CONSILIUM I.

AN SEQUESTRVVM positum in casu clem. 1. de sequest. possess. infirmetur per concordiam factam inter partes cum extinctione litium ab ipso iudice facta?

1. Pro affirmatiua facit, quod sequestratio, de qua in d. clem. fit durante lite; at per talem concordiam finita est lis auctoritate iudicis, ergo non durat: quia factum vsque ad aliquem terminum, non durat adueniente illo secundum Innoc. in cap. cum bonæ. de æta. & qualit. Sed contra videtur dicendum per resolutionem eiusdem Innoc. ibidem, videlicet quod quamuis suspensio facta quo ad aliquod certum tempus per aduentum illius tollitur, quia nulla potest esse dubitatio de illius aduentu; suspensio tamen facta donec satisfaciatur, non tollitur donec iudex declaret esse satisfactum: quia posset vna pars id affirmare, & altera negare. Cum ergo in questione proposita possit vna pars dicere litem non esse extinctam, nec concordiam validam, videtur durare sequestrum, donec iudex declaret finitam esse litem, & concordiam validam.

DE CONFESSIS.

SVMMARIVM.

1. Monialem se esse quæ asseruit, & coram vicario Episcopi interrogata confessa est, si postea cum iuramento interrogata dicat contrarium, ex causa attendi potest secunda confessio, & seqq.
1. Confessionem a se factam quis non reuocat, staturque primo dicto regulariter. nu. 6. fallit si secunda confessio sit extorta per tormenta, nu. 3. vel per iuramentum, nu. 4. vel quando secunda facta in loco libero, cum prima esset facta timore reuerentiali, sumusque in materia requirente plenam libertatem, num. 4. & 5. vel quando contra primam subsunt præsumptæ subornationes, nu. 5. & 6.
2. Testis secunda depositio præualet priori nulliter receptæ.

CON-

- 1 **Q**VAEDAM puella diues opera patris ingressa fuit quoddam monasterium, animo, vt ipsa postea dixit, quotiescumque vellet, exundi: quæ post aliquot annos persuasa, vt creditur, ab Abbatisa, monialis facta est. quod ægre ferens pater, qui eam nuptui tradere cupiebat, protestatus fuit de nullitate professionis; & simul operam dedit, vt super eo ab Episcopi vicario examinaretur, quæ respondit simpliciter se esse monialem. itaque videns pater, quod filia subornata, dum in monasterio permaneret, ob verecundiam, & reuerentiam Abbatisæ, & monialium in dictis persisteret, obtinuit causam committi, & filiam à monasterio educi, prout factum est: & siceducta à commissario examinata iureiurando respondit se numquam proposuisse fieri monialem. Quæritur, an prima confessio præualeat posteriori confessioni.

Respondeo primo, quod quæstio hæc est valde difficilis, & plurima pro vtraque ipsius parte adducere posset is, cui esset otium id faciendi. Pro parte enim affirmatiua videtur casus vulgatus in l. generaliter. C. de non numer. pecu. cuius verba transferuntur in cap. per tuas. de probat. ibi, *Nimis indignum sit, vt quisque quod sua voce dilucide protestatus est, in eundem casum proprio valeat testimonio infirmare.* Deinde quod Bart. in l. eos. ff. ad leg. Corneliæ de falsis, quem sequuntur plurimi, & in his Panorm. in consi. 52. 1. par. tenet primum dictum etiam extraiudiciale testis præferendum esse dicto posteriori etiam iudiciali iurato: pro quo faciunt illa omnia, quæ ipse Bart. & alij multi in varijs locis adducunt pro suo dicto.

- 2 Pro parte autem negante posset adduci primo gloss. in d. cap. per tuas. & alia quæ est solemnior, cap. cum causam. de testib. quatenus habet priorem depositionem testis nulliter accepti postponendam esse depositioni posteriori: & quod communis opinio Doctorum est contra Bart. vt inter alios ait Philipp. Dec. qui plurimos in id citat in d. cap. per tuas. Secundo adduci potest etiam textus in d. cap. literas. de præsump. quatenus probat dicto secundo standum fuisse, licet pro primo dicto aliquot graues coniecturæ concurrissent. Tertio possent adduci iura illa omnia, quibus probatur confessioni posteriori per tormēta extortæ esse potius standum, quam confessioni priori sine tormentis factæ, l. recepti. & l. nimis. §. 1. ff. de quæst. & l. fin. C. de testib. & alijs similibus.
- 3

Secundo respondeo, quod narratio casus non videtur sufficiēter facta; quia non narratur nec explicatur an prædictus Reuerendissimus iudex, cui hæc causa commissæ est, interrogauerit denuo præfatam puellam super his, quæ antea dixerat, vt responderet præstito iuramento: neque satis declaratur, an prædicta puella exiens à monasterio reclamauerit coram iudice, vel tantum extra iudicium, & an iurata, vel iniurata.

Tertio respondeo, quod præsupposito eo, quod videtur verisimile, quod prædicta puella cum exijt, reclamauerit coram iudice, & cum iuramento, vel saltem postea coram Reuerendiss. commissario id fecerit, videtur standum esse posteriori confessioni, & non priori, attento quod prior sine iuramento

- 4 mento fuit facta, & secunda cum eo; & quod iuramentum est tortura quædã spiritualis, vt in hoc ipsum propositũ ait Panor. in d. cap. per tuas. nu. 11. & quod confessioni posteriori factæ per torturam est standũ, l. si postulauerit. §. sed & si negauerunt. ff. de adult. & d. l. repeti. Attento item quod prior confessio facta fuit timore reuerentiali Abbatissæ presentis cupientis illam habere monialem, & succedere in bonis eius, qui excusat in his, quæ sunt libertati valde graui, l. quæ onerandæ. ff. quarum rer. actio non dat. adeo quod gloss. singul. cap. præsens. 20. q. 3. argumento illius textus &
- 5 nonnullorum, quæ in eo citantur, dixit quod timor reuerentialis efficit, ne valeat professio etiam quo ad forũ exterius, quam & nos tenuimus allegando eam in Manu. confess. cap. 22. nu. 51. Attento tertio, quod confessio mulierum in his, quæ pertinent ad matrimoniũ spirituale vel carnale, debet fieri in loco libero, & plenæ libertatis, cap. cum locum. de sponsal. ad hoc vt sibi præiudicet: & quod posterior confessio est facta in loco libero, prior autem non ita; & quod ipsa ob prædictum timorem non fuit id protestata; pater tamen eius protestatus fuit, quod multum ad hoc facit, arg. cap. 1. de ijs quæ vi, & cap. 17. de regular. Concil. Trid. sess. 25. Attento item quod multa concurrunt ad suspicandum, quod subornata, & verecundia sexus adacta dixit ea, quæ corã prædicto vicario confessa fuit, nempe quod fuit ingressa monasterium eo animo, vt fieret monacha, & quod eo animo accepit habitum monachalem; & quod vere non habuit, vt ipsa etiam in postrema confessione significat, animum se monacham faciendi: & quod pater id videns præparauit sibi nuptias, & fecit easdem denunciari; quod non fecisset, si certo non intellexisset eam velle matrimonio coniungi: & quod simulac egressa fuit, reclamauit, & affirmauit nullum vñquam talem animum habuisse: & quod ante illam confessionem fuit sponsa à patre, & aliqua id genus alia, quæ coniuncta cum tribus præcedentibus coniecturis satis mouere possunt iudicem ad iudicandum veriorẽ esse confessionem eius posteriorem, quam priorem.
- 6 Nec obstant opposita in contrarium; quia opinio prædicta Bart. communiter rejicitur, vt prædictũ est: & quod licet regulariter confessio prior præualeat posteriori, ceteris paribus; fallit tamen, quando posterior est per tormẽta extorta, vel iurata iuramento, quod est quoddã, vt prædictum est, tortura; & cum prior est facta metu saltem reuerentiali, vel in loco non libero, posterior autem sine vñlo metu, & in loco libero; & cum sunt aliquæ coniecturæ, quæ muniunt posteriorem contra priorem per supradicta. Quare omnia in nostro casu in fauorem posterioris concurrunt. Salua, &c.

DE TESTIBVS ET ATTESTATIONIBVS.

SUMMARIVM.

- 1 Testes singulares etsi non probent in foro exteriori, vnicus tamen si sit idoneus saltem iuratus dat instam causam aliquid probabiliter credendi, etiam ad effectum credendi sufficienter etiam contra ecclesiam aliquid præscriptum. nu. 2.

2 Veris-

3 *Verisimilia iuste credi possunt, cum contrarium non probatur, nec de illo extat fama.*

CONSILIVM I.

QUIDAM N. nobilis, & ex celebri familia possidet vnam capellaniam reddituum 57000. merapitinoꝝ requirentem ex institutione sua residentiam personalem, de qua dicunt testes non esse beneficium sufficiens prædicto, & tres testes iurati deponunt 30. annis proximè elapsis seruitum fuisse illi per substitutos & vicarios, & non personaliter per ipsosmet capellanos, immo duo illorum testantur à 40. annis seruitum fuisse illi per substitutos, & non personaliter: & vnus eorum testatur seruitum fuisse illi 50. annis & amplius per alios quiete, nulla super hoc mota controuersia. Queritur an prædictus N. possit retinere illam tuta conscientia non seruiendo ei personaliter, sed per substitutos.

Respondetur primo, non videri sufficienter probatum, quod prædicta capellania sit libera à residētia personali quo ad forum exterius; quia immo non probatur sufficienter quod 40. annis fuit seruitum ei per vicarios: quoniam vix vnus testis testatur, & neuter aliorum ait id seruatum fuisse 40. annis: alter enim solum deponit de 30. & alter quod seruatum solum est illud à 40. annis paulo plus minus, & ita non concludit de 40. annis, quos requirit præscriptio canonica iuxta cap. de quarta. cum ei adnotatis, de præscrip.

Secundo, quod satis videtur probatum quo ad forum conscientiz, ad effectum probabiliter credendi quod 40. annis est seruitum præfatz capellaniæ per substitutos & vicarios; quoniam dictum vnus testis idonei, saltem iurati, inducit iustam credulitatem, & est iusta causa probabiliter credendi aliquid, iuxta gloss. sing. & recep. in l. Titio fundus. ff. de condic. & demonstrat, quam post alios declarat Fel. in cap. cum contingat. de rescrip. in princip. & in casu proposito vnus testis idoneus satis probat, saltem quo ad forum conscientiz, quod 40. annis seruitum est ei per vicarios; & iuuatur ab alio, qui reddens optimam rationem sui dicti, testatur fuisse id seruatum 40. annis paulo plus vel minus: iuuat & tertius testans id esse seruatum 30. annis: per quæ tria dicta probabiliter quis credere potest id seruatum fuisse 40. & amplius annis quo ad forum conscientiz; cum prædicta capellania sit antiqua, & tempore circiter 200. annorum antehac instituta, & non est vlla scientia, nec fama contraria, quod vquam super hoc fuisset controuersum: & quod capella est sita Salmanticæ, vbi est magna Iurisperitorum copia: & est verisimile, quod si consuetudo deseruiendi per alium fuisset recens, & nondum seruata 40. annis, esset scientia, vel fama de aliqua controuersia super hoc habita, vel mota: & ita videtur iuste credi posse, quod eius initium præcessit longe 40. annos: quia verisimilia iuste credi possunt, cum contraria non probantur, vel non est de illis fama, cap. quia non est verisimile. de præsumptio. & l. non est verisimile. ff. de eo quod metus causa. Salua, &c.

SUMMARIUM.

- 1 *Credere non tenetur filius matri asserenti ipsum votum emisisse, sicut nec quod se conceptus de adulterio.*

CONSILIUM II.

- 1 **A**D QVAESTIONEM respondetur, praefatum consulentem nullo iure teneri ad credendum matri suae dicenti, quod cum aegrotasset, vouit intrare religionem Capucinorum: sicut & communis resolutio doctorum habet, quod non tenetur filius credere matri suae nuptae, quod genuit eum ex alio viro per adulterium.

DE TESTIBVS COGENDIS, VEL NON.

SUMMARIUM.

- 1 *Clericus peccat ferendo testimonium in causa sanguinis; & si sequatur occisio, vel mutilatio, esset irregularis; unde nec potest cogi, ut coram iudice seculari tale ferat testimonium.*

CONSILIUM I.

- 1 **R**ESPONDETVR, quod praefatus sacerdos non potest cogi ad ferendum testimoniũ super aliqua re quae moueat iudicem ad occidendũ, vel mutilandũ membrum. Tum quia nec passim etiam laici possunt compelli ad testificandũ in criminalibus, cap. delictũ. de testib. cog. Tum quia clericus peccat ferendo testimonium in criminalibus, quando ex eius testimonio posset sequi mors, vel mutilatio: quia clerici non debent testificari coram iudicibus secularibus, cap. quamquam. 14. q. 2. Tum quia licet sponte ferat testimonium super aliqua re, unde sequeretur mors vel mutilatio, fit irregularis, per cap. sententiam sanguinis. vbi hac notat Panorm. num. 2. ne cler. vel monach.

SUMMARIUM.

- 1 *Monitorium Episcopi iubens denunciari furta, non ligat scientẽ, probare non valentẽ: at si madet, ut quod quisque scit tamquã testis reuelet, ligatur qui scit, etiamsi parte furti habuerit, nec possit probare, modo à iusto metu vel priuilegio nõ excusetur.*

CONSILIUM II.

- 1 **R**ESPONDEO, quod praefatus communicans secreto in furto, accipiendo partem illius quod furto subtractũ fuit, non tenetur ad denunciandũ, si non potest probare, quando Episcopus solum iubet denunciari id quod scitur; sed si iubet ut reuelet id quod scit tamquam testis, tenetur dicere id quod scit. Et hoc est quod ego dico in Man. meo cõfess. loco praecitato. Et ideo praedictus D. consulens perpẽdat an Episcopus iusserit denunciare solum, an etiam testificari, vel reuelare, ut testẽ, quod scitur: quia priore casu non tenetur quiequam reuelare, si non potest probare; posteriore autem sic, si iustus metus, vel aliquod priuilegium cognationis, vel aliud non excusat à testificando, ut ibidem diximus.

DE

DE FIDE INSTRUMENTORVM.

S V M M A R I V M.

- 1 Beneficij collatio instrumento notarij sigillo, sed non subscriptione Episcopi munita, immo etiam testibus solis sine scriptura probatur.
- 2 Literis Episcopi sigillatis, etiam non subscriptis, in his quæ eius officium tangunt, ut est collatio beneficij, creditur.

CONSILIVM I.

AN SVFFICIAT ad probandâ collationem beneficij, ut constet per instrumentû notarij Episcopi sigillo cõmunitû sine subscriptione Epi?

- 1 Respondeo affirmative. Tum quia nullo iure id requiritur, ut colligitur ex cap. 1. & 2. de fid. instrum. cum eis adnota. & ex cap. quoniam contra falsam. de probat. Tum quia etiam literis Episcopi sigillatis sine vlla subscriptione creditur in his quæ pertinent ad officium eius, etiam sine subscriptione notarij, ut tradit post alios Deci. in cap. post cessionem. de probat. Tum quia collatio Episcopi probari potest testibus sine alia scriptura Episcopi, iuxta decis. Rotæ 38. de probat. in antiq. Salua, &c.

S V M M A R I V M.

- 1 Antiquitas decem, vel saltem triginta annorum facit præsumi in actu omnes etiam extrinsecas, etiam non enunciatas, interuenisse solemnitates, ac requisitam agentium potestatem; sigillaque eorum, quibus adscribuntur, fuisse, defectusque nunc apparentes fuisse recognitos.
- 2 Antiquissima duo instrumenta, transumpti inquam in quo refertur ipsum originale, adiunctis adminiculis præsertim samæ, præsumptiue probant iuspatronatus ad effectû sustinendi præsentationem; licet in dicto instrumento aliqua possent desiderari.

CONSILIVM II.

PVTANS me interrogari vnâ quæstionē, respondi aliqua, quæ conuenit mutare, ut aptentur alijs, quam nûc interrogor, & ob breuitatem temporis cogor ex tempore respondere, urgentibus me ad id maxima in interrogantem charitate, beneuolentia, & amicitia. Respondeo igitur videri mihi duo in negotio proposito.

- 1 Alterum est, quod, salua sententiâ Reuerendis. DD. Rotæ, quos ego maxime suspicio, sola duo instrumenta præsentata per D. Ferdinandû ad probandû iuspatronatus, de quo agitur, pertinere ad monasterium & conuentum, qui eû præsentauit, sine alijs adminiculis sufficiunt de rigore iuris, per ea quæ Fel. post se & alios à se citatos scribit in c. Albericus. de test. nu. 3. & 4. usque in finē, asseuerando quod in publicatione scripturarû, & in receptione testiû ad futuram rei memoriam, præsumitur citationem necessariâ interuenisse: quia non solû solemnitas intrinseca actus præsumitur interuenisse in eo, sed etiâ solēnitas extrinseca, etiâ non enunciata in instrumento, quando illud est antiquum: & probat dici antiquum, si fuit factum ante decennium, vel saltē ante trienniû: & in casu proposito tam originale relatatum in transumpto, quam ipsum transumptum, sunt antiquissima; nam originale

Originale fuit factum ante circiter ducentos annos, & transumptum ante circiter cētum quadraginta, & quod transumptum fuit factum coram testibus, & quod ambo fuerunt sigillata, & quod non probatur efficaciter quod sigillum debeat probari esse munitum nomine sigillatoris characteribus expresse, & quod adeo antiquissima antiquitate videntur inducere præsumptionem quod erat tale, quale esse debebat; & quod iudex, qui dedit auctoritatem transumptui, præsumi potest fuisse ordinarius, vel delegatus specialiter ad illum actum propter præfatam antiquitatem; & quod etiam præsumi potest præfatos defectus visibiles, si qui erant, vidisse iudicem transumpti, & non fuisse approbaturum illud, nisi per alia, quæ ibi non narrantur, suppletos fuisse cognouisset; quod per exempla inducta per Felin. & alia similia potest comprobari, si satis expendantur.

Alterum, quod videtur, est, quod illa duo instrumenta adeo antiquissima, adiunctis adminiculis quæ nunc præsentantur ad probandum præfatum iuspatronatus pertinere ad præfatum monasterium, in dubio probant illum ad effectum de quo quæritur, præsertim fama illa tanti temporis vulgatissima, & religio nobilissima, nobilissime in eo seruata; & quod nec aduersarius dubitauit ius præfatum patronatus ad præfatum monasterium aliquo modo pertinuisse; quod nec nunc, nisi læsa conscientia, iure negare posse videtur.

S V M M A R I V M.

1 Excommunicato, ac etiam irregulari expedit, fidem absolutionis obtenta in foro conscientie habere à confessario per eius schedulam priuatam, vel instrumentum, vel & cautius per schedulam clausam firmatam ab extra manu notarij.

C O N S I L I V M I I I.

AN ABSOLVTO ab excommunicatione, vel ab irregularitate quo ad forum conscientie tantum, expediat habere literas eiusmodi absolutionis, & quales possit habere sine violatione secreti?

1 Respondeo, expedire multum ad euitandam pœnam, quæ posset ei imponi in exteriori foro propter contemptum excommunicationis, vel legis; posse autem sibi parare, curâdo, vt confessarius, qui virtute literarum Pœnitentiariæ in foro tantum conscientie absoluit, coram notario & testibus tradat absoluto schedulam clausam, & signatam, dicendo quod ipse absoluit illum confessum eo modo, & de eo, quod continetur in ea; notarius autem in dorso eius scribat, quod tali anno, mense, & die rogatus fuit coram talibus testibus à tali confessario, & absoluto, vt eiusdem rei fidem faceret, & poneret ibi suum signum publicum eo modo, quo in testamento in scriptis facto iure fieri debet, & fieri consuevit: quod lōge cautius videtur, quam id, quod scio cōsultum fuisse viro quodam perdocto, videlicet, vt notarius duceretur ad cōfessarium, qui corā eo & testibus absolueret: quia id cum periculo publicandi secreta fieret: cautius item, quam id, nempe quod confessarius faciat fidē per suam schedulam tantū: quoniam, licet vtrumque sustentari posset id sufficere, per cap. testimonium. iuncta

glo. de testib. quia tamen opponi posset, vel subscriptionem ipsius non esse illius confessarij, maxime si esset mortuus, vel quod illa non fuit data quo tempore in ea dicitur, ideo securius videtur esse quod diximus. Salua, &c.

S V M M A R I V M.

1. Maior Pœnitentiarius, antequam per Pium V. officium Pœnitentiariæ restringeretur ad forum conscientie, de absolutionibus & dispensationibus, quas in utroque foro faciebat, dabat, & merito etiam, publicum testimonium; nunc autem nec ipse, nec ij, quibus ut in dicto foro conscientie absoluant & dispensent mandat, iuste illud dare possunt. nu. 2. & si darent, nihil prodesset: quia iudex fori exterioris nedum nõ teneretur, immo nec posset in præiudicium partis illi credere. nu. 3.
2. Testimonio dato à Pœnitentiaro, vel ab ijs qui solum in foro conscientie ex eius facultate absolunt, seu dispensant, eousque potest credere iudex fori exterioris, ut cessante aduersario possit dissimulando perinde se cum prædictis gerere, ac si non essent ligati.

CONSILIVM IV.

QUOTIDIE in sacræ Pœnitentiariæ prætorio absoluntur multi censuris, & ab irregularitatibus, & desiderant ut eis tradantur illæ absolutiones in forma probandi authentice, si Pœnitentiarius maior eam faciat per se vel alium pœnitentiarium prætorij; vel si fiat per commissionem, ipsi commissarij faciant fidem sufficientem per seipsos, vel per notarios publicos, coram quibus eam fecerint. Quæritur an desiderium sit iustum.

- Et quidē intelleximus, varie à varijs ad hoc fuisse respõsum; sed videtur respondendū aliter, sc. distinguendo tēpus in quo olim publice petebantur huiusmodi absolutiones, & alia, quæ sacrū illud prætorium expedire solebat publice quo ad utrūque forum tam exterius, quā interius, antequā se. rec. Pius V. reformaret illud prætorium, restringēdo eius facultates, & dispensationes, atque absolutiones quo ad forum conscientie tantum; & quod illo tēpore desiderium præfatum erat iustum, & adeo quidem, quod etiam hodie dantur copię authenticæ, si petantur, de actis illo tempore, quæ quo ad utrūque forum valebant: quia de non existentibus & non apparentibus idem est iudicandum, l. duo sunt Titij. ff. de test. tutel. & cap. si sacerdos. cum glo. de offic. ord. Sed quod hodie, posteaquam præfatus Pius V. reformauit præfatam sacram Pœnitentiariam, & restrinxit facultates eius quo ad forum conscientie tantum, non est iustum desiderium. Tum quia desideratur ut fiat aliquid ab eo qui non habet iustam potestatem id faciendi, quod est iniustum, argum. totius tit. de foro compet. & tit. si à non competen. iudice. C. Tum quia peccarent tam iudices, quam ministri eiusdem prætorij, reuelandò secreta quæ in eo dicuntur & fiunt, in grave præiudicium partium ibidem aliqua petentium & confitentium, contra iuramenta, quæ præstant ab initio susceptorum officiorum; quod est peccatum graue contra secundum præceptum decalogi, Exod. 20. re-
3. lati per glo. sing. in cap. quod in omnibus. 32. q. 7. Tum quia id quod desideratur

deratur, esset frustraneum: quoniam nullam fidem facerent præfatæ absolutiones quo ad forum exterius: quia in eo tam iudex ecclesiasticus, quam secularis posset iudicare contra in eis contenta, cum extra territorium ius dicenti impune non pareatur, l. fin. ff. de iurisd. omn. iudic. & cap. 2. de const. lib. 6. Qua in re tamen omnibus addo, quod mea sententia absque vilo peccato possent iudices exterioris fori dissimulare se nescire peccata illa, quorum absolutiones ostenderentur eis factæ quo ad forum conscientiarum tantum, ad effectum dimittendi illos impunitos, si ex suo tantum officio sine vilo præiudicio publico & priuato procederent; quia huiusmodi dissimulatio videtur utilis, quæ licita est, cap. vtilem. 22. quæst. 2. Dixi, Si procederent ex officio, & sine vilo publico vel priuato præiudicio. quia si procederent ad instantiam partis vel fisci pro earum publico vel priuato interesse, peccarent; quia iniustum quo ad forum exterius in illo foro facerent, contra l. ius pluribus. ff. de iust. & iur. & contra l. illicitas. §. veritas. ff. de off. præsid. & contra cap. iudicet. 3. quæst. 7. & notata in cap. pastoralis. §. quia vero. de offic. deleg. quatenus probant esse iudicandum secundum allegata & probata.

DE PRÆSUMPITIONIBVS.

SUMMARIUM.

1. Præsumptio illa assumenda est, quæ videtur verisimilior, & per quam evitatur periculum, & cui conformis est stylus, & per quam facientis evitatur stultitia.
2. Dispensandi ad omnes ordines facultate præditi, dispensando, in dubio ad omnes censendus est dispensasse, & non ad vnum tantum: nam gradatim dispensando, cum periculo cogeretur ad singulos singulas contra stylum facere dispensationes.
3. Occultus irregularis censendus est, qui apud Turcas fuit circumcisis, licet quidam ex præsumptione talem priuatim obiecerint defectum. num. 2. iuncto casu.

CONSILIUM I.

PVER quidam captivus apud infideles volens circumcisis fuit, & a fide apostatavit; postea cum res esset secreta, in patriam reuersus secrete in manibus Inquisitoris abiuravit apostasiam, & ab eodem fuit secrete reconciliatus. Demum cum intrasset religionem approbatam, Pontifex ad petitionem sui superioris concessit, ut hic posset ad omnes ordines ascendere: nescitur tamen, an Pontifex hoc concesserit in forma gratiosa, vel per commissionem. Ijs sic peractis, dictus superior iussit oratorem ipsum suscipere primo ordines minores, secundo iussit ut sumeret subdiaconatum, tertio diaconatum, quos in dicta religione assumpsit. Postremo iam dictus orator de licentia Pontificis transiit ad laxiorem religionem, in qua cum novitijs esset, prout etiam nunc est, tacitis prædictis omnibus ut supra subsecutis, tamquam legitimus diaconus de licentia huius secundi superioris ascendit ad sacerdotium. Dubitatur modo, an hic sit tutus, ita ut possit celebrare, cum non possit sciri.

ut dictum est, an Pontifex dictam gratiam concesserit in forma gratiosa; an vero per commissionem datam superiori dictæ primæ religionis, qui cum oratore ipso vniuersaliter non dispensauit, sed solum prima vice iussit ut quatuor minores assumeret; secunda iussit ut ascenderet ad subdiaconatum; tertia, ut ad diaconatum promoueretur: & quatenus sit necessaria dispensatio, an sufficiat eam obtinere in foro conscientie, cum dicta apostasia in hac secunda religione omnino ignoretur, & in prima etiam nesciatur, licet in ea quidam ex præsumptione eandem ei obiecerint extraiudicialiter, & in priuatis iurgiis.

1. Respondeo, iuste (mea sententia) credere posse præfatum religiosum se esse rite ordinatum. Tum quia probabiliter credere potest, quod Papa ipse dixit prælato suo petenti habilitatem pro prædicto subdito suo, verba, quibus formaliter, vel æquiuallenter fecit eum ad eos habilem. Tum quia probabiliter credere potest, quod prælatus eius fecit eum habilem ad omnes illos simul, si Papa ei commisit potestatem id faciendi; quoniam non est verisimile, quod prælatus particulatim eum habilitabat nunc ad hunc ordinem, nunc ad alium. Non enim erat boni & prudentis prælati, id facere cum periculo, quod ipso mortuo oporteret iterum refugere ad Papam: & communis stylus commissariorum ad habilitandum quem ad omnes ordines, habet, ut vnico actu id faciant: & non est præsumendum quid stultum & malum de bono prælato, cap. vnico. de scrutinio. & quæ communiter accidunt, sunt credenda, l. siue possidetis. C. de probat. & gloss. l. neque natales. eod. tit. & insolita non sunt credenda, cap. quia non est verisimile. de præsump. Quamuis ad redundantem cautelam posset peti à summo Pœnitentiario, ut prædictam ordinationem haberet ratam, & dispensaret super irregularitate, si & quatenus opus esset: quamuis mihi videatur non esse opus. Salua, &c.

S V M M A R I V M.

1. Regularis simplex omnia quæ antea habebat, & postea quoquo modo acquisiuit, suo monasterio seu ordini acquirit; at quæ post prioratum seu beneficium quasiuit, beneficio acquirit: ita tamen illorum habet administrationem, ut fructus expendere in sui & suorum honestam sustentationem, & in opera pia largiri possit, num. 2. & hoc etiam dum in extremis agit, num. 1. non tamen per donationem causa mortis. num. 2.
2. Debitori suo mandans moribundus prælatus, ut vnā tertiam crediti det vni, & aliam tertiam alteri, nihil de reliquo dicens, non ob hoc censetur residuum debitori donare, etiamsi sit illius consanguineus.

CONSILIVM II.

PRIOR regularis quædam sua bona patrimonialia Titio nepoti ad negotiandum contulit; & dum in extremis ageret, dictorum bonorum à Titio ratione reddita, iussit ut ex illis 50. vni, & 100. alteri traderetur. quo facto Prior mortuus est. Vnde dubitatur, an Titius tuta cōscientia dictorum bonorum residuum retinere possit, ex præsumpta donatione.

Illud

Illud in primis occurrit, quod D. consulens fallitur putans, quod Prior potuisset habere dominium maius in bonis patrimonialibus, quam in alijs bonis prioratus: quoniam religiosus per professionem perdit dominium omnium bonorum patrimonialium, quæ ante professionem habebat, & capacitatem habendi dominium illorum, vel aliorum in tota vita sua: ita quod omnia quæ ante professionem habebat, per illam fuerunt facta monasterij, vel religionis; & omnia quæ post eam siue donatione, siue successione, siue alia quacumque industria sua quærit, acquirit monasterio, vel ordini, seu religioni, quam professus est antequam Prior efficeretur; & ea quæ postea quæsiuit, acquisiuit ipsi prioratui, ut nos late probamus in comment. 2. de regul. super cap. non dicatis: 12. quæst. 1. per authen. ingressi. C. de sacrosan. eccles. & cap. in præsentia. de probationibus. & alia, quæ ibi possunt videri. Deinde, quod præfatus Prior licet post professionem nullius rei temporalis dominium, neque possessionem suo nomine potuisset habere, potuit tamen habere administrationem, & facultatem disponendi de fructibus prioratus, & omnium bonorum, quæ quoquo modo quæsiuit, ad suam & suorum decentem sustentationem, & ad largiendum pauperibus, & alijs operibus pijs, & remuneratorijs. Ex quibus liquido infertur potuisse præfatam Priorem donare Titio intuitu paupertatis, pietatis, vel remunerationis, si quæ interuenisset, reliquum, quod remansit penes eum post rationem redditam eorum, quæ in societatem dederat ei prædictus Prior, vel saltem tantum, quantum prædicta paupertas, pietas, vel remuneratio exigebat.

3 Sed dubium est, an præfatus Prior per præfata verba, quibus dixit, ut de præfato reliquo 50. daret vni, & centum alteri, nihil de alijs expresse disponens, præsumatur voluisse alia donare Titio. Quod enim noluerit, facit, quod nemo in dubio videtur rem suam donare alij, l. cum de indebito. ff. de probat. Pro contraria vero parte facit, quod ægrotabat, & quod disposuit de duabus partibus illorum, quæ Titius tenebat; & non apparet alia ratio, cur tacuisset de alijs partibus; nisi quia voluit ut illæ manerent cum Titio, si moreretur. Sed huic argumento responderi potest, quod non concludit voluisse donare simpliciter, & inter viuos, sed tantum causa mortis; & quod licet religiosus habens beneficium regulare, vel sæculare, possit donare intuitu paupertatis, pietatis, vel remunerationis inter viuos, non tamen potest per ultimam voluntatem, neque per donationem causa mortis, quæ quo ad hoc æquiparatur: consanguinitas autem, vel societas exercendi negotiationem, parum prodest D. consulenti; quia non est iusta causa, ut religiosus etiam beneficiarius possit donare alicui de redditibus sui beneficii, vel alijs alia ratione quæsitis.

4 Vnde sequitur, quod præfatus Titius de rigore iuris non potest retinere illam partem bonorum, quæ remansit penes eum, propter verba præfata. Cui consulendum, ut aliquam bonam compositionem procuret facere cum eo qui successit in prioratu, ad quem iure pertinet. Salua, &c.

- 1 *Suspensionis censura, nec dum infligitur, nec dum tollitur, ullam certam verborum formam præscriptam habet.*
- 3 *Prohibitus celebrare à iudice in scriptis, censetur suspensus, secus si solo verbo; ne præsumatur iudicem velle delinquere. & nu. 2.*

CONSILIVM III.

- A**N PROHIBITVS à prælato ne celebret, videatur suspensus?
- 1 Pro parte affirmante facit primo, quod nulla forma verborum est præscripta ad faciendam, nec ad tollendam suspensionem, sed sufficiunt quæcumque id significantia, ut dicimus in Man. confess. cap. 27. num. 161. Secundo, quod tota definitio suspensionis in d. Man. serio concepta, & declarata ubi supra num. 151. videtur ei convenire.
 - 2 Pro parte vero negante facit primo, quod suspendens verbo sine scriptura, delinquit, & punitur suspensione, cap. 1. de sentent. excom. lib. 6. Secundo, quod magna cum prouidentia debet imponi, ut habetur in d. cap. 1. & per prohibitiones huiusmodi, cum prohibens non utitur verbo suspensionis, videri potest nolle suspendere: & quod prohibitio de non communicando, vel non celebrando à confessario facta, non censetur suspensio, ut ubi supra dicitur, reddendo rationem cuiusdam dicti glossæ cap. 18. qui. de sentent. excom. lib. 6.
 - 3 Pro concordia horum in præsentia occurrit dicendum, quod, si prælatus in scriptis faciat huiusmodi prohibitionem, censetur suspendere: quod probant argumenta pro parte affirmante adducta. prohibens autem verbo tantum præsumitur solâ simplicem prohibitionem facere, argum. l. si procurator. ff. de condit. indeb. cum suis concord. quatenus probant, in dubio neminem præsumi facere actum eo modo, quo sit delictum. At, qui prohibet celebrare sine scriptura, facit actum, qui potest iudicari delictum, & non delictum: nam si facit animo suspendendi, delinquit, adeo quod ipso iure incurrat suspensionem: si vero facit animo non suspendendi, sed simpliciter prohibendi, non videtur delinquere: ergo præsumendus est nolle suspendere.

SYMMARIUM.

- 1 *Acolytatu probato non probatur prima tonsura, nec alij minores.*
- 2 *Sacerdotio probato, cum de antiqua ordinatione agitur, & constat ordinatorem fuisse virum insigni virtute præditum, alij minores ordines probantur.*

CONSILIVM IV.

- A**N PROBATO acolytatu probetur prima tonsura?
- 1 Respondetur primo, hunc D. consulentem debere per se, perque suos adhibere diligentiam querendi literas psalmistatus monendo & ad memoriam reducendo à quo Episcopo & in quo episcopatu, & coram quo secretario fuit initiatus præfato psalmistatu; quibus inuentis, bona pars dubitationis excluderetur.

Secundo, quod illis literis non inuentis, & sublata spe inueniendi, debet

bet impetrare à suo Episcopo literas dimissorias, per quas assumere possit prædictum clericatum, antequam consequatur beneficium, ne illius collatio ei ante clericatum facta sit ipso iure nulla, iuxta cap. ex literis. de transact. & nota. in cap. cum adeo. de rescript.

Tertio, quod debet idem consulens rescribere ad patriam, ut sedulo & diligenter quærat in illo registro notarij, in quo inuenitur illum insignitum fuisse acolytatu, an inueniatur etiam insignitus alijs tribus ordinibus minoribus, quia quatuor ordines minores olim in Hispania simul conferri solebant: quod si ratione Concilij Triden. ceperint singulatim in illa regione, in qua est illud regiltrum, conferri; quærat an sit erratum in accipiendo transumptum ex eo, ita quod sciatur an verum sit eum esse acolytum, an non: quo præscito certius consulatur.

2. Quarto, quod licet teneamus cum Panor. in cap. nisi. de præb. recep. à Fel. & alijs quos ipse citat in cap. super his. de accus. quod probato sacerdotio censentur probati alijs omnes minores ordines, quando agitur de ordinatione antiqua, & probatur quod ordinator erat insigni virtute præditus; non tamen ex eo satis efficaciter videretur probari idem esse dicendum de acolytatu quo ad alios ordines minores: & si res in iudiciu deduceretur, non esset facilis forte probatio virtutis adeo insignis, nec temporis adeo antiqui. Quare inquirenda est pro viribus veritas facti, & ea cognita, cum ius oriatur ex eo, quærenda est veritas iuris; quia est periculum, quod ei obijciatur in foro exteriori promotio per saltu, constituto de promotione ad acolytatu, & non apparente promotione ad alios minores, & psalmistatu.

Quinto, cauendum esset D. consulenti, ut ante promotionem ad beneficium inueniatur legitime ordinatus, si timet rem controuersam iri in foro exteriori. Saluo meliori iudicio.

DE IURE IURANDO.

SUMMARIVM.

1. Iuramentum factum homini de non ludendo ad ludos malos, seruandum, sed potest relaxari ex causa etiam ab Episcopo.
2. Iurans sub certa pœna ludo malo vel absolute non ludere, ludendo malo ludo ad pœnam tenetur.
3. Absolvere potest confessarius à fractione iuramenti.
4. Iuramenti pœnalis adeundi Hierusalẽ relaxatio non est seruata Papæ, secus in voto.
5. Iuramentum, sed non votum adeundi Hierusalem, relaxatur per cruciatam.
6. Voti dispensandi facultas per Iobelaum concessa ad iuramentum non extenditur.
6. Pœnitentiaria facile dispensat super iuramento pœnali in peccati odium facto.

CONSILIUM I.

TITIVS, cum non ad voluntatem ei ludus succederet, sponte prorupit in hæc verba: Iuro tibi, Semproni, per Deum me amplius in vita mea non lusurum nec ad chartillam, seu chartetã, siue primeram, nec ad alium chartarum ludum, sub pœna adeundi Hierosolymam.

Dubitatur primo, an hoc sit iuramentum obligatorium.

Aa 4

Secun-

Secundo, si luit, an Hierosolymam adire teneatur.

Tertio, an à confessario electo virtute Iobelgi vel cruciatæ absolui possit.

1 Ad propositas quæstiones respondetur primo, iuramentum de non ludendo ad chartillam, seu chartetā, siue primeram, & similes ludos vetitos, esse validum, & seruandum quo ad illos, qui sunt peccata genere suo præsertim mortalia; & relaxari posset iusta de causa, sicuti votum, tū à Papa, tum ab Episcopo: quia non est de reservatis Papæ, iuxta ea, quæ tradimus in Man. nostro conf. cap. 12. num. 75.

2 Secundo, quod qui iurauit non ludere præfato ludo malo & illicito sub pœna adeundi Hierosolymā, tenetur adire illā, si fregerit illud; vt teneretur qui in genere & absolute voueret non ludere sub simili pœna, & luderet illicite: quod quando contingat, dicitur in d. Man. cap. 20. in princ.

3 Tertio, quod certum est per Iobelæum, siue per bullam cruciatæ posse prædictum absolui à peccatis, quæ fecit frangendo prædictum iuramentum: quia id nullo iure reservatur Papæ; & per Iobelæum, siue bullam cruciatæ conceditur confessario legitime electo facultas absoluendi à peccatis: immo & proprius confessarius potest absolvere ab ipsa trāsgressione.

4 Quarto, quod pulchrū dubium est, an alius, quam Papa, possit relaxare iuramentū de adeūdo Hierosolymam, si ludo illicito luderet. Arbitror tamen esse probabile, quod relaxatio iuramenti prædicti, de adeūdo Hierosolymam, & terram sanctam, non est reservata Papæ, sicut est relaxatio voti id ipsum faciendi, per ea quæ de comparatione voti & iuramenti diximus in præfato Man. cap. 12. nu. 32. & secundum Tab. verb. iurare. nu. 21.

5 Quinto, quod certum est consequenter prædictum iuramentū potuisse relaxari iusta de causa à cōfessario electo legitime per cruciatam; quamuis credā nō posse relaxari per eum, etiam iusta de causa, votum de adeūdo Hierosolymam; quia illud est reservatum Papæ; &, vt puto, dispensatio eius non cōceditur specialiter prædicto cōfessario electo per cruciatā.

6 Sexto, dubitari posse an hoc iuramentum possit relaxari per Iobelæum à S.D.N. nuper concessum: & in præsentia inclino in prædictā negantē; quia solū concedit facultatem dispensandi super votis, nulla facta mentione de iuramentis, quæ sunt diuersa ab illis, per dicta in præfato cap. 12. nu. 32. & à diuersis nō fit illatio, præsertim in dispensationibus, quæ sunt odiosæ, & exorbitantes, l. Papin. ff. de minoribus, & cap. quæ à iure. de reg. iur. lib. 6.

Septimo, quod, vt puto, facile absoluetur à sacra Pœnitentiaria à præfato iuramento facto non propter deuotionem, sed ob abominationem peccati iusta de causa; præsertim quod sine licentia Sedis Apostolicæ non potest consulens adire Hierosolymam causa deuotionis.

S V M M A R I V M.

- 1 Iuramentum absolute vi præcisa factum vix inuenitur, & nu. 2. quia voluntas hominis vi præcisa cogi non potest.
- 2 Violentum sit à principio extrinseco passo non opitulante.
- 3 Intellectus cap. sacris. de iis quæ vi.
- 4 Iuramentum vi præcisa non obligat, conditionali sic, sed facile remittitur.

CON.

CONSILIVM II.

QVAESITVM est, an iuramentum absolute metu præciso, siue per vim præcisam extortum obliget iurantem.

- 1 Respondeo primo, vix posse dari casum, in quo vllum iuramentum absoluto metu, siue vi præcisa factum inueniatur. Tum quia voluntas hominis non potest cogi violenter, siue vi præcisa ad eliciendum actum immediate prodeuntem ab ea, idest ad volendum vel nolendum aliquid;
- 2 vt tradit S. Thom. post alios recep. 1. 2. quæst. 8. artic. 4. & nemo potest iurare nec cogi ad iurandum, si noluerit iurare. Tum quia illud solum dicitur violentum, siue vi præcisa factum, quod fit à principio extrinseco passo nõ conferente vim, idest eo, qui patitur, non opitulante, vt post Aristotelem 3. Ethicorum tradit S. Thomas recep. vbi supra artic. 4. & 5. quem nos quoque sequimur in Manua. confess. præl. 6. num. 2. & 4. At vix inueniri potest casus, in quo quis iuret coactus à principio extrinseco, ipso non conferente vim, siue opitulante. Dixi, Vix; quia possent alicuius labia moueri arte Angelica vel diabolica ad inuocandum Deum in testem, ipso omnino corde & voluntate contradicente; vti quotidie videntur quidam à demone obsessi loquentes lingua Græca, Chaldaea, vel alia, quam numquam didicerunt: sed huiusmodi iuramentum non dicitur tam iuramentum eius qui iurat, quam Angeli boni vel mali, qui labia eius, vt id faciant, cogit.

- 3 Secundo, quod non obstat prædictis cap. sacris. de ijs quæ vi. quia non loquitur de iuramento, sed de communione, qua quis communicat excommunicato, quæ fieri potest violenter, siue vi absoluta, cogendo membra exteriora alicuius ad aliquid faciendum, nolente & renitente ipso, vt thurificare idolo, vel manere in eadem domo cum excommunicato.

- 4 Tertio, quod huiusmodi iuramentum violenter vi præcisa, vt dicitur, factum nõ obligaret iurantem. Vnde nullibi præfati à maligno spiritu ad loquendum coacti iudicantur esse obligati ad faciendum ea, quæ promiserunt: neque consequenter deberent cogi à iudice ad præstandum ea, quæ prædicta vi coacti violenter iurauerunt, iuxta prædicta, quæ pulchre fundari possunt in cap. presbyteros. 50. dist. & in d. cap. sacris. de ijs quæ vi.

Quarto, quod certum est, iuramentum alioquin licitum, metu, siue vi conditionali præstitum obligare iurantem, iuxta cap. verum. & cap. si vero. de iureiurand. quamuis absolutio iuste peti possit, & sit præstanda, vt habetur in cap. 1. & cap. debitores. de iureiur. Salua, &c.

S V M M A R I V M.

- 1 Mandato dato tertio ad resignandum in mei fauorem, & mihi tradito, si promittitur etiam cū iuramento non vti, nisi reseruata tertio pensione, & postea spreta promissione vtor, & beneficium resignatum accepto, pecco quidem, sed tenet promissio: possumque post adeptam possessionem liberaliter, sed non ex pacto præstare quod cupiebat resignans. num. 2.
- 2 Iurat nequaquam, qui dicit promitto per iuramentum, vel cum iuramento.

2 Transf.

Transgressio iuramenti secreti promissorii inhabilitatem non inducit ad beneficia obtinenda.

CONSILIVM III.

QUIDAM, accepto mandato de renunciando vnum beneficium in fauorem suum misso à partibus, cum iuramento promisit, se non vsurum mandato illo, nisi reseruata certa pensione cuidam; licet postea vsus fuerit, & post quæsitam possessionem rogatus, vt se obligaret ad soluendā pensionem, quam reseruari voluit resignans ad certa opera pia. Quæritur an idfacere possit?

1 Respondeo primo, D. consulentem male fecisse, peccasseque vtendo mandato prædicto ad resignandum contra suum iuramentum, quod poterat seruire sine interitu, & sine dispendio salutis æternæ. cap. si vero. de iureiur. cap. quamuis. de pact. lib. 6.

Secundo, quod per hoc peccatum non incurrit irregularitatem, vel inhabilitatem ad retinendum prædictum beneficium. Tum quia chirographum, quo id promisit, non continet quod ipse iurauit, sed quod promittebat cum iuramento, vel per iuramentum, quod tunc non fecit; quæ sunt valde diuersa, iuxta verum intellectum cap. clericus. de iureiur. Tum quia transgressio eiusmodi iuramenti secreti non induceret ipso iure talem inhabilitatem, arg. notatorum in cap. querelam. & cap. tua. de iureiur. cap. fin. de temp. ord. & notata per Felin. in cap. ex parte. de rescript.

Tertio, quod prædictus D. consulens licite sancteque poterit quo ad forum interius soluere prædictam pensionem, posteaquam expediuerit, & acceperit possessionem beneficii. Tum quia intentio & animus resignantis, vt resignatarius hoc vel illud faciat post habitum beneficium, nil nocet quo ad forum cōscientiæ, nisi exprimatur & deducatur in pactum, cap. tua. de simon. vt tradimus in Man. confess. cap. 23. num. 107. post gloss. singularem in cap. ordinationes. i. q. 1. & D. Antoninum ibi citatum.

Quarto, quod non abs re dixi in tertio dicto, Quo ad forum interius: quia quo ad forum exterius posset præsumi confidentia per bullam Pij V. quam reterimus ad litteram in d. cap. 23. num. 110. ex qua paulo inferius colligimus vnā coniecturam admissæ confidentiæ esse, si renunciāns beneficium, acceperit aliquam partem fructuum à resignatario, etiam post habitam possessionem illius.

Quinto ex his sequitur, prædictum D. consulentem nullatenus debere obligationem prædictam facere, nec vllibi dicere, vel confiteri, quod dedit vel dat aliquid prædicto resignanti, nec alij de mandato eius: quamuis ipse debeat semper esse illi gratus, & ita dare liberaliter ipsi, vel alicui alij paupertatis vel subuentionis intuitu ea, quæ videbuntur honeste danda, secreto tamen.

SUMMARIUM.

1 Expendens mater pro filia animo donandi, non potest postea aliquid sibi ob hoc de bonis retinere; potest autem, si animo saltem tacito illud repetendi fecit: in dubio

- bio autem, si filia habebat unde se aleret, animo repetendi præsumitur impensum.*
- 2 *Iurare in iudicio creditor, qui de bonis debitoris iustam retinet compensationem, potest se de bonis debitoris nihil retinere, addita in mente conditione, ita quod teneatur in foro exteriori confiteri.*

CONSILIVM IV.

MATER fecit multas expensas pro filia, quas cum esset illius negotiorum gestrix ex bonis dictæ filię repetijt. Queritur an in reddendis rationibus iureiurando affirmare possit, se nil, quod ad dictam suam filiam pertineat, retinere, nec ei quicquam debere.

- 1 Respodetur primo, quod non; si mater fecit præfatas impensas nõ tamquam gestrix negotiorum filię, sed animo donandi & non repetendi eas; sed sic, si fecit eas tamquam negotiorum gestrix eius, vel animo repetendi eas, & non donandi, arg. l. Nefennius. ff. de negotijs gestis. l. si quis a liberis. §. si mater. ff. de liber. agnos. cum ei adnot. quia vt ibi adnotatur, & probatur, pater vel mater faciens impensas filię, vel filio, quem non tenetur alere, quique habet alia bona, vel cuius negotia gerit, videtur facere illas impensas de bonis filię vel filij, & non de suis proprijs, nisi quo ad forum conscientię, si vere coram Deo, cui omnia patent, fecit eas de bonis suis animo non repetendi: quia in illo foro non statatur præsumptioni, sed veritati, cap. humane aures. 22. q. 5. & cap. is qui. & cap. tua. de sponsal. cum ei adnot. Secundo, quod præfata mater cauere debet, ne mentiatur: & ita si vere animo donandi nõ dedit, sed habuit animum tacitum vel expressum repetendi, cum negauerit se nihil debere, nihilque accepisse, intelligere debet intra mentem suam, ita quod teneatur in foro exteriori confiteri, per ea quæ nos late tradimus in d. cap. humane aures. Salua, &c.

SUMMARIUM.

- 1 *Procuratorem post mortem mandantis non posse deferre iuramentum decisorium, verius. ¶ num. 3.*
- 1 *Mandatum regulariter re integra morte mandantis expirat, beneficiarij vero etiam lite contestata.*
- 2 *Procurator dominus litis cum sit, sit solum quo ad non requirementia speciale mandatum.*
- 3 *Iuramentum decisorium requirit specialissimum mandatum.*

CONSILIVM V.

PROCVRATOR constitutus in causa ciuili, & factus dominus litis, an mortuo suo principali, re integra, subire vel referre valeat iuramentum litis decisorium, ita vt si de facto illud subeat, probet in præiudicium sui principalis?

- 1 Respondeo, quod multa possent in vtramque partem huius questionis adduci ab eo, cui id faciendi otium & vires suppeterent. Dico tamen primo, inclinare me in opinionem eorum, qui tenent præfatum procuratorem per præfatum iuramentum nihil posse nocere defuncto, nec instantiæ & causæ

& causæ quam tractat. Tum quia mandatum procuratoris expirat morte mandantis, beneficiarij vero ecclesiastici etiam post litem contestatam, & re non integra. clem. fin. de procurat. & causa hæc fortassis est beneficia, licet ipse nesciam, cum qualis sit ex narratione facti non colligatur. Tum quia omne mandatum regulariter expirat re integra morte mandantis, cap. mandantis. de offic. deleg. cum ei late à doctoribus adnotatis, l. inter causas. ff. mandati. cum alijs vulgatis: ut in proposito casu narratur, quod mandator re integra fuit mortuus. Tum quia nihil videtur obstare, quod ipse procurator factus fuerit dominus litis; quia id verum est quo ad ipsam litem, & alia incidentia emergentia, quæ non requirunt speciale mandatum, non autem quo ad alia requirentia speciale mandatum, sine quo ipse non potest obligare principalem suum, arg. l. quæ de tota. ff. de rei vend. quandoquidem ea ratione, qua non potest tractare totam causam absque mandato saltem generali, ita non potest tractare partem causæ requirentem speciale mandatum sine illo: & ad præstandum iuramentum decisorium litis, de quo agitur, requiritur specialissimum, secundum omnes. Tum quod præfatus procurator non videtur posse virtute præfati mandati deferre iuramentum parti aduersæ; ergo nec iurare pro sua parte principali: quia iuramentum, quod dicitur per partitum, quod fundatur in l. manifestissima. ff. de iureiur. videtur includere iurationem & relationem; ita quod non potest iurare pro sua parte, nisi aduersarius iuramentum sibi delatum referat illi. Tum quod mandatum fuit ad iurandum in animam mandantis: & præfatus procurator vult iurare in animâ suâ, quod est diuersum à mandato, cap. in pertractandis. de iuram. calum. & cap. 2. eod. tit. lib. 6. & à diuersis non fit illatio, l. Papi- nianus. ff. de minor. Salua, &c.

S V M M A R I V M.

1. Iurata promissio potest remitti ab eo, in cuius fauorem facta est.
2. Maioratus est quædam dignitas personam fictam representans distincta à vera persona illum possidente. & num. 4. quæ vendi quidem, sed non in præiudicium ad illum vocatorum, nec eis in aliquo præiudicari potest. num. 3. & inde sequitur, ut qui illum possidet, possit quidem in sui, num. 7. sed non in præiudicium ipsius maioratus, remittere fratribus suis promissionem iuratam de eodem applicando certa bona, num. 5. factam dicto maioratui, ipso possessore & notario pro dicto maioratu acceptantibus, nu. 9. & 10. nisi interueniat auctoritas Principis, cuius auctoritate factus fuit dictus maioratus; nec dispensatio Pontificis, cui dicta bona temporalia non subsunt, etiamsi promittentes essent clerici, sufficeret. num. 8.
3. Iuramentum adiectum promissioni sine adiectione diei aliquid faciendi, præstitum etiam fictæ personæ, & corpori, non tollit necessitatem interpellandi promittentem, ad hoc ut sic non adimplendo constituatur in mora, & peccato.
4. Donatio facta absenti, notario stipulante, non est contractus innominatus, nec vltima voluntas, in quibus licet pænitere, sed est contractus perfectus, renouatus, transiens contra hæredes donantis, & ad hæredes donatarij, qui quandoque poterunt illam acceptare. num. 11.

12. *Donatio facta episcopatu non potest per Episcopum remitti, & relaxari.*

CONSILIVM VI.

AN CONVENTIO & donatio iurata duorum fratrum, quorum alter erat dominus maioratus, quibus suas legitimas vniuerunt & donarunt maioratui per suum patrem instituto, & se obligauerunt medio iuramento ad conuertendum omnes fructus illarum in bona stabilia, quae vniuerentur praedicto maioratui, solo usufructu illorum sibi retento, obligent illos ad ea faciendum?

Quaestio haec profundior est, quam primo aspectu apparet. Et pro parte quidem negante facit primo illa reg. iur. lib. 6. *Scienti & consentienti non fit iniuria neque dolus.* & praedicti ambo domini fratres sciunt quod non faciunt illa, & consentiunt, quia sunt contenti ne fiant.

1. Secundo, quod omnis conuentio, etiam iurata, facta in fauorem alicuius, potest remitti ab illo, cap. praeterea. de spons. facit cap. peruenit. 1. de iureiur. at praedicta donatio & conuentio facta fuit in fauorem eius, cuius erat maioratus, & ipse consentit ne illa fiant: ergo remissa sunt conuentio & iuramentum.

Tertio, quod praedicti DD. fratres fuerunt primi, qui praedictum auctarium promiserunt & iurauerunt: & ita videtur posse retrocedere, sicut testator potest retrocedere a sua voluntate. arg. l. si quis. in prin. & ei annot. ff. de leg. 3.

2. A contraria tamen parte stat, quod maioratus vel primogenitura est quaedam dignitas, & persona ficta distincta a praedictis fratribus conuenientibus, & donantibus, iuxta tradita per Martinum Laud. in princ. lib. de primogen. quae dilatat Ioan. Lecirier in q. 1. de primogenit. Facit cap. quoniam abbas. de off. deleg. & cap. si gratiose. de rescrip. lib. 6. quatenus distinguunt dignitatem ab habente illam; & consequenter praedicti DD. fratres non promiserunt, nec iurauerunt sibi mutuo, sed primogenituram, quae est dignitas ab eis distincta: & consequenter non possunt ipsi alter alteri promissionem & iuramentum remittere.

3. Secundo facit, quod licet verior & frequentius recepta opinio habeat, quod primogenitura vel maioratus vendi & cedi possit, iuxta late tradita per praedictum Ioan. Lecirier lib. 3. de primoge. q. 1. & 8. & Tiraquel. de iure primoge. q. 24. & 26. tamen illud intelligitur, quando fit sine praedictio filiorum, vel aliorum ad eum vocatorum, ut praedictus Tiraq. expresse notat in d. q. 24. nu. 21. & q. 26. nu. 5. & ita non videtur, quod praedicti fratres possint renunciare praedictae promissioni, & iuramento, in praedictum eorum qui ad praedictum maioratum sunt vocati.

4. Tertio, quod aliud est iurare fidelitatem domino expresso nomine proprio, & aliud iurare ei expresso nomine dignitatis: quia in priore casu non videtur transire ad successores, & in posteriore sic, ut notant Card. & Panor. in cap. veritatis. de iureiur. declarando glo. in verb. compellantur. & ita aliud est iurare dignitati, aliud iurare personae illam habenti.

5. Haec posteriora argumenta videntur urgere ad dicendum praedictos DD. esse obligatos ad adimplendam suam conuentionem, & seruandum suum iuramentum. Nec obstant opposita. Ad primum enim respondetur, concedendo quidem quod non fit iniuria scienti & consentienti, & consequenter nec ei qui nunc possidet maioratum, qui sciens consentit; negando tamen quod dignitas maioratus, & successores in ea, sciant, & consentiant.

Ad se-

Ad secundū respōdetur, quod prædicta conuentio & iuramentū nō fuerit facta ipsismet fratribus, sed dignitati maioratus, & successoribus in ea; & ita qui nūc est possessor eius, nō potest cōsentire, nec remittere iuramētū quoad dignitatem, & successores in ea, qui sunt alii ab eo. argum. l. non debet alteri per alterum iniqua cōditio inferri. ff. de reg. iur. & alia quæ ibi congerit Decius. Ad tertium, quod dispositio per vltimā voluntatem, quæ vsque ad mortem est mutabilis, cap. cum in causis. de celeb. miss. & cap. vltima voluntas. 13. q. 1. potest mutari; dispositio autem per contractum nō potest mutari sine cōsensu saltē alterius partis, l. sicut initio. C. de act. obl. & dispositio prædicta fuit per viā contractus, & ita nō potest renocari, nisi cōsentiēte altera parte, q̄ sunt ipsa dignitas maioratus, & successores in ea.

- 6 An autem peccauerint mortaliter prædicti fratres nō adimplendo conuentionem & iuramentū, alia quæstio est: & videtur respondendū pro parte negatē. Tū quia qui debet aliquid simpliciter, nō adiecto die solutionis faciendæ, nō est in mora, donec interpelletur, l. si ex legati causa. & l. cū filius. 4. fin. ff. de verb. oblig. & prædicti domini nō fuerunt interpellati, neq. vt ea implerent requisiti. et alias multis probauimus, iuramentū non tollere necessitatē interpellandi, neq. constituere quē in mora faciendi quod iurauit, ante interpellationē, si adiectū fuit contractui, in quo illa requiritur.
- 7 Secundo, quod possessor maioratus etsi non possit consentire ne fiant ea quæ sibi debent fieri, in præiudiciū successorū; potest tamen consentire in præiudiciū suū, immo & vendere & donare maioratum, vt supra dixi: & in casu proposito possessor maioratus, qui est alter fratrum, non solum non interpellauit, sed fuit, & est contentus ne illa sibi fiant: ergo ambo sunt excusati à peccato, modo eo animo sint, vt adimpleant illa, quatenus attinent ad vtilitatem successorum in dignitate.

- 8 An autem S. D. N. possit super his dispensare, est alia quæstio: & meo iudicio plus potest in hac re regia maiestas, quam sua Sanctitas, cum maioratus, & qui tenet eum, sint sibi subiecti; & alter frater licet sit clericus, tamen conuentio prædicta respicit bona eius patrimonialia, & nō ecclesiastica, & sita in suo regno: & sua maiestas, attētis causis & circumstantijs huius negotij, & consensu possessoris maioratus, multo magis & efficacius potest dispensare, & quo ad verūque forum cōstituere, ne teneātur ad omnia illa, vel non nisi ad aliquam partem eorū, prout iusta causa id faciendi, & eorū voluntas impulerit; præsertim q̄ hæc dispensatio respicit vtrūque forum: successores enim prædicti D. possessoris possent occurrente opportunitate molestare heredes vtriusque vt adimplerent prædictā cōuentionē & iuramētum, nisi remissa vel moderata fuerint per regiā maiestatem.

Contra prædictam determinationē, quatenus habet prædictos fratres non posse absoluerē à prædicta promissione & iuramento, adducūtur duo responsa cuiusdam viri eruditissimi, multa in suum propositū citantis, in quibus satis perpenſis nō video solum argumentum primariū meę sententiæ, videlicet quod duo donātes tertio nō possunt reuocare donationē sine illius consensu, & quod prædicti fratres donauerunt tertio, videlicet dignitati & maioratui iam cōstituto auctoritate regia ab eorum patre, & quod dignitas illa & maioratus nō refutauit illam donationē, immo acceptauit:

ptavit: quoniam possessor eius, qui est alter fratrum, acceptavit nomine ipsius, tamquam administrator eius, illam donationem quo ad legitimas; neque requirebatur acceptatio secundum opinionem eorum, qui tenent per stipulationem notarii ipso iure quæritur tertio sine alia acceptatione; neque secundum opinionem eorum qui requirunt acceptationem: quia secundum omnes per talem stipulationem quæritur ius irreuocabile tertio, qui cum primum nouerit, potest illam acceptare etiam post mortem donantis, & etiam post mortem donatarii: quia transit in heredes, & contra heredes irreuocabiliter, ut late monstratum est in causa nostra Romana fideiussionis: & ita cum donatio prædicta sit facta prædictæ dignitati, & consequenter successoribus in ea; quilibet successor, cum primum scierit, poterit acceptare illam, & donata petere. Neque est verum quod in contractibus nominatis, quorum de numero sunt donatio inter vivos, & stipulatio, sit locus pœnitentiæ, sicut in ultimis voluntatibus & donationibus causa mortis, & quibusdam alijs tangentibus ultimum iudicium, quæ virtualiter sunt ultimæ voluntates, in quibus loquuntur Oldrad. Bald. & quidam alij citari à prædicto eruditissimo. Donatio enim perfecta valet, etiam antequam donatarius eam sciat, licet per eam non quærat ei ante acceptationem res donata, sed tantum ius eam acceptandi, quod transit in heredes, & contra heredes, ut nos deducimus in dicta causa nostra; licet multo minorem vim ei concedamus, quam aduersarij nostri.

Nec est facienda distinctio, an vocatus ad maioratam sit natus, vel non, nec an inuestitura maioratus sit pluries etiam decies facta, vel data aliquibus; quia simulac nascetur vocatus ille debet illum habere, administrare, & iura ei debita siue per donationem siue alias repetere: & ut alia omittam, videatur in hoc consilium Decij 468. num. 28. contra nostram opinionem citatum: & aduertatur, quod nemo auderet dicere, quod si duo fratres donaret episcopatu Vicentin. aliquod prædium, reseruato usufructu quo ad vitam per donationem inter vivos, quæ est irreuocabilis, præsertim stipulatione notarii vallatam, sicut in nostro casu, possent pœnitere, etiam si alter fratrum esset Episcopus Vicentin. eo quod donatio est facta tertio, scilicet dignitati episcopali, & quod casus propositus est omnino similis: hæc autem raptim sine allegationibus, cum quibus tria folia compleuissent, dixi, quia fundam opinionem meam, quam noluisse in hoc casu in gratiam domini mei esse veram, quæ tamen profecto vera est. Salua, &c.

S V M M A R I V M.

- 1 Fidei professionem omittentes regula de triennali non inuat quo ad lucrandos fructus amissos contra dispositionem Concil. Trid. cap. 12. sess. 24.
- 2 Ignorantia iuris clari non excusat, etiam quo ad forum Dei, si adsit aliqua culpabilis. nn. 3.
- 3 Ignorantia causa peccati illud tollit, vel minuit, prout in totum vel in partem causat inuoluntarium. (netur, non excusat.)
- 3 Inadvertentia, quæ habet in se aliquam culpam non aduertendi ad id ad quod quis te-

C O N S I L I V M VII,

QUIA infra in titulo de præbendis respondeo possessorem triennalem beneficij bona fide illud cum titulo colorato possidentem fieri domi-
num

num eius, & titulum verum quærere, per regulam de triennali possessores. Quæritur nunc, an canonici, qui non sunt professi publice fidem Catholicam corâ Episcopo & Capitulo intra duos menses à die possessionis adepti ob ignorantia & inaduertentia præcepti Concil. Trid. cap. 12. de reform. sess. 24. & postea possederunt pacifice ultra tres annos, faciant fructus suos.

1. Respôdeo primo, quod regula illa de triennali nō potest prædictis DD. consulentibus prodesse. Tū quia iura à iure cōmuni exorbitantia nō sunt ad alium casum extendenda, cap. quæ à iure. de reg. iur. lib. 6. Et cōstat prædictam regulā à iure cōmuni exorbitare, & alium casum esse illū in quo agitur de canonizando titulo, & aliū in quo agitur de quærendo dominio fructuū canonico titulo perceptorū, vt palam est. Tum quia ratio, quæ mouit ad constituendam illam regulam, non conuenit huic casui. Ratio enim constituendi regulam illam fuit, ad obuiandum innumeris litibus, quæ nascebantur longe diuque duraturæ super iure beneficii parum duraturo; cui non est locus in casu proposito, cum præceptum prædicti Concilij non fuerit factum ad obuiandum vllis litibus, sed ad obuiandum hæresibus.

2. Secundo, quod prædicti domini consulentes nō videntur excusari posse per ignorantiam saltem in foro exteriori: quia illa, quā habuerunt, fuit iuris, & quidem clari, quæ non excusat, cap. ignorantia. de reg. iur. lib. 6. cum suis concordantijs. Sed neque per bonam fidē: quia præsumuntur mala fide percepisse fructus, arg. reg. qui contra iura. cū ei concordatis allegatis in eius glo. de reg. iur. lib. 6. & ita non præscribit illa, cap. possessor. cod. tit.

3. Tertio, quod iustior videri posset eorū excusatio quo ad forū conscientie tantū, si vere ignorauerūt prædictū præceptū Concilij, & si vere illo animo fecerūt, quod illud seruassēt, si animaduertissēt, vel in memoriā venisset. etiam si nulli eorū antea seruassent. Tū quia his interuenientibus non solū ignorantia & inaduertentia fuissent comites omissionis implementi præcepti, sed etiā causa cur nō fuit impletū, iuxta doctrinā S. Tho. 1. 2. q. 76. art. 1. & 2. & ignorantia, quæ est causa peccati, tollit, vel minuit illud, quatenus facit illud in totum vel in partem inuoluntarium, iuxta eundem S. Tho. in eadem q. art. 4. Sed quia prædicta ignorantia & inaduertentia non est sine aliqua culpa nolendi scire, vel negligentie discendi vel aduertendi id quod scire & aduertere debebant secundum qualiratem suam, non est facile illos excusare omnino, etiam quo ad forum conscientie.

S V M M A R I V M,

1. Intellectus Concilij sess. 24. de reform. cap. 12. vers. nec illis possessio suffragetur, esse videtur, vt nō emittēs professionē fidei, amittat fructus & beneficiū regulæ triennalis: probabilius tamen est, vt non amittat quo ad canonizationem tituli. num. 3. 4. & 5.
1. Negatiua regulariter totum, quod post se inuenit, destruit, & contrarium ponit: fallis, quando alia lege speciali, vel efficaci ratione esset dicta regula limitanda. num. 5.
2. Professionem fidei, vt requirit Concilium, non faciens, etsi videri alicui possit hæreticus, tamen vere nec præsumitur suspectus de hæresi; nec ob talem suspicionem, sed ob inobedientiam à Concilio ammissione fructuum punitur. num. 6.

- 3 *Pœna sunt restringendæ, & legum correctio vitanda.*
- 4 *Pœna priuationis alicuius iuris non est dicenda alicui imposita, nisi eam lex expresse ponat.*
- 5 *Pœna canonum, præsertim Conciliorum, solent esse moderatæ, ita quod non excedant mensuram delicti.*

CONSILIUM VIII.

AN ILLA verba in cap. 12. sess. 24. Conc. Triden. *Nec illis possessio suffragetur*, excludant prouisum, etiam quo ad titulum, ita quod neque quo ad fructuum perceptionem, neque quo ad proprietatem suffragetur.

- 1 Pro parte affirmante facit, quod negatio, totum quod post se inuenit, destruit, & contrarium eius ponit, vt ait gloss. sing. & recepta in cap. cum dilectus. de consuet. ad quod facit illud Dialecticorum; Nullus est aptior modus contradicendi, quam præponendo negatiuam. at clausulæ prædictæ præponitur negatiua verbo *suffragetur*: ergo tollit omne suffragium, & consequenter tam illud, quod est datum ad legitimandum, siue canonizandum titulum, quam ad quærendos fructus.
- 2 Secundo, quod hæreticus perdit omnia iura sibi competentia, cap. cum secundum leges. cum similib. de hæretic. lib. 6. At qui prouisus de beneficio respuit profiteri fidem, videtur hæreticus: ergo perdit omnia iura, & consequenter ipsammet possessionem, iuxta glossam singul. in cap. quo iure. 8. dist. & ita ad nihilum potest illa sibi prodesse.
- 3 Pro parte autem negante facit primo, quod pœnæ sunt restringendæ, cap. pœnæ. de pœnitentia, distinct. 1. cum similib. Secundo, quod correctio iurium vitanda est, cap. cum expediat. de electio. lib. 6. & l. 1. C. de inofficio. testam. At intelligendo prædicta verba de suffragio quo ad titulum, corrigitur lex illa vtilissima de triennali possess. & intelligendo de suffragio quo ad fructus, conciliantur cum illa; ergo sunt intelligenda quo ad fructus tantum. Tertio, quod intelligentia dictorum ex causis est sumenda dicendi, cap. intelligentia. de verborum signif. & verba secundum materiam subiectam sunt intelligenda, etiam impropriando ea, l. si vno. ff. locati. At materia, in qua proferuntur prædicta verba, est materia acquisitionis, vel amissionis fructuum beneficii, & non tituli eius; ergo intelligenda sunt de suffragio, & adiutorio, quod dat possessio ad quærendum, vel ad non perdendum fructus, & non quod conuenit ad quærendum, vel non perdendum titulum. Quarto, quod pœna priuationis alicuius iuris non est dicenda cuiquam imposita, nisi eam lex expresse ponat, iuxta gloss. solen. & recep. quæ vltima est, cap. vlt. de iure patron. At prouisus, simulac possessionem cum titulo colorato accepit, quæsiuit ius fruendi fructu prædictæ regulæ de trien. ergo non debet censi priuatus illo, nisi per legem quæ id exprimat, vel nisi aliter non posset esse fructuosa: at prædicta verba prædicti canonis possunt esse valde fructuosa, intelligendo ea quo ad perditionem fructuum tantum; ergo quo ad eam tantum sunt intelligenda. Quinto, quod pœnæ canonum, præsertim Conciliorum œcumenicorum, solent esse temperatæ, & moderatæ, ita quod non excedant mensuram delicti, iuxta illud Deut. 16.

Secundo, si luit, an Hierosolymam adire teneatur. (sic.)

Tertio, an à confessario electo virtute Iobelgi vel cruciatæ absolui possit.

1 Ad propositas quæstiones respondetur primo, iuramentum de non ludendo ad chartillam, seu chartetā, siue primeram, & similes ludos vetitos, esse validum, & seruandum quo ad illos, qui sunt peccata genere suo præsertim mortalia; & relaxari posset iusta de causa, sicuti votum, tū à Papa, tum ab Episcopo: quia non est de reservatis Papæ, iuxta ea, quæ tradimus in Man. nostro conf. cap. 12. num. 75.

2 Secundo, quod qui iurauit non ludere præfato ludo malo & illicito sub pœna adeundi Hierosolymā, tenetur adire illā, si fregerit illud; vt teneretur qui in genere & absolute voueret non ludere sub simili pœna, & luderet illicite: quod quando contingat, dicitur in d. Man. cap. 20. in princ.

3 Tertio, quod certum est per Iobelæum, siue per bullam cruciatæ posse prædictum absolui à peccatis, quæ fecit frangendo prædictum iuramentum: quia id nullo iure reservatur Papæ; & per Iobelæum, siue bullam cruciatæ conceditur confessario legitime electo facultas absoluendi à peccatis: immo & proprius confessarius potest absolvere ab ipsa trāsgressione.

4 Quarto, quod pulchrū dubium est, an alius, quam Papa, possit relaxare iuramentū de adeūdo Hierosolymam, si ludo illicito luderet. Arbitror tamen esse probabile, quod relaxatio iuramenti prædicti, de adeundo Hierosolymam, & terram sanctam, non est reservata Papæ, sicut est relaxatio voti id ipsum faciendi, per ea quæ de comparatione voti & iuramenti diximus in præfato Man. cap. 12. nu. 32. & secundum Tab. verb. iurare. nu. 21.

5 Quinto, quod certum est consequenter prædictum iuramentū potuisse relaxari iusta de causa à cōfessario electo legitime per cruciatam; quamuis credā nō posse relaxari per eum, etiam iusta de causa, votum de adeūdo Hierosolymam; quia illud est reservatum Papæ; & vt puto, dispensatio eius non cōceditur specialiter prædicto cōfessario electo per cruciatā.

6 Sexto, dubitari posse an hoc iuramentum possit relaxari per Iobelæum à S.D.N. nuper concessum: & in præsentia inclino in prædictā negantē; quia solū concedit facultatem dispēfandi super votis, nulla facta mentione de iuramentis, quæ sunt diuersa ab illis, per dicta in præfato cap. 12. nu. 32. & à diuersis nō fit illatio, præsertim in dispensationibus, quæ sunt odiosæ, & exorbitantes, l. Papin. ff. de minoribus, & cap. quæ à iure. de reg. iur. lib. 6.

Septimo, quod, vt puto, facile absoluetur à sacra Pœnitentiaria à præfato iuramento facto non propter deuotionem, sed ob abominationem peccati iusta de causa; præsertim quod sine licentia Sedis Apostolicæ non potest consulens adire Hierosolymam causa deuotionis.

S V M M A R I V M.

- 1 Iuramentum absolute vi præfisa factum vix inuenitur, & nu. 2. quia voluntas hominis vi præfisa cogi non potest.
- 2 Violentum fit à principio extrinseco passo non opitulante.
- 3 Intellectus cap. sacris. de iis quæ vi.
- 4 Iuramentum vi præfisa non obligat, conditionali sic, sed facile remittitur.

CON.

CONSILIVM II.

QVAESITVM est, an iuramentum absolute metu præciso, siue per vim præcisam extortum obliget iurantem.

1 Respondeo primo, vix posse dari casum, in quo vllum iuramentum absoluto metu, siue vi præcisa factum inueniatur. Tum quia voluntas hominis non potest cogi violenter, siue vi præcisa ad eliciendum actum immediate prodeuntem ab ea, idest ad volendum vel nolendum aliquid, vt tradit S. Thom. post alios recep. 1. 2. quæst. 8. artic. 4. & nemo potest iurare nec cogi ad iurandum, si noluerit iurare. Tum quia illud solum dicitur violentum, siue vi præcisa factum, quod fit à principio extrinseco passo nõ conferente vim, idest eo, qui patitur, non opitulante, vt post Aristotelem 3. Ethicorum tradit S. Thomas recep. vbi supra artic. 4. & 5. quem nos quoque sequimur in Manua. confess. præl. 6. num. 2. & 4. At vix inueniri potest casus, in quo quis iuret coactus à principio extrinseco, ipso non conferente vim, siue opitulante. Dixi, Vix; quia possent alicuius labia moueri arte Angelica vel diabolica ad inuocandum Deum in testem, ipso omnino corde & voluntate contradicente; vti quotidie videntur quidam à dæmone obsessi loquentes lingua Græca, Chaldaea, vel alia, quam numquam didicerunt: sed huiusmodi iuramentum non dicitur tam iuramentum eius qui iurat, quam Angeli boni vel mali, qui labia eius, vt id faciant, cogit.

3 Secundo, quod non obstat prædictis cap. sacris. de ijs quæ vi. quia non loquitur de iuramento, sed de communione, qua quis communicat excommunicato, quæ fieri potest violenter, siue vi absoluta, cogendo membra exteriora alicuius ad aliquid faciendum, nolente & renitente ipso, vt thurificare idolo, vel manere in eadem domo cum excommunicato.

4 Tertio, quod huiusmodi iuramentum violenter vi præcisa, vt dicitur, factum nõ obligaret iurantem. Vnde nullibi præfati à maligno spiritu ad loquendum coacti iudicantur esse obligati ad faciendum ea, quæ promiserunt: neque consequenter deberent cogi à iudice ad præstandum ea, quæ prædicta vi coacti violenter iurauerunt, iuxta prædicta, quæ pulchre fundari possunt in cap. presbyteros. 50. dist. & in d. cap. sacris. de ijs quæ vi.

Quarto, quod certum est, iuramentum alioquin licitum, metu, siue vi conditionali præstitum obligare iurantem, iuxta cap. verum. & cap. si vero. de iureiurand. quamuis absolutio iuste peti possit, & sit præstanda, vt habetur in cap. 1. & cap. debitores. de iureiur. Salua, &c.

S V M M A R I V M.

1 Mandato dato tertio ad resignandum in mei fauorem, & mihi tradito, si promittam etiam cū iuramento non vi, nisi reseruata tertio pensione, & postea spreta promissione vior, & beneficium resignatum accepto, pecco quidem, sed tenet promissio: possumque post adeptam possessionem liberaliter, sed non ex pacto præstare quod cupiebat resignans. num. 2.

2 Iurat nequaquam, qui dicit promitto per iuramentum, vel cum iuramento.

2 Trans

- 1 *Transgressio iuramenti secreti promissorii inhabilitatem non inducit ad beneficia obtinenda.*

CONSILIVM III.

QUIDAM, accepto mandato de renunciando vnum beneficium in fauorem suum misso à partibus, cum iuramento promisit, se non vsurum mandato illo, nisi reseruata certa pensione cuidam; licet postea vsus fuerit, & post quz sitam possessionem rogatus, vt se obligaret ad soluendā pensionem, quam reseruari voluit resignans ad certa opera pia. *Quæritur an id facere possit?*

- 1 Respondeo primo, D. consulentem male fecisse, peccasseque vtendo mandato prædicto ad resignandum contra suum iuramentum, quod poterat seruare sine interitu, & sine dispendio salutis æternæ. cap. si vero. de iureiur. cap. quamuis. de pact. lib. 6.

- Secundo, quod per hoc peccatum non incurrit irregularitatem, vel inhabilitatem ad retinendum prædictum beneficium. Tum quia chirographum, quo id promisit, non continet quod ipse iurauit, sed quod promittebat cum iuramento, vel per iuramentum, quod tunc non fecit; quæ sunt valde diuersa, iuxta verum intellectum cap. clericus. de iureiur. Tum quia transgressio eiusmodi iuramenti secreti non induceret ipso iure talem inhabilitatem, arg. notatorum in cap. querelam. & cap. tua. de iureiur. cap. fin. de temp. ord. & notata per Felin. in cap. ex parte. de rescript.

Tertio, quod prædictus D. consulens licite sancteque poterit quo ad forum interius soluere prædictam pensionem, posteaquam expediuerit, & acceperit possessionem beneficii. Tum quia intentio & animus resignantis, vt resignatarius hoc vel illud faciat post habitum beneficium, nil nocet quo ad forum cōscientiæ, nisi exprimatur & deducatur in pactum, cap. tua. de simon. vt tradimus in Man. confess. cap. 23. num. 107. post gloss. singularem in cap. ordinationes. 1. q. 1. & D. Antoninum ibi citatum.

Quarto, quod non abs re dixi in tertio dicto, Quo ad forum interius: quia quo ad forum exterius posset præsumi confidentia per bullam Pij V. quam referimus ad litteram in d. cap. 23. num. 110. ex qua paulo inferius colligimus vnā coniecturam admittā confidentiæ esse, si renunciāns beneficium, acceperit aliquam partem fructuum à resignatario, etiam post habitam possessionem illius.

Quinto ex his sequitur, prædictum D. consulentem nullatenus debere obligationem prædictam facere, nec vllibi dicere, vel confiteri, quod dedit vel dat aliquid prædicto resignanti, nec alij de mandato eius: quamuis ipse debeat semper esse illi gratus, & ita dare liberaliter ipsi, vel alicui alij paupertatis vel subuentionis intuitu ea, quæ videbuntur honeste danda, secreto tamen.

S V M M A R I V M.

- 1 *Expendens mater pro filia animo donandi, non potest postea aliquid sibi ob hoc de bonis suis retinere; potest autem, si animo saltem tacito illud repetendi fecit: in dubio*

- bio autem, si filia habebat unde se aleret, animo repetendi præsumitur impensum.*
- 2 *Iurare in iudicio creditor, qui de bonis debitoris iustam retinet compensationem, potest se de bonis debitoris nihil retinere, addita in mente conditione, ita quod teneatur in foro exteriori confiteri.*

CONSILIVM IV.

MATER fecit multas expensas pro filia, quas cum esset illius negotiorum gestrix ex bonis dictæ filie repetijt. Queritur an in reddendis rationibus iureiurando affirmare possit, se nil, quod ad dictam suam filiam pertineat, retinere, nec ei quicquam debere.

- 1 Respondetur primo, quod non; si mater fecit præfatas impensas non tamquam gestrix negotiorum filie, sed animo donandi & non repetendi eas; sed sic, si fecit eas tamquam negotiorum gestrix eius, vel animo repetendi eas, & non donandi, arg. l. Nescennius. ff. de negotijs gestis. l. si quis a liberis. §. si mater. ff. de liber. agnos. cum ei adnot. quia ut ibi adnotatur, & probatur, pater vel mater faciens impensas filie, vel filio, quem non tenetur alere, quique habet alia bona, vel cuius negotia gerit, videtur facere illas impensas de bonis filie vel filij, & non de suis proprijs, nisi quo ad forum conscientie, si vere coram Deo, cui omnia patent, fecit eas de bonis suis animo non repetendi: quia in illo foro non statuitur præsumptioni, sed veritati, cap. humane aures. 22. q. 5. & cap. is qui. & cap. tua. de sponsal. cum ei adnot. Secundo, quod præfata mater cauere debet, ne mentiatur: & ita si vere animo donandi non dedit, sed habuit animum tacitum vel expressum repetendi, cum negauerit se nihil debere, nihilque accepisse, intelligere debet intra mentem suam, ita quod teneatur in foro exteriori confiteri, per ea quæ nos late tradimus in d. cap. humane aures. Salua, &c.

SVMMARIVM.

- 1 *Procuratorem post mortem mandantis non posse deferre iuramentum decisorium, verius. §. num. 3.*
- 1 *Mandatum regulariter re integra morte mandantis expirat, beneficiarij vero etiam lite contestata.*
- 2 *Procurator dominus litis cum sit, sit solum quo ad non requirementia speciale mandatum.*
- 3 *Iuramentum decisorium requirit specialissimum mandatum.*

CONSILIVM V.

PROCVRATOR constitutus in causa ciuili, & factus dominus litis, an mortuo suo principali, re integra, subire vel referre valeat iuramentum litis decisorium, ita ut si de facto illud subeat, probet in præiudicium sui principalis?

- 1 Respondeo, quod multa possent in vtramque partem huius questionis adduci ab eo, cui id faciendi otium & vires suppeterent. Dico tamen primo, inclinare me in opinionem eorum, qui tenent præfatum procuratorem per præfatum iuramentum nihil posse nocere defuncto, nec instantiæ & causæ

& causæ quam tractat. Tum quia mandatum procuratoris expirat morte mandantis, beneficiarij vero ecclesiastici etiam post litem contestatam, & re non integra. clem. fin. de procurat. & causa hæc fortassis est beneficia, licet ipse nesciam, cum qualis sit ex narratione facti non colligatur. Tum quia omne mandatum regulariter expirat re integra morte mandantis, cap. mandantis. de offic. deleg. cum ei late à doctoribus adnotatis, l. inter causas. ff. mandati. cum alijs vulgatis: vt in proposito casu narratur, quod mandator re integra fuit mortuus. Tum quia nihil videtur obstare, quod ipse procurator factus fuerit dominus litis; quia id verum est quo ad ipsam litem, & alia incidentia emergentia, quæ non requirunt speciale mandatum, non autem quo ad alia requirentia speciale mandatum, sine quo ipse non potest obligare principalem suum, arg. l. quæ de tota. ff. de rei vend. quandoquidem ea ratione, qua non potest tractare totam causam absque mandato saltem generali, ita non potest tractare partem causæ requirentem speciale mandatum sine illo: & ad præstandum iuramentum decisorium litis, de quo agitur, requiritur specialissimum, secundum omnes. Tum quod præfatus procurator non videtur posse virtute præfati mandati deferre iuramentum parti aduersæ; ergo nec iurare pro sua parte principali: quia iuramentum, quod dicitur per partitum, quod fundatur in l. manifestissima. ff. de iureiur. videtur includere iurationem & relationem; ita quod non potest iurare pro sua parte, nisi aduersarius iuramentum sibi delatum referat illi. Tum quod mandatum fuit ad iurandum in animam mandantis: & præfatus procurator vult iurare in animâ suâ, quod est diuersum à mandato, cap. in pertractandis. de iuram. calum. & cap. 2. eod. tit. lib. 6. & à diuersis non fit illatio, l. Papi- nianus. ff. de minor. Salua, &c.

S V M M A R I V M .

1. Iurata promissio potest remitti ab eo, in cuius fauorem facta est.
2. Maioratus est quædam dignitas personam fictam representans distincta à vera persona illum possidente. & num. 4. quæ vendi quidem, sed non in præiudicium ad illum vocatorum, nec eis in aliquo præiudicari potest. num. 3. & inde sequitur, vt qui illum possidet, possit quidem in sui, num. 7. sed non in præiudicium ipsius maioratus, remittere fratribus suis promissionem iuratam de eadem applicando certa bona, num. 5. factam dicto maioratui, ipso possessore & notario pro dicto maioratu acceptantibus, nu. 9. & 10. nisi interueniat auctoritas Principis, cuius auctoritate factus fuit dictus maioratus; nec dispensatio Pontificis, cui dicta bona temporalia non subsunt, etiam si promittentes essent clerici, sufficeret. num. 8.
3. Iuramentum adiectum promissioni sine adiectione diei aliquid faciendi, præstitum etiam fictæ personæ, & corpori, nõ tollit necessitatem interpellandi promittentem, ad hoc vt sic non adimplendo constituatur in mora, & peccato.
4. Donatio facta absenti, notario stipulante, non est contractus innominatus, nec vltima voluntas, in quibus licet pœnitere, sed est contractus perfectus, rrenocatus, transiens contra hæredes donantis, & ad hæredes donatarij, qui quandoque poterunt illam acceptare. num. 11.

22 *Donatio facta episcopatu non potest per Episcopum remitti, & relaxari.*

CONSILIVM VI.

AN CONVENTIO & donatio iurata duorum fratrum, quorum alter erat dominus maioratus, quibus suas legitimas vniuerunt & donarunt maioratui per suum patrem instituto, & se obligauerunt medio iuramento ad conuertendum omnes fructus illarum in bona stabilia, quae uideretur praedicto maioratui, solo usufructu illorum sibi retento, obligent illos ad ea faciendum?

Quaestio haec profundior est, quam primo aspectu apparet. Et pro parte quidem negante facit primo illa reg. iur. lib. 6. *Scienti & consentienti non fit iniuria neque dolus.* & praedicti ambo domini fratres sciunt quod non faciunt illa, & consentiunt, quia sunt contenti ne fiant.

1 Secundo, quod omnis conuentio, etiam iurata, facta in fauorem alicuius, potest remitti ab illo, cap. praeterea. de spols. facit cap. peruenit. 1. de iureiur. at praedicta donatio & conuentio facta fuit in fauorem eius, cuius erat maioratus, & ipse consentit ne illa fiant: ergo remissa sunt conuentio & iuramentum.

Tertio, quod praedicti DD. fratres fuerunt primi, qui praedictum auctarium promiserunt & iurauerunt: & ita videtur posse retrocedere, sicut testator potest retrocedere a sua voluntate. arg. l. si quis. in prin. & ei annot. ff. de leg. 3.

2 A contraria tamen parte stat, quod maioratus vel primogenitura est quaedam dignitas, & persona ficta distincta a praedictis fratribus conuenientibus, & donantibus, iuxta tradita per Martinum Laud. in princ. lib. de primogen. quae dilatat Ioan. Lecirier in q. 1. de primogenit. Facit cap. quoniam abbas. de off. deleg. & cap. si gratiose. de rescrip. lib. 6. quatenus distinguunt dignitatem ab habente illam; & consequenter praedicti DD. fratres non promiserunt, nec iurauerunt sibi mutuo, sed primogenituram, quae est dignitas ab eis distincta: & consequenter non possunt ipsi alter alteri promissionem & iuramentum remittere.

3 Secundo facit, quod licet verior & frequentius recepta opinio habeat, quod primogenitura vel maioratus vendi & cedi possit, iuxta late tradita per praedictum Ioan. Lecirier lib. 3. de primoge. q. 1. & 8. & Tiraquel. de iure primoge. q. 24. & 26. tamen illud intelligitur, quando fit sine praedictio filiorum, vel aliorum ad eum vocatorum, ut praedictus Tiraq. expresse notat in d. q. 24. nu. 21. & q. 26. nu. 5. & ita non videtur, quod praedicti fratres possint renunciare praedictae promissioni, & iuramento, in praedictum eorum qui ad praedictum maioratum sunt vocati.

4 Tertio, quod aliud est iurare fidelitatem domino expresso nomine proprio, & aliud iurare ei expresso nomine dignitatis: quia in priore casu non videtur transire ad successores, & in posteriore sic, ut notant Card. & Panor. in cap. veritatis. de iureiur. declarando glo. in verb. compellantur. & ita aliud est iurare dignitati, aliud iurare personae illam habenti.

5 Haec posteriora argumenta videntur urgere ad dicendum praedictos DD. esse obligatos ad adimplendam suam conuentionem, & seruandum suum iuramentum. Nec obstant opposita. Ad primum enim responderetur, concedendo quidem quod non fit iniuria scienti & consentienti, & consequenter nec ei qui nunc possidet maioratum, qui sciens consentit; negando tamen quod dignitas maioratus, & successores in ea, sciant, & consentiant.

Ad se-

Ad secundū respōdetur, quod prædicta conuentio & iuramentū nō fuerūt facta ipsismet fratribus, sed dignitari maioratus, & successoribus in ea; & ita qui nūc est possessor eius, nō potest cōsentire, nec remittere iuramentū quoad dignitatem, & successores in ea, qui sunt alii ab eo. argum. l. non debet alteri per alterum iniqua cōditio inferri. ff. de reg. iur. & alia quæ ibi congerit Decius. Ad tertium, quod dispositio per vltimā voluntatem, quæ vsque ad mortem est mutabilis, cap. cum in causis. de celeb. miss. & cap. vltima voluntas. l. 3. q. 1. potest mutari; dispositio autem per contractum nō potest mutari sine cōsensu saltē alterius partis, l. sicut initio. C. de act. obl. & dispositio prædicta fuit per viā contractus, & ita nō potest reuocari, nisi cōsentiēte altera parte, q̄ sunt ipsa dignitas maioratus, & successores in ea.

6 An autem peccauerint mortaliter prædicti fratres nō adimplendo conuentionem & iuramentū, alia quæstio est: & videtur respondendū pro parte negatē. Tū quia qui debet aliquid simpliciter, nō adiecto die solutionis faciendæ, nō est in mora, donec interpelletur, l. si ex legati causa. & l. cū filius. §. fin. ff. de verb. oblig. & prædicti domini nō fuerunt interpellati, neq. vt ea implerent requisiti. et alias multis probauimus, iuramentū non tollere necessitatē interpellandi, neq. constituere quē in mora faciendi quod iurauit, ante interpellationē, si adiectū fuit contractui, in quo illa requiritur. Secundo, quod possessor maioratus etsi non possit consentire ne fiant ea quæ sibi debent fieri, in præiudiciū successorū; potest tamen consentire in præiudiciū suū, immo & vendere & donare maioratum, vt supra dixi: & in casu proposito possessor maioratus, qui est alter fratrum, non solum non interpellauit, sed fuit, & est contentus ne illa sibi fiant: ergo ambo sunt excusati à peccato, modo eo animo sint, vt adimpleant illa, quatenus attinent ad vtilitatem successorum in dignitate.

7 An autem S. D. N. possit super his dispensare, est alia quæstio: & meo iudicio plus potest in hac re regia maiestas, quam sua Sanctitas, cum maioratus; & qui tenet eum, sint sibi subiecti; & alter frater licet sit clericus, tamen conuentio prædicta respicit bona eius patrimonialia, & nō ecclesiastica, & sita in suo regno: & suæ maiestatis, attētis causis & circumstantijs huius negotij, & consensu possessoris maioratus, multo magis & efficacius potest dispensare, & quo ad utrūque forum cōstituere, ne teneātur ad omnia illa, vel non nisi ad aliquam partem eorū, prout iusta causa id faciendi, & eorū voluntas impulerit; præsertim q̄ hæc dispensatio respicit utrūque forum: successores enim prædicti D. possessoris possent occurrente opportunitate molestare hæredes vtriusque vt adimplerent prædictā conuentionē & iuramentum, nisi remissa vel moderata fuerint per regiā maiestatem.

Contra prædictam determinationē, quatenus habet prædictos fratres non posse absoluerē à prædicta promissione & iuramento, adducuntur duo responsa cuiusdam viri eruditissimi, multa in suum propositū citantis, in quibus satis perpensis nō video solum argumentum primariū meę sententiæ, videlicet quod duo donātes tertio nō possunt reuocare donationē sine illius consensu, & quod prædicti fratres donauerunt tertio, videlicet dignitati & maioratui iam cōstituto auctoritate regia ab eorum patre, & quod dignitas illa & maioratus nō refutauit illam donationē, immo acceptauit:

probat: quoniam possessor eius, qui est alter fratrum, acceptavit nomine ipsius, tamquam administrator eius, illam donationem quo ad legitimas; neque requirebatur acceptatio secundum opinionem eorum, qui tenent per stipulationem notarii ipso iure dari tertio sine alia acceptatione; neque secundum opinionem eorum qui requirunt acceptationem: quia secundum omnes per talem stipulationem queritur ius irreuocabile tertio, qui cum primum nouerit, potest illam acceptare etiam post mortem donantis, & etiam post mortem donatarii: quia transit in heredes, & contra heredes irreuocabiliter, ut late monstratum est in causa nostra Romana fideiussionis: & ita cum donatio predicta sit facta predictae dignitati, & consequenter successoribus in ea; quilibet successor, cum primum scierit, poterit acceptare illam, & donata petere. Neque est verum quod in contractibus nominatis, quorum de numero sunt donatio inter vivos, & stipulatio, sit locus poenitentiae, sicut in ultimis voluntatibus & donationibus causa mortis, & quibusdam alijs tangentibus ultimum iudicium, quae virtualiter sunt ultimae voluntates, in quibus loquuntur Oldrad. Bald. & quidam alij citati a predicto eruditissimo. Donatio enim perfecta valet, etiam antequam donatarius eam sciat, licet per eam non queratur ei ante acceptationem res donata, sed tantum ius eam acceptandi, quod transit in heredes, & contra heredes, ut nos deducimus in dicta causa nostra; licet multo minorem vim ei concedamus, quam aduersarij nostri.

Nec est facienda distinctio, an vocatus ad maioratam sit natus, vel non, nec an inuestitura maioratam sit pluries etiam decies facta, vel data aliquibus; quia simulac nascetur vocatus ille debet illum habere, administrare, & iura ei debita siue per donationem siue alias repetere: & ut alia omittam, videatur in hoc consilium Decij 468. num. 28. contra nostram opinionem citatum: & aduertatur, quod nemo auderet dicere, quod si duo fratres donaret episcopatu Vicentin. aliquod praedium, reservato usufructu quo ad vitam per donationem inter vivos, quae est irreuocabilis, praesertim stipulatione notarii vallatam, sicut in nostro casu, possent poenitere, etiam si alter fratrum esset Episcopus Vicentin. eo quod donatio est facta tertio, scilicet dignitati episcopali, & quod casus propositus est omnino similis: haec autem raptim sine allegationibus, cum quibus tria folia compluissent, dixi, quia fundat opinionem meam, quam noluisse in hoc casu in gratiam domini mei esse veram, quae tamen profecto vera est. Salua, &c.

S V M M A R I V M.

- 1 Fidei professionem omittentes regula de triennali non iuvat quo ad lucrandos fructus amissos contra dispositionem Concil. Trid. cap. 12. sess. 24.
- 2 Ignorantia iuris clari non excusat, etiam quo ad forum Dei, si adsit aliqua culpabilis. nn. 3.
- 3 Ignorantia causa peccati illud tollit, vel minuit, prout in totum vel in partem causat inuoluntarium. (netur, non excusat.)
- 3 Inadvertentia, quae habet in se aliquam culpam non advertendi ad id ad quod quis te-

C O N S I L I V M VII.

QUIA infra in titulo de praebendis respondeo possessorem triennalem beneficii bona fide illud cum titulo colorato possidentem fieri domi-

num

num eius, & titulum verum quærere, per regulam de triennali possessore. Queritur nunc, an canonici, qui non sunt professi publice fidem Catholicam corā Episcopo & Capitulo intra duos menses à die possessionis adepti ob ignorantiam & inaduertentiam præcepti Concil. Trid. cap. 12. de reform. sess. 24. & postea possederunt pacifice ultra tres annos, faciant fructus suos.

1. Respōdeo primo, quod regula illa de triennali nō potest prædictis DD. cōsulentibus prodesse. Tū quia iura à iure cōmuni exorbitantia nō sunt ad alium casum extendenda, cap. quæ à iure. de reg. iur. lib. 6. Et cōstat prædictam regulā à iure cōmuni exorbitare, & alium casum esse illū in quo agitur de canonizando titulo, & aliū in quo agitur de quærēdo dominio fructuū canonico titulo perceptorū, vt palam est. Tum quia ratio, quæ mouit ad constituendam illam regulam, non conuenit huic casui. Ratio enim constituendi regulam illam fuit, ad obuiandum innumeris litibus, quæ nascēbātur longe diuque duraturæ super iure beneficij parum duraturo; cui non est locus in casu proposito, cum præceptum prædicti Concilij non fuerit factum ad obuiandum vllis litibus, sed ad obuiandum heresibus.
2. Secundo, quod prædicti domini consulentes nō videntur excusari posse per ignorantiam saltem in foro exteriori: quia illa, quā habuerunt, fuit iuris, & quidem clari, quæ non excusat, cap. ignorantia. de reg. iur. lib. 6. cum suis concordantijs. Sed neque per bonam fidē: quia præsumuntur mala fide percepisse fructus, arg. reg. qui contra iura. cū ei concordatis allegatis in eius glo. de reg. iur. lib. 6. & ita non præscribit illa, cap. possessor. eod. tit.
3. Tertio, quod iustior videri posset eorū excusatio quo ad forū conscientie tantū, si vere ignorauerūt prædictū præceptū Concilij, & si vere illo animo fecerūt, quod illud seruassēt, si animaduertissēt, vel in memoriā venisset, etiam si nulli eorū antea seruassent. Tū quia his interuenientibus non solū ignorantia & inaduertentia fuissent comites omissionis implementi præcepti, sed etiā causa cur nō fuit impletū, iuxta doctrinā S. Tho. 1. 2. q. 76. art. 1. & 2. & ignorantia, quæ est causa peccati, tollit, vel minuit illud, quatenus facit illud in totum vel in partem inuoluntarium, iuxta eundem S. Tho. in eadem q. art. 4. Sed quia prædicta ignorantia & inaduertentia non est sine aliqua culpa nolendi scire, vel negligentie discendi vel aduertendi id quod scire & aduerrere debebant secundum qualitatem suam, non est facile illos excusare omnino, etiam quo ad forum conscientie.

S V M M A R I V M,

1. Intellectus Concilij sess. 24. de reform. cap. 12. vers. nec illis possessio suffragetur, esse videtur, vt nō emittēs professionē fidei, amittat fructus & beneficiū regula triennalis: probabilius tamen est, vt non amittat quo ad canonizationem tituli. num. 3. 4. & 5.
1. Negatiua regulariter totum, quod post se inuenit, destruit, & contrarium ponit: fallit, quando alia lege speciali, vel efficaci ratione esset dicta regula limitanda. num. 5.
2. Professionem fidei, vt requirit Concilium, non faciens, etsi videri alicui possit hæreticus, tamen vere nec præsumitur suspectus de heresi; nec ob talem suspensionem, sed ob inobedientiam à Concilio ammissione fructuum punitur. num. 6.

- 3 *Pœna sunt restringendæ, & legum correctio vitanda.*
- 4 *Pœna priuationis alicuius iuris non est dicenda alicui imposita, nisi eam lex expresse ponat.*
- 5 *Pœna canonum, præsertim Conciliorum, solent esse moderatæ, ita quod non excedant mensuram delicti.*

CONSILIUM VIII.

AN ILLA verba in cap. 12. sess. 24. Conc. Triden. *Nec illis possessio suffragetur*, excludant prouisum, etiam quo ad titulum, ita quod neque quo ad fructuum perceptionem, neque quo ad proprietatem suffragetur?

- 1 Pro parte affirmante facit, quod negatio, totum quod post se inuenit, destruit, & contrarium eius ponit, vt ait gloss. sing. & recepta in cap. cum dilectus. de consuet. ad quod facit illud Dialecticorum; Nullus est aptior modus contradicendi, quam præponendo negatiuam. at clausulæ prædictæ præponitur negatiua verbo *suffragetur*: ergo tollit omne suffragium, & consequenter tam illud, quod est datum ad legitimandum, siue canonizandum titulum, quam ad quærendos fructus.
- 2 Secundo, quod hæreticus perdit omnia iura sibi competentia, cap. cum secundum leges. cum similib. de hæretic. lib. 6. At qui prouisus de beneficio respuit profiteri fidem, videtur hæreticus: ergo perdit omnia iura, & consequenter ipsammet possessionem, iuxta glossam singul. in cap. quo iure. 8. dist. & ita ad nihilum potest illa sibi prodesse.
- 3 Pro parte autem negante facit primo, quod pœnæ sunt restringendæ, cap. pœnæ. de pœnitentia, distinct. 1. cum similib. Secundo, quod correctio iurium vitanda est, cap. cum expediat. de electio. lib. 6. & l. 1. C. de inofficio. testam. At intelligendo prædicta verba de suffragio quo ad titulum, corrigitur lex illa vtilissima de triennali possess. & intelligendo de suffragio quo ad fructus, conciliantur cum illa; ergo sunt intelligenda quo ad fructus tantum. Tertio, quod intelligentia dictorum ex causis est sumenda dicendi, cap. intelligentia. de verborum signif. & verba secundum materiam subiectam sunt intelligenda, etiam impropriando ea, l. si vno. ff. locati. At materia, in qua proferuntur prædicta verba, est materia acquisitionis, vel amissionis fructuum beneficij, & non tituli eius; ergo intelligenda sunt de suffragio, & adiutorio, quod dat possessio ad quærendum, vel ad non perdendum fructus, & non quod conuenit ad quærendum, vel non perdendum titulum. Quarto, quod pœna priuationis alicuius iuris non est dicenda cuiquam imposita, nisi eam lex expresse ponat, iuxta gloss. solen. & recep. quæ vltima est, cap. vlt. de iure patron. At prouisus, simulac possessionem cum titulo colorato accepit, quæsiuit ius fruendi fructu prædictæ regulæ de trien. ergo non debet censi priuatus illo, nisi per legem quæ id exprimat, vel nisi aliter non posset esse fructuosa: at prædicta verba prædicti canonis possunt esse valde fructuosa, intelligendo ea quo ad perditionem fructuum tantum; ergo quo ad eam tantum sunt intelligenda. Quinto, quod pœnæ canonum, præsertim Conciliorum œcumenicorum, solent esse temperatæ, & moderatæ, ita quod non excedant mensuram delicti, iuxta illud Deut. 16.

iuxta mensuram delicti sit & plagarum modus. cap. non offeramus. 4. quæst. r.
 At culpa non faciendi prædictam professionem vt plurimum prouenit ex ignorantia, inaduertentia, & negligentia, & est quædã omissio facile supplebilis; ergo pro ea non est imponenda eam omittenti pœna perditionis beneficii, vel iuris, quo illud sibi defendere potest: immo satis superque fuit priuare eum iure querendi fructus. & ita credendum est, sacrum Concilium voluisse quidem illum priuare iure fructuum, non autem iure tangente titulũ.

Non obstant opposita. Ad prius enim respondetur, quod tum demũ negatiua vniuersalis est vniuersaliter intelligenda, quãdo nulla lege speciali, vel efficaci ratione esset limitanda in aliqua specie: nulla enim est regula tam generalis, quæ aliquã non patiatur exceptionẽ, præter illam, quæ ponitur cap. licet. de regul. at plurimę sunt regulę vtriusque iuris vniuersaliter & negatiue cõceptæ, per verba *nullus, nemo, non præstat, nihil*, & id genus alia, quæ tamen multas habent limitationes: & ita regula illa negatiua, quæ tacite colligitur ex prædictis verbis, scilicet, *non suffragetur possessio prouiso, qui intra duos menses non fecerit professionem fidei*, iure limitatur, vt solum procedat quo ad suffragiũ acquirendorũ fructuum, & non quo ad id quod pertinet ad titulũ, de quo per dict. regulã de triennali statuitur contrariũ.

Ad posterius respondetur, concedendo hæreticum priuari omnibus iuribus ipso iure; negando tamen, quod ex eo solo, quod prouisus omittat profiteri fidem intra duos menses, præsumatur hæreticus, nec suspectus de hæresi; & quod Concilium non intendebat ponere pœnam debitam hæresi, sed debitam inobedientiæ: si enim id intendisset, apposuisset pœnam priuationis beneficii, vt palam est.

S V M M A R I V M.

- 1 *Professionem fidei nedum in Capitulo, sed etiam in manibus Episcopi emittere tenentur canonici, etiam si sint exempti.*

CONSILIVM IX.

QVAERITVR, an canonici etiam exempti teneantur professionem fidei facere.

- 1 Respondeo, quod canonici etiam exempti tenentur fidei Catholicę professionem facere in manibus Episcopi & Capituli, iuxta cap. 12. de reforma. sess. 24. Conc. Trid. Tum quia etiam exempti subiacent Episcopis quo ad ea quæ pertinent ad beneficia, quæ obtinent, subiecta illis, per adducta à Felin. in cap. dilectus. 2. à num. 9. de rescript.

S V M M A R I V M.

- 1 *Fidei professionem regulares prælati facere intra duos menses tenentur ab adeptã possessione præfecturæ.*

CONSILIVM X.

QVAESITVM fuit, an cap. 12. de refor. sess. 24. Conc. Trid. de fidei professione faciendã habeat locum etiam quo ad prælatos regulares.

Respon-

- 1 Respondetur affirmative, quod præfati prælati regulares tenentur etiam facere prædictam fidei professionem, per extensionem, qua Pius III. sua cōstitutione incip. iniunctum. extendit d. cap. 12. de reform. sess. 24. Concil. Trident. Sufficit autem, ut eam faciant intra duos menses ab adepta possessione suæ præfecturæ, ut idem Concil. in eodem cap. exprimit.

SUMMARIUM.

- 1 Fidei professionem qui intra duos menses, ut tenetur, non fecit, post illos, quam primum potest, facere obligatur.
- 2 Obligatus ad aliquid intra certum tempus faciendum, eo lapso, non liberatur.
- 3 Beneficiarius fidei professionem per procuratorem facere potest.
- 3 Fidei professio post duos menses facta non prodest quo ad quærendos præteriti temporis amissos fructus.

CONSILIUM XI.

QVI ADEPTVS beneficium curatum, non est professus infra duos menses ab adepta possessione, quid faciet, ne perdat fructus sui beneficii, iuxta cap. 12. de reformat. sess. 24. Concil. Trid. relatum à nobis in Manual. confess. cap. 25. num. 135.

- 1 Respondeo primo, quod potest, & debet facere illam professionem post præfatos duos menses. Tum quia, qui iubetur facere aliquid intra certum tempus, videtur obligari ad duo, videlicet ad faciendum illud intra illud tempus, si potest, & ad faciendum illud post lapsum temporis præstituti, quam cito commode facere poterit, etiamsi non potuit illud antea facere, l. Celsus. ff. de recep. arbit. cap. cum dilectis. de dol. & contum. vbi late Panorm. à num. 12.
- 2 Secundo, quod poterit iuramentum præfatum præstare per procuratorem; quia regulariter quicumque potest aliquid facere per semet ipsum, potest illud facere per procuratorem, l. 1. ff. de procurat. & cap. qui per alium. de regul. iur. lib. 6.
- 3 Tertio, quod professio facta post præfatos duos menses non videtur prodesse ad quærendos fructus temporis præteriti, sed sic ad quærendos temporis futuri: quia regulariter semel ipso iure perditam non quæruntur ipso iure, l. qui res. §. aream. ff. de solut. & liberat. cap. quam periculosum. 7. quæst. 1. quamvis ex æquitate posset iuvare, qui per ignorantiam, incogitantiam, vel negligentiam id non fecit; qui tamen libenter fecisset, si fuisset monitus, vel venisset in mentem: quamvis non arbitrer hanc modificationem in foro exteriori eum iuvare.

Aduertendum, referri sacram Congreg. censuisse contrarium eius quod dicitur in secundo dicto.

SUMMARIUM.

- 1 Professionem fidei per ignorantiam &c. omittens non peccat.
- 1 Ignorantia, incogitantia, & inaduertentia legis excusant.

Bb 2

2 Lex

2 *Lex humana male intellecta non ligat in foro conscientie.*

3 *Legem humanam bona fide transgrediens non peccat.*

CONSILIVM XII.

AD QVÆSITA quo ad forum conscientie tantum de clerico, qui adeptus parochialem per ignorantiam, incogitantiam, vel inaduertentiam, non fecit professionem fidei, quam Concil. Trid. mandat fieri in cap. 12. sess. 24. vsque ad sexquiannum, in quo ratione doctoratus suscepti eam fecit, & post septimum vna cum Episcopo ratione synodi.

- 1 Respondeo primo, D. consulentem non peccasse coram Deo, & quo ad forum conscientie mortaliter, nec obligari ad restituendos fructus. Tum quia hæc ignorantia, incogitantia, & inaduertentia fuit illi inuincibilis, quia putabat probabiliter sibi sufficere professionem prius factam ratione doctoratus, & ita excusatur à peccato, & à restitutione fructuum, per notata à S. Tho. in 1. 2. quæst. 88. art. 5. & 6. & à nostris in cap. ignorantia. de regul. iuris lib. 6. & in cap. turbat. 9. notandum. 1. quæst. 4. Tum quia est pœnalis, quæ etiam si pœnam ipso iure contineat, non ligat in foro conscientie iuxta gloss. celeb. in cap. fraternitas. 12. quæst. 1. Tum quia
- 2 *lex humana male intellecta non ligat in foro conscientie, iuxta Innoc. in cap. per tuas. de simon. quem cum alijs ad id opportunis refert Felin. in cap. fin. num. 7. de re iudi. & à fortiori nullatenus intellecta, nec ad memoriam reducta. Tum quia qui bona fide transgreditur legem humanam, putans se habere iustam causam transgrediendi, non peccat mortaliter, ut post alios tradimus nos in Manual. confess. cap. 23. num. 43. & nuper in commen. de alienatio. rerum eccles. num. 9. & 19. Quare dominus consulens taceat hanc ignorantiam coram hominibus, & gaudeat coram Deo se iam bis prædictam fidei professionem fecisse, & expulsis scrupulis tranquillo pectore suum officium & munus exerceat ad laudem Domini nostri Iesu Christi, qui nos omnes saluet. Amen.*

DE PRÆSCRIPTIONIBVS.

SUMMARIVM.

- 1 *Beneficij onera & statuta in fundatione posita implenda sunt, nisi sint legitime sublata. num. 7.*
- 2 *Lex in fundatione imposita beneficio non recepta non ligat magis, quam lex principis: & qui dicit eam à principio receptam, debet probare.*
- 3 *Præscriptio quidem in bonis & iuribus ecclesiasticis debet esse quadraginta annorum, sufficit tamen bona fides etiam sine titulo, nu. 4. quæ præsumitur quod fuerit in præcessore, num. 5. cuius possessionis accessione uti possum ad complendâ dictam præscriptionem, nu. 3. & 4. at si meus præcessor fuit in mala fide, illa mihi non nocet, modo uti nolim accessione eius possessionis. num. 6.*
- 4 *Possessor in dubio præsumitur habere bonam fidem.*
- 5 *Titulus lapsu triginta vel quadraginta annorum etiam in valde præiudicialibus præsumitur.*

CON-

C O N S I L I U M I.

A N N O 1401. fuerunt erectæ duæ capellaniæ in cathedrali quadam, reseruato iure præsentandi pro hæredibus fundatoris, qui heredes postea anno 1487. donauerunt ius suum præsentandi quibusdam N.N. cum consensu Episcopi. Fueruntque in fundatione appositæ multæ conditiones: videlicet, quod vterque præsentandus sit sacerdos, & quod personaliter & non per vicarium cum vno clerico domi retinendo inseruiat noctu & die diuinis officijs in cathedrali; quod quotidie duæ Missæ celebrentur, & specialis commemoratio de fundatore; & cum pœna, si cessauerit, quod soluat certam pecuniam pro qualibet vice conuertendam in alias Missas; & quod non possit super his impetrare dispensationem, nisi ab Episcopo, & de consensu patronorum. Nunc reperitur quod rector præsens istarum capellaniarum eas possidet iam fere per viginti annos, & numquam habuit notitiam istorum onerum; quoniam prouisio olim sibi facta fuit in Curia per resignationem sui antecessoris, qui nihil istorum narrauit; vnde præsens rector fecit tantum celebrare vnam Missam singulis diebus, prout antecessor suus faciebat. Reperitur etiam, quod per spatium sexaginta annorum, & ultra numquam aliquis rector adimpleuit dicta onera; quia forte vel fuerunt dispensati, aut aliter: de alijs autem ante 60. annos, quid fecerint, nescitur: quia non reperiuntur scripturæ. Modo quaeritur, an ex quo præsens rector habet aliud curatum, quod non potest dimittere, & numquam impleuit prædicta alia onera, in foro consciëntiæ teneatur ad satisfactionem, & qualem, & ad quid pro tempore futuro obligetur. Aduertatur autem, quod bona istarum capellaniarum, quæ ad præsens possidentur, vix sunt pro tertia parte antiquæ dotationis, immo quod non sunt de terris specificatis in dotatione; & nescitur, quomodo, aut quo iure possideantur; & valor istorum bonorum, quæ hodie possidentur, potest ascendere singulis annis ad summam scutorum centum. Aduertatur etiam, quod patroni parati sunt consentire dispensationi, & remittere onera omnia, quæ non fuerunt seruata, tam præterita, quam futura, in quantum de iure possunt.

1. Contra præsentem capellanum præfatum facit primo, quod statuta, & onera posita in fundatione beneficij sunt seruanda, cap. Eleutherius. 18. q. 2. cap. cum dilectus. de consti. cap. super eo. de iurepatr. cum eis adnot. Secundo, quod consuetudo non excusat peccantem: quia tanto grauius est peccatum, quanto diutius infelicem animam detinet alligatam, cap. fin. de consuet. Tertio, quod Concil. Trid. sess. 25. cap. 5. de reform. statuit, vt qualitates, quas requirit beneficium, in beneficiario concurrant, & onera iniuncta in fundatione impleantur.

2. Pro consulente vero facit primo, quod lex posita à patrono in fundatione beneficij non est firmior, quam lex posita à Papa in gubernatione Ecclesiæ; quia à potentiori causa maior producitur effectus secundum Philosophum, l. cū multa. C. de bon. quæ lib. & l. pen. C. de donat. inter vir. & vx. at lex siue Papæ, siue Regis à principio non recepta, nec seruata, non ligat, cap. in istis. 9. leges. 4. dist. & ibi Doctores, & latius Fel. c. 1. de treu. & pac.

ergo nec lex patroni posita in fundatione est seruanda, si non fuit à principio recepta, & seruata, vt in nostro casu, cum non mōstretur esse à principio seruata, nec præsūmatur; quia facta nō præsūmūtur, nisi probētur, cap. cum in iure. de officio deleg. & l. 1. C. de mand. princ. Secundo, quod cōsuetudinis longæ magnā auctoritas, l. 2. C. quæ sit long. cōsue. & l. de quibus. ff. de legib. & in casu nostro videtur consulenti fauere consuetudo viginti annorū, quæ dicitur longa etiam inter absentes, toto titulo de præs. script. long. temp. decem vel viginti annorum. Tertio, quod non obstat dicere quod in bonis & iuribus ecclesiasticis non currit præs. scriptio decem vel viginti annorum, quia currit præs. scriptio 40. annorū, cap. de quarta. & cap. ad aures. & cap. illud autē. de præs. script. auth. quas actiones. C. de sacrosan. eccle. & quod licet consulens non possederit dictam capellaniā liberā à præs. dictis oneribus 40. annis per se, possedit tamē per se & per antecessores suos 60. & amplius annis, vt in facto proponitur: & possessio præs. decessoris accedit ad possessionē præs. sentis possessoris; ita quod sufficit, vt ambæ coniunctæ conficiant tempus ad præs. cribendum legitimum. l. de accessionibus. cum l. sequen. ff. de diuer. & temp. & in facto proponitur, quod à sexaginta annis capellania præs. dicta est possessa libera ab oneribus in iunctis in fundatione; ergo, &c. Quarto non obstat dicere, quod cōsulens non nititur aliquo titulo liberationis ab oneribus præs. dictis. Tum quia licet in præs. criptione longi temporis, id est decem vel viginti annorum, requiratur titulus, iuxta l. si quis emptionis. in principio cum concord. C. de præs. script. 30. vel 40. annorum. in præs. criptione tamen longissima triginta vel quadraginta annorū non requiritur vllus titulus per eandem legem, §. 1. & l. si quid in rem. & l. cum nouissimi. C. eodem. quæ omnium fere est vna sententia, vt colligitur ex citatis per Baldum in tract. de præs. scrip. in 4. par. Nec in hoc est vlla differentia inter ius canonicum & ciuile, inter præs. criptionem contra ecclesiam, vel alium; sufficit enim tempus 40. annorū sine vllō titulo cum bona fide, secundū Panor. in cap. de quarta. colum. 4. de præs. script. cōmuniter receptum, & late tradit Bald. vbi supra 2. par. 3. partis. Non obstat dicere, quod iure canonico non prodest vlla præs. scriptio, etiam longissimi temporis, etiam 40. annorum cum mala fide, cap. si. de præs. scrip. cap. possessor. de reg. iur. lib. 6. cum, annot. eis fere ab omnibus; & quod cōsulens videtur mala fide hanc libertatē possedisse, quippe qui successit malę fidei possessoribus; primi enim possessores præs. dictę libertatis non poterant non esse malę fidei possessores, cum nota esset eis obligatio habendi qualitates, & subeundi onera præs. dicta. Non inquam hoc obstat. Tum quia non constat vllum præs. cessorē eius mala fide possedisse: & in dubio præs. ūmitur bona fide possedisse, secundum gloss. recep. in cap. sanctorū. versicul. sincere. & in cap. si diligenti. verb. bona fide. de præs. scrip. Tum quia præs. ūmi potest per possessionem centū & amplius annorum, & diminutionem bonorū à principio capellanię assignatorum aliqua compositio, vel diminutio qualitatis, & onerum, per quam primi possessores bona fide libertatem præs. dictam possidere potuerunt, arg. tex. iuncta gloss. sing. in cap. peruenit. de empt. quæ cōmuniter recepta habet, solem.

solemnitatem etiam extrinsecā præsumi per spatium triginta annorum. Tum quia ibi per illā tenet Imol. colum. 3. quod etiam per lapsum triginta vel quadraginta annorū iuste præsumitur titulus, etiam quo ad ea, quæ sunt magni præiudicii; quod multis cōfirmat prædictus Bald. 1. par. 3. part. 1. q. 10. nu. 27. Tū quia mala fides præcessoris nō nocet præscriptioni successoris nolentis vti accessione possessionis illius, sed tantū volentis incipere. l. cum post. C. de præscrip. long. temp. cap. cura. cū gloss. sing. verb. legitima. recepta cōmuniter ibi, & vbiq; de iure patron. At cōsulens non indiget accessione possessionis primi capellani, qui fuit ante annos 160.

7 Non obstant adducta in contrarium. Ad primum enim respondetur concedendo, qualitates, & onera in fundatione beneficii statuta esse seruanda, nisi legitime fuerint sublata, primo per compositionem, vel auctoritatem Episcopi, quæ iuste præsumi potest per tātū temporis lapsum iuxta superius citata: secundo etiam clarius, quod sunt sublata præscriptione legitima per prædicta. Ad secundum, concedendo, quod consuetudo contra diuinam dispositionem non excusat; quia eam non potest tollere; sed contra dispositionem humanam excusat, posteaquam per obseruantiam contrariam legitimo tempore continuatam sublata fuerit, per iura in argumento allegata cum adnot. eis ab omnibus. Ad tertium, quod Conc. Trid. loquitur de oneribus, & qualitatibus beneficiorum non sublatis legitime, nos autem de legitime sublatis per prædicta.

Ex prædictis resoluendo prædictū dubium, respondeo prædictū Rectore iuste posse retinere prædictum curatum cum prædicta capellania, si nihil aliud obstat; & in nullo foro, neque interiori, neque exteriori teneri ad satisfaciendum, vel restituendū aliquid, si subiit onera omnia solita subiri à 40. annis citra. Nec esse, cur iuste se ob hoc scrupulis vexet: quamquā ad redundantiam potest auctoritate superioris de consensu patronorum ob rationes prædictas declarari, capellaniā præfatam esse liberam à prædictis obligationib; & neque præsentem, nec futurum teneri ad alia onera, quam illa, quæ prædictis 60. annis capellani subire consueuerunt. Salua, &c.

S V M M A R I V M.

- 1 Error iuris licet non proffit ad vsucapiendam rem, prodest tamen ad vsucapiendum fructus; & hoc, etiam si sit error iuris non dubij, etiam & resistentis actui, nu. 5. quia ad acquisitionem fructuum sufficit malam fidem abesse, nu. 6. quod si esset error iuris dubij, prodesset ad præscribendam rem, vt error facti, nu. 4.
- 2 Tituli credulitas procedēs ex errore facti, puta quia credebat i acquisitione tituli oīa necessaria interuenisse, prodest ad præscribendū rē ipsā; est. n. hic error facti, et nu. 3.
- 3 Beneficium perpetuū cum cōsensu patroni ex iusta causa reducere ad beneficium manuale, Episcopum posse, verius est; licet cōtrarium per iudicem fuerit declaratum, nu. 1. immo & posset ex toto supprimere, nu. 3.

CONSILIVM II.

QUIDAM possedit aliquot annos quamdam capellaniam factam de perpetua manualement, siue ad nutum amouibilem, auctoritate ordi-

narij, credens bona fide eam fuisse in manualementem redactam; quæ tamen declaratur male fuisse in manualementem redacta. Quæritur an teneatur restituere fructus.

1. Respondeo, quod non: quia licet error iuris non prodest ad vsucapiendum rem ipsam, l. numquam. ff. de vsucap. prodest tamen ad acquisitionem fructuum, per text. in l. sed & si. §. scire. ff. de petit. hered. & gloss. in l. si fuit. ff. de vsucap. & Din. in regul. possessor. de regul. iur. lib. 6. & hoc ponitur pro regula à multis, quos refert Felin. in cap. de quarta. de præscript. & recordor me alias etiam respondisse, quod non tenetur restituere fructus, allegando in hoc l. bona fides. ff. de acquiren. rerum domin. & §. si quis à non domino. Insti. de rerum diuisione. & Bart. & aliquot alios. in qua sententia sum etiam nunc; licet & nunc videam, & tunc videbam hanc rem varie, confuse, ac trepide tractatam, tam ab his quos tunc allegavi, quam à Felin. in d. cap. de quarta. de præscript. num. 24. & à Franc. Balbo in l. Celsus. not. 4. ff. de vsucap. & ab alijs ab
2. eis citatis. Primo quidem ea ratione, quod iusta credulitas tituli, quæ ex errore facti descendit, prodest ad vsucapiendum, & præscribendum etiam ipsam rem, de qua quærentur fructus, quod affirmant & confirmant auctoritate multorum præfat. Felin. ubi supra, & Balb. in l. 2. in princ. ff. pro emptore. At præfatus dominus consulens videtur errasse errore facti, & credidisse quod in præfata ordinarij dispositione interuenerit iusta causa cum alijs necessarijs ad sic disponendum, qui error facti est. Tum quia qui possidet aliquid ecclesiæ per concessionem Episcopi dicentis, se illam de consensu Capituli facere, si vere Capitulum non consensit, dicitur duci errore facti, & præscribit, vt determinat Rota in titulo de præscript. decis. 3. in nouis, quam etiam Felin. & Balb. sequuntur. Tum quia credere quod Episcopus potuit illam facere iusta de causa, cum consensu patroni, & alijs necessarijs, non est profectio error iuris, sed vera illius scientia, per ea quæ nos allegauimus, per quæ irrefragabiliter probatur ordinario fuisse potestatem etiam extinguendi penitus illud beneficium iusta causa, & alijs necessarijs interuenientibus, quanto magis mutandi illud in aliam formam in mille mundi partibus vsitatam.
4. Secundo, quod error iuris dubij perinde prodest ad præscribendum, ac error facti, Abb. in cap. cum dilectus. num. 12. de consuet. & alij alibi, & gloss. memor. in cap. 1. in ver. de cætero. de postulat. prælat. lib. 6. quod etiam confirmant præfati, & alij citati ab eis, & in his Felin. in cap. 1. colum. penult. de re iud. & est celebre dictum Innoc. in cap. per tuas. il. 2. de simon. in multis locis à Bal. commendatum, quod contraueniens iuri humano dubio per errorem non peccat: & sententia lata contra ius dubium, vel obscurum, non censetur nulla, vt late tradit Felin. in d. colum. penul. licet sententia lata contra ius regulariter sit talis, cap. 1. de re iudic. At error quo D. consulens credidit præfatam dispositionem ordinarij valuisse, est error facti, vt dixi, aut certe error iuris dubij & obsequi: ergo ille excusat, & ad hoc prodest.

5 - Tertio, quod error iuris etiam non obscuri, licet non profit ad usufructu-
piendum rem ipsam, ex qua fructus capiuntur, prodest tamen ad querend-
dos fructus ex ipsa bona fide perceptos, l. sed & si. §. scire. ff. de peti. hered.
gloss. notab. in l. si fur. ff. de usufructu. Dinus communiter recepit. in cap. posses-
sor. de regul. iur. lib. 6. Tum quia non est curandum de illa dist. Bart. an sit
contra ius non assistens, vel etiam contra ius resistens: quamquam mul-
ti eam sint secuti. Tum quia prefatus §. scire. sine vlla distinctione deter-
minat, bona fide possessorem querere fructus, dummodo non sit prado,
ideest male fidei possessor, quem non debuit Bart. & qui sequuntur illum
ex suo capite limitare. Tum quia non est vllus textus, nec vlla ratio effi-
cax, quæ illam limitationem probet. Tum quia ad querendos fructus, suf-
ficit vt mala fides absit, licet bona fides positiva non adsit, etiam secundum
eundem Bart. & Fel. & alios sequaces eius. Tum quod credulitas institutæ
tituli, quam habuit prefatus D. consulens, plus fuit error facti, quam iur-
is, vt supra dictum est, & si fuit iuris, non fuit plus contra ius resistens, quam
ille de quo loquitur predictus §. scire. & Bart. qui loquuntur de credulita-
te, qua heres credebatur testamentum valere: quia credebatur solemniter esse
factum. Tum quia etiã credulitas prefati D. consulentis, si erat error, erat
eo quod credebatur prefatam dispositionem ordinarij fuisse cum iusta cau-
sa, & alijs solemnitatibus requisitis, vt supra dictum est. Salua, &c.

S V M M A R I V M.

- 1 Iuri offerendi, quando est sequela actionis iam nata, prescribi potest; secus, si sit præ-
ambulum; quia contra illud non prescribitur, sicut nec contra facultatem ali-
quid faciendi. nu. 2.
- 3 Prescriptione quadraginta annorum prescribitur res aliena. confraternitatis, modo
non sciam, nec scire debeam esse alienam.
- 3 Rehelare iura, quæ pro adversario faciunt, nec litigans, nec alius tenetur, si bona
fide per quadraginta annos res sit iam prescripta; secus si prescribens sciebat vel
scire tenebatur rem esse alienam.
- 4 Ignorantia illa non videtur probabilis, qua quis ignorat rem esse alienam; cum in
domo propria haberet de hoc publica documenta.

C O N S I L I V M. III.

AN QVI possidet rem alterius pro melioramentis, donec illa ei sol-
vantur, prescribat, siue prescriptione tollat domino rei ius soluendi
melioramenta, & recuperandi rem melioratam per spatium triginta vel
quadraginta annorum?
Pro parte affirmante facit, quod ius offerendi per prescriptionem tol-
litur, l. cum notissimi. §. sed cum illud. C. de prescrip. 30. vel 40. an. sed Bar.
in l. pignori. ff. de usufructu. limitat hoc procedere quando est sequela actio-
nis iam natæ, vt in d. §. sed cum illud, non autem quando est præambulum
actionis nascituræ; quia tunc non est proprie ius formatum, sed quædam
facultas faciendi aliquid, vt eundi per viam, cui non prescribitur, l. viam
publicam. ff. de via publicæ. Sed advertendum, quod in casu proposito ius
offe-

- offerendi videtur esse sequela actionis iam natæ; quia ius offerendi solutionem melioramentorum nascitur ex actione, quam habet vendicandi rem melioratam; & ita etiam secundum doct. Bart. videtur posse tolli per præscriptionem. An autem præscriptio rei interrumpatur per litem super possessorio motam? Et videri potest quod non: quia res non videtur fieri litigiosa per litem super possessorio motam, auth. litigiosa. C. de litig. & tradit Nicol. Milis in rept. verb. litigiosa res. Sed
- 2 quid, si tenens rem melioratam reddendam solutis melioramentis, scit illam rem esse illius, qui habet ius soluendi melioramenta, & vendicandi rem? Et videtur non præscribere: quia possessor malæ fidei nullo unquam tempore præscribit, cap. fin. de præscript. & reg. possessor. de regul. iur. lib. 6. Hispane hoc modo ad præcedentem quæstionem responsum est.
 - 3 Hodie attentis & perpensis rationibus plusquam putaueram, quod mihi videtur, est, quod si ille qui hodie possidet istam domum, & sui antecessores illam possederunt per 40. annos cum bona fide habendo illam pro sua coram Deo ignorando illam esse adiudicatam confraternitati, solutis melioramentis, non est obligatus eius possessor, nec illi qui pro certo habent ita rem se habere, dare notitiam huius rei iudicatæ confraternitati, etiam stante lite super spolio. Cæterum si prædecessores sciebant hoc ius competere dictæ confraternitati, vel debebant & tenebatur scire hoc ius competere dictæ confraternitati, non præscripserunt quo ad forum conscientiarum, & in consequentia tenentur reddere notitiam dictæ rei iudicatæ:
 - 4 & addo etiam quod in foro exteriori præsumeretur scientia possessorum, si ipsi habebant istas sententias; quinimmo in foro interiori difficile posset dici quod iuste ignorauerint.

S V M M A R I V M.

- 1 Præstatio annua alicuius rei non inducit obligationem in futurum, sicut nec longa usurpatio, hoc est acceptio sine iusta causa, sicut nec præstatio facta dominis clam, vi, metu &c. num. 2. at si sit facta ex certa causa per decennium, præsumitur iusta: quod si sit facta per triginta annos, etiam causa non expressa, inducit ius petendi in futurum, num. 4. nisi ei obstat ius commune, vel alia vehemens præsumptio. num. 5.
- 2 Tempus non est modus inducendi, nec tollendi obligationem.
- 3 Seruitus à subditis sine causa præstata prælatis, seu dominis, præsumuntur iniuste & per vim imposita; & hoc, etiam si sint præstata per triginta annos, quando contra recipientem militat ius commune, vel vehemens aliqua præsumptio. num. 5. At si hæc de iure indebita sint præstata per tempus immemorabile, tunc quo ad solita præstari familiaritatis gratia, seu quæ de facili gratiose præstantur, obligatio non præsumitur: at quo ad ea quæ de facili gratiose non exhibentur, præsumitur sufficiens obligatio. nu. 8. & 9.

CONSILIUM IV.

CV. M. ex facto oriatur ius, l. si ex plagis §. in cliuo. ff. ad l. Aquil. cumque non possit dari congruum responsum quæstioni incongruè propositæ

posita, l. ut responsum. C. de transact. & l. precibus. C. de impub. cumque adeo confuse proponatur mihi factum, & dubia ex eo resultantia, egre profecto respondere decreui: nam ut id utcumque facere possim, oportet me redigere factum in hac præsupposita.

Primum est, quod Comites domini de N. à tempore immemorabili, de cuius initio non est memoria, soliti fuerunt ante quadraginta annos indeterminate exigere quasdam præstationes annuas à communi de N. scilicet, omne lignum, quod in sua curia siue domo esset ad ignem in ea faciendum opportunum, similiter & omnia opera manualia, & portatoria suo seruitio necessaria, omnem item paleam & stipulam suo stabulo opportunam. Secundo, quod dominus G. & D. F. fratres Comites, & domini prædicti communis donauerunt ei donatione inter vivos irrenocabili quædam pascua, quæ nunc reddunt 300. ducatos aureos, cum onere soluendi eis quotannis duos vitulos singulos singulis in Paschate, quos numquam solverunt. Tertio, quod anno 1530. facta fuit conuentio inter dictos dominos & commune ad quinquennium duratura, per quam dicta indeterminata præstatio fuit determinata ad certam quantitatem, eo quod præfatum commune conquerebatur nimium grauari se per illam indeterminatam præstationem. Quarto, quod illa non solum quinquennio, sed etiam 40. annis post illud fuit seruata. Quinto, quod prædictum commune conqueritur de illa determinata præstatione, dicens quod est nimia, & præfati domini sunt contenti recedere ab illa conuentione, modo redeant ad præstationem antiquam indeterminatam.

His præsuppositis, queritur primo, an prædicti Comites & domini de N. iuste potuerint prædictas annuas præstationes exigere à prædicto communi.

Secundo, an esto non potuissent iuste exigere illas ab initio, potuissent tamen id facere post donationem prædictorum pascuorum.

Tertio, an prædicti Comites possint prædicta pascua donata recuperare nomine caducitatis, siue ratione omisse solutionis oneris soluendi duos vitulos donationi prædictæ impositi.

Quarto, an tam præfati domini, quam præfatum commune possint recedere à conuentione in quinquennium facta.

Quinto, an præfatum commune recedens à præfata conuentione cogi possit ad soluendas antiquas præstationes indeterminatas.

AD PRIMAM QVAESTIONEM respondeo, quod pro parte ipsius negante, scilicet quod non potuerunt iuste accipere, & exigere prædicta iura à prædicto communi, facit primo, quod præstatio annua alicuius rei præsentis non inducit obligationem ad præstandum in futurum, cap. penult. de censibus, etiam si interuenisset pactum inualidum, quale est nudum de iure ciuili, l. si certis annis. C. de pactis. Vnde concludit Bald. in cap. 1. §. si vero vassallus. in vers. item. quid sit investitu. quod licet rusticus daret nobili pluribus annis vnum par caponum, per hoc tamen non videtur obligatus in futurum, ad hoc est glo. in l. solent. §. fin. de offic. procons. & not. Bar. in l. cum de in rem. vers. ff. de usuris. Similiter si quis pluries

ries hospitatus sit amicum, non obligatur in futurum, vt teneatur illum hospitari, vt notatur per Cynum in l. 2. C. quæ sit longa consuetud. Innoc. in cap. cum ecclesia. col. 2. de causa posses. & proprietatis, vt tradit Fel. in cap. cum M. colum. 4. de constit. Similiter si quis sæpius iuit ad furnum vel molendinum alienum, non per hoc in futurum cogitur accedere, vt not. Bald. post Soccin. in l. 7. colum. 2. versi. & ex prædictis. C. de seruit. & aqua. Abb. in cap. Abbate. de verb. signif. col. 2. & Barth. Capol. in tract. de seruit.

- 2 in titulo de furno. Secundo, quod longa vsurpatio prætenfa non inducit obligationem in futurum, cap. quia cognouimus. 10. quæst. 3. cum multis quæ ibi citat gloss. in verb. præsumpta. eo quod tempus non est modus inducendi neque tollendi obligationem, l. obligationum fere. §. placet. ff. de actio. & oblig. d. cap. peruenit. de censibus. Cū ergo præfati DD. Comites non monstrent aliquam iustam causam exigendi præfatas impositiones, videtur illa vsurpatio esse iniusta. Tercio facit regula cap. quod latenter. cum multis alijs, quæ citat glo. extra de regul. iur. per quæ probat seruitia iam præstita prælatis aut dominis clam, vi, vel metu, non obligare ad præstandum ea in futurum: & sententia communis post Host. videtur habere, quod huiusmodi seruitia, & præstationes annuæ, quæ fiunt & soluuntur prælatis, & dominis sine causa expressa in id idonea, præsumuntur esse iniuste posita per vim, vel aliam iniustitiam, quam post alios multos à se citatos tradit Didacus in cap. possessor. §. 5. nu. 2. de reg. iur. lib. 6. & seruitia de quibus in casu proposito videntur esse talia.
- 4 Pro contraria tamen parte facit primo, quod præstatio annua soluta decennio ex aliqua certa causa inducit præsumptionem pro iustitia exigentis, iuxta l. cum de in rem verso. ff. de vsur. secundum declarationem Bar. sub finem illius communiter recepti. Sed hoc argumentum facile vitari potest ab eo, qui responderit id esse, cum annua præstatio ex certa expressa causa per decem annos facta est, sed quod præstationes casus propositi ex nulla huiusmodi causa fuerunt factæ. Secundo facit, quod præstationes annuæ per annos 30. continuatæ, etiam nulla causa expressa, producant ius petendi easdem in futurum ratione præscriptionis, vt probat Balb. in tract. de præscript. 4. par. princ. quæst. 9. quem sequitur Couar. vbi supra. num. 3. & probatur l. sicut. & l. cum iustissimi. C. de præscript. 30. vel 40. ann. quatenus probant præscriptionem 30. annorum perfici per possessionem eo tempore continuatam, nullo titulo probato, neque allegato. Sed & hoc argumentum vitari potest, respondendo, quod in eo assumptum non procedit, quando contra possidentem facit ius commune, vel aliqua vehemens præsumptio per cap. 1. de præscriptionibus. lib. 6. Et contra dominos exigentes huiusmodi præstationes à subditis suis, vel à communi, causa debita non expressa, est vehemens suspicio, quod per coactionem & tyrannidem fuerunt impositæ, iuxta communem resolutionem in dicto cap. quod latenter. de regul. iuris lib. 6. & in casu proposito agitur de impositionibus & oneribus iure communi non debitis dominis,
- 6 exactis per præfatos dominos à subditis suis. Tercio neruosius facit, quod in casu proposito præstationes annuæ præfate fuerunt solutæ per tempus imme-

7 **Immemoriale**, siue de cuius initio non est memoria, quod non requirit titulum, & probatur, si allegetur, l. hoc iure. §. ductus a quæ. ff. de aqua quoti. & æsti. cap. super quibusdam. §. præterea. de verbor. signif. & cap. 1. de præscrip. lib. 6. Nec obstat, quod assumptum non procedit, quando subditi siue vassalli probant, quod à principio sine vlllo titulo per vim & metum fuerunt impositæ, vt Hostien. & communis tenet in d. cap. quod latenter. & quod in dubio præsumitur cōtra dominos, vt idem Host. cum communi tenet in d. cap. quod latenter. non inquam hoc obstat: quia in casu proposito præfatum commune sua voluntate libera cepit ea soluere.

8 Per quæ quæstio hæc redditur difficilis, præsertim ei, qui legerit præfatum Didacum satis vacillantem, & plus densæ allegationi auctorum, quam radici resolutionis intendentem. Videtur autem dicendum prout eius resolutione primum, quod præfati domini Comites iudicandi sunt in foro exteriori iuste præfata seruitia & præstationes accepisse per argumenta pro posteriori parte adducta. Et ad neruosam replicationem ad tertium factam responderi potest iuxta mentem Card. in dicto c. quod latenter. quod resolutio communis in replicatione adducta, scilicet, quod seruitia & præstationes, quæ iure communi non debentur dominis etiam tempore immemoriali soluta, præsumuntur indebite soluta; in dubio procedit in his, quæ amicitie & familiaritatis causa solent de gratia præstari, qualis est hospitatio amici, & similia; quales non videntur præstationes casus propositi; quia sunt magnæ & graues. Et pro dicto Card. facit, quod Innocen. communiter receptus in cap. bonæ. 2. de postula. prælat. & melius cap. cum ecclesia Sutrina. de causa posses. & proprie. num. 4. & 5. dicit quod licet ea quæ facile solent accipi & concedi de gratia & liberalitate, non præsumuntur accipi & præstari tamquam debita, vt est hospitatio amici; illa tamen quæ non præstantur facile de gratia, & liberalitate, præsumuntur præstari & accipi tamquam debita. at onera & præstationes, de quibus in casu proposito, non sunt talia, quæ soleant facile de gratia & liberalitate accipi, & præstari; & ideo cum per tempus immemoriale fuerint præstita sine contradictione, præsumendum est à principio fuisse accepta, & præstita aliquo bono titulo libere donationis, vel gratiarum actionis, & recognitionis beneficii accepti à DD. Comitibus, vel alias, & non per vim, nec metum, nec tyrannidem, nec tamquam gratis, & sine obligatione præstita. Facit item, quod consultis Hispaniæ sapientibus statuit Imperator Carolus ille V. gloriosissimus, quod domini, qui acceperunt huiusmodi seruitia & præstationes per quadraginta annos, defenderentur in sua possessione nullo alio titulo ostenso, in proprietate vero non nisi temporis immemorialis possessione iuuentur. Facit denique fundamentum, quo lex illa nititur, nempe quod eiusmodi possessio immemorialis habet vim constituti, & tituli, quem qui allegat probat per l. hoc iure. §. ductus a quæ. ff. de aqua quoti. & æsti. præcitatam.

11 **Secundo dicendum**, quod prædicti domini Comites probabiliter possunt,

sunt, si volunt, etiam quod ad forum interius conscientie credere, quod huiusmodi seruitia & prestationes fuerunt ab initio iuste imposita per liberam & spontaneam concessionem prefate communitatis factam, ob amorem & obseruantiam, quibus erat in eos, & in recognitionem aliquorum beneficiorum ab eis acceptorum, vel ad faciendum eos sibi gratiores, & affabiliores tam verbis, quam factis, iuuando, consulendo, vel protegendo illam & singulos ipsius, ultraquam iure communi tenentur domini sic se in subditos habere, ut postea prefati domini se habuerunt erga illam donando ei pascua, quae sunt magni redditus & parui oneris, ut praesupponitur in facto: credere inquam hoc probabiliter possunt, si volunt, per argumenta praedicta: & quod nemo tenetur in dubio ius, quod possidet, indiscussum relinquere, l. illud. ff. de pet. hære.

- 12 Tertio, quod praedicti domini si credunt vel crediderunt hæc, quae iuste, ut dictum est, credere possunt, nullatenus peccant, nec sui antecessores peccarunt, nec ad ullam restitutionem tenentur, si tantum acceperunt & exegerunt illa quae communitas à principio libere & amanter creditur concessisse, & non exigunt, nec exegerunt plura ligna, nec plures operas portatorias, nec plures paleas, vel stipulas, quam essent necessariae ad fouendum decentem ignem, decentem portationem, & decentes paleas, & stipulas; praesertim si tractant, & tractauerunt eos verbis & factis aliquanto humanius, quam tractassent, aut tractarent, si ea eis non praestarentur.

Quarto, quod si nunc exigunt, vel antea exegerunt notabiliter plura, quam verisimiliter praedicta communitas à principio eis concessit, cogendo eam ad plura ligna, plura seruitia portatoria, & plures paleas, & stipulas, quam quae credunt verisimiliter fuisse concessa, peccant, & peccarunt, & tenentur ad restitutionem iuxta cap. si res aliena. 14. q. 6. c. peccatum. de reg. iur. lib. 6.

- 13 Quinto, quod ab hoc onere restituendi, quatenus ad id tenerentur, possunt liberari per liberam & spontaneam praedictae communitatis remissionem, seu condonationem, iuxta gloss. communiter recep. in d. c. peccatum. in verbo restituatur. Dixi, liberam & spontaneam: quia pacta inuita non sufficerent, per ea quae notantur in d. regula peccatum. etiamsi metum omnino iustum non inducerent, per ea quae diximus in Man. confess. cap. 17. num. 4.

- 14 Sexto, quod nihil obstat id, quod ex D. Antonino in 3. par. tit. 3. c. 3. §. 3. aduersus praedicta citari potest: quoniam in summa solum dicit illam exactionem taliarum & prestationum siue impositionum dominorum à subditis esse iniustam, quae fit ultra conuentionem cum subditis factam, vel cum non implent illud, propter quod fit exactio: puta quia non reficiunt vel parant vias publicas, nec eas reddunt à latronibus securas, ad quod illa eis praestantur: non inquam id obstat praedictis, immo concordat. Tum quia diximus exactionem, de qua in proposito casu, esse iustam, si & quatenus non exigunt notabiliter plura, quam ab initio fuerunt verisimiliter

similiter imposita. Tum quia ex præsuppositis in facto non constat, quod præfati Comites teneantur ad faciendum aliqua, quæ non faciunt, ob præfata seruitia, & præstationes.

15 AD SECVNDAM respondeo, quod præfata donatio pascuorum nõ potest præfatis dominis prodesse quo ad id, vt præfatorum seruitiorum impositio reddatur iusta; si antea fuisset iniusta. Tum quia actus agentium non operantur vltra intentionem eorum. l. non omnis. ff. de rebus cred. & cap. fin. de præben. & non constat quod intentio donantium fuit illa. Tum quia donationi prædictæ fuit impositum aliud onus soluendi duos vitulos annuos: & ita imponendo illud, non videntur aliud imposuisse; & qui disponit de vno, nõ videtur disponere de alio. l. cum prætor. ff. de iud. & cap. qualis. 25. dist. & non creditur dicenti aliquod onus impositum, nisi probet, l. ei qui dicit. ff. de proba. potest autem prodesse præfata donatio ad iuuandam iustificationem credulitatis, quod ex amore & spe humanioris tractatus concessit præfata communitas præfata seruitia præfatis dominis, vt præactum est supra.

16 AD TERTIAM respondeo primo, quod præfati domini Comites nõ possunt recuperare præfata pascua sua iure caducitatis, eo quod numquam soluit prædictos vitulos, illo iure quo dominus recuperat bona data in emphiteusim ab emphiteuta non soluente canonem. l. 1. C. de iu. emphi. c. potuit. de locato. Tum quia dictus contractus, per quem illa pascua fuerunt donata, non erat emphiteuticus, in quo habet locum pœna illa caducitatis, iuxta prædicta iura. Tum quia donatio facta sub modo, & imposito onere, vt donatarius faciat aliquid, non reuocatur regulariter ipso iure, l. ea lege. C. de condictione. ob caus. & ibi Salice. oppos. 14. quem sequimur in nostro enchirid. de oratio. c. 21. num. 48. Secundo, quod nunc possunt compellere dictam communitatem ad soluendos prædictos vitulos, vel æstimationem, nisi illi de communitate præscripserint libertatem, siue liberationem non soluendi; & hoc per conditionem ob causam, iuxta præfatam l. ea lege. & l. si pecuniam. ff. de condi. ob causam. & l. 1. & 2. cum eis annota. C. de donat. quæ sub modo. Dixi, si non præscripserint: quia non erit nimis difficile defendere, quod præscripserint; attento quod numquam soluerunt præfatos vitulos; & quod circiter centum anni fluxerunt à tempore, quo donatio præfata facta est, & onus præfatum impositum: &

17 quod libertas ab obligatione soluendi annuas præstationes per contractum promissas præscribitur 30. annis computandis à tempore, quo à soluendo cessatur, l. cum nouissimi. §. in ijs. C. de præscri. 30. vel 40. an. licet in legatis annuis aliud sit seruandum, l. si stichū. §. stipulatio. ff. de verb. oblig. & vtroque glo. recep. Attento item quod etiam emphiteuta potest per 30. annos præscribere libertatem ab onere soluendi canonem, siue pensionem tam præteritam, quam futuram; nisi mala fides ei obstat, vt pulchre resoluit Balb. relatis alijs vbi supra 4. par. 4. partis primo. quæst. 8.

18 Tercio, quod etiam videntur posse reuocare donationem præfatam, nisi præscriptio obstiterit. Tum quia vnus casus ex quinque, in quibus potest reuocari donatio, positus in l. fin. C. de reuo. dona. est quando donatarius

rius

rius non seruat condiciones donationi appositae; quod etiam annotat Panorm. in c. si. de donat. dum reddit rationem quare cap. illud non ponat nisi quatuor casus, cum prædicta l. ult. posuerit quinque. Tum quia, ut prædictum est, donatum sub modo, vel ob causam, potest reuocari, modo non impleto, vel causa non sequuta. Tum quia, si onus soluendi duos vitulos fuisset impositum pro aliqua etiam parua alimentorum parte præfatorum dominorum, posset dici, quod donatio esset ipso iure resoluta, secundum opinionem Bartoli relata à Saliceto in d. oppositione 14. quãuis non video in protochollo præfatæ donationis verbum aliquod, quod significet illos vitulos ad alimenta soluendos. Dixi etiam in hoc dicto, Nisi obstet præscriptio: quæ ob stare posset, nisi mala fides ei obuiaret, per supradicta, & alia quæ addit præfatus Bal. in dicta 4. par. 4. par. princ. quæst. 9. & sequen.

AD QVARTAM respondeo affirmatiue, argumento l. ab emptione. ff. de pact. quia res per quas causas nascitur, per easdem soluitur, cap. 1. de regulis iuris.

AD QVINTAM respondeo, quod eius resolutio colligitur ex resolutione primæ quæstionis. Salua, &c.

S V M M A R I V M.

1. Præscriptionem immemoriam impedit mala fides possidentis, si sit vere mala, præsumpta autem non.
2. Mala fides præsumpta tollitur per triennem possessionem.
3. Mala fides an probetur eo ipso, quod instrumentum iniusti tituli reperitur penes possessorem, remissiue.
4. Ius patronatus facilius præscribitur ab vno contra alterum patronum, quam contra ipsam ecclesiam liberam.
5. Possessio potest esse immemorialis, etiam si per aliquot instrumenta probetur ante tempus ad illam inducendam necessarium res aliter se habuisse.
6. Clandestina resignatio, & collatio ab Episcopo de beneficio tamquam libero facta, non constituit illum in possessione de eo, vti de libero, disponendi; nisi accedat patroni scientia, & patientia.

CONSILIVM V.

1. RESPONDETVR, quod possessio temporis immemorialis non causat præscriptionem, si constat & vere probatur mala fides possidentis; quamuis non sufficiat mala fides præsumpta: quia eiusmodi præsumptio tollitur per triennem possessionem, quanto magis per immemoriam, ut post Aretinum & Aymon. concludit Couar. reg. possessor. 1. par. 9. 4. de reg. iur. lib. 6. & paulo ante an titulus iniustus repertus apud possessorem sufficienter probet malam fidem ad hunc effectum.
2. Ius patronatus facilius præscribitur cōtra patronum, qui iam habet ius quæsitum, quam contra liberam ecclesiam, per ea quæ citat Couar. reg. possessor. par. 2. 9. 10. 2. nu. 3. & 8. de reg. iur. lib. 6.

4 Nullo iure cauetur quod possessio definat esse immemoralis, eo quod probetur per aliquam scripturam quod aliquo tempore præterito illa possessio non fuit. Tum per citata per Couar. dicta regula possessor. 3. par. 9. 4. Tum quod alioquin pauca spiritualia essent, quæ Christiana Ecclesia tempore immemoriali possedisset, cum per Euangelia constet ipsam aliquando ea non possedisse. Tum quod licet per aliquod instrumentum constaret aliquod prædium fuisse possessum à Petro ante ducentos vel trecentos annos; posset tamen non obstante illo probari quod Ioannes possedit illud possessione immemoriali, per ea quæ requiruntur & sufficiunt ad probandum immemoriam, secundum glossam probatam cap. 1. de rescript. lib. 6.

5 Qui renunciat beneficium quæsitum ad præsentationem patroni in manibus ordinarij clam, nesciente patrono, & accepta collatione ab eo libera detinet illud, non videtur ponere ordinarium in quasi possessione iuris libere conferendi, nisi id faciat cum scientia & patientiâ patroni. Decius, qui alios citat, consil. 126.

DE SENTENTIA ET RE IUDICATA.

SUMMARIUM.

- 1 Matrimonium inter impuberes contractum est nullum.
- 2 Matrimonium nec verum nec præsumptum est, si nec verba de præseni, nec copula interuenerunt.
- 3 Retractatio illius, quod quis cum iuramento prius in iudicio affirmavit, non facit fructum in foro exteriori.
- 3 Coniugibus contra matrimonium deponentibus non creditur in foro exteriori.
- 4 Sententia super matrimonium standum est, donec retractetur.
- 4 Sententia pro matrimonio lata, licet ab ea non fuerit appellatum, tamen docto de impedimento per partes non remisibili venit retractanda.
- 8 Iudex ex diuersis argumentis potest informare animum suum ad effectum reuocandi sententiam pro matrimonio latam.

CONSILIUM I.

QVIDAM Vbertinus ante quartumdecimum suæ ætatis annum verbis non satis clavis matrimonium cum Flora contraxit: & licet orta inter eos de validitate matrimonij, Flora iureiurando affirmavit in iudicio se cum domino Vbertino contraxisse; vnde sententiam pro matrimonio reportauit: contra quam tamen postmodum retractando sua dicta protestata fuit, & ipsa contraxit cum alio, & dominus Vbertinus cum alia. Dubitatum fuit, an his sic stantibus matrimonia post dictam sententiam aliâs legitime contracta iure subsistant.

3 Respondeo primo, secundum ea quæ proponuntur, non fuisse verum matrimonium contractum inter præfatos iuuenes: quoniam ipse erat impubes quando contraxit, cum non haberet quatuordecim annos

Nauar. Conf. pars I.

Cc comple-

completos, quod iura requirunt, cap. puberes, de desponsa. impub. neque præsumptum propter copulam carnalem subsecutam; quia nulla talis proponitur fuisse subsecuta.

2. Secundo, quod non esset matrimonium quo ad forum conscientie, etiam si ille iusta ætatem habuisset, si verum est quod præfata Flora retractando sua dicta dixit, etiam si forte interuenerunt verba promissoria de contrahendo, ut aliqua verba narrationis factæ quadamtenus insinuant: quia cum non fuisset secuta copula carnalis, nec verbale matrimonium de præsentia, non potest esse matrimoniū verū, neque præsumptū, de quo in cap. is qui de sponsa. licet illud locum habeat tempore quo dicitur hoc matrimonium contractum, quod erat ante Concilium Tridentinum, post quod non est ei locus.

3. Tertio, quod retractatio & protestatio præfate Floræ, quæ protestata fuit non contraxisse se cum præfato Vbertino, non facit fidem in foro exteriori. Tum quia illa in iudicio cōtrarium dixerat cum iuramento. Tum quia coniugi confitenti aliquid contra matrimonium non creditur in illo foro, etiam si alter vel altera coniux idem confiteatur, iuxta cap. super eo. adiuncta gloss. de eo qui cogno. consan. & iuxta notata in cap. lator. & cap. tenor. de re iudic. cap. iuravit. de probat.

4. Quarto, quod in foro exteriori stabitur tenori sententie, donec retractetur, dict. cap. lator. & cap. tenor. de re iudic. quia res iudicata pro veritate habetur. l. res iudicata. ff. de reg. iur.

Quinto, quod licet sententia lata super matrimonio, si ab ea non appellatur, habeatur pro re iudicata per iura proxime citata, donec reuocetur: potest tamen reuocari ad instantiam eius qui allegaret impedimentum irremissibile per partes, per notata in supradictis capp. iuravit. lator. & tenor. & in casu proposito maritus Floræ, & vxor Vbertini, & quilibet eorum potest petere à iudice, ut declaret sententiam præfatam fuisse iniustam, & hoc propter præiudicium quod affert suis matrimonijs post eam contractis.

Sexto, quod iudex potest accipere informationem, tum ex prædicta protestatione, tum ex matrimonijs eorum contractis post illam sententiam, & tanto tempore continuatis, & quod per totum tempus prædictum confessi sunt sacramentaliter & communicauerunt, & quod sunt boni Christiani, quod putauerunt eam fuisse iniustam; & quod non appellaucrunt à sententia præfata, videntes eam à præfata Flora subornatam petitam, & postea contradictam; & quod Vbertinus non erat pubes, & ex alijs alijs indicijs: & informatione hac accepta posset iuste iudex recognoscere, & reuocare sententiam prædictam, & processum, per quem data fuit, & perpendere probationes vtriusque partis: & si videret satis probatum quod præfata Flora fuit vere protestata contra præfatam sententiam, posset illam rescindere, & relinquere illos in pace, ut suis matrimonijs post eam contractis fruerentur in Domino, qui nos saluet. Amen.

SUMMARIUM.

1. *Delictum meum non dicitur deductum in iudicium, licet socius criminis fuerit tractus. unde & Episcopus potest mecum dispensare ex vi cap. 6. sess. 24. de reform. Concilij Tridentini.*

CONSILIUM II.

DELIQUERVNT duo vnum delictum, ob quod incurrerunt irregularitatem: contra quorum alterum tantum intentata est actio in iudicio, sed defectu probationis fuit absolutus: alter autem impetrauit dispensationem ab ordinario virtute cap. liceat. de reformatio. sess. 24. allegando quod erat crimen occultum, & non deductum in iudicium. Quæritur, an sit valida dispensatio.

1. Respondetur, quod gratia fuit valida, per ea quæ nos tradimus in Man. confess. cap. 27. num. 255. & quod res inter alios acta non præiudicat alijs, l. 1. C. res inter alios acta. & l. 2. quibus res iudicata non nocet, & alia citata per glossas. Salua, &c.

DE APPELLATIONIBVS,

RECVS. ET RELAT.

SUMMARIUM.

1. *Appellare ab omni definitiva etiam sine expressione cause regulariter licet: fallit in materia visitationis, correctionis, inhabilitatis, in quibus non licet, nisi iusta exprimaturs causa. num. 3.*
2. *Appellare ab interlocutoria, modo iusta exprimaturs causa, de iure canonico conceditur, licet post Concilium ab ea non appelleturs, nisi quando earum gravamen per appellationem à definitiva non possit tolli.*
3. *Appellationi iuste non deferens iudex puniendus est.*

CONSILIUM I.

1. **Q**VAERITVR, quibus casibus iudex teneatur deferre appellationi.
- Respondetur, quod in omnibus in quibus appellatur legitime, hoc est infra decēdiū, auth. hodie. C. de appell. & petūturs Apostoli intra legitimum tempus, de quo in cap. ab eo. de appell. lib. 6. & in scriptis expressa iusta causa appellandi, si appellatur ab interlocutoria. cap. vt debitus honor. de appell. adiuncto cap. 1. eodem titulo, lib. 6. licet in appellatione à definitiva non requiratur hoc, vt ibidem notatur, & dummodo non sit causa, in qua vel à iure, vel ab homine remouetur appellatio: quia tunc etiam à definitiva non licet appellare, nisi exprimaturs iusta causa ad appellandum, cap. liceat. de offic. ordin. cum gloss. iuncto cap. Romana.
2. *§. si autem. de appellat. lib. 6. & regulariter in omni causa licet appellare à definitiva, iuxta gloss. solēn. in l. qui restituere. ff. de rei vindicat. verb. restituiturs. non autem ab interlocutoria regulariter iure civili, sed iure*

canonico sic in scriptis, & expressa iusta causa appellandi, vt prædictum est, vsque ad Concilium Trident. post illud autem per cap. 1. de reform. sess. 13. non licet appellari ab interlocutoria, nisi quando grauamen illatum per illam non posset tolli per appellationem à definitiua. Per quod ipsum cap. statutum est, vt non possit appellari etiam à definitiua in causis visitationis, & correctionis, habilitatis, & inhabilitatis: quod est intelligendum, nisi iusta de causa expressa, iuxta præfatum §. si autem. & puniendus est iudex, qui non defert iustæ appellationi, cap. de priore. de appellat. & dict. cap. 1. eod. tit. lib. 6. Salua, &c.

An prædictis obstet idem sacrum Concil. sess. 24. cap. 10. & 20. inuenies in sequenti consilio.

S V M M A R I V M.

1. Prouinciale Concilium potest recusari, generale autem, cui præest Papa per se vel alium, non.
2. Appellari potest ab omnibus ad Papam, itemque & à Concilio prouinciali potest haberi recursus ad Papam & Concilium generale, modo agatur de sententia definitiua; quia ab interlocutoria per Concilium non licet, nisi habeat vim definitiue, vel cuius grauamen non possit per definitiuam reparari, num. 2.
3. Appellatio regulariter suspendit executionem sententiæ etiam in iusso abstinere ab ordine: fallit, quando iudex procedit cū clausula appellatione remota, vel quando appellatur à censuris inflictis, vel quando appellatio est friuola, à iudice non admissa.

CONSILIVM II.

AD QVAESTIONEM PRIMAM respondetur affirmatiue per cap. ad Romanam. il 1. & 2. 2. q. 6. quæ probant omnes ab omnibus posse ad Romanam Sedem appellare & in cap. 1. de iudic. est casus, in quo à Concilio prouinciali fuit habitus recursus ad Concilium generale, cui Papa præfidet per se vel per alium, quod non posset recusari, sed Concilium prouinciale sic; & quod de Concilio prouinciali recurri potest ad Papam, & ad Concilium generale.

AD SECVNDAM QVAESTIONEM respondetur primo, quod ab omni sententia definitiua, vel habente vim definitiue Concilij prouincialis appellari potest ad Papam, vel ad Concilium generale, argumento totius tituli ff. à quibus appellari non licet. & tit. quis & à quo appelletur. & arg. glo. sing. quæ vltima est l. qui restituere. ff. de rei vendica. quatenus probat appellari posse ab omni sententia definitiua, à qua non inuenitur inhibita appellatio. Secundo, quod olim iure communi appellari poterat ad Sedem Apostolicam ab omnibus grauaminibus & sententijs interlocutorijs per præfatos canones ad Romanam. 1. & 2. Tercio, quod iure Cæsareo non licet regulariter appellare ab interlocutoria: & quod Concil. Trident. in cap. 20. sess. 24. statuit ne liceat appellare ab interlocutoria, nisi ab habente vim definitiue, & cuius grauamen per appellationem à definitiua reparari non possit.

AD TERTIAM QVAESTIONEM respondetur primo, eam nimis generaliter proponi. Secundo, quod appellatio regulariter suspendit executionem, l. 1. ff. nihil nouari appellat. quæ ponit exempla de relegato, & deportato, & iussio abstinere ab ordine, & traditur per omnes in rubr. de appellat. Tertio, quod fallit hæc regula in multis casibus, vt cū iudex procedit cum clausula *appellatione remota*, cap. pastoralis. in princ. de appellat. & cum appellatur à sententia excommunicationis in eodem cap. 6. verum. & idem cum appellatur ab alijs censuris, cap. is cui. 6. fin. de sent. excomm. lib. 6. & cum appellatio est friuola, cui iudex à quo non detulit, cap. cum appellationibus. de appellat. lib. 6. Salua, &c.

S V M M A R I V M .

Legatus Cardinalis, vt etiam Concilium prouinciale, vt suspectus, recusari potest, reuerentialiter tamen.

C O N S I L I V M I I I .

AD DVBIUM mihi propositum, an Legatus de latere siue Cardinalis recusari possit, respondeo primo, quod indices, quibus manifestus esset animus prædicti Legati, siue Cardinalis, ad iustitiam erga omnes exercendam, facile iudicare possent illum quo ad forum interius nemini debere esse suspectum. Secundo, quod quo ad forum exterius negari non potest Legatum à latere recusari posse. Tum quia totum vnum Concilium prouinciale recusari potest, secundum Panorm. Felin. Rip. & communem contra glo. in cap. 1. de iudic. Tum per cap. quod suspecti. 3. q. 5. in quo totum Concilium fuit recusatum. Tum per cap. nouit. de appell. ex quo Panorm. & Dec. colligunt Legatum & Cardinalem recusari posse. Tum per illa multa per quæ And. Sicul. in tractatu de præstantia Cardinalium. q. 3. 2. part. concludit, Legatum Cardinalem posse recusari, licet valde honeste & reuerenter recusatio eius fieri debeat secundum omnes. Salua, &c.

S V M M A R I V M .

- 1 Appellare à constitutione grauante licet etiam regularibus, & à qualibet sententia, nisi ubi reperitur iure prohibitum, nu. 2. etiamque à correctione & mandatis regularibus, si tamen modus excedatur, & nõ aliter, nu. 3. & 5. & hoc nõ obstantibus statutis religiosorum, per quæ dicitur prohibitum appellari, num. 1. & 5.
- 2 Appellatio etiam in dubio est admittenda, & iustam non admittens etiam regularis prelatus est puniendus, num. 3. & tanto magis, si appellantes carcerent, vel alias male tractent, num. 6.
- 3 Correctio etiam religiosorum debet esse moderata, alioquin potest haberi recursus ad superiores: immo & Abbate nimis seuiente, licet subdito de monasterio sine apostasie vitio fugere, & arma pro defensione arripere, num. 4.
- 7 Decreta, statuta, & cetera acta ecclesiasticorum, debent esse non solum licita secundum iustitiam & æquitatem, sed etiam honesta & utilia.
- 8 Fraudem legi facit, qui contra eius mentem venit, licet verba non offendat, & factum non tenet.

FRATRIBVS nationis Gallicæ incolentibus in præsentia monasterium sanctissimæ Trinitatis Illustriss. ordinis Minimorum in monte Pincio Urbis situm, duo dubia videtur occurrere circa nouam quamdam constitutionem Vicarij, quam reuerendissimus prædicti ordinis Generalis fecit in dicto monasterio. Alterum est, an liceret eis appellare, si constitutio præfata esset iniusta? Alterum, an præfata constitutio sit iniusta?

1. Ad quorum prius respondere memini in comment. de regularib. sub cap. nullam. num. 51. affirmatiue, quod sic, non obstante quod vox vulgaris habet, inter probos regulares nec appellari, nec appellationes admitti debere: & quod Concil. Trident. in cap. 4. de regularib. sess. 25. sic habet, *Nec liceat regularibus à suis conuentibus recedere, etiam prætextu ad superiores suos accedendi; nisi ab eisdem missi, aut vocati fuerint. qui vero sine prædicto mandato in scriptis obtento repertus fuerit, ab ordinarijs locorum tamquam desertor sui instituti puniatur.* Et quod cap. ad nostram. de appellat. sic habet; *Remedium appellationis non ideo est inuentum, vt alicui à religionis & ordinis obseruantia exorbitanti debeat sua nequitia patrocinium exhibere.* & cap. reprehensibilis. eod. tit. habet, *Nec subiecti contra ecclesiasticam disciplinam in vocem appellationis erumpant.* & quod vulgus ait, statutis religiosorum prohiberi appellationes, & appellantes à superioribus in carceres conijci, grauique pœnitentia & pœna purgari, & puniri.

2. Quibus non obstantibus contrarium est dicendum. Tum quia edictum de appellando est prohibitorium, hoc est, quod quilibet à qualibet sententia potest appellare, nisi prohibeatur, gloss. ult. recept. in l. qui restituere. ff. de rei vendic. & nullo iure prohibetur regularis appellare. Quin & in dubio appellatio à iudice debet admitti secundum Innocentium in cap. dilectus. 2. de rescript. quem sequuntur Decius, & citati ab eo in cap. de prior. num. 1. de appellat. Tum quod appellatio est defensio, l. 1. ff. de appellat. cap. cum inter. de excep. & defensio, quæ iure naturæ debetur, nemini est deneganda, clem. pastoralis. §. ceterum. de re iudic. l. vt vim. ff. de iust. & iure.

3. Tum quia prædictum cap. ad nostram. à contrario sensu probat remedium appellationis religioso ad suam innocentiam tuendam concedendum, quod ipsum satis probat cap. reprehensibilis. eod. tit. Tum quod in cap. de prior. eod. tit. grauius inbetur castigari Prior, qui appellationem non admittit; ex cuius gloss. 1. colligit Decius, quod non solum potest appellare religiosus in alia causa ciuili vel criminali, sed etiam in causa correctionis, in qua regulariter etiam secularis prohibetur appellare, cap. licet. de offic. ordin. si modus correctionis excedatur, cui glossæ est alia similis in dict. cap. licet. & notat Panormitan. communiter receptus utrobique: nam moderata debet esse correctio, alias ad superiorem recurri potest, vt Bald. dicit per illum text. in l. 2. §. dominorum. ff. de his qui sunt sui, vel alien. iur. per quam dicit etiam Bald. in dict. cap. ad nostram. quod Abbate nimis seuerè in monachos, eis licet fungere de monasterio, nec dicuntur apostata: quin & Abbate odio grauante

mona-

monachum potest pro defensione arma accipere, vt notabiliter Cardin. tradit in clement. 1. 6. præfatæ. de statu monach. Denique quod in cap. ad Romanam. 1. & 2. 1. quæst. 6. conceditur omnibus oppressis appellare ad sanctam sedem Apostolicam; nec ab hac concessione reperitur vsquam religiosus exclusus.

- 5 Nec obstant allegata in contrarium. Ad primum enim respondetur, vocem illam vulgarem, qua dicitur inter religiosos non appellari, intelligendam esse de appellatione à correctione, & mandatis regularibus legitime factis, secus de alijs sententijs & mandatis non tangentibus illam; immo & à tangentibus illam, si modus regularis & legitimus excedatur, vt supra dictum est. Ad secundum, quod Conc. in eo citatum non vetat appellare, sed ire ad superiorem sine licentia prælati, quod longe aliud est.
- 6 Ad tertium, quod prædictum cap. ad nostram. solum prohibet appellare ad defendendum nequitiam, & ita de non oppresso & appellante iniusta de causa; nos vero loquimur de oppresso & appellante iusta de causa. Ad quartum respondeo idem, quod ad primum: & præterea inique & irreligiouse valde facere prælatos, qui iustas appellationes à se oppressorum non admittunt; & debere acriter castigari, vt iubetur in d. cap. de priore. & iniquitatem iniquitati apponere eos qui non admittunt, nec dant licentiam prosequendi & adeundi superiores: & pessima malis accumulare, qui non solum negant prædicta, sed etiam coniiciunt in carceres duos inedia torquendos, donec appellationi renuncient.

AD ALTERVM DVBIVM, scilicet, an præfata constitutio Vicarij sit iniusta: respondeo placere mihi responsa duorum eruditorum virorum, quibus respondet eam esse iniustam: iusteque posse à præfatis fratribus adiri S. D. N. iustissimum, qui re satis intellecta meo iudicio reuocabit eam per cõtenta in præfatis duobus responsis, & alijs quæ facile poterunt eis adiungi: quæ tamen facultas in præsentia nõ est mihi, qui etiam hoc die, in quo vniuersa Ecclesia celebrat octauam Apostolorum Petri & Pauli, omisi missare ob fragilitatem, postquam ad missandum me vtcũque parauit. Admoneo autem præfatos admodum reuerendos fratres Gallos, se rem suæ defensionis opportunã facturos, si procurauerint, vt is, qui res Gallicas nomine Christianissimi Regis, & eius regni Christianissimi vti Legatus eorum, vel alio nomine coram S. D. N. agere potest, appellet grauius à præfata cõstitutione Vicarij, vt ab actu maxime grauante Regem, & regnum præfatum, volendo per vias obliquas & iniquas tollere quamdam maximam præminentiam iustis artibus & meritis quæsitam, & donatam eis à Sanctissimo eodemque amicissimo Francisco à Paula in gratiam & remunerationem honorum & beneficiorum, quæ à præfato Rege & regno suscepit tam in eo, quam extra illud: & quod Rex noster Hispaniarum felicissimus Philippus, si ei, & suis regnis aliqua huiusmodi eminentia cõueniret, nihil non ageret, vt sibi maneret inuiolata. Admoneo item, quod appellatio præfata multum iustificari potest ex eo, quod acta per prælatos & rectores ecclesiæ agenda, nõ solum debent esse licita secundum equitatem, sed etiam decetia secundum honestatem, & expedientia se-

cundum vtilitatem, iuxta cap. magnæ. de voto. et quod præfata Vicarij constitutio non solum non est licita secundum æquitatem, sed etiam indecens secundum honestatem, & inexpediens & incommoda secundum vtilitatem, & inducens quamdā suspicionem inuidiæ & voluntatis fraudandi mentem tam magni Patriarchæ: & quod omnis dispositio quæ tendit contra mentē disponentis est ei contraria, licet verbis consentiat: & quod palam est ex literis ipsiusmet humillimi & simplicissimi sanctissimi Francisci à Paula, & confirmationis eius, & Regis Franciæ petentis illam, quod præfatus Reuerendiss. Generalis nititur destruere per vnā viam, quod per viam regiam debet construere: & quod primum locum in interpretatione continet voluntas & mens disponentis, præsertim tamdiu continuata: & quod facta in fraudem legis nihil valent, etiam si verba non offendantur, iuxta cap. penult. de reg. iur. lib. 6. & l. non dubium. C. de legibus. cum alijs citatis in præfata regula penult. amplificando, quam magna culpa est inducere dissensionem inter Reges & regna, quibus antiqua observatio fuit vtilissima, decora, & sanctissima ipsi religioni, quæ semper fuit aucta & veneranda in præfato cōuentu sanctissimæ Trinitatis, & eo ordini præfato magis decora, quod ipsa sola dat testimonium, quod regnum Christianissimum adeo antiquum & celeberrimum est totum in colenda sancta fide Apostolica, & ea exaltanda, vt fuit sēper à mille annis; & cætera, quæ ijs facile adiungi possunt ad gloriam Dei, qui suam magis gloriam, quam has partiales inuidias sua misericordia foueat. Amen.

S V M M A R I V M.

1. *Condemnatio sine accusatione, vel alia via equipollente facta, est nulla.*
2. *Prouincialis non potest excludere à prouincia deputatum in ea à Generali cū clausula qua talem sibi soli subijcit.*
3. *Sententia in non citatum vel inauditum lata est nulla.*
4. *Lex seu ordinatio in damnum particularis personæ, saltem sine causa rationabili, illius qui superiorem recognoscit, nulla.*
5. *Iudex, ad quem grauatus accedit, eum à grauamine leuare debet.*
6. *Regulares fere omnes defensionis, & non appellationis verbo vtuntur.*
6. *Appellationis & defensionis effectus est, vt actus declaratur nullus vel iniustus, & grauatus reponatur in pristinum.*
7. *Appellatio dupliciter emittitur, verbo, & facto.*
7. *Appellationis vim habet itineris ad superiorem arreptio, modo seruentur quæ in appellatione verbali requiruntur.*
8. *Spoliatus à iudice ordine prætermisso, perinde ante omnia restituendus, ac ab alio spoliatus.*
8. *Appellare cui non conceditur, grauantis superiorem per viam querelæ adire potest.*
9. *Iudex à quo appellatur, licet appellationi assistere possit, non tamen est citandus.*
10. *Regulares de causis grauatorum cognoscendo, ea solum seruare debent, quæ sunt in re dinino sufficientia ad inuentionem iustitiæ & veritatis.*

CON-

QUIDAM Prouincialis ordinis mendicantium cum suis definitoribus in suo Capitulo prouinciali inter ordinationes, quas constituere solent pro causis & negotijs totius prouincię, fecerunt sequentem particularem, nulla pręuia accusatione, citatione, nec causa legitima, in hæc verba: *Remouemus, & excludimus à nostra prouincia N. præcipientes ei sub panis, vt infra tot dies in suam natinam prouinciam se conferat.* Quę post paucos dies fuit notificata præfato N. qui statim arripuit iter ad superiorem, & Romam venit.

Queritur primo, an sententia prædicta sit ipso iure nulla.

Secundo, an definitorium Capituli generalis, quod est index supremus in præmissis, ad quod remissa est causa, possit, & debeat restituere N. loco, & statui, à quo fuit deiectus.

1 AD PRIMAM QVAESTIONEM respondeo, quod prædicta sententia & ordinatio multis nominibus est ipso iure nulla. Primo quidem, quod nemo sine accusatione, vel alia via, quę ei æquipolleat, est damnandus, iuxta cap. super his. & cap. qualiter & quando. de accusat. adeo quidem, vt sint qui putent id esse inris naturalis & diuini constitutum, iuxta illa, quę in Actibus Apostolorum cap. 22. & 23. traduntur de Paulo, & accusatoribus eius, & de adultera Ioan. 8. & prædictus N. de nulla culpa fuit in illo Capitulo accusatus, nec alia via ei æquipollente factus reus: ergo nulliter fuit lata.

2 Secundo, quod omnis sententia lata à iudice incompetente est ipso iure nulla, toto tit. C. si non à competenti iudice. & cap. cum super. de offic. deleg. & prædicta sententia fuit lata à prædicto prouinciali, cui non erat subiectus N. maxime quo ad expulsionem à prouincia; quia Generalis illum adscripserat, cum clausula, qua eum sibi soli subijciebat, præcipiens cum decreto irritante, ne ab alio posset ab illa prouincia mutari, quam ab ipso Generali.

3 Tertio, quod omnis sententia lata contra non citatum, vel non auditum legitime, est ipso iure nulla, cap. nos in quemquam. 2. q. 1. etiam si feratur ab Imperatore, clem. pastoralis. s. ceterum. de re iudic. & etiam si feratur à Papa, qui scribens ad Ducem Sicilię in cap. 1. de causa possess. ait se contra inauditam partem nihil posse definire, & prædictus N. non fuit legitime citatus, nec auditus, vt in facto proponitur.

4 Quarto, quod lex, vel ordinatio facta in damnum alicuius particularis personę, saltem sine causa rationabili, & ab eo qui non habet regalia, siue qui recognoscit superiorem, est ipso iure nulla, secundum Panorm. in cap. cum omnes. de constitut. quem sequuntur ibi Arctin. & alij quos refert ibi Felinus, & probatur per illud Isid. cap. erit autem lex. 4. distinct. non quidem ponderando verba illius, quę ponderauit Decius, & aliquot alij ibidem, sed ponderando illa verba, quę ponderauit Angelicus Doctor in 1. 2. quęst. 90. artic. 2. nempe quod lex nullo privato commodo, sed communi omnium ciuium utilitate debet esse conscripta,

pta, quod profunda de more ratione ipse confirmat. Cum igitur prædicta ordinatio sit facta in grande damnum prædicti N. nulla ratione, nec causa adiecta, palam est eam esse nullam.

- 5 AD SECUNDAM QVAESTIONEM respondetur, quod prædicti iudices possunt & debent restituere prædictum N. ad locum & statum illum, à quo per prædictam ordinationem inualidam fuit expulsus. Primo quidem, quod iudex superior, ad quem grauatus accedit, ut à grauamine leuetur, debet eum illo leuare iuxta l. i. ff. de appel. & iuxta notata per omnes in rubrica de appel. At prædictus N. valde grauatus accessit ad supremum sui ordinis iudicem: ergo debet eum leuare ab accepto grauamine, & consequenter restituere illum suo pristino statui, & loco.
- 6 Secundo, quod licet in ordinibus præsertim mendicantium non permittatur grauato uti verbo appellationis, & petitionis Apostolorum, quibus sæculares clerici, & aliquot religiosi utuntur: possunt tamen uti remedio defensionis, quæ est iuris naturalis, quam appellatio in se includit. Tum quia ipsi mendicantes non debent esse peioris conditionis, quam alij, immo melioris; & non debent magis grauari, quam alij, immo longe minus, propter quod sunt eis concessæ multæ immunitates, & multa priuilegia, cap. i. de priuileg. lib. 6. & alibi sæpe. At prædictus N. etsi pro sua modestia nõ est usus verbo appellationis; usus est tamen omnibus quæ requiruntur ad hoc, ut debeatur ei remedium defensionis, quod parit appellatio, nempe quod declaretur actus nullus, vel iniustus, & reponatur in eo statu, in quo erat ante illum: effectus enim appellationis siue defensionis iuris naturalis, qui in ea continetur, est rescissio, vel annullatio actus, à quo appellatur, & repositio appellantis in statum pristinum, secundum Bart. & communem in rub. de appell. Panor. Fel. & Decium in ead. rubr. ergo prædictus N. debet reponi in pristino statu.
- 7 Tertio, quod duplex est appellatio, qua grauati uti possunt: altera, quæ fit, & proponitur verbis, ut communiter fit: altera, quæ fit facto per arreptionem itineris ad superiorem, ut habetur in cap. dilecti. 2. de appell. ubi post alios resoluendo Decius probat etiam hodie arreptionem itineris ad superiorem, seruatis quæ seruari debent in appellatione verbali, habere locum & effectum appellationis verbalis, ut & nos post alios tradimus in hac ipsa materia in commentario 2. de reg. nu. 61. in cap. non dicatis. 12. q. 1. Ergo arreptio itineris ad superiorem post notificatam sibi prædictam ordinationem, vel sententiam nullam, conquerendo de grauamine per eam suscepto, & postea veniendo Romam, debet haberi pro appellatione; & superior, qui de causa cognoscet, poterit, & debet facere ea, quæ faceret bonus & rectus iudex ad se appellanti legitime. At iudex relictus, inuenta iniustitia, vel inutili sententia, debet appellantem restituere in pristinum statum: ergo etiam superior N. debet idem ei facere.
- 8 Quarto, quod spoliatus à iudice non seruato iuris ordine, perinde restituendus est ante omnia, ac spoliatus ab eo, qui non est iudex, casus singulari, in cap. conquerente. de restit. spol. At prædictus N. est spoliatus iuris ordine prætermisso: ergo, &c.

Quinto,

- Quinto, quod grauatus etiam si non posset appellare, & per viam appellationis ad superiorem accedere, posset tamen per viam simplicis querelæ adire superiorem grauantis, secundum Panorm. & omnes in dict. cap. cum dilecti. ergo prædictus N. iuste potuit petere sublationem prædicti grauaminis sui, & superior eius potest & debet concedere illam ei: quæ tamen concedi non potest sine restitutione pristini status: ergo debet illum ei restituere.
- ¶ Sexto, quod regulariter iudex à quo appellatur, licet possit assistere causæ appellationis propter honorem suum; non tamen est citandus in causa appellationis. Vnde etiam inter sæculares appellans impetrat in curia literas inhibitorias ad iudicem, citatorias ad partem, & compulsorias ad notarium, sed non citatorias ad iudicem; & ita non oportet citari prædictum prouincialem, & illo absente potest illius sententia declarari nulla, & rescindi, & appellans ad pristinum statum restitui, per ea quæ habentur in cap. cum sit Romana. & cap. de priore. de appell.
- ¶ Septimo, quod inter religiosos non seruantur, nec debent seruari in his grauaminibus exequendis omnia sic admissim; vt inter sæculares, cap. qualiter & quando. 2. §. vlt. de accusatio. sed solû pro sanctitate sua debent seruare ea, quæ sunt iure naturali & diuino necessaria, & sufficientia ad inquisitionem, & inuentionem iustitiæ, & veritatis. Per quæ, &c. Salua, &c.

S V M M A R I V M.

1. Appellatio legitime subsequens etsi non suspendat suspensionem ab officio & ingressu ecclesiæ, num. 2. nec interdictum quo interdicatur ingressus ecclesiæ, vel aliquod officium diuinum, num. 6. nec illam per cuius violationem incurritur irregularitas, num. 5. suspendit tamen suspensionem à voce actiua & passiua, & ab officio, & beneficio, num. 3. ab usu palij & pontificalibus, num. 4. ac omnia alia quæ non tangunt animam. num. 3.
4. Suspendus à voce passiua, licet non possit via electionis acquirere beneficia, potest tamen via collationis & institutionis illa obtinere.
5. Suspensionem à voce actiua & passiua violans non incurrit irregularitatem, potestque ingredi ecclesiæ, & agere omnia diuina officia. 6.

C O N S I L I V M V I.

QVAESITVM est, an suspensio à voce actiua & passiua suspendatur per appellationem legitimam subsequentem.

- ¶ Et pro parte quidem negante videtur primo casus in cap. is cui. §. fin. de sentent. excomm. lib. 6. ibi: Sicut excommunicatio, sic ab officio, vel ab ingressu ecclesiæ lata suspensio, aut ipsius effectus per appellationem subsequentem minime suspenduntur. Secundo, quod interdictum, & effectus eius non suspenditur per appellationem, cap. ad hæc quoniam. de appel. per quæ duo capitula fundatur, & est recepta illa sententia vulgata, quod sententiæ censurarum non suspendantur per appellationem; & vna de tribus censuris est suspensio, cap. quarenti. de verb. sign.

Pro

Pro parte vero affirmante facit primo, quod regulariter omnis appellatio suspendit sententiam, & eius effectum, cap. venientes. de iureiur. & l. 1. ff. ad Turpil. etiam si secum trahant executionem, l. furti. ff. de his qui not. infam. & non videtur excepta huiusmodi suspensionis sententia: non enim excipitur ab illa regula omnis suspensio, sed solum suspensio ab officio, vel ingressu ecclesie: nam prædictus §. fin. solum loquitur de illa, & non est alius textus, qui disponat idem de alijs: siquidem ante illum controuersia erat etiam de illa: quamuis de interdicto haberetur in d. cap. ad hæc quoniam. & à iure regulari non est discedendum, nisi quo ad ea quæ inueniuntur excepta, iuxta gloss. recep. l. omnis definitio. ff. de reg. iur. & in rubr. eiusdem tit. lib. 6.

- 3 Secundo, quod gloss. communiter recep. in d. §. fin. & in d. cap. ad hæc. & quæ necessario est recipienda per primum argumentum, expresse ait, non esse locum illi §. in omni suspensione, sed solum in ea quæ fit ab ingressu ecclesie, & ab officio diuino, qualis non est suspensio à voce actiua, & passiua; cum non obstante illa licite possit quis ingredi ecclesiam, & exercere diuina, ut palam est.

Tertio, quod eadem gloss. recepta relatis Innoc. & Hostien. opinionibus concludit, prædicto §. non esse locum in suspensione à beneficio, vel perceptione beneficii; quam constat esse maiorem, quam sit suspensio à voce actiua, vel passiua.

Quarto, quod eadem glossa ait, non esse locum illi §. nisi in suspensione à spiritualibus, quæ ligant animam; qualis certe non est suspensio prædicta; cum ea non obstante possit exercere omnia diuina officia, & ministrare, & accipere omnia sacramenta.

- 4 Quinto, quod Panorm. communiter receptus determinat in d. cap. ad hæc. not. 1. quod suspensio ab usu pallij, immo & à pontificalibus suspenditur per appellationem legitimam subsequentem: et constat has duas suspensiones magis accedere ad suspensionem ab officio, & ingressu ecclesie, de qua d. §. fin. loquitur, quàm suspensionem à voce actiua, & passiua: ergo minus includitur hæc in eo, quam illæ duæ. & consequenter à fortiori appellatio magis suspendet hanc, quam illas.

Sexto, quod prædicta suspensio à voce actiua & passiua minus tangit diuina, quam suspensio à beneficio: quia sic suspensus potest querere beneficium alia via, quam electionis, & administrare illud: cum enim suspensio non operetur ultra limites eius, secundum Panorm. Dec. & comm. in cap. Apostolicæ. de excep. & prædicta suspensio limitetur ad consecutionem beneficii per electionem, in qua sola habet locum vox passiua, non extenditur ad consecutionem via collationis, vel institutionis, quæ sunt longe diuersæ, cap. cum in illis. §. 1. de elect. lib. 6. præsertim in dispositione & sententia pœnali, arg. l. præses. ff. de pœn. Cum igitur suspensio à beneficio, & ab administratione beneficii suspēdatur per appellationem secundum communem, ut prædictum est, à fortiori & hæc suspendetur.

- 5 Septimo, quod illa sola suspensio videtur excepta à suspensione per appellationem, cuius violatio inducit irregularitatem; quod videntur significare

gnificare à cap. is cui . in princ. & cap. is qui . iunctis glossis. At folius suspensionis ab officio diuino & sacramentis violatio facit quem irregularem, vt resolute monstratur in Man. nostro cap. 27. nu. 163. ergo suspensio à voce actiua & passiua, cuius violatio non inducit irregularitatem, arg. cap. 1. §. fin. de sent. excom. lib. 6. & cap. 1. de sent. & re iud. eod. lib. suspenditur per appellationem legitimam subsequenter.

Non obstant citata in contrarium. Non primum: quia §. ille vlt. non disponit de omni suspensione, sed tantum de suspensione ab officio diuino, & ingressu ecclesiæ, qualis non est suspensio à beneficio, neque suspensio ab administratione beneficii, vel à pontificalibus, vel vsu pallij, & à fortiori nec suspensio à voce actiua & passiua: qua non obstante potest suspensus ingredi ecclesiam, & agere omnia officia diuina, vt supra probatum est.

Ad secundum autem respondetur, quod non omne interdictum est tale, quod appellatio legitima non suspendat; sed solum illud, quo interdictus ingressus ecclesiæ, vel aliquod officium diuinum, quod non fit per suspensionem supradictam: & ita sicut interdictum ingressus possessionis agri, vel beneficii, vel collationis eius, vel aliorum actuum qui non tangunt animam, suspenduntur per appellationem, vt omnes dicunt, vel sentiunt in d. §. fin. & in d. cap. ad hæc. ita & suspensio à voce actiua vel passiua suspenditur per illam. Per quæ omnia videtur satis fulta pars posterior affirmans.

SYMMA R I V M.

- 1 Beneficiarius si à sententia iniusta priuationis appellans suspensioque tempore prosequenda appellationis possessionem conuincit, coram Deo beneficium dimittere non tenetur. & seq.
- 2 Appellans ab iniusta sententia, appellato negligente prosequi ius suum, potest in se credere eum tanquam sibi male conscium totum deseruisse negotium.
- 3 Possessio triennalis interrupta potest cessante controuersia de nouo inchoari.

CONSILIVM VII.

QUIDAM N. obtinuit quemdam primiceriatum secularem vacantem per obitum à Nuncio Apostolico, & possedit pacifice illud circiter tribus annis, qui ante triennium fuit priuatus à quodam delegato Papæ per sententiam; qui delegatus contulit illum cuidam regulari mendicantium, vt esset pœnitentiarius: à qua sententia appellauit N. & lite pendente in Rota conuenerunt partes, vt locus in choro & Capitulo remaneret prædicto N. & fructus præbendæ caperet Episcopus, & eos daret prædicto regulari: cui concordia non fuit consensus legitime à partibus, licet à Papa fuisset signata supplicatio: & postea visitator Papæ fecit alium magistrum Theologiæ canonicum pœnitentiarium cum sua præbenda: & ita prædictus N. mansit cum suo primiceriatu, & possessione eius, & accepit omnes fructus eius, sicut prædecessor eius solebat accipere, vsque in hunc diem nemine litem contra eum motam prosequente, neque ipso de illa curante: nec iudex appellationis Rotæ protulit vltimam sententiam. Quæritur an prædictus N. iuste possit retinere fructus perce-

perceptos, & recipere percipiendos sine vlla alia prouisione.

1 Respondeo primo, quod hæc quæstio magna, implicita, & noua est: & quod videri potest alicui pars negatiua vera. Primo quidem, quia D. consulens fuit priuatus, & non fuit appellatio sua approbata. Secundo, quia appellatio videtur fuisse deserta per lapsum biennij, iuxta cap. cum sit Romana. de appellat. & clem. sicut. eod. tit. Tertio, quod non potest iuari possessione, quippe qui non possedit pacifice triennio, quod requiritur in regula de triennali, secundum omnes.

2 Respondeo secundo, quod verior videtur pars affirmatiua, scilicet posse ipsum quo ad forū saltem conscientie iuste possidere, & percipere fructus, vt hætenus possedit & percepit. Tum quia sententia illa, per quam fuit priuatus, fuit suspensa per appellationem, cū effectus principalis eius sit suspendere sententiam secundum omnes in rubr. de appell. & l. i. ff. eod. & ita non obstante illa sententia prædictus N. remansit cū suo titulo. Tum quia non fuit appellatio deserta; quoniam annus ille vnus, vel biennium, quæ dantur ad prosequendam appellationem in iuribus præcitatis, non currunt durante cōpromisso facto inter partes, vel cū alias consentientibus eis prosequutio differtur, vt habet clem. quādiu. de appell. & ita semper habuit titulum & possessionē prædicti primiceriatus. Tum quia sententia prædicta cum collatione facta prædicto regulari mendicanti fuit euidenter iniusta; quia fuit facta in fauorem religiosi incapacis beneficij secularis, contra illam regulam, quæ habet secularia beneficia secularibus esse conferenda, regularia vero regularibus, cap. cum de beneficio. de præbend. lib. 6. & cap. possessionis. de reb. eccles. non alien. & sententia iniusta non obligat in conscientia, secundum Innoc. recep. in cap. quia plerique. de immunit. eccles. Tum quia probabiliter præsumi potest, quod prædictus pater reuerendiss. sicut voluit expresse deferere locum in choro, & in Capitulo; ita videns non esse iustum vt retineret fructus præbendæ sine titulo primiceriatus canonico, voluit, nō curando de prosecutione litis, neque de executione concordie, tacite deferere totum negotium, & ita recedere à tota lite & quæstione; & consequenter præsumere potest prædictus N. coram Deo & quo ad forum conscientie remansisse cum suo titulo eo modo, quo remanebat ante sententiam contra eum latam, arg. cap. humanæ aures. 2. 2. q. 5. & cap. 4. ad Hebræos. relat. in cap. Deus omnipotens. 2. q. 1. quatenus habent omnia Deo esse nuda & aperta, & eius diuinam maiestatem cor requirere, & non manū, cap. si quid inuenisti. 1. 4. q. 5. Tum quia præsumptiones has auxit Visitator prædictus, qui visitando ecclesiam cathedralē, non curauit de prædicta sententia, neque de appellatione, neque de concordia præfata imperfecta, neque de vlla alia re per eas incepta: sed denuo erexit canonicatum penitentiarium cum præbenda, & eum contulit personæ habili, & magistro Theologiæ sine vlliis contradictione neque querela. Tum quia per multa, quæ adducit & tangit Lud. Gomez in reg. de trienn. q. 2. vers. prima est, versus finem, & 26. 27. 35. & 42. posset satis colorate dici esse locum in hoc casu regulæ de triennali possessore, saltem quo ad mentem auctorum eius, vel iungendo quasi

quasi triennium pacificum inceptum anno 1565. & interruptum per prædictam litem, cum toto reliquo tempore à concordia incepta, vel saltem à tempore, quo Visitator prædictus constituit nouum poenitentiarium, qui sunt plurimi anni: vel incipiendo triennium à deserta expresse vel tacite lite à prædicto reuerendo patre, & continuatum per multos annos: vel incipiendo ipsum triennium à tempore, quo Visitator constituit prædictum poenitentiarium sine ulla querela, & contradictione, per sex vel septem annos. Tum denique, quod qui bona fide transgreditur legem humanam male intellectam, non peccat saltem mortaliter, secundum Innoc. in cap. per tuas. il. 2. de simonia, confirmatum per multa à Felin. in cap. 1. de re iudic. fal. 7. Per quæ omnia videtur nobis, salua saniore sententia, securum esse prædictum D. cōsulentem, saltē quo ad forū conscientie à peccato percipiendi fructus hactenus collectos, & posthac colligendos, si bona fide, & putans habere bonum ius coram Deo illōs percepit, & percipit. Restrinxī me superius, saltem quo ad forum conscientie. Tum quia difficilior esset defendere hanc partem in foro exteriori iudicis, qui rigorem æquitati præferre vellet, qualis non est iudex appellationis prædictæ acutissimus, eruditissimus, & æquitatis (vt audio) amantissimus; qui fortassis pro suo seraphico iudicio persuadere sibi posset, vt appellationem prædicti N. approbaret absque alia noua citatione aduersarij, cui euidenter ius defuisse videtur. Salua, &c.

Finis Libri Secundi.



CONSILIORVM, SIVE RESPONSORVM MARTINI AB AZPILCVETA DOCTORIS NAVARRI Liber Tertius.

DE VITA ET HONEST. CLER.

S V M M A R I V M.

- Beneficiarij prestantes id ad quod ratione suorum beneficiorum obligantur, possunt licite secundum communem de fructibus beneficiorum se alere, reservato patrimonio propinquis. & num. 3.
- Clerici si aliunde habent unde viuant, non possunt ea sola ratione, quod sunt clerici, vivere de redditibus ecclesiasticis, nisi etiam habeant aliquem titulum, ob quem eis ab Ecclesia, cui inserviunt, debeantur alimenta. num. 4.

CONSILIVM I.



AN CLERICVS beneficiarius habens bona patrimonialia, iuste possit patrimonium suum cum fructibus illius servare suis cognatis, & alijs, quibus volet, & alere se de fructibus beneficij, perinde ac si non haberet patrimonium?

Respondetur quod sic, ex doctrina communiter recepta Innocen. cap. Episcopus. de præbendis. quam probant Panorm. & Felin. & communis in cap. postulasti. de rescript. Panor.

Panormit. & Decius in dicto cap. Episcopus. Panormit. in disput. Titius clericus. quæst. 4. & Andr. Sicul. de præst. Cardin. quæst. 6. & alij alibi, quos etiam sequuti fuimus nos semper cum quadam ampliacione, præsertim in tractatu de redditibus ecclesiast. quæst. 3. moni. 35. num. 20. & in quæst. 1. monito 30. & in Manua. confess. cap. 25. num. 127. contrarium tamen tenuit Decius in dicto cap. postulasti. qui videtur placere quibusdam, pro quibus videtur rex. expressus in cap. clericos. 1. quæst. 2. quod sic habet:

• Clericos autem illos conuenit ecclesiæ stipendijs sustentari, quibus parentum & propinquorum nulla suffragantur bona: qui autem bonis parentum, & opibus suis sustentari possunt, si quod pauperum est, accipiunt, sacrilegium profecto committunt, & per abusionem talium iudicium sibi manducant, & bibunt. ad idem cap. pastoralis. ead. caus. & quæst. in hæc verba: Pastor Ecclesiæ his, quibus sua sufficiunt, non debet aliquid erogare; quandoquidem nihil aliud sit habentibus dare, quam perdere: nec illi, qui sua possidentes, dari sibi aliquid volunt, sine grandi peccato suo, unde pauper victurus erat, accipiunt. De clericis quidem dicit per Prophetam Spiritus sanctus, Peccata populi mei comedunt. sed sicut nihil habentes proprium, non peccata, sed alimenta, quibus indigere videntur, accipiunt; ita possessores non alimenta, quibus abundant, sed aliena peccata suscipiunt. Verum his auctoritatibus prohibentur ab Ecclesiâ suscipi non illi, qui quondam fuerunt diuites, postea vero omnia reliquerunt, ut Petrus, & Matthæus, & Paulus; aut pauperibus distribuerunt, ut Zachæus; aut Ecclesiæ rebus adiunxerunt, sicut illi, qui prædia sua vendentes ponebant pretia ante pedes Apostolorum, ut essent omnia communia; sed illi, qui in domibus parentum residentes, vel sua reliquere volentes, ecclesiasticis facultatibus pasci desiderant. ad idem cap. sacerdos, eadem causa, & quæstione, Sacerdos, cui dispensationis cura commissâ est, non solum sine cupiditate, sed etiam cum laude pietatis accipit à populo dispensanda, & fideliter dispensat accepta, qui omnia sua aut parentibus reliquit, aut pauperibus distribuit, aut Ecclesiæ rebus adiunxit, & se in numero pauperum paupertatis amore constituit, ut unde pauperibus subministrat, inde & ipse tamquam pauper voluntarius viuât. Clerici quoque, quos pauperes aut voluntas, aut nutritas fecit, cum perfectione virtutis vitæ necessaria, siue in domibus suis, siue in congregatione viuentes, accipiant; quia ad ea accipienda non eos habendi ducit cupiditas, sed cogit viuendi necessitas. De talibus dicere videtur Apostolus; Qui in sacrario operantur, quæ de sacrario sunt, edant; & qui altario deseruiunt, de altario participent.

- 3 Non tamen est discedendum à communi. Tum quia non est ab ea recedendum, nisi textu aliquo, vel ratione aliqua efficaci cogente, argum. cap. fin. 20. dist. & est concl. Ioan. Andr. recepti in cap. 1. de constitu. Tum quod pro eo est rex. Concil. Agathen. in cap. fin. 1. quæst. 2. Tum per illud Apostoli 1. ad Corinth. 9. relatum in cap. cum secundum. de præbend. Qui altari seruit, de altari viuere debet. Tum & neruosissime per rationem, quæ nititur illo Euangelij, scilicet, Dignus est mercenarius mercede sua. Luc. 10. Ex quo sic arguitur, Omnis mercenarius est dignus mercede sua: at clericus beneficiarius, licet habeat patrimonium, qui seruit beneficia horas recitando, cantando, missando, inseruiendo choro, & faciendo alia,

quæ requiruntur in seruitio illius ecclesiæ, est operarius, & seruit ecclesiæ, ergo est & dignus mercede; ergo potest illam accipere, licet habeat patrimonium: non enim cum effectu acciperet, nisi de illa viuere posset, & disponere honeste de suo patrimonio, sicut alij laici, qui de illa viuere possunt seruando illud suis. Tum quod ecclesia debet seruare iustitiam etiam contra viduas, cap. ex tenore. de foro compet. & cap. nuper. de donatio. inter vir. & vxor. at iustitia præcipit, vt operanti soluatur operæ pretium, & id quod inter eos conuentum fuit, iuxta Matthæi parabolam late relatam à glo. in §. 1. Instit. de iusti. & iur. At Ecclesia videtur conuenire cum clerico, cui confert beneficium, vt seruiat sibi in his quæ requirit illud, & accipiat redditus eius, cap. nisi cum pridem. de renunciatio. adeo quidem, quod non potest renunciare illud sine licentia eius, cap. quod in dubijs. & cap. admonet. de renunciat. ergo si seruit illi, tenetur & ipsa de iustitia soluere illi pretium ministerij, & operæ, tum ratione operæ præstitæ, tum ratione conuentionis tacitæ. Tum quod habere, vel non habere patrimonium, nihil prodest, nec nocet ad hoc, quod Ecclesia debeat, vel non debeat beneficiario suæ operæ pretium, & redditus pro illa opera assignatos per titulum beneficij: ergo debet illos ei dare. Tum quod Ecclesia non debet esse auarior, nec minus benigna erga suos ministros, quam alij, cum debeat imitari suum sponsum Christum, qui Matth. 19. largum se promittit erga suos ministros. Adde, quod nullus Regum, & principum, nullusque summatus, nec infimatus denegant ministris suis pretium ministerij sibi exhibiti, nec stipendium assignatum, eo quod habeant alia bona patrimonialia: ergo nec Ecclesia suis ministris debet denegare pretium, nec stipendia promissa. Tum quia si aliqua ecclesia egeret aliquo cantore, vel magistro puerorum, vel alio simili, & conduceret ad id aliquem laicum habentem patrimonium, teneretur ad soluendum ei salarium conuētum; & nulla ratio potest dari, quare non esset soluendum illud ei, si esset clericus; nec consequenter vlla ratio iusta reddi potest, cur Ecclesia, quæ habet beneficia instituta pro cantoribus & alijs ministris, non teneatur soluere redditus illorum illis clericis, quibus contulit illa, eo solo, quod habent bona laica, quibus viuere possunt.

- 4 Non obstant opposita; respondetur enim ad ea, sensum eorum esse, quod clericis, eo solo quod sunt clerici, siue solo titulo clericatus non est dandum quidquam de fructibus ecclesiæ, si habent aliunde, quo viuant: non autem loquitur de clericis, quibus est alius titulus, ob quem debeantur alimenta, quales sunt beneficiarij seruientes Ecclesiæ in suis beneficijs, quibus ratione titularum suorum debentur redditus illorum, modo seruiant in ea ecclesia, quæ illos contulit illis: sicut si quis donaret aliquod prædium ecclesiæ cum onere dandi 20. Ioanni, postquam fieret clericus, dum viueret, teneretur ecclesia illi dare illa, etiam si patrimonium, vnde alere se posset, haberet; non quidem eo solo, quod est clericus; sed quia donator, vel testator, qui reliquit prædium ecclesiæ, dedit ei ius perendi ea. Salua, &c.

S V M M A R I V M.

- 1 Beneficia plura ultra necessitatem suam honesta sustentationis habens, superflua tenetur dimittere, nisi ex iusta causa secum dispensetur.
- 2 Beneficiarius ex fructibus ecclesiasticis potest impendere non solum quæ ei conveniunt ratione suæ personæ, sed etiam ratione dignitatis ipsius beneficii; has autem decentias notabiliter excedens non est absolvens. nu. 3.
- 4 Filius familias etiam si habeat patrem diuitem, potest tamen dici pauper, & ei potest frater de fructibus superfluis beneficii subuenire.

C O N S I L I V M II.

QVAESIT VM fuit primo, an qui habet plures redditus ecclesiasticos, quam sua persona & qualitas requirat ad decentem sustentationem, possit comitatum & statum suum augere.

Secundo, an possit fratri suo studenti alimenta tribuere, si habeat patrem diuitem, qui probabiliter id facere posset.

AD PRIOREM quæstionem respondeo tempore, quo o vector à medicis corporis & animæ, respondere quæstionibus, cum id faciendo oporteat me detrahere saluti, & tempori ad recognoscendum opera, quæ teneor recognoscere & imprimere multis nominibus, & iam ætas non patitur dilationem, idque facio simpliciter, absque allegationibus, propter observantiam qua sum in D. interrogantem; & quia, ut moneor, fuit interrogatio, anteaquam prohiberer respondere, facta. Respondeo igitur primo, animaduertendum esse an præfatus D. pœnitens habeat prædictos redditus ex vno tantum beneficio, vel pluribus; & si habet ex pluribus, præcipiendum est ei, ut relinquat ea, sine quibus habet vnum vel plura suæ sustentationi sufficientia; & quod vel quot sint tale vel talia, consulat, si placet, nostrum miscel. 62. de oratione, vel impetret dispensationem retinendi omnia à Papa iusta aliqua de causa.

2 Secundo, quod si ex vno tantum beneficio percipit præfatos redditus, est animaduertendum, an illud sit tantæ qualitatis vel dignitatis, ut requirat maiorem comitatum & statum, quam præfatus pœnitens ratione qualitatis suæ personæ requirit; & iuste poterit habere comitatum, & facere sumptum maiorem, quam sua persona requirit, modo non excedat eos, quos sua dignitas requirit. Tertio, quod non absoluerit illum volentem impendere notabiliter plusquam qualitas suæ personæ vel dignitatis requirit; etiam si ex vnico beneficio præfatos redditus reciperet, vel ex pluribus cum iusta dispensatione retentis; quia pro re indubitata mihi est, peccare cum obligatione restituendi beneficiarium, qui redditus beneficii, superfluos vitæ ac decentiæ suæ in vanos vel profanos usus impendit, per ea quæ serio scripsi in tractatu de redditibus ecclesiast. q. 1. & 2.

4 AD POSTERIOREM quæstionem respondeo quod sic, si frater de suo non habet; cum vivente patre bona illius non sint filij; & ita filius iure potest dici pauper, & aliena ope indigens; nec pater tenetur illum studentem in studio, ut sibi inseruientem alere. Salva, &c.

SUMMARIUM.

1. Pensionarius clericaliter viuere tenetur, & non laicaliter; non tamen ob id, etiam si contulerit se ad militiam, & indueret habitum militare, pensionem amittit; nec etiam quod ob homicidium esset factus irregularis, potest ei denegari.
2. Pensionarius clericaliter viuere tenetur, nec potest aliter absolui, potest tamen ob pensionis insufficienciam exercere aliquod officium seculare, quod sit compatibile cum dicto habitu & tonsura clericali, ac etiam rusticare & negotiari, vt ob tenuitatem beneficij licet beneficiario. nu. 2.

CONSILIVM III.

CLERICVS pensionarius cum propter tenuitatem pensionis non posset se sustentare, relicto habitu clericali ad militiam se contulit. Inde redeunti, qui pensionem debet, eo quod vt miles vestitus incedit; eam soluere recusat. Quæritur quid iuris.

1. Respondeo ad questionem primo, quod clericus, cui constituta est pensio simpliciter, tamquam clerico, tenetur quidem viuere clericaliter, vt nos per multa probauimus contra Sotum in lib. centum miscell. de oratione miscell. 45. sed non tenetur ad restitutionem pensionum receptarum, si recitauit horas Beatæ Mariæ Virginis, sicut probamus ibidem: sicut etiam recipiens canonicè beneficium ecclesiasticum tenetur quidem viuere clericaliter, sed non tenetur restituere fructus eius percepos, etiam si non viuat clericaliter, si recitauerit horas canonicas, vt ibidem diximus. Et consequenter sicut non possunt negari clerico beneficiario dicenti horas canonicas fructus beneficij, licet non viuat clericaliter; quia non perdit ipso iure fructus eius, etiam si esset factus irregularis per homicidium postea perpetratum, vt tradit Innoc. communiter recep. in cap. cum nostras. de concess. præben. immo potest eos iuste petere ad impendendos eos iusto modo, vel ad dandum pauperibus: ita pensionarius potest petere fructus suæ pensionis ad iustè dispensandum illos; quia non perdit ipso iure pensionem non viuendo clericaliter, plusquam beneficiarius perdit suum beneficium, sed tenebitur clericaliter viuere, & peccabit, si sic non viuat.
2. Quamuis possit negotiari, rusticari, & aliqua officia secularia non omnino contraria vitæ clericali exercere propter tenuitatem pensionis, sicut & posset idem facere propter tenuitatem beneficij, iuxta cap. pen. adiuncta gloss. 90. dist. & gloss. in cap. p. negotiationem. 88. dist.
3. Secundo, quod D. consulens, vt iuste possit absolui, debet proponere, quam cito commodè poterit, relinquere militiam secularem, quæ est omnino contraria vitæ clericali, & petere fructus pensionis suæ, & accipere aliquod officium seculare, quod sit compatibile cum habitu & tonsura clericali, propter tenuitatem pensionis ad viuendum decenter. Saluta. &c.

Aduertendum, modo obseruandam constitutionem S. D. N. Sixti V. cum sacrosanctam publicatam anno 1589. 18. Ianuarij.

DE COHABITATIONE CLER. ET MVL.

S V M M A R I V M.

1. Cap. 14. sess. 25. de reformat. habet locum etiam in vna simplici incontinentia sine qualitate concubinitus. nu. 3. & seq.
2. Consuetus non dicitur, nisi qui saltem bis id fecerit, nisi addatur vniuersalis dictio quia tunc verificatur in vno actu. nu. 4.
3. Solitus dici potest etiam is qui semel quid fecit; Decius tamen probat efficaciter contrarium.
4. Pœna mollienda, præsertim cum agitur de puniendo peccato carnis.
5. Conuersatus, vel familiariter se habuisse quis cum aliquo dicitur etiam per vnum actum.
6. Vniuersalis dictio ampliat dispositionem.
7. Alius, dictio similia solum comprehendit: at si addatur propositio vniuersalis, extenditur etiam ad maiora expressis.
8. Clericus secundum iura antiqua ob vnicam etiam simplicem fornicationem erat deponendus.
9. Clericis prohibita est conuersatio tam in propria domo, quam extra, cum omnibus mulieribus suspectis.

C O N S I L I V M I.

AN CAP. 14. de refor. sess. 25. Concilij Trid. habeat locum in simplici incontinentia absque qualitate concubinitus? & quid si clericus modo cum vna, modo cum alia muliere deprehendatur?

1. Respondetur, quod pro parte negatæ facit primò, quod prædictum cap. 14. videtur loqui de clerico habente consuetudinem cum aliqua muliere; & quod qui semel fornicatur cum aliqua, nō videtur per hoc habere consuetudinem cum illa: quia ad hoc, vt aliquis dicatur consuetus facere aliquid, requiritur quod saltem bis fecerit illud, l. 3. C. de episco. audien. & cap. ita nos. 25. q. 2. & expresse notat Bartol. in l. mela. ff. de alimen. & cib. lega. quod ad hoc, vt aliquis dicatur consuetus facere aliquid, requiritur quod saltem bis fecerit illud; licet ad hoc, vt quis dicatur solitus facere aliquid, sufficit quod semel fecerit illud, per prædictam l. mela. versic. sed si. & Decius in rubri. de consuetud. num. 9. efficaciter per multos textus probat, quod etiam ad hoc, vt quis dicatur solitus facere aliquid, requiritur quod saltem bis fecerit illud.
2. Secundo facit, quod pœnæ sunt restringendæ, l. interpretatione. ff. de pœnis. & cap. pœnæ. de pœniten. dist. 1. præsertim cum agitur de castigando peccata fornicationis, iuxta cap. fraternitatis. 34. dist. & quæ ait Panor. in cap. at si clerici. in princ. nu. 35. de iudic.
3. Tertiò, quod cum lex apte potest intelligi duobus modis, benignior interpretatio est sumenda, l. benignius. ff. de legibus. At cap. illud 14. videtur apte posse intelligi de habente saltem bis conuersationem & accessum, & est benignius sic intelligere; ergo, &c.

3 Pro affirmante autem facit primo, quod verbum illud, *consuetudinem*, in d. cap. 14. positum videtur significare conuersationem, iuxta illud Plauti in Milet. *Hoc adeo fieri credo consuetudine, vel familiaritate*: & iuxta illud Terentij in Andria, *Neque me consuetudo, neque amor*. & etiam per vnum actum dicitur quis conuersatus fuisse, vel familiariter se habuisse cum aliquo.

Secundo, quod dictum verbum, *consuetudinem*, videtur desumptum ex cap. 2. de cohabit. cleric. & mulier. ex illis verbis, *Fabulari, & aliquo modo conuersari*.

4 Tertio, quod hæc expositio videtur germanior intentioni Concilij, quatenus prohibet per dictionem vniuersalem, vt nullam consuetudinem habeant, etiam citra fornicationis actum: verbum enim vniuersale ampliat dispositionem, iuxta glossam recep. in clemen. 1. verb. quauis. de re iudic. quæ probat verbum *alius*, quod regulariter solum similia comprehendit, iuxta gloss. cap. sedes. de rescript. adiuncto signo vniuersali *quiuis*, comprehendere etiam maiora expressis, in quo commendat eam pro singul. Panorm. in consil. vlt. 1. vol. num. 5. & Barbat. in cap. tertio loco. de probat. & alij alibi, quamuis habeat alias similes.

Quarto, quod si Concilium fuisset interrogatum, an intenderet prohibere vnam accessionem cum reali fornicatione, respondisset, quod magis, quam binam sine actu fornicandi: ergo id habendum est pro statuto, arg. l. tale pactum. §. fin. vbi glo. fin. ff. de pactis.

5 Quinto, quod Concilium, quod voluit punire priuatione tertiæ partis fructuum eum, qui monitus ne accedat, accesserit, à fortiore videtur voluisse priuare eum, qui accessit, etiam tantum semel realiter fornicando; cum propter vnam solam fornicationem etiam simpliciter antiqua iura constituerint clericum esse deponendum, cap. presbyter. 81. dist. & non propter solam confabulationem, vel conuersationem, non secuta fornicatione, saltem præsumpta.

6 Sexto denique, quod cap. illud 14. noluit minus prohibere, quam iura antiqua; quod patet ex pœna maiori, quam noue addit. At iure antiquo prohibitum erat non solum habere concubinas, aut alias mulieres, de quibus possit haberi suspicio, in domo, vel extra, cap. sicut. & cap. si autem. de cohabit. cleric. & mul. sed etiam accedere ad illas, vel habere aliquam consuetudinem, cap. in omnibus. & cap. fœminas. 81. dist. & cap. clerici. ead. dist. prohibet, ne clerici accedant ad virgines, vel viduas, nisi iussu Episcopi. Ergo Concilium intendit prohibere etiam vnam accessionem, & conuersationem.

S V M M A R I V M.

1 Notorius fornicator si antequam pœniteat celebret, sit irregularis: immo & si solum interne pœniteat, nisi etiam externe à peccata recedat, pro irregulari reputabitur.

2 Forum externum idem indicat de non apparentibus, quod de non existentibus.

CON-

CONSILIUM II.

CVM in Manu.confess.cap.25.num.76.dicatur sacerdotem, qui notorie est fornicator, esse suspensum, & fieri irregularem, si celebret antequam poeniteat eum: Quæritur quæ poenitentia sufficiat, an scilicet interior, vel requiratur etiam exterior.

- 1 Respondeo, quod ad excusandum se à poena in foro exteriori requiritur exterior: quia in illo foro de non apparentibus, & non existentibus idem est iudicium, in l.duo sunt Titij. ff.de testamen. tutela. & notatur in cap.si sacerdos.de offic.ord. In foro vero interiori videtur sufficere interior, quæ probabiliter sufficiat ad deletionem peccati, secuta saltem confessione sacramentali, vt satis videtur colligi ex Cardinali Turrecrem. in cap.si qui sunt.8.dist.

DE CLERICIS NON RESIDENTIBVS IN ECCLESIA VEL PRÆBENDA.

SUMMARIUM.

- 1 Concilium Tridentinum sess.24.c.12. vers. præterea. non derogat cap.de cætero. nec cap.ad audientiam. de cler. non residen. nec cap.1. de cler. non resid. in 6. nu. 3.
- 2 Lex generalis generaliter quidem est intelligenda, posteriorque derogat precedenti: attamen hoc fallit, quando lex præcedens est specialis, quia per illam limitatur sequens generalis, etiam habens clausulam non obstantibus legibus contrarijs. num.2.

CONSILIUM I.

CONSILIUM Trid. de refor.cap.12.sess.24.an deroget cap.de cætero. & cap.ad audientiam. de cler. non resid.

- 1 Quod Concil. Triden. sess.24.cap.12. vers. præterea. de reform. voluerit derogare cap.de cætero: & cap.ad audiētiā. de cler. non resid. facit, quod lex generaliter concepta, generaliter est intelligenda, l.de pretio. ff. de publi. in rem actio. & quod leges posteriores derogant prioribus, cap. 2. de constit. lib.6. cum alijs: & quod d.cap.12. versic. præterea. disponit, vt omnes canonici teneantur residere, & quod nō possint abesse ultra tres menses, derogando statutis, & consuetudinibus contrarijs.
- 2 Quod autem nō deroget illis, facit primo, quod sicut lex generalis prior nō tollitur, sed limitatur per legem posteriorem specialem in aliqua specie illi contraria quo ad illam speciem: ita etiam lex generalis posterior limitatur per legem priorem specialem ei contrariam quo ad illam speciem, l. sed & posteriores. ff. de legib. & sunt gloss. solemnes simul & receptæ in l. sciendum. ff. qui satisfd. cog. & in auth. offeratur. C. de litis contesta. quæ habent legem illam nouam, & posteriorem generalem d. auth. offeratur. limitari per illam legem specialem longissime priorem, quæ ponitur in d. l. sciendum. quæ conclusio procedit, etiam si in lege noua poneretur clausula, non obstantibus legibus contrarijs, vt dicit Bart. in extrauag. ad reprimen-

dum. verb. non obstantibus. recep. à posterioribus, quos refert & sequitur Decius in reg. in toto. ff. de reg. iur. à nu. 7. Cum ergo constitutio prædicti Concilij sit generalis, & prædicta duo capp. sint speciales leges, dicendum est non derogari eis per illam, sed eam per hæc limitari. Secundo facit, quod per prædictum Concilium nō derogatur cap. 1. de clericis non resid. lib. 6. neque alijs canonibus, quibus conceditur infirmis & detentis lucrari fructus in absentia: sed potius Concilium limitatur per illa secundum omnium mētem: ergo eadem ratione non derogat prædictis duobus capp. Tertio videtur pulchre hoc probari in cap. ad audientiam. de cler. non resid. quatenus probat, quod canones concedentes Episcopis, vt possint habere vnum aut duos canonicorū in seruitio suo absque amissione fructuum, non censentur tolli per statutum iuratum, & confirmatum à Sede Apostolica, vt nullus canonicorum percipiat fructus in absentia. Quarto facit, quod S. D. N. fecit seruare illa capp. in causa Tolet. Archiepisc. cum duo canonici Toletani interessent Romæ defensionem suæ causæ. Per quæ & alia hæc pars est tenenda, & opposita clare soluuntur per primum fundamentum pro hac parte formatum. Salua, &c.

S V M M A R I V M.

1. Episcopi in suo seruitio duos canonicos suarum ecclesiarum, aliarum vero collegiatarum prælati vnum retinere possunt, qui absentes recipiunt quidem fructus suorum canonicatum, distributiones autem non, adeo vt consuetudo contraria eis non prosit, nec condonatio collegarum saltem præcedens, num. 2. nisi forte agatur de illis quas certis diebus & mensibus etiam alij canonici percipiunt. num. 3.
2. Cardinalis in suo titulo est prælatus dictæ ecclesiæ, immo quasi Episcopus.

CONSILIVM II.

A. CANONICVS Collegiætæ S. N. deseruit vti capellanus Illustrissimo Cardinali eiusdem ecclesiæ titulari. Quæritur an percipere possit non solum fructus canonice, sed etiam distributiones quotidianas.

1. Respondeo primo, certum esse, quod Episcopi possunt binos canonicos suarum ecclesiarum in obsequium suum retinere; ita quod fructus suarum canoniarum lucrifaciant in absentia, iuxta cap. ad audientiam. & cap. cum dilectus. de cler. non resid.
- Secundo, satis certum est, prælatos aliarum ecclesiarum collegiatarum non cathedralium, qualis est ecclesia prædicta S. N. posse saltem vnum canonicum in obsequio suo modo prædicto tenere, vt in cap. de cætero. eod. titu. tenet Panorm. Quare certum est prædictum A. posse fructus sui canonicatus percipere in seruiendo Illustrissimo Cardinali, qui est prælatus dictæ ecclesiæ S. N. cum sit quasi Episcopus prædictæ ecclesiæ, arg. cap. his quæ. de maior. & obed.
2. Tertio, quod licet prædicti canonici seruientes Episcopis, vel alijs præla-

prælati possint in absentia fructus suorum canonicatum recipere, non tamen debent habere distributiones quotidianas, quas aliqui vocant *vi-
tualia*, cap. licet. de præb. & prædicto cap. de cætero. adeo quidem, ut
consuetudo non possit eis prodesse per cap. 1. de cler. non resid. lib. 6. im-
mo nec hodie remissio collegarum saltem præcedens amissionem earum,
per Concil. Trid. cap. 12. de refor. sess. 24.

- 3 Quarto, quod ex his sequitur prædictum dominum A. posse qui-
dem percipere in absentia fructus sui canonicatus, non autem distribu-
tiones, quæ tantum interessentibus diuinis distribuuntur, nisi vberiore
gratiam à Sanctissimo Domino nostro impetrauerit, præterquam in die-
bus, & mensibus, & negotijs illis, in quibus, & propter quæ etiam alij ca-
nomici lucrificiunt illas. Salva, &c.

S V M M A R I U M.

1. Canonici ultra tres menses à residentia absens venit fructibus præbendæ privan-
dus ex Concilio, contra quod nec Episcopus, nec Legatus potest dictam pœnam ex-
presse remittere, immo peccat, si sine iusta causa non priuet, num. 2. Illi ope-
ri pio, quod sibi videbitur applicet, num. 1. Canonici tamen, donec condemne-
tur, non tenentur illos restituere, num. 2.

C O N S I L I U M I I I.

FRUCTVS, quibus debet priuari canonicus, eo quod abfuerit ultra
tres menses à seruitio ecclesiæ, cui debent applicari, cum in ea ecclesia
non sit consuetudo ut fructus canonici absentis accrescant præsentibus?
& an Episcopus possit remittere huiusmodi pœnam?

- 1 Respondeo primo, quod videntur applicandi illi operi pio, in quod
arbitrabitur is qui priuauerit: quia quod non determinatur à iure, ar-
bitrio iudicis determinandum est. l. 1. ff. de iure delib. cap. de causis. 9. r.
de offic. deleg.
Secundo respondeo, quod primo aspectu Episcopus non potest remit-
tere illam pœnam expresse: quia etiam Legatus non potest dispensare con-
tra decretum Conciliare, iuxta gloss. putatam singul. cap. dilectus. il 2.
de præbend. quæ tamen habet similem cap. cum dilectus. de elect. & cap.
fin. de filiis presbyt. Dixi, expresse: quia si taceat, & non priuet eum fru-
ctibus, non tenebitur ipse restituere illos in foro conscientie, in quo ne-
mo tenetur soluere pœnam, præsertim non impositam ipso iure, sed im-
ponendam per sententiam, donec condemnetur à iudice, iuxta gloss. sin-
gul. communiter recep. cap. fraternitas. 12. quæst. 2. Peccaret tamen Epi-
scopus, si absque iusta causa dissimularet eum punire, argumen. cap. ir-
refragabili. de offic. ordina. & gloss. notabilis cap. ea quæ. de offic. archi.
quæ alia in id apta iura citat. Dixi & repetivi supra, primo aspectu: quia
necessitate conficiendi quoddam longum responsum hodie ante meri-
diem iussu Papæ, & rogatu cuiusdam summatis, non potui iustam operam
prædictis quæstionibus decidendis dare; cum omnia quæ remittuntur ad
tantum prætorium, videantur difficilia soluta, ideo, &c.

S V M-

SUMMARIUM.

- 1 Residendi necessitas est duplex, altera absoluta obligans, altera vero solum quo ad effectum quarendi fructus: per primam non residens peccat, & potest priuari beneficio; per secundam autem non, immo nec peccat non residendo. nu. 2. an autem edictum generale Papæ de residendo intelligatur de prima, vel de utraque, ex mente Principis hoc est expiscandum. num. 5.
- 3 Beneficium omne quamvis simplex iure communi requirit residentiam, daturque ob officium, seu seruitium quod debet facere beneficio. nu. 4. at consuetudo immemorabilis induxit contrarium in simplicibus, exceptis qui statuto, vel alio iure speciali ad illam tenentur. num. 3.

CONSILIUM IV.

QVAERITVR, vtrum à Sanctissimo Sixto promulgatum edictum contra non residentes in suis beneficijs residentiam requirentibus, & in Vrbe commorantes, comprehendat habentem capellaniam in ecclesia quadam cathedrali, in qua capellani à tempore immemorali cogi ad residendum non solent, sed neque possunt fructus in absentia percipere, sed capellani praesentes pro absentibus ministrant, eisque fructus absentium accrescunt, & cultus diuinus in d. eccle. non minuitur: quia sunt multi capellani.

Quaestio hæc noua videtur, & difficilis resolutionis quo ad consulendum, licet satis facilis ad disputandum: quia utraque pars posset sustentari disputando. Nam pro parte negante, scilicet, quod non comprehendantur sub praefato Sanctissimi edicto de residentia, facit primo, quod Innoc. in c. fin. de cleri. non resid. ponit duas species necessitatis residendi: altera est, qua quis tenetur residere continuo seruiendo: altera, quod debet seruire, ut lucretur fructus. Prior est longe strictior, & maior posteriori: quod multis probari potest, licet nemo citet Innocen. ad hoc propositum: qui tamen dicit quod propter priorem potest priuari beneficio, non autem propter posteriorem; & per consequens, quod mens S. D. N. videri potest fuisse tantum comprehendere beneficiarios quo ad primam generis residentiam, eo quod constitutiones poenales sunt mitigandæ, & intelligendæ ita, ut minus puniant, cap. in poenis. de regul. iur. lib. 6. cum ei concordan-

- 2 tibus. Secundo facit, quod in hac parte longe diuersa ratio suadet coactionem ad residentiam indicendam eis qui in absentia recipiunt fructus, quam eis qui nihil eorum percipiunt; quales sunt praefati capellani. Tercio facit, quod stylus Curiae, & anteriorum Max. Pontif. iubentium ut curiales resideant in beneficijs suis, videtur fuisse comprehendere solos habentes obligationem ad residendum, ita ut peccent non residendo; & praedictus dominus consulens nullatenus peccare videtur non residendo: quia onera suae capellaniae alij praesentes suppleant, ut praesupponitur in facto.
- 3 Quarto, quod per consuetudinem immemorabilem, quæ praediudicat omni iuri humano, cap. super quibusdam. de verb. signifi. l. hoc iure. §. ductus aquae. ff. de aqua quotid. & æsti. habetur, ut praesentes capellani praefatae capellae seruiant pro absentibus: & ita per praefatam consuetudinem videntur

tur absentes posse suis capellanijs seruire per vicarios, & ita non teneri ad residentiam personalem, per cap. cum omnes. cum ei adnotatis, & adductis per Felin. num. 32. de constitut. Quinto, quod per consuetudinem posteriorem inductum est, vt simplicia beneficia non requirant residentiam; nisi statuto, vel iure speciali aliud sit statutum, vt ex eodem Innoc. colligitur in cap. fin. de cleric. non resid.

Pro parte vero affirmate facit primo, quod lex generaliter loquens generaliter est intelligenda. l. de pretio. ff. de publ. in rem act. & quod presens edictum generaliter loquitur de beneficiarijs habentibus beneficia requirentia residentiam: & predictus dominus consulens habet beneficium requirens residentiam. Tum quod omne beneficium etiam simplex requirit residentiam iure communi antiquo attento, secundum Innocen. in cap. fin. de cleric. non residen. communiter receptum, pro quo est cap. conquerente. eodem titu. Tum quod propter officium datur beneficium, cap. fin. de rescrip. lib. 6. Tum quia predictus dominus consulens licet non capiat fructus per se, capit tamen per suos concapellanos, qui seruiunt pro ipso vti vicarij eius; & per ipsum stat quo minus capiat illos per se: quia non seruit potens seruire; & is, per quem stat quo minus possideat, possidere censetur, cap. commissa. de elect. lib. 6. cum ei concordantibus. Tum quia residet Romæ, vt querat aliud beneficium maius. Tum quia plurima sunt beneficia patrimonialia in episcopatu Burgenfi, Palentino, & Calaguritano, quorum ratione non coguntur residere, nisi ad effectum querendi fructus: & ita aliquot eorum, qui habent illa, resident Romæ, vt querant sibi maiora, & placet presentibus eorum absentia: quia accrescunt eis absentium partes, & fraudantur ecclesia suorum ministerio ministrorum. Tum quia forte D. N. voluit comprehendere omnes, qui tenentur ad residentiam etiam solum quo ad effectum acquirendi fructus, vt seruiant beneficijs, ob quorum officium datur beneficium, vt ait predictum cap. ult. de rescrip. lib. 6. Tum quod ex prefato dicto Innoc. expresse, & ex tacita mente omnium doctorum duplex est obligatio ad residendum, altera ad residendum continue seruiendo, altera ad seruiendum ne perdat fructus: & lex, siue edictum, quo precipitur aliquid generaliter obligato ad residendum, videtur includere obligatum omnibus modis, & non sola vna specie obligationis: quia appellatione generis comprehenditur quælibet species eius, secundum dictum Baldi ab omnibus receptum in l. 2. C. de iure annu. aure. vbi ait, genus proprie includere & significare species suas: pro quo bonus textus in cap. si Romanorum. 19. dist.

Quoniam igitur eius est interpretari, cuius est condere, l. fin. C. de legib. consulo domino consulenti, vt eius interpretationem à Sanctissimo Domino nostro querat, & sequatur in honorem Domini nostri Iesu Christi, cuius sunt omnia beneficia, qui nos omnes sua misericordia efficiat beneficiarios in regno celorum. Amen.

SUMMARIUM.

1. *Residere non tenetur dignitas, cui & nulle debentur distributiones, & cuius predecessores à fundatione numquam resederunt, nisi in executione Concilij ei aliqua assignentur distributiones.*

CONSILIUM V.

P R I M I C E R I A T V S quidam fuit institutus ab Alexandro in Paduana ecclesia cathedrali sine distributionibus, data in dorem quadam ecclesia certi valoris alterius diœcesis: & nullus Primicerius resedit, & interfuit horis, nec accepit distributiones vsque ad Concil. Triden. Quæritur, an post illud teneatur residere.

1. *AD QVAESTIONEM PRAEDICTAM* respondeo præfatum Primicerium satisfacturum suæ conscientiæ de rigore iuris residendo eo modo, quo à fundatione ipsius predecessores resederunt vsque ad hunc diem: nisi Paduani exequuti contenta in Conc. Trid. sess. 21. cap. 3. de refor. & sess. 22. cap. 3. de refor. imposuerint distributiones super dignitatibus ecclesiarum cathedralium; ab illo enim die tenebitur residere, & interesse diuinis officijs eo modo, quo fuerit ordinatum ab ipsis.

SUMMARIUM.

3. *Consuetudo excusans certos capellanos à residentia alias ex fundatione requisita, excusabit etiam alterum similem prædictis obtinentem capellaniam.*
 4. *Residentia onus impositum beneficio intelligitur de personali, etiam si non exprimitur; quod onus censetur etiam impositum per alia verba, ut est verbum intersit, cantet, seruiat, & similia.*
 5. *Consuetudo capellaniarum & beneficiorum potest extendi ad alias eisdem similes.*
 4. *Episcopus cum consensu patroni beneficij requirentis aliquas qualitates potest cum aliquo ex causa dispensare super aliqua illarum.*

CONSILIUM VI.

N. H A B E T capellaniam, in cuius fundatione statutum fuit, ut qui haberet eam, ultra onus dicendi Missas aliquas, teneretur interesse personaliter horis ecclesiæ canendis, posteaquam esset presbyter: & ipsemet N. est patronus successor alius patroni antiqui fundatoris: & præfata capellania est sita in ecclesia ciuitatis, in qua est consuetudo, ut capellani similes non astringantur ad interessendum personaliter prædictis horis, ubi sufficiens copia seruientium est, qualis est in præfata ecclesia. Quæritur, utrum præfatus N. satisfaciat conscientiæ suæ seruiendo in prædictis horis canendis per alium magis idoneum ad canendum, quam ipse sit, approbatum per Episcopum.

1. *Respondeo primo, quod dominus consulens est tutus secundum ea quæ proponuntur; quoniã proponitur in casu capellaniam prædictam, & alias præfatæ ciuitatis esse similes, & quod habentes alias excusantur. Secundo, quod capellani excusantur seruientes per alium: quia secundum conclusionem*

elusionem late disputatam per Panor. in repetitio. cap. extirpanda. s. qui vero. de praben. & citatos per Fel. in cap. cum omnes. de constit. & recept. communiter, valet consuetudo, vt habens beneficium simplex non teneatur seruire personaliter illi; immo etiā quod non seruiatur per aliū, saltem vbi sufficiens copia ministrorum habetur. Tercio, quod eadem ratione debet excusari dominus cōsulens, cum proponat suam capellaniam esse similem alijs; quia de similibus idem est iudicium, cap. dudum. il 2. de electio. cum similibus. Quarto, quod fortassis est dissimilitudo inter capellaniam domini cōsulentis, & alias in eo, quod in fundatione aliarum non est posita clausula, vt habētes illas personaliter resideant, & in sua sit: & forte quia res ita se habet, dominus cōsulens vt vir eruditus subtiliter scrupulū gignit, cum non sit sua capellania similis alijs omnino; & ita non liceret ab illis ad suam arguere, cum separatorum separata sit ratio; h. Papi-
 2 pinianus. ff. de minor. Quinto, quod si in nulla aliarum fundationum inuenitur onus residendi personaliter, vt in ea, de qua est questio; cōsiderandum est, an ponatur saltem clausula de residendo: & si ponitur illa, satis possent dici esse similes: quia secundum vulgare modum intelligendi eorum, qui fundant huiusmodi capellanas, per residentiam intelligitur personalis: nam & cōmunis conclusio doctorum habet, beneficia omnia iure communi requirere residentiam personalem; quia requirunt residētiam, vel deseruiētiam, vt colligitur ex cap. conquereute. de cler. non residen-
 3 quod si in fundatione aliarum non sit vlla clausula, qua hoc sonet, nō posset argui de consuetudine illarum ad hanc: sed arbitror non defuturum verbum resideat, intersit, cantet, vel seruiat, vel aliud simile, quod tantum importat, quantum verbum resideat: & ita consuetudo illarum satis potest extendi ad hanc, argu. d. cap. dudum. & cap. constitutus. de appella. cum similibus. Sexto, quod pro domini cōsulentis defensione possent adduci ea, quæ tradit Felin. in cap. cum accessissent. de constit. num. 18.
 4 & sequen. dum concludit, Episcopum posse de consensu patroni dispensare pro vna vel altera vice super qualitate ad teneridum beneficium requisita: quia in facto proponitur dominū cōsulentem seruire per alium, probante id Episcopo: & ita sufficeret, vt Episcopus dispensaret ob causas propositas super huiusmodi seruitio personali pro tempore huius patroni, cum multa concurrant ad id faciendum, & quod sic augetur cultus Dei: & Episcopus ex rationabili causa de consensu patroni potest alterare aliqua, per tradita à Felin. & citatis ab eo vbi supra. Salua, &c.

S V M M A R I V M.

* Distributiones quotidianas vt absens capiat canonicus, vel vt non subdiaconus vocem habeat, Capitulum concedere non potest.

C O N S I L I V M V I I.

AN CANONICI præsentes possint absenti dare facultatem recipiendi distributiones quotidianas?

1 Respondeo quod non. Tum quia consensu & pactione priuata non potest

test iuri publico præiudicari, l. ius publicum, ff. de pact. cap. si diligenti. de foro compe. Tum quia remissio distributionum quotidianarum non prodest post Concil. Triden. vt tradimus in Enchiri. de orat. cap. 22. num. 59. & seq. & Miscel. 59. nu. 1. & seq. Tum quia idem Concil. sess. 22. cap. 4. de reforma. statuit, quod carens subdiaconatu, careat voce, etiam si alij canonici ei eam permittant.

S V M M A R I U M.

1. *Residere, seu obligationi de residendo in collegiata, seu canonicatu, satisfacere censetur is qui ex mandato sui Capituli pro negotijs sua ecclesie seu Capituli abest. Idem dicitur de monacho, qui de licentia sui Abbatis, ob utilitatem etiam medietatem monasterij abest, num. 2. etiam ad effectum complendi annum novitiatus, qui debet fieri in monasterio. nu. 3. vere tamen non resident. nu. 6.*
2. *Absentes pro utilitate suarum ecclesiarum, non censentur contravenire iuramento de residendo, quia censentur residere etiam quo ad effectus lucrandi fructus: immo modo illis suffragatur consuetudo etiam ad effectum lucrandi distributiones. num. 4.*
3. *Consuetudo rationabilis optima legum interpretis immo si sit legitime præscripta, tollit legem humanam.*
4. *Fictionem contrariam veritati denotant hæc verba, censi, videri, credi, & similia.*

CONSILIVM VIII.

AN CANONICVS, vel dignitas, vel alius beneficiarius Capituli vel collegij secularis, vel regularis, residendo Romæ de mandato sui Capituli, vel collegij, pro causis vel negotijs ecclesie suæ agendis, vel gerendis, censeatur satisfacere obligationi, quam habet residendi in sua ecclesia secundum iura communia antiqua, & noua Tridentini Concilij, & an vere residere dicatur?

1. *Ad quæstionem propositam respondetur primo, quod habens dignitatem, vel canonicatum in aliqua ecclesia cathedrali, vel collegiata, residendo in Romana Curia de mandato sui Capituli, vel collegij pro causis vel negotijs ecclesie suæ agendis vel gerendis, censetur satisfacere obligationi, quam habet residendi in sua ecclesia secundum iura antiqua & noua Trid. per cap. ex parte. de cler. non residen. quatenus habet, eum qui habet præposituram alicuius ecclesie, & quando fuit illa ei collata iurauit residere in ea, censi satisfacere suo iuramento de residendo in ea, si abest agendo & procurando negotia ecclesie suæ.*
2. *Secundo, quod Abbas antiquus in cap. cum illorum. de sent. excom. determinauit, etiam monachum, cuius obligatio ad residendum est maior, quam beneficiariorum secularium, secundum omnes, satisfacere obligationi residendi in suo monasterio residendo extra illud in aliquo loco procurando & agendo ecclesie suæ causas, & negotia de licentia & mandato superioris sui, argumen. cap. monachi. il. 2. & cap. qui vere. 16. quæst. 1. etiam agendo aliqua negotia alicuius principis, vel domini temporalis*

poralis sui monasterij & ordinis amici, ex quo resultare potest aliqua utilitas eius saltem indirecte, ac mediate, vt tradit Innocen. communiter recep. in cap. cum I. & A. de re iud.

3 Tercio, quod obligatio ad residendum in monasterio ad annum probationis agendum, est prima, aut certe cum primis obligationibus necessaria, vt colligitur ex cap. ad Apostolicam. de regular. cum ei adnot. præsertim post Concil. Triden. quod in sess. 25. de regul. cap. 15. statuit, vt nullus in vlla religione possit esse vere professus, nisi resederit in ea per annum: attamen qui resederit in monasterio, vel extra de mandato & licentia superioris negotia utilia ei faciendo, censetur ita residere, vt annum probationis compleat, vt scripsimus pridem in commen. 4. de regular. super cap. statuimus. num. 75. quod ante nos asseruit Syluester verb. religio. 3. quæst. 19. §. 2.

4 Quarto, quod idem probat cap. cum non deceat. de elect. lib. 6. quatenus statuit, quod canonici absentes ab ecclesijs suis pro instructione causarum electionum ecclesiarum suarum debent censi residere, etiam quo ad quærendos fructus temporis, quo eunt, manent, & redeunt absentes ad suas ecclesias; ea ratione, quod pro utilitate illarum absunt. Ergo absentes ob utilitatem ecclesiarum suarum, censentur residere.

Quinto, quod valet consuetudo, vt huiusmodi absentes pro utilitate suarum ecclesiarum censeantur residere, etiam quo ad quærendas distributiones secundum Archidiaconum communiter recep. in cap. 1. de cler. non residen. lib. 6.

5 Sexto, quod consuetudo, præsertim generalis & rationabilis, est optima legum interpret, cap. cum dilectus. de consuetud. & l. minime. ff. de ll. immo si legitime præscripta sit, legem humanam etiam rationabilem perimit, & tollit, cap. fin. de consuetu. at consuetudo generalis habet, vt canonici absentes pro utilitate ecclesiæ, censeantur esse residentes: tum per alias rationes: tum quod fidelius & utilius geruntur negotia per eos, quos ea tangunt, & quibus ex eis utilitas vel damnum euenit, quam per alios extraneos, vt experientia, quæ rerum est magistra, cap. quam sit. de elect. lib. 6. demonstrat & docet; cum videamus naturale vitium esse negligere non solum extranea, sed etiam communia. l. 2. C. quan. & quib. quarta pars.

6 Septimo respondendo ad ultimam partem quæstionis dico, quod huiusmodi capitulares non possunt dici vere residentes: quia palam est eos non vere residere; quia in præsuppositis in facto dicuntur absentes: & quod id colligitur ex illis verbis prædicti cap. ex parte Cum ex hoc censi debeat residens: quoniam verbum *videri*, & alia similia, qualia sunt verbum *censeri*, *credi*, & alia, inducunt fictionem, vt ait Bartol. communiter recep. in l. si is qui pro empore. ff. de vsucap. num. 5. multa pro se iura inducendo: pro quo est etiam illa pulchra & utilis conclusio, quam nos adduximus in nostro Man. confess. cap. 27. nu. 51. scilicet, quod lex excommunicans facientem aliquid, non comprehendit regulariter solum consentientem, etiam mandando, consulendo, faciendo, aut auxiliando, antequam fiat, nisi

nisi ex eius tenore, vel aliarum legum id expresse aut tacite colligatur, vt in cap. mulieres. §. 1. de sent. excomm. Salua, &c.

S V M M A R I V M.

- 1. Distributiones per interessentes lucranda possunt quidem assignari aliquibus horis, & aliquibus non: at quod interessens aliquibus horis lucretur etiam assignatas alijs horis, quibus non interest, nec consuetudine, tamquam cap. 1. de cler. non resident. in 6. & sacro Concilio contraria, statui potest.
- 2. Residens vt reputetur is qui per quartam partem cuiuslibet mensis residentiam fecit, induci potest.

CONSILIVM IX.

AN CONSVETUDO, quod quis beneficiariorum interessens certis diuinis officijs lucretur distributiones non solum assignatas pro illis, sed etiam assignatas pro alijs; vel quod interessens vna hebdomada certis officijs lucretur illa, quæ pro illis alia hebdomada dantur interessentibus eis, sit licita, vel potius contraria cap. 1. de cler. non resid. lib. 6. & cap. 12. sess. 24. Concil. Trid. de refor. illud innouantis.

Respondeo, quidquid quædam super hoc informatio contineat, me credere prædictam consuetudinem esse contrariam prædicto cap. 1. de cler. non residen. lib. 6. & consequenter prædicto cap. 12. de refor. sess. 24. Concil. Trident. quod illud innouauit: nam prædictum cap. 1. habet distributiones quotidianas non esse lucrificandas, neque dandas illis, qui abfuerint, seu non interfuerint officijs, pro quibus illa fuerint institutæ: & per consuetudinem prædictam dantur distributiones quotidiana constitutæ pro aliquibus officijs, eis qui non interfuerint illis, vt palam est. & Dominicus citatus in d. informatione non dicit illud, quod imponitur ei, sed quod residens per quartam partem cuiuslibet mensis possit dici residens, & lucrari fructus beneficij, & nihil dicit de distributionibus: nec gloss. clem. 1. vt ij qui. de atat. & qualitat. verb. certis horis. dicit illud, quod imponitur ei, sed aliud, videlicet quod possunt assignari distributiones aliquot pro certis horis, non assignando pro alijs; quod est verissimum, nec vllatenus contrarium prædicto cap. 1. non autem ait quod valeat consuetudo, qua interessens vni officio lucretur distributiones assignatas pro illo, & etiam assignatas pro alio, cui non interest. Sed neque Card. neque Imol. si satis perpendantur, dicunt hoc obseruari in ecclesia Butanien. si, pro qua citat informatio ecclesiam Patauen. quia solum sequuntur gloss. contra Laudun. & Zenzel. dicentes, quod potest statui, vt solis surgentibus ad matutina dentur distributiones; quod est verissimum: non autem dicunt quod surgentibus ad matutina non solum dentur distributiones pro eis assignatæ, sed etiam assignatæ pro alijs horis, & officijs, licet eis non interfuerint: quod longe diuersum esse palam est, & contrarium prædicto cap. 1. Salua, &c.

Aduertendum, sacram Congreg. vt refertur, censuisse distributiones non posse assignari aliquibus horis, & aliquibus non, sed omnibus aliquas omnino assignandas.

S V M M A R I V M.

- 1. *Canonicus iniuste in carcere detentus omnia querit, quæ alij ecclesiæ seruientes.*
- 2. *Distributiones infirmis, vel alia necessitate corporali detentis debentur.*
- 3. *Impeditus à magistratu, excusatur, quod se iudicio non sistit.*
- 4. *Impedimentum omne iustum excusat à distributionum, & multo magis ab aliorum fructuum amissione.*

C O N S I L I V M X.

CANONICVS in carcerem coniectus pro crimine, qui non potuit interesse diuinis officijs, an perdat distributiones quotidianas, vel saltē fructus certo modo, certis temporibus diuidendos, qui tātum interessentibus diuinis assignantur, si fuerit absolutus & innocens iudicatus?

- 1. *Respondeo affirmatiue, quod præfato canonico in carcere detento debentur omnia illa, quæ quæsiuisset, si vna cum suis canonicis ecclesiæ præfata deseruisset. Primo quidem, quia omnium, quæ iure ei possunt ob stare, maximum est cap. 1. de cler. non resid. lib. 6. probatum & innouatum per cap. 12. de reform. sess. 24. Concil. Trid. quod tamen illi prodest, quatenus habet canonicum non interessentem debere habere distributiones quotidianas, si non interfuerit eis ob infirmitatem, vel aliam corporalē necessitatem: & detentio, per quam quis detinetur in carcere cōtra suam voluntatem, est necessitas corporalis, propter quā non potest interesse diuinis, vt ex Archid. 10. And. & Domini. colligitur d. cap. 1. §. 1. de cler. nō resid. Nec obstat, q̄ iussu & mandato iudicis fuit detentus; quia per sentētiā subsequutam fuit absolutus, & declaratus innocens, vt in casu proponitur.*
- 2. *Secundo, quod detentus à magistratu vel iudice, excusatur, si non se sistit die, quo se sistere promisit, l. 1. §. fin. ff. si quis cautio. vbi satis fundatur id, quod 10. And. & Domin. in d. c. 1. de cler. non resid. dicūt, scilicet omne impedimentum iustum excusare quem à fructuum & distributionū amissione. Non obstat dicere, quod in casu proposito non solum agitur de veris distributionibus quotidianis, sed etiam de fructibus certo modo certis temporibus diuidendis; quia palam est non tam facile perdere beneficiarium alios fructus, ac perdit distributiones quotidianas, cap. ad audientiam. cap. de cætero. de cler. non residen. cap. licet. de præben. cum eis adnotat. At distributiones non perdit, vt dictum est, legitime impeditus; ergo minus perdet præfatus canonicus præfatos fructus certis modis, certis temporibus diuidendos, argum. authen. multo magis. C. de sacrofan. eccles. Salua, &c.*

S V M M A R I V M.

- 1. *Distributiones quotidiana, & alia quæ instar earum non nisi interessentibus dantur, debentur iniuste carcerato, & nu. 7. etiam si captura ex parte iudicis sit instā, nu. 9. & adsint indicia ad torquendum. num. 2. Item & omni corporali necessitate impedito, restitui illæ inquam, quas antea erat solitus percipere, num. 3. 6. & 7. Item & illi qui non potest sine latione corporali seruitio adesse, num. 5. Item & in exilium iniuste misso, num. 7. Item & illi qui probabiliter times*
- Nauar. Conf. Pars I. Ec sibi

sibi vim inferendam, vel vi detinetur, num. 4. & qui sine notabili corporis incommodo non potest interesse, nu. 7. item & iniuste excommunicato, vel suspensio, nu. 6. & 7. & demum ob omne aliud iustum impedimentum præpedito quo minus intersit, num. 5.

2 Absentia suæ causam qui dedit, illā in sui fauorem non potest allegare, & hoc quando illam sic affectauit, nu. 9. alias non semper probibetur, num. 8.

9 Carceratio, ac etia tortura potest esse iusta ex parte iudicis, absque ea quod captura, & tortura ipsi capto & torto ad incurrendam aliam pœnam imputetur ad culpam, & num. 3.

10 Consuetudo statuens ne infirmo, & alias impotenti adesse seruitio dentur distributiones, est irrationabilis, contraria iuri diuino, naturali, & humano.

CONSILIVM XI.

QUIDAM præpositus cuiusdam ecclesiæ cathedralis fuit captus propter suspicionem cuiusdam homicidij, & tortus ob indicia, sed tandem absolutus, & indicatus innocens.

Quæritur an debeantur ei fructus eiusdem ecclesiæ, qui distribuuntur inter solos canonicos præsentibus, & diuinis officiis interessentibus.

1 Respondeo primo, pro parte negante facere in primis, quod qui non seruit altari, non debet viuere de illo, cap. 2. 13. q. 1. quod desumitur argumento à contrario sensu ex illo 2. ad Corin. 9. Qui de altari seruit, de altari viuere debet. relato in cap. cum secundum. de præben. Secundo, quod distributiones quotidianæ, & alia, quæ instar earum solis interessentibus diuinis officiis distribuuntur, non debentur absentibus, nec præsentibus eis non interessentibus, cap. de cætero. de cler. non resid. cum adnotatis ei ab omnibus: & adeo vt consuetudo contraria nihil valeat, per Concil. Trid. sess. 24. cap. 12. de reformat. Tertio, quod qui est causa suæ absentia, non videtur posse illam in suum fauorem allegare. l. sed & qui data opera. ff. ex quibus caus. maio. l. maritus. cum gl. & communi, ff. de quæst. & præfatus præpositus videtur fuisse causa absentia, quippe qui dedit tam grandia criminis indicia, vt bis vel ter fuerit tortus ob illa: quod iure fieri non poterat, nisi semiplenam probationem induxissent. Quarto, quod consuetudo ecclesiæ prædictæ dicitur habere, vt nemo etiam iusta de causa absens debeat habere fructus eius, vel eorum partem: & consuetudo præscripta seruanda est, cap. fin. de consuetud.

3 His tamen non obstantibus pars affirmans proci lubio est seruanda, nempe quod præfatus præposito debeant reddi & restitui fructus, & distributiones, quæ lucrabatur antequam caperetur, & lucratus fuisset, si captus non fuisset. Primo quidē, quod iuxta cap. 2. de constit. cū sibi concordantibus, rem, quæ culpa caret, in damnum vocari non conuenit: & præfatus D. præpositus caruit culpa in nō interessendo diuinis, quia nō potuit, etiam si maxime voluisset: & nemo obligatur ad impossibile, cap. nemo. cum suis. concor. de reg. iur. lib. 6. Tum quod tex. in d. cap. 1. de cler. non resid. lib. 6. habet, quod corporalis necessitas efficit, vt nō solum fructus, quos appellant grossæ, sed etiam distributiones quotidianas percipiat absens. At detentio in carcere publico necessitatem inducebat corporalem, vt à diuinis officiis.

- 4 officijs abesset, vt palam est: & vis illata excusat quē à faciendo illud, quod alioquin facere teneretur, cap. cū Vintonien. de elect. & cap. quoniā. §. 1. 28. dist. per quod glo. eius in verbo vi. dixit factū contra aliquem vi detentum debere retractari. quinetiā vis nōdum illata, sed probabiliter prænisa excusat, cap. bonæ. 1. de elect. Tum quia Dominicus in d. cap. 1. de cler. nō resid. lib. 6. §. qui vero. per præfatum cap. quoniā. determinat in specie, quod qui vi detinetur, ne vadat ad diuina, debet habere distributiones quotidianas, quæ ob illa dantur. quin & Archid. & ipse Dominicus, & vterque Philip. & Franc. & Probus in d. cap. 1. tenent, per corporale necessitatem (ob quā contextus prædicti cap. habet distributiones quotidianas in absentia quæri) intelligendū esse etiam omne aliud iustum impedimentum, propter quod non potest clericus ire ad diuina; immo etiam si posset ire, modo non posset sine lēione corporis, puta quia est sanguine minutus, vel accepit portionem aliquā medicinalem. & Philippus Probus, cui nemo contradicit, ibid. in specie affirmat, coniectum in carcerem sine culpa lucrari distributiones quotidianas in absentia, quas antea lucrabatur. Nec quidquā obstat Fel. quem ipse ait dicere contrariū in cap. cum omnes. de con. sit. & in cap. Apostolicæ. de except. quia non loquitur de coniecto in carcerem iniuste, sed de excommunicato, vel suspensio iniuste, dicens quod potest recuperare post absolutionem omnia, quæ perdidit per illam excommunicationē, vel suspensionem iniustam: & eadem ratio est de iniuste cōiecto in carcerem, immo maior. Tum quia excommunicatus potest adire iuste vel iniuste diuina, coniectus autem in carcerem & custoditus nullatenus; excommunicatus exclusus est ab omni participatione diuinorum, non autem cōiectus in carcerem: & ita plus abest ille à diuinis, quam hic.
- 7 Tum quia etiā expulsus, vel exul factus iniuste à ciuitate, lucratur distributiones, quas antea lucrabatur, vt late determinat Cald. cons. 17. de præben. quem sequitur Fel. in d. cap. cū omnes. nu. 22. in fine, ea potissimū ratione, quod nullum est iustius impedimentum, quā facti, per quod non potest quis facere etiā de facto, quod ei iubetur, arg. cap. nemo. cum ei concordantibus, de reg. iur. lib. 6. quæ ratio tantum, immo magis militat in coniecto in carcerē, quam in expulso, & exule facto: quoniā hic potest adire ecclesiam cum periculo pænæ, ille autē nullatenus. Tum quia est casus fere formalis huic nostro proposito in cap. super causa. 2. q. 4. per quod gl. recep. in cap. pastoralis. §. verum. de appel. in verbo subtrahūtur. dixit excommunicato iniuste reddenda esse post absolutionem omnia, quæ ob id perdidit: est inquā fere formalis: quia in eo fuit accusatus quidā presbyter Gillardus de morte Episcopi, sicut hic præpositus de morte cuiusdam canonici; & credendum est fuisse in carcerem coniectum ob aliqua indicia, sicut hic præpositus: vnde sicut ei inuento sine culpa restituuntur omnia, quæ ob id perdidit, ita & huic sunt restituēda. Tum quod irrefragabiliter deciditur hæc pars syllogismo illo supra tractato, nempe: Omnis necessitas corporalis, non solum quæ reddit impossibilem aditum ad diuina, sed etiam quæ reddit incommodū notabiliter corpori, efficit vt absenti redantur distributiones quotidianæ, supra d. cap. 1. de cler. non residen. At

coniectio alicuius in carcerē, & custodia, ne ab eo exeat, inducit necessitatem corporalem, quæ impedit aditum ad diuina, & non solum talē, quæ sine incommodo notabili nō potest adiri, sed etiam talem, quæ reddit aditum impossibile: ergo prædicto præposito coniecto in carcerem iniuste, & custodito debent reddi prædicti fructus, & distributiones quotidianæ.

- 8 Ad primum oppositorum respondetur concedendo, quod regulariter, qui non seruit altari, non debet de illo viuere; sed quod fallit in eo, qui propter necessitatē definit seruire, per præfatum cap. 1. de cler. nō resid. lib. 6. ob qualem prædictus præpositus non seruauit.

Ad secundum respondetur eodem modo quo ad primum, scilicet assumptum in eo procedere regulariter, sed fallere in eo qui ob corporalem necessitatem abest.

- Ad tertium respondetur primo negando assumptum; quoniam absentium siue inquisitorum bona pars voluntarie abest, & voluntas eorum est causa suæ absentię: attamē possunt allegare in suum fauorem suā absentiam, quæ excusat, l. absentem. ff. de pen. & negando quod prædictus præpositus dedit causam suæ capturæ: quia per sententiam definitiuam constat eum fuisse captum pro delicto & culpa, quæ non admisit: quoniam non solum simpliciter & plene absolutus est à crimine obiecto, sed etiā plene restitutus ad pristinum statum, pristinam famam, & ad omnia alia. Nec obstat, quod præcesserunt aliqua, ob quæ fuit captus. Tum quia licet indicia sufficientia efficiant capturam iustam quo ad hoc, ut iudex capiens excusetur à delicto & culpa male capiendi: non tamen efficiunt ut sit iusta quo ad captum. Tum quia alioqui nemo fere diceretur captus iniuste, cum nemo fere capiatur sine aliquibus indicijis excusantibus iudicem à delicto male capiendi. Tum quia etiam in casu cap. super causa. 2. q. 4. præcesserunt aliqua, ob quæ fuit captus ille Gillardus: & tamen non probata culpa fuit reputatus iniuste accusatus, & captus, & fuerunt ei restituta ea, quæ ob id adempra erant, ut prædictum est. Secundo, quod l. sed qui data opera. loquitur de illo, qui procurauit & affectauit suam absentiam, quod præfatus præpositus non fecit.

- 30 Ad quartum respondetur negando esse in prædicta ecclesia vllam consuetudinem validā, quæ habeat nullo calu esse absenti dandum aliquid de fructibus eius. Tum quia non probatur nec constat de illa, & de non existentibus & non apparentibus idem est iudicandum. l. duo sunt Titij. ff. de testam. tut. cap. sacerdos. cū gl. de off. ord. Tum quia esset irrationalis contra iura naturalia, diuina, & humana, quæ dicunt neminē sine culpa damno subieiendum, cap. 2. de constitut. infirmumque & impotentem ad efficiendum aliquid, excusandum esse à damno propter omissionem illius incurrendo, toto titulo de cleric. & grotan. in decretalibus, & lib. 6. *afflictio non esse dandum afflictionem*, cap. cum percussio. 7. quæst. 1. *operarium dignum esse mercede sua*, Luc. 10. & ita canonicum absente pro utilitate ecclesiæ de mandato eius non debere priuari fructibus, & emolumentis, seu canonicatu, immo iustis stipendijs esse donandum, ut probat prædictum cap. 1. de cler. non resid. lib. 6. cum eis adnotatis. Salua, &c.

S V M M A R I V M.

1. *Legens viginti annis in studijs etsi acquirat titulum comitatus; non tamen reperitur cautum, quod non legendo postea lucrifaciat salarium, sicut nec quod dicto tempore residens in canonicatu acquirat privilegium acquirendi distributiones, etiam quod postea non resideat; immo si adesset talis consuetudo alicubi, ea fuisset sublata per Concilium Tridentinum. 2.*

C O N S I L I V M XII.

AN I V R E communi canonicus, qui 40. annis inseruiuit ecclesiæ, sit immunis ab interessendo diuinis, & non interessendo lucretur fructus, & distributiones quotidianas?

1. Respondeo, quod non est vllus canon, qui hoc statuatur, nec vlla lex Romana: & l. 1. C. de professoribus, qui in vrbe Constantinopol. quæ ad hoc solet allegari, nihil probat: quia aliud est adipisci dignitatem comitatus legendo per 20. annos, & aliud quod proponimus de canonico, & à diuersis non fit illatio: & aliud est lucrifacere salarium non legendo, quod non dicit illa lex, & dicere debebat ad concludendum per eam, quod canonicus non interessendo possit lucrifacere distributiones, &c.
2. Accedit præterea quod canonicatus exigit residentiam personalem post Concil. Trid. non obstante qualibet consuetudine, vt patet ex sess. 24. de reformat. cap. 12. §. præterea.

S V M M A R I V M.

1. *Anniversaria & eisdem alia similia emolumenta non videntur comprehendendi sub fructibus, redditibus, prouentibus, iuribus, emolumentis canonicatum, nec sub distributionibus quotidianis, num. 2. & multo minus, si percipiantur ob opera extra ecclesiam exhibita. nu. 3.*

C O N S I L I V M XIII.

PRAESUPPOSITA Bullæ clausula in fauorem consulentis; quæritur, an exceptis grossa, & distributionibus quotidianis horis lucriferi solitis, aliæ distributiones in d. bulla contineantur, quæ solum lucrifaciunt ratione operæ personalis, vt sunt anniversaria, manualia Missarum, & eleemosynarum, quæ sunt vltima genera fructuum contenta in memoriali? Quæ autem mihi in præsentem occurrunt, sunt hæc, quæ omnia D. tuæ remittimus.

1. Videtur quod supradicta non comprehendantur in prima clausula, videlicet, *fructus, redditus, prouentus, iura, emolumenta canonicatus*. decis. in terminis Boerij 224. qui pro vtraque parte hanc questionem ventilauit, Oldrad. consil. 116. Felinus in cap. ad aures. num. 14. de rescript. vbi Ioan. And. eleganter, ibi, *pro mortuarijs*. Staphil. fol. 119. Rota in antiq. 33. decis. de iud. Videtur etiam, quod in secunda clausula non comprehendantur, videlicet, *distributionum quotidianarum solitarum lucriferi*. Nam illa de quibus dubium est, non sunt distributiones quotidianæ, immo re & natura differunt, licet hæc æquiparentur per gloss. Pragm. sanct. Rubr. Quo tempore. vbi sup. verbo *distributiones quotidianæ in fine*, & me-

dio. Et licet in pœnalibus ex identitate rationis secundum aliquos fiat in hoc casu extensio, vt ibi d. gl. Pragm. sanct. tamen hoc nullo modo habebit locū in personæ priuilegio. Ias. de act. §. triplici vero. nu. 22. & 9. ex maleficijs. nu. 37. cū addit. ad Ias. & §. seq. nu. 7. 8. maxime q̄ potest quis interesse horis, & nō anniuersario. Id probant etiā illa verba bullæ, *horis nocturnis, & diurnis*; quia horę sunt septē, & Missa non est dē horis. gl. verbo certis. clem. vt hi qui. de ætate. gl. verbo canonicas. clem. graui. de celebr. Missarum. gl. Pragm. sanct. vbi supra, quæ est singularis secūdm Barbat. in addit. ad Bal. in l. 1. C. de interdict. Et constitutio pœnalis loquens de horis nō habet locū in Missa; & ideo in alijs bullis dicitur, *& alijs diuinis officijs, & alias quascumque distributiones*, quod hic non dicitur factū. Etiam illa verba bullę, *per canonicos continue residentes*. pondera verbū, *residentes*. Nā p hoc verbum solum videtur reseruatū esse ius residentię, & non quod interessentibus detur; nā residere, & interesse differunt. Abb. in cap. olim. de verb. sign. nu. 6. glo. 9. 17. cap. vnico. de cler. non resid. in verbo adfuerint. decis. Cassad. vnica. de cler. non resid. Et præsertim non cōprehenduntur ibi anniuersaria extra ecclesiam, in castello vrbis per omnes beneficiatos & parochos etiam oppidi lucrari solita, per illa verba bullæ, *in choro ecclesię, & extra*. & supplicatio dicit, *extra illum*, & non dicit *extra ecclesiam*; alioquin diceret, *in ecclesia, & extra*. veluti si quis dicat, *Dono tibi libros, quos habeo in Musæo domus meę, & extra*; nō quidem videtur donare libros extra domum existentes, sed in domo tantum, licet sint in Musæo, aut extra Musæum. Et annexa, quia sunt accidentalialia, & etiam capellanıę minime comprehenduntur, quia nec sunt grossa, nec distributiones quotidianę.

VISIS, ac lectis supradictis, dico, quod prædicta resolutio videtur in disputando problematica: quia fundamenta pro ea deducta sunt fortia; & nō sunt oīno infirma, quæ pro cōtraria parte adduci possunt fundata in identitate rationis distributionū quotidianarū, & anniuersariorum, ac aliorū in dubio propositorū, & de quibus decis. Boerij determinat, per prædicta.

Etsi ex hoc imperfecto responso Nauarri & præcedentibus allegationibus adeo mendosis & imperfectis, vt nec post nonnullas correctiones possint intelligi, nihil certi habeamus: attamen quia materia ipsa confessarijs solet esse satis incognita, ideo fuerunt edita, vt eueniente casu habeant loca ad quæ possint recurrere.

S V M M A R I V M.

- Litis sui beneficij prosequendę occasio iustam præbet causam non residendi, & fructus percipiendi, modo credat iustam esse litem. nu. 3. licentia item est necessaria, quam potest facere suus prælatus, & multo magis Papa. nu. 2. immo & scientia Papę consentientis videtur sufficere. num. 3.

CONSILIVM XIV.

QUIDAM cantor & canonicus ecclesię cathedralis litigat super quibusdam magnę importantię iuribus suę cantorię Romę coram dominis Rotę in statu appellationis secundę.

Quæritur primo, an iustam causam habeat manendi extra residentiam. Secundo

Secundo, an licite possit petere à Papa, vt liceat ei accipere fructus dignitatis & canonicatus.

- 1 Ad has quæstiones respondeo primo, quod beneficiarius obligatus ad residentiam in beneficio excusatur à residentia, & lucratur fructus in absentia, si eam faciat ex honesta causa, & de licentia superioris sui, vt est casus in cap. relatum. de cler. non resid.

Secundo, quod videtur causa iusta & honesta iustæ absentie prosecutio litis super iuribus sui beneficii: casus est in cap. ex parte. eod. tit.

- 2 Tertio, quod ad hoc sufficit licentia sui prælati, & à fortiori licentia ipsiusmet Papæ per prædicta iura, & per cap. ad audientiā. de cleric. nō resid.
- 3 Quarto, quod ex his sequitur, præfatum D. consuletem, qui prosequutus bona fide credens se bonam litem fouere, & eam prosequens bona fide, sciente & consentiente Sum. Pont. recte prosequi eam, & præfatos fructus eius percipere posse in gloriam Dei, qui nos omnes saluet. Amen.

S V M M A R I V M.

- 1 Parochus etiam post Concilium potest de licentia sui ordinarij ex iusta causa, puta, vt sit vicarius generalis alterius Episcopi, etiam ad multum tempus abesse.
- 2 Licentia, puta, non residendi, semel etiam ante Concilium concessa durat, etiam post mortem concedentis, donec reuocetur.

CONSILIVM XV.

AN PAROCHVS, qui ex iusta causa habuit licentiam scriptam ab Episcopo suo ante Concil. Trid. absentandi se ab ecclesia sua parochiali ad exercendum munus vicariatus generalis, siue proepiscopi alterius Episcopi, & post Concilium prædictum non obtinuit nouam licentiam se absentandi; teneatur restituere fructus ex ea perceptos.

- 1 Respondeo, quod non. Tum quia ante & post Concilium ex iusta causa potest abesse parochus à sua ecclesia, etiam ad multum tempus, vt facile colligitur ex cap. 1. de refor. sess. 23. Conc. Trid. adiuncto cap. relatum. de cler. non residen. Tum quia illi parochi, qui ante Concil. Trid. causa studiorum habebant licentiam à suis Episcopis non residendi in suis ecclesijs iux. cap. cum ex eo. de elect. lib. 6. non tenebantur post Concilium confirmatum nouas licentias petere. Tum denique quod prædictū cap. primum nulla sui parte tollit licentias ante datas, neque obligat ad innouandas eas, neque eis derogat, vt ex eius tenore patet: & licentia semel data durat, donec reuocetur, etiam post mortem concedentis, argum. cap. si super gratia. de offic. deleg. lib. 6. & gl. communiter recepta in d. cap. licet. Salua, &c.
- 2

Aduertendum, sacram Congreg. vt refertur, censuisse ordinarium non posse dare licentiam obtinenti curatum, vt absit ad hoc vt alterius Episcopi sit vicarius generalis: & sic vidi licentiam peti à Sede Apost.

S V M M A R I V M.

- 1 Curatum beneficium absoluto animo ei non inseruiendi, sed permutandi, vel retentæ pensione resignandi accipiens peccat; secus si accipiat illud animo idem cum legitima licentia, vt pramittitur, resignandi, & interea ei vt tenetur deservendi.

AN POSSIT quis licite accipere beneficium curatum animo non residendi in eo, sed permutandi ad aliud simplex, vel renunciandi re-
servata pensione?

- 1 Respondeo, quod non, si absolute habeat animum non inseruiendi ei, ut tenetur: quia eiusmodi acceptio esset actus inordinatus, eo quod beneficium datur propter officium, iuxta cap. fin. de rescrip. lib. 6. & prædicta acceptio ordinatur ad contrarium, & ita est peccatum; quia omnis actus inordinatus est peccatū, ut post S. Thomam nos tradimus in Man. prælud. 7. num. 4. Secundo, quod non peccaret accipiendo huiusmodi beneficium eo animo, quo proponat servire illi tempore magno vel paruo, quo ipsum tenuerit, eo modo, quo obligatur servire illi; puta recitando horas canonicas, & residendo, & alia necessaria faciēdo, donec illi renunciaverit cum auctoritate iusta superioris ad permutandum illud cum alio, vel ad relinquendum iuste reservata sibi aliqua iusta pensione: quia nulla est in hoc casu cuiuspiam actus inordinatio à iure reprobata, etiam si proponat non tenere illud nisi vno tantum die, modo intēdat facere illo die id quod fuerit obligatus illius ratione, nec velit relinquere sine superioris auctoritate, sine qua nemo potest suum beneficium iuste renunciare, cap. admonet. & cap. quod in dubijs. de renunc. Salua, &c.

Aduertendum, Romæ exigunt iuramentum à petente similia beneficia, quod illud accipit animo non relinquendi. unde prædicta resolutio non videtur adeo firma. Videnda item esset constitutio Pauli IIII. inter ceteras.

S V M M A R I V M.

- 1 Beneficium accipiens animo resolutio post aliquod tempus reuertendi ad statum secularem, peccat; immunis autem à peccato est, qui beneficium requirens residentiam accipit animo adimplendi ea ad quæ tenetur, obtinendique ob studiū dispensationem à residendo, ut sic interim ex fructibus in studijs se alat, & postea resignandi, & sibi in ipsomet statu clericali meliorem conditionem querendi.

CONSILIUM XVII.

OBTINUIT quis beneficium requirens residentiam, intentione, ut de illius fructibus sibi provideat in studio, donec assumat gradum; & postea eo assumpto, dictum beneficium resignet, & clericaliter viuēdo sibi meliorem conditionē acquirat. petijt ab Episcopo licentiā, ut causa studio-
rū abesse posset, & obtinuit. Queritur an tuta cōscientia possit hoc facere.

- 1 Ad hanc quæstionem colligitur solutio ex his quæ scripsi in miscel. de oratio. miscel. 44. & locis allegatis in eo; nepe quod prædictus, de quo queritur, peccat, si animo absoluto & resolutio mutandi statum id faciat: non tamen si animo dubio, & conditionali perseverandi in clericatu, nisi aliqua melior conditio mutandi statum sibi sese offerat arbitrio boni viri pensatis circumstantijs suæ personæ, & alijs: modo, ut ibi dicitur, eo fit animo, ut omnia, quæ beneficium requirit de præcepto, præstet, donec illud retineat.

retinuerit:& non facit iniuriam alicui, qui suo iure utitur, cap. cñ ecclesia
Vulterana. de elect. l. iniuriam. §. 2. ff. de iniurijs. l. illud. §. 1. ff. de pet. hered.

S V M M A R I V M.

- 1 Canonico, quem ordinarius non vrget, vt sine damno sue ecclesie de licentia Vicarij
Vrbis abesse, & ordinum susceptionem differre possit, iustam causam præbere po-
test modicitas reddituum, qui etsi alijs, ipsi tamen non sufficiunt.

C O N S I L I V M X V I I I.

NO B I L I S quidam, sed pauper, obtinuit canonicatum in quadam ca-
thedrali, cuius fructus, qui in quotidianis distributionibus consistunt,
non sufficiunt eidem, vt secundum decentiam suæ nobilitatis viuat, licet
sufficerent alteri ignobiliori: vnde differt ad residentiã accedere, ac etiam
se promoueri facere ad sacros ordines, ad hoc vt minori cum indecentia
alicui prælato inseruiat, donec ampliores acquirat redditus sufficientes,
vt secundum suæ nobilitatis gradum decenter in patria, vbi & situm est
beneficium, viuere possit. Ordinarius loci non vrget, cum ecclesia dam-
num notabile non patiatur: habet enim plures canonicos residentes, qui
sufficienter in eadem deseruiunt. Accedit huc, quod habet licentiam ma-
nendi in Vrbe à Vicario Papæ: nam cum ab ipso fuisset admonitus vt ad
residentiam se conferret, postea exiguitate intellecta canonicatus, nobi-
litate, & paupertate dicti oratoris, consensit vt in Vrbe maneret vsque
• dum aliud sibi fieret mandatum de residendo. Dubitatur, an sit tutus in
conscientia; modo bona fide quærat sibi acquirere sufficientes redditus, &
simulac eos obtinebit, ad residentiam ire statuatur.

- 1 M V L T A P O S S E N T circa has particulares propositiones adduci,
& quidem tot, vt ex eis iustus libellus conficeretur: sed quia id non videtur
expedire D. consulenti; videtur respondendum, quod ex omnibus circum-
statijs in casus propositione narratis simul coniunctis, videtur colligi ip-
sum posse suam residentiam & promotionem differre tamdiu, quamdiu
eum Illustriss. Vicarius S. D. N. ob prædictas causas ex certa scientia per-
miserit, per ea quæ nos tetigimus in Man. confess. prælud. 9. num. 14. &
cap. 23. num. 42. post vtrumque Thom. 2. 2. q. 147. art. 3. Salua, &c.

S V M M A R I V M.

- 1 Votum omne licitum obligat, nisi iuste relaxetur. num. 10.
2 Regularis vbi proficitur, ibi perpetuo seruire promittit: retinens tamen cum iusta
dispensatione beneficium requirens residentiam, in eo residebit. nu. 10. & 13.
3 Status religiosi, vt talis, altior statu rectoris parochialis. & num. 11.
4 Minus cedere maiori conuenit. & num. 7. & 12.
5 Parochus potest parochialem dimittere, & religionem profiteri.
6 Canonici regularis officium præstat parochi officio, ac etiam monachi vt talis.
7 Parochus religionem professus in e. m. manere debet, & non in parochiali, nisi cum
eo dispensetur vt illam retineat, num. 13.
8 Monachus parochum præcellet in statu, & in officio, quod est contemplandi.

- 7 *Obligatus ad duo, si non potest, utrumque, præstet maius.*
- 8 *Regularis beneficium residentiam requirens canonice adeptus in eo residere tenetur, & non in monasterio: immo ab eo potest iuste expelli. num. 14.*
- 9 *Parochialem quisquis iuste habet, in ea resideat.*
- 9 *Regularis habens in titulum parochialem ecclesiam Episcopo subiectam, ei parere tenetur, & non suo prelato. & num. 12.*
- 11 *Regularis parochialem adeptus statum retinet regularem, & num. 12. Idem etiam si transferatur ad cathedrali. num. 13.*

CONSILIVM XIX.

QVAESTIO est, an canonicus regularis canonice obtinens ecclesiam parochialem teneatur residere in ea potius, quam in ecclesia regulari, cuius est canonicus: quæ quæstio videtur esse nova & soluta difficilis.

- 1 Pro parte negativa facit primo, quod omne votum licitum & validum obligat, cap. magnæ. de voto. & qui profitetur regulam canonicorum regularium in aliqua ecclesia regulari, vouet explicite vel implicite se perpetuo ei seruiturum, argum. cap. placuit. 1. 16. q. 1. ergo debet perpetuo
- 2 in ea residere. Secundo, quod status religiosi altior est statu rectoris ecclesie parochialis: quia de hoc transitur ad illum, & non ab illo ad istum, cap. clerici. 19. quæst. 1. & cap. duæ. eadem causa quæst. 2. & late tradit S. Thom. 2.2. quæst. 184. art. 8. at per votum obligatur statui religionis,
- 3 per rectoriam autem non nisi statui seculari. Tertio, quod minus oportet cedere maiori, cap. solitæ. de maiorit. & cap. duæ. 96. dist. sic cedit Latonia Phœbo, sic lex humana naturali & diuinæ, cap. quæ contra. iuncta gloss. 8. distin. & cap. si dominus. 11. quæst. 3. & vocatus à duobus, quorum utrumque non potest adire, debet adire maiorem, si potest, l. contra pupillum. §. is qui ad maius. ff. de re iudic. cap. cum parati. de appellat.
- 4 adiuncta gloss. Quarto, quod rector parochialis potest dimittere suam ecclesiam, & vouere religionem, quo facto tenetur in ea perseuerare, ut late tradit S. Thom. recep. dicto art. 8. & in casu proposito regularis transiit ad ecclesiam secularem: ergo. Quinto, quod officium canonici regularis, quod est contemplandi & manendi in solitudine, est melius, quia pertinet ad vitam contemplatinam, quam officium rectoris, quod pertinet ad actiuam: & illud difficilius esse, & maioris meriti, si bene exerceatur, probat S. Thomas ubi supra, qui ad illud Chrysostomi in dialog. lib. 6. de sacerdotibus inter princip. & med. Si quis mihi proponeret optionem ubi mallem placere, in officio sacerdotali, an in solitudine monachorum; sine comparatione eligerem quod prius dixi. & in eodem lib. dicit, Si quis bene administrato sacerdotio illius propositi scilicet monachalis, sudores conferat, tantum inter eos distare reperiet, quantum inter priuatum distat & Regem: ad primū argumentū obiectum respondens in vers. ad primum, ait illud intelligendum esse de difficultate, & non de bonitate, & ideo transferri posse de statu rectoris ad statum monasticum, quāto magis canonicum, qui implicite continet clericalem, & consequenter potio-
riorem monachali. Sexto, quod rector trans-

iens

iens ad monachismum tenetur in eo perseverare, & non potest redire ad ecclesiam, de qua transiit, dict. cap. dux. & constat statum canonicalem esse potius monachali; quia hic non requirit clericatum, nec ordinem, cap. sic viue. & cap. legi. 16. quæst. 1. ille vero sic; quia regula canonicorum regularium, quæ est Augustini, vocatur regula clericorum, ut eius titulus, qui est, *regula clericorum*, monstrat. Septimo, quod S. Thom. ubi supra conferens rectorem monacho, ait, rectorem præcellere monacho primo statu; quia regularis, quem habet monachus, superat secularem, quem habet rector: officio item; quia contemplatio, quam respicit eius status, superat actionem, quam respicit status rectoris, cum sit receptum vitam contemplatiuam meliorem esse actiua, per illud Lucæ 10. *Optimam partem elegit sibi Maria*. ut resoluit S. Thom. 2. 2. quæst. 188. art. 1. At qui tenetur ad duo, si non potest præstare vtrumque, debet præstare maius, si potest, dicta l. contra pupillum. §. is qui ad maius tribunal. ff. de re iudic. & cap. cum parata. de appellat.

8 His tamen non obstantibus contrarium respondendum videtur. Primo quidem, quod omnis canonicus regularis & monachus accipiens aliquod beneficium canonicè requirens residentiam, tenetur in eo residere, cap. 1. 18. quæst. 1. & cap. cum olim. 2. de priuileg. quæ loquuntur de assumptis ad episcopatus, & cap. ne pro cuiuslibet. 16. quæst. 1. & cap. si quis iam translatus. 21. quæst. 2. quæ loquuntur de assumptis ad ecclesias parochiales, & clem. ne in agro. §. sanc. il 2. de statu monach. quæ loquitur de assumpto ad quemlibet prioratum etiam ruralem, & ad quamlibet administrationem etiam manualement, ubi expresse statuitur, ne monachis ha-

9 bentibus beneficium permittatur manere in monasterio. Secundo, quod omnes, qui habent iuste ecclesiam parochialem, tenentur in ea residere, non facta differentia inter secularem & regularem, cap. quia nonnulli. & cap. quia relatum. de cler. non residen. At consulens iuste retinet suam: ergo, &c. Tertio, quod regularis institutus perpetuo ad ecclesiam parochialem subiectam Episcopo adeo tenetur perpetuo residere in illa, quod non tenetur obedire prælato priori, sed solum Episcopo, per gloss. sing. recep. in d. clem. ne in agro. §. ad hæc. verb. ad claustrum.

10 Ad allegata in oppositum respondetur. Ad primum quidem, quod illud dictum, scilicet, quod omne votum licitum obligat, intelligitur nisi iuste relaxetur, per cap. 1. & cap. scriptura. de vot. & sic regulari, qui iuste habet parochialem per iura communia prædicta, soluitur votum residendi in ecclesia regulari. Nec obstat, quod consulens non est adeptus suam ecclesiam post professionem. Tum quia satis est, quod eam obtineat canonicè & iuste per dispensationem Apostolicam: obligatio enim residendi non nascitur ex eo, quod ante vel post fuerit eam adeptus; sed quia illam de præsentī canonicè habet, per prædicta iura. Ad secundum concedimus statum regularem esse potius statu rectoris, quatenus est rector, & consequenter non posse canonicum regularem mutare statum regularem: sed negamus quod canonicus regularis, retento suo statu regulari, non possit obtinere noue parochia-

lem,

- lem, vël retinere obtentam cum legitima dispensatione, iuxta dict. cap. 12 ne pro cuiuslibet. & cap. si quis iam translatus. Ad tertium concedimus minora maioribus debere cedere, & non esse postponenda maiora minoribus; sed negamus consulentem relinquere suum statum regularem propter suam parochialem, nec propter residentiam in ea; quia eam retinet, & in ea residet non relicto statu suo regulari, per quē manet obligatus ad castitatem, paupertatem, & obedientiam, licet hanc non debeat prælato regulari, dum residet in parochiali seculari, sed Episcopo illius superiori. Ad quartum concedimus, rectorē posse transire ad statum regularem; & quod trāseundo ad illum, perdit ecclesiam, & tenetur residere in ecclesia regulari, in qua proficitur; nisi per dispensationem legitimam retineat suam ecclesiam, vt consulens retinet: eo quod secūdum naturam est, eius sentire onus, cuius consequitur emolumentum, l. secundum naturam. ff. de reg. iur. & reg. qui sentit. lib. 6. & sic tenetur subire onus in ea residendi inhærens illi per iura supradicta. Ad quintum cōcedimus vitam contemplatiuam esse meliorem actiua, & officium contemplandi esse melius ex se quam regendi animas aliorum: sed negamus quod regularis per transitum ad curam parochialem perdat vitam contemplatiuam vel officium contemplandi; quia etiam transiens ad episcopatum non perdit illam, neque absoluitur ab obligatione contemplandi, iuxta illud Greg. in Pastoral. relatum à sancto Thom. 2. 2. q. 182. art. 1. ad 1. ibi: *Sit rector actione præcipuus, præ cunctis in contemplatione suspensus: quia ad ipsos pertinet non solum propter seipsum, sed propter instructionem aliorum contemplari.* vnde Greg. dicit super Ezech. homil. 5. *quod de perfectis viris post contemplationem suam redeuntibus dicit psal. 144. Memoriam suauitatis tue eructabunt.* Ad sextum respondetur eo modo quo ad quartum. Ad septimum concedimus, vt supra, regularem, quatenus est talis, superare rectorem, quatenus est talis, statu & etiam officio; & consequenter quod non potest relinquere illum ob ecclesiam obtinendam vel retinendam: sed negamus, quod retento suo statu & officio, non possit cum iusta dispensatione obtinere & retinere eam, & facere in administranda ea quæcumque id requirit, vt prædictum est.
- 14 Itaque consulens sancte potest retinere illā, & in ea residere, nec potest cōpelli ad residēdū in ecclesia regulari; immo stricto iure posset ab ea omnino expelli, si defuerit dispēsatō, p quā defendi posset ab eiusmodi expulsionē. Ad qd, qā in casu pposito minime dubitatur, nō respōdemus. Salua.

S V M M A R I V M.

- 1 Absit etsi frequenter canonicus ab horis tertiæ, sextæ, & alijs minoribus, quæ in cathedrali recitantur, vt seruiat parochiali, quam cum dispensatione simul retinet, si non percipit distributiones pro illis horis, non committit magnum defectum, cum: & canonico, & curato liceat per duos menses abesse: nec ob id censetur subreptitijs, licet narrauerit Papæ, se vtiq; commode posse deseruire. num. 3.
- 2 Verba dispensationis sunt ciuilitè, & non amare seu morose interpretanda, nec leuis subreptio vitia. num. 3.

CON-

CONSILIVM XX.

QUIDAM habet ecclesiam parochialem, & canonicatum in ecclesia cathedrali eiusdem ciuitatis, eo quod ecclesia parochialis non sufficiebat ei sustentando.

Queritur primo, an sine dispensatione possit vtrūque beneficiū retinere.

Secundo, an dispensatio obtenta cū expressione quod poterat vtrique commode seruire, censeatur subreptitia, si non potest seruire, nisi frequenter deficiens obsequio ecclesiæ cathedralis.

A D PRIMAM QVÆSTIONEM respondeo primo, eam satis obscure propositam esse, cum non possit certo ex ea colligi quibus verbis petita fuit à Papa dispensatio, nec quibus cōcessa, nec declaratio Illustrissimorum videatur satis clare resoluta.

1. Secundo, quod attento quod D. consulens resedit & residet in vtraque ecclesia, & quod admodum seruit ecclesiæ parochiali; & defectus, qui videri possunt fieri, fiant circa obsequium ecclesiæ cathedralis; & quod nihil accipit pro hora cui non interest, & quod potest in quolibet anno deesse seruitio tēporis duorum mensium etiam ecclesiæ parochialis iuxta cap. 1. de reform. sess. 23. & quod habens beneficium in cathedrali vel collegiali, cui curam animarū etiam extra diœcesim est annexa, habetur pro seruiente in cathedrali, modo seruiat curæ animarum sibi annexæ, cap. 3. de reform. sess. 22. & quod deesse tertix, sextæ, vel alijs horis minoribus non est magnus defectus, si nihil percipiatur pro illis horis, nec desinit ob id residere, quamuis non intersit illis; & quod verba etiam dispensationis ciuilitè & non morose sunt accipienda; pensata item D. consulentis deuotione continuata, exemploque bono irradiante: his inquam attentis, & declaratione Illustrissimorum, videtur D. consulens sufficienter seruasse præfatæ parochiali & præfato canonicatui.

3. **A D SECUNDAM** respondeo, nullam fuisse subreptionem, quæ inficeret bonitatem seruitij consulentis; & si qua interfuisset, eam fuisse leuē & sublatam Illustrissimorum DD. benigna responsione, attentis eis quæ ad determinandam primam quæstionem attulimus, & ob aliquot alia, quæ non vacat, nec fert valetudo scribere.

S V M M A R I V M.

1. Parochiali in ecclesia residere; & curam animarum per se exercere nedum illi humano, sed & diuino tenetur illam obtinens; estque alijs incompatibilis; & hoc, etiam si ipsi concedatur vt illi possit per vicarium temporalem seu capellanū amonibilem deservire, num. 2. secus si adesset vicarius perpetuus, num. 3. vel cogeretur eidem per vicariū seu capellanum etiam amonibilem deservire: quia tunc solū haberet curā habitu, sed nō actū, nn. 5. & 7. & sic à residentia excusaretur. nu. 8.
2. Curatum habens beneficium tenetur residere; & per se curam exercere, nisi priuilegio vel immemoriali consuetudine inductum sit vt per alterum seruire et necesseario teneatur. num. 4. 6. & 7.
3. Consuetudine induci potest, quicquid & lege seu priuilegio concedi.

CON-

ECCLESIAE parochiali à tēpore immemoriali fuit solitum deferui-
ri non per rectorem, quem pro tēpore habuit etiam in minoribus con-
stitutum, sed per vicarium siue capellānum ab ipso rectore ad nutū amo-
uibilem deputatū. Queritur, an modernus rector, qui presbyter est, tenea-
tur per seipsum curam exercere, vel possit prædicta consuetudine uti.

- Quæstio hæc magna est, noua, & digna quam Congregatio Illustrissima
dubijs Concil. Trid. declarandis deputata determinet: quia videtur tan-
gere declarationem Concil. Trid. cap. 16. de reform. sess. 25. & cap. 18. de
reform. sess. 24. Cuius censura grauissima salua, dico quod pro parte affir-
1 mante, q̄ rector teneatur residere in præfata parochia, facit primo, quod
rector ecclesiæ parochialis non solum iure humano, sed etiam diuino te-
netur pascere oues suas doctrina & sacramentis, cap. 1. de reform. sess. 23.
2 Concil. Trid. Secundo, quod facultas exercendi curam per vicarios tem-
porales non facit quod beneficium non dicatur esse curatum & incompati-
bile, per extrauag. execrabilis. §. quantum. Ioannis XXII. & in casu pro-
posito cura exercetur per vicarium temporalem, immo per capellānum
ad nutum amouibilem, qui videtur minus exonerare rectorem, quam vi-
3 carius. Tertio, quod solus vicarius perpetuus videtur absoluerē rectorem
ab exercitio curæ, arg. cap. extirpanda. §. qui vero. de præb. & arg. præfati
§. quantum. & cap. 6. de reform. sess. 25. Conc. Trid. Quarto facit, quod in
casu proposito rector ecclesiæ præfata est sacerdos, & potest per seipsum
curam animarum exercere. Et ita licet, quando per consuetudinem præ-
fatam rector solum esset in minoribus ordinibus constitutus, non posset
exercere curam animarū per semetipsum; tamen cum præsens rector sit
sacerdos, poterit per semetipsum exercere: & ita tenebitur residere; eo
quod causa, quare cum est minoribus tantum in tiatus non exercet, nec
tenetur exercere, videtur esse quod nō sit sacerdos: & causa cessante, debet
cessare effectus. cap. cū cessante. de appell. l. adigere. §. quāuis. de iure patr.
4 Pro parte autem negante facit primo, quod cōsuetudo potest inducere
id quod lege valet induci, l. de quibus. ff. de ll. limitando ius gentiū, & præ-
ceptum Decalogi de nō capiēdo alienū contra voluntatem domini, dati
Exod. 20. per l. venditor. §. si constat. com. præd. Secundo, quod consuetudo
temporis immemoralis æquipollet priuilegio: & quicquid priuilegio in-
duci potest, potest & cōsuetudine, l. hoc iure. §. dūctus aque. ff. de aqua quo-
tid. & æst. & cap. super quibusdam. §. præterea. de verb. sign. At priuilegio
Papæ induci potest vt aliquis rector ecclesiæ parochialis nō teneatur ex-
ercere curam per semetipsum, sed tantum per alium: immo iam statuit vt
5 id fiat per vicarios perpetuos. Agimus autem de rectore, qui tenetur po-
nere capellānum, qui exerceat curam, & consequenter de rectore qui ha-
bet curam in habitu, & non in actu.
- 6 Ad primum respondeo, quod prædictus rector pascit doctrina & sacra-
mentis per vicariū: & quāuis iure cōmuni teneretur per seipsum pascere,
tamen ex priuilegio immemoralis cōsuetudinis, sufficit vt per aliū pascat.

Ad se-

Ad secundum respondeo, verum quidem esse, hoc esse beneficium curatum; tamen propter immemorialē consuetudinem liberatur rector à residentia, si per vicarium præstet omnia quæ per ipsum præstanda erant.

7 Ad tertium concedi potest, quod solo iure communi attento, per solum vicarium perpetuum tollitur à rectore animarum cura actualis; negando quod privilegio & consuetudine illi æquipollente non possit tolli per vicarium temporalem necessario ponendum: quod in casu proposito cōtingit.

Ad quartum negandum est, quod causa, ob quam rector lenatur onere exercendi actu curam, sit quod ille consuevit esse constitutus in minoribus tantum; sed potius quod consuetudo immemorialis obligat eum ad ponendum capellanum, saltem ad nutum amouibilem, qui eam exerceat.

8 Quare, salua Illustrissimæ Congregationis præfatæ censura, resolvendum videtur, quod prædictus rector non tenetur exercere curam in prædicta parochia, nec consequenter residere, si nolit; sed tantum tenetur ponere capellanum, qui eam exerceat, ita quod curam habeat ipse in habitu tantum, & capellanus in actu, ut videtur habere secundum tenorem antiquæ bullæ sacre Pœnitentiariæ.

S V M M A R I V M.

- 1 Pœna apposta ipso iure facta negativo, puta non residenti, non incurritur, nisi præcedat monitio; sufficit tamen præfixio diei, immo & coram Deo sufficit vera mora seu negligentia, num. 7. & hoc, modo illa, quando de nullius agitur præiudicio, sit peccatum mortale. num. 12.
- 2 Taciti & expressi par est virtus, nisi agatur de actu qualificato, ut de licentia scripta, quia tunc non sufficit tacita licentia: subestque diversa ratio. num. 8.
- 3 Dispensare valens, eo ipso quod facit actum qui aliàs non subsisteret, censetur dispensare: fallit in inferiore agente aliquid contra legem superioris, quia requiritur quod expresse dispenset, vel saltem secundum Butrium, quod præmiserit sufficientem causam cognitionem. num. 9.
- 4 Aequitas præferenda est rigori: fallit in aequitate non scripta, quia ei præfertur rigor scriptus. Itē & rigor scriptus in specie præfertur aequitati scriptæ in genere. n. 11.
- 5 Qualificatus actus cum requiritur, puta licentia scripta, non sufficit actus simplex sine illa.
- 6 Facultas concessa cum aliqua restrictione, forma, seu qualitate ei cui antea non competeat, si exerceatur dicta forma & qualitate non servata, nihil fit.
- 7 Culpa quando non est mortalis, nec agitur de interesse tertij, videtur exensari posse coram Deo à pœna culpæ absolute annexæ.

C O N S I L I V M X X I I.

PRÆSVPPPOSITA constitutione, quod fructus beneficiariorum residentium, & morientium in suis ecclesijs successori debeantur; non residentium vero sine legitima licentia, & morientium extra suas ecclesias debeantur Camera Apostolicæ: & quod quidam Episcopus graviter ægrotando sine tali licentia ad Metropolitanum se contulit, in cuius domo post quatuor menses vita functus est: Queritur, an collector Apostolicus,

stolicus, an successor fructus dicti Episcopi habere debeat.

1. Quod collector Pontificius non debeat habere omnes fructus, qui superfuerunt prædicto Episcopo, facit primo theoria illa Innocentij in cap. extirpandz. §. qui vero. de præben. scilicet, quod pœna posita pro facto negatiuo, quale est non residendi, non incurritur, nisi præcedente monitione; & quod prædictus Episcopus non fuit monitus, vt resideret intra
2. illos septem vel octo menses. Secundo, quod par virtus est taciti & expressi, l. cum quid. ff. de rebus cred. in cuius 2. lect. id multis confirmat Iason, & cap. 2. de rescript. & quo ad propositum confirmari potest dicto sancti Thomæ 2. 2. quæst. 32. cui concordat vterque Card. in cap. non dicatis. 12. quæst. 1. quod regularis potest tenere vel dare aliquid de rebus monasterij in eleemosynam, vel aliam causam de licentia tacita superioris, sicut de expressa: & prædictus Episcopus videbatur abesse ab episcopatu de licentia saltem tacita Metropolitani, cum apud eum diuersaretur causa ægritudinis, & ab eo officiose tractaretur: ita quod sit verissimile eum sibi concessurum fuisse licentiam, si petiisset. Tertio, quod qui facit aliquem actum contrarium iuri, circa quod potest dispensare, videtur dispensare, etiamsi non dicat se id facere, l. idem Vlpianus. ff. de excus. tur. & l. quidam consulebant. ff. de re iudic. At prædictus Archiepiscopus poterat per licentiam suam facere licitum actum Episcopi manendi in sua domo, & tenuit eum in ea: ergo videtur ei dedisse licentiam in ea
4. manendi. Quarto, quod æquitas præferenda est rigori, l. placuit. C. de iudic. cap. fin. de transact. At æquitas suadet, vt qui iusta de causa facit aliquid sine facultate scripta, excusetur, ac si faceret de facultate scripta, cum iustitia rei non pendeat ex scriptura, sed ex causa, arg. cap. Marchion. 1. quæst. 1. & cap. fin. de reg. iur. lib. 6.
5. Pro contraria tamen parte facit primo, quod actus factus sine scriptura, in quo lege vel conuentione partium illa debet interuenire, est nullus per l. cōtractus. C. de fide instrum. & l. 1. C. de iur. emphit. & per multa adducta à glo. magn. in cap. 1. de cens. lib. 6. & Cōc. Trid. in cap. 1. de refor. sess. 23. requirit vt prædicta licentia detur in scriptis: ergo aliter data nō valet.
6. Secundo, quod intentio Concilij fuit, vt ideo interueniret scriptura, quo maiore cum iudicio & pensculatius daretur ei licentia; & certum est cum maiore animi deliberatione dari per scripturam, arg. cap. fin. de re iudic. lib. 6. quod ideo statuitur, vt sententiæ de scripti recitatione proferantur: & ita fieri potest quod prædictus Archiepiscopus non dedisset forte prædictam licentiam in scriptis, considerando forsan, quod ægritudo illa æque poterat curari in ciuitate episcopali, vel aliqua alia illius diœcesis, ac in metropolitana: & ita non est eadem ratio de licentia scripta & non scripta.
7. Tertio, quod non obstat primum in oppositum citatum. Tum quia ipsemet Innoc. ait illud non procedere quando præfigitur terminus facto negatiuo, vt in casu proposito, allegando ad id l. magnam. C. de contract. & comm. stip. quo aptior tex. est in cap. licet canon. de elect. lib. 6. per quem præfigitur terminus vnius anni accipiendi ecclesiam parochialem

lem ad se promouendum ad sacerdotium, cum pœna perdendi eam ipso iure, si non fiat intra illum sacerdos, & sic pro facto negatiuo; quæ tamen sine vlla præmonitione incurritur. Tum quia Panorm. in repet. d. 5. qui vero. latissime à nu. 19. vsque ad num. 27. probat, illud dictum Innoc. etiam cum non apponitur terminus, non esse verum quo ad Deum, & in foro interiori, sed solum quo ad præsumptionem & forum exterius.

8 Quarto, quod non obstat 2. oppositum: quia in casu nostro non agitur de expresso & tacito simpliciter, sed de expresso per scripturam, & tacito, quæ longe differunt per prædicta, per quæ probatur aliam rationem militare in expressione per scripturam, quam in tacita, & quam in expressa verbo.

9 Quinto, quod non obstat tertium: quia illud verum est in Principe, vel Monarcha non recognoscere superiorem, secus in inferiore, vt eleganter declarat Panor. in cap. diuersis fallacijs. de cler. coniug. conciliando duo dicta Innoc. quorum alterum posuit in cap. veniens. de fil. presb. & alterum in dicto cap. diuersis. adiecta illa ratione diuersitatis, quod inferior non potest dispensare contra legem superioris, nisi causa cognita, etiam in casibus in quibus ei conceditur dispensandi facultas, iuxta gloss. solemn. in cap. requiritis. §. nisi rigor. 1. q. 7. etiam si sit Legatus à latere, vt singulariter dixit Innoc. in cap. dudum. 2. de elect. quem magnificauit Felin. in cap. quæ in ecclesiarum. nu. 31. de constit. Princeps autem & Monarcha sine vlla causæ cognitione potest suæ legi derogare, iuxta prædictas aliqui- dam consulebant. & idem Vlpianus. cap. proposuit. de concess. præben. Cum ergo Archiepiscopus esset inferior Papa, & Concilio; licet haberet facultatem dispensandi, & faciendi licentiam, non tamen videtur fecisse, cum non dixerit se facere, nec ad faciendum causæ cognitionem præmiserit, quod sufficere dixit Anton. in d. cap. veniens. Et quamuis replicari possit contra hoc, quod satis cognouit de causâ, cum adeo ægrotum tenuerit in sua domo, quod in ea vitam finiuit; triplicari tamen potest, quod licet cognosceret ægritudinem, tamen potuit ignorare an æque potuisset curari in sua ciuitate, vel diœcesi, ac in metropolitana: & præterea, quod in hoc casu non sufficiebat velle dispensare, & dicere se dispensare, & dare licentiam, sed oportebat eum dare illam in scriptis: & quando datur alicui facultas, quam antea non habebat, cum aliqua qualitate & forma, non valet actus ab eo factus virtute illius potestatis sine illa qualitate & forma, iuxta gloss. sing. & recep. clem. 1. de iure patr. verb. inhibentes. quam putarunt singularem ibi Card. & Panor. in cap. ad dissoluendum. de despons. impub. & cap. ex parte. de constit. vbi Fel. col. 4. & Ias. in l. vniuersa. C. de precibus Imper. offer. & alij alibi; & videtur quod prædictus Archiepiscopus non habebat potestatem dandi talem licentiam ante Concil. & illud dedit illi eam cum modificatione, vt in scriptis faceret: & ita etiam si expresse fecisset verbo, non potuit illa valere, neque prodesse.

11 Sexto, non obstat etiam quartum: quia quando æquitas non est scripta, & rigor sic, ille est præferendus, l. prospexit. ff. qui & à quibus. Quando item æquitas est scripta in genere, rigor autem in specie, rigor præfertur æquitati, secundum resolutionem communem in d. l. placuit. quam ponit

Iason ibi. num. 3. & in nostro casu rigor est scriptus in specie, & æquitas nullatenus, vel in genere tantum. Per hæc arbitror iudicem inferiorem teneri ad iudicandum secundum hanc partem posteriorem; sed quod forte supremus Monarcha, si palā esset prædicto Episcopo fuisse iustam causam manendi in ciuitate metropol. illis quatuor mensibus postremis, & ipse bona fide manserit in ea, & domo archiepiscopali, putans id sibi licere, vt credendum est, quod adeo grauiter ægrotauerit, iudicaret pro Episcopo, vel eius successore, quisquis esset, siue fiscus, siue alius, attenta rei æquitate, & attenta l. 1. C. de legibus. cum citatis in ea: & quod in foro conscientiar, & coram Deo negligentia illa nulli perniciofa videri possit nec peruenisse ad culpam mortiferam. Salua, &c.

DE PRÆBENDIS ET DIGNITATIBVS.

S V M M A R I V M.

- 1 Beneficio oblato, potest laicus, etiam citra animum accipiendi sacros ordines, velle statum clericalem & dictum beneficium acceptare, vt ex illius fructibus honeste viuat, animo dum illud tenet, subeundi onera illi annexa; & eueniente casu necessitatis, ordines maiores accipiendi, illos accipere, vel (prout potest) beneficium dimittere: debet tamen dictum statum & beneficium accipere principaliter propter Deum.

CONSILIUM I.

QUIDAM clericus habens simplex beneficium vult illud resignare, reseruata sibi honesta pensione, cuidam adolescenti pauperi non infimæ familiæ, qui cum non sit maior quindecim vel sexdecim annis, numquā cogitauit fieri, vel non fieri clericus; sed hac sibi occasione oblata, clericali tonsura insigniri, & beneficium huiusmodi ratione studij sibi resignari desiderat, cum proposito oneribus eidem beneficio annexis satisfaciendi; ad vltiores tamen ordines promoueri in præsentia non statuit. Quæritur, vtrum hoc tuta conscientia fieri possit.

Respondeo primo, quod pro parte negante faciunt tria. Primum est, quod dominus consulens est laicus: & laicus est indignus beneficio ecclesiastico, cap. ex literis. de transact. & cap. cum adeo. de rescrip. Secundum, quod non licet laico desiderare clericatum, vt per eum consequatur redditus ecclesiasticos: quoniam desiderat rem spiritualem, quæ est quiddam maius & dignius ad rem temporariam, quæ est quiddam minus, & minus dignum, & ita peruertit ordinem rectum, quo minora & minus digna debent referri ad maiora & digniora, & non contra maiora ad minora, cap. illud. & cap. solitæ. de maior. & obe. & tradit in specie Caie. in 2. 2. q. 163. art. 1. Tertium, quod obtenturo licite beneficium debet inesse animus suscipiendi ordines, etiam sacros, iubente superiore, vt colligitur ex disputatione ipsiusmet Gratiani in 74. dist. præsertim in 5. verum. vt ex gloss. solemnī summæ eiusdem dist. colligitur.

- 1 Secundo, quod his non obstantibus pars affirmans est vera, & tenendum

tum per id quod nos præ omnibus alijs nuper scripsimus in Miscel. 30. de orat. Tum quod licet laicus non possit licite desiderare beneficia pro tempore quo est laicus & indignus eis; potest tamen licite desiderare illa pro tempore quo erit clericus: & D. consulens non vult habere beneficiū præfatum pro tempore quo est laicus, sed pro tempore quo erit clericus, per quod soluitur primū oppositum. Tum per id, quod ibidem subiicimus, scilicet licere laico mutare statum suum laicum in clericalem principaliter propter Deum, & minus principaliter ad consequendos redditus, quibus sustentetur ad Christiane viuendum; per quod soluitur secundum oppositum. Tum quod obtenturo licite beneficiū non est necesse habere absolutā volūtatem percipiendi sacros ordines, etiam extante necessitate, vel utilitate ecclesiæ, sed sufficit habere voluntatē absolutā subeundi omnia onera beneficio de præcepto incumbencia, tēpore quo illud tenuerit, & disiunctiuam assumendi ordines sacros, cum iussus fuerit id facere, necessitate vel utilitate ecclesiæ imminente, vel relinquere beneficium. Salua, &c.

S V M M A R I V M.

- 1 Idoneus reputatus ad clericatum assumendum, non ideo reputatur idoneus ad beneficia obinenda.

C O N S I L I V M II.

- A**N PRAE-CEDENTE examine, clericatus caractere insignitus, prouisus de simplici beneficio, teneatur examini iterum se subiicere?
- 1 Respondeo quod sic: quia plura requiruntur ad hoc vt quis sit dignus beneficio, quam ad hoc vt quis sit dignus clericatu, vt nos probamus in Miscel. de orat. num. 109. & Miscel. 43. num. 3. in nouis.

S V M M A R I V M.

- 1 Beneficia omnia secularia censenda, nisi ex fundationibus vel quadraginta annorum præscriptione probentur regularia.
- 2 Datarius Papæ non est iudex impetrantium beneficia, etsi ante collationem ad vitandas lites summarie de petentium se informat qualitatibus.
- 3 Consuetudo Gallicana ius coloratus habenti possessionem adiudicat.
- 3 Prioratus multæ saculares ecclesiæ appellantur.

C O N S I L I V M III.

- E**CCLÉSIA N. prioratus vulgo nūcupata collata fuit tamquam regularis in titulum cuidam regulari: cuius possessione adepta, fuit per B. secularem sub prætextu, quod secularia secularibus conferri deberent, petita, eo quod prædicta ecclesia semper habita fuit pro seculari, & pro tali possessa fuit. Quæritur quæ sint partes Reuerendiss. Datarij in hoc casu.
- Respondetur primo, quod præsuppositis pro veris quæ supra narrantur, proculdubio censendum est præfatam ecclesiam debitam esse præfato B. consulenti. Tum per narrata in argumento & casu. Tum quia omne beneficium est censendum seculare, nisi ex aduerso probetur esse
- Ff 2 regulare,

regulare, eo quod in erectione illius statutum fuerit ut sit regulare, & seruiatur ei per regulares, vel per 40. annos continuos fuerit possessum à regularibus tamquam regulare, secundum omnes, in quibus est Philipp. Fran. in cap. cum de beneficio. sub finem, de præbendis lib. 6. & irrefragabilibus rationibus probari potest quod solum fundamentum sufficit B. consulenti, etiam si nihil penitus probaret; attento quod aduersarius non probat ullam erectionem, & foundationem eius, per quam cõstet præfatam ecclesiam fuisse pro regularibus institutam, neque per regulares & religiosos administratam per 40. annos, immo neque per ullos. Tum quia iure communi, eodemque antiquissimo, & sanctissimo, omnia beneficia deberent conferri in tit. sæcularia sæcularibus, & regularia regularibus, ut palam est: & non deberent desiderari, neque quæri modi, quibus tanta iuris maiestas inuerteretur sine grandi causa; quia hæc inuersio fuit magna pars hæresum ætatis nostræ, ut grauissimi auctores testantur: nec puto ullum huic nostro dicto contradicturum.

- Secundo respondetur, quod dubium ex hoc argumento resultans non est id quod quæritur, sed an præfato consulenti Reuerendissimus Datarius teneatur conferre præfatam ecclesiam, iuxta decretum Triden. & constitutionem Pij V. contradicente aduersario, cui iam collata est præfata ecclesia à S. D. N. Ad quod respondetur primo, quod sua Reuerendissima D. non est iudex competens ad declarandum ad quem illorum pertineat illa, nec etiam ad dandum literas exécutoriales sine commissione speciali S. D. N. & sine allegationibus & probationibus legitimis, ut palam est. Secundo, quod sacros. Sedes Apost. tota ætate nostra vsque ad proxima tempora solita fuit conferre beneficia omnibus petentibus ea, & asserentibus vacare, & nec Datarius nec Papa se immiscebat litibus impetrantiũ, sed remittebantur ad iudices ordinarios vel commissarios, qui dirimeret eas lites; idque fiebat iure cõmuni obseruato, nullo canone contradicente; & ita secũdum ius commune non possent B. consulenti negari titulus & literę Aposto. quibus ius suum assequeretur & tueretur corã iudicibus cõpetentibus. Tertio, quod pie certe, ac cum magna vtilitate Reipublicæ à paucis annis cœpit induci, ne passim conferreretur beneficia omnibus petentibus à S. Sede Apost. ut euitarentur innumerabiles lites, quæ ex eo nascebantur: sed re mature considerata, non quidem ad declarandũ ius esse huic vel illi, sed ad informandum se summarie de causa, ob quam conueniret conferre illa petentibus, qui certe stylus est vtilissimus, & erit, saltem dum talis Papa, & talis Datarius, quales nunc sunt, rexerint. secundum quem stylum arbitror etiam, salua saniore sententia, Reuerendiss. Datarium debere concedere præfato B. consulenti quod petit, per allegata in informatione illius, & in informatione eruditissimi Biscia, & etiam in principio huius nostræ, & per illam totius Ecclesiæ Gallicanæ consuetudinem, per quam adiudicatur possessio in primo capite possessorij habenti primo aspectu ius coloratiũ, quia tale videtur habere præfatus B. consulens, cum aduersarius nihil pro se videatur probare; nisi forte quod ecclesia appellatur prioratus, quo nomine plures ecclesias seculares appellari

appellari non solum in Catalonia, vt testatur in suis literis Reuerendissimus, idemque eruditissimus Antonius Augustinus Archiepiscopus Tarraconen. sed etiam in regno Nauarræ, Castellæ, & Lusitaniz, palam & notorium est.

SUMMARIVM.

1. *Edicto vt vocentur concurrere volentes in collatione parochialis, vt præcipit sacrum Concilium, nisi in locis in quibus synodus prouincialis id postea statuit, non cogitur Episcopus.*

CONSILIUM IV.

QVÆRITVR, an vacante parochiali ecclesia teneatur Episcopus per decretum Concilij Trid. proponere edictum publicum.

1. Respondeo, quod non cogitur Episcopus, licet multum deceat, proponere edictum publicum, per prædictum Concilium: quia id non præcipitur in illo, nisi per synodum prouincialem fuerit id post illud statutum, vt in plerisque locis est factum; sed tenetur nominare plures, nec potest impedire ne alius vel alij possint nominare intra decem dies examinandos, quos tenebitur examinare per se, vel vicarium suum, & alios examinatores, vt palam ex præfato cap. 18. sess. 24. de reform. Conc. Trid. colligitur.

SUMMARIVM.

1. *Beneficium ecclesiasticum non est illud, quod sine Episcopi auctoritate reperitur institutum, seu quod à sola potestate laica sine iudicis ecclesiastici interuentu potest auferri.*
 2. *Sacerdotium tenetur assumere is, cui ob defectum sacerdotis data fuit capellania sacerdotalis, etiamsi non sit vere beneficium.*
 3. *Defunctorum voluntatem non commutat Episcopus, sed supremus princeps, modo adsit causa.*

CONSILIUM V.

QUIDAM testator fundauit sine auctoritate vlla ecclesiastica capellaniam: & voluit, vt in ea institueretur ad præsentationem patroni ille, qui ex familia sua reperiretur in sacerdotio, possetque amoueri à dicta capellania ex causa ab eodem patrono. Accidit, quod vacante dicta capellania nullus ex dicta familia inuentus est, qui esset sacerdos. Quæsitum est primo, an possit institui alius ex dicta familia, qui non esset sacerdos. Secundo, an ordinarius possit super hoc dispensare.

1. Ad respondendum quæstionibus propositis, præsuppono primo præfata capellaniam non esse beneficium ecclesiasticum, vt in casu simili antehac respondimus; quia non est erecta auctoritate iurisdictionis ecclesiasticæ, sed solum auctoritate priuata laica testatoris, qui ratione sui patrimonij eam constituit, sine vlla auctoritate ordinaria, vel delegata, iuxta ea quæ notantur in cap. cum dilectus. de iure patron. & quia constituta fuit eo modo, & ea conditione, vt patronus posset capellanum tollere

à præfata capellania ex causa, quæ sibi legitima videretur: quod fieri non poterat, si capellania fuisset beneficium ecclesiasticum; quoniam illud, saltem si est sæculare, non potest auferri, nisi causa per ecclesiasticum iudicem cognita: quia talia sunt perpetua, iuxta cap. inuentum. 16. quæst. 7. cap. satis peruersum. 56. dist.

2 Secundo, præsupposito eo quod prædiximus, respondeo ad primam quæstionem, quod nominatio prædicta, à præfato patrono facta, est valida: quia præsentatus est de parentela fundatoris, & est clericus habens qualitates requisitas ad nominationem per clausulam fundatoris, cum non inueniatur in parentela presbyter, nec alius constitutus in ordine sacro; sed præfatus nominatus peccabit acceptando eam sine proposito efficaci assumendi presbyterium, & residendi eo modo quo iussit testator; quia erit capellanus verus & obligatus ad assumendum presbyterium, cum iam iustam habeat ætatem: & non sufficit ei tantum alius ordo sacer, & obligatur ad residentiam personalem.

3 AD SECUNDAM respondeo, quod ordinarius non habet potestatem mutandi voluntates defunctorum, clem. quia contingit. de relig. domibus. cum ei concordantibus. & per consecutionem non posset ordinarius, etiamsi esset Episcopus, præfata dispensationem facere.

AD TERTIAM, quæ implicite videri potest quæri, scilicet, an Papa possit iuste dispensare super hoc, & an id iuste possit ab eo peti: Respondeo quod non, nisi iusta causa ad id accesserit: quoniam licet Papa, & Princeps non recognoscens superiorem possit voluntates defunctorum sibi subditorum in rebus sibi subditis mutare iusta de causa, per ea quæ late notantur in d. clem. & in cap. quæ in ecclesiis. de const. & in l. 1. ff. de administr. rerum ad ciuitatem pertinent. adiunctis allegatis per eius gloss. & in l. legatam. eod. titulo: id tamen fieri debet iusta de causa: quia morientibus libera est de rebus suis ordinandi facultas, l. 1. C. de sacros. ecclesiis. Salua, &c.

S V M M A R I V M.

- 1 Missam quotidie dicere non tenetur capellanus promissus de capellania instituta cum onere dicendi Missas indefinite.
- 1 Obligatio celebrandi quotidie non inducitur ex eo, quod capellanus putans se sic obligatum, quotidie etiam per viginti annos celebrauerit.
- 2 Missam quotidie dicere ex fundatione capellania obligatus, excusatur, si omni hebdomada ex causa honestatis, vel deuotionis augenda, semel & aliquando bis omitat; cum talis obligatio intelligatur, ut toties celebret, quoties honeste & deuote potest. num. 2.

CONSILIUM VI.

RELIQUIT testator bona redditu 830. solidos annuos pro vna capellania ad dicendas Missas, non expresso numero earum, quas teneretur dicere capellanus: & qui eam accepit, dixit annis viginti quotidie Missam, putans se teneri ad celebrandum quotidie. Estque constitutio synodalis, quæ dictat, cum qui tenet capellaniam non reddentem ultra 500. solidos,

solidos, teneri ad dicendum vnam Missam in hebdomada pro singulo centenariio solidorum. Quæritur an prædictus capellanus teneatur ad celebrandum quotidie, eo quod viginti annis ita celebrauit.

1. Respondeo primo, quod prædictus capellanus non tenetur ad celebrandum quotidie, eo solo quod celebrauit quotidie viginti annis. Tum quia ipse non se intendit obligare ad maius onus, quam sit illud, ad quod cum testator obligauit; & actus agentium non operantur ultra intentionem eorum, l. in agris. ff. de acquir. rerum. dom. cap. fin. de præben. Tum quia possessio 20. annorum non sufficit ad inducendam præscriptionem obligatoriam in rebus ecclesiasticis, cap. de quarta. cum ei adnot. de præscriptio. Tum quia soluens per errorem & ignorantiam repetit solutum, l. 1. ff. de conditione indebiti. Secundo, quod non tenetur ad celebrandum quotidie per solam clausulam testatoris; quia id non expressit. Tertio, quod etiamsi expressisset ut quotidie celebraret, non tamen teneretur id facere, per cap. significatum. cum ei adnot. de præben. Quarto, quod per prædictam constitutionem videtur teneri ad celebrandum, quoties honeste & deuote id facere poterit. Tum quia constitutio habet, aut certe clare significat teneri capellanos ad celebrandum semel in hebdomada pro centenariio centum solidorum redditus capellaniae, & ad celebrandum quinquies in hebdomada, qui habet capellaniam redditus 100. Tum quia licet ipse non teneatur ad dicendum vnam in qualibet hebdomada pro quolibet centenariio solidorum annuorum; cum si ad id teneretur, oporteret eum dicere octo saltem Missas in hebdomada, quod non potest: tenetur tamen dicere quot potest deuote, & honeste, per dictum cap. significatum. & ei adnotata. Quinto, quod potuit ipse tempore præterito excusari, & etiam nunc omittendo vnam, vel interdum alteram Missam in hebdomada; modo id non faciat causa voluptatis, vel curiositatis, vel cupiditatis ludendi alea tempore quo illam dicturus erat, sed causa honestatis, aut augendi deuotionem, vel alia simili, ob notata vbi supra. Salua quæ iustior, &c.

SUMMARIVM.

1. Beneficium ecclesiasticum debet esse & perpetuum & ecclesiastica auctoritate fundatum; nec sufficit quod instituitur ab Episcopo, si de priuatis bonis vbi a priuata persona instituitur.
2. Nominatus ad beneficium sacerdotale ætatis ad suscipiendum presbyterium esse debet, & in proximis temporibus ordinari.

CONSILIUM VII.

DE CAPELLANIA sacerdotali relicta cum iusto salario, & facta facultate hæredi præsentandi, & etiam destituendi quando volet.

1. Ad quæstionem præfatam respondeo primo, hanc capellaniam, quam testator appellat beneficium presbyterale, non esse proprie beneficium ecclesiasticum: quia non est perpetuum, nec auctoritate fundatum ecclesiastica: quia potest tolli sine culpa & causæ cognitione: & beneficium

ecclesiasticum proprie dictum debet esse perpetuum, & auctoritate ecclesiastica fundatum, cap. inuentum. 16. q. 7. & cap. satis peruersum. 56. dist. & nos post Pet. ab Anchar. in cap. 1. de reg. iur. & Fel. in cap. postulasti. de rescrip. profunde tradidimus olim in rub. de præbend. Nec obstat, quod testator, qui fundauit eam, erat Episcopus: quia non fundauit episcopali auctoritate, sed priuata, & communi laicorum, qua poterat uti in bonis patrimonialib. vel quasi patrimonialib. vt post alios tradimus in tract. de redditib. ecclesiasticis. q. 1. monit. 19. num. 1. & probatur in cap. quia nos: de testam. & 12. q. 3. cap. 1. & 2. & quæst. 5. cap. fixum.

2. Secundo, quod capellanus nominatus à patrono debet esse ætatis legitimæ ad presbyteratum suscipiendum, & quod suscipiat illud in proximis statutis à iure temporibus: & non oportet quod sit actu presbyter, cap. ei cui. de præben. lib. 6. & in cap. 1. de inst. eod. lib. quæ recepta sententia est in prædictis capp. Salua, &c.

S V M M A R I V M.

1. Beneficiorum sacerdotalium, si actu requirant sacerdotium, non sacerdoti facta collatio, nulla est; adeo vt possit declarari illa vacare, & condemnari collatarius ad restitutionem fructuum, ac etiam distributionum. num. 3. alias sufficit quod collatarius habeat legitimam ætatem pro eo suscipiendo, num. 1. & 3. potest tamen cogi ad illud suscipiendum etiam per priuationem. num. 4.
2. Dignitates in collegiatis & cathedralibus obtinentes, si ordinem illis annexum non assumant, post annum amittunt vocem in Capitulo, & dimidium distributionum, etiam si horis intersint, & officium recitent. num. 3. & 5.
3. Intellectus Concil. Trid. sess. 22. cap. 4. non est vt collatarius actu habeat ordines, & alias qualitates beneficio annexas, sed ætatem, & habilitatem ad hæc habendum.
4. Beneficia non perduntur ipso iure, nisi in casibus à iure requisitis; sed nec quis debet illis priuari, nisi ex magna & iusta causa.

CONSILIVM VIII.

ECCLESIA collegiata B. Nicolai, quæ capella regia est ex fundatione & dotatione Caroli II. habet ex dispositionibus & ordinationibus dicti Caroli centum clericos, non computato Priore, sub cuius regimine dicti clerici persistunt. De quibus centum clericis 42. sunt canonici, ex quibus vnus est thesaurarius, 28. dicuntur clerici mediocres, & 30. clerici infimi. Insuper ex dispositione dicti Caroli ex dictis 42. canonicis thesaurarius, & 16. canonici sunt sacerdotes, diaconi septem cum cantore, & subdiaconi quinque cum succentore. eademque Caroli dispositione Prior in dextro choro superiori stallo sedet, thesaurarius vero in sinistro, & iuxta Priorem in dextro cantor, & iuxta thesaurarium in sinistro succentor. Collationem vero tam prioratus, quam canonicatum, thesaurarij, & cantoris, & succentoris dictus Carolus sibi reseruauit. Defuncto Priore tunc temporis dictæ ecclesiæ collegiatæ, vacauit canonicatus thesaurarij; de quo fuit prouisus à Vicerege quidam Titius, qui dictum canonicatum resignauit in manibus dicti Viceregis, qui illum contulit cuidam

Aemilio

Aemilio, reservata ipsi Titio aliqua pensione: cuius provisionis vigore fuit immissus in possessionem, sede adhuc Prioris vacante. Debet etiam dictus thesaurarius, tam ex forma constitutionis Regis Caroli, quam iuris communis, accedere ad omnes horas canonicas diurnas, & nocturnas. Hodie per modernum R. D. Priorem extitit compertum, quod dictus Aemilius thesaurarius non est sacerdos, nec recitat officium, nec scit illud recitare, nec ordinare, item non accedit ad ecclesiam prædictis horis.

Quæritur, an dictus Aemilius canonicus & thesaurarius prædictus, stantibus præmissis, possit de dicto canonicatu & thesauraria à Reuerendis. Priore priuari, & condemnari ad restitutionem fructuum per ipsum perceptorum. Nam videtur dicendum posse priuare eum, cum licet habeat ætatē, non tamē habeat alias habilitates à dictis constitutas, & à iure requisitas circa scientiam, cap. 4. sess. 22. Concil. Trid. in fin. & per consequens non fecit fructus suos, & ad illorum restitutionem tenetur.

Ad solutionem quæstionis necessaria erat Caroli prædicti constitutionis copia, seu clausulæ obligantis thesaurariū, & quindecim canonicos ad presbyterium: quia illa obligatio potuit poni dupliciter. Primo, quod hi, quibus sunt cōferendi, debeant esse actu presbyteri tempore collationis. Secundo, quod habeant ætatemabilem ad suscipiendum presbyterium, iuxta notata cap. cui de non sacerdotali. & cap. ei cui. de præb. lib. 6. in cuius gloss. 2. nu. 11. & 12. notat hoc Dominicus. Et si primo modo esset annexus ordo, collatio facta prædicto Aemilio non valuisset: si autem secundo, valuisset quidem, sed post annum perderet suffragium, siue vocem in Cap. dandam, & dimidium distributionum quotidianarum per clem. vt ij. quæ 2. responso, de ætate & qualitatibus.

Secundo, quod prædictum cap. 4. Concil. Triden. non videtur obstare proximo dicto, quatenus sub fine innuit, quod collatio dignitatum, personatum, & aliorum beneficiorum ecclesiarum cathedralium, & collegiatarum in posterum faciendæ non valeat, nisi iustam ætatem & alias habilitates ad id requisitas habeant; non inquam obstare videtur; quia non statuit quod debeant habere actu ordines, vel alia, sed debeant habere ætatem, & habilitates ad habendum ea, quod videtur praxis Curie seruare: conferuntur enim in ea pāssim dignitates prædictæ, & alia beneficia ecclesiarum cathedralium, & collegiatarum non habentibus actu ordines, quos ea requirunt, modo habeant ætatem iustam, & alias qualitates requisitas ad hoc vt sint habiles ad eos accipiendos.

Tertio, quod si prædictæ thesaurariæ ordo presbyteratus est annexus primo dictorum modorum, id est, quod is cui conferenda est illa, debeat esse actu presbyter, prædictus dominus Prior potest declarare ipsum nec esse, nec fuisse thesaurarium, immo toto tempore, quo illam tenuit prædictus Aemilius, vacasse, & nunc vacare. Potest etiam condemnare ad restitutionem omnium fructuum, & distributionum quotidianarum ab ipso perceptarum, eo quod sine vlllo titulo canonico eam tenuit, & tenet, contra cap. 1. de reg. iur. lib. 6.

Quarto, quod si prædictæ thesaurariæ ordo presbyterij est annexus secundo

cundo modo prædicto, prædictus dominus Prior potest eum declarare non habere vocem in Capitulo, & perdidisse, ac perdere dimidium distributionum quotidianarum etiam diebus, quibus interest diuinis officijs, & quibus recitauit horas canonicas; & condemnare ipsum ad restituendas eas, per d.clem. vt ij qui. 2. responso.

- 4 Quinto, quod prædictus dominus Prior potest prædictum dominum Aemilium cogere ad addiscendum modum recitandi horas, si nescit, sub pœna priuationis thesaurariæ; quia qui habet beneficium ecclesiasticum, & nescit ea quæ illud requirit, tenetur illud in vtroque foro relinquere, aut discere illa quæ illud requirit ad iustam illius administrationem, iuxta Panor. recept. in cap. venerabilis. de præb. & fundatum per l. idem iuris. ff. ad leg. Aquil. & latius tradita à nobis cap. si quando. de rescript. & cap. inter verba. i. i. quæst. 3.

Sexto, quod si collatio thesaurariæ facta prædicto Aemilio ipso iure valet, licet forte iniusta fuerit, non debet tamen ea priuari, si monitus vult discere modum recitandi horas canonicas, & alia suo necessaria officio, & facere illa, quæ illud requirit; quia beneficia ecclesiastica sunt perpetua, & non perduntur ipso iure, nisi in casibus in iure expressis, argum. gloss. solemn. cap. fin. de iur. patron. & non debent tolli per sententiam iudicis sine graui & iusta causa, cap. inuentum. 16. quæst. 7. & cap. satis peruersum. 56. dist.

- 5 Septimo, quod prædictus dominus Prior potest condemnare prædictum Aemilium ad restitutionem omnium fructuum perceptorum pro tempore, quo non recitauit horas canonicas, per 9. statumimus. sess. 9. Conc. Later. & per extrauag. Pij V. quorum tenorem posuimus in Manu. cap. 25. num. 121. & ad distributionum quotidianarum restitutionem pro tempore, quo non interfuit diuinis, etiam si in eo recitasset horas, per cap. 1. de cler. non resid. lib. 6. & etiam ad restituendum dimidium distributionum perceptarum post annum suæ promotionis, etiam pro tempore, quo interfuit diuinis, & recitauit horas, per clem. 2. responso 2. de æta. & quali. Salus, &c.

S V M M A R I V M.

1. Commenda duplex, perpetua, & temporalis: per primam acquiritur titulus, & fructus, potestasque faciendi quicquid potest titularis, præter excepta in literis commendæ: at per secundam nec acquiruntur fructus, nec ius in beneficio, nec est prelatus, sed procurator cum legitima administratione beneficii.
- 2.
3. Dispensatio ad vnum beneficium obtinendum expirat eo ipso, quod talis obtinuit commendam; si sit perpetua, alias non.

CONSILIVM IX.

AN DISPENSATIO ad vnum beneficium expiret per acceptationem alterius collati in commendam?

1. Respondeo primo, duplicem esse commendam, vel collationem beneficii in

ei; in commendam factam: alteram temporalem, de qua disponit cap. nemo deinceps. de elect. lib. 6. & etiam illa, per quam beneficium litigiosum commendat ordinarius alicui, ut seruiat ei lite pendente, iuxta notata in cap. 2. ut lite pendente. lib. 6. & per quam hodie post Concil. Trid. sess. 24. cap. 18. de reform. commendatur ecclesia parochialis per viam vicariæ, donec illi de rectore provideatur; & per quam Papa solet aliquando beneficium sibi reservatum vacans commendare alicui, donec ipsum alicui conferat, de qua loquitur Domin. in d. cap. nemo deinceps. num. 6.

- 2 Altera est perpetua, per quam Sedes Apostolica confert beneficium in commendam quo ad vitam commendatarij, de qua loquitur cap. illud, & cap. qui plures. & cap. relatio. 21. q. 1. Panor. in cap. querelam. de elect. & alij, quos refert Decius in cap. quoniam Abbas. de offic. deleg. & in cap. edoceri. de rescrip. sub finem, & latius Ludo. Gomez. in reg. de infir. refig. q. 13. & de trien. poss. q. 5. in quibus locis resoluit, quod huiusmodi commendæ perpetuæ, quæ causa ætatis passim fiunt per Sedem Apostolicam, habentur pro titulis legitimis, & commendatarij habentur pro prælatis, & faciunt fructus suos, & possunt facere quidquid possunt titulares, exceptis ijs quæ per literas commendatorias excipiuntur.

Secundo, quod commenda temporalis ad certum tempus facta non dat ius in beneficio, nec commendatarius facit fructus suos, neque est prælatus beneficij, sed procurator, habens tamen legitimam administrationem, ut determinat Domin. ubi supra post DD. de Rota, quem sequitur Ludo. Gomez. in locis supradictis.

- 3 Tertio, quod ex his inferitur respondendum esse quæstioni D. consulenti per distinctionem; scilicet, quod si præfatæ commendæ erant temporales, non fuit per illas extincta dispensatio; si autem perpetuæ, sic, nam prædictus Lud. in prædicta reg. de trien. quæst. 5. pag. 13. ait post Collectaneum, quod cap. 1. de filiis presbyt. lib. 6. habet locum in commenda perpetua Salva, &c.

S U M M A R I U M.

- 1 Beneficia plura personalem residentiam non requirentia, usque ad competentem tantum sustentationem, licite conferri possunt; secus si excedant, possuntque cogi beneficiarij ut superflua resignent.
- 2 Intellectus Concilij Tridentini sess. 24. cap. 17. de reformat.

C O N S I L I U M X.

QVAERITVR, an quis possit habere plura beneficia non requirentia residentiam personalem.

- 1 Respondeo, quod est tutus, modo talia beneficia non requirant residentiam personalem, & requirantur ad honestam sustentationem illius qui ea obtinet: immo & valet collatio ei facta de alio beneficio superfluo ipso iure; licet peccaret retinendo illud cum alijs, & cogi posset relinquere illud, aut aliud, vel alia ex eis, donec redigeretur ad sufficiens vel illa plura quæ

quæ illi æquipollerent ; quia hoc licebat iure antiquo , quod non est mutatum per præfatum Concil. & ita standum est illi, l. præcipimus. C. de appellat.

S V M M A R I V M.

- 1 Beneficium seu præstimonium plura ante Concilium obtenta, & iustam sustentationem excedentia, si superflua pauperibus dentur, retineri possunt, secus de post obtentis: quia uno vel duobus, quod vel quæ sufficiant, retentis, reliqua sunt dimittenda.
- 2 Pensio etsi non dicatur beneficium stricte, tale tamen est præstimonium.

CONSILIVM XI.

QUIDAM habens plura beneficia simplicia, & præstimonium, quam suæ sustentationi honestæ requirantur, quærit quid facere debeat.

- 1 Respondeo, quod multum refert an consulens obtinuerit prædicta beneficia ante Concilium Triden. an post illud : quia secundum opinionem Card. in clem. gratiæ. de rescrip. quam semper soleo sequi, & late explicavi in repet. cap. ad hæc. de præb. & retuli in Manua. cap. 25. nu. 128. potest ea tenere, modo non plus in se sustentando, quam requirit decencia suæ personæ, & reliqua pijs operibus impendat. si vero ea obtinuit post Concil. Trid. non potest retinere nisi vnum illorum, vel duo, quod vel quæ sufficiant sibi honeste sustentando, per Concil. Trid. sess. 24. cap. 17. de reform.
- 2 etiam si sint simplicia, & compatible. & licet pensiones stricte non dicantur beneficia ecclesiastica, præstimonium tamen talia sunt, vt Panor. recep. determinat confi. 47. par. 2. Fel. in cap. postulasti. de rescrip. Quantum vero sufficiat ad honestam sustentationem consulentis, ipse viderit, consultis viris prudentibus, & Deum timentibus: super quo videre poterit quæ nos post multas consultationes scripsimus in miscel. 62. de oratio. per totum. Salua, &c.

S V M M A R I V M.

- 1 Obtinens plures parochiales sine dispensatione, fit inhabilis ad illas, & alia quæcumque beneficia obtinenda; & ultimo loco adeptæ reseruantur collationi Papæ; & collatio facta de illis ab ordinario est nulla.

CONSILIVM XII.

QUIDAM A. obtinuit tres parochiales ecclesias à S. Sede Apostolica, & intra annum ad presbyteratum non se fecit ordinari, & nihilominus eas retinuit, possedit, & fructus earum percepit 10. annis. Quæritur an incurrerit inhabilitatem ad aliquam illarum obtinendam, & an ordinarius illas renunciatas in manibus eius possit conferre alicui.

Respondeo, qd hæc duæ quæstiones sunt graues, & quarum decisio requirit hominem maiori otio, quam quod est mihi, fruente, præterquam quod votis meis ex parte repugnat illarum digna tractatio. Pro reuerentia tamen, qua sum in eum, qui mihi eam imperat, hæc pauca respondeo. Primo, esse distinguendum an præfatus A. obtinisset eas cum Papæ dispensa-

spensatione, an vero sine illa. Secundo, quod si absque dispensatione obtinuit eas, fuit factus inhabilis ad illas, & alia quaecumque beneficia obtinenda, per extrauag. execrabilis. Ioan. xxij. §. porro. de præb. Et quod postremo loco adeptæ fuerunt reseruatę collationi Papæ secundum glo. Zenzelini, quam habet extrauag. Ioan. xxij. quam & nos sequimur in repetit. cap. accepta. nuper Romæ impressa in solutio. 10. opposi. num. 31. de restit. spol. licet glo. Guliel. quam habet inter extrauagantes communes, putet etiam alia esse reseruata; & consequenter solus Papa potuit prouidere de illis; & collatio facta de illis ab ordinario fuit nulla.

S V M M A R I V M.

- 1 Beneficium simplex sufficiens habens, secundum simplex licite quidem & sine peccato retinere non potest, per adeptionem tamen secundi non inducitur vacatio primi. nu. 3. & hæc est communis. nu. 4. licet Innoc. & quidam alij contrarium putauerint, nu. 2. nisi quando secundum est primo vniuersale, & sub eodem testō, nu. 4. vel in eorum fundatione aliter sit statutum, vel sit regulare, nu. 5. vel agatur de expectatiuis. nu. 1. quarum ius cum sit ad rem, facilius perditur. nu. 7. sed nec per Concil. Trid. inducta fuit in beneficijs simplicibus talis vacatio. nu. 6.
- 3 Pœnam priuationis aliquem ipso iure incurrisse non est dicendum, nisi id sit expressum in iure.
- 5 Vacatio beneficiorum ipso iure non facile extendenda est ab vno casu ad alium.

C O N S I L I V M XIII.

AN HABENS vnum beneficium simplex, si acquirat alterum sufficiens, perdat ipso iure prius?

- 1 Pro parte affirmante facit in primis, quod omne beneficium, quod est sufficiens alicui, est incompatible cuilibet alij quamlibet simplici & paruo, quo ad ipsum qui habet illud, iuxta gloss. singularem & receptam in cap. dudum. 2. de elect. verb. retinere. quæ habet peccare mortaliter eum, qui habens beneficium sufficiens, retinet alterum: cuius sententia redacta est in canonem à Concil. Trid. sess. 24. cap. 17. de reform. & habens incompatible beneficium perdit illud per adeptionem alterius incompatibilis, cap. de multa. de præb. per locum à simili, vel identitatis, vt ita dicam, rationis. Secundo, quod clem. gratiæ. de rescrip. habet habentem expectatiuam ad aliquod beneficium perdere illam per adeptionem alterius incompatibilis illi, & per prædictum Concil. Trid. omne beneficium sufficiens alicui est incompatible cuilibet alij quamlibet simplici quo ad ipsum, vt prædictum est, vt etiam nos asseruimus in miscell. 61. de oratione.
- 2 Tertio facit opinio celebris Innoc. in cap. fin. de cler. non resid. quam videtur sequi gloss. præfata clem. gratiæ. super qua Barbatius dixit illam esse veriore quam contrariam, & eam sequitur Rebuffus in praxi benef. tit. de dispensatione ratione ætatis nu. 6. qui nu. 7. in specie videtur quæstionis huius partem affirmatiuam asserere. Quarto facit desiderium illud sanctum, quod traxit Rebuffum in hanc sententiam, scilicet vt refrenarentur à pluralitate beneficiorum, qui ad eam aduolant: ob quam certe causam

sam ipse quoque vellem hanc partem esse iuridicam, arg. cap. quia initium. & cap. cum iam dudum. de præb. & principij extraua. Ioannis xxij.

- 3 Quibus tamen non obstantibus tenenda videtur pars negans, scilicet, quod non perdit ipso iure, sed quod per sententiam cogi posset relinquere alterum. Primo quidem, quod non est dicendum aliquam pœnam ipso iure in aliquo casu incurri absque iure, quod expresse id statuat, iuxta glo. celeb. & recep. in cap. fin. de iur. patr. pro qua est aptus textus in auth. de non eligendo secundo nubentes. §. cum igitur. sub fin. vers. sicut si patres. & in l. si quis. ff. de relig. & sumptibus. At nullum ius Pontificium hoc hactenus statuit: ergo, &c. Secundo, quod pœnæ non sunt extendendæ ad alium casum, cap. pœnæ. de pœnit. distinct. 1. l. præses. ff. de pœnis. etiam ex similitudine rationis, immo nec ex identitate rationis etiam omnimoda, secundum gloss. singul. & recep. in cap. 1. ver. Italix. de tempo. ordin. lib. 6. & resolutionem D. Anton. in cap. fin. de consuetud. & Domin. & Perus. qui alios multos referunt super dicta gloss. nisi occurrat aliquid aliud de eis, quæ ponunt Dominicus & Perusinus ibidem. At nullus canon inuenitur, qui pœnam perditionis ipso iure infligat in hoc casu, nec alio huic simili, & cuius eadem omnino ratio habeat locum in hoc, & minus quod cum omnimoda ratione concurrat aliquod aliud ad talem perditionem
- 4 requisitum: ergo non est facienda. Tertio, quod communis opinio contra Innoc. in hac re satis vacillantem in cap. de multa. de præb. & Imolen. in cap. fin. de cler. non resid. tenet, quod vnum beneficium simplex non vacat ipso iure per adeptionem alterius, nisi sit vniforme sub eodem testio, iuxta casum singularem in cap. literas. de concess. præb. & clem. si. de præb. Quarto, quod etiam si nec Panorm. cuius opinio est communis, neque alius præfatam conclusionem assereret, cogeremur tamen asserere per prædictas rationes irrefragabiles, & per cap. præterea. & cap. referente. & cap. de multa. per locum ab speciali, de præben. & per d. cap. literas. etiam per locum ab speciali, de concess. præben. quibus non potest responderi, nisi à regulis iuris sine efficaci ratione deuiando. Quinto, quod hanc opinionem Panorm. communem vidi firmiter ante quadraginta annos teneri perlegendo, disputando, & consulendo in quatuor Academijis celeberrimis, scilicet Tholosæ, Cathursi, Salmantica, & Conimbricæ: nec in tota ætate mea vidi, nec audiui contrarium seruatum in Vrbe, nec in orbe, neque ex hoc capite impetratum esse beneficium simplex alicuius
- 5 tamquam vacans iure communi. quod addo propter aliqua beneficia simplicia, in quorum foundatione particulariter statutum est, vt vacent alio quocumque beneficio quæsito. Sexto, quod esto ius commune habeat, beneficia, quæ sunt incompatibilia propter suam naturam intrinsecam & principalem, quia sunt regularia, vel requirentia residentiam personalem, vacare propter alterius assencionem; multum esset circumspiciendum an esset extendendum, cum sit pœnale, ad casum nostrum, in quo beneficium sufficiens non est ob suam naturam principalem incompatible minus sufficienti, sed per accidens, & minus principaliter, eo quod sufficit ei, qui habebat aliud insufficientis: cum ea quæ per accidens,

ac mi-

æ minus principaliter contingunt, non sint attendenda, arg. l. si quis nec causam. ff. de reb. cred. & multorum, quæ per Iasonem ibi congeruntur, aut certe saltē minus quam quæ principaliter aguntur, ut eruditissimus Alci. erudite ibidem dixit. Septimo, quod quærenda est pax, & fugienda lites, iuxta proœmium Gregorianum, & illud Apostoli: *Mutua & continuā charitatem inter vos habentes*: & si S. D. N. declararet partem affirmatiuam esse veram, innumeræ lites orirentur impetrantibus pauperioribus beneficia multorum ditiorum, qui profecto palam cum beneficijs sufficientibus retinent alia minora ubique gentium. Octauo denique, quod qui tenuerit partem affirmatiuam esse veram, cogetur per prædictum Concil. Trid. tenere quod etiam ante Concil. Triden. solebant vacare: quia ante illud erat peccatum mortale retentio insufficientis cum sufficienti, iuxta prædictam gloss. singularem receptam; quod tamen nemo umquam, ut arbitror, ante illud dixit.

Ad primum oppositorum respondetur concedendo assumptum, scilicet quod omne beneficium sufficiens est incompatible alij quamlibet simplici: negando tamen quod omne beneficium incompatible vacet ipso iure per adeptionem cuiuslibet alterius incompatibilis ei; quia illa pœna nullo iure hætenus imposita est, per prædicta: & iure mirari licet de And. Siculo, & Rebuffo, qui tantopere suam opinionem fundauerunt in d. cap. de multa. Tum quod de solis ecclesijs parochialibus, dignitatibus, personatibus, & officijs statuit, in quibus longe maior ratio illam pœnam statuendi occurrebat. Tum quod per locum ab speciali irrefragabili contra ipsos retorqueri potest. Tum quod pœnæ extra suū casum nullatenus extendi debent, per prima duo fundamenta pro parte negante adducta. Ad secundum respondet Panorm. recep. ubi supra, quod prædicta clem. gratiæ. non loquitur de beneficio iam quæsito, sed de quærendo, & ita de iure ad rem, & non de iure in re. & illationem ab altero illorum ad alterum esse infirmam, palam est vel ex eo, quod monachus & seruus possunt domino & monasterio in altero præiudicare, & in altero non, Innoc. in cap. cum olim. de priuileg. & Bald. in l. seruis. C. de pactis. Ad tertium respondetur primo, quod Innoc. non firmiter asserit id quod dicit, sed solum per verbum videtur: & merito; quia nullo firmo fundamento nititur; solum enim citat notata in cap. ex tur. eod. tit. cuius tamen gloss. in verbo expoliari. clare significat, & per sequentem s. efficaciter probat illius contextum non agere de priuatione ipso iure, sed per sententiam. Secundo, quod opinio Innocētij etiā si esset asserta, tamē cum eam tamquam doctor scripserit, nil impedit quo minus per firmos textus & rationes discedamus ab eo. argum. cap. capellanus. de ferijs. etiam si suam constitutionem declararet exemplo, Host. in cap. 1. de concess. præb. lib. 6. Ad quartum respondeo, laudandum esse zelum Rebuffi; & adeo quidem, quod ante sequiannum proposui persuadere Reuerendissimo Datario libellis supplicibus ut adderet hanc iuris vacationem, sed non fui ausus propter timorem multitudinis litium inde gignendarum, in qua fundo vltimum argumentum pro parte negante factum. Per quæ omnia credo firmiter,
attento

attento iure hætenus statuto, partem negantem esse veram, & non fore utile paci Reipub. Christianæ partem affirmantem noue statuere, Salua, &c.

S V M M A R I V M.

1. Possidens archidiaconatum litigiosum, illud perdit, si postea acquirat titulum & pacificam possessionem alterius similis non litigiosi: & si contendit retinere vtrumque, efficitur execrabilis; secus autem, si primo obtinet titulum non litigiosi, & postea titulum & possessionem secundi litigiosi, & demum pacificam possessionem primi non litigiosi.
2. Dimittens quis beneficium litigiosum, siue non litigiosum, quod credebat vacare per assecutionem secundi incompatibilis bona fide adepti, si postea detegat se de secundo non esse sufficienter prouisum, potest ad primum redire.

CONSILIVM XIII.

QUIDAM N. de mense Februarij 1561. impetrauit à Sede Apostolica vnum archidiaconatum cuiusdam cathedralis cum pluribus alijs beneficijs simplicibus: postmodum, videlicet de mense Octobris 1562. fuit etiam prouisus per ordinarium de alio archidiaconatu alterius cathedralis; & statim possessione illius habita, fuit sibi mota lis. expeditis autem literis super dicto primo archidiaconatu habuit possessionem pacificam illius, & etiam fructus, quam adhuc continuat, prout etiam continuauit possessionem dicti archidiaconatus litigiosi vsque ad annum 1570.

His stantibus, quæritur an prædictus N. fuerit effectus execrabilis, ita ut vacent beneficia prædicta incompatibilia, quæ retinuit, ad hoc, ut etiam teneatur ad restitutionem fructuum? In quo pro affirmatiua videtur tenendum; quia per assequutionem secundi vacat primum, & per retentionem eorum vacant omnia. Non obstat quod dictus secundus archidiaconatus fuit factus litigiosus: quia respondetur, quod obiectum procederet, si possessio illius ultimo loco capta fuisset; sed mihi præsupponitur, quod postquam exponens possidebat archidiaconatum litigiosum, adeptus fuit possessionem dicti primi archidiaconatus pacificam, & non dimisit archidiaconatum litigiosum, prout dimittere tenebatur, ne fieret execrabilis: & si ille erat litigiosus, tanto libentius ab exponente dimitti debebat; illud enim de lite, quod excusat ab execrabilitate, procedit quando mouetur lis super beneficio postea obtento; illa ratione, quia cap. de multa. & extrauagans execrabilis. mandant dimitti primum beneficium, si quis velit assequi secundum; nec videtur honestum quod ad dimittendum primum pacificum quis cogi debeat propter secundum litigiosum; quia hic posset vtroque priuari, videlicet primo per dimissionem spontaneam, & secundo, si in lite succumberet: quod inconueniens cessat, quando primum beneficium dimittendum litigiosum existit. Nec etiam obstat, quod Camera possideret dictum primum archidiacona-

diaconatum pacifice, antequam dictus exponens de dicto secundo archidiaconatu litigioso prouideretur, quasi quod tunc dictus exponens diceretur possidere, & consequenter quod possessio archidiaconatus pacifica praecederet possessionem litigiosi: quia respondetur quod alia est possessio Cameræ, alia dicti exponentis; & negari non potest quin dictus exponens habuerit possessionem post archidiaconatum litigiosum.

AD QVAESTIONEM & rationes pro parte affirmatiua propositas respondeo primo, quod certum est praedictos duos archidiaconatus duarum ecclesiarum cathedralium esse beneficia incompatibilia inclusa sub cap. de multa. de præb. quia per notata ibidem ab omnibus sunt dignitates vel personatus, de quibus illud tractat. Deinde, quod facile videri potest cuiuspiam, archidiaconatum secundo loco quæsitum vacasse per assecutionem possessionis pacificæ archidiaconatus prius habiti. Tum quia possessio pacifica vnius incompatibilis facit vacare ipso iure alterum, cuius tituli adeptio sine tali possessione ad illum effectum non sufficeret, cap. commissa. de elect. lib. 6. & extrauag. execrabilis. Ioan. XXII. Tum quia licet beneficium prius pacifice obtentum non vacet ipso iure per obtentionem secundi litigiosi: tamen è contrario primum litigiosum vacat per obtentionem secundi incompatibilis pacificam. quæ est determinatio Innocentij ab omnibus recepta in cap. in nostra. de rescript. & in casu proposito prius fuit obtentum secundum litigiosum, quam pacifica possessio prioris.

Attamen maturius considerando, contrarium videtur asserendum. quia nullibi statuitur, vt incompatible prius obtentum, non habita pacifica possessione, vacet per adeptionem possessionis subsequutam post obtentionem secundi litigiosi: & ita non est asserendum, arg. cap. legatur. 24. q. 3. & §. consideremus. auth. de trient. & semiss. col. 3. præsertim quod nulla efficacitate id persuaderi potest.

Non obstant in contrarium allegata. Non primum; quia licet de iure caueatur, quod prius obtentum non vacet per secundum, donec eius pacifica possessio obtineatur, vt iura in eo allegata probant; tamen nec illa nec alia vlla probant, quod adeptio possessionis pacificæ primi beneficii subsequuta post secundum obtentum litigiosum faciat vacare prius obtentum. Tum quia longe aliud est assequi titulum & possessionem pacificam vnius incompatibilis post adeptionem alterius incompatibilis litigiosi, & aliud assequi titulum & possessionem pacificam vnius incompatibilis ante assequutionem alterius litigiosi: ergo iura pœnalia & odiosa, & ideo restringenda, iuxta regulam in pœnis. & reg. odia. de reg. iur. lib. 6. quæ disponunt in hoc posteriori casu, non habebunt locum in illo priori: maxime quia longe maior ratio inuenitur in posteriori, ad hoc vt habeat locum illa pœna, quam in priori. facit gloss. sing. cap. fin. de iure patronat. quatenus habet numquam incurri amissionem iuris ipso iure, nisi id lege aliqua exprimatur. Non obstat etiam secundum, per ea quæ dicta sunt ad primum: & quia licet possessio pacifica requiratur ad hoc, vt vacet alterum incompatible; non tamen illa sola sufficit, sed requiritur

- 2 adeptio tituli, ratione cuius illa fuerit accepta. Vnde si quis post obtentum vnum pacificum vel litigiosum, obtineat pacificam possessionem alterius incompatibilis, eo quod iuste putabat esse sibi ius in eo quaesitum, & vere non erat, non vacabit prius, immo poterit ad illud redire sine alio nouo titulo, iuxta cap. si beneficia. cum ei adnotatis, de præben. lib. 6. ex qua determinatione colligitur decisio negatiua, videlicet quod archidiaconatus litigiosus non vacauit ipso iure per possessionem alterius pacificam post litigiosi obtentionem, & quod nulla ex hoc capite obligatio ad restituendum quicquam oritur. Salua, &c.

S V M M A R I V M.

- 1 Dignitas est omne beneficium ecclesiasticum, si habet iurisdictionem spiritualement fori exterioris.
- 2 Curatum est omne beneficium quod habet iurisdictionem spiritualement fori exterioris, vel interioris.
- 3 Abbatiam exemptam habentem iurisdictionem quasi episcopalem obtinens habet beneficium curatum, & spiritualement iurisdictionem nedum fori exterioris, sed etiã interioris animarum sui territorij, ac monachorum cõuentus, si habet conuentum; requiriturque iure communi residentia. num. 4. non tamen est parochialis, si talem non habet parochiam, cuius animarum curam per se immediate gerere debeat. num. 3. vnde sub dispositione Concil. Trid. sess. 24. cap. 17. continetur sub ea parte in qua loquitur de beneficijs requirentibus residentiam, sed non sub ea in qua agit de dimittendo alteram ex duabus parochialibus. num. 5. & de iure per affectuionem vnius altera vacat. num. 1.
- 6 Beneficiarij tenentur coram Deo iura ecclesie defendere, & alienata recuperare: nec debent curare, vt iurisdicctio illis imminens in alios transferatur, ne ve retento commodo in alios onus reyciant.
- 6 Abbatie exemptæ, etiã si earum iurisdicctio transferatur in Episcopum, non desinunt esse beneficia regularia, & curata habitu, & etiã actu, si habent conuentum: sed nec debet Abbas procurare vt cura transferatur in Episcopos.
- 7 Beneficia plura residentiam requirentia aliàs tamen iuste obtinens, bono vtetur consilio, si vno retento alia reseruatis sibi fructibus loco pensionis resignet valenti onus residentie subire.

CONSILIVM XV.

- N.** HABENS plures abbatias exemptas, & habentes iurisdictionem spiritualement exteriorem, quaesuit, an essent beneficia incompatibilia, licet non habeant parochias, ita vt requirant residentiam personalem; & comprehendantur sub dispositione Concilij Trid. cap. 17. de reformatione. sess. 24. & an ad retinendos redditus, debeat procurare, vt illarum iurisdicctio detur Episcopis.
- 1 Questiones propositæ licet duo tantum expresse quarant, plura tamen præsupponunt. Dico primo prædictas abbatias proculdubio esse beneficia incompatibilia contenta sub cap. de multa. de præben. quia sunt dignitates, de quibus illud disponit. omne enim beneficium ecclesiasticum habens

habens iurisdictionem spirituales fori exterioris est dignitas, vt Innoc. Panormit. & alij ibidem definiunt, & nos late tradidimus in rubr. de prebendis. & predictæ abbatix habent iurisdictionem fori exterioris nō qualem qualem tantum, sed quasi episcopalem, & exemptam ab alia iurisdictione episcopali, de qualem habente loquitur gloss. sing. in clem. 1. verbo proprii. de rebus ecclesiæ non alienan.

2 Secundo, quod predictæ abbatix sunt beneficia curata; quia omne beneficium ecclesiasticum habens iurisdictionem spirituales in foro interiori vel exteriori dicitur beneficium curatum, cap. dudum. il 2. de elect. & predictæ abbatix habent, vt habetur in facto, iurisdictionem spirituales fori exterioris; immo habent etiam iurisdictionem fori interioris in monachos & religiosos suorum conuentuum, si habent conuentus, iuxta cap. cum ab ecclesiarum. & cap. quanto. de offic. ordin. & etiam habent in animas omnium territorij sui talem, qualem Episcopi habent in animas parochianorum parochiarum sibi subiectarum; habent enim iurisdictionem quasi episcopalem, vt dictum est.

3 Tertio, quod esto sint beneficia curata, non tamen sunt nec debent dici ecclesiæ parochiales; quia, vt habetur in facto, non habent parochiam, cuius animarum curam debeant Abbates earum per se immediate administrare; quod requiritur ad hoc vt aliquod beneficium dicatur ecclesiæ parochialis, iuxta not. in cap. cum in cunctis. §. inferiora. de elect. & in cap. licet canon. & cap. statutum. eod. tit. lib. 6.

4 Quarto, quod predictæ abbatix iure communi requirunt residentiam personalem. Tum quia sunt beneficia quasi episcopalia, & habent territoria sibi tantum, & non alijs Episcopis subiecta; & ita eadem fere ratio, qua tenentur Episcopi ad residendum, obstringit etiam earum Abbates ad idem faciendum. Tum quia omne beneficium curatum requirit residentiam personalem, secundum omnes; & etiam non curatum, si est regulare, quales sunt predictæ abbatix, præsertim si essent monachorum nigrorum, per clem. ne in agro. §. ceterum. & §. sane. ne cler. vel monach. & est conclusio asserta à Felin. in cap. cum omnes. de constit. col. 1. de qua profunde nos nuper egimus in cap. nullam. 18. quæst. 2. à num. 43.

5 Quinto, quod ex predictis sequitur, quod cap. 17. sess. 24. Concil. Trid. non habet locum in casu proposito, quatenus disponit, quod habens duas parochiales, alteram dimittat: quia hæ abbatix non sunt parochiales: immo nec etiam videtur habere locum, quatenus ait vt habens duos episcopatus alterum dimittat: quia licet sint beneficia quasi episcopalia, & fere eadem ratio militet in eis, quæ in episcopatibus; non tamen sunt vere & proprie episcopatus, ita vt sub illa constitutione pœnali contineantur, quamuis forte disputando teneri posset contrarium.

Sexto, quod ex eisdem sequitur locum esse in hoc casu predicto cap. 17. quoad partem, qua disponit ne cui in posterum plura beneficia conferantur; & etiam quoad partem illam, qua videtur vetare, ne habenti vnum beneficium sibi non sufficiens, requirens residentiam, prouideri possit de alio beneficio requirente residentiam personalem. Non enim videtur quod

habenti vnam istarum abbatiarum non sufficientē suæ sustentationi possit prouideri de alia, non derogando Concilio.

- 6 Septimo, quod prædictus N. nullatenus debet procurare, vt prædictarum abbatiarum iurisdictio detur Episcopis. Tum quia id esset grande dedecus religionum, quarum illæ sunt. Tum quod successores eius poterunt in eis residere, & specialem sui territorij curam habere. Tum quod id esset capere commoda, & onus abijcere, contra l. secundum naturam. ff. de reg. iur. & cap. qui sentit onus. eod. tit. lib. 6. Tum quod omnis prælatus tenetur coram Deo ad iura ecclesiæ suæ defendenda, & ad alienata recuperanda, quanto magis ad non destruendum, & non alienandum, iuxta cap. sine exceptione. 12. q. 2. & cap. nulli. cap. si quis presbyterorum. de rebus ecclesiæ non alien. cum multis alijs. Tum denique quod licet iurisditiones earum transferrentur in Episcopos, nihilominus manerent beneficia regularia, & curata habitu, & etiam actu, si conuentus habent, immo forte etiam ad procurandum eos habere, si non habent.

- 7 Octauo, quod modus cōuenientior retinendi redditus videtur esse, quod retineat vnam, quæ sit opulentissima illarum, & reliquas renunciet in fauorem aliquarum personarum ad eas regendas idonearum, retinēdo fructus earum pro pensione, certa quantitate pecuniæ reseruata titularijs, qui & abbatias regent, & supplebunt personam vicarij, & etiam poterunt supplere personam æconomi ad recolligendos, conseruandos, & vendendos tempore opportuno fructus: quas duas personas, vel vnam produabus, etiam retinendo titulum, oportet alere, & eis stipendia soluere: ita quod forte minor erit quantitas reseruata titulari, quam quod personæ prædictæ palam vel clam sunt accepturæ: vel permutando eas pro beneficijs simplicibus, quæ residentiam non requirerent, qualia qui permutterent facile in Hispania inuenirentur: multi enim honoris sui augendi gratia reddituum diminutionem paterentur. Salua, &c.

S V M M A R I V M .

- 1 Beneficia simplicia sub eodem tecto tunc demum causant incompatibilitatem, quando sunt vniformia, aliàs non. Vnde parochus potest in sua ecclesia obtinere simplex beneficium.
- 2 Vniformia beneficia dicuntur illa capellania, quæ ad eundem finem, & ad eadem munera, vel ad vnam congregationem faciendā sunt instituta: non erunt autem tales, si vna sit instituta ad dicendam separatim vnam Missam in vno altari, & alia ad aliud sacrum in alio altari.

CONSILIVM XVI.

AN SI DVO simplicia beneficia quis obtineat in duobus altaribus positis intra quamdam ecclesiam parochialem, pro quorum vno tenetur secundum diœcesanum Concilium celebrare duas in mense Missas, vnam vero pro alio altari, &c. dicantur incompatibilia?

Respondeo, quod prædictæ capellaniæ siue altaria non sunt incompatibilia. Tum quia generali Concil. Trident. inductum est, vt possit quis habere

habere plura beneficia simplicia, quorum alterum non sufficit ad sustentationem habentis illud, iuxta cap. gratia. de rescript. lib. 6. & clem. gratia. eod. tit. adiunctis gloss. & annotationibus doct. & tradit Panormitan. in repet. §. qui vero. cap. extirpand. de præbend. num. 33. & prædictæ capellaniæ, siue altaria sunt beneficia simplicia, quorum alterum non sufficit ad sustentationem habentis illud. Tum quia licet plura beneficia etiam simplicia vniformia, vt dux canonix, vel dux præbendæ, sub eodem tecto existentia sint incompatibilia, cap. literas. de concess. præbend. clem. fin. de præben. cap. 1. de consuet. lib. 6. difformia tamen & dissimilia compatibilia sunt. text. in cap. eam te. de rescript. cap. olim. de te iud. & satis probatur in d. cap. 1. de consuet. & prædictæ capellaniæ siue altaria sunt difformia, vt palam est, & mox dicetur. Tum quia Lap. alleg. 117. late concludit rectorem alicuius ecclesiæ posse cum rectoria siue suo beneficio curato retinere capellaniam intra eandem ecclesiam existentem: quem post alios sequitur Philip. Franc. in cap. 1. de consuet. lib. 6. Tum quia non obstat dicere, quod præfatæ capellaniæ & altaria videntur esse vniformia, eo quod simili nomine, scilicet capellaniæ nominantur: quia vt aliqua beneficia dicantur vniformia ad effectum incompatibilitatis, non sufficit quod vno nomine generaliter appellentur: alioquin omnia beneficia simplicia essent vniformia, quia nomine beneficij simplicis nominantur: sed oportet quod eorum munera & onera naturalia sint vniformia & similia, vt sunt dux canonix, & dux præbendæ eiusdem ecclesiæ & capellaniæ; sed altaria prædicta non sunt hoc modo vniformia: siquidem vnum est in vno loco, & alterum in alio situm, & vnum habet vnum onus, & alterum aliud. Tum denique q̃ licet capellaniæ multæ, quæ in aliquot locis sunt fundatæ ad cātandam vnā Missam in vna capella, & ad dicendas alias submissæ in eadem ad eundem finem & intētionem fundatoris institutæ, & vt capellani conueniant in vnum, vt eadem munera faciant, possint dici vniformes instar canonicatum & præbendarum, non tamen possunt dici tales capellaniæ, de quibus queritur: quia non sunt institutæ ad vnum & eundem finem, & ad eadem munera, & vnā congregationem faciendam, sed ad longe diuersa & separata; & à separatis non fit illatio, l. Papinianus. ff. de minorib. & cap. ad audientiam. de decim. Salua, &c.

S V M M A R I V M.

- Beneficium simplex per alterius affectationem, quod cum primo ea sola ratione est incompatible, quod alterum sufficit ad sustentationem, vel quia vtrumque requirit personalem residentiam regulariter, nec de iure, nec ex dispositione sacri Concilij vacat.
- Exorbitans à iure communi lex vel dispositio non trahitur ad similia, etiamsi subsistat eadem ratio.
- Correctio iurium vitanda, nec per subauditos intellectus inducenda.
- Intellectus cap. 4. sess. 7. sacri Concilij Tridentini.

AN PER adeptionem secundi beneficii, quod incompatible sit cum primo, quia vtrumque personalem residentiam requirat, vel quia primum sit per se sufficiens iuxta cap. 17. sess. 24. de reform. Concil. Trid. vacet primum ipso iure ex cap. 4. sess. 7. de reform. eiusdem Concilij?

Respondeo primo, subintellexisse me hanc quaestionem fuisse decisam ab Illustrissima Illustrissimorum Cardinalium ad declaranda dubia sancti Concilij Trid. deputatorum Congregatione, quatenus dicuntur declarasse vacare beneficium simplex illius, qui postea legitime obtinuit ecclesiam parochialem & possessionem illius pacificam & canonicam.

Secundo, quod nisi eorum me auctoritas per S.D.N. de more probata in praefatam sententiam traheret, putarem de iure respondendum esse contrarium. Tum quia non est recedendum à iure antiquo, nisi cogente ad id nouo, l. praecipimus. C. de appell. etiamsi eadem ratio in vtroque casu inueniretur, vt ibidem adnotauit Bartolus, & probatur per l. si vero. §. de viro. ff. solut. matrimonio. qui probat prouisionem legis factam contra ius commune non extendi ad casus in ea non expressos: vbi etiam idem adnotauit Bart. communiter recept. At iure antiquo beneficia, etiam incompatibilia, propterea quod requirant residentiam personalem, vel ob aliam causam non vacant regulariter ipso iure, cap. referente. & cap. praeterea. cum ei adnot. de praebend. praeter illa de quibus in cap. de multa. eod. tit. cap. literas. de concessio. praebend. & clement. fin. de praebend. extrauag. execrabilis. Ioann. XXI. & aliquot alijs, de quibus id expresse statuitur. At nullo iure neque antiquo neque nouo statuitur, vt beneficium simplex vacet per adeptionem alterius curati, vel simplicis ipso iure extra praedictos casus. Tum quia non est dicendum aliquam poenam ipso iure incurri, nisi in casibus expressis à iure, iuxta gloss. memorabilem, quae penult. est cap. ult. de iure patronat. Tum quia non obstat praedictum cap. 4. de reform. sess. 7. Partim quod non dicit illud expresse, & per tacitos intellectus non debet fieri iuris correctio, iuxta gloss. solen. & recep. in cap. cupientes. §. quod si per viginti. de elect. lib. 6. Partim quia illud cap. solum loquitur expresse de curatis incompatibilibus generaliter, & sine correctione iurium antiquorum potest intelligi de dignitate & personatu non curatis, de quibus loquitur cap. de multa. quod ibi allegatur, & de quibusdam simplicibus, de quibus loquitur praedictum cap. literas. de concessio. praebend. & praedicta clement. fin. de praebend. Partim quod verbum, *etiam*, in eo positum clare significat noluisse Concilium includere ibi vacationem nouam ipso iure, sed veterem confirmare, & disponere quod beneficia incompatibilia, quae per vetus ius vacabant, etiam per illud nouum vacent ipso iure.

S V M M A R I V M,

- 1 Beneficia vniiformia sub eodem tecto sunt quidem adeo incompatibilia, vt per affectionem secundi vacet primum; secus tamen est de difformibus: immo & per affectionem

tionem parochialis non vacat aliud simplex, quod quis in ea prius obtinebat, immo & potest utraque ex consuetudine vel dispensatione Episcopi retinere, nisi obstat consuetudo contraria per 40. annos ibidem præscripta.

- 2 Collationem beneficiorum habens potest ea conferre, etiamsi ex ipsiusmet persona re-signatione, priuatione, vel aliter vacent.
- 3 Alternatiua mensium videtur etiam habere locum in beneficijs vacantibus per assecutionem secundi incompatibilis, vel aliàs. unde caute facit idem prouisus & collator, si differat in quantum de iure potest, & possessionem secundi accipiat in mensibus, quorum collatio ad ipsum spectat.
- 3 Possessionem beneficij collati accipere in quantum iure permittitur, differre quandoque expedit.
- 3 Possessor pacificus nõ dicitur quis, statim ac possessionem fuit assecutus; & hoc etiam ad effectum ut propter incompatibilitatem inducatur vacatio. num. 1.

CONSILIUM XVII.

AN BENEFICIUM simplex ecclesię parochialis vacet ipso iure per assecutionem ipsiusmet ecclesię parochialis?

Respondeo primo, certissimum esse, quod præfatum beneficium simplex non vacat per promotionem ad ipsam ecclesiam parochialem, donec adipisceretur possessionem pacificam, vel per eum staret quominus eam adipiscatur, argum. cap. licet canon. & cap. commissa. de elect. lib. 6. per locum à fortiori.

- 1 Secundo, quod solo iure communi attento non vacat, etiam post adeptam pacificam possessionem. Tum quia nullo iure id cauetur. Tum quia duo beneficia difformia eiusdem ecclesię non sunt incompatibilia, saltem adeo, quod alterius assecutione alterum ipso iure vacet; immo possunt obtineri vi consuetudinis, statuti, vel dispensationis Episcopi, secundum glossam in verbo nisi vnicam. Dominicum, Francum, & communem cap. 1. de consuet. lib. 6. & glossam fin. Ioannem Andream, & communem in cap. literas. de concess. præbend. & ecclesia parochialis & beneficium simplex illius sunt difformia, ut palam est. Tum quia speciale est in beneficijs simplicibus & vniformibus eiusdem ecclesię, ut sint adeo incompatibilia, ut per adeptionem alterius, alterum vacet, cap. literas. de concess. præbend. & clem. fin. de præb. Dixi, Attento solo iure communi: quoniam attenta consuetudine antiqua etiam 40. annorum, si quæ talis esset, posset induci eiusmodi incompatibilitas, argum. cap. cum de beneficio. de præbend. lib. 6. cap. de quarta. de præscript.

- 2 Tertio, quod habens facultatem conferendi beneficia simplicia ecclesię suę, perinde potest conferre beneficium, quod vacat per suam renunciationem, priuationem, vel promotionem ad ipsam ecclesiam, ac alia vacantia per mortem, renunciationem, ac priuationem aliorum: quia nullo iure id ei vetatur, & ita non est dicendum, argum. cap. legatur. 24. quęst. 2. & consideremus. Authen. de trien. & semil. collat. 3.

- 3 Quarto, quod prudenter agunt beneficiarij, qui promouentur ad ecclesias parochiales, expectantes quantum iure possunt adeptionem pos-

sessionis pacificam vsque ad mensem ordinariorum collatorum, vt beneficia vacantia ipsimet conferant viris idoneis: quia qui iure suo vtitur, nemini facit iniuriam, cap. cum ecclesia Vulterana. de elect. l. iureiuran. ff. de iniurijs. Dixi, Quātū iure possunt expectare: quia si post institutiones, vel collationes factas eis in mense Papæ, tantum tardarent in capienda possessione pacifica, quod videretur iniuste per eos tardari, quominus eā acquirerent; posset dici eorum beneficia vacare, antequam possessionem caperent: quamuis non facile possunt conuinci super hoc, eo quod non tenentur in continenti possessionem accipere, neque accepta in continenti dicitur pacifica, per ea quæ leguntur & notantur in gloss. super verbo pacificam. præfat. cap. commissa. & alijs locis per Dominicum, & Francum, & Felinum in cap. ne Dei. de simon. Salua, &c.

S U M M A R I V M.

- 1 Beneficia plura etiam simplicia iure antiquo, quo omnia requirebant residentiam, quis obtinere non poterat; consuetudine tamen tot retineri poterant, quot ad honestam sustentationem erant necessaria, num. 2. etiam si alterum esset curatum, n. 3. immo & excedentia, modo superfluum pijs erogaretur operibus, nu. 1. at secus post sacrum Concil. vbi illud fuit receptum. num. 2.

CONSILIUM XIX.

QVAESITVM fuit, an quis possit habere vnam parochialem cum aliquot canonijs, quæ secundum consuetudinem præscriptam nullam personalem residentiam exigunt; maxime in terris, vbi non est receptum Concilium Tridentinum.

- 1 Respondeo primo, quod iure scripto antiquo non licet cuiquam habere plura beneficia etiam simplicia: quia quodlibet eorum requirit residentiam personalem illo iure, cap. conquerete. de cler. non resid. quod in hoc est singularis.
Secundo, quod non potest quis tenere multa beneficia, quorum alterum ad suam honestam sustentationem sufficiat, etiam secluso Concil. Trid. iuxta gloss. sing. in cap. dudum. 2. de elect. nisi cum quadam limitatione Card. in clem. gratiæ. de rescript. quam contra communem solemus sequi, & sequimur etiam in Man. cap. 25. num. 125.
- 2 Tertio, quod ante Concilium generale Trid. licebat retinere tot beneficia, quæ secundum consuetudinem præscriptam non exigent continuatam residentiam, quot essent necessaria ad honestam beneficiarij sustentationem secundum Panorm. communiter recep. in repetitione cap. extirpandæ. s. qui vero. de præbend.
- 3 Quarto, quod ex his sequitur, prædictum consulentem posse tenere prædictam parochiam cum prædictis canonijs, quæ secundum consuetudinem præscriptam non exigunt residentiam personalem, sine vlla dispensatione; idque, si Concil. Trident. in consulentis terra non est receptum. Salua, &c.

S V M M A R I V M .

- 1 Regula de triennali defendit habentem duas parochias, & multo magis plura simplicia cum curato.
- 2 Beneficia plura simplicia habens etiam cum curato nullam incurrit censuram.
- 3 Episcopus capellaniam beneficio curato vnire potest.

C O N S I L I V M XX.

AN PAROCHVS, cui parochia tenuis 24. ducatorum non sufficit ad viuendum decenter, cum dispensatione Episcopi possit retinere duas capellantias tenues; ita quod iuuari possit regula de trien. possessore, & non incurrit censuram aliquam, & per consequens irregularitatem celebrando: & an vniri possit vna illarum parochiali per Episcopum?

- 1 Respondeo primo, posse D. consulente iuuari prædicta regula de triennali; quia etiã habens duo beneficia curata potest ea iuuari, vt late tradit Gomez. in d. reg. de trien. q. 10. Secundo, quod nullam ob hoc censuram incurrit, attento iure communi, quod nullam talem ob hoc infligit. Tertio quod Episcopus potest vnire prædictas capellantias, per cap. sicut vnire. de excess. prælat. & cap. 8. de refor. sess. 21. Conc. Trid. Salua, &c.

Aduertendum, referri sacram Congreg. censuisse regulam de triennali non tueri eum qui post sacrum Concil. duo obtinuit curata.

S V M M A R I V M .

- 1 Canonatus & dignitas iure communi in eadem ecclesia ab eodem possunt obtineri.

C O N S I L I V M XXI.

AN ABSQVE dispensatione vnus canonicatum & dignitatem in eadem ecclesia habere valeat?

- 1 Breuiter respondetur, quod iure communi non vetatur quis habere canonicatum, & dignitatem in eadem ecclesia, immo permittitur, arg. cap. cum olim de re iud. quia non est statutum de illis, vt non possint simul retineri, sicut de incompatilibus, de quibus in cap. de multa. de præben. & extrauag. execrabilis. Ioan. XXII. eo. tit.

S V M M A R I V M .

- 1 Capellania sub eodem tecto existentes, si conferuntur thesaurario eiusdem ecclesie, non inducitur vacatio ipso iure.
- 2 Plura beneficia, modo non sint curata, nec dignitates, & alterum illorum non sit sufficiens, si adsit consuetudo immemorabilis vim privilegij habens, possunt licite etiam sub eodem tecto retineri.

C O N S I L I V M XXII.

THESAURARIO cuiusdam ecclesie fuerunt successiue duæ capellanie eiusdem ecclesie collatæ. Quæritur, an attenta consuetudine immemoriali, vt quis retinere possit duas capellantias cum dignitate, sit aliqua illarum, vel ambabus, vel etiam ipsa thesauraria priuatus.

1 Respon-

1 Respondeo primo, certum esse, quod nullus prædictorum titularum ipso iure vacavit per adeptionem alterius; quia capellanix non sunt curatæ, neque dignitates, personatus, aut officia, de quibus disponit cap. de multa. de præben. nec sunt beneficia uniformia, quales sunt præbendæ uniformes alicuius ecclesiæ collegiatæ, vel cathedralis, de quibus loquitur cap. literas. de concess. præben. & ita potest una illarum teneri cum thesauraria sub eodem testamento iure communi, iuxta doctrinam Lap. alleg. 117. quem sequitur post alios Philip. Franc. in cap. 1. de consuet. lib. 6. nu. 7. & 8. & Fel. in cap. ex parte. il 2. de rescript. num. 3.

2 Secundo, quod etiam prætextu & virtute consuetudinis prædictæ immemorabilis possunt retineri prædictæ capellanix cum prædicta thesauraria, si illa non sit sufficiens ad sustentandum decenter ipsum thesaurarium; quia consuetudo rationalis & legitime præscripta vim privilegij & legis habet, cap. fin. de consuet. & pluralitas beneficiorum, si non sunt curata, vel dignitates, non est illicita ei, qui non habet unum beneficium sufficiens ad viuendum decenter: alioqui secus, iuxta glo. singul. in cap. dudum. il 2. de electio. redactam in canonem per Concilium Trid. in cap. 17. de reform. sess. 24.

Tertio, quod ex his inferitur, D. consulentem legitime suscepisse, ac retinuisse prædicta beneficia, si prædicta thesauraria non sufficiebat ad decentem eius sustentationem; & consequenter recte suscepisse fructus eorum, & potuisse retinere beneficia illa simplicia ultimo loco ei collata; licet melius & sanctius videtur fecisse renunciando illa.

SYMMARIUM.

1 Sub eodem testamento iuste habeo curatum, & beneficium simplex, cui est annexum aliud curatum sub alio tamen testamento. num. 3. at si habeo præbendam, vel simplex beneficium sub uno testamento, non possum habere aliud beneficium ubicumque alibi situm, cui annexa sit præbenda, vel aliud simile simplex beneficium situm sub eodem primo dicto testamento. num. 2. & 3. & per assecutionem unius causatur vacatio alterius præbendæ, seu simplicis uniformis beneficii. num. 4.

CONSILIVM XXIII.

HABENS beneficium simplex, seu præbendam in quadam ecclesia, adeptus est rectoriam alterius, cui annexum erat aliud beneficium simplex ecclesiæ primo dictæ. Quæritur an possit utrumque sine dispensatione retinere.

1 Pro parte affirmante facit primo cap. super eo. de præben. lib. 6. quatenus habet, habentem unum beneficium curatum, posse habere & retinere aliud beneficium simplex, cui esset annexum aliud curatum: quæ eadem ratione, immo fortiori, habens unum beneficium simplex posset obtinere & retinere alterum beneficium curatum, cui esset annexum aliud simplex beneficium. Secundo facit, quod annexum & accessorium sequitur naturam sui principalis, & regulatur ab eo, l. cum principalis. ff. de regul. iur. & cap. accessorium. eo. tit. lib. 6. cum multis allegatis à glossis earum.

rum. Tertio, quod non videtur reperiri alicubi textus, quo statuatur vnam præbendam vacare per adeptionem secundæ eiusdem ecclesiæ, quæ sit annexa alicui beneficio vel dignitati alterius ecclesiæ: nam cap. literas. de concess. præben. & clemen. ult. de præben. per quæ maxime videtur id probari, loquuntur de præbendis, quarum altera est annexa dignitati ecclesiæ, cuius sunt illæ præbendæ.

- 2 Pro parte tamen negante facit primo text. singularis d. cap. literas. de concess. præben. quatenus determinat, quod non potest quis habere duas præbendas in eadem ecclesia, & quod prior vacat ipso iure per adeptionem secundæ. Secundo neruosius facit clem. ult. de præben. quatenus singulariter probat non posse quem habere duas præbendas eiusdem ecclesiæ, etiam si alteram illarum haberet per annexionem ad dignitatem, quam haberet, quod non exprimitur in d. cap. literas. Tertio facit, quod quadamtenus frangeretur numerus præbendarum, siue (vt ita dicam) præbendatorum, si vnus & idem teneret duas præbendas, quamuis alteram teneret per annexionem; à quo videntur abhorrere iura, cap. constitutus. de rescript. & cap. cum multa. cum ei adnotatis, de constit. Per quæ videtur hæc pars negans de iure verior.

- 3 Ad primum oppositorum respondetur primo, secundum communem sententiam, quam inter alios adnotauit Panorm. d. cap. literas. notab. 2. quod iura plus oderunt duarum præbendarum, siue duorum simplicium beneficiorum similium retentionem sub eodem tecto, quam duorum curatorum sub diuersis. Secundo noue, & vt videtur, aptius responderi potest, quod d. cap. super eo. in oppositum adductum loquitur de duobus beneficijs curam animarum, sed non sub eodem tecto habentibus: & ita posset dici, quod non liceret retinere duo beneficia, quæ haberent curam in eadem ecclesia, etiam si alterum haberet per annexionem: & sic non obstat huic parti, quæ habet non posse quem habere duo beneficia etiam simplicia, si essent vniformia in eadem ecclesia, sine dispensatione Papæ.

Ad secundum respondetur concedendo, quod regulariter est verum, quod assumitur in eo, sed fallit frequenter, vt significat l. cum principalis. allegata in eo, verbo plerumque. vt ponderauit ibi Decius, & consequenter quando est diuersa ratio, vt late ibi per eum: & est casus nō citatus ibi ab eo, nec à glossis, in cap. debitores. de iureiuran. & in proposito casu est diuersa ratio in principali, & in annexo, vt palam est.

- 4 Ad tertium respondetur, quod licet non inueniatur in specie statutum de præbenda annexa beneficio alterius ecclesiæ, inuenitur tamē statutum in simili, vbi quo ad hoc videtur satis reperiri eadem ratio; parum enim refert quo ad hoc, an sit annexa beneficio eiusdem ecclesiæ, vel alterius: & statutum in simili, habet locum in alio simili, in quo est eadem ratio, l. non possunt. ff. de legib. cap. dudum. il. 2. de elect. Salua, &c.

S V M M A R I V M .

- 1 Dignitas non vacat per affecutionem canonicatus: si tamen vterque requirit residentiam, alterum tenetur dimittere, & hoc si sint in diuersis ecclesijs, num. 3.
nam

nam si sint in eadem ecclesia, non tenetur alterum dimittere, num. 4. & hoc etiam post Concilium Tridentinum, num. 5. modo utrique posui per eundem deferui, nu. 4. & 6. & modo dignitas non habeat præbendam capitularem, ut insinuat ex initio huius responsi: canonicatus autem qui est simplex beneficium, cum de consuetudine non requirat residentiam, potest cum dignitate alterius ecclesie, ubi Concilium non est receptum, retineri, num. 3.

- 2 Beneficia uniformia etiam simplicia & pensiones sub eodem tecto sunt incompatibilia, ita ut per assecutionem unius alterum vacet: idem dicitur de difformibus, si sint dignitates, personatus, vel officia, nu. 5. quod si sint aliæ difformia, modo utrique possit deferui, nequaquam efficiuntur incompatibilia ex eo solo, quod sint sub eodem tecto. num. 6.

CONSILIVM XXIV.

AN QVIS possit simul retinere canonicatum, ac dignitatē non tamen primam post pontificalem in cathedrali, præsupposito quod dignitas ipsa non habeat præbendam canonicalem ex bonis Capituli, & quod ex antiquis cōstitutionibus prædictæ ecclesiæ alternis hebdomadis vterque deferuiat in choro: & an sufficiat dispensatio proprii ordinarij?

- 1 Ad hanc quætionem respondeo primo, quod canonicatus, & dignitas etiam prima post pontificalem, non sunt de se talia incompatibilia, qualia sunt illa, de quibus in cap. de multa. de præben. & in extrauag. execrabilis. Ioan. XXII. & ita per adeptionem alterius non vacat alterum ipso iure iuxta dispositionem illorum capitulorum.

Secundo, quod si iure & consuetudine requirant residentiam personalem, erunt quidem incompatibilia quo ad retentionem; ita quod licet ipso iure non vacet alteri adeptione alterius, ut prædictum est, tenetur tamen illorum vnum, quod maluerit, relinquere iuxta cap. præterea. de præben.

Tertio, q̄ iure communi, præsertim antiquissimo, non solum canonicatus, & dignitas prædictæ, sed etiam omnia alia beneficia requirunt residentiam personalem, & consequenter sunt incompatibilia prædicti secundi generis iuxta glo. in cap. conquerente. verbo deferuiat. de cler. non residentib. quam Panor. cum communi sequitur ibi, & tenet Innoc. cum communi in cap. fin. eo. tit. quem sequitur idem Panor. latius in repetit. 9. quis vero. cap. extirpanda. de præb. & est ratio irrefragabilis in cap. ad hæc. eo. tit. inducendo illud eo modo, quo in eius repetitione inducimus.

Quarto, quod consuetudine induci potest regulariter, ne beneficium requirat residentiam, ut post glo. præfatam & Panor. & rationem ubi sup. resoluit Felin. in cap. cum omnes. col. penult. de constit. immo & fere ubique est huiusmodi cōsuetudo in beneficijs simplicibus, saltem secularibus, ut concludit Panor. in d. repetit. & in cap. cum iam dudum. eodem tit. & fortius Card. qui in hac re latior est in clemen. gratiæ. de rescript. & in d. cap. fin. de cler. non resid.

- 2 Quinto, quod omnia beneficia uniformia in vna ecclesia, siue sub eodē tecto, sunt incompatibilia primi generis, etiam si sint simplicia, & duo canonicatus, & duæ præbendæ, siue pensiones eiusdem speciei, cap. literas. de concess. præben. & clem. fin. de præben.

3 Sexto,

3 Sexto, quod ex his sequitur responsio ad questionem propositam, quatenus intelligi potest de canonicatu & dignitate diuersarum ecclesiarum, nempe quod sint incompatibilia secundi generis: consuetudine tamen factum fuisse nonnullis in locis ante Concil. Trid. ne saltem alterum illorum requiratur residentiam, & ita essent compatibilia: post cuius tamen cap. 12. sess. 24. videntur facta incompatibilia in diuersis ecclesijs, quia videntur requirere residentiam personalem per praedictum cap. 12.

4 Septimo, quod ex eisdem infertur etiam responsio ad praedictam questionem, quatenus intelligi potest de canonicatu & dignitate eiusdem ecclesiae, nempe, quod non sint incompatibiles primi generis, immo neque secundi: quia non sunt beneficia eiusdem speciei, siue vniformia. Nec facit ea incompatibilia necessitas residendi: quia cum consistant in eadem ecclesia, potest quis in vtroque residere. quod consequitur vnum paradoxum, videlicet, quod duo beneficia difformia sub eodem tecto aliquo respectu magis se compatiantur, quam alia duo eiusdem generis in diuersis ecclesijs, licet beneficia eiusdem speciei & vniformia diuersarum ecclesiarum alijs respectibus sint incompatibilia.

5 Octauo, quod attento iure communi antiquo relaxato, vt praedictum est, per consuetudinem quo ad beneficia simplicia, & attento etiam Conc. Trid. videtur quod sine vlla dispensatione Papae vel Episcopi potest quis habere in eadem ecclesia canonicatum, ac dignitatem. Nec obstat cap. literas, de concess. praeb. nec clem. fin. de praeben. quia loquuntur de beneficijs eiusdem speciei, & vniformibus. Nec etiam obstat cap. 1. §. fin. de consuet. lib. 6. quia solum habet non posse quem sine dispensatione Papae habere in eadem ecclesia duas dignitates, siue duos personatus, aut duo officia vniformia, neque difformia; non tamen vetat obtinere vnum tale cum canonicatu, & praebenda: immo glo. in verb. vnicum. infert ex eo clare, quod per dispensationem Episcopi potest quis habere in eadem ecclesia canonicatum, & praebendam cum dignitate.

Nono, quod glossa praedicta, quae videtur requirere ad hoc dispensationem Episcopi, intelligenda est quo ad eas terras in quibus seruatur ius illud antiquissimum cap. conquerente. de cler. non resid. secundum quod, vt est notatum in primo dicto, omnia beneficia sunt quodammodo incompatibilia: non autem in eis terris, quales fere sunt omnes, in quibus consuetudo subtrahit necessitatem residendi in simplicibus. vnde praefata gloss. d. cap. fin. sub finem significat tantum valere quo ad hoc consuetudinem, quantum Episcopi dispensationem; & per multa iura quae citat, in quibus est cap. tantum. de rescrip. & cap. cum olim. de re iud. satis iudicat hoc esse vbiq; inductum.

6 Decimo, quod non solum verum est id quod ait gloss. 4. declarata in praecedenti dicto; sed etiam quod nemo alius, quod sciam, aduertit, numquam iure communi duo beneficia difformia eiusdem ecclesiae sibi aliqui non repugnantia, fuerunt incompatibilia etiam secundi generis: quia illa incompatibilitas proueniebat, eo quod vnus non poterat in diuersis ecclesijs residere, & omnia beneficia requirebant residentiam; quod cessat in beneficijs.

beneficijs eiusdem ecclesie. Dixi tamen, Sibi alioqui repugnantia: quia si alteri incumberet aliquod onus faciendum eodem tempore, quo aliud illi repugnans incumberet alteri, essent incompatibilia, arg. l. vbi repugnantia. ff. de reg. iur. & cap. sollicitudinem. de appel. Salua, &c.

SUMMARIVM.

1. Beneficium requirens residentiam obtinens, ad alia requirentia residentiam etiam curata obtinenda non efficitur inhabilis; sed per affecutionem secundi, si sint curata, vel dignitas, vel officium, vacat primum: si vtraque non sint talis qualitatis, non inducitur quidem vacatio ipso iure; sed ipse tenetur, ac etiam potest cogi, ut alterum quod malit dimittat.
2. Dubio in casu recipiendus est sensus, qui cultui diuino ac eius augmento fauet. Vnde quando verba foundationis multarum capellaniarum simul erectarum possunt intelligi, ut sufficiat si ex omnibus omni die vnus faciat sacrum, vel ut omnes omni die celebrent, secundus sensus est admittendus, salua decentia & deuotione, nu. 2.
3. Obligatio Missam per se quotidie dicendi differt ab obligatione illam per se vel alium dicendi.

CONSILIUM XXV.

AN HABENS capellaniam, ratione cuius debet residere quotidie in aliqua ecclesia, impediatur habere beneficium curatum, vel aliud simile? & quid de necessitate missandi quotidie ob clausulam foundationis, quæ ita habet: Quod quilibet capellanus dicat Missam quotidianam: quæ tamen verba aliquando in ipsa foundatione variantur.

1. AD PRIMAM quæstionem respondeo sequentia. Primum, quod quærere quidem potest aliud beneficium etiam curatum iuste; quia necessitas residendi in aliquo beneficio iam quæsito, non tollit habilitatem quærendi aliud requirens residentiam, vel curatum: quia hoc nullo iure cauetur, & sine lege nemini est inducenda inhabilitas, præsertim ipso iure, iuxta gloss. fin. cap. fin. de iure patron. facit cap. legatur. 24. quæst. 2. 6. consideremus. in authen. de triente & semisse, collat. 3. Secundum, quod capellanus per adeptionem talis beneficii curati non perdit ipso iure suam capellaniam. Tum quia id etiam nullo iure cauetur. Tum quia Panorm. & communis sententia tenet in cap. referente. & cap. de multa. de præben. quod beneficium requirens residentiam personalem non vacat per adeptionem alterius eam requirentis, nisi sint de contentis in d. cap. de multa. scilicet dignitates, personatus, officia, vel ecclesia parochialis. Tertium, quod licet præfati capellani iuste possint quærere beneficia curata, non tamen iuste possent retinere illa, & suas capellantias simul, immo possent compelli ad relinquendum vtrum illorum maluerint, per dict. cap. referente. & cap. præterea. de præben. & cap. fin. de cler. non residen. cum ei adnotatis.

2. AD SECVNDAM respondeo, quod pro parte negante, sc. quod præfati capellani non tenentur ad missandum quotidie, facit primo, quod statutum,

tum, ut habens certum beneficium quotidie celebret, non obligat ad celebrandum quotidie, sed solum quantum frequentius poterit, salva honestate sua & debita deuotione. Secundo, quia statutum foundationis obligans eos ad missandum inter cetera loquitur per verbum singularis numeri, scilicet, ut dicant singulis diebus Missam: & dispositioni disponenti aliquid per singularem numerum satisfiat faciendo vnum: ut testatori disponenti, quod aliqua possessionum suarum vendatur alicui, satisfacit haeres vendendo vnam, & non tenetur ad vendendas plures, ut tradit Felin. cap. omnes. de constit. Tertio, quod statutum habet, ut capellani concordent super hora dicendi Missam, ut dicant eam per suos dies hora statuta, scilicet vndecima hieme, & decima aestate: & si omnes quotidie deberent singulas Missas facere, non videretur necessaria super hoc vlla concordia, & statutum videretur superfluum, quatenus habet ut dicant eam per suos dies, cum omnes tenerentur dicere quolibet die.

Pro parte vero affirmante, quod praefati capellani teneantur dicere quotidie suam Missam, facit primo, quod testator expresse disponit quod quilibet capellanus quotidie diceret Missam in altari maiori, vel alio illi proximiori: & ubi verba sunt clara, non est recedendum ab eis, l. non aliter. ff. de leg. 3. & in claris non est locus coniecturis, l. continuus. §. cum ita. ff. de verb. oblig. Secundo, quod executores testamenti statuerunt, ut capellani dicerent Missam quotidianam, eo modo quo testator disposuit: at ille clare & expresse disposuit, ut quilibet capellanus quolibet die diceret Missam: ergo quilibet eorum tenetur quotidie dicere Missam; quoniam relatum censetur positum in referente, l. asse toto. ff. de hered. instit. & l. si ita scripsero. & in l. in testamento. ff. de condit. & demonstr. Tertio, quod statuta foundationis in multis locis loquuntur de Missis in plurali numero, primo ibi, *los patrones nombren capellan, o capellanes, que digan las dichas Missas.* & pondera quod si sola vna Missa dicenda esset, non oportebat dicere, ut eligeret capellanium vel capellanos, quia satis erat vnum eligere, ibi, *queremos que los dichos capellanes digan las dichas Missas por si mismos.* & tertio ibi, *si algun capellan dexare de celebrar las Missas.* & pondera, quod loquitur in numero singulari de capellano, & in plurali de Missis, quae verba clare significant quemlibet teneri ad dicendas plures. quarto ibi, *que los patrones puedan hazer celebrar las Missas.* Quarto, quod in dubio recipiendus est sensus, quo cultus diuinus augetur. l. sunt personae. ff. de relig. & sumpt. fu. Quinto, quod actus hominum per consuetudinem recipiunt interpretationem, l. fin. C. de fideiuss. cap. cum M. de constitutio. ubi multa adducit Felin. at raro patroni instituunt multos capellanos ad dicendum vnam Missam: quare in dubio institutio plurius capellanorum ad missandum intelligenda est de pluribus Missis, & non de vna tantum. Per haec posteriora fundamenta videtur pars haec affirmans verior.

Ad primum oppositorum respondeo primo, concedendo, quod obligatus simpliciter ad dicendam Missam quotidie, satisfacit missando quoties salva honestate & debita deuotione potest: sed negando, quod ex eo
quid-

- 4 quidquam contra hanc partem colligatur. Tum quia hæc pars id non negat. Tum quia in casu proposito non agitur de obligato ad missandū quotidie simpliciter, sed de obligato ad missandum quotidie per se, vel per alterum, inter quæ magna est differentia, ut potest colligi ex Panor. conf. 99. nu. 4. Tum quia alia quæstio est, an præfati capellani debeant missare quolibet die per se, vel per alium, de qua non quæritur; sed solum an teneantur omnes ad vnam solam Missam quotidie faciendam, de qua quæritur, & ad quam responsum est quod non, sed debent singuli singulas dicere.

Ad secundum negando, quod in omnibus statutis testatoris & executorum fiat mentio de Missa in numero singulari; quia immo in pluribus fit mentio in numero plurali, ut patet per supradicta; & quod testator ita disposuit de Missa in singulari numero, quod clare significauit singulos capellanos teneri ad singulas Missas faciendas quotidie; eius enim verba sunt hæc, *quod quilibet capellanus dicat Missam quotidianam.*

Ad tertium responderetur, quod illud argumētum haberet aliquam vim, si nō posset esse inter capellanos alia discordia, quam quis eorum teneretur ad vnam Missam dicendam: sed illud est falsum; quia possunt esse multe alie discordie, scilicet quis eorum diceret prius sonante decima, & quis posterius, & quis in altari maiori, & quis in alio illi proximiori, & an deberent dicere de officio diei, vel alio, & an de viuis, vel de defunctis: & in huiusmodi discordijs potest verificari prædictum statutum. Salua, &c.

S V M M A R I V M.

- 1 *Dispensatus illegitimus ad beneficia quacumque cum clausula, dummodo nō sint plura, per illam id consequitur, ut dimisso primo possit obtinere secundum, non autem ut duo simul retineat.*

CONSILIVM XXVI.

QVAERITVR quid operetur clausula illa, dummodo non sint plura, quam Datarius cæpit noue ponere in dispensationibus, quibus Papa dispensat ad ordines sacros & beneficia cum illegitimis dispensatis ab Episcopo ad quatuor minores & vnum simplex.

- 1 Quia res obscura erat, & eius declaratio à mente concedentis gratiam pēdere videbatur, consulimus Reuerendissimum Datarium, qui respondit mentem Papæ & suam esse, ut virtute huiusmodi dispensationis nullus duo beneficia simul retinere possit, sed quod in hoc tantum profit, quod qui absque illa non poterat obtinere nisi vnum simplex, & primum quod sibi conferretur, virtute huius poterit obtinere & retinere aliud quodcumque maluerit, modo non retineat duo simul.

S V M M A R I V M.

- 1 *Capellania perpetua iurispatronatus, si (ut licet) reducatur per ordinarium ad manualitatem, desinit esse beneficium, efficiturque simplex seruitium, ad quod patronus sine alia Episcopi approbatione potest quemcumque deputare, & deputatum remouere. nu. 3. & 7. quod si postea impetretur ut beneficium, nō tenet institutio.*

Institutio, num. 5. nisi iterum de manuali per Episcopum instituat in beneficium ecclesiasticum, num. 8.

- 4 *Capellas esse manuales, seu seruitia manualia, magis expedit patronis; quia seruientes sic magis continentur in officio, quam si sint beneficia ecclesiastica.*
 6 *Bona fide possidens beneficium vti seruitium amouibile, facit fructus suos.*

C O N S I L I V M XXVII.

CAPELLANIAM perpetuam ordinarius, petente patrono, fecit manua-
 nalem; ad cuius seruitium patronus per se deputauit quemdam I. qui
 ad euitandos scrupulos curauit se ordinario præsentiari, & de ea vti de be-
 neficio perpetuo institui. Quæritur, quid agendum?

- 1 Respondeo primo, satis facile defendi posse id quod fecit præfatus
 ordinarius. Tum quod ordinarius, præsertim Legatus, potest iusta de cau-
 sa, & cum consensu patroni facere, vt aliqua capella perpetua, in qua ad
 præsentationem eius instituitur capellanus, & rector perpetuus, fiat tem-
 poraria, & ad nutum amouibilis: quoniam certum est, ordinarium posse
 vnire, & diuidere, & de nouo creare, & extinguere iusta de causa benefi-
 cia inferiora sui episcopatus, cap. sicut vnire. de excessib. prælat. & cap.
 præcipimus. & cap. plures. 16. q. 1. & cap. 1. de reb. eccles. non alienan. lib. 6.
 & clem. 2. eod. tit. & cap. cum accessissent. & cap. ex parte. de constit. Nec
 2 obstat, quod collatio beneficij, & institutio præsentati in eo sunt res spiri-
 tuales, & non cadunt in laicum, qui est incapax iuris non solum conferen-
 di, & instituendi, sed & eligendi, quod est minus, cap. sacrosancta. & cap.
 Messana. de electio. & cap. inuentum. & cap. nemini. 16. q. 7. nisi privilegio
 Papæ, iuxta gloss. celeb. in cap. imperium. 10. dist. & in summa 16. quæst. 7.
 3 Non inquam hoc obstat: quoniam per ordinationem, qua capella perpe-
 tua fit temporaria, & ad nutum amouibilis, ita vt loco illius constituatur
 temporale seruitium ad nutum patroni amouibile, non confertur ius con-
 ferendi, vel instituendi patrono laico, sed extinguitur capella perpetua, &
 loco illius fit illa, quā patronus potuisset ab initio ordinare etiā sine con-
 sensu Episcopi, vt scilicet darētur tot scuta annua alicui clerico ad seruiē-
 dū capellæ ita, vt posset ad nutū amoueri, & poni sine aliquo titulo perpe-
 tuo Episcopi; ita quod extinguitur beneficiū, quod debet esse perpetuū; &
 consequēter definit ordinarius habere ius instituēdi, sed nō quæritur illud
 patrono, qui etiā perdit ius præsentādi ad beneficiū, quia iā nō est tale; sed
 quærit libertatē ponēdi, & tollēdi, quē, & quoties voluerit; quod est grāde
 & vtile frenū ad continendū capellanū in officio virtutis, ne patronus re-
 sciēs illius vitium, amoto eo, ponat aliū: quæ, vt puto, fuit magna causa fa-
 ciēdi capellā illam de perpetua manualē, hoc est, extinguere illā, & loco il-
 lius facere tēporariā, q̄ nō esset beneficiū perpetuū, sed aliud gratius Deo.
 4 Secundo principaliter dico, quod debet serio perpēdi, fieri per hoc pa-
 trono grande præiudicium, & præfato I. grande commodum: quia si manet
 perpetua, non potest ea priuari, nisi ex causa graui, & cū causæ cognitione
 a iudice, vt alij beneficiarij: & quod forte hoc fuit in causa, cur sub specie
 boni spiritualis, & sanæ conscientie, præfatus I. quærit bonum temporale

eum præiudicio patroni, quem miror tam facile illi consensisse. Mihi enim iure verius videtur, valuisse illam ordinationem, si iusta de causa facta fuit: potuit autem esse bona pars talis causæ id quod prædictum est.

3 Tertio, quod meo iudicio consulendum erat prædicto patrono, ut procuraret restitutionem in integrum in suum ius antiquum per iustam ordinationem ordinarij sibi quæsitum: eo quod per iuris errorem, & timorem peccandi per præfatum I. & alios sibi incussum, per errorem præsentavit illum ordinario. Quod ipsum & præfato I. videtur consulendum; quoniam non potest facile defendi iustitia tituli, quem nunc habet in dicta capella, cum non videatur fuisse ordinario neque patrono animus mutandi ordinationem præfatam prædictæ capellæ, si iusta erat.

6 Quarto, quod præsupposita iniustitia & nullitate præfatæ ordinationis ordinarij, qua de capella perpetua fecit temporariam, & quod præfatus I. cum iniusto titulo possedit eam (quod certe ipse non auderem affirmare) quia tamen bona fide & cum titulo colorato possedit eam, fecit fructus suos, l. bonæ fidei. ff. de acquir. rer. dom. §. si quis à non domino. inst. de rer. diuis. tradunt Panor. & omnes in cap. grauis. de relli. spol. post Bart. in l. ex diuerso. ff. de rei vendic. & omnes in l. si & me & Titium. ff. de reb. cred. Conar. lib. 1. variar. resolut. cap. 3.

7 Quinto, quod nullius inhabilitatis timor est habendus, propterea quod videatur accepisse beneficium ecclesiasticum de manu laici, contra multa capp. 16. q. 7. Tum quia non accepit ut beneficiū perpetuū, sed ut seruitium manuale temporarium, quod potest dare laicus, & quotidie dant similes capellas manuales. Tum quod illa iura loquuntur de capiente beneficium sine colorato titulo, & ipse habebat coloratissimum, & certe mea sententia magis coloratum, quam nunc, ut prædixi.

8 Sexto, ad quæstionē, qua quæritur quid nunc oporteret agere iure poli, & iure fori, respondeo quod alterum de duobus, nēpe procurare ut patrono restituatur ius suum per præfatam ordinationem ordinarij sibi quæsitum, & præfato I. ius illud manuale, & amouibile, sicuti ante hanc innouationem habebat; aut curare, ut ordinarius solemniter erigat de nouo præfatam capellam in capellam perpetuam, & quod patronus de nouo præsentet præfatum I. ordinario, & quod ordinarius eum instituat in ea.

S V M M A R I V M.

1 Commenda perpetua dat quemdam improprium & extraordinarium titulum, ad effectum ut illa cessante comprehendatur sub reservatione beneficiorum, sed non dat verum & proprium titulum. Vnde quis duo potest habere beneficia, alterum in titulum, alterum in commendam: nec per cessationem commenda alteratur modus vacationis, immo vacat & remanet effectum & reservatum ut prius, adeo ut provisio ordinarij non det titulum nec coloratum.

2 Rescriptum Papæ in ijs quæ sunt iuris facit ius nedium inter partes pro quibus rescribitur, sed etiam inter alios.

BENEFICIUM commendatum non vacat proprie per cessationem commendæ; sed vacat ut prius ante commendam, & perinde manet affectum, & reservatum, ac manebat quando fuit commendatum, Federicus in titu. de permut. benef. q. 15. Ludouicus Romanus cons. 350. Cassad. decis. 5. de priuil. Gomez. in regul. de infirm. resig. quæst. 13. & de verisim. noti. q. 4. & de impet. benef. famil. Card. q. 5. & de trienn. quæst. 5. qui hoc in præfatis locis decisivè vel remissivè tenent, per cessationem commendæ censi vacare beneficium eo modo, quo vacabat cum fuit commendatum: pro quibus est illa regula, quod nemo debet habere plura beneficia in titulum per totam 21. q. 1. at unus & idem potest habere unum beneficium in titulum, & alterum in commendam, quia commenda non dat titulum, cap. qui duas. & cap. relatio. 21. quæst. 1. cap. nemo deinceps. de electio. lib. 6.

Non obstat, quod Cassad. & Gomez. in præfatis locis affirmant, commendam perpetuam esse titulum canonicum, & coloratum, & quod per cessationem commendæ perpetuè perditur ille titulus, & vacat beneficium commendatum, & comprehenditur sub prædictis regulis Cancelariæ, quæ loquuntur de titulo colorato & vacatione quia: ut ex ipsismet colligitur, intelligunt de quodam titulo extraordinario, & improprio, & de vacatione largo modo quo ad effectum includendi sub præfatis regulis magis ex identitate rationis, quam ex proprietate verborum; non autem loquuntur de titulo, & vacatione, per quam desinat beneficium esse affectum, ut erat quando fuit à Papa commendatum. Denique ipsemet Papa in suis literis amplissime declarat, per commendæ cessationem non vacare beneficium commendatum, aliter quam vacabat tempore commendæ: & quod manet reservatum eius collationi, prout erat quando commendavit; & addit non posse ordinarium in eo conferre titulum coloratum: & cum ita declaret Papa rescribendo in his quæ sunt iuris, nulla cadit dubitatio: quoniam rescriptum principis facit ius, non solum inter partes, ut ait Ioan. Andr. continuat. rubri. de rescript. sed etiam quo ad alios, cap. licet. 16. quæst. 3. cap. multi. 2. quæst. 1. cum multis alijs per Felinum in d. rub. de rescrip. col. 1. Salva, &c.

S V M M A R I V M.

Distributiones quotidianas, quas canonicus hæreticus occultus, interim antequam cum retentione beneficii absolueretur, percepit, ijs, quibus accrevisset, restituat.

C O N S I L I V M XXIX.

CANONICVS hæreticus occultus, qui accepit distributiones quotidianas, si absolvatur, postea reconciliatus cum retentione canonicatus, cui restituet eas?

Respondeo, hanc quæstionem posse decidi per ea quæ nos tradimus in Enchiridio de oratione, cap. 7. nu. 33. scilicet acquiri huiusmodi distributiones illis canonicis, quibus accrevisset, si ipse non interfuisset: an autem

Hh 2 possint

possint remitti, & condonari, vide quæ vbi supra tradimus cap. 22. nu. 49. & seq. & misc. 59. nu. 1. & seq.

S V M M A R I V M.

1. *Posseßio triennalis de colorato titulo facit verum.*

CONSILIVM XXX.

QVÆSITVM est, an posseßio triennalis beneficij de colorato titulo faciat verum?

Respondetur quæstionem hanc esse magnam, quam etsi perlegendo in scholis sæpius tetigi, numquam tamen in eius decisione animum ita firmaui, vt non fluctuaret, videns ex vna parte gloss. antiquam viri doctissimi Gulielmi de Monteferrato tenere in gloss. regul. Cancell. 33. pag. 5. quod possidens pacifice beneficium triennio cum titulo colorato, facit illud suum, etiam quo ad Deum, licet titulus non fuerit canonicus. Et ab altera parte perpendens argumenta nervosa, quæ contra eam fieri possunt, quorum aliqua tangit Cosmas Gumier. in gloss. pragma. sanct. Gallican. tit. de pacifico posse. super verbo triennio. & verbo molestari. per quæ tenet contrarium; quod ipsum, ea tamen non relata, tenuit etiam Gomez. in eadem regula, q. 58. At nunc arbitror opinionem præfatæ gloss. antiquæ esse seruandam, per argumenta nervosa, quæ ipsa tangit: & quia mens Conciliorum, vnde illa regula desumpta est, & concordatorum inter Leonem X. & Franciscum Galliarum Regem tit. de pacifico posse. vbi latius quam alibi sensus illius regulæ exponitur, id sensisse videtur; & quod prætorum summa Gallicana, quæ parlamenta vocant, id seruare dicuntur à Petro Rebuffo, qui hanc partem late confirmat in commentario de pacifico posse. ampl. 3. Salua, &c.

Aduertendum, hanc sententiam auctoris non esse ita certam, vt patet ex Conar. regul. possessor. par. 2. §. 10. versic. septima conclusio. cum anteced. de reg. iuris in 6.

S V M M A R I V M.

1. *Alternatiua mensium non prodest ordinarijs acceptantibus, nisi postquam eorum acceptatio authentica ad Datarium peruenerit, nec post mortem Papæ illam concedentis, nu. 2. includitque diem ipsiusmet publicationis. nu. 3.*
2. *Gratia ad beneplacitum Papæ morte eius expirat, secus si ad beneplacitum Sedis Apostolicæ concedatur.*
3. *Dies termini, quando illi additur præpositio, à, vel ab, non computatur in termino, secundum illam opinionem quæ aliquibus magis communiter est recepta: fallit primo, quando de mente auctoris, vel ex alijs verbis aliter contrarium potest colligi, num. 4. & 7. Item dicta regula procedit, quando dicta præpositio additur actui gerendo, vel tempori sine certi diei expressione, secus si addatur certo diei, num. 5. Item fallit, quando additur à lege, nec inclusio est contra ius, num. 6. Item & quando inclusio est fauorabilis ei cui sit gratia, dilatio, vel facultas. nu. 8.*

6. *Refer.*

- 6 *Reservatio alternatiua mensium non est contraria iuri, immo conformis, quia reservat Papae ius conferendi, quod illi competit ratione concursus, quo cum omnibus ordinarijs & validiori iure concurrat.*

C O N S I L I V M X X X I .

QVAESITVM fuit, an vacante canonicatu & praebenda in ecclesia cathedrali Gienen. illa ipsa die, qua facta fuit reservatio alternatiua a S.D.N. Sixto V. censeatur includi in reservatione, vel valeat collatio ordinarij in vim alternatiuae praecessoris.

- 1 Ad hanc quaestionem decidendam praesuppono primo collationem praedicti canonicatus factam a Reuerendis. Episcopo Gienen. non potuisse valere illa ratione, quod illa pertineret ad ipsum virtute alternatiuae: quia illa ei non poterat prodesse, donec fides eius acceptationis peruenisset ad Datarium, ut concessionis alternatiuae tenor continet, quae non peruenit ante collationem a Sanctissimo factam.
- 2 Secundo, quod etiam certum est praedictum D. Episcopum non potuisse illum conferre virtute acceptationis alternatiuae, quam fecerat antea Gregorius XIII. quia illa & virtus eius expirauerunt per mortem illius: quoniam facta fuit usque ad beneplacitum eius, & gratia facta usque ad beneplacitum Papae finitur morte ipsius; licet non, si fieret usque ad beneplacitum Sedis Apostolicae, cap. si gratiose. de rescrip. lib. 6.
- 3 Quibus praesuppositis respondetur primo, quod tota difficultas huius quaestionis consistit, an obstat eius collationi alternatiuae reservatio facta per S.D.N. pro cuius utraque parte multa possent adduci: quoniam multa faciunt pro collatario Papae, & multa pro collatario Episcopi: sed omnia videntur reduci ad illam quaestionem, an reservatio facta a Sanctissimo, & publicata die 4. Maij anni 1585. qua reservavit omnia beneficia vacantia extra Curiam a die publicationis eius propter praepositionem illam, a. censeatur excludere, an includere diem illum quartum: quia praedicti canonicatus & praebenda vacauerunt illa ipsa die, & collatarius Episcopi praetendit eos non comprehendi in reservatione praedicta: quia dies termini non computatur in termino, quando illi additur praepositio, a. vel ab, ut habet gloss. memorabilis adiuncto textu in clem. sicut. de appell. quae videtur aliquibus communiter recepta, in quibus videtur esse Decius cum relatis a se in cap. super eo. il. 2. de appell. Collatarius autem Sanctissimi contradicit, allegans diem termini computari in termino in praedicta reservatione.
- 4 Pensatis autem mediocriter utriusque rationibus adductis pro illa glossa, & contra illam; videtur verius esse, quod in hoc casu dies termini includatur in termino, & quod canonicatus & praebenda praedicta censeantur reservata S.D.N. Primo quidem, quod ex mente auctoris reservatoris id colligitur. Tum quod constat eum voluisse per illam reservationem reservare sibi regulariter quo ad omnes collatores & collatrices omnia beneficia vacantia mense Maio, cuius dies erat ille quartus, in quo vacauerunt; & ita videtur voluisse vacantia illo die includere.

Tum quod consuetudo antiqua Max. Pontificum habet reservare vacan-
tia in octo mensibus sibi per reservationem regularem, & vacantia sex
mensibus per reservationem alternatiuam: & non videtur unquam con-
tigisse casum, in quo dies termini declaretur exclusus.

Secundo, quod colligitur etiam ex verbis ipsius reservationis; quia fa-
cta est secundum consuetudinem antiquam predictam, exprimendo in quo-
bus locis menses reservatos, & in vna sine vlla prepositione, a, vel ab, ex
quo conijcitur, quod sua Sanctitas nullam de vi exclusiua diei termini ha-
buit memoriam, & consequenter noluit vt haberet eam: quia nihil inco-
gnitum est volitum, secundum S. Augustinum 13. de Trinit. receptum ab
omnibus, & probatur per l. cum Aquiliana. ff. de transact. cum similibus.
Tum quod si illa reservatio fuisset facta die secunda, vel tertia Maij, inclu-
sisset diem quartam: & certum est noluisse minus includere faciendo eam
die quarta, quam faciendo eam die secunda, vel tertia, quo ad dies in
ea terminatos.

5 Tertio, quod in proposito non agitur de prepositione, a, vel ab, ad-
dita tempori, vel actui generaliter sine expressione diei certi, quo casu
non includunt tempus precedens actum, sed solum sequens immediate
illum, vt in cap. anteriorum. 1. quæst. 6. ibi: *A recitatione sententie.* & in cap.
quam sit. de eloquio. lib. 6. ibi: *A tempore presentationis.* Sed agitur de præ-
positione, a, adiuncta certo diei: per quod tolluntur argumeta quæ videntur
probare non includere tempus precedens actum, sed solum sequens
illum, vt singulariter præ alijs adnotauit Præpositus in cap. super eo. il. 2.
num. 27. de appell.

6 Quarto, quod Cinus, quem sequitur sibi Salicetus, in l. a caligato. C. de
nupt. determinauit, quando huiusmodi præpositiones includunt termi-
num diei, cui adiunguntur, & quando non; dicens, quod quando proferun-
tur a lege, includunt, si inclusio non est contraria, vt in d. l. a caligato. & in
cap. a subdiacono. 93. dist. & in cap. aliter. 31. dist. & in casu proposito præ-
positio, a, præfertur a lege, & inclusio est conformis iuri: ergo censendum
est includere. Quod autem sit conformis iuri, & legi, probatur ex eo, quod
Papa iure communi habet potestatem conferendi omnia beneficia, quo-
cumque tempore vel loco vacent, secundum gloss. magnam recep. in cap.
1. de offic. leg. lib. 6. & per reservationem predictam confirmatur, & au-
getur ius eius ad conferendum. Nec obstat, quod nocet ordinario, qui
concurrit cum Papa: quia ius quod habet Papa est longe amplius, & di-
gnius; adeo quod vt ait prædicta gloss. recep. si ambo conferrent eadem
die, & nesciretur vter prius contulisset, collatio Papæ prævaleret cæteris
paribus collationi ordinarij: & ideo prædicta reservatio potius iudican-
da est conformis iuri, cum consonet iuri Papæ, quam difformis, eo quod
deroget iuri Episcopi.

7 Quinto, quod etiam prædictus Cinus communiter receptus tenet vbi
supra, quod quando proferuntur ab homine tales præpositiones adiunctæ
diebus, censentur includere, si de mente disponentis expresse vel tacite id
potest colligi: & in casu proposito talis mens colligi potest, tum expresse,
eo quod

eo quod S. D. N. declarauit se habuisse illam mentem per declarationem solemnem id continentem factam ab eo tamquam à legiflatore, & non tamquam à doctore priuato, cui credendum est, cum per literas eius Apostolicas de facto proprio deponentis id apparet, iuxta clem. literis. de probat. Tum tacite, quia quilibet præsumitur se suosque magis diligere, quam extraneos, l. præses. C. de serui. & aqua. & cap. si non licet. 23. quæst. 1. per quæ & alia iura probatur ordinatam charitatem incipere à se ipso; & inclusio illius diei respiciebat commoditatem & utilitatem suam, & suorum familiarium, & aliorum clericorum pauperum in Curia degentium, quam certum est maluisse intēdere, quam Episcoporum, & aliorum collatorum voluntatem, & appetitum, quæ non solent esse Reipub. adeo commoda, ac sua, vti omnium patris, ac domini, & vnici ac supremi Vicarij Christi.

- ¶ Sexto, quod prædictæ præpositiones includunt terminum, quando inclusio est utilis & fauorabilis ei cui fit, vel datur dilatio, facultas, vel gratia, vt pulcherrime determinat post alios Præpositus vir eruditissimus, & in rebus Curia Romanæ exercitatus in prædicto cap. super eo. nu. 27. & probatur ea ratione, quod in quocumque casu dies, cui adijcitur præpositio, à, vel ab, computatur in termino, vbi inclusio termini operatur utilitatem ei cui datur, vel fit dilatio, vel facultas. At per reservationem prædictam resultat utilitas & commoditas ei cui fit reservatio, nempe Papæ: ergo dies termini computabitur in termino: quæ ratio confirmatur per gloss. magnam & recep. cap. statutum. de præb. lib. 6. quæ significat tunc præpositionem, à, excludere diem termini, quando utile, commodum, vel fauorabile est ei, cui conceditur dilatio, vel gratia: & tunc prædicta præpositio includit, quando inclusio est utilis vel fauorabilis ei cui conceditur dilatio, facultas, vel gratia. Per quæ omnia concluditur, prædictum diem quartum, qui fuit terminus prædictæ reservationis, includi sub ea. Salua, &c.

S V M M A R I V M.

1. Pensio de voluntate promissi de beneficio iuste ita imponi potest, vt ea etiam possessione non habita solvatur, & nu. 5. poterit tamen se eximere, beneficium dimittendo. nu. 7. interim autem iuste exigitur & solui debet. nu. 4. solvatur inquam ex alijs bonis, ex quo hæc solutio non est restricta vt fiat solum de fructibus beneficij. nu. 5.
2. Vendens vel grauatus dare decem pondera olei, quod nascetur ex tali prædio, non obligatur dare plusquam ex eo nascatur: secus esset, si suam obligationem non restrictisset præcise ad ex illo nasciturum. nu. 5.
3. Perempta re debita sine culpa debitoris, debitor liberatur, & hoc quo ad ea quæ debentur in specie, secus de eo quod debetur in genere. nu. 6.
4. Impedimentum superveniens excusat debitorem: fallit tamen in impedimento promisso, vel quod potuit à prudente provideri. nu. 8. & 4.
5. Difficultas solvendi rem promissam non liberat debitorem. & nu. 7.

- 1 **PRAESUPPOSITA** resolutione dubij, scilicet, quod constitutio pensionis adiecta clausula, habita, vel non habita possessione, est iusta; Ad dubium propositum, an sit iustum, vel iniquum accipere pensionem à beneficiario, qui nondum accepit possessionem beneficij, nec ullos fructus eius, respondetur, quod pro parte affirmatiua facit primo, quod qui vendit decem pondera olei, quod natum esset ex tali pradio, non tenetur soluere illa, nisi nascantur, l. si debitor. ff. de contrahen. empt. & si legatae fuerint decem amphorae vini, quod nascetur ex tali pradio, non debebuntur plures, quam nascentur, l. cum certus. ff. de triti. vino, oleo. At pensio est soluenda ex fructibus beneficij: ergo non debet solui, nisi tantum quantum ex fructibus illius colliget beneficiarius. Secundo, quod cum res promissa vel legata perit sine culpa debitoris, non tenetur ad eam soluendam, immo nec si à communi commercio eximatur, l. inter stipulantem. §. sacram. ff. de verb. oblig. cum ei adnota. At fructus beneficij, cuius beneficiarius possessionem non capit, nec potuit capere, & fecit quidquid homo diligens facere debebat, videntur periisse ipsi sine vlla culpa sua: ergo non tenebitur eos soluere. Tertio, quod dura res videtur, quod quis soluat pensionem de re, qua nullatenus uti potest, argumen. praedictarum l. si debitor. & l. cum certus. Quarto, quod impedimentum superueniens excusat quem ab obligatione faciendi ea quae tenebatur facere, cap. communiter. 13. distinct. & cap. quemadmodum. de iureiuran. At beneficiario, de quo loquimur, superuenit impedimentum soluendi pensionem ex impotentia capiendi possessionem beneficij pensione onerati: ergo excusatur à praestanda illa.
- 4 His tamen non obstantibus contrarium est dicendum. Tum quia difficultas praestandi rem promissam non excusat promittentem ad illam praestandam, l. continuus. §. cum ita. de verbor. oblig. Tum quia damnum quod alicui sua culpa venit, sibi debet imputari, cap. damnum. de reg. iur. lib. 6. At damnum hoc sua culpa euenit beneficiario, qui potens & debens prauidere se posse impediri ab adipiscenda possessione, voluit se obligare ad soluendam pensionem, etiam non adeptam possessionem. Tum quia euentus, quem quis prauidit, vel debuit prauidere, non excusat. l. si putator. ff. ad l. Aquil. At praedictus beneficiarius prauidit potuisset euenire difficultatem & impotentiam capiendi possessionem; quia ideo se obligauit ad soluendam pensionem, etiam non adeptam possessionem. Tum quia, quod factum est legitime, non debet retractari, licet perueniat ad eum casum, à quo non potuit incipere, cap. factum legitime. de reg. lib. 6. & casus hic nullibi reperitur excep. ab illa regula: ergo illi est standum, iuxta glos. solen. in regul. omnis definitio. ff. de regul. iur. & in rub. eod. tit. lib. 6. Cum ergo in resolutione praecedentis questionis probatum sit praedictam constitutionem pensionis esse iustam, & legitimam, non debet retractari, nec vana fieri, etiam si eueniat casus à quo non posset incipere; quanto minus, quod in casu proposito non euenit casus, à quo non posset incipere.

incipere; sed tantum difficultas praestandi quod legitime promissum est, quam non excusare supra dictum est.

Non obstant opposita. Ad primum enim respondetur concedendo, debitorem pondo olei, quae nascentur ex tali praedio, non teneri ad soluendum illa plusquam quae ex eo nascentur; quia suam obligationem restrinxit ad soluendum illa, quae nascerentur ex tali praedio: negando tamen beneficiarium praedictum restrinxisse suam obligationem soluendi ex fructibus, quos caperet ex beneficio nec expresse, nec tacite, immo expresse ampliavit illam ad soluendum ex alijs bonis, casu quo nullos fructus caperet ex illo, immo etiamsi eius possessionem non caperet.

6 Ad secundum respondetur concedendo assumptum, quando aliquid in specie promittitur; negando tamen, quando in genere promittitur; & ita si praedictus beneficiarius promississet in specie pensionem ex fructibus, quos perciperet ex beneficio pensione onerato, non teneretur illam soluere: sed quia promisit soluere in genere pensionem non se restringendo ad fructus, quos perciperet, immo ampliando se ad casum, quod etiamsi nihil ex eis perciperet, teneretur etiam soluere, ad id obligatur per l. incendium. C. si certum petatur. & resolutionem communem ibi, & ubique.

7 Ad tertium respondetur concedendo duram quidem rem esse, sed duritiam rei praestandae non excusare obligantem se scienter ad illam praestandam: dura enim res est servare tria substantialia vota religionis, sed illa durities non excusat monachos ab observatione illorum secundum omnes Catholicos contra impium Lutherum; praesertim quod beneficiarius potest se a duritia illa excusare relinquendo beneficium, ut regrediatur ad pensionarium, vel conferatur alteri.

8 Ad quartum respondetur primo, quod assumptum in illo intelligendum est, de impedimento non praevisto, & quod non potuit a prudente viro praevideri, quale non est hoc. Secundo negando, quod in hoc casu superveniat impedimentum soluendi pensionem, licet superveniat impedimentum soluendi illam ex fructibus beneficii, quae longe sunt diversa & separata, & a separatis non infertur, l. Papinianus. ff. de minorib. Tertio quod potest se excusare ab hoc onere relinquendo beneficium, ut praedixi: quod si voluerit illud retinere, damnum, quod ex hoc ei veniet, culpa suae imputetur per praedictum cap. damnum. Salva, &c.

S V M M A R I V M.

1. Subreptitiam reddit gratiam omnis expressio falsi, quae potest movere Principem ad facilius eam concedendam.

C O N S I L I V M X X X I I I.

AN PECCAVERIT N. in impetratione beneficii exprimendo se teneri ad solutionem pensionis, quam reuera soluebat, sed paulo ante redemerat?

- 1 Respondeo, quod impetrans unum beneficium, exprimendo se teneri ad soluendam pensionem, quam iam licite redemerat, non solum peccat, sed etiam

etiam gratiam perdit; quia omnis expressio falsi, quę potest mouere Principem ad gratiam facilius concedendam, reddit eam subreptitiam, cap. super literis. de rescript. cum citatis ibi per Fel. colum. 1.

S V M M A R I V M.

1. *Pensio reſeruata laico ſuper commendā à magno Magiſtro eſt nulla.*
2. *Penſionem pro laico ſolus Papa reſeruare poteſt.*
3. *Beneficiarius poſt adeptum beneficium, ſed non antea poteſt alteri promittere, vel donare de fructibus eius, pietatis & inopię intuitu.*

CONSILIVM XXXIV.

VTRVM magnus Magiſter militiæ S. Ioannis poſſit conſtituere penſionem alicui laico coniugato ſuper commendam collatam cuiuspiam ordinis ſui militi, & an laicus illam exigere, & an miles illā ſoluere valeat?

1. *Reſpondeo primo, quod mea ſententia, quam dolenter promo, conſtitutio prædicta præfatæ penſionis minime valet: tum per illa multa, quæ nos nuper ſcripſimus in Miſcel. 45. & ſeq. libelli de miſcellaneis: quoniam nihil iure diſtat inter ea quæ ibi ſcribuntur, & quæ in caſu propoſito quæruntur, niſi quia ibi magis loquimur de penſione imponenda clerico ſæculari ſuper beneficio ſæculari, hic autem de illa quæ imponi poteſt regulari ſuper beneficio regulari. Tum quod receptum eſt ab omnibus,*
2. *non poſſe ab inferiori Papæ conſtitui penſionē ulli laico, etiā non coniugato: & in caſu propoſito præfata penſio fuit conſtituta coniugato ab inferiori Papæ: per quę neſcirem defendere præfatam penſionis conſtitutionē, neque conſequēter quo modo poſſit exigī, & quo ſolui tamquam debita.*
3. *Secundo, quod ſi amicitia mutua, & charitas commendatarij penſione onerati, & penſionarij fuerit tanta, quod commendatarius velit ſoluere illam gratis alteri, & ille accipere tamquam gratis datam; & ratio aliqua paupertatis, pietatis, vel neceſſitatis interuenit, ob quam præfatus commendatarius iuſte poſſit donare redditus illius penſionis præfato penſionario; poſſunt conuenire ambo inter ſe, & per ſcripturā publicam confiteri ſe nolle petere, neque ſoluere penſionem illam vti debitam, & diſcedere à conſtitutione, quam Illuſtriſſimus Magiſter fecit; ſed quod commendatarius ſoluet penſionario cauſa paupertatis, pietatis, vel neceſſitatis totā ſua vita, vel ad aliquos annos: quoniam licet beneficiarius ante adeptum beneficiū non poſſit promittere aliquid alteri de fructibus beneficij habendi; poteſt tamen poſt habitum & conſequutum donare alteri, pietatis, inopiæ, vel neceſſitatis intuitu, aliquam partem reddituum eius, vt late monſtramus nos in multis locis tractatus de redditibus eccleſiaſticis.*

DE CLERICO ÆGROTANTE, VEL DEBILITATO

S V M M A R I V M.

1. *Beneficio ob ſuperuenientem amentiam, etiā ſi ſit archidiaconatus, quis non eſt priuandus; ſed ei, durante amentia, à ſuperiore dandus coadiutor.*

CON-

CONSILIVM I.

VNVS Archidiaconus & canonicus in amentiam perpetuam incidit.
Quæritur an beneficia illius impetrari possint.

- 1 Respondeo, quod non sunt impetranda beneficia prædicta, neque ipse sine culpa eis priuandus: sed superior potest dare ipsi coadiutorem, manente iure beneficiorum in illo, secundum communem opinionem, quæ colligitur ex cap. cum percussio. & cap. Pontifices. 7. q. 1. & ex cap. de rectoribus. de cler. ægrot. & ex cap. 1. eod. tit. lib. 6. & ex responsione quæ communiter datur cap. tua. de cleri. ægrot. quod innuit contrarium: posset autem impetrari à Papa coadiutoria perpetua cum futura successione pro aliquo, de quo verisimiliter crederetur, quod non captaret mortem eius.

SUMMARIVM.

- 1 Coadiutor ordinario iure creatus tenetur obire ea munera, quæ titularis obligatus præstare non potest; vivitque ex fructibus beneficii: & hoc, nisi aliud in creatione sit expresse cautum, quia tunc id erit servandum tam pro ipso, num. 3. 4. & 5. etiam ad effectum ut sit perpetuus cum futura successione, quam contra ipsum, num. 2. etiamque ad effectum, ut per illius interessentiam titulari acquirantur distributiones, num. 3. & 5. ex quo Pontifex circa hæc humana iura potest, ut placet, disponere. num. 7.
- 3 Distributiones etsi non dentur regulariter nisi interessentibus divinis, attamen quandoque Papa concedit ut titularis illas lucretur interessendo per ei datum coadiutorem. & num. 5.

CONSILIVM II.

PRÆSUPPOSITO, quod Sanctissimus dedit coadiutorem perpetuum & irrenocabilem archidiacono cum futura successione, adiecto, quod ipse coadiutor non possit petere, nec exigere quidquam de fructibus archidiaconatus ob eius munera, & regimen: & quod se intromittere non possit in eodem regimine, & administratione archidiaconatus, nec fructuum eius, nisi de consensu ipsius archidiaconi; eo tamen absente possit habere stallum, & vocem in Capitulo, & in processionibus; sed omnia, quæ dum ibi steterit lucrabitur, cedant archidiacono. Quæritur primo, an ipso archidiacono ægrotante, ea quæ lucrabitur coadiutor, dum steterit pro eo in Capitulo, vel alibi, cedant ipsi archidiacono. Secundo, an etiam ea, quæ tribus mensibus, qui ad quiescendum dantur, eidem cedant, si dictus coadiutor resederit.

- 1 Respondeo primo, quod coadiutor iure communi ordinario creatus tenetur facere omnia, ad quæ datur, & quæ is cui datur tenetur facere, ut colligitur ex Innocen. in cap. nisi cum pridem. de renunciat. nu. 4. & probatur in cap. de rectoribus. & cap. fin. cum ei adnot. per Panormitanum & alios, de clerico ægrot. colligitur autem ex eo, quod prælatis & beneficiarijs dandi sunt iure communi coadiutores, ut adiuvent eos in his quæ tenentur ipsi facere, & non possunt, ut sentit Innoc. ubi supra, & debent

bent habere sustentationem ex fructibus & redditibus beneficiorum, ad quæ administranda designantur, vt statuitur in cap. 1. de cler. ægrot. lib. 6. & in d. cap. de rectoribus. cum eis adnot. & huiusmodi sustentatio & stipendium non datur in vanum, sed pro obligatione faciendi ea, quæ incumbunt agenda beneficiario, iuxta illud, Propter officium datur beneficiū, cap. fin. de rescrip. lib. 6. & cap. 1. de cler. ægrot. cod. lib.

2 Secundo, quod coadiutor, de quo quæstio mouetur, non est iure cōmuni & ordinario datus, sed valde extraordinario, & in gratiam & fauorem specialem, vt ex ipsa concessione Papali colligitur: nam datur cum futura successione, & cum multis ampliationibus & restrictionibus cōtra ius commune additis. Datus est enim ita vt coadiutoria sit perpetua & irrevocabilis, & quod nihil possit petere, neque exigere de fructibus archidiaconatus, ob cuius regimen & munera subeunda designatur.

3 Tertio, quod Sanctissimus D. N. non obligat eum ad prædicta munera subeunda, sed facit ei facultatem subeundi & gerendi de consensu archidiaconi: non enim iubet ei, vt ea subeat, sed quod valeat ea subire volente archidiacono; immo expresse vetat ei, ne se intromittat in regimine & administratione prædicti archidiaconatus, illiusque fructuum, nisi de consensu illius; & quod eo absente possit habere stallum in choro, & locum & vocem in Capitulo, & in processionibus: & quod cum sic steterit, non lucretur pro se quidquam, sed pro archidiacono: ita quod nullum ei salarium, neque stipendium erit soluendum ab archidiacono, si noluerit ei quicquam soluere.

4 Quarto, quod ex hoc sequitur, quod ipse quoque coadiutor non tenetur ad seruiendum archidiaconatui, si noluerit seruire; quia sicut ait Apostolus 1. ad Corin. 9. relatus in cap. 1. col. 2. 13. q. 1. *qui altari seruit, de altari viuere debet.* & vt idem ait ad Galat. 5. relatus vbi supra, *nemo militat suis stipendijs.* ita qui non viuit de altari, non tenetur ei seruire; quia quod operatur propositum in proposito, operatur oppositum in opposito, l. et si cōtra tabulas. ff. de vulg. & cap. sciendum. 8. quæst. 1.

5 Quinto, quod ex prædicta exorbitanti concessione S. D. N. videtur colligi, quod prædictus coadiutor absente archidiacono potest etiam absque eius consensu sedere in choro, & dare vocem in Capitulo, & incedere in processionibus, & interesse alijs actis capitularibus canonicorum, etiam nolente archidiacono: non tamen potest in regimine, administratione, & fructuum perceptione se intromittere, nisi eo volente, & de consensu eius, vt ex bulla expresse patet.

Sexto, quod ex prædictis infertur decisio primæ quæstionis, scilicet quod ægrotante seu stante infirmo archidiacono potest quidem coadiutor interesse choro, & Capitulo, & sedere in locis archidiacono designatis eo absente, & etiam nolente, & lucrari pro archidiacono omnia quæ lucraretur ipse archidiaconus, si ipsemet personaliter deseruiret; non tamen tenetur, si nolit: & in reliquo regimine archidiaconatus & fructuum perceptione nec potest, neque debet se intromittere sine consensu & voluntate archidiaconi, cuius cōcessionis ratio videtur fuisse illa, quod partes, quibus

quibus annuit Papa, noluerunt ut tolleretur quidquam emolumentum archidiacono, licet voluerint ut sua Sanctitas honoraret adiutorem sine ulla archidiaconi damno in vita eius per cōcessionem stalli in choro, & loci in Capitulo, lucrando non sibi, sed archidiacono: & quod cedente, vel decedente archidiacono succederet in archidiaconatu.

- 6 Septimo, quod prædictus archidiaconus potest sibi querere omnia emolumenta sui archidiaconatus ratione suæ infirmitatis, & aliorum legitimorum impedimentorum, & non interessendo diuinis, eo modo, & perinde ac si nō haberet coadiutorem, siue coadiutor interfuerit, siue non: quia nullo iure neque hac concessione Papali hoc ei prohibetur.

Octauo, quod ex his infertur etiam decisio secundæ quæstionis, scilicet quod tribus mensibus, qui pro quiete dantur, lucrabitur archidiaconus perinde ac alij, siue coadiutor resideat, siue non: quia in illis non tenetur interesse diuinis, per se, neque per alium.

- 7 Nono, quod non obstant argumenta, quæ induci possunt contra hæc ex iuribus allegatis in primo dicto: quia illa procedunt in eo qui est coadiutor secundum formam iuris communis, secundum quam debet habere congruam sustentationem; & debet obire munera, quæ principalis, cui datus est, subire nequit: qualis non est hæc, cui expresse derogat summus Pontifex, qui circa omnia iura humana dispensare potest, cap. cuncta per mundum. 2. q. 3. & cap. proposuisti. de concess. præben. Quæ omnia licet is cui vacaret posset largius fundare, nos tamen plurimis occupati non potuimus id præstare, sed neque expedit: quoniam satis firmiter expressatis nouem dictis confirmantur.

S V M M A R I V M.

- 1 Senectus metaphorice, & non proprie dicitur morbus: unde in literis beneficialibus, quæ sunt ambiciose, appellatione morbi non venit senectus.
- 2 Coadiutoria ob vnā causam non extenditur ad aliam, immo duæ ad duas causas dari possunt.
- 2 Religiosus ad id cui aptus est, & non cui est ineptus, coadiutor dari potest.
- 3 Coadiutor Archiepiscopi cum futura successione pallio uti non potest.
- 3 Coadiutor Archiepiscopi, eo absente, vel annuente, benedictionem dare potest, si sit Episcopus consecratus, possitque exercere pontificalia.
- 4 Coadiutor datus cum potestate exercendi, quæ coadiutores iure vel consuetudine possunt, beneficia conferre, vel alia exercere non valet, quæ is, cuius est coadiutor, per se vult & potest exercere.

C O N S I L I V M I I I.

AN COADIUTOR datus Archiepiscopo propter senectutē, egritudinem, & amentiam cum futura successione, & facultate exercendi spiritualia & temporalia, quæ iure vel consuetudine ad coadiutoris officiū pertinent, possit uti muretta, benedictionem dare, beneficia conferre, & sedere in archiepiscopali cathedra?

Respondeo primo, quod quæstio proposita non videtur satis conformis literis

literis coadiutoria, quæ cum ea ostenduntur: nam per illas datur coadiutor propter solam ætatem senilem, & quæstio quærit de coadiutore dato propter senectutem, ægritudinem, & amentiam.

- Secundo, quod ex literis ostensis non apparet præfatum Archiepiscopum esse amentem, neque esse ægrotum: quamvis enim senectus dicatur metaphorice quidam morbus, non tamen proprie ac vere est morbus: & in huiusmodi literis beneficialibus, quæ quadam ratione dicuntur ambiciose, & odiose, cap. quamvis. de præben. lib. 6. appellatione morbi non includeretur senectus vegeta & sana, arg. l. non aliter. ff. de lega. 3. adiuncto cap. 1. & cap. nisi. de renuncia. & ita quæstio proposito aptior esset, an prædicta coadiutoria data propter senilem ætatem includat veram aliquam ægritudinem aliam, & amentiam: & verba quæstionis propositæ videntur præsupponere quod sic: sed verba coadiutoria id non probant.
- Nam coadiutoria data ob vnam causam, vti propter dilapidationem, non censetur data ob ægritudinem, vel aliam similem, quæ non saperet alienationem, vt recte sentit Oldrad. conf. 44. & religiosus potest dari coadiutor ad id, cui est aptus, & non ad id cui est ineptus, vt tradit Panor. in cap. fin. de cleri. ægrot. q. 6. & etiam text. nouus cap. 1. eod. tit. lib. 6. ponit differentiam inter coadiutorem dandum ob vnam causam, & dandum ob aliam: & quamvis multis videbitur non interuenisse in hac concessione errorem vel defectum ad includendum casum ægritudinis vel demæntiæ; meo tamen fragili consilio præfatus Reuerendiss. coadiutor, dum res est integra, providebit sibi de aliquo perinde valere, quo extendatur ad omne aliam causam perpetuo impedituram ab officio suo prædictum Archiepiscopum, vt in vtroque foro sit securior: nam etiam defendi posset de rigore, quod non obstante prædicta coadiutoria, & remanente illa in suo vigore, ipsemet Sanctissimus D.N. posset dare prædicto Archiepiscopo alterum coadiutorem.
- Tertio, quod verbi muzzeta significatio mihi est ignota, sed suspicor esse positum pro palleo siue pallio, de quo est tit. de aucto. & usu pallij. & si accipitur pro illo, credo quod non potest vti eo, donec sit Archiepiscopus, & moriatur vel cedat is qui nunc est. arg. cap. nisi. & cap. ex tuarum. de auctoritate & usu pallij.

Quarto dico, quod si & quatenus poterit exercere pontificalia, postquam fuerit Episcopus consecratus, ita poterit etiam dare benedictionem, quæ videtur pertinere ad pontificalia, saltem in absentia Archiepiscopi, vel annuente illo.

- Quinto, quod iure verius videtur, non posse prædictum D. coadiutorem conferre beneficia, potente & volente conferre illa prædicto Archiepiscopo, & nolente vt conferat coadiutor: quoniam S.D. N. solum dat ei potestatem exercendi iura spiritualia, & temporalia, quæ iure vel consuetudine pertinent ad coadiutoris officium: & iure non pertinet ad eius officium ea, quæ principalis recte potest & vult agere per se, & non vult vti coadiutoris consilio, neque auxilio. arg. cap. Pontifices. & cap. petiti. & fere omnium aliorum 7. q. 1. & quia hæc est mens constituentis coadiutorem,

iutorem, & iure diuino naturali debet esse talis, iuxta regulam, id quod nostrum est sine facto & consensu nostro tacito vel expresso auferri non debet. de reg. iur. lib. 6. cum suis concord.

- 5 Sexto, quod ad respondendum questioni de facultate sedendi in cathedra archiepiscopali, videtur necessaria informatio de statutis, priuilegio, & consuetudine predictæ archiepiscopalis ecclesiæ, an quidquam super hoc disponant, & reseruent sessionem in illa sede in honorem dignitatis archiepiscopalis: & an Archiepiscopus, qui nunc est, sit consensurus, vel repugnaturus predictæ facultati sedendi, & rationem, qua duceretur ad repugnandum: nam cessante huiusmodi reservatione, quā vidi cessare in quibusdam ecclesijs cathedralibus, in quibus decanus vel præpositus sedere solet in episcopali sede absente Episcopo, posset predictus D. coadiutor in ea sedere; sicut canonici recentiores sedent in stallis antiquiorū in multis ecclesijs, eis absētibz, eo quod id iure cōmuni non vetatur. argu. cap. cōsuluisti. 4. q. 4. vel 5. cum similibz, quæ in hoc adduci possent. Salua, &c.

NE SEDE VACANTE ALIQUID INNOVETVR.

S V M M A R I V M.

- 1 Sede vacante Capitulum non confert præbendas ad solius Episcopi collationem spectantes, etiam quas Episcopus cum consilio vel consensu Capituli confert; confert tamen illas, quarum collatio ad Episcopum simulque & ad Capitulum spectat.

C O N S I L I V M I.

AN PROVISIO canonicatus & præbendæ pœnitentialis, quem Concilium Trid. iussit institui in ecclesijs cathedralibus facta à Capitulo cathedralis, episcopali sede vacante, valida sit?

- 1 Respondetur primo, audiuisse magnam dubitationem esse in ecclesijs Hispaniæ, an prouisio predicti canonicatus spectet ad solum Episcopum, an ad Episcopum & Capitulum: & si spectat ad Episcopum & Capitulum, an spectet ad Episcopum & Capitulum cōmuniter, vel ad Episcopum cum consensu & consilio Capituli.

Secundo, quod qui tenuerit potestatem conferendi illum pertinere ad solum Episcopum sine cōsensu vel consilio Capituli, debet etiā tenere, quod prouisio, de qua queritur, non valet: quia Capitulum non succedit Episcopo sede vacante in collatione talium beneficiorum, cap. illa. ne sede vacante, cum alijs, quæ citant Panor. & alij in cap. cum olim. de maiori. & obed. & Ioan. Fran. Pauinus in q. 1. par. 2. tractat. de offic. & pot. Cap. sede vacan.

Tertio, quod qui tenuerit prouisionem predicti canonicatus spectare ad prouisionem Episcopi & Capituli simul, tenetur etiam respōdere predictam prouisionem valere: quia Capitulum succedit Episcopo in collatione beneficiorum pertinentium ad collationem Episcopi & Capituli communiter per textum in cap. 2. in princ. ne sede vacan. lib. 6.

Quarto, quod qui tenuerit collationem predicti canonicatus ad Episcopum cum consensu vel consilio Capituli pertinere, tenetur etiam dicere

cere

cere prædictam prouisionem non valere, per prædictum cap. 1. §. cum vero. licet prædictus Ioan. Fran. Pau. distinguat vbi supra inter casum quo collatio pertineat ad Episcopum cum consensu Capituli, & inter casum quo pertineat cum consilio, allegando in hoc Lapum, & in contrarium Domini. qui in meo lib. non videtur distinguere. Salua, &c.

Congregatio censuit electionem personæ penitentiarij spectare ad Episcopum, collationem vero præbendæ eidem faciendam per illum ad quem prius collatio illius præbendæ spectabat.

DE IIS QUÆ FIUNT A PRÆLATIS

SINE CONSENSU CAPITVLI.

S V M M A R I V M.

- 1 Prior claustralis, & conuentus, qui cum Abbate consenserunt reservationi pensionis super abbatiæ bonis, quæ sunt indiuisa inter eosdem Abbatem & conuentum, censentur descripti potius ad effectum præstandi consensum Abbati, qui sine ipsis non potest alienare, quam se obligandi ad illius solutionem.

C O N S I L I V M I.

- V**ISIS & perpensis tribus responsis datis à tribus viris eruditissimis super obligatione soluendi pensionem constitutam à Papa de consensu Abbatis, ac Prioris claustralis, & conuentus monasterij de Lozo, an post renunciationem abbatiæ ab Abbate, qui consensit pensioni, factam, teneatur Prior & conuentus eam soluere: visa item supplicatione super ea signata; videtur mihi responsû domini primi consulentis esse iuri consonantius per ea omnia, quæ ipse erudite ac prudenter considerat: & quod Prior & conuentus non nominantur vt principales, sed veluti accessorij, & membra seu corpus Abbatis tamquàm capitis eorû, cap. cû nō liceat. de præscrip. cum ibi citatis, cap. quāto. & cap. nouit. de his quæ fiunt à præl. cum de iure communi nullam administrationē habeant ipsi, sed tota potestas administrandi spiritualia & temporalia sit penes Abbatem, cap. nullam. 18. q. 2. & per omnes in cap. edoceri. de rescrip. & ita eorû nominatio potius fuit facta ad tollendam dubitationē aliquorum, an potuisset Abbas constituere pensionem sine consensu illorum, quasi esset quædam alienatio, in qua requiritur ille, iuxta cap. sine exceptione. 12. q. 2. quam ad hoc, vt se obligarent ad id, quod non poterant soluere; quippe quibus nulla est administratio de iure, neque vt fertur de facto; quia non sunt diuisa bona inter Abbatem & conuentum, iuxta prædictum cap. edoceri. Salua, &c.

DE IIS QUÆ FIUNT A MAIORI PARTE CAPITVLI.

S V M M A R I V M.

- 1 Conciliū generale nihil potest refragare Papa, qui ei præsidet, vt persona in qua residet tota potestas Ecclesiæ; potestque ipse solus statuere, quicquid posset cū Cōc. n. 4.

3. Collatio si spectet ad Episcopum & Capitulum collegialiter, non tenet, nisi accedat maior pars Capituli cum Episcopo.
3. Professionis nouitiorum admissio si collegialiter spectet ad prælatus & Capitulum, taliter quod prælatus vnicam solum habeat vocem, receptio à maiori parte Capituli facta tenet, etiam si suffragium Episcopi sit in altera minori parte.
4. Concilium prouinciale congregatur collegialiter: unde quæ ibi fiunt à maiori parte, etiam contradicente Archiepiscopo, tenent. nu. 2.

CONSILIVM I.

AN IN Concilio prouinciali possint soli suffraganei, aut eorum maior pars aliquid decernere, quando Archiepiscopus esset contrariæ sententiæ?

1. Pro parte negante facit, quod congregatio Episcoporum totius orbis, quæ sit in Concilio generali, maiore videtur esse auctoritate, quam cōgregatio Episcoporum in Cōcilio prouinciali. At Episcopi totius orbis nihil possunt statuere in Concil. generali, refragante Papa, qui ei præest, arg. cap. significasti. de elect. ex quo Io. And. relat. & probat. à Panor. in notab. 7. colligit, quod sententia Papæ præfertur sententiæ omnium aliorum, qui sunt in Concilio. Faciunt & illa quamplurima, quæ in hanc sententiam congerit Antonius à Rosell. de Concilijs. q. 17.
2. Pro contraria tamen parte, quæ videtur asserenda, facit l. quod maior pars. ff. ad municip. cum notatis ibi per Bart. & ei addita, quæ habent, quod in his, quæ ab aliquibus collegialiter aguntur, sententia maioris partis præfertur minori. quod etiam pro regula ponitur à gloss. & omnibus scribentibus super ea in cap. cum omnes. de constit. & constat Archiepiscopum & Episcopos suffraganeos Concilium prouinciale celebrantes facere collegialiter ea, quæ in illo agunt. Secundo facit, quod quo ad hoc non refert, an qui congregationi præest, sit decanus, vel Præpositus, vel Episcopus, vel Archiepiscopus: quia hæc exceptio & limitatio nullo iure naturali, diuino, nec humano probari videtur; & ideo non est asserendum, cap. consulisti. 2. quæst. 4. §. consideremus. Auth. de trien. & semiss. colum. 3. quia standum est regulæ, donec probetur exceptio, gloss. l. omnis definitio. ff. de regulis iuris, & in rubr. eodem titu. lib. 6. Tertio, quod quando collatio pertinet ad Episcopum & Capitulum collegialiter, facta ab Episcopo cum aliquot canonicis sui Capituli, non valet, si maior pars ei contradicat. Quarto, quod in receptione monachorum spectante collegialiter ad Abbatem & Capitulum, ita quod Abbas non habeat nisi vnā vocem, siue suffragium, maior pars eorum præualet minori, etiam si in ea sit Abbas. arg. cap. 1. ne sede vac. lib. 6. & cap. fin. de regular. eodem lib. Quinto, quod non obstant in contrarium citata; quoniam Papa longe aliter præest Concilio generali, quam Archiepiscopus prouinciali, & Episcopus synodali; quia Papa præest vt persona, in qua residet tota potestas Ecclesiæ; ita quod solus posset statuere quicquid cum Concilio posset, cap. cuncta per mundum. & cap. per principalem. 9. quæst. 3. Archiepiscopus autem præsidens Concilio prouinciali non habet so-

ius, & à se illam potestatem, sed vna cum suffraganeis collegialiter: & ita nulla ratione à Papa ad illum argui posset. Salua, &c.

VT ECCL. BENEF. SINE DIMIN. CONFERANTVR.

S V M M A R I V M.

- 1 Conferri debent beneficia sine omni diminutione; nec à collatario potest exigì iuramentum, quod non resignabit beneficium nisi libere in manibus Papæ, vel ordinarij: quod si collatio fiat cum dicto pacto non resignandi, esset simonia. nu. 2.
- 3 Iuramentum non petendi relaxationem à iuramento præstito non tenet, sicut nec alia similia maioris boni impeditiua.

CONSILIUM I.

AN ORDINARIVS possit in collatione alicuius beneficij adigere collatarium iuramento, quod ipse non renunciabit beneficium cum pensionem, nec in fauorem alicuius, nec permutabit illud, nec à iuramento petet relaxationem, sed tantum pure & libere & simpliciter in manibus Papæ, vel ordinarij?

- 1 Ad hanc quæstionem respondeo negatiue. Tum quia beneficia sine diminutione sunt conferenda. cap. 1. vt eccles. benef. & conferens beneficium cum huiusmodi oneribus, videtur conferre cum diminutione; quia onus impositum rei minuit pretium eius, cap. cum Ioânes. cum ei adnot. de fide instr. Tum quia Episcopus non potest facere huiusmodi pacta cum eo, cui collaturus est beneficium. arg. cap. quam pio. 1. q. 2. cap. fin. de pact. Secundo, quod ego non auderem excusare conferentem nec collatarium à simonia: quia negari non potest interuenire in huiusmodi collatione cōditio- nem, modum, vel pactum, quod iure non inest actui conferendi, vel recipiendi beneficium. At in collatione huiusmodi spirituali non poterit addi cōditio, vel modus, qui iure non inest, immo neque qui inest, nisi exprimaturs eodē omnino modo, quo inest, iuxta gl. & addita illi per Fel. in cap. ad audientiam. de rescrip. faciunt notata in cap. significasti. de elect. & in l. 3. ff. de leg. 1. Tertio dico, quod illud iuramentum de non petendo relaxationem non est validum; quia iuramentum non debet esse impedimentū maioris boni, cap. Archid. 85. dist. iunct. gl. recep. in verbo sanctis. & tradit D. Tho. recep. 2. 2. q. 89. art. 7. & Fel. & Panor. & alij in cap. si vero. de iureiur. At iuramentū de non petenda dispensatione iuramenti, nec de vtendo sibi oblata, inducit impedimentum maioris boni: ergo non est seruandum, saltem quando occurrerit casus, in quo seruatum esset maiori bono impedimentum: & ita determinat Fel. in cap. debitores. de iureiur. q. 3. nu. 9. tertio quæro. secutus Bal. in l. 2. ff. de transact. per quasdam rationes, quibus addimus nos præfatam illam (vt arbitramur) firmiorem. Tum quia si voluerit renunciare in manibus Papæ retinendo pensionem, potest in ipsa supplicatione narrare onus impositum & iuramentum, & causam aliquam honestam, quare suæ conscientie videtur id facere vtile, & audietur, obtinebitque petitum cum laude, &c. Salua, &c.

DE REB. ECCLES. ALIEN. VEL NON.

S V M M A R I V M.

- 1 Beneplacitum Sedis Apostolicæ, sub cuius reservatione fit alienatio rei ecclesiasticæ, facit actum conditionalem, & excusat à pœna, modo ante illud obtentum non procedatur ad executionem illius.

C O N S I L I V M I.

QVAERITVR, an qui solum facit contractum venditionis vel permutationis circa ecclesiastica, reservata voluntate Papæ, incurrat aliquas censuras.

- 1 Respondeo, quod qui solum facit contractum venditionis vel permutationis, reservato beneplacito Papæ, si non procedat ad executionem contractus, nec ad traditionem rei venditæ vel permutatæ ante beneplacitum Papæ, non videtur incurrere censuras; quia videtur conditionalis facta sub conditione, si Papæ placuerit: argumento styli Curia in pactis beneficiis observati.

S V M M A R I V M.

- 1 Ecclesiæ res in casibus à iure permissis etiam sine Sedis Apostolicæ licentia alienari possunt: fallit in prælatis, qui in adeptione prælaturæ speciali iuramento ab eis de mandato Papæ exacto promittunt suæ ecclesiæ bona inconsulto Romano Pontifice non alienare: concilianturque quæ ponit auctor in Man. cap. 27. num. 149. & in commentario de alien. rer. eccles. num. 17.
- 2 Peccato nequaquam inuoluitur qui bono animo & sine aliquid, quod per se malum non est, dat, vel facit alicui, quem credit inde per accidens peccaturum; secus si detur aliquid, quod per se vel directe, vel principaliter sit ob aliquod malum culpa: concilianturque quæ auctor ponit in Man. cap. 17. num. 18. 195. & cap. 23. num. 90. cap. 16. num. 20.

C O N S I L I V M II.

- 1 **A**D PRIOREM questionem, qua quæritur concordia inter conclusionem positam in Man. nostro cap. 27. nu. 149. scilicet extrauag. Pauli II. excommunicatæ ipso iure alienantem rem ecclesiæ, non includere alienantem rem ecclesiæ in casibus à iure permissis, & inter conclusionem positam in commen. de alien. rerum ecclesiæ super glo. summæ 12. q. 2. nu. 17. ubi dicitur, quod in alienatione rerum ecclesiæ est necessarius consensus, vel licentia Papæ. Respondetur primo, quod in præfato cap. 27. nu. 149. loquitur de alienante rem ecclesiæ, quam non iuravit non alienare, saltem iussu superioris supremi, scilicet Papæ, facto ei in ipsamet collatione, quæ ei fecit, vel mandavit fieri, ad hoc, ut cautius & consultius illud gubernaret, modificando suam collationem, & addendo expresse vel virtualiter decretum irritationis alienationis contrariæ: in prædicto autem commentario loquitur de alienante contra iuramentum prædicto modo factum.
- Secundo, quod in præfato cap. 27. loquitur de alienante in casibus à iure permissis, in dicto autem commen. de alienante in casu prohibito non

solum à canone, sed etiam ab homine, & non solum simpliciter, sed exacto iuramento, & addito decreto irritante alienationem; & ita illæ conclusiones ponuntur de diuersis alienantibus, quorum alter pluribus modis prohibetur alienare, quā alter. Per quæ responderi potest cap. vt super. de reb. eccl. non alie. & cap. 2. de feud. & ei annotatis, quatenus loquuntur de illo, qui iurauit non alienare; scilicet, quod nō loquuntur de iurante iuramentum adeo qualificatū, ac est illud, de quo loquitur præfatus cōmentarius.

- 2 AD ALIAM QVAESTIONEM respondeo, quod ego in locis allegatis in ea, scilicet in d. Man. c. 23. nu. 90. & in cap. 20. nu. 16. vbi cito cap. 17. nu. 195. & 18. sentio differentiam inter eum, qui seruit, ministrat, dat, aut tradit aliquid ob aliquem finem bonum alicui, quem credit esse peccaturum, non consentiendo directe, vel indirecte, expresse, vel tacite in peccato, quod opinatur vel credit illum commissurum, de quo loquitur cap. 23. nu. 90. & inter eum, qui expresse, vel tacite, directe, vel indirecte id facit, de quo loquuntur alia loca supra citata, & alia multa, in quibus damnatur id quod per se vel directe vel principaliter fit ob aliquod malum culpæ, & non id ex quo per accidens & per quamdam consequentiam, & minus principaliter sine vllō fine malo, nec voluntate auctoris euenit, per l. si quis nec causam. ff. de reb. cred. vbi Iason id confirmat 18. exemplis, & decis. quæ tamen indigerent aliqua dolabra, vt satis conuenirent huic nostræ resolutioni, quæ altius restringit id quod dicitur in dicto cap. 23. nu. 90. quo ad culpam peccati, de qua illud, & alia citata ibi loquuntur.

S V M M A R I V M.

- 1 Excommunicatus est prælatus alienans bona ecclesiæ; sed antequam pro tali denunciatur, retinet administrationem; & qui ei soluit debita, liberatur. nu. 2. & 3. & hoc etiam si per multos annos permansisset in excommunicatione. fallit in excommunicato ob hæresim, qui non potest nec contrahere, nec testari. nu. 4.
- 4 Excommunicatus perseverans in excommunicatione ultra annum etsi per Concilium Trid. videatur fieri suspectus de hæresi, tamen videtur prius requiri quod post monitionem de resipiscendo in ea sic permanserit.
- 5 Prælato dissipatori, antequā ei administratio interdicator, recte soluitur. nu. 7. ipseque à se male alienata cum fructibus potest repetere. num. 6.

CONSILIVM III.

QUIDAM Archiepiscopus ante duodecim annos alienauit bona ecclesiæ suæ; deinde fecit remissionem & liberationem quorundam fructuum sui archiepiscopatus à quibusdā perceptorū. Quæritur an huiusmodi liberatio valeat, ita vt non possit à moderno Archiepiscopo reuocari.

- 1 Respondendum videtur negatiue, per sequentia fundamenta. Primum est, quod Archiepiscopus erat excommunicatus ob illam iniustam alienationem, per extrauag. 2. de reb. eccl. non alien. & prælato excommunicato videtur prohibita administratio, cap. veritatis. de dol. & contum. cap. ad probandum. de re iudic. quia æquiparatur deportato, iuxta glo. sing. 9. minor. Instit. de cap. dimin. Sed hoc fundamentum non videtur satis firmum.

Tum

- Tum quia prædictus Archiepiscopus erat excommunicatus toleratus, & non denunciatus: & post extrauag. ad euitanda, Martini V. de qua in Man. confess. cap. 27. num. 35. non impeditur excommunicatus administrare, donec denunciatur excommunicatus. Tum quod licet esset denunciatus, & per exceptionem obiectam repelli posset à petitione debiti, valet tamen petitio & iudicium, donec obijciatur exceptio, per cap. pia. de excep. lib. 6. Tum quia licet excommunicatus repelli possit à petendo debito in iudicio, cap. decernimus. de senten. excom. lib. 6. solutio tamen ipsi facta sponte liberat debitorem, & potest ab obligatione liberari, & quietari: nam licet ipse peccet non euitando alios, cap. illud. de cler. excomm. ministr. contractus tamen & distractus ab eo facti tenent, immo etiam testamentum, vt diximus in Man. confess. cap. 27. nu. 36. & satis colligitur ex notat. in d. c. veritatis. de dol. & cont. & ex Philip. Franc. & relat. ab illo in rubr. de testam. nu. 32. quidquid inuoluat glo. in d. cap. decernimus. & ita non obstante excommunicatione potuit accipere & petere omnes fructus sibi debitos, & dare liberationem, siue quietationem debitori; nisi in-
 4 simularem eum hæreseos, eo quod 8. annis māsērit excomunicatus ante liberationem, & cū fecit liberationē habuit volūtatem permanendi in illa, eo quod approbabat alienationem illam iniustam, & permāsit in illa volūtate circiter 12. annos vsque ad mortē: & per annalē excomunicatiōnē quis incidit in suspēsiōnem hæreseos, vt diximus in d. cap. 27. nu. 72. citādo in id Conc. Trid. sess. 25. cap. 3. de refor. & excommunicatus ob hæresim non potest contrahere, nec testari, cap. excommunicamus. 9. credētes. de hæret. vt idem Philip. Franc. vbi supra adnotauit. licet responderi possit, quod Conc. non loquitur de quolibet excommunicato annali, sed tantum de legitime monito non resipiscēte, vt ibi patet. Et quamuis hoc fundamentum non concludat omnino intentionē moderni Illustrissimi, concludit tamen prædictam liberationem fuisse abominabilē, & dignam, cui qua parte possit contradicatur, & quæ qua parte possit eneruetur.
- Secundum fundamentum est, quod, vt quidam dicunt, prælatus, qui
 5 male alienat bona, non potest petere, nec acceptos ferre fructus eorum. Pro quibus facit, quod prælato dissipatori non est facienda restitutio bonorum, vt ait Caiet. in sum. verb. restitutio. cap. 4. pro quo faciunt omnia, quæ post Alexan. & Aret. allegat Ias. in l. is cui. de verb. oblig. pro opinione eorum, qui asseuerant prodigo notorio ipso iure interdictam esse administrationem etiam ante iudicis decretum: & quod alienatio prædicta notorie videtur fuisse mala, cum circiter 20. annos fuisset Archiepiscopus, & Legatus; & sic dissipator bonorum ecclesiæ potuit haberi. Hoc tamen fundamentum non videtur esse satis firmum. Tum quia dictum Caiet. nullo iure probatur efficaciter. Tum quia prælatus male alienās bona, potest, immo tenetur, recuperare illa bona, & reddere rationem Deo de illis, cap. si quis presbyterorum. de rebus eccles. non alien. & etiam de fructibus eorum: quia vtraque sunt ecclesiastica, & destinata in sustentationem prælati, & pauperum, quorum sustentationi & iuri publico ea percipiendi non potest renunciare prælatus, l. ius publicum. ff. de pactis. cap. si diligenti-

- ti. de foro compet. Tum quia tam recuperatio fructuum, quam bonorum male alienatorum, pertinet ad Episcopum male alienantem, dum ipse viuit, & ipsi debent restitui, vt diximus in Man. confess. cap. 17. num. 29. Tum
- 7 quia receptior opinio habet, prodigo, & dissipatori bonorum non esse ipso iure interdictam administrationem, sed tantum interdiciendam, vt probat prædictum cap. veritatis. de dol. & cont. & prædicta l. is cui. ff. de verb. oblig. cum multis alijs adductis ibi per las. à qua communi opinione non esse recedendum in consulendo, tenent etiam ipsi, qui contrarium probabiliter defendi posse asserunt. Hoc tamen fundamētum, licet omnino non concludat intentionem Illustrissimi, concludit tamen, vt & primum, prædictam liberationem quocumque modo iusto esse impediendam.

Aduertendum ad id quod dicitur sub nu. 4. referri sacram Congreg. inclinasse, non esse opus monitionibus vt resipiscat, sed elapso anno potest citari ad respondendum quid sentiat de fide.

S V M M A R I V M.

- 1 *Alienans res ecclesiæ sine licentia Papæ, vel sine causa iusta, vel iuris ordine non seruato, peccat; & tam alienans quam recipiens excommunicatus est: & in foro exteriori saltem priuatus est beneficio, quod in dicta ecclesiæ habet; at in conscientia nonnullæ sunt causæ, ex quibus forte excusari posset.*

C O N S I L I V M IV.

QUIDAM alienauit bona ecclesiæ inconsulto Papa. Quæritur an sit priuatus ipso iure beneficio.

- 1 Respondeo primo, quod D. consulens peccauit alienando bona prædicta ecclesiæ sine licentia Papæ; vel sine iusta causa, vel non seruata iuris communis forma, iuxta cap. sine exceptione. 12. quæst. 2. & cap. si quis presbyterorum. de rebus ecclesiæ non alienan. & extrauagan. 1. Pauli II. eodem titul. & alia iura multa illis concordantia, quorum nos mentionem fecimus nuper in comment. super summam 12. quæst. 2. vsque ad num. 8.
- 2 Secundo, quod tam ipse alienans, quam recipiens alienatum, ipso iure sunt excommunicati, & quo ad forum saltem exterius etiam ipso iure priuati beneficijs, quæ habent in ecclesijs, quarum bona alienarunt, vt expresse habet præfata extrauag. Pauli II. §. fin autem. citata à nobis in præfato comment. adnot. 10. num. 14. Dixi supra, Quo ad forum saltem exterius: quia quo ad forū interius possent excusari per aliquas circumstantias, quas tangimus in d. comment. adnot. 1. num. 15. quarum nulla fit mentio in casu proposito: & quia rari sunt, qui præfatum comment. habeant, vti nuperrime impressum, mitto cum hoc responso ipsum Illustri admodum D. meo colendissimo, qui dignatus est hoc responsum huius quæstionis iubere mihi seruo suo optime sibi affecto, quamuis inutiles. Salua, &c.

S V M M A R I V M.

- 1 *Episcopus potest quidem bona ad cathedralem pertinentia, accedente Capituli consensu, valide in casibus à iure permissis alienare: de Abbate autem exempto habente iura quasi episcopalia, cum sit controuersum, consilium est vt accedat consensus sui immediati superioris, & auctoritas Episcopi vbi bona sunt sita, vel Apostolica confirmatio.*

C O N S I L I V M V.

ABBAS quidam cum suo conuentu exemptus à iurisdictione ordinaria Episcopi alienauit in casu à iure permissio quasdam res immobiles existentes extra episcopatum illum, vbi erat abbatia sita, sine vllius superioris auctoritate. Quæritur an valeat alienatio.

- 1 Pro parte affirmante facit, quod alienatio rei pertinentis ad ecclesiam cathedralem facta ab Episcopo cum consensu sui Capituli valet, vt tradit Panor. recep. in cap. 1. de his quæ fiunt à prælatis. & probatur per cap. sine except. 12. q. 2. at Abbas exemptus habet iurisdictionem quasi episcopalem, iuxta glo. sing. & recep. in clem. 1. verb. proprij. de reb. eccles. non alienan.

Pro parte vero negante facit, quod Cardinalis in d. clem. 1. quæst. 34. & seq. tenet, quod licet in alienatione rei ecclesiasticæ faciēda per Abbatem exemptum non requiratur auctoritas Episcopi, requiritur tamē auctoritas Papæ, aut prælatis superioris, cui immediate subijcitur: & in q. 7. videtur requirere consensum Episcopi, cui res alienanda subijcitur.

Resoluendo autem dico, multa super hac quæstione pro vtraque parte posse adduci, sed consulendum esse præfato D. consulenti, vt procuret præfatam alienationē ratificari per superiorem immediatum præfati Abbat, qui facile id faciet, rogante & informāte præfato Abbate, & conuentu, qui alienationem præfatam fecerunt: & quod etiam faciat eam ratificari per Episcopum, in cuius episcopatu sunt sita præfata bona ad informationem prædictorū. arg. eorum quæ determinantur in cap. 1. de his quæ fiunt à prælatis. à Panor. & alijs, & à Card. in d. clem. 1. q. 35. & 37. de reb. eccl. non alien. & ab alijs ibid. & in cap. nulli. eo. tit. & in cap. sine exceptione. 12. q. 2. poterit etiam impetrare D. consulens suo nomine confirmationem à Sede Apostolica; quæ si fuerit in forma communi, parum proderit; si autem per commissionē cum causæ cognitione, nonnihil tardij & sumptus afferet.

S V M M A R I V M.

- 1 *Abbas sine conuentu non potest alienare res immobiles.*
 1 *Seruus ecclesiæ alicui prædio colendo deputatus cēsetur de rebus prohibitis alienari.*
 2 *Arbores opacas cædi faciēs Abbas sine consensu conuentus non incidit in clementinam 1. de reb. eccles. non alienan. nec postea eas vendens.*

C O N S I L I V M V I.

AN ABBAS sine consensu sui Capituli & Generalis opacas arbores locorum sui monasterij pro vberiori fructuum collectione cædere

possit; præsertim si cæsarum arborum pretia in bonorum stabilium emptionem in commodum illius monasterij conuertit.

1. Contra Abbatem facit primo, quod ipse solus non potest etiam ex iusta causa sine sui conuentus consensu alienare res immobiles monasterij, clemen. 1. de reb. eccles. non alienandis. & arbores etiam opacæ, siue quæ umbram summam efficiunt, videntur esse res immobiles: quia solo inhaerent, & illi cedunt, si radices egerint, vt iure soli iudicentur. l. adeo. §. si alienam. ff. de acquiren. rerum domin. & §. si Titius. instit. de rerum diuis. & etiam seruus rusticus alicui prædio colendo deputatus censetur esse de rebus prohibitis alienari, vt determinat Panor. in cap. nulli. nu. 2. de reb. eccles. non alienan.

Secundo, quod non videtur obstare, si quis dicat clemen. præfatam solum vetare alienationem iurium, reddituum, & possessionum: & quod huiusmodi arbores non sunt de numero illorum: quoniam sunt possessiones: nam verbum possessiones in illa clemen. 1. positum idem significat quod res possessæ, vt Card. post alios concludit in d. clem. quæst. 14. & arbores illæ sunt res possessæ.

Tertio, quod nemo negaret prædictum D. Abbatem contrauenisse illi clem. si alienasset oliuetum, vel solas arbores oliueti: ergo neque videtur negandum contrauenisse, cum alienauerit multas arbores.

2. Quibus tamen non obstantibus contrarium videtur verius. Tum quia non videtur alienasse rem immobilem, neque mobilem pretiosam, quæ seruando seruari potest: quia non alienauit solum, cui adhærebant arbores, sed tantum arbores ipsas excisas, quas constabat esse res mobiles, quæ seruando seruari non possunt. & iura prohibentia alienationem rerum intelliguntur de rebus immobilibus, & mobilibus pretiosis, quæ seruando seruari possunt, vt tradit Panorm. communiter recep. in d. cap. nulli. de reb. eccles. non alien. & alij in cap. sine exceptione. 12. quæst. 2. Tum quia prædicta clem. solum comprehendit illum, qui concessit ius reddituum, & possessionem: & prædictus Abbas non concessit vlli aliquod tale. Tum quia aliud est damnificare prædium, & aliud alienare illud, argum. de iniurijs & damno dato. adiuncta rubrica de reb. eccl. non alien. & constitutio pœnalis, qualis est illa d. clemen. non debet de vno ad aliud extendi, cap. pœnæ. de pœniten. distin. 1. l. si præses. ff. de pœnis. Tum quia duo facta concurrunt in hoc casu, scilicet arborum cæsis, & arborum cæsarum venditio: quorum neutrum est delictum, sed potius meritum. Arborum quidem cæsis fuit utilis, & bona: quia sicut nimia raritas arboreti nocet fructui eius quærendo, ita nimia densitas nocet arboribus, & fructui ab eis ferendo, vt palam est: ergo sicut herbas, rubus, lapides, & alia nocentia arboribus potuit tollere solus sine consensu, ita potuit etiam tollere illas arbores, quæ impediabant augmentum fructuum, & utilitatem aliarum arborum sufficientium prædio: & ita nulla in hoc interuenit alienatio, sed neque damnificatio: & consequenter per hoc factum non contrauenit prædictæ clemen. Arborum autem cæsarum venditio nullo iure prohibetur, quia erant res mobiles, & quæ seruando seruari non

non possunt; & consequenter licite poterant, ut dictum est, vendi, iuxta. l. lex quæ tutores. C. de administrat. tutorum. sicut poterat vendere rubus, herbas, lapides, & alia impediētia fructus, quos ex arboreto collegisset. Salua, &c.

S V M M A R I V M.

- 1 Abbas sine consensu conuentus & superioris scindendo & alienando arbores fructiferas, & non fructiferas in magna quantitate simul, peccat, & incidit in pœnam clem. 1. de reb. eccles. non alien. quæ est suspensio ab officio.
- 1 Paria sunt alienare res mobiles pretiosas, & alienare immobiles.

C O N S I L I V M V I I.

QUIDAM Abbas succidit castaneas, & alias arbores fructiferas, & non fructiferas, & vendidit eas ad quantitatem duorum millium scutorum sine consensu conuentus & superioris. Quæritur, an peccauerit, & inciderit in pœnas contra alienantes res ecclesiasticas impositas.

- 1 Respondeo primo, non posse prælatum, de quo quæritur, incidere præfatas arbores, & vendere sine consensu conuentus & superioris, arg. l. diuortio. §. si fundum. cum ei adnot. per omnes. ff. soluto matrim. & l. 1. ff. de usufruct. leg. & l. sylua cædua. ff. de verb. signif. Secundo, quod si contrafaceret, peccaret, & incideret in pœnas male alienantiū res ecclesiast. clem. 1. de reb. eccles. non alien. Tum quia, ut ait Panor. comm. recep. in cap. nulli. eod. tit. alienans res mobiles pretiosas, perinde incurrit peccatum & pœnam, ac qui alienat res immobiles. Tum quia qui prælatus id faceret, diceretur rem deteriorare: adeo quod si esset emphiteuta, perderet emphiteusim, per authen. qui rem. C. de sacrosan. eccl. & alia multa, quæ citant doctores ibi, & in dict. §. si fundum. & alibi sæpe. Salua, &c.

S V M M A R I V M.

- 1 Pecunia legata collegio clericorum cum onere perpetui anniuersarij, non est legata singulis, nec potest inter præsentis diuidi, num. 2. sed conuerti debet in bona stabilia, ut sic annui fructus perpetuo cedant illis, qui pro tempore onus sustinebunt. num. 4.
- 1 Clericorum collegium non potest res ecclesie sine causa diminueri, nec recepta pecunia inter præsentis diuidenda successores ad onus obligare. & num. 5.
- 1 Onus rei imponere est rem diminueri, & sic alienare.

C O N S I L I V M V I I I.

- 1 **Q**UIDAM legauit cuidam collegio sacerdotum sex scuta cum onere faciendi perpetuo singulis annis vnum anniuersarium. Quæritur, an prædicti sacerdotes possint diuidere illa inter se, sicut diuidunt alios redditus sui collegij.

Pro parte affirmante facit primo, quod legatarius potest uti re sibi legata, sicut redditibus bonorum suorum: quia est donatio quædam, l. legatū. ff. de leg. 1. & cap. requisisti. de testamen. Secundo, quod præfatum collegiū solum tenetur ratione illius legati ad faciendum perpetuo vnum anniuersariū singulis annis, & vult facere hoc, & obligat se & suos redditus ad illud perpetuo

petuo faciendum: ergo satisfacit oneri adiecto legato à legante.

- 2 Sed pars negans tenenda est. Tum quia mens & voluntas disponentis est in primis seruanda, l. in conditionibus. ff. de condi. & demonst. cap. fin. de præbend. At mens & voluntas præfati legantis est, vt collegium illud obligetur ad faciendum perpetuo singulis annis pro eo vnum anniuersarium: & præfati sacerdotes non possunt ad id obligare illud, distribuendo illa scuta inter se: quoniam ipsi non dant illa collegio, sed retinent sibi; & aliud est collegium, & aliud singuli de collegio, cap. eam te. de rescript.
- 3 quod late Felin. ibi confirmat. Tum quia non possunt sine iusta causa res ecclesiæ alienari, neque diminui, cap. sine exceptione. 12. quæst. 2. & cap. nulli. de reb. eccles. non alienan. nec consequenter ad aliquod onus obligare: quia illud est in effectu eas diminuere; cum res obligatione aliqua onerata valeat minoris, quam sine illa, cap. cum Ioannes. cum ei adnot. de fide instrumen. At non est iusta causa onerandi collegium, quod collegæ illius singulariter & personaliter accipiant aliqua inter se personaliter diuidenda, & ea inter se diuidant ad imponendum onus præfatum collegio: ergo præfati sacerdotes non possunt imponere illud ei diuidendo inter se.
- 4 illa scuta. Tum quia qui sentit onus, debet sentire commodum; & contra si quis sentit commodum, debet sentire onus, cap. qui sentit. de regul. iur. lib. 6. l. secundum naturam. ff. eod. At successores sacerdotum futuri, in quibus conseruabitur prædictum collegium, sentient onus faciendi anniuersarium illud: ergo debent sentire commodum scutorum relictorum pro faciendo anniuersario prædicto perpetuo: quod tamen sentire nequibunt, si ea inter eos qui nunc sunt, & constituunt collegium, personaliter diuidantur, vt palam est: ergo est necessarium, vt illa conuertantur in bona stabilia, quæ reddant commodum futuris successoribus sensuris onus. Tum quia per prædictas regulas, qui non sentit onus annexum alicui, non debet sentire illius commodum. At sacerdotes prædicti non sunt sensuri onus illud, quod subituri sunt eorum successores in faciendo illo anniuersario: ergo non debent sentire commodum quod oneri illi est annexum, nec consequenter diuidere inter se illa sic, vt non remaneat posteris commodum, quo gaudeant sentiētes onus ei annexum. Tum denique quia res ecclesiæ nō possunt et hypothecari sine iusta causa, d. c. nulli. ergo neq. reditus neq. bona prædicti collegij possunt hypothecari pro subeūdo illud onus perpetuū sine iusta causa; qualis non occurrit in pposito, vt probatum est.
- 5 Non obstant citata in oppositum. Non quidem prius: quia illud procedit in legato siue onere relicto. Quæstio autem est de legato cum onere relicto: & à diuersis non fit illatio, l. Papinianus. ff. de minoribus. Ad posterius respondetur, quod non possunt prædicti sacerdotes vt singulares, neq. vt constituentes collegium, obligare illud ad illud onus perpetuo subeundum sine iusta causa, id est non tribuēdo ei commodum perpetuum, quod illud onus perpetuū ferre posset, per adducta pro nostra parte. Salua, &c.

S V M M A R I V M.

- 1 Diuisio bonorum monasterij inter ipsos possidendorum facta per Abbatem & cōuentum

tum valet; sed nisi Papa eam confirmet, potest pro libito reuocari per Abbatem.

CONSILIVM IX.

AN ABBAS & conuentus monasterij N. peccauerint, & inciderint in aliquas censuras, eo quod aliquot annis vsi fuerint tripartita diuisione bonorum facta de consensu Regis Catholici, sine tamen confirmatione sanctæ Sedis Apostolicæ?

- 1 Respondeo, quod non: quia talis diuisio fieri potest per Abbatem & conuentum solos sine auctoritate particulari Papæ, per cap. edoceri. de rescript. vbi Panormit. communiter recept. à Felin. Decio & à citatis ab eis id affirmat; & confirmatio Papæ non efficit vt diuisio sit valida, sed vt nequeat reuocari per Abbatem, qui factam per se solum & suum conuentum posset pro libito reuocare, antequam eam confirmaret Papa, vt per omnes traditur vbi supra.

Secundo, quod, cum nihil peccauerint, immo bene meruerint; consequens est non indigere illos absolutione vlla ab vllis censuris vel pœnis, neque vllam clausulam quæ id importet esse addendam præfatæ supplicationi: quia id quod non est, non potest dissolui, neque absolui, cap. ad dissoluendum. de despons. impub. cum priuatio præsupponat habitum, l. decem. ff. de verb. obl. & l. manumissio. ff. de iust. & iure.

SVMMA RIVM.

- 1 Ecclesiæ bona ad vitam etiam alteri beneficiario, cum quo bona ipsa pro indiuiso possidet, locans, cum conductore incidit in pœnas extrauag. 1. de reb. eccles. non alien. nedum quo ad nullitatem actus, sed etiam quo ad censuras, si ibi dicta extrauagans etiam quo ad illas est vsu recepta.
- 2 Episcopi auctoritas, cum qua locatio bonorum ecclesiæ facta fuit ad longum tempus, ignorantiaque prohibitionis de rigore non excusat, licet in conscientia possent hæc dissimulari, & ad cautelam dari absolutio.

CONSILIVM X.

CVM DVO sint curati in eadem ecclesia, & habeant prædia, & fructus, ac oblationes, & emolumenta obuientia indiuisa, alter alteri, & de consensu Episcopi ad vitam locat prædia ecclesiæ. Quæritur, an incurrat excommunicationem vel aliam pœnam positam contra simoniacos, vel contra alienantes bona ecclesiæ.

- 1 Respondeo primo, quod non incidit in latam contra simoniacos; quoniam nullam simoniam commisit, nec fuit mediator eius, vt ex propositione casus colligitur. An autem inciderit in latam contra alienantes res ecclesiæ, & contra recipientes illas male alienatas, dubium est, per ea quæ ipse scribo in Man. confess. cap. 27. num. 149. declarando extrauag. Pauli II. de rebus ecclesiæ non alienand. nam non potest negari, quod dictæ proprietates non fuerunt datæ ad longum tempus, cum fuissent datæ ad vitam alterius, & datio ad vitam sit datio ad longum tempus, vt probat Decius cons. 204. & datio ad longum tempus est prohibita in dicta extrauag. sed quia

- quia, ut ipse ubi supra scripsi, in multis terris prædicta extrauag. seruatur quo ad hoc, ut locatio vel datio ad longum tempus non valeat, sed non quo ad hoc, ut locans vel accipiens ad longum tempus sit excommunicatus: ideo est sedulo videndum, an hoc habeat consuetudo in episcopatu & regno, ubi est prædicta ecclesia; si enim consuetudo id habeat, non est iudicandum incidisse; si autem consuetudo habeat ut prædicta extrauagans seruetur in totum, iudicari poterit de rigore iuris incidisse; quamuis de æquitate, attenta ignorantia, & quod auctoritate Episcopi facta fuit, potest dissimulari cum absolutione ad cautelam. Salua, &c.

S V M M A R I V M.

1. *Pensio, ius ve illam percipiendi non potest pretio in alium transferri, immo nec extinguere pecunia recepta sine Papæ auctoritate.*
2. *Pensionis fructus ultra triennium non possunt in alterum valido sine consensu Pontificis alienari.*

CONSILIVM XI.

N. PRESSVS admodum ære alieno, & non habens vnde soluat, nisi redimatur pensio 70. ducatorum, quam habet super quodam canonicatu, vellet illam extinguere: & ad hoc, quia canonicus nō potest, vel nō vult illā redimere, sese offert quidā A. qui vult 500. numerare præfato N. pensionario, si ipse cedat sibi mādato irreuocabili fructus præfate pensionis vita N. durante, ita quod N. remaneat nomine pensionarius, & ipse A. durante vita N. percipiat fructus dictæ pensionis. Quæritur à D. V. an hoc tanta conscientia fieri possit, vel dignetur amore Dei aliam aperire viam, qua Deo propitio dictus N. satisfaciat creditoribus.

Respondeo primo, quod non potest vendere illā, nec tradere ius percipiendi eā præfato tertio sine auctoritate Papæ, cōsentiente etiam canonico qui debet eam: quoniam pensio legitime constituta super aliquo beneficio, licet possit gratis remitti siue condonari debenti eā sine auctoritate Papæ secūdū Card. Alexan. com. recep. in cap. Agathosa. 63. dist. nō potest tamen id fieri per cōtractū non gratuitū, vel propter pecuniā, sicut neque cōstitui, ut aliās respondimus; quicquid Caiet. teneat, sed male: quia pensio licet nō sit beneficiū spirituale, videtur tamen annexū beneficio spirituali, sicut ius patronatus, cap. quāto. de iudicijs. & ius patronatus licet nō sit beneficiū, qā tamē est ei annexū, non potest vēdi, c. cū sēculū, de iure patr. nec potest emi, nec vēdi p cōtractū nō gratuitū, quæ oīa etiā Curia seruat.

Secundo respondeo, quod maius dubium est de redditibus & fructibus per pensionem recipiendis: quia pro parte affirmante facit, quod licet beneficium non possit vendi, nec emi, fructus tamen beneficij vendi possunt, & emi, & locari. cap. vestra. de locato.

Pro parte vero negante facit, quod non possunt vēdi, nec locari fructus beneficij ultra triennium, per extrauag. vnicam. de reb. eccles. non alien. & quæstio quærit de venditione facienda ultra triennium, & ad longum tempus: quærit enim de fructibus vendendis quo ad totam vitam pensionarij,

narij, quæ est locatio ad longum tempus, & prohibita in rebus ecclesiasticis. clement. 1. adiuncta glossa in verbo eius. de rebus eccles. non alien. & tradit late Philip. Decius consil. 204. Per quæ videtur nobis verior hæc pars negatiua, & consequenter quod est necessaria dispensatio vel licentia S. D. N. ad hoc vt præfata emptio vel locatio fructuum pensionis præfate valeat vltra triennium, præsertim quo ad vitam ementis, aut vendentis eos. Et hoc remedium est eorum, quæ possunt consuli, optimum: & vt puto, S. D. N. ob causas in casu expressas concedet hanc licentiam: quia sine peccato id facere potest, si suæ Sanctitati placuerit. Salua, &c.

S V M M A R I V M.

Episcopus vnire potest perpetuo beneficia deuoluta, & reseruata Sedi Apostolica.

C O N S I L I V M X I I.

EPISCOPVS perpetuo vniuit quædam beneficia deuoluta ad Sedem Apostolicam quibusdam alijs beneficijs N. qui dubitans de huiusmodi vnione ob prædictam deuolutionem, obtinuit prouisionem ad cautelam. Quæritur quid iuris.

- 1 Respondeo primo, quod præfatus Episcopus potuit prædictam vnionem perpetuam facere non solum iure nouo Concil. Trid. de reform. cap. 5. sess. 21. sed etiam iure antiquo, cap. vnio. 10. quæst. 1. cap. sicut vnire. de excessibus prælat. vbi Panorm. communiter recep. tenet Episcopum posse auctoritate ordinaria vnire beneficia deuoluta ad collationem Papæ, & etiam reseruata eiusdem collationi, quod etiam approbat Petrus de Perusio in tract. de vnio. cap. 4. num. 24. Secundo, quod D. consulens est tutus quo ad conscientiam, si nihil aliud obstat, quam præfata reseruatio, non quidem propter prouisionem ei factam ad cautelam vltra præfatam vnionem, quam insinuare videtur casus propositio, sed per ipsam vnionem perpetuam, per quam iure accessionis, & accessorij, ius quod habebat in alijs beneficijs obtentis se extendit ad illa vnita, argum. cap. super eo. de præbend. lib. 6. Salua, &c.

S V M M A R I V M.

- 1 *Vnita licet sit prima dignitas post pontificalem mensæ capitulari, ita vt Capitulum illius possessionem apprehendat, perpetuoque retineat, eique inseruiui faciat, non ideo censetur suppressa. Vnde quamuis desinat vacare, nu. 5. non tamen operatur, vt secunda dignitas incipiat esse prima Sedi Apostolicæ reseruata. nu. 4. 5. & 6.*
- 2 *Vniur cum vnum beneficium alteri, non mutat statum, eique vt prius debet deserviri, retinetque antiqua priuilegia & exemptionem. num. 3.*

C O N S I L I V M X I I I.

PPRIMICERIVS ecclesiæ N. prima dignitas post pontificalem auctoritate Apostolica fuit vnitus mensæ Capituli. Dubitatur ab aliquibus an propter huiusmodi vnionem desierit esse prima dignitas. Consului doctissimum quemdam virum, a quo hæc sequentia accepi. Nunc cupio

1 pio scire, an D. tua omnia hæc approbet.

Videtur negative respondendum: quia Rom. Pont. non suppressit, nec extinxit primiceriatū: quinimmo in literis dictæ vnionis præsupponitur existētia primiceriatus, & q̄ ille durare debeat in perpetuum, cū in dictis literis detur licētia Capitulo possessionem ipsius primiceriatus nedū apprehēdendi, sed etiam illam in perpetuū retinendi: quod quidem fieri nō potest, nisi data existētia primiceriatus, etiam in futurum, ex vulgata regula, quod non entium nullæ sunt partes, l. eius qui in prouin. ff. si certum petatur. l. decem. ff. de verb. oblig. l. si seruus. §. si modus. ff. de acti. empt. confirmatur ex clausula *prouiso*, quod primiceriatus debitis obsequijs non fraudetur, & animarum cura si qua imminet nullatenus negligatur; quæ in dictis literis vnionis posita fuit; & in vnionibus beneficiorum poni solet, vt per Rebus. in praxi benefic. in tit. de dispens. super defectu ætatis circa finem: quia per verba in dicta clausula posita ostenditur, quod primiceriatus etiam post vnionem de illo, vt præfertur, factam, durare debeat.

- 2 Et verissimum est, quod per vnionem vnus beneficij ad alia status beneficij vniti non alteratur, sed debet illi more solito deferui. Abbas in cap. exposuisti. num. 7. de præbend. & in cap. monachis. num. 3. eodem tit. prout in casu nostro factum fuit, quia Capitulum per officialem ab ipso deputatum exercet officium primicerij: adeo vt adhuc vigeat tribunal ipsius primiceriatus. Et in tantum verum est, quod per vnionem non alteratur status vniti, vt ipsius vniti priuilegia non perdantur, sed etiam post vnionem durent, Rebus. in dict. praxi. tit. de translat. Episcopi. nu. 11. Lap. alleg. 68. in cap. queris. & ideo Ioan. Andr. Gemin. & Imol. relat. per Franc. in cap. cum præsens. §. fin. de priuileg. lib. 6. concludunt, quod etiam si ecclesia exempta vniatur non exempta, tamen retinet priuilegium exemptionis; & generaliter quod durent priuilegia post vnionem tradit Petr. de Perus. in tract. de vnio. cap. 2. num. 10. & bene Lap. dict. alleg. 68. Cum igitur dignitas primiceriatus non sit suppressa nec extincta, sed adhuc duret illa, dicenda est prima dignitas post pontificalem, non autem decanatus, & præsertim cum decanus semper suam sedem in choro retineat, & numquam ascenderit ad sedem primicerij. & consequenter regula Cancell. dum reseruat primam dignitatem post pontificalem, non comprehendit decanatum. Et licet primiceriatus propter vnionem prædictam amplius non vacet, tamen per hoc non infertur quod dicta regula reseruatoria sit extendenda ad decanatum, cum (vt dixi) primiceriatus non sit suppressus, sed adhuc duret: et si regula prædicta non potest operari effectum reservationis in ecclesia N. id processit ex facto Papæ, qui per dictam vnionem impediuit, ne primiceriatus amplius vacet, & satis est quod in alijs ecclesijs locum habere potest. Quare ad tollendum omne dubium Papa declaret mentem suam & suorum.

S V M M A R I V M.

- 1 Optare præbendas vacantes licet possint simplices canonici, qui, cum vt tales nullum habeant successorem in beneficio, sibi solis & non alteri praiudicant; secus tamen

tamen est in habente officium Pœnitentiarij, cum vnione certæ præbendæ, quam sine iusta auctoritate non potest à suo officio diuidere, nec alteram ei vnire, num. 2. sicut nec alter canonicus posset illius vacantem optare præbendam, num. 3.

4. Annexione beneficium & præbenda annexa quasi extinguuntur: unde qui habet parochialem vnitam suo simplici beneficio, non censetur habere curam animarum; & qui habet præbendam canonicalem vnitam officio Pœnitentiarij, habet præbendam quasi extinctam & suppressam: unde nec ea dimissa aliam potest optare.

CONSILIVM XIV.

AN PŒNITENTIARIVS institutus in ecclesia Cathedrali cum vnione perpetua specialis præbendæ facta officio suæ pœnitentiariæ, possit optare aliam præbendam, retento ipso officio pœnitentiariæ?

1. Quicquid disputando in scholis teneri posset, non auderem consulere, quod huiusmodi pœnitentiarius posset optare præbendam aliam à sua vacantem. Primo quidem, quod diuisio beneficiorum vnitorum requirit, vt diuidens habeat auctoritatem & potestatem id faciendi, cap. sicut vnire. de excessib. prælatorum, cum ei adnotatis: & quod seruetur solemnitas in modo diuidendi, & concurrat iusta causa id faciendi. cap. 1. de re. eccl. non alien. lib. 6. & si prædictus pœnitentiarius optaret aliam præbendam vacantem, diuideret præbendam priorem à suo pœnitentiarij officio; & talem potestatem nullo iure naturali, diuino, nec humano ille habet, & eam sine vlla solemnitate & iusta causa pro libito & beneplacito suo faceret, quod nullo iure sibi conceditur.

Secundo, quod nullus beneficiarius potest suum beneficium diminueri, nec damno afficere, argum. cap. delictum. cum ei adnot. de regiur. lib. 6. At si pœnitentiarius posset optare aliam præbendam, posset suum officium pœnitentiarij diminueri, & damnificare: nam secundum gloss. communiter & merito recept. in cap. vlt. verb. meliores. de consuetud. lib. 6. canonicus habens ius optandi potest, si vult, optare præbendam minorem, & minoris valoris, quod esset damno afficere suum officium. Nec potest dici quod eadem ratio videtur esse de pœnitentiarario, & alijs canonicis: quia est longe diuersa: nam canonicus, vt canonicus simplex, non habet successorem, iuxta glo. singul. & recep. in cap. quod sicut. verb. consentire. de elect. pœnitentiarius autem sic: & ideo alij canonici optando minores sibi solis præiudicant: pœnitentiarius autem non sibi soli, sed suo officio, & suo successori.

2. Tertio, quod vnio requirit auctoritatem eam faciendi, & solemnitatem in modo faciendi, & iustam causam ad faciendum, vt probatur in dict. cap. sicut vnire. adiuncta clement. 2. de reb. eccl. non alienan. & cap. vnio. 10. quæst. 1. & alia multa. At pœnitentiarius si optaret, aliam faceret vnionem sine potestate faciendi eam, & sine solemnitate & causa pro libito suo: ergo non potest optare.

3 Quarto,

3 Quarto, quod id quod operatur oppositum in opposito, debet operari propositum in proposito, l. & si contra. ff. de vulgari. cap. sciendum. 8. q. 1. At præbenda pœnitentiarij, eo mortuo, vel renunciante, non potest optari ab alio canonico habente ius optandi: ergo neque pœnitentiarius ratione illius præbendæ potest aliam præbendam optare.

4 Quinto, quod pœnitentiarius principaliter habet officium pœnitentiariæ, præbendam autem habet per annexionem, & ita quasi rem peremptam & extinctam: sicut qui habet ecclesiam parochialem suæ præbendæ, vel alio beneficio simplici annexam, non censetur habere curam animarum, cap. super eo. de præbend. lib. 6. & ita, cum non possit optare aliam præbendam ratione officij, quod est principale, & quoddam viuum, non poterit id facere ratione præbendæ, quæ est accessorium, & quasi quoddam mortuum & extinctum.

Sexto, quod non est verisimile, quod tam insigne Concilium, & ipsa Romana Ecclesia voluerit hominibus priuatis, & nulla iurisdictione suffultis concedere facultatem faciendi tam leuiter, & tam sine causa & solemnitate tot diuisiones & vniones, quot facere possent pœnitentiarij prædicti, si ius optandi eis cederetur: & ita non est credendum. Salua, &c.

S V M M A R I V M.

- 1 Episcopus an possit de fructibus fabricæ vnius ecclesiæ superfluis assignare fabricæ alterius pauperi. & negatiua multis videbitur verior. nu. 4. vnde nec est tentandum ut fiat.
- 1 Episcopus ex causa potest vnire, & diuidere ecclesias.
- 1 Permutatio beneficiorum ac prædiorum eorundem auctore Episcopo fieri potest.
- 2 Episcopus potest super vna ecclesia imponere pensionem pro altero clerico sustentando.
- 2 Prælati cum maiori parte Capituli potest cogere canonicos ad contribuendum reparationi ecclesiæ suæ.
- 1 Episcopus augere potest pauperes præbendas suorum canonicorum, non solum uniendo beneficia eorum præbendis, sed etiam grauando aliquas ecclesias, ut earum capellani, seu ipsæ ecclesiæ dent aliquam annuam pensionem: hic tamen modus non est in vsu. num. 7.
- 1 Nouitates & mutationes sunt periculose.
- 6 Donata locis pijs ad vnum vsu, non debent ad alium etiam pium, Papa inconsulto, mutari, cum hoc sit Papæ reservatum.

CONSILIVM XV.

AN VISITATOR Episcopi iuste valeat de superfluis fabricæ vnius ecclesiæ aliquid assignare fabricæ alterius ecclesiæ pauperis carentis fabrica sufficienti ad reficiendos parietes eius, & ad ornamenta emenda?

Respondeo primo, quæstionem hanc per totum orbem Christianum posse frequenter occurrere in visitatione episcopatus; numquam tamen eam vlli occurrisse vidi, neque audiui in Hispanijs, neque Gallijs.

- 1 Pro cuius parte affirmante, scilicet quod Episcopus potest de redditibus superfluis fabricæ vnius ecclesiæ, iuuare fabricam alterius ecclesiæ pauperem, facit

- facit primo, q̄ cui licet quod est plus, licet quod est minus, regu. cui licet. de reg. iur. lib. 6. & l. non debet. ff. eo. tit. cum similibus. At Episcopus potest vnire duas ecclesias sui episcopatus diuersas, ex iusta causa, faciendo vnā ex eis, & diuidere vnā in duas, faciendo duas ex eis, vt legitur & notatur in cap. vnio. 10. quæst. 3. & cap. sicut vnire. de excessib. prælat. & alijs multis locis; quod est plus: ergo poterit aliquam partem reddituum vnus ecclesiæ diuisā dare alteri ex iusta causa, quod est minus. Secundo,
- 1 quod potest Episcopus impartiri auctoritatem permutandi vnā ecclesiā cum altera, duobus habentibus illas, cap. quæsitum. de rerum permutat. & cap. 1. eo. tit. lib. 6. immo etiam permutare possessiones seu prædia vnus ecclesiæ, cum possessione alterius, cap. ad quæstiones. de rerum permut. quod longe videtur esse plus, quam facere quod in questione proponitur. Tertio, quod prælatus cum maiore parte Capituli potest omnes canonicos suos etiam renitentes cogere ad dandum aliquam partem reddituum suarum præbendarum pro reparatione ecclesiæ suæ, cap. fin. de his quæ fiunt à maiori parte Capituli. Quarto, quod potest Episcopus augere præbendas pauperes suorum canonicorum, vt habeant quo alantur honeste, applicando aliquos redditus aliorum beneficiorum sui episcopatus, cap. exposuisti. de præben. Quinto, quod Panor. ibidem communiter receptus tenuit id posse fieri duobus modis: priori quidem, vt vniantur præbendis capellæ, in quibus ponantur vicarij, qui eis inseruiant: altero vero modo, quod capellani dent aliquid de suis redditibus canonicis, quod videtur proxime accedere casui proposito; in quo queritur, an Episcopus possit applicare partem redditus superflui fabricæ vnus ecclesiæ diuitis, fabricæ alterius ecclesiæ pauperi, quo se sustentet. Sexto, quod ex prædictis idem Panor. ibidem communiter receptus infert, Episcopum posse providere suis canonicis pauperibus imponendo aliquot pensiones pro ipsis super aliquot ecclesijs ditioribus sui episcopatus; quod ait numquā vidisse factum, sed videri sibi eam esse bonā, & memorabilem practicā. Septimo, quod Ecclesia Catholica vna est, cap. loquitur. 34. q. 1. & extrauag. vnā sanctam. de maiorit. & obed. & secundum Apostolum, alter alterius sumus membra, & alter alterius onera portare deberemus, & diuites sustentare pauperes, vt late docet Ioan. Chrysost. in cap. sicut huiusmodi. 47. distin. cum multis alijs, quæ in hoc ex sacris literis desumi possunt.
 - 4 Pars autem contraria negans multis videbitur vera. Tum ob consuetudinem inueteratam, quæ contrarium seruat, quamque esse seruandam satis dicant l. minime. ff. de legibus, & cap. vlt. de consuetud. cum multis similibus. Tum quod nihil est tentandum cum scandalo, cap. nihil. de præscript. & cap. 2. de operis noui nunciat. & arbitror multos populos scandalizatum iri, si contra voluntatem eorum id in fabricis suarū ecclesiarum fieri tentetur. Tum quod nouitates sunt euitandæ, quatenus sine naturalis & diuinæ legis transgressione vitari possunt, cap. cum consuetudinis. de cons. ibi, consuetudinis & vsus longæui non est vilis auctoritas, & nouitates plerumque pariunt discordiam. quod ipsum habet cap. quis nesciat. 11. dist. & Ioan. And. allegat in d. cap. cum consuetudinis. illud aphorismum Hippocra-

- pocratis, omnes mutationes periculose. Tum quod præfata consuetudo nititur canonibus, & legibus antiquis, per quos statuitur vt bona deputata per Papam, vel aliam legitimam auctoritatem testatorum, donatorum, vel aliorum contrahentium non tollantur ab eis, cap. sine exceptione. & cap. non liceat Papæ. 12. q. 2. & alia, quæ gloss. illius summæ citat. Tum quod res deputatæ ad vnum vsum, non debent in alium vsum conuerti. l. 1. ff. de administratione rerum ad ciui. perti. nisi auctoritate Principis. l. legata. 6. cod. tit. Tum quod donata locis pijs largitione fidelium ad vnum vsum pium, non debent applicari ad alium, etiam pium, sine sedis Apostolicæ auctoritate, vt habet sollemnis illa clem. quia contingit. de relig. dom. & innouata in Concil. Triden. sess. 7. cap. vlt. de reformat. & sess. 25. cap. 8. de reformat. cuius clem. gloss. in verbo sedis Apostolicæ ait ad solum Papam hoc pertinere, & non posse Legatum eius hoc facere, & consequenter neque Episcopum, nec Archiepiscopum. Tum quod in cap. 11. 12. quæst. 1. multis sacre Scripturæ locis probatur, ea quæ pertinent ad vnam ecclesiam, non debere cedere illis, qui alijs ecclesijs inserviunt. Tum denique quod vulgus clamabit voce magna illam regulam ff. de reg. iur. *Id quod nostrum est, sine consensu nostro auferri non potest.* Et si quis responderit illa superflua non esse sua, sed esse Domini nostri Iesu Christi, cuius omnes ecclesiæ sunt membra: replicabit, concedendo esse quidem illa verissime ipsius, sed donata, data; vel relictæ in suarum ecclesiarum vtilitatem & vsum, & non posse in alium etiam pium conuerti sine auctoritate Papæ, qui non facile impartietur eam cuilibet Episcopo cum etiam alienationem rerum ecclesiæ suæ, etiam in casu licito, faciendam, non concedat illi Episcopo, nisi sese prius consulto; vt Paulus II. grauissime statuit in extrauaganti 1. de rebus ecclesiæ non alienan. quam interpretati sumus in comment. in summa 12. quæst. 2.
7. Quare ne sim nimis prolixus, concludo, quod quamuis primo aspectu prior pars affirmans videtur æqua, & sancta; & vt Panor. supra relatus dixit in simili, bona practica, sed vsque ad illum non visa; ita mihi videtur etiam non susceptum iri sine lite, saltem sine licentia S. D. N. Salua, &c.

CONSILIVM XV.

- 1 Taciturnitas temporis immemorialis vim habet tituli.
- 2 Solemnitas extrinseca requisita in confirmatione alienationis bonorum ecclesiæ non præsumitur, nisi post lapsum 30. annorum. num. 2.
- 3 Alienatio rei ecclesiæ etiam causa pietatis fieri potest.
- 4 Sciens rem ad vnum pertinentem penes alium esse, tenetur indicare.
- 5 Instrumenta antiqua casu inuenta, si alicuius res tangunt, tutius reuelare, quam occultare.

CONSILIVM XVI.

MONASTERIVM quoddam monialium concessit quamdam ecclesiam, quæ erat de sua mensa, cum suis pertinentijs valoris 12. scutorum, cuiusdam confraternitati piæ ad pijsimam causam de consensu superiorum pro censu dimidij scuti anticipata solutione 88. annorū, & cum onere

onere eligendi capellanum ex fratribus monasterij, cui moniales subiacebant: & per centum triginta sex annos nihil fuit solutum monialibus, nec capellanus electus ex fratribus, nec ullam horum notitiā habent prædictæ moniales, nec fratres; sed administrator hospitalis inuenit hanc scripturam, & quærit quid pro exoneranda sua conscientia debeat agere.

- 1 Respondeo, quod ad dicendū, quod debeat tacere, facit primo taciturnitas temporis, cuius non est memoria, quæ habet vim tituli, l. hoc iure. §. ductus aquæ. ff. de aqua quot. & æst. cap. super quibuldā. §. præterea. de verborum signifi. Secundo, quod debemus esse pacifici iuxta proœmium Gregorianum, & non dare initium litibus, sed eas potius finire, cap. finem litibus. de dolo & contum. Et quod verisimile est futuram esse litem inter prædictos, si nouerint huiusmodi instrumentum extare. Tertio, quod prædicta concessio fuit per Papam confirmata; & licet non constet formam commissionis fuisse seruata, & regulariter non præsumatur seruata solemnitas extrinseca, nisi probetur, l. quæcumque. §. fin. ff. de pub. in rem act. fallit tamen quando lapsum est tempus triginta annorum, iuxta glo. solemnem cap. peruenit. de empt. & tradita per Felin. in cap. illud. de præsumpt. & latius in cap. Albericus. de testib. & in cap. sicut. de re iudic. & per citatos ab illo, præsertim scribes in l. sciendum. ff. de verb. oblig. Et in casu proposito non solum sunt lapsi 30. anni, sed etiam 136. Quarto, quod licet alienatio prædicta non fuerit necessaria, nec utilis monasterio; fuit tamen valde pia: & res ecclesiæ non solum possunt alienari causa necessitatis, & utilitatis, sed etiam causa pietatis, per cap. gloria. & cap. aurum. 12. q. 2. & glo. recept. in summa eadem cau. & quæst.
- 2 Pro parte vero contraria, quod teneatur admonere prædictum monasterium, & prædictos fratres, extare illud instrumentum, facit primo, quod qui inuenit rem ad alium pertinentem, debet eam restituere; cap. si quod inuenisti. 14. q. 5. Secundo, quod qui nouit rem ad alium pertinentem esse penes alium, tenetur indicare, cap. qui cum fure. iuncta gloss. cum citatis ab ea, de furtis. Tertio, quod possessor malæ fidei nullo tempore præscribit, cap. possessor. de reg. iur. lib. 6. & qui possedit rem, & habet titulum contrarium suæ bonæ possessioni, videtur esse malæ fidei possessor: adeo quod etiam tempore immemorabili non præscribit, vt post alios tradit etiam Couar. in d. cap. possessor. §. 8. num. 4. Quarto, quod solutio census fuit anticipate facta pro octoginta & octo annis, & quod posset saltem aliquibus circumstantiis probatis concludi non esse lapsum tempus quadraginta annorum necessarium ad præscribendum prædictum censum & liberationem ab ecclesijs: & quod restitutio in integrum datur ignorantibus, præsertim ecclesiæ contra præscriptionem; vt late tradit Felin. cap. vigilantia. de præscript. a. num. 1.
- 3 Perpenſis pro vtraque parte his, & omiſſis alijs, quæ poſſunt conſiderari, conſulendum videtur prædicto adminiſtratori tutius eſſe ſibi reuelare præfato monaſterio præfata duo inſtrumenta, quæ caſu inuenit; & procurare vt ſine lite monaſterio ſoluerentur penſiones decurſæ poſt præfatos 88. annos; & poſthac decurrendæ. Salua, &c.

SUMMARIVM.

1. *Emphyteuticis prædijs ecclesiasticis dirutis ad muniendam ciuitatem, cæsus annuus, qui in recompensam assignatur, non directo domino, sed ipsi emphyteuta venit soluendus, qui solitam recognitionem ecclesie domine directæ soluet.*

CONSILIVM XVII.

DVAS domos datas ab ecclesia in emphyteusim vsque ad tertiam generationem accepit Rex Neapolis ad muniendam ciuitatem, præmissa æstimatione, & constituto annuo censu ad rationem quinque pro centenario. Quæritur, an hæc quinque annua sint soluenda ipsi ecclesie, an emphyteutz vsque ad tertiam generationem.

Pro ecclesia facit, quod videtur finita emphyteusis, eo quod videtur perempta res emphyteuticaria, iuxta l. 2. C. de iure emphyt.

Pro emphyteuta vero facit, quod culpa carens, pœna quoque carere debet, cap. 2. de constit. & quod res non est perempta: quia licet superficies domuum sit destructa, area tamen manet: & quod prædictus annuus census, qui inter immobilia computatur, iuxta clem. exiuit. 6. cumque annui redditus. de verb. sign. subrogatur in locum præfatarum domuum, iuxta l. cum glo. si cum seruus. ff. de reb. cred. & quod Ecclesia, quæ est cultrix iustitiæ, non debet iniustitiam cuiuspiam quærere, cap. ex tenore. de foro compet. Et hanc partem tenet Iason, qui alios citat, l. 1. C. de iur. emphyt. num. 44. adiunctis his quæ dixerat antea num. 15.

1. Per præfata erudite citata, & alia, quæ in hoc adduci possent, videtur iudicandum, quod iustum, æquum, & sanctum sit, vt præfatus annuus redditus soluatur præfato emphyteutz vsque ad tertiam generationem, & ille soluat canonem præstitum ecclesie, à qua suscepit emphyteusim, & finita generatione tertia totus ille annuus census soluatur ecclesie, tãquam res, quæ vt subrogata domibus in emphyteusim datis reuertatur ad illam, generationibus, in quas data fuit, finitis.

SUMMARIVM.

1. *Peccata aliorum sicut nos non accusant, ita nec excusant.*
2. *Ecclesiarum suarum bona sine iusta causa & solemnitate debita alienantes, incidunt in pœnas: nam si sint inferiores Episcopis & Abbatibus, sunt ipso iure excommunicati, & beneficijs, quæ à dicta ecclesia habent, priuati, ita vt eis non possint de nouo conferri, num. 5. nec male alienata recuperando evitant pœnas incursas, nec excusantur etiam si dictas alienationes fecerint ex eo quod ab Episcopo multa paterentur damna & persecutiones. num. 2.*
3. *Pœna ipso iure incursa, per pœnitentiam ac restitutionem male ablati non evitatur, nec ob id iudex debet omittere quin eos puniat, etiam si pars læsa remitteret iniuriam.*
4. *Pœne, quas quis incurrit ipso iure, minui et facta restitutione, nec debent, nec possunt.*
5. *Extraneus 1. de reb. eccles. non alien. excommunicat, & beneficijs, quæ ab eadem ecclesia obtinentur, priuat.*
6. *Beneficij iusta vel iniusta receptio talem fore fructuum receptionem arguit.*

CON-

CONSILIVM XVIII.

RESPONDEO primo, narrationē casus adeo esse mihi obscuram, vt desiderem commentarium aliquem, quo mihi res in eius propositione tactæ satis innotescerent. Secundo, quod in eius initio præsupponitur, sed in genere tantum, grauamina & damna quædam dominis canonicis consulentibus super iuribus magni momenti, & præsertim mensæ capitularis à suo prælato illata; de quibus tamē grauaminibus & damnis acceptis nullam quæstionem videntur expresse mouere; licet forte tacite velint querere, an illa grauamina & damna excusent eos ab iniustitia alienationis aliorum bonorum, quam ipsi fecerunt, quæ potest esse prima quæstio eorum. Tertio, in eodem casu narrant, quod ipsi domini canonici consulentes alienauerunt aliqua alia bona suæ mensæ capitularis; sed non explicant, an alienauerunt ex causa iusta, & seruata iuris solemnitate, vel non: & quærunt super hoc tacite secundam quæstionem, an ob id incurrerint censuras, vel pœnas aliquas. Quarto, quærunt, an præsupposito, quod incurrerint illas censuras, possint, & debeant illæ minui eis mitigando eas, ita quod si restituerint & reintegrarint ea suæ mensæ, debeant absolui à pœnis incuris; & potest esse quæstio tertia. Quinto, quod quærendo an retentio canonicatum sit eis concedenda, facta restitutione prædictorum bonorum à se alienatorum; præsupponunt eos esse aut fuisse priuatos eis; quæ potest esse quarta quæstio. Sexto, videntur quærere, an de canonicatibus & fructibus eorum sit idem iudicandum; quæ est quæstio quinta. Septimo, tangitur tacite quosdam alios fuisse prouisos de præfatis canonicatibus, & fructus eorum ab eis perceptos fuisse, & non exprimitur ob quam causam fuerint illi prouisi, neque à quo, neque quando; nec exprimunt, an DD. canonici præfati consulentes fuerint priuati suis canonicatibus à iudice, vel declarati priuati à iure, & an appetuerint ab eiusmodi iudicis vel iuris priuatione, & an adhuc maneant in possessione suorum canonicatum, vel non: ex quibus resultare possunt aliæ quæstiones graues, quas vix soluat Oedipus. Octauo, quod nisi illustrissimi domini, eiusdemque eruditissimi iusta ac sanctissima auctoritas & iussio me ad id compelleret, nihil responderem, sed solum admonuissem illud Imperatoris Maximiani, vt *responsum congruum accipere possis, inferre facti exemplum*. l. vt responsum. C. de transactio. Nono, quod audendo id, quod vix bene audere possum,

- R**ESPONDEO AD PRIMAM QVÆSTIONEM, quod regulariter sicut ob peccatum vnius non est accusandus nec puniendus alter. l. quæst. 4. per totam, & l. 1. C. ne filius pro patre. ita pro peccato alterius alter non excusatur, nisi quando inuasus ad suam iustam defensionem cum moderamine inculpatae tutelæ se defendit. l. 1. & l. si quis in tantam. C. vnde vi. & ideo quia præfati DD. consultatores non videntur suæ bona alienasse ad suam iustam defensionem cū moderamine inculpatae tutelæ, non possunt excusari; quamuis possunt occurrere aliquot circumstantiæ grandis necessitatis, magnæ vis, vel magni metus, & terroris, quæ

minuerent peccatum, vel etiam omnino excusarent; quales interuenisse non narratur in proposito casu; & de non existentibus & non apparentibus idem est iudicandum, l. duo sunt Titij. ff. de testam. tutel. cap. sacerdos. cum gloss. de offic. iudi. ordin.

3 AD SECVNDAM respondetur, quod si prædicti DD. consulentes alienauerunt bona prædicta suæ mentis sine iusta causa & debita solemnitate, peccauerunt, & inciderunt in pœnas à iure canonico statutas in cap. si quis presbyterorum. de rebus ecclesiæ non alienan. & in alijs iuribus citatis à nobis in comment. de alienat. rerum ecclesiarum super gloss. summæ 12. quæst. 2. num. 1. & 2. vbi nos citauimus extrauag. Pauli II. de rebus ecclesiæ non alienan. inter communes. Si vero iusta de causa, seruata debita forma, id fecerunt, non peccarunt, nec vllam censuram incurrerunt, cap. sine exceptione. 12. quæst. 2. & latius tradimus nos vbi supra notab. 8. num. 9.

4 AD TERTIAM respondeo, quod pœnæ, quas ipso iure incurrerunt, non debent neque possunt minui iuridice propter redintegrationem, & restitutionem bonorum, ob quorum alienationem pœnas incurrerunt: eo quod aliud est restitutio damni, & aliud pœna, quæ pro peccato maleficij imponitur à iure, vel ab homine, vt probatur in cap. licet canon. & cap. commissæ. de elect. lib. 6. cum eis adnotatis. & ideo sicut pœna homicidij vel furti non remittitur, neque condonatur ex eo, quod furem pœniteat furti, & restituat furtum, & eo quod homicidam pœniteat homicidij, neque eo quod pars læsa condonet, & remittat ei damnum, & interesse per illud acceptum; immo non obstante illa restitutione, & condonatione partis, possent & debent furca suspendi, & decollari: sic male alienans res ecclesiasticas non est absoluehdus à pœnis impositis ob illud peccatum, etiam si restituatur ablatum, & damnum ecclesiæ; neque etiam si confiteatur: quia oportet vt absolueatur ab excommunicatione, & luat alias pœnas, præsertim ipso iure incursas, per ea quæ in prædictis locis, & in lib. 4. senten. dist. 15. & alibi sæpe adnotantur, & praxis totius orbis Christiani seruat, præsertim S. D. N. Sixtus, qui ob solam pœnitentiam & restitutionem damni & interesse raro condonat pœnam mortis, nec alias ecclesiasticas, vel seculares, immo maximo omnium iudicum exemplo cogit eas subire delinquentes, vt iura naturalia, diuina, & humana suadent.

5 AD QVARTAM respondeo, quod prædicta extrauag. 1. de rebus eccles. non alien. non solum excommunicat, sed etiam priuat ipso iure alienantes res ecclesiasticas iniuste, si sint inferiores Episcopis, vel Abbatibus, beneficijs, quæ habent in ecclesijs, quarum bona alienarunt, vt expresse habet prædicta extrauagâs in §. si quis autem. vers. inferiores vero. inhæc verba: Inferiores vero prælati, commendatarij, & aliarum ecclesiarum rectores, beneficia, vel administrationem quomodolibet obtinentes, prioratibus, præposituris, præpositatibus, dignitatibus, personatibus, administrationibus, officijs, canonicatibus, præbendis, alijsque ecclesiasticis cū cura, & sine cura secularibus, & regularibus beneficijs, quorum res & bona alienarunt, dumtaxat ipso facto priuati existant, illaque

absque

absque declaratione aliqua vacare censeantur: possintque per locorum ordinarios, vel alios ad quos eorum collatio pertinet, personis idoneis (illis exceptis, quæ propterea priuata fuerint) libere de iure conferri, nisi alias dispositioni Apostolica Sedis sint specialiter, aut generaliter reseruata.

- 6 AD QUINTAM, quod regulariter idem iudicium est faciendum de receptione & retentione legitima vel illegitima beneficij, & de perceptione, retentione, & repetitione legitima vel illegitima fructuum eius. arg. cap. 1. cap. possessor. & cap. peccatum. de reg. iur. lib. 6. & cap. grauis. de restit. spol. cum ei adnot.

AD SEXTAM, & alias quæstiones, quæ possunt colligi ex ponderatis in septimo dicto; responderi poterit, cum distincte propositæ fuerint, in honorem Domini nostri Iesu Christi, qui prædictum Illustrissimū Reuerendissimumque D. meum, & nos omnes saluet. Salua, &c.

SUMMARIUM.

- 1 Locas res ecclesiast. sui beneficij extra casus iuris expressos est ipso iure excommunicat^{us}.
- 2 Regulares locantes aliquid de suis beneficijs ad longū tempus, suspensi sunt ab officio.
- 3 Pœna imposita contra præsumentem aliquid facere, non incurritur à faciente sine dolo, vel contemptu.
- 4 Locanti res ecclesiæ vtile est mutare pensionem temporalem in perpetuam; quia perpetuus conductor, & non temporarius tenetur ad expensas refectionis.

CONSILIUM XIX.

QVIDAM præceptor cuiusdā ecclesiæ regularis ante 30. annos quādam paruum domū, quæ solebat quotannis locari, locauit cuidā conductori in perpetuum eadem pensione, qua quotannis locabatur; & cuidā alteri locauit quædā prædia ad vitam conductoris eadem pensione, qua in singulos annos conducebatur, putans bona fide id ei licere; quamuis quia callebat ius Pōtificiū, aliquē scrupulū habuit: nec meminit satis an postea monuerit conductores, quod illa debebāt fieri cum superioris auctoritate. Quæritur, an in foro conscientie is sit iudicandus excommunicatus, & ob celebrationem Missarum postea frequenter factam sit irregularis.

- 1 AD QVAESTIONEM respōdeo, quod pro parte eius affirmatiua facit primo extrauag. 1. de reb. eccl. non alien. quæ habet omnē beneficiariū, qui locauit res ecclesiasticas sui beneficij extra casus iuris expressos,
- 2 ipso iure esse excommunicatum. Secundo facit clem. 1. de reb. eccles. non alienan. quæ omnes beneficiarios regulares alienantes aliquam rem de rebus suorum beneficiorum ad longum tempus, suspendit ab officio.
- 3 Pro parte autē negante facit primo, quod prædicta extrauag. non loquitur de quocūque alienante, vel locante, sed de præsumente id facere; & pœna imposita contra præsumētem aliquid facere, non videtur incurri ab eo qui absque dolo vel cōtemptu facit illud, per celebrem theoriā Card. in clem. 1. q. 39. de priuilegijs. Secūdo, quod præfata extrauag. non fertur cōtra illos qui alienant vel locant res ecclesiæ in casibus à iure expressis: at præfatus præceptor locauit præfatā domum, & præfatos fundos, promouē-

do vtilitatem præceptoris, eo quod pensionem temporalem mutauit in perpetuam, quod est vtile locanti, cum impensas refectionis debeat subire conductor perpetuus, & non temporarius. Per quæ videtur præfatum præceptorem non esse excōicatū, & consequēter non incurrisse vllā irregularitatē.

D E D E P O S I T O.

S V M M A R I V M.

- 1 *Venditio cuiuspiam depositariae Populi Romani an iniusta. & seq. et verius quod sit iniusta. num. 13.*
- 1 *Venditio est iusta, in qua merx vendibilis, & iustum pretium concurrunt.*
- 2 *Officium mutuandi & custodiendi deposita etiam cum salario licitum.*
- 3 *Venditio officij colligendi vectigal, cur, cum nulli noceat, sit iniusta. num. 15.*
- 3 *Depositaria non est res sacra, & tamen non est vendibilis. num. 15.*
- 4 *Vsura licet non esset venditio depositariae, duplici ratione est iniusta. num. 17.*
- 4 *Venditio sic mutuum palliatum fieri solet.*
- 5 *Princeps aliquid ex certa scientia faciendo defectus iure humano inductos supplere videtur. & num. 18.*
- 6 *Deposito pecunie cum pacto ut depositarius aliquid soluendo ea uti possit, usuraria, & quare. num. 17.*
- 7 *Depositum, sicut comodatum, debet esse gratuitum, et cum pretio sit conductio, vel locatio.*
- 8 *Depositarius contra naturam contractus ad aliquid soluendum oneratur.*
- 9 *Merceres omni iure debita operario.*
- 10 *Mutuum, & depositum pecunie cum facultate ea utendi, paria.*
- 10 *Ratio eadem idem ius suadet.*
- 11 *Deponens pecuniam absque copia ea utendi, depositario mercedem soluat; & si das copiam & aliquid accipit, usuram committit.*
- 12 *Depositaria aestimabilis non est, eo quod ob eam depositarius honoretur.*
- 12 *Aestimatio rei ex vendentis, non ementis utilitate metitur.*
- 13 *Mutuandi actus vendibilis non est, nec locabilis.*
- 16 *Sacrum quod non est, non omne vendi potest.*
- 18 *Papa tenetur vsque ad sanguinem ius naturæ & diuinum seruare.*
- 18 *Vsura vtriusque testamenti pagina est prohibita.*
- 19 *Papa non potest facere, ut quis sine peccato usuram exerceat.*

C O N S I L I V M I.

REVERENDE Pater. Per Papam motu proprio imponitur vectigal Populo Romano super quolibet rubeo tritici macinandi baioch. quindecim, erigendo super istis prouētibus vnum montem farinæ nuncupatum: & ne istud vectigal perpetuetur, mādāt per suum motum propriū, quod postquam montistis de eorum fructibus satisfactum fuerit ex pecunijs super dicto monte imponendis ad rationem scutorū septem pro quolibet centenariō, illud quod supererit ex dictis fructibus, ac illæ pecuniæ, quæ perciperentur ex fraudibus committendis in dicta gabella, & quæ similiter perciperentur ex venditione illius depositariæ, inseruirent exting-

tioni.

ationi dicti vectigalis: & supradicta fieri debere à deputatis Romani Populi cum interuentu vnius ex Reuerendis. Clericis Cameræ Apostolicæ; qui Reuerendis. D. Clericus, & magnifici DD. deputati prædicti stante dicto motu proprio vendiderunt ad certum tempus dictam depositariam Caio Sempronio pro scutis 250. quolibet anno, & illa erogauerunt in extinctione dicti vectigalis, vt supra dictum est. Nunc effluxo tempore venditionis depositariæ præfatæ intendunt illam dicti Reuerendissimus Clericus, & magnifici DD. deputati de nouo plus offerenti ad effectum extinctionis supradictæ vendere: sed reuocatur à nonnullis in dubium eam fieri non posse absque scrupulo conscientiæ, ex quo Papa non absoluit ipsos in foro conscientię, nec dicit id fieri debere absque aliquo conscientiæ scrupulo, vt legitur in dicto motu proprio, sed simpliciter in eo exprimuntur supradicta.

Pro parte Romani Populi replicatur omnino dictam venditionem præfatæ depositarię primo loco fuisse bene factam, & etiam secundo loco absque conscientiæ scrupulo fieri posse: nam clarum est, quod Papa sciuit, & notitiam habuit, vt legitur in dicto motu proprio, de venditione dictæ depositariæ per Populum Romanum faciendā, dum mandat, vt pecuniæ quæ obuenient ex venditione depositariæ præfatæ, conuertantur in extinctionem vectigalis præfati: adeo quod Papa hoc permittit, & sic vendita fuit scitu Papæ, & eo permittente: & hoc tanto fortius potest fieri sine conscientiæ scrupulo, quia pretium huius depositariæ inseruit extinctioni vectigalis, ne perpetuetur, & sic conuenit publicæ vtilitati, & tendit ad fauorem multorum pauperum, & piorum locorum dictum vectigal pro macinatura eorum tritici soluētium dictos 15. baiochos pro quolibet rubeo, qui tanto citius ab illius solutione erunt liberati; & quamuis aliquid certi emolumenti dictus depositarius ex ipsa depositaria non percipiat, & pecuniæ non faciant pecunias, nihilominus ex quo est approbatus à Populo Romano pro legali & idoneo depositario, hoc multum inter alios Urbis mercatores sibi prodest, cum ex hoc reputetur notabilis & diues mercator; habet etiam ex dicta depositaria illud emolumentum, quod potest pecunias penes ipsam existentes ante tempus solutionum fructuum montistarum interim ad cambiā licita & honesta præbere: & vltcrius si aliquis montista erit dicti montis creditor, ipse depositarius poterit ei satisfacere in tot rebus suæ tabernæ cum aliqua temporis commoditate: & interim, vltra quod suas merces vendit, etiam poterit dictis pecunijs negociari: & sic pro supradicta depositaria plus, vel minus ad eius libitum poterit offerre sentiens comoda supradicta.

Quæritur modo, an stantibus præmissis dictus Reuerendis. D. Clericus, & magnifici DD. deputati Populi Romani possint absque aliquo conscientiæ ipsorum cuiuslibet scrupulo dictam depositariam montis farinæ prædicti etiam plus offerenti, ad effectum dictum vectigal pro rata extinguendi, vendere, vel non.

1. Respondeo, quod pro parte affirmatiua, nempe quod liceat præfatis Reuerendis. Clerico, & magnificētissimis deputatis Populi Romani vendere.

dere præfatam depositariam in finem præfatum redimendi vectigal prædictum, facit primo, quod venditio præfata videtur ex sua natura iusta: quoniam iustitia emptionis & venditionis consistit in hoc, vt internueniat merx vendibilis, & pretium iustum; quod satis colligitur ex l. i. ff. de contrahen. emptio. & instit. eodem titu. §. pretium. & §. item pretium. quæ duo videntur concurrere in hoc casu, in quo concurrat officium colligendi vectigal ex parte vendentis, & pretium in numerata pecunia iustum ex parte ementis. Secundo, quod negari non potest officium præfatum esse iustum, & Reipublicæ vtile, & necessarium: nam officium mutuandi constitutum à Repub. etiam præstituto aliquo salario honesto est licitum & honestum, vt nos probamus in comment. cap. fin. de vsur. num. 15. & breuiter repetimus in Manua. confess. cap. 17. nu. 288. & seruat praxis in montibus Pietatis. Tertio facit, quod etiam officium custodiendi deposita, etiam salario aliquo honesto constituto, est iustum & honestum, quale est officium argentariorum, vt etiam probauimus in dicto comment. num. 36. & quatuor seqq. quod referimus in dicto cap. 17. num. 292. ergo à fortiori officium colligendi vectigal, & custodiendi illud reddendum tempore conuenienti, erit licitum & honestum. Quarto, quod nulla videtur apparere ratio, qua prædicta venditio sit iniusta; cum per eam nulli fiat iniuria, neque dolus, cum vtraque pars tam vendens, quam emens sciat naturam officij, & pretium eius: & scienti & consentienti non sit iniuria neque dolus, cap. scienti. cum suis concordant. de reg. iur. lib. 6. Quinto, quod omne quod non est sacrum potest vendi, arg. l. i. ff. de contrahen. empt. & §. loca. inst. eod. titu. at præfata depositaria non est res sacra, sed profana; immo & videtur æstimabilis; quia affert fructum honoris & commoditatis ad tractandum & lucrandum pecunias, vt palam est: ergo suapte natura est vendibilis. Sexto facit, quod præfata venditio non videtur dici posse illicita, eo quod sit vsuraria: quia vsura in solo contractu mutui veri vel palliati consistit, vt post alios diximus in Manua. confess. cap. 17. num. 266. At præfata venditio neque est verum mutuum, neque palliatum; sed est vera emptio, in qua concurrat ab vna parte pretium, & ab altera merx, vt supra dictum est: & non interuenit maioritas, vel minoritas pretij propter anticipationem vel dilationem solutionis, vel pactum de retrouendendo, per quæ solet fieri emptio mutuum palliatum, cap. ad nostram. de empt. & vendi. cap. significante. de pigno. & cap. in ciuitate. & cap. fin. de vsur. ergo nullatenus est vsuraria. Septimo, quod licet aliquis defectus interueniret, per quem suapte natura venditio præfata esset illicita, potest tamen ille suppleri per Papam, argum. cap. si Papam. 40. dist. & cap. cuncta. 9. q. 3. quam suppletionem supplet præfatus motus proprius, quo iubetur, vt pecuniæ, quæ obuenient ex venditione præfate depositariæ, impendantur in redemptionem præfati vectigalis. Nec obstat, si dicatur quod Papa in illo motu proprio non videtur dispensare, neque supplere: quia summus Princeps, disponendo aliquid, in quo interuenit aliquis defectus, ex certa scientia, videtur supplere illud vel dispensare super eo, quatenus valor dispositionis eius requirit. l. idem Vlpianus. §. i. ff. de excus. tuto. & traditur

ditur cap. si quando. de rescrip. post Bald. cap. cum adeo. eo. titu. At Papa, qui est summus Princeps, immo & summorum Principum summus, cap. cuncta per mundum. cap. ipsi sunt canones. 9. q. 4. expresse disponit in suo motu proprio de pretio venditionis depositariz; quæ dispensatio non valeret, nisi liceret eam vendere: ergo videtur, quatenus opus est, eius venditionem licitam facere.

- 6 Pro contraria vero parte facit primo, quod omnis depositio rei consistentis in numero, pondere, vel mensura, cum facultate ut ea depositarius uti possit, & eo pacto, ut aliquid solvatur deponenti, est iniusta, & obligat ad restitutionem acceptorum, ut probamus post alios in Manua. confess. cap. 17. num. 181. illa firmissima ratione, quam ponimus præcedenti num. 180. nempe quod depositum factum de re aliqua, quæ consistit in numero, pondere, vel mensura, cum facultate ut ea depositarius uti possit, sit mutuum, simulac ipse ceperit eo uti, per l. quintus. ff. deposit. & per l. certi condictio. §. si. cum l. seq. quæ hoc clarius probant, ff. de reb. credi. & palam est, quod acceptio alicuius rei pecuniariz ob mutuum est iniusta obligans accipientem ad restituendum id quod accepit, cap. si fœneraueris. 14. q. 3. cap. consuluit. de usuris. in quo Urban. Pontifex Max. allegat illud Lucæ cap. 6. *Mutuum date nihil inde sperantes*. at deputatio alicuius in depositarium prædicti vectigalis, quod consistit in numero, idest in pecunia numerata, cum facultate ut ea uti possit, est in effectu depositio pecuniarum numeratarum colligendarum ex dicto vectigali, & sic mutuum: ergo nihil ex ea licite accipi potest, & huiusmodi deputatio, cum fiat pretio accepto, est iniusta.
- 7 Secundo facit, quod contractus depositi est contractus gratuitus, sicut & contractus commodati, ut colligitur ex gloss. 2. cap. 1. de commodat. adiuncta gloss. verbo culpa, cap. 1. de deposit. ita quod, si aliquid acciperetur, fieret contractus locationis & conductionis: ergo non potest depositio esse iusta, si quod pretium ob eam accipiat: in casu autem proposito accipitur pretium; ergo non potest esse iusta depositio: & tamen ita appellatur, ergo est fraudulenta, argum. tituli *Plus valere quod agitur, quam quod simulate concipitur*.
- 8 Tertio, quod contra legem naturalem & humanam est, quod qui præstat operam, solvat aliquid pro opera quam præstat, argumento l. secundum naturam. ff. de regul. iur. cui consonat clem. 1. de censib. & cap. qui sentit. de reg. iur. lib. 6. quatenus habet, secundum naturam, siue legem naturalem, quam illa iura humana confirmant, esse, eum qui patitur onus, debere suscipere commodum, & non contra onus & damnum simul; ac præfatus depositarius præstat suam operam, laborem, & industriam in colligendis, servandis, & soluendis pecunijs dicti vectigalis: ergo contra leges naturæ & humanas est, ut ipse aliquid solvat pro huiusmodi officio. cum ergo per præfata venditionem depositariz sibi factam aliquid solvat, iniusta est iudicanda venditio.
- 9 Quarto, quod lege naturali, diuina, & humana debetur mercenario sua merces, Deuteron. cap. 24. Levit. cap. 23. Lucæ cap. 10. & alia multa quæ allegat

allegat Dionys. Papa cap. 1. 13. q. 1. quale est illud; *Qui altari seruit, de illo viuere debet*: & illud; *Quis vnquam suis stipendijs militauit?* 1. ad Corinth. c. 9. ergo lege naturali, diuina, & humana debetur huiusmodi depositario aliqua merces: & consequenter contra illa est, quod ipse soluat, quod facit emendo illam pretio.

10 Quinto, quod ea in quibus eadem ratio militat, eodem iure sunt censenda. l. illud. ff. ad leg. Aquiliam. cap. 1. de translat. prelato. at mutui datio, & depositio pecuniarum cum facultate ut depositarius ea uti possit, eiusdem sunt naturae, ut praedictum est, d. l. certi conditio. §. fina. & l. sequen. ff. de rebus credi. At pro mutui datione quantacumque summae nihil potest iuste dari, vel accipi, ergo neque pro depositione quantacumque pecuniarum cum facultate utendi.

11 Sexto, quod peccat, qui deponit aliquam pecuniam seruandam apud campforem sine facultate utendi ea, & non vult ei soluere mercedem debitam; quia est contra praedicta iura diuina, & humana: & qui deponit seruandam cum facultate utendi ea, & ob id accipit aliquid, committit usuram, ut nos post alios diximus in dicto c. 17. nu. 283. ergo cum venditio huius officij in effectu non sit aliud, quam depositio pecuniarum cum facultate utendi eis, sequitur quod est usuraria, & consequenter iniusta.

12 Septimo, quod praefata depositaria non potest dici aestimabilis, & vendibilis, eo quod ex illa prouenit depositario honor, & reputatio diuitiarum, & commoditatis tractandi, cambiendi, sine traficandi. Tum quia ex mutuatione magnae quantitatis pecuniarum mutuarius quaerit eadem: attamen non est ideo aestimabilis, nec vendibilis, ut praedictum est. Tum quia rei aestimatio non augetur ex utilitate, aut commoditate, quae prouenit eienti; sed sic ex utilitate, & commoditate, quam perdit vendens eam vendendo, ut singulariter dixit S. Thom. 2. 2. q. 77. art. 1. & Sotus communiter recep. in 4. dist. 15.

13 Per haec posteriora fundamenta credimus hanc partem posteriorem esse veriore. Nec obstant alterius partis fundamenta: quia illis sic responderi potest. Ad primum quidem concedendo emptionem, in qua interuenit merx vendibilis, & iustum pretium, esse iustam emptionem: negando tamen quod in proposito interueniat merx iuste vendibilis: quia mutuatio pecuniarum, vel actus mutuandi pecuniam non est merx, neque opera vendibilis, & locabilis; quia iure naturali, diuino, & humano saltem Pontificio debet esse gratuita, ut supra dictum est: & deputatio praefata depositarij nihil aliud in effectu est, quam depositio pecuniarum vectigalis praefati cum facultate utendi eis, & consequenter est mutuatio per iura praefata, & ita inuendibilis, immo & illocabilis.

14 Ad secundum concedimus, officium praefatum depositariae esse iustum, & sanctum; & qui accipit illud, posse iuste recipere salarium pro opera, industria, & labore, quae in illo exercendo praestat: sed negamus esse iustum, ut accipiens illud, debeat soluere aliquid pro eo exercendo, cum omni iure debeat ei iustum salariū: & consequenter quod iniuste venditur illud ei.

Ad

- Ad tertium, idem quod ad secundum respondemus, nempe officium argentarii custodiendi pecunias esse iustum, immo & posse illum aliquod salarium honestum accipere; sed negamus esse iustum, quod ipse qui accipit pecunias custodiendas, soluat aliquid pro custodia, quam ipse præstat, & pro qua meretur salarium.
- 15 Ad quartum concedimus, quod per præfatam venditionem nulli sit dolus; negamus autem quod nulli fiat iniuria; sit enim iuri naturali, diuino, & humano, & Deo eiusque vicario auctoribus eorum, & naturæ rei vsu consumptibilis, quæ ipsa quidem vendi potest, & in alium transferri, sed non eius vsus, quo ipsa consumitur; & ita vsus eius ab ipsa non separatur, sicut separatur in rebus quæ vsu non consumuntur, iuxta S. Thom. recep. 2. 2. quæst. 78. artic. 1. gloss. 1. cap. 1. de commodat. & omnium sententiam.
- 16 Ad quintum negamus primo, quod omne quod non est sacrum, sit vendibile; homo enim laicus non est sacer, tamen non est vendibilis, saltem regulariter, secundum iura Romana, ut nos deduximus in d. Man. cap. 23. num. 95. neque alia inæstimabilia, qualis est actus mutuandi, & mors, vel vulnus hominis liberi, l. cum liberi hominis. ff. de his qui deiecerunt, vel effud. qualis item est scientia, & ars naturalis naturaliter quæsitæ, ut diximus in d. cap. 23. num. 99. Secundo respondeo ad id quod tangitur in fin. de utilitate quam quærit depositarius, quod tollitur per argum. septimum pro hac parte factum.
- 17 Ad sextum respondemus, quod prædicta venditio triplici ratione est iniusta. Primo quidem, quod per eam accipitur pretium à depositario pro opere, industria, & labore, quæ ipse præstat; cum lege naturali, diuina, & humana ipsi deberetur merces pro illis. Secundo, quod venditur res inuendibilis, videlicet depositio pecuniæ cum facultate vtendi ea, quæ triplici iure prædicto est inuendibilis, & illocabilis, cum in effectu sit mutuatio, ut supra probatum est. Tercio, quod ex mutuo palliato, & vi eius accipitur aliquid, quod est vsuræ peccatum. Cum enim venditio illa sit in effectu depositio pecuniarum cum facultate vtendi eis, est vere mutuum palliatum nomine venditionis; & ita accipere aliquid ex ea, est vsuram admittere. Quare ad argumentum respondeo in forma: Primo, negando quod in hoc casu non interuenit mutuum palliatum; quia contractus, per quem traditur depositaria, vere est mutuatio vestita & palliata nomine venditionis per supradicta, & consequenter in eo potest interuenire vsura. Secundo, quod etiam est iniusta duplici ratione prædicta.
- 18 Ad septimum respondeo, concedendo, quod Papa faciens aliquem actum existente aliquo defectu, per quem corrumpitur ille, nisi dispensaretur, videtur dispensare, si faciat illum cum certa scientia illius defectus, si per suam summam potestatem potest suppleri defectus ille, vel dispensari in illo, eo quod iure humano sit inductus ille defectus, non autem si inducitur iure naturali, vel diuino, ut post Hostien. & Panorm. in cap. significauit. de offic. ordi. & Bald. cap. cum adco. de rescript. tradit Felin. in cap.

in cap. significauit. num. 4. eodem titulo & tangit in cap. si inter. de excep.
 19 cum citatis ab illo; quia ius naturale & diuinum tenetur seruare vsque
 ad sanguinem. cap. sunt quidam. 25. quæst. 1. & iniustitia vsuræ non solum
 reprobatur iure Pontificio humano, super quo summam potestatem ha-
 bet Papa, sed etiam iure naturali & diuino, cap. quia in omnibus. de vsur.
 in quo Concil. Later. testatur eam ytriusque testamenti pagina prohibe-
 ri, & probat S. Thom. 2. 2. quæst. 78. artic. 1. & tenet communis in 4. dist. 15.
 quicquid parum dolate dicat Alexan. consil. 102. volum. super potestate
 Papæ dispensandi super vsuris cum Iudæis. in quo non auderem dicere
 quod Papa possit iuste dispensare cum aliquo, vt sine peccato usuram
 exerceat, per cap. super eo. de vsur. in quo Alexan. Pont. Max. respondet
 non posse dispensari super vsurâ, æquiparandâ illam mendacio, quod ha-
 bet intrinsecam malitiam, sicut & fornicatio: & nullo modo potest dici
 iusta, cap. 1. 22. quæst. 2. Quæ omnia & singula submitto supremæ S. D. N.
 censuræ. Salua, &c.

SUMMARIVM

- 1 Procuratorem ad exigendos redditus constituens, aliquid ab eo capere non potest, im-
 mo potius ei debet stipendium dare. na. 3.
- 1 Depositario, seu exactori pecuniarum licentia facta illis vtendi resoluitur in mu-
 tuum; pro qua si quid exigatur, usura est.

CONSILIVM II.

AN DOMINO, vel collegio constituenti aliquem procuratorem
 suorum reddituum facile recuperabilium liceat accipere aliquas pe-
 cunias ab eo, nullo constituto ei ob labores subeundos salario, propterea
 quod ei officium illud concedit?

- 1 Respondeo, quod non video, quo titulo iusto possit prædictum colle-
 gium prædicta scuta lucrari; quia pro titulo venditionis id fieri nequit,
 siquidem officium illud non vendit, neque titulo locationis; quoniam illi
 redditus locabiles non sunt, cum neque salarium habeat, neque proventus
 ullos, qui ad illud pertineant; solum enim inest ei onus & cura recipiendi
 redditus ad collegas officiales pertinentes, & soluendi illos eis temporibus
 statis. Neque titulo mutui, quia illud non potest fieri iuste nisi gratis,
 cap. consuluit. de vsur. Neque titulo commodati, cum hoc etiam gratis
 fiat, glo. recept. in rubr. ff. comod. sed neque titulo depositi; quoniam de-
 ponens nihil potest accipere a depositario; nam gratia eius tantum fit
 depositum, sicut in casu nostro, in quo gratia & utilitate collegij deponun-
 tur prædictæ pecuniæ: & quando fit gratia depositarij, est irregulare de-
 positum, vt contingit cum non deponantur pecuniæ in sacculis obsignatæ,
 sed numeratæ, l. si quis nec causam. & l. rogasti. ff. de reb. cred. & tale depo-
 situm sapit mutuum, vt in prædictis ll. notatur; & si ea ratione caperentur,
 & darentur, esset usura, vt est casus in l. Lucius. ff. de pos. quod non licet in
 lege Evangelica, iuxta illud Lucæ 6. *Mutuum date, nihil inde sperantes.* trans-
 latum in cap. consuluit de vsur. Præterea contractus hic ea ratione videtur
 iniustus

iniustus, quod non solum non soluitur merces iusta operatio, iuxta illud Lucæ 10.: *Dignus est operarius mercede sua*, relatum in cap. 1. 13. quæst. 2. sed etiam cogitur mercenarius ipse ad soluendam pensionem ei, cui operatur: nam depositarius huiusmodi operam, studium, & laborem impendit pecunijs prædictorum officialium recipiendis, custodiendis, & soluendis, rationibusque super his habendis, & scribendis, propter quod recte ex iustitia debetur ei aliquod præmium; & tamen per huiusmodi contractum fraudatur eo, & oneratur pensione sine ulla iusta ratione soluenda; & ita est contra illud 1. ad Thess. 4. *Ne quis supergrediatur in negotio fratrem suum*, & contra Iustitia. ff. de iust. & iur. Præterea nemo negaret esse contractum usurarium, vel certe iniustum, si quis putaret mihi, foderet, & pararet vineam, & colligeret eius vvas, & portaret in torcular meum, & calcaret eas gratis, ut ei facerem facultatem recipiendi redditus mille scutorum ad exercendam mercaturam, vel aliam artem sibi utilem, per quam lucraretur plus quam impendit in vinea mea, & postea mihi restituendorum. cap. plerique. 14. q. 3. & toto tit. de condict. indeb. & tanto magis esset iniustus, vel usurarius, si mihi penderet aliquid aliud præter culturam vineæ, & vindemiam vvarum, quæ mihi impendit gratis. Quare arbitror non posse defendi contractum prædictum esse iustum: & satis negotij erit illi, qui defenderit iuste posse prædictum collegium, & eius officiales uti opera, industria, & labore huiusmodi depositarij, nullo ei propter id salario constituto.

An autem huiusmodi depositarius possit iuste transferre huiusmodi officium depositarij in aliquem mercatorem cum pacto ut soluta quantitate, quæ debetur Principi, vel populo, soluat ei dimidium eius, quod lucratum fuerit ex usu prædictæ pecuniæ gabellarum acceptæ; respondeo quod non, fortiori ratione. Salua, &c.

S V M M A R I V M.

2. Dispositio testatoris, ut lex seruanda, si sit iusta, alias non. nu. 2.
3. Depositam pecuniam penes mercatorem quis tenere non potest, cum pacto, ut inde aliquid lucri percipiat; nisi mutatis contractibus iustificetur, num. 1. & ibi hocque lucrum est usurarium, tam pro tempore vitæ testatoris, quam post vitam illius ab heredibus acceptum, num. 3. restituendumque, nisi gratiose condonetur, num. 4. cessante autem pacto accipere gratis datum in recognitionem utilitatis, quam ex dicta pecunia percepit mercator, licet. nu. 5.
4. Deponens pecuniam cum pacto, ut depositarius teneatur illam custodire, ac saluam reddere, quando repetetur, & quod ad nullam mercedem depositario dandam teneatur, usura est.

C O N S I L I V M III.

SEMPRONIUS moriens instituit hæredes tres nepotes, Titium, Seium, & Caium, in grandi pecuniarum summa, quam Romæ habebat apud trapezitas siue campsores, ad septem pro singulis centenarijs, hac tamen conditione, quod nunquam possent illam inde auferre, nec alienare, &

nare, unde & fideicommissum fecit: Titius & Caius contra voluntatem testatoris abstulerunt quamdam quantitatem prædictæ summæ: & Caius ultra partem, quæ illi contingebat, abstulit tria millia aureorum partis Scij illo inscio, post aliquot tamen menses hoc illi manifestavit, simulque se obligavit ultra sortem principalem restituere interesse ad septem procentenarium, quod & fecit post aliquot annos, licet minus aliquanto quam ad septem. Quæritur, an Scius secuta conscientia possit accipere hoc interesse, an vero teneatur illud restituere: & tunc an possit illud applicare alicui pio loco.

Clausula testamenti, vel codicilli, per quam præfatum fideicommissum dictarum pecuniarum fuit factum, sic habet; *Item cum dictus D. Sempronius codicillans habeat in compluribus creditis, de quibus extat quoddam memoriale in manibus N. quæ ascendunt ad summam triginta septem millium scutorum, vel quantacumque sit summa; voluit & ordinavit quod dictæ pecuniæ non amoveantur à locis, ubi sunt posita: sed tantum fructus diuidantur inter suos heredes pro æquali portione, nisi aliter dicto N. visum fuerit, & placuerit; qui ad plenum de ipsius domini codicillantis voluntate & mente est informatus; ut dictus dominus codicillans asseruit.*

In primis dico, quod etsi forte molestus fui in quærenda & petenda maiore informatione huius facti, quam dabatur: adhuc tamen iuste poteram requirere maiorem, & excusare me à respondendo, donec illa daretur. Nam opus erat ad respondendum absolute, scire, an præfatus codicillans haberet præfatam pecuniam depositam penes mercatores per viam contractus depositi, an per viam contractus societatis, & an præfata septem annua pro 100. soluerentur ei salva sua sorte principali, vel cum periculo communis damni & lucri; & an inter codicillantem & mercatores interuenisset ultra contractus societatis alius assecurationis, & alius redemptionis, quos esse necessarios ad accipiendum aliquid lucri ultra sortem, seu capitale, vel principale saluum, diximus in nostro Manuali cap. 17. nu. 251. cum sequentibus.

Secundo dico, quod si depositio illa pecuniarum fuit facta à prædicto codicillante per viam contractus societatis, vel depositi iustificati eo modo, quo iustificanda erat, iuxta ea quæ nos ubi supra post alios tradidimus, tenentur præfati heredes servare illam, donec N. aliud ordinaverit: quia iusta dispositio testatoris pro lege habenda est, Authen. de nupt. §. disponat testator, & erit lex. & cap. cum esset. de testamen. Modo codicillanti ius fasque fuisset testandi de illis ad libitum; & consequenter est dicendum, præfatos heredes potuisse iuste capere illa septem annua à præfatis mercatoribus. cui etiam consequitur, præfatum Scium potuisse à præfato Caio accipere illa quæ accepit, nec teneri ad restituendum quicquam.

Tertio dico, quod ex verbis narrationis facti solum colligitur interuenisse contractus depositi, cum pacto de soluendo quotannis singula septem pro singulis centenariis, sine alia iustificatione: & si res ita se habet, certum est contractum fuisse iniustum, immo & usurarium, per ea quæ

vbi

ubi supra scribimus; & consequenter iniusta fuit & usuraria conuentio illa, & pactio, qua prædicti hæredes confirmarunt conuentionem codicillantis, immo & traditio nouæ pecuniæ ab eis facta prædictis mercatoribus. Quibus est consequens, præfatos hæredes non teneri ad retinendas illas pecunias cum prædicto pacto in manibus dictorum mercatorum: quia licet regulariter dispositio testatoris pro lege habeatur, iuxta Authen. supra allegatam; fallit tamen quando est iniusta contra legem, & bonos mores, l. filius. ff. de condict. instit. præsertim contra legem naturalem, & diuinam, qualis est hæc, quæ est usuraria, & ita contra vtrumque testamentum, cap. quoniam in omnibus. de usuris.

Quarto dico, quod si prædictus contractus depositi vel societatis non fuit iustificatus eo modo, quo supra diximus; quicquid accepit codicillans à mercatoribus, dum viueret, & quicquid post eius mortem hæredes acceperunt, censendum est iniuste acceptum, & restituendum ijs, à quibus acceptum fuit, vel hæredibus eorum. cui consequens est, quod Seius tenetur restituere illa quæ accepit à prædicto Caio; cui etiam non licuit accipere illa ab ipsis mercatoribus.

- 4 Quinto dico, quod etiam si ipse codicillans absque vlla promissione mercatorum de soluendo ei aliquid, deposuit penes illos prædictam pecuniam, cum pacto vt illi teneretur custodire, ac reddere saluam, quoties ille peteret, & quod ob hanc custodiam ipse nihil teneretur illis soluere, iniuste fecisset, & usuram commisisset: eo quod voluisset capere, vltra sortem principalem, illud salarium, quod eis pro fida custodia suo periculo facienda debebatur iure illo naturali, & euangelico, quo cauetur mercenarium dignum esse mercede sua.

- Sexto dico, in hoc casu consulendum esse prædictis hæredibus primum, vt pœniteat eos ex animo, quod ipsam pecuniam tenuerint in manibus eorundem mercatorum cum pacto & obligatione soluendi sibi septem pro centenariis; & non solû pœniteat eos huius peccati usurarij, sed etiam firmiter proponant restituere omnia illa, quæ acceperunt mediante illo pacto, nisi sponte vel libere prædicti mercatores eis illa condonauerint, & non tantum proponant restituere quæ ipsi acceperunt, sed etiam quæ accepit eodem pacto is cuius sunt hæredes. Deinde concepta ista generosa pœnitudo, qua pœniteat offendisse Deum, præcepta eius violando, cû debuissent eum super omnia diligere, ac illius præcepta seruare: cōcepto item proposito firmo restituendi prædicta omnia ipsis mercatoribus, à quibus accepta sunt, vel hæredibus eorum, proponant confiteri hoc peccatum cum expressione temporis, quo illud continuarunt: & postea, vel ante confessionem adire per se, vel per suos confessarios, ipsos mercatores, eisdem aperientes suam pœnitudo, & propositum restituendi: &
- 5 rogare eos, si sunt diuites, vt condonent sibi ea quæ soluerunt. Tertio, habita condonatione omnium, vel partis, quam humiliter habere poterunt, relinquant eis suam pecuniam sublato pacto de dando eis septem, vel aliquid aliud ratione eiusmodi depositi, facta illis libertate nihil dandi ex obligatione vel promissione, sed solum ex mera liberalitate, si voluerint

aliquid donare, tamquam amicis, qui suam pecuniam tradunt eis ad lucrandum per iustam mercaturam, vel per iusta & realia cambia. Quarto, his peractis adeant N. & cum eius assensu vel accipiant pecuniam suam ad emendos aliquos redditus, vel aliqua bona immobilia, & vinculent ea, ut illi videbitur: vel certe deponant prædictam pecuniam penes dictos mercatores per viam iustæ societatis, per quam tamen solum non potest manere capitale saluum, nisi addendo alios duos contractus assurationis, & redemptionis lucris, modo quo ipse in Manuali d. cap. 17. num. 251. scribo, Salua, &c.

S V M M A R I V M.

1. Depositario pro custodia depositæ pecuniæ & obligatione reddendi ad voluntatem deponentis, debetur merces; nisi fiat cum facultate ea utendi, quia cum tunc transeat in mutuum, mutans ad nihil tenetur. num. 2. aliquid autem ab eo etiam tacite exigere, est usura. num. 3. oblatum vero mere liberaliter recipere licet: secus si dicta oblatio fiat principaliter ob metum, ne ab eo depositum auferatur, ut alteri assignetur. num. 4.
2. Deponens pecuniam penes aliquem cum facultate illa utendi, ea principali etiam tacita intentione, ut inde aliquid recipiat, usura est, secus si minus principaliter aliquid speret sibi liberaliter dari.

CONSILIVM IV.

MULTI deponunt penes argentarios, siue campsores, & bancarios, vel alios diuites, & amicos, aut suos receptores thesaurarios aliquas summas pecuniarum, maximas, magnas, & minimas, cum facultate eis utendi, & cum eis negotiandi, eo tamen pacto, ut restituant eas totas, vel partem earum, quando ipsi voluerint; & depositarij reddunt eis certum quid pro centenario in annum, vel mensem, vel aliud tempus maius vel minus. Quæritur an id liceat.

1. Respondeo primo, quod cum primū ad urbē venissem, deposui aliquot scuta penes quemdam argētarium, vel bancarium, ad custodiendū, & ad reddendum omnia vel partem eorum, cum vellem, gratis, nihilo ei dando pro custodia, nec recipiendo pro lucro quem faceret; & vrsit me consciētia ad volendum ei soluere mercedem pro custodia, & opera, quā impendit illis custodiendis, cum onere reddendi ea pro voluntate mea: quia dignus est operarius mercede sua, Lucæ 10. relat. in cap. 1. 13. q. 1. Sed quia neminem videbā soluere quidquam pro simili causa, petij remissionem eius, quod mihi primo aspectu videbar debere, quam ipse libenter fecit.
2. Secundo, quod postea animaduerti, quod depositum pecuniæ numeratæ cum facultate utendi ea transit in contractum mutui, l. certi conditio, §. fin. & duabus ll. seq. ff. de rebus cred. & quod ego tradideram illa scuta cum facultate utendi eis, sine obligatione soluendi eadem, & quod per contractum mutui transit dominium rei mutuo datæ in mutuatarium, l. 2. §. appellata. ff. eod. & consequenter onus custodiendi transiit in bancarium, uti dominum eorum, iuxta l. 1. & 2. C. de commod. & ita non tenebar ad soluendum ei quicquam pro custodia.

Tertio,

- 3 **Tertio**, quod depositarius, qui recipit depositam pecuniam sine facultate vtendi ea, & cū obligatione restituendi eamdem, meretur mercedem pro custodia: quia non transit dominium in eum, & ipse non tenetur ad reddendum aliquid ipsi deponenti ultra depositum, iuxta l. si sacculum. ff. depositi. cap. 2. de deposito. cum ei adnotatis: quia est cōtractus de se gratuitus, vt & nos post alios tradidimus in nostro Man. confess. cap. 17. num. 180. & consequenter non tenetur depositarius soluere aliquid deponenti ultra pecuniam depositam: & deponēs, qui exegerit aliquid ultra sortem, committit vsuram iuxta l. Quintus Cæcilius. & l. Lucius. ff. depositi.

Quarto, quod deponens poterit iuste accipere à depositario, si sponte sine vlla exactione expressa vel tacita voluerit aliquid ei dare; sed non exigere, per ea quæ in sequenti cons. traduntur. Dixi, tacita vel expressa: quia sufficit tacita. arg. l. 1. cum ei concordantibus, de pactis.

- 4 **Est tamen** quæstio quotidiana, an depositarius, qui soluit aliquid ultra depositam pecuniam, non quidem voluntarie ac libere, sed quia timet, si non solueret, quod deponens repetet ab eo pecuniam depositam, & tradet eam alteri, qui soluet id quod ipse non vult soluere. Et puto deponentem quo ad forum interius peccaturum accipiendo illud, si nouerit depositarium ei facere illam solutionem principaliter ob illum timorem, per ea quæ de timore scripsimus in præfato Man. confess. cap. 22. numero 51. & cap. 17. nu. 5. vbi concludimus, metum etiam minorem iusto in foro conscientie excusare, & accusare: immo etiã si ob hanc causam principaliter repeteret pecuniã depositam, vt alius ei soluat aliquid ultra eã; quia mutuatur & vult mutuare cum spe principaliter lucrandi ultra sortem. quia spes lucrandi principaliter aliquid vi mutui est peccatum vsuræ, iuxta ea quæ post alios tradimus in cōmen. de vsuris, super cap. 1. 14. q. 3. nu. 6. & 8. Diximus, principaliter: quia minus principaliter intentio lucrandi aliquid non sufficit ad causandum vsuram, vt tradimus vbi sup. nu. 9. Salua, &c.

S V M M A R I V M.

- 1 Deponi potest penes ecclesiam pecunia, vt inde emanent census, ita vt aliqua pars remaneat ecclesie, & reliqua detur deponenti. num. 3. an autem expediat, non est ita certum, cū ecclesia debeat exemplari pietate simul & prudentia lucere. nu. 7.
- 1 Depositum fit locatum, depositario ob illud aliquid accipiente. & num. 4.
- 1 Ecclesia, & clerici mercaturam exercere non debent, cupiditatis inquam causa. nu. 5.
- 2 Ecclesia, & eius bona laicis submitti non debent, scilicet tamquam dominis & patronis. & num. 6.
- 3 Contractus omnis aliàs licitus, etiam cum ecclesia, si sit ei utilis, iniri potest.
- 3 Donari potest aliquid ecclesie sub modo, vt census aliquis retribuatur donanti.
- 4 Depositarius regulariter tenetur tantum de dolo; potest tamen conueniri, vt teneatur etiam de culpa.

C O N S I L I V M V.

- 1 **AN LICEAT** cuiuspiam deponere aliquam pecuniæ numeratæ summam apud aliquam ecclesiam, ea lege, vt administratores bonorum eius, emant aliquot redditus annuos, quorum quinta pars cedat utilitati

ecclesie pro decima, & onere administrationis, & alia quatuor partes cedant deponenti, & successoribus eius.

- Pro parte negante huius questionis facit primo, quod depositum debet esse gratuitum; eo quod, depositario accipiente aliquid pro custodia rei depositae, definit esse depositum, & incipit esse locatum, l. 1. §. si vestimenta. ff. de positi. & cap. si. de deposito. Secundo, quod neque ecclesia, neque clerici debent negotiari, & mercaturam exercere, cap. 1. cap. negotiatorem. 88. dist. & ne clerici vel monachi secularibus negotijs se immisceant, in rubro, & in nigro. Tertio, quod ecclesie, & bona earum non debent subijci, & submitti laicis, cap. 1. de reb. ecclesie non alien. lib. 6. & in casu proposito videtur ecclesia submitti, & obligari in quoddam perpetuum ministerium & servitium deponenti prefatas pecunias. Quarto, quod ex huiusmodi depositione videtur posse damnificari ecclesia, pecunia perempta, vel predictis bonis ex ea emptis, per dolum, vel culpam administratorum bonorum ecclesie, vel per amissionem bonorum emptorum ab eis, vel quia respectu aliquo fieret graue administrare redditus, vel bona empti, & reddere quatuor partes reddituum, qui aliquando magno cum sumptu & labore recipiuntur: & ecclesie damna sunt vitanda, cap. sine exceptione. 12. q. 2. & cap. 1. de deposito.
- 3 Pro contraria vero parte urget primum, quod depositum pecuniarum prefate potest fieri apud ecclesiam, ut non obscure significat cap. 1. de deposito, & aperte asserit eius glossa communiter recepta. Secundo, quod regulariter omnis contractus aliqui legitimus potest fieri cum ecclesia, si est ei utilis, arg. cap. sine exceptione. & cap. si qua. & aliorum multorum 12. quest. 2. Tertio, quod licitum est donare aliquid ecclesie sub modo & onere, ut aliquis census etiam annuus ei retribuatur, cap. Eleutherius. 18. q. 2. & cap. praeterea: de iure patron. & prefata dispositio est effectus donationis quaedam facta sub modo & onere reddendi deponenti certam partem redditus rei donatae: ergo erit licita.

- Per haec & alia multa, quae adduci possent, haec pars videtur verior: & ad opposita facile responderi potest. Ad primum quidem primo concedendo, quod depositum simpliciter factum censetur gratuitum; negando tamen, quod non potest fieri adiecto pacto, ut aliquid pro custodia detur, ut est casus irrefragabilis in cap. fin. de deposito. sicut & depositarius simpliciter constitutus tenetur de dolo, sed constitui potest ut teneatur etiam de culpa, ut est casus in d. cap. fin. & in l. 1. §. si conueniat. ff. de positi. Secundo responderi potest, quod non refert quo ad propositum nostrum, an prefatum depositum sit purum depositum, vel habens mixturam contractus locati, & conducti: quia idem effectus resultat, & non refert quid de aequipollentibus fiat, l. fin. ff. mand. & cap. licet ex quadam. de testibus.
- 5 Ad secundum concedimus, artem mercaturae vetitam esse clericis, ne illam exercent causa cupiditatis, ut Gratianus in summa prefatae distin. 88. significat: sed negamus in proposito casu exerceri mercaturam, siue negotiationem, sed solum fieri quemdam contractum depositi utilem ecclesie, ut palam est.

- 6 Ad tertium concedimus, nec ecclesias, neque bona esse submittenda laicis,

laicis, neque subiicienda alicui tamquam patrono, & domino, & superiori: sed negamus in casu proposito talem submissionem fieri; cum solum fiat submissio, & obligatio ad restituendum sibi datum in suam vtilitatem, si pacta non seruauerit, cum ad id ipsa lege naturæ teneatur, l. 1. de pact. & l. 2. ff. de eo quod cer. loco. & cap. 1. de pact.

Ad quartum, quod præfatum depositum debet fieri talibus pactis, & conditionibus adiectis, ut ecclesia non lædatur, nec delictum vel culpa administratorum bonorum eius imputetur ei, & maneant ipsi sua privilegia salua.

- 7 Quia tamen res hæc noua est, & exemplari pietate simul, & prudentia lucrare Ecclesia debet; arbitror aptius, & piëtius fieri posse per contractum donationis sub modo faciendæ, quam per contractum depositionis, qui quadamtenus sapit naturam quorundam depositorum, quæ parum licite mea sententia ætate nostra cum mercatoribus fiunt; & quod expresse fieret donatio inter viuos perpetua facta ecclesiæ facultate reddendi pecuniâ, vel redditus, aut bona empta, &c. Salua quæ iustior fuerit sententia.

DE E M P T I O N E E T V E N D I T I O N E.

S V M M A R I V M.

- 1 Cambium per minutum cuiuslibet licitum, etiam ei qui non est campfor ex officio.
- 2 Emere monetam leuioris ponderis iusto pretio licet; sed vendere pluris quam hic valeat, non licet, etiamsi vendatur eam translaturus ubi pluris valebit.
- 2 Venditio non iustificatur ex vtilitate emptoris, sed venditoris.
- 2 Restitutio damnum passo faciendâ, & eo non inuento, pauperibus.
- 3 Pecunia domini non potest eo inuito vii capfarius: quod si habet domini licet non expressum cõsensum, non peccat. an autem teneatur restituere lucrum, vide nu. 4. & 6.
- 3 Mercatorum capfarij, quod in male computando amittunt, restituant.
- 3 Mutuare minutam pecuniam intentione recipiendi argenteam, non est vsura.

C O N S I L I V M I.

PRIMUM dubium. Emere solet quis cum lucro duorum, vel trium pro quolibet centenariio monetam æream minutam, eamque amicis egentibus ad comparanda quotidiana mutuo dat, à quibus postea argenteam recipit pecuniam; & hoc sine omni pacto; & sine mutuatarij damno, cui tantum profuit impendisse æream minutam monetam, quam recepit, sicut si argenteam, quam dedit, impendisset. Verum, quia dictus mutuans de cetero forte non esset mutuaturus, nisi pro ære argentum reciperet, quod forte etiam cogitat mutuatarius; ideo dubitatum fuit, an liceat cum dicta intentione recipiendi argenteam monetam, mutuare æream.

Secundum dubium. Hic Romæ scuta auri non expenduntur communi pretio, nisi sint iustissimi ponderis; in alijs autem prouincijs Italix, etiam quod sint leuioris ponderis, nisi leuitas sit notabilis, æque bene expenduntur, ac si essent iustissimi ponderis. hinc fit, quod prædictus consulens hic Romæ existens huiusmodi scuta leuioris ponderis emit mino-

ris currentis valoris, & eadem cum lucro vedit ituris extra Urbem, quibus tanti valent hæc scuta leuioris ponderis, ac si essent iustissimi ponderis. Dubitatur modo an hoc liceat; & ad quid teneatur dictus consulens, & cui teneatur, in casu, quod esset obligatus restituere.

Tertium dubiū: Et quid si prædictus consulens, qui facit prædictos contractus, esset capsarius, vt vocant, mercatoris, qui solet pecunias domini sui recipere, custodire, ac etiam soluere, & prædictos contractus exercet ex pecunia prædicti domini sui, à quo prohibitionē habet, ne dictis pecunijs vtatur in alijs vsibus, quam in vtilitatem ipsius domini, & pro eius negotijs, puta in emptionem monetæ aureæ iusti pretij ad vtilitatem domini.

Quartum dubium: Præterea dictus capsarius, ad quem periculum erroris, qui potest contingere in numeratione pecuniæ, quam vel dat, vel recipit, spectare dignoscitur, emendo ad vtilitatem domini pecuniam auream, pretium verum auget: puta emendo scutum vnum pro iulijs vndecim, scribit in libro se emisse pro iulijs vndecim, & vno quatrino: & hoc facit ad hunc solum effectum, vt augmentum huius quatrini suppleat defectum erroris prædicti, si forte contingeret; nam si in fine anni error nullus reperiatur intercessisse, omne lucrum, quod in capsarium ex additione dicti quatrini ad verum valorem facta peruenit, ad ipsos dominos alia via reuertitur. Dubitatur, an dictus capsarius peccet mortaliter, teneaturque ad restitutionem omnium prædictorum quatrinatorum, & ex suo salario persolvere damnum, quod solet ex errore prædictæ numerationis contingere; an vero possit dicta fraude vti.

Nouerit præterea D. consultus pro clariore facti cognitione, quod mercatores communiter solent dictis capsarijs mediocre, seu potius tenue stipendium persolvere: & licet præsentiant dictos capsarios ex dictis pecunijs ad ipsorummet capsariorum vtilitatem emere dictam æream monetam minutam, de qua in primo casu, & dictos aureos leuioris ponderis, de quibus in secundo; tamen dissimulant hæc videre, maxime quando dictus capsarius in alijs negotijs solet esse ad vtilitatem domini diligens.

1 AD PRIMAM QVÆSTIONEM respondeo, quod D. consulens iuste negotiatur; quia in effectu exercet cambium, quod vocatur per minutum, quod licere non solum campforibus, sed etiam priuatis, tradimus nos in Man. cap. 17. num. 188.

2 AD SECVNDAM respondeo primo, quod prædicta negotiatio videtur iniusta. Tum quia vendit maioris quam valeant scuta. Tum quia licet non emat ea minoris, quam valeant, ea tamen intentione emit ea, vt vendat maioris, quam valeant. Tum quia non obstat, quod illa valebunt emptori in alia prouincia tanti, quanti emit, & forte pluris; quia veditio rei non iustificatur ex vtilitate, quam emptor percipiet ex illa, sed ex vtilitate, quæ venditori ex ea veniebat, vt docet D. Thom. 2. 2. q. 77. art. 1. relatus à nobis in dicto Man. cap. 13. num. 78. Tum quia non obstat dicere, quod cambium per translationem monetæ liceat, vt tradimus in dicto Manual. cap. 17. num. 190. quia licet qui emit hic monetam minoris valoris, possit portare, vel mittere ad alium locum, vbi pluris valet; non ta-

men potest illam vendere hic alijs pluris, quam valet, per ea quæ in cap. 23. num. 77. dicimus.

Secundo, quod tenetur restituere eis, quibus vendidit, vel eos contentos facere, iuxta cap. ea te. de iureiur. & si nesciuntur, nec sciri possunt mediocri adhibita diligentia, pauperibus, iuxta cap. cū tu. & glo. eius, de vsuris.

- 3 AD TERTIAM respondeo, quod si domini, quorum est pecunia, consentiunt tacite, vt eorum capsarius, vel arcarius vtatur cambio minuto in vtilitatem suam tantum, securus erit in conscientia, argum. cap. scienti & consentienti. de reg. iur. lib. 6.

AD QVARTAM respondeo, quod non potest iuste adijcere illū quattrinum, per aliqua, quæ non vacat scribere, cum ipse debeat sibi & suo officio cauere, ne in computando erret.

- 4 Replicatum fuit super dub. præced. in primo casu non tantum dubitari de minutissimo cambio, an liceret; quantum, an dictus mutuans dictam minutam æream pecuniam cum intentione recipiendi à mutuuario argenteam pecuniam, committat vsuram?

Nam pro negatiua facit, quia creditor mutuando decem scuta numerata in moneta ærea minuta, recipiendo postea totidem decem in moneta argentea, non videtur recipere nisi summam mutuo datam: & licet ipse postea ex dicta moneta argentea emat iterum minutam æream, cum lucro duorum pro centum, hoc prouenit ex eius industria sine damno mutuuarij, cui tantum valet dicta minuta ærea ad emptionem sibi necessariorum, quantum valeret argentea.

Pro affirmatiua facit, quia creditor recipit plus quam dedit: nā pro ære minuto recipit argenteā pecuniam, quæ habet hanc qualitatem, vt possit, & faciliter, in æream cum lucro permutari, seu cābiri: & mutuarius ex hoc patitur damnum; nam amittit facultatem, per quā posset argenteam pecuniā cambire cum ærea minuta cū lucro prædicto, & retento lucro restituere creditori totidē scuta 10. in moneta ærea, in qua mutuū receperat.

In tertio casu etiam replicatum fuit: Si domini pecuniarum nō consentirēt dicto capsario, seu arcario, vt ad sui vtilitatem dictum minutissimū cambium exerceat; an dictus arcarius teneatur lucrū dominis restituere in totum, vel in partem, cum in mandatis habeat, ne pecunia dominorum vtatur nisi in eorum vtilitatem. Ratio dubitandi est, quia arcarius nō tenetur ex debito officij sui, nec inuitus cogitur, vt exerceat dictum minutissimum cambium, potestque illud sine peccato iniustitiæ nō facere; vnde si illud exercet ad sui vtilitatem; contra domini quidem præceptū facit, sed tamen ob hoc nec damnum domino dat, nec contra iustitiam particularem, quæ sola ad restituendum obligat, committit: vnde nec videtur cogendus restituere, nec condemnandus de peccato mort. pro prædicta dominorum præcepti transgressione, cum non tendat in dictorum dominorum considerabile præiudiciū; nā ob hoc arcarius non omittit quicquam ex ijs, ad quæ tenetur ad dominorum vtilitatem facere.

- 5 Ad prius superdubitatum respondeo, quod vtilitates prædictæ in eo consideratae non sunt notabiles, nec sufficientes ad reddendas voluntates

prædictas usurarias, per rationes optime in eo tactas.

- 6 Ad eundem respondeo, quod si arcarius non tenetur ad exercendum illud officiū cambi ad vtilitatem eorum, quorum est arcarius, & exercet illud sine damno eorum, nō videtur peccare, licet ipsi non consentiant expresse, per ea quæ nos diximus in Man. confess. cap. 23. nu. 94. Salua, &c.

S V M M A R I V M .

- 1 Deponere pecuniam cum facultate ea vtendi, est mutuare: unde illius ratione tantquam debitum quid accipere, erit usura, nu. 2. secus si sponte donetur in gratiam mutui vel depositi penes ipsos sic facti, vel ex eo quod valor moneta sit auctus, vel quia soluit in alia moneta deterius conditionis. num. 3.
- 4 Soluere qui tenetur aliquam pecuniam creditam, seu mutuo receptam, satisfacis soluendo secundum æstimationem à Principe impositam; nec ex eo quod soluit in alia moneta, tenetur inuitus aliquid addere. si tamen esset credita ea conditione vt ei alia æque bona pecunia restituatur, tunc in eadem moneta esset restituenda. num. 5. & si augetur valor, pertineret ad creditorem. num. 3.
- 6 Oeconomus aut auream pecuniam à domino ad impendendum acceptam dat suo periculo mercatori, à quo minutioem cum augmento accipit; & augmentum suum est: aut eandem accipit à mercatore, penes quem dominus suo periculo depositam habebat cum facultate eandem in auro, vel minutioem recipiendi; & augmentum domino debet restitui.

CONSILIUM II.

QVAESTIONES duæ confessarijs frequentissime occurrunt. Prima, an qui tradunt multa scuta aurea mercatoribus, & postea minutatim capiunt valorem illorum in nummis argenteis, vel æreis, possint iuste accipere aliquos quattrinos, vel bologninos, quos frequenter adiiciunt mercatores, cum solvunt pro illis nummos argenteos, vel æreos.

Secunda, an oekonomus, obsonator, vel cuius alius officarius alicuius domini accipiens valorem prædictorum scutorum in nummis argenteis, vel æreis à mercatoribus prædictis vna cum auctario prædictorum quattrinorum, vel bologninorum, teneatur scutorum valori instituto adjicere illos; & an teneatur ad restitutionem illorum, si eos sibi accipiat.

- 2 AD PRIMAM respondeo, quod pro parte negativa facit nervosissime, quod nullo titulo iusto tradentes illa scuta videntur eos posse accipere. Non primo titulo mutui: quia, qui mutuat, nō potest aliquid ultra sortē accipere, quia esset usura, cap. 1. & 2. 14. q. 3. immo esset peccatum mortale, cum spe talis lucri ea tradere, cap. 1. & cap. consulu. de usur. Nec secundo titulo depositi: quia deponere pecuniam cum facultate vtēdi illa, est mutuare, l. certi cōdictio. 9. fin. cū l. seq. ff. de reb. cred. & l. quintus. ff. de positi, vt latius traditur in Man. cap. 17. nu. 180. & num. 283. Neque tertio titulo locationis; quia pecunia nō est res locabilis, cum traditur ad vsum suum naturalem impendenda: cum in effectū sic locare, sit mutuare, & usuram palliare, vt palam est. Neque quarto titulo societatis: alioquin oporteret participare de damno mercatoris, qđ incurreret negotiādo, l.

si non

si non fuerit. ff. pro socio. & traditur in d. Man. cap. 17. num. 251. quod non intendunt facere ipsi. Neque quinto ratione cambij: quia cambium est contractus non gratuitus, quo una pecunia datur pro altera, ut probatur in Manu. cap. 17. num. 283. & traditio prædicta fit gratuito, & non pro altera pecunia; quia etiam ipsamet, vel alia ei similis sine ulla auctario reddi, & solui potest.

- 2 Sed in contrarium facit, quod multi viri pij & eruditi huiusmodi auctaria passim sine scrupulo accipiunt. Quare dicendum videtur primo, quod duo contractus in hac re inveniuntur: alter depositi, quo traduntur cum facultate eis utendi expresse, vel tacite facta depositario, quod effectus est mutuū, iuxta d. l. certi conditio. 6. fi. & l. seq. Alter est, quo capitur pecunia argentea, vel ærea pro scutis supradicto modo traditis, & hic est contractus cambij. Secundo, quod ratione prioris contractus, nihil amplius, quam ob mutuū, potest recipi tamquam debitum; & quod taliter reciperetur, esset usura restituenda per iura citata. Dixi, *tamquam debitum*: quia tamquam gratuito, & sponte donatū, in signū gratitudinis, accipi potest; sicut & ita donatum ob mutuū, iuxta dicta in Man. c. 17. nu. 209. Tertio, quod ratione alterius contractus cambij potest recipi aliquid ratione cambij, quod appellatur per minutū, iuxta dicta in Man. c. 17. n. 283. & 288. & etiā ratione valoris scuti, quod forte illo die, quo pecunia argentea, vel ærea in cambiū traditur, pluris valet scutū aureum, quā principis institutione æstimatur.
- 3 Concludo igitur primo, quod prædicti tradentes scuta in auro, & postea recipientes valorem eorum in argēto, vel ære, possunt iuste accipere prædictos quatrinos, vel bologninos, tamquam sponte donatos in gratiā depositi, vel mutuū penes illos donantes facti; secundo tamquam debitos ratione cambij per minutum facti; tertio ratione valoris maioris, quem, quando dantur nummi argentei, vel ærei, habet scutum aureum.

AD SECVNDAM respondeo, quod pro parte affirmatiua facit primo, quod id, quod operatur propositum in proposito, operatur oppositū in opposito, l. & si contra tabulas. ff. de vulg. & cap. sciendum. 8. q. 1. At si diminueretur pretium illorum scutorum, teneretur officarius supplere illud in utilitatem heri: ergo, si fuerit auctum, debet illud auctarium vertere in eius utilitatem. Secundo, quod nihil alienum sine iusto titulo dari vel retineri potest, cap. si res aliena. 14. q. 6. & cap. peccatum. de reg. iur. lib. 6. Tertio, quod scuta prædicta vere valent apud mercatores plus quam pretium à principe eis impositum, quando sic soluunt, & illud plus secundum valorem currentem in foro mercatorum accipiunt nomine heri sui, ergo tenentur reddere rationem illorum secundum verum valorem.

- 4 Pro contraria vero parte negante facit primo, quod accipiens aliquam pecuniam satisfacit reddendo valorem eius institutum à Principe; nam illud est verum pretium monetæ excusæ, quod à Principe Reipub. præstituitur; illius enim, vel habentis iura eius, est cudere monetam, & ponere illi pretium, arg. cap. quanto. de iure iur. ubi hoc notat Panor. communiter recept. num. 6. Et prædicti officarij accipiunt prædicta scuta soluenda in alijs rebus impendendis; ergo satisfaciunt soluendo illa secundum pre-

rium

tium statutum à Principe absque prædicto pluri. Secundo, quod Bart. communiter recept. in l. Paulus. 1. §. 1. ff. de solut. num. 9. ait, quod augmentum, vel diminutio æstimationis monetæ, quæ modico tempore durat, vt vno, duobus, vel pluribus diebus, vel quandoque, non est attendenda, arg. l. pretia. sub fin. ff. ad leg. Falcid. cui concordat Panorm. communiter recept. in d. cap. quanto. sub fin. Tertio, quod non obstat prædicta l. Paulus. quatenus habet, creditorem non esse cogendum in aliam formā nummos accipere, si ex ea re damnum aliquod passurus sit. Tum quia l. illa intelligitur de illo creditore, qui dat pecuniam mutuo, vel in depositum pacto expresso, vel tacito, vt restituatur ei ea, vel alia pecunia æque bona, iuxta l. cum quid. ff. de reb. credi. Quæstio vero proposita est de creditore dante pecuniam ad impendendum in emēdis rebus ipsi necessarijs, & non ad reddendam illam, vel aliam æque bonam: quo casu non est locus illi legi, vt ex Bart. & alijs ibi colligitur, & ex nostris in d. cap. quanto. Quarto, quod nemo iustitiæ lege tractetur in foro conscientiæ, nisi ad tantum, ad quantum potest cogi in foro exteriori, patefacta omnino veritate, arg. d. cap. si res aliena. & d. cap. peccatum. cum ei adnot. At nemo potest cogi in foro exteriori dare, vel accipere pro scuto auri in auro maius pretium, quam vndecim iulios cum dimidio, vt palam est; ergo nemo tenetur soluere plus in foro conscientiæ; & consequenter officarius, qui reddit illud pretium in rebus fideliter emptis, vel aliter, satis facit id, ad quod iustitiæ lege tenetur. Quinto, quod illud auctarium vt minus duorū, vel plurium quatriningentorum, est incertum, & passim variatur; immo est voluntarium; quia mercator nolens illud adijcere, nulla lege iustitiæ posset cogi: satisfaceret enim reddendo similia scuta in auro, vel valorem illorum à Principe institutum, si repetens velit ea sibi reddi in argento, vel ære, siue mercator suscipiat illa mutuo, siue in deposito; per adducta in primo dicto: immo dici posset illicitum, nisi voluntarie solueretur, vt in primo dicto probatum est. Sexto, quod alioqui consequeretur, quod teneretur officarius aliquando reddere plus quam accepit, & aliquando minus quam accepit: si enim accipit 100. scuta die, qua scutū mercatorum non valet plus, quam à Principe est statutum, & postea diebus quibus minutatim illa accipit valeret plurius, teneretur restituere plus quam accipit; & contra, si die qua illa accipit, multo plurius valeret scutum mercatorum, & diebus quibus minutatim acciperet non valeret plurius, teneretur ad restituendum minus, quam accepit: quæ plane sunt absurda; ergo, &c.

- 6 Pro concordia horum adductorum considerandum est, quod aliquando ipsemet dominus & herus tradit periculo suo scuta mercatori in custodiam cum facultate vtendi eis ea lege, vt reddat ea ei in auro, vel argento, aut ære pro libito suo; & postea ipsemet dominus, vel officarius nomine domini accipit cum illo pluri à mercatore, quantum oportuerit ad impendendum in rebus sibi necessarijs; aliquando dominus tradit officario suo scuta in auro, vt suo periculo teneat, & impendat in opportunis, siue in auro, siue in argento, & ære; & officarius tradit illa suo periculo custodienda mercatori, à quo postea in argento, vel ære in dies, hebdomadas,

das, vel menses recipit impendenda; vel non tradit ei custodienda, sed cambit ea pro argenteis, vel æreis cum prædicto pluri sibi tradendis. Et dicendum, quod primo casu illud plus est domini. Tum quia sibi, vel officiariorum nomine suo, quod perinde est, datur. Tum quia periculum scutorum, si mercator decoqueret, vel alias perirent, pertineret ad eum, & non ad officiarium. Secundo vero casu pertinebit ad officiarium. Tum quia periculum scutorum sibi traditorum pertinet ad eum, siue tradat mercatori custodienda, siue non. Tum quia illud plus non datur domino, neque officiariorum nomine domini, sed ipsi officiariorum, qui iam factus est dominus illorum scutorum, & periculo suo stant, vel pereunt nomine suo. Per hanc distinctionem facile conciliantur omnia in utramque partem adducta. Salua, &c.

S V M M A R I V M.

- 1 Læsiō parua excusat à mortali, nisi lædens intendat multum ledere. num. 4.
- 2 Lex secularis non obligat ad mortale; nisi, &c. nu. 3. & 10.
- 2 Consuetudo ementium dandi aliquid ultra taxam sine malis artibus & dāno Reipub. ac proximorum, licita. nu. 10.
- 2 Tolerantia principis approbatiua, sed non permissiua excusat. nu. 11.
- 3 Obsonatores consentientes vendentium peccato peccant.
- 4 Fraus & dolus vitia prudentiæ contraria.
- 5 Ementes, & vendentes obsonia dolo vtuntur, & mentiri statuunt ledendo, & sic peccant: nec excusat consuetudo, quia irrationabilis est. nu. 8.
- 6 Vendens plus iusto ultra taxam, legem naturæ de non vendendo nimis care frangit, & sic peccat, eo quod plus iusto vendit.
- 7 Voluntas peccandi est peccatum, licet non deueniat ad actum; & si sit perfecta, ceteris paribus eius malitia non augetur per actum.
- 9 Furtum omne est peccatum, saltem veniale.

C O N S I L I V M III.

IS, AD quem pertinet imponere pretium iustum carnibus, & alijs cibarijs, tulit leges iustas super pretio, & modo ea vendendi: multi autem obsonatores & venditores obsoniorum frangunt eas.

Quæritur, an peccent mortaliter, & teneantur ad restituendum damnum eis, quos læserunt.

- 1 Pro parte negante facit primo, quod læsiō parua non efficit peccatum mortale, vt colligitur ex Augustino relato à Gratia in cap. vnum. §. criminis. & §. quoties. 25. dist. & ex S. Tho. 2. 2. quæst. 40. artic. 4. quem sequimur in nostro Manu. confess. præl. 9. num. 12. & cap. 11. num. 4. & cap. 17. num. 2. At obsonatores & obsoniorum venditores, saltē qui parua obsonia emunt vel vendunt, ex vna libra carniū, vel pisciū, & ex vno modiolo cicerum vel leguminum, vix addūt vel detrahunt tres vel quatuor quatrinos, siue obolos. Secundo, quod leges ciuiles siue sæculares non obligant ad peccatum mortale, nisi aliqua interueniant de ijs, quæ nos post alios dicimus

mus

mus in Manua.confess.cap.23.à num.48. vsque ad num.60. Tertio, quod consuetudo multarum ciuitatū, præsertim Vrbis, & aliarum magnarum, habet, vt obsonatores soluant vendentibus obsonia aliquid amplius iusto pretio, vt eis ea libenter & cito vendant, & ne renuant eis vendere obsonia, quando eorum copia non inuenitur. Quarto, quod præfata consuetudo dicitur esse notoria in Vrbe, quam præsumitur Papa scire & tolerare; & tolerantia Principis circa ea, quæ sunt iuris humani, videtur inducere dispensationem, iuxta glo. celebr. & à Panor. putatam singular. & à Præpos. menti tenendam in cap. quia circa. de consang. & affin.

- 3 Pro parte vero affirmante facit primo, quod omnis lex iusta, tam secularis, quam ecclesiastica, potest obligare ad peccatum mortale; immo obligat iuxta illud Pauli ad Rom. 13. *Omnis anima potestatibus sublimioribus subdita sit.* & infra, *Necessitate subditi estote non solum propter iram, sed etiam propter conscientiam.* & alia, quæ nos post alios citamus in d. Manu. vbi supra. Secundo, quod qui consentit peccato, peccat, cap. 1. ad Rom. cap. notum. 2. q. 1. & cap. 1. de offic. deleg. At obsonatores præfati consentiunt transgressionem iustæ legis, qua vendentes fraudant legem; & etiam vendentes consentiunt peccato obsonatorum, quo fraudant heros suos: ergo omnes peccant. Tertio, quod fraus & dolus sunt vitia contraria prudentiæ, vt tradit S. Thom. 2. 2. q. 57. art. 1. quem sequimur in d. Manu. cap. 23. nu. 77. At præfati obsonatores & venditores dolum & fraudem committunt in prædictorum obsoniorum emptione & venditione: ergo peccant mortaliter, si paruitas non excusat, qua non excusari in sequenti arg. probatur. Quarto, quod licet paruitas rei acceptæ, vel damni dati excuset à culpa mortali, quando accipitur, vel fit sine intentione accipiendi quantitatem notabilem, etiam si posset statim, vel successiue talem accipere quantitatem, quæ semel facta induceret culpam mortalem; non tamen excusat quando fit cum tali intentione, vt nos tradimus in d. Manu. cap. 17. num. 139. At prædicti obsonatores & venditores ea intentione parum qualibet vice accipiunt vel lædunt, vt statim si possent, vel saltem dietim id faciendo augerent læsionem ad tantam, immo maiorem quantitatem, quam requiratur ad hoc, vt simul & semel data vel facta efficiat culpam mortalem: ergo peccant mortaliter. Quinto, quod præfati obsonatores & venditores conueniunt inter se, vt ita respondeant ædilibus, quibus est cura detegendi has fraudes & dolos, super quantitate obsoniorum emptorum, & pretio eis soluto, vt mentiantur & occultent illa, quibus vtuntur, & nequeat sciri culpa quam tegunt, quæ & esset puniēda in utilitatem Reipub. quæ sunt manifesta peccata, & cum lædant notabiliter utilitatem publicam, & etiam priuatam, sunt mortifera per prædicta.

- 5 His pro vtraque parte perpensis, dicendum videtur primo, negari non posse, præfatos obsonatores, & venditores clare peccare. Tum quia vtuntur dolo & versutia, quæ sunt vitia contra prudentiam virtutem, vt tangitur arg. 3. pro parte affirmante formato. Tum quia mentiuntur & conueniunt vt mētiantur, ita vt obsonatores dicant se emisse minorem quantitatem, quam emerunt, ne venditor condemnetur, eo quod tradidit minorem

norem quantitatem, quam debebat, cum omne mendacium sit peccatum, cap. primum. 22. quæst. 2. & mortiferum, si notabile damnum infert, ut post alios tradimus in prædicto Manu. cap. 18. nu. 3.

Secundo, quod non possunt excusari præfati legum prædictarum fraudatores à culpa mortifera, eo quod parum qualibet vice lædunt, propter arg. 4. pro parte affirmante formatum: quia licet intendant parum lædere qualibet vice, intendunt tamen notabiliter lædere multis vicibus, ut ibi dicitur.

- 6 Tertio, quod quamvis præfati fraudatores forte non peccent mortaliter, eo quod frangant legem civilem, vel sæcularem tantum, eo quod auctor eam ferens non intendit obligare transgressorem ad peccatum mortale, iuxta citata in 2. argumento pro parte negante formato; possunt tamen dici peccare mortaliter, eo quod transgrediantur legem illam naturalem de non vendendo nimis care pretio iniusto contra taxam auctoritate Reipub. positam, quæ reducitur ad præceptum de non furando, quod est lex naturalis, qualia sunt omnia præcepta Decalogi, quorum vnum est illud, uti tradit S. Thom. recep. 2. 2. quæst. 22. art. 1. declarando illa, quæ originaliter fuerunt lata Exod. 20. & referuntur in glos. cap. quid in omnibus. 32. quæst. 7. per resolutionem quæ colligitur ex d. Manu. cap. 23. nu. 56. scilicet quod licet lex ut lata à tali, vel tali, non obliget ad peccatum mortale, potest tamen obligare ad illud, quatenus est lata ab alio, iuxta cap. perpetuo. de electio. lib. 6. quatenus probat, quod licet frangens legem humanam, quæ vetat eligere indignum, non sit puniendus pœna illius legis, puniendus tamen est pœna legis naturalis, & diuinæ, quæ prohibet eiusmodi electionem.

- 7 Quarto, quod etiã est certum eosdem fraudatores peccare mortaliter, quatenus paciscuntur ne reuelent veritatem quantitatis obsonij empti & pretij soluti, etiamsi ab ædilibus adiurati fuerint reuelare illam: quoniam concipiunt propositum peierandi, quod est mortiferum, etiamsi postea non peieretur: quia voluntas peccandi aliquod peccatum, est peccatũ, etiamsi postea non committatur: cum voluntas pro facto reputetur, cap. dixi. & cap. magna. de pœnit. dist. 1. adiunctis glos. & alijs quæ nos ibi adiecimus, præsertim quo ad forum conscientie: & adeo quidẽ, ut S. Tho. ab alijs receptus deduceret in quæstionem in 1. 2. q. 20. art. 4. an exterior actus augeat malitiam vel bonitatem actus interioris; & determinat quod non regulariter, cæteris paribus, si voluntas est perfecta.

Quinto, quod etiam dicti fraudatores peccant concipiendo propositum mentiendi simpliciter non affirmando id iuramento præstito secundum intentionem ædilium interrogantium, sed alia, per cap. quacumque arte. 22. quæst. 5. quod habet, taliter iurantem bis peccare, quia nomen Domini in vanum assumit, & proximum decipit.

Sexto, quod etiam peccant volendo rem publicam & priuatam lædere: tum tollendo legem iustam & sanctam eis multum conuenientem: tum machinando ne delicta puniantur, quod est contra interesse notabile Reipub. l. ita vulneratus. ff. ad l. Aquil. & cap. ut famæ. de senten.

excom-

excommu. tum colludendo vt emptores priuati & heri obsonatorum carius emant, pretio nimis iniusto cum interesse priuatorum. Tum quod non obstat, quod lex humana, qualis est hæc, de qua loquimur, potest tolli consuetudine rationabili, cap. final. de consuetud. quia præfata consuetudo non est rationabilis, quod requirit illud cap. immo irrationabilis est, & magna corruptela, vt probât rationes præcedentes: quia non solum est contra legem humanam, sed etiam contra naturalem & diuinam, vt prædictum est; nam quamuis taxa pretij obsoniorum humana lege sit posita; lex tamen qua vetamur pretio nimis iniusto emere, & emptionem dolo & astutijs palliare, est naturalis & diuina inclusa intra septimum præceptum de non furando, & non capiendo aliena sine titulo iusto, vt prædictum est; quas non potest lex humana tollere, cap. sunt quidam. 25. q. 1. & cap. quo iure. 8. dist.

9 Non obstant citata pro parte negante. Ad primum enim respondetur primo concedendo paruitatem læsionis excusare quidem à culpa mortali, non autem à veniali: quoniam secundum omnes furtum quamlibet paruum est peccatum saltem veniale, si vere furtum est, & contra voluntatem domini sit, vt satis colligitur ex Caiet. 2. 2. q. 59. art. 4. ad 2. Secundo negando quod læsio prædictorum fraudatorum est parua, immo vero est magna, & malis magnis circumstantijs contexta, vt supra ostensum est in arg. 4. pro parte affirmante formato.

10 Ad secundum respondetur negando legem ciuilem & sæcularem non obligare ad mortale peccatum, per ea quæ citata sunt in primo argumento pro parte affirmante facto.

Ad tertium concedendo quidem licite posse obsonatores dare aliquid venditoribus obsoniorum, vt eis libentius & gratiosius vendant sine præiudicio animarum suarum & proximorum: non tamen vtendo malis conventionibus, falsis iuramentis, iniquis mendacijs, & iniquo præiudicio Reipub. ac priuatorum proximorum, quod faciunt præfati obsonatores, & obsoniorum venditores, vt prædictum est.

11 Ad quartum negando, quod S.D.N. sciat & toleret, saltem approbando ea quæ prædicti fraudatores faciunt: quia vel ignorat ea, vel solum tolerat, eo quod non deducuntur in iudicium, vel non probantur, iuxta cap. cum iamdudum. de præbendis. sed solum permittuntur permissione non approbatiua, sed solum toleratiua, iuxta gloss. celebr. quæ de hac duplici permissione meminit in cap. denique. 4. dist. Salua, &c.

S V M M A R I V M.

- 1 Mercator vendens ultra pretium rigorosum peccat, nec excusatur, illud plus proximo dando.
- 2 Proxenetæ plus quam sibi debetur, sponte datum, restituere non tenetur, etiam quod id ei detur à mercatore metuente ne emptores ad alios diuertat.
- 3 Metus minor iusto nõ attēditur in foro fori, secus in foro poli, si iniuste inferatur. n. 4.
- 4 Metus mali, quod iuste inferri potest, nõ excusat, nec in foro cōsciētiæ, nec inficit actū.
- 5 Proxenetæ ne ultra debitum accipiat, aptum remedium.

CON-

MERCATORES vendunt merces suas aliquanto pluris, etiam ultra pretium rigorosum, ut eo pluri proxenetis seu artificibus, qui emptores ad eorum tabernas conducunt, ultra taxatam mercedem dato, eos sibi magis officiosos reddant, timentes ne secus emptores ad alios mercatores diuertant.

Quæritur primo, an mercatores huiusmodi peccent, & teneantur ad restitutionem.

Secundo, an proxeneta teneatur restituere.

Tertio, quo remedio in id vtendum sit.

1 AD PRIMAM QVAESTIONEM respondeo, quod mercator peccat mortaliter, & tenetur ad restituendum emptori tantum, quantum addiderit iusto pretio rigoroso; non ea ratione quod dederit illud proxenetæ, vel artifici prædicto; sed quia decepit emptorem in eo, lædendo eum iniuste, per ea quæ diximus in Manu. confess. cap. 23. à nu. 77.

2 AD SECVNDAM respondeo primo, quod in foro exteriori non potest condemnari proxeneta nec ad peccatum, nec ad restitutionem; quia lex solum statuit, quanta merces, & quando debeatur proxenetæ, seu artifici ducenti emptorem ad mercatorem; non autem prohibet mercatori, ne quid plus ei det, neque artifici, ne plus accipiat, si ei gratis absque vi, dolo, vel metu detur: & metus, de quo in questione, non est iustus, & ita non est attendendus in illo foro, l. metum. la 2. ff. quod met. cau.

3 Tertio, quod magis dubitari potest quo ad forum conscientie, in quo non solum iustus metus inficit actum, sed etiam iniustus, si vere coram Deo fuit causa illius, ut diximus in Manu. confess. cap. 17. num. 4. & 19. & quod metus, de quo in puncto, licet non sit iustus, est tamen causa dandi id, quod ultra mercedem statutam datur, & sine qua illud non daretur, Sed hoc non obstante, respondendum est idem quo ad forum conscientie, Tum quia nulli legi iustitiæ contrauenit prædictus proxeneta, seu artifex per prædicta. Tum quia non obstat argumentum proximum; quia id, quod in prædictis duobus locis Manualis assertum est, intelligi debet de metu mali iniuste inferendi, & non de metu mali quod iuste inferri potest, arg. l. si mulier. ff. quod met. cau. & metus ille, quo mercator timet, ne factor diuertat ad alterius mercatoris tabernā emptores, si illud plus non dederit illi, nō est timor mali iniuste sibi inferendi; quia nulla lege tenetur eos conducere ad eius tabernā, cum liberū sit ei ducere illos ad aliū, ut palam est.

4 AD TERTIAM, quod aptum remedium videtur, statuere, ne vllus mercator det eiusmodi proxenetis quidquam ultra mercedem statutam, neve vllus eiusmodi proxeneta accipiat aliquid ultra eam, etiam si gratis & sponte ei à mercatore offeratur; declarando legislatoris intencionem esse, ut illa liget etiam in foro conscientie, & quod accipiens teneatur restituere acceptum in vtroque foro, & quod in exteriori cogatur reddere quadruplum pauperibus, & executoribus legis; & dans in exteriori foro teneatur reddere tantum, quantum dedit, eisdem pauperibus, & executoribus;

ribus; & præmonendo, quod singulis annis, semestribus, vel mensibus fiet inquisitio contra illos. &c.

S V M M A R I V M.

1. Mercator peccat vendendo ultra rigorosum pretium, cum obligatione restituendi; nec excusatur ex eo quod illud det sensariam exercenti: sensarius autem, siue proxeneta tenetur restituere secundum modum participationis consensus, & cooperationis.
2. Proxeneta accipiens aliquid ultra taxam à mercatore timente ne diuertat emptores ad alios mercatores, non tenetur restituere.
3. Metus non tantum iustus, sed etiam iniustus inficit actum in foro conscientie, si vere fuit causa illius.
4. Metus ut obliget, vel excuset, debet esse de malo iniuste inferendo, non de eo quod iuste inferri potest.
5. Extorquere non est aliquid gratis accipere non exigendo.
6. Correlatiuum vnum non potest esse sine altero.
7. Pœna posita contra vnum correlatiuum, videtur apposta contra alterum, si eadem ratio omnino idem suadet in utroque.
8. Sensariam ultra taxam statuti, etiam sponte datam, ne accipiant proxenetae, sub pœna dupli statui potest.

CONSILIVM V.

EXCELLENTISSIME Domine. Hæc dubia occurrunt Romæ de proxenetis, & mercatoribus. Extat quædam sententia lata in Curia Capitolina super mercede sartorum, quam sensariam vocant, sub his verbis: Ad publicam vtilitatem declarauerunt, statuerunt, & ordinauerunt, mercedem debitam ipsis sartoribus, & similibus, quorum persona mediante dicti mercatores vendunt bona spectantia ad artem mercantie (ut vulgo dicitur, la Tassa) esse, & solui debere ad rationem vnus cum dimidio pro quolibet centenariio; & hoc solum quando ipsi Sartores conducunt cum eorum propria persona emere volentem ad fundacum, seu apothecam mercatorum, & interueniunt cum eo vsque ad pretij conclusionem, & non aliter, nec alio modo. Modo quidam sartor recipit sensariam ad rationem trium, & quandoque quatuor, & quinque pro cetenariio de omnibus mercibus, in quarum emptione ipse personaliter cū emptore interfuit modo supraddicto. Hic idem sartor recipit sensariam, iuxta prædictas omnes portiones, de omnibus mercibus, quæ venerunt ad eius manus pro vestibus faciendis, in quarum emptione nullo modo interuenit, sed fuerunt ei pro vestibus conficiendis traditæ ab emptore, qui primo fuit alias conductus ab ipso sartore tamquam aduentor ad mercatorem.

Primo queritur, quid iuris in foro conscientie in omnibus prædictis casibus, dato quod mercator inscio emptore portionem illam, quam pro sensaria dedit dicto sartori, siue fuerit ad rationem vnus cum dimidio, siue trium, siue quatuor, siue quinque pro centenariio, superaddidit iusto pretio in damnum emptoris: An scilicet mercator mortaliter peccauerit cū obligatione restituendi, & similiter an sartor ipse in solidum ad restitutionem oblige-

obligetur, dato quod sciat *senfariam*, quam recipit, fuisse à mercatore iusto pretio auctam.

Secundo quæritur, dato quod mercator nihil alterauerit iustum pretiū, sed *senfariam* ipsam soluerit de suo, tamen inuitus, timens rationabiliter ne sartorem cum emptoribus & aduentoribus deuiet à sua apotheca; An sartor licite recipiat, ita vt non peccauerit mortaliter, nec obligetur ad restitutionem.

Tertio quæritur, etiam vltra iuris decisionē, modus aliquis opportunus euitandi, & abolendi huiusmodi, quatenus sunt abusus, quibus ligatur pene infinitus animarum numerus. Nam ad dubia quæ sita responderi potest eodem ordine.

Ad primum, quantū ad mercatorem, q̄ peccauit mortaliter cum obligatione restituendi in totum: & fundamentum est, quia fecit contra legem iustam in damnum proximi, ac proinde contra iustitiam. Ad idem, quantum ad proxenetam; peccauit mortaliter cum obligatione restitutionis; mercatori in totum quidē, si non conduxit emptorem & præsens nō fuit ad consummatam emptionem, restituendum erit quod accipit vltra vnū cum dimidio pro centenariis: & fundamentum est idem quod supra.

Ad secundum: Mercator nec peccauit, nec ad aliquam restitutionem tenetur; sartor tamen & peccauit mortaliter, & tenetur ad restitutionem faciendam mercatori quantum ad totum id quod vltra vnum cum dimidio pro centenariis accepit: & fundamentum est idem quod supra.

Ad tertium: stante lege præfata, quæ iustissima est, ac proinde obligat in foro conscientie, non est alius modus ad non peccandum, nisi seruare talem legem: si tamen nulla esset lex, res tota penderet ex arbitrio prudentis viri, & quadam cōmuni consuetudine alioquin non reprehensa à bonis viris, & exercitatis in huiusmodi contractibus: itaque non potest dari vna certa regula de omnibus: quia quod in vno esset multum, in alio erit moderatum, & iustum.

1 AD PRIMAM QVÆSTIONEM respōdeo primo, quod duas quæstiones in se continet, alteram de mercatore, alteram de sartore, siue proxeneta. Secundo, quod mercator proculdubio peccat mortaliter, & tenetur ad restitutionem emptori tantum, quantum addiderit iusto pretio rigorofo; ea firma ratione, quod decipit emptorem, lædendo eum notabiliter iniuste, per ea quæ diximus in *Manu. confess. cap. 23. num. 77*. Tertio, quod ad alteram quæstionem de proxeneta, respondeo, quod ea sola ratione tenetur, quod sciat, id, quod soluitur ei, addi à mercatore iusto pretio: si vero aliter non consentiat, neque aliquo modo cooperetur, non tenetur ad restitutionem, per ea quæ diximus in dicto *Manuali confess. cap. 17. num. 17*. secus autem si consentiat, cooperando eo modo, quo ibi dicitur. An vero peccet, & teneatur restituere ea ratione, quod contraueniat legi prædictæ iustæ, colligitur ex decisione sequentis quæstionis.

2 AD SECUNDAM respondeo primo, quod proxeneta, seu sartor non tenetur restituere ratione metus, cuius meminit quæstio: tum

quia non est iustus, & ita non est attendendus, l. metu, & l. 2. ff. quod met. cau. Tum quia non obstat quod in foro conscientiae non solum iustus metus inficit actum, sed etiam iniustus, si vere coram Deo fuit causa illius, ut diximus in dicto Manuali confess. cap. 17. num. 4. & num. 29. & quod metus praedictus, licet non sit iniustus, est tamen causa dandi id, quod ultra mercedem statutam datur, & sine qua illud non daretur.

- 3 Non inquam hoc obstat: quia id, ut tradimus duobus locis Manualis a nobis cit. intelligi debet de metu mali iniuste inferendi, & non de metu mali, quod iuste inferri potest, argum. l. si mulier. ff. quod met. cau. & metus ille, quo mercator timet ne sartor diuertat ad alterius mercatoris tabernam emptores, si illud plus non dederit illi, non est timor mali iniuste inferendi; quia nulla lege tenetur eos conducere ad eius tabernam, cum liberum sit ei ducere eos ad aliam, ut palam est. Secundo, quod maioris quaestionis est, an teneatur ratione transgressionis praedictae legis; quod tamen non quaeritur: & responderi posset, quod illa etiam ratione non tenetur: quia licet publicata lex iubeat mercatori sub graui poena, ne villo modo, & ita nec sponte det aliquid ultra mercedem praestitutam proxenetae; non tamen praecipit proxenetae ne accipiat, si gratis ei detur, sed solum quod non exigit; quod non est extorquere ab inuito, l. soluendo. ff. de negot. gest. gloss. & Card. in clem. de censibus. & ita si exigeret, peccaret quidem, & teneretur ad restitutionem, sed non eo quod accipiat sponte datum.

- 4 AD TERTIAM videtur satis aptum remedium id, quod per praedictam legem statutum est, addendo poenam proxenetae accipienti plus, etiam si sponte daretur. Dicit tamen aliquis, quod iam hoc satis statutum est in illa lege; eo quod poena posita contra vnum correlatiuum, videtur apposita in altero, l. vnica C. de empt. lib. 11. & ibi Bart. & late traditur per Panorm. & alios, praesertim Felin. in prooemio Greg. a nu. 4. Sed responderi potest primo, quod mercator, & proxeneta non sunt correlatiua, cum passim mercator inueniatur sine proxeneta; non autem est vnum correlatiuum sine alio, secundum Aristotelē in praedicamentis, quem Felin. vbi supra allegat in 6. cap. Secundo, quod illud est verum, quando omnino eadem ratio suadet idem in vtroque, ut late tradit Felin. vbi supra num. 10. quod non contingit hic. Tertio, quod illud non procedit, quando eadem lex diuerso modo statuit de correlatiuis, secundum Domin. in cap. 1. de tempor. ordin. in 6. quem idem Felin. vbi supra sequitur num. 12. & lex praefata Capitolina statuit quo ad proxenetas, ne plus exigere possint; & quo ad mercatores, ne villo modo plus dare possint: & ita poena mercatoribus posita, non videtur proxenetis posita: & ita merito posset addi poena restituendi duplum eius, quod reciperent, etiam sponte datum. Salua, &c.

Aduertendum, proxenetam, qui ipsi fidentem deducit ad mercatorem, quē scit vel scire debet excessurum pretium rigorosum, satis efficacem esse concausam damni quod datur emptori, & ita in subsidium teneri ad restituendum in solidum.

SUMMARIVM.

- 1 Pretio per electos æstimando si conueniat ut aliquid notabile soluendum addatur, venditio erit iniusta.
- 2 Obligatus tradere alicui aromata ad vsum illius, non tenetur illa tradere, si eis talis non eget.

CONSILIUM VI.

SYLVESTER aromatarius vendidit omnia aromata, quæ habebat in sua apotheca, pretio per arbitros æstimando; & conuenerunt, ut Sebastianus emptor traderet quotannis ultra pretium prædictum aromata, quæ valerent decem scuta, ad vsum certarum personarum; & postea iterum conuenerunt, ut pro illis aromatibus valoris decem scutorum traderentur decem scuta in pecunia numerata, anticipata solutione in principiis annorum. Quæritur, an id liceat.

- 1 Respondeo primo, quod prior cōuentio fuit iniusta: quia omnis emptio & venditio, in qua pretium maius notabiliter iusto datur, vel accipitur, est iniusta, cap. 1. & 2. de empt. & l. 1. ff. de contrahen. empt. & declarat S. Thom. 2. 2. quæst. 77. art. 1. quem in hoc citauimus in Manu. confess. cap. 23. num. 77. & ex facto constat, quod maius iusto notabiliter pretium Sylvester accepit à Sebastiano emptore.
- 2 Secundo, quod conuentio secunda fuit iniustior priore: quia per illam venditor voluit accipere maius pretium, quam per priorem; cum palam sit pluris valere decem scuta anticipate soluta in pecunia numerata absolute venditori, quam soluenda in aromatibus, & certis personis, quibus non egentibus non essent soluenda. Salua, &c.

SUMMARIVM.

- 1 Pretium rei minuit pactum de retrouendendo; & magis, si addatur aliud pactum de locando venditori.
- 2 Locari potest venditori res emptæ cum pacto de redimendo, & tanti, quanti locaretur cuilibet tertio: æquitas tamen suadet ut mitiori ei locetur pensione.
- 3 Usurarij suspicionem habet, qui venditori cum pacto de retrouendendo, & locando, rem locat ad rationem tot pro centenario, habita relatione non ad valorem rei, sed pretij soluti: licet in conscientia æquius videatur ut in pensionis impositione attendatur quantitas pretij.

CONSILIUM VII.

VTRVM emens fundum cum onere retrouendendi, & locandi cum venditori, & propter hæc onera imposita ei emit illum pretio multo minore, quam si emisset sine illis oneribus, quia illa onera sunt

Mm 2 pars

pars pretij; possit iuste locare illi venditori tam grandi pensione & affictu, quam grandi poterat locare, si absolute sine oneribus iusto pretio, & ita maiori emisset, arg. l. fundi partem. ff. de contrah. empt. cap. cum Ioannes. de fide instrum.

- 1 Pro parte negante facit, quod videtur iniquum, siue inæquale, quod tantum affictum pendat venditor emptori locanti sibi fundum venditum minori iusto pretio, quantum penderet, si emisset iusto pretio: & quod pactum de reuendendo & locando sibi factum in fauorem eius, retorqueatur in odium eius, ita quod debeat tantum pendere, quantum penderet, si absque ullo pacto vendidisset; quod videtur contra l. quod fauore. C. de ll.
- 2 Sed pro parte affirmante facit, quod præfatus emptor est tam verus & integer dominus illius fundi, ac si emisset iusto pretio sine illis oneribus, licet teneatur ad illa subeunda: ergo seruatis illis potest eo vti ad alia, perinde ac si illis emisset. Secundo, quod si venditor nollet conducere, posset emptor illum locare tertio tam care, ac si absolute emisset; cum nulla ratio suadeat minuere pretium quo ad illum. Et hanc pato de rigore iuris veriore; licet secundum æquitatem videatur in taxatione pensionis respiciendum ad pretium solum. Caueat tamen emptor, ne in instrumento taxetur ad rationem tot, puta quinque, vel sex pro centenario; ne inde in foro exteriori contra ipsum oriatur suspicio usurariæ prauitatis.

S V M M A R I V M.

- 1 Commutare sicut ex iusta causa potest Papa laicorum pias dispositiones in alios similiter pios vsus; ita & laica potestas habens regalia, & non recognoscens superiorem, potest testantium voluntates de vno opere profano in aliud mutare.
- 2 Mediolani Dux habet regalia, nec superiorem ad quem appelletur, eiusque Senatus regaliū vsum habet.
- 3 Dispensatio iusta tollit vim legis & dispositionis, contra quam dispensatur, nec peccat qui ea munitus contra dispositionem facit.
- 4 Prohibitio de non alienando expresse addita ad tacitam resultantem ex fideicommissio impedit dominij translationem, ac acquisitionem iuris ad rem, num. 7. licet non impediat locationem & concessionem vsusfructus, si ad modicum fiat tempus. num. 5. at sola tacita prohibitio non impedit translationem dominij, licet fideicommissarius possit adueniente die alienationem renocare. num. 6.
- 5 Facere, vel non facere alijs, ex præcepto tenemur, quod alios nobis facere, vel non facere tamquam obligatos iusta voluntate volumus: quæ autem sunt consilij, quod non obligat, sicut non possum iusta voluntate velle vt alij ea mihi ex obligatione faciant, vel non faciant, ita nec ego teneor ea alijs facere, vel non facere. num. 9.
- 20 Concupiscentia inordinata, & non ordinata prohibetur Decalogo.

CON-

CONSILIVM VIII.

MAGNIFICVS quondam D. Augustinus Dominicus Saccus in suo ultimo testamento sibi hæredem instituit quondam D. Antoniũ Puteum, ex sorore sibi nepotem, cum conditionibus infra scriptis: quod nolebat vt posset quomodolibet vendere, alienare, permutare, nec dispo- nere inter viuos, nec causa mortis, nec alio quouis modo, locum appellatũ la Rosta, nec palatium iacens, & situm in ciuitate Alexandria, in quarte- rio Marenghi, cui cohærent via communis, & D. Io. Christophorus Pani- zonus; quia volebat vt dicta Rosta, & ipsum palatium conseruarentur per- petuo in dictum D. Antonium hæredem, ac eius filios masculos, vel in sub- stitutos, ad effectum, vt conseruarentur dicta bona in ipsius testatoris me- moriam: & propterea volebat, vt dictus D. Antonius, postquam factus es- set hæres, vteretur insignijs, & armis ipsius D. testatoris pro parte; & si casus euenisset quod dictus D. Antonius decederet sine filijs masculis ex le- gitimo matrimonio natis, eo casu substituebat D. Petrum Camillum de Canibus, Laudensem, qui deberet etiam portare, & vti insignijs, & armis ipsius D. testatoris, saltem pro parte: nec volebat vt dictus D. substitutus valeret alienare, nec disponere vt supra, de loco Rostæ, & palatio, sed re- seruarentur filijs legitimis, & de legitimo matrimonio natis: & casu quod dictus D. Petrus Camillus decederet sine filijs masculis, & de legitimo matrimonio procreatis, quod tunc, & eo casu volebat, vt dicta bona, & hæreditas iure substitutionis, & modis, & formis prout supra, perueniret ad D. Fabricium, & inde in D. Epaminundam de Canibus de Bisnatis, & in eorum substitutorum filios, ita vt dictum palatium, & Rosta transirent in dictos filios vsque in infinitũ. Prædictus D. Antonius obiit sine filijs le- gitimis, & naturalibus, atque ita bona præfatæ hæreditatis peruenerunt in D. Petrum Camillum de Canibus substitutum; qui non obstante pro- hibitione expressa testatoris vendendi, aliove aliquo modo alienandi præfatum palatium, illud de facto vendidit D. Iacobo Francisco, & fra- tribus de Baratis, ciuibus Alexandrinis, nulla obtenta ab Excelentiss. Senatu dispensatione illud alienandi: quo audito, Episcopus Alexan- driæ, precibus in Excellentiss. Senatu porrectis, petiit ob bonum publi- cum, præfatum palatium, vbi vendendum esset, sibi vendi nomine sui episcopatus: cuius preces Excellentissimus Senatus decreuit venditori, & emptoribus intimandas, & vt interim nihil innouaretur: post qua- rum literarum concessione porrectæ fuerunt preces in Excellentiss. Senatu nomine præfati D. Petri Camilli, in quibus nulla facta mentione prohibitionis expressæ vendendi, aliove modo alienandi ipsum pala- tium à testatore factæ, quæ contractum ab initio impedit, & irritat, sed tantum substitutionis, & fideicommissi, petebat dictum contra- ctum venditionis approbari, & confirmari, vbi alias validus esset. qui- bus visis, & attento substitutorum consensu, placuit Excellentissimo Se- natui, non quidem contractum approbare, sed tantum dispensare, vt ad venditionem dicti palatij valide deueniri posset, in præiudicium tan-

tum ipsorum consentientium, quæ tamen venditio postea non fuit facta dictis fratribus. Postea precibus Episcopi venditori & emptoribus intimatis, auditis partibus, Excellentissimus Senatus decreuit præfatum palatium Episcopo vendendum esse, modo illud acquireret episcopatus. In quarum literarum executione die octavo mensis Augusti anni proxime præteriti emptum fuit palatium ab Episcopo, enumeratis pro parte pretij mille aureis, & præstita de residuo intra terminum inter partes conuentum soluendo idonea fideiussione, prius tamen obtenta ab Excellentissimo Senatu dispensatione contractus ipsius venditionis ineundi, non obstante expressa testatoris prohibitione, neque tacita ex fideicommissio proveniente: quorum omnium, nullo præterminisso, in precibus mentio facta fuit. Post hæc omnia petierunt prædicti fratres, supplicatione porrecta in Senatu Mediolanensi, iterum audiri. quo concessio, & auditis quæ utrinque afferebantur ab Aduocatis vtriusque partis, decreuit Senatus, in iam ordinatis ad fauorem episcopatus Alexandrini persistendum esse. Qua facti narratione proposita, quaeritur, an Episcopus, in eo quod egit, aliqua ratione peccauerit vel contra iustitiam, ita ut teneatur præfatis fratribus aliquid restituere, vel contra charitatem, ita ut saltem teneatur factum ipsum in foro pœnitentiæ detestari.

Et primo quidem videtur peccatum contra iustitiam, ex quo oriatur obligatio domum ipsam, vel integrum eius pretium restituendi: quia dominus Petrus Camillus videtur potuisse transferre tantumdem iuris in ipsos fratres, quantum ipse habebat; hoc autem ipsum fecisse videtur, cum eos in locum suum constituit, ut patet in instrumento. Quod vero id facere potuerit, inde probari videtur, quod nihil aliud obstat quo minus id facere potuerit, nisi fideicommissum, quod tamen ab initio contractum non impedit, aut irritat, sed tantum operatur, ut post mortem eius, qui dominium transtulit, successio substitutorum non impediatur, propter quod solum videtur necessaria dispensatio. Præterea videtur peccatum contra iustitiam fuisse: quia ex contractu illo inter præfatos fratres, & D. Petrum Camillum inito, licet non fuerit plenum ius, & perfectum, quod dicitur ius in re, dictis fratribus quæsitum, videtur tamen saltem ius imperfectum illis quæsitum, quod ius ad rem dicitur, cuius impedimentum in impediante parit obligationem restituendi, non quidem rem ipsam, cuius consecutio impedita fuit, vel integrum eius pretium, sed tantum, quantum arbitrio boni viri visus fuerit damni passus, qui fuit impeditus quo minus rem ipsam consequeretur. Si vero concedatur peccatum non fuisse contra iustitiam, saltem videtur contra charitatem, quia est contra principium illud iuris naturalis, *Quod tibi non vis, alteri ne feceris*: cum Episcopus id fecerit, quod sibi ab alio fieri noluisset. Præterea videtur peccatum fuisse contra præceptum illud Decalogi, *Non concupisces rem proximi tui*: quod probatur auctoritate Catechismi Romani in explicatione huius præcepti, *Non concupisces, &c.* cuius hæc sunt verba; *hoc autem præceptum, inquit, vetat ne vlllo modo quis concupiscat, etsi iure, legeque assequi id possit, ex cuius adeptione damnum proximo importari videat.* Quibus tamen non obstantibus

tibus, visum est Episcopo, & nonnullis egregiæ doctrinæ viris, non solum hoc potuisse, sed etiam fieri debuisse propter necessitatem domus episcopalis. In cuius probationem duo supponuntur tamquam certa. Alterum est; inter fideicommissum simplex, & expressam testatoris alienandi prohibitionem hoc esse discrimen, quod etiam si concedatur simplex fideicommissum contractum alienationis ab initio non impedire, aut irritare; hoc tamen de prohibitione alienandi à testatore facta, præsertim cum causa, quæ non respiciat fauorem hæredum, vel substitutorum, nullo modo concedi potest: quia expressa alienandi prohibitio à testatore facta cum causa, vt supra, contractum alienationis de facto initum, ab initio impedit, & omnino iuxta communem doctorum sententiam irritum reddit. & ratio est euident, quia vnusquisque potest rem propriam alteri relinquere quacumque apposita conditione legibus & bonis moribus non contraria, quæ omnino seruanda erit. Alterum quod supponitur, est; Principem posse propter publicam vtilitatem non solum præferre in emptione rei vendendæ causam publicam priuatorum commodis, sed etiam veros dominos cogere ad rem propriam vendendam, præsertim vbi agitur de fauore Ecclesiæ, cuius necessitati sit consulendum. Quibus suppositis, patet in primis quod tempore contractus de facto initi inter D. Petrum Camillum & præfatos fratres, res adhuc erat integra, cum ex prohibitione expressa, sicut priori loco supposuimus, contractus omnino irritus redderetur: & ideo iure potuit Episcopus petere quod petiit, & Senatus concedere quod semel atque iterum, auditis partibus, omnibusque mature consideratis, concessit; cum ex eo quod posterius supposuimus, potuisset etiam præfatos fratres cogere, si vere domini facti fuissent, domum Episcopo vendere, modo illam acquireret episcopatus nomine petentem dictis fratribus, quibus nullum ius dominij in dicta domo competebar. Hinc etiam manifestum est, argumentum primo loco allatum contra Episcopum non valere: quia in hoc casu non solum obest fideicommissum simplex, sed etiam expressa prohibitio dictam domum alienandi, addita causa, quæ non respicit fauorem hæredum, vel substitutorum, quæ est conseruatio memoriæ testatoris, vt patet ex ijs quæ superius dicta sunt. Neque aliquid probat argumentum secundo loco allatum, de impedimento iuris imperfecti, quod ad rem dicitur: quoniam tunc tantum parit obligationem restituendi impedimentum illud, quando est contra iustitiam, non autem quando impedit aliquis consecutionem alicuius rei iuris ordine seruato, quia tunc actus ille non est contra iustitiam: hic autem versamur in casu, in quo Princeps, auditis partibus, decreuit domum Episcopo vendendam esse, modo illam acquireret episcopatus. Quod autem dicitur de principio illo iuris naturalis, *Quod tibi non vis, &c.* non est ita intelligendum, quasi nemo debeat alteri facere, quicquid, quacumque voluntate, etiã deprauata, & à recta ratione recedente sibi fieri nollet: alioquin neque iudex posset tuta conscientia, capitali sententia reum condemnare, neque minister condemnationem exequi; quia neuter illorum, si reus esset, vellet

condemnari, vel occidi: sed est intelligendum de voluntate rectæ rationi consentanea, quæ si esset in præfatis fratribus, bonum publicum privato ipsorum commodo præferrent. Ad id autem quod ex Catechismo Romano obijcitur, respondetur, verba illa non eam sententiam habere, vt nemi- ni liceat concupiscere quod iure & lege assequi possit absolute; quia inde prohiberentur lites omnes Christianis, etiam iustæ, quod esset erroneum: sed eam potius videntur habere sententiam, vt nemo erga rem alienam ita prauè sit affectus, vt concupiscat ius sibi competere rem alienam con- sequendi, quod non habet, vel appetat illius dominum in eum casum in- cidere, propter quem iuste re ipsa priuandus esset, vt illam posset acquire- re: hic autem versamur in casu, in quo prædicti fratres nullum habebant dominium rei vendendæ, sed remanebat adhuc penes D. Petrum Camillū; atque ideo licuit Episcopo petere, & obtinere quod vendendam domum sui episcopatus nomine posset emere, sicut fecit.

SEQUITUR RESPONSI O.

CV M. in Prætorio Sacræ Pœnitentiariæ à Reuerendiss. Regente di- ctum fuisset, petatum esse ab eo, vt præfatus casus cum prædicta quæstione proponeretur coram Illustriss. D. meo Cardinali eodemq. sum- mo Pœnitentiarario, dixit se respondisse, hoc negotium non pertinere ad præfatum Prætorium; sed videri sibi, gratum fore oratori, vt prædictus D. Cardinalis iuberet mihi, vt responderē, extra Prætoriū, petitioni orato- ris. Cuius iussa capeffens, suscepi eam nondum lectā. Super qua dico pri- mum, intellexisse me tunc, non quæri quæstiones supradictas, sed illam; An Senatus Mediolanensis posset mutare voluntates testatorum laicorū Du- catus Mediolanen. ita vt ab eis relicta conuerti possint in alios vsus, vel in quos, vel quæ testatores non disponunt. Ad quam & alias quæstiones re- spondeo paucis, quia non vacat id facere multis.

Primum, quod præfatus Reuerendissimus D. Regens aptissime respō- dit. Tum quia hoc negotium est publicum, & non est de numero illorum publicorum, de quibus præfata Pœnitentiararia exaudit petentes illa, post vltimam eius reformationem à fel. me. Pio V. factam. Tum quia tangit principaliter forum exterius, in quo non prosunt literæ ab ea datæ, vt constat ex tenore suæ facultatis.

- 1 Ad quæstionem autem à me subintellectam respondeo affirmatiue; nē- pe, quod, vti certum est Pontificem Maximū posse iusta de causa mutare relicta testatorum laicorum in alios pios vsus, iuxta clem. quia cōtingit. de religio. domib. & ei annotata; ita Imperator, Rex, & alij, qui habēt re- galia, & nō recognoscunt in temporalibus superiorē, possunt mutare iusta de causa relicta testatorum laicorum ad vsus profanos, in alios vsus pro- fanos, & à fortiori in pios. l. i. & l. legatam. ff. de administ. rerum ad ciuit. pertin. & sentiūt omnes in dict. clem. & multi in cap. quæ in ecclesiariū. de const. & alibi sæpe. At Dux Mediolanen. non recognoscit, vt præsupponi- tur, superiorem in temporalibus, & habet regalia, supremamq. potestātē laicam

laicam, ita vt ab eo ad neminē in tēporalibus appelletur; ergo potuit ex iusta causa volūtātē & dispositionē prādicti D. Augustini Dom. mutare in aliam, prāsertim piā, & consequenter Senatus eius Excellentissimus, cum prāsupponatur eum habere à Duce Mediolanen. omnium regaliū vsum.

Ad quāstionem autem ab oratore quāsitam, videlicet an prāfatus Reuerendiss. Episcopus peccauerit contra iustitiam cum obligatione restituendi, aut sine illa, aut contra charitātē; videtur dicendum quod non. Tum quia nihil fecit cōtra leges iustitiæ specialis, ea firma ratione, quod contractus emptionis & venditionis est licitus, honestus, & iustus secūdū leges iustitiæ specialis, vt colligitur ex tit. de cōtrahēda empt. & de actio- nib. empti, ac alijs multis; nisi aliqua lege speciali prohiberetur; at nulla tali videtur prohiberi hęc emptio, de qua loquimur. Si qua enim prohiberetur, maxime per illā solemnem, qua prohibetur hāres alienare rē resti- tutioni subiectā, iuxta glo. l. fin. §. sed quia. & §. sequen. cum ei concord. C. com. de legat. At lex illa nō videtur obstare; quia prāfatus Senatus per suā dispensationē videtur abstulisse illā quo ad hūc casum: & constat per iustā dispensationē tolli vim legis, super qua dispensatur, iuxta §. nisi rigor. sub cap. requiritis, & multa alia capp. cōseqq. i. q. 7. & cap. de multa. de prab. Tum quia non obstant sex supra contra hoc tacite & expresse opposita.

4 Ad primū enim respondetur negando quod prāfatus Petrus Cam. po- tuerit transferre in prāfatos fratres ius domini, quod habebat in prā- dicto palatio: partim quia erat prohibitus tacite alienare per fideicom- missum factum à testatore, iuxta d. l. fi. §. sed quia. & §. seq. C. com. de legat. partim quia etiam expresse erat prohibitus alienare, quā prohibitio ex- pressa impedit translationem domini secundum omnes.

5 Ad secundum, quod tacite insinuat, scilicet potuisse prāfatum Petrū Ca. dare prāfatis fratribus ius, quod ipse habebat, & quo poterat vti, dum viueret; respondetur concedendo quod poterat locare ad parū tempus; sicut emphyteuta potest locare emphyteusim. l. non solum. ff. locat. & l. ne- mo prohibetur. C. de locat. & tradit Spec. in tit. de locat. §. nūc aliqua. ver. 125. quem sequitur Ias. in l. fin. C. de iur. emphy. nu. 112. & etiam cōcedere vsumfructum, vt notat Bal. in l. 1. & l. item in fundo. ff. quib. mod. vsumfruct. amitt. & Bart. in l. 3. §. econtrario. ff. de acq. poss. negando tamen, vt supra negavi, quod possit transferre dominium. Tum quia non sequitur ex prā- dictis quod possit alienare: quoniam à separatis non fit illatio, l. Papinia- nus. ff. de minorib. & aliud est alienare, & aliud ad breue tempus locare, & vsumfructum concedere, cum per hęc non transferatur dominium, & per illud sic, vt notatur in rub. de reb. eccles. non alien. & tit. de reb. alien. C. Tum quia neque emphyteuta potest alienare, neque locare ad longum tē- pus sine consensu domini proprietatis, quia prohibetur alienare sine con- sensu illius. Itaque concedimus, quod prāfatus Petrus Ca. potuit trāsfer- re aliquod ius in prādictos fratres, & aliquod non potuit: & quia noluit qđ potuit, & voluit quod non potuit, nihil valide effecit; quia vt actus valeat, oportet vt concurrant potestas & voluntas ad illum faciendum. cap. cum super. de off. deleg. cum alijs ibi à Doctoribus citatis.

Ad tertium

- 6 Ad tertium respondetur primo negando quod nihil aliud obstabat venditioni, quam Petrus Ca. intentauit facere, nisi quod præfatum palatium erat subiectum restitutioni per fideicommissum; quoniam etiam obstabat expressa prohibitio alienationis, quæ omnino impendebat translationem dominij, secundum omnes, in l. filiusfamilias. §. diui. ff. de legat. 1. & in alijs multis locis, quæ ibi citant Ripa, & alij. Secundo, quod etiam multi tenent, etiam tacitam prohibitionem alienandi, quæ resultat ex fideicommissio, impedire translationem dominij, & facere contractum ipso iure nullum; & omnes, quod saltem renocari debet volente fideicommissario, per dictam l. ultimam. §. sed quia. & §. sequen. C. commun. de legat.
- 7 Ad quartum respondetur negando quod fuerit quesitum vllum ius neque in re, neque ad rem, præfatis fratribus per illam venditionem iniustam, & nullam propter fideicommissum, & propter expressam prohibitionem alienandi. Tum per regulam illam, *Ex nihilo nihil fit.* l. decem de verb. oblig. cap. ad dissoluendum. de despons. impuber. Tum quod non præstat impedimentum quod de iure non sortitur effectum, cap. nõ præstat. de reg. iur. lib. 6.
- 8 Ad quintum respondetur negando id quod præsupponit argumentum, nempe quod peccant omnes faciendo aliqua aliquibus, quæ nollent sibi ab illis fieri. Tum quia alioqui peccarent iudices, patres, & domini iuste punientes & castigantes delinquentes filios, & seruos, à quibus nollent sibi eadem fieri; quod est contra cap. non est crudelis. 23. q. 5. cap. duo iusta nomina. 23. q. 4. & alia multa tam sacra, quam profana. Tum quia verus sensus illius iuris naturalis, quod colligitur ex Matth. cap. 7. relat. à Gratiano cap. 1. dist. 1. iuxta mentem gloss. Archid. & vtriusque Cardinalis ibidem, & sacrorum Doctorum citatorum in Catena aurea D. Thom. super præfato cap. 7. & ipsiusmet D. Tho. in lect. propria ipsiusmet cap. 7. super Matth. *Quod tibi non vis fieri, alteri ne feceris:* non est quod absolute prohibeamur de præcepto sub pœna peccati facere alijs, quod nolumus nobis fieri; sed quod prohibeamur de præcepto facere alijs id, quod de præcepto tenemur non facere illis: sicut nolumus quod alij faciant nobis, quod de præcepto tenentur non facere: & quod de consilio tantum prohibemur facere alijs, quod de consilio tenemur ad illud. Sicut nolumus, vt alij de consilio tantum desinant facere nobis id, quod de consilio tantum tenentur non facere. Verbi gratia, de præcepto teneor nolle capere rem alienam inordinate; sicut nolo quod alius capiat rem meam: & sicut nolo teneri ad mutuandum alteri non egenti extreme, nisi de consilio tantum; ita non debeo velle vt alius teneatur mutuare mihi non egenti extreme, nisi de consilio tantum. Ita quod prohibemur facere alijs inordinate de præcepto, vel de consilio: sicut volumus, ne alij inordinate de præcepto, vel consilio tantum nobis faciant. Cum igitur præfatus Reuerendissimus Episcopus non teneretur de præcepto ad nolendum emere, nihil peccauit emendo: quia nec voluit vt præfati fratres de præcepto abstinerent à bene emendo; esto quod de bono consilio Christi fuisset obligatus ad illud: quoniam consilia eius non obligant sub peccato ad sui obseruantiam, §. fin. 4. dist.

cap. quod præcipitur. 14. q. 1. & tradimus nos post alios in Enchirid. confess. cap. 20. Addo tamen, quod neque de consilio tenebatur ad illud. Tum quia plus tenebatur providere sibi, quam alijs. arg. cap. si non licet. 23. q. 5. & l. præses. C. de servitut. & aqu. Tum quia plus tenebatur episcopatu suo, quod erat pium opus, quam alijs quo ad usus profanos, cum pia præferantur profanis. arg. cap. relatum, & cap. cum in officijs. de testamen.

10. Ad sextum, quod fundatur in præcepto 10. Decalogi, & Catechismo Romano, respondetur non obstare; quia, ut nos post S. Thom. & alios diximus in præcitato Enchiridio cap. 17. & 19. intelligitur de concupiscentia inordinata, præsertim contra leges iustitiæ specialis: At concupiscere rem alienam per iustam emptionem, permutationem, ultimam voluntatem, & aliam viam iustam, non est inordinata, immo valde ordinata Episcopo egenti eo ad habitationem suam honestam. Salva quæ iustior fuerit sententia,

S V M M A R I V M.

1. Conscientia, quæ non potentia, nec habitus est, sed actus, aut est testificans, aut accusans, vel excusans, aut dirigens: quarum prima & secunda species cum sit generalis, si sit contraria speciali, non ligat: tertia vero si sit certa, vel vere dubia, obligat; secus si scrupulosa, contra quam fecisse non est arguendus is qui post factum super eo consulit Pœnitentiarium. num. 2. in fine.
2. Actus, ad cuius valorem dispensatio est necessaria, non potest valere, antequam impetretur, nec sufficit quod sit facta promissio illius impetrandæ.
3. Scrupulum habere is dicitur, qui habet aliquod argumentum apparens contra id quod credit, contra quod qui agit nedum non peccat, immo sæpe multum proficit: quem ac erroneam conscientiam, etsi secundum aliquos nemo possit proprio iudicio deponere, verius tamen est quod possit, quando habet probabilem rationem id faciendi, præsertim si sit doctus. num. 4.
4. Dubius in fide, qui & infidelis est, is non dicitur qui habet aliquod motuum contra fidem quam credit, sed is qui ita de ea deliberate dubitat, ut nullam partem credat.
5. Petens absolutionem ad cautelam, non ideo fatetur se excommunicatum: nec qui post factum petit consilium, arguendus est, quod id quod antea fecit, secerit contra conscientiam. num. 2. in fin.
6. Obligatio naturalis illa obligat conscientiam, quæ oritur ex pacto & conventionem quæ sit licita, secus si sit illicita.
7. Alienans contra iustum & validum præceptum testatoris, peccat, & ex contractu tali nullam nec naturalem obligantem in conscientia contrahit obligationem, & num. 10. in fin. etiam si promittat obtinere dispensationem, & nu. 7. & 8. contrarium tamen videtur admittere num. 7. ad finem.
8. Testatoris iustum præceptum obligat sub peccato mortali: quod vel inde patet, quia nisi servet iussus, potest excommunicari.
9. Prohibitus valide a testatore alienare, vendens etiam sub conditione si Princeps dispensaverit, & promittat illam impetrare, non obligatur, antequam dispensatio impetretur. & num. 6.

- 8 *Vendens scienter male, nō tenetur de euictione, nec ad interesse, quando emptor sciebat rem vel alienam, vel alienari prohibitam: immo nec tuta conscientia potest emptor petere nec rem nec interesse. nu. 10. at si fuit in bona fide, non tenetur venditor adimplere tradendo rem quam non potest sine peccato alienare, sed ex maleficio tenetur emptori ad interesse. num. 8.*
- 9 *Emens secundo loco, & accipiens rem quam scit alteri prius venditam, tenetur secundū aliquos in conscientia primo venditori tradere: sed hoc nō procedit, quando prima venditio fuit nulla.*
- 10 *Iuramentum quidem seruandum est, quando non est maioris boni impeditium, potestque seruari sine interitu salutis æternæ; quale non est id quod non potest seruari sine peccato etiam veniali, vel iniustitia aliqua.*

CONSILIVM V III.

OBNIXE rogatus, & quadamtenus iussus ab ijs, qui facere id suo iure possunt, vt recognito responso à me dato in causa emptionis cuiusdam domus à valde Illustri Reuerendiss. q. D. Episcopo Alexandriæ, & perpenso responso excellentissimi vtriusque iuris Doctoris, & prælectoris primæ functionis iuris Cæsarei Academiæ Ticinensis Thomæ Gualæ in eadem causa reddito & typis excuso Papiæ, quod videri potest contrarium nostro: consideratis item ijs, quibus subtiliter ac erudite præfatus Reuerendiss. suam causam protegit à præfati eruditiss. Thomæ magnis iæctibus; respondeam, an præfatus Reuerendiss. idemq. omnium cōsensu iustissimus, iuste possit in foro cōscientiæ domum præfatam retinere, an teneatur restituere illam magnanimis fratribus de Baratis, qui prius illam emisse feruntur; faciam id breuiter, tum ob infirmam valetudinem, tum ne verborum, allegationum, & phalararum ostentatione, adiectionum multiplicatione, veritas perdatur, aut occultetur: quod sæpe fieri, eruditiss. Cardinalis Caiet. frequenter admonet, & experientia demonstrat, etiam in dictis scriptis, quibus perpensis respondere iubemur.

Dico igitur primo, quod, si ego putaram meum responsum ab eo edendum, & typis excudendum, munitius ex officina nostra, licet paupere, prodijset. Deinde gratias me agere, quam maximas possum, Reuerendiss. D. Episcopo, quod me multo maioris, quam merear, facit: & præfato excellentiss. Doctori, & primæ functionis Cathedrario, quod mihi longe sublimiorem locum, quam humilitas mea modeste subire possit, tribuit. Vtinā D. Iesus, quando ego nequeo, vtrique cumulate retribuatur. Tertio, certissimum esse id, quod præfatus D. Doctor multis probat de conscientia, multa minime licere in illius foro, quod est Dei, quæ licent in foro exteriori; & contra plurima licere in illo, quæ non licent in hoc. Quamuis quædam exquisita Baldi & Iasonis elogia, quæ de quidditate, seu definitione conscientiæ colligit, vulgo magis, quam eruditis, probari debeant, per ea quæ S. Thomas recept. tradit 1. par. q. 79. art. 13. quæ nos in compendium redegimus in Manu. confess. cap. 27. num. 179. & tetigimus in præl. 7. nu. 13. & præl. 9. nu. 9. vbi dicimus conscientiam non esse potentiam, neque habitum, sed actum; & diuidi in tres, scilicet testificantem, accusantem, vel ex-

vel excusantem, & dirigentem: & hanc tertiam in certam, dubiam, & scrupulosam secari: quarum duarum, scilicet certa, & dubia, speciales obligant, & finde prescript. etiam si sint erroneæ, cap. per tuas. il. 2. de simon. cap. inquisitioni. de sentent. excommu. ad parendum eis, vel recte deponendum eas: non autem tertia, siue scrupulosa, neque aliæ duarum, cum sunt generales contrariæ specialibus, cuius rei exemplum ubi supra ponimus. & ita fatemur cum prefato D. Doctore, quod si prefatus Reuerendiss. retinet prefatam domum contra conscientiam suam dirigentem certam, & dictantem in specie contra iustitiam retinere se illam domum; peccare mortaliter; immo etiam si retineret contra conscientiam dirigentem dubiam, quæ dictaret ei probabiliter dubitare debere, an retineat contra iustitiam: non autem si retineret eam contra conscientiam scrupulosam, per ea quæ ubi supra diximus, & latius tradidimus in cap. si quis autem. de pœnit. dist. 7. num. 61. in commentarijs tractatus de pœnit. decreti Gratia. iam pridem extra Italiam bis editis, & nuper in Vrbe tertio typis excusis. Quarto, quod prefatus Reuerendiss. Deiq. Opt. Max. ut ex eius dictis consilio, timentissimus non debet habere conscientiam dirigentem certam, nec dubiam, immo nec scrupulosam, quæ sibi dictet peccare ipsum mortaliter ob prefatæ domus retentionem, propter ea, quæ prefatus præcellens Doctor in dicto suo responso scribit.

Primum quidem, quod videtur niti narratione facti parum suæ intentioni commoda, immo contraria. Vtitur enim illa narratione, quod prefatus D. Petrus Camillus promisit prefatis fratribus obtinere dispensationem à Senatu Regio suis expensis pro venditione prefatæ domus, quæ fecit prefatis fratribus. Quæ narratio nihil continet commodans valori contractus iam facti, ut palam est: cum actus, ad cuius valorem est necessaria dispensatio, non possit valere, antequam illa impetretur: non enim valet matrimonium contractum inter cognatos aliquo gradu intra 4. se attingentes, ante dispensationem impetratam, licet alter coniugum promittat alteri se impetraturum eam, cap. 1. & tot. tit. de consang. & affin. & qui resignat aliquod beneficium, reseruata sibi aliqua parte fructuum, vel pensione, salvo beneplacito Papæ; si antequam obtineatur beneplacitum eius, capiat illam partem fructuum, vel pensionem, censetur simoniacus, etiam realis, ut prætorium sacræ Pœnitentiariæ censet, & nos addemus propediem in præfa. Manua. conf. cap. 23. num. 107. & iussus necessarius ad adeundam hæreditatē præcedere debet, l. si quis mihi bona. §. iustum. ff. de acquir. hæred. ubi Bar. communiter recep. & à lasone à num. 31. declaratus, idem dicit de permissione, & licentia alienandi res ecclesiæ, si est perpetua, & rei grauis: quia tractatus, & consensus, qui sunt necessarij, debent præcedere, nec sufficit ratificatio postea ex internallo facta, nisi certo modo, ut Imolen. concludit concordando opiniones diuersas in cap. 3. de his quæ fiunt à prælat. quem sequitur Fran. in cap. 1. num. 13. de reb. ecclef. non alie. lib. 6. qui alios refert. Ergo promissio de impetranda dispensatione alienandi non potuit validare alienationem, antequam illa à Senatu concederetur; & consequenter narratio illius promissionis non commodabat

modabat præfati D. præcellentis Doctoris intentioni: immo incommo-
dabat: quia significabat venditionem præfatam remansuram nullam, do-
nec obtenta dispensatione ratificarent illam partes.

Secundo, quod nititur narratione falsa, vel certe falsa sibi significante. Narratum enim fuit illi, quod fuit obtenta dispensatio à Senatu regio; significando, quod fuit obtenta dispensatio conueniens intentioni præfa-
ti Petri Camilli, & fratrum de Baratis, & tempore oportuno, antequam præfatus Reuerendissimus se misceret negotio. quod fuit falsum: non enim fuit conueniens intentioni præfatorum Petri Camilli, & fratrum: quia ut esset conueniens illi, oportebat illam continere dispensationem, ut Petrus Camillus venderet præfatis fratribus absolute, & quod venditionem factam regia eademque summa potestate approbaret: quorum nihil continebat: quia solum cōtinebat posse venire ad venditionem petitā in præiudicium consentientium, & etiam hæredum tantum, & quod tot alia bona æquiualentia supponeret oneri fideicommissi: & ita nec approbauit dictam venditionem antea factam ipsis fratribus, nec illa fuit facta cum modificationibus, quas adiecit Senatus. Nec Senatus fecit potestatem vendendi eo modo, quo ipse vendiderat absolute, ut palam fecit præfatus Reuerendissimus per tenorem decreti ipsius Senatus regij, & auctoritate instrumenti dictæ venditionis. Nec fuit impetrata tempore opportuno: quia fuit impetrata posteaquam Senatus iusserat ne quidquam innouaretur super ea, posteaquam præfatus Reuerendissimus petiit præfatam domum sibi vendi, donec Senatus ea de re decerneret. & ita remansit dicta venditio nulla, donec decerneret Senatus: aut ad petitionem Petri Camilli simpliciter decreuit, ut posset vendi seruatis his, quæ in decreto continebantur. Postea precibus Episcopi venditori & emptori intimatis, & auditis, decreuit Senatus, ut venderetur Episcopo, modo emeret illam pro ecclesia sua, cum onere soluendi pretium, & faciendi alia in eo contēta; & ita nec præfata dispensatio fuit facta eo modo, qui conueniret intentioni præfatorum P. Camilli, & fratrum de Baratis, nec tempore, quo posset eis prodesse; immo causa cognita Senatus noue decreuit, ut venderetur præfato Reuerendissimo, si vellet eam emere pro sua ecclesia, & ita inpiam causam, prout postea emit prædictus Reuerendissimus. Et consequenter patet, multa falsa, vel significantia falsa, narrata fuisse præfato D. Doctori, quibus tamquam fundamentis nititur dictum suum responsum: & fundamento sublato, tollitur & corruiat fundatum, cap. cum Paulus. 1. quæst. 1. & cap. veniens. de presb. non bapti. Equidem fateor, me quoque, si mihi narrata fuissent præfata sic, ut præfato D. Doctori, non fuisse responsurum omnino eo modo, quo respondi. Nec mirari debet Reuerendissimus, quod præfatus D. Doctor magis credidit narratis sibi à parte se cōsulente, quam narratis mihi à parte contraria: quia frequentet partes aduersæ solent credere aduersa, & informare patronos, immo & iudices aduersæ: & Iurisconsultorum est respondere more Scæuolæ ad proposita, ut proponuntur.

Tertio, cur præfatus Reuerendissimus non debeat accusare se peccati, est,

est, quod nihil prodest aduersæ parti, dicere, quod sua D. Reuerendissima sciuit præfatam venditionem inter præfatos P. Camillum, & fratres de Baratis fuisse factam; & quod non debuit facere alijs, quod sibi noluisse fieri; & quod sciebat se displiciturum præfatis P. Camillo, & fratribus, volendo domum præfatam sibi emere, &c. Quoniam ad hoc argumentum respondimus nos in responso nostro resolutius, clarius, & vberius, quam forte vsque ad illud temporis fuerit responsum, in solutione quinti argumenti contra præfatum Reuerendissimum formati, quod percipio videri & serena mente pensari ab aduersa parte, ne cum offensa diuina contra stimulum veritatis calcitret.

- Quarto, cur præfatus Reuerendissimus non debeat se accusare peccati, est, quod nihil obstat, quod post emptionem præfatæ domus, non obstante decreto Senatus, & non obstantibus quibusdam alijs, quæ iuuant, ipse voluit consulere sacram Pœnitentiariam, & quosdam alios super iustitia illius contractus; & quod anxie eum conscientia sua: & quod contrariens conscientia suæ peccat, &c. vt latius præfatus D. Doctor tractat.
- 3 Tum quia bonarum mentium est culpam timere, vbi culpa non est. c. ad eius. 5. dist. Tum quia faciens contra scrupulum conscientia non peccat, vt supra dictum est, immo frequenter multum proficit, vt & nos adnotamus in Manu. confess. cap. 27. num. 282. post S. Anton. 1. par. tit. 3. cap. 10. 9. 10. & Syluest. in summa, verb. scrupulus. q. 3. Tum quia Bal. & alij citati à præfato D. Doctore, vt supra dixi, non definierunt, nec diuiserunt conscientiam, eius naturam radicitus considerando. Tum quia scrupulum habere, est habere argumentum aliquod apparens contra id quod credit, vel opinatur, vt tradit Ioan. Gerson. Cancel. Parisiensis in tit. de reg. moral. qui est primus secundæ partis operum eius col. 2. & Adria. in quotib. 2. fol. 28. pag. 2. quos referimus, & sequimur in cap. si quis autem. nu. 13. de pœnit. dist. 7. & Ioan. Maior lib. 3. sent. dist. 25. q. 4. col. 3. vbi pulchre declarans illud cap. 1. de hæreticis, *Dubius in fide, infidelis est*, ait non dici dubium in fide, qui habet scrupulum, hoc est aliquod motuum contra fidem, modo credat eam; sed qui deliberata mente ita dubitat, vt nullam partem credat. Quæ etiam satis sentit Caietan. in summa verb. scrupulorum. Et quamuis quidam à præfato D. Doctore citati videantur asserere, non posse quem scrupulum & conscientiam erroneam deponere proprio iudicio, sed tantum alieno, & sui superioris: contrarium tamen est verius, per multa, quæ adduci possunt, & Syluest. qui melius illis id pensauit vbi supra dicit in hæc verba: *Immo dico quod hoc potest facere tuta conscientia ex consilio proprio, quando habet probabilem rationem, quod sic possit facere, maxime si sit doctus.* hæc ille: qualis est præfatus Reuerendissimus. Ad prædicta facit gloss. recep. in cap. venerabilem. in verb. postulauit. de elect. quatenus probat, postulantem absolutionem ab excommunicatione ad cautelam, non se fateri excommunicationem, quia bonarum mentium est culpam timere, &c. & ita præfatus Reuerendissimus petens ad maiorem cautelam consilia, quæ petijt, nullatenus est censendus peccator, sed (vt ait gloss.) bonæ mentis, quæ culpam timet, vbi culpa non est.
- 4 hæreticis, *Dubius in fide, infidelis est*, ait non dici dubium in fide, qui habet scrupulum, hoc est aliquod motuum contra fidem, modo credat eam; sed qui deliberata mente ita dubitat, vt nullam partem credat. Quæ etiam satis sentit Caietan. in summa verb. scrupulorum. Et quamuis quidam à præfato D. Doctore citati videantur asserere, non posse quem scrupulum & conscientiam erroneam deponere proprio iudicio, sed tantum alieno, & sui superioris: contrarium tamen est verius, per multa, quæ adduci possunt, & Syluest. qui melius illis id pensauit vbi supra dicit in hæc verba: *Immo dico quod hoc potest facere tuta conscientia ex consilio proprio, quando habet probabilem rationem, quod sic possit facere, maxime si sit doctus.* hæc ille: qualis est præfatus Reuerendissimus. Ad prædicta facit gloss. recep. in cap. venerabilem. in verb. postulauit. de elect. quatenus probat, postulantem absolutionem ab excommunicatione ad cautelam, non se fateri excommunicationem, quia bonarum mentium est culpam timere, &c. & ita præfatus Reuerendissimus petens ad maiorem cautelam consilia, quæ petijt, nullatenus est censendus peccator, sed (vt ait gloss.) bonæ mentis, quæ culpam timet, vbi culpa non est.
- 5 præfatus Reuerendissimus. Ad prædicta facit gloss. recep. in cap. venerabilem. in verb. postulauit. de elect. quatenus probat, postulantem absolutionem ab excommunicatione ad cautelam, non se fateri excommunicationem, quia bonarum mentium est culpam timere, &c. & ita præfatus Reuerendissimus petens ad maiorem cautelam consilia, quæ petijt, nullatenus est censendus peccator, sed (vt ait gloss.) bonæ mentis, quæ culpam timet, vbi culpa non est.

Quinto,

Quinto, quod nihil proficiunt aduersæ parti ea quæ adducit contra Reuerendissimum de naturali obligatione, quæ in foro conscientiæ seruanda est, etiam si in foro exteriori non seruaretur, super quo tam D. Episcopus, quam præfatus D. Doctor multa congerunt parum necessaria, quæ paucis poterant resolui. Concedimus enim aduersæ parti, obligationem naturalem, quæ ex pacto & conuentione licitis, etiam nudis nascitur, esse seruandam in foro conscientiæ, etiam si in foro exteriori Cæsareo nõ seruaretur, vt tradit Bart. communiter recep. in extrauag. ad reprimendam. verb. denunciationem. & traditur in cap. 1. & 2. de pactis, & alibi sæpe. At negamus ortam esse vllam obligationem naturalem contra præfatum Reuerendissimum ex venditione facta inter præfatos Petrũ Camillum, & fratres de Baratis. Tum quia in illa non interuenit Episcopus, nec procurator vllus eius, nec alia persona, quæ ipsum obligare potuisset, vt emptorem, vel vt venditorem: & res inter alios acta alijs non præiudicat, l. 1. & 2. C. res inter alios acta. & l. stipulatio ista. §. alteri. ff. de verb. oblig. cum ei adnot. Tum quia nulla obligatio naturalis fuit orta ex illa venditione, etiam contra præfatum P. Camillum pro præfatis fratribus; quia nullum pactum, nec vlla conuentio illicita producit vllam obligationem naturalem, l. iuris gentium. §. pacta. ff. de pactis, l. generaliter. ff. de verb. oblig. cap. in malis. 22. q. 4. & cap. in malis. de reg. iuris lib. 6. At præfata venditio fuit illicita; quia fuit facta ab hærede contra iustum præceptum testatoris, vt palam est: quia certum est, præceptum testatoris factum hæredi, ne alienet aliquam rem iusta de causa valere, l. filiusfamil. §. diui. il 2. ff. de legat. 1. cum multis ibi per multos commentatores traditis. Certum itẽ, quod iusta dispositio testatoris habet vim legis iustæ, auth. de nuptijs. §. disponat testator, & erit lex. col. 4. & cap. vltima voluntas testatoris modis omnibus seruari debet. 13. q. 2. Certum item, quod hæres illicite omittit seruire iusta præcepta testatoris, & compelli potest ad illa seruanda, cap. si hæredes. & cap. Ioannes. de testamentis. etiam per censuras ecclesiasticas, vt adnotat Couatr. in d. cap. si hæredes; quod licet in specie non probet illius contextus, nec allegati per eum, probat tamen cap. licet. de voto. vbi potest hæres excommunicari, nisi seruet iustum præceptum testatoris: & constat apud omnes, non posse quem excommunicari maiori excommunicatione, nisi ob peccatum mortiferum, cap. nemo. & cap. nullus. 11. q. 3. Tum quia non prodest aduersæ parti, dicere quod præfatus P. Camillus licite poterat vendere præfata domum sub conditione, si Senatus dispensaret; & quod ipse promisit in contractu obtinere dispensationem. Tum quia venditio fuit pura, & promissio de obtinenda dispensatione non fuit posita per conditionem, sed per modum & onus iniunctum ipsi P. Camillo, vt eam suis impensis impetraret: & modus, & onus iniunctum per viam modi, non faciunt dispositionem conditionalem, vt probatur in cap. verum. & cap. fin. cum eis adnot. de condi. apposi. & l. 1. C. de donatio. quæ sub modo. & tradit Bar. in rubr. & l. quibus diebus. ff. de condit. & demonst. & alibi sæpe. Tum quia si venditio fuit conditionalis, nullam obligationem produxit ante adimpletam conditionem. §. omnis. insti. de verb.

verb. oblig. cap. si pro te. de rescript. lib. 6. Et cum conditio nunquā fuerit completa; quia, ut prædictum est, nūquam præfatus Senatus dispensauit, ut ille contractus valeret, vel fieret, immo totum contrarium decreuit: ergo illa venditio nullam produxit obligationem, si fuit licite conditionaliter facta: & cum absolute facta sit illicita, nullatenus ullam obligationem naturalem produxit, etiam inter partes; quāto minus in Episcopū, qui nullatenus in ea interuenit?

8 Sexto, quia nihil prodest aduersæ parti, dicere, quod alienatio præfata, etiam si simpliciter esset inualida, valuit tamen in præiudicium P. Camilli alienantis; ita quod remansit obligatus naturaliter præfatis fratribus ad interesse, iuxta Bald. in cap. imperialem. de prohib. feudi alien. per Fred. & Dec. in consi. 185. nu. 6. quamuis aptius potuit allegari cōtextus ipsiusmetcap. imperialem. Sed, ut dixi, nihil prodest. Tum quia ex hoc nō inferitur, Episcopum, qui nō alienauit, obligari ex illo contractu naturaliter illis, vel P. Camillo; cum nullatenus per se, nec per alium, qui potuit illum obligare, interfuerit illi, ut prædictum est in quinto argumento. Tum quia per hoc non excusatur à peccato mortifero præfatus P. Camillus, qui contrahent scienter præcepto iusto testatoris, iurique canonico, & Cæsareo, quibus prohibetur alienatio rei prohibite alienari iusto præcepto testatoris. Tum quia falsum est P. Camillum præfatis fratribus teneri ad interesse: quia tunc vendens scienter male tenetur de euictione, & ad interesse, quando emptor emit bona fide, non autem quando emit mala, sciens rem esse alienam, vel sciens venditorem non posse illam iuste vendere, ut est casus in l. si fundum. & l. emptor. adiuncta gloss. C. de euictio. & l. si fundo. cum alijs multis. ff. eod. immo id probat etiam præfatum cap. imperialem. ibi, *bonæ fidei emptor*. ex quo gloss. expresse id colligit. Tum quia qui vendit scienter liberum hominem pro seruo, & rem sacram, vel locum religiosum pro profano ignoranti emptori, peccat quidem mortaliter, licet teneat emptio in præiudicium vendentis, ad hoc, ut emptor bonæ fidei, sed non malæ fidei agere possit ex empto aduersus venditorem, l. & liberi hominis. & l. liberi hominis. cum eis adnot. ff. de contrah. emptio. Et ita præfatus P. Camillus peccauit mortifere alienando rem iuste prohibitam alienari, & nō valuit alienatio, nec fuit obligatus ad tuendam alienationem iniustam, & iniquam: sed ex maleficio tenebatur ad interesse præfatis fratribus, si emissent bona fide, ignorantes maleficio eius, & putantes domum illam esse liberam à præfata prohibitione alienationis: sed quia nouerunt contrarium, ut patet ex eo, quod cauerunt sibi, ut dispensatio impetraretur sumptibus P. Camilli; non obligauit eum, etiam ad hoc, ut ipsi possent agere ad interesse.

9 Septimo, quod nihil etiam prodest aduersæ parti, dicere, quod præfatus Reuerendissimus sciuit alienationem præfatam à P. Camillo fratribus de Baratis factam, antequam petiisset domum præfatam sibi vendi; eo quod, qui emit aliquam rem iam venditam alteri, sciens illam esse venditam, debet postponi priori emptori, etiam si prius fuisset sibi tradita, in quod allegat gloss. Alber. Salic. & Iasonem in l. quoties. la. 1. C.

de fideicom. quæ nihil ad hoc faciunt: sed eis querendis multum temporis vane impendi, legens multa scripta in l. filiusfam. §. diui. il. 2. ff. de leg. 1. quæ tractant materiam præfatæ l. quotiens. putans plurimum id importare: nõ enim credebam allegari l. quotiens. C. de rei vendi. quæ est propria sedes illius conclusionis, & incogitanter ad hoc allegaretur d. l. quoties. C. de fideicommissis. Non ergo inquam prodest illud aduersæ parti. Tum quia illa gloss. id non dicit, vt etiam Alex. & Iason ibi significarunt, & probatur: quia si diceret illud, maxime diceret per illa verba, *Bonam fidem*. At illa verba referuntur ad venditorem, & non ad emptorem, vt colligitur ex gl. in textum relata. Tum quia licet id diceret, & esset verum, per ea quibus Iason ibi, non in limitatione 2. vbi allegatur, sed in limitat. 9. num. 26. confirmat: tamen nihil facit ad propositum: quia loquitur de emptore secundo rei, qui sciebat venditorem prius vendidisse illam alteri venditione valida, & legitima, vt palam colligitur ex illa l. quotiens, & ex mente omnium in eâ comminiscientium. In proposito autem loquimur de secundo emptore, qui sciebat primam quidem emptionem factam, sed inualide, iniuste, & inique, adeo quod etiam in contractu fuit expressum necessariam esse ad eius valorem Senatus Regij dispensationem. Tum quia regula lib. 6. est, *Non præstat impedimentum, quod iure non sortitur effectum*. quæ plurimis exornari potest, præsertim illis multis quæ congerit Fel. in cap. ex renore. nu. 2. de rescrip. probando quod de rescripto, priuilegio, collatione, lite, compromisso, & alijs, quæ ipso iure sunt nulla, nihil est curandum, nec vlla est facienda mentio.

- 80 Octauo, non etiam prodest aduersæ parti, dicere, quod venditio præfati P. Camilli fuit iurata: & quod iuramentum, quod potest seruari sine interitu salutis æternæ, est seruandum, cap. verum. & cap. si vero. cum alijs, de iureiur. & alia, quæ parum apte citantur ad probandum quod ex illo contractu nata est obligatio naturalis contra Episcopum, qui eam tenetur seruare in foro conscientie. Non inquam id prodest. Tum quia D. Episcopus nec per se, nec per alium iurauit illam venditionem, & consequenter non fuit ex eo nata vlla obligatio contra illum. Tum quia non omne iuramentum est seruandum, sed tantum licitum, & iustum, cap. si aliquid. & cap. iurauit. cap. in malis. 22. q. 4. & tradit S. Thomas recept. 2. 2. q. 89. ar. 7. vbi dicit nullum iuramentum contra iustitiam factum, esse seruandum: pro quo casus in cap. animaduertendum. 22. q. 2. vna enim comitum requisitarum ad hoc vt iuramentum sit licitum, est vt contineat iustitiam, & quod promissum est possit licite sine peccato seruari, cap. quamuis pactum. de pactis lib. 6. quatenus probat non esse seruandum iuramentum, si absque dispendio salutis æternæ, idest sine peccato etiam veniali, vel sine impedimento maioris boni non potest seruari, vt ait præfatus S. Thomas vbi supra receptus ab omnibus. Quæ omnia tradimus nos in Manua. confess. cap. 12. num. 25. Iuramentum enim non potest esse vinculum iniquitatis, idest, non potest obligare aliquem ad vllam iniustitiam, & iniquitatem, cap. inter cetera. 22. q. 4. & cap. quanto. de iureiur. Cum ergo iniustum, & iniquum sit vendere rem alienam, vel suam, quam habet cum obligatione iuste

iuste sibi posita nō alienandi, vt prædictū est; præfatus P. Camillus nō solū non tenetur seruare iuramentum, sed tenetur pœnitere, quod illicite iurauit, & desistere à tuendo peccato, quod fecit: & certe, mea sententia, grauius peccaret, qui cōsuleret illi, vt placeret sibi alienatio illa, & pergeret in illius defensione; perinde ac qui consuleret alicui, vt placeret illi fornicatio commissa, & in illius complacentia perseueraret. Et cauēant sibi, qui per canones parum pensatos, & leges non bene digestas, & applicatas, contrarium illi consulunt. Tum quia si iuramentum esset licitum, non solum produxisset naturalem obligationem quo ad forum conscientie, sed etiam ciuilem quo ad forum exterius secundum omnes; & consequenter dicendum esset male iudicasse Senatum Regium, cuius tamen contrarium ipsamet aduersa pars asserit.

Nono, quod illa, quæ ab aduersa parte geminantur & reiterantur de naturali obligatione, qualis nulla nata fuit contra Episcopum de iuramēto, quod fuit illicitum, & nullatenus seruandum, & ad probandum præfatam venditionem absque licētia & dispensatione regia valere, adeo sunt lenia, vt non sit opus eis respondere: & adeo pro eiusmodi habuit ea Senatus Regius, cuius decretum aduersa pars laudat, vt noluerit dare licentiam vendendi etiam Episcopo, etiam pro ecclesia, & in piam causam, nisi multis, & granibus adiectis modis, & oneribus, vt ex eius decreto maturitate magna edito constat. Et certe iure quis miretur aduersam partem ita sibi contradicere, vt neget ab vna parte posse Regem sine magna compensatione disponere de re, & dispositione sui subditi quo ad forum conscientie; & ab altera asserat, quod venditio facta cōtra dispositionem iustam testatoris, quam Rex nō potest sine iusta causa mutare, producat naturalem obligationem, etiam facta sine vlla Regis & superioris auctoritate, quo ad idem forum conscientie.

Decimo, & postremo, quod nihil prodest aduersæ parti id, quod ait, Episcopum peccare cooperando peccato P. Camilli, quod admittit impediendo, ne adimpleat naturalem obligationem eum in foro conscientie ligantem ad tradendam præfatam domum præfatis fratribus. Tum quia, vt supra probatum est, P. Camillus nullam obligationem contraxit per illam iniustam & nullam venditionem ad tradendam rem venditam. Tum quia præfati fratres, eo quod fuerunt cōscij præfatæ prohibitionis alienandi, non possunt petere iuste à P. Camillo rem ipsam, nec interesse, vt supra probatum est. Tum quia, etiam si præfati fratres bona fide emissent, non possent rem emptam petere, sed tantum agere ad interesse, ad quod nulla ratione dici potest obligatus Episcopus, & vt dictum est supra de vendente scienter liberum hominem, vel rem sacram id ignorantibus: quia emptor etiam bonæ fidei non potest petere liberum hominem, vel rem sacram, sed tantum repetere pretium, quod dedit, vel interesse, quod ob id sibi debetur non tantum ex contractu, quātum ex maleficio in eo facto, vendendo scienter rem, quæ non erat vendibilis, illud ignorantibus. Salua in omnibus quæ iustior fuerit sententia.

1. *Vsura non est cassare censum annuum vitalitium, soluto aliquo pretio etiam nō iustus.*
2. *Contractus omnis non gratuitus est iniustus, si non seruetur pretij aequalitas.*
2. *Pensio seu annua præstatio per quintuplicem cessari solet.*
3. *Census annuus centum pro mille in vita accipientis valet.*
4. *Cassatio census vitalitij, recepta certa pecunia, reducitur ad venditionem.*

CONSILIUM X.

PETRVS, cui debebatur præstatio annua septuagintaduorum ducatorum quoad viueret, tantum accepit à Ioanne ducenta scuta pro præfatæ præstationis annuæ cessione.

Quæritur primo, an contractus sit usurarius.

Secundo, an sit iustus.

Tertio, quo nomine sit censendus.

1. **AD PRIMAM QVÆSTIONEM** respondetur, quod non est usurarius; ea firma ratione, quam nos in Comment. de usuris super cap. si fœneraueris. 14. q. 3. num. 4. ponimus, scilicet quod solus ille contractus, qui formaliter vel æquipollenter est mutuum, potest esse usurarius; & prædictus non est formaliter nec æquipollenter mutuum; non quidem formaliter, ut palam est; neque æquipollenter siue virtualiter, quoniam Ioannes non potest cōdicere siue repetere 100. quæ dedit, neque Petrus potest repetere, vel condicere prædictam præstationem: & ad hoc ut quis fiat usurarius, oportet, ut tradens pecuniam accipiat formaliter vel virtualiter aliquid ultra sortem vi mutui, ut dicimus vbi supra nu. 6. & quod cedens obliget se formaliter vel virtualiter ad dandum aliquid ultra sortem.
2. **AD SECUNDAM** videtur dicendū, quod prædictus contractus est iniustus; quia non est gratuitus, ut palam est; & contractus non gratuitus, siue sit nominatus, siue innominatus, in quo non seruetur æqualitas pretij dati & accepti, est iniustus, ut definit Scotus in 4. lib. sent. dist. 15. q. 2. relat. à nobis in Manu. confess. cap. 23. nu. 78. quod ipsum & S. Thomam sensisse ibidem dicimus: & pretium 200. ducatorum, quod dedit Ioannes, & pretium annuæ præstationis 72. ducatorum ad vitam Petri nō sunt æqualia; immo pretium præstationis videtur excedere pretium ducentorū scutorum ultra dimidium iusti pretij. Tum per l. hereditatum. ff. ad l. Falcid. quæ probat præstationem annuam quoad vitam eius, cui præstanda est, valere ad minus quintuplum eius quod est quotannis præstandum. Tum quia pensiones annuæ concessæ ad vitam pensionarij redimuntur communiter per solutionem quintupli auctoritate Pape; immo multi ditiores, & qui non premuntur egestate, vel ægitudine aliqua, nolunt extinguere ob quintuplum. Tū quia nos satis probamus in d. comment. de usuris nu. 128. quod iuste possunt accipi cētum quotannis pro mille, cum ea conditione, ut cessante vita accipientis cesset obligatio reddendi ea.

AD

- AD TERTIAM respondetur, quod non potest vocari contractus donationis gratuitz: quia ab vna parte accipitur pretium in pecunia numerata, & ab altera præstatio annua, quæ merx quædam est: nec potest appellari mutuum, vt dictum est in responsione ad primam; neque permutatio, nec locatio, vel conductio, vt palam est: sed potest appellari emptio & venditio; quia ab vna parte datur pretium, & ab altera merx: potest etiam appellari contractus innominatus, do vt facias, iuxta l. naturalis. ff. de præscrip. verb. quia Ioannes dedit, & Petrus facit cedens, quia cessit præfatam præstationem. Salua, &c.

SUMMARIVM.

1. Contractus censiticos sine alia superioris licentia omnes inire possunt.
2. Censuum pretium saltem redimibilis non est iure communi taxatum, expedit tamen taxari; sed an à cognoscente superiorem possit, non est certum.

CONSILIVM XI.

IN CIVITATE & diœcesi Cremonensi, & in tota prouincia Mediolanensi censuum contractus hætenus numquam celebrati fuerunt, sed emphyteutici, seu liuellarij in vsu fuerunt, ex quibus fructus ad rationem quinque pro centenario percipiebantur. Verum quia à nonnullis annis nulli contractus huiusmodi super bonis ecclesiæ conceduntur, pauci admodum super bonis laicalibus pecunias hoc modo implicare volunt, eo quod aliunde maius lucrum iuste percipiant. Propterea conqueruntur ciues & incolæ pecunijs egêtes, quod necessitatibus suis providere nō possunt; & ideo ciuitas instanter petit ab Episcopo, vt velit permittere introduci vsum censuum iuxta formā datam in Bulla Pij V. & taxare fructū, qui iuste & tuta conscientia ab huiusmodi contractibus censualibus percipi possit. Dubitat tamen Episcopus Cremonensis de duobus.

Primo, an prædictæ petitioni annuere debeat ex prædicta Bulla Pij V. quæ potius videtur tollendo abusus nouam formam censibus in locis, vbi celebrantur, dare, quam concedere, vt vbique locorum etiam seruata forma ibi tradita indistincte introducantur.

Secundo, an ipse vna cum decurionibus possit præfigere, & taxare fructum census, puta ad rationē 7. pro 100. habito respectu ad alia lucra, quæ communiter in dicta ciuitate & diœcesi diuersis modis fiunt, & electa media & moderata summa, non autem rigorosa, nec pia, seu inferiori.

1. AD PRIMVM DVBIVM respondeo primo, quod ciuitas Cremonæ, & suum territorium non indiget licentia noua Papæ, nec sui Episcopi, nec alius superioris ecclesiastici, vel sæcularis ad faciendum contractus censiticos; quia iure communi naturali, diuino, & humano est id eis permissum, vt copiose nos post alios tradimus in Manua. cap. 7. nu. 234. aut certe tangimus copiosius tradita in cap. si fœneraueris. 14. q. 8. vbi late comminiscimur in extrauag. prædicti Pij V. Secundo, quod Reuerendissimus Episcopus sine vlllo scrupulo potest facere suis subditis fa-

cultatem exercendi prædictos contractus. Tum quia id non est dare facultatem nouam, sed declarare iure communi esse sibi datam. Tum quia, licet frustra impetretur, quod iure communi conceditur, l. 1. ff. ad municip. & cap. 2. cum gloss. de rescript. poterit tamen prodesse ad tollendos scrupulos aliquorum trepidantium timore, vbi non est timor; quod bonarum essentium dicit Aug. in cap. ad eius. in fin. dist. 5.

2. AD SECVNDVM dubium respondeo primo, quod iure communi non est taxatum pretium dandum pro annuo censu, saltem redimibile: & ideo in diuersis prouincijs diuersum statuitur, aut vsitatur, vt latius diximus in comment. prædicto cap. si fœneraueris. Secundo, quod arbitror cōuenire reipub. vt taxetur pretium soluendum pro annuo censu redimibili, circumspēctis illis, quæ circumspicienda in dubio proponuntur; quamuis dubitari posset, an ciuitas recognoscens superiorem possit illud statuere, an requiratur auctoritas suprema, quæ non recognoscat superiorē: & in regnis Hispaniæ non est statutum illud à ciuitatibus, & Episcopis, sed à Regibus secularibus, vt in Castella, vel à tribus statibus, & ipso Rege, seu à Rege de consensu trium statuum, vt in Nauarra. Salua, &c.

S V M M A R I V M.

1. Censui perpetui irredimibiles constitui possunt sine circumstantijs à Pio V. requisitis. num. 3.
2. Lex non est generaliter intelligenda, si per specialem, vel aliquam rationem firmam limitatur.
3. Intellectus extrauagan. Pij V. annullantis pacta tollentia facultatem redimendi censum.

CONSILIVM XII.

STANTE extrauagante Pij V. lata super constitutione censuum, an possit constitui census perpetuus sine circumstantijs dictæ extrauagantis?

1. Respōdendū videtur primo posse; quia dicta extrauagāns nihil meminit de censu perpetuo: & cum sit lex exorbitans à iure communi antiquo, utique non debet extendi, reg. quæ à iure. de reg. iuris lib. 6. Secundo, quia ratio condendi præfatam extrauagantem fuit mens & voluntas tollendi contractus vsurarios, qui fiebant sub specie pactorum de retrouendendo, & emēdo pretio minore iusto propter gratiam & facultatem, quam emētes faciebant vendētibus de redimendo, quando vellent, vel vsque ad certum tempus eodem pretio. quæ ratio & mens cessat in censu perpetuo irredimibili, vt palam est.
2. Non obstat, quod lex generaliter loquens, generaliter est intelligenda, l. de pretio. ff. de publi. in rem acti. cap. solitæ. de maior. & obed. & præfata extrauagans loquitur generaliter de censu, non distinguendo de perpetuo & irredimibili, ac de temporali redimibili: quia obiectio non procedit, quoties lex generalis per legem specialem restringitur, l. in toto. ff. de reg. iuris

reg. iuris

reg. iuris, eodem tit. lib. 6. etiā si specialis præcedat generalē, l. nam & posteriores. ff. de legibus. cuius exemplum est in authen. offeratur. C. de litis contest. & in l. sciendum. ff. qui satisd. cog. At in casu proposito speciali lege statutum est, valere cōstitutionem census perpetui sine facultate redimēdi, cap. Eleutherius. 28. q. 2. cap. præterea. de iure patronatus. Nec etiam procedit dicta regula, quando est aliqua ratio firma illam restringens, etiā sine lege speciali, gloss. recep. in d. l. de pretio. ff. de publi. in rē act. At in casu proposito est maxima ratio restringendi, videlicet, quia in censu perpetuo cessat mens & intentio legislatoris, vt supra dictum est. Non etiam obstat præfata extrauagans, quatenus annullat pacta, quibus directe, vel indirecte tollitur facultas redimendi, & aufert præscriptionem centenariam, & immemorabilem: quia loquitur solum de pactis adiectis censui temporali, & redimibili, & de præscriptione, quæ allegari posset contra huiusmodi facultatem; non autem de pactis de non retrouendendo, nec redimendo adiectis contractibus perpetuis sine facultate redimendi: ita quod in contractu census cum facultate redimendi non potest apponi pactum, vt illa facultas tollatur per lapsum alicuius temporis, puta per non solutionem pensionis intra certum tempus, vel aliquod aliud simile, ad tollendam facultatem redimendi in aliquo casu: & ita præsupponit agere de contractu, in quo apposita est eiusmodi facultas: quia priuatio præsupponit habitum, l. decem. ff. de verborum oblig. cap. ad dissoluendum. de despons. impube. & quia absurdum est dicere, quod non valeat pactum de nō redimendo censum perpetuum constitutum à testatore, vel donatore pro Missis perpetuo celebrandis in aliqua ecclesia, & quod faciet censum redimibilem, qui sine illo pacto erat irredimibilis: absurdum enim est dicere quod pactum huiusmodi non solum sit nullum, sed quod operetur contrarium eius, ad quod ponitur, & quod de censu alioqui perpetuo & irredimibili faciat temporalem, & redimibilem, cum tamen sit appositum ad maiorem declarationem perpetuitatis, & irredimibilitatis, contra l. non omnis. ff. si certum petatur. & cap. si. de verborum sig. Denique d. extrauagans nulla sui parte vetat principaliter emi, & vendi census perpetuos, neque pacta de non redimendo huiusmodi emptionibus apponi; sed veluti incidenter & per adiectionem statuit, vt pacta, quæ tollunt facultatem redimendi, non valeant; præsupponendo clare, se statuere de emptionibus censuum factis cum facultate redimendi.

S V M M A R I V M.

- 1 Censuum annuus post extrauagantem Pij V. non potest attentata illius mente emi, nisi totum pretium numeretur & solvatur tempore contractus; de iure autem communi pro illo potest volente venditore alia res solui, vel etiam debitum antecedens cōpensari. num. 2.
- 2 Emptio annui census & cuiuslibet alterius rei non potest contrahi, nisi certo pretio consistente in pecunia merata; pro eo tamen potest, volente venditore, alia res solui.

AN CONSTITVTIO census ob pecuniam longe antea à venditore debitam, quæ non fuit soluta in pecunia numerata tempore constitutionis, sit valida?

1 Respondeo primo, quod non videtur valida, si est facta post extrauag. fel. rec. Pij V. quæ incipit, Cum onus: quæ videtur requirere, vt solutio totius pretij census constituendi solvatur in pecunia numerata ipso tempore, quo constituitur: quamuis disputando forte teneri posset non probari hoc efficaciter ibi, vt in cōment. de vsur. super cap. 1. 14. q. 3. nu. 88. insinuauimus; ponderando, quod non dicit, *pecunia numerata soluta*; sed solum, *pecunia numerata*; & qd dicit nō posse totū pretium solui antea, significando quod pars pretij potest solui. sed quia quidquid verba sonent, videtur mēs auctoris fuisse, vt totum pretium in pecunia numerata solvatur tempore constitutionis, puto esse verum quod dixi.

2 Secundo respondeo, quod constitutio census ante prædictam extrauagantem facta valet, si pretium fuit constitutum in pecunia numerata; licet solutio facta fuisset in alia pecunia, vel re, quæ non esset numerata pecunia. Tum quia extrauagans illa quo ad hoc ius nouum inducit, & ita non se extendit ad præterita, cap. 2. & cap. fin. de constitut. Tum quia videtur quo ad hoc valde rigorosa, & quadamtenus contraueniens æquitati, quæ apud omnes videtur dictare, pinguiorem esse solutionem, vno, duobus, vel tribus annis anticipatam, qua fructus est venditor census sine vllō censu & interesse, quam eiusmodi quātitatis solutionē tempore constitutionis, qua nescitur an & quomodo sit fruiturus. Tum quia innumeri contractus venditionis censuum fuerunt facti ante prædictam constitutionem tam in his partibus, quam alibi, in quibus seruatum est quidem, vt pretium constitueretur in pecunia numerata: quia id erat de substantia & essentia emptionis, non tamen quod solueretur in ea, & in tempore & articulo constitutionis, quod est de forma accidentali: & ita oporteret illos indicare vsurarios, quod esset longe alienissimum, & absurdissimum à ratione prædicta contractus emptionis. Tum quia ex neutra extrauaganti Martini V. & Calixti III. colligitur, quod sit necessarium quod solutio fiat in pecunia numerata, licet prima magis id insinuare videatur; vnde nec Illustriss. Toletanus in summa Conciliorum posuit eam inter sex conditiones, quas ex eis colligit, neque ego inter octo quas ante ipsum collegeram, dum Salmantica extrauagantes illas prælegerem, & postea in cap. 1. notab. 22. 14. quæst. 3. quamuis ambo collegerimus, quod pretium debet constitui in numerata pecunia, & quod totum debet solui, id est esse solutum, à tempore constitutionis; sed aliud est, quod pretium totum debeat constitui in pecunia numerata, & quod totum debeat solui: & aliud est, quod totum debeat constitui, & solui in pecunia numerata. Tum quia extrauagantes prædictæ, quatenus loquuntur de pecunia numerata, videntur id facere ad significandum, quod is contractus debet iustificari ex natura contractus emptionis; qualis non potest esse, nisi pretium constituatur in numerata

numerata pecunia, vt est tex. irrefragabilis in §. item pretium. Inst. de empt. Potest autem solui in alia re, quam in numerata pecunia, quod quotidie fit iure quidem per l. pretij. C. de rescinden. vendit. cuius summaria tam Saliceti, quam Baldi, habent in effectu, quod contractus emptionis non irritatur, nec desinit esse talis, eo quod solutio fiat in pecoribus, vel alia re, quam numerata pecunia: & glossa ipsius respondens ad dictum §. item pretium. Inst. de empt. sic ait, *potest autem solui in alia re, quā in numerata pecunia.* quod quotidie fit, & iure quidem, per dictam l. pretij. in hoc clarissimam, quæ habet pretium debere constitui in numerata pecunia quo ad conventionem, sed non quo ad solutionem, quæ volenti venditori potest fieri in alia re: quod ipsum paulo latius dicunt ibi Baldus, & Salicetus, & Angelus in d. §. item pretium. vbi Iason in addit. ad Portium id admonuit, & totus orbis hoc seruat; quod non satis aduerterunt quidam doctiss. Theologi, qui nullam differentiam constituerunt inter conventionem de pretio, & solutionem eius; cum tamen de essentia, & substantia, & forma emptionis sit, vt pretium constituatur in numerata pecunia, de accidentali vero, & voluntaria, vt solutio fiat in illa, vel alia re, quæ creditori placuerit. Tum denique, quod præfatæ extraneæ Pontificum non damnant emptiones censuum aliter, quam ibi dicitur vt fiant, initas, sed solum approbant illas, de quibus fuerunt prædicti Papæ consulti, vt palam est: ideo videntur reliquisse alias, quæ secundum naturam iustæ emptionis erant licitæ, in suo bono statu. At emptio census constituto pretio in pecunia numerata, soluto etiam ante in alijs rebus æstimatis illa quantitate, est iusta, immo iustior eo respectu, quo venditor maiore tempore fruitur pretio; ergo, &c. Ob quæ arbitror hanc partem esse veriore. Salua quæ iustior fuerit sententia.

S V M M A R I U M

- 1 *Vendens rem certo pretio conuertendo in annuos census, si relinquat illud penes emptorem obligantem se pro rata retenti pretij dictum censum soluere, committit usuram, nisi aliunde excusetur.*
- 2 *Emptor rei emptæ fructus percipiens etiam antequam pretium persoluat, non tenetur ad usuras pretij non soluti de iure canonico; post moram autē tenetur ratione fructuum perceptorum.*

CONSILIUM XIII.

QUIDAM vendidit domū alteri, pacto interposito, vt de pretio emeretur annuus census ad rationem decem, vel nouem pro centenario, soluta pretii parte: reliquam partem emptor retinuit, promittēs venditori se pro retento pretio soluturum præfatam census rationem. venditori id placuit. Quæritur quid iuris.

- 1 Respondeo primo, qd casus propositus duos contractus continet, quorū prior est emptionis, & posterior promissio emptoris de soluendo censum pro parte pretij, quod debeat ad rationem decem, vel nouem pro centum. De posteriore autē, an sit usurarius, videtur esse magnæ quæstionis. Pro parte

parte namque negante facit l. curabit. C. de actionibus empti. quatenus secundum Bal. & Salic. habet, quod emptor qui percepit fructus rei emptæ tenetur ad vsuras pretij non soluti. Secundo, quod accipere vsuram, seu aliquid ultra sortem pro interesse, etiam lucri cessantis, licitum est, iuxta gloss. recept. in cap. conquestus. de vsur. & in casu proposito videntur capi illa nouem, vel decem annua pro interesse lucri cessantis.

Pro parte vero affirmante facit primo, quod de æquipollentibus idē est iudicium, l. fin. ff. mand. & quod æquipollere videntur hæc duo, emere prædium centum, & solutis decem, retinere nonaginta, soluendo nouem annua, donec illa nonaginta soluat; & accipere ab alio mutuo nonaginta, & soluere nouem annua, donec illa nonaginta reddat. At palam est hoc posterius esse vsurarium, ergo & prius est tale. Secundo, quod accipere aliquid pro dilatione solutionis, est vsurarium, vt probat prædictum cap. cōsuluit, & nos post alios tradimus latius in comment. de vsur. cap. si fœneraueris. 14. quæst. 3. à nu. 3. in 26. & in casu proposito venditor accipit aliquid ultra sortem principalem ab emptore, eo quod dat ei dilationem constituendi censum annuum pro parte pretij non soluti: ergo vsuram admittit.

2. Non obstant opposita: non primum: quia illa l. curabit. vel non est seruanda iure canonico, vel est intelligenda de interesse fructuum, quos percipit emptor post moram nondum soluto pretio. Ad secundum respondetur concedendo, quod licet accipere aliquid ultra sortem pro interesse etiam lucri cessantis; negando tamen, quod in casu proposito dicatur capi pro illo: nulla enim fit mentio de domo emptæ, an esset frugifera, an esset locabilis, nec quanti posset locari, neque an inueniretur census emendus, nec alia quæ requiruntur ad capiendum interesse lucri cessantis; at tamen promittitur certum lucrum annuum. Quare mea sententia is contractus posterior, prout proponitur, vsurarius est. Salua saniori sententia.

S V M M A R I V M.

1. Mercator qui plura exercuit mercimonia, quæ vix sine fraude exerceri possunt, reputet apud se, vt potest, omnia, & verisimilem quantitatem damni restituat, & primo certa certis, deinde incerta pauperibus.
2. Mutuans frumentum sibi restituendum post messem, modo non obliget mutuatarium ad reddendum melius, non peccat, licet speret quod ei reddatur nouum melius, & magis aptum vt conseruetur.
3. Societas contracta ad lucrum & damnum, cum pacto quod liceret ponenti operam loco fructuum seu lucri soluere certum interesse, licita est; modo ponens pecunias ita illas posuerit, vt starent eius periculo.
4. Gabellam fraudantes, & sub nomine suo permittentes fraudari, an obligentur restituere remissiue.
5. Censui ante Pium V. partim pecunia, partim alijs bonis certo pretio æstimatis emebantur.

- 6 *Pœna restituenda sortis in casu moræ soluendi censum ante bullam Pij V. apponi, & peti poterat.*
- 7 *Emens rem tamquam suppositam alicui censui, de quo tamen an iure subsistat dubitatur, non potest propria auctoritate spoliare existentem in possessione exigendi; potest tamē velle, ut de illius iustitia agatur, nisi vendens in venditione rem dicto oneri supposuisset.*
- 8 *Pretium census redimibilis incertum, irredimibilis vero videntur esse viginti pro uno.*
- 9 *Societate finita, ob moram soluendi sortem nihil capiendum, nisi damnum quod ei inde provenit.*
- 10 *Societas officiorum cum renocatur, possunt fructus decursi conueri in sortē, & augeri societas.*
- 11 *Societas super officio non potest iniuri ultra valorem officij: & capere fructus ex re quæ non parit, est contra ius naturæ; nec tolerantia Papæ, quæ est solum permissiua, & non approbatiua, excusat.*
- 12 *Vendens vineam tamquam liberam ei qui scit eam non esse talem, coram Deo non tenetur de evictione.*
- 13 *Vendi non potest res, dilata solutione in certum tempus, plusquam nunc valeat; nisi quando vendens erat rem in dictum tempus seruaturus, dubitaturque an illo tempore res sit pluris vel minoris valitura. & num. 14.*

CONSILIUM XV.

PRIMUM dubium est. Quidam, qui longo tempore exercuit nonnulla mercimonia diuersi generis, cum tamen omnia mercimoniarum genera vix sine peccato exerceri possent, & propterea ipse potuit acquisiuisse aliqua illicite, nescit tamen quantam quantitatem. Pro illorum emendatione quid agendum est, ut suæ conscientiae consulatur?

Secundum. Est solitum in quodam loco, quando mutuantur frumenta, quod mutuo recipientes, quando illa restituunt, reddant meliora; si licet recipere dictam meliorationem?

Tertium. Fuit cōtracta societas super mercimonijs cum pacto inter socios de stando lucro, & damno; vel quod illi qui recipiebant pecunias, soluerent certum interesse conuentum illi, qui pecunias dabat; & dicti socij soluerunt illi interesse, licet nō tantum, quantum conuenerant, asserentes se velle etiam pro maiori eorum commodo magis de interesse soluere, quam reddere computa, & rationes dictæ societatis. Dubitatur, si licuit recipere dictum interesse.

Quartum. Fraus gabellæ aliquando facta est pro bonis fraudantis, & etiam ab alijs sub nomine illius, absque eo tamē, quod ipse participaret de aliquo lucro: propter dictam fraudem si tenetur ad restitutionem aliquā, & cui?

Quintum. Census iniuri & constitui solebant ante constitutionem Pij V. partim cum pretio, partim vero mediantibus bonis stabilibus estimatis ab ipsis partibus: si liciti sunt?

Sextum. Ante dictam constitutionem Pij V. census fiebant cum multis pactis

pactis, & inter alia, quod in casu morositatis non soluentis dictum annum censum, possit ille compelli ad restitutionem sortis principalis. An vigore dicti pacti compelli potuerunt censuarij ad restitutionem dictæ sortis principalis, propter quod natæ sunt lites, & damna? an eorum ratio habenda sit, & quæ?

Septimum. Domus empta fuit cum onere certi census; sed dubitavit emptor dictæ domus, quod huiusmodi census esset indebitus, & usurpatus super dictæ domo, & propterea illum recusavit soluere, nisi ostenderetur quod dicta domus esset dicto censui obligata. Si licet?

Octauum. Item si ante constitutionem Pij V. fuit licita exactio census ad 10. pro 100. & etiam post dictam constitutionem?

Nonum. Initis societatibus super officijs, illisque extinctis, si licuit recipere eosdem fructus, aut aliquod utile, facta omni diligentia de recuperanda sorte principali, quam debitor morosus non soluit; & aliquando non est facta tanta diligentia, quanta potuit: si debentur dicti fructus post dictam, & quanti?

Decimum. Quandoque dictæ societates renouantur, in quibus cōnumantur fructus, & interesse decursi illa disdicta. An sit licitum?

Undecimum. Fiunt societates super officijs, super quibus dantur pecuniz cum participatione fructuum dictorum officiorum, ad rationem 11. & 12. pro 100. super periculo vitæ ipsius dantis, vel alterius nominati, & dictæ societates fiunt ad certum tempus duraturæ; & vt plurimum conueniunt officiales, qui habent eorum officia quasi locatitia pro similibus societatibus faciendis, & pro diuersis etiam innumeris alijs societatibus obligata longe ultra quam valeant dicta officia, & longe plus quam fructus reddant, vt recognoscant bonam fidem: & currunt dictæ societates periculo vitæ eius, qui dat pecunias. An liceat, stante etiam licentia, & tolerantia Papæ?

Duodecimum. Est vendita vinea ad instantiam vnius creditoris per viam Curiz, & cum onere certæ responsionis: emptor dictæ vineæ quærebat vendere alteri, & cedere iuri, & iste alter sciebat de dicto onere responsionis: quæ tamen venditio, seu cessio effectu caruit, & ideo ad instantiam eiusdem creditoris fuit de nouo dicta res subhastata, & vendita cum assertione, quod res vendebatur libera pro quanto intelligebatur, & quod emptor de eo se informaret: vnde ille, qui volebat primo remere ab illo primo emptore, emit vigore istius venditionis secundæ, & subhastationis factæ ab illo creditore, seu iudice ad illius instantiam vendentis, & super vinea fuit detectum postea onus; propter quod ille, qui vendidit, cogitur cauere de eniptione ex eo, quod in secunda venditione expressit dictam vineam esse liberam, vbi tamen prius dixit esse gravatam. Quæritur, an in foro conscientiz dictus emptor teneatur, ex quo de dicta responsione habuit notitiam ante dictam secundam venditionem factam.

Decimumtertium. An sit licitum vendere rem maiori pretio ad tempus, quam quod tunc in pecunia numerata vendi possit, propter dictam dilationem

dilationem temporis : & si non licet , an debeat haberi aliqua ratio dicti pretij propter dictam dilationem?

Decimumquartum:& si venditur frumentū, aut vinum pro pretio , quo communiter tali tempore valebit,& pecuniam exiget;an liceat?

- 1 AD PRIMAM QVAESTIONEM respondeo, quod is, qui varia mercimonia exercuit , debet secum reputare vsque ad quantam quantitatem verisimilem proximis nocuit ; & si potest meminisse quantum aliquibus certis personis nocuerit , restituet eisdem. argum. cap. ea te. de iureiur. & si non potest ad memoriam reuocare quantum aliquibus certis personis nocuerit, vel meminerit quod multis alijs nocuit , sed non recordatur ; debet bona fide reputare quantum plus , vel minus potuit nocuisse eo modo, vt restituere teneatur, & restituere illud pauperibus , vel impendere in alia opera pia, iuxta tex. & gloss. cap. cum tu. de vsuris.
- 2 AD SECVNDAM, quod si expresse , vel tacite conueniatur , vel consuetudo habeat , quod mutuarius reddat melius frumentum , quam accepit , peccat mutuans , & tenetur restituere illud plus , quod accepit. argum. cap. 1. & 2. 14. quæst. 3. sed si non fiat conuentio, nec consuetudo obligat ad reddendum melius , sed contingit , quod cum teneatur reddere idem in specie, reddit melius frumentum, eo quod est sanius, vel nouius ad conseruandum aptius, non peccat accipiendo, nec tenetur restituere , etiā si minus principaliter motus fuerit ad mutuandum frumentum, quod reciperet melius: ea tamen mente, quod contentus foret restitutione frumenti æque boni , nec peteret amplius , neque conquereretur: quoniā spes illa minus principalis non facit mutuum vsurarium, iuxta gloss. recept. in cap. consuluit. de vsur.
- 3 AD TERTIAM respondeo , quod , si supradicta societas erat vera, ita quod capitale non manebat saluum conferenti pecuniam, immo si perderetur, periret illi, & non alijs socijs, satis licita esset; si autem capitale, seu fors principalis debeat salua reddi conferenti , non esset licita, per ea quæ nos post alios scribimus in Man. cap. 17. num. 251.
- 4 AD QVARTAM respondeo primo, quod eius decisio pendet à decisione illius grauissimæ quæstionis ; An gabella possit salua conscientia frandari ab eo, qui se subijcit pœnæ impositæ fraudanti, si damnatus fuerit in foro exteriori. Secundo, quod ad eius decisionem præmisimus , & considerauimus altiora, & plura, quā qui ante nos eam tractarunt, in dicto Man. cap. 17. à nu. 202. ex quibus diligens lector poterit colligere vtriusque decisionem, quamuis ea non sine causa ibi est obnubilata.
- 5 AD QVINTAM respondeo, quod census impositi ante extrauagantem Pij V. non desinunt esse liciti, propterea quod pars pretij fuisset soluta in pecunia numerata , & pars in alijs iuste æstimatis , si alia necessaria fuerunt seruata : quoniam ante illam pretium census poterat solui in alijs bonis , quam pecunia numerata , immo & remittendo debitum à venditore soluendum emptori, cum finis extrauag. prædictæ habeat non esse illi locū in censibus ante illam constitutis, vt per eius tenorem patet.
- 6 AD SEXTAM respondeo, quod ante prædictam Pij V. constitutionē iuste

iuste poterat apponi pœna restitutionis sortis in casu contractæ moræ soluendi censum: & ita peti potuit & potest restitutio prædictæ sortis post contractam moram; immo & impensæ & damna ob illam litem consequuta deberentur à tali moroso, eo modo quo in alijs litibus debentur ab iniusto litigante, per notata in cap. finem litibus. de dolo & contum. & in toto titulo de calumni. & C. de pœna temere litig.

7 AD SEPTIMAM respondeo primo, quod, si ille, cui deberi censum in instrumento emptionis dicitur, est in possessione accipiendi censum, nō licet negare illius solutionē; quia esset priuare ipsum auctoritate propria, quod non licet, toto tit. de restit. spoliat. in l. si dederit. ff. de iudic. Secundo, quod, si non esset in possessione percipiendi illum, nec spoliatus ab ea, nec fuit mens venditoris obligare e mentem ad plusquam ipse debebat; ponderanda essent verba instrumenti, an per ea satis probaretur census ille esse impositus contra e mentem; & si satis probaretur, non liceret negare; & si non probaretur satis, posset negare solutionem: quia possessor in dubio non tenetur id quod possidet indiscussum dimittere, l. illud. ff. de petition. hered.

8 AD OCTAVAM respondeo, quod Pius V. non statuit quantitatem pretij dandi pro censu; & ita non est definitum quod sit iustum pretium census redimibilis, licet pro censu irredimibili videatur dari debere ad rationem 20. pro vno. argum. gloss. communiter receptæ in auth. per petuæ. C. de sacrosanct. eccl. & ita secundum varias terras varium est pretium census redimibilis, vt nos latius diximus in commentario prædictæ extrauag.

9 AD NONAM respondeo, quod non videtur licere socio conferenti pecuniam, capere aliquid vltra sortem post disdictam, siue post recessum à societate, pro tempore post illum recessum currente: quia iam cessat societas, & periculum perdendi sortem, ratione quorum poterat accipere aliquid vltra sortem: & causa cessante cessat effectus, cap. cum cessante. de appell. Nec obstat, quod socius sit in mora soluendi. Tum quia mora nō reddendi mutuum non inducit ius petendi aliquid vltra sortem, cap. cōsuluit. de vsuris. Tum quia per aliam actionem, vel officium iudicis poterit recuperare damna, vel impensas. Tenetur tamen vltra sortem reddere dānum, quod dedit, eo modo, quo singulariter ait S. Tho. receptus in 2. 2. q. 62. art. 4. quem in alio consilio referimus.

10 AD DECIMAM respondeo primo, quod non satis intelligo questionem. Secundo, quod si mens quærentis est, an liceat post disdictam renouare societatem, & quod quantitas ad quam ascendunt fructus quæsi ex priori societate, ponatur in societate: Respondeo, quod non video cur nō liceat, cum liceret ei pecuniam ex priori societate extractam cum reliqua lucrifacta ponere in societate penes alium, argumen. l. illud. ff. ad l. Aquil.

11 AD VDECIMAM respondeo, quod contra ius naturale videtur, vt contrahatur societas super lucro officij, quod sperat officialis, vltra valorē, quem valet ipsi officiali officium suum, super cuius fructibus contrahitur

trahitur societas, per ea quæ post D. Thom. & alios, nos quoque tenuimus in cap. si fœneraueris. 14. quæst. 3. dum ea ratione probamus iure naturali prohiberi vsuram; eo quod ex re quæ non parit, quæritur partus: & tolerantia Papæ, qui solum permittit, & non approbat actum, non facit eum licitum, iux. gloss. celebrem cap. denique. 4. dist. & licet periculum mortis possit iustificare contractum donationis, vel alium de se licitum, factum cum conditione, vt dans pecuniam perdat illam, si moriatur intra illud, aut illud tempus; non tamen potest iustificare contractum de se illicitum, qualis est societas super re infructuosa. argum. cap. cum Paulus. 1. quæst. 1.

12 AD DVODECIMAM respondeo, quod in eius propositionis linea penultima videtur positum verbum, *emptor*, pro verbo, *venditor*. Secundo, quod in casu proposito venditor non tenetur in foro cōscientiæ ipsi emptori pro responsione, quia emptor sciebat illam deberi à vendente vineam, per l. 2. §. venditor. sub fin. ff. de actio. empt.

13 AD DECIMAM TERTIAM respondeo, quod qui vendit rem carius iusto pretio propter dilationem datam ad soluendum, admittit peccatum vsuræ; nisi dubium esset, an res vendita pluris valitura sit tempore solutionis, & venditor seruaturus esset illam vsque ad illud tempus, cap. in ciuitate. iuncto cap. fin. de vsur. vt nos declaramus in dicto Manu. c. 17. nu. 206. & 210.

14 AD DECIMAM QVARTAM respondeo, quod licet vendere re pluris, quam valeat tempore venditionis, dilata solutione, concurrentibus duobus: alterum, quod ipse venditor volebat seruare rem vendendam vsque ad tempus solutionis faciendæ: alterum, quod esset dubium, an tempore solutionis valeret illa res plus, vel minus, quam pretium constitutum. casus est in d. c. fin. de vsur. & resolutio communis in d. cap. in ciuitate. Salua, &c.

S V M M A R I V M.

- 1 Censu empti pretium debet solui in pecunia numerata.
- 2 Censu impositio, cum pacto vt etiam re censuaria preempta solui debeat, vel ne illa alienari possit, vel ea alienata censuarius non soluente emptore censum soluere teneatur, & non soluendo puniatur, vsuraria iudicanda, & ad formam bullæ Pij V. reducenda. num. 2.

C O N S I L I V M XVI.

D. GASPAR debebat Augustino quamdam pecunię summam, & anno 1568. mense Maij conuenerunt inter se, vt Gaspar venderet ei censum redimibilem super sua domo, ad rationem octo pro centum, cum patris, & conditionibus, vt Gaspar teneatur illum soluere, etiam quomodo-cumque pereat in præiudicium Augustini; & quod in casu venditionis, si emptor non soluerit censum, remaneat Gaspar obligatus ad illum soluendum: & quod non soluens tempore stato, incurrat talem pœnam. Quæritur an

ritur an huiusmodi contractus sit validus.

Respondetur primo, agere me gratias DD. consulentibus, quod meo dignantur stare iudicio, quod ut e vultu Dei prodeat oro ipsum omnipotentissimum & maximum.

Secundo, quod fel. recor. Pius V. edidit extrauag. cuius initium est, *Cum omnis*, circiter duobus mensibus antequam fieret is, de quo quaeritur, contractus censiticus: per quam determinauit omnem contractum censiticum aliter, vel in alia forma factum, praesumendum esse foeneratitium. Et quod is contractus non fuit factus secundum illius formam. Primo quidem, quia pretium census per eum impositi, & venditi D. Gaspari praedicto a D. Augustino non fuit solutum in pecunia numerata: quia pro eius pretio fuerunt accepta in solutum multa, quae debebat Augustinus ipsi Gaspari, ut in eodem contractu expresse dicitur: & praefata extrauag. statuit, ne aliter ullus census constitui possit. Secundo, quod per contractum praedictus Augustinus venditor census obligat se ad eum soluendum, quomodocumque etiam casu fortuito res ipsa immobilis, super qua imponitur census, pereat; quod est expresse contra praedictam extrauag. Tertio, quod per hunc contractum conuenerunt partes, ne bona, super quibus imponebatur census, ullatenus vendi vel alienari possent, quod praedicta extrauagans prohibet fieri. Nec praedicti contrahentes videntur excusari posse allegando, quod non fuit prohibita simpliciter omnis alienatio; sed tantum illa quae fieret in prauiudicium census impositi. Tum quia vix fieri potest, ut illa sine prauiudicio aliquo fieri queat, si res satis introspeciat; cum persona, quae solutura est censum, mutetur; & ipse opponere possit aliquas exceptiones peremptorias, vel dilatorias, quas non opposuisset, nec potuisset opponere impositor & venditor eius. Tum quia videtur emptori census tolli ius praeferendi se in emendo illam rem pro eodem pretio, quod extrauagans praedicta illi concedit. Quarto, quod praedictus Augustinus remansit obligatus ad soluendum censum, si is in quem res censui supposita alienaretur non solueret illum; quod est contra praedictam extrauag. vel mentem conditoris eius, qui voluit, ne qui imposuit censum, si videret bona super quibus poneretur ille, solueret amplius illum. Quinto, quod per hunc contractum remansit praefatus Augustinus obligatus ad soluendum censum, etiam re supposita illi perempta: & extrauag. praedicta statuit, ut re etiam pro parte pereunte pars quoque census periret. Sexto, quod extrauagans praedicta praecipit, ne ullam poenam ipso iure incurrat venditor census, eo quod non soluat tempore statuto: & per hunc contractum imponitur poena grauissima perdendi ipso iure multa, ut ex ipso apparet.

Tertio principaliter respondeo, quod ex praedictis inferitur praefatos DD. consulentes recte facturos, si praedictum contractum in iuridicam formam reformauerint, antequam iudex ullus contra illos processerit, imponendo eis crimen usurae. Tum quia etiam iure communi antiquiore praed. extrauag. male contraxerunt ponendo secundam, tertiam, & quartam condiciones, ut satis colligitur ex his quae scribimus in commentario de usuris super cap.

per cap.

per cap. si fœneraueris. 14. quæst. 3. a num. 69. & notab. 22. vsque in finem, ubi ponimus prædictam extrauag. multis glossis & quæstionibus ornatam. Salua, &c.

S V M M A R I V M.

- 1 Censuræ redimibilis positus super re immobili, cum pacto, quod si incapax inueniatur, censeatur positus ad electionem emptoris super omnibus bonis constituentis; est contrarius extrauag. Pij V. & illius menti, & etiam contra intra prohibentia vsuræ palliatam. nu. 2.

C O N S I L I V M X V I I.

AN QVI emit censum redimibilem constitutum super re immobili suis finibus designata, cum pacto, quod si inuenta fuerit incapax talis census, censeatur impositus generaliter super omnibus bonis constituentibus ad electionem emptoris, sit censendus vsurarius, extante maxime extrauag. Pij V.

- 1 Respondeo primo, quod in terris, in quibus est recepta prædicta extrauag. de rigore iuris censendus est prædictus census positus contra illam, aut certe eius mentem, & in fraudem eius, quod idem est, cap. penult. de reg. iur. lib. 6. & in foro exteriori videtur iudicandus vsurarius, per ea quæ nos adnotauimus in commen. de vsur. super d. extrau. glo. 2. num. 86. & in q. 25. 26. 27. 28. 29. & 46.

Secundo, quod punctus & iugulum huius quæstionis propositæ videtur esse, an hæc præsumptio vsurariæ prauitatis, quam inducit prædictum pactum assécurationis, tollatur ex eo, quod priusquàm illud adiceretur, principaliter fuit constitutus census in re certa limitibus suis designata. Nam pro parte affirmante facit, quod non refert, quid de æquipollentibus fiat, l. fin. ff. mand. & quod adiectio prædicti pacti, quod si res immobilis super qua fuit constitutus census inueniretur incapax ad constituendum illum super ea, censeretur impositus super omnibus alijs bonis constituentis ad electionem emptoris, videtur æquipollere, & non plus operari, quam cautio, vel fideiussio, qua promitteretur habilitas & capacitas rei, super qua imponebatur census.

- 2 Sed pro contraria parte facit, quod non sunt illa æquipollentia. Tum quia longe maioris effectus est translatio census de vna re in aliam, præsertim incertam, & eligendam ab emptore, quam sit cautio, vel fideiussio, qua promittitur assécuratio capacitatis rei, super qua census imponitur. Tum quia illa cautio non operatur plusquam cautio de euictione. Tum quia multo securior sit emptor census per illud, quam per hoc, vt palam est. Tum quia præstatio prædictæ cautionis non est contra mentem extrauag. quæ fuit facere participem periculi perdendi censum emptorem; sicut emptor prædij participat periculi perdendi illud casu aliquo casmatis, belli, vel alius generalis perditionis: immo est secundum mentem eiusdem, quæ voluit, vt tamdiu securus esset census, quâdiu securum esset prædium, & nõ ultra.

Tum quia per adiectionem prædicti pacti securitatis alteratur multum & notabiliter modus constituendi censum: per quam alterationem fit, ut alio modo, quam ordinato per illam extrauag. contrahatur census: & extrauag. prædicta expresse statuit, quod contractus, per quem constituitur census alio modo, quam per illam ordinato, censeatur usurarius. Tum quia per adiectionem prædicti pacti videtur creari actio quadam personalis contra constituentem censum, ita quod possit ab eo peti census etiam, perdita re, super qua fuit impositus; cum tamen extrauag. solum intendat, ut contrahatur actio realis contra possidentem rem censuariam, quicumque sit ille, & non contra vendentem illum, si res illa pereat, vel ipse designat eam possidere: & nos probamus contra Sotum, & Covarruiam, non posse constitui censum super persona, ita ut actio personalis nascatur contra constituentem illum. Tum denique quod per adiectionem huiusmodi pacti aperiretur via facilis ad exercendas usuras: quoniam sere tam facile inueniet quis emptorem census cum huiusmodi pactione, ac inueniret mutuantem sub usuris, si id facere liceret; & quasi tam secure possit quis emere censum cum hac pactione, ac mutuando pro usura sine illo pacto. Per quæ omnia proculdubio puto huiusmodi contractum esse contra prædictam extrauag. & mentem eius, immo etiam contra ipsa iura communia, non solum vetantia usuram formalem, quæ fit mutuo formali, sed etiam virtuale, siue tacitam, quæ illi equipollet, iuxta cap. in ciuitate. de usuris, & cap. illo vos. de pignorib. & cap. ad nostram. emptione.

S V M M A R I V M.

1. Censu emptio non vitatur, eo quod nulla habeatur ratio valoris rei super qua imponitur, modo sit immobilis, valens quotannis tantam vel maiorem quantitatem reddituum, quam est census impositus: eius vero pretium non est determinatum iure, sed varium pro diuersitate regionis. num. 2. potestque conueniri, ut detur fideiussor quod census potuit super dicta re imponi, sicut secundum morem regionis à venditore rerum præstari solet cautio de euictione, cui hæc similis est, num. 3. sed non quod census statuto tempore soluetur. num. 5. nec potest conueniri ut soluatur ante finem anni, nisi ibi sit mos quod pensiones ante soluantur. num. 4.

CONSILIVM XVIII.

QVAERITVR, an emptioni census annui perpetui, sexdecim pro 100. possit adijci fideiussor de soluendo censu termino statuto, & quod vendens potuit imponere illum prædio censuario, nulla consideratione particulari habita de valore prædij, super quo imponitur census, & quod dimidium census soluatur singulo semestri.

1. Respondeo primo, quod nullo iure communi, nec nouo extrauag. Pij V. est necessaria inquisitio de valore prædij censuarij; sed satis est, quod illud sit res immobilis, & quod vere reddere possit quotannis tantam vel maiorem quantitatem reddituum, quam sit census impositus ei, per ea quæ

nos addimus illi extrauag. in eius commenta. quem facimus in tract. de usur. super cap. 1. 14. q. 3.

- 2 Secundo, quod nullo iure antiquo, nec nouo illius extrauag. definitur iustum pretium census annui, quod secundum varietatem regionum variū esse in d. commen. ostendimus; testando, quod in Aragonia centum soluuntur pro quinque, & in Nauarra sex, & in Castella pro septem. centum, & aliquando amplius, & in aliquot partibus Galliz pro decem, & etiam in Germania, vt significant extrauag. 1. & 2. de emptio. & in Vrbe vidimus solui pro nouem: & ita si mos illius regionis habet, vt octo emanant per centum, iustum reputabitur pretium.
- 3 Tertio, quod arbitror iuste posse dari fideiussorem à venditore, quod potuit vendere illum, & quod est bene impositus. Tum quia de natura venditionis est ut venditor teneatur de euictione; & nō videtur voluisse auctor eius tollere illa, quæ sunt emptioni naturalia; qualis est euictio, iuxta tex. adiunct. gloss. in l. pacta conuenta. ff. de contrahen. emptio. & in l. 1. de euictio. Tum quia secundum morem regionis, in qua contrahitur, est danda cautio de euictione, l. si fundus. ff. de euict. Tum quia expressio eius, quod tacite inest, nihil nocet, l. 3. ff. de leg. 1. c. significasti. de elect. & in emptione venditor tenetur tacite de euictione, vt prædictum est.
- 4 Quarto, quod nullo iure antiquo, nec nouo extrauag. prædictæ præscribitur tempus, quo census huiusmodi debeat solui: sed videtur quod est soluendus tempore quo pensio: illa vero soluenda est tempore, quo inter partes conuenit, secundum gloss. recept. l. ædem. C. de locat. & si nihil conuenit, more regionis, secundum eandem gloss. & Bart. ibidem. & si nec vlus mos regionis est, in fine anni, secundum eandem gloss. & Bart. Quibus videtur consequens, quod si dimidium pensionis est soluendū in fine semestris, & consequenter dimidium census est soluendum in eo, potest adijci pactum de soluendo dimidium census in fine semestris. Sed dubium est, an partes conuenire possint, vt huiusmodi census soluatur priusquam mos regionis habeat. & puto quod non: quia per præfatam extrauag. vetantur omnia pacta, quibus venditor census grauatur ultra ius commune. At iure communi, si nihil actum est, nec more regionis aliud statuitur, census videtur soluendus in fine anni, vt pensio soluenda est, per supradicta. ergo videtur grauari venditor per pactū de soluendo dimidio in fine semestris.
- 5 Quinto, quod datio fideiussoris de soluendo censu tempore debito videtur esse aliquod grauamen venditori census, qui nullo iure communi tenetur ad dandum illum fideiussorem: cui videtur consequens, tale pactum non posse adijci, quia videtur esse contra præfatam extrauagan. Salua, &c.

S V M M A R I V M.

1. Census si ematur cum pacto vt soluatur liber ab onere & gabella, quæ de iure ad emptorem spectat, vel vt soluatur secundum formam obligationis Cameralis, est contra extrauagantem Pij V.

- 2 *Generale pactum, & mandatum intelligendum de ijs quæ licite fieri possunt, & ita vt excludat delictum.*

CONSILIVM XIX.

AN CENSUS constitutus super aliquo prædio certo, & finibus recte designato, cum conditione vt solvatur liber ab omni onere, impositione, gabella, & vectigali, sit contra formam extrauag. Pij V.

- 1 Respondeo primo, quod si contrahentes intellexerunt de libertate ab onere soluendi impositionem, & gabellas, seu vectigalia, quæ iure communi deberent per emptorem adimpleri, est contra formam extrauagantis Pij V. Tum quia per prædictam extrauag. vetantur pacta, per quæ venditor census obligatur ad aliquid, ad quod iure communi non tenetur, præterquam ad solutionem census: & per prædictam conventionem obligatur venditor ad soluendum impositionem, gabellas, & vectigalia, quæ soluere deberet emptor. Tum quia venditio census cum obligatione ad soluendum illum in forma Camere non valet, vt tradimus nos in comm. de vsuris, q. 21. super prædictam extrauag. num. 116.

Secundo, quod si contrahentes intellexerunt de libertate in soluendis oneribus, quæ deberet venditor census propter prædium, super quo vendebat illum, vel ob aliquid aliud, non est contra formam, neque mentem extrauagantis prædictæ: quia per illud pactum nõ obligatur ipse ad aliud, quam ad id, ad quod iure tenetur.

- 2 Tertio, quod in dubio videtur præsumendum eos intellexisse secundo modo: quia in dubio non est præsumendum delictum, cap. 1. de reg. iur. & l. merito. ff. pro socio. Tum quia mandatum generale ad aliquid faciendum, est intelligendum de eo, quod potest fieri licite, & non est extendendum ad id quod potest illicite fieri, l. si procurator. ff. de cond. indeb. cap. 1. de iure iur. lib. 6. cum similib.

SUMMARIVM.

- 1 *Vsura non est, si do tibi irrenocabiliter scuta ducenta, vt certum quid annuum mihi, quoad vixero. des; quia non est mutuum, sine quo non est vsura.*
- 2 *Aequalitas dati & recepti requiritur etiam in contractibus innominatis, do vt des vel facias: at in sponsonibus non ita exacte requiritur. num. 3.*
- 4 *Annua præstatio vitalitia, ad hoc vt sit iusta, debet ita computari, vt tot præstationes annue, quot præsumitur vitam duraturam, computato etiam periculo quod citius forte morietur, æquipollegant ei quod pro dicta præstatione recipitur.*

CONSILIVM XX.

DEDIT Maria ætatis 50. annorũ, & post lōgas infirmitates valetudinaria, duc atos 200. sub conditione tamen, q̄ dictæ Mariæ, vel fratri suo, qui tunc 60. erat annorum, tot mensuras vini, & tot aliarum rerum annis singulis, & ad eorum vitam tantum donare teneretur, & post obitum prædi-

prædictorum recipiens dominus absolute, & absque vilo onere maneret.

Quæritur, an huiusmodi contractus sit licitus.

- Respondeo primo, multum lucis afferre potuisse huiusmodi pactio-
 nis tenorem scriptum; quia talibus verbis posset esse conceptus, ut iudicare-
 tur emptio: & talibus, ut iudicaretur donatio sub certo modo & onere
 facta; & talibus, ut esset contractus societatis; & talibus, quod esset con-
 tractus innominatus, do ut des, vel do ut facias, vel sponsio dabo hæc quot
 annis vixeris, si dederis mihi ducenta scuta. Secundo, quod attenda sola
 serie verborum, quibus quæstio proponitur, videtur esse contractus inno-
 minatus do ut des, iuxta l. ultimam. ff. de cond. caus. dat. & l. naturalis. 9.
 1. & l. ob eam. ff. de præscript. verb. quamvis etiam posset dici quadamte-
 nus, do tibi hæc annis quibus vixeris, si dederis mihi ducenta scuta, iuxta
 trad. in l. à Titio. ff. de verb. oblig. & in l. cum ad præsens. ff. de rebus cred.
 1. Tertio, quod huiusmodi contractus nullatenus est usurarius, quia nul-
 lum mutuum expressum, neque tacitum continet, sine quo nequit esse
 usura, secundum omnes in rubr. de usuris, & in 4. distinct. 15. tradimus
 2. nos in Manuali cap. 17. num. 206. Quarto, quod is contractus si dica-
 tur esse innominatus, do ut des, potest esse iniustus ea ratione, quod
 inter 200. scuta data, & inter triticum, vinum, & alia danda non ser-
 uaretur æqualitas: quia in omni commutatione, siue sit emptio, siue
 permutatio, siue do ut des, siue quævis alia, seruanda est æqualitas
 valoris inter datum & receptum, secundum receptam sententiam,
 quam pulchre ponit Scotus 4. distinct. 15. quæst. 2. artic. 2. quem post
 alios sequimur nos in Manuali cap. 17. num. 287. littera C. & fusius in
 cap. fin. de usu. à num. 11. & tribus sequ. Quinto, quod is contractus
 est iustus, & sanctus, si secundum æstimationem virorum prudentium
 tantum valebant prædicta 200. scuta cum periculo mortis, quam præ-
 dicta Maria & frater eius obire poterant, attenda sua ætate, quan-
 tum illa quæ erant danda, attenda facilitate liberationis, quæ pote-
 rat ei obuenire quocumque anno, mense, & die post accepta illa scuta.
 3. argum. l. hæreditatum. ff. ad l. Falcid. Sexto, quod facilius iustificari pos-
 set, si reduceretur ad genus sponsonum. argum. sponsonum, quæ sæpe
 fiunt de dandis 100. pro 10. vel 20. si ille aut ille intra certum tempus
 non moriatur, vel moriatur, vel si illud aut illud contingat, vel non,
 iuxta notata per Paulum, Alexand. & alios in l. à Titio. ff. de verb. oblig.
 4. & in d. l. cum ad præsens. ff. de reb. cred. Septimo, quod cum in argumen-
 to quæstionis non proponatur quantum tritici, vini, & cæterarum rerum
 erat quotannis reddendum, non potest indicari certo de iniustitia hu-
 ius contractus, si reducatur ad contractum do ut des: quare hoc
 prudentibus viris remittendum censeo: tametsi credam eum esse iu-
 stum, eo quod non erat soluendum tantum pretium, quanti essent valitu-
 ra omnia, quæ redderentur, sed quanti valitura erant annis quibus
 verisimiliter prædicta Maria, & frater eius victuri præsumerentur, &
 tanti minus, quanti æstimandus esset euentus mortis, qui accidere po-
 tuisset statim, vel paulo post præstationem prædictorum scutorum.

POSTEA pro clariori notitia expressum fuit, quod valor annuus vini, tritici, &c. excedebat summam 30. scutorum, & si haberetur ratio presentis temporis, perueniret ad summam 40. Et ab aliquibus alijs datae fuerunt alię responſiones.

Prima. Nec ex hac parte apparet iniustitia, cum in hac ciuitate huiusmodi contractus innominati passim ob fertilitatem agrorum, & pecuniarum penuriam exercentur. Quod vero facit difficultatem, & videtur nescio quid iniustitię insinuare, illud est, quod huiusmodi reddenda sint non tantum in vita Marię, sed etiam fratris, ita vt hæc soluendi obligatio duret vtriusque vita durante. Quare sicut exactio ista 30. vel 40. scutorum annuorum pro 200. datis non iudicatur iniusta ob consuetudinem, & qualitatem regionis, ita & excusari posset ab iniustitia hæc ad duas vitas solutio, propter ingrauescentem vtriusque ætatē, & ex omni parte iustus hic contractus censeretur.

Alia responsio. Contractus hic speciem habet census vitalitij, qui ex natura sua iustus est, & potest reddi iniustus ob inæqualitatem annuorum reddituum, maxime cum in contractu ad duas vitas diminui debeant. Verum hoc constare poterit ex pecuniarum penuria, ex fertilitate agrorum, ex consuetudine vniuersali patrię, ex qualitate & sanitatis, & ætatis eorum, pro quorum vita census instituitur. Quantum vero iudicare possum, inæqualitas & excessus in annuis redditibus esse videtur.

Alia. Talis contractus nullo iure censendus est illicitus, vt colligitur ex supradictis. Tota difficultas cōsistit in hoc, an in ijs, quę p 200. scutis soluntur vino, tritico, &c. seruetur iustitia, & æqualitas. Hęc enim tantum videtur consideranda, cum ex his contractus huiusmodi innominatus, & pro duabus vitis reputetur iniustus. Excusant hanc, quę forsan iudicaretur iniustitia, vt pro 200. solueretur annua 30. & postea 40. ex penuria pecuniarum, & fertilitate agrorum, & consuetudine vniuersali in illa ciuitate, & ob ingrauescentem vtriusque, scilicet M. & fratris ætatem; quę si ita sint, nos etiam excusamus. Prima enim facie videtur maxima iniustitia, vt pro 200. soluantur quotannis modo 40. & præcipue in duabus vitis. At si tanta esset penuria pecuniarum, tantā fertilitas agrorum, vniuersalis etiam consuetudo, vt nullum propter hoc scandalum oriatur, quę omnia iudicio boni viri sunt relinquenda; certe dubitari non posset de iustitia talis contractus.

Alia. De prædicto contractu, quod non sit usurarius, vt dicunt prædicti DD. patet ex definitione usurę; quę est, cū quid accipitur ultra sortem, i 4. quæst. 3. cap. 1. cum seq. Sed sic est, quod in hoc casu numquam repetitur fors, nec est spes vt repetatur; ergo non est usurarius. An autem contineat iniustitiam, hoc nō potest certa lege determinari; sed vt post alios copiose in hac materia scribit Couarr. 3. p. resol. cap. 9. num. 7. hoc totum pendet ex arbitrio boni viri, qui secundum qualitatem loci, & personarum, ad quarum vitam annuatim fit dicta annua solutio, rem iudicabit. & descendendo ad particulare, Oldrad. cons. 207. quod incipit, Vniuersis, approbauit similem contractum, in quo soluebatur ad rationem ultra 16. pro 100. adiecto pacto, vt si is, super cuius vita soluebatur annua præstatio, moreretur

reretur

reretur intra biennium, dimidium capitalis restitueretur suis hæredibus. Vnde licet hæc præstatio sit ad vitam duorum, Oldradi autem contractus esset ad vitam vnius solum Episcopi; attamen hæc qualitas duarum personarum videtur compensanda cum pacto de recuperando capitali modo prædicto; maxime cum, vterque esset senex. Præterea, etsi vita hominis nõ sit certa, attamen Iurisconsultus in simili causa, scilicet legis Falcidiæ, in l. hæreditatum. ff. ad l. Falcid. arbitratus est, homini. qui attigit annum 50. posse assignari annos 9. superuiuentiæ; ei autem qui excedit annu 50. posse assignari annos 7. sexagenario autem assignari annos 5. licet autem à dicta materia ad aliam materiam illatio non sit necessaria, vt notat idē Conarr. vbi supra, attamen non tollitur quin sit probabilis, & talis, quæ iudicantis animum possit mouere, & informare. Cum autem prædictus D. frater, cuius vita magis consideratur, quam M. quæ credebatur iam pedem in fouea habere, iam excederet annum 50. & forte 55. non video quæ sit iniustitia, si quis pro 200. scutis emat annuam pensionem ducatorum 32. ad septennium, vel nouennium. Vtilius enim emisset ad rationem 10. vel etiam 8. pro centenario in perpetuum, quam emere ad rationem 16. pro 100. pro annis solum 7. vel 10. Immo credo, quod quilibet emptor potius daret scuta 16. pro 100. in vita sua, quam 10. in perpetuum. Ex quibus, & alijs similibus computationibus, credo quod possit dimitti dicta Maria in sua bona conscientia. Salua, &c.

S V M M A R I V M.

- 1 Prohibitum non est censendus contractus, nisi lege prohibeatur.
- 1 Censuum annuus ante extrauagantem Pij V. poterat emi & constitui super omnibus bonis immobilibus, mobilibus, iuribus, & actionibus præsentibus & futuris alicuius: maioriq; subiacet periculo, & difficilius est exactionis, quam si imponeretur super vna sola re immobili. num. 2. & 3. & quia Nicolaus V. pro regno Sicilia hoc contractus approbavit, modo adesset obligatio de retronendendo, num. 4. ac etiam consuetudo approbavit, num. 5. nec est verum quod hic census non habeat fundamentum, seu rem super qua subsistat, num. 6. & 9. licetque extrauagantes Martini, & Calixti approbent censuum constitutos super rebus, num. 7. nõ tamen reprobant aliter constitutos. num. 10. secus est post extrauagantem Pij V. num. 6. qui non quidem declarando, sed de nouo constituendo decreuit vt solum super certis immobilibus rebus constitueretur. num. 8.
- 2 Censuum annuus olim secundum aliquos etiam super persona constitui poterat, quod tamen auctori non placet.
- 3 Census si super pluribus rebus constituitur, hoc habet incommodi, quod si res ipse ad plures perueniant hæredes vel successores, à pluribus erit exigendus per partes.
- 6 Accidens non potest esse sine subiecto & fundamento aliquo. & num. 9.
- 7 Census creatus ante bullam Pij V. si reformetur post illam, illius dispositioni videtur subiacere; & hoc, quando à primo receditur; secus, si eidem inherendo emptor aliquod onus remittat, vel aliquam gratiam faciat venditori. num. 11.

QUIDAM de anno LXVII. emit censum constitutum super omnibus bonis immobilibus, & mobilibus, iuribus, & actionibus presentibus & futuris ad rationem octo pro centum, & postea anno sequenti reduxit illum ad rationem septem pro centum, ratificando illum in reliquis.

Quæritur, an valuerit constitutio census, & eius emptio prima, & an valeat ratificatio.

1 AD QVAESTIONEM respondeo affirmative. Primo quidem, quod nullo iure videtur prohiberi constitutio census & emptio eius prædicta: & non est dicendum esse prohibitum aliquid siue lege prohibente, c. consulti 2. q. 4. §. 1. in authent. de qualitate dot. coll. 2.

Secundo quod Henricus in tractatu de contractibus q. 74. & 75. quæ sequitur Dominicus Sotus in tractatu de iustitia & iure lib. 6. q. 5. art. 1. tenet quod census non solum potest constitui super quibuscunque bonis, sed etiã super persona ipsa ipsiusmet vendentis, quamuis efficaciter id confutauerimus quo ad ampliationem.

2 Tertio, quod emptio census eo magis iustificatur, quo maiori periculo pretiũ illius subiicitur. arg. eorũ quæ notantur in c. si. de vsur. & quod pretiũ census constituti super iuribus & actionibus maiori periculo videtur subijci, quã pretium census constituti super aliqua re immobili, quæ firmior, & maioris durationis est, quã sint actiones & iura personalia, quæ in dies & horas pereunt, & extinguuntur, vt palam est: ergo constitutio huius census non debet iniusta iudicari, eo quod super rebus tam mobilibus & iuribus, quam immobilibus sit constitutus.

3 Quarto, quod si potest constitui super vna re immobili tantum, à fortiori videtur posse constitui super multis, & à fortiori super immobilibus & mobilibus, & alijs iuribus: quia emptio census eo iustior esse videtur, quo cæteris paribus ille minus tutus est, & minoris æstimationis, quia minorem speciem vsuræ habet. At census constitutus super pluribus rebus, eo minus tutus & minoris æstimationis est, quo super pluribus rebus constituitur: quia succedentibus multis in eis per contractus inter viuos vel vltimas voluntates, diuidetur census inter eos, & ita longe difficilius poterit recipi & exigi à multis, quam exigeretur ab vno qui succederet in vno prædio, in quo solo ille fuisset constitutus. arg. eorum quæ de incommoditate damnoque determinatur de solutione partis, & diuisione actionum inter multos hæredes, & multiplicatione debitorum in l. cum ij. §. causa. ff. de transact. & in l. tutor. & l. Lucius. ff. de vsuris. & l. plane. ff. familiæ erciscundæ, cum ijs quæ glossa eius in vers. minima, citat.

4 Quinto, quod Nicolaus Quintus ad petitionem Regis Aragoniæ & vtriusque Siciliæ Alphonsi declarauit licitos esse contractus, per quos aliqui constituent, & vendunt census annuales super domibus, possessionibus & proprietatibus specialiter, vel etiam generaliter super omnibus bonis, redditibus, emolumentis, iuribus & rebus eorum, mediante tamen instrumento publico

publico gratiæ redimendi onera eorum; & in casu proposito eodem modo fuit constitutus census.

- 5 Sexto, quod consuetudo, quæ non est contra legem naturalem neque diuinam, si est præscripta tempore legitimo, seruanda est, cap. quo iure. 8. dist. & cap. fin. de consuetudine, l. de quibus. ff. de legibus. at consuetudo constituendi census super omnibus bonis generaliter, nullis expressis, est longa & præscripta; quia quamplurimi census inueniuntur constituti & empti à maximo tempore, non solum in regnis Aragoniæ & Siciliæ, de quibus loquitur Nicolaus Quintus in dicta sua bulla, sed etiam in multis alijs regnis Hispaniæ, & Galliæ, immo & Romæ ante præfatam extrauagantem Pij Quinti; & præfata consuetudo non est contra ius naturale, neque diuinum, quod colligitur necessario ex præfata bulla Nicolai Quinti, qua declarauit eam esse licitam in regnis Aragoniæ, Valentiniæ, Cathaloniciæ, & vtriusque Siciliæ citra & ultra Pharum; qui eam nullatenus fecisset, nec facere potuisset, si fuisset contra ius naturale vel diuinum, argum. cap. sunt quidam. 25. q. 1.
- 6 At pro parte negante facit primo, quod in casu proposito census non fuit constitutus super aliqua certa re immobili, vel quæ pro immobili habetur, vt ex instrumēto apparet. At prima cōditio requisita ad hoc vt census redimibilis, qualis est iste, constituatur, est vt constituatur super certa re immobili; vt traditur in summa Conciliorum, quam & eius auctorem citauimus in nostro comment. de vsur. in cap. si fœneraueris. 14. q. 3. nu. 82. & seqq. Secundo, quod fel. record. Pius V. declarauit hanc conditionem esse necessariam in sua extrauag. cuius tenorem nos posuimus in Manuali cap. 17. nu. 234. Tertio, quod id videtur probare ratio illa, quam nos ibi pro hac parte formauimus, nempe quod accidens non potest esse sine substantia, l. si seruum. §. sequitur. ff. de actio. empt. quatenus probat non entis non esse qualitatem. & facit, quod vbi fundamentum deest, ibi nihil ædificari potest, cap. cum Pau. 1. quæst. 1. cap. veniens. de presbyt. non bapt. & ita cum census sit quoddam accidens, non potest esse sine aliquo subiecto.
- 7 Quarto, quod extrauagantes illæ duæ Martini & Calixti positæ sub titulo de emptio. & vendi. inter communes non approbant omnes census redimibiles constitutos & emptos, sed tantum illos, qui sunt constituti super rebus immobilibus in contractibus expressis, vt habet extrauagans Martini Quinti: in casu autem proposito nulla bona fuerunt expressa. Quinto, quod licet prima constitutio præfati census facta fuerit ante præfatam extrauagantem Pij Quinti editam anno 67. secunda tamen fuit facta post eam editam, anno scilicet 71. & ita licet valuerit prima, & consequenter debitus fuerit census trium vel quatuor annorum, non tamen debetur aliorum consecutorum.
- Non obstantibus tamen his, pars affirmans contraria videtur tenenda.
- 8 Non obstant in contrarium adducta. Ad primum enim respondetur concedendo censum præfatum non esse constitutum super re certa; negando tamen quod id requirebatur ante præfatam Pij Quinti extrauag. per prædicta.

Ad secundū respondetur, negādo q̄ præfata extrau. sit quo ad hoc declaratoria iuris antiqui; quia immo est inductoria noui, & consequenter non respicit præterita, sed tantum futura, c. 2. & vltimo cum late illic annotatis, præsertim per Felinum, de constitut.

9. Ad tertium respondetur, concedendo non posse manere accidens sine subiecto, nec ædificium sine fundamento, & non entis non esse qualitatem: cōcedendo item quod census est quasi quoddam accidens, & quod requirit subiectum, & fundamentum: negando tamē, quod census, de quo in casu proposito, non habeat subiectum, & fundamentum: habet enim omnia bona immobilia, & mobilia constituentium, & vendentium illum, sicut & sub hypothese est quoddam accidens. Attamen fundari potest, & in dies & horas fundatur in omnibus bonis se obligantium in forma Camera tam habitis, quam habendis.

10. Ad quartum respondetur, concedendo quidem quod præfata extraneæ non approbant emptionem omnium censuum quomodolibet cōstitutorum: negando tamen, vt pernegant Henricus & Sotus supra citati, quod reprobant omnes alios qui alijs modis constituuntur, vt palam est: & ita non obstantibus illis valebit constitutio, & emptio census alio modo quam ibi expresso, modo non sit contrarius iuri naturali, diuino, vel alii humano iusto: quali modo census, de quo loquimur, est constitutus, vt patuit per prædicta.

11. Ad quintum respondetur, concedendo quidem quod constitutio prima anni 67. non cepit vllum valorem ex secunda; negando tamen, quod ceperit vllam læsionem, præterquam diminutionem census soluendi per primam eius constitutionem. Tum quia actus agentium non operantur vltra intentionem eorum, l. in agris. ff. de acquirendo rerum domin. cap. finali de verborum significatione. & intentio partium, vt constat ex instrumento, non fuit lædere constitutionem census antea factam, sed solum diminuire illum amice, & gratuito. Tum; quia expresse ratam habuerunt primam constitutionem cum omnibus contentis in ea. Tum quia emptio prædij, præsertim solemniter facta per instrumentum publicum per mille scuta, nullatenus rescinditur, eo quod per aliud instrumentum partes conueniant vt remittantur centum, & emptor non cogatur soluere nisi non-genta: nam &, quod est fortius, pars stipulationis tolli potest per acceptilationem eius, manente stipulatione firma quo ad reliqua, l. pars leg. pluribus. ff. de acceptilationibus.

S V M M A R I V M.

1. Officium iurisdictionis temporalis ab illo, qui licet possit illud gratis conferre, licite tamen vendere non potest, emens, peccat mortaliter; tenet tamen collatio, ita vt donec eo priuetur, possit iuste exercere, num. 4. nec tenetur relinquere, num. 5. nec ex eo quæsitā restituere. num. 6.
2. Officia iurisdictionis secularis cum non sint spiritualia, circa illa non committitur simonia, immo sunt vendibilia, iusteque vendi possunt à non recognoscente superiore

riorem, immo & à recognoscente, si ad id habeat licentiam à Principe, vel si adsit consuetudo ut alijs personis honestis iusto vendantur pretio. nu. 3.

CONSILIUM XXII.

QUIDAM quæsiuit, mediante pecunia, vel fauore temporali, officia quædam peculiaria iudicandi, ab eis qui poterant ea ipsi gratis conferre, & exercuit illa multo tempore, & pro eorum exercitio plurima quæsiuit.

Quaritur primo, an peccauerit ea sic quærendo.

Secundo, an peccauerit ea exercendo.

Tertio, an teneatur relinquere illa.

Quarto, an teneatur restituere illa, quæ per illud exercitium acquisiuit.

AD PRIMAM QVAESTIONEM respondeo affirmatiue. Tū quia videtur transgressus fuisse legem, quæ habetur in auth. ut iudices sine quoquo suffragio fiant. collat. 2. & in auth. de mandatis principum. 9. illud collat. 3. l. 2. C. de murilegulis. lib. 11. Tū quia cōsensit, & fuit causa, ut peccaret collator eorum, accipiendo pecuniam contra prædicta iura: nam & nos in Manu. confess. cap. 25. num. 7. diximus etiam Reges illa vendendo peccare, nisi certo modo id faciant: illud enim lucrum esset turpe, ut Panormit. definiuit in cap. 1. & 2. ne prælati vices suas. relatus à nobis vbi supra.

AD SECVNDAM respondeo, illam esse profecto difficilem. Pro parte namque affirmante facit primo, quod iniuste quæsitum tenetur quis relinquere, & non eo uti, arg. cap. si res aliena. 14. q. 6. & cap. peccatū. de reg. iur. lib. 6. Secundo, quod non potest quis habere iustum titulū possidendi rem sacram, nec aliam, quæ extra suum sit commercium, l. inter stipulantem. 9. sacram. ff. de verb. oblig. & 9. sacro. inst. de rerum diuis. & in casu proponitur officium huiusmodi esse sua natura inuendibile. Tertio, quod Fabianus à Monte in tractat. de empt. q. 6. per multa definit, iustitiā & iurisdictionem esse res inuendibiles.

2 Pro parte autem negante facit, quod huiusmodi officia non sunt spiritalia, sed secularia, nec habent iurisdictionem spirituales, & ita in emptione vel venditione illorum non admittitur simonia: quicquid aliqui dixerint, ut recte concludit Panor. vbi supra. Secundo, quod nō videtur verum id, quod in casu proponitur, munus iudicandi esse sua natura inuendibile: quoniam S. Thomas in opus. 21. determinat contrarium, dicens licere vendere illud cum certa modificatione per eum ibi addita. Tertio, quod etiam præfatus Fabianus ait, consuetudinem dictare, quod sit vendibile. Quarto, quod per totam Franciam solebant, cum in ea degerem, vendi à Rege, & in Hispania passim dātur loco cuiusdam dotis iurisperitis doctis, ut ducant in vxores aliquas aulicas, & aulicis propinquas pauperes. Vnde in d. cap. 25. num. 7. dicimus ea vendi posse, & quidem iuste à non recognoscente superiorem, & etiam à recognoscente talem de licentia illius, immo & sine licentia, si cōsuetudo præscripta haberet vendendi

dendi ea honesto pretio personis idoneis, quod affirmat Caietanus in sum. verb. officiorum. & data efficaci ratione concludit Domin. Sotus de iust. & iur. q. 6. art. 4. col. 4. vers. prima conclusio. post Caietanum vitio impressoris male citatum, in verbo officiorum. Per quæ posteriora pro parte negante adducta videtur concludendum, quod officia prædicta suapte natura non sunt inuendibilia: quia Rex, vel habens regalia, vel alius, cui ipse vendendi facultatem faceret, posset illa iuste vendere: quamvis non posset id facere priuatus homo, cuius esset officium etiam iuste à Rege gratis vel gratia quæsitum, nisi facultate per eum ad id facta: quia non habet potestatem eligendi ministrum illius officij, nec dandi ei titulum: quia illa penes ipsum Regem, Proregem, vel alium ministrum superiorem est. Immo neque vllus minister inferior Rege, vel non habente regalia posset iuste illa vendere, nisi haberet facultatem id faciendi à Rege, vel ab eo, qui haberet regalia.

4 Quæ omnia casui proposito applicando, resoluendum videtur, quod D. consulens hæc officia habuit mediante pecunia, & non quidem ab homine aliquo priuato, cuius essent illa, tamquam merces emptas ab eo, sed à superiore habente potestatem illa sibi conferendi: & ita, quia hæc officia sunt secularia, in quorum adeptione non potest committi simonia, collatio eorum facta à superiore potente illa conferre valuit, & non fuit ipso iure nulla: quamvis potuisset Rex, vel alius legitimus superior illam annihilare, seu annullare, & tam conferentem, quam acceptantem castigare: sed donec id fieret, consulens poterat exercere illa, quorum tituli ipso iure valuerunt, quoad vsque cassarentur. Quibus est consequens, quod licet consulens peccasset querendo illa per pecuniam, non tamen peccauit exercendo ea aliàs iuste.

5 AD TERTIAM respondeo, quod ex solutione quæstionis præcedentis sequitur, quod non tenetur eam relinquere, donec eius tituli per superiorem cassentur: sicut & beneficiarius Ecclesiasticus per homicidium, vel aliud delictum incurrēs irregularitatem, propter quam suo beneficio priuari potest, sed non est ipso iure priuatus, potest illud retinere, & fructibus eius vti, donec per sententiam superioris priuaretur, per illam singularem doctrinam Innoc. in c. cum nostris. de concess. præbend. receptam communiter ab omnibus, & in his à Felin. in cap. inquisitores. de accusat. & sicut admittentes delicta, ob quæ suis possunt priuari bonis, quorum magnus est numerus in orbe Christiano, possunt retinere, & administrare illa, & eis sancte vti, donec per sententiam iudicis priuentur, iuxta gloss. solem. ab omnibus fere receptam in cap. fraternitas. 12. q. 2.

6 AD QVARTAM respondeo, quod ex solutione secundæ & tertiæ quæstionis colligitur solutio, videlicet, quod D. consulens non tenetur restituere quæsitæ per exercitium præfatorum officiorum, plusquam teneretur si ea sibi iuste quæsiuisset. An autem illi, quibus iniuste dedit pecunias pro illis quærendis, teneatur restituere illas, determinandum est per ea quæ nos scripsimus in Manu. confess. c. 17. à nu. 3. quod prædictis est parergon. &c.

DE LOCATO ET CONDVCTO.

S V M M A R I V M.

- 1 *Famulus conuenti mercede, etiam si sit minor iusta, contentus esse debet, nec supplementum potest sibi clam surripere, nu. 4. nisi sit talis, qui vel non potuit donare, vel iniustitiam ignorauit, vel necessitate compulsus iniquam admiserit conuentionem. nu. 5.*
- 2 *Contractus omnis vltro citroque obligatorius ad sui iustitiam dati & recepti requirit equalitatem, nec ad illius iustificationem sufficit quod partes ita voluerint contrahere, si lesus iniustitiam ignorauit, vel necessitate pressus illam admisit. num. 3.*
- 6 *Merx famuli iusta quæ sit, ex diuersis circumstantijs pendet, quam in foro conscientie arbitrabitur etiam bonus & prudens confessorius. nu. 7.*

C O N S I L I V M I.

ROMAE est consuetudo, vt domini pueris suis, quibus vtuntur in omnibus sibi occurrentibus tam domi, quam extra, etiam cum equitant, pro illorum stipendio soluant iulios decem singulis mensibus; eosque cogunt, vt se decentibus induant vestibus, alioquin eos eijciunt: & quia stipendium non sufficit, vt in annos sibi aliquid reponant, nec etiam valeant meliores condiciones reperire, vltra mercedem conuentam, aliquid à dominis subripiunt. Dubitatur an possint absolui; an vero cogendi, vt sint contenti conuento stipendio, vel sibi alio modo victum quærant: quod tamen est difficile, cum omnes domini idem à suis famulis exigant, & pro stipendio vltra decem iulios soluere nolint.

- 1 *Respondeo primo, quæstionem hanc esse quotidianam, & magni ponderis circa plurimarum animarum salutem: & quod de alia huic affini, & ex cuius decisione posset colligi huius decisio, scilicet quis dominus vel herus peccet non soluendo salarium expresse, vel tacite conuentum famulo, tractauit in Manu. confess. cap. 17. nu. 108. & seq.*

Secundo, quod huins quæstionis decisio pendet ab ea, an cōuentio prædicta sit ita iusta, vt famulus non possit quicquam vltra conuentum clam accipere. Pro cuius parte affirmante facit primo reg. *contractus ex conuentione partium legem accipiunt*, de reg. iur. lib. 6. cum concordantibus per glo. ibi citatis, quæ dicit, vulgo dici, *Factum rumpit legem*.

Secundo, quod sicut potest quis donare rem suam alicui, ita potest donare partem eius diuisibilem: & consequenter sicut potest quis gratis inseruire alicui, vel operas suas gratiosas præstare alicui, ita potest seruire partim gratis, & partim pretio, & partem operæ præstare gratis, & partem pro pretio, arg. l. quæ de tota. ff. de rei vendicatio. & arg. l. illud. ff. ad l. Aquil. cum suis concord. ergo licebit hero, & famulo conuenire, vt partim gratis, & partim pro pretio ei famuletur.

Tertio, quod consuetudo fere totius orbis Christiani habet, vt quidam inseruiant alijs tum summatibus, tum mediocribus, tum doctoribus & scho

scholasticis in academijs, tum aulicis in curijs regijs, & præsertim in curia Romana pro solo victu, immo etiam parte victus, vel pro tempore, seu horis, quæ conceduntur eis ad discendum, vel scribendum. immo nonnulli inferuiunt Cardinalibus, immo & Papæ, multo plura insumendo in vestibus, mulis, vel equis, quam sit salarium eis assignatum, immo & sine vlllo salario præter esum & potum in suis cœnaculis, dum ad ea veniunt.

- 2 Pro parte autem negante facit primo, quod nullus contractus, nec nominatus, nec innominatus vltro citroque obligatorius potest esse iustus, nisi æquale pro æquali detur, vt post alios diximus in Manua. confess. c. 17. nu. 287. At operæ, quas præstat famulus hero, comitando eum, vestiendo, ac calceando se eo modo, qui cōuenit comitanti eum, valent pluris, quam scutum menstruum: ergo conuentio, quod famulus præstet operas modo prædicto pro scuto menstruo, est iniusta.

Secundo, quod, quæ ratione venditio est iniusta, cum minus iusto pretio venditur, l. 2. C. de rescind. vend. cap. cum dilect. de empt. eadem est locatio, cum res minus iusto pretio locatur, l. 1. ff. locat. cap. 1. de locat.

- 3 Tertio, quod sicut voluntas vendendi, vel locandi pretio minore iusto non iustificat conuentionem, si quis illam ignorans, vel necessitate adactus faciat; ita & voluntas famuli præstantis operas suas minoris quam valent, nō iustificat conuentionem inferniendi ob scutum menstruum hero suo, si operæ præstitæ pluris quam illud valeant, si ignoranter, vel necessitate adactus, eas præstet, arg. à simili, quod valet cap. dudum. il 2. de elect. cap. inter cetera. de rescript.

- 4 His pro vtraque parte vtrinque pensatis, & reuocatis ad memoriam illis multis, quæ super iustitia contractuum qui minore vel maiore pretio iusto fiunt, vtiliter & resolute scripsimus in c. nouit. de iudi. not. 6. à nu. 61. Potest dici primo, quod si famulus ætatis legitimæ, & potens donare res suas, & sciens valorem operarum, quas præstaturus est, & nulla necessitate ad id coactus conuenit, vt sine vlllo salario, vel cum minore iusto præstet illas hero, conuentio erit licita, & seruanda, & non poterit quicquam amplius vltra cōuentum clam accipere: quia videtur donare gratis id quod dat sine vlllo pretio, argum. l. Campanus. ff. de operis lib. & l. cuius per errorem. ff. de regulis iuris. & tradit Salice. in auth. ad hæc. C. de vsur. nu. 21. & consequenter valent omnia, iuxta reg. cap. peccatum. de regulis iuris lib. 6. & cap. si res aliena. 14. q. 6. & hoc videntur probare argumenta pro parte affirmante supra facta.

- 5 Secundo, quod e contrario, si non est persona potens gratuito donare suas operas, vel ignorat earum iustum pretium, vel nouit illud, sed pressus necessitate aliqua donat illas, vel partem illarum, non est iusta conuentio, sed iniusta, per citata in d. cap. nouit. notab. 6. à num. 47. & consequenter, attento quod in foro exteriori difficile posset assequi honeste, & cum pace, seruata iusta amicitia, integrum debitum, posset clam surripere id quod deesset ad faciendam conuentionem iustam, argum. gloss. celebris cap. ius gentium. 1. dist. & eorum quæ latius tradimus in Man. confess. cap. 17. num. 114.

Tertio,

6 *Tertio, quod in comparando operas præstandas, scuto mensuro, an sint paris, an imparis valoris, considerare oportet quantas & quales operas herus requirit à famulo, & an herus obliget se ad concedendum tempus aliquod ad studendum, legendum, scribendum, vel ad agendum alia negotia sua, vel sibi commendata, vel ad docendum ei aliquam artem liberalem, vel mechanicam, vel militarem, vel etiam artem inferuendi vrbane, vel aliquam aliam ei vtilem, an non: an etiam rogatus accipiat illum sine fideiussore, aut cum illo; an item requirat, vt sic vel sic vestitus inferuiat, vel comitetur; an sit contentus suo famulatu, & seruitio cum qualicumque veste, vel calceatu præstito. quoniam hæc omnia possunt augere vel minuire iustum salarium, & facere vt debitum sit legale, vel solum antidorale: & requiritur vt debitum sit legale, siue de iustitia debitum, ad hoc vt iuste possit clam accipi, per tradita in Man. cap. 17. nu. 113.*

7 *Quare, meo iudicio, pauci eorum, qui seruiunt aulicis, vt meliores, doctiores, vrbaniore, & rerum aulicarum peritiores, & ad agenda negotia fiant aptiores, merentur de iustitia plusquam vnū scutum: quamuis multi, qui inferuiunt totos dies intra & extra domos curando equos, vel mulos, & comitando heros cum honesto vestitu & calceatu, nihil vel parum sibi proficiendo, plus mereantur, iuxta quantitatem & qualitatem operarum suarum, quod determinandum videtur arbitrio boni viri, & prudentis cōfessarij, arg. l. 1. ff. de iure delib. qui perpendere debet, quod vt plurimum quilibet famulus, quamlibet parum inferuiat, meretur scutum mensurum: & quod antiqua consuetudo habet, ne vlli amplius de iustitia debeatur, quod tamen alij longe melius, & vtilius quam alij deseruiunt, & minus sibi proficiunt. Salua, &c.*

S V M M A R I V M.

- 1 *Locatio ouium ad quinquennium, cum pacto vt ea finita totidem æque bonæ restituantur, exceptis quæ fulgure vel certa quadam infirmitate perierint, est iusta, & vsuraria censenda.*
- 2 *Conductor regulariter, nisi de culpa lata, & leui, non tenetur.*

C O N S I L I V M II.

QUIDAM locauit centum oues alteri ad quinque annos pro pensione 100. minorum, & 50. castorum in singulos annos, ea lege, vt finitis quinque annis, redderet conductor totidem æque bonas, exceptis quæ perirent fulgure, vel vna quadam infirmitate. Quæritur an is contractus sit vsurarius.

1 *Respondeo primo, præfatum contractum non esse vere vsurarium; quia vera vsura in solo cōtractu mutui requiritur, & is contractus non est contractus mutui, sed locationis, & conductionis, vt palam est.*

Secundo, quod non videtur licitus, & potest præsumi vsurarius. Tum propter pactum reddendi æque bonas oues post quinquennium, per quod in effectum redditur sors principalis post quinque annos, & vltra illam

2 *quingenti solidi, & quinquaginta cæsei. Tum quia conductor, qui iure com-*

communi non tenetur, nisi de culpa lata, & leui, obligatur in hoc casu, ut teneatur de omni culpa leuissima, & de omni casu fortuito, excepto ictu fulminis, quo rarissime peribit vlla, & casu vnius ægritudinis etiam satis raro contingentis. &c.

S V M M A R I V M.

- 1 *Emphyteuta canonem non soluens feudum amittit, nisi vbi aliter sit conuentum.*
- 2 *Lex perpetua etiam post mortem legislatoris durat: monitio, seu præceptum principis morte finitur.*
- 3 *Lex tollens pacta à caducitate excusantia intelligitur de pactis illam tollentibus simpliciter, & non quando loco caducitatis alia pœna ponitur.*
- 4 *Compositio, seu noua conuentio remittit deuoluta, & non deuoluenda.*

CONSILIVM III.

DECLARATIVM fuit, quod ad quemdam D. Philippum tamquam Ecclesiæ feudatarium pertinerent quædam paludes desiccatae, & desiccandæ cum certa pensione, & immunitate; & conuenit cum Camera Apostolica, ut caderet in pœnam dupli, si pensionem non solueret. Superuenit noua Alex. VI. constitutio auferens pacta caducitatem tollentia. Dictus autem feudatarius cessauit à solutione, sed postea de nouo cum Sede Apostolica conuenit super dictis paludibus, & cum clausulis derogatorijs obstantias auferentibus. Dubitatur modo, an teneatur d. D. Philippus adhuc pœnam caducitatis subire, & sit compellendus prædictas paludes Ecclesiæ restituere, quia adhuc post vltimam conuentionem non soluit.

- Respondeo inclinare me ad credendum, quod ad præfatum dominum Philippum pertinent prædictæ paludes desiccatae, & desiccandæ cum immunitate exportandi fructus earum extra statum Ecclesiæ, & cum onere soluendi temporibus debitis omnia, quæ pro illarum concessione, & immunitate exportationis fructuum promittit, iuxta tenorem literarum postremarum S. D. N. Gregorij XIII. Tum quia inter Cameram Reuerendissimam & præcessores prædicti Philippi conuentum fuit olim, quod paludes prædictæ non deuoluerentur ad sanctam Sedem Apostolicam ob non solutum canonem, siue pensionem, sed tantum pœna duplicaretur. Tum quia Alexandri VI. bulla, qua monuit omnes emphyteutas, & censuarios, ut soluerent intra certum tempus, alioqui incurrerent pœnas, & quod non prodesse eis priuilegia, indulta, & pacta de non incurrendo pœnas
- 1 caducitatis ob non solutionem canonis, potest dici monitio, vel præceptum, quod morte mandantis finitur, & non lex perpetua, quæ etiam post mortem durat. Tum quia etiam dicere quispiam posset, quod prædicta bul-
 - 2 la Alexandri tollebat quidem pacta illa, quæ loco pœnæ caducitatis adderent pœnam duplicati canonis, vel tributi, qualia sunt pacta, quæ præ-
 - 3 cessores prædicti D. Philippi cum Reuerendissima Camera iurauerunt. Tum quia præfatus dominus Philippus nouissime conuenit de mandato S. D. N. Gregorij XIII. cum prædicta Reuerendissima eius Camera super
 - 4 proro-

prorogatione noua quindecim annorum, qui inceperunt à fine anni 77. & finirentur per totum annum 92. in qua conuentione prædicta Camera, si & quatenus opus esset, noue concessit prædicto Philippo prædictas paludes, quocumque modo ad eandem, siue ad sanctam Sedem Apostolicam deuolutæ essent. Nec obstat, quod prædicta conuentio fuit facta anno 73. & solutionis omisio fuit facta anno 76. & 77. & consequenter deuolutio fuit facta post illam conuentionem, per quam solum fuit facta noua concessio, quatenus erant hinc deuolutæ, & non quatenus postea deuoluerentur. Tum quia in prædicta conuentione fuit adiecta clausula, ne prædictæ paludes deuoluerentur ad sanctam Sedem Apostolicam propter non solutionem pensionis: & per clausulam, non obstantibus, positam in confirmatione prædictæ conuentionis prædictæ bullæ Alexandri VI. etiam si fuisset constitutio perpetua. Tum denique quod prædictus Philippus potest bene sperare, quod S.D.N. pro sua maxima benignitate, & pari animi magnificencia, & liberalitate, sibi viro nobili, & de Repub. benemerito in rebus dubijs fauebit, & dignabitur meminisse cap. fraternitas. 12. q. 2. quod alteri benignissimo Gregorio suo præcessori in cælis regnanti non fuit valde gratum ditare Ecclesiam per pœnas delinquentium.

S V M M A R I V M.

- 1 Prædium proprium dare in censum annuum in perpetuum, cum pacto vt tanta pecunia possit redimi, non est per Pium V. prohibitum.

C O N S I L I V M IIII.

QUODDAM monasterium tradidit prædium valens 14. millibus in censum mille annuorum cum facultate redimendi. Queritur an ille census fuerit licite constitutus.

- 1 Pro parte negante facit extrauag. Pij V. in quam nos late fuimus comment. in comment. de vsur. super cap. si fœneraueris. 14. q. 3. à nu. 84. quæ habet, censum non posse constitui nisi pro pretio soluendo in pecunia numerata tempore constitutionis.

Pro parte vero contraria, quæ tenenda est, facit, quod huiusmodi contractus non est ille censiticus, de quo loquitur prædicta extrauagans. Tum quia est contractus emptionis emphyteuticus, vel locationis, vt colligitur ex s. adeo. Instit. de locat. adiuncta l. 1. & 2. C. de iure emphyteu. Tum quia contractus censiticus, de quo loquitur Pius V. est contractus, per quem dominus rei imponit aliquem censum alteri super re sua, vel quæ putatur eius, pro certo pretio & pecunia numerata, vt palam est, & nos tradidimus in eius comment. gloss. 17. & quæst. 9. & in casu proposito prædium non erat, nec putabatur esse constituentis censum, immo pertinebat clare ad monasterium, cui constituebatur ille, vt in facto proponitur. Tum quia ratio, quæ mouit Pium Quintum ad condendam illam extrauag. non habet locum in contractu proposito: quoniam Pium Quintum mouit ad eam edendam, vt auferret occasionem palliandi

fraudem usurarum, quæ fiebat inter simulantem vendere censum pro certa pecunia, quam vere coram Deo assimebat mutuo pro soluenda usura palliata nomine census: quæ ratio omnino cessat in casu proposito, in quo dominus rei non soluit censum pro re sua, sed accepit pro ea. Tum denique quod nos in dicta gloss. 17. num. 98. probamus prædictam extrauag. non habere locum extra suos terminos, ut ibi videri potest. Salua, &c.

DE FEVDIS.

SUMMARIVM.

- 1 Mendax precator impetratis carere debet.
- 2 Taciturnitas eius quod expressum principem reddidisset difficiliorem ad concedendum, vitiat gratiam; & hoc, quando hoc tacitum est de illis quæ iura iubent exprimi, num. 4. & 5. Item fallit in aliter notis principi, num. 2. vel quæ sunt notoria, vel quæ iure communi actui insunt. num. 3.
- 3 Falsus non est, qui cum debeat duo, dicit se vnum debere, modo non adijciat taxatiuam dictionem, tantum.
- 6 Minima non videntur consideranda, ad rescindendum magna, vel ut puniatur quis pœna statuti, nec quando ex qualitate personarum præsumitur quod ob minima non mouentur, nec ea curant; item & quando non militat eadem ratio.
- 7 Carnalis affectus licet noceat prælato in concessione rerum ecclesiarum, attamen in concessis facit præsumi maiorem voluntatem ad firmitus concedendum.
- 10 Iuramentum fidelitatis, ac petitio inuestituræ reputantur inter recognitiones, quæ à feudatario debentur, adeo ut per horum omissionem perdatur feudum. num. 8. & hoc nisi illa etiam sub generali remissione recognitionum fuerint à domino remissa. num. 9. & 10.
- 11 Vniuersalis loquutio nihil excludit, & includit omnia, ita ut includat multa quæ non includit indefinita, illamque ampliat.
- 12 Negatiua æquipollet vniuersali, & quicquid inuenit destruit, & eius contrarium ponit.
- 13 Exceptio in casibus non exceptis firmat regulam.
- 13 Feudum concedi potest absque onere petendi inuestituram, & præstandi iuramentum fidelitatis.
- 14 Iuramentum fidelitatis etsi à principio non censeatur remissum, attamen aliquo ex pacto, vel lapsu triginta annorum remissum censeari potest.
- 19 Innouatio, seu prorogatio alicuius potestatis, nisi forma eius antiqua mutetur, cum omnibus illius qualitatibus facta censetur.
- 15 Forma est, quæ dat esse rei.

CONSILIUM I.

IN CAUSA quæ vertitur inter Reuerendissimam Cameram, & Illustrissimum D. Honorium de Sabellis super amissione castrorum Tarani,

Tarani, Montisboni, & Rocchettarum, & deuolutione illorum ad præfatam Reuerendissimam Cameram, omisis alijs punctis, ventum esse videtur ad illa duo, quorum vnum est, an inuestitura, qua inuestiuit bo. mem. Paulus Papa III. Illustrissimos D. Paulum & Antonium prædecessores Illustrissimi D. Honorij, fuerit subreptitia.

Alterum est, esto quod non fuerit, an præfatus D. Honorius amiserit dicta castra, eo quod non præstitit iuramentum fidelitatis.

Pro quorum resolutione præsupponitur in facto; primo, quod Gregorius XII. concessit castra, de quibus contenditur, præcessoribus eorum, cum quibus Reuerendissima Camera contendit, ea lege, vt præstarent iuramentum fidelitatis, & quolibet anno soluerent pro recognitione vnum accipitrem, & duos braccos. Secundo, quod postea bonæ mem. Paulus III. anno 1535. inuestiuit præfatos DD. Petrum & Antonium præcessores Illustrissimi domini Honorij, narrando in inuestituræ bulla, quod præfati Petrus & Antonius Cameræ Apostolicæ singulis annis in festiuitate beatorum Petri & Pauli pro recognitione dictorum castrorum erant obligati soluere vnum canem, & vnum accipitrem, & quod pluribus annis in solutione dictæ recognitionis defecerunt: & propterea dicta castra ad Cameram Apostolicam deuoluta censebantur: & volens Papa ipsos, qui secundum carnem erant consanguinei sui, specialibus gratijs & fauoribus prosequi, auctoritate Apostolica ipsos liberauit à solutionibus decursis, & ipsa castra deuoluta ipsis de nouo inuestiuit, nec non recognitionem præfatam in vnum ducatum auri de Camera singulis annis in festo Sanctorum Petri & Pauli soluen. commutauit, & ipsos ad aliam recognitionem dictorum castrorum dictæ Cameræ de cætero faciendam minime teneri decreuit, & declarauit, contrarijs non obstantibus quibuscumque.

1. HOC IGITUR FACTO præsupposito, ad primum eius punctum respondetur, quod pro Reuerendissima Camera facit primum, quod mendax precator debet carere impetratis, cap. super literis. de rescript. l. & si. C. si contra ius vel util. publ. translat. in cap. & si legibus. 15. quæst. 2. At præfati domini Petri & Antonius videntur in impetratione feudi dixisse falsum, dicentes, quod non debebant nisi vnum canem seu braccum in anno. Secundo, quod taciturnitas eius, quod expressum redderet principem difficiliorem ad concedendum, efficit gratiam subreptitiam, & nullam, cap. postulasti. de rescript. ibi, *Non tam de leui concessissemus.* & præfati DD. Petrus & Antonius tacuerunt se fuisse obligatos ad præstandum iuramentum fidelitatis: quod si Paulus sciuisset, difficilius liberasset eos ab omni recognitione.

2. Pro parte vero præfatorum DD. faciunt primo verba expressa præfatæ bullæ inuestituræ, scilicet quod ipsos ad aliam recognitionem dictorum castrorum de cætero faciendam minime teneri decernit, & declarat. Secundo, quod taciturnitas eius, quod princeps nouit, non inducit subreptionem, immo includit dispensationem, quatenus opus est ad valorem actus, l. quidam consulebant. ff. de re iudic. l. idem Vlpia-

- nisi de consuetudine. tradit Felin. & citat ab eo in cap. quod in re-
 -fari. de consuet. & cap. si quando. de rescriptis. 2. At Paulus I 117 & 118,
 in cuius pectore erant omnia iura clausa, cap. 1. de consuet. lib. 6. nouit val-
 -salum feudatarium teneri ad præstandum iuramentum fidelitatis, cap.
 de forma. 22. q. 5. & cap. 1. de forma fidelitatis in visibus feudorum. Tertio,
 3 quod ut expressio eius, quod iure inest, non facit actum simoniacum, cap.
 significasti. de elect. glo. sole. ubi late Felin. in cap. ad audiendum. lib. 2. de re-
 -scriptis. & taciturnitas qualitatis, quæ est notoria, vel de iure inest, qualis
 -est reservatio generalis in corpore iuris clausa, non facit gratiam subre-
 -pticiam, ut colligitur ex decis. 32. Rot. de rescript. in nouis. quod late con-
 -firmat Felin. in cap. in nostra. col. 5. de rescript.
- Non obstant opposita. Ad prius enim illorum respondetur, negando
 quod præfati domini dixerint falsum; quia non dixerunt se non debe-
 -re duos canes, nec debere vnum tantum, sed debuisse vnum; quod erat
 verissimum.
- Ad replicationem, quæ fieri potest, quod idem est dicendum de tacente
 verum, quod de dicente falsum, respondetur in solutione sequenti.
- 4 Ad posterius autem respondetur primo, negando quod omnis taciturni-
 -tas, quæ redderet principem difficiliorem ad concedendum, vitiet gratiã;
 sed solum illa vitiat, quæ tacetur id, quod iura statunt ut exprimat, ut
 late concludit Rota in d. decisio. 32. de rescript. in nouis, & latius Egi-
 dius concl. 697. conclusio extra Rotam: quas inter alios sequitur Felin.
 in cap. postulasti. colum. 3. & in cap. in nostra. corol. 3. de rescript. & nullo
 iure cauetur, ut huiusmodi debiti canes exprimantur in concessione hu-
 5 iusmodi feudi. Secundo, quod duo requiruntur ad hoc, quod taciturni-
 -tas veri vitiet gratiam. Alterum, quod, ut diximus, iure caueatur eius ex-
 pressio. Alterum, ut id, quod tacetur, sit tale, quod expressum retraheret
 principem à concedenda gratia. At non caueatur iure, ut expressio hu-
 iusmodi canis debiti fiat, ut dictum est, nec est tale quod expressum retra-
 6 xisset principem à concedendo. Tum quia de minimis non est curan-
 -dum; saltem ad effectum rescindendi magna, l. sciendum. ff. de in integrum
 restitutio. cap. ex parte. de fide instrumenti. l. Senatus. §. Marcellus. ff. de leg.
 1. Vnde alienationem rei ecclesiasticæ parum non vitiat ommissio solemn-
 -tatis iuris, cap. terrulas. 12. quæst. 2. per quod id dicit Feder. consil. 210. &
 non debet quis puniri pœna statuti punientis vulnerantem ob paruum
 -vniuersum, secundum Bart. in l. si prædium. C. de ædilit. edict. Tum
 quia de minimis non est curandum; quando ratio legis de maioribus
 disponens non militat proportionabiliter in illis, ut ait Panorm. in cap.
 de appell. per tex. efficaciter id probantem in cap. etsi quæstiones. de simo.
 Tum quia illud cap. probat etiam, quod minima non nocent, cum ex cir-
 -cumstantijs personarum præsumitur contrarium: probat enim donatio-
 nem vnius equi factam à viro Illustri Legato Papæ non inducere præsum-
 -ptionem simoniæ. Cum ergo debitum soluendi vnum canem non sit ne-
 -gatum, sed solum tacitum: cumque sit quiddam minimum tam ex circum-
 -stantiã beneficientis & concedentis feudum, qui erat summus Pontifex,

- & summus Rex, quam beneficiariorum, qui erant illustrissimi viri, quam ipsius beneficij, quod erat multorum castrorum, cum omnimoda iurisdictione, mero & mixto imperio, non videtur considerandum esse ad effectum rescindendi tam grande beneficium à tam grandi & summo principe tam magnis viris factum; neque ad præsumendum, quod ob illius expressionem retraxisset se tantum princeps à tam illustri concessione. Tum quod præfati viri illustrissimi erant cognati ipsiusmet summi principis, qui erat valde propensus ad augendum & honorandum eos: & ridiculum videtur dicere, quod tantam donationem à tam grandi principe factam vitaret taciturnitas debiti vnus canis, qui apud eos fere pro nihilo habetur. Tum quod non tacuerunt dolo, sed ob incogitantiam, quæ verisimiliter prouenit ex eo, quod diutissime cessarunt à solutione accipitris, & canum debitorum; & non cogitarunt an duo canes, vel vnus deberentur. Tum quod licet cognatio & consanguinitas carnalis ad aliquos effectus noceat in rerum ecclesiasticarum tractatu, iuxta cap. huiusmodi. §. nam hæc vsus præstatio. 10. quæst. 2. non tamen obest, immo plurimum prodest ad præsumendum, quod concedens maiore affectu concedit cognato dilecto, quam extraneo, & quod voluerit firmiorem & ampliorem esse suam donationem, vt experientia docet, & probat lex vt vim. ff. de iusti. & iur. & alia plurima; & quod cæteris paribus, modo absit fraus, magis tenemur cognatis, quam extraneis, vt in his terminis tradit Feder. vbi supra.
- 8 Ad alterum punctum respondetur, quod pro parte affirmante, scilicet, quod præfatus Illustriss. D. Honorius perdidit præfata bona, eo quod non præstiterit iuramentum fidelitatis, facit primo, quod omnis feudatarius videtur teneri ad præstandum iuramentum fidelitatis domino, à quo habuit feudum, cap. 1. de forma fidelitatis, & melius in cap. 1. de noua form. fidel. in vsib. feud. & cap. de forma. 22. q. 5. & cap. ego N. de iureiuran. adeo quod si noluerit illud præstare, perdat feudum, cap. 1. §. 1. quæ fuit prima cau. bene amitt. in vsibus feud. Secundo, quod feudatarius, qui non petit inuestituram, perdit feudum, cap. 1. in princip. quæ fuit prima causa bene amittendi, & in cap. 1. quo tempore miles in vsibus feud.
- 9 Pro parte tamen negante facit neruofissime, quod non omnis vassallus, qui habet feudum, tenetur ad petendam inuestituram, & iurandam fidelitatem; sed solum ille qui habet feudum illis oneribus subiectum, vt est casus in dicto cap. 1. in princ. & præfatum feudum concessum fuit præfatis DD. Petro & Antonio à Paulo III. liberum ab omni alia recognitione, excepta solutione vnus ducati auri in vigilia Apostolorum Petri & Pauli; & constat, quod iuramentum fidelitatis, & petitio inuestituræ sunt recognitiones dominij directi, quod apud concedentem feudum remanet, vt ex definitione recognitionis, & verbis petitionis inuestituræ, & præstationis iuramenti fidelitatis positus in titu. de verâ form. fidelit. & in titu. quid sit inuestitura, & qualiter fiat in vsibus feud. irrefragabiliter colligitur, & expresse adnotauit Maria. Socin. consil. 66. num. 30. in fine, in hæc verba, *Petere inuestituram, est quidam quasi census deuotionis*

- Reuerentia, quæ domino præstari debent.* Cum ergo fuerit concessum liberum ab alia recognitione, quam præfati ducati solutione; & petitio inuestituræ, & præstatio iuramenti fidelitatis sint recognitionis; consequens est, concessum fuisse liberum ab illis. Tum quia non solum concessis liberum indefinite à recognitione, sed vniuersaliter ab omni alia recognitione:
- 11 quæ vniuersalis loquutio omnia includit, & nihil excludit, cap. solita. versus finem, de maior. & obed. immo includit multa, quæ non includit indefinita; amplius enim legat, qui legat omne marmor, quam qui legat marmor; & qui legat omnem lanam, quam qui lanam, per iura, quæ in id allegat gloss. sing. in cap. vt circa. de elect. lib. 6. & gloss. sing. in verb. quamuis. clem. 1. de re iudic. quæ habet, per illam vniuersalem notam seu dictionem quamuis, ampliari clem. illam ad causas criminales spirituales, quas non inclusisset, si absque illa nota dictata fuisset. quod putatur sing. à Panor. in consil. vlti. primi volum. & Andr. Siculo in cap. tertio loco. de probatio.
- 12 Nec obstat, quod bulla non habet illa verba, *omni alia recognitione*, sed solum, *aliam recognitionem*: quoniam sunt verba negativa, quibus Papa decernit eos ad aliam recognitionem minime teneri: quæ verba æquipolent illis verbis, *ad aliam recognitionem non teneri*, quæ constat esse vniuersalia negativa, quæ quicquid inueniunt destrunt, & contrarium eius ponunt, iuxta gloss. singul. & recept. in cap. cum dilectus. de consuetu. cui omnium dialecticorum chorus consentit. Tum quia exceptio firmat regulam in casibus non exceptis, l. quæsitum. §. denique. ff. de fund. instru. vbi Bart. & cap. dominus. 3. 2. q. 7. & late Felin. in cap. fin. de lite non cõtest. & præfatus Paulus III. liberavit præfatos fratres ab omni recognitione, excepta solutione vnius ducati annui: ergo liberavit eos ab omni alia recognitione, & consequenter ab inuestitura petitione, & iuramenti fidelitatis præstatione. Tum quia indubitatum est, feudum posse concedi absque onere potendi inuestituram, & præstandi iuramentum fidelitatis, cap. 1. §. 1. quæ fuit prima causa benef. amitt. & cap. 1. in fin. per quos fiat inuestitura. & tradit Panorm. in consil. 82. num. 7. in hæc verba, *Iuramentum à vassallo præstandum est, nisi à principe fuerit remissum*. Tum quia, vt ait Panor. ibidem, licet non præsumatur iuramentum à principio fuisse remissum, id tamen potest constare ex speciali pacto, vel lapsu triginta vel quadraginta annorum, argum. cap. peruenit. de emptio. & venditio. & l. si filius. C. de petit. hæc. & in casu proposito non solum constat de speciali pacto, sed etiam de lapsu quadraginta & amplius annorum: quia feudum fuit concessum annis 1535. & nunc agitur annis 1581. Tum quia nihil obstat, quod in prima concessione, quæ Gregorius XII. concessit bona prædicta prædecessoribus præfatorum DD. Petri, & Antonij, fuit adiectum onus iurandi fidelitatem, & inuestituram potendi: & quod concessio Pauli III. fuit quedam renouatio, & prorogatio concessionis Gregorij XII. & consequenter videtur esse facta cum omnibus qualitatibus illius, l. sed si manente. ff. de præcatio: per quam gloss. memorabilis in cap. hi qui. de præbend. lib. 6. dicit prorogationem alicuius potestatis videri factam cum omnibus qualitatibus illius, & in terminis propositis consuluit Ioan. Bar.
- Scaramp.

Scaramp. consil. 112. prim. par. cons. feuda. quod feudum etiam ipso iure perditum, & renouatum adeo censetur vetus, & non nouum, quod agnati possunt & debent succedere in illud. Non inquam hoc obstat: quia id forte verum est, cum renouatio fit forma antiqua non mutata, secus si ea mutetur; quia per illam mutationem fit nouum, vt determinat Bal. in 6. insuper. de prohib. feud. alien. per Feder. & antea Oldrad. consil. 278. cuius ratio germana est, quod forma dat esse rei, l. Iulianus, §. si quis rem fecerit. ff. de exhiben. reis, cum his quæ gloss. ibi citat: & palam est in concessione Pauli III. valde fuisse mutatam formam concessionis Gregorij XII.

Per quæ omnia superuestita, & aucta maxima S. D. N. benignitate, & liberali æquitate, qua solet erga huiusmodi viros Illustrissimos vti, resolutio predicta sancta & æqua videri potest. Salua, &c.

DE SOLVTIONIBVS.

SYMMARIVM.

1. *Res transit cum onere suo: fallit, quando res ipsa, antequam dicto onere afficeretur, mutata forma, ad alium qui non est successor perueniret. nu. 2.*
1. *Decimæ & collectæ soluendæ aliquo anno de fructibus alicuius beneficii, debent ab eo solui qui illius anni fructus percepit, etiam si beneficium tempore solutionis, mutauerit possessorem; modo qui illos percepit, eos tamquam beneficiarius percepit. nu. 4.*
2. *Pensio Apostolica auctoritate imposita super distributionibus quotidianis alicuius beneficii obligat solummodo ipsum beneficiarium pensioni consentientem, & in beneficio successorem: qualis cum non sit nec Capitulum, nec singuli de Capitulo, quibus dictæ distributiones vacante beneficio ratione interessentiæ accrescunt, sequitur vt illi ad illam non teneantur.*
2. *Distributiones quotidianæ alicuius beneficii, super quibus alicui reseruata est pensio, tunc demum remanent dicto onere affectæ, si à beneficiario ipso lucrifactæ sint.*
3. *Pensio annua soluenda ex fructibus alicuius beneficii taxatiue expressis operatur quidem vt non debeat solui ex alijs quam ex dicti beneficii fructibus perceptis, vel qui percipi potuerunt, sed non tollit quominus termini illorum annorum, in quibus nulli potuerunt percipi fructus, solui debeant ex fructibus in sequentibus annis successiue perceptis, siue percipiendis. nu. 4. & 5.*
3. *Taxationis, & non demonstrationis causa censetur facta mentio rerum, ex quibus quid solui mandatur, quando vtraque vna & eadem oratione continetur.*
4. *Pensionarius potest pensiones non exactas exigere à successore in beneficio, nedum pro illis annis in quibus beneficium fuit ab antecessore possessum, sed etiam in quibus fuit vacans; non tamen poterit cogi vt soluat nisi ex fructibus, prout eos successiue ex eodem percipiet beneficio. nu. 6.*

QVAERITVR primo, an Antonius pensionarius, cui constituta est pensio 250. scutorum super fructibus & distributionibus cantoriae valoris 1350. ducat. vacante cantoria per annum, & fructibus eius, qui in solis distributionibus consistunt, praeter aureos centum, cedentibus Capitulo, possit petere pensionem à Capitulo.

Secundo, an possit petere ab eo, qui ei fuerit successor.

Duae quaestiones videntur proponi. Prior est, an praedictus D. Antonius possit petere praedictam pensionem praedicti anni à Capitulo. Posterior, an poterit petere ab eo, qui successerit in d. cantoria.

1 AD PRIOREM respondeo, quod pro eius parte affirmante facit, quod res cum suo onere transit, cap. ex literis. de pig. & cap. si quis laicus. 16. q. 1. At distributiones quotidianae praedicti anni ecclesiae praedictae videntur oneratae, & affectae onere soluendi praedictam pensionem: ergo is vel is, ad quos transierint, tenebuntur soluere illam. Cum ergo distributiones transferantur ad Capitulum, vel dignitates, & canonicos illius Capituli, illi tenebuntur ad soluendum illam. facit quod collecta vel decima soluenda aliquo anno de fructibus alicuius beneficii, solui debet ab eo, qui fructus anni accepit, etiamsi antequam soluerit designat esse beneficiarius illius beneficii, quod saepe respondisse ait Domin. in cap. praesenti. 9. porro. de off. ordin. lib. 6.

2 His tamen non obstantibus pars negativa videtur verior, tam quo ad Capitulum, quam quo ad illos, qui sunt de Capitulo. Quo ad Capitulum quidem duplici ratione. Prior est: quia nihil de distributionibus praedictis pervenit ad illud; illae enim totae pervenerunt ad singulares de Capitulo; & constat aliud esse Capitulum, aliud singulos de Capitulo, cap. eam te. vbi late hoc Feli. exornat, de rescrip. Posterior est, quod litterae Apostolicae obligant ad soluendam praedictam pensionem solum Ioannem, qui consenserat eius constitutioni, & successores in ipsa cantoria, ut ex tenore illarum constat, de quibus non est Capitulum, ut palam est. Quod autem non possit petere etiam à singularibus, qui non fuerunt, vel fuerint successores in cantoria, probatur posteriore ratione: quia litterae Apostolicae non obligant illos, nec ullam de illis mentionem faciunt. Probatur etiam, eo quod nihil praedictarum distributionum provenit ad eos ratione praedictae cantoriae, sed tantum ratione suarum dignitatum & canonicatum, ratione quorum diuinis intererant.

Non obstant opposita: quia concedimus quidem rem transire cum onere suo; sed negamus praedictas distributiones, quae numquam fuerunt quaesitae per ullum cantorem, esse oneratas illo onere: quia ad summum illae tantum, quae essent lucrifactae per cantores, potuerunt esse affectae, & obligatae onere illo, iuxta illud solemne consil. Roman. 388. in casu. de quibus non sunt illae quae accreuerunt eis ob absentiam cantoris, & determinatio Dom. loquitur de collecta, quae debebatur à beneficiario de fructibus, quos ratione sui beneficii percepit; quod non contingit in casu pro-

si proposito, in quo pensio debetur de perceptis à cantore, quales nulli sunt; quia nullus fuit cantor, qui eos percipere posset.

AD POSTERIOREM QVAESTIONEM, videlicet an prædictus Antonius poterit petere prædictam pensionem ab eo qui successerit in dicta cantoria, esto quod distributiones, nec fructus percepit; respondeo pro parte negante facere primo, quod ipse nō recepit, neque quidquam vñquam recipiet de fructibus, & distributionibus prædicti anni, quo cantoria vacauit; quia illi cum cōsisterent in distributionibus quotidianis, accreuerūt Capitulo, vel singularibus dignitatibus, vel canonicis, qui fuerunt illo anno de Capitulo, & interfuerunt horis, & alijs diuinis officiis, iuxta cap. 1. de cler. non resid. lib. 6. & cap. 12. de refor. sess. 24. Conc. Trident. & iniustum videtur, quod qui non rapuit, nec accepit, exoluat; argum. cap. si res aliena. 14. quæst. 6. cap. peccatum. de reg. iur. lib. 6.

Secundo, quod non debet alteri per alterum iniqua conditio inferri, l. non debet. ff. de regul. iur. nec debet alius pro alio teneri, argum. illorum tit. C. ne fil. pro patr. & ne vxor pro mar. & illius vers. 68. *Filius non portabit iniquitatem patris.*

- 3 Tertio, quod non debetur pensio illius anni, quo non fuerunt percepti, nec potuerunt percipi; fructus beneficij, si fuerunt in bulla expressi causa taxationis, & non demonstrationis, vt grauiter definit Paul. Castr. cons. 338. nu. 3. col. 1. & post illum Fel. in cap. ad audiētiam. il 2. nu. 7. de rescrip. & addit Gigas in q. 62. de pensio. quod secundum stylum Curie fructus, super quibus imponitur pensio, exprimuntur causa taxationis, & non causa demonstrationis: & recte quidem; quia vna & eadem oratione continetur reseruatio pensionis, & nominatio fructuum, ex quibus illa est soluenda; & quando id vna & eadem oratione fit, censentur fructus nominati causa taxationis, vt efficaciter probat Paul. communiter recep. in d. cons. 338. nu. 3. & in casu proposito fructus non fuerunt recepti, nec potuerunt percipi ab aliquo; quia vacabat cantoria, & non erat cantor qui posset interesse diuinis. ergo non potest peti pensio pro illo anno.

- His tamen non obstantibus pars affirmatiua videtur verior. Tum quia intentio Papæ est seruanda, cap. super literis. sub fin. de rescript. cap. fin. de præbend. argum. l. In conditionibus primum locum eorum habet intentio disponentis. ff. de condit. & demonstrat. At intentio Papæ fuit, provide-
re D. Antonio de prædicta pensione pro victu eius honesto, vel parte eius soluenda de fructibus & distributionibus per Ioan. cantorem, & successores eius percipiendis: ergo soluenda est illa ab aliquo, & non à
4 Capitulo, neque à singularibus de illo, ergo à successoribus eius. Tum quia stylus Curie habet, quod pensionarius potest petere pensiones decursas, & non solutas annorum præteritorum à nouo possessore beneficij, qui nihil vñquam recepit, nec forte recipiet, nec recuperabit à præcessoribus suis, nec ab hæredibus eorum; & id esse iuri consonum, satis colligitur ex Domin. & Franc. in cap. præsent. §. fin. de offi. ord. lib. 6. & ex traditis à Caccialup. quæst. 11. de pension. & latius ex Gigante in tract. de pensio. quæst. 39.

- Non obstat primum oppositum : quia concedimus successores prædictos numquã esse percepturos de fructibus , & distributionibus illius anni ; sed negamus eos ob hoc liberari : quia tenebuntur ad soluendum de fructibus perceptis ab eis alijs annis, quibus cantoriam possederint : sicut tenerentur soluere pensiones omnes decursas , si prædictus Ioannes cantor non soluisset eas, ut dictum est. Non obstat etiam secundum : quia successor in cantoria non cogitur ad soluendam pensionem propter factum alienum, sed propter suum , quia recipiet & possidebit cantoriam onustã prædicta pensione, nulla facta ei remissione; & ita cessant omnia ibi citata ad probandum quod vnus pro alio non debet teneri. successores enim prædicti non tenebuntur pro alijs, sed pro se & sua cantoria à se possessa & retenta. Non obstat etiam tertium , licet plurimum vrgeat: quia concedimus non esse soluendam pensionem annuam pro illo anno, quo nascuntur fructus illius anni ; concedimus item , quod in literis pensionum , fructus vnde debent solui, causa taxationis exprimuntur, ut in argum. sed dicimus illam hoc operari , quod non est soluenda de alijs, quam de fructibus ipsius beneficij; non tamen operatur quod non debeat solui pensio pro anno , in quo non colliguntur fructus; & ita si percipiantur à successoribus cantoria fructus, vnde possit solui pensio decursa, tenebuntur soluere illam, siue perceperint siue non perceperint fructus annorum præteritorum , & siue alij possessores perceperint , siue non perceperint, per prædictum stylum Curie, & iura quibus ille fundatur. vnde si in literis diceretur , quod pensio quelibet annua solueretur à beneficiario de fructibus illius anni , pro quo est soluenda pensio , non teneretur soluere successor pro anno, in quo non colligerentur fructus. sed quia in litteris solum fit mentio fructuum percipiendorum ex beneficio: taxatio quidem fit quo ad hoc, ut si nulli fructus percipiantur, nec percipi possint , non solvatur pensio de alijs fructibus : sed quia litteræ non taxant neque limitant pensionis solutionem ad fructus huius vel alterius anni, soluenda erit de fructibus, qui percipiuntur ex beneficio illis vel alijs annis. Facit ad hoc argumentũ à parte ad totũ, iux. l. quæ de tota. ff. de rei vend. quod cõmuniter omnia beneficia cum vacant aliquo tempore manent vacantia , & collatarij eorum absque possessione illorum, & consequenter sine potentia quærendi distributiones quotidianas : sicque eorum possessoribus, & interessentibus diuinis debentur: attamen vsus habet, quod qui accipiunt beneficia huiusmodi pensionibus onusta, soluunt pensiones, non detracta aliqua parte illius, pro rata temporis quo non potuerunt interesse diuinis.
- 6 . Ex his tamen infertur , quod successor non poterit cogi ad soluendam pensionem statim quo successerit, donec lucretur, vel per eum steterit quo minus lucretur tantum de fructibus, & distributionibus, quam commodè illam soluere poterit de fructibus cantoria, qui nominantur causa taxationis, & demõstrationis solutionis faciendæ : & ita non tenebitur soluere de alijs bonis, quam de his, quæ quæsiuit, vel per eum steterit, quo minus quæreret de fructibus cantoria. Salua, &c.

S V M M A R I V M.

1. Fructus episcopatus vacantis, à die vacationis successor debentur de iure, nisi Pontifex illos Camera vel alteri specialiter reseruauerit.
2. Pensionis reservationi qui nec per se, nec per procuratorem consentit, ob non solutionem non ligatur censuris, antequam reservationis litteræ non per alterius notarij transumptum, sed in authentica forma intimentur. num. 4.
3. Pensionem præteritorum annorum ab antecessore non solutam ita tenetur soluere successor ex fructibus, quos ipse percepit, vel in futurum percipiet, vt ab hærede antecessoris, qui fructus dictorum annorum percepit, quod soluit recuperare valeat. & num. 5.
6. Pensionarius tenetur compensare seu deducere ex terminis sibi debitis id quod beneficiarius pro ipso in expeditione bullarum pensionis soluit iuxta Stylum Curie, nec potest propria auctoritate capere fructus pro solutione sue pensionis. num. 7.
8. Declaratio contra non citatum, quod inciderit in censuras, est nulla cum omnibus inde sequentis: & hoc, modo non simus in notorijs.

C O N S I L I V M I I.

1. **C**ERTVM est, iure solo communi attento, quod Episcopus debet habere fructus sui episcopatus, obuientes non solum à tempore datæ prouisionis, sed etiam quotquot, obuenerunt à tempore vacationis, cap. quia sæpe. de elect. lib. 6. cum sibi concordantibus, nisi illos quos Sedes Apostolica sibi, fisco Regio, vel alijs reseruauit; quarum reservationum copiarum ostendi deberent, aut summa earum proponi ad recte iudicandum: mihi autem non exhibetur priuilegium fisci Sicilia, quod super hoc habet, neque etiam copia literarum Regiarum, quæ fuerunt expeditæ die 7. mensis Ianuarij, super fructibus à fisco Regio perceptis vel percipiendis vel reddendis. Deinde non ostenditur mihi, quo iure, & quibus literis Papæ præfatus Rinaldus Corsus acceperit fructus, quos narratur accepisse.
2. Præterea bulla pensionis concessa officio Inquisitionis anno 78. & intimata anno 80. non nocuit domino Episcopo, ad incurrendam censuram vllā ante intimationem; quia non consensit constitutioni pensionis personaliter, immo neque per procuratorem; quia solum debebat, eo quod succedit debenti eam, vel quia de consensu Regis constituit eam Papa, cuius copia neque summa monstratur mihi, vt possim iudicare de quibus ducatis sit intelligenda; quamuis credam intelligendam esse de ducatis 13. tarenarum, & non de ducatis 16. tarenarum, si vera sunt omnia quæ in facto narrantur.
3. Ad hæc credo eiusdem Dominationem reuerendiss. teneri ad soluendā pensionē decursam à die constitutionis pensionis de fructibus perceptis, vel percipiendis, saltem posteaquam eos perceperit ex fructibus annorum sequentium, remanente vel cessa sibi actione recuperandi ab eis qui perceperunt fructus, & non soluerunt partem pensionis, quæ debebatur ex eis: quia secundum receptiorem opinionem, qui succedit in beneficio onerato pensione, debet soluere pensiones decursas, quas non soluit prædecessor, remanente

remanente sibi actione recuperandi eas ab eius hærede.

- 4 Insuper intimatio bullæ pensionis facta per transumptum, & non originaliter, ad nihil obligavit dominum Episcopum, quia habetur pro non facta, quia debuit fieri per instrumentum authenticum, clem. causam. de electione, quale non est copia instrumenti per alium notarium exemplati siue transumpti. Authen. si quis in aliquo documento. C. de eden. præsertim si est rasum in loco suspecto, quale dicitur fuisse id per quod fuit facta intimatio.
- 5 Accedit, quod dominus Episcopus secundum receptiorem opinionem cogi potest ad soluendam pensionem anni 1578. cuius fructus non recepit, si postea recepit alios, ut prædictum est, remanente sibi actione contra heredem, qui debuit eam soluere. Addo, quod, ut prædixi, credo dominum Episcopum non debere ducatos de Camera, sed tantum 13. tarenorum, si vera sunt narrata in facto; sed non posse me certo iudicare non visis literis. Quin etiam certum est, D. Episcopum retinere posse omnia quæ soluit ratione literarum, & impensæ factæ pro expeditione pensionis, quæ soluenda erat, per officium Inquisitionis, iuxta morem quam Curia servat, & qui pro lege habetur, cap. quam graui. de crimine fal.
- 7 Certum est etiam pensionarium non posse auctoritate sua propria & privata capere ea quæ sibi pro pensione debentur, nisi sancta Sedes Apostolica id specialiter ei concesserit, vel nisi officium Inquisitionis habuerit huiusmodi priuilegium, quod ego non noui: & consequenter, dominum Inquisitorē, si processit, ut narratur in facto, male processisse, & acta eius retractatum iri à S. D. N. iuri seruando deditissimo. Nec interim desino mirari, Inquisitionis executores, tot quot narrantur errata iuris & facti fecisse; & quod ea si fecit, emendabuntur à S. D. N. & quod declaratio, quod aliquis incidit in censuram, nisi notorium sit, non potest fieri absque citatione; & denique quod declaratio, & omnia quæ illam consequuta sunt, sunt nulla ipso iure, & eorum ligamina nulla indigēt relaxatione, quia nō fuere vere ligamina, per ea plurima quæ nos post alios tradimus in cap. cum contingat. de rescript. quamuis non est facile credendum tantum executores, contra tantum Episcopum, in tanta ciuitate, tanta errata fecisse in offensam D. N. Iesu Christi, qui nos omnes sua misericordia saluet. Amen.

S V M M A R I V M.

- 1 Capitulum, in quod perueniunt omnes fructus canonicatus consistentes in distributionibus, & grossa, tenetur soluere pensionem alicui super eisdem reservatam, secundum aliquos; cuius contrarium tenet auctor.
- 2 Distributiones omnes acquiruntur solis interessentibus, nō per verum ius accrescēdi, sed ex particulari iuris dispositione.
- 3 Diuidere etsi non possit iudex canonicatum sine iusta causa, concordia tamen iudicialis est seruanda.
- 4 Optans secundum canonicatum liber est ab obligatione, qua per iudicialem concordiam initam occasione primi dimissi tenebatur.

CONSILIUM III.

ROGATVS, vt perpenderem responsa duorum doctorum super his, & dicerem quid de illis sentirem; respondeo primo, hæc dubia maiora esse, quam quæ pro eorum æquitate possem ego in præsentia ob occupationes varias resolvere.

Secundo, quod ad resoluendum primum oportebat scire an hic canonicatus apud Sedem Apostolicam vacasset, an non, & aliqua alia.

1. Tertio, quod nisi prædicti doctores eruditissimi defendissent pensionem prædictam deberi à Capitulo prædictas distributiones lucranti, forte decidissem contrarium. Tum quia pensio prædicta Ioan. videtur posita super grossa & distributionibus quærendis à canonicæ pensioni consentiente, & non super quærendis à certio. Tum quia Capitulum non quærit distributiones interessentium, sed singuli de Capitulo nunc plures, nunc pauciores pro numero interessentium, iuxta cap. 1. de cler. non resid. lib. 6. Tum quia illi singuli non videntur easdem querere illo vero iure accrescendi, de quo agitur in l. re coniuncti. de leg. 3. sed eo quo cap. 1. de cler. non resid. lib. 6. habet quod distributiones tribuantur interessentibus. Tum quia nec Capitulum vniuersum, nec singuli canonici tenerentur soluere pensionem constitutam alicui super fructibus, & distributionibus alicuius canonici, si ille possideret illos, & non inferuiret ei interessendo diuinis, neque illo mortuo, vel non possidente. argumento à simili, vel eadem ratione cap. dudum. 2. de elect. Sed quia prædictorum præcellentium doctorum auctoritas multum apud me valet, malo herere, quam tumultuarie iudicare.
2. Quarto, quod consonum videtur id quod alter prædictorum dominorum ait, scilicet vicarium non potuisse canonicatum vacantem diuidere sine iusta causa per citata ab eodem. Sed arbitror compositionem illam auctoritate vicarij factam inter litigantes debuisse seruari inter eos sine vlla diuisione canonicatus, vel præbendæ, iuxta cap. nisi. & ei adnotata, de præbend.
3. Quinto, quod nisi verba instrumenti continentis compositionem prædictam aliud expriment, videtur præfatum Gabrielem, simul ac reliquit priorem canonicatum, & accepit optatum, liberatum fuisse ab obligatione contenta in prædicta compositione: quia illa restringebantur ad illud tempus, quo esset canonicus illius canonicatus, & per prædictam optionem definit esse talis, & quo ad illum habetur pro mortuo, iuxta §. ecce. 7. q. 1. & gloss. memorab. verb. morte. in cap. suscepta. de rescrip. lib. 6.

SUMMARIVM.

1. Socios qui plures accipit officialis super suo officio, quam illud reddit, peccat: & ratione societatis sic initæ, posterioribus, præsertim ignorantibus, tenetur satisfacere.
2. Debitor peccat volens posterioribus prius soluere, etiã si prioribus tamquam fideiussor, & posterioribus tamquam principalis teneatur: nisi incogitantia eum excuset, vel ob aliquam occasionem crediderit ita de iure faciendum, vel agatur de solutione.

extra

extra iudicium facienda; quo casu regulariter potest posterioribus prius solueret immo si ab eis nimium urgetur, tenetur: & hoc nisi iam cefferit bonis, vel sit is ad quem bona defuncti debitoris peruenerint, quia tunc nō potest posteriores præsere. num. 4.

- 3 *Vsurarius tenetur prius mutuo accepta restituere, quam vsuras extortas.*
- 4 *Debitor qui nimium urgetur à posterioribus creditoribus, potest eis prius soluere, quā anterioribus etiam hypothecarijs.*
- 4 *Consulens in re in qua non habet interesse aliquod bona fide consulenti nullo modo tenetur; at tertio, qui ex dicto consilio damnum passus est, tunc demum tenetur, si fuit in culpa lata: quia de damno dato per leuem culpam nemo in conscientia tenetur. nu. 3. & hoc quando consilium versatur circa contractus: nam circa delicta aliud videtur.*
- 5 *Consilium non circa delictum, sed circa contractū is dicitur dedisse, qui bona fide, sed erronea & cum peccato consulit debitori, vt prius satisfaceret vni creditori, quam alteri, licet exinde per accidens alter creditor damnum passus fuerit.*

CONSILIUM IV.

TVLLIVS super suo officio accepit pecunias ad societatem, plusquā officium reddebat, & fideiussit pro aliquibus amicis. Deinde super eodem officio pecunias pro se ipso accepit: quo vendito, dum volebat creditoribus satisfacere, communicauit consilium cum amico, qui consuluit vt prius solueret proprijs creditoribus, deinde ijs quibus fideiusserat, cum pretium venditi officij non sufficeret pro vtrisque. Queritur, an consulens peccauerit, & teneatur ad restitutionem prioribus creditoribus.

- 1 Respondeo primo, quod peccat is, qui accipit ad societatem super officio suo, vltra quam illud reddit; & quod ratione societatis debet prædictus officarius soluere socijs, à quibus pecunias ad societatem accipit, præsertim si posteriores socij ignorant accepisse ipsum prius alios socios, qui vacuarent omnes redditus sui officij; sicut & qui super vnū & eundem fundum reddentē decem annua constitueret clam multos alios census, qui superarent summam dictorum 10. annuorum, posterioribus ignorantibus census anteriores constitutos, iuxta ea quæ scribimus in commen. resolut. cap. 1. 14. quæst. 3.
- 2 Secundo, quod is officialis videtur peccasse volendo prius soluere his, à quibus posterius pro se ipso accepit, quam his, quibus antea se per fideiussionem obligauit, vt diximus in Manu. confess. cap. 17. num. 51. scilicet quod debet prius soluere illa, pro quibus soluendis prius se & omnia bona sua præsertim in forma Cameræ obligauit, quam quæ postea contraxit, & ita peruertendo illum ordinem videtur commisisse iniustitiam, quæ est peccatum mortiferum, secundum S. Thom. recep. 2.2. quæst. 59. art. 4. nisi ignorantia, vel inaduertentia excusasset illum, eo quod aliquam occasionem habuit credēdi quod prius debebat soluere illa, quæ pro se ipso accepit, & quæ in sui ipsius vsus impendit, per mox dicenda: & quia vt post
- 3 Caiet. diximus vbi supra num. 52. prius tenetur soluere vsurarius mutuo à

tuo à se accepta, quam per vsuras extorta.

Tertio, quod si is principalis peccauit, difficile excusari potest consulens à peccato: quia consentiens peccato peccat, cap. 1. de offic. deleg.

Quarto, quod graue dubium videtur, an culpa ipsius, dato quod peccauerit consulendo, fuerit leuis vel lata, quod tamen plurimum importat: quia si leuis fuit, non videtur teneri ad restitutionem, per dictum sing. Innoc. cap. sicut dignum. de homicid. si autem fuerit lata, sic, secundum Innoc. ibid.

4 Quinto, quod ad dicendum quod fuit leuis, facit primo, quod ipse non erat iurisperitus, neque petebatur ab eo consilium tamquam à iurisperito, sed tamquam ab amico & officuario Curia. Secundo, quod fere omnes suae conditionis homines putant fideiussores iuste posse soluere prius debita sua, quam aliena, pro quibus fideiusserunt. Tertio, quod iure regulari debitor potest soluere extra iudicium creditoribus suis posterioribus, quàm prioribus; immo & debet, si ipsi prius petant, l. pupillus. ff. quæ in fraudem credi. Quarto, quod cōiter debitores, qui soluunt prius posterioribus creditoribus nimium vrgentibus, quam prioribus etiam hypothecarijs, quibus se & sua obligarunt, communiter dicuntur non peccare. Quinto, quod aliud videtur dicendum de soluendis debitis mortuo debitore, vel cessione bonorum facta per eum; & aliud de soluendis debitis viuentis, qui potest bona fortuna, vel industria soluere alijs creditoribus prioribus: & ita non est tanta culpa consulere huic viuenti, quanta esset consulere idem custodi bonorū mortui, vel eius qui cessit bonis. Sexto, quod fertur in Signatura Papæ decretum esse aliquando, vt fideiussor viuens & impotens ad soluenda omnia debita, prius solueret debita pro se contracta, quam per fideiussionem debita. Septimo facit cap. *Nullus ex consilio, dummodo fraudulentum non fuerit, obligatur.* de reg. iuris lib. 6. cum is de quo agimus, bona fide laudauerit consilium prædictum decoquere volentis.

5 Non obstat, quod licet consulens bona fide non tenetur consulenti, quando sua non interest, l. 2. §. fin. ff. mandati. d. cap. nullus. tenetur tamen tertio, cui ex dicto consilio damnum consequutum est, si consilium illud fuit causa, sine qua non fuisset illud damnum sequutum, argumen. cap. fin. de iniur. l. qui occidit. ff. ad legem Aquil. vt singulariter annotat Dinus in dict. reg. nullus. non inquam hoc obstat; quia illud intelligendum est de cōsilio male dato per culpam latam, sed non per leuem tantum, vel forte nullam, per proxime allata. Non obstat etiam, quod licet nemo teneatur ex malo cōsilio bona fide dato circa contractus, tenetur tamen de dato circa delicta, vt omnes DD. tenēt in d. cap. nullus. & l. consilij. ff. de reg. iur. & latius Decius d. reg. consilij. non inquam hoc obstat: quia in nostro casu agitur de consilio dato circa contractus, & non circa delicta: & licet aliquod peccatum interueniret in sic contrahendo vel distrahendo; illud tamen non cōtingit per se, sed per accidens, & non principaliter, & ita de eo non est curandum, l. si quis nec causam. ff. de rebus cred. Salua, &c.

SUMMARIUM.

- 1 Debitor occultus transmittens creditori debitum per confessarium, qui infideliter agens pecuniā sibi retinuit, non liberatur, sed solum excusatur, donec resciverit dolum confessarij.
- 2 Regularis confessarius accipiens à pœnitente pecuniam numerandam pœnitentis creditoribus, & in alios vsus consumens, restituat eo modo quo regulares suis creditoribus sine damno monasterij satisfacere debent, puta ex ijs qua sibi corradunt ex suis portionibus: vel, & hoc videtur iuri magis congruum, factum pœnitenti reuelet. num. 3. quod si creditores sunt incerti, cum tunc restitutio sit facienda pauperibus, potest sibi tamquam vni pauperi restituere. num. 4.
- 3 Confessarius ad restituendum quid accipiens, eandem quam pœnitens curam adhibere debet inueniendi creditores.
- 4 Incertis creditoribus qui restituere tenetur, si sit pauper, potest sibi tamquam pauperi restituere.

CONSILIUM V.

CONFESSARIUS religiosus accepit à pœnitente certam summā pecuniæ, vt ea satisfaceret suis creditoribus occultis; qui tamē impedit eam in suos vsus bonos, vel malos, mentitus pœnitenti, quod satisfacit creditoribus. Quæritur quid dicendum.

- 1 Respondeo primo, quod pœnitens videtur satisfacisse, donec innotuerit ei dolus confessarij, argum. cap. significanti. de pignoribus. & aliorum iurium, quæ probant excusari quem ob fidelitatem nunciij, & ob auctoritatē consultorum. Secundo, quod præfatus D. confessarius tenetur satisfacere dictis creditoribus eo modo, quo religiosi possunt suis sine detrimento sui monasterij, vel ordinis, his modis quos tetigimus in tractatu de reddit. eccl. quæst. 3. monit. ultimo, & explicatius quæst. 2. mon. 20. vbi potest videri: inter quos dicimus posse satisfacere de rebus, quas in suos honestos vsus dispenderēt de licentia legitima suorum superiorū, iuxta ea quæ latius scripsimus in cōmen. 2. de reg. super cap. nō dicatis. 12. q. 1. Tercio, q̄ præfatus confessarius debet ponere tantam diligentiam in inquirendo prædictos creditores, & eorū hæredes, quantā tenebatur adhibere pœnitens: quia subrogatus sapit naturā eius, cui subrogatur, l. eum qui. 9. qui iniuriarum. ff. si quis cautionibus. Quarto, q̄ iuri propius videtur præfato confessario, vt admoneat secretissime pœnitentē, quod non soluit præfata debita, si pœnitens viuit. Quinto, q̄ si nullo modo prædictorū potest satisfacere, excusabitur impotentia, iux. cap. Odoardus. de solutio. & l. nā & is. ff. de dolo & doli excep. & tradita per S. Tho. 2. 2. q. 62. ar. fin. & per nos post alios in Man. conf. c. 17. nu. 75. Sexto, q̄ si creditorum, & debitorum incertitudo non poterit certificari, vel qua parte non potest, est facienda restitutio pauperibus, si fieri potest, per c. cū tu. iuncta glo. de vsuris. & ipsemet confessarius potest esse vnus de pauperibus, cui tamquā pauperi potest fieri restitutio, vt nos vtiliter declaramus in Enchir. de orat. cap. 7. nu. 34.

S V M M A R I V M.

1. Creditor anterior per reuocatoriam reuocat quicquid factō debitoris fraudantis in alium peruenit; etiamsi esset translatio triennalis locationis, qua debitor prædia ad triennium conduxerat: nec penes eum, qui sic per fraudem acquisiuit, debet quicquam remanere: secus esset, si peruenisset ex non factō, seu omissione, puta quia debitor nolendo acquirere fuerit causa ut ius non acquisitum in hunc tertium perueniret.

C O N S I L I V M VI.

TITIVS fideiussit pro Sempronio pro summa 200. scutorū mutuo acceptorum à Ioanne, quorum ceterum D. Sempr. consumpsit in colendo vineam, quam à Petro ad triennium conduxerat, & alia 100. in soluendo quædam alia debita. Titius cupiens solutionis prædictæ fideiussionis periculum euadere, dixit ipsi Sempronio: Iam scis te antea contraxisse quamplurima alia debita maiora, quam soluere valeas. Quapropter te mortuo, cum ista mea fideiussio vltimum debitum sit, necessario mihi erūt soluenda ex proprijs bonis ista 200. scuta: obsecro te, ut pro mea securitate, & cautela, transferas in me locationē d. vineæ, ut ego possim dicere fructus eius meos esse, & ex eis satisfacere fideiussioni prædictæ; alias si nō satisfacis ex eis, possim te compellere ex eisdem soluere. Consensit Sempronius; & sic coram notario, & testibus in præsentia dicti Petri domini vineæ consentientis pariterque transferentis facta fuit translatio prædictæ locationis triennalis eius in ipsum Titium. Post duos autem annos à dicta translatione defunctus est Sempronius relictis in esse aliquibus fructibus ex ipsa vinea separatis, & anteriores creditores sua credita ab heredibus petunt. Sed cum non sufficiat hæreditas omnibus soluere:

Dubitatur primo, an prædicta cautela translationis dictæ locationis ita sit valida, & iusta, ut d. Titius ex prædictæ vineæ fructibus scuta illa ducta vltimo & recentiori creditori, cui per dictā fideiussionem ipse est obligatus, licite soluere possit, alijs creditoribus relictis.

Secundo, an saltem soluere licite possit prædicta centum scuta in colendo & beneficiando dictam vineam ab ipso Sempronio insumpta.

Tertio, an tuta conscientia prædictus Titius post mortē dicti Sempronij in conductione dictæ vineæ virtute supradictæ translationis pro illo tertio anno, qui deest ut finiatur prædicta conductio, succedere valeat: vel potius sit dicendum, ei heredes ipsius Sempronij succedere.

1. Respondeo, quod creditores antiquiores habentes antiquiorē obligationem contra Sempronium poterunt per actionē reuocatoriam, toto tit. ff. quæ in fraudem. reuocare præfatam translationem locationis, & utilitates inde sequutas; eo quod non potest negari illam fuisse factam in fraudem creditorum. Tum quia licet illa non habeat locum contra eum, ad quem peruenit aliquid, eo quod debitor noluit querere illud cum posset, l. qui autem. ff. quæ in fraudem creditorum. habet tamen locum contra illum, ad quem peruenit aliquid ex aliquo contractu debitoris, vel per quodcum-

Cons. Nauar. Pars I.

Qq. que aliud

que aliud factum, l. 1. ff. eod. Tum quia præfatus Sempronius debitor alienavit à se vsum triennale vineæ locatæ in Titium, & etiã melioramenta quæ fecit in vinea, & etiam operas, quas facturum erat in administranda & colenda illa, & in fructu eius percipiendo; & denique quod nihil debet remanere apud fraudatorem, ex eo quod per fraudem venit ad eum, l. ait prætor. la 2. §. penul. ff. eod. Salva, &c.

S V M M A R I V M.

- 1 Regularis quicquid acquirit, suo monasterio acquirit, si sit illius capax, & num. 20. & hoc ita irrevocabiliter, ut de acquisitis non possit disponere, num. 11. fallit in beneficiato, qui beneficio suo, modo non sit episcopatus titularis, clero carens, & populo, cui non acquirit, & nu. 20. omnia quæ acquirit, ita acquirit, ut tamen solus retineat illorum inter vivos dispositionem, nu. 11.
- 2 Beneficiarius de fructibus beneficii inter vivos disponit in sui honestam sustentationem, & alios pios usus; & illos etiam in vita sua percipiendos, quamvis sit regularis, potest obligare, num. 6. & 10. ei vero morienti de iure is qui in beneficio successor est, sed ex privilegio ratione spoliatorum succedit Camera Apostolica, nu. 3. 12. & 17.
- 4 Beneficiarius debitor ex superfluo, quod debet pauperibus, non potest solvere debita sua: fallit, quando non habet unde aliunde solvat, num. 7. & 9. nam tunc sibi in effectu tamquam pauperi non valenti sua debita solvere erogat: immo & cogitur via iuris, ut ex illis solvat, num. 15.
- 4 Monasterium non solvit debita contracta per monachum, nisi creditor probet conversam in utilitatem monasterii, vel quod mandante monasterio illa contraxerit, nu. 16. contracta autem per beneficiarium solvuntur de bonis relictis, quorum vivens solus habebat administrationem, num. 16. at contracta à conventu seu monasterii superiore exigit creditor ab ipso monasterio, absque eo quod cogatur probare conversam fuisse in utilitatem monasterii, nu. 6. 8.
- 5 Spolia ecclesiasticorum beneficiariorum ita debentur Camera, ut illa ex illis non teneantur solvere debita relictis, nisi quando defunctus non reliquit alia bona unde possit proprijs creditoribus satisfacere, num. 19. quia bona, in quibus Camera ratione spolijs succedit, intelliguntur deducto ære alieno, nu. 5. & 13.
- 6 Beneficiarius duobus modis contrahit debita: nam quandoque servatis servandis contrahit nomine & in utilitatem ecclesiæ seu beneficii, & tunc bona ecclesiæ etiam pretiosa & inalienabilia remanent etiam obligata. quandoque contrahit nomine proprio, & tunc prædicta bona ecclesiæ non remanent obligata, sed fructus, & alia eius bona, de quibus beneficiarius solus poterat inter vivos disponere, ita ut hæc bona ad successores cum sua transeant onere. Debita primo modo contracta solvit successor in ecclesiâ & beneficio: secundo modo contracta solvit is qui debitori succedit in alijs bonis, num. 14. 18. 19. & hoc si prædicta debita secundo modo contracta fuerint conversa in utilitatem ecclesiæ, siue non, num. 10. Camera tamen, quæ succedit in spolio, ad hoc non tenetur, quando debitor alia bona reliquit, quia

quia tunc de illis primo soluenda sunt debita. num. 19.

14 *Intellectus cap. 1. de solution.*

15 *Intellectus cap. peruenit. de solution.*

20 *Episcopus titularis, qui caret clero & populo, non acquirit suo episcopatu non habenti nec clerum, nec populum.*

CONSILIUM VII.

QUIDAM Archiepiscopus olim frater Minor, anno MDLXXV. obligauit se in forma Camera ad soluenda 500. scuta collegio cuidam pro parte pretij, quo emerat quoddam palatium ad vitam suam: quibus non solutis, mortuus est anno sequenti 76. cuius spolia Camera Apostolica accepit, à qua prædictum collegium petit sibi solui prædicta 500. scuta. Quæritur an teneatur Camera ei soluere.

- 1 Pro Camera facit primo, quod Archiepiscopus fuerit frater Minor, qui, ut nullus alius religiosus, non potest habere dominiũ, neque possessionem alicuius rei temporalis etiam minimæ, cap. non dicatis. & ibid. not. 12. quæst. 2. quia quicquid acquirit, acquirit monasterio, vel ecclesiæ, cui præest, etiam si fuit factus Episcopus, cap. 1. 18. quæst. 1. & cap. cum olim. 2. de priuilegiis. ubi late tradit Innoc. receptus ab omnibus; & ideo non videtur Archiepiscopus se potuisse obligare ad soluenda prædicta, cum non posset sibi quærere unde illa solueret; nec consequenter prædicta Camera tenebitur, ut eius successor. Secundo facit, quod nec etiam clericus beneficiarius secularis acquirit ita sibi ex redditibus beneficii sui, ut fiat dominus integer, & perfectus, sed solum secundum quid, hoc est ad hoc, ut ex his possit se decenter alere, & reliqua impendere pauperibus, vel alijs pijs operibus, ut tradit Innoc. in cap. indecorum. de arate & qualitate. quod nos retulimus, & ampliauius in tract. de reddit. eccles. quæst. 1. mon. 21. & ita neque potest disponere de illis donando inter viuos diuitibus, & operibus profanis, neque in morte testari de illis, cap. 1. & cap. quia nos. de testa. & ita Camera, quæ per sua priuilegia succedit in spolijs clerici morientis loco ecclesiæ, vel successoris, qui iuri cõmuni succedere debebat, debet habere illa quæ prædictus Archiepiscopus reliquit. Tertio facit, quod Papa reseruauit spolia clericorum tam seculariũ, quã regularium, ut efficaciter probamus in tractatu de spolijs super cap. non liceat. 12. q. 2. §. 5. at omnia quæ sita bona ex redditibus ecclesiasticis, quæ relinquuntur insumpta, dicuntur spolia, ut plene probauimus ibi §. 1. ergo omnia bona, quæ reliquit insumpta prædictus Archiepiscopus, sunt spolia, & pertinent ad prædictam Camera, & non est alicui de illis soluendum. Quarto, quod sola illa debita præcessoris, quæ pro necessitate ecclesiæ contracta fuerunt, tenetur soluere successor, cap. 1. de solut. iun. sua gloss. at debitum prædictorum 500. scutorum non fuit tale, immo nec pro eius utilitate: ergo Camera, quæ illi successit, non tenetur ea soluere: quo argumento nititur Rota antiqua decis. 1. de solut. Quinto, quod id, quod debetur vni, non potest iuste solui alteri, cap. ea te. de iureiur. at bona quæ sita ex redditibus ecclesiasticis debentur pauperibus, & ope-

Qq 2 ribus

ribus pijs, cap. quicquid. 16. q. 1. in cuius tractatu passim in q. 1. late probauimus. ergo ex bonis Archiepiscopi, quæ in vita eius debebantur pauperibus, & post mortem ipsius, Papæ, qui est summus pater pauperum, non possunt iuste dari creditoribus eius. Sexto, quod debitum contractum à religioso non debet solui à monasterio creditori; nisi fuerit conuersum in utilitatem monasterii, cap. quod quibusdam. de fideiuss. & prædictum debitum est debitum religiosi, & non conuersum in utilitatem ecclesiæ; ergo non est soluendum creditori. Septimo, quod præfatus Archiepiscopus habebat beneficium habens administrationem, & consequenter nõ poterat testari, iuxta gloss. sing. cap. presentes. de officio ordin. lib. 6. vers. reservari. Octauo, quod Rota antiqua videtur in specie decidere hanc quæstionem decis. 1. de solut. quatenus sentit clericum non posse obligare suo creditori fructus sui beneficii. Nono, quod Rot. antiq. 41. de prob. sentit Cameram Papæ non teneri soluere debita creditoribus clerici de spolijs eius, saltem si non probantur versa in utilitatem ecclesiæ.

5 Istis tamen non obstantibus, quia vere nõ obstant, contrarium videtur de iure dicendum. Primo quidem, quod illa bona tantum dicuntur esse à moriente relicta, quæ deducto ære alieno supersunt, l. subsignatum, §. bona. ff. de verb. signif. sicut & fructus, qui deducta impensa restant, l. fructus. ff. sol. matr. & ita illa sola bona præfati Archiepisc. pertinent ad Cameram, quæ deducto ære alieno, & consequenter præfatis 500. scutis superfuerint.

6 Secundo, quod omnis regularis, siue religiosus beneficiarius, seu habens beneficium ecclesiasticum potest disponere de fructibus, & redditibus eius æque ample, ac clericus sæcularis beneficiarius de fructibus, & redditibus sui beneficii, vt singulariter determinat Cardinalis clem. 2. §. sed & tales. de vita & hon. cleric. cui nemo contradicit vsque ad quemdã nouissimum, qui sine vlllo textu & ratione id facit, vt dixi in comment. 2. de regular. super cap. non dicatis. 12. q. 1. nu. 10. & efficaciter probatur dicta clem. 2. §. sed & talis. inducendo eo modo, quo illum induximus in tractatu de redditib. eccles. quæst. 1. monito 8. ergo præfatus Archiepiscopus, qui erat beneficiarius habens archiepiscopatum, & alia beneficia ecclesiastica, potuit disponere de fructibus eorum, sicut alij beneficiarij sæculares de fructibus suorum beneficiorum; & consequenter emere domum ad habitandum, præsertim ad suam vitam, & obligare redditus, & fructus beneficiorum suorum, quos inde durante sua vita colligeret pro solutione pretij eius; cum palam sit hoc posse facere clericum sæcularem de fructibus & redditibus sui beneficii.

7 Tertio, quod debita beneficiariorum debent solui creditoribus de redditibus suorum beneficiorum, si non habent alia bona patrimonialia, vel quasi patrimonialia, vnde illa soluant, vt est casus formalis cap. peruenit, de fideiuss. per quæ stylo omnium curiarum tam Urbis, quam orbis, omnes beneficiarij, siue regulares, siue sæculares, coguntur ad soluendum sua debita de quæsitis intuitu suarum ecclesiarum, & beneficiorum, si

non

non habent alia bona, vnde illa soluāt; quem ego plus satis experior ex eo quod cogor iam circiter ad biennium manere in Vrbe, & non redire ad patriam, eo quod quidam dominus trapezita, siue campfor contendit me debere illi circiter duo millia scutorū ob quamdam fideiussionem, quę statim cogerer soluere, si non haberem alias iustas exceptiones, quam quod sim clericus, & canonicus regularis, & non habens alia bona, quam beneficia, vnde illa soluam.

- 8 Quarto, quod etiam monasteria, quorum prælati, & religiosi debent aliqua creditoribus, debent illa soluere illis, si fuerint contracta per prælatos & conuentus eorum, etiam si creditores non probent ea conuersa fuisse in vtilitatem ecclesię. casus est in cap. quod quibusdam. de fideiuss. quod clarius monstrabitur in solutione argumenti sexti.

Quinto, quod omnes actiones, & obligationes convenientes alicui transeunt in heredem eius, & contra heredes debitoris, l. 1. & 2. & toto titulo C. de hered. act. & l. 1. ff. ad Trebell. ergo actio, & obligatio, quę prædicto collegio iure naturali, diuino, & humano, Canonico, & Cæsareo cōpetebant contra prædictum Archiepiscopum viuentem, competent eo mortuo contra heredem ipsius ex testamento, siue ab intestato decedat. cum ergo Camera dicat se esse heredem, & successorem vniuersalem prædicti Archiepiscopi; consequitur, prædicto collegio competere contra illā actionem, & obligationem.

- 9 Sexto nec prodest ad soluendum hoc argumentū, dicere, quod Hostien. dixit in cap. peruenit. de fideiuss. illud cap. continere gratiam, & non iustitiam: quia cum ibi respondeatur consultationi, necessario continet iustitiam, iuxta gloss. recep. in cap. consultationi. de temp. ord. Neque quod Cardinalis dixit intelligendum esse illud cap. de debitis in vtilitatem ecclesię conuersis. Tum quia diuinat. Tum quia responsio esset de re indubia, contra l. ancillæ. C. de fur. Nec etiam quod Panor. cap. cum esses. de testam. nu. 27. dixit, clericos illos, de quibus cap. illud loquitur, habuisse alios redditus patrimoniales. Tum quia diuinat. Tum quia contextus clare probat fuisse iussos soluere de redditibus ecclesię. Tum quia responsio esset de re indubia, contra dictam l. ancillę, quorum trium tres intellectus late confutauimus ante quinquaginta annos Salmantica prælegendo illud cap. quorum summam postea posuimus in Manu. cap. 25. nu. 131. & nuper in tractatu de redditibus ecclesiasticis, q. 1. mon. 52. in quibus soluimus argumentum præfatorum Patrum, quod fecit eos timere, vbi nō erat timor, & violare responsum Papę, & recedere à prædicto omnium curiarum Urbis & orbis stylo, & ita cum Archiepiscopus, dum viueret, contraxisset prædictū debitum, & fuisset obligatus ad soluendum illud in vtroque foro, & obligasset omnia sua habita, & habenda ad solutionem eius, & non reliquerit alia bona quā quęsita ex beneficijs; necessario sequitur, ex illis esse soluendum à quocumque ipsius heredem, & successorem, & consequenter à Reuerendissima Camera, quę illi successit.

- 10 Septimo, quod longe aliud est debitum ecclesię nomine ipsius contractum, & aliud debitum prælati, rectoris, & beneficiarij nomine suę

personæ contractum, secundum mentem omnium in dicto cap. 1. de solutione. & cap. peruenit. de fideiuss. & alibi saepe. obligatio enim nomine personæ prælati, rectoris, beneficiarij, &c. solum afficit redditus & fructus beneficij, vel ecclesiæ, quorum dispensationem ipse habet, & quos potest alienare, & locare ad modicum tempus vitæ suæ pro suo arbitrio sine alia iusta causa, & solemnitate iuris, cap. vestra. de locat. & cap. fin. ne præl. vic. succlem. 1. de reb. eccle. non alienan. non autem afficit bona immobilia, neque mobilia pretiosa pertinentia ad ecclesiā, quæ non potest beneficiarius alienare, neque obligare sine iusta causa, & solemnitate debita, cap. sine exceptione. 1. 2. q. 2. cap. nulli. de reb. eccle. non alien. obligatio vero nomine ecclesiæ vel beneficij contracta afficit bona præfata mobilia, & immobilia pretiosa, & redditus pertinentes ad fabricam ecclesiæ, qui non subsunt dispensationi solius prælati, vel beneficiarij, sed sunt conseruanda per operarios ecclesiæ ad vtilitatem illius, & non ad sustentationem beneficiarij, quales sunt multi, & amplissimi in Hispanijs: quæ æqui-uocatio nominis bonorum, & debitorum ecclesiæ confusa, & male distincta, plus satis confusionis inducit circa dicta, & expositiones doctorum tractantium de obligatione bonorum, & solutione debitorum ecclesiarum, & beneficiorum. & in præfenti non tractatur de obligatione & solutione debitorum ipsarum ecclesiarum, vel beneficiorum prædicti Archiepiscopi, sed de obligatione & solutione bonorum & debitorum personam ipsius Archiepiscopi afficientium; & ita Archiepiscopus pro arbitrio suo sine alia causa & solemnitate iuris potuit obligare suam personam, & suos fructus, & redditus ad suam personalem dispositionem pertinentes, sine vilo damno inde consequendo suis ecclesijs, & beneficijs, & bonis eorum immobilibus, & mobilibus pretiosis, & redditibus ad fabricas pertinentibus: & illa obligata per illum, ad quemcumque transeant, cum onere suo transeunt, cap. ex literis. de pignorib. & obligationes, & actiones actiue, & passiuæ personam Archiepiscopi & bona ad ipsius solius dispensationem pertinentia transeunt in heredem, & contra heredem eius, siue debita conuersa fuerint in vtilitatem ecclesiæ, siue non, & ita cum in prædictam Cameram transuerint prædictæ obligationes, & actiones actiue, & passiuæ, sicut potest vti actiuis ad recuperandum debita, quæ Archiepiscopo debebantur, ita pati debet passiuas ad soluendum ea, quæ Archiepiscopus debebat; argumento 1. 1. ff. ad Trebel. & totius tit. eod. de hered. act. Id quod ex solutione oppositorum clarius apparebit.

- 11 Ad primum igitur oppositorum respondeo, concedendo quidem, quod nullus religiosus potest acquirere quicquam sibi; immo quicquid acquirit, monasterio, vel ecclesiæ, cui præest, acquirit; sed aliter religiosus simplex, & aliter beneficiarius: simplex enim querit monasterio irrenocabiliter, ita quod non potest disponere solus de illo quasito, postquā quasitum est, iuxta anthen. ingressi. C. de sacrosan. eccl. cap. in præsentia. de probat. Beneficiarius autem renocabiliter; ita quod potest disponere de illis inter viuos, sicut alij beneficiarij sæculares de redditibus sui beneficij, vt probatum est primo argumento pro collegio formato: & in casu proposito

posito non loquimur de religioso simplici, sed beneficiario, & non quali
quali, sed Archiepiscopo.

- 12 Ad secundum concedo, quod etiam clericus secularis beneficiarius
non querit ex redditibus sui beneficii ita sibi, vt fiat perfectus & integer do-
minus; & consequenter, quod non potest de illis testari, neque inter viuos
donare cognatis, vel alijs diuitibus; negando tamen quod non possit dis-
pendere ita quæsitæ in suos & suorum decentes vsus per contractus in-
ter viuos non gratuitos, emendo videlicet, & vendendo, locando, condu-
cendo, & permutando; immo & gratuitos, donando ob causam remune-
rationis, paupertatis, vel pietatis, vt in dicto tractatu late tradimus q. 1,
mon. 28. & 29. & seq. & consequenter concedimus, quod prædictus Archie-
piscopus non potuit testari, nec per vltimam voluntatem relinquere
prædicta 500. scuta prædicto collegio. negamus tamen, quod non potuit
per contractum non gratuitum emptionis se & suos redditus obligare illi,
sicut in forma Camere obligauit pro pretio emptionis prædicti palatii ad
suam vitam, cum religiosus beneficiarius possit disponere de redditibus, &
fructibus sui beneficii, perinde ac secularis de redditibus suis, vt probatum
est in argumento secundo pro collegio facto.
- 13 Ad tertium concedimus Papam succedere in bonis prædicti Archiepi-
scopi, & quod omnia bona, quæ ipse reliquit, debentur Reuerendissime
Camere; sed negamus, omnia, quæ erant penes Archiepiscopum, esse bona
illius, sed solum ea, quæ supersunt deducto ære alieno, iuxta l. sub signatum.
6. bona. ff. de verb. sig. & adducta in argumẽto primo pro collegio forma-
to, & consequenter deductis prædictis 500. scutis, quæ erant æs alienum,
seu debitum ipsius Archiepiscopi.
- 14 Ad quartum, quod alia sunt debita, quæ respiciunt & afficiunt personã
beneficiarij, & redditus eius, quorũ dispensatio pertinet ad eum solum; &
alia, quæ afficiunt, & respiciunt ipsam ecclesiam, & bona eius, de quibus
beneficiarius non potest sine iusta causa, & iuris solemnitate disponere;
aliud item succedere in beneficio, & aliud succedere in bonis beneficiarij,
vt deductum est in argumento vltimo pro collegio facto; & quod cap. 1,
de solut. loquitur de succedente in beneficio, & ecclesia, & bonis, quæ non
subiunt dispositioni solius beneficiarij, & ita concedimus, quod ille non
tenetur soluere debita, quæ contraxit præcessor, nisi fuissent contracta pro
necessitate, vel utilitate ecclesiæ, quod habet illud cap. & ita fatemur
quod successor prædicti Archiepiscopi in archiepiscopatu & alijs benefi-
cijs eius non tenetur soluere prædicta 500. scuta, cum non fuerint pro ne-
cessitate illorum accepta, vel promissa, & in casu proposito non loquimur
de succedente in archiepiscopatu, & beneficijs prædictis, vel bonis eorum,
de quibus non poterat Archiepiscopus disponere in vita; sed de succe-
dente in bonis Archiepiscopi, de quibus potuit ille disponere in vita
per contractus non gratuitos, & etiam gratuitos causa remunerationis,
pietatis, vel paupertatis initos. & sic negamus, quod Camera, quæ
succedit in illis bonis, de quibus ille poterat disponere, non teneatur
eius dispositioni stare, quamuis illa non fuerint facta pro necessitate

ecclesia: alioquin enim non teneretur soluere etiam panem, vinum, carnes, & alia empta ab ipso pro sustentatione decentiae suae vitae, & personae, si ante suam mortem ipsemet non soluisset; quod est absurdum, & ita non dicendum, l. nam quod absurdum. ff. de bon. liber.

- 15 Ad quintum respondeo, quod hoc argumentum, cui nemo (ut arbitror) ante nos satisfecit, adeo torfit Innoc. Host. Ioannem Andream, Cardin. Panorm. & omnes alios in cap. peruenit. de fideiuss. & alibi saepe, ut illius contextum destruxerint, & inutilem fecerint diuinando, improprando, & ad gratiam redigendo, ut dictum est in argumento sexto pro collegio facto: & destruendo illum textum, docere videntur contra praxim omnium curiarum Urbis & orbis, quod beneficiarius non potest iuste soluere, nec iuste potest cogi ad soluenda debita sua, quantumlibet legitima, de redditibus sui beneficii suis creditoribus, praesertim diuitibus, nisi fuerint contracta pro necessitate, vel utilitate ecclesiae suae: cui tamen argumento quinto nos in locis in praedicto argumento sexto citatis satisfecimus, ea consideratione, quod omnis beneficiarius, siue secularis, siue regularis, qui vere & legitime est obligatus ad soluenda aliqua, & non habet vlla alia bona, unde illa soluat, quam redditus sui beneficii, est pauper, & egenus; & soluere de illis debita legitima creditoribus, est dare, & impendere illos in usus pauperis; & consequenter non est dare illos alijs, quam pauperibus. & ita respondendo formaliter ad hoc quintum argumentum, concedimus assumptum, siue maiorem eius, scilicet, quod debitum vni non debet solui alteri, neque qui soluit alteri, liberatur a debito: concedimus subsumptum, seu minorem, scilicet, redditus beneficiorum superfluos esse debitos pauperibus, vel pijs operibus: concedimus etiam consequentiam, ergo beneficiarius non debet soluere, nec cogi ad soluendum debitum creditori, saltem diuiti, intelligendo de beneficiario diuiti, & habente patrimonialia, unde illa soluat: negando tamen illam, intelligendo de beneficiario non habente talia patrimonialia; quia talis beneficiarius debitor est pauper; & soluere eius debitum, est soluere pauperis debitum, & consequenter dare pauperi: & ita talis beneficiarius ipsemet sua sponte potest soluere sancte, & sancte cogi a iudice ad soluendum creditori etiam diuiti; quia id equipollenter est erogare pauperi, & egeno, cum soluere creditori debitoris in effectu sit dare debitori, quia liberat eum ab obligatione, Institut. quibus modis tollitur obligatio. in princip. Unde & qui tenetur aliqua distribuere pauperibus, potest, si est pauper, capere sibi tamquam pauperi aliqua ex eis, ut diximus in Manu. cap. 25. num. 123. & latius in tract. de red. q. 3. monito 25. & in quaest. 1. mon. 52. post Bald. l. id quod. de sacrosanct. eccl. quaest. 22. Cald. conf. 39. Anch. conf. 84.
- 16 Ad sextum respondeo, quod assumptum in eo, scilicet, debitum religiosi non est soluendum a monasterio, nisi conuersum fuerit in utilitatem eius, intelligendum est de debito contracto a religioso simplice, sine mandato monasterij; nos autem loquimur de religioso non simplici, sed de habente beneficium, & beneficia. Item, quod assumptum loquitur

quitur de monasterio, quod non tenetur soluere debitum religiosi etiam beneficiarij de bonis monasterij, de quibus ipse non poterat disponere; nos autem loquimur de redditibus, de quibus Archiepiscopus, licet esset religiosus, poterat disponere in vita sua: & ita non obstat penitus, quia a disparatis non fit illatio, cap. ad audientiam. de decimis.

- 17 Ad septimum concedimus, quod Archiepiscopus non poterat testari, etiam si non esset religiosus, de redditibus suorum beneficiorum; nec prædictum collegium petit prædicta scuta tamquam sibi debita ex testamento, vel vltima voluntate: sed negamus quod non poterat emere, vendere, locare, & conducere per contractus alios licitos de redditibus suis legitime initis, qualis fuit emptio dicti palatij ad suam vitam: & ita prædictum collegium petit prædicta scuta ex contractu, & non ex vltima voluntate.

Ad octauum respondeo primo, quod Rota in illa decis. 1. de solut. refert tantum quæstionem Archidiacon. cap. statutum. §. assessorem, de rescrip. lib. 6. in quâ inclinant etiam Innoc. & alij supra citati, videlicet, quod clericus debitor non potest iuste soluere sua debita de redditibus sui beneficij; sed non ait, ita decisum fuisse à Rota; immo expresse ait, Auditorem Camera contrarium seruare, dando sequestrum fructuum beneficiarij pro debitis eius. Secundo respondeo, quod potest intelligi de clerico beneficiario habente alia bona patrimonialia, ex quibus sua debita soluere possit, & non de non habente talia, de quo agitur in casu proposito.

- 18 Ad nonum, quod fundatur in decis. illa 41. de probat. respondeo primo, quod non ait illam causam fuisse decisam per ibi adducta. Secundo, quod nihil affirmat, sed dubitando & vacillando refert opiniones varias, quas latius & distinctius supra tetigimus, & reprobauimus; quia sunt contra contextum expressum cap. peruenit. de fideiuss. & contra praxim omnium curiarum Urbis & orbis, per responsa ad quintum argumentum, cui non potuerunt respondere, & potest optime & sancte supradicto modo responderi. Tertio, quod ipsa fatetur, quod debita contracta in vita à beneficiario habente administrationem debent solui de redditibus eius quæsitis ab eo viuentem; & in casu proposito agitur de habente administrationem, & non qualem qualem, sed archiepiscopatus. Quarto, quod inepte allegat ad suum propositum gloss. illam solemnem, cap. præsent. ver. referuari, de offi. ord. lib. 6. quia quæstio sua proposita. ibi est de debitis à clerico in vita per contractus contractis, & gloss. loquitur de debitis per vltimam voluntatem contrahendis: non enim gloss. quærit, an clericus in vita possit contrahere, sed an possit testari, quæ longissime differunt; & vera resolutio habet, quod nullus beneficiarius potest testari iure communi sine dispensatione Papæ de redditibus sui beneficij, siue habeat administrationem, siue non, quicquid illa gloss. dicat, vt late monstraui in tractatu de redditibus, quæst. 2. mon. 1. & quod quilibet beneficiarius siue regularis, siue secularis potest contrahere obligationem, & actionem actiuam, & passiuam, vt supra dictum est: & cum in proposito casu tractetur de contractu, & non de vltima volun-

voluntate, illa gloss. non facit, vt aiunt, ad rhombum. Quinto, quod prædicta decisio confundit debitum beneficiarij, & debitum ecclesiæ, & successorem beneficiarij quo ad ecclesiam vel beneficium cum successore beneficiarij quo ad bona quæ sita per eum de redditibus ecclesiæ, quæ tamen sunt distinguenda, vt supra in argumento ultimo pro collegio factum distinximus: & omissa sua obscuritate resoluendum, quod succedens in bonis quæ sitis ex redditibus ecclesiæ non tenetur ad soluenda debita ecclesiæ, nec succedens in ecclesia & beneficio ad soluenda debita, quæ non fuerunt conuersa in vtilitatem ecclesiæ. Per quam distinctionem, & resolutionem, concedimus, quod qui successerunt prædicto Archiepiscopo in archiepiscopatu, vel alijs beneficijs, & ecclesijs, quæ per mortem eius vacarunt, non tenentur soluere prædicta 500. scuta, quæ non fuerunt conuersa in vtilitatem ecclesiarum: sed qui successit, vel qui succedere debet vel ex testamento, vel ab intestato prædicto Archiepiscopo in quæ sitis à se ex redditibus sui archiepiscopatus, & aliorum beneficiorum, debet soluere illa, si non reliquit alia patrimonialia, vnde illa solui possint, & quia Reuerendissima Camera non successit Archiepiscopo in archiepiscopatu, nec in alijs beneficijs, sed in quæ sitis per eum ex redditibus illorum, tenetur soluere debita ipsius legitime contracta in sua vita, & consequenter prædicta 500. scuta. Quia vero ultra ea, quæ hic scripto allegantur, dictum fuit mihi verbo, quod pro parua summa offerebatur à Camera concordia, & absolutio, consulo vt fiat, & acceptetur. Tum quia rei veritas in hoc casu habet, q̃ quicquid prædictus Archiepiscopus quomodolibet quæ situit, siue ex industria, siue ex negotiatione, siue ex rebus donatis inter viuos, siue relictis in vltima voluntate, siue aliter, omne illud quæ situit suo archiepiscopatu, vel Sedi Apostolicæ, iuxta cap. 1. 18. quæ sit. 1. & cap. cum olim. 2. de priuileg. & multa alia, quæ nunc scribo in commen. cap. non liceat. 12. quæ sit. 1. eo quod propter solemne votum paupertatis nullatenus potuit quærere sibi, nec cognatis suis. Tum quia prædictus Archiepiscopus per nullam vltimam voluntatem potuit relinquere quicquam suis cognatis, immo nec ad vlla opera pia; quippe qui, eo quod erat religiosus, nullatenus potuit testari, cap. 2. de testamen. cum multis, quæ in dicto commentario scribimus. Tum quia est conueniens his, quod exceptis illis bonis, quæ per fideicommissum, vel onus iniunctum apposita in testamento & donatione prædictis debentur necessario alijs, reliqua omnia pertinent ad Sedem Apostolicam, non tantum ea ratione, quod sunt spolia, quantum eo quod à principio ei fuerunt acquisita: ita quod exceptis illis, quæ pro se sustentando Archiepiscopus expendit in vita, omnia remanserunt prædictæ Sedi, cui fuerunt quæ sita; cum archiepiscopatu suo vt dicitur titulari, qui caret clero, & populo Christiano, non potuerint quæ ri: & ita nihil obstat intentioni Cameræ dict. extrau. Pij V. quæ peculiaribus clericis plurimum commodat, vt nos diximus in commen. cap. cum liceat. 12. quæ sit. 1. Salua, &c.

DE DONATIONIBVS.

SUMMARIUM.

- 1 Donare potest quis inter viuos mille, vt donatarius eidem dum vixerit centum quotannis soluat, nec hic contractus prohibetur per extrauag. Pij V. nu. 2.
- 1 Periculi subitio facit, vt quis iuste capiat plus quam donat, & teneant sponsiones.

CONSILIUM I.

QUIDAM donauit mille alteri donatione irreuocabili inter viuos, ea lege, vt donatarius teneretur ei redonare singulis annis vitæ ipsius centum, ita quod mortuo donatore nihil deberetur hæredibus suis. Quæritur an is contractus sit licitus.

Respondetur, quod pro parte negante facit primo extrauag. cum onus. Pij V. quam iusto commentario donauimus in commen. cap. 1. 14. quæst. 3. quatenus vetat constitui aliquem censum in alia forma, quam in ea præscripta; & quod census hic non est constitutus in ea forma. Secundo facit, quod prædictus donator si vixerit vndecim annos à donatione facta, accipiet aliquid ultra ea quæ dedit; & ita videri potest vsurarius vbique reprobatus, cap. quia in omnibus. de vsuris.

- 1 Pars vero affirmatiua tenenda est. Tum quod licita est donatio sub modo iusto facta, toto tit. de donationib. quæ sub modo: & donatio præfata est eiusmodi; nullum enim continet modum iniustum. Tum quod subitio periculi est iusta causa suscipiendi aliquid ultra id quod datur, l. 1. & 2. C. de nautico fœnore. & notatur in cap. fin. de vsuris. & tradit Dec. in consil. 123. & in casu proposito donator subiit periculum perdendi magnam partem illorum mille, quæ donat: nam si paucis vel nullis annis vixerit, longe minus quam donauit accipiet, vel forte nihil capiet. Tum quod is contractus nullatenus est mutuatio, etiam si non sit vera donatio, sed donatio sub modo, vt dictum est, aut contractus innominatus, do vt des, vt diximus in Manu. confess. cap. 17. num. 222. Tum quod, vt ibidem diximus, licitum est donare alteri aliquid cum pacto, quod si vixerit certos annos, reddatur ei duplum, & alioqui nihil. Tum denique quod non
- 2 obstant pro parte negante adducta. Ad prius enim eorum respondetur, quod extrauagans Pij V. loquitur de censu constituto per viam emptio- nis, vel alius contractus ei æquipollentis, vt nos diximus super ea in glo. 17. in casu autem proposito agitur de censu constituto per viam donationis sub modo factæ; & ita non videtur ad ipsum extendi, cum quisque possit rei suæ traditioni modum imponere, l. traditionibus. ff. de pact. cap. verum. de condition. apposis. Ad posterius autem respondetur concedendo esse vsuram quicquid accipitur ultra sortem ex contractu mutui, non autem ex alijs contractibus emptio- nis, locationis, & cæterorum, vt palam est; & in proposito non agitur de contractu mutui, sed de contractu dona- tionis modalis, cui donator potest adijcere modum à legibus non impro- batum, vt prædictum est.

SUM-

- 1 *Extravagans Pij V. edita anno 1567. de spolijs, non agit de omnibus vasis argenteis, sed solum de destinatis ad cultum diuinum, quæ beneficiarij tempore mortis relinquunt: vnde non prohibentur ea inter viuos ad pia opera donari.*

CONSILIVM II.

- C**ANONICVS donauit quædam vasa argentea cuidam capellæ, in qua elegit sepulturam, ante duos annos quam moreretur. Quæritur an prædicta capella possit se defendere ab ecclesia ipsius canonici, illa sibi repetere volente virtute extravag. Pij V. editæ anno 1576. super spolijs.
- 1 Respondeo, quod iure optimo potest prædicta capella retinere sibi vasa prædicta. Primo, quia prædicta extravagans non disponit de quibuscumque bonis, vel vasis beneficiariorum, sed tantum de destinatis ad vsum & cultum diuinum, vt expresse habent eius verba: & ex argumento, & quæstione propositis non colligitur, quod prædicta vasa erant ad vsum diuinum destinata. Secundo, quod prædicta extravagans non disponit de omnibus ad vsum & cultum diuinum destinatis, sed tantum de illis, quæ tempore obitus beneficiarij inueniuntur relicta ex testamento, vel ab intestato: & prædicta vasa, de quibus est quæstio, etiam si fuissent ad vsum & cultum diuinum destinata, non fuerunt relicta ex testamento, vel ab intestato tempore obitus; quia, vt in casu proponitur, fuerunt donata prædictæ capellæ duobus annis ante obitum: & ita non habet locum in eis extravagans, quæ inducit nouum ius, vt colligitur ex illis verbis eius, *statuimus, & decernimus*. vt super eadem extravag. not. 2. in comment. de spol. super cap. non liceat. 12. q. 2. §. 8. nu. 3. diximus; & ideo non est extendenda ad ea quæ non comprehenduntur in ea, sed debent remanere sub iure antiquo, à quo non receditur, nisi quatenus videbitur recessum à iure nouo, l. præcipimus. C. de appell. Tertio, quod illa extravagans non tollit beneficiarijs potestatem, quam à iure communi habent, donandi ad pia opera bona destinata ad cultum diuinum, dum viuunt; sed solum tollit eis facultatem disponendi de illis ex testamento, vel ab intestato, vt super eadem extravag. expresse hoc vbi supra notauimus. Cum ergo prædictus canonicus donauerit prædicta vasa in pios vsus per donationem inter viuos, & non reliquerit illa ex testamento, vel ab intestato; sequitur posse, & debere illa prædictam capellam habere. & quoniam ante contingentiam huius casus hæc vbi supra scripsi, non addo plura, quia per illa est mihi hæc conclusio indubitata.

S V M M A R I V M.

- 1 *Beneficiarius quo ad acquirendum actu ius in fructibus equiparatur usufructuario, cui acquiritur simulac sunt separati à solo, modo separatio sit facta nomine ipsius; qualis præsumitur facta per debentes decimas ac colonos, nu. 2. nedum partiaros, sed conuenta pensione colentes. num. 3. nondum autem separati ad ipsum non spectant, licet posset ex eis expensas eorumdem serendorum gratia factas deducere. nu. 3.*

Donatio, quam facit titularis de omnibus fructibus sui beneficii, non comprehendit illam partem, quæ de iure, vel consuetudine debetur ecclesiæ. C. nu. 3.

CONSILIUM III.

EPISCOPVS Imolensis iamiam moriturus 21. mensis Augusti donauit cuidam nepoti suo ex fratre præfenti, & acceptanti omnes & singulos fructus collectos, & à solo separatos spectantes quomodolibet ad suum episcopatum. Quæritur, qui fructus illius anni censeantur donati.

- 1 Respondendum est donatos censerì omnes fructus illius anni pertinentes ad episcopatum, in quibus iam erat donatori ius quæsitum actu die 21. Augusti, excepta parte, quæ tunc de illis debebatur ecclesiæ de iure vel consuetudine: & continentur non solum decimæ, & alij fructus, qui tunc erant collecti, & in horrea reconditi, sed etiam qui erant iam messi, & ab arboribus vel terra separati, etiam si nondum essent trituri, & grana ex spicis excussa: quia mea opinione, cui me antehac subscripsi, beneficiarius in hoc casu exæquatur usufructuario, licet quo ad quædam alia differat ab eo, iuxta gloss. cap. si propter. verbo primi anni. de electio. lib. 6. nam ad usufructuarium pertinent omnes fructus separati à solo suo nomine, iuxta l. si eius. ff. de rei vendi. & secundum veriorum intellectum. Arboribus. s. Iulianus. alias est l. si fur. ff. de usufructu. & l. si usufructuarius. ff. quibus modis usufructus amitti. quamuis prædicta gloss. videri possit requirere reconditionem in horrea. Arbitror enim, quod licet beneficiarij vt plurimum non separent per se, nec per alios fructus, quos coloni colligunt, & ex quibus postea decimas soluunt; tamen ipsi coloni, qui ea mente messem vel vindemiam faciunt, vt ex eis decimas soluant, satis videntur nomine beneficiariorum quo ad partem illis debitam metere, vindemiare, ac fructus colligere.

- 2 Non tamen censentur donati fructus etiam alij à decimis, qui nondum erant à solo separati; etiam si per ipsum Episcopum eius impensis, vel per eius colonos partiarios, aut pensionarios sata fuissent semina, ex quibus illi orti fuerunt: quamuis eo casu deducere possent impensas, quas Episcopus eorum ferendorum gratia fecit: quia fructus dicuntur, qui residui sunt impensis deductis. l. fructus. ff. solut. matri.

Nec etiam censetur donata pars illa fructuum, quæ iure, vel consuetudine debebatur ecclesiæ: quæ quota, vel quanta sit, arbitror iudicandum esse per consuetudinem, vel constitutiones synodales, vel eis deficientibus per cap. quatuor, & cap. redivitibus. 12. q. 2.

SUMMARIUM.

- 1 Beneficiarius & Episcopus de redditibus suo victui superfluis, tam sanitatis, quam infirmitatis tempore possunt, immo debent nedum modica, sed etiam magna in pia opera donare; legare autem, aut de illis testari non possunt, nisi habeant super hoc indultum. nu. 2. & 4.
- 2 Argumentum à contrario sensu alias validum, inuvalidum tamen est ad hoc, vt ex illo colligi possit aliquid, cuius contrarium alio iure sit expressum.

- 5 Donatio inter viuos etiam ab infirmo, ita irrenocabiliter facta, vt liceat donatori intra duos menses illam reuocare, licet videatur facta causa mortis & conditionalis, num. 7. attamen ex quo in ea saltem in parte dispositiua nulla fit mentio mortis, censenda est inter viuos, nu. 6. & 9. non conditionalis, sed absoluta, licet intra dictum tempus reuocabilis. nu. 8.
- 8 Donatio inter viuos conditionalis purificatur, & perficitur per aduentum seu purificationem conditionis, etiamsi conditio purificetur post mortem donatoris.
- 10 Donatio ita inter viuos facta creditori irrenocabiliter, vt liceat donanti illam intra certum tempus reuocare, potest in iure defendi quod non sit reuocabilis, seu saltem quod non possit tuta conscientia reuocari. 12.
- 11 Spolia defunctorum sunt, quæ solutis debitis, deductisque expensis, supersunt, siue agatur de fructibus beneficiorum, siue de alijs bonis.

CONSILIUM IV.

LVDOVICVS Balduinus infirmarius & canonicus ecclesiæ Nicien. I. V. D. inseruiuit bo. mem. Francisco Lamberto, dum vixit, ecclesiæ Nicien. Præsuli pro eius Vicario generali circiter decem & octo annis, à quo toto illo tempore nullum salarium accepit: vnde anno 1583. idem Præsul graui infirmitate detentus, memor seruitiorum eiusdem Vicarij, in remunerationem seruituris ab illo sibi per tot annos, vt præfertur, impensa, pro qua dixit non fuisse ei satisfactum, & quia sic ei facere placuit, donauit illi præsentanti & acceptanti donatione irrenocabili inter viuos (sub ea lege, quod si sibi videretur infra duos menses proximos, sibi liceret illam reuocare) suos libros, iocalia, & mobilia domus, ac mille scuta, quæ habebat in quadam crumena existente in eius domo episcopali, quam D. Vicario consignando eidem ordinauit vt de dictis pecunijs disponderet in vsus, quos tunc illi commisit. Deinde post paucos dies idem Præsul, sicut Domino placuit, vita functus est: post cuius obitum mobilia fuerunt in inuentario redacta, & deposita vti spolia spectantia per concessionem Apostolicam ad magnum Magistrum SS. Mauritij & Lazari. idem autem Vicarius distribuit pecunias existentes in d. crumena, seu earum maiorem partem iuxta voluntatem Episcopi donatoris, videlicet locis pijs in elemosynam, familiaribus dicti Episcopi, & similibus, ac in conficiendo depositum marmoreum in ecclesia Nicien. pro sepultura cadaueris dicti Episcopi.

Modo molestatur a collectore spoliiorum tam super pecunijs in d. crumena sibi consignatis, & per eum distributis, ac illarum residuo penes eum remanente, nec non super libris, & alijs donatis, sub prætextu quod donatio non teneat, & censeatur facta in fraudem. Queritur quid iuris.

- 1 AD HANC QVAESTIONEM respondetur primo, quod donatio facta ab Episcopo inter viuos de redditibus sui episcopatus ad pia opera valet, non solum si eam faciat sanus, sed etiam si eam faciat agrotus, & existens infirmus, vt nos neruosisimis argumentis probamus in tract. de redditibus ecclesiasticis, q. 1. mon. 34. in eius apologia. nu. 82. Tum quia Episcopus, & alij beneficiarij non solum possunt superflua suæ sustentationi impen-

impendere in pijs operibus, sed etiam tenentur, cap. 1. 16. q. 1. vt latius tradimus nos vbi supra mon. 26. & seq. & 42. & seq. & in eius apologia monito 27. 38. & 39. & canones, qui hanc facultatem faciunt beneficiarijs, & obligant eos ad id faciendum, non distinguunt inter sanos, & ægrotos: ergo etiam ægroti hoc facere possunt, & tenentur: quia lex generaliter disponens, generaliter est intelligenda, l. de pretio. ff. de publi. in rem actio. & cap. solita. sub fin. de maiori. & obed. Tum quia per infirmitatem non amittunt suos titulos, cap. tua. & tot. tit. de cler. ægrot. quibus sancta mater Ecclesia præfatam facit facultatem. Tum quia Alexan. III. indicat aperte in cap. ad hæc. de testamen. maiorem beneficiario esse facultatem, dum ægrotat, ad largiendas eleemosynas per donationem inter viuos, quam per ultimam voluntatem. Tum quia id est aptum mediū ad beneficiarios eripiendos ab ea perplexitate reprobata per cap. nerui. 13. dist. cap. nemo. de pœnit. dist. 7. quam inducit ex vna parte obligatio conferendi superflua pauperibus, ex altera vero prohibitio, qua vetantur dare per ultimam voluntatem: nam talis perplexitas cessat aperte, si dicamus posse donare inter viuos beneficiarios superflua, dum ægrotant. Tum quia pauperibus, quibus superflua sunt eroganda, est multo magis expediens, vt cum non acceperint à beneficiarijs, dum sani erant, saltem dū ægrotant accipiant. Tum quia apertissimum est, beneficarium ægrotantem aliquam portionem bonorum erogare posse, per cap. ad hæc. de testam. sed eadem ratione qua conuincitur exigua portio posse dari, conuincitur etiam posse dari copiosa, quantum ad præsens negotium attinet: nulla enim alia ratio reddi potest, cur possint dare aliqua, nisi quia habent facultatem id faciendi virtute suorum titulorum: at virtute eorum habent quo ad omnia: ergo, &c. arg. l. illud. ff. ad l. Aquil. & quia qui de vno dicit, vt videtur negare de alio dissimili, ita videtur affirmare de alio simili. Domin. in cap. qualis. 25. dist. & probat gloss. in verbo mobilibus, in d. cap. ad hæc. Tum quia ratio potissima, qua interdicatur beneficiarijs, ne legare possint, ea est, vt certe vel sic cogantur dū viuunt erogare superflua pauperibus. At quo ad hunc finem commodius est ea donare, quando aduersa valetudine laborant, quæ dum valerent donare noluerunt, quam non donare, & ob id hæredibus cedere. Tum quia non obstat, quæ ex aduerso affertur ratio, scilicet, in idem recidere ægrotum morbi proximum inter viuos donare posse, & posse donare per ultimam voluntatem: vnde cum negetur hoc secundum, inferunt & primum denegandū. Non inquam id obstat. Nam qui per ultimam voluntatem donat, reuocare potest id quod dedit, si conualescat, cap. ultima voluntas. 13. q. 2. cap. cum Marthæ. de celeb. missa. quod nequaquam poterit, si semel donet inter viuos, l. sicut ab initio. C. de actio. & oblig. l. in commodato. §. sicut. ff. commodati. Nec obstant Alexan. verba in d. cap. ad hæc. qui dum permittit ægrotantibus posse aliquid donare inter viuos, sed moderate, visus est innuere à contrario non posse dare large, vel immoderate: id enim non est efficax argumentum. Tum quia argum. à sensu contrario licet alias dicatur fortissimum in iure, l. 1. ff. de offic. eius cui man. est. & cap. cum Apostolica. de his quæ fiunt à præl. nihil probat, si ex eo col-

- quæ continet verba tangentia dispositionem principalem, argum. clem. 1. de præbend. & satis colligitur ex his quæ Couar. dicit & citat in rubri. de testamen. parte 2. num. 13. Tertio, quod donatio non desinit esse vera donatio inter viuos, & irreuocabilis, eo quod sit conditionalis, & conditio non impleatur ante mortem donantis: si quis enim donaret alteri centum sub conditione, si naus ex Asia venerit prospera, & integra, non desinit esse valida, & efficax eo, quod donans moriatur, antequam naus venerit ex Asia, si post eius mortem venerit prospera, & integra, iuxta §. omnis. Instit. de verbor. oblig. & cap. si pro te. de rescrip. lib. 6. & eis adnot. & cum donatio prædicti Reuerendiss. fuerit in effectu ad minus conditionalis, perinde ac si dixisset, dono ista pijs operibus, si non reuocauero donationem intra duos menses; valida & efficax debet iudicari, etiam si vixisset multo tempore, dummodo non reuocasset illam intra duos menses: & ita non est iudicanda facta causa mortis, cum per mortem non subsequutam non fuisset reuocata; sed potius est iudicanda conditionalis talis, quæ adimpleta conditione fuerat exequenda, quando cumque Reuerendissimus mortuus fuisset adimpleta conditione, si eam non reuocasset intra duos menses. Quarto, quod prædicta donatio fuit plusquam conditionalis: quia fuit pura cum facultate renocandi; sicut venditio prædij facta cuiuspiam cum adiectione in diem, ita vt si melior conditio intra certum diem afferatur, venditor discedere possit à venditione, venditio censetur pura, quamuis venditor possit recedere ab illa meliori conditione oblata; licet esset conditionalis, si venditio fieret sub conditione si non fuerit oblata melior conditio, l. 2. ff. de in diem addi. per quam, & in ea notata, est dicendum, quod donare alicui, si donans non mutauerit voluntatem intra duos menses, erit pura & perfecta donatio cum facultate reuocandi eam intra duos menses, si donanti placuerit. Nam etsi quis iusto pretio vendat prædium, cum pacto, vt sibi retrouendatur post aliquot dies, menses, aut annos, venditio iudicanda est pura; licet rescindi possit intra tempus adiectum à venditore; dominium tamen eius, & ius percipiendi fructus transit in emptorem, l. 2. C. de pact. inter emptorem & vendi. comp. & d. l. 2. ff. de in diem addi. & in l. fina. ff. de pericu. & commo. rei vend. & gloss. solemn. in cap. conquestum. de vsuris. & notatur per omnes in cap. ad audientiam. de emptio. & vendit. & in cap. illo vos. de pignorib. & quotidie praxis seruat in emptione & venditione censuum cum facultate redimendi. Quinto, quod communis opinio habet, donationem simpliciter factam sine mentione mortis esse iudicandam inter viuos, per gloss. singul. communiter receptam in d. §. Iulianus. à qua non esse in consulendo & iudicando recedendum dicunt Alexand. & Ias. in d. l. quæ dotis. soluto matrimonio. & Couar. in dicta rubrica de testamen. parte 3. num. 25. in fin. Sexto, quod non obstat ille §. Iulianus. quia gloss. prædicta recep. intelligit illum de ægroto, qui fecerat donationem expressa causa mortis, per textum optimum in l. Seia. ff. de dote præleg. Septimo, quia in proposito agitur de fauore piæ causæ, cui fauendum est, l. quæ religiosis. ff. de relig. & sump. fun. & de tuendo valore actus,

qui in dubio tuendus est, l.quoties, ff. de rebus dubijs, & l.quoties, ff. de regul. iuris. Non obstat etiam argumentum nouum, quod contra hanc partem noue fecimus: quia non arguitur de contrario vnus oppositi ad contrarium alius oppositi: arguitur enim ab opposito donationis mortis causa nullo casu reuocanda, ad oppositum donationis inter viuos in vno solo casu reuocanda.

- 10 Quarto principaliter respondetur, quod prædictus admodum Reuerendus Vicarius potest se defendere etiam alia ratione, quam qua defenduntur dicta opera pia: quia id quod donauit ei prædictus Reuerendissimus donauit in solutionem debiti: nam id quod ei donauit, & longe amplius debebat ei; debebat enim ei salarium 18. annorum, vt præsupponitur in facto: & iudicio cuiusque viri boni & prudentis plusquam centum scuta debentur pro stipendio Vicario generali D. V. I. & viro prudenti, & vita exemplari suis impensis decenter & honorabiliter viuenti: & licet non fuissent debita pro singulis annis nisi singula centena, debebantur ei 1800. & vix fuerunt illi data 600. Tum quia, vt nos definimus in principio tractatus de spolijs super cap. non liceat Papæ. 12.
- 11 q. 2. spolia Episcoporum sunt illa, quæ debitis suis solutis supersunt, vt colligitur ex definitione spoliolorum, & alijs quæ ibi dicuntur: bona enim & fructus sunt, quæ deductis impensis & debitis supersunt, l. fructus, ff. solut. matrim. cum ei similibus. Non obstat, quod collector videtur posse dicere, quod prædictus Vicarius non potest auctoritate propria capere, vel retinere aliena, l. si quis in tantum. C. vnde vi. cum suis concordan. non inquam hoc obstat; quoniam prædictus Vicarius non accepit illa scuta, & bona, quæ ei tradidit prædictus Reuerendiss., in remunerationem tam longi, & tam boni seruitij, auctoritate sua, sed auctoritate & mandato
- 12 ipsiusmet Reuerendiss. sui debitoris, qui poterat & obligabatur soluere illi multo plura, quam dedit. Non obstat etiam, quod donatio prædicta fuit conditionalis, per quam non potuit transferri dominium ante impletam conditionem, d. §. omnis. Instit. de verb. obliga. & l. cedere diem, ff. de verb. sign. non inquam hoc etiam obstat. Tum quia prædicta donatio non fuit conditionalis, sed pura, immo & irreuocabilis, nisi tantum vno casu, & illo breui tempore finiendo, vt irrefragabiliter probatum est supra. Tum quia iure defendi potest, quod licet prædictus Reuerendissimus, si vixisset, potuisset intra duos menses reuocare suam donationem quo ad alia, quæ ad pia donauit, non potuisset tamen reuocare illam quo ad ea, quæ ipsi Vicario tradidit: quia quo ad illa non fuit donatio, sed solutio debiti, & remuneratio seruitij, quam poterat & tenebatur facere, & non poterat iuste & bona conscientia reuocare illam inuito ipso Vicario, per multa, quæ vti minime necessaria, gratia breuitatis, & euitandæ prolixitatis, prætermitto, precatus D. N. Iesum Christum, vt intercessionem gloriosissimæ Virginis matris Mariæ perducatur nos ad regna cælorum. Amen.

SUMMARIUM.

- 1 Clericus, modo non sit regularis, potest de patrimonialibus, vel quasi, etiam donando, pro libito ut laicus disponere. Et num. 3. at quæstia ex fructibus beneficij, seu intuitu ecclesiæ, non potest elargiri alicui, nisi intuitu vera paupertatis, vel pietatis. num. 2. aliter uterque ultra peccatum tenetur restituere. Et nu. 5. Et 6.
- 4 Donatio à clerico de bonis intuitu ecclesiæ quæsiis facta in notabili quantitate, nisi probetur contrarium, præsumitur in foro exteriori facta in fraudem. Et num. 5.
- 6 Spoliorum collectores ut evitet clericus, in vita donet in pia opera, vel obtenant facultate testandi, eisdem leget.

CONSILIUM V.

PRÆLATVS quidam fecit donationem cuidam N. libere & pure inter viuos 25. millium ducatorum, quos in bonis habebat, & sibi debebantur à certis personis sui episcopatus; & donatario tradidit scripturas, & nomina debitorum, quæ idem N. donatarius accepit, & eius nomine fuit exacta maior pars istius pecuniæ, & ad præsens exigitur: cuius pecuniæ partem idem N. donatarius expendit pro sustentatione domus prælati: de quibus prædictis expensis in sustentatione domus dictus prælatus donator ipsi donatario obligationes fecit, quibus fatetur se à dicto N. donatario prædictas pecunias accepisse, & promittit se soluturum toties quoties per donatarium fuerint petitiæ.

Quæritur primo, an mortuo prælato, & collectore Cameræ Apostolicæ occupante eius bona, donatarius possit virtute obligationum factarum per prælatum mortuum recuperare dictas pecunias expensas & debitas.

Secundo, an prælatus tempore obitus possit donatario assignare bona, ex quibus dicta debita possit recuperare.

Tertio supplicatur dari consilium super his, & qualiter hoc consultius fieri possit.

- 1 AD PRIMAM QVAESTIONEM respondeo primo, quod prædictæ ambæ donationes fuerunt validæ, si tam prælatus quam N. erant seculares & non vere religiosi, & scuta donata & redonata erant de bonis patrimonialibus, vel quasi patrimonialibus eorundem: quia clericus secularis potest de eis disponere, ac laicus de suis bonis profanis, cap. quia nos. de testamen. cap. 1. & 2. 12. q. 3. cap. si cum eadem causa. q. 5. & tradimus in apologia q. 1. mon. 22. Secundo, quod si prædicta scuta erant quæsiita intuitu ecclesiæ, siue de redditibus eius, prior donatio, qua prædictus prælatus donavit illa N. non valuit, si absque iusto paupertatis intuitu, aut etiam pietatis id fecit: immo eam faciendo graviter peccavit, per ea multa quæ nos attulimus in d. apolog. de red. q. 1. mon. 27. 38. & 39. & tenetur restituere ea pauperibus & operibus pijs, per ea multa quæ tradimus vbi supra q. 2. mon. 7. Tertio, quod etiam prædictus N. peccavit accipiendo, & tenetur illa restituere aut pijs operibus, aut prædicto prælato in pios vsus impendenda per dicta vbi sup. q. 7. mon. 83. n. 4. & d. quæst. 2. mon. 26. d. n. 1. Quarto, quod

R r 2 si præ-

si prædicta prior donatio fuit facta vere & principaliter coram Deo ex vera causa paupertatis & pietatis, valuit in foro conscientie, per adducta in dicto mon. 27. 38. & 39. Quinto, quod utraque donatio præsumetur in exteriori foro facta in fraudem, nisi probaretur tantam esse qualitatem N. & tantam eius paupertatem, ut merito credi possit intuitu paupertatis esse factam; quod non esset facile probare in donatione tantæ quantitatis: nam etsi qui donat & qui relinquit diuiti, dicat se donare intuitu paupertatis, præsumitur tamen donatū, aut relictum alio respectu, secundū glo. l. illud. C. de sacrosan. eccle. cōmuniter recep. & relatā à nobis in d. apol. q. 1. mon. 29. num. 2. Sexto, quod etiam posterior donatio præsumetur facta in fraudem, nisi probaretur in tantam paupertatem deuenisse præfatum, & tam pauperes cognatos habere, & tam diuitē esse N. ut verisimiliter credi deberet eam fuisse factam in prælati eleemosynā, quod difficile probatu arbitror. Septimo, ex his inferri, quod si prædicta scuta fuerint de redditibus ecclesie vel intuitu ecclesie quæsitis, non potest prædictus prælatus de illis disponere plusquam de alijs intuitu ecclesie quæsitis, nec testando, nec donando.

AD SECUNDAM respondeo primo, quod si prædicta 25. millia scuta erant de redditibus ecclesie vel intuitu ecclesie quæsitis, & donatio nō fuit facta vere & principaliter coram Deo causa vere paupertatis & vere pietatis, non fuit valida, & uterque tam donatarius, quam donator peccauit, & tenetur restituere, per supradicta. Secundo, quod in foro exteriori præsumetur facta in fraudem pauperum & piorum operum, vel Camere Apostolicæ; & consequenter collector non patietur ut prædictus N. recipiat de bonis prælati mortui ea in quæ præsumetur fraudulenter obligasse, nec consequenter prælatus absque peccato poterit in morte assignare bona, ex quibus illa debita reciperet.

AD TERTIAM, qua quæritur modus bene super his consulendi, respondeo primo, quod si prædictæ pecuniæ sunt ecclesiasticæ, non possunt ullatenus sine peccato & obligatione restituendi ad vana aut profana directe, aut indirecte donari, & ideo necessario sunt distribuendæ per donationem inter viuos irrevocabiliter in opera pia, dum vita manet, ad hoc quod absque peccato euadant manus collectoris prædicti; aut in morte cum facultate testandi ad opera pia à Sede Apostolica obtenta. Secundo, quod viæ bonæ, per quas sic distribui vel retineri possunt, tanguntur in dicta nostra apo log. quæst. 3. mon. vlti. & in locis ad quæ ibi fit remissio. Salua, &c.

SVMMARIUM.

- 1 Beneficiarius siue sit secularis, siue regularis, de fructibus beneficii testari iure non potest: fallit in commorantibus Romæ, quibus Pontifex, prout potest, hanc facultatem, si ibidem morerentur, concessit. nu. 7. & 8.
- 2 Spolia, quæ post se relinquunt beneficiarijulares & regulares, ad Cameram spectant Apostolicam, inter quæ non computantur ea quæ talis viuens in pia opera impendit. nu. 9.

- 2** *Apostata à religione de bonis per eos quæsitis disponere non possunt ex bulla Pauli I III. non tamen ex ea probatur per eos quæsitæ spectare ad Cameram, immo deberi monasterio in quo professionem fecerant. nu. 10.*
- 3** *Regularium extra claustrum degentium bona Camera Apostolica debentur: fallis in degentibus & morientibus Romæ, vel intra decem milliaria: quia tales non faciunt spolia. nu. 14. & 9.*
- 4** *Beneficiarij omnes, siue regulares, siue seculares, de fructibus beneficiorum, seu bonis per eos quæsitis possunt per contractus inter viuos etiam donando in suos honestos & alienos pios vsus disponere; & hoc etiam si amplius beneficium non haberet. & nu. 6. & 8.*
- 5** *Romæ degentes clerici seculares & regulares, beneficia, vel dignitates habentes, possunt de quæsitis per eos inter viuos & per ultimam voluntatem disponere, nec Romæ sunt spolia, num. 9. & hoc etiam si tales iam desissent beneficia habere. & num. 7.*
- 6** *Religiosus transeundo ad Episcopi statum nequaquam dicitur apostata; immo nec efficitur talis, etiam si dimisso episcopatu ad religionem non redeat: nam licet per episcopatum non desinat esse monachus quo ad tria vota, ac gestationem habitus, liberatur tamen ab alijs obseruantijs, inter quas est habitatio in claustro, num. 11. itemque & eximitur à superioritate regularis prælati, in quam per dimissionem episcopatus non reincident, num. 12. maleque faciunt qui hos vocant apostatas, num. 13. vel talem transitum vocant subtilem apostasiam, iuncto nu. 2.*

CONSILIUM VI.

N. FRATER ordinis Prædicatorum, cum iam pridem esset vir egregia pietate, & eruditione insignis, fuit à Rege Catholico nominatus in Episcopum Cusquen. & à sancta Sede Apostolica in eū promotus. quem cum laudabiliter gubernaret, & iudicaret necessarium esse vt potestas secularis permetteret vsum liberum aliquorum sacrorum canonum multum ad salutem animarū suo iudicio conuenientem, venit personaliter ad Curiam regiam, & proposuit se non posse suo muneri episcopali absque illo satisfacere: quod cum impetrare non posset, & diceret se non audere ad episcopatum redire, nisi id ei concederetur; responsum fuit ei, non defuturum, qui vellet illuc ire, & fungi officio Episcopi, si ipse renunciaret episcopatu. Cumq. replicasset malle carere episcopatus administratione, quam contra suam conscientiam retinere munus, cui sine præfato vsu libero non poterat satisfacere, neque animæ suæ salutem conseruare, raro exemplo renunciavit episcopatū, quo moneretur potestas secularis ad persuadendum sibi permissionem illam esse necessariam: & ita renunciato episcopatu, & eo alteri collato, dimissa patria, & abnegatis cognatis, vti alter Abrahamus egressus de terra & cognatione sua, venit Romam matrē omnium communem, & ad sanctam Sedem Apostolicam se. rec. Pio V. tunc ei præsidente, vt sui aduentus consilio ei communicato, & ab eo approbato, vitam in ea finiret, vt finiuit magno cum exemplo contemptus mundi, & honorum eius, sanctissime viuēdo, nihilque tēdij & molestiæ pro se, neque pro alijs eidem ingerendo: adeo quidem, vt nec etiā à cognatis acciperet

epistolas, neque ad eos daret. Cumque parce viuendo, & prudenter administrando pecuniam, quod sibi quaesierat, dum praefatum episcopatum administraret, reliquisset aliqua, donauit bonam partem eorum donatione inter viuos irreuocabili monasterio ordinis sui sanctae Mariae supra Minervam in opus piissimum, & Vrbi & orbi, vt palam est, decorum & utilissimum. Quo mortuo, Reuerendissima Camera Apostolica, longe aliter, quam res habeat, informata, dicitur pretendere quod omnia illa, quae per praefatum Episcopum praefato monasterio fuerunt donata, pertineant ad eam. Quod praefatum monasterium, seruata reuerentia, & humilitate, negat: & quaeritur quid iuris sit respondendum.

- 1 Et quidem pro parte Reuerendiss. Camerae facit primo, quod ipse erat clericus, & Episcopus, qualis testari prohibetur de fructibus beneficiorum, vel episcopatus, cap. 1. & cap. 2. 12. q. 5. & cap. 1. & cap. relatum. de testam. & auth. licentiam. C. de episco. & cleri. & omnia, quae dedit praefato monasterio, fuerunt quaesita de fructibus episcopatus: ergo non potuit ea illi dare. Secundo, quod ipse erat monachus, siue religiosus expresse professus sancta Sede Apostolica approbante ordinem non qualem qualem, sed mendicantium Praedicatorum: & palam est non posse monachum iure testari, cap. 2. de testa. auth. ingressi. C. de sacrosan. eccle. neque dare aliquid
- 2 sine licentia superioris, cap. non dicatis. 12. q. 1. Tertio, quod omnia spolia clericorum, & monachorum relicta per mortem ipsorum videntur Reuerendiss. Camerae deberi per extrauag. fel. rec. Pauli III. & per alia, quae nos post alios in tract. de spolijs super cap. non liceat Papae. 12. q. 2. alias citauimus. Quarto, quod extrauagans Pauli III. quae incipit, *Postquam diuina*, statuit, quod religiosus apostata non possit disponere de bonis: & praefatus Episcopus videbatur esse apostata. Tum quod de simplici religioso statu transiuit ad statum episcopalem: quem transitum fuisse appellatum a Ioan. Andr. quamdam subtilem apostasiam aliqui testantur. Tum quod post renunciatum episcopatum non rediit ad claustrum, immo remansit extra illud.
- 3 Quinto, quod extrauagans Greg. XIII. quae incipit, *Officij nostri*, expresse videtur habere, omnia bona regularium viuentium extra claustra monasteriorum deberi praefatae Camerae. At praefatus Episcopus Cusquensis erat regularis, & viuebat extra claustrum, & mortuus est extra illud: ergo, &c.

- 4 His tamen non obstantibus, contrarium est respondendum. Primo quidem, quod omnis clericus beneficiarius potest dispendere fructus sui beneficii in vsus suos honestos, & superflua in vsus pauperum, & alios pios, dum uiuit, per dispositionem inter viuos etiam iure antiquo, & communi, cap. fin. 16. q. 1. & cap. conuenit. 23. q. 8. & praefatus Episcopus praefata bona praedicto monasterio donauit per dispositionem inter viuos ad pia irreuocabili donatione: ergo iuste retinet illa praefatum monasterium. Secundo, quod regularis siue religiosus perinde potest de fructibus sui beneficii disponere inter viuos, ac clericus secularis de fructibus sui beneficii, vt singulariter dixit Card. in clemen. 2. §. sed & tales. de vita & honest. cleric. cui neminem contradixisse, antequam nos eum citaremus in Vrbe,

dixi-

diximus in tract. de redditibus eccle. q. 1. mon. 8. num. 2. Ergo præfatus dominus Episcopus potuit præfata bona dare in vita præfato monasterio in usum piissimum, in quem donauit, sicut & potuisset, si fuisset clericus secularis. Tertio, quod præfatus Episcopus obiit mortem in Vrbe, in qua vivebat, & vixit multos annos sanctissime sine vlla querela, & venit ad eam ob causam in argumento & facto contentam; & omnes clerici seculares & regulares beneficia vel dignitates habentes degentes in Vrbe possunt disponere in vita, & in morte de omnibus bonis quæsitis, etiam ex fructibus beneficiorum suorum per facultatem amplissimam concessam à Sixto IV. & Leone X. quod per bullas eorum constat: ergo ipse potuit in vita & in morte disponere de his quæ præfato monasterio dedit. Quarto, quod præfatus Sixtus IV. & alij Pontifices Max. iuste potuerunt facere præfata ex causa, ob quam fecerunt. Tum argumento cap. cuncta per mundum. 9. q. 3. & cap. proposuit. de concess. præben.

6 Non obstant opposita. Ad primum enim respondetur duobus modis irrefragabilibus. Primo quidem, concedendo, quod clericus non potest testari de fructibus beneficiorum iure communi: negando tamen, quod non possit in vita disponere de illis in sustentationem suam, & ad opera pia: quia non solum potest id facere, sed etiam tenetur per d. cap. ult. 16. quæst. 1. & alia multa quæ nos ibidem post alios adducimus: & præfatus Episcopus non reliquit præfata bona per testamentum & ultimam voluntatem, sed liberalissime, & nobilissime per donationem irrevocabilem inter viuos, ut in facto narratur. Secundo respondetur, quod argumentum procedit attento solo iure communi, sed non attenta facultate amplissima disponendi in vita, & in morte facta per præfatum Sixtum IV. Leonem X. & alios summos Pontifices omnibus prælatis, & beneficiariis secularibus & regularibus, habentibus administrationem & dignitatem, qui Romæ, & in Curia Apostolica morarentur, quorum de numero fuit præfatus D. Episcopus Cusquensis: quia licet iure naturali diuino videatur prohibitum, ne quis ecclesiasticus impendat fructus beneficiorum in profanos usus; iure tamen solo humano prohibetur, ne testetur in usus pios, ut nos alibi probamus, præsertim in dicto tract. de red. q. 3. mon. 2. & ita potest Pontifex Max. contra huiusmodi ius humanum ex causa iusta sancte concedere facultatem disponendi, etiam per ultimam voluntatem de his. Quæ est ratio fundamentalis non adeo explicata, per quam omniū fere opinio habet posse Papam facere facultatem testandi personis ecclesiasticis de fructibus beneficiorum: & ita noster Episcopus potuisset relinquere, etiam per ultimam voluntatē, præfata bona prædicto monasterio, quamuis firmiter & perfectius dederit ei per dispositionē inter viuos.

8 Ad secundum respondetur etiam duobus modis. Primo quidem, concedendo, quod monachus simplex, qui nullum beneficium nec dignitatem habet, non potest iure communi testari, neque dare inter viuos alicui quicquam: negando tamen quod non possit facere vtrumque iure specialis priuilegij Papæ, quale habuit præfatus Episcopus concessum à præfato Sixto IV. & alijs Pontificibus Maximis, his qui morerentur

Romæ, ut prædictum est, quos posse constat. Tum eo ipso, quod præfati Pontifices Max. concesserunt eam omnibus regularibus, qui habentes administrationem vel dignitatem in Curia morerentur. Tum quod recepta sententia habet, quod ex iusta causa Papa potest concedere præfata licentiam testandi, ut Philip. Franc. post alios tandem resoluit in rub. de testamen. num. 82. Tum illa noua, eademque verissima consideratione, quam fecimus in comment. 2. de regular. super cap. non dicatis. 12. quæst. 1. num. 57. scilicet, quod tam Philip. Franc. quam alij quæstionem hanc disputantes plurimum errant. Secundo, quod valor dispositionis præfati Episcopi Cusquensis non indiget, ut ipse haberet facultatem testandi: quia sufficit, quod habuisset facultatem disponendi per contractus inter viuos; quam habere omnes prælatos & beneficiarios regulares quo ad fructus suorum beneficiorum, supra probatum est, & praxis totius orbis Christiani seruat.

- 9 Ad tertium responderetur etiam dupliciter. Primo quidem, quod in casu propositio non agimus de spolijs nostri Episcopi, sed de donatis ab ipso in vita loco pio ad opera pia: spolia enim ecclesiasticorum sola illa esse dicuntur, quæ reperiuntur post mortem ipsorum nondum pie impensa, ut & nos post alios definiendo ea probamus in d. cap. non liceat Papæ. 12. q. 2. Secundo, quod post præfatas constitutiones Sixti IV. & aliorum Pont. Max. nulla sunt spolia ecclesiasticorum in Vrbe; quod satis significant commissiones, quas Paulus, Iulius, Pius, & Greg. XIII. dederunt ad colligenda illa extra Urbem, quas alij DD. mei consulentes in hoc citant: & ratio est clara, & per præfatas facultates Sixti IV. & aliorum Pont. Max. constat bona morientium in Vrbe existentia in ea, vel intra decem miliaria, non pertinere ad Cameram, siue moriantur testati, siue intestati.

Ad quartum responderetur primo, quod licet præfata bulla Pauli III. indirecte probare videatur, non posse apostatam de bonis à se quæsitis disponere, non tamen probat illa bona deberi Cameræ Apostolicæ: imo homo habet deberi monasterio, & religioni, in quibus primo loco professionem facit. Secundo negando, quod præfatus Episcopus fuit apostata transeundo ab ordine ad episcopatum. Tum quia apostata est qui retrocedit, iuxta glossam recep. in cap. 1. de apost. & S. Thom. recep. 2. 2. quæst. 12. artic. 1. & 2. & ipse transeundo ab ordine ad episcopatum non retrocessit, immo ultra processit, cum fuerit factus de filio pater, ut ait gloss. cap. 1. 18. quæst. 1. & status episcopalis sit perfectior statu monachali, ut tradit S. Thom. recep. 2. 2. quæst. 181. artic. 7. Tum quia non dicitur apostata, qui à bono ad melius legitime transit, secundum omnes: & præfatus Episcopus transijt à statu monachali ad statum episcopalem legitime: quia transijt iure naturali, diuino, & humano id approbante, cap. statutum. 18. quæst. 1. cap. cum olim. de priuileg. immo & ipso Papa

11 scienter eum promouente. Tertio negando, quod monachus fiat apostata non redeundo ad ordinem post episcopatum renunciatum, quicquid aliqui recentiores parum caute dixerint. Tum quia licet monachus per assumptionem ad episcopatum non exuat monachatum quo

ad tria

- ad tria substantialia vota, neque quo ad habitus delationem: exiit tamen illum quo ad alias obseruantias regulares, iuxta glossam recep. in cap. de monachis. 16. quæst. 1. & not. in d. cap. 1. 18. quæst. 1. & in cap. clerici. il 3. de vita & honest. cler. & alibi sæpe: & consequenter ab obseruantia manendi in claustro, sicut & ab obligatione ieiunandi, & surgendi ad matutinum, & similibus. Tum quod nullo iure id cautum est, & ita non dicendum. 2. quæst. 4. cap. consulisti. & cap. 2. de transla. præla. Tum quod etiam in terminis id asserit Feder. in consi. 5. & 19. & Bonif. in clem. 1. de regula. Tum quod praxis omnium monachorum renunciantium loco episcopatus, & non honori, hoc seruauit, & seruat, Papa id
- 12 sciante, & consentiente. Tum quod id concludit ratio illa irrefragabilis fundata in eo, quod promotus in episcopatum eximitur ab omni iurisdictione Abbatis, secundum omnes; & per cessum, siue renunciatiorem episcopatus quo ad locum, & non quo ad honorem, non recidit in illam: quia quo ad illum extincta fuit; & extincta non reuiuiscunt, l. qui res. §. area. ff. de solutio. & l. inter stipulantem. §. nam cum quis. ff. de verb. oblig. & facit cap. ad supplicationem. de renun. & c. 2. de transla.
- 13 prælat. Tum quod res indecens, insolita, & quadamtenus scandalosa est, vt Episcopus, qui vocatur frater Papæ, cap. quamuis. de crim. fals. subiacet, vt quilibet alius simplex monachus, simplici Priori, vel Guardia-no, vt palam est: & eiusmodi indecora, insolita, & quadamtenus scandalosa non sunt statuenda, quippe quæ lædunt pietatem, l. filius. ff. de condi. insti. & cap. erit autem lex. 4. dist. quatenus ait Isidorus sola honesta debere statui. Tū denique, q̄ illud, quod aliqui tribuunt Ioan. Andr. quod promotio religiosi ad episcopatum est quædam subtilis apostasia, aut nō fuit dictum ab eo, aut fuit dictum iocose, aut fuit false, & irreligiose contra honorem sanctæ Sedis Apostolicæ prolatum, per supradicta: & certe qui hoc contra Episcopum Cusquensem præfatum adducunt, debent sibi cauere, ne detractorum, & infamatorum crimen incurrerint contra octauum præceptum Decalogi, Exod. 20. iuxta declarationem late à nobis post alios traditam in Manua. confess. cap. 18. à n. 17. vsque ad 50.
- 14 Ad quintum respondetur, quod multis de causis non obstat. Primo quidem, quod loquitur de bonis illorū apostatarum, contra quos Paulus III. suam cōstitutionem edidit, vt palam colligitur ex ipsa: & Episcopus Cusquensis nullatenus fuit apostata, vt supra probatū est. Secundo, quod tota intētio Gregorij XIII. in edenda præfata extrauag. fuit declarare, quod non obstante præfata extrauag. Pauli III. quæ fuit reducta ad viam iuris per Pium IV. spolia regularium degentium extra claustra debentur Cameræ Apostolicæ iuxta declarationem Pauli IV. quod nos non negamus: immo concedimus, quod si præfatus Episcopus Cusquen. obiisset mortē extra Urbem & Curiā, & non habuisset facultatē testādi, reliquissetq. aliqua bona, quæ dum viueret, non impendisset pie, illa debuissent applicari Cameræ Apost. non quia fuisset apostata, sed quia spolia quorumcumque prælatorum tam regularium, quam sæcularium debētur Cameræ Apost. Sed negamus, quod præfata bona, quæ præfatus Episcopus donauit eccle-
- sæ præ-

siæ præfatæ fuerint spolia eius. Tum quia ante mortem ipsius bene, optime, pijsissimeque fuerunt pijsimo loco in pijsimum usum donata: & consequenter non sunt spolia per supradicta. Tum quia bona prælatorum & beneficiariorum morientium in Curia non dicuntur spolia Camera debita propter præfatum priuilegium Sixti IIII. & aliorum maximorum Pontificum supra relatum, siue obierint testati, siue intestati. Tertio, quia præfata constitutio Greg. XIII. non est noui iuris introductoria, sed solum antiqui declaratoria, quod colligitur ex præmio eius ibi, *vt dubia declaratione nostra dilucidetur.* & infra, *præsentium auctoritate declaramus.* Verbū enim, *declaramus*, positum in constitutione significat illam nō inducere ius nouū, iuxta glossam receptam in clem. fin. de rescrip. & efficaciter probatur in l. hæredes palam. §. i. ff. de testa. At secundum ius conditum ante extrauag. præfatam Gregorij XIII. bona præfata non debebantur præfatæ Reuerendissimæ Cameræ: ergo neque post illam debentur. Quarto, quod præfata constitutio solum continet spolia regularium deberi Cameræ Apost. & præfata bona, quia, vt prædictum est, pie fuerunt ante mortem impensa, nullatenus sunt spolia, nec consequenter per illam constitutionem debentur Cameræ Apostolicæ.

Per quæ omnia proculdubio respondendum est, iure optimo pertinere ad præfatum monasterium præfata bona à pio Episcopo Cusquensi pientissime ipsi donata. Salua, &c.

Aduertendum; idem quod dicitur, Episcopos, & prælatos Romæ morantes posse testari de fructibus beneficiorum, & quod in eis Camera non habet spolium, non esse ita certum; & contrarium, vt dicitur, modo seruari.

S V M M A R I V M.

- I Regulari etiam translato concessa à Papa licentia disponendi de per eum extra monasterium quærendis comprehendit etiam quæ alias licite morando & seruendo in hospitali quæsiuit: restringitur tamen ad dispositionem irrevocabilem inter viuos in pios usus faciendam.

CONSILIVM VII.

VISO tenore brevis, per quod D. cōsulens fuit auctoritate Pauli III. translatus ab ordine Prædicatorum in ordinem canonicorum regularium Sancti Augustini; visa item clausula in eo contenta, per quam fit ei facultas disponendi de bonis quæsitis ab eo extra monasterium in suos usus, pauperum, & alios pios; & quod præfatum breue, & licentia, & facultates per illud concessæ, fuerunt à Vicario Pij IIII. iudicatæ legitimæ, & non reuocatæ per bullam Pauli IIII. contra apostatas edita: viso item, quod præfato D. consulenti licuit, & licet manere extra monasterium habitu regulari subtus vestes retento, dum seruerit hospitali sancti Iacobi ciuitatis Neapolitanæ virtute præfati brevis, & sententiæ præfatæ super eolatæ, & licentiæ à superiore datæ, & brevis à Sanctiss. D.N. concessi.

- I Respondemus posse præfatum D. consulentē disponere in vita per donationes, & alias dispositiones inter viuos factas de bonis, quæ habet, vt proponit, recte

nit, recte quaesita in usus pios, in quos oporat ea infumere, per ea quæ nos tradimus in comment. 2. de regul. super cap. dicatis. num. 40. & sequen. 1. q. 1. Cauendum tamen serio, quod ut prædicitur, præfatorum bonorum dispositio est facienda per viam donationis, vel alius contractus irreuocabiliter inter viuos facti: quia non liceret hoc facere per viam ultimæ voluntatis, per quam nullus religionem professus potest quidquam disponere, sine facultate testandi, ut palam est, & tangitur in locis prædictis; & eam non habet D. consulens in vlla facultate sibi à Papa facta. Salua, &c.

S V M M A R I V M.

- 1 Falsitas antedata diei posita in contractu coram Deo nec prodest, nec nocet, sed sola attenditur veritas.
- 1 Donatio facta uxori fide non tenet, immo nec vera valet: tamen si sit iurata, etiamsi sit facta ab eo qui commisit delictum, ob quod bona ipso quidē iure nō confiscantur, sed confiscari possunt, num. 2. licetque hæc donatio possit à fisco, in cuius fraudem facta fuit, per rescissoriam reuocari; attamen donataria non tenetur ea fisco, antequā rescindatur, tradere. num. 3.
- 3 Fraudandi fisci, vel alterius creditoris causa facta donatio potest quidem rescindi; sed antequā rescindatur, donatarius iuste retinet.
- 5 Occultans bona delinquentis confiscata, tenetur ea fisco tradere.

C O N S I L I V M V I I I.

MARITVS post delictum commissum, pro quo à fisco bona sua fuerunt per sententiam confiscata, uxori suæ per instrumentum certa bona donauit, & instrumento subscripsit sub die ante delictum commissum, ut sic appareret donationē antea fuisse factam; & vxor illa occultauit, & retinet.

Quæritur primo, an donatio prædicta teneat: & quia dicta mulier alia etiam occulte accepit, & retinet:

Quæritur secundo, an illa etiam fisco non petenti, & in conscientia tradere teneatur.

- 1 AD PRIMAM quæstionem respondeo primo, quod in foro conscientie sine Dei non potest prodesse plus præfato donatori instrumentum falso die firmatum, quam si fuisset vero die firmatum. Tum quia Deo omnia sunt nota, ad Hebr. 4. c. multi. 2. q. 1. Tum quia fraus & dolus nemini patrocinari debent, cap. sedes Apostolica, de rescript. Secundo, quod præfatum instrumentum donationis, etiam si esset legitime factum, non posset ei prodesse, si donatio fuit fide & simulate sine vero animo donandi facta; quia illa est ipso iure nulla, & nihil valet, l. 1. & tot. tit. C. plus valere quod agitur. & quod talis præsumitur hæc de qua agimus in foro exteriori, cum fuerit facta uxori, quæ est persona coniuncta, & virtualiter ipse remansit in eorum possessione, iux. doctrinam Bart. in l. post contractum. ff. de donat. num. 4. Tercio, quod etiam si esset vera coram Deo donatio, non posset

- posset prodesse; quia fuit facta vxori, quæ non valet, l. 1. ff. de donat. inter vir. & vxor. nisi esset iurata, Bart. recep. in l. si quis pro eo. sub fin. ff. de fideiuss. Quarto, quod si vera & iurata fuisset donatio, dubitari potest. Nā pro consulente facit, quod reus criminis, propter quod ipso iure non perduntur bona, vt perduntur in crimine lesæ maiestatis humanæ, l. quisquis. C. ad legem Iul. maiest. & diuinæ, c. cum secundum. de hæret. lib. 6. neque tale, ob quod administratio ipso iure interdicitur, quale est repetundarū, l. ex iudiciorum. ff. de accusat. donare potest post crimen commissum, antequā in iudiciū deducatur, & valet ipso iure donatio. Et contra consulentem facit, quod illa reuocari potest tāquam in fraudem fisci facta, d. l. post contractum. ff. de donat. vbi Bart. communiter recep. vtrumque tenet. Sed contra hoc facit consideratio quedam, quam nullibi legi, scilicet quod donatio vera in fraudem facta ipso iure tenet, & nō potest, nec debet creditor, vel alius, in cuius fraudem facta est, admitti ad illa bona donata, nisi prius per actionem reuocatoriam rescindatur, iux. §. itē si quis in fraudem. Inst. de action. eo quod per donationem, & emptionem etiā in fraudem factam, transit dominium in donatarium, & emptorem, iux. gloss. in d. §. item si quis. & est tex. expressus in l. si sciens. ff. de contrah. empt. & quod ideo donatarius non videtur obligatus ad reddenda illa bona, donec per iudicem reuocetur donatio, vel emptio: sicut nec incidens in pœnam tenetur soluere illam in foro conscientie, donec à iudice condemnatur, iux. gloss. celeb. in cap. fraternitas. 12. q. 2. S. Thom. 2. 2. q. 62.
- 4 art. 4. Quinto, quod per hanc considerationem, quæ in præsentia mihi videtur tenenda, præsertim contra fiscum, contra quem in dubio iudicandum est, l. non puto ff. de iure fisci. Resolute ad quæstionem respondeo, quod si coram Deo præfatus consulens vere donauit præfata bona vxori, & donationem confirmauit iuramento, ita quod non potuisset illam reuocare, etiam si numquam fuisset condemnatus, poterit vxor eius retinere illa sibi tamquam sua, quia vere sunt talia, donec donatio illa reuocetur, & rescindatur per iudicem, tamquam in fraudem facta: si autem non habuit verum animum donandi, cum illa semper manserint sua, cadunt sub confiscatione generali omnium bonorum suorum, & sic debentur fisco per sententiam condemnatoriam.
- 5 AD SECVNDAM respondeo, indubitati iuris esse, quod illa bona occultata debentur fisco, cum occultatio non habuerit vim auferendi dominium, sicut habuisset vera donatio, vel vera venditio; & ita semper remanserunt tam sua, ac si non fuissent occultata.

S V M M A R I V M.

- 1 Lex prohibens patri ne in damnum filiorum donet ultra quintam, non ligat donantē pro anima sua, vel in remunerationem.

CONSILIVM IX.

QVAERITVR in vtroque foro, vtrum pater multa in bonis habens pro filijs, quæ etiam pro eorum persona ac statu sint superflua, possit in vita

in vita ad opera pia, & donationes gratuitas, etiam ultra quintam partem impendere.

- 1 Respondeo, quod potest donare in cultum Dei, & ad opera pia salutem animæ suæ respicientia, ut in Manual. cap. 26. num. 39. Potest etiam facere donationes profanas remuneratorias, quæ non sunt veræ donationes, non autem veras, ut vbi supra diximus in dicto Manual. cap. 26. num. 39.

S V M M A R I V M.

- 1 Donatio inter viuos non insinuata, si sit ultra 500. non valet, nisi in 500.
- 2 Donatio causa mortis cum clausula de non reuocando, si sit posita in parte dispositiua, transit in donationem inter viuos.
- 2 Donatio causa mortis iudicabitur non esse reuocata, si quis postea donet inter viuos, putans donatarium interuisse.

C O N S I L I V M X.

AN donatio inter viuos vsque ad 800. vel mille aureos, non insinuata iudici, valeat; & an donatio causa mortis possit reuocari donando inter viuos?

- 1 Respondeo, qd donatio inter viuos facta de maiore summa quam quingentorum aureorum, licet valeat quo ad 500. non tamen valet quo ad reliqua, nisi fuerit insinuata. l. penult. iuncta l. sancimus. C. de donat. vel nisi fuerit iurata. late Deci. consil. 432. num. 15. Sola enim condonatio solemnitatis iniurata non sufficit. Bart. in d. l. sancimus. §. fin. & Deci. vbi supra.

Donatio causa mortis transit in donationem inter viuos per clausulam insertam ei de non reuocando eam, si modo inferatur verbis dispositorijs: licet secus sit, si id fiat in exequutorijs. Couarr. 2. part. rubr. de test. num. 13. Animaduertendum tamen, quod si quis donaret inter viuos alicui aliqua bona, quæ causa mortis ante donarat, putans donatarium causa mortis obiisse, forsitan iudicabitur eam non esse reuocatam. argum. l. fin. de dol. hæred. institut.

DE PECVLIO CLERICORVM.

S V M M A R I V M.

- 1 Clerico filiofamilias quod annuatim dat pater, ut sic ex eo clericaliter se sustentet, efficitur peculium castrense, quod etiam ludendo efficaciter in alium transfert, sicut etiam est omne id quod lucratur.

CAIVS paterfamilias ludit cum Sempronio ludo alearum primera nuncupato; qui Caius superlucratus est à Sempronio scuta sex auri sine fraude. Ludo finito, Sempronius, qui perdidit, reperitur esse filiusfamilias, doctor ætatis vigintiocto annorum, vel circa, habēs primam tonsuram, & tres ordines minores tantum, nec possidet bona aliqua castrensia, vel aduentitia, nec aliquid ex doctoratus officio lucratur, & demum nullas alias pecunias habet, præterquam centum & quinquaginta aureos, quos habet à patre singulis annis, de quibus libere disponere potest: dictusque Sempronius moratur cum quodam Cardinali, à quo habet victum, & habitationem, eo quod manet in eius curia, & ipsum comitatur.

Quæritur, attentò quod dictus Sempronius est filiusfamilias, quomodo dictus Caius possit esse tutus in foro poli: Vtrum huiusmodi pecunia sit restituenda, necne?

- 1 Respondeo, quod de rigore iuris non tenetur restituere: quia quicquid huiusmodi clericus quærit, fit ei peculium castrense, & potest de ipso testari, & disponere, non obstante quod sit filiusfamilias. Auth. presbyteros. C. de episcop. & cler. & tradit Innocen. & post eum Panor. in cap. quia nos. de testamen. num. 5.

Nec obstat, quod omnia quæ habet, sint donata sibi à patre: quia donatur ei, ut exerceat militiam clericalem, inseruiendo, ut inseruit, Cardinali in primis inseruientium honorificentissime, per ea quæ Couar. addit Panor. in d. cap. quia nos. Salua, &c.

S V M M A R I V M.

- 1 Beneficiarius de patrimonio, & quæsitis sua industria, ac laicus disponere potest & num. 4.
- 2 Donare habenti ad se sustentandum, sed non honeste, pium.
- 3 Pia ut sit largitio, principaliter ob Deum fieri debet: nec desinit esse bona, licet fiat etiam, sed minus principaliter ob alium finem etiam ineptum, modo non sit malus.

CONSILIVM II.

AN PENSIONARIVS de reliquatis ex sua modica pensione, & de alijs suo labore & industria comparatis possit cognatis suis plus satis familia oneratis & egentibus opitulari?

- 1 Respondeo primo, quod latius, quam hactenus alij tradiderunt, scripsimus nos in tractatu de redditibus ecclesia. quæst. 1. mon. 18. & fere per bonam partem aliorum, præsertim 32. & conseq. quod non solum pensionarius, & cuius alius stipendiarius, vel accipiens aliquid pro labore, & industria, & occupatione, qua seruit, vel tenetur seruire alteri, potest ea, quæ reliquat, vel superflua facit ultra suum victum decentem, donare, &

re, & dispēdere in opera pia; sed etiā beneficiarius quilibet, etiam regularis, & religiosus potest impendere fructus sui beneficij sic reliquatos & seruatos in eadem opera pia.

- 2 Secundo, quod impensa, & erogatio, quam ait se facere D. consulens in prædictos cognatos, est pia & sancta, vt in d. tract. q. 1. mon. præd. 32. traditur declarando in monito 26. quæ sunt opera pia, & addendo in monito 27. quod etiam dare habenti necessaria ad sustentandam vitam, sed egenti ad se decenter sustentandū cū sua domo, & familia, est dare ad opera pia.
- 3 Tertio, quod ad hoc, vt impensa & erogatio dicatur pia, oportet, quod principaliter fiat ab amore Dei, vel ob misericordiam, & necessitatē proximi; ita quod non sufficeret facere illam ob cognationem, & amicitiam, vel alium respectum profanum, vt traditur vbi supra mon. 28. Dixi, principaliter: quia non oportet vt fiat nullo respectu alio profano habito. Tum quia iudicandum est opus secundum id quod principaliter intenditur, l. si quis nec causam. ff. de reb. cred. Tum quia, vt colligit ex ea Iason sequutus communem, attendendum est id quod principaliter intenditur, & non quod minus principaliter, siue incidenter. ex quo infert multa vtilia, & in his id quod ait gloss. fin. putata sing. in cap. quamuis pactū. de pact. lib. 6. quæ adiuncto textu probat non esse attendendum præiudicium, quod consequenter, siue per quamdam consequentiam fit, sed tantum principale. Tum quia non desinit opus esse bonum, eo quod minus principaliter fiat ob aliquem finem ineptum, modo non sit malus, si principaliter fiat propter finem aptum, vt tradimus latius in commen. cap. inter verba. 11. q. 3. conclus. 5. nu. 19. & seq. & breuius in comment. cap. cum minister. 23. q. 5. nu. 4. & vtilius in Manu. confess. cap. 14. num. 33.

Quarto, quod D. consulens debet elargiri ea, quæ largitur prædictis cognatis suis de fructibus pensionum, principaliter, siue principalius propter amorem Dei, & misericordiam, & paupertatem, siue indigentiam quo ad se sustentandum, quam propter cognationem, vel alium respectū humanum, siue sæcularem: quamuis etiam bene faciat largiendo propter Deum principaliter, habendo minus principalem respectum ad cognationem, amicitia, & alios respectus, & fines sæculares, dummodo nō sint principales, sed tantum minus principales.

- 4 Quinto, quod non frustra in præcedenti dicto dixi, De fructibus pensionum ecclesiasticarum: quia de alijs fructibus aliarum pensionum sæcularium, vel de salarijs, vel stipendijs, quæ pro laboribus suis accipit, potest pro libito suo etiam principaliter largiri prædictis suis cognatis ob consanguinitatem, & amicitia: sicut quilibet laicus potest de fructibus laicis pro libito largiri etiam extraneis per dicta in d. tract. q. 1. mon. 17. & multis seqq. nec debet scrupulum sibi facere de difficultate sciendi quantum reliquat de pensionib. ecclesiasticis, & quantū de alijs stipendijs &c. sine vilo errore: quia satis est bona fide sine dolo computare verisimilem quantitatem vtrorumque. arg. cap. quia verisimile non est. & ei adnotatis de præsumptio. Salua, &c.

- 1 *Fructus beneficiorum, viuentis titulari, seu illorum reservatario, separati à solo, ei debentur, ac etiam locationum pensiones correspondentes fructibus sicut supra à solo separatis. num. 5. 6. 9. & hoc, etiam si nondum fuissent in horrea repositi. num. 4. unde si illos viuens debita honesta contrahendo consumpsisset, non facerent spoliū, num. 2. alias sic. num. 3. de iure autem deberentur successori in beneficio, sicut & collecti sede vacante, nisi alteri essent applicati, seu concessi. num. 7. & 8.*

CONSILIVM III.

PRAESUPPOSITO priuilegio Apostolico facto illustrissimo N. de percipiendis spolijs clericorum in sua ditione, quaesita fuerunt sequentia à successore D. consulente.

- 1 Primum, cuius debeant esse fructus, quos reservauit sibi praecessor ipsius sine vlla locatione per se ipsum percipiendos, an haeredis eius, an illustrissimi N. an D. consulentis, & de fructibus qui obuenerunt sede vacante. Et responsum fuit primo, quod fructus, quos reservauit administrationi suae praefatus praecessor, & fuerunt in vita eius à solo separati, pertinuerunt omnes ad ipsum, & nulli eorum qui post mortem fuerunt collecti, & à solo separati, secundum glos. in cap. si propter. de rescript. lib. 6. & in cap. praesent. de off. ord. eod. lib. communiter receptam per communem sententiam, ut diximus in tract. de redditib. eccles. quaest. 2. mon. 13. per argumenta valida, quae ibidem videri possunt.
- 2 Secundo, quod si fructus illi reservati fuerunt impensi à praecessore, ita quod non remanserunt inter spolia eius, pertinebunt ad praecessorem mortuum, vel haeredes, aut eius causam habentes: quia ipse poterat eos impendere suis honestis vsibus, etiam seruatō patrimonio, & eius fructibus, quibus voluisset, iuxta illud dictum singulare Innoc. in cap. Episcopus. de praeben. relatum à nobis in praefato tract. quaest. 1. mon. 32. & nullatenus pertinebunt ad illustrissimum N. nec ad D. consulentem.
- 3 Tertio, quod si praefatus praecessor non impendit ea honeste in vsibus suis, dum vixit, sed remanserunt libera à debitis eius, pertinebunt ad spolia eius.
- 4 Quarto, quod non refert an fructus praefati fuissent percepti, & recoditi, an solum à solo separati: quia idem est iudicandum de vtrisque. arg. l. si eius. ff. de rei vend. secundum veriore intellectum l. arboribus. §. Iulianus. alias est l. si fur. ff. de usufruct. & l. si usufructuarius. ff. quemad. usufr. amitt. & est communis opinio, quam sequimur nos in d. tract. q. 2. mon. 14.
- 5 **SECUNDVM QVAESITVM** est, cui debent adiudicari pretia locationum & conductionum soluenda in aliquo festo cadente intra tempus sedis vacantis. Ad quod respondetur, quod huiusmodi pretia, quae erant soluenda in aliquo termino contingente tempore sedis vacantis propter fructus quaesitos, vel saltem separatos à solo ante mortem praecessoris, adiudicabuntur ei, vel ab eo causam habentibus: quia pretium rei venditae debetur

debetur vendenti, sicut res vendita debetur emptori. argum. ff. de actio. vendit. per totum: & eadem ratione pretium fructuum locatorum post perfectam locationem debetur locanti pro ea parte quæ fuit locatis, vel debita ei; sicut vñus rei locatæ debetur conductori. arg. l. illud. ff. ad leg. Aquil.

6 TERTIVM QVAESITVM, Cui debent adiudicari pretia præfatarum locationum soluenda in aliquo festo cadente post prouisionem D. successoris. Ad quod respondetur idem quod responsum est ad secundum, scilicet quod cedunt ipsi prædecessori pro ea parte quæ fuit quæsitæ seu debita ipsi locanti: & sic pro ea parte, quæ fuit collecta, vel à solo separata ante mortem locantis.

7 QVARTVM QVAESITVM, Cui debeant adiudicari fructus, qui obuenerunt sede vacante. Ad quod respondetur, quod adiudicari debent illustrissimo N. vel eius commissario: quia licet iure communi debeantur successoribus, per cap. cum vos. de off. ord. & cap. quia sæpe. de elect. lib. 6. cap. præfenti. de off. ord. eod. lib. privilegio tamen Papæ pertinent ad suam Dominationem illustrissimam, vt præsupponitur.

8 QVINTVM QVAESITVM, Cui debent adiudicari fructus, qui remanserunt in spolijs prædecessoris. Respondetur, quod ipsimet illustrissimo N. virtute dicti privilegij. Nec obstat argumentum factum in fauorē opinionis Soti in d. tract. q. 2. mon. 13. scilicet quod alioquin, &c.

9 SEXTVM QVAESITVM, Cui cedere debeant pretia locationum fructuum pro ea parte, qua tãgunt fructus perceptos, vel à terra separatos post prouisionem successoris, quocumque tempore sint soluenda. Et respondetur, quod aut locatio fructuum desinit esse valida quo ad partē quæ tangebat illos fructus perceptos post præfatam prouisionem, aut non. Priore casu pretium respondens præfatæ parti, soluendum est præfato successoribus: quia fructus illi, si non fuissent locati, pertinuissent ad ipsum; & consequenter pretium, quod debetur pro illis, soluendum est ei, cuius fuissent fructus, si non fuissent locati. Altero casu, scilicet si conductio remansit valida etiã quo ad illos fructus, dicendum pretium eorum diminuendum esse pro rata fructuum locatorum, ita quod successor percipiat fructus, vel locet eos de nouo. An autem locatio & conductio desinant esse validæ quo ad illos fructus, necne, colligendum est ex tenore instrumenti, & ex causa, & consuetudine locandi, & alijs circumstantijs. Salua, &c.

SVMMA RIVM.

2 Clerici beneficiati possunt licite de fructibus suorum beneficiorum, viuendo de bonis patrimonialibus, vel quasi, inter quæ omnia quæ aliunde quam ex fructibus beneficiorum acquisierunt, etiam si illa ex usu sacrorum ordinum acquisierint, computantur, num. 1. tam inter viuos, quàm in vltima voluntate, etiam propinquis relinquendo, disponere. num. 2. & 3. An autem in dubio sit præsumendum eum ex dictis fructibus voluisse viuere, vel ex patrimonialibus seu quasi, ex coniecturis est diiudicandum.

4 Clericus negotia principum in Curia, etiam recepto stipendio, iure communi, & ex stylo Curie gerere licite posse videtur.

QUOD de bonis clerici quasi patrimonialibus, & de patrimonialibus idem sit iudicandum, tenuimus nos in apolog. lib. de redit. eccles. q. 1. mon. 22. Quod item bona clerici quæ sita per industriam suam, etiam per usum sacrorum ordinum alia ratione, quam fructuum vel reddituum beneficiorum, dicantur quasi patrimonialia, tenuimus.

1 Interrogatus, quid mihi videatur de hac informatione, respondeo me pridem in apolog. lib. de red. eccles. q. 1. monito 22. tenuisse, quod bona quæ sita licite per artificium, vel aliam industriam & laborem clerici absque intuitu clericatus, & ordinum suorum, sunt vere patrimonialia, sicut quæ sita à laicis; & quod quæ sita à clerico ratione officij clericalis, & suorum ordinum extra fructus beneficiorum ecclesiasticorum, sunt quasi patrimonialia, & quod de ijs perinde ac de patrimonialibus disponere potest clericus, qui ea quæsiuit.

2 Secundo, quod in d. q. 1. monito 30. teneo firmiter determinationem Innocen. in cap. indecorum. de ætate & qual. quod beneficiarius potest viuere de fructibus sui beneficij, & seruare suum patrimonium, seu sua bona patrimonialia & fructus eorum suis cognatis, & disponere de illis inter viuos, & in vltima voluntate.

3 Tertio, quod hæc consequitur præfatum D. Gab. Robos. potuisse de bonis quæ sitis licite per industriam suam, tam ratione ordinum suorum, quam alia, disponere perinde, ac si esset laicus.

4 Quarto, quod iure communi consuetudine Curia in Vrbe declarato & vsitato videntur licita negotia Regum, & aliorum, per quæ fuerunt ei aliqua salaria, vel honoraria donata, vt supra in informatione probatur.

5 Quinto, quod licet forsitan, expresse non declarauerit, se voluisse, dum viueret, de fructibus beneficiorum suorum viuere, & bona patrimonialia suis cognatis vel amicis ab intestato vel ex testamento relinquere; tacite tamen ex multis eius actis, & ex cura, quam habuit seruandi tot millia ducatorum, & ex consuetudine, quam communiter seruant clerici beneficiarij habentes patrimonia, siue bona patrimonialia, facile cõijci potest eum habuisse hunc animum: ita quod Reuerendissimæ Cameræ procuratores nullam sibi culpā poterunt adscribere, quod falso id crediderint: quamuis Ludouicus Roman. in consil. citato in informatione id mihi non aperte dicat. Salua, &c.

DE TESTAMENTIS ET VLTIMIS VOLVN.

S V M M A R I V M.

1 Testamentum à parochio scriptum, & sola testatoris manu subscriptum, nec in ter-
ris Ecclesiæ tenet in foro exteriori; at in foro conscientie, qui ex eo bona possi-
det, licite retinet. num. 2.

2 Reli-

- 2 *Relictum mihi sponte in dispositione minus solemnī, immo solo verbo sine testibus, tuta conscientia retineo.*

CONSILIVM I.

FRANCISCVS disposuit de bonis suis in terris Ecclesiæ, instituendo nepotem hæredem per schedulam scriptam à proprio paracho, subscriptam ab ipsomet testatore. Quæritur, an valeat huiusmodi institutio in foro conscientiæ.

- 1 Respondeo primo, quod ordinatio prædicta non est seruanda in foro exteriori; quia nec secundum formam iuris Cæsarei, neque canonici est facta, vt constat per cap. cum esses. & ei annot. de testam. Secundo, quod grauissima difficultas est apud vtriusque & etiam diuini iuris peritos, an vltima voluntas, quæ sine solemnitate à iure requisita est ordinata, valeat in foro conscientiæ: ego autem in ea opinione sum, quod qui possidet bona sibi vere & sponte coram Deo relicta, siue scripto, siue verbo tantum, siue coram testibus, siue sine illis, potest sancte salua conscientia retinere; licet possint ei tolli per iudicem in foro exteriori. Salua, &c.

SVMMA RIVM.

- 1 Beneficiarius hæres à patre institutus, si fecit inuentarium, non cogitur ex fructibus beneficii soluere debita, vel legata ei à patre mandata ultra vires hæreditarias: sed ad id tenentur alij habentes hæreditatem. num. 5. immo nec volens potest, nisi dicta solutio saltem indirecte indicetur opus pium. num. 3. & 4.

CONSILIVM II.

- 1 **R**ESPONDEO primo, præfatum prælatum non potuisse obligare & onerare filium, cui reliquit beneficia, & minorem partem patrimonij. Tum quia tamquam successor in beneficio non fuit grauatus ad illa, cum non fuerit ei imposita pensio auctoritate illius qui poterat eam imponere ad soluendum suum æs alienum, & alia legata pia. Tum quia tamquam hæres non potuit obligari ultra vires hæreditarias. Secundo, quod si præfatus filius adiuit hæreditatem patris absque beneficio inuentarij, aut non fecit inuentarium intra legitimum tempus, cogetur in foro exteriori soluere præfata onera, iuxta l. scimus. C. de iure delib. quamuis in foro conscientiæ non teneretur ultra vires hæreditarias. Tertio, quod si ipse voluerit soluere præfata pia legata, iuste ac sancte soluere poterit illa de fructibus & redditibus sui beneficii: quia iuste potest impendere illa operibus pijs, qualia sunt præfata legata pia. Quarto, quod si æs alienum præfatum fuit contractum ob causam profanam & temporariam, non poterit iuste de redditibus sui beneficii soluere illud: quia omnes fructus beneficiarij debent impendi in eius sustentationem honestam,

5 *itam, vel alia opera pia. quamuis, quia in facto proponitur illud as alienum conflatum fuisse ob sustentationem dignitatis ecclesiasticæ, poterit (ut puto) reduci directe, vel indirecte ad pietatis opera. Quinto, quod si præfatus filius noluerit soluere præfata legata, & debita, nec poterit cogi ob beneficium inuentarij facti, alter frater cogetur soluere illa de rigore iuris, tamquam hæres patris retinens maiorem partem bonorum eius, si, quæ bona habuit à patre, ad soluenda prædicta sufficientiant.*

SUMMARIVM.

- 3 *Clerici & Episcopi, quibus in Vrbe decedentibus Iulius III. concessit, ut possent de omnibus rebus, exceptis illicite acquisitis, testari; si testamentum fecerint, etiam si aliqua ex illicita, hoc est eis prohibita, non tamen iniusta negotiatione, num. 7. acquisiuerint, tenet, num. 1. 6. & 14. etiam ad effectum, ut prædictorum sic acquisitorum hæres & legatarius dominium acquirant. num. 2. cessante autem dicto priuilegio, de ijs quæ per negotiationem ipsis inhibitam, vel aliàs contra Canones Ecclesiasticos dominis secularibus seruando, prædia laicorum conducendo, officia aduocandi & iudicandi in foro seculari exercendo acquisiuerunt, in vltima voluntate disponere non possunt, sed spectant ad Cameram Apostolicam, etiam si tales essent regulares apostolice. num. 4.*
- 9 *Negotiatio est de actibus indifferentibus, quæ non facit aliquem malum, sed mendacia quæ negotiando proferuntur: sed si recte fiat, & ad bonum finem, est utilis & necessaria Reipublicæ, num. 8. at ex circumstantia potest depruari, num. 9. vel agendo contra terminos iustitiæ commutatiuæ, & hæc vltra peccatum obligat ad restituendum; vel agendo contra præcepta aliarum virtutum & charitatem; & hæc licet habeat annexum peccatum, non tamen obligat ad restituendum. num. 11. & seq.*
- 14 *Actus omnes humanos, esse peccata, dicere, hæreticum: sed quod maxima illorum pars sit infecta peccato veniali, est Catholicum.*
- 14 *Veniale peccatum, quo opus aliquod inficitur, operatur ut non sit meritorium gratiæ, nec gloriæ.*

CONSILIVM IIL

AD QVAESTIONEM propositâ de clericis & Episcopis decedentibus in Vrbe, an possint testari de rebus quæsitis per negotiationem, iamdudum respondi. Primo, quod sic, ad hunc sensum, quod testatio, seu testamentum, & vltima voluntas eorum possit dici iusta, si fecerint illam per verba generalia, dicendo, Lucius hæres meus esto, vel relinquo bona mea Titio, vel similia, non facta mentione particulari de rebus per negotiationem quæsitis, per ea quæ tunc allegari, & alia quæ tradunt Decius in l. hæreditas. ff. de reg. iur. & citati ab eo ibidem.

Secundo

2. Secundo etiam respondi affirmatiue, quod sic, intelligendo eam in hoc sensu, quod hæres legatarius, vel fideicommissarius acquirunt titulum quæsitum per negotiationem de se licitam, id est non contrariam legibus iustitiæ specialis; licet esset illicita ratione circumstantiæ personæ, loci, temporis, vel alterius, quæ negotiationem faceret vitiosam, eo quod esset contraria alijs virtutibus, quam iustitiæ speciali: & quod exceptio, quam fecit Iulius III. in bulla, per quam concessit facultatem testandi prædictis clericis & Episcopis in Vrbe decedentibus de omnibus rebus, exceptis illicite quæsitis, intelligenda erat de rebus quæsitis illicite contra leges iustitiæ specialis, & non de quæsitis illicite contra leges virtutum theologarum, vel aliarum moralium: contra quod formaui quatuor argumenta, quibus respondi. Nunc autem pro maiori declaratione oppono contra responsionem. Primo, quod præfatus Iulius III. in sua bulla generaliter excepit res illicite quæsitæ; ergo generaliter est intelligenda, cap. solitæ. de maiorit. & obedi. l. de pretio. ff. de public. in rem actione. Secundo, quod nulla ratio diuersitatis videtur dari posse inter quæsitæ illicite contra leges iustitiæ specialis, & inter quæsitæ contra leges speciales aliarum virtutum, cum per vtramque acquisitionem peccetur mortaliter, & per vtramque offendatur Deus.
4. Tertio, quod Pius III. iuris vtriusque (vt fertur) callentissimus, videtur præfatam bullam in quadam eius declaratione sic intellexisse, vt per illicite acquisita, veniant omnia quæsitæ per negotiationem illicitam, & alias contra canones. Quam expositionem nos post alios secuti sumus in comment. cap. non liceat Papæ. 12. quæst. 2. §. 7. num. 4. & 5. diximus valde notandam esse illam declarationem, per quam declarabatur id, quod nusquam antea videtur in vlla iuris scripti parte expositum, scilicet nulla quæsitæ per negotiationem illicitam, vel alias contra canones Ecclesiæ, posse per vltimam voluntatem relinqui a clericis, vel Episcopis: ex quo intulimus nos ibidem, quod cuidam monacho apostatæ, qui apud Indos quæsiuit 2000. scutorum per negotiationes, & mercaturas, non debet succedere monasterium, iuxta cap. cum olim. 2. & alia iura de priuileg. sed Camera Sedis Apostolicæ: & quod stipendia, quæ quærunt multi clerici inseruiendo Regibus, & alijs principibus, & dominis secularibus, & per conductionem, seu arrendationem prædiorum, vel reddituum secularium, & aduocationis, & officia iudicandi in foro seculari, eis mortuis debentur Cameræ Apostolicæ. Quarto, quod negotiatio siue mercatura videtur esse per se mala, iuxta illud Leonis Papæ relatum in cap. qualitas. de pœnitent. distinctio. 5. *Inter ementis & vendentis commercium difficile non interuenire peccatum*: ob quod ibidem consulitur, ne pœnitens negotietur: & quod Chrysostomus relatus in cap. eiciens. 88. distinctio. sic ait, *Mercator numquam Deo placere potest, & ideo nullus Christianus debet esse mercator, & mercator sine mendacio & periurio esse non potest*. Quinto, quod onus augetur, & non minuitur, cum quod vni debetur, improuide alijs soluitur, cap. eam te. de iureiuran. At quæsitæ per negotiationem illicitam, videntur deberi damnifi-

cato per illam: quia non dimittitur peccatum, nisi restituatur ablatum. capit. si res aliena. 14. quæst. 6. & regula peccatum. de reg. iur. lib. 6. ergo non possunt per ultimam voluntatem solui alijs. Sexto, quod licet Iulius iij. non statuerit illud; satis superque tamen est, quod Pius iij. statuerit illud, cap. si Roman. 19. dist. & cap. 1. de constit.

6 Quibus tamē non obstantibus, vera videtur nostra respōsio, salua emun-
ctissima S.D.N. censura, & cuiuslibet saniore sententia. Primo quidē, quod nulla ratio naturalis, nec diuina positiua, nec humana canonica, vel ciuilis reddi potest, cur se. rec. Iul. iij. excipere voluisset quæsitā per negotiationē per se licitam, licet sit illicita ratione circūstantiæ, personæ, temporis, loci, vel alius, quam quæsitā per alium actum suapte natura indifferentem, & ob aliquam circūstantiam prædictarum illicitum. ergo dicendum est, vel voluisse excipere omnia quocumque modo illicite quæsitā, vel nec quæsitā per negotiationem ex sola circumstantia illicitam. At non potest iuridicē responderi excepisse omnia quocumque modo illicito acquisita, per ea quæ infra dicentur; ergo dicendum est, non excepisse quæsitā per negotiationem suapte natura licitam, & sola circumstantia illicitam.

7 Secundo, quod non obstat huic argumento dicere, quod satis est id placuisse Principi, ad hoc, vt legis vigorem habeat, l. 1. ff. de const. princ. & quod non solum Pius iij. excepit generaliter quæsitā illicite, sed etiam prius exponendo eius verba, specialiter excepit quæsitā per negotiationem illicitam, & alias contra canones. Quia eodem modo respōderi potest ad eius expositionem, sicut ad constitutionem Iulij iij. vt infra respondebitur, scilicet quod intelligitur de quæsitis per negotiationem contra leges iustitiæ specialis, & de quæsitis contra canones iustitiā specialem continentes; quia negotiatio est duplex, honesta, & turpis, siue illicita, vt habet præfatum cap. qualitas. & honesta attenta iustitiæ qualitate non generat saltem immediate turpia, & inhonesta, iuxta illud Dominicum, *Arbor bona non facit fructus malos*, ex Matth. 12. & illud Baldi in l. 2. ff. de Senatoribus, *Non potest esse plus in causato, quam virtus cause influit*.

8 Tertio, quod vt ait August. relatus in cap. quoniam. 88. distin. negotiatio non facit quem malum, sed mendacia & periuria quæ negotiantes profertur. cui concordat Cassiodorus relatus in cap. quid aliud. eadem dist.

Quarto, quod ars recte negotiandi est licita, secundum Arist. 1. Politic. & utilis, ac necessaria, secundum Ciceronem lib. 1. offic. cum ad honestum & bonum finem dirigitur, vt declarat S. Thom. receptus ab omnibus 2. 2. q. 77. art. 4. ad primum.

9 Quinto, quod si negotiatio de se esset illicita, maxime foret, quia per eā quod vilius emitur, carius venditur: sed hoc est licitum: quia dignus est operarius mercede sua, Lucæ 10. relat. in c. 1. col. 2. & seq. 13. q. 2. & mercator multam operam impendit emendo merces temporibus congruis, in locis aliquando remotis, & seruando eas in tēpus opportunum, & transferendo in alia loca, & subeundo pericula, & nulla alia merces ei assignatur præter id quod vilius emēdo, & carius vendendo lucraretur; & ita licite capit lucrū modo rationabile. Per quod & alia cōcludimus nos de pēnit. dist. 5. c. qualitas.

- litas. negotiationem in genere esse actum suapte natura indifferentem, nec per se bonum, nec per se malum, sed talem, qui ob circumstantias potest esse bonus vel malus: qualia sunt loqui, & silere, edere, & bibere, ambulare, & sedere, & alia id genus innumera, quæ ob circumstantias personæ, temporis, loci, & præsertim finis, sunt bona, vel mala, ut tradit S. Th. receptus ab alijs 1. 2. q. 7. & q. 18. per totam. at nemo prohibetur testari de quæsitis per actus de se honestos, & iustos, licet defectu cuiuspiam circumstantiæ prædictarum sint illiciti: ergo nec debet prohiberi testari de quæsitis per negotiationem per se iustā & licitam, licet ex circumstantia sit illicita: quoniā rari sunt qui
- 10** quærant bona omnino licite: nā quicumque quærit aliquid per actus mortaliter, vel venialiter malos, quærit illicitè: quandoquidem omne peccatum non solum mortale, sed etiam veniale est illicitum; adeo quod etiam iuramentum non ligat iurantem ad illud faciendum. c. si aliquid, iuncta gl. & cap. definitio. 2. 2. q. 4. & fere omnes clerici quærunt per huiusmodi actus: nam multi quæruunt per suarum amassarum donationes, vel ultimas voluntates, alij per seruitia & obsequia illicita contra legem naturalem, vel diuinam, vel canonicam, vel ciuilem a canonica probatam: plures male suadendo ad testandum in fauorem suum; alij per mendacia, vel detrahendo male alijs sibi acquirunt male beneficia ecclesiastica; multi non recitando horas canonicas male percipiunt beneficiorum suorum fructus: multi excommunicati, & alijs censuris ligati quæruunt fructus, eo quod habent canonicos titulos: multi licet dicant horas canonicas, tamē id faciunt mortaliter, vel venialiter peccantes sine debita reuerentia, vel sine intentione, aut sine attentione requisita, vel nimium festine, vel corrupte illas pronunciant, vel cantant, multi omittendo cantum debitum, vel non seruando silentium debitum, vel alias cærimonias, nonnumquam etiam ridendo, vel ringendo, & alijs multis modis saltem venialiter inficiendo illas, per quod earū pronuntiatio sit illicitè saltem venialiter; & consequenter fructus taliter sunt illicitè quæsitī saltem per actus ex circumstantia illicitos. Plures Decani, Archidiaconi, Abbates, & Episcopi negligenter fungentes suis officijs, saltem venialiter peccant, & per illas illicitas functiones quæruunt sibi magnos redditus, de quibus nullatenus possunt iuste cum bona conscientia testari, si contraria opinio esset vera.
- 11** Sexto, quod negotiatio, ut dictum est supra, est duplex, honesta, & turpis, siue illicita: illicita vero etiam est duplex, altera quæ est contra leges iustitiæ specialis, altera quæ est contra leges charitatis, & aliarum virtutum moralium, inter quas est magna differentia: quia negotiatio quæ sit contra leges iustitiæ specialis, non solum inducit peccatum, sed etiam obligationem restituendi damnum datum per illam parti damnificatæ, ut colligitur ex S. Th. 2. 2. q. 62. art. 1. & 2. Altera vero licet inducat peccatum veniale, vel mortale, non tamen inducit obligationem restituendi, ut colligitur ex eodē S. Th. ubi supra, dicente, quod necessitas restituendi nascitur ex ablatione præcedenti, quam præsupponit, eo quod sit actus iustus virtutis, quæ ponit & præcipit æqualitatē inter res exteriores ablatas restituendas vel recompensandas. Exemplū contra iustitiam cōmutatiuam, vendere maiori

vel minori pretio quam valet, vel occultando vitia, vel defectus mercis, vel exprimendo aliquas vires & qualitates falsas, vel negando aliquas bonas, ob quas merx vendenda pluris vel minoris valet, vel credendo sub vsuris, cap. si res. 14. q. 6. & reg. peccatum. de reg. iur. lib. 6. quæ non solum inducit peccatum, sed etiam obligationem restituendi parti damnificatæ damnum quod intulit contra iustitiam specialem, contraueniendo alicui legi naturali, vel diuinæ positivæ, vel humanæ canonicæ, vel per canones approbatæ: contra etiam canones illos, quibus illa approbatur, iuxta principium Decreti, & cap. ius naturale. & cap. ius gentium. & alia posita in 1. 2. & 3. dist. & in cap. quo iure. 8. dist. & alibi sæpe: At quæ fit contra charitatem, aut alias virtutes morales, excepta iustitia speciali, negotiando quidem iuste quoad specialem iustitiam, & eius leges, vendendo scilicet, vel emendo iusto pretio, & non occultando vitia, vel defectus mercis, nec exprimendo valorem, siue vires eius falsas, nec negando veras, sed intendendo aliquem malum finem, vel displicendo Deo, vel proximo, vel inhonorando eos, vel agendo aliquid astute, vel imprudenter, superbe, ambitiose, presumptuose, vel ob vanam gloriam, vel ob gulam & voracitatem, vel aliquam voluptatem illicitam, sine damno tamen personæ, honoris, vel famæ proximi, occidere volendo in aliquo loco, vel tempore sacro, vel mentiendo, vel iurando aliqua, quæ mercem quidem ipsam non augent, nec minuunt, sed per ea offendunt animum, & decipiunt proximum, citra tamen damnum personæ, honoris, & famæ. & hæc negotiatio illicita inducit quidem peccatum, sed non obligationem restituendi: quia peccata contra charitatem, & alias virtutes morales præter iustitiam admissa non inducunt obligationem restituendi, vt late diximus in tractatu de rediv. ecclesiast. q. 2. mon. 1. 2. & 7. vbi monstrauimus esse falsum, quod quidquid fit contra legem obligantem, censeatur fieri contra legem iustitiæ specialis, adducendo istam sententiam S. Th. 1. 2. q. 95. art. 1. & melius 96. art. 3. ab omnibus receptam ex Arist. Eth. 5. scilicet dari encomium virtutum actibus; & alias esse leges, & præcepta fidei, de quibus S. Thom. 2. 2. q. 17. & alias virtutis speciei, de quibus idem ibidem q. 21. & alias leges & præcepta charitatis, de quibus idem q. 44. & alias leges, & præcepta prudentiæ, de quibus idem q. 67. & alias leges, & præcepta iustitiæ specialis, de quibus idem q. 122. & alias leges, & præcepta fortitudinis, de quibus idem q. 140. & alias leges temperantia, de quibus idem q. 170. & quod leges iustitiæ specialis versantur principaliter & immediate circa actus exteriores, & ponentes æqualitatem circa commutationes exteriores, & debita quæ sunt ad alterum, vt reddantur æqualia in totum: Aliæ autem virtutes & leges earum versantur principaliter & immediate circa actus interiores & compositionem animæ, & per quamdam consequentiam circa actus exteriores quo ad se, & minus principaliter quo ad alterum: non quidem quo ad ponendum æqualitatem debiti ad debitum, qualis est religio quæ iubet honorem dari Deo, cui non potest dari debitus, de quibus idem S. Th. 2. 2. q. 81. & seq. & qualis pietas, quæ iubet honoré deferri patri, & parentibus, quibus etiam non potest reddi æqualis.

14 Septimo, quod licet dixerimus in comment. cap. inter verba. 11. quæst. 3. quod

quod hæretica sit illa opinio Lutherana, quæ habet quod omnis hominum actus est peccatum: attamen Catholica, & sancta est illa, quæ habet, quod maxima pars actuum humanorum est infecta, culpa saltem veniali, iuxta illud, *Septies in die cadit iustus*, de pœnit. dist. 3. & illud Isaia 64. *Quasi pannus menstruata vniuersa iustitia nostra*. vt ob oculos semper habeamus ad cauendum, ne bona opera, quæ facimus, ita pereant, vt per ea non queratur gratia in terris, nec gloria in celis; vt certe peribunt, si saltem veniali culpa inficiantur; quoniam vnum & idem opus non potest esse bonum meritorium gratiæ, vel gloriæ, si est vel venialiter malum, vt post S. Tho. 2. lib. sent. dist. 40. q. 1. art. 4. & 1. 2. q. 10. art. 6. diximus in *Manu. confess. prælud. 7. nu. 17. & cap. 23. nu. 1. & in comment. de silentio super cap. in loco benedictionis. 5. q. 4. & prius in Enchirid. de oratione cap. 3. nu. 49. & cap. 20. nu. 36.* Et ita cum magna multitudo actuum clericorum, quibus aliqua quærent, sit illicita & contra canones; non profecto erunt, qui de quæsitis à se testari possint in Vrbe, nec in orbe. Quandoquidem non soli actus, quos communes habemus cum laicis, sed etiam præcipui, quos habemus cum Angelis, laudandi, & colendi Deum, sunt magna ex parte illiciti saltem venialiter, & contra canones.

- 15 Octauo, ex prædictis sumitur ratio diuersitatis, quare peccata facta contra leges iustitiæ specialis inducunt obligationem restituendi, & non peccata facta contra legem charitatis, & aliarum virtutum, vt docuit Alexan. Alensis communiter receptus in 2. par. quæst. 87. quem recte defendit Adria. in 4. de resti. quæst. 2. col. 9. in 5. de currentibus cum fure. quem nos secuti sumus in comment. cap. inter verba. 11. quæst. 3. & in *Manu. confess. cap. 24. num. 7. & Sotus lib. 4. quæst. 3. art. 4. & lib. 4. q. 7. art. 3. colum. 4. & alibi sæpe, de iustitia & iure, & nos repetiuimus in tractatu de redi. eccl. quæst. 2. moni. 7. per quod Adria. vbi supra tenuit, eum qui videt aliquem furantem, licet verbo & facto possit eum à furando arcere, non tamen obligari ad restituendum id, quod fur furto abstulit, nisi ex officio ad id teneretur lege iustitiæ. Per quæ soluuntur argumenta in oppositum formata. Salua, &c.*

S. V. M. M. A. R. T. V. M.

- 1 Illegitimis legare & donare ex causis iure communi concessis, etiam de bonis intuitu ecclesiæ acquisitis, non prohibetur clericis, per extranag. Pij V. qui sola priuilegia ad id à se & suis prædecessoribus concessa reuocauit.
- 1 Extranag. Pij V. reuocans priuilegia concessa clericis disponendi in fauorem illegitimorum declaratur.

CONSILIUM IV.

RESPONDEO, quod huius quæstionis, & aliarum multarum eiusmodi similium determinatio desumi potest ex anhor. 9. quam ego addidi bullæ Pij V. *Quæ ordini*, quam ad verbum refero in tract. de spot. quem feci super cap. non liceat Papæ. 12. quæst. 2. in 9. 19. siue ultimo; vbi per multa argumenta neruosa cōpendiose formata probō, quod præfatus Pius V. nihil

nihil tollit, nec reuocat de constitutis iure communi in fauorem illegitimorum, sed tantū gratias & facultates concessas particulariter ad disponendum de quibuscumque bonis inter viuos per donationes, vel in morte per vltimas voluntates in fauorem eorum cōcessas à se & ab aliquot alijs Pontificibus Max. præcessoribus suis: & ideo proculdubio non obstante reuocatione præfatarum facultatū, quæ sunt priuilegia quædam, possunt clerici, & quilibet alij donare inter viuos, & relinquere in vltima voluntate illegitimis filiis, tam suis quam alienis, ea, & eo modo quo iure communi absque prædictis facultatibus possent, iuxta cap. cum haberet. de eo qui duxit in matrem quam polluit per adulter. & alia iura quam ipse ibi citat: & consequenter D. consulens proculdubio poterit nepotibus ex fratribus suis illegitimis donare & relinquere, si sunt pauperes, de bonis intuitu ecclesiæ quæsitis tanta, & talibus modis, quanta, & quibus modis iure communi posset, si prædicta extrauag. Pij V. non fuisset edita. Et quia fundamenta huius responsionis ibi possunt videri, quoniam scio delatos esse Mediolanum multos ex illis tractatibus, hic ea nō rescribo, sed precor D. consulentem vt in suis ad Deum precibus aliquando mei meminerit.

S V M M A R I V M.

1. Illegitimo suo, vel alieno nullus, nec in vita, nec in morte aliquid dare potest: & hoc, si velit inniti priuilegijs à Sede Apostolica concessis, quæ Pius V. reuocauit, nu. 2. 3. 8. nam si velit inniti iuri communi, nu. 4. & 5. vel speciali concessioni alterius principis habentis iura regalia, nu. 6. 7. & 8. potest.
3. Spurijs secundum iura canonica, quæ in hoc præualent iuri civili, aliquid in bonis parentum habere possunt; eisque iure naturali, quod tolli non potest, debentur educatio, & alimenta, etiam in terris Imperij, nu. 4.
6. Papa non potest tollere clerici filio priuilegia, nec legitimaciones, quæ quo ad temporalia principes ei concesserunt, nu. 7.

CONSILIUM V.

QVAERITVR, an hodie clericus possit donare inter viuos vel relinquere in morte filiis suis illegitimis saltem legitimatis, & capacibus effectis, aliqua bona sua saltem patrimonialia, vel quasi patrimonialia, hoc est per suum laborem & industriam quæsitā.

1. Pro parte negatiua videtur casus in extrauag. Pij V. cuius initium est, Quæ ordini: per quam statui videtur, vt nulla singularis persona, neque vniuersitas vel collegiū possit donare in vita, vel relinquere in morte suo nec extraneo filio illegitimo etiā legitimato de vllis bonis intuitu ecclesiæ quæsitis, nec etiam de alijs per vllum laborem, vel industriam, vel quocumque alio modo patris.
2. Pro parte vero affirmatiua facit primo vrgentissime id quod nos annotauimus ad extrauag. prædictam in commen. 1. cap. non liceat Pape. 12. quæst. 2. §. 19. nu. 9. ibi. Noto nono, &c. nempe, quod hæc extrauag. non reuocat iura cōmunia, per quæ illegitimi possunt habere aliqua de bonis parentum. Quod probatur primo, eo quod solum reuocat priuilegia, licentias,

etiam, dispensationes, & indulta cōtra vel prater ius commune concessa per ipsummet Pium V. & alios omnes predecessores eius, vt ex ea patet; nam qui de vno dicit, de alio negare videtur, l. cum prator. ff. de iud. & cap. nonne. de præscrip. & omnia quæ reuocat ibi Pius sunt alia, quam iura communia ergo non debet censeri reuocasse illa.

- 3 Secundo, quod filij illegitimi, etiam si sint spurij, possunt aliquid habere de bonis parentum iure communi, cap. cum haberet. de eo qui duxit in matris. & per ea quæ Panor. & alij ibidem notant: & absurdū videretur dicere, quod prædictus Pius reuocat facultatem quam habent patres in alendo filios illegitimos etiam spurios. Tum quia facilius tollitur ius speciale, quam ius commune, l. eius militis. §. militia missus. ff. de milit. test. & l. si quando. C. de inoff. testam. & ita ex eo quod reuocet remedia, & alia iura specialia, non videtur reuocare remedia iuris cōmunis generalia. Tum quia lege humana non potest tolli naturalis, cap. sunt quidam. 25. q. 1. l. id quod nostrum. ff. de reg. iur. & educatio liberorum iure naturali debetur, cap. ius naturale. 1. distinct. & l. 1. §. ius naturale. ff. de iust. & iure. Tum quia prædicta auth. ex complexu. C. de incest. nupt. nullibi gentium seruatur; quatenus habet spurios filios non esse à parētibus alendos: quæ tamquam contraria pietati naturali, postponitur æquitati canonice prædictæ conformi iuri & pietati naturali, de qua in l. 1. & 2. ff. de lib. agnos. vt supra dictum est. Tum quia non est verisimile, quod Pius V. pietissimus, & iuris communis obseruantissimus, & morum ab eo exorbitantium reductionis in illud tamquam in pristinum & probatissimum statum amantissimus intenderit tollere legem tantæ pietatis, cum similis similem querat & foueat, iuxta cap. 13. Eccles. & Philos. in ethic. & facere contrarium esset quedam crudelitas Deo & hominibus inuisa secundum Ioan. Bap. in repet. l. si qua illustris. C. ad orph. col. penul. Tum quia à iure antiquo non censetur recessum, nisi quatenus id in nouo exprimitur, l. præcipimus. C. de appell. & per hanc extrauag. nulla recessio ab eo exprimitur: ergo, &c. & communiter iuste potest & debet clericus non obstante hac extrauag. alere suos filios illegitimos etiam spurios, nitendo iuri communi contento in d. cap. cum haberet. quod seruandū esse etiam in foro seculari terrarū Imperij, & aliorum regnorum, etiam non subiectorum Papæ, affirmat cōmunis opinio post Panorm. in d. cap. cum haberet. & Bart. in auth. ex complexu. C. de incest. nupt. & videre est apud Decium alios citantem in cap. clericum. nu. 2. de iudic. cui adde Philip. Franc. in rubr. de test. lib. 6. col. 28. & Io. Lup. in repet. cap. per vestras. de donat. inter vir. & vxor. §. 23. nu. 12.

- 5 Tercio, quod eadē ratione tenemur dicere per prædictā extrauag. nō reuocari iura cōmunia filiis clericorū fauentia, qua tenemur dicere nō reuocari iura cōcedentia eis ius alimentorū: cū ergo hoc non tollatur, vt probatum est, nec alia sibi iure communi conuenientia censebūtur reuocata.

- 6 Quarto, quod Papa non potest tollere priuilegia, facultates, gratias, & indulta concessa circa temporalia ab Imperatore Regibus, & alijs iura regalia habentibus, per ea quæ nos late post alios scripsimus in relect. cap. nouit. de iud. not. 3. ergo iura & facultates capacitatis suscipiēdi & succedendi

dendi extra dominium temporale Papæ, concessa filiis clericorum ab Imperatore, Regibus, & regalia iura habentibus, non potuit tollere Pius V. qui ut vir sanctus, & ex animo diligens Reges & habentes regalia, tamquam filios, noluit præiudicare privilegijs & indultis concessis ab eis, ut palam est ex eo, quod solum reuocavit concessa per Pont. Max. vel eorum auctoritate.

- 7 Quinto, quod prædicti Imperator, Reges, & Reguli non permisissent ei, nec permetterent alij Pontifici Maximo, ut reuocaret legitimationes, dispensationes, & alia iura capacitatis succedendi ex testamento, vel ab intestato concessa à se quo ad temporalia filiis illegitimis: sicut nec Papa permetteret eis, ut dispensarent vel legitimar ent illegitimos quo ad spiritualia, iux. glo. receptam in cap. i. verb. diuisis. 10. dist.

6 Sexto, quod ex contraria & negatiua parte sequeretur, quod nemo quamlibet extraneus posset donare inter viuos, vel relinquere in morte quicquam alicui illegitimo quamlibet extraneo; quod est absurdissimum: quod autem sequeretur, patet ex eo, quod in prædicta extrauag. exprimitur ne quis facultate vlla munitus quicquam det, vel relinquat filiis illegitimis suis, vel extraneis. quod autem sit absurdissimū, patet ex eo, quod alioqui nulli possent succedere ex testamento, vel ab intestato, nec possent dono accipere quicquam ab aliquo; & ita perirent, etiam si essent iustissimi & sanctissimi, contra illud, *Non vidi iustum derelictum, &c.* & contra iura & consuetudines gentium, & alia omnium regnorum vbique gentium seruata.

- 8 Septimo, denique peremptorie facit, quod ratio quæ mouit prædictum Pium ad edendam prædictam extrauag. fuit desiderium illud iustum tollendi clericis vias speciales, & privilegiatas, quas quotidie impetrabant à Sede Apostolica, vel eius auctoritate ad directe vel indirecte donandū, aut renunciandū filiis suis illegitimis, non autem ad tollendum vias generales iuris communis, vel speciales aliorum regnorum, & ab alijs Regibus & principibus concessas, ut satis colligitur ex procemio, & ex p^a constitutione, quam restrinxit ad priuilegia & facultates concessas à Sede Apostolica, vel eius auctoritate; & communiter non est extendenda ad alia, cum lex regatur & ducatur ratione sua, & limiteetur & extendatur iuxta suos limites, argum. l. cum pater. §. dulcissimis. ff. de leg. 2. cap. ratio nulla. de præb. & trad. Panor. in cap. suggestum, & cap. meminimus. de appell.

S V M M A I V M.

- 1 Statutum Dominicanorum, de successione bonorum à fratribus relictorum, quos comprehendat.
- 2 Domicilium per officium quasitum, eo amisso, vel dimisso, amittitur.
2. Monachus fit ciuis per monachationem, sicut per adoptionem: & transeundo de illo in potestatem superioris alterius monasterij, amisso primo, acquirit domicilium, & fit ciuis ciuitatis, cuius est secundum monasterium. & nu. 4.
- 3 Magister sacri Palatii est à sua religione exemptus; & sic donec est exemptus, videtur esse extra religionem.

- 3 Regularis perpetuo translatus ad beneficiū ſeculare, deſinit eſſe ordini ſuo ſubiectus.
- 4 Domiciliū originis non tollitur per domiciliū habitationis.
- 5 Succeſſio ab inteſtato ceſſat per ſucceſſionem ex teſtamento, præcipue ad pia.
- 6 Teſtamentum ad pia factum coram duobus teſtibus valet.
- 7 Regularis ex Papæ privilegio ad pia teſtari poteſt.
- 8 Teſtimonio vnius in foro ſori regulariter non creditur, niſi in ijs quæ alteri non præiudicant. num. 9.
- 8 Cardinali creditur quo ad ſibi commiſſa per Papam, ſi nullius cōcernat præiudiciū: quod ſi concernat præiudiciū, requiritur primo quod ſit de commiſſis ſibi à Papafaciendis, vel alteri referendis; ſecundo, quod ſit de ſolitis concedi; tertio, quod non tendat immediate vel directe in damnum tertij: vnde ei creditur de facultate facta monacho teſtandi ad pia opera, vel de cum aliquo diſpensandi, vel abſoluedi. num. 9.
- 10 Lex ubi deeſt, efficax ratio multum operatur.
- 10 Stylus Curia facit ius.
- 11 Regularis habens eccleſiam ſecularem, illi, & non monaſterio quærit, eique ab inteſtato ſuccedit dicta eccleſia.

CONSILIUM VI.

FRATER Thomas Manricus Dom iniciani ordinis emiſit profeſſionem in monaſterio ſuæ prouinciæ in Hiſpania, in qua functus fuit prælectoris, prædicatoris, & Prioris officijs; & poſtea conſtitutus procurator generalis ordinis in Curia Romana aſſumptus fuit in Magiſtrum ſacri Palatii, & habuit aliquas penſiones & beneficia ſimplicia; ac tandem factus canonicus eccleſiæ S. Petri defunctus eſt relictis multis bonis temporalibus, & condito teſtamento ad opera pia ſui ordinis coram duobus digniſſimis teſtibus de licentia Papæ; quam quidem Illuſtriſſimus Cardinalis N. ad ſuam inſtantiam viuæ vocis oraculo ſibi datam fuiſſe teſtatur ſuis literis, ſigillo, & iuramento firmatis. quorum bonorum poſſeſſio apprehenſa eſt, & tenetur nomine hæredum in teſtamento inſtitutorum. Extat autem quædam declaratio in conſtitutionibus Dominicanorum in 2. diſtin. illarum, cap. 14. de ſtudentibus in hæc verba:

- 1 Declaramus circa ſucceſſiones bonorum relictorum per fratres, quod ſeruentur conſtitutiones in his, in quibus conſtitutiones ſunt clare; ſicut de ijs qui ſunt aſſignati in conuentibus, & prouincijs: de illis autem qui manent extra conuentus, & non habent aliquam aſſignationem à Prouinciali, aut ſunt extra ordinem, declaramus medietatem bonorum ſuorum poſt mortem pertinere ad Generalem, & medietatem ad Prouincialem.

Eſt item quædam conſtitutio in eadem diſtinct. cap. 13. de itinerant. quæ habet hæc verba, Fratres vero noſtros tam in epiſcopatu præſe titulari, vel alijs infra epiſcopatum conſtitutos, & beneficiatos, vel exemptos ab ordine, exceptis Magiſtris ſacri Palatii, & Pœnitentiarijs perpetuis D. Papæ, qui ſequuntur Romanam Curiam, eorumque ſocijs, nolumus in noſtris conuentibus ultra triduum retineri.

His præſuppoſitis, quæritur an defendi poſſit, quod dimidium prædictorum bonorum à prædicto Fratre Thoma relictorum non poſſit vendicari

- dicari à Generali. Ad quod respondeo primo, quod difficile fuerat defendere ex eo capite, quod non comprehendatur sub declaratione prædicta in 2. dist. cap. 14. quia prædictus Frater Thomas viuebat extra conuentum, & non erat alicui prouinciæ assignatus. Secundo, quod non obstat dicere, quod functus fuerat in prouincia Hispaniæ prælectoris, prædicatoris, & Prioris officijs: quia longe ante mortem illa reliquit: & domicilium, & ciuilitas quæsitæ per officium, videtur perdi eo relicto, vel amisso, vt colligitur ex Bart. l. 1. ff. ad municip. num. 14. cum ait: Monachus efficitur ciuis illius ciuitatis per monachationem, sicut per adoptionem: transit enim in potestatem Capituli, & in potestatem Abbatis, qui sunt ciues, vt supra dictum est. verumtamen ista ciuilitas durat, donec durat adoptio: & sic si de illo Capitulo recederet, & transfiret ad aliud, vt faciunt fratres Prædicatores, Minores, & Eremitæ, desinerent esse ciues huius ciuitatis, & essent ciues illius Capituli, in quod transierunt. Tercio, quod prædictus Frater Thomas obiit mortem exemptus ab omni iurisdictione sui ordinis; obiit enim Magister sacri Palatii, qui est exemptus, vt probat prædictum cap. 13. de itinerant. At talis exemptus extra ordinem videtur esse, donec exemptus est: ergo comprehenditur sub prædicta declaratione cap. 14. Quarto facit, quod regularis translatus ad beneficium sæculare definit esse subiectus ordini suo, cap. ne pro cuiuslibet. 15. quæst. 1. & facit cap. si quis iam translatus. 21. quæst. 2. & gloss. sing. in clem. 1. §. ad hæc. de statu mon. At prædictus F. Thomas habuit beneficia sæcularia, pensiones, & canonicatum, vt in facto proponitur: ergo extra ordinem erat, & consequenter comprehendebatur sub prædicta declaratione. Quinto, quod non videtur ob stare, quod ciuilitas siue domicilium originis non tollitur per domicilium, siue ciuilitatem habitationis alibi quæsitam, cap. cum nullus. de temp. ord. lib. 6. & ita ciuilitas & filiatio quæsitæ prædicto monasterio de Pedraita in prædictum Fratrem Thomam non videtur sublata per mutationem ipsius ad alia monasteria, & loca. non videtur inquam ob stare. Tum quia ciuilitas, quæ quæritur per professionem, non est originis, sed officij, vel dignitatis, quæ amittitur per dimissionem illius, per prædicta dicta Bart. communiter recept. Tum quia certum est, ciuilitatem & filiationem prouenientem monacho per professionem in aliquo monasterio tolli per consecutionem episcopatus, cap. 1. 18. quæst. 1. & cap. cum olim. 2. de priuileg. & etiam per consecutionem alius ecclesiæ sæcularis, quæ perpetuo ei tenenda conceditur, iuxta prædictam gloss. sing. & recept. in clem. 1. §. ad hæc. ver. ad claustrum. de stat. monach. quæ citat textum id optime probantem in d. cap. ne pro cuiuslibet. 15. quæst. 1. Tum quia l. pen. ff. de senator. quæ habet per adiectionem domicilij dignitatis non tolli domicilium vnde est oriundus, loquitur de domicilio originis, quod est immutabile, secundum gloss. ibidem, & non de alijs mutabilibus, vt eadem gloss. sentit.
- Secundo principaliter respondeo, quod videtur posse defendi iure testamenti ab eo facti. Primo quidem, quod successio ab intestato cessat per successionem ex testamento, l. quamdiu. ff. de regul. iur. & l. quamdiu. ff. de

ff. de acquir. hæred. cum citat. à gloss. earum. At prædictus Generalis intendit habere prædictum dimidium bonorum per successionem ab intestato; & præfatus frater Thomas decessit testatus, & non ad quæcumque, sed ad pia opera, & non ad qualia qualia, sed in vtilitatem sui ordinis, & duorum monasteriorum, in quorum altero professus fuit, & altero monialium, cuius curam habet illud, in quo professus fuit, instituendo. Secundo, quod

6 non obstat dicere, quod ad testamenti valorem requiruntur septem testes, l. hac consultissima. C. qui testamen. fac. poss. & in prædicto testamento interfuerunt solum duo; quia in testamento ad pia, quale fuit hoc, sufficiunt duo, cap. relatum. de testam. iure quidam canonico, secundum omnes tam Legistas, quam Canonistas, vt testatur Iason post alios in l. 1. C. de sacros. eccles. num. 28. & D. Didacus à Leyua præses Illustriss. Concilij Regij in d. cap. relatum. qui & alij omnes sequuntur Bart. dicentem in d. l. 1. colum. 1. lect. 1. ius canonicum in hoc seruari, & seruandum esse vbique, quid-

7 quid leges ciuiles secundum varias opiniones statuunt. Tertio, quod non obstat dicere, quod prædictus frater Thomas erat religiosus, & quod religiosus testari non potest, cap. 2. de testamen. & authen. ingressi. C. de sacrosan. eccles. quia illud est verum iure communi; sed prædictus Thomas habuit priuilegium testandi particulariter, vt in argum. proponitur, à Papa, qui potest illud dare ad testandum ad pia, vt nos latius probamus

8 in tract. de re dit. eccles. quæst. 3. monit. 17. Quarto, quod non obstat etiam dicere, quod prædictum priuilegium testandi non satis probatur quo ad forum exterius, eo quod vno solo teste probatur, Illustrissimo nempe Cardinali N. & vnius testimonio quantæcumque dignitatis non creditur in illo foro, cap. cum à nobis. de testibus. Quoniam licet verum sit illud regulariter; tamen fallit in multis, in quibus sunt Cardinales quo ad commissam per Pontificem Max. cap. nobilissimus. 97. distin. vt tradit Bald. in l. iusiurand. C. de testib. relatus à Felin. in cap. sicut. de senten. excommun. & à Iasone in l. admonendi. num. 189. de iureiuran. Nec obstat, quod ipse post alios à se citatos limitat illud dictum Baldi procedere quo ad ea, in quibus non agitur de præiudicio alterius, per glo. sing. in d. cap. sicut. Tum quia ipse, & omnes sentiunt aliquid speciale habere in hoc dictum Cardinalis; quale non haberet, si ei in nullis prædicialibus crederetur,

9 cum etiam dicto cuiusque alterius stetur in illis, quæ nulli alteri sunt præiudicialia, iuxta glo. in cap. nuper. de testibus, & in cap. placuit. de consecr. distin. 4. & alias multas receptas. Tum quia ipsimet fatentur credi Cardinali dicenti se habere commissionem absoluendi, & dispensandi; cuius tamen absolutio & dispensatio potest esse præiudicialis alijs, qui litigarent cum absolutis, vel dispensatis ab eo, dicentibus beneficia, vel alias gratias esse ipsi collatas sine absolutione, & dispensatione necessaria præcedente. Et ita videtur dicendum, quod credendum sit Cardinali etiam in præiudicium tertij, tribus concurrentibus. Primum, quod testetur de commissis à Papa sibi, vel alijs per eum deferendis. Secundum, quod sint solita concedi. Tertium, quod non vergant directe in præiudicium aliorum, sed tantum indirecte, & per quamdam consequentiam. Fatendum enim est, quod

quod dicto Cardinalis testantis Ioannem mutuo dedisse Petro mille, vel percussisse Paulum, vel donasse centum, non est standum: quia in his non concurrunt prædicta; nam neque sunt commissa à Papa, nec facile concedi solita ab eo, & directe præiudicant tertio. sed contra videtur, cum testatur factam esse facultatem sibi, vel alij per se deferendam ei absolvendi, dispensandi, vel testandi, vel aliam similem, quæ directe non præiudicant alteri: quia concurrunt tria prædicta, scilicet, quia sunt commissa à Papa, & facile concedi solita, & non vergunt directe in præiudicium aliorum: quamvis indirecte per quamdam consequentiam vergere possint: & in casu proposito agitur de dicto Cardinalis, quo testatur de facultate testandi prædicto fratri Thomæ facta, in qua prædicta tria concurrunt. Nec obstat, quod non videatur probari hæc limitatio canone vlllo speciali. Tum quia sufficit, quod probetur supradicta efficaci ratione, nempe, quod secundum omnes aliquid speciale habet in hoc testimonium Cardinalis, & non potest dare aliud minus, quam istud. Tum quod stylus Curix, qui vim iuris habet, cap. quam graui. de crimi. fals. & cap. ex literis. de consti. seruare videtur, quod credatur Cardinali dicenti saltem iurato, quod Papa viuæ vocis oraculo huiusmodi facultates, indulgentias, vel gratias, quæ facile solent concedi, & directe & recta non præiudicant tertio, fecerit, vel concesserit. Quod videtur inductum ad excusandas impensas, & necessitatem literarum Apostolicarum: quod esse sanctissimum, & negotijs breuiter expediendis commodissimum, testantur multæ commissiones, quas quotidie viuæ vocis oraculo videmus fieri summo Pœnitentiario. Tum denique, quod in casu proposito agitur de Cardin. cuius fidei administrantur multa, nempe genus illustriss. redditus amplissimi, episcopus Burgenfis, qui nullum vmquam præter Papam agnouit superiorem, & nunc est factus Archiepiscopus, & plurimis annis magna eiusdem cum laude in Curia conuersatio, & erga summos Pontifices summa pietas, & obseruantia: & quod iudicio vulgi non fuit prædicto fratri Thomæ vltra aras amicus, neque vsque ad eas adeo propensus, vt in gratiam eius à vero se auerteret.

¶ Tertio respondeo, quod ad hoc, vt vel ex bono & æquo prædictus D. Generalis debeat probare testamentum prædictum, multum facit, quod prædicta monasteria, quibus relicta sunt prædicta bona, sunt sibi subiecta; & si testamentum non valeret, possent petere illa ab intestato ecclesiæ sæculares, in quibus prædictus frater Thomas habuit beneficia sæcularia, eo quod religiosus beneficiarius beneficij sæcularis non quærit ordini, & monasterio suo, sed suo beneficio, vel ecclesiæ, in qua illud habet, vt nos latè probamus in comment. cap. non dicatis. nu. 38. 12. quæst. 1. nuper typis excuso, & tangimus in cōmen. cap. statuimus. 9. quæst. 3. vna cum illo etiam excuso, vbi specialem de successione prædicti patris Reuerendissimi Thomæ Manrici mentionem facimus.

SUMMARIUM.

2 Statutum in fauorem personarum factum extra statuentium territorium extenditur.

3 Incapaci aliquid si leget quis, non tenet legatum: at si leget tertio, eundem rogando, ut restituat dicto incapaci, tenet legatum, & acquiritur ipsi tertio. num. 7. qui tamen, si extra testamentum vel codicillum det fidem etiam per publicum instrumentum testatori de restituendo incapaci, potest legato per fisco priuari. num. 1. & 3. interim tamen sibi iuste retinet. nu. 4. qui si se ipsum fisco deferat, lucrabitur tertiam partem, quæ alteri cuicumque delatori daretur. nu. 7. quod si ipsemet incapax deferat, dimidiam lucrabitur. nu. 6.

8 Clericus, qui ob tacitam fidem datam de restituendo incapaci damnatur, fisco ecclesie restituat.

CONSILIUM VII.

STATUTO Ciuitatis N. cauetur, ne maritus possit vxorem instituire heredem, nec legare, vel relinquere illi proprietatem alicuius rei, sed solum vsumfructum. Quidam ciuis illius ciuitatis venit Romam cum vxore sua, sine animo transferendi domicilium, causa cuiusdam negotij, & incidens in morbum reliquit vxorem vsufructuariam bonorum immobilium, & reliquit grandem partem mobilium cuidam presbytero cognato vxoris suæ, ea mente, vt post mortem eius restitueret illa d. vxori: quod tamen nec in testamento, nec in codicillis expressit; sed coram quibusdam testibus dixit ei, se velle vt illa restituerentur suæ vxori; quod promisit facere presbyter.

Quæritur quid debet confessarius consulere vxori, & quid presbytero.

7 Respondeo primo, quod hoc fideicommissum debet iudicari relictum illi vxori, tacita fide præstita de restituendo eo illi, per l. 3. ff. de iure fisci. & in l. tacitis. ff. de leg. 1. adiuncta Bart. doctrina in d. l. 3. nempe, quod dicitur præstita fides tacite de restituendo incapaci, etiamsi coram notario publico eam, extra tamen testamentum & codicill. præstaret, & colligitur ex eleganti Azonis declaratione in summa de his quib. vt indig. nu. 5.

2 Secundo, quod statutum præfatum comprehendebat præfatum testatorem: quia statutum ciuitatis factum in fauorem personarum porrigit effectum extra territorium statuentium, vt tradit Bart. ponens exemplum de statuto, quo prohibetur coniux legare in l. 1. num. 32. C. de sum. Trin. quem Iason, & alij ab eo citati sequuntur.

3 Tertio, quod præfatus presbyter posset priuari præfatis bonis, si de illis restituendis præstitisset occulte fidem, iuxta præfat. l. 3. ff. de iure fisci. non autem si palam: quia priuatur propter delictum, quod committit volendo fraudare legem bonam per illam tacitam fidem; quæ ratio cessat in præstante illam palam.

Quarto, quod si præfatus maritus recta via legasset vxori illa mobilia, non valuisset legatum: & ita illa debuissent restitui hæredi, iuxta l. si alienum. §. fin. & l. hæreditas. ff. de hæred. insti.

- 4 Quinto, quod præfatus presbyter cum bona conscientia potest retinere bona, donec eis priuetur: quia in illis quæsiuit dominium per legatum sibi relictum; licet priuari possit eis pro pena delicti, ut pulchre sentit Bald. in d.l. si quis presbyter. C. de epis. & cler. & nemo tenetur poenam soluere, donec a iudice condemnetur, iuxta gl. solemn. & recep. in cap. fraternitas 12. q. 2. unde etiam clericus irregularis iuste tenet beneficium antea legitime obtentum, donec priuetur, per Inno. cap. cum nostra. de concess. præb. recep. communiter, ut est apud Fel. in cap. inquisitionis. de accus.
- 5 Sexto, quod presbyter, si delatus fuerit ad fiscum, & condemnatus, illa restituere tenebitur ei, iuxta præfatam l. 3. ff. de iure fisci. tenebitur autem restituere fisco ecclesiæ, & non temporali, iuxta Bald. in d.l. si quis presbyter. C. de epis. & cler. & ratio est, quod iam factus est ipse dominus illorum: & ita debent per ipsius priuationem applicari fisco ecclesiæ, cum subijciatur iurisdictioni ecclesiastica.
- 6 Septimo, quod præfata vxor potest quærere sibi dimidium illorum bonorum mobilium, si voluerit deferre, siue denunciare hoc delictum fisco, & fuerit prima in deferendo, & denunciando, iuxta l. senatus. 9. senatus. ff. de iure fisci. & trad. ibi per Bart. resolute.
- 7 Octauo, quod hæc res erat secrete tractanda, & præfatus presbyter non debuisset pandere illam heredi testamentario. Tum quia præfata mobilia relictæ vxori non redeunt ad illum, sed pertinent ad præfatam presbyterum, donec puniatur pena priuationis eorum, ut prædictum est. Tum quia si potuisset res manere secreta, potuisset inueniri modus, quo sine offensa Dei potuissent illa venire ad vxorem. Tum quia interest plurimum vxoris præfatæ, ut si res deferenda est ad fiscum, ipsamet prima omnino deferat, ut lucretur dimidium eorum, fisco lucrante alterum dimidium, iuxta 7. dictum: nam & presbyter, si fuerit primus delator, lucrabitur tertiam partem, iuxta l. cum tacitum. ff. de iure fisci. quam poterit postea tamquam suam restituere vxori, suæ cognatæ: sed & si hæres, vel alius extraneus fuerit delator primus, lucrabitur tertiam, nihil lucrante vxore, nec presbytero prædictis, iuxta l. 1. C. de his qui se deferunt. & l. edicto. 9. extat. ff. de iure fisci. Salua, &c.

S V M M A R I V M.

- 1 Legatum annuum alicuius rei alicui datum cum onere, ut dictæ res dentur Minoribus de obseruantia pro tot dicendis Missis, non potest eis persolui, nec ipsi accipere, nu. 3. & 4. & seq. immo nec eis dictarum rerum presum tamquam debitum debetur. nu. 8. sed dictum legatum remanebit penes illum qui fratribus tenebatur dare, ita tamē ut ipse ex eo dici faciat tot Missas, ad quot obligabatur fratres, nu. 9. & in eadem ecclesia in qua a prædictis fratribus fuissent dicendæ, nu. 10. & si quid ex re legata supererit ultra eleemosynam quæ dabitur celebrantibus, non potest talia sibi retinere. nu. 11.
- 2 Minores de obseruantia sunt incapaces hereditatis in totum, vel in parte eis directæ, vel per fideicommissum datæ, capiunt tamen legatum etiam absolute rei particularis

ris etiam immobilis vendenda, ut sic in suas conuertant necessitates eis relictum; dummodo nec sit talis, quæ hereditatem fraudulenter re ipsa representet; nec sit adiectus modus alius ab illis, secundum quos eis est permissum res accipere, nu. 2. qui sunt ut eis solummodo liceat aliquid pro præteritis & præsentibus necessitatibus etiam aliquem tractum temporis habentibus, & hoc non tamquam debitum ex obligatione procedens, accipere, nu. 7. & 8. & etiam nu. 3. & 4.

3 Minoribus de obseruantia non potest legari vinea colenda, nec domus locanda, ut sic ex locatione, vel cultura, quid annuum percipiant; sed nec potest eis quid annuum legari. num. 6.

6 Mendicantium ordinum ut sit aliqua religio, necessarium est ut nequaquam tot habeant bona, ex quibus sine incerta mendicitate possint viuere.

8 Incapaci relictum legatum efficitur caducum; ita tamen, ut si sine culpa sua sit factus talis, detur æstimatio: aliàs remanet apud illum, qui iussus erat dare; ea tamen lege, ut teneatur adimplere onus legato adiunctum, nu. 9. & 10. in fin. immo si sit talis mens legantis, penes hunc nihil debet remanere ex ijs quæ adimpleto onere supersum. num. 11.

CONSILIUM VIII.

1 **Q**VAEDAM testatrices reliquerunt collegio cuidam monialium relictus annuos 18. aureorum, & octo cados vini; ad hoc, ut teneantur illa dare fratribus S. Francisci de obseruantia pro stipendio celebrationis Missarum, & diuinorum officiorum eis iniunctorum. Quæritur, an præfatum legatum præfatis fratribus relictum valeat.

Ad hanc quæstionem occurrit considerandum primo, quod pro parte quidem affirmante facit, quod fratres Minores de obseruantia licet non possint institui hæredes, ut expresse declarat Concilium Viennense in clem. exiui. §. proinde. de verbor. signif. nec etiam possit eis relinqui hereditas per fideicommissum vniuersale, ut declarat Bart. in tractatu Minorit. lib. 1. distinct. 2. cap. 1. quamuis item non liceat legare ipsis adiecto modo, per quem non licet eis accipere, ut si legaretur eis vinea ad colendum, vel domus ad locandum, ut habetur in cap. exijt. §. ad hæc. eodem tit. lib. 6. nec licet legare ipsis tantam partem hereditatis, vel tantam quantitatem pretij eius, ut videatur legatum fieri in fraudem institutionis; ita quod verba sonarent legatum, & res denotaret relictam institutionem:

2 licet tamen legare eis moderate pecuniam, & quodlibet aliud etiam immobile, per modum, quo licet eis accipere, puta ut pecunia impendatur in necessitatibus eorum, & vinea vel domus vendatur, & pretium eius impendatur in necessitatibus eorum, ut habetur in præfato §. ad hæc. adeo quod in vers. si vero. habetur, valere legatum generaliter relictum eis, non exprimendo modum, per quem non licet eis accipere illud; ea ratione, quod qui generaliter legat non exprimendo modum illicitum accipiendi, præsumitur legare ipsis per modum, quo liceat eis iuste accipere, arg. l. plenum. §. equitij. ff. de vsu & habita. & l. si procurator. ff. de condi. indebit. At in casu proposito præfati fratres non fuerunt instituti hæredes, neque fideicommissarij vniuersales, nec legatum fuit tantum, ut cre-

deretur factum in fraudem institutionis, nec sub modo, per quem non liceat fratribus accipere: ergo legatum hoc debet censi validum. quod sentit Bart. in d. lib. i. distinct. 2. cap. 2. & clare exprimit lib. 2. distin. 1. cap. 1. & Card. in d. §. proinde: Secundo, quod promissio vel oblatio pecuniæ etiam numeratæ facta præfatis fratribus expresse pro necessitatibus suis præteritis vel præsentibus, etiam tractum futurum breuem vel longum habentibus, valet, vt habetur in d. cap. exijt. §. cæterum. immo & facta generaliter, non exprimendo pro necessitatibus, per præfatum vers. si vero.

- Quibus tamen non obstantibus, videtur verius præfata legata non
 3 valere. Ad quod facit in primis d. cap. exijt. §. porro. quatenus determinat præfatos fratres Minores non posse habere vlla bona pecuniaria, nec in communi, neque in speciali, neque consequenter ius exigendi aliquid tale, nec consequenter ius capiendi præfata 18. scuta, & 8. cados vini sibi legatos: quia hæc omnia sunt bona pecuniaria, argumento l. bonorum. ff. de verbor. signif. Secundo, quod per præfatum cap. exijt. in §. cæterum. declaratur præfatos fratres non posse capere pecunias, neque ipsis queri vllam obligationem, neque actionem contra offerentem aut dantem illas. Tertio, quod in dicta clem. exiui. §. porro. additur clarius id, quod in dicto §. cæterum. satis clare ponitur, scilicet quod nullis alijs modis ab expressis in d. §. cæterum. præfati fratres recurrant ad aliquem pro
 4 pecunijs vel alijs rebus habendis: præfato autem §. cæterum. solum permittitur præfatis fratribus recursus pro necessitatibus præteritis, vel præsentibus ingruentibus, vt patet in eo: & fratres, quibus legata fuerunt præfata in casu nostro, recurrunt ad præfatum collegium monialium ad accipiendas pecunias præfatas, & cados vini, tamquam ad obligatum ad ea danda; etiam si nulla necessitas præterita, nec præsens ea requiratur: ergo præfatum legatum est factum præfatis fratribus alio modo, quam liceat eis accipere: ergo non valet: nec enim præfatus finis celebrandi Missas, nec modi quibus relinquuntur præfata scuta sunt expressi, nec videntur exprimi alia eis similia in præfato §. cæterum. quia in illo solum fit facultas recurrendi pro pecunijs ad providendum necessitatibus præteritis, vel præsentibus, de quibus non est celebratio Missarum, vel diuinorum officiorum, ad quæ relinquuntur præfata scuta, & cadi vini: nec præfati fratres recurrunt ad præfatarum monacharum collegium tamquam ad personam nihil debentem eis, sed tamquam ad personam
 5 fictam obligatam ad soluenda illa onera. Quarto, quod legatum factum præfatis fratribus de vinea, vt eam colant, & fructus percipiant, vel de domo, vt eam locent, & pensionem accipiant, non valet, vt supra dictum est per præfatum cap. exijt. §. ad hæc. ergo à fortiori non valebit legatum, quo grauatur hæres, vt det eis quotannis vel quolibet mense certam pecuniam, vel certos cados vini, cum certior redditus sit huius legati, quam illius: nam hoc nullam fere curam, laborem, aut impensam
 6 requirit, illud autem sic. Quinto, quod eum qui concederet hoc legatū valere, oporteret cōcedere valere legata, quibus diaria, menstrua, vel annua pecunia legaretur præfatis fratribus, d. clem. exiui. §. cumq. annui redditus.

Tum

Tum quia legatum annuum relinquitur præfatis fratribus illo modo, per quem non licet illis accipere; cum, ut prædictum est, magis repugnet suæ regulæ accipere pecuniam annuam, quam vineam colendam: cum securius, certius, & minore labore capiatur annuum, vel menstruum legatum, quam fructus vineæ legatæ. Sexto, quod per contrariam opinionem daretur facilis & clarus modus fraudandi paupertatem illam summam, & arctissimam regulæ sancti Francisci: quoniam parentes & cognati fratrum prædicti ordinis possent grauare suos hæredes ad dandum aliquas quantitates annuas, vel menstruas conuentibus fratrum Minorum, quæ possint sufficere ad viuendum sine vlla mendicitate incerta, quæ requiritur etiam ad hoc, ut aliquis ordo dicatur mendicantium, cap. 1. §. 1. de relig. domib. lib. 6. quanto magis ad hoc, ut sit ordo Franciscanus, cuius paupertas est arctissima, & maxima, ut præfatum cap. exijt. & præfata clem. exiui. affirmant.

7 Non obstant allegata pro parte affirmante. Non primum, quod est adeo maximum, ut mea sententia multos etiam eruditos in partem affirmantem traxerit: non inquam obstat: quia concedendo fere omnia, quæ in eo adducuntur, negamus illam particulam, quæ habet legata præfata non concedi adiuncto modo, per quem non licet præfatis fratribus accipere illa: quoniam non licet fratribus accipere aliqua, nisi pro necessitate præterita vel præfenti, neque ab aliquo tamquam ad dandum illis obligato, per prædicta: & in nostro casu præfati fratres accipiunt prædicta legata sibi à præfato collegio debita, & non pro necessitate præterita, neque præfenti, sed pro dicendis certis diuinis officijs, sine alio ad necessitates respectu. item recipiunt illa uti quosdam redditus annuos ad finem dicendi certa diuina officia, quod sibi non licere declarat præfata clem. exiui. §. cumque annui redditus. Ad secundum etiam respondetur concedendo, quod legatum, & promissio, & oblatio, & donatio pecuniæ, & cuiuslibet alius rei temporariæ fratribus Minoribus facta regulariter valet; si modo fiat per modum, per quem liceat eis illa capere; negando tamen, quod in casu nostro sic relinquatur, ut proxime probatum est.

8 Secundo principaliter, præsupposito quod legatum hoc non valeat, considerandum est, an præfatum collegium, à quo id relinquitur, teneatur in foro conscientiae æstimationem illius præfatis fratribus soluere; super quo magna & subtilis disputatio haberi posset: sed prolixitatis vitandæ gratia, breuiter respondetur quod non. Tum quia relictum incapaci à testatore pro non scripto habetur. l. si in metallum. ff. de his quæ pro non scriptis habentur. & l. 1. C. de hered. instit. Tum quia non obstat lex idem Iulianus. §. fin. cum l. seq. ff. de leg. 1. quæ habet, legatario, qui sine suo delicto est rei legatæ incapax, deberi æstimationem: & quod præfati fratres absque suo delicto sunt incapaces præfati legati; non inquam hoc obstat; quia illud est verum, quando simpliciter fit incapax, & non cum adiectione quod nullo alio nisi certo expresso modo capere possit: ut fratres Minores sunt incapaces ad accipiendum res temporarias per præfatum §. ceterum. nisi modis, quibus in eo permittitur, scilicet à solis non obligatis, & pro necessitatibus

præteritis, vel præsentibus, per prædicta: quod satis clare affirmat Bart. ubi supra lib. 2. dist. 2. cap. 1.

- 9 Tertio; considerandum occurrit, an præfatum collegium obligetur ad faciendum celebrare officia diuina, ad quæ testator intendebat præfatos fratres obligare. Ad quod videtur breuiter respondendum, quod sic. arg. l. 1. §. pro secundo. C. de cadu. tollen. quod habet, legatum relictum alicui, qui tempore testamenti in rerum natura erat, & postea priusquam illud quæreretur aliqua ratione deficit, debere remanere penes eum, à quo relinquitur: ita tamen, ut impleat onus, quod ei adijciebatur, ea ratione adiecta, quod non est ferendus, qui lucrum amplectitur, & onus ei adiectum contemnit.

Quarto, considerandum occurrit, an præfata moniales satisfaciant faciendo celebrare partem diuinorum officiorum iniunctorum præfatis legatis per fratres vnius monasterij eiusdem ordinis, & partem per fratres alius monasterij etiam eiusdem ordinis. Ad quod respondendum est, quod non, si illud faciant obligando se ad faciendum sic celebrare perpetuo; sicut testatores intendebant obligare fratres illos, quibus legabant, ad faciendam illa. Tum quia fratres ij, per quos collegium præfatum vult celebrare illa, sunt eiusdem ordinis Franciscani; & ita sunt incapaces huius obligationis, & non possent salua sua regula accipere illa illo modo, per quem non licet eis quidquam accipere.

- 10 Quinto, considerandum venit, per quem igitur modum possint licite præfata monacha illa diuina officia facere celebrare. Ad quod respondendum videtur primo, quod tenentur, si fieri potest, facere celebrare illa in illis ecclesijs & altaribus, in quibus præfata testatrices iusserunt ut celebrarentur: quia diuina officia debent celebrari in illa ecclesia, vel loco, in quo iussa sunt celebrari, ut nos post alios tradimus in enchir. de oratio. cap. 5. nu. 3. allegando in id multa, in quibus est cap. nos quidem. de testam. ubi per illum tex. hoc adnotarunt Petrus, Ioan. Imol. & Barbat. ibidem allegati. Secundo, quod poterunt pro suo libito eligere sacerdotes sæculares, & regulares eiusdem, vel alterius ordinis, de consensu Guardiani, conuentus, & fratrum ecclesie præfate S. Francisci, si fuerit ad id necessarium, cum tanta libertate, cum quanta possent sua sponte facere in ea celebrare alia similia diuina officia, quæ vellent pro aliqua sancta & pia causa: non quidem animo soluendi legata illa prædictis fratribus, sed animo exonerandi se onere, quod ipsis euenit ex eo, quod illa legata uti facta incapacibus non fuerunt valida, & debent remanere apud eos, à quibus legata fuerunt, cum onere tamen subeundi onera illis adiecta, arg. præfate legis l. §. pro secundo. C. de caducis toll. & aliorum.

- 11 Sexto, considerandum occurrit primo, quod hæc omnia præfata sine vlla dispensatione S. D. N. iure communi fieri possunt: sua vero sanctitas potest, quicquid sibi placuerit, eis addere, & detrahare, arg. cap. cuncta per mundum. 9. q. 3. & cap. proposuit. de concess. præb. obseruata tamen lege naturali & diuina, cap. sunt quidam. 27. q. 1. Secundo, quod consequenter posset confirmare prædicta legata, & dispensare cum præfatis fratribus, ut acci-

acciperent ea pro necessitatibus præteritis, vel præsentibus, & etiam pro futuris: quia præfatus S. Franc. suam regulam auctoritati sanctæ Sedis Apostolicæ, à quo confirmata fuit, supposuit. Tertio, quod fortassis hoc non expediret regulæ illi mirabili S. Francisci, & puritati eius, & honori ordinis eius Illustrissimi, eo quod præberetur occasio petendi alias mille dispensationes similes fratribus eiusdem ordinis volentibus sese opipare sustentare. Quarto, quod posset pie declarari, quod si quid de præfatis scutis & cadis superesset soluto iusto stipendio celebrantibus præfatas Missas, illud impenderetur monasterijs pauperibus, quæ ipsæ eligerent. Tum quia testatrices videntur voluisse, ne quicquam de illis apud præfatas monachas remaneret. Tum quia ipsis aperiretur via, per quam possent iuste id erogare præfato monasterio S. Francisci, quando necessitas præterita vel præsens illud permetteret. Salua, &c.

S V M M A R I V M.

- 1 Minoribus de obseruantia, qui tenentur ex incerta mendicitate viuere, nu. 4. non potest aliquid annue præstandum legari, etiam addito modo, vt illud vendatur, & sic annuatim in fratrum vsus conuertatur: sicut nec potest legari prædium, vt pensiones omni anno in eorū necessitates conuertantur; licet eis possit legari prædium tunc ita vendendum, vt ex pretio præsentis eorum subueniatur necessitati. num. 2. at eorum ecclesiæ & conuentui potest quid annuum necessarium pro fabrica, vino, hostijs, cera, oleo, vestimentis ad sacrificium & diuina necessarijs legari. nu. 3. quod si legatum excedat dictas necessitates, vide remissionem. nu. 5.

C O N S I L I V M IX.

VTRVM annuus redditus promissus, vel legatus monasterio fratrum Minorum de obseruantia, pro fabrica, vino, hostijs, cera, oleo, & vestimentis ad celebrationem Missarum, sit validus, nec ne?

- 1 Pro parte negatiua facit primo, quod legatum annuum factum fratribus Minoribus non valet, etiam ad hoc vt vendatur, & æstimatio in necessitatibus imminentibus impendatur, vt determinat Bart. in tract. Minorit. lib. 2. cap. 1. distinct. 6. pro quo videtur casus in cap. exijt. §. ad hoc. 2. verb. sig. lib. 6. qui habet, relictum fratribus Minoribus expresso modo, secundum quem non licet eis accipere, non esse ab eis acceptandum: constat autem non licere eis habere annuos redditus, clem. exiuit. §. cumque annui redditus. de verb. sig. & consequenter apparet non licere fratribus huiusmodi habere legatum, de quo est quæstio, per modum annui redditus, cum per talem modum habendi relinquatur eis illud modo expresso, quo tenere non possunt.
- 2 Secundo, quod quauis liceat huiusmodi fratribus accipere domum, vel prædium simpliciter legatum, ad hoc vt vendatur, & pretium in necessitatibus conuertatur: non tamen licet eis accipere domum, vel prædium legatum, adiecto modo expresso, vt locet, vel colant, vt est casus in eodem §. ad hoc. & in casu nostro videtur relictum sub modo expresso habendi illud per modum annui redditus. Tertio, quod multa scripsit Cardinalis in d. clem. exiuit. §. proinde. & §. seq. quæ videntur hanc partem negatiuam confirmare.

- 3 Sed his non obstantibus contrarium videtur verius pro validitate legati : & primo ea firma ratione , quod aliud est ecclesia , & fabrica eius , & aliud collegium , conuentus , vel Capitulum , quod eam tenet , gubernat , & regit , cap. per exemptionem . de priuil. lib. 6. & arg. cap. si ciuitas . de senten. excom. eodem lib. 6. & notatur in cap. requisisti . de testam. hic autem testator non reliquit fratribus Minoribus , nec eorum collegio , nec vlli singulari eorum , sed ecclesiæ , quæ nō prohibetur taliter accipere : nam nec d. cap. exijt . de verbor. signif. lib. 6. nec d. clem. exiuit . eodem tit. nec vlla particula regulæ S. Francisci prohibet relinqui aliquid annuum eorum ecclesijs , vt aduertit Bart. lib. 1. Minoritarum . dist. 4. cap. 1. & in l. ciuitatibus . ff. de leg. 1. & in l. seruos . ff. de alimen. leg. Secundo , quia ratio , quare S. Franciscus voluit fratres fore mendicantes , & in arctissima paupertate , est , vt toti penderent à Deo , & solis illis , qui amore Dei sibi traderentur , per incertam mendicitatem victitarent , vt colligitur ex eius regula , & ex declarationibus eius , quæ habentur in d. cap. exijt . & in d. clem. exiuit . & constat eorum incertam mendicitatem non tolli ex eo , quod aliquem certum redditum habeat eorum ecclesia pro fabrica , candelis , hostijs , & vino ad sacrificandum , & alijs huiusmodi , quæ ad victum & vestitum fratrum non pertinent ; quale est relictum , de quo agitur : & cum cesset ratio prohibitionis , consequenter cessare videtur ipsa prohibitio , cap. cum cessante . de appellationibus .
- 5 Contra hoc tamen facit , quod Bart. vbi supra determinat , videlicet illud superfluum , quod relinquitur ecclesiæ , vel fabricæ , pro aliqua necessitate , posse à fratribus cōverti in aliam necessitatem , & ita etiam relictum ultra necessitatem valet : ideo cogitentur ea , quæ addit Cardinalis in d. 9. proinde . Salua , &c.

S V M M A R I U M .

- 1 Testamentum ante ingressum religionis factum à cogitante de dicto ingressu , statim ita professione facta confirmatur , vt hæres possit capere possessionem bonorum , & hoc etiamsi illud sine licentia Episcopi & conuentus fecerit , nu. 2. nec postea potest amplius ipse testator etiam ex licentia Episcopi , vel conuentus , de dictis bonis disponere . num. 3. at si quando fecit dictum testamentum , non cogitauit de dicto ingressu , & professionem fecit apud non mendicantes , ex æquitate videtur reuocasse dictum testamentum . nu. 1.

CONSILIVM X.

AN PETRVS hæres institutus à volente ingredi monasterium , & cogitante de ingressu , adeo quod conuenit cū Abbatisa , & cōuentu , quantum dotis erat datura ei , & quod de reliquis posset testari , vel aliàs libere disponere , & ita fecit testamentū instituēdo ipsum Petrū heredem in dictis bonis ; possit capere possessionē bonorū quo ad ea , ad quæ fuit institutus , statim post professionē consequutā , non expectata morte naturali testātis : vel requiratur auctoritas Episcopi , & cōsensus conuentus : attento , quod post professionē de illorū licentia & consensu reuocauit prædictū testamentū .

Respon-

- Respondeo, quod prædictus Petrus institutus hæres à prædicta volente ingredi religionem, & non solum cogitante de ingressu, sed etiam paciscēte quantum dotis erat datura, & quantam partem reservatura suæ liberæ dispositioni, potest capere possessionem statim post professionem, & vti & frui bonis illius hæreditatis. Primo quidem, quod testamentum factum ab ingressuro religionem intēdente ingredi eam confirmatur morte civili professionis, non expectata morte naturali profitentis; quæ est determinatio Ioan. Imol. l. 1. col. 9. num. 14. ff. de testa. quem sequitur Franc. in rub. de testa. num. 72. Couar. cap. 2. de testa. num. 8. Dixi, cogitante, &c. Quia, si absque cogitatione ingressus testamētum factum fuisset, iudicari posset ex quadam æquitate, quod postea ingressus illud, & profitens videretur noua voluntate recedere à priore, fauore monasterij: quo casu potest procedere opinio Bar. frequentius recepta, qua tenet testamentū ingredientis monasterium non mendicantium morte civili professionis non confirmari.
- Secundo respondeo, quod licentia & auctoritas Episcopi, & consensus conuentus non sunt necessaria ad hoc, vt præfatum testamentum valeat: quia iure communi licet volēti ingredi religionem, immo & ingresso ante professionem libere testari, vt nos resoluius in Com. 2. de reg. super cap. non dicatis. l. 2. q. 1. num. 51. & frustra precibus impetratur, quod iure communi conceditur, l. 1. ff. ad municipa. & glo. recep. cap. 1. de rescript.
- Tertio, quod neque Episcopus, neque monasterium monialium, neque ambo coniuncta potuerunt facere facultatem disponendi de bonis suis post professionem: quia id est contra authent. ingressi. C. de sacrosanct. eccles. & cap. 2. de testam. & cap. in præsentia. cum ei adnotatis de probat. contra quæ nullo iure potest dispensare Episcopus, neque alius inferior à Papa; quandoquidem, an id etiam possit facere Papa, multi dubitarunt, vt post Francum d. rubr. diximus etiam nos vbi supra. Salua, &c.

S V M M A R I V M.

- 1 Legatum, quo mandatur hæredi, vt det omni anno aliquid, censetur perpetuum, præsertim si fiat loco pio, num. 2. item si mandentur fieri etiam tacite in memoriam & honorem familie aliqua, quæ non possent assequi, nisi legatum esset perpetuum. num. 1.

C O N S I L I V M XI.

QUIDAM testator reliquit legatum, quo oneravit N. hæredem, vt singulis annis solueret cuidam loco pio aliquot libras & solidos, quibus emerētur tres cærei, & ponerentur in dicto loco pio cum armis & insignibus suæ familie. Dubitatum est, an ex verbis testatoris possit colligi legatum hoc esse perpetuum: & cum res delata esset in iudicium, iudicatum est esse perpetuum. Quæritur modo à D. vestra, quid hac in re sit tenendum.

Sententia præfata eruditiss. domini mei videtur esse iuridica. Tum per ea quæ S. D. adducit. Tum quia præfatum legatum etiam si non fuisset
 1 piuum, erat censendū perpetuum; quod palam sonāt illa verba, omni anno,
 & illa

& illa quibus oneratur hæres soluere prædictas libras, & solidos positos in tribus torcijs cum armis & insignibus familiæ testatoris; quæ palam significant testatorem voluisse id ad nomen familiæ cōseruandum, quod per vnum actum fieri non poterat. Tum quia sententiæ à duobus posterioribus iudicibus latæ expresse habent præfatum legatum fuisse soluendum non solum ab N. hærede, dum viueret, sed etiā à filijs suis, dū viuerent; quod nulla ratione potest defendi, nisi legatum esset perpetuum: nam filij, vt ibi habetur, non fuerunt instituti neque grauati, nisi casu quo pater eorum decederet priusquam testator; qui cum decessisset post mortem testatoris, defecit substitutio illa conditionalis defectu conditionis, & consequenter grauamen impositum eis: & ita filij dicti N. nihil penitus debuerunt nec debent ex suis personis tamquam substituti, sed tantum ex persona patris, cuius sunt hæredes, & ratione oneris adiecti suo patri N. vti hæredi suo; & consequenter nihil debuissent, nisi legatum fuisset perpetuum transiens ab hærede in omnes hæredes eius, siue essent filij, siue extranei: quia filij non fuerunt instituti, nec substitutio eorum valuit deficiente conditione sub qua fuerunt substituti, vt dictum est, plusquam extranei, si fuissent eius hæredes. ita quod præfati iudices videtur secum pugnassee, dicentes ab vna parte filios teneri, dum viuerent, ad soluendum illud legatū, & ab alia parte legatum patri suo relictum non fuisse perpetuum, si res satis perpendatur. Tum quia iugulum huius quæstionis nō tam est an legatū sit pium aut profanum, quam an ex verbis testatoris colligatur esse perpetuum, vel temporale, & an legatum annuum ab hærede soluendum alicui collegio perpetuo maxime pio censeatur perpetuum. Cum ergo ex verbis testatoris colligatur hoc legatum, cum sit annuum legatum absolute ab hærede alicui collegio perpetuo factum, præsertim pio, esse perpetuum, l. antepenult. ff. de annuis legat. quæ habet legatum vt die natalis sui darentur aliqua diuidenda decurionibus censeri perpetuum, & per l. annua. eod. tit. sub finem, quatenus habet annum legatum relictum templo censeri perpetuum, & per alia quæ nunc non vacat nec videtur necesse scribere; consequens est responsionem præfata præfati domini mei esse iuridicam. Salua, &c.

S V M M A R I V M.

- 2 Exequutoribus testamentarijs non potest de iure testator dare facultatem faciendi institutiones, vel substitutiones, nec etiam secundum ius Castellæ, nisi exprimat nomen instituendorum, vel substituendorum. Vnde licet intra annum, à die iudicialis monitionis aliqua possint, non tamen poterunt prædicta. num. 1.
- 3 Prohibitio de non alienando facta à testatore, nisi addatur causa, aut persona, ob quā fit, non tenet: sufficit tamen causa tacita, puta ad cōseruandum bonorem in familia, etiam ex actu nullo coniecturata. num. 4.
- 4 Intentio & mens alicuius ex actu & confessione eius etiam nulliter facta, immo & ex facto etiam nullo exequutorum sui testamenti potest colligi.
- 5 Alienare extra familiam prohibito, potest remotioni, sed non extraneis ex testamento, sed, sic ab intestato succedere.

6 Bona vinculata tunc ad proximiorum vinculanis, & non ultimi possessoris transierunt, quando testator dixit ut bona transirent ad proximiorum, alias secus.

CONSILIVM XII.

1 CIRCA testamentum Vincentij de Salcedo portionarij, Primo videtur dicendum, quod substitutiones & vocationes factæ à testamentarijs, vel commissarijs ab eo institutis nil valent. Tum quia potestas eis concessa non videtur extendi ad illas, per l. 31. Tauri. Tum quia non sunt vti sua potestate intra quatuor vel sex menses, intra quos vti debebant, per l. 33. & duas sequentes.

2 Non obstat, quod prædicti, quibus data fuit à testatore potestas, erant exequutores testamentarij, quorum potestas durat vno anno post monitionem eis factam à iudice, ut exequantur, cap. nos quidem. de testament. & Auth. hoc amplius. de fideicom. non inquam hoc obstat. Tum quia illud ius commune restrictum est in regnis Castellæ per leges Tauri ad 4. vel sex menses. Tum quia nec intra annum, nec intra 4. vel sex menses possunt facere exequutores id, eo quod eis testator non potest committere potestatem instituendi vel substituendi heredem, secundum ius commune, l. captatorias. & l. illa. ff. de hered. instit. neque secundum ius Castellæ, nisi expresse nomine eius qui est instituendus, vel substituendus, ut habet prædicta l. 31. & ita in casu proposito non potuerunt prædicti exequutores, vel commissarij facere prædictas substitutiones ob defectum potestatis, licet aliqua alia potuissent facere intra annum à tempore monitionis iudicis.

3 Secundo, quod prohibitio alienationis à prædicto Vincentio testatore facta potest videri alicui non valuisse, quia videtur nuda à causa & persona; & talis prohibitio à testatore facta non valet, l. filiusfamilias. §. diui. ff. de leg. 1. Sed videtur quod testator voluit tacite suum nomen & familiam honorare, eo quod post prohibitionem alienationis adiecit, ut omnia sua bona vinculata manerent, & non possent diuidi: per quod tacite videtur voluisse providere suo nomini, & familiæ; & sufficit ut prohibitio alienationis videatur velita tacita causa vel persona, ut post alios tradit Ripa in d. §. diui. num. 4. ponens exemplum de prohibente alienare turrim vel pulchrum palatium, nulla expressa causa, vel persona. Facit ad hoc, quod commissarij, vel exequutores prædicti, declarando intentionem Vincentij testatoris, statuerunt, ut omnis, ad quem illa bona vinculata peruenirent, cognominaretur de Salcedo, alioquin perderet illa; quæ magna est coniectura præsumendi voluisse illum per illud vinculum consulere honori suæ familiæ: nisi enim id nouissent, non imposuissent tam græue onus successoribus. Nec obstat, quod actus ille fuit nullus: quoniam ex actu nullo colligitur intentio & mens testatoris, instar confessionis, quæ in actu nullo facta præiudicat, secundum Innoc. in cap. qualiter & quando. il. 2. de accusat. recept. ut monstrat Deci. in cap. at si clerici. num. 3. de iudic.

Tertio, quod qui teneret prohibitionem alienationis non valere, deberet dicere, quod hæres institutus à prædicto Vincentio potuit ex testamento vel ab intestato in alium transmittere illa; & consequenter instituendo

uxorem

uxorem suam in suis bonis, videtur transtulisse illa in eam. Tum quia institutus in parte bonorum, non dato sibi coherede, videtur institutus in omnia bona per testamentum transmissibilia, l. 1. §. si ex fundo. ff. de hered. instit. cap. si pater. cum gl. in verb. in re certa. de testam. lib. 6. Tum quia non potest quis, nisi sit miles, decedere pro parte testatus, & pro parte intestatus, l. 1. ff. de milita. testam. l. coherede. §. fin. ff. de lega. 1.

5 Quarto, quod si tenuerimus, ut videtur tenendum, prohibitionem predictam valuisse ob adiectionem tacitam predictę causę honoris sui & sue familię; D. consulens, si, ut dicitur in facto, est proximus heres ab intestato primi heredis, debet habere illa bona vinculata. Tum quia de illis non fuit testatus primus heres, nec potuit testari instituendo heredem in eis suam uxorem, quę non erat de familia, nec cognomine Vincentij vinculatoris illorum bonorū, per l. peto. §. fratre. ff. de leg. 2. & notata ibi per Bart. ab alijs receptum, dicentem, quod prohibitus alienare aliquā rem extra familiā, non potest eam alienare in aliquem extraneum per heredis institutionē, licet posset per successionem ab intestato, per l. cum pater. §. cum inter. ff. eod. vbi idem Bart. & alij. Tum quia consulens est, ut in facto proponitur, propinquissimus omnium, qui ei ab intestato succedere possunt.

6 Quinto, quod videtur huic dicto obstare illa opinio, quę habet, bona vinculata transire ad propinquiorem vinculantis, & non ad propinquiorem ultimi possidentis, quęq. multorum auctoritate confirmatur in informatione Hispana; quoniam contraria, pro qua etiam multi citantur in d. informatione, videtur tenenda in hoc casu, in quo testator nihil dixit de successionē propinquorum, sed simpliciter instituit quemdam nepotem heredem, nullo sibi dato substituto, nec vlla facta mentione, nec ordinatione, quod succederet propinquior: & quod ipsemet testator non reliquit illa bona vinculata fratri suo, qui erat sibi propinquissimus, sed nepoti ex sorore; esto quod alia opinio procedere posset, si testator dixisset, ut succederet in eis propinquior, non declarando an deberet esse propinquior testatoris, vel possessoris. Salua, &c.

S V M M A R I V M.

- 1 *Substitutus heredi decedenti sine liberis excluditur à monasterio, in quo heres professionem emisit, nisi aliter de mente testatoris expresse, vel tacite constet.*

C O N S I L I V M XIII.

ANTONIVS carens liberis instituit nepotem ex fratre, & substituit ei suos filios masculos legitimos, si haberet, alias neptes ex sorore. Is nepos institutus intrauit monasterium, & donauit illi omnia bona sua, & ita non potuit habere filios masculos legitimos. Quæritur an filiarum substitutarum excludant monasterium, an contra monasterium excludat eas.

- 1 Respondetur primo, quæstionis huius decisionem pendere à decisione illius generalioris; an substitutus, si absque liberis decesserit institutus, excludat monasterium, quod institutus intrauit; an contra monasterium excludat

cludat substitutum? quam constat esse valde controuersam, quamq. nos olim late tractauimus in cap. in praesentia. de probationibus. vbi etiam satis tractant Panorm. Fel. Dec. & alij, qui referunt plurimos diuersa de illa sentientes, quibus addit alios Couar. lib. 1. varia. resol. cap. 19.

Secundo, quod ego in ea fui & sum opinione, quod si testator, qui instituit & substituit, expresse excludit monasterium, aut tacite talibus verbis, per quae appareat eum cogitasse de monasterio, vel noluisse vt monasterium succederet in suis bonis, substitutus excludet monasterium: alioquin monasterium excludet substitutum.

Tertio, quod cum in casu proposito instituens non excluferit expresse monasterium, nec tacite talibus verbis, ex quibus colligeretur noluisse vt monasterium succederet; censendum est, quod monasterium excludit praefatas filias substitutas, per ea multa, quae colligi possunt ex locis supra citatis, quod valetudo infirma nobis facere non permittit. Salua, &c.

S V M M A R I V M.

- 1 Incerta personae de certis per tertium eligenda relictum non dicitur captatorium, sed tenet; est tamen conditionale: ita vt non facta electione, omnibus debeatur; ea autem facta, soli electo totum, alijs penitus exclusis, acquiritur.
- 2 Captatoria dispositio, per quam institutio, legatum, & fideicommissum in voluntate alterius tertij relinquitur, non tenet: talis tamen non est, immo tenet, quando tertio solum est data facultas ex certis incertum eligendi, puta vnum de tali familia. num. 3. & num. 1.
- 3 Eligere qui ex certis vnum quem malit potest, qui legatum, vel hereditatem dadam, vel restituendam capiat, taliter nominato, non potest onus aliquod imponere, nisi sic nominatum grauet, vt alteri ex dictis certis, puta alteri pauperi, vel alteri de familia vocatis restituat. num. 5.
- 4 Vtile per inutile, si sint separabilia, non vitatur. vnde qui tenetur aliquem ad legatum simpliciter nominare, licet non possit nominato, num. 2. nec cui tenetur restituere, num. 4. onus imponere; si tamen imponat, tenet nominatio, & restitutio, reiecto onere. num. 4.
- 6 Grauat post mortem alteri nominato restituere, si superuiuat nominato, liber a dicto onere remanet, nec heredibus nominati ad aliquid tenetur.

C O N S I L I V M XIV.

PRAESVPPONITVR in facto, quod testator habens filiam, & ex ea inter alios tres nepotes, Ferdinandum, Petrum, & Franciscum, & quadam capellam dotatam cum onere vnus Missae singulis annis, ordinauit, vt eius gener & filia, quicumque ex eis vltimus decessisset, nominare deberet vnu ex dictis tribus nepotibus, qui sibi magis placuisset, qui haberet dictam capellam, & eius bona, & alij non nominati illam non possent habere: & defuncto genero, superstiti filia, illa nominauit ad dictam capellam Franciscum vnum ex dictis tribus, & casu quo ipse decederet sine liberis, quod dicta capella perueniret ad Ferdinandum similiter vnum ex dictis tribus filiis, nulla facta

facta mentione de Petro tertio filio. Defunctus est Ferdinandus, relicto Ludouico eius filio: & deinde defunctus est Frāciscus sine filiis, qui in eius testamento instituit heredem Ludouicum filium Ferdinandi, & iuxta formam testamenti patris sui & aui nominabat ad dictam capellam prædictum Ludouicum, quatenus haberet facultatem nominandi. Nunc Petrus superstes ex dictis tribus nepotibus prætendit dictam capellam ad se pertinere, & nominationem factam de dicto Ludouico filio Ferdinandi non valere. Quare dubitatur, quis eorum, scilicet, Ludouici, & Petri, teneat ius.

Et breuiter omiſſis superfluis more Rom. concludendum est, Ludouicum debere obtinere. Et pro fundamento in primis præmittenda est communis conclusio omnium, istam dispositionem factam per dictum testatorem, in qua fuit data facultas genero & filię nominandi vnum ex tribus filiis, esse validam & non captatoriam; quia data fuit electio incertę personę de certis; quo casu valet; quia non facta electione omnes essent vocati, iuxta tex. in l. cum quidam. & l. vnum ex familia. cum tribus. §. seqq. ff. de leg. 2. vbi Bart. & omnes scriben. l. vtrum. §. cum quidam. ff. de reb. dub. vbi omnes tradunt, Paris. consil. 38. col. 1. & num. 31. & 32. volum. 3. vbi latissime multos congerit. & talis dispositio dicitur conditionalis, antequam sit facta electio, & nominatio: & facta electione expirat conditio, & ceterę conditiones deficiunt; quia est adimpleta voluntas testatoris: ita inquit textus in d. l. vnum ex familia. §. 1. & §. si itaque. & ibi Paul. de Cast. & Bald. & Paris. d. consil. 38. num. 5. d. l. cum quidam. ff. de legat. 2. Vnde cum in casu nostro filia secundum facultatem sibi concessam nominauerit Frāciscum, statim facta nominatione, & secuta morte filię, dicitur adimpleta & purificata conditio, & ius fuit acquisitum ipsi nominato; & alij duo, scilicet Ferdinandus, & Petrus, remanserunt exclusi.

Super hoc facto, & responso cuiusdam excellentis. V. I. D. quæritur à Dominatione tua quid sentiat?

RESPONDEO, quod conclusio consulentis eruditissimi proculdubio videtur esse iuridica, & solide fundata rationibus ei subiectis: & ad maiorem redundantiā, & explicationem, considerari potest, quod ea quę propono, nihil ei profunt. Pro illo enim solum possunt facere duo: Primo quidem, quod tam legatum, vel fideicommissum captatorium, quam institutio captatoria, siue relicta in voluntate alterius, sunt inualida, l. illa institutio. cum glossa, & l. captatorias. ff. de hered. instit. & l. captatorias. C. de testa. milit. & quod facultas illa data filię & genero nominandi vnū de filiis suis videtur fuisse captatoria, quia fuit collata in volūtatē alterius. Secundo, quod nec filia, nec gener habuerunt facultatem nominandi vnum ex filiis cum grauamine nominandi aliquem, sed solum simpliciter nominandi; & quod consequenter filia nominans Franciscum cum onere nominandi Ferdinandum, si decederet sine liberis, excessit facultatem sibi datam; & ita non valuit quod egit, arg. l. fin. ff. de iurisdict. omnium iud. & cap. 2. de constit. lib. 6. & qui non vult facere quod potest, & vult facere quod non potest, nil videtur facere, cap. cum super de offic. deleg.

3 Sed ad primum horum respondetur, quod licet substantia institutionis legati

legati vel fideicommissi non possit in arbitrium alterius conferri, vt iura prædicta declarant; electio tamen incertæ personæ de certis, vel de certo genere personarum, vel familiæ, potest in arbitrium & voluntatem alterius conferri, l. si quis Titio. §. 1. & l. cum quidam. 2. & l. vnum ex familia. ff. de leg. 2. adeo quod Bart. communiter receptus in theoria & praxi determinat in d. l. illa institutio. valere institutionem pauperum, quos elegerit Titius: & certum est valere legatum relictum alicui de familia, cui vel quibus hæres volet, d. l. vnum ex familia. §. sed & si fundum. ff. de leg. 2.

4. Ad secundum autem respondetur primo, concedendo, quod qui grauatur restituere simpliciter aliquid alicui, non potest illum grauare regulariter vt restituat illud alij, nec aliquid eiusmodi imponere: sed negando, quod restitutio facta cum onere non valeat quo ad satisfaciendum facultati de restituendo; licet oneris additio non valeat: quia hæres vel grauatus restituere aliquid simpliciter, si restituerit fideicommissario onere aliquo adiecto, satisfacit obligationi restituendi; licet onus adiectum non valeat, nec fideicommissarius teneatur illud acceptare, nec adimplere, vt est casus in d. §. sed & si fundum. vbi hoc clare sentit Bar. & latius expressit Pau. Castr. Vnde & praxis totius orbis habet, quod qui habet primogeniū, vel maioratū restituendū alteri, si restituit illū adiecto onere aliquo, satisfacit obligationi suæ, licet ille non teneatur acceptare onus, nec acceptet: cuius ratio radicalis est illa regula de reg. iur. lib. 6. vtile per inutile nō vitari. qd̄ est verū, quando alterū ab altero est separabile, vt in casu nostro, in quo onus adiectū est separabile à restitutione, cui adijcitur, vt palū est.
5. Secundo responderi potest, quod licet regulariter grauatus de restituendo aliquid alicui de familia non possit grauare illum de restituendo alteri: fallit tamen, quando grauatus restituere vni de familia, vult grauare illum de restituendo alteri eiusdem familiæ, vt colligit singulariter Bart. in d. l. vnum. §. sed & si fundū. nu. 2. inferens ex hoc, quod exequutor, qui deputatur ad eligendos pauperes, potest eligere vnum cum onere restituendi alteri pauperi: & in casu nostro filia testatoris, quæ nominauit Franciscum vnum de filiis suis, grauauit eum de restituendo Ferdinādo alteri filio suo,
6. qui erat vnus de tribus, quorum vnus erat nominandus. Tertio etiam potest responderi, quod onus adiectum Francisco extinctum fuit per mortē Ferdinandi & sic nominatio remansit pura, & capella sine aliquo onere apud Franciscum grauatum restituere Ferdinando, iuxta tex. in l. qui liberis. §. hæc verba. & l. sed & si plures. ff. de vulg. & pup. l. quibus diebus. §. quidam. ff. de cond. & demonstrat. & in terminis Fabianus de Monte in consil. 149. num. 18. cum seq. inter consilia vlt. volunta. vbi mater, quæ fuit grauata restituere filio post mortē, si filius præcedat, hæreditas remanet penes matrem, ac si pure & sine aliquo onere fuisset relicta, quia deficit conditio, & fideicommissum conditionale non transmittitur ad hæredes, nec etiam ad liberos, iuxta glo. in l. 1. C. de fil. qui ante aper. tab. vbi Bartol. & alij omnes glo. in l. feudum mei. §. cum ita. ff. ad Trebell. vbi Alexand. dicit quod omnes sequuntur illam gloss. Soc. consil. 17. num. 30. vol. 1. Fabia. de Monte d. consil. 149. num. 16. Calder. consil. 35. de testamen. Salua. &c.

- 1 Rei suæ quilibet est moderator.
- 1 Rei suæ traditioni potest quis legem, & modum, qui nec turpis, nec impossibilis sit, adicere.
- 2 Vxor nubendo nobili fit nobilis.
- 3 Filius quo ad honores & nobilitatem non sequitur conditionem matris, sed patris.
- 4 Nobilis est ex patre nobili natus, etiam si ignobili matre.
- 4 Definitio debet convenire definito, ita ut de quocumque dicitur definitum, dicatur definitio.
- 5 Genus proprie dicitur de omni sua specie.
- 6 Natus ex patre tantum nobili secundum l. regiam, est quidem nobilis, non tamen ita, ac si esset etiam ex matre nobili natus.
- 6 Iura iuribus conciliari expedit, & ita unam legem intelligere, ut sibi non contradicat.
- 7 Natus ex utroque parente nobili, secundum stylum curiæ, & communem usum, maioris fit ceteris paribus, & magis dignus gratijs, quam natus ex altero tantum nobili.
- 7 Duo vincula fortiora sunt uno.

CONSILIVM XV.

MAIORATVM, seu primogenium vir & vxor instituunt, & filios filiasque ordine nominant, tali scilicet vinculo, ac conditione. Nemo, aiunt, ex nostris filijs, ac filiabus, seu quivis alius successor ad dictum maioratum nominandus possit ducere uxorem, quæ non sit suæ qualitatis nobilis, ac generosa, quales vos estis, nec quæ sit descendens ex novis Christianis: sed qui contra fecerit, exclusus sit à dicto maioratu.

Dubitatur nunc primo, an si vnus ex istis nominatis ducit uxorem talem, erit exclusus ab isto maioratu.

Secundo, si vnus ex nominatis ducit uxorem mulierem, cuius pater fuit nobilis, & fidalgus ex primarijs, sed mater non ita nobilis, vtrum iste satisfecerit supradictæ clausulæ, ut possit succedere.

Tertio, si de isto nominato, qui ita nupsit, probaretur patrem suæ matris fuisse fidalgum, & matrem illius ignobilem, an sufficeret ad succedendum iuxta præfatam clausulam.

Quarto dubitatur; si id non haberet locum, vtrum si filius nominatus, qui ita nupsit, filios procrearet, poterunt succedere, cum ipse natus sit ex patre fidalgo, & matre fidalga: & si hoc locum habet, vtrum filius poterit petere successionem vivente patre.

Cuperem mihi declarari intellectum l. 3. tit. 21. par. secunda, quæ de hoc loquitur.

- 1 **AD PRIMAM IGITUR QVAESTIONEM** respondeo, quod pro parte negante, nempe quod non excluderetur, faciunt illa multa, quæ à quibusdam traduntur contra statutum ecclesiæ Tolentanæ, & alia similia multarum ecclesiarum, multorumq. collegiorum, quibus à beneficijs,

beneficijs, & locis, & receptionibus eorum excluduntur trahentes originem à gente Iudæorum, & Sarracenorum. Illa enim sicut applicantur ad impugnandum præfata statuta, ita etiam possent applicari ad impugnandam huiusmodi primogenij ordinationem.

Pro parte vero affirmante possent adduci omnia, quibus præfata statuta defenduntur, & quod quilibet est rei suæ moderator, iuxta l. sed & si. 4. consuluit. ff. de pet. hæred. & l. in re mandata. C. de mand. & quod traditioni rei suæ potest quis legem & modum, qui nec turpis, nec impossibilis sit, adijcere; & quod hæc adiectio non est turpis, nec impossibilis magis quam præfata statuta, immo nec tantum, per ea, quæ pro illis adducuntur, per quæ & alia videtur tenenda pars affirmatiua huius primæ quæstionis.

2 AD SECUNDAM respondeo, quod videtur satisfacere: quia vxor nubendo nobili fit nobilis. l. mulieres maritorum bonore erigimus, & genere nobilitamus, & forum ex persona reorum statuimus. C. de dign. lib. 12. quæ ad literam repetitur l. ult. C. de incol. lib. 10. cum alijs multis vsque ad nauseam citatis per Tiraquel. de nobilitate cap. 8. in princip.

3 AD TERTIAM respondeo, quod videtur impertinens ad clausulã supra in quæstione proposita insertam: quia clausula solum tractat de his, cum quibus debent contrahere matrimonium illi, qui ad præfatũ primogenium vocantur; & nihil disponit de his, qui sunt ad præfatum maioratũ vocandi: quæstio vero agit de vocandis ad illum, quod decidendum est per alias clausulas maioratus disponentes de his, qui sunt vocandi, quas ego minime noui, neque in superscripto facto narrantur. Certum autem est, quod si cum hoc, de quo quæritur, cõtraheret matrimonium illa, quæ esset vocata ad præfatum maioratum, perderet illum; quia is non est nobilis, eo quod pater matris eius esset nobilis etiam valde, nisi pater quoque talis esset: quia filius quo ad honores & nobilitatem non sequitur conditionem matris, sed patris, argum. l. exemplo. C. de decurio. lib. 10. vbi Bartol. & Angel. notant, & Felin. cap. nouit. num. 2. de iudic. & Benedict. Raynuntius de testam. in princ. & multi alij, quos vsque ad nauseam refert Tiraquel. de nobilit. cap. 18. num. 20.

4 AD QUARTAM respondeo idem, quod ad tertiam, nempe quod est impertinens ad clausulam in narratione facti propositam; quoniam illa disponit solum de personis, cum quibus tenentur contrahere matrimonium illi, qui vocantur ad præfatum maioratum; & quæstio hæc quarta quærit de quibusdam personis, an debeant succedere in maioratu. Et præterea hæc quæstio videtur loqui de illa eadem persona, de qua loquitur quæstio tertia, & videtur secum pugnare: quoniam quæstio tertia loquitur de illo, cuius mater erat nobilis, significando quod pater non erat talis; hæc autem quæstio loquitur de persona, cuius pater & mater erant nobiles. Verumtamen pro comperto habeo, quod si pater non posset succedere, nec filij eius possent, argum. l. fin. C. de natur. liber. nisi ex clausulis primogenij aliud colligeretur.

5 AD DESIDERIVM autem noscendi verum intellectum l. 3. tit. 21. par. 2. respondeo primo non abs re id desiderari quo ad illam partem,

Conf. Nauar. Pars I,

Vu quæ

quæ habet, natum ex fidalgo, & villana, esse quidem fidalgum, non tamen nobilem; & quod gloss. ex illis verbis ibi colligit non dici nobilem, nisi qui ex utroque parente est nobilis; cuius tamen contrarium est verum, ut supra in secunda quaestione diximus, nempe quod natus ex nobili patre, & ignobili matre, est nobilis. Tum quia est conclusio à plerisque omnibus recepta. Tum quia etiam probatur per principium eiusdem l. 3. quatenus definit fidalguam esse *nobleza*, que viene por linage. Cum ergo omnis definitio debeat convenire definito, ita quod de quocumque dicitur definitum, debeat dici definitio, secundum omnes; & per ipsam l. 3. natus ex patre nobili, & matre ignobili, sit fidalgus, & habeat fidalguam; necessario consequitur quod est nobilis, & habet nobilitatem. Tum quia id ipsum probatur per l. 2. eiusdem tituli 21. quatenus habet, quod omnis fidalguia est gentilezza, & præsupponit quod omnis gentilezza est *nobleza*. Cum ergo natus ex patre nobili, & matre ignobili, sit gentilis, erit quoque nobilis. Tum quia præfata l. 3. non solum probat huiusmodi fidalgum esse nobilem, sed etiam esse proprie nobilem: quia in una parte probat quod fidalguia recte definitur esse nobilitas ex genere proveniens; & in altera parte probat, quod genitus ex patre nobili, & matre ignobili est fidalgus, & habet fidalguam. Cum ergo prædicta definitio constet ex illo verbo, *nobleza*, quod ponitur pro genere, & ex alijs, quæ ponuntur pro differentia, ex quibus duobus debet constare bona definitio, iuxta l. 1. ff. de testam. l. 1. §. dolum. ff. de dolo. & notata utrobique per Bart. communiter recept. consequitur quod verbum, *nobleza*, est genus ad fidalguam. cui consequens est, quod omnis fidalguia est proprie *nobleza*, & omnis fidalgus proprie nobilis: & consequenter cum per dictam l. 3. fidalgus, de quo loquimur, sit species nobilis, proprie dicitur talis; quoniam genus proprie dicitur de omni sua specie, secundum Bald. communiter receptum.

6 l. 2. C. de iure aureo. annu. Respondeo secundo, ex prædictis inferri, quod illa l. 3. non satis recte intelligitur à sua gloss. quatenus ait solum dici nobilem illum, qui ex utroque parente est talis; neque ita intelligendum esse, ut velit dicere natum ex patre tantum nobili non dici proprie nobile; quoniam per prædicta concluditur quod ipsamet l. 3. probat contrarium. Quare dicendum est verum intellectum illius legis esse, quod natus ex patre tantum nobili est quidem nobilis, sed cæteris paribus non adeo, ac si esset etiam ex matre nobili natus. Pro quo modo intelligendi facit, quod expedit iura iuribus conciliari, cum expediat. de elect. lib. 6. & ita intelligere unam legem, ut sibi ipsi non contradicat, nec secum pugnet. Et prædicta l. 3. sibi contradiceret, secumque pugnaret, nisi sic intelligatur.

7 Tum denique quod stylus Curie, & communis usus totius orbis habet, quod maioris habeatur, cæteris paribus, natus ex utroque parente nobili, quam natus ex altero tantum tali. Et ita ad movendum Papam ad concedendum gratiam, dicitur in libellis supplicibus, quod orator est nobilis ex utroque parente. Et facit, & merito, quod duo vincula fortiora sunt uno. cap. 1. de treug. & pac. Authent. itaque communia. de success. ab intest.

SUMMARIUM.

1. *Hæres, cui testator, etiam pro exoneratione suæ conscientie, mandauit, ut faceret quod confessarius vel alter diceret, non tenetur credere tali petenti sibi aliquid clam restituendum dari, nisi aliunde præsumatur de eo quod petitur testatorem sensisse. num. 4. Sed nec confessarius potest cogi ut secreta reuellet. num. 3.*

1. *Captatoria voluntas non tenet: fallit in pia causa.*

2. *Vnius dicto ut credatur, is potest mandare, cuius solius dicto stare cogimur.*

2. *Legatarij persona cum non est omnino expressa, vel certa, illi debet solui, de qua verisimilius est testatorem sensisse.*

CONSILIUM XVI.

CLERICVS quidam, posteaquam in suo testamento grauauit hæredem ad instituenda vel facienda certa anniuersaria, reuocauit illud onus, & adiecit aliud, scilicet ut faceret illa, quæ confessarius eius ei diceret pro satisfactione obligationum, quibus tenebatur. Quo mortuo, hæres volens adimplere voluntatem defuncti, petijt à confessario, ut diceret ei, quæ pia opera iusserat facere testator; & ille respondit, ut traderet ei 400. scuta, ut ipse faceret ex illis, quæ sibi secreto commiserat testator.

1. *Queritur, an hæres teneatur ei credere, & tradere prædicta 400. Et pro parte negante facit primo, quod voluntas captatoria non valet, l. captatoria. ff. de hæredib. instit. & prædicta voluntas testatoris videtur esse captatoria, quia pendet à voluntate tertij, iuxta l. illa institutio. ff. de hæred. instit. Secundo, quod non videtur hæres teneri ad credendum confessario: vnde Bart. in l. si ita scripsero. ff. de condict. & demonstr. dixit hæredem non teneri ad soluendum legatum inuentum scriptum in manu guardiani, ad quod se remittebat testator, nisi constaret illam schedulam esse testatoris: ergo nec consulens tenebitur soluere quod dicit confessarius, nisi testator id ei dixisset. Tertio, quod testator qui relinquit aliquid dandum illi, cui voluerit dare Titius, videtur tacitum fideicommissum in fraudem legis relinquere, l. Lucius. §. final. ff. de legat. 1.*

2. *Pro parte autem affirmante facit primo l. Theopompus. ff. de dote præl. quatenus habet standum esse dicto illius, cui stari voluit is, cuius solius dicto & dispositioni standum esset. Secundo, quod l. quem hæredi. ff. de reb. dub. probat hæredem, cui dixit testator, dato aliquid ei, cui dixerò tibi, teneri ad dandum ei, de quo testatorem intellexisse aliqua coniectura constiterit: vbi dicit Bartol. quod si testator reliquerit mille alicui, ut dentur ab illo illi, quem dixerit legatario & hæredi, si eo mortuo disenserit hæres, & legatarius, danda esse illa vni ex nominatis, qui verisimilius creditur fuisse nominatus à testatore; & ita creditur vni, etiam contradicente altero, propter verisimilitudinem. & in casu proposito disponentis dicto standum erat, qui insit, ut staretur dicto alterius, qui dicit 400. scuta esse danda sibi ad quædam opera pia secreta:*

Vu 2 ergo

ergo standum est dicto eius, cum nemo possit dicere contrarium. Tercio, quod dispositio captatoria ad pias causas valet, cap. cum tibi. & ei adnota. de testam. vt Bart. in hac ipsa specie dicit in d. l. Theopompus. & in hoc casu agitur de relictis ad pias causas. Quarto, quod confessarius non potest cogi ad dicendum causas & personas, ob quas, & quibus danda sunt illa 400. argum. cap. omnis. de pœnitent. & remis. & cap. sacerdos. de pœnitent. distinct. 6.

His pro vtraque parte adductis arbitror heredem prædictum non teneri ad credendum dictis confessarij, nisi quo ad ea, quæ per aliquas coniecturas sunt verisimilia intentioni testatoris, per determinationem Bart. in d. l. Theopompus. quem sequitur Couarru. in dicto cap. cum tibi. sub finem. Tum quia non constat quod prædicta dispositio fuit facta ad pias causas, nec confessarius illas exprimit; & quia videtur dispositio in alterius voluntate collata etiam quo ad substantiam eius, & habet qualem qualem præsumptionem fideicommissi taciti in fraudem legis, iuxta d. l. Lucius. §. fin. & quod confessarius velit illa vel aliquot illorum sibi retinere; & denique quod non est standum eius dicto, nec alijs similibus, nisi quando per aliquas coniecturas dictum eius fieret verisimile, iuxta prædictam l. quem heredi. ff. de rebus dub. Salua, &c.

S V M M A R I V M.

- 1 Debitor occultus testatoris, qui animo compensandi fecit vt testator horum ignarus, minus quam decreuerat legaret, ab obligatione restituendi non liberatur.
- 1 Testari, & testari velle, diuersa.
- 2 Propositum in mente retentum parit abortum.

CONSILIVM XVII.

DELIBERAVIT quidam relinquere 200. in suo testamento cuidam famulo suo debenti ei 50. clam minutatim sublata; & antequam relinqueret, dixit eidem se id deliberasse; qui respondit se ob id gratias agere; sufficere tamen, vt sibi solum relinqueret 150. idq. fecit animo compensandi prædicta 50. sublata, quæ ex 200. sibi legandis remittebat. Testatore mortuo, & solum 150. legatis, quaesitum fuit an 50. quæ debebat famulus, possit retinere vltra 150. legata loco aliorum 50. quæ legasset defunctus, si ipse non impedisset.

- 1 Respondetur, teneri famulum ad soluenda heredi 50. quæ clam subtraxit, si receperit 150. sibi legata. Tum quia velle testari, vel legare, non est testari, neque legare, arg. tex. cum gl. in l. in vendentis. C. de contrahen. emptio. & ita non fuerunt ei legata 200. Tum quia licet mutare vltimam voluntatem vsque ad extremum vitæ exitum, cap. cum Marthæ. de celebr. Missa. & cap. vltima voluntas. 13. q. 2. & ita quamuis legasset, potuit mutare illam voluntatē vsque ad mortē, quod & fecit. Tum quod constat testatorem noluisse relinquere plusquā 150. tempore quo legauit: & si prædictus famulus acciperet 150. & retineret ea cū alijs 50. subtractis, retineret 50. vltra

ultra contenta in legato, quod non licet. Tum quia si famulus posset retinere illa 50. cum 150. legatis, censeretur testator reliquisse 200. legando 150. & remittendo 50. cum remittere sit dare, c. veniens. il. 1. de testib. quod est absurdum dicere. Nec prodest quidquam illud bonum propositum, quod habuit famulus, quia fuit occultum vti mentale ipsi testatori, & propositum in mente retentum parit abortum, l. si repetendi. C. de condict. ob causam. cum multis allegatis ibi per gloss. Salua, &c.

DE SVCCCESSIONIB. AB INTESTATO.

S V M M A R I V M.

- 1 Statutum, quod vxore mortua sine liberis, vir lucretur partē dotis, non habet locum, si moriatur matrimonio non consummato.
- 1 Maritus pauper partem dotis lucratur, si vxor diues ante copulam obiit.

C O N S I L I V M I.

QVAERITVR, an quando coniux diues ante copulam carnalem, & post matrimonium per verba de præsenti contractum moritur, maritus lucretur partem dotis per auth. præterea. C. vnde vir & vxor.

- 1 Respondeo, plurima posse adduci pro vtraque parte quæstionis, quæ congerit Felin. in rubr. de sponsalib. super statuto, vt vxore mortua sine liberis maritus lucretur certam partem dotis, an habeat locum in vxore mortua ante matrimonium consummatum.

Licet autem Felin. ibi teneat communioem & verioem esse partem negatiuam, & multis videri poterit idem dicendum esse de negatiua huius quæstionis, quod de negatiua illius: ego vero in præsentia magis inclino in partem affirmatiuam huius; ea ratione, quod præcipua ratio, qua Panorm. ibidem citatus sequitur negatiuam illius, cessat in negatiua huius, & quod agatur hic de fauore pauperis successuri pro parte in hereditate vxoris diuitis, & prouisione legali pietatem magis præferente. Salua, &c.

S V M M A R I V M.

- 1 Spurijs natis ex damnata copula, puta ex sacerdote, ab intestato non succedunt nec parentes, nec econtra, nec etiam fratres. num. 2. itemq. nec ex testamento. num. 3. & 4. nisi fuissent legitimati; quia tunc iuxta modum legitimationis successio attenditur. num. 4. in spurijs autem non ex damnata copula, sed vulgo quæsitis conceditur successio. num. 2.

C O N S I L I V M II.

- 1 **A**D SEQVENTES quæstiones respondeo: Ad primam, præsupponendo, quod quando filius sacerdotis fuit in sacerdotio, vel in sacro ordine genitus, & consequenter ex damnato coitu natus, pater nihil de:
 Conf. Nauar. Pars I. Vu 3 bonis

bonis filij habere potest: quia filijs spurij ex damnato coitu natis non succedunt parentes, nec econtra parentibus ipsi spurij, auth. quibus modis nat. eff. sui. §. illud. versiculo, vltima siquidem. collat. 7. tradit Panorm. in cap. tanta. num. 13. qui filij sint legitimi. Nicolaus Vbald. in tract. de successione ab intest. 1. par. num. 45. qui expresse definiuit etiam fratres non succedere fratribus spurij ex damnato coitu natis, licet secus in spurij vulgo quæsitis, vt definiuit gloss. recept. in authent. si quæ illustris. C. ad Orificianum, & in §. nouissime. instit. eod. & in d. §. illud. d. authent. quibus modis nat. eff. sui.

3 AD SECVNDAM respondeo, quod sicut, vt prædictum est, spurij ex damnato coitu nati non succedunt suis parentibus, nec econtra ab intestato, ita nec ex testamento, dicente Bald. in authent. licet. C. de naturalibus lib. quod sicut non potest pater filium suum spurium instituere, ita nec filius parentem: & consequenter prædictus filius non potuit tertiam partem relinquere matri, nec filia eius debet habere aliquid ex ea, ratione huiusmodi ordinationis.

4 AD TERTIAM, quod ex prædictis inferitur, nihil de bonis prædicti filij deberi suo patri, nec suis fratribus, nec sororibus, & quod tertia, quam reliquit matri, est impendenda operibus pijs, scilicet monasterio S. Francisci. Quæ tria responsa intelligenda sunt præsupponendo, quod prædictus filius, de quo loquimur, non fuit legitimatus eo modo, quo cõmuniter legitimantur filij præsertim spurij ex damnato coitu nati, quorum legitimations sunt in effectu quædam dispensationes, per quas habilitantur ad succedendum parentibus, vel ad capiendum inter viuos ab eis aliqua interdum ex testamento tantum, interdum etiam ab intestato: nam si esset ita legitimatus, vt esset restitutus natalibus, & factus omnino legitimus, paulo aliter esset respondendum, iuxta §. fin. auth. quibus modis nat. eff. sui. & iuxta legem 2, 3. & 4. ff. de natal. restitut. sed difficile & raro fit hoc, vt in simili in d. l. 2. Salua, &c.

S V M M A R I V M.

- 1 Clerico Romæ ab intestato morienti nec in fructibus ex beneficio receptis succedit Camera: vnde non illi, sed proximioribus, si reperiri possunt, alioquin pauperibus sunt restituendi. num. 2.
- 2 Aliena etiam alienigenæ & ignoti defuncti qui habet, prius inquirat de defuncti patria & propinquis; quibus non reperiis, deducto eo quod sic inquirendo expendit, reliquum pauperibus, & non prius distribuat.

CONSILIVM III.

VIDAM clericus obiit in Curia ab intestato, datis mutuo cuidam suo amico nonnullis pecunijs de redditibus suorum beneficiorum. Quæritur, cui teneatur is mutuarius illas restituere.

- 1 Respondeo, quod præfatus D. consulens non debet restituere illas Camera

merz Apostolicæ per partem bullæ Iulij III. à nobis translata in tracta. de spolijs super cap. non liceat Papæ. 1. 3. quæst. 2. §. 6. in principio.

2. Secundo, quod tenetur restituere hæredibus eius : illis enim debentur bona clerici morientis ab intestato Romæ per dictam bullam Iulij III. quæ in hoc consonat iuri communi, auth. de hæred. ab intest. collat. 9. & instis. de hæred. ab intest. veni. Tertio, quod si ignorat hæredem eius, debet inquirere cuius esset patriæ, & si erat ei pater, vel mater, frater, vel soror, & his deficientibus alius proximior gradu, & restituere illa huiusmodi proximiori, deductis impensis, si casu oportuerit facere in inquisitione huiusmodi. Quarto, quod non sufficit restituere illa pauperibus, vel pijs locis, nisi casu quo non inueniretur aliquis hæres, quod non est credibile: si autem, per debitam diligentiam adhibitam nullus inueniretur hæres, tunc deberet restituere illa pauperibus, vel alijs operibus pijs, cap. cum tu. adiuncta gloss. de vsur.

S V M M A R I V M.

1. Extraneus Iulij III. qua statutum est, ne debita, nec legata pia facta à beneficiario tempore infirmitatis solvantur ex fructibus nondum exactis, subdura visa fuit, nec habet locum ubi semel tantum collector spoliorum fuit deputatus. num. 3.
2. Favorabilis censetur illa lex & dispositio, per quam res reducitur ad pristinam suam naturam.
3. Consuetum ad hoc ut quid dici possit, necessario requiritur quod saltem bis fuerit factum: idem de solito contra Bart. probat Decius. fallit in illo unico actu, qui sortitus effectum causam habens successivam, multo tempore continuavit.

C O N S I L I V M I V.

BENEFICIARIUS quidam in terris, ubi tantum semel collector Apostolicus positus fuit, obiens mortem, reliquit multa debita, & multos fructus sui beneficii inexactos. Quæritur an ex eis possit creditoribus satisfieri.

1. Extraneus fe. re. Iulij III. publicata anno 1550. mense Iunio perdura visa fuit multis iam inde à principio promulgationis eius, ut dixi in tractatu de reddit. eccles. q. 2. mon. 26. num. 4. ita quod arbitror non fuisse receptam in Gallijs, nec etiam in Hispanijs, & minus extensionem eius, quam publicavit anno 1550. mense Augusto, qua statuit ne soluerentur debita beneficij contracta, neque legata pia tempore infirmitatis facta, ex redditibus nondum exactis.
2. Ex hoc sequitur, constitutionem, quæ illas tolleret, vel limitaret, dignam fore favore, quia per eam fieret reuersio rei saltē ex parte ad suam pristinam naturam, quod est favorabile, cap. ab exordio. 35. dist. 1. si unus. §. pactus ne peteret. ff. de pact. & consequenter tertiam præfati Iulij extraneæ publicatam anno 1551. mense Iunio, quæ limitat illas ne habeant locum

in terris vbi non consueuerunt à S. Sede Apost. poni collectores, videtur esse fauorabiliter interpretandam.

Quo fit, vt videatur resoluendum, quod in casu praesenti nō habeant locum praefatae duae constitutiones. Tum quia tamquam exorbitantes à iure communi debēt restringi. reg. quae à iure. lib. 6. Tum quia per hoc res in sua pristina natura conseruatur, quod est fauore dignum, vt praedictum est. Tū quia non fuit in loco praefato nisi semel positus collector: & ita non potest dici quod ibi consueuerunt poni collectores: quia ad hoc vt aliquid dicatur consuetum, est necessarium quod saltem bis sit factum, secundum omnes per l. 3. C. de episcop. audien. immo etiam ad hoc vt dicatur solitum, vt efficaciter probat Philipp. Decius in rubr. de consuet. contra Bar. in l. item mala. ff. de alim. & cib. & leg. Tum quia verba praefatae tertiae extrauagantis concipiuntur in numero plurali ibi, *In quibus collectores praefati deputari, seu esse non consueuerant.* & pluralis locutio saltem duo requirit, cap. pluralis. de reg. iur. lib. 6. cum concordant. Tum denique quod licet vnus actus sortitus effectum habens causam successiuam, multo tempore continuatus faciat dici rem consuetam, iuxta textum singularem in cap. cum de beneficio. de praeb. lib. 6. constitutio tamen collectoris, de qua in casu proposito, non fuit sortita effectum, neque continuata, vt in facto proponitur. &c.

S V M M A R I V M.

- 1 Clericatus ad hoc vt dicto vnus probetur, requiritur vt deponat se vidisse illum ab Episcopo ordinari; sed nec sufficit, si agatur de tertij praedictio: sed & coniectura procedens ex eo, quod pileum clericorum gestaret, & cantaret in choro, est debilis, cum multi laici id faciant. num. 4.
- 2 Clericus in minoribus non beneficiatus licite potest exercere ea omnia, quae licent laicis: immo & in sacris constitutus, ad se & suos honeste sustentandum, potest aliquam honestam exercere negotiationem. Vnde nec bona, quae sic quaesita morientes relinquunt, sunt spoliū Camerae Apostolicae reseruatū. num. 3.

C O N S I L I V M V.

N. PRAETENSVS clericus negotiationem ad se suosque sustentandum exercendo aliqua bona mobilia & immobilia sua industria sibi comparauit: post cuius mortem spoliū commissarius praetendit illa esse spolia, & consequenter ad Cameraam pertinere; probando per vnum testem, qui erat praedicti N. inimicus, ipsum fuisse clericum, & per alios multos, quod gestare solebat pileum rotundum, & canebat in choro ecclesiae. Quæritur, quid iuris.

- 1 Quod bona praefati praetensi clerici non sint spolia, neque ex eis debeant illa colligi, facit primo, & quidem peremptorie, quod non probatur fuisse clericus, vt in facto proponitur: quandoquidē nullae literae suae ordinationis ostenduntur, nec ex confessione ipsius, qui iam mortuus est, potest id constare: & quod solus vnus testis dicitur id affirmare, quod nihil prodest. Tum quod

quod oportet vt dicat se vidisse illum ordinari ab Episcopo, quod raro contingit in ordinatione primæ tonsuræ. Tum quod dicitur esse inimicus; & ita non est ei credendum, cap. cum P. de accusat. cap. per tuas. de simon. Tum quod testimonio vnus, quantæcumque sit dignitatis, in præiudicium tertij non creditur, cap. cum à nobis. de testibus.

- 2 Secundo, quod omnis clericus nondum ordine sacro initiatus, & carens beneficio, potest sine vlllo peccato exercere omnia illa, quæ potest laicus, vt tradit Panorm. in cap. 1. & 2. de postulan. & nos latius declaramus in Manu. confess. cap. 25. num. 210. at præfatus assertus clericus nullo sacro ordine erat initiatus, neque beneficiatus: ergo potuit negotiari, mercari, ferre arma, & facere alia, quæ alius laicus; & consequenter non possunt eius bona capi ratione negotiationis: & certe in Hispania & Gallia Reges defenderent illum, ne vocaretur super hoc ab vlllo iudice ecclesiastico.
- 3 Tertio, quod etiam clericus in sacris constitutus potest exercere negotiationem alias honestam, ad se & suos honeste sustentandum, iuxta gloss. in cap. peruenit. 87. dist. quam etiam nos ad hoc citamus, & sequimur vbi supra: & in facto præsupponitur eum vsum fuisse aliqua viuendi arte honesta ad se suosque sustentandos, ergo &c.
- 4 Quarto, quod debilis coniectura est gestatio pilei rotundi ad probandum clericatum: cum plurimi laici etiam coniugati illum vbique gentium deferant, præsertim ij, qui sunt cursores, & in choris ecclesiarum solent officia diuina cantare; quod fecisse, dum viueret, præfatum clericum in facto proponitur. Salua, &c.

S V M M A R I V M.

- 1 *Fiscus nec etiam in vita delinquentis aliquid consequi potest, si vltra fideicommissum concurrat alienandi prohibitio.*

C O N S I L I V M VI.

AN SVCCEDAT fiscus in bonis prohibitis alienari, si vsufructuarius damnatur propter maleficium patratum, & facinus cõmissum?

- 1 Respondeo, quod non, etiam quo ad vitam prohibiti, iuxta l. Statius. §. Cornelio. ff. de iure fisci. quia passim admittunt doctores, quod vbicumque vltra fideicommissum concurrat alienandi prohibitio, fiscus nec in vita delinquentis aliquid consequi possit, vt post Bart. Paul. Alex. & Ang. tradit Crotus in l. filiusfamil. §. diui. num. 36. Rip. num. 47. versic. item expressa. de leg. 1. Curt. Iun. in consil. 220. num. 11. Roland. conf. 98. num. 19. lib. 2. Peronius quest. 41. num. 5. Bossius de bonis publ. num. 34. in pract. crimina. Iul. Clar. testans de communi in sua pract. crimin. in §. fin. lib. 5. q. 78. versic. item quæro numquid in confiscatione. Alexan. in conf. 23. nu. 3. lib. 1. Ruin. conf. 124. nu. 5. lib. 2.

SUMMARIVM.

- 1 *Fructus beneficiorum inter successorem & predecessorem debent secundum communem diuidi, prout inter proprietarium & usufructuarium finito usufructu fit, seu inter fideicommissarium, & eum cui hereditas cedente die fideicommissi restituitur. num. 5. & sic predecessor debet habere fructus, qui reperiuntur collecti, vel coeperunt deberi ante eius obitum; reliqui spectant ad successorem. nu. 7. & hoc dummodo in loco non adsit alia particularis consuetudo, vel statutum. nu. 1. quia hæc sunt primo loco attendenda. nu. 4.*
- 2 *Anni initium varie secundum diuersas materias, regiones, & provincias computatur. & num. 6.*

CONSILIVM VII.

ANNO Domini 1571. de consensu bon. mem. Card. Vermien. fuit deputatus in episcopatu Vermien. auctoritate Apostolica cum futura successione coadiutor N. cui fuerunt reseruata omnia incerta iura, & emolumenta dicti episcopatus. Reliqui redditus certi, qui in censibus annuis & colonis dicti episcopatus certis anni festiuitatibus persolui solitis consistunt, per eundem Cardinalem, seu eius oconomum exigebantur, ut prius; & fuerunt exacti usque per totum annum 78. Demum, sicut Domino placuit, quinta Augusti anno 79. Cardinalis decessit.

Queritur, num census anni 79. qui proxime mēibus Septembris, Octobris, Nouembris, & Decembris exacti sunt, usque ad diem obitus pro rata parte Cardinali, vel eius heredibus debeantur.

- 1 Pro huius decisione præsupponendum primo, quod circa diuisionem fructuum beneficiariorum faciendam inter prædecessorē & successorem tres opiniones sunt. Prima communis, quam tenet glo. cap. si propter. de rescrip. lib. 6. prout habet Couar. lib. 1. cap. 15. var. resol. qui citat multos, qui apud eum videri possunt; quam etiam nos sequimur in tract. de red. eccles. quæst. 2. mon. 13. quæ habet diuisionem eorum esse ita faciendam inter eos, ac inter usufructuarium & proprietarium finito usufructu, de qua in l. si usufructuarius. ff. quib. mod. usufruct. amitta. Secunda est, quæ habet esse faciendam, ita ut debet fieri fructuum rerum dotalium inter maritum & uxorem facto diuortio, vel inter hæredes eorum; de qua traditur in l. de diuisione. & l. diuortio. ff. solut. matrim. Tertia, quam nos insinuauimus ubi supra, quod est facienda secundum statuta & consuetudines provinciarum, & episcopatus.
- 2 Secundo, quod annus fructuum, de quorum diuisione dubitatur, in variis regionibus vel provincijs varium principium habet: nam alicubi incipit à die Circumcisionis, alicubi à festo Diui Martini; & quod aliter incipit annus fructuum diuidendorum quo ad diuisionem faciendam inter virum & uxorem, vel hæredes eorum, facto diuortio; & aliter quo ad diuisionem fructuum diuidendorum inter prædecessorem & successorem beneficij: quo ad hanc enim incipit à die præstituto à lege, statuto, vel
- 3 consuetudine, licet varia variarum regionum; quo ad illam autem incipit

incipit

cipit à die traditionis fundi, vel prædij dotalis, vt patet ex l. præd. de diuisione. ff. sol. matr.

- 4 His præsuppositis, respondeo primo, quod constitutiones, siue statuta, & consuetudines prouinciæ, vel episcopatus Vermien. si quæ sunt, debent seruari, argum. cap. fin. de consuetud. & l. 2. C. quæ sit long. consuetud. & not. in cap. cum omnes. de constitu. & in l. omnes populi. ff. de iusti. & iur. & in l. de quibus. ff. de legibus. Secundo, quod cessante iure particulari, mihi videtur seruanda prima opinio, scilicet, quod debeat fieri diuisio fructuum inter præcessorem & successorem beneficij eo modo, quo est faciendâ inter vsufructuarium & proprietarium finito vsufructu, præd. l. si vsufructuarius. quibus mod. vsufruct. amit. vel etiam inter fideicommissarium, & eum qui restituit fideicommissum, cedente die restitutionis faciendæ, l. Herennius. ff. de vsur. & conseq. præfatus Illustrissimus attento solo iure communi deberet habere omnes fructus collectos, vel debitos ante suam mortem, & reliquos omnes successor eius, non habita ratione partis anni, qua vixit. Tum quia hæc est, vt dixi, communis fere omnium opinio. Tum quia, vt nos diximus vbi supra, nullus textus, nec vlla ratio cogit, vt discedamus ab ea. Tum quia rationi omnium fortissimæ, quæ pro secunda opinione fieri potest, nos ibi respondemus, & ob id discessimus ab opinione præfati Couar. & aliorum paucorum, qui dixerunt diuisionem præfatam esse faciendam instar diuisionis faciendæ inter virum & uxorem, vel hæredes eorum, facto diuortio.
- 6 Tertio, quod annus vario modo circa varias materias & varia proposita incipitur: nam annus, quem aliqui appellant legalem, & apponitur instrumentis notariorum, secundum vsum Romanum, & Hispaniæ, incipit à Natiuitate Domini, & in Gallia, & Anglia à die Annunciationis, vt tradit Specul. in titu. de instrumen. edict. colum. 1. Rota de cisione 3. & 4. de iud. in nou. & 17. eodem in antiq. & 2. de verbor. signifi. in antiq. Cum autem statuitur annus ad aliquid faciendum, computatur à die, quo potest, vel debet incipere illud, cap. cum sit Romana. de appell. l. ita vulneratus. ff. ad l. Aquil. & alijs similib. & quo ad diuisionem fructuum inter virum & uxorem, facto diuortio, incipitur à die traditionis fundi dotalis, l. de diuisione. ff. soluto matrimo. & quo ad diuisionem fructuum inter Episcopum vel alium habentem priuilegium accipiendi fructus primi anni beneficij vacantis incipit à die vacationis, vt dicit glo. in cap. si propter. verb. primi anni. de rescript. lib. 6. Quo ad diuisionem autem faciendam inter præcessorem & successorem beneficij non videtur iure communi cautum à quo tempore incipere deberet; immo nec videtur necessarium id inquirere, vel scire, secundum opinionem, quam sequimur, scilicet quod diuisio debeat fieri inter eos, ac inter vsufructuarium & proprietarium: quia secundum illam præcessor debet habere fructus, qui fuerunt collecti, vel coeperunt deberi intra tempus quo ipse habuit beneficium, & reliquos successor. Secundum autem alteram opinionem, quæ tenet illam faciendam, vt debet fieri inter virum & uxorem facto diuortio, debet incipere à die acquisitionis beneficij,

beneficij, vel vacationis eius, aut à die statuto per constitutionem, vel consuetudinem particularem, secundum quam, ut prædiximus, alicubi incipitur à Kalend. Ianua. alicubi à die omnium Sanctorum, vel Beati Martini: sed, ut prædixi, hæc inquisitio non est necessaria iure communi, secundum communem opinionem, quam sequimur, quam etiam in monit. 13. fuimus sequuti. Salua, &c.

SUMMARIUM.

1. *Fructus beneficiorum separati à solo, etiam non exacti, de iure spectant ad beneficiarium Romæ defunctum, & eius legitimos hæredes, quales in foro conscientie non sunt diuites, nec in utroque foro illegitimi: nec Episcopus de eis potest disponere: licet morientium extra Urbem sint iure communi reservati Camere Apostolicæ per bullam de spolijs. nu. 2.*

CONSILIVM VIII.

1. **A**D QVAESTIONEM respondetur primo, quod iure communi fructus beneficij collecti, vel à solo separati nondum exacti pertinent ad beneficiarium, vel ad iustos hæredes eius, & non ad dispositionem ordinarij, qui nihil potest disponere de illis ultra id, quod ei iure reservatur. Dixi, iustos hæredes: quales non essent illegitimi, ut statuit Pius V. in extrauag. quæ ordini. relata à nobis in comment. de spol. §. 19. num. 1. neque alij homines profani diuites quo ad forum conscientie, ut diximus ubi supra, super bulla Iulij III. §. 6. num. 3. & ita nihil potest de illis disponere ordinarius, neque Papa disponit: quia licet spolia pertineant ad eum iure communi, per bullam tamen prædicti Iulij III. spolia morientium in Romana Curia pertinent ad hæredes prædictos.

SUMMARIUM.

1. *Intellectus cap. 16. sess. 25. de regularibus. Concil. Trid.*
1. *Religionem ingressi, & ante professionem exeunti, vel morienti donata restituntur ex decreto Concilij Trid.*
1. *Monasterij non sunt bona morientis ante professionem.*

CONSILIVM IX.

AN DECRETVM Conc. Trid. sess. 25. cap. 16. de regular. dū disponit, quod monialibus abeuntibus ante professionem omnia restituantur, procedat etiam in morientibus ante emissam professionem; an vero, quæ data sunt, remaneant monasterio?

1. *Respondeo affirmatiue, quod illud decretum perinde habet locum in monachis morientibus ante professionem, ac in abeuntibus ante illam. Tum quia etiam moriētes dicuntur abeuntes, iuxta illud Terentij in Phormione, ea mortem obiit, & de medio abiit. Tum quia eadem ratio est de abeunte per*

per mortem, & de abeunte per exitum: ratio enim, quare abiens per exitum debet habere ea, quæ dedit ante professionem, est, quod ante illam non erant facta monasterij, secundum omnes: & constat secundum plerisque omnes, quod ea quæ morientis erant ante professionem, non fiunt monasterij, ut latius tradimus nos post alios in commen. 2. de regu. super cap. non dicatis. 12. q. 2. num. 49. & seq. ubi scribuntur alia necessaria quo ad confirmandum hoc responsum; quæ quia ibi videri possunt, frustra hic infererentur. Salua, &c.

DE SEPULTVRIS.

SYMMARIVM.

1. Sepultura ecclesiastica locus potest ab eo, cui competit libera facultas ad sepulturam in sua ecclesia admittendi, concedi alicui, ad effectum, ut ei liceat mortuos suos ibi sepelire. Quod si velit ita concedere, ut alij non possint ibi sepeliri, requiritur eadem solemnitas, quæ in alienatione rei ecclesiastica: loci autem dominium, cum sit sacer, nullo modo potest in alterum transferri. idem etiam dicitur de constructione sepulchrorum, nu. 3.
2. Exempli regulares, eorumve loca non comprehenduntur constitutione Episcopi, etiam facta in Concilio provinciali.

CONSILIUM I.

QVAERITVR, an constitutio Concilij provincialis, ne sepultura locus quouis nomine cuiquam detur, neve sepulchra fiant in vlla quavis ecclesia sine Episcopi consensu, valeat, nec sit hoc decretum contra regulares mendicantes exemptos, & alios qui habent privilegia sepeliendi in ecclesijs suis.

1. Ad has quæstiones videtur dicendum in primis, quod locus sepultura dari potest tribus modis. Primo, ut is, cui datur, fiat dominus eius. Secundo, ut habeat ius sepeliendi in eo mortuos suos, & impediendi ne alij sepeliant in eo. Tertio, ut possit sepelire aliquem in eo, ut satis videtur colligi ex tex. in cap. abolenda. de sepult. & notatis per Imo. Panor. & alios ibi, & ex clem. dudum. 6. huiusmodi. cum ei annotatis per Cardin. & alios, de sepultu. Secundo, dicendum, quod primo modo nulli potest dari locus sepultura etiam cum auctoritate Episcopi: quia rei sacre dominium nullus potest habere, hinc stipulantem. 9. sacram. ff. de verbor. oblig. & 9. sacre. Instit. de rerum diui. & quod secundo modo non potest dari sine auctoritate Episcopi, neque cum illa sine iusta causa, & seruata forma in alienandis rebus ecclesie seruanda: quia licet per illum modum non transferatur dominium rei, transfertur tamen usus eius, & quoddam ius sepeliendi: quod fieri nequit, nisi seruatis canonibus de non alienandis rebus ecclesie, de quibus cap. sine exceptione. 1. quæstio. 2. & cap. nulli. de reb. eccle. non alien. Tertio vero modo potest dari a quolibet habente liberam sepulturam, vel ius admittendi ad sepultura

ram

- ram in sua ecclesia, per prædictam clemen. & ei adnotata, sine auctoritate speciali Episcopi per auctoritatem quam habet à iure communi, vel priuilegio aliquo legitimo. Tertio dicendum, quod prædicta constitutio nihil præiudicat exemptis, cum Prouincialis non sit superior eis, & extra suum territorium sua lex non ligat, cap. 2. de constitu. lib. 6. & l. fin. ff. de iurisdic. omnium iudic. Quarto, quod idem videtur dicendum de concessione facultatis faciendi, vel construendi sepulchrum, quod dictum est de seruando modo dandi alicui locum sepulture, cum de similibus idem debeat esse iudicium, l. illud. ff. ad l. Aquil. cap. dudum. 2. de elect. Salua, &c.

S V M M A R I V M.

- 1 Sepulturam filio impuberi nec viuo nec mortuo eligere potest pater, nisi consuetudo aliter se habent, & num. 4. licet ipse teneatur ad funeris expensas, possitque pro eo institutiones & substitutiones facere. na. 2.
- 2 Sepultura electio est quid spirituale: ad que in filium non se extendit patria potestas, estque actus vltimæ voluntatis, vnde vsque ad mortem potest mutari. num. 5.

CONSILIUM II.

QVAESITVM est, an valeat electio sepulture facta à patre sibi, & familiæ suæ, omnibus viuentibus, in ecclesia fratrum Prædicatorum, omissa ecclesia, in qua alias de iure erat sepeliendus; ita vt eius filius impubes, qui postea mortuus est, sit sepeliendus in ea.

- 1 Respondetur, quod non, si consuetudo terre non habet, vt pater possit eligere sepulturam filio impuberi, per cap. licet. de sepult. lib. 6. vbi est casus de hoc expressus.

Contra quam tamen responsionem videntur facere quatuor. Primum opinio Vincentij Lapi, Goss. & Hostien. quos ait Dominicus in d. cap. licet. contrarium tenuisse, scilicet quod pater potest impuberi filio eligere sepulturam, etiam si consuetudo id non haberet. Secundo argumenta, quibus illi DD. mouebantur, scilicet quod pater potest facere filio impuberi testamentum, cap. si pater. de testamen. lib. 6. & substituere illi etiam in bonis maternis, l. 1. ff. de vulg. & tenetur facere impensas eius funerales, l. filius. ff. de in rem ver. Tertio, quod eadem vel maiore ratione videtur posse illi eligere sepulturam, quam facere prædicta tria; cum videatur minus præiudicialis. Quarto, quod prædictum cap. licet. solum videtur loqui de patre eligente sepulturam filio impuberi mortuo; & in casu proposito videtur agi de patre eligente sepulturam filio impuberi viuo.

Sed ad horum primum respondetur, quod prædictorum doctorum citatorum opinio fuit correctæ in prædicto cap. licet, quod ipsi non viderunt: quia fuit compositum à Bonifacio VIII. ante quem ipsi scripserunt, vt videre est in nomenclatura scriptorum ecclesiasticorum. Ad secundum autem respondetur, quod, licet laborauerint doctores in reddenda ratione, cur pater possit facere filio impuberi tria prædicta, & non eligere sepul-

ram,

- ram, nisi consuetudo terræ id habeat, vsque ad Ioannem Imolensem; post eum tamen facile reddiderunt eam Domin. & Francus, scilicet, quod prædicta tria, quæ potest facere pater filio impuberi, sunt temporalia: eligere autem sepulturam est quiddam spirituale; & constat patriam potestatem non extendi ad spiritualia filij, sicut ad temporalia eiusdem, per cap. si animum. de iudic. lib. 6. Per quod soluitur etiam tertium, quod fundatur in rationis identitate, cum per hoc appareat esse longe diuersum. Ad quartum autem respondetur negando, quod prædictum cap. licet. debeat restringi ad patrem eligentem sepulturam filio impuberi mortuo, & non extendi ad patrem eligentem illam filio impuberi viuo. Tum quia generaliter loquitur de patre eligente sepulturam filio impuberi, non se restringendo ad mortuum, neque viuum; & ita est intelligendum generaliter de viuo, & mortuo, arg. l. de pretio. ff. de publ. in rem act. cap. solita. de maior. & obed. Tum quia non potest dari ratio, cur pater potest eligere plus viuo, quam mortuo: immo in utroque casu ut plurimum eligitur sepultura morituro, antequam moriatur. Tum quia magis prohibetur electio sepulture viuo, quam mortuo, argum. cap. 1. de sepult. lib. 6. quatenus grauissime prohibet, ne quis viuus inducatur ad eligendum sepulturam sub voto, vel iuramento, vel promissione de non mutando illam electionem. Tum quod electio sepulture est actus pertинens ad ultimam voluntatem, ut aiunt doctores, præsertim Dominicus, & Francus in d. cap. licet. & potest vsque ad finem vitæ reuocari, sicut vltima voluntas, iuxta cap. vltima voluntas. 23. q. 2. & ita qui eligit sepulturam viuo, eligit in effectu mortuo; cum non sit ante mortem sepeliendus, cumque possit illa electio ante mortem reuocari: quandoquidem testamenta, & vltimæ voluntates morte confirmantur, cap. cum Martha. §. cæterum. de celebra. Miss.

SYMMA RIVM.

1. Sepeliri debet in loco sacro extractus de ventre matris, si sit licet non solemniter baptizatus, perinde ac quilibet alius solemniter baptizatus, cum æque & tantum sacramentum recipiat vnus, ac alter.
2. Sacramentalia, ut catechismus, exorcismus, non conferunt gratiam ex opere operato.

CONSILIVM III.

AN INFANS baptizatus recte intra vel extra ecclesiam sine solemnitate solita, moriens antequam illa suppleatur, possit iuste in ecclesia vel cœmeterio sepeliri cum cruce, & alijs solitis adhiberi sepulture infantis solemniter baptizati?

1. Respondeo, quod sic. Tum quia id colligitur ex Hostien. in summa de consecrat. eccl. 4. & an sit. quatenus habet, puerum ex ventre matris mortuæ extractum sepeliendum esse in loco sacro, si extractus fuerit baptizatus; & certum est eum intellexisse de baptizato in necessitate sine solita solemnitate; nec est qui contradicat ei. Tum ob illam firmissimam rationem, quod standum est regulæ, nisi probetur contrarium; l. 1. ff. de regul. iur. gloss. in l. omnis definitio. eodem titu. & in rubr. eodem tit. lib. 6.

At

- At regula est, quod omnis Christianus debet in loco sacro sepeliri, argum. cap. ecclesiam. de consecr. distinct. 1. & toto titu. de sepult. in decret. 6. & clem. & constat præfatum puerum esse Christianum, & caractere Christianismi insignitum, per cap. quemadmodum. 37. quæst. 7. & nullo iure speciali prohibetur, quod non possit & debeat sepeliri cum solemnitate crucis & luminarijs, instar aliorum infantium baptizatorum solemniter. & probatur ea ratione insolubili, quod is tam Christianus est, quam ille, & quod tantam gratiam sacramentalem habet, sicut ille: nam sacramentalia non conferunt gratiam ex opere operato; quia id sola sacramenta efficiunt, secundum omnes in 4. distinct. 1. & puer sine solemnitate baptizatus tantum sacramentum percipit, quantum solemniter baptizatus: quia exorcismus, & alia quæ fiunt in baptismo solemniter, non sunt sacramenta, sed solum sacramentalia, quæ Ecclesia fieri præcipit, secundum S. Tho. & alios in 4. dist. 2. est etiam tanto Christianismi caractere insignitus hic, ac ille: ergo non est cur non debeat sepeliri, ut Christianus, quemadmodum ille. Salua, &c.

SUMMARIUM.

- 2 *Excommunicatus ob debitum, si moritur contritus, coram Deo est absolutus; secus coram Ecclesia: quia ante absolutionem non est absoluendus. absolutus autem etiam à parcho, & sepultus, non est exhumandus, sed hæredes cogendi ut satisfaciant. num. 1.*
- 2 *Absolutio ab excommunicatione, quam morituro dat parochus, prodest etiam quo ad forum exterius.*

CONSILIVM IV.

- A**N EXCOMMVNICATVS propter debitum descendens ex delicto, vel contractu, mortuus ante solutionem, debeat sepeliri in sacro, vel sepultus debeat exhumari, cum ante mortem ostenderit signa cōtritionis.
- 1 Respondeo, quod etiam si huiusmodi excommunicatus ante mortem ostendisset signa contritionis, & non fuisset absolutus à parcho, non erat sepeliendus in loco sacro, donec obtineretur absolutio ab eo, à quo sanus debebat absolui: absoluendus enim erat ab eo, qui eum sanum posset absolvere, ut est casus in cap. à nobis. 2. de sent. excom. per quem tex. à contrario sensu, & in cap. si. de sepult. in sensu directo probatur, quod, qui non solum monstravit signa contritionis, sed etiam fuit absolutus à parcho, potuit in sacro sepeliri, & alijs suffragijs Ecclesiæ iuuari. unde in casu præsentis possunt hæredes mortui cogi ad satisfaciendum eis, quibus ille debitor erat ex maleficio, vel contractu, per præfata duo iura.
 - 2 Scio tamen posse aliquibus moveri scrupulum super probatione huiusmodi absolutionis, quod illa solum forum conscientię spectare videatur: cum dictū cap. si. loquatur de absolutione in forma Ecclesiæ. Item quod per aliquot bullas Apost. & iobeleæ datur potestas absoluendi; quæ tamen non prodest, nisi quo ad forum conscientię, si aliud in eis non exprimitur: ex quo

ex quo clare significant, absolutionem per contritionem contingentem sufficere quo ad Deum; absolutionem autem, quæ fit per presbyterum, sufficere etiã quo ad forum exterius: quod & nos diximus in Man. cap. 26. num. 31. Hi tamen scrupuli satis tolluntur ex eo, quod præfata duo capp. ponunt differentiam inter absolutionem quo ad Deum per solam veram contritionem, & eam quæ fit per sacerdotem post contritionem. Itaque concludo, non esse exhumandum istum mortuum, sed hæredes eius compellendos ad satisfaciendum.

S V M M A R I V M.

1. Immunis à peccato est, qui post Concil. Trid. sepelit excommunicatum, & interdictum, absolutum tamen in articulo mortis à simplici sacerdote. Item & excusandus est, qui ante Concil. Trid. bona fide idem fecisset. num. 3. quod si non erat adhuc denunciatus, poterat etiam non absolutus sepeliri ex beneficio extrauag. ad evitanda. num. 2.

C O N S I L I V M V.

AN QVI sepelierunt mortuum excommunicatum, vel interdictum, absolutum in articulo mortis à simplici sacerdote, peccauerint?

1. Respondeo primo quod non, secundum sententiam, quam alias tenendam diximus post Concil. Trid. sess. 14. c. 7. Præterea quia, ut in cap. fin. de sepult. probatur, qui non solum monstravit signa contritionis, sed etiam fuit absolutus à parocho, potest in sacro sepeliri, & aliis suffragiis Ecclesiæ iuvari.
2. Secundo, quod idem est dicendum secundum antiquiora iura, si mortuus excommunicatus, vel interdictus, nondum erat denunciatus: quoniam communicans excommunicato, vel interdicto viuo, vel mortuo, nondum denunciato non peccat, per extrauag. Martini V. relatam à nobis fideliter in nostro Man. confess. c. 27. nu. 34. & seqq.
3. Tertio, idem esse dicendū, si erat denunciatus absolutus in articulo mortis ab aliquo sacerdote simplici etiam secundum antiquiora iura, si bona fide id fecerunt: quia probabiliter credere potuerunt suffecisse absolutionem simplicis sacerdotis, cum iura ipsa dicant eam sufficere sine limitatione. Fundamentis alterius opinionis satis responsum est ibi, ad effectum probabiliter credendi illum fuisse bene absolutum, quod sufficit ad excusandum à peccato transgressionis legis humanæ male, sed bona fide intellectæ, per dictum singulare Innoc. in c. per tuas. & in c. 2. de simonia, & allegata per Felin. in c. 1. fall. 7. de re iudicat.

S V M M A R I V M.

1. Contritus mori in dubio non præsumitur, qui moritur in actu peccati: unde nec debet ecclesiasticæ sepulture tradi. num. 4.
2. Sepeliri regulariter debet omnis qui in Quadragesima confessus est, & in Paschate communicavit, nisi constet eum in peccato mortali mortuum fuisse.

Conf. Nauar. Pars I.

Xx

2 Mere-

2. Meretrix olim quæ fuit, si in Paschate communicavit, reperta in domo olim amasij nocte ab amasio occisa, in dubio debet præsumi mortua non in actu peccati, sed contrita: unde & sepelienda.
3. Occiduntur cum aliqui, ut mulieres ob incontinentiam à propinquis, vel etiam aliter, in dubio præsumuntur inuocato nomine Iesu, & sic contriti mortui; unde & sepeliendi.

CONSILIVM VI.

AN PRIVARI debeat sepultura ecclesiastica meretrix, quæ in Paschate cōfessa est, & communicavit, & modo reperta fuit innumeris vulneribus confossa, & mortua in domo cuiusdam sui amici; nulloque pacto constare potest quod mortua fuerit contrita, vel contritionis signa dederit, cum id nocte acciderit, & clauso ostio: certum tamen est illam ab illo amico iugulatam fuisse.

1. Respondetur neruose urgere pro parte affirmante cap. fures. de furis. quatenus probat, furem, qui furando occiditur, & latronem, qui prædando occiditur, non esse sepeliendos in sacro. ex quo Ioan. And. ab Ana. refert, eum, qui verisimiliter moritur in peccato mortali, non esse sepeliendum in loco sacro: & præfata meretrix videtur mortua meretricando: quia fuit mortua in domo amici sui carnalis delata ad eam ab illo, ut meretricatur cum illo, & postea fuit ab eodem occisa: & ut aiunt Panor. & Ana. in d. cap. fures. non præsumitur in dubio mori contritus, qui moritur in crimine: & præfata misera fuit in crimine occisa.
2. Pro parte autem negante facit primo, quod omnis, qui confessus est in Quadragesima, & cōmunicavit in Paschate, sepeliendus est in sacro, nisi certis casibus, & nisi constet eum in peccato mortali mortuum fuisse, per resolutionem communiter receptam post gloss. cap. ex parte. il. 2. de sepul. & præsupponitur præfatam meretricem fuisse cōfessam, & cōmunicatam in Paschate, & non est mortua in præfatis exceptis casibus, nec constat eam mortuam fuisse in peccato mortali. Tum quia non constat de mente, qua illam amicus eius duxit in suam domum: quoniam licet verisimiliter crederetur illam duxisse ad meretricandū, si non occidisset eam; quia tamen occidit, verisimilius credi potest deduxisse illam ad sumendā vindictam de aliqua iniuria, quam putabat iuste vel iniuste sibi fuisse factam. Tum quia verisimile est ipsum occisorem, cum Christianus esset, & ei communicaret Ecclesia, præmonuisse illam, ut se commendaret Deo, & doleret de peccatis suis: quoniam communiter id faciunt occisores vxorum suarum, & aliarum cognatarum, quas occidunt ferro clam propter earum delicta: & validum est argumentum à communiter accidentibus, si non constat de contrario, l. neque natales. C. de probatio. & cap. in præsentia. eodem titu. cum eis adnotatis. Tum quod verisimile est eam, quæ, ut prædictum est, confessa & communicata fuit, & non fuit mortua meretricando, siue meretricis officio fungendo, pronunciasse Iesum, vel alia signa contritionis dedisse, dum ferro appeteretur, quæ sufficiunt ad exhibendam præfatam sepulturam, dum non constat de contrario,

cap. à nobis . il 2. de sen. excommun. & tradimus nos latius in cap. fin. de pœnitent. distin. 7. Secundo facit, quod non obstat præfatum cap. fures. cum adiectis ei à Panor. & Anan. quia illa loquuntur de illis, qui furando, rapiendo, vel aliàs mortaliter delinquendo occiduntur: nos autem agimus de illa, quæ non præsumitur occisa meretricando, seu meretricis officio fungendo, sed quia fecit prius aliquam aliam iniuriam amico suo, & forte denegando ei ad se ingressum; ita quod non fuit mortua in crimine, quod patrabat, sed pro aliquo alio quod iam patrauerat, & cuius forte iam illam pœnituit: & ita non potest dici mortua delinquendo delictum, quod patrabat tempore mortis; de quo loquitur gloss. supra d. cap. ex parte. il 2. & omnes qui eã sequuntur. Per quas duas rationes tumultuarie libratas videtur nobis hæc pars negatiua verior. Salua, &c.

S V M M A R I V M.

1. Occidisse seipsum, etiamsi reperiatur clauso ostio suspensus, nemo est in dubio præsumendus: unde ei non debet ecclesiastica sepultura denegari, nisi sciatur quod seipsum occiderit.
1. Præsumptiones præsumptionibus eliduntur.

C O N S I L I V M V I I.

QUIDAM monachus mane confessus, & absolutus à confessario, qui tota die, & vespera stetit letus, fuit inuentus mane mortuus intra suam cellam, ostio clauso, habens laqueum pendentem ex collo, ipse autem non pendeat nec omnino iacebat, sed quasi genuflexus extabat. Queritur an possit & debeat in loco sacro sepeliri.

1. Perpensis quæ narrantur in facto, & viso responso cuiusdam viri eruditissimi, iusti, ac religiosissimi super hoc prudenter & erudite reddito, respondeo eiusdem opinionis esse me, cuius est ille, nempe, quod cadauer prædicti monachi potuit & debuit in loco sacro sepeliri, & quod male fuit sepultum in loco profano, & consequenter potest & debet transferri ex loco illo profano, in quo fuit sepultus, & inferri in locum sacrum, propter ea quæ præfatus vir eruditissimus citat in suo responso partim accepta à viro eruditiss. Couarr. auditore olim nostro in Academia Salmantic. feruentissimo in 2. tom. tit. variar. resol. lib. 2. cap. 1. nu. 11. & alia, quæ de suo addit, quæ confirmari possunt illa firmissima ratione, quod regulariter omnis Christianus debet, si fieri potest, in loco sacro sepeliri, iuxta tex. & gloss. cap. ex parte, il 2. de sepulturis. nisi in casibus exceptis. Nec obstat cap. placuit. 23. quæst. 5. quatenus habet, seipsum occidentem carere debere sepultura: quia intelligendum est de illo, qui scitur esse occisus à seipso. at prædictus monachus non scitur esse occisus à seipso, nec præsumitur. Tum quia de nemine præsumendum est quod deliquerit, l. merito. ff. pro socio. & cap. 2. de regul. iur. præsertim tam grande delictum, & tam abominabile conditioni & inclinationi humanæ, & maxime de confesso, absoluto, & communicato eodem die. Unde mulier cadens de cimba

in fluvium iubetur sepeliri in loco sacro, etiam si fugiendo cecidisset; quia non præsумitur voluntarie ad se occidendam deiecisse. dicto cap. ex parte. il. 2. Tum quia indicia, quæ in contrarium inducuntur, sunt exilia, & multis modis frangibilia. Itaque intrepide pars hæc tenenda est.

S V M M A R I V M.

1. *Cadaver transferens an teneatur gabellam pro illo soluere, possitve illam fraudare, non est ita clarum: posset tamen Pontifex id solo verbo concedere, & sic transferens esset tutus in conscientia.*
2. *Vehens aliquid conuenta mercede minori aliàs debita, animo fraudandi gabellam, sciente domino rerum, si adhibita in id ne detegatur mediocri prudentia inopinato casu incidat in pœnas, non cogitur de suo soluere.*

CONSILIVM VIII.

QVONIAM cadauer, habita licentia, vt solet, superiorû, Roma Mediolanum sine pompa transferendum est; quæritur, an si sub specie mercium deferatur, & gabellæ vel in statu Ecclesiæ, vel etiam extra eiusdem statum defraudentur, peccatum sit, & præterea maneat obligatio ad restitutionem, non obstantibus aut immemorata consuetudine, aut forte alicubi statutis de solutione in transuersione cadauerum.

¶ An is, qui quoquo modo procurat, aut cooperatur in cadauere clam transuehendo, sciens certo fore, vt vector defraudet gabellas, acceptis solum 40. aureis; cum alicubi, si non merces, sed cadauer deportari intelligeretur, vix centum aureis satisfaceret, licet in scriptis Romæ concessa licentia transferendi ostenderetur; peccet, & restituere teneatur: & quid de curatore, vel exequutore testamentario, eo quod dederit 40. aureos ad cadauer clam deferendum, & præterea arcam ad fallendum aptissimam coemerit, qua ossa ad patrium tumulum deportentur. Quid demum fieri possit commode, & tuta conscientia, sine solutione gabellarum, aut portuum, cum non videatur cadauer subiici his solutionibus.

1. Non miror, quod vir vndequaque doctiss. dignetur super ijs, quæstionibus interrogare hominem vulgarem, & à sua eruditione longe alienum; arbitratus fieri, vt quandoque abscondantur sapientibus, quæ reuelantur paruulis. Quod hac in re non contigit; cum, vt in cæteris, ita in ea nihil certi habeam, quod respondeam, præterquàm quod didicerim à Iurisconsulto esse inciuile iudicare de lege, nisi tota ea perspecta: & quod non proponuntur videnda statuta terrarum, per quas præfatum corpus est transferendum, & an sint Papalia, an ordinariorum, & an approbata à Papa, vel simplicia, & an contineant excommunicationem ipso iure latam; & an superiores, quorum licentia deferendum est, possint ea tollere, & an sustulerint.

Secundo, quod in iure Pontificio nihil habemus super huiusmodi quæstionibus præter extrauagantē primam de sepulturis inter cōmunes, quæ tamen de sola exenteratione, & non de translatione cadaueris loquitur: neque

neque glossa eruditiss. Ioannis Monachi quidquam huc pertinens habet.

Tertio, quod cum simus Romæ, & S. D. N. facile possit consuli, & peti ab eius Sanctitate, vt vel solo verbo & secreto deroget omnibus statutis, si qua sunt, quæ hanc translationem impedire possint, petendum est ab ea. Quo habito, certum est præfatum cadauer posse transferri licite coram Deo, & consequenter coram ipso quo ad forum interius cessaturum omne peccatum transferentium, consulentium, & iuuantium.

- 3 Quarto, si præfato remedio petito, ij, quibus est onus transferendi illud, aliquo casu probabiliter ignorato, & non præuiso, inciderint in aliquas pœnas, non cogentur de suo soluere illas, tamquam qui prudenter negotia ipsius egerunt; licet casu, qui prudentiam mediocrem excesserit, improuiso non cesserit eis res ex sententia, quæ apud prudentes erat probabilis, per multa, quæ in hoc adduci possunt. Salua, &c.

S V M M A R I V M.

- 2 Reliquiæ & corpora Sanctorum, quæ tradita sunt perpetuæ sepultura, vt etiam sunt reliquiæ inclusa in altaribus consecratis, non possunt de vno altari seu loco transferri ad aliud etiam eiusdem ecclesiæ: quod si non sunt tradita perpetuæ sepultura, vt sunt quæ asseruantur in capsulis, & portantur in processionibus, possunt etiam extra ecclesiam ad alia loca transferri, nec subiacent dispositioni cap. corpora. de consecrat. dist. 1.

C O N S I L I V M I X.

AN illa verba cap. corpora. de consecra. distinct. 1. Corpora Sanctorum non transferantur de loco ad locum sine licentia Principis, comprehendant translationem de vno loco ecclesiæ ad alium locum eiusdem ecclesiæ.

- 1 Respondeo primo, multa posse adduci pro vtraque parte quæstionis, quod nostræ occupationes non patiuntur. Secundo, quod verba prædicta non includunt translationem corporum nondum perpetuæ sepultura traditorum de vno loco ecclesiæ ad alium eiusdem ecclesiæ: quoniam non includunt etiam translationem de vna ecclesia ad alteram, per glossam tam per praxim, quam per theoricam receptam in d. cap. corpora. quæ fundat se in l. nec dum. C. de relig. & sumpt. funer. Ergo à fortiori non includunt translationem de vno loco vnius ecclesiæ ad alium eiusdem; & consequenter non includunt reliquias corporum Sanctorum, quæ manent extra sepulturam perpetuam in sacrario, vel aliis locis, vnde accipiuntur & efferuntur frequenter ad processiones, siue supplicationes publicas, vel priuatas, Missas, vel alias deuotiones. Tertio, quod verba prædicta includunt corpora Sanctorum, & partes eorū, quæ deputatæ sunt perpetuæ sepultura, de vno loco ecclesiæ ad alium eiusdem; quia non videtur negari posse ea non transferri de vno loco ad alium locum: quia non omnia loca eiusdem ecclesiæ sunt eadem loca, neque æque honorabilia; immo sunt maximæ contentiones inter summates, & mediocres, immo & infimates, alijs contendentibus sua sepulchra debere esse sita propius

altaribus maioribus, vel aliquorum sanctorum, quam alia aliorum, & aliis contradicentibus eis: cui consequens videtur, reliquias, vel partes illas sanctorum, quæ sunt inclusæ legitime altaribus ad illorum consecrationem, non posse mutari de illis ad alia sine auctoritate legitima; quia videntur mutari de loco, cui iam sunt illæ perpetuæ sepulturæ deputatæ. Salva, &c.

SUMMARIUM.

- 1 Consentiens peccato alterius peccat mortaliter, vel venialiter, sicut est peccatum cui consentit: sed non statim sequitur, ut debeat eadem pœna puniri, num. 5. nisi consentiat cooperando, vel non corrigendo, cum ad id ex officio teneretur, vel auctorizando. num. 2. & num. 5. ad 2.
- 3 Excommunicatio lata in facientem aliquid, non ligat consentientem, nec desiderantem solum, nec mandantem, consulentem, approbantem ve, nu. 5. nisi aliud exprimat. num. 3.
- 3 Religiosi non tenentur scire leges extraneas ab eorum instituto.
- 3 Cadavera laniare, vel exenterare præsumentem, ut de loco Christianorum ad alium locum sepeliendum portet, excommunicat extraneus i. de sepulturis cum mandatoribus, non tamen ligat superiorem monasterij assignantem defuncti propinquum locum, ubi hæc etiam eo præsentem exequantur, ignorantem dictam pœnam, ac bona fide id præstantem, num. 4. & 5. qui potuit iuste illam ignorare, & credere hoc licere. num. 6. & seq.
- 4 Ignorantia legis, vel statuti excusat ab excommunicatione, & ab alia pœna non solita pro similibus imponi, etiam si sit lata contra aliquod prohibitum lege divina & naturali. & num. 5. maxime si sit posita intra corpus iuris inter extraneos communes. num. 6. immo & ignorantia iuris non clari, etiam naturalis & divini, excusare potest a peccato mortali. num. 7.

CONSILIUM X.

QUIDAM nobilis Hispanus mortuus est, cuius corpus a suis consanguineis positum est in ecclesia cuiusdam monasterij sub nomine depositi, quo tempore congruo in Hispaniam transferre possent: cumque hoc facere voluissent, compertum est corpus non esse bene consumptum, sed male olere, quoniam adhuc caro ossibus hærebat. Verum consanguinei, volentes ossa commodè transferre, decreverunt carnem ab ossibus separare, & petierunt locum à Priore conventus, ubi hoc commodè facere possent. Tandem Prior, ipsis morem gerere volens, extra claustra conventus præbuit illis stabulum, in quo in ferventi aqua, igne supposito, fuit corpus positum: & caro (aliquantulum temporis Priore præsentem, qui obsecratorem postmodum recessit) fuit consumpta, & ab ossibus separata. Modo dubitatur, an Prior sit excommunicatus, cum ex dictis videatur operibus illorum consensisse.

1. R. spondeo: quoniam extra narrata in casu proposito relatum est nobis aliquos

aliquos viros eruditissimos, & gymnastas in Academiis exercitatos respondisse, præfatū Priorē non incurrisse excommunicationem, petij eorum responsa, quæ profecto magnopere voluissem legere, vt eorundem sententiam lætissime sequeretur; sed responsū est non haberi copiam eorum.

1 Quare respondeo primo, quod contra Priorē facit primo illud Pauli, *Facientes, & consentientes digni sunt morte.* ad Rom. 1. & cap. notum. 2. q. 1. cap. 1. de offic. deleg. & quod Prior prædictus consensit illi maleficio. Nam ex narratione casus colligitur ipsum fuisse superiorem stabuli, in quo delictum factum fuit, & assignauit illud ad opportune illud faciendū, & quod præsens fuit actui, etsi non toti, saltem parti eius; & quod, si voluisset, poterat illum impedire, & prohibere, vti superior monasterij.

2 Secundo, quod delinquēti videtur cōsentire quis tribus modis, ad hoc vt puniatur sicut delinquēs, vt ait glos. prædicti cap. notum. verbo cōsentientem. Primo, cooperando, cap. si quis Episcopus. 2. q. 1. Secundo, non corrigendo, cum ex officio tenetur, & potest, cap. error. 83. dist. ibi, *Error, cui non resistitur, approbatur. Negligere quippe cum possis peruersos, nihil est aliud, quam fouere. Nec caret scrupulo societatis occulta, qui manifesto facinori definit obuiare.* Tertio, cum sit eius auctoritate, cap. qui aliorum. 24. q. 3. & prædictus Prior videtur cooperatus fuisse, assignādo locum, & stabulum, & non corrigendo & impediendo delinquentes, cum posset, immo & auctoritatem delinquendi præstādo.

3 Tertio facit, q̄ extrauag. Bonifacij 1. de sepult. inter cōmun. non solū excommunicat facientem prædictum delictum, sed etiam attentantem, & pertractantem corpora humana tam inhumaniter, & facientem pertractare, & consequenter consentiendo per cooperationem vel auctorizationem, & difficile iuste negari potest, quod prædictus D. Prior non attentauerit, vel non fecerit aliquid ad pertractandum sic inhumaniter corpus humanum, vel quod non auctorizauerit, seu potestatem præstiterit illi actui.

Pro Priore tamen facit primo, quod lex excommunicans facientem aliquod delictum, non videtur includere solum consentientem in illo, & desiderantem vt fiat, si aliud non concurrat, vt colligitur ex cap. cum quis. de sentent. excomm. lib. 6. adiuncto cap. si quis suadente. 17. q. 4. & clem. 1. de consang. & affin. cum glos.

Secundo, quod lex excommunicans facientem aliquod, non includit consulentem, nec mandantem; nisi eadem lex, vel alia similis, cuius auctor id facere possit, illud exprimat, vt nos tradidimus in Manua. confess. cap. 27. num. 51. post Caiet. & alios.

Tertio, quod non probatur ipsum sciuisse tam exorbitantem pœnam esse à iure impositam facienti huiusmodi delictum: & præsumitur ignorantia, vbi non probatur scientia, cap. præsumitur. de reg. iuris, lib. 6. & ignorantia legis excommunicantis videtur excusare ab excommunicatione, cap. 2. de constitut. lib. 6. & quod religiosi non tenentur scire huiusmodi leges de rebus ordini suo adeo extrariis disponentes, cap. non magno. ne cler. vel monachi. & cap. 2. adiuncta gloss. de postula.

4 Quarto, quod lex puniens præsumentem aliquid facere, non videtur

includere facientem illud simplici animo & bona fide absque dolo malo, iuxta doctrinam singul. Cardan. clem. 1. de priuil. q. 39. quam post alios nos quoque applicauimus defensionem eorum, qui ordinantur bona fide simplici animo ante legitimam aetatem ordine sacro, in repetitione cap. accepta. de restitu. spoli. oppos. 8. Et praedictus Prior non consensit praedicto delicto dolo malo, sed bona fide, putans id esse licitum.

Quinto, quod excusat ab excommunicatione ignorantia statuti imponētis poenam illius, etiam pro facto de se illicito, per cap. 2. de cōstit. lib. 6. & quod idem dicendum est de excommunicatione imposita per legem Papae, praesertim quo ad forū cōsciētiae, ut nos dicimus in d. Manu. cap. 27. nu. 18.

Sexto, quod licet ignorantia communiter nequeat esse iusta circa legem naturalem, vel diuinam quo ad eius dispositionem, & quatenus est talis, potest tamen esse iusta quo ad poenam humanitus statutam, si illa est excommunicationis, secundum Anton. in cap. d nobis. 1. de sent. excom. pro quo est casus in cap. 2. de cōstitutio. lib. 6. immo etiam si sit alia qualibet communiter non statuta, eadem ratione, ut efficaciter defendimus in cap. 2. de cōstit. post S. Anton. 3. par. tit. 24. cap. 33. sub finem, cui consensit Angel. verbo ignorantia. §. 4. & Sylu. verb. ignorantia. q. 8. & Caiet. 2. 2. q. 76. art. 3. col. 2. quod maxime procedit in foro conscientiae.

Septimo facit ratio nona, per quam proximū praecedens fundamentum defendimus neruosisime in d. Manu. cap. 27. nu. 274. scilicet, quod excusatur quis per ignorantiam iuris ab omni poena valde extraordinaria, & exorbitante, & praesertim ab excommunicatione per statutum & legem generalem Papae lata, etiam pro facto de se illicito, quod scit esse illicitum, sed ignorat illam poenam extraordinariam & exorbitantem esse impositam, ut ibidem videri potest, ad multorum seruorum Domini consolationem.

Octauo facit, quod ad opposita responderi potest. Ad primum quidem concedendo, omnes, qui consentiunt alicui facto, quod est peccatum, & sciunt illud esse tale, peccare venialiter quidem, si est veniale, & mortaliter, si est mortale, & consequenter praedictum Priorem, si sciebat praefatum factum esse peccatum mortale, mortaliter peccasse: negando tamen ex hoc inferri, omnes, qui consentiunt peccato mortali, quod sciunt esse mortale, incurrere excommunicationem pro tali mortali latam, ut est casus adiuncta doctrina doctorum communi in cap. cum quis. de sent. excommun. lib. 6. quod habet, cum, cui placet percussio clerici, peccare quidem mortaliter, sicut & percussorem, sed non incurrere excommunicationem, nisi percussio fuerit facta eius mandato, vel eius nomine, secuta ratificatione ipsius: & est exemplum clarius in d. clem. 1. de consanguini. adiuncta gloss. quae habet, contrahentes matrimonium intra gradum consanguinitatis prohibitum, vel contra votum solenne ordinis, vel religionis, peccare mortaliter, incurrereque excommunicationem, sed non eos, quibus placent illa matrimonia, immo neque consulentes illa, & approbantes. Exemplum est etiam quotidianius in cap. si vero. de sentent. excommun. cum suis similibus, quae habent, percutientem iniuste clericum, quem iuste putabat esse laicum, peccare quidem mortaliter, sed non incurrere

incurrere excommunicationem propter ignorantiam, quæ excusat ab illa pœna, sed non à peccato.

Ad secundum respondetur eodem modo, quo ad primum; nempe concedendo tribus modis posse quem consentire peccato, vt puniatur sicut faciens; negando tamen, quod quoties consentiat peccato, toties incurrat pœnam impositam pro illo, vt per exempla prædicta patet: & consequenter negando, quod prædictus Prior, eo solo, quod consensisset ad effectum incurrendi peccatum, censendus sit excommunicatus, per responſionem ad primum, & alias rationes supradictas, per quas, etiam si non excusaretur à peccato, excusatur tamen à sententia excommunicationis, quæ est omnium pœnarum spiritualium maxima, cap. corripitur. 24. q. 3.

Ad tertium autem respondetur primo, non probari, quod prædictus Prior sciebat illud factum fuisse peccatum mortale. Nec obstat, quod extrauag. prædicta significat illud esse peccatum contra ius naturale, quod nemini licet ignorare, arg. 9. notandum. 1. q. 7. cum ei adnotatis: & quod ignorantia iuris non excusat, cap. ignorantia. de regul. iur. lib. 6. Non inquam hoc obstat: quia multa concurrebant, propter quæ prædictus Prior probabiliter potuisset illud ignorare. Tum quia prædicta extrauag. non est posita intra corpus iuris communis, & multis etiam doctoribus vtriusque iuris est incognita. Tum quia non est directe contra illud præceptum Decalogi: quoniam non fuit occisio, neque mutilatio, neque percussio hominis, quæ directe vetantur per quintum præceptum Decalogi, sed quædam diuisio, & partitio cadaueris, quod palam est non esse hominem. Tum quia quotidie videmus cadauera mortuorum iudice mandante diuidi in quatuor & multo plures partes, non solum ad sepeliendum, quod est actus religionis, sed etiam ad suspendendum in compitis, & quadriuijs, & ad comburendum, & ad faciendum anatomias, & aliquot medicamenta, quæ medici & pharmacopole frequenter componunt, & de licentia saltem Papæ ministrant. Immo & chirurgi frequenter abscindunt membra hominum viuentium, vt viuant vitam corporalem. & poterat homini adeo spirituali videri, quod iustius poterant membra mortui diuidi quo ad suam vitam spiritualem melius in alio loco consequendam. Tum quia prædicta extrauag. innuit illud factum per se & intrinsece non esse malum, & quod fieri potest licite sine vlla licentia in terris, in quibus non sunt sepultura Christianæ sacræ: quoniam, vt & nos post alios adnotauimus in extrauag. prædicta relata in dict. Manu. confess. cap. 27. num. 105. non habet illa locum in terris infidelium, vbi non sunt sacræ sepultura, neque in eo, qui facit illud alio fine, præsertim bono, neque si faceret de licentia Papæ; immo forte id fieret de licentia Regis secularis quo ad alium finem, quam ad sepeliendum in alio loco: & quod ministri illius facti erant Catholici timentes Deum: & quod, vt fertur, Provincialis religionis id sciuit, & ordinauit; cuius ordinationi, vti superioris, parere tenebatur Prior in dubio, cap. quid culpatur. 23. quest. 5. & quod factum fuit publice; & quod iudices neque seculares, neque ecclesiastici punierunt eos ob illud factum: & quod Prior erat vir religiosissimus, & intentum principale
ipſius

ipſius fuit facere quod in decreto de poſitionis iubebatur, & facere voluntatem expreſſam, vel tacitam Prouincialis, & ſui conuentus: & quod etiam alij monachi dici poterant communicaffe, vel conſenſiſſe illi facto.

- 7 Per quæ omnia, immo & maiorem partem eorum, proſecto prædicto Priori iuranti ſe putaffe id fuiſſe licitum, credendum videtur: & palam eſt apud omnes iuriſconſultos, quos breuitatis gratia non citamus, ignorantiam non ſolum facti excuſare, vt habet prædicta regula ignorantia, ſed etiam ignorantiam iuris dubij, etiam naturalis, & diuini; quales ſunt multæ leges naturales, & diuinæ, quæ non ſunt principia illorum, neque conſuſiones proxime ex illis deductæ, quales ſunt leges Decalogi, ſed longe remotiores per doctorem diſcuſſus deriuatæ, qualis eſt prædicta extrauagans vetans prædictam exenterationem. Secundo reſpondemus ad prædictum argumentum tertium, quod præſuppoſito id, quod non putamus, eſſe verum, ſcilicet præſatum Priorem peccaſſe, vt ſupra dictum eſt, conſentiendo: negandum tamen eſt, eum incurriſſe prædictam excommunicationem, neque ob eius incurſionem vñquam punitum iri à D. N. Ieſu Chriſto, qui nos omnes ſaluet. Amen.

DE PAROCHIIS, ET ALIENIS PAROCHIANIS.

SUMMARIVM.

1. *Habitatio, quam quis in noua parochia, retento primo domicilio, puta ex cauſa ruſticiandi, vel fugiendi periculum peſtis, vel inimicorum, ad tempus eligit, licet operetur, vt non ſit viator, nec peregrinus; non tamen operatur, vt à nouo parochio poſſit ſacramenta voluntaria, vt eſt matrimonium, accipere; niſi forte tantum diſtet à primo domicilio, quod ad illud non poſſit commodè pro illis accedere: quia tunc, modo abſit fraus, ſufficeret. nu. 3. mutatione autem domicilij verus efficitur ſecundæ parochiæ parochianus. num. 1.*

CONSILIUM I.

QUID requiratur, vt quis ratione habitationis efficiatur parochianus alicuius parochiæ, & præſertim in ſacramentis voluntariis, vt in matrimonio?

1. Reſpondeo primo, quod ſufficit quod habeat domicilium habitationis, etiam per translationem alterius domicilij habitationis, quod alibi habebat, per cap. ult. de paroch.

Secundo, quod non ſufficit habitatio, quam quis habet vt peregrinus, & viator, l. hæres abſens. §. proinde. ff. de iudi.

Tertio, quod non requiritur, vt ibi habeat, vel noue contrahat domicilium habitationis, per gloſſ. clemen. 1. de priuileg. verbo parochialis. quæ habet, ſcholasticorum parochum eſſe illum, in cuius parochia habitant; quos tamen conſtat non habere domicilium habitationis ibidem,
cum

cum habeant animum reuertendi ad suas patrias, in quibus habent domicilia habitationis secundum omnes.

- 2 Quarto, quod non sufficit quælibet habitatio efficiens, ne quis dicatur peregrinus, vel viator, cap. is qui. de sepul. lib. 6. quod probat, cum, qui de oppido aliquo vadit ad villam alterius parochiæ, causa recreationis, vel agriculturæ, non effici parochianum illius parochiæ, sed permanere parochianum ecclesiæ oppidi, cuius erat antequam illuc iret, licet aliquo tempore ibi habitet; quod ipsum est dicendum de illo, qui causa pestis, seditionis, vel belli fugit à sua parochia, primo quoque tempore, quo potuerit, reuersurus, per allegata à Panorm. cap. quod clericus. à num. 4. de foro competen. & cap. in matrim. de sepult.

- 3 Quinto, quod videtur sufficere habitatio bona fide & sine fraude suscepta in aliquo loco, vnde non potest commodè reuerti ad sumenda sacramenta in loco parochiæ, vbi habebat domicilium. Tum per præfatam gloss. sing. d. clem. 1. de priuil. Tum quod alioquin mercatores & stipendiarij degentes in longinquis à suis patriis regionibus carerent proprio parocho; quod videtur contra mentem cap. omnis. de pœnit. & remiss. & Innoc. & aliorum, & rationem naturalem scribentium.

Sexto, quod habitatio fraudulenter in præiudicium parochi proprii, vel alterius parochi, habita in aliquo loco ad affectum acquirèdi nouum parochum, non sufficeret. Tum quia fraus & dolus nemini debent patrocinari, cap. sedes Apostolica. de rescrip. Tum quia malitiis hominum obuiandum est, l. in fundo. ff. de rei vendi. Salua, &c.

S V M M A R I V M.

- 1 Natus matre extra proprium domicilium ad tempus morante, in domicilio matris censetur natus, censeturque originarius illius, & non loci vbi naturaliter natus fuit.
- 2 Legis mens magis attendenda, quam verba.
- 3 Parochianus censetur mori intra ecclesiam suam, licet alibi manendo cum animo reuertendi ibidem moriatur.
- 4 Possessor bonæ fidei triennalis, si non adsit simonia, nec violentia, facit suum beneficium.

C O N S I L I V M I I.

MVLIER habens domiciliū in vna parochia, peperit in alia, vbi causa recreationis, pestis, vel alterius impedimenti habitabat ad aliquod tempus, animo reuertendi ad suum domicilium cessante impedimento.

Quæritur primo, in vtra illarum parochiarum filius eius dicetur natus, ad obtinendum beneficium debitum filio nato in illa parochia.

Secūdo, quid si prædictus filius obtinuerit simile beneficiū in parochia, in qua habebat mater domicilium, & illud vltra tres annos possederit.

- 1 AD PRIMAM respondeo diuersas videri opiniones in ista materia, vt refert Alex. Imol. ad Bart. in l. assūptio. ff. ad municipal. qui per verbum forte,

- forte, inclinatur in opinionem, quæ habet dicendum esse quem natum esse in loco, in quo vere natus est, & ibi habere domicilium. Bart. autem in l. filios. C. de muni. & ori. lib. 10. quem sequitur Abbas in cap. Rodolphus. num. 9. de rescript. & idem Bart. in l. huiusmodi. §. legatum. ff. de leg. 1. inclinatur in contrarium, ubi Bal. idem videtur tenere; licet Iason in d. §. legatum. videatur tenere priorem, ea ratione, quod aliud est dicendum de his, quæ à destinatione animi pendent, & aliud de his quæ pendent à legis dispositione. Tum quod veriore puto opinionem Cyn. Bald. & Bart. arg. præfati §. legatum. qui habet, ancillam quæ mortis testatoris tempore erat in fuga, & peperit in ea, censendam esse peperisse in fundo, in quo cõsueverat esse, ad hoc, ut ipsa & partus includerentur in legato servorum, qui essent in illo fundo tempore mortis testatoris. Tum denique quod mēs legis est magis attendenda, quam verba eius, cap. Marchion. 1. q. 1. & cap. si. de reg. iur. lib. 6. & l. cum pater. §. dulcissimis. ff. de leg. 2. & quod id est habendum pro lege, quod legislator interrogatus, cum eam scribat, respondisset, iuxta gloss. sing. in l. tale pactum. §. fin. ff. de pact. & quod de mente statuentium, ut beneficium aliquod debeat nato in aliquo loco, non videtur esse excludere illum, qui fuerit natus extra illum locum, eo quod mater eius peperisset eum alibi, quo iuisset causa recreationis, pestis, belli, vel alius impedimenti, cum animo reuertendi cessante impedimento, ut contigit in casu proposito. Tum quia parochianus alicuius ecclesiæ videtur mori intra parochiam suam, licet moriatur extra illam, ubi aliqua de causa prædictarum manebat cum animo reuertendi ad illam sine voluntate mutandi domicilium, cap. is qui. de sepult. lib. 6.
- 4 AD SECVNDAM, quod mea sententia præfatus filius iuste tenuit præfatum beneficium, si bona fide credidit titulum sibi datum fuisse canonicum. Tum quod in ea sum opinione, ut credā beneficiarium, qui trien. n. a bona fide possedit beneficii usque sine simonia & violentia acceptū facere illud suum, cum glossa antiqua regulæ de trien. possess. per rationes ipsius, quas deducit nervosas, & per alias, quas addit Petrus Rebuff. in titulo de pacifico possessore, attestās illam teneri à prætorijs Gallicanis, quæ parlamenta vocantur, prout in consil. 30. de præb. diximus.

SUMMARIUM.

- 1 *Pœna parochi, cuius culpa parochianus sine pœnitentia moritur, est arbitraria, cum nulla reperiatur in iure decreta.*

CONSILIUM III.

QVAERITVR quæ pœna sit sacerdotis, cuius culpa effectum est ut parochianus decesserit sine sacramento.

- 1 Respondeo primo, quod pro tali culpa generaliter est nulla, quod meminim, ipso iure, nisi amissionis gratiæ gratum facientis Dei, si culpa peruenit ad gradum, quo esset mortalis: per sententiam autem imponitur arbitraria iuxta culpæ quantitatem, secundum illud, *Iuxta mensuram delicti*

delicti sit & plagarum modus. Deuter. 25. & cap. non asseramus. 14. quæst. 1. & iuxta iura, quæ ad negligentiam puniendam citat gloss. celebris in cap. ea quæ. de officio archid.

DE DECIMIS, PRIMITIIS, ET OBLATIONIBVS.

SUMMARIVM.

1. Decimis in soluendis consuetudo in primis est seruanda. cum autem nihil solui debeat illis parochialibus, per quas oues transeunt, num. 2. & 3. & decima ouium sit mixta, num. 8. quæ pro parte debetur ecclesiæ domicilij domini, & pro parte parochiæ in qua oues pascuntur, num. 9. sequitur, ut vna pars debeat illi ecclesiæ, quæ pro se habet consuetudinem, num. 1. altera vero pars pro vna dimidia detur ecclesiæ domicilij, & pro altera dimidia detur illi, vel illis ecclesiis proportionabiliter, in quarum territorio pascua accipiunt. num. 10.
2. Parochianus tenetur decimas personales soluere parocho sui domicilij, qui ex obligatione offert pro ipso sacrificia & orationes, ac tenetur sacramenta ministrare, & non parocho illius parochiæ, in qua etiam per annum moram trahit, qui ei de facto, sed non ex obligatione sacramenta ministrat.
3. Decima personalis debetur iure communi ecclesiæ parochiali, prædialis autem ecclesiæ in qua sunt prædia, pro quibus soluitur; mixta autem, pro parte pro qua est personalis, sequitur naturam personalium; & pro parte pro qua est realis, sequitur naturam realium. num. 9.
4. Decima ouium licet ab aliquibus dicatur prædialis; attamen verior est, quod sit mixta propter multam industriam hominis, quæ in hoc requiritur: vnde lac, lana, factus earum dicuntur fructus industriales, sicut & oliua.

CONSILIUM I.

AD QVAESTIONEM Illustr. Comitissæ, qua quærit cui debeat soluere dimidium decimæ ouium suarum, quas mittit quotannis pascendas in monte Stellæ.

1. Respondeo sequentia. Primum, quod in hoc seruanda est consuetudo diu obtenta, ut ait S. Thom. 2. 2. quæst. 87. artic. 3. ad secundum, & ante illum gloss. in cap. cum contingat. de decim. verb. de iure communi: quod dictum corroborari, ampliari, & declarari potest per illa multa, quæ adducunt Panor. & alij in cap. in aliquibus. 9. fin. de decimis. & Felin. cap. causam quæ. de præscript. & alij multi alibi, quos allegat Franciscus Balbus in 1. quintæ partis princip. quæst. 7. de præscript. & eruditissimus Didacus lib. 1. var. resol. cap. 17. num. 8.

Secundo, quod ex hoc sequitur, non esse dubium de dimidio prædictæ decimæ, quod sit soluendum propter pascua montis Stellæ; quia in casu præsupponitur, quod consuetudo habet, ut dimidium decimæ ouium

quum, quæ transferuntur pascendæ ad dictum montem tempore æstiuo, debeat ibi solui, cum per primum dictum consuetudo illa seruanda sit.

- 2 Tertio, quod nihil de præfata decima debet solui ecclesijs illarum regionum, per quas transeunt oues prædictæ ad præfatum montem Stellæ, & redeunt ab illo in alia pascua hiberna. Tum quod licet in partibus innumeris Hispaniæ, cuius pars est Portugallia, in qua mons Stellæ situs est, oues mutant pascua, & in hieme morentur in alijs, & æstate in alijs longe sepositis, & necessario eundo & redeundo pascant in pascuis variorum locorum, & pagorum, nullibi tamen soluitur quidquam de decimis ecclesijs parochialibus eorum. quod iustificatur ex eo, quod de minimis non est de præcepto declinandum, secundum S. Thom. communiter receptum 2. 2. q. 87. art. 2. ad 3. & passio illa transitoria est parua, & non tanti momenti, ut ob eam debeat solui vlla decima. Tum quod esset moraliter impossibile iudicare recte, quæ particula deberetur eis solui, & computatio tati, vel paulo minoris constaret, quam particula soluenda valeret: & non est maior impensa facienda, vel maior labor assumendus, quam res ipsa valeat, l. mediterraneæ. C. de anno & tribu. lib. 10.
- 4 Quarto, quod illo anno, quo toto residuo tempore, excepto tempore, quo pascuntur oues in monte Stellæ, & quo eunt ad illum, & redeunt ab illo, pascuntur in pascuis parochiæ suæ, alterum dimidium decimæ proculdubio debetur ei; quia, cum illud debeatur alicui ecclesiæ, & non debeatur alicui ecclesiæ montis, nec alicui locorum, per quas transeunt eundo & redeundo, nec morentur in aliarum ecclesiarum pascuis, consequitur necessario illud illi deberi, arg. a sufficiente partium enumeratione, quod est validum, Instit. de oblig. quæ ex quasi contract. nas. in princ. & cap. si enim. de pœnit. dist. 2.
- 5 Quinto, quod ecclesia parochialis præfati D. Comitum non desinit esse ecclesia parochialis ipsius, eo quod eius excellentia causa comitandi Regem, vel fugiendi pestem, vel recreandi animum, vel agendi alia negotia, vel causa belli, manserit aliqua parte anni, vel etiam toto anno extra illam; nisi manserit ibi animo transferendi domicilium suum illuc in perpetuum, cap. 3. de sepult. lib. 6. & ideo cessat exorbitantia, quam videtur concipere, eo quod aliquot annis præteritis multis partibus eorum vixit extra ciuitatem, in qua habet domicilium. Nec obstat, quod potest quis habere domicilium in duobus locis, si æque utrobique se collocauerit, l. assumptio. §. viris prudentib. ff. ad municipa. & d. cap. 3. de sepult. non inquam hoc obstat; quia qui in vno loco habitat animo constituendi, vel conseruandi domicilium, & in alio loco habitat sine animo id faciendi, sed propter aliquam causam prædictam accidentalem, non se collocat tantum in hoc, quātum in illo, etiam si maiore tempore habitet in hoc, quam in illo. Non etiam obstat, quod, ut prædictum est, decima personalis debetur ecclesiæ, eo quod in ea percipiat sacramenta, & audiat diuina: & quod eius excellentia, cum abest à domicilio ob aliquam prædictarum causarum, in alijs ecclesijs percipit & audit illa: quia non percipit ex obligatione, qua ecclesiæ illæ tenentur ei ministrare, sicut ecclesia domicilij, quæ etiam pro ipso absente

absente tenetur offerre, & offert sacrificia, & facere, vt facit, alia diuina pro alijs præsentibus; & ob hanc obligationem, qua illa ecclesia tenetur ei ad hæc, ipse quoque tenetur ad soluendas decimas personales, & non alijs, quæ non tenentur ea illi facere, vt colligitur ex mente cap. ad Apostolicæ. & aliorum iurium de hac re statuentium, & subtiliter explicatur ab utroque Thom. 2. 2. quæst. 87. artic. 3. ad 2. quicquid murmuret Dom. Sot. lib. 6. q. 4. de iust. & iure.

- 6 Augetur tamen quæstio ex eo, quod in hoc casu videtur decima diuidenda in tres partes, & soluenda tribus ecclesijs, videlicet ecclesiæ montis, & ecclesiæ, in qua habet D. Comes domicilium, & percipit sacramenta, & in qua oues in hieme pascua pascunt.

Ad quam quæstionem applicari possunt ea, quæ Card. adducit in clem. 1. q. 16. de decimis, & Ioannes Imol. ibid. num. 10. post alios à se relatos, qui ambo faciunt mentionem de decima ouium diuidenda in tres partes; sed nec apud eos, nec apud Ioan. Andr. in mercu. regul. qui prior. de reg. iuris lib. 6. nec apud Innoc. Car. Pan. nec citatos ab eis, nec apud aliquem alium Theologum, aut Canonistam puto inueniri decisionem huius quæstionis: licet enim inueniatur apud eos decisum, quod decima ouium debeat multis ecclesijs, quando multarum ecclesiarum prædia pascuntur; non tamen attingunt, quid sit agendum, quando oues pascunt prædia diuersarum ecclesiarum, & dominus earum habet domiciliū in alia diuersa ecclesia, cuius prædia non pascuntur: & paucissimi eorum explicant qualis sit decima, quæ debetur de agnis, lana, & lacte, siue caseo: nam Goffr. in summa post gloss. in cap. ad Apostolicæ. de decimis, & fere omnes dicunt eam prædialem. & Dom. Sot. lib. 6. de iust. & iur. q. 4. in duobus vel tribus locis parui facit differentiationem decimæ prædialis, & personalis, contra fere omnes alios; cuius dictum licet quo ad quid defendi posset, simpliciter tamen non est verum, nec ipse nec alij communiter faciunt mentionem de tertia specie decimæ, quæ dicitur mixta, de qua tamen necessario facienda videtur, vt fecit præ omnibus alijs Hostiensis in summa de decim. §. quod sunt species. cuius dictum eo non citato sequitur Angelus à Clauasio breuiloquus auctor in summa ver. decima, in prin. quod nos quoque posuimus in Man. confes. cap. 21. nu. 29. sed nec Hostien. nec alius, nec nos tangimus, an decimæ mixtæ debeant solui aliter, vel alijs, eo quod sint mixtæ, quam prædiales: ex cuius declaratione pendet huius quæstionis decisio.

- 7 Septimo dico, quod videtur sententiam receptam habere, quod decima personalis soluenda est iure communi ecclesiæ parochiali, in cuius parochia domicilium habet is, qui eam debet propter sacramenta, & diuina, quæ ibi percipit, & audit; & quod prædialis debet solui ecclesiæ, in cuius parochia situm est prædium, ratione cuius illa debetur, iuxta gloss. communiter recept. in d. cap. ad Apostolicæ. de decim. vbi est expressa de hoc Papalis decisio.

- 8 Octauo, quod præfata gloss. tenet decimam animalium esse tantum prædialem, & deberi ecclesiæ, cuius parochiæ pascua pascuntur; & pluribus ecclesijs, si plurium parochiarum pascua pascerentur; quæ glossa communiter

ter approbatur ab ijs, qui nō meminerunt, quod decima animalium dicatur mixta à multis, in quibus sunt Host. & Ang. vbi supra. Pro quibus facit, quod industria domini & custodis multum operatur circa fœtum, lac, & lanam earum, propter quod fœtus dicitur fructus industrialis, & nō naturalis, secundum Bal. l. ancillæ. C. de furt. & oliua dicitur fructus industrialis, l. si eius. ff. de rei vend. & lana, & lac, iuxta glo. §. si quis à non domino. verbo cura. instit. de rerum diui. quam sequitur Bart. l. ex diuerso num. 3. ff. de rei vend. Panor. cap. grauis. de restit. spol. quorum qui opinionem tenuerit, dicere debet, decimas mixtas diuidendas esse inter ecclesiam, cuius parochianus est qui eam debet, & inter ecclesiam vel ecclesias, cuius, vel quarum parochiarum pascua pascuntur animalia: eo quod qua parte sunt personales, debent sequi naturam personalium, quæ debentur ecclesiæ domicilij: & qua parte sunt prædiales, debent sequi naturam prædialium, quæ debentur ecclesiæ, vel ecclesijs prædiorum depastorum: ita vt in simili triplex cum sit actio, personalis, realis, & mixta; illa quæ est mixta, qua parte est realis, sequitur naturam realis; & qua parte est personalis, sequitur naturam personalis, vt colligitur ex §. omnium. adiecto §. quædam. Instit. de act. cum eis adnotatis. & sicut cum triplex sit actio rei, persecutoria, pœnalis, & mixta; illa quæ est mixta, quatenus est rei persecutoria, sequitur naturam persecutoriam; & quatenus pœnalis, naturam pœnalis, vt colligitur ex §. ex maleficijs. Instit. de act. & sicut stipulatio mixta, de dando & faciendo sequitur partim naturam eius, quæ est de dando tantum, & partim naturam eius, quæ est de faciendo tantum. Facit etiam quod dicitur de illo, qui est Episcopus & canonicus eiusdem ecclesiæ, in cap. cum in ecclesia. de præben. lib. 6. & cap. à collatione. de appel. lib. 6. & de eo qui est iudex simul, & arbiter, & arbitrator, cap. nisi. de præben. & denique de quolibet qui habet duo officia diuersa, l. 2. ff. de officio procons. l. si quando. C. de appellat. cap. cum olim. de re iudic. cap. ex literis. de probat. adiuncta gloss. cum ei per omnes adiectis.

- 10 Nono, quod in casu quæstionis propositæ in 6. dicto D. Comes videtur teneri soluere dimidium totius decimæ prædictarum ouium ecclesiæ montis Stellæ, & dimidium alterius dimidij, hoc est quartam partem totius decimæ ecclesiæ suæ parochiali, & alterum dimidium dimidij prædictæ decimæ, hoc est quartam partem ei ecclesiæ, cuius prata in hieme præfatæ oues pascuntur. Horum trium dictorum primum ea firma ratione nititur, quod consuetudo antiqua illius regionis habet, quod nutritores ouium, quas pascendas traducunt ad prædictum montem, soluant dimidium decimæ ibi; & illa consuetudo non habet in nostra quæstione contrarium: immo indubitate significatur, quod ecclesiæ parochiali debeatur aliqua pars. Nec obstat, quod etiam in eadem quæstione significatur, quod dimidium totius decimæ debetur: tamen hoc dictum habet, quod non debet solui ei nisi dimidium dimidij. Non inquam hoc obstat; quia id intelligitur, quando oues pascuntur sola pascua parochiæ domicilij tota hieme. At in q. in 6. dicto proposita ponitur, quod oues pascuntur tota hieme pascua alius ecclesiæ. Tertiū autem probatur ex eo, quod secundum omnes debet habere suam partem ecclesia

ecclesia, cuius pascua pascuntur oves morando & manendo in eius parochia: & cum per consuetudinem dimidium totius decimæ debeat habere ecclesia montis Stellæ, & tam iure quam consuetudine illius regionis ecclesia parochialis debeat habere suam partem; necessarium videtur, ut alterum dimidium diuidatur inter ecclesiam parochialem, & illam, cuius pascua oves pascuntur: & si oves pascerentur in hieme pascua duarum, vel plurium ecclesiarum, illa quarta pars esset diuidenda inter illas ecclesias pro rata temporis, quo pascerentur oves in earum parochijs, ex mente Card. & Imolen. in d. clem. 1. de decim. Salua, &c.

SUMMARIUM.

- 1 Decimas, præsertim prædiales, soluere iure diuino tenentur omnes: quoniam autem, quæ secundum veriorum contra communem nunc debetur, est de iure positivo, num. 3. immo & quo ad aliquod prædium vel prædia, modo parochia remaneat sufficiens sustentatio in totum, ne debeantur per laicos possessores prædiorum, est præscriptibilis. num. 5. at ob peccatum non soluendi debitas decimas, nisi sit notorium, non potest parochus propria auctoritate non soluentibus sacramenta denegare num. 2.

CONSILIUM II.

AN PAROCHVS, qui est in possessione exigendi decimas intra certos limites possit repellere à sacramentorum perceptione quosdam particulares recusantes soluere decimas, sub prætextu, quod nunquam eas soluerint; stante maxime quadam declaratione Senatus Veneti, quæ sic habet, *Cum hac declaratione, quod illa terra, seu possessiones, quæ soluerunt quartasium, debeant continuare in solutionibus consuetis.* Arguendo à contrario sensu: Ergo qui non sunt soliti, non debent soluere. An inquam possit eos repellere tamquam pertinaciter in peccato persistentes.

- 1 Ad hanc quæstionem respondeo primo, illos parochianos, de quibus in ea quæritur, peccare mortifere nolendo soluere decimas. Tum quia iure communi, siue diuino, siue humano, omnes tenentur soluere decimas, præsertim prædiales, secundum omnes; & prædicti parochiani nullum titulum iustum allegant, per quem eximantur à solutione illarum; cum præsupponatur in facto, eorum auctores, & à quibus præfata prædia ipsi habuerunt, soluisse decimas, & ipsosmet fuisse ministros recipiendi eas; & consequenter non possederunt libertatem non soluendi eas bona fide; cui consequens est eos non vsucepisse, nec præscripsisse illam, cum possessor malæ fidei nullo tempore præscribat, cap. possessor. de regul. iur. lib. 6.

- 2 An autem sint repellendi à sacramentorum frequentia per parochum auctoritate propria, dicitur quod non. Tum quia nemo potest sine causæ cognitione alium iuris sui vsu priuare; quia illud esset auctoritate priuata priuare, quod non est licitum, cap. in literis. cum sibi concord. de restitu. spolia. etiam si esset iudex, cap. conquerente. eodem titu. Tum quia nemo debet esse iudex in causa propria, l. extat. ff. quod metus

causa. & l. si quis in tanta. C. vnde vi. etiam si alias sit iudex, l. qui iurisdictioni. ff. de iurisdic. omni. iud. Tum quia rector, seu parochus, qui priuat parochianos vsu sacramentorum, videtur spoliare eos, vt tradit Lap. allegat. 67. quod, vt dictum est, non licet facere.

- Non obstant allegationes doctissimorum virorum mihi presentatz, quibus concludunt prædictos parochianos teneri ad soluendas decimas;
- 3 Tum quia præsupponunt vnam conclusionem, quæ licet à nostris communiter teneatur post Innocen. in rub. de decim. & alias in cap. fin. de parochi falsa tamen est, vt nos breuiter retulimus in Man. confess. cap. 21. num. 28. & 29. scilicet quod decimæ debeantur quo ad quotam iure diuino post passum Christum, & oblitteratam legem veterem quo ad præcepta iudicialia, & carimonialia: non enim debentur iure naturali, nec diuino positio nisi quo ad sustentationem necessariam, siue competentem ministrorum, seu parochorum. Tum quia prædictorum doctorum responsa non sufficiunt ad priuandum eos iure suo, donec feratur à competenti iudice sententia, vt palam est. Non enim faciunt peccatum adeo notorium, vt possint repelli à sacramentis, iuxta ea, quæ tradimus in d. Manu. cap. 27. nu. 55. cum non sint constituti in peccato confesso per eos in iure, quod sit mortiferum, neque quod rei euidentia sit tale, neque per sententiam iudicis, quæ transferit in rem iudicatam: quibus tribus modis fit peccatum notorium, iux. trad. per Anto. Panor. & alios in cap. vestra. de cohabit. cleric. & mulier.
- 4 Et quo ad fundamentum eorum, qui se defendunt per constitutionem Serenissimi Venetorum Senatus, nihil potest eis prodesse, vt præfati eruditissimi consulentes respondent. Tum quia, vt erudite illi dicunt, argumentum à contrario sensu nihil valet ad probandum contrarium eius, quod alio iure statuitur, vt gloss. putata singul. quasi in istis terminis dicit in clem. 1. in verb. facere. de vsuris. Tum quia nulla secularis potestas, quamuis suprema, potest super hoc spirituali, saltem quatenus est tale, disponere, saltem contra ius Pontificium, cap. ecclesia sanctæ Mariæ. de constitutio. sed grande fundamentum habent in possessione immemoriali, quam videntur allegare. quoniam quicquid dicant plurimi, qui in hoc possunt allegari, & parum de iure, quo decimæ debentur, nouerunt;
- 5 veritas est, quod etiam laici possunt vsucapere, & præscribere libertatem ab obligatione soluendi decimas quo ad quotam, & ab obligatione soluendi de illo vel illo prædio; dummodo parochus, seu rector habeat ex alijs ecclesiæ iuribus congruam sustentationem. Quod quia est contra desiderium consulentium, non confirmo pluribus, quæ irrefragabilia sunt argumenta: solum addo, quod laici propter incapacitatem non possunt quidem ius spirituale percipiendi decimas præscribere, immo nec possidere, vt Felin. & alij multi dicunt; sed bene possunt præscribere libertatem soluendi decimas, quatenus sunt iure solo humano debitæ: quia non sunt incapaces huius libertatis.

SUMMARIUM.

- 1 Vicarium non potest contra solitum patronus onerare, ut de terris vicarie soluat parochie primitias.
- 2 Laicis nulla est super bonis ecclesie disponendi facultas.

CONSILIUM III.

N. FUIT per patronos ad vicariam quamdam presentatus hac conditione, ut ex terris annexis d. vicarie (quæ sunt pro sustentatione Vicarii) licet per præfatum N. administrarentur, solueret primitias parochie. Fuit N. ante ordinarium citatus, ut solueret primitias parochie, iuxta conditionem appositam tempore presentationis; qui respondit d. conditionem se non acceptasse, nec potuisse acceptare, cum sit super re spirituali, in qua non potest apponi conditio, nec modus, nec pactum, sed debet pure & libere tradi, quia aliter est simonia. Ut tamen lites evitaret, & ne contenderet cum laicis, eas sua sponte soluit, & non virtute conditionis præsentis. Dubitatur nunc, an isti patroni potuerint imponere istam conditionem, attento quod si dictus N. præfatas terras suis impensis colit, ac serit, non tenetur solvere primitias, sed tantum si alij eas colerent, ac sererent.

- 1 Respondeo, quod proculdubio præfati patroni non potuerunt illam conditionem imponere suæ presentationi; nec illud onus adijcere terris illis contra consuetudinem antiquam. Tum quia illud fuit contra cap. 1. de censibus, adiuncta saltem consuetudine non soluendi primitias, cum per Vicarium ipsum colerentur. Tum quia laicis nulla est super rebus ecclesie disponendi facultas. tex. est in cap. bene quidem. 96. distin. & cap. ecclesia S. Mariæ. de constit. Et præfatus Vicarius non debet pati, ut cum onere illo maneant terræ illæ contra consuetudinem antiquam gravatæ. Vide etiam cap. novum genus. quod est 2. de decim. & ibi bonam glo. & Panor. & Feli. cap. quæ in ecclesiarum. de constit.

DE REGULAR. ET TRANSEVN. AD REL.

SUMMARIUM.

- 1 Ecclesiam regularem fundare, melius est, quam sacularem, si cetera sint equalia: nam inæqualitas expensæ faciendæ posset aliud suadere. num. 2.
- 1 Perfectioris status personarum orationes sunt Deo gratiores.
- 1 Melius quo est opus, quod quis adiuvat, tanto plus ex eo & ipse iuvatur.
- 2 Voto obstricti opus Deo magis gratum, quam quod fit ab alio qui se non obstrinxit.

CONSILIUM I.

AN SIT melius, & Deo acceptius, fundare ecclesiam collegiatam regularem mendicantium, quam collegiatam sacularem, cæteris paribus?

- 1 Pro parte regularium facit primo, quod status religionis est melius, quam

quam status secularis; quia est in via perfectionis, ut dicitur à D. Tho. 2. 2. q. 184. art. 3. cuius orationes, cum sint meliores, sunt Deo magis acceptæ: ergo, &c. Secundo, quia ordo mendicantium non tantum orationibus, sed confessionibus, prædicationibus, lectionibus, bonis exemplis magis ædificant, & profunt Ecclesiæ: quæ plura bona magis adiuuant illorum fundationem, quia ipsorum est causa bonorum. Tertio, quia votum & status paupertatis magis Deo placent, quem ipse Christus in se suscepit, prædicauit, & Apostoli eum sequuti sunt. Ecce, inquit, nos reliquimus omnia, & sequuti sumus te: & omnis, qui reliquerit domum, vel agrum, &c. Quarto magis Deo placet, qui voto se obligat, quam alij, qui sine voto idem faciunt, cæteris paribus. D. Thom. 2. 2. q. 88. art. 6. Hæc argumenta efficaciter quidem probant, melius esse, cæteris paribus, fundare, ædificare, & dotare ecclesiam collegiatam regularem: præsertim mendicantium, quam collegiatam secularem. Sed in questione proposita non sunt cætera paria: quoniam multo maiorem impensam requirit fundatio & ædificatio ecclesiæ collegiatæ secularis cum assignatione reddituum sufficientium canonicis secularibus eam culturis, quam fundatio & ædificatio ecclesiæ regularis mendicantium sine assignatione reddituum sufficientium monachis alendis. si tamen, uti verbo proponitur, is Dominus vult tantum impendere in fundatione regularis ecclesiæ, quantum impenderet in fundatione ecclesiæ collegiatæ secularis, opus proculdubio Deo gratiosius faciet, fundando regularem, quam fundando secularem, per argumenta præmissa, & tradita per D. Thom. d. q. 184. ar. 8. & alia, quæ adijci possent, si esset necessarium. Salua, &c.

SUMMARIUM.

1. Religionem ingressurus debet considerare, an habeat habilitates; & inter primas numeratur sanitas, eruditio, & habilitas ad concionandum. pronitas autem ad libidinem, etsi proprius suadeat matrimonium, attamen & ingressum suadere potest, ut per fugam temptationum ab ea liberetur. at sororis necessitas posset esse talis, quam impediret, nisi aliunde posset provideri.

CONSILIUM II.

1. **A**D QVAESITA respondeo primo, D. consulentem posse iuvari ex ijs quæ nos scripsimus in comment. de regul. super cap. cui portio. ubi de dispositione requisita ad ingressum religionis tradidimus aliqua in eius principio, & alijs numeris sequentibus.

Secundo, quod necessitas matris superscripta non videtur sufficiens impedimentum ingrediendi religionem, neque (ut mihi videtur) necessitas aliarum sororum, præter quintam.

Tertio, quod pronitas in libidinem magis est causa ducendi uxorem, quam ingrediendi religionem; quamuis & aliquo respectu etiam profic quo ad ingressum, per quem tollitur occasio conuersandi cum mulieribus: & quod corporis sanitas, habilitas, & eruditio ad prædicandum, multum prodest ad prædictum ingressum.

Quar-

Quarto, quod præfata 380. scuta etiam multum profunt ad remedia quintæ sororis, & aliarum necessitatum matris, & aliarum sororum, prudenti iudicio inter eas diuisa.

Quinto, quod omnibus prædictis circumspectis, arbitror præfatum D. consulentem posse tuta conscientia ingredi religionem, prouidendo de illis scutis iudicio viri prudentis quintæ sorori, & aliarum necessitatibus, optimo modo quo fieri potest.

S V M M A R I V M.

- 1 Professio filij tenet, licet ipse ob parentum penuriam profitendo peccet.
- 1 Professio excommunicati, vel ad ratiocinia obligati valet, licet vterque peccet.
- 2 Filius religionem professus tunc demum ob parentum paupertatem exire tenetur, si tempore ingressus illis non valentibus aliter se sustentare arbitrio boni viri poterat, & nunc potest subuenire: necessitate autem cessante tenetur reuerti.

C O N S I L I V M III.

AN PARENTIBVS tanta paupertate laborantibus, vt filius non possit intrare monasterium, nec professionem facere absque peccato; si ingrediatur illud, & fecerit eam, valeat professio; & an teneatur exire ad eis subueniendum?

- 1 Respondeo, quod valet professio; quamuis profitendo peccet, & quamuis possit & teneatur exire ad subueniendum eis, si potest; & consequenter professio illa non potest declarari esse nulla. Tum quia professio religionis, etiam ab excommunicato facta, valet, licet profitendo peccet, cap. cum illorum. de sent. excommu. Tum quia, licet debitor magnæ quantitatis, & obligatus ad ratiocinium, non debeat intrare religionem; si tamen intrauerit, & professus fuerit, valent ingressus & professio, secundum notat. in rub. & cap. 2. de oblig. ad ratiocin. & ratio, quare is peccat profitendo, est, quod erat debitor prædictæ subuentionis: & ita, licet iuste possit exire ad subueniendum tantæ necessitati, tenetur tamen cessante illa reuerti ad suum monasterium, secundum mentem omnium: & animaduertat, quod, si absque licentia superioris exhibit, inquietabitur, vt suspicor, à sui ordinis fratribus.

- 2 AD POSTERIOREM QVAESTIONEM, respondeo, quod ad hoc vt professus teneatur exire ad subueniendum parenti pauperi non potest se alio modo sustentare, oporteret, quod tempore ingressus habuisset potentiam subueniendi, & viri prudentis arbitrio vtroque tempore potuisset & posset subuenire, per multa, quæ in hoc adduci possent. Salua, &c.

S V M M A R I V M.

- 1 Iuramentum, quod emittunt alumni Collegij Anglicani Romani, impedit ne ante illud impletum sine dispensatione religionem ingredi valeant, num. 5. & obligat ad seruandum contractum, quod cum Collegio inierunt; maxime cum per illud obligari videantur ad martyrium, quod ingressu religionis melius est. nu. 11.

- 2 *Votum & iuramentum licet sit actus religionis obligantis ad sui observationem, votum tamen maius vinculum inducit, & hoc respectu principalis obiecti, quod est ipse Deus, cui fit iuramentum tamen firmitus obligat, Deo inquam, & homini; unde & difficilius à Papa remittitur, nu. 10. & 11. & dissolvitur, nu. 11. & 12.*
- 2 *Vota omnia in votum religionis etiam propria auctoritate commutabilia sunt: quia professio transfert omnia profitentis in Dei obsequium: secus de obligatione iurata, qua quis alteri tenetur. nu. 11.*
- 3 *Iuramentum contra Dei consilium, & maioris boni impedimentum, est illicitum; & hoc, quando directe contra illud fieret; at si fiat de re bona, licet indirecte sequatur impedimentum aliquod maioris boni, non inde sequitur ut sit illicitum. nu. 13.*
- 4 *Lex privata Spiritus sancti inspirantis ad ingressum religionis legi publicæ est præferenda: & hoc, si constet, vel iuste præsumatur inspirationem talem esse à Spiritu sancto, & non aliàs. nu. 13.*
- 5 *Religionis ingressum impedit servitus, item & iuramentum deducendo aliquam in uxorem, nu. 6. obligatio item, qua tenetur quis alteri de gestis reddere rationem, nu. 7. item & debitum quod potest solui. nu. 8. & 9.*
- 14 *Religionem non ingredi vouere, illicitum quidem est, nisi fiat ad tempus pro observatione obligationis iuste ingressum impediens.*

CONSILIVM IIII.

ROMAE in collegio Anglorum est statutum, & constitutio Papalis, ut quicumque illud ingredi voluerit, teneatur iurare se post tot annos pro defensione fidei Catholicæ in Angliam profecturum, illamque ibi publice & priuate prædicaturum.

Quæritur, an qui huiusmodi iuramentum emisit, antequam illud adimpleat, possit religionem intrare.

Secundo, an aliquo modo possit fieri licitum votum de non intranda religione.

- 1 **AD PRIOREM** quæstionē respōdeo, pro parte illius affirmante facere primo cap. scripturæ. de voto. in illis verbis; *Reus fracti voti aliquatenus non habetur, qui temporale obsequium in perpetuam noscitur religionis observantiam commutare.* Cuius summa communis est, *Omne votum est mutabile in votum religionis etiam auctoritate propria*, ut ait Panor. ibi communiter receptus.
- 2 At S. Tho. in 2.2. q. 89. artic. 8. ait votum esse maius vinculum, quam iuramentum: ergo à fortiori omne iuramentum est mutabile in votum religionis etiam auctoritate propria.

Secundo, quod sicut omne votum licitum obligat ad sui observantiam, secundum eundem S. Tho. communiter recept. in 2.2. quæst. 88. art. 3. & est actus patriæ, siue religionis, secundum eundem ibidem artic. 5. ita etiam omne iuramentum licitum obligat ad sui observantiam, & est actus eiusdem virtutis patriæ, & religionis, secundum eundem S. Tho. communiter recept. in ead. 2.2. q. 89. art. 4. & 7. ergo eadem ratione, qua vota omnia licita sunt commutabilia in votum religionis auctoritate propria, eadem etiam omnia iuramenta licita erunt mutabilia propria auctoritate in votum religionis.

Tertio,

Tertio, quod ratio quare in votum religionis omnia alia vota sunt transmutabilia, est, quia votū religionis executum excedit aliud votum; quia per illud transferuntur omnia, quæ habet in obsequium Dei, iuxta cap. fin. de statu monach. At iuramentum in hac quæstione propositum est temporale, & non perpetuum, vt est omnis religio approbata: ergo potest transmutari in votum religionis approbatæ.

3 Quarto, quod iuramentum contra consilia Domini, & maioris boni impeditium, est illicitum, & non obligat, vt tradit S. Tho. ab omnibus recep. in d. q. 89. art. 7. in corpore quæst. At iuramentum præfatum si extenderetur ad impediendum religionis ingressum, esset cōtra consiliū Domini, & impeditium maioris boni: ergo non potest esse validum, neque obligare; sicut neque alia vota de non ingrediendo religionem possunt valere, vt idem S. Tho. communiter recept. affirmat in prædicta q. 88. art. 3. & 8.

4 Quinto facit cap. duæ sunt. 19. q. 2. quatenus habet legē priuatam Spiritus sancti, qua quis mouetur ad intrādā religionem, esse præferendam legi publicæ, qua quis tenetur ad seruiendum alicui dignitati, vel beneficio ecclesiastico præhabito, cui obligatur seruire. Ergo etiam qui iurat seruire animabus Angliæ, poterit intrare religionem, non præstito illo. Ad idem facit cap. licet. de reg. quod habet, cum qui est professus aliquam regulam religionis approbatam, posse transire ad aliam arctiorem & duriorē. At arctior & durior est perpetua religio approbata, quam visitatio animarum Angliæ temporalis: ergo hoc potest transferri in illam.

5 Pro contraria tamen parte, nempe quod qui fecit prædictum iuramentum non possit intrare religionem sine dispensatione, antequā illud compleat, facit primo, quod seruus non potest licite intrare religionem sine consensu Domini, cap. si seruus. 14. dist. eo quod nō potest disponere de se, quatenus est res aliena, sine domini consensu. At qui iurauit prædictum iuramentum, videtur se exuisse, & à se alienasse potestatem disponendi de se ad intrandam religionem, antequam impleat iuramentum: ergo non potest intrare illam, donec impleat illud.

6 Secundo facit, quod qui iurauit ducere aliquam in vxorem, non potest iuste intrare religionem, antequam ducat illam. c. commissum. de sponsal. Ergo qui iurauit antea ire in Angliam causa fidei Catholicæ iuuandæ, non poterit iuste religionem intrare, antequam illam adeat, cum posteaquam illam fuerit ingressus, non possit eam adire, arg. cap. quorundam. & cap. religiosus. de elect. lib. 6.

7 Tertio, quod procuratores, actores, executores, seu curatores pupillorum non possunt fieri clerici, nec consequenter monachi, donec reddant rationem de procurationibus, executionibus, & administrationibus suis, vt habet cap. 1. de obligatis ad ratiocinia. Nēc eadem ratione alij obligati ad reddendum rationem de suis administrationibus, vt communis opinio ibi concludit; & non alia ratione, quam quod qui obligatus est ad aliquid faciendum, prius debet illud facere, quam ingrediatur religionem. Ergo qui iurauit adire Angliam causa iuuandi animas fideles, non poterit intrare religionem, donec adeat illam, & adiuuet.

8 Quarto, quod multis & irrefragabilibus rationibus probauimus nos in comment. 1. de regul. super cap. cui portio. nu. 8. & affirmamus, quod debitor non debet intrare religionem, donec soluat debitum, si soluere potest. At qui præfato modo iurauit adire Angliam, debitor est animarum fidelium Angliæ ad adiuvandū eas, & potest prius adire illam: ergo prius debet soluere illud debitum, quam ingrediatur religionem.

9 Quinto, quod S. Tho. 2. 2. q. fi. ar. 6. quem ibi commendat Caiet. determinat debita certa soluenda esse ante ingressum religionis.

Sexto, quod debitor lege naturali & diuina tenetur soluere debitū, iuxta septimum præceptum Decalogi, Exod. 20. relati in glo. cap. quod in omnibus. 32. q. 7. quo non solum vetatur acceptio iniusta alieni, sed etiam retentio, cap. sæpe. de restit. spol. à qua obligatione non videtur absolueri ingressus religionis, plusquam à iuramento ducendi vxorē, à quo non absolui talem per ingressum religionis probat prædictum cap. commissum. At debitum eius, qui iurauit prædicto modo, est debitum certum, & debitum iure naturæ, diuino, & humano contractum: ergo debet prius illud soluere, quam accipiat statum, per quem amittat potentiam solendi.

10 Septimo, quod licet votum inducat valentiorē obligationem, quam iuramentum, eo respectu, quod obiectū principale illius est ipsemet Deus: alia tamen ratione iuramentū, quod fit homini, est fortius & firmitus. Tum quia nō solum, sicut votum, obligat per illud diuinum Psal. relatum in cap. 1. de voto. *Redde vota tua*; sic iuramentum obligat per illud diuinum, *Redde iuramenta tua Deo*, & per illud præceptum, *Non assumes nomen Dei in vanum*, Exod. 20. sed propter hoc quod iuramentum obligat non solum Deo, sed etiam proximo: adeo quod licet Pontifices passim absoluant iusta de causa à voto; à iuramento tamen, quo iurans obligatur proximo,

11 regulariter non absolunt, nisi de consensu partis. Tum quia licet votum metu emissum sit ipso iure nullum per cap. 1. de ijs quæ vi. iuramentum tamen metu contractum est validum, iuxta cap. verum. de iureiur. cap. ad audientiam. & cap. abbas. de ijs quæ vi. vbi glo. solemn. Et hanc conclusionem, scilicet quod iuramentum promissorium inducat fortiorē & firmitiorē obligationem, quam votum, latissime probauit Frater Michael à Medina Franciscanus eruditissimus in lib. 5. de sacrorum hominum continentia cap. 23. per multa, in quibus sunt, quod omnem obligationē, quam parit votum, parit & iuramentum, & aliam ampliorem; quia votum solum obligat Deo, iuramentum autem etiam homini: & quod obligationem soli Deo quæsitam facilius soluit Pontifex, quam quæsitam homini: immo vt ille ait, non potest soluere illam quo ad temporalia auctoritate Pontificia, vel saltem non solet absolueri, vt palam est; & quod ipsemet Christus multo plus commendauit solutionem debiti proximo, quam debiti sibi, & cæteris quæ ibi videri possunt. & quia præfatus, qui modo prædicto iurat, videtur contrahere cum præfato collegio, & contractum iuramento confirmauit, & contractus liciti iure naturæ, diuino, & humano obligant etiam Reges, & Principes, vt annotatur in cap. 1. de probat. Per quæ omnia hæc pars negatiua videtur esse verior.

Ad

Ad primum oppositorum respondetur, concedendo, omne votum regulariter esse transmutabile in votum religionis; negando autem consequentiam, quod ex hoc inferatur idem esse de iuramento, quo quis obligatur proximo; ea ratione, quod quamvis votum aliquo respectu sit maius & excelsius, quam iuramentum, hoc tamen est firmitus, & indissolubilius per adducta in tribus ultimis argumentis pro hac parte formatis.

Ad secundum oppositum respondetur, concedendo, votum & iuramentum ambo esse actus patriæ, & obligare: sed negando, quod tam firmum & indissolubile sit vinculum voti, ac iuramenti, per prædicta.

Ad tertium respondetur primo negando, quod votum religionis excedat omne aliud bonum: quia martyrium est eo maius, ut tradit S. Tho. 2.2. q. 24. ar. 3. & iuramentum præfatum videtur satis obligare ad martyrium, si res pensetur. Secundo respondetur, quod licet religio esset omnium actuum maximus, & optimus; tamen non sequitur ex hoc, quod obligatio ad illum nata sit omni alia indissolubilior, ut est exemplum in d. cap. commissum. de obligatione iuramenti ad ducendam uxorem, quæ iuste non potest solui per ingressum religionis, antequam vxor ducatur. est exemplum etiam in quocumque debitore ex contractu, præsertim iurato, per adducta pro hac parte in tertio argumento.

13 Ad quartum conceditur, iuramentum maioris boni impeditium non valere quidem, si directe ad id fieret: negando tamen de illo, quod directe fieret ad aliquod bonum, ex quo indirecte impediretur maius bonum, quale est omnis contractus, per quem quis obligatur ad soluendum proximo aliquod magnum debitum, etiam sine iuramento, vel renuit reddere rationem de administratione, quæ impediunt clericatum, & monachatum ante illius solutionem, ut prædictum est.

Ad quintum conceditur, priuatam legem Spiritus sancti præferendam esse legi publicæ, si constat, vel iuste præsumitur esse legem Spiritus sancti; sed negando, quod omnis inspiratio intrandi religionem, vel transeundi ad aliā strictiorem, sit à Spiritu sancto: quoniam quandoque est à spiritu maligno, ut satis probatur in prædicto cap. licet. & etiam quando inest aliquod legitimum impedimentum, qualis est seruitus personalis, & inhabilitas personæ per defectum sanitatis mentis, vel corporis, vel alius libertatis requisitæ ad id, quod Spiritus inspirat, ut nostra ætate inspirauit cuidam Regina & multis nobilibus fœminis consecrationem sacramenti Eucharistiæ, contra cap. noua. de pœnitent. & remissio.

14 AD ALTERAM QVAESTIONEM respondetur, quod ex prædictis resultat sua solutio: scilicet quod quamvis non liceat vouere non intrare, vel promittere simpliciter quod non ingredietur religionem approbatam; potest tamen contrahere cum aliquo contractum licitum, ex quo oriatur impedimentum ad intrandam religionem, donec impleat ex parte sua illum contractum; & consequenter iurare, quod non intrabit eam, donec id faciat; quia non licet ei usque ad illud tempus eam intrare, & sic potest iurare quod non intrabit eam usque ad illud tempus: quia id non est contra consilium Domini iurare. Salua, &c.

- 1 Coegisse mulierem monasterium ingredi non dicitur quis, si illa non sit ingressa: unde nec ipse, nec ei id consulens ligantur excommunicatione sacri Concilij cap. 18. sess. 25. de regularibus.
- 2 Consulentes, auxiliantes, & similes cum excommunicantur, in dubio accessorie censentur excommunicari: unde non sequuto effectu, non ligantur.
- 2 Consulentes appellari ad futurum Concilium videntur non ligari excommunicatione bullæ Cœnæ lata à Gregorio XII. licet ligetur per excommunicationem Iulij II.

CONSILIVM V.

CVM sacrum Concil. Frid. cap. 18. sess. 25. de regularibus anathematizet cogentes mulierem ad ingrediendum monasterium, atque præstantes consilium, auxilium, &c. Dubitatur, an cogens, & consilians sit excommunicatus, effectu non subsecuto.

- 1 Respondeo primo, quod quæstio, quo ad cogentem, nullum videtur habere dubium: quia nemo potest dici cogens ingredi, siue quod coegerit ingredi, nisi secuto ingressu. Aliud enim est conari cogere ingredi, & aliud cogere ingredi, quod non potest constare sine ingressu, ut palam est. & ita certum est, conantem cogere ingredi non excommunicari, eo quod coegerit ingredi. Secundo, quod neque etiam consulens videtur excommunicari, nisi subsecuto effectu, & ingressu. Tum quia consulens, fauens, & auxilians videntur accessorie in d. cano. excommunicari. Tum per regulam, *In panis benignior interpretatio est facienda*, de reg. iur. lib. 6. cum suis concord. & cum ille canon 18. non exprimat expresse, nec tacite, an accessorie, an æque principaliter excommunicet consulentem, interpretandum est quod excommunicet accessorie, quia illud est mitius, per resolut. positam in nostro Man. cap. 27. num. 51. per quam accessorie excommunicatus non incurrit excommunicationem, nisi consecuto effectu principalis excommunicationis. Tum quia Caiet. in sum. verbo excom. cap. 25. dixit, quod per constit. Pij II. qua excommunicavit appellantes ad futurum Concilium à Papa, cum consulentibus, auxiliantibus, &c. non fuit visus excommunicare consulentes, & auxiliantes, nisi appellatione subsecuta. Tum etiam dicitur in Manu. cap. 27. num. 58. quod per bullam Cœnæ, qua S. D. N. excommunicavit appellantes huiusmodi, & consulentes, ij non videntur excommunicati, nisi secuta appellatione: quamvis nec nos ibi, nec alius aliquis alibi reddiderit rationem fundamentalem, quam nos supra in prædicto fundamento reddimus. Tum quia Iulius Secundus extendit prædictam excommunicationem Pij Secundi ad eos, qui decreverint esse appellandum, vel cōsuluerint licite posse appellari à Papa ad Conciliū, vel cōsuluerint appellare, etiam non secuta appellatione; & ita clare significavit non comprehendere eos, nisi eam extensionem ipse fecisset. Tum quia S. D. N. iuris callentissimus, excommunicans appellantes, & consulentes, ut excommunicavit Pius Secundus, non addidit se excommunicare decernentes, & consulentes licere appellare, &c. ut Iulius, significans se pro sua benignitate

gnitate velle ab excommunicatione bullæ Cœnæ eximere consulentes, & auxiliantes, non secuta appellatione, licet includatur in extrauag. Iulij II. sed non quo ad hoc, vt censeantur excommunicati bulla Cœnæ. Salua, &c.

SUMMARIUM.

- 1 Cogens puellam ingredi monasterium, etiam vt ibi in habitu seculari vsque ad ætatem nubendi educetur, comprehenditur sub decreto sacri Concilij sess. 25. de regularib. cap. 18. & num. 3.
- 1 Ingressus monasterij dictio, etsi de assumptione habitus probationis, ac de professionis emissionem soleat intelligi; attamen quando lex disiunctive loquitur de assumptione habitus, vel de ingressu, tunc latius patet.
- 2 Repetitio eiusdem dictionis in eadem dispositione denotat id cum mysterio factum.

CONSILIUM VI.

AN COGENS aliquam puellam minorem 12. ingredi monasteriū, non causa accipiendi habitum, nec faciendi professionem, sed vt maneret ibi honeste vsque ad ætatem nubendi, incidat in excommunicationem cap. 18. de reg. sess. 25. Concil. Trident.

- 1 Respondeo, quod pro parte negativa facit primo, quod in hac materia iuxta authent. ingressi. & ei annotata C. de sacrosanctis eccles. appellatione ingressus venit tantum ingressus ad suscipiendum habitum, quem appellant primum ingressum, & ad faciendam professionem, quem appellant secundum ingressum; ad quorum nullum prædicta puella est coacta in casu proposito. Secundo, quod si de quolibet ingressu esset intelligendum illud cap. Concilij, sequeretur quod etiam haberet locum in cogente ingredi ad audiendam Missam, vel ad visendam quampiam cognatā, quod non est dicendum, quia absurdum, l. nam quod absurdum. ff. de bonis liber.

- Pro parte affirmatiua vrget primo, quod verba proprie sunt intelligenda, nisi de contraria mente loquentis appareat, l. non aliter. ff. de legat. 3. & verba illa disiunctim posita, ad ingrediendum, vel ad habitum suscipiendum. &c. proprie intellecta comprehendunt cogentem tantum ad ingrediendum; cum in alternatiuis sufficiat vnā partem earum esse veram, c. in alternatiuis. de reg. iur. lib. 6. Secundo, quod bis repetit illa tria verba, ad ingrediendum, vel ad habitum suscipiendum, vel ad professionem faciendam. & repetitio dictionis in eadē dispositione facta significat id esse cum mysterio factū, iuxta gl. memorabilem in clem. 1. de iure patron. verbo diœcesanis. Tertio,
- 3 quod Conc. non abs re potuit considerare, quod qui cogit intrare aliquam in aliquod monasterium, vt ibi educetur, indirecte videtur cogere, vt cum tempus fuerit, accipiat habitum, & faciat professionem precibus, aut blāditijs monialium, aut minis eiusdē, qui coegit intrare; aut verecundia, & timore maledicorū; & ideo voluerit hanc viam indirectam cogendi præcludere. & legislatorū est, non solū vias directas, sed etiā indirectas prohibere, c. cū quid vna via prohibet, non debet altera concedi. de reg. iur. lib. 6.

Per quæ videtur hæc pars literæ & menti illius cap. & vsui intromittendi puellas ad educandum eas in monasterio germanior, & tutior, atque ideo tenenda. Salua, &c.

SUM-

- 1 *Errans circa intelligentiā legis difficilis, qualis est, cap. 18. sess. 25. de regularibus, excusatur à peccato mortali, & successiue ab excommunicatione ob illud inflicta.*

CONSILIVM VII.

RELIGIOSVS quidam, habens neptem, ac timens, ne in aliquem errorem incideret (patre enim carebat) procurauit, vt monasterium ingrederetur, donec ad nubēdi ætatem perueniret: quod totum effectum est, etiam ipsa & matre nolentibus. Quæritur, an sit excommunicatus vigore Concil. Trident. sess. 25. cap. 18. vbi ait, *Anathemati subijcit prædicta Synodus, &c.* Deinde quæritur, an si incidit in excommunicationem, id ignorans, celebrando inciderit in irregularitatem.

- 1 Respondeo, quod D. consulens in foro exteriori iudicabitur excommunicatus, & si celebrauerit, irregularis; quamuis nos credimus eum non esse iudicandum irregularem in foro conscientie: quia, qui errat ob legem difficilem intellectu male intellectam, non peccat mortifere, secundum Innoc. in cap. per tuas. num. 2. col. 2. de simo. probatum, & roboratum à Felin. in cap. 1. de re iudicat. col. 7. Et nemo cadit in excommunicationem legis vel canonis generaliter latam per actum, qui vere non est peccatum mortale, cap. nemo. & cap. nullus. 11. quæst. 3. quod in multis locis nos asseruimus, & nuper in Man. cap. 27. num. 157. & 241. & negari non potest prædictum cap. 18. quo ad hoc esse difficile intellectu. Salua, &c.

SUMMARIVM.

- 1 *Congregatio Hospitalarium Ioannis de Deo an ex bulla Pij V. sit censenda approbata vt religio, ex coniecturis, & in dubio pro negatiua est iudicandum. num. 3.*
- 2 *Regulares non sunt omnes, quibus Papa concessit vt viuant sub regula seu secundum regulam S. Augustini. & num. 1.*
- 3 *Institutio nouæ religionis præcipue mendicantium, & maxime illorum quorum professores vt plurimum lautius in sanitate & ægritudine gubernantur & tractantur, quam sibi pares seculares in suis domibus priuatis degentes, non facile est admittenda.*

CONSILIVM VIII.

- V**ISA bulla fel. rec. Pij V. concessa fratribus qui dicuntur confratres hospitalis Ioannis Dei; videtur primo esse quæstionis magnæ, an ipsi confratres hospitalis prædicti, & aliorum similium debeant esse fratres professi. Quoniam pro parte affirmante facit, quod debent viuere sub regula sancti Augustini. Pars vero negas videtur verior. Tum quia præfatus Pius non videtur velle constituere nouam religionem, nec efficere nouam regulam. Tum quia regula sancti Augustini appellat prælatos suos præpositos, & presbyteros, qualiter non appellat Pius, neque illi habent eos. Tum quia nullibi iubet vt faciāt professionem solemnem. Tum quia
non

non videntur ipsi esse inhabiles ad contrahendum matrimonium, cum sola professio facta in religione approbata inducat inhabilitatem ad illud contrahendum. Tum quia expresse habet, quod de consensu confratrum hospitalis, in quo viuunt, possint dimittere habitum, & assumere illud. Tum quia nullam mentionem nec differentiam facit inter nouitium & professum, sed solum inter deferentem scapularium, & non deferentem illud. Et primo die quo illud accipiunt possunt petere elemosynas, & seruire hospitali perinde post duos & tres menses, & post annum. Tum quia nouitius regularis si sit clericus, quales non oportet ipsos esse secundum S. Tho. 2. 2. q. 189. ar. 8. ad secundum, si simpliciter profitetur regulam S. Augustini, diceretur canonicus regularis. At nemo, ut puto, dixerit quod intentio prefati Pij V. fuerit facere eos canonicos regulares, quorum magna est in Ecclesia Dei auctoritas. Tum quod potest quis viuere secundum regulam sancti Augustini, licet non sit professus illam: canonici enim nouitij viuunt secundum regulam sancti Augustini, & tamen non sunt professi illam. Nec prefati confratres tenentur, ut puto, recitare horas canonicas, quas tenerentur dicere, si essent canonici, vel profiterentur regulam sancti Augustini. Itaque non debent ipsi meo iudicio facere professionem in forma predicta, antequam habeatur notitia authentica de forma qua fit professio in hospitali Granaten. immo neque postea, nisi consulto S. D. N. & facta per eum declaratione quod hic modus viuendi erigitur in veram & approbatam religionem, & impediens matrimonij contractum, & requirentem annum nouitiatus, & officij diuini, vel aliarum precum eis subrogandarum recitationem: quod nescio an facile faciet, attenta multitudine religionum, maxime mendicantium, contra cap. fin. de religios. domib. & quod populus magna paupertate opprimitur, & eorum aliqui opiparius viuunt, & propinant ægrotis, quam alij suæ conditionis homines in domibus suis tractantur. Et multi adeunt huiusmodi hospitalia, ut melius tractentur in eis, & hinc non parum crescit impensa populi, a quo illa mendicatur.

SUMMARIUM.

- 1 Bullarum plumbatores, quibus Pontifices in collatione officij dant habitum ordinis Cisterciensium, & vocant Cistercienses conuersos, ob hoc, cum aliud non promittant, vel faciant, vere non efficiuntur religiosi, num. 3. nec alicui subduntur, immo remanent laici liberi etiam ad effectum matrimonij contrahendi, ut prius. num. 5.
- 2 Religiosus verus post Concilium nemo effici potest, nisi post probationis annum sine interruptione in monasterio exactum, & post emissaria substantialia vota. nu. 4.
- 3 Papæ sola nominatio non facit quem religiosum.

CONSILIUM IX.

IN CVRIA est officium, quod vocant plumbatoris bullarum, cuius officialis vocatur vulgo frater plumbi, & defert habitum, siue scapulare certi

certi coloris, quod in collatione eiusdem à Papa accipit, & nominatur ab eo ordinis Cisterciensis conuersus: nullam tamen professionem emittit, nec uiuit sub ullius regula, vel obedientia. Quæritur, an præfatus officialis sit religiosus, ita ut possit in aliquo à Cisterciensibus, vel alijs molestari super persona, & bonis, quæ in dies sibi acquirit.

- 1 Ad hanc quæstionem responsurus præmitto primo illud Iurisconsulti, *Incivile est iudicare de lege, nisi tota ea perspecta*, l. incivile. ff. de legibus. & non possum credere non esse aliqua statuta, vel leges, secundum quas debeant prædicti plumbatores vivere, præsertim cum à Papa vocentur conuersi Cistercienses, & accipiant habitum ab eo, & cum portent scapulare certi coloris: & non possunt illa fieri, & dici commode, nisi aliqua alia referantur & addantur: & ideo tenor illorum statutorum & legum proponendus esset Iurisconsultis huic quæstioni responsuris.

Secundo, quod præsupposito, quod nulla talia statuta habeant prædicti plumbatores, & quod Papa, cum confert illa officia, vel tollit, vel mutat ea, nec facit, nec dicit alia, quam quæ referuntur in quæstione proposita, dicenda videntur sequentia.

- Primum, quod ipsi non sunt vere religiosi. Tum quia post Concil. Trid. cap. 15. sess. 25. de reg. nemo potest esse vere religiosus, nisi post annum probationis perfectum: & prædicti plumbatores nec faciunt, nec incipiunt, nec mediant annum præfatum. Tum quia non solum requiritur annus præfatus perfectus, sed etiam quod sit continuatus in monasterio, & non quomodocumque, sed continue sine interruptione, ut videtur casus inc. 1. de regul. lib. 6. ubi post Lapum & Domin. tradit Philipp. Franc. & firmis rationibus probari potest. Tum quia præsupponitur nullam professionem eos facere, neque expressam, neque tacitam; & quod illa nihil potest operari, etiam si fieret, cum fieret ante anni præfati perfectionem, quem nunquam ipsi incipiunt. Tum quia prædicta nominatio, qua Papa nominat eos Cistercienses, non sufficit ad faciendos eos religiosos veros, per clem. ult. de sentent. excommunic. quæ habet non censi Papam absolvere excommunicatum, eo quod verbo vel facto communicet illi; neque tribuere dignitatem, vel beneficium, seu honorem, eo quod appellet eum nomine significante eum esse positum in illa dignitate, beneficio, vel honore. Tum
- 4 quia non sunt ipsi iure censendi conuersi Cistercienses; cum iure communi ad id requiratur ut faciant tria substantialia vota, castitatis, paupertatis, & obedientiæ, iuxta ea quæ traduntur in c. ex eo. §. 1. de elect. lib. 5. & in c. ut lex continentia. 27. q. 1. & traditur per Panor. Fel. & Dec. & eos, quos ipsi citant in c. in præsentia. de prob. quæ ipsi non faciunt, ut late monstrari pót per ea, quæ nos adducimus in c. om. 2. de reg. super cap. cui portio. à nu. 14. referendo late ea, quæ sunt necessaria ad hoc, ut quis dicatur emisisse illa.
- 5 Secundo, quod prædictis est consequens prædictos plumbatores nullatenus esse religiosos: & consequenter neque à Cisterciensibus, nec ab alijs religiosis posse molestari tamquam à superioribus, & posse uti proprio, & bonis alijs iuste quæsitis; immo & contrahere matrimonium, & renunciare officijs suis, reservatis sibi fructibus de consensu Papæ, vel non reservatis;

uatis;

uatis, & denique omnia alia, quæ licita sunt clericis, vel laicis, iuxta statum, quem legitime habent, vel habuerint; si, vt præmittitur, statuta, leges, vel consuetudines præscriptæ, vel aliæ conuentiones inter Papam & ipsos, vel iuramenta iuste præstita, non fuerint eis contraria. Salua, &c.

S V M M A R I V M.

- 1 Milites regulares sancti Stephani, cum sint vere religiosi, sunt incapaces parochialis secularis. num. 11.
- 1 Religio sancti Stephani à magno Duce Hetruriæ ex concessione Pij IIII. num. 4. ad instar Calatravæ & Alcantaræ, num. 3. ad militandum pro defensione fidei, ita vt non requirat clericatum, num. 2. instituta, & etiam ab eodem Pontifice confirmata, est vere & proprie religio, num. 1. habitum habens regularem militans sub regula sancti Augustini. num. 4. cuius professores votum paupertatis emittunt. num. 5. & 9. & morientium spolia spectant ad ærarium religionis. num. 5. possunt tamen ex priuilegio Apostolico relictæ quinta parte dicto ærario testari. num. 5. & num. 9. & 16. Itemq. emittunt votum castitatis, mitigatum tamen à sede Apostolica ad coniugalem. num. 6. & 11. suntq. etiam si beneficia possiderent à iurisdictione ordinaria exempti. num. 7. ex eorum autem statutis post sacrum Concilium editis & confirmatis non tenentur facere annum probationis. num. 8. & 10.
- 9 Votum obedientiæ regularis includit in se votum castitatis, & paupertatis in regula præcepta.

C O N S I L I V M X.

CVM Vincentius Guidius, presbyter Lucanus V. I. D. & ordinis seu militiæ sancti Stephani Papiæ professus, in concursu parochialem ecclesiam sanctæ Mariæ de Brancalo Lucanæ diœcesis obtinuerit, stante Lateranensi Concil. in cap. monachi. de statu mona. ac canoni. regul. ac sacro Conc. Trid. in cap. 10. sess. 14. & toto tit. de regularib. & monialib. sess. 25. Dubitatur, an per assumptum habitum, & emissam professionem in d. militia, ita sit regularis effectus, vt incapax sit sæcularium beneficiorum, & ita à dicta parochiali reiiciendus.

- 1 Respondeo, quod pro parte affirmatiua propositi dubij facit primo, quod omnis, qui emittit professionem, qua in religione probata voueat tria vota substantialia, est religiosus, siue regularis, accipiendo proprie & strictè illa verba, *religiosus*, & *regularis*, vt accipiuntur in tit. de reg. t. in lib. 6. Clement. quam in antiquis, secundum omnes in d. rub. de regul. & communè in cap. ecclesia sanctæ Mariæ. de const. & alibi sæpe. & prædictus consulens emisit professionem etiam expressam huiusmodi: quia emisit illam in prædicta religione sancti Stephani, quæ est approbata, vt constat per confirmationem eiusdem à Pio IIII. factam, & vouit tria vota, scilicet charitatis, pudicitia, & obedientia, vt ex forma vouendi in prædicta religione palam colligitur. Ergo est vere, proprie, & strictè religiosus, & regularis.

Secundo facit, quod duo sola sunt genera hominum; alterum clericorum, & Deo deuotorum, siue religiosorum; & alterum laicorum, cap. duo sunt genera. 12. q. 1. & sodales sancti Stephani non sunt laici, quia gestant habitum cruce insignitum, & distinctum ab habitu Christianorum laicorum, vt palam

ut palam est, & ita non sunt laici. Non etiam sunt clerici: quia licet clerici possint esse sodales illius ordinis, de substantia tamen & essentia illius non est aliquis ordo, ut colligitur ex regula, quæ non requirit ullum ordinem etiam clericatus, quo ad eos, qui sunt arma secularia exercituri; sicuti neque est de substantia & essentia monachorum, & religiosorum aliorum ordinum, quam canonicorum regularium, ut definit S. Th. 2.2. quæst. 189. ar. 8. ad 2. Ergo sunt Deo deuoti, siue religiosi.

Tertio facit, quod religio vera & propria potest institui ad militandum pro defensione fidei, vel reipubl. Christianæ, ut pulchre probat S. Tho. 2.2. quæst. 188. art. 3. & prædicta religio sancti Stephani est instituta ad defensionem fidei Christianæ, & ad impugnationem infidelitatis illi contrariæ: ergo merito dici potest vera & propria religio, & sodales eius vere & proprie religiosi.

Quarto facit, quod omnes communiter putant prædictam religionem sancti Stephani esse quiddam longe maius, & altius, quam fratricas, siue confraternitates, siue societates, quas vocant Trinitatis, Sacramenti, S. Crucis, Rosarij, Misericordiæ, & id genus alias: & si non esset vera & propria religio, non esset res altior illis: ergo est vera religio.

3 Quinto, quod religio sancti Stephani videtur instituta instar religionum sancti Iacobi, Calatrauæ, & Alcantaræ, quæ inueniuntur in Hispania ad militandum institutæ, ut expresse colligitur tam ex primis, quam ex secundis literis Pij IIII. quibus dedit facultatem instituendi prædictam militiam. At illæ sunt veræ & propriæ religiones, ut aperte probauimus in tract. de retrib. ecclesiast. quæst. 1. mon. 55. & 56. Ergo etiam prædicta religio sancti Stephani censenda est vera religio, & sodales eius vere religiosi, & vere regulares.

4 Sexto, quod prædicta militia S. Stephani est instituta iuxta formam & facultatem instituendi, quam dederat Duci institutori Pius IIII. qui solū dedit ei facultatem instituendi vnā militiā sub regula S. Augustini, aut S. Benedicti, vel Cisterc. aut alterius approbati ordinis, ut habetur expresse in primis literis Pij IIII. & etiam in secundis, ibi, *Sub certum approbatum ordinem per eum eligendum*: & ibi, *Sub regula sancti Benedicti, vel alterius approbati ordinis*: & ibi, *Habitu regulari huiusmodi ordinis*. Per quæ verba clare significatur, habitum prædictæ militiæ debere esse regularem, & non qualem qualem, sed ordinis huiusmodi, nempe probati: quia hæc dictio, *huiusmodi*, est restrictiua, l. huiusmodi. de leg. 1. & clarius ibi, *Sub regula sancti Benedicti erexerit*. Per quæ apparet, quod prædicta militia erecta fuit sub regula sancti Benedicti: & consequenter sunt religiosi, & regulares ordinis sancti Benedicti, quos constat vere & proprie esse religiosos.

5 Septimo, quod ex varijs locis regulæ & statutorum præfatæ militiæ colligitur, præfatos milites expresse vel tacite emittere votum paupertatis: nam in cap. 3. *dell'habito del Cauallero*, habetur, quod aliqui prædictæ militiæ sunt conuersi: at conuersus in religione est, qui tria substantialia vouit, cap. ex eo. 6. 1. de elect. lib. 6. & in cap. 4. habetur, religiosos aliorum ordinū huic militiæ parium posse transire ad illam de superiorū consensu, & ex

cap. 17. & ibi, *Quello che s'è detto delle spoglie, &c.* per quæ verba significatur, eos nō habere liberam testandi facultatem: & ex cap. 26. quo iubentur milites ægroti facere inuentarium suorum bonorum mobilium, ad hoc, vt eoi mortuo perueniant ad suū ordinem: & in c. 2. *delle alloggiamenti*, ibi, *che li beni delle spoglie si vendano all'incanto, &c.* & in cap. 1. *delle prohibitioni*, & pene. ex quo patet, non habere illos liberam facultatē testandi, sed limitatam, & id virtute illius statuti auctoritate Papæ confirmati: & in cap. 26. *delle prohibitioni*, & pene, ibi, *I beni delle spoglie de i nostri Cauaglieri s'appartengono di buona ragione al nostro thesoro commune, &c.* Et in additione reformationis, & in priuilegijs à Pio IV. concessis expresse dicitur, quod prædicta militia est instituta sub regula B. Benedicti, & paulo inferius facit eis priuilegium testandi, quinta parte relicta ordini prædicto; præsupponēdo, quod non possint testari libere. Tum quod in eisdem literis pro priuilegio cōceditur eis, quod quædam beneficia sæcularia eis conferri possint, si aliās canonice conferantur.

6 Pro contraria parte multa possunt allegari: quorum primum est, q̄ non potest cōsistere religio absque voto solemnī paupertatis, castitatis, & obediētiæ, cap. cum ad monasterium. de stat. monach. & late probat S. Tho. 2. 2. q. 186. art. 6. & 7. & quod prædicti milites non vouent castitatē simpliciter, sed tantum castitatem coniugalem, nec vouent paupertatem, sed loco eius charitatem: quod palam est nō tollere dominium, neque possessionem bonorum, vt tollit votum solemnē paupertatis, cap. non dicatis. 12. q. 1.

7 Secundo, quod in priuilegijs concessis à Pio IV. est vnum, quo eximit ab omni iurisdictione ordinaria quoscumque milites prædictæ militiæ, etiam quodcumque & qualiacumque beneficia habentes. per quod præsupponere videtur, posse prædictos milites recipere & obtinere beneficia etiam sæcularia curata, & simplicia: quia, qui totum dicit, nihil excludit, cap. solitæ. §. fin. de maior. & obed. cap. si Romanorum. 19. distin.

8 Tertio, quod videtur in prætorio Rotæ decisum, prædictam militiam sancti Stephani non esse propriē & vere religionem; & in ea possunt facere professionem ante finitum probationis annum; quæ tamen non potest fieri in religione, quæ vere & propriē sit religio, post Conc. Trid. per cap. 15. sess. 25. de regularibus.

Quarto, quod licet eis testari de omnibus suis bonis, relicta quinta parte ordini, vt patet per priuilegium Pij V. sub fin. suæ regulæ & statutorum impressum.

9 Quinto, quod votum castitatis coniugalis non sufficit ad veram religionem, vt probat S. Tho. 2. 2. q. 186. art. 4. ad 3. & art. 6.

Sed hæc non obstant. Ad primum enim respōdetur, negando, quod prædicti milites non emittant votum paupertatis solemnīs. Tum quia contrarium colligitur ex multis locis supra citatis, in quibus probatur non esse prædictis militibus testandi liberam facultatem. Tum quia, qui professionem facit secundum aliquam regulam monachalē à Sede Apost. approbatam, videtur vouere castitatē, & paupertatē, quas regula illa iubet seruari, etiā si nullam aliam expressionē faciat. quod confirmatur per illud singulare dictum S. Tho. 2. 2. q. 186. ar. 8. scilicet quod votum obediētiæ continet

alia duo vota, scilicet castitatis, & paupertatis, quæ præcipit regula.

Ad secundum concedo illud habere colorem, sed non concludere. Tum quia non habet bulla Pij IV. quod prædicti milites possunt habere quodcumque, & qualiacumque beneficia; sed quod quodcumque & qualiacumque habeant, sunt exempti, quod longe aliud est, & verificari potest in beneficijs regularibus, & secularibus commendatis, vel per dispensationem retentis, vel dependentibus ab ordine suo.

10. Ad tertium concedimus, in pratorio Rotæ decisum esse, posse prædictos milites vouere intra annum probationis, sed non ea ratione, quod prædicta militia non sit vera religio; sed alijs rationibus, quæ in decisione redduntur; & optima videtur esse, quod per statuta à Sede Apost. confirmata post Conc. Trid. in prædicta militia non requiritur annus probationis, sed simul in assumptione habitus sit professio, vt patet ex cap. 3. continente modum assumendi habitum, & profitendi.

Ad quartum responderetur, negando quod liceat eis testari libere, sed cum limitatione; & id non iure communi, sed priuilegio expresso Pij IV. & statutis à Sede Apost. confirmatis: per quod argumentum retorqueri potest facile in arguentem.

11. Ad quintum concedimus, votum castitatis coniugalis non sufficere iure communi ad constituendum votum solemne castitatis: sed negando id non posse fieri priuilegio: cum enim solemnitas voti sit iure humano inducta, potest illa minui, vel augeri rationabili causa subsistente: & ita, sicut Papa potest facere religioso facultatem aliquo modo testandi, moderando solemnitatem voti paupertatis: ita etiam facere facultatem vtendi coniugio legitimo, minuendo solemnitatem voti castitatis, vt etiam dixi in prædicto tract. de re dit. eccles. q. 3. num. 12.

Per hæc tumultuario studio scripta, hanc partem credimus veriore; licet contraria ab initio ante lectum librum regulæ me ei accedere cogisset, eamque affirmare etiam nunc voluissem in gratiam D. consulentis, quem profecto ex animo amo, & suspicio. Salua, &c.

S V M M A R I V M.

1. Miles ordinis Christi in Italia de licentia superioris manens gaudet canonis & fori priuilegio, estque vere religiosus. num. 2. & seq.
2. Matrimonium etsi iure communi sit incompatible cum religione, secus tamen est si accedat dispensatio Apost. quæ potuit ex iusta causa castitatis votum essenziale religionis in religionibus militaribus mitigare, & reducere ad votum coniugalis castitatis. num. 4.
3. Voti obligatio iuris naturæ & diuini est, solemnitas humani; & ita, vt plus, vel minus in ea requiratur, statui potest.
4. Pontifices Max. sicut Petrus eandem potestatem à Deo accipiunt immediate.

C O N S I L I V M XI.

QUIDAM eruditissimus patronus per multa conclusit, quemdam militem ordinis Christi Lusitania manentem in Italia de licentia magistr

stri

1. *Arri illius militiæ, qui est Rex à Sede Apost. deputatus, debere gaudere priuilegio canonis & fori, & accusatum de crimine remitti ad suū iudicem ecclesiasticum. Rogatus vt meam de conclusione præmissa subscriberem simpliciter sine allegationibus sententiam, dico primo, illam esse veram, erudite, neruose, copiose, & pie fundatam.*
2. *Dico secundo, quod nullus alius contra eam videtur relictus scrupulus, præterquam quod quibusdam recentioribus visum est, coniugium incompatible esse religioni, & per consequens non esse possibile, quod aliquis sit legitime coniugatus, & religiosus, cum contraria non se compatiuntur; qui tamen scrupulus duplici consideratione conteritur. Altera est, quod licet in corpore iuris clauso iure communi, cui nititur doctrina D. Thom. recept. 2. 2. quæst. 188. art. 3. & quinque sequentibus art. assumptum sit verum, per dispensationem tamen sedis Apost. id fieri potest, secundum cōmunem sententiam Innoc. gloss. & aliorum in cap. cum ad monasterium. de statu mona. quam etiam Caiet. sequutus est contra suum D. Tho. 2. 2. quæst. 88. art. 11. quam nos etiam sequuti sumus in Man. cap. 12. num. 75. & paulo latius in com. 2. de reg. num. 17. Altera, quod licet voti obligatio sit iure naturali & diuino inducta, solemnitas tamen voti iuris humani Pontificij inuentum est; Pontifices enim Max. induxerunt, vt ad faciendum solemne votum requiratur primo, quod constet ex tribus votis, scilicet, castitatis integræ, paupertatis, & obedientiæ: secundo, quod hæc tria fiant in religione approbata: tertio, quod fiant in manibus eius, qui potest vouentem incorporare religioni; & quod alioquin non sit solemne secundum omnes. & ideo sicut Papa statuit, & induxit, vt omnia prædicta requirantur ad hoc, vt aliquod votum dicatur solemne, & sufficiens ad faciendum quem verum religiosum, & ad alios certos effectus; ita potest statuere, vt aliquid amplius requiratur, vel aliquid minus sufficiat; & consequenter potest efficere, quod non solum votum castitatis integræ, sed etiam votum castitatis conjugalis sufficiat; cum omnes Pontifices Max. æqualem, immo eandem potestatem ecclesiasticam immediate à Deo, sicut ipse Petrus accepit, habeant, & accipiant, arg. cap. in nouo. 21. distin. cap. cuncta. cap. ipsi sunt. 9. quæst. 3. & cap. 1. de homicid. in 6. & alia multa, quæ nos citauimus in repet. cap. nouit. de iudic. not. 3. Quo fit, quod licet omnes religiosi emittant votum paupertatis, non tamen omnes pari modo ad eam seruandam obligantur: Franciscani enim de obseruantia, & Capuccini tenentur eam seruare in particulari, & in communi, at religiosi non mendicantes tantum in particulari, non in communi. Quin & mendicantes ante Concil. Triden. non poterant habere in communi, nisi cum certa limitatione; nunc autem post Concil. Triden. possunt habere sine illa, per cap. 2. sess. 25. quin & aliqui religiosi, etiam quibus non licet habere proprium, possunt ex priuilegio certo modo testari per limitationem voti paupertatis: & ita non est cur quis miretur Pontifices Max. statuisse, vt aliquot religiosi religionum ad militiam armatam constitutarum propter maximam difficultatem seruandi votum castitatis integræ, conuersando fere semper cum secularibus maribus, & fe-*

minis, satisfacerent voto castitatis religioni necessariae seruando coniugalem. Cuius rationis, quam ante nos neminem putamus ita expresse tradidisse, inconsideratio, in causa fuit, nostra sententia, vt prædictis recentioribus visum fuerit huiusmodi religiosos milites coniugatos non esse religiosos, contra multa diplomata à Sede Apostolica religionibus militari- bus concessa. & ita non solum primo modo dicto, sed etiam hoc secundo conteritur prædictus scrupulus.

Dico tertio, accepisse me à viro fide digno, quod in curia Regis Catho- lici quidam miles ordinis sancti Iacobi coniectus in carcerem ob crimen morte naturali dignum, qua Rex cupiebat eum puniri, fuit liberatus ab ea à iudicibus, à Rege, quatenus est magister militiae, datis, per scripta nostra per prædictum dominum consulentem citata; & in Africam ad pu- gnandum contra Sarracenos ad certum tempus relegatus, eo quod gau- dere deberet priuilegio canonis, & fori, tamquam religiosus religionis approbatæ; sed & in Lusitania, in qua quindecim annis cathedram primæ functionis insignis Academix Conimbricensis rexi, semper tamquam rem notoriam intellexi, prædictos milites Christi prædicto priuilegio tamquam religiosos gaudere. Quare prædicti domini consulentis conclu- sio mihi proculdubio vera est. Salua, &c.

SUMMARIUM.

1. Cap. 3. sess. 6. Conc. Trid. an in milite sancti Ioannis locum habeat, à Pontifice peten- dum. num. 6.
2. Milites sancti Ioannis, & alij tria vota solemniter in approbata religione emittentes sunt veri religiosi.
3. Verbum, nemo regularis, omnes etiam milites ex propria significatione comprehendit, nisi speciali ratione excludantur.
4. Dispositio exorbitans ad omnia extenditur, quæ eius verba proprie signant.
5. Delegatus Papæ procedens in exemptos non dicitur eorum priuilegio exemptionis contravenire.
6. Priuilegijs per clausulam generalem in lege positam derogatur.
7. Consuetudo etiam nondum legitime præscripta, seu vsus secundum quem lex fuit re- cepta, sunt optimi legum interpretes.

CONSILIVM XII.

AN MILITES sancti Ioannis Hierosolymitani comprehendantur sub dispositione Conc. Trid. cap. 3. de refor. sess. 6. quatenus habet, ordi- narium tamquam Sedis Apost. delegatum posse visitare, punire, & corri- gere quemcumque clerici cuiusvis ordinis personalis, & regularis, extra monasterium degentem, & delinquentem, non obstantibus priuilegijs, &c. Huius quæstionis decisio, meo iudicio, ex paucis pendet. Primum, quod desiderari potest vera litera præfati cap. 3. de refor. sess. 6. Conc. Trid. quia hæc, quam habemus, vix est intelligibilis quo ad illa verba, cuiusvis ordinis personalis, vel, &c.

Secundo,

Secundo, quod vtrumque intelligatur, in effectu sonat, quod nullus clericus secularis, vel regularis, &c. & ita ponderationes verbi *clericus*, quas aliqui faciunt ad inferendum, quod loquitur de præfatis militibus, leues videntur.

1 Tertio, quod negari non potest, præfatos milites S. Ioannis esse vere & proprie regulares: quia, quicquid aliqui dicant, non satis agnoscentes, & venerantes naturam religionis à S. Sede Apost. approbatæ, omnes illi & soli dicuntur vere & proprie religiosi, siue regulares, qui emittunt legitime tria vota substantialia, castitatis, paupertatis, & obedientiæ, in manibus superioris, vel locum eius tenentis, & sub aliqua regula à Sede Apost. approbata, iuxta sententiam Canonistarum receptam in rubrica de regular. & Theologorum in 4. lib. senten. dist. 38. quod etiam nos grauissimis fundamentis comprobamus in tractatu de re dit. eccles. q. 1. num. 55. & q. 3. num. 27. & 29. & constat præfatos milites emittere præfata tria substantialia vota in manibus sui superioris sub regula à Sede Apost. approbata, laudata, & ad sidera priuilegijs merito exaltata.

2 Quarto, quod ponderatio, qua ponderatur verbum *nemo*, & verbum *regularis*, præfati cap. 3. ad hoc, quod verba illius cap. ex propria significatione comprehendunt regulares, & in his etiam præfatos milites, iuxta gloss. 2. ab omnibus receptam & laudatam in clem. 1. de decim. irrefragabilis est: & ita, nisi aliquo respectu particulari eximantur præfati DD. milites, continentur in eo.

3 Quinto, quod ad hoc, vt excludantur ab eo, non sufficeret, quod illud esset contrarium iuri communi, vel exorbitans ab eo: quoniam etiam talia omnia extenduntur ad omnia contenta sub propria significatione verborum illorum, iuxta text. solemnem adiunct. gloss. & doct. Franc. Aret. in l. cum lege. ff. de testam. quam Dec. Alciat. & omnis turba recentiorum expendentium suo iudicio leges sequuntur vbique.

4 Sexto, quod potissima huius dubij resoluendi ratio pendet à duobus illis dubijs. Alterum est, an præfatum cap. 3. sit contrarium priuilegio præfatorum militum. Alterum, an, esto sit contrarium, censeatur derogare illi, non facta mentione de priuilegijs ordinis eorum in specie, vel saltem in genere de priuilegijs ordinum militantium. Et quidem pro parte negatiua prioris dubij facit, quod mandatum Papæ, factum alicui, vt procedat auctoritate delegata contra aliquem exemptum, non videtur contrarium priuilegio exemptionis; quia nemo est exemptus à iurisdictione Papæ: & ita delegatus, procedens vt delegatus Papæ contra exemptum, cum non procedat vt ordinarius, à cuius iurisdictione ille est exemptus, non videtur facere contra exemptionem, vt sensit glo. quam in hoc commendat Panor. cap. graue. de offic. ord. concludens, quod delegatus ad corrigendos clericos auctoritate delegata potest procedere contra exemptos.

Sed pro contraria parte videtur facere primo, quod opinio communis tenet contra Panor. vt ait Felin. in d. cap. graue. per rationes, quæ apud eum videri possunt. Secundo, quod forte præfatus ordo militum habet priuilegium simile priuilegio ordinis Cisterciensium, ne per rescripta Papæ

possint conueniri, nisi facta mentione sui ordinis; quale tamen an habeant, ignoro.

- 5 Pro vtraque parte posterioris dubij possent multa citari ex his, quæ Fel. congerit in cap. accedentes. num. 4. de præscrip. & ex citatis ab eo ibid. copiosissime: qui tamen tenet, sufficere clausulam generalem tollentem priuilegia, cum reuocatio eorum fit per viam legis, iuxta clem. dudum. §. fin. de sepult. & derogatio priuilegiorum, de qua loquimur, fit per viam legis, & non qualis qualis, sed Conciliaris. Dicit etiam sufficere clausulam consuetam de stylo curiæ poni, quorum tenores habentur pro expressis, &c. & facile quis posset defendere, quod clausula derogatoria priuilegiorum posita in l. communi æquiualeat clausulæ derogatoriæ præfatæ solitæ apponi de stylo curiæ. Quoniam autem interdum in præfato Conc. Trid. fit mentio in in specie de ordinibus, & interdum nō; insurgit magna dubitatio, an intenderit Concilium derogare priuilegijs militaribus, nisi facta expressa mentione de illis: & sic videtur necessaria declaratio Papalis. quia item consuetudo est legum optima interpres, cap. cum dilectus. de consue. & l. minime. ff. de legib. quamuis non fuerit legitime præscripta, secundum communem videretur habenda consideratio vsus, quo receptum est præfatum cap. 3. quæ quia factum aliqua ex parte respiciunt, non dico plura, submittens hæc pauca tumultuario studio scripta Illustrissimi D. mei censuræ.

Responsum hoc videtur datum satis diu, cum referatur hanc religionem super hoc à Pio V. priuilegium impetrasse, de quo hic nulla fit mentio.

S V M M A R I V M.

- 1 Probationis annus incipit à die suscepti habitus regularis, qui debet intra claustra, vel alibi de licentia saltem tacita superioris deferri. num. 8. & licet ex Conc. Trid. professio non possit fieri ante annum probationis, de iure tamen ex consensu partium potest antea fieri: videtur tamen quod requiratur cōsensus Papæ in hoc. nu. 6.
- 3 Professio tacita iure quidem inducitur per habitus regularis indistincti annalē gestationem: sed & consuetudine induci potest, vt per perseuerantiam vnius hebdomadæ, vel solam adeptionem possessionis canonici regularis censeatur facta professio. num. 6.
- 4 Habitus canonicorum regularium nihil fere distat ab habitu honesto clericorum secularium: vnde & paruo roqueto albo, quo alicubi vtuntur, satis à seculari distinguitur.
- 5 Regulare beneficium 40. annis per seculares possessum seculari conferri potest.
- 5 Regularis ecclesia conuentualis non desinit esse regularis, licet in ea tota regularis obseruantia non seruetur; immo debet reformari.
- 7 Consuetudine præscripta induci, quicquid à lege statui, potest.
- 7 Habitum regularem, hoc est roquetum, vt extra ciuitatem propriam non portet canonicus regularis, consuetudine saltem immemorabili induci potest. & num. 11. consulendum tamen talibus, vt saltem occulte illum deferant. num. 12.
- 8 Claustrum inhabitare censetur regularis, qui ex iusta causa de licentia sui superioris stat extra.
- 9 Peculiū regulares habere possunt nedū de expressa, sed & de tacita superioris licetia.

- 10 *Professionem inductam fuisse in foro exteriori iudicandum potius est, quam contrarium, cum in dubio pro religione sit pronunciandum.*
- 11 *Professio tacite emissa per clericum regularem, quando accepit clericatum, ex eo quod beneficium renunciet, non euanesceat, immo adhuc tenetur habitum regularem portare, ut prius.*

CONSILIVM XIII.

TITIO à summo Pont. collatus fuit clericatus cuiusdam ecclesie cathedralis sub regula S. Augustini, cuius ecclesie canonici licet regulares dicantur, nullam tamen emittunt professionem: qui canonici in ciuitate, in qua clericatum obtinent, assidue gerunt quoddam scapularium, quod dicitur roquetus, latitudinis duorum digitorum, quem tamen extra ciuitatem minime gestant, neque apud dictos canonicos aliqua regularis obseruatio viget; quinimmo complures ex dictis clericis, qui sacris ordinibus initiati non sunt, uxores absque dispensatione apostolica, dimisso clericatu, & dicto scapulario, duxerunt.

Ex hac facti specie de tribus hesitatur. Quorum primum est, an dictus Titius qui dimisit suum clericatum reseruata sibi quadam pensione super eod. clericatu, sit capax officiorum vrbs Romę, & illa per se exercere possit.

Secundo queritur, an cum apud dictos canonicos vrgeat consuetudo immemorabilis, quę ab eis etiā in presentiarum obseruatur non deferendi dictum scapularium extra ciuitatem, sed tantum in ea; an peccet, si illud minime gestent, prout gestant in ciuitate in qua clericatum obtinent.

Tertium dubium est, an iste Titius, qui fuit clericus, teneatur illud scapularium gestare in dicta ciuitate, prout & ceteri canonici gestant, attento quod ille dimiserit suum clericatum, & amplius clericus non sit.

- 1 Respondetur primo, quod harum questionum responsio presupponit decisionem alius questionis, scilicet an prefatus Titius sit professus regulam clericorum regularem S. Augustini. Pro cuius parte negante facit primo Conc. Trid. sess. 25. de reg. cap. 15. quatenus habet nullam professionem religionis ante annum probationis valere; & quod predictus Titius nullum annum probationis videtur egisse. Tum quia videtur nullum habitum religionis assumpsisse, & annus probationis incipit à tempore susceptionis habitus, ut exprimitur in d. cap. 15.

- 2 Secundo, quod roquetum, qui posset alicui videri seruire pro habitu, non detulit intra claustrum monasterij, quod communiter tenetur esse necessarium ad anni probationis perfectionem, iuxta cap. 1. de regul. lib. 6. & clem. eos. eod. tit.

- 3 Pro parte tamen affirmatiua facit, quod licet predictus Titius non fecerit professionem expressam, videtur tamen fecisse tacitam, quę fit per gestationem habitus indistincti annalem, per predictum cap. 1. de regular. lib. 6. & d. clem. eos. eodem tit.

- 4 Secundo, quod non obstat, quod ipse non gestauerit habitum clericorum regularem. Tum quia habitus clericorum regularem nihil fere distat ab habitu honesto clericorum secularium, ut satis notat glo. recept. in

elem. i. verb. habitus. de elect. & prædictus Titius gestavit habitum honestum clericorum sæcularium, & præterea etiam roquetum, quo videtur distinguere habitus canonicorum ecclesiæ prædictæ cathedralis ab habitu clericorum sæcularium, præsertim eo quod est albi coloris, cuius est etiam roquetus magnus Episcoporum, quo ut plurimum uti solent canonici regulares per ciuitates incedentes.

Tertio, quod prædicta ecclesia cathedralis videtur esse regularis, quales fuerunt olim fere omnes ecclesiæ cathedrales Galliarum, ut colligitur ex Volaterano, & etiam nunc appellatur regularis, & canonici eius canonici regulares, qui etiam nunc deferunt roquetos illos paruos; & sedes ipsa Apostolica in literis prouisionis appellat eos regulares S. Augustini: & ecclesia vel religio regularis non desinit esse talis, propterea quod tota obseruatiõ regularis non seruetur in eis; quamuis beneficium regulare possessum 40. annis per sæculares possit conferri sæculari, iuxta cap. cum de beneficio. de præb. lib. 6. quoniam fractio regulæ non annihilat religionem, sed inducit reformationis necessitatẽ, iuxta ea quæ habentur in c. ad nostram. de appel.

6. Quarto, quod licet in prædicta ecclesia nõ fiat expressa professio; potest tamen dici, quod fiat tacita; immo quod consuetudine induci potest, ut de consensu partium fiat ante annum probationis, vel quod saltem facta obliget profitentem ad religionem, cap. ad Apostolicam. de regularib. immo quod censeatur esse facta per perseuerantiã vnius mensis, vel hebdomadæ, ut audiui adhuc seruari in aliquibus ecclesijs Gallicanis; immo etiam dici posset introduci posse consuetudine legitime præscripta, ut per possessionem pacifice acceptam loci canonicalis censeatur professio facta: quoniam quicquid potest induci lege, potest induci consuetudine, argum. cap. ult. de consuet. & l. 2. quæ sit longa consuet. & hæc possent induci per legem Papæ: quia non sunt contra ius naturale, neque diuinum, sed solum contra humanum, ut palam est, arg. cap. vidua. cum ei adnot. de reg.

7. Quinto, quod non obstat dicere, quod prædicti canonici non portant roquetum prædictum extra ciuitatem. Tum quia etiam hoc induci posset consuetudine saltem immemoriali; quia non est contra legem naturalem, neque diuinam. Tum quia posset dici eos male facere.

8. Sexto, quod non obstat etiam dicere, quod non detulit Titius habitum intra monasterium. Tum quia satis est, ut gestet illum extra illud de licentia superioris ex aliqua honesta causa concessa, per illud dictum Abbatis. antiqui in cap. cum illorum. de senten. excommun. recepti à Pannon. in cap. ex rescripto. de iureiuran. scilicet quod monachus manens extra monasterium de licentia abbatis videtur manere intra illud: & quamuis prædicti canonici accepta possessione, & roqueto, non absint à monasterio de licentia expressa superioris, abesse tamen possunt dici de licentia tacita, quæ in hoc proposito tantum valet, quantum expressa, ut colligitur ex decisione vtriusque Card. in cap. non dicatis. l. 2. quæst. 1. quam nos sequuti fuimus, & late probauimus in comment. de reg. super d. cap. num. 20.

9. Septimo, quod non obstat etiam dicere, quod non seruatur in prædicta ecclesia

ecclesia votum solenne paupertatis, eo quod vnusquisque canonico-
rum disponit de rebus suis, vti sibi libet. Tum quia responderi potest, vt
in proximo argumento, quod id faciunt de licentia tacita, de qua licentia
vtendi proprio loquuntur prædicti Cardinales. Tum quia negari po-
test eos vti rebus suis, vt sibi libet, quamuis sic vt honeste licet, vt la-
te probauimus in plerisque locis comm. de reg. Per quæ omnia videtur
periculosum consulere partem contrariam negatiuam absque sedis
10 Apostol. licentia: quia saltem de rigore iuris hæc pars affirmatiua de-
fendi posse videtur; & in dubiis pro religione est iudicandum & consu-
lendū, l. sunt personæ de religio. & sumpt. fun. ibi, *summa est ratio, quæ
pro religione facit.*

AD PRIMAM igitur quæstionem colligitur ex decisione prædicta
pars negatiua.

11 AD SECUNDAM respondetur, quod per dicta ad præsuppositam non
peccant: quia consuetudo immemorialis in his quæ sunt contra legem hu-
manam habet vim legis, cap. super quibusdam. de verb. signif. & l. hoc iu-
re. §. ductus aquæ. ff. de aqua quot. & æstiuā.

AD TERTIAM colligitur responsio per dicta ad primam præsuppo-
sitam, eum teneri: quia professio quamlibet tacita non tollitur per renun-
tiationem beneficii, etiam si transfret ad aliud, iuxta cap. cum olim. il. 2. de
priuilegiis & alia multa ibi citata, & iuxta cap. cum ad monasterium. §. ult.
12 de statu monach. Vnde consulo vt saltem occulte habitū suæ religionis in
ciuitate deferat, prout antea, dum erat canonicus, palam defererebat, cum
regularis semper remaneat etiam dimisso canonicatu, & male fecerint
qui vxores duxerunt dimisso canonicatu, cum regulares canonici re-
mansissent: &c.

S V M M A R I V M.

- 1 Regularis qui non est, habitum regularem non deferat.
- 2 Professio tacita fieri censetur, ubi regularis habitus semper deferatur, licet expressus
numquam emittatur.
- 3 Papa ex causa licentiam dimittendi habitum dare potest, alius autem eo infe-
rior non.
- 3 Regularis subiectus Episcopo eius Vicarius & cubicularius fieri potest, si tamen
sit exemptus, requiritur licentia superioris.
- 4 Habitum occulte ferendi dispensatio fere tam difficilis, ac dimittendi; minus tamen
ab instituto regularis recedit primus, quam secundus. num. 5. Item & facilius
excusatur à pœna, sed non à peccato. num. 4.
- 5 Dispensandi iusta causa dimittendi habitum regularem arbitraria.

C O N S I L I V M XIV.

DE QVODAM, qui dicit se esse monachum S. Benedicti cuiusdam
monasterij, in quo post memoriam, siue à tempore cuius initij non
est memoria, non fit, vt fertur, professio expressa, nec viget obseruantia
regularis

regularis plusquam in ecclesia collegiata seculari, &c. & querit, an adsit iusta causa dispensandi cum eo, ut sibi liceat deferre habitum subtus vestem, & occulte, & ita famulari aliquibus praelatis, eo quod monasterium denegavit sibi alimenta studiorum, & quod propterea consumpsit substantiam paternam, & as alienum contraxit; & quod ob reuerentiam & verecundiam non audet prædicta alimenta à monasterio repetere.

- 1 Respondeo primo, quod D. consulens præsupponit se esse verum monachum, & religiosum: quia, si verus monachus non esset, sine vlla dispensatione Papæ posset patientiam, siue habitum regularem, quam supra vestem deferret, deferre intus illam: quia etiam posset, immo deberet illam omnino dimittere, ut palam est.

Secundo, quod eius præsupposita opinio videtur esse iure verior, per multa, quæ in simili quæstione adduximus pro hac parte in quadam consultatione cuiusdam canonici ecclesiæ cathedralis regularis, in qua nulla dicitur fieri professio expressa, attamen semper deferretur roquetus albus ad formam cuiusdam patientiæ, & ita videtur fieri tacita professio per illa, quæ ibi adduximus.

- 2 Tertio, quod certum est posse S.D.N. pro sua summa in leges humanas potestate facere prædictam facultatem, quam D. consulens desiderat, arg. cap. proposuit. de concessio. præb. & cap. cuncta per mundum. 9. q. 3. posse inquam iuste & sancte facere illam facultatem, si iusta causa id faciendi adesset, arg. eorum, quæ Innoc. cum omnibus affectis eius tradit in cap. quæ in ecclesiis. de constit.

- 3 Quarto, quod etiam est certum, monachum iuste posse fieri cubicularium, & Vicarium alicuius Episcopi, iuxta gloss. adiuncto textu in cap. cum pastoris. 2. q. 7. quam citat Roman. sing. 506. & sing. 278. ubi citat Innocen. in cap. cum I. & A. de re iudic. recep. ab omnibus, præsertim à Felin. ibid. num. 13. citante vitiose Romanum: quod est verum, si est sibi subiectus, & etiam de licentia superioris, si est exemptus, secundum omnes: quod tamen est intelligendum habitu retento: quia solius Papæ est facere facultatem manendi extra monasterium sine habitu, secundum omnes, per cap. 2. ne cleric. vel monach. lib. 6. & cap. clerici. de vita & honest.

- 4 Quinto, quod fere tam difficile est dispensare ut monachus deferat subtus vestem habitum, ac dispensare ne deferat illum, per gloss. memor. clem. 2. verb. extrinseci, de vita & honest. cleri. Dixi, fere: propter ea, quæ de pœna addit Panor. in cap. Deus qui. de vita & honest. cleri. cuius determinatio licet posset procedere quo ad hoc, ut pœna non ita incurratur per occultationem, sicut per dimissionem, non tamen videtur procedere quo ad culpam: quoniam quo ad illam incurrendam videtur paria esse, deferre occultum, & dimittere, per prædictam gloss. communius recep.

- 5 Sexto, quod tantum & tale potest esse as alienum contractum à domino consulente, & tanta & talis potest esse substantia paterna, quam ipse impendit literarum studiis, & tam indecora & molesta petitio, lis, & actio,

actio, quam moueret. D. consulens contra monasterium, quod prætendit iniuste per inuidiam, vel alium affectum iniustum, negasse sibi alimenta studiorum debita; & tanta & talis verecundia relinquendi studia iam cepta, iuxta qualitatem personæ ipsius, quæ ea cepit, quod boni viri arbitrio posset videri iusta causa dispensandi, & faciendi facultatem, quam petit, per ea, quæ nos scripsimus in. com. de regul. super cap. cui portio. 12. q. 1. à nu. 8. & super cap. non dicatis. nu. 41. cum tractamus de ingressu debentium & obligatorum in monasteria, & in comm. super cap. non dicatis. num. 42. de obligatione ingressorum, & professorum illa, quam habent ad laborandum, & lucrandum quæ sufficiant ad soluenda debita, quæ non est necessarium hic repetere, cum ibi facile videri possint. Ad iungendo eis, quod minus recedit ab institutione regulari deferens habitum occultum, quam omnino illum dimittens, per prædicta, quæ Panor. adiecit in d. cap. Deus qui. vt prædictum est.

S V M M A R I V M.

- 1 Exemplari sublato, tollitur obligatio faciendi aliquid ad illius similitudinem: sicut & sublato fundamento, cetera superedificata corruunt.
- 1 Religio illa, quæ ab immemorabili tempore desijt ab eam intrantibus expressam exigere professionem, etsi videri possit quod nec tacitam exigat, attamen probabiliter credi potest, priuilegio, quod ex sola allegatione hoc casu probatur, concessum vt tacita sufficeret. num. 3. 4. & 6. vnde eam ingredienti elapso anno à die habitus suscepti de manu superioris sunt censendi professi. nu. 5.
- 2 Professio coram Deo ibi est nulla, vbi non fuit animus profitendi: quamuis qui regularem habitum in religione, etiam si in ea non soleat emitte expressa professio, suscipit, & per annum gestat, præsumitur professus; cum sciat vel scire debeat ex hoc illam induci. num. 5.
- 3 Consuetudine immemorabili induci potest, quicquid lege humana statui, & priuilegio concedi; immo & ea stante illud sola allegatione probatur. & num. 4.
- 6 Commendatarij monasteriorum equiparantur habentibus ea in titulum quo ad omnia pertinentia ad administrationem, etiamque quo ad effectum recipiendi religiosos ad habitum. num. 5.
- 7 Religionis essentia non est, vt generalem habeat præsentem omnibus illius religiosi.

C O N S I L I V M X V.

IN RELIGIONE S. Basilij approbata in sui initio fiebat expressa professio; à tēpore autē, de cuius initio non est memoria, regulari obseruantia in ea collabente, eius monasteria commendata fuerunt, desijtq. emitte consueta professio. Dubitatur, an ille qui huiusmodi religionis habitum de manu commendatarij, vel prioris non expresse professi susceptum per aliquot annos gestarunt, tacite professi intelligantur religionem S. Basilij.

- 1 Pro parte negante huius questionis facit primo, quod sublato fundamento

mento ædificij tollitur ædificium, cap. cum Paulus. i. q. i. & ablato priori & principali tollitur posterius pendens ab illo, cap. translato. de constitu. & sublato exemplari videtur tolli obligatio faciendi aliquid instar illius; l. in testamento. ff. de condit. & demonst. Cum ergo obligatio profitendi expresse, & professio expressa sint quoddam fundamentum, & quoddam prius, & exemplar obligationis profitendi tacite, non existente obligatione profitendi expresse, videtur non existere obligatio profitendi tacite.

2. Secundo, quod nulla professio potest esse vera sine animo profitendi coram Deo, secundum omnes, cap. humana. 23. q. 5. Vnde neque expressa valet coram eo sine animo profitendi facta, argu. cap. tua. & cap. is qui. & eis adnotatis, de sponsal. & tacita ideo iudicatur valida, quia deferens habitum tanto tempore videtur habuisse animum faciendi professionem fieri solitam in illo monasterio. At intrans monasterium, ubi nulla sit professio expressa, neque est qui recipiat, non videtur habere animum faciendi professionem, quam non nouit; quia nihil volitum, quod non sit prius cognitum, secundum Aug.

3. Pro parte vero affirmante facit, quod posset Papa constituere nouam religionem, in qua nulla professio fieret expressa, sed solum tacita per solam delationem habitus certo tempore continuatam, argumen. cap. cuncta per mundum. 9. quest. 3. & cap. proposuit. de concess. præben. & consequenter posset etiam per consuetudinem temporis immemorialis, vel quæ ad id esset legitima, id ipsum induci: quoniam quod potest fieri lege humana, potest etiam fieri consuetudine. l. de quibus. ff. de legib. & cap. fin. de consuetud. & quicquid potest induci priuilegio, potest induci consuetudine immemoriali, l. hoc iure. §. ductus aquæ. ff. de aqua quot. & æst. cap. super quibusdam. §. præterea. de verb. sign. Immo etiam consuetudine minore induci posset, ut quis inuitus cogatur rem suam vendere, l. venditor. §. si constat. ff. commun. præd. quam ad hoc commendarunt pro singulari Fel. num. 27. & aliquot alij in cap. quæ in ecclesiarum. de constitu. & alij alibi. Cum igitur possessio, & consuetudo immemorialis

4. habeat vim priuilegij: ita quod qui allegaret aliquid sibi competere priuilegio Papæ, ad quod probandum literas apostolicas non haberet, probando consuetudinem immemoriam, probaret titulum, & priuilegium à se allegatum, secundum omnes, per prædictam l. hoc iure. §. ductus aquæ. ff. de aqua quot. & æst. & cap. super quibusdā. §. præterea. ff. de verb. sign. Cumque certum sit posse Papam concedere priuilegium alicui religioni, immo etiam omnibus, ut illarum professores non teneantur ad professionem expressam, sed quod sufficeret tacita, & quod illa esset tanti valoris, quanti expressa: cumque hic allegari possit huiusmodi priuilegium, immo & probabiliter credi propter commendationes in questione tactas, quæ bonam partem religionum labefecerunt: utique videtur quod illud probari possit præsumptiue per prædictam consuetudinem immemorialem. Cumque iure communi professio tacita suppleat expressam; proculdubio nouitij, qui susceperunt habitum de manibus commendatariorum, & gesserunt tempore & modo iuridico sufficienter ad indu-

cendam

cendam tacitam professionem, censendi sunt professi tacite: quia sciebant, vel scire debebant regulam sancti Basilij esse approbatam, & sub ea victuros teneri ad profitendum solemniter tria substantialia vota, iuxta formam regulæ illius: & sciebant, vel scire debeant iura omnia nota, quod per delationem legitimam suscepti habitus tempore vnius anni sine protestatione contrariæ voluntatis nouitij, vel monasterij, censetur ipso iure facta professio.

- Non obstat, prælatos fuisse cōmendatarios, & non proprietarios, iuxta cap. nullus. cap. quorundam. cap. si religiosus. de elect. lib. 6. & cap. cum singula. §. prohibemus. de præben. cod. lib. Quia cōmendarij prælati æquiparantur proprietariis quo ad omnia iura pertinentia ad administrationem, vt tradit Panor. in cap. querelam. de elect. quem sequitur Decius, & à se citati in cap. edoceri. sub fin. de rescrip. & multis probari posset. Non etiam obstant argumenta in contrarium adducta: quoniam in hoc casu non deest fundamentum, nec prius, nec exemplar professionis tacitæ: quia expressa continetur in ipsa regula, & solita fuit aliquando fieri interdum expresse, & interdum tacite; & postea priuilegio, vel consensu Papæ, qui hoc poterat inducere, præsumitur inductum per consuetudinem immemorabilem, quia sola tacita emitti solita fuit: & ita non est curandum de expressa, sed de sola tacita, quæ est instar expressæ antiquitus institutæ, & solitæ fieri. & sic patet responsio, ad secundum oppositum. Non obstat etiam, quod religio prædicta S. Basilij nullum caput, siue generalem prælatum habet: quia de religionis essentia non est, vt habeat generalem omnibus religiosis illius religionis præsentem. Tum quia nullo iure naturali, diuino, nec humano id cauetur. Tum quod canonici regulares, quorum monasteriorum olim maxima copia fuit, secundum Volaterranum, qui de numero eorum erat, nullum generalem habuerunt, postquam cœperunt multiplicari. Tum quia antequam Papæ priuilegio eximerentur Abbates, & monachi, suberat vnumquodque eorum monasterium Episcopo, in cuius diocesi erat situm, cap. Abbates. 18. q. 2. cum multis alijs. Salua, &c.

S V M M A R I V M.

- 1 Monachum esse, & professionem nec tacitam, nec expressam fecisse, pugnat.
- 3 Religionem ita suppressere potest Pontifex, vt remaneat solummodo quo ad apparentiam in delatione habitus, & aliquorum aliorum externorum: quam suppressionem sola allegatione probabit is qui immemorabilem probabit consuetudinem. nu. 2. Item & à principio talis potest institui, quam qui ingrediuntur non sunt vere religiosi, nu. 4. nec à Pontifice possunt cogi vt religionem approbatam ingrediantur, num. 5. nec vt efficiantur vere religiosi. num. 6.
- 6 Regularis vt aliam, quam non vouit, ingrediatur religionem etiam laxiorem, nec arctiorem, nec per supremum prælatum cogi potest. nu. 7.

CON-

PRAESUPPOSITO, quod in monasterio montis Auellanae monachi à tempore immemoriali nullam emittere solent professionem expressam, nec tacitam, & quod deferre consueverint religionis habitum, ut ratione illius fierent habiles ad obtinenda beneficia illius religionis, cuius erat illud monasterium; & quod possunt conuiuere simul, non tamen ad id compelli.

Quæritur, an Papa potuerit co gere præfatos monachos ad intrādam aliam religionem veram, & approbatam, & ad eam profitendam.

I Ad hanc quæstionem responsurus, dico primo, videri posse alicui pugnare secum præsupposita. Primo quidem, quatenus habent, in monasterio Montis Auellanae fuisse monachos, qui non emitterent professionem expressam, nec tacitam; cum nemo possit esse monachus, nisi faciat professionem validam, cap. 1. de regul. lib. 6. Monachum enim non facit habitus, sed professio, cap. porrectum. de regul. & gloss. in cap. vidua, eodem titulo.

Secundo, quatenus habent monachos præfatos consuevisse deferre habitum religionis, ut ratione illius fierent habiles ad obtinenda beneficia religionis, cuius erat illud monasterium; & quod non erant vere regulares religiosi: quoniam nulla alia ratione videbantur esse inhabiles ad illa beneficia, qui habitum non deferrebant, quam quia erant regularia, arg. cap. possessiones. de reb. eccles. non alienan. & cap. cum de beneficio. de præb. lib. 6. & illa non poterant esse regularia, nisi religio Montis Auellanae fuisset vera religio, & eius monachi essent vere religiosi expresse vel tacite professi.

Tertio, quatenus ab vna parte habent illos monachos solitos fuisse suscipere habitum, & deferre illum; & tacite significant, eos qui vellent, potuisse conuiuere simul; & ab alia parte significant non potuisse compelli ad conuiuendum simul.

2 Sed hæc repugnantia tolli potest, eo quod extra hæc proposita in aliis mihi oblatis asseritur esse clarissimum, & probari posse, quod prædicta religio Montis Auellanae à tempore immemoriali fuit collapsa tam quo ad regulam, quam quo ad habitum: quod non potuit fieri, nisi eo quod ibi desinuerit fieri professio regularis, licet soleret deferri habitus regulæ approbatæ conueniens. & constat consuetudinem immemoriam haberi pro titulo, vel pro probatione tituli, quem allegare voluerat is, pro quo illa facit, cap. super quibusdam. §. præterea. de verb. signif. & l. hoc iure. §. ductus aquæ. ff. de aqua quori. & æstiuæ. & ideo posset quis allegare præfatos monachos dictos fuisse quidem monachos, quia modum quemdam viuendi separatum à communi vita, & accedentem ad monachalem viuebant: sicuti solebant olim habere fratres Tertiarij ordinis S. Francisci viuentes congregati, iuxta gloss. solemn. clem. cum ex eo. verbo tertio. de senten. excommun. Allegando item, quod priuilegio, vel sententia, vel reformatione aliqua S. Sedis Apost. fuit statutum, ut illa

illa religio extingueretur quo ad veram essentiam religionis, & maneret quo ad apparentiam, & quo ad modum viuendi prædictum, separatam quidem à communi vita, & accedentem ad monachalem: ita quod vera religioni extinctæ succederet noua apparens, in qua post mortem antea professorum non fieret vltra professio regularis expressa, nec tacita: quod vidimus esse factum in multis monasteriis, & ecclesiis, etiam cathedralibus canonicorum regul. in Hispaniis & Galliis. Et etiam allegari posset, quod nulla vniquam ibi fuisset religio vera, sed solum apparens; & quod ex aliqua fundatione antiqua statutum fuit, vt certa beneficia nullis aliis conferrentur, quam gestantibus habitum præfatorum monachorum, & seruantibus illum modum viuendi: & pro omnium horum probatione allegare possumus præfatam consuetudinem immemoriam, qua probata, probarentur tituli allegati.

Secundo dico, his consequens esse, præfatos monachos non fuisse religiosos, sed solum conuixisse quandam vitam & modum viuendi differentem à communi, & accedentem monachali, qui defendi potest fuisse iustus, & licitus; licet nullâ professionem regularem religionis approbata facerent expressam, nec tacitam, per d. gloss. præfatæ clem. cum ex eo. ab omnibus receptam.

- 5 Tertio dico, his præsuppositis, & prædicta defensione munitis, ad punctum questionis responderi posse, mea sententia, non potuisse Papam compellere præfatos monachos, seu vitam quadamtenus monachalem degentes, ad ingrediendam, & profitendam aliam religionem veram & probatam. Tum quia nemo cogitur crescere, cap. gesta. 74. dist. Tum quia nemo cogitur vouere; & virginitas suaderi potest, non præcipi, cap. integritas. 32. q. 1. Tum quia licet sint variaz opiniones circa illam questionem, An religiosi possint compelli ad obseruantiam suæ regulæ duriorē illa, quam inuenerunt tempore suæ professionis; quam meo iudicio terribilius & attentius tractat Decius, quam alij in cap. ad nostram. nu. 9. de appell. notab. 4. omnes tamen consentiunt in hoc, quod non possunt cogi ad profitendam nouam regulam, quam antea non vouerunt. Cum ergo D. consulens numquam vouisset illam religionem, quam Papa præcepit ei
- 7 profiteri, nulla ratione potuit eum ad id compellere. Tum quia nos pridem respondimus id quod postea typis excudi fecimus in com. 4. de reg. super cap. statuimus. 12. q. 2. nu. 21. nullum prælatum nec inferiorem, nec supremum posse cõgere vllum religiosum ad transiendum ad aliam regulam strictiorem, nec laxiorē, ratione ibi subiecta: in quod faciunt scripta super eod. cap. statuimus. à num. 13. vsque ad 20. Ex quibus colligitur, fratres Minores conuentuales, quorum regulam Pius V. extinxit in Hispania, non potuisse compelli ad profitendam regulam fratrum Minorum obseruantiaz; quia regula eorum est longe durior, & alia, quam regula Conuentualium: quia hi profitentur regulam D. Francisci temperatam priuilegiis Apostolicis: illi vero profitentur eam nullo tali temperamento laxatam. Salua, &c.

miles factus cum tribus successiue contraxit matrimonium, cum quarum tertia filijs ex ea susceptis viuit. Quæritur quid iuris.

1 Respondeo sequentia. Primum, præfatum oratorem non fuisse verum religiosum ordinis Carmelitarum: quia, licet per professionem etiam intra annum nouitiatus emissam in ordine non mendicantium fieret quis verus religiosus ordinis, quem profiteretur ante Conc. Trid. c. ad Apost. de reg. profitens tamen ordinem mendicantium ante finem anni nouitiatus non fiebat verus religiosus illius ordinis, quem profiteretur, per cap. non solum. de reg. lib. 6. quod de ordine Prædicatorum & Franciscanorum statuit, & per cap. constitutionem. eod. tit. & lib. quod præfatum cap. non solum extendit ad omnes ordines mendicantes, qualis est ordo Carmelitarum, cap. 1. §. penult. de religio. dom. lib. 6. sed tantum fiebat religiosus in genere, idest obligatus religioni in genere, vt dixit glo. dicti cap. non solum. in verbo vestro ordini. & ante Archid. recept. ab omnibus ibidem in eod. verb.

2 Secundum, quod matrimonia contracta ab oratore post præfatam professionem valuerunt: quia professus religionem in genere non est vere religiosus, sed ad summum obligatus ad se faciendum religiosum, si inueniat receptores, vt tradunt in specie Angel. in sum. verbo religiosus. §. 14. & Syl. verbo religio 3. quæst. 5. quod & nos, ipsis non relatis, tenuimus in Com. 2. de reg. super cap. non dicatis. 12. q. 1. num. 536. post Calderin. consi. 23. & 27. de reg. Et tam ipsi, quam nos dicimus in specie, quod profitens in ordine mendicantium etiam ante Concil. Trid. fiebat professus in genere tantum, & matrimonium ab eo contractum valuisset.

3 Tertium, quod si orator habuit animum obligandi se solum ordini Carmelitarum, & non religioni in genere, potuit licite contrahere matrimonium: quia tali animo profitens ordinem mendicantium, nec in specie, nec in genere obligatur religioni, vt Domi. post & ante alios tenet in d. cap. non solum. Si autem habuit animum obligandi se religioni in genere, peccauit quidem, quoties postea contraxit matrimonium, sed matrimonia valuerunt; & peccabit, si mortua vxore, quam nunc habet, quarta vice contrahat: quia ea mortua tenebitur intrare religionem. Salua, &c.

SUMMARIUM.

- 1 Probationis annus debet adeo esse continuus, vt menses in quibus habitum in vno monasterio gestauit non coniungantur cum mensibus quibus stetit in alio: itemque dictus annus, seu habitus, ea intentione fuerit datus, & assumptus, vt sic tamquam nouitius probaret, & probaretur, num. 2. & 4. & in ætate legitima continuatus. num. 1. & hæc etiam procedunt quo ad forum exterius. num. 4.
- 2 Tacita professio non inducitur dato errore Prælati recipientis aliquem ad habitandū, & ad alios actus tamquam prius professum, nec item per licentiam datam ad suscipiendos ordines, illorumve susceptionem, num. 3. sed nec post Conc. Trid. potest esse tacita professio, vbi non præcessit completus annus probationis assumptus intentione probationem faciendi. num. 4.

CONSILIUM XIX.

QUIDAM in 12. ætatis suæ anno suscepit habitum Minorum de obseruantia, & in diuersis monasterijs vitam suam transegit, donec legitimam ætatem ad profitendum attingens ad monasterium Araceli de Vrbe se contulit: vbi, narrato superiori, quod ipse tot annis gestauit habitum religionis, fuit ab eo admissus, & nulla expressa facta professione ad ordines suscipiendos missus, prout successiue etiam sacris insignitus fuit, actibusque professorum se immiscuit.

Quæritur, an saltem tacite professus intelligatur.

Respondetur primo, hanc causam D. consulentis esse satis implicitam, & eius decisionem pendere ab aliquot iuris modorum, & articulorum explicatione, quæ pro rei dignitate facere non vacat: neque quod facio fecissem ob alias grauissimas occupationes, nisi me iubentium auctoritas in id adegisset.

I Secundo, quod D. consulens non potest censeri fuisse professus, donec in monasterio de Araceli reciperetur. Tum quia non potuit esse professus tacite, nec expresse ante annum 16. ætatis suæ completum, ante quem longe prius suscepit habitum. Tum quia non poterat expresse, nec tacite profiteri ante annum nouitiatus completum, quem ipse non compleuerat: quia, licet vno anno & amplius gestasset habitum, coniungendo menses, quibus mansit in vno monasterio, cum alijs, quibus mansit in alijs monasterijs; hoc tamen non sufficit secundum veriore & receptiorem sententiam, secundum quam annus probationis & nouitiatus debet esse continuus, & in legitima ætate continuatus, prout sæpe respondimus, qualem D. consulens non fecit.

2 Tertio, quod non potest etiam censeri professus in præfato monasterio de Araceli. Tum quia nullam expressam professionem ibi fecit. Tum quia nullam expressam, neque tacitam facere potuit in eo, antequam compleret annum nouitiatus, quem tamen non compleuit. quod colligitur ex eo, quod actus agentium non operantur ultra intentionem eorum; & non fuit intentio Ministri, qui eum suscepit, suscipere tamquam laicum & nouitium ad faciendum annum probationis; nec intentio D. consulentis suscepti fuit intrare illud monasterium tamquam sæcularis, & qui noue habitum suscipit ad faciendum præfatum annum probationis. quod colligitur ex eo, quod Minister non interrogauit eum, an esset nouitius, nec professus, nec consulens quidquam dixit ei de hoc: & quod simpliciter fuit tractatus, vt alij professi, & quod numquam fuit iussus vel rogatus facere professionem, plusquam alij professi, eo quod Minister habuit magnam credendi causam, quod erat professus, eo quod D. consulens narrauit ei solum, se pridem accepisse habitum, & multis annis gestasse illum in multis monasterijs ante legitimam ætatem, & etiam in ea; & ita magnam causam habuit credendi quod erat professus, & quod iussit ei ordines etiam sacros suscipere, & facere alia, quæ ipsi professi

- fessi faciebant, exeundo foras extra monasterium, & extra Urbem.
- 3 Tum quia non obstat, quod de iussu prælati ordinis suscepit ordines sacros; & quod per talem susceptionem videtur facere professionem; nec quod novitius immiscendo se actibus professorum videtur aliquibus profiteri. Non inquam hæc obstant.

Ad prius enim respondetur, falsum esse, per talem ordinationem fieri professionem, immo nec ratificationem iam factæ, ut nos probamus in Comment. 4. de reg. super cap. statuimus. 19. quæst. 3. num. 71. & seq.

- Ad posterius respondetur primo, quod etiam iure antiquiori Concil. Trid. non censetur quis tacite profiteri, eo solo, quod se miscet actui proprio professorum: sed requiruntur aliquot aliæ conditiones, ut tradit diligenter Panorm. in cap. vidua. de reg. num. 7. quarum una est, quod cognoscat, & sciat per talem actum fieri professionem, quod tamen nesciebat D. consulens, & ignorant multi etiam eruditi. Secundo respondetur efficacius, quam forte alius hactenus responderit, quod post Conc. Trid. hoc nullatenus habet locum ante annum novitiatus completum, per cap. 15. de reg. less. 25. quod habet, non posse vlllo modo professionem fieri validam ante complementum anni probationis; & in casu proposito nunquam complevit annum probationis, qui debet esse continuus, & cum intentione probationis faciendæ, qualem non complevit ipse, ut prædictum est.
- 4

Per quæ omnia concluditur primo, certum esse, præfatum D. consulentem non esse vere professum expresse, nec tacite quo ad forum conscientie. Secundo, quod etiam videtur verius non esse ipsum præsumendum professum etiam quo ad forum exterius. Tertio, quod Illustr. Reuerendissimusq. Protector, & Generalis præfati ordinis, licet possent eum fatigare in foro exteriori, si essent quærentes magis sua, quam quæ sunt Christi, rem tamen suo superillustri genere, suaque maxima religione, & humanitate dignam facient, si eum declarauerint non esse censendum professum, & permiserint ei vivere honeste in habitu, quem gerit, presbyterali. Salua, &c.

SUMMARIUM.

- 1 Professus tacitus est censendus is, qui ultra annum habitum novitijs & professis communem gestavit, non obstante quod ad professionem expresse faciendam sæpius petitam numquam fuerit admissus, nec assignati tres dies professuris assignari ad deliberandum consueti per conventum, qui etiam solet novitios post quodcumque tempus eijcere.
- 2 Probationis annus potest incipi & compleri, etiam antequam quis compleat suæ ætatis annum 16. & virtute illius postea emitti professio.
- 3 Ignorantia iuris non suffragatur in foro exteriori, quo minus quis per annalem delationem habitus communis censeatur tacitus professus; sufficit tamen coram Deo. num. 4.

- 3 *Tacita professio non censetur inducta in illis monasterijs, in quibus ex statuto, vel prescripta consuetudine licet novitios quandocumque ante expressam professionem eijcere; item & quando aliunde constat intentionem vel novitij vel conventus esse ut per tales actus tacita professio non inducatur: & coram Deo numquam inducitur professio, nisi concurrat intentio volentis profiteri.*

CONSILIVM XX.

DE EO, qui mansit in quodam monasterio ordinis S. Augustini decem mensibus, & deinde ingressus ordinem Minorum Conventualium per duos annos continuos detulit habitum professis & non professis communem; ignorans, an ante professionem expressam obligaretur religioni; an censeatur religiosus, attento quod saepius petijt profiteri, & non fuit per fratres admissus; & quod dicti Conventuales habent libertatem eijciendi novitios, quancumque tempore in monasterio manserint; & quod, quando volunt aliquem ad professionem admittere, assignant illi tres dies ad deliberandum.

Respondeo primo, certum esse, oratorem non esse professum ratione mansionis apud fratres sancti Augustini, neque expresse professum fuisse ordinem & regulam Conventualium.

- 1 Secundo, quod ego non ausim dicere ipsum non esse censendum iure communi tacite professum in ordine Conventualium. Tum quia detulit habitum indistinctum & professis & non professis communem per biennium: & sufficit ad talem professionem detulisse illum per annum integrum, cap. 1. de reg. in 6. & clem. eos. eod. tit. Tum quia non obstat dicere, quod habitum suscepit ante decem & sex annos completos, ante quos vetat Conc. Trid. professionem fieri, sess. 25. cap. 15. quia non vetat habitum posse suscipi ante illos completos, neque disponit annum probationis impleri non posse ante illos completos. & ita etiam hodie annus probationis incipere potest, immo & perfici ante decimum sextum completum, & virtute illius probationis fieri professio expleto decimosexto, iuxta d. clem. eos. quæ quo ad hoc nullatenus est correctæ. Tum quia etiam non obstat dicere, quod ipse petebat admitti ad professionem, & quod fratres volebant eum admittere ad illam: quia non repugnat, quem esse professum tacite, & petere se admitti ad professionem expressam: neque quod conventus nolit eum ad eam admittere: quia non desinit ipse esse professus tacite, licet conventus nolit eum ad expressam admittere; quia non est eius potestatis facere de tacite professum non professum, nisi protestatus fuisset se nolle esse professum, & constaret de tali eius animo, vel de simili eius protestatione, & animo conventus. quibus casibus videtur intelligendum cap. 16. sess. 25. Conc. Trid. *ibi, finito tempore novitiatus, superiores aut admittant novitios ad professionem, aut eijciant.* Tum quia non iuvat illum, saltem quo ad forum exterius, ignorantia iuris, quod ante professionem expressam non obligaretur ei, cap. ignorantia, de regul. iur. lib. 6. Tum quia non obstat, quod
dicitur

dicatur de libertate prædictorum Cōuentualium eiiciendi nouitios, quantumque tempore in monasterio manserint: quia id falsum est iure communi per supradicta. Tum quia licet sola ordinis susceptio non videatur inducere professionem tacitam, multum tamen adiuuat ad eam præsumendam. Non etiam obstat, quod non fuerit facta ei assignatio illa trina trium dierum ad deliberandum super professione expresse faciēda; quia est contra ius commune.

3 Tertio principaliter respondeo, quod si statutum, vel consuetudo præscripta ordinis Conuentualium haberet, vt liberum sit conuentui expellere nouitios ante professionem expressam, non esset orator censendus tacite professus, argum. cap. 1. & cap. non solum. de reg. lib. 6. cap. ad Apostolicam. eod. cum ei adnota. & eorum, quæ nos diximus in Com. de reg. in cap. statuimus. 19. quæst. 3. nu. 74. Ex quibus colligitur, tanta libertate vti posse nouitium ad exeundum, quanta conuentus ad eiiciendum: & facit, quod statutum in vno correlatiuorum habet locum in alio, si modo eadē ratio idem dicet in eo, l. 1. C. de cupress. lib. 11. & late tradita per Fel. in procemio Greg. Idem dico, etiam si constaret conuentus prædicti ordinis animo & protestatione expressa vel tacita suscipere nouitios, vt nolint eos habere pro professis ante professionem expressam; pro quo plurimū facit cap. 16. Conc. Trid. cum proxime adductis.

4 Quarto igitur principaliter resoluo, prædictum oratorem solo iure cōmuni attento censendum esse tacite professum quo ad forum exterius: attento autem præfato statuto, vel consuetudine, vel protestatione tacita, vel expressa, non esse talem censendum; & quod præsuppositis his, quæ de ignorantia, & animo oratoris proponuntur in facto, non esse illum etiam iure communi solo attento tacite professum quo ad forum interius, per ea, quæ de tacita professione diximus vbi supra. Salua, &c.

S V M M A R I V M.

1. Professionem tacitam emittere videtur, qui professus in laxiori, postea habitum indistinctum per annum continuum in religione desert. strictiori: vnde nec potest ad primam reuerti.
2. Iniuriarum etiam iniusta irrogatio, non est causa sufficiens, vt religioso, cui proprium est has pati, detur licentia transeundi ad laxiorem.

C O N S I L I V M XXI.

RELIGIONEM S. Francisci de obseruantia quidam ingressus fuit, deinde Cōuentualium; & legitime professus ad priorem de obseruantia redijt, & per annum integrum, & amplius in ea permansit: & cum sine iusta causa verbis & factis à nōnullis fratribus iniurias accepisset, exijt. Dubitauit, an esset verus religiosus, & an haberet satis causæ, propter quod S. D. N. cum eo dispenset, vt ad Conuentuales redeat.

1. Respondeo primo, quod D. consulens fuit verus frater, & religiosus ordinis Minorum Conuentualium, quia professionem fecit in eo expressam.

- pressam. Secundo, quod videtur nunc esse religiosus etiam verus ordinis Minorum obseruantia: quia, redeundo ad monasterium ordinis Minorum obseruantia, videtur tacite fecisse professionem in eo, manendo plusquam per annum, si vestis nouitiorum non esset distincta, iuxta cap. 1. §. 1. de reg. lib. 6. Tertio, quod vix dabit S. D. N. licentiam, quam petit, immo negabit eam: quia causæ non videntur sufficientes; cum religiosorum debeat esse magis proprium, quam aliorum, iniurias ferre: quod Christus satis suo exemplo docuit, & verbo Matth. 5. *Benefacite maledicentibus vos.* Quarto, quod certo dabit facultatem transeundi ad alium strictiorem, vel æquiualentem, & forte ad laxiorem. Salua, &c.

SUMMARY.

1. Professionem saltem tacitam apud Minores de obseruantia censetur fecisse, qui à Conuentualibus ad illos transeundo, per annos septem commoratus est, & ordines sacros suscepit.
2. Matris necessitas corporalis etsi præbeat iustam causam vt professo detur licentia retento habitu standi extra claustrum, non tamen præbet vt detur licentia dimittendi habitum, & accipiendi beneficia in titulum, num. 4. quod si licentia non obtenta exeat, peccat, num. 1. & si dimisso habitu celebret, efficitur irregularis. num. 3.

CONSILIUM XXII.

QUIDAM monachus professus ordinis Conuentualium S. Francisci transiit à dicto ordine ad ordinem Minorum de obseruantia, in quo nullam emittens professionem expressam mansit septem annos continuos, & ad sacros ordines est promotus: postea, urgente necessitate matris senis, pauperis, ac nobilis, exiit sine facultate superioris à monasterio, dimisso habitu, vt illi subueniret. Quæritur nunc quid iuris, & an propter prædictam necessitatem matris possit dictus monachus accipere hospitale in titulum beneficiale.

1. Respondco primo, præfatum D. consulentem mihi videri esse saltem tacite professum religionem Franciscanorum de obseruantia: quia sponte intrauit eam, posteaquam exiit à conuentu Claustralium, & in eo mansit circiter septem annis, & ordines omnes etiam presbyteratus suscepit, & seruiuit vt frater obseruantia.
2. Secundo, quod licet iustam causam habuerit exeundi à monasterio Obseruantium, vt subueniret matri pauperi, seni, & nobili, non tamen licite potuit id facere sine licentia superioris; & consequenter quod in malo statu vixit sine habitu, toto tempore quo mansit Neapoli, & in via eundi ad eam, & nunc veniens ad Urbem, & nunc manens in ea sine habitu.
3. Tertio, quod mea sententia contraxit irregularitatem sic manendo, & celebrando, & quod in maiori necessitate suæ animæ salutis est constitutus ipse, quam mater eius in necessitate corporis.
4. Quarto, quod, vt opinor, nec congregatio Cardinalium, nec ipse Papa faciet ei facultatem obtinendi præfatum hospitale in titulum beneficiale: quamuis

quamuis arbitrer facturum ei Papam facultatem manendi cum matre, habitu retento, dum mater vixerit, & forte vt ea mortua transeat ad alium ordinem mendicantium: licet magis expediret ei; vt post mortem matris rediret ad suum ordinem Minorum obseruantia, qui est optimus & altissimus viuendi modus, & gratissimus sanctissimæ Trinitati, quæ nos omnes sua infinita bonitate saluet. Amen.

SUMMARIUM.

- 1 Professio emissa ante annum 16. expletum est nulla, nec coram Deo ratificatur ex eo, quod per quatuor annos in religione permanserit; nisi sciens nullam, animo illam ratificandi, id fecerit. nu. 2. vnde matrimonium à tali contractum tenet. nu. 5. In foro autem exteriori iudicabitur valide professus; nec audietur, si petat illam declarari nullam, nisi id coram suo superiore & Episcopo intra quinquennium petat. nu. 3. contra tamē huius quinquennij lapsum restituitur ex eo, quod iuris ignorantia ductus id solum coram suo superiore, qui illius petitionem reiecit, ac testimonium minoris ætatis lacerauit, petijt. num. 4.

CONSILIUM XXIII.

PETRVTIVS ante completum 16. annum professus fuit regulam S. Augustini, & postea mansit in eodē monasterio circiter quatuor annis: & deinde proposita causa nullitatis suæ professionis coram Generali, qui probationes lacerauit, exiit ad militiam armatam, & contraxit matrimonium, & postea denunciatum fuit eum fuisse religiosum. Quæritur ad quid teneatur, & remedium.

- 1 Ad quæstiones ex facto proposito insurgentes respondetur primo, professionem factam à D. consulente ante annum 16. expletum in religione S. August. non fuisse validam, per textum nouum & clarum Conc. Trid. sess. 25. c. 15. de reg.
- 2 Secundo, professionem illam, quæ ipso iure nulla fuit, & inutilis, non fuisse factam validam ex eo solo, quod post eam factam remansit in monasterio tribus vel quatuor annis: quia per illam solam remansione in ea non est iudicanda ratificata, vt singulariter determinauit Card. Caiet. in 2. 2. q. 189. ar. 5. quæ nos serio sequuti fuimus, & comendauimus in Man. nostro confess. c. 12. nu. 71. & aliquot rationibus confirmauimus, scilicet quod ad ratificationem voti solemnem in religione inualide siue nulliter facti non sufficit, vt post illud factum maneat in religione aliquo tempore, eo quod credit votum valuisse; sed oportet vt sciat illud non valere, & animo validandi illud in illa remaneat. Tertio, quod hoc secundum certum esse videtur quo ad forum conscientia, & coram Deo, qui omnia nouit, & nihil ignorat, c. nouit. de iud. sed quo ad forum exterius necessaria videtur ad declarationem petendam auctoritas superioris, & probatio, quæ sine causæ cognitione fieri non potest, & illa non conceditur nisi intra quinquennium à tempore professionis factæ, & nisi inualide professus petat eam vestitus habitu religionis: & in casu proposito lapsum est iam quinquennium, & D. consulens gerit habitum militare, & non religiosum.
- 3 Quarto, quod nobis scribentibus Com. 4. de reg. super c. statuimus. à nu. 76. & seq. visum fuit, quod huiusmodi professus si probauerit iusto impedi-

mento fuisse impeditum, quo minus potuerit declarationem nullitatis sue professionis petere, posset iuste ac sancte restitui in integrum ad tempus, in quo fuit impeditus. Sed non videtur omnino iustum impedimentum, quod tangitur in narratione facti, scilicet quod causa nullitatis fuit proposita coram superiore intra quinquennium cū probatione ætatis D. consulentis per notariū publicum facta, & quod eam rupit superior, & noluit eam audire: quia Conc. Trid. cap. 19. sess. 25. requirit, vt intra quinquennium causa nullitatis professionis deducatur coram superiore, & ordinario: & ita de rigore iuris non videtur omnino satisfecisse.

4 Quinto, quod ad concedendam præfatā restitutionem ex bono & æquo, vt loquuntur antiquiores Iurisconsulti, adiuncta interpretatione Budęi, & aliorum nouissimorum in l. 1. ff. de iust. & iu. siue de æquitate, aut epiceia, vt loquitur S. Th. in 2. 2. q. 120. ar. 1. & alij Theologi, & communiter Iurisperiti, facit multum, quod religiosi non sunt, nec debent esse valde curiosi causarum forensium, immo id est eis opprobrium. l. repetita. C. de episc. & cler. & tradit gl. recepta in c. 2. de postulando. & ita cōsulens iuuenis & nobilis facile potuit ignorare, quod tenebatur causam nullitatis non solum proponere coram suo superiore, sed etiam corā ordinario Episcopo: & ita maior culpa, vel dolus fuit in superiore reiiciente, & lacerante instrumentum humiliter præsentatum, quam in consulente nobili, & iuvene Aragonio suo genio ad arma inclinato procedente ad armatam militiā, eo quod putaret professionem esse nullam, quod impediuit eū a prosecutione causæ. Immo superior, vt videtur, dedit causam impedimenti, vt non prosequeretur causam nullitatis, lacerando iniuste instrumentum, quo probabatur nullitas, & non consulendo ei, vt tenebatur, quod debebat eam proponere non solum coram ipso, sed etiam coram ordinario.

5 Sexto, quod præfatus D. consulens est constitutus in summa miseria, nisi concedatur præfata restitutio, & audiatur super causa nullitatis professionis, & voluerit Sanctissimus misericorditer subuenire miserie, in qua est constitutus: quia coram Deo, & in foro conscientie non fuit factus religiosus, si non ratificauit professionem suam eo modo, quo dictum est in secundo dicto: & consequenter matrimonium coram Deo, & quo ad forum conscientie est validum, & cum sit consummatū, non potest Sum. Pont. dissolvere illud secundum omnes tam Canonistas, quā Theologos: & si non admittatur ad causam nullitatis probandam, cogetur esse religiosus, cum nō sit. & cum tam ipse, quam illa quæ ipsi nupsit, sint nobilissimi, probabiliter timentur magna scandala, & homicidia, vrgente conscientia ab vna parte ad seruandum matrimonium, attento quod numquam fuit religiosus, & ex altera parte vrgente foro exteriori ad seruandam religionem. Nam iam coeperunt insinuari minæ, ac signa inimicitie inter ipsas partes, & cognatos earum; quibus qua parte iuste potest, obuiandum esse, iura naturæ, diuinæ, & humana vbique clamant.

SVMMARIVM.

1 Professio emissā a maiore 16. annis etiā si sit minor 18. hære cōtinet, modo probationis
annus

- annus est ante annum 15. inceptus sit completus: an aut teneat in monasterio, in quo adest statutum ne ante 18. quis admittatur, sine lectione totius statuti diiudicari non potest. n. 2.
2. Professio nulla non validatur per sacrorum ordinum clam, superiore, immo nec illo conscio, si sine conventu (prout est de iure) quem ad professionem recipere non potest, assumptionem, nu. 3. immo nec per quoscumque alios actus, alia intentione quam professionem scitam nullam ratificandi, num. 4. item nec per consuetudinem religionis hos tolerandi, nisi ea mente tolerantur, ut sic professio, quae scitur nulla, ratificetur. nu. 5.

CONSILIVM XXIII.

QVINQUE quaestiones a dom. tua quaeruntur. Prima, an professio a maiore 16. annis ante 18. peracto probationis anno emissa in religione, ex cuius regula prohibetur quis recipi, nisi 18. annum ad minus attigerit, obliget, maxime si talis professus ad actus professorum fuit postea admissus, vel sacros ordines in religione suscipit: stante etiam eiusdem religionis consuetudine, qua ante praefinitum tempus recepti, & ante 18. annum expletum professi tolerati sunt.

1. **HAEC QVAESTIO** satis est difficilis, & multiplex: & prima, quam implicat, est, an solo iure communi attento professio praefata valeat. Et certum est, quod sic: quia potest ingressus ante, vel post 15. annos completos implere annum probationis, & facere professionem post 16. impletum per cap. 15. de reg. sess. 25. Conc. Trid.

2. **SECUNDA**, quam implicat, est, an impediatur professio praedicta per statutum religionis, in qua prohibetur fieri professio ante annum 18. inceptum. Et quia haec questio est legitima, pendens ex intellectu illius legis, non videtur satis tute posse resolui, nisi secta illa, & recte intellecta: quia incivile est, nisi tota lege perspecta, una aliqua eius parte proposita, iudicare, vel respondere, l. incivile. ff. de legib. fieri enim potest, ut fieri prohibeat professionem, tamen factam non irritet: & quod prohibeat, & irritet: quod etiam perspecta tota lege non erit omnino facile iudicare, ob multa, quae in utramque partem afferri possunt.

3. **TERTIA**, an professio inualida efficiatur valida, eo quod ordines sacros in religione suscipiat: & mihi certum est, quod non, si accipiat eos absque superioris licentia, ut multi suscipiunt cum falsis literis dimissorijs; quia ex illo actu non arguitur ratificatio monasterij, in quo inualide professus fuit. Quod ipsum dici posse videtur, si suscepit eos cum literis dimissorijs superioris prelati, a quo solo solent dari: quia ipse solus sine sui conventus consensu non potest professionem accipere iure communi, iuxta glos. 1. cap. ult. de reg. lib. 6. quam etiam praxis omnium fere religionum approbat.

4. **QUARTA**, an professio inualida ratificetur, & fiat valida, ex eo solo, quod admittatur a conventu ad actus solis professis convenientes. Et memini me alias respondere negativae. Tum quia nullo iure, nec efficaci ratione mihi videtur probari sufficientia illius ratificationis; cum admissio ad illos actus possit fieri alia ratione, quam animo ratificandi, puta per reverentiam, & verecundiam, inadvertentiam, & incogitantiam, &

per

per ignorantiam iuris, & per falsam credulitatem, qua professio facta credebatur valida. Tum per ea, quæ singulariter notauit Caiet. ad S. Tho. 2.2. q. 189. ar. 5. dum amplius, quam hoc, requirit ad ratificationem; quem etiam nos sequuti fuimus in Manu. confess. cap. 12. nu. 71.

- 5 QUINTA, an professio inualida reficiatur & ratificetur per consuetudinem religionis, in qua sic male professi tolerari solent. Ad quam respondeo primo, certum esse quod non, propter solam consuetudinem tolerandi, nisi tolerantia consequatur, neque si ea consequatur, nisi ratificatio fiat eo modo, quo Caiet. & nos vbi supra diximus: quia multa per patientiam tolerantur, quæ si in iudicium deducerentur, exigente iustitia, non deberent tolerari, cap. cum iam dudum. de præben. & cap. denique. 4. dist. & c. Salua, & c.

SUMMARIVM.

- 1 Actus factus contra legem prohibentem non valet: unde professio emissæ ante 18. annum in religione quæ habet statutum ne quis ante dictam ætatem admittatur ad professionem, videtur non valere. & nu. 2. & 4.
- 2 Professio apud quatuor ordines mendicantium emissæ ante completum probationis annum iure communi habebat vim voti simpliciter obligantis ad religionem in genere, sed non facit vere religiosum. nu. 4. in fin.
- 3 Probationis annus requisitus respicit fauorem priuatum, cui iure communi scienter poterat renunciari: at certa ætas requisita respicit fauorem publicum. & nu. 1.

CONSILIVM XXV.

IN ORDINE Minimorum statuto cauetur, ne quis ante 18. ætatis suæ annum ad professionem admittatur. Quæritur, an N. qui ante dictam ætatem professus est, sit vere religiosus.

- 1 Quod N. non sit verus religiosus ordinis Minimorum, facit primo, quod actus factus contra legem prohibentem illum fieri, non valet, l. non dubium. C. de legib. & in regula illius ordinis cauetur, ne quisquam professionem faciat in illa, antequam attingat 18. annum.

Secundo, quod lex prohibens ne fiat professio ante talem ætatem, videtur plus respicere vtilitatem publicam, quam partium: & ita, licet anno probationis potuisset ante Concil. Trid. renunciari à partibus, quia videbatur ante illud principaliter introductus in fauorem priuatum, quam publicum; nunc vero non videtur posse renunciari legi prohibenti ne fiat professio ante certam ætatem.

Tertio, quod per Concil. Trid. cap. 15. de regul. sess. 25. annihilatur professio facta ante legitimam ætatem.

- 2 Quarto, quod Hostien. & communis opinio tenere videntur in cap. quia in insulis. de regul. quod professio facta ante 18. annum in monasterijs, in quibus prohibetur illa fieri ante illum, non valet, & quod etiam facta in ordine mendicantium ante finem anni nouitiatus non obligat ad religionem, quam professus est in specie, sed tantum in genere; ita quod vim

sim-

simplicis voti habeat, vt in cap. non solum. & cap. constitutionem. de reg. lib. 6. statutum est.

- 3 Pro parte autem contraria, quod valeat, videtur casus in cap. ad Apostolicam. de regul. vbi expresse declaratum est, quod, licet professio non debeat fieri ante finem anni probationis; si tamen fiat vtraque parte, scilicet nouitio, & monasterio volente, valet.

Secundo facit ratio, qua fundatur illa declaratio in illo cap. nempe quod ille annus nouitiatus statuitur in vtriusque partis fauorem, & ita vtraque pars potest renunciare illi fauori, vt cuilibet alij iuri suum fauorem concernenti, cap. quod ob gratiam. de regul. iur. lib. 6. & l. quod fauore. C. de legib.

Tertio, quod consuetudo est optima legum interpres, cap. cum dilectus. de consuet. & consuetudo generalis habebat ante Conc. Trid. vt professio facta ante finem anni probationis valeret extra religionem quatuor mendicantium, de quibus in d. cap. non solum. & d. cap. constitutionem.

- 4 Per hæc præmissa hæc questio videtur valde dubia: in cuius ego partem priorem multum inclino ob argumenta pro ea supra formata; & quia responderi potest ad præfatum cap. ad Apostolicam. per tacta in argum. 2. pro priore parte adducto; scilicet, quod aliud est dicendum de prohibitione professionis, ne fiat intra annum probationis, quæ videtur potius facta in fauorem priuatum, quam publicum; & aliud de prohibitione, ne fiat ante certam ætatem, quæ videtur potius respicere publicam vtilitatem, quam priuatam. Dixi supra inclinare multum in priorem partem, & non asserere illam, propter dicta Panor. in d. cap. quæ in insulis, qui videtur tenere contrarium contra communem: quamuis etiam ipse sub finem sentiat, quod non obligat in specie, licet obligaret in genere ad religionem; & non perpendit differentiam, quam nos aduertimus inter prohibitionem ne fiat ante certam ætatem, & inter prohibitionem ne fiat ante annum probationis. Et ita desiderarem vt S. D. N. declararet pro N. consulente, qui salutem querit æternam, quod nullatenus valuit eius professio, vel quod solum vim habuit voti simplicis obligantis ad religionem in genere, & non facientis eum verum religiosum. Salua, &c.

S V M M A R I V M.

- 1 Professio cum sit reciprocus contractus, quo monachus monasterio, & e contra obligatur, si alterius deficiat consensus, erit nulla, & nu. 16. quod si adsit consensus, tenebit, licet professus occultet illam qualitatem quam habentes ex statuto prohibentur admitti. nu. 1. & nu. 11. nisi statutum ab habente potestatem factum haberet clausulam professionis annullatiuam.
- 2 Inhabilitati plures reperiuntur iure communi ad ordines & beneficia, & per extraneos ad religionem, immo & per statuta particularia inferiorum Papa ad beneficia regularia, & secularia aliquarum ecclesiarum & Capitulorum. num. 3. & hoc, modo statuta sint à Sede Apostolica sufficienter approbata, & confirmata. num. 10. aliàs inferior Papa non potest suo statuto aliquem inhabilitare ad id, ad quod iure communi est habilis. num. 8. & 4. & seq. & num. 6. nec statuere quod professio

- professio hoc vel illo modo facta teneat, vel non. num. 7. Fundator autem beneficiorum consentiente Episcopo potest statuere, ut tales & tales non sint habiles ad dicta beneficia obtinenda. nu. 10.
- 4 Statuere contra ius commune canonicum nullus potest inferior Papa. num. 9.
- 4 Originem trahens ab infidelibus de iure nequaquam est inhabilis ad religionem: immo nec propria infidelitas precedens baptismus obest promotioni, nu. 5. nec ad obtinendum canonicatum. nu. 4. secus est de heresi: quia iure Pontificio nedum propria nocet, sed etiam paternum. & nu. 5.
- 12 Professus nulliter in religione, siue ob statutum professionem irritans, siue ob defectum consensus recipientis, non potest tunc conscientia in ipsa retineri, possuntque tales coram Deo libere exire, immo & tenentur quærere ut dimittantur à superiore, precedente iuridica sententia. nu. 13.
- 14 Taciti & expressi regulariter par est virtus, nisi adducatur ratio diuersitatis. nu. 15. unde sicut defectus consensus vitiat expressam professionem, ita & tacitam. num. 14.
- 16 Professio nulla ob defectum consensus recipientis, perseverante eodem defectu, non potest per quosvis actus subsequutos dici ratificata: immo si adsit defectus in receptione habitus, ita ut admissio ad habitum sit nulla, post Concilium etiam accedente consensu expresso non posset ratificari, sed annus probationis esset legitime à capite inchoandus. nu. 17. 18. & 19.
- 17 Probationis annus ut incipiat, requirit etiam consensum recipientis, qui si absuit, postea superueniens non renouat tempus elapsum, sed debet de nouo inchoari. & num. 19.
- 18 Ratificatio professionis nulliter emissæ per nullos actus ratificatur, nisi sciatur nullitas, & accedat nouus consensus approbationis: item etiam requiritur ut cessent impedimenta, nu. 15. consensusque libere præstetur, nu. 16. in fin. adimpleanturque à Concil. Trid. requisita, nu. 18. & 19. vel super eis à Pontifice dispensetur. 20.

CONSILIUM XXVI.

ORTA sunt graua dubia inter patres ordinis Minimorum, quæ desiderantur per excellentiam vestram declarari.

Primum, an Capitulum generale ordinis Minimorum auctoritate ordinaria potuerit, vel possit statuere, ne recipiantur ad suum ordinem, qui fuerunt infideles, vel descendunt ex eis.

Secundum, an recepti contra præfatum statutum à prædicto Capitulo factum, debeant exire, vel reijci, si non fuerint ipsi infideles, neque descendunt ex hæreticis, qui impœnitentes decesserunt, vel eorum statum combusta sunt.

Tertium, posito quod Capitulum potuerit statuere, ut tales non recipientur, & quod, si recepti fuissent, receptio & professio essent nullæ; possint dicti fratres, qui ex tali genere descendunt, in foro conscientie à religione exire absque Romani Pontificis dispensatione.

Quartum, posito quod in foro interiori & conscientie possent exire, & prælati noluerint in foro exteriori exeundi licentiam concedere; quid remedijs eis relictum sit.

Quintum, an professiones præfatorum fratrum, licet non valeant vt expressæ, valeant tamen vt tacitæ.

Sextum, an licet præfatæ professiones non valeant neque vt expressæ, neque vt tacitæ, à tempore quo fuerunt factæ; sint tamen validæ per gestationes habitus per annum & amplius factas.

Septimum, an posito quod non sint factæ validæ, possint aliquo modo fieri tales.

A N T E Q V A M his respondeam, admoneo DD. consulentes subintellexisse me, quibusdā eruditis visum fuisse, quod responderim contraria in duobus responsis in hac materia redditis: in quorum altero respondi de quodam N. qui receptus & professus fuit contra prædictum statutum, non esse religiosum; & de quibusdā alijs, qui fuerunt recepti & professi contra idem statutum, esse religiosos. Sed licet occasionem aliquam id dicendi habuerint, non tamen iustam causam: quoniam si satis perpendant, non sunt contraria, sed diuersa; quia ratio principalis, ob quam respondi præfatum N. non esse religiosum, non est, quia fuit receptus contra præfatum statutum, licet etiam illam vnico verbo insinuauerim; sed illa firmior, quam tradidi in hæc verba; *Quia professio est in effectu quidam contractus reciprocus vltro citroque obligatorius; quo proficiens se obligat monasterio, vel ordini ad seruendum ei secundum regulam eius, & è contra monasterium ad alendum & tractandum eum secundum eandem regulam: & ita est necessarius consensus vtriusque partis tam prælati, & monasterij professionem recipientium, quam ipsius proficientis: & in casu proposito defuit consensus prælati, & monasterij: quia fuit præstitus sub conditione, si non esset de tali genere; & ita defuit conditio, sub qua fuit admissus; & consequenter ipsa admissio. quia dispositio conditionalis nulla est deficiente conditione; & quia deficiente causa regulariter deficit effectus.* De alijs autem respondi, quod erant religiosi; quia nihil aliud obstabat eis, ne essent; nisi quod præfatum statutum id prohibebat, quod solum non erat iustum impedimentum ad annullandum valorem professionis: in casu enim præfati N. non valuisset professio, etiam si contra nullum tale statutum fuisset facta; quia deficiebat consensus recipientium; in alijs autem fuit valida: quia non deficiebat præfatus consensus, quamuis esset contra præfatum statutum.

A D P R I M A M igitur questionem responsurus dico, quod pro illius parte affirmatiua, scilicet quod Capitulum præfatum potuerit huiusmodi statutum facere, facit primo, quod plura quam decem Capitula præfati ordinis Illustrissimi varijs modis super contentis in eo constituerunt: & non videtur credendum tot eruditissimos sanctissimosque viros toties id facturos fuisse, si non licuisset eis facere.

Secundo facit, quod multa iura communia multos arcent ab ordine, & religione clericali, & beneficijs ecclesiasticis, vt habetur in cap. 1. & cap. statutum. de hæret. lib. 6. & etiam fel. recor. Pius V. in quadam extrauag. arcent à religione aliquos ab hæreticis descendentes; quin & Apostolus 1. ad Timoth. 5. arcent neophytos ab episcopatu, quod latius tractat Grátia. dist. 48.

Tertio,

3 Tertio, quod multæ sunt ecclesiæ, in quibus non recipiuntur ulli neophyti, nec descendentes ab infidelibus. Multa etiam collegia secularia & regularia habent statuta, etiam à sancta Sede Apostolica confirmata, de non recipiendis ad ea eis, qui ab infidelibus descendunt. Ergo etiam Capitula prædicti ordinis Minorum potuerunt statuere contenta in præfato statuto: attento quod minores debent imitari maiores, iuxta illud, *A bone maiore discat arare minor.* cap. ea quæ. de re iudic.

Quarto, quod statutum præfati ordinis confirmavit Sedes Apostolica, quæ non solet confirmare illicita, argum. extrauag. vnam sanctam. de maiorit. & obed.

4 Pro contraria autem parte negante facit primo, quod nullus inferior Papa potest contra ius commune canonicum statuere, cap. quod super ijs. de maiorit. & obed. cum ei adnotatis; & præfatum statutum videtur esse contra commune ius canonicum. Tum quia iure communi canonico omnes Christiani regulariter sunt apti ad intrandam & profitendam religionem à sancta Sede Apostolica approbatam, si non obest eis aliquod impedimentum canonicum; adeo quod etiam pueri possunt ad eam recipi, secundum S. Thom. receptum 2.2.q. 189. art. 5. & etiam presbyteri curati & archidiaconi secundum eundem ibid. ar. 7. At descensio, & generatio, qua quis descendit ex infidelibus, non est impedimentum canonicum ad intrandam & profitendam religionem; nullo enim iure id cauetur; immo iure ipso diuino, vnde hauritur canonicum, cap. qualiter & quando. 2. de accusat. expresse id conceditur: Apostoli enim, cum essent Iudæi, fuerunt facti Christiani, cap. in nouo. 21. distin. Tum quia Paulus ex Iudaismo conuersus solos neophytos prohibet ab ordinibus, ad Timo. 5. Tum quia Alexander III. declarauit in cap. eam te. de rescript. non debuisse quem à canonicatu repelli, eo quod ante fuisset Iudæus; immo vt ibi gloss. & doctores addunt, commendari debuit potius, & laudari. Tum per illud S. August. cap. vndecumque. 56. distinct. *Vndecumque homines si parentum vitia non sectantur, honesti, & salui erunt:* & per illud Ioan. Chrysost. in ead. dist. *Numquam de vitijs erubescamus parentum: sed illud vnum queramus, & semper amplectamur, virtutem videlicet.* Tum quia non videretur inconueniens, vt etiam quorumlibet hæreticorū filij admitterentur ad religionem, vt colligitur ex cap. recurrat. 32. q. 4. nisi exciperetur, & fierent inhabiles per constitutionem Papæ, cap. 2. & cap. statutum. de hæret. lib. 6. & præfatam extrauag. Pij V. Tum quia argum. à speciali valet in hac forma: Hoc est speciale iure particulari; ergo contrarium est dicendum iure communi, cap. qualis. 25. distinct. & cap. præfati. 9. loca. de præbend. lib. 6. At speciale est, ne quis descendens ex infideli hæretico assumatur ad ordines per iura supra dicta: ergo contrarium est dicendum in descendentibus ex alijs infidelibus. Tum quia Felix. in præcitato cap. eam te. colum. 8. receptus ab alijs ponit regulam pro lege generali, quod infidelitas præcedens etiam propria non obest alicui quo ad ordines, & beneficia, nisi sit hæresis: ergo à fortiori non nocebit aliena: & ita iure communi canonico non debet nocere cuiusquam infidelitas etiam propria, quanto minus aliena quo ad intran-

6 intrandam religionem? Cum ergo iure communi canonico liceat descen-
denti ex alio infideli, quam heretico, intrare & profiteri religionem à
sancta Sede Apostolica approbatam; statutum contra hoc factum debet
dici statutum factum contra ius commune. Tum quia prefatus Pius V.
in prædicta extrauag. videtur hoc approbare, dum respondendo fratribus
Minoribus de obseruantia sic ait, *Iis, qui ex Mahumetanorum, vel Iudeorum*
genere descendunt, cum post susceptum ab eis baptisma Græci & Iudæi distinctio esse
non debeat, nullatenus defectus generis huiusmodi, quo minus in ordinem prædictum
recipiantur, & ad consequendas in dicto ordine dignitates, gradus, & officia religio-
nis, vel enipiam alteri nocere possit, vel debeat. Per hæc enim verba pientis-
simus Pius clare vult, quod iure communi canonico, immo & quasi diui-
no, recipi debeant, non obstante prefati generis impedimento, personæ
alias idoneæ ad religionem Franciscanorum de obseruantia, & consequen-
ter ad religionem Minimorum: cui consequens est esse iuri communi ca-
nonico contrarium.

7 Secundo principaliter pro hac parte negativa facit, quod circa ea, quæ
pertinent ad essentiam trium votorum solemnium religionis, dispositio
videtur pertinere ad solum Papam, arg. cap. cum ad monasterium. §. fin. de
stat. monach. vbi gloss. & Innoc. communiter recepti ab alijs tenent solum
Papam posse dispensare in tribus prefatis votis; immo quod neque ipse
Papa possit dispensare super voto solenni continentie, affirmat S. Tho. 2. 2.
q. 88. ar. 11. licet communis contra teneat, quam nos etiam sequimur post
alios in Man. confess. cap. 11. Ergo dispositio, qua disponendum est, vt pro-
fessio huius vel illius hoc vel illo modo facta valeat, vel non valeat, ad
summam Papæ potestatem pertinet. Cum igitur omnia Capitula quam-
libet generalia prefati ordinis sint Papa inferiora, non pertinebit ad illa
potestas faciendi hunc vel illum ineptum ad faciendam professionem in
religione per Sedem Apost. approbatam, quam omnes Christiani communi
iure canonico possunt vouere, intrare, ac solemniter profiteri, præter il-
los, qui speciatim ab eodem iure prohibentur.

Per quas rationes nunc firmiter credo, quod antehac quasi dubitabam;
nempe nulla Capitula quamlibet generalia prefati ordinis, nec alicuius
alius posse statuere, vt professio trium votorum substantialium facta
non valeat, si communi iure canonico, (sublato de medio illo statuto)
esset valitura: sicut nec valeret statutum alicuius Synodi, vel Concilij
provincialis, vel nationalis, etiam omnium ecclesiasticorum illius epi-
scopatus, prouinciæ, vel nationis, quo absque auctoritate Papæ statue-
retur, vt certi generis personæ essent inhabiles ad matrimonium contra-
hendum, si iure communi canonico essent habiles: adeo quidem, quod
matrimonium inter eos contractum valeret, non obstante talis Synodi, vel
Concilij statuto.

9 Ad opposita respondemus. Ad primum quidem, concedendo inter-
fuisse prefatis Capitulis, quæ prædictum statutum fecerunt, viros san-
ctissimos, & eruditissimos: negando tamen non potuisse eos, vel maio-
rem partem eorum errare circa illud statutum, etiam absque vltimo peccato,
to, quia

to; quia errare circa ius dubium humanum non est peccatum, iuxta gloss. cap. 1. de postulat. prælato. verbo de cætera. receptam ibi & vbiq; per omnes.

Ad secundum respondetur, concedendo multos quidem factos esse inhabiles ad ordines, & ad beneficia, & etiam ad religionem; negando tamen esse factos inhabiles ab inferioribus Papa, de quibus agimus; cum Capitula omnia quamlibet generalia sint Papa inferiora, quæ negamus posse facere contra ius canonicum ipsiusmet Papæ.

10. Ad tertium concedimus multas ecclesias, & collegia sæcularia, & regularia habere huiusmodi statuta; negando tamen quod valeant, si non fuerint confirmata, vel facta auctoritate Papæ, vel nisi sint collegia fundata à patronis sub hac conditione: quia licet eis cum episcoporum auctoritate ponere suæ donationi & fundationi conditionem iuri communi contrariam, arg. cap. cū dilectus. de consue. vbi hoc notatur: nos autem loquimur de professione regulæ Minimorum, cuius auctor nullam talem conditionem adiecit cum auctoritate Episcopi, neque Papæ, neque sine illis.

Ad quartum concedimus statuta prædicta Minimorum fuisse quidem confirmata à Papa, quatenus sunt licita, & honesta, & non sint contra ius commune, nec contra sacros canones; negando tamen, quod hoc, de quo loquimur, non sit contra ius commune, & sacros canones, siquidem est tale per prædicta.

11. AD SECVNDVM principale dubium respondetur primo, nullos, qui hætenus recepti sunt contra prædictum statutum, esse eiiciendos ob id solum, quod contra prædictum statutum fuerunt recepti & professi: quoniam ex nihilo nihil fit, ut ait Philosophus, & ut Persius adjicit in nihilum nihil posse reuerti; & quod, ut Iurisperiti aiunt in rub. de iniust. rup. irrit. fact. testamen. quod nullum est, rumpi non potest: nec sponsalia nulla posse dissolui; quia priuatio præsupponit habitum, l. decem. ff. de verb. oblig. & consequenter, quod est nullum, nullum effectum potest producere. Cui consequens est, statutum præfatum, cum sit nullum, nullum posse gignere fructum, nec cōsequenter rescindere, vel annihilare professionem aliqui legitimam. Secundo, quod quamuis nulli possunt eiici propterea solum, quod sint professi contra præfatum statutum; possunt tamen eiici aliquot eorum, propterea quod non interuenit consensus legitimus ex parte recipientium, ut tetigi in admonitione, quam dubiorum decisioni præposui. Illi namque ad professionem hos admiserunt, præmissa protestatione tacita, vel expressa, quod eos non haberent pro professis, si descendebant ex infidelibus, & quod possent eiici, si inuenirentur ab eis descendere; huiusmodi enim fratrum professio est omnino nulla; non quia est facta contra statutum, quod est omnino nullum: sed quia est facta sine consensu legitimo; cum sit facta per consensum conditionale, si non descendissent ex infidelibus: quia propter falsitatem conditionis illa professionis acceptatio sit nulla, cum dispositio conditionalis non existente conditione nihil operetur, cap. si pro te. de rescript. lib. 6. & cap. præterea. 2. de appellat.

AD

12 AD TERTIVM principale dubium respondeo primo, quod quia mihi certum est statutum prefatum esse nullum, non possum respondere esse quidquam inualidum, eo quod sit illi contrarium. Secundo, quod is, qui teneret illud esse validum, non posset dicere esse veros religiosos fratres, qui contra illud essent professi; nec posse tractari, nec teneri pro talibus; nisi prius per dispensationem legitimam, & novam, eandemque legitimam professionem, fierent tales. Tertio, quod siue valeat statutum, siue non, non possunt iuste predicti teneri nec haberi pro legitimis patribus, etiam quo ad forum conscientiarum; si, ut predictum est, consensus non fuerit legitimus in parte recipientium, eo quod fuerit prestitus sub conditione falsa, ut predictum est: & ita liceret eis quo ad forum conscientiarum tantum exire ab ordine sine dispensatione; quia quod quo ad illud forum non sint ligati, arguit cap. humanae aures. 22. q. 5.

13 AD QVARTVM dubium respondeo, quod remedium est ei, cuius professio non est valida, ob predicta, supplicare prelato ordinis sui, qui sit iudex competens eius, humiliter, ut declaret professionem eius non valere: & ita non debere manere in monasterio agendo actus, quos non licet ei agere; nec impensis aliquibus comedendo, bibendo, & vestiendo conventum granare; & requirere ut id faciat vocato prius sindico, & eo audito, & ut ferat sententiam in scriptis praesente notario monasterij prefati, & toto conventu, vel aliquibus testibus, in quibus contineatur quod ipse ob tales & tales causas non est vere professus, & ideo declaret eum non esse verum religiosum monasterij prefati, & dimittat eum exutum veste in nomine Domini, concedendo illi patentes literas sententiae, & dimissionis, ut possit facere fidem suae dimissionis ad viuendum inter alios ad gloriam Dei, & salutem suarum animarum. Amen.

14 AD QVINTVM dubium respondeo negative. Tum quia in contractibus par virtus est expressi, & taciti, l. cum quid. ff. si certum petat. gloss. in l. expressa. ff. de reg. iur. Tum quia qua ratione defectus consensus annullat professionem expressam, debet etiam annullare tacitam, immo quadamtenus magis, arg. l. 1. §. fin. iuncta l. Labeo. ff. de pactis, quia qui tacite consentit, potius fidei, quam vere consentire censetur, ut recte post alios probat Dec. in d. l. cum quid. Tum quia licet aliqua tacite facta valeant, & facta expresse non; & e contrario aliqua expresse facta valeant, & tacite non; regulariter tamen si alterum valet, utrumque valet, nisi aliqua ratio particularis inueniatur, cur alterum valeat, alterum non, ut communiter videtur resolui per doctores in d. l. expressa. At in proposito casu nulla ratio potest reddi, cur tacita professio plus valeat, quam expressa, si in utraque deest consensus ex parte recipientium. Ergo non est dicendum. Tum quia ceteris paribus difficilius colligitur consensus tacitus, quam expressus: ergo facilius colligitur actum non valere ex defectu consensus taciti, quam ex defectu consensus expressi: quia quicquid habet propositum in proposito, habet oppositum in opposito, cap. sciendum. 8. q. 1. & l. & si contra tabulas. ff. de vulg. & pupill.

Neque obstat primo, quod prædicti male professi interuenerunt actibus professorum: quia durante impedimento, seu ignorantia, tales actus non faciunt professum, per singulare dictum Caiet. 1. 2. q. 189. art. 5. & tradimus nos in Man. confess. cap. 12. nu. 31. & in comment. 4. de reg. super cap. statuimus. num. 71. & 72. Non obstat secundo, quod acceperunt litteras dimissorias ad ordines suscipiendos; quia non sufficit, ut diximus in dicto com. num. 71.

- 16 AD SEXTVM dubium respondeo, quod hoc dubium est longe grauius. Sed videtur respondendum primo, quod si idem defectus consensus interuenit post professiones factas, qui interueniebat ante, tempore, quo illæ fuerunt factæ, non sunt factæ per gestationem habitus postea validæ: quia, quicquid aliqui dicant, conclusio certa est, quod inter profitentem & professionem admittentem contrahitur obligatio reciproca, qua proficiens obligatur religioni ad præstanda quæ promittit secundum regulam, & religio ad præstandū ei quæ debet; & ita requiritur utriusque partis consensus, ut nos post Innoc. & Panorm. in cap. potestatem de regul. tradimus in dicto com. cap. statuimus. num. 74. Ad id ut nemo, nisi volens, & consentiens, possit fieri religiosus, cap. integritas. 32. quasi 1. ibi, *Res magis voti, quam præcepti est, quæ suaderi potest, imperari non potest.* Immo nec sufficit qualis qualis voluntas, & consensus; sed requiritur liber à metu, cap. 1. de ijs quæ vi. etiam reuerentialis, cap. præsens. 10. q. 3. adiuncta gloss. & tradimus nos post alios ubi supra 3. num. 71. Secundo, quod non sufficit hodie post Concilium Tridentinum cap. 15. de regul. sess. 25. consensus religionis, & consensus profitentis etiam liber, nisi sit completus totus annus nouitiatus: & quod mea sententia non videtur etiam initiatus, nisi uterque, tam ingrediens religionem, quàm ipsa religio, consentiant in habitus nouitiatus susceptione: & cum secundum idem Concilium non valeat professio eius, qui facit eam ante completum annum nouitiatus, consequens videtur non posse prædictas professiones ratificari per præfatam religionem contra decretum Concilij, cuiuslibet consensus derogare non potest, ut satis colligitur ex eod. cap. 15. & seq. 16.
- 17 Tertiò, quod, ut supra diximus, professio nulliter facta non censetur ratificari per consensum profitentis, neque per admissionem ad actus solis professis conuenientes, nisi approbent illam scientes non valere, & ad hoc, ut de non valida faciant validam, iuxta Cardinalem supra citatum 2. 2. q. 189. art. 5. quem sequuti fuimus in Man. confess. cap. 12. num. 31. & multis rationibus probari potest, quas tetigimus in dicto cap. statuimus. Quarto, quod ante prædictum Conc. Tridentin. poterat colligi consensus religionis, & profitentis ad ratificandum professionem nulliter factam ex eo solum, quod admisit eum, qui nulliter professus fuit, ad actus solis professis conuenientes, per prædicta. Itaque licet ante Conc. Trid. potuisset huiusmodi ratificatio fieri per religionem, & eam profitentem nulliter, post illud tamen non video rationem istam, quæ id fieri possit.

- 19 AD SEPTIMVM dubium respondetur, quod possunt fieri tam tacite, quam

quam expresse professi; possunt enim eos noue suscipere, vt faciant annum nouitiatus, & finito anno faciant noue professionem expressam; quo casu erunt expresse professi; vel permaneant post annum de consensu recipientium, & receptorum aliquantulum; quo casu erunt tacite professi, non quidem vt censeantur professi à tempore, quo fecerunt professionem primam, sed à tempore, quo fecerunt nouam professionem. Cum enim susceptio prima ad probationem, & professio eam consequuta non valuerint, non complerunt legitime annum nouitiatus, nec professionem legitimam nec validam facere potuerunt propter defectum consensus recipientium: & cum ad præteritum non sit potentia, vt ait Philosoph. non possunt præfati recipientes, & recepti facere, quod annus nouitiatus 1. fuerit legitime completus, neque quod professio facta antea fuisset valida. Posset tamen S. D. N. si suæ Sanctitati placeret, de consensu recipientium, & receptorum, annum nouitiatus habere pro legitime completo contra Conc. Triden. & etiam professiones eorum de vtriusque partis consensu habere pro ratis, ad hoc vt ipsi posthac gaudeant honoribus, & præminentis, quibus gaudere deberent à tempore, quo fuerunt primo professi. Tum quia scienti & consentienti non fit iniuria, neque dolus. Tum quia videtur iusta causa, ob quam sua Sanctitas id sancte facere potest ad tollendum scandalum, & inquietudinem, quæ orirentur ex magna mutatione, quæ contrarium consequeretur, per multa, quæ in hoc citari possunt, sed non expedit ob canonam & reconditam S. D. N. iuris quadruplicis, naturalis, diuinique, Canonici, & Cæsarei peritiam. Hæc occurrunt respondenda in præsentia prædictis dubiis.

Aduertendum, licet num. 13. dicat prælatum ordinis adeundum pro obtinenda declaratoria nullitatis professionis; non tamen excludit, quin cum ipso etiam debeat interuenire ordinarius, iuxta decretum sacri Concilij cap. 19. sess. 25. de regul. Supra Consil. 23.

S V M M A R I V M.

1. Professio ante annum 16. completum post Concilium emissa est nulla; per perseuerantiam autem non ratificatur; nisi sciens eam nullam, perseuerante monasterio in eadem voluntate, saltem intra se secreto ratificet. num. 2. & ex tunc incipit esse professus, & non prius. num. 3. locum autem prius sibi assignatum, tunc iuste retinere poterit, si bona fide credebat eius primam professionem validam. num. 4.

C O N S I L I V M XXVII.

VTRVM professio N. ante annum decimum sextum cōpletum stante Conc. Frid. valeat; licet post illum annum manserit in monasterio: & an iterum profiteri oporteat, & quando incipiat esse valida professio, & an locum antea quæsitum sibi retinere possit?

1. Respondetur primo, quod iste talis non est censendus professus quo ad forum Dei, etiam si post illum annum manserit in religione; nisi professionem inualide factam ratificauerit, argumento cap. non firmatur. de regul. iur. in 6. & quod non censetur ratificare illam manendo in

monasterio, eo quod credebatur, professionem, quam fecerat, valere: quia oportet, ut sciens eam non valere ratificet, & pro valida eam habeat. bene Caiet. 2. 2. q. 189. art. 5.

2. Secundo, quod non oportet eum publice de nouo profiteri: sed satis videtur, ut ipsemet eam ratificet, & monasterium permiserit in illo consensu, quo eius professioni consensit, & eam recepit, arg. cap. ad id. de sponsal. ubi matrimonium metu contractum sit validum, si cessante metu, pars quæ metu consensit, ratum habeat illud saltem tacite.
3. Tertio, quod eius professio incipit esse valida à tempore ratificationis, & non antea, coram Deo, arg. cap. veniens. iuncta gloss. 2. de eo qui duxit in matrimonium.
4. Quarto, quod, si bona fide putauit se bene professum, & superueniente mala fide ratificauit suam professionem, merito debet gaudere loco, quem ab initio consensu conuentus accepit, arg. multorum, quæ de effectibus bonæ fidei, & de euitatione scandali, & de modicitate rei adduci possent. Salua, &c.

S V M M A R I V M.

1. Probationis annus incipit à die ingressus, daturque hinc inde ad probandum & monasterium, & nouitium.
2. Professio emissa anno probationis nondum exacto, etiam apud Minimorum, qui licet non admittant ad illam nisi existentes in 18. anno, num. 5. tamen integrum annum probationis non exigebat, est nulla; sicut & illius qui apud illos in ætatis suæ anno 17. illam emisit; nullumque producit effectum. nu. 2. adeo ut sicut non prodest, ita non noceat, quo minus continuando inceptum probationis annum, suo tempore secundam, quæ valida erit, emitat professionem. num. 3.
3. Professio nulliter emissa non vitiat legitimam receptionem ad annum probationis: unde potest continuari, & eo sine alia interruptione in monasterio vel alibi de licentia superioris manendo completo denuo profiteri.
4. Professio apud Minimorum emissa ab existente in ætatis suæ anno 17. non tenet: unde potest exire, & si sit in sacris, subiicietur Episcopo, aliàs non; immo, ut seculares laici, poterit ducere uxorem. num. 4.
5. Professio tacita non est sublata per Concilium Tridentinum, immo valebit ut prius, modo annus integer continuatus probationis sit completus, & ad sit ætas requisita, quæ apud Minimorum est annorum 18. inceptorum.
6. Professionem expressam qui nulliter emitit, per continuationem & alios actus non censetur ratificasse, secus si nullam emisisset.
7. Professionis suæ nullitatem ignorans, eam ratificare non censetur.

CONSILIVM XXVIII.

AD MULTAS quæstiones concatenatas nobis propositas respondemus sic ad primam, quod professio illius, qui ingreditur ordinem religionis Minimorum, facta antequam expleatur annus integer nouitatus, qui incipit à die ingressus dati ei ad probandam illam, & monasterio.

sterio ad cognoscendū illū, est ipso iure nulla, siue ingrediatur in principio anni 18. siue in medio, siue in fine; & siue consueuerit in illa religione fieri professio intra 18. & intra annū nouitiatus, siue non. Tum quia hoc expresse habet cap. 15. de regul. sess. 25. Conc. Trid. Tum quia, licet ante præfatum Conc. professio ante finem anni probationis (quamuis non debuisset fieri ante completum annum) in omnibus religionibus, exceptis mendicantium, facta valeret, vt probatur in cap. ad Apostolicam. de regul. adiuncto cap. non solum. & cap. constitutionem. eod. titu. lib. 6. & quamuis id frequentissime fieret; tamen post illud non licet facere, nec recipere talem professionem: & si fiat, & recipiatur, iudicatur ipso iure nulla: & nulla est ratio, quare facta in præfato Minimorum ordine debeat plus valere, quam facta in aliis: immo tanto minus debet valere facta in illo, quanto arctior & durior est illa, quam pleræque aliæ. argumento cap. quia in infulis. de regul. & d. cap. non solum. & cap. constitutionem. eod. tit. lib. 6.

2 AD SECVNDAM respondetur, quod professio facta in d. ordine Minimorum in 17. ætatis profitentis anno, vel ante illum expletum, proculdubio ipso iure est nulla, & nullum producit effectum, per præfatum cap. 15. de reg. Conc. Trid. sess. 25.

AD TERTIAM, respondetur, quod nullus scrupulus est habendus de valore professionis factæ intra præfatum 17. annum, antequam ille sit expletus: quia proculdubio, & absque vllō scrupulo est ipso iure nulla, & nullius effectus; & ita non obligat magis, quam si non esset facta: & consequenter necessarium est facere nouam professionem post illum expletum, ad hoc vt sit professus.

3 AD QVARTAM, quod non est necessaria noua receptio capitularis; sed sufficit, quod receptio prima continetur per totum annum absque interruptione, ita quod absque licentia prælati non exeat, neque maneat extra monasterium, & perfecto anno faciat professionem validam, siue ante finem anni 17. fecerit illam, siue non; quia illa prius facta nullius penitus est effectus, per d. cap. 15. Ergo nec prodest, nec nocet, quo minus valeat, vel non valeat illa, quæ fuerit facta post annum expletum; cum non præstet impedimentum, quod de iure non sortitur effectum, cap. non præstat. de reg. iur. lib. 6.

AD QVINTAM, quod proculdubio, qui in vestro ordine Minimorum fecit professionem ante 17. annum completum, perinde potest transire ad aliam religionem laxiorem, vel arctiorem, ac si non fecisset, eadem supradicta ratione.

4 AD SEXTAM, quod laici, & clerici minores tantum ordines initiati, qui ante 17. ætatis suæ annum fecerunt professionem, perinde possunt ducere vxores, ac alij nouitij, qui non fecerunt illam, non obstante illa professione; quia, vt ex nihilo nihil fit, ita nihilum nihil facit, l. eius qui in prouincia. ff. de rebus creditis. & l. si seruum. §. 1. ff. de actio. emptio.

AD SEPTIMAM, quod, qui sacris ordinibus initiati fecerunt.

professionem ante 17. annum completum, & noluerunt manere in monasterio, perinde subijciuntur ordinario, simul ac exierint, ac alij novitij, qui nullam professionem emiserunt, eadem penitus ratione.

- 5 AD OCTAVAM respondetur primo, quod Conc. Trid. non tollit professiones tacitas; & ideo post illud perinde sunt habendi pro tacite professis illi, qui per annum totum nullatenus interruptum tulerunt, siue gestarunt habitum indistinctum ab habitu professorum, ac ante illud & consequenter qui acceperunt illum in 17. anno, vel prius, si gestarunt illum toto vno anno, donec ingrederentur 18. annum, censendi erunt tacite professi, argu. cap. 1. §. 1. de regul. lib. 6. & clem. eos. eod. titu. Secundo, quod vna subtilis differentia potest esse quo ad hanc expressam professionem inter illos, qui emiserunt professionem ante 17. annum completum, & alios, qui eam non emiserunt: nam hi, qui non emisserunt, proculdubio censendi sunt professi, si per vnum annum totum gestarunt habitum, donec ingrederentur 18. annum, nisi reclamauerint, vel protestati fuerint; nullatenus esse sibi animum profitendi, donec expresse proficerentur. Alij vero, qui professionem expresse fecerunt ante 17. annum impletum, non censentur tacite professi, si ideo manserunt in monasterio post inceptum 18. quia putabant professionem suam valere; in quo non mansissent, si putassent eam non valuisse: quia, ut singulariter decidit Caiet. in 2. 2. q. 189. art. 5. quem sequimur nos in Man. confessi. cap. 2. num. 7. non sufficit ad ratificationem professionis inualide factae, quod maneat in monasterio post illam factam aliquo spatio temporis, etiam magno; si manserit, eo quod putabat professionem valuisse, & per illam obligari ad manendum: sed oportet, quod nouerit illam non valuisse, neque per eam obligari ad manendum, & non obstante hac scientia voluerit habere eam pro bona, & se ad seruandum eam obligatum: pro quo facit l. si per errorem. ff. de iurisd. om. iud. cum alijs multis, quae probant, errantem & ignorantem non censeri consentire. Salua, &c.

S. V. M. M. A. R. I. V. M.

- 1 Professio in vno monasterio post sex menses emissam non tenet, non obstante, quod in alio, à quo sine licentia recesserat, per alios sex steterit; quia probationis annus debet esse continuus, & completus, absque eo quod quis sine licentia de monasterio exeat.
- 2 Professus non censetur, nec probatur esse quis alicuius religionis, eo solo, quod à sede Apostolica obtinuerit licentiam inde ad aliam transeundi.

CONSILIVM XXIX.

N. INGRESSVS religionem S. Mariae redemptionis captiuorum in Hispania, post sex menses sine vlla licentia se contulit ad Indias in ciuitatem S. Dominici; vbi monasterium eiusdem religionis iterum ingressus, post alios sex menses professionem emisit. Deinde per breue S. D. N. ad quoddam monasterium ordinis Cisterciensis translatus, post decem menses professus est, & actus professorum exercuit. Dubitatur, an impetratio

impetratio dicti brevis ita noceat ei, ut quocumque defectu non obstante censeatur professus ordinem Cisterciensem: adeo quod non possit clericaliter in saeculo vivere.

- 1 Ad quaestiones resultantes ex facto praemisso respondeo primo, quod professio, quam praefatus orator emisit in monasterio Sanctae Mariae redemptionis captiuorum ciuitatis Sancti Dominici partiū Indiae Occidentalis, non valuit; quia post Conc. Trid. nulla professio facta ante completum annum nouitiatus, seu probationis, valet, ut habetur in praefato Conc. sess. 25. cap. 15. de reg. & quod praefatus orator emisit praefatam professionem ante completum annum nouitiatus, seu probationis. Nam sententia communis & receptior, quam etiam videmus in praetorio sacrae Pœnitentariae seruari, habet, quod, ad hoc ut annus probationis & nouitiatus censeatur legitime completus, debet esse continuus, ita quod nouitius continue per totum unum annum manserit in monasterio sub obedientia praelati, nec exierit ab illo, saltem sine ipsius licentia, per tex. in cap. 1. de reg. lib. 6. per quem illud ibi tenent Domi. & Philip. Francus post Lapum Abbatem, & ob alias rationes nos quoque idem respondimus frequenter tam in praefato praetorio, quam extra illud: in qua sententia etiam nunc sumus.

- Secundo, quod nec professio facta per eundem oratorem in praedicto monasterio Cisterciensi valuit eadem ratione; quia facta fuit ante annum nouitiatus completum.

Tertio, quod non praesumitur quis tacite professus ex eo solo, quod intersit actibus solis professis convenientibus, per rationes, quas in id adducimus in com. 4. de reg. super cap. statuimus. 29. q. 3. nu. 72.

Quarto, quod per impetrationem brevis transeundi de religione Sanctae Mariae redemptionis captiuorum ad aliam religionem non est censendus orator profiteri praefatam religionem Sanctae Mariae, neque probari sufficienter eum illam professum esse. Tum quia talis impetratio, & talis professio sunt diuersa, & à diuersis non fit illatio, l. Papinianus. ff. de minoribus. Tum quia non probat hoc esse, quod ab hoc contingit abesse, in l. ad probationem. C. de probatio. cap. in praesentia. eod. tit. Tum quia, ut praedictum est, professio legitima fieri non potest ante completum annum probationis.

Quinto, quod praefatus orator nulla dispensatione indiget quo ad forum conscientiae ad manendum & viuendum extra monasterium in habitu clericali: quamuis multum conueniat ei, ut S. D. N. iubeat hoc declarari, & corrigi, si quid in hoc iuris ignorantia peccatum est. Salua, &c.

S U M M A R I V M.

- 1 Praelati, & conuentus, finito nouitiatu, ex causa differre possunt professionem nouitij iudicati idonei.
- 1 Intellectus cap. 16. de regul. sess. 25. Conc. Trid.
- 2 Praesentationem admittere, & institutionem facere, diuersa.
- 2 Institutio post praesentationem diutius differri potest, quam collatio libera, quae non potest fieri post sex menses à die probationis, institutio autem potest.

QVAERITVR, an liceat superiori alicuius monasterij, & suo conuentui, vel Capitulo, concedere dilationem ad profitendum nouitio post annum nouitiatus probato à se pro idoneo ad profitendum, aliqua iusta de causa, non obstante cap. 16. de reg. sess. 25. Conc. Trid.

- 1 Respondeo, quod sic. Tum quia à iure antiquo non videtur recessum, nisi quatenus per nouum expresse receditur, l. præcipimus. C. de appellat. & ante præfatum Conc. Trid. hoc licebat, & erat in vsu, & consuetudine: ergo & nunc licet; quia per illud non videtur statutum contrarium. Tum quia illud cap. non disponit, quod superiores statim finito anno nouitiatus cogant nouitios habitos pro idoneis ad profitendum; sed solum quod admittant eos, aut reijciant. & cogere ad profitendum, est aliud, quam admittere ad professionem, vel reijcere; & à diuersis non fit illatio, l. Papinianus. ff. de minoribus. cap. ad audientiam. de decimis. sicut
- 2 & aliud est admittere præsentationem, & aliud instituere præsentatum: adeo quidem, vt superior, cui fit præsentatio, post eam factam & admis- sam, potest differre institutionem, etiam maiori tempore, quam collationem liberam; quoniam hanc non potest facere post sex menses à vacatione, cap. 2. de concess. præb. illam autem potest etiam post sex menses, nisi præfigatur ei terminus breuior à superiore suo, secundum Panorm. communiter recep. in eodem cap. num. 12. Superior item, in cuius manibus renunciatur beneficium, potest renunciationem admittere, & collationem differre. Tum denique quod annus nouitiatus, & admissio & reiectio sunt in fauorem recipientium & recepti statuta, & ideo non sunt contra consensum vtriusque retorquenda, argu. cap. quod ob gratiam. de reg. iur. & ita videmus in aliquot religionibus id seruari. Salua, &c.

S V M M A R I V M.

- 1 Professio ante annum probationis emissæ anno 1564. 1. Aprilis, non obstante declaratoria Pij IV. postea facta, quod decreta Concilij non ligarent, nisi post primam Maij 1564. non tenet. num. 2. & 3. & per totum: maxime quia declaratoria prædicta alio tendere videtur. num. 7.
- 2 Lex ligat post duos menses à die publicationis, nisi aliud præfigatur tempus: quia post dictum tempus ignorantia non est iusta. num. 7.
- 3 Lex facta & promulgata in Concilio præsentæ Papa per se, vel suos legatos, ad sui firmitatem non eget alia Papæ confirmatione: vnde ligat post duos menses, vel tempus ab eodem statutum, etiam antequam confirmetur: licet Papa possit illam tollere.
- 4 Lex, quæ etiam virtualiter mandat, vt ex nunc exequutioni mandetur, ligat ignorantes non quidem quo ad pœnas, sed quo ad nullitatem actus, quæ non est pœna.
- 5 Lex illa censetur fauorabilis, quæ principaliter est lata in fauorem alicuius, licet in consequentiam alteri noceat.
- 5 Professio, sicut & matrimonij, ordo, vel baptismus, nõ potest esse in suspensio, sed statim valet

valet, vel non: unde eandem, si non tenuit, Papa non potest sine partis consensu reuoludare: at si tenuit, non potest sine maxima causa inuoludare. num. 5.

CONSILIVM XXXI.

1 AN PROFESSIO regularis emissa anno 1564. die prima Aprilis, ante annum probationis expletum, ab eo, qui tunc ignorabat decretum Conc. Trid. sess. 25. cap. 15. & in monasterio, quod habebat priuilegia à Sede Apost. admittendi ad professionem volentes ante annum profiteri, iudicanda sit nulla, non obstante constitutione Pij IV. super declaratione temporis ad obseruanda decreta Conc. Trid. sub Datum 15. Kal. Aug. 1564.

Ad hanc quæstionem respondeo, quod pro eius parte affirm. scilicet, quod valeat professio, facit primo, quod iure antiquo attæto valet professio facta ante annum probationis, cap. ad Apostolicam. de reg. exceptis ordinibus mendicantibus, cap. non solum. & cap. constitutionem. de reg. lib. 6. & etiam in illis, si haberent ad id iustum priuilegium, quale in quæstione proponitur habuisse monasterium.

Secundo, quod iura noua non ligant, ea saltem iuste ignorantes, cap. 2. de constit. tam in antiquis, quam in 6. qualis fuit prædictus professus, quale item monasterium, in quo professio facta fuit, respectu Conc. Trid.

Tertio, quod Pius IV. in puncto citato declarauit, ne constitutiones ab eo factæ obligare censerentur ante Kalen. Maias anni 1564. ante quas tamen prædicta professio facta fuit.

2 His tamen non obstantibus, videtur prædicta professio fuisse nulla. Primo, quia omnis lex iuste condita & promulgata ligat, 4. dist. cap. in istis. 9. leges. post duos menses à tempore promulgationis illius, si longius tempus ad ligandum ei non præfigatur, authen. vt factæ nouæ constit. coll. 5. cap. quod dictis. 16. dist. & cap. 1. de postul. præl. At lex prædicta Conc. Trid. qua annullantur professiones factæ intra annum probationis, condita, & promulgata fuit anno 1563. Tridenti, 4. Decemb. & professio prædicta emissa fuit Kal. April. anni sequentis.

Nec obstat respondere, quod Conc. non fuit confirmatum vsque ad 14. Kal. Febr. anno 1564. Nam replicari potest primo, quod leges Conciliares latæ à Concilio vniuersali legitime congregato, præsentem Papam per se, vel per legatos suos, statim, vel saltem post duos menses à promulgatione facta in Concilio ligant, quod satis sentit glo. procm. clem. vers. de cætero, loquens de legibus in Conc. Viennen. latis: quippe quæ ad suam firmitatem substantialem non egent noua cõfirmatione Papæ: alioquin enim non essent Conciliares, sed Papales: licet confirmatio Papæ eo nomine sit vtilissima, ne ipse sua, quæ summa est, potestate, eas annihilaret, iuxta capicũcta per mundum. 9. q. 3. & ita vidimus à Lusitaniz regnis aliquot leges à prædicto Conc. latas seruatas fuisse multo tempore ante finem & confirmationem illius, iussu Episcoporum, & Regum. Tertio, quia prædictum Conc. in cap. si. de reg. prædictæ sess. 25. declarauit, velle se, vt statim leges factæ in illa sessione de reg. executioni mandarentur: quod perinde fuit, ac dicere, ex nunc, siue ex hoc tempore ligent, & executioni mandent illas Episcopi, &

alij

alij ordinum prælati; & cum lex hoc mandat, ligat etiam ignorantes, quo ad actus nullitatem, licet non quo ad alias pœnas, iuxta gloss. sing. communiter receptam clem. 2. de hæret. verbo ex nunc. per quam & alia erudite resoluit Dec. vbi supra, quod lex ob hoc solum, quod annullat actum in favorem alicuius, non censetur pœnalis, nec inducere pœnam. At lex prædicti cap. 15. lata est principaliter in favorem fragilitatis profitentium, ut ipsemet ait, & antea fuit assertum in cap. ad Apostolicam, de regul. consequens est, eam comprehendisse profitescentes ante annum probationis statim, vel certe post lapsum legitimi temporis.

- 5 Nec obstat dicere, quod lex prædicta assert etiam præiudicium monasterio; quia, ut lex censeatur facta in favorem alicuius, sufficit, quod principaliter intendat illum, licet minus principaliter, & per quamdam consequentiam vergat in præiudicium alterius, cap. non dubium. de sententia excomm. & alia tradita ibi late per Felin. ex gloss. putata sing. in cap. sciant cuncti. de elect. Quarto, quod si prædictus Pius III. prædictam declarationem non fecisset, & omnia iure communi decidenda reliquisset, omnes dicerent professionem prædictam non valere; quia post prædictam legem factam promulgatam, immo & post confirmatam, & duos menses, & amplius lapsos, facta fuit intra probationis annum: at prædicta declaratio nihil profuit, nec nocuit prædictæ professioni, quæ longo tempore præcessit illam: ergo illa non est valida. Quod autem nihil profuerit, vel nocuerit, probatur efficaciter, eo quod illa eo momento, quo ante prædictam declarationem facta fuit, extitit valida, vel nulla; quia professio facta pure eo momento, quo fit, valet, aut non valet: non enim potest esse in suspensio, sicut nec baptismus, ordo, vel matrimonium, per iura vulgata: & si non valuit, non potuit validari per illam declarationem. Tum quia nihil tale facit. Tum quia quæstionis est inter S. Tho. 1. 2. q. 88. art. 1. 2. & suos sequaces ex vna parte, & Innocentium communiter receptum in cap. cum ad monasterium. §. fin. de stat. monach. ex altera, an Papa possit annihilare professionem semel factam: & quamvis communis teneat quod sic ex maxima causa; tamen nemo tenet, quod possit sine tali, qualis in casu isto non occurrit. si autem non valuit, non potuit eam validare prædicta declaratio; quia non potest Papa supplere consensum iure naturali requisitum in matrimonio spirituali, nec carnali, secundum fere omnes; & ita non potuit prodesse, nec nocere: & consequenter perinde iudicandum est de illa, ac si talis declaratio non fuisset facta: sed tunc iudicanda fuisset nulla: ergo, &c.

- 7 Ad primum ergo pro contraria parte concedo, quod prædicta professio non annihilatur iure antiquo, sed nouo Tridentino.

Ad secundum concedo quidem, quod lex non ligat iuste ignorantem illam; at non ignoratur iuste lex facta, & promulgata post tempus legitimum in id constitutum.

Ad tertium respondeo primo, quod illa declaratio nihil iuvat ad iudicandum de valore prædictæ professionis per quartum argumentum pro parte nostra formatum. Deinde, quod declaratio illa, ut ex illius tenore colligitur, facta fuit solum ad excusandos multos a pœnis extrinsecis, quas stri-

Et iure incurissent, vel post illam declarationem, si tempus præsum ad parandum ante illas currere cepisset. Salua, &c.

SUMMARIUM.

1. Professio eius qui post susceptum habitum non stetit per annum non interruptum in monasterio, non tenet, n. 2. in quo tamen stare censetur, quod alibi de licentia superioris sub eius obedientia vivendo, num. 3. iusta de causa moratur num. 4.
3. Novitiatus per exitum novitij per tres dies sine licentia interruptitur.
5. Novitius austeritates religionis experiendo in genere satisfacit.

CONSILIUM XXXII.

N. F. V. I. T. electus in canonicum novitium à Priore, canonicis, & Capitulo ecclesie Pampilonen. ordinis S. Augustini, & fere sexquimense anni novitiatus intra septa prædictæ ecclesie tantum resedit; & residuo tempore illius anni, de licentia, & mandato prædictorum, ac sub eorum obedientia mansit in quadam curia, agendo negotia dicti Capituli magnæ importantiæ; & in fine anni fecit professionem per procuratorem ad id specialiter deputatum. Dubitant nunc Prior & canonici prædictæ ecclesie, an eius professio valeat: & à sacra Conc. Trid. Congregatione huius dubij declarationem humiliter petunt. Congregatio remisit ad auctorem, qui respondit hoc, qui sequitur, modo.

1. Pro parte negativa facit primo cap. 15. sess. 25. Conc. Trid. quatenus habet, quod professio eius, qui post susceptum habitum non steterit in probatione per annum, non valet; & is, de quo est questio, non videtur stetisse in probatione, nisi sexquimensem.

Secundo, quod cessante causa cessat effectus, cap. cum cessante. cum simili de appell. & causa faciendi validam professionem est probatio, qua novitius probat rigorem regulæ, & monasterium probat mores novitij, an conveniant ei, cap. ad Apostolicam. de regula. Et in casu proposito nec præfatus novitius probavit rigorem regulæ, nec monasterium eius mores: ergo non interuenit probatio, quæ iustificaret professionem.

2. Tertio, quod illa verba cap. 1. de reg. lib. 6. Quod si per totum sequentem annum in monasterio permanferit, significant novitium debere per totum annum in monasterio manere, ad hoc, ut censetur detulisse habitum per unum annum. Adeo quidem, quod si aliqua parte anni manserit foris, interruptitur annus probationis, & non coniunguntur illæ partes interruptæ, sed debet incipere ex integro à principio posterioris partis, secundum Anch. Panor. & communem in d. cap. ad Apostolicam. de reg. etiam si per solos tres dies foris maneret, secundum Lap. alleg. 46. communiter recept. ut videre est apud Franc. & citatos ab eo cap. 1. de reg. lib. 6. num. 3.

Quibus tamen non obstantibus, tenenda est pars affirmatiua. Tum quia prædictus novitius detulit habitum susceptum per totum unum annum, partim intra monasterium, partim extra illud, manens semper sub obedientia sui superioris, & cum eius licentia iusta de causa data, & faciens eius

- eius præcepta, & mandata: quod videtur sufficere ad implendum annum suæ probationis nouitiatus. Tum quia nullo iure cauetur, quod nouitius debeat manere semper & continue totum annum intra monasterium; &
- 3 quod patrum sanctionibus non est statutum, superstitiosa inuentione non est præsumendum, cap. consuluisti. 2. quæst. 4. Tum quia Abb. antiquus dixit in cap. cum illorum. de sent. excomm. quem refert Abb. iun. siue Panor. cap. ex rescripto. col. 2. de iure iur. quod religiosus manens extra monasterium sub obedientia superioris, & cum eius licentia, videtur residere intra illud: quos omnes retulimus & sequimur in Com. 4. de reg. super cap. statuimus. 19. quæst. 3. num. 74. allegando etiam Syl. idem tenentem in verbo religio. 3. q. 19. vers. 5. Tum quia, etiam si prædictus Abb. nec aliquis alius id dixisset, ita tamen dicendum erat; alioquin sequeretur, quod omnes nouitij, qui intra annum exeunt monasteria de licentia suorum superiorum, in quibus ceperunt habitum, vt peregrinarentur in stationes, vel alia loca pia, vel viserent suos parentes, aut cognatos ægrotantes, vel vt mendicarentur, vel vt testificarentur, vel recrearentur, vel alia iusta de causa, non complerent annos suorum nouitiatum: quoniam, vt prædictum est, annus nouitiatus interrumpitur per exitum nouitij à claustro per tres, vel quatuor dies sine licentia sui superioris. Tum quod aliàs sequeretur, quod errant Reges & Principes omnes, qui sunt Generales religionum militarium, qui frequenter post datum habitum suarum religionum suis militibus nouitijs, eos statim, aut certe post duos, vel tres menses mittunt ad defendenda aliquot oppida munita, vel ad ipsamet bella, vt in eis compleant nouitiatum annos. Tum quia cap. insinuante. qui cler. vel vo. cum ei adnotatis satis superque probat, quod annus nouitiatus extra monasterium de licentia superioris iusta de causa data agi & compleri potest. Tum quia consuetudo est optima legum interpretes, cap. cum dilectus. de consuet. l. minime. ff. de legib. ac illa habet, quod prælati religionum etiam non militarium, cum datur habitus suorum ordinum aliquibus viris insigniter eruditis, vel in exercendis artibus mechanicis, aut alijs valde expertis, mittunt eos intra annum nouitiatus ad disputationes, & alia negotia peragenda, & ad instruendos alios ignorantiores, qui operantur in villis monasteriorum, ad aliquot dies, hebdomadas, vel menses; nec propterea cogunt eos ad inchoandum novos annos nouitiatum. Tum quia frequenter longe asperiores & duriores vitam ducunt extra monasterium, quam ducerent intra illud, & probant magis duritiem obedientie in eundo, & redeundo, & laborando, & male edendo, quam hi, qui intra monasterium sub vmbra obediunt bene edendo. Tum quia nullo iure est necessarium, vt nouitius probet & experiatur omnes austeritates monasterij in indiuiduo, siue in specie, sed sufficit vt experiatur austeritatem eius in genere per totum vnum annum degendo sub obedientia prælati. Si enim nouitius statim post susceptum habitum inciperet ægrotare, & maneret æger quatuor, sex, vel decem menses intra monasterium sub obedientia, posset in fine anni profiteri secundum mentem omnium doctorum; quorum nemo dicit, nec, vt puto, auderet dicere contrarium: ergo non est absque vlla lege dicendum, quod

quod teneatur experiri omnes austeritates in specie. argum. 9. consideremus. in auth. de trien. & semi. col. 3.

Non obstant opposita. Ad primum enim respondetur, concedendo, quod professio facta, antequam steterit in probatione per annum, non valet: negando tamen, quod is, de quo queritur, non steterit in probatione per annum: quia immo stetit in ea partim in monasterio, partim foris in negotiis eius de licentia superioris iusta de causa data: Et paria sunt consistere in monasterio, vel foris cum tali licentia, per prædicta.

Ad secundum respondetur, negando, quod in casu proposito non præcesserit probatio sufficiens, per prædicta.

Ad tertium respondetur, quod satis manet in monasterio, qui de licentia iusta prælati eius manet extra illud sub obedientia sua. Salua quæ iustior fuerit sententia.

Congregatio censuit valere professionem, vt à nobis superius adducta probant.

S V M M A R I V M.

1. Nouitiatum non interruptit latitatio momentanea, & non considerabilis in monasterio animo fugiendi facta.
2. Intellectus cap. quia in infulis. de regul. & an sit in usu.

C O N S I L I V M XXXIII.

PVER quidam 14. annorum, desperatione quadam, & paupertate motus, & à quibusdam consanguineis suis compulsus, confugit à suis parentibus ad monasterium sancti Francisci ordinis Minorum; & ibi cum permansisset quatuor, aut quinque dies, repertus fuit ab eius patre, qui ob eius minorem ætatem, & quia agnouerat potius desperatione, quàm amore ad monasterium accessisse, domum reducere conatus est. Puer respondit, vt sineret eum in dicto monasterio introire, alias ipse aliquem, vel aliquis ipsum occideret; vnde pater tanti mali metu illum dimisit: post nonnullos vero dies, cum dictus puer esset annorum quatuordecim, & mensium trium, vel circa, monachi induerunt ipsum vestibus monachalibus, & in alium locum ipsum transmiserunt; sed, antequam peruenisset ad annum, & tempus faciendi professionem, vt ille, qui potius desperatus, & seductus, quàm spontanea voluntate monasterium introierat, animo aufugiendi se in camera quadam abscondit, vbi repertus à superiore, & blanditijs illectus permansit in monasterio; & cum peruenisset ad tempus faciendi professionem, professus fuit, vt moris est. Sed nec ante, nec post dictam professionem aliquos sacros ordines assumpsit, sed tantum primam tonsuram, & quatuor ordines minores. Post dictam autem professionem eodem anno, quo professus fuit, aufugit, & à monachis repertus fuit incarceratus, & sic bis aut ter aufugit. Dubitatur, an teneatur reuerti ad religionem, cum modo extra illam se reperiat.

1. Respondeo, videri posse alicui prædictum consulentem non esse vere, & proprie religiosum, & vlli ordini certo ordinatum, sed esse obligatum.

tum religioni in genere; ita quod tenetur ad profitendum aliquam religionem approbatam, per cap. non solum. de regul. lib. 6. & cap. constitutionem. & per cap. quia in insulis. de reg. adiuncto intellectu, quem Panorm. ibi sequitur. Sed contrarium est dicendum: quia prædictus consulens non fecit professionem ante annum probationis, immo fecit longe post illum; quia remansit circiter 17. menses in monasterio, priusquam profiteretur: nam illa latitatio, qua latuit in illa camera, nihil interrupt; quia fuit momentanea, & non considerabilis. Tum quia fortassis à latitatione in professionem fluxit annus integer, licet ex facto id necessario non colligatur; & consequenter nihil obstant prædicta cap. non solum. & cap. constitutionem, quæ de vouente ante annum probationis in ordine mendicantium disponunt. Non obstat etiam dictum cap. in insulis. iuncto intellectu Panor. quia Io. Andr. ibi testatur se numquam vidisse illud cap. vsitari extra insulas aliquas solitarias, & in ordinibus strictioribus; & experientia omnium religionum mendicantium docuit vsque ad Conc. Triden. quod professio facta in illis post annum probationis, & ante 18. de quo loquitur d. cap. quia in insulis. valeat: quod etiam testatur Syl. post Ant. verbo religio. 3. q. 2. & facit Conc. Trid. quatenus in sess. 25. cap. 16. de reg. ordinat, in quocumque ordine fieri professionem post 16. annum completum, & ita ante 18. Quare nisi ex aliqua iusta causa Papa dispensauerit, tenetur consulens redire ad monasterium, & in eo Altissimo, ut ei promisit, seruire. Salua, &c.

S V M M A R I V M.

1. Professio ante iustam ætatem, vel nouitiatum completum, est nulla.
2. Professus non est, qui habitum in monasterio, vel extra de superioris licentia manens non gestauit per annum continuum. num. 2.
3. Protestatio actus dubios inde sequutos declarat.
4. Professionem ratificare non videtur, qui eius nullitatem ignorat.

C O N S I L I V M XXXIV.

N. ANTE 16. ætatis annum suscepit habitum religionis, & sine probationis anno publice professionem fecit in illa religione approbata, sicuti prælati eiusdem consueuerant: quia ipsi de vna ex illius prælaturis à Sede Apost. prouisum fuerat ad eius vitam, licet effectus in annum 20. differretur. Post paucos menses Sum. Pont. eadem religione reformata, inter reliqua, prælatos ex perpetuis triennales esse voluit, & sub grauib. pœnis & censuris mandauit reformationem obseruari. Tunc N. ex loco discedens, in quo professus fuerat, coram notario, testibus, & egregijs viris, protestatus est se nolle obligari prædictæ religioni neque per professionem emissam, neque per habitus gestationem, neque per quemcumque actum à se factum, vel faciendum; hoc etiam semel expresso, quod metu censurarum in reformatione latarum prædicta fecerat. Interim aliquanto tempore latitauit. cum vero palam versatus est, habitum prælato conuenientem gestauit: & forte pluries superioribus dictæ religionis, ei tamquam prælato etiam sub censuris præcipientibus, obtemperauit. Quæritur, an de iure sit

fit professus, nec ne, & an aliquo modo sit religioni obligatus.

- 1 Hoc dubium resoluturus, dico primum, præfatam professionem à præfato N. factam fuisse ipso iure nullam, tam propter defectum ætatis, quam probationis annalis, per Conc. Trid. cap. 15. de regul. sess. 25.

- Secundo dico præfatum N. non esse dicendum tacitam professionem fecisse propter susceptionem habitus, & gestationem eius. Tum quia non gestavit eum per totum annum intra monasterium, neque extra in aliquo loco, in quo de licentia superioris maneret: quod requiritur ad hoc, ut dicatur tacite professus per habitus gestationem, per cap. 1. de reg. lib. 6. ibi; per totum sequentem annum: quem debere esse ad hoc continuatum, & non sufficere interruptum, determinant Petr. ab Anch. & Philip. Franc. ibid. & Panor. in cap. ad Apostolicam. de reg. & Bar. per illum textum in l. interdū. §. quoties. ff. de publican. licet aliqui sine iusta ratione contradicant.

- Tertio dico, nihil videri colligi ex argumento proposito, per quod iudicari debeat prædictus N. ita legitime ratificasse professionem præfatam, quam nulliter fecit, ut debeat iudicari professus. Tum quia non colligitur eum expresse ratificasse. Tum quia protestatio animi declaratiua operatur, ut actus dubij eam sequentes intelligantur secundum illam, iuxta communem omnium, qui de hoc tractant, sententiam, in cap. cum M. de constit. & in l. non solum. §. morte. de oper. nou. nunc. At omnes actus, qui narrantur hic, ad hoc, ut ex eis præsumatur tacite professionem approbasse, sunt dubij: ergo debent intelligi secundum prædictam protestationem.

- 4 Quarto dico, quod licet prædictus N. portasset habitum etiam indistinctum ab habitu professorum, etiam intra monasterium, etiam post annum 16. completum, etiam per alium annum integrum, putās se esse professum, eo quod putaret prædictam professionem à se factam fuisse validam; non est iudicandus eam validasse, nisi sciens & prudens illam fuisse nullam, voluisset de nulla facere validam: ita ut ab eo tempore inciperet esse professus, ut eleganter & subtiliter de more determinauit Card. Caiet. in 2. 2. q. 189. artic. 5. quem nos retulimus, & probauimus in Man. confess. cap. 1. 2. num. 71. quod non probatur interuenisse in hoc casu.

Quinto dico, esse consequens prædictis, iudicandum esse prædictum N. non esse professum expresse, nec tacite, nec esse ob præfata ulli religioni obligatum in specie, nec in genere. Salua, &c.

— Regula S. Francisci —

- 1 Tertia regula S. Francisci à sui initio fuit approbata, non ut religio, sed ut bonus modus viuendi: & sic nisi aliud appareat, qui eam profiteretur etiam emittendo tria vota, non est verus religiosus; teneatur tamen eam seruare, poterit autem de licentia sui superioris viuere in eremo. num. 1.
- 2 Probationis annus factus in monasterio ad finem, ut proficeretur primam regulam S. Francisci non suffragatur, ut possit etiam in eodem monasterio recipi ad professionem in tertia regula eiusdem S. Francisci: unde professio non tenet, nisi que sine alia licentia assumere sibi vitam eremiticam.

QUIDAM desiderans ingredi religionem primi ordinis S. Francisci, in monasterio quodam prædicti primi ordinis habitum suscepit, animo profitendi prædictam regulam primam; & cum esset in fine anni novitiatus emisit professionem tertij ordinis sancti Francisci, & non primi: quia dixerunt illi, quod nõ habebant facultatem illi dandi, seu concedendi aliam, nisi tertix regulæ professionem; & ita ipse exponens, ne remaneret sine habitu, illam acceptavit. Postremo cum videret se non esse eiusdem ordinis, cuius erant reliqui fratres dicti monasterij, qui omnes, dempto custode, Conventuales fuerunt, ad sæculum redijt, & cupit in aliquo eremitorio cum dicto habitu, vel sine eo, dum vixerit, permanere. Quæritur an id sibi liceat.

I Perlecta tota regula tertij ordinis S. Francisci approbata per Nicolaum IV. respondeo primo, quod D. consulens non est religiosus proprie dictus, vt colligitur ex cap. cum ad monasterium. de stat. reg. & tradimus nos latius comment. 1. de reg. super cap. cui portio. 12. q. 1. num. 18. quia licet illa tria vota emisisset, nõ tamen emisit in religione approbata pro religione, licet sit approbata pro bono modo viuendi, iuxta gloss. sing. in clem. ex eo. de sent. excom. & de essentia religionis proprie est, vt ea emittantur & fiant in religione approbata pro religione, vt probauimus nos vbi supra, & est gloss. in clem. 3. de regul. ver. religione. approbata per omnes, & fundata in cap. 1. de regul. lib. 6.

Secundo, quod tenetur seruare prædictam tertiam regulam ordinis sancti Francisci; quia obligauit se ad illam voto licito: & vota licita sunt seruanda, cap. magnæ. de voto.

Tertio, quod prædicta duo dicta sunt certa, præsupposito quod non fuerit facta per Sedem Apostolicam aliqua reformatio viuentium in communi super prædicta regula, per quam de modo viuendi approbato fuerit facta regula approbata, quod mihi modo non constat.

2 Quarto, quod satis magnæ quæstionis esset, an consulens esset vere religiosus, si talis reformatio fuisset facta; quamuis dici posset, responderi posse quod non; quia non egit per annum novitiatum in illa regula, quamuis peregerit in alia: & hodie post Conc. Triden. cap. 15. sess. 25. nulla professio religionis proprie dictæ valet, si non fuerit facta post peractum novitiatus annum.

Quinto, quod his est consequens posse consulentem sine alicuius superioris licentia facere id, ad quod optat sibi fieri licentiam à Papa.

Sexto, quod vix facit illam Sanctiss. D. N. ob aliqua, quæ suam Sanctitatem mouent ad difficile concedendum licentias aliquas religiosis, quas alias habent iure communi, vel possunt habere à suis prælatis.

Septimo, quod in omnem euentum tenebitur seruare prædictam tertiam regulam, si non profiteatur aliam Franciscanam, vel alterius ordinis approbatam. Salua, &c.

SUMMARIUM.

1. *Professionis nouitiorum cathedralis regularis admissio diuersimode potest ad Episcopum & Capitulum spectare: & quidem si spectet ad Episcopum, prout de iure communi videtur spectare; illius negligentiam Capitulum supplere non potest. num. 3. Idem dicitur, quando ex æquo communiter spectat ad utrumque; num. 2. sicut observatur in collatione præbendarum, quam tamen in secundo casu confert Capitulum, si sedes vacat.*

CONSILIUM XXXVI.

PRAESUPPOSITO, quod regularis professio debeat fieri in manibus Capituli ecclesie cathedralis regularis, & ipsiusmet Episcopi, an valeat facta in manibus Capituli, Episcopo nolente illam recipere?

1. Respondeo primo, quod ad respondendum recte huic quaestioni, est necesse præscire quomodo hæc professionis susceptio pertineat ad Episcopum, & Capitulum, an scilicet ex æquo & immediate, an ad Episcopum cum consilio vel consensu Capituli, an contra Capitulum cum consilio vel consensu Episcopi, an ad Capitulum immediate, & ad Episcopum mediate, nolente vel negligente Capitulo eam suscipere: quia diuerse respondendum est in huiusmodi diuersis casibus, iuxta cap. 1. ne sede vac. lib. 6.
2. Secundo, quod si hæc potestas recipiendi professionem ex æquo & immediate spectat ad Episcopum & Capitulum, videtur quod non potest solum Capitulum illam suscipere. Tum quia cum collatio beneficii spectat ad Episcopum & Capitulum ex æquo, non potest solum Capitulum sine Episcopo, nec solus Episcopus sine Capitulo conferre, iuxta doctrinam Hostien. communiter quo ad hoc receptam in cap. postulasti. de concess. præben. quæ probatur per principium dicti cap. 1. ne sede vac. lib. 6. per locum ab speciali, quatenus pro casu speciali ponit, quod Capitulum potest conferre beneficia communiter spectantia ad illud & Episcopum, ut prælatum, mortuo Episcopo: & ita præsupponit, quod nõ regulariter. Facit etiam, quod iura tractantia de persona, quæ potest recipere professionem, communiter loquuntur magis de Abbate, quam de conuentu, ut videre est in cap. porrectum. de regul. ibi, *Abbate.* & cap. ad Apostolicam. eo. tit. in quo bis fit mentio de Abbate, de conuentu autem nec semel. Ad id faciunt cap. Ioannes. & cap. sane. eod. tit. facit item, quod superior, qui tenetur aliquid facere, & non vult facere, compellendus est ad id per superiorem regulariter: ita quod nec ipse, nec alius potest illud facere, nisi in casibus à iure expressis, ut satis probat tex. cap. nullus. de iure pat. ubi sic resoluit Panor. & Felin. referens alios, cap. pastoralis. de officio ord. Ergo licet Episcopus potuisset compelli ad suscipiendam professionem nouitij tam ad ipsum, quam ad Capitulum pertinentem; non potuit tamen à Capitulo, quod non erat superior eius, fieri id, quod ipse facere tenebatur. Salua, &c.

1. *Eiectus, & priuatus legitime habitus, & ordine potest quancumque aliam religionem ingredi & profiteri, nec prædictæ eiectiōis taciturnitas vitiat secundum ingressum.*
3. *Generalis ordinis non potest sine consensu Capituli monasterij, ad quem admissio ad professionem spectat, aliquem illius professum facere: iubere tamen potest vt tacitū professum tractet pro professō; immo, nisi adducatur causa excusans, & mandare vt expressa fiat professio. num. 5.*
4. *Professionis admissio de iure non ad mediatum superiorem, puta Generalem ordinis, sed ad immediatum prælatum, & monasterij conuentum spectat; & tunc etiam nec solus prælatus, nec solus conuentus admittit. nu. 2. immo nec sufficit dimidia, sed maior pars, votorum requiritur. num. 1.*

CONSILIVM XXXVII.

1. **B.** *PROFESSVS in ordine Prædicatorum, & expulsus propter delicta, & priuatus legitime à superiore, habitu & ordine; & postea ingressus ordinem Carmelitarum, tacita professione apud Prædicatores; & in fine anni nouitiatus, antequam profiteretur, venit Romam cum testimonio dimidiæ partis eorum, qui debeant eum admittere, & petit à Generali ordinis, vt faciat eum professum.*

Occupatissimus simul & importunatissimus, vt respondeam statim, dico primo præfatum consulentem iuste potuisse ingredi ordinem Carmelitarum, & post annum nouitiatus iuste profiteri, si alias legitime fuisset approbatus.

Secundo, quod prædictus D. consulens nō potest dici professus expresse propter testimonium prædictorum quatuor, qui constituebant dimidiā partem eorum, qui debebant eum approbare, vel recipere eius professionem; quia requirebatur maior pars eorū, argum. l. quod maior. ff. ad municip. & iuxta gloss. iuncto textu cap. fin. de reg. lib. 6. vbi post alios tradit Philip. Franc. num. 2.

2. *Tertio, quod in monasterijs, in quibus receptio spectat ad Abbatem & monachos, non potest solus Abbas, nec solus conuentus recipere monachum, nec consequenter facere professum; eo quod vt diximus in Com. 4. de reg. super cap. statuimus. num. 74. valor professionis requirit duas personas, alteram quæ se obliget religioni, & alteram quæ religionem obliget illi.*
3. *Quarto, quod ex hoc videtur inferri, quod Reuerendiss. Generalis non potest sine prædicto conuentu, vbi perfecit annum nouitiatus, facere prædictum consulentem monachum prædicti monasterij Carmelitarum, saltem sine consensu maioris partis illius; cui consequens est non posse illum facere professum propter solam approbationem prædictorū quatuor suffragium ad id habentium: quia non faciunt illi conuentum, nec maiorem partem illius. Tum quia aliud est approbare annum probationis, & aliud professionem approbati recipere: & à separatis non fit illatio, l. Papinianus. ff. de minor.*

Quinto,

4 Quinto, quod etiam alia ratione videtur prædictum Generalem non posse facere prædictum consulentem professum solo iure communi attento; quia secundum illud receptio monachorum pertinet ad conuentum, & prælatum immediatum eius, & non ad superiorem mediatum, arg. cap. ad Apostolicam. de regul. cum ei annotatis.

Sexto, quod his est consequens, non posse etiam congregationem Illustrissimorum DD. Cardinalium facere illum professum, nisi maior & specialior potestas fieret ei à S. D. N. de potestate absoluta, qua derogaret iuri communi.

5 Septimo, quod prædictus consulens licet non possit dici expresse professus, vt prædictum est, posset tamen dici tacite professus per delationem habitus annalis, si habitus professorum non est distinctus ab habitu nouitiorum, per cap. 1. in fin. princ. de reg. lib. 6. & alia quæ illi adiecimus in d. com. vbi supra.

Octauo, quod prædictus consulens posset petere à prædicto Generali, vt iuberet prædicto conuentui, in quo nouitiatus annum impleuit laudabiliter, vt haberent eum pro tacite professo, si vera sunt quæ ipse proponit, & non est ibi distinctus habitus professorum ab habitu nouitiorum, vt prædictum est: posset etiam iubere, vt acciperent professionem illius expressam, si facere vellet; immo & compellere ipsum ad faciendum eam, nisi iustam aliquam causam ab eo illum excusantem allegaret. Salua, &c.

S V M M A R I V M.

- 1 Religiosus non efficitur quis emittendo tria vota in religione approbata, nisi illa emitat in manibus potentis illum illi incorporare, qualis non censetur nouitius.
- 2 Collegium, omnibus, vno dempto, sublati, in dicto vno conseruatur, isque solus potest collegij iura exercere.

C O N S I L I V M XXXVIII.

1 **R**ESPONDEO præfatos viros eruditos hac de re consultos recte respondisse, quatenus dixerunt præfatum Ioannem non esse verum religiosum: quia id quod datur ab eo qui dare non potest, habetur pro non dato. Tum quia professio trium votorum, quæ sunt religionis substantia, non efficit ea profitentem vere religiosum, nisi ea emisit secundum regulam à sancta sede Apostolica approbatam in manibus eius qui potest incorporare profitentem tali religioni approbatæ, vt etiam nos post alios tradimus in com. 4. de reg. super c. statuimus. 19. q. 3. nu. 73. & seq. & præfatus Ioannes non emisit professionem in manibus eius qui poterat eum incorporare vlli religioni à sede Apostolica approbatæ; quia non erat prælatus canonice institutus, immo neque religiosus verus; quia erat nouitius nullam potestatem canonicam habens ad suscipiendos vltos religiosos etiam ad vestiendos habitu religioso, & ad faciendum etiam nouitios, quanto minus ad faciendum professos & veros religiosos. Tum quia licet religio, vniuersitas, vel collegium non pereat, quâuis redigatur.

ad vnum, omnibus alijs mortuis; quia potest conseruari & consistere in vno, l. sicut municipium, ff. quod cuiusque vniversi. & tradunt Panorm. & citati per eum in cap. 1. de elect. a num. 5. non tamen defertur potestas eligendi prælatus vel alios religiosos ad alios, quam ad illum vnum, in quo residet seu conseruatur collegium: & ita cum in casu proposito religio vel congregatio redacta fuerit ad vnum, qui potuisset exercere iura collegij, non tamen potuit exercere illa prælatus Ioannes Baptista, qui nondum erat professus, nec religioni incorporatus per professionem, præsertim renuente ac contradicente prælato vno, in quem ius collegij fuit redactum.

S V M M A R I V M.

1. Eremita vt esset, qui in manibus superioris eremitarum professionem faciens vult obedientiam, paupertatem, & castitatem, non efficitur religiosus, cum illa congregatio non sit religio, nec professionem recipiens possit profitentem religioni incorporare; nec potest ab aliquo cogi vt fiat religiosus. num. 2. peccatque qui talem ad id inuitum cogit: tenebitur tamen tria vota vti simplicia seruare. nu. 3.
2. Regularis semel iuste à religione eiectus non potest inuitus cogi vt ad eandem reuertatur.

CONSILIUM XXXIX.

QUIDAM Ludouicus volens esse eremita accessit ad quemdam montem, vbi multi sub quodam Matthæo agebant vitam eremiticam, & fecit professionem, vouendo castitatem, paupertatem, & obedientiam prælato Matthæo, qui nullum titulum canonicum id faciendi habebat; quo mortuo rogatus Papa fecit facultatem eius Abbati accipiendi professionem illorum secundum regulam B. Basilij. Quæritur, quid iuris.

1. Respondeo primo, quod numquam fuit vere religiosus: quia professio, quæ fecit in manibus prædicti Matthæi, non fuit professio religionis vere, & approbatæ à S. Sede Apost. nec fuit accepta ab eo, qui posset illum obligare alicui regulæ approbatæ: & iure optimo respondit Papa nullas & inualidas fuisse professiones factas in manibus d. Matthæi.
2. Secundo, quod vellem vidisse bullam Papæ, in qua declarauit d. professiones fuisse nullas; credo tamen, quod per illam bullam non cogebat ad faciendum nouas professiones in regula postea approbata ab eo, nolentes profiteri; quia non poterat iuste tam grandia præcipere, arg. cap. integritas. 32. q. 1. & cap. gestas. 74. dist. adiuncta gloss. in verbo crescere.
- Tentio, quod licet professio dicti Ludouici valuisset, non potuit tamen compelli ad redeundum ad religionem, si iuste fuit eiectus à suo superiori, vt probamus in com. 2. de reg. super cap. non dicatis. 12. quæst. 1. num. 36.
3. Quarto, quod peccabunt mortaliter, qui cõpellent illū ad profitendum nouæ religionem approbatam, contra dictum cap. gesta. & illius gloss. recep.
- Quinto,

Quinto, quod est obligatus, ubicumque fuerit, ad seruanda tria vota, castitatis, paupertatis, & obedientiae, tamquam vota simplicia, & non solennia, quae quantum & ad quid obligent, dicimus in com. 1. de reg. num. 19.

SUMMARIUM.

1. Professio emissa in manibus Episcopi tenet, dummodo emittatur in monasterio Episcopo subiecto, prout erant antiquitus de iure, num. 4. & qui possit ordini incorporare, num. 5.
2. Professus ad hoc ut quis sit, requiritur quod tria vota substantialia in aliqua approbata religione seruare promittat in manibus superioris habentis administrationem, num. 5. & potest illum religioni incorporare, num. 2. Vnde professio emissa in manibus alicuius monachi etiam (sed falso) dicentis, num. 1. se habere hanc potestatem, non tenet, num. 4. sicut nec emissa in manibus Episcopi quo ad religiones & monasteria exempta ab eius iurisdictione, num. 2. 3. 4. & 5. nisi tales receperint professionem nomine superioris: quia tunc si superior ratificaret, inciperet professio à die ratificationis valere; & hoc, dummodo etiam extrema adhuc sint habilia: nam si professus esset mortuus, non posset ratificari, num. 7. & 8.
3. Abbas electus ante confirmationem non est Abbas, nec habet administrationem. Vnde nec potest admittere aliquem ad professionem, & nu. 6. & admissio, etiam si plures admisisset, non tenet, & num. 1. & 3.

CONSILIUM XXX.

MATTHAEVS professus fuit religionem S. Basilij primum in manibus Episcopi Corduben. deinde in manibus cuiusdā Didaci, falso dicentis se ad id habere à superioribus potestatem. Tandem d. Matthæus in Abbatem electus, antequā confirmaretur, & benediceretur, multorum professiones tamquam Abbas admisit, & mortuus est.

His stantibus, quæritur primo, an dictus Matthæus censendus esset verus religiosus.

Secundo, an professiones per alios fratres in manibus eius emissæ valeant.

AD PRIMAM QVAESTIONEM respondeo, quod pro parte affirmante facit primo, quod Innocen. expresse tenet in cap. porrectū. de regular. quod potest quis fieri monachus faciendo professionem alicuius regulæ approbatæ in manibus Episcopi, argum. cap. si vir. 27. q. 2. & prædictus Matthæus fecit professionem in manibus Episcopi Corduben. antequam literæ Pij V. ei notificarentur.

Secundo, quod prædictus se. re. Pius V. posuit necessitatem, & fecit expresse facultatem omnibus, quibus scribebat, habitum à clericali differentem gestantibus, & volentibus illum gestare, deligendi vnā de regulis approbatis, & eligendi superiorem suæ congregationis, & faciēdi professionem intra mensem; & consequenter videtur dedisse potestatem accipiēdi professiones ipsis prælatis electis, & quod ipsi prælati possent eligere personas, in quarum manibus profiterentur: quia concessio vno, omnino

conceduntur ea, sine quibus id expediri nequit, l. 2. ff. de iurisd. omni iud. & cap. prater ea. de offic. deleg. immo & ea sine quibus id commode expediri nequit, l. penult. ff. de usufruct. & l. quicumque. §. si ei quem. ff. de instit. act. per quas id affirmat Aret. in cap. de testib. colum. 3. de testib. & Dec. in cap. ut debitus. colum. 8. de appell. licet gloss. in cap. solet. de senten. excommu. lib. 6. contra sensisset.

- 2 Pro parte vero negante, quæ vera est, facit irrefragabiliter primo id, quod scripsi in com. 1. de reg. super cap. cui portio. 12. quæst. 1. num. 18. scilicet, quod ad hoc, ut quis dicatur vere & proprie religiosus professus, non sufficit, quod voueat quomodocumque tria substantialia vota; sed requiritur, quod voueat ea solemniter; ille autem dicitur vouere illa solemniter, qui vouet seruare in religione approbata à Sede Apost. per cap. ult. de relig. domib. & cap. 1. eod. tit. lib. 6. & cap. 1. de voto, eodem lib.

- Secundo, non sufficit hoc, sed oportet quod voueat illa in manibus eius, qui eum potest incorporare illi religioni, siue quod eius professio recipiatur ab eo, qui potest eum incorporare religioni, per cap. ad apostolicam. de reg. ibi. *Abbate per se, vel per alium recipiente.* ubi hoc notat Card. & Panor. in cap. porrectum. eodem tit. ibi, *Recipitur ab Abbate*, ut ibi notat Innoc. quem Panor. num. 5. 9. & 11. & alij sequuntur: & prædictus Matthæus non fecit ullam professionem in manibus alicuius, qui posset eum incorporare religioni S. Basilij; quandoquidem prima professio, quam ait se fecisse mense Iunij anni 1569. in manibus Episcopi Cordub. non fuit facta in manibus eius, qui posset eum incorporare religioni S. Basilij, cum illa religio sit, ut præsupponitur, à iurisdictione ordinaria exempta; & ita Episcopus Cordub. nullam in ea, præsertim ad hoc, habebat potestatem; quia receptio professionis à superioritate suam accipit virtutem, ut sentit Innocen. in d. cap. porrectum. & clarius tradit Gemina: in cap. constitutionem. §. 1. de reg. lib. 6. Secunda vero professio, quam fecit in manibus fratris Didaci, manifestius fuit nulla. Tum quia prædictus Didacus nulla ratione erat superior eius; non enim habebat ullam aliam potestatem, quam datam sibi à prædicto Matthæo: & cum nemo sit sibi superior, l. penult. ff. de recep. arbitr. immo nec suo successor, cap. innotuit. de elect. non potuit dare alij super se superioritatem, cum nemo det quod non habet, cap. quod autem. de iure pat. & l. si vniuerse. C. de leg. Secundo facit, quod nec sufficit profiteri in manibus alicuius monachi, vel fratris regulæ, quam profiteretur, nec quod ab eo recipiatur professio, nisi haberet potestatem eam recipiendi ab eo, qui potest eum incorporare religioni, ut idem Panor. determinat in cap. insinuante. qui cler. vel vouen. declarando sic illud num. 1. quamuis non requiratur, ut professio fiat intra monasterium eiusdem regulæ, ut ibidem probatur, & in d. cap. porrectum. Tertio, quod non sufficit facere professionem religionis approbatæ in manibus Episcopi, qui recipiat illam, ut tradit Anton. in d. cap. porrectum. quem sequitur ibi Panor. num. 12.
- 4

Tertio, non obstat cap. si vir. 27. quæst. 2. quod mouit Innoc. ad dicendum contrarium. Tum quia illud cap. nil de professione statuit; quia immo, ut

no ut ait gloss. loquitur de separatione viri & vxoris à iudice facienda. Tum quia illud cap. si intelligeretur de professione, intelligendum esset de Episcopo ordinis & monasterij sibi subiecti, vt iure communi omnia subijciuntur Episcopis; cap. Abbates. & cap. Abbatibus. 18. quæst. 2. & in casu proposito Episcopus Cordub. nullam habebat superioritatem in religione S. Basilij prædicta.

Quarto, quod ipsemet Innoc. in d. cap. porrectum. ait, quod professio valida non potest fieri sine auctoritate superioris potentis incorporare profitentem religioni: & Episcopus nullatenus potest incorporare quemquam religioni à sua iurisdictione exemptæ, vt palam est; quia extra territorium suum ius diceret, contra l. fin. ff. de iurisd. om. iud. & cap. 1. de constit. lib. 6.

Quinto, quod electus in Abbatem ante confirmationem non est Abbas, argum. cap. postquam. cap. nosti. cap. nihil. de elect. neque quicquam vt Abbas facere potest, cap. auaritiæ. de elect. lib. 6. immo nec omnia ante benedictionem, cap. 1. de supplen. neg. prælat.

Ad primum oppositorum respondetur, quod dictum Innocen. in eo citatum non potest habere locum, nisi ad summum in professione facta in manibus Episcopi habentis iurisdictionem & superioritatem in religionem, quâ proficitur profitens in manibus suis; quod non contingit in nostro casu.

Ad secundum respondetur, negando, quod ex literis Pij V. satis efficaciter colligi possit, q̃ electi à congregationibus prædictis possent administratione sua vti, antequam confirmarentur, per vltimū argumentum pro parte negante formatum: non enim præsumendum est, Romanum Principem, qui iura tuetur, vnico verbo voluisse tot iura de electione, & professione, & religione confirmanda tollere, l. si quando. C. de inoffic. testamen. nisi exprimeret id, aut aliud, ex quo id sequeretur; quod in nostro casu non fecit. Adde tamen, quod licet nulla priorum professionum Matthæi valuisset, potuit tamen secunda validari in vita eius per ratificationem superioris prædicti ordinis S. Basilij; quia fecit illam in manibus prædicti Didaci nomine superiorum prædicti ordinis, vt ex tenore suæ professionis constat: & receptio professionis facta in manu alicuius, qui non potest incorporare religioni, si tamen recipiat eam nomine eius, qui potest incorporare, ratificante eo illam, fit valida, vt dixit Innocen. receptus in d. cap. porrectum. sed quia ratificatio non fuit facta in vita eius, non potest nunc fieri post mortem. Tum quia extrema non sunt habilia, iuxta l. penult. ff. rem ratam hab. Tum quia talis ratificatio facit professionem validam à tempore ratificationis, & non ante, vt ibidem Innoc. dicit.

AD SECUNDAM QVAESTIONEM respondeo, quod nulla aliarum professionum supradictarum in manibus Matthæi factarum valuit: quia nulla fuit facta in manibus eius, qui posset profitentem incorporare religioni: nam per rationem ad primam constat, prædictum Matthæum non fuisse vere religiosum, nec verum Abbatem, sed solum electum, & non confirmatum, & minus benedictum, & consequenter non habuisse potestatem incorporandi religioni profitentes in mani-

bus eius: immo nec ratificari possunt prædictæ professiones à superiore ordinis, quia non fuerunt receptæ à prædicto Matthæo ipsius nomine, sed tantum proprio, ut ex earum tenore constat: & non potest quis ratum habere, quod non est gestum suo nomine, cap. ratum. de reg. iur. lib. 6. cap. cum quis. de sent. excom. eod. lib. 6. cum aliis similib. Salua, &c.

SUMMARIVM.

1. Professio tacita tunc demum ex gestatione habitus inducitur, si sit legitime à superiore eo animo traditus, & à novitio acceptus, non honoris causa, sed ut ad professionem prodesset, num. 3. & sit indistinctus ab habitu professorum; in religioneq. immo & in monasterio, num. 1. vel alibi de licentia superioris gestatus, num. 2. per annum continuum, adeo ut menses interrupti non possint coniungi, num. 1.
2. Regularis ubicumque sub obedientia manet, censetur in monasterio manere.
3. Habitus delatio, deuotionis, seu honoris causa permessa, non facit quem religiosum.

CONSILIUM XLI.

PER DELATIONEM habitus religionis non fit tacita professio, nisi tria eocurrant. Primum, quod sit indistinctus ab habitu professorum, cap. 1. §. qui vero. de reg. lib. 6.

Secundum, quod deferat eum in monasterio, & cōgregatione, per textum in clem. eos. de reg. adiuncta gloss. verbo in aliqua. recepta ibi per DD. & Panor. cum communi sequen. Hostien. in cap. at clerici. de reg. & Franc. in d. cap. 1. §. fin. de reg. lib. 6. ubi bonus tex. in principio, ibi, *In monasterio.*

Tertium, quod deferat illum intra monasterium per annum continuum: adeo quod, licet deferat quatuor menses continuos, si postea exiret, & iterum reuerteretur, & deferret octo vel plures menses, & exiret iterum ante annum continuum completum, non cēferetur professus, per cap. 1. de reg. lib. 6. in principio, ibi, *Per totum annum* ubi hoc tenet Archid. & Franc. & latius Lopus allegat. 46. num. 4. in Dei nomine. Is autē, qui deferret

habitu extra monasterium de licentia, obedientia, vel mandato superioris, censetur deferre illum intra monasterium, secundum Abb. antiquum in cap. cum illorum. de senten. excommu. & sequitur Abb. iunior, qui postea fuit Panor. Arch. in cap. ex rescripto. de iure iurand. nu. 3.

Ex quo infertur, milites Hierosol. & alios Cruciferos, qui, ut armatam militiam exerceant, suscipiunt habitum suæ religionis legitime intra monasterium, & postea (quod sæpe fit de mandato magnorum Magistrorum) deferunt eum extra monasterium bellando, vel aliqua negotia suorum ordinum, vel monasteriorum faciendo, posse finire annum probationis extra monasterium: quia monachus, ubicumque maneat sub superioris obedientia, censetur manere in claustro, ut ubi supra prædicti Abbates asseruerunt: nisi forte superior concederet licentiam deferendi habitum sui ordinis causa deuotionis, vel honoris, ea mente tamen, quod gestatio illius

non.

non prodesset ei ad professionem tacitam, vel expressam: quod nuper sci-
mus factum fuisse, & saepe soliti fieri acceperimus à magno Magistro Hi-
erosol. siue S. Ioannis. Tunc enim non censetur profiteri, nec annum no-
uitatus implere; quia actus agentium non operantur ultra intentionem
eorum. cap. ult. de praben. & l. non omnis. ff. de reb. cred. Salua, &c.

S V M M A R I V M.

1. *Votum simplex religionis est promissio facta Deo de permanendo, vel ingrediendo re-
ligionem in genere, vel specie.*
1. *Votum simplex cum annexam habeat promissionem, & consequenter factum, non est
presumendum. §. num. 9.*
2. *Oblata à parentibus in pupillari aetate libere ad seculum redire potest.*
2. *Habitum nouitiorum patenter distinctum deferens, nec votum, nec voti ratificatio-
nem emittere censetur. nu. 4. nec eidem aliquod votum est annexum, nec impedit
reditum ad seculum, nec matrimonium. nu. 3. 11.*
3. *Offerens se & sua monasterio censetur habere voluntatem mutandi vitam secula-
rem in regularem, sed non sic in oblata à parentibus. num. 4. §. 11.*
5. *Professionem tacitam non censetur facere, quia in choro canit, & alios actus facit,
qui per nouitios fieri solent.*
6. *Laici ad cantandum in choro cum professis admitti possunt.*
6. *Presumptio per contrarios actus tolli potest.*
7. *Iuramento standum est in q's, quae ad propriam spectant conscientiam.*
7. *Dispensare super voto castitatis ex causa potest ordinarius.*
8. *Votum requirit propositum, & postea promissionem.*
10. *Habitum nouitiorum distinctum etiam per decem annos deferens profiteri non pra-
sumitur.*

C O N S I L I V M . XLII.

PORTIA quidam impubes, à matre, quae ad secunda vota aspirabat, mo-
nasterio vna cum dote tradita fuit, postea vero annum iussa suscipere
habitum nouitiarum, tondere capillos fecit, lacrymans tamen; & deinceps
semper dimisit tonsuram; & in sermone quotidiano dicebat Abba-
tissae, & monialibus, se velle exire à monasterio, & nubere: & quamuis post
annum probationis per multum temporis gestauerit habitum, & inter-
fuerit horis canonicis, & inferuierit monialibus professis, habitus tamen
erat manifeste distinctus ab habitu professorum, & actus illi erant com-
munes professis, & nouitiis; & interim mittebat nouitias posteriores
se ad professionem admitti; quia numquam habuit animum se obligandi
religioni, neque vllum votum fecit: tandem de licentia Vicarij Episcopi
exiit, & postea nupsit. Queritur, an tuta conscientia id facere potuerit,
& an liceat ei permanere in matrimonio contracto.

Reuer. Pater. *Votum simplex in terminis nostris nihil aliud est, quam
promissio facta omnipotenti Deo de permanendo, vel ingrediendo reli-
gionem in genere, vel in specie, cap. qui post votum, vbi Gem. nu. 2. & 5. &
Franc.*

- Franc. nu. 1. ad fin. & num. 1. Arch. in 1. notab. Ioan. Andr. & alij norant de reg. in 6. unde cum votum simplex habeat annexam promissionem, & sic factum nullo modo venit presumendum in casu nostro, l. in bello. §. facta.
- 2 ff. de capti. & postl. reuer. cap. 1. de consti. in 6. Et licet D. Portia in pupillari etate tradita fuisset monasterio a D. Antonina eius matre, tamen ex hoc non fit preiudicium D. Portia, quod maior facta non possit libere redire ad seculum, cap. significatum, cap. cum virum. de reg.

Neque dicendum est, quod saltem per assumptionem habitus in pupillari etate cum gestatione illius per plures annos post annum probationis possit dici inducta ratificatio, seu mutatio voluntatis, ad effectum, ut D. Portia dicatur emisisse aliquod votum simplex. Nam respondendo dicitur, quod ex gestatione habitus patenter distincti ab habitu professorum, prout erat in casu nostro, non potest dici inducta aliqua ratificatio, ex traditis per Abb. in cap. significatum. nu. 5. de reg.

- 3 Absque eo, quod mutatio voluntatis non presumitur, Abb. in cap. maiores. §. item quaritur. nu. 5. de baptis. & quantumcumque tempore quis gestauerit habitum probationis patenter distinctum, non censetur emitte re professionem, nec obligatur religioni in genere, neque in specie, & potest redire ad seculum, Innoc. in cap. ex parte. quem sequuntur ibi Ioan. Andr. in fin. & Anch. nu. 5. Abb. nu. 3. vers. 2. casu, de regul. Abb. antiq. in cap. consulti. col. 1. ad fin. vers. 3. & nota secundum Innoc. de regul. Franc. in cap. 1. in fin. prin. & Gem. ibi in §. 1. nu. 5. vers. primum dictum. de regul. in 9. Card. in clem. eos. nu. 3. vers. 2. dilatio, de regul. Præposit. in cap. quidam. ad fin. 27. dist. & cum Abb. in d. cap. ex parte, qui refert & sequitur Innoc. ibi tenet summa Ang. in verb. nouitius, nu. 12. versic. si vero distinctio, & summa Tab. in verbo nouitius ad fin. nu. 6.

Et per consequens, licet D. Portia gestauerit habitum probationis patenter distinctum per plures annos post annum duodecimum ætatis suæ; tamen ex hoc non potest dici emisisse aliquod votum simplex: cum sit, quod potuerit redire ad seculum, nec remanserit obligata alicui religioni in genere, neque in specie; & votum simplex nihil aliud sit, quam esse obligatum religioni in genere, vel in specie, ut dixi.

Et hoc etiam clarius demonstratur, quia Innoc. in d. cap. ex parte. quem omnes alij communiter sequuntur, dicit, quod si quis gestauerit habitum probationis quantumcumque tempore, non obligatur religioni in specie, neque in genere, & sic appellat habitum probationis, etiam quod sit delatus post annum probationis: & Car. in dicta clem. eos. nu. 1. dicit, quod quis dicitur nouitius etiam elapso anno probationis. Si igitur D. Portia remansit semper cum habitu probationis, non potest dici quod emisit aliquod votum simplex; cum sit, quod huiusmodi habitus probationis non habet annexum aliquod votum simplex, Innoc. in cap. porrectum. nu. 1. & Io. Andr. ibi col. 1. de reg.

Prout etiam in terminis, quod huiusmodi habitus probationis non impediatur matrimonium contrahendum, tradit Abb. in cap. consuluit, num. 3.

num. 3. vers. contra hoc, ibi, prima solutio. qui cler. vel vouen. ubi etiam Hostiensis col. fin. vers. habitus. & Ioan. And. col. fin. vers. in glo. per hoc, ibi, de habitu probationis, & Anton. de Butrio col. fin. ad medium in princ. distinctionis sue, & ad terminos dictæ clem. eos. de regul. quod quando quis gestauit habitum probationis distinctum etiam elapso anno probationis possit contrahere matrimonium, tradit Anch. in cap. meminimus. nu. 2. qui cle. vel vouen.

4. Non obstat, quod D. Portia fuerit tradita monasterio cum elemosyna ducentorum ducatorum. Quia primo loco dicitur, quod D. Portia ignorauit factum matris sue, prout etiam ita presumendum est, l. verius. ff. de probatio. cap. presumitur. de reg. iur. in 6. neque sufficeret presumptæ scientia, cum agatur de amissione liberatis, & sic iuris D. Portie, ex traditis per Sarnen. super regu. de annali. q. 48. in fin. Put. decis. 6. de probation. Stante igitur ignorantia D. Portie, non potest dici quod ipsa ratificauerit factum matris sue, cum ignorans non dicatur remittere, neque consentire, l. super errore. ff. de iurisd. om. iud. l. si mulier decedens. ff. de inoffic. testam.

Uterius dicitur, quod si quid traditum fuerit monialibus, & monasterio, id non tradidit D. Portia, sed D. Antonina eius mater; ideo ex facto matris non potest fieri præiudicium filie, & maxime quando filia permansit cum habitu probationis distincto, ex traditis per Abb. in d. cap. significatum. nu. 5. cum concordantibus supra adductis.

5. Accedit, quod id, quod dicitur ex traditione rei facta monasterio, censetur quis mutare voluntatem, intelligitur, quando quis obtulit se, & omnia bona sua, vel maiorem partem monasterio: de quo non constat in casu nostro, vt per Franc. in cap. 2. col. 1. in fi. ver. in eadem glo. ibi, Tertio, quando tempore, de reg. in 6.

Non obstat, quod D. Portia interuenerit in horis canonicis, & inseruierit monialibus professis: quia hoc licet fecerit, id fecit tamquam nouicia, & prout alie nouicie solebant interuenire, & inseruire. neque potest inferri, quod ultra actum fieri solitum per nouicias voluerit ex hoc D. Portia in aliqua religione se obligare, cum actus voluntarij non extendantur ultra quam gerantur. l. voluntaria. C. de excusat. tutorum. l. fin. C. ne vxor pro marito.

6. Et eo magis, quia omnia ista possunt fieri per mere laicas personas, quæ possunt admitti ad canendum à personis religiosis, & inseruiendum diuinis, iuxta doct. Abb. in cap. 1. num. 2. vers. in gloss. 2. de celebr. Missar. cum traditis per Dec. in cap. 2. num. 33. vers. & laicus in Missa. de iudiciis. & per consequens cum non sit probatio concludens, non potest colligi huiusmodi præsumptio, cap. in præsentia. de probat. l. non hoc. C. vnde legiti.

Absque eo quod generaliter dici potest, quod omnia prædicta tolli possunt per contrarias præsumptiones, & probationes, ad textum in l. diuis. ff. de restitu. in integr. & cap. accedens, cum gloss. de crimine falsi. constat enim quod D. Portia in susceptione habitus & eius tonsura capillorum plange.

plangebat, & abinde postea semper dimisit tonsuram, & permisit quod nouitiz sibi posteriores in ordine assumerentur ad professionem. quod si habuisset animum mutandi vitam, utique prædicta non fecisset, cum nemo præsumatur immemor salutis æternæ; neque verisimile sit, quod D. Portia voluerit sibi fieri præiudicium in antelatione. & per cōsequens dicendum est, quod talis præsumatur voluntas D. Portiæ, qualis ex actibus colligi potest. l. sed Iulianus. §. proinde. ff. ad Macedon. Anch. consil. 302. num. 4. Dec. consil. 476. num. 3.

Et maxime quia sumus in claris: ex quo constat quod D. Portia, dum permanfit in monasterio, expresse declarauit, quod ideo permittebat nouitias posteriores ad professionem admitti, quia dicebat id facere, ex quo volebat exire de monasterio, & nubere: & id etiam sæpe sæpius dicebat in sermone quotidiano Abbatissæ, & monialibus, prout etiam exiuit postea de licentia Vicarij pro tempore, & nupsit. vnde in claris non opus esset coniecturis. l. continuus. §. cum ita. in fin. ff. de verb. obli.

7 Ultimo dicitur; etiam quod essemus in dubio, ex quo D. Portia in examine suo mediante iuramēto declarauit se numquam votum aliquod emisisse, sed semper habuisse animum exeundi à monasterio, & nubendi, standum esset eius assertioni iuratae, ex traditis per Abb. in cap. penult. nu. 7. de raptorib. prout etiam potius pro matrimonio carnali, quam spiritali præsumendum esset, vt per Io. Andr. But. Abb. Host. & alios in d. cap. penult. de raptorib.

Et in omnem euentū non obstaret, quod ex gestatione habitus aliquod votum simplex esset emissum; quia super hoc habemus ordinarij dispensationem, quæ quidem saltem ex causa potuit fieri, & causæ legitimæ sunt tales, qualis metus etiam non iustus, prout erat in casu nostro, si non metus reuerentialis matris, saltem Abbatissæ, & monialium, à quibus fuit coacta habitum suscipere: alia vero causa est propter verisimilem impotentiam continendi, cum palam in monasterio D. Portia expresse diceret velle exire de monasterio, & nubere, cum esset iuuenis: vnde ordinarius potuit, stantibus prædictis causis, dispensare, Abb. in cap. veniens. ad fin. nu. 6. qui cleri. vel vouen. Sum. Ang. in verb. votum. §. penult. num. 9. Hæc aduocatus D. Portiæ. Sequitur responsum auctoris.

3 DOCTOR IS DOCTISSIMVS doctissime locupletissimeque resoluit dubium propositum in fauorem Portiæ consulentis, ad quod etiam hæc pauca infra scripta suffecissent. Primum, quod ad hoc, vt aliquid dicatur votum, requiritur propositum aliquid faciendi, & non sufficit illud, nisi consequatur promissio id faciendi cum animo se ad id obligandi, iuxta doctr. S. Tho. 2. 2. q. 88. art. 1. & eiusdem & cōmuniter omnium in 4. dist. 38. q. 1. & nostrorum in cap. qui bona. 17. q. 1. & in cap. literatura. de voto.

● Secundum, quod certum est non esse indicandū aliquem fecisse votum, nisi probetur. Tum quia ei, qui dicit, incumbit onus probandi, l. ei qui dicit. ff. de probatio. & facta non præsumuntur, nisi probentur, cap. cum in iure peritus. de off. deleg. & l. 1. C. de mand. princ.

Tertium

Tertium, quod ex præmissa facti narratione non colligitur ulla probatio voti facti vera, vel præsumpta: nam per ea, quæ narrantur, non probatur præfatam Portiam habuisse propositum faciendi se religiosam, & minus habuisse animum obligandi se ad illam, & minus quod id promississet Deo, & se ad id obligasset.

10. Quartum, quod certissimum est, eum, vel eam, qui, vel quæ gestat habitum novitiorum distinctum ab habitu professorum, vel professorum, non præsumi profiteri, nec ullatenus vouere religionem, etiam si decem annis & eo amplius illum gestaret, cap. ex parte. de reg. cum annot. ibi per Innoc. & alios, & clem. eos. eodem tit. & cap. 1. §. fin. eod. tit. lib. 6.

Quintum, quod ea, quæ sunt animi alicuius, probantur per iuramentum eius, iuxta illas duas gloss. solenes in §. sed istæ. alias, alia Instit. de action. in cap. significasti. 2. de homic. communiter recep. & quod prædicta Portia præstito iuramento deposuit, nullum unquam votum de ingrediendo religionem, vel in ea perseverando fecisse, immo nec propositum id faciendi habuisse.

11. Sextum, quod assumptio habitus novitiorum distincti ab habitu professorum, & eius delatio nullam inducit præsumptionem voti emissi, etiam si deferatur per duos annos, & ultra; immo potest libere exire à monasterio, cap. 1. in principio, & §. 1. de regul. lib. 6.

Septimum, quod nulla lege, neque ratione inferri potest, impuberem emisisse votum intrandi, vel permanendi in religione, ex eo quod parentes eius inducant eam in consortium monialium, & pro alimentis eius, vel quo libentius eam recipiant, vel quo sit pro dote, vel parte dotis solite dari monasterio, casu quo voluerit fieri monacha, non nullam pecunie summam dederint, vel mutuauerint. Tum quia à diversis non fit illatio, l. Papinianus. ff. de minor. & vouere filiam impuberem de permanendo in religione, & parentes eius illam summam dare, sunt longe separata, cum alterum sit factum parentum, alterum factum filiarum. Tum quod illa traditio summæ propter alias multas causas fieri potest, & quotidie fieri videmus à parentibus, qui filias impuberes educandas intra monasteria monialium includunt, quo plenius educantur, & quò, si forte Deus inspirauerit, fiant sanctimoniales. Tum per illam regulam topicam, si quod magis videtur inesse non inest, neque id quod minus, arg. cap. cum in cunctis. de election. cum simil. At suscipere quem habitum religionis novitiorum distinctum ab habitu professorum, & gestare illum etiam per multos annos, non inducit præsumptionem voti ejusmodi facti, ut supra probatum est: ergo minus inducet traditio pecunie ab alio facta monasterio, quo gratus illa ad educandum ibi assumatur. Tum denique, quod nemo unquam scriptorū huiusmodi præsumptionis meminit, nec ulla lege fundari potest; & ita succedit illud cap. consulisti. 2. quest. 4. alias 3. Quod sanctorum Patrum documento sancitum non est, superstitiosa adinventione, non est præsumendum. & cap. 2. de transl. prælat. Cum igitur non probetur prædictam Portiam ullum votum de intranda, vel retinenda religione expresse fecisse, neque unquam

vmquam suscepisse se, vel portasse habitum professarum monialium, sed tantum nouitiarum, neque aliud admisisse, per quod præsumeretur in ea votum, immo expresse contrarium propositum se habuisse dictis & factis ostenderit; cumque iuramento à iudice interrogata id firmauerit; proculdubio iudicandum est eam à nubendo nullo voti vinculo excludi, & quod pie ac erudite clarissimus Doctor Aduocatus D. Portiz per multo plura probat.

S V M M A R I V M.

1. Professio, anno probationis non completo, ante Concil. Trident. apud non mendicantes emissā valida est.
2. Religionem relaxatam professus potest cogi, vt seruet etiam illas austeritates regulæ, quæ tempore professionis non seruabantur; nisi tunc precise, quando professionē emisit, expresse fuisset protestatus se nolle obligari ad alias, quam ad tunc vigentes; vel ageretur de illis austeritatibus, quæ ab immemorabili tempore probarentur non obseruata. & num. 3.
3. Protestatio tollitur contrario facto subsequuto: vnde qui ante professionis tēpus dixit se ita religionem professurum, vt ad austeriora non obligetur, si tempore professionis hanc non repetijt protestationem, ab ea, mutata voluntate, censetur recessisse.

C O N S I L I V M XLIII.

QUIDAM ingressus est religionem S. Basilij multum relaxatam, præcipue in voto paupertatis: & intra probationis, siue nouitiatus annū professionem emisit: & post viginti annos fuit reformatā, & inducta durities quædam, quæ vix ferri potest.

Quæritur primo, an illius professio fuerit valida.

Secundo, an teneatur ad præfatam duritiem seruandam.

Tertio, an teneatur, & quomodo subuenire matri extreme patienti.

1. **AD PRIMAM** quæstionem respondetur, quod præfata professio fuit valida: quia fuit facta ante confirmationem Concilij, ante quod valebat professio facta intra annum nouitiatus in ordinibus non medicantibus, cap. ad Apostolicam. de regula. in sensu directo, & argumento à contrario vel à speciali probatur in cap. non solum. & cap. constitutionem. de reg. lib. 6. vbi hoc expressit Phil. Franc. nu. 2.
2. **AD SECUNDAM** respondetur primo, quod, si durities per præfatam reformationē inducta est de natura regulæ, & relaxatio esset adeo antiqua, vt non esset memoria initij eius, non posset præfatus D. consulens cogi ad seruandam eam, vt probat Phil. Dec. in cap. 1. & 3. num. 9. de appella. post Panor. in cap. super eo. de regula. quod etiam nos tangimus in Mann. confess. cap. 12. num. 30. Et idem videtur dicendum de duritie noue inducta, si, cum professus fuit, protestatus fuit se nolle obligari ad alias durities, & austeritates, quæ, quando professus fuit, non seruabantur, vt idem Decius post eundem Panor. asserit vbi supra nu. 8.

Idem

Idem videtur etiam dicendum, si d. consulens est adeo corpore debilis, ut præfatam novam duritiem & austeritatem pati non possit, secundum Innoc. in d. cap. super eo. quem videtur satis sequi Panor. ibi, & Decius ubi supra. nu. 7. Secundo, quod, si durities est de natura regulæ, & relaxatio eius fuit nova, & à tempore cuius initij est memoria, poterit cogi ad servandam illam, si, cum fuit professus, non limitavit suam professionem & obligationem ad illum statum vivendi, qui tunc servabatur. nec sufficeret saltem in foro exteriori, quod ipse aliquanto ante professionem dixisset se cum hac limitatione præfatam regulam professurum: quia protestatio facto contrario tollitur, iuxta gloss. solen. quæ hoc in matrim. carnali asseuerat in cap. tua. de spons. verb. mulierem. & tradunt omnes in cap. cum M. de constit. post Bar. in l. non solum. §. morte. ff. de operis nunci. quia, ut præfata gloss. dicit, potuit mutare voluntatem, & præsumitur mutasse profitendo absolute.

A D T E R T I A M respondeo primo, me in eadem opinione, nunc esse, in qua fueram, in Man. scilicet cap. 14. num. 14. & postea in com. 3. de reg. super cap. nullam. 18. q. 2. num. 48. circa exitum religiosi à monasterio propter necessitatem parentum. Secundo, quod D. consulens potest ex prædictis colligere, quid oporteat ipsum facere, ut animam suam saluet secundum rigorem iuris, & viam iustitiæ, & per viam gratiæ, & dispensationis. Certum autem est mihi, eum non obtenturum nullitatem suæ professionis, neque in foro exteriori libertatem, ne cogatur subire reformationem novam, nisi probet relaxationem cepisse à tempore immemorabili. Tertio, quod per viam dispensationis & gratiæ satis pie eam posset petere, attento quod professio facta fuit intra novitiatus annum: & quod ipse inuenit regulam quo ad votum paupertatis fere omnino relaxatam: & quod non habuit animum illam servandi, nisi in statu, quo illam inuenit: & quod reliquit matrem multum indigentem ope sua: & quod 15. annos inserviuit regulæ relaxatæ: & quod nunc iam grandioris ætatis vix poterit paupertatem illam summam noue indictam servare. Salva, &c.

S V M M A R I V M.

- 1 Professio intra annum, & post cenam faciens mortaliter peccat.
- 2 Professio legendo schedulam absque intentione profitendi non est valida.
- 3 Professio nulliter emissam videtur approbasse, qui ad titulum religionis ordines suscepit, & per multos annos mansit, & fuit in ea prælatus.
- 3 Professus nulliter, postea ordines suscipiendo ad titulum religionis suspensionis penam non incurrit, modo illos nec extra tempora, nec sine dimissionis sui prælati acceperit.

C O N S I L I V M. XLIV.

M. RELIGIONIS habitu suscepto post cenam à prælato schedulam formæ professionis continentem accepit, & legit, ac post annum ad titulum religionis

ligionis ad omnes sacros ordines fuit promotus, & per multos annos in monasterio mansit, & prælatus in religione fuit. Quæritur, an dicta professio sit iusta & valida, seu per prædicta ratificata.

- 1 Respondeo primo, peccatum fuisse tam à consulente, quam à prælato eius professionem accipiente intra annum probationis, & post cœnam, & sine alia solemnitate, & non considerando quod professio religionis est tam heroicus actus, ut per eum lucretur quis indulgētiam plenariam secundum S. Tho. 2. 2. q. ult. art. 3. ad 3.
- 2 Secundo, quod si legendo illam schedulam continentem verba solita proferri à profitente non habuit intentionem faciendi professionem, & legit ea quasi iocans, & aliud agens, non valuit professio.
- 3 Tercio, quod si, ut ipse consulens ait, non solum suscepit omnes ordines ad titulum religionis, sed etiam mansit in eo plurimis annis voluntarie, & fuit prælatus per aliquot annos, videtur approbasse professionem illam, & consequenter quod est professus, & quod non incurrit suspensionem, nec irregularitatem per ordinationes illas; quia non fuerunt factæ ante ætatē, neque extra tempora, nec sine literis dimissorijs, cum eas habuerit à prælato suo.

S V M M A R I V M.

- 1 Propositum etiam firmum de intranda religione non est votum.
- 1 Votum de intranda religione per introitum completur, etiam si postea non professus exeat.
- 2 Professus non est, qui fide religionem ingressus post 13. mensem aufugit, nec censendus, si inuentus à superiore, habitu spoliatus, ab ea sit dimissus.

CONSILIVM XLV.

DE EO, qui postquam firme proposuerat intrare S. Francisci religionem, eam intrauit, sed post vndecim menses eam egressus est, & fide animo non faciendi professionem intrauit quoddam monasterium Conuentualium, in quo licet tredecim menses mansisset nulla expressa facta professione, postea egressus sine licentia fuit à superiore captus, & habitu spoliatus. Quæritur, an teneatur aliam intrare.

- 1 Mea opinio circa factum propositum, & ius in eo resultans, est primo, quod D. consulens non fecit votum obligatorium intrandi religionem S. Francisci; quia propositum intrandi religionem, etiam firmum & enixe conceptum, non est votum obligatorium, cap. literaturam. de voto. ubi ponitur casus de hoc formalis, & probatur irrefragabiliter per definitionem voti traditam à S. Tho. communiter recepto in 2. 2. quæst. 88. art. 1. declaratam à nobis in Manu. confes. cap. 12. num. 24. & præfatus D. consulens solum proposuit firmiter intrare religionem.

Secundo, quod etiam si vouisset, iam tamen impleuit votum intrando religionem prædictam, & manendo in ea vndecim menses, licet post eos ante finem anni exierit; quia votum de intranda religione impletur per introitum,

introitum, licet non faciat professionem, vt tradit S. Tho. recep. 2. 2. q. 189. art. 4.

- 2 Tertio, quod non obstat ei professio tacita, quæ posset obijci ei, eo quod fuisset ingressus in religionem fratrum Conuentualium, & in ea tredecim menses mansisset. Tum quia intrauit eam fide, sine animo illam profitendi. Tum quia captus post exitum fuit à superiore spoliatus habitu, & dimissus ab illa religione: ita quod nec in foro interiori, nec exteriori censendus est professus, argum. cap. humanæ aures. 22. quæst. 5. & eorum quæ de matrimonio fide contracto leguntur in cap. tua. de sponsal.

Quarto, quod ex præfatis sequitur debere me opinari præfatum consulentem non esse religiosum, nec teneri ad intrandam vllam religionem, si noluerit. Salua, &c.

SUMMARIUM.

- 1 Professio intra nouitium in non mendicantibus, vbi Concilium non viget, valet.
- 2 Professio metu non adipiscendi aliquod beneficium & cum perturbatione emissa valet, & tenet, quia voluntarie facta dicitur; obligatque, etiamsi non intenderet obseruare ipsam regulam: & hoc, modo haberet intentionem profitendi: nam si illam simulate animo non profitendi emisisset, non ligaretur coram Deo. nu. 3.
- 3 Dolo inductus professionem emittens obligatur: & hoc, dummodo aliquo modo in illam consenserit. num. 6. secus si dolum omnem sustulisset consensum. nu. 4.
- 5 Simonia est, quando famulus heri promittit se illi in omnibus obedire, si ille ei beneficium conferri curauerit.

CONSILIUM XLVI.

HERVS, & famulus pacti sunt, vt, si herus procuraret ei conferri aliquod beneficium, ipse illi in omnibus obsequeretur: herus curauit illi conferri beneficium regulare sui fratris, quod tamen renunciare nolebat, nisi conferretur in titulum: & cum dictus famulus illud obtinere non posset, nisi emitteret professionem illius religionis, cuius erat beneficium, licet non haberet animum profitendi, & se obligandi religioni, bis tamen habitum illius suscepit, & tandem eo indutus iuit ad Capitulum, & ibi exhibita sibi quadam scheda, in qua verba professionis continebatur, in cuius lectione conturbatus fuit, emisit professionem, & postea beneficium obtinuit.

Quæritur primo, an professio huiusmodi illum obliget.

Secundo, an excusetur ob dolum, & fraudem sibi factam.

Tertio, an in prædicta collatione interuenerit confidentia.

Quarto, stante quod nolebat profiteri, nec habuit animum se religioni obligandi, an relinquendo habitum fiat apostata.

- 1 AD PRIMAM QVAESTIONEM respondeo primo, difficile posse D. consulentem excusari ab obligatione professionis. Tum quia in terris, vbi præfata fuerunt facta, non est receptum Conc. Trid. & ita professio facta ante finem anni nouitiatus in religione non mendicantium valet

- secundum Panorm. & cōmunem in cap. ad Apostolicam. de regular. Tum quia prafatus D. consulens non fecit eam metu, sed voluntarie, ad acquirendum vnum beneficium, quod cōcupiscebatur habere: & vota voluntaria valent, licet metu facta sint inualida, cap. 1. de his quæ vi. cū ei adnotatis.
- 2 Tum quia professio facta per dolum valet in vtroque foro quo ad profitentem, & quo ad monasterium, cap. constituit. 20. q. 3. quamuis bona eius nō quærantur monasterio, neque Abbati, neque monachis eius. Tum quia non videtur obstare id quod ait, nempe quod non habuit animum profitendi, & se obligandi religioni; cum asseueret accepisse bis habitum, iuisse ad Capitulum cum veste religiosorum, & accepisse & legisse quādam schedam, in qua continebantur verba professionis, & eorū lectione fuisse conturbatum; quod est signum intellexisse contenta in eis, quæ sibi parū placebant: quæ tamen legit, eo quod magis placebat beneficium; quod cupiebat, & non poterat habere, nisi profiteretur. Tum quia non potest allegari probabilis ignorantia, cum dictum fuisset ei fuisse necessarium monachatum, siue statum religiosum ad habendum illum prioratum in titulum; & quod frater sui heri nullatenus volebat illum renunciare, nisi ad effectum, vt conferretur in titulum: & ignorantia iuris est improbabilis, nec excusat. 1. q. 4. §. notandum. & cap. ignorantia. de reg. iur. lib. 6. & qui vouit aliquam religionem sine intentione seruandi obseruantiam regularem, eius, obligatur ad eam seruandam, vt tradimus in Manu. cap. 12. num. 50. Verum tamen est, quod si consulens habuit animum non profitendi, neque vllatenus obligandi se religioni, sed solum simulandi, non valeret votum: quia sine vllō consensu, & vllō animo obligandi religioni non potest corā Deo, & in foro conscientiæ constare professio, arg. cap. tua. de sponsal. & l. 1. C. plus val. quod agitur, quam quod simul. conc. & in cap. cum dilectus. de his quæ vi. metu sc. & ea ad notauit Panor. nu. 13. & seq.
- 4 AD SECUNDAM responsum est in responso ad primam per d. cap. constituit. vbi est casus expressus quod sic, cum limitatione ibi subiecta, scilicet, quod si dolus esset tantus, qui tolleret omnem consensum, non obligaret ad perpetuam seruandam religionem, neque ad aliquanto temporis seruandam illam, vt Panor. præcitatus limitauit.
- 5 AD TERTIAM respondetur, quod in prædictis non interuenit cōfidentia damnata à Pio III. & Pio V. sed interuenit simonia; eo quod conuenit inter consulentem, & herum, quod herus curaret ei conferri beneficium spirituale, & quod consulēs ei pareret in omnibus, quæ præciperet; & cum illud ab vtraque parte fuerit completum, est incurfa simonia realis, per ea quæ nos latius diximus in Manu. cap. 23. nu. 101. & 102.
- 6 AD QVARTAM colligenda est responsio ex responsis datis ad primam, & secundam: scilicet, quod si nullatenus consensit, neque voluit profiteri religionem, neque se obligare ad illam, non est apostata in foro conscientiæ; sed, si voluit, aliquatenus etiam dolo ad id inductus, erit apostata, & indiget absolutione, non obstante quod non gestauerit habitum, nisi per paruum tempus: quia satis est quod professio eius valuerit etiam solum per vnum temporis momentum, vt prædictum est. Salua, &c.

- I** Hermaphroditus iudicandus vir, vel mulier, prout præualet in sexu: & inde sequitur, ut si præualet in sexu virili, possit professionem emittere in monasterio virorum, sed non mulierum, & è contra, num. 2. quod si neutra magis præualet, in nullo poterit profiteri. nu. 3. medici autem in dubio ex ijs quæ ab ipso audient iudicabunt in quo præualeat. nu. 4. & constituto quod professio sit nulla, potest etiam inuitus ejci. nu. 5.

CONSILIUM XLVII.

QUIDAM hermaphroditus ingressus & professus est religionem virorum approbatam, nulla facta mentione de huiusmodi defectu, quo postea cognito & publicato quærentur sequentia.

Primo, an professio valuerit.

Secundo, an possit ei jci à religione cum dispensatione Papæ.

Tertio, an possit ei jci à monasterio absque dispensatione Papæ, si noluerit exire, licet professio teneat.

- I** AD PRIMAM QVAESTIONEM respondetur non valuisse professionem, si potentia virilis eius non erat maior, quādo professus fuit, quam potentia muliebri; quia hermaphroditus est iudicandus vir, vel mulier iuxta magnitudinem potentia virilis, vel muliebri, l. quæritur. ff. de statu hom. ita quod est iudicandus vir, & dignus officio virili, si potentia virilis fuit maior: & contra iudicandus est mulier, si potentia muliebri erat maior. & ut professio viri facta in monasterio mulierum, ut eis conuiuat, non valet; ita & professio hermaphroditi in monasterio virorum est nulla, si potentia virilis non fuit maior, quam muliebri.

- 2** Secundo, professionem eius valuisse, si potentia eius virilis prædominabatur potentia muliebri, quando fuit professus; quia iudicandus erat vir, & dignus officio virili, per prædicta.

- 3** Tertio, quod si vtraque potentia erat par, videtur iudicanda professio eius nulla. Tum quod communiter tenetur, hermaphroditum, cuius vtraque potentia est par, non posse ordinari, nec ordinationem factam tenere, ut annotauit Sylu. ver. hermaphroditus. Tum quia data paritate, æque iudicandus est mulier, ac vir; & cum mulier non possit profiteri religionem ad conuiuendum viris, non poterit etiam profiteri hermaphroditus, cuius vtraque potentia est par: sicut nec professio eius facta in monasterio monialium ad viuendum cum eis esset valida, si non haberet potentiam muliebrem, quæ prædominaretur potentia virili. Tum quia valde indecora, & scandalosa, & inductoria sociorum ad libidinem esset professio illa: & huiusmodi scandalosa non sunt admittenda, cap. nihil. de præscriptio. de sumptum ex cap. 18. Matthæi. Si autem dubitetur an vtraque potentiarum sit par, an altera maior, standum est eius dicto, secundum communem opinionem, vel iudicio medicorum, quod videtur recidere in eandem, cum oporteat iudicare medicos secundum ea quæ ipse de se asseruerit, arg. l. 1. ff. de iure delib. & cap. de causis. de officio deleg.

AD SECVNDAM responderetur quod sic; quia iusta videtur causa dispensandi scandalum, & occasio quæ præbetur alijs fratribus monasterij ad peccatum, inducendo ad cogitandum de illo hermaphrodito, & appetendum illa, quæ cogitationes illæ præsentant, quæ sunt valde vitanda per d. cap. nihil. de præscript. & alia iura.

- 3 AD TERTIAM responderetur primo, quod sic, si constet potentiam virilem eius non prædominari potentie muliebri. Tum quia per prædicta constat professionem eius non valuisse, nec potuisse valere: & monasterium non tenetur retinere illum, qui non potest suam religionem profiteri, iuxta Conc. Trid. cap. 16. de reg. sess. 25. Tum quia voluntas eius exeundi, vel non exeundi nihil ad rem pertinet: quia non est in eius potestate situs exitus, vel mansio, sed in virtute & validitate professionis, arg. cap. in præsentia. de probat. & in auth. ingressi. C. de sacrosanct. eccl. quia ipse tenebatur confiteri ante professionem talem defectum monstruosum, quod impediēbat professionem, quam non accepisset à monasterio, si sci- uisset eum pati illum defectum. arg. cap. fin. de ætat. & qualitat. & cap. illiteratos. 36. dist. & cap. 1. & ult. 49. dist. per quæ prohibentur ordinari eiusmodi viri monstruosi, & eadem vel maiori ratione non debent admitti ad professionem, per quam conuicturus sit in eadem domo castitatem solem- nem professus.

S V M M A R I V M.

- 2 Criminoso regulariter valet facta collatio.
Professio emissa ab infecto morbo contagioso illud negante valet, & tenet, etiā quod si recipiens sciuiſſet, non admiſiſſet. nu. 1. nisi adsit statutum à Pontifice approba- tum talem annullans professionem: potest tamen à superiore iudicialiter puniri, & in pœnam spoliatus habitu ejci ab ordine. num. 3.
- 4 Honoris amissio, quæ sequitur ex pœna iuste imponenda, non excusat quo minus te- neatur eam reus subire; quia anime salus honori præponenda.

CONSILIUM XLVIII.

PRIMO quæritur, an professio facta à laborante morbo Gallico, vel alio contagioso, tacito illo, sit nulla.

Secundo, an superior possit castigare huiusmodi professum.

Tertio, an ipse possit exire sine licentia.

- 1 Pro parte negante facit, quod collatio facta criminoso valet regulariter per scripta Felin. in cap. postulasti. de rescrip.

Pro parte autem affirmante facit, quod professio facta sine consensu cō- ueniente conuentus non valet, cap. ult. adiunct. gloss. de reg. lib. 6. & con- uentus si sciuiſſet profitentem illo morbo laborare, non consensisset pro- fessionem. His pro vtraque parte præmissis:

- 2 AD QVÆSTIONEM PRIMAM respondeo primo negati- ue, scilicet professionem prædictam non valuisse, si religio habet statutum Papæ, vel suum à Papa confirmatum, quod annihilat professionem factam negato morbo. Secundo, quod, si nō habet tale statutum, solo iure cōmuni atten-

retentio, non videtur nulla: quia aegritudo etiam mortifera non videtur annullare professionem.

- 3 AD SECUNDAM, quod probabiliter dici posset, quod superior possit iudicialiter procedere contra professum ad castigandum eum ob peccatum mortale, quod commisit negando defectum, quem sub poena talis peccati tenebatur in ingressu confiteri, & in poenam peccati expellere eum a religione, & priuare habitu, ac posset pro alio peccato mortali talem poenam merenti.

- AD TERTIAM respondetur, quod, si professio non valuit, tenetur ipse exire religionem etiam non petita exeundi licentia à Papa: si vero tenuit professio, non videtur teneri ad petendam huiusmodi licentiam à Papa, nec ab alio: quia videtur satisfacere suæ conscientiae poenitendo iuste sui peccati, & submittendo se poenæ, quam superior iudicialiter procedendo per suam sententiam definitiuam imposuerit ei: neque curare debet de sui honoris amissione, quando iuste meretur, quæ iuris ordine seruato imponitur ei; & quando oportet perdere animam, vel honorem, perdendus est honor, qui minoris, quam anima, valet, vt palam est. Salua, &c.

SUMMARIUM.

- 1 Oblatus plene is est, qui nihilo sibi retento, se & sua monasterio donat, licet habitum regularem vt conuersus non assumat. nu. 3.
- 2 Professus religiosus is est, qui in manibus potentis religioni incorporare, tria substantialia emitteat vota, dummodo hæc eo emitteat animo, vt fiat religiosus: aliàs non. nu. 4. Vnde qui in manibus Abbatis habitu regulari non assumpto ea emitteat cum protestatione quod non intendit profiteri regulam, nec teneri ad eius obseruantias, non est professus. nu. 3.
- 3 Oblatus, cum non mutat habitum, est quid minus quam conuersus, qui illum mutat; & adhuc minus quam religiosus, quia non facit professionem.
- 4 Societatis Iesu professores, qui post biennium in eadem tria etsi simplicia vota emitteant, sunt vere & proprie religiosi.

CONSILIUM XLIX.

AN SIT VERE religiosus professus, qui se donauit & obtulit monasterio in manibus Abbatis S. Benedicti per hæc verba: Ego N. me dono & offero in oblatum monasterio S. Benedicti, vouendo obedientiam, paupertatem, & castitatem tibi eius Abbati; non autem profiteor regulam ordinis, nec me obligo ad carimonias, & obseruantias eius. Idq. fecit non mutato habitu, nec accepto habitu regulari, excepto scapulari paruo in signum oblationis.

- 1 Respondeo primo, questionem esse satis nouam in iure; quia non memini vllum textum, nec gloss. nec aliquem classicum auctorem, qui de oblato monacho tria essentialia vota emittente verba faciat: quauis Syluester verb. oblatum, significet Pan. talē appellare plene oblatum: quod tamen profecto non facit; quia in cap. vt priuilegia de priuil. vbi hoc dicturus erat & dixit eum esse plene oblatum, qui se & sua donat, nihilo sibi reservato, quod

- longe diuersum est: quamuis glo. cap. vt lex. 27. q. 1. quādam quæstionem huic propinquam moueat, sed non omnino talem. Secundo, quod pro parte affirmante faciat conclusio illa Panor. & communis in rub. de regul. & in cap. ecclesiæ sanctæ Mariæ. de constit. quem sequitur ibi Fel. & Decius, quod vouens tria substantialia vota religionis in manu potentis eum aggregare religioni approbatæ à S. Sede Apost. videtur esse vere religiosus professus, arg. cap. duo sunt genera. 12. q. 1. & cap. cum ad monasterium. de statu monachorum.
- 3 Sed contrarium est verius. Tum quia actus agentium non operantur ultra intentionem eorum, l. non omnis. ff. de reb. cred. cap. fin. de præben. & ex verbis prædictis videtur colligi, eum, qui dixit illa verba, non habuisse animum se faciendi monachum, nec profitendi regulam, nec cærimonias eius. Tum quia monachus & oblatus monasterio longe differunt, cap. ex eo. §. 1. de elect. lib. 6. & præfato cap. vt priuilegia. & vtroque doctores: immo minus est esse oblatum, quam esse conuersum; quia hic mutat habitum, ille vero non, secundum Panor. in d. cap. vt priuilegia. communiter receptum: & consulens non mutat habitum, & consequenter nō est conuersus, & minus monachus. Tum quia in præfato monasterio forma profitendi, qua fit quis monachus, longe alia est à prædicta faciendi se oblatum, immo contraria: quia secundum hanc non se obligat ad seruandam regulam, nec cærimonias eius, secundum illam vero sic; & forma dat esse rei, cap. in ciuitate. iuncta glo. de vsuris.
- 4 Nec obstat oppositum: quia illud procedit in eo, qui vouit tria prædicta vota animo se faciendi monachum, & religiosum, & non in illo, qui facit illa animo vt se faciat oblatum, vel vt magis placeat Deo strictius viuendo. Longe tamen alia ratio est eorum, qui in Societate IESV post biennalem probationem tria simplicia vota, paupertatis, castitatis, & obedientiæ emittunt. hi namque cum ita voueant vero certoque proposito, vt religiosi fiant, cumque eadem mente ac ratione ab eiusdem Societatis superioribus admittantur, & cum vere se obligent ad obseruantiam regularem constitutionum ipsius Societatis, eiusque instituti ab Apostolica Sede sæpius approbati, vere proprieq. religiosi sunt, vt sapientissime declarauit Greg. XIII. in quadā bulla edita anno 1582. quæ incipit, Quanto. & in const. edita anno 1584. quæ incipit, Ascendente Domino. vt diximus in com. de reg. super cap. cui portio. 12. q. 1. num. 19.

S V M M A R I V M.

- 1 Professio defectu consensus nulla, eo superueniente, ratificatur: quia consensus ex parte recipientis ab initio præstitus censetur perseverare.
- 2 Error fortune, quo pauper creditur diues, est error qualitatis, qui matrimonium non vitiat; secus quando contrahitur cum absente, qui putatur primogenitus, & sic diues, cum non sit.
- 3 Dolus profitentis, dicentis se diuitem, cum nihil habeat, facit, ne monasterium eum alere teneatur; sicut dolus recipientium diuitem, ne monasterium habeat illius bona,

bona sed non annullat professionem. Et nu. 2.

3 *Maritus, cui non soluitur dos promissa, potest expellere uxorem, & non alere.*

4 *Infirmetas, & paupertas iustam causam saltem dispensandi, ut monialis extra monasterium maneat, præbet.*

CONSILIVM L.

BERNARDINA, cum male tractaretur à matre, ingressa monasteriũ, convenit cum illo, quod loco dotis haberet hæreditatem, quæ ei contingebat post mortem matris, quam tamen ante ingressum matre petente occulte renunciaverat. Finito itaque probationis anno professa est, verbo tantum, & non corde, immo cum proposito quamprimum posset excedi à monasterio. Huius tamen postea illam poenituit, & 18. vel 20. abhinc annis ratificavit in corde suo professionem. Cum autem plusquam per octo annos in monasterio semper fuerit infirma, cum licentia totius ordinis & monasterij 15. abhinc annis egressa est causa prædictæ infirmitatis. Quæritur, an adsit iusta causa, ut de licentia superioris, aut ex dispensatione Papæ, possit extra monasterium manere.

1 Ad hanc quæstionem respondeo primo, quod prædicta oratrix est vera religiosa, & professa, per cap. ad id. de sponsalib. quatenus habet, matrimonium iusto metu contractum, licet à principio sit nullum, adveniente consensu libero fieri validum. Ergo etiam professio prædicta, quæ à principio erat nulla ob defectum consensus, superveniente illo censenda videtur valida. Nec potest dici, consensum illius, & conventus non concurrisse eodem tempore: quia id negari potest, cum conventus perseverasset in consensu recipiendi, & retinendi eam, donec ipsa sua vota ratificasset: sicut & matrimonium metu contractum sine nova dispensatione sit validum superveniente consensu libero partis coactæ, & perseverante in suo consensu altera parte: quia concurrunt eodem tempore, ut probatur in d. cap. ad id. & ci annotatis.

2 Secundo dico, quod non videtur obstare huic conclusioni, quod conventus deceptus ab ipsa, & matre eius, promittentibus ipsam successuram matri in bonis, admisit eius professionem; & quod errans, & deceptus non videtur consentire. Hæc si per errorem, ff. de iurisd. omn. iud. quia deceptio & dolus non reddunt professionem nullam. Tum quia valida est professio eius, qui circumventus ab Abbate, ut bona eius quærerentur monasterio, professus fuit in illo; licet bona eius non debeantur monasterio, cap. constituit. 20. quæst. 3. Tum quia matrimonium contractum per errorem fortunæ, vel qualitatis personæ valet, si non erratur in persona, cap. 1. §. sicut ergo. 29. q. 1. per quem & alia id affirmat communis in 4. senten. distinct. 30. quam nos quoque post alios referimus in Manu. cap. 12. num. 32. Tum quia non obstat decisio illa Calder. in cap. 2. de coniug. seruo. nempe quod error, quo putatur aliquis primogenitus succedens in primogenio, viciat matrimonium. quam sequitur Ang. in verbo matrimonium, impedi. 4. §. 3. quia illa procedit, quando consentitur in absentem ratione illius qualitatis. In nostro autem casu agitur de con-

sentiente in presentem pauperem, putatum diuitem, qui est error fortunæ, ex mente S. Thom. & aliorum ubi supra, secundum quod limitabamus Calderinum in d. num. 32.

3 Tertio dico, probabiliter posse dici, quod, licet professio prædictæ oratricis tenuerit, conuentus tamen posset denegare illi alimenta, donec traderentur illi bona in dotem, seu alimenta promissa. Tum argum. à simili d. cap. constituit. videlicet, quod sicut ibi definitur, quod dolus ex parte prælati vel conuentus efficit ne monasterium debeat habere bona ingressi, licet ipsius professio valeat; ita è contrario dolus ingredientis dicitur efficere, ne monasteriū teneatur illum alere, licet professio teneat. Tum quia maritus, cui promissa est dos, non tenetur uxorem accipere, & alere, donec illa ei solvatur, immo & acceptā potest expellere, vt Panor. post alios adnotauit per illum tex. in cap. per vestras. nu. 4. de donat. inter virum & uxorem. & est similis tex. in l. fin. C. ad Velleia. & gloss. in nōto tex. in auth. de non elig. secundo nub. §. si. col. 1. & copiosissime tradit Ioan. Lupus in repetitione d. cap. per vestras. fol. 133. à vers. ex his. Non obstat dicere, quod promissio prædicta videtur fuisse simoniaca; & cōsequenter nulla, per cap. quoniam. de simon. & extrauag. cap. sane. eod. tit. inter com. quoniam per ea quæ nos latius retulimus in Manu. cap. 27. num. 106. permissum est monialibus pauperibus pacisci cum ingressura super dote honesta.

4 Quarto, quod sola infirmitas ab oratrice allegata, licet iusta causa videatur manendi extra monasterium de licentia prælati, attento solo iure naturali, & diuino, immo & humano, de quo in cap. 1. de statu monialib. 6. & etiam in innoatione illius facta per Conc. Triden. sess. 25. cap. 5. de regul. non tamen videtur talis, attentis extraneis felicitis recordationis Pij V. quarum vna incipit, Circa. & altera, Decor. & extrauag. felic. record. Greg. XIII. quæ incipit, Deo sacris. etiam secundum restrictiones, quas nos illis adiecimus in comment. cap. statuimus. 19. q. 3. à num. 39.

Quinto, quod satis æquum videtur dicere, quod infirmitas prædicta, adiuncta paupertate monasterij, & quod eius conuentus fuit deceptus per promissionem matris eius, in petitione relata, sufficiat ad manendum extra monasterium de licentia prælati, aut certe sit iustissima causa, ob quam S. D. N. faciet ei facultatem sic manendi ob amorem Christi, qui nos omnes seruet. Salua, &c.

S V M M A R I V M.

- 1 Religio Minimorum arctior alijs mendicantibus. num. 3. & 4.
- 2 Carthusiana religio strictior ceteris omnibus, etiam Minimorum.
- 3 Carthusianorum clausura carcer quidam perpetuus.
- 3 Generali in sermone non veniunt, quæ alia notabiliter excedunt.
- 5 Regula, quæ ad duriora ligat, siue ex voto speciali, siue generali obseruandi regulæ, siue ex constitutionibus, est alijs arctior.
- 6 Statuta Minimorum, quo ad tria vota non tangentia, ad solam penam ligant.

CON-

CONSILIVM LII.

CARTHVSIANORVM religio an sit strictior & arctior religione Minimorum?

1. Pro parte negante huius questionis facit primo, quod Iulius II. in quadam bulla asserere videtur religionem Minimorum esse arctiorem alijs omnibus religionibus. Secundo, quod religio Minimorum ultra sua vota substantialia requirit quartum de non vtendo vniquam alijs cibis, quam Quadragesimalibus, excepto statu ægitudinis; cum tamen Carthusiana permittat edere omnia, & lacticia tam in statu sanitatis, quam ægitudinis.
2. Pro parte vero affirmate facit primo, quod Carthusiana nullo casu permittit vsum vllarum carniū, etiam in tempore grauissimarum ægitudinum. Secundo, quod silentium religionis Carthusianæ est maximum onus, & fere intolerabile: quia religiosi eius inter se numquam loquuntur: ideoque cum sibi obuiant, sola inclinatione capitis se salutant: & numquam simul comedunt, præterquam Dominicis & ferijs v. & cum simul comedunt, intendunt lectioni, & non colloctioni, & ita nec in choro, nec in dormitorio, nec in refectorio, neque in alio vllō loco colloquuntur, nisi cum ægrotant neque extraneus vllus admittitur ad loquendum cum eis sine licentia superioris, quæ non datur nisi iusta de causa: ob quod Baptista Mantuanus silentia illorum vocauit æterna silentia: nam nec alloquuntur ministros, qui eis ministrant. Et quidam eruditus notauit eos, quod ob tanta silentia incurrebant nonnullam vertiginem capitis. Tercio, quod, cum homo sit animal sociabile, ipsi contra naturam & conditionem humanā fiunt inter se quodammodo insociabiles. Quarto, quod clausura eorum est quidam carcer perpetuus, vt etiam nos post alios dicimus in commentario 4. de regula. nu. 31. narratis paucis earum, quas habent ad exeundum, licentijs. Quinto, quod non obstat primum argumentū pro parte negante formatum, nempe quod Iulius II. appellauit regulam Minimorum arctiorem omnibus. Tum quia videtur se referre ad omnes mendicantes, non autem ad Carthusiā, eo quod satis id videntur sonare eius verba; & quod non exprellit Carthusianos, qui notabiliter mendicantes omnes præcedunt vitæ austeritate: & ea, quæ notabiliter excedunt alia, non videntur generali sermone notata, nisi specialiter notentur, l. itē apud. l. ait prætor. ff. de iniur.
4. Ad secundum respondetur, concedendo, quod religio Minimorum excedit arctitudine omnes alias religiones, eo quod ultra tria substantialia vota, vouent vitam quadragesimalem, excepto ægitudinis tempore, quod Carthusiani non faciunt: quoniam etiam Carthusiani excedunt Minimos, eo quod non licet eis vniquam, etiam cum ægrotant, vesci carnibus: & nostro iudicio tam graue, immo grauius est, abstinere semper à carnibus, etiā ægitudinis mortiferæ statu, quam abstinere à non quadragesimalibus, cū facultate vescendi carnibus in ægitudinibus.
5. Nec obstat huic rationi, quod Minimi vouent illam abstinentiam quadrage-

dragefimalem specialiter & expresse; & Carthusiani solum obligantur ex constitutionibus. Tum quia incertum est mihi hoc. Tum quia parum refert quo ad propositum, an teneantur ex voto speciali expresso, an ex generali sacro, quo vouent regulam id continentem, non admittendo ullam dispensationem. Tum quia regula Dominicanorum, est arctior regula canonicorum regularium, cap. quod Dei timorem. de statu monach. licet vtrique voueant eandem regulam Sancti Augustini, eo quod constitutionibus suis à Sanctissimo Pontifice approbatis suam vitam notabiliter arctauerunt. Sexto, quod, ut audio, statuta Minimorum, quæ non tangunt tria vota substantialia, non obligant contranuentes eis ad peccatum mortale, neque veniale, sed solum ad subeundam poenam temporalem à statuto impositam: cum tamen statuta Carthusiana multa, & præsertim illud, quod inbet abstinere à carnibus, obligent ad mortale, nec vilis superior potest dispensare: adeo, quod etiam dispensatio Papæ non admittitur.

S P M M A R I U M.

1. *Privilegium concessum Casinensibus ab Eugenio IV. prohibens suis ne sine obtenta licentia etiam ad arctiorem transeant religionem, excommunicantq. receptatores, qui requisiti eos non eiciunt, ex limitatione Innocentij III. non comprehendit casum, in quo quis ad arctiorem transit; Et hoc modo licentiam petierit; aliud comprehendit. num. 3.*
2. *Transiens ad arctiorem licentia non petita, repeti potest, Et repetitus tenetur reuerti, Et penitentiam secundum regularem disciplinam imponendam subire. nu. 4.*

CONSILIVM LII.

MONACHVS Casinensis transiit ad Carthusianos non petita licentia à superioribus suis: at Casinenses habent privilegium ab Eugenio IV. per quod prohibetur, ne monachi præfati abstrahantur à sua religione, neque sponte venientes recipiantur, etiam occasione arctioris vitæ ordinis, & religionis, absque consensu Capituli generalis, seu Præsidentis, & maioris partis visitatorum dictæ congregationis, etiam auctoritate litterarum Apostolicarum, in quibus de huiusmodi persona ac religione mentio facta non fuerit; sub pœna excommunicationis, quam ipso facto incurrant, qui, facta eis notitia de huiusmodi privilegio, monachum dictæ congregationis intra triduum non relaxauerint, vel à se abiecerint: non obstantibus etiam, quod privilegium Casinenses ostenderunt Carthusianis coram iudice super illius observantiam protestantes.

Queritur primo, utrum huiusmodi privilegium teneat, sitq. in usu post Concilium.

Secundo, an monachus præfatus teneatur redire ad priorem religionem, vel à superioribus suis licentiam petere permanendi in Carthusiana, ad quam veluti ad arctiorem transiit, quæ dicitur vocatio à Spiritu sancto.

Ter-

Tertio, qui retinuerunt præfatum monachum, scilicet Carthusiani, excommunicationem incurrerint.

Quarto, quid agendum in huiusmodi controuersia, cum monacho valde sit periculosus reditus ad primam religionem multis de causis.

- 1 AD PRIMAM QVAESTIONEM respondetur, quod præfatum privilegium non reuocatur per Conc. Trid. sed reuocatum, vel certe limitatum fuit per Innoc. III. in cap. licet. de regularib. per quod statuit, ut, non obstante tali privilegio, possit regularis transire ad strictiorem regulam, petita licentia, licet non obtenta.
- 2 AD SECUNDAM respondetur, quod præfatus monachus potest reuocari à prælato prioris monasterij, iuxta gloss. in cap. mandamus. verbo lapsus. 19. q. 3. & in cap. intelleximus. de ætat. & qualit. per illum tex. & hoc affirmat Panor. in d. cap. licet. nu. 10. & Card. ibidem q. 2. & communis opinio est ista.
- 3 AD TERTIAM respondeo, videri excommunicationem incurrere eos, qui præfatum monachum receperunt, scientes, vel scire debentes, quod non petita licentia se transtulit ad illos, & intra triduum post intimationem privilegij non restituerunt eum, vel non abiecerunt: quia privilegium præfatum licet non profit Casinensi monasterio contra transeuntem ad Carthusianos, petita humiliter, licet non obtenta licentia; prodest tamen contra transeuntem leuiter non petita licentia; quia ut notabiliter Card. & Panor. ubi supra dicunt, temere per contemptum, & contra obedientiam videtur transire, qui transit non petita humiliter licentia; cui sic transeunti temerarie non fauet prædictum cap. licet.
- 4 AD QVARTAM responderi potest, quod præfatus monachus debet & tenetur redire, & subire pœnitentiam sibi per regularem disciplinam iniungendam; quia grauiter peccauit exeundo à monasterio sine debita licentia, contra omnia iura antiqua, & nouum Concil. Trid. statutum in sess. 25. cap. 4. de reg. nisi summus Pontif. de sua potestatis plenitudine alia ei contra prædicta indulserit ex aliqua magna causa, quæ suæ Sanctitatis iuris naturalis, diuini, & humani prudentiæ canæ videbitur iusta.

SVMMA RIVM.

- 1 Transitus de religione ad religionem vt sit licitus quo ad forum interius, plura quam quo ad forum exterius, requirit.
- 2 Carthusiam omnes mēdicantes, etiamque et Minores possunt de iure ingredi: at quod Carthusianus transeat ad mendicantes, nullibi quidem in iure legitur: si tamen id fiat zelo melius Deo seruiendi, indeque priori ordini infamia non inferatur, cessatque scandalum. Et timor ne per lites repetatur, videtur licere. C. nu. 3.

CONSILIUM LIII.

VTRVM frater Minor possit transire ad Carthusiam, & contra Carthusianus ad fratres Minores?

- 1 Respondeo primo, quod ad hoc, vt transitus de vna religione ad aliam sit lici-

fit licitus quod ad forum conscientie, plura requiruntur, quam quo ad hoc, ut fit licitus quo ad forum exterius, per ea, quæ recte tradit Syl. in verb. religio. 4. q. 2.

- 2 Secundo, quod est constitutio expressa in extrag. viam. de regul. inter communes, quæ probat, Minoritas, & omnes alios religiosos mendicantes posse transire ad Carthusianos. Quod autem Carthusianus possit transire ad Minores, vel alios mendicantes, non memini legere textum, qui hoc in specie declaret; quamvis Syl. ubi supra q. 6. referat fuisse determinatum Parisijs posse Carthusianum transire ad Prædicatores seruantes ad vnguem regulam suam.
- 3 Tertio, quod si bonus zelus, & aliqua bona causa melius seruiendi Deo interueniret, & sine scandalo & infamia prioris religionis posset transire ad posteriorem, & non timeretur lis super eiusmodi transitum inter præfatas religiones, posset recte fieri præfatus transitus quo ad forum conscientie, & manere bona fide in secunda. Salua, &c.

SUMMARIUM.

- 1 Tertia regula sancti Francisci, illorum qui extra congregationem viuunt, non est religio; secus, si in congregatione viuunt: quia talium congregatio, in qua tria vota emittuntur, fuit approbata.
- 2 Regula religionum quæ sit strictior, etiam ex vtriusque statuto, & modo viuendi quo nunc vtuntur, diiudicanda: vnde religio S. Benedicti strictior reputari debet religione tertiæ regulæ sancti Francisci in congregatione viuentium.
- 3 Transire volens ad arctiorem religionem petat licentiam, & de petitione ac responsione fieri faciat instrumentum. nu. 3. non tamen est necesse vt illam obtineat. nu. 2.
- 3 Transeundi ad aliam quamuis laxiorem religionem iusta causa est, quod sua sit finienda.

CONSILIVM LIV.

AN RELIGIOSVS Tertiæ regulæ S. Francisci possit transire ad ordinem S. Benedicti absque vlla superioris licentia?

- 1 Respondeo primo, quod præfatus consulens verus religiosus est; quia licet gloss. sing. clem. 2. cum ex eo. de sent. excom. verb. tertio. dicat, tertiam regulam S. Francisci non esse veram regulam, quæ facit veros religiosos; tamen illa est intelligenda de viuentibus extra congregationem, non autem de viuentibus intra eam, in qua sit vera professio trium votorum essentialium, vt habetur in statutis eorum à Papa confirmatis.
- 2 Secundo, quod non potest transire ad aliam religionem etiam mendicantium, nisi petita licentia, vt constituit Iulius II. in sua bulla relata cap. 9. præfatorum statutorum, & inseritur pro quinto priuilegio prædicti ordinis.

Tertio, quod præfatus Iulius non requirit vt à superiore obtineat licentiam petitam, sed tantum quod petat: & ideo credo, quod sufficiat ei petere illam, licet non obtineatur, iuxta cap. licet. de regular. quia iudico regulam

regulam S. Benedicti strictiorem, quam sit prædicta tertia regula S. Francisci, etiam viuentium in congregatione, attentis vtriusque statutis, & maxime modo viuendi præfati in vtraque; qui attendendus est iuxta notata in cap. ad nostram. de appella. præsertim per Philip. Dec.

3 Quarto, quod iuxta causam transeundi ad aliam regulam etiam æqualem, vel laxiorem, videtur esse, quod præfata tertia regula est ita instituta, ut debeat consumi non recipiendo nouitios: nam eam in simili casu reputauit iustam Greg. X. cap. 1. §. adhuc. de relig. dom. lib. 6.

Quinto, quod D. consulens debet petere licentiam transeundi ad ordinem B. Benedicti, eo quod sit arctior, & antiquior, quam regula prædicta, tertia S. Francisci, & quia præfata regula tertia non est perpetua, sed finienda, & consumenda, cum nequeat restaurari per noue recipiendos, ut prædictum est; & faciat fieri instrumentum de petita licentia, & responso ei reddito; quia siue concedatur, siue negetur, potest transire.

Sexto, quod non debet ante petitam licentiam transire, & quod præfata licentiam etiam potest petere à Papa.

S V M M A R I V M.

1. *Votum non transeundi ad arctiorem, seu non intrandi religionem, non tenet.*
2. *Argumentum de toto ad partem valet, cum eadem ratio idem ius suadet.*
2. *Votum maioris boni impediturum non obligat, licet possit seruari.*
3. *Transitus à iure ad aliam religionem concessus præsupponit illam perfectiorem. & num. 2.*
4. *Transit securius ad aliam religionem aliàs sibi à iure concessam, qui credit ad illam se aptiorem.*
4. *Transferens se ad strictiorem religionem sibi iure concessam, licentiam petere tenetur, nisi aliud ex concessione Apostolica, vel constitutionibus regula colligatur.*
5. *Regularis verus nihil sibi, seu nomine suo acquirere potest.*
6. *Regularis quidquid acquirit, Deo, Ecclesie, & suo quarit monasterio.*
7. *Regularis, profitendo, omnia sua transfert in suum monasterium.*
8. *Translatus, nihil eorum, quæ in priori monasterio habebat, transfert ad secundum, nisi solas vestes, & hoc ex tacita permissione, nu. 9. sicut & scripta sua primæ religioni inutilia. num. 10.*

C O N S I L I V M LV.

RELIGIOSVS vouit non transire ad regulam arctiorem: nunc autem cuperet transire ad religionem N. quæ & ex constitutione suæ religionis, & concessione Apostolica, est strictior, eo quod transitus de sua ad illam N. est licitus etiam sine superioris licentia; quamq. credit suæ naturæ, conditioni, & animi propensione esse aptiorem, & commodiorem, & ad seruiendum Deo opportuniorem.

Quæritur primo, an possit, & quomodo ad illam transire.

Secundo, an possit transferre omnia, quæ detulit in suam religionem, vel saltem aliqua scripta, quæ ipse tamquam prædicator in dies sibi dictauit, & scripsit.

AD

- 1 AD PRIOREM QVAESTIONEM videtur respondendum, quod votum praefatum nihil obest D. consulenti transiuro ad religionem N. Primo quidem argumento à toto ad partem, quod est firmum, quando eadem ratio idem iuris suadet in utroque, l. quæ de tota. ff. de rei vendica. & cap. pastoralis. §. item si totum. de officio deleg. At votum de non intranda religione nihil obstaret vouenti ad intrandam religionem: ergo nec votum de non intranda arctiori obstabit vouenti ad intrandam illam. Eadem enim ratio idem iuris in utroque suadet. Ratio enim, qua votum de non intranda religione non impedit introitum, est, quia est maioris boni impeditiuum; quæ ipsa inuenitur etiam in voto de non intranda arctiore.
- 2 Secundo, quod institutio regulæ, & concessio Apostolica prædicta præsupponunt transitum de religione D. consulentis ad religionem N. esse licitum etiam sine licentia superiorum. Ergo præsupponunt, illam esse quiddam maius bonum. & consequenter videntur præsupponere votum de non transeundo ad illam, esse maioris boni impeditiuum. Ergo non obligat ad sui obseruantiam: quia votum etiam rei bonæ, si est maioris boni impeditiuum, licet seruari possit, non tamen obligat ad sui obseruantiam, cap. fin. §. fin. 22. q. 4. & tradit S. Tho. receptus in 2. 2. q. 189. art. 2. ea ratione, quam tradit idem S. Thom. 2. 2. q. 88. art. 10. ad 3. scilicet, quod votum de re illicita, vel inutili, vel maioris boni impeditiua non est Deo gratum.
- 3 Tertio, quod non oportet, vt D. consulens impendat sollicitudinem & laborem ad iudicandum vtra præfatarum religionum sit melior, vel arctior; quia sufficit ei, quod constitutio regulæ, & Apostolica concessio præsupponat generaliter, quod transitus de sua religione ad illam non est prohibitus; & consequenter quod propter arctitudinem, vel perfectionem, vel vtramque, est potior sua religione: & standum est regulæ confirmatæ à Papa, & ipsius declarationi explicite vel implicite factæ, arg. cap. virgines. 20. q. 4. & cap. licet. de regul.
- 4 Quarto, quod D. consulens credit, & quidem firmiter, quod præfata religio N. est suæ naturæ, suæq. conditioni, & inclinationi, animiq. propensione aptior, commodior, & ad obsequendum Deo utilior; & illa religio non solum suo genere, & generali determinatione suæ regulæ, Papæq. concessione est melior, sed etiam ex sua persona: & quamuis sola commoditas suæ personæ non sufficeret sine dispensatione ad transitum, auget tamen firmitatem, & securitatem transeundi, quam faciunt prædicta regula, & concessio Apostolica.
Solum dubitari potest, an teneatur, priusquam transeat, petere licentiam: & quod non teneatur obtinere illam, certum puto per præfatum cap. licet. de reg. & per d. cap. virgines. 20. q. 4. Quod item non teneatur petere, satis certum putarem, si præfata constitutio regulæ, & Apostolica concessio continerent id, quod D. consulens præsupponit eas continere.
- 5 AD POSTERIOREM QVAESTIONEM respondeo primo, quod vera & solida doctrina canonica habet, quod nihil penitus potest sibi,
nec

nec suo nomine quærere ullus verus monachus: quia est omnino incapax domini, & possessionis ciuilibis, siue iuris etiam sui breuiarij: quamuis habere possit quemdam naturalem usum, & quamdam detentionem, siue, vt aliqui vocant, tenutam, seu vt alij, asinariam, & quam etiam ipsa pecora habent, & serui, qui sibi & suo nomine nullum dominium, nec ullam possessionem iuris habere possunt, etiam eorum quæ manducant & vestiunt, vt alibi monstramus, reiecta quorundam aberrantium phantasia.

6 Secundo, quod quidquid acquirit monachus quomodocumque, siue per contractum, siue per ultimam voluntatem, siue per industriam suam, siue iussu siue iniussu prælati, acquirit primum Deo, cui se & omnia sua dicauit, & sanctæ Sedi Apostolicæ, vt summo, & vnico omnium bonorum temporalium ecclesiasticorum Dei in terris administratori, & per eius ordinationem religioni, quam est professus, vel monasterio, vbi est professus; siue quod acquirit sit stabile, siue mobile, siue immobile.

7 Tertio, quod huiusmodi monachus, quæ sita iam vere per eum ante professionem, & nondum in alium legitime translata, transfert per sacræ professionem in religionem, vel monasterium, quibus se dicat, ordinante id per suos sacros canones sancta Sede Apostolica, vt satis clare colligitur ex Authen. ingressi. C. de sacros. eccl. & cap. in præsentia. de probatio. & cap. 2. de testa. & cap. 2. & cap. cum ad monasterium. §. si. de statu monach. & cap. non dicatis. vbi late nos diximus, 12. q. 1. & alijs similibus.

8 Quarto, quod huiusmodi monachus quamlibet iuste transeat ad aliud monasterium, nihil transfert ad illud, nisi quod expresse vel tacite præfata Sedes ordinauerit, vel iam ordinatum & statutum habet: quia beneficia principum, & eorum canonum, & legum, immo & priuilegiarum, intelligenda sunt absque præiudicio tertij non expresse in beneficio, per resolutiones probatas, & receptas in cap. super eo. de offic. deleg. & l. 3. §. si quis a principe. ff. ne quid in loco publico fiat. & alibi sæpe.

9 Quinto, quod ex his infertur D. consulentem nihil posse transferre secum in religionem N. de bonis antea quæsitis, quocumque modo illa quæsierit, siue per industriam suam, siue per donationem, seu alium quemcumque contractum, seu ultimam voluntatem, vel per eleemosynas, absque expresse vel tacito consensu religionis suæ, vel Papæ. Nam & ea ratione etiam ipsas vestes non potest deferre: nisi quod Sedes Apostolica faciendo facultatem transeundi per se, vel per suos sacros canones, vel legitimam licentiam superiorum, tacite videtur concedere vt illas deferat; cum concesso vno concedantur omnia, sine quibus id fieri nequit, l. penul. ff. de usufr. & l. quæcumque. §. si ei quem ff. de instito. act. per quas id tenet Aret. in cap. de testibus col. 3. de testib. in multis locis à Decio & Alciato probatus: & non potest commode, nec transire nudus.

10 Sexto, quod hæc consequitur, posse quidem ipsum D. consulentem deferre scripta, quæ inutilia essent suæ religioni priori, & alia, quorum delationem probabiliter crederet prælato suo non fore ingratam, reliqua vero minime, nisi relictis originalibus, vel eorum copijs, per quas fieret ne delatio eorum esset religioni damnosa. Salua, &c.

- 1 *Transseundi ad laxiorem religionem, causa cognita & probata, licentiam concedit etiam Generalis ordinis, non obstante decreto sacri Conc. & non aliàs. nu. 3. & de his debet publica scriptura constare, ut sic non molestetur in foro exteriori. n. 1.*
- 2 *Creditur nequaquam superiori, etiamsi non recognoscat alium superiorem, subesse causam, in ijs quæ sine causa concedere non potest.*
- 2 *Transseundi ad laxiorem religionem sine causa licentiam non potest concedere Generalis: sed nec Pontifex id potest sine peccato.*
- 3 *Intellectus cap. 19. sess. 25. de regular. sacri Concilij Tridentini.*

CONSILIVM LVI.

AN GENERALIS ordinis S. Augustini possit facere facultatem transeundi ad religionem laxiorem cum iusta causa?

- 1 *Respondeo quod sic, ut post Innoc. Host. Panor. in cap. non est. num. 6. & cap. significatum. nu. 6. de reg. scripsimus in commentario de reg. super cap. statuimus. nu. 4. 19. q. 3.*

Admoneo tamen, necessarium esse sic translato (ut in foro exteriori defendatur à fratribus ordinis sui, repetentibus eum post mortem Generalis) habere aliam scripturam authenticam, per quam fides fieri possit, Generalem dedisse facultatem illam transeundi cum causæ cognitione, accepta iusta informatione de causa iusta transeundi ad laxiorem; quoniam superiori etiam non recognoscenti alium superiorem, dicenti se facere aliquid ex iusta causa, non creditur, nisi constet de illa, si id non potest facere sine causa, secundum veriore opinionem, quam efficaciter probamus in comment. de spol. super cap. non liceat. 12. q. 2. §. 2. num. 8. & Reuerendissimus Generalis non potest facere præfatam facultatem sine iusta causa quo ad laxiorem, secundum omnes; immo neque Papa quo ad forum interius sine peccato, ut nos probauimus in d. comment. de regul. ubi supra post alios relatos. Non obstant illa verba cap. 19. de reg. sess. 25. Conc. Trid. *Nemo regularis cuiuscunque facultatis vigore transferatur ad laxiorem religionem.* Tum quia non fuit mens tollendi facultates iuridicas, quæ sufficerent ad huiusmodi transmissionem; quales sunt quæ sine iusta causa, & sine consensu conuentus, & sine ipsius causæ præmissa cognitione fiebant ab aliquot prælatis. Tum quia nullo iure id prohibetur, immo probatur, argumento à contrario sensu in d. cap. statuimus. 19. q. 3. in cuius commentarij notab. 3. id diximus. Salua, &c.

Aduerte ad id quod dicit infra Consil. 63. & 65.

SUMMARIVM.

- 1 *Licentia & priuilegium ita debent ultra ius commune aliquid concedere, ut tamen ad alia, in quibus non videtur eadem ratio, non extendantur.*
- 1 *Licentia absolute à prælato concessa religioso transeundi ad aliam religionem, est restringenda ut ad parem vel strictiorem transeat, non autem ad laxiorem: quam tamen prælatus ordinis generalis etiam potest ex causa concedere. num. 2.*

CON-

C O N S I L I U M L V I I.

VTRVM licentia praelati ad transeundum ad alium ordinem, ex causa iusta, non facta mentione de laxiore, sufficiat ad transeundum ad laxiorem, an debeat tantum intelligi de strictiore, vel æquali?

- 1 Respondeo, verius videri quod non: quia privilegiū debet quidem operari aliquid ultra ius commune, cap. in his. de priuil. sed dato aliquo effectu, quem operetur, non debet extendi ad alium in quo non inuenitur eadem ratio, arg. cap. cum dilectus. de consuet. & l. si quando. C. de inoff. test. & tradit Decius cap. 1. de rescrip. nu. 11. post alios. & ita cum licentia præfata operetur effectum transeundi ad strictiorem, vel parem, non videtur extendenda quo ad transitum ad laxiorem, per ea quæ scribit S. Tho. 2. 2. q. fin. 189. art. 8. & alia quæ nos ei addimus in tractatu de regul. com. 4. super cap. statuimus. nu. 10. & seq. quamuis pro certo habeam, quod præfatus reuerendissimus Generalis, & Prior potuit dare hanc licentiam ex causis in ea insertis, si essent veræ, ad transeundum in ordinem laxiorem, per doctrinam Innoc. Hostien. & Panor. cap. non est. & cap. significatum. nu. 6. de reg. Quare cum is, cui datur licentia, proponat transire ad ordinem canonicorum regularium, quem constat esse laxiorem per cap. quod Dei timorem. de statu mon. satis pie fecerit præfatus reuerendissimus Generalis, si suæ licentiæ addiderit expressam licentiam transeundi ad laxiorem, modo sit satis informatus de causarum veritate.

S U M M A R I U M.

- 1 Regularis ordinis mendicantis, dispensatus vt possit ad quamcumque etiam laxiorem atque etiam non mendicantem, potest ad militarem transire, sed non potest habere vocem, nec beneficium. num. 2. et extra claustrum poterit de licentia praelati ex iusta causa stare, vt alij non translati. num. 2.

C O N S I L I U M L V I I I.

QUIDAM regularis professus ex ordine mendicantium habuit dispensationem à Papa ingrediendi quamlibet religionem, etiam non mendicantem, siue arctiorem, siue laxiorem.

Quæritur primo, an possit ingredi ordinem militarem.

Secundo, supposito quod ingressus est ordinem militarem, an possit manere perpetuo extra claustrum.

Tertio, an possit esse prælatus, habere vocem in Capitulo, & habere beneficia in dicta religione.

- 1 AD PRIMAM QVAESTIONEM respondemus affirmative, posse. Tū quia religio militaris à Sede Apostolica pro religione approbata, vera & propria religio est, vt probamus in com. super cap. quoniam quicquid. 16. q. 1. de rediv. eccles. q. 1. mon. 55. & q. 3. mon. 27. & 28. & in comment. 1. de reg. n. 18. Tū quia nil potest in contrariū afferri, quod facile non possit dilui.

- 2 AD SECUNDAM respondeo, q non videtur satis apte proposita; sed

Conf. Nauar. Pars I.

Ecc quic-

quicquid propositio prætendat, esse verum quod tenebitur perpetuo in claustro manere, nisi quoties & quo tempore de iusta licentia superioris abesse ab illo ei licebit: hoc enim sonant verba, quibus promissionem per professionem facturus est. arg. cap. non dicatis. 12. q. 1. & in com. 4. de reg. in cap. statuimus. 19. q. 3. ut ibi late scripsimus à num. 12. & 38.

- 3 AD TERTIAM respondeo negative: quia intentio Papæ est, eum adu-
nare, & æquare transeuntibus auctoritate Apostolica à mendicantibus ad
non mendicantes, de quibus hoc statuit clem. de regularib. & nos diximus
in d. 4. com. de reg. num. 24.

*Aduertendum, per tales licentias, quæ conceduntur claustralibus, non licere eis
transire ad non claustrales, ut sunt militares & hospitalaria: & ita refertur resolu-
tum à sacra Congregatione super negotijs regularium.*

S V M M A R I V M.

- 1 Bulla Pij V. reuocans facultates concessas recipiendi alienos religiosos, & iubens sic
receptos ad suos redire, non ligat sic receptum, si postea delegati Apostolici ex
causa iusserunt ut in secunda maneat; quia non dicitur iam receptus seu retentus
vigore priuilegiorum, sed ex speciali delegatione Apostolica.

CONSILIVM LIX.

QUIDAM translatus de ordine Præmonstraten. ad ordinem S. Spiritus
de Saxia per iudices electos virtute bullæ Pij IV. per quam bulla
Pauli IV. contra Apostatas edita reducta fuit ad viam iuris, iussus
fuit redire ad pristinum ordinem, cuius prælatus noluit eum recipere, quia
morbo podagræ comitialiq. laborabat: quo viso, præfati iudices virtute
clausulæ præfate bullæ Pij IV. qua poterant arbitrari remedium opportu-
num aliquod, casu quo non possent commode reduci ad pristinos ordines,
arbitrati fuerunt conuenire, ut remaneret in ordine præfato S. Spiritus de
Saxia, in quo nunc remanet: & querit, an iuste remanere possit, non obstan-
te extrauag. Pij V. qua reuocantur priuilegia, & facultates recipiendi mo-
nachos aliorum ordinum, & iubet iam receptos redire ad pristinos.

- 2 Respondeo, præfatum D. consulentem iuste manere posse in præfato
sancti Spiritus ordine, non obstante præfata extrauag. Pij V. quia illa licet
reuocet omnia priuilegia, & facultates recipiendi alienos religiosos præ-
ter ordinem iuris: non tamen iubet omnes, qui iam erant translati, re-
dire post pristinos ordines, sed tantum illos qui erant translati tantum
virtute præfatorum priuilegiorum. At D. consulens non est translatus
tantum virtute præfatorum priuilegiorum: quia etiam est translatus vir-
tute bullæ Pij IV. quoniam iudices electi illius arbitrati fuerunt ut rema-
neret in præfato sancti Spiritus ordine, virtute clausulæ, quæ dabat eis
potestatem arbitrandi aliquod remedium commodum his qui commode
non possent reduci ad suas priores religiones. & constat præfatum D. con-
sulentem non potuisse reduci commode ad priorem religionem: quia
cum iussus ab eis redire, & volentem id facere, noluerunt recipere præ-
lati,

lati, allegando ad id causas graues, propter quas præfati iudices prudenter arbitrati fuerunt vt maneret in eadem, ad quam translatus fuerat virtute priuilegij concessi ordini præfato sancti Spiritus; & ita non manet in ordine illo tantum virtute priuilegij de recipiendo monachos alienos, sed etiam, immo magis virtute prædictæ bullæ Pij IV. & sententiæ iudicum, qui causa cognita arbitrati fuerunt iuxta facultatem eis datam, vt maneret in ea religione, in qua inueniebatur, vt seruiret altissimo in ea vocatione qua vocatus erat, 1. ad Corinth. 1. Salua, &c.

SUMMARIUM.

- 1 Regularis perpetuo ad aliud monasterium translatus, siue vt præsit, siue vt subsit, debet iterum profiteri, saltem obseruantiam illam, quæ ultra tria vota in secunda est obseruanda.
- 2 Abbas translatus, dum confirmatur, vel alijs promouetur in prælatum secunde religionis, illius obseruantias tacite profiteri videtur.

CONSILIUM LX.

AN MONACHVS, seu regularis vnā religionem approbatam legitime professus, transiens legitime ad aliam approbatam, teneatur de nouo profiteri in secunda religione?

- 1 Hæc est quotidiana quæstio, & parum tractata. Et quidem pars negatiua videri posset ei, qui legerit consilium 5. Feder. quatenus videtur affirmare, quod monachus vnius religionis electus in prælatum alterius, non tenetur ad profitendam secundam. Pro quo facit primo, quod in omni religione vouentur tria vota substantialia, scilicet castitatis, paupertatis, & obedientiæ, cap. fin. de statu monach. & ita qui proficetur vnā religionem approbatam, videtur profiteri omnia substantialia omnium religionum: & cum nihil sit faciendum frustra, iuxta cap. si Papa. de priuileg. lib. 6. non videtur repetenda professio à translato in secundum monasterium. Secundo facit, quod in translatione cuiusdam monachi ad abbatiam alterius monasterij nulla fit mentio de repetitione professionis in secundo monasterio, cap. sicut tuis. de simon. & cap. cum venerabilis. de consuetud. & in cap. nihil. de elect. vbi agitur de confirmandis omnibus electis, & non fit vlla mentio de huiusmodi professionis refectione à promotore ad secundam ecclesiam faciendam, nec in cap. quorumdam. & cap. religiosus. & cap. nullus. de elect. lib. 6. in quibus agitur de translatione religiosi ad aliud monasterium.

Sed contrarium videtur dicendum. Tum quia frequenter monasterium secundum est arctioris obseruantię, ad quam professio prioris monasterij non extenditur; & nisi profiteretur noue in secunda, nullo iure ad illam obseruantiam obligaretur, & ita omnes religiosi eius non obligarentur eadem disciplina, contra cap. recolentes. de statu monach. & cap. in nona. 16. q. 7. Non obstat consilium 5. Feder. quia loquitur de religioso translato ad abbatiam, vel aliam præfecturam; quæstio autem nostra

Ecc 2 est

est de religioso simplici translato ad aliam religionem, vt in ea sit simplex monachus. & ratio diuersitatis posset assignari, quod translatus ad hoc vt sit Abbas, vel præfectus, videri potest satis profiteri, eo quod teneatur ad curandum, vt obseruantia eius monasterij à suis subditis seruetur. & melius mea sententia responderi potest negando determinationem illam Feder. Tum quia ratio diuersitatis inter eum qui transfertur ad hoc vt sit Abbas, & ad hoc vt sit monachus, de qua proxime, nullo iure nititur. Tum quia nullum textum citat, per quem probetur promotum in prælatum non teneri profiteri obseruantiam illam, quæ ultra tria vota substantialia seruanda est, maxime si sit ætior, quam obseruantia prioris. Tum quia per iteratam professionem soluuntur facilius alia dubia, quæ mouet ibidem Feder. Quare concludendum est, religiosum vel monachum transuentem legitime ad aliam religionem teneri tacite, vel expresse ad profitendam illam, saltem quo ad obseruantiam illorum, quæ seruari debent in illa ultra substantialia vota, siue transferatur vt fiat in illa prælatus, siue vt maneat ibi vt subditus, & filius monasterij. Dico autem, Vt subditus & filius monasterij: quia si solum transfertur, vt sit temporarius, non tenebitur ad noue profitendum, quod quotidie seruat praxis. Dico etiam, Tacite vel expresse: propter eos, qui transferuntur, vt sint prælati: quia potest dici eos tacite profiteri illas obseruantias, cum confirmantur, vel alias promouentur in prælatos, qui obligantur præcepto & exemplo seruare illas; quo casu teneri potest consilium 3. Fed. Salua, &c.

S V M M A R I V M.

- 1 Regularis vnius religionis non est capax beneficiorum alterius religionis, vnde præsentatio ad illa facta non tenet, nisi sit episcopatus.
- 2 Translatio ad strictiorem, petita, vel si ad laxiorem, obtenta licentia, facta, ad hoc vt sit canonica, requirit, vt in secunda emittatur professio, num. 3. & hoc præcedente anno probationis, nisi Papa dispense. num. 4. desinitque esse primi monasterij monachus, & efficitur secundi, ita vt etiam Breuiario secundi monasterij vti debeat. num. 5.

CONSILIVM LXI.

QUIDAM Abbas ordinis Præmonstraten. in quo celebratur officium diuinum iuxta Breuiarium Romanum nouum, est præsentatus à Rege Cathol. Papæ ad alteram abbatiam ordinis Cisterciensis.

Quæritur primo, an valeat præsentatio, præsupposito quod ius præsentandi pertineat ad Regiam maiestatem.

Secundo, an oporteat eum noue profiteri in secundo monasterio.

Tertio, an liceat ei transire ad secundum sine licentia Papæ.

Quarto, an oporteat eum agere nouitium per totum vnum annum, ad hoc vt professio valeat, iuxta cap. 15. de reg. sess. 25. Concil. Trid.

Quinto, an, postquam transierit, oportebit eum dicere officium diuinum iuxta Breuiarium prædictum Cisterciense, an iuxta præfatum Breuiarium Romanum.

AD

1 AD PRIMAM QVAESTIONEM respondetur primo, quod non: quia quamuis privilegio Papæ liceat laico habere ius præsentandi ad abbatiam, & ad aliud quodcumque beneficium, iuxta gloss. in summa. 16. q. 7. & in gloss. cap. imperium. 10. dist. debent tamen præsentare idoneos; alioquin non valet præsentatio, cap. monasterium. 16. q. 7. & cap. cum vos. de offic. ordin. At nullus etiam religiosus vnius ordinis est idoneus ad obtinendum beneficium alterius ordinis, cap. cum singula. s. fin. de præb. lib. 6. nisi sit episcopatus, clem. 1. de elect. Secundo, quod præsentatio huiusmodi facta Papæ à Regibus, solet tolerari, ut valeat saltem in vim simplicis nominationis; & ita etiam hæc tolerabitur, arg. cap. proposuit. de concess. præben. & cap. cuncta per mundum. 9. q. 3.

2 AD SECUNDAM respondetur, quod sic: quia, ut religiosus vnius ordinis fiat religiosus alterius, requiritur ut canonice transferatur ad illum, iuxta præfatum cap. cum singula. Translatio autem canonica de vno ordine ad alium non fit sine nova professione illius ordinis, ut colligitur ex notatis in eodem cap. cum singula. & in alijs locis ibi citatis per doctores.

3 AD TERTIAM respondetur primo affirmative, quod sic, si ordo Cisterciensis est arctior & strictior ordine Præmonstraten. quia sufficeret petitio licentiæ, licet non obtineretur, cap. licet. de regul. Secundo, quod, quia præsentatio in casu proposito est facta Papæ, ipse pro sua summa potestate potest supplere alius superioris licentiæ; præsertim si prior abbatia est exempta, & nulli alijs superiori subiecta: immo & credo quod expresse vel tacite supplebit eam (præsertim si petatur) quod ex literis Apostolicis constare poterit: si autem ordo Cisterciensis est latior Præmonstraten. necessaria erit licentia Papæ obtenta, ut communis opinio colligit ex gloss. præfati cap. cum singula. in verbo canonice.

4 AD QUARTAM respondeo primo, eam esse satis nouam, & quod mea sententia pars eius affirmatiua videtur verior; quia, licet præfatus D. Abbas sit iam religiosus professus; & quamuis non possit esse novitius, siue novus religiosus, quia est antiquus, potest tamen esse novus huius, vel alius religionis; & ita potest esse novitius illius, licet sit antiquus alterius; & consequenter comprehenditur in d. cap. 15. de reg. Concil. Trid. sess. 25. ut antea in simili casu respondimus. Secundo, quod Papa, si petatur ab eo, ut puto, dispensabit super obligatione continuandi novitiatum per vnum annum ob regiam præsentationem, & ob antiquam in alia religione professionem, si hoc ab ipso nomine Regio petatur.

5 AD QUINTAM respondetur, quod posteaquam præfatus confusus fuerit translatus canonice ad præfatum ordinem Cisterciensem, tenebitur dicere officium divinum iuxta eius Brediarium, etiam si non efficeretur Abbas, quia per illam translationem desinit esse monachus Præmonstratensis, & incipit esse Cisterciensis, & alius novus homo, ut in simili habetur cap. ferrum. 50. dist. Salva, &c.

SYMMARIUM.

1. Probationis anno introducto in priuatam uoluntatem professionem emittentis, & monasterij, iure communi poterant pauciores renuntiare: hoc, modo non essent de quatuor mendicantium religionibus, num. 7. nunc autem dicta renuntiatio uidetur per Concilium prohibita, uti respiciens ius publicum. num. 8. adeo ut illi in nulla religione possit amplius renuntiare. num. 9. & in hoc equiparata sunt religiones mendicantes non mendicantibus. num. 7. etiam quod finis in transseunte de una religione ad aliam etiam laxiorem. num. 10. Et quod si est transseunte de una religione ad aliam etiam laxiorem. num. 10. Et quod si est transseunte de una religione ad aliam etiam laxiorem. num. 10.
3. Lex generalis etiam posterior limitatur per specialem priorem.
4. Legi prohibenti ne persona contrahat, renuntiare nequit; licet possit, quando prohibitio non est directa in personas.
6. Legis verba etiam in materia stricta & odiosa ita interpretanda, ut ipsa frustretur.
7. Professio apud mendicantes ante annum probationis ommissa etsi iure communi ante Concil. Trid. non teneret, operabatur tamen ut taliter professus teneretur oliquam aliam ingredi religionem; nunc vero ex illa quodlibet quodamque emittatur, nulla talis oritur obligatio.
8. Bonorum renuntiatio a monacho ut faciendū iure uoluntatis illius iudicatur.

CONSILIUM LXII.

AN FRANCISCANUS si transferatur ad ordinem canonicorum regularem S. Augustini, possit renuntiare anno probationis cōcesso per Conc. Trid. sess. 5. cap. 15. de reg. caq. renuntiatione per superiorem admissa, an ad professionem possit recipi intra annum.

1. Pro parte affirmante facit prima regula illa famosa iuris, quod ius in fauorem suum introducto quilibet renuntiare potest, l. si quis in conferendo. C. de pact. & cap. gratum. de offic. deleg.
2. Secundo, quod introductum in fauorem alicuius, in odium eius recedere non debet, cap. quod ob gratiam. de reg. iud. d. 6. & l. quod d. de off. C. de leg.
3. Tertio, quod est casus expressus in cap. ad Apostolicam. de regul. quod expresse habet, annum probationis induci debere in fauorem tam monasterij, quam illud intraturi; & quod de consensu utriusque partis illi fauori renuntiare potest.

Quarto, quod licet communiter teneatur male fieri regulariter professionem ante finem anni nauis, tamen, cum id fieret cum aliqua causa iusta, ut propter morbum personae, vel uilitatem & deus religionis, secundum mentem omnium in d. cap. ad Apostolicam, quod efficaciter uidetur id probare in uerbis quolibet in ponderando illud idem ponderat Panor. communiter exceptus. Azilinus si proposito uideretur interuenire causa huiusmodi & cum monasterio S. Franciscani & expertus arctiorem regulam, quam sit canonicorum regularium. argum. clem. exiui. de verbor. signific. & cap. quod Dei timore. de statu monach.

Quinto,

3 Quinto, quod nihil videtur ob stare prædictum cap. 15. Tum quia non derogatur per illud prædicto cap. ad Apostolicam. Tum quia leges generales etiam posteriores limitantur per leges speciales etiam priores, l. & posteriores. ff. de legib. cuius exemplum quotidianum est in l. sciendum. ff. qui satisfacere cog. & auth. offeratur. C. de litis contesta. quarum ambatum glossæ communiter receptæ asserunt, authen. illam generaliter loquentem, licet posterior sit, limitari per prædictam legem, sciendum. licet prior sit: & in neutra earum de altera hic mentio. At prædictum cap. 15. est lex generalis dictans generaliter professionem factam ante annum probationis expletum non valere, cap. autem ad Apostolicam. est lex specialis, habens valere illam factam de consensu vtriusque partis. Ergo illud debet per hoc limitari.

4 Sexto, quod iurium correctio est vitanda, & concordia querenda, cap. cum expediat. de elect. lib. 6. & l. i. C. de inoffi. dotib. & tenendo partem hanc affirmatiuam vitæ correctio prædicti cap. ad Apostolicam.

Septimo, quod licet legi prohibenti ne persona contrahat, non possit renuntiari, potestamen lege prohibente contrahi, non referendo verba ad personas contrahentium, vt docuit Bar. in l. si quis pro eo. num. 9. ff. de fideiuf. & per nullum verbum prædicti cap. 15. prohibetur directe vllus profiteri, licet prohibeatur professio, & declaretur nulla, si fiat.

5 Quibus tamen non obstantibus contrarium videtur tenendum consulendo, & iudicando, licet forte disputando pars affirmans per fundamenta supradicta defendi posset. Primo quidem, quod ibi parificantur professio ante 16. annum facta, & facta ante finem anni probationis. At nemo audebit dicere, professionem ante 16. annum de consensu nouitij factam valere. Ergo nec debemus dicere, professionem factam ante finem anni probationis de consensu nouitij valere: quoniam de parificatis idem debet iudicari, l. fin. ff. mand. & cap. licet ex quadam. de testib. cum similibus.

Secundo, quod mens & ratio sunt anima legis, cap. fin. de regul. iur. lib. 6. adiuncto dicto Dini recepti per omnes ibidem, & vbique. Nec debemus putare, vt ait Hieronym. in cap. Marchion. 1. q. 1. *Euangelium esse in verbis Scripturarum*, &c. Quibus concordat Imperator in l. non dubium. C. de legib. At mens & ratio, quæ mouerunt sacrum Concilium ad constituendum illud cap. 15. videtur esse, ne illi anno renuntiare possent nouitij.

6 Tertio, quod verba legis ita interpretanda sunt, vt ipsa non frustretur, & otiosa reddatur, etiam in materia stricta, odiosa, & correctoria, cap. in his. de priuileg. cap. si ciuitas. de senten. excom. lib. 6. quod habet, interdictum latum contra ciuitatem, quod est odiosum & restringendum, ita esse interpretandum, vt includat eius suburbia, ne suo frustretur effectû, quæ constat non esse partem ciuitatis, cap. Rodolphus. vbi late traditur, de rescrip. Et gloss. in cap. quamquam. de vsuris. lib. 6. in verb. testamento. recepta per omnes, illum textum exorbitantem, & corrigentem ius antiquum, loquentem de testamento, extendit ad codicillos,

cillos, qui sunt aliud, quam testamentum, l. si idem. C. de codicil. ne suo effectu frustretur. At interpretari prædictum cap. 15. sic, ut limitetur per prædictum cap. ad Apostolicam. est illud frustrare: quia nihil, aut certe parum induceret noui: nam etiam ante illud professio facta sine vtriusque partis consensu, scilicet monasterij, & nouitij, erat nulla.

- 7 Quarto, quod prædictum cap. 15. ex aequat in hoc religiones mendicantes, & non mendicantes, ut palam colligitur ex eius contextu. At professio facta apud mendicantes de consensu vtriusque partis ante finem anni probationis est nulla, vel certe non facit vere religiosum: quia nulli speciali religioni obligat, sed tantum in genere religioni, per quod non fit vere religiosus, sed obnoxius ut fiat religiosus, iuxta textum, gloss. & communem, & veram opinionem, cap. non solum. de reg. lib. 6.

Quinto, quod ex contextu illius cap. 15. colligitur mens Concilij fuisse ampliare illud cap. non solum. quod solum habebat locum in Prædicatoribus, & Franciscanis, & postea fuit extensum per cap. constitutionem. quod post illud immediate sequitur, ad Augustinianos, & Carmelitas. quod colligitur ex illa ampliatione nullitatis, ad nullum effectum: quasi diceret, esto quod professio antea facta intra probationis annum de consensu vtriusque partis aliquando esset nulla quo ad faciendum profitentem religiosum: habebat tamen aliquem effectum, scilicet quod faciebat profitentem religiosum in genere, id est obligatum ad intrandum religionem. Et clarum est, quod non poterat hoc verificari, nisi in religionibus mendicantium, de quibus agunt prædicta duo cap. non solum. & cap. constitutionem. Ergo mens Concilij fuit, æquare professiones omnes de consensu partium factas, professionibus factis in mendicantium religionibus, cum hoc auctario, quod essent nullæ quo ad omnes effectus, etiam ad effectum obligandi religioni profitentem in genere.

- 8 Sexto, quod cap. 16. de reg. sess. 25. expresse statuit, ut nulla renuntiatio, aut obligatio nouitij, etiam cum iuramento facta, ante finem anni valeat, nisi cum Episcopi auctoritate, & intra duos menses postremos fiat, si renuntiatio, & obligatio iurata de consensu nouitij facienda nulla est: ergo à fortiori professio, per quam alienatur persona, quæ domina bonorum erat, de consensu nouitij, & etiam monasterij facta erit nulla, argum. cap. cum in cunctis. adiuncta gloss. de elect. & auth. multo magis. C. de sacros. eccles.

- 9 Septimo, quod licet prædictum cap. 15. non dicat expresse, non posse nouitium & monasterium renuntiare prædicto anno sibi concesso; tamen id videtur facere geminando vniuersaliter toties prohibitionem, dum dicit, *In quacunque religione.* & iterum, *Tam virorum, quam mulierum.* & rursus, *Non fiat.* & iterum, *Non admittatur.* & rursus, *Sit nulla.* & tandem, *Nullum effectum operetur.* Quam geminationem habere in se quoddam mysterium, & vim specialem, dicit gloss. putata sing. & recep. in clem. 1. de iure pat. in verbo dioces. pro qua est lex balista. ff. ad Trebell. & congesta per Felinum cap. si quando. de rescrip. versu geminatio. & quod præter hæc omnia in cap. 16. seq. expresse statuit non valere

valere renuntiationem bonorum: quod constat esse minus, quam renuntiationem personæ, ut dictum est.

Octauo, quod prædictum sacros. Concilium videtur voluisse principaliter obstare abusui, quo in grande præiudicium cum animarum nouitiorum, & monasteriorum, tum totius Reipub. Christianæ iam fere vbiq; & omnes priuatis affectibus abutebantur illo cap. ad Apostolicam. admit- tentes ad professionem viros, & feminas, notos, & ignotos, sapientes, & ignaros, bene, & male moratos, ad importunas preces parentum, amico- rum, heroum, regulorum, & nonnumquam Regum ipsorum. quæ obuiatio sufficiens non poterat fieri, nisi prohiberetur renuntiatio legis tã salubris.

10 Nono denique, quod nemo iuri publico renuntiare potest, cap. si dili- genti. de foro competen. l. ius publicum. ff. de pactis. cum concord. & ex- perientia, quæ rerum est magistra, cap. quam sit. de electio. lib. 6. docuit, sanctos Patres præfati Concilij, renuntiationem prædicti anni, quæ tem- pore quo factum fuit dictum cap. ad Apostolicam. solum videbatur præ- iudicare iuri priuato, tempore tamen Concilij & nostro clare cepisse præ- iudicare tantum vel plus iuri publico, quam priuato: nam iam passim in aliquibus religionibus, intra vnam, vel alteram hebdomadam cœpe- rant fieri professiones, ad hoc vt professi ad dignitates & beneficia pro- mouerentur, & sic fierent prius magistri, quam discipuli, contra cap. cum in magistrum assumi non debeat, qui non nouit esse discipulus. de electio. cum ma- gno damno & dedecore publico ipsarum religionum, quæ sunt magna pars Reipubl. Christianæ, in qua ius publicum consistit, l. 1. §. huius studij. ff. de iust. & iur. & consequenter dici post Concil. vetuisse huiusmodi professiones in vtilitatem publicam, cui nemo potest renūtiare sine sum- mi Principis auctoritate, quæ nisi ob magnam publicam vtilitatem non esset impertienda. Per quæ fundamenta proculdubio hæc pars negatiua videtur esse gratissima Christo D. N. qui nos omnes in sua prædicta reli- gione seruet. Amen. Et quia per tacta in prædictis fundamentis facile re- sponderi potest obiectis, id gratia prolixitatis euitandæ non facimus. Salua, &c.

S V M M A R I V M.

- 1 Ordo Minorum conuentualium laxior quidem est omnibus ordinibus mendican- tibus, sed non alijs non mendicantibus. num. 1.
- 2 Religiosus professus de licentia sui superioris transit ad strictiorem, immo & sine il- la, modo sit petita, nec aliquo privilegio prohibeatur: item cum dicta licentia ad parem, nu. 2. ad laxiorem non nisi de licentia Papa; nec licentia Generalis, aut Cardinalis Protectoris ordinis sufficit. num. 3.
- 3 Papa regularem petentem sibi concedi licentiã transeundi ad certum ordinẽ, remit- tendo ad Protectore, ei non facit aliam facultatẽ, nisi restrictã ad petitiũ ordinem.

C O N S I L I V M LXIII.

REGULARIS ordinis Minorum conuentualium petijt à Pontifice, licentiam trãseundi ad quemdam alium ordinem, qui eum recipiat; Pontif-

Pontifex remisit negotium ad Cardinalem protectorem, protector ad Generalem Minorum. Quæritur quid agendum.

Respondeo primo, præfatum Illustriss. Cardinalem prudentissime de morem hanc cum Generali præfato Reuerendiss. communicasse, quo res pietius & salubrius ageretur; & iure me desiderare, ut præfatus Reuerend. frater expressisset cuius ordinis sit professus, & quem alium ordinem, qui vult eum recipere, inuenerit.

Secundo, quod quia verisimile est eum esse fratrem ordinis sancti Francisci conuentualium, eo quod Illustriss. Cardinalis S. Sixti, ad quem remissus est à S. D. N. agit protectorem eius; desideratur expressio ordinis alius, quem inuenit volentem eum recipere. Nam si est aliquis de mendicantibus, certum est præfatum Reuerendiss. Generalē posse facere illi facultatem transeundi ad illum: quia iure communi laxior est ordo Minorum conuentualium, quam ordinis aliorum mendicantium: & præfatus Generalis potest facere ei facultatem transeundi ad strictiorem; immo etiam eodem iure communi ipsemet frater potest transire ad illum, petita licet non ob-
1 tentata licentia, cap. licet. de reg. nisi particulari iure sit ei prohibitum.

2 Tertio, quod si ordo, qui vult eum recipere, non est aliquis ordo de mendicantibus, oportet scire an sit æque strictus, ac est ordo præfatorum conuentualium. Si enim est æque strictus, poterit ei facere facultatem secundum gloss. communiter receptam in cap. cum singula. §. si. verbo canonice. de præb. lib. 6. quam etiam nos in hoc sequimur in com. 4. de reg. super cap. statuiamus. 19. q. 3. nu. 10. quæ habet prælatum inferiorem Papa posse facere facultatem transeundi ad ordinem parem.

3 Quarto, quod si ordo, quem inuenit volentem eum recipere, est laxior eo, quem professus est, non poterit præfatus dominus Generalis facere illi facultatem transeundi ad illum auctoritate sua: quia id soli Papæ refertur per præfatum glossam communiter receptam; sed neque Illustriss. Cardinalis: quia ut protector ordinarius, non potest, quia est inferior Papa; neque ut delegatus, quia Papa non delegat ei expresse facultatem præbendi licentiam transeundi ad laxiorem: solum enim, ut in narratione casus proponitur, remittit eum ad eius D. Illustriss. uti protectorem, qui ut talis est ordinarius inferior Papa, qualis non potest facere transeundi facultatem ad laxiorem per prædicta.

4 Quinto, quod S. D. N. non videtur quidquam delegare præfato domino Cardinali Illustriss. nisi quo ad facultatem transeundi ad ordinem iam inuentum: & ideo non potest eius D. Illustriss. nec Reuerendiss. Generalis quidquam facere auctoritate suæ S. nisi quo ad illum ordinem: quia delegatio Papæ est stricti iuris, cap. P. & G. de off. deleg.

Aduerte, quia quæ dicit auctor hic num. 3. videntur limitanda in casu de quo supra consilio 56. & 57.

S Y M M A R I U M.

- 1 Translatu ad aliam religionem, etiam ut in ea præfatus in secundum emitte professorem

nem, sicq. definit esse monachus prima, & efficitur monachus secunde, in qua etiam dimissa prælatura remanet monachus.

CONSILIVM LXIV.

AN REGVLARIS translatus ad aliam religionem, vt sit in ea prælatus, & renuntians præfecturam suam, remaneat regularis posterioris, vel prioris religionis?

- R**espondeo, quod remanet monachus posterioris. Tum quia translatus legitime perdit omnia iura prioris, cap. si quis iam translatus. 21. q. 2. & cap. ne pro cuiuslibet. 16. quæst. 1. Tum quia omnis Abbas est monachus illius monasterij, cuius est Abbas, cap. fin. de simonia. Tum quia, vt alijs diximus, omnis monachus translatus ad aliam religionem, vel monasterium, tacite vel expresse eam profitetur; quia beneficia illius monasterij vel ordinis non possunt conferri nisi monachis eius, cap. cum singula. 9. fin. de præben. lib. 6. quo fit, vt nuper consultum fuerit, Franciscanos conuentuales, quos sel. rec. Pius. V. suis monasterijs priuauit in Hispania, quiq. transierunt ad Franciscanos obseruantes, & apud eos regulam noue S. Francisci absolute professi fuerunt sponte, non potuisse retrocedere ad regulam suam pristinam, sicut poterant alij, qui noue non fuerunt professi. Salua, &c.

SUMMARIVM.

- 1** Mendicantium ordo ille est, cui vel ab eius fundacione, vel per constitutiones Apostolicas, vel à Sede Apostolica confirmatas non licet nec in particulari, nec in communi habere proprium: à quo si quis ad non mendicantes transeat, efficitur inhabilis ad beneficia & officia religionis.
- 2** Translatio ad laxiorem cum sit contra sacrum Conc. Triden. vt sit legitima, videtur egere Pontificis derogatione.

CONSILIVM LXV.

AN N. TRANSLATVS ab ordine de Mercede in non mendicantem incidat in clem. 1. de reg.

- R**espondeo, quæstionem hanc esse satis grandem. Sed sequutus Cardinalem, & mentem eius in d. clemen. 1. quæst. 3. respondeo quod non, si à principio fundacionis ordinis non fuit ita creatus, vt esset vnus de mendicantibus: ita quod non possint fratres illius ordinis in communi, nec in particulari proprium habere: vel nisi per constitutiones Papales, vel à Papa confirmatas astrictus fuerit prædictus ordo de Mercede ad prædictam paupertatem: in quibus duobus casibus diceretur esse ordinis mendicantis, & religiosus prædicto modo translatus incurreret inhabilitatem clem. prædictæ de regul. Cui consequens est posse prædictum translatum tenere beneficia ordinis, ad quem transiuit, nisi in prædictis duobus casibus: quia prædicta clem. non infligit poenam, nisi mendicantibus translatis. Sed, vt translatio censeatur legitima, videtur necessarium vt

Papa

Papa deroget Conc. Trid. prohibenti translationem ad regulam laxiorem, cap. 19. de regula. sess. 25. Salua, &c.

Aduerte, quia hoc dictum videtur limitandum, ex mente auctoris, in casu de quo sup. Consil. 56. & 57.

S Y M M A R I U M.

- 1 *Licentia transeundi ad laxiorem est contra ius commune, & sacrum Concilium, secus ad strictiorem.*
- 2 *Translatus iuste ab una religione, modo non sit ex quatuor mendicantibus, non efficitur inhabilis ad beneficia religionis, ad quam transfertur.*

CONSILIUM LXVI.

AN RELIGIOSVS B. Mariz de Mercede, obtinens facultatem a Papa transeundi ad alteram religionem, posset obtinere beneficia religionis, ad quam transferit; & an sit contra ius commune, vel Concil. Trident.

- 1 Respondeo primo, non esse offensam nobis facultatem ipsam transeundi; & ita non posse nos de illa non perspecta satis recte respondere, licet uile. ff. de legibus.

Secundo, quod si facultas fuit facta ad transeundum ad strictiorem, non est contra ius, per cap. licet. de regular. si autem facta est ad transeundum ad laxiorem, est contra ius commune, & contra Conc. Trid. sess. 25. cap. 19. de regularib.

- 2 Tertio, quod D. consulens non incurrit inhabilitatem obtinendi beneficia religionis, ad quam transferit, positam in clem. 1. de regul. si facultas se extendit ad transeundum ad religionem non mendicantium; quia ordo prædictus S. Mariz de Mercede non est de quatuor mendicantibus, de quibus loquitur prædicta clem. 1. ut præ alijs recte definit Ioan. Imol. ibidem, & sentiunt alij; & ea ratione firma probatur, quod clem. illa est pœnalis, & loquitur de mendicante transeunte: & ideo non debet extendi ad alium non mendicantem, cap. pœna. de pœnit. dist. 1. & ei a nobis late adnotatis. Salua, &c.

S Y M M A R I U M.

- 1 *Pœnitentis relationi circa ea quæ dependent ex iuris prudentia, vel intelligentia rescriptorum, non est facile credendum, nec respondendum eius interrogationi. cum. 3.*
- 2 *Translato à mendicantibus ad canonicos regulares non mendicantes, si sit clericus, potest tam in ecclesia numerata, quam non numerata dicti ordinis eligi in canonicum.*
- 4 *Regularis in mendicanti professus, cui concessa est facultas ut transeat ad non mendicantes, non potest apud canonicos regulares admitti ad habitum, vel professionem, nisi peracto anno probationis.*

CON-

CONSILIUM LXVII

NOLIM ordinis fratrum Minorum de obseruantia suis dispensatus vt possit transferri ad ordinem canonicorum regularium. S. Augustini: & supponitur in breui non esse illam clausulam in similibus breuibz solitam apponi, Sine spe tamen beneficiorum, & derogatum fuisse element. vt professores de regular. & fingimus etiam in breui esse illas clausulas solitas, scilicet, Vt possis gaudere omnibus privilegijs, indulgijs, immunitatibus, quibus alij non translati gaudent.

Queritur, an iste talis possit recipi in canonicum tam in ecclesia numerata, quam non numerata canonicorum regularium, & possit prouideri de canonicatu & prabenda & dignitate ordinis canonicorum regularium sine alia dispensatione; & si possit admitti ad susceptionem habitus, & ad emissionem professionis, absque eo quod eligatur in canonicum, seu conferatur ei canonicatus. Queritur etiam, an talis possit renuntiare anno probationis inducto per Conc. Trid. pro quo est considerandum quod d. N. eam fecit probationem in dicto primo ordine, & dictum Conc. videtur loqui in seculari qui numquam fecit professionem in aliquo ordine.

- 1 Ad has quaestiones responsurus dico primo, quod non potest satis categorice responderi non viso praedictae dispensationis tempore: quia iuris peritus multo plura potest ex eo toto perpenso elicere, & colligere, quam consulens, vel alius iurium ignarus; & ita non potest esse certa responsio facta ab huiusmodi consulente, nec consequenter certum responsum dari a consulto, & vt responsum. C. de transact. & l. precibus. C. de impub. & alijs substat.

Secundo, quod non video qua ratione derogatur elem. r. de reg. nisi apponatur clausula, Quod habere possit beneficia, vel officia ordinis, ad quem transfertur: per cuius appositionem & tenorem daretur magna lux ad respondendum quaeritis. & in hoc argumento videtur insinuari, quod non sit posita: ex quo videtur resultare contradictio aliqua tacita.

- 2 Tertio, quod ad primam quaestionem, responderi posse videtur affirmatiue, praesupposito quod praedictus N. esset iam clericus; quia canonicatus regularis praesupponit clericatum, vt colligitur ex D. Thom. 2. 2. q. 189. art. 8. ad 2.

- 3 Quarto, quod ad secundam, & tertiam quaestionem, non audeo respondere non viso tenore dispensationis.

- 4 Sexto ad quartam respondeo, quod multa possent afferri pro parte affirmatiua etiam ultra rationem coloratam, quae assertur in propositione ipsius: sed veriorem arbitror partem negatiuam. Tum quia textus cap. 15. de regul. sess. 25. generaliter nullo excepto decernit, ne professio fiat ante annum probationis completum: & vbi lex non distinguit, nec nos ipsius distinguere debemus textus, cap. si Romanorum. 19 dist. & l. de pretio. ff. de pub. in rem act. Tum quia annus probationis non solum datur in fauorem professuri, vt experiatur id quod professurus est, sed etiam in fa-

norem

uorem eorum qui professionem suscipere debent, vt experiantur mores suscepti, an conueniant suæ congregationi, cap. ad Apostolicam. de reg. Et ita licet frater Minor, qui expertus est regulam Minorum, & eam est professus, satis videri possit expertus regulam canonicorum regularium, & si ex parte illius cessare videatur necessitas eam probandi; non tamen ob hoc tollitur monasterio & congregationi necessitas probandi mores illius, qui longe melius cognoscuntur tractu annali, quam menstruo, vel semestri, aut alio tempore, vt palam est.

en c. de loc. in cap. V. M. M. A. R. I. M.

1. Translato potest nedum Pontifex, sed & suus superior iuste concedere licentiam, vt slet extra monasterium, modo subsit iusta causa, alias non.
2. Causa que sit iusta, vt superior regulari faciat licentiam standi extra claustrum, est arbitraria & multiplex, vt est utilitas directa vel indirecta proueniens proprio monasterio, vel ordini docendi, vel discendi literas conuenientes monacho, utilitas vniuersalis Ecclesie vel reipub. ex quibus potest dijudicari, an idem sit de illo qui in aliena inseruit parochiali, num. 2. & 3. ac si dubium sit an sit iusta, proderit Papa declaratoria, vel licentia, num. 3.
3. Extra monasterium de licentia superioris manens non potest citra mendacium dicere se degere in monasterio.

CONSILIVM LXVIII.

N TRANSLATVS iuste ex ordine strictiore ad laxiorem, de licentia superioris monasterij, ad quod fuit translatus, seruiuit beneficio curato sito in loco distante à monasterio per 100. miliaria. Quæritur primo, an id ei liceat.

Secundo, an indigeat licentia Papæ, sitq. immunis à peccato, ei dicendo se manere in monasterio.

1. AD PRIMAM quæst. respondeo primo, monachum non posse manere extra monasterium, nisi de licentia superioris iusta de causa facta, vt nos clarius alijs tradimus in comm. 2. de regul. super cap. non dicatis. 12. q. 1. num. 40. per cap. monachi. il. 1. & 2. 16. q. 1. & quod iusta causa est utilitas directa, vel indirecta proueniens monasterio ex illa absentia, vt probant prædicta capp. studium item discendi vel docendi literas conuenientes monacho, & aliz similes, quæ arbitrio boni & prudentis viri iudicentur iustæ, vt nos ibidem extendimus, vbi etiam dicimus etiam Papam non posse dare hanc licentiam sine iusta causa, & cum ea sic etiam inferiorem.
2. Secundo, quod punctus quæstionis huius consistit in decernendo, an D. consulens iusta de causa absit à monasterio, vt præfato beneficio curato deseruiat: quod coniiciendum est ex utilitate, quæ inde directe, vel indirecte prouenit monasterio, & ordini, cuius est ipse, vel etiam ex utilitate, quæ proueniret Ecclesie vniuersali, vel reipublice, quod ex solis contentis in casu proposito non potest coniici.
3. Tercio, quod tutus est, si ex iusta causa absit de licentia superioris, alioquin minime, etiam de licentia Papæ.

AD

3 AD SECVNDAM respondetur primo, quod D. consulens, vt insinuat-
tum est, non indiget licentia Papæ, si iusta de causa abest; nec sufficit illa
ei, si huiusmodi causa deest; nec licet ei narrare Papæ se manere in mona-
sterio, si extra illud manet: quia nemini licet dicere falsum, etiam si aliquan-
do liceat tacere verum, cap. ne quis. 22. q. 2. & mendax prelator debet care-
re impetratis. l. 2. C. de precib. Imper. off. cap. super literis. de rescrip.

Secundo quod vtilius esset D. consulenti petere à sua Sanctitate, vt de-
claret quòd prædictum seruitium, quod facit beneficio curato, est iusta
causa, vt inferior faciat ei facultatem manendi extra monasterium; aut
certe petat à sua Sanctitate, vt ei faciat, si & quatenus opus est, facultatem
seruiendi beneficio præfato de licentia sui superioris, cum qua iam illi ser-
uit. Salua, &c.

S V M M A R I V M.

3 Licentia concessa monacho standi extra claustrum non iustificatur ex eo, quod supe-
riori ita videatur, nisi subsit iusta causa se extendens ad totum tempus, pro quo
conceditur. num. 2. nec in hoc differt, an is cui conceditur, sit translatus, vel pro-
prius illius monasterij filius professus. num. 1. & 2.

C O N S I L I V M. LXIX.

AN SUPERIOR ordinis, ad quem cum iusta licentia transit regu-
laris alius ordinis, potest & qualem licentiam dare illi ad manendum
extra monasterium?

Respondeo, quod nemo, quod sciam, tractauit hanc questionem ita utili-
ter & clare, ac nos in com. 4. de reg. super c. statum. 19. q. 3. q. 2. & 3. n. 12.

1 Secundo, quod ex resolutione illarum colligitur eiusmodi superiorem
tantam & eadem de causa posse dare huiusmodi translato licentiam ma-
nendi extra monasterium, quantam & qua de causa potest dare regulari
originario suo, & vernaculo, & è contrario.

2 Tercio, quod nec translato, nec originario vernaculo potest dare licen-
tiam manendi extra monasterium sine iusta causa, & cum ea sic vtrique; &
consequenter quod neutri potest facere potestatem manendi extra mona-

3 sterium, nisi tantum, quantum iusta causa requirit & suadet, & ad tantum
sic: cui est consequens, quod neutri potest dari ad libitum suum, & eo quod
sibi absque iusta ratione bene videatur: per quod categorice ac formaliter
propositæ questioni respondetur.

S V M M A R I V M.

1 Extra claustrum stando regularis peccat, & num. 9. nisi adsit licentia à superiore,
siue mediato, siue immediato, saltem tacita & generalis, num. 4. iusta de causa
eius arbitrio concessa. num. 8.

2 Habitum regularem dimittere sine peccato non potest monachus, nec etiam occulta-
re: fallit, si subsit causa, præsertim de licentia superioris. num. 5. & 10.

3 Licentiam dimittendi habitum vel standi extra claustrum concedens superior peccat,
sicut exiens, & dimittens. & 3.

4 Clericus ex causa potest tonsuram dimittere, & habitum transformare.

- 6 *Sanitatis recuperanda causa potest nedum monachis etiam Carthusianis, sed & monialibus concedere superior, ut ad tempus stent extra monasterium; immo peccaret id non concedendo ei qui in claustro non posset seruari. num. 7. & 8.*
- 7 *Iurans non exire certum locum, non tenetur illud in præiudicium salutis corporalis vel spiritualis seruare.*

CONSILIVM LXX.

PRÆFECTVS cuiusdam monasterij, expertus quod quidam suus monachus contagioso morbo laborans non poterat satis commode medicari intra monasterium, consulente monente, promittenteq. medico eruditissimo valdeq. pio, quod ope diuina sanaret eum intra paucos dies, si mitteretur ad domum suam, in qua posset manere secreto, decreuit cum suis tribus consiliarijs mittere illum in prædictam domum noctu secreto mutata veste, velataq. facie, ita quod à nemine posset in via cognosci, ea lege, ut maneret in domo inclusus durante medicatione, & mox rediret eo modo quo abiit in monasterium, ubi more solito inseruiret: qui, gratia Deo, intra paucissimos dies sanatus redijt, & ut antea solebat seruit.

Quæritur, an præfatus præfectus & consiliarij eius, dando præfatam licentiam prædicto modo, peccauerint, necne, & puniri debeant, necne.

- 1 *Pro parte affirmante, nempe quod peccauerint, facit primo, quo monachus peccat exeundo e claustro, c. placuit. 1. & 2. & cap. monachi. 16. q. 1. & etiam relinquendo habitum, cap. proclius. 20. q. 3. & cap. a. ne cler. vel monac. lib. 6. & consequenter in casu proposito bis peccauit præfatus monachus, scilicet exeundo, & relinquendo habitum. At qui consentit in peccatum peccat, cap. 1. ad Rom. cap. 1. de off. deleg. ergo præfatus præfectus, & sui consiliarij non solum semel, sed etiam bis peccasse videntur, cum duplici peccato consenserint, & consequenter puniri debent, l. sancimus. C. de poen. & cap. quæsiuit. de his quæ fiunt à maior.*
- 2 *Secundo facit cap. 19. de reg. sess. 23. Conc. Trid. quatenus significat religiosum nulla de causa debere relinquere habitum, immo nec occultare.*
- 3 *Tertio, quod in regula ordinis, cuius est præfatum monasterium, expresse habetur non licere fratribus dimittere habitum, nisi causa mutationis, mundationis, reparationis, vel alicuius euidentis infirmitatis, super hoc tamen primitus onerata medici conscientia.*

His tamen non obstantibus, videtur contrarium esse tenendum, nempe quod prædictus præfectus & consiliarij eius nec peccauerunt, nec puniri debent, immo bene meriti sunt coram Deo & hominibus. Tum quia licitum est monacho exire de claustro, de licentia sui prælati iusta de causa data, ut probamus in com. 4. de reg. super cap. statuimus. 19. q. 3. à num. 34. in hæc verba, *Omnis regularis quamlibet simplex potest iuste exire de licentia superioris non solum Generalis & Prouincialis, sed etiam inferioris immediati, non tantum expressa, sed etiam tacita, & non tantum specialiter & in indiuiduo, sed etiam generaliter data, modo ea detur iusta de causa necessitatis vel utilitatis.* hæc ibi, quæ late probo & declaro ibidem: & non solum potest exire, sed etiam manere aliquo tempore, ut probo & declaro in eodem tractatu de reg. com. 2. super cap.

- cap. non dicatis. num. 68. per cap. monachi. 1. & 2. 16. q. 2. & quedam alia. Tum quia monachus iuste potest relinquere habitum iusta de causa, præsertim de licentia superioris, cap. Deus qui. de vita & honest. vt & clericus suum habitum & tonsuram clericalem, vt dixit gloss. notab. & recept. cap. si quis ex clericis. de vita & hon. in hæc verba: *Habitum semel susceptum non debet dimittere, nisi ex iusta causa, infra eodem cap. clerici. vnde cum quidam reprehenderetur à Papa, respondit; Tutius vt peterem laici sub imagine Romam, Fas fuit vt sinerem luxuriare comam.* & tex. expressus cap. penul. eodem titulo habet posse quem causa timoris transformare habitum: ex quo glo. verbo, timoris, colligit eum qui iusta de causa dimittit habitum
- 6 non esse apostatam. Tum quia infirmitas, præsertim contagiosa, est iusta causa dandi licentiam monacho, vt exeat monasterium, & maneat extra illud in loco conuenienti ad sanandum, vt probatur cap. 1. de statu regul. lib. 6. quatenus etiam monialibus facit facultatem exeundi monasterium ob infirmitatem contagiosam. & Concil. Trident. in præfato titulo de regul. cap. 5. facit facultatem exeundi monialibus ex quacunque causa, quæ videbitur iusta Episcopo: & receptum est non posse moniales exire monasteria de tam leui causa, ac monachi etiam Carthusiani.
- 7 Tum quia etiam qui iurauit manere in aliquo loco, potest iuste ab illo exire, si salus corporalis eius id exigat, iuxta gloss. memo. & recept. cap. si vero. de iureiurando. Tum quia dicti præfectus & consiliarij peccassent, si præfata de causa non fecissent præfato monacho facultatem exeundi & manendi secreto ad sanitatem recuperandam, ex mente Gratiani 4. fin. ver. quisquis. 22. quæst. 4. asserentis prohiberi quem seruare iuramentum, cuius obseruantia spiritualis vel corporalis salutis recuperationem impediret: quæ videtur esse decisio specifica pro casu nostro, in quo experientia monstrabat salutem præfati monachi non posse reparari iudicio medici intra monasterium, intra quod poterat adhiberi præsentia medici, & necessaria visitatio, & medicatio tanti morbi.
- 8 Tum quia iure non est determinatum, quæ causa sit iusta ad exeundum & manendum extra monasterium, vel relinquendum habitum; & ita relinquitur arbitrio boni viri determinandum, l. 1. ff. de iure deliber. cap. de causis. de offic. deleg. & in specie de causa iusta exeundi tradidimus nos in d. cap. non dicatis. num. 68. & satis in d. cap. statuimus. num. 34. At in casu nostro medicatio præfati morbi contagiosi, & fere incurabilis visa fuit non solum arbitrio boni viri, sed etiam suorum superiorum iusta, & adeo quidem recte & pie mea sententia, vt debuissent iudicari mali & imprudentes viri, si contra iudicassent, ob multa, quæ gratia breuitatis non explico.
- 9 Non obstant opposita. Ad primum enim respondetur concedendo non licere monacho exire à monasterio, nec relinquere habitum temere, & sine causa, & sine licentia prælati; negando tamen quod in nostro casu ita factum fuerit, cum intercesserit non solum licentia prælati solius, sed etiam consiliariorum, & interuenerit iustissima causa, vt supra probatum est.

10 Ad secundum respondetur, quod illud cap. agit de dimissione habitus facta sine licentia praelati, & ad finem numquam resumendi illum cum proposito recuperandi ut professio declaratur nulla. Nos autem agimus de exitu & dimissione habitus ad modicum tempus de licentia superioris iusta de causa data.

Ad tertium respondetur primo, quod loquitur de dimissione habitus auctoritate propria facta, quæ non potest fieri extra casus expressos in illa clausula. Nos autem loquimur de dimissione superioris auctoritate cum causa facta. Secundo respondetur, quod in illa clausula videtur esse casus pro nostra parte, quatenus habet posse dimitti habitum causa infirmitatis de consilio medici: nam in casu nostro medicus valde eruditus & pius consuluit, ut exiret eo modo quo exiuit, monendo, quod si non exiret, non sanaretur; & si exiret, sic intra paucos dies: quod & factum fuit.

Aduertendum, pro eo quod de monialibus dicitur nu. 6. ultra sacrum Concilium adesse bullam Pij V. quæ causas exeundi ad certas inibi expressas restrinxit, ferturque sacram Congreg. censuisse ultra illas causas non dari extensionem, sed recurrandum pro licentia ad Sedem Apost. Vide item infra de statu monach. consil. 5.

S V M M A R I V M.

- 1 Religioso, ut ob necessitatem parentum stet extra monasterium, dat licentiam Papa, immo & Generalis, & Provincialis, nu. 2. ut autem etiam dimittat habitum non debet concedi, nisi quando eo retento non potest dictæ necessitati subueniri. nu. 3. An autem ad hanc reducat, quando superiores nolunt consentire, ut stet extra claustrum, nisi dimisso habitu, non est ita certum.
- 4 Regulari si etiam sine iusta causa Pontifex beneficium seculare confert ex certa scientia, tenet collatio, insuper autem illud in commendam concederet ei, cui ob iustam causam fecisset facultatem in habitu seculari ad tempus extra monasterium manendi.

CONSILIVM LXXI.

QUIDAM religiosus prædicator, & doctus, quadraginta annorum, matrem habens, quæ quondam fuit ditissima, nunc pauperrima, cum alijs multis, absque verbo Dei, & Missa, non potest eam sustentare; nec est qui calleat linguam eius regionis ad prædicandum. Quæritur, an bona conscientia possit petere dispensationem, ut ibi maneat, & doceat in habitu tantum clericali: nam, id si fiat, non deerit quidam Episcopus, qui motus misericordia ei promittit quedam beneficia.

- 1 Respondeo primo, quod prædictus D. consulens iustam habet causam, ob quam Papa possit facere ipsi facultatem manendi extra monasterium in d. regione. Primo, ob necessitatem, quam mater sua olim multum diuites, & nunc valde pauper patitur, arg. cap. considerata. 86. dist. vbi Ambrosius plurimum commendat opitulationem, quæ fit nobili, & seni, præsertim ei, qui diuitias sine culpa perdidit, qualis est mater eius prædicta.

Secundo

Secundo ob vtilitatem magnam, quam faceret vita, & verbo, prædicando illis in lingua sibi nota: ob quam secundam causam non solum est ipse licentia donandus, sed etiam rogandus, vt velit id facere, arg. cap. inter cetera, de officio ordinar. ibi, *Pabulum verbi Dei, populo Christiano quam maxime necessarium: quia sicut corpus materiali cibo, ita anima spiritali nutritur.*

- 2 Secundo, quod sententia est D. Tho. communiter recept. in 2. 2. q. 101. art. 4. quod religiosus ob necessitatem patris, vel matris iuste potest exire monasterium de licentia superiorum, ad subueniendum ei, si potest id facere: quam licentiam non solum Papam, sed etiam Generalem, vel Prouincialem suam dare posse, etiam nos nuper scripsimus in com. 3. de reg. declarando cap. nullam. 18. quæst. 2. num. 48. & antea in Man. confess. cap. 14. num. 14.
- 3 Tertio, quod, vt in d. num. 48. diximus, præfata licentia non est danda deposcenti ad manendum relicto habitu, sed tantum eo retento, nisi quando præfata subuentio fieri non potest eo retento. An autem iuste dici posset non posse fieri subuentionem sine dimissione habitus, eo quod prælati ordinis nolunt consentire vt illa fiat retento habitu, quæstio noua videtur, & digna decisione.
- 4 Quarto, quod, vt certum est, Papam posse iuste conferre beneficium simplex religioso iusta de causa, immo quod collatio facta sine illa, licet esset iniusta, teneret, arg. cap. cuncta per mundum. 9. quæst. 3. & cap. proposuit. de concess. præb. cum id iure humano, cui Papa non subest, saltem quo ad vim coactiuam, sit prohibitum; ita non est etiam incertum, S. D. N. difficile id facturum, nisi S. Sanctitas sibi persuaferit, iustum esse facere, consentienti facultatem manendi, & prædicandi in locis prædictis prædicatoribus suæ linguae destitutis, relicto habitu ordinis cum habitu clericali. Si enim hoc sibi persuaferit, satis poterit flectere animum ad conferendum beneficium clericale clericaliter viuenti, saltem in commendam, donec necessitas subueniendi duraret.

SUMMARIUM.

- 1 Regulari, vt stet extra monasterium retento habitu, ad subueniendum matris & sororis grandi necessitati, etiam si non sit extrema, & superueniret post professionem, licentiam dat Generalis, & Prouincialis: at vt dimittat habitum, solus Pontifex concedere potest, num. 2. & hoc ex iusta causa, quæ iudicis arbitrio relinquatur, potestq. ex multis simul collectis deduci. num. 3.
- 2 Congregatio Conc. Trid. non habet facultatem dandi licentiam manendi extra monasterium; & quatenus haberet, non tamen censeretur posse concedere vt maneat dimisso habitu.

CONSILIUM LXXII.

N. REGVLARIS habens matrem & sororem nubilem pauperimas, impetrauit à suo Prouinciali licentiam manendi extra monaste-

nafterium habitu relicto, vt eisdem opitulari poffet, & fic in habitu clericali aliquot annos tranfegit: nunc ad obtinendum confirmationem, vel nouam prouifionem prædictæ gratiæ venit ad Vrbem, fuper qua in facra Conc. Trid. Congreg. fupplicationem porrexir. Quæritur quid iuris.

1 Respondetur primo, præfatum D. confulentem iuftam habuiffe cau-
fam, ob quam fuus Prouincialis potuiffet ei dare licentiam manendi ex-
tra claustrum ad fubueniendum matri & forori pauperibus: quia, vt poft
vtrumque Thom. in 2.2. quæft. 101. art. 4. diximus in noftro Man. confeff.
cap. 14. num. 14. & in com. 3. de reg. fuper cap. nullam. 18. q. 2. num. 48. &
fequenti, neceffitas non folum extrema, fed grandis, non folum præcedens,
fed etiam fuperueniens parentibus filiorum religioforum, etiam poft
professionem eorum, eft iufta caufa, vt superiores poffint dare ipsis licen-
tiam manendi extra monafterium caufa eis fubueniendi.

2 Secundo, quod præfatus Prouincialis peccauit, faciendo præfato con-
fultenti facultatem manendi extra monafterium absque habitu regula-
ri: quia folus Papa poteft illam facere, vt diximus in præfato cap. nul-
lam. num. 49. & probatur in cap. 2. ne clerici vel monachi, lib. 6. & fatis
in cap. fanctimonialis. 23. dift. & cap. clerici. il 2. de vita & hone. cler. qua-
tenus habet, religiosum etiam factum Epifcopum debere fui ordinis ha-
bitum gellare.

Tertio, quod, quia ægre ac difficulter difpenfat Papa, vt religiosus
maneat ob hanc caufam foris absque habitu regulari, & prælati infe-
riores ægre fuftinent & patiuntur vt huiusmodi religiosi remaneant
foris habitu retento, frequenter aliqui religiosi non fruuntur præfata
facultate, qua vt frui poffint, quid facere debeant, admonuimus vbi fu-
pra num. 49.

3 Quarto, quod omnes caufæ, quas D. confulens allegat pro iufta caufa
faciendi fibi facultatem manendi extra monafterium, videntur efficere
vnam fufficientem ad illam concedendam. Tum quia prædicta vtriusque
Thom. opinio videtur communiter recepta. Tum quia, quando aliquid
in genere determinatur, eius fpecificatio relinquitur arbitrio iudicis, l. 1.
ff. de iure delib. cap. de caufis. de offic. deleg. cum vtroque not. & prædi-
ctæ omnes caufæ videntur arbitrio boni & prudentis iudicis efficere vnâ
iuftam caufam præfate facultatis confequendæ.

4 Quinto, quod Illuftriff. Illuftriffimorum Congregatio declarationi
dubiorum Conc. Triden. deputata habeat facultatem difpenfandi in hoc
cafus, nullo iure communi probari videtur, nec iure particulari, quod ego
fciam; cum aliud fit dubia Concilij declarare, aliud contra Concilia &
canones difpenfare; & à feparatis non fit illatio, cap. ad audientiam. de
decim. Quin etiam arbitror præfata Excellentiffimam Congregatio-
nem non poffe ob prædictam caufam concedere facultatem manendi fo-
ris absque habitu regulari, etiamfi haberet poteftatem faciendi faculta-
tem ob prædictam caufam manendi foris, vt habent Generales, & Prouin-
ciales ordinum fuorum. Salua, &c.

SUMMARIUM.

- 1 Regulari, ut propter infirmitatem vel parentum paupertatem extra claustrum, retento tamen habitu, & obedientia regulari, stet, concedere potest eius prælatus.

CONSILIUM LXXIII.

QVAERITVR, vtrum qui propter ægritudinem impetrauit licentiam à Priore Generali ordinis S. Augustini manendi extra claustra vnâ cum absoluteione à voto, possit in habitu clericali decenti sub obedientia ordinarij Missas, & alia diuina celebrare, & de bonis licite acquirendis disponere.

- 1 Respondeo quod non. Tum quia nullus inferior Papa potest facere facultatem religioso, ut dimittat suum habitum, & dimisso illo assumat clericalem, vel alium, & viuat sub obedientia ordinarij. Tum quia nullus prælatus inferior Papa potest absoluere religiosum ab obedientia sui ordinis, nisi declarando per suam sententiam eum non esse professum, vel priuando per eam propter sua delicta, & eiiciendo eum ab ordine. Tum quia propter ægritudinem quamlibet incurabilem superuenientem monacho post professionem non debet eiici monachus ab ordine, & obedientia eius; sed debet eum curare suis impensis, & quam optimo modo dispensare posset cum eo id volente, ut retento habitu maneret in aliquo loco honesto, sub obedientia tamen ordinis, ut succurreretur ei impensis cognatorum suorum, vel aliorum, qui vellent eius curationi subuenire, & eius infirmitati opem ferre. Salua, &c.

SUMMARIUM.

- 1 Clausura regularibus indicta est solo iure humano, potestq. prælatus facere licentiam suo subdito, ut retento habitu extra monasterium, sub obedientia tamen regulari moretur, & hoc nedum ex causa subueniendi parentibus, num. 2. sed ut stet obses pro monasterio, vel inseruiat Episcopo pro Vicario & cubiculario, num. 3. & pro quacumque alia legitima causa, donec ea subest. num. 4. & 5.
- 3 Regularis potest dari obses pro monasterio.

CONSILIUM LXXIV.

FRATER quidam sancti Francisci regularis obseruantia professus, cū esset inquietus, & insolens, faceretq. aliqua crimina, & delicta, propter quæ fuit à superioribus suis incarceratus, & detentus, qui cum de ipso carcere euasisset, & ita apostata per aliquod tempus extitisset, Romam venit, ac per S. Inquisitionis officium incarceratus propter aliqua delicta, & tandem conuictus, fuit ad triremes condemnatus: & cum in ipsis existeret,

à Turcis captiuus ductus fuit, vbi pessimam captiuitatem per annos nouem sustinuit: de qua exiens, cum nollet ad religionem redire, iterum per dictum officium S. Inquisitionis in ciuitate Valentina fuit incarceratus, & postremo ad triremes per aliquot annos condemnatus. quibus transactis, pœnitentiaq. completa, in libertatem deuenit: consulensq. sibi quomodo magis Deo placere posset, timensq. fratrum consortium, & communicationem, ne aliquando aliquis ob prædictas incarcerationes & condemnationes ipsum improperearet, aut eontumelijs afficeret; cum sit nobilis genere, cupit vitam & statum sibi assignari, vt melius securiusq. sublata occasione Deo inseruire possit. Quapropter desiderat sibi licentiam & facultatem impartiri, vt eodem habitu retento possit vitam eremiticam regulariter agere, vel in aliquo hospitali, vel ecclesia, præstita, per eum obedientia loci, vbi fuerit, ordinario, siue Reuerendiss. suo tantummodo Generali. Quæritur, vtrum attentis supradictis possit in conscientia prædictus Reuerendiss. Generalis prædictam licentiam & facultatem concedere. Additur præterea in facto, prædictum consulentem esse genere valde illustriss. & ingenio valde iracundo, & ad retaleandum propenso, manuq. promptum: & quia verisimile est, multos fratres in multis locis multorum conuentuum, eidem, si moretur in eis, frequenter apostasiam prædictam, cum damnationis remigio, & infamia seruitutis prædictæ exprobraturos, & quod ipse eiusmodi opprobria non æquo animo laturus, sed per se, aut per cognatos & amicos retaleaturus, & excitaturus noua scandala, & tumultus, ob quæ denuo oportebit eum damnari, & cum opprobrio suæ gentis & ordinis ad easdem triremes remitti. Additur item, quamdam affinem eius valde illustriss. ædificasse monasterium, discalceatarum, cui gratissimum esset vt prædictus consulens seruiret eis pro sua eruditione, facundia, & arte dicendi, concionando tam eis, quam alijs, cum decore generis sui, & decore ac commodo ordinis sui. Additur & tertio, multos proceres cognatos, & affines consulentis esse valde additos & deuotos ordini suo prædicto Minorum, & probabiliter animos suos ab eo aliqua ex parte alienaturos, si viderint prælatos eius nolle misereri consulentis tamdiu & diuerse afflicti, sed velle ipsum duplici contritione conterere, contra cap. 1. Nahum Prophetæ, & cap. quid ergo. 23. q. 5. & cap. ea vindicta. ead. causa q. 4.

1. Pro parte negante huius quæstionis faciunt primo illa tria argumenta, quæ formauimus nos in nostro com 4. de reg. super cap. statuimus. 19. q. 3. à num. 29. ad probandum clausuram religiosorum esse iure naturali vel diuino iussam: & consequenter à nullo humano superiore posse illam vlli religioso relaxari.

Secundo, quod nullus prælatus inferior Papa potest contra legem Ecclesiæ, etiam humanam, dispensare, nisi in casibus expressis; eo quod inferior non potest legem superioris tollere, vel arctare, arg. cap. inferior. 21. dist. & cap. cum inferior. de maior. & obed. & ita communiter resoluitur in cap. at si cleric. 9. de adult. de indic. at constat clausuram prædictam, et si non lege Dei, lege tamen vniuersalis Ecclesiæ esse inductam, cap. placuit. cap.

cap. monachi. il. 2. 16. q. 1. & nullo iure videtur caueri, vt prælatus ordinis Minorum possit dispensare circa prædictam clausuram tam late, ac in quaestione proponitur: ergo, &c.

Non obstantibus tamen prædictis pars affirmatiua videtur verior: Primo quidem per omnia illa, quibus in prædicto cap. statuimus. & prædicto num. 29. satis perspicue probauimus iure humano, & non naturali, vel diuino clausuram religiosi esse indictam.

2 Secundo, quod S. Thom. in 2. 2. q. 101. art. 4. communiter receptus, & a nobis relatus in cap. nullam. 18. q. 2. num. 48. definit, quod prælatus potest dispensare cum monacho, vt maneat extra claustrum, habitu suo retento, ad subueniendum parentibus, qui in illius subuentionis necessitate etiam post professionem inciderunt.

3 Tertio, quod etiam pro debito monasterij monachi possunt in obsides dari, cap. ex rescripto, de iureiur.

Quarto, quod religiosus potest esse vicarius Episcopi de consensu prælati secundum Card. recept. in clem. 2. de rescript. q. 16. & Rota, quam nos citauimus in cap. non dicatis. num. ult. 12. q. 1. potest item esse cubicularius Episcopi, vt diximus in cap. statuimus. 19. q. 3. num. 15. iuxta Panor. in cap. quanto. de offic. ord. num. 1. per cap. cum pastoris. 2. q. 7. Procurator item patroni, amici, vel principis, vnde utilitas saltem latens redundaret in monasterium, secundum Innocentium recept. in cap. cum I. & A. de re iudic.

4 Quinto, quod prælati ordinum possunt ex iusta causa eiicere ab ordine suo religiosos suos, etiam professos, etiam priuando eos habitu, vt in regulis B. Augustini, & B. Benedicti exprimitur, & probauimus nos in commentario cap. non dicatis. 12. q. 1. num. 65. contra Cardinalem in clem. ne in agro. §. quia vero. de stat. monach.

Sexto, quod eadem ratione, qua potest hæc facere, poterit etiam alia de iusta causa dare religioso suo facultatem manendi extra monasterium, illa causa durante: ratio enim, cur in præcedentibus casibus potest prælatus concedere facultatem manendi foris, est, quod iusta id causa exposcit in illis.

Septimo faciunt illa verba Aug. relata in cap. prodest. 23. q. 5. *sive plerendo, siue ignoscendo, hoc solum bene agitur, vt vita hominum corrigatur.* & candido animo perpensis omnibus, quæ in hoc argumento deducuntur, optimus modus corrigendi vitam prædicti consulentis videtur esse is, qui in sua petitione continetur. Tum quia per illum ouis errans ad suas caulas reducitur. Tum quia ordinis Minorum decori consulitur. Tū quia splendor generis consulentis non contemnitur; & commoda, quæ a suæ gentis proceribus in ipsum ordinem manare solent, conseruantur, & augentur. Tum quia generosum ingenium, quod ægre terroribus & pœnis flectitur, sæpe charitate atque beneficentia ad virtutem trahitur, & in officio sancto continetur.

Non obstant pro parte negante citata. Non primū: quia in primo argumento pro parte affirmante adducto, citatur locus, vbi perspicue probatur

enr clausuram monachalem non esse iure naturæ, neque diuino inductam.

Non etiam obstat secundum: quia in alijs argumentis probatur, posse prælatum iusta de causa facere religioso facultatem manendi extra claustra: & in casu proposito, si omnes circumstantiæ in eo tactæ satis perpendantur, non tantum vna, sed multæ apparebunt causæ concedendi facultatem manendi honeste in locis honestis, meditando, & faciendo honesta extra monasteria aliquo modo in questione proposito. Salua, &c.

S V M M A R I V M.

- 1 Apostatis à religione quomodo consulendum, & num. 2. & quid ipsi facere debeant, ad hoc vt obediunt mandato eis facto, vt prius requirant an possint beneuolos receptores reperire. num. 3.
- 4 Receptores beneuoli intelligantur ij, qui possunt recipere & incorporare religioni.

CONSILIVM LXXV.

NEMO negare potest, apostatas, qui sui sacri ordinis habitu relicto vagantur, dignos esse regulariter vituperio, indignosque auxilio. Tum quia manum ad aratrum missam contra consilium euangelicum, Lucæ 9. retrahunt. Tum quia multa addunt, & omittunt digna, quæ dure castigarentur, cum ceteris paribus omnia in eis peccata sint aliquanto maiora, etiamsi ob solam circumstantiam religionis non fiant semper mortifera quæ absque illa solum sunt venialia, secundum S. Tho. receptum in 3. 2. quæst. 188. art. 9. ob quæ & alia multi nullo eos alio remedio iuuandos putent, quam vt redeant in monasteria vnde exierunt, pœnas omnes quantumlibet graues eis paratas subituri: & quod, si redire noluerint, vel redeuntes non recipiantur ab eis, nulla præterea de illis cura habeatur, immo tamquam perditæ & derelictæ oues relinquantur à dæmonibus vt plurimum deuorandi. Nos autem illis assentimur, qui putant, primum, eos qua parte fieri potest, tum blandiendo, tum terrendo inducendos esse, vt ad idem aratrum, in quod manum miserant, redeant, & ita pareant, vt contumacia & inobedientia, quibus vsi sunt, in duplicatam obedientiam & reuerentiam commutentur. Deinde, quod si ad id non potuerint induci, audiantur ex quibus impediuntur, & iuxta illarum varietatem eis provideatur: alijs quidem facta facultate transeundi ad alia eiusdem ordinis monasteria, alijs ad alias eiusdem ordinis provincias, alijs ad alios ordines æquales, alijs etiam ad laxiores, cum clausula tamen, vt in claustro more aliorum indigenarum perpetuo viuant: alijs, vt præstito obedientiæ voto aliquibus alicuius ordinis prælatis etiam non mendicantis, & superioribus eorum, qui recipiant onus reddendi de illis rationem Deo, possint manere extra claustrum sub cura & regimine ipsorum, & superiorum eorum, quibus, sublatis primis, exhibebunt & indicabunt se esse obedientiariorum ipsorum, residereque in tali oppido vel loco, parati sibi in omnibus licitis & honestis, de more probatorum religiosorum, parere. Postea vt-

ro si non inueniunt prælatum, qui sui ordinis habitum eis tradere, & onus prædictum reddendi de illis rationem suscipere velit, deligant episcopatum aliquem, cuius Episcopo præstita obedientia in suo episcopatu sub eius cura, vota paupertatis, & castitatis solemnita in habitu clericali honesto, de more aliorum eiusdem ordinis probatorum obseruent, impensis Episcopi, vel de quasitis per se honeste, facta eis facultate, ut ea in suos honestos usus conuertere possint. Hæc omnia fundantur in eis, quæ scriptum in com. 4. de reg. super cap. statuimus. a. num. 13. ubi postquam nixi fuimus probare ob multas causas esse miserendum fratrum conuentualium nuper à suis sedibus in Hispanijs deiectorum, laudando remedium, præstitutum ab Illustriss. Cardinalibus in id deputatis, monstrauimus non esse illud sufficiens, num. 16. in hæc verba:

3 Queritur, an prædictum remedium prædictis fratribus Minoribus conuentualibus à S. D. N. & ab Illustrissimis ac pientissimis Cardinalibus in id deputatis tantæ multitudini plene satisfaciat.

Ad quod respondeo primo, illud esse quidem prouidum, iuri consonum, & magnū magnæ religionis decernentium argumentum, nō tamen plene videri eis satisfacere. Tum per proximè dicta. Tū quia nulli, vel certe paucissimi satis æquo animo transeunt ad alios ordines, alios habitus religiosos induturi: partim quod parū vniquā fuerunt eis bene affecti: partim quod credunt multa opprobria & conuitia in illis se passuros: & ut Nicolaus Papa loquens de monastica vita ait in cap. præsens. 20. q. 3. quod quis non eligit, nec optat, profecto nō diligit, quod autem non diligit, facile cōtemnit. Tum quia feruntur plures quam mille: & palā est non posse omnes illos inuenire tot beneuolos receptores ad alendos eos perpetuo in claustro, neque apud mendicantes, neque apud nō mendicantes. Adeo quidē, ut acceperim à fide dignis, & prudentibus, vix inuenturos 40. huiusmodi beneuolos receptores in Hispania cum onere perpetuo tenendi & alendi eos in claustro. Tum quia paucissimi, aut nulli eorum querunt apud omnes non mendicantes, sed solum apud tres ordines iure communi prædicto expressos. Tum quia etiam apud illos tres pauci exacta diligentia, quæ eis præcipitur, querunt, nec adeo cāddido & vero animo, ac opus esse & requiri supra dicitur: & ita accipiunt ansam, ut ante exactam diligentiam querendi eos apud mendicantes, querant apud non mendicantes, cōtra verba & mentem S. D. N. & sic de remedio & medicina faciunt venenum & exitium. Tum quia vix ulli beneuoli receptores non mendicantes retinebunt eos perpetuo in claustro, ut vernaculos, eo quod querent, & utinam non fingant causas, & occasiones emittendi eos ex claustra. Tū quia vix poterunt ipsi æquo & placido animo in eorum claustris perpetuo manere, priuati contentis in clem. 1. de regularibus, quæ priuat eos voce actiua, & passiva, & capacitate beneficii, & officij cuiuslibet, etiā Vicarij, & Vicesgerentis: adeo quod ibi ait gloss. in verbo officia, quod non possunt esse Sacriste, Camerarij, Castaldi, & Oeconomi, & cetera, nec prædicare. Quis autem eruditus, & bene moratus, quales sunt plurimi eorū (feruntur enim esse circiter centum in sacra Theologia doctores, & egregij prædicatores) ferre possit perpetuo conuiuere multis iuuenibus indoctis, & fortassis parū bene moratis præeuntibus eum voce, officijs, beneficijs, prædicatione, & alijs præeminentijs indicet is, qui ex se cognoscit, quæ sunt proximi sui. Eccles. 31. & illud adagium gloss. in l. 1. §. veteris. ff. de acquiren. possess. Etiam asinus intumescit, cum per contempnam

parem apprehenditur. Hæc ibi, & paulo prius num. 14. monuimus vsuros remedio prædicto Illustriss. Cardinalium, in hæc verba. Quod prælati ordinum, ad quos transeunt, non possunt eos recipere sine suorum conuentuum consensu, plusquam alios nouitios, quos secundum communem rationem & consuetudinem receptam de consensu conuentuum suorum recipiunt, vt dixi in cap. nullam. 18. q. 2. Quia verba illa, Beneuolos receptores, referuntur ad potentes recipere, & incorporare ordini. Vnde non sufficit præstare obedientiam soli prælato, vt ante Concil. prædictum solebat fieri; sed oportet vt de consensu totius conuentus, vel maioris partis, recipiantur, vbi nouitij sic solent recipi; cum ad valorem actus non sufficiat voluntas sine potestate, sicut nec potestas absque voluntate, cap. cum causa. cum gloss. & ei annotat. de offic. deleg.

SUMMARIUM.

1. Habitum religionis eiectus, taliter quod ius repetendi monasterium illi non competat, gestare non tenetur, immo non potest: at qui exiuit, & cui ius illud repetendi competit, licet non recipiatur, etiamq. quod monasterium esset, destructum, non potest etiam de licentia sui superioris non portare: & hoc etiã dato, quod ex non gestatione nullum, & ex gestatione aliquod nasceretur scandalum, num. 3. & si quis ob dictas causas bona fide crederet id sibi licere, posset à peccato mortali excusari: qui tamen Romæ moratur, deberet ad plenam tranquillitatem animi sui à Papa petere verbalem saltem licentiam. num. 4. & 5.
2. Habitum non alienæ, sed propriæ religionis palam deferre tenetur professus, nisi eum iusta excuset causa.

CONSILIUM LXXVI.

VOLENS Pontifex, vt monasterium S. Mariæ desolatum per moniales inhabitaretur, ad illud transtulit Abbatissam cum D.C. & nonnullis alijs monialibus cum potestate accipiendi nouitias: sed intra biennium omnibus alijs ob aeris intemperiem mortuis, dicta C. ad mortem ægrota, recepta à primo monasterio parte suæ dotis, ad propinquos se recepit, & recuperata sanitate, iussu ordinarij tamquam gubernatrix accessit ad duo alia monasteria: quibus destructis, cū ad primum omnino derelictum & pestilens redire non auderet, petijt se in primo recipi, & reiecta à Vicario Urbis hoc ore tenus accepit responsum, vt staret extra eo meliori modo, quo posset; vnde ipsa ad euitandum scandalum, à se ipsa dimisso habitu proprii ordinis, accepit habitum religiosum in genere. Dubitatum fuit, an esset tuta in conscientia.

1. Pro parte affirmante facit, quod eiectus ab ordine non videtur teneri ad deferendum illum.

Pro parte vero negante facit, quod alia ratio videtur de eiecto, qui non habet ius petendi vt recipiatur in monasterium; alia de exeunte cum licentia, & habente ius petendi vt recipiatur: & præfata consulens non est eiecta, sed honesta de causa & de iusta superioris licentia in alium locum ad pium opus missa.

Secun-

Secundo, quod præfatus D. consulens erudite allegat omnia substantia-
lia, quæ pro præfata domina allegari posse videntur merito, licet pro sua
modestia noluit asserere omnino partem, quam fulcit, esse veram. Tum
quia regula generalis habet religiosum habitum suum relinquentem esse
ipso iure excommunicatum, cap. 2. ne cler. vel monach. lib. 6. Tum quia li-
cet eiectus ab ordine non teneatur deferre habitum illius, immo iuste non
possit; non tamen vllibi reperio scriptum, quod destructo monasterio, vel
nolente monachum suum recipere, ipse possit suum habitum relinquere
auctoritate propria, neque (vt puto) auctoritate superioris sui, inferioris
tamen Papa.

2 Tertio, quod non videtur excusanda saltem in foro exteriori à gestatio-
ne habitus ordinis S. Benedicti, eo quod deferat alium, per quem significa-
tur quod sit religiosa: quia religiosus tenetur deferre specialem habitum
sue religionis, & patentem, nisi iusta quæpiam causa eum excuset, per ea
quæ D. consultor citat.

3 Quarto, quod dubitari posset, an iusta causa id faciendi constari possit,
partim eo quod noluerit recipere illam præfatum monasterium D. Am-
brosij, partim quod Illustriss. Vicarius super hoc ei non prouidit, partim
quod tanto tempore ita incessit, partim quod nullum ex hoc generatur
scandalum, & ex contrario aliquod nasceretur: & quidem certum est ex
his constari iustam causam dispensandi, & forte etiam quo ad hoc vt ipsa
non peccet, saltem mortifere, bona fide gestando illum, per illud Innoc. in
cap. per tuas 3. de simon. quod transgrediens ius humanum bona fide per
errorem eius non bene intellecti non peccat mortifere; quod commenda-
uit Baldus lib. eo. C. quomodo & quando iud. & Felin. in cap. 1. fall. 7. de re
iud. quibus soleo addere D. Tho. & expressius Caiet. in 2. 2. q. 47. art. 3. vt est
videre in Man. confess. prælud. 9. num. 8. & melius cap. 23. num. 42.

5 Quinto, quod cum ipsa degat Romæ, vbi est præsentia summi Christi
Vicarij, deberet ad plenam sui animi tranquillitatem impetrare à Papa
vel verbalem dispensationem, quam S. Sanctitas facile concedet, &c.

S V M M A R I V M.

1 Habitu & ordine suum subditum regularem ob delicta & incorrigibilitatem pri-
uare potest prælatus: eiecto autem, vt aliam ingrediatur religionem, iubere non
potest. num. 2.

2 Index nec extra locum sui territorij iudicare, nec in loco exempto precipere quid
potest, nec aliquid iubere pro tempore quo non erit iudex.

2 Inhabili tēpore aliquid disponere, vel illud cōferre in tēpus quo erit inhabilis, paria.

2 Clericus à indice laico citatus, cōparere non tenetur, nisi dubium sit an sit clericus.

3 Eiectus ab ordine regularis tenetur se præsentare ordinario, sed prælatus eiciens id
ei precipere non potest.

C O N S I L I V M. LXXVII.

QVAERITVR primo, an Prouincialis fratrum Augustinianorum pos-
sit regularem suum subditum, propter delicta, etiam incorrigibilita-
tem, priuare habitu, & ordine.

Secundo,

Secundo, an possit abijcere ab eis perpetuo.

Tertio, an possit iubere illi, vt ingrediatur aliam religionem strictiorem intra sex menses.

Quarto, an possit iubere, quod, si non inueniet receptores, præsente se coram ordinario, sub quo victurus est.

1 AD PRIMAM præfatarum quæstionum respondetur breuiter, quod sic, per ea quæ scribimus in com. 2. de reg. super cap. non dicatis. 12. q. 1. num. 36. & in com. 3. super cap. nullam. 18. q. 2. num. 51.

AD SECUNDAM respondetur etiam quod sic.

2 AD TERTIAM, quod non: quia regulariter iudici extra territorium iudicanti non est parendum, l. fin. ff. de iurisd. omn. iud. & cap. 2. de constit. lib. 6. Vnde clericus citatus à iudice laico non tenetur coram eo comparere; nisi sit dubium an sit clericus, iuxta gloss. recep. in cap. conuenior. verb. congrueret. 23. q. 8. & iudici ordinario non paretur in loco exempto, vt tradit Decius cum citatis ab eo in d. l. fin. num. 2. & quod, sicut iudex non potest iudicare extra territorium & locum, ubi habet iurisdictionem, ita non potest extra tempus, intra quod habet illam; quia valet argumentum de loco ad tempus, l. vinum. ff. si cert. pet. Cum ergo Prouincialis habeat iurisdictionem in suum religiosum, quanto tempore sibi subditur, & non ultra, iussu eius obligat illi quanto tempore subditur illi. At, si simul ac priuatur habitu, desinit esse ei subditus: ergo non potest illo tempore illum obligare. Tum quia paria sunt, facere aliquid tempore prohibito, vel in tempore prohibito minam, sicut donatio coniugis facta coniugi tempore quo est coniux, non valet; ita donatio sponsi, pro tempore quo est futura coniux, non valet, l. sponsus sponsæ. ff. de donat. inter virum & vxor. & vt institutio, qua incapax hæres instituitur, non valet; ita nec institutio alicuius capacis, pro tempore quo erit incapax, valet, l. in tempus. cum ei adnot. ff. de hæred. instit.

3 AD QUARTAM respondetur, quod illud præceptum valebit, quatenus est præceptum canonis, & Papæ, iubentium, vt regularis eiectus ab habitu & ordine regulari, subiaceat Episcopo suo in habitu clericali, per notata in cap. fin. de regular. non tamen valeret, quatenus est præceptum Prouincialis, & superioris, ferentis sententiam depositionis ab habitu regulari, & ordine, per prædicta, & ea, quæ posuimus in com. 2. de reg. super cap. non dicatis. 12. quæst. 1. num. 33. Salua, & c.

Pro his quæ tradit auctor hoc consilio 77. & 78. 79. ac 80. Adverte prudens confessionum auditor, ne hac indulgentior Nauarri doctrina, quæ ex compassione, quæ infirmioribus penitentibus afficiebatur, processisse videtur, alicui in occasionem sibi nimium blandiendi existat. Nam cū, vt ipsemet ex utroque Tho. ait in comment. 1. de regular. nu. 10. regularis ille sit in statu peccati mortalis, qui animum tēdendi ad perfectionem secundum regulā non habet; vtique probabilior circa prædicta videtur doctrina Soti, qui lib. 7. de iust. q. 2. art. 1. ad finem concludit, eum, qui cen incorrigibilis à monasterio expellitur, tunc demum tute in seculo morari, si postquam seipsum (vt tenetur) correxerit, ad monasteriū rediens, per ipsum non steterit quo minus recipiatur. Sed & alia auctoris conclusio, quæ asserti, per sententiam, quæ incorrigibi-

lis in-

lis iuste & diffinitiuo eicitur, adeo omnem obligationem, qua professus religioni tenebatur, extinguere, ut non possit reuincere, talemq. conclusionem non esse contrariam cap. fin. de regular. quod solum quo ad iniuste, vel per interlocutoriam eiectiones procedit, periculosa pariter existit: quandoquidem dicta decretalis expresse loquitur etiam de illis eiectionibus, qui secundum ordinem regularem non possunt amplius recipi; qui non possunt esse alij, quam iuste & diffinitiuo eiectionis. Videtur praeterea haec auctoris restrictio singularis: sed & Fed. de Senis cōs. 134. ita habet: Ad hoc ut monachus possit à claustro plene absolui, necesse est ut ad aliud monasterium, vel ad curam animarum transferatur. Vnde verior videtur sententia Vberti super regulam S. Aug. t. 99. quem sequuta est Illustrissima & doctissimorum religionum abundantissima religio Prædicatorum, quæ in suis constitutionibus dist. 1. cap. 19. in Capitulo generaliter habito Parisiis 1276. ita habet: Ille autem, qui propter culpam suam eicitur à prelato, adhuc est subditus, sicut ovis morbida, quæ licet expulsa à grege, adhuc est pastoris: unde talis expulsus non est absolutus ab obedientia prelati, quousque transierit ad aliquam religionem, & in ea professus fuerit, sicut ponit Magister Vbertus super regulam. Sanctus item Bonauentura super regulam S. Benedicti c. 29. agens de illo, qui si tertio receptus, iterum eicitur, non potest amplius recipi, ait: Aduerte quia hæc clausula refertur ad eiectionem, cui adimatur ius implorandi officium iudicis, ut recipiatur; non autem ad prelatum, cui facultas non tollitur, scilicet repetendi. Federicus item cōs. 38. interrogatus quomodo providendum esset illi, qui ex eo quod eiectionis ab ordine cum prohibitione delationis habitus, cum non posset impetrare ut cum ordinis disciplina reciperetur, nec aliam religionem volentem eum recipere posset inuenire, in habitu sacerdotali, non tamen omnino religioso, quiebat in seculo; respondit, Episcopum debere curare, ut in aliqua religione recipiatur; & si id non posset, ut ipse eundem ad professionem in genere recipiat, & si deperat habitum non clericum secularis, sed potius religiosum seu regularem, & det ei aliquem modum viuendi, ita ut etiam seruet vota. Ex quibus (licet id quod ait Feder. de professione emittenda in manibus Episcopi non habentis monasterium, cui incorporaretur, non sit modo admodum certum) colligitur fore forte magis tutum, ut confessorij moneant sic eiectiones, ne prædictis assertionibus ita superficialiter adhaereant, de illisq. sibi blandiantur: sed ipsis magis prospiciant, maxime stante quodam privilegio aliis Minoribus, ut patet in eorum monumentis concessione 261. concessio, quo alie religiones saltem per viam communicationis gaudent, inbibente ipsis eiectionibus officium docendi & prædicandi: & quod ipsi ex dicta causa eiectionis videntur effecti infames, ut notat Lopus ad dictum consil. Federici 39. sciantq. quod sicut translatus non desinit esse monachus primi monasterij, nisi postquam factus fuerit monachus alterius, ut supra cōs. 61. & 64. ita nec ipsi, donec aliam profiteantur religionem, vel ad parochialem obtineant se transferri, desinunt esse monachi primi monasterij. & forte etiam alicui nouum videbitur, quod iuste eiectionis, secundum auctorem cōs. 78. qui tamen alibi videtur variare, retineat ius contra monasterium, & quod monasterio in eiectionem nulla reseruetur potestas. Multa alia possent ad hæc adduci, quæ omitto, cum & hæc admonitionis metas iam excedant.

SYMMA RI VM.

1. Eiectionis per diffinitiuam ab ordine desinit esse sub potestate ordinis, num. 2. unde licentia prelati ordinis ei non prodest, nec nocet quo minus possit aliam quacumque religionem

religionem intrare, vel sub Episcopo in seculo vivere, num. 1. secus si iniuste vel non diffinitive eiectus fuisset. Et hi sunt quos prelati tenentur requirere, & reducere ad monasterium. num. 3.

- 3 Eiectum iuste & diffinitive, volentem reuerti, tenetur prelatus ad formam cap. fin. de regular. recipere, licet si eiectus nolit, non possit cogi; cum obligatio, qua tenebatur religioni, sit extincta. num. 2.

CONSILIVM LXXVIII.

- G**ENERALIS N. servatis servandis tulit sententiam diffinitivam priuationis habitus, & expulsionis ab ordine contra B. fratrem suum propter demerita. Quæritur, an d. B. omnino remaneat exemptus à iurisdictione prædicti Generalis, ita ut sub illius licentia possit vel in seculo vivere, vel ad aliam transire religionem.
- 1 Respondetur, quod prædictus Reuerendiss. Generalis nullam iurisdictionem habet super consulente, quia per sententiam prædictam est exemptus à sua iurisdictione, argum. l. index posteaquam ff. de re iudic. & cap. in literis. de offic. deleg. & cap. fin. de reg. cum adnot. eius ab alijs ibid. & à nobis in com. 2. super cap. non dicatis. 12. q. 1. num. 33. & consequenter eius licentia nec prodest, nec obest ei.
- 2 Secundo, quod prædictus D. consulens sine ullius licentia potest & debet manere in habitu clericali subiectus Episcopo suo, præea, quæ nos scribimus in d. com. d. num. 33.
- 3 Tertio, quod æque bene potest sine ullius licentia transire ad quamcumque regulam, sine strictiorem, siue æqualem, siue laxiorem, quam posset intrare, si numquam intrasset illam, à qua est iam solutus per prædictam sententiam, per quam extincta est obligatio, qua tenebatur illi regulæ: cum obligatio extincta non possit renouari, neque impedimentum tollere, vel afferre, l. qui res s. aream ff. de solut.
- 4 Quarto, quod non obstat prædictum cap. ult. de reg. quatenus habet prælatos superiores ordinum teneri ad requirendum quotannis fugitivos, & eiectos, & cogere monasteria ad recipiendum illos; quia loquitur de fugitiuis, & eiectis iniuste, vel inordinate per sententias interlocutorias, vel sine causæ cognitione latis, vel etiam de iuste & ordinate eiectione, sed volentibus ad monasteria redire, ut late respondemus in dict. comment. num. 36. Salua, &c.

S V M M A R I V M.

- 1 Regularis eiectus de monasterio licite potest in habitu clericali vivere sub obedientia Episcopi sue originis, cui tenetur se præsentare, & cui exceptis necessarijs acquirit, quicquid acquirit, num. 4. Et siq. absolutus à religione, adeo ut non possit ab ea reuocari. num. 2. Et hæc sunt vera, modo fuerit non per collusionem, sed iuste inrisq. ordine servato per diffinitivam expulsus. num. 1.
- 2 Monachus translatus legitime ad ecclesiam parochialem secularem liberatur à sua religione; nec etiam si postea illam dimittat, vel ea priuatur, vel deponatur, num. 1. potest reuocari ad claustrum, sed remanebit sub Episcopo. num. 2. & num. 1.

CON-

CONSILIVM LXXIX.

AN EXPVLSVS à monasterio monachus, qui rogans suam receptionem non recipitur, possit manere in habitu seculari clericali sub Episcopi obedientia?

1 Respondetur, quod sic, vt recte consuluit Federicus cons. 38. addendo idem esse dicendum de monacho translato ad ecclesiam parochialem, quales sunt multi canonici regulares monasterij sancti Isidori, cuius corpus gloriosum honorifice ibi seruatur, & colitur, qua postea priuatur, vel deponitur.

Cui addo, primum eius dictum intelligendum esse de monacho expulso iuridice, causa cognita, per sententiam diffinitiuam, vel habentem vim eius, non autem de expulso per iracundiam, vel per collusionem praelati, & monachi aliqua de causa exitum eius optantis, quod aliquando fieri audiuius; quoniam eiusmodi expulsio non valet. Tum quia facta per iracundiam non debent durare, cap. mortuum de penitentia; diffinitio cap. si quis iratus. 2. q. 3. Tum quia fraus & dolus nemini debent prodesse, cap. Sedes Apost. de rescrip. cap. de collusione de regenda. Tum quia sententia iuris ordine non seruata non valet, cap. ad nostram. il. 1. de iure iuro l. prolatam. C. de sententijs & interlocut. omnium iud.

Secundo addo, quod monachus eiectus iuridice, non solum quando rogat vt recipiatur in monasterium, & non recipitur, vt ait Feder. sed etiam anteaquam roget, potest remanere in habitu clericali seculari sub obedientia Episcopi, quia de rigore iuris non tenetur redire ad illud, vt nos late probamus in tom. 2. de reg. super cap. non dicatis. 1. 2. q. 1. num. 38.

3 **Tertio** addo, quod non solum monachus peribatus, sed depositus ecclesia parochiali, ad quam fuit canonicè translatus, ratione cuius suberat Episcopo, potest, & debet remanere sub obedientia Episcopi, sed etiam si sponte legitime renuntiavit ecclesiam. Tum quia in vtroque casu eadem ratio idem ius suadet; quia in vtroque casu est absolutus à sua religione, & in neutro potest reuocari ad claustrum, iuxta gloss. sing. in clem. 1. §. ad hæc. de statu monach. in verbo, claustrum. & probatur in cap. si quis iam translatus. 1. 1. q. 2. & cap. quodam. 1. 6. q. 2.

4 **Quarto** addo, quod nullo iure videtur probari id quod ait Fed. vbi supra, scilicet teneri Episcopum ad assignandum aliquem locum huiusmodi monacho, in quo seruet substantialia suæ regulæ, ad quæ seruanda tenetur, licet ab alijs absoluator, secundum omnes. Sufficit enim, vt maneat, & viuat in aliquo loco honesto inter suos cognatos, vel amicos, vel solitarius.

5 **Quinto**, quod huiusmodi monachus tenetur adire Episcopum, & illi significare se esse monachum, & obedientiæ suæ subiectum, & paratum iussis ipsius iustis obedire, vt possit Episcopus curam eius & vitæ suæ suscipere, & bona, quæ quæsiuit, exceptis necessarijs ad viuendum, recipere, vt tradimus in dicto cap. non dicatis. num. 35. & rursus in cap. nullum. num. 46. 18. quæst. 1.

Sexto

Sexto addo, quod huiusmodi monachus remanebit subiectus Episcopo originario, cui ratione fraternitatis subijcitur, vt late probamus in d. cap. nondicatis. num. 34. quidquid Fed. ubi supra aliter dicat. Salua, &c.

SUMMARY.

1. **Eiectus iuste tamquam in corrigibilis per diffinitiuam ab ordine, non potest cogi vt ad ordinem redeat, nec vt ad alium transeat: Et si id petat, sed eius petitio non fuit admissa, ei non nocet. num. 34. Quod diffinitiuam de voluntate superiorum rediens, forte non potest sine noua professione recipi, satis ad effectum, vt sic reciperet pristinum locum & gradum.**

CONSILIUM LXXX.

- N**on professus ordinis S. Dominici fuit expulsus & abiectus a praedicto ordine per superiores ordinis per sententiam propter incorrigibilitatem, & postea adhibuit diligentias vt reciperetur a praedictis superioribus, & ipsi illum admittere recusant. **Quaeritur primo, an praedictus N. tunc remanere possit in seculo sub ordinarij loci obedientia, adeo vt nec possit cogi vt ad ordinem redeat, nec ad alium se transferre teneatur.**
- Et licet, vt supra dictum est, praedictus N. debet adhibere diligentias vt reciperetur: nihilominus tamen ulterius scilicet **Quaeritur secundo, an tenebatur diligentias praedictas facere quia videtur quod per solam expulsionem absque praedictis diligentibus potest eum in seculo remanere, cum per expulsionem praedictus N. illum absoluerit a religione.**
1. **AD PRIOREM QVAESTIONEM** respondeo, quod potest praedictus N. remanere totus extra suum ordinem & monasterium: ita quod si nolit redire, non potest cogi ad redeundum a confessione in foro interiori, nec ab ullo iudice in foro exteriori, vt nos tunc quam alij determinauimus disputando quaestionem pro vtraque parte in com. de reg. super cap. non dicatis. l. 1. q. 1. num. 33. quod autem minus possit cogi ad se transferendum ad aliam religionem, ea ratione irrefragabili probatur, quod nemo potest cogi ad crescendum per ascensum ad religionem, quam non est professus, textus cum glo. in cap. gesta. 74. dist. & quod nemo potest cogi ad virginitatem & castitatem, quam non vouit, seruandam, cap. integritas. 3. q. 1. & translatio ad alium ordinem, vel religionem, non potest fieri sine noua professione secundum omnes.
2. **AD POSTERIOREM QVAESTIONEM** respondetur, quod eiectus ab ordine per sententiam cum causae cognitione latam non tenetur requirere, neque rogare superiores, vt eum velint recipere. Tum quia id nullo iure cauetur, & ita non est asserendum, cap. legatur. 24. q. 1. & 5. consideremus. in authen. de trien. & semiss. collat. 3. Tum quia sententia per lapsum decendij transit in rem iudicatam, auth. hodie. C. de appell. & cap. cum sit Romana. eod. tit. cum eis adnotatis: & res iudicata pro veritate habetur, l. res iudicata. ff. de reg. iur. & contra rem iudicatam nulla partium

tium auditur per viam iustitiæ, cap. cum Bertoldus. de sent. & re iud. Tum quia, vt ad priorem quæstionem respondi, nullatenus ipse compelli potest redire ad ordinem, si non vult: quamuis illa rogatio & requisitio nihil nocet ei, si non fuit acceptata à superioribus, licet profit ad augendam bonam opinionem de animo eius erga religionem. Quin etiam forte addi posset non posse ipsum redire ad suum ordinem ita, vt sine noua professione, etiam de consensu superiorum, recipiatur saltem ad eum locum, & gradum, in quo ante sententiam erat: quod tamen, quia noue occurrit in Pœnitentiaria, neque approbo, neque reprobo. Salua saniori sententia.

S. V M M A R I V M.

- 1. Donatio facta ab ingressura monasterium, etsi possit defendi quod non comprehendatur sub verbis decretorum cap. 15. & 16. sess. 25. de reg. attamen sub eorum mente comprehendendi videtur.
- 1. Lex exorbitans & pœnalis extenditur, vbi si non extenderetur, frustraretur.
- 1. Intellectus cap. 15. & 16. Conc. Trid. sess. 25. de reg.

C O N S I L I V M LXXXI.

NOBILIS 13. annorum ingressura monasterium, antequam fieret nuptia, donauit bonam partem bonorum suorum suo patruo, eo quod decreuit intrare monasterium. Quæritur an valeat donatio, non obstante cap. 15. & 16. de reg. sess. 25. Conc. Trid.

- 1. Respondetur multa posse adduci pro vtraque parte quæstionis: nobis autem occurrunt duo breuiter respondenda. Alterum est, posse defendi propositum casum non includi sub verbis præfatorum duorum capitulorum. Alterum, consulendū & iudicandum esse præfatam donationē minime valere, ratione illa neruosa, q̃ lex etiam exorbitans & pœnalis extenditur ad alium casum, ad quē si non extenderetur, frustraretur, cap. si ciuitas. de sent. excom. lib. 6. & cap. 2. de vsur. eo. lib. adiun. glo. ver. aliter facta. quæ cōmunis & recepta sententia est à Domin. & Fran. in cap. 1. de temp. ord. lib. 6. & à citatis per eos: & si præfata capp. nō extenderentur ad hunc casum, passim frustrarentur: maxime autē extendenda videntur: quia donatrix hæc nobilis est, & paruula, & donauit parentibus, vel cognatis, cuius auctoritas est apud eam magna, & donauit facta expressa mentione de ingressu monasterij: & q̃ ille ingressus præconceptus monet eā ad faciendam illam: quia huiusmodi puellæ facilius persuaderi possent ad donanda sua bona suis parentibus, cognatis, vel amicis, antequā ingrederentur, quam post ingressum. Quare arbitror futurā litem, si præfata donatio nō muniat aliquo firmo munimine. quia tamen vereor, ne præfata puella magis moueatur suasu hominum quærentium magis quæ sua sunt, quam quæ Christi, non audeo consulere quod munimen fuerit firmum quo ad homines, cum nullum mihi videatur satis firmum quo ad Deum, & D.N. Iesum Christum, qui nos docuit nihil prodesse homini totum mundum lucrari, animæ suæ detrimentum patiundo. cap. Matthæus. de simonia. Salua, &c.

Aduertendum referri sacram Congreg. censuisse, cap. 16. sess. 25. de regul. sibi locum non vendicare in donationibus factis ante susceptum habitum probationis.

Nauar. Cons. Pars I.

Ggg

SVM-

- 1 Donatio ab ingressuro religionem, antequam ingrediatur, & habitum probationis assumat, facta cum pacto, ut eo non proficiente esset inualida, censetur nulla ob non servatam formam sacri Conc. Trident. nu. 2. cui ea quæ in hac donatione servata fuerunt, nec equipollent, nec aque vitia sunt donanti, nec religioni. num. 5.
- 2 Solemnitas requisita ad actum omissa, si sit levis, non vitiat actum, secus si sit de forma substantiali actus, qualis est omnis à lege cum clausula irritante requisita, num. 3. vel sub conditione, vel pro actu certo & determinato tempore agendo requisito. num. 4.
- 3 Intellectus cap. 16. sess. 25. Conc. Trid. de reg.

CONSILIVM LXXXII.

- 1 **A**N DONATIO, seu renunciatio bonorum suorum facta occasione futuri ingressus in religionem ab eo qui religionem nondum ingressus est, neque habitum suscepit, cum pacto, quod in omnem eventum, in quem dictus donator ante professionem à monasterio exiret, dicta donatio esset nullius momenti, sit valida, non servata forma præscripta in c. 16. sess. 25. de reg. Conc. Trid.

Pro parte affirmante facit primo, quod non refert quod de equipollentibus fiat, l. fin. ff. mand. & cap. licet ex quadam. de testib. cum similib. & videntur equipollentia donare intra duos menses ante professionem cum licentia Episcopi, siue vicarij, & donare ante ingressum monasterij, cum pacto, ut non valeat donatio in vilo casu, quo ingressus, vel ingressa exierit de monasterio, quod intrauit. Secundo quod regul. iur. lib. 6. est, *Plus continet in se minus.* & plus videtur prodesse ingressuro monasterium, quod donatio non valeat in aliquo casu, quo ipse egrediatur de monasterio, quam quod non valeat, nisi quando fuerit facta intra duos menses ante professionem de licentia vicarij; quia facta posteriore modo nullo casu videtur reuocari posse: in priore vero sic, quando exiret per dispensationem. Tertio, quod omissio levis solemnitatis non vitiat actum, l. 1. §. fin. ff. de vent. in spic. tradit Bald. in l. 1. ff. de liber. & posthu. quem & alios in hoc citat Fel. in cap. cum dilecta. num. 10. de rescript.

- 2 Non obstantibus tamen ijs pars negatiua videtur tenenda. Primo quidem, quod à verborum propria significatione non est discedendum, l. non aliter. ff. de leg. 3. cap. tu. de spons. At verba præfati cap. 16. accepta proprie significant, donationem huiusmodi, aliter quam in eo dicitur factam, non valere: ergo iudicanda est inualida.
- 3 Secundo, quod actus factus contra formam substantialem à lege præstitutam non valet, cap. cum dilecta. de rescript. immo nec factus præter formam, cap. prudentiam. de offic. deleg. at donatio facta priore modo videtur facta contra formam substantialem præstitutam in præfato cap. 16. ergo non est iudicanda valida. Quod autem præfata forma sit substantialis, & non levis, probatur ea ratione, quod forma præstituta per legem habentem clausulam irritantem, est forma substantialis, & non levis, arg. l. non dubium. & l. fin. C. de legib. & tradunt Fel. & quos ille citat in d. cap.

cum

4 cum dilecta.num.6. & 10. & præfatum cap.16.continet clausulam irritan-
tem,scilicet quod donatio aliter facta sit irrita & nullius effectus: & idem
est,si forma daretur sub conditione,l.prætor. ff.de coll.bon.& tradunt Fel.
& citati ab eo in d.cap.cum dilecta.num.6. & forma præfata Concilij satis
videtur conditionalis,quatenus in effectû statuit,vt donatio si facta fuerit
secundum illam formam,valeat.

Tertio,quod solemnitas requisita ad agendum actum certo tempore,
censetur inducere solemnitatem substantialem, l. scire oportet. §. conse-
quens.ff.de excusat. tutor.per quem hoc dicit Bald.in auth. quæ supplica-
tio.sub fi. C.de precib. imp. offeren. & præfatum cap.16. præfigit tempus
præfatæ donationi faciendæ:ergo illa solemnitas est substantialis.

5 Quarto,quod præfati duo modi donandi non æquipollent sibi: nec for-
ma,de qua quæritur, est tam fauorabilis ingressuris, quam forma statuta
per Conc. in d. cap. 16. Tum quia forma præstituta à Concilio est fauo-
rabilior professuro, vel professuræ, quam alia forma propter præsentiam
Episcopi, siue Vicarij, quam requirit, quæ est magni momenti, vt renun-
cians renunciet sapienter, & non stulte, argum. l. non est verisimile. ff. de
eo quod metus causa, & cap. nisi essent viri prouidi.de præben. Tum quia
gravius est ingressuro monasterium facere donationem ante ingressum,
& susceptum habitum, quam postea: partim quia perdit facultatem do-
nandi alij postquam suscepit habitum: partim quia parentes, vel cogna-
ti volentes quærere bona ingressuri, vel ingressuræ monasterium, facilius
possunt consequi suum propositum, persuadendo pueris & puellis ante
ingressum, vt donent sua bona sibi, vel alijs, quibus volent, quam post-
quam ingressi fuerint monasterium, vel susceperint habitum: eo quod
sunt iuniores, & minus sapiunt, & plus subiiciuntur parentibus vel tuto-
ribus, & plus habent timoris reuerentialis, vt palam est; è contra post su-
sceptum habitum sunt liberiores, sapientiores, & est eis minus timoris re-
uerentialis, & habent plures consultores religiosos, vel religiosas, quæ
vt personæ spirituales, & à mundanis separatæ, præsumuntur rectius eis
consulturæ. Tum quia plurimum refert, an donationem faciant ante su-
sceptionem habitus cum clausula, vt nihil valeat casu quo vellent exire,
an vero non valeat, nisi facta secundum formam Concilij: nam difficilius
est donationes iam factas reuocare, & in statum pristinum redigere, quàm
eas non facere, & in statu pristino retinere, iuxta illud, *Turpius eijcitur,*
quam non admittitur hospes. cap. quemadmodum. de iureiur. & illud, *Melius est*
causam intactam seruare, quam post vulneratam remedium quærere. l. fin. C. in qui-
bus causis. præsertim quod vt plurimum in huiusmodi donationibus ad-
dunt notarij clausulam constituti, per quam donatarij fiunt possessores,
l. quod meo. ff. de acq. possess. & possessores multis modis suas possessiones
defendere solent, iuxta illud, *Magnum est commodum possessionis.* §. retinendæ.
vers. & quia. Insti. de interdictis. Tum quod etiam sit quale quale præ-
iudicium monasterijs, quæ intrant: quoniam per tales donationes priuant
monasteria omni spe succedendi in bonis eorum per donationes, vel vl-
timas voluntates. Tum ob alia, quæ consultissime videtur sacrosanctum

Concil. circumspexisse. Per quæ palam est præfatos duos modos donandi longe differre, & non æquipollere: & sic cessant argumenta pro parte contraria formata.

Aduerte quia refertur resolutum à sacra Cong. dictum cap. 16. Concil. non habere locum in donatione facta ante susceptum habitum.

S V M M A R I V M.

- 1 Liberatio tutoris facta ab ingressuro religionem, si sit inter viuos, etiam si sit scripta testamento, subiacet irrationi sacri Concil. Trid. secus si sit pars testamenti non habens effectum nisi sequuta morte testatoris: quia sacrum Conc. irritat quidem usque ab initio obligationes, & renuntiationes inter viuos, num. 2. sed non ultimas voluntates. nu. 3. An autem etiam irritet renuntiationem factam inter viuos sub conditione quod non valeat nisi sequuta professione, alia est quæstio. num. 4.

CONSILIVM LXXXIII.

AN LIBERATIO tutoris ab administratione, facta in testamento ab ingressuro religionem, sit valida?

- 1 Ad quæstionem hanc respondetur, quod liberatio tutoris ab obligatione de reddenda ratione administrationis bonorum ingressuri monasterium in testamento facta fieri potest dupliciter, vno modo per viam contractus, siue dispositionis inter viuos, eo modo quo contractus, & donatio irrenocabilis fieri potest in testamento, ita vt incipiat esse valida, irrenocabilis, & efficax à testamenti facti tempore, iuxta gloss. fin. & Bart. in l. hæredes palam. §. fin. ff. de testam. vbi late tractat Areti. & huiusmodi liberatio non valet, quia est quædam renuntiatio, vel quædam obligatio ad non petendam rationem, quæ fieri nequit ab ingressuro. Alio modo fieri potest liberatio præfata in testamento non alterando naturam testamenti, & tamquam accessorium ipsius; ita quod maneat reuocabilis, sicut ipsum testamentum est reuocabile; & quod renocato testamento censeatur reuocata eiusmodi liberatio, quo modo videtur fieri posse: sed tunc non remanet tutor liberatus ab obligatione reddendi rationem, nisi post mortem ingressuri, per quam testamentum firmatur, cap. cū Marthæ, de celeb. miss.
- 2 Nec obstat dicere quod huiusmodi liberatio & donatio vel obligatio in effectu est renuntiatio vel obligatio facta adiecto modo, vt non valeat in omnem euentum, quo ingressurus exierit monasterium ante professionem, vt aliàs diximus non valere: quia responderi potest præfatam liberationem secundo modo factam non valere à principio plusquàm ipsum testamentum, neque esse plus irrenocabilem, quam ipsum testamentum, immo esse quoddam accessorium eius, sine quo nullam vim habet, & in effectu esse ultimam voluntatem, qualis non est donatio vel obligatio, de qua loquitur Conc. Trid. sess. 25. de reg. cap. 16. & quod Concilium non loquitur de ultimis voluntatibus, neque consequenter de accessorijs earum, quæ sine illis consistere nequeunt.

Non

- 3 Non obstat etiam dicere, quod ratio, quæ iam mouit Cōcilium ad annihilandas renunciationē & obligationem inter viuos, suadere videtur annullandas etiam esse vltimas voluntates: quia in effectu sunt donationes, vel renunciationes bonorum sub conditione, in euentu si non exierit monasterium. Quia respōderi potest negando illud: quoniam renunctio, & obligatio inter viuos valet, & est efficax a principio: vltima vero voluntas nequaquam. Et si roges an renunctio, vel obligatio conditionalis si professionem fecerit, valeat, cum sit inefficax vsque ad professionem factam: Respondetur hanc esse aliam quæstionem differentem a proposita, cui, cum vacauerit, Deo annuente respondebitur.

S V M M A R I V M.

- 1 Irregularitatum dispensationes Papæ regulariter reseruata.
- 1 Religionibus fere omnibus priuilegium concessum est dispensandi cum subditis circa irregularitates, excepta bigamia, & mutilatione, ac homicidio voluntario.
- 2 Episcopus originis regularem eiectum promouere potest.
- 1 Eiectus post professionem retinet dispensationem obtentam in religione.

CONSILIVM LXXXIV.

QUIDAM N. frater professus ordinis M. promotus iam ad ordinem diaconatus eiectus fuit ob sua delicta ab ordine, & exutus ordinis habitu. Quæritur, de cuius Episcopi vel prælati licentia ordinari possit.

- 1 Respondetur primo, quod si præfatus D. consulens fuit eiectus ab ordine præfato ob aliquod delictum inducens irregularitatem, a qua non posset Episcopus absolvere, oporteret pro dispensatione recurrere ad Papam; si antequam eijceretur, nō fuisset dispensatum cum illo super ea per ordinis sui priuilegia; quia regulariter omnis irregularitatis dispensatio est Papæ reseruata, cap. 1. de re iudic. lib. 6. cum ei adnot. licet fere omnes ordines, & religiones habeant priuilegia, per quæ superiores earum possunt dispensare cū subditis suis super omnibus irregularitatibus, excepta illa, quæ prouenit ex homicidio voluntario, & mutilatione, ac bigamia.
- 2 Secundo, quod si delicta, ob quæ fuit eiectus ab ordine, non inducebant irregularitatem, neque aliam inhabilitatem, super quæ non posset Episcopus dispensare, poterit eius diæcesanus originarius recipere illum, & si habet beneficium sufficiens ad honeste viuendum, & est idoneus ætate, literatura, & moribus ad sacerdotium, ordinare ipsum presbyterio, facta ei fide prius de alijs ordinibus rite in religione susceptis, & facta dispensatione, si qua fuerit necessaria, super inhabilitate, quam ipse sua potestate ordinaria poterit tollere. Salua, &c.

S V M M A R I V M.

- 1 Regularis quicquid acquirit, siue suo, siue monasterij nomine, siue impersonaliter contrahendo, suo acquirit monasterio: fallit in Minoribus de obseruantia, qui acquirunt sedi Apostolicæ, nu. 2. quæ illis in actionibus actiue succedit; passiuas.

autem non tenetur nisi de æquitate subire. num. 3. at quæ ad tales per ultimas voluntates deueniunt, priorum dominorum remanserunt. num. 2.

- 4 Regularis ordinis Minorum de obseruantia, omnia, quæ per cōtractus acquisiuit, tenetur Sedi Apostolicæ, cui hæc acquiruntur, ita indicare, vt possit ea recuperare & habere.

CONSILIVM LXXXV.

QUIDAM frater Minor de obseruantia apostata in sæculari habitu contrahendo quæsiuit aliqua iura, & obligationes passiuas & actiuas: ita quod fuit factus multorum creditor, & multorum debitor, & reuersus ad suam religionem, & ab omni apostasia liberatus.

Quæritur primo, quid fiet de huiusmodi creditis & debitis.

Secundo, an præfatus frater possit facere de omnibus obligationibus præfatis vnum memoriale, & instruere prælatum suum super eis.

- 1 AD PRIMAM QVAESTIONEM respondetur primo, quod præfatus D. consulens nihil sibi quæsiuit singulariter, nec monasterio, nec alicui suo: quia licet regulariter religiosi aliorum ordinum contrahendo vtiliter quærant suo monasterio vel ordini, iuxta doctrinam Innocen. in cap. cum olim. il 2. de priuil. siue contrahant nomine suo, siue nomine sui monasterij, vel ordinis, siue impersonaliter, vt diximus in comment. 2. de regular. super cap. non dicatis. 1 2. q. 1. num. 32. post Bal. in l. seruus. C. de pactis: Franciscanus tamen non potest id facere: quia monasteria & ordo Sancti Francisci sunt incapacia dominij, & possessionis omnium bonorum pecuniariorum, cap. exijt. 9. ad hæc. de verb. sig. lib. 6. & clem. exiui. §. proinde. eod. tit.

- 2 Secundo, quod omnes obligationes actiuæ, aliaque iura vtilia quæsitæ per præfatū D. consulentē videntur pertinere ad Sedē Apost. quia omnia quæ quærentur saltem per contractus monasterijs & ordini S. Francisci, si essent illorum capacia, videntur quæri Sedi Apostolicæ, per præfatos §§. ad hæc, & proinde. Dixi, cōtractus: quia relicta eis per ultimas voluntates, & successiones saltem vniuersales ex testamento, vel ab intestato, videntur remanere caduca, per eosdem §§. & ea quæ adnotauit Card. in d. §. proinde. quæst. 2. & præfatus D. consulens præfatas actiones quæsiuit per contractus: ergo illæ pertinent ad Sedem Apost.

- 3 Tertio, quod maioris quæstionis est, an Sedes Apost. quæ succedit in obligationibus actiuis, & iuribus vtilibus, succedat etiam in obligationibus passiuis, quibus præfatus consulens, si fuisset habilis ad se obligandum, fuisset obligatus. Et disputando quidem teneri posset de rigore iuris non succedere, per aliqua quæ nunc non vacat scribere; consulendo tamē videtur respondendum, quod de æquitate teneatur, argumento illius senarij, *Commoda qui sentit, iungat onus emolumentis.* cap. qui sentit. de reg. iur. lib. 6. & clem. 1. de censib. & l. secundum naturam. ff. de reg. iur. & per quædam alia, quæ non vacat nunc afferre.

Quarto, quod prælatus prædicti consulentis prouide faciet, si adiecit S. D. N. & notum fecerit hoc factum, & simul orauerit S. Sanctitatem, vt pro

ut pro sua maxima benignitate dignetur committere alicui fidæ personæ omnes obligationes prædictas actiuas & passiuas, ut recuperet credita, & soluat debita, & reliqua impendat in eis, quæ suæ Sanctitati placuerint.

- 4 AD SECVNDAM respondetur, posse, debereque D. consulentem scribere aliquod memoriale creditorum, & debitorum, & scripturarum, ac testium, quibus ea, quæ oportet, probentur; & tradere illud suæ Sanctitati, vel personæ ab ea deputatæ; & postea, quoties oportuerit, informare præfatam personam deputatam de licentia sui prælati, & seruatis eis quæ seruanda forent per fratres sui ordinis, si vocarentur ad ferendum testimonium in causis alienis; abstinendo tamen ab eis quæ sibi per præf. ss. ad hæc, & proinde, vetantur. Salua, &c.

S V M M A R I V M.

- 1 Bona donata tam à laicis, quam clericis Minoribus de obseruantia, Sedi Apostolica, si sint iuste donata, acquiruntur, aliàs non.

C O N S I L I V M LXXXVI.

AN MINORES fratres de obseruantia rerū oblatarum à rectoribus ecclesiarum dominium, proprietatem, seu possessionem acquirant?

- 1 Pro resolutione quæstionis supponenda sunt nonnulla, & primo quod ex cap. exijt. de verb. sign. lib. 6. clemen. exiui. eod. tit. non colligitur aliqua differentia inter dominium, proprietatem, & possessionem rerum oblatarum, vel donatarum iuste à personis priuatis, & inter dominium, proprietatem, & possessionem oblatarum & datarum à rectoribus ecclesiarum, & alijs clericis, si ab omnibus eodem modo, & æque iuste ac libere offerantur, vel dentur.

Secundo, quod sicut dominium, proprietas, & possessio rerum oblatarum, vel donatarum à laicis Minoribus de obseruantia quæritur Ecclesiæ Rom. ita dominium, proprietas, & possessio rerum oblatarum, vel donatarum à rectoribus ecclesiarum, & alijs clericis, acquireretur Ecclesiæ Romanæ, vel Papæ, modo æque iuste ac liberaliter offerantur, vel dentur ab vnis, sicut ab alijs.

Tertio, quod sicut multa sunt bona, quæ non possunt iuste offerri, vel donari præfatis fratribus Minoribus à laicis sine licentia Papæ, ita multa bona sunt, quæ non possunt à clericis donari Minoribus sine licentia eiusdem, & cum illa sic; & illa quæ iuste non donantur Minoribus, non quæruntur Papæ, siue donentur à laicis, siue à clericis; & ea quæ iuste offeruntur, vel donantur ab vtrisque, quæruntur quo ad dominium, proprietatem, & possessionem ipsi Papæ.

S V M M A R I V M.

- 1 Professio contra legem decretum irritans habentem est nulla.
1 Professio est ex vtraque parte obligatoria.
1 Professio nulla in foro poli eget declaratione in foro fori.

1 Prælatus, quem scit nulliter professum, ex officio expellere potest.

2 Prælatus nulliter professum seruatis seruandis expellas, num. 4. expulsus autem in viroque foro est liber. num. 5.

CONSILIVM LXXXVII.

AN QVI de genere Iudæorum descendit, & contra statutum religionis ei notum factum, cum protestatione, vt nulla esset professio, si de tali genere descenderet, interrogatus negauit se de tali genere descendere, ob quam negationem fuit admissus ad profitendum, ad quod non fuisset admissus, si fuisset confessus veritatem, sit verus religiosus?

1 Respondetur primo videri præfatum D. consulentem non esse vere coram Deo, & in foro conscientie religiosum. Tum quia professio fuit nulla, quia contra legem habentem decretum irritans facta. Tum quia professio est in effectu vltro citroque obligatoria, qua profitens se obligat monasterio, vel ordini ad seruandum ei secundum regulam eius, & contra monasterium ad alendum, & tractandum eum secundum eandem regulam; & ita est necessarius consensus vtriusque partis, tam præfati professionem acceptantis, quam ipsius profitentis: & in casu proposito defuit consensus prælati, quia fuit præstitus sub conditione, si non esset de tali genere; & ita defuit conditio, sub qua fuit admissus, & consequenter ipsa admissio; quia dispositio conditionalis nulla est deficiente conditione. Tum quia deficiente causa regulariter deficit effectus.

2 Secundo respondetur, quod D. consulens quo ad præfatum forum conscientie cum licentia & sine licentia prælati posset exire à monasterio & ordine; sed castigaretur in foro exteriori, si absque licentia exiret: nec sufficeret omnino qualis qualis licentia, sed requireretur iudicialis data cum causæ cognitione, probatis & seruatis quæ probanda & seruanda sunt in tali iudicio, & causæ cognitione; cum sententia iudicialis ferenda sit secundum allegata & probata.

3 Tertio, quod prælatus in foro exteriori teneretur ad instantiam partis legitimæ, scilicet accusatoris, vel denunciatoris, allegatis & probatis necessarijs dare præfatam licentiam; immo & iudicare illum eiiciendum esse à monasterio, & ordine, & eicere illum per suam sententiam.

4 Quarto, quod præfatus prælatus, qui probabiliter credit eum esse de tali genere, ex officio suo, sine alio accusatore, vel denunciatore potest, & debet, præmissa legitima causæ cognitione per viam inquisitionis, expellere illum à monasterio & ordine.

5 Quinto, quod si prælatus ad instantiam legitimæ partis, scilicet accusatoris, vel denunciatoris, vel ex officio per viam inquisitionis expulerit ipsum per suam sententiam legitimam ab ordine suo & monasterio, poterit ipse viuere vitam, quam iuste viuere posset, si præfatam professionem non fecisset, per iura, & rationes in his dictis insinuatæ, & quæ extendi possent ab eo, cui per valetudinem & otium magis quam nobis id facere liceret. Salua, &c.

SUMMARIUM.

- 1 Bulla Pij V. contra translatos intelligitur de translatis virtute priuilegiorum contra ius commune.
- 1 Religiosi de iure communi possunt transire ad arctiorem cum licentia suorum superiorum.
- 2 Transeundi ad religionem laxiorem solus Papa potest facere facultatem.
- 1 Facultas transeundi ad laxiorem à Papa concedi debet ex iusta causa.

CONSILIUM LXXXVIII.

AN FRATER Carmelitanus translatus sine facultate Papæ ad ordinem fratrum Minimorum, cum licentia tamen sui superioris, quia cum nolebat amplius religio retinere, teneatur redire ad suum pristinum ordinem propter extrauag. Pij V. 91. Quæcumque. quæ statuit non posse recipi, nec retineri ab vlla religione fratres alterius ordinis, sed debere remitti ad proprios ordines?

- 1 Respondetur quod non; quia Pius V. non iubet per suam constitutionem, translatos ab vna religione in aliam, redire ad priorem religionem, sed tantum translatos virtute facultatum & priuilegiorum particularium concessorum à Sede Apostolica speciatim contra ius commune aliquibus monasterijs, vel religionibus, vt possent accipere apostatas, vel aliquos alios aliarum religionum. Et frater Carmelita, de quo quæritur, non transiit ad fratres Minimos virtute huiusmodi facultatis & priuilegij specialis, sed virtute iuris canonici, quo licet omnibus de religione laxiori ad arctiorem transire, iuxta cap. licet de regular. iuxta quod possunt hanc facultatem superiores dare. Quod autem diximus in com. 4. de reg. super cap. statuimus. nu. 10. esse necessariam licentiam Papæ, ibi id asserimus de facultate transeundi ad laxiorem: & intelligendum est de potentia id faciendi cum causa: alioquin etiam facultas concessa à Papa transeundi ad laxiorem sine iusta causa, non valeret; & præfatum cap. statuimus. 19. q. 3. de proprio significato verborum æque comprehendit eas, ac alias à suis Generalibus concessas.

SUMMARIUM.

- 1 Professio ante 16. annum completum in quauis religione est ipso iure nulla.
- 1 Professio si fiat ante finem anni nouitiatus à suscepto habitu, est ipso iure nulla.
- 1 Annus nouitiatus non censetur esse completus, nisi sit continuus.
- 1 Tempus omne à iure statutum in dubio censetur esse continuum.
- 2 Professio metu facta est ipso iure nulla.
- 2 Votum metu factum est ipso iure nullum.
- 2 Professionem religionis annullare sufficit (etiam quo ad forum exterius) metus reuerentialis minor iusto timore, modo sit talis, sine quo professio non fuisset facta.
- 2 Actus metu factus non ligat agentem quo ad forum conscientie.

3 Profes-

- 3 Professio ipso iure nulla non ratificatur ex longa mora in religione, nisi sciat esse nullam, & persistat animo ratificandi.
- 4 Professionem tacitam non inducit gestatio habitus indistincti per annum, & ultra, nisi fiat ante professionem expressam.
- 4 Actum vnum semel faciens expresse, frustra facit iterum illum expresse, & multo magis tacite, ut stipulans, locans, mandans, & appellans. & nu. 5.
- 5 Professio tacita non inducitur solum faciendo actum ad professum tantum pertinentem, quando illum fecit post professionem expressam nullam, nisi alia concurrat, & sciat esse inuvalidam iam factam, & per talem actum induci professionem, & persistat animo approbando.
- 5 Sciens professionem prius expresse emissam fore nullam, si a die scientia per annum continuum in religione perseuerat animo illam ratificandi re vera, tacite profitetur.
- 6 Professionem inuvalidam emittens, licet diu perseueraret per errorem, si post cognoscens esse nullam exeat, & uxorem ducat, tutus est in conscientia.
- 7 Professio inuvalida nullam obligationem inducit professum obligantem ad intrandum aliquam religionem in genere.
- 7 Scandalum etiam pusillorum potest facile desinere esse scandalum, reddendo iustam rationem, & monendo eos falli.
- 8 Ob scandalum proximi rationabile nemo tenetur relinquere bona spiritualia, nec temporalia.
- 8 Ob scandalum etiam pusillorum vitandum relinquenda illa, quae sine peccato mortali relinquere possunt.
- 8 Intellectus verus cap. 2. de nou. oper. nunc.
- 8 Creditores a debitoribus & iniustis detentoribus sua repetere Ecclesia sancte permittit.

CONSILIUM LXXXIX.

CVM de iure statutum sit, quod duplex sit professio, tacita, & expressa, & Dom. tua doctissime in suis commentariis de regular. praesertim super cap. cui portio. nu. 18. & super cap. statuimus, nu. 73. & seqq. idem affirmet: & cum ad professionem expressam quatuor requirantur: Primum, ut fiat in manibus Abbatis, aut habentis facultatem incorporandi in monasterio, cap. porrectum. de regular. vbi Innoc. & Panor. dicunt, quod si quis professionem fecerit coram, & in manibus alterius monachi, non esset professio. Secundum ex Conc. Trid. sess. 25. cap. 15. qui facit professionem, opus est ut adimpleuerit 16. annum, siue sit vir, siue foemina, alias nullius efficaciam erit professio illa: olim ius commune aliter habebat, nam in viro exigebatur 14. annus, in foemina 12. cap. significatum, & cap. cum virum. de regular. Tertium ex eod. Concil. ut sit post annum probationis, unde ante id tempus nulla est professio, & est etiam contra ius antiquum: nam in cap. constitutionem. de reg. in 6. habetur, quod in solis mendicantibus debet esse annus elapsus, in aliis potest fieri ante annum. Quartum debet esse cum habitu, ita ut per annum integrum gestet habitum, alias non: & hoc est contra ius antiquum, ut habetur in cap. porrectum. de regular. Et cum tacita professio quatuor modis fieri possit: Primo, quando quis immiscet se in actibus professorum, dummodo deferat habitum, ut habetur in cap. vidua. de regular. Secundo, quando elapso anno gestat habitum indifferenter nouitiis & professis: si tamen esset habitus distinctus,

etiam

etiā si maneat viginti annos, non est professus. Tertio, quando est distinctus habitus, & induit habitum professorum, & gestat per tres dies, est professus, in cap. ad nostrā. de regul. Quarto in cap. consulti. de regul. quando gestat habitum nouitiorum cum proposito mutandi vitam, & ingreditur religionem: in foro autē interiori nihil horū valet: nā si non habet animū interiorē vouēdi, etiā si cētum annos maneat, nō tenetur, cogetur autē in foro exteriori: sed iā ista post Cōc. Trid. celsāt: nā post Cōc. debet pcedere ann' probationis etiā in foro exteriori, & post illū est iā tacita pfectio.

1. **Quæritur**, quando sit valida, vel inualida professio.

- Respondeo, quod professio in quauis religione tā virorū, quā scēminarū est ipso iure nulla, si fiat ante 16. annū expletū, per Conc. Trid. sess. 25. cap. 15. de reg. Secūdo est ipso iure nulla, si fiat ante finē anni nouitiatus à suscepto habitu currētis per d. Cōc. vbi supra. Tertio annus nouitiatus non cēsetur esse cōpletus, nisi sit continuus, vt probat Lopus Abb. alleg. 47. & probat tex. in cap. 1. de reg. lib. 6. ibi, *Per totū annū*, & ibi Domin. & Frācus. & ratio, quam affert Lopus, est, quia omne tēpus à iure statutū in dubio cēsetur esse continuū, l. 1. ff. de var. & temp. pcept. Idem probat Sylu. verbo religio. 5. q. 4. & citat alios in suam sententiam. Quarto professio metu facta est ipso iure nulla, cap. 1. de his quæ vi. sicut & votū metu factum est ipso iure nullū iuxta gloss. receptā in cap. Abbas. eod. tit. vt diximus in Man. cōfess. cap. 22. nu. 5. 1. & quamuis quo ad forū exterius oporteat metum esse iustum, & talē, qui etiā in constantē virū cadat, iuxta l. metum. 1. & 2. ff. quod met. cau. tamen quo ad annullādā professionem religionis etiā quo ad forū exterius sufficit metus etiā reuerentialis minor iusto timore, iux. gloss. cap. pæfens. 20. q. 3. vt diximus in Man. confess. cap. 22. nu. 50. intelligēdo de metu minore, tali tamē, sine quo non fieret professio, vt diximus in d. Man. cap. 17. nu. 29. & seqq. Præterea nullus actus metu factus ligat agentē, quo ad forū cōscientiæ, ex mēte Hostien. & Ioan. Andr. in cap. verū. de iureiur. & Adriā. in 4. sent. de restitutione cap. aggredior.
3. vt diximus in d. Man. cap. 17. nu. 29. & 30. Quinto professio ipso iure nulla non ratificatur ex eo, quod sic professus persistat longo tempore in religione, quam professus est, sed oportet vt sciat illam esse nullam, & animo approbādi & ratificādi eam persistat, vt ait Caiet. 2. 2. q. 189. art. 5. quem
4. nos sequimur in d. Man. cap. 12. nu. 71. Sexto gestatio habitus indistincti ab habitu nouitiorum per annū & ultra non inducit professionē tacitam, nisi gestatio illa fiat ante professionem expressam: quia ratio, quare per gestationem habitus annalem præsumitur tacite fieri professio, est, quia gestans habitum, præsumitur habere animum profitendi tempore debito, scilicet finito toto anno nouitiatus: at qui gestat habitum post professionem expressam factam, non præsumitur habere animum profitendi in fine anni nouitiatus, quia iā expresse fecit eam, & gestat habitū tamquam professus, & non tāquam professorus: & confirmatur, quia qui facit vnum actū expresse, frustra facit iterū illū expresse; ergo quanto magis si faceret illum tacite? vnde qui aliquid stipulatur semel, frustra iterū idem stipulatur, l. qui bis idem. ff. de verb. obligat. etiam si ex interuallo secunda vice stipule-

- stipuletur, ut communis ibi concludit: & qui semel legat aliquid, frustra iterum idem legat, l. cum questio. §. fin. C. de legat. & qui semel mandat aliquid, frustra iterum idem mandat, l. licet. §. ea obligatio. ff. de procur. adiuncta gloss. faciunt etiam alia quæ las. & alij congerunt in d. l. qui bis idem. & ita qui dicit appello, appello, semel tantum appellat, gloss. in cap. Lotharius. 31. q. 2. & in cap. sua nobis. de appellat. à Panor. & ab alijs recepta. Septimo, professio non inducit ex eo, quod novitius facit actum aliquem ad professum tantum pertinentem, ut dicere in Capitulo suam sententiam, accipere sacros ordines, &c. sed oportet ut talis novitius nō sit prius expresse professus, ut de gestatione habitus dictum est: & sic intelligendum est cap. vidua. de regular. Oportet præterea ut talis novitius acceperit habitum professorum distinctum ab habitu novitiorum, ut declarat Panor. in dicto cap. vidua. & nos in nostro comm. super cap. statuimus. num. 73. & seq. diximus. Oportet præterea ut talis novitius sciat per huiusmodi exercitium actus professionem induci, ut Innoc. recept. dicit in d. cap. vidua. Oportet demum ut talis absoluerit finem anni novitiatus post Conc. Trid. Quare qui professionem emisit invalidam, vel quia ante ætatē, vel quia ante finem anni novitiatus, vel quia metu emisit, non censetur tacite profiteri, vel quia longo tempore manet in religione, vel quia gestat habitum indistinctum ab habitu novitiorum, vel quia facit actum professorum proprium, quamdiu putat professionem, quæ re vera est ipso iure invalida, esse validam, & manet, & gestat habitum, & facit actum ad ratificandum, quam putat validam errans: & ignorans non censetur consentire. l. si per errorem. ff. de iurisdic. omn. iud. sed tunc tacite censeretur profiteri, & re vera profiteretur, quando sciens factam iam professionem esse invalidam ob aliquam præteritarum causarum, & ad ratificandam & approbandam eam persistit in religione integrum annum a tempore quo sciuit eam esse nullam; annum inquam continuum, & non interpolatum, scilicet ut semper habeat intentionem illam ratificandi. Idem dicitur de gestatione habitus, & de actu.
- 6 Sed quæris, an qui invalidam emisit professionem, & mansit in religione multis annis, putans eam esse validam, postea vero cognoscēs eam esse invalidam, & nullam, non solum non approbat, sed redit ad sæculum, & ducit uxorem, sit tutus in conscientia, cum nullum habeat aliud canonicum impedimentum. Iam respondimus ad casum cuiusdam Germani, esse tutum in conscientia. Tum quia professio invalida nullum inducit effectum, neque ullam obligationem, ut habet Conc. Trid. sess. 25. cap. 15. adeo quod neque professum facit religiosum in genere, scilicet obligatum ad intrandum aliquam religionem, sicut ante præfatum Conc. Trid. obligabat, iuxta cap. non solum. de regul. lib. 6. Tum quia scandalum quod daretur per huiusmodi coniugium, vel esset Phariseorum, & non cauendum; vel si pusillorum, & cauendum, eo quod bona fide crederent aliqui talem esse vere professum; potest tamen facile fieri ut desinat esse scandalum pusillorum, monendo illos falli, reddendo rationem veram, & iustam: quod si post huiusmodi rationē noluerint acquiescere,
- scanda-

scandalum patientur non pusillorum, sed Phariseorum, vt D. Thom. ab omnibus receptus definit. 2. 2. quest. 43. art. 2. penult. & ult. concludens neminem teneri ad relinquenda bona spiritualia, neque temporalia propter scandalum proximi, quod patitur, eo quod non acquiescit rationi, & monitioni probabili sibi reddita: pro quod est illud venerabilis Bedæ, *Vtilius est scandalum nasci, quam quod veritas relinquitur*: cap. qui scandalizauerit. de reg. iur. cuius gloss. & commentum Ramon. & aliorum sunt in præfata resolutione: Ex quibus etiam colligitur verus intellectus cap. 1. de nou. oper. nunc. quatenus habet pro vitando scandalo relinquenda esse illa, quæ sine peccato mortali relinqui possunt: intelligendum enim est de scandalo pusillorum, non autem Phariseorum, & malignorum: non enim tenetur quis pari rapinam, furtum, retentionem iniustam suorum bonorum, eo quod raptor, fur, & usurpator scandalizetur per repetitionem à se coram iudice competente petitam, & usque ad sententiam exercitam: quia id esset præbere occasionem rapinis, furtis, & usurpationibus, vt ex D. Greg. allegato à S. Thom. indist. art. ult. colligitur, & ex prædictis Eoblesar. & Hittinane, quæ sapienter permittit dominos & creditores sua bona & debita à suis debitoribus, & detentoribus repetere. Et licet si professus posset absque peccato vitam calicem ducere, non tamen teneretur id agere propter scandalum eorum, qui, probabili ratione sibi reddita, in sua pertinacia persistunt, vt diximus in nostro Man. confess. cap. 14. num. 31. l. & num. 44. & cap. 14. num. 23. & in nostro com. 4. de reg. super cap. nullum. num. 35.

S. K. M. M. A. R. I. K. M.

- 1 Monachi ex antiquis originarijs regulis nullum suffragium vel vocem habebant in Capitulo.
- 2 Prelati secundum recentiores regulas tenentur regere cum consensu vel consilio sui conuentus, vel consiliariorum.

CONSILIVM XC.

DVBITATVR circa c. notā. 18. q. 1. quatenus probat, q. totū regimen monasterij pertinet ad Abbatem, sine prælatū, & non ad monachos.

- 1 Respondeo id procedere secundum illas regulas originarias & antiquas, secundum quas monachi nullum suffragium vel vocem habebant in Capitulo. Verum hoc non habet locum secundum regulas recentiores, secundum quas prælati tenentur regere cum consensu, vel consilio sui conuentus, vel consiliariorum. Et de hac materia vide quæ scripsimus super cap. non dicatis. 12. q. 1. & cap. nullam. 18. q. 2. & cap. statuimus. 19. q. 3. vbi profundissime tractatur de ea.

S. K. M. M. A. R. I. K. M.

- 1 Consecrari non potest consecratione virginum monialis, si constat esse corruptam.
- 2 Vidua potest vouere solemniter expresse & tacite castitatem, & velum professionis suscipere.

Vidue

- 2 Vidua. Posuit benedicti benedictione viduali inter virgines.
- 3 Nouitia siue virgo, siue vidua, ut potest exire de monasterio, si ei non placet, ita monasterium potest eam excludere.

CONSILIVM XCI.

AN MONIALIS, de qua iudicialiter constat esse corruptam, nec ipsa id negat, immo fatecur, possit consecrari?

- 1 Respondeo primo, quod non consecratione virginum, per tex. cap. acutius. 26. dist. cap. deuotis. cap. iuueniculas. 20. q. 2. etiam ad euitandū scandalum. S. Tho. lib. 4. senten. dist. 38. q. 1. art. 5. & lib. 3. dist. 33. q. 3.
- 2 Secundo, quod vidua licet non debeat consecrari consecratione virginum, potest tamen vouere solemniter etiam tacite ipso facto castitatem, & velum professionis suscipere & portare. tex. cap. vidua. de regul. & benedicti benedictione viduali etiam inter virgines, vt in Ration. diuin. offic. lib. 2. cap. 1. num. 48. & cap. sicut bonum. cap. viduas. 27. q. 1.
- 3 Tertio, quod monialis, de qua est questio, potest benedici benedictione viduali, de qua in Pontificali, mutando verba viduitatem sonantia in alia honesta, scilicet, innupta, deuota, serua Christi, Deicola. S. Tho. 2. 2. q. 111. art. 1. Et sicut nouitia intra annum probationis potest exire de monasterio, si ei non placet, ita monasterium potest eam excludere, cap. ad Apostolicam. de reg. & cap. 1. cap. non solum. eod. tit. lib. 6.

DE CONVERSIONE CONIUGATORVM.

SUMMARIVM.

- 1 Sponsa sponsum ingressum religionem ipsa renuente iure per tempus duorum mensium tantum, vel arbitrio iudicis statnendum, expectare tenetur, at post sacrum Concilium tenetur expectare per integrum annum. num. 4.
- 2 Leget generales, siue sint priores, siue posteriores, limitantur per speciales, & per rationem alterius legis.
- 3 Lex generalis, praesertim vniuersalis, & negatiua, vniuersaliter intelligenda, licet maior ratio in vno casu militet, quam in alio.
- 4 Legum nouatio, limitatio, & extensio citra vel vltra verba ipsarum non videtur utilis, cum sit quedam legum mutatio, quae non ob quamlibet maiorem utilitatem, nisi sit maxima, est facienda.

CONSILIVM I.

AN SPONSA de praesenti, cuius sponsus, ipsa renuente, ingressus est religionem, habitumque suscepit, tamdiu expectare teneatur, donec elapso probationis anno professionem emittat, iuxta decretum c. 15. Cōc. Triden. sess. 15. de reg. vel praefigi possit sponso aliquis terminus, iuxta quem vel profiteatur expresse, vel ad sponsam redeat, iuxta cap. ex publico. de conuers. coniug.

- 1 Respondetur, quod pro parte negante facit primo, quod à iure antiquo

quo non est recedendum, nisi quatenus per ius nouum receditur, l. præcipimus. C. de appell. At expresse lege antiqua cap. ex publico, de conuers. coniug. cauetur, ne huiusmodi sponsus, vel sponsa teneatur expectare ultra duos menses, vel extra tempus arbitrium, iuxta cap. commissum. de sponsal.

2. Secundo, quod sicut leges priores generales limitantur per leges posteriores speciales, ita & leges posteriores generales limitantur per leges priores speciales, l. sed & posteriores, ff. de legib. & cap. generi per speciem. de reg. iur. lib. 6. l. in toto. ff. de reg. iur. vbi late Decius num. 7. & probatur, & amplificatur per duas gloss. solemn. in l. sciendū. ff. qui satisd. cog. & authen. offeratur. C. de litis contest. Cum ergo prædictum cap. ex publico. sit lex determinans specialem casum de sponso, vel sponsa de præsentī volente intrare religionem, censendum est limitare legem generalem cap. 15. de reg. sess. 25. Conc. Trid. ne habeat locum in illo casu speciali.

Tertio, quod longe maior ratio limitandi tempus inuenitur in hoc casu speciali, quam in alijs: quia in eo tractatur de grandi præiudicio tertij, de quo non agitur communiter in alijs nouitijs: & lex generaliter loquens non solum limitatur per legem specialem, sed etiam per rationem alterius legis, secundum Baldum in l. de pretio. ff. de publ. in rem actio.

3. Pro parte autem affirmate facit primo prædictum cap. 15. de reg. quod generaliter, immo & vniuersaliter, & negative prohibet fieri professionē ante finem anni nouitiatus: & lex generalis, præsertim vniuersalis, & negatiua, vniuersaliter est intelligenda, cap. solita. 6. fin. de maior. & obed. & d. l. de pretio. de public. in rem actio.

Secundo, quod negatio quidquid post se inuenit destruit, & contrarium eius ponit, iuxta glo. celeb. & recep. in cap. cum dilecta. de consuet. & prædictum cap. 15. per negationem prohibet, ne intra prædictum annum fiat professio.

Tertio, quod regula prædicta de lege generali generaliter intelligenda procedit etiam quando maior ratio inuenitur, quare non debeat includere vnam speciem, ac aliam, vt ait Decius post alios in conf. 669. num. 3. per textum in hoc memorab. in l. 1. §. quod autem. ff. de ale. lu. & aleato. qui tamen communiter est vitiatus, quatenus habet affirmatiue, *puto verum*, pro *non puto verum*, vt ratio sequens necessario concludit esse emendandum, vt adnotauit Antonius August. emend. lib. 4. cap. 17. Cum ergo lex Concilij prohibeat generaliter, immo. vniuersaliter, & negative, ne quis professionem faciat ante finem anni nouitiatus, habebit etiam locum in casu proposito, esto maior ratio limitandi eam inueniatur in eo vt plurimum, quam in alijs.

Quarto, quod ad solum principem videtur pertinere temperare legis rigorem per iuris æquitatem non scriptam, l. 1. C. de legib.

4. Quinto, quod licet vno respectu æquius videatur, vt seruetur ius antiquum, de quo in d. cap. ex publico. alio tamen videtur æquius, vt nouum seruetur potius in hoc casu, quam in alijs. Tum quia frequenter contrahentes matrimonium poenitet statim contraxisse, & turbati illa poenitentia

riu refugiant ad remedium religionis, quam facile profitentur, quod po-
 stea dolent fecisse. Tum quod maior est necessitas probandi religionis
 austeritatem ei, qui tam alienus fuit à religione, ut peruenerit ad contra-
 hendum matrimonium, quam alijs, qui non tantum se elongarunt. Tum
 quod utilius videtur relicto, vel relictae in seculo, ut relinquens probet in-
 tegre austeritatem religionis, quam partem eius: quoniam magis potest
 sperare, quod probata integre austeritate illius poenitebit ingressus, &
 redibit ad ipsam, quam si solum ex parte probasset. Sexto, quod nouatio
 & limitatio, vel extensio legum citra vel ultra verba ipsarum, nisi effica-
 cissima ratione urgente, non videtur utilis: quoniam est quaedam mutatio
 legis, quae non expedit fieri, etiam ob maiorem utilitatem, nisi fuerit ma-
 xima, iuxta l. 2. ff. de constit. princ. & tradit S. Tho. 1. 2. q. 97. art. 2. His rap-
 tim consideratis, de institutionem ad maius & maturius iudicium refero.

SYMMARIUM.

Religio S. Iohannis est vera religio, in qua tam proficientes ad chorum, quam ad mi-
 nitrandum, similem emittunt professionem. num. 3. per cuius ingressum dissoluitur
 matrimonium non consummatum, nedum secundum eorum statuta, num. 3. sed

CONSILIUM II.

QUIDAM nobilis contraxit matrimonium per verba de presenti,
 & vellet illud dissolvere per ingressum & professionem religionis
 hospitalis S. Iohannis Hierosolymitani. Queritur an possit illud facere.

1. Respondetur quod sic. Tum quia glossa celebris, & recepta ab omnibus
 puris Canonistis & Theologis mixtis, qui canonice prudentiae theologi-
 cam, vel theologicam canonici iuris prudentiam adiunxerunt, hoc tenuit
 in cap. in publico de conuen. & coniugal. Item quia illa glo. redacta fuit per
 Conc. Triden. in canonem necessario seruandum sess. 24. can. 6. definiendo
 generaliter absque ulla exceptione, matrimonium ratum non consumma-
 tum dirimi posse per solemnem religionis professionem: & constat reli-
 gionem praedictam S. Iohannis esse veram religionem, ut colligitur ex fun-
 datione, & statutis eius approbatis à Summis Pont. Tum quia omnes in-
 gradientes praedictam religionem, & eam proficientes emittunt tria vota
 substantia religionis approbata à Sede Apost. scilicet castitatis, pau-
 peritatis, & obedientiae, quae quò in manibus potentissimum aggregare re-
 ligioni facit, sic vere ac proprie religiosus, secundum Baror. communiter
 recep. in rubr. de reg. & S. Thom. & alios in 4. lib. sent. dist. 33. & 2. 2. q. 136.
 art. 7. & nos post alios tradimus in comment. de reg. super cap. cui portio.
 num. 18. Tum quia licet Domin. Sotus videatur negare religiones milita-
 res esse veras religiones lib. 7. q. 5. art. 3. de iust. & iure, religionem tamen
 praedictam S. Iohannis excipit. Tum quia licet Papa dispensare possit cir-
 ca votum castitatis religiosi ex iusta & magna causa, secundum glossam
 communiter receptam à Theolog. & Canonistis in cap. cum ad monaste-
 rium.

rium. 9. fin. de statu monach. contra S. Tho. in 2. 2. quæst. 88. art. 11. tamen non solet dispensare plus circa castitatem religiosorum militum prædictæ religionis, quam super castitate aliorum monachorum non militarium. Tum quod expresse in statutis & cærimonijs profitendi prædictorum religiosorum militum habetur vna forma & vnus modus profitendi; & constat per professionem religiosorum, qui profitentur quo ad chorum, dissolui matrimonium ratum non consummatum; ergo etiam per professionem eorum, qui eam profitentur quo ad militiam armatam. Tum quia specialiter in statutis & cærimonijs prædictæ religionis cauetur expresse, eos qui contraxerunt matrimonium, & non consummauerunt illud, posse intrare & profiteri prædictam religionem. Tum denique quod etiam nos post alios efficaciter probauimus in tractatu de rediv. eccles. q. 3. num. 27. & seq. eos qui profitentur religiones militares, etiam quo ad exercitium armorum, esse veros religiosos.

S V M M A R I V M.

1. *Matrimonia clandestina ante Concilium Trid. valebant.*
2. *Matrimonium ratum non consummatum professio religionis soluit.*
3. *Professio ante nouitiatum, seu metu facta, est nulla.*
4. *Annus nouitiatus ab vltima receptione habitus continuus requiritur.*
4. *Metu reverentiali facta professio est nulla.*
5. *Metus minor iusto, si est causa actus saltem sine qua non, in foro poli excusat.*
5. *Pœnitenti pro se & contra se creditur.*
6. *Scandalum ut vitetur, dissimulandum cum ijs, qui in matrimonio putatiuo bona fide viuunt.*

C O N S I L I V M III.

CONTRAXERVNT duo ante Conc. Trid. matrimonium de præsentî clandestine, ante quod consummatum femina post Concilium aui sui timore intrauit monasterium, vbi intra triduum habitum sumpsit, & professionem fecit: & post sex menses, mortuo aui, reliquit habitum, & persuasione suæ matris resumpsit illum, & in fine anni accepit velum, nulla professione noue facta: & post sex menses casu exiuit cum Abbatissa e monasterio, & confugit ad suum sponsum, & consummauit matrimonium: & coram iudice litis iurauerunt falso se consummasse matrimonium ante religionis ingressum: & manserunt sine scrupulo in eo decem & septem annos, & habuerunt filios. Quæritur quid iuris quo ad forum conscientie.

1. *Respondeo primo, certum esse, quod matrimonium valuit, cap. 1. de spons. duorum. & cap. 1. de reformat. matrim. sess. 24. Conc. Trid.*

Secundo, certum esse item, quod matrimonium illud fuit dissolutum per professionem præfatam, si fuit valida, cap. commissum. de sponsalib. quia matrimonium ratum non consummatum soluitur per professionem legitimam regularem, cap. ex publico. de conuers. coniug.

2. *Tertio, quod professio illa prima non valuit; quia professio ante finem*
Nauar. Conf. Pars I. H h h anni

anni novitiatus facta non valet, cap. 15. de reg. sess. 25. & quia metu & terrore aui facta fuit, cap. 1. de his quæ vi.

Quarto, quod illa veli assumptio non habuit vim professionis validæ. Tum quia nulla professio tunc facta fuit; & quæ prius facta fuerat palam, fuit nulla: & fundamento nullo existente, vel omnino corridente, corrumpit etiam fundatum, cap. cum Paulus. 1. q. 1. Tum quia annus novitiatus debet esse continuus, secundum communem sententiam per cap. 1. de reg. lib. 6. quod late tenet Lopus Abb. in alleg. 47. quem refert Francus in cap. 1. de reg. lib. 6. in princ. referens alios ei concordantes in d. cap. 1. & ita non potuit in fine præfati anni fieri professio; quia computandus erat annus incipiendo illum à secunda receptione habitus. Tum quia receptio illa secunda videtur fuisse facta ob metum reuerentialem matris, eo quod fuit facta per suasionem ipsius, ut narratur in casu: & quod verisimile est matrem allegasse illi voluntatem illam terribilem aui, qua nullatenus voluit restituere illam marito suo, etiam post excommunicationem, & anathematizationem; immo detrusit eam in monasterio: & est etiam verisimile, quod proposuit ei futuras sibi multas molestias: & ex eo quod ante annum finitum post secundam receptionem confugit ad maritum, opportunitate oblata: & ex eo quod verisimile est confugituram fuisse, si antea se obtulisset opportunitas: & ex eo quod statim ut confugit, consummavit matrimonium. & constat professionem factam ob metum reuerentialem parentum non valere, ut tenet gloss. cap. præsens. 2. quæst. 3. quam etiam nos secuti fuimus in Man. confess. cap. 22. num. 51. post Hadrianum, & alios. Item addidimus in d. Man. cap. 17. num. 5. & 30. quod omnis metus, etiam minor iusto, excusat in foro conscientie tantum, quantum iustus, si metus ille fuit causa saltem sine qua non, si absque illo non fuisset factus actus. & quæstio proposita tangit forum conscientie tantum: ergo quo ad illud forum indicandus est actus irritus per metum reuerentialem.

Quinto, quod partibus tam pro se, quam contra se creditur quo ad forum conscientie secundum omnes, & quod quæstionis huius decisio petitur quo ad forum conscientie tantum; & partes adeo putauerunt matrimonium præfatum esse validum, & professionem, quæ consecuta est illud, adeo nullam, quod decem & septem annos perseverauerunt in illo, suscipiendo liberos sine scrupulo conscientie.

Sexto, quod tractata lite in foro exteriori, iudicati fuerunt veri coniuges, & non fuerunt iudicandi tales ob id solum, quod iurauerunt se consummasse matrimonium ante professionem solemnem, argumento eorum quæ habentur in cap. super eo. de eo qui cogno. consang. & quod Panor. notat in cap. iuravit. de probat. ab alijs receptus. Ergo presumendum est, iudicem, qui iudicavit eos esse veros coniuges, inuenisse per processum, quem fecit, professionem præfata per veli susceptionem non fuisse firmatam, & ambas fuisse ipso iure nullas aliqua ratione supradictarum.

Septimo, quod dissimulari posset cum his, qui bona fide putant legitimum esse inter se matrimonium, si ex separatione grave timeretur scandalum, per tex. in cap. quia circa. de consang. & affin. & intellectum pulchrum

thrum eius Goffredi, quem rationibus irrefragabilibus defendimus in cap. si quis autem. de pœnit. dist. 7. à num. 67. vsque ad 75. contra Hostien. & alios qui illum per errorem secuti fuerunt, quos nos in dict. cap. si quis autem. referimus.

Octauo, quod per prædicta potest responderi prædictis oratoribus, ut remaneant in sua bona fide, in qua per tot annos remanserunt. Immo etiã potest declarari matrimonium valere quo ad forum conscientie tantum, sicut iam pridem declaratum fuit in foro exteriori. Salua, &c.

S V M M A R I V M.

- 1 Papa dispensare nequit quo ad vinculum super matrimonio rato, & consummato.
- 2 Vxor, si nupsit alij bona fide, maritum mortuum probabiliter credens, monenda non est de vita mariti; aliàs secus, quia non esset in bono statu.
- 2 Religionem intrare, & profiteri potest publicæ adulteræ maritus, etiam sine alio iudicio Ecclesiæ.
- 3 Maritus diu absens ab vxore etiam sine iusta causa, licet eam de eius vita non moveat, non dat causam proximam adulterandi; & ideo eam adulterantem dimittere, & religionem ingredi, & in ea manere potest.

C O N S I L I V M I V.

ANTE Conc. Trid. quidam nepos cuiusdam canonici potentis, & diuitis contra illius voluntatem contraxit clam matrimonium & consummauit cum quadam nobili paupere, consentientibus tamen tacite parentibus puellæ. quod cum rescisset auunculus iuuenis, curauit eum absentare à ciuitate ad loca remota, quæ puella ignorabat, & ibi ingressus fuit & professus religionem quamdam illustrissimam, cuius est confessarius, & prædicator in pretio habitus. Idque fecit consulto confessario, qui dixit ei licere prædictum ingressum. Puella item nesciens ubi ille habitaret, & putans esse mortuum, nupsit alteri nobili & potenti viro, qui ex ea multos filios suscepit, & habuit.

Quæritur quo remedio succurri possit eis, ne damnentur à Deo, neque ab hominibus.

- 1 Respondeo primum, non posse illis prodesse dispensationem Papæ: quia matrimonium prædictum fuit consummatum: & omnium tam Canonistarum, quam Theologorum vna est conformis sententia, nō posse Papam vlla de mundi causa dissoluere tale matrimonium quo ad vinculum, iuxta illud Euang. Matth. 19. *Quos Deus coniunxit, homo non separet.* cap. quod Deus. 33. q. 2. & cap. inter corporal. de translat. Episcop.
- 2 Secundo, quod femina non potest esse in bono statu, neque absolui per vllum remedium, nisi non exigendo, & non reddendo debitum marito; vel nisi contraxisset bona fide probabiliter credens quod maritus eius obierat, nec postea sciuit, nec credidit, nec credit contrarium: quo casu nullatenus esset ipsa monenda de vita mariti viuentis.

Tertio, quod prædictus maritus religiosus potest perseverare iuste in sua religione, per cap. Agathosa. 27. q. 2. quod clare habet, maritū vxoris,

quæ fornicata est publice, vt ibi addit gloss. posse intrare religionem, & perseuerare in ea, etiam non facta separatione iudicio Ecclesiæ: & in casu proposito notorium est adulterium prædictæ vxoris.

- 3 Non obstat, quod maritus, qui causam dedit adulterio vxoris, non potest illam dimittere, cap. discretionem. de eo qui cogn. consang. vxor. suæ. & cap. si tu abstines. 27. q. 2. & quod prædictus religiosus dedit causam adulterij prædictæ puellæ vxori suæ absentando se ad remota loca, & non scribendo illi, nec alias admonendo vitam suam. non inquam hoc obstat: quoniam non fuit causa propinqua, vel immediata adulterij: quia non tradidit illam adulterandam, nec rogauit, nec consuluit ei, vt id faceret: quo casu loquitur prædictum cap. discretionem. sed tantum fuit causa remota, de qua loquitur d. cap. si tu abstines. quia renuit cōmisceri illi, vel reddere debitum, quo casu non est causa, sed tantum occasio, cuius traditio non sufficit ad hoc, vt non possit eam relinquere, secundū gl. in d. c. si tu abstines. quam pulchre tractando sic declarauit Panor. & Præpos. in d. cap. discretionem.

S V M M A R I V M.

- 1 Vxoratus inuita vxore professus, si ab ea, vt potest, num. 4. in fin. repetatur, remanet obligatus voto simplici castitatis, num. 2. 3. & 4. Vnde si superstes aliam ducat, peccat, num. 2. tenet tamen matrimonium, nu. 4. non tamen tenetur ad religionem redire. num. 1. quod si non repetatur, remanet obligatus voto solemni: adeo vt si aliam duceret, non teneret matrimonium. num. 1. & 4. in fin.
- 1 Vxoratus si consentiente vxore professionem emittat, tenet & valet. & num. 4.
- 3 Votum emissum à filiofamilias in præiudicium patriæ potestatis vsque à principio est nullum: vnde nec mortuo patre secundum Panor. contra Innoc. obligatur.
- 5 Professio emissa ab vxorato inuita vxore, quæ eum repetijt, resoluitur in simplex votum. Vnde Pontifex cum hoc, si superviuat vxori, potest dispensare; seu illud, vt potest in simplici voto castitatis, commutare; etsi causa aliquanto maior in vno, quam in altero requiratur.
- 6 Castitatis votum à nouitio post habitum nouitiatus emissum ad sui commutationem requirit causam aliquanto maiorem, quam emissum in seculo.

CONSILIVM V.

QUIDAM inuita vxore intrauit & professus est religionem aliquam approbatam, & postea fuit repetitus ab vxore, & cum ea vixit aliquo tempore matrimonialiter. Quæritur an mortua illa possit aliam ducere.

- 1 Respondeo, quod pro parte negante facit primo cap. quidam intrauit. de conuers. coniug. quatenus habet, quod huiusmodi coniugatus mortua vxore non potest aliam ducere.

Secundo, & fortius facit cap. consuluit. eod. tit. quatenus probat, quod coniugatus manens in religione per annum & ultra, non reperente illum vxore sua, mortua illa antequam repeteret, non potest aliam ducere; & si ducat, non tenet matrimonium.

Tertio facit cap. ex parte. eod. tit. quatenus habet, cōiugatū, qui cōsentiente

tiente vxore professus est religionem, ea mortua non posse ducere aliam; nec, si duxerit, valere matrimonium.

Quarto facit cap. placet. eodem tit. quatenus habet ingressum & professionem vxoris credentis maritum esse mortuum valere, quatenus sibi & non marito præiudicauit.

Pro parte autem affirmante facit primo dictum cap. quidam intrauit. quatenus habet huiusmodi coniugati, votum non valere; & constat non præstare impedimentum id quod de iure non sortitur effectum, cap. non præstat. de reg. iur. lib. 6.

Secundo facit idē c. quatenus habet, q̄ mortua coniuge non potest cogi redire ad monasteriū: cui consequens est non valuisse votū antea præstitū.

Tertio facit d. cap. ex parte. quatenus habet à contrario sensu votum huiusmodi coniugati vxore consentiente factum valere, quasi diceret factum ipsa inuita non valere.

2 Pro resolutione dicendum primo, quod præfatus coniugatus non potest absque peccato citra dispensationem aliam ducere, per fundamenta pro parte negante adducta, & ratione illa firma, quod votum illud professionis licet non valuisset vt solemne quoad præiudicium vxoris suæ, quæ habebat potestatem in maritum, neque quoad obligandum eum religioni, vt pulchre tenuit Panor. cōtra Ant. in d. cap. quidam. valuit tamen tamquam votum simplex, id est habuit vim voti simplicis continentia, vt affirmat Panor. ibid. & clare sentit Goffred. in summa eiusdem tit. ver. si vero, & Syl. post Palud. ver. diuortium. q. 16. cui in sententia concordat Sotus in 4. dist. 27. q. 1. art. 4. col. penult. & quæ tale votum simplex vouit, non potest contrahere matrimonium sine peccato absque iusta dispensatione, cap. rursus. qui cler. vel vouen.

3 Non obstat, q̄ Innocentio in cap. scripturæ. nu. 31. de voto, tenenti, quod licet votū filijfamilias factum in præiudicium patriæ potestatis non obliget eum durante illa, obligat tamen ea cessante, contradiat Panor. nu. 7. per præfatum cap. quidam. quatenus ait ex illo colligi vnum dictū mirabile, scilicet, q̄ votum inualidum ex impedimento intrinseco non obligat etiam pro tempore, quo illud impedimentum cessauit: quia casus sunt diuersi. Ratio diuersitatis, quare in casu Panor. non obligatur minor ad implendum votum cessante patriæ potestate, & huiusmodi noster coniugatus sic cessante vita vxoris (licet neque à Panor. neque ab alio, quod scia, reddatur) potest esse, q̄ votū, de quo loquimur, à principio valuit quo ad præiudiciū vouentis; & ita à principio fuit obligatus seruare illud in præiudiciū suū; ita quod non poterat exigere ab vxore debitum, licet ei petenti negare non posset: minor autē à principio non fuit obligatus seruare votum in præiudiciū patriæ potestatis, immo nec potuit seruare illud iuste.

4 Secundo dicendum, quod licet huiusmodi coniugatus peccet ducendo aliam, ductio tamen siue contractus matrimonij valet, per adducta pro parte affirmante, per illam rationem firmam, quod qui vouit castitatem, vel religionem voto simplici, licet contrahendo matrimonium peccet, contractum tamen tenet, cap. rursus. qui cler. vel vou.

At professio huiusmodi coniugati facta inuita vxore est votum simplex, vel tantum habet vim eius, vt Panor. post alios dixit in d. cap. quidam. & colligitur irrefragabiliter ex eo, quatenus habet ab vna parte votum illud non valere, & ab altera quod videtur promisisse, & se obligare, non exigere debitum, & quo ad hoc votum valere: quæ duo sibi repugnât; nisi alterum intelligatur de defectu voti solemnitis, & alterum de virtute voti simplicis: quod in effectu est dicere, non valet vt solenne, sed valet vt simplex. Non obstat huic conclusioni cap. ex parte. eod. tit. quia loquitur de eo, qui fecit professionem consentiente vxore: in nostro autem casu fecit inuita ea. Non etiam obstat d. cap. consuluit. quia disponit de coniugato, qui emisit professionem sciente vxore, & dissimulante, & ita non contradicente, nec expresse consentiente, dum viveret. per illam enim dissimulationem & taciturnitatem vsque ad mortem, illa consecuta, videtur consensisse, vt post Ioan. Andr. & Cald. diligenter & recte intelligit illud Panor. ibid. Non obstat, quod Panor. in cap. 1. nu. 7. de conuers. coniug. ait post Cald. quod in omnibus casibus, in quibus coniugatus post professionem potest repeti ab vxore, si non repetatur in vita vxoris, debet remanere in monasterio; & si illa mortua contrahat cum alia, non valet matrimonium: non inquam hoc obstat: quia in casu proposito agitur de illo professo, qui intrauit inuita vxore, & fuit reuocatus a monasterio in vita eius.

- 5 Tercio dicendum, quod ex his duobus inferitur, S. D. N. iusta de causa sancteque posse dispensare, vt consulens contrahat; sicut posset, si votum castitatis & religionis simpliciter sine forma solemnitis voti emisisset: sed quod aliquanto maior causa requiritur ad dispensandum secum, eo quod diu detulit habitum non solum nouitiorum, sed etiam professorum, & quod in forma solemnitis voti vouit, quam ad dispensandum cum eodem, si simpliciter nullo habitu suscepto, vel etiam suscepto sine forma solemnitis voti vouisset. sicut & aliquanto maior causa requirenda esset, si votum simplex castitatis vouisset post habitum nouitiorum aliquanto tempore delatum, quam si vouisset ante illum susceptum. quæ tamen magnitudo cum non sit iure definita, arbitrio suæ Sanctitatis definienda est, h. 2. ff. de iure delib. cap. de causis. de offic. deleg. Salua, &c.

S V M M A R I V M.

- 1 Falsa causa, seu falsa persuasio & dolus vitiant quidem heredis institutionem, non autem votum nec simplex, nec solenne, cū non vitient in spiritualibus. n. 2. & 4.
 2 Coniugata sine consensu coniugis professionem emittens, ab eo (vt potest) de monasterio edueta, mortuo viro non cogitur ad monasterium redire: quod si non repetatur, non potest exire, immo cogitur in sua professione perseuerare, num. 2. 4. nisi Episcopus ob incontinentiam viri in seculo incontinenter viuentis educat, vt viro cohabitet. num. 3.
 3 Dolus & fraus prodesse non debent immediate, sed mediate prodesse possunt. nu. 4.
 4 Coniugatam professam de consensu viri viuentis in seculo incontinenter, vel inuen-

nis,

nis, & de incontinentia suspecti, potest Episcopus ex officio educere de monasterio, ut cohabitaret cum viro.

- 3 *Votum continentie coniugis sine alterius consensu valet quo ad solum vouentis praeiudicium, ut non exigit.*

CONSILIUM VI.

PAMPHILVS coniugatus abiit in regionem longinquam, in qua facto testamento, finxit se mortuum: sua coniunx intrauit in monasterium, & professa est solemniter, credens illum esse mortuum; quod nullatenus fecisset, nisi id credidisset. vir autem certus de vxoris professione vult intrare monasterium, & profiteri.

Quæritur, an vxor possit exire de monasterio, & compellere maritum ad cohabitandum secum.

- 1 Pro parte affirmante facit primo, quod falsa causa vitiat institutionem hæredis, l. fin. ff. de hæred. instit.

Secundo, quia vxor ingressa monasterium, ob id quod probabiliter credidit maritum mortuum, potest educi a marito, quo mortuo non potest cogi redire ad monasterium, cap. placet. de conuers. coniug. ergo.

Tertio, quia nemini suus dolus & fraus debet prodesse, l. itaque fullo. de furt. cap. bonæ. de postul. præl. & præfatus maritus dolo finxit se mortuum, ut sua vxor fieret monacha. ergo.

Quarto, quia coniunx profitens, etiam de consensu alterius, potest exire iubente Episcopo ex officio, si manens in sæculo viuat incontinenter, vel est iuuenis, cap. cum sis. cap. vxoratus. adiuncta gloss. sing. verbo nullatenus. de conuers. coniugato.

- 2 Pro parte autem negante facit primo, quod vota iuste emissa seruanda sunt, cap. magnæ. de vot. sed illa vxor iuste vouit, & sancte professa est; quia iuste credidit maritum mortuum. ergo.

Secundo facit cap. consuluit. eod. tit. quatenus probat, quod coniunx ingressus monasterium absque consensu alterius, debet in sua professione permanere, nisi a coniuge dum viuit reuocetur. & Panor. relatis multis modis intelligendi illud cap. concludit, qd coniunx professus, siue ignorante, siue sciente, & dissimulante, siue inuita sua coniuge, non potest redire ad sæculum, nisi in vita coniugis, sine cuius cōsensu intrauit, repetatur ab ea.

- 3 Tertio, quia coniunx potest vouere continentiam sine consensu viri, & valet quo ad vouentis praeiudicium, licet non ad praeiudicium coniugis, secundum gloss. mem. d. cap. vxoratus, & ita non potest exigere debitum, licet teneatur reddere, d. cap. placet. ergo etiam professio facta sine licentia alterius coniugis valebit quo ad suum praeiudicium: & ideo si non quærat ab altera parte, non potest exire. Per quæ omnia videtur, quod prædicta vxor non potest sua sponte redire ad sæculum, nec repetere maritum approbantem suam professionem, nisi viueret incontinenter, & Episcopus ex officio suo iuberet ut cohabitarent simul.

- 4 Ad primum respondeo, distinguendo videlicet, quod in spiritualibus nec dolus nec falsa persuasio vitiat, cap. constituit. 20. q. 3. vbi gloss. memorabilis

rabilis, licet sic in temporalibus, quando dat causam contractui.

Ad secundum concedo, quod illa vxor potest reduci à marito repente, sed non potest sponte sua exire, nec maritum repetere, ut dicit glossa, quam mente tenet d. cap. vxoratus.

Ad tertium concedo, quod fraus & dolus immediate non prodest dolo, sed mediate sic, cap. quia diuersitatem. de conc. prab.

Ad quartum concedo, quod posset vxor educi repente marito, & Episcopo iubente ob causam in argumento contentam, sed non sponte sua, ut dictum est. Salua, &c.

S V M M A R I V M.

- 1 Professio à coniugato, cuius vxor publice adulterata est, etiam tacito matrimonio emissa, tenet.

CONSILIVM VII.

AN VALEAT professio viri coniugati, cuius vxor publice adulterata est, facta in religione, tacito matrimonio, cui alligatus erat?

- 1 Respondeo qd sic, per cap. Agathosa. 27. q. 2. quatenus habet, virum posse profiteri religionem nolente vxore, quæ fornicata est, præsertim publice, ut gloss. ibi annotauit: quia talis vxor nec possessorio, nec petitorio potest agere ad restitutionem sic profelli, cap. significasti. de diuortijs. & ita præfatus vir perinde quo ad hoc est censendus, ac si morte suæ vxoris esset ab ea solutus. Salua, &c.

S V M M A R I V M.

- 1 Adulterium committit vxor, quæ viuente primo viro, qui eandem etiam recedendo reliquit, nu. 3. cum altero secundum contrahit & consummat matrimonium: adeo ut si eius primus vir ingrediatur, ut potest, religionem, verus efficiatur religiosus, nec possit repeti. num. 2.
- 2 Bigamus relicta vxore adultera potest ut laicus religionem ingredi, sed non ut clericus, nisi secum Papa dispense; cum ad hanc irregularitatem non se extendant, ut creditur, regularium privilegia. num. 4.

CONSILIVM VIII.

QVAESITVM est de quodam, qui contraxit matrimonium clam ante Conc. Trid. cum corrupta, & consummauit illud, & abiit in aliam regionem longinquam, vbi post duos annos confessarius iussit ei, ut rediret ad suam vxorem, quam inuenit publice nuptam: & considerans non posse probare matrimonium suum clandestinum, hocq. post Conc. Trid. in facie Ecclesie contractum fuisse, ingressus & professus fuit religionem quamdam approbatam, & presbyter factus 14. annis vsus est sacris ordinibus; an debeat censeri esse in bono statu.

- 1 Responsum est primo, matrimonium eius fuisse validum: quoniam Conc.

Conc. Trid. non annihilavit, immo confirmavit matrimonia clandestina ante illud contracta, cap. 1. de reform. matrimonij sess. 24.

Secundo, quod vxor eius peccavit contrahendo publice cum secundo, si habuit verum animum matrimonium contrahendi cum D. consulente, & admisit adulterium, quod est grande peccatum, cap. at si. 6. de adulterijs. de iudic. & quia contraxit, antequam notitiam certam haberet de morte mariti, cap. antea. & cap. in præsentia. de sponsal.

- 2 Tertio, quod D. consulens peccavit ordines sacros assumendo; quia, erat bigamus, eo quod contraxit cum corrupta, cap. si cuius. cap. si quis viduam. 34. distin. & bigamia impedit omnem ordinem, per totum tit. de bigam.

Quarto, quod licite potuit ingredi religionē, ad hoc vt esset in ea conuersus laicus; quia bigamus potest esse talis monachus secundum omnes.

Quinto, quod ipse per suam professionem factus fuit verus religiosus; ita quod repeti non posset à sua vxore: quia per adulterium, quod admisit consummando secundum matrimonium, perdidit ipso iure ius petendi debitum, & retinendi, & repetendi illum, cap. Agathosa. 27. q. 2. vt post Caiet. tomo 7. tract. 5. quæst. 2. tradimus nos in nostro Man. conf. cap. 22. num. 21.

- 3 Nec obstat, quod videtur ipse dedisse occasionem adulterandi per suam absentiam; quia non dedit occasionem propinquam, sed tantum remotam, quæ non sufficit ad hoc, vt excuset vxorem à perditione iuris petendi debitum, vt in his fere terminis determinant Panor. & Præpos. in cap. discretionem. de eo qui cognouit consang. vxoris suæ. & est glo. satis apta in cap. si abstines. 27. q. 2. etiam si per suam confessionem vel alias probare possit prædictum matrimonium.

- 4 Sexto, D. consulentem debere petere dispensationem à Sede Apost. super irregularitate bigamiæ, super qua, vt puto, dispensare nequeunt superiores eius per priuilegia sua: quoniam per Apost. priuilegia, quæ mihi licuit videre, licet eis detur facultas dispensandi super irregularitatibus cum fratribus suis, ante vel post ingressum monasterij contractis, excipitur irregularitas, quæ nascitur ex homicidio voluntario, & bigamia. Salua, &c.

S V M M A R I V M.

- 1 Creditum nequaquam in foro exteriori viro & mulieri asserentibus in præiudiciū ordinum sacrorum publice assumptorum, se prius contraxisse matrimonium, & consummasse.
- 2 Adulteram non potest relinquere vir, qui & ipse (licet clam) adulterauit, & multo minus sacris initiari, etiam si illa alteri nupsisset; immo dissoluto secundo matrimonio illam volentem redire cogitur recipere.
- 2 Dispensare potest Papa, vt qui adulteram clandestine ductam, & postea alteri nuptam reliquit, & ordines suscepit, durante dicto publico matrimonio, in susceptis ministret ordinibus.

CON-

CONSILIVM IX.

CVM CERTVM sit, coniugem adulterantem ipso iure perdere ius petendi debitum à coniuge innocente, cui etiam ipso iure quæritur ius negandi illud delinquenti, vt tradit D. vestra in suo Man. confess. cap. 23. num. 23. Cumq. item certum sit, coniugem innocentem, qui, vel quæ quasiuit ius negandi debitum coniugi adulteranti, perdere illud adulterando, iuxta cap. intelleximus. de adult. Cumque verum sit, eum qui clandestine contraxit, & consummanit matrimonium cum aliqua, quæ postea publice contraxit cum alio, ex quo suscepit filios, & negante illa non potest probari matrimonium, posse ordines etiam sacros suscipere, iuxta cap. Agathosa. 27. q. 1.

Quæritur de marito adulteræ prius innocente, qui post matrimonium clandestine contractum cum ea ante Conc. Trident. postquam ipsa alteri publice nupsit, & adulterium commisit, & ipse clam adulteratus est, & postea ordines sacros suscepit, an recte fecerit, vel teneatur redire ad eam repetentem.

- 1 Respondeo primo, multa posse pro vtraque parte adduci per eum, cui vacaret id facere.

Secundo, quod in foro exteriori censendus erit recte fecisse, nec posse redire ad illam; quia non potest probari matrimonium, nec credi debet eis confitentibus illud; quia id credi non potest in præiudicium sacri ordinis publice accepti, iuxta cap. super eo. de condit. apposit. & ei per glo. & alios adnot.

- 2 Tertio, quod videtur male fecisse. Tum quia per illud adulteriū perdidit ius discedendi ab ea in foro conscientie, per cap. intelleximus. de adulter.

Quarto, quod teneretur in foro conscientie accipere illam, si mortuo marito vellet redire ad eum.

Quinto, quod non videtur posse iuste vti sacerdotio sine Papæ dispensatione, quam opinor posse suam Sanctitatem facere pro tempore, quo illa viueret nupta: attento quod illa non petit eum, nec eum vendicaret, etiam si peteret, propter probationis defectum: & quod non videtur contra ius naturale, neque diuinum, quod in huiusmodi casu occultissimo ordine suo vtatur sacerdos. Salua, &c.

SUMMARIVM.

- 1 Coniugatus, cuius vxor notorie adulterium commisit, sicut sine alia diuortij sententia potest religionem ingredi, ita & sacris ordinibus initiari.
- 2 Ordines sacros coniugatus post consummatū matrimonium assumere potest in omnibus casibus, in quibus inuita vxore potest religionem ingredi.

CONSILIVM X.

VTRVM vxoratus propter notorium vxoris adulterium potuerit sacris ordinibus initiari, relicta vxore in sæculo, & ingredi religionē?

Respon-

Respondeo posse. Tum quia per adulterium notorium ipso iure absque sententia separationis soluitur matrimonium quo ad thorum & cohabitationem, adeo quod ipsa adultera non potest petere restitutionem cap. significasti. de diuor. vbi hoc tenent omnes, & in l. naturaliter. §. nihil commune. vbi lafon col. 10. ff. de acq. possess. Tum quod hac ratione glossa recepta in cap. Agathosa. 27. q. 2. in verbo conuersionis. per illum textum dixit posse coniugatum ingredi religionem inuita vxore, quæ publice fornicata est. Tum quia quo ad hunc effectum parificantur ordo sacer, & monachatus, cap. coniugatus. de conuers. coniugat. adiunct. cap. cum sis. eod. tit. & Syluest. post Petrum Palud. in verbo diuortiū. §. 17. ponit pro regula, quod in omni casu, quo post matrimonium consummatum licitum est religionem intrare, licitum est etiam ad sacros ordines promoueri.

S V M M A R I V M.

- 1 Professio bigami coniugati, cuius vxor adultera est, etiam hoc tacito emissa valet, nisi intentio recipientium sit vel esse debeat non recipiendi tales. §. nu. 5. in fin.
- 2 Maritus adultera factus religiosus ad eam redire non tenetur.
- 2 Adulteriū opponi potest agenti rei vendicatione, spoliato autē non, nisi sit notoriū.
- 3 Bigamus est corruptam ducens, & sine Papæ dispensatione nequit ordinari, nec ordinatus sine ea licite ministrare. num. 5.
- 4 Irregularis celebrando peccat, sed irregularitatem nouam non contrahit.
- 5 Scandalum actiuum, & non passiuum attendendum.

C O N S I L I V M XI.

FRANCISCVS duxit in vxorem quamdam concubinam alterius publicam; quæ biduo post consummatum matrimonium redijt ad suum concubinarium, & ipse tanto dedecore commotus abiit in longinquam regionem; & ibi tacito matrimonio intrauit & professus fuit ordinem Franciscanum, & ad titulum religionis initiatus fuit omnibus ordinibus, etiam sacris, etiam presbyteratus, & pluribus annis missauit, & poenitentes sibi confessos absoluit.

Quæritur primo, an professio eius valuerit.

Secundo, an teneatur redire ad suam præfatam vxorem in foro conscientie, & an cogi possit in foro exteriori; præsupposito, quod illa palam & notorie perseuerauit, & perseuerat diutissime in illo adulterino concubinato.

Tertio, an potuit recte ordinari.

Quarto, an per executionem ordinum incurreret irregularitatem.

Quinto, an possit celebrare licite, non obstante quod aliqui ob id scandalizarentur.

- 1 **A D PRIMAM QVAESTIONEM** respondetur, quod decisio eius penderet ex facto animorum recipientium: nam si ea mente fuerunt, quod recepissent eum, si confessus fuisset se coniugatum cum ea, quam iuste dimiserat, & quæ volente nolente poterat fieri religiosus, valuit professio: si autem

autem erant contraria mente, non valuisset: in dubio autem præsumi posset eos fuisse priori mente, nisi particulari aliquo statuto contrarium haberent: quia quo ad intrandam religionem paria sunt iure cōmuni quem non esse coniugatum, vel talem coniugatum, qui perinde potest intrare illam, ac si non esset coniugatus: & de æquipollentibus idem est iudicandum, l. fin. ff. mand. & cap. licet ex quadam. de testibus. Et supposito quod professio valuit:

- 2 AD SECVNDAM respondetur negative. Tum quia est casus pro hac parte negatiua in c. Agathosa. 27. q. 2. Tum quia licet coniugi coniugem relinquere quo ad thorum propter fornicationem, auctoritate euangelica, Matth. 19. transl. in cap. Dominus. 32. q. 7. cap. fin. de coniug. leprosi. Tum quia adultera ipso iure ante omnem iudicis sententiam priuatur iure petendi debitum in foro conscientia, vt recte resoluit Card. Caiet. tom. 1. opusc. tract. 31. resp. 4. & probatur ipsa auctoritate euangelica. Tum quia in foro exteriori competit innocenti coniugi exceptio adulterij aduersus coniugem adulterātem, si agat via rei vendicationis; etiamsi adulterium sit occultum: & competit eadem exceptio, etiamsi agat via spolij, & restitutionis ante omnia faciendæ, si adulterium est publicum, quale est in hoc casu, per tex. sing. in cap. significasti. de diuort. quamuis exceptio cognationis notoria non posset opponi petenti restitutionem, cap. porro. eod. tit. cuius diuersitatis ratio à multis reddita ibi, & in l. naturaliter. §. nihil commune. ff. de acquir. poss. fuit à nobis quidem in d. cap. significasti. paulo altius declarata.
- 3 AD TERTIAM respondeo, quod non fuit rite ordinatus; quia bigamus non potest ordinari absque dispensatione Papæ, cap. acutius. & cap. deinde. 26. dist. cap. 1. de bigamis, & caret omni priuilegio clericali, cap. 1. eod. tit. lib. 6. & prædictus consulens erat & est bigamus; quia omnis qui contrahit matrimonium cum corrupta, vel vidua, fit talis, cap. si quis viduam. 1. & 2. & cap. si cuius. 34. dist. & consulens contraxit cum corrupta.
- 4 AD QVARTAM, quod per executionem ordinis non contraxit nouam irregularitatem; irregularis enim licet peccet celebrando, non tamen nouam irregularitatem contrahit, secūdum Innoc. in cap. si celebrat. de cler. excom. recep. ibi per alios, & neruosi per nos confirmatum in Man. confess. cap. 27. num. 194.
- 5 AD QVINTAM, quod licite potest celebrare post iustam habilitationem, non obstante quod aliquis ob id scandalizaretur. Tum quia illud scandalum non est actiuum, sed passiuum, de quo, si prouenit ex malitia, non est curandum, vt docuit Dominus Matth. 15. & probatur in cap. qui scandalizauerit. de reg. iur. & si scandalum processerit ex ignorantia, vel infirmitate, potest doceri ratio, cur celebrat viuente vxore dimissa; qua non obstante qui scandalizaretur, ex malitia videtur scandalizari: & ideo de tali non esset curandum, iuxta doctrinam S. Thom. receptam 2. 2. quæst. 43. art. 7. & 8.

Ex quibus infertur, quod prædictus Franciscus eget dispensatione super irregularitate bigamiz, super executione ordinum, & presbyteratus male

male assumptorum: & videtur iusta causa dispensandi, attentò quod est religiosus tam stricti ordinis, & quod fuit illi tanta causa vxorem adeo impudicam dimittendi: indiget etiam professionis noua emissionem, vel prioris ratificatione faciendà à S. D. N. vel à prioribus receptoribus, si mens recipientium non fuit, nec debuit esse recipiendi eum, si veritatem patefecisset. Salua, &c.

SUMMARIUM.

- 1 Vxor, viuentem primo marito, alteri nubēdo, & consummando cōmittit adulterium, ob quod ius petēdi debitū, retinēdique, ac repetēdi virū factū religiosum perdit.
- 2 Adultera si detur occasio remota adulterandi, non excusatur à perditione iuris petendi debitum.
- 3 Bigamiam contrahit matrimonium contrahens, & consummans cum corrupta; & si ordinetur, est male ordinatus.
- 4 Coniugatus fieri potest religiosus de iusta licentia vxoris, vel ea adulterante; & hoc casu potest ordinari.

CONSILIVM XII.

SOCRATES contraxit clam matrimonium cum corrupta, quam putabat virginem, & consummanit illud, cōhabitauitq. cum ea quasi duobus mensibus; postea ex Hispania traiecit in Flandriam, vbi mansit duobus annis; & iussus à cōfessario redire ad vxorem, inuenit eam nuptā alteri publice in facie Ecclesiæ. Quare ingressus, & professus fuit quādam religionem approbatam, in qua etiam ad omnes ordines etiam presbyteratus promotus fuit, quibus vsus est 4. annis circiter. Quæritur an iste sit in bono statu, & an teneatur requirere vxorem.

- 1 Respondendum est illum esse verū religiosum, nec posse repeti ab vxore: quia per adulterium, quod admisit, cōsummando secundum matrimonium, perdidit mulier ipso iure ius petendi debitum, & repetendi, & retinendi virum, cap. Agathosa. 27. q. 2. vt post Caiet. in opusc. tradidimus nos
- 2 in Man. confess. cap. 22. nu. 21. Nec obstat, quod videtur, quod ipse maritus tradiderit occasionem adulterandi per suam absentiam, & quod talem occasionem præbens non potest de adulterio vxoris se iuuare, c. discretionē. de eo qui cogn. consang. vxor. suæ. quia non dedit occasionem propinquā, sed remotam, quæ non sufficit ad hoc, vt excuset vxorem à perditione iuris petendi debitum; vt in his fere terminis determinat Abb. & Præpos. in d. cap. discretionem. & est glo. satis apta in cap. si tu abstines. 27. q. 2. Nihilominus maritus fuit male ordinatus; quia contraxit bigamiam contrahendo, & cōsummando matrimonium cum corrupta, cap. si quis viduam. 50. d. & cap. si cuius. 34. dist. quæ bigamia impedit omnē legitimā ordinationem, per totū titulum de bigamis. Quo fit, vt si illa tēpore contracti matrimonij fuisset virgo, etiam ille fuisset rite ordinatus; quia id quod dicitur, non esse ordinandum coniugatum per totam 31. dist. & cap. 1. 28. dist. intelligendū videtur de illo, cuius vxor non perdidit ius petendi debitum ab eo, arg. cap. Agath. 27. q. 2. & sicut coniugatus de licentia iusta vxoris potest fieri religiosus, cap. si quis coniugatus. 27. q. 2. sic etiam vxore adulterante

terante, d. cap. Agathosa. ita videtur quod coniugatus de licentia vxoris, vel ea adulterante, possit ad sacros ordines promoueri. Salua, &c.

S V M M A R I V M.

- 1 Coniugatum si ordinet Episcopus, punitur, nisi accedat consensus vxoris. num. 3. at ea consentiente potest, num. 2. etiam si matrimonium sit consummatum, nu. 4. licet vxor non ingrediatur monasterium, modo voueat continentiam: etsi in hoc Panor. dissentiat. num. 5. immo si sit non suspecta de incontinentia, dictum votum non est necessarium. num. 4. & 6.
- 2 Ordinis sacri etiam de voluntate vxoris susceptio matrimonium etiam non consummatum non soluit quo ad vinculum, soluit tamen quo ad thorum, num. 3. religionis autem professio tollit vinculum matrimonij non consummati. num. 5.
- 3 Coniugatus, qui de licentia vxoris cognita religionem ingreditur, ab ea educitur, & vxori restituitur: & hoc, quando vxor erat suspecta de incontinentia, nu. 4. qua suspitione existente non sufficeret licentia etiam cum voto continentie, nisi & ipsa ingrederetur. num. 2.
- 4 Voti solemnitas causata ab assumptione ordinum differt a causata per professionem in religione emissam, quo ad effectum vt quis possit ordinari: nec ab vno ad aliud bene infertur. num. 5.

CONSILIUM XIII.

- 1 **A**N CONIUGATVS de vxoris consensu nondum carnaliter cognitus iuste possit ordinari? Et videtur quod non. Primo, quia punitur Episcopus ordinans coniugatum, cap. fin. de temp. ordin. lib. 6.

Secundo, quia per susceptionem ordinis etiam sacri non soluitur matrimonium etiam non consummatum, extrauag. 1. de voto Ioan. xxij.

Tertio, quod cap. coniugatus. de conuers. coniugat. sic habet, Nullus coniugatorum ad sacros ordines promouendus, nisi ab vxore continentia prestante fuerit absolutus. & ita non sufficit consensus vxoris, nisi illa continentiam voueat. Et pondera quod non distinguit inter coniugatum qui consummauit matrimonium, & eum qui non consummauit.

Quarto, quod gloss. in d. c. coniugatus: valde dubitauit an sufficeret consensus vxoris etiam cum voto continentie sine ingressu religionis, & Panor. post Anton. super ea tenet quod non.

- 2 Quinto, quod cap. 1. de conuers. coniug. habet quod maritus ingrediens monasterium de licentia vxoris debet redire ad eam post professionem, si illa non ingrediatur religionem, nec voueat continentiam.

Sexto, quod in c. cum sis. eod. tit. definitur non sufficere consensum vxoris etiam votum continentie emittentis sine ingressu religionis, vt maritus fiat monachus.

Sed contrarium affirmat S. Tho. in 4. lib. sent. 37. dist. q. 1. art. 2. dicens quod coniugatus accipiens ordines de voluntate vxoris non solum accipit verum ordinem, sed etiam executionem.

Ad

- 3 Ad primum oppositorum respondeo quod cap. ult. de temp. ordin. lib. 6. in eo citatum loquitur de ordinante coniugem sine vxoris licentia.
- Ad secundum concedendo quod per ordinem etiam presbyterij susceptum post contractum matrimonium etiam non consummatum, etiam de licentia vxoris, non soluitur illud quo ad vinculum; sed negando quod non solvatur quo ad thorum.
- 4 Ad tertium, & quartum, quod procedunt quando vxor est suspecta: quia tunc requiritur quod illa voueat continentiam.
- Ad quintum, quod procedit in suspecta de incontinentia.
- Ad sextum, quod loquitur de intrante monasterium, & prædicta conclusio de suscipiente ordinem sacrum, quæ quo ad hoc videntur differre.
- Sit ergo conclusio, quod maritus de licentia vxoris iuste potest ordinari. Quod ampliatur primo, etiam si matrimonium sit consummatum, arg. cap. qui vxorem. 33. q. 5. & cap. seriatim. 32. dist. quod est de sententia & mente prædicti S. Thomæ communiter recepti.
- 5 Secundo ampliatur, vt procedat, etiam si vxor non ingrediatur monasteriū, modo voueat continentiam, per d. cap. coniugatus. iunct. gloss. quæ cōmuniter recepta videtur hanc opinionem approbare ponendo illā pro vltima, arg. gloss. singul. in l. qui filium. §. Sabinus. ff. ad Trebel. licet Panor. in contrariam inclinet, arg. cap. præcedentis, cum sit. quod probare videtur oportere vxorem ingredi religionem, quo maritus de licentia eius illam profiteatur. sed non concludit. Tum quia arguit à separatis, à quibus non fit illatio; l. Papinianus. ff. de minor. Tum quia illa non æquiparantur; quia monachismus plus separat, quam sacerdotium: vnde etiam quo ad vinculum tollit matrimonium ratum non consummatum, quod non facit sacerdotiū, iuxta cap. ex publico. de conuers. coniug. & extrauag. i. de voto Ioan. xxij. Nec est eadem ratio: quia sacerdos melius potest providere vxori remanenti in sæculo, ne fornicetur, quam monachus inclusus.
- 6 Ampliatur tertio, vt procedat, etiam si vxor non voueat continentiam, modo sit senex, vel aliàs extra suspicionem incontinentiæ. Tum quia id quod excusat ab intranda religione vxorem intrantis eam, videtur excusare posse à voto continentiæ vxorem ordinandi. Sicut enim se habet introitus vxoris ad introitum mariti religionem intrantis, ita se habet votum continentiæ vxoris ad sacerdotium mariti ordinandi, per præcedentem ampliationem.

S V M M A R I V M.

- 1 Coniugatus post consummatum matrimonium de solo consensu vxoris iuste religionem ingredi non potest, nisi etiam vxor ingrediatur, num. 3. vel cum sit ab omni suspitione incontinentiæ aliena, continentiam promittat: aliàs si sit suspecta, solus consensus cum voto de ingrediendo non sufficeret, nu. 2. professio tamen facta teneret, nec posset reuocari. num. 3.
- 3 Coniugatus, consentiente vxore, & continentiam promittente, ordines sacros potest assumere; & hoc, si ab ea cesset omnis incontinentiæ suspicio, num. 2. nam si esset suspecta

suspecta, non sufficeret, etiam si promitteret, religionem ingredi, num. 2. ordinatio tamen facta teneret, & posset eis vir iuste vti, vxorq. esset cogenda votum adimplere, num. 3. ad fin. & 4. Item & viro possunt conferri beneficia, vt patet ex casu proposito.

- 4 *Vxor, quæ consentiendo viro promisit continentiam, si eam non seruet, est cogenda, vt maneat reclusa in aliquo monasterio, vel alio loco simili, vt tertiariarum, quæ non sunt proprie moniales. quod si etiam vouit ingredi religionem, debet ad id cogi.*
- 5 *Adultera vir innocens, potest etiam contradicente vxore religionem præcedente iudicis sententia, & si sit notorium, etiam propria auctoritate ingredi, immo & ordinari: immo & si antea ordinatus fuisset, posset superueniente adulterio ordinibus vti.*

CONSILIUM XIII.

QUIDAM coniugatus de licentia suæ coniugis promittentis & iurantis se seruaturam castitatem perpetuam, & intraturam religionem per instrumentum publicum, ordinatus fuit presbyterio à suo Episcopo, & beneficio curato donatus, quod multis annis rexit. Coniux vero eius commorata diu inter tertiarias ordinis Dominicani, deserto suo monasterio, vitam inhonestam agit.

Quæritur, an præfatus suus coniux possit cogi ab Episcopo denuo redire ad eam, vel suspendi ab officio suo.

- Respondeo, quæstionem hanc difficilem videri, eo quod solæ duæ viæ occurrunt, quibus D. consulens defendi posse videtur, & neutra est nimis clara. Altera est, quod suscepit ordinem sacrum de licentia suæ vxoris promittentis seruare perpetuam castitatem, & intrare religionem. Altera, quod sua vxor admisit adulterium, & vitam ducit inhonestam. Quod autem prior via non sit nimis clara, facit primo, quod coniugatus post consummatum matrimonium non potest ingredi religionem de solo consensu vxoris remanentis in sæculo, cap. cum sis. & cap. coniugatus. de conuers. coniugatorum.

Secundo, quod non videtur sufficere, quod vxor promittat seruare continentiam; nisi esset tanta ætate, & ita bene morata, vt tolleretur omnem suspicionem fornicationis, vt expresse probat præfatum cap. cum sis. & cap. vxoratus. eod. tit. de conuers. coniug. & in casu proposito vxor non erat talis, vt euentus probauit.

- 2 Tertio, quod ad hoc, vt vir transeat ad religionem, non videtur sufficere consensus vxoris etiam vouentis ingredi religionem, si est iuuenis, & suspecta de fornicatione, vt expresse tenet Panor. communiter recep. in cap. 1. nu. 8. de conuers. coniug. & probatur clare per cap. ad Apost. & cap. significauit. à contrario sensu eod. tit. & in casu proposito mulier erat iuuenis, & ideo suspecta de fornicatione: ergo non debuit maritus ordinari, antequam illa mutaret vitam, & profiteretur religionem.

Quarto, quod nihil prodesse videtur D. consulenti, quod vxor intrauit ordinem tertium S. Dominici; quia ille non erat vera religio, arg. glo. sing. in clem. cum ex eo. de sent. excomm.

Pro

3 Pro contraria vero parte facit primo, quod coniugatus licet non possit regulariter promoueri ad sacros ordines; fallit, si vxor consentiat, & continentiam promittat, vt est casus in cap. coniugatus. de conuers. coniug. & hoc in nostro casu contigit; quia maritus fuit ordinatus de consensu vxoris promittentis, & iurantis seruare continentiam, immo & intrare religionem.

Secundo, quod coniux potest ingredi religionem, si sua quoque coniux ingrediatur, cap. cum sis. & cap. vxoratus eod. tit. & in casu proposito vir assumpsit ordines sacros, & femina promisit & iurauit seruare continentiam, & intrare religionem; immo & intrauit tertiariam Dominicanorum.

Tertio, quod licet consensus vxoris etiam vouentis continentiam, si est iuuenis, & suspecta de fornicatione, non sufficiat vt maritus iuste ingrediatur religionem, antequam vxor ingrediatur eam; si tamen recipiatur, & profiteatur, valet professio, & non debet extrahi a religione; sed vxor, quæ consensit, & vouit continentiam, & religionem, debet cogi ad cõplendum votum, vt Panor. vbi sup. concludit, & probatur in d. c. significauit. & in d. c. ad Apostol. & confirmatur ea ratione, quod de substantia professionis mariti non est professio vxoris, sed consensus ipsius cum voto continentie, si non est suspecta de fornicatione, & cum voto religionis, si est suspecta, vt Panor. vbi supra dixit, & clarius Feder. conf. 37. & efficaciter probant quatuor præfata capp. scilicet c. cum sis. & cap. vxoratus. & cap. ad Apostol. & cap. significauit. in sensu directo, vel a contrario sensu. Per quæ verior & canonibus consonantior est pars hæc posterior.

Non obstant opposita. Ad primum enim & secundum respondetur concedendo assumpta in eis; negando tamen quod in casu proposito non inueniantur omnia illa; quoniam interuenit consensus vxoris, & votum & iuramentum de seruanda perpetua castitate, & intranda religione.

Ad tertium respondet argumentum tertium pro nostra parte formatum, scilicet, quod in casu proposito non debebat ordinari ordine sacro D. consulens, antequam illa intraret religionem; ordinatio tamen facta tenuit, & iuste potest ordine accepto uti, & vxor præfata debet compelli a Reuerendissimo Episcopo, vt adimpleat ea quæ vouit, iuxta præfatum cap. significauit.

4 Ad quartum respondetur primo, negando quod non profit ingressus vxoris in præfatum ordinem tertiarium, tenendo opinionem Innoc. & d. cap. significauit. scilicet, quod huiusmodi vxor tenetur quidem intrare religionem, non tamen profiteri, sed manere ibi reclusa: quod videtur verum, si non promisit plusquam continentiam perpetuam, secundum Cald. approbatum per Panor. vbi supra. Secundo, concedendo quod non profit, tenendo opinionem Hostien. in d. cap. significauit. quod tenetur profiteri: quæ videtur verior, si vouit intrare religionem, sicut in præfenti casu vouit: sed negamus quod ex hoc sequatur non profuisse votum de intranda religione: quia potest compelli ad intrandam aliam. & satis est D. consulenti q̃ illa consensit cum voto & iuramento de seruanda continentia, &

intranda religione, ad hoc ut sua ordinatio valeat, & non possit ab usu eius arceri, & illa compellatur adimplere sua vota.

- 5 Altera vero defensio D. consulentis est, quod præfata vxor fornicata & adulterata est. Tum quia coniuge adulterante, coniux innocens potest absque illius licentia intrare monasterium, & profiteri, ut est casus in cap. Agathosa. 27. q. 2. & ratio firma est, quia per adulterium cōiugis liberatur coniux ab omni seruitute, quam illi debet ratione coniugij, auctoritate Euangelij Matth. 5. & Lucæ 16. relat. in cap. dixit Dominus. 31. q. 2. & alibi sæpe etiam ipso iure sine vlla iudicis sententia saltem quo ad forum conscientia, & etiam quo ad forum exterius, si adulterium est manifestum, cap. significasti. de diuor. ut nos latius tradimus in Man. confess. cap. 22. num. 21. & duobus sequentibus. Tum quia præfatus D. cōsulens non expoliavit eam, immo de consensu eius ordinatus fuit, & diu ordines suos exercuit: & ita licet occultum esset adulterium, vel fornicatio, ob quam potuit dimitti, debet audiri exceptio eius de adulterio, antequam cogeretur ad eam redire; & probato eo esset absoluendus per prædicta. Tum quia, etiam si non fuisset ordinatus de illius consensu, & licentia, posset nunc ordinari sine illa, & à fortiori uti ordine iam suscepto, argumen. cap. quemadmodum. de iureiur. cum similibus, & per ea iura, quæ colligi possunt ex prædicto num. 21. & duobus seqq. Salua, &c.

S V M M A R I V M.

- 1 Dubio in casu tutius est pro matrimonij validitate præsumere.
- 1 Sponsus credere debet sponsam se passam cognosci maritali affectu, & hoc magis si ipsa id fatetur, num. 3. contrarium autem, etiam ipsa id asserente, nisi alia adsint coniectura, credere non potest. num. 2.
- 1 Præsumere in dubio debemus id quod lex communis præsumit.
- 4 Monitio non est adhibenda, quando non est profutura, sed quando creditur profutura. & num. 7.
- 5 Adultera vir potest se ab ea separare, idemque & religionem ingredi, immo & ordines sacros suscipere, num. 6. & eis uti sine Papæ dispensatione. num. 7.

CONSILIVM XV.

QUIDAM contraxit cum quadam sponsalia de futuro, & cognouit eam carnaliter ante Conc. Trid. & postea illa nupsit alteri publice, & ipse assumpsit ordines etiam publice: & nunc post multos annos dubitat primum, an præsupposito quod ipse cognouit eam vxorio affectu, sed dubitat an illa eodem affectu passa est cognosci, possit deponere scrupulum incitantem eum ad credendum valorem matrimonij.

- 1 Ad primum dubium respondetur quod non, si alia coniectura non concurrat. Tum quia tutius est in dubio credere valorem matrimonij, argu. cap. iuuenis. de spons. Tum quia scit se cognouisse vxorio affectu, & idem debet credere de illa, cum tota Ecclesia id credat, nec habeat coniecturam sufficientem ad non credendum, cap. is qui de spons. Tum quia habens pote-

potestatem arbitrandi, debet ad arbitrandum lege communi duci, vt dicit Panor. in c. cum Ioānes. num. 13. & in fine de fid. inst. arg. cap. 1. de dilat. & tradit Sotus in 4. dist. 27. q. 1. art. 5. concl. 4.

- 2 Secundo dubitat, an teneatur interrogare illam, vt in copulam carnalem consensisset vxorio affectu. Respondetur quod non, ad effectum credendi ei, si responderet non consensisse, non adductis alijs coniecturis, quæ ad credendum sufficerent; sed sic ad effectum sciendi, an essent aliæ coniecturæ ad id credendum, per dicta Soti in 4. dist. 27. q. 1. art. 7. col. 8. & nos in Manu. confess. cap. 22. num. 76.
- 3 Tertio dubitat, an ipse teneatur credere sponsæ, quæ interrogata diceret se passam fuisse cognosci vxorio affectu. Ad quod respondetur quod sic, indubie. Tum quia tota Ecclesia tenetur id credere, & non est vlla ratio, quæ contrarium suadeat.
- 4 Quarto dubitat, an teneatur monere illam vt suæ conscientiæ medeat. Et videtur respondendum, quod si probabiliter credit nihil profuturam monitionem, & multum officere posse, omittat illam, iuxta ea quæ habentur in Manu. confess. cap. 24. num. 12.
- 5 Quinto dubitat, quo remedio potest sibi mederi quo ad forū conscientiæ. Ad quod respondeo primo, quod consulens non potest sibi mederi solutione matrimonij quo ad vinculum; quia cum credere debeat verū fuisse matrimonium, & consummatum, illud non potest solui quo ad vinculum, secundū omnes, etiam Papæ auctoritate. Secundo, q̄ non potest etiam mederi depositione conscientiæ, iuxta responsum ad primum dubiū. Tertio, q̄ potuit separare se, & manere separatus etiam sine auctoritate Papæ, eo quod adulterata fuit ipsa, & manet in adulterio, iuxta cap. Agathosa. & ei adnotata 27. q. 2. nec tenetur redire ad eam, quæ fuit adulterata. Quarto, quod potuit iuste religionem intrare, & eam profiteri eadē ratione, qua potuit se separare, & manere separatus. Quinto, quod licite potuit ordinari. Tum quia, licet nec per ordinem sacrum, neque per sacram professionem diuidatur quo ad vinculum matrimonium consummatū, diuidi tamen potest quo ad thorum, & cohabitationem, præsertim quo ad forum conscientiæ. Tū quia nullam irregularitatem, neque suspensionem incurrit per illam ordinationem, quæ, vt dictum est, iuste potuit suscipi à iusto.
- 7 separato, etiam quo ad thorum, & cohabitationem. Sexto, quod consulens videtur posse tute ordinibus suis vtī absque alia Papæ dispensatione, & satisfacere suæ conscientiæ; dummodo occurrente aliqua occasione, in qua monitio prodesse possit (vt si maritus eius moreretur, vel adulteraretur, ita vt se posset ab illo separare, vel alia similis, ob quam posset illa manere separata, & abstinere à nouo matrimonio contrahendo) moneat illam vt se separet, vel maneat innupta castitatem seruando.

DE CONVERSIONE INFIDELIVM.

SVMMARIVM.

- 1 Statuitur cum quid, & omnia illa statuta censentur, sine quibus illud vel nullo modo, vel non commode fieri potest.

- 4 Conuersus ad fidem coniugatus, antequam cum altera contrahat, tenetur per monitionem, vel aliter cognoscere obstinationem infidelis coniugis nolentis nec conuertere, nec sine contumelia Creatoris cohabitare: licetq. iudicialis interpellatio, & separatio sit utilis, necessaria tamen non est. & num. 2. & sicut non potest prius nubere, ita nec castitatis votum emittere, num. 2. nec religionem ingredi, num. 3.
- 5 Matrimonium contractum inter infideles non dissoluitur ex eo solo, quod uno conuerso alter interpellatus duret in sua obstinatione; sed per matrimonium cum infidele legitime contractum: unde si quæ prius erat obstinata conuertatur, tenetur primo conuersus, si nondum cum alia contraxit, nec professionem emisit, illam recipere.
- 6 Conuersus, qui in infidelitate plures habuit uxores, si velit cum prima permanere, non eget ut denuo contrahat: secus si velit cum secunda loco, & sic minus legitime ducta, & ad fidem reuersa, remanere.

CONSILIVM I.

AN INFIDELIS coniugatus, & ad fidem conuersus baptizatus possit ducere aliam fidelem uxorem, antequam interroget priorem infidelem, an velit conuertere, vel manere cum suo marito sine contumelia Creatoris?

Pro parte negante facit, quod nullo iure videtur monitio requiri. Apostolus enim Paulus 1. Corinth. 7. cuius auctoritate nititur facultas contrahendi cum fidele, si uxor prima non conuertatur, non inducit obligationem monendi primam: solum enim ait, Si infidelis discedit, discedat: non enim seruituti subiectus frater, aut soror in huiusmodi est, nec Innoc. III. in cap. quanto, nec cap. gaudemus. de diuort. in quibus præcitatum dictum Pauli commentatur, nec Ambros. in cap. si infidelis, nec alia citata per Grat. 28. q. 1. videntur requirere aliquam monitionem, vel interrogationem: & quod sanctorum decretis non est sancitum, non est supersticiosa adinuentione præsumendum, cap. consulisti. 2. q. 4. Addo, quod nec Magister in 4. dist. 19. nec S. Thom. nec Scotus, nec communiter alij in eum comminiscetes claram aliquam de huiusmodi monitione, vel interrogatione ad hoc propositum mentionem fecerunt, nec D. Anton. 3. p. tit. 1. cap. 6. nec Angel. 1. Clausio in verb. matrim. 3. imped. 10. §. 6.

- 1 Pro parte vero affirmante facit primo, quod, qui statuit aliquid, videtur statuere illa, sine quibus id fieri nequit, l. 2. ff. de iurisdic. omnium iud. cap. præterea. de off. deleg. immo & illa, sine quibus id commode fieri nequit, l. penult. ff. de usufr. & l. quicumque. §. si ei quem. ff. de institu. actio. per quas id affirmat Aretinus communiter recept. in cap. de testibus. At non videtur posse satis commode sciri voluntas non conuersæ, nisi interrogetur, vel moneatur, an velit se conuertere, vel sine contumelia Creatoris conuiuere conuerso.

Secundo, q. gloss. cap. quanto. de diuort. verb. qui relinquitur. habet, fidelem conuersum volentem ducere novam uxorem fidelem, debere habere testes, quibus probet nolle priorem uxorem infidelem conuertere se ad fidem: quamuis nõ requiratur separatio per iudicis sententiã: & Hostien. dicit

dicat tutum esse, vt iudex præfigat terminum, intra quem conuertatur, licet id non esse necesse, dicat Panor. in cap. seq. quo se remittit.

Tertio, quod Innocen. III. in cap. gaudemus. de diuort. requirit quod prius infidelis renuat cohabitare coniugi conuerso sine contumelia Creatoris, ad hoc vt possit aliam ducere. At renutus ille non videtur satis innotescere, donec monita, vel interrogata respondeat nolle.

- 2 - Quarto, quod nullo prædictorū citato, nec alio auctore, scripsit S. Tho. in 4. dist. 39. q. 1. art. 5. ad 4. quod conuersus non potest votum continentie emittere, nec ad aliud matrimonium transire, nisi requisita vxore, vt conuertatur: quod eo non relato tenuit Dom. Sotus in ead. dist. art. 4. col. 8. & in art. 3. colum. antep. dicit, quod vt conuersus licite cum alia fidei contrahat, non conuersa est prius admonenda, & requirenda Ecclesiastico more: quod etiam ante ipsum, quem ipse non refert, tenuit Syl. verb. matrimonium 8. q. 10. nu. 8. Angelus item vbi supra; licet non dicat requirendam esse antequā contrahat cum fidei, ait tamen requirendam esse antequam fiat religiosus: ex quo ex rationis identitate argui potest idem fieri debere antequam contrahat.

Quinto denique allegatur textus à nemine, quod sciam, ponderatus in cap. Iudæi. 28. q. 1. quod sic habet, *Iudæi admoneantur vt fiant Christiani, si cum vxoribus suis conuersis habitare voluerint.*

- 4 - Per quæ omnia pro hac parte adducta tenendum videtur firmiter primo, q̃ necessaria est monitio, rogatio, vel interrogatio aliqua honesta, vel alia probatio sufficiens, per quam sciatur, vel cognoscatur obstinatio eius: in sua secta, ad hoc vt conuersus possit contrahere nunc cum alia fidei.

- 5 - Secundo, quod tuta & utilis esset monitio, & separatio iudicialis, sed non necessaria. Tum quia non requirit hoc Apostolus, nec aliquis canon, nec vlla ratio hoc efficaciter conuincit. Tum quia prædicta monitio, & separatio iudicialis non inducit dissolutionem primi matrimonij, sed obstinatio infidelis nolentis se conuvertere, neque cohabitare sine contumelia Creatoris suo coniungi conuerso, & contractus matrimonij consequutus cum secunda: quoniam sententia verior S. Thom. est, vt præ alijs probat Syl. vbi supra sexto dicto in fine, quod primum matrimonium non dissoluitur per prædictam illius obstinationem ante contractum secundum matrimonium; ea ratione firma, quod non obstante quacūque responsione ipsius, si vere conuerteretur ante contractum matrimonij secundi, & ante religionis professionem, teneretur eam accipere.

Ad opposita respondetur, quod licet Apostolus expresse non requirat prædictam monitionem, tacite tamen requirit vt sciatur quod non vult se conuvertere, nec commanere cum conuersa sine contumelia Creatoris; quæ scientia non potest commode haberi sine illius monitione, rogatione, interrogatione, vel alia probatione, quæ arbitrio boni viri videretur sufficiens. & ideo visus fuit tacite voluisse illam, non tamen iudicialem separationem, sine qua commode illa potest haberi.

- 6 - Idem iudicandum de conuerso, qui habuit plures vxores nulla repudiata, vel repudiata aliqua. Nam talis siue Hebræus, siue quilibet alius infidelis

delis conuersus debet requirere, & monere illā, cum qua primo licite contraxit, & non alias, cū quibus non poterat contrahere, & quæ non fuerunt veræ vxores eius, vt clare colligitur ex d. cap. gaudemus. Quod si prima, quæ erat vera vxor, siue repudiata, siue nō repudiata, monita, & supradicto modo requisita, permanferit obstinata, nolens se conuertere, nec cōiungere illi sine contumelia Creatoris, poterit accipere vnam ex alijs, quæ se conuertere voluerit, perinde ac aliam fidelem, si nullum impedimentum legitimum obsit: aliter tamen potest accipere primam, & aliter aliam: nam primam accipiet tamquam vxorem veram, cum qua verum matrimonium contraxit in infidelitate, & numquam fuit dissolutum, iuxta illud, *Quos Deus coniunxit, homo non separet*. Neque indiget noue contrahere cum illa: aliam autem accipere debet contrahendo cum illa noue matrimonium, perinde ac si numquam in infidelitate contraxisset: quia ille primus contractus nihil valuit; & ita nec iuuat, nec nocet ad essentiam matrimonij, iuxta illud Persij, *Ex nihilo nihil in nihilum nil posse reuerti*. Salua, &c.

SUMMARIUM.

1. Matrimonium apud Iudæos & alios infideles verum inueniri.
2. Baptismus coniugia legitima non dissoluit: vnde conuersi coniuges iterum contrahere nequaquam tenentur. & num. 6.
1. Infidelium coniugum alter conuersus aliam ducere potest, seruatis tamen requisitis.
2. Leges veteris testamenti pertinentes ad nuptias, vt indiciales vel cærimoniales, expirauerunt per passionem Christi, adeo vt nec ipsos Iudæos ligent. & nu. 4.
3. Matrimonia Iudæorum nullam aliam præter liberum consensum videntur requirere substantialem solemnitatem. nu. 6.
4. Matrimonia ante Conciliū solo mutuo cōsensu per se, vel per litteras, seu procuratorem & nunciū, modo persona essent legitime, ad contrahendū dato, perficiebantur.
5. Impedimenta dirimentia matrimonia secundum auctorem potest infidelis Princeps inducere.
5. Messia ab aduentu sceptrum à Iuda ablatum fuit: vnde nec quid valide statuere potu erunt Iudæi.

CONSILIVM II.

IVDÆVS & Iudæa contractis sponsalibus per verba de præsentī, nō seruatis alijs cærimonijs secundū vsum Iudæorū seruandis, consummauerunt matrimonium; postea conuersi sunt ad fidem Catholicam. Quæritur an debeant contrahere matrimoniū seruatis solemnitatibus Conc. Trid.

Respondeo sequentia. Primum, quod hæc quæstio potest habere duplicē sensum. Alter est, an coniuges infideles, qui in infidelitate valide matrimonium contraxerunt, conuersi ad fidem debeant iterum contrahere cum solemnitate Ecclesiæ. Alter est, an infideles, qui contraxerunt matrimonium omissa aliqua solemnitate secundum suam legem, vel sectam, conuersi ad fidem debeant contrahere cum solemnitate requisita Ecclesiæ.

1. Secundum, quod prædicta quæstio est resoluenda negative, scilicet quod non tenentur contrahere cū solemnitate Ecclesiæ. Tum quia matrimoniū verum

verum inuenitur apud Iudæos, & alios infideles, cap. gaudemus. de diuort. & indissolubile, l. 1. ff. de rit. nupt. & melius Inst. de patria potestate. §. nuptiæ. c. sufficiat. 27. q. 2. & l. nuptias. ff. de reg. iur. Tum quia baptismus nullatenus soluit coniugia, si ambo coniuges conuertantur; licet altero in infidelitate manente, ei qui conuertitur fiat certo modo facultas contrahendi cum alia, iuxta sententiam Pauli 1. ad Corinth. 7. relata & declarata à Grat. 28. q. 1. cap. iam nunc. & in multis alijs capp. & à Magistro, & à suis commentatoribus lib. 4. sent. dist. 39. Tum quia nullo iure naturali, diuino, neque humano cauetur, vt coniuges infideles conuersi ad fidem iterum teneantur contrahere matrimonium: ergo non est dicendum, cap. con-

2 fuluisti. 2. q. 4. & §. consideremus. in auth. de triente & semiss. col. 3. Tū quod leges pertinentes ad nuptias abrogatæ sunt, quippe quæ erant iudiciales vel cærimoniales. 6. dist. §. fin. & cap. 1. de purificat. post partum. & tradit S. Thom. recept. 1. 2. q. 103. art. 3. & q. 104. art. 3. & in specie de legibus iudiciorum pertinentibus ad nuptias, quod omnes præter naturales expirauerint per passionem Domini nostri Iesu Christi, ita quod non ligantur eis hodie Iudæi, tradit Dominic. Sot. in d. dist. 39.

3 Tertium, quod hæc quæstio secundū alterū sensum est difficilior, & pendet ab illa, an prædictum matrimonium fuisset verum & validum iudicandum apud Iudæos, antequam obseruaretur solemnitas, quæ esset superaddenda consensui de præsentī: nā si illud fuisset iudicandum validū non obstante talis solemnitatis defectu, non tenerentur prædicti coniuges ad contrahendum iterum post conuersionem, per superius citata. si autem prædictum matrimonium fuisset iudicandum inualidū ob defectum talis solemnitatis, tenerentur iterum contrahere cū Ecclesiæ solemnitate: quia regulariter quod nihil est, nihil operatur, cap. non præstat. de reg. iur. lib. 6. c. ex tenore. cum glo. de rescript. vbi late Felin. nam si matrimonium præfatum ante conuersionem erat nullum, vtique per conuersionem non fuit factū validum, cum aliud sit conuvertere se ad fidem Catholicam, & aliud cōtrahere matrimoniū; & à separatis non fit illatio. l. Papinianus. ff. de minorib.

Quartum, quod nec ex sacris litteris, nec ex vllis Ecclesiæ canonibus videtur colligi, quod apud Iudæos esset ante aduentū Christi seruanda aliqua solemnitas vltra mutuum & liberū consensum personarum ad contrahendum legitimarum, ob cuius defectum matrimoniū diceretur ipso iure nullum: neque aliquis comminiscendum in 4. lib. sent. vel aliquo sacrorū canonū videtur id perpendisse, cum omnes vno ore dixerint sufficere vsque

4 ad prædictum Conc. Trid. ad substantiam & essentiam matrimonij consensum personarum ad contrahendum legitimarum mutuum & liberū præstitum siue per se, siue per litteras, siue per nuncium, siue per procuratorē, iuxta prædictum cap. sufficiat. 27. q. 2. & d. l. nuptias. ff. de reg. iur. & multas leges ff. de ritu nup. Quin & Dom. Sot. in d. dist. 39. art. 1. q. 1. col. 8. significat omnes leges veteris testamenti pertinētes ad nuptias præter naturales, vti leges iudiciales, expirasse ab orbe redēpto, nec eas hodie ligare Iudæos: & quidē recte: quia omnes leges cærimoniales & iudiciales expirauerunt à passo D. N. Iesu Christo, §. fin. 6. dist. cap. 1. de purific. post part.

cum ei adnotatis, & tradit S. Thom. recep. 1. 2. q. 103. art. 3. & 104. art. 3.

5 Quintum, quod dubitari potest, an respublica Iudæorum post orbem redemptum statuerit aliquam solemnitatem extrinsecam, cuius defectu matrimonium redderetur nullum: & mihi videtur quod non. Tum quia non habuerunt rempublicam liberam, nec Principem, nec Regem, qui id statuerit. Tum quia res controuersa est, an ullus infidelium Princeps posset id statuere, & addere legi naturali, sicut prædictum Conc. addit præsentiam parochi & testium in cap. 1. de reform. matrim. sess. 24. quamuis ipse magis propendeam in partem affirmatiuam, quam tenet Sotus. sed ut prædixi, ablatum fuit sceptrum à Iuda, & regia potestas ab aduentu Messie, ut Iacob Genes. cap. 49. significauit. Tum denique quod nullus classicus auctor, quod sciam, id meminit.

6 Sextum, quod attentis supradictis, credendum est, quod licet Iudæi seruent aliquas cærimonias de consilio, vel præcepto in consummandis suis matrimonijs, præter consensum liberum & legitimum requisitum ad substantiam & essentiam eius; sicut & Sacrosancta mater Ecclesia seruat in consummatione matrimoniorum suorum Christianorum: non tamen est credendum, quod seruant aliquam solemnitatem tantæ virtutis & efficaciz, ut matrimonium iure naturali validum, & indissolubile, reddatur nullum propter defectum eius: & consequenter præfati coniuges ad fidem conuersi non debent contrahere denuo matrimonium cum solemnitate Ecclesiæ, neque absque illa. Salua, &c.

S V M M A R I V M.

- 2 Matrimonium inter infideles contractum est verum, & inseparabile, non tamen ratum est, nec sacramentum; licetq. non dissoluatur per baptismum ab altero assumptum, nu. 7. 10. etiam si relictus in infidelitate nolit sine contumelia Creatoris cohabitare, & monitus protestetur se nolle conuertere, nu. 6. & 9. etiam quod alteram infidelem ducat, nu. 1. & nu. 8. adeo quod si infidelis, etiam si secundam duxisset, conuertatur antequam conuersa cum altero fidei contraxerit, teneatur adherere primæ, & dimittere secundam, etiam si & ipsa secunda baptismum suscepisset; quia non potuit esse eius uxor, nu. 5. & 8. & prima ei adherere tenetur, nu. 6. dissoluitur autem eo ipso, quod conuersa, ipso infideli in sua obstinatione permanente, alteri, prout potest, nu. 11. nubit, nu. 4. quia cum hoc secundum matrimonium inter fideles contractum sit sacramentum, destruit primum matrimonium, quod non erat nec ratum, nec sacramentum, nu. 9. 11. & tunc fit facultas infideli aliam valide ducendi; adeo quod si postea conuertatur cum hac secunda, possunt, num. 3. immo tenentur simul cohabitare, quia fuerunt veri coniuges, eorumq. matrimonium per superueniens baptismum fuit factum ratum.
- 3 Sacramenta per easdem causas, quibus fiunt, non soluuntur. & 11.
- 4 Corporalia facilius destruuntur, quam construuntur, at spiritualia contra.
- 7 Matrimonium infidelium inseparabile est de lege natura, nec tollitur per baptismum; immo si ambo conuertuntur, efficitur per conuersum ratum. nu. 10.

- 12 Matrimonium fidelium ratum nedum professio in religione emissa, sed & Papa dispensatio, licet sit verum sacramentum, nu. 13. dissoluit; secus si fuerit consummatum sacramento, quod significat Christi cum Ecclesia inseparabilem coniunctionem, nu. 14. & 17. at infidelium etiam, & catechumenorum potest, nu. 13. non obstante quod per baptismum fiat ratum, nu. 10. & quod ante baptismum fuerit consummatum: quia per illam precedentem consummationem non dicitur consummatum sacramento predicto, quod significat predictam Christi cum Ecclesia coniunctionem, nu. 14. & 17.
- 15 Papa, aliusve Princeps contractus subditorum sine causa soluere potest.
- 16 Papa de consensu conuersa facere potest, ut vir eius, qui adhuc infidelis cum alia contraxit, conuersus cum eadem valide contrahat.
- 18 Repudium vel numquam licuit, vel non post Euangelium.

CONSILIVM III.

- 1 **L**AZARVS Hebraeus habens vxorem, eaq. ad fidem conuersa, & antequam alij nupsisset, secundam duxit, ex qua liberis susceptis cum ea ipse quoque conuersus est, viuentem adhuc priore innupta.

Dubitatum est primo, an d. Lazarus iure cōmuni absque vlla Papæ dispensatione possit iuste cum secunda remanere.

Secundo, an saltem cum dispensatione Papæ iusta de causa facta id facere possit.

Tertio, an subsit in casu proposito iusta causa id faciendi.

Ad hæc dubia responsurus, præmitto, quod illa videntur esse noua: quoniam non videntur determinari per Gratianum, nec vlla capp. illorū plurimorū, quæ citantur ab eo 28. q. 1. & 2. neque per cap. quanto, & cap. gaudemus. de diuor. nec per Magistrum, nec S. Tho. & alios, qui commiscuntur super dictis eius in 4. lib. sent. dist. 33. & 39. Licet enim in predictis locis proponantur dubia de libello repudij olim in testamento veteri permissio dari, & de matrimonio infidelium, an reperiatur inter infideles; & an infidelis coniugatus ad fidem conuersus, vel conuersa possit contrahere cum fidei, & an debeat expectari conuersio infidelis, & alia multa his accessoria: non tamen videntur tractari hæc tria dubia.

- AD PRIMVM ergo eorum, videlicet an solo iure communi attento liceat præfato Lazaro remanere cum secunda sine dispensatione Papæ, respondeo facere pro parte eius affirmante, primo, quod matrimonium per verba de præsentī contractum dissoluitur per professionem in religionem approbata factam, eo quod licet sit ratum, non est tamen consummatum, per cap. ex publico. de conuers. coniug. at matrimonium contractum inter infideles licet sit verum, & inseparabile, vt probat S. Thom. recep. in d. dist. 33. quæst. 2. art. 1. non tamen est ratum, neque verum sacramentum, vt ipsemet tradit in d. dist. 39. quæst. 1. art. 5. ergo per professionem fidei Catholicæ, quæ est maior, quam professio religionis, censendum est solutum: & ita potuit Lazarus contrahere cum secunda, antequam conuerteretur.

- 3 Secundo facit, quod Dom. Sotus eundem S. Tho. in eod. art. 5. colum. 8. sequi-

8. sequatur dicit, quod si infidelis, qui remansit in infidelitate post conversionem prioris coniugis, ducat aliam infidelem, & postea conuertantur ambo ad fidem, poterit iuste continuare matrimonium cum secunda contractum, & non redire ad priorem conuersam; quæ decisio videtur specialis pro casu proposito.

Tertio, quod omnis res, per quascumque causas nascitur, per easdem dissolvitur, iuxta cap. 1. de reg. iur. At prius matrimonium Lazari ex consensu prioris vxoris constabat, & firmitatem recipiebat: ergo etiam ex consensu ipsius solui potest, & ita ipse Lazarus ex ipsius consensu manere cum secunda.

Quarto, quod non videtur obstare gloss. in d. cap. 1. de reg. iur. quæ habet illam regulam fallere in matrimonio, quod solo consensu contrahitur, cap. sufficit. 27. q. 2. sed solo contrario consensu non dissolvitur, cap. licite. 32. q. 7. & idem esse de alijs sacramentis baptismi & ordinis: pro qua est ⁴ textus, quem illa non citat, in cap. inter corporalia. de transi. prel. quatenus habet inter corporalia & spiritualia hoc distare, quod corporalia facilius destruuntur, quam construuntur, spiritualia vero facilius construuntur, quam destruuntur. Non inquam hoc videtur obstare: quia replicari posse videtur in casu proposito prius matrimonium Lazari per consensum vxoris potuisse destrui, & fuisset destructum, si iam ipsa nupsisset alteri, immo & si nunc ante conversionem eius nuberet: quia Lazarus contrahendo cum altera verbo & facto significauit se obstinatum esse in perfidia; quod sufficere videtur ad hoc vt ipsa contrahat cum alio fidei, per cap. si infidelis. 28. q. 2. & sentit gloss. in cap. si infidelis. eadem causa, quæst. 1.

⁵ Pro parte vero negante facit primo, quod ratio maxima, ob quam videtur id posse facere, est illa, quod hæc secunda fuit vxor eius antequam conuerterentur: sed hoc non videtur verum: quoniam licet infidelis coniux conuersa ad fidem Catholicam possit contrahere cum alio fidei, si vir eius infidelis nolit se conuertere ad eandem, neque cohabitare illi absque Creatoris contumelia per cap. si infidelis. cum aliquot alijs. 28. q. 1. & cap. si infidelis. 28. q. 2. & prædict. capp. quanto. & gaudemus. de diuort. infidelis tamen, qui se non vult conuertere, non potest licite contrahere cum alia etiam infidei suæ sectæ, antequam coniux conuersa contrahat matrimonium cum aliquo fidei, per quod solvatur matrimonium prius, quod cum infidei contraxerat, vt sentit glo. in d. cap. gaudemus. de diuort. & tradit S. Thom. communiter recept. in d. dist. 39. q. 1. art. 5. ad 3. cui concordant idem Sotus, & Ioan. Maior per prædictum cap. gaudemus.

⁶ Secundo facit, quod per solam conversionem alterius coniugis ad fidem Catholicam non solvitur matrimonium contractum inter illam, & alterum coniugem in infidelitate, immo neque per pertinaciam infidelis coniugis manendi in infidelitate, & nolendi se conuertere, neque per monitionem factam ei, vt se conuertat, cum protestatione, quod alioquin nubet alteri fidei, immo neque per responsionem eius declarantis se nolle conuertere: quia etiam si post talem responsionem se conuerterit, antequam prius con-

con-

conuersa nupserit, tenebitur ipsa recipere illum, & non poterit alteri nubere, vt sentit glo. d. cap. si infidelis. & exprimit S. Thom. communiter recept. in præf. dist. 39. q. 1. art. 3. ad 2. & est textus satis ad hoc efficax in d. cap. gaudemus.

- 7 Tercio, quod inseparabilitas matrimonij est de lege naturæ, vt probat S. Tho. communiter recept. in 4. dist. 33. quæst. 2. art. 1. & facit definitio matrimonij posita in princ. Instit. de patria potest. ibi, *Individuam vitam consuetudine continens.* & quos Deus coniunxit, homo nō separat, iuxta illud Matth. 19. *Quos Deus coniunxit, homo non separet.* translatum in cap. quos Deus. 33. q. 2. Ergo prædictus Lazarus non fuit separatus à sua priore vxore, propterea quod ipsa se conuerterit ad fidem Catholicam: quia conuersio & baptismus non tollunt legem naturæ, sed perficiunt, vt idem S. Thom. ab omnibus receptus in hac ipsa specie dicit in d. dist. 39. q. 1. art. 3. in cap. 9.
- 8 Quarto, quod contra legem eandem naturæ est, vt quis habeat eodem tempore duas vxores, vt probat d. cap. gaudemus. de diuor. & docet idem S. Tho. cū communi in d. dist. 33. q. 1. art. 1. & ita viuentē prima vxore Lazari, antequam illa nupserit alteri fidei, non potuit Lazarus ducere secundam, & contractus cum illa non valuit, nec per eum facta fuit vxor eius: & consequenter non videtur posse redire ad eam, neque commanere ei, eo quod fuit eius vxor.

Quinto, quod non potest etiam prædictus Lazarus accipere illam tamquam aliam fidelem, si conuertatur & baptizetur, quia iure naturali & diuino tenetur accipere priorem, iuxta dictum Apostol. 1. ad Corinth. 7. & tradit S. Thom. communiter recept. in dist. 39. q. 1. art. 4. & antea declarauit satis Innoc. in d. cap. gaudemus.

- 9 Sexto denique, quod licet coniux conuersa nolente coniuge marito se conuertere, post pertinaciam eius possit licite nubere alij fidei: non tamen soluitur matrimonium prius, donec nubat alteri: quoniam matrimonium non soluitur, vt dictum est, per conuersionem & baptismum, neque per pertinaciam coniugis infidelis, neque per responsionem quod nō vult conuerti, sed per matrimonium sequutum realiter, iuxta S. Tho. opinionem magis receptam in d. dist. 39. q. 1. art. 3. ad 2. quod quia verum sacramentum est, dissoluit prius matrimonium, quod non erat sacramentum proprie, licet esset contractus indissolubilis, sed nōdum ratus, vt idem S. Tho. tradit in eod. art. 3. ver. sed contra. Per quæ omnia videtur hæc parauerior, & religioni Christianæ conuenientior.

- 10 Ad primum oppositum respondetur, concedendo assumptum, negando tamen consequentiam: quia nullo iure naturali, diuino, nec humano cauetur, quod per conuersionem ad fidem Catholicam dissoluatur matrimonium legitimū præcedens; immo ex ratione probatur contrarium, quod fides perficit matrimonium præcedens, & facit de non rato ratum, vt tangitur in 3. & vlt. arg. pro hac parte factis.

Ad secundum respondetur, concedendo, quod Dominicus Sotus scripsit verba posita in argumento, sed non sola: nam adiecit id esse verum, si iam conuersa contraxit tempore, quod infidelis contraxit cum secunda, signi-

significans, quod si conuersa non contraxisset antequam vir non conuersus contraheret cum secunda, non valisset matrimonium cum secunda.

11 Ad tertium & quartum respondetur, quod illa regula prima de regul. iur. non habet locum in sacramento matrimonij, neque in alijs. Nec obstat replicatio, scilicet quod vxor Lazari conuersa nubere poterat, attenta illius perfidia, qua duxit secundam, antequam se vellet conuertere: quia ad rescindendum matrimonium ante in infidelitate contractum non sufficit conuersum posse licite cum alia fidei contrahere, sed oportet vt actu & facto contrahat; quoniam prius durat vsque ad secundum contractum; cuius virtute, quæ maior est virtute prioris matrimonij, dissoluitur prius, vt probatur per argumenta pro hac parte facta.

12 AD DVBIUM SECVNDVM respondetur, quod pro parte negante facit primo, quod licet Papa, idemq. Max. & optimus Pont. possit dispensare in matrimonio per verba de presenti contracto, & nondum consummato ex causa iusta, vt hi qui contraxerunt possint cum alijs contrahere, iuxta gloss. illam solem. cap. ex publico. de conuer. coniug. quam nos præ alijs confirmauimus in Man. conf. cap. 22. num. 21. non tamen potest dispensare in consummato, vt omnes tam Canonistæ quam Theologi tenent: sicut nec professio religionis approbata id facere potest, licet dissolvere possit matrimonium non consummatum iuxta præf. cap. ex publico. At matrimonium Lazari contractum cum prius conuersa fuit consummatum: ergo non poterit Papa in eo dispensare, vt viuentis priore possit contrahere cum secunda.

13 Secundo, quod Papa non debet velle præiudicare tertio, l. 2. §. si quis à princip. ff. ne quid in loco publico fiat, cap. super eo, de off. deleg. & regul. Cancell. de non tollendo iure quæsito. At vxor prior Lazari habet ius quæsitum per contractum matrimonium in ipsum Lazarum, per quod tenetur, si conuertatur, ad illam redire, per cap. gaudemus. de diuort. ergo non debet velle dispensare vt ipse contrahat cum secunda, quamuis ambo conuertantur.

Pro parte vero affirmante facit primo, quod quamuis matrimonium contractum inter infideles sit legitimum, non est tamen ratum, secundum omnes; quia non est sacramentum, cum nullum verum sacramentum sit apud infideles, neque fideles catechumenos nondum baptizatos: baptizatus enim est ianua sacramentorum, cap. veniens. de presbyt. non baptiz. At matrimonium contractum inter fideles licet non sit consummatum, est tamen ratum & verum sacramentum secundum omnes. Cum ergo omnes puri Canonistæ, & Theologi qui canones calluerunt, immo & Caiet. & Michael à Medina, qui fuerunt satis puri Theologi, affirmant posse Papam ex iusta causa dispensare super matrimonio à fidelibus contracto nondum consummato: à fortiori poterit dispensare super matrimonio contracto inter infideles, cum non sit ratum.

14 Secundo, quod nuptias facit consensus, & non concubitus, l. nuptias. ff. de reg. iur. At copulatos solo consensu potest dissolvere Papa iusta de causa, ergo à fortiori coniunctos solo concubitu; nisi impediat sacramentum, quod

quod significat coniunctionem D.N. Iesu Christi, & Ecclesiæ, quæ est inseparabilis, iuxta cap. debitum, de bigamis. At licet inter Lazarum & eius uxorem priorem fuerit matrimonium concubitu confirmatum, non tamen fuit consummatum sacramento, quod significat prædictam mirabilem coniunctionem: ergo poterit iuxta de causa soluere illud Papa.

- 15 Tercio, quod licet nec Papa nec alius Princeps possit regulariter dissolvere contractus suorum subditorum inter se, neque cum ipsomet factos, iuxta regulam id quod nostrum. ff. de reg. iur. & iuxta cap. conuenior, 23, q. 8. & cap. 1. de probatio. & alia multa, quæ citat Fel. in cap. nonit. num. 8, de iudic. potest tamen iuxta de causa id facere, iuxta ea quæ adducit ibidem Fel. & omnes in cap. quæ in ecclesiarum. de const. & alibi sæpe. At inter Lazarum & suam priorem uxorem solum interuenit contractus lege naturæ quidem validus, sed tamen legis supernaturalis vinculo & spirituali significatione sacramentali nudus. ergo poterit Papa illum dissolvere iuxta de causa.

- 16 Quarto, quod licet Papa, & alius Princeps non recognoscens superiorem non debeat velle præiudicare tertio sine ipsius consensu iuxta prædictam regulam, id quod nostrum est; potest tamen id facere consentiente, parte, iuxta eandem regulam, quæ habet, Id quod nostrum est sine facto nostro ad alium transferri non potest. ubi per factum intelligitur consensus expressus, vel tacitus, vel aliquid aliud ei æquipollens. At in casu proposito prior vxor Lazari conuersa vult consentire, vt Papa dispense, & det facultatem prædicto Lazaro, vt contrahat cum secunda. ergo sancte poterit id facere Papa.

- 17 Ad primum oppositorum respondetur, concedendo quod Papa non potest dispensare super matrimonio rato & consummato propter significationem illam mirabilem sacramentalem, quam lege supernaturali & spirituali, de qua in d. cap. debitum, habet; negando tamen quod primum matrimonium prædicti Lazari fuit consummatum, quia non fuit etiam ratum, sed solum contractus purus habens inseparabilitatem naturalem sola lege naturæ inductam, & nudam à sacramentali significatione, vt probatum est supra in decis. primi dubij, & per fundamenta pro parte secunda secundi dubij adducta.

Ad secundum respondetur primo, concedendo Papam non debere præiudicare tertio sine iuxta causa, sed cum illa potest, & frequenter debet præiudicare per latissime notata in d. cap. quæ in ecclesiarum. Secundo, quod non petitur in hoc casu dispensatio cum præiudicio tertij; quia, vt prædictum est, prior vxor, quæ poterat prætereundum præiudicium, consentit vt Papa id faciat.

- 18 AD DVBIUM TERTIVM respondetur, quod iuxta, pia, & sancta causa videtur esse in proposito casu faciendi dispensationem, quæ petitur; quia ex narratione mihi facta vna cum consensu prioris vxoris videtur constare iuxta causam arbitrio boni & prudentis viri, cui remittitur hoc iudicium, sicut & omnium aliorum, quæ non sunt determinata à iure, l. 1. ff. de iure delib. & cap. de causis. de off. deleg. cum eis adnot. quod

quia

Pro primi articuli expeditione visis vtriusque partis informationibus, vnum eorum, quæ pro auo allegantur, est, quod pater, vel auus ad fidem conuersus non perdit patriam potestatem, c. Iudæi. 2. de Iudæis; quatenus habet, conuersum ad fidem non debere esse peioris conditionis, quam non conuersum; & constat Iudæos antequam conuertantur habere filios in potestate, vt probat cap. fin. de conuers. infidelium, & notant ibi Panor. & alij. Mater autem non habet filios in potestate, §. ceteri. Inst. de hæred. quali. & differ. & §. mater, iuncta gloss. Instit. de exheredat. liberorum. Sed hoc argumentum nihil videtur concludere; quoniam matri conuersæ tradendi sunt filij, si pater non conuertatur, & ita patria potestas nihil operatur in hoc. Vnde Hostiensis, quem sequuntur omnes, dixit ibidem, breuius potuisse Greg. IX. decisionem illius casus expedire, dicendo, quod coniugi, qui vel quæ conuertitur, est facienda pueri traditio, nulla consideratione ad patriam potestatem habita; cum mater, vt prædictum est, non habeat filium in potestate.

Secundum, quod pro auo allegatur, est, quod id quod operatur oppositum in opposito, operatur propositum in proposito, cap. sciendum. 8. q. 1. l. & si contra tabulas. ff. de vulgar. At in perdenda iustitia originali magis fuit perpenſa conditio viri, quam femine: quia si Adam non peccasset, propter peccatum Euz posterius iustitiam non amisissent, secundum D. Thomam communiter receptum in 1. 2. q. 81. art. 5. & in 2. sententiarum distin. 31. q. 1. ar. 2. ad 4. & alijs locis. Sed hoc argumentum nihil concludit. Tum quia est longe petendum, & non agitur in hoc casu de querenda gratia, sed de educatione infantis, an debeat educari à matre, an ab auo, quod est diuersum, & à diuersis non fit illatio, l. Papinianus. ff. de minorib. cap. ad audientiam. de decimis. Tum quia licet amissio iustitiæ originalis, & acquisitio eius dicerentur contraria apta ad formandum argumentum à contrario, non tamen dicerentur talia acquisitio gratiæ, & amissio iustitiæ originalis; cum longissime sit diuersa gratia gratum faciens, & iustitia originalis, vt per earum definitiones patet, ex trad. in 2. lib. sententiarum dist. 30. vbi post & ante alios irrefragabiliter hoc probat Ioan. Maior in q. 1. conclus. 1. Tum quia modus, & ratio, quam habent iustitia originalis, & gratia gratum faciens in modo querendi, vel amitendi multum differunt, præsertim sub lege Euangelica: quia licet vtraque ex Deo immediate sit, vel fuerit ex creatione, & infusione, illa tamen fuit indita sine vlllo sacramento, & sine vlla contritione, & sine vlllo actu ad eam præparatio, & ad alium effectum, quam gratia gratum faciens, & semel perdita non fuit amplius quesita. Hæc autem si est prima, siue operans, queritur nunc medio sacramento, nunc vera contritione, nunc aliquo actu liberi arbitrij præuiore: & si est alia, siue cooperans, per meritum de condigno per tradita à S. Thom. 1. 2. q. 11. art. 2. & 114. ar. 3. & iuxta sacros canones Concilii Trid. sess. 4.

Tertium argumentum est, quod in generatione prolis magis consideratur vir tamquam principium actuum, quam femina, 3. & 5. Physicorum; quæ est ratio, qua S. Thom. vbi supra firmat ex Adæ peccato descen-

surum

Iurum fuisse in nos originale, etiam Eva non peccante. Sed hæc ratio non concludit propositum: quia si id concluderet; etiam concluderet, quod cum conuertitur vxor, & non maritus, filij essent tradendi marito, quod tamen est falsum, cap. Iudæorum. 28. q. 1. per quod hoc tenet Panorm. & communis in d. cap. fin. de conuers. infidelium.

5 Quartum arg. est, quod omnes rationes, quibus in d. cap. fin. de conuers. infidel. filij traduntur patri, militant in auo, de quo hic agitur; puta, patria potestas, suspicio quod salutis & vitæ pueri fiant infideliæ; & quod mater pueri, si contingeret eum remanere apud eam, possit illum adducere ad infidelitatis errorem; & fauor fidei Christianæ. Sed neque hoc argumentum efficaciter concludit. Tum quia patria potestas nihil operatur in casu d. cap. fin. de conuers. infidel. vt supra dictum est. Tum quia si solæ illæ rationes sufficerent ad tradendum hunc puerum, mortuo patre, auo, vt persuaderet ei Christianismum; etiam probarent quod sufficeret, vt mortua matre, & viuo patre, immo & viuo vtroque ei traderetur, quia esset in potestate aui, & non patris; quod nemo concedet. Tum quia præter rationes præfatas erant alia, quæ longe magis vrgebat, videlicet quod is, cui tradendus erat puer, erat verus pater eius, sicut pars aduersa vera mater; quod non contingit hoc casu.

6 Quintum est, quod Salicetus determinat in authen. matri & auiæ. C. quando mulier tut. officio fungi potest. col. 1. nu. 5. quod matri non competit tutela filij viuentis auo, in cuius potestate est ille. Sed neque hoc concludit intentionem aui. Tum quia pars aduersa negat, puerum, de quo agitur, esse sub potestate aui, & ipsemet Salicetus determinat ibidem, quod mater in tutela filij præfertur auo, qui non habet illum in potestate. Tum quia, vt supra dictum est, patria potestas parum prodest quo ad propositum baptizandi hunc puerum, quamuis quo ad aliud prodesse possit, vt mox dicam. Tum quia viuentis patre nepos est in potestate aui: & ita si sufficeret consensus eius, qui haberet filium infidelem in potestate; sequeretur, quod etiam patre viuentis & renitente posset nepos baptizari, quod nec ipsa pars aui dicere audebit.

7 Primum autem eorum, quæ pro matre allegantur, est, quod nemini est vis ad credendum inferenda, cap. de Iudæis. 45. dist. & cap. ad fidem. 23. q. 5. Nam à Christiana religione alieni ad fidem non asperitate, sed mansuetudine & blandimentis alliciendi sunt, cap. qui sincera. 45. distin. Sed hoc non concludit, nec satis aptum argumentum est; quoniam dubium propositum non habet, an puer hic baptizandus sit inuita matre, nec ne, sed an tradendus sit matri, vel auo ad educandum, quod aliud est, vt palam est.

8 Secundum pro parte matris est, quod filij Iudæorum non sunt inuitis parentibus baptizandi, iuxta gloss. communiter receptam in cap. Iudæorum. 28. quæst. 1. & iuxta sanctum Thom. communiter receptum in 2. 2. quæst. 10. artic. 12. Sed & hoc non concludit, immo videtur esse ineptum: quia alia quæstio est, an is puer sit baptizandus inuita matre, antequam discretionem quærat, & doli prudentiæque capax sit,

delis conuersus debet requirere, & monere illā, cum qua primo licite contraxit, & non alias, cū quibus non poterat contrahere, & quæ non fuerunt veræ vxores eius, vt clare colligitur ex d. cap. gaudemus. Quod si prima, quæ erat vera vxor, siue repudiata, siue nō repudiata, monita, & supradicto modo requisita, permanferit obstinata, nolens se conuertere, nec cōuiuere illi sine contumelia Creatoris, poterit accipere vnam ex alijs, quæ se conuertere voluerit, perinde ac aliam fidelem, si nullum impedimentum legitimū obsit: aliter tamen potest accipere primam, & aliter aliam: nam primam accipiet tamquam vxorem veram, cum qua verum matrimonium contraxit in infidelitate, & numquam fuit dissolutum, iuxta illud, *Quos Deus coniunxit, homo non separet*. Neque indiget noue contrahere cum illa: aliam autem accipere debet contrahendo cum illa noue matrimonium, perinde ac si numquam in infidelitate contraxisset: quia ille primus contractus nihil valuit; & ita nec iuuat, nec nocet ad essentiam matrimonij, iuxta illud Persij, *Ex nihilo nihil in nihilum nil posse reuerti*. Salua, &c.

S V M M A R I V M.

- 1 Matrimonium apud Iudæos & alios infideles verum inueniri.
- 2 Baptismus coniugia legitima non dissoluit: vnde conuersi coniuges iterum contrahere nequaquam tenentur. & num. 6.
- 1 Infidelium coniugum alter conuersus aliam ducere potest, seruatis tamen requisitis.
- 2 Leges veteris testamenti pertinentes ad nuptias, vt indiciales vel cærimoniales, expitauerunt per passionem Christi, adeo vt nec ipsos Iudæos ligent. & nu. 4.
- 3 Matrimonia Iudæorum nullam aliam præter liberum consensum videntur requirere substantialem solemnitatem. nu. 6.
- 4 Matrimonia ante Conciliū solo mutuo cōsensu per se, vel per litteras, seu procuratorem & nunciū, modo personæ essent legitime, ad contrahendū dato, perficiebantur.
- 5 Impedimenta dirimentia matrimonia secundum auctorem potest infidelis Princeps inducere.
- 5 Messia ab aduentu sceptrum à Iuda ablatum fuit: vnde nec quid valide statuere potu erunt Iudæi.

CONSILIVM II.

IVDÆVS & Iudæa contractis sponsalibus per verba de præsentī, nō seruatis alijs cærimonijs secundū vsum Iudæorū seruandis, consummauerunt matrimonium; postea conuersi sunt ad fidem Catholicam. Quæritur an debeant contrahere matrimoniū seruatis solemnitatibus Conc. Trid.

Respondeo sequentia. Primum, quod hæc quæstio potest habere duplicē sensum. Alter est, an coniuges infideles, qui in infidelitate valide matrimonium contraxerunt, conuersi ad fidem debeant iterum contrahere cum solemnitate Ecclesiæ. Alter est, an infideles, qui contraxerunt matrimonium omīssa aliqua solemnitate secundum suam legem, vel sectam, conuersi ad fidem debeant contrahere cum solemnitate requisita Ecclesiæ.

- 1 Secundum, quod prædicta quæstio est resoluenda negatiue, scilicet quod non tenentur contrahere cū solemnitate Ecclesiæ. Tum quia matrimoniū verum

- verum inuenitur apud Iudæos, & alios infideles, cap. gaudemus. de diuort. & indissolubile, l. 1. ff. de rit. nupt. & melius Inst. de patria potestate. §. nuptiz. c. sufficiat. 27. q. 2. & l. nuptias. ff. de reg. iur. Tum quia baptismus nullatenus soluit coniugia, si ambo coniuges conuertantur; licet altero in infidelitate manente, ei qui conuertitur fiat certo modo facultas contrahendi cum alia, iuxta sententiam Pauli 1. ad Corinth. 7. relatam & declaratā à Grat. 28. q. 1. cap. iam nunc. & in multis alijs capp. & à Magistro, & à suis commentatoribus lib. 4. sent. dist. 39. Tum quia nullo iure naturali, diuino, neque humano cauetur, vt coniuges infideles conuersi ad fidem iterum teneantur contrahere matrimonium: ergo non est dicendum, cap. con-
2. **suluisti. 2. q. 4. & §. consideremus. in auth. de triente & semiss. col. 3.** Tū quod leges pertinentes ad nuptias abrogatæ sunt, quippe quæ erant iudiciales vel cærimoniales. 6. dist. 9. fin. & cap. 1. de purificat. post partum. & tradit S. Thom. recept. 1. 2. q. 103. art. 3. & q. 104. art. 3. & in specie de legibus Iudiciorum pertinentibus ad nuptias, quod omnes præter naturales expirauerint per passionem Domini nostri Iesu Christi, ita quod non ligantur eis hodie Iudæi, tradit Dominic. Sot. in d. dist. 39.
3. **Tertium, quod hæc quæstio secundū alterū sensum est difficilior, & pendet ab illa, an prædictum matrimonium fuisset verum & validum iudicandum apud Iudæos, antequam observaretur solemnitas, quæ esset superaddenda consensui de præsentī: nā si illud fuisset iudicandum validū non obstante talis solemnitatis defectu, non tenerentur prædicti coniuges ad contrahendum iterum post conuersionem, per superius citata. si autem prædictum matrimonium fuisset iudicandum inualidū ob defectum talis solemnitatis, tenerentur iterum contrahere cū Ecclesiæ solemnitate: quia regulariter quod nihil est, nihil operatur, cap. non præstat. de reg. iur. lib. 6. c. ex tenore. cum glo. de rescript. vbi late Felin. nam si matrimonium præfatum ante conuersionem erat nullum, utique per conuersionem non fuit factū validum, cum aliud sit conuvertere se ad fidem Catholicam, & aliud cōtrahere matrimoniū; & à separatis non fit illatio. l. Papinianus. ff. de minorib.**
4. **Quartum, quod nec ex sacris litteris, nec ex vllis Ecclesiæ canonibus videtur colligi, quod apud Iudæos esset ante aduentū Christi seruanda aliqua solemnitas vltra mutuum & liberū consensum personarum ad contrahendum legitimarum, ob cuius defectum matrimoniū diceretur ipso iure nullum: neque aliquis comminiscendum in 4. lib. sent. vel aliquo sacrorū canonū videtur id perpendisse, cum omnes vno ore dixerint sufficere vsque ad prædictum Conc. Trid. ad substantiam & essentiam matrimonij consensum personarum ad contrahendum legitimarum mutuum & liberū præstitum siue per se, siue per litteras, siue per nuncium, siue per procuratorē, iuxta prædictum cap. sufficiat. 27. q. 1. & d. l. nuptias. ff. de reg. iur. & multas leges ff. de ritu nup. Quin & Dom. Sot. in d. dist. 39. art. 1. q. 1. col. 8. significat omnes leges veteris testamenti pertinētes ad nuptias præter naturales, vti leges iudiciales, expirasse ab orbe redēpto, nec eas hodie ligare Iudæos: & quidē recte: quia omnes leges cærimoniales & iudiciales expirauerunt à passio D. N. Iesu Christo, §. fin. 6. dist. cap. 1. de purific. post part.**

cum ei adnotatis, & tradit S. Thom. recep. 1. 2. q. 103. art. 3. & 104. art. 3.

5 Quintum, quod dubitari potest, an respublica Iudæorum post orbem redemptum statuerit aliquam solemnitatem extrinsecam, cuius defectu matrimonium redderetur nullum: & mihi videtur quod non. Tum quia non habuerunt rempublicam liberam, nec Principem, nec Regem, qui id statuerit. Tum quia res controuersa est, an ullus infidelium Princeps posset id statuere, & addere legi naturali, sicut prædictum Conc. addit præsentiam parochi & testium in cap. 1. de reform. matrim. sess. 24. quamuis ipse magis propendeam in partem affirmatiuam, quam tenet Sotus. sed ut prædixi, ablatum fuit sceptrum à Iuda, & regia potestas ab aduentu Messie, ut Iacob Genes. cap. 49. significauit. Tum denique quod nullus classicus auctor, quod sciam, id meminit.

6 Sextum, quod attentis supradictis, credendum est, quod licet Iudæi seruent aliquas cærimonias de consilio, vel præcepto in consummandis suis matrimonijs, præter consensum liberum & legitimum requisitum ad substantiam & essentiam eius; sicut & Sacrosancta mater Ecclesia seruat in consummatione matrimoniorum suorum Christianorum: non tamen est credendum, quod seruant aliquam solemnitatem tantæ virtutis & efficaciz, ut matrimonium iure naturali validum, & indissolubile, reddatur nullum propter defectum eius: & consequenter præfati coniuges ad fidem conuersi non debent contrahere denuo matrimonium cum solemnitate Ecclesiæ, neque absque illa. Salua, &c.

S V M M A R I V M.

2 Matrimonium inter infideles contractum est verum, & inseparabile, non tamen ratum est, nec sacramentum; licetq. non dissoluatur per baptismum ab altero assumptum, nu. 7. 10. etiam si relictus in infidelitate nolit sine contumelia Creatoris cohabitare, & monitus protestetur se nolle conuertere, nu. 6. & 9. etiam quod alteram infidelem ducat, nu. 1. & nu. 8. adeo quod si infidelis, etiam si secundam duxisset, conuertatur antequam conuersa cum altero fidei contraxerit, teneatur adhærere primæ, & dimittere secundam, etiam si & ipsa secunda baptismum suscepisset; quia non potuit esse eius uxor, nu. 5. & 8. & prima ei adhærere tenetur, nu. 6. dissoluitur autem eo ipso, quod conuersa, ipso infideli in sua obstinatione permanente, alteri, prout potest, nu. 11. nubit, nu. 4. quia cum hoc secundum matrimonium inter fideles contractum sit sacramentum, destruit primum matrimonium, quod non erat nec ratum, nec sacramentum, nu. 9. 11. & tunc fit facultas infideli aliam valide ducendi; adeo quod si postea conuertatur cum hac secunda, possunt, num. 3. immo tenentur simul cohabitare, quia fuerunt veri coniuges, eorumq. matrimonium per superueniens baptismum fuit factum ratum.

3 Sacramenta per easdem causas, quibus fiunt, non soluuntur. & 11.

4 Corporalia facilius destruuntur, quam construuntur, at spiritualia contra.

7 Matrimonium infidelium inseparabile est de lege natura, nec tollitur per baptismum; immo si ambo conuertuntur, efficitur per conuersum ratum. nu. 10.

 *image*

not

available

8. sequatur dicit, quod si infidelis, qui remansit in infidelitate post conversionem prioris coniugis, ducat aliam infidelem, & postea conuertantur ambo ad fidem, poterit iuste continuare matrimonium cum secunda contractum, & non redire ad priorem conuersam; quæ decisio videtur specialis pro casu proposito.

Tertio, quod omnis res, per quascumque causas nascitur, per easdem dissoluitur, iuxta cap. 1. de reg. iur. At prius matrimonium Lazari ex consensu prioris vxoris constabat, & firmitatem recipiebat: ergo etiam ex consensu ipsius solui potest, & ita ipse Lazarus ex ipsius consensu manere cum secunda.

Quarto, quod non videtur obstare gloss. in d. cap. 1. de reg. iur. quæ habet illam regulam fallere in matrimonio, quod solo consensu contrahitur, cap. sufficit. 27. q. 2. sed solo contrario consensu non dissoluitur, cap. licite. 32. q. 7. & idem esse de alijs sacramentis baptismi & ordinis: pro qua est textus, quem illa non citat, in cap. inter corporalia. de translat. præl. quatenus habet inter corporalia & spiritualia hoc distare, quod corporalia facilius destruuntur, quam construuntur, spiritualia vero facilius construuntur, quam destruuntur. Non inquam hoc videtur obstare: quia replicari posse videtur in casu proposito prius matrimonium Lazari per consensum vxoris potuisse destrui, & fuisset destructum, si iam ipsa nupsisset alteri, immo & si nunc ante conuersionem eius nuberet: quia Lazarus contrahendo cum altera verbo & facto significauit se obstinatum esse in perfidia; quod sufficere videtur ad hoc vt ipsa contrahat cum alio fidei, per cap. si infidelis. 28. q. 2. & sentit gloss. in cap. si infidelis. eadem causa, quæst. 1.

5 Pro parte vero negante facit primo, quod ratio maxima, ob quam videtur id posse facere, est illa, quod hæc secunda fuit vxor eius antequam conuerterentur: sed hoc non videtur verum; quoniam licet infidelis coniux conuersa ad fidem Catholicam possit contrahere cum alio fidei, si vir eius infidelis nolit se conuvertere ad eandem, neque cohabitare illi absque Creatoris contumelia per cap. si infidelis. cum aliquot alijs. 28. q. 1. & cap. si infidelis. 28. q. 2. & prædict. capp. quanto. & gaudemus. de diuort. infidelis tamen, qui se non vult conuvertere, non potest licite contrahere cum alia etiam infidei suæ sectæ, antequam coniux conuersa contrahat matrimonium cum aliquo fidei, per quod soluatur matrimonium prius, quod cum infidei contraxerat, vt sentit glo. in d. cap. gaudemus. de diuort. & tradit S. Thom. communiter recept. in d. dist. 39. q. 1. art. 5. ad 3. cui concordant idem Sotus, & Ioan. Maior per prædictum cap. gaudemus.

6 Secundo facit, quod per solam conuersionem alterius coniugis ad fidem Catholicam non soluitur matrimonium contractum inter illam, & alterum coniugem in infidelitate, immo neque per pertinaciam infidelis coniugis manendi in infidelitate, & nolendi se conuvertere, neque per monitionem factam ei, vt se conuertat, cum protestatione, quod alioquin nubet alteri fidei, immo neque per responsionem eius declarantis se nolle conuvertere: quia etiam si post talem responsionem se conuerterit, antequam prius

con-

conuersa nupserit, tenebitur ipsa recipere illum, & non poterit alteri nubere, vt sentit glo. d. cap. si infidelis. & exprimit S. Thom. communiter recept. in præf. dist. 39. q. 1. art. 5. ad 2. & est textus satis ad hoc efficax in d. cap. gaudemus.

7 Tercio, quod inseparabilitas matrimonij est de lege naturæ, vt probat S. Tho. communiter recept. in 4. dist. 33. quæst. 2. art. 1. & facit definitio matrimonij posita in princ. Instit. de patria potest. ibi, *Individuam vitam consuetudine continens.* & quos Deus coniunxit, homo nō separat, iuxta illud Matth. 19. *Quos Deus coniunxit, homo non separet.* translatum in cap. quos Deus. 33. q. 2. Ergo prædictus Lazarus non fuit separatus à sua priore vxore, propterea quod ipsa se conuerterit ad fidem Catholicam: quia conuersio & baptismus non tollunt legem naturæ, sed perficiunt, vt idem S. Thom. ab omnibus receptus in hac ipsa specie dicit in d. dist. 39. q. 1. art. 3. in cap. 9.

8 Quarto, quod contra legem eandem naturæ est, vt quis habeat eodem tempore duas vxores, vt probat d. cap. gaudemus. de diuor. & docet idem S. Tho. cū communi in d. dist. 33. q. 1. art. 1. & ita viuente prima vxore Lazari, antequam illa nupserit alteri fidei, non potuit Lazarus ducere secundam, & contractus cum illa non valuit, nec per eum facta fuit vxor eius: & consequenter non videtur posse redire ad eam, neque commanere ei, eo quod fuit eius vxor.

Quinto, quod non potest etiam prædictus Lazarus accipere illam tamquam aliam fidelem, si conuertatur & baptizetur; quia iure naturali & diuino tenetur accipere priorem, iuxta dictum Apostol. 1. ad Corinth. 7. & tradit S. Thom. communiter recept. in dist. 39. q. 1. art. 4. & antea declarauit satis Innoc. in d. cap. gaudemus.

9 Sexto denique, quod licet coniux conuersa nolente coniuge marito se conuerrere, post pertinaciam eius possit licite nubere alij fidei: non tamen soluitur matrimonium prius, donec nubat alteri: quoniam matrimonium non soluitur, vt dictum est, per conuersionem & baptismum, neque per pertinaciam coniugis infidelis, neque per responsionem quod nō vult conuerti, sed per matrimonium sequutum realiter, iuxta S. Tho. opinionem magis receptam in d. dist. 39. q. 1. art. 5. ad 2. quod quia verum sacramentum est, dissoluit prius matrimonium, quod non erat sacramentum proprie, licet esset contractus indissolubilis, sed nondum ratus, vt idem S. Tho. tradit in eod. art. 5. ver. sed contra. Per quæ omnia videtur hæc pars verior, & religioni Christianæ conuenientior.

10 Ad primum oppositum respondetur, concedendo assumptum, negando tamen consequentiam: quia nullo iure naturali, diuino, nec humano cauetur, quod per conuersionem ad fidem Catholicam dissoluatur matrimonium legitimum præcedens; immo ex ratione probatur contrarium, quod fides perficit matrimonium præcedens, & facit de non rato ratum, vt tangitur in 3. & vlt. arg. pro hac parte factis.

Ad secundum respondetur, concedendo, quod Dominicus Sotus scripsit verba posita in argumento, sed non solz: nam adiecit id esse verum, si iam conuersa contraxit tempore, quod infidelis contraxit cum secunda;

signi-

significans, quod si conuersa non contraxisset antequam vir non conuersus contraheret cum secunda, non valisset matrimonium cum secunda.

11 Ad tertium & quartum respondetur, quod illa regula prima de regul. iur. non habet locum in sacramento matrimonij, neque in alijs. Nec obstat replicatio, scilicet quod vxor Lazari conuersa nubere poterat, attendita illius perfidia, qua duxit secundam, antequam se vellet conuertere: quia ad rescindendum matrimonium ante in infidelitate contractum non sufficit conuersum posse licite cum alia fidei contrahere, sed oportet vt actu & facto contrahat; quoniam prius durat vsque ad secundum contractum; cuius virtute, quæ maior est virtute prioris matrimonij, dissoluitur prius, vt probatur per argumenta pro hac parte facta.

12 AD DVBIUM SECVNDVM respondetur, quod pro parte negante, facit primo, quod licet Papa, idemq. Max. & optimus Pont. possit dispensare in matrimonio per verba de presenti contracto, & nondum consummato ex causa iusta, vt hi qui contraxerunt possint cum alijs contrahere, iuxta gloss. illam solem. cap. ex publico. de conuer. coniug. quam nos præ alijs confirmauimus in Man. conf. cap. 22. num. 21. non tamen potest dispensare in consummato, vt omnes tam Canonistæ quam Theologi tenent: sicut nec professio religionis approbatæ id facere potest, licet dissolvere possit matrimonium non consummatum iuxta præf. cap. ex publico. At matrimonium Lazari contractum cum prius conuersa fuit consummatum: ergo non poterit Papa in eo dispensare, vt viuentis priore possit contrahere cum secunda.

13 Secundo, quod Papa non debet velle præiudicare tertio, l. 2. §. si quis à princip. ff. ne quid in loco publico fiat, cap. super eo. de off. deleg. & regul. Cancellæ: de non tollendo iure quæsito. At vxor prior Lazari habet ius quæsitum per contractum matrimonium in ipsum Lazarum, per quod tenetur, si conuertatur, ad illam redire, per cap. gaudemus. de diuort. ergo non debet velle dispensare vt ipse contrahat cum secunda, quamuis ambo conuertantur.

Pro parte vero affirmante facit primo, quod quamuis matrimonium contractum inter infideles sit legitimum, non est tamen ratum, secundum omnes; quia non est sacramentum, cum nullum verum sacramentum sit apud infideles, neque fideles catechumenos nondum baptizatos: baptizatus enim est ianua sacramentorum, cap. veniens. de presbyt. non baptiz. At matrimonium contractum inter fideles licet non sit consummatum, est tamen ratum & verum sacramentum secundum omnes. Cum ergo omnes puri Canonistæ, & Theologi qui canones calluerunt, immo & Caiet. & Michael à Medina, qui fuerunt satis puri Theologi, affirmant posse Papam ex iusta causa dispensare super matrimonio à fidelibus contracto nondum consummato: à fortiori poterit dispensare super matrimonio contracto inter infideles, cum non sit ratum.

14 Secundo, quod nuptias facit consensus, & non concubitus, l. nuptias. ff. de reg. iur. At copulatos solo consensu potest dissolvere Papa iusta de causa, ergo à fortiori coniunctos solo concubitu; nisi impediat sacramentum, quod

quod significat coniunctionem D. N. Iesu Christi, & Ecclesiæ, quæ est inseparabilis, iuxta cap. debitum. de bigamis. At licet inter Lazarum & eius uxorem priorem fuerit matrimonium concubitu confirmatum, non tamen fuit consummatum sacramento, quod significat prædictam mirabilem coniunctionem: ergo poterit iuxta de causa soluere illud Papa.

15 Tercio, quod licet nec Papa nec alius Princeps possit regulariter dissolvere contractus suorum subditorum inter se, neque cum ipsomet factos, iuxta regulam id quod nostrum. ff. de reg. iur. & iuxta cap. convenior. 23. q. 8. & cap. 1. de probatio. & alia multa, quæ citat Fel. in cap. novit. num. 8. de iudic. potest tamen iuxta de causa id facere, iuxta ea quæ adducit ibidem Fel. & omnes in cap. quæ in ecclesiis. de const. & alibi sæpe. At inter Lazarum & suam priorem uxorem solum interuenit contractus lege naturæ quidem validus, sed tamen legis supernaturalis vinculo & spirituali significatione sacramentali nudus. ergo poterit Papa illum dissolvere iuxta de causa.

16 Quarto, quod licet Papa, & alius Princeps non recognoscens superiorem non debeat velle præiudicare tertio sine ipsius consensu iuxta prædictam regulam, id quod nostrum est; potest tamen id facere consentiente parte, iuxta eandem regulam, quæ habet, Id quod nostrum est sine facto nostro ad alium transferri non potest. ubi per factum intelligitur consensus expressus, vel tacitus, vel aliquid aliud ei æquipollens. At in casu proposito prior vxor Lazari conuersa vult consentire, vt Papa dispense, & det facultatem prædicto Lazaro, vt contrahat cum secunda. ergo sancte poterit id facere Papa.

17 Ad primum oppositorum respondetur, concedendo quod Papa non potest dispensare super matrimonio rato & consummato propter significationem illam mirabilem sacramentalem, quam lege supernaturali & spirituali, de qua in d. cap. debitum, habet; negando tamen quod primum matrimonium prædicti Lazari fuit consummatum, quia non fuit etiam ratum; sed solum contractus purus habens inseparabilitatem naturalem sola lege naturæ inductam, & nudam à sacramentali significatione, vt probatum est supra in decis. primi dubij, & per fundamenta pro parte secunda secundi dubij adducta.

Ad secundum respondetur primo, concedendo Papam non debere præiudicare tertio sine iuxta causa, sed cum illa potest, & frequenter debet præiudicare per latissime notata in d. cap. quæ in ecclesiis. Secundo, quod non petitur in hoc casu dispensatio cum præiudicio tertij; quia, vt prædictum est, prior vxor, quæ poterat prætereundum præiudicium, consentit vt Papa id faciat.

18 AD DVBIUM TERTIVM respondetur, quod iuxta, pia, & sancta causa videtur esse in proposito casu faciendi dispensationem, quæ petitur; quia ex narratione mihi facta vna cum consensu prioris vxoris videtur consilari iuxta causa arbitrio boni & prudentis viri, cui remittitur hoc iudicium, sicut & omnium aliorum, quæ non sunt determinata à iure, l. 1. ff. de iure delib. & cap. de causis. de off. deleg. cum eis adnot. quod

quia

quia satis manifestum videtur, non est necesse, nec expedit superuacuum prolixitatem texere: quamuis id quod tangitur de repudio Mosaico non sit attendendum; quia vel numquam licuit, vel non saltem post Euangelium, ut recep. sententia tenet in 4. lib. sent. dist. 33. quamuis item quod tangitur de rato non sit etiam verum; quia secundum receptam sententiam matrimonium inter infideles contractum, licet sit legitimum lege naturali, non tamen est ratum lege supernaturali Euangelica, per quam, & post quam, est verum sacramentum, secundum omnes in 4. dist. 39. Et quidem incaute fuit positum verbum *ratum* inter causas faciendi dispensationem; quia magis prodest quod prius matrimonium non sit ratum, quam quod sit ratum, ut per fundamenta supra posita constat. Salua, &c.

S. V. M. M. A. R. I. V. M.

- 1 Patriam potestatem non perdit Iudeus, qui ad fidem conuertitur, atque iure civili Romanorum introductus, num. 19. & communicata Iudeis, num. 23. 26. quae non est, apud Francigenas, num. 19. nec apud Graecos, Persas, Indos, Nauarrosque, num. 30. nec se extendit ad spiritualia essentialiter, consequenter, & dependenter; seu beneficialia, num. 27. tollitur autem iure communi praescriptione viginti annorum, num. 13. & statutario Urbis annis quindecim, num. 14. ac etiam praesumitur, si ista emancipatio eodem numero viginti annorum, num. 12. eaq. nihil operatur quo ad effectum dignoscendi cuius voluntas & contradictio sit attendenda in baptizandis parvulis, num. 24. 27. unde filij Iudeorum, ipsis iuuitis, vel mortuo patre, inuita matre non possunt baptizari, etiam si auus paternus eos habens in potestate id velit, num. 29.
- 1 Educari debent pueri apud illum ex coniugibus, qui vel quae ad fidem fuerit conuersus, non obstante quod alteri competat ius patrie potestatis in illos: quia quo ad parentes ipsos inter se preferendos nihil operatur, num. 5. & 24. licet operetur multum respectu aui paterni, qui cum ex patria potestate impediatur ne nepoti detur tutor, illum apud se retinebit, num. 9. exclusam matre, num. 1. bñ quo alias excluderetur, num. 11.
- 2 Iustitia originalis, si non peccasset Adam, non fuisset extincta ob peccatum Eva.
- 2 Gratia gratum faciens, & iustitia originalis, diuersa, & diuerso modo se habent in sui acquisitione, vel amissione. & 3.
- 4 Prolis in generatione magis attenditur vir, quam femina.
- 5 Iudeorum infantes apud parentes educari debent, ad quos iure naturali & diuino regimen eorum circa spiritualia spectat, num. 19. 20. 21. 22. 31. 32. 36. 37. patre autem mortuo, apud matrem, auctore paterno etiam Christiano excluso, eiq. tutela dari, num. 9. 10. 11. non obstante quod subsit timor quod puerum ad infidelitatem trahet, num. 14. quia plus fauendum est determinationi Ecclesiae, num. 37. & magis timendum ne postea inducatur à matre ad apostatandum, num. 3. 8. 14. 15. fallit, si auus haberet nepotem in potestate; quia tunc posset nepotem vendicare, num. 11. nec tali esset dandus tutor, num. 6. & 9. sed apud ipsum auum esset educandus, num. 10.
- 7 Fidem Christi ut recipiat, nemo cogendus est; & hoc non solum ob scandalum, ut putauit

- tant Bieł in quo reprehenditur à Soto, sed etiam quia est de se illicitum. nu. 23.
- 3 Baptizandi non sunt Iudeorum infantes pueri, id est, qui nondum ad duodecimū aetatis annum peruenierunt, num. 17. parentibus utrisque inuitis, & num. 14. nec mortuo patre, inuita matre: & hoc, etiam si auus paternus, etiam Christianus, etiam habens nepotem in potestate, & apud ipsum nutriendum, ac etiam princeps loci id vellet; immo requiritur alterius saltem parentis expressus consensus, nu. 16. 17. 20. 21. 22. 25. 28. 29. 31. 34. nec parentibus mortuis, inuitis tutoribus, secundum Paludanum & Sotum, nu. 17. 18. ancillarum item filij spurij, ipsis inuitis, non sunt baptizandi, nu. 18. sed tales pater velinquendi sunt prouidentie diuinae, nu. 15. cum puerorum regimen eodem iure, & iure naturali quod ad praedicta eisdem parentibus spectet. nu. 19. & 20. 21. adeo ut lex de non baptizandis pueris, inuitis parentibus, sit lex naturalis à Deo ab exordio creaturae data. nu. 33. & nu. 31. 32. & licet Sotus putauerit, cessante scandalo, infantem infidelium iam iam moriturum posse inuitis parentibus baptizari, sedes tamen Apostolica aliter sentit. num. 23. & 35.
- 13 Libertatis ius contra dominum; & contra patriam potestatem praescribitur spatio viginti annorum de iure.
- 21 Baptizandi praeceptum Domini non tollit legem naturalem, qua idem Dominus statuit, infantes usum rationis non habentes esse sub potestate parentum quo ad ea quae ad salutem animarum spectant. & num. 20.

CONSILIVM IV.

QUIDAM Hebraeus, nomine Emmanuel, sunt anni 22. quod ad fidem Christianam conuersus, & per baptismum renouatus, Bernardinus nuncupatus est; relicta vxore, & filijs ipsius adultis, qui religionem Christianam sequi noluerunt. Sed omnia bona secum tulit Bernardinus praefatus, relictis filijs seorsum à se tamquam à religione alienis, sine bonis aliquibus. At illi seorsum à patre viuētes sua industria alia bona quaesierunt. Et vnus eorum, nomine Benedictus, per annos 18. post patris conuersionem uxorem duxit Hebraeam nomine Bonam, ex qua filium suscepit, quem vocauit Heliam, & decessit in Iudaismo, praefato filio penes matrem Hebraeam relicto aetatis vnus anni, cui mater praefata Curia decreto tutrix decreta fuit. Nunc autem, quando dictus infans triennium excessit, quarto anno incepto, eum tamquam eius nepotem Bernardinus praefatus à dicta matre auferre, & penes se retinere, & baptizare contendit etiam inuita matre, quae praefatis repugnat.

Quaeritur, an auus, an mater obtinere debeat.

Ex animo desideravi, ut haec lis sine opinionis meae notitia finiretur. At quādo iubeor illam dicere, faciā id breuiter & humiliter, sperata prius ope D. N. Iesu Christi, per eius Apostolam gloriosam Mariam Magdalenam, quam tota hodie celebrat Ecclesia, nouo respondendi ordine. Primo enim expendam singulatim valorem quorundam argumentorum, quae ab utraque parte stant. Deinde ostendam in quo consistit iugulum huius dubitationis, & subiiciam argumenta, quae videbuntur firma pro parte, quam elegero.

Pro

Pro primi articuli expeditione visis vtriusque partis informationibus, vnum eorum, quæ pro auo allegantur, est, quod pater, vel auus ad fidem conuersus non perdit patriam potestatem, c. Iudæi. 1. de Iudæis; quatenus habet, conuersum ad fidem non debere esse peioris conditionis, quam non conuersum: & constat Iudæos antequam conuertantur habere filios in potestate, vt probat cap. fin. de conuers. infidelium, & notant ibi Panor. & alij. Mater autem non habet filios in potestate, §. ceteri. Inst. de hered. quali. & differ. & §. mater. iuncta gloss. Instit. de exheredat. liberorum. Sed hoc argumentum nihil videtur concludere; quoniam matri conuerse tradendi sunt filij, si pater non conuertatur, & ita patria potestas nihil operatur in hoc. Vnde Hostiensis, quem sequuntur omnes, dixit ibidem, breuius potuisse Greg. IX. decisionem illius casus expedire, dicendo, quod coniugi, qui vel quæ conuertitur, est facienda pueri traditio, nulla consideratione ad patriam potestatem habita; cum mater, vt prædictum est, non habeat filium in potestate.

Secundum, quod pro auo allegatur, est, quod id quod operatur oppositum in opposito, operatur propositum in proposito, cap. sciendum. 8. q. 1. l. & si contra tabulas. ff. de vulgar. At in perdenda iustitia originali magis fuit perpenſa conditio viri, quam femine: quia si Adam non peccasset, propter peccatum Eux posterius iustitiam non amisissent, secundum D. Thomam communiter receptum in 1. 2. q. 81. art. 5. & in 2. sententiarum distin. 31. q. 1. ar. 2. ad 4. & alijs locis. Sed hoc argumentum nihil concludit. Tum quia est longe iniquo petendum, & non agitur in hoc casu de querenda gratia, sed de educatione infantis, an debeat educari à matre, an ab auo, quod est diuersum, & à diuersis non fit illatio, l. Papinianus. ff. de minorib. cap. ad audientiam. de decimis. Tum quia licet amissio iustitiæ originalis, & acquisitio eius dicerentur contraria apta ad formandum argumentum à contrario, non tamen dicerentur talia acquisitio gratiæ, & amissio iustitiæ originalis; cum longissime sit diuersa gratia gratum faciens, & iustitia originalis, vt per earum definitiones patet, ex trad. in 2. lib. sententiarum dist. 30. vbi post & ante alios irrefragabiliter hoc probat Ioan. Maior in q. 1. conclus. 1. Tum quia modus, & ratio, quam habent iustitia originalis, & gratia gratum faciens in modo querendi, vel amittendi multum differunt, præsertim sub lege Euangelica: quia licet vtraque ex Deo immediate sit, vel fuerit ex creatione, & infusione, illa tamen fuit indita sine villo sacramento, & sine vlla contritione, & sine villo actu ad eam præparatiuo, & ad alium effectum, quam gratia gratum faciens, & semel perdita non fuit amplius quaesita. Hæc autem si est prima, siue operans, queritur nunc medio sacramento, nunc vera contritione, nunc aliquo actu liberi arbitrij præuior: & si est alia, siue cooperans, per meritum de condigno per tradita à S. Thom. 1. 2. q. 11. art. 2. & 114. ar. 3. & iuxta sacros canones Conc. Trid. sess. 6.

Tertium argumentum est, quod in generatione prolis magis consideratur vir tamquam principium actiuum, quam femina, 3. & 5. Physicorum: quæ est ratio, qua S. Thom. vbi supra firmat ex Adæ peccato descen-

surum

Iurum fuisse in nos originale, etiam Eua non peccante. Sed hæc ratio non concludit propositum: quia si id concluderet; etiam concluderet, quod cum conuertitur vxor, & non maritus, filij essent tradendi marito, quod tamen est falsum, cap. Iudæorum. 28. q. 1. per quod hoc tenet Panorm. & communis in d. cap. fin. de conuers. infidelium.

- 5 Quartum arg. est, quod omnes rationes, quibus in d. cap. fin. de conuers. infidel. filij traduntur patri, militant in auo, de quo hic agitur; puta, patria potestas, suspicio quod salutis & vitæ pueri fiant insidiæ; & quod mater pueri, si contingeret eum remanere apud eam, possit illum adducere ad infidelitatis errorem; & fauor fidei Christianæ. Sed neque hoc argumentum efficaciter concludit. Tum quia patria potestas nihil operatur in casu d. cap. fin. de conuers. infidel. vt supra dictum est. Tum quia si solæ illæ rationes sufficerent ad tradendum hunc puerum, mortuo patre, auo, vt persuaderet ei Christianismum; etiam probarent quod sufficeret, vt mortua matre, & viuo patre, immo & viuo utroque ei traderetur, quia esset in potestate aui, & non patris; quod nemo concedet. Tum quia præter rationes præfatas erat alia, quæ longe magis vrgebat, videlicet quod is, cui tradendus erat puer, erat verus pater eius, sicut pars aduersa vera mater; quod non contingit hoc casu.
- 6 Quintum est, quod Salicetus determinat in authen. matri & auiæ. C. quando mulier tut. officio fungi potest. col. 2. nu. 5. quod matri non competit tutela filij viuentis auo, in cuius potestate est ille. Sed neque hoc concludit intentionem aui. Tum quia pars aduersa negat, puerum, de quo agitur, esse sub potestate aui; & ipsemet Salicetus determinat ibidem, quod mater in tutela filij præfertur auo, qui non habet illum in potestate. Tum quia, vt supra dictum est, patria potestas parum prodest quo ad propositum baptizandi hunc puerum, quamuis quo ad aliud prodesse possit, vt mox dicam. Tum quia viuentis patre nepos est in potestate aui: & ita si sufficeret consensus eius, qui haberet filium infidelem in potestate; sequeretur, quod etiam patre viuentis & renitente posset nepos baptizari, quod nec ipsa pars aui dicere audebit.
- 7 Primum autem eorum, quæ pro matre allegantur, est, quod nemini est vis ad credendum inferenda, cap. de Iudæis. 45. dist. & cap. ad fidem. 23. q. 5. Nam à Christiana religione alieni ad fidem non asperitate, sed mansuetudine & blandimentis alliciendi sunt, cap. qui sincera. 45. distin. Sed hoc non concludit, nec satis aptum argumentum est; quoniam dubium propositum non habet, an puer hic baptizandus sit inuita matre, nec ne, sed an tradendus sit matri, vel auo ad educandum, quod aliud est, vt palam est.
- 8 Secundum pro parte matris est, quod filij Iudæorum non sunt inuitis parentibus baptizandi, iuxta gloss. communiter receptam in cap. Iudæorum. 28. quæst. 1. & iuxta sanctum Thom. communiter receptum in 2. 2. quæst. 10. artic. 12. Sed & hoc non concludit, immo videtur esse ineptum: quia alia quæstio est, an is puer sit baptizandus inuita matre, antequam discretionem quærat, & doli prudentiæque capax sit,

an quam tendit hoc argumentum: alia, an debeat tradi matri, vel aui ad educandum.

- 9 Tertium est, quod patria potestas nihil in hoc proposito operatur, ut supra dictum est. Ergo præfatus auius esto habeat patriam potestatem in puerum, non posset illum sibi vendicare. Sed nec hoc argumentum concludere videtur; quia negari non potest patriam potestatem operari multum quo ad propositam questionem: cum puero existenti sub potestate aui non sit dandus tutor; quia ille datur solum in defectum habentis in eum patriam potestatem, arg. definitionis tutelæ, quæ ponitur in l. r. ff. de tutel. & Instit. de tutel. in princip. & est satis expressum in §. permissum eod. titulo, quatenus probat, non posse patrem dare filio tutorem, si erat in aui potestate: & ita plurimum facit patria potestas, si eam habeat auius, ad hoc, ut ei traderetur puer: quoniam non deberet habere alium tutorem, nec tutricem. Haftenus de primo.

Pro secundi expeditione videtur dicendum primo, quod hoc dubium continet duas questiones. Altera est, an is infans sit tradendus educandus matri, an aui? Altera, an possit iuste baptizari inuita matre, de consensu aui, siue tradatur huic educandus, siue illi?

- 10 AD PRIOREM QVAESTIONEM respondetur, quod est tradendus aui, si habeat in eum patriam potestatem. quod illa firma ratione probatur, quod si est in potestate aui, nullus est ei alius tutor dandus, per d. l. r. de tutel. & melius per principium & per d. §. permissum, Instit. de tutel. quia, ut supra dictum est, non est dandus aliquis tutor pupillo, qui mortuo suo patre recidit, vel remanet in potestate alterius, cum ille debeat eum defendere, regere, & gubernare: & illo casu non habet locum præfata, authen. matri & auiæ. ut ibidem dixit Salicet. nu. 5. declarans, quod gloss. illius, & Bart. dicentes quod mater præfertur in tutela aui paterno, sunt intelligendi de aui, in cuius potestate non remanet nepos mortuo patre: quia frustra, inquit, queritur de tutela eius, qui est in alterius patria potestate. Cuius ratio, licet ipse illam non reddat, est, quod ex octo, quæ operatur patria potestas secundum gloss. celebr. in §. ins autem. Instit. de patria potest. est, eum in quem illam habet, petere, & vendicare in suam potestatem, siue a nemine teneatur, siue teneatur ab alio volens, vel inuitus. Si autem auius, de quo loquimur, non habeat infantem prædictum in sua potestate, sed est sui iuris, debet manere in potestate matris, cui decreta est tutela, ut in facto proponitur: quia mater in tutela filij sui præfertur omnibus legitimis & dativis tutoribus, licet non testamentarijs, per d. authent. matri & auiæ etiam aui paterno, qui non habet patriam potestatem in illum, ut tenent ibi gloss. Odofr. Bart. & Salicet. & Andreas Sicul. in consil. r. 1. 3. par. in 3. dubio.

Quare tota decisio huius prioris questionis pendet ex illa, an præfatus auius habeat in præfatum nepotem patriam potestatem? Ad quam respondetur quod non: & probatur.

- 11 Primo, illa firma ratione, quod filius præsumitur emancipatus, si per 20. annos in quasi possessione sui iuris seorsum a patre vixerit, per

per tex. singularem in l. 1. ff. de patria potestate . & in facto proponitur , quod ante 22. annos præfatus auus (quæ fuit eius felicitas) fuit conuersus ad fidem Catholicam , & separauit se cum bonis suis à conuersatione suæ vxoris, & filiorum suorum, qui tamquam liberi, & sui iuris, quæsiuerunt sibi bona, quibus viuerent, & ditarentur: & quod tali casu filius præsumatur emancipatus, & liberatus à patria potestate, affirmant in d. l. 1. gloss. Bart. Bald. Salic. Fulgos. Baldus in l. post mortem. in fine. ff. de adopt. Barbatius in cap. peruenit. num. 9. de emp. & vend. & consil. 135. num. 12. lib. 4. inter consilia Alexandri, Iason in l. si emancipati. nu. 2. C. de collat. & l. si certis annis. num. 12. C. de pact. Alciat. in reg. 2. præsumptionum de præsumptionibus, & alij multi.

13 Secundo probatur etiam ea ratione firma, quod ius libertatis contra dominum præscribitur spatio 20. annorum per l. 2. C. de præscriptio. longi temporis, quæ pro libertate. & ibi notant gloss. & doctores, maxime Bald. & Salic. Tum quod etiam libertas contra patriam potestatem præscribitur 20. annis, vt recte probat Franciscus Balbus in q. vlt. 3. par. 4. par. principalis tractat. de præscript. dicens quod filius familias potest præscribere 20. annis existentiam sui iuris contra patriam potestatem, sicut seruus libertatem contra seruitutem dominicam per d. l. 1. C. de patria potestate, vbi id tenet glossa recepta per omnes, & gloss. fin. in l. 2. in fine C. de præscript. longi temporis, quæ pro libertate.

14 Tertio, quod dicitur Romæ extare statutum, quo omnes præscriptiones perficiuntur 16. annis: & præscriptio statuti minuens tempus præstitutum à iure communi sortitur naturam præscriptionis à iure cōmuni statutz, secundum Baldum in l. in contractib. per illum text. C. de non nu. pecun. quem sequitur Iason in l. nemo potest. nu. 117. ff. de leg. 1. & habet vim præscriptionis iuris communis, arg. l. omnes populi. ff. de iust. & iur. & notatur in cap. cum omnes. de constit. & tradit Iason vbi supra.

Non obstat, quod est verisimile eam procuraturam, vt Iudaismum imbibat. Tum quia iam ipse circumcissus est, quod solum plus satis incitabit ad illum, penes quemcumque maneat. Tum quia etiam periculum est, quod si matre inuita baptizetur, eius amore, vel suasionem clandestina, vel manifesta, cum ad discretionis annos peruenerit, & sciuerit quod ea renitente fuerit baptizatus, à Catholica fide deficiat, & apostatet, secundum mentem D. Thom. & omnium, qui tenent filios Iudæorum non posse iuste baptizari inuitis parentibus eorum: quod peius esset illi, quam si numquam esset baptizatus, secundum omnes. Tum quia non sunt facienda mala & iniusta propter bonum ex ijs consequens, cap. non est putanda. 1. q. 1. & cap. forte. 14. q. 5. Tum quia non est facienda iniustitia, quo pietati, vel viduis faueatur, cap. ex tenore. de for. compet. Tum quia ratio quare Iudæorum filij non sunt inuitis parentibus baptizandi, posita in cap. quia sincera. & in d. cap. de Iudæis. 45. dist. est, quod hoc est relinquendum prouidentiz Dei, qui quorum vult miseretur, & quos vult indurat, & non vult cuiquam vim inferri, vt quisquam fidem Catholicam suscipiat. Ex quibus palam colligitur, quod non vult Deus vt matri præ-

dicti pueri denegetur ipsius educatio iure sibi debita, ex eo, quod sit verisimile eam procuraturam, ut imbibat Iudaismum: nec propter bonum conuersionis, quod ex illa denegatione consequi posset, debet ei fieri iniustitia.

- 16 AD ALTERAM QVAESTIONEM, scilicet an praedictus infans possit baptizari inuita matre de consensu aui sui, siue tradatur educandus matri, siue auo: Respondeo, quod affirmatiue respondere deberet is qui teneret opinionem Scoti in 4. lib. sententiarum dist. 4. quaest. 9. videlicet quod Princeps bene potest pueros infidelium suae ditionis inuitis parentibus facere baptizari; immo etiam qui teneret opinionem Durandi in d. distinct. 4. quaest. 6. adiuncta opinione Paludani in eadem dist. q. 4. Nam Durandus tenet, filios infidelium, qui sunt serui Christianorum, posse inuitis parentibus baptizari; & Paludanus opinatur, quod Iudaei sunt serui Christianorum, quod tamen falsum esse recte putat Dominicus Sotus in d. lib. 4. distinct. 5. quaest. 1. art. 10. Sed praedictae opiniones non sunt tenendae, & communiter rejiciuntur non solum per S. Thom. 2. 2. quaest. 10. art. 8. & 12. & alios in d. distinct. 4. & alios in dist. 5. & alios in dist. 6. quorum nomenclaturam superfluum est referre: quia pro illis est textus in d. cap. de Iudaeis. & cap. qui sincera. 45. distinct. & expressa bulla Martini V. per quam firmiter est tenendum, filios Iudaeorum, antequam ad discretionem peruenerint, non esse baptizandos sine expresso consensu parentum, vel alterius eorum: qua conclusione praesupposita videtur iuri consentaneum respondere ad quaestionem negatiue. Primo quidem, quia si tradatur educandus matri, tamquam tutrici, nullatenus potest ea inuita baptizari; quia tam iure naturali, quam civili, tota cura ipsius ad eam spectat, praesertim tenendo opinionem Paludan. ubi supra, nempe quod inuitis tutoribus eiusmodi pueri non debent baptizari; quem satis sequitur praedictus Dominicus in d. distinct. 5. quaest. 1. artic. 10. colum. 21. ver. additur ibidem, quod ipsum videtur dicendum, si tradatur educandus auo. Secundo, quod mater non desinit esse parens & mater huius pueri, eo quod in eum habeat patriam potestatem auus, arg. l. iura sanguinis iure civili dirimi non possunt. de regulis iuris, & l. ius autem agnationis. ff. de pactis. At tam Toletana Synodus in d. cap. de Iudaeis. quam opinio praedicta S. Thom. & aliorum communiter recepta tenent, quod huiusmodi infans non debet baptizari inuitis parentibus, & mater haec est parens huius infantis: ergo nec inuita illa. Tum quia bulla praedicta Martini V. habet expresse, quod pueri Iudaeorum ante 12. annos, aut antequam usum rationis consequantur, non sunt baptizandi sine expresso consensu parentum, vel alterius eorum. Cum ergo alter parens, scilicet pater iam sit mortuus, requiritur expressus consensus matris viuentis, quae est altera parens. Tum quia expresse sentiunt Paludan. & Dominicus ubi supra, dicentes, quod huiusmodi infans, qui utroque parente orbatus est, sub tutoribus non debet baptizari sine illorum consensu.

- 18 Per quae verba clare sentiunt, quod si non est orbatus utroque parente, magis

magis requiritur consensus parentis viuentis, quam tutorum: & cum tutores non dentur, nisi mortuo patre, consequenter sentiunt quod consensus matris viuentis est magis requirendus, quam consensus tutorum, & aliorum, qui haberent aliquam potestatem ciuilem in illum. Tum quia omnes ad vnū hanc opinionem tenentes sentiunt requiri consensum amborum parentum, vel alterius tantum; & ita consequenter volunt, vt si alter tantum est superstes, illius consensus requiratur. Tum quia Capreo-
 lus, & Dominicus, qui eū vbi supra citat, dicunt consensum ancillæ requiri ad baptizandum filium eius; & communiter ancillarum filij sunt spurij, qui patrem ignotum habent: ergo matris superuenientis consensus patre mor-
 tuo requiritur. Tum quia lex ciuilis debet cedere legi & iuri naturali, & diuino, cap. quæ contra. 8. dist. At iure & lege naturali ac diuina filij vsque ad annos discretionis sunt dirigendi per parentes suos, quo ad ea quæ pertinent ad salutem spiritualem eorum, vt S. Thom. & omnes alij supra fa-
 tentur, allegantes quod sub lege naturali filij olim saluabantur in fide parentum, non distinguendo inter patrem & matrem. Potestas autem patria non est potestas inducta iure naturali, neque diuino, immo neque iure gentium, sed humano ciuili, & particulari Romano, quod affirmat S. Tho. & communis Theologorum opinio, & nostrorum in l. si emancipati. C. de collat. & alibi sæpe, & est textus expressus Inst. de patria potestate, §. 1. adeo quod gloss. sing. & recepta ibidem, verbo Romanorum, habet Francigenas non habere filios in potestate. Ergo non obstante quod auus haberet patriam potestatem, & dispositionem quo ad ea, quæ sunt iuris ciuilis; non tamen haberet quo ad ea, quæ iure naturali & diuino pertinent ad matrem, vel patrem. Tum quia si patria potestas, quam habet auus, sufficeret ad hoc, vt in sua potestate constitutus posset iuste baptizari; sequeretur, quod omnes nepotes, & pronepotes eius, viuentibus omnibus eorum parentibus, possent baptizari eis inuitis de ipsius aui consensu; quia omnes illi sunt sub illius potestate per supra dicta: quod tamen est absurdum, & ita non dicendum, l. nam quod absurdum. ff. de bonis libert. neque vllō vmquam vsu receptum, & contra præfatam bullam Martini V. quæ requirit expressum consensum alterius parentis. Tum quia
 hoc cōcludit solutio illa solida & subtilis, qua Caietanus in d. ar. 12. quem sequitur Sotus in d. art. 10. defendit S. Thom. & communem ab argumento Scoti neruoso, quo concludebat pueros infidelium posse à Principe inuitis eorum parentibus iuste baptizari. Argumentum enim eius est, quod duobus contraria præcipientibus, maiori est obediendum, secundum August. ferm. 6. de verbis Domini, cuius dictum nos habemus translatum in cap. qui resistit. 1. 1. q. 3. quatenus habet, quod si curator iubet aliquid, & Consul contrarium, huic est parendum; & si Consul iubeat aliquid, & Imperator contrarium, Imperatori; & si Deus contrarium, Deo. At Deus per legem Euangelicam iubet omnes baptizari, ergo illi est parendum, licet parentes contradicant; quia sunt Deo minores. At prædictus Caietanus pro S. Tho. communiter approbato & vsu recepto respondet, quod assumptum huius argumenti procedit, quando duo diuersi duo contraria præ-

cipiunt: sed in proposito loquimur, quando idem præcipit illa duo. Deus enim, qui per legem Euangelicam iussit omnes baptizari, idem ipse per legem naturalem toti generi humano indidit, ne inuitis parentibus quidquam, quod pertinet ad salutem animarum filiorum nondum habentium usum rationis, disponatur: & quia sicut gratia non perimit, sed perficit naturam, ita diuina lex Euangelica non tollit, sed perficit diuinam naturalem: & ideo Dominus, qui Euangelicam tulit de baptizandis omnibus, noluit tollere suam legem naturalem, qua parentibus tradidit potestatem in huiusmodi filios quo ad ea, quæ ad suarum animarum salutem pertinent. Per quam solutionem satis expensam colligitur, ius parentum in filios usum rationis nondum assequutos, quo ad ea quæ pertinent ad suam salutem spiritualem, non esse quale quale, neque ab humana potestate, vel consuetudine inductum, sed ab ipso omnipotente Deo naturaliter ante legem Euangelicam de baptizando toti generi humano inditum; & ita non posse illi per patriam potestatem, nec alia iure ciuili introducta derogari. & consequenter ius, quod habet mater prædicta in præfatum filium lege naturali sibi inditum, etiam si non esset tutrix, non potest tolli per præfatam patriam potestatem, quam haberet auus, quam tamen supra eum non habere valide concludimus. Tum quia super hac ratione, & iure naturali fundari videtur bulla Martini V. per Eugenium III. confirmata, quatenus prohibet huiusmodi Iudæorum filios baptizari sine expresso consensu parentum, vel alterius eorum: significando per illa verba, quod S. Thomas & alij doctores asserentes huiusmodi filios non esse baptizandos inuitis parentibus, per verbum, *parentes*, intelligunt patrem, & matrem tantum, & non alios: licet alias per illud significari auos, proauos, abauos, & tritauos, dixit Iurisconsultus Paulus in l. iuriconsultus. ff. de gradibus affinitatis. Declarando enim directe non debere illos baptizari sine consensu alterius parentis, & indirecte quod debent baptizari de consensu expresso alterius; per illud verbum, *alterius*, quod dicitur de duobus tantum, clare significat solos duos hac in re appellari parentes, nempe patrem, & matrem; cum aui, proau, abau, vel tritau possint esse plures, quam quinquaginta. Tum denique quod ex dictis colligitur, quod priuilegium hoc iure naturali patri, vel matri concessum dirigendi filios suos rationis usus expertes in spiritualia, est personale, & consequenter non extenditur ad tritauos, neque abauos, neque proauos, nec consequenter auos: quia priuilegium personale sequitur personam, & extinguitur cum ea, cap. priuilegium. de reg. iuris in 6. & l. maritum. cum lege sequenti. ff. solut. matrim.

Per quæ omnia videtur concludendum, prædictum puerum sub tutela matris educandum esse, & nullatenus ea inuita baptizandum esse, etiam si in patriam aui potestatem venire deberet. Salua non solum sacrosanctæ matris Ecclesiæ, sed etiam cuiuslibet, & quamlibet humilis diuini iuris & humani consulti saniore sententia.

CVM IN HAC causa ab vtraque parte rogatus renuissem respondere, iussus ab habente in id potestatem, respondi fere inuitus, & meam de illa opinionem

nionem clausam eidem misi, nec ulli parti roganti & flagitanti exemplum eius tradere volui. Nunc autem quia allatum est mihi quoddam scriptum auctoris incerti, quo meam refellit sententiam, non possum non tangere quædam, quæ magis obstare videri possunt. Gratia tamen in primis dominationi eius (quisquis ille sit) habita, quod me titulis, meis meritis superioribus, honorat: simul laudato Deo, quod ipsum (ut eius responsum indicat) præcellente intellectus acrimonia cum pari eruditione & facundia coniuncta donauerit.

23. Primum, quod non satis apte significat, quod Gabriel reprehenditur à Dominico Soto, eo quod dicat, filios paruulos Iudæorum propter solum scandalum non debere baptizari sine consensu parentum: Sotus. n. ibi, ubi hoc dicit, scilicet in 4. lib. d. 5. art. 10. col. 9. arg. 12. non agit de baptizandis, vel non baptizandis paruulis inuitis parentibus, de quo postea tractat, sed de baptizandis, vel non baptizandis adultis ipsismet inuitis. Arguit enim ibi contra conclusionem receptam, quam posuit super eodẽ art. col. 4. vers. 3. conclusio. in hæc verba: *Neutiquam licet quemquam vel ad fidem, vel ad baptismum cogere.* Reprehendit autem Gabrielem, eo quod putauit Conc. Toletan. ab utroque citatum, cuius pars habetur in cap. de Iudæis. 45. dist. non vetare coactionem infidelium ad fidem, tamquam rem de se illicitam, sed ob scandalum, quod inde sequitur, & merito eum reprehendit, quia suapte natura est illicita, eo quod sit contra naturam fidei, quæ est, ut per spontaneam voluntatem suscipiatur.

Secundo, quod non satis apte significat, Sotum paruifacere scandalum, quod datur parentibus per baptismum filiorum suorum paruulorum eis inuitis ministratum: Tum quia nihil ibi de hoc agit. Tum quia in eodem art. col. vltima, vers. resp. dicit licere paruulum iam iam moriturum baptizare inuitis parentibus, si cessaret scandalum; quod certe ego nullatenus dixissem, nec auderem dicere pro reuerentia, & fide, qua debeo esse in S. Sedem Apost. & in eius declarationes, quibus declarauit absolute, non licere paruulos Iudæorum sine alterius parentis consensu expresso baptizare, ut inferius fusiùs dicam.

24. Tertio, quod etiam non satis caute ait me dixisse patriam potestatem nullius esse in hac re momenti. Nam si mea dicta, fideliter transcripta, fuissent ab eo integre perpenſa, inuenisset me in duobus vel tribus locis dicere, quod patria potestas in hac re plurimum importat quo ad traditionem paruulorum ad effectum educandi, licet nihil quo ad traditionem ad baptismum.

Quarto, quod nimis confidenter ait, quod ratio, & causa præcipua, qua determinauit Gregorius IX. in cap. fin. de conuers. infid. quod patre ad fidem conuerso consentiente, filius (nolente matre) potest iuste baptizari, fuit patria potestas, quam pater in illum habebat; & quod ego dicens contrarium, fui falsus, cum profecto non fuerim. Tum quia non potest esse ratio, & causa præcipua determinationis alicuius quæstionis illa, qua cessante non cessasset determinatio, & quæ posita non sufficeret ad illam faciendam, arg. eorum omnium quæ notantur in cap. cum.

cessante. de appellat. & eorum quæ nos latius & resolutius alijs tradidimus in cap. cum minister. 22. quæst. 5. à num. 36. definiendo causam principalem, & minus principalem, & ponendo inter eas differentiam.

25 At patria potestate cessante, immo & repugnante, non cessasset illa determinatio Gregorij. Nam matre conuersa volente, & patre non conuerso nolente, filius paruulus est baptizandus, cap. Iudæorum. 38. q. 1. quod omnes fatentur in d. cap. fin. Attamen patria potestas cessat in matre, immo posita in patre repugnat. Ergo causa & ratio præcipua & principalis, qua censetur decidere & determinare Gregorius in d. cap. fin. tradendum esse ad baptismum paruulum patris conuersi, nolente matre non conuersa, non fuit patria potestas. Tum quia patria potestas etiam cum fauore religionis coniuncta non sufficit ad baptizandos huiusmodi paruulos. Nemo enim pro reuerentia & fide, qua debemus esse omnes in sanctam Sedem Apostol. & eius definitiones, auderet dicere, quod patria potestas posita in atauo, vel tritauo Christiano sufficeret, vt paruulus, qui esset filius, nepos, & pronepos parentum, auorum, & proauorum Iudæorum & Iudæarum viuentium, & repugnantium, iuste possit baptizari; quia illud esset negare & determinationem sanctæ Sedis Apostolicæ per Martinum V. factam, & per Eugenium III. confirmatam, qua definitur non licere baptizare paruulos Iudæorum sine alterius parentum consensu expresso: per quam (vt mox adijciam) non liceret baptizare etiam paruulum patris & matris Iudæorum viuentium & repugnantium, ex consensu etiam aui paterni Christiani patriam potestatem habentis. Cum ergo nec cessatio patriæ potestatis cessare fecisset prædictam Gregorij decisionem, nec contra positio illius suffecisset ad illam faciendam; consequitur profecto non fuisse me falsum, dicendo patriam potestatem non fuisse rationem & causam præcipuam & principalem illius decisionis. Tum quia patria potestas (vt in meo responso probaui) non fuit inducta iure naturali, nec iure gentium, neque diuino positio, sed humano Romano, Institut. de patria potestate. §. 1. quam (vt contradictor ait) Marcus Antonius Imperator videtur dedisse omnibus orbi Romano subditis, & consequenter Iudæis eis subiectis, vt testatur Vlpia. in l. in orbe Romano (quæ aliàs incipit, in vrbe Roma) ff. de statu hominum. At si quæstio, quam determinauit Gregorius IX. incidisset in terris, vbi non est locus patriæ potestati, de qua loquimur, vel in tempore, in quo nondum illam Iudæi habebant, eodem modo decisa fuisset. Ergo patria potestas non fuit causa & ratio præcipua & principalis eam decidendi. Tum quia decisio illa præcipue facta fuit ad declarandum ius naturale, quod cœpit ab exordio rationalis creaturæ, iuxta principium §. dist. & §. fin. 6. dist. & adnotata per gloss. & doctores in eis, & per S. Thom. receptum 1. 2. quæst. 94. per totam, & ad declarationem iuris diuini Euangelici de baptizando, quod incœpit ab Orbe redempto, vt probat S. Thom. receptus vbi supra quæst. 106. art. 3. Patria vero potestas, quæ est proprium ius & inuentum Romanum, vt habet tex. Institut. de patria potestate, in principio, longe postea fuit commu-

communicata Iudæis, iuxta prædictam legem in orbe Romano. Non debuit ergo Gregorius summus legislator, idemque eruditissimus fundare principaliter suam declarationem iuris naturalis, & diuini Euangelici, quæ sunt antiquiora, & digniora, & vniuersos obligantia, in iure humano ciuili posteriori, & minus digno, & solam gentem Romanam & eis
 27 subditam obligante. Quia, ut ait Philosophus in libris Posteriorum, demonstratio & declaratio priorum conclusionum fit per causas, & principia earum. Pro quo facit cap. illud Greg. intelligentia verborum ex causis est assumenda dicendi. de verborum signific. cum citatis ibi à glossa in verbo causis. Tum quod patria potestas etiam in patre existens non extenditur ad vlla spiritualia, cap. si annum. de iudicijs lib. 6. adeo quod pater virtute illius neque agere, neque conueniri potest pro filio, neque dare illi vllam auctoritatem agendi, vel conueniendi circa illa: immo nulla ratione de patria potestate habita debet dari filio tutor vel curator ab Episcopo, vel alio Ecclesiastico iudice ad agendum, vel conueniendum circa illa; sed ipsemet, si est infante maior, constituet procuratorem cum auctoritate non patris, quatenus pater est, sed tutoris, vel curatoris dati ab Ecclesiastico iudice, etiam circa beneficia, quæ non essentialiter sunt spiritualia, sed annexa illis consequenter, siue à parte posteriori, secundum sanctum Thom. receptum 2.2. q. 10. art. 4. Quanto minus prædicta patria potestas extendetur ad spiritualia essentialiter, qualia sunt sacramenta, e quibus est baptismus, iuxta gloss. solemnem in cap. veniens. de transactionibus. Tum denique quod auctoritas tutoris, vel curatoris aliàs legitime dati, longe præstantior est quo ad spiritualia, quam patria potestas, ut ex præfato cap. fin. & proxime dictis irrefragabiliter colligitur; & adeo quidem præstantior, quod patria potestas nihil est, tutoris autem & curatoris huiusmodi potestas manet firma.

Per quæ omnia palam est, me non fuisse falsum, dicendo patriam potestatem non fuisse causam præcipuam & principalem præfatæ decisionis Gregorianæ, quatenus probat filium paruulum Iudæi posse iuste baptizari inuita matre, conuerso patre volente; licet sic, quatenus probat huiusmodi paruulum esse tradendum patri quo ad educandum. Ego enim in meo responso dixi duas in hac re questiones esse. Altera, an puer esset tradendus matri, an auo ad educandum. Altera, an inuita matre possit iuste baptizari, etiam si traderetur auo; & in duobus, vel tribus locis dixi patriam potestatem multum facere quo ad priorem questionem pro auo, quo autem ad posteriorem nihil.

28 Non obstat quidquam §. fin. Inst. de donat. supra citatus, immo facit pro nobis. Tum quia probat, libertatem datam seruo communi ab altero dominorum, inuito altero, valere solo fauore libertatis, non habito alio respectu: ergo eadem ratione, tradito puero ad baptismum, altero parētum volente, inuito altero, valebit sola ratione liberationis à seruitute diaboli, nullo habito ad patriam potestatem respectu, quod nos affirmamus. Tum quia ratio decidendi illius §. probat idem esse dicendum in terris, in quibus est

est nulla talis patria potestas, & etiam idem fuisse dicendum ante tempus, in quo fuit hæc potestas communicata Iudæis, & consequenter quod patria potestas nihil habenda est ad hoc propositum.

- 29 Quinto, quod prædictus D. contradictor videtur velle tenere, quod filius paruulus Iudæorum possit iuste baptizari de consensu aui Christiani tenentis eum in sua potestate, inuitis eius parentibus, etiam uiuentibus. Nec miror: quia eum, qui dicit patriam potestatem cum fauore religionis coniunctam esse præcipuam causam & rationem, cur paruulus Iudæorum possit baptizari patre volente, & matre inuita, oportet consequenter asserere hoc de nepote, qui est in potestate aui, etiam uiuentibus parentibus nepotis, cum ille habeat patriam potestatem cum fauore religionis coniunctam. sed hoc nullatenus est dicendum. Tum quia est nouum, à nullo eorum, qui tenent opinionem D. Thomæ, & communem à sancta Sede Apostolica receptam, affirmatum; cuiusmodi nouitates vitandæ sunt, cap. eum consuetudinis: de consuetud. cap. quis nesciat. i. i. dist. Tum quia vnum præcipuum fundamentum, per quod S. Thom. tenuit paruulos infidelium non esse baptizandos inuitis parentibus, est, quod Ecclesia non consuevit id facere. At nullum exemplum videtur, auditur, nec legitur baptismi collati de consensu aui, inuitis parentibus, qui sine illo non debuisset illi conferri: ergo nullatenus est affirmandum. Tum quia eum, qui tenuerit id quod contradictor non veretur tenere, consequenter oportebit tenere, quod tritauius Christianus, qui haberet in potestate sua centum paruulos filios, nepotes, pronepotes, vel abnepotes parentum infidelium uiuentium, & repugnantium, posset illos omnes inuitis eis omnibus ad baptismum tradere; quod absurdissimum est, & alienum à mente prædicti S. Thomæ, & aliorum, qui determinationem prædictam sanctæ Sedis Apost. sequuntur, & suscipiunt. Tum quia ex hoc posset forte accipi occasio, vt Academiæ saltem extra Italiam institutæ, & earum gymnastæ, minoris quam par est, haberent determinationes Romanas iuris naturalis & diuini, considerando Romæ determinari, quod per patriam potestatem (quæ est inuentum ciuile, & sæculare) à paruo tempore quibusdam datam, vel communicatam, extendatur priuilegium iuris naturalis & diuini parentibus tantum concessum ad omnes personas, in quibus inuenitur patria potestas, ad quas non extendetur, si illa patria potestas non fuisset eis nouè communicata; & consequenter quod alio iure naturali vtimur apud Græcos, Persas, Indos, Nauarros, Francigenas, & alios, quibus non esset huiusmodi patria potestas, & alio iure naturali apud Romanos, & alios, quibus est illa, contra cap. ius naturale. Institut. de iure naturali gen. & ciuil. & tradita per S. Thom. receptum in 2. 2. q. 94. Declaratio enim Martini V. non est quo ad hoc noui iuris humani introductoria, sed antiqui naturalis declaratoria: quod colligitur ex eadem, & ex eo, quod nisi id teneamus, est insolubile illud argumentum, quod contra illam & communem format Scotus in 4. lib. senten. dist. 5. q. 9. ad probandum, quod Reges, & Principes terræ non solum iuste possunt cogere paruulos Iudæorum sibi subditorum ad baptismum in-
- uitis

uitis parentibus, sed etiam tenentur, vt in meo responso latius explicaui. Arguit enim in summa sic; Quoties duo, quorum vnus est superior, & alter inferior, contraria præcipiunt, superiori parendum est, c. qui resistit. 11. q. 3. cum ei similibus. At Christus Deus, & superiorum supremus sua lege diuina præcipit, vt omnes baptizentur: & parentes iudæi, qui sunt puri homines, & infirmi, voluntate sua humana & peruersa præcipiunt contrarium. Ergo Rex debet facere quod præcipit Christus, non obstante voluntate contraria parentum. Cui argumentum nemo, credo, ante Caietanum satis clare & exacte satisfecit: nam etiam Sotus vbi supra ab eo mutuatus fuit suam solutionem; respondet autem sic, quod non duo diuersi præceperunt illa duo prædicta, quæ apparent esse contraria, sed vnus tantum, nempe Deus, qui per legem diuinam naturalem, indendo parentibus potestatem, ius, & munus dirigendi paruulos suos circa spiritualia, donec sapere incipiant, consequenter præcipit ne prædicti paruuli inuitis eis baptizentur, & per legem diuinam supernaturalem, præcipit vt omnes baptizentur. Et quia gratia non destruit naturam, sed perficit; ita lex præfata supernaturalis de baptizandis omnibus non destruit legem naturalem de non baptizandis paruulis infidelium sine ioco-fensu parentum, vel alterius eorum; sed potius modificatur ab illa. Nec obstat quod S. Thom. & eius sequaces suam assertionem fundant in consuetudine Ecclesiæ, quæ non consuevit baptizare paruulos infidelium inuitis parentibus; & quod Ecclesiæ consuetudo non inducit ius naturale, neque diuinum, sed tantum humanum non scriptum, & constat. Insuper de iure naturali gen. & cini. & cap. consuetudo. 1. distin. Non inquam hoc obstat quia S. Thom. non allegat illam consuetudinem vt inducricem, siue auctricem iuris noui; sed vt coniecturam, & traditionem Ecclesiæ grandem, ad consiiciendum, quod illa potestas, & ius parentum ad dirigendos paruulos ad spiritualia, est naturale, & diuinum, vt ex dictis ipsiusmet in art. 12. quæst. 10. 2. 2. colligitur, cum sic ait: Baptizatio huiusmodi paruulorum inuitis parentibus repugnat iustitie naturali. Filius enim naturaliter est aliquid patris. Et primo quidem à parentibus non distinguitur secundum corpus, quamdiu in matris utero continetur. Postmodum vero, postquam ab utero egreditur, antequam vsum arbitrij habeat, continetur sub parentum cura spirituali utero; quamdiu enim vsum rationis non habet puer, non differt ab animali irrationabili. Vnde sicut bos, vel equus est alicuius, vt utatur eo cum voluerit, secundum ius ciuile, sicut proprio instrumento; ita de iure naturali est, quod filius, antequam habeat vsum rationis, sit sub cura parentum. Vnde contra iustitiam naturalem esset, si puer antequam haberet vsum rationis à cura parentum subtrahatur, vel de eo aliquid ordinetur inuitis parentibus. Hæc ille. Per quod argumentum, & eius solutionem, & mentis S. Tho. & sequacium eius expressionem palam colligitur, prædictam legem de non baptizandis paruulis esse ius naturale; & ita omni loco & tempore vno modo seruandum: & consequenter non dicendum, quod consensus aui sufficit vno tempore, & apud vnā gentem, & non alio tempore, & apud aliam gentem. Cui consequens est, consensum aui numquam suffecisse, nec sufficere ratione pa-

ne patriæ potestatis vlloloco, neque apud vllam gentem.

Ad argumenta vero, & solutiones contra hæc supra adducta, respondetur, quod fundantur in illa falsa imaginatione, qua putatur patriæ potestas extendi ad spiritualia, sicut ad temporalia; & qua putatur eodem iure inducta, quo inducta est parentum potestas, & ius ad dirigendum filios in spiritualibus, & à tanto tempore, à quanto illa: Cum tamen per prædicta palam sit, patriam potestatem extendi ad temporalia tantum, & non ad omnia, & esse inductam iure ciuili Romano, nec à principio suæ inuentionis fuisse apud Iudæos, sed longe postea communicatam eis, non quidem omnibus, sed orbem Romanum incolentibus; illam autem potestatem, & ius quod habent parentes ad dirigendos filios paruulos in spiritualibus, esse inditum iure naturali totius generis humani parentibus tantum à Deo ipso in exordio rationalis creaturæ; ideoque esse longe diuersum à patriæ potestate, etiam si concurrant in eadem persona, vt concurrunt in patre habente potestatem in suum filium paruulum. Fundantur etiam in falsa imaginatione, qua creditur Gregor. IX. in dicto cap. finali de conuers. infidel. intendisse principaliter decidere hanc, de qua loquimur, questionem de baptizando filium de consensu patris conuersi, inuita matre non conuersa: dum palam colligatur ex eo, præsertim ex allegationibus matris, cum principaliter intendisse decidere questionem, qua quærebatur, an paruulus, de quo erat questio, esset tradendus ad educandum patri conuerso, an matri non conuersæ. Ad quam questionem decidendam plurimum erat attendenda patriæ potestas Romana Iudæis communicata: cum tamen ad decidendam aliam non esset attendenda illa, sed alia potestas iure naturali diuino indita parentibus tantum, ad dirigendos paruulos filios in spiritualibus: & consequenter non indigent alia solutione, neque explicatione. Ex quibus inferitur, non me, vt aduersarij parum caute dicunt, sed illos in hac re paralogizari.

Sexto, quod nimis videtur extollere illud dictum Sot. in fine prædicti art. 10. scilicet, iniuriam, quæ fit parentibus in baptizandis filiis suis sine suo consensu, non esse superstitiose, sed secundum prudentium iudicium intelligendam. Tum quia secundum sensum directum est conclusio triuialis, & omnibus etiam lippis & tonsoribus nota; cum quasi per se notum sit, omnem superstitionem esse vitiosam, vt tradit S. Tho. recep. 2. 2. quæst. 92. per totam, & late probat Gratianus casu 26. præsertim quæst. 2. & 5. In sensu autem indirecto, secundum quem laudari videtur ab eo, est talis, ex qua infert vnum, quod ego pro obseruantia & fide, qua esse debeo in S. Sedem Apost. & eius declarationes, non auderem dicere, neque credo ipse dixisset, si legisset prædictam Martini V. extrauag. Infert enim, quod iuste potest baptizari filius (inuitis parentibus infidelibus) iamiam moriturus, si non timeretur scandalum; quod nullatenus videtur dicendum. Tum quia prædicta extrauagans exacte, & vniuersaliter declarat, non licere baptizare paruulos Iudæorum sine expresso alterius parentis consensu. Tum quia illa extrauagans non est
iuris

iuris noui inductoria, sed declaratoria naturalis diuini, quod non recipit facile limitationes priuatas, iuxta notata per omnes in cap. quæ in ecclesiarum. de const. & in l. 1. C. de legib. Tum quia frequentissime decipiuntur homines credentes aliquos ægrotos statim morituros, vt docet experientia rerum magistra, cap. quam sit. de elect. lib. 6.

Septimo, quod parum caute ait, me, cum non potuissem tergiuersari patriam potestatem magni esse in hac re momenti, confugisse ad intendendum probare, auum, de quo loquimur, patria potestate carere. Tum quia si meum responsum serio legisset, in duobus vel tribus locis inuenisset me expresse dicere (vt prædixi) patriam potestatem multum importare quo ad quæstionem, de qua principaliter fuit consultus Gregorius in d. cap. fin. scilicet, an patri, an matri esset tradendus paruulus ad educandum: non autem ad hanc, de qua nunc loquimur, an consensus prædicti aui, renitente matre, sufficiat ad iuste baptizandum hunc puerum. Tum quia ego prius tractaui, an patriam potestatem haberet auus in hunc puerum, quam, an haberet potestatem ad consentiendum in baptismo. Et ideo palam est, me non confugisse ab huius quæstionis decisione ad tractandam illam: cum post tractatam illam descendissem ad tractandam istam.

Octauo, ne nimium morosus videar, remitto responsiones, & replicationes, quæ fieri possunt aduersus ea, quæ ipse adducit ad probandum auum prædictum non perdidisse patriam potestatem, alijs eruditissimis dominis meis, qui pro matre responderunt; præmonens eorum dominationes, non parui ad hæc videri momenti, quod legitime decreta fuit tutela matri in Vrbe, & filius ei traditus educandus, eodem auo præsentem, scientem, & si verum coram Deo vt bonus Christianus voluerit fateri, consentiente; & quod auus cum fuit conuersus, ea mente discessit ab vxore, & filijs suis, vt nullum magis commercium haberet cum ijs, quam cum alijs Iudæis; & quod non habuit mentem vtendi potestate patria in filios suos, neque in filios filiorum eorum; & quod forsitan numquam huiusmodi filius viuentibus parentibus, eis inuitis, fuisset traditus auo potestatem patriam in eo habenti.

36. Nono præmoneo eosdem dominos meos, probabile videri, quod patria potestas iure humano Romano inducta nõ extendatur ad hoc, vt paruulus filius parentum vnius religionis tradatur educandus auo alterius religionis sine consensu illorum, vel alterius eorum. Tum quia patria potestas non extenditur ad spiritualia, vt prædictum est: & quod directio in spiritualia plurimum pendet ab educatione paruuli: & quod cura omnium pertinentium ad huiusmodi paruulum maxima est directio eius ad spiritualia. Tum quia concurrentibus duabus potestatibus, quæ in aliquo maior & dignior est, præferenda est in eo minori, & indigniori: & quod potestas dirigendi paruulum ad spiritualia, quam habent parentes, multo maior & dignior est per prædicta, quam patria potestas; & ideo illa videtur huic præferenda in tempore quo ytraque concurrit, & consequenter

quenter quo ad educationem vsque ad tempus discretionis, quo ad quod illa durat; cum (vt dictum est) illa directio præcipue ab educatione pendeat. Tum quia, si, cum Imperatores Ethnici regnabant, contigisset casus, in quo auus fuisset infidelis, & pater & mater Christiani, & mortuo patre mansisset filius paruulus; Iurisconsulti Christiani consulissent patriam potestatem illius aui non esse extendendam ad hoc, vt traderetur ei educandus nepos renitente matre; & quod pari ratione Iurisconsulti Ethnici respondissent paruulum filium infidelium parentum non fuisse tradendum ad educandum auo Christiano habenti eum in potestate: & dixissent nostris Iurisconsultis, Quod quisque iuris in alterum statuerit, ipse eodem iure vri debeat. Vnde licet priore responso, habens pro comperto auo non esse patriam potestatem, dixerim perfunctorie satis teneri posse tradendum esse illi hunc nepotem ad educandum, licet non ad baptizandum: nunc autem altius perpenſis ijs, quæ præmonui de tutela legitime decreta, & ratione & æquitate non tradendi paruulos filios parentum vnus religionis, ad educandum, hominibus alterius religionis, adeo subsisto, vt nolim secundum illud dictum meum ante maturiorem deliberationem iudicari.

37. Decimo præmoneo, quod licet magni fiat ex aduerso fauor salutis huius pueri, qui fit per contrariam opinionem de baptizando illum inuita matre; ego vero maioris facio fauorem, qui fit sacrosancta Sedis Apostolicæ auctoritati, & declarationi eius, & iuri naturali diuino; quo solis parentibus datur ius & potestas dirigendi huiusmodi paruulos in spiritualia; & quod contrarium consulentes debent cauere ne incurrant in Scyllam cupientes vitare Charybdim, dum volentes consulere saluti huius pueri, faueant ijs, qui parui faciunt declarationes iuris naturalis & diuini Maximorum Pontificum extra Concilia generalia editas; qualis est prædicta Martini V. vt supra probatum est.

38. Vndecimo, sequutus aduersantis ordinem, addo, quod non est tam parui faciendum periculum apostasiæ, in quam is puer iam circumcissus, baptizatus matre renitente recidere posset; quam contradictor facit, dicens hoc esse contra cap. fin. de conuers. infidel. & quod non est certum perdendum propter dubium an perdetur; non inquam est tam parui faciendum. Tum quia S. Thom. receptus ab alijs ait in 4. distinct. 5. artic. 12. quod vna potissimarum rationum, ob quas paruuli infidelium non debent inuitis parentibus baptizari, est illa, quam reddit in hæc verba: *Vna ratio est propter periculum fidei; si enim pueri nondum rationis usum habentes baptismum susceperent, postmodum cum ad perfectam ætatem peruenirent, de facili possent à parentibus induci, vt relinquerent quod ignorantes susceperunt; quod vergeret in fidei detrimentum.* Hæc ille. Per quæ apparet, quam parum solida est ratio, quæ ex aduerso insinuat, videlicet non esse certum perdendum propter dubium an perdetur. Tum quia etiam Sotus, qui adeo ex aduerso merito magnificatur, sic ait in d. distinct. 5. art. 10. col. 18. *Tertium autem, & efficacius est argumentum, quod ex fidei natura sumitur: dictum enim est, sic esse administrandum baptismum, vt nulla fidei ir-*

roge-

rogetur iniuria: ex baptizatiōe autem huiusmodi magna ei irrogatur: nam credit manifestum periculum, ut ad etatem adultam pertingentes à parentibus inducantur, ut ad suam redeant pristinam legem. Quare quod ignorantes acceperunt, facile relinquent. Hæc ille. Non parui ergo, sed maximi æstimandum est in hac re periculum apostasiæ. Tum quia paulo post grauissime idem Sotus reprehendit eos, qui plurimos huiusmodi paruulos apud Indos baptizarunt, ea intentione, ut saluarentur, si antequam ad ysum rationis peruenirent morerentur. Quæ omnia & singula non solum sacrosanctæ Sedi Apostolicæ, sed etiam cuiuslibet alius rectius sentientis censura lubenter subijcio.

Aduertendum autem, contra hanc opinionem latam sententiam, infantemq. traditum fuisse auo Christiano, & demum baptizatum, perseuerareq. adhuc in fide. Vide etiam infra de baptismo Consil. I.

DE VOTO ET VOTI REDEMPTIONE.

S Y M M A R I V M.

1. Vota cum animi perturbatione ob instantis mortis periculum vel ob iram præcedentem omissa obligant, nu. 3. modo perturbatio non abstulerit iudicium pontificis, nec induxerit insaniam, nu. 2. præbet tamen hæc perturbatio, sicut & modica deliberatio, & pueritia, causam commutandi, & dispensandi, nu. 3.
2. Iudicium, quod obligat diabolo, sufficit ad obligandum Deo.

C O N S I L I V M I.

QUIA, ut Plin. naturalis historiæ lib. 8. cap. 16. ait, Votorum tunc maxime locus, cum spei vitæ nullus est: Multi ob magna pericula mortis, quæ occurrunt ægoris, & valentibus in prælijs, & nauigantibus, & ob iram, & alias passiones siue perturbationes animi vœuent, & frequenter religionis ingressum; & postea pœnitentes ea fecisse, quærunt an sit eis necessaria dispensatio aliqua.

1. Et quidem pro parte negante faciunt illa iura: quæ allegat gloss. in cap. sunt qui opes. 17. quæst. 4. & gloss. in cap. dudum. de conuers. coniug. & gloss. in cap. ex litteris. de diuort. quæ concludunt, acta calore iracundiæ, vel alia perturbatione animi non valere, vel esse reuocanda: quæ glossæ aliæ ab alijs appellantur singulares, & commendantur, & per earum aliqua notabilia firmantur, & in specie quoad votum dixit Rom. sing. 508. votum per calorem iracundiæ & turbationem animi factum esse nullum, & non obligare, & idem dixit Iason in l. si filiam. C. de inofficioso testamen. & alibi alij: quod tamen falsum est. Pro parte vero affirmante facit præfatum cap. sunt qui opes. quatenus habet, eum, qui donauit aliquid Ecclesiæ tumultuario animo, & postea reuocauit donationem, sacrilegium commississe reuocando; quod non poterat dici, nisi donatio facta Ecclesiæ animo tumultuario & turbato valuisset. Tum quia gloss. solemnis

2 lemnis & recepta in cap. mulier. 32. quæst. 2. habet, iudicium, quod sufficit ad obligandum quem diabolo, sufficere ad obligandum quem Deo: & constat, eum, qui occidit, & mutilat, vel ferit proximum per calorem iracundiæ, mortaliter peccare, & obligare se diabolo, quia violat præceptum 5. Decalogi, immo & qui per iram inordinatam dicit fratri racha, vel fatue, Matth. 5. Exod. 20. relatum in cap. quid in omnibus. 32. quæst. 7. Tum quia iura & gloss. illorum citata in contrarium sunt neganda, aut intelligenda de iracundia, vel alia turbatione animi, quæ reponit turbatum extra sensum, & iudicium requisitum ad bene vel male merendum, ut declarant Ioan. Andr. & Panorm. & alij in d. cap. dudum. & Archid. & Turrecrem. in d. cap. sunt qui opes. quoniam furiosi, & amentes nec bene nec male mereri possunt, cap. merito. & cap. illud. 15. quæst. 1. Tum quia illa capp. regulariter probant perturbationem animi, quæ non aufert penitus iudicium, nec inducit insaniam, non excusare quem à peccato toto, licet sic à tanto, ut communiter Theologi loquuntur: quo fit: ut vota peregrinandi, & alia similia facta per iracundiam, vel aliam perturbationem, valeant & obligent, ut aiunt Archid. & Turrecr. ubi supra, & est de communi mente Theologorum in 4. distin. 38. & nos asseruimus in nostro Man. confess. cap. 12. nu. 24.

3 Ex quibus colligitur, præfatos, qui ex metu, calore iracundiæ, vel turbatione animi, quæ nõ reddit insanum, vel furiosum, vouent, obligari quidem ex voto, sed habere iustam causam dispensandi, vel commutandi; & posse iuste prælatos eorum dispensare, vel commutare vota eorum, secundum omnes, pro quibus faciunt cap. 1. & 2. de voto, quæ probant etiam obpueritiam, & parum deliberatam mentem vel propositum vouendi, posse dispensari vel commutari votum, ubi hoc notat Panor. communiter receptus, quem sequuti fuimus cum communi in d. cap. 12. nu. 77. adiunctis his, quæ diximus in dicto num. 24. Salua, &c.

S Y M M A R I U M.

1 *Voti obligationem non vitiat iracundia, quæ usum rationis non sustulit, nec defectus matura & iusta deliberationis, nec magna perturbatio, etiam ex iniusto amore vel timore progrediens, num. 2. licet præbeant iustam causam dispensationi, vel commutationi.*

C O N S I L I U M II.

VOTVM factum per iracundiam an teneat, & an sit iusta causa dispensandi?

1 Ad has quæstiones respondeo primo tenuisse me in Man. confess. cap. 12. num. 24. valere, & ad sui complementum obligare vouentem, vota facta per iracundiam, modo illa non esset tanta, quæ alienaret à iudicio rationis, iuxta Ioan. And. & communem in cap. dudum. per illum textum de cōuers. coniug. quæ est communis opin. & probatur per ea quæ ibi additio contra Ludouicū Rom. & Iasonem, qui parum re perpenſa contrarium tenuerunt.

requerunt in locis ibi citatis. Quibus consequens est, D. consulentem proculdubio esse obligatum ad complendum prædicta vota.

2. Secundo, posse tamen petere dispensationem, vel commutationem in prætorio sacre Pœnitentiariæ, propterea quod fuerint emissa vota sine iusta & matura deliberatione, & cum magna turbatione timoris, & amoris parum honesti, per textum ubi hoc notat Panor. communiter recept. in cap. 1. de vot. quem sequuti fuimus cum communi in d. cap. 1. num. 77. adiunctis his quæ diximus in d. num. 24.

S V M M A R I V M.

1. Propositum etiam diu continuatum voto non equipollet.
1. Magis & minus non faciunt differre specie, sed numero.
2. Pœnitentia à confessario imposita, & acceptata implenda, nisi ex iusta causa mutetur.
2. Facultas commutandi vota per Iobelaum non extenditur ad commutandam pœnitentiam iniunctam.
3. Sponsalia per ingressum religionis dissoluantur: sed cauendum valde est, ne quæ infamia inde contra sponsam oriatur.

CONSILIUM III.

PRIMO queritur, utrum propositum mutandi vitam, & ingrediendi religionem multo tempore conceptum & continuatum equipollet voto, & habeat vim obligandi proponentem.

Secundo, an teneatur adimplere pœnitentiam iniunctam à confessario, & à se acceptatam.

Tertio, & quid si post præfatum propositum contraxit sponsalia cum quadam virgine, licet sine præsentia parochi; & an teneatur contrahere matrimonium.

1. AD PRIMAM QVAESTIONEM respondeo, quod proposita præfata quamlibet frequenter iterata, & quantolibet tempore continuata, non equipollent voto, nec inducunt obligationem necessariam ad intrandam religionem, per cap. litteraturam de voto. ubi Panor. cum communi tenuit non sufficere propositum ad constituendum votum, quem & S. Tho. & Archid. antequam illam tenentes & alios sequimur in Mann. conf. cap. 1. tit. 4. quibus addo rationem, quod plus & minus non faciunt differre genere secundum Iuristas, neque specie secundum Dialecticos, sed numero. l. fin. ff. de fund. instrum. 2. §. 2. c. 2. §. 2. floq. 307 si quis.

2. AD SECVNDAM respondetur, quod præfata pœnitentia iniuncta & acceptata seruanda est, cap. omnis de pœnit. & remiss. quamvis ex iusta causa mutari possit, ut nos tradimus latius in præfato Mann. cap. 26. num. 21. non autem mihi compertum est per Iobelaum posse commutari: quia per ea conceditur quidem ut plurimum potestas commutandi vota, non autem potestas commutandi pœnitentias iniunctas, quæ sunt talia à votis, & à diuersis non sic illatio. l. Papinianus ff. de misop. sed quilibet

bet confessarius legitimus videtur habere potestatem commutandi poenitentiam iniunctam, etiam a superiore, iuxta gloss. cap. tempora. 26. quest. 7.

- 3 AD TERTIAM respondeo, quod D. consulens tenetur ad contrahendum matrimonium cum prefata virgine, si promisit contrahere cum illa; quia Concilium Trid. non annihilauit sponsalia de futuro contracta sine presentia parochi, sed tantum sponsalia per verba de presenti, ut annotauimus in d. Man. cap. 25. nu. 144. verum tamen est, quod per ingressum religionis dissoluuntur, cap. 1. de conuers. coniug. sed cauendum valde est, ne qua infamia contra sponsam inde nascatur, iuxta not. in cap. commissum. de spons. Salua, &c.

SUMMARIVM.

- 1 *Votum non inducunt hæc verba, Deo sanitatem concedente, religionem ingrediari, si non sit facta promissio.*
1. *Propositum, & deliberatio quantumvis firma non obligat.*
- 2 *Velle facere, & obligare se ad faciendum, diuersa.*
- 3 *Votum perturbatione animi iudicium non tollente non irritatur, sed sit dispensabile.*
- 3 *Dispensandi causam dant lesitas vouendi, perturbatio animi, grauis ætas, periculum cum dedecore retrocedendi, & auersio a religione; credulitas extra illam melius proficiendi. num. 4.*

CONSILIUM IV.

DOCTOR quidam & presbyter quinquaginta annorum, ecclesiastica dignitate præditus, morbo grauissimo ad mortem vexatus proposuit multa pia facere; & inter alia deliberauit, dixitque, atque disposuit religionem ingredi, Deo sibi sanitatem concedente. Quæritur an sit religioni obligatus.

- 1 Interrogatus de casu proposito, respondeo primo principaliter præfatum D. consulentem nullatenus esse obligatum de præcepto, & necessitate adimplendi quidquam eorum, quæ proposuit, dixit, disposuit & deliberauit facere. Primo quidem, quia nullum propositum quamlibet firmum, nec vlla deliberatio quamlibet resoluta & firma efficit votum, neque promissionem obligantem de præcepto adimplendi proposita deliberata, & dicta; nisi promiserit vel vouerit facere illa, ut tradunt omnes in cap. litteraturam. de vot. post S. Tho. in 2. 2. q. 88. art. 1. & 2. & Archid. in cap. qui bona. 17. q. 1. & alios, quos sequimur in Man. confess. cap. 12. nu. 14. *¶*
- Secundo, quod casus præfatus cap. litteraturam. fuit fere idem qui supra positus. In hoc enim D. consulens est doctor egregius, & in illo magister, quæ Alex. III. laudat de litteratura. Et ut hic D. consulens valde egrotabat; ita ille minutione quadam nimio erat mortis pauore perterritus; & sicut hic proposuit habitum religionis suscipere, ita & ille: & sicut hic dicit de hoc aliqua verba, ita & ille dixit enim, *Dum hic non morabor, proponens in*

animo quod religionis habitum esset aliquando suscepturus. Cum ergo casus hic sit illi simillimus, responderi debet similiter, ut Alexan. ibi respondit, nempe: *Tibi igitur respondemus, quod si plus non est in voto processum, non es transgressor indicandus, si non imples quod dixisti.*

Tertio facit, quod alioquin oporteret dicere, quod quicumque vellet, proponeret, vel deliberaret adire templum, audire Missam, aut concionem, ieiunare, eleemosynam dare, visitare infirmos, vel sanos, vel quodpiam aliud honestum facere, teneretur ad id exequendum sub pœna peccati mortiferi; quod nemo umquam dixit, & est absurdum, & ideo non dicendum, l. nam quod absurdum. ff. de bonis liber.

2 Quarto, quod ratio responsionis Alexandri fuit, à diversis non fieri illationem, l. Papinianus. ff. de mino. & aliud esse velle aliquid facere, & aliud obligare se ad id faciendum; cum quotidie multa velimus, ad quæ tamen non nos obligamus, nec nos volumus obligare. Cum ergo D. consulens solum voluerit, proposuerit, dixerit, vel deliberauerit ingredi religionem, non sequitur quod se obligauerit ad illud, vel voluerit se obligare.

3 Secundo principaliter respondeo, quod S. D. N. sancte posset relaxare obligationem intrandi religionem, etiam si se obligasset ad intrandum illam. Tum quod, sicut leuitas vouendi dat causam dispensandi, ut notat Panor. per illum tex. in cap. 1. de voto: ita magna perturbatio animi, quæ mouet ad vouendum, idem facit, cap. dudum. de conuers. coniug. adeo quod fuerunt aliqui, de quibus est Ludou. Romanus in sing. 308. qui dixerunt, quod votum perturbatione iræ factum non valet: quod tamen non est verum, nisi quando perturbatio est adeo magna, ut vouentem ponat extra iudicium, ut Ioan. Andr. Panorm. & alij adnotant in d. cap. dudum. alia autem perturbatio non reddit quidem votum nullum,

4 sed dat causam dispensandi secundum omnes. Tum quia cum præfata perturbatione concurrat ætas 30. annorum, dignitas in ecclesia cathedrali, auctoritas expediendi negotia ecclesiastica, & austeritas religionis in experta; & quod periculum est ut ingressus religionem exeat illam, cum id libere possit facere, quod non decet virum doctrina, gradu, dignitate, & longa ætate ornatum. Tum denique quod non vult eam ingredi, & putat fructuosiorē se fore seruiendo suæ dignitati, quam religioni quasi coacte susceptæ. Itaque mea sententia, nulla D. consulens indiget dispensatione. Salua, &c.

S V M M A R I V M.

1. *Votum non inducitur per solum propositum, & deliberationem, nec etiam per illius enunciationem, vel denunciationem futuri euentus, num. 3. sed requiritur animo se obligandi facta promissio, nu. 1. mentaliter saltem, num. 4. per verba denotantia promissionem vel in actu signato, ut promitto, vel per actum exercitum, puta faciam hoc. num. 2.*

3. *Votum & promissio in dubio, nisi vouens magis inclinet in contrarium, censendū est*

LII 2 factum

factum per illa verba conditionalia: Domine faciam hoc, si feceris illud: Da mihi salutem, & faciam hoc. num. 2. & 4.

3. *Correspondentiam ad gratiam obtinendam cum habent verba enunciativa prolata, puta, Faciam hoc, si feceris illud, in dubio resolvuntur in promissionem. nu. 4.*

CONSILIVM V.

QVAERITVR, an, qui dicit Deo, *Da mihi Domine salutem, & ego seruiam tibi*, intelligendo mente de seruitio in statu castitatis & continentiz obligetur ad seruandam castitatem.

1. Respondeo, quod pro parte negante facit, quod ad votum non sufficit propositum etiam deliberatum faciendi aliquid, sed requiritur promissio, & animus se obligandi, cap. litteraturā. de voto. quod habet, eum, qui dixit, *Si conualuero, non diu morabor hic*, intendens adire religionem, non censeretur vouere. vbi Ioan. And. Panor. & communis id tenent, & idem tenet vterque Thom. 2. 2. quæst. 88. art. 1. quod non videtur hoc casu interuenire.
2. Pro affirmante vero facit, quod consulens non solum videtur habuisse propositum deliberatum, sed etiam promississe, dicendo cum ægrotaret: *Da mihi Domine salutem, & ego seruiam tibi*: intelligens mente de seruitio in statu continentiz. Tum quia, ut quis obligetur, non requiritur quod dicat, obligo me; nec ad hoc quod promittat, oportet dicere promitto; sed satis est dicere, dabo, vel faciam. Tum quia ita obligatur qui dicit alteri, tibi dabo centum, si hoc feceris; ac qui dicit, promitto dare centum, si feceris hoc; ut colligitur ex l. 1. ff. de pact. & l. naturalis. ff. de præscrip. verb. & cap. iuramenti. 23. quæst. 5. Tum quia ut ait Caiet. in d. art. 1. non solum fit promissio per actum signatum & exercitum, dicendo, promitto quod faciam hoc; sed etiam per solum actum exercitum, dicendo, faciam hoc.
3. Per quæ concludi videtur, quod tota difficultas consistit in significatione illius verbi verbalis, vel mentalis, *faciam, vel seruiam*. ut enim ait Caiet. vbi supra, & in eod. proposito de verbo, *faciam*, quod potest tripliciter accipi illud verbum, *seruiam*: Primo pro denunciatione propositi, hoc est, intendendo seruire: Secundo pro euentu quodam, scilicet, fiet seruitium: Tertio pro promissione seruitij. & quia per adducta pro parte affirmante prior significatio verbi, *faciam, seruiam, vel dabo*, posita in conditionalis *faciam, seruiam, vel dabo tibi hoc, si feceris illud*, est promissio, quam denuntiatio propositi vel euentus; arbitror iudicandum esse, quod est votum, nisi consulens inclinaret magis non habuisse tunc animum promittendi.
4. Non obstant in contrarium adducta pro parte negante: quia licet concludant necessariam esse promissionem verbalem vel mentalem ad votum, non tamen probant quod sit necessarium mente vel verbo dicere, promitto, vel voueo: sed sufficit dicere mente, vel verbo id quod significat promissionem, quam facit, qui dicit *faciam, seruiam, vel dabo tibi hoc, si feceris illud*, secundum propriorem verborum significationem. Salua, &c.

SYMMARIUM.

1. *Votum in rigore sermonis non est, Promitto Deo nolle in saeculo mori, intendens aliquo tempore velle ingredi religionem.*
2. *Promittere religionem intrare, & promittere me velle intrare, diuersa.*
2. *Volo vendere, vel contrahere tecum matrimonium, differt à vendo, & à contrahere.*

CONSILIUM VI.

SCRVPVLIS quidam diuersis è rebus secularibus natis agitatus proposuit intrare certam religionem, aut dixit hæc verba, *Prometto à Dio di non voler mai morir nel seculo, intendendo in qualche tempo di voler entrare una determinata religione.* Et postea obtenta quadam cura animarum, elapsis duobus annis, promisit cuidam fratri religionis prædictæ se ante duos annos elapsos velle intrare suam religionem; non tamen intrauit adhuc, licet sint elapsi circiter decem anni. Nunc autem poenitet illa dixisse, nec vellet intrare illam religionem: quia putat se plus Deo seruiturum extra, quam intra illam.

Quæritur primo, an votum vouerit, & teneatur illo.

Secundo, an iuste possit ei à Papa illud relaxari.

1. **AD PRIOREM QVAESTIONEM** respondeo, quod de rigore sermonis, & verborum, quæ dixit, non vouit, nec tenetur voto. Tum quia per illa verba, *Non morabor hic diu, intendens intrare religionem*, non inducitur votum, cap. litteraturam. de Voto. Tum quia proponere etiam firmissime intrare certam religionem, non est vouere, secundum S. Thom. communiter receptum 2.2.q.88.art.1. & 2. quem retulimus in Man. confess. cap. 12. num. 24. Tum quia verba prima vice pronunciata de rigore sermonis non significant quod promisit intrare, sed quod promisit non velle mori in saeculo, aut ad summum velle intrare illam religionem. At
2. aliud est promitto intrare religionem, & aliud promitto velle intrare: sicut aliud est ascendere arborem, & aliud velle ascendere, vt ait gloss. in l. in vendentis. C. de contrah. emp. & vend. immo & volo vendere, & vendo, secundum communem ibidem, quidquid gloss. subdubitet: & aliud contraho matrimonium, & aliud volo contrahere, iuxta not. in cap. ex parte. de sponsal. Tum quia etiam verba secunda vice post duos annos prolata non concludunt votum de intranda religione: quia aliud est dicere, promitto intrare religionem intra duos annos, & aliud, promitto me velle intrare intra duos annos, per rationes supradictas.

AD ALTERAM QVAESTIONEM respondeo, quod videtur subesse iusta causa relaxandi votum, esto quod esset tale: & quod credo summum Illustrissimum Poenitentiarium maiorem relaxaturum, vel certe acturum, vt Papa relaxet, si offeratur ei petitio. Salua, &c.

Aduertendum, hoc responsum caute legendum. nam etsi qui verbis solum profert voluntatem quam gerit ingrediendi religionem, affirmatque se talem habere volun-

tatem & animum, non obligetur voto; raro tamen verba, de quibus in casu, sub prædicto sensu proferuntur; immo qui ea profert, communiter profert per modum saltem tacite promissionis inducentis votum.

S V M M A R I V M.

1. *Vouens in genere mori in religione, implicite vouet ingredi, & perseverare, immo & profiteri, num. 3. potest tamen quam malit eligere, nu. 2. sed exire sine causa & dispensatione non potest. num. 3.*

CONSILIVM VII.

DE eo, qui postquam tractavit de ingressu in quadam certa religione, & de exitu ab ea, & de pœnitentia exitus à prima, & de intranda alia, tandem protulit hæc verba, *Promitto Deo mori in religione.*

Quæritur primo, an videatur vouisse religionem.

Secundo, esto illam vouerit, an possit eligere quam maluerit.

Tertio, an ingrediendo possit exire.

1. **AD PRIMAM** respondeo, proculdubio D. consulentem censendum esse vouisse religionem. Tum quia negari non potest ipsum vouisse: quia illis verbis conuenit definitio voti, quam post alios dedimus nos in Man. confess. c. 12. nu. 24. scilicet quod est promissio deliberate facta de aliquo bono maiori: & constat, mori in religione esse suo genere maius bonum, quàm mori extra illam. Tum quia posito & concessio quod sit votum, & non potest dici esse votum de alia re, quam de religione intranda, & in ea perseverando usque ad mortem; ergo dicendum est esse votum de religione intranda. Tum quia non obstat, quod non vouit specialiter intrare religionem: quia vouit aliquid, quod continet ingressum, & aliquid eo maius: & plus continet minus per reg. plus. de regul. iur. lib. 6. & totum continet suam partem, cap. cui licet. eod. tit. & cap. pastoralis. 6. item cum totum de offic. deleg. & ex narratis in casu proposito, quibus exprimitur quod consulens tractabat de vno ingressu religionis, & de exitu ab ea, & de ingrediendo aliam, & de quadam pœnitentia exitus à prima, & voluntate permanendi in aliqua religione, dicendo, *Promitto mori in religione*, tacite videtur dixisse, *Promitto intrare religionem, & in ea mori*. Non etiam obstat dicere, quod non expressit religionem: quia votum generale de intranda religione valet, cap. constitutionem. de reg. lib. 6.

2. **AD SECVNDAM** respondetur, posse ipsum ingredi religionem quam voluerit, quia indefinite & generali promissioni per vnum suppositum satisfit, iuxta gloss. celebrem in cap. vt circa. de electio. lib. 6. qui enim promittit indefinite hominem, vel seruum, per præstationem vnius liberatur.

3. **AD TERTIAM** respondetur, quod consulens, si intrauerit aliquam religionem, non poterit exire liber pro libito suo sine iusta causa, & superaddita dispensatione: eo quod videtur fecisse duo vota, alterum de intranda religione, & alterum de perseverando in ea, quorum prius completur intrando

trando tantum , posterius autem non nisi profitendo , per ea quæ nos tradimus contra Sotum in d. cap. 12. num. 47.

S V M M A R I V M .

- 1 *Voti de essentia est quod promissio fiat Deo, vel Sanctis non quidem tamquam quibusdam hominibus, sed vti quibusdam Dijs per participationem. nu. 2. & 3. Unde facta homini etiam de bono ad ipsum non respiciente, puta de ingrediendo religionem, nu. 4. de non ludendo, nu. 2. non est votum, sed potius quædam actio facta ad certiores faciendum illum, cui promittitur, dubitantem, quod ita erit. nu. 3. & hoc etiam si promissio hæc fiat prælato. num. 2.*
- 2 *Votum etiam est, cum quis Deo promittit observare id quod homini prius promiserat.*

C O N S I L I V M V I I I .

PVELLA, quæ deliberate promisit in manibus visitatoris Episcopi, se futuram monacham, an censeatur fecisse votum simplex de intranda religione, & ita quod sponsalia de futuro postea contracta non valeant?

- 1 Pro parte affirmante faciunt verba ipsa, quibus promisit se facere religiosam; & quod promissio facta B. Mariæ, B. Petro, aut alijs sanctis, censeatur votum, vt expresse dicit vterque Tho. 2. 2. q. 88. art. 5.

Pro parte vero negante facit primo, quod de voti essentia est, vt promissio fiat Deo, iuxta ea quæ habentur in Manu. cap. 12. a num. 25 vbi per hoc determinatur, quod promissio, qua quis promittit alteri se amplius non luserum, non est votum, & colligitur ex vtroque Tho. in 2. 2. q. 88. art. 5. & S. Tho. art. 4.

- 2 Secundo facit, quod vterque Thom. præcitatus dicit promissionem factam sanctis dicendam votum, eo quod videatur facta Deo, cum sit facta quadamtenus deificatis, & participatione indissolubili factis dijs; & ideo promissio facta alijs hominibus viuis nondum beatificatis non potest dici votum.

Tertio, quod S. Tho. dicit promissionem alicuius boni factam homini posse cadere materialiter sub voto, vt cum quis vouet Deo facere id bonum, quod promisit Prælato se facturum: per quod significatur, quod promissio alicuius boni facta Prælato non est votum, sed tantum materia voti. sic qui vouerit Deo facere id bonum quod promisit homini, censeatur votum, & non alijs.

- 3 Quarto, quod Caiet. per hoc definit, quod qui promitteret sancto aliquid boni tamquam homini rationali, non habito respectu quod est deificatus, non censeretur vouere; quo saluat S. Tho. dicentem, quod promissio facta sancto de aliquo bono non est votum, sed tantum materia voti: quod intelligendum ait de promittente sancto, quatenus est quidam homo, & non de promittente sancto, quatenus quidam Deus per participationem deificatus.

Quinto facit, quod promissio facta ad faciendum certiores futuræ rei
LII 4 illum,

illum, cui fit, non est votum: quod colligitur ex S. Tho. in d. ar. 4. & promissio facta per præfatam mulierem prædicto visitatori fuit facta ad faciendum certiorẽ ipsum dubitantem de voluntate eius, an vellet mutare statũ, & assumere religionem: ergo non fuit votum Deo factum, sed certificatio visitatoris, qui dubitatione sublata crederet illam velle mutare statum.

- 4 Sexto, quod longe diuersa sunt promittere Deo in manibus alicuius hominis quod faciet aliquid boni, & promittere alicui homini q̃ faciet idem bonum; immo & promittere sanctis, vt quibusdã factis per participationẽ Dijs, & promittere eisdem vt hominibus; vt colligitur ex vtroque Tho. vbi supra, dicente quod posterior promissio non est votum, & prior sic.

Septimo, quod è contraria parte sequeretur, quod omnis promissio facta alteri de faciendo aliquod opus virtuosum, saltem quod non esset vtile illi cui promittitur, esset votũ: quod nemo dicat, & est absurdum, & ideo non dicendum, l. nam quod. ff. de bonis libert. &c. Per quæ omnia dicendũ videtur, prædictam promissionem non fuisse promissionem Deo factam, de se faciendo religiosam, sed promissionem factam homini ad certificandum illum de voluntate faciendi se religiosam; & consequenter non fuisse votum; cum prædicta puella non promiserit Deo, sed homini visitatori dubitanti de sua voluntate, se futuram religiosam. Salua, &c.

S V M M A R I V M.

- 1 Vota tria in manibus religiosi non valentia religioni incorporare emittens, vt suffragijs gaudeat religionis, non est religiosus, nec eam intrare tenetur, num. 2. sed tamen castitatem & paupertatem vt simplicia vota seruare tenetur, nu. 3. ita vt licet non amittat sua, nec potestatem acquirendi, num. 4. peccat tamen acquirendo, & volendo acquirere, nisi saltem ab Episcopo impertret dispensationem, nu. 5. voto autem obedientie non videtur astrictus, cum non fuerit legitime à religione acceptatum. num. 3.
- 3 Sacerdos si voueat castitatem, duplici tenetur vinculo.

CONSILIVM IX.

VIRGILIUS in articulo mortis vouit castitatem, paupertatem, & obedientiam in manibus cuiusdam Prioris, & in præsentia sui confessorij, animo participandi suffragia ordinis prædictorum Prioris & confessorij, cum iam esset prælatus, canonicus, & sacerdos. Quæritur, an sit religiosus, vel obligatus ad intrandam religionem.

- 1 Respondeo primo, prædictum D. consulentem non fuisse per prædicta vota factum religiosum prædicti ordinis. Tum quia prædictus Prior & confessorius non habebant potestatem incorporandi illum suæ religioni; quod requiritur, vt colligitur ex cap. ad Apostolicam. de regular. & tradimus nos post alios in com. de reg. super cap. cui portio. 12. q. 1. num. 18.
- 2 Secundo, quod prædictus D. consulens non est obligatus ad intrandam religionem; quia non promisit intrare, sed solum vouit tria substantialia vota simplicia, quæ non fuerunt facta solemniter per vllam professionem, quæ nec tacite nec expresse fieri potest, donec impleatur annus nouitialis,

lis, cap. 15. & seq. de reg. sess. 25, Conc. Trid.

- 3 Tertio, teneri D. cōsulentem ad seruanda vota prædicta tamquam simplicia; ita quod tenetur seruare castitatem duplici vinculo, scilicet sacerdotali, & voti castitatis: votum autem paupertatis vno tantum, quia vomit illam; quamvis arbiurer eum non teneri ad aliquid ratione voti obedientie, quia illud non fuit acceptatum saltem legitime à prædicto ordine, nec ab eius conuentu; & ipse non habuit animum obligandi se Episcopo, vel alij prælato plusquam erat ante votum.
- 4 Quarto, quod non perdidit canonicatum, nec præbendam, nec aliquid aliud ipso iure propter illa vota ex ijs, quæ antea sibi competebant; quia vota simplicia non habent vim tollendi vouenti præter libertatem utendi matrimonio, & libertatem querendi per emptionem, & alios contractus, & alios modos, per ea quæ tradimus in prædicto com. super cap. cui portio. num. 19.
- 5 Quinto, videri consulendum prædicto D. cōsulenti, vt impetraret dispensationem saltem ab Episcopo suo, vt posset licite querere per contractus, & quasi contractus, ultimas voluntates, iudicia, & alia iuris ministeria, sicut poterat antequam voueret, ne peccaret, querendo & volendo querere prædictis modis contra prædictum votum simplex paupertatis, per ea quæ diximus in dicto cap. cui portio. nempe, quod licet, qui vouit votum paupertatis, non possit sibi licite querere, nec velle querere, potest tamen saltem illicite querere: sicut qui iurauit non emere, nec alio modo querere, peccat quidem emendo, vel querendo; sed quod emerit, vel quaesierit, suum proprium fit: sicut & meretrix, quæ quidem peccat meretricando, sed quod sic quaesierit proprium eius fit, l. 4. § sed & quod meretrici datur. ff. de condict. ob turpem causam. Salua, &c.

S V M M A R I V M.

1. Vouens, vel iurans, etiam per iram, sine actuali intentione non intrandi, & sine actuali intrandi religionem, debet intrare: quia non debet præsumere se voluisse tunc tam graue peccatum committere, vt esset sic iurare, & vouere animo id non faciendi.
2. Tacens tunc videtur consentire, quando non datur medium inter consensum, & dissensum.

C O N S I L I V M X.

1. I V R A N S vel vouens intrare religionem cum intentione actuali non intrandi eam, dici potest non obligatus ad intrandum; sed si non habuit intentionem contrariam, neque intentionem actualem intrandi, videtur obligatus ad intrandum: quia non debet præsumere de se, quod voluit tam grauitè peierare, vt nolendo intrare, iuraret se intraturum, sed quod saltem per iram voluit intrare, arg. cap. qui tacet, consentire videtur. de reg. iur. lib. 6. quando, vt dicitur in regula sequenti, non est medium inter consensum, & dissensum. &c.

S V M-

- 1 Ponens castitatem salva facultate ducendi uxorem, quæ continere velit, tenetur servare castitatem, & non ducere uxorem.
- 2 Matrimonium cum pacto, quod servetur castitas, contrahi nequit, sed & nec cum pacto ut non petatur debitum. & num. 3.
- 4 Causa iusta ad dispensandum super continentie voto non est commoditas regendi domum.

CONSILIVM XI.

CATO, qui aliquot annis vixit cum uxore sua in castitate, ad quam uterque voto se astrinxerat, venit se perpetuo castitatem servaturus, etiam si vxor præmoreretur: cum hoc tamen moderamine, ut posset ducere uxorem aliquam, quæ vellet continere sicut ipse, qualem non invenit, & vellet ducere uxorem ad administrandam domum.

Queritur primo, an sit obligatus ad servandam castitatem.

Secundo, an sit iusta causa dispensandi super huiusmodi voto.

- 1 **AD PRIMAM QVAEST.** respondeo, quod est obligatus ad servandam castitatem, & non ad ducendam uxorem. Tum quia non invenit aliquam, quæ velit contrahere cum illo, & continere, sicut prior se continebat: & conditionalis, non implera conditione, non habet effectum, & ex conditionali. Instit. de verb. obligat. Tum quia conditio illa fuit impossibilis: quia non poterat occurrere casus, in quo ille posset iuste contrahere cum aliqua, ea lege ut contineret, & non peteret debitum; quoniam est pactum contrarium fini, & fidei matrimonij: fini quidem, quia virtualiter est pactum de vitanda prole: fidei autem, quia est pactum de non reddendo debitum, & de non tradenda potestate sui corporis: & proles & fides sunt duo de principalibus bonis matrimonij, cap. omne nuptiarum bonum. 27. q. 2. & conditio contra illa est contra substantiam matrimonij, quæ illud invalidat, cap. fin. de condit. apposit. Nec obstat, quod Palod. in 4. dist. 29. art. 2. tenet valere matrimonium contractum cum conditione ne petatur debitum, vel ut servetur continentia: eo quod non est turpis, sed honesta. Tum quia contrarium tenet S. Tho. dist. 28. art. 4. ad 3. & Adria. de sponsalib. q. 9. quæ communis est opinio secundum Sotum in eod. 4. distin. 29. q. 2. art. 3. Tum quia prædictum cap. ult. de condit. appos. non solum habet conditionem turpem contrariâ substantiæ matrimonij reddere illud nullum; sed absolute omnem conditionem, quæ est contra substantiâ matrimonij, & consequenter etiam illam, quæ de se honesta esset.
- 4 **AD SECUNDAM** respondeo, quod ex petitione oratoris non colligitur vlla iusta causa dispensandi super tam grandi voto. Tum quia cum difficilior sit servare continentiam conuersando die ac nocte secreto & toram alijs cum uxore, quam amat, quâ viuendo sine tali conuersatione, arg. c. cum omnibus. & c. clericus. & c. volumus. & c. legitur. 81. dist. & quia oratori videtur se posse castitatem servare conuersando die ac nocte cum uxore amata, pro causa nõ potest allegari timor incontinentie. Tū quia si

com-

commoditatem regendi domum, quæ provenit ex uxoris consortio (quod orator forte prætendit) dicat esse causam iustam dispensandi; omnes fere haberent iustam causam relaxationis voti: quod est absurdum dicere, & ideo non est dicendum, l. nam quod absurdum. de bonis libert. Quamvis dici posset, aliquam partem causæ colligi ex eo, quod non omnino absolute vouit castitatem, sed cum quadam exceptione; quæ licet à communi opinione, & mea sententia vera, reputetur impossibilis, Paludano tamen viro sacrarum & canonicarum litterarum callentissimo visa est possibilis. Salua, &c.

S V M M A R I V M.

1. *Vouens non commisceri mulieri, quam falso suam cognatam esse putabat, non ligatur si tunc ea erat mente, quod si veritatem sciisset, non vouisset.*
2. *Ignorantia qualitatis, quæ est causa peccati, excusat à peccato qualificato.*

C O N S I L I V M XII.

AN P V T A N S aliquam esse suam sororem, vel cognatam spiritua-
lem, vel carnalem, & vouit non habere rem cum illa, obligetur ser-
uare votum, etiam si vere non sit soror, nec cognata?

1. Et videtur quod non quo ad forum conscientie, si prædictus vouens cū vouit, erat ea mente, quod non vouisset, si sciisset eam non esse sibi cognatam; sed sic, si ea mente tunc erat, quod vouisset, etiam si sciisset eam non esse sibi cognatam: quia ignorantia qualitatis excusat à peccato qua-
lificato si est causa peccati, aliàs non, iuxta doctrinam S. Tho. receptam: sicut qui percutit laicum putans eum esse clericum non est excommunicatus, si vere non est clericus.

S V M M A R I V M.

1. *Vouens simul seruare castitatem, & ingredi religionem, tunc demum liberatus à religione liberatur à castitate, quando castitatem vouit non ut principale, sed ut accessorium ad religionem: & in hoc sequatur illam partem, quam magis probabiliter credit, at in dubio sequatur tutiorem, reputando se obligatum ad castitatem. num. 2.*

C O N S I L I V M XIII.

FR A N C I S C V S litterarum ignarus castitatem vouit, simulq. reli-
gionem quamdam intrare, non tamen recordatur an tunc intenderet obligare se ad castitatem seruandam, licet ad dictam religionem non admitteretur: & cum non fuerit admissus, dubitat an teneatur ad castitatem seruandam.

Pro parte negatiua, videlicet, quod non teneatur extra religionem ca-
stitatem seruare, facit primo; quia, quando non constat de actuali inten-
tione vouentis, quæ dat regulam & vim ipsi voto, intentio potius virtua-
lis

his attendenda est: sed intentio virtualis videtur fuisse castitatem in religione seruare; ergo extra eam non tenetur. Probatur minor: quia prædictus Ioannes modo interrogatus, quid respondisset, si in instāri quo votum emisit interrogatus ab altero fuisset, Si in religione admissus non fueris, seruare extra illam castitatem intendis? respondit se credere sine dubio quod respondisset, nequaquam. ergo.

Nec obstat, quod si ipse fornicationis peccatum committeret, crederet se prædictum castitatis votum violare; non enim inde iudicandum est, eum extra religionem ad dictam castitatem teneri: quia cum esset illitteratus, cogitabat se, ex quo prædictum votum fecit, ad castitatem teneri statim; cogitare autem esse obligationem, ubi non est, non inducit obligationem: sicut non facit religiosum, cogitare se esse professum, saltem si eius professio à principio ipso ignorante inualida fuit.

1. **R O G A T V S** quid sentiam, respondeo, quod, vt subtiliter & erudite supra insinuatur, decisio huius quæstionis videtur pendere ab intentione vouentis expressa, vel tacita: si enim principaliter voluit vouere castitatem, & accessorie religionem, vt facilius eam in illa seruaret, tenebitur eam seruare, etiam si excusetur ab intranda religione; si autem contra principaliter voluit vouere religionem, & veluti accessorie castitatem, quam facilius in ea seruare posset; liberatus à voto religionis, erit etiam liber à voto castitatis. Tum per regulam cap. accessoriū sequitur naturam sui principalis. de reg. iur. lib. 6. Tum per l. in conditionibus primū habet locum mens testatoris. ff. de conditio. & demonstr. Tum quia, vt l. id. ait in cap. Marchion. 1. q. 1. *Euangelium non tantum est in verbis, quantum in sensu, nec tantum in folijs, quantum in radice rationis.* & vt ait Hilar. in cap. intelligentia. de verb. signific. *Intelligentia dictorum ex causis est assumenda dicendi: quia non res sermoni, sed rei sermo debet esse subiectus.*

In supradicto casu desideratur sciri, quid dicendum, quando de prædicti vouentis non constat intentione?

2. Respondeo, quod, si consulens nescit qualem intentionem habuit, vel non credit probabiliter qualem habuit, sed dubitat, tenetur in dubio eligere tutiorem partem, iuxta cap. iuuenis. de sponsal. & cap. ad audientiam. de homicid. & consequenter reputare se obligatum ad seruandam castitatem extra religionem; quamuis ob eiusmodi dubitationem, & aliquam aliam causam, dispensationem, vel commutationem concedet, vt puta, Papa per sacram Pœnitentiarium. Salua, &c.

S V M M A R I V M.

1. *Voto pœnali commutato, qui postea contra facit non cadit in pœnam: secus si solum sit commutata obligatio adimplendi pœnam (puta, intrandi religionem) iam incursum.*

AN QVI vouit, vel iuravit se non peccaturum certum peccatum sub pœna intrandi religionem, & postea peccat illud, & consequenter obligatur ad intrandum religionem; & impetrata dispensatione super voto religionis, peccat iterum; teneatur intrare illam?

- R**espondetur, distinguendum videri, an dispensatum fuerit cum illo super obligatione, qua se obligavit ad non peccandum sub pœna intrandæ religionis; & non tenetur intrare; quia sublato principali, tollitur accessorium, l. cum principalis. ff. de reg. iur. & cap. accessorium. de reg. iur. lib. 6. cum eis adnotatis. An vero solum fuit dispensatum super pœna intrandæ religionis, quam incurrit ob primam fractionem voti; & videtur tene-ri: quia non fuit dispensatum super voto non peccandi sub pœna intran-dæ religionis, sed solum super obligatione intrandæ religionis iam incur-sa; & à diuersis non fit illatio, l. Papinianus. ff. de minorib. cap. ad audien-tiam. de decim. & obligatio intrandi religionem iam incursum propter primam transgressionem voti de non peccando sub pœna intrandæ reli-gionis, est res diuersa ab illo voto, de non peccando sub pœna, vt in simili dixi in Manu. confess. cap. 12. nu. 79. scilicet, quod absolutio fractionis vo-ti differt ab absolutione voti; ita quod votum perpetuum semper obligat; licet vouens à peccato fractionis voti absoluator, vt ait S. Ant. 2. par. tit. 11. §. 2. cap. 2. Salua, &c.

S Y M M A R I V M.

1. *Votum de intranda religione sub conditione factum, si frater Romam venerit, non desinit obligare, licet sint lapsi 10. anni, donec maior probatio mortis accedat.*
2. *Dispensatio voti religionis conditionalis etiam ante adimpletam conditionem est Papa reservata.*

CONSILIVM XV.

QUIDAM N. vouit ingressum religionis, si frater eius Romam veni-ret; elapsi sunt decem anni, & frater Romam non venit. Quæritur, an possit vxorem ducere, vel saltem possit dispensari ab eo, qui ad refer-uata vota facultatem non habet, vel saltem commutari.

- R**espondetur primo, quod non licet ei vxorem ducere, donec maior probatio mortis fratris accedat, argum. cap. in præ-sentia. de spons. & eorum quæ notantur in cap. cum in tua. eodem titu. Secundo, quod non potest ordinarius dispensare in eo, nec commutare il-lud; quia votum religionis est etiam vnum de quinque reservatis Papæ, vt diximus in nostro Manu. confess. cap. 12. num. 75. nec desinit esse de nu-mero eorum, eo quod sit conditio nale, vt tangimus in eodem cap. nu. 43. Salua, &c.

SUMMARIVM.

- 1 *Filij viuentibus parentibus habent solam spem, eis morientibus, in legitima succedendi; sed ante eorum mortem nihil iuris habent, & premorientes nihil iuris alijs relinquunt, nec per eorum renunciationem aliquid parentibus acquiritur, nisi sola libertas de bonis suis inter reliquos testandi. num. 2.*
- 2 *Votum, quod fecit mater edificandi monasterium de legitima renunciata à filia, non tenet respectu legitime paternae, quæ ad ipsam non potuit peruenire, nec respectu legitime maternæ: quia cum secundum leges patriæ per dictam renunciationem filia matri in nulla quantitate augeatur potestas de suis bonis disponendi, in effectu vouit edificare de illis bonis, quorum dispositio eidem non acquirebatur. num. 3.*
- 4 *Vouens mater familias aliquid facere de bonis suis, quæ deductis debitis superessent ei facta vidua, tenetur, nec de illis potest deduci legitima debita filiis, deductis tamen sibi ad victum necessaria, nu. 7. peccatq. si ex illis dotet filias, num. 5. vel in alia opera pia conuertat, num. 6. nisi accedat Papa dispensatio. num. 7.*
- 7 *Votum edificandi ex suis bonis monasterium non ideo desinit esse validum, quod non sufficiant; sed debent conuerti in aliud pium opus, & consulendum vouenti, vt à Papa petat commutari in alia opera pia, inter quæ etiam connumerarentur remunerationes ex gratitudine debite.*

CONSILIVM XVI.

QVAEDAM Illust. Comitissa, cum quædam filia sua monasterium ingressa renunciasset legitimis eius, & patris, quas in bonis eorum habere sperabat, vouit de legitimis illis ædificare vnum monasterium alterius ordinis, addendo de suis bonis quod esset necessarium ad illud ædificium; quin & post iterum vouit; quod si superuiueret Comiti marito suo, ædificaret illud de suis bonis, quæ haberet aliunde, quam ex prædictis legitimis, solutis prius alijs debitis omnibus suis. Postea tradidit nuptui alias filias, quas dotauit ex prædictis legitimis; & quia illæ non sufficiebant, obligauit tertiam partem suorum bonorum, de qua disponere poterat, ad soluendum residuum. Mortuo deinde Comite, pars bonorum quæ ipsi obuenit, fuit longe minor, quam ipsa putauerat, ita quod nullatenus sufficiat ad ædificandum prædictum monasterium. debet præterea multa salaria multis personis, quæ inseruierunt ei, quibus vellet etiam ultra eis debita gratia gratitudinis aliquid dare; habet etiam nepotes, & neptes pro sua qualitate pauperes, quos vellet iuuare.

Quæritur nunc, quid eam oporteat facere, quo animæ suæ, & suis bonis desiderijs satisfaciat.

- 1 *Respondeo primo, quod consulens videtur errare, putans quod renunctio legitimæ ingredientis monasterium, vel nubentis, sit quædam donatio alicuius rei præsentis; cum tamen res aliter se habeat. Tum quia filij viuentibus parentibus habent quidem spem succedendi in legitimis, si quæ post mortem eorum inueniantur, sed antea nihil iuris habent, l. 1. §. si impuberi. ff. de coll. bon. gloss. not. in cap. Rainutius, verbo legitimam, de te-*

de testam. recepta ibi communiter, & ab Antonio Corseto in sing. verbo legitima. Tum quia, si prædicta filia obiisset ante mortem parentum, inutilis fuisset illa renunciatio; nihil enim iuris cuiquam reliquisset per prædicta.

- 2 Secundo, quod ex hoc videtur sequi, quod votum prædictæ Comitissæ de ædificando monasterio ex legitimis prædictis erat inane quo ad legitimam patris, de qua pater, & non ipsa debebat disponere; fuit etiam inane quo ad legitimam matris, quam ex suis bonis filia expectabat. Tum quia illa non poterat euenire vsque ad mortem prædictæ suæ matris Comitissæ. Tum quia per renunciationem illam nihil quæsitum fuit patri, nec matri, nisi sola libertas testandi de bonis suis inter reliquos filios, perinde ac si ipsa non esset filia eius, vt post alios testatur Couarr. in cap. quamuis pactum. de pactis. 3. par. in initio relect. in 6. Tum quia prædicta Comitissa, non poterat disponere de legitima, quam in bonis patris erat habitura sua filia. Tum quia secundum leges Lusitanæ de sola tertia parte suorum bonorum possunt disponere habentes filios, & per prædictam renunciationem filia nihil fuit aucta illa tertia: & ita vouere ædificare monasterium de legitimis, quas renunciavit filia, est vouere ædificare de nihilo. & quod est vix intelligibile id quod ponitur in casu, videlicet, quod prædicta Comitissa dotauit alias filias de legitimis monialis.
- 4 Tertio, quod secundum votum, quo vouit facere prædictum monasterium de suis bonis, solutis tamen debitis, non habito respectu ad prædictas legitimas, fuit validum, & potuit implere illud, etiam si per illius implementum minuerentur legitimæ, in quas reliqui filij succedere sperant: quoniam in pauperes, & opera pia, & salutem animarum suarum possunt parentes impendere de bonis suis, non computando sumptus illos pios in tertiam, de qua libere possunt testari, vt tradimus in Manuali cap. 26. num. 39.
- 5 Quarto, quod prædicta Comitissa potuit peccasse non implendo secundum votum, tardando implementum eius, & dotando filias suas de suis bonis, quo se faciebat impotentem ad soluendum votum. Peccat enim, qui post votum legitime factum, voluntarie se facit impotentem ad implendum illud, vt diximus in Man. cap. 12. num. 41. & 42. nec credo eam excusatam à peccato, eo quod teneretur dotare filias, saltem pro medietate, si cōtraxit matrimonium cum Comite iuxta consuetudinem Lusitanæ, secundum quam non solum lucra, sed etiam alia omnia bona communicantur inter maritum, & uxorem; cum etiam quando sola lucra fiunt communia, videatur teneri ad illud, iuxta tradita per Io. Lup. in rub. de don. inter virum
- 6 & uxorem. §. 66. etiam si filia pro sua qualitate essent pauperes. Tum quia debita in vsum vnum pium, non possunt conuerti in alium sine Papæ auctoritate, clem. quia contingit. de relig. domi. nec relicta in vnū vsum profanum possunt conuerti in alium sine principis auctoritate, l. 1. & l. legata. ff. de administr. rerum ad ciuit. pertin. Tum quia votum præcessit dotationem, & forte obligationem: quia forsan tunc nō erant nobiles: & qui prior est tempore, prior est iure, cap. qui prior. de reg. iuris, lib. 6.

Quinto,

- 7 Quinto, quod hoc quod dictum est de peccato, intelligo, si mortuo marito, & facta diuisione, & solutis omnibus debitis legalibus, poterat ædificare prædictum monasterium; quia votum ita fuit limitatum; & actus agentium non operantur extra intentionem eorum, l. non omnis. ff. de reb. cred. cap. fin. de præb. Sed quia non narratur in casu quanta pecuniarum summa, plus, minusve erat necessaria ad prædictam ædificationem, neque quanta ad soluenda debita, neque quantum valeat pars bonorum, quæ sibi per diuisionem obrigerant, neque an debita præcessissent, an sequuta fuissent prædictam diuisionem, ideo difficile est certam in re incerta ferre sententiam, cap. iudicantem. 3. q. 5.

Sexto, quod ex ijs ita expensis inferitur, consulendum esse prædictæ Comitissæ, primo, vt pœniteat peccati admissi non adimplendo tempore opportuno votum, & obligando se ad alia, per quæ facta fuit impotens ad votum implendum; secundo, vt porrigat vnâ petitionem aptam S. D. N. in hanc quæ sequitur formam: Sanctitatis vestræ oratrix vouit, &c. Debet item multa salaria, quibus solutis, & reseruato sibi victu necessario, & honesto, reliqua, siue residua bona, nullatenus sufficiunt ad ædificandum prædictum monasterium. Quare supplicat humiliter Sanctitati vestræ, vt attento quod prius dictorum votorum fuit inane, quia est, &c. attento item quod secundum votum fuit de ædificando monasterio solutis omnibus debitis, &c. attento denique, quod reliquum bonorum suorum solutis debitis legalibus est adeo paruum, vt nullatenus sufficiat ad ædificandum prædictum monasterium; supplicat igitur Sanctitati vestræ humiliter prædictæ oratrix, vt attentis prædictis, liceat sibi id, quod inuentum fuerit residuum bonorum suorum, solutis debitis legalibus, impendere in opera alia, & iustæ remunerationis intuitu paupertatis, & gratitudinis, ita vt non teneatur ædificare prædictum monasterium, sitque à voto, & necessitate illud ædificandi absoluta. Hæc est mea sententia.

S V M M A R I V M.

- 2 Facere posse videtur is, qui impedimenta potest saltem facile tollere, immo & tenetur tollere. nu. 1. nisi inde amittat aliquod ius quæsitum.
- 3 Votum ingrediendi religionem ante consummatum matrimonium si mulier emisit, mortuo viro adimplere tenetur; at eo viuo, etiam si consentiat, & offerat ad id necessaria præstare, probabile est eam inuitam ad id non cogendam. nu. 12. quia durante matrimonio votum est extinctum, n. 8. & ei iura matrimonij alia acquisita, quibus non tenetur renunciare. nu. 7. nec reperitur canon eam ad id cogens, nu. 6. immo lex diuina de indiuisibilitate matrimonij ei facit. nu. 4. vel contra eundem iam seni potius consulendum, vt petat dispensationem: nu. 10. cum ad religionis statum vix possit se nunc bene disponere. nu. 9. & 11.
- 4 Coniux à marito, cui matrimonio iure diuino indissolubili coniungitur, inuita separari non potest, nisi in casibus iure diuino vel naturali statutis; videlicet ob fornicationem commissam, vel quia vite viri corporalis seu spiritalis insidiatur. num. 5.

6. Voto seu iuramento castitatis, seu religionis ingredienda astricta, si postea nupsit, & consummauit, non tenetur petere à viro, vt ei liceat dicta vota adimplere.
9. Voto religionis intranda astrictus non debet illud adimplere, nisi prius se bene disposuerit; sed si propter aetatem, consuetudinem, vel aliam causam hoc ei difficile est, debet petere relaxationem, seu commutationem. nu. 10. & 11.

CONSILIUM XVII.

MARIA vouit religionem, postea nupsit & consummauit matrimonium, habuitq. in eo plures filios, qui omnes, vno dempto, mortui sunt. Qua propter, & quia ei multae tribulationes & calamitates aliae euenierunt, coepit cogitare, & dubitare intra se, an esset in statu salutis, & an omnes illae calamitates sibi ob id euenierint, quod primam fidem violasset; rem viro aperuit; ille respondit, si ipsa vellet religionem intrare libentissime id permissurum: denique non solum offert, sed rogat vt religionem intret, nec est aliud quod ipsam rationabiliter possit impedire. Dubitatur, an in isto casu ista mulier teneatur religionem intrare, vt adimpleat votum; siquidem obligatio manet, & mortuo viro teneretur intrare, & modo est in eius potestate vt faciat absque alicuius prauiudicio.

Ad quaestionem respondeo, quod pro parte affirmante facit primo, quod cessante causa cessat effectus, cap. cum cessante. de appellat. ergo & cessante impedimento cessabit impeditio.

1. Secundo, quod omnis qui tenetur ad aliquid faciendum, & excusatur ob aliquod impedimentum, cessante illo tenetur facere illud, c. quam sit. & c. cum ex eo. & c. commissa. de elect. in 6. immo etiam tenetur ad tollendum impedimentum, si potest, c. si. de elect. & c. quia diuersitate. de concess. praeb.
2. Tertio, quod qui potest facere vt possit, videtur facere posse, reg. qui potest. ff. de reg. iur. cum concord. adductis ibi per gloss. adeo quod non excusatur impotentia, qui potest illam saltem facile tollere, vt post alios asserit Dec. in d. l. qui potest. & praedicta consulens non solum potest tollere impedimentum, quod ex matrimonio sibi euenit, immo est sublatum; quia maritus consentit, immo & rogat vt ingrediatur religionem, paratus facere quicquid fuerit necessarium ad hoc, vt consensus eius valeat: ergo non potest illa excusari à necessitate implendi votum religionis.

Quarto, quod de equipollentibus idem est iudicandum, l. fin. ff. mandati. cap. licet ex quadam. de testib. At paria & aequipollentia sunt quo ad hoc, quod maritus sit mortuus, vel consentiat implemento voti vxoris de ingrediendo religionem, faciendo quicquid est necessarium, vt valeat tantum eius consensus, quantum mors ipsius: sed mortuo marito teneretur illa implere votum, cap. ex parte. de conuers. coniugat. immo & manere omnino religiosa, si emisit votum solemne, etiam marito viuentem, & non contradicente, sed sciente, & dissimulante, c. consuluit. de conuers. coniug. ergo à fortiori tenebitur haec, de qua loquimur, implere suum votum.

4. Pro parte autem negante facit primo, quod lex diuina non potest tolli nec limitari nisi alia diuina. cap. sunt quidam. 25. q. 1. quia inferior non potest tollere nec limitare legem superioris, cap. inferior. 21. dist. & clem. ne Romani. de elect. At lex diuina Matth. cap. 19. est, vt quos Deus coniunxit, ho-

mo non separet, relata cap. quos Deus. 33. q. 2. & in cap. 2. de translat. prælat. ita quod per illā legem non potest coniux à coniuge saltem post consummationem matrimonij contra suam voluntatem separari, nisi propter fornicationem, Luc. 16. & cap. dixit Dominus. 32. q. 1. cap. quoniam. de cōiug. leproso. ergo non potest illa lex limitari, nisi per aliam diuinam naturalem, vel positiuam, qualis nulla inuenitur, quæ in casu proposito concedat separationem à coniuge inuita ea.

5 Secundo, quod non prodest dicere quod in cap. litteras. 9. fin. de restit. spoliat. singulariter probatur posse fieri separationem inuito vel inuita coniuge, quādo probabiliter ex cohabitatione timetur mors corporalis, & non potest sufficienter caueri de securitate vitæ: quia illa limitatio fit per aliam legem diuinam naturalem, qua nobis licet defendere vitam, l. vt. vi. ff. de iust. & iur. immo & tenemur eam conseruare. c. ipsa pietas. 23. q. 4. & cap. si non licet. 23. q. 5. qua eadem ratione potest etiam fieri separatio inuito coniuge procurante inducere ad infidelitatē, vel aliam animæ perditionem, & nolente desistere à tali procuratione, iuxta doctrinam communiter receptam in 4. sent. distin. 36. & 39. quia cum anima sit pretiosior corpore, cap. præcipimus. 12. q. 1. lex naturalis quæ permittit separationem ob defensionem necessariam vitæ corporalis, à fortiori permittet separationem ob defensionem necessariam vitæ animæ: quæ est ratio singularis decidendi illius 9. fin. prædicti cap. litteras. parum ab alijs perpenſa. Cum ergo in casu proposito non immineat periculum vitæ corporis, vel animæ, non habet locum in eo prædicta limitatio.

6 Tertio, quod ex parte & conclusione contraria sequeretur, quod omnis coniux, quæ fecit iuramentum vel votum de castitate seruanda, vel de religione intranda, & postea contraxit matrimonium, teneretur sub pœna peccati mortalis ad se separandum, & ad implendum votum, & ad castitatem seruandam, vel intrandam religionem, si coniux consentiret, & faceret ea, quæ requiruntur ad hoc, vt ingressus religionis coniugis valeret; quod nemo hæcenus, quod ego sciam, dixit. immo & sequeretur, quod teneretur sub pœna peccati mortalis ad procurandum consensum, & sublationem huiusmodi impedimenti, saltem si probabiliter speraret posse illud obtineri, argumento prædictæ regulæ qui potest. & eorum quæ supra citata sunt ad probandum, teneri quem ad procurandum sublationem impedimenti, quo impeditur à faciendo eo, ad quod obligatur.

Quarto, quod licet multa responsa summorum Pontif. probent eum, qui post votum castitatis contrahit matrimonium, nō posse exigere debitum, quamuis reddere posset; nullum tamen habet, cum teneri ad quærendam huiusmodi separationem, neque consensum & licentiam intrandi religionem: quod tamen probabile est, aliquem eorum hoc insinaturum fuisse, si necessarium esset.

7 Quinto, quod per matrimonium non solum quæritur vxori ius petendi vel reddendi copulam carnalem, sed etiam ius alimentorum, & multarum aliarum consolationum, quas accipit ex cohabitatione mariti sui: & nullo iure diuino nec humano videtur esse priuanda eis sine suo consensu, argumen-

gumento l. id quod nostrum est. ff. de reg. iur. & late notatorum in cap. quæ in ecclesiarum. de constit.

- 8 Sexto, quod votum de intranda religione videtur extinguī omnino per matrimonium consecutum, quoad illud durauerit: quoniam non solum potest reddere debitum, sed etiam exigere. Votum enim de intranda religione non obligat plus ad seruandam castitatem, quam ad seruandā paupertatem, & obedientiam, & ieiunia, & recitandas preces horarias, & ad faciendum alia, quæ præcipiuntur in regula religionis, quam voluit intrare, donec fiat professio, vt post alios tradimus in Man. confes. cap. 12. num. 47. At non tenetur ad hæc, donec professus fuerit; ergo nec ad castitatem, nec consequenter ad non exigendum debitum, & ita nec ad intrandam religionem, quantumcumque consentiat maritus.
- 9 Septimo, quod non debet quis intrare religionē, si non est satis ad id dispositus ea dispositione, quā nos post Caiet. & alios tradimus in cōment. cap. cui portio. 12. q. 1. n. 7. at prædicta vxor non est ita disposita; ergo non solū non obligatur ad intrandū, sed tenetur non intrare, donec dispositionem illā impetret à Deo: & q̄ non erit facile id etiā quinquagenariæ, & tã frequenter consuetæ parere, iā seni, & fere inhabili ad agenda sine opprobrio cū virginibus officia diuina & alia in choro, & alijs locis monasterij.
- 10 Octauo, quod non videtur consulendum ei vt mutet statum approbatū in senectute: quia secundū Senecam, non debet officium mutare senex. Tū quia secundum Hiero. difficile est mutare linguā senis. Tum quia difficilis est mutatio vitæ præsertim in senectute, secundum Imperatorem in authen. de monach. §. 1. coll. 1. & potius esset consulendum ei vt impetraret relaxationem & commutationem voti à S. Sede Apost. ne teneretur etiam mortuo marito intrare, quam facile concedet.
- 11 Nono denique, quod videtur esse res noua, & in Ecclesia Christiana inusitata, quod coniux legitime coniuncta viro, ita quod legitime potest ei conuiuere, cogatur separare se, & includere se intra septa monasterij, cum perpetua clausura, contra suam voluntatem sine suo delicto, & sine voluntate delinquendi, eo quod vouisset ingredi religionem ante contractū matrimonium: & merito est res inusitata. Tum quia licet peccasset contrahendo, est tamen absoluta ab illo peccato. Tum quia votum est extinctum quoad matrimonium durauerit. Tum quod per vsum matrimonij & ingrauescentē ætatem, & ignorantiam rei monasticæ, est facta fere inhabilis ad officia monialium, ad quæ, maxime nostra ætate, monachæ tenentur. Tum quia res nouæ frequenter noua inconuenientia adducunt, & ideo sunt cauendæ, iuxta illud Hippocratis; *Mutatio vitæ periculosa*. quod cum alijs ad hoc propositum adducit Io. And. cap. cum consuetudinis. de consuetud. quod ad hoc multū facit, ibi, *Nouitates discordiam pariunt*, &c. cui addit glo. ideo illas esse cauendas. Tū denique q̄ lege diuina vetatur separatio coniugis à coniuge nolente separari, præsertim post consummatū matrimonium; & nulla lege alia diuina quo ad hunc casū inuenitur limitata: & quod cōtinentia res consilij & voluntatis sit, & nō præcepti. c. integritas. 32. q. 1.
- 12 Quare, saluo saniori iudicio, hæc pars videtur nobis in hoc casu tenenda,

da, & cōsulenda: quamuis forte disputādo defendi posset contrariū, per ea quę supra sunt adducta, quorum tamen solutio ex citatis pro nostra parte colligi potest, qđ breuitatis gratia & copia occupationis facere omitto.

S V M M A R I V M.

- 2 Presbyter effici qui vouit, non censetur emisisse castitatis votum ei annexum; sicut etiam dicitur de vouente ingredi religionem: unde primum vti non reseruatū dispensat Episcopus, & commutat in melius, vel æque bonum, num. 1. Pauca tamen, excepta religione, statu sacerdotali meliora sunt. num. 2.
- 2 Vota in aliud opus æquale sine causa commutari non possunt, in melius autem accedente auctoritate superioris sine alia causa possunt, immo & in totū tolli, vel in parte tolli, & in parte commutari; prout causa, quę subest, ad id satis est.
- 3 Causam iuste dispensandi seu commutandi sacerdotij votū non præbet sola propinquorū displicentia, præbet autem quantitas, vel qualitas familiæ conseruandæ.
- 3 Voti commutandi & dispensandi facultas ad vouentis instantiam vel etiā alterius potest concedi, modo vouens gratiā libenter acceptet: at vouenti, ne votū adimpleat, non potest iuste præcipi, nisi ex voti adimplemento violaretur aliud præceptum, vel impediretur aliqua magna Regni vel Reipublicæ utilitas.
- 4 Differre voti adimplementū potest vouens, vt interim reddat se ad illud magis idoneū: ex alia autem causa erit petenda dilatio à potente dispensare & cōmutare, qui poterit super eo ad tēpus dispensare, vel in aliud pro dicto tēpore cōmutare.

CONSILIVM XVIII.

BRVNELLVS vouit statim assumere habitum presbyteralem, & postea suo tempore fieri presbyterum.

Quæritur primo, an teneatur adimplere votum.

Secundo, an possit commutari, & per quem: attenda scilicet displicentia patrui vouentis, qui ad conseruandam familiam cuperet vt ipse vouēs duceret vxorem; quod non faciet, nisi à superiore id ei imperetur.

Tertio, cum sit ætatis legitimæ, licet nō adeo sufficientis litteraturæ, an propter studiū litterarū possit differre assumptionē ordinis presbyterij.

AD PRIMAM QVAESTIONEM respondeo, quod votum presbyterij proculdubio fuit licitum, honestum, & sanctum, & obligauit eum ad sui implementum, etiam sub pœna peccati mortiferi, iuxta illud Eccles. 5. Si quid vouisti, ne moreris reddere, confirmatum per cap. licet. & cap. magnæ. de voto, & D. Tho. receptum 2. 2. q. 88. art. 3. & eundem & omnes alios in 3. lib. sent. dist. 38. Hoc quo ad primam quæstionem breuiter sufficiat.

- 1 AD SECUNDAM respondetur, quod prædictum votum commutari potest in aliud æque vel magis bonum, etiam auctoritate ordinarij; quia non est de numero quinque votorum reseruatorum dispensationi Papæ, scilicet, perpetuæ continentię, religionis, peregrinationis in Hierusalem, vel Romam, vel S. Iacobum Compostellæ, de quibus in extrauag. Sixti IV. et si Dominici. de pœnit. & remis. & in nostro Man. confess. cap. 12. num. 75.

Nec

2 Nec obstat, quod votum presbyterij videtur sub se includere votum perpetuæ continentiz, quod est illi annexum, 37. & 39. distinct. per totas: quia etiam votum religionis ad sui complementum proprius includit perpetuam continentiam; non tamen propter hoc vouens religionem censetur vouere illam, per ea quæ nos in d. Man. cap. 12. num. 47. post alios scripsimus.

Sunt tamen aduertenda quædam. Primum est, quod pauca sunt meliora presbyterio, vel æque bona, excepta religione. Secundum, quod ad faciendam commutationem in æque bonum requiritur aliqua causa; licet commutatio in melius fieri possit sine illa cum auctoritate legitimi superioris, vt post Caiet. in 2. 2. q. 88. art. 12. tradimus in d. Man. cap. 12. nu. 63. Tertium, quod prædictum votum non solum posset commutari, sed etiam per dispensationem ex iusta causa sine commutatione omnino tolli; immo & ex causa non omnino sufficiente, sed tantum notabili posset tolli partim dispensando, & partim in aliud bonum inæquale commutando, vt traditur in prædicto num. 63. Quartum, quod licet ex casu proposito non colligatur aliqua iusta causa dispensandi, neque commutandi, præterquam quædam displicentia patruorum vouentis, quæ ad hoc parum proficit; ex displicentia tamen patrui vouentis videtur colligi quædam quæ in sacro Pœnitentiariæ prætorio solet ponderari, nempe conseruatio familiæ. Et ita quætitas, vel qualitas familiæ, & necessitas illius cōseruandæ possent esse tales, quod facerent iustam causam tollendi votum prædictum, partim dispensando, & partim commutando, vt prædictum est, ad effectum, quod liceret illi contrahere matrimonium, si ipse id peteret, aut talem licentiam & facultatem sibi factam libenter acceptaret; non tamen esset, vt arbitror, iusta causa, vt superior præciperet ei sub pœna obedientiæ, ne votum suum exequeretur; cum non impediatur per illud implementum alicuius præcepti voto contrarij, neque aliqua maxima alicuius Regni vel Reip. vtilitas, arg. eorum quæ notantur in l. 4. §. hoc autem. ff. de dam. infect. & in cap. si diligenti. de foro compet. in cap. magnæ. de voto. Quare non video vllam iustam rationem, qua Episcopus prædicti vouentis, nec etiam ipsemet Papa possit iuste præcipere illi, vt à voti executione desistat. Et quia ipse asserit se non cessaturum ab ea, nisi id ei præcipiatur, non videtur iuste posse impleri desiderium patrui sui, viri mea sententia egregiæ pietatis, & prudentiæ.

4 AD TERTIAM respondetur, quod consulens vouit plura distincta, scilicet assumere statim habitum presbyteralem, & postea ordinem presbyteralem: & certum est posse differre assumptionem ordinis presbyteralis causa studendi, & se ad illum idoneum faciendi, argumento cap. cum ex eo. de elect. lib. 6. Sed tenetur statim assumere habitum, nisi iusta de causa Episcopus dilationem concesserit, siue dispensauerit: quæ tamen eo difficilius occurreret, quo non videtur facile occurruram iustam causam id faciendi, cum dilatio habitus presbyteralis magis adiuvet, quam impediatur studia discendi ea quæ presbyterio sunt necessaria: ea tamen occurrente, poterit dari dilatio, & etiam fieri dispen-

satio in tempus ad id opportunum, immo & commutari in aliud æquale, vel magis bonum ab habente auctoritatem dispensandi, & commutandi. Salua, &c.

SUMMARIVM.

- 1 Commutatio voti, ad hoc vt sublato voto obliget ad illius obseruantiam, debet fieri in melius, vel æque bonum, alioquin non tollet voti obligationem. & si dubitetur an sit æquipollens, ex hac causa, & ob tranquillitatem vouentis potest ab habente potestatem commutandi reduci in pristinum statum, nu. 2. ita vt solum sit obligatus suo tempore primum votum adimplere. num. 3.
- 2 Sacerdotij votum simplex videtur præponderare mensuræ confessioni, & communioni: vnde in illa sola opera non videtur commutandum.
- 3 Presbyterum esse qui vouit, potest differre accipere ordines quando peruenerit ad ætatis suæ annum XXV. nec ei imputabitur, si Episcopus, vt potest, cum eo nolit super interstitijs dispensare.

CONSILIVM XIX.

QUIDAM vouit presbyter fieri, & post aliquot dies non alia de causa, quam pœnitentia ductus, obtinuit commutationem, vt quolibet mense in vita sua frequentaret confessionem, & communionem. Item secundo loco habuit aliam commutationem dicendi septem psalmos pœnitentiales septies tantum. Nunc autem, cum nondum attigerit vigesimum suæ ætatis annum.

Quærit primo, verum, dato quod primus confessor habuerit facultatem commutandi, & quod secunda commutatio non teneat; an prima commutatio sit sufficiens; ita vt æquipolleat, prout debet, voto presbyteratus.

Secundo, dato quod prima commutatio teneat, & æquipolleat, quæritur an possit ad instantiam vouentis iterum commutari ab habente simplicem & generalem facultatem commutandi vota omnia, exceptis reseruatis solitis.

Tertio, an non obstantibus prædictis commutationibus possit vouens, saltem auctoritate habentis facultatem commutandi vt supra, reducta re in pristinum statum, expectare tempus presbyterandi per sacros canones præfinitum, puta vigesimum quintum annum, vel ad implendum votum, vel ad vtendum remedio commutationis.

- 1 **RESPONDEO AD PRIMAM**, primo præsuppositum in ea videri iustum, cum commutatio voti debeat fieri in aliud opus melius, aut saltem æque bonum, iuxta dicta in Manu. cap. 12. num. 63. & constat recitationem septem psalmorum septies faciendam non esse opus adeo bonum, ac confessionem & communionem mensuram. Secundo, quod si prima commutatio fuit iusta, illa est seruanda, non obstante secunda, argum. regulæ, non præstat impedimentum, quod de iure non sortitur effectum, de regul. lib. 6. Tertio, quod si etiam prima non fuit iusta, obligatio primi voti adhuc

si adhuc perstaret & duraret; quia per commutationes inualidas & nullas non potuit illa tolli, argum. eiusdem regulæ.

2 AD SECUNDAM respondeo affirmative, assumendo pro causa commutandi partim dubietatem an illa confessio & communio menstrua sit bonum æquipollens presbyteratui, partim bonum tranquillitatis conscientiæ, quod ex reductione rei ad primum statum resultaret; partim quod ipse magis inclino ad credendum quod illa menstrua confessio & communio non fuit opus æquipollens assumptioni presbyteratus, propter multa quæ possent ad hoc adduci.

3 AD TERTIAM respondeo, quod reducta re per præfatam commutationem in primum statum, potest expectare tempus ætatis viginti quinque annorum; attento quod interstitia temporum potest Episcopus tollere, & quod ipse non ponit impedimentum, & quod non tenetur esse presbyter ante vigesimum quintum annum, & intra illum potest fieri volente Episcopo; & si noluerit Episcopus, excusabitur impedimento iuris ab assumendo presbyterio intra illum fide bona, debitam adhibendo diligentiam, argum. cap. quia diuersitatem. de concess. præb. cap. commissa. de elect. & l. i. C. de annal. excep. cap. fin. de appella.

S V M M A R I V M.

1 Religionem qui ex voto pœnali intrare debet, prius debita soluat. num. 3.

2 Votorum adimplendi tempus ex mente vouentis est coniiciendum.

C O N S I L I V M XX.

SEMPRONIVS tenetur intrare religionem causa certorum votorum pœnalia, quæ fregit, cum animo tamen adimplendi postquam debita quædam persoluerit. Dubitatur, an attento quod excedunt summam mille scutorum, quorum solutioni, quando vouit, nullum certum tempus præfiniuit, immo putat, quod, si ad hoc animaduertisset, non se obligasset, nisi post eorum satisfactionem; & quoniam spem habet viuendo aliquod tempus in sæculo soluendi eas, an inquam possit tuta conscientia differre ingressum, quoad suis creditoribus satisfecerit; vel an possit in fraudem ipsorum ingredi religionem.

Respondeo primo, iure mihi videri desiderare, vt D. consulens exposuisset clarius & specialius vota præfata pœnalia & transgressionem eorû, ad hoc, vt certius responsum reddere possem quæsitis.

1 Secundo, videri multum expedire, vt consulens ante alia omnia peteret in sacra Pœnitentiaria relaxationem, & moderationem aliquam modestam præfatarum pœnarum incurfarum ob fractiones præfatorum votorum, fundando se in debitis, quæ debet, & in facilitate, qua solet trahi ad eiusmodi vota; & quod aliqua dilatio ei concederetur ad soluendas pœnas illas moderatas, quæ omnia iuste potest & solet concedere præfata Pœnitentiaria.

2 Tertio, quod vota præfata non obligant consulentem ad soluendas pœnas incurfas, nisi à tempore, quo mens & intentio eius expressa vel tacita fuerit soluendi eas; & consequenter si eius intentio fuit soluendi prius alia

debita, quæ naturalius & efficacius debebat, quam illa, non tenebitur soluere tales pœnas, donec alia debita soluat, dummodo mediocrem curam & diligentiam in eis soluendis adhibeat.

- 3 Quarto, quod prius debet soluere debita, quam ingrediatur religionem, & cauere ne fraudentur creditores, quibus iusta & æqua ratione illa debentur. Salua, &c.

S V M M A R I V M.

- 1 Vouens ingredi certum monasterium, vel certum ordinem, si in eo non recipitur, liber remanet: at si vouit ingredi religionem in genere, repulsus ab aliquibus, non est liber, sed tenetur tentare ut in aliqua ex alijs recipiatur. num. 3. admissus autem ad habitum in aliqua, si postea ejciatur, vel ipse exeat, voto satisfecisse dicitur. num. 5. 8. sicut & is qui cum certum ingredi monasterium vouisset, post habitum in eo assumptum exit, vel ejcitur. num. 4. & 10. nec tenetur aliud ingredi, immo potest nubere. num. 4. sicut nec is qui cum vouisset ingredi quod elegisset monasterium, si ab electo exeat, vel ejciatur, tenetur aliud ingredi monasterium. num. 6. licetq. videatur, cum qui vouit in genere, si post ingressum exeat, vel ejciatur ab uno monasterio, obligatum esse petere ut recipiatur in alio, sicut reperiatur si ab aliquo vel aliquibus fuisset non admissus, num. 3. attamen contrarium verius est, num. 8. at si in genere vouisset profiteri, vel perseuerare in religione, per solam habitus suspensionem non liberatur; sed exiens, vel ejcitus, tenetur tentare ut in alia ad habitum & professionem recipiatur. num. 7. & 10. Vouens autem fieri religiosus, in dubio censetur vouisse ingredi ad probandum, non autem vouisse profiteri, seu perseuerare. num. 11.
- 2 Debitor generis rerum inanimatarum, cuius specierum individua sunt vel ab homine vel à natura certis determinata finibus, eligit, & soluendo quam elegerit, liberatur, aliàs videtur quod electio speciei ad creditorem, num. 2. & 9. vel quod obligatio sit nulla. num. 8.

CONSILIUM XXI.

- 1 **P**RAESUPPOSITO ex Manu. cap. 12. num. 48. quod vouens ingredi religionem certam, non tenetur ingredi aliam, si non recipiatur ab illa; nec vouens ingredi religionem in certo monasterio, tenetur ingredi aliud eiusdem religionis, licet non recipiatur in illo; & quod vouens ingredi religionem in genere, tenetur solum ingredi aliquam ex his ad quas tacite se astringit; & si ad nullas tacite se astringit, tenetur ingredi aliquam ex omnibus; ita quod alijs nolentibus recipere illum, tenetur tentare alias:
- His igitur præsuppositis, quaeritur an vouens ingredi religionem in genere, & receptus ab una, teneatur ingredi religionem, & tentare aliam, si egrediatur ab illa sua sponte, vel ejciatur ab illa post habitum susceptum.
- 2 Et pro parte quidem affirmante facit primo, quod in debito generaliter, electio est creditoris, §. si generaliter. Instit. de legat. & l. legato generaliter. ff. de legat. 1. et hoc debitum est generale ingrediendi aliquam religionem: ergo creditor, qui est Deus, vel Ecclesia, debet eligere, & non debitor qui est vouens.

Secun-

- 3 Secundo, quod vouens ingredi religionem in genere idem videtur debere ante ingressum, & post ingressum; sed ante ingressum, si nō recipiatur in vna, tenetur intrare aliam; & si alia vel aliæ nolint recipere, tenetur quærere & tentare alias; ergo etiam post ingressum si fuerit exclusus ab vna, vel à multis, vel displicuerit ei vna, vel multæ, tenebitur tentare & quærere alias, quæ forte non displicebunt ei, vel non expellent eum: quia parium. eadem est ratio, l. illud. ff. ad l. Aquil. cap. dudum. 2. de elect.
- 4 Quibus tamen non obstantibus pars negatiua videtur verior, & probatur primo: nam sicut promittens ingredi certam religionem se habet ad illam, ita vouens religionem in genere. Vnde sicut vouens certam religionem, si ab ea non recipiatur, liber est à voto, & potest contrahere matrimonium; ita vouens ingredi religionem in genere, si à nulla recipiatur, liber est à voto, & potest contrahere matrimonium, vt viua ratione contra Innoc. in c. porrectum. de regular. concludunt Ang. in verbo votum. 3. §. 11. & Caiet. 2. 2. q. 109. art. 3. At qui vouit ingredi vnam religionem, & ingressus illam exijt, censetur implese votum secundum omnes; ergo & qui vouit religionem in genere, ingrediens vnam, quæ probata displiceat, vel à qua expellatur, satisfacit voto.
- 5 Secundo, quod promissio generis aut non valet, aut si valet eo valet, quod fit de genere continente res viles & habentes fines à natura vel homine destinatos, & præstat electiones promittenti, l. si quis à filio. §. si quis etiā. l. si domus. ff. de legat. 1. & l. 3. & 4. ff. de trit. vin. & ol. legat. & est resolutio glossæ in d. l. legato generaliter. & d. §. si generaliter. ergo qui promittit generaliter ingredi religionem, ingrediendo vnam satisfacit; quia religio est res habens fines designatos à natura, vel facto hominis.
- 6 Tertio, quod paria & æquipollētia sunt promittere generaliter ingredi religionem, & promittere ingredi religionem quam volet, vel eliger, per adducta in præsentī argumento: at qui vouit ingredi religionem quā vellet, ingrediendo illam quam vult, satisfacit suæ promissioni; ergo & qui vouit ingredi religionē in genere, ingrediendo vnam, satisfacit illi: quia de paribus & æquipollētibus idē iudicatur, l. si. ff. mād. c. licet ex quadā de test.
- 7 Quarto, quod ingressus religionis est aliud separatū ab eiusdem professione, & permāsiōe in ea; & ita potest cōpleri, non sequuta professione: & consequenter qui tenetur ad ingressum tantū, potest satisfacere nō proficundo, nec permanendo; quia separatorū separata est ratio, l. Papinianus. ff. de minor. c. ad audientiā. de decem. at in casu proposito tantū tenebatur ad ingressū, & nō ad professionē neque permāsiōē: ergo præstādo ingressum satisfecit voto, licet non præstiterit professionem, vel permāsiōem.
- 8 Quinto, quod non obstant opposita. Ad primum enim respondetur quod assumptum in eo non est verum de debito generali rerum inanimatarum habentium fines ad se circumscribendum destinatos, qualis est debitor ingressus religionis in genere. Ad secundum respondetur negando quod promittens ingressum religionis in genere ad idem teneatur post ingressum vnius religionis, ad quod tenebatur ante illum; quia immo ad nihil tenetur post illum; quippe qui præstādo illum soluit suum debitum

mo non sepatet, relata cap. quos Deus. 33. q. 2. & in cap. 2. de translat. praelat. ita quod per illā legem non potest coniux à coniuge saltem post consummationem matrimonij contra suam voluntatem separari, nisi propter fornicationem, Luc. 16. & cap. dixit Dominus. 32. q. 1. cap. quoniam. de cōiug. leprof. ergo non potest illa lex limitari, nisi per aliam diuinam naturalem, vel positiuam, qualis nulla inuenitur, quæ in casu proposito concedat separationem à coniuge inuita ea.

- 5 Secundo, quod non prodest dicere quod in cap. litteras. 9. fin. de restit. spoliat. singulariter probatur posse fieri separationem inuito vel inuita coniuge, quādo probabiliter ex cohabitatione timetur mors corporalis, & non potest sufficienter caueri de securitate vitæ: quia illa limitatio fit per aliam legem diuinam naturalem, qua nobis licet defendere vitam, l. vt. vi. ff. de iust. & iur. immo & tenemur eam conseruare. c. ipsa pietas. 23. q. 4. & cap. si non licet. 23. q. 5. qua eadem ratione potest etiam fieri separatio inuito coniuge procurante inducere ad infidelitatē, vel aliam animæ perditionem, & nolente desistere à tali procuratione, iuxta doctrinam communiter receptam in 4. sent. distin. 36. & 39. quia cum anima sit pretiosior corpore, cap. precipimus. 12. q. 1. lex naturalis quæ permittit separationem ob defensionem necessariam vitæ corporalis, à fortiori permittet separationem ob defensionem necessariam vitæ animæ: quæ est ratio singularis decidendi illius 9. fin. prædicti cap. litteras. parum ab alijs perpenſa. Cum ergo in casu proposito non immineat periculum vitæ corporis, vel animæ, non habet locum in eo prædicta limitatio.

- 6 Tertio, quod ex parte & conclusione contraria sequeretur, quod omnis coniux, quæ fecit iuramentum vel votum de castitate seruanda, vel de religione intranda, & postea contraxit matrimonium, teneretur sub pœna peccati mortalis ad se separandum, & ad implendum votum, & ad castitatem seruandam, vel intrandam religionem, si coniux consentiret, & faceret ea, quæ requiruntur ad hoc, vt ingressus religionis coniugis valeret; quod nemo hætenus, quod ego sciam, dixit. immo & sequeretur, quod teneretur sub pœna peccati mortalis ad procurandum consensum, & sublationem huiusmodi impedimenti, saltem si probabiliter speraret posse illud obtineri, argumento prædictæ regulæ qui potest. & eorum quæ supra citata sunt ad probandum, teneri quem ad procurandum sublationem impedimenti, quo impeditur à faciendo eo, ad quod obligatur.

Quarto, quod licet multa responsa summorum Pontif. probent eum, qui post votum castitatis contrahit matrimonium, nō posse exigere debitum, quamuis reddere posset; nullum tamen habet, eum teneri ad quærendam huiusmodi separationem, neque consensum & licentiam intrandi religionem: quod tamen probabile est, aliquem eorum hoc insinuaturum fuisse, si necessarium esset.

- 7 Quinto, quod per matrimonium non solum quæritur vxori ius petendi vel reddendi copulam carnalem, sed etiam ius alimentorum, & multarum aliarum consolationum, quas accipit ex cohabitatione mariti sui: & nullo iure diuino nec humano videtur esse priuanda eis sine suo consensu, argumen-

gumento l.id quod nostrum est. ff. de reg. iur. & late notatorum in cap. quæ in ecclesiarum. de constit.

- 8 Sexto, quod votum de intranda religione videtur extingui omnino per matrimonium consecutum, quoad illud durauerit: quoniam non solum, potest reddere debitum, sed etiam exigere. Votum enim de intranda religione non obligat plus ad seruandam castitatem, quam ad seruandā paupertatem, & obedientiam, & ieiunia, & recitandas preces horarias, & ad faciendum alia, quæ præcipiuntur in regula religionis, quam voluit intrare, donec fiat professio, vt post alios tradimus in Man. confes. cap. 12. num. 47. At non tenetur adhuc, donec professus fuerit; ergo nec ad castitatem, nec consequenter ad non exigendum debitum, & ita nec ad intrandam religionem, quantumcumque consentiat maritus.
- 9 Septimo, quod non debet quis intrare religionē, si non est satis ad id dispositus ea dispositione, quā nos post Caiet. & alios tradimus in cōment. cap. cui portio. 12. q. 1. n. 7. at prædicta vxor non est ita disposita; ergo non solū non obligatur ad intrandū, sed tenetur non intrare, donec dispositionem illā impetret à Deo: & q non erit facile id etiā quinquagenariæ, & tā frequenter consuetæ parere, iā senī, & fere inhabili ad agenda sine opprobrio cū virginibus officia diuina & alia in choro, & alijs locis monasterij.
- 10 Octauo, quod non videtur consulendum ei vt mutet statum approbatū in senectute: quia secundū Senecam, non debet officium mutare senex. Tū quia secundum Hiero. difficile est mutare linguā senis. Tum quia difficilis est mutatio vitæ præsertim in senectute, secundum Imperatorem in authen. de monach. 9. 1. coll. 1. & potius esset consulendum ei vt impetraret relaxationem & commutationem voti à S. Sede Apost. ne teneretur etiam mortuo marito intrare, quam facile concedet.
- 11 Nono denique, quod videtur esse res noua, & in Ecclesia Christiana inusitata, quod coniux legitime coniuncta viro, ita quod legitime potest ei conuiuere, cogatur separare se, & includere se intra septa monasterij, cum perpetua clausura, contra suam voluntatem sine suo delicto, & sine voluntate delinquendi, eo quod vouisset ingredi religionem ante contractū matrimonium: & merito est res inusitata. Tum quia licet peccasset contrahendo, est tamen absoluta ab illo peccato. Tum quia votum est extinctum quoad matrimoniū durauerit. Tum quod per vsum matrimonij & ingrauescentē ætatem, & ignorantiam rei monasticæ, est facta fere inhabilis ad officia monialium, ad quæ, maxime nostra ætate, monachæ tenentur. Tum quia res nouæ frequenter noua inconuenientia adducunt, & ideo sunt cauendæ, iuxta illud Hippocratis; *Mutatio vitæ periculosa*. quod cum alijs ad hoc propositum adducit Io. And. cap. cum consuetudinibus. de consuetud. quod ad hoc multū facit, ibi, *Novitates discordiam pariunt*, &c. cui addit glo. ideo illas esse cauendas. Tū denique q lege diuina vetatur separatio coniugis à coniuge nolente separari, præsertim post consummatū matrimonij; & nulla lege alia diuina quo ad hunc casū innenitur limitata: & quod cōtinentia res consilij & voluntatis sit, & nō præcepti. c. integritas. 32. q. 1.
- 12 Quare, saluo saniori iudicio, hæc pars videtur nobis in hoc casu tenenda,

da, & cōsulenda: quamuis forte disputādo defendi posset contrariū, per ea quę supra sunt adducta, quorum tamen solutio ex citatis pro nostra parte colligi potest, qđ breuitatis gratia & copia occupationis facere omitto.

S V M M A R I V M.

- 2 Presbyter effici qui vouit, non censetur emisisse castitatis votum ei annexum; sicut etiam dicitur de vouente ingredi religionem: unde primum uti non reseruatum dispensat Episcopus, & commutat in melius, vel aequale bonum, num. 1. Pauca tamen, excepta religione, statu sacerdotali meliora sunt. num. 2.
- 2 Vota in aliud opus aequale sine causa commutari non possunt, in melius autem accedente auctoritate superioris sine alia causa possunt, immo & in totū tolli, vel in parte tolli, & in parte commutari; prout causa, quę subest, ad id satis est.
- 3 Causam iuste dispensandi seu commutandi sacerdotij votū non præbet sola propinquoꝝ displicentia, præbet autem quantitas, vel qualitas familię conseruandę.
- 3 Voti commutandi & dispensandi facultas ad vouentis instantiam vel etiā alterius potest concedi, modo vouens gratiā libenter acceptet: at vouenti, ne votū adimpleat, non potest iuste præcipi, nisi ex voti adimplemento violaretur aliud præceptum, vel impediretur aliqua magna Regni vel Reipublicę utilitas.
- 4 Differre voti adimplementū potest vouens, vt interim reddat se ad illud magis idoneū: ex alia autem causa erit petenda dilatio à potente dispensare & cōmutare, qui poterit super eo ad tēpus dispensare, vel in aliud pro dicto tēpore cōmutare.

CONSILIVM XVIII.

BRVNELLVS vouit statim assumere habitum presbyteralem, & postea suo tempore fieri presbyterum.

Quæritur primo, an teneatur adimplere votum.

Secundo, an possit commutari, & per quem: attenta scilicet displicentia patrui vouentis, qui ad conseruandam familiam cuperet vt ipse vouēs duceret vxorem; quod non faciet, nisi à superiore id ei imperetur.

Tertio, cum sit ætatis legitimæ, licet nō adeo sufficientis litteraturæ, an propter studiū litterarū possit differre assumptionē ordinis presbyterij.

AD PRIMAM QVAESTIONEM respondeo, quod votum presbyterij proculdubio fuit licitum, honestum, & sanctum, & obligauit eum ad sui implementum, etiam sub pœna peccati mortiferi, iuxta illud Ecclesi. 5. Si quid vouisti, ne moreris reddere, confirmatum per cap. licet. & cap. magnæ. de voto, & D. Tho. receptum 2. 2. q. 88. art. 3. & eundem & omnes alios in 3. lib. sent. dist. 38. Hoc quo ad primam quæstionem breuiter sufficiat.

- 1 AD SECUNDAM respondetur, quod prædictum votum commutari potest in aliud æque vel magis bonum, etiam auctoritate ordinarij; quia non est de numero quinque votorum reseruatorum dispensationi Papæ, scilicet, perpetuæ continentię, religionis, peregrinationis in Hierusalem, vel Romam, vel S. Iacobum Compostellæ, de quibus in extrauag. Sixti IV. etsi Dominici. de pœnit. & remis. & in nostro Man. confess. cap. 12. num. 75.

Nec

2 Nec obstat, quod votum presbyterij videtur sub se includere votum perpetuæ continentiz, quod est illi annexum, 37. & 39. distinct. per totas: quia etiam votum religionis ad sui complementum proprius includit perpetuam continentiam; non tamen propter hoc vouens religionem censetur vouere illam, per ea quæ nos in d. Man. cap. 12. num. 47. post alios scripsimus.

Sunt tamen aduertenda quædam. Primum est, quod pauca sunt meliora presbyterio, vel æque bona, excepta religione. Secundum, quod ad faciendam commutationem in æque bonum requiritur aliqua causa; licet commutatio in melius fieri possit sine illa cum auctoritate legitimi superioris, vt post Caiet. in 2. 2. q. 88. art. 12. tradimus in d. Man. cap. 12. nu. 63. Tertium, quod prædictum votum non solum posset commutari, sed etiam per dispensationem ex iusta causa sine commutatione omnino tolli; immo & ex causa non omnino sufficiente, sed tantum notabili posset tolli partim dispensando, & partim in aliud bonum inæquale commutando, vt traditur in prædicto num. 63. Quartum, quod licet ex casu proposito non colligatur aliqua iusta causa dispensandi, neque commutandi, præterquam quædam displicentia patruorum vouentis, quæ ad hoc parum proficit; ex displicentia tamen patrui vouentis videtur colligi quædam quæ in sacro Pœnitentiariæ pretorio solet ponderari, nempe conseruatio familiæ. Et ita quætitas, vel qualitas familiæ, & necessitas illius cōseruandæ possent esse tales, quod facerent iustam causam tollendi votum prædictum, partim dispensando, & partim commutando, vt prædictum est, ad effectum, quod liceret illi contrahere matrimonium, si ipse id peteret, aut talem licentiam & facultatem sibi factam libenter acceptaret; non tamen esset, vt arbitror, iusta causa, vt superior præciperet ei sub pœna obedientiæ, ne votum suum exqueretur; cum non impediatur per illud implementum alicuius præcepti voto contrarij, neque aliqua maxima alicuius Regni vel Reip. vtilitas, arg. eorum quæ notantur in l. 4. §. hoc autem. ff. de dam. infect. & in cap. si diligenti. de foro compet. in cap. magnæ. de voto. Quare non video vllam iustam rationem, qua Episcopus prædicti vouentis, nec etiam ipsemet Papa possit iuste præcipere illi, vt à voti executione desistat. Et quia ipse asserit se non cessaturum ab ea, nisi id ei præcipiatur, non videtur iuste posse impleri desiderium patrui sui, viri mea sententia egregiæ pietatis, & prudentiæ.

4 AD TERTIAM respondetur, quod consulens vouit plura distincta, scilicet assumere statim habitum presbyteralem, & postea ordinem presbyteralem: & certum est posse differre assumptionem ordinis presbyteralis causa studendi, & se ad illum idoneum faciendi, argumento cap. cum ex eo. de elect. lib. 6. Sed tenetur statim assumere habitum, nisi iusta de causa Episcopus dilationem concesserit, siue dispensauerit: quæ tamen eo difficilius occurreret, quo non videtur facile occurruram iustam causam id faciendi, cum dilatio habitus presbyteralis magis adiuuet, quam impediat studia discendi ea quæ presbyterio sunt necessaria: ea tamen occurrente, poterit dari dilatio, & etiam fieri dispensatio.

satio in tempus ad id opportunum, immo & commutari in aliud æquale, vel magis bonum ab habente auctoritatem dispensandi, & commutandi. Salua, &c.

SUMMARIVM.

- 1 Commutatio voti, ad hoc vt sublato voto obliget ad illius observantiam, debet fieri in melius, vel æque bonum, alioquin non tollet voti obligationem. & si dubitetur an sit equipollens, ex hac causa, & ob tranquillitatem vouentis potest ab habente potestatem commutandi reduci in pristinum statum, nn. 2. ita vt solum sit obligatus suo tempore primum votum adimplere. num. 3.
- 2 Sacerdotij votum simplex videtur preponderare mensurae confessioni, & communioni: unde in illa sola opera non videtur commutandum.
- 3 Presbyterum esse qui vouit, potest differre accipere ordines quando pervenerit ad ætatis suæ annum XXV. nec ei imputabitur, si Episcopus, vt potest, cum eo nolit super interstitijs dispensare.

CONSILIVM XIX.

QUIDAM vouit presbyter fieri, & post aliquot dies non alia de causa, quam pœnitentia ductus, obtinuit commutationem, vt quotibet mense in vita sua frequentaret confessionem, & communionem. Item secundo loco habuit aliam commutationem dicendi septem psalmos pœnitentiales septies tantum. Nunc autem, cum nondum attigerit vigesimum suæ ætatis annum.

Querit primo, vtum, dato quod primus confessor habuerit facultatem commutandi, & quod secunda commutatio non teneat; an prima commutatio sit sufficiens; ita vt æquipolleat, prout debet, voto presbyteratus.

Secundo, dato quod prima commutatio teneat, & æquipolleat, queritur an possit ad instantiam vouentis iterum commutari ab habente simplicem & generalem facultatem commutandi vota omnia, exceptis reservatis solitis.

Tertio, an non obstantibus prædictis commutationibus possit vouens, saltem auctoritate habentis facultatem commutandi vt supra, reducta re in pristinum statum, expectare tempus presbyterandi per sacros canones præfinitum, puta vigesimum quintum annum, vel ad implendum votum, vel ad vtendum remedio commutationis.

- 1 **RESPONDEO AD PRIMAM**, primo præsuppositum in ea videri iustum, cum commutatio voti debeat fieri in aliud opus melius, aut saltem æque bonum, iuxta dicta in Manu. cap. 12. num. 63. & constat recitationem septem psalmorum septies faciendam non esse opus adeo bonum, ac confessionem & communionem mensuram. Secundo, quod si prima commutatio fuit iusta, illa est seruanda, non obstante secunda, argum. regulæ, non præstat impedimentum, quod de iure non sortitur effectum, de reg. iur. lib. 6. Tertio, quod si etiam prima non fuit iusta, obligatio primi voti adhuc

ti adhuc perstaret & duraret; quia per commutationes inualidas & nullas non potuit illa tolli, argum. eiusdem regulae.

2 AD SECUNDAM respondeo affirmative, assumendo pro causa commutandi partim dubietatem an illa confessio & communio menstrua sit bonum æquipollens presbyteratui, partim bonum tranquillitatis conscientiae, quod ex reductione rei ad primum statum resultaret; partim quod ipse magis inclino ad credendum quod illa menstrua confessio & communio non fuit opus æquipollens assumptioni presbyteratus, propter multa quæ possent ad hoc adduci.

3 AD TERTIAM respondeo, quod reducta re per præfatam commutationem in primum statum, potest expectare tempus ætatis viginti quinque annorum; attento quod interstitia temporum potest Episcopus tollere, & quod ipse non ponit impedimentum, & quod non tenetur esse presbyter ante vigesimum quintum annum, & intra illum potest fieri volente Episcopo; & si noluerit Episcopus, excusabitur impedimento iuris ab assumendo presbyterio intra illum fide bona, debitam adhibendo diligentiam; argum. cap. quia diuersitatem. de concess. præb. cap. commissa. de elect. & l. i. C. de annal. excep. cap. fin. de appella.

S V M M A R I V M.

1 Religionem qui ex voto pœnali intrare debet, prius debita soluat. num. 3.

2 Votorum adimplendi tempus ex mente vouentis est coniiciendum.

C O N S I L I V M XX.

SEMPRONIVS tenetur intrare religionem causa certorum votorum pœnalia, quæ fregit, cum animo tamen adimplendi postquam debita quædam persoluerit. Dubitatur, an attento quod excedunt summam mille scutorum, quorum solutioni, quando vouit, nullum certum tempus præfiniuit, immo putat, quod, si ad hoc animaduertisset, non se obligasset, nisi post eorum satisfactionem, & quoniam spem habet viuendo aliquod tempus in sæculo soluendi eas; an inquam possit tuta conscientia differre ingressum, quoad suis creditoribus satisfecerit; vel an possit in fraudem ipsorum ingredi religionem.

Respondeo primo, iure mihi videri desiderare, vt D. consulens exposuisset clarius & specialius vota præfata pœnalia & transgressionem eorum, ad hoc, vt certius responsum reddere possem quæsitis.

1 Secundo, videri multum expedire, vt consulens ante alia omnia peteret in sacra Pœnitentiaria relaxationem, & moderationem aliquam modestam præfatarum pœnarum incurfarum ob fractiones præfatorum votorum, fundando se in debitis, quæ debet, & in facilitate, qua solet trahi ad eiusmodi vota; & quod aliqua dilatio ei concederetur ad soluendas pœnas illas moderatas, quæ omnia iuste potest & solet concedere præfata Pœnitentiaria.

2 Tertio, quod vota præfata non obligant consulentem ad soluendas pœnas incurfas, nisi à tempore, quo mens & intentio eius expressa vel tacita fuerit soluendi eas; & consequenter si eius intentio fuit soluendi prius alia

3 Secundo, quod vouens ingredi religionem in genere idem videtur debere ante ingressum, & post ingressum; sed ante ingressum, si nō recipiatur in vna, tenetur intrare aliam; & si alia vel aliæ nolint recipere, tenetur quærere & tentare alias; ergo etiam post ingressum si fuerit exclusus ab vna, vel à multis, vel displicuerit ei vna, vel multæ, tenebitur tentare & quærere alias, quæ forte non displicebunt ei, vel non expellent eum: quia parium eadem est ratio, l. illud. ff. ad l. Aquil. cap. dudum. 2. de elect.

4 Quibus tamen non obstantibus pars negatiua videtur verior, & probatur primo: nam sicut promittens ingredi certam religionem se habet ad illam, ita vouens religionem in genere. Vnde sicut vouens certam religionem, si ab ea non recipiatur, liber est à voto, & potest contrahere matrimonium; ita vouens ingredi religionem in genere, si à nulla recipiatur, liber est à voto, & potest contrahere matrimonium, vt viua ratione contra Innoc. in c. porrectum. de regular. concludunt Ang. in verbo votum. 3. §. 11. & Caiet. 2. 2. q. 109. art. 3. At qui vouit ingredi vnā religionem, & ingressus illam exijt, censetur impleuisse votum secundum omnes; ergo & qui vouit religionem in genere, ingrediens vnā, quæ probata displiceat, vel à qua expellatur, satisfacit voto.

5 Secundo, quod promissio generis aut non valet, aut si valet eo valet, quod fit de genere continente res vtilis & habentes fines à natura vel homine destinatos, & præstat electiones promittenti, l. si quis à filio. §. si quis etiā. l. si domus. ff. de legat. 1. & l. 3. & 4. ff. de trit. vin. & ol. legat. & est resolutio glossæ in d. l. legato generaliter. & d. §. si generaliter. ergo qui promissit generaliter ingredi religionem, ingrediendo vnā satisfacit; quia religio est res habens fines designatos à natura, vel facto hominis.

6 Tertio, quod paria & æquipollētia sunt promittere generaliter ingredi religionem, & promittere ingredi religionem quam volet, vel eliget, per adducta in præsentī argumento: at qui vouit ingredi religionem quā vellet, ingrediendo illam quam vult, satisfacit suæ promissioni; ergo & qui vouit ingredi religionē in genere, ingrediendo vnā, satisfacit illi: quia de paribus & æquipollētibus idē iudicatur, l. si. ff. mād. c. licet ex quadā de test.

7 Quarto, quod ingressus religionis est aliud separatū ab eiusdem professione, & permāsiōe in ea; & ita potest cōpleri, non sequuta professione: & consequenter qui tenetur ad ingressum tantū, potest satisfacere nō proficundo, nec permanendo; quia separatorū separata est ratio, l. Papinianus. ff. de minor. c. ad audientiā. de decem. at in casu proposito tantū tenebatur ad ingressū, & nō ad professionē neque permāsiōē: ergo præstādo ingressum satisfecit voto, licet non præstiterit professionem, vel permāsiōem.

8 Quinto, quod non obstant opposita. Ad primum enim respondetur quod assumptum in eo non est verum de debito generali rerum inanimatarum habentium fines ad se circumscribendum destinatos, qualis est debitor ingressus religionis in genere. Ad secundum respondetur negando quod promittens ingressum religionis in genere ad idem teneatur post ingressum vnus religionis, ad quod tenebatur ante illum; quia immo ad nihil tenetur post illum; quippe qui præstādo illum soluit suum debitum

debitum genericum, præstando speciem, quam ad soluendum delegit, cum ad eum spectaret electio, eo quod erat debitum generale rei habentis fines de se destinatos à natura, vel hominis facto, per prædicta.

- 9 Quæ omnia confirmantur ea irrefragabili consideratione, quod nemo umquam dixit, neque ut arbitròr dicet, quod promittens simpliciter & generaliter ingredi aliquam religionem, non habeat facultatem eligendi eam quam voluerit de approbatis, sed quod tenetur ingredi quam religionem vel religiosi volent.
- 10 Ex hoc responso videtur sequi, quod qui vouit profiteri religionem in genere, non satisfacit voto ingrediendo vnâ, in qua non admittitur ad professionem, vel ipse eam intra annum nouitiatus exit. Tum quia hoc responsum habet aliud esse ingredi religionem, & aliud illam profiteri; & consequenter licet vouens ingressum satisfaciât voto suo ingrediendo, quamuis post egrediatur, vel expellatur, vouens tamen profiteri non satisfacit ingrediendo, nisi profiteatur: quia à diuersis non fit illatio, iuxta d. l. Papin. Tum quia debitor in genere etiam rei habentis fines designatos à natura, vel facto hominis, licet electionem habeat soluendi speciem quam volet, tenetur tamen soluere aliquam: sic & qui vouit profiteri aliquam, tenetur, licet habeat electionem profitendi eam quam volet.
- 11 At quia orator non vouit expresse ingressum, sed quod fieret religiosus; suboritur quæstio, an sit iudicandum de illo, tamquam de eo qui vouit ingressum, an tamquam de eo qui vouit profiteri? Et verius videtur, quod sit iudicandum tamquam de eo qui vouit tantum ingressum: quia paria sunt vouere ingressum religionis, & vouere quod fiet religiosus, ut singulariter determinauit Caiet. in 2.2. q. 189. art. 4. pro quo sumitur firma ratio ex eo quod S. Thom. ibi ait, nempe quod nemo tenetur ad manendum perpetuo in religione, nisi expresse id intendat vouere; & votum religionis interpretandum est in dubio secundum ius commune, quod facit facultatem egrediendi intra annum nouitiatus. Salua, &c.

S V M M A R I V M.

- 1 Vouens religionem ingredi, & perseverare, ac in ea mori, censetur vouisse profiteri: unde ingrediendo, & etiam ex causa exeundo non satisfecit, sed eget dispensatione Apostolica.
- 2 Voti simplicis religionis commutandi cause aliquot numerantur.

C O N S I L I V M XXII.

LVCIVS sacerdos, & parochus in infirmitate votum religionis emisit in vna trium religionum, aut sancti Francisci, aut sancti Domini, ci, aut sancti Augustini, & perseverare ac mori in ipsa religione. Postea animo satisfaciendi voto ingressus est religionem sancti Francisci, & in ea per quatuor vel quinque menses perseverauit, post quos ratione cuiusdā infirmitatis egressus est. Dubitatur, an satisfecerit voto.

- 1 Respondeo, quod huius quæstionis decisio clare colligitur ex ijs, quæ scripsi-

scripsimus in Manu. cap. 12. num. 46. videlicet, quod quamvis per prædictum ingressum satisfecit consulens voto suo, quatenus erat votum de ingrediendo; non tamen satisfecit, quatenus erat votum de profitendo: quia non fuit professus; & ideo indiget dispensatione, vel commutatione. Quare porrigenda est petitio, in qua explicentur causæ; videlicet, quod ob infirmitatem fecit; quod est grandis natus; quod iam probavit religionem; quod illius viuendi ratio non satis placuit; quod putat se melius inserui-
turum foris Deo; quod laborat infirmitate; & si habet patrem, matrem, aut neptes pauperes ad sustentandum; & denique quod non est bene affectus modo viuendi in religione. Salua, &c.

S V M M A R I V M.

1. *Vouens ingredi religionem in genere, accipiendo etiam bona fide, nu. 3. in si. habitum apud Carthusianos ante ætatem per eorum decreta requisitam, & ob id eie-*
ctus voto non satisfecit, cum teneretur inquirere, & intrare aliquam sibi aptam.
num. 4.
1. *Nullum, & inutile seu inualidum facere testamentum & similia, paria sunt.*
2. *Votum non obligat vouentem ad plura, quam sua verba & intentio se extendunt,*
estq. hæc obligatio restringenda.
3. *Religionem ingredi vouens non obligatur nisi vt assumat religionis habitum, tene-*
tur tamen bona fide religionem ingredi cum intentione probandi, & si inuenerit
illam sibi gratam, profitendi, num. 3. illamq. intrare, quam in se credere possit si-
bi aptam. num. 4.
4. *Sciens, & scire debens, paria: scire autem debet quis requisita ad actum quem vult*
facere & statuta religionis quam vult ingredi.
4. *Religionis intranda voto obstrictus, qui post probationis habitum assumptum rece-*
dit, tunc demum in conscientia satisfecit, si ideo exiit, quia religio ei ingrata,
vel importabilis videtur.

C O N S I L I V M XXIII.

AN qui tenetur ad intrandam aliquam religionem in genere, intran-
do Carthusiam ante ætatem, quam eius statuta requirunt, & ob id
eiecitur post sex menses novitiatus, satisfaciat suo voto: ita quod non te-
neatur ingredi aliam, vel ipsam post legitimam ætatem?

1. *Hæc quæstio est adeo difficilis, quod primum visa est resoluenda nega-*
tive. Primo quidem, quod nullum, & inutile exequantur, cap. 2. de translat.
prælat. cap. Nicolao. de appella. vnde paria sunt non adire hæredita-
tem, & non adire modo debito, l. 2. C. de successo. edict. & nullum facere
testamentum, vel facere illud inualidum: ergo paria erunt non intrare
religionem, & intrare illam, cuius non est capax. Secundo, quod alio-
quin sequeretur, quod huiusmodi vouens satisfaceret voto intrando
religionem, quam sciret non admissuram eum ad professionem ob ali-
quos suos defectus; quod non videbitur dicendum, quia daretur occasio
fraudibus

tuta ordinis repugnabant:& cum non vouerit ipse speciatim religionem Carthusianam, videtur teneri ad intrandam aliam, nisi iusta de causa Papa relaxauerit, vel commutauerit suum votum in aliud. Videtur enim affirmandum, quod ad hoc, vt vouens intrare religionem in genere, satisfaciat ad effectum exeundi, tenetur ad intrandam aliquam non solum approbatam, sed etiam quam sciat, vel credat iuste sibi esse aptam; ita, quod non patiat, vel iuste credat non se pati defectum, ob quem per eius statuta reijciatur, & quod eam profiteretur, si ei esset grata, ita, quod ob id solum principaliter exeat, quod non est ei grata, vel videatur importabilis.

Greg. XIII. oratori coram factum narranti & petenti vel mandari Carthusianis vt ipsum reciperent, vel declarari voto satisfactum, verbo respondit; Ingredere aliam religionem.

SUMMARIUM.

- 1 *Voto de intranda religione satisfacit, qui post ingressum, non quia religio ei sit ingrata, sed ob morbum exiuit.*

CONSILIUM XXIV.

VOUENS ingredi religionem simpliciter, sine expressione permanendi in ea perpetuo, nec exeundi, an si eam non inuenerit sibi gratam satisfaciat voto ingrediendo, licet superueniente infirmitate egrediatur; an vero cessante infirmitate teneatur redire?

- 1 Respondendum videtur, ingrediendo satisfacisse. Tum quia, vt ait S. Tho. 2.2.q.189. art.4. is qui sic vouet censetur vouere secundum formam iuris, quæ habet vt intra annum probationis ingrediens religionem possit libere exire, cap.ad Apost. de reg. cap.1. & 2. eodem tit. lib.6. Non obstat quod is non exiuit, eo quod esset sibi ingrata religio, sed eo quod infirmitas ei superuenit, adiuncto quod ait Caiet. ad S. Tho. vbi supra, talē vouentem in foro conscientie teneri perseuerare, si in religione inueniat omnia sibi grata: quia responderi potest, quod iste non inuenit omnia sibi grata, videlicet infirmitatem non gratam. Præterea ipse S. Tho. expresse ait, huiusmodi vouentem posse egredi propter infirmitatem, non distinguendo inter respectum hunc, vel illum. Salua, &c.

SUMMARIUM.

- 1 *Votum intrandi religionem, & se fratrem faciendi, paria. Vnde qui ingreditur potest ante professionem libere, ac si non vouisset, exire, uxoremq. ducere; secus si vouisset intrare, & profiteri.*

CONSILIUM XXV.

SALUSTIVS vouit, quod fieret frater certi monasterij, quod postea fuit ingressus, & mansit in eo circiter nouem menses, & cum non placuisset

euisset illi modus ille viuendi, exiit ab eo ante finem nouitiatus, nulla professione facta expressa vel tacita. Quæritur, an licite possit contrahere matrimonium.

- 1 Respondeo quod sic. Tum quia vouens ingredi religionem potest libere ab ea exire, antequam profiteatur expresse, vel tacite, iuxta cap. 1. de reg. lib. 6. Nec obstat, quod cap. illud loquitur de intrante religionem non præmisso voto: quia idem est dicendum, voto de intrando præmisso, ut tradit & probat S. Thom. recep. in 2. 2. q. 189. art. 4. Non obstat etiam dicere, quod S. Tho. loquitur de vouente intrare solum, & nõ de vouente intrare, ita quod fieret frater. Tum quia secundum opinionem Dom. Soti lib. 8. q. 2. art. 1. de iustitia & iure, paria sunt votum de intrando religionem tantum, & de intrando & profitendo. Nec obstat, quod nos tenuimus in Man. cõfess. cap. 12. n. 47. contrarium eius, quod tenuit Sotus; quia D. consulens non vouit intrare & profiteri, sed solum vouit quod fieret frater; & votum de intrando solum, vel quod fieret frater, sunt eiusdem virtutis, & paria, quo ad hoc, ut singulariter asseruit Caiet. in d. art. 4. q. 189. 2. 2. quem merito ac iure sequuti fuimus nos ubi supra sub fine nu. 47. quod nos sine vilo scrupulo affirmamus etiam in præsentia. Salua, &c.

S V M M A R I V M.

- 1 *Vouens vnã religionem ingredi, aliam proficens non tenetur primam ingredi; secur si ante professionem exeat: etiam si secunda habeat priuilegium vt illam intrantes satisfaciant voto de intrando aliam.*
- 2 *Votum qui dubitat an emisit, tutiorem partem eligit: videtur tamen quod possit in negatiuam inclinare, cum facta non præsumantur, & hoc etiam si pro affirmatiua adsit aliqua coniectura, sed respiciens extrinsecum finem voti. num. 3.*

CONSILIVM XXVI.

N DESIDERIO discendi, & magisterium sumendi, vouit ingredi religionem Dominicanorum: dubitat tamen, vtrum etiam vouerit profiteri. Deinde persuasus à quodam religioso, dicente quod sua religio habebat priuilegium, vt non obstante voto de intranda alia religione, illam intrando satisfaceret, eam ingressus est: sed cum non placeret modus viuendi, post quatuor menses, relicto habitu, ad seculum redijt. Quæritur, an ad aliud teneatur.

- 1 Respondeo, quod præfatus D. consulens non adimpleuit votum præfatum duplici capite, si vouit ingredi & profiteri. Primo quidem, quod in neutro ordine fuit professus.

Secundo, quod qui vouit ingredi certam religionem, licet non teneatur illam ingredi, si post illud votum fuerit ingressus & professus aliam religionem, iuxta cap. qui post votum. de reg. lib. 6. tenetur tamen, si non profiteatur secundam, vt Archid. & Franc. ibi re & te adnotarunt; nec crederem huic decisioni derogari à priuilegio dato religioni secundæ, donec videro tenorem illius.

Tertio,

- 2 Tertio, quod si D. consulens dubitat, an vouisset etiam profiteri, debet querere sibi idem remedium, quod quæreretur, si sciret: quia in dubio certiore partem tenetur deligere, saltem quo ad forum conscientiae, cap. iuuenis. de sponsal.

Quarto, quod consulte facit, si supplicauerit Papae in praetorio sacrae Poenitentiariae, ut dispense cum eo: modus autem petendi conueniens est ei, ut narrato casu petat dispensationem, ne teneatur profiteri, neque ingredi praefatum ordinem Dominicanorum: allegando in hoc primum, quod dubitat an vouisset profiteri, & quod multum inclinat in partem negatiuam; & quod visum fuit sibi adimplere votum ingrediendi religionem Dominicanorum, ingrediendo aliam, propter praefatum priuilegium: alleget item alias causas, propter quas videtur ei melius seruire Deo in presbyterio saeculari.

- 3 Quod autem magis debeat inclinare in partem negatiuam, quod non vouerit profiteri, facit quod ipse non meminit factum, & facta non praesumuntur: & quod sicut aliud est praecceptum, & aliud finis praeccepti, ita aliud est votum, & aliud finis extrinsecus, in quem vouetur: & quod ille finis discendi & magisterium sumendi est extrinsecus voto: quia per professionem consequutam non fuisset obligatus ad illa, si noluisse; nec religio fuisset obligata ad faciendam ei facultatem intendendi eis plusquam alijs professis, ceteris paribus. Salua, &c.

S V M M A R I V M.

- 1 Vouens alternative duo, alterum implere tenetur.
- 1 Soluens uni, quod alteri debet, peccat, si per hoc redditur impotens soluere primo.
- 2 Abbas sine consensu, vel saltem sine consilio conuentus nec oblatos, nec monachos recipere potest.
- 2 Vouens seruire certo hospitali potest ab eodem compelli ut seruiat.
- 3 Professio laxioris religionis eius qui strictiorem vouerat, liberat à prima obligatione. sed non oblatio, qua non facit religiosum.

C O N S I L I V M XXVII.

HORATIVS vouit ingredi religionem Capucinorum, vel seruire cuidam hospitali celeberrimo: qui cum non reciperetur à Capucinis, obtulit se & sua alterius religionis praelato absenti à suo monasterio, & persuadenti sibi se id iuste posse facere sine consensu sui conuentus, confirmando oblationem iuramento: quem noluit recipere conuentus in oblatum, dicens quod non poterat praelatus sine ipsius consensu illum recipere. Queruntur circa hoc tria.

Primo, quid tenebatur hic facere, cum fuit repulsus à Capucinis.

Secundo, an is peccauerit offerendo se alteri monasterio.

Tertio, an oblatio fuerit valida.

- 1 **A D P R I M V M** respondeo, quod ipse tenebatur ire ad seruendum hospitali

hospitali præfato; quia qui promittit duo alternatiue, tenetur alterum eorum adimplere, iuxta notata cap. in alternatiuis. de regul. iur. lib. 6. & alijs iuribus per illius gloss. citatis: & D. consulens vouit duo alternatiue, scilicet ingressum religionis, vel seruitium hospitalis; & non potuit implere prius; ergo tenetur implere posterius.

AD SECUNDVM respondetur affirmatiue, quod peccauit; quia quod debebat vni, scilicet hospitali, ita videtur soluisse alteri, vt fieret inhabilis ad soluendum quod debebat alteri, quod est peccatum, iuxta notata cap. ea te. de iureiur.

- 2 AD TERTIVM videtur quod non valuit oblatio; quia non videtur posse Abbas obligare monasterium ad alendum oblatum sine consensu, vel saltem consilio sui conuentus, sicut nec recipere monachos, iuxta gloss. cap. fin. de regul. lib. 6. & ea quæ nos latius tradimus in comment. 3. de reg. super cap. nullam. 18. q. 2. num. 5. Tum quia præfatum hospitale potest compellere consulentem ad implendum suum votum, quo tenetur seruire illi. Neque obstare videtur, quod professio facta in religione etiam laxiore, ab eo qui vouit strictiorem, valet, cap. qui post votum. de regular. lib. 6.
- 3 quia nos loquimur de oblatione, quæ non est tantæ virtutis, nec facit religiosum, iuxta contextum cap. vt priuilegia. & quæ ibi notat Panorm. & alij, de priuileg. Nec etiam videtur obstare l. quoties. C. de rei vend. quatenus habet quod res vendita duobus sit posterioris emptoris; si prius tradatur ei, quam priori; & quod consulens tradidit se prius præfato monasterio, cui se obtulit. Tum quia non valuit oblatio, vt dictum est. Tum quia licet res vendita duobus fiat posterioris, si prius ei tradatur, vendens tamen obligatus manet ad soluendum priori, quod sua interest: & ita hospitale præfatum habebit ius ad cogendum consulentem ad seruiendum sibi. Tum quia prælatus, cui se dedit, decepit ipsum, dicens quod iuste poterat omittere seruitium prædicti hospitalis, & quod poterat eum ipse absolvere ad obligationem, qua teneretur hospitali; & ita non debet ex suo dolo reportare commodum, contra l. itaque fullo. ff. de furtis, cap. 1. de postulat. prælat. nam & qui dolo inducit aliquem ad profitendam religionem, licet professio teneat, bona tamen non debet habere, cap. constituit. 20. q. 3.

S V M M A R I V M.

- 1 Vouens ingredi vnum certum monasterium, si in eo non recipitur, liber est: at qui sine saltem virtuali restrictione vouit ingredi aliquam religionem, tenetur de rigore omnia monasteria dictæ religionis, & qui vouit ingredi religionem in genere, tenetur omnes religiones tentare, etiam extra regnū existentia. nu. 3. quamquam de equitate qui ex causa refutatur à maiori parte monasteriorum vel religionum prouincia, possit iudicari absolutus. num. 4. refutatio autem ab eo debet fieri, qui potest admittere & refutare. num. 3.
- 3 Generalis, & etiam Prouincialis, causa cognita, posset suis monasterijs præcipere ne talem recipiant: at ex eo quod Generalis aliquem vquentem refutauerit, nō inde sequitur

sequitur quod talis sit liber, nu. 1. & 2. cum receptio & refutatio non ad ipsos, sed ad praelatos & suos conuentus simul spectet. num. 3.

C O N S I L I V M X X V I I I .

QUIDAM ægrotus vouit ingredi religionem Minimorum, & factus sanus adiit Generalem, qui noluit eum recipere. Quæritur an satisfecerit voto, ita quod possit declarari absolutus ab eo sine alia causa in id accedente.

- 1 Respondetur quod non. Tum quia licet vouens ingredi religionem in certo monasterio, quod non vult eum recipere, possit declarari absolutus à voto secundum communem sententiam, quam nos quoque sequuti fu-
- 2 mus in Manu. confess. cap. 12. num. 48. qui tamen vouit religionem in genere, vel in specie, non se restringendo ad aliquod monasterium, certum est teneri quærere alias religiones, vel alia monasteria eiusdem religionis; licet ab aliqua, vel ab aliquibus repudietur, vt præter alios notabiliter ait Caiet. in 2. 2. q. 88. art. 3. col. 3. vers. in eadem responsione. Tum quia nemo, quem meminerim, dicit sufficere refutationem solius Generalis, non reddita saltem causa sufficiente, quare omnia monasteria suæ religionis debeant eum refutare. Tum quia, sicut acceptatio & admissio volentis ingredi religionem pertinet ad prælatum, & conuentum, secundum gloss. communiter recep. in cap. fin. de reg. lib. 6. ita etiam refutatio volentis ingredi pertinet ad eosdem, & non ad solum prælatum, nec ad solum conuentum: contrariorū enim eadem est disciplina: & ita refutatio Generalis non videtur sufficere. Tum quia vbi supra Caiet. quem nos quoque vbi supra sequimur, satis in terminis videtur decidere hoc, quatenus ait ex natura voti (nisi restringatur saltem tacite ab intentione vouentis) obligari eum, qui vouit in genere religionem, ad requirendas omnes religiones, & omnia monasteria eorum etiam extra, & aliorum regnorum: per quod præsupponit non sufficere refutationem etiam Prouincialis, nec omniū Prouincialium vnius vel alterius regni; & consequenter nec refutationem prælatorum ordinis. Tum denique quod Generalis posset eum refutare odio, amore, precibus, vel sordibus ad id motus, ad quod non mouerentur conuentus, & prælati minores, ad quos spectat admissio, vel refutatio volentium ingredi. Quamquam fateor, Generalem, immo & Prouincialem, causa cognita, & partibus auditis, posse suis subditis iubere, ne reciperent talem, vel talem ad sua monasteria; eo quod ob talem vel talem causam iudicauit eum esse indignum, qui recipiatur: quamquam item credā, eum qui refutatus est à maiori parte prælatorum, & conuentuum sui regni, vel magnæ prouinciæ, ex æquitate iudicari posse absolutum, si ob aliquam rationem probabilem fuisset repulsus. Salua, &c.

S V M M A R I V M .

- 1 *Conditionale votum obligare videtur, quando per vouentem stetit quo minus conditio adimpleretur. fallit, quando conditio non pendet à sola voluntate vouentis. num. 2. item & quando vouens voluit conditionem vere & non per fictionem adimpleri, licet non sit impleta. num. 3.*

4. Religionem ingredi intra certum tempus vouens per illius lapsum non liberatur.

CONSILIVM XXIX.

PASCHASIVS, qui vouit infra triennium ingredi religionem, si interim fieret grammaticus sufficiens ad ordines suscipiendos, an teneatur ingredi lapso triennio, si non didicit grammaticam, esto quod non desierit eam discere eo fine, ut non intraret religionem?

- 1 Pro parte affirmante facit l. iure civili. ff. de condit. & demonstrat. quæ habet conditionem censendam esse impletam, cum per eum, ad quem pertinet impleri, fiat quo minus impleatur: & ad præfatam vouentem pertinebat implere præfatam conditionem, & per eum stetit quo minus impleatur, quia non studuit grammaticæ discendæ. Facit etiam regul. cum non stat. de reg. iur. lib. 6. arg. à contrario sensu.
- 2 Pro parte vero negante facit, quod regula illa in præfata l. iure civili posita, non habet locum, quando promittens voluit conditionem vere, & non per fictionem adimpleri, ut determinat Bald. in l. si pater. q. 3. C. de condit. instit. & Bart. in l. yterque. sub fin. ff. de condition. institut. & consuevens videtur habuisse voluntatem, ut conditio impleteretur vere, & non per fictionem; etiam si casu eueperit, ut non fuerit impleta.
- 3 Secundo facit, quod illa reg. præfata iure civili limitatur, quando conditio pendet à libera voluntate promittentis, per l. centesimis. §. si ita stipulatus. ff. de verb. obligat. ubi las. notab. 3. post Alex. eam limitari: & conditio illa discendi grammaticam videri potest non pendere à sola & libera voluntate huius vouentis, & consueuentis.
- 4 Sed quod facit hæc in re difficultatem, est, quod vouens ingredi religionem intra triennium, non videtur liberandus ab ea intranda per lapsum triennium: quia terminus ille non videtur positus causa finiendæ obligationis, sed potius causa incipiendæ executionis. Qui enim promisit dare ante Kal. Iulias, non liberatur lapsu illarum Kalendarum, immo tunc incipit necessitas exequendi promissum. Vnde videtur adhuc teneri.

Vide etiam sequens Consilium.

S. K. M. M. A. R. I. V. M.

- 1 Religio S. Ioannis latior est religione Predicatorum mendicante: ideo qui hanc ingredi vouit, illam ingrediendo, vota non satisfacit.
- 2 Vouens scholasticus ingredi religionem, si peruenierit ad scientiam ingressui necessariam, si ob aegritudinem vel aliam iustam causam ad illam non potuit peruenire, liber est à voto; setus si per ipsum steterit.

CONSILIVM XXX.

AN SCHOLASTICVS 16. annorum vouens ingressum ordinis Dominicani, si perueniret ad scientiam necessariam ingressui illius ordinis, & reiectus ob insufficientiam, & relinquens studium teneatur ad ingrediendum eam, & an possit ingredi religionem S. Ioannis?

- 1 Ad hanc quæstionem præmissam, & ad aliquot alias solo verbo propositas, respondeo primo, certum esse votum valere.

Secun-

Secundo, quod non impletur illud per ingressum religionis S. Iohannis, quæ videtur laxior regula Dominicanorū, quæ est mendicans & strictior, ad quam votum obligauit.

Tertio, quod votum fuit conditionale, si perueniret ad scientiam necessariam ingressui ordinis Dominicani.

Quarto, quod non videtur satisfacisse voto, eo solo quod ab vno solo monasterio fuit repulsus.

Quinto, quod decisio huius quæstionis, quæ mihi difficilis est, videtur pendere ab alia, scilicet an conditio præfata censeatur impleta, eo quod per eum stetit quo minus adimpleretur, iuxta l. iure civili. ff. de condit. & demonstr. & cap. imputari. & cap. cum non stat. de reg. iur. lib. 6.

Sexto, quod si per præfatum D. consulentem nõ stetit quo minus adimpleretur conditio, eo quod ob ægritudinem, vel aliquam aliam iustam causam non potuit continuare studium grammaticæ, quod cœpenat, non teneatur adimplere votum; quia non adimpleretur conditio, sub qua vouit; & dispositio conditionalis non obligat, donec conditio adimpleatur, cap. si pro te. cum similibus de rescrip.

Septimo, quod si consulens noluit studere, cum posset, & procurauit nescire, vel obliuisci quæ sciebat, ne ingrederetur religionem, vel si contingerit eum scire & discere necessaria ingressui, tenebitur ingredi ad gloriam Dei, qui nos, &c.

S V M M A R I V M.
1. *Votum quæ commutare valet, pœnam ob illius fractionem iam incursum remittere nequit.*

CONSILIVM XXXI.

VTRVM habens potestatem commutandi certa vota, queat dispensare super voto pœnali quo ad pœnam?

1. Respondetur quod non; quia aliud est commutare, aliud remittere pœnam ob fractionem voti; & à diuersis & separatis non fit illatio, nec bona argumentatio, l. Papin. ff. de minorib. cap. ad audientiã. de decim. Verum tamen est, quod si ante pœnam incursum fieret cõmutatio, non incurreretur pœna; quia non frangitur votum iam per cõmutationem sublatũ; quod enim non est, non potest frangi, nec dissolui, cap. ad dissoluendum. de despons. impub. & priuatio præsupponit habitum, l. decem. de verb. oblig.

S V M M A R I V M.

1. *Voto pœnali commutato, non censetur commutata pœna prius incurse, quas nec condonare potest, qui etiam ex iobeleo potest vota commutare.*
2. *Accessorium tum naturam sequitur principalis, cum eadem ratio militat.*
2. *Principali sublato, & accessorium illud cõsetur sublatũ, quod sine eo cõsistere nequit.*

CONSILIVM XXXII.

ANNIBAL vouit se facturum quasdam eleemosynas, si amplius cũ certa muliere rem haberet; & quia postea habuit frequenter, pe-

tijt à Papa commutationem illius voti, & condonationem poenarum: qui commutationem poenarum incurfarum fecit, cum clausula, *Firmo manente voto quo ad futura*. qua gratia non fuit usus; immo iterum & saepius contravenit voto: sed postea alius confessorius, virtute Iobelai ab alio Papa concessi, commutavit ei prædictum votum in dotationem cuiusdam virginis pauperis, nulla facta mentione de firmitate voti quo ad futura, neque de condonatione poenarum antiquarum incurfarum. *Quæritur, an videantur condonatz poenæ antea incurse?*

- 1.* Videtur quod non. Tum quia aliud est obligatio soluendi poenam iam incurfam ratione violati voti, & aliud votum ipsum: & in Iobelæ prædicto Papa concessit confessorijs facultatem commutandi vota, nulla facta mentione de condonatione obligationis ad soluendas poenas iam incurfas. ergo non poterant confessorij condonare obligationem soluendi eas: quia à diuersis non fit illatio, l. Papinianus. ff. de minor. & cap. ad audientiam. de decimis.
- 2.* Nec obstat dicere, quod accessorium sequitur naturam sui principalis, iuxta reg. accessorium. de reg. iur. lib. 6. & ibi per gloss. citata: cum, ut ait in d. regula Ioan. And. recep. intelligitur illa de accessorio producente, & producto, derivante, & derivato, qualis videtur prædicta obligatio: & quod sublato vel confirmato principali censetur sublato vel confirmatum accessorium, iuxta doctrinam Lapi, relati per Ioan. And. & Franc. in d. reg. accessorium. pro quibus est aptus contextus in l. r. de pecul. leg. & quod obligatio prædicta poenam soluendi videtur esse accessorium ad votum seruandum: non, inquam, hæc obstant. Tum quia ea intelliguntur de accessorio, quod non potest consistere sine principali: at obligatio ad poenam soluendam consistere potest sine voto, & post votum solutum, vel dispensatione sublato, ut palam est. Tum quia votum non producit illam poenam, sed fractio voti, quæ est res contraria voto. Tum quia, quidquid inuoluant gloss. & Doctores in d. reg. accessorium. vario modo illam liminando, & extendendo; verus intellectus eius videtur esse, quod tum demum accessorium sequitur naturam sui principalis, cum eadem ratio militat in utroque, & non quando est diuersa. quod satis colligitur ex cap. debitores. & cap. cum contingat. de iureiur. & authen. sacramenta puber. C. si aduersi venditio: & l. r. & 2. ff. de pecul. leg. Salus, &c.

SUMMARIVM.

- 1.* *Votum de intranda vna religione commutat, & non relaxat Papa, si petenti dispensationem respondet ut aliam intret.*

CONSILIUM XXXIII.

AN PAPA, qui rogatus super dispensatione voti de intranda religione Capucinarum, respondit ut ingrederetur aliam religionem, videatur dispensare super voto, ne teneretur illo, vel commutasse illud in aliud?

Respon-

- 1 Respondeo, quod Papa non videtur dispensasse, sed tantum commutasse: quia non est presumendum Papam frustratorie respondisse, arg. cap. commissa. §. fin. de elect. lib. 6. & si responsio prædicta intelligeretur de dispensatione, & non commutatione, frustranea fuisset, & nullius effectus adiectio illa de intranda alia religione; cum nihil aliud operaretur, quam, quod, si vellet, ingrederetur aliam religionem, quod poterat facere sine vlla Papæ concessionem; & frustra precibus impetratur, quod iure communi conceditur, l. 1. ff. ad municip. gloss. solemn. cap. 1. de rescrip. cui consequens est præfatum consulentem teneri ad intrandam aliquam religionem in genere. Salua, &c.

S Y M M A R I V M.

- 1 *Votum dandi pecuniam ecclesie alicuius certi sancti iuste potest Pontifex concedere ut conuertatur per vouentem in alios pios vsus.*
- 2 *Donatio facta alicui cum adiectione, ut eam alicui tertio det, volente donatore, & donatario principali, reuocari potest.*

C O N S I L I V M X X X I V.

QUIDAM nobilis iuuenis habens coniugem iuuenem infirmam, & morti proximam turbatus dolore vouit cuidam sancto mille scuta, si vxor conualesceret, quæ conualuit. Deinde superuenit mors patris eiusdem iuuenis, qui reliquit multa debita, & filiam virginem indotatam, & natæ sunt eidem iuueni duæ filię. Quæritur, an Papa iuste possit commutare illa mille scuta in dotem sororis pauperis, & filiarum suarum, attento quod bona vouentis vix valebant quatuor millia scuta.

Pro parte negatiua facit, quod ecclesie quæsitum fuit ius ad illa mille, l. qui Romæ. §. Flavius Hermes. ff. de verb. oblig. & l. quoties. C. de donat. quæ sub mo. & id quod nostrum est sine consensu nostro auferri non potest, l. id quod nostrum. ff. de reg. iur. & ita videbatur necessarius consensus ecclesie.

- 1 Pro parte vero affirmatiua facit primo, quod Papa potest relicta in aliquos vsus pios conuertere in alios, clem. quia contingit. de relig. domi.

Secundo, quod votum principaliter fit Deo, etiamsi fiat sancti; quia est actus latræ, S. Tho. 2.2. q. 88. art. 5. & est promissio facta principaliter Deo secundum eundem in 4. dist. 38. q. 1. art. 1. ad 5.

- 2 Tertio, quod donatio alicuius rei facta principaliter alicui cum adiectione, ut eam det alteri tertio, potest reuocari quo ad illum tertium volente donatore, & donatario principali, ut est casus singularis in d. l. qui Romæ. §. Flavius. & ibi tenet expresse Bart. fere ab omnibus receptus, & latius confirmat Iason, & nos tenuimus in tract. de redditibus ecclesiast. q. 1. mon. 71. atqui donatarius principalis Deus est, ut supra dixi, qui videtur velle, volente iusta de causa Papa eius Vicario. & ita teneo.

1. *Scrupulis varie agitatus quid secum perpendere debeat. & seq.*
2. *Vota licita omnino implenda, nisi iuste relaxentur.*
3. *Votum religionis sanctum, & melius est ingredi illam ob votum, quam sine.*
3. *Votum perseverandi in religione obligat magis, quam intrandi.*
4. *Religionem qui vouit, cogitatus, qui eum ad intrandum terrent, abiciat.*
4. *Vita religiosa humiliter ducta suavior seculari.*
5. *Status nullus in hac vita beatus.*
5. *Religionem qui sepius ingressus in nulla perseveravit, statum clericalem eligat.*

CONSILIVM XXXV.

VIR quidam egregie doctus narrat se vouisse frequenter ingressum religionis, & intrasse illam sexies, & ante finitos annos novitiatus & professionem exiisse, & nihilominus impugnari cogitatibus auertentibus eum à religione, eo maxime quod abest ab eo alacritas, & deuotio prosequendi eam & perseverandi; licet etiam putet se vouisse perseverantiam in aliqua religione faciendam, & propendeat in persuasionem quod non saluabitur, si in statu seculari moriatur: & querit quid ei sit faciendum.

1. Respondeo primo, opus esse illi commendare se humillime & submississime Deo Opt. Max. implorata in id ope Virginis Matris, & Angeli sui custodis, ut conferatur ei donum constantiæ ad perstandum in recte cogitatis, & sibi recte consultis, mediante totius Ecclesiæ Christianæ præcatione Dominicæ 8. post Pentecosten: *Largire quesumus Domine seruo tuo spiritum cogitandi que recta sunt, propitius & agendi: ut qui sine te esse non potest, secundum te vivere valeat.*
2. Secundo, persuadere sibi id, quod tota Ecclesia Christiana Catholica Romana firmissime persuasum habet, vota licita & honesta esse omnino implenda, vel certe auctoritate legitima iusta de causa relaxanda esse, vel commutanda, iuxta illud, *Vouete, & reddite Domino.* psal. 75. quorum prius, scilicet, *Vouete*, consilij est; secundum præcepti, ut declarat Innoc. III. in cap. magna. de vot. cuius rationem reddit S. Tho. ab omnibus receptus 2. 2. quæst. 88. art. 3. scilicet, quia displicet Deo infidelis promissio, Eccles. 5.
3. Tertio, quod votum intrandi religionem à Sede Apost. approbatam est licitum, & sanctum per totum tit. de regular. immo melius est mediante voto ingredi, quam sine illo, ut probat S. Thom. recep. 2. 2. quæst. 189. artic. 2.

Quarto, quod magis obligat votum de perseverando in religione suscepta, quam de intrando eam, ut nos probamus contra Dom. Sot. in Manu. confess. cap. 12. num. 47. & consequenter D. consulens non solum est obligatus ad intrandam religionem, quia vouit eam intrare; sed etiam perseverare in illa, & facere professionem; nisi Papa relaxet ei illam obligationem

gationem dispensando iusta de causa, vel commutando iuste, cap. non est. iuncta gloss. de voto.

4 Quinto, quod satagat vitare & abijcere à mente sua cogitatus illos, qui terrent eum proponendo grandia onera & labores, quæ oportet subire in seruanda religione: quoniam si recte res perpendatur, maiora oportet sufferre extra illam decenter viuendo, quam intra illam humiliter sese Christo, & ob eum alijs prochristis & prælatis subdendo: quia compertum est suauiore esse religiosam vitam religionis humiliter absque ambitione seruiendo, & obediendo, quam sæcularibus suam sæcularem decenter & caste viuendo: & si placeat D. consulenti, videat ea quæ nos scribimus in comment. de regul. super cap. cui portio. 12. q. 1. in principio de dispositione, quam debet habere religionem intraturus, & persuadeatur quod religiosorum vitam non tantum facit horrendam arctio eius, & paupertas, quantum ambitio, & cupiditas in ea dominandi, & habendi quibus imperet & gratificet.

5 Sexto, quod reputet, & conferat secum curas, labores, & onera, quæ patiuntur Papa, Cardinales, & alij ecclesiastici prælati, & Reges, Principes, ac alij diuersi sæculares, cum curis religiosorum, præsertim simplicium, & carentium dominatu, & regimine; & certe inueniet longe placidiorem & suauiore esse vitam horum, quam illorum: modo sit eis victus ad sustentandam vitam sufficiens. Reputet item secum illos senarios, quibus apud Baptistam Mantuanum in Parthenice Mariana lib. 2. post principium vititur illa gloriosissima, sed tunc mæstissima B. mater Regina celorum Anna, per quæ reducat in memoriam nullum esse in hac vita statum felicem, & quod cuilibet imminent multæ infelicitates: & cum hoc legerit, ne grauetur legere totam orationem præcedentem, & aliam, quam ipsa ead. Anna egit apud eundem Baptistam in lib. 1. eiusd. Parthenices, dum sic prope finem concludit, *Et certe brevis est felicius aui.*

Septimo, quod licet quatuor hæc supradicta sint certissima, arbitrortamen prædicto D. consulenti conuenientiore futuram esse vitam clericalem sæcularem ob experientiam, quam habet suæ in permanendo in religione inconstantia; & adiuto ope diuina abigere illam satanicam temptationem, qua Satan ipse nititur persuadere ipsi contra omnem veritatem, non posse vitam æternam consequi finiendo temporalem in statu sæculari; cum in introitu Missæ huius Dominicæ post Pentecost. 10. habeatur illud, *Iacta cogitatum, &c. Et non dabit in æternum fluctuationem iusto.* præsertim adeo erudito, & maximo timore filiali timenti Deum, qui nos omnes sua misericordia saluet. Amen.

S V M M A R I V M.

- 1 Ludus triplex, honestus virtutis, venialiter malus, & malus mortaliter.
- 2 Votum non ludendi ludo honesto, seu virtutis, non obligat, quia ultra bonos mores.
- 3 Votum non peccandi venialiter obligat, sed iuste potest relaxari.
- 4 Votum de non ludendo ludo mortali non videtur relaxandum: sed ex causa, ut mi-

non peccet, in melius, vel aequè bonum, arbitrio praesidentis commutari, immo
& dispensari potest. num. 4. & seq.

3. Dispensatio fieri debet ad Dei honorem augendum in persona vouentis, vel utilita-
tem Ecclesiae.
4. Peccaturo suaderi potest, ut minus peccatum peccet. & num. 2.
6. Causa iusta dispensandi super voto continentiae est tanta propensio vouentis in lu-
xuriam, quod aequè peccabit, ac si non vouisset. & nu. 5.

CONSILIVM XXXVI.

VOVENS non ludere, an iuste possit à Papa absolui ab obligatione
voti, ea de causa, quod est nobilis, & veretur se non seruaturum vo-
tum in exercitu, vel curia, vbi magna est ludendi consuetudo inter homi-
nes sui ordinis?

1. Respondeo primo, triplicem esse ludum; primum honestum, seu vir-
tuosum, siue actum virtutis eutrapeliae, & recreationis honestae; secun-
dum malum venialiter tantum; tertium malum mortaliter, ut tradimus
in nostro Manu. confess. cap. 20. post principium sequenti S. Thom. 2. 2. q.
168. art. 3. & 9.

Secundo respondeo, quod votum de non ludendo, quatenus includit
primam speciem ludi, non obligat, quia est contra bonos mores, argum.
cap. in malis. 22. quaest. 4. & cap. non est obligatorium. de reg. iur. lib. 6.

2. quatenus autem includit secundam speciem ludi, obligat; quia est vo-
tum honestum. sicut enim omne votum peccandi venialiter est malum,
cap. si aliquid. 22. quaest. 4. adiuncta gloss. ita omne votum non peccandi
venialiter est bonum: quia quod operatur propositum in proposito, ope-
ratur oppositum in opposito, cap. sciendum. 8. q. 1. & l. & si contra tabulas.
ff. de vulgari. & ita iuste videtur posse relaxari ob praedictam causam: quia
videtur licitum esse consulere minus peccatum volenti peccare maius,
ne illud peccet, cap. si quod verius. 33. q. 2. & Papa tollendo votum de non
ludendo venialiter videtur consulere ne peccet mortaliter, quia tollit oc-
casionem peccandi mortaliter contraveniendo voto: quia prudentis est
occasionem probabilem peccandi mortaliter fugere, iuxta illud Apost.
1. Corinth. 6. Fugite fornicationem.

3. Tertio, quod maius dubium est de praefato voto, quatenus tertiam
speciem ludi attingit: quia pro parte negante facit, quod pro absolu-
tione à tali voto non videtur tolli occasio peccandi mortaliter: quia
etiam sublato per dispensationem voto remanet peccatum mortale,
quod vouit non facere. Tum quia datur occasio liberius peccandi, quae
non est danda, l. conueniri. ff. de pact. dot. lib. cap. ex parte. de consuet.
Tum quod non videtur esse iusta causa relaxandi votum de non forni-
cando, propensio vouentis ad fornicandum, & timor, quod non serua-
bit illud: quia, ut ait S. Thom. 2. 2. quaest. 88. art. 12. in corpore quaestio-
nis, omnis dispensatio petita à praefato debet fieri ad honorem Dei &
D. N. Iesu Christi augendum in persona vouentis, vel ad utilitatem Ec-
clesiae, quae est ipse corpus; quorum neutrum videtur inueniri in huius-
modi

modi dispensatione. Tum quia eadem causa non operatur contraria, contra l. vbi repugnantia. ff. de reg. iur. & l. rem legatam. ff. de adimen. leg. & cap. sollicitudinem. de appell. ergo causa, quæ operatur obligationem voti, non operabitur solutionem eiusdem: quod in specie dixit Sor. lib. 1. q. ult. de iust. & iure.

Pro parte vero affirmante facit, quod absolutio præfati voti possit fieri per commutationem in maius, vel æque bonum arbitrio præfidentis: quia per dicta vtriusque Thom. vbi supra, & Soti lib. 7. q. 4. art. 3. commutatio voti non requirit causam obstantem executioni eius, sed sufficit quod sit melius id, in quod commutatur. Tum quia recte ac bene facit, qui commissuro alterum de duobus peccatis consulit vt committat id, quod est minus, d. cap. si quod verius. 33. q. 2. quæ videtur recepta sententia: & nos loquimur de commissuro aliquid, quod non solum est peccatum per se, sed etiam quia est contra votum: ergo recte faciet, qui per suam dispensationem efficit vt paratus cõmittere duplex peccatum, vel vnum cum circumstantia fractionis voti, peccet vnum, quod careat tali circumstantia voti. Tum quia proxime dictum est posse prælatum dispensare super voto non peccandi certum peccatum veniale, ea de causa quod minus peccabit peccando illud sine violatione voti, quam cum illa: ergo eadem ratione poterit bene dispensare super voto non peccandi quodpiam mortale, vt minus peccet peccando illud sine fractione voti. Tum quia sacra Pœnitentiaria frequenter solet admittere pro causa, vel parte causæ dispensandi super voto castitatis, quod qui vel quæ vouet, valde vrgetur grauib. stimulis carnis ad fornicandum; eo quod reputet esse bonum ei liberari à peccatis venereis cum fractione voti per sanctum matrimonium, iuxta illud Pauli ad Corinth. 7. *Melius est nubere, quam vri.* Per quæ posteriora argumenta videtur tenenda hæc pars posterior.

Non obstant in oppositum citata. non quidem primum: quia respondetur concedendo quod per illam dispensationem non excusatur vouens omnino à peccato mortali: sed negando quod non excusatur à maiori mortali, quæ excusatio est sancta; cum, vt prædictum est, sancta sit illa exhortatio facta ei, qui paratus est peccare alterum de duobus, vt peccet eorum minus, per prælatum cap. si quod verius. & recep. sententiam, pro qua facit & illud præfati Pauli, *Melius est nubere, quam vri.*

Ad secundum respondetur negando quod detur occasio inordinata liberius peccandi, eo quod aliqua occasio detur minus peccandi: quia immo satis ordinata, eo quod vitatur maius peccatum.

Ad tertium etiam negando quod non sit iusta causa dispensandi super voto ad non fornicandum, quando perinde vouens fornicatur, ac si non vouisset: quia, vt dictum est, illa dispensatio retrahit à maiori peccato ad minus: quod videtur sufficere ad dispensandum, per prædicta.

Ad quartum respondetur concedendo quod vna & eadem causa non operatur contraria vno & eodem respectu considerata; sed sic considerata diuerso respectu: vt passio D. N. Iesu Christi, quam hoc tempore

maior-

maioris hebdomadae ope diuina nitimur venerari, laetificat, quatenus eam sponte passus est: & nos contristat, quatenus eam infideles inflixerunt, iuxta illud, *Actio displicuit, passio grata fuit.* quod post alios retulit gloriol. cap. 7. de consec. eccl. lib. 6. & multae medicinae profunt vno respectu, & nocent alio. Salua, &c.

SUMMARIUM.

- 2 Subdiaconatum esse ordinem non quidem participatiue, vt putauit Durandus, sed integre, & iure diuino, vt cetera sacramenta, secundum communem, a Christo Domino institutum, verius est, num. 1. & 7. licetq. ei sit annexum votum castitatis, quod est iuris diuini, quod ad sui obseruantiam eodem obligat iure, num. 3. & 5. sitq. solemne, quod matrimonium postea contractum irritet, nec Papa possit ius diuinum tollere, num. 6. & 13. attamen inde non sequitur, quin Papa, qui super omni iure humano dispensat, num. 8. possit secundum communem ex causa carnali, vt ducat uxorem, dispensare. num. 3, cui etiam concordat S. Tho. num. 10. prout de facto saepe dispensauit. num. 12. quandoquidem solemnitas voti, ex qua oritur dictum impedimentum, non iure diuino, sed humano probatur inducta. num. 7. & 11. nec Papa dispensando facit vt manente voto & obligatione voti non teneatur vouens illud obseruare: sed ex causa, vt potest, facit vt hoc non sit materia voti; vt sit etiam, quando relaxantur iuramenta. num. 13.
- 3 Dispositio voti, etiam simplicis, etiam a Papa sine causa facta, ipso iure nulla est, sicut & relaxatio iuramenti. num. 4.
- 9 Dispensare potest ex causa Papa cum professo, vt ducat uxorem, secundum communem Canonistarum, & nonnullorum Theologorum; licet S. Tho. & alij Theologi contrarium senserint. num. 10. & 11.

CONSILIUM XXXVII.

PETO primo, an ordo subdiaconatus sit institutus a Christo Domino, an vero sit iure tantum humano introductus.

Secundo, an summus Pontifex possit dispensare, existente causa iusta, vt subdiaconus ducat uxorem.

- 1 AD PRIOREM QVAESTIONEM respondeo primo, certam & indubitatam esse mihi communem sententiam Catholicorum Ecclesiam S. Rom. venerantem, tam Theologorum, quam Iuris vtriusque peritorum, ordinem subdiaconatus esse iuris diuini, hoc est ab ipso Deo & homine Domino nostro Iesu Christo institutum: ea ratione firma, quod omne sacramentum nouae legis est institutum ab ipsomet Domino Deo nostro Iesu Christo, vt nouissimum Conc. Trid. definiuit sess. 7. can. 1. quod etiam ante illud communis omnium fere Catholicorum affirmavit in 4. lib. sent. dist. 1. quia nemo praeter Deum potest dare virtutem producendi gratiam gratum facientem, cum solus ipse illam creare possit; & de fide Catholica est, quod ordo sit vnum de septem sacramentis conferentibus gratiam.
- 2 Non obstat dicere, id solum esse verum de ordine presbyterij, sed non de ordine subdiaconatus; eo quod aliqui, de quibus etiam videtur esse Durandus,

randus, tenuerunt, diaconatum; & subdiaconatum esse quidem ordines participatiue; sed non integre, vt sacerdotium: quos late refert Domin. Sor. lib. 4. sent. dist. 24. quæst. 1. art. 4. quia illud est contra communem Catholicorum opinionem, à qua (vt ait idem Sorus) temerarium esset in hac materia periculosa discedere: & respondet eius argumentis; & præfatam communem & fere omnium sententiam multis antiquioribus testimonijs confirmat Tho. Vualden. tomo 2. de sacramen. cap. 116.

- 3 Secundo respondeo, quod ex prædicta responsione & conclusione non inferitur, sanctissimum Dominum nostrum Papam non posse dispensare vt subdiaconus ducat vxorem ex iusta causa: quia etiam omnia vota licita, etiam simplicia, sunt iuris diuini; nam ius diuinum obligat vouentes ad implenda ea, iuxta illud Psal. 25. relatum in cap. magnæ. de voto. *Vouete, & reddite Domino*: quorum prius, scilicet *Vouere*, est cōsiliij, posterius vero, *reddere*, vel *implere vota*, est præcepti diuini; adeo quod dispensatio voti sine iusta causa facta est ipso iure nulla, iuxta gloss. ab omnibus receptam in cap. non est. de voto. attamen constat, Papam relaxare posse omne votum simplex ex iusta causa; immo esset error dicere contrarium, cap. 1. cap. non est. cap. magnæ. & per totum titul. de voto. Iuramenta item sunt iuris diuini, & non qualis qualis, sed secundo præcepto Decalogi seruanda; & adeo quidem, quod relaxatio eius sine iusta causa facta est ipso iure nulla, iuxta gloss. ab omnibus receptam in cap. quanto. de iureiuran. attamen quotidie ex iusta causa relaxantur per superiorem; adeo quod error esset dicere id fieri non posse, cap. si Christus. cum ei adnotatis, de iureiuran.

- 5 Tertio, quod non solum non sufficit aliquid esse iuris diuini, ad hoc vt non possit Papa dispensare, sed etiam non sufficit obligationem adimplendi vel non implendi esse iure diuino inductam. Nam vota & iuramenta licita non solum sunt iuris diuini, vel approbata iure diuino, sed etiam obligatio adimplendi ea est inducta & præcepta iure diuino, per prædicta.

- 6 AD POSTERIOREM quæstionem. Pro parte negante facit primo, quia Papa non potest tollere ius diuinum, immo vsque ad animam & sanguinem tueri debet ea quæ in Euangelio & Prophetis continentur, cap. sunt quidam. 25. quæst. 1. at subdiaconatus iure diuino habet annexum castitatis votum; ergo Papa non potest cum subdiacono dispensare vt ducat vxorem.

Secundo, votum contentum in subdiaconatu non solum impedit matrimonium, ita vt peccet mortaliter qui contrahit illud post susceptum subdiaconatum, sed etiam impedit valorem eius, ita quod ipso iure est nullum, cap. 1. qui cler. vel vouen. & vt videtur, non alia ratione, nisi quia est inducta castitas in tali ordine iure diuino, contra quod nihil potest statuere Papa.

- 7 Sed contrarium est tenendum. Primo quidem, quod solemnitas voti castitatis non est inducta iure naturali, nec diuino, sed humano ecclesiastico, vt est textus expressus in d. cap. 1. de voto lib. 6. tum in illis verbis,

Voti

Voti solemnitas ex sola constitutione Ecclesie est inuenta, id est, quamuis omnia vota obligent iure diuino, nullum tamen votum est solenne castitatis, nisi solum illud, quod ecclesiastica constitutione, & iure humano ecclesiastico est tale. Tum quatenus habet matrimonium fuisse institutum ab ipso Deo in Paradiso, & in statu innocentie, significando solemnitatem voti castitatis ab Ecclesia post aduentum Christi fuisse inductam. Tum alijs verbis, quibus expresse dicit, solo voto castitatis solemnizato per religionis professionem, & ordinis sacri assumptione annullari matrimonium, post votum castitatis contractum; non quidem eo solo quod votum castitatis impediat iure diuino contrahere matrimonium; sed quia iure humano est addita ei virtus solemnitatis, per quam id potest facere; & ita ille textus irrefragabiliter probat, quod licet omne votum castitatis perpetuum licitum iure diuino prohibeat contrahere matrimonium, sicut omne aliud votum licitum obligat iure diuino vouentem ad implendum quod vouit; tamen illa vis, quam habet votum castitatis solenne factum per ordinem sacrum, vel sacram professionem, non inest ei iure naturali, neque diuino, sed iure humano ecclesiastico.

- 8 Secundo, quod est conclusio certa, & de fide Catholica, quod Papa potest dispensare circa omne ius humanum, cap. cuncta per mundum. 9. quæst. 3. cap. proposuit. de concess. præb. & tradunt omnes in cap. quæ in ecclesiarum. de const. & sunt multi canones de hac re 25. quæst. 1. & 2. adeo quod iudicaretur hæreticus, qui contrarium teneret. At constat solemnitatem voti castitatis in subdiaconatu tacite contentam esse iure humano inductam; ergo poterit super ea iusta de causa Papa dispensare.

- 9 Tertio, quod gloss. & Innocen. recepti ab omnibus canonum peritis in cap. cum ad monasterium. 6. fin. de statu monach. tenent posse Papam dispensare iusta de causa, ut monachus legitime & sancte professus regulam monachalem ducat uxorem, ut etiam nos post alios tradimus in Manu. confess. cap. 12. nu. 75. licet S. Thom. contrarium teneat in 2. 2. q. 88. art. 11. ut plerique sentiunt; quamuis ibid. Caiet. eum aliquo modo conciliet cum communi, & multo neruosiùs doctissimus Michael Medina Franciscanus in lib. de continen. sacro. Ergo eadem, immo maiori ratione poterit Papa dispensare super voto continentie contento in subdiaconatu.

- 10 Quarto, quod non solum omnes Canonistæ, & etiam omnes qui Canonicam scientiam cum sapientia Theologica coniunxerunt, sed & prædicti magni Theologi, Caiet. quidem ordinis Prædicatorum, & Medina ordinis Seraphici Franciscani, affirmant posse Papam dispensare super voto solenni religionis; immo omnes Theologi, & Canonistæ, & Iuristæ asserunt cum ipsomet S. Thom. in d. art. 11. quod Papa potest dispensare in voto facto solenni per susceptionem sacri ordinis, etiam sacerdotij; ergo à fortiori super voto contento in subdiaconatu.

- 11 Quinto, quod ipsemet S. Tho. ubi supra reddendo rationem quare potest dispensare Papa super voto sacri ordinis susceptione solennizato, & non super voto monachali, ait votum ordini sacro annexum esse annexum ei

acci-

accidentaliter statuto Ecclesiæ, & iure humano: quem quo ad hoc omnes tam Theologi, quam Canonistæ sequuntur. Cum ergo votum subdiaconatus solemnizetur per susceptionem sacri ordinis, palam est S. Tho. & omnes Theologos, & Canonistas affirmare, posse Papam super voto castitatis subdiaconatus dispensare.

12 Sexto, quod frequentissime summi Pontifices dispensauerunt super voto solemnizato per susceptionem subdiaconatus, & diaconatus, in Hispania præsertim, vbi etiam nos cognouimus dispensatos, & in Italia, vt frequenter audiuius: & me supplicante fel. recor. Greg. XIII. dispensauit cum quodam nobili viro ex causis iustis, vt non obstante subdiaconatu posset ducere vxorem, & duxit. Quibus rationibus concluditur non esse dubitandum S. D. N. habere potestatem dispensandi iusta de causa super voto solemnii castitatis in subdiaconatu incluso.

13 Non obstant in contrarium adducta. Non quidem primum: ad quod concedimus primo non posse quidem Papam tollere ius diuinum; sed negamus non posse iusta de causa dispensare, vt quotidie dispensat, in votis & iuramentis, quæ sunt iussa etiam præceptis decalogi, vt omnes tradunt post Innocen. in cap. quæ in ecclesiarum. de const. & in 3. senten. dist. 37. & in responso ad priorem quæstionem latius est dictum. Papa enim non facit, vt manente obligatione & voto iste non teneatur soluere votum, aut iuramentum adimplere, sed facit vt in hoc casu hæc non sit materia voti, quod potest facere: & hoc non est tollere ius diuinum. Secundo respondemus, verum quidem esse, subdiaconatui annexum esse votum castitatis solemne; sed nego quod illa solemnitas sit inducta iure diuino, vt expresse habetur cap. 1. de voto, lib. 6.

Ad secundum respondetur negando, quod ratio, quare votum castitatis solemne impediatur & dirimat matrimonium contractum, sit quod iure diuino prohibeatur, sed quod solemnitas voti castitatis est inducta iure humano, vt est textus expressus in d. cap. 1. de voto, lib. 6. Salua, &c.

S V M M A R I V M.

- 1 Papa (contra sententiam, quæ attribuitur S. Tho.) ex causa dispensat, vt monachus matrimonium contrahere possit. & num. 9.
- 1 Matrimonium statui sacerdotali repugnare videtur. & num. 2.
- 2 Repugnantia vt simul stent, efficere nequit Papa.
- 2 Sacrorum ministerium summam munditiem & attentionem requirit, quas tamen coniugati habere etiam possunt. & num. 13.
- 3 Sacerdotium noui testamenti mundius, quam veteris, ministrandum.
- 4 Papa nequit super lege diuina, sed sic super humana dispensare. num. 6.
- 4 Traditio illa habetur pro lege diuina, quam Apostoli verbo vel facto, vt à Christo, non autem tamquam à seipsis latam promulgauerunt: prima indispensabilis, secunda non. & num. 14.
- 4 Traditio Apostolica sacerdoti matrimonium contrahere vetare videtur.
- 5 Ordinatus sacris, si matrimonium contrahat, est deponendus.
- 6 Deo res semel dicata ad humanos vsus non potest transferri, ex grani tamen causa ab ha-

- ab habente potestatem potest, num. 16. non tamen in illum qui sit contrarius sui natura vsui diuino, in quem fuit dicata. num. 17.
- 6 Lex clericis matrimonium prohibens cum sit humana, est dispensabilis. num. 15.
- 6 Sacerdotibus veteris legis matrimonium contrahere licebat.
- 8 Sacerdotium, & coniugium concurrere in vno homine post Euangelium potuerunt, & nunc possunt, ut est apud Orientales. & num. 10. 12.
- 9 Monachus ex dispensatione Papae potest desinere esse monachus, ita ut ex nullo monachatu possit contrahere matrimonium.
- 9 Papa secundum omnes ex causa dispensare potest cum presbytero, ut uxorem ducat, & etiam cum Episcopo, & Archiepiscopo. num. 18.
- 10 Continentia ordinis sacri non est de essentia, nec tā ei annexa, ut separari nequeat.
- 11 Dispensauit saepius Ecclesia, ut liceret subdiaconibus, diaconibus, ac etiā monacho, qui simul erat & archipresbyter, uxorem ducere.
- 12 Papa ex plenitudine potestatis dispensare potest ex causa cū presbytero, ut matrimonio contracto, ac etiam sacerdotio, diuersis tamen temporibus, utatur.
- 16 Calice, & alio vase consecrato in necessitate ad bibendum uti possumus.
- 16 Sacramentum assumere, ut mediū necessarium ad componendam confirmandamq. pacem vel fidē alicuius magni populi, non est eū assumere in profanos vsus, sed sanctos.
- 17 Papa dispensare potest, ut sacerdos, & monachus citra irregularitatem practiceantur, & causas criminales exterceant.
- 19 Ordinibus sacris consecrati omnes, siue sint subdiaconi, siue quilibet alij superiores, eadem lege ad continentiam obligantur, eademq. specie peccati peccant omnes; nec ordinum diuersitas addit qualitatem necessario confitendam: licet qui in superiori sunt ordine, grauius peccent.
- 20 Continentiae perpetuae bono etsi nihil videatur melius, tamen meliora reperiuntur, maxime si bonum publicum concernant. & num. 21. 22.
- 20 Bona certa sunt incertis meliora; sed hoc, si cetera sint paria. & num. 21.
- 21 Voluntaria Deo inuoluntarijs gratiora, cum cetera sunt paria. & num. 21.
- 21 Dispensandi iusta causa adest, cum votum maius bonum impedit.
- 22 Obedientia voluntas propria, victimis aliena caro mactatur.

CONSILIVM XXXVIII.

QVAERITVR primo, an Papa iusta de causa possit dispensare, ut presbyter rite ordinatus ducat uxorem.

Secundo, an etiā possit facere ut id liceat Episcopo, vel Archiepiscopo.

Tertio, an in casu occurrenti sit iusta causa id faciendi.

AD PRIMAM RESPONDEO, partem eius negatiuam tenere Iodocum Clithoueu de continentia sacerdotum cap. 13. & Ioan. Maior. in 4. lib. sent. dist. 38. q. 3. col. 6. & seq. & Mich. à Medina lib. 5. cap. 7. de sacror. homi. conti. Pro quibus facit primo opinio, quae adscribitur S. Tho. in 2. 2. q. 88. art. 1. nempe, quod nulla ex causa potest Papa dispensare, ut monachus contrahat matrimonium, per c. cum ad monasterium. 9. si. de sta. mon.

Secundo, quod status coniugalis videtur repugnare statui sacerdotij, & sacri ordinis, ut significat Innoc. III. in cap. diuersis fallacijs. de cleri. coniug. dum consultus de quibusdam clericis coniugatis volentibus beneficia ecclesiastica retinere, sic ait: In horum conuersatione ciuitas

psalterio male concordat. Cum ergo vir cogitet quomodo placere possit uxori, & ideo minus quæ Dei sunt valeat cogitare, cum quasi diuisus in duo plenam sui non habeat potestatem, ut ei, à quo stipendium recipit, plenius famuletur. At Papa non potest efficere, ut repugnantia & contraria simul se compatiantur, l. ubi repugnantia. ff. de reg. iur. cap. sollicitudinem. de appell.

- 2 Tertio, quod ministerium sacrorum ordinum summam requirit munditiam, iuxta illud Leuit. cap. 19. & 20. *Sancti estote, quia ego sanctus sum.* per quod Innoc. rescribendo sancto Exuperio ait, cap. proposuisti. 82. dist. *Seruiantes sacris oblationibus puros & ab omni labe purgatos sibi vindicare diuina ministeria; neque eos ad sacra officia fas sit admitti, qui exercent etiam cum uxore carnale consortium: quia scriptum est, Sancti estote, &c.*

Quarto, quod sacrum mysterium non solum munditiam summam, sed etiam summam in ministrando animi attentionem requirit, ut prædictus Innoc. ubi supra, & Cyprianus cap. quando. de consec. dist. 1. significant. At scitum est illud (quod non latuit gloss. prædict. cap. diuersis.) *Pluribus intectus minor est ad singula sensus.* & illud, *Qui binos lepores vna sectabitur hora, Vno quandoque, quandoque carebit utroque.* iuxta l. nemo. C. de assesso.

- 3 Quinto vrget argumentum prædicti Innoc. tactum in d. cap. proposuisti. & dilatatum per Greg. cap. ante triennium. 31. dist. quod sacerdotium noui testamenti mundius, reuerentius, & attentius debet administrari, quam ministerium veteris testamenti: & quod etiam in veteri testamento sacerdotes, quo tempore ministrabant, à coniugibus abstinebant. Cum ergo sacerdotium noui testamenti sit iugiter administrandum, sacerdos eius iugiter debet à coniugio abstinere.

- 4 Sexto, quod Papa non potest dispensare in lege diuina, cap. sunt quidam. 25. q. 1. at lex ne sacerdos contrahat matrimonium videtur esse diuina D. N. Iesu Christi, licet non sit scripta in Euangelijs, sed tradita ab Apostolis; qualis traditio pro lege habetur diuina, ut videtur asserere August. cap. ecclesiasticarum. 11. dist. & probatur, quia multa fecit Iesus, quæ non sunt scripta, Ioan. ult. quæ Apostoli promulgarunt verbo, & facto, non ut legislatores, sed ut legis à Christo lata promulgatores, ut omnes fatentur: & consuetudo ac traditio ecclesiastica videtur habere, quod numquam licuit cuiquam sacerdoti coniugium contrahere, & eo, ac sacerdotio simul uti. Igitur non poterit circa eam dispensare Papa.

- 5 Septimo, quod omnis ordine sacro initiatus est inhabilis ad contrahendum matrimonium: adeo quod ob tale contractum deponi potest, cap. ante triennium. cum multis seqq. 31. dist.

Octauo, quod tenere contrariam partem videtur esse in fauorem hæreticorum execrantium legem inhibentem matrimonium sacris initiatis, & Catholicorum male & importune petentium; ut præfata lex abrogetur: cum qua ratione dici potest posse Papam dispensare circa eam: eadē concludi possit posse illum eam abrogare, & per abrogationem eius innumeris fornicationibus & adulterijs obuiare.

- 6 Nono, quod id quod semel dicatum Deo est, non potest in vsus humanos transferri, cap. quod semel. cū suis concord. de reg. iur. lib. 6. neque cōsecra-

tum

tum potest, dum durat, desinere esse consecratum, cap. comperimus. 14. q. 6.

His tamen non obstantibus, quæ vere non obstant, contrarium est tenendum. Primo quidem, quod Papa potest dispensare circa omnem legem humanitus in scriptis, vel sine illis latam, aut inductam, cap. cuncta per mundum. 9. q. 3. cap. proposuit. de concess. præben. At omnis lex, quæ prohibet, ne sacerdos contrahat matrimonium, est humanitus in scriptis data, vel consuetudine Ecclesiastica inducta: ergo circa eam potest Papa dispensare eximendo illum, aut illum ab eius obligatione iusta de causa.

- 7 Secundo, quod in veteri testamento licebat sacerdotibus ducere uxores, ut palam est ex mille locis testamenti veteris, & Luc. cap. 1. & d. cap. proposuit. ex cap. licet Heli. de simon. & Christus non inuenitur statuisse contrarium; immo ipsemet elegit in Apostolos aliquos viros coniugatos, secundum omnes.

Tertio, quod nec vlla lege naturali est id prohibitum. Tum quod ante omnem legem diuinam supernaturaliter in veteri testamento datam coniugati erant sacerdotes, ut probatur cap. quam periculosum. 7. q. 1. adiuncta glo. quæ habet, quod primogeniti (non distinguendo inter non coniugatos, siue coniugatos, qualis erat Esau, cum vendidit primogenita sua Iacob, Genes. 25.) offerebant sacrificia: & successiue probat quod sacerdotes erant coniugati. Tum quia ius naturale definitur esse, quod est per se notum, aut ex eo in bonam consequentiam infertur, cap. ius naturale. 1. dist. & traditur communiter in 3. lib. sententiarum dist. 37. & à S. Thom. 1. 2. q. 94. art. 1. At non est per se notum, neque deducitur ex per se notis in bonam consequentiam, quod sacerdos non possit esse coniugatus: ergo non est dicendum id iure naturæ esse prohibitum.

- 8 Quarto, quod ex sacra Euangelij historia habetur, posse coniugium, & sacerdotium in eodem homine concurrere, ut cõcurrit in B. Petro omnium Apostolorum Principe, de cuius socru fit mentio Mar. 1. & Lucæ 4. & in Ecclesia Orientali etiam hodie concurrunt, & quidem iuste secundum omnes in eis, qui primo contraxerunt matrimonium, & postea efficiuntur sacerdotes: quod colligitur ex epistola Pauli 2. ad Timoth. 3. & ad Titum 1. & tradunt communiter omnes in 4. sent. dist. 38. & probant multa capp. quæ adducit Gratian. in dist. 27. 28. & 31. & 32.

- 9 Quinto, quod communis opinio, in qua sunt Ricard. Palud. Io. Maior in lib. 4. sent. dist. 38. & gloss. Innoc. Host. Io. And. Panor. & communiter omnes cap. cum ad monasterium. 6. fin. de stat. mona. immo & Caiet. alioquin defensor acerrimus S. Tho. in opuscul. suis tomo 1. tracta. 27. tenet, Papam posse dispensare cum monacho iusta de causa, ut contrahat matrimonium. Quin & Sotus in lib. 7. de iust. & iur. art. 3. etiam si defendat S. Tho. qui videtur dicere contrarium, tenet tamen communem ad hunc sensum, quod potest facere Papa ut monachus desinat esse monachus, & exuto monachatu contrahat matrimonium. At omnes reputant difficilius defendere quod Papa possit dispensare cum monacho, quam cum ordine sacro insignito: ergo à fortiori poterit dispensare cum eo.

Sexto, quod etiam S. Tho. qui communiter dicitur tenere in 2. 2. q. 83. art. 11.

art. 11. quod non potest Papa dispensare in voto solemnī castitatis, expresse affirmat ibidem Papam posse dispensare cum presbytero iusta de causa, ut contrahat matrimonium: quod ipsum affirmat Caiet. & Sot. ubi supra, addentes, quod dispensatio suæ Sanct. valeret, etiam si absque iusta causa id faceret, si esset iniusta.

10. Septimo, quod continentia non est de substantia & essentia sacri ordinis, nec suapte natura illi adeo annexa est, quod separari nequeat. Tum quod nullo iure id cauetur. Tum quod per sacras litteras constat esse inuenta, & adhuc inueniri separata aliquando iuste, aliquando iniuste. Iuste quidem in Petro, & alijs, qui simul fuerunt sacrati, & coniugati, & in Orientali Ecclesia omnes, qui post coniugiū contractum ordine sacro initiantur, ut prædictum est. Iniuste vero omnes coniugati, qui in Ecclesia Latina, post coniugium legitime contractum, sine vlla dispensatione, & sine legitimo vxorum consensu sacris initiantur; hi enim verum ordinem, & eius characterem indelebilem suscipiunt, & fiunt sacrati, c. quod quidam. 1. quæst. 1. & nihilominus sunt veri mariti suarum vxorum: ergo non sunt inseparabiliter coniuncta, & consequenter legitima potestate possunt separari. Per quam rationem S. Thom. posuit inter monachatum & presbyterium præfatam differentiam, nempe quod possit dispensare cum presbytero, non autem cum monacho.

11. Octauo, quod sacrosan. Sed. Apost. frequenter dispensauit cum subdiaconibus, & aliquando cum diaconibus, ut contraherent matrimonium, ut multi testantur, præsertim præfatus à Medina, qui in d. lib. 5. cap. 100. ait, se vidisse multas subdiaconorum dispensationes, & non paucas diaconorum. Ramicus delato sibi regio Aragoniz, item Ramianus, qui monachus & archipresbyter erat, matrimonium ex dispensatione S. Sed. Apost. contraxit, ut testantur Palud. Caiet. & alij graues historici, quos noue citauit prædictus à Medina d. lib. 5. cap. 28. & late confutat id negantes in d. lib. cap. 31. & videtur quod Papa id fecit tamquam Vicarius Christi, assistente sibi diuina prouidentia, & habito grauissimorum viro- rum consilio, quod grauissima res exigebat; & ita pie credi potest non potuisse errare, iuxta doctrinam S. Tho. in quolibet. 9. art. 16. communiter receptam. Cum ergo nullo iure diuino naturaliter indito, neque supernaturaliter tradito vetentur sacerdotibus matrimonia: cumque continentia, & sacerdotium non sint inseparabiliter annexa, immo ipsiusmet D. N. Iesu Christi electione sacerdotia & coniugia in eisdem hominibus simul concurrant: cumque sacros. Sed. Apost. non solum cum sacris ordinibus initiatis, sed etiam cum monachis dispensauerit frequenter: cum denique S. Tho. & alij, qui mordicus tenent non posse Papam dispensare cum monacho, ut matrimonium contrahat, ingenue & expresse affirmant posse dispensare cum presbytero iusta de causa, ut id ei liceat: intrepide tenendum est posse Papam de plenitudine suæ potestatis dispensare cum quolibet sacro ordine initiato, tam presbytero, quam subdiacono, & diacono, iusta de causa, ut id ei liceat.

12. Ad ea, quæ in oppositum adducta sunt, respondetur, concedendo præ-
 Nauar. Conf. Pars I. O o o fatos

atos Ioan, Clithouem, & Ioannem Maiorem, & aliquos alios id tenuisse, quos Michael à Medina videtur sequutus in præd. lib. 5. cap. 7. sed hunc eod. lib. cap. 100. declarasse suam sententiam intelligendam esse in hoc sensu, quod non potest Papa dispensare cum presbytero, ut ita contrahat matrimonium, quod simul utatur eius, & sacrorum ordinum exercitio; non autem quod non possit dispensare, ut relicto sacrorum ordinum exercitio possit uti coniugio, & actibus coniugalibus. Quæ declaratio honestissima quidem restrictio est, & digna, quæ in casu præsentis suscipiatur, & seruetur. Quamquam profecto rationes pro nostra parte adductæ probant, quod stricto iure Papa de plenitudine potestatis, si iusta causa occurreret, posset dispensare, ut etiam aliqua temporis parte vteretur exercitio sacerdotis, non utendo eodem tempore exercitio coniugij more antiquo sacerdotum veteris Testamenti, & nouo sacerdotum Orientalis Ecclesiæ. Quamuis arbitrer vix posse occurrere vllam iustam causam, quæ ad tam amplam relaxationem faciendam sufficeret: vix enim potest occurrere casus, in quo non sufficiat dispensatio ad contrahendum coniugium, & utendum eo, abstinendo à sacrorum ordinum exercitio.

Ad primum ergo argumentum oppositorum respondetur, negando assumptum in eo, nempe quod Papa non possit dispensare cum monacho iusta de causa, ut matrimonium contrahat, per adducta in argumento quinto pro nostra parte formato.

- 13 Ad secundum autem respondetur, concedendo quidem honestum & decorum esse, ut ministri sacrorum à coniugijs abstineant: & ideo latam esse legem, qua sacris initiati fiunt inhabiles ad coniugia, cap. ante triennium. 3. 1. dist. & clem. 1. de consang. & affin. Negando tamen, quod suapte natura ita sibi repugnent sacerdotium, & coniugium, ut nulla potentia in eodem concurrere possint, per adducta in primis quatuor argumentis, & in 7. pro nostra parte formatis.

Ad tertium, quartum, & quintum, respondetur primo, concedendo quidem ministerium sacrorum magnam munditiam & attentionem requirere; negando tamen quod sufficientem non possint habere, separando se ad tempus ab exercitio coniugali, ut est credendum habuisse se Aaronem, Samuellem, Zachariam, & alios similes. Secundo respondeo, quod in proposito casu non querimus dispensationem, qua liceat viro sacro contrahere matrimonium, ita quod possit uti eo simul & ordinum exercitio, sed ut relicto alijs sacerdotibus sacerdotali ministerio ipse ob magnam necessitatem occurrentem coniugio contrahendo utatur. cui rei nihil obstant illa duo argumenta.

- 14 Ad sextum respondeo, quod duplicis generis sunt traditiones Apostoli. ut colligitur ex S. Thom. recep. quolib. 4. art. 13. præsertim in responsione ad primum. Aliæ quidem, quas ipsemet Christus tradidit, quales sunt traditiones sacramentorum, & fidei Catholicæ, quarum non fuerunt latrores, sed promulgatores Apostoli. Aliæ vero, quas ipsi sua potestate tamquam prælati Ecclesiæ tradiderunt; qualis est de non comedendo suffocatum lata in suo Concilio omnium primo Actuum c. 15. qualis item est de non ordinando bigamo, 1. ad Timo. 3. ad Tit. 1. & 26. dist. per totam, & priores quidem esse

esse diuinas leges, & indispensabiles, posteriores autem humanas, & dispensabiles, vt ibidem ait S. Tho. recep. & quod lex ne viri sacriati ducant uxores non est traditio prioris ordinis, seu speciei, sed posterioris: & ita potest circa eam dispensare Papa, qui eandem potestatem habet, quam ipsi Apostoli à Christo susceperunt, c. in nouo. 21. dist. c. 1. de homic. lib. 6.

- 15 Ad septimum concedimus omnem virum ordine sacro insignitum esse inhabilem ad matrimonium contrahendum iure humano Apostolico: negamus tamen esse inhabilem iure naturali, vel diuino supernaturaliter dato, vt supra probatum est: & consequenter potest Papa circa illud dispensare, cum sit supra omne ius humanum, l. princeps. de legib. cap. cuncta per mundum. 9. q. 3.

Ad octauum negamus vllum ex hoc fauorem præstari hæreticis, neque Catholicis improbe petentibus relaxationem legis de continentia viris sacris imposita: non enim ex eo, quod Princeps possit abrogare aliquam legem, & illum aut illum eximere ab ea, consequitur conuenire reipubl. vt eam abroget: & ita licet ex nostra conclusione inferatur, posse Papam de plenitudine potestatis præfatam legem abrogare, vt humanitas latam, non tamen ex eo infertur conuenire reipub. vt ea tollatur, cum plurimis rationibus conuincatur illam legem esse conuenientem, decoram, & valde utilem reipubl. Christianæ, & statui clericali, & Deo deuoto; quarum multas colligunt præfatus Sot. & Medin. vbi supra.

- 16 Ad nonum respondet Caiet. in d. tract. 27. tomo 3. & præfatus à Medina præfatos lib. 3. cap. 49. ex quorum & aliorum mente, præsertim Ioa. And. in Mercuria. præfa. regul. semel Deo. & in d. cap. cum ad monasterium. de sta. monach. respondetur primo, quod illa regula, semel, procedit in translatione rei Deo dicatæ, ad humanos vsus, facta sine causa, & per non habentem ad id potestatem: non autem de translatione facta iusta de causa per habentem potestatem, qualis est Papa; qui licet mea sententia non possit de plenitudine sue potestatis passim & quomodolibet transferre ad humanos vsus, neque per quamecumque auctoritatem, & propter quamlibet causam; negandum tamen quod non possit aliquo casu transferre per auctoritatem Vicarij summi administratoris omnium Dei aliquid Deo dicatarum, occurrente grandi necessitate illius casus: vt sacerdos Achimelech panes propositionis Deo sanctificatos tradidit David, & pueris eius laicis ob necessitatem famis, qua premebantur. 1. Reg. cap. 21. per quod & illud Osee 6. *Misericordiam volo, non sacrificium*, probauit Dominus Matth. 12. & Luc. 6. licere sabbato discipulis suis esurientibus vellere spicas, &c. & consequenter tempus sabbatorum Deo dicatarum & sanctificationum posse propter necessitatem & charitatem in vsu hominū impendi: vnde D. Ambr. c. aurū. 12. q. 2. definit, vasa aurea & argentea Deo sacra posse in redemptionem captiuorum, & in sustentationem pauperum impendi, non solū fracta, vel alio modo profanata, sed etiam durante sanctificatione; per illa verba: *Quod si desunt noua, & quo nequaquam initiata, id est, sacra videantur, & in huiusmodi, quos supra diximus, vsus omnia arbitror pie posse conuerri.* Vnde necessitate instante, vt recte Caiet. ait, liceret

- in calice, vel alio sacrato vase bibere. Secundo responderi potest, quod assumere rem sacratam in vsum & medium necessarium ad componendā vel conservandam alicuius magni populi Christiani pacem, vel fidem Catholicam, & charitatem, & gratiam Dei, qua in æternam gloriam pervenitur, nō est rem sacratam assumere in vsum profanos, sed pios, & sanctos: pro valde enim sacra & pia re commendavit D. N. suis Discipulis pacem & charitatem, per illud, *Pacem meam do vobis, pacem meam relinquo vobis.* & illud, *Hoc est preceptum meum ut diligatis invicem, sicut dilexi vos.* & alia plurima, quibus apte respondet illud Conc. Viennensis in princip.
- 17 clem. dudum. de sepul. *Nisi tempore pacis non colitur pacis auctor.* Tertio, quod licet Deo dicata non possent transferri ad vsum humanos, qui suapte natura, & iure naturæ essent contrarij vsui diuino, ad quem sunt dicata; possent tamen transferri ad vsum humanos, qui solum iure humano sunt illis contrarij. Potest enim Papa facere facultatem, ut presbyteri & monachi arma capiant in infideles, & alios iniuste bellantes, ob magnam necessitatem, licet iure humano sint eis vetita, c. clerici. cum ei concord. de vita & honest. cleri. & quod iudicarent in causis criminalibus sine vlllo metu irregularitatis; licet iure humano id eis vetetur, cap. sententiam sanguinis. ne cleri. vel monachi. & ita licet iure humano sit vetitum conjugium ordine sacro insignito; quia tamen non est suapte natura & iure naturali ei contrarium, potest per auctorem eiusdem iuris humani ob iustam causam ad id habilis fieri.
- 18 AD SECUNDAM QVAESTIONEM respondeo breuiter, quod sicut Papa iusta de causa potest facere facultatem ducendi uxorem presbytero, ita potest facere etiam Episcopo, Archiepiscopo, & cuiuslibet superiori. Tum quia eadem lege continentia obligantur presbyter, diaconus, & subdiaconus, qua Episcopus, & Archiepiscopus, & alij superiores. c. lex. 3 l. dist. cuius verba sunt hæc, *Lex continentia eadem est altaris ministris, qua Episcopis, aut presbyteris.* Ad idem facit c. Episcopus, & cap. omnino. eadem dist. & ita vna & eadem lege, siue vno & eodem voto solemniter netur quis, & eadem obligatione ad continentiam, suscepto solo subdiaconatu, quo tenetur postea suscepto diaconatu, presbyteratu, & episcopatu: & adeo quidem, quod licet magis peccet fornicando, qui est omnibus sacris ordinibus insignitus, quam qui solum subdiaconatu, eadem tamen specie peccati peccat, & non interuenit circumstantia, quæ mutat speciem peccati, necessario confitenda: sicut nec religiosus, qui est prælatus alicuius ordinis, fornicando peccat alia specie peccati, quam si esset religiosus simplex professus, cum vno & eodem voto solemniter castitatis omnes obligentur, per ea quæ post alios dicimus in Manu. confess. cap. 7.
- 19 Tum quia in assumptione subdiaconatus omnes incipiunt obligari ad continentiam, & fieri inhabiles ad coniugium siue voto expresso, siue tacito, siue inuiolabili statuto Ecclesiæ, c. a multis. de ætat. & qualitat. & d. c. ante triennium. & alijs similibus 3 l. dist. Tum quia episcopatus non est ordo, secundum communem Theologorum sententiam in 4. dist. 24. esto quod opinio Canonistarum contraria magis consona videtur iuri

com-

communi, & Concilio Trid. per ea quæ diximus in *Manu. confessorum* cap. 22. num. 18. & ita certius est Episcopum obligari ad continentiam ratione ordinum subdiaconatus, diaconatus, & presbyteratus, qui secundum omnes & ipsam fidem Catholicam sunt veri ordines, quam ratione Episcopatus, qui non est verus ordo secundum communem Theologorum.

30 AD TERTIAM QVAESTIONEM respondetur, quod pro parte negante, nempe, quod non occurrat iusta causa dispensandi in casu præsentis, facit primo illud Ecclesiastici 26. *Non est æqua ponderatio continentis animi*, quod secundum aliquos sonat nullum esse bonum melius continentia perpetua.

Secundo, quod bona certa meliora sunt incertis, cap. si quis autem. de pœnit. dist. 7. & præsentia futuris, iuxta illud Claudiani citatum à glossa l. c. ij. ff. de transaction. *Omne futurum despicitur, suadentq. viris præsentia fructum*. At in proposito casu bona, ob quæ petitur hæc dispensatio, sunt, quod nisi certus successor præsentis Regis declaretur, multis rationibus timeatur maximus tumultus vnius magni Regni, magnæq. seditiones inter magnates eiusdem Regni prætendentes illud sibi competere, maxima item bella inter ipsum Regnum, & eius regnicolas ab vna parte, & quosdam alios Reges, & principes externos, qui iure cognationis, vel alio illud sibi obuenire videntur putaturi; & quies futura & prouentura ex matrimonio per dispensationem contrahendo: at ea ob quæ Innoc. & omnes alij in dicto cap. cum ad monasterium. & Ioan. And. in præfatione Mercurialis. & D. Thom. 2. 2. quæst. 88. art. 14. & reliqui omnes tenent Papam posse dispensare cum presbytero, debent esse certa: hæc autem sunt incerta & futura; ergo non sunt æque bona, ac bonum continentia præsens, & certum, quod amittitur, & consequenter nec iusta causa dispensandi super

21 illo. Tertio facit, quod cum voluntaria gratiora sint Deo, quam inuoluntaria, cap. merito. 15. quæst. 1. & coniugium sit futurum inuoluntarium huic, pro quo petitur dispensatio, qui est persona præcellenti virtute continentia prædita; cuique illius, quam in ætatem senectuti proximam inuiolabiliter observauit, violatio sit futura molestissima; sequitur vt futurum inuoluntarium matrimonium non sit adeo gratum Deo futurum, ac continentia præsentis observatio, & consequenter vt non sit locus dispensationi faciendæ.

His tamen non obstantibus tenenda est pars affirmatiua. Primo quid præsupposita illa vera sententia S. Thom. communiter recepti (quicquid Altisiodoren. & aliquot alij Theologi relati à Caiet. & Medina tenuerint, contra quos est casus in c. 1. & c. non est. de voto) nempe quod votum ex iusta causa relaxari potest; dicendum est autem iustam causam dispensandi adesse, cum votum est maioris boni impedimentum, siue impeditum, vt docet S. Thom. communiter receptus in d. quæst. 88. art. 10. in corpore quæst. At in casu proposito votum continentia est impedimentum maioris boni, nempe certi successoris in Regno. ergo, &c. Secundo, quia omne votum conuerti potest in melius, c. scriptura. c. ubi ibi notatis, de voto.

suæ Reip. Christianæ, quæ est omnium proximorum maxime proxima, præcellentem sibi gratiam apud homines, & præcellentissimum meritum merebitur apud Deum, qui Regiam eius maiestatem quam diutissime seruet, & eidem abituro in gloriam Seraphicam prouideat filium successoris sui patris in regnando consimillimum. Quæ tumultuario quasi studio scripta cuiuscumque melius sentientis censura subiicimus.

SUMMARIUM.

1 Subdiaconus, qui publice ordinem suscepit, ut ducat uxorem, non est concedendum ex ea solum causa, quod ordinem, cum esset diues, dolo consanguineorum putans se pauperem, inductus suscepit.

CONSILIVM XXXIX.

AD ADOLESCENS circiter viginti annorum in Hispania natus, & Romam delatus, initiatus ordine subdiaconatus, illectus importunis precibus parentum, & aliorum cognatorum, & dolo circumuersionibus eorumdem, & aliorum, occultatione dolo adhibita donationis, & institutionis ultimæ voluntatis, quibus reliquit ei longissime absenti auus eius per diues magna bona temporalia, quæ suffecissent ei ad viuendum nobiliter Romæ in statu coniugali, quod si nouisset, numquam fuisset ordine præfatus insignitus: quas proces, dolos, & fraudes parentes eius & cognati adhibuerunt, & adhiberi fecerunt, ne ipse ab eis vendicaret vel repeteret bona sibi donata, & relicta. Quæstio inquam resultans est, an præfatus N. volenti ducere uxorem debeat dispensatio de iustitia, temperata gratia quadam, & æquitate.

2 Respondeo primo, præfatum D. consulentem non posse de pura iustitia retrocedere nec in foro conscientie, nec in foro exteriori. Secundo, adesse quidem etiam notabilem causam dispensandi, non tamen tantam, quanta meo iudicio requiritur ut dispensatio sit omnino iusta, cum ordinatio præfata sit manifesta; nisi aliquid aliud, quod iustitiam illius compleat, accedat. Salua, &c.

SUMMARIUM.

- 1 Votum transeundi ad arctiorem obligat, & prælatus illud irritare nequit. & 2.
- 2 Regularis subest prælato quo ad contenta in regula, & opportuna ad eam seruandam. & num. 4.
- 3 Prælatus regularis dispensare, & commutare valet votum transeundi ad arctiorem suo subdito.
- 3 Reseruatio commutationis & dispensationis votorum Papa est lex exorbitans, & ita non extendenda.

QVAERITVR ex facto, primo, an votum religiosi de ascendendo ad arctiorem religionem factum sine auctoritate superioris obliget eum.

Secundo, an superior possit illud irritare.

Tertio, an possit dispensare iuxta illud.

Quarto, an possit commutare illud.

1. **AD PRIMAM QVAESTIONEM** respondetur affirmative, quod obligat votum: quia quo ad hoc non subijcitur religiosus superiori, ut colligitur ex utroque Thom. in 2.2. quaest. 88. art. 8. & in specie determinant Caiet. ibidem col. ult. in vers. ex quibus omnibus, & Sotus lib. 7. de iust. & iure quaest. 3. art. 1. col. 3. & quidem satis utiliter, ac nonne; quoniam monachus nullam videtur habere propriam voluntatem, sed a voluntate superioris pendet, cap. non dicatis. 12. q. 1. in cussu commentario latius diximus, & cap. quorundam. & cap. religiosus. de elect. lib. 6. adeo
2. quod subijciatur superiori, & hoc quo ad omnia contenta in regula, & etiam quo ad non contenta; si quæ tamen sunt, vel esse possunt opportuna regulæ seruandæ. exitus tamen & transitus ad aliam religionem non est de contentis in regula, nec de opportunis ad eam seruandam; immo potius de contrariis, iuxta cap. licet. & ei adnotata de regular. per quod limitatur illud Basilij relatum in cap. monacho. 20. quaest. 4. *Monacho non licet vota vouere sine consensu Abbatis sui; Et, si vouerit, frangendum est: ne procedat in his quæ ad exitum monasterij pertinent.*

AD SECVNDAM questionem, quod eadem ratione, qua votum illud obligat sine superioris consensu, colligitur quod non potest illud irritare. Tum quod illud non subijcitur ei, & potestas irritandi votum nascitur ex subiectione, per præfatum cap. monacho. & late adducta per utrumque Tho. ubi supra communiter receptos.

3. **AD TERTIAM** respondetur affirmative; scilicet posse prælatum, cui subijcitur præfatus religiosus, dispensare super præfato voto: quia non est votum religionis, sed de transitu ab una ad aliam religionem: & longe aliud, & minus est, quam votum de intranda noua religione, ut palam est, & ideo reseruatio, qua votum religionis reseruatur Papæ, quæ est exorbitans à communi regula iuris (quæ concedit Episcopis dispensationem, & commutationem votorum) non est extendenda ad hoc, quod est minus, cum à separatis non fiat illatio, l. Papinianus. ff. de minorib. nec iura exorbitantia sint extendenda ad alium casum, cap. ea quæ. & cap. dda. de reg. iur. lib. 6. quæ potuit esse radicalis ratio, cur Caiet. ubi supra, & Sotus, etiã ubi supra q. 4. art. 3. col. 4. idem determinarent.

EX QVO infertur responsio affirmatiua ad quartam questionem, scilicet quod eadem ratione, immo & maiore, potest commutare, cum longe magis sit dispensare; & cui licet quod est plus, licet utique quod est minus, cap. cui licet. de reg. iur. lib. 6. Salua, &c.

S V M M A R I V M.

1. Religionis voti commutatio Papa quidem reservata est: at ut loco vnius vote alteram etiam laxiorem ingrediatur, sicut & votum transseundi ad arctiorem, etiam inferior Papa commutat & dispensat.
2. Religionis intranda votum, ut non intret, solus dispensat Papa: at ut alteram etiā laxiorem ingrediatur, vel ad strictiorem votam non transeat vouens, inferior Papa dispensat, seu commutat.

C O N S I L I V M XL.

AN CVM vouente intrare certam religionem possit dispensare, alius, quam Papa, ut liceat ei intrare æqualem, vel laxiorem.

1. Ad quod respondeo, quæstionem videri novam, sed resolvendam affirmative. Tum quia aliud est dispensare, ne qui vouet religionem in genere, vel in specie, teneatur ad intrandam vnam, quod reservatur Papæ; aliud, quod vouens vnam religionem intret aliam, quod nullibi reservatur Papæ: sicut aliud est dispensare super voto religionis, quod est reservatum Papæ, aliud dispensare super voto de transseundo ad religionem strictiorem, quod non reservatur illi, secundum Caiet. in 2.2. quæst. 88. art 8. quem nos sequuti sumus in comm. 4. de reg. in cap. statuimus. 19. quæst. 3. num. 10. & sequ. Tum quia votum de intranda certa religione videtur duo vota continere; alterum de intranda religione; cuius dispensatio soli Papæ reservatur; alterum de intranda hac religione, cuius dispensatio nullibi videtur Papæ reservata: sicut professio certæ religionis videtur continere duo; alterum, quod per eam fit religiosus, super quo solus Papa dispensat; alterum, quod fit religiosus illius ordinis, super quo dispensant etiam alij prælati, ut possit transire ad strictiorem, vel æqualem. Salua, &c.

S V M M A R I V M.

1. Votum de non tangendo mulierem libidinosè non est castitatis, sicut nec votum non nubendi, nec sunt reservata Papæ, sed Episcopus dispensat super illis.

C O N S I L I V M XLII.

AN VOTVM de non tangendo mulierem libidinosè sit votum castitatis?

1. Videtur quod non. Tum quod votum de non nubendo, vel de non ducendo uxorem non est votum castitatis, ut dixi in Man. cap. 12. num. 43. Tum quod votum castitatis longe plura includit, quam hoc votum;

cuius

cum includat omnia quæ sexto præcepto Decalogi prohibentur, quæ sunt longe plura, iuxta ea quæ in declaratione illius diximus in d. Man. cap. 16. à nu. 12. immo & matrimonium & copulam eius, cap. vouentibus. 12. q. 1. quibus est consequens, huius voti dispensationem non esse reservatâ: ideo licere eam Episcopo, per ea quæ diximus in dicto num. 12. Salua, &c.

SUMMARIUM.

- 1 *Vouens ordines sacros accipere licet sit ignarus, nec habeat titulum, ad quod ordinetur, non tamen potest coniugium contrahere: nisi sit factus incapax doctrinæ, vel nisi postquam arbitrio boni viri iudicabitur ei impossibile esse, ut acquirat titulum.*

CONSILIUM XLIII.

BVRLEVS vouit suscipere ordines sacros, & non habet beneficiû, neque patrimonium, ad cuius titulum ordinetur, neque scientiam sufficientem. Quæritur an possit ducere uxorem, sicut qui vouit monachatum, & non inuenit recipientem.

- 1 *Respondeo, credo quod non, nisi iam sit factus doctrinæ ad id sufficientis incapax, aut prudentis arbitrio videatur impossibilis moraliter acquisitio beneficii vel patrimonij.*

SUMMARIUM.

- 1 *Votum ingrediendæ religionis non annullat collationem beneficii postea factam, sicut nec matrimonium postea contractum.*

CONSILIUM XLIIII.

COLLATIO beneficii facta ei qui vouit religionis ingressum, an valeat, antequam eam profiteatur?

- 1 *Respondeo quod sic. Tum quia nullo iure cauetur contrarium. Tû quia valet argumentum à matrimonio carnali ad spirituale regulariter, iuxta gloss. memor. in cap. bonæ. il. 1. verbo metuebant. de elect. & matrimonium post votum religionis contractum valet, cap. nos nouimus. 17. q. 2. quod mihi est indubitatum. Salua, &c.*

DE STATU MONACH. ET CANONIC. REGVL.

SUMMARIUM.

- 1 *Monachatus non est nec dignitas, nec officium honorificum: unde nec infamis, nec irregularis, nec excommunicatus sunt illius incapaces.*
 2 *Abbas monachorum laicorum si non sit clericus, honore inferior est omni clerico etiam minorum ordinum.*

CON-

CONSILIVM I.

AN EXCOMMVNICATVS, infamis, irregularis, coniugatus, vel alij ad beneficia ecclesiastica inhabiles, sint habiles ad monachatu?

- 1 Respondetur quod sic: quia secundum Fed. in cons. 5. num. 5. monachus non est honor, non dignitas, non officiū honorificum: quo fit quod etiam Abbates monachorum, qui non sunt clerici, sed tantum laici, ut olim esse solebant, & aliquot fuerūt in Lusitania in monte & deserto, quod Ossam appellant, est inferior honore quolibet clerico, & in minoribus cōstituto, cap. d. subdiacono. 95. dist.

SVMMARIVM.

- 1 Abbatissa nisi intra annum post confirmationem benedicatur, perdit abbatiam, & hoc quo ad illa monasteria, in quibus benedicti solent, nu. 2. semel autem benedicta iterum non benedicitur, nu. 2. etiam si transferatur ad aliud monasterium, num. 4. nisi probetur Curiam seruare contrarium. num. 3. triennis autem non videtur benedicenda. num. 2. & 3.
- 5 Corrupta virginum consecratione consecrari non potest: sed quo ad occulte tales, loco illius dictionis, Virginitatis, potest assumi dictio, Castitatis; vel & melius, ne delictum manifestetur, potest Episcopus uti verbo Virginitatis, accipiendo illā in mente sua pro verbo Castitatis. num. 6. benediceturq. hac non ut mera virgo, sed quasi virgo. nu. 7. palam autem corrupta si volent benedici, poterunt mutato nomine Virginitatis in Castitatis nomen: quod si recusent, cum non sint adhuc professa, poterunt de monasterio libere dimitti. num. 7.

CONSILIVM II.

AN ABBATISSA triennis possit, vel debeat benedici?

Secundo, an monialis, de qua iudicialiter constat esse corruptam, nec ipsa id negat, immo fatetur, possit consecrari?

- 1 Respondeo, quod pro parte affirmante facit primo cap. indemnitati- bus. 9. verum. de elect. lib. 6. quatenus habet, Abbatissam electam & confir- matam perdere abbatiam, si intra annum non benedicatur, & clem. atten- dentes. 9. statuimus. de statu monach. quatenus idem statuit.

Secundo, quod gloss. & omnes fere doctores quaerunt, an benedictio Abbatissae sit iterabilis: quae quaestio videtur superflua esse, nisi Abbatissa pos- set iterato eligi; & non videtur posse iterato eligi, nisi esset temporalis.

- 2 Pro parte vero negante facit primo, quod Abbatissa monasterij, in quo non est solita benedici Abbatissa, non est benedicenda, ut a contratio sensu probant praallegata, & adnot. per gloss. quam sequuntur ibi Card. Imol. & Bonif. in d. 9. statuimus: & ut arbitror, in nullis monasterijs soli- tz sunt benedici Abbatissae triennes: quoniam a paucis tempore coepe- runt Abbatissae esse triennes: quamuis, ut ipse puto, melius fuisset serua- re antiquum morem, secundum quem Abbatissae erant perpetuae, ut vi- deor mihi satis probasse in commen. cap. nullam. 18. quaest. 2. & ideo ex co, quod

eo, quod Abbatisſæ perpetuæ conſueuiſſent benedici, non ſequitur conſueuiſſe benedici triennales.

Secundo, quod benedictio Abbatisſæ non eſt iterabilis, vt tenuit prædicta glo. communiter recep. in d. 9. ſtatuiſus. & ſi Abbatiſſa triennalis eſſet benedicenda, ſequeretur quod cum ſæpe poſſet vna eligi in Abbatiſſam, ſæpe deberet rebenedici.

Tertio ſequeretur, quod multæ moniales manerent ſimul in monaſterio in Abbatiſſas pluries benedictæ, quod non videtur decere.

- 3 Per quæ vltima fundamenta videtur tenenda pars hæc poſterior negans, niſi probaretur Curiam ſeruare contrarium, propter gloſſ. prædictâ 9. ſtatuiſus. in verbo benedictio. quatenus innuit benedictionem Abbatiſſæ non eſſe iterandam, niſi Curia Romana ſeruaret contrarium; quæ de re nil teſtatur ibi Bonif. licet fuerit Auditor Rotæ. & Stephanus, quem citant Card. & Imolen. ait audiſſe, quod aliquando fuit iterata; & ita videtur ſentire quod raro vel numquam id fuit factum, licet per poteſtatem Papæ poſſit illud induci.

Non obſtant pro parte affirmante adducta. Ad primum enim reſpondetur, quod illa iura non probant omnem Abbatiſſam debere benedici, ſed ſolum illam, quæ ſolita eſt benedici: at neſcimus Abbatiſſam triennalem, vel aliàs temporalem ſolere benedici, vt ſupra dictum eſt.

- 4 Ad ſecundū autem reſpondetur, negando, quod quaſtio de benedictione Abbatiſſæ, an ſit iterabilis, non poſſit vendicare ſibi locum niſi in Abbatiſſis temporarijs: quia etiam poteſt in Abbatiſſis perpetuis, quando Abbatiſſa perpetua vnius monaſterij eligitur in Abbatiſſam perpetuam alterius. Itaque videtur reſoluendum Abbatiſſam temporariam non eſſe iure benedicendam, niſi ſacroſancta Sedes Apoſtolica aliud ſtatuat expreſſe, vel ſeruet contrarium.

- 5 AD SECUNDAM reſpondeo primo, quod nulla corrupta, etiam occulta, vllatenus poteſt conſecrari conſecratione virginum, c. acutius. 26. diſtin. cap. deuotis. & cap. iuuenulas. 20. q. 1. etiam ad euitandum ſcandalum, ſecundum S. Tho. recep. lib. 4. ſenten. diſt. 34. q. 1. art. 5. & ſentit in eod. lib. diſt. 33. q. 3. art. 1.

Secundo, quod vidua licet non debeat conſecrari conſecratione virginum, poteſt tamen vouere ſolemniter & tacite ipſo facto caſtitem, & velum profeſſionis ſuſcipere, & portare, cap. vidua. de regul. & benedici benedictione viduali, quod teſtatur Guilelmus in ratio. diui. offi. lib. 2. cap. 2. num. 48. dicens ſe vidiffe in Vrbe Episcopum Oſtien. benedicere duas viduas inter alias virgines; quod difficile factum fuit, cum in plurimis locis fiat mentio virginum, & virginitatis in officio conſecrationis virginum: niſi forte addendo verbo virgines, illa verba, & viduas; & verbo virginitatem, illa verba, & caſtitem; prout caſus & numerus, in quibus fit mentio de virginibus, vel virginitate, requirunt.

- 6 Tertio, quod monialis occulte corrupta poteſt ſimulate conſecrari conſecratione virginum, mutatis verbis virginitatem ſonantibus in verba caſtitem ſignificantia, ad euitandum ſcandalum & infamiam, ſecundum

dum eundem S. Thom. in d. art. 3. quod et si videatur receptum ab omnibus, non tamen videtur rectum; nec visitandum quoniam id esset infamare consecrandam, vel benedicendam; cum semper aliquot periti, praesertim ministri Episcopi, soleant interesse huiusmodi consecrationi; & audientes loco nominis sonantis virginem, vel virginitatem, ponit nomen castitatis, intelligerent eam esse corruptam. Quare factus putarem, ut Episcopus pronunciaret verba ipsa consecrationis, quae virginem & virginitatem sonant, accipiendo illa intra mentem pro verbis castitatis, & castitatem significantibus, per quod excusaretur mendacium, simul & scandalum, per ea quae nos infimus post alios tradimus in Mass. conf. cap. 25. num. 42. & cap. 18. num. 62. & in cap. humane aures 21. quæst. 5.

- 7 Quarto, quod monialis, de qua est quaestio, & quae palam scitur esse corrupta, potest benedicere benedictione, qua moniales viduae benedicuntur; de qua tamen non videtur haberi rubrica specialis in Pontificali: licet illa, qua benedicuntur virgines, adaptari posset, mutatis nominibus significantibus virgines, & virginitatem, in nomina significantia viduitatem, & castitatem, ut S. Thom. supra citatus significavit d. art. 5. in consecratione virginis occulte corruptae fieri posse. Quia per hoc responderi potest ad argumentum propositioni quaestionis insertum, videlicet quod non benediceretur ut vera virgo, neque ut vera vidua, sed benediceretur ut quasi vidua, sicut & virgo occulte concepta benedicitur ut quasi virgo: & ita non est necessarium eijcere illam ad alia loca, modo Abbatis & moniales velint eam retinere in eorum, & ut faciat professionem quasi vidua: si enim noluerit id pati, oportet eam adducere aliud monasterium conueruitarum, vel aliarum monialium, ubi benedictas inueniunt receptices, vel rediret ad suos cognatos, aut nubere alicui: quoniam moniales primi monasterij, licet recepissent eam ad velum conuersionis, & probationis; non tamen tenentur, si nolint, admittere illam ad professionem, neque ad velum consecrationis: cum si eam nouitia intra annum professionis potest libere exire de monasterio, si non placet, ita monasterium possit, antequam profiteatur, eam eijcere, cap. ad Apostolicam de regu. cap. 1. eod. & cap. non solum eod. tit. lib. 6.

Quinto addo, quod benedictio veli monialium, quod etiam viduae aptatur, ponitur in dicto Pontificali: & quod forte benedictio, qua benedicuntur electus laicus in monachum, conueniret eam viduae, quam huic palam corruptae, mutato verbo monachus in monacha, & verbum serans in verbum ancilla. Salua, &c.

S Y M M A R I U M.

1 Confiteri iterum semel legitime confessa peccata obligari nemo potest sine eius consensu. num. 3. & 39.

2 Restituere temporalia cum fame iactura nemo cogitur, si iactura sit notabilis.

num. 6.

Excom-

- 1 Excommunicatio sine monitione ferri non debet nisi pro futuris culpis. num. 9.
- 2 Statutum Carthusianum de reuelando superiori sibi appropriata intra tempus præfixum, validum, & utile. num. 3.
- 4 Confessor erga confessum, propter peccata audita, aliter circa multa, quæ extra confessionem tractantur, se habere potest, & ob peccata sibi confessa potest talem non eligere ad aliquod munus.
- 5 Religiosus damna, quæ ordini intulit, restituat parcius viuendo.
- 6 Carthusiani debent superflua communitati restituere.
- 7 Confessio sacramentalis etiam si fiat prælato, notabilem famæ lationem non inducit.
- 8 Detractio propriæ famæ ut plurimum venialis.
- 10 Furtum, & appropriatio parua etiam in Carthusiano non est mortale. num. 14.
- 11 Peccatū veniale placendo fit mortale, si adsit legis præcipientis cōtemptus. nu. 16.
- 11 Furans minimum animo domino notabiliter nocendi mortaliter peccat. nu. 17.
- 12 Mendacium non omne etiam formale est mortale, contra quosdam. num. 17.
- 12 Proprietas, & voluntas appropriandi, monachis est peccatum, sed non mortale, si sit rei modice. num. 17.
- 13 Statuto Carthusiano proprietarius 12. denariorum caret sepultura.
- 13 Sepultura carent tantum qui in mortali mortui esse noscuntur, non veniali.
- 14 Paruitas rei, subreptio, & iudicij defectus passim excusant à mortali, etiam si sit transgressio votum rei modice facti. num. 17.
- 15 Peccata omnia esse mortalia dicere, hereticum.
- 18 Proprietatis peccatum mortale eadem quantitas in religioso, quo in laico, furtum mortale facit.
- 18 Furtum mortale non videtur, quod non excedit vnum regale. num. 19.
- 19 Proprietas ultra tres solidos statuto Carthusiano excommunicatur.
- 20 Capitulum Carthusianum generale, & Priores excommunicare possunt.
- 21 Priores Carthusiani non excommunicant, sed denunciant proprietarios excommunicatos.
- 21 Suspensionem non incurrit verbo denunciatus aliquem excommunicatum, quam incurrit sic excommunicando: sunt enim diuersa. & nu. 65.
- 22 Statutum Carthusianum omnes subditos proprietarios excommunicans comprehendit etiam plene donatos, qui subditi sunt, licet votum paupertatis non emittant. num. 23.
- 22 Donati plene sunt subditi ordini.
- 23 Dispositio aliqua ex parte odiosa, ob rationis identitatem extenditur ad latam significationem, saltem cum talis conijci potest intentio statuentis.
- 24 Pluribus vicibus minuta, quæ simul iuncta facerent notabilem quantitatem, subtrahens numquam peccat mortaliter, dummodo numquam habuerit voluntatem capiendi notabilem quantitatem: & licet Sot. teneat hunc mortaliter peccare vltima vice, per quam deuenitur ad notabilem summam, nu. 25. hacq. sit communis, num. 27. & 45. attamen in foro conscientie potest teneri illam procedere, quando committendo vltima furtum recordatur præteritorum; aliis non peccaret, nec consequenter teneretur restituere, cum minus peccet qui non restituit, quam qui furatur. num. 24. & 27.
- 28 Euentus, cuius nullus speratur fructus, frustra expectatur.

- 28 Impotens ad restituendum, sed non ad reuelandum, licet excusetur à restitutione, non tamen excusatur à debita & præcepta reuelatione. num. 29.
- 29 Denunciandus non est correctus ad futurum lapsum cauendum, nisi ad id quis speciali iure teneatur.
- 30 Restituens ante tempus ad restituendum præfixum, penam euadit, & obligationem manifestandi.
- 31 Priuatio præsupponit habitum.
- 32 Donare quæ quis iuste potest, potest & similiter donanti consentire. & 64.
- 32 Restitutio, & debiti remissio æquantur.
- 32 Carthusiani à reuelandis appropriatis non excusantur ob remissionem factam à prelati.
- 33 Prior impensa à monachis ratificare nequit, nisi sint impensa in utilitatem monasterij, vel pios vsus, iustamve remunerationem.
- 33 Prior remittens generaliter appropriata male facit; operatur autem eius remissio facta ante incursum excommunicationem, ut qui in licitos vsus expenderunt, non teneantur restituere, & successine nec manifestare; alijs autem non prodest.
- 34 Absoluendi facultas priuilegio perpetuo dignitate competens est delegabilis, sicut & competens virtute alterius ordinariæ potestatis.
- 35 Carthusianus proprietarius per Cruciatam absolutus à peccato, remanet tamen obligatus reuelare prelato hanc ipsius appropriationem.
- 36 Excommunicatus, nisi præuia satisfactione, per Cruciatam absolui nequit.
- 36 Acta à delegato, postposita forma sibi præscripta, sunt nulla.
- 37 Absolutio à Papa delegata cum clausula, Secundum iuris formam, ea non seruata, valet; quia tantum importat monitionem, & non formam; nisi aliter constet de mente Pape.
- 37 Priuilegium principis citra tertij præiudicium interpretandum.
- 38 Iudici quo ad penam nondum impositam non est satisfaciendum.
- 39 Absolutus ante satisfactionem ad effectum querendi lobeolum, statim in utroque foro reincidit secundum clausulam in lobeulo Greg. XIII. insertam.
- 40 Regularis furans, ut querat monasterio, peccat semel; sibi autem appropriando, bis, vel semel cum circumstantia consistenda.
- 41 Excommunicationes pro re leui ab homine ferendas, non à iure latas vetat Concilium.
- 42 Abbas vel Prior in odiosis appellatione monachi non venit regulariter, præsertim ubi est probabile disponentem de ipsis non sensisse.
- 42 Excommunicatio Papalis, eum qui eam denunciat, æque ac alios comprehendit, si sit in eadem culpa.
- 43 Regularis litteras danti, vel accipiens proprietarius dici tunc debet, quando litteræ ipsæ datæ vel receptæ reputari solent ut bonum aliquod pecuniarium; secus si reputentur res nihili. & nu. 44. & seq.
- 46 Regulari non licet reliquata distribuere in pios vsus, nisi cum certa portio pro victu & vestitu assignatur: quia tunc in dubio videtur ita datæ, ut reliquata possit in pios vsus distribuere, & 48. nisi aliunde constet de contraria superioris intentione: quia tunc non poterit distribuere. num. 47. 48.
- 48 Licentia dandi superflua pauperibus regulari, virtutis magis, quam ritij occasio est.

49. Legatarius monacho, donec prelati eo ad suos usus vti ei permiserint, valet: an autem expediat ordini illud repudiare? vel non, ex diversitate circumstantiarum per prudentiam regulas diffiniendum. § 2.
49. Proprietarius est, qui occulte, vel contra voluntatem prelati aliquid tenet.
50. Regularibus temporalia vti ita assignantur, ut sine superioris sui regularis vel Pape licentia de illis in suos vel alienos etiā pios usus, modo non agatur de extrema necessitate, disponere licite possit, nulla cautela vel via fieri potest. § 1.
51. Papa omnium monachorum superior, immo & communis Christianorum, concurratq. cum omni prelato in iurisdictione.
53. Intellectus statuti Carthusiani de novitiorum donationibus.
54. Regularis de licentia prelati pro Missis dicendis quid capere potest ad usus licitos prefertim certos impendendum.
55. Prelati ad arbitrium impendi censetur, quod de illius licentia impenditur.
56. Peccatum omne mortale, nec comminutionem confitendum.
57. Intellectus Carthusiani statuti de reuelando proprietatis prelati.
58. Confessionem iteret, qui peccatum mortale non fuit confessus, nisi oblivione vel ignorantia excusetur, probabiliter.
59. Confessori eidem confitenda reservata & non reservata, nisi in certis casibus.
60. Absolutus legitime a reservatis cum iusta obligatione illa iterum superiori confitendi, tenetur secunda vice illa cum ceteris postea commissis, vel prius oblitis, integre confiteri sacramentaliter. num. 61.
62. Vicarij alterius factum, in his ad quae sua potestas se extendit, censetur ut factum ab illo, cuius est vicarius. § 63.
62. Commendatarius abbatie, seu cui libera ecclesie administratio est concessa, potest omnia quae titularis, immo & potest esse delegatus, sed non potest alienare immobilia.
64. Consensus tacitus prelati ex communi usu ab eo scito & non contradito colligitur.

C O N S I L I U M I I I.

I L L V S T R I S A D M O D V M Q V E

Reuerende in Christo Pater, & domine
mi perquam colende.

AGNOSCO in primis, vir multis nominibus suspiciende, culpam in respondendo ad te adeo tarde admissam: tamen si excusari possem ob frequentissimas à multis orbis partibus quaestiones, ut decidam, missas, & multitudinem, grauitatemque dubiorum, quae tua hæc epistola in librum iustum aucta continet; super omnia vero phrasim elegantissimam, verborum & rerum selectarum copia, & apta æconomia redundantem: cui parem referre nequirem, etiam nactus tempus ad id iustum, opportunum, & vacuum, quale vix mihi viuenti continget. Et quidem iam putare cœperam, quod tanta tarditate stomachatus, non semel

semel dixisses: nolo responsum tantæ tarditatis felle amarefcens. At quando tua ista ænea in Christo patientia perseueras etiamnum idem, qui cum scripsisti fueras, & desideras nostrum quamlibet aridum de terra sitienti promanans responsum, accipe id quod cum hoc epistolio ad te damus, implorata ope sancti Spiritus summi & æterni Dei nostri, cui dies hic Pentecostes sacer est, in quo & ipsi profusis gaudijs totus in orbe terrarum mundus exultat: damus, inquam, non quidem quale tu speras largissime de illius largissimis fontibus haustum; sed quale per quampiam stillam de sua immensa bonitate mihi non maiora merenti dignatus fuerit stillare benignus.

Ad epistolam tuam elegantissimam ineleganter responsurus, admoneo te primum, vir candidissime, non iuste mihi tribui titulum Doctoris V.I. quoniam etsi prius & maiore tempore incubuerim iuri Cæsareo discendo, quam iuri Pontificio; quamvis item vtrumque docuerim in Gallijs; munus tamen Mineruale, quod vocant doctoratum, iuris tantum Canonici petere ausus fui, id autem bis, semel in Gallijs, & iterum Salmanticæ illius legibus ad id coactus, eo quod Decretorum cathedra fui donatus. Deinde gratias ago tibi maximas, quod memineris illius persancti viri, Domini Francisci à Navarra Archiepiscopi olim Valentini, & quod me quoque illius memorem feceris, ne suus è nostro vniquam labatur pectore vultus. Simul doleo, quod litteræ, quas admones ad me datas, in quibus me aliqua in Enchiridio meo confessoriorum expedientia monebas, ad me non peruenerint, quod meminerim. Voluptati enim non mediocri fuisset eas legisse, eisq. respondisse, tuaque memoria magis fructum fuisse. Gratias item, quam maximas possum, ago eidem æterno Deo Spiritui sancto, quod dignatus fuerit inspirare tibi tantæ religionis & eruditionis viro, ut mea scripta tam vulgari sermone, quam Latino edita legere dignareris, & te legisse ingenue profitearis: sed candor charitatis (quæ non æmulatur) id tibi (gratia eidem Spiritui sancto) præstitit. Omissis igitur multorum statutorum tenoribus super proprietate Illustrissimi vestri ordinis damnata dictatorum, quæ ad me mittis (super quibus multa eleganter pro tua eruditione, quasi aliud agens, tangis, & sine vlla hæsitatione decidis) reliqua proponam breuiter, & singulatim, ut breuior & clarior responsio subiiciatur.

PRIMUM igitur dubium, an iustitia illius statuti Illustriss. ordinis Carthusiani, quod obligat proprietarios summæ excedentis summam trium solidorum ad confitendum, vel reuelandū illud Priori intra certa tempora sub pœna excommunicationis ipso facto incurrendæ, & quod ab ea iam incursa non possit absolui nisi à Priore, iterata confessione, defendi possit?

Ad quod respondeo primo, quod pro parte negante facit, quod nemo humana lege obligari potest ad confitendum iterum peccatum semel legitime confessum, ut & nos post alios ibi citatos diximus in Man. confess. cap. 9. in principio.

Secundo, quod nemo tenetur ad restituendum bona pecuniaria cum iactura suæ fame, arg. cap. officij. de pœn. & remi. & tradimus nos post alios

in repetit. cap. inter verba. 11. q. 3. concl. 6. corolla. 70. num. 865. & seq. & tangimus in d. Man. cap. 16. nu. 43. & seq.

Tertio, quod excommunicatio non est ferenda sine praeuia monitione, cap. sacro. de sententia excom. & cap. constitutionem. eod. tit. lib. 6. cum suis concordantijs.

- 2 Quibus tamen non obstantibus, tenenda est pars affirmatiua, quam tu vir eruditissime tenes. Tum quia praefatum statutum dicitur esse factum ante circiter quingentos annos, & a nullo sanctissimorum, eruditissimorumq. virorum eiusdem ordinis (quales multi fuerunt in vestra omnium religionum optima) usque ad haec tempora iniustitiae damnatum fuit; & ita obseruandum, arg. cap. de libellis. 20. dist. donec contrarium esse iustitiae, auctoritate authentica, vel efficaci ratione probetur. arg. cap. consulti. 2. q. 4. & l. illud. ff. de peti. haeredi. Tum quia non obligat peccantem ad confitendum bis idem peccatum in sacra confessione, cum faciat proprietario facultatem satisfaciendi ei etiam per reuelationem externam, saltem antequam in excommunicationem incidat. Tum quia potest quis de suo consensu obligari ad confitendum iterum peccatum semel legitime confessum, ut tu eruditissime diligentissimeq. probas, allegando etiam nos in hoc post alios in cap. fratres. nu. 30. de poenit. dist. 5. per text. satis in hoc aptum in extrauag. inter cunctas. de priuileg. & cap. ultimo de poen. dist. 6. nu. 111. & in Man. cap. 9. in princip. & constat monachum, qui consentit seruare Carthusiana statuta, consentire etiam obligationi, si quam illa imponunt, ad confitendum bis idem peccatum. Tum quia non est inutilis, sed valde utilis, ut illa confessio fiat intra vel extra sacram confessionem Priori ob pulchras considerationes tuas.
- 4 Nec obstat dicere contra eas, quod confessarius perinde debet tractare confitentem, ac si nihil per suam confessionem nouisset; & consequenter non esse utile monasterio, ut sciat Prior illum, aut illum fuisse propriarium per confessionem sacram, ad hoc, ut posset illi denegare officia, vel munera, quae praebent occasionem peccandi peccatum proprietatis. Responderi enim potest, negando, quod eodem omnino modo teneatur se habere; quia quo ad multa potest habere aliter propter illam scientiam, quam sine illa, ut nos latius probamus cap. sacerdos. nu. 146. de poenit. dist. 6. Non enim est verum, quod aliqui dicunt, confessarium scire ut Deum tantum, & non ut hominem; quia vere scit ut homo, per nostra scripta d. cap. sacerdos. nu. 143. & seq. ubi speciatim diximus, posse confessarium iuste non eligere aliquem in praelatum, vel aliud munus propter scientiam priuatam alicuius criminis, vel defectus, quam haberet per solam sacram confessionem. Tum quia etiam religiosus potest restituere ordini suo damna, quae per proprietatis peccatum intulit ei, per illos modos, quos nos scripsimus in tracta. de redditib. eccles. q. 2. mo. 20. & tetigimus q. 3. mo. 34. Ex quibus vnus & facilis est per reliquationes aliquas honestas de ijs, quae honeste impendere possunt, quas facile facere possunt qui mittuntur ad aliqua negotia longe peragenda, & etiam alij manentes in monasterijs, licet non tam facile, procurando, ut aliqua pars opsonij, & vini,

vinī, quæ ipsis vt alijs sunt propinanda, non propinentur eis, neque educantur ex communi cellario, sed maneant ibi, licet ea ipsi honeste comedere, & bibere possent. Nec obstat, quod, vt infra dicitur, cauetur per statuta illius ordinis, quod monachi tenentur reddere communitati omnia, quæ in vestibus, cibis, & alijs rebus necessarijs eis datis superfuerint: quia illa intelligi possent quo ad effectum non distribuendi ea in alios vsus: nec nos dicimus, quod ipsi possent ea dare alijs, sed tantum communitati: nec mens statutorum videtur fuisse tollere ipsis facultatem reliquandi pro suarum animarum exoneratione in vtilitatem monasterij, cum ex eo nullum penitus præiudicium ei eueniat. Et si hoc fuisset ab statuentibus petitum, respondissent idem, & consequenter habendum est pro statuto, arg. glos. sing. & recept. l. tale pactum. §. qui prouocauit. ff. de pactis. Tum denique quod ad opposita facile responderi potest.

Ad primum quidem respondent 2. & 6. fundamenta propositi nostri.

Ad secundum autem respondetur dupliciter: Primo quidem concedendo, quod non est facienda restitutio boni pecuniarij cum notabili iactura famæ; negando tamen quod in præsentī dubio agatur de restitutione. Non enim quæritur, an monachus proprietarius teneatur restituere, sed solum an teneatur iterum confiteri id, quod semel legitime tenebatur confiteri, & est iam legitime forte confessus: & à diuersis non fit illatio, l. Papinianus. ff. de mino. Et ita non est bona illatio, siue cōsequentia, Tenetur confiteri peccatum, ergo tenetur restituere, nec è contrario, Non tenetur restituere, ergo non tenetur confiteri; cum in peccatis tantum mentalibus, & alijs impotentium restituere facile dentur antecedentia vera, & consequentia falsa. Secundo responderi potest, concedendo restitutionē pecuniæ non esse faciendam cum iactura notabili famæ; sed negando, quod confessio sacra peccati, quod quis teneatur confiteri, inducat notabilem famæ iacturam: immo inducit reparationem & resartionem ipsius, iuxta illud, *Beati quorum remissæ sunt iniquitates, & quorum tecta sunt peccata. Quamuis enim illud in sensu proprio forum Dei rangat; bonitate tamen ipsius infinita fit, vt frequenter coram eo tecta etiam quo ad externum forum tegantur.* & præterea secretum inuiolabilis sigilli confessionis efficit, vt nulla, vel certe minima dicatur infamia legitime contentis etiam grauissimum peccatum occultū. Facit ad hoc, quod detractio, qua quis suum verum peccatum prodit, etiam extra sacram confessionem, vt plurimum non est plusquam venialis, vt post alios tradimus in præfato cap. inter verba. concl. 6. num. 573. & in Man. cap. 18. num. 27. facta autem in sacra confessione vt nullatenus est peccatum, ita certe nullam, vel minimam infamiam parit.

Ad tertium respondetur concedendo quidem, quod propter culpas præteritas, quatenus solum sunt præteritæ, non est ferenda excommunicatio sine præmonitione, vt probant iura in eo citata; negando tamen quod pro futuris culpis nō detur sine monitione, vel pro præteritis in hac forma, Si non restitueris furtum intra tale tempus, &c. cum contrarium probet cap. 1. nobis. il. 1. eod. tit. cum sufficiat vt præcedat culpa, mora,

vel offensa, vt est casus expressus cap. Romana. §. caueat. de sententia excomm. lib. 5. Et in casu nostro præcedunt omnia tria, quamuis vnum eorum sufficeret; nam propriarius offendit, rem sibi appropriando, cap. cum ad monasterium. de stat. mon. & committit morā in non restituendo, cum fur semper sit in mora, l. in re furtiua. ff. de cōdictio. furti. & in culpa, quia non est confessus intra terminum sibi à statuto præstitutum: & ita potuit optime statutum excommunicare propriarium, si intra tale tempus non manifestaret, eo modo quo tenebatur, per præfatum §. caueat.

SECVNDVM DVBIVM est, quantæ quantitatis appropriatio sufficiat ad hoc, vt monachus Carthusianus iure dicatur mortiferum peccatum proprietatis admittere.

10 Ad quod respondeo primum, esse quosdam (vt tu inter cæteros eruditissime Michael vere eruditissime refers) qui aiunt sufficere quamlibet minimam, modo ea mente accipiat, vel retineatur, vt velit eam sibi appropriare: ita quod occultans vnum denarium, siue quattrinum, vel volens habere illum clam, nolente superiore, peccat mortaliter. Pro quibus facit cap. si. 24. q. 6. vbi Hieron. sic ait, *Fur autem non solum in maioribus, sed in minoribus etiam iudicatur; non enim quod furto ablatum est, sed mens furantis attenditur.* & iterum in fine sic, *In furto quantumcumque quis abstulerit, furti crimen incurrit.*

11 Secundo illud Aug. 25. dist. §. criminis. *Nullum peccatum adeo veniale est, quod non fiat criminale, dum placet.* & Beda relatus in præfato §. criminis. videtur definire mortale esse, quod peccatur ex deliberatione: cui fauet illud Ciceronis Paradoxon, *ὅτι ἴσα τὰ ἁμαρτήματα*, quod æqualia sunt peccata,

Tertio, quod S. Tho. expresse videtur dicere in 2. 2. q. 66. ar. 6. ad 3. quod furans aliquod minimum mente nocendi domino eius peccat mortaliter.

12 Quarto, quod omne mendacium formale, siue dictum intentione mentiendi videtur aliquibus esse mortiferum. ergo & omnis appropriatio formalis, siue cum intentione appropriandi erit mortalis.

Quinto, quod omnis proprietas, siue voluntas appropriandi in vniuersum est vetita monachis, cap. 2. & cap. super quodam. & c. cum ad monasterium. §. fin. de stat. monach. & voluntas appropriandi vnum denarium est proprietas, & voluntas appropriandi: ergo est etiam illa vetita, & contra legem vetantem proprietatem, & consequenter videtur mortifera; & quod votum de non bibendo vinum per quamcumque ipsius potationem violatur: votum item faciendi aliquid quamlibet minimum violatur non faciendo illud, secundum omnes. At violatio voti mortifera est, cap. vuentibus. 17. q. 2. & colligitur ex S. Tho. 2. 2. q. 88. art. 3.

13 Sexto vrget grauitur statutum eiusdem ordinis positum in 2. parte statutorum antiquorum cap. 31. §. 9. disponens, quod monachi defuncti in proprietate duodecim denariorum & infra non sepeliantur in cœmeterio, aut sepulti exhumentur. Ex quo palam colligitur, eum, qui admittit proprietatem summæ minoris summa duodecim denariorum, debere carere sepultura ecclesiastica, qua tamen non debet carere quis ob peccatum veniale, cap. pro obeuntibus. & cap. non æstimemus.

13. q. 1. & gloss. cap. ex parte. 2. de sepultu. quatenus significant, eos solos, qui noscuntur in mortali peccato mori, esse priuandos sepultura ecclesiastica; & merito, quia peccatum veniale non excludit gratiam Dei, & charitatem eius, qua saluamur, iuxta S. Thom. recep. 2. 2. q. 24. art. ult. pro quo nouus textus in cap. 5. sess. 14. Conc. Trid. & qua ratione carere debet sepultura proprietarius summæ vndecim, vel decem denariorum minoris summa duodecim denariorum, eadem debet carere proprietarius vnius denarij, cum nullæ illarum quantitatum efficiant quantitatem notabilem, cuius furtum dicatur mortiferum, per ea quæ mox dicemus.

14 His tamen non obstantibus, quæ vere non obstant, contrarium est tenendum, scilicet quod appropriatio vnius denarij, vel plurium non facientium quantitatem notabilem non facit monachum Carthusianum peccati mortiferi reum. Tum ob illam rationem firmam, quod licet omnis transgressio præcepti obligantis sub pœna peccati mortiferi sit mortifera regulariter; fallit tamen, quoties vnum de tribus concurrit, scilicet rei paruitas, subreptio, vel defectus iudicij ad id sufficientis, vt post S. Thom. in diuersis locis post alios tradidimus in Manua. confess. cap. 11. num. 4. At in transgressione præcepti de nihilo sibi appropriando per appropriationem vnius denarij occurrit paruitas rei, vt palam est: ergo illa non est mortifera. Tum quia lex monachorum de nihil appropriando sibi non est fortior, quam lex Dei de nihil furando, nec adeo fortis; quia hæc est lex naturalis, & diuina sine vilo facto humano mediante obligans; illa vero est humana, aut certe diuina, mediante facto humano, scilicet voto obligans, vt palam est. At transgressio legis de non furando excusatur à culpa mortali propter rei exiguitatem, iuxta S. Thom. ab omnibus recep. 1. 2. q. 88. art. 5. & 6. & 2. 2. q. 59. art. 4. Tum quia transgressio legis temperantiæ exigua non est mortalis; ebrietas enim vna, vel altera, licet sit transgressio legis sobrietatis, quæ temperantiæ species est, non est mortalis, cap. vnum. §. criminis. 25. dist. à contrario sensu. Tum quia inter minuta & venialia peccata numerat August. in d. cap. vnum. §. quæ autem sunt minuta. comedere, aut bibere plusquam oportet. Tum quia etiam transgressio parua legum charitatis, affabilitatis, & mansuetudinis inter eadem minuta & venialia numerat ibidem. idem Augustinus in illis verbis; *Quoties aliquis in cibo, aut in potu plus accipit, quam necesse est.* Tum quia etiam inter minuta & venialia ponit idem Augustin. in eodem §. transgressiones paruas legum bene loquendi, & tacendi, immo charitatis, & affabilitatis, per illa verba; *Quoties plus loquitur, quam oportet; plus tacet, quam expedit; quoties pauperes petentes exasperat.* Tum quia qui cantat, vel recitat horas canonicas, non peccat mortifere propter omissionem vnius vel alterius verbi, nec vnius vel alterius versiculi, sine contemptu, secundum omnes, & tradimus nos in Enchi. de oratione super cap. quando. de consecr. dist. 1. cap. 10. Tum denique, quia contraria opinio nimis accedere videtur ad hæresim Lutheranorum, asserentium omnia peccata esse mortalia, & nulla venialia. Equidem arbitror actum fore de omnibus nobis, si per exiguitatem & paruitatem

non excusaremur à culpa mortifera: cum palam sit in bona parte nostrarum actionum inueniri aliquos defectus paruos circa substantiam earum, vel suarum circumstantiarum, iuxta illud Esaie cap. 64. *Et quasi pannus menstruata vniverse iustitie nostre.* & illud 1. Ioan. 1. *Si dixerimus, quod peccatum non habemus, &c.* Quis enim nostrum omnia & singula errata parua confitetur speciatim, & numeratim, vt mortifera, scilicet proponendo expresse, vel virtualiter, potius mortem subire, quàm eorum aliquod iterare? quod tamen teneremur facere, iuxta ea quæ latius tradimus in c. 1. Man. confess.

Ad primum oppositorum respondetur, concedendo cum D. Hieronymo, furtum rei etiam parue esse furtum, vt Hieronymus ait; negando tamen esse mortiferum, quod ille non ait: concedendo item quod non est attendenda tantum quantitas rei furto subtractæ, quantum mens subtrahentis, vt dicit Hieronymus; quia frequenter quis capit rem notabilem alienam, & non committit furtum, propter mentem qua capit; putans probabiliter illam subtractionem domino placituram, & inter omnes. §. recte. ff. de furt. frequenter item quis capit rem paruum, propter quam non peccat mortifere, sed sic propter mentem, qua eam capit, volens capere eam, etiam si esset notabilis quantitatis: declarando item illud Hieronymi in fine argumenti citatum intelligendum esse de furto notabilis quantitatis, aut facto cum mente notabilem quantitatem forandi.

16. Ad secundum respondeo, quod illud dictum Augustini, *Nullum peccatum est adeo veniale, quod non fiat mortale, dum placet*, non potest intelligi sine aliqua restrictione: alioqui enim probaret, quod omne peccatum ex deliberatione procedens esset mortale, quod est contra omnes Catholicos, & in ijs contra S. Thom. 1. 2. q. 74. art. 9. per cuius dicta est restringendum, vt solum procedat in eo, cui placet peccatum veniale cum contemptu legis, contra quam est illud veniale: nos autem loquimur de transgressione parua legis sine contemptu eius. Ad dictum Bedæ respondetur restringendum esse, sicut præfatum dictum Augustini, vt etiam restringit ipsemet magister Gratian. in d. 4. criminis. vbi ea citat: alioqui enim probaret omne peccatum veniale deliberate admissum esse mortiferum, quod est contra omnes Catholicos, vt prædictum est.

17. Ad tertium respondetur, quod Gratianus animaduertit difficultatem dicti S. Thom. & ait esse intelligendum de illo, qui furatur minimum non solum simpliciter animo nocendi domino illius, sed etiam notabiliter: qui quidem intellectus, licet ipse non dicat, satis clare colligitur ex solutione ipsiusmet S. Thomæ, qui nisi sic exponeretur, secum pugnaret, contra. vbi repugnantia. ff. de reg. iuris.

Ad quartum respondetur, negando quod omne mendacium formale sit mortiferum: nemo enim Catholicorum id vsquam dixit, vt satis colligitur ex utroque Thom. 2. 2. q. 110. art. 2.

Ad quintum conceditur omnem voluntatem appropriandi esse monacho peccatum; sed negamus omne tale peccatum esse mortiferum, vt & omne animal est animal, sed non rationale. Eodem modo respondetur ad voti violationem, scilicet, quod eius violatio est peccatum, sed non

MOR-

mortiferum: quia ob exiguitatem desinit esse mortifera, sicut furtum, & quælibet alia transgressio præcepti minima.

Ad sextum vario eruditoq. modo respondes tu Michael, & negari non potest vrgeri multum, nisi dicamus litteram incuria librariorum vitiatam habere, *infra*, pro *ultra*. quod grauiter conijcis, ex eo quod statuta nouissima nondum typis excusa sic habent: *Quamquam dici potest, sed non ita germane, quod est intelligendum de illo monacho proprietario rei minima, qui ex aliquot coniecturis præsumitur per contemptum legis, vel animo maiora appropriandi eam appropriasse.*

TERTIVM DVBIVM, quantæ quantitatis appropriatio requiratur, vt ob eam monachus Carthusianus censeatur mortifere peccare?

18 Ad quod respondeo primo, quod sufficit & requiritur tanta quantitas, quanta sufficit & requiritur, vt aliquod furtum laici sit mortiferum: vtrumque enim est furtum; quia vtrumque est contrectatio rei alienæ inuito domino: quæ est definitio furti, l. 1. ff. de furt. & vtrumque est illicita vsurpatio rei alienæ, cap. penale. 14. quæst. 5. Et consequenter ratio, quare vtrumque aliquando censeari debeat esse mortale, est, quod vtrumque sit contrectatio illicita rei notabilis.

Secundo respondetur, quod magna cum deliberatione respondimus ante circiter 30. annos, id quod postea scripsimus super hoc in commentario cap. fin. 14. q. 6. quorum summam inferuimus cap. 17. à num. 3. Man. confess. vbi tenuimus quantitatem minorem quarta parte vnus Iulij, vel regalis Hispani non constituere notabilem quantitatem, sed sic dimidium Iulij, vel regalis; & quod non damnares eum, qui teneret mediam inter quartam & dimidiam non esse notabilem. Pro qua mea opinione multum facit quoddam statutum Carthusianum citatum à te vir diligentissime, quo probatur appropriationem vnus solidi Gallici (quod non excedit, nec hodie ompino attingit quartam partem regalis Hispani, siue Iulij) esse sufficientem ad priuandum sepultura monachum id sibi appropriantem; & consequenter esse mortiferum: cum propter veniale non priuetur quis sepultura, arg. cap. pro obeuntibus. & cap. non æstimemus. 13. q. 2. & gloss. notabilis cap. ex parte. 2. de sepult.

Nunc autem, quia ab eo tempore in hoc vsque multum abundauit pecunia numerata in bona Europæ parte, facile consentiré opinioni, in qua tu quoque vir doctissime inclinas; nempe, nec furtum, nec appropriationem minoris quantitatis, quam trium solidorum, siue quartarum regalis, 19 vel Iulij, esse mortiferum. Quin & augerem vsque ad vnum Iulium, vel regale, nisi quoddam statutum vestrum expresse haberet appropriationem vltra valorem trium solidorum esse dignam excommunicatione, & consequenter mortiferam. arg. cap. nemo. & cap. nullus. 11. q. 3. Quamuis responderi posset, tam illud statutum, quam aliud præfatum de priuante sepultura ob appropriationem valoris vnus solidi, fuisse quidem iusta tempore, quo facta fuerunt, non autem adeo hoc nostro, quo multum viluit pecunia numerata: & forte iuste mutari posset: quod credo non facile persuasum iri ordini vestro, paupertatis voti quam obseruantissimo.

QUARTVM DVBIVM continet aliquos scrupulos circa statutũ c. 5. §. 12. 13. & 14. in 2. par. statutorum nouorum: quorum tenor est, qui sequitur, §. 12. *Statuto irrefragabili duximus ordinandum, vt quicumque subditus, monachus, redditus, & conuersus crimen furti, vel alienationis commiserit, seu proprietarius extiterit ultra valorem trium solidorum Turonensium, & illud suo Priori saltem temporibus contentis in statutis confiteri, vel reuelare scienter neglexerit: hoc est, præsens vsque ad diem Cœnae inclusivæ, & absens vsque ad diem octauam reversionis ad domum suam post prædictum terminum, similiter inclusivæ: ipso facto, hoc est elapsis dictis terminis, excommunicationis sententia, quã in his scriptis ferimus, sit ligatus, à qua non possit absolui, nisi per proprium Priorem, vel eo absente, per Vicarium, vsque ad dicti Prioris aduentum, cui necessario erit confessio iteranda, & ab eo absolutio exigenda.* Et §. 14. omisso principio sic habet: *Ego F. N. Prior, aut Vicarius, siue Rector huius, vel illius domus, vigore & virtute sententiæ late, vt præmittitur, à dicto Capitulo generali, excommunicatos denuncio omnes tam monachos, quam conuersos, quam etiã redditos, professos huius domus, ac de mandato ordinis ibidẽ hospitantes, qui occultandi animo, vel celandi ultra valorem trium solidorum prædictorum retinuerint, donauerint, accommodauerint, vel modo quolibet alienauerint, donec mihi illa reuelauerint, & à me beneficiũ absolutionis meruerint obtinere.*

20 Pro quorum complanatione dico primo, Capitulum generale, & Priores ordinis Carthusiani proculdubio habere potestatem excommunicandi subditos suos, quia habent iurisdictionem spiritualem in foro exteriori super eos; qualem qui habet, omnis potest excommunicare, vt diximus in Man. confess. cap. 27. num. 5. per notatã in cap. cum ab ecclesiarum. & cap. quanto. de offic. ordin. & in cle. 1. iuncta gloss. sua singulari, de reb. eccles. non alien. & alia ibi citata.

21 Secundo, quod Capitulum generale non statuit, quod Priores excommunicent proprietarios, sed tantum vt denuncient eos excommunicatos virtute sui statuti, vt palam exprimitur §. 13. Et quod certum est longe differre denunciationem ab excommunicatione, cap. pastoralis. §. verum. de appella. l. hæres palam. §. 1. ff. de testa.

Tertio, quod sicut nõ iubentur Priores excommunicare proprietarios, ita non excommunicant eos, sed solum denunciant, vt palam cõtinetur in §. 14.

Quarto, quod hæc consequitur, præfatos Priores denunciando verbo tantum proprietarios esse excommunicatos, non incidere in pœnam suspensionis, quæ contra excommunicantes verbo tantum sine scriptis profertur in cap. 1. de senten. excom. lib. 6.

22 Quinto, quod Capitulum generale videtur excommunicare non solum monachos, & conuersos, sed etiam donatos plene, qui deferunt habitum aliquem differentem à sæculari, licet non deferant tam diuersum, ac conuersi. Tum quia statutum excommunicat subditos, & huiusmodi donati sunt subditi ordini, secũdum communem doctrinam in cap. vt priuilegia. de priuilegijs, & cap. non dubium. de senten. excom. & cap. 2. de foro compet. Tum quia eadem vel maior ratio suadet excommunicare hos, qui diuinis parum seruiunt, quam monachos, qui multum.

Sexto, quod etiam Priores videntur denunciare huiusmodi plene donatos,

natos, & aliquem habitum deferentes. Tum quia non solum denunciant monachos, & conuersos, sed etiam redditos. Tum quia redditorum appellatione non video qui alij possint in illa denunciatione contineri. Non enim memini canonem, qui hac voce in hoc propositū vtatur. Tum quia Capitulum generale videtur excommunicare illos, vt prædixi, quia excommunicat subditos, & redditos: & ipsummet Capitulum iubet Prioribus
 23 in §. 13. vt suam sententiam denuncient in præfata Dominica Palmarum. Nec obstat, quod illi donati non possunt dici proprietarij, cum non emiserint votum paupertatis. Tum quia licet stricte sumpto vocabulo non debeant dici proprietarij, large tamen sumpto possunt dici tales: & dispositio etiam aliqua ex parte odiosa ob identitatem, vt ita dixerim, vel maioritatem rationis extenditur ad contenta sub verbis eius large acceptis, iuxta doctrinam Dominici, & Franci in cap. 1. de tempor. ord. lib. 6. saltem cum probabiliter conijcitur id voluisse disponens, vt in casu proposito conijcitur Priori esse animum denunciandi omnes, quos Cap. excommunicat, & illud, vt diximus, videtur excommunicare illos, cum excommunicet omnes subditos, quorum de numero sunt hi.

QVINTVM DVBIVM, an monachus Carthusianus occultans, furans, vel impendens sine sufficienti licentia ultra summam trium solidorum, incidat in excommunicationem, siue illam occultet, furetur, vel impendat vna sola vice, siue duabus, siue decem, vel viginti, aut pluribus vicibus?
 24 Pro parte negante facit primo, quod qui minutatim multis vicibus capit, aut furatur aliquot minima, quorum nullum separatim efficit quantitatem notabilem, licet coniuncta efficerent talem, nulla vice peccat plusquam venialiter, vt post alios diximus in Man. confess. cap. 17. num. 140. quod ipsum tenuit Sotus lib. 4. q. 7. art. 3. de iust. & iur. & lib. 1. q. 3. art. 3. ad tertium: dummodo nulla vice iam inde à principio, vel postea habuerit animum capiendi notabilem quantitatem, vt etiam ibi tradimus. At ob peccatum veniale nemo debet excommunicari, cap. nemo. cap. nullus. 11. q. 3.

Secundo, quod nullum furtorum prædictorum minutorum obligat furantem ad restitutionem sub pœna peccati letalis; quia exiguitas rei non solum excusat à culpa mortali, sed etiam ab obligatione restituendi rem acceptam, secundum mentem omnium: pro qua videtur esse ratio hæc irrefragabilis, scilicet quod licet secundum Innoc. III. cap. sæpe. de restit. spol. non multum intersit inter inuadentem rem alienam, & inter detinentem illam; interest tamen aliquid, vt idem ipse significat: ita quod aliquanto grauius peccat inuadendo, & capiendo, quam qui retinet inuasum, cæteris paribus; quia si quis furando aliquid non peccat nisi veniale, à fortiori non restituendo non peccabit mortale.

Tertio, quod nos ipsi videmur dixisse in cap. inter verba. concl. 6. num. 470. quod nemo tenetur respondere ad excommunicationem latam contra eos, qui furati sunt, nisi furtum sit mortale.

Pro parte affirmante facit primo, quod in præfato cap. 5. §. 12. ex-
 quat

quat capere vna vice vltra summam trium solidorum, & capere ea pluribus vicibus. verba enim eorum sunt hæc: *si vltra valorem trium solidorum Turonensium simul, vel per partes alienauerint, vel retinuerint, &c.*

Secundo, quod licet qui fecit multa furta minuta singulatim sine animo nocendi notabiliter, non teneatur restituere illa, donec omnia coniuncta faciant notabilem quantitatem, postquam tamen peruenerint ad illam, sic, & vt nos post alios diximus dict. cap. 17. num. 140. & tradit Sotus vbi supra. Ergo, licet non possit excommunicari, quia furatus est, potest tamen excommunicari, quia non restituit, cum id non faciendo mortificare peccet.

Tertio, quod licet is, qui fecit multa furta minuta, non peccet plusquam venialiter, donec faciat illud, per quod additum efficiunt illa furta notabilem quantitatem, peccat tamen mortaliter faciendo illud, vt exprimit Sotus in dicto art. 3. ad tertium. & ita potest excommunicari, nisi omnia illa restituat. Per quæ tria fundamenta videtur præfatum dubium resol- uendum esse in partem affirmatiuam, iuxta communem opinionem, quam sequuti fuimus in præfato Manu.

26. Ad duo prima opposita responderi potest primo per fundamenta pro parte affirmatiua formata. Secundo, quod monachus Carthusianus sponte sua se obligauit ad seruanda sua statuta, & ideo licet iure communi non teneretur ad restituenda furta minima multis vicibus surrepta, iure tamen speciali ad id teneretur, vt supra in primo dubio diximus teneri eum ad confitendum aliquando bis idem peccatum iure suo speciali propter suum consensum.

Ad tertium respondetur, quod ego in d. cap. inter verba. num. 480. loquor de illo, qui non peccauit mortaliter furando, etiam si furatus esset vsque ad notabilem quantitatem, eo forte quod probabiliter credebatur eius subtractionem placituram domino, iuxta l. inter omnes. §. qui recte. ff. de furt. non autem de illo, qui post multa furta minima, quæ non pertinent ad notabilem quantitatem, facit aliud, per quod pertingat ad illam: quia is faciendo illud peccat mortificare.

27. Quamuis autem hæc opinio probabilis sit, & communiter recepta, ideo & à nobis in d. cap. 17. probata; verior tamen videtur profecto sequens, quam fundant quinque sequentia. Primum, quod nemo peccet mortificare coram Deo propter furtum rei minimæ, nisi expresse vel virtualiter intenderit inferre damnum notabile, etiam si per vltimum, penultimum, vel aliud additum omnia coniuncta perueniant ad notabilem quantitatem: quia nullo iure naturali, diuino, nec humano efficaciter probari potest, quod furtum secundum, quartum, decimum, vel vltius, quod de se propter exilitatem rei non est plusquam veniale, fiat mortale propter furta præcedentia venialia, si nec expresse, nec virtualiter, seu tacite habuerit animum nocendi in pluri, quam furabatur; cum veniale additum veniali etiam in maximo numero non faciat mortale, secundum S. Thom. 1. 2. q. 88. art. 4. communiter recept.

Secundum, quod nemo, qui non peccat plusquam venialiter furando

tene-

tenetur restituere aliquid illorum, quia solum venialiter peccando furatus fuit; quia magis peccat quis furando, quam retinendo furtum, ceteris paribus; & ideo qui non peccat plusquam venialiter furando, non peccabit plusquam venialiter non restituendo illud, ceteris paribus, arg. cap. saepe de restit. spol.

Tertium, contingere posse, quod vnus tribus, vel quatuor vicibus furando notabilem quantitatem intra viginti dies non peccet mortifere, nec ad restituendum obligetur: & quod alius eandem quantitatem furans in tribus annis peccet mortifere, & teneatur restituere: quia fieri potest, vt quis intra viginti dies furetur aliqua minuta, quae confusa faceret notabilem quantitatem, cum minori memoria aliarum vicium, quibus furaretur, quam alius, qui totidem vicibus intra tres annos furaretur notabilem quantitatem: & quod memoria furti prioris, vel posterioris faciat multum ad hoc, quod fur habeat expresse, vel virtualiter animum nocendi in pluri, quam tunc furatur.

Quartum, quod praefata statuta Carthusiana possent restringi ad illos tantum, qui multis vicibus ultra summam trium solidorum sic acceperunt, quod expresse vel virtualiter illud documentum aliqua illarum vicium inferre intenderunt, vel praesumuntur intendisse: quia fieri potest, quod monachus Carthusianus aliquo tempore aliqua minima capiat sine vlla memoria postea capiendorum, & immemor eorum quae cepit, vel capturus est, capiat alia minima sine vlla mente nocendi monasterio in pluri, quam tunc capit.

Quintum, quod licet haec sint vera in foro interiori, tamen in foro exteriori praesumetur huiusmodi monachus, vel alius homo, qui fecit huiusmodi minima, furta multis vicibus vsque ad quantitatem notabilem, quod in aliqua earum habuit animum expressum virtualem, vel tacitum nocendi notabiliter ei, cui talia furaretur: & quod per hoc conciliari possunt opiniones contrariae, scilicet, quod haec posterior nostra sit vera in foro Dei, quod solanitur veritate, cap. multi de q. 1. & prior communis in hominum foro, quod multum innatur praesumptione, cap. tua. cap. is qui. de sponsal.

S E X T V M D V B I V M. an monachus Carthusianus, qui cepit aliquam rem sine sufficienti ad id licentia de bonis monasterij, quam non potest restituere, quia omnino perempta est, vel donatarius, cui data fuit, abiit numquam rediturus, vel in extremam & perpetuam incidit paupertatem, aut ob aliquam aliam rationem incidat in excommunicationem praefati statuti, si iuxta formam illius id non manifestet?

- 28 Pro parte negante facit primo, quod frustra expectatur euentus, cuius nullus sequitur effectus, cap. cum contingat. de offic. deleg. l. ad probationem. C. de probat. de manifestatione peccati nullus sperari posse videtur effectus in casu proposito, cum in eo nulla speretur restitutio. Secundo, quod accessorium sequitur principale, cap. accessorium. de reg. iur. lib. 6. cum suis concordantijs: & excommunicatio lata contra non restituentem videtur accessorium ad restitutionem: cum ergo impotentia & inopia excusent a peccato non restituendi, l. nam is. ff. de dolo. cap. Odoardus.

du. de solutione excusabit quoque ab excommunicatione ob omisſam reſtitutionem rem adeo ſit eius acceſſorium, vt iuſſus reſtituere ſub pena excommunicationis lata ſententiæ, non incidat in illam, ſi reſtituere nequit, per ea quæ latius tradimus in d. cap. 17. num. 60.

- 29 Non obſtantibus his, contrarium eſt tenendum, vt tu ipſe neruoſe comprobas. Tum quia non quaeritur in dubio propoſito de excommunicatione lata contra non reſtituentem, in qua procedunt argumenta præmiſſa, ſed de lata contra non manifeſtantem, qui ſe ſua ſponte ſaltem tacite obligauit ad manifeſtandum. Tum quia monachus Carthuſianus, & quilibet alius religioſus multis modis poteſt reſtituere monaſterio, quod laſit, vt ſupra diximus citando dicta noſtra in tract. de redditib. quaſt. 2. mon. 20. & q. 3. mon. ult. Tum quia monachus per ſuum conſenſum potuit obligari ad obſeruanda ſtatuta ſui ordinis, ad quæ ſeruanda iure communi non eſſet obligatus, vt in primo dubio dicimus de obligatione ad conſitendum bis idem peccatum. Tum quia manifeſtatio præſati peccati proprietatis non eſt inutilis, & ſuperuacanea, etiam ſi per illam nulla ſperaretur reſtitutio. Poteſt enim prodeſſe, vt ſupra dictum eſt, ad hoc, vt cautius committantur munia, quæ præſtant occaſionem appropriandi, & vt magis timeat appropriare, ne ſubeat onus ſe prodendi Priori. Nec obſtat, quod nos alibi diximus non eſſe prodendum peccatorem iam correctum ſuperiori, ad cauendum futurum lapſum, quia illud eſt verum, attento ſolo iure communi; hoc autem, quod dicimus, procedit attento iure ſpeciali præſati ſtatuti Carthuſiani.

SEPTIMUM DVBIUM, an monachus Carthuſianus, qui appropriauit ultra ſummam trium ſolidorum, & poſtea fecit reſtitutionem ſufficientem ante lapſum termini ad manifeſtandum Priori præfixum, incidat in excommunicationem propter omiſſam manifeſtationem intra terminum ad id præfixum.

- 30 Et quidem pro parte affirmante facit primo, quod paria videntur eſſe non poſſe reſtituere, & reſtitutionem eſſe factam, quo ad hoc, vt non teneatur quis furtum à ſe, vel ab alio factum manifeſtare, per ea quæ nos latius diximus cap. inter verba. concl. 6. coroll. 65. aliàs 66. vbi definire videmur non teneri quem ad manifeſtandum furem, qui iam reſtituit, vel non poteſt reſtituere, propter monitoria de manifeſtando à ſuperiore propoſita, & in proximo dubio diximus teneri monachum Carthuſianum ad manifeſtandum appropriationem male à ſe factam intra terminum ad id præfixum, etiam ſi res appropriata nullatenus poſſet reſtitui. ergo tenebitur, licet iam reſtituerit.

Secundo, quod ſtatutum præſatum excommunicat omnem proprietarium, ſive qui proprietatis peccatum admittit ultra valorem trium ſolidorum. At qui illud admittit, licet rem appropriatam reſtituat, non poteſt dici non fuiſſe proprietarius: ergo videtur comprehendi in eo.

Hæc tamen non obſtantibus, contrarium videtur tenendum. Tum quia monitorio Episcopii de manifeſtando furto non ligatur qui reſtituit illud, neque qui nouit ipſum iam eſſe reſtitutum, per ea quæ diximus cap. inter verba.

verba. conclu. 6. corolla. 65. & alias 66. 1. q. 3. Tum quia diuersa sunt appropriare, & appropriatum non manifestare Priori; & statutum præfatum non excommunicat appropriantem solum, sed appropriantem, & non manifestantem id, quod deberet manifestare: & qui restituit rem appropriatam ante manifestandi terminum, desinit habere rem appropriatam cum obligatione manifestandi eam; & consequenter desinit esse obligatus ad rescindendam proprietatem per manifestationem; quia prioratio præsupponit habitum, l. decem. ff. de verb. oblig. & quod non est, dissolui non potest, cap. ad dissoluendum. de desponsa. impub. Tum quia legis, quæ dupliciter apte intelligi potest, benignior intellectus est accipiendus, l. benignius. ff. de legibus. Et ideo licet prædictum statutum apte posset quo ad verba forsitan intelligi de illo, qui est, aut fuit tantum proprietarius; benignius tamen intelligitur de illo tantum, qui fuit, & est proprietarius tempore manifestationis, vt palam est: ergo tantum debet intelligi de illo. Tum quia vtilior est is intellectus monasterio, & animæ proprietarij; quoniam est incitamentum ad hoc, vt proprietarius per se vel per amicos ante tempus manifestandi restituat rem appropriatam aliquo illorum modorum, quibus diximus monachum restituere posse vbi supra: quoniã item est consolatio monacho ad excusandum pudorem, quem cum nulla, vel parua vtilitate monasterij alias est passurus. Tum quod est lex poenalis, & ideo restringenda, ca. poenæ. de poenit. dist. 1. Tum denique quod non est credendum patres illos pierrimos, qui statutum illud composuerunt, fuisse adeo tetricos, & saxeos, vt non posset eos mollire, & contentos facere iusta restitutio, quæ etiam crudeles quosque ac militares homines mollit, & reddit contentos.

Ad prius oppositorum respondetur, negando quod paria sint restituere, & non posse restituere, per ea ipsa, quæ ipse dico in d. corolla. 65. vel 66.

Ad posterius respondetur, negando quod statutum præfatum debeat intelligi de quolibet, qui est, vel fuit proprietarius: sed tantum de eo, qui fuit, & non desinit esse proprietarius per iustam restitutionem tempore manifestationis, per rationes supradictas.

OCTAVVM DVBIUM, an Priores præfati ordinis Carthusiani possint remittere suis monachis obligationem manifestandi sibi appropriata; ita quod propter omissam manifestationem non incidant in excommunicationem, & sufficiat eis confiteri sua peccata proprietatis confessarijs electis per bullam Cruciatæ, vel alijs habentibus potestatem absolucendi à reservatis Prioribus.

32 Et quidem pro parte affirmatiua facit, quod Priores videntur possidere suis monachis facultatem donandi ea, quæ ipsi possent iuste donare, & impendere, vt nos tradimus in com. 2. de reg. super cap. non dicatis. 12. q. 1. num. 23. & seq. & consequenter habere pro recte impensis ea, quæ sui monachi impenderunt, vel donarunt; quo facto videtur facta restitutio; quia restitutio, & remissio, siue condonatio debiti exaquantur, cap. peccatum. de regul. iur. lib. 6. adiuncta gloss. verbo restituatur. cum similibus.

Sed

Sed videtur respondendum primo, quod prefati Priores per nullam remissionem suam excusantur ab obligatione faciendi denunciationem, quam debent facere in Dominica Palmarum. Tum quia iubentur id facere per prefatum statutum. Tum quia, etiam si nullus fuerit proprietarius toto illo anno, tenentur tamen ipsi facere illam denunciationem, cum nesciant nullum talem esse: & prefata remissio ad summum non potest efficere, nisi quod sui monachi designant esse eorum proprietarii, quod non potest Prior certo scire, nisi per manifestationem.

33 Secundo videtur respondendum, quod Prior non potest ratam habere dispensationem suorum monachorum, nisi fuerit facta in utilitatem monasterii, & usus pios, vel iustam remunerationem; quia (vt dixi in predicto nu. 23. & seq.) non habet ipse Prior facultatem dispensandi in alia: & nemo dat, quod non habet, cap. quod autem de iur. patr. l. si vniuersa, C. de legat.

Tertio, quod Priores non viderentur recte facere, si monachis suis generaliter remitterent appropriata & impensa sine sua licentia; quia darent occasionem delinquendi, contra cap. ex parte. de consue. & contra l. conueniri. ff. de pact. dota.

Quarto, quod si Prior remitteret eis appropriata, & impensa, vel occultata sine ipsius sufficienti licentia, valeret remissio quo ad impensa in utilitatem monasterii, vel in pios aut iustos remuneratorios usus, non autem quo ad impensa vel occultata in alios: & ita non tenerentur manifestare suas appropriationes magis, quam si restituisent: quia per responsum ad septimum dubium, qui restituit ante terminum manifestandi, non tenetur manifestare; alij autem, qui in alia impendissent, tenerentur manifestare, vel restituere ante terminum, alias inciderent in excommunicationem per supradicta.

Quinto, quod vero propius videtur non posse Priores remittere suis monachis obligationem manifestandi eis suam appropriationem. Tum quia interest ordinis vt illa fiat eis ob respectus supradictos. Tum quod totus ordo videtur reservare illam Prioribus ratione industriæ illorum, quod videtur facere illam indelegabilem, cap. fin. §. ceterum. de offi. deleg.

NONVM DVBIUM, an Priores Carthusiani possint alijs confessorijs subdelegare potestatem absoluendi monachos proprietarios a peccatis proprietatis, & ab excommunicatione incurfa ob omissionem non reuelationis eorum iuxta statuta ordinis faciendæ?

34 Ad hoc respondeo affirmative, quod sic, attento iure communi. Tum quia iure Pontificio omnia, quæ pertinent ad iurisdictionem, sunt delegabilia, iuxta gloss. memorabilem & recep. in cap. peruenit. 95. distin. Tum quia quædam alia solemnibus gloss. etiam recep. in cap. fin. de offi. iud. deleg. tenet, quod omnes, qui possunt absolvere ab excommunicatione virtute iurisdictionis delegatæ à Principe, aut concessæ in privilegium perpetuum ratione dignitatis, aut officij, aut virtute alterius ordinariæ potestatis, possunt committere alijs. Et constat huiusmodi Priores habere iurisdictionem ordinariam in suos monachos, & potestatem absoluendi ratione suarum dignitatum, cap. cum ab ecclesiarum prelati, & cap.

& cap. quanto. de offic. ordin. & per statuta ordinis, quæ etiam sunt leges particulares, l. omnes populi ff. de iusti. & iure, & cap. cum omnes. de constitutione. nescio autem an aliquo statuto particulari ordinis à Sede Apostolica probato id eis vetetur.

- 35 DECIMUM DVBIUM, an monachus Carthusianus absolutus à peccato proprietatis per bullam Cruciatæ, teneatur ad reuelandum illud Priori.

Respondeo, quod sic: quia absolutio à peccato proprietatis non tollit obligationem ad manifestandum illud Priori, per responsum ad primum dubium.

VNDECIMUM DVBIUM, an absolutus per bullam Cruciatæ ab excommunicatione incurfa, eo quod non denunciavit intra certum terminum id, quod iubebatur denunciare per edictum superioris, incurrat nouam excommunicationem, si non denunciauerit post termini lapsum, quam cito commode poterit; quod cum facere debere diximus in Manu. confess. cap. 27. num. 46.

- 36 Respondeo primo, quod questio videtur præsupponere falsum, scilicet quod excommunicatus potest absolui per bullam Cruciatæ sine præuia satisfactione: contrarium enim videtur verum, quod affirmat Sotus in 4. dist. 22. q. 2. art. 3. concl. 2. pro qua facit gloss. singularis solemnis, & alia, quæ ipse non citat in clem. 1. verb. inhibentes. de iure patro. communiter recepta, præsertim à Felin. in cap. ex parte. col. 4. de consti. quæ habet non valere actum ab eo, cui data est potestas faciendi illum, adiecta certa forma, si non seruat eam, nec habet aliunde potestatem, qua illum faciat. Et confessarius electus per Cruciatam accipit potestatem absoluendi, adiecta forma præuiæ satisfactionis, & non habet communiter aliunde facultatem absoluendi. unde hinc ipse Sotus infert, quod non potest quis absolui ab excommunicatione per Cruciatam ante satisfactionem, etiam si omnino impotens sit ad satisfaciendum.

Secundo respondeo, quod, etiam si confessarius per bullam Cruciatæ electus haberet potestatem absoluendi ab excommunicatione non potentem satisfacere; non tamen posset absolvere monachum Carthusianum ab excommunicatione incurfa propter omissam manifestationem, antequam eam faceret. Quia licet non habeat potentiam restituendi appropriatum, & male dispersum, habet tamen potentiam manifestandi appropriationem: & ita non posset illum absolvere non faciendo illud, propter cuius omissionem excommunicatur.

- 37 Nec obstat, quod absolutio facta mandato Papæ, cum mandat aliquem absolui secundum formam iuris, non seruata illa, valet; vt etiam nos diximus in præfato Manu. cap. 27. num. 37. etiam si fiat ab eo, qui aliunde non haberet potestatem absoluendi; licet contrarium sit regulariter verum per præfatam gloss. singularem & communiter recep. in clem. 1. verbo inhibentes. de iure pat. quia illud intelligitur, quando Papa facit mentionem de forma iuris, non animo inducendi nouam formam, sed monendi formam inductam, argum. dictorum Innoc. cap. fin. de præsum-

sumptio. quem probat gloss. magna communiter recep. in clem. 1. de offi. deleg. at Papa per bullam Cruciatæ facit mentionem de præmittenda satisfactione animo inducendi nouam formam: quod colligitur ex eo, quod priuilegium Principis intelligendum est sine præiudicio tertij, l. 2. §. si quis à principe. ff. ne quid in loco pub. fiat. & cap. si pro eo. de offi. delega. & si priuilegium præfatum Cruciatæ aliter intelligeretur, præiudicaret innumeris, & grauissime.

- 38 Non obstat etiam, quod non est facienda satisfactio iudici, vt Sotus ibi dicit. Tum quod non potest suum probari dictum, nisi quo ad pœnam nondum impositam, iuxta gloss. singu. clem. 2. §. 1. verbo officij. de hæreti. lib. 6. quam didicimus ab Aretino l. 4. §. Cato. in princ. de verb. obligat. Tum quod in nostro casu Prior est vt pars. Tum quod ipsemet ait id esse verum, quando non potest satisfieri mandato, non autem quando potest, & perfidia durat, & potest ab ea recedi, vt in casu nostro, in quo non aclus licet non posset satisfacere statuto restituendo appropriatum, potest tamen satisfacere illi manifestando, vt prædictum est.

DE VODE CIMVM, quid dicendum sit super diuersitate lobelzorum, quæ emanarunt à se. re. Pio V. & à S. D. N. quo ad absolutionem à censuris, cum priora significent posse quem absolui per illa quo ad forum conscientiz tantum ante satisfactionem, & non quo ad forum exterius; per posteriora vero non, etiam quo ad forum conscientiz, nisi quo ad effectum indulgentiæ querendæ.

- 39 Respondeo, quod memini facere quædam verba cum se. re. Pio V. super duritia formæ absoluendi à censuris lobelzæ suis insertæ: quod forte fuit in causa mutandi in alias formas; & tandem visum est & quidem recte S. D. N. Greg. XIII. quod absoluantur quidem omnino quo ad momentum, quo queritur indulgentia, sic tamen vt statim reincidant etiam omnino, etiam quo ad vtrumque forum in easdem censuras, vt euitetur grauissimum præiudicium, quod fieret his, in quorum fauorem essent illæ latæ, etiam per absolutionem quo ad forum conscientiz tantum, cum per eam debitores longe negligentiores fierent ad soluendum, videntes se quo ad Deum absolutos.

DECIMVM TERTIVM, an monachus Carthusianus furans aliquid ab exteris ad vtilitatem monasterij peccet bis, aut semel cum circumstantia necessario confitenda ob transgressionem legis de non furando, & voti paupertatis,

- 40 Respondeo quod non; quia non frangit votum paupertatis: quoniam per illud solum vouit nil sibi queriturum, immo nec appropriaturum sine licentia superioris, per ea quæ nos latius scribimus in com. 1. de reg. super cap. cui portio. 12. q. 1. num. 23. & is, de quo queritur, nihil sibi vult querere, nec appropriare: si autem furaretur animo querendi, vel appropriandi sibi, bis peccaret, vel saltem semel cum circumstantia necessario confitenda, per ea quæ diximus in Man. cap. 6. num. 3.

DECIMVM QVARTVM, an statuto Carthusiano excommunicanti monachum appropriantem ultra valorem trium solidorum, &

non

non reuelantem id intra tempus in eo præfixum, aduersetur Concil. Trid. sess. 25. cap. 3. de reform.

41. Respondeo, quod facile cuiuspiam videri potest vera pars eius affirmatiua. Tum quia præmium illius cap. probat excommunicationem non esse pro re leui ferendam: ergo nec pro omni re valorem trium solidorum non excedente: cum is valor, qui non pertingit ad valorem vnius Iulij Itali, vel regalis Hispani, satis levis censeatur. Tum quod dispositio illius cap. expresse prohibet, ne pro leui furto manifestando feratur excommunicatio; & præfatum statutum profert illam pro re triuta solidorum manifestanda.

Sed contrarium est dicendum. Tum quia cap. illud inducit ius nouum, quod colligitur ex illo verbo *statuimus*, quod est signum iuris noui, iuxta gloss. in clement. fin. verb. *declaramus*. de rescript. quam cum alijs citat Felin. in cap. decernimus. de re iud. Et ita non extenditur ad præterita; cap. ult. de constit. Statutum autem præfatum ante multa secula fuit editum. Tum quia cap. illud loquitur de excommunicationibus ferendis ab homine, & non de latis à iure, quoniam de numero est illa, quæ à statuto præfato fertur. Tum denique quod ex verbis ipsius plane colligitur Concilium noluisse per illud alterare excommunicationes à iure ante illud latis: & in dispositionibus maxime attendenda est mens disponentis, l. in conditionibus. ff. de condi. & demonst. cap. fin. de præb. per quas considerationes in oppositum adducta soluantur.

DECIMVMQVINTVM, an Prior Carthusianus, qui male appropriat, vel impendit ultra valorem trium solidorum, & non manifestat intra terminum, quem Capitulum præfato statuto præfixit, incidat in excommunicationem?

42. Respondeo, quod facile cuiuspiam videri potest vera pars affirmatiua. Tum quod Abbates & Priores sunt monachi, cap. fin. de simo. vt tradit Pannorm. communiter recep. cap. quoniam Abbas. de offic. deleg. Tum quod Abbas, vel Prior male dispendens, vel occultans res monasterij, peccat contra votum paupertatis, & fit proprietarius æque, vel plus quam monachus, arg. cap. cum ad monasterium. §. fin. de statu mon. & tradit Ioan. Maior in 4. dist. 38. q. 9. ergo æque, vel magis debet esse excommunicatus. Tum quia excommunicationem præfatam non ferunt Priores, sed Capitulum generale, quod edidit statutum, quodque tantam & maiorem iurisdictionem habet in Priores, quam ipsi in monachos. Tum quod excommunicatio Papalis denunciata per Episcopum merum denunciatores ita ligat ipsum, ac alios Episcopos, vt & nos diximus in Manu. confess. cap. 27. nu. 6. ergo cum Prior sit merus denunciator excommunicationis præfatæ, æque ligabit ipsum, ac alios monachos.

Sed contra est tenendum. Tum quia Capitulum generale per præfatum statutum solos monachos subditos videtur excommunicare, quod colligitur in illo verbo ipsius, *subditos*. Tum quod solum illum monachum proprietarium excommunicat, qui suam appropriationem non manifestat suo Priori: & Prior non habet Priorem, cui subsit, vt monachus simplex illi.

Tum quod omnes, quos statutum excommunicat, Prior denunciat, & tamen ipse non denunciat nisi sibi subditos. Ergo Capitulum generale solos monachos, qui non sunt Priores, excommunicat. Tum quia peccatum proprietatis, ut plurimum fit occultando, quo modo Prior raro peccat, ut palam est. Tum quia, licet appellatione monachi veniat Abbas in favorabilibus, non tamen regulariter in odiosis, ut ibi communis concludit; præsertim cum est probabile, quod disponens noluit eos comprehendere, ut post alios tradimus nos in d. cap. fin.

43 DECIMUMSEXTUM, an monachus Carthusianus dans, vel recipiens litteras sine Prioris licentia, peccet peccatum proprietatis?

Et quidem pro parte affirmante facit primo cap. non dicatis. 1. 2. q. 1. quatenus habet, esse grande peccatum accipere, vel dare litteras sine licentia prælati: cuius, unam rationem diximus ibidem videri esse, quod frangit votum paupertatis, in quantum dispendit papyrum monasterij dando litteras, & appropriat papyrum litterarum ad se scriptarum recipiendo illas occultas.

Secundo faciunt illa verba cap. 9. eiusdem regulæ Augustini: *Si quis rem sibi collatam gesserit, furti iudicio condemnatur*; & nemo negare potest litteras rem aliquam esse, licet parvam: & quamvis parvas rei susceptæ excuset à culpa mortifera, iuxta S. Thom. 2. 2. q. 59. art. 9. non tamen excusat à furto veniali, ut & super dictum est in responso ad dubium secundum.

Tertio, quod licet alia ratione, nempe inobedientiæ, datio, & receptio litterarum possit dici esse peccatum; non ideo desinit esse tale ob istam; cum idem peccatum multis rationibus possit esse tale: furtum enim, quo sibi monachus querit aliquid, maxime de rebus monasterij, non solum 44 est peccatum, quia vetatur lege naturali, & divina Decalogi, Exod. 20. sed etiam quia per illud frangitur votum de non volendo aliquid sibi appropriare, contra d. cap. non dicatis. 1. 2. q. 1. per quam rationem diximus in d. nu. 13. quod licet nuncia, & litteræ ut plurimum æquantur, iuxta cap. ubi periculum. 1. nulli. de elect. lib. 6. hac tamen ratione differunt, quod litteræ possunt esse res in se pecuniariæ, quales non sunt nuncia.

Quarto, quod per hanc eandem rationem possunt solvi omnia illa argumenta, quibus nervose hanc conclusionem tu eruditissime oppugnas: illa enim probant hanc litterarum dationem & receptionem posse dici peccatum inobedientiæ; sed ex eo non infertur non posse dici peccatum proprietatis.

45 Quare videtur resolvendum, quod si charta litterarum data, vel recepta, adeo est inutilis, ut nil penitus valeat communi æstimatione, eius datio vel receptio non est peccatum proprietatis; cum non fit appropriatio, vel dispensatio boni pecuniarij, per ea quæ diximus in d. com. 1. de reg. nu. 13. & seq. si autem valet notabili pretio, æstimatis saltem characteribus auratis, aut alijs imaginibus affabre depictis, & illustratis, eius datio vel receptio erit peccatum proprietatis, etiam mortiferum: si autem charta cum scriptis & depictis in ea fuerit parvi valoris, erit quidem peccatum proprietatis, sicut & furtum pecuniæ similis valoris, sed

non

non mortiferum, per responsa dubio tertio. Ex quo inferri potest primo, quod huiusmodi datio & receptio non sit vllum peccatum, vel tantum veniale proprietatis, etsi magnum inobedientiæ.

Secundo, quod aliqua datio, vel receptio litterarum occulta non erit tamquam peccatum proprietatis manifestandum superiori; & tamen toties multiplicata, vt excedat valorem trium solidorum, esset manifesta, secundum communem opinionem, quam tamen in responsione ad dubium secundum diximus esse multum quo ad forum conscientie limitandam.

- 46 DECIMVMSEPTIMVM, an monacho Carthusiano liceat ea, quæ sibi supersunt de ijs, quæ ad se alendum tribuuntur, in opera pia pro suo arbitrio dispendere?

Circa quod tu erudite, eleganter, & copiose spatiaris quedam dicta nostra probando, & in dubium renocando. quoddam, quod nos dixisse aliqui arbitrantur in tract. de redi. eccl. q. 1. & tu addis temperatum fuisse idem à nobis in Apologia illius libri q. 1. nu. 30. & cap. non dicatis. 12. q. 1. nu. 41.

Secundo, quod ego numquam dixi, nec somniaui vlli monacho simplici licere præfata supersua in eleemosynam, vel alia pia opera sine licentia prælati expressa vel tacita conuertere, vt latissime declaro in d. nu. 41. sed quod illud licet ei, quando dantur ei aliqua pro sua sustentatione ad aliquod negotium peragendum, ea lege, vt nihil amplius petere possit à monasterio, neque monasterium ab eo, siue plus, siue minus impendat: & quod data regulari in suum victum, & vestitum, videntur in dubio ita data, vt honeste reliquata possit in vsus pios impendere, eo quod tacite videtur dari sibi ea facultas.

- 47 Tertio, quod monacho Carthusiano simplici nullam habenti administrationem, & intra suum monasterium degenti, non licet vlla talia reliquata in eleemosynam, vel in alia pia opera sine licentia impendere; quoniam ordo iste vester huius voti paupertatis obseruantissimus habet multas constitutiones, quas ipse citas, per quas expresse prohibetur eis illa facultas; & expresse præcipitur, vt omnia quæ illis super fuerint ex cibo, & vestitu, reddant communitati: & consequenter nullam habent ad id licentiam expressam, nec tacitam, nec vllum est eis ad hoc dubium; immo præceptum expressum illi contrarium, quod etiam nititur iure communi, vt nos vbi supra diximus num. 3.

- 48 Quarto, quod in alijs regularibus, quibus non est tale præceptum contrarium, & datur singulis certa quantitas pecunie, panis, vini, & opsonij, ita quod non dabitur eis plus, licet plus impendant, nec minus, licet minus impendant; videntur eis ita in dubio dari, vt possint impendere, reliquata in illas eleemosynas, & in illa pia, in quæ ipse prælatus iuste potuisset; quia videtur illa facultas tacite eis data. si tamen per sua statuta, vel alia iusta prælatorum præcepta restringeretur eis expresse (vt scio in quodam illustri monasterio expressum fuisse) ne ultra certam summam etiam de reliquatis possent in pia opera impendere sine licentia superioris, non liceret eis ultra illam summam eleemosynam facere; quia sunt extra casum dubium, cum expresse sit eis id vetitum.

Quinto, quod negari non potest facultatem tacitam vel expressam impendendi honeste reliquata in opera pia, esse magnam occasionem abstinentiæ, sobrietatis, parsimoniæ, & continentiæ, modestiæ, humilitatis, immo & charitatis, quæ perfectionis vinculum est; quamvis etiam confitendum sit eandem esse quibusdam incitamentum aliquod cupiditatis, & terrenæ cogitationis; sed illa facile sopit pietas, & amor Dei, & proximi pauperis, propter quem subtrahit suæ carni, & voluptati aliqua, quæ seruiunt alterius consolationi, fami, & paupertati; quamvis item palam sit, conuenientius esse per se religionis perfectioni, ut tota in pauperes, & in opera pia distributio sit penes ipsos Priores, & simplices monachi reliquationi honestæ per abstinentiam, sobrietatem, & alias virtutes præfatas, amore boni communis augendi, & distribuendi ad pia per prælatos, tantopere studerent, ac si reliquata per ipsosmet essent in eadem pia distribuenda.

DECIMVM OCTAVVM, an sit vera communis illa resolutio Bart. & aliorum in l. Lucius. §. tres hæredes. ff. ad Trebellia. scilicet, quod legatum factum monacho, donec superior permiserit ei uti in suos priuatos vsus, & non ultra, valeat.

49 Respondetur quod sic. Tum quia id nulla lege naturali vel diuina vetatur, cum talis vsus non sit voto vlli solemni, nec simplici contrarius, ut palam est. Tum quia nulla etiam lege humana id vetatur, cum ille solus monachus à Ioan. And. communiter recepto in cap. cum ad monasterium. de statu regul. dicatur proprietarius, qui tenet occulte, vel contra voluntatem superioris aliquid; & præfatus monachus per dispensationem huiusmodi legati nil tenet occulte, neque contra voluntatem superioris, quippe qui sciens & prudens vsus illius ei permittit.

50 An autem aliqua, quæ iusta fuerit, cautela possit inueniri, per quam tribuatur alicui monacho aut monachæ facultas aliquid in vsus suos vel alienos pios, quos ipsi volent, absque licentia superioris expressa, vel tacita licite impendendi? Et pro affirmante facit primo prædicta resolutio communis super gloss. l. Lucius. §. tres hæredes. ff. ad Trebellian.

Secundo, quod contra nullam legem naturalem, diuinam, nec humanam videtur esse donatio inter viuos, vel vltima voluntas, qua quis donat alicui monacho vel monachæ aliquam quantitatem diurnam, mensuram, vel annuam, donec permittitur illi à superioribus suis vsus eius in suas necessitates, vel alia pia.

Tertio, quod Papa frequenter concedit monachis pensiones super beneficijs sui ordinis, & etiam aliorum cum facultate dispendendi eas in suos, vel alios pios honestos vsus, & quidem iuste, per cap. nisi essent. & adnotat ibi Panor. de præben.

His tamen non obstantibus, contrarium est tenendum. Tum quia id vetatur in cap. non dicatis. 12. q. 1. & in alijs locis multis in com. eius à nobis citatis. Tum quia non possunt duo contraria simul inueniri vera, l. vbi repugnantia. ff. de regul. iur. cap. sollicitudinem. de appell. at contraria.

& re-

& repugnantia sunt, quod monachus per eundem actum contraueniat voto suo, & non contraueniat illi, vt palam est. Et monachum vti aliquibus bonis absque licentia superioris extra necessitatem extremam, & non transgredi votum suum solemne, sunt contraria, vt patet. ergo pars affirmatiua quæstionis est falsa.

Ad primum oppositorum respondetur, concedendo quidem illam resolutionem communem in eo citatam; negando tamen quod ex ea inferatur monachum posse vti aliqua re sibi relicta sine consensu expresso, vel tacito superioris; cum potius perdat, & desinat eidem legatum, simul ac superior noluerit vt eo utatur.

Ad secundum respondetur, concedendo assumptum in eo; sed negando, vt dictum est ad primum, quod ex eo sequatur pars affirmatiua quæstionis propositæ.

51 Ad tertium, concedendo etiam id quod in eo assumitur; sed negando, quod qui monachus vti aliqua re de consensu vel licentia Papæ, utatur ea absque superioris licentia: cum ipse sit superior omnium monachorū, immo & omnium Christianorum prælatus primus, & maximus concurrens in iurisdictione cum omni prælato, vt S. Tho. in opusc. contra errores Græcorum cap. 66. & præcedenti, & sequenti; & Innoc. quem sequuntur omnes, præsertim Felin. nu. 2. in cap. 2. de constitutio.

52 DE CIMVMNONVM, an expediât ordini Carthusiano, vt prælati eius repudient legata, quæ parentes, vel alij cognati, aut amici fecerint monachis Carthusianis, vt eis utantur, donec prælati permiserint ipsis uti eis ad vsus suos, vel pios, quos ipsi volent, & non ultra.

Ad quod (quia de illo erudite, religiose, & ac eleganter disputas) nihil aliud respondeo, quam quod prælati debent prudenter & serio pensare, an monasterium egeat, an abundet; & an per repudiationem exasperentur legantium filij, vel cognati, adeo vt auerterent animos ab amore ordinis; an item monachi legatarij ob morbos, vel complexionis debilitatem egeant alimentis, vel medicinis extraordinarijs; an item sint tales, qui valde, & ad multum temporis scandalizarentur, eo quod non conceditur eis id quod licite sine ordinis damno concedi potest: an item sint ad prudenter dispendendum propensi, an ad effundendum vane inclinati; & alias rerum legatarum, quantitatis, vtilitatis, finis, & modi apppositi circumstantias, & secundum illas acceptet illa, vel repudiet, vt Deo, proximis, & ordini videbitur conuenientius. Tum quia non fuerit charitatis & prudentiæ illa ex abrupto repudiare, argum. titulorum de iure deliberan. ff. & C. Tum quia fieri potest, vt sint aliqua monasteria Carthusiana similia quibusdam aliorum ordinum, in quibus vix panis, vinum, & vestitus de cellario communi exhiberi potest.

53 Non obstat ijs cap. 8. §. 4. 3. compilat. statutorum eiusdem ordinis, quod à te proponitur conceptum in hæc verba. *Si nouitij, tempore quo professionem facturi sunt, libere aliquid, & sine omni pacto, nulla præcedente petitione, dare voluerint, libere accipi poterit, & iuxta dantis voluntatem expendi; dum tamen talis voluntas non deuiet à rigore statuti, nec per eam lapsus aliquis in ordine*

fiat. Unde si vellet quod ex re donata aliqua pitantia pro tēpore, vel in perpetuum danda conuentui, diebus quibus ex ordine pitantia non datur, vel quod aliquid alicui, vel aliquibus particulariter, & non ad communem usum & commune commodum daretur, aut quid simile, nullo modo debent audiri. Hactenus statutum, cui dicitur concordare aliud in cap. 5. §. 8. secundæ partis nonorum. Non inquam præfatum cap. obstat prædictis. Tum quia loquitur de solis nouitijs, exorbitatq. ab illo iure communi, quod continet præfata resolutio communis, de qua in 17. dubio, & ideo non debet extendi ad alios, in quibus saltem eadem ratio nõ idem suaderet, arg. cap. quæ à iure de reg. iur. lib. 6. Tum quia loquitur in casu, quo ex obseruantia modi donationi appositæ lapsus regulæ timeretur, & prædicta intelliguntur extra illum casum. Tum quia statutum videtur loqui de modo & onere tendente ad delitias, vel superflua, vel saltem non necessaria, vt eius exempla confirmant: prædicta vero de ijs, quæ tendunt ad necessariis, & vtilia monasteriorum, saltem per quamdam consequentiam, quia releuant illud dādo illi monacho aliquid quæ necessaria, in quæ ipse impenderet legatum.

54. VIGESIMVM DVBIVM, an monachus Carthusianus de licentia & consensu Prioris possit accipere aliquas pitantias Missarum, impendendas in aliqua pia, puta in libros, aut vestes sibi convenientes, aut in illas, aut illas pauperum eleemosynas, &c.

Respondeo quod sic, dummodo non impendat eas in alia; quia, vt nos diximus in comment. 2. de regular. super cap. non dicatis. 12. quest. 12. nu. 23. monachus de licentia prælati potest iuste impendere de bonis monasterij in illos vsus, in quos iuste posset ipsemet prælatus. Nec obstat statutum, de quo in cap. 3. §. 10. 3. compila. quod à te proponitur conceptum in hæc verba: Nulla etiam persona ordinis per se, aut quamvis aliam interpositam personam pro Missis & alijs prædictis officijs, & beneficijs pecunias, etiam gratis oblatas, vel aliquid aliud ad suos vsus conuertendum, sub piena disciplina generalis, recipiat; sed si quid pro fidelium deuotione offeratur, illud cum gratiarum actione, cessante omni passionē recipiatur, & ad vsus, & commodum, non illius, cui offertur, sed totius communitatis conuertatur ad Prioris arbitrium. Hactenus statutum.

55. Non inquam id obstat. Tum quia loquitur simpliciter de accipiente pitantiam, vel eleemosynam in usum suum: questio autem quærit de accipiente eam de licentia prælati. Tum quia statutum ipsum continet, vt illa impendantur arbitrio Prioris; & constat eius arbitrio impendi, quod de ipsius licentia impenditur, præsertim cum vsus certus, in quem sunt impendenda, exprimitur ab ipso. Tum denique quod in usum communem videtur impendi, quod de prælati consensu in aliquem decentem usum monachi impenditur; quia cum monachi sint potissima pars monasterij, cum personæ præstent rebus, l. 2. ff. de statu homi. l. si quæramus. ff. de testa. sequitur quod dictum est.

56. VIGESIMVM PRIMVM, an monachus Carthusianus, qui peccatum mortiferum proprietatis admisit alienando, vel occultando rem monasterij, teneatur illud confiteri, antequam miser, vel communicet;

an ita vt non sufficiat quod confiteatur illud Priori ante diem Cœnz Domini?

Respondeo quod sic. Tum quia opinio vera & communis etiam ante Conc. Trid. tenebat omne peccatum mortiferum esse confitendum ante sumptionem Eucharistiæ, iuxta gloss. singul. cap. sane. de celebr. miss. quam nos late probauimus in summa de pœnit. dist. 5. & ante præfatū Conc. quod eam in canonem redegit, addens esse errorem contrarium eius, cap. 7. & can. 11. sess. 13. Tum quia nihil obstat statutum eiusdem ordinis in primo dubio relatum, quatenus significat sufficere monachis præfati ordinis confiteri peccata proprietatis Priori ante diem Cœnz Domini; quoniam nō statuit, nec potuit statuere contrarium diuinum, quod non teneretur confiteri illud ante sumptionem Eucharistiæ, cap. sunt quidam. 25. quæst. 1. & argum. cap. inferior. 21. dist. sed solum statuit, quod sit excommunicatus, si non confiteatur, vel non reuelauerit illud Priori ante diem Cœnz Domini: quod tam longe aliud est a præcedenti, quantum excommunicatio differt a peccato, pro quo illa fertur; & quantum necessitas confitendi sacramentaliter peccatum mortiferum, a necessitate confitendi sacramentaliter, vel reuelandi extra sacramentum Priori. Tum quia veris intellectus eius est, quod qui monachus peccauit peccatum mortiferum proprietatis ante diem Cœnz, & non confitetur illud sacramentaliter ante communicationem corporis Domini, peccat quidem mortifere communicando ante confessionem, propter transgressionem legis diuinæ de confitendo ante communicationem; sed non est ob id excommunicatus ante diem Cœnz: sed si ante illum non confiteatur, vel non reuelet illud Priori, erit excommunicatus, non quidem per legem diuinam, vel eanonicam omnibus Christianis communem, sed per illud vestrum statutum ordini vestro particulare. Tum quia ubi lege Synodali cauetur, vt sit excommunicatus, qui decimas occultatas non manifestauerit parochō ante diem Assumptionis; ille qui occultasset illas mense Iulio, peccasset mortifere, eum occultauit, & etiam si communicaret ante confessionem sacramentalem, licet non incidat in excommunicationem ante diem Assumptionis.

58 VIGESIMVM SECVNDVM, an præfatus monachus, qui omisit confiteri sacramentaliter peccatum proprietatis mortiferum admissum ante aliquot menses, vel circiter vnum annum ante diem Cœnz, & intra illud tempus confessus est frequenter, & missauit, communicauit, tacito illo peccato, quod proponebat confiteri Priori ante diem Cœnz; an inquam is monachus teneatur omnes illas confessiones tamquam non integras iterare, iuxta notata per omnes cap. omnis. de pœni. & remiss. & in 4 lib. sent. dist. 17. quos nos quoque retulimus in Manu. confess. cap. 9. numero 1.

Respondetur quod sic. Tum quia confessio, quæ non est integra omnium peccatorum mortiferorum, quorum memoriam confitens habet, nihil valet, cap. omnis. de pœni. & remiss. 1. sic autem. de pœni. dist. 5. & in decreto Eugenij Concil. Floren. & cap. 5. sess. 14. Conc. Trid. Tum quia peccatum mortiferum proprietatis non excipitur a lege illa generali diuina,

qua iubemur penitentes confiteri omnia peccata mortifera, quæ admisi-
mus, quorumq. memores sumus, quando confitemur, iuxta præfata iura,
& S. Tho. ab omnibus Catholicis receptum in 4. dist. 17. q. 3. art. 4. Sicut au-
tem obliuio aliorum mortiferorum facta iuxta diligētia reminiscendi ex-
cusaret ab iteratione, ita & obliuio peccati proprietatis excusaret, quin
& si aliquis adeo simplex & ignorans esset, vt bona fide probabiliter secun-
dum conditionem suam putaret auctoritate forte, vel exemplo peritorū,
quod per præfatum statutum leuabatur onere illud confitendi vsque ad
diem Cœnæ, non peccaret tacendo illud, nec teneretur iterare confes-
sionem tacito illo, scilicet, argumētum quæ de monacho simplici bona fide
contraueniente dicit Card. elem. 1. q. 39. de priuileg. arg. item eorum quæ
nos diximus in d. Man. cap. 9. nu. 12. de illo, qui tacet in cōfessione aliquod
mortiferum, quia non putat esse tale.

59. VIGESIMVM TERTIVM. est circa statutum, de quo cap. 6. §.
11. tertiæ compila. quod dicitur, in ordine Carthusiano confessarios ex-
positos in absentia Prioris, & reseruatis confitentes absolueri posse, ita ta-
men vt iterum eidem Priori reseruata crimina, quam primum eius ha-
buerint copiam, confiteantur; dubium inquam est, an monachus, qui ad-
misit peccata mortifera, tam reseruata, quam non reseruata, teneatur
confiteri omnia, etiam reseruata præfato confessario exposito; an suffi-
ciat confiteri ei non reseruata, & postea cum venerit prælatus, confiteri
ei sola reseruata.

Respondeo, quod tenetur confiteri omnia præfato confessario, & postea
iterum reseruata prælato, cum venerit, quia integritas confessionis requi-
rit, vt quorum memoriam habet vni & eidem confessario, nisi aliquot ca-
sibus, quorum de numero non est hic, confiteatur, iuxta S. Thom. in 4. dist.
16. q. 3. art. 4. & quod confessario reseruatorum, & non reseruatorum fiat
confessio, tenet idem S. Tho. in 4. dist. 17. q. 3. art. 4. q. 2. ad 4. & Sotus dist. 8.
q. 2. art. 5. col. 12. versic. quartus igitur. & melius col. 16. versic. quare. Quo-
rum dictum communiter receptum probat cap. omnis. de pœnit. & remiss.
& cap. consideret. §. cautus. de pœni. dist. 5. licet Sotus in aliquot locis præ-
dicti art. 5. videri posset alicui contrarium tenere; nisi in dictis duobus
locis, præsertim col. 16. aperte communem teneret, & satis sentit Conc.
Trid. cap. 5. & can. 7. sess. 14.

60. VIGESIMVM QVARTVM, circa idem statutum, an confes-
sio monachi, quæ in casu præfati statuti iterato fit prælato, debeat esse sa-
cramentalis?

Respondetur primo, quod potest esse sacramentalis: & si fieret talis, opor-
teret prælatum absolueri ipsum sacramentaliter, per quam absolutionem
conferretur noua gratia sacramentalis, vt tradit Sotus d. ar. 5. col. 17. quia
licet ille non dicat, potest dici nouum sacramentum propter nouam con-
fessionem peccatorum reseruatorum; cum etiam peccata semel confessa,
& legitime ac penitus absoluta possint esse iuxta materia sacramenti pœ-
nitentiæ, sicuti & venialia secundum omnes Catholicos.

Secundo, quod posset excusari hæc noua sacramentalis confessio, si a
prælato

prælato reuertente impetraret pœnitens communionem absoluendi ad priorem confessorium, vel alium; cui tamen videtur facienda sacramentalis confessio, quam deberet subsequi absolutio sacramentalis: quia huiusmodi commissarius subrogatur in locum prælati, & subrogatum debet sapere naturam eius cui subrogatur, l. eum qui. §. iniuriarum. ff. si quis cautio. & cap. ecclesia S. Mariæ. vt lice penden.

- 61 VIGESIMVM QVINTVM, circa idem statutum, an in casu præfati statuti teneatur monachus prælato reuertenti; vel commissario eius confiteri omnia peccata, quæ confessus fuit priori confessorio, an sufficiat confiteri sola reseruata?

Respondetur, quod sufficit confiteri sola reseruata, si post posteriorem omnium confessionem non admisit alia confitenda, neque noue venit in memoriam aliquod prius commissum nondum legitime confessum; quia reliqua iam sunt penitus absoluta. Si autem admisisset alia noua, vel vetera non confessa in memoriam venerint, oporteret etiam illa, quamuis non essent reseruata, confiteri cum reseruatis. quod quamuis non videam ab aliquo tactum, probatur illa firma ratione, quod confessio sacramentalis debet esse integra omnium peccatorum nondum confessorum, quorum habetur memoria: & per prædicta confessio reseruatorum debet esse sacramentalis, quando fit ad habendam absolutionem sacramentalem ab eo cui fit illa.

- 62 VIGESIMVM SEXTVM est circa intellectum statuti, de quo cap. 4. §. 23. 3. compila. quod habet, vt Vicarius apud vos in ordine vestro Priore deposito eandem in spiritualibus potestatem habeat, quam Prior ipse, eamq. libere exerceat. Dubium inquam est, an monachus, qui peccatum proprietatis fuit legitime confessus, vel reuelauit Vicario huiusmodi, vel obtinuit absolutionem excommunicationis ab eo, teneatur iterum confiteri, vel reuelare illud nouo Priori, vel nouam ab eo impetrare absolutionem.

Respondetur quod non: quia idem tribunal, & eadem potestas & auctoritas fuit penes Vicarium, quæ fuerunt penes Priorem depositum, & quæ sunt penes Priorem nouum; & ita facta à Vicario censentur facta à Priore. Tum quia facta per Vicarium Episcopi, quo ad ea in quæ sua potestas vicaria extenditur, censentur facta ab ipso Episcopo, cap. non putamus. de consuet. lib. 6. & cap. Romana. il. 1. de appell. eod. lib. Tum quod facta per Capitulum sede vacante, in eis in quibus succedit Episcopo, videntur facta ab ipso Episcopo, cap. cū olim. & cap. is qui. de maio. & obed. & cap. 1. de insti. lib. 6. Tum quia facta per eum, cui administratio libera ecclesiæ conceditur, perinde valent, ac facta per eum, cui esset illa collata, præterquam in alienatione immobilium, cap. is cui prouisio. de elect. lib. 6. & cap. cum nobis. eodem tit. in antiquis, & cap. relatio. & cap. sequenti. 21. q. 1. vnde is, cui commendatur abbatia, potest esse iudex delegatus, & vt omnibus, quibus potest is, cui ea confertur in titulum, vt post alios resoluit Decius cap. edoceri. col. vlt. de rescrip.

VIGESIMVM SEPTIMVM, an alienatio & dispensatio facta
à mo-

à monacho de licentia Vicarij, posito loco Prioris officio depositi, debeat manifestari Priori nouo, vel ab eo ratificari, vt monachi conscientia sit à proprietate tuta.

Respondetur quod non, argumento iuriū in proximo dubio citatorum.

- 63 VIGESIMVM OCTAVVM, an manifestatio proprietatis facta visitatori tenenti locum Prioris, & Vicarij, eis deficientibus, debeat fieri denuo Priori nouo.

Respondetur quod non, per præfata iura, & eis adnotata, præsertim cap. relatio. & cap. illud. 21. q. 1. & cap. cum nobis de elect. & cap. is cui prouisio. eod. tit. lib. 6.

- 64 VIGESIMVM NONVM, an monachus Carthusianus possit petita à prælato licentia, de illius consensu expresso, vel tacito fructus arborum, vt sunt poma granata, &c. in hortulo cellæ insertarum excultarum in vsus suos seruare, aut mittere amicis suis, & fautoribus monasterij in xeniola absque peccato proprietatis.

Respondeo quod sic. Tum quod proponitur vsus communem id habere, ex quo scito per prælatum, & non contradicito colligitur tacitus consensus, qui ad hoc sufficit, vt post vtrumque Cardinalem diximus nos in cap. non dicatis. 12. q. 1. num. 40. & seq. Tum quod ad redundantiam interuenit expressa petitio licentiæ, & consensus prælati. Tum denique quod prælatus posset illa seruare, & in xenia modo supra dicto mittere: & quidquid prælatus potest per se custodire, aut dispendere in aliquos vsus, potest etiam monachus eius facere de consensu, vel licentia expressa, vel tacita ipsius, vt supra diximus ad dubium vigesimum, per ea quæ scripsimus in com. cap. non dicatis. 12. q. 1. num. 23.

- 65 TRIGESIMVM, est circa statutum in cap. 12. §. 19. secundæ partii antiquorum, An præsupponat sacerdotes simplices posse excommunicare. Et videtur quod sic; habet enim hæc verba, *Singulis annis excommunicentur à Priore, & à singulis sacerdotibus omnes tam presentes, quam absentes, qui occultandi animo, &c.* Sed contrarium tenet communis cum Collectario, Card. & Panor. in cap. sacerdos, de offic. ordi. & Panor. cap. cum contingat. de foro compet. num. 30.

Ad hoc dubium dico, quod non expedit ei respondere, Tum quia non est necessarium, & non vacat etiam necessarijs respondere. Tum quod illud statutum mutatum videtur per cap. 5. §. 13. ex 1. par. statutorum nouorum, quatenus habet quod Prior debet denunciare, esse excommunicatos proprietarios, nisi, &c. & ita loco excommunicare ponit denunciare, & constat denunciationem differre ab excommunicatione, cap. pastoralis. §. verum. de appellat. & fieri potest, & quotidie fit à parochiis in ecclesijs. Tum quod Iuris canonici prudentia, quæ nunc vtitur Ecclesia Romana, parum curat de illis modis intelligendi excommunicationem. D. Paulus 1. ad Corin. 7. neque alios, nisi ad effectum, de quo in cap. cum sit Romana. §. fin. de appell. Quæ omnia submitto tuæ, & cuiusvis alius sanius sentientis censuræ, ad gloriam Dei, qui te illustrem admodumq. Reuerendū in Christo patrem quam diutissime seruet incolumem. Amen.

S V M M A R I V M.

1. Monachus, qui in vno monasterio vniuersam stabilitatem, non potest de iure inuitat ad aliud mutari.
2. Regulari debet nedum a Pontifice, sed etiam a suo Generali concedi licentia, vt recto habitu stet extra claustrum, vt subueniat necessitati, qua matri superuenit: nam si precessisset professionem, nec iuste posset in claustro manere, sed teneretur exire, vt subueniat. num. 3.

C O N S I L I V M I V.

BEATISSIME Pater, deuotus Sanctitatis vestre orator monachus sancti Bernardi proponit eidem humiliter, quod cum puer esset nondum quindecim annos natus, emisit professionem in monasterio sancte Marie eiusdem ordinis, in quo honeste mansit vsque ad presentis tempus, velletq. in eo perseuerare donec vixerit, sed habet in predicta provincia, prope dictum monasterium matrem valde senem, pedibus impeditam, fere cecam, & paralyticam, & quae cum sit alienigena, nullos habet ibidem propinquos, & necessarios, praeter oratorem predictum, quem solum genuit, & a quo vitae sustentationem expectat: quapropter supplicat Sanctitati vestre, vt dignetur ei concedere alterum de duobus; puta, vt iubeat, quod non possit de monasterio mutari, nisi sua culpa id exegerit, dum mater ipsa (quae iam parum duratura est) vixerit; aut tribuat illi facultatem manendi extra monasterium, habitu regulari recto, vt matrem modis honestis alere possit, dum ipsa vixerit.

1. Rogatus, an Sanctissimus D. N. iuste, & quo ad forum conscientiae predictas facultates facere possit, respondeo primo procul dubio posse priorem, scilicet, quod non mutetur absque sua culpa: quia iure communi attentato monachus de ordine non mendicantium, qui vniuersam stabilitatem in vno monasterio, non potest absque iusta causa mutari ad aliud, nec solebant olim mutari: licet nouiores nouitatum studiosiores, quam antiqui, multa in hoc & alijs innouarint, vt quod praetati essent triennales, de quo late dixi in cap. nullam. 28. q. 2.
2. Secundo, quod etiam potest facere secundam: quia secundum D. Thom. 2. 2. q. 101. artic. 4. quem post alios secuti fuimus in Man. cap. 14. num. 14. & in com. 4. de reg. super cap. nullam. 18. q. 2. num. 48. necessitas parentum religiosi superueniens eis post professionem est iusta causa vt exeat monasterium ad succurrendum eis, si alias non potest. Dixi, superueniens: quia praueueniens efficit vt non possit iuste intrare monasterium, nec ingressus iuste profiteri, nec professus iuste manere: quia obligatio iuris naturalis & diuini seruendi parentibus efficit vt nullatenus possit filius eis derelictis intrare monasterium, vt praedictus D. Thom. recept. affirmavit.
3. Tertio, quod non solum S. D. N. sed etiam Generalis ordinis utramque earum potest facere, sed non faciet: quia adeo refrigescit charitas, & quod pauci superiores volunt concedere inferioribus libertatem, quam non habent ipsi, vel sui cognati, & addicti erga multos religiosos: & multi volunt videri

videri nimium iusti erga extraneos, etiam si Deus sua lege naturali, vel diuina positiua eam concedi iubeat: & vtinam multi, qui valde rigidi & sancti videri volunt, non persuadeant multis praelatis, quo nimis summo iure vtantur, ex quo iniuriæ aliquid nascatur, dum leges humanas & rigidas non patiuntur æquitate naturali siue episcopica molliri. Salua, &c.

SUMMARIUM.

1. Lex generaliter loquens, generaliter intelligenda: cui si addatur dictio vniuersalis, plura comprehendet, quam sola indefinita: & si dictio vniuersalis præcedens sit negatiua, omnia sequentia destruit, & contrarium ponit; si tamen à lege negatiue concepta reperiatur aliquis casus alia lege exceptus, poterit, sic docente nostro legislatore, à paritate rationis ad alios similes extendi. num. 4. & 5.
2. Impetratio eius, quod iure conceditur, non inutilis: nam dubia & scrupulos tollit. num. 5.
3. Monialis ex causa correctionis, & vt alteri præficiatur, de monasterio ad monasterium de iure, & ex Concilio Tridentino à suo superiore, saltem cui non obstat extrauagans Pij V. nu. 6. & 7. transferri potest.
4. Intellectus cap. 5. sess. 25. de regularibus est, vt moniales, quæ ex causa volunt de monasterio egredi, habeant licentiam ab Episcopo, si ei, vel nulli, nisi Pontifici immediate sint subiectæ; vel ab earum superiore regulari, si sint exemptæ, & illi subiectæ.

CONSILIUM V.

AN GENERALIS ordinis Minorum de obseruantia possit transferre moniales sibi subditas de vno ad aliud monasterium causa correctionis, vel nouæ foundationis? Præsupposita confirmatione priuilegiorum eiusdem ordinis à Greg. XIII. nisi sint contraria Concil. Trid. quibus id expresse eidem conceditur. Et an dictæ facultati obstat Bulla Pij V.

QVAESTIONES hæc longe difficiliore sunt, quam à principio putauimus, & ad earum integram responsionem addenda videtur alia, quæ præcedat illas, nempe, an solo iure communi scripto attento circumscripta præfata extrauaganti Pij V. & præfatis sacris Sed. Apost. priuilegijs possit præfatus Illustriss. idemque Reuerendiss. Generalis transferre moniales sibi subditas de vno monasterio ad aliud ex prædictis duabus causis, scilicet correctionis, & nouæ foundationis; & ita quod erunt tres quæstiones, quarum prima sit hæc, & prior aliarum propositarum secunda, & posterior tertia.

1. **AD HANC IGITUR PRIMAM QVAESTIONEM** respondeo, quod pro eius parte negatiua vrget primo cap. vnic. post initium de stat. reg. lib. 6. ibi. nulli monialium religionem tacite vel expresse professæ valeat, quacumque ratione vel causa, nisi forte tanto & tali morbo euidenter earum aliquam laborare constaret, quod non posset cum alijs absque graui periculo, seu scandalo commorari, monasteria ipsa deinceps egrediendi facultas, &c. Quæ verba constituunt legem non solum generalem, sed etiam vniuersalem, signo vniuersali

fali munitam; quæ in summa habet, nulli monachæ professæ patere facultatem exeundi monasterium, nisi vno casu, sub quem neutra duarum nobis propositarum includitur. At lex generalis generaliter intelligenda est, l. de pretio. ff. de public. in rem actio. cum multis similibus, etiamsi in vna specie maior inueniatur ratio includendi eam, quam in alijs, l. 1. §. quod autem. de aleæ lus. & alea. & tradit Deci. in conf. 669. quem sæpe nos alibi sequimur: & signum vniuersale adiectum verbo generali efficit vt extendatur etiam ad alia, ad quæ non extenderetur indefinita generalis, iuxta gloss. solem. in elem. 1. vers. quamuis. de re iudic. & gloss. solem. cap. circa. de electio. lib. 6. quæ per iura expressa probat longe amplius legatum relinqui per illa verba, Lego omne marmor, vel omnem lanam, quam per illa, Lego marmor, vel lego lanam; præsertim autem si est signum vniuersale negatiuum, quod omnia sequentia destruit, & contrarium eorum ponit, vt dicit gloss. sing. & recep. in cap. cum dilectus. de consuet. quale est illud, Nulli; quod positum est in d. cap. 1.

2 Secundo vrget, quod frustra impetratur, & pro priuilegio datur, quod iure communi conceditur, l. 1. ff. ad municip. & tradit gloss. recept. in cap. 1. de rescript. At impetratum fuit ab ordine præfato, & ei priuilegio datum, vt Generaliseius possit transferre moniales præfatas in prædictis duobus casibus: ergo iure communi non licebat eis illud.

3 Sed his non obstantibus, contrariū videtur verius. Primo quidem quod intentio Pij V. non fuit laxandi clausuram monacharum, sed restringendi, vt ex eius verbis colligitur: attamen excipit à sua prouisione tres casus; cum tamen Bonif. VIII. non expressisset nisi vnu in d. c. 1. ergo efficax argumentum est, quod non obstante sua extrauag. licebat monialibus exitus in illis tribus casibus iure communi, non obstante dicto cap. 1. quod fuit Bonifacij VIII. quod innouauit Concil. Trid. in cap. 5. de reg. sess. 25. & definiuit licere monialibus exitum à monasterio, sufficiente causa legitima ab Episcopo probata; clare significando, quod præfatum cap. 1. non solum erat iure communi limitandum in vnicò casu ibi expresso, sed etiam in omni eo, qui esset causa legitima exeundi.

Secundo, quod nos pridem respondimus potuisse monacham vnius monasterij electam legitime in Abbatissam alterius transire ad illud de licentia sui superioris legitima: quod postea scripsimus in com. 4. de reg. super cap. statuimus. 19. q. 3. num. 48. ibi, Nota quarto.

4 Tertio, quod est textus iuris optimus per multa ibi à Decio tradita, in cap. dilecta. de confir. utili. quatenus habet, casum exceptum à regula ob aliquam æquitatem extendi posse debereque ad alios casus ob similem æquitatem. Cum igitur casus ille vnicus exceptus à Bonifacio in d. cap. 1. excipiatur à regula illa negatiua, ne qua monacha exeat clausuram, extendi potest & debet ad casus alios, in quibus similis æquitas id suadet: quod certe fuit in causa, vt Conc. Trid. extenderit illum casum ad omnes alios, in quibus inueniretur causa, quam legitimam arbitraretur superior legitimus.

Non

- 5 Non obstant supra in contrarium citata. Ad prius enim illorum respōdetur, concedendo quidem, generalem legem generaliter esse intelligendam regulariter, & legem vniuersalem vniuersaliter; sed fallere illud, quando inuenitur alia lex, quæ limitat illam generaliter vel vniuersaliter loquentem: quod in proposito casu contingit. Nam inuenitur lex, quæ habet, casum exceptum à regula generali extendi posse debereq. ad similem casum.

Ad posterius respondetur, concedendo non esse necessarium impetrare in priuilegium speciale, quod iure communi conceditur: quod probant iura in eo citata; sed frequentissime id impetrari concediq. solet à S. R. E. idque esse vtile ad tollenda dubia & scrupulos: quorum vnum exemplum quotidianum est impetratio, & concessio pronunciandi officium matutinum sequentis diei vespere præcedentis, quod iure communi licere ait S. Thom. recep. ab omnibus quol. 5. art. 28. & etiam à nobis citatus in Enchir. de oratio. cap. 3. num. 57. vbi latius hoc tradimus. & ita impetratio & concessio priuilegij facta præfatis Generalibus non fuit facta uti iure necessaria, iuxta veram & legitimam iuris Canonici impetrationem, licet fuerit utilis ad quamdam maiorem declarationem, & scrupulorum euitationem.

- 6 AD SECVNDAM respondeo, quod extrauag. prædicta nihil obstat: quia, ut prædiximus, tam illa, quam cap. 1. de stat. regula. lib. 6. & quæ Conc. Trid. sunt limitanda, ne procedat prohibitio exitus monacharum, cum occurrit causa legitima: & ita non videntur prohibere exitum monacharum per viam iustæ correctionis, vel nouæ foundationis, quæ sunt causæ legitimæ ad exendum. Secundo, quod magis videtur ob stare Cōc. Trid. quod videtur exigere, ut causa legitima exendi approbetur per Episcopum; & consequenter, quod non sufficiat licentia Generalium; & quod confirmatio priuilegiorum præfati ordinis prædicta non extenditur ad contraria Conc. Trid. Sed respondetur, illa verba præfati Conc. intelligenda esse, ut nos intelleximus alia similia eiusdem in d. com. super cap. statuimus. num. 60. scilicet, quod approbatio illa Episcopalis requiritur quo ad exitum monialium eisdem subiectarum, vel ita exemptarum, quod soli Papæ immediate subsunt: non autem de alijs exemptis, quæ subsunt alijs prælatis aliorum ordinum, de quibus hic agimus: quoniam quæstiones mouentur de monachis subiectis Generalibus ordinis Minorum de obseruantia.

- 7 AD TERTIAM respondetur affirmatiue, quod præfatus Reuerendis. D. Generalis potest, ea quæ in quæstione continentur, facere, non obstante præfata extrauag. Pij V. Tum quia S. D. N. in sua confirmatione derogat generaliter illis, & alijs, quæ possent esse suæ confirmationi contraria, modo fuissent in vsu, & non essent contraria Conc. Trid. Nec potest ob stare reseruatō Pij V. quia non potuit ille tollere S. D. N. eius successoris potestatem concedendi, vel innouandi priuilegia concessa ordini præfato, cum par in parem non habeat imperium, cap. innotuit. de electio. & quoniam res clara videtur, etiam videbor nimis prolixus; & ideo facio finem,

finem, submittendo ea, quæ dicta sunt, ei, cuius iustior fuerit sententia. .
Vide ad hoc responsum, quod positum est supra de regular. consil. 70.

S V M M A R I V M.

- 1 Oblata Turris speculorum Urbis, quia non sunt vera monacha, ad clausuram non obligantur. num. 9.
- 2 Dispositio eum non comprehendit, cui dispositionis verba non adaptantur.
- 3 Crescere nemo innitus cogatur, nec vitam, quam non vovit, servare.
- 5 Iura pœnalia, ultra quam verborum proprietas patiatur, etiam ex identitate rationis, nisi aliud concurrat, non extendenda.
- 6 Moniales, sponse Christi, nubendo bigamiam quamdam contrahunt.
- 7 Regularibus limitatam vitam professis austerior imponi nequit.
- 8 Regularibus etsi quandoque austerior vita precipi potest, secularibus autem non.
- 8 Dispositio odiosa de regularibus loquens, ad eos qui tria vota non emittunt, non extendenda.
- 9 Oblata Turris speculorum Urbis etiam si collegialiter more religiosarum in una domo viuant, donataq. sint ordini S. Benedicti cum aliqua mutatione habitus promittentes stabilitatem & obedientiam Præfectæ, itemq. etsi voueant paupertatem, & castitatem perpetuam, n. 21. tamen vere non sunt moniales professe, nec esse possunt, cum in nulla à Sede Apostolica approbata religione tria vota seu professionem nec tacitam nec expressam emittant, num. 10. & 11. earumque congregatio non sit vt religio, sed vt bonus viuendi modus approbatus, nu. 11.
13. 17. obedientiaq. promissa non sit monachalis facta in manibus, vt requiritur, potentis alicui religioni incorporare. nu. 20. 22.
- 9 Obedientiam perpetuam promittens censetur tria substantialia religionis vota promittere, & sic professionem emittere. & hoc quando non quancumque, sed monachalem obedientiam secundum aliquam regulam approbatam, nu. 16. 17. in manibus potentis illi religioni incorporare promittit. nu. 20. 22.
- 16 Oblata, seu donata, à monialibus, quæ suscipiunt habitum religionis, & profitentur regulam vt seruiant in choro, & à conuersis, quæ accipiunt habitum religionis, & profitentur regulam vt seruiant extra chorum, differunt, cum ipse nec profiteantur regulam, nec assumant habitum regularem, licet se & sua perpetuo donent, per quem actum efficiuntur plene oblata, non tamen religiose, num. 15. & 16. sed eis similes, nu. 9. non absolute, sed quoad quadam priuilegia, nu. 19. & si contrahant matrimonium, teneat. num. 15.
- 18 Beata in Hispanijs, & Canonisse in Germania, quæ collegialiter viuunt facientes vnum collegium, non tamen ob id efficiuntur moniales proprie; immo nisi aliud obftet, possunt testari, & hoc etiam si habeant habitum specialem, & domos similes monasterijs cum oratorio, promittantq. obedientiam suæ Præfectæ, & perpetuam stabilitatem viuendi secundum earum viuendi modum. num. 9.
- 22 Vota tria substantialia aliter quam in manibus potentis approbata religioni incorporare etiam sepius emissa non faciunt quem religiosum, seu monachum.

CONSILIVM VI.

DVBITATVM fuit primo, an monachæ, siue oblatæ Turris nouæ speculorum Urbis teneantur ad clausuram, sicut cæteræ moniales.

Respondeo ad hanc quæstionem, quod eius decisio videtur pendere à decisione alterius quæstionis, scilicet an prædictæ oblatæ sint vere monachæ, siue moniales tacite vel expresse professæ: nam si sunt professæ, proculdubio tenentur ad obseruantiam prædictæ clausuræ: quoniam tam mens, quam verba cap. periculoso. de statu regular. lib. 6. & cap. 5. Conc. Trid. sess. 25. de regul. & bulla fel. rec. Pij V. super hoc lata comprehendunt eas; quia lex generaliter loquens generaliter est intelligenda, cap. si Romanorum. 19. distinct. & l. de pretio. ff. de pub. in rem act. etiam si sit odiosa & pœnalis quo ad ea, ad quæ verba eius ex propria significatione extenduntur, l. cum lex. iuncta gloss. ff. de testam. quod ibi notat Aret. & Dec. & cap. quia in tantum. de præbend. si autem non sint vere monachæ, contra dicendum videtur.

1 Primo quidem, quod nec lex, nec aliqua dispositio comprehendit eum, cui verba eius aptari nequeunt, cap. indemnitatibus. 9. penult. de elect. lib. 6. l. 4. 6. toties. ff. de dam. inf. vbi hoc Bart. & Paul. & alij adnotarunt, & præ alijs commendat Felin. in cap. nonnulli. colum. 31. de rescript. at verba prædicti cap. periculoso. & Conc. Trid. & constitutionis prædicti Pij non aptantur mulieribus monasterijs oblatis solum, sed tantum professis: ergo illa non comprehendunt prædictas oblatas, si non sunt professæ.

2 Secundo, quod nemo cogi potest crescere, nec inuitus obligari ad austeriorem vitam, quam non vouit, cap. gesta. 74. distin. cum gloss. recepta, quæ habet, quod monachis, & canonicis inuitis districtior vita non potest imponi, vbi Archid. quem sequitur Card. à Turrecremata, allegat illud S. Bernardi ad Abbatem in persona cuiuslibet monachi, *Vota mea non augeas sine mea voluntate; sicut nec minuas sine certa necessitate.* & prædictæ oblatæ non vouerunt sub tanta clausura viuere; ergo nequeunt ad illam seruandam cogi, si vere non sunt monachæ.

3 Tercio, quod nemini sua bonitas debet nocere, nec malitia prodesse, cap. 1. de postulat. prælat. l. itaque fullo. ff. de fur. At prædictæ oblatæ collegialiter viuentes longe melius faciunt, quam alix oblatæ, quæ singulæ, binæ, aut ternæ viuunt cum omni libertate, quoquo velint sine vllius licentia exeuntes. At illas, quæ maiori custodia indigent, non comprehendunt prædicta iura libertatem exeundi tollentia: ergo à fortiori non comprehendunt has oblatas, quæ longe honestius viuunt, & minori custodia indigent, si hæ non sunt magis vere monachæ, quam illæ.

4 Quarto, quod iura pœnalia, qualia sunt prædicta, vt ex eorum tenore patet, non sunt extendenda, etiam ex similitudine rationis, vltra quam propria verborum eorum significatio permittit. cap. pœnæ. de pœnit. dist. 1. & l. interpretatione. ff. de pœnis. Nec obstat dicere, quod eadem om-

mmo

- nino ratio permittit extensionem legum pœnaliũ, iuxta gloss. singularem in cap. 1. verbo Italia. de temp. ordin. lib. 6. Tum quia id solum non sufficit, nisi aliquid aliud cum identitate rationis concurrat, vt concurrit in casu d. cap. 1. vt resoluunt Dom. & Fran. ibidem. Tum quia non est eadem omnino ratio. ratio enim, vel saltem magna pars eius, quare clausura indicitur monialibus, est, quia illæ per professionem regularem renunciarũt voluntati suæ, cap. quorundam. & cap. si religiosus. de elect. lib. 6. At hæ non fecerunt idem, si non sunt monachæ professæ. Præterea moniales peculiariter dicuntur sponsæ Christi; adeo quod per nuptias dicantur incurrere quamdam bigamiam, cap. quotquot. 27. q. 1. & ita iustum est, vt maiorẽ custodiam circa earum continentiam & pudicitiam ponat Papa eis tamquam sponsis Christi, cuius est ipse Vicarius, quam circa aliarum, quæ cum nondum sint voto solemnĩ desponsatæ Christo, tam liberam habent voluntatem ad ea, quibus non se astrinxerunt, quam alij Christiani liberi, argum. cap. integritas. 32. quæst. 1.
- 7 Quinto, quod communis conclusio habet, quod etiam religiosis professis non potest imponi austerior vita, si voverunt limitatam seruare regulam, secundum quod obseruatur tempore professionis, quam tenet Host. in summa de voto. §. vtrum. & Panorm. in cap. super eo. de reg. & Dec. in cap. ad nostram. de appellat. & Fel. in cap. nam. de constitut. cum citatis ab eo: & quod limitata causa limitatum producit effectum, l. non omnis. ff. de reb. cred. cap. fin. de verb. signif. At prædictæ oblatae limitate promiserunt viuere secundum consuetum viuendi modum congregationis: ergo non tenentur ad austeriorem vitam, nec illa potest eis renuentibus imponi.
- 8 Sexto, quod licet regularibus possit aliquando præcipi austerior vita; sæcularibus tamen non potest, vt distinguit gloss. cap. quod omnes. de reg. iur. lib. 6. quam Panorm. Fel. & Dec. approbant in d. cap. ad nostram. de appellat. & prædictæ oblatae si non sunt professæ, sunt sæculares, & non regulares: quia solum duo sunt genera hominum, sæcularium, & regularium, cap. duo sunt. 12. q. 1.
- Septimo, quod in specie Panorm. communiter recep. ait in rub. de reg. constitutiones odiosas de regularibus disponentes non extendi ad eos, qui non profitentur tria vota substantialia, etiamsi seruent aliquem modum viuendi à Sede Apostol. approbatum. Cum ergo certum videatur, prædictas, de quibus agimus, oblatas non teneri ad clausuram ob prædicta iura, si vere non sunt monachæ, id est expresse vel tacite professæ, & teneri ad eam si vere sunt monachæ; oportet resoluerẽ alteram quæstionem, à cuius resolutione diximus pendere hanc, quæ nobis est proposita.
- 9 AD ALTERAM QVÆSTIONEM resoluendam considerandum est, quod ad dicendum prædictas oblatas esse vere moniales, facit primo, quod viuunt conuentualiter intra vnam domum habentes vnum oratorium, vnum refectorium, vnum vestiendi modum, & vnam prælatam, quæ sunt signa vere profitentium, argum. cap. cum ad

monasterium: de statu monach. & in cap. in nona actione 16. quæst. 7. & clem. 1. de elect.

Secundo, quod se suaq. viderunt perpetuo donare monasterio ordinis S. Benedicti: & ita sunt plene oblatæ: & plena oblatio æquipollet professioni, vt significat Panor. in cap. vt priuilegia. de priuil. cui etiam æquipollet humilis, deuota, & iurata oblatio, vt ait Felin. in cap. in præsentia. de probat. colum. 3.

Tertio, quod ingrediens ordinem volendo mutare vitam videtur profiteri. cap. consuluit. vbi videtur id dicere Innoc. qui clerici vel videntes. & facit cap. non solum. de reg. lib. 6. quatenus significat, quod assumptio habitus religionis cum euidenti proposito mutandi vitam, inducit professionem saltem in genere. At prædictæ, de quibus agimus, oblatæ volunt mutare vitam: ergo videntur tacite profiteri.

Quarto, quod promittunt stabilitatem perpetuam in prædicto modo viuendi, & obedientiam Præfectæ suæ, vt constat ex modo, quo sese offerunt: & qui promittit obedientiam perpetuam, videtur promittere tria, vota substantialia religionis, vt significat contextus d. cap. consuluit. vbi videtur id adnotare Innoc. ergo videntur etiam monachæ saltem tacite professæ.

10 His tamen non obstantibus, dicendum est, eas non esse veras monachas & religiosas, neque tacite vel expresse professas & ligatas voto solemn. Primo quidem, quod notorium facti & iuris est, alias esse mulieres monasterijs oblatas, & alias in monasterijs professas: facti quidem, quod passim in monasterijs etiam virorum, præsertim habentium hospitalia annexa, inuenies mulieres oblatas, quæ nullatenus sunt moniales, neque professæ, immo pleræque nuptæ, quæ vna cum suis viris se suaq. illis obtulerunt: Iuris autem, quod nulla est, nec potest esse vera monacha, & sanctimonialis, nisi quæ tria substantialia vota in religione aliqua à sancta Sede Apost. approbata in manibus superioris ad id potestatem habentis emisserit, cap. ad Apost. de reg. & cap. cum ad monasterium. de statu monach. Panor. communiter receptus in rubr. de regular. in cap. ecclesia sanctæ Mariæ. de constit. quem ibi Fel. Dec. & alij sequuntur. At multæ sunt oblatæ monasterijs, quæ prædicta tria vota non emittunt: & consequenter aliæ mulieres sunt oblatæ, aliæ monachæ.

11 Secundo, quod oblatæ, de quibus agimus, numquam faciunt professionem monachalem trium votorum prædictorum expressam vel tacitam: de expressa supponitur in facto: de tacita constat, eo quod nullum actum faciunt, quo tacita professio fieri censeatur. Tres enim sunt actus, quibus censeretur professio tacite fieri, quos post alios colligit Sylu. verbo religio. 3. q. 19. Primus, immiscere se actibus professorum, puta interuenire cum habitu illius religionis alicui actui solis professis conuenienti cum perseverantia tridui. Secundus, delatio habitus professorum patenter distincti ab habitu nouitiorum. Tertius annalis delatio habitus nouitiorum non distincti distinctione patenti. At oblatæ, de quibus agimus, nullum horum actuum faciunt. Tum quia nullus est eis habitus alius à seculari inditus. Tum quia nulla est diuersitas

habitus inter eas. Tū quia nulli sunt actus referuati professis. Tū quia nullę sūt nouitię distinctę à professis; immo nulla est inter eas mētio de professione, neque de nouitiatu, sed solū de oblatione facta, vel faciēda secundū modum ab omni professione omnium regularum approbatarū aliena, vt patet ex modo quo illę se offerunt, per quem ad nullā approbatā religionis regulam se obligant, sed solum ad modū consuetum viuendi in illa congregatione, qui licet sit approbatus pro licito modo viuendi, non tamen pro regula religionis approbatā; cum hoc longe distet ab illo, iuxta gloss. receptam in clem. cum ex eo. de sent. excom. & in clem. 1. de relig. domib.

12. Tercio, quod magis & minus non mutant speciem, l. fin. ff. de fundo instr. ergo omnes oblata, quatenus tales, sunt eiusdem speciei, licet alię alijs religiosius vinant; & consequenter aut omnes sunt professę, aut nullę. at constat non esse omnes professas, quia constat non esse tales illas quę singulę, binę, vel ternę viuunt. ergo nullę sunt professę.

Quarto, quod in ipsomet Benedictinorū ordine sunt moniales, & oblata: moniales quidem, quę professionem secundum regulam B. Benedicti faciunt: oblata: vero, quę se & sua monasterijs eiusdem ordinis, tum virorum, tum mulierum offerunt. ergo solum oblata: non sunt monachę, cum diuersitas nominum diuersitatem denotet rerum, l. si idem. C. de codicil.

13. Quinto, quod si prædictę oblata: essent monachę, maxime essent monachę S. Benedicti, cum sint monasterio eius oblata:. At ex ipso instrumento consensus, quem præstitit Abbas generalis monasterij S. Marię Nouę, colligitur clare eas non esse monachas S. Benedicti: ergo nullius ordinis monachę sunt.

Sexto, quod neque Eugenius in commissione, quam dedit ad probandum modum viuendi earum, si esset talis, qualis ei referebatur, nec executor illius commissionis, nec Abbas prædictus, cuius consensus requirebatur, vocant eas monachas, nec sanctimoniales, nec religiosas, sed tantum

14. oblatas, & id quidem non semel, sed frequentissime: & idem verbum sapius in eadem dispositione repetitum mysterium iuris denotat, secundum glo. receptas in clem. 1. de iure patro. verbo diocesani, & cap. 1. de cleric. agrot. lib. 6. cum traditis à Decio in cap. cum M. col. 13. de constit. & nulum aliud mysterium iuris significare potest, quam quod illę ita sunt oblata:, vt non sint monachę. ergo, &c.

15. Septimo, quod est casus expressus in clem. 1. de decim. in qua cum gloss. communiter recepta probatur primo, quod oblatus & donatus non sunt monachi. Secundo, quod constitutio pœnalis suspendens, vel excommunicans monachos & religiosos, non comprehendit oblatos & donatos eorum. Tercio, quod oblatus & donatus, qui se & sua donauit monasterio, est vere & plene oblatus. Quarto, quod eiusmodi plene donatus propter hoc solum non est religiosus. Quinto, quod, si eiusmodi plene donatus contraheret matrimonium, valeret: gloss. enim in verbo oblatos. refert se ad gloss. cap. vt lex continentię. 27. quæst. 1. receptam communiter, quę habet tale matrimonium valere. Pro quibus omnibus facit cap. in præsentia. de probationib. per quod ibi Panor. in 4. notabili ait, quod

eo quod quis donet se & sua monasterio, non efficitur monachus, quod ipsum ait in cap. ult. de success. ab intest. & quod Ioan. And. relatus ibi à Dominico in cap. ut officium. 9. verum. de hæret. lib. 6. ait eum proprie dici religiosum, qui habitum accipit in religione.

16. Octauo, quod monachus conuersus, & oblatus, etiam plene & perpetuo valde differunt, ut colligitur ex prædicta clem. 1. adiuncta gloss. cap. ut lex continentia. 27. quæst. 1. & gloss. Domin. & Franc. in cap. ex eo. 9. r. de elect. lib. 6. & cap. per exemptionem. de priuil. eodem lib. Colligitur enim, quod monachus vel monacha dicitur, qui, vel quæ suscipit habitum religionis, & profitetur regulam, ut seruiat in choro: conuersus vero, qui suscipit habitum, & profitetur regulam, ut seruiat extra chorum: oblatus autem, qui se & sua perpetuo donat, sed non profitetur, nec suscipit habitum ordinis: quod satis exprimit Panorm. in cap. non est. de regular. & in cap. tuis. de testib. quem sequitur Decius in d. cap. ecclesia. notab. 6. & paulo clarius Felin. in dicto cap. in præsentia. de probatio. num. 4. adiunctis quæ ait Calder. ab eodem relatus in consil. ult. de regul. quatenus relatis multis modis sese offerendi monasterio, concludit, quod ex nulla oblatione efficitur quis monachus professus, nisi præstet obedientiam monachalem; quod antea dixerat Innoc. in cap. contra soluit. qui clerici vel vouen. à quo nemo recedit, quem probat Archid. in d. cap. ut lex. At oblatæ, de quibus loquimur, nec suscipiunt habitum monialium ordinis S. Benedicti, nec profitentur regulam earum, quæ est sancti Benedicti, nec promittunt obedientiam monachalem secundum regulam prædictam; immo nec saltem expresse omnia sua donant, ut patet ex modo, quo sese offerunt: ergo non sunt monachæ, immo nec conuersæ, sed solum oblatæ; quo nomine appellat eas Eugenius Papa, & Commissarius eius, & Abbas S. Mariæ Nouæ, qui earum viuendi modo consensit, & quo etiam ipsæmet sese nominant expresse etiam in ipso modo sese offerendi, cum vnaquæque illarum dicat sese offerre, & recipi pro commissa & oblata.

Nono tandem hoc concluditur eo, quod si prædictæ oblatæ essent vere monachæ ordinis sancti Benedicti, frustra petatum fuisset ab Eugenio, ut earum modum viuendi approbaret, & frustra commisisset Archiepiscopo Commissario, ut de tali viuendi modo se informaret, & frustra requisitus fuisset Abbas monasterij, cui se offerunt, ut illi consentiret: quandoquidem regula monachorum S. Benedicti, & regula ipsorum Benedictinorum est approbatissima à sancta Sede Apost. & à toto orbe Christiano sine vlla noua approbatione eiusdem Sedis, vel alicuius Abbatis particularis: & ita, ne sequantur hæc absurda, quæ vitanda sunt, l. nam quod absurdum. ff. de bonis liber. proculdubio affirmandum est eas non esse vere monachas, immo neque conuersas, sed tantum oblatas particulari modo strictiori alijs modis, quibus communiter aliæ oblatæ sese offerunt.

18. Ad opposita responderi potest, & quidem ad primum, negando, quod signa in eo collecta sufficiant ad concludendum esse eas regulares, & religio-

religiosas; licet sufficiant ad concludendum illas facere collegium: nam multi canonici, immo & canonice seculares in Germania, & multæ, quas appellant Beatas in Hispania, & alibi viuunt collegialiter siue conuentualiter sub vno viuendi modo, & sub vno habitu, & sub vno prælato, vel prælata, habentes vnum oratorium, & refectorium, qui tamen non faciunt professionem, vt efficaciter probat cap. indemnitatibus. 9. penult. de elect. lib. 6. & clem. 1. de relig. dom. & cap. ult. cum Archidiacono, & Card. Alexandrino. 12. q. ult. quatenus per illum tex. dicunt aliquas sanctimoniales posse testari: quod est verum de monialibus secularibus, siue collegialiter, siue conuentualiter viuentibus.

- 19 Ad secundum respondeo, negando, quod sola donatio, qua quis se & sua donat, inducat professionem, vt supra probatum est in argumento 7. & 8. pro nostra parte formatis. Et id quod aiunt Panor. & Fel. quod æquipollet professioni, intelligendum est non absolute, sed secundum quid, & quo ad aliqua, puta quo ad gaudendum priuilegio dato monachis ad audienda, diuina tempore interdicti, de quo loquitur prædictum cap. vt priuilegia, vel vt animalia eorum congaudeant priuilegio animalium monasterij, vt in dicta clem. 1. non autem ad hoc, vt videantur solemniter vouisse tria substantialia vota, vt ait prædicta gloss. recepta in d. cap. vt lex continentia.

Ad tertium respondetur, quod præfatæ oblatæ nullum ordinem ingrediuntur, nullum habitum regularem suscipiunt, & non intendunt mutare vitam secularem in regularem; sed in seculari statu & modo viuendi seruire Deo. & ita assumpta in argum. quod fundatur in ingressu & susceptione habitus, & voluntate mutandi vitam secularem in regularem, nihil obstant.

- 20 Ad quartum respondetur, quod prædictum cap. consuluit. in eo citatum non intendit, quod per omnem obedientiam quis efficiatur regularis: quia etiam canonici seculares præstant obedientiam, cap. his qui. de maiorit. & obed. & omnes etiam principes debent Episcopis obedientiam, cap. omnes. eodem tit. & etiam regna omnia secularia suis Regibus præstant obedientiam, iuxta B. Petrum in eius canon. prioris cap. 2. & Paulum ad Rom. 1. & Imperator Papæ, clem. 1. de iureiur. nec propter hoc efficiuntur regulares, & monachi. & ita dixit Innoc. ibi receptus ab omnibus, quod non fit quis religiosus per omnem obedientiam, sed per monachalem tantum, hoc est illam quæ fit alicui potenti recipere professionem regularem seruandi regulam aliquam alicuius religionis approbatæ à Sede Apost. qualem obedientiam monachalem non præstant prædictæ oblatæ: quia non præstant obedientiam secundum regulam Sancti Benedicti, nec obedientiam absolute, sed limitate secundum modum viuendi earum congregationum: quam palam est non esse regulam de approbatis à Sede Apost. quæ non sunt nisi quatuor, vel quinque, vt inter ceteros testatur religiosissimus, idemq. præsertim circa huiusmodi eruditissimus D. Anto. in 3. parte cap. 1. §. 3. tit. 16. de quibus non est hic modus viuendi.

His consequens est, prædictas oblatas consulentes obclausuram non obseruatam nullas incurrisse censuras, nec vllum peccatum propter violationem iurium prædictorum; quæ quia non comprehendebant eas, non potuerunt ab eis violari, nec subinde ob id peccare, cap. qui peccat, in q. 4. & 15. q. 11. §. 1. in fine.

SECUNDA DVBITATIO fuit, an præmissa procedant, etiam si mulieres ipsæ ab aliquot annis retro lapsis in sua oblatione etiam castitatem & paupertatem vouerint, non quidem eo quod suus viuendi modus id requirat, sed ob deuotionem propriam.

- 22 Respondeo affirmatiue: quia ratio primaria, quare præmissa non habent locum in præfatis oblatis, ea est, quod non sunt vere monachæ, eo quod non emiserunt tria vota substantialia in aliqua religione per Sedem Apost. approbata, neque obedientiam monachalem, id est, obedientiam factam potenti aggregare monasterio, vel ordini approbato secundum aliquam regulam à Sede Apost. approbatam: & hæc eadem ratio militat in ijs, de quibus quaeritur, quæ in alijs: quoniam monachæ, quæ prædicto modo prædicta vōta emiserunt, non emiserūt illa in manibus potentis aggregare monasterio ordinis pro religione approbati, nec emiserunt illa in regula per Sedem Apost. approbata pro religione. Ergo idem ius militat in eis, quod in alijs: nam emissio trium substantialium votorum etiam bis, ter, & sæpius repetita alibi, quam in manibus potentis aggregare ordini per Sedem Apost. approbato, & secundum regulam à Sede Apost. approbatam, non efficit quem, vel quam monachum, vel monacham, secundum omnes: & ita in multis religionibus & monasterijs inueniuntur multi, qui emiserūt tria vota substantialia, antequam solemniter profiteantur regulam, & tamen non sunt vere religiosi, nec monachi, donec illam profiteantur. Salua, &c.

Aduertendum circa ea, quæ dicuntur num. 8. referri sacram Congreg. censuisse, superiores religionum posse solum sua monasteria obligare, ut obseruent eorum instituta, à quibus forte recesserunt; Pontificem autem posse religiosi indicere strictiorem vitam, quam sit illa, quam requirebat eorum regula.

S Y M M A R I U M.

- 1 Oblata Turris speculorum cum non sint proprie religiosa, non includuntur sub constitutionibus iubentibus monialibus clausuram, utque eligant triennalem Abbatissam. nu. 2.
- 3 Constitutio nulla ijs aptatur, quibus verba non aptantur.
- 4 Verba canonum & legum proprie in dubio sunt accipienda.
- 5 Clausula generalis in bulla posita, maiora expressis non includit.
- 6 Constitutio noua canonica, & exorbitans, de regularibus disponens, non extenditur ad illas quæ non sunt vere religiosa, quamuis collegialiter & religiose viuant.
- 7 Abbatissa habet dignitatē, & lex de ea loquens non extenditur ad improprie tales.
- 8 Prælati perpetui utilius in religionibus eliguntur, quam triennales.

C O N S I L I U M VII.

EXCELLENTISS. Domine, Mulieres oblatæ Turris nouæ speculorum cum consueuerint eligere suam Abbatissam, siue Priorissam (quam vocant

vocant Præsidentem) perpetuam, & non ad tempus, experte enim sunt hoc regimen melius eis succedere, quam cum eliguntur ad triennium; dubitant modo, cum sint forte nouam electuræ (nam, quam nunc habent, grauius ægrotat) an earum tam laudabili consuetudini obftet bulla fel. rec. Greg. XIII. qua præcipitur, vt deinceps Abbatissæ, siue Priorissæ eligantur triennales, & non perpetuæ.

- 1 Ad hanc quæstionem dico, quod memini me respondisse olim, vestras dominationes non fuisse inclusas, nec includi sub constitutione Bonifacii VIII. in cap. periculoso. de statu regularium lib. 6. nec sub illo cap. Conc. Trid. sess. 25. cap. 3. de reg. ^{et} que alijs constitutionibus fel. rec. Pij V. & Greg. XIII. statuentibus vt moniales, cuiuscumque ordinis & religionis sint, perpetuo seruent clausuram: multis rationibus id pro tenuitate mea confirmando, & latissime ac neruolissime probando vestrum sanctum viuendi modum non esse vllam de religionibus à Sancta Sede Apost. pro vera religione approbatis, neque vllam personam vestri collegij esse vere ac proprie regularem monacham, siue religiosam, sed tantum oblatam religioni S. Benedicti, tali oblatione, quæ non facit eas monachas S. Benedicti, sed tantum oblata s illius religionis: quod longe differt ab eius veræ regulæ professione: & ita tantum obligatas esse ad seruandum obedientiam, & suum peculiarem viuendi modum, iuxta formam statutorum suorum, approbatam quidem à Sede Apost. pro bono & sancto viuendi modo, sed non pro vera illa, & alta religione, quæ facit profitentes esse veras monachas.

Nunc autem responsum ad quæstionem in hac epistola propositam, dico, posse, ac debere insinuare S. D. N. prædictam meam priorem responsionem datam super prædicta clausura cum suis fundamentis, & rationibus, ob quas fel. re. Greg. XIII. excusauit vos ab obligatione seruandi clausuram perpetuam, eo quod illa responsio multum facit ad excusandas easdem à non mutanda consuetudine eligendi Præsidentem perpetuam, sicut profuit ad excusandas eas à non mutanda consuetudine super clausura ad illud vsque tempus seruata: & posse iuste seruare consuetudinem, hæcenus seruata in eligendo Præsidentem nouam perpetuam, quando placuerit D. Ni Iesu Christo extrahere quam nunc habetis, ex hac terrena & misera vita in cælestem & felicem, qua sibi fiat coheres & commensalis. Primo quidem, quod communitas vestra nec vere nec realiter est monachalis, neque nomine ipso appellatur talis, quandoquidem etiam vulgo non appellamini monachæ, sed solum oblata, quas plurimum differre iure late probatur in responsione prædicta prioris quæstionis, quam mihi olim proposuistis:

- 2 Secundo quidem rationibus, quibus olim excusata fuistis à clausura perpetua, & iudicata non includi sub vlla multarum constitutionum, quibus illa iniungebatur omnibus cuiuscumque ordinis & religionis monialibus, ita nunc debetis iudicari non esse includendæ sub constitutione Greg. quæ statuit, vt omnes sanctimoniales eligant Abbatissam triennalem, & non perpetuam, cum de similibus idem sit iudicium, l. illud. ff. ad l. Aquil. & cap. dudum. il. 2. de electio.

- 3 : Tertio, quod nulla constitutio aptatur illis, quibus illius verba non aptantur, ut est rex iuris optimus in cap. indemnitatibus. §. pen. de elect. & l. 4. §. toties. ff. de dam. infect. & ibidem Bart. & Paul. notant, & Fel. late in cap. nonnulli. col. 31. de rescript. & verba prædictæ constitutionis Gregorianæ solum aptantur sanctimonialibus normam & regularem disciplinam seruantibus, quales non estis vos, ut in dicta responsione efficacissime probatur.
- 4 Quarto, quod verba canonum & legum in dubio proprie sunt accipienda, l. non aliter. ff. de lega. 3. & cap. ex litteris. de sponsalibus. at nunquam vel rarissime inueniuntur, & quidem maihi in præsentia non occurrit locus ex iure Pontif. ybi Præfident, vel Præposita feminis, quæ non sunt vere religiosæ, licet viuant communiter religiose, vocetur Abbissa, neque Præfecta normam & disciplinam regularem seruantibus: ergo constitutio Gregoriana, quæ loquitur de electione Abbissæ, vel Præfectæ monialibus, normam & disciplinam regularem seruantibus, non comprehendet Præfidentem, & Præpositam secularibus, quæ neque est vere religiosa, nec præst vere religiosis.
- 5 Quinto, quod Greg. uti vir canonum peritissimus, licet in sua constitutione multas moniales multorum ordinum expressisset, nullam tamen expressit earum, quæ dicuntur vulgo religiosæ, quæ vere non sunt tales: solum enim expressit moniales ordinis S. Benedicti, Cisterciens. Carthusiani, addita clausula generali, & aliorum quorumcumque ordinum, non comprehendente maiora expressis: & ita credendum est certe prædictum Gregorium noluisse includere Præpositas tertij ordinis S. Dominici, & S. Francisci, nec alias similes, si vere non sunt professæ regulam à S. Sede Apost. pro vera regula approbatam, nec consequenter vestras Dominationes, quarum nec Præfident est vere religiosa, nec præst vere religiosis.
- 6 Sexto, quod constitutio Canonica statuens aliqua noua, & à iure communi exorbitantia de sanctimonialibus & feminis religiosis, solum est intelligenda de vere religiosis, & regulam per sanctam Sedem Apost. pro vera regula approbatam professis, & non de alijs quantumvis religiosis, & collegialiter viuentibus, nisi expresse suam legem ad illas extendat, ut est notabilis & memorabilis in d. cap. indemnitatibus. §. supradicta. At Greg. prædictus tulit legem de electione Abbissarum, & Præfectarum normam & disciplinam regularem seruantium, & non extendit ad alias expresse: ergo non est intelligenda de alijs.
- 7 Septimo, quod Abbissa habet dignitatem, ut probat prædictum cap. indemnitatibus. §. primo, versiculo verum. & de talibus videtur loqui prædicta constitutio Gregoriana, & non de alijs, quæ improprie vulgo dicuntur tales.
- 8 Octauo, quod multis efficacibus modis probauimus in com. 3. de reg. super cap. nullam. 18. q. 2. quod sanctius & conuenientius est, ut prælati & prælatæ sint perpetui, & quod triennalis hæc mutatio est nouum inuentum eorum, qui per ambitionem & superbiam volunt dominari, & non obedire; & quod licet aliquo respectu sit utilis ad seruanda temporalia, alio tamen

tamen est ad id damnosa, & quo ad spiritualia bona perniciosissima: nam per eam minuitur auctoritas & reuerentia superiorum ad præcipienda bona, & castiganda mala; minuitur etiam charitas, obedientia, humilitas, & concordia subditorum ad subeunda præcepta superiorum; & augentur factiones, rixæ, discordiæ, & murmurationes: adeo quod nihil magis & ardentius tractatur in illis monasterijs, quam quomodo per fas aut nefas ille aut ille illo ultimo anno fiat prælatus, qui faueat suis fautoribus. & obsit contradictoribus. quas rationes, quia in prædicto comment. facile videri possunt, hic non repeto: sed testor, vt annosus testis, & consultor, ad quem innumerorum peccatorum tam simoniæ, quam ambitionis, superbiæ, factionum, discordiarum, & murmurationum cognitio frequentissime, tum per confessarios, tum per ipsosmet prælatos & subditos pro medicina contra scrupulos quærenda, peruenit; testor inquam, quod, si absque scandalo possem, restituerem statum antiquum perpetuorum prælatorum, quem S. Basilius, Augustinus, Bernardus, Bernardinus, & etiam Dominicus, & sanctus ipse Fraciscus instituerunt, seruatis ad vnguem canonibus, quibus prælati suo munere abutentes eijcerentur, & sine vlla negligentia castigarentur. & consequenter non solum videtur non extendenda hæc triennalis mutatio, sed valde vitanda, vt charitas, & humilitas, vnitas, & mansuetudo seruetur, vt dicitur seruata fuisse in prædicto cœnobio, in quo absque scrupulo credo non seruatum iri, si triennalis præfata mutatio introduceretur. Salua, &c.

S V M M A R I V M.

1. *Explicatio doctrinæ Auctoris posita cap. statuimus. 19. q. 3. nu. 44. & 55. & nu. 2.*
1. *Tertiariæ in congregatione viuentes si volunt profiteri, coguntur omnino clausuram seruare, & sic poterunt alias in earum congregatione recipere: aliter non permittitur eis vt alias de nouo recipiant, debentq. seuerè ab ordinario puniri, si scandalose viuant.*
2. *Dimidium omnium elemosynarum, quæ ex obligatione debent distribui in victu, vel in quosuis alios incertos tamen vsus incertorum pauperum, à Gregorio applicatum fuit in subsidium pauperum monasteriorum monialium.*

C O N S I L I V M V I I I.

AD PRIMVM dubium transmissum Mediolano super com. cap. statuimus. 19. q. 3. num. 44. respondeo notabile nostrum esse conforme textui extrauag. Bij V. ibi transcriptæ: quod illa habet locum non solum in tertiarijs, sed etiam in alijs: ponderando quod tria statuuntur in textu: duo quidem de tertiarijs viuentibus in congregatione non professis: alterum, vt volentes profiteri seruent clausuram, & multiplicentur, vt aliæ monachæ: alterum, quod nolentes vouere viuant quidem sine clausura, sed quod ab ordinarijs seuerissime puniantur, si viuant scandalose: tertiū de cæteris omnibus sine professione & clausura viuere volentibus, vt permittantur quidem viuere sic illæ, quæ hætenus sunt receptæ, nō tamen habeant facultatem aliquam vltius recipiendi. & extrauagans prædi-

prædicta secundum hunc modum intelligendi seruatur Romæ in congregatione nobilium Turris Speculi; nec arbitror posse Mediolani iuste seruari contrarium, nisi per dispensationem, vel quia constitutio non sit recepta: quia lex etiam iusta non recepta non ligat. 9. leges. 4. dist. & adducta per nos in Manual. prælud. 9. nu. 8. & melius cap. 33. à nu. 40.

- 2 Ad secundum dubium super eodem com. num. 55. respondeo, quod sensus commentarij summarie collectus consonat textui: quia verbum, *preterquam*, non excludit à verbo principali *distribui*, sed à verbo *incertos*: ita quod est sensus, dimidium eleemosynarum faciendarum pauperibus incertis ad incertum vsum specialem; nisi vsum ille esset ad victum distribuere; ita quod significet, quod etiam relictum in certos vsus victus &imenti debetur. Verum est, quod subobscurè ponitur; nec mirum: quia est summa textus, quæ debet brevis esse.

S V M M A R I V M.

- 1 Monialium monasteria nulli, qui non sit superior, ingredi licet sine causa urgente, & iusta licentia à superiore obtenta: superior autem monasterij sine sit earum prælatus regularis, sine Episcopus, sine Episcopi Vicarius generalis, vel Visitator, licet non egeat licentia, eget tamen quod subsit causa sufficiens. num. 2. & 3.

CONSILIVM IX.

AN EPISCOPIS liceat intrare monialium monasteria causa visitationis, vel alia?

- 1 Pro parte negante videtur esse tex. expressus in cap. 1. de statu regul. lib. 6. qui sic habet: *Nullique aliquatenus inhonestæ personæ, nec etiam honestæ, nisi rationabilis & manifesta causa existat, ac de illius ad quem pertinuerit specialiter licentia, ingressus, vel accessus pateat ad easdem; &c.* quod fel. record. Pius V. innouauit in extrauag. Circa,

Secundo, quod Conc. Trid. sess. 24. de reg. cap. 5. sic habet: *Ingredi autem intra septa monasterij nemini liceat, cuiuscumque generis, aut conditionis, sexus, vel ætatis fuerint, sine Episcopi, vel superioris licentia in scriptis obtenta, sub excommunicationis pœna ipso facto incurrenda.* quod etiam Pius V. vbi supra innouauit.

Tertio, quod extrauag. Greg. XIII. quæ incipit, *Vbi gratiæ*; renouauit omnes & quascumque licentias ingrediendi monasteria monialium à S. Sede Apost. vel eius Legatis datas, & addit hæc verba in constit. 36. *Quin etiam sub eisdem pœnis ipso facto incurrendis prohibemus, ac interdiciamus omnibus & quibuscumque personis ecclesiasticis, & secularibus, ac etiam ordinum quorumcumque, etiam mendicantium regularibus; ne prætextu licentiarum ab Episcopis, vel superioribus &c. ne monasteria ipsa pro libito, sed necessitatibus urgentibus dumtaxat ingredi, neve moniales sub eisdem pœnis illos aliter admittere præsumant.*

Quarto, quod verba prædictarum constitutionum generaliter & vniuersaliter statuunt, vt nulli liceat ingredi prædicta monasteria, nisi de licentia superiorum: immo postrema Greg. expressius alijs habet, vt nulla

perso-

persona, etiam ecclesiastica, cuiuscumque gradus & conditionis sit, ingrediatur etiam de licentia superiorum, nisi pro vrgenti necessitate. At palam est, Episcopum esse aliquem, & esse ecclesiasticum, & talem quem illa verba, *Cuiuscumque conditionis*, excludunt. Ergo etiam ipse prohibetur ingredi.

Quinto, quod, vbi est eadem ratio, idem ius est censendum, l. illud. ff. ad l. Aquil. cum similibus: & argumentum à simili valet, l. non possunt. ff. de legib. at eadem, vel similis quo ad hoc ratio dicitur, ne praelati superiores monialium ingrediantur earum monasteria. ergo etiam ipsi supradictis constitutionibus includuntur.

2 Pro parte tamen affirmante videtur vrgere, quod nullo expresso iure videtur prohiberi superioribus monialium, ne monasteria earum ingrediantur.

Secundo, quod, cui conceditur quod est plus, conceditur vtrique quod est minus, cap. cui licet. de reg. iur. lib. 6. cum suis concordantijs: & praelati superiores possunt ex causa iusta dare licentiam ingrediendi alijs, vt prredictum Concil. Trid. & prredicta extrauag. præsупponunt; ergo etiam ipsimet.

His præmissis, videtur dicendum primo, prredictam extrauag. Greg. XIII. nihil noui inducere, quod obstat, quin Episcopi possint monasteria, sibi subiecta intrare, quando quidem solum duo noua videtur inducere, scilicet reuocationem facultatum ingrediendi ea concessarum à S. Sede Apost. & à Legatis eius; & quod licentia superiorum ad ingredienda monasteria non sufficiat, nisi vrgentissima de causa.

Secundo, quod iure communi non videtur expressim & speciatim cautum, ne superiores monialium sine licentia superiorum ingrediantur monasteria subiecta.

Tertio, quod verba generalia & vniuersalia iuris communis prredicti cap. 1. de statu regul. de vigore verborum videntur eos includere; quia, includunt omnes personas cuiuscumque generis, conditionis, sexus, vel ætatis fuerint.

Quarto, quod his videtur consequens, vllum Episcopum non posse intrare monasteria sibi subiecta sine vrgenti causa. Tum per omnia argumenta pro parte negante adducta. Tum ne cogamur dicere, quod etiam Vicarius generalis & Prouisor possit id facere; quia vnam & eandem iurisdictionem habet, quam ipse; & ita sunt ei subiecta, sicut Episcopo, cum sit vnum & idem tribunal vtriusque, cap. 2. de consuet. lib. 6. & etiam Visitatores eius, & Vicarij Visitatoris, cap. 1. ne sede vacante. quod menti prredictarum constitutionum videtur repugnare.

3 Quinto, quod probabiliter dici potest, posse Episcopum intrare monasteria sibi subiecta sine licentia superioris, dummodo intret pro tam vrgenti necessitate, pro quanta potest dare alteri ad intranda ea. Tum per duo argumenta supra pro parte affirmante insinuata. Tum quia sicut in cap. fin. de pœnit. & remiss. statutum fuit, vt Episcopi, & superiores, & alij praelati exempti possent eligere confessorem prouidum absque licentia.

tia.

tia superioris, ne præ nimia dilatione salus animæ differretur; sic etiam videtur posse Episcopum intrare monasteria sibi subiecta, ne præ nimia dilatione deficiat suæ necessitati prouisio. Tum quod iure naturali & diuino tantum attento id ei licet; quia neutrum illorum id prohibet expresse, immo nec tacite; quia ex neutro illorum potest per bonam consequentiam inferri non licere id ei: & quod licet utroque illo iure, non est dicendum non licere, nisi per regulas sanctorum id vetetur, cap. consulisti. 2. q. 4. & cap. 2. §. fin. de transl. præl. & non videtur id prohibitum per prædictum cap. 5. de regul. sess. 25. Conc. Trid. quatenus requirit superioris licentiam, non solum qualem qualem, sed scriptam; quia videtur loqui de licentia Episcopi, vel superioris monialium alijs concedenda; non autem de ingressu ipsorum superiorum, pro quo standum est iuri antiquo communi.

Sexto, quod casus omissus habetur pro omisso, & prouisio specialis in vno non extenditur regulariter ad alium, immo statuitur prouisioni communi, l. commodissime. ff. de lib. & posth. & cap. suscepta. de rescript. lib. 6. & cum per proxime dicta Concilium specialiter non prouiderit de ingressu ipsorummet superiorum immediatorum, videtur omissum, & non prouisum, de quorum licentia illi ingredi debeant; & ita standum est prouisioni communi, per quam superiores ipsi poterant ingredi iusta de causa sine alterius licentia. Tum quia pro lege habendum est id quod legislator statuisse, si cum legem faceret, id ei propositum fuisset; iuxta gloss. singularem & receptam in l. tale pactum. §. fin. ff. de pactis. At si Concilium interrogatum fuisset, de cuius licentia ingressuri essent, cum oporteret, Episcopi, & alij prælati, qui debent dare licentiam alijs ingressuris; profecto respondisset, quod ipsi acciperent eam sibi pro tam iusta causa, pro quantâ essent daturi alijs; & non respondisset, ut quærerent eam à papa, vel ab Archiepiscopo, quos non poterant faciliter nec decenter adire pro causis, quæ possent quotidie occurrere. Per quæ omnia & alia, quæ, si vacaret, adduci possent, videtur resoluendum, Episcopos, & alios prælatos non debere intrare monasteria sine iusta causa; cum ea vero sic, non petita ab alio licentia.

Omnia supradicta confirmantur per constit. 75. fel. record. Greg. XIII. quæ incipit, *Dubijs quæ emergunt, &c.* ubi habet hæc verba: *Quocirca vniuersos, & singulos Episcopali, seu maiori, ac etiam Cardinalatus dignitate præditos, nec non quorumuis ordinum Abbates, Priores, ministros, & alios quoscumque superiores regulares monemus, ut facultate huiusmodi, qui eam habent, præter quam in casibus, ut præfertur, necessarijs neuiquam vtantur. quod si, &c.*

S U M M A R I U M .

- I *Canonicus regularis, sicut nec monachus, nequit esse patrinus.*
- I *Leges fundatæ in religione disponentes de monachis canonicos regulares concludunt, nisi earum verba illos excludant, vel ratio diuersitatis possit adduci.*

CON-

CONSILIVM X.

- I** **A**N CANONICVS Regularis possit esse patrinus?
 Respondetur, idem videri dicendum quo ad hoc de canonicis regularibus, quod est dicendum de monachis, iuxta cap. non liceat. de consecrat. dist. 4. cap. 2. de postulan. & notata ibi per Panor. communiter receptum, quatenus dicit leges disponentes de monachis habere locum in canonicis regularibus, quando leges illæ fundantur in religione, & non continent aliqua verba, quibus significant nolle includere canonicos, & non potest reddi ratio diuersitatis. ob quam opinionem ego his quinquaginta annis nolui esse patrinus & leuare baptizatum de fonte, quamuis fuerim ad id inuitatus etiam in Vrbe: licet quæstio hæc subtiliter sit mota, & multa possint pro contraria parte adduci, quæ tamen per ea quæ Panor. ait in d. cap. 2. possunt dissolui.

SUMMARIUM.

- 1 Canonico regulari sine dispensatione Apostolica conferri non potest beneficium seculare non curatum, item nec regulare alterius ordinis. & nu. 5. seculare autem curatum potest. nu. 2. & hoc etiam si sit annexum alicui monasterio. & nu. 5.
- 3 Vicariatus perpetuus parochialis ecclesie unitæ dignitati vel monasterio est beneficium curatum, presentatioq. spectat ad obtinentem dignitatē, seu ad monasterium.
- 4 Beneficium eo solo quod monasterio unitum sit, regulare non est.
- 6 Regularis iure communi per patronum laicum sine dispensatione ad curatā secularem presentari non potest secundum illam sententiam, quam auctor, Rota controuertente, putat veriores: nisi adsit consuetudo in contrarium præscripta.
- 7 Concil. Trid. sess. 7. cap. 7. non tollit potestatem presentandi vicarios temporales ad curata cathedralibus, collegiatis, & monasterijs unita: licet concedat ordinarijs, si videbitur, loco temporalium decernere vt deputentur perpetui: à quo tamen decreto, si grauet, datur appellatio deuolutiua.

CONSILIVM XI.

QVAERITVR primo, an beneficia curata sine dispensatione Papæ possint conferri canonicis regularibus.

Secundo, an patronus laicus possit præsentare religiosum professum ad ecclesiam parochialem secularem.

Tertio, an per decretum Conc. Trid. cap. 7. de reform. sess. 7. intelligatur ablata potestas presentandi vicarios temporales ad ecclesias curatas, quæ unitæ sunt cathedralibus, collegiatis, monasterijs, &c. ijs, quibus aliàs competebar.

- I** Ad prædictas quæstiones breuiter ob penuriam temporis responsurus præsuppono primo, certum esse nullum canonicum regularem iure communi posse absque dispensatione Sedis Apostolicæ obtinere beneficium seculare non curatum. Tum per regulam illam generalem, Regularia regularibus, secularia secularibus, quæ colligitur ex cap. vt possessiones, de reb.

de reb. eccle. non alienan. & cap. cum de beneficio. de præben. lib. 6. & significat Conc. Trid. in cap. 10. de refor. sess. 14. Tum quod ita Cald. & Panorm. communiter recepti determinant in cap. quod Dei. de stat. mon.

- 2 Secundo, quod communis sententia, ut ait Panor. in d. cap. quod Dei timorem. habet, quod canonicus regularis potest habere beneficium sæculare curatum sine dispensatione speciali, cum illa generali, quæ conceditur per illud cap. & alia quæ ipse ibi citat, & traditur in decil. 5. Rot. de iur. patron. in nou. licet omnes dicant cautius esse, ut id cum Episcopi dispensatione fiat.
- 3 Tertio, quod vicaria siue vicariatus perpetuus, qui debet institui in ecclesia parochiali vnita alicui dignitati, vel monasterijs, est beneficium curatum, & habent in eo locum iura statuentia de ecclesijs parochialibus, clem. 1. de offic. vicarij. & huiusmodi vicarius debet institui ad præsentationem eius, cuius dignitati ecclesia parochialis est annexa, ut satis probat textus in d. cap. extirpandæ. §. qui vero. de præben. & ibi sentit Panor. num. 9.
- 4 Quarto, quod prædicta vicaria, siue vicariatus perpetuus non est beneficium regulare eo solo, quod sit vicariatus ecclesiæ parochialis vnite dignitati, vel monasterio regulari. Tum quia id nullo iure cauetur. Tum quia contrarium significare videtur prædictus §. qui vero. cum ei adnot. per Panorm. & alios; nisi per litteras vnionis, vel consuetudinem præscriptam factus fuerit regularis, ut fieri potest, per d. cap. cum de beneficio.
- 5 AD PRIMAM QVAESTIONEM respondeo primo per primum præsuppositum, quod beneficia curata sæcularia non consueta regi per regulares, de quibus in eo citati loquuntur, possunt conferri canonicis regularibus.
Secundo, quod beneficia curata regularia, siue consueta regi per canonicos regulares, possunt conferri canonicis illius monasterij, cui sunt annexa, sine vlla dispensatione. arg. cap. cum singula. de præben. lib. 6. & clem. 1. de supplen. neg. prælat. & d. cap. cum de beneficio. quia illa sunt regularia, & possunt regularibus in titulum conferri.
- 6 AD SECUNDAM respondeo varios fuisse DD. Prætorij Rotæ in decil. 5. de iur. patr. in nouis, ut eius collector refert super hac questione: & quod arbitror etiam nunc varios fore, si eis occurreret: tametsi iure cōmuni verior mihi videatur sententia negatiua Panorm. nisi contrarium præscriptum esse legitime probaretur.
- 7 AD TERTIAM respondeo primo, quod per illud cap. 7. de refor. sess. 7. Conc. Trid. non videtur tolli ius præsentandi vicarios ad ecclesias prædictas pertinens iure communi ad dignitates, vel ecclesias, quibus sunt vnite: quia id ex illius verbis non colligitur necessario: & à iure antiquo non est recedendum, nisi quatenus expresse recedi iubetur, l. præcipimus. C. de appell.

Secundo, quod arbitrio ordinariorum videtur relictum, an oporteat ponere vicarios perpetuos, non obstante priuilegio ponendi temporales:

quia

quia id sonant illa verba cap. *Per vicarios perpetuos, si pro bono regimine id videbitur*. Nec quo ad hoc ordinarijs obstant priuilegia litterarum vnionum; quia expresse derogatur contrarijs priuilegijs.

Tertio, quod si prædicti ordinarij male sine iusta causa id arbitrarentur, & vicarios temporales in perpetuos commutarent, potest appellari ab eis. Tum quia verbum, *videbitur*, arbitrium boni viri regulatum denotat, iuxta doctrinam Bart. recep. in extrauag. ad reprimendum. in verb. *videbitur*. Tum quia iuste potest appellari à iudice, cuius arbitrio aliquid relinquitur, si male arbitretur, vt tenet gloss. communiter recep. in cap. super his. in verb. arbitrio. de accusat. & quamuis appellatio eiusmodi non suspenderet eorum sententiam, quo minus executioni mandaretur, deuolueret tamen iurisdictionem ad superiorem, qui cognita causa illam reuocaret, per cap. pastoralis. cum ei adnotat. de appell. Salua, &c.

Aduertendum, referri à tempore Greg. XIII. & citra obseruari, ne Canonicis regularibus dentur beneficia curata secularia.

S V M M A R I V M.

- 1 *Canonici regulares possunt suscipere beneficia curata extra ordinem suum cum licentia Generalis.*

C O N S I L I V M XII.

PETITVR, an canonici regulares congregationis Lateranensis, ordinis sancti Augustini, possint suscipere beneficia curata, & exercere curam animarum extra ordinem suum cum licentia sui Generalis absque vlla alia dispensatione.

- 1 Respondetur quod sic, per cap. quod Dei timore. de statu monach. & Panor. com. recep. post gloss. Hosti. & Ioan. Andr. & argumento à fortiori per cap. in parochia. cum gloss. 16. quæst. 1. & latissime probat Lambert. de iure patron. lib. 2. r. par. q. 7. prin. art. 19. & ante illum Rocchus de iure patron. verbo honorificum. q. 4. pro quo etiam est gloss. in clem. 1. verb. religiosus. de elect.

S V M M A R I V M.

- 1 *Regulares simplices, vt sunt religiosi sancti Spiritus, nihil proprij possunt habere: quibus si aliquid conceditur, non possunt illud impendere nisi in eorum victum. & vestitum, & quod superest tenentur consignare prælato: nam is cui conceditur aliquid in certum peculium, non potest impendere in aliam causam, quam in concessam, nu. 9. nisi amplior ei fiat à prælato licentia. nu. 8.*
- 2 *Commendatarij sancti Spiritus, sicut & alij regulares habentes beneficia, etiã quod sint ad nutum amouibilia, nu. 5. 6. 7. & 10. possunt de fructibus suarum commendarum, num. 2. immo & aliunde quaesitis, num. 5. disponere in suos necessarios & alienos pios vsus, num. 2, perinde ac si essent beneficiati seculares, num. 4. & 10. & quicquid acquirunt, dictis beneficijs & commendis acquirunt. num. 3. & 7. non autem superiori, qui illa ipsis contulit, nec monasterio in quo professionem emiserunt. nu. 5. 6. & 7.*

Pra-

- 5 *Prælatus beneficia regularia suæ religionis etiam manualia tenetur infra sex menses conferre ; alioquin deuoluuntur ad superiores , nec possunt novas imponere pensiones , vel antiquas augere ; nec fructus illorum dum vacant , qui ad successorem in beneficio debent reservari , sibi applicare .*
- 10 *Regularis etiam de licentia Papæ , immo nec si ipse efficiatur Papa , potest habere dominium , seu proprium , licet possit habere administrationem rerum , ac regnorum . num. 11 .*

CONSILIUM XIII.

QVAESITVM est, an commendatarij sancti Spiritus in Saxia possint quidquam disponere ultra victum & vestitum de fructibus suarum commendarum ; an vero teneantur, quod superest, reddere Reuerendissimo Præceptori hospitalis .

Quæstio hæc magna est, & magis quotidiana , quam bene ad amussim communitè tractata . ob quod nos vt satisfaceremus plurimorum interrogatis, latissime commenti fuimus super ea , & attinentibus ad eam in com. 2. de reg. super cap. non dicatis . præsertim notabili primo, & secundo, & aliquot præambulis eius . Cui ob maximas occupationes , quibus premor, non respondiissem, nisi tam ipsius Illustriss. hospitalis , quam Illustris admodum ac Reuerendiss. eius Prælati, & admodum Reuerend. fratrum, & commendatariorum eius flexisset auctoritas .

- 1 Responsurus autem utcumque , quatenus per impedimenta licet , dico primo , quod pro parte negante , scilicet quod prædicti fratres non possint quidquam disponere , nisi pro victu & vestitu de fructibus prædictarum suarum commendarum , & quod teneantur quod superest reddere præfato Præceptori hospitalis , faciunt tota regula S. Augustini , sub qua viuunt, & d. cap. non dicatis . 12. q. 1. & cap. 2. & cap. super quodam . & cap. cum ad monasterium . de statu monach. cum multis alijs similibus , quæ habent canonicos regulares, & omnes alios vere religiosos vouere votum solemne paupertatis, quo fiunt incapaces omnium bonorum, tam quo ad possessionem, quam quo ad proprietatem , siue dominium in particulari : adeo quod peccat religiosus dicens aliquid esse suum proprium , vt habet præfatum cap. non dicatis . in cuius 1. notabili nos illud confirmamus : & in 2. notabili affirmamus , magis peccare religiosum , qui habet, vel vult habere proprium , cum contraueniat, vel velit contrauenire voto, quod esse peccatum constat ex cap. non est . de voto, & cap. vouentibus . 17. q. 1. & ex alijs multis, quam qui dicit se habere proprium . Adeo quidem, quod ibi diximus maximopere cauere debere religiosos etiam canonicos regulares, tam habentes, quam non habentes beneficia, vel officia, ratione quorum habeat facultatem emendi boues, vaccas, verueces , & alia mobilia , seu se mouentia , siue immobilia, ne comparent illa intendentes actu, seu actualiter, virtute , seu virtualiter quærere illa sibi : quia hoc est peccatum mortale .

- 2 Pro parte vero affirmante, scilicet quod præfati fratres, siue commendatarij possint de fructibus suarum commendarum disponere non solum ad ea,

ad ea quæ pertinent ad victum suum, sed etiam in alia opera pia, & remuneratoria; & quod non teneantur quod superest reddere præfato Magistro Præceptori, facit primo, quod in tota Ecclesia Christiana id seruant omnes religiosi habentes beneficia regularia siue in titulum, siue in commendam, vt vidimus in Castella in ecclesia cathedrali Oxonien. antequam fieret sæcularis, & in ecclesia S. Isidori Legionen. & in Aragonia in canonicis regularibus ecclesiæ archiepiscopalis CæsarAugustan. & in monasterio & hospitali B. Mariæ del Pilar eiusdē ciuitatis, & in Nauarra in canonicis ecclesiæ cathedralis Pampilonen. & in monasterio B. Mariæ Roncæuallis, & in Catalonia in ecclesia cathedrali Dertusen. & in Gallijs in archiepiscopatu Tolosano, antequam fieret sæcularis, & etiam nunc in celeberrima ecclesia S. Saturnini eiusdem ciuitatis, & in omnibus commēdis, & prioratibus ordinis hospitalis S. Ioannis Hierosolymitani per totum orbem dispersis, & in omnibus commendis ordinis S. Iacobi de la Spata, fundati super regula S. Augustini, & ordinis de Alcantara, & Calatrana degentium sub regula B. Benedicti: & in omnibus alijs monasterijs, in quibus sunt huiusmodi prioratus & commendæ.

3 Secundo facit cap. cum olim. de priuileg. quatenus habet, canonicum regularem assumptum ad episcopatum non quærere bona quæ sita post eum habitum ecclesiæ priori, nec prælato, sed episcopatui. quod clarius probat cap. statutum. 18. q. 1. & cap. si quis iam translatus. 21. q. 2. quæ omnia probant, religiosum, qui ab vno beneficio transfertur ad aliud, non quærere postea quæ sita priori beneficio, nec priori ecclesiæ, sed posteriori, quam regit & gubernat. Cum ergo præfati fratres commendatarij de statu simplici religiosorum, quem acquirunt per professionem solemnem, ascendant per acquisitionem commendarum sibi collatarum ad noua iura, & noua beneficia, & nouum statum commendatariorum, non dicentur acquirere monasterio principali, vbi professi sunt, sed hospitali, vel præceptorijs, vel commendis, ad quarum gubernationem assumpti sunt.

4 Tertio facit clem. 2. vers. sed & tales. de vita & honest. clericor. quæ faciendo differentiam inter simplicem religiosum, & eum, qui habet beneficium, vel administrationem regularem, statuit, vt simplex religiosus, qui ephytogium, siue vestem breuem contrariam religioni detulerit, tradat illam superiori, vt ille in pios vsus eam conuertat: si autem fuerit beneficiatus, vel administrationē habens, eroget eam pauperibus. per quem textum singularem singulariter ibi dixit Cardinalis, quod religiosus beneficiarius potest de fructibus sui beneficij disponere, perinde ac clericus sæcularis de fructibus sui beneficij sæcularis. Cuius dicto nemo contradicit, & nos illo vsi sumus in tractatu de redditib. ecclesiast. ad quædam alia proposita. Cum ergo fratres religiosi, de quibus loquimur, sint beneficiarij, habeantq. administrationem fructuum suarum commendarum, per collationem canonicam superioris sibi factam, possunt de fructibus illorum disponere, perinde ac clerici sæculares de fructibus suorum beneficiorum, & consequenter de illis se decenter sustentare, & in opera pia consumere.

- 5 Quarto est textus singularis; quem, ut credo, Bart. non vidit, vel non ponderauit, ut nos in dicto cap. non dicatis. dicebamus, in clem. 1. de supp. neg. pralat. quatenus habet, primum huiusmodi preceptorias, & commendas, etiam manuales, & ad nutum praelati remouibiles, esse beneficia talia, quod in eis habet locum dispositio cap. 2. de concess. prabend. scilicet, quod debent conferri intra sex menses ab earum vacatione: ita quod, si non conferantur intra illos, earum collatio deuoluitur ad superiores eorum, qui eas conferre debent. Secundum, quod earum superiores collatores non possunt augere pensiones iam impositas, nec novas imponere. Tertium, quod irrefragabiliter hanc nostram partem confirmat, scilicet, quod non possunt praelati superiores, qui eas conferunt, quidquam de fructibus earum, qui proueniunt durante illarum vacatione accipere, sed debent reservari futuro successori.
- 6 Quinto, quod, sicut religiosus prouisus à Papa de beneficio manuali, & ad nutum amouibili, non querit Papæ, sed ipsi, & suo beneficio, vel ecclesiæ suæ, siue conferatur ei à Papa cum clausula, ut teneat ad vitam, siue sine illa, ita quod maneat manuale, cap. ad nostram. & cap. porrecta. de confir. util. vel inutil. ita eadem vel maiori ratione religiosus prouisus à superiore, qui est inferior Papa, non queret conferenti, sed sibi, & beneficio, & ecclesiæ suæ.
- 7 Sexto faciunt multa, quæ nos in dicto cap. non dicatis. nu. 6. scripsimus. Primum, quod religiosus, præsertim canonicus regularis non simplex, sed beneficiarius querit suæ ecclesiæ, vel beneficio, vel ordini, quem professus est, cap. cum olim. de priuil. & cap. statutum. 18. q. 1. Secundum, quod religiosus translatus ad aliam ecclesiam, vel beneficium, querit illi ecclesiæ, vel beneficio, cap. si quis iam translatus. 21. q. 2. & cap. ne pro cuiuslibet. 16. q. 1. Tertium, quod regularis habens beneficium manuale, tam ample potest disponere de fructibus sui beneficii manualis, quam ample potest disponere de quæsitis opera sua, vel alijs vndecumque: quia ut nihil eorum est suum quo ad dominium, ita illa omnia sunt eius quo ad ius administrandi, & dispensandi. Quartum, quod hæc non solum procedunt in fructibus beneficii regularis, sed etiam in quæsitis aliunde, quidquid aliqui dicant, ut affirmat Panorm. in cap. monachi. de statu monach. sequutus Federicum consil. 35. Tum per rationes prædictas. Tum per decisionem præfati Feder. determinantis, quod pena statuti posita contra occidentem aliquem debet applicari prioratui manuali, occiso Priore, & non monasterio, cuius erat monachus, etiam si esset Prior ad nutum reuocabilis; motus ad id firmis rationibus, quem Dec. late sequitur in cap. in præsentia. num. 57. post medium cum alijs citatis ab eo, de probat.
- 8 Septimo facit, quod omnia argumenta, quæ supra sunt pro contraria parte insinuata, soluantur per ea, quæ nos diximus in d. com. 1. de reg. super cap. non dicatis. num. 8. ubi licet concedamus quod nullus religiosus simplex carens beneficio, officio, & administratione, potest quidquid sine licentia superioris impendere: negamus tamen quod id procedat in religioso habente beneficium, officium, vel aliam administrationem collatam sibi

- sibi in titulum, vel commendam, etiam manualement, & ad nutum superioris reuocabilem. Alioqui nullus religiosus, qui esset Abbas, Episcopus, Archiepiscopus, vel etiam Papa, vt fuit Pius V. quidquam posset impendere, nisi tantum in ijs, quæ pertinent ad suas dignitates. Et in casu proposito non agimus de religioso simplici, sed de beneficiario, & habente administrationem datam sibi in beneficium, & commendam, saltem manualement, & ad nutum reuocabilem. Ibidem etiam secundo ponimus differentiam inter religiosum habentem peculium, & habentem beneficium: quoniam ille non potest impendere, præterquam in ea, quæ pertinent ad bonam administrationem eius: hic autem, scilicet beneficiarius, potest impendere, etiam in illa, in quæ possunt alij beneficiarij siue religiosi, siue sæculares. & in comment. 1. num. 15. etiam dicimus, quod proprium accipitur proprie pro dominio rei; & quod monachus, siue religiosus non potest habere proprium huiusmodi vllius rei pecuniariæ, neque possessionem eius, nomine suo. Et de huiusmodi proprio intelligenda sunt vota solemnia paupertatis omnium religionum. Adeo quod nec Papa potest dispensare cum religioso ad habendum huiusmodi proprium; iuxta cap. cum ad monasterium. §. fin. de statu monach. Immo, sententia mea, non habet illud religiosus, etiam si sit Papa; immo, vt alibi dicimus, licet sua Sanctitas possit ex maxima & iusta causa dispensare super voto solenni castitatis, nõ tamen potest super voto solenni proprietatis, accipiendo proprium hoc modo pro dominio vero rei. Sed optime potest dispensare cum eo ad habendum administrationem etiam regni, & Imperij: quia habere administrationem non est habere dominium, toto titulo de administ. rerum ad ciuit. pert. & de administ. tutor. & curat. & cap. grandi. de supplen. neglig. prælat. lib. 6. Itaque concedimus, quod præfati religiosi, & commendatarij nõ habent, nec possunt habere proprium huiusmodi, sed sic administrationem beneficiale, vel peculialem, vel aliam titularem perpetuam, vel ad nutum reuocabilem, qualem habent præfati religiosi, de quibus agitur, vt nos vbi supra latius probamus. Et qui contrarium dicunt, non aduertunt hæc, quæ toto iure Canonico probantur.
- 12 Addimus, quod quamuis radicalis ratio horum à nemine, quod sciam, tradatur: illa tamen videtur esse, quod omnium est vna opinio, quod de licentia prælati, præsertim expressæ, religiosus potest habere proprium huiusmodi improprium. Et religiosus, qui habet beneficium siue perpetuum, siue amouibile, aut manuale, vel aliam administrationem à suo superiore collatam per titulum perpetuum, vel manualement, habet licentiam tacitam inclusam in illo titulo ad administrandum eius bona, sicut & alij beneficiarij sæculares, iuxta tex. & ibi Card. in clem. 2. §. sed & tales. de vita & honest. cler. Salua, &c.

S V M M A R I V M.

- 1 Regularibus stabilia nec ad vsum cõcedi possunt; Et hoc nisi subsit iusta causa, vt si fiat ob utilitatẽ monasterij ad augenda & melioranda bona, & huiusmodi. nu. 6.

- 2 Regularis etsi nihil habere, possidere, dare, vel recipere sine superioris licentia possit; tū illa tamen pro sibi iniuncta administratione habere potest: item q. & potest habere aliquid annuū pro vestiario & similibus, nu. 4. immo & in sua professione etsi non conditionem suspensiuam, modū tamen adijcere potest, ut ad sui sustentationē etiā extra conuentū manēdo possit olim sua sibi retinere, nu. 3. & 4. hāc tamē vti propria habere nō potest, n. 1. sed solū ut peculīū suis necessitatibus deputatū. n. 6.
- 3 Fœmina vouendo religionem in monasterio virorum, manendo extra illud, efficitur religiosa, debet q. ei permitti peculium habere, vnde possit se sustentare. nu. 4.
- 8 Regulari per superiorem ex iusta causa & iusto contractu alicuius rei facta cōcessio non obligat superiorem plus quā obligetur dominus suo seruo, cui monachus æqui paratur in actionibus actiue & passiue. vnde potest reuocare: & hoc procedit quo ad obligationem ciuilem, non autem quo ad naturalem descendente ex contractu vel pacto, qua adeo obligatur; ut sine peccato non possit sine iusta causa non seruare. num. 12. 13. & 14.
- 9 Prælati etiam cum conuentu non potest statutum facere aliquod, quod successorem, immo quod nec ipsum statuentem, etiā si iurasset, ita obliget, ut nō teneat illius, sicut & cuiuslibet alterius obligationis suis subditis facta reuocatio, absq. eo quod subdito contra superiorem reuocantem aliqua competat actio. nu. 1 & si tamen sine causa fiat, etsi reuocatio mero iure teneat, tamen peccabit reuocans. nu. 12 & 13. at si faceret malo animo, tunc posset aduersus hanc iniuriōsam actionem per viam querelæ habere recursum ad mediatum superiorem. num. 15.
- 11 Seruitus regularium spiritualis quidem est, sed strictior censetur, quam quia serui obstringuntur suis dominis carnalibus.
- 13 Obligatur prælati suo subdito naturali obligatione descendente ex contractu vel pacto; nec sine peccato, nisi subsit iusta causa, potest eam omnino obseruare, & num. 14. licet pro eis non detur obligatio ciuilis. num. 8. & si superior reuocet contractum, tenet. num. 11. 12. 13.
- 15 Regularis adeundo superiorem per viam querelæ opponere potest prælato quod malo animo ei sine causa beneficium aufert, & sic impedire, sed de spolio agere non potest. num. 12. in fin.
- 16 Collatio manualis à Papa ad vitam confirmata non potest per inferiorem auferri ab ipso regulari.

CONSILIVM XIV.

GENERALIS Ordinis Eremitarū S. Augustini, de consensu Prioris, & cōuentus S. Augustini Vrbis, cōcessit ecclesiā sibi vnitā, cum quodam horto, & alijs ad eam pertinentibus, cuidam monacho sui ordinis, ad vitā eius, ea lege, ut solueret certos sensus annuos debitos, & regeret, gubernaret, & melioraret, siue redderet meliora omnia ad ecclesiam pertinētia, & celebraret quasdā Missas, & faceret quædam alia pia. Queritur, quid iuris.

Duo in hac cōsultatione querunt. Alterū est, an cōcessio præfata licita sit. Alterū, an esto sit licita, reuocari possit p cōcedētes, vel successores eorū.

- 1 Pro parte negante prioris dubij, facit cap. nō dicatis. 12. q. 1. cum multis, quæ in com. 2. de reg. illi adiecimus notab. 5. nu. 14. & cap. vlt. de stat. monach. cum ei adnot. per quæ, & per ipsam regulam Patriarchæ nostri Augustini constat, monachos nihil proprii posse nec debere habere.

Secun-

- Secundo facit cap. 2. de regul. sess. 25. Concil. Trid. cuius verba sunt; *Nemini regularium, tam virorum, quam mulierum liceat bona immobilia, vel mobilia, cuiuscumque qualitatibus fuerint, etiam quovis modo ab eis acquisita, tamquam propria, aut etiam conventus nomine possidere, aut tenere.*
- Tertio fortissime facit idem cap. 2. in illis verbis; *Nec deinceps liceat superioribus bona stabilia alicui regulari concedere, etiam ad usumfructuum, vel usum, administrationem, aut commendam.*
- Pro parte tamen affirmante facit primo præfatum canonem dicatis. quod est pars regulæ S. Augustini, quatenus habet, monachum nihil debere habere, possidere, dare, vel accipere sine superioris licentia, significans elare à contrario sensu posse accipere de licentia superioris. & in casu proposito præfatus D. consulens habet ecclesiam prædictam cum pertinentibus ad eam de licentia tam Generalis sui, quam Prioris, & conventus præfati monasterij, ut patet per tenorem concessionis.
- Secundo facit cap. 9. præfata regulæ, relatum in sententia in cap. 2. de statu monach. quatenus religioso permittit habere peculium de Prioris licentia pro libere iuncta administratione.
- Tertio facit cap. de viduis. ex quo quod habet, & viduas, & virgines posse fieri regulares, & manere in domibus suis secundum intellectum glossæ. & certum est eas in eis non posse absque proprio peculio vivere. Et quamvis posset responderi aliquatenus illi textui, est tamen textus sing. & irrefrag. in cap. insinuante. qui clare videtur. Primum quidem, quatenus habet, feminam posse fieri vere religiosam vouendo regulam in monasterio virorum, non intrando illud, & manendo in domo, quæ sua erat ante professionem. quo casu necessarium est eam habere aliquod peculium proprium, quo se sustentet. Secundo fortius facit, quatenus probat, valere professionem factam cum pacto, ut vivat extra monasterium cum bonis, quæ ante professionem erant sua, sustentando se de illis: ubi & in cap. monachus. & cap. cum ad monasterium. de statu monach. Panor. recep. sequitur Bar. etiam communiter recep. in auth. ingressi. C. de sacros. eccles. dicentem, valere professionem, quæ quis proficetur, adiecto saltem per viam modi, & non per viam conditionis actum suspendentis, ut relinquatur ei administratio bonorum suorum ad se sustentandum.
- Quarto facit decisio illa Ioan. And. in Mercuria. regulæ non est obligatorium. de regul. iur. lib. 6. quod valet statutum iusta saltem de causa factum, ut monasterium solum det victum monialibus, & pro vestitu habeat quæ labore manuum suarum hauriantur: per quod Panor. in d. cap. cum ad monasterium. ait, satis licitam esse constitutionem, vel consuetudinem, qua religiosis certum quid annuū pro annuo vestitu traditur: quod etiam dicit in alijs locis citatis per Decium in cap. edoceri. de rescript. referentem alios id tenentes.
- Ad opposita respondetur: ad primum quidem, concedendo, quod non licet monacho habere vllum proprium sine licentia prælati, ut habet præfatum cap. non dicatis. neque de licentia uti rem propriam, cuius habeat dominium, & possessionem nomine suo, ut habet cap. ult. in princ. & fin.

de stat. monac. negando tamen, quod non possit habere aliquid de licentia sui superioris, tanquam peculium deputatum suis vsibus, & necessitatibus, vti præfatus D. consulens habet præfatam ecclesiam, & domum cum pertinentibus ad eam.

Ad secundum respondetur, quod illud cap. in princ. nihil noui iuris inducit; sed tantum declarat antiquum contentum in d. cap. non dicatis. 12. q. 1. & cap. vlt. de statu mona. & ita solui potest, sicut illa.

Ad tertium respondetur, quod illud cap. est intelligendum de concessione sine iusta causa facta, quæstio vero proposita loquitur de concessione facta iusta de causa, non vna tantum, sed etiam multiplici facta est enim primo ad exonerandum præfatum monasterium impensa sustentandi aliquos monachos in ea, & impensa celebrandi festum vsitatum in die sancti Matthæi, quod constat pluribus quam 12. scutis; impensa item conseruandi, & reficiendi, & meliorandi ecclesiam, domum, & hortum, & soluendi censum 10. scutorum, & celebrandi Missas diebus festis: maxime vero exonerauit illud ære alieno, & debito 200. scutorum, quæ monasterium debebat pro pretio emptionis prædicti horti, quæ præfatus D. consulens habuit ab amicis suis, menditando, mutuando, vel alia obsequia pro industria sua exhibendo; quibus ad gratias referendas iure naturali tenetur; licet monasterium ad eas obligare non potuerit, vt nos satis probamus in comment. d. cap. non dicatis. num. 41. Quod autem liceat huiusmodi concessionem iusta de causa facere etiam post Conc. Trid. efficaciter probamus in præfat. cap. non dicatis. num. 14. & per argumentum pro hac parte factum.

- 7 AD ALTERVM DVBIVM principale, scilicet, an esto sit licita concessio præfata, reuocari possit per concedentes? Respondeo, hoc esse pulchrum dubium. Nam pro parte negantæ facit primo regula, *Quod semel placuit, amplius displicere non potest*: cum regula mutare. de reg. iur. lib. 6. cum multis in earum gloss. allegatis.

Secundo, quod contractus, licet à principio sint voluntarij, postea, tamen sunt necessarij, l. sicut ab initio. C. de actio. & oblig. eo quod, quo quisque est iustior, eo grauius est ei fidem fallere, arg. cap. ex renore. adiun. gloss. de foro compet. & quod viri religiosi sunt, vel certè præsumuntur, & debent esse iustiores alijs, arg. cap. homo Christianus. 40. dist. & cap. præcipua. 11. q. 3.

Tertio, quod præfatum monasterium teneretur seruare concessionem præfatam, si eam fecisset alicui laico agricolæ per viam emphyteusis, vel aliam donationem modalem, siue modis & conditionibus prætactis onustam.

- 8 Pro parte autem affirmante facit primo, quod monachus ad suum prælatum ita se habet, vt seruus ad dominum suum, secundum Innoc. recep. in cap. cum olim. de priuileg. Feder. in consil. 259. casus talis est. & Bart. in l. 1. ff. de stipul. seruorum; & Panor. in consil. 88. videtur. volum. 1. & in cap. edoceri. de rescrip. & melius in cap. cum ad monasterium. de statu mona. & tradimus nos in comm. 2. de reg. super cap. non dicatis.

12. q. 1. num. 3. concludentes monachum active & passive seruo comparari. At seruus non potest obligare sibi dominum suum per vllum contractum, etiam transactionis, l. interpositas. in fi. C. de transact. ergo neque monachus potest obligare sibi suum prælatum, & monasterium. & ita Bar. in d. l. interpositas. quem Ias. cum communi sequitur, dicit, illam legem, quæ habet, dominum non posse obligari seruo, habere locum in prælato, & monacho suo, vt non possit ei obligari.

Secundo est casus in cap. cum ad monasterium, §. tales. de statu monac. ibi, *nec alicui committatur aliqua obediētia perpetuo possidenda, tamquā in sua sibi vita locetur; sed, cum oportuerit, a superiore sine contradictione aliqua reuocetur.* Per quod ibi determinat Panor. communiter recep. quod Abbas, & conventus non possunt facere statutum, per quod ligetur successor; & quod Abbas non ligatur ex suo statuto, licet cum conventu illud fecerit, quominus possit contrahere: nam monachi non possunt resistere sibi, cum habeant obedire, & eorum velle dependeat a voluntate Abbatis, vt in c. si religiosus. de elect. lib. 6. & cap. 2. de testam. eodem lib.

Tertio, quod licet prælati & conventus possint facere diuisionem inter se bonorum monasterij, iuxta cap. edoceri. de rescrip. & ibi Panor. Fel. & Decius, & communiter omnes tenent, etiam sine consensu Episcopi, & alius superioris; non tamen irrenocabilem: quia poterit illam reuocare Abbas, cum ei libuerit, secundum omnes. Ergo a fortiori poterit Abbas, vel alius superior similis ei reuocare diuisionem bonorum factam cum vno vel altero monacho.

10 Quarto facit, quod Ioan. Andr. in cap. non est obligatorium. de reg. iur. lib. 6. sentit, quod etiam si Abbas iurauerit seruare statutum, nihilominus reuocatio tenet, licet incidat in periurium: per quod Panor. in d. cap. cum ad. num. 1. infert, si Abbas concedat Priori obediētiario, seu mandatario, vt ad vitam teneat prioratum, seu administrationem sibi concessam, potest nihilominus reuocare: quia non potest Abbas sibi imponere legem, nec venire contra dispositionem illius §. tales. quia labefactaretur vis voti obediētiæ, quod est vnum de tribus substantialibus regulæ.

12 Quinto, quod Panor. consultus in cons. 88. vol. 1. an quidam Ioan. monachus posset agere contra prælatum suum ad cogendum eum seruare promissa quædam sibi ratione studiorum facta, respondit, contra eum facere, quod sicut seruo aduersus dominum agere taliter non permittitur, vt l. vix certis ex causis. ff. de iud. ita nec monacho aduersus prælatum suum: censetur enim monasterij seruus: & quamuis hæc sit spiritualis seruitus, strictior tamen censetur, quam secularis, vt probatur in c. malos. 34. dist. & mundo mortuus censetur, & Deo viuere. 16. q. 1. c. placuit. Hinc dicitur, quod monachus nō habet nolle, nec velle, sed totus dependet a superioris arbitrio, quod vice Dei super caput posuit, 12. q. 1. cap. nolo. & c. non dicatis. & c. si religiosus. de elect. lib. 6. & in c. 2. de testa. eod. lib. hæc ibi Panor. qui licet postea concludat, potuisse prælatum Ioannem agere contra Episcopum, qui erat ei loco Abbatis, vt alimenta temporis in studijs consumpti solueret; & consequenter sentiat promissa illa fuisse licita; non tamen ait non

potuisse reuocare illa. Et ita, licet in casu nostro dicendum sit concessio-
nem præfatam licitam fuisse, non tamen ex eo infertur non posse conce-
dentes illam reuocare.

12. His pro vtraque parte consideratis, videtur dicendum primo, partem
hanc posteriorem affirmantem reuocationem præfatæ concessionis posse
per concedentes fieri, esse de rigore iuris veriore per fundamenta pro-
xime tacta, in hunc sensum, quod talis reuocatio censetur valida in foro
exteriori, etiam si fiat absque alia iusta causa, quam quod concedentes vo-
lunt illam facere; eo quod præfatus D. consulens est eis per votum obedi-
entiæ solemne ita subditus, ut nihil temporale possit obtinere quo ad domi-
niū, neque quo ad possessionem, etiam nomine monasterij vlla de causa si-
ne licentiâ & voluntate superioris: quia quo ad huiusmodi obtentionem
nullam habet voluntatem, sed tota eius voluntas pendet ab arbitrio & vo-
luntate superiorū, quos loco Dei voluntarie & sponte sibi præposuit, iuxta
præfatum cap. non dicatis. 12. q. 1. & c. si religiosus. de elect. lib. 6. & cap. 2.
de testa. eod. lib. Ut in finibus superior regularis, qui plene contulit benefi-
cium regulare subdito regulari, potest illud pro libito suæ voluntatis au-
ferre illi sine alia iusta causa, quam quia vult, c. porrecta, c. ad audientiam.
de confirmat. vtili. & c. cum ad monast. §. tales. de statu mona. & clem. 1. §.
penult. de supplen. negligen. prælat. adeo, quod non posset agere etiam de
spolio contra prælatum spoliantem, modo id bono animo faceret, iuxta
Innoc. quem post Rotam sequimur in præfat. cap. non dicatis. nu. 65.
13. Secundo, quod huiusmodi reuocatio, licet de rigore iuris facta valeret,
non tamen deberet fieri sine iusta causa: & concedentes, vel successores eo-
rū, qui eam facerent, grauitèr peccarent, ea ratione firma, quod, sicut do-
minus obligari potest seruo naturali obligatione descendente à pacto, vel
contractu, l. naturaliter. & l. si id quod. ff. de condi. indeb. ita etiam prælatus
potest obligari monacho, ut in præfatis legibus tradunt scribentes, & Pa-
nor. in cons. 104. primi vol. quem cum alijs nos regulimus, & sequuti fuimus
in præfato com. super c. non dicatis. nu. 42. & contrarietas naturali ob-
14 ligationi ex pacto, vel contractu licito descendenti peccat, etiam mortu-
liter, ut ex Innoc. in c. nouit. de iud. nu. 4. recte colligit Bar. in extrauag. ad
reprimendam. verb. denunciationem. & Pel. in procem. Greg. nu. 25. & in c.
quæ in ecclesiarum. de constit. nu. 55. & nos insinuauimus in Man. confess.
15 c. 18. nu. 6. Confirmatur etiam illa consideratione, quod, licet prælatus re-
gularis pro voluntate sua sine alia iusta causa possit auferre monacho suo
beneficium regulare, quod ei contulit, ut proxime dictum est; tamen is, cui
sic auferretur, posset opponere malo animo id eum facere, & per hoc im-
pedire effectū huiusmodi ablationis, iuxta doctrinam Innoc. in c. insinuan-
te. qui cler. vel vouen. quem sequitur Cosmas in pragm. tit. de collat. §. ita
quod parochialis. verb. perpetuis. quos in praxi sequuntur parlamenta
Gallicana, ut diximus in d. cap. non dicatis. nu. 98. & tanto maiore cum ra-
tione posset D. consulens querelam super hoc ad Papam deferre, si absque
iusta causa ea spoliaretur, quo hæc concessio propior est locationi, quam
beneficij spiritualis collationi, cum etiam conuerso laico fieri posset, ut
alias

aliis facta est; & quanto maior pecunia pro ea soluta est, quam beneficia-
rius pro collatione soluere solet, cum nihil soluere citra simoniam possit,
iuxta cap. quam pio. 1. q. 2. & cap. cum pridem. & ult. de pact.

- 16 Tertio principaliter dico, provide acturū D. consulentem, si curauerit
habere a Papa confirmationem huius concessionis ad vitam suam. Tum
quia id solent curare habentes beneficia manualia, iuxta c. ad audiētiam.
& c. potrecta. de confir. util. Tum quia habita præfata confirmatione nihil
esset ei timendum, & ea non habita potest timere fore aliquos æmulos, qui
concedentes, vel successores eorum aliquo colore moueant ad reuocandū
illam; licet absque peccato id facere nequeant: præsupponendo, quod, li-
cet fieri non deberet, facta tamen teneret. Tū quia, licet contra reuocan-
tes sine iusta causa posset uti remedio supra insinuato, quo religiosi Galli-
cani uti solent aduersus auferentes sibi beneficia manualia; tamen id non
posset fieri sine sumptu, & lite, & periculo eam perdendi, eo quod est exte-
rus, & monasterium & superiores eius indigenæ & potentes. Salua, &c.

*Aduertendum difficile esse sustinere dictam concessionem non esse contra disposi-
tionem dicti c. 2. sess. 25. de regularib. expresse decernentis, administrationem immo-
bilitum non alijs quam officialibus, qui ob utilitatem monasterij creari solent, conce-
dendam esse; qualis non est hic conductor, qui ut priuatus religiosus, & ad suam uti-
litatem & damnum hanc obtinuit administrationem.*

S V M M A R I V M.

- 1 Abbas legem sibi ponere non potest, a qua recedere nequeat.
- 2 Papa & non alius potest regulari concedere licentiam ab alio, quam ab ipso non
renocabilem, ut quid ad usus pios & honestos sine alterius licentia impendere
& habere possit. & nu. 2.

C O N S I L I V M X V.

NOBILIS vellet dare 500. aureos fratri suo regulari, hac tamen
conditione, quod ipse solus suo arbitrio eos impenderet, ita ut a
quoquam superiorum prohiberi non possit. Quæritur, quid iuris.

Ad propositam quæstionem respondeo primo, omnia fere, quæ possent
adduci pro vtraque illius parte, tacta esse a nobis ante circiter sex annos
in comm. 2. de reg. super c. non dicatis. 12. q. 1. præsertim notab. 5. nu. 14.

- 1 Secundo, quod nullus prælatus, etiam Generalis, inferior Papa potest
concedere firmiter præfato D. consulenti id quod frater eius desiderat,
quod ipse solus pro suo arbitrio impèdat illos 500. aureos, & ut nec Prior,
nec Provincialis, nec alius superior possit prohibere id ei, neque auferre
illi eos, vel aliquam partem eorum ad impendendos eos in alios usus, quæ
ipse vellet: quia non potest Abbas ponere sibi legem, a qua recedere ne-
queat, nec directe nec indirecte facere suum monachum proprietarium,
ut probat cap. cum ad monasterium. 4. tali. & 5. fin. de statu monachor. ubi
hoc adnotauit Panor. num. 9. & nos in casu fere huic simili insinuauimus
post Panor. & Decium ubi supra num. 16.

Tertio,

2 Tertio, quod S. D. N. vel alius superior eius, cum auctoritate Sanctitatis suae, potest praefatam licentiam concedere: ita quod nullus praelatus inferior alius a se, vel eius successor possit illam tollere, vel diminueri, arg. generali cap. cuncta per mundum. 9. quæst. 3. & cap. proposuit. de concessio. præben. & argumen. speciali cap. ad nostram. & cap. porrecta. & eis adno. de confirma. utili vel inut. ut illa in usus pios & honestos sine alia vlla licentia suorum pralatorum impendere possit: & quod illi non possint ei illum usum impedire, ut colligitur ex cap. nisi essent viri providi. & ibi notat Panor. communiter recep. de præben. num. 13.

3 Quarto, quod similem fere facultatem concessit cuidam nobilissimæ virgini volenti religionem ingredi fel. recor. Pius V. quam nos referimus vbi supra. & ita credimus, Sanctissimum D. N. praefatam facultatem pro sua insigni benignitate, & in pia opera facienda propensione, libentissime concessurum, vel ab alio praelato concessam confirmaturum, cum clausula, ne quis alius praelatus eam tollat, vel minuat. Tum ob praedicta. Tum quia solita est Sancta Sedes Apostolica concedere aliquot religiosis pensiones super fructibus aliquorum beneficiorum, ea lege, ut ipsi soli impendant.

Quare supplicandum est suae Sanctitati, ut dignetur id facere in consolationem D. consulentis genere nobilissimi, & totius sui conventus, & in gloriam Dei optimi maximi, qui suam Sanctitatem quam diutissime servet incolumem, nos omnesque salvet in æternum.

S Y M M A R I U M.

- 1 Monachum seu canonicum regularem sine licentia de monasterio recedentem, etiam ad curiam Romanam accedentem superior ubicumque capi, & incarcerari facere; item & litteras, quas secum defert, aliorum monachorum etiam Pontifici directas capere, & aperire impune potest. num. 2.
- 2 Litteras ad Pontificem etiam legitime scriptas aperiens, censuram aliquam incurere, nequaquam iure cauetur.
- 3 Litteras, quas privati monachi sine superioris licentia, etiam ad Pontificem scribunt, uti minus legitime scriptas, potest superior impune aperire: secus si sint a conventu iuridice, hoc est, pro rebus pro quibus potest quis sine superioris consensu agere conscriptas.

CONSILIUM XVI.

CANONICVS regularis sine licentia praelati ad curiam quamdam saecularem proficiscens litteras scriptas ab alijs concanonicis ad Papam secum deferebat. Praelatus autem eum capere, & carceribus mancipare fecit, litterasque praefatas acceptas aperuit, & legit.

Quæritur primo an incarcerando, & ad praefatam curiam ire impediendo, aliquam censuram vel poenam incurrerit.

Secundo, quid dicendum sit, eo quod aperuit & legit litteras missas ad Papam.

AD HORVM dubiorum primum respondeo, quod nullam ecclesiasticam censuram, nec vllam poenam temporalem incurrat. Primo quidem, quia quod legitime factum est, poenam non meretur, l. Gracchus. C. ad legem lul. de adult. l. sancimus. C. de poen. cap. 2. de constit. Ac predicta captura iuste fieri potuit; quoniam praelatus & superior religiosi potest ipsum fugientem, vel sine licentia eius & obedientia recedentem capere, vbi cumque, etiam extra territorium eius, & reducere ad monasterium, cui subiectus est, arg. l. 1. C. vbi curialis, vel cohortalis, quatenus habet, curialem, vel cohortalem, hoc est, curiam, vel cohortem obligatum, fugientem capi posse auctoritate curiae, vel cohortis, cui obnoxius est. arg. item l. 1. C. vbi causa status. quatenus habet, ancillam fugientem, & inuentam etiam extra provinciam capi posse a domino, vel eius auctoritate.

Secundo, has leges habere locum in vxore fugiente maritum, & monacho, & canonico regulari fugiente praelatum, & monasterium, affirmant ibi Bart. Bald. Salicet. & communis, & praesertim Bald. qui singulariter ad propositum nostrum in d. l. 1. C. vbi causa status. determinat de quodam canonico regulari fugiente, quem ait potuisse capi a praelato, etiam antequam monuisset eum redire sub pena excommunicationis, & ob contumaciam excommunicasset, & antequam brachium seculare implorasset.

Tertio, quod clem. 1. §. quia vero. de stat. monach. excommunicat monachum, & canonicum regularem, qui ad curias principum accedit animo nocendi monasterio. & Concil. Trid. in cap. 4. de regul. sess. 15. statuit ne quis regularis ex his commentibus recedat, etiam sub pretextu accedendi ad superiores, nisi ab eisdem missi aut vocati fuerint. Cum igitur is canonicus, de quo loquimur, sine licentia superioris portaret ad curiam litteras ab alijs simplicibus canonicis temerarie conscriptas, iuste poterat eum capere, tamquam fugientem, delinquentem, & magis delinquere volentem, & peruentum ad curiam principis in damnum, dedecus, & discordiam monasterij.

AD DVBIVM posterius respondeo idem, quod responsum est ad prius. Tum quia nullo iure Pontificio censura vlla innodatur ipso iure aperiens litteras, etiam legitime scriptas ad Papam, arg. cap. cum olim. al. 2. de officio deleg. & eorum, quae ibi gloss. & alij, quos Felin. refert, scribunt. Tum quia predictae litterae non fuerunt legitime ad Papam scriptae, nec ab eo qui poterat eas dare; quia fuerunt confectae a canonico regulari simplici, qui non potest accipere, nec dare litteras sine consensu praelati, ut habetur in regula eorum, & transumptive in cap. non dicatis. 12. q. 1. vbi nos late id in 4. notab. tractamus. Tum quia litterae predictae erant sui monasterij, & suae quoniam omnia, quae habent & faciunt canonici regulares simplices, pertinent ad monasterium, cap. non dicatis. 12. q. 1. & cap. cum ad. de stat. monach. & ad administrationem praelati, c. nullam. 18. q. 2. ut in commentarijs vtriusque cap. late diximus. Nec obstat, quod canonici, & monachi possunt agere, petere, & scribere, & dare, & accipere litteras super accusatione superioris, & alijs, super quibus possunt agere, & defendere sine superioris consensu, cap. ex parte. de accusat. cap. cum dilecta. de rescript.

rescript. & tradita per Innoc. & alios in cap. cum te & A. de re iudic. quod & nos defendimus in d. not. 4. Non inquam hoc obstat; quia hæc procedunt in his, quæ iuridice fiunt in necessitatem & vtilitatem monasterij, non autem in alijs, quales fuerunt præfatæ litteræ cōfectæ, datæ, & acceptæ contra ius, & eius ordinem, & contra vtilitatem & auctoritatem monasterij, &c.

SUMMARIUM.

- 1 Bona quæ sita ab Apostata Camera Apostolica debentur.

CONSILIUM XVII.

REGULARIS apostata transiit ab vno ordine ad alium, & ab illo iterum rediit ad statum sæcularem, & quæsiuit manens extra statum regularem multa bona, & decessit. Quæritur, vtri monasterio debeant adiudicari.

- 1 Respondetur, neutri præfatorum monasteriorum præfata bona deberi; sed in ea succedere, vt veram & legitimam hæredem, Cameram Apost. per extrauag. Greg. XIII. quæ incipit, Officij nostri. Salua, &c.

SUMMARIUM.

- 1 Cap. 8. sess. 25. de regular. Concil. Trid. an sit per desuetudinem sublatum. nu. 3.

- 1 Lex non recepta non ligat, & si à principio non fuit recepta, per non vsu decem annorum amittit vim suam, num. 2. & hoc dummodo non vsus implicet contrarium vsu dispositioni legis. nu. 3. quod si à principio fuit recepta, requiritur lapsus 40. annorum. nu. 2.

- 3 Conuocatio monasteriorum ad triennale Concilium ex statuto sacri Concilij sess. 25. de regul. cap. 8. ad prælatos & non subditos monasteriorum spectat, num. 3. & in horum negligentiam succedit Metropolitanus, nu. 4. & si in eius provincia non sint tot monasteria, quæ sufficiant ad vnum Concilium triennale, seu vnam iustam congregationem faciendam, num. 7. tunc deuoluitur ad plures Metropolitans simul, nu. 5. cuius seu quorum Metropolitanarum præcepto si non paruerint monasteria, tunc subduntur Episcopis suis respectiue tamquam Sedis Apostolicæ delegatis. num. 6.

- 5 Dispositio in singulari, eadem suadente ratione, in pluribus militat.

- 6 Appellatur ad Papam ab ordinario tamquam delegato procedente.

CONSILIUM XVIII.

CONVOCATIO Canonorum regularium immediate Sedi Apost. subiectorum ad Conc. triennale faciendum iuxta cap. 8. de Reg. sess. 25. Concil. Trid. ad quem spectat, an ad prælatos monasteriorum, an ad Capitula eorum?

- 1 Respondeo primo, arbitrari me futuros esse aliquos prælatos, vel aliquot Capitula eorum, qui dicant statutum Concilij præfati amisisse vires suas, eo quod numquam fuerit receptum in suis regionibus: & quod lex non

- non recepta non ligat, nec habet vires, iuxta cap. in istis. §. leges. dist. 4. in hæc verba: *Leges instituuntur, cum promulgantur; firmantur, cum moribus utentium approbantur: sicut enim moribus utentium in contrarium nonnullæ leges hodie abrogatæ sunt, &c.* per quem textum gloss. solemniter & reputata singulariter in cap. 1. de treug. & pace, dixit transgressorē legis vel canonis non recepti minime peccare, nec puniendum esse. cuius rei exemplum est in d. cap. 1. quo statutum fuit, ne bellum etiam iustum fieret in Aduentu vsque ad octauam Epiphaniæ, nec à Septuagesima vsque ad octauam Paschæ: quod tamen non ligat; quia non fuit receptum. & duo similia exempla ponit Gratianus in cap. statuimus. & cap. denique. 4. dist. & est conclusio recep. per omnes communiter, vt copiosissime tradit Felin. post alios in d. cap. 1. de treug. & pace. nu. 6. & in alijs seqq. Card. Alex. in d. §. leges. & alij multi citati per eodē, & confirmatur per cap. fin. de consuetud. & nos etiam post alios tradimus in Man. confess. cap. 23. nu. 40. & 41. & quamuis sit cōtrouersia, tamen verior resolutio videtur quod sufficiat tempus decem annorum ad tollendum vires legis humanæ nondum receptæ; quamuis ad tollendas vires legis canonice iam receptæ requiratur tempus 40. annorum, vt tradunt Calderinus, & Imol. in d. cap. 1. de treug. & pace, relati & approbati à Feli. ibidem nu. 13. Et in casu proposito fluxerunt 20. anni & amplius, quod præfati canonici regulares non sint vsi præfato cap. 8. occurrente quolibet anno, vel saltem triennio opportunitate, aut obligatione vsus eius secundum statutum Concilij.
- 3 Secundo respondeo, quod non deerunt etiam aliquot prælati, vel canonici, quibus videbitur contrarium, scilicet statutum Concilij non esse per desuetudinem sublatum: vel quia videbitur desuetudinem præfatam fuisse merum non vsum præfati cap. & non contrarium: vel quia iam fuit facta vna vocatio ad faciendum Concilium prædictum triennale; quæ tamen fuit contradicta à præfatis dicentibus ius vocandi ad illud non pertinuisse ad canonicos, sed ad prælatos, quorum contradictio videtur fuisse iuri propior.
- 4 Tertio respondetur, quod qui tenuerit præfatum statutum adhuc vigere, & nondum desisse habere vires propter non vsum, oportebit eum dicere iura vocandi ad illa Capitula, & iura alia pertinere ad Metropolitanum illius regionis, vbi sunt illa Capitula congreganda; quia per prædictum cap. 8. id exprimitur: & vbi est casus legis, non est locus dubitandi, l. ancillæ. C. de furtis.
- 5 Quarto, quod in regnis, in quibus quæstio vertitur, scilicet Castella, Aragonia, & Nauarra, non videntur in vna prouincia esse tot monasteria, quot videntur esse necessaria ad facienda illa Concilia triennialia. Nam quædam illorum subsunt Metropolitano Cæsaraugustæ, & alia Burgenfi, & alia Compostellan. Quare videtur respondendum, prædictum ius vocandi pertinere ad duos, vel tres Metropolitanos, sub quibus degunt prædicta monasteria, & prædicta Capitula canonicorum regularium. Pro qua consideratione facit, quia dispositio, quæ loquitur de vno in numero singulari, habet locum in pluribus, vbi eadem ratio id suadet, per cap. si com-

si compromissarius.iuncta gloss.& notata in eo per Domin.& Phil. Franc. de electio.lib.6. & alios alibi.

6 Quinto, quod qui tennerint dispositionem prædicti cap.8.non esse sublatam per non vsum, oportebit etiam eos dicere, quod si Metropolitano instante prædicti canonici non se redegerint in congregationem, & non fecerint prædicta Capitula triennalia, suberunt Episcopis ordinarijs tamquam à Sede Apost. in id delegatis, & hoc per negligentiam prælatorum & Capitulorum prædicti ordinis, per quod bona ex parte perderent suam exemptionem. Dixi, bona ex parte: quia non omnino; quoniam non iudicarentur auctoritate ordinaria, sed delegata Sedis Apost. & non possent ipsi, nec fiscus, nec aduersarij appellare ad Metropolitanum, sed solum ad Sedem Apost. quoniam ab ordinario procedente virtute iurisdictionis delegatæ à Sede Apost. debet appellari ad eandem, & non ad Metropolitanum, cap. licet. de off. ord.

7 Sexto, quod vtilius esset exemptioni prædictorum canonicorum regularium, quorum nomine consulimur, vt dispositio prædicti cap.8. esset per non vsum sublata. Tum quia, si contrarium teneatur, vix poterunt effugere iudicium ordinariorum volentium procedere contra eos auctoritate delegata; quia vix vnus Metropolitanus habebit potestatem ad compellendum prædictos canonicos, vt faciant prædicta Concilia: quia nullus illorum in suo archiepiscopatu habet tot monasteria, quæ sufficiant ad iustam congregationem, & difficile est duos vel tres Metropolitanos ad hoc coniungere: & sic, si dispositio illa esset sublata, eorum exemptio remaneret intemerata.

Septimo, quod vtilius esset animabus, & regulari obseruantia prædictorum canonicorum, vt dispositio prædicti cap.8. per non vsum non esset sublata; vt vtilius esse visum fuit prædicto Concilio: & quod consensendum esset, vt recurrerent ad S. D. N. qui sua suprema potestate potest prædictum cap. Conc. etiam si esset sublatum, restituere, & addere illa quæ viderentur opportuna ad hoc, vt Reuerend. eorum prælatis delegaretur in Hispania ius & potestas vocandi tam prælatos, quam canonicos prædictorum monasteriorum ad iustam congregationem faciendam de triennio in triennium, vt exequerentur præd. cap. in singulis. de stat. mon. ad cuius executionem faciendam prædictum Concil. statuit prædictum cap.8.

DE RELIGIOSIS DOMIBVS.

SVMMA RIVM.

- 1 Hospitalis rector tenetur recitare horas canonicas, & ad habitum clericalem, quando hospitale est beneficium, aliàs non.
- 2 Hospitale indicatur beneficium, quando ex fundatione id statuitur, vel per electionem & confirmationem superioris datur.
- 3 Hospitale esse, & non esse beneficium, ex multis conicitur.
- 4 Hospitale, quod clericis & laicis solet commendari, non est beneficium.

CON-

CONSILIVM I.

- 1 **A**N RECTOR hospitalis N. teneatur dicere horas canonicas, & gestare habitum clericalem, nec ne? pendet ex illa, an præfatum hospitale sit beneficium ecclesiasticum, nec ne? quia si est beneficium, tenetur: si non est, non tenetur, argumento traditorum per omnes in cap. 2. de celebr. miss. & latius per nos in Enchirid. de orat. super cap. quando de consecrat. dist. 1. cap. 7. Constat enim, duplex genus esse hospitalium: alterum, quod datur in titulum beneficii: alterum, quod solum datur in administrationem, ut probat clem. 1. iuncta gloss. de præben. & est tex. in clem. quia contingit. §. ut autem. de relig. domib.
- 2 Secundo, quod hospitale dicitur esse beneficium duobus casibus; puta, quando in fundatione ipsius statutum fuit ab ordinario, vel à Papa, quod esset beneficium, & quando datur per electionem, & confirmationem superioris, ut est tex. in d. §. ut autem. quod omnes ibi adnotant. quibus addo, quod etiam est censendum beneficium, quando per 40. annos fuisset possessum ut beneficium, arg. cap. cum de beneficio. de præb. lib. 6. & aliorum multorum, quæ ad hoc adduci possunt.
Tertio, quod mihi non constat, quod in fundatione præfati hospitalis fuerit adiectum, ut esset beneficium, nec ne: neque constat mihi, quod secundum fundationem suam debuisset provideri ei per electionem, & confirmationem; quia nihil tale mihi monstratum est.
- 3 Quarto, quod vidi copiam provisionis Pij V. qua præfato N. contulit illud ante ætatem 16. annorum, ex qua colliguntur aliqua signa conijcendi quod est beneficium: Primum per illa verba, quod quidam Cæsar cessit illi in manibus Pij, & quod Pius cessionem admisit. Secundo, quod concessit. Tertio, quod concessit Philippo clerico. Quarto, quod præfatus Philippus cessit in manibus Papæ. Quinto, quod ipse Papa admisit. Sexto, quod concessit Maximo clerico. Septimo, quod valor præfati hospitalis exprimitur. Octavo, quod præsupponi potest illud vacasse alijs modis, quam per illam cessionem. Nono, quod præsupponit potuisse esse reservata Papæ. Decimo, per illa verba; *Non sit alicui alij canonice commissum.* Undecimo, per illa; *Aliud canonicum non obstat.* Duodecimo, per illa; *Inducere in possessionem, & defendere.*
- 4 Quinto, quod ex eadem copia colliguntur etiam aliquot coniecturæ, quod non sit beneficium: scilicet quod in nulla eius parte appellatur beneficium: & quod, si quibus concessum fuisse dicitur, quod appellantur Rectores, & Gubernatores; & quod eius fructus sunt distribuendi pauperibus; & quod secundum communem opinionem hospitalia, quæ non sunt beneficia ecclesiastica, possunt commendari, & tradi regenda, & gubernanda clericis, sicut laicis: & quod responderi potest coniecturis superioribus, quod non concludunt necessario quod sit beneficium: & quod regulariter hospitalia non sunt beneficia: & à regula non est recedendum, nisi per textum expressum, vel rationem necessario concludentem, iuxta gloss. celebrem in l. omnis definitio. ff. de regulis iur. quæ habet similem
in ru-

in rubrica eodem tit. lib. 6.

Sexto, quod ad iudicandum certo, & sine errore, oporteret videre fundationem præfati hospitalis, & inquirere modos, quibus his quadraginta annis proximis fuit collatum, seu concessum, & quales personæ fuerunt illæ, quibus fuit concessum, seu à quibus fuit rectum, & gubernatum; & si fieri posset, qua mente illud fuit gubernatum, an scilicet tamquam beneficium, an tamquam hospitale, cuius est capax laicus. Salua, &c.

S V M M A R I V M.

- 1 *Pacta confirmata per sententias non tolluntur sublatis pactis per legem.*
- 2 *Papa non potest eximere aliquem à iurisdictione Papali in spiritualibus.*
- 3 *Lites & causæ ecclesiasticæ agi & finiri debent in prima instantia in partibus per Concil. Trid.*
- 4 *Probatio sine aliqua tela iudiciali iuste fieri non potest.*
- 4 *Congreg. Conc. non habet potestatem ad definiendas contentiones facti, sed tantum ad decidendas quæstiones iuris, quæ super intellectu Conc. emerferint: unde nec cognoscit de validitate sententiæ illius, ac intelligentia, & similibus. nu. 3.*

CONSILIVM VI.

AN HOSPITALE sancti Sebastiani oppidi Palmæ possit visitari ab Episcopo Corduben. saltem vti delegato Sed. Apostolicæ?

- 1 *Contra Episcopum facit, quod allegatur sententia lata contra eum, quæ transiit in rem iudicatam, & consuetudo immemorialis, & statutum in fundatione; & quod pacta confirmata per sententias non tolluntur sublatis pactis per legem, iuxta gloss. sing. in clem. dudum. 9. nos vero. verbo pacta. de sepult. & quod Concil. Trid. non obstat, & quod Iulius II. declaravit illud hospitale non subijci ordinario, neque alteri.*
- 2 *Pro Episcopo autem facit ius commune, clem. quia contingit. de relig. dom. innouatum per cap. 15. sess. 7. & cap. 8. sess. 22. & cap. 8. 9. illis. sess. 25. & quod Papa non potest eximere quem à iurisdictione Papali in spiritualibus; & ita potest mandare, vt ordinarius tamquam delegatus possit visitare hospitalia, quæ quia sunt pia loca, videntur subijci Papæ.*
- 3 *Videtur quod determinatio huius contentionis non pertineat ad Illustrissimam eandemq. Reuerendiss. DD. meorū Cardinalium congregationem. Tum quia non habent iurisdictionem ordinariam, nec delegatam, ad cognoscendum & definiendum an sententia, quæ contra Episcopum allegatur, sit vera, quis eius tenor, & an transierit in rem iudicatam, vel fuerit nulla, quæ non indiguit rescissione; & an de nullitate possit post tantum tempus agi, & renouari sine vlla appellatione, cum in prima instantia in partibus debeat agi & finiri per Concil. Trid. lis. Tum quia etiam allegatur immemorialis possessio contra Episcopum, quod negatur à sua parte. Tum quia allegatur contra Episcopum ordinatio facta in fundatione hospitalis, quæ negatur à sua parte. quorum trium determinatio requirit cognitionem & definitionem iudicialem; quia consistunt in facto à par-*

à partibus controuerso: & ita est necessaria probatio, quæ sine aliqua tela iudiciali iuste fieri non potest. Et vt audio, potestas præfatorum dominorum meorum non extenditur ad definiendas huiusmodi contentiones facti, sed tantum ad decidendas quæstiones iuris, quæ super intellectu Concilij emerferint. Salua tamen in omnibus eorum sententia, & ampliore potestatis sibi commissæ noticia.

S V M M A R I V M.

- 1 Hospitale erectum de bonis laici, in quo non adest nec altare, nec capella, nec campanile, non præsumitur auctoritate Episcopi erectum: illud tamen, mortuo fundatore, visitabit Episcopus, etiam ex decreto Concilij tollentis omnia priuilegia, & consuetudines etiam immemorabiles contrarias. nu. 2. rationesq. deputatis reddi quidem debent, sed Episcopo, si voluerit, præsent. num. 3.
- 2 Episcopus, vt bona in pios deputatos usus per defunctos relictæ conuertantur, curare potest, etiam si testator id prohibuisset.

C O N S I L I V M III.

QUIDAM N. laicus suo testamento reliquit multa bona pauperibus, ita vt fieret xenodochium ad excipiendos pauperes, & quod regimen eius spectaret ad vniuersitatem vrbis N. quæ poneret in eo rectores, qui certo anni tempore mutarentur, & redderent rationem iuxta dictæ vniuersitatis ordinationem. Postquam fuit fabricatum xenodochium, fuit 200. annis & amplius gubernatum per dictam vniuersitatē, & rectores ab ea constitutos, nulla vmquā visitatione facta, nec attentata per Episcopum. Nunc autem post Conciliū Trid. prædictus Episcopus ordinarius vult visitare illud, & exigere rationē à rectoribus eius: nec in eo est aliquod altare, capella, nec capana, neque campanile, nec scitur fuisse constructum auctoritate Episcopi, sed solū laica, & executoria executorū testatoris laici.

Quæritur primo, an debeat præsumi constructum auctoritate Episcopi. Secundo, an esto non præsumatur, liceat illi visitare illud.

Tertio, an liceat ei rationes exigere.

- 1 AD PRIMAM respondeo negatiue, per illa quæ adducunt Panor. in disputat. Sempronius q. 3. & Lud. Rom. conf. 477.

AD SECVNDAM, pro parte negante facit, quod hospitale constructum à laico sine auctoritate Episcopi, & bona eius illi collata per eū, sunt bona laica, quæ nullatenus subsunt Episcopo, arg. à contr. sensu cap. de xenodochijs. & cap. ad hæc. de relig. domib. Consequenter non possunt visitari ab eo, quia visitatio arguit superioritatem, & iurisdictionem, cap. auditis. & cap. ex officij. de præscrip. & cap. Romana. de censib. lib. 6.

- 2 Pro affirmatiua est, quod Episcopus est pater pauperum, & curator bonorum eorum, ne pereant eis, l. si quis ad declarandam, & l. id quod pauperibus. C. de Episc. & cler. & habet potestatem à canone curandi, vt omnia relictæ in pios usus, impendantur in eos, etiam si testator prohibuerit ne se Episcopus eis intromitteret, cap. tua. de testam. & s. si quis pro re-

demptione in Auth. de eccles. tit. coll. 9. & hic agitur de bonis relictis pauperibus. Secundo, quod Conc. Trid. sess. 21. c. 8. expresse disponit, quod non obstante quocumque priuilegio, & quacumque consuetudine, etiam immemorabili, Episcopus possit & debeat omnia loca pia visitare. Tertio, quod opposita pro parte negante procedunt in locis & rebus nondum donatis vel relictis pijs operibus, quorum domini viuunt, & habent potestatem plenam de illis disponendi. In casu vero nostro agitur de relictis operi pio, quorum dominium non est penes laicos, sed penes ecclesiam: quia per suam constitutionem vniuersalem cura illa recte gerendi & impendendi applicata est Episcopis, per predictos canones, & leges, vt sentit Panor. in d. cap. ad hac. & latius expressit in predicta disput. Sempronius, q. 3.

3. **AD TERTIAM** videtur dicendum, quod predicti rectores satisficient reddendo suas rationes vniuersitati predictae, tempore a testatore praefixo, & notificando ordinario diem, quo reddaturi sunt rationem, vt si placuerit ei, adsit, & videat redditionem eius. Tum quia non tenentur illi bis reddere rationem, & tenentur reddere die praestituto eis, quos predicta vniuersitas ad id nominauerit. Tum quia predictum Concil. cap. 9. eiusdem sess. expresse hoc sentit, dum ait, quod quando rectores hospitalium, vel aliorum piorum locorum tenentur reddere rationem alijs quam Episcopo, sufficit tunc quod ipse adhibeatur praesens eis reddendis.

DE IURE PATRONATUS.

SUMMARIUM.

1. *Presentatio facta ab excommunicato declarato non valet.*
2. *Excommunicatus declaratus non facit fructus suos, nisi quo ad sustentationem.*

CONSILIUM I.

1. **AN PRAESENTATIO** ad beneficium facta a patrono declarato excommunicato valeat?

Respondetur quod non, iuxta Ioan. Andr. Anton. & Panorm. in cap. nobis. de iure patron. & post multas disputationes concludit Lambert. in tractatu de iure patron. lib. 1. par. 2. q. princ. art. 2. Nec institutio facta virtute talis praesentationis valet, vt etiam concludit idem Lambert. eod. lib. 1. 3. par. q. 3. princ. art. 4.

2. Et nota, quod excommunicatus declaratus non facit fructus suos nisi quo ad sustentationem, per gloss. in verb. subtrahantur, adiuncta declaratione Panor. & Decij cap. pastoralis. §. verum. de appell.

SUMMARIUM.

1. *Presentare valide potest is, qui bona fide possidet ius patronatus, vel beneficium cui ius praesentandi est annexum, secus si sit male fidei.*

Mala

- 2 Mala fidei possessor non presumitur quis ex eo solo, quod contra ipsum pendeat lis mota. Talis autem presumitur, qui de beneficio in mense Papa vacante fuit ab ordinario pronisus.

CONSILIUM II.

AN BENEFICIARIUS possessor beneficii vacantis in mense reservato Papæ, & accepti per titulum ordinarij, qui litigat cum prouiso Papæ, possit præsentare ad beneficia pertinentia ad præsentationem illius beneficii sic possessi?

- 1 Ad quod respondetur primo, certum esse, possessorem bonæ fidei iuris patronatus, vel beneficii, siue dignitatis, ad quam pertinet præsentatio, posse præsentare, non obstante quod litiget super iure pat. vel super beneficio, ad quod pertinet præsentatio, per cap. consultationibus. de iure pat. & alia quæ adducit Lambert. in tract. de iure pat. l. p. lib. 2. q. 3. princ. art. 1. & 2. & 3. & 4. & 5. & 6. & 7. & 8. & 9. & 10. & 11. & 12. & 13. & 14. & 15. & 16. & 17. & 18. & 19. & 20. & 21. & 22. & 23. & 24. & 25. & 26. & 27. & 28. & 29. & 30. & 31. & 32. & 33. & 34. & 35. & 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.
- 2 Tercio, quod possessor iuris pat. vel dignitatis, ad quam pertinet præsentatio, non præsumitur malæ fidei quo ad hunc effectum, eo solo quod litigat super illo iure pat. arg. cap. prædicti consultationibus. & aliorum quæ prædictus Lambert. adducit ubi supra num. 4.

Quarto, quod dubium huius questionis videtur reduci ad illud punctum, utrum possessor huiusmodi beneficii reservati præsumatur malæ fidei, an bonæ? Et in præsentia, saluo maturiori studio, ipse inclino in partem, quæ diceret eum præsumendum fuisse malæ fidei possessorem, posteaquam fuerit expulsus à prædicto beneficio ob reservationem, per ea quæ prædictus Lambert. tangit ubi supra, & nos tradimus in repetitio. cap. accepta. de restit. spoliat. opposi. 5. num. 5. Salua, &c.

SYMMARIUM.

- 1 Vendens universitatem honorum, cui annexum est ius patronatus, si nullam de eo fecit mentionem, illud transfert in emptorem item si vendat per hæc verba, Vendo universitatem hanc cum iure patronatus. Quod si illud expresse excipiat, non transit: at si ita copulativa dicat, Vendo hanc universitatem honorum, & ius patronatus; res dubia est.
- 2 Decimas in ecclesia percipiendi ius, quod alicui competit, non potest, etiam si accedat ordinarij consensus, cum bonis temporalibus permutari, sed requiritur secularis Apostolica auctoritas.

TIT. 2

CON-

CONSILIVM III.

NHABENS multa bona, & ius patronatus, necnon ius percipiendi decimas in quadam ecclesia, prædicta bona & ius patronatus vendidit, ius autem percipiendi decimas permutauit ordinarij auctoritate pro quibusdam bonis temporalibus. Quæritur quid iuris.

1. Respondeo primo, certum esse ius patron. consistens in vniuersitate bonorum transire in alterum per vniuersitatis dictorum bonorum emptiorem, & permutationem, nulla mentione facta iuris patr. cap. ex litteris. & cap. cum sæculum. de iure patr. & ibi adnotat gloss. communiter recepta: quamuis controuertatur, an idem sit, si de iure patr. mentio fiat; & certum est non esse idem, si fiat mentio ad excipiendum illud a contractu & translatione prædicta, vt in dicto cap. ex litteris. si autem fiat mentio ad transferendum per præpositionem, cum, dicendo quod vendit vel permutat bona cum iure patron. valet translatio: si autem expressio fiat per copulationem, &, dicendo, vendo vel permuto bona, & ius patronatus, sicut videtur factum in casu præsentis, dubium est, vt tradit late Decius in cap. quanto. de iud. num. 6.

Secundo, quod decimarum permutatio pro alijs rebus temporalibus non videtur posse fieri cum auctoritate ordinarij, quia videtur admitti simonia, vt tradit Panor. in cap. 2. de transact. & alij alibi: & in proposito casu videtur fieri permutatio quarundam decimarum pro bonis temporalibus. quare videtur consulendum, vt præfata permutatio auctoritate Apost. confirmetur, ad tollendas lites, & dubia, quæ possent ex prædictis suboriri. Salua, &c.

SUMMARIVM.

1. Filius legitimus ex spurio clerici natus non prohibetur vlllo iure præsentari ad capellaniam iuris patronatus dicti clerici.
2. Filij etiam bastardi & spurij dicuntur de parentela & familia defuncti, inspecto iure nature, cum in eis naturalis affectus uadat.

CONSILIVM IV.

QUIDAM clericus habens vnicam filiam legitimauit eam per rescriptum Principis, vt succederet in omnibus eius bonis, cum plura ex patrimonio suo haberet, viroq. nobili eam locauit in facie Ecclesiæ: & ex dicto legitimo matrimonio ita contracto prædicta filia plures filios reliquit masculos. Rebus sic stantibus, præfatus clericus vigore prædictæ legitimisationis in sua vltima voluntate reliquit pro hærede eius vniuersali prædictam eius filiam. Item in ipsamet vltima voluntate reliquit institutam quamdam capellaniam pro anima sua, cum clausula, vt in ea succederet clericus magis proximus, & consanguineus eius, bonæ vitæ & famæ. Et ad præsentationem prouisionemq. dictæ capellaniæ reliquit pro patronis eius Principem suæ ciuitatis in perpetuum, qui dictam legitimacionem

con-

concessit. Dubitatur nunc, an quidam clericus filius legitimus prædictæ filiæ, neposq. clerici fundatoris præfatæ capellaniæ possit & debeat admitti ad præsentationem dictæ capellaniæ, & præferri alijs in paribus terminis existentibus, an vero indigeat dispensatione à summo Pont. ad omnia supradicta.

- 1 Respondetur in hoc casu nulla dispensatione indigere; ideo si bonæ famæ & vitæ sit, debere non solum admitti, sed in paribus terminis alijs præferri, cum nullum impedimentum patiatur, iuxta gloss. in cap. quia clerici. in verb. filij. de iure patr. quam ibi sequitur communis opinio, secundum Abb. ibi, & Rocch. de iure patron. verb. honorificum. q. 4. & Lambert. 1. par. lib. 2. 12. art. d. q.
- 2 Item cum sit consanguineus, & de parentela defuncti præcipue in hoc casu, attenta voluntate testatoris, inspectisq. verbis testamenti, cum naturaliter inspecto iure naturæ etiam filij bastardi & spurij dicantur procedere ex sanguine, parentela, domo, & familia defuncti, cum in eis naturalis affectus cadat, ut notat Bart. iuxta text. in l. pronuntiatio. §. familiar. in fi. ibi, Cum ex eodem sanguine proficiuntur. idem Bart. in l. tutelæ. ff. de capit. dimin. idem Bart. in l. fin. C. de verb. signif. ita tenet Abb. in cap. nonnulli. de rescript. latius per Dec. cons. 365. & cons. 570. num. 1. cum seq. & cons. 495. num. 3.

S V M M A R I V M.

- 1 Episcopus ex præsentatis æque idoneis unum eligere potest, quem instituat.
- 2 Patronus clericus ex approbatis ad curatum magis idoneum præsentat, at ex æque dignis uni gratificari potest illum præsentando. & num. 3. & 5.
- 3 Iure ab antiquo non receditur, nisi quantum à nouo cauetur.
- 4 Lex Principis quo ad expressa præiudicat alteri, & non ultra.

C O N S I L I V M V.

AN CONCVRRENTIBVS duobus presbyteris ad beneficium curatum de iure patr. clericorum, si ambo reperiantur idonei, ius gratificandi spectet ad Episcopum, vel ad patronos, stante Concil. Trid. cap. 18. de reform. sess. 24.

- 1 Respondetur, quod pro Episcopo facit cap. cum autē. de iure patr. quod habet, Episcopum, cui duo æque idonei præsentantur, habere ius gratificandi, & posse instituere vtrum illorum voluerit, quod ibi tenet Panorm. & communis, & Lambert. lib. 2. 3. par. princ. q. 4. art. 11.

Pro patrono ecclesiastico vero facit primo, quod præfatum cap. cum autem. loquitur de iam præsentatis Episcopo, & casus propositus agit de pondum, sed tantum examinatis & approbatis.

- 2 Secundo, quod licet examinatio & approbatio competitorum, & concurrentium ad ecclesiam parochialem iuris patronatus ecclesiastici pertineat ad Episcopum, & examinatores, præsentatio tamen debet fieri per ipsum patronum ecclesiasticum, ex d. cap. 18. Conc. Trid. Nec obstat, quod

ipse teneatur præsentare digniorem : Tum quia non potest institui sine sua præsentatione . Tum quia non tollitur ei ius & potestas præsentandi , sed tantum restringitur ad præsentandum digniorem . quod etiam coram Deo tenebatur facere etiam iure communi antiquo , vt nos probamus in Miscel. 38. & 42. de oratione .

Tertio , quod si gratificatio pertineret ad Episcopum , vana esset potestas præsentandi , quæ per prædicta pertinet ad patronum ecclesiasticum , quod non intendit prædictum Concil.

3 Quarto, quod à iure antiquo non est recedendum, nisi quatenus iure nouo receditur, l. præcipimus. C. de appel. At iure antiquo poterat patronus ecclesiasticus digniorem , vel æque dignum sancte præsentare, secundum omnes ; & iure nouo Conc. Trid. non tollitur ei huiusmodi potestas, vt patet satis perpendenti cap. præf. 18. immo confirmatur, quatenus reservat ei potestatem præsentandi. Ergo ipse potest præsentare, quando duo examinati sunt iudicati æque idonei : & nullo iure neque antiquo, neque nouo tenetur præsentare illum, quem elegerit Episcopus : ergo ad ipsum pertinet electio, & gratificatio.

4 Quinto, quod lex Principis non præiudicat alicui, nisi quo ad summum in eo, quod exprimit, l. 2. §. si quis à Principe. ff. ne quid in loco publ. fiat. & cap. super eo. de off. deleg. vbi recte resoluit Decius . At Concil. Trid. vbi supra non exprimit vt fiat in hoc præiudicium patrono ecclesiastico, ergo non est dicendum in dubio id facere voluisse .

5 Sexto, quod cessante causa cessare debet effectus, cap. cum cessante. de appellat. cum concordan. At causa præfata noui iuris indicti per præfatum cap. 18. fuit, vt potestas patronorum ecclesiasticorum tantum restringeretur, quantum erat necesse ad bene providendum ecclesijs parochialibus, & non plus . Et in casu proposito non est necesse ad illam bonam prouisionem, vt eligat Episcopus, quem volet ex æque idoneis ; sed satis est, quod patronus ecclesiasticus id faciat, cum vterque eorum sit iudicatus ab Episcopo æque dignus & idoneus . Ergo seruandum est in hoc casu patrono ecclesiastico suum ius præsentandi vtrum ex duobus voluerit . Salua, &c.

Aduertendum, referri resolutum fuisse, ad examinatores non spectare iudicare quis sit magis idoneus. vnde patronus ecclesiasticus ex approbatis pro idoneis eliget eum, qui sibi magis videtur idoneus, quem presentabit Episcopo, ad quem spectat ius instituendi. At si institutio ad alterum pertineret, Episcopus ipse ex approbatis eliget magis idoneum, quem patronus presentabit ei, qui debet instituere.

S V M M A R I V M.

- 2 Consentire præsentationi, seu electioni, vel institutioni, differt à præsentare, eligere, vel instituere : vnde cui conceditur primum, non censetur concessum secundum.
- 3 Collegiata tam secularis, quam regularis, patronatum potest habere laicus ; cui iure cõmuni cõpetit, vt possit beneficiandos, & monachandos præsentare superiori, qui habentes qualitates requisitas tenetur eos admittere. nu. 5. nec præsentatã, vt sit monia-

monialis, potest eo solo repellere, quod minorem dotem habeat alia, quam superior offert. nu. 6. prelati autem presentatio ad ipsum, nisi ex privilegio Apostolico, non spectat. nu. 1. & 3. quæ facultas non censetur concessa, eo solo quod Pontifex concesserit aliquem in prelatum, ipso non consentiente, eligi non posse. nu. 2.

3. Conventualis ecclesiæ appellatio tam regularibus, quam secularibus ecclesiis congruit.

4. Patrono conventualis ecclesiæ concedens Papa, ut nec moniales in monasterium, nec in prelatam sine ipsius consensu recipiantur, non ob id censetur privasse eundem patronum facultate presentandi moniales sibi de iure competenti; ne inducta ad augmentum operentur diminutionem.

CONSILIUM VI.

QVAESTIO PRIMA, an laicus ex privilegio Papæ in monasterio ius presentandi Abbatisam, seu prelatum, habere possit?

1. Respondeo, clarum esse, quod ad laicum patronum & nominatos ab eo pertinet presentatio Abbatisæ; quia licet Card. Panor. Ioan. And. & alij discordent, vel dubitent de aliquot alijs articulis in cap. nobis. de iur. patron. omnes tamen conveniunt in hoc, quod laicus potest habere non solum ius patronatus in ecclesiâ collegiata, sed etiam ius presentandi prelatum ex privilegio Papæ: & constat prædictum doctorem, & nominatos ab eo habuisse & habere ex privilegio Papæ ius patronatus, & ius presentandi Abbatisam in prædicto monasterio, ut in casu propositione exprimitur: ad quod alia multa possent adduci ex Roch. in tract. de iure patro. & alijs citatis ab eo, & ex Lamber. in tract. de iure patro. §. q. part. 1. princ. 2. lib. quæ ut nullatenus necessaria omitto.

2. **Q**VAESTIO SECUNDA: Patrono cum sit à Papa concessum, ne quæ monialis in monasterio recipi, aut eligi possit sine eius consensu, an virtute talis clausulæ censeatur habere ius presentandi moniales?

Respondeo primo, quod est clarum non posse aliquam in prædictum monasterium intrare, vel eligi sine consensu prædicti doctoris, & nominatorum ab eo: quia Papa hoc expresse concessit, ut in casu proponitur: & quod principi placuit, legis habet vigorem. §. sed & quod principi. inst. de iure naturali gent. & civili, & cap. proposuit. de concess. præben.

Secundo, quod dubitari potest, an presentatio monacharum, siue monialium pertineat ad prædictum doctorem, & nominatos ab eo ex privilegio Papæ. & videri potest alicui quod sic; eo quod videntur paria esse, quod Petrus debeat facere illud, aut illud non possit fieri sine ipsius consensu, arg. cap. decrevimus. 16. quæst. 7. qua parte significat idem esse dicere, quod patronus potest presentare rectorem, & quod Episcopus spreto illo non potest presentare. Contrarium tamen arbitror, scilicet, quod ex privilegio verborum Papæ in casu relatorum non poterit presentare: quoniam aliud est, quod aliquid non possit fieri sine consensu alicuius; & aliud, quod ille, cuius consensus requiritur, possit illud facere, ut irrefragabiliter probatur in cap. 1. ne sede vacante, lib. 6. quatenus habet,

mortuo Episcopo posse Capitulum conferre beneficium pertinens ad collationem Episcopi, & Capituli, non autem si pertineat ad Episcopum de consensu Capituli. Probatur etiam per l. aliud est vendere, aliud est vendenti consentire. ff. de regulis iuris. & quia licet in promotione Episcopi requiratur consensus Regis, ut in casu cap. cum terra. de elect. non potest tamen Rex eligere, secundum omnes.

3 Tercio, quod presentatio monialium predicti monasterij iure communi pertinet ad predictum doctorem, & nominatos ab eo: quia patronus alicuius ecclesie collegiatæ, quam construxit, & dotavit, licet iure communi non habeat presentationem prelati, cap. nobis. de iure patron. habet tamen presentationem canonicorum, & beneficiatorum illius collegij, ut satis probat cap. fin. de concess. preb. & tradit Panorm. ibi, & post Ioan. And. in dicto cap. nobis. col. 3. versic. circa 1. & cap. cum ecclesia Vulterana. de elect. num. 8. & in cap. postulasti. de iure patron. & Felin. post alios in cap. cum venerabilis. de excep. num. 33. vel 37. & latissime Lambertus tract. de iure patron. vbi supra art. 3. q. 5. princ. 1. parte 2. lib. & quod idem dicendum sit de patrono ecclesiarum regularium collegiatarum, & monasteriorum, quod in ecclesijs collegiatis secularibus, idem Lambert. conclusit in d. q. 5. princ. art. 4. & probatur ea ratione firma, quod iura generaliter & indistincte loquuntur de patronis ecclesiarum secularium & regularium; & dictum cap. nobis. loquitur de ecclesia conventuali, quæ utrisque aptatur, ut ibi tradit Panor. communiter receptus: & constat ius patronatus quæri posse in monasterijs, ut late tradit Rocch. de iure patro. verbo in ecclesijs, & citati per eum, & post illum predictus Lambert. 1. parte lib. 1. q. 2.

4 Non obstat, quod in bulla Papa, ut predictum est, non præstat, nec reservat eis facultatem presentandi moniales, sed solum quod non possint illæ recipi absque illorum consensu. Tum quia sicut eam non reservat expresse, ita etiam eam non tollit, & relinquit illam iuri communi; arg. l. commodissime. ff. de liberis & posthum. quatenus probat casum omissum haberi pro omissis, & relinqui iuri communi; quod multis confirmat ibi Iason, & probat cap. præscriptum. de præscript. lib. 6. Tum quia posita ad augmentum non operantur diminutionem, neque è contrario, cap. fin. de verb. significat. l. legata inutiliter. ff. de adimend. legat. at illa clausula, ne sine consensu predictorum patronorum possint moniales recipi, fuit posita ad augendam potestatem eorum, ut palam est: ergo non induxit diminutionem potestatis iure communi eis competentis.

5 Quarto, quod forma propositionis casus præsupponit, quod predicti patroni præsentant moniales Episcopo, quatenus habet, quod Episcopus confirmat electionem Abbatissæ, & monialium: quod satis est consonum iuri communi, quod habet patronum debere presentandos presentare superiori, cap. nobis. & cap. nullus. & toto tit. de iure patro. & Episcopus est superior quo ad conferendum beneficia, & instituendum in eis, cap. omnes basilicæ. 16. q. 7. & arg. cap. cum ex iniuncto. de hæreticis. Quo præsupposito, concedendum est Episcopum habere in hoc casu potestatem cognoscendi de perso-

persona presentata, & qualitatibus eius, an videlicet sit conueniens, & an concurrant in ea qualitates iure communi, vel speciali requisiti, arg. cap. fin. de elect. lib. 6. & ei cōcordatibus, seruādo tamē sua iura salua patronis.

Sexto, quod eadem forma casus propositionis videtur continere illam quæstionem particularem.

QVAESTIO TERTIA, An presentata à patrono cum dote 100. ducatorum, aut presentata ab Episcopo cum dote 200. sit instituenda?

- 6 Ad quam dicendum est primo, iure communi audiendum esse patronū, quia secundum illud gratis, & non pretio sunt recipiendæ monachæ, cap. quoniam. cum communi multa citante, de simonia. Secundo, quod cum Episcopus hoc casu non habeat potestatem conferendi monachatus, nec presentandi, nec nominandi monachas, sed solum instituendi, vel admit- tendi presentatas, non potest Episcopus ponere in prædicto monasterio villas magis, vel minus dotatas, quia id esset facere extra suam potestatem, & ita quodammodo extra suum territorium ius dicere, cōtordat l. fin. ff. de iurisd. omnium iudicum, & cap. 2. de constit. lib. 6. Nisi de uoluntate huiusmodi potestatis fieret ad eum per negligentiam patroni, vel aliā legi- time, de quo non nobis proponitur. Salua, &c.

S V M M A R I V M.

- 1 Fundum donans ecclesie nihil iuris possit in eo potest prætere, nisi donet ad fun- dandam ecclesiam, quia tunc acquirere potest in ea ius patronatus. num. 6. 14. & hoc dummodo accedat consensus superioris, qui potest etiam ex post facto acce- dere, num. 16. & 18. semelq. datus non potest reuocari, num. 19. etiam si fundus sit modici valoris, sufficiens tamen ad edificandam ecclesiam. num. 15. & hoc etiam si sit ecclesia collegiata & regularis: licet non acquirat ob id ius presen- tandi, nec eligendi prælatum. num. 16.
- 2 Mores diuersi non debent esse in eadem religione seu congregatione, & hoc quando sunt adeo diuersi, ut sint aduersi, & contrarij. num. 17.
- 3 Regulares, siue religiosi omnes suo quidem Generali preposito obedire debent, sed non si precipiat aliquid contra præceptam maioris prælati. num. 18.
- 4 Posterior regula, seu regula constitutio derogat actibus precedentibus.
- 4 Subreptitius est, qui petit confirmationem actus, tacens quod ille prius fuisset sub- latus: aliud forte est, quando solum taceatur an valeat, vel non. num. 20.
- 5 Intellectus Conc. Trid. sess. 25. de regul. cap. 2. & num. 21.
- 6 Patronatus ecclesia acquiritur tribus modis, traditione fundi ad illam edificandam, constructione, necnō & dotatione; immo & potest ab ordine statui ut patronatū ac- quirat qui maiore parte monasterij cōstruit, vel grandi dōtat quantitate. & n. 7.
- 8 Fundatoris in honorem & commoditatem potest prælatus & superior, ut est Gene- ralis, in fundatione apponere aliquas conditiones, puta, ut ei detur annuus cen- sus, ut non eligantur superiores nisi de sua natione. & nu. 9. & si postea tale onus vel conditio esset mutanda, etiam ipse fundator esset vocandus. num. 13.
- 11 Monasterium S. Trinitatis Minimorum soli Generali subest, & à Gallis gubernari toti ordini utile. num. 12.

20 *Prescriptio quadraginta annorum sufficit ad prescribendum res Ecclesie: qua tamen non eget, qui ius quaesitum per iustum statutum habet.*

CONSILII V. VII.

SANCTVS Franciscus à Paula institutor ordinis Minimorum, procurante id Ludouico XI. Galliarum Rege Christianiss. ab Italia transiuit in Galliam, ubi à Rege & proceribus regni maximo in honore habitus fuit, & adeo gratus, & sanctus, vt adhuc viuens vocaretur, *Le bon & saint homme*. & tanta deuotione fuerunt in eum adhuc viuentem præfatus Ludouicus, & eius filius Carolus VIII. quod ad amplificandum suum ordinem vltra multa magnifica monasteria, quæ in Gallia ordini eius fundarunt, & construxerunt, prædictus Carolus, cum Roma in regnum Neapolitanum transiret, magno exercitu instructus, ad preces prædicti S. Francisci, iussit emi fundum amplissimum in monte Pincio ad fundandum vnũ monasterium sui ordinis in Vrbe, quod nunc appellatur Sanctæ Trinitatis, ad gloriam Dei, & in monumentum pietatis, qua ipsi, & alij Reges Francorum semper erga Romanam & S. Sed. Apost. fuerunt, & opẽ diuinarentur: & contra ipsemet S. Franciscus fuit in hoc gratissimus, testẽ sol. rec. Iulio III. per hæc verba in litteris suis Apostolicis scripta. *In memoriam tanti beneficij, & ad hoc, vt fratres dicti ordinis in eadẽ domo pro tempore residentes pro salute animæ dicti benefactoris magis memores redderentur, inter alia, quod ex tunc in posterum dicta domus per fratres Gallica nationis, quamdiu inuenirentur qui inibi residerent, sin autem per alios regi, & gubernari, & inhabitari deberet, per publicum instrumentum desuper confectum, & manu notarij publici subscriptum, voluit, & ordinauit. Hæc ille, qui mox subdit hæc alia, Volentes voluntati, & ordinationi tam pii patris annuere, & illis satisfacere, nec non pium, & charitatiuũ, ac liberale donum dicti Regis in illius memoriam (prout par est) recognoscere; eiusdem Henrici Regis Christianissimi supplicationibus in hac parte inclinati, voluntatem, & ordinationem S. Francisci, & desuper confectum publicum instrumentum, nec non prout illa concernunt omnia, & singula in eis contenta, ac inde secuta quacumque, ex certa scientia nostra, & de Apostolica potestatis plenitudine, auctoritate Apostolica, tenore presentium approbamus & confirmamus: districtius inhibentes omnibus & singulis prælatiis prædicti ordinis, & sub censuris, priuationis, & inhabilitatis penis, ne de cætero, quamdiu fratres prædicti ordinis præfatæ nationis Gallicæ idonei reperirentur, alium, quam eiusdem nationis Gallicæ in Correctorem dictæ domus eligere, seu admittere, aut electum confirmare quoquo modo audeant, vel præsumant: decernentes ex nunc irritum, &c. Vnde, ab initio suæ foundationis ad hoc vsque tempus nemo fuit Corrector, nec prælatus illius monasterij alius nationis, quam Gallicæ, præter vnum, contra quem reclamatum fuit, & obtentum, ne vnquam vltra alius alterius nationis eligeretur; & quod prædictarum litterarum S. Francisci confirmatio à S. Sede Apost. obtineretur, quæ mox à præfato Iulio III. fuit obtenta.*

Quæritur, an Regibus Francorum Christianissimis, & nationi Gallicæ, & conuentui prædicti monasterij non solum debeat hoc ius præminentiæ honorificum seruari de honestate & decencia, sed etiam de iustitia ipsa legali, & necessaria.

Huic

1. Huic quaestioni satisfactorius, divina ope per praefatum S. Franciscum optata, & sperata, primo adducam in aciem copias, quibus pars negans vincere tentat; deinde illas, quibus pars affirmans vincat; tertio loco subsidia, quibus dissipentur cohortes partem negantem sustentare conantes.

Pro parte negante adduco primo Conc. Tolet. relatum à Gratiano in cap. 1. 10. q. 1. in hæc verba: *Noverint conditores basilicarum, in rebus, quas eisdem ecclesiis conferunt, nullam potestatem habere.* Rex ergo Carolus nihil in eis pretendere potest in fundo, quæ dedit prædicto monasterio construendo.

Secundo, quod fundus, quem Carolus dedit, fuit minoris valoris, quam ut ob eum tantum monasterij fieret patronus.

2. Tertio, quod fundans, vel construens ecclesiam collegiatam, non videtur querere ius patronatus in ea, cap. nobis. cum ei adnota. per omnes de iure patron. A. ecclesia, de qua loquimur, collegiata, & regularis est: ergo nihil habuit in ea Rex Carolus.

Quarto, quod in eadem congregatione non debent esse diversi mores, cap. in nona actione. 16. q. 7. iuxta illud Deuteronom. 22. *Non arabis cum bove simul, & asino.* id est, homines diversæ professionis non iungas in eodem officio, ut ibidem eadem actio exprimit, ergo nec conventus Romanus alio iure, quam alij ordinis eiusdem uti debet.

Quinto, quod non probatur, S. Franciscum suis litteris concessisse huiusmodi ius particulare prædicto monasterio in gratiam Regum Francorum, & nationis Gallicæ.

3. Sexto, quod omnes supradicti ordinis professores debent obedire Generali suo, & eius præcepta implere per cap. 1. suæ regulæ, & in cunctis, quæ suæ animæ & regulæ non contrariantur, superioribus parere, per cap. 5. eiusdem regulæ, ergo & conventus parere debet Generali suo præcipienti, ut cuiusque nationis monachus habeat vocem passivam in electione Correctoris eius.

Septimo, quod assertores huius partis contendunt, litteras S. Francisci, & instrumentum super eis confectum præcessisse regulam prædictam, & ideo illam tamquam posteriorem, cum sit contraria ipsi, derogasse, iuxta cap. 1. de consensib. 6. & l. pacta novissima. C. de pact.

4. Octavo, quod possessio eligendi Correctorem nationis Gallicæ fuit interrupta, & ita non prodest Regi, nec nationi, nec conventui, cap. sanctorum. cum gloss. & alijs multis de præscrip.

Nono, quod Pont. Max. Iulio III. non fuit dictum, quod per regulam erat derogatum litteris prædicti S. Francisci; & ita eius confirmatio fuit subreptitia, & *Mendax precator debet careere impetratis*, cap. super litteris. de rescrip. l. & si legibus. C. si contra ius vel utilit. pub.

5. Decimo, quod huius partis assertores contendunt Conc. Trid. sess. 25. cap. 2. de regul. statuisse, ut administratio monasteriorum ad solos officiales ad superiorum nutum amovibiles pertineat, per quod videtur tolli prædictum ius particulare. arg. cap. 1. de consens. lib. 6.

Undecimo, quod iidem contendunt obliuiosum iudicandum esse S. Franciscum,

eiscum, si, cum in sua regula iussisset communitatem, induxisset hanc particularitatem.

Duodecimo, quod iidem tentant arguere falsi litteras predictas Iulij III. eo quod confirmatio litterarum S. Francisci datarum anno 1501. fuit facta per eas anno 1553. & ita post 52. annos à data litterarum: dicunt enim, quod, si vera esset, longe prius facta fuisset.

Decimotertio denique ijdē contendunt arguere falsi predictas litteras Apostolicas, eo quod emptio fundi fuit facta anno 1549. & litteræ S. Francisci 1501. Turonis, & quod in litteris Apostolicis dicitur: *Nos pie considerantes Regiam Maiestatem Francie cōparasse locum Sanctissime Trinitatis Romæ, &c.*

Haftenus de copijs, quibus pars negans vincere tentat; nunc adducamus illas, quibus pars affirmans vincat. Et primo quidem, quod negari non potest quod predictus Carolus fuit effectus patronus predicti monasterij: siquidem ipse emit, & tradidit fundum totum, in quo est illud constructum, ad hoc, ut in eo fundaretur illud, rogatu & precibus ipsiusmet S. Francisci, & suorum, cum transiret Roma in Regnum Neapolitanum, magno exercitu instructus, ut in facto proponitur: & ad hoc, ut aliquis fiat patronus ecclesiæ, sufficit ut det fundum, in quo illa edificetur. Trium enim sunt, quorum quodlibet sufficit ad querendum ius patronatus, nempe traditio fundi, ædificatio, & dotatio, iuxta illum senarium gloss. cap. pia mentis. 16. q. 7. & ab omnibus receptæ: *Patronum factio, dotatio, fundus.* & de traditione fundi est casus in cap. Abbatem. 2. 18. quæst. 1. ibi, *possessio dominus.* & in cap. nobis. de iure patroni ibi, *pro fundatione.* & tradunt Panor. & omnes in rubr. de iur. patroni. & Bando. in cap. cum ecclesia. Vulterana. col. 4. de elect. & latius Rocchus in tract. de iure patroni alios referens in verbo fundari. q. 1. sufficit enim, quod alius vel alij construant, & dotent ecclesiam, ad hoc, ut tradens fundum efficiatur patronus, ut post alios probat predictus Rocchus ubi supra q. 1. Quin & per Capitula generalia ordinis declaratum est, ut ille habeatur in ordine suo pro fundatore, qui dedit fundum ad ædificandum monasterium, vel maiorem partem conventus ædificat, vel qui in grandi quantitate docat, ut videre est in Cap. 2. habito Tolosæ anno 1514. 23. Maij. & anno 1531.

Secundo, quod fundanti ecclesiam prælatus, & eius superior potest apponere aliquas condiciones honestas in fauorem & gratitudinem & utilitatem fundatoris, adeo quod potest imponere annum, censum ei solvendum, cap. Eleutherius. 18. q. 2. ubi & alibi Archidiac. communiter receptus hoc adnotavit, & cap. præterea. de iure patroni. ut post Panor. & communem ibi & alibi asseruit Rocchus, Paulus de Cita. & Lambert. in suis tractat. de iure patroni. declarando verbum, honorificum, & verbum, utile, posita in definitione iuris patronatus, quam Ioannes Andreas, & posteriores tradunt in rubr. de iur. patroni. At superior non qualis qualis, sed Generalis totius ordinis, ac non qualis qualis Generalis, sed institutor & auctor ipsiusmet ordinis, & non quali quali tempore, sed circa exordia ipsius, & non in gratiam & fauorem qualis qualis hominis, sed potentissimi & Christianissimi Regis Francorum, à quo, & precibus eius, multa bene-

beneficia sibi, & ordini suo, & speciatim fundationem prædicti monasterij suscepit, statuit, vt prædictum monasterium gubernaretur per monachos nationis Gallicanæ, qui iudicarentur ad id idonei. ergo seruandum est illud, & adeo quidem, vt procuratio cōtrarij ab vllō sui ordinis facta videatur inſigne ingrati animi ſignum erga Regem, & nationem Gallicanam, & magna irreuerentia erga ſuum tam ſanctum Patriarcham, & auctorem; cum non ſolum nolunt eſſe tanto Regi grati, ſed piget eos ſuum ipſum auctorem gratum fuiſſe; & quidem male; & quod probatiſſimum ſit illud,

Nil magis auertit calum à telluris amore,

Quam ſcelus ingrata mentis, quæ corde maligno

Muneris auctorem nullo dignatur honore.

Pro quo eſt textus iuncta gloſſ. ſing. in l. ſi non fortem. §. libertus. ff. de condit. indeb.

9. Tertio, quod palam eſt, ſtatuto in fundatione appoſito poſſe fieri, quod Abbas, vel Prior monaſterij eligatur de monachis alterius tertij monaſterij, vt eſt textus ſing. in cap. cum dilectus. de conſuetud. vt ibidem Ant. & Panor. id adnotarunt. à fortiori ergo potuit ſtatui, quod deberent eligi de tali vel tali natione, cum minns tollatur libertas eligendi per hoc, quam per illud, vt palam eſt.

10. Quarto, quod ad hoc, vt conditio poſita in fundatione valeat, ſufficit, quod conſenſus ſuperioris accedat poſt illam poſitam etiam ex interuallo, per textum memorabilem in cap. cura. de iure patr. ibi, *Aut diaceſani Episcopi habuerit poſtea conſenſum.* vbi Panor. hoc adnotauit, & late confirmat Rocchus in d. tract. ſuper verb. pro eo quod de conſenſu. à num. 7. & confirmatur ea regula receptiſſima, quod conſenſus requiſitus ad aliquem actum poteſt interuenire poſt illum: & ideo licet forte non fuiſſet adhibitus conſenſus ſuperioris in conditione prædicta, vt præſatus conuentus regimini nationis Gallicanæ ſubijceretur tempore traditionis fundi, fuit tamen adhibitus poſtea per litteras S. Franciſci ſuperioris, & Generalis ordinis; & quod maius eſt, acceſſit conſenſus prædicti Pontificis Max. Iulij III. qui laudauit, & confirmauit prædictum S. Franciſci ſtatutum gratificum, & non vtcumque, ſed eius tenore narrato, & non ex ignorantia, & poteſtate ordinaria, ſed ex certa ſcientia, & absoluta plenitudine poteſtatis Sedis Apoſt. & non vane, ſed in honorem & reuerentiam S. Franciſci, & in gratiam Regis Henrici II. cum primis Regum omnium Francorum glorioliſſimi: à qua confirmatione nemo ſupplicauit; immo ab eo tempore nemo, qui non eſſet nationis Gallicanæ, Corrector præſati monaſterij extitit. Quin & Capitulum generale ſecundo Ianuæ celebratum ordinauit, vt prædictarum litterarum S. Franciſci confirmatio à S. Sede Apoſtolica, cum primum commode poſſet, impetraretur, vt mox impetrata fuit.

11. Quinto facit, quod Capitulum generale ſecundo Romæ celebratum, cui præſuit Episcopus Teudonenſis nomine S. Sedis Apoſt. ſtatuit in hæc verba: *Quod deinceps conuentus ipſe nullius alterius ſubiaceat ditioni, niſi Reuerendi Patris Generalis pro tempore exiſtentis, vel eius Vicarij viſitatoris,*

-f. 101. b.

Hæc

Hæc ibi. Per quod significatur totum ipsum ordinem Patriarcham suum imitantem noluisse auferre specialem honorem prædicto monasterio, sicut & Patriarcha suus S. Franciscus voluit illo insigni speciali illud decorare. Quare nullus prædicti religiosissimi ordinis profecto deberet contrarium procurare, cum oporteat partem suo toti vniuerso conuenire, cap. quæ contra mores. 8. dist.

- 12 Sexto, quod honorificum & vtile fuit toti ordini, & præfato monasterio, fuisse reſeruatam eius gubernationem viris nationis Gallicanæ quia fuit in causa, non solum vt tantus Rex, & Legati eius, & omnes ad vnum Galli habeant specialem de illo curam, & piam ad illud deuotionem, sed etiam vt ædificia eius magnifice amplificarentur: nam Illustrissimus Cardinalis Maclonien. Gallus apportatis ex Narbona lapidibus chorum ecclesiæ construxit, & fenestris vitreis ornauit, & à construenda miro artificio ecclesia suis sumptibus sola mors impediuit. Deinde Rex Henricus, & aliquot Cardinales Galli claustrum conuentus extruxerunt. Illustriss. autem Cardinalis Armeniacus suis eleemosynis alteram partem claustrum cum reſectorio ædificauit; sed & Illustriss. Cardinalis Lotharingins nuper fratrum chorum magnifice construi & pingi fecit. Nec obest, quod populus Rom. cui præfatum monasterium plurimum debet, multa beneficia in illud per se & per suos ciues Romanos ei contulerit, & nunquam non confert, & Pontifices Max. iidemq. sanctissimi cum toto sacrosancto Collegio semper protegent illud, & fouent. non enim id faciunt, vt Christianissimo Regi nationis Gallicæ quidquam detrahant; sed potius vt exordium, & illustre, quod ab initio dedit, exemplum, & clementum, quod successores eius, & Cardinales gentis Gallicanæ addiderant, collaudent, & magnificent in gloriam sanctissimæ Trinitatis, quæ omnes prosperet in æternum.

Septimo, quod ipsemet Generalis, qui hanc controuersiam mouere dicitur, in duabus epistolis suis ad duos celebres eiusdem ordinis viros hoc ipso anno 1576. datis, ore pleno fatetur contrarium eius, quod nunc proponit; in altera quidem per hæc verba, *Il Conuento di Roma è della natione di Francia*; & in altera per illa, *Il Conuento di Roma è di vostra natione*, erat enim Gallus ad quem scribebat: & non est ferendus, qui quod voce sua dilucide testatus est, in eundem casum proprio testimonio infirmat, l. generaliter. C. de non num. pecu. cap. per tuas. de proba.

- 13 Octauo denique, quod hæc res longe plus pertinet ad Regem Francorum Christianissimum, & nationem Gallicanam, quam ad conuentum prædicti monasterij, vt palam est: & ita cum non solum conuentus, sed & eius patronus Rex Francorum, & natio Gallicana fuerit in possessione, vt prædicti monasterij Corrector ex ea eligatur; non potest quidquam, quod huic possessioni præiudicet, decerni, nisi vocatis, & plene auditis eis, vt Gregorius agens de causa possessorij determinauit in cap. 1. de causa poss. & propr. in hæc verba, *Nec nos contra inauditam partem aliquid possumus definire*. Et conclusio iurisperitorum in l. duo. ff. de re iudi. & alibi sæpe recepta habet, omnes, quorum interest, esse vocandos, quo eis ferenda senten-

sententia noceat. Quare qui voluit de prædicta possessione deturbare Regem Christianissimum, & nationem Gallicanam amplissimam, & conuentum re & fama cum totius sui ordinis primis Populo Rom. Vrbi, & orbi religionis & regulæ suæ obseruantia, modestia, humanitate, & continuo Dei obsequio gratissimum, debet eos aperto Marte vocare in iudicium; in quod venisse, vt certo credo, eum pudebit, & poenitebit: quod facile ex oppositorum dilutione apparebit.

14. Primum oppositorum diluitur, eo quod Concil. Tolet. in eo citatum intelligendum est de dominio, & alijs iuribus non reseruatis iure communi, vel particulari, donatoribus, & benefactoribus ecclesiarum; iuxta resolutionem omnium in multis capp. supra citatis: ita quod donator, legator, fundator, & constructor ecclesiæ, nullum dominium, neque vllum aliud ins potest sibi vindicare in rebus à se donatis ecclesiæ, quam ius patronatus, vel aliquid aliud, quod iure communi, priuilegio Papali, vel particulari statuto legitime concedatur: & prædictus Rex, natio, & conuentus nihil aliud prætendunt.
15. Secundum, negando, quod fundus à Christianiss. Rege Galliarum emptus, & traditus, fuit paruus, & parui pretij. Tum quia fuit tantus, quantus vt esset voluit ipsemet S. Franciscus, qui petijt, immo idem, quem petijt. Tum quia Rex iussit, vt emeretur ei fundus, quem petebat, nulla de pretio facta mentione, eo certo animo regio, vt quodcumque pretium, quo valeat, pro eo daretur. Tum quia fuit emptus mille quingentis florenis & octoginta aureis in auro de Camera. Tum denique quod canonum grauissimi latores, iidemq. auaritia vacui, & charitate pleni, quibus placuit concedere ius patronatus tradentibus fundum, non tantum pretium fundi, quantum purum animum illum offerentis pensarunt. & ideo per traditionem fundi etiam viginti aureorum, modo sit capax ecclesiæ construenda, quæritur ius patronatus, secundum eorum mentem, quam sequuta Capitula generalia eiusdem ordinis Tolosæ & Genarum celebrata merito declararunt illum pro fundatore habendum, qui fundum dedit, nulla de valore magno vel paruo facta mentione.
16. Tertium vero refellitur, negando, quod fundans ecclesiam collegiatam non fiat patronus eius, quamuis non quærat ius præsentandi prælatum ipsius: multa enim alia iura potest habere patronus in ecclesiâ tam collegiata, quam simplici, vltra ius præsentandi rectorem, vel beneficiarios eius, vt probatur in cap. pia mentis. & cap. frigentius. 16. q. 7. & in cap. nobis. in argumento citato, & in cap. prætere. 2. de iure patron. & late post & ante alios tradunt Rocchus, & Lamb. in suis tract. de iure patron. declarando verba illa, *honorificum, & utile*, posita in definitione iuris patronatus. & præfatus Rex & natio non prætendunt habere ius præsentandi Correctorem prædicti conuentus, sed quod conuentus ipse debet eligere Correctorem ex natione Gallicana, si quis inueniatur idoneus; quod longe aliud est: & à separatis non fit illatio, l. Papinianus. ff. de minorib.
17. Quartum autem soluitur, primo quidem concedendo, quod in eadem congregatione non debent esse homines professionis ita diuersæ, vt sint aduersæ,

aduersæ, & contrariæ, vt habetur in d. cap. in nostra. in arg. citato, quales sunt professio laici, & clerici in administrando vicariatu Episcopali, de qua ibi dicitur; negando tamen quod non possint esse in eadem congregatione homines diuersarum professionum sibi mutuo non repugnantium; quales sunt in monasterijs ipsis Itali, Galli, & Hispani; quales sacerdotes, & primæ tonsuræ tantum clerici; quales professi, & nouitij, conuersi laici, & monachi ad chorum professi, & religiosus in Episcopum promotus, & canonici seculares, qui possunt esse in eadem ecclesia, cle. 1. de elect. Et ita non repugnat quod vnum monasterium de multis alicuius ordinis teneatur eligere prælatum de natione Gallicana, & nō alia, quam illa, aut de alijs nationibus. Secundo, quod assumptum in argum. procedit solo iure communi attento; secus autem attento priuilegio Apostolico, vel statuto Ecclesiæ particularis. Vnde videmus Regem Francorum priuilegio Apostolico esse canonicum in aliquot ecclesijs Franciæ, & Marchionem Asturitem in ecclesia Asturien. & vidimus nuper Romæ Dominicanum Fratrem in ecclesia S. Petri canonicum: & in specie habemus casum clarum in d. cap. cum dilectus. de consuetud. quod habet, valere statutum etiam sola ordinaria auctoritate confirmatum, quod vnum monasterium de multis eiusdem ordinis teneatur eligere prælatum de monachis alterius certi monasterij, quod longe grauius est. & præfati Rex, conuentus, & natio non prætendunt habere hoc ius iure communi tantum attento, sed iure particulari, videlicet statuto ipsiusmet sancti Francisci, & priuilegio S. Sedis Apostolicæ benignissime indulto, ordine toto id volente, & procurante.

18. Quintum reijcitur, eo quod, quicquid senserit Ioan. Andr. in eo citatus, monstratum est supra in argumento quarto, consensum superioris ordinarij requisitum ad quærendum ius patronatus, posse superuenire post foundationem, constructionem, & dotationem: & in casu proposito non solum superuenit consensus ordinarij, sed etiam ipsiusmet Papæ, de quo nemo vnquam dubitauit posse longe post factum consentire, præsertim cum id facit cum clausula, *ex certa scientia, & de plenitudine potestatis*, quod in nostro casu effecit, & per quod cessant omnia, quæ contra partem hanc adduci possunt contraria.

Sextum autem tollitur, concedendo quidem, omnes monachos debere superioribus suis obedire, & parere omnibus honestis, iuxta moderationem, quam tradit S. Thom. 2. 2. q. 104. art. 5. negando tamen, quod sit honestum, vt in hoc prædictus conuentus obediat Generali contra præceptum Papæ, qui sub grauissimis censuris priuationis, & alijs pœnis interdixit, ne id fieret. & non est obediendum vni superiori, quando superior illius contrarium præcipit. cap. Iulianus. cap. non semper. 11. q. 3.

19. Ad septimum, dicitur primo, negando, quod regula S. Francisci fuerit facta post gratiam, quam ipse fecit Carolo Regi, & nationi Gallicanæ: quandoquidem gratia illa facta fuit anno 1501. & longe antea viuo adhuc Ludouico B. præfatus vir transiit in Gallias, vbi erexit aliquot monasteria; & deinde anno 1484. rogauit Carolum, vt prædictum fundum emeret,

& ita

& ita longe ante gratiam factam habuit monachos nō solum in Calabria, sed etiam in Gallia; adeo quod postea in Capitulo generali primo celebra-
to Romæ anno 1532. constitutum fuit, vt inter prouincias ordinis multas
prouincia Turonica esset secunda post Calabria, & ante suum prædictum
statutum fecit emi prædictum fundū Romæ pro monachis ibi constituen-
dis. & quod non est verisimile, tunc toto illo tempore absque regula vixis-
se. Secundo diluitur, negando per prædictam regulam, etiam si posterior
fuiſſet, derogasse gratiæ iam factæ. Tum quia non potuit honeste velle tol-
lere id, quod tam honeste concesserat in gratiam tanti Regis, & tantæ na-
tionis, à quibus tanta beneficia susceperat, ingratitude incurrendo,
contra l. si nō sortem. §. libertus. ff. de cond. indeb. adiunct. gloss. Tum quia,
etsi maxime voluisset, non potuisset: nullus enim vñquam iuris peritus,
qui medioeriter sciret, dixit, Episcopum, qui consensit foundationi eccle-
siæ, posse in præiudicium iuris patrono quæſiti dissentire, contra regulam,
Quod semel placuit, displicere non potest, de reg. iur. lib. 6. & ei adnotata. Tertio,
quod postea prædicta gratia fuit ex certa ſcientia, & de plenitudine pote-
statis confirmata à prædicto Iulio III. quod omnia complanat, & contra-
dicenti ruborem non vulgarem iniicit.

20 Octauum autem refellitur primo, eo quod ab anno emptionis fundi vs-
que ad interruptionem prædictam lapsi fuerunt plures quam 48. anni, &
à tempore litterarum S. Francisci plures quam 40. qui ſufficiunt ad præ-
scriptionem etiam rerum ecclesiasticarum, cap. de quanta. & cap. illud. de præ-
script. Secundo, quod non est necessaria præscriptio ei, qui habet ius quæ-
ſitum per iustum statutum confirmatum per Generalem, & maxime ite-
rum reconfirmatum per S. Sedem Apost. & maxime in gratiam tanti Re-
gis, cum iuribus regijs Papa raro derogat, iuxta regulam 40. Cancellariæ,
& multa quæ congerit ibi Comezius in proœmio regularum eius; quale
hoc, de quo loquimur, fuit, arg. cap. cuncta per mundum. 9. q. 3. & cap. pro-
posuit. de concess. præb.

9. Nonum reiicitur primo, quod falso præsumunt regulam derogasse præ-
dicto statuto, vt supra monstratum est. Secundo, quod non fuit dictū quod
statutum valeret, sed solum quod fuit factum, & id est verum. Tertio, quod,
an valeret de iure illud, est quæſtio iuris, cuius decisio non est necessario
innotescenda Papæ, arg. cap. 1. de const. lib. 6.

21 Decimum tollitur, negando, quod Conc. Trid. in illo citatum statuerit,
vt administratio monasteriorum fiat per officarios ad nutum reuocabi-
les, vt ipsi dicunt, sed quod administratio bonorum monasteriorum per ta-
les officiales fiat, quod longe diuersum est: cum administratio monaste-
riorum fiat per prælatos electos, & confirmatos, qui non sunt ad nutum
amouibiles, cap. 1. §. priores. de stat. mon. Et ita in ordine præfato Corre-
ctores non amouentur, nec amoueri possunt ad nutum sine causæ cogni-
tione tēpore ſuę correctionis durante, nec vñquā Conciliū tale quid ſom-
niauit, sed volentes aſtruere falſum in ipſam dilucidam veritatē impingūt.

Vndecimum tollitur admirando, quod putent communitatem bono-
rum, quam inducit S. Franciscus in ſua regula, eſſe contrariam particula-

ritati, de qua loquimur, de eligendo prædicti conventus Correctore de natione Gallicana. Tum quia hæc particularitas tangit solam personam Correctoris monasterij, illa vero bona monasterij. Tum quia alioqui diceretur in quolibet monasterio similem induxisse particularitatem contrariam suæ communitatis: in nullo enim voluit, ut officium Correctoris esset commune, sed quod ad unam solam personam pertineret.

Duodecimum, negatur, quod confirmatio præsumatur esse falsa, eo quod fuerit facta de actu longe antea facto, quasi non possit confirmare Papa ea, quæ ante 50. & gentian annos fuerunt facta, tum in formâ cõmuni, tum ex certa scientia, contra notata in tit. de confir. velli, & contra omnia iura.

Decimumtertium per se corrui, cum per ea, quæ assumit, in nulla bona consequentia inferri possit vera, vel præsumpta vlla falsitas, vel subreptio in litteris in eo allegatis, ut palam est: quod autem prætendunt litteras & instrumentum b. Francisci, de quibus testatur Iulius Hil. non fuisse vero facta, duplici ratione exploditur: nempe, quod contra Capitula sui ordinis generalia, quæ de illis testantur, parum reuerenter loquantur: & quod irreuerentius astruere videntur, non esse quædendum Papæ in his, quæ testatur facta, suam dispositionem super eis fundando, contra clem. 1. de prob. præsertim in his, quæ suæ absolute voluntati, & plenitudini potestatis subiacent: quale est hoc, de quo agimus, statutum, per notata in dicta clem. & in cap. quæ in ecclesiis. de constit. maxime per Fel. lin. & Decium. Adde, quod allegatur hoc post circiter 301. annos, & diuturnam possessionem, & obseruantiam hæc prædicta confirmatione facta seruata, contra gloss. sing. & notata ibi & alibi sæpe ab omnibus, cap. per nelli. de emp. & vend. ubi dicitur, si quæ in hoc de iur. iur. in hoc de iur. iur.

Per quæ omnia videtur proculdubio dicendum, non solum hoc ius præminentis honorificum esse conseruandum Regibus Francorum Christianissimis, Gallicanæ nationi, & conuentui prædicto Romæ, sed etiam pudere debere quemlibet prædicti ordinis Minimorum religiosum contra statutum sui S. Patriarchæ gratificum Pontificis Max. decreto tam benigne confirmatum, & tanto tempore vsu receptum, quidquam attentare. Salua, &c.

S. V. M. M. A. R. I. V. M.

1. Personale beneficium seu personatum instituens, vel habens, si ad illud aliquem beneficiatum nominet cum pacto etiam tacite inito, ut nominatus in fauorem nominantis, solum resignet beneficium, simonia committitur. c. 1. de iur. iur. 201.
1. Instituens personatum eo fine, ut per illud via commutationis aliquod obtineat beneficium, videtur simoniacus, n. 2. attamen verè non est, num. 19. nisi interueniat conuentio, n. 20. & 21. prius tamen sine dicta spe & intentione institueretur, num. 19.
3. Immemorialis consuetudo vim priuilegij habet, ita ut per illam inducatur quicquid priuilegio etiã Papæ induci potest: nec desinit esse talis ex eo quod in aliquo reperitur mutata, seu non omnino formaliter semper seruata, modo æquipollenter.

- Et in effectu semper fuerit observata. num. 17. & 18.
3. Approbans actionem aliquam, censetur etiam approbare condiciones, cum quibus scit illam exerceri.
4. Bona propria alicui vinculo, vel oneri perpetuo, vel temporali, etiamq. spirituali, vel pio, sine tamen alterius præiudicio subijcere quilibet potest, tam per contrahendum inter vivos, quam in ultima voluntate, nu. 5. Et hoc etiam sine Episcopi auctoritate, nu. 4. non tamen erit beneficium ecclesiasticum, etiamsi sit cum onere ut solis assignetur clericis missantibus, nu. 6. & 7. vel cum onere dicendi Missas aliquas. num. 13.
6. Beneficium ecclesiasticum non potest erigi sine auctoritate ecclesiastica, sine qua nihil, quod sit sacrum aut religiosum, effici potest: unde opera erecta privata auctoritate etiamsi appellentur capellania, & ad illa soli sacrifici possint deputari, non sunt beneficia, nu. 7. Et hoc etiamsi sit impositum onus dicendi certas Missas. num. 13.
8. Beneficium ecclesiasticum, attentis solo iure communi, non potest etiam accedente Episcopi auctoritate institui, nisi sit perpetuum, & a solo superiore ecclesiastico conferendum, & talis conditionis, quod ab habente non possit sine Episcopi licentia renunciari, & nu. 16. at privilegio Papæ, qui super humanum ius est, immo & immemoriali consuetudine, quæ vim privilegii Pontificii habet, potest. n. 10. & 11. & 17.
9. Pensione alicui super beneficio ad vitam illius reservationi consentientis duraturam dimittat reservat Episcopus: at quæ reservatur à Papa durat ad vitam pensionarii.
10. Laici potest privilegio Papæ competere facultas beneficia conferendi, ut pluribus concessum legitur: immo & consuetudine immemoriali, quæ vim habet privilegii, seu privilegio Papæ comparatur. nu. 17.
14. Beneficia sine dote consistere nequeunt: unde beneficia quæ vocari solebant de pertica, nullos habentia redditus, nulliusque valoris, non sunt proprie beneficia, cum eis non competat descriptio beneficii, quæ habet quod sit ius percipiendi aliquos redditus ecclesiasticos. nu. 17. & 18.
17. Permutatio etsi iure communi non possit sic fieri, videlicet ut tu resignes tuum beneficium in manibus ordinarii mihi conferendum, & ego tibi auctoritate privata domum meum beneficium personale, consuetudine tamen immemoriali potuit hoc fieri, & privilegio, cuius vim obtinet, præscribi.
17. Interrupta etsi censeatur immemorialis consuetudo, si in aliquo reperiaturs quandoque mutata; hoc tamen fallit, quando eadem saltem equipollenter, & in effectu, licet non omnino formaliter, semper fuit continuata. nu. 18.
20. Beneficium fundari non potest cum pacto, ut alter suum beneficium permutet cum isto, postquam fuerit prectum & sibi collatum: at sub hac spe modo cesset pactum, & potest. nu. 19. & 21.

CONSILIUM VIII.

IN PROVINCIA Tarraconensi reperuntur quedam beneficia à iure communi, & ab alijs beneficijs, quæ in reliquis mundi provincijs instituantur, omniq. discrepantia, & aliena, quæ beneficia, personatus, seu beneficia personalia vulgo appellatur, & à Concilio provinciali Tarraconensi de institutionib. cap. 6. fuerunt approbata. Memum quia in dicto cap.

nulla fit mentio specialis de usu ipsorum, sed tantum quod possint resignari, & permutari, operæpretium visum est referre qualiter ipsorum usus se habuerit, & ad præsens se habeat.

Sciendum igitur est, quod ubi verbi gratia N. clericus desiderabat obtinere beneficium ecclesiasticum, quod B. possidebat, sub pacto expresso de dando ipsi B. vnum personale beneficium valoris annui decem ducatorum, vel ultra, illud instituebat, decreto ordinarij interueniente; sed in institutione nullum verbum fiebat de intentione, propter quam fundabatur personatus; sed tantum dicebatur, quod attendens quod erat melius commutare mundana cum celestibus, N. instituebat illud personale beneficium: cuius quidem redditus à principio iam applicabantur alicui causæ piæ, & sæpenumero propter pactum expressum alicui beneficio, etiam patronatus laicorum, seu ad certam piam causam, de quo pacto nulla mentio in applicatione fiebat. Quo personali beneficio fundato ad vnam seu plures vitas, N. qui fundauerat nominabat ad illud B. clericum simpliciter, & absque eo quod exprimeretur quod nominabat in recompensam: qui quidem B. ante Concilium Triden. ex causa permutationis cum beneficio vulgariter dicto de pertica resignabat in fauorem N. beneficium ecclesiasticum, quod possidebat: sed post Concil. Trid. B. simpliciter beneficium illud ecclesiasticum resignabat in manibus ordinarij, & ordinarius illud conferebat N. quæ quidem prout fiebant non narrabantur ordinarijs: sed certissimum est, quod ordinarij, & reliqui omnes clerici, & laici sciebant hæc ita fieri, prout narrata sunt, & ita quotidie fit, & obseruatur passim.

Super quibus omnibus est in primis aduertendū, quod huiusmodi personalia beneficia seu personatus non poterant, nec possunt obtineri, nisi per clericos seculares, vel regulares, intelligendo per regulares monachos claustrales ordinis S. Benedicti, & canonicos regulares S. Augustini, qui officia distincta & proprium saltem de facto habent: per horum enim professionem, & status mutationem non vacant huiusmodi personatus: non possunt tamen obtineri per regulares mendicantes, sed vacant per huiusmodi status assumptionem. Secundo, quod per pactum expressum, fere semper qui nominat ad personatum, promittit, quod nominatus poterit nominare alium ad illud personale beneficium, & aliquando quod secundo nominatus poterit tertium nominare, prout sibi reseruauit in fundatione institutor tres vel quatuor vitas, per quod tempus vult quod duret personale beneficium. Tertio, quod quamplures personatus ex pacto expresso applicantur alicui piæ causæ, nimirum vel pro maritandis puellis pauperibus, vel alicui monasterio, seu beneficio ecclesiastico in augmentum reddituum eius ad volūtatē alterius, qui beneficium ecclesiasticum dat in recompensam illius personalis beneficij, seu alicui alteri piæ causæ, decreto ordinarij ad hoc interueniente. Quarto, quod numquam permutantur, nec resignantur, nisi per simplicem nominationem, quæ fieri potest etiā aliquando in mortis articulo, quæ nominatio nullā requirit postmodum collationē, nec institutionem ordinarij, sed solum fit corā notario, & testibus.

testibus. Ex quibus posset inferri, quòd Concilium prouinciale vbi appro-
bavit quòd possent resignari, & permutari, intellexit, prout ipsa resignan-
tur, vel permutantur per simplicem nominationem; nò quod intellexerit,
quod permutentur prout solent reliqua beneficia ecclesiastica: nam hoc
esset directe contra mentem institutoris illorum: quia semper, si fundator
hoc vult, reseruat sibi, quod ad simplicem nominationem suã, vel alterius
nominati, detur illud beneficium personale. Quinto, quod nulli personatus
sunt perpetui; quia à principio applicari debent certæ piæ causæ post il-
lud tempus, ad quod sunt instituti. Sexto, quod vacant per contractum
matrimonij, quia non possunt obtineri nisi per personas ecclesiasticas, vt
habetur in d. cap. 6. Concilij prouincialis. Septimo, aliquando sunt perso-
natus annui valoris sex ducatorũ, aliquando 100. 200. & etiam 400. Octa-
uo, beneficium de pertica appellatur beneficium ecclesiasticũ perpetuum
nullius valoris, quod semper vacat in manibus ordinarij. Nono, instituen-
ti personatum in recompensam nominationis conferebatur beneficium
nominati ad personatum, etiam aliquando assignato eidem nominato cõ-
modo nonnullorum reddituum annualium addictorum ad aliquod benefi-
cium perpetuum, reseruato tamen nominanti iure instituendi ex dictis
reditibus quoddam personale beneficium.

Quæ omnia ea maxime de causa sunt ibi approbata, quia tendunt ad
augmentum cultus diuini: nam à principio illi redditus, qui ad tempus in-
stituuntur pro personalibus beneficiis, applicantur alicui piæ causæ, seu bene-
ficio ecclesiastico, ita quod efficiuntur redditus ecclesiastici, vel pij.

Et est maximi momenti immemorabilis consuetudo, de qua testimo-
nium reddit Concilium prouinciale, quod confirmat huiusmodi persona-
lia beneficia: verisimile est enim, quod illa immemorabilis consuetudo
ita militat circa vsum personalium beneficiorum, seu personatum, atque
circa ipsa personalia beneficia, seu foundationes eorum: & qui sint consue-
tudinis immemorabilis effectus, nemo est qui nesciat.

Sed pro maiori omnium elucidatione ponitur hic tenor constitutionis
prouincialis, quæ habetur lib. 3. tit. 5. cap. 7. de institutione.

*Licet personatus, siue personalia beneficia ideo nuncupata sint, quod non vt in
perpetuum beneficia remanerent, sed ad vitam aliquarum personarum ecclesiasti-
carum dumtaxat instituerentur, & postea eorum redditus in alios pios vsus applica-
rentur: & ab immemorabili tempore in hac nostra Tarraconensi prouincia erigi &
institui consueuerint, cum ea in diuini cultus augmentum tendant, & Christi fidelium
pias voluntates ampliari, non autem restringi conueniat: institutiones eorundem
adiuuari oportere censuimus. Verum cum nonnumquam in dictorum personatum,
seu personalium beneficiorũ fundatione plurimæ fraudes, & sæpe non sine simoniaca
labe (quod vehementer dolemus) commissæ fuerint: vt huiusmodi fraudibus, quan-
tum à nobis fieri possit, occurratur; sacri approbatione Concilij statuimus, vt nul-
lus personatus, seu personale beneficium, sine auctoritate, & decreto Episcopi,
seu eius Vicarij generalis erigatur, qui decretum & auctoritatem suam in funda-
tione interponere non possint, nisi dos assignata in censualibus, vel alijs redditibus
perpetuis consistat. Ea vero dos, siue ij redditus non super bonis dotantis, vel eius qui*

patronus efficitur ex censuali, vel alio nouo contractu fundentur, sed sunt alij veri redditus in locis tutis & firmis consistentes ab eisdem ordinarijs antea approbandi, ita vt prius pecunia recte collata sint, quam decretum interponatur, nec dos in sola pecunia numerata consistat, aut in pradijs, vel domibus inutilibus, alijsve rebus mobilibus, vel immobilibus, aut animalibus, nisi ea perpetuo fructuosa esse verisimiliter possint. Quod si permittatur in fundatione, vt in alia opera pia redditus supradicti collocentur post prima, vel secunda, vel vltioris persone obitum, quod beneficium obtinebit (nolumus enim, vt post earumdem resignationem, aut aliam vacationem id fieri permittatur) in ipsa erectione, seu fundatione declarentur species piorum operum, & cum casus euenerit, in ea pia opera illi redditus distribuatur, & vt horum omnium & singulorum nihil vnumquam possit celari in libro speciali, tam personatum erectiones, & dotationes, quam collationes, & institutiones, necnon in libro piarum causarum, vel operum piorum ea pia opera in dictos euentus instituta describantur. Maximam quoque curam pradii ordinarij adhibebunt, ne quis dolus, vel fraus, aut aliqua simoniaca pactio in fundatione, aut erectione, vel in collatione, aut institutione, aut etiam in permutatione dictorum personatum, siue personalium beneficiorum interueniat, eaq. prohibere, ac punire seueritate canonica procurent. quod non solum in futura, sed etiam in praterita crimina iure communi prohibita locum habere declaramus.

1 **VISIS** omnibus supradictis dubijs ad me transmissis, dico quod contra pradii vsum videtur facere primo, quod est simoniacus, arg. cap. quam pio. 1. quest. 2. & cap. fin. de pact. quatenus conueniunt expresse vel tacite instituens personatum, & habens beneficium, vt hic relinquat beneficium, quo nominetur ab illo ad personatum: & quatenus habens beneficium renunciat illud in manibus ordinarij cum pacto tacito vel expresse, vt conferat illud nominanti: & quatenus ordinarius confert illud nominanti virtute duarum praeedentium pactionum: immo quatenus nominatur instituit personatum eo fine, vt vere, vel æquipollenter commutet illud pro beneficio nominati. & consuetudo mala & simoniaca, quæ est contra legem diuinam, est inualida, & nullius effectus, cap. mala. & cap. quæ contra mores. 8. dist. & specialius in cap. non satis. cap. sicut. 3. & cap. iacobus. de simon.

2 Secundo facit pradii constitutio provincialis. Primo quidem, quatenus ægre probat institutionem pradii personatum: adeo quidem, quod multis conditionibus restringit modum, quo illa fieri debeat. Deinde, quia dixit multas fraudes solere in huiusmodi institutionibus interuenire, immo & multas simonias, quas non solum non laudat, sed reprobat. Tertio, quia grauissime hortatur ordinarios, vt curent, ne quis dolus, aut fraus, vel aliqua simoniaca pactio in erectione, aut fundatione, vel in collatione, aut institutione, aut permutatione dictorum personatum interueniat. Quarto, quatenus etiam iniungit eisdem, vt prohibeant, & seuerè puniant pradii fraudes, & simoniacas pactiones. Quinto, quatenus iubet vt non solum futura, sed etiam praterita circa hoc peccata puniantur; non obscure significans illa esse adeo intolerabilia, vt nullo vfu, neque consuetudine iustificari potuerint.

Pro

3 Pro vsu vero prædicto facit primo, quod consuetudo immemorialis videtur hoc approbare, & quod illa habet vim priuilegij, cap. super quibusdam. §. præterea. de verb. sign. l. hoc iure. §. ductus aquæ. ff. de aq. quot. & æsti. ita quod quicquid induci potest priuilegio, induci possit tali consuetudine, per ea quæ tradūt Panor. & Feli. nu. 4. & 5. in cap. cum contingat. de foro compet. & in cap. accedentes. nu. 6. de præscrip. & Fel. in eadem rubr. nu. 6. & in cap. causam quæ eod. tit. & Dec. in cōf. 171. post Panor. in cap. de hoc. de simo. & alij alibi. At priuilegio Papæ posset induci talis vsus: ergo etiam prædicta consuetudine potest ille iustificari.

Secundo facit constitutio prædicta prouincialis, qua parte approbat permutationem prædictorum personatum, & beneficiorum personaliū; quæ quia facta est à scientibus prædictum vsus, videtur intelligenda de permutatione illa tacita, qua instituens personatum tacite commutat illum cum beneficio eius, quem ad personatum nominat.

Tertio, quod huiusmodi personatus instituuntur & eriguntur auctoritate Episcopi, & ita dicuntur fieri religiosa, & spiritualia, arg. cap. ad hæc. de relig. domi. & ita beneficia ecclesiastica.

4 Pro resolutione huius difficultatis, quæ profecto maxima est, dico sequentia. Primo, quod deputatio, vincitio, seu vinculatio bonorum aliquorum immobilium, siue mobilium, vt maneant vincita, & perueniant ad nominandum per deputationem, & nominandos per nominatum ab eo post vnam vel plures vitas, & postea cedant alicui operi pio in se, est iusta & sancta, etiam sine auctoritate Episcopi facta: & prædictus personatus ante prædictam constitutionem erat talis. Tum quia quilibet potest ad suum libitum re sua vt, l. in re mandata. C. mandati. & in l. sed & si. §. consuluit. ff. de petit. hæred. Tum quia in traditione suæ rei quilibet potest modum à legibus non improbatum apponere, cap. verum. cum gloss. de condi. apposi. l. in traditionibus. C. de pact. At deputare & vincire, vt prædictum est, aliqua bona, nulla lege naturali, neque diuina, neque humana, modo sine alterius iuris præiudicio fiat, improbatum.

5 Secundo, ex hoc sequi, quod prædicta deputatio, siue vincitio, & vinculatio non incipit esse iusta ob constitutionem prædictam prouincialem, nec ob vllam consuetudinem memorialem vel immemorialem: quia sine vllotali munimine ipsa per se erat iusta, & laudabilis. Tum per prædictam irrefragabilem rationem. Tum quia vbique gentium relinqui possunt, & frequenter relinquuntur in Regnis Castellæ & Nauarræ fideicommissa, aliquorum bonorum aliquibus, ita vt post vitam eorum cedant quibusdā alijs, & post eorum vitam cedant pauperibus, vel fabricæ alicuius ecclesiæ: & non est dubium quod testatores possent dare prioribus fideicommissarijs facultatem nominandi secundos. Nec est dubium, quod qua ratione potest hoc facere testator in vltima voluntate, potest etiam donator facere inter viuos: quin & quotidie fit in Lusitania in cōtractibus emphyteuticis, quibus datur ab ecclesijs emphyteusis ad tres vitas, quarum prima possit nominare secundam, & secunda tertiam; quibus finitis redit ipsa emphyteusis cum melioramentis ad ecclesiam, vnde manarat.

- 6 Tertio huiusmodi deputatio, & vinctio, seu vinculatio si fiat sine Episcopi auctoritate, non est beneficiū ecclesiasticum, sed temporale quoddā bonum pijs operibus sub aliqua conditione vel modo dicatum, vinctum, siue (vt vulgus ait) vinculatum; etiam si adderetur in deputatione, quod non possent nominari nisi ecclesiasticæ personæ, nec possent teneri à coniugatis. Tum quia beneficium ecclesiasticū spirituale non potest constitui sine auctoritate ecclesiasticā, sine qua nihil potest dici sacrum, siue religiosum iure canonico, d. cap. ad hęc. de relig. domib. & beneficium est ius spirituale, cap. dilecto. de præbend. siue spiritualibus annexum consequenter secundum S. Tho. recep. 2. 2. q. 100. art. 4. etiam si deputator vocaret illa bona sic deputata & iniuncta personatum, vel beneficiū personale, immo nec si appellaret clericatum, vel beneficium personale clericale, eo quod non possint ad illa nominari nisi clerici, neque possint teneri nisi ab ecclesiasticis, neque si eiusmodi deputationem appellaret institutionem: quia huiusmodi nominatio sine auctoritate Episcopi facta nihil prodest, quo vere sit spirituale beneficium, vt palam est. Tum quia multa sunt mōnera & stipendia clericalia temporalia, quæ non possunt teneri nisi à clericis, immo & multæ capellanix, quæ non possunt teneri nisi à sacrificis, quæ tamen non sunt beneficia spiritualia, quia non sunt perpetua, qualia sunt omnia beneficia ecclesiastica, cap. præcepta. 55. dist. & cap. sanctorum. 70. dist. & gloss. recep. in cap. si gratiose. de rescrip. lib. 6.
- 7 Quarto, quod huiusmodi institutio, etiam decreto & auctoritate Episcopi accedente facta, non potest dici beneficium ecclesiasticum solo iure communi attento. Tum quia non est perpetuum, ita quod illud debeat teneri à nominato eius vita durante, & quod non possit renunciari sine auctoritate superioris, quod requiritur ad hoc, vt sit beneficium ecclesiasticum, cap. admonet. & cap. quod in dubijs. de renun. Tum quia multa stipendia instituuntur in ecclesijs auctoritate Episcoporum ad docendum, canendum, vel ad alia ministeria exercenda per solos clericos, quæ ob hoc non sunt beneficia, licet sint ministeria clericalia, quæ conferuntur ad tempus, & relinquuntur sine superioris auctoritate, quæ palam est non esse beneficia. Tum quod pensio, quæ super fructibus beneficiorum de more constituitur renunciantibus, vel alijs, tum ab ordinarijs ad vitam illius impositioni consentientis, tum etiam à Papa ad vitam eius cui constituitur, etiā cum clausula transferendi, non est vere beneficium ecclesiasticum, vt tenent omnes contra And. Sic in cap. ad audientiam. 2. de rescrip. per illius contex. & per cap. quamuis. 1. de præb. lib. 6. vbi idem annotauit Dom. recep. & late tradimus post alios in rub. de præb. & certum est quod huiusmodi pensio magis approximat ad naturam beneficij spiritualis, quam prædicti personatus, & beneficia personalia.
- 8 Quinto, quod si præfata consuetudo immemorialis, de qua testatur constitutio provincialis, expresse determinaret, aut necessario tacite præsupponeret, quod præfati personatus sint beneficia spiritualia, essent talia, quia si Papa id expresse ordinaret, vel necessario tacite id in sua ordinatione præsupponeret, essent beneficia spiritualia: quia cum iure humano tantum

tantum beneficia spiritualia debeant esse perpetua, & teneri perpetuo à collatario, ita quod non possint renunciari nisi de superioris licentia, neque conferri nisi à superiore ecclesiastico, posset Papa id mutare. Tum per prædictam gloss. adiuncto dicto cap. si gratiose. de rescrip. lib. 6. Tum quod est supra omne ius humanum, cap. cuncta per mundum. 9. q. 3. & cap. proposuit. de concess. præb. Tum quod etiam laicis fecit gratiam, ut haberent ius præsentandi ad beneficia, quæ fundarent, toto tit. de iure pat. & potest concedere gratiose contra ius cõmune, ut ea conferant, immo & alia quæ non fundarent, ut concessit Regi Apuliæ, iuxta gloss. 16. q. 7. in sum. Regi Galliæ, cap. dilectus. 3. de præb. cap. generale. de elect. lib. 6. gloss. cap. imperium. dist. 10. & alijs Regibus, iux. aliam glo. in §. hinc etiam. 17. dist. & id quod Papa potest statuere, potest etiam induci consuetudine immemoriali, quæ habet, ut supra dictum est, vim privilegiij.

- 11 Sexto principaliter dico, quod ad dicendum quod prædicta consuetudo & præfata constitutio etsi expresse non dicant illos personatus esse beneficia spiritualia, tacite tamen videtur præsupponere illud, facit primo, quod Conc. provinciale significavit consuetudinem immemoriam operatam fuisse, induxisse, vel effecisse aliquid in hoc ultra ius cõmune: at non videtur dari posse aliud, quod operata fuerit, quam hoc: nam iure cõmuni præfati personatus, & eorũ institutio in se erant licita, & iuridica quo ad alia, puta quod essent opera valida iuste instituta, & nõ indigebant quo ad hoc alio munimine, quam iure communi, ut probatum est supra. ergo prædicta consuetudo & constitutio significant quod consuetudine immemoriali introductum & effectum sit, ut pij personatus essent beneficia spiritualia ad tempus aliquod tantum duratura, & quæ conferri possint ab institutoribus etiam privatis, & à collatorijs, & nominatis etiam privatis, etiã solo verbo, vel instrumento notarij, modo auctoritas Episcopi in id accederet, cui accessuræ dedit novam formã præfata constitutio. Secundo, quod con-
- 12 stitutio & consuetudo præfata, quæ appellant illos personatus beneficia personalia, & quod eo dicuntur personalia, quod non sunt perpetua, sed finiuntur finitis aliquot personis ecclesiasticis, significant, quod hi personatus ita sunt beneficia, ac alia ecclesiastica, nisi qua parte hæc sunt temporalia, & alia perpetua. Tertio, quod prædicta constitutio habet præfatos personatus particulariter solere institui in provincia Tarracon. & quod in alijs, vbi non est talis consuetudo, nec solent, nec possent institui. At certum est quod etiam in alijs locis per viam fideicommissi, vel capellaniz, vel donationis certis vinculis astrictæ, possunt & solent fieri similes foundationes à testatoribus, & donatoribus; ita quod possint appellari beneficia in genere, prout beneficium definitur ab Huber. in tit. quæ sit prima causa benef. amitt. in vñb. feud. dicente, quod est beneuola actio, siue beneuolum datum gaudiũ tribuens accipienti. ergo in provincia Tarracon. specialiter habet consuetudo, ut præfati personatus dicantur & sint beneficia spiritualia ad tempus duratura. Quarto, quod Conc. vetat ne possint institui, nisi auctoritate Episcopi, quam tamen supra probatũ est non esse necessariam ad hoc, ut illa institutio valeat in se, sicut valeret quoddã fidei-

- commissum, vel quoddam donatum, vel quoddam stipendium temporale, vel quædam capellania dicendi aliquas Missas: ergo sensit Episcopi auctoritatem requiri ad hoc, ut dicatur beneficium spirituale. Quinto, quod Concil. appellat dotem bona, in quibus fundantur. per quod significat esse spiritualia beneficia, quæ sine dotibus consistere nequeunt, cap. nemo. de consecr. dist. 1. cap. si quis obiecerit. 1. q. 3. & quod præcipit dotem constitui non in quibuscumque bonis, sed in à se nominatis: cum tamen ad hoc quod sint beneficia, seu bona bene data non spiritualia, in quibuscumque possint constitui, ut palam est. Sexto, quod Concil. præsupponit in huiusmodi personatum institutione solere interuenire simoniam, quæ tamen non potest interuenire, nisi essent spiritualia, non enim esset simonia alicui dare pecuniam, ut relinqueret aliquod fideicommissum, vel donaret aliquod donarium grande illi, vel illi, etiam cum onere faciendi aliqua opera pia, etiam dicendi aliquas Missas: quia nõ datur aliquid temporale pro spirituali, nec contra. ergo significat hos personatus esse spiritualia beneficia, in quibus committeretur simonia, si daretur aliqua pecunia institutori, ut cum personatus fuerit institutus, conferatur ei, vel nominetur ad illum, ut in cap. tua. de sim. ubi probatur, eum qui dat bona sua ecclesie eo pacto, ut præbenda ex eis erecta præbeatur sibi, admittere simoniam. Septimo prædictum Concil. significat posse huiusmodi personatus vacare per resignationem, & alio modo, ita ut ad nulla opera pia obligarentur hi, qui eos postea acciperent: puta si à principio ita instituerentur, ut unus, alter, vel tertius eos tenere possint, nulla à principio facta specificatione alicuius operis pii, cui applicarentur bona post finitas personas nominatas. quo casu videtur Concil. significare, quod posset ordinarius illos ita vacantes conferre cui vellet, ut manerent beneficia spiritualia perpetua, & consequenter à principio erant spiritualia, cum temporale non possit fieri spirituale, nisi spirituali auctoritate accedente, iuxta dict. cap. ad hæc. de relig. domib. qualis in hoc casu non accedit post vacationem. quæ maxima & profunda declaratio præfatæ constitutionis est. Octauo, quod prædictum Concil. serio præsupponit posse prædictos personatus permutari, siue commutari; quod nullius momenti esset, si non essent spiritualia beneficia, cum palam sit temporaria commutari posse: & ideo ut id aliquid operetur, intelligendum est quod sunt beneficia spiritualia. Nono, quod vacat per contractum matrimonium, ut in informatione facti præsupponitur; & non vacarent, nisi essent spiritualia beneficia, c. quod à te. de cler. coniug. quatenus habet beneficiarium in minoribus constitutum contrahendo matrimonium perdere quidem beneficium, sed non alia bona quæ dederat ecclesie. Decimo, quod non possunt nominari ad illos nisi clerici: quod est magnum signum præsumendi esse beneficia ecclesiastica.
- 16 Septimo principaliter dico, quod pro contraria parte quod prædicti personatus non sint nec debeant dici beneficia spiritualia, facit primo, quod nõ sunt perpetui, qualia esse & dici debere beneficia ecclesiastica supra probatum est. Secundo, quod nõ conferuntur à superioribus ecclesiasticis, ut debere cõferri, si essent spiritualia beneficia, supra probatum est. Tercio,

tio, quod omne beneficium spirituale est sæculare, aut regulare, iuxta not. in cap. possessores. de reb. eccl. non alien. cap. cum singula. de præb. lib. 6. & prædicti personatus non videntur esse sæculares: quia si eos tenentes fiant canonici regulares non mendicantes, non videntur vacare, ut in informatione facti significatur: nec sunt regulares, quia conferuntur sæcularibus. ergo non sunt beneficia ecclesiastica. Quarto, quod non permutantur cū beneficijs ecclesiasticis, cum tamen possent permutari, si essent talia, cap. cum olim. de rer. permut. & cap. 1. eod. tit. lib. 6. Quinto, quod si essent beneficia, tenerentur recitare horas canonicas qui eos haberent: quia omnes beneficiati tenentur ad eas, cap. fin. 92. dist.

- 17 Octavo principaliter dico, quod ad hæc argumenta responderi potest. Ad primum quidem concedendo, quod omnia beneficia spiritualia iure communi attentio debent esse perpetua; sed quod privilegio Papæ fieri potest, ut aliqua sint temporaria, d. cap. si gratiose. iunct. glo. de rescript. lib. 6. & consequenter cōsuetudine immemoriali, quæ habet vim privilegij, ut supra dictum est, id induci potest, quod in nostro casu facit. Ad secundum idem respondetur quod ad primum, nempe privilegio Papæ cessante conferenda esse beneficia à superiori spirituali; per illud tamen fieri posse, ut à privato etiam laico per supraddicta conferantur. Ad tertium concedo quidem iure communi omnia beneficia esse regularia, vel sæcularia ad hunc effectum, ut sæcularia sæcularibus, regularia regularibus conferantur: sed privilegio Papæ fieri posse, ut vnum & idem beneficium sit regulare, & sæculare, ad hunc effectum, quod conferri possit tam sæculari, quam regulari, & contra: quia illud est iure humano inductum; & ideo etiam consuetudine immemoriali, quæ privilegio Papæ comparatur, ut prædictum est, tolli potest. Ad quartum concedo, quod non permutentur cum beneficijs eo modo, quo iure communi alia beneficia permutantur, puta renunciando illa in manibus superiorum, & accipiendo eadem per novam eorum collationem, iuxta not. in d. cap. cum olim. & cap. cum vniuersorum. de rer. permut. & cap. 1. eod. tit. lib. 6. nego tamen, quod non permutentur modo speciali inducto per prædictam cōsuetudinem immemoriam; videlicet, quod habens beneficium resignet illud in manibus ordinarij, qui conferat illud habenti personatum per potestatem nominandi ad eum, & quod ille nominet ad personatum illum, qui resignavit beneficium, ut sibi conferretur. Nec obstat, quod non potest fieri pactum inter duos, quo alter renunciet beneficio suo, ut alteri conferatur, & quod alter conferat ei aliquid auctoritate sua: quamvis posset renunciari alteri beneficium in manibus superioris, quo illud per eum conferatur alteri, qui renunciavit suo, ut sibi conferretur: non inquam hoc obstat: quia concedimus id ita esse in permutatione beneficiorum iure communi & regulari modo rectorum: sed nos loquimur de permutatione beneficij iure communi & regulariter creati cum beneficio anomalo, & irregulari, & diuersæ naturæ per privilegium, vel consuetudinem habentem vim privilegij creato. Obstat autem gravissime, quod ante Concil. Trid. permutatio fiebat cum beneficio perpetuo de pertica, & ita modo regulari erecto, non autem eo modo, quo
nunc

- nunc fit proxime relato: & consequenter modus hic permutandi non est inductus consuetudine prædicta immemoriali; & ita non licebit, cum sit contra ius commune, l. quod iure. ff. de legib. Sed responderi potest, quod illa beneficia de natura sua non erant vere beneficia spiritualia, quippe
- 18 quibus nõ conueniebat definitio beneficij spiritualis, videlicet, Ius percipiendi aliquos fructus, siue redditus ecclesiasticos: quæ colliguntur ex Anchor. in cap. 1. de reg. iur. lib. 6. & Cald. & Felin. in cap. postulasti. de rescr. quos & alios late referimus in rub. de præb. non inquam conuenit eis, cum nullos redditus haberent, & nullius essent valoris, vt ponitur in facto: atque ideo sublata fuerunt per Concilium: & consequenter in effectu permutatio fiebat, sicut hodie fit: & ita consuetudo hæc etsi non omnino formaliter seruata sit, tamen æquiualemter & in effectu seruata est à tempore immemoriali, quod sufficit, cum de æquipollentibus idem iudicetur, l. fin. ff. mandat. & cap. licet ex quadam, de testib. Ad quintum concedo, eos qui tenuerunt illos personatus, teneri ad recitandas horas canonicas: & quamuis forte probari possit aliquos eas non recitasse, arbitror tamen etiam probari posse quod omnes communiter recitauerunt: quia nemo potest nominari, nisi sit clericus: & communiter nominantur, qui ratione beneficij, vel ordinis suscepti, vel mox suscipiendi tenentur ad recitationem illarum.
- 19 Ex quibus infertur primo, prædictos personatus non solum posse institui in finem quærendi aliquod beneficium alterius per viam renunciationis eius ob spem habendi in recompensationem illum personatum, sed etiam & melius & purius in finem vt teneantur ab ipso institutore, vel à nominando ab eo primo loco, vel alio vltiori. Tum quod, vt in facto proponitur, in institutione & creatione illorum solum dicitur, quod instituit illos institutor, vt mundana cum cælestibus commutet. Tum quod licet illa intentio intra solam mentem retenta non inficiat actum, vt mox dicam: purior tamen erit, si absque illa fiat: quia finis est purior & cælestior; & quo melior est finis cæteris paribus, melior est actus, ex doct. S. Thom. 1. 2. q. 7. art. fin. & q. 78. art. 4. & 7.
- 20 Secundo infertur, quod licet institutio talis personatus facta intentione sola mentali quærendi aliquod beneficium per permutationem supra dicto modo speciali faciendam non reddatur simoniaca, immo nec aliàs illicita, arg. cap. tua. de simon. & glos. cap. ordinationis. 1. q. 1. & clarius D. Ant. 2. par. tit. 1. c. 5. §. 11. quem refero refellendo Panor. & Dec. in Manu. confess. cap. 23. à num. 107. institutio tamen personatus facta præmisso pacto cum aliquo beneficiario quod ille renunciabit beneficio suo, vt detur institutori personatus, & quod institutor postea nominabit eum ad personatum, est simoniaca, quia est pactio & conuentio super beneficijs nec iure communi, nec speciali probata. Quod enim sit conuentio super beneficijs spiritualibus, patet: quia tam personatus, quam aliud beneficium pro eo habendum sunt beneficia spiritualia per sextum dict. Quod autem illa conuentio non probetur iure communi, palam est: quod autem non probetur etiam iure speciali prouinciæ Tarraconen. probatur. Tum quod

quod constitutio eius reprobatur simoniacas fraudes & pactiones, quæ in institutionibus personatum fiunt. Tum quod licet consuetudo immemorialis habeat, ut talis personatus institui possit, & quod instituens illum possit quærere aliud beneficium ecclesiasticum per permutationem speciali & privilegiato modo factam: non tamen habet, quod possit pacisci cum alio beneficiario, ut renunciet ei suum beneficium pro personatu ab ipso fundando, vel instituendo: & ita non licet, sicut nec liceret alicui pacisci cum habente aliquod beneficium, quod ipse fundabit vnum beneficium perpetuum auctoritate Episcopi tanti vel tanti redditus, & quod post fundatum illud, & legitime erectum præsentabit eum ad illud, per d. cap. tua. de simon. & per d. cap. quam pio. 1. q. 2. & cap. si. de pact. immo neque quod postquam fundauerit, & ei collatum fuerit, permutabit cum illo, per eadē.

- 21 Tertio, quod ad damnandas simoniæ conventiones circa permutationes prædictorum personatum cum alijs beneficijs faciendas, seruari debent regulæ, quas seruamus ad damnandas simoniacas cōventiones super permutatione aliorum beneficiorum iure communi constitutas, exceptis his quæ consuetudo illa immemorialis permittit; videlicet quod personatus dabuntur renunciantibus beneficia auctoritate priuata per solam nominationem sine alia superioris auctoritate: quia de similibus idem est iudicandum, l. illud. ff. ad l. Aquil. cap. dudum. 3. de elect.

Quarto, quod narratio facti nihil obstat proximo corollario præcedenti; quia licet habeat institutorem huiusmodi personatus ea intentione solitam illum instituere, ut quæreret aliquod beneficium; non tamē habet eum solitum prius pacisci cum alio beneficiario, quod renunciaret illi suum beneficium, & in recompensam acciperet personatum tanti valoris, si illud noue institueret: immo habet quod nil tale in institutione & decreto Episcopi appositione exprimebatur: & consuetudo adeo exorbitans à iure communi non est extendenda, c. quæ à iure. de reg. iur. lib. 6. sed quatenus fieri potest ad concordiam iuris communis reducenda, arg. cap. cum dilectus. de consuet. & cap. causam quæ. de rescript. Et quamuis ut prædictum est coroll. secundo, liceat beneficium spirituale perpetuum fundare, ea intentione intra solam mentem retenta, ut post illud fundatum Episcopi auctoritate, & sibi collatum permutaret cum beneficio alterius, non tamen liceret illud antea pacisci, per prædicta.

Aduertendum circa prædictos personatus est, in prouincia Tarracon. varia esse personatum genera, pro varietate diœcesum, & ordinariorum suum decretum interponentium, tabellionumq. institutiones stipulantium. Quidam enim personatus nullo modo beneficia spiritualia sunt, sed pæ institutiones ab initio suo omnino temporales: alij secundum nomen tantum personalia beneficia appellantur, re vera tamen beneficia perpetua sunt, & eiusdem naturæ cum alijs perpetuis beneficijs: alij continent in suis institutionibus aliquas dispositiones, & conditiones à iure communi & à constitutionibus prouincialibus vsq. immemoriali prouinciæ Tarraconen. omnino alienas: alij conferuntur per veram collationem ab ordinario ad præsentationem instituentis, seu patroni personatus, dum vacant

cant

cant per resignationem etiam ex causa permutationis cum alijs veris beneficijs perpetuis fiendæ: alij vero ab ipsismet institutoribus, seu etiam a possidentibus, prout dictum est supra, conferuntur, dantur, seu assignantur: & alij tandem sunt alterius generis. Auctori autem non fuerunt narrata omnia genera personatum, neque super omnibus fuit consultus; & idcirco neque eius responsio ad omnes personatus prouinciae Tarracoen. se extendere potest, sed ad eos tantum, super quibus informatio fuit sibi exhibitæ.

Et quoniam ex prædictis fundamentis & radicibus poterit quouis ingeniosus elicere resolutionem dubiorum, quæ circa prædictos personatus occurrent, finem facio. Salua, &c.

DE CENSIBVS, EXACTIONIBVS & procuracionibus.

S V M M A R I V M.

1. Notarius potest accipere iustum salariũ pro decretis & ordinationibus à visitatis, nisi sit de familia visitatoris, vel habeat illud ex publico, vel statutum, seu consuetudo habeat vt gratis hæc præstet.

CONSILIUM.

AN NOTARIVS, seu cancellarius Episcopi possit quidquam accipere ab his, qui visitantur occasione decretorum, & ordinationum in visitatione factarum?

1. Multa possunt adduci pro & contra in hac questione: nam cap. 1. §. procuraciones. de censib. & cap. exigit. eodem tit. lib. 6. prohibent ne visitator aliquid præter procuracionem accipiat: & Cone. Trid. cap. 3. de refor. sess. 24. habet, quod visitatores gratis omnia faciant, & prohibet ne quidquam ipse vel sui, vt habet Concil. vel aliquis de familia sua, vt habet prædictus §. procuraciones. præter procuraciones accipiant: & gloss. in verbo officij, habet, quod nec scriptor, nec sigillator, nec alij similes officiales.

Sed pro contraria parte facit, quod lex naturæ habet Lucæ 10. *Mercenarium dignum esse mercede sua*: & quod licet delegatus Sedis Apost. nihil debeat percipere à partibus, notarius tamen recipit iustum salariũ, cap. statutum. §. notarius. de rescrip. lib. 6. & licet ordines gratis debeant dari, notario tamen soluitur pro scriptura, qua fidem facit de collatis ordinibus, si non habet salariũ de publico, secundum Panor. communiter receptum in cap. 1. de simon. num. 3. vel nisi consuetudo laudabilis habeat, ne quidquam recipiatur, iuxta Conc. Trid. cap. 1. de refor. sess. 21. & notarij non solent esse de familia visitatoris, nec famuli eorum, & non tenentur seruire gratis visitatis, nec visitatoribus, l. 3. q. 1. cap. 1. Quare videtur, notarium posse accipere iustum salariũ, si non est de familia visitatoris, nec habet salariũ ex publico, nec consuetudo vel statutum rationabile prohibet illud sibi.

S V M M A R I V M.

- 1 Intellectus cap. exigit. de censibus in 6.
- 1 Visitatoribus etsi imponatur pœna suspensionis ipso iure incurrenda, nisi duplum intra mensem restituant; attamen restituendo simplum illam evitant: immo & si postquam incurrit, simplum restituat, potest adhuc à suspensione absolui. num. 3.
- 2 Pœnam concussionis, quæ utroque iure est quadrupli, minuit cap. exigit. de censib. lib. 6. quo ad visitatores.
- 4 Remissio & solutio quo ad satisfactionem exaquantur regulariter.
- 5 Pœna temporaria cap. exigit. de cens. de restituendo duplum, non respicit fori conscientiam tantum, item & debetur parti: unde eam non potest remittere sacra Penitentiaria officium, cui conceditur ut remittat pœnas ecclesiasticas.

C O N S I L I V M I I.

VTRVM pœna statuta in cap. exigit. de censib. lib. 6. renouata in Conc. Trid. sess. 24. cap. 3. de refor. qua visitatores ipso iure suspenduntur, si non restituant intra mensem duplum eius, quod acceperunt, debeat in foro conscientie; ita quod non sufficiat eis restituere acceptum, ad evitandam pœnam?

- 1 In Pro parte affirmatiua facit, quod qui restituit tantum simplum, non restituit duplum; & ita non videtur adimpleta conditio, qua deficiente pœna imponitur, etiam si restituatur simplum.
- Pro negatiua facit, quod pœna illa restituendi duplum non videtur posita ipso iure, plusquam pœna concussionis, de qua i. q. 1. cap. concussionis, & cap. seq. & pœna non debetur in foro conscientie, gloss. recep. in cap. fraternitas. 12. q. 2. & Panor. & commun. in cap. 1. de constit.
- 2 Circa hoc dico sequentia. Primum, cap. illud, quatenus punit pœna dupli, potius diminuit pœnam iuris, quam inducere pœnam: nam pœna concussionis est quadruplum, tam iure canonico, cap. quoniam. 18. dist. quam Casareo, l. sancimus. C. ad l. Iuliam repetun. transcripta à Gratiano in cap. sancimus. 1. q. 7. & præfatum cap. exigit. loquitur de concussionis crimine, quod committitur, quoties quis ratione officij publici capit male aliquid, l. 2. ff. de concussion. & imponit pœnam dupli.

Secundum, quod præfatum cap. inducit pœnam etiam ipso iure incurrendam, quatenus suspendit ipso iure visitatorem concussorem.

- 3 Tertium, quod huiusmodi visitator concussor posset absolui à peccato, restituto tantum simplo, per clem. 2. 6. 1. de hæret. in illis verbis, *A qua, scilicet excommunicatione, non possint absolui, donec plene satisfecerint de pecunia sic extorta.* per quæ clare significatur sufficere restitutionem simpli.

Quartum, visitatorem, qui intra mensem restitueret simplum, siue tantum, quantum accepit via concussionis, non incursum ire suspensionem: nam, *Turpius eijcitur, quam non admittitur hospes.* cap. quemadmodum. de iureiuran. ut difficilior tollitur quæsitum, quam impediatur quærendum, l. seruus. C. de pact. At absolui posset à suspensione incurfa, si solueret

ueret simplum, vt mox dicam : ergo à fortiori tolleretur incurrendam.

Quintum, quod à præfata suspensione incurfa posset absolui, restituto simpli, argum. præfat. clem. 2. §. 1. præcitato, iuxta gloss. in verbo officij. quatenus habet, officialem Inquisitionis aliquid per concussionem querentem incurrere quidem pœnam quadrupli præter excommunicationem, sed absolui posse ab ea restituto simpli, & ita pœna non soluta. per quem tex. & gloss. probatur, non solum quem posse absolui à peccato non soluta pœna, sed etiam ab excommunicatione, quam haberet annexam. quam ponderationem primum didicimus à Francisco Aretino in l. 4. §. Cato. ff. de verb. oblig. vt diximus in Manu. confess. cap. 23. num. 66.

4 Sextum, quod præfatum cap. videtur esse pœnale, quatenus iubet remissionem in eius casu non æquipollere solutioni, cum remissio & solutio exsequantur quo ad satisfactionem, l. si rem. §. omnis. ff. de pigno. actio. & l. 1. ff. qui satisd. cogant.

5 Septimum, quod sacra Pœnitentiaria non potest tollere illam pœnam, nec oportet illam tolli, vt ipsa sua potestate vtatur; quia nihil potest nisi quo ad forum conscientie tantum, & pœna illa non pertinet ad illud.

Octauum, quod nullam pœnam temporariam, quæ in foro conscientie deberetur alicui parti, posset remittere præfata Pœnitentiaria. Tum quia solum habet facultatem remittendi pœnas ecclesiasticas, vel absoluendi ab eis, vt exprimitur in facultatibus eius. Tum quia in procemio earum dicitur dari ei facultas ad pœnitentiam necessariam, & ita non videtur extendendum ad alias temporarias, præsertim pertinentes ad tertium, etiam in foro conscientie: quia non fit illatio à separatis & diuersis, l. Papinianus. ff. de minor. & cap. ad audientiam. de decimis. Salua, &c.

S Y M M A R I V M.

- 1 Clerici non tenentur iure communi suo prelato tributum capitis soluere: ab eis tamen exigente necessitate petis charitativum subsidium. num. 2.
- 2 Consuetudine immemoriali probatur præsumptiue quilibet titulus, qui allegatur.
- 3 Consuetudo irrationalis illa solum est, quæ iuri nature vel diuino aduersatur directe vel indirecte; licet ex circumstantijs possit extra hos casus etiam aliqua talis reputari, ad effectum vt tollatur. num. 4.

CONSILIVM III.

1 **P**RO Presbyteris Neapolitanis, ne teneantur singuli singulos aureos ducatos soluere Archiepiscopo, facit tota 3. q. 10. quatenus in cap. 1. c. illud. cap. inter. statuitur, ne liceat Episcopo ab ecclesia quidquam ultra duos solidos exigere: sed quia illa capitula disponunt de ecclesijs, & in casu proposito agitur de solis presbyteris, magis pro eis facit cap. cauendi. eadem causa, quæst. 4. quatenus habet Episcopum non debere tyrannidem in socios exercere, nec subditis esse scandalo; & quatenus proponit exemplum Apostoli, qui, vt eius prædicatio suauius audiretur, manu propria & arte vivebat. Neruosius tamen facit cap. cum Apostolus. §. 1. de censibus, quate-

- quatenus prohibet Episcopos imponere tallias suis clericis, ex quo Panor. colligit solum Papam posse imponere clericis collectas. Sed quia hæc, & alia multa, quæ in hanc sententiam congeri possunt, solum probant præfatos clericos non posse compelli ad soluendum hos ducatos, quorum soluendorum onus tributum capitis aptius appellatur à Iurisconsulto in l. fin. de censib. quam ab Imperatore capitatio in rubr. C. de anno. & capita. non tamen probant non posse id consuetudine induci, nisi ratione aliqua necessario concluderetur illud esse onus iuri naturali & divino contrariū, quæ non erit facilis inuenta; cum utroque illorum, & etiam canonico, liceat Episcopo, quoties id exegerit necessitas, charitativum subsidium à suis clericis petere, iuxta finem præfati §. prohibemus. Quare videtur distinguenda quæstio: ita quod, si intelligatur de consuetudine immemoriali, respondeatur pro Archiepiscopo, per theoriam, quæ desumitur ex cap. super quibusdam. §. præterea. de verb. signif. & ex l. hoc iure. §. ductus aquæ. ff. de aqua quot. & æst. scilicet, quod consuetudo immemorialis habet vim constituti, & privilegij: & quod per illam probatur præsumptiue quilibet titulus allegatus pro illa: & certum videtur præfato Archiepiscopo posse competere illud ius privilegio Papæ: quod si alleget, probavit præsumptiue, nullis alijs litteris probatis. Si autem quæstio intelligatur de alia consuetudine, si non est bona fide ac legitime præscripta, respondeatur pro præfatis presbyteris, pro quibus est ius commune, quod non tollitur per consuetudinem, quæ legitime non fuerit præscripta, cap. fin. cum ei adnot. de consuet. Si vero bona fide ac legitimo tempore fuerit præscripta, respondendum erit pro Archiepiscopo; nisi iudicata fuerit irrationabilis; qualis tamen quæ consuetudo videatur iudicanda, difficilis quæstionis est tractata per Panorm. Rocchum, & omnes in d. cap. fin. de consuet. post glo. cap. frustra. 8. dist. & in cap. 1. de constit. lib. 6. verbo rationabilia. Equidem aliquando perlegendo illud cap. ult. de consuet. & cap. 1. de constit. lib. 6. declarando prædictam gloss. mihi persuasi, illam solam esse irrationabilem, quæq. præscribi non possit, quæ directe vel indirecte iuri naturali vel diuino est contraria: & quod illa, quæ continet id quod solum privilegio Papæ concedi potest, non est illis iuribus contraria, cum Papa usque ad sanguinem teneatur illa defendere, cap. sunt quidam. 25. q. 1. Quamvis tot & tales circumstantiæ rerum, personarum, reddituum, scandali, & aliorum aliorum possent afferri, quod posset S. D. N. censere huiusmodi consuetudinem satis esse à iure improbatam ad hoc, ut iudicaretur irrationabilis, saltem ad effectum, ut post tempora Archiepiscopi præsentis huiusmodi cessaret exactio, nisi per viam charitativi subsidij. Saluaz, &c.

S V M M A R I V M.

1. Consuetudo potest inducere obligationem præstandi aliqua aliquibus, puta prælatis, pro iucundo aduentu, ecclesiasticisq. pro administratione sacramentorum. num. 2.

4. Munera quæ olim fuerunt, potuerunt consuetudine transire in debita: unde qui à

muneribus abstinere iubentur, hac ut debita. possunt accipere: ut que Episcopis offerunt in suo iucundo aduentu, num. 1. clericis ministrantibus sacramenta, num. 2. immo & tenentur recipere, ne successoribus praeiudicent. num. 3.

CONSILIUM IV.

AN LICEAT Archiepiscopo accipere à ciuitate sua, vel ab ecclesijs, & monasterijs eius, aliqua munera consueta dari Archiepiscopis in primo sui aduentu, cum primum venit ad illa?

- 1 Respondeo, proculdubio posse, & debere accipere illa. Tum quia Proconf. & Præses possunt accipere aliqua munera, l. solent. ff. de offic. Proconf. & Leg. Tum quod consuetudo non solum dat iurisdictionem, cap. conquestus. 9. q. 3. sed etiam inducit obligationem præstandi aliqua annua, iuxta tex. iuncta gloss. cap. seruitium. 18. q. 2. Tum quod consuetudo dandi aliqua ecclesiasticis, etiam pro sacramentorum exercitio, valet, & seruanda est, cap. ad Apostolicam. de simon. Tum quod multa de consuetudine debentur Regibus, & prælatis in suo iucundo aduentu. Tum quod prælati tenentur ad conseruandum iura suis dignitatibus debita, argum. cap. ea quæ. de off. archid. & gloss. in cap. ex litteris. de pign. & arg. cap. si ne exceptione. 12. q. 2. Non obstat illud Exod. 23. Non accipies munera. & illud Deut. 16. Munera excecant oculos. quia hæc non sunt verè munera: sed quæ olim fuerunt quidem munera, per consuetudinem facta sunt iura debita, iuxta not. in l. si certis annis. C. de pact. & in dicto cap. seruitium. & alibi sæpe.

Aduerte, ne ex ijs quæ dicuntur num. 2. inferas, consuetudine posse induci, ut pro sacramentorum collatione cleri à clericis aliquid possint exigere, contra Parnorm. cap. iacobus. num. 2. de simon.

SUMMARIUM.

- 2 Subsidiū charitativum peti potest ratione beneficiorum: an autem à diuitibus ordinatis ad titulum patrimonij, non est ita certum: an autem bulla Pij agens de subsidio respiciat hanc materiam, vide num. 1.

CONSILIUM V.

QVAERITVR, an in bulla S. D. N. Sixti V. caueatur, ut clerici tam beneficiati, quam non beneficiati teneantur ad subsidium locale, & personale.

- 1 Respondeo primo, quod bulla S. D. N. Sixti V. intelligi potest de subsidio tam locali, quam personali.

Secundo, quod iure non est definitum, quantum debeat clericus soluere pro personali subsidio: neque bulla hæc id definit, neque extrauag. vas electionis. Bened. X. I. I. relata in ea id terminat. Tum quod tota illa agit de visitatione & procuracione propter illam præstanda vsque ad veris præmissis. & in illo agit, sed parum de subsidio charitativo; & solum definit, non debere illud excedere procuracionem, quæ debetur pro visitatione,

ne,

ne, quam supra definit; & supra nihil definit de visitatione personali, ut palam est eam legenti.

2. Tertio, quod potest peti prædictum subsidium à personis clericorum ratione beneficiorum suorum, iuxta cap. conquerente. de offic. ord. & iuxta cap. cum Apostolus. in princ. §. prohibemus. de censib. sed non definitur quantitas soluenda de beneficijs simplicibus, neque de curatis, quæ non habent Capitula, vel collegia parua vel magna.

Quarto, quod videndus est Barthol. Belensinus in lib. de charitativo subsid. q. 15. vsque ad 31. ubi determinat clericum pauperem non teneri ad hoc subsidium, neque diuitem, si non habet beneficium, nec si fuerit ordinatus ad titulum patrimonij, quamuis contrarium possit teneri, cum patrimonium est amplum, &c. quæ apud eum videri possunt. Salua, &c.

hinc. hinc. hinc. hinc. hinc. hinc. hinc. hinc. hinc. hinc.

hinc. hinc. hinc. hinc. hinc. hinc. hinc. hinc. hinc. hinc.

hinc. hinc. hinc. hinc. hinc. hinc. hinc. hinc. hinc. hinc.

hinc. hinc. hinc. hinc. hinc. hinc. hinc. hinc. hinc. hinc.

1. Gabellam, cum sit de regalibus principi reservatis, non potest civitas Regi subiecta, nec suis subditis imponere; poterit autem, si licentiam à Rege prius, ut debet, obtineat, vel saltem illam ea imponat mensuram, ut nolit eam nisi illa obtenta exigere, num. 3. subsistitq. causa, sine qua licet evitetur pena excommunicationis bullæ Cænæ, non tamen evitatur peccatum. num. 2. & 5.

3. Intentio inferioris principis imponentis gabellam, volentis illam exigere, nisi prius principis obtenta licentia, præservat imponentes à peccato, ut & clausula illa, Salvo Sedis Apostolicæ beneplacito, quæ in pactis beneficialibus apponitur.

4. Consensus auctoritatem præbens precedere debet, simplex autem potest sequi.

7. Gabellam iusta auctoritate impositam qui ab exemptis exigit, non ligatur per bullam Cænæ Domini; si tamen exigit ab ecclesiasticis, incidet in excommunicationem iuris, Papæ tamen non reservatam. num. 8.

8. Gabellam minimam iniuste exigens ab ecclesiasticis, tunc demum incidit in excommunicationem & obligationem restituendi, si animo saltem virtuali per minima intendebat deuenire & deuenit ad quantitatem notabilem, vnius videlicet Julij. & num. 6.

9. Difficultas exigendi minutam gabellam à laicis, nisi etiam ab exemptis exigatur, non excusat sic exigentes à culpa & pena; sed debent modum talem reperire, ut ita à laicis eam exigant, ne exemptos sua fraudent libertate.

CONSILIUM VI.

PRIMO quæritur, an gabella possit imponi à ciuitate regia cum solo consensu regio, ut certum quid de certa mensura vini, & de certo pondere piscis falsi solvatur, exceptis ecclesiasticis, & aduenis.

Secundo, an exigentes dictas gabellas ab ecclesiasticis, & aduenis, inciderint in excommunicationem bullæ Cænæ, vel in aliam excommunicationem.

Tertio, an item cum prædicta venduntur absque pondere, vel absque

ulla mensura, debeat remitti personis exceptis illa parua pars gabellæ, quæ pro rata contingeret e mentem?

Quarto, quid remedij sit adhibendum ad hoc, vt non fiat contra libertatem istorum exemptorum?

AD PRIMAM quæstionem respondeo primo, quod iure communi ciuitas non potest gabellam imponere ciuibus: quia gabellam imponere est ius reseruaturn principi pertinens ad regalias, cap. 1. quæ sunt regal. in vñb. feud.

Secundo, quod non potest eam imponere, quamuis possit Regi eam imponenti consentire. quia aliud est imponere, aliud imponenti consentire: sicut aliud est vendere, & aliud vendenti consentire, l. aliud. ff. de reg. iur. Vnde qui prohibetur manumittere, non prohibetur manumittenti consentire, l. 2. l. si pater. ff. de manumiss. vind.

2 Tercio, quod nulla gabella etiam à principe potest iuste imponi sine iusta causa; quia nec princeps, nec Rex potest quemquam etiam subditum priuare inuitum bonis suis sine culpa sua, vel iusta causa, cap. sine culpa. de reg. iur. lib. 6. vt late notant omnes post Innoc. in cap. quæ in ecclesiæ. de constit. & probatur per factum Nabuthæ lib. 3. Reg. cap. 21. relatum in cap. conuenior. 23. quæst. 8. At qui imponit gabellam, tollit aliquid alicui eo inuito: ergo non potest illam imponere nolenti sine culpa, vel iusta causa.

3 Quarto, quod ciuitas, quæ vult imponendo gabellam vitare peccatum, deberet prius facultatem vel licentiam id faciendi obtinere à Rege: alioqui merito posset dici peccatum præsumptionis, & etiam comprehensum in bulla Cœnz; nisi imponeret animo non vtendi ea impositione, donec confirmatio Regis accederet. arg. eorum quæ de pacto iure humano simoniaco facto saluo beneplacito Papæ diximus in Manu. confess. cap. 23.

4 num. 1. Nam consensus auctoritatem inducens præcedere debet, licet simplex consensus consequi possit. arg. §. tutor. Inst. de act. tutor. & l. si quis mihi. §. iussum. ff. de acquir. hæred. cap. nullus. de iur. patr. cum eis & alibi sæpe annotatis.

5 Quinto, quod ciuitas, quæ auctoritate Regis præcedente, & ipsemet Rex imponerent gabellam sine iusta causa, licet peccarent imponendo illam, non tamen inciderent in censuram bullæ Cœnz latam contra imponentes nouas gabellas: quia non fertur contra omnes imponentes, sed solum contra imponentes, & ad id potestatem non habentes, vt patet in prædicta bulla relata à nobis in Manu. confess. cap. 27. num. 1. quia & Rex habet ordinariam ad id potestatem, & ciuitas delegatam.

Sexto, quod iuste credi potest, gabellam præfatam adeo antiquam, & tandiu Regio consensu solutam, iusta de causa fuisse impositam, & sufficienti auctoritate munitam. argum. cap. super quibusdam. de verb. signific.

6 AD SECYNDAM respondeo primo, quod pro parte affirmante facit, quod valet argumentum de toto ad partem, saltem quando eadem ratio idem iuris in ea dictat, l. quæ de tota. ff. de rei vend. cap. pastoralis. §. item

si to-

fitotum. de offic. deleg. & quod videtur prædictos exactores incurfuros præfatam excommunicationem, si exigent à clericis & aduenis emptoribus præfati piscis falsi duos carlenos pro barilo, vel vnum granum pro rotulo. Secundo, quod licet furari minimum sine intentione furandi vsque ad quantitatem notabilem, non sit peccatum mortiferum; furari tamen cum ea, est tale, cap. fin. 14. quæst. 7. cum latius ibi per nos adnotatis, & breuius postea tactis in Manu. confessor. cap. 17. num. 3. & seq.

Pro parte vero negante facit primo, quod furari minimum sine intentione actuali, vel virtuali furandi vsque ad quantitatem notabilem, non est mortiferum, nisi illud minimum toties repetitum constituat quantitatem notabilem, secundum communem sententiam à nobis vbi supra relatam.

- 7 Secundo, quod Caiet. in sum. verb. excomm. casu 71. quem sequuti fuimus in d. cap. 27. num. 61. tenuit quod exigentes gabellas à personis exemptis ab eis tunc demum incidunt in censuram præfatæ bullæ, cum exigunt gabellas à nullis debitas, & non cum exigunt gabellas debitas ab aliquibus, licet non debeantur ab exemptis. alioqui enim exigentes eas à militibus & alijs personis exemptis, licet non essent clerici, inciderent in eam: quod non esse verum, videtur manifestissimum, vt ille ait. Et gabella præfata non est gabella simpliciter prohibita, sed tantum prohibita exigi à clericis & aduenis.

Quibus pro vtraque parte consideratis, dici potest primo, præfatos exactores non incidisse in excommunicationem bullæ Cœnæ, eo quod præfatam gabellam ab aduenis & clericis exegerunt; quia exactio præfatæ gabellæ non est simpliciter & in vniuersum prohibita, sed tantum quo ad aduenas, & ecclesiasticos.

- 8 Secundo, quod illi exactores, qui minutatim multis vicibus voluerunt exigere ab ecclesiasticis vsque ad notabilem quantitatem, & de facto exegerunt vsque ad illam, inciderunt in excommunicationem cap. quamquam. de censib. lib. 6. per quod excommunicantur exigentes ab ecclesiasticis gabellas indebitas ab eis; quamuis non inciderint in censuram bullæ Cœnæ, inter quas est illa magna differentia, quod hæc est reseruata Papæ, illa vero non.

AD TERTIAM respondetur, quod omnes illi exactores, qui exegerunt ab aduenis vel ecclesiasticis vsque ad notabilem quantitatem, tenentur restituere: & quod notabilem quantitatem facit, erat olim dimidium Iulij, vt diximus vbi supra num. 3. b. nunc autem vnus Iulius integer, per ea quæ nuper ad aliud propositum monachis Carthusiensibus respondimus; & quod facienda est restitutio eisdem personis, à quibus exacta est, vel hæredibus earum, si per iustam diligentiam sciri possint, alioquin pauperibus, vel pijs locis, argum. cap. cum M. iuncta gloss. de vsur.

- 9 AD QVARTAM respondeo, quod quatenus illa est facti, & non iuris, melius satisfacient ei domini consulentes, qui melius nouerunt quæ Nauar. Conf. Pars I.

in præfata ciuitate fiunt, & fieri possunt, quam nos, informando se præsertim de ijs quæ prudenter & exacte seruantur in principatu Catalonia, & in regnis Aragoniæ, & Valentiniæ. Ad eam tamen, quatenus est iuris, respondemus quod debent inuenire talem modum, per quem exactores ita recipiant quod iustum est, quod exempti non fraudentur libertate, qua frui debent. Salua, &c.

SUMMARIVM.

- 1 Gabellas imponendi potestatem habet Princeps, qui habet regalia, qualis is habet à cuius sententiâ non appellatur, num. 2. quas si iniuste imponat, peccat, sed non incurrit excommunicationem bullæ. num. 3.

CONSILIVM VII.

I NTERROGATVS primo, an Illustr. Domini de Gonzaga vigore inuestituræ licite possint imponere noua datia, in castris S. Martini insulae Douariensium, & alijs in inuestitura citatis locis.

Secundo, dato quod imposuerint, an inciderint in censuras bullæ in Cœna Domini.

- 2 Respondeo ad primum, quod possunt. Tum quia expressis verbis conceditur eis potestas ea imponendi in inuestitura Federici fol. 2. & in inuestitura Maximiliani I. fol. 2. Tum quia per multa verba generalia se referentia ad inuestituram Maximiliani I. id ipsum concedit Carolus V. in sua inuestitura fol. 2. ibi, *Necnon omnes & singulas gratias, libertates, indulta, facultates, concessionem, & alia quacumque in supradicto privilegio Avin. expressa & contenta.* etiam Maximilianus II. id concedit in sua inuestitura fol. 3. ibi, *Necnon omnes & singulas gratias, libertates, indulta, facultates, concessionem, & alia quacumque in supradictis privilegijs expressa & contenta.* Tum quia extra scripturam questionis verbo proponitur à prædictis Marchionibus non appellari ad alium superiorem, quod etiam prædictæ inuestituræ satis significant per illa quidem Sigismundi fol. 1. ibi, *Quod tu, & heredes, & successores tui legitimi Marchiones Mantuæ perpetuis in antea temporibus omni dignitate, præminencia, nobilitate, potestate, iure, libertate, honore, & consuetudine gaudere ac frui continuo debeatis, quibus alij nostri, & Sacri Romani Imperij Principes, & nominatim Marchiones Illust. frui sunt hæcenus, & quotidie potiuntur.* Aliæ vero, quatenus omne merum & mixtum imperium, & quatenus liberam potestatem, & quatenus omnimodam iurisdictionem expresse concedunt; aliæ quatenus idem concedunt per relationem ad alias. At illi, à quibus non appellatur, habent iura regalia, & non prohibentur per bullam Cœnæ imponere noua datia, & vectigalia, ut etiam nos post alios notauimus in Manu. confess. cap. 27. num. 61. & probatur per cap. innouamus. ibi, *Regum & Principum, de censib.* quatenus probat, eum qui habet regalia, posse etiam noua vectigalia imponere; & per inuestituram Sigismundi con-

di constat prædictos Marchiones habere regalia.

- 3 AD SECVNDVM respondeo, consequens esse eius, quod dictum est ad primum, eos non incidisse in excommunicationem bullæ Cœnæ, eo quod prædicta datia imposuerint, ut palam est, quamuis potuissent peccare secundum Alexandrum III. d. cap. innouamus. Sed esto peccassent iniuste imponendo, non tamen incurrissent prædictam censuram, quæ contra solos non habentes ius ea imponendi fertur, ut litteræ prædictæ bullæ habent. Salua, &c.

SVMMA RIVM

1 Gabellas novas per bullam Cœnæ imponi prohibitas videtur imponere superior
etiam vetari extrahi triticum non molitum.

CONSILIVM VIII.

- 1 AN QVOD DOMINVS TERRA ordinat ut subditi sui non possint vende-
re triticum extra territorium eius integrum non molitum, con-
traueniat bullæ Cœnæ Domini, vetanti, ne quis noua pedagia & gabellas
imponat.
Si discederet a iugent, quod sum in prudentem Principem, qui di-
gnatus est iubere nihil, ut respondeam, absque ulla mora & studio re-
sponderem licere quod in hac re desiderat sua Excellentia. Quia vero af-
fectus est lege naturali, diuina, & humana diligendus, non audeo dicere
id esse licitum. Tum quia omni iure præfato prohibetur, ne quis super-
grediatur, neque circumueniat in negotio fratrem suum, 1. ad Thess. cap.
4. & ne id quod nostrum est a nobis absque nostro consensu auferatur, 1.
id quod nostrum est. ff. de reg. iur. Innoc. & omnes cap. quæ in ecclesiarum.
de cons. & negari non potest, quod libertas exportandi triticum ven-
dibile non molitum extra territorium sit quoddam bonum & pecunia
æstimabile subditorum sue Excellentie, & consequenter quod absque il-
lorum consensu non est eis auferendum. Tum quia difficile potest dici,
quod illud non vetatur in d. bulla Cœnæ Domini, cum secundum recep.
sententiam per verba illa, pedagia noua & gabellas, intelligatur etiam
incrementum eorum, ut super ea nos in Manu. confes. cap. 27. num. 61.
diximus, & secundum mentem illam Pont. comprehendunt omne onus
& grabamen nouum pecunia æstimabile, quale videtur onus non expor-
tandi triticum vendibile sanum & integrum extra territorium, propter
multa quæ in hoc adduci possent. Quare oranda videtur sua Excellentia,
& Celsitudo, ne id tenter facere, nisi de consensu eorum, quos res tangit,
quo sit gratior suis subditis, & D. N. Iesu Christo, qui suam Excellentiam
semper & vbique conseruet sibi gratiosam.

1. Hospitalitas laudatur, & eam negantes Dominus arguit.
2. Hospitibus, quam indigenis, carius vendere, vetitum.
2. Consuetudo hospitandi gratis ubi aliquando fuit.
2. Venditio iurium hospitandi iniuri natura aduersatur.
3. Peccanti qui consentit, presentim cooperando, peccat.
4. Consuetudo vendendi ius hospitandi, cum privilegio vendendi vinum carius hospitibus, iniqua, itemq. & libera concessio hospites recipiendi omnibus facta cum onere soluendi aliquid pro qualibet mensura vini vendendi.

CONSILIVM IX.

- A**N COMMUNITAS Tiburtina solita vendere, siue locare ius hospitandi hospites certo pretio, cum privilegio, ut posset vendere fogliettam vini vno quatrino plusquam venditur in ciuitate, possit nunc statuere, ut ius hospitandi sit liberam cuius, modo soluat duo scuta pro singula quaque cupa vini, quam vendiderit.
1. Attento primo, quod hospitalitas in sacris litteris laudatur, adeo quod ob eam meruit Abraham habere Angelos in hospites, Genes. 19. & quod Dominus apud Matth. cap. 25. arguit eam non exhibentes, per illa verba, *Hospes fui, & non recepistis me.* & Apost. eius ad Romanos 12. omnes Christianos hortatur, ut sint hospitales, adeo ut nollet fieri quemquam Episcopum, nisi esset hospitalis, 1. ad Timoth. 3. & ad Titum 1. quem citat Gratianus in summa 42. dist. corroborando id postea per multa capp. quæ in eadem subiicit: Attento item, quod Conc. relatum in cap. 1. de empt. statuit, ne quidquam carius vendatur hospitibus & peregrinis, quam indigenis: Attento item, quod in multis partibus Hispaniæ ante 70. annos gratis hospitio suscipiebantur, & alebantur hospites; immo & nunc in hanc diem id fieri audimus in Hibernia, & Noruegia; Attento etiam, quod rationi naturali obuiare videtur, quod hospitantes accipiant aliquid ultra iustam mercedem ab hospitibus, quos suscipiunt; & multo magis, quod vendantur iura recipiendi hospites cum privilegio ne qui alij recipiant eos. Attento præterea, quod non solum facientes, sed etiam consentientes peccato damnabuntur, cap. 1. ad Roman. & cap. 1. de offic. delegat. præsertim cum consentit cooperando, & participando de lucro, ut post Caiet. scripsimus in Man. confess. cap. 17. num. 195. & quod peccatum est carius vendere hospitibus, quam indigenis, ut probat cap. 1. de empt. & quod vendendo ius hospitandi cum privilegio vendendi carius vno denario fogliettam vini, vel cum onere soluendi duo scuta pro qualibet cupa vini, est consentire, dareq. causam & occasionem pluris vendendi peregrinis, quam indigenis, participando de lucro: Attento etiam, quod in multis regionibus dant communitates aliqua privilegia hospitantibus cum onere ipsarum sine vlllo grauamine hospitum, quo benignius eos suscipiant: Attento denique, quod huiusmodi ius hospitandi non venditur in Vrbe, nec quod sciam, in vlla ciuitate, vel oppido Hispaniæ, vel Galliæ: Attentis inquam his

- his omnibus, nescirem defendere prædictum antiquum morem vendendi
 4 ius hospitandi prædictæ communitatis cum priuilegio vendendi carius
 vno denario fogliettam vini: nec auderem laudare prædictum nouum mo-
 dum vendendi ius hospitandi eiusdem communitatis, cum onere soluendi
 duo scuta pro qualibet cupa vini, etiam si nulla bulla Cœnæ id prohibe-
 ret: quoniam iure naturali, diuino, & humano antiquiore illa, videtur esse
 prohibitum, per superius dicta: quamuis fatear modum nouum non esse
 tam illaudabilem, quam antiquum. Salua, &c.

DE CONSECRATIONE ECCLESIAE, VEL ALTARIS.

S V M M A R I V M.

- 1 Cœmeteria polluta iisdem casibus & modis reconcilianda, quibus ecclesia; etsi sint consecrata ad sepeliendum, vt dicitur de ecclesia, quæ consecratur ad celebrandū, num. 3. debent ab Episcopo reconciliari, nu. 2. & 3. nisi ex priuilegio hæc facultas sacerdoti competat. nu. 5. at si solū sint auctoritate Episcopi ædificata, vel benedicta, tunc à sacerdote cū aqua ab ipso exorcizata poterūt reconciliari. nu. 2. 3. & 4.
- 3 Consuetudo non videtur sufficere sacerdotibus, vt ecclesias vel cœmeteria consecrata, si polluantur, reconcilient, nisi inuitatur priuilegio aliquo.

C O N S I L I V M I.

AN RECONCILIATIO violati cœmeterij à simplici sacerdote fieri possit?

- 1 Respondeo primo, quod cum reconciliatio cœmeterij eisdem casibus sit facienda, quibus reconciliatio ecclesiæ, vt dicit Guliel. Durant. in rational. diuin. off. cap. 6. nu. 45. eodem etiam modo videtur facienda: quod satis significat cap. consului. de consecr. eccles. vel alt. ibi, sicut in dedicationibus, quod glossa exponit per, reconciliationibus.
- 2 Secundo, quod ecclesia polluta, si est consecrata, debet reconciliari per Episcopum, & non per presbyterum, cap. aqua. de consecr. eccl. si autem non est consecrata, sed solum benedicta, seu auctoritate Episcopi in ecclesiam consecrandam ædificata, potest fieri per presbyterum per aquam exorcizatam à semetipso, cap. fin. iuncta gloss. recepta per Card. Panor. & communem eod. tit.
- 3 Tertio, quod ex his duobus videtur inferri, quod cœmeterium non solemniter consecratum, sed simpliciter auctoritate Episcopi deputatum ad sepeliendum, sicut ecclesia non consecrata ad celebrandum, poterit reconciliari, si polluat, per presbyterum cum aqua per se exorcizata: quia maius quiddam & principalius est ecclesia, quam cœmeterium eius, vt habet cap. 1. de consecr. eccl. vel alt. lib. 6. & consequenter non est necessaria reconciliatio solemnior cœmeterij, quam ecclesiæ.
- 4 Quarto, quod cœmeteriū solemniter consecratū per Episcopū, si polluat, debet etiā reconciliari solemniter per Episcopū, aqua solemniter cū vino & cinere per Episcopum benedicta, vt habet præfatum cap. consului.

Quin-

- 5 Quinto, quod non obstat consuetudo in quaestione proposita: quia videtur ea niti privilegio simili ei de reconcilianda ecclesia consecrata, cuius meminit Innoc. III. in d. cap. aqua. quem sequuntur Card. & Panor. ibidem, & in effectu præfatus Guliel. vbi supra nu. 38. ibi. nisi forte hoc ex privilegio sibi competat speciali.

SUMMARIVM.

- 2 Parochis omnia quæ sunt ordinis, exceptis ijs quæ sunt ordinis episcopalis, licent; unde aquam lustralem benedicunt; ecclesiam nondum consecratam, si polluitur, aqua à se exorcizata expiant; integumenta, & alia ornamenta altarium benedicunt. nu. 3. fallit in ijs quæ sunt eis interdicta specialiter, vel iure communi, ut est consecratio corporalium, nu. 1. vel consuetudine, ut sunt vestes, & alia indumenta sacerdotalia, nu. 3. qua cessante, merito iure possent etiam dicta indumenta benedicere. nu. 2. & 3.

CONSILIUM II.

AN VESTIVM sacerdotalium benedictio sacerdoti simplici competat? An & integumentorum altarium?

- 1 Respondeo, quod hæc quaestio perfunctorie perpensa facillis videtur, serio tamen & cum iudicio librata satis difficilis est. Nam frequentior opinio est pro parte negante in clem. attendentes. 6. statuimus. de statu monach. vbi Cardinalis ait hoc communiter teneri, & ei concordat Philip. Franc. in cap. abbates. de privil. lib. 6. & Sylvest. in summa, verb. benedictio. 6. 2. pro quibus facit cap. consulto. de consecr. dist. 1. quatenus habet corporalia benedicenda esse ab Episcopo, & cap. quamvis. 68. dist. quatenus multa prohibet presbyteris, & in ijs altarium consecrationem.
- 2 Pro parte vero affirmante facit, quod omnia quæ sunt ordinis, exceptis quæ sunt propria ordini episcopali, & quæ sunt expresse prohibita parochis simplicibus, possunt parochi facere, cap. ecce. 95. dist. at communis opinio habet, quod Abbates possunt ea benedicere, & consequenter non sunt ordinis episcopalis; nec reperitur iure aliquo speciali id eis prohibitum, exceptis corporalibus; ergo, exceptis illis, possunt alia omnia indumenta benedicere. Qua ratione hanc partem tenet Angel. in summa, verb. benedictio. post princip. Facit etiam præfatum cap. quamvis. quatenus inter multa prohibita presbyteris nullam de benedictione sacrarum vestium mentionem facit, licet illud communis pro se satis incaute alleget. Facit & cap. aquam. de consecr. dist. 3. qua parte habet, omnes sacerdotes posse benedicere aquam lustralem, quæ maioris effectus videtur, quam benedictio amictus, vel cinguli, seu zone sacerdotalis. Facit & cap. fin. de consecr. eccles. quatenus habet, presbyterum posse expiare ecclesiam pollutam, si nondum est consecrata, per aquam à semetipso exorcizatam: quod maius quiddam videtur, quam benedicere zonam, seu cingulum sacerdotale. Facit denique, quod communis opinio nullum pro se canonem, neque firmam rationem habet.

Itaque

3 Itaque nobis propius vero videtur, primū, quod solo iure scripto attento posset parochus vestes sacras, seu indumenta sacerdotis benedicere.

Secundo, quod consuetudo vniuersalis videtur contrarium induxisse: & constat eam posse legem inducere, & legem inductam abrogare. cap. fin. de consuet. l. 2. C. quæ sit lon. consuet.

Tertio, quod consuetudo præfata religiosa potius videtur mouisse doctores ad dicendum id esse iuris, quam iura scripta.

Quarto, quod consuetudinem, quæ in aliquibus terris seruaretur, dicerem iuri consonantiorē.

Quinto, quod iure & consuetudine arbitror licere parochis integumenta altarium, & alia ornamenta, exceptis vestibus necessarijs sacerdoti ad dicendam Missam, benedicere: quia sola benedictio illarum videtur ab eorum potestate consuetudine subtracta.

DE CELEBRATIONE MISSARVM, & Sacramen. Euchar. & diu. Offic.

S V M M A R I V M.

- 1 Die Natiuitatis Domini iure cōmuni nemo tenetur audire tres Missas, nec sacerdos eas celebrare, num. 2. licet possit: siue dicat omnes tres post auroram, siue primam antea, & alias post: secundam autem & tertiam ante auroram dicere non potest: & satisfacit, si vnā tantum dicat, secundam inquam, vel tertiam.

C O N S I L I V M I.

QVAESITVM est primo, an omnis sacerdos in die Natiuitatis Domini teneatur sub præcepto celebrare tres Missas.

Secundo, qua hora illas dicere conueniat.

Tertio, vbi sunt plures sacerdotes, an omnes debeant dicere primam, vel omnes ante auroram; vel si non tenentur omnes dicere, quam, vel quas omittere possint.

Ex eis quæ latius commenti fuimus in cap. nocte sancta. de consecr. dist. 1. & breuius in Man. confess. cap. 25. nu. 87. & aptius quo ad propositum in cap. 21. nu. 2. colligi potest brevis responsio ad quæstiones supradictas.

- 1 AD PRIMAM quidem, quod iure tantum communi attento, & secluso voto, iuramento, promissione, & statuto particulari, vel alia obligatione speciali, nullus sacerdos tenetur dicere tres Missas in nocte & die sancta Natiuitatis Domini. Tum quia in nulla illius parte id præcipitur, quod sentit gloss. præfati cap. dum pro verbo *celebrent*, ponit verbum *celebrantur*, significando quod verbum *celebrent* non est verbum præceptiui imperatiui modi, sed verbum narratiui, & permissiui optatiui, vel subiunctiui modi. Tum quia S. Thom. in 3. par. q. 8. ar. 10. & in 4. dist. 12. q. 3. art. 1. communiter receptus sentit præfatum cap. quo ad singulos Christianos continere consilium, quo ad effectum celebrandi, & audiendi celebrantem, quod nos magis expressimus in d. cap. 21.

AD

- 2 AD SECVNDAM, quod, sacerdos illo die potest solo iure communi attento dicere omnes tres, vnam noctu, & duas post auroram, & omnes tres post eam, & primam tantum earum ante auroram, & alias duas solas, vel cum prima post auroram, & secundam, & tertiam, vel vnam tantum earum post auroram, & neutram illarum ante illam.

AD TERTIAM, quod in ecclesia, in qua sunt plures sacerdotes, vnus solus, & omnes possunt dicere ante & post auroram primam illarum, & secundam, & tertiam post eam, & neutram ante illam; & possunt alteram illarum, quam volent, omittere, vel dicere; attento, vt dixi, solo iure communi; & nihilo alio, quod minuat vel augeat facultatem à iure communi concessam, accedente. Salua, &c.

Sed quod qui audit Missam noctis Natalis satisfaciat praecepto, notat Syluest. verb. Missa. 2. post num. 1. vers. dicitur secundo. unde idem videtur posse dici de celebratione: licet D. Nauarrus hic vtatur illa dictione, alteram, quae dicitur de duobus: sed quia alterum etiam potest dici de tribus, ideo posset dici D. Nauarrum non dissentire à Syluestro.

S V M M A R I V M.

- 1 Missas duas in die celebrare licet ob necessitatem, seu utilitatem, non dicentis, sed audientis: & quae sit sufficiens, arbitrio boni viri relinquitur. num. 2.

CONSILIVM II.

AN LICEAT sacerdoti in magna sacerdotum penuria bis in die Missam celebrare: quia ea est nunc in Anglia sacerdotum inopia, vt in itinere centum miliarium vix tres Catholicos sacerdotes reperiatis, qui Missam celebrent, & sacramenta ministrent.

Respondeo, licere. Tum quia cap. consului. de celebrat. Miss. habet expresse, posse quem bis celebrare propter necessitatem: & in hoc casu occurrit illa. Tum quia ex illo cap. colligunt Card. Panor. & alij, quod regula de non dicenda Missa ab vno eodem die bis, fallit in casu necessitatis, qualis est hic. Tum quod gloss. eiusdem cap. habet posse quem dicere duas Missas, causa utilitatis non quidem dicentis, sed audientis, vt ibi Card. egregie adnotauit: & in casu proposito occurrit necessitas audientis, vel audientium. Tum quia, quae necessitas ad hoc sufficiat, relinquitur arbitrio viri prudentis, vt adnotauit Panor. ibidem, & probatur ea efficaci ratione, quod cum aliquid indeterminatum iure statuitur, determinatio arbitrio boni viri est facienda, l. 1. ff. de iur. delib. cap. de causis. de offic. deleg. At quilibet vir prouidus, & bonus iudex, qui legerit & perpen- derit casus, in quibus licet bis in vno die celebrare propter necessitatem, vel utilitatem, quos summatim nos colligimus in Manu. confess. cap. 25. num. 87. facile iudicabit in casu proposito iustam occurrere necessitatem, ob quam id fieri possit; denique quod Card. in eod. cap. q. 3. expresse habet id posse fieri propter raritatem sacerdotum, quae in hoc casu maxima esse proponitur. Salua, &c.

S V M.

SYMMA RIVM.

- 1 Missas secundum ritum & caerimonias Missalis sub ipso recogniti dici cum precipiat Pius V. sua bulla, sequitur ut etiam debeant dici orationes assignatae, dicenda dum sacerdos vestibus se sacris induit, & nu. 2. illarumq. omissio esset mortalis, si ex contemptu fieret, vel etiam si omnes sine causa reputata legitima omitteret; secus si unam aut alteram, modo cesset contemptus. num. 4.
- 2 Presbyter sine sacris vestibus etiam metu mortis missando peccat.
- 3 Gerundium adiectivum, vel participium passivum necessitatem signant.

CONSILIVM III.

- A**N ORATIONES, quas dicunt sacerdotes, cum vestiuntur vestibus sacris, sint praeceptae?
- Iussus respondere huic quaestioni ab eo, cuius ego responsum libentissime audirem, & ei parerem, sub eius emunctissima censura, respondeo, pro indubitato me habere obligari presbyteros ad dicendas preces ordinatas in Missali, ut eas dicant, cum vestiuntur sacris vestibus. Tum quia fecit Pius V. iussit, ut Missae dicantur secundum ritum & caerimonias in suo Missali institutas, ut habet bulla eiusdem: & in Missali postea recognito sub rubr. ritus servandus in celebra. Missae, habet singulas orationes pro singulis vestibus institutas esse dicendas a sacerdote, cum se illis vestit. Tum quia consuetudo antiquissima totius Ecclesiae saltem Latinae servat illud a tempore immemoriali: & constat consuetudinem rationabilem esse servandam, cum deficit lex, cap. consuetudo. 1. distinct. & cap. fin. de consuetud. praesertim cum est immemorialis, quae habet vim constitutionis, cap. super quibusdam. §. praeterea. de verb. signific. l. hoc iure. §. ductus aquae. ff. de aqua quot. & aest. & consequenter licet nulla esset lex, quae presbyteros ad hoc obligaret, est tamen consuetudo notoria, quae ad id obligat, iuxta
- 2 l. de quibus. ff. de legib. & l. 2. C. quae sit long. consuetud. Tum quia certum est presbyteros peccare missando sine sacris vestibus: adeo quidem, ut nos scripserimus in Manu. confess. cap. 25. num. 83. sequuti Caiet. 1. 2. quaest. 96. art. 4. non posse licite Missam celebrari sine vestibus sacris, etiam ob metum iusti timoris, etiam mortis: & constat praedictas orationes esse quaedam accessoria praedictis vestibus, & accessorium debere sequi naturam principalis, cap. accessorium. de regul. iur. lib. 6. cum ijs quae ibi gloss. citat. Tum quia nihil cum scandalo est agendum, Matth. cap. 18. & cap. nihil. de praescrip. & grande scandalum esset toti clero, quod presbyteri orationibus omissis sese induerent, & ad missandum pararent. Tum quia non obstat, quod praedictus Pius V. non posuit praefatas orationes in prima sui Missalis editione: quia etiam nihil meminit de vestibus ipsis, quae erant principaliora precibus. Immo arg. retorqueri potest in arguentem sic. Non meminit ille piissimus Papa in prima editione Missalis, & postea addidit in eius recognitione; ergo sensit defectum fuisse notabilem, & memorandum, atque supplendum. Tum quia non obstat etiam dicere quod in praefata recognitione non est verbum praeceptivum: partim quia, licet non sit

3 sit expressum, est tamen tacitum; dum rubrica, cui debet conuenire nigrum, habet *Ritus seruandus in celebrat. Missa*, siue verbum *seruandus* sit gerundium adiectiuum, quod significat necessitatem, iuxta glo. in rub. ff. de edendo; & clarius, si est participium; quia participia passiva resoluntur regulariter in verbum *debet* adiunctum infinitiuo passiuo; ita verbum *ordo seruandus*, quod resoluetur in illa verba, *Ordo qui seruari debet*.

4 Maioris autem questionis est, an illarum omissio esset peccatum mortiferum: & quidem putarem esse tale, si per contemptum fieret; quia etiam omissio consiliorum talis est, si fiat ex contemptu, iuxta glos. sing. & recep. in cap. qui autem. 10. dist. immo etiam si omitterentur omnes absque contemptu scienter, deliberate, sine causa, aduertendo se illa omittere: quia esset notabilis defectus eorum, quæ in vestiendis sacris vestibus requiruntur, qualem esse mortiferum nos probamus in Enchir. de orat. super cap. quando. de consecr. dist. 1. cap. 10. num. 9. non autem si eas omitteret per incogitantiam, vel obliuionem, & aliam causam, quam reputaret ad id iustam, etiam si non omnino talis esset, per ea quæ scripsimus in Manu. conf. pralu. 9. à num. 10. præsertim num. 16. neque si vnâ, vel alteram illarum omitteret scienter, & sine vlla causa, absque tamen contemptu; quia in omni materia paruitas & subreptio transgressionis legis, vel consuetudinis excusat à mortali, per ea quæ aiunt S. Tho. & alij citati à nobis vbi supra. nu. 11. Per quæ omnia explodi possunt scrupuli omnes, qui ex antinomia præfata circa hoc cuipiam insurgerent. Salua, &c.

S V M M A R I V M.

1. Missam celebrans addere potest clausulam, Et Regem nostrum, vbi adeest consuetudo, &c.
1. Lex pro qua parte vsu non est recepta, non obligat; & pro lege habetur, quod legislator interrogatus responderet.
2. Festum Presentationis B. Mariæ, & aliquot alia celebrari possunt in quibusdâ regnis.
2. Legem superioris inferior ex magna causa transgredi potest, & ex ea contra canones statuere potest Episcopus.

CONSILIVM IV.

VTRVM in vltima oratione, quæ in Missa post communionem pro Papa dicitur, addere liceat iuxta antiquum vsum, *Regem nostrum cum prole regia, & Episcopum nostrum*, &c. non obstante bulla Pij V. in nouo Romano Missali posita; qua Pius V. in Missarum celebratione, decernendo, nihil vnquam addendum, detrahendum, aut mutandum esse præcipit, ne sacerdotes alias caerimonias, vel preces, quam quæ in dicto Missali continentur, addere, vel recitare præsumant.

Secundo, vtrum festum Presentationis B. Mariæ, S. Herminigildi, Coronæ Domini, & Angeli custodis in Archiepiscopatu Cæsaraugustano celebrari possint, iuxta declarationem, quam Don Ferdinandus ab Aragona Archiepiscopus Cæsaraugustanus fecit.

1 AD PRIMAM quæstionem respondeo affirmative, quod possunt addi. Tum quia lex, quæ non est recepta, non obligat. §. leges. 4. dist. & glo. solemnis in cap. 1. de treug. & pace. vbi late Fel. ad nihil quidem, si in nihilo recipiatur, neque ad partem, quo ad quam nõ est recepta, etiamsi quo ad alias omnes recipiatur, per ea quæ nos tradimus in Man. confess. cap. 13. nu. 61. & constat præfatam legem quo ad prædictam particulam non esse receptam in Hispania. Tum quia lex, quæ vetat fieri aliquid, non includit facientem illud per simplicitatem, & bonum finem, sine contemptu, dolo, superbia, & remeritate, iuxta doctrinam Card. in elem. 1. q. 39. de priuil. & sacerdotes celebrantes non faciunt præfatam commemorationem per superbiam, & contemptum, sed per bonum respectum, & obseruantiam, siue pietatem, quæ sunt, & debent esse in suos Reges, & ne ipsi & populus stomachentur propter omissionem tam piæ consuetudinis fundatæ in præcepto Pauli. 1. ad Timoth. 2. iubentis fieri obseruationes pro Regibus, & ijs qui in sublimitate constituti sunt. Tum quia etiam ipso Pio viuente, & postea in hunc diem omnes Hispani seruant illam consuetudinem, & addunt illam particulam in hac ipsa Vrbe in trib. ecclesijs, S. Iacobi, B. Mariæ de Monserrat, quæ est Aragonum, & S. Antonij, quæ est Lusitanorum: & si rogatus fuisset ipsemet, an esset contentus, vt cõsuetudo illa seruaretur vni-formiter ab omnibus fere Hispanis recepta, verisimile est responsum iri, quod sic: & habendum est pro lege id, quod respondisset legislator, si fuisset interrogatus, cum legem conderet, iuxta gloss. sing. & receptam in tale pactum. §. fin. ff. de pact.

AD SECUNDAM respõdeo primo, quod in eius propositione non narratur declaratio, quam fecit Don Ferdinandus ab Aragona Archiepiscopus Cæsaraugust. prædecessor Illustrissimi, qui de hoc dicitur dubitare, super indulgentia & concessionem facta Regnis Hispaniarum, addendi aliqua festa, quæ non sunt in Breuiario & Missali Romanis, per quam declarauit celebrari posse in prædicto Archiepiscopatu festum Præsentationis B. Mariæ, S. Herminigildi, & Coronæ, & Angeli custodis, de quibus queritur.

2 Secundo, omiſſis quæ possunt adduci pro vtraque parte, videtur respondendũ, quod declaratio præfata Illustriss. Archiepiscopi absque vllõ reatu seruari potest, donec S. D. N. consultus contrarium responderet. Tum quia facta fuit, antequam Sanctitas eius interpretaretur concessionem illam, Pij V. de qua meminit, quam si forte vidisset, eam probasset. Tum quia imputatur maximè deuotioni populi Christiani sui Archipræsulatus: & ex magna causa potest iudex inferior transgredi cautionem & legem superioris, vs sentit Innoc. receptus in c. 1. de const. cuius dictum dilatat ibi Fel. 4 nu. 48. confirmando illud per l. si homine. ff. mand. & quod per illam dixit Bal. in l. omnes populi. ff. de iust. & iur. quod ex magna & euidenti causa potest Episcopus statuere contra ius canonicum, per quæ omnia probatur fortiori ratione posse defendi præfatam declarationem Don Ferdinandi, Tum quia maius scandalum oriretur nunc illi declarationi iam semel susceptæ contraveniendo, quàm à principio, cū sola prohibitio Pij V. id vetaret: & scandalum, quā parte potest, vitari debet, & nihil eum scandalo, de præscrip. Tum quia

quia officia in prædicta declaratione expressa sunt illi regioni valde celebria, & satis pauca, cum in varios menses sint digesta. Tum quia, etsi reliquæ illius gloriosissimi principis Herminigildi non sint adeo nobiles in sua specie consideratz, sunt tamen maximæ, pensata ea, quæ sunt magnitudine celebrata in illo celeberrimo cap. Herminig. 24. q. 1. Salua, &c.

SUMMARIVM.

- 1 Missa diebus festis audienda præceptum est iuris humani, cui iusta præscriptione potest derogari. Illam item, quam Græci ritu suo præscripto dicunt, potest Catholicus audire, modo in ea non fiat, vel omittatur aliquod iuri diuino contrarium.
- 2 Horas canonicas obligatus recitare secundum aliquod Breuiarium ante 200. annos ab editione Romani editum, non potest priuata auctoritate illas dicere secundum Breuiarium Romanum, nisi prius Episcopus cum Capitulo, seu prælatus cum conuentu communiter Romanum receperit.

CONSILIVM V.

AN ITALVS habitans in terris Græcorum in die festo Missam ritu Græcorum audire possit, an vero excusetur à præcepto Ecclesiæ audiendi sacrum, quando ritu tantum Græcorum audire potest?

Secundo, an Breuiarium priuatum ante 200. annos habens, Romano Breuiario horas recitare valeat?

- 1 AD QVAESTIONEM primam respondeo primo, illam esse maximam, & dignam Sophocleo cothurno, quali non licet in præsentia mihi vacare. Secundo, quod responsurus ad illam informandus esset prius de modo celebrandi Missas illarum terrarum, an sit contrarius ritui Catholicorum necessario iure diuino in eis celebrandis seruando, an non, licet sit contrarius in aliquo iuri canonico consuetudine antiqua abrogabili. Nā si priore modo esset contrarius, non liceret Catholico eam audire; quia iure diuino eius auditio videretur prohibita, sicut & ipsa celebratio, cum esset consensus in peccatum iure diuino prohibitum, & ita damnabile, iuxta illud Pauli ad Rom. 1. & cap. 1. de offic. deleg. cum ei simil. Si autem posteriore modo esset contrarius, cessaret hæc obiectio: quia Græci non obligantur in terris suis celebrare secundum modum Catholicorum abrogabile, si iam est abrogatus. argum. cap. fin. de consuet. Informandus etiam esset de consuetudine, quam obseruant, vel obseruabant præfati Catholici circa eam audiendam: quoniam si esset legitime præscripta, posset excusare ab audienda illa; quia præceptum de audienda illa festis diebus humanum est, vt colligitur ex cap. missas. de consecr. dist. 1. & alijs multis locis. Informandus esset etiam de aliquibus alijs, de quibus nulla informatio datur, & ita nulla responsio certa reddi potest.

AD SECVNDAM quæstionem respondetur, videri eam duplicem sensum habere. Alter est, an clerico habenti aliquod Breuiarium priuatum ante ducentos annos scriptum, liceat vti nouo Romano? Ad quam in hoc sensu acceptam respondendam videtur affirmatiue; quia Breuiarium illud

pri-

- priuatum, siue auctoritate priuata scriptum non excipitur à generali præcepto dicendi horas iuxta formulam huius noui Romani. Alter sensus est, an clericus habens Breuiarium publicum auctoritate publica Episcopi, vel alia legitima compositum ante ducentos annos, priusquam institueretur hoc nouum Romanum, per cuius formam obligatur dicere horas, possit dicere illas secundum formam huius noui? Et ad hanc quæstionem in hunc sensum acceptam respondendum videtur negatiue, quod non, nisi de communi consensu Episcopi & Capituli susciperetur pro Breuiario, per cuius formulam omnes recitarent, arg. à contrario sensu præfatæ bullæ, quæ habet, quod obligatus ad pronunciandas horas secundum formulam breuiarij ante præfatos ducentos annos compositi possit relinquere illam, & dicere secundum hanc nouam, consentiente prælato, & maiori parte prædicti Capituli, vel conuentus; significans à contrario sensu, quod non potest id facere suo solo consensu priuato: quod argumentum à contrario sensu est firmum in iure. l. 1. ff. de officio eius cui mand. & cap. à nobis, 2. de sententia excommunicationis, &c.

Pro hac 2. quæstione vide Consilium 15. & 16. & quæ ibi notantur.

S V M M A R I V M.

- 1 Defunctorum Missa, & officium vt pro me adhuc viuente dicatur, curare possum: caueat tamen sacerdos, ne orationes, in quibus enunciat aliquem mortuum, mihi applicet.

C O N S I L I V M VI.

VIVENTI an liceat facere celebrare officium, vel Missas defunctorum pro se, antequam moriatur?

- 1 Respondeo, quod licet viuo procurare vt fiant vel dicantur Missæ, vel officium defunctorum pro se, antequam moriatur; modo caueat sacerdos, ne orationes, per quas pronunciat aliquem, vel aliquos esse mortuos, applicet illi viuo; qualis est illa, quæ incipit, *Inclina*, quæ habet illa verba, *animam famuli tui, quam de hoc seculo migrare iussisti*, & aliz similes: quia id esset mentiri, quod numquam licet etiam in loco profano & sermonibus profanis, cap. 1. & cap. cum humilitatis. 22. q. 2.

S V M M A R I V M.

- 1 Missa ne tecto capite dicatur, nullo iure speciali, sed solum generali, & nu. 5. speciali tamen consuetudine inhibitu videtur. nu. 6. in fin.
- 2 Missans etsi ex consuetudine amictum super humeros retorqueat, non tamen prohibetur eo in capite retento. & nu. 4. & 5. & id modo cesset scandalum, nu. 5. etiam sine alia causa infirmitatis celebrare, num. 6. alio autem pileo vti tunc licebit, præsertim vsque ad consecrationem, si adsit manifesta causa alijs nota: quod si sit dubia, Episcopi, si potest commode, obtinenda erit dispensatio. nu. 6.
- 3 Amictus oratio potius respicit caput, quam humeros.
- 4 Missa Sabbati sancti in primitiua Ecclesia sub nocte celebrabatur.
- 5 Missa urgente necessitate dici potest in loco non sacro.

Cons. Nauar. Pars I.

Yyy

CON-

N SACERDOS laborat debilitate, & frigidity capitis, adeo ut nullo pacto eo detecto stare possit. Quæritur, an celebrare possit Missam tecto capite.

- 1 Respondeo primo, vidisse me quinquaginta abhinc annis in diocesi Legionensi terra Hispaniæ frigida quemdam presbyterum senem hyeme valde frigida celebrantem Missam capite pileolo tecto, quod tunc aliquantulum me offendit. Tum quod non memineram vidisse aliquem ita celebrantem: & quod ea quæ contra mores fiunt, videntur esse vitanda, cap. quæ contra mores. 8. dist. & cap. quisquis. 41. dist. Tunc quia cum tunc essem ætate iunior, arbitrabar posse illum præstare, quod ego præstabam sed postea cum longe senior venissem ad Urbem, vidi quemdā facultatem habentem intra domum celebrandi celebrantem panniculo lineo supra caput ob frigiditytem & dolorem capitis superposito absque vlla dispensatione. Tum quia solis familiaribus præsentibus, & in loco privato sine vllius scandalo id aliquot vicibus faciebat. Tum quia nullo iure id videtur specialiter prohibitum. Tum quia vidi aliquos seniores, & ægrotos canere in choris ecclesiarum, & officium præsertim nocturnum facere capitibus ad obuiandum frigori bene tectis.
- 2 Secundo respondeo, videri mihi licere dicere totam Missam capite amictu sacro tecto. Tum quia totius Ecclesiæ instituto ad faciendum Missam utimur sacro amictu, quo caput operimus: & non memini vllum canonem, quo iubeatur illum in collum retorquere, licet consuetudo generalis id habeat. Tum quia videtur nobis in primitiua Ecclesia solitos fuisse presbyteros missare capite amictu tecto. Tum quia licet aliquot, in quibus est etiam S. Thom. in 4. lib. sent. dist. 24. q. 3. significant amictum esse vestem superhumeralem, indutam ad significandam fortitudinem necessariam ad celebrandum diuina, quia fortitudo præcipue in humeris viget: nobis tamen aptius & rationabilius videtur esse tectorium capitis, illo irrefragabili totius Ecclesiæ instituto, quo iubemur dicere, quando eo amicimur, illa verba, *Impone Domine capiti meo galeam salutis ad expugnandos diabolicos incursus*. in quibus illud verbum, *galea*, palam significat armaturam capitis; & expressius verbum, *capiti meo*, nulla de humeris facta mentione. Omnia item alia verba, quæ significant finem, in quem amicimur, scilicet vitatio fraudum diaboli, & superatio versutiarum eiusdem, potius respiciunt caput, quam humeros: quia magis fiunt per prudentiam, & sapientiam, quæ habent sedem in capite, quam per vires corporis, quæ collocantur in humeris. Tum quia doctissimus ille Episcopus Miniatus auctor Rationalis diuinorum officiorum lib. 2. cap. 3. sic ait: *Ideo amictu caput operimus, ne circumquaque libere prospiciendo illicita cogitemus*. Quibus verbis videtur sentire amictum magis esse tectorium capitis, & sensuum in eo constitutorum, ne ad extranea vagentur, quam tectorium humerorum, sine quo illi teguntur. Tum quia verisimile est, sacerdotes potius induxisse consuetudinem cum ad collum demittendi, ad leuan-

Ieuandum se fastidio tenendi eum in capite, & velandi fere oculos, aures, & alios sensus, quam ad significanda alia mysteria, quæ sine aliqua violentia significare nequeunt. Tum quia non obstat dicere, quod per consuetudinem generalem liceat celebrare illo ad collum retorto: quia non sequitur ex hoc, quod non liceat celebrare illo in capite retento. Nam vt in Enchir. de oratio. cap. 3. num. 43. diximus consuetudinem quidem induxisse, vt liceat hodie Missam Sabbati sancti, quæ in primitiua Ecclesia celebrabatur sub nocte longe post meridiem, celebrare sub meridie, vel paulo ante; non tamen induxit, vt non liceat celebrare post meridiem, immo hoc videtur religiosius: sicut item adhuc tempore S. Thomæ non licebat cœnare die ieiunij, nisi peruentum esset vsque ad horam nonā, id est vsque ad 2. vel 3. post meridiem, vt colligitur ex eodem 2. 2. q. 147. art. 1. & quamuis consuetudo induxerit vt liceat cœnare in meridie vel circa, non tamen induxit vt non liceat differre cœnam in horam nonā, & tardiorē: Ita videtur, quod etiam hodie liceret celebrare Missam recto capite amictu, quamuis liceat per consuetudinem generalem celebrare etiam eo ad collum retorto, cessante scandalo, cum quo nihil licet, cap. nihil eum scandalo. de præscrip.

- 5 Tertio, quod ex hoc solo non sequitur satis licere celebrare recto capite pileolo, vel alio amictu non sacro: quia à separatīs non fit illatio, l. Papin. ff. de minor. Facit ad id tamen multum, quod in primitiua Ecclesia celebraretur capite recto amictu; & quod etiam nunc liceret id facere, si non esset audientibus scandalum. Faciunt etiam supra insinuata, nempe quod nullo iure id specialiter prohibeatur, sed generaliter tantum, nempe, vt diuina sacramenta reuerenter tractentur; & non desinunt illa ita tractari, eo quod ex iusta causa, & necessitate vitandi frigoris, vel doloris capitis, pileolo aliquo honesto caput tegatur. Nam & necessitate grandi urgente potest quis dicere Missam in loco nō sacro. cap. sicuti. de consecr. dist. 1. quod longe magis abhorret à sacris canonibus citatis ibi per gloss. quam celebrare partem Missæ recto capite aliquo honesto pileolo:

- 6 Quare resoluendo respondeo primo, quod non solum debili, vel ægroto, sed etiam sano, & forti liceat celebrare etiam hodie capite amictu sacro recto, ad honestius, attentius, & religiosius celebrandum, cessante scandalo, quod facile cessabit publicata causa qua id facit.

Secundo, etiam licere ex iusta causa alijs nora & manifesta celebrare, præsertim vsque ad consecrationem, capite velato aliquo velamento honesto ad resistendum frigori, vel dolori capitis instanti, etiam sine dispensatione, arg. illius dicti S. Tho. 2. 2. q. 147. art. 4. quod habens iustam causam manifestam non ieiunandi licite potest frangere ieiunium.

Tertio, quod minor causa sufficeret ad celebrandum capite recto aliquo panniculo albo, quam alio pileolo: quia propius ille ad amictum sacrum accedit, quam hic.

Quarto, quod si causa non esset manifeste iusta, sed dubia, & posset commode adiri Episcopus, deberet impetrari dispensatio ab eo: quia etiam habens causam non ieiunandi dubiam debet eiusmodi dispensationem im-

petrare ab Episcopo, ut ait præfatus S. Thom. recep. & negari non potest præcepto generali de reuerenter tractandis sacramentis & speciali consuetudine inductum esse, ne quis veſtato capite, alio, quam sacro amictu celebret. Salua, &c.

SUMMARIUM.

1. Missa pro vna sacerdos à pluribus in id non consentientibus pitantias accipiens etiam de superioris licentia non satisfacit, nisi pitantie sint adeo tenues, ut iuste præsumi possit dantes non intendere ut tota Missa ipsis applicetur. nu. 3.
2. Missam pro vno, & pro alio collectam dicens non satisfacit.
3. Missæ valores infiniti, sed non infinite applicantur satisfactioni.

CONSILIVM VIII.

SACERDOS regularis an à pluribus pitantias pro vna Missa accipiendo peccet, & an excusetur, si de licentia seu ordine sui superioris illas accipiat; vel si satisfaciat pro vno dicendo sacrum, pro alio in eo orando, & collectam dicendo, vel applicando partem Missæ sibi debitam pro intentione aliorum.

1. Respondeo quod non, ut respōdimus in Man. cap. 25. nu. 111 nisi expresse, vel tacite consentiant illi, pro quibus dicenda, vel quibus ipsa Missa est promissa, ut dicitur ibidem, & paulo ante in eod. cap. nu. 91. per rationes, quæ tanguntur in eisdem numeris; nec scientia, nec licentia superioris in hoc quicquam prodest; quia non habet ipse potestatem remittendi obligationem soluendi debitum, quæ iure naturali, diuino, & humano contrahitur, iuxta cap. si res aliena. 14. q. 6. & cap. peccatū, de reg. iuris lib. 6. nec potest quis dare alteri facultatem, quam ipse non habet, cap. quod autem de iure patron. & ipsemet prælatus nulla ratione habet facultatem satisfaciendi per vnā Missam duobus, quibus singulæ debentur, cum omni iure statuatur neminem liberari ab obligatione soluendi aliquid vni, eo quod debitum illud soluatur alteri, cap. ea quæ de iure iuran. Quod autem prædictarum collectarum adiectio non sufficiat ad id, colligitur ex eo, quod per illas collectas non potest sacrificus tollere partem valoris Missæ debite vni, ut applicet alteri, per ea quæ dicimus in d. nu. 92. Nec obstat opinio S. Thom. 3. par. q. 76. art. 5. & Caiet. & aliquorum sequacium Thom. dicentium, quod vna Missa dicta pro pluribus tantum prodest singulis eorum, ac si singulæ dicerentur pro singulis: quia Tho. non recipitur communiter in hoc, & vsus Ecclesiæ habet contrarium. Tum quia licet Christus in Missa oblatus sit, & valores eius sint illimitati & infiniti, non tamen infinite & illimitate applicantur satisfactioni, sed limitate, ut in dicto nu. tangitur. Quod autem nec paruitas pitantie in id prodesse possit, eod. nu. etiam monstratur; nisi tanta esset paruitas, ut iuste præsumi posset, quod is qui dat pitantiam, non dat illam, ut tota vna Missa ei applicetur, sed tantum aliqua pars eius, quæ sacrificio videbitur.

SUMMARIUM.

1. Missa suffragium mortuis applicari potest intentione, memoria in canone, itē per collectas,

- lectas, sed plenius per applicationem totius Missæ de requiem.
- 2 Missa pro pluribus dicta, singulis non ita prodest, ac dicta pro vno.
 - 3 Suffragandi defunctis modus aptior per collectas, quam per solam intentionis applicationem, vel memoriam in memento.
 - 4 Suffragium pinguius erit, si intentione ante Missam, memoria in canone, & in collectis, mortuis suffragemur, quam vno tantum vel duobus modis.
 - 5 Missa & collectæ de defunctis sunt aptiores illis, quam de viuis.
 - 6 Commemoratio de mortuis non vetatur fieri in Missa priuata de festo: immo in die festo potest dici Missa de defunctis.
 - 6 Specialis precatio pro mortuis fit in omni Missa quamlibet solemniori.
 - 6 Collegiata in ecclesia due Missæ quotidie collegialiter dicenda, vna de defunctis, altera de tempore vel festo.
 - 7 Missam peculiarem non esse in solemnibus festis dicendam, vt intelligitur.
 - 7 Auditione cuiuslibet Missæ, etiam priuata, etiam peculiaris, satisfit præcepto de sacro audiendo.
 - 8 Missam de S. Maria quotidie dici, per statutum potest ordinari, modo id onus vni soli non imponatur.
 - 9 Prælati facultate diminuendi obligationes iam inductas dicendi Missas sibi data parce vtantur, & non sine iusta causa.
 - 10 Missas diminuentes imponant eas dicturis, vt iuuent mortuos intentione ante Missam applicando eius valorem, & in Missæ canone, & per collectas; & quod hæc fieri possint virtualiter.
 - 10 Collecta de defunctis potest dici etiam in festis solemnibus.

CONSILIUM IX.

EX CONC. Trid. præscripto in cap. 4. sess. 25. de refor. tributa est facultas Episcopis, vt in Synodo diocesana circa Missarum reductionem statuere possint, quidquid ipsi expedire censuerint: ita tamen, vt eorum defunctorum semper commemoratio fiat.

Dubitatur, an cōmemorationi prædictæ satisfieri possit sola intentione, Missarum applicatione, aut sola ac simplici cōmemoratione in memento, aut potius certis collectis, & quibus; & si pro defunctis, quid faciendū festis diebus, quibus collecta defunctorum ex rubricarum regulis haud fit.

- 1 Respondeo primo quæstionē hanc circumspectissime propositā videri, quatenus triplicē modū applicandi mortuis Missarum suffragia præsupponit, scilicet per intentionem animi, & per memoriam, quæ fit in decima parte canonis Missæ, quæ incipit, *Memento etiam*, &c. & per collectas expressas in ipsa Missa, vt colligitur ex c. cum grauia. & c. non æstimemus. & c. animæ. & alijs multis 13. q. 2. adiuncto c. visum. & c. de nominibus. de consecr. dist. 1. cap. cum creatura. de celeb. Miss. & nihilominus maior & melior esset per totam ipsam Missam de defunctis, vt probat Panor. in cons. 99. vol. 2. nu. 4.
- 2 Secundo, quod pie certe, ac verissime præsupponit vnā Missam dictam pro pluribus non prodesse singulis eorum tantum, quantum prodesset vni eorum, si pro eo singulariter diceretur, vt post alios dicimus etiam nos in Manu. confess. cap. 25. num. 103. quidquid Ludou. Rom. male

- consuluerit consil. 339. & aliquot alij, quos non expedit referre, non recte intelligentes D. Hier. in cap. non mediocriter de consecr. dist. 5.
- 3 Tercio, quod prædictorum trium modorum suffragandi per Missas optimus videtur esse per collectas, cæteris paribus: quia triplex bonum, cæteris paribus, melius & maius est vno, cap. 1. de tunc. & page. auth. itaque. C. communi, de success. At suffragatio per collectas includit alias duas, alie vero non illam: quoniam debito modo per collectam suffragatur, intendit applicare suffragium defunctis, pro quibus pronunciat collectam, & facit memoriam eorum, & præterea precatur pro eis verbis appositis, & ab Ecclesia consuetis.
- 4 Quarto, quod cæteris paribus pinguius suffragium esset suffragari primum intentione ante Missam, & memoria debite habita in prædicta decima parte cano. & in tribus collectis, quæ de more adduntur, eadem ratione: quia hæc trina applicatio continet applicationem collectarum, & multiplicat intentionem & memoriam debitam: per intentionem enim habitam ante Missam, & memoriam debite habitam in 1. memento, non tollitur neque excusatur intentio, & memoria actualis, vel virtualis, quæ habenda sunt à pronunciante recte collectas prædictas.
- 5 Quinto, quod cæteris paribus collectæ Missarum de defunctis sunt in hoc aptiores, & fructuosiores, quam collectæ Missarum de viuis. Tum quod specialia præferuntur generalibus, cap. generi. de reg. iur. lib. 8. & l. in toto. ff. cod. Vnde & quod singulariter promittitur, magis obligare dicitur, cap. quamquam. 2. dist. & quod specialis prouisio melior est generali, cap. si aduersus. de hæret. & per collectas Missæ defunctorum singulariter, specialiter, expresse, ac directe oratur pro illis; per collectas autem aliarum Missarum non ita. Tum quia, vt supradictum est post Panor. in d. cons. 99. Missa pro defunctis cæteris paribus magis prodest defunctis, quam Missa de sanctis, vel feria: ergo etiam collecta Missæ de defunctis magis proderit, quam collecta Missæ de viuis: quia quod iuris est de toto ad totum, idem est de parte ad partem. l. quæ de tota. ff. de rei vindicat. & cap. pastoralis. 9. item si totum. de off. deleg.
- 6 Sexto, quod nullo iure vetatur fieri commemoratio de defunctis in Missa de festo saltem priuata; immo expresse permittitur, & interdum præcipitur. Tum quia in qualibet Missa quamlibet solemni debet fieri, & semper fit precatio specialis pro mortuis, d. cap. visum. de consecr. dist. 1. & cap. seq. Tum quia iure communi in ecclesijs collegiatis quolibet die sunt dicendæ duæ Missæ, altera de defunctis, altera de festo, vel feria occurrente, cap. cum creatura. de celebrat. Miss. quod Panorm. clarius alijs sic summat, In ecclesijs colleg. debent celebrari duæ Missæ collegialiter, vna pro defunctis, & alia secundum exigentiam diei, vt pro festo, si festum occurrat, vel pro feria, si feria. & Archid. in d. cap. visum. reprehendit eos qui dicunt in Missa de Dominica non esse orandum pro defunctis: & Panorm. eleganter & erudite consulit in d. cons. 99. dicendas fuisse quolibet die etiam festo 30. Missas de defunctis, quas quidam testator ordinauit dicendas pro anima sua.

- 7 Septimo, non obstat prædictis cap. & hoc attendendum: de consecrat. dist. 1. quod videtur probare, non esse faciendas Missas peculiare in festis solemnibus; & constat bonam partem Missarum de defunctis esse peculiarem: non inquam hoc obstat. Tum quia non loquitur specialiter de Missis de defunctis, sed generaliter de peculiaribus, quales sunt omnes priuatæ, siue sint Missæ de defunctis, siue de viuis; & constat licere diebus quamlibet solemnibus dicere peculiare de viuis, vt videmus in tota Christiana Ecclesia seruari. Tum quia solum probat peculiare non ita esse faciendas, vt impediant accessum ad solemnem Missam, quod non fit magis per Missas peculiare de defunctis, quam per peculiare de viuis, immo minus: quandoquidem multo plures omittunt audire solemnem publicam propter auditionem Missarum priuatarum & peculiarium de viuis, quam propter auditionem peculiarium de defunctis. Tum quia illi cap. fere vbi-que derogari cœptum fuit, posteaquam communiter cœpit opinari non tenet nos de præcepto ad audiendum Missam de die, & minus publicam die festo, quod maxime in Vrbe receptum videmus.
- 8 Octauo, quod non obstat etiam cap. significauit: de præbendis quatenus probat, non valere statutum, vt habens certum beneficium teneatur dicere quotidie Missam de sancta Maria; quia non probat non licere quotidie dicere officium de sancta Maria, sed per nullam ordinationem quoniam cogi posse ad dicendam quotidie Missam de illa, vel aliquam aliam de alio festo, vel de alio officio; quod est longe diuersum: unde licet ordinari non possit vt vnus & idem sacerdos dicat quotidie eandem Missam eiusdem officij, potest tamen ordinari vt Missa vnius & eiusdem officij quolibet die dicatur ab vno, vel pluribus, qui reperiuntur ad id idonei & dispositi, vt pulchre Panor. cui nemo contradicit, in d. cons. 99. respondit.
- 9 Nono, quod prælati, quibus data est facultas moderandi obligationes iam inductas ad dicendas Missas in quibusdam ecclesijs, & monasterijs, diligenter debent, & cum timore lædendi suas conscientias, vt ait ipse summe Conc. quod hanc facultatem dedit, prædictam reductionem, & diminutionem Missarum facere. Tum quia agitur de mutanda, vel de diminuenda voluntate & dispositione, quam dominus rei habet in ea, iuxta l. in re mandata. C. mandati. l. sed etsi. §. consuluit. ff. de petitione hæred. quæ est contra ius illud naturale, id quod nostrum est sine facto nostro ad alium transferri non potest, l. id quod. ff. de regul. iuris. Tum quia commutatio vltimarum voluntatum defunctorum ob magnam rei difficultatem soli principi non recognoscenti superiorem conceditur, l. i. & l. legatum. ff. de administ. rerum ad ciuitat. pertine. & in relictis vel donatis ad pias causas soli Papæ, clem. quia contingit. de religio. domib. idque iusta causa interueniente secundum Innoc. Panor. & communem e. quæ in ecclesiarum. de constitutio. quæ definit esse contra ius naturale contentum sub septimo præcepto Decalogi, ne quis sua re priuetur, & consequenter ne cuiuspiam dispositio iusta de re sua facta impediatur, tollatur, minuat, vel mutetur ab alio: quia illud effectum est aliâ re sua, vel iure disponendi de illa priuare. Tum quia multi prælati, & multa Capitula, & conuentus facile se obligant

ad dicendas Missas, & alia diuina officia, cum auaritia, tum cognatione, amicitia, & precibus, & facilius postea pœnitet eos oneris suscepti, & desiderant & procurant se illo exonerare, vel diminueri, sine tamen acceptorum restitutione, cum magno relinquentiū vel donantium scandalo, quod est vitandum, Matth. 18. & cap. nihil. de præscriptio.

- 10 Decimo, quod ex his sequitur, prædictos prælatos, quibus facta est noua hæc facultas contra canones antiquos, iuste posse ac debere onerare illos, qui dicturi sunt Missas diminutas, & in numerum minorem redactas, vt animas defunctorum iuuent tripliciter applicando eis valorem eius intentione ante Missam, memoria in Missæ memento, & speciali collecta conuenienti. Tum quia hoc sine iactura temporis & alterius operis fieri potest. Tum quia resectio illarum Missarum debet fieri quam conuenientissimo modo potest. Tum quia sancte addi potest collecta de defunctis etiā in festis solemnibus, vt prædictum est: quamuis etiam permitti possit, vt in maxime solemnibus omittatur, ad gloriam eorum referendo illam omissionem, & gloriam in præfatorum defunctorum opem & auxilium. Prudentiæ tamen fuerit, eo animo hanc triplicem applicationem iniungere, vt missaturus satisfaciat per intentionem & memoriam virtutalem, quando per inaduertentiam, vel obliuionem interdum expresse illam non faceret, arg. eorum, quæ nos de proposito actuali, vel virtuali attendendi ad preces horarias & alia diuina officia post alios diximus in Enchir. de orat. cap. 3. à num. 17.

S Y M M A R I V M.

- 1 Missarum reductioni faciendæ nec multum prodest, nec obest, quod eleemosyna pro eis dicendis sit magna, vel parua.
- 1 Eleemosyna, quæ offertur à petente fieri sacrum, non datur vt illius pretium, sed sponte & liberaliter offertur.
- 1 Potestas concessa à Pontificibus Generali alicuius religionis dispensandi, vt multitudini Missarum, quas visitando reperiet à monasterijs receptas, possit minori numero, cum aliqua alia alicuius boni operis adiunctione satisfieri, competit nondum illi qui erat Generalis die datæ potestatis, sed etiam successoribus: item & extenditur ad Missas, quæ post dictam diem, antequam fiat visitatio, successiue reperientur acceptæ: & non potest dicta potestate vti quò ad Missas post visitationem à monasterijs recipiendas, nu. 2. nisi potestas prædicta Missarum multitudini sic satisfaciendi expresse ad successiue recipiendas extenderetur, nu. 3. immo nec tunc, cum quamdam deceptionem petentium Missas contineat, potest saltem sine peccato veniali exerceri, nisi magna id faciendi subsit causa. nu. 3. & 6.
- 3 Missarum multarum dicendarum onus ab offerentibus eleemosynas suscipere cum intentione dictæ obligationi ex facultate antea concessa aliter satisfaciendi, indecens valde videtur: immo nec sine peccato saltem veniali id potest fieri, nisi ex magna causa. num. 6.
- 4 Delegabilis minus videtur potestas faciendi, quam dandi; item & illius facti, quod æque bene non potest per quemuis explicari, quodve respicit publicam utilitatē, requi-

requiritve magnam animi constantiam, vel respicit principaliter concessionem non iurisdictionis, sed arbitrij, auctoritatis, motusve animi, qui per alium concedi non potest.

- 4 Dispensandi potestas secundum gloss. & multos alios non potest subdelegari.
- 5 Causa cognita, cum quid faciendum est, debent omnia authentice geri, ita ut possit probari cognitionem illam adhibitam, etiam si sint religiosi.

CONSILIVM X.

AD SEPTEM quaestiones fratrum Minorum super quadam bulla Iulij II. & alia Leonis X. per quas fit facultas Generali eorum ordinis, ut possit dispensare super multitudine Missarum, ad quas monasteria eorum sunt obligata.

- 1 AD PRIMAM quidem respondeo, quod non solum Generali, qui tunc fuit, sed etiam alijs, qui ei successerunt, & posthac succedent, est data praefata facultas: quia id satis innuit bulla Iulij, & clare exprimit bulla Leonis. Nec videtur quo ad propositum referre, an eleemosyna, quae data fuit, vel dabitur secundum consuetudinem patriae, sit parva, vel magna, & maior, vel minor. Tum quia non datur, nec dabitur pro pretio eius, & sponte ac liberaliter offertur, iuxta ea quae post alios nos dicimus in Manu. nostro confess. cap. 23. num. 102. & 106.
- 2 AD SECUNDAM, quod potest dispensare non solum super Missis receptis tempore Generalium, qui praerant tempore datarum bullarum praedictarum, sed etiam pro postea receptis ante suam visitationem, & tempus, in quo petitur dispensatio: sed non potest facere facultatem recipiendi Missas, seu eleemosynas ad dicendas eas, ita quod fratres suscipientes eas possint satisfacere sine dispensatione subsequuta. Tum quia dispensatio, & absolutio peccati non debent dari antequam fiat, ne videatur dari occasio nimis propinqua peccandi, contra cap. ex parte. de consuetud. Tū quia non decet fratres, dolo, & fraude, ac deceptione rogantium Missas, accipere onus dicendi eas cum proposito illud tollendi. Tum quia Leo X. licet faciat facultatem recipiendi Missas cū facultate redimendi onus eis impositum modo posito in sua bulla in Alemania, & Boemia; nō tamen facit illam omnibus monasterijs ordinis: licet Generalibus faciat facultatem dispensandi super eis, quas inuenerint receptas: per quā diuersitatē videtur sentire id, quod dicimus. Tū quia negari non potest, valde indecens esse viris adeo perfectis accipere dolose Missas onustas cū proposito tollendi onera, nescientibus id ijs, qui rogarunt illas: saltem sine causa iusta, quae forte inueniebatur in Alemania, & Boemia propter paruitatem eleemosynae, quae dabatur pro eis dicendis. Tū quia negari non potest propinquiorē causam peccandi dari cōcedendo, vel dispensando pro Missis cōmittendis, & accipiendis, quam pro iam acceptis. & hanc partem consulerem, licet vtraque pars de rigore iuris posset defendi per ea, quae adduxi in com. de indulg. super §. in Leuit. de poenit. dist. 1. not. 34. num. 4. & tetigi in Manu. conf. cap. 12. nu. 80. super illo dubio solemni, an concessio indulgentiae, vel potestas dispensandi super voto, & alijs huiusmodi, includat ea, quae post
illam

illam contingunt; vbi tamen tenui partem affirmatiuam; eo quod licet per ea detur occasio aliqua peccandi, non tamen adeo propinqua, nec adeo indecens, ac daretur in casu præfenti.

AD TERTIAM respondetur, quod illa continet duas. Altera est, an præfatus Generalis possit etiam extra tempus visitationis dispensatione præfatam facere? & huic respondetur quod hoc innuit bulla Iulij, & satis clare exprimit bulla Leonis. Altera est, an præfatus Generalis possit dispensare per alium, delegando ipsi potestatem suam? & respondetur æquius videri quod non. Tum quia est potestas de faciendo, & nõ de dando, inter quæ est differentia, l. r. §. ne autem. C. de coditoll. Tum quia est factum, quod communiter non potest fieri æque bene per quemlibet. Tum quia in vtraque loquitur de solo Generali. Tum quod potestas hæc est magna, & videtur requirere constantiam magnam, & concernit utilitatem publicam, animarum. Tum quia concessio huius potestatis non est principaliter concessio tam iurisdictionis, quam cuiusdam arbitrij, & auctoritatis, & motus animi, qui non potest per alium concedi, iuxta glossam in l. sicuti. ff. de arb. & ex simili potestate tutoris, curatoris, & arbitratoris, quæ non exercetur per alium, vt ait Bart. in l. cum magistratus per illum tex. & alia C. quando provoc. non est necess. Tum per ea quæ colligi possunt ex Innoc. Panor. & Felin. in cap. si. §. is autem. & §. ceterum de off. deleg. & per Card. ibidem q. 9. & Rota decis. ult. de officio vicarij in antiquis tenuit potestatem dispensandi non posse subdelegari: per quæ omnia pars hæc videtur verior; quamvis etiam pro contraria faciat principium præfati cap. ult. & primi notabilis Card. ibidem, & alia multa, quibus videtur responderi posse per superius insinuata.

AD QUARTAM, scilicet quomodo & quando fieri debeat huiusmodi dispensatio, respondetur, quod debet probari primo præfatas Missas fuisse receptas cum onere dicendi eas propter necessitatem fabricæ, & fratrum. Secundo, cognoscere quam grandis sit multitudo earum, & iubere vt celebrentur ea, quæ commode possint celebrari, & super alijs dispensare. Tertio, quod omnia hæc fiant authentice coram secretario, vel notario monasterij, coram quo solent fieri acta publica, & cū oportuerit, fiat fides de cognitione præmissa de contentis in bullis, & quod Generalis cõmunicet, & applicet ijs, qui Missas instituerunt, omnia bona, quæ fient in ordine, vsque ad quantitatem, quæ attingat valorem, quem haberent ipse Missæ, si singulariter & integre diceretur pro eis, vel ad intentionem eorum.

AD QUINTAM respondetur, quod dicenda sunt omnes collectæ, quæ iubentur dici per præfatos Romanos Pontifices, quia seruanda est forma cõmissionis, cap. prudentiam de officio deleg. & cap. Pisani de rest. spoliator.

AD SEXTAM respondetur, quod non potest Generalis facere id per Vicarium, per responsum ad tertiam.

AD VLTIMAM satis responsum est in responsione ad secundam, scilicet quod sine magna causa non debet fratres recipere, & minus quærore præfatas Missas sine magna causa necessitatis fabricæ, vel fratrum, cū proposito decipiendi eos qui eas rogarent, vel rogati darent. Tū quia fraus & dolus sunt

sunt peccata saltem venialia, iuxta l. 1. ff. de dolo, & tradit S. Tho. 2. 2. q. 55. art. 4. Tum quia fraus & dolus nemini debent prodesse, cap. sedes Apostolica. de rescrip. l. itaque fullo. ff. de farris. quamvis propter magnam causam id citra culpam fieri posse videtur asserere finis bullæ Leonis, ut tatum est in responsione ad secundam, scilicet propter urgentem necessitatem, iuxta glo. in cap. sicut. de consecrat. dist. 1.

S V M M A R I V M.

- 1 Missa una votiva non satisfacio pluribus, qui data eleemosyna rogant ut ad eorum intentionem sacrum faciam; nisi adsit eorum tacitus consensus, qui tamen nunquam accedere solet; nec ob paucitatem sacerdotum, nec ob caritatem annona, ut id liceat, petendum est. num. 3.
- 2 Missarum numerus in foundationibus appositus ut minuatur, causam præstat diminutio reddituum, & augmentum pretij rerum ad victum necessariarum, prout secundum diversitatem temporum pinguires, vel minus pingues assignabuntur dotes. num. 3.

C O N S I L I V M X I.

IN QVADAM ecclesia, ubi sunt sacerdotes beneficiarij, restrictus est numerus beneficiariorum, & diminuti sunt etiam redditus, & victus & vestitus pluris constant nunc, quam antea. Quæritur quid iuris tam circa Missas, quas de novo suscipiunt dicendas, quam circa obligationem antiquam, qua ex fundatione suorum beneficiorum tenentur facere sacra.

- 1 Videtur primo causas prædictas non esse iustas, ad hoc ut Missæ votivæ, quas petunt devotæ personæ, ut ad intentionem suam dicantur singulæ pro singulis pitantijs, ita diminuatur, ut per unam satisfiat illis, qui petierunt tacite vel expresse singulas pro singulis pitantijs; nisi consensus eorum, quibus illæ promittuntur, accederet, quod raro vel numquam accedere solet: in quod confirmandum multa induci possunt, quæ doctissimus, idemque piissimus consulens perpendere potest.

Secundo videtur prædictas causas esse iustas ad diminuendum Missas quotidianas, ad quas præfati beneficiarij ex fundatione beneficiorum suorum tenentur: quod facile confirmari potest ex ijs quæ leguntur & notantur cap. cum accessissent. & cap. ex parte. de const.

- 2 Tertio videtur prædictas causas esse iustas ad diminuendas aliquot Missas fundatas in aliquot capellis, præsertim illis temporibus, quibus longe paucioribus pecunijs vivebatur, quàm nunc, & ita longe minoris dotabantur capellæ, quàm nunc, quando maiore pecunia victus & vestitus emuntur.
- 3 Quarto videtur hæc consequi, non esse petendum, ut personis devotis petentibus singulas Missas pro suis singulis pitantijs satisfiat per pauciores absque suo consensu: & quod maior diminutio debet peti circa Missas quotidianas olim in fundatione iniunctas, quam circa alias postea in capellis fundatas, & minor circa fundatas à paucio tempore, quam circa fundatas ante plurimos annos, præsertim centum.

- 1 *Horas priuatim potest quis quouis, vel partim vno, partim altero idiomate ex causa recitare.*
- 2 *Officium paruum Beate Maria, quod in choro recitari iubetur, non obligatur recitare canonicus, qui choro interesse non tenetur.*

CONSILIVM XII.

QVÆRITVR primo, an liceat ei, qui callet plures linguas, dicere priuatim suas horas canonicas idiomate, quod sibi magis arriserit, & partim earum vno, & partim altero.

- 1 Respondeo, quod sic, modo id faciat sine contemptu, & aliquo bono respectu, per ea quæ adduco in Enchir. de oratione cap. 13. num. 7.

QVÆRITVR secundo, an canonicus, qui non interest choro, teneatur extra illum recitare officium B. Virginis.

- 2 Respondeo negative, scilicet quod canonicus, cum non tenetur interesse choro, non tenetur ad officium paruum B. Mariæ, quod iubetur dici in eo à canonicis, non tamen iubetur dici à recitantibus extra chorum: de quo etiam in prædicto Enchirid. memini. Salua, &c.

SUMMARIVM.

- 1 *Canonici horas extra chorū recitantes nō satisfaciūt, nisi adsit causa excusans. n. 4.*
- 1 *Obligatus ad aliquid certo loco faciendū, extra illum faciens non satisfacit. & seq.*
- 2 *Canonici tenentur collegialiter in choro psallere, & recitare.*
- 3 *Obligatio ad quid aliqua qualitate qualificatum faciendum, sine ea non soluitur.*

CONSILIVM XIII.

AN CANONICIS ecclesiarum præsertim Cathedralium, qui nolunt adire choros suarum ecclesiarum ad canendas, psallendas, vel pronunciandas collegialiter in eis horas canonicas horis ad id statutis, peccent mortaliter, & non sint absoluedi?

- 1 Respondeo primo, quod peccāt mortifere secundum legem regularem, nisi habeant aliquam causam specialem iustam, quæ à culpa mortali eos excuset. Quod probatur primū ea firma ratione, quod qui tenetur de præcepto facere aliquid in aliquo loco, vel erga aliquod genus personarum, si non facit illud in eo, vel erga illas personas, non satisfacit suæ obligationi, etiam si faciat illud in alio loco, vel erga alias personas, vt probat cap. nos quidem. & cap. Ioannes. de testamen. & l. si quis ad declinādam. C. de episc. & cler. & l. quæ conditio. §. cum ita. ff. de cond. & demonstr. & per notata in eis, & per gloss. celebrem in cap. si pater. in verb. pauperibus. de test. lib. 6.
- 2 & Steph. Aufr. in decis. capellæ Tolosanæ, quæst. 128. At canonici omnes iure communi & regulari tenentur canere, psallere, & pronunciare collegialiter cum alijs in choro ex mente sacrorum canonum, quæ colligitur ex cap. 1. de celeb. miss. & melius ex cap. dolentes. in ver. choro. eodem tit. & in

- & in cap. 1. ver. chorum. eodē tit. & magis exprimunt statuta ecclesiæ Gallicanæ in rubr. & nigro, tit. quō tempore quisque debet esse in choro, & tit. qualiter horæ dicendæ sint extra chorum. & Conc. Coloniense tit. de metrop. eccl. cap. 5. & exprimitur in Conc. Trid. in decr. de refor. sess. 24. c. 12. Ergo transgrediūtur legem præceptiuam, si eas non dicunt in choro, etiāsi alibi dicant. Secundo probatur etiam ea quoque firma ratione, quod omnes, qui tenentur ad orandum aliquo genere precum in horis statutis, & designatis, peccant, si absque causa desinunt id in eis facere, vt nos efficaciter probamus. Tum per Conc. Viennen. clem. 1. de celeb. Miss. in illis verbis, *debitis horis*. Tum per alios canones, & per alias rationes, quæ ibi possunt videri in Enchir. de orat. cap. 3. nu. 22. Ergo simili & pari ratione peccant, qui eas in locis debitis, & consequenter in choro non dicunt, licet eas alibi pronuncient. Tertio, quod qui tenetur ad faciendum aliquid qualitate aliqua qualificatum, non satisfacit suæ obligationi faciendo illud simpliciter sine illa qualitate, cap. ab eo. de elect. lib. 6. quatenus probat, eum qui obijcit electo aliquem manifestum defectum, non satisfacere probando illum inesse illi, nisi probet id esse manifestum. & qui accusat alium percuSSIONIS factæ cum sanguinis effusione, non vincet probando percussione, nisi probet etiam effusionis sanguinis qualitatem, secundum Panor. communiter reeep. in cap. licet causa. de probationib. cuius contextus etiam probat, eum qui tenetur ad probandum testes corruptos falsa dixisse, non satisfacere probando eos falsa dixisse, nisi corruptionem quoque ac subornationem probet: quod etiam per alia confirmat Fel. ibid. a nu. 40.
4. Secundo respondeo, quod præfata lex generalis fallit in aliquot casibus de more aliarum regularum, & legum humanarum, quarum nulla est, quæ aliquam exceptionem non patiatur, excepta illa, quæ habet, Episcopum non posse suo Episcopatu renunciare, nisi de summi & maximi Pontificis consensu, vt ait Innocentius III. cap. licet. de regular. & ita canonicus infirmus, captus, & violenter detentus, & aliquot alij excusantur à canendis & pronunciandis horis in choro, cap. 1. de cler. non resid. lib. 6. cap. cum dilectus. & cap. ad nostram. eodem tit. in antiquis. Salua, &c.

S V M M A R I V M.

1. Cæcus, qui horas dicere non valet, nulla ad hoc eget dispensatione.

C O N S I L I V M X I V.

QUIDAM clericus, qui à duobus annis Missam cantauit, excæcatus fuit ob nimiam sanguinis emissionem: hucusque dixit officium in antiquo Breuiario, partim adiutus ab alio, partim memoria tenens: nunc iubetur dicere nouum officium, quod nescit mente, & caret adiutorio: supplicauit Papæ Greg. XIII. pro remedio.

1. Responsum fuit, quod si potest, dicat nouū officium; si non potest, excusatus est etiā sine Papæ dispensatione. pro qua resolutione faciunt ea, quæ scripsimus in Enchir. de orat. super cap. quādo. de cōsecr. dist. 1. c. 11. n. 14.

S V M-

SUMMARY.

- 1 *Horas extra chorum ex Breuiario Romano potest collegiata clericus recitare, etiā si in choro recitentur secundum Breuiarium ultra 200. annos receptum.*
 2 *Chorus quidem non potest, omisso Breuiario ante 200. annos admissio, uti Breuiario nouo Romano, nisi accedat consensus Episcopi, seu Prælati, & Capituli: at dictus consensus non est necessarius ijs qui volunt eo extra chorum uti.*

CONSILIUM XV.

QUIDAM Abbas ordinis Cisterciensis, in cuius monasterio nondum est acceptum Breuiarium nouum Pij V. recitauit, & recitat suas horas canonicas extra chorum iuxta formam præfati Breuiarij.

Quæritur, an satisfaciat præcepto Ecclesiæ de dicendis horis canonicis.

- 1 Pro parte negante facit primo, quod forma recitandi horas canonicas ordinis Cisterciensis non est sublata per Pium V. ut patet ex bulla eius præfato Breuiario præposita; præsupposito quod illa fuit ante 200. annos inducta; & præfata bulla significat, quod ad hoc ut liceat dicere officium hoc nouum in ecclesia cathedrali, in qua iam inde 200. annis aliud dicitur, requiritur consensus Episcopi, & Capituli: ergo eadem ratione requiritur consensus Abbatis, & conuentus, ad hoc, ut liceat in illa ecclesia dicere hoc officium nouum.

Pro parte autem affirmante facit præfata bulla, quatenus in ea præcipitur, ut omnes tam regulares, quam seculares utantur hoc officio nouo, exceptis his, qui astringuntur antiquo modo ante 200. annos recepto. Et quod non obstat exceptio præfata Abbati; quia non præcipit bulla, ut astricti antiquo modo seruent illum antiquum modum, sed quod non teneantur seruare nouum modum, si noluerint; immo facit facultatem seruandi nouum, si voluerint, etiam in choro, si Prælatus & Capitulum voluerint: ita quod consensus Episcopi & Capituli non requiritur ad seruandum nouum extra chorum, sed solum ad seruandum in choro. qui sensus & intelligendi modus videtur irrefragabiliter colligi ex bulla, quatenus reseruat officia ante 200. annos instituta, per hæc verba ibi, *Inueteratum illud officiū nō adimimus: sic hoc nostrum, si magis placeat, dumodo Episcopus & vniuersum Capitulum in eo consentiant, ut id in choro dicere, & psallere possint, permitimus.* aut enim ex verbo illo, *in choro*, colligitur quiddam absurdum, vel debet subintelligi verbum *etiam* ante illud; &, si subintelligatur verbum *etiam*, sonat quod diximus. Quod autem absurdum sequatur, nisi illud subintelligatur, ex eo patet, quod illa clausula sonaret posse quidem hoc officium nouum dici in choro ecclesiæ, cui reseruatur antiquum de consensu Episcopi & Capituli, non autem extra chorum; quod manifeste absurdum esset: cum si liceret dicere illud in choro interueniente tali consensu, a fortiori liceret extra illum interueniente eodem: & ita, ne hoc absurdum sequatur, necessario est ita intelligenda illa clausula, ut significet officium

officium hoc nouum non posse dici in choro, nisi de consensu Episcopi, & Capituli, extra vero illum sic: & theorica iuris habet cessare argumentum à contrario sensu, cum ex eo sequitur absurdum, seu contrarium iuri, per Felin. qui refert alios in cap. significasti. num. 10. & seq. de foro competen. Confirmatur, eo quod præfata bulla obligat primum omnes ad dicendum nouum, & ab hac obligatione excipit habentes antiquum 200. annorum; & ab hac exceptione excipit eosdem quo ad chorum, quando Episcopus & Capitulum consentiunt, & non excipit dicentes extra chorum, etiam cum possunt dicere intra chorum cum consensu Episcopi & Capituli, quod est absurdum: aut fatendum posse dicere extra chorum, per regulam generalem, qua conceditur omnibus facultas dicendi hoc officium sine consensu illo Episcopi & Capituli. argumento eorum quæ notantur de regulis, & de exceptione regularum per Felin. & citatos ab eo, cap. quam frequenter. vt lite non contest. & Dec. & citat. ab eo in rubr. ff. de reg. iur. Salua, &c.

Aduertendum, Nauarrum hoc loco videri recedere ab opinione negatiua, cui videtur adherere supra hoc eodem titulo consilio 5. ad 2. quæst. & quod refertur factam Congregationem etiam adhæsisse negatiuæ. vide etiam consilium sequens.

S V M M A R I V M.

- I** Breuiario nouo extra chorum vti non posse clericum illius ecclesie, in cuius choro vetus licite adhuc retinetur, tutius & pientius videtur, licet etiam contrarium possit teneri.

C O N S I L I V M XVI.

AN QVI non tenentur Breuiario Romano nouo vti, possint, si velint, vti eo extra chorum.

Quæstio hæc longe maior est, quam apparet; mihi autem videtur vtræque pars eius probabilis?

- I** Pro cuius parte affirmante facit, quod Pius in sua bulla non vetat eis vsum eius, sed solum permittit vsum antiquum: & quod permittit eis vti nouo, si voluerint, & Episcopus & Capitulum consenserint: & quod permittit præfatum vsum nouum in choro, & nihil de vfu extra chorum dicit: & certum videtur, quod si eis liceret in choro, liceret extra chorum, & non alia ratione, quâ quia non vetuit vlli vti nouo extra chorum: quod generaliter præcepit omnibus vti nouo, & permittit vti veteri in choro.

Pro parte vero negante facit, quod nunquid videtur voluisse diuersitatem ponere in his, qui sunt vnius ordinis, & habitus, & Capituli: & si eis, quibus permittitur vti veteri Breuiario in choro, liceret vti nouo extra chorum, poneretur magna diuersitas, & difformitas: quia alij dicerent extra chorum per nouum, & alij per vetus, contra cap. in noua actione. 16. quæst. 7. & clem. 1. de electio. & quod indecens videtur in eodem monasterio vsus diuersorum Breuiariorum: & videtur quod diminueretur concordia & deuotio, & augeretur discordia & dissensio. Itaque ego consu-

lerem

lerem partem negatiuam tamquam pientiore, sed non damnarem vten-
tem parte affirmatiua. & ad vtriusque partis argumenta facile responde-
re posset is, cui otium & valetudo suppeterent. Salua, &c.

Vide supra Consil. XV.

S V M M A R I V M.

1. *Horas recitare non tenetur, qui adhuc ius in re in beneficio non habet: unde is, cui debet conferri beneficium, etiam si sententias pro se obtinuerit, & beneficium sit sub sequestro, immo & is, cui fuit collatum, si adhuc collationi consensum non præbuit, non tenetur ad horas, nu. 2. at qui habet ius in re, etiam si non habeat possessionem, nu. 3. sitq. litigiosum, tenetur: quia sufficit quod in casu victoriæ poterit fructus habere. nu. 1.*

CONSILIVM XVII.

N PETIT ab ordinario, vt priuaret B. beneficio, quod possidebat, ob aliquot causas priuandi iustas; & postea proposito edicto citatorio eorum, qui poterant prætere ius ad illud, conferret illud ei, tamquam digniori. qui ordinarius priuauit eum, & posuit edictum citatoriū, & præfatus N. inuentus fuit dignior; & pridie quam illud conferret N. iudex appellationis inhibuit ordinario, ne vltra procederet, & ita non processit, & iudex appellationis confirmauit sententiam ordinarij, & condemnauit appellan-tem in impensis. à qua sententia appellauit B. Romam. Quæritur an præfatus N. obligetur ad pronunciandas horas canonicas.

1. Pro parte affirmante huius quæstionis facit primo, quod beneficiarius, qui non pronunciat eas post sex menses ab habito beneficio, perdit fructus eius per §. statuimus. sess. 9. Concil. Lateranen. postremi, & per extrauag. Pij V. ex proximo. relata à nobis in Enchir. de oratio. cap. 7. nu. 32. in Manu. confess. cap. 25. num. 112.

Secundo, quod non excusatur ab eis pronunciandis, eo quod nondum est adeptus possessionem, neque eo quod litigat super illo ab alio possessio, vt nos probamus in dicto Enchir. vbi supra num. 28. quia sufficit quod poterit in casu victoriæ eos percipere, vt ibidem traditur.

2. Pro parte vero negante contraria & vera facit primo irrefragabile illud fundamentum, scilicet, quod nemo beneficiarius tenetur recitare horas canonicas ratione beneficij, donec illud obtinuerit: iura enim omnia, quæ imponunt onus dicendi eas, loquuntur de beneficiario habente ius in re quæsitum in eo, vt videre est per allegata in d. cap. 7. & præfatus N. nōdum habet ius quæsitū in prædicto beneficio, quia nondū sibi est collatum.

Secundo, quod nemo tenetur ob expectatiuam, de qua in clemen. 2. de rescrip. vel aliam similem ad recitandas horas. argum. eorum quæ in d. clem. notantur, neque vllus vñquam dixit teneri quem ad hoc onus, propterea quod sit præsentatus, vel nominatus ad aliquod beneficium, nec propterea quod sit electus, si nondum est confirmatus, iuxta notata in cap. transmissam. & cap. nihil. de elect. adeo quidem, quod neque prouisus, neque

neque is cui collatio est facta tenetur ad illud ; nisi consenserit prouisioni sibi factæ : quia vsque ad illum præstitum non est suum beneficium , vt habet cap. si tibi absenti . de præben. lib. 6. per quod hoc in specie diximus
 3 vbi supra cap. 7. num. 29. Quæ conclusio procedit etiam in eo, qui obtinuit vnā, vel duas sententias, quibus declaratum est beneficium vacare, & esse debitum obtinenti eas ; etiam si iudex processerit ad ponendum sequestrum super fructibus eius in fauorem obtinentis eas . Tum quia propter huiusmodi sequestrum non quæritur ius in beneficio . vnde , si moreretur antequam ei conferretur, non censeretur vacare per mortem illius, sed eo modo quo ante vacabat . Tum quia eadem ratio concludit hanc ampliationem, quæ concludit conclusionem ; scilicet quod nondum est ius quæsitum in re, plusquam per præsentationem, vel nominationem , vel etiam collationem absenti factam, vel præsentem, qui nondum consensit ; ita quod nihil fructuum sequestratorum ei deberetur, si ante collationem , institutionem, & confirmationem moreretur : quæ omnia sunt memoranda . Per quæ responsum est ad opposita, quæ procedunt , quando est quæsitum ius ad beneficium, licet nondum adepta fuerit possessio .

S V M M A R I V M.

1 *Horas non recitans beneficiarius fructus pro rata restituere tenetur, non quidem ecclesie præcise, sed satisfacit alteri operi pio, vel, si est pauper, sibi tamquam pauperi erogando.*

C O N S I L I V M XVIII.

AN BENEFICIARIUS, qui omisit recitationem horarum per aliquod tempus, teneatur restituere fructus perceptos, & cui?

Respondeo primo, certum esse quod D. consulens tenetur restituere fructus perceptos pro rata temporum & officiorum, in quibus recitare omisit, per extrauag. Pij V. quam edidit postquam nos venimus Romam, quamq. nos transcripsimus ad verbum in Enchir. de orat. cap. 7. num. 32. quamq. declaramus ibidem, & numeris sequentibus .

1 Secundo, quod non tenetur restituere ipsimet ecclesie, cuius est beneficium ; sed satisfaciet restituendo pauperibus, & alijs operibus pijs, immo etiam restituendo sibi, si est pauper, tamquam vni ex pauperibus, accipiendo ea in eleemosynam, sicut pauper Christi, per rationem efficacem, quæ videri potest vbi supra nu. 34. per quam additionem consolatos fuisse nonnullos ibidem referimus : & quod etiam potest se componere cum Camera Papæ ; sed quod prior modus restituendi videtur nobis futurus gratior Christo, qui nos omnes saluet . Amen .

S V M M A R I V M.

1 *Horas non recitans beneficiarius pro primis sex mensibus peccat, pro reliquo tempore tenetur etiam restituere fructus, quos propria auctoritate debet vel ecclesie, Conf. Nauar. Pars I.*

vel pauperibus etiam propinquis non habentibus necessaria ad decentiam vivendi, vel filias maritandi, immo si sit pauper, sibi met saltē de consilio Episcopi, vel confessorij, omnes vel partem erogare.

CONSILIVM XIX.

DE BENEFICIARIO, qui omisit recitationem horarum canonicarum aliquot annis, condemnatus, cuius auctoritate, & cui restituere debeat.

- 1 Respondeo primo, ad huius questionis claram & integram resolutionem legenda esse illa, quæ nos clarius & utilius, quam alij præcessores nostri, scripsimus in Enchirid. de orat. notab. 7. à num. 3. ubi referuntur ad verbum iura nova, quæ induxerunt perditionem præfatam ipso iure incurrendam per omissionem horarum canonicarum, cum additionibus non contemnendis.

Secundo, ex illis colligitur quod præfatus D. consulens non eget auctoritate Papæ, vel Episcopi ad faciendam restitutionem præfatam fructuum amissorum. quia ipse potest auctoritate propria id facere: & verb. condemnatus in questione positum intelligo ipse de condemnatione iuris, quod ipsum ipso iure sine alia sententia imponenda condemnat ad eam.

Tertio, quod nihil tenetur restituere de fructibus intra primos sex menses receptis, licet graviter peccasset. omittendo horas in eis, ut præfata extrauag. Pij V. declarat.

Quarto, quod D. consulens adeo forte est pauper, quod saltem consilio Episcopi, vel confessorij posset illos, vel partem eorum sibi applicare, tamquam vni de pauperibus, ut ipse ubi supra probo. Quare conveniens, & Deo gratius fore arbitror, ut D. consulens, ostensis Episcopo illis, quæ ubi supra scribo, aliquam partem fructuum restituendorum de consilio eius accipiat sibi, tamquam vni pauperum ad levandam inopiam, & partem det vel promittat aliquibus cognatis feminis pauperibus in dotem; & aliquam ecclesiæ, in qua est situm beneficium & omnes elemosynas, quas posthac facturus est, deputet in hanc restitutionem pro exoneratione, qua tenetur illam facere: quandoquidem extrauag. prædicta, & 9. statvimus, Conc. Later. obligat eum ad restituendum ecclesiæ, vel pauperibus. & per pauperes intelligo ego, ut ibi dixi satis, & latius in tract. de redditib. quæst. 1. monit. 27. non solum mendicantes, sed etiam alios, qui non habent ad se decenter sustentandum, & collocandum se, vel filios, vel filias suas in honesto matrimonio. Salva, &c.

SUMMARIUM.

- 1 Fructus, quos ob horas non recitatas suos non fecit beneficiarius, qui non est canonicus, restituat ipsi ecclesiæ, vel pauperibus, nisi se cum Camera Apostolica componat: si sit canonicus, distributiones restituat illis canonicis qui horis interfuerunt illius diei, in quo ipse non recitavit, quo ad grossam, & alias obventiones, similiter restituat ijs, quibus beneficium vacante acquisita fuissent. num. 2. & 3.

Cano-

- 3 *Canonicus in canonicatu non habet proprie successorem; unde quæ vacationis tempore obueniunt, diuiduntur inter superstites; nec pars, quæ obuenisset defuncto, reservatur successori.*
- 4 *Fructus, quos parochus ob absentiam suos non fecit, conuertat in fabricam ecclesiæ, vel det pauperibus loci; etsi eos qui sibi superfluum, possit etiam exteris dare pauperibus.*

CONSILIUM XX.

CANONICVS cathedralis per multos annos absuit, & licet fructus continue perciperet, numquam tamen horas canonicas recitauit. unde cum illos non fecerit suos, dubitat

Primo, cui restituere teneatur.

Secundo, quid de fructibus parochialis propter absentiam male perceptis dicendum sit.

- 1 **AD PRIMAM QVAESTIONEM**, qua quæritur quibus debeat consulens restituere, respondeo primo, quod si beneficium, de quo agitur, non esset canonicatus; sed aliud separatum à canonijs, & præbendis ecclesiæ cathedralis, vel collegiæ, sufficeret restituere fructus ita male perceptos ipsi ecclesiæ, cuius esset beneficium, vel pauperibus, vel componere se cum Camera Sedis Apost. per dicta in commentario de spolijs super cap. non liceat Papa. i. 2. quæst. 2. §. 12. per totum, præsertim num. 4.
- 2 Secundo, quod quia beneficium, de quo agitur, est canonicatus, cuius, ut par est credere, licet in quæstione non exponatur, fructus consistunt in distributionibus quotidianis, & in eo quod grossam vocant, dicendum primo, quod quæsitæ ex distributionibus quotidianis non sunt restituendæ pauperibus, neque ecclesiæ; quia illa debentur illis, qui horis, illis diebus, in quibus illi non recitarunt, interfuerunt, quibus accrescunt, per ca. 1. de cleri. non residen. lib. 6. cum ei adnot. & non sufficit dare pauperibus, quod debetur alteri, cap. ea te. de iureiuran. nisi quando ignoratur quis sit, cap. cum tu. de vsuris, ubi gloss. cum communi. quod idem eadem ratione dicendum videtur de fructibus ecclesiarum, ubi est statutum, ut fructus male percepti restituantur certis operibus pijs; quia illis deberet fieri prædicta restitutio. quod ipsum videtur de parte, quæ corpus, seu grossam vocant, canonicatus, quam canonici ita lucrantur ratione suorum canonicatum, ut pars non lucrifacta ab vno accrescat alijs, & obueniens tempore vacationis non reservatur successori, qualem regulariter non habet canonicus, secundum glo. singul. in cap. quod sicut. de elect. verbo, consentire. sed diuiditur inter superstites, iuxta notata in cap. relatum. 2. de testam. ut latius diximus in Enchir. de orat. cap. 7. nu. 32. & postea breuius in Man. cap. 25. à num. 122.
- 4 **AD SECUNDAM** respondeo, quod qui ob absentiam ab ecclesia parochiali perdit fructus per nouum canonem, qui est primus de refor. sess. 23. Conc. Trid. tenetur restituere illos fabricæ illius ecclesiæ parochialis, aut pauperibus loci, oppidi, vel pagi, ubi sita est. Tum quia contextus prædicti canonis id expresse statuit. Tum quia aliqui tenuerunt, quod beneficiarius, qui tenetur superflua erogare pauperibus secundum communem, quam

latissime nos fundamus in tract. de redditib. eccles. q. 1. monito 21. & 24. sit obligatus erogare pauperibus loci, vbi situm est beneficium: & quamuis nos contrarium esse verius probauimus ibi quæst. 1. monito 27. num. 2. ea potissimum ratione id asseruimus, quia nullo canone id exprimitur: quæ ratio cessat in proposito casu, in quo canon exprimit, vt erogatio fiat fabricæ ecclesiæ, vel pauperibus loci, vbi sita est illa. Salua, &c.

S V M M A R I V M.

- 1 Dispensatio est odiosa & restringenda: vnde data monacho ad beneficiū seculare curatū, non extenditur ad simplex. itē nec extenditur ad accessoria nō necessaria. nu. 2. itē minor dispensatus ad dignitatem, vel canonicatū in cathedrali, non erit delegatus Papæ, nisi habeat annos viginti. nec restitutus aduersus contractum, censetur restitutus aduersus vsuras ex eo solutas. nu. 3. item nec minor dispensatus vt accipiat sacros ordines, censetur dispensatus vt habeat vocem in Capitulo. nec dispensatus vt fiat ante etatem sacerdos, censetur dispensatus vt accipiat parochialem. nec factus capax ad vnum actum, censetur habilitatus ad alium separatum. nu. 4. attamen dispensatus ad duos canonicatus debet vocari in utroque ad actus canonicis competentes. nu. 5. & dispensatus ad duo incompatibilia, censetur dispensatus à residentia in utroque facienda. Vnde, quia congruit accessorium sequi naturam sui principalis, num. 4. dubitatur, an subdiaconus, qui ex dispensatione Apostolica duxit vxorem, teneatur ad horas canonicas. nu. 1. & 2.

CONSILIVM XXI.

- 1 **A**N SVBDIACONVS dispensatus vt ducat vxorem, per hæc verba, Teq. specialibus fauoribus prosequi volētes, &c. tecū, vt sacro subdiaconatus ordine huiusmodi non obstante, &c. matrimoniū cū aliqua muliere tibi bene visa contrahere, & in eo postmodum remanere, &c. teneatur, ducta illa, dicere horas?

Ad quæstionē respōdeo, pro parte illius affirmāte facere, quod dispensatio est odiosa, & restringēda secundū omnes, per c. 1. & 2. de fil. presb. lib. 6. & per reg. quæ à iure. lib. 6. per quā ibi Io. And. ait in Mercur. dispensationē factam monacho ad beneficium curatū, non extendi ad beneficiū simplex.

- 2 Secundo, quod Domin. recep. in c. 1. in prin. nu. 12. de fil. presb. in 6. quæ sequitur Felin. in cap. postulasti. de rescrip. nu. 10. ait dispensationem super vno actu factam non extendi ad alium actum accessorium, sine quo potest consistere & esse utilis actus ille, super quo facta est dispensatio. at liberatio ab obligatione dicendi horas non est actus necessarius ad coniugium, quoniā coniugatus potest recitare horas canonicas, & multi recitāt. ergo dispensatus ad coniugia non videtur liberatus ab obligatione dicēdi eas.

Tertio, quod gloss. sing. in cap. statutum. in princ. de rescrip. lib. 6. definit, dispensatum ad obtinendum canonicatum, vel dignitatem in ecclesia cathedrali, non esse dispensatum ad hoc, vt possit esse delegatus Papæ ante vigesimum annum. Et restitutus contra aliquem contractum, non censetur restitutus ad vsuras, quas ratione illius soluit, l. fin. 9. Lucius. ff. de cond. indeb. Et dispensatus ad sacrum ordinem, non censetur dispensatus ad habendam vocem in Capitulo, secundum gloss. in verbo anni. in fin. clem. 2. de etat. & qual. Et dispensatus ad presbyteratum, &

- 3 dicen-

dicendam Missam ante iustam ætatem, non censetur dispensatus ad obtinendum beneficium curatum, gloss. in clem. 1. in ver. constitutus. ibi, & ætate legitima. de ætate & qual.

4. Quarto, quod factus capax per dispensationem alicuius actus non censetur factus capax alterius separati ab ipso, secundum gloss. cap. ex ratione. in ver. congruam. de ætat. & qual.

Pro parte vero negante, quod non teneatur ad dicendas horas canonicas primo facit, quia congruit accessorium sequi naturam sui principalis, cap. accessorium. de reg. iur. lib. 6. de sumpto ex l. cum principali. ff. eod.

5. Secundo, quod gloss. sollemnis communiter recepta dixit in d. cap. quia in tantum. de præben. quod dispensatus ad duos canonicatus debet vocari ad actus competentes ei ratione illorum, puta ad dandum vocem in Capitulo, & ad electionem faciendam de prælato, si est in loco unde debeat vocari. & gloss. sing. in cap. si quis in clero. 7. q. 1. determinat, quod dispensatus ad duo beneficia incompatibilia, est dispensatus à residentia in utroque facienda; & maior viginti annis dispensatus ad dignitatem potest esse iudex delegatus, si habet viginti annos, licet specialiter non sit dispensatus ad illud secundum Domin. in cap. nos consuetudinem. dist. 11.

S Y M M A R I U M.

- 1 Lex etiã in odiosis extenditur, quantũ eius verba secundũ proprietatem patiuntur.
- 2 Lex extenditur & limitatur ex legislatoris mente & ratione legis.
- 3 Pensionarius clericus, si efficiatur miles militaris religionis cum indulto retinendi pensionem, non tenetur ad horas B. V. sed sufficit quod recitet orationes Dominicas & angelicas à religione præscriptas, quæ sunt loco horarum: sicut nec sacerdos regularis, siue secularis, habens pensionem ad dictas B. V. horas teneretur.

C O N S I L I U M XXII.

1. **I**VLIVS ab Apostolica Sede habet indultum, ut cum habitu D. Iacobi de Spata, cuius miles & professor existit, certam annuam ecclesiasticam pensionem retinere possit. Dubitatur, an præter horarias preces centum viginti Pater noster, cum totidem Ave Maria, ex ordinis institutione à militibus quotidie persolvendas, teneatur etiam ad officium Beatissimæ Virginis ex Pij V. constitutione dicendum.

Pro parte affirmativa facit, quod verba legis secundum propriam significationem comprehendunt eum, & lex extenditur etiam in odiosis, & poenalibus, & alijs obligatorijs, quatenus verba eius in proprio significato se extendunt, l. cum lege. iunct. gloss. ff. de testam. cõmendata in hoc per Aret. in cap. de testibus. colum. 3. de testib. quem Dec. sequitur in l. factum. §. in poenalibus. ff. de reg. iur. & continenter in alijs septem vel octo locis.

2. Pro parte negativa facit, quod lex extenditur & restringitur secundum mentem legislatoris, & rationem legis, l. cum pater. §. dulcissimis. ff. de leg. 2. cap. suggestum. & cap. meminimus. de appell. ubi pulchre Pat. norm. communiter receptus: & mens auctoris, & ratio prædictæ legis videtur fuisse, ne fruantes fructibus beneficiorum ecclesiasticorum omnino

essent immunes ab onere dicendarum precum, ad quas beneficiarij tenentur, quæ non habet locum in consulente, qui tenetur ad multas preces, immo & ad maiorem quantitatem, quam sint preces officij B. Virginis. Facit etiam, quod non obstat dicere, quod alia ratione tenetur ad prædicta Pater noster, & Ave Maria, quam ratione pensionis; quia etiam religiosus eiusdem ordinis presbyter, qui haberet pensionem, alia ratione quam pensionis, teneretur ad horas canonicas, qui tamen non obligaretur ratione pensionis ad officium paruum Beatæ Virginis, plusquam alius presbyter. Facit etiam, quod subrogatum sapit naturam eius, cui subrogatur, l. cum quis. §. qui iniuriarum. ff. si quis caut. & c. ecclesia. vt lite pend. & illa 110. Pater noster, & Ave Maria, succedunt loco horarum canonicarum, ad quas tenentur clerici eiusdē ordinis, & consequenter videntur quodammodo horæ canonicæ; & qui tenetur ad illa, teneri ad quasdam horas canonicas: at qui alia ratione tenetur ad horas canonicas, non tenetur ratione pensionis, virtute prædictæ legis ad prædictum officium paruum; ergo nec religiosi milites tenebuntur. Et quoniam posteriores rationes videntur firmiores, & per eas potest responderi illi, quæ in oppositum adducitur, resoluo dubium in partem negantem. Salua, &c.

SUMMARIUM.

- 1 Indultum, seu dispensatio, nisi fiat id ob quod conceditur, non prodest.
- 2 Dispensatio eius, qui ob febrem, vel alium dolorem, non valet recitare horas, ad cæcum, nisi forte ex identitate rationis extendi non videtur.
- 3 Dispensatio non valenti recitare officium, vt non teneatur, parum prodest.
- 3 Indultum concessum alicui, vt loco horarum recitet aliquot orationes, non prodest ad acquirendum meritum quod acquiritur recitando horas.

CONSILIVM XXIII.

AN INDVLGENTIA, vel dispensatio, quod obligatus ad dicendas horas canonicas satisfaciatur dicendo quinquies Pater noster, & quinquies Ave Maria, si tenetur febre, vel tanto alio dolore, quod eas recitare non possit, extendatur ad eum, qui est cæcus, vel dolore oculorum ita laborat, vt non possit recitare sine periculo perdendi visum, licet non teneatur febre?

- 1 Respondeo primo, quod indulgentia, vel dispensatio non prodest ei, qui non facit illud, propter quod illa fit, vt colligitur ex his, quæ nos tradimus in comment. de Iohanne super §. in Lencico. de pœnit. dist. 1. notab. 11. & 19.
- 2 Secundo, quod prædicta dispensatio non extenditur ad cæcum, qui non laborat præfato dolore; quia sola cæcitas non inducit febrem, nec dolorem impediens recitationem.
- Tertio, quod probabiliter dici potest, quod extenditur ad dolorem oculorum, quo impeditur potentia recitandi.
- 3 Quarto, quod præfata indulgentia parum videtur prodesse: nam sola febris,

febris, vel solus dolor impediens potentiam recitandi sufficit ut excusetur à recitando sine præfata indulgentia: quamvis quis diceret, quod licet prædicta indulgentia non profit ad excusandum à peccato omittendi recitationem, potest tamen prodesse ad quærendum meritum recitationis, quod in præsentia non approbo multum. Tum quia id non quæritur. Tum quia non pertinet ad Papam potestas augendi meritum gratiæ & gloriæ sine opere meritorio: quia gratiam & gloriam solus Deus conferre potest, iuxta psal. 83.

DE BAPTISMO ET EIVS EFFECTU.

SYMMARIUM.

- 1 Catechizari qui petunt, non coguntur obligare se ad suscipiendum baptismum, nec etiam relicta vxore & filiis infidelibus se includere in aliqua domo. num. 2. sed nec minores regulariter possunt ab iis, in quorum sunt tutela, abstrahi, ut catechizentur, & baptizentur. num. 5.
- 3 Catechismus, sicut & exorcismus, si suis ante baptismum omissus, debet post illum suppleri, & nu. 4. durareq. tanto tempore, quousque baptizandi sint sufficienter instructi & persuasi de veritate fidei. num. 3.
- 6 Infans mortuo patre penes matrem infidelom est educandus.
- 6 Catechizari & baptizari contra infidelium parentum voluntatem petentibus debet quidem de alimentis provideri, & num. 4. ad id tamen onus parochi non videtur obligati. num. 3.

CONSILIUM I.

VTRVM catechizandus ad baptismum se offerens debeat coram notario & testibus obligare se ad baptismum suscipiendum? Et an Episcopus seu parochus teneatur catechumenos, dum in fide instruuntur, alere?

- 1 Responsurus fidelis quidem fidelissimo, parum eruditus eruditissimo, minus expertus expertissimo, circa contenta in his quæsitis, protestor me solum dicturum ea, super quibus hæsito, & cupio informari.

Dico primo, me non satis meminisse legere legē, qua catechizandus debeat se obligare coram notario & testibus ad suscipiendum baptismum.

- 2 Secundo, nec meminisse legem, qua ligentur catechizandi vxor, & liberi eius, & qui tutelæ vel curæ ipsius sunt commissi, consentire separationi ab infidelibus, & submittere se disciplinæ certorum magistrorum, & includere se intra vnam domum, antequam baptizentur, & fiant subditi Ecclesiæ; neque legem quæ cogat parochos ad alendos & docendos eos intra illam.

- 3 Tertio, quod, ut puto, in Indijs, & in aliquot regnis Hispaniæ, & aliorum regnorum Saracenorum, Lutheranismi, & alijs infidelitatibus infectorū, pauci parochi sunt collatione aliorum, qui possint id præstare, etiamsi velint; cum etiam baptizatorum tot millia sint egentium catechismo: præ-

sertim tenendo, quod, sicut exorcismus est supplendus post baptismum, ut tradit S. Tho. recep. 3. par. quæst. 71. art. 3. ad 3. ita etiam catechismus sit supplendus, si fuit ante baptismum omissus; arg. eorum quæ dicit idem S. Tho. ibidem art. 5. & præsupposito eo, quod experientia compertum est, scilicet fere omnes paruulos, qui baptizantur, & relinquuntur in potestate parentum, numquam callere catechismus, & indigere illo, postquam adolescunt; & in terris Christianorum vix etiam suscipietur id onus ab omnibus Episcopis.

Quarto, prouida admonitio & prouisio videtur, ne catechizationi finem præstituat certus dies, sed potius certa scientia & sufficiens persuasio.

- 4 Quinto, quod quia numquam fere præfati paruuli catechizantur, oporteret eos denuo catechizare. quod utinam aliquo modo introduceretur, quod ego aliquando speraui, sed nunc despero: quia malunt aliqui Episcopi augere suos redditus, quam impendere illos in magistros huiusmodi catechizandorum. quod non video etiam aliquam legem canonicam, quæ obliget ipso iure patres & consanguineos catechizandorum, antequam illi se ad id obligauerint sponte sua, ad relinquendum filios pupillos & minores suos sub potestate aliena, qui ante usum rationis in multis parentibus ducerentur ad baptismum, ut persuaideantur ad conuersionem, nisi in casibus, in quibus velint nolint, debeant obedire catechizatoribus, per ea quæ docet S. Tho. communiter recep. in 2. 2. q. 10. ar. 8. 9. & 11.

- 5 Sexto, quod licet prouisio hæc sancta Illustriss. D. Cardinalis de administranda catechumenis largiter sustentatione, & de tractandis eis humaniter, seruari possit Romæ, & aliquibus alijs in locis, ubi ad id sunt deputati redditus publici, in alijs tamen non videtur posse satis seruari.

- 6 Septimo, meminisse me in hac ipsa Vrbe interrogatum ab vtraque parte litigantium, an infantes nondum usum rationis habentes sint relinquendi apud matrem infidelem, donec eo incipiant uti, si pater eorum mortuus fuerit, tenuisse partem affirmantem, & postea replicasse contra quemdam virum doctissimum, sed incertum, qui putauit me fuisse deceptum: & meo iudicio, in quo etiam nunc sum, irrefragabiliter probasse meam priorem sententiam. Quare admoneo Dominum meum Illustriss. id, quod circa hoc tunc dixi, & tradidi, si non fallor, Illustriss. D. Cardinali Sirleto, apud quem forte illa inueniri possent.

Octauo, quod videtur prouidendum de alimentis eis, qui contra voluntatem patrum & cognatorum suorum volunt catechizari, & baptizari. Salua, &c.

Aduertendum, hoc responsum, ad quod se remittit, esse illud de quo supra fit. De conuersione infidelium consil. 4.

S V M M A R I V M.

- 1 Baptismus vere confertur, si pueri intra ventrem matris existentis manus vel aliud membrum extra corpus matris apparens abluatur: causaturq. ex eo, & non ex sequenti, qui datur ad cautelam, cognatio spiritalis, quæ impediat & dirimat.

CON-

CONSILIVM II.

DE QVODAM N. qui tenuit infantem ad baptismum datum ei antequam nasceretur integre in aliqua sui corporis parte, etiam aliam quam capite, nempe brachio, vel pede, an fiat compater, ita ut non possit contrahere matrimonium cum matre sic baptizati.

1. Respondeo primo, in ea me semper fuisse sententia, quæ habet, puerum seu infantem nodum integre natum, & propter timorem mortis baptizatum per ablutionem capitis, vel alius cuiusq. partis iam natæ, vel apparentis extra corpus matris, esse vere baptizatum, ut diximus in cap. vulgaris. num. 3. de pœnit. dist. 1. & quod licet ad cautelam sub conditione, *Si non es baptizatus, &c.* possit licite baptizari; secundus tamen ille baptismus non est vere baptismus, si prior vere fuit ministratus in illa parte apparente: & quod ex secundo baptismo ad cautelam ministrato cum catechismo & exorcismo non nascitur compaternitas, nec cognatio spiritualis, quæ impediat, & dirimat matrimonium, sed ex priori baptismo ministrato sine catechismo & exorcismo.

Secundo, quod ex prædicta resolutione sequitur dicendum, præfatum N. fuisse, & esse verum compatrem prædictæ matris, & non posse contrahere cum illa sine dispensatione Papæ. Salua, &c.

89 5127 1

SYMMARIVM.

1. *Monstrum illud non est baptizandum, quod caret anima rationali, sine qua non constat homo, qui solus baptismi est capax: an autem sit talis natus cum capite ferino, & reliquis membris humanis, iudicio peritorum relinquitur. num. 2.*

CONSILIVM III.

AN MONSTRVM natum cum vno solo capite, eodemq. ferino, debeat baptizari?

1. Respondeo primo, quod si est certum eum non habere animam rationalem, non est baptizandus. Tum quia solus homo est baptizandus secundum omnes; & quod caret anima rationali non est homo, cap. in quadam de celeb. Miss. Tum quod hoc in specie asseuerant Card. & And. Sicul. in clem. 1. §. ad hoc. de summa Trinit. & satis colligitur ex Soto in lib. 4. sententiarum dist. 6. q. 4. & summ. Angelica verbo monstrum, & Syl. verbo baptismus 3. q. 10.

2. Secundo, quod præfatus Card. & And. Sicul. videntur significare quod monstrum habens caput ferinum non censetur homo rationalis: sed quia monstrum, de quo queritur, habet omnia membra humana præter caput, ego nihil de hoc iudico, nec est facultatis meæ iudicare de illo. itaque remitto hanc partem ei, ad quem spectat de illa ferre iudicium, & declarare si est censendus homo rationalis, an vero brutum irrationale: Salua, &c.

SYMMARIUM.

1. Baptismatis collatio facta secundum ritum Græcorum tenet, & nu. 4. sed nec vitatur ex eo quod sit collatum ab hæretico, Iudæo, vel Pagano, nu. 3. modo adhibita fuerint necessaria cum intentione faciendi quod facit Ecclesia. num. 7.
2. Baptismus non vitiat diuersitas verborum, modo actum baptizandi, & causam principalem baptismi, sanctissimam scilicet Trinitatem, sufficienter exprimant; secus si aliquod necessarium omittatur, vel corrumpatur substantialis sensus verborum, ut faciunt Bosnenses, qui loco illius vnicae dictionis Spiritus sancti, ponunt hanc Spiritus, omissa alia particula Sancti, num. 4. 5. & 6. vel mutatio esset facta ad fouendum errorem intolerabilem, aut omitteretur vna ex tribus personis Trinitatis. num. 6.

CONSILIUM IV.

CVM GRAECI, & schismatici, præsertim Seruiani, hoc est, Græci sacerdotes defecerint à Sancta Romana Ecclesia, & perdiderint ritum Catholicum, & sacramentum: dubitatur, si contingat aliquem ex his conuertere ad fidem Catholicam, num is baptizari debeat absque conditione, in forma baptismi, *Si non es baptizatus*. Et ratio dubitandi est, quia forma baptismi eorum est hæc, *Baptizetur seruus Christi in nomine Patris, & Filij, & Spiritus*: & non exprimunt verbum Sancti, & amen. & propterea non intendunt ipsi facere, quod facit Ecclesia Romana.

1. Ad hanc questionem dico, quod facile cuique videri potest vera pars negatiua. Primo, quia forma baptismi Græcorum, licet quo ad verba differat à forma Ecclesie Romanæ, sufficiens tamen est ad conficiendum verum baptismum, ut præsupponit Innoc. iij. in Conc. generali, de quo in cap. licet. de baptis. quod longe expressius definiuit Conc. Flor. in suo decreto de sacramentis, & affirmat D. Tho. communiter receptus in 4. dist. 3. & in 3. par. q. 67. art. 6. At in prædicta prouincia Bosnæ Græci baptizant secundum formam Ecclesie Græcorum: ergo.
2. Secundo, quod diuersitas verborum formæ baptizandi non reddit baptismum nullum, modo actum baptizandi, & causam principalem baptismi, sanctissimam scilicet Trinitatem sufficienter exprimant, cap. si non, sanctificatur. & cap. retulerunt. de consecr. dist. 4. at verba formæ, quæ baptizantur, & de quæ quæritur, videntur eam sufficienter exprimere: ergo.
3. Tertio, quod nihil obstat, quod ij, de quibus quæritur, fuerint baptizati ab hæreticis, & schismaticis; quoniam licet S. Cyprian. cum multis alijs Episcopis opinatus fuerit, hæreticos non posse sacramenta vera & valida alicui dare, & refertur in d. cap. si non sanctificatur. & in cap. quomodo. de consecr. dist. 4. contrarium tamen est verum, ut prædicti canones probant, & nouus canon 4. de baptis. Conc. Trid. sess. 7. & facit etiam canon 12. de sacramentis eiusdem sessionis; præsertim autem sacramentum baptismi, quod conferri etiam potest à Iudæo, & Pagano, cap. à quodam. de consecrat. dist. 4.

Non

- 4 Non obstantibus tamen his, pars verior videtur affirmatiua, scilicet, quod sint iterum baptizandi, saltem sub conditione, *si non es rite, &c.* iuxta cap. 2. de baptis. immo & meo iudicio pure. Tum quia forma, qua baptizant in prædicta prouincia hæretici, & schismatici, non est consona formæ baptizandi Ecclesiæ Romanæ, neque Ecclesiæ Græcorum, quam prædicti canones & doctores probant: in illa enim ponuntur ista verba: *In nomine Patris, & Filij, & Spiritus sancti. Amen.* In hac autem nostri casus: *In nomine Patris, & Filij, & Spiritus*, tacentes illud verbum, *sancti, & Amen.* Tum quia diuersitas verborum formæ sacramenti, per quam corrumpitur legitimus & substantialis sensus verborum, quæ sunt de substantia & essentia sacramenti, facit inualidum sacramentum, cap. multi. adiuncta gloss. de consecr. dist. 4. & tradunt D. Thom. & alij in 4. dist. vbi nouissime late declarat Sot. art. 7. & melius art. 8. & dist. 3. q. 1. art. 5. col. 4. ponendo regulam, quod mutatio formæ verborum baptismi, siue subtrahendo, siue addendo, siue transponendo, siue corrumpendo, per quam quidpiam necessarium omittitur, efficit baptismum nullum. At in forma prædicta baptizandi Bosnæ subtrahitur verbum, *sancti*, quod est necessarium ad significandum Spiritum sanctum, tertiam personam Trinitatis: solum enim verbum, *Spiritus*, sine adiectione verbi, *sanctus*, non est nomen proprium Spiritus sancti, nec appropriatum Spiritui sancto, vt docet D. Tho. receptus 1. p. q. 36. art. 1. vbi ait, quod nomen *Spiritus sanctus* captum in vim duorum nominum omnibus personis competit; quia etiam Pater, & Filius est spiritus, & sanctus; sed captum in vim vnius nominis est nomen proprium Spiritui sancto ex sacre scripturæ accommodatione. At in prædicta forma Bosnæ ponitur verbum *Spiritus* sine *sancti*: ergo non ponitur ibi nomen Spiritus sancti; & ita non ponuntur nomina trium personarum, quæ necessario debent poni in forma baptismi, iuxta cap. vlt. Matthæi: & consequenter per illam non conficitur baptismus. Tum quia verba sacramenti, mutata ad fouendum errorem intolerabilem, destruunt sacramentum, vt late post alios tradit prædictus Sotus vbi supra. At baptizatores Bosnæ mutant verba ad fouendum hæresim suam de Spiritu sancto, quod non est Deus, & creator, sed creatura: ergo. Tum quod Zacharias Papa in duabus vel tribus partibus cap. in Synodo. de cons. dist. 4. dixit expresse, quod baptisma, in cuius collatione defuit vnum nomen trium personarum sanctissimæ Trinitatis, nihil valet, & idem ait Didymus in libro de Spiritu sancto, quem citauit Sotus in 4. dist. 3. art. 6. col. 4. dicens, Si quis baptizare conetur, vt vnum ex prædictis nominibus omittat, scilicet, Patris, & Filij, & Spiritus sancti, sine perfectione baptizabit.
- Ad primum oppositorum respondetur, concedendo quod forma baptizandi Ecclesiæ Græcorum, de qua Innoc. III. & Conc. Trid. & alij doctores in eo citati loquuntur, est sufficiens ad conficiendum verum baptismum: negando tamen, quod forma prædicta Bosnæ sit illa, de qua loquuntur illi, cum desit nomen proprium Spiritus sancti, quod habetur in alia.
- Ad secundum respondetur concedendo in eo assumptum, negando tamen quod prædicta forma Bosnæ contineat verba sufficientia ad exprimendum

mendum legitimum & necessarium sensum: quia deest nomen *Spiritus sancti*, sine quo non satis sufficienter exprimitur sacrosancta Trinitas, cuius expressio vti causa principalis baptismi est legitima & necessaria per superius dicta.

- 7 Ad tertium responderetur, concedendo, quod baptisma collatum ab hæretico, schismatico, & etiam Pagano valet, modo ea sint illi mente, vt velint facere id, quod Ecclesia intendit, & exprimant sanctissimam Trinitatem vti causam principalem eius sufficienter, & non addant, vel tollant verba, quibus suum errorem intolerabilem aperte foucant: negando tamen, quod talis sit forma Bosnæ, per prædicta.

S V M M A R I V M.

- 1 Baptizandus non est rationis capax, qui vult in peccato vel infidelitate perseuerare: si tamen baptizetur, habeatq. intentionem illud recipiendi, verum recipit baptisma. At infidelium filij vsu rationis carentes, quos parentes, penes quos sunt remansuri, ob id petunt baptizari, vt sic ab infirmitate liberentur, baptizandi sunt; sicut & maiores, qui ideo excitantur vt baptizentur, quia sperant sanitatem corporis recipere.

CONSILIVM V.

QUIA interdum reperiuntur Turcz, & eorum filij grauissimis morbis arrepti, qui in hoc tantum casu baptismum requirant, quod sæpe viderint, aut audierint talibus collatum sanitatem restituisse: quæritur, an baptismus ijs tali intentione petentibus sit concedendus: vbi sciendum est fratres de obseruantia periculum vitæ incurrere, si negent, cum negari sibi hac de causa putent, ne corporis sanitatem consequantur: eoq. magis, quia superioribus temporibus multi hoc tantum nomine fuerunt baptizati, & post Concil. Trid. fratres prædicti abstinerunt, quod id illis non licere dicerent ex decretis Franciscanæ religionis, non autem Concilij, & de ritu Sanctæ Romanæ Ecclesiæ, quia hac ratione mortem subiissent.

- 1 Respondeo primo, quod nulli peccatori peccato mortifero infecto volenti perseuerare in eo est dandum baptisma, per ea, quæ ad hoc citat D. Tho. 3. p. q. 68. art. 4. nec consequenter infideli volenti perseuerare in infidelitate, vt ipsemet affirmat in ead. q. art. 8. ad quartum.

Secundo, quod si huiusmodi ægroti essent infantes, vel paruuli, qui nondum sunt iudicium rationis assequuti, possunt de consensu parentum baptizari, vt ipsemet receptus 2. 2. quæst. 10. artic. 1. definit. Si autem sunt adulti, & iudicium rationis assequuti, non sunt baptizandi, si non volunt ab infidelitate recedere, & catechizati credere fidei necessaria: quamuis verum baptisma susciperent, si veram haberent intentionem illud suscipiendi, vt ex prædicto art. 8. & adductis in eo colligitur. Si autem velint ab infidelitate recedere, & catechizati credere fidei necessaria, possunt, & debent baptizari, etiam si ad id morbus, vel amor salutis incitauerit,

cum

cum omnes etiam infideles præceptum de baptismo suscipiendo obliget, secundum eundem D. Tho. in d. q. 68. art. 1. & q. 70. art. 2. ad 3. & melius in 4. d. 3. q. 1. art. 3. quæstiunc. 3. & latius Sotus in cod. 4. dist. 5. art. 1. licet D. Tho. ibi non recte citetur. Salua, &c.

S V M M A R I V M.

1. *Martyrium à pregnantæ pro Christo assumptum valet fœtui animato pro baptismo, & prodest ad salutem: immo & is, sicut sancti Innocentes, dicunt pro Christo occisus.*

2. *Innocentes pro Christo occisi, non quidem proprio merito, cum usu rationis carerent, sed per gratiam Christi, salui facti fuerunt, & martyrij laureolam adepti.*

C O N S I L I V M VI.

VTRVM, sicut mulier grauida pro Christo mortem subiens est martyr, ita etiam filius in vtero eius existens, si moriatur cum illa, sit etiam martyr, & saluetur, an vero in limbum cum alijs pueris non baptizatis descendat?

1. Respondetur, quod paruulus ille probabiliter saluabitur cum matre. Tum quia baptismi vicem & effectum habet mors pro Christo illata, cap. baptismi vicem. cum ei annotatis, de consecr. dist. 4. & præfatus puer in vtero matris morientis pro Christo moritur pro eodem. Tum quia Innocentes, qui nondum adepti fuerant iudicium rationis, antequam occiderentur iussu Regis Herodis crudelissimi tyranni, salui facti fuerunt, immo & martyrij laureolam seu coronam obtinuerunt, adeo quod festum martyrij eorum celebrat vniuersa Ecclesia intra octauam Natalis Domini, vt est notorium. Tum quia eadem ratio concludit præfatum puerum, saluatum iri, quæ concludit præfatos Innocentes saluatos fuisse. Ratio enim, qua præfati Innocentes saluati fuerunt, & martyres effecti, non est quod ipsi suis actibus saluationem illam meruerunt; quia sine iudicio & libero arbitrio, cuius vsum nondum fuerant assequuti, nõ potuerunt mereri suam saluationem. arg. 5. 1. & cap. illud. 15. q. 1. & S. Tho. receptus ab alijs in 2. 2. quæst. 124. art. 1. reijcit opinionem illorum, qui sine iusta & sufficienti auctoritate dixerunt datum fuisse Innocentibus vsum rationis, & liberum arbitrium ad merendam gratiam & saluationem. Et ita, sicut Innocentibus sine suo merito dedit Christus gratiam, ita eadem ratione & misericordia dabit præfato puero illam sine baptismo, & sine vilo merito proprio. Vnde in specie Caiet. super d. art. 1. dixit, quod effusio sanguinis pueri, facta etiam intra vterum matris pro Christo, prodest ipsi puero nondum nato, sicut profuit effusio sanguinis Innocentium ipsis nondum vsum liberi arbitrij & iudicium adeptis. Salua, &c.

Aduerte, quia ex rationibus adductis, ac ex citata auctoritate Caiet. elicitur, D. Nauarrum loqui in casu, in quo intentio occidentis matrem pro Christo ferunt etiam saltem virtualiter in occisionem filij nondum nati.

DE RELIQUIIS ET VENERATIONE
Sanctorum.

SUMMARIUM.

- 1 Reliquias Sanctorum in oratorio in capsulis honeste asseruari, ac in collo deuote portare licet, dummodo cesset omnis superstitio, & agatur de corporibus nequaquam perpetuæ sepulture traditis, nisi iam inde licite extractis. *nn. 3. & 4. usque suffragatur consuetudo.*
- 2 Corpora Sanctorum si nondum sint perpetuæ sepulture tradita, sine alicuius licentia possunt de loco ad locum transferri: quod si sint ei tradita, tunc principis requiritur, vel accedente iusta causa, præsidis sufficit licentia. *nn. 3. & 4.*
- 3 Concessa omnia videntur, quæ cum de se mala non sint, non leguntur prohibita.

CONSILIUM I.

AN LICEAT tenere reliquias corporum Sanctorum in oratorio suo, & portare in collo, vel aliqua alia parte sui corporis, vel suarum vestium?

- 1 Respondeo, quod S. Tho. videtur tenere quod sic in 2. 2. q. 96. art. 4. ad 3. quatenus ait licere illas portare in collo ad honorem Sancti, cuius illæ sunt, ob fiduciam & spem intercessionis eius ad diuinam maiestatem; modo id fiat sine aliqua vanitate, & superstitione: qualis est quod vas sit triangulare, aut de illa vel illa materia: & a fortiori licebit eas tenere in aliquo oratorio honesto, vel seruare in aliqua honesta arca.

Pro cuius sententia facit primo l. si necdum. C. de religio. & sumpt. fune. quatenus habet, posse quem corpus nondum perpetuæ sepulture traditum sine alius licentia in alium locum mutare.

- 2 Secundo, quod ea quæ per se non sunt mala, videntur concessa, si non sunt prohibita, arg. l. 1. ff. de testib. & l. si queramus. adiuncta glo. ff. de testat nullo iure naturali, diuino, vel humano authentico quis prohibetur tenere, vel deferre honeste reliquias Sanctorum: ergo, &c.

Tertio, quod legitur, Constantinum, & Helenam matrem eius, & alios multos reliquias habuisse, & portasse; immo & consuetudo ferè omnium deuotiorum totius orbis Christiani habet, procurare sibi reliquias aliquorum Sanctorum, quas vel portent secum, præsertim ad prælia, & loca periculosa, vel teneant eas domi in aliquo honesto loco ad excitandam deuotionem in eos, & fiduciam sperandæ pietatis à Deo per eorum intercessionem.

- 3 Non obstat, quod Ang. in summa verbo reliquias. §. fin. dicat tenendum esse contra S. Tho. quia non probat id efficaciter: lenim 1. & vlti. C. de religio. & sumpt. fun. & rationes, quibus mouetur, solum habent, corpus perpetuæ sepulture datum non esse sine principis licentia transferendum, absque causa, neque cum illa absque licentia præsidis: quia S. Tho. non loquitur de translatione corporis Sancti sepulti, sed de aliqua particula, vel mutatione eius, vel aliquarum rerum ad illum pertinetium, quæ vel numquam

- quam fuerunt perpetue sepulture tradite, vel iam iusta cum facultate fuerunt translata, vel mutata. Quare merito etiam Syluester in summa verbo reliquiarum, q. 3. contradicit Angelis consentiendo alijs à se citatis. Non obstat etiam cap. Corpora Sanctorum de loco ad locum non sunt transferenda sine licentia principis, &c. de consecrat. dist. 1. quod magis facit pro Ang. quam illa quæ ipse citat: quia eodem modo responderi potest illi, ut responsum est prædictis legibus. & ita gloss. expresse limitat illud non procedere in corporibus Sanctorum non traditis perpetue sepulture, per d. l. si necdum. Salus, &c. *Vide Consil. 9. de sepul. pag. 693.*

SUMMARIUM.

- 1 Reliquia Sanctorum nec venales exponi, nec extra capsam ostendende: minus tamen peccat qui eas vendit, quam qui terram cæmeteriorum, in quibus corpora Sanctorum sepulta fuerunt, per campos dispergunt cum periculo etiam dispergendi reliquias eidem permixtas.
- 2 Dubitans probabiliter an quid liceat, si illud facit, peccat, sicut & qui contrauenit conscientie probabiliter dubit.

CONSILIUM II.

- ABBAS.** ex cœmeterio Sancti N. ibi legitur sanctos Martyres sepultos fuisse, puerumque puteolanam ad edificandum, disperfitque terram per campos. Queritur, quam penam incurreret idcirco.
- 1 Respondetur, prædictum D. Abbatem videtur graviter deliquisse. Tum quia prohibuitur, l. Calarea §. de sacros. eccles. ut nemo Martyres distrahat, neque metuetur. Tum quia reliquie Sanctorum non debent exponi venales, neque ostendi extra capsam, ubi sunt repositæ, cap. 2. de reliq. & vener. Sanct. propter reuerentiam, quæ debetur eis: & prædictus Abbas licet non videatur vendidisse reliquias Martyrum ecclesie S. N. videtur tamen eis irreuerentiam fecisse extrahendo prædictam terram puteolanam, intra quam est verisimile multas reliquias comminutas ex ossibus & corporibus Sanctorum in terram conuersas commixtas inueniri potuisse; quandoquidem maior irreuerentia videtur eis facta, quam si vendidisset eas, vel exposuisset vendendas aliquibus in finem reuerenter colendi eas.
 - 2 Tum quia non videtur excusari posse prædictus Abbas ob ignorantiam; quia verisimile videtur eum sciuisse, in cœmeterio tot millium Martyrum, & tot Pontificum à tanto tempore ibi sepultorum, multas reliquias tam ossium, quam corporum esse permixtas terræ prædictæ, quam extraxit, & disperfit: & cum id sit verisimile omnibus, maxime erit prædicto Abbati, qui credere debuit id quod adeo verisimile est, iuxta l. qui verisimile cum ei adnot. de præsumpt. & l. non est verisimile. ff. quod metus causa. nam & non solum peccat qui contrauenit ei quod certum est non debere fieri, sed etiam qui probabiliter dubitat an debeat fieri, & facit, iuxta cap. dubius in fide infidelis est. de hæret. & non solum delinquit qui contra conscientiam

tiam certam facit, sed etiam qui contra probabiliter dubiam, ut late nos tradimus in cap. qualitas. num. 18. de poenit. dist. 5. post S. Thom. quodlib. 8. art. 13. quandoquidem (ut ibi probatur) qui dubio probabili peccandi mortaliter se exponit, mortaliter peccat, iuxta illud Eccles. 3. *Qui amat periculum, peribit in illo.*

SUMMARIUM.

- 1 *Crucis signum ne sculpatur in pavementis statuere potest Synodus diocesana & provincialis.*
- 1 *Statuere contra ius commune etsi non possit Synodus provincialis, vel Episcopalis, seu Episcopus; hoc tamen secundum aliquos non procedit, quando per hoc statutum reduceretur res ad ius antiquum, nec quando derogatur consuetudini, que est præter ius, vel solum permissiva, non autem approbativa.*

CONSILIUM III.

- V**TRVM Synodus provincialis, vel Episcopalis possit statuere, ne signum crucis pingatur, vel sculpatur in aliqua re humi iacente?
- 1 *Respondeo, videri probabile, posse Concil. provinciale statuere id quod statuit Imperator in l. 1. C. nemini licere, sig. Salu. &c. Tum quia est constitutio iuri communi consona. Tum quia Episcopus potest statuere contra ius commune novum redeundo ad ius commune antiquum, secundum Panorm. & quosdam alios, quos citat Fel. cap. quod super his. de maior. & obed. Tum quia licet hoc displiceat Felino, tamen non est hoc statuere contra ius commune, sed solum contra consuetudinem generalem, ut videtur probare cap. in his. & cap. Catholica. 11. dist. & nos tradimus in Manu. confess. cap. 1. num. 5. ad propositum satis huic simile, post alios ibi citatos; negari tamen posset quod sit generalis consuetudo, cum in plerisque partibus abstinetur ab huiusmodi sculptura, & pictura. Tum quia dici posset, quod consuetudo contraria prædictæ legi Cæsarez videtur potius permissiva, quam approbativa, inter quas magna differentia est secundum gloss. cap. denique. 4. dist. & tradita per Ioan. Andr. in Mercu. cap. peccatum. de reg. iuris lib. 6. Tum denique quod propter hæc omnia satis iuste potest dici prædictam constitutionem esse potius præter ius, quam contra illud. Salva, &c.*

DE OBSERVATIONE IEIUNIORVM.

SUMMARIUM.

- 1 *Vigilia Pentecostes est ieiunanda, & ita se habet generalis Ecclesie consuetudo.*

CONSILIUM I.

- 1 **R**ESPONDEO, quod vigilia Pentecostes est ieiunanda, per cap. nosse. & per cap. de ieiunio. 76. distin. unde gloss. §. necessario positi sub cap.

cap. scire. 76. dist. reprehendit Gratian. qui visus est contrarium tenere per d. cap. scire. & subdit quod Ecclesiæ consuetudo generalis habet, quod debeat ieiunari vigilia Pentecostes. quod addo ipse, quod in omnibus regnis, in quibus moratus sum, tam Galliæ, & Lusitanæ, quam Castellæ, Navarræ, & Romæ, ubi nunc moror, consuetudo habet ieiunandi prædictam vigiliam, quamq. ubique ieiunavi, & ieiuno, gratia Deo, qui nos omnes ieiuniorum amatores faciat. Amen.

SUMMARIUM.

- 1 *Ieiunium Quadragesimæ duo præcipit; primum, ut totam; secundum, ut singulos dies eius ieiunemus: & qui fregit primum, tenetur adhuc servare secundum.*

CONSILIUM II.

AN QVI fregit ieiunium quadragesimale, teneatur ieiunare reliquos dies Quadragesimæ, qui supersunt?

- 1 Respondeo quod sic: quia præceptum de ieiunanda Quadragesima duo præcipit; alterum, ut ieiunemus totam; alterum, ut ieiunemus singulos quosque dies eius: ita quod, licet fracto priori præcepto non ieiunando vno vel altero die, tenetur quis reliquos singulos quosque dies ieiunare, ut colligitur ex his quæ terminat S. Tho. 2. 2. q. 147. & ibi Caiet. art. 6. & 7. & ex his quæ nos tradimus in Man. confess. cap. 21. num. 10. & 17.

SUMMARIUM.

- 1 *Ieiunare valentibus famulis, & cenam petentibus debet dominus denegare, etiamsi inde debeat reputari avarus.*

CONSILIUM III.

DOMINVS timorata conscientia, animaduertens pueros suos, cum possent, non ieiunare, eosdem admonuit, ut si possent, ieiunent: sed quia credit eos clam comedere, non curat amplius rem indagare, ne habeatur pro avaro. Dubitatur, an teneatur ad aliquam maiorem diligentiam, & ad quam; maxime cum credat eos sine aliqua causa iusta ieiunium frangere.

- 1 Respondetur, quod præfatus dominus debet denegare cenam famulis potentibus ieiunare, non curando de opprobrio avaritiæ, immo gaudento, cum maledicant ei propter Deum, iuxta illud, *Beati eritis, cum maledixerint.* Salua, &c.

SUMMARIUM.

- 1 *Dispensatus ut secrete & sine scandalo diebus pisculentis carnibus vesci possit, non coram socijs, sed separatim eas ita comedere potest, ut alij videant quod in quo potest Ecclesia obedit.*

CONSILIUM IV.

AN DISPENSATVS, vt possit comedere carnes diebus pisculentis secrete, & sine scandalo, possit eas edere coram socijs, quibuscum ordinarie comedit?

1. *Questio hæc satis magna est: & pro parte quidem affirmante faciunt illa, quæ nos scripsimus de publico, & occulto, & pene occulto, in Manu. confess. cap. 27. num. 250.*

Pro parte vero negante facit, quod in omnibus dispositionibus mens & intentio disponentis est seruanda, l. in omnibus. ff. de cond. & demonstr. & cap. fin. de præben. & quod mens & intentio Papæ dispensantis cum hac clausula videtur esse, ne solito modo cum alijs socijs domesticis, & exteris aduenientibus, comedat; sed quod ita comedat, vt scientes eum comedere intelligant eum recognoscere, quod Ecclesia sancta sancte instituit dies ieiuniorum, & alios pisculentos, in quibus abstinendum sit à carnibus; & quod præstat ei obedientiam, quam potest præstare, licet non possit eam, quam omnino deberet. Et ita separatim eas comedat.

Et ad opposita, quæ ex loco supra citato adduci possent, responderi potest, procedere in alijs materijs, in quibus alia mens & intentio statuentis Ecclesiæ consideratur: quamuis in præsentia non liceat per occupationes id speciatim & singulatim monstrare. Salua, &c.

SUMMARIUM.

1. *Dictiones, huiusmodi, præfata, dicta, faciunt relationem restrictiuam ad præcedentia.*
2. *Præuilegia, dato aliquo quod operentur, restringenda.*
3. *Dispensationes exorbitantes odiosæ sunt, & restringenda.*
4. *Ieiunium ecclesiasticum differt à ieiunio per iobeleum, vel confessarium, vel voto, vel alia causa particulari indicto: unde dispensatus per Cruciatam, vt comedendo qua satisfaciat ieiunio ecclesiastico, non tamen comedendo illa satisfaciet alijs prædictis ieiunijs. num. 1. & seq.*

CONSILIUM V.

GREGORIUS XIII. concessit Cruciatam, cum clausula, vt qui acciperent illam, possent comedere oua & lacticinia diebus, quibus est indictum ieiunium ecclesiasticum; & satisfacere huiusmodi ieiunio, seruando alia quæ requirit ieiunium: postea Sixtus V. concessit iobeleum, cum ieiunio serię quartæ, sextæ, & sabbati. Queritur, an gaudentes clausula Cruciatæ, & ieiunantes secundum formam eius, satisfaciant ieiunijs indictis à Sixto in bulla sui iobelei?

1. *Respondeo quod non. Tum quod dispensatio, siue priuilegium prædictæ clausulæ Cruciatæ solum concedit facultatem comedendi oua & lacticinia in diebus ieiuniorum ecclesiasticorum: concedit etiam facultatem gaudentibus illa, vt possint comedere oua & lacticinia in diebus ieiunij ecclesiastici; & quod seruando alia, quæ requirit ieiuniū, censetur satisfacere*

- cere huiusmodi siue præfato ieiunio: quod est restringendum ad ecclesiasticum: verbum enim *præfatum*, vel *huiusmodi*, sunt restrictiva ad illud, quod refertur. l. huiusmodi, cum eis adnotatis, ff. de leg. 1. & sic habent verba Hispana Cruciatz, *Guardando en lo demas la forma del ayuno ecclesiastico loã vistos hauer cumplido y satisfecho al dicho ayuno*. Tum quia privilegia, licet ita sint interpretanda, ut aliquid operentur ultra ius commune, cap. in his. de privileg. non sunt tamen extendenda ad alios effectus, dato aliquo, quem operentur, & ad quem sint utilia, ut tradit Panor. in cap. certificari. de sepul. quem copiose cum multis alijs citat & sequitur Decius in cap. 1. num. 16. de rescrip. & consequenter præfatum privilegium non debet extendi ad alios effectus, dato aliquo, quem operetur: & interpretando quod præfatum privilegium operatur quo ad ieiunia ecclesiastica, siue ab Ecclesia iure communi instituta, non est extendendum ad ieiunia per præfatum iobelum inducta. Tum quod dispensationes, quæ exorbitant à iure communi, quale est prædictum privilegium, sunt odiosæ, & restringendæ, cap. ea quæ. & cap. odia. de regulis iur. lib. 6. Tum quod à separatis non fit illatio, l. Papinianus. ff. de minorib. & secundum proprium & vulgarem modum loquendi aliud est ieiunium ecclesiasticum à communi iure inductum, & aliud ieiunium quod quis vouet, & aliud ieiunium à confessore in pœnitentia impositum, & aliud ieiunium alio respectu particulari impositum: & consequenter privilegium datum ad moderandum ieiuniū ecclesiasticum institutum à iure communi, non est extendendum ad ieiunium votū, vel à confessore iniunctum, vel à summo Pontifice, vel ab aliquo alio superiore ad aliquem particularem respectum impositum alicui particulari homini vel personæ: quale fuit ieiunium iniunctum à S. D. N. ad quarendā iobelmi indulgentiam propter grandem & particularem respectum. Tum quod generi per speciem derogatur, cap. generi. de reg. iuris lib. 6. & in regul. in toto. ff. eodem. & consequenter præceptum speciale factum de ieiunando à summo Pontifice, quod præsumitur factum de modo ieiunandi secundum ius commune, derogat privilegio generali satisfaciendi ieiunio ecclesiastico. Salva, &c.
- Vide consiliū sequens, quod licet alicui videri possit, non tamen est huic contrariū.*

S P M M A R I V M.

- 2 Privilegium præsertim personale non extenditur ultra proprietatem verborum.
- 3 Ieiunare dicitur, qui necessitate ductus aliud non habens, edit quidē carnes, sed in reliquis ieiunium observat: quia necessitas facit ut carnes sint cibi ieiunij: quod & dici probabiliter potest de eo, cui Papa concessit, ut diebus ieiuniorum possit vesci carnibus, &ouis. nu. 2. verba tamen cōcessionis in primis erūt ponderanda. nu. 1.

C O N S I L I V M VI.

PAPA fecit facultatem N. comedendi carnes & ona diebus ieiuniorum. Queritur, an ipse N. lucretur meritum ieiunij servando alia quæ requirunt ieiunia.

- 1 Respondeo primo, quod cum non viderim breue, non possum cum certitudine integra respondere, l. inciuile. ff. de legib.

Secundo, quod priuilegium præsertim personale non debet extendi ultra id quod verba proprie significant, cap. porro. de priuileg.

Tertio, quod potest dubitari, an facultas vescendi carnibus & ouis in die ieiunij includat facultatem, ut ille qui eam habet, censeatur ieiunare seruando reliqua; & an sit maior facultas quæ datur comedendi verita, cum facultate ut seruando alia censeatur ieiunare, quam simplex facultas comedendi verita in die ieiunij, super quam quæstionem multa possent dici.

- 3 Ego vero nunc (salua mente Papæ) inclino in partem affirmatiuā: quia videtur sua Sanctitas, concedendo huiusmodi facultatem, virtualiter concedere ut carnes & oua sint priuilegiato cibi quadragesimales, vel conuenientes diebus ieiunij, & consequenter quod talibus vescens non censeatur vesci nisi cibis conuenientibus diebus ieiunij: ex quo sequitur, quod comedendo tales cibos non frangit ieiunium, & quod vere ieiunat; & consequenter consequetur meritum ieiunij: sicut credo quod consequeretur illud, qui, quia non potest habere panem & cibos quadragesimales, comederet semel tantum in die carnes, aut oua, aut lacticinia: quia necessitas facit hos cibos quadragesimales, quales etiam facit priuilegium Papæ; quia in utroque videtur esse eadem ratio.

Vide consilium præcedens.

DE ECCLESIIS AEDIFICANDIS, vel reparandis.

SYMMARIUM.

1. Pensionem habens super beneficio tenetur pro rata ad reparationem illius ecclesie, nisi pensio ab omni onere sit libera.

CONSILIUM I.

QVAERITVR, an pensionarius clericus habens pensionem impositā super aliquo beneficio ecclesiastico, & fructibus eius, teneatur pro rata soluere impensas faciendas in refectione tecti & parietum ecclesie.

- 1 AD HANC QVAESTIONEM respondetur primo, quod eam tractat Gigas doctor egregius in tract. responforum ad quasdam quæstiones ei propositas super pensionibus, q. 8. & respondet affirmatiue, quod sic, si non fuit imposita ita, ut esset libera ab omni onere, &c. ut frequentissime imponi solet à sancta Sede Apost.

Secundo, quod si pensio prædicta non fuit imposita ita, ut solueretur libera ab omni onere, D. consulens tenetur ad soluendos sumptus in prædicta refectione factos pro rata reddituum prædicti beneficii. Et quia fundamenta, quibus prædictus Gigas mouetur, apud eum, & apud allegatos ab eo videri possunt, & quia etiam non vacat ob alias occupationes, remitto consulentem ad ea.

Aliqua

Aliqua ad accessoria huius quæstionis pertinentia videri possunt per Fel. in cap. ad audientiam. il 2. de rescript. & per Caccialupum in tract. de pension. quæst. 10. & 16. & gloss. celebrem in clem. 1. de decim. in gloss. 1. Salua, &c.

DE IMMUNITATE ECCLES. COEMET.

& rerum ad eas pertinentium.

SUMMARIUM.

1. Index extrahens ab ecclesia exempta hominem, & iussus ab eiusdem ecclesia prælato ut captum restituat, non satisfacit, si captum liberum abire permittat, vel se subiiciat obedientiæ Episcopi non habentis in illa ecclesia iurisdictionem.

CONSILIUM I.

EX ECCLESIA exempta prætor hominem malefactorem extrahit, & postea Episcopo ordinario se submitit, & incarcerato fugiendi facultatem fecit, & ecclesiæ exemptæ conseruator mandauit dictum carcera- tum restituere. Dubitatur, an prætor pœnam per monitorium conseruatoris positam incurrerit.

1. Respondetur primo, desiderare me videre copiam mandati conseruatoris, ut certius respondere possim, iuxta l. ut responsum. C. de transact.

Secundo, inclinare me multum ad dicendum D. prætorem de rigore iuris incurrisse pœnam; quia non restituit captum illi ecclesiæ, de qua cepit eum: quia non excusat ab inobedientia illa submitio, quam fecit Episcopo, qui non habebat iurisdictionem in illa ecclesia exempta.

Tertio, putare me facile consequuturum eum gratiam cum prælato, eo quod permiserit fugere; & ita facere libertatem, ut posset, si vellet, redire ad ecclesiam prædictam regularem, in cuius porta fuit captus: nisi aliquid aliud, quod tamen non proponitur in casu, pacem inter eos impediat. Salua, &c.

SUMMARIUM.

1. Iurisdictionem etiam secularem ad personas ecclesiasticas spectantem sibi usurpans laicus incidit in excommunicationem bullæ: & hoc, modo dicta iurdictio ad dictos ecclesiasticos ratione dignitatis ecclesiasticæ spectet, aliàs non. num. 2.
3. Patronus laicus, cui competunt menses quatuor tantummodo ad præsentandum, id dicitur, cui, etiamsi sit clericus, competit id ius præsentandi ratione bonorum laicalium: ecclesiasticus autem, cui dantur menses sex, est, cui dictum ius ratione tituli ecclesiastici competit.
4. Ecclesiasticis, inter quos etiam sunt monachi, etiamsi non sint clerici, insolita etiam mediate vel indirecte imponens onera incidit in bullam Cænæ.
5. Ecclesiasticis onus illud censetur impositum, quod ita eorum subditis imponitur, ut ipsi cogantur illud in effectu subire.

PRAETOR & magistratus ciuitatis N. incolas castri Turris S. Seuerini ad suum tribunal traxerunt, & eis imposuerunt onus soluendi singulis annis caereum in recognitionem domini. Et cum iurisdictione dicti castri pertineat ratione abbatis ad Abbatem monasterij sancti Seuerini, & cum indirecte onus Abbas & monasterium soluere cogatur; quaeritur, an praetor, & homines de magistratu in bullam Cœnæ inciderint.

- Dubium prædictum videtur resoluendum affirmatiue, videlicet prædictum prætorem, & prædictum magistratum incurrisse excommunicationem bullæ Cœnæ Domini duplici capite. Vnum est, quod qui usurpat iurisdictionem pertinentem ad personas ecclesiasticas, incidit in illam; & prædicti, ut præsupponitur in dubio, usurparunt iurisdictionem pertinentem ad Abbatē S. Seuerini, qui est persona ecclesiastica: nam decreuerunt, & relaxarunt mandatum executorium contra subditos prædicti Abbatis, quos sciebāt illi esse subiectos, & à iurisdictione sua exemptos. nec prodest illis dicere, quod non usurparunt iurisdictionem ecclesiasticam, sed sæcularem tantum: quia ad incurrēdam illam, sufficit usurpare iurisdictionem pertinentem ad personam ecclesiasticam, modo pertineat ratione dignitatis ecclesiasticæ, ut nos declaramus in septima declaratione decimæ quartæ excommunicationis in Man. cap. 17. num. 69. vbi dicimus d. Caiet. ibi citatum intelligendum de usurpante iurisdictionem sæcularem pertinentem ad personam ecclesiasticam ratione sui patrimonij separati à bonis ecclesiasticis, & non de pertinente ad personam ecclesiasticam ratione dignitatis, vel bonorum, quæ antea erant sæcularia, & per donationem vel alias facta sunt Ecclesiæ, quibus est annexa iurisdicio temporalis, ut
- 3 in casu nostro: sicut in simili patronus clericus habet semestre ad præsentandum, cap. cum autem. de iur. patr. & laicus quadrimestre, cap. cum propter. eod. tit. & licet clericus, qui est patronus ratione patrimonij sui separati à bonis ecclesiasticis, censeatur patronus laicus, cap. cum dilectus. adiuncta glos. & doctrina communi de iure patron. qui tamen habet præsentationem ratione dignitatis suæ, censeatur ecclesiasticus, etiam si eam habeat ratione bonorum sæcularium donatorum ecclesiæ suæ, vel beneficio, arg. cap. 1. §. verum. de iur. patr. in 6. Alterum caput est, quod, qui imponūt onus insolitum ecclesiasticis personis, incidunt in excommunicationem decimæ quartæ prædictæ bullæ, ut ex ea patet. & licet prædicti prætor & magistratus solis laicis directe & immediate imposuerint onus insolitum recognoscendi in superiorem castri Turris sancti Seuerini ciuitatem N. mediate tamen & indirecte imposuerunt illud Abbati, monasterio, & monachis, qui sunt ecclesiasticæ personæ, etiam si non essent clerici, cap. non dubium. cap. de monialibus. de sententia excommunicationis. cum si prædictum castrum deberet subire onus soluendi prædictum caereum in recognitionem domini, Abbas & monachi prædicti deberent recognoscere prædictam superioritatem quo ad prædictum castrum: & qui vult antecedens, vult etiam consequens, quod illud necessario con-
 - sequi-

sequitur, l. illud. ff. de acqui. hæred. l. 2. ff. de iurisdic. om. iud. cum allatis ibi per Iasonem, & cap. præterea. de officio deleg. cum citatis ibi per Dec. & qui vasallo & domestico facit iniuriam, videtur eam domino facere, clem. 1. de excess. prælat. in princ. vbi Card. not. 3. Salua, &c.

SUMMARIVM.

1. *Fructus beneficiorum, ut tales, subiacere potestati & dispositioni laicorum, asserere, impietatem sapit quamdam: illorumq. administratio ita Papæ est reservata, ut de illis laicus princeps non possit se intromittere. num. 3. attamen postquam à clericis in alios fuerunt translati, tunc effecti profani laicæ subiacere poterunt potestati. num. 3.*
2. *Beneficium ius spirituale est dependenter, & spirituale quid in recipiente requirit, ut eius sit capax.*
3. *Beneficium non solum prout est ius percipiendi fructus ecclesiasticos, sed & eius prædia sunt quid sacrum: quique ea usurpat, est sacrilegus.*
4. *Christus est verus dominus bonorum ecclesiasticorum, Papa summus administrator.*
5. *Iudices laici si non præcipiendo, sed rogando petunt ab Episcopis monitoria, Concilio non contraveniunt Tridentino.*

CONSILIUM III.

QVAESITVM fuit primo, an fructus beneficiorum ecclesiasticorum subiaceant potestati & dispositioni laicorum.

Secundo, an particula illa decreti Conc. Trid. cap. 3. de refor. sess. 25. ibi, *Nec ad eas concedendas cuiusvis secularis, etiã magistratus, auctoritate adducatur, aduersetur stylo parlamentorum Galliarum præcipientium Episcopis, ut dent litteras monitoriales ad effectum reuelandi.*

1. **AD PRIOREM QVAESTIONEM** respondeo, quod impietatem quamdam sapere videtur, asserere fructus beneficiorum ecclesiasticorum, quatenus sunt tales, subiacere potestati laicorum. Tum quia beneficia sunt iura spiritualia, cap. dilecto. de præben. vel certe illis annexa nõ quidem antecedenter, ut est ius patronatus, sed dependenter, quod est plus; ita quod ad capacitatem illorum requiritur ut præcedat quiddam spirituale, quo quis fiat capax eorum, cap. cum adeo. de rescrip. cap. ex litteris.
2. de transact. & tradit S. Tho. recep. ab omnibus in 2. 2. q. 100. ar. 4. Tum quia ipsemet paulo prius q. 99. art. 3. dicit, non solum beneficia, quæ sunt iura percipiendi redditus ecclesiasticos, ut definiunt Petrus ab Anchar. in cap. 1. de reg. iur. lib. 6. Calder. in cap. in nostra. q. 3. de rescrip. & ibi resolute Felin. nu. 9. sed etiam prædia ipsa ecclesiarum, quatenus sunt talia, esse sacra; & qui diripit ea, vel absque solemnitate ecclesiastica usurpat, est sacrilegus, cap. sunt qui opes. & cap. quisquis. 17. q. 4. Tum quia per plura irrefragabiliter probanimus in tractatu de redditibus ecclesiasticis q. 1. mon. 21. D. N. Iesum Christum esse verum & plenarie dominum omnium bonorum ecclesiasticorum, nõ solum iure illo generali, quod, *Domini est terra & pleni-*

tudo eius, psal. 23. sed etiam speciali, quali quilibet homo est dominus rei sibi donatæ, vel aliàs legitime quæsitæ: adeo quidem, quod post Conc. Trid. quod ibi citauimus, non liceat opinari contrarium. Tum quia Concil. Later. sub Leone X. habitum sess. 9. 4. & cum fructuum. in indiuiduo declarauit Papam esse summum administratorem & dispensatorem omnium fructuum beneficiorum, & Reges & principes nullam super hoc habere potestatem: quem s. etiam nos allegauimus in tractatu de Iobelo notab. 29. num. 2. Dixi supra, quatenus sunt tales, id est fructus & redditus beneficiorum: nam quatenus sunt res vendibiles, & emibiles, & translata à beneficiarijs in aliquem per aliquam dispositionem licitam ab Ecclesia probatam, quia per illam facta sunt profana, possunt dici subiecta Regum & principum potestati.

4. AD SECVNDAM respondetur, particulam illam præfati Conc. non esse contrariam praxi celeberrimorum & omnigena eruditione præfatorum parlamentorum. Quandoquidem non est credibile parlamenta illa Christianissima, Christianissimi Regis auctoritate collecta, vti stylo præceptino in rogando Episcopos, vt dent litteras monitorias in quæst. contentas: quia id esset contra omnia iura naturalia, diuina, & humana, vt palam est: sed stylo precatorio, vt in omnibus terris, quas ipse incolui, fieri intelleximus: quod non est contrarium præfato Conc. quod vetat ne Episcopi auctoritate laica eas dent. quia id intelligendū est eo modo, quo cap. 2. de iudi. decernit, ne iudices ecclesiastici spiritualia negotia iudicio laicorum expediant: per quod non prohibet expedire aliqua ad preces & litteras precatorias Regum, principum, & aliorum iudicum laicorum. Quod si replicetur præfata parlamenta vti stylo præceptorio, & quasi superiores iubentes aliqua suis inferioribus; emendandus est vti cōtrarius iuri diuino, & sacris canonibus irrefragabilibus, cap. quoniam. 10. dist. cap. cum ad verum ventum est. 96. dist. & cap. nouit. de iudic. & alia multa, per quæ, vt arbitror, Rex Christianiss. id admonitus facile iubebit emendare. Salua, &c.

S Y M M A R I V M.

1. *Gabella nedum personalis, sed nec pro rebus proprijs potest imponi clericis, etiam quando eas vendunt in territorio, vel extra illud, etiam vt alteri donent, modo non causa negotiationis, seu non gratuiti contractus expresse vel tacite iniiciunt, transmittant. num. 1. 3. & 4. & cum dubitatur an causa negotiationis transmittant, eorum statuit iuramento. num. 4.*

CONSILIVM IV.

RESPUBLICA N. imposuit nouum pedagium, siue portorium, ita vt etiam ecclesiasticus dono mittens aliquos fructus, etiam ad ecclesiasticos, teneatur portorium soluere. Quæritur, an incurrerit aliquam censuram.

1. Respondeo primo, ad hanc quæstionem responsuro conuenire multum

tum legere statutum, vel declarationem, quæ præfata Resp. imposuit, vel declarauit impositam præfatam gabellam, seu portorium ex his, quæ dono mittunt subiecti eius existentibus extra territorium eius, contra omnia iura, quæ vetant imponi, & exigi à clericis gabellam personalem, vel de rebus proprijs eorum, quæ nos tetigimus in Man. nostro confess. cap. 17. num. 201. & copiosius citant Decius conf. 496. & citati ab eo: vt melius intelligeret causam, finem, & intentionem huiusmodi impositionis & exactionis.

- 3 Secundo, quod iuxta iura communia canonica non potest prædicta gabella, seu portorium exigi licite à clericis mittentibus dono pro xenio aliquos fructus de suis hortis & arboribus collectos alicui amico, vel domino, etiam extra territorium esistenti: quia secundum illa non possunt cogi ad soluendum portoria, vel gabellas de rebus proprijs, vel de fructibus eorum, nisi causa negotiationis ea transmitterent, iuxta clem. vlt. de cens. cum donatio non sit genus negotiandi, cum sit contractus gratuitus, & negotiatio fiat per contractus non gratuitos, vt colligitur ex l. 1. & 2. & tot. tit. ff. & C. de donat. iuncto cap. negotiatorem. & cap. eiciens. & tot. dist. 88. & ex toto titulo ne clerici vel monachi.
- 3 Tertio, quod clerici per iura communia supra dicta non debent ullam gabellam impositam à potestate seculari de fructibus propriarum rerum, quos vendunt intra territorium suum: ergo neque portorium ab eadem impositum pro transmissione ad aliud territorium per viam donationis, atq. à fortiori: quia magis debetur de rebus venditis, quam de rebus donatis, vt colligitur ex prædictis iuribus, & conf. 6. lib. 1. Panor. & ex præfato consil. Decij, qui citat multos asserentes Ecclesiam non debere gabellam de quasitis ex titulo lucratiuo.
- 4 Quarto, quod glossa notabilis in clem. vlt. de censib. communiter recepta habet, quod si inter clericum, & publicanum, seu eius exactorem fuerit controuersia, an res, pro qua petitur gabella, deferatur causa negotiandi, vel alia, & non possit alio modo probari, deferetur iuramentum clerico deferenti: cui sequens est non deberi portorium à clerico, nisi sciatur eum deferre causa negotiandi.

Per quæ omnia, & alia, quæ adduci possent, respondendum videtur, non esse soluendam prædictam gabellam, seu portorium à clerico mittente, dono aliquid, etiam extra territorium; nisi dolo, vel fraude excusandi portorium mitteret illud nomine doni, facto forte prius expresse vel tacite pacto, vt is, cui mittitur, tantumdem vel plus remittat nomine doni. quod est in causa, vt suspicer prædictam Remp. motam fuisse ad inbendum solui prædictum portorium ex fraudibus clericorum, quæ præfato modo & alijs consueuerant fieri publicanis suis: cum fraus & dolus nemini patrocinari debeant, cap. Sedes Apost. de rescrip. Ob quod conueniret, vt dixi, nosse finem, & causam, quæ mouit prædictam Remp. ad imponendam, vel declarandam prædictam exactionem. Salua, & c.

SUMMARIUM.

1. Bona clerici patrimonialia non gaudent privilegio bonorum Ecclesie, nisi in casibus in iure expressis, vel ad illorum titulum loco beneficii sit ordinatus.
2. Clericus solvens sponte collectas peccat, sed non excommunicatur, exigens autem sic.

CONSILIUM V.

N. SACERDOS habet patrimonium, ad cuius titulum fuit ordinatus.

Quæritur primo, an teneatur ad collectas publicas laicorum, quæ in dies imponuntur.

Secundo, an si eas soluerit, incurrat aliquam censuram.

1. Respondetur primo, quod quamvis inter doctores res controuertatur, communis tamen conclusio habet, quod bona patrimonialia non gaudent regulariter privilegio bonorum Ecclesie, nisi in casibus à iure expressis, ut tradit Panor. in cap. fin. de vita & honestate cleric. & in cap. si diligenti. de foro compet. & alij multi, quos citat & sequitur Felin. in cap. ecclesia sanctæ Mariæ. de constit. num. 8. sub finem.

Secundo, quod hæc conclusio fallit in bonis patrimonialibus, quæ habet clericus ordinatus ad illa data ei pro titulo ordinationis loco beneficii: quia pro huiusmodi bonis gaudet privilegijs bonorum Ecclesie, etiam in casibus non expressis à iure, per gloss. in cap. Episcopus. de præben. quam citat & sequitur Felin. ubi supra num. 10. & Decius in d. cap. Episcopus. num. 11. qui omnes firmiter tenuissent, si tempore suo Conc. Trid. statuisset de huiusmodi patrimonio illa, quæ statuit cap. 2. de refor. sess. 21. ubi prohibetur tale patrimonium alienari, nisi de licentia Episcopi, &c.

Tertio, quod ex his sequitur decisio quæstionis, scilicet quod huiusmodi clericus non tenetur ad soluendas collectas impositas, vel imponendas de huiusmodi patrimonio, plusquam de alijs bonis Ecclesie.

2. AD SECUNDAM respondeo primo, quod ob solam solutionem collectæ, quam non debet ex illo patrimonio, non incurrit ullam censuram. Tum quia cap. clericis. de immunit. eccles. lib. 6. per quod Bonif. VIII. statuit ut incurreretur excommunicatio ab eis, qui soluerent huiusmodi indebita sine licentia, vel auctoritate Papæ, fuit correctum & sublatum à Conc. Viennense in clem. fin. eod. tit. Tum quia licet dici posset huiusmodi solutionem vetari per Innoc. III. in cap. aduersus. de immunit. ecclesiarum: non tamen excommunicauit soluentem; & ita remansit sola excommunicatio Concilij Lateranensis positi in cap. non minus. eodem tit. in quo tamen nihil statuitur contra soluentem, sed contra exigentem tantum.

Secundo, quod probabiliter dici potest eum peccaturum grauitur, si sciens & credens non teneri ad soluendam illam soluerit sponte sine timore iusto

iusto incurrendi aliquod maius malum; quia videtur transgredi præfatum celebre cap. aduersus. de immunit. eccles. Salua, &c.

SUMMARIUM.

- 1 Statutum ut confrater sine consensu Prioris non possit confratrem in ius coram ecclesiastico vel seculari iudice vocare, sub pœna expulsionis à confratria, non est contra libertatem Ecclesiæ.
- 2 Libertatem ecclesiasticam non ledit statutum continens consilium sancti Pauli de non litigando.
- 3 Statutum bona fide seruans nullam incurrit censuram, etiamsi reuera esset contra libertatem ecclesiasticam.
- 4 Tempus immemorabile habet vim privilegij, si allegetur, etiamsi per illud derogetur ecclesiasticæ libertati.

CONSILIUM VI.

QVAEDAM confratria disciplinatorum ante centum annos inter alia statuit, ut nullus confratrum posset alterum confratrem conuenire coram iudice ecclesiastico, vel seculari, super spiritualibus, vel temporalibus, nisi de consensu Prioris præfatæ confratriæ, sub pœna expulsionis à confratria. Queritur, an huiusmodi statutum sit contra libertatem Ecclesiæ.

- 1 Respondeo, quod non. Primo quidem, quia, si vlla ratione præfatum statutum esset contra libertatem Ecclesiæ, maxime foret, eo quod tollit confratribus libertatem conueniendi confratres super spiritualibus coram Episcopis: qua tamen ratione non potest dici contra libertatem Ecclesiæ. Tum quia præfatum statutum nihil in effectu continet aliud à consilio B. Pauli Apost. 1. Corinth. 6. ibi, *Sic non est inter vos sapiens quisquam, qui possit iudicare inter fratrem suum; sed frater cum fratre iudicio contendit.* Tum quia illud statutum non astringit nisi volentem illud seruare: partim quod non cogit nisi volentem intrare confratriam, quam nemo cogitur intrare: partim quod confratrem nulla alia pœna punit, quam quod desinat esse frater confratrum: partim quod alioquin etiam votum virginitatis esset contra libertatem ecclesiasticam, per quam clerici minorum ordinum possunt ducere uxores.
- 2 Secundo, quod præfatum statutum in effectu solum statuit, ut qui non vult seruare consilium Pauli, non sit confrater illius confraternitatis: & absurdum esset dicere, quod facere obseruare consilium Pauli apud aliquam confratriam, esset contra libertatem Ecclesiæ, apud quam totam Paulus volebat illud seruari: & ita non dicendum, l. nam quod absurdum. ff. de bonis libert. cap. ad audientiam. de decim.
- 3 Tertio, quod præfati confratres bona fide sinceroque corde à maximo tempore tenent illud statutum in sua confraternitate: quod sufficit ad hoc, ut non incidant ob id in aliquam censuram, secundum Innoc. in cap. nouerit.

uerit. in fin. de sent. excommun. quem communiter receptum retulimus in Manu. confess. cap. 27. num. 119.

- 4 Quarto, quod tempus immemoriale habet vim priuilegij, c. super quibusdam. §. præterea. de verb. sign. & l. hoc iure. §. ductus aquæ. de aqua quoti. & æstiuæ. & ita præfata confraternitas potest se tueri allegando priuilegium habuisse faciendi & retinendi tale statutum, secundum mentem omnium fere scribentium. Salua, &c.

NE CLERICI VEL MONACHI SÆCVLARIB.
negotijs se immisceant.

S V M M A R I V M.

- 1 Tutelam & curam minorum suscipere nec Episcopus, nec sacerdos secularis coguntur, etiamsi sint miserabilium personarum; licet Syluest. & alij contrarium senserint. num. 3. possunt tamen: & hoc, modo non accipiant illas turpis lucri gratia, vel ob alium malum finem, num. 2. quia tunc etsi non incurrant suspensionem, possunt tamen puniri. num. 5.
- 2 Exequutor testamenti, tutorque, & curator esse potest nedum presbyter secularis, sed etiam religiosus, modo obtineat à suo superiore licentiam.
- 4 Miserabiles personæ reputantur omnes curatore vel tutore egentes.

CONSILIVM I.

AN PRESBYTER possit licite suscipere tutelam vel curam minoris?

Respondeo primo, quod de tutela & cura minoris idem videtur quo ad hoc propositum iudicandum, per textum in hoc mihi notandum in cap. peruenit. 26. dist.

- 1 Secundo, quod generaliter omnes clerici, & monachi sunt exempti à qualibet tutela & cura, per l. generaliter. C. de Episcopis & clericis. cap. generaliter. 16. q. 1. siue tutela sit legitima, quæ lege defertur, siue datiuæ, quæ à iudice datur, siue testamentaria, quæ à testatore defertur, iuxta illos titulos de legitimis tutoribus & curatoribus datis ab his. ff. C. & Instit.

- 2 Tertio, quod presbyteri, & etiam Episcopi possunt suscipere illas, si volunt, sine vllius alterius licentia, modo non suscipiant illas gratia turpis lucri, vel auaritiæ, vel ad alium finem malum; quoniam omne id, cuius finis malus est, ipsum quoque malum est, cap. cum minister. 3. q. 5.

- 3 Quarto, quod etiam religiosus potest esse exequutor testamenti, petita tamen & obtenta superioris licentia, cap. 2. de testam. lib. 6. & eadem ratione tutor, vel curator, vt recte ait Sylu. in verbo tutela. q. 3. addens, quod tutelam miserabilium personarum tenentur suscipere: quod ante ipsum dixerunt & alij, & in his Card. Turrecrem. in d. cap. peruenit. num. 5. quod

- 4 tamen nulla ratione probatur; & videtur reprobari, eo quod indigentes tuto-

tutoribus & curatoribus censentur miserabiles personæ, ut satis probat præfatum cap. peruenit. & tota dist. 87. & 88.

- 5 Quinto, quod presbyter, & alij prædicti, qui male suscipiant tutelæ vel curas, non incurrunt iuris communis suspensionem ipso iure, per præfatum cap. peruenit. quod solum dicitur esse subiiciendos correctioni; quam dictionem gloss. male videtur exponere per suspensionem, ut colligitur. Tum quia ex Hug. Archidiacon. & Turrecremata sanius intelligunt de correctione arbitrio maiorum faciendâ, & sic de poena imponenda à iudice, & non ipso iure. Tum quia nullibi probatur, quod verba illa, *subiaceant correctioni, vel castigationi*, debeant intelligi de poena ipso iure, cum alienum sit à sua significatione, cumque mitior intelligentia sit alia; & in dubio intelligenda est lex de mitiori poena, cap. in poenis. de reg. iur. lib. 6. cum ci annotatis.

S V M M A R I V M.

- Presbyter doctoratum in iure civili etiam sine licentia Episcopi assumens nullam penam incurrit; peccat tamen capiens sine sufficienti scientia.

C O N S I L I V M I I.

QVAESTIO est, an presbyter beneficiatus possit sine licentia sui ordinarij doctoratus gradum in iure civili assumere sine incurso aliquius censuræ, & irregularitatis, & sine amissione beneficij.

- Respondetur, quod si presbyter, de quo loquitur quæstio, callet sufficienter leges civiles, poterit assumere doctoratus gradum in iure civili sine incursione irregularitatis & censuræ, & sine periculo perdendi beneficium; licet non habeat licentiam sui ordinarij, secundum opinionem, quæ nobis magis placet, Panor. in cap. super specula. à num. 16. ne cler. vel monach. Si autem non callet satis leges ad sumendum gradum doctoratus in eis, peccabit eum assumendo, iuxta gloss. 2. clem. 2. de magist. sed non incurret ullam censuram. sicut etiam, si ignoraret canones, & assumeret gradum in eis, peccaret quidem, iuxta prædictam gloss. sed non incurreret censuram. Et addo nihil prodesse ipsi licentiam ordinarij: quia non potest eam dare ordinarius, iuxta notata in d. cap. super specula. & alibi communiter. Salva, &c.

S V M M A R I V M.

- Medicina exercitium prohibetur clerico existenti in sacris, alijs non; nisi habeat beneficium etiam non sufficiens ad sui sustentationem: non tamen ob id incurrit censuram, vel irregularitatem: peccaret tamen id faciens, nu. 2. sine dispensatione Papæ, nu. 4. immo nec peccaret, si causa pietatis, vel etiam causa cognationis, vel instantis necessitatis infirmi, vel suæ, ut sic sibi, cum aliunde non habeat, viduum lucretur. num. 3.

CON-

CONSILIUM III.

DE MEDICO clerico seculari prima tonsura vel minoribus tantum ordinibus insignito, & habente duas capellanas non reddentes victum ei sufficientem, an medendo peccet?

Respondeo primo, prefatum D. consulentem debere cauere, ne committendo, vel omittendo peccet aliquod septem generum peccatorum, quæ prohibentur, & esse peccata diximus in Manu. confess. cap. 25. num. 60. de peccatis medici, & chirurgi, cum declarationibus eisdem ibidem habitis.

- 1 Secundo, debere item cauere, ne utatur officio, & arte medica: quia licet clericus simplex ordine sacro & beneficio ecclesiastico carens non peccet officio & arte medica utens, plusquam laicus medicus: ordine tamen sacro insignitus, vel habens beneficium ecclesiasticum peccat utendo eis; ea ratione, quod est officium seculare, cuius exercitium prohibetur clericis & monachis, per rubric. ne clerici vel monachi secularibus negot. se immisceant, & cap. 1. de reform. sess. 22. Conc. Trident. per quod innovantur canones, & statuta vetantia clericis negotia secularia, in quod facit etiam cap. 6. de refor. sess. 14. eiusdem Concil. licet non æque clare, quæ duo capp. etiam nos citamus in Manu. conf. cap. 15. in l. 1. Næc obstat, quod beneficia D. consulentis sint parui prouentus, & ad victum eius honestum non sufficientia, quia in ea sumus opinione, quæ tenet, beneficium etiam non sufficiens victui honesto obligare ad recitandas horas canonicas: quam nostram sententiam efficaciter probamus contra Domin. Sor. in Enchirid. de oratio. cap. 21. num. 11. & qua ratione obligat ad horas canonicas, debet etiam obligare ad vitanda officia secularia, arg. l. ibi de ff. ad l. Aquil. 1. 1.
- 2 Tertio respondetur, quod prefatus D. consulens solo iure communi attentato non incurreret excommunicationem, nec ullam aliam censuram, nec irregularitatem propter exercitium artis prædictæ medicinæ, licet peccaret per prædicta: quia nulla talis poena interritur ipso iure, nisi alibi cubi exprimat, cap. 15. quid. sent. excomm. lib. 6.
- 3 Quarto, quod posset etiam licite sine vlla dispensatione curare causa pietatis infirmos miserabiles, & pauperes; & mea sententia etiam causa cognationis, & instantis necessitatis ægroti, & etiam ipsiusmet consulentis, si egerit, argum. cap. 1. & 2. de postulan. quæ necessitatis propriæ causa posset etiam negotiari, & aliquo honesto officio vel arte victum honestum sibi querere, per ea quæ citamus in d. cap. 25. num. 111.
- 4 Quinto, quod indiget dispensatione Papæ ad curandum per prædictam artem generaliter quoscumque infirmos diuites, & pauperes, propinquos, & extraneos sine peccato, ut prædictum est. Salua, &c.

SYMMARIUM.

- 1 Generalia verba mandati & præcepti ad licita restringenda sunt.
- 2 Constitutio Gregorij XIII. contra receptatores bannitorum lata ligat etiam clericos eis

ne eis fauente extra casum confessionis, & alios in quibus iure naturali vel diuino eos iuuare tenentur: nemini autem precipit ut bannitos denunciet. num. 2.

3 Tolerare bannitos qui prohibentur, non ideo censentur obligati ad eos denunciandos.

4 Denunciatio bannitorum quando non potest nisi cum propria mortis periculo fieri, in dubio non est censenda per legislatorem precepta.

CONSILIUM IV.

SUPER contentis in bulla Greg. XIII. contra receptatores bannitorum, &c. dubitatur primo, an omnes teneantur accusare, propalare, vel denunciare bannitos. Secundo, an esto laici teneantur ad accusandum, denunciandum, & propalandum, etiam clerici teneantur ad idem.

1 Respondeo primo, quod alicui videri posset non includi clericos, vel monachos in predicta bulla. Tum quia nullam de illis specialem mentionem facere videtur: & quod nullam mentionem facit de Cardinalibus, Archiepiscopis, Episcopis, Abbatibus, Decanis, Canonicis, &c. Tum quod meminit in specie Duces, Marchiones, Comites, & alios seculares, siue laicos. Tum quod verba illa, *Ecclesiastica dignitate praeclitus, &c. Beneficio ecclesiastico priuati*, possent intelligi de dignitate, & beneficio temporali, quam, vel quod quis teneret ab Ecclesia. Tum quod clerici vel monachi non possunt licite facere multa, quae in ea iubentur, & verba generalia restringenda sunt ad licita, nisi procurator ff. de conditio. indeb. cap. 12 de iureiur. lib. 6.

2 Tum denique quod non est tanta ratio includendi eos, cum rari videantur clerici, vel monachi fauente huiusmodi sanguinarijs, & grassatoribus: & quod constitutio est valde exorbitans a iure communi, & poenalisissima, ideoque restringenda. Sed quia utitur illo verbo generali, *Quicumque*, & illis verbis, *Etiam ecclesiastica dignitate praeclitus*, & illis, *Ecclesiastica dignitatis, vel mundana cuiusvis conditionis, & ordinis*, & illis, *Ecclesiastico beneficio*: & quia conditor eius, ad quem pertinet interpretari, l. fin. C. de legib. est praesens: & quod etiam ecclesiastici solent aliquibus eorum male fauere: non audeo excludere illos, qui eis fauerent extra casum sacrae confessionis, & alios, in quibus iure naturali vel diuino tenerentur eis fauere.

3 Secundo, quod non videtur, quemquam per eam teneri ad accusandum, vel denunciandum: quoniam nulla eius parte id cauetur: licet in versiculo *communitates, &c.* iubetur, ut vniuersitates, quae hauerint accessum, stationem, vel transitum aliquorum illorum, debeant pulsu campanae conuocare populum armatum, illosque capere, si possunt, & si non possunt, commonefacere finitimas, quasque communitates, vniuersitates, vel dominos; non tamen iubet id singularibus personis, quas mox obligat ad alia diuersa, in quibus non includitur accusatio, nec denunciatio; quamuis includatur receptatio, & largitio, & opitulatio per cibum & comestum & aliud ad euadendum: & iussus non tolerare non videtur iussus accusare, vel denunciare. Tum quod apud emendate loquentes, tolerare, significat sufferre, vel sustinere, vel tenuiter alere: & ita potest quis non tolerare contradicendo, vel nolendo conuersari, vel cohabitare, licet non accuset, neque denunciet. Tum quod aliud est non tolerare iniuriam, & aliud deferre illam

illam iudici: passim enim videmus nobiles non tolerantes iniuriam, neque deferentes eam in iudicium; & multi non tolerant excommunicatos, nec deferunt eos in iudicium, ut colligitur ex toto tit. de sent. excomm. Tum quod si S. D. N. voluisset obligare omnes ad accusandum, vel denunciandum, id expressisset, ut ait cap. ad audientiam. de decim. sicut expressit in sua extrauag. ab ipso. Tum quod periculosissima & morti vicina est huiusmodi denunciatio: & legislator præsertim iuris callentissimus, qualis est S. D. N. nouit non debere legem ligare aliquem ad huiusmodi periculosissima, cap. erit autem lex. 4. dist. declaratum per S. Thom. 1. 2. q. 95. art. 3. Tum denique quod ipsemet S. D. N. nouit, quod leges huiusmodi denunciations præcipientes male recipiuntur à populo: nouit enim quod extrauag. 2. de simo. quæ hoc præcipit, numquam fuit recepta, ut tradimus in Manu. confess. cap. 27. num. 106. neque extrauag. prædicta, ab ipso. quantum ad hoc est recepta. Salua, &c.

S V M M A R I V M.

- 1 *Ius ciuile etiam respiciens materiam criminalem prælegere, & super eo cõmentarios scribere nequaquam clericis beneficiatis etiam in dignitate constitutis prohibetur, nec ob id incurritur aliqua irregularitas. nu. 2. auditio autem ijs solũ prohibetur, qui sunt sacerdotes, vel habent dignitates, seu personatus, vel sunt monachi. nu. 1.*
- 2 *Absolutio & dispensatio petita ab eo qui ea non eget, ei non nocet.*

CONSILIVM V.

NLECTOR materiæ criminalium in Academia Romana aliquot beneficia à Papa obtinuit, propter quod prima tonsura insignitus fuit: & cum ipse Papa illi propitius esset, ad maiorem cautelam absolutionem cum noua provisione petijt, ut & lectionem criminalem, & dicta beneficia retinere posset: supplicationeq. signata, & ad registrum missa, Papa vita functus est: vnde in expeditione litterarum orta fuit difficultas.

Quæritur primo, an dispensatio sit necessaria.

Secundo, si nocet pro illa fuisse supplicatum.

- AD PRIMAM responderetur, quod si antequam conferrentur D. consulti prædicta beneficia, assumpsit primam tonsuram, de qua loquitur, ut par est credere, non indiget noua collatione, nec noua expeditione bullarũ, nec vlla dispensatione ad prælegendum ius ciuile: quia non habet dignitatem, neque est presbyter, nec monachus: nec etiam indigeret dispensatione ad prælegendum iura ciuilia propter beneficia præfata, quæ nõ sunt dignitates, nec personatus, neque officia, de quibus loquitur cap. de multa. de præbend. & cap. super specula. ne clerici vel monach. neque per consequutionem ad prælegendum partem iuris ciuilis, quæ materiam criminalem continet. Tum per rationem prædictam. Tum quia nõ vetatur prælectio legum ciuiliũ etiam constitutis in dignitate, sed tantum auditio, ut post Innocen. tradimus nos in Manu. nostro confess. cap. 27. num. 16.
- neque

neque debet timere incurfionem irregularitatis, eo quod prælegit materiam criminalem; quia illa non incurritur propter prælectionem legum criminalium, neque propter commentarios super illis compositos, sed tantum propter homicidium, vel mutilationem factam, ope, consilio, vel auxilio ad id præstito, & ob eam præstationem consequuto.

- 3 AD SECUNDAM respondetur, quod nihil nocet ei petitio dispensationis prædicta. Tum quia non est necessaria per prædicta: quia petitio etiam absolutionis ab excommunicatione non inducit necessitatem eius, licet petatur, ut satis sentit gloss. singularis in cap. venerabilem. de electio. verbo postulavit. quatenus loquitur de petitione ad cautelam, & allegat cap. ad eius. 5. dist. & Panorm. communiter receptus post multos à se citatos tenet. & citius ipse consulerem D. consulenti, ut eijceret eam à domo, si haberet in arca, quam quæreret, ut eam mitteret in illam: quia ad nihilum prodesset, & veniens in manus alicuius parum eruditi posset nocumentum facti afferre, licet non iuris, quo ipse defenderetur, & ideo relinquat dormire. Salua, &c.

SUMMARIUM.

- 1 Clericus in minoribus constitutus beneficio carens potest sine peccato etiam in criminalibus patrocinari, nec eget ad id indulto: quod si eidem se talem narranti concedatur, non tamen ei ascendenti ad sacros, vel postea obtinenti beneficium proderit; sed, peccabit patrocinando, non tamen incurrit irregularitatem, si ex suo patrocinio mors non sequatur.

CONSILIVM VI.

CLERICVS in quatuor minoribus constitutus, cupiens promoueri ad sacros, fecit se absolui, eo quod patrocinator fuisset in causis ciuilibus & criminalibus: & post huiusmodi absolutionem patrocinator est in causis ciuilibus sæcularibus. Quæritur, an indigeat de nouo absolui, si ad sacros ordines promoueri voluerit; & an idem sit, si in causis ciuilibus ecclesiasticis sit patrocinator; & quid dicendum, si in indulti patrocinando supplicatione narretur, quod in quatuor minoribus ordinibus constitutus existat, nullumq. habens beneficium: Vtrum si ad aliquem sacrorum ordinum promoueatur, vel beneficium sine cura obtinuerit, indultum ipso iure fiat nullum?

- 1 Respondeo primo, quod nullus clericus, siue tantum quatuor minoribus, siue etiam sacris initiatus, incurrit excommunicationem, vel aliam censuram patrocinando in causis, siue sint ecclesiasticæ, siue sæculares, & siue criminales, siue ciuiles: quia nullo iure id cauetur: quamuis peccaret etiam mortifere id faciendo, si haberet beneficium ecclesiasticum, vel si constitutus esset in sacris, licet non haberet beneficium, cap. 1. de postul. incurreret tamen irregularitatem, si ex suo patrocinio

sequeretur mors, vel mutilatio membri, per ea quæ habentur in cap. sententiam sanguinis, ne clerici vel monachi.


Secundo, non posse satis facile intelligi, à quibus fuit absolutus. Deconsulens, eo quod in quatuor minoribus constitutus patrociniatus fuerit, cum non dicat se tunc habuisse beneficium, nec proponat se incurrisse irregularitatem, nec petiisse dispensationem super illa.

Tertio, quod etiam ex primo dicto sequitur, non indigere ipsum ab solutione aliqua noua, nec dispensatione, si non fuit patrociniatus in causis criminalibus, ita ut ex eius patrocinio mors, vel mutilatio sequuta fuerit.

Quarto, quod indultum præfatum, ut posset patrocinari in statu quatuor minorum, & carens beneficio, non fuit indultum, nec priuilegium, sed ius commune; quandoquidem constitutus in quatuor minoribus tantum, & omni beneficio carens, nullo iure prohibetur patrocinari, per præfatum cap. 1. de postul. & resolutionem Panor. communiter recepti: & perinde debet iudicari de ipso, ac si non habuisset illud indultum; quia frustra precibus impetratur, quod iure communi conceditur. l. 1. ff. ad municip. & gloss. cap. 1. de rescript.

Quinto, quod posteaquam fuerit aliquo sacro ordine insignitus, vel aliquod beneficium etiam simplex adeptus, non poterit patrocinari virtute illius indulti, nec iure communi, nisi in casibus permisis in dicto cap. 1. de postul. Salua, &c.

Finis Tertij Libri, quo Prima Pars absolvitur.



Errata sic corrigito.

Pag. 4. linea 23. Incestus affinitatis 6.7. patitur consentit 7.43. & vel 27 8. admissi ad-
missi 31.39. nu. 148. nu. 248. 32. 30. societas societas 1. 33. 3. quia quo 33. 5. de-
ponatur *adde* dos ibid. 24. illas illos 36. 12. bullam bullæ 38. 9. fecerint fecerit
46. 10. reuocata modificata 51. 43. in electionib. *adde* sine iusta causa, vel culpa, vel legi-
tima causa cognitione. 58. 1. eundem idem 64. 34. restitutio restitutionis 64. 43. nullum
dele 66. vlt. nu. 95. nu. 10. 72. 2. prædend. præbend. 74. 23. sed & *dele* & 77. 39.
iustam istam 83. 5. expressio *adde* falsa 84. 23. illos illud 85. 25. pollea Polla 91.
34. 5. E. 93. 3. viginti viginquinque 102. 1. & 103. 34. Bixio Bailio 104. penult. ex
vel 117. 35. quæ qua 117. 40. Dicimus Dicunt 120. 6. illis illa 120. vlt. extendit
videtur extendere 123. 32. sibi *dele* 127. 4. Ritus Metus 128. 16. L. 2. l. 1. 131. 17.
nu. 100. nu. 110. 132. vlt. Tertij Secundi 138. 24. sacrorum *adde* eodem die factam
142. 19. effecit fecit 143. 14. clericum subditum 147. 24. nu. 13. nu. 24. 148. 6. ordinand
ordinati 148. 13. dispositione dispensatione 148. 35. cap. eius. cap. episcopus. 149. 30.
per annum post annum 150. 35. sess. 22. sess. 21. 152. 9. nu. 245. & nu. 145. nu. 255.
156. 12. illud illum 156. 9. clem. 2. clem. vnica 159. 9. finalis finali 160. 32. super di-
ctione vestra, secundo loco posita, *dele*. 160. 40. non dissimili dissimili 161. 5. ad altio-
res sacros. ad presbyteratum 161. 36. sess. 25. sess. 24. 166. 6. dimissorij si dimissorij
& ita si ibid. 7. exteriori *adde*, potest ab eo peti: 172. 24. positam sess. 7. de refor. cap. 10.
dele. 173. 40. ordinis originis 176. 15. in loco distantissimo à sua patria in sua patria à
dicto loco distantissima 180. 25. XLV. XLVI. 182. 27. collatio institutio 184. 9. re-
citauit, *adde*, nec ad presbyterium se promoueri fecit 184. 33. curatum habere curam
animarum 185. 7. in dict. cap. in dicto cap. de multa. 188. 4. num. 2. sic lego: Chrismatis
de essentia, prout est materia necessaria sacramenti, non est balsamum. num. 4. & 8. & lin.
seq. ibi, & balsamo *adde*: sed defectus balsami non annullat sacramentum. 190. 90. An-
dr. Hadrian. 197. 1. consideretur concederetur 198. 27. Pape patronatus 200. 26.
etiam curata *adde* accipienda 201. 11. gloss. 2. cap. gloss. cap. 202. 35. penam *adde* su-
spensionis, nec irregularitatis, nec 206. 5. usurpatione vlucapione 208. 38. illegitimos
adde, & illarum moderationem à Greg. XIII. 232. 35. reg. lib. 6. decre. cap. deoet.
de reg. iur. lib. 6. 235. 28. 4. q. 5. 2. q. 5. 238. vlt. humanorum *adde* circa ea 241. 34.
cap. 1. cap. 5. 244. 13. presumptione prescriptione 245. 20. scilicet competit ius præ-
sentandi collegiatis scilicet collegiatis competit ius presentandi. ibid. 31. sine consilio
sine consensu ibid. vlt. capitulorum capitularium 247. 15. dispensatis dispositis 248. 28.
Maij Martij 255. 34. & 41. Bald. Balb. 261. 30. contra eos fama, vel alia sunt sufficien-
tia sunt contra eos fama & alia sufficientia 262. 5. loquentium intelligentium 268. 1.
præcepit præcedit 270. vlt. sedem *adde*, non tamen habet eandem iurisdictionem, quam
habet Concilium, nec ei parem. nu. 5. 275. 31. Vnicum Vnitum 285. 24. ad reuelandum
occulta, *dele*, & sic lego, ad manifestandum quæ nouit vel audiuit de aliqua re 290. 37.
nu. 1. nu. 4. 302. 18. 22. 23. & respectu sed diuerso respectu 302. 20. & ut qui potest ut
316. 37. quoad annum nouitiatus *dele*, & sic lego, videlicet anni nouitiatus omissionem non
vitare in dicta religione professionem 318. 43. quod dat quod dat 319. 2. lib. 6. *adde*, &
inde subiungimus sequentia. 326. 29. à primo à principio 328. 4. dicta *dele* 344. 5.
cap. religiosi. cap. religioso. 344. 10. de regular. *adde* lib. 6. 344. 33. & 36. cognoscunt
cognoscit 345. 40. num. 39. num. 53. 348. 26. feminas feminae 351. 32. sincerus sin-
cerius 351. 35. consil. 82. de regul. consil. 7. de stat. monach. 367. 35. loco præcitato
cap. 17. num. 134. 377. 8. quæst. 8. quæst. 6. 381. 13. præterea. præterea. il 1. ibid. per-
uenit. 1. peruenit. 2. 382. 7. cum in causa. cum Martia. ibid. 8. quæst. 1. quæst. 2. 1
ibid. 40. non posse absolvere non posse se inuicem absolvere 386. 1. offeramus. 4. offera-
mus. 24. 387. 23. dilectis. dilecti. 388. 15. cap. turbat. cap. turbatur. 389. 33. de consti.
de consuet. ibid. de iure patr. de censib. 396. 42. lib. 6. *dele*. 403. 23. earum eius
417. 12. pastoralis pastor 417. 23. reliquare volentes relinquere nolentes 435. 19. suspē-
sio suspensio 441. 40. eam ea 444. 41. vtrique vtrique 445. 19. curam cura 487. 41.
prouiso prouiso 494. 24. omne omnem 501. 21. suspensionem suspicionem ibid. num.
72. num. 10. & seq. 504. 39. rubus rubos 507. 40. non fuerunt *dele* non 512. 36. An
visitator Episcopi An Episcopus 520. 17. deposito depositio 567. penult. merita nume-

rata 575.40. pereat *adde* domus ipsa, & quod non possit illam vendere 583.31. rebus
adde immobilibus 584.35. determinatur determinatur 589.11. merx merces 592.
 38. pacta illa, *adde*, quæ simpliciter excusarent à caducitate, non tamen illa 598.3. reco-
 gnitionis recognitiones 602.13. quo nascuntur quo non nascuntur 607.14. quam
 prius quam 611.3. de solution. de fideiuss. 614.11. mobilia, & immobilia immobilia, &
 mobilia 630.3. reliquisset reliquisset 635.2. cap. dicatis. cap. non dicatis 664.13.
 qui quæ 666.29. annum annum 688.19. absolendus sepeliendus in sacro 721.24.
 quodcumque quocumque 737.21. nu.536. nu.5. 770.5. ad quem ad quod 786.36.
 consules consulens 791.4. probet præbet 800.31. transmissionem *adde*, sed non iuni-
 dicas 812.35. translato translatus 833.31. cuius quorum 864.25. dicit ducit 880.
 41. q.11. q.111. 906.4. constitas castitas 994. ult. indictus indistinctus.

*Animadversiones quedam ad nonnulla Nauarri consilia, quas hic ad libri
 calcem apposuimus, ne illis candide Lector careas, sed suis
 locis singulas reponas.*

- Pag.17. in adnot. ad 9. quæst. consilij 1. de constit. hæc adde: Et certe cum processus bullæ fera-
 tur potius in modum præcepti, quam legis; & sententia excommunicationis pluribus in lo-
 cis feratur contra illos, de quibus Papa certo scit quod nolunt eius mandata recipere; non
 potest dici illam ferri sub conditione, si acceptetur: & cum singulis annis renouetur & fera-
 tur, vix potest accommodari id quod dicitur de lege non recepta.
- Pag.74. in fine consilij 11. de rescript. addatur: Aduertendum in casu proposito non posse ac-
 commodari quod dicitur de deuolutione ad Pontificem facta, cum agatur de beneficio, quod
 vacauit in mense eidem Pontifici reseruato.
- Pag.75. ad nu.3. consil. 12. de rescript. addatur: Aduertendum, cum hic agatur de fructibus be-
 neficij, quod modo habet legitimum successorem, & administratorem, non posse in hoc ve-
 rificari omnes dictos tres modos restituendi: quia immo dicti fructus videntur restituendi
 dicto successor.
- Pag.80. ad finem eiusdem consil. 12. Aduertendum, id quod dicitur nu.10. pro validitate pen-
 sionis, esse admodum dubium in foro conscientie: cum causa, ne ex huiusmodi resignatione
 nimium patiatur, vere non subsistat: & clausula illa, *sine pradiu, sine alio modo*, &c. non
 respiciat suppletionem defectum nullitatis pensionis.
- Pag.122. ad consil.4. de renuntiat. in fi. Aduertendum, referri sacram Congreg. censuisse eius-
 modi renuntiationem esse nullam, ex quo non fuit expressum resignantem ad illius titulum
 promotum; quæ expressio pro forma requiritur.
- Pag.129. ad finem consilij 8. de renuntiat. adde: Aduertendum, quod spectat ad possessionem
 triennalem, videndum quod notatur infra consil.20. & 30. de præben. & quod spectat ad re-
 gulam de publicand. resign. videndam constitutionem Greg. XIII.
- Pag.140. in fine consil.6. de temp.ord. adde: Vide supra consil.4. & infra consil.12.
- Pag.149. ad consil.15. de temp.ord. Aduertendum hoc responsum non videri carere maxima
 difficultate; nam ratio excusationis, de qua nu.2. & 3. videtur repugnare illi dicto, quod po-
 nit supra consil.14. nu.2. & quam ponit nu.4. non videtur subsistere; ex quo Concilij verba
 expresse requirentis pacificam possessionem, nullam probabilem admittunt dubitationem,
 nec obscuritatem. vnde doctrina Innoc. in hoc casu sibi locum non potest vindicare. Vide
 infra consil.17. nu.3. & de ætate & qualitat. consil.7. nu.4.
- Pag.150. ad consil.16. de temp.ord. Aduertendum quo ad remedium petendum ab Episcopo,
 seu Capitulo: nam aut petitur in foro conscientie; & obtentum à sacra Pœnitentia suffi-
 cit: aut quo ad forum exterius, & nec Episcopus, nec Capitulum dispensat: nisi dicamus per
 dictam concelebrationem non incurri irregularitatem, quod forte verius videtur.
- Pag.162. ad consil.26. de temp.ord. Aduertendum, referri Congregationem censuisse regula-
 res, qui volunt ab alieno ordinari, debere obtinere dimissorias etiam à diocesano, si in die-
 cesi commoratur. & vide infra consil.36.
- Pag.172. ad additionem consilij 26. de temp.ord. hæc adde: Vt supra consil.16.
- Pag.204. ad finem consilij 4. de fil. presbyt. Aduertendum, dispensationem Episcopi, de qua hic
 per

- per Navar. nu. 2. non respicere impedimentum proveniens ex defectu natalium; sed illud quod provenit ex eo quod sine dispensatione Papa assumpsit sacros ordines.
- Pag. 229. ad consil. 1. de offic. vicar. adde hæc verba: Vide infra consil. 3. de offic. ordin.
- Pag. 234. ad consil. 5. de offic. iud. deleg. adde: Aduertendum primo, videri dictam regulam non habere locum in hoc casu, in quo hic habuit titulum ab eo qui non poterat dare: Secundo, magis communem videri, regulam non prodesse in foro conscientie.
- Pag. 245. ad consil. 2. de offic. iud. ord. adde: Aduerte, quia Rota tenet Episcopum non posse cogi ut habeat vicarium, ut habet Puteus lib. 2. decis. 43. Methodanus de officio vicar. decis. 4. sed nec Felin. d. cap. quoniam, sequitur Abbatem. Vide etiam supra de offic. vicar. consil. 1.
- Pag. 256. ad consil. 9. de offic. iud. ord. adde: Aduertendum, pronunciatum fuisse per sententiam, quæ transiit in iudicatum; Episcopum non potuisse mutare beneficium perpetuum in manuale, ut etiam insinuat Navar. hic nu. 2. ad fin.
- Pag. 304. ad finem consil. 3. de iis quæ vi. adde: Aduertendum, ea quæ hic scribit Navar. in fin. nu. 6. & 7. non ita esse intelligenda, ut Papa sua dispensatione concedat alicui, ut iuri naturali diuino non subdit; sed determinando materiam voto, quod iure naturali diuino obligat, promissam, in illo casu non esse congruam materiam voti, & sic non obligare; ut declarat Dr. Thom. 2. 2. quæst. 88. art. 10. ad 2. & quæst. 89. artic. 9. ad 1. ad quem locum se remittit idem Navar. de penit. dist. 6. cap. pen. sacerdos. nu. 132.
- Pag. 330. ad consil. 4. de iudiciis. adde: Aduertendum, Navarrum non solum non negare, immo expresse affirmare matrimonium per in foro conscientie tantum dispensatos contractum esse semper incommutabiliterq. validum: sed ex quo dicta dispensatio eis non suffragatur nisi quo ad forum conscientie, inde sequitur iudicem fori exterioris debere cum prædictis se gerere, ac si sine dispensatione, cum de ea ipsi legitime non constet. Contra xissent.
- Pag. 352. ad consil. 1. de caus. posses. & prop. adde: Consilium de quo supra nu. 2. repetitur sub tit. de statu monach. consil. 7.
- Pag. 420. ad notata ad consil. 3. de vit. & hon. cler. ibi, 18. Ianuarii, adde, cum illius modificatione edita ab eodem pridie Kal. Februarii.
- Pag. 588. ad consil. 22. de empt. & vend. in fine adde: Aduertendum Pium V. circa æqualitatem horum officiorum in statu Rom. Ecclesie edidisse quandam constitutionem, de qua in hac materia idem Navar. meminit in Man. confess. cap. 25. post num. 7. qui etiam videndus est in tract. de datis & prom. not. 32. post nu. 45. vers. 4.
- Pag. 863. ad consil. 13. de conuers. coniug. adde: Aduerte, quia quintum dictum, & illius responsio videtur intelligenda ut supra consilio.
- Pag. 916. ad consil. 17. de voto. adde: Aduerte, quod cum Caietanus 2. 2. quæst. 189. artic. 8. ad fin. teneat contrarium eius quod Auctor nu. 8. habet, & doctrina eiusdem Caiet. d. quæst. 189. art. 3. in resp. ad 2. dub. videatur subuergere conclusionem Auctoris; tutior videtur via commutationis.
- Pag. 919. ad consil. 19. de voto. Aduertendum, Episcopum non posse ex sola sua libera voluntate tollere interstitia, sed requiri causam ex sacro Concilio sess. 23. cap. 11. & 14.
- Pag. 998. ad fin. consil. 6. de statu monach. adde: Aduertendum circa ea quæ dicuntur num. 8. referri sacram Congreg. censuisse superiores religionum posse solum sua monasteria obligare, ut obseruent eorum instituta, à quibus forte recefferunt; Pontificem autem posse religionis indicare strictiorem vitam, quam sit illa, quam requirebat eorum regula.
- Pag. 1007. ad consil. 11. de stat. monach. adde: Aduertendum, referri à tempore Greg. XIII. & circa obseruari, ut canonicis regularibus dentur beneficia curata secularia.
- Pag. 1017. ad finem consilii 14. de stat. monach. adde: Aduertendum difficile esse sustinere dictam concessionem non esse contra dispositionem dicti cap. 2. sess. 25. de regularib. expresse decernentis, administrationem immobilium non aliis quam officialibus, qui ob utilitatem monasterii creari solent, concedendam esse: qualis non est hic conductor, qui ut priuatus religiosus, & ad suam utilitatem & damnum hanc obtinuit administrationem.
- Pag. 1030. ad consil. 5. de iure patron. adde: Aduertendum referri resolutum fuisse ad examinatores non spectare iudicare quis sit magis idoneus. Vnde patronus ecclesiasticus ex approbatis pro idoneis eliget eum qui sibi magis videtur idoneus, quem præsentabit Episcopo, ad quem spectat ius instituendi. At si institutio ad alterum pertineret, Episcopus ipse ex approbatis eliget magis idoneum, quem patronus præsentabit ei, qui debet instituere.

Pag. 10 ; 8. ad consil. 4. de censib. Aduerte, ne ex his quæ dicuntur num. 2. infors consuetudine
posse induci, vt pro sacramentorum collatione clerici à clericis aliquid possint exigere, con-
tra Panorm. cap. Iacobus. num. 2. de simon.

Pag. 1068. ad finem consil. 1. de celebr. miss. adde : Sed quod qui audit Missam noctis Natalis
satisfaciat præcepto, notat Syluest. verbo Missa 2. post nu. 1. vers. dicitur secundo. vnde idem
videtur posse dici de celebratione : licet D. Nauarrus hic vtatur illa dictione, alteram, quæ
dicitur de duobus : sed quia alterum etiam potest dici de tribus, ideo posset dici D. Nauar.
non dissentire à Syluest.

Pag. 1105. ad consil. 6. de baptismo. Aduerte, quia ex rationibus adductis, ac ex citata au-
thoritate Cajet. elicitur D. Nauarrum loqui in casu, in quo intentio occidentis matrem pro
Christo ferret etiam saltem virtualiter in occisionem filii nondum nati.



REGESTVM.

a b c d e.

A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii Kk Ll Mm Nn Oo Pp Qq
Rr Ss Tt Vv Xx Yy Zz.

Aaa Bbb Ccc Ddd Eee Fff Ggg Hhh Iii Kkk Lll Mmm
Nnn Ooo Ppp Qqq Rrr Sss Ttt Vuu Xxx Yyy Zzz.

Aaaa Bbbb.

Omnes sunt Quaterniones, præter a & Bbbb Duerniones.

